

Holy Bible

Aionian **Edition®**

ဓမ္မသစ်ကျမ်း ထားဝယ်ဘာသာစကား
Tavoyan Bible

Holy Bible Aionian Edition ®

ဓမ္မသစ်ကျမ်း ထားဝယ်ဘာသာစကား

Tavoyan Bible

Language: Tavoyan

Myanmar (Dawei)

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0

The Word for the World International, 2024

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language

Translator resources at <https://AionianBible.org/Third-Party-Publisher-Resources>

Volunteer help and comments are welcome and appreciated!

Celebrate Jesus Christ's victory of grace!

Preface

ἁῖὼν: at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

ထာဝရသံသရာ: at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

NEW TESTAMENT

မသဲ	1
မာကု	46
လုကာ	76
ယောဟန်	124
တမန်တော်	161
ရောမ	208
၁ ကောရိန္တီ	229
၂ ကောရိန္တီ	249
ဂလာတီ	262
ဧဖက်	269
ဖိလိပ္ပို	276
ကောလောသဲ	281
၁ သက်သာလောနိတ်	286
၂ သက်သာလောနိတ်	291
၁ တိမောသေ	294
၂ တိမောသေ	300
တိတု	304
ဖိလေမုန်	307
ဟေဗြဲ	308
ယာကုပ်	323
၁ ပေတရု	328
၂ ပေတရု	334
၁ ယောဟန်	338
၂ ယောဟန်	344
၃ ယောဟန်	345
ယုဒ	346
ဗျာဒိတ်တော်	348

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



ယေရှုဟု “ဖ၊ သူနို့လေဟာ သူနို့ ငြားလောက်ဟယ် ဆိုဇာဟို သိရော့ဟူကြောင့် သူနို့လေဟို ခွပ်လွှတ်တော်မူပါ”
ဆိုဘီး ပြောလေဟယ်။ သူနို့လေဟာ ကိုယ်တော်ရဲ့ ဝတ်စားလေဟို မဲနို့က်ဘီး ခွဲဖီယူရေဟယ်။
Luke 23:34

1 အာဗြဟံနံ ဒါဝိဒိလေဟုနေဘီးဟာ မွီးဖွားဆင်းသတ်လာဟူ ယေရှုခရစ်တော်ရဲ့ ဆွေဇင်မျိုးဆစ်စာရင်းမှာ အယ်မျိုးဖြစ်လေဟယ်။ **2** အာဗြဟံဟာ ကူဇာကံရဲ့ ဖြစ်ဟယ်။ ကူဇာကံဟာ ယာကုပ်ရဲ့၊ ယာကုပ်ဟာ ယုဒန သူညီကိုလေရဲ့။ **3** ယုဒဟာ တာမာနရဟူ သားလေဖြစ်ဟူ ဖာရက်န ဇာရရဲ့၊ ဖာရက်ဟာ ဟေဇရဲရဲ့၊ ဟေဇရဲဟာ အာရဲရဲ့။ **4** အာရဲဟာ အမိနဒပ်ရဲ့၊ အမိနဒပ်ဟာ နာရှန်ရဲ့၊ နာရှန်ဟာ စာလမုန်ရဲ့။ **5** စာလမုန်ဟာ ရာခပ်နရဟူ ဗောဇရဲ့၊ ဗောဇဟာ ရုသနရဟူ ဩဗက်ရဲ့၊ ဩဗက်ဟာ ယေရှဲရဲ့။ **6** ယေရှဲဟာ ဒါဝိဒ်မန်းဂီးရဲ့။ ဒါဝိဒ်မန်းဂီးဟာ ဥရိယရဲ့မယားဖြစ်ဖူးဟူ မီးမနရဟူသား ရှောလမုန်ရဲ့ ဖြစ်လေဟယ်။ **7** ရှောလမုန်ဟာ ရောဗောင်ရဲ့၊ ရောဗောင်ဟာ အဘိယရဲ့၊ အဘိယဟာ အာသရဲ့။ **8** အာသဟာ ယောရှဖက်ရဲ့၊ ယောရှဖက်ဟာ ယဟောရဲရဲ့၊ ယဟောရဲဟာ ဩဇီရဲ့။ **9** ဩဇီဟာ ယောသံရဲ့၊ ယောသံဟာ အာခတ်ရဲ့၊ အာခတ်ဟာ ဟေဇကီရဲ့။ **10** ဟေဇကီဟာ မနာရှေရဲ့၊ မနာရှေဟာ အာမုန်ရဲ့၊ အာမုန်ဟာ ယောရှိရဲ့။ **11** ဗာဗုလုန်မြို့ဟို ကူသရေလလူမျိုးလေ ဖမ်းဆောန်ခံရဟူ ခီမာ ယောရှိရဲ့သားလေဟု ယေခေါနိနံ ညီကိုလေဖြစ်လေဟယ်။ **12** ဗာဗုလုန်မြို့ဟို ကူသရေလလူမျိုးလေ ဖမ်းဆောန်ခံရဘီးန၊ ယေခေါနိဟာ ရှာလသေလရဲ့ ဖြစ်ဟယ်။ ရှာလသေလဟာ ဇေရုဗဗေလရဲ့။ **13** ဇေရုဗဗေလဟာ အာဗျုန်ရဲ့၊ အာဗျုန်ဟာ ဇလျာကိမ်ရဲ့၊ ဇလျာကိမ်ဟာ အာဇော်ရဲ့။ **14** အာဇော်ဟာ ဇာဒုတ်ရဲ့၊ ဇာဒုတ်ဟာ အာခိမ်ရဲ့၊ အာခိမ်ဟာ ဇလုဒ်ရဲ့။ **15** ဇလုဒ်ဟာ ဇလာဇာရဲ့၊ ဇလာဇာဟာ မသန်ရဲ့၊ မသန်ဟာ ယာကုပ်ရဲ့။ **16** ယာကုပ်ရဲ့သားဟာ မာရိရဲလန် ယောသပ် ဖြစ်လေဟယ်။ အယ်မူမာရိဟာ ခရစ်တော် ဆိုဘီး နာမယ်ရှိဟူ ယေရှုရဲ့ ဖြစ်လေဟယ်။ **17** အယ်မျိုး မျိုးဆစ်ပေါင်းဟာ အာဗြဟံဟုနေဘီး ဒါဝိဒ်ထိ ဆယ့်လေးဆစ်၊ ဒါဝိဒ်ဟုနေဘီး ဗာဗုလုန်မြို့ဟို နယ်နှင့်ဒန် ခံရခန့်ခီထိ ဆယ့်လေးဆစ်၊ ဗာဗုလုန်မြို့ဟို နယ်နှင့်ဒန် ခံရဘီးန ခရစ်တော် မွီးလာဟူ ခီထိ ဆယ့်လေးဆစ် ဖြစ်လေဟယ်။ **18** ယေရှုခရစ်တော် မွီးဖွားလာဟူ ကြောန်းရာဟု အယ်မျိုးဖြစ်ဟယ်။ မိခင်မာရိဟာ ယောသပ်န မင်္ဂလာဆောန်ဟို့တွပ် စေ့စပ်ဘီး တူးဒုနေခန်မှာ သန့်ရှင်းဟူဝိညာဉ်တော်အားဖြင့် ဗိုက်ပိုက်နေလေဟယ်။ **19** သူလန် ယောသပ်ဟာ ဖြောန်မတ်ဟူသူ ဖြစ်ဟူကြောန့် မာရိဟို လူတောင်လယ်မှာ ယုတ်ရုတ်နေအောန် တိတိဟား ကွာရှင်းမယ် ဆိုဘီး ကြံစည်ဟားလေဟယ်။ **20** အယ်မျိုး ကြံစည်နေခီမာ အိမတ်ထဲမှာ ယောသပ်ဟို ဘုရားသခင်ရဲ့ ကောန်းဂန်တမန်ဟု “ဒါဝိဒ်အမျိုး ယောသပ်၊ နှန့်မယား မာရိရဲ့ ဗိုက်တွပ် စိုးရိမ်န၊ အယ်ဗိုက်ဟာ ဘုရားသခင်ရဲ့ သန့်ရှင်းဟူဝိညာဉ်တော်ရဲ့ တဂိုးအားဖြင့် ရလာဟူဗိုက်ဖြစ်လေဟယ်။ **21** သူဟာ သားယော့-ကံကျားဟို မွီးလေမယ်။ အယ်မူသားဟာ သူရဲလူလေဟို ပြစ်ဟုနေဘီး ကယ်တန်ပေးမယ့်သူ ဖြစ်ဟယ်။ အယ်ကြောန့် ယေရှု ဆိုဘီး နာမယ်ပေးရမယ်” ဆိုဘီး ပြောလေဟယ်။ **22** အယ်ကြောန်းရာဟု ရှေးပရောဖက်လေအားဖြင့် ပြောဟားဟူ ဘုရားသခင်ရဲ့ ဗျာဒိတ်တော် ပွဲဇောင်ဟားလေဟယ်။ **23** ဗျာဒိတ်ပြုဟားဇာဟု “ကေရှုဂေ့၊ ပျိုမဟာ ဗိုက်ပိုက်ဘီး သားဟို မွီးဖွားလေမယ်။ အယ်သားဟို ဇောဇွေလ ဆိုဘီး နာမယ်ပေးရမယ်” (ဇောဇွေလရဲ့ နတ်မိပါယ်ဟာ “နှိုလေနတူးဒုရှိဟူ ဘုရားသခင်” ဆိုဘီး မိပါယ်ရလေဟယ်)။ **24** ယောသပ်ဟာ အိယာဟု နိုးလာဘီးန ဘုရားသခင်ရဲ့ ကောန်းဂန်တမန်ပြောဟားတိုင်း မာရိဟို သူမီးမဖြစ် လတ်ထတ် ပေါင်းသင်းလိုက်လေဟယ်။ **25** အယ်ကြောန့် အယ်သားဟို မွီးဖွားခီရော-ကံခန်ထိ တူးဒုအိဘဲန နေလေဟယ်။ အယ်သားဟိုလည်း ယေရှု ဆိုဘီး နာမယ်ပေးလေဟယ်။

2 ယုဒပြည်ဗက်လင်မြို့ ဟေရုဒ်မန်းဂီး လတ်ထတ်မှာ ယေရှုဟို မွီးဖွားတော်မူဟယ်။ မာဂုပညာရှိလေဟာ ရှေ့တိုင်းပြည်ဟုနေ ယေရုရှလင်မြို့ဟို ရော့-ကံလာဘီးဟာ။ **2** “ခမ္မီးဖွားလာဟူ ယုဒမန်းဂီးဟာ ဖယ်မာရှိနူး။ ရှေ့တိုင်းပြည်ဟုနေဘီး သူရဲ့ ကြယ်ဟို နှိုလေ ဖြင်ရဂေ့ဟူကြောန့် ရှိခိုးပူဇော်ဟို့တွပ် ရော့-ကံလာဂေ့ဟယ်” ဆိုဘီး မေးဂေ့လေဟယ်။ **3** အယ်မူစကားဟို ကြားလိုက်ဟူ ခီမာ ဟေရုဒ်မန်းဂီးန ယေရုရှလင်မြို့ဟု လူလေ ဂူလောင်းဟာ ပူပန်သောက ရော့-ကံဂေ့ဟယ်။ **4** ယဇိပုရောဟိတ်ဂီးလေ၊ ဘာသာရေး ခေါင်းဆောန်လေန ကျမ်းပြုဆရာရှိမျှဟို

စုဝေးခေါ်ဘီးဟာ “ခရစ်တော်ဟာ ဖယ်ရပ်မာ မွီးဖွားလာမယ်နူး” ဆိုဘီး မေးလေဟယ်။ 5 ကျမ်းပြုဆရာလေဟလည်း “ယုဒပြည်ဗက်လင်မြို့မာ မွီးဖွားပါလေမယ်။ ပရောဖက်တပါး ရေးဟားဇာဟု၊ 6 “ယုဒပြည် ဗက်လင်မြို့၊ စိုးရဟူ ယုဒမြို့လေထဲမာ နန့်ဟာ မြို့ငယ်မှုဟူ။ ဖြားဖြစ်ကြောန့်နူးဆိုဟာ ငါ့ရဲ့ကုသရေလလူမျိုးဟို့ အောက်စိုးဟို့သခင်ဟာ နန့်နို့ထဲမာ ပေါ်ထွပ်လေမယ်” ဆိုဘီး ပွန်ဖြေဂေလေဟယ်။ 7 အယ်ဘီးန ဟေရုဒ်မန်းဂီးဟာ မာဂုပညာရှိလေဟို့ တိတိဟားခေါ်ဘီးဟာ ကြယ်ပေါ်ထွပ်ဟူ ခီကာလဟို့ သေးသေချားချာဟား သိဟားလေဟယ်။ 8 “နန့်နို့လေသွားဘီးဟာ အယ်သားဂန်းဟို့ သေးသေချားချာရှာဂေ။ တို့ဟယ် ဆိုဟာ ငါလည်း ရှိခိုးပူဇော်ရှင်ကြောန့် ပွန်လာဘီး ပြောဂေပါ” ဆိုဘီး ဗက်လင်မြို့ဟို့ သွတ်လိုက်လေဟယ်။ 9 မာဂုပညာရှိလေလည်း မန်းဂီးရဲ့ စကားဟို့ နားထောန်ဘီးဟာ ထွပ်လာဂေဘီးန ရှေ့ပြည်မာ ဗြင်ဟားဟူကြယ်ဟာ သူးနို့ရှေ့မာသွားဘီးဟာ သားဂန်းဟားရှိဟူ နေရာထတ်ဟို့ ရှေး-က်ဟားခီမာ ရွှေဘဲန ရပ်ဘီးနေလေဟယ်။ 10 အယ်ကြယ်ဟို့ ပွန်ဘီးဗြင်ရခီမာ မာဂုပညာရှိလေဟာ ရရာတိုင်းဝန်းသာဂေဟယ်။ 11 သူးနို့ဟာ အီထဲဟို့ ဝမ်ဟားဇာ မိခင်မာရိနတူးဒု သားဂန်းဟားဟို့ ဗြင်ဟားခီမာ ပျပ်ဝပ်ကိုးကွယ်လေဟယ်။ သူးနို့ဟာ ယူဆောန်လာဟူ ဘဏ္ဍာသစ်တာလေဟို့ ဖွမ်ဘီး လောဗန်၊ မုရန်န ရွေလေဟို့ ပူဇော်ဂေလေဟယ်။ 12 အယ်ဘီးန ဟေရုဒ်မန်းဂီးနားဟို့ ပွန်ဂေန ဆိုဘီး ဘုရားသခင်ဟာ အိမတ်အားဖြင့် ဒီပေးဟူကြောန့် သူးနို့ ပြည်ဟို့ တခြားလမ်းဟုနေဘီး ပွန်ဟားဂေလေဟယ်။ 13 မာဂုပညာရှိလေ ပွန်ဘီးန ဘုရားသခင်ရဲ့ ကောန်းဂန်တမန်တပါးဟို့ အိမတ်ထဲမာ ဗြင်တို့ရဘီး ကောန်းဂန်တမန်ဟု ယောသပ်ဟို့ “နန့်ထဂေါ။ မိခင်န သားဂန်းဟားဟို့ ခေါ်ဘီးဟာ အဲဂုတ္တုပြည်ဟို့ ထွပ်ပွေးဘီး နှော့-က်ထပ် ငါပြောခန်ခီထီ အယ်မူပြည်မာဘဲ နေနေဂေ။ ဟေရုဒ်မန်းဂီးဟာ သားဂန်းဟားဟို့ သတ်ဟို့ရှာလေမယ်” ဆိုဘီး ပြောလေဟယ်။ 14 အယ်ဘီးန ယောသပ်ဟာ အိယာဟုထဘီး မိခင်န သားဂန်းဟားဟို့ ညဉ့်ရှင်းခေါ်ဘီး၊ အဲဂုတ္တုပြည်ဟို့ ထွပ်ဟားဘီး၊ 15 ဟေရုဒ်မန်းဂီး သေဟားခီထီ အယ်မူပြည်မာဘဲ နေနေလေဟယ်။ အယ်ကြောန်းရာဟာ “ငါ့သားဟို့ အဲဂုတ္တုပြည်ဟုနေ ငါခေါ်ထုလာဘီ” ဆိုဘီးဟာ ပရောဖက်လေအားဖြင့် ပြောဟားဟူ ဘုရားသခင်ရဲ့ ဗျာဒိတ်တော် ပွဲဇောင်ဟို့တွပ် ဖြစ်လာလေဟယ်။ 16 အယ်ခီမာ ဟေရုဒ်မန်းဂီးဟာ မာဂုပညာရှိလေဟို့ သူမာလိုက်ဟူတိုင်း ပွန်လာဘီးပြောဘဲန လှည့်ဇားဘီး သွားလိုက်ဇာဟို့ သိရဟူ ခီမာ ရရာတိုင်း ဒေါသထွပ်လေဟယ်။ အယ်ဘီးန သူလူလေဟို့ ခေါ်ဘီးဟာ မာဂုပညာရှိလေဟို့ သေးသေချားချာ မေးဟားဟူတိုင်း ကြယ်ပေါ်ထွပ်ခီဟို့ ခန့်မှန်းဘီးဟာ ဗက်လင်မြို့န ကျေးဝါလေမာရှိဟူ နွေနှစ်အော့-က် ယော့-က်ကျား သားဂန်းဟားလေဟို့ သတ်ဟို့ခိုင်းလေဟယ်။ 17 ပရောဖက်ယေရမိ ဟောဟားဇာလေ ပွဲဇောင်လာဇာဟု၊ 18 “ရာမမြို့မာ ရရာတိုင်း ခါးသီးဟူ ငိုသံလေဟို့ကြားဘီး ရာခေလဟာ သူသားလေ သေဟားကြောန့် စိပြေဟို့တွပ် အားပေးစကားပြောဟူဇာဟို့ ငြင်းဆိုလေဟယ်” ဆိုဘီး ပြောဟားစကားဟာ အယ်ခီမာ တကယ်ဘဲ ဖြစ်လာလေဟယ်။ 19 ဟေရုဒ်မန်းဂီး သေဘီးန ယောသပ်ဟာ အဲဂုတ္တုပြည်မာ အိမတ်ဟို့ ထပ်ဘီးမတ်လေဟယ်။ ဘုရားသခင်ရဲ့ ကောန်းဂန်တမန်ဟု၊ 20 “နန့်ထဘီး မိခင်န သားဂန်းဟားဟို့ ခေါ်ဘီးဟာ ကုသရေလပြည်ဟို့ သွားဂေ။ သားဂန်းဟားဟို့ သတ်ဟို့ရှာနေသူလေ သေကူဘီ” ဆိုဘီးဟာ ပြောလေဟယ်။ 21 အယ်ခီမာ ယောသပ်ဟာ ထဘီး မိခင်န သားဂန်းဟားဟို့ ခေါ်ဘီး ကုသရေလပြည်ဟို့ ပွန်ဟားလေဟယ်။ 22 အယ်ဘောမဲ့ ဟေရုဒ်မန်းဂီး နေရာမာ သူသားအာခေလဟာ ယုဒပြည်မာ မန်းဂီး ဖြစ်နေကြောန်းဟို့ ကြားရဟူ ခီမာ သူဟာ အယ်နေရာဟို့ သွားဟို့ ကြော့-က်နေဟယ်။ သူဟာ အိမတ်ထဲမာ အယ်နေရာဟို့ သွားဘဲဟို့တွပ် ကောန်းဂန်တမန်ရဲ့ ဒီပေးဇာဟို့ ခံရကြောန့် သူဟာ ဂါလိလဲပြည်ဟို့ သွားဘီး၊ 23 နာဇရက်မြို့ ဆိုဘီး နာမယ်ခေါ်ဟူ မြို့မာ ကိုယ်တော်ဟာ မြဲဒမ်း နေထိုင်လေဟယ်။ အယ်ကြောန့် “ခရစ်တော်ဟို့ နာဇရက်မြို့သား ဆိုဘီး ခေါ်ဂေလေမယ်” ဆိုဘီးဟာ ပရောဖက်လေ ရေးဟားတိုင်း ပွဲဇောင်လာလေဟယ်။

3 အယ်ကာလမာ ဗတ္တိဇယောဟန်ဟာ ပေါ်လာဘီး ယုဒပြည် ကန္တာရမာ စဘီး ဟောပြောလေဟယ်။ 2 “နောန်ဒရဂေပါ။ ကောန်းဂန်နိုင်ငံတော်ဟာ တည်ခါနီးနေဘီ!” ဆိုဘီး ကြေညာဟယ်။ 3 ပရောဖက်ဟောရှာယ ဟောပြောဟားဇာဟာ

“ဘုရားသခင်ရဲ့ လမ်းဟို့ ပြင်ဆင်ဟွားဂေ့! လမ်းခရီးတော်ဟို့ ဖွဲ့နွဲ့တန်းအောက် လောက်ဂေ့ပါ” တောကန္တာရထဲမှာ လူတယော့-က် ကြွေးကြော်နေဟယ်” ဆိုဇာဟာ အယ်မူယောဟန်ဟို့ ပြောနေဇာဖြစ်ဟယ်။ 4 ယောဟန်ဟာ ကုလားအုတ်ရဲ့ မွီးန လောက်ဟွားဟူဝတ်န သားရေခါးဗတ်ဟို့ ခါးမာပတ်ဟွားဘီး ကျိုင်းကောန်န တောပျားရယ်ဟို့ စားလေဟယ်။ 5 အယ်ခီမာ ယေရုရှလင်မြို့၊ ယုဒပြည် တပြည်လောင်းန ယော်ဒန်မြစ်နားဟာ လူလေဟာ ယောဟန်နားဟို့ ရော-က်လာဂေ့ဘီး 6 သူးနို့ရဲ့ ပြစ်လေဟို့ ဝန်ခံဂေ့ဟို့ကြောန့် ယော်ဒန်မြစ်မာ ယောဟန်အားဖြင့် ဗတ္တိဇံခံဂေ့ဟယ်။ 7 ဖာရိရဲ့န ဇဒ္ဒါကဲလလည်း ဗတ္တိဇံခံယူဟို့ လာဂေ့ဇာဟို့ မြင်ရခီမာ ယောဟန်ဟာ “ငွေ မွီမွေးမျိုးလေ၊ ကွရော-က်လာမယ့် ဘေးဒန်ဟာ လွတ်ဟို့တွပ် နန်းနို့လေဟို့ ဖယ်သူဟာ ဒီပေးလိုက်နူး။ 8 နောန်ဒန ထိုက်တန်ဟူ ကျင့်ဟို့ ကျင့်ဂေ့။ 9 အာဗြဟံဟာ နို့လေရဲ့ဖ ဖြစ်ဟယ် ဆိုဘီး ပြောရောင်န နန်းနို့လေ ပြစ်ဒန်ဟာ လွတ်လေမယ် ဆိုဘီး ထန်ဂေ့န။ နန်းနို့ဟို့ ငါပြောမယ်။ ဘုရားသခင်ဟာ အယ်ကွော့-က်ခဲလေဟာနေဘီး အာဗြဟံရဲ့ မွေးမွတ်လေဟို့ ဖန်ဆင်းနိုင်ဟယ်! 10 သစ်ပန်လေရဲ့ ပြစ်လေနားမာ ကတ်ပထားဟွားကြောန့် သီးကောန်းဟို့ သီးဘဲဟူ သစ်ပန်တိုင်းဟို့ ခွတ်ပစ်ဘီးဟာ မီးထဲဟို့ ပစ်ခွဲလေမယ်။ 11 နန်းနို့လေ နောန်ဒရဟူကြောန့် ငါဟာ ရေန ဗတ္တိဇံပေးဟယ်။ ငါနော့-က်ဟာ ကွလာဟူသူဟာ သန်ရှင်းဟူဝိညာဉ်တော်န မီးန နန်းနို့လေဟို့ ဗတ္တိဇံပေးလေမယ်။ အယ်သူဟာ ငါ့ထတ် ပိုဘီး ကီးမြတ်လေဟယ်။ ငါဟာ သူရဲ့ ခေနပ်ကြိုးဟို့ ခလွတ်ပေးဟို့ဟို့မှထိုက်ဟာ။ 12 လတ်ထဲမာ ဗားလှာဟို့တွပ် ဂေါဟို့ကိုင်ဘီး သူဗားလန်းညွန်ဟို့ ရှင်းလေမယ်။ ဂျောင်န ဗားလေဟို့လည်း ဗားဂတ်ထဲဟို့ ထဲ့ဘီးဟာ ဗားဖျင်းလေဟို့ သေနိုင်ဘဲဟူမီးန ရှိလေမယ်” ဆိုဘီး ယောဟန်ဟာ ဟောပြောလေဟယ်။ 13 အယ်ခီမာ ယေရုဟာ ယောဟန်နားဟို့ ဗတ္တိဇံခံယူဟို့တွပ် ဂါလိလဲပြည်ဟာနေဘီး ယော်ဒန်မြစ်ဟို့ ကွလာလေဟယ်။ 14 အယ်ဘေမဲ့ ယောဟန်ဟာ “ကျွန်တော်ဟာ ကိုယ်တော်နားမာ ဗတ္တိဇံခံယူရဟို့ဇာဟို့ ကိုယ်တော်ဟာ ကျွန်တော်နားဟို့ ကွလာတော်မူဟယ်လော” ဆိုဘီးဟာ ဆီးတားလေဟယ်။ 15 ယေရုဟာ “တရားလေ ဂူလောင်းဟို့ ကူအောန် ကျင့်သင့်ဟူကြောန့် ခု ခွမ်းပေးပါ” ဆိုဘီး ပွန်ပြောတော်မူဟယ်။ အယ်ကြောန့် ယောဟန်ဟာ ဘောတူလေဟယ်။ 16 ယေရုဟာ ဗတ္တိဇံခံယူဘီး ရေထဲဟာ ထလိုက်ဟူန ကောန်းဂန်ဘောင် ပွမ်းဟွားဘီး ဘုရားသခင်ရဲ့ ဝိညာဉ်တော်ဟာ ချိုးငှတ်မျိုး ဆင်းလာဘီး ကိုယ်တော်ထတ်မာ နားလေဟယ်။ 17 အယ်ဘီးန “အယ်သူဟာ ငါနစ်သက်မြတ်နိုးဟူ ငါ့ရဲ့ ရှစ်သား ဖြစ်ဟယ်” ဆိုဘီး ကောန်းဂန်ဘောင်ဟာနေ သံတော်ဟို့ ကြားရလေဟယ်။

4 အယ်ဘီးန မာရ်နတ်ရဲ့ စောင်ဇမ်းသွီးဆောန်ရှင်းဟို့ ခံဟို့တွပ် ဝိညာဉ်တော်ဟာ ယေရုဟို့ တောကန္တာရထဲဟို့ ပို့ဆောန်လေဟယ်။ 2 ယေရုဟာ နေရောညဉ့်ပါ ရစ်လေးဆယ် လောင်းလောင်း စာရှောန်ဘီးန ရရာတိုင်း ဗိုက်ဆာတော်မူဟယ်။ 3 အယ်ခီမာ မာရ်နတ်ဟာ ယေရုနားဟို့ ချဉ်းကပ်လာဘီး “သင်ဟာ ဘုရားသခင်ရဲ့ သားဖြစ်ဟယ် ဆိုဟာ အယ်ကွော့-က်ခဲလေဟို့ မုဖြစ်လာအောန် မိန့်ပေးကေ့” ဆိုဘီး ပြောလေဟယ်။ 4 အယ်ဘေမဲ့ ယေရုဟာ “လူဟာ စားဇာတခွဲဒန သတ်ရှင်ရဟို့ မူဟာ။ ဘုရားသခင်ရဲ့ စကားတော်အားဖြင့်ဘဲ သတ်ရှင်ရမယ်” ဆိုဇာ ကျမ်းစာဟာ ပြောဟွားဟယ်” ဆိုဘီး မိန့်တော်မူဟယ်။ 5 အယ်ဘီးန မာရ်နတ်ဟာ ယေရုဟို့ သန်ရှင်းဟူ ယေရုရှလင်မြို့ဟို့ ခေါ်ဆောန်ဘီးဟာ ကိုယ်တော်ဟို့ ဗိမာန်တော်ရဲ့ ထိဖျားမာ တန်ဟွားလိုက်ဘီး 6 “ဘုရားသခင်ဟာ ကိုယ်တော်ဟို့ စောန်ရှော့-က်ဟို့တွပ် ကောန်းဂန်တမန်လေဟို့ “မိန့်မာဟွားကြောန့် သူးနို့လေဟာ ကိုယ်တော်ရဲ့ ခေဟို့ ကွော့-က်န ထိခိုက်ဘဲနနေအောန် ကိုယ်တော်ဟို့ လတ်န ခီမဟွားလေမယ် ဆိုဘီး ကျမ်းစာဟာ ပြောဟွားဟယ်။ အယ်ကြောန့် ကိုယ်တော်ဟာ ဘုရားသခင်ရဲ့ သားမှန်ဟယ် ဆိုဟာ အော့-က်ဟို့ ခူလွဲလိုက်” ဆိုဘီး ပြောလေဟယ်။ 7 ယေရုဟာ “နန်ရဲ့သခင်၊ ဘုရားသခင်ဟို့ စောင်ဇမ်းန ဆိုဇာ ကျမ်းစာဟာ ပြောဟွားဟယ်” ဆိုဘီး မိန့်တော်မူလေဟယ်။ 8 နော့-က်တခါ မာရ်နတ်ဟာ ကိုယ်တော်ဟို့ ရရာတိုင်း ဖြစ်ဟူ တောန်ထတ်ဟို့ ခေါ်ဆောန်ဟွားဘီး အယ်လောကမာရ်ဟူ တိုင်းနိုင်လေရ်ဟူမျှန အယ်တိုင်းနိုင်လေမာရ်ဟူ ဖောင်းစည်းဇိမ်လေဟို့ ပြလေဟယ်။ 9 မာရ်နတ်ဟာ “ကိုယ်တော်ဟာ ငါ့ဟို့ ပျတ်ဝပ်ဘီး ကိုးကွယ်မယ် ဆိုဟာ အယ်မူဇာလေ ဂူလောင်းဟို့ ငါပေးမယ်” ဆိုဘီး ပြောလေဟယ်။ 10

ယေရှုဟုလည်း “ငွေ စာတန် ငါနားဟုထွပ်ဟူား! ‘နန်ရဲ့ဘုရားသခင် တပါးဒဲဟိုဘဲ ကိုးကွယ်ရမယ်၊ အယ်မူ ဘုရားသခင် တပါးဒဲဟိုဘဲ စေခံရမယ်’ ဆိုဇာ ကျမ်းစာဟု ပြောဟားဟယ်” ဆိုဘီး မိန့်တော်မူလေဟယ်။ **11** အယ်ဘီးန မာရ်နတ်ဟု ယေရှုနားဟုနေဘီး ထွပ်ဟားလေဟယ်။ အယ်ခီမာ ကောန်းဂန်တမန်လေဟု ရှေး-က်လာဘီးဟု ကိုယ်တော်ဟို လောက်ကျွေးဂေဟယ်။ **12** ယောဟန် ထောန်ခွဲခဲနေရဟယ် ဆိုဇာဟို ကြားရဟူကြောန့် ယေရှုဟု ဂါလိလဲပြည်ဟို ထွပ်ဟားလေဟယ်။ **13** ကိုယ်တော်ဟု နာဇရက်မြို့မာ နေဘဲန ဇာဗုလုန်နယ် နဿလိနယ်စပ်ကြားဟု ဂါလိလဲအိုင်နားမာရှိဟူ ကပရေနောင်မြို့ဟို သွားဘီးနေလေဟယ်။ **14** အယ်ကြောန်းရာဟု ပရောဖက် ဟောရှာယဟို ဘုရားသခင်ပေးဟားဟူ ဗျာဒိတ်တော် ပွဲဇောင်ဟိုထွပ် ဖြစ်လေဟယ်။ ပရောဖက် ဟောရှာယဟု **15** “အို! ဇာဗုလုန်နယ်န နဿလိနယ်၊ ယော်ဒန်မြစ်ဟိုဖတ်ကမ်း၊ အိုင်လမ်းတရှေး-က်န၊ လူမျိုးခြားလေနေထိုင်ဟူ ဂါလိလဲပြည်၊ **16** မှောန်ထဲမာ နေထိုင်ဟူ သူလေဟု တော့-က်ပဟူ လန်းရောန်ဟို ဗြင်ရလေမယ်။ သေမန်းရဲ့ ရိအော့-က်မာ နေဂေဟူ လူလေထတ်ဟို တော့-က်ပဟူ လန်းရောန် ရှေး-က်လာလေမယ်” ဆိုဘီး ဟောပြောဟားလေဟယ်။ **17** အယ်ခီဟုနေစဘီး ယေရှုဟု “နောန်ဒရေဂ။ ကောန်းဂန်နိုင်ငံတော်ဟု တည်ခါနီးနေဘီး!” ဆိုဘီးဟု ကြေညာဟယ်။ **18** ယေရှုဟု ဂါလိလဲအိုင်နား ဖြတ်ဘီး သွားဟူ ခီမာ ညီကိုနွေယော့-က်ဖြစ်ဟူ၊ ပေတရု ဆိုဘီး နာမယ်ခေါ်ဟူ ရှိမုန်န သူညီအခြွေလေဟု ပိုက်ကွန်ပစ်နေဇာဟို ဗြင်လေဟယ်။ **19** ယေရှုဟု အယ်သူလေဟို “ငါ့နော့-က်လိုက်ဂေ။ နန်းနို့လေဟို လူလေဟိုဖမ်းဟူ ငါးဖမ်းမားဖြစ်စေမယ်” ဆိုဘီး မိန့်တော်မူလေဟယ်။ **20** သူးနို့လေလည်း တခါဒဲဘဲ ပိုက်ကွန်လေဟို ထားရစ်ဘီးန နော့-က်တော်ဟို လိုက်ဂေဟယ်။ **21** ကိုယ်တော်ဟု ဆစ်ဘီးသွားခီမာ တခြားညီကို နွေယော့-က်ဖြစ်ဟူ ဇေဗေဒဲရဲသား ယာကုပ်န သူညီယောဟန်ဟို သူ့ဖနတူးဒု လှေထတ်မာ ပိုက်ကွန်လေ ဇာနေဇာဟို ဗြင်တော်မူလေဟယ်။ ကိုယ်တော်ဟု အယ်သူလေဟို ခေါ်ဟူ ခီမာ **22** သူးနို့လေလည်း လှေန သူးနို့ဖဟို ထားရစ်ဘီးဟု ယေရှုနော့-က်ဟို တခါဒဲ လိုက်ဟားဂေလေဟယ်။ **23** ယေရှုဟု ဂါလိလဲပြည် တပြည်လောင်းဟို လှည့်လည် သွားလာဘီးဟု နိုင်ငံတော်ကြောန်း ဒန်းကောန်းဟို ဝါလယ်ဇရပ်လေမာ သွန်သန် ဟောပြောဘီး နေကောန်းဘဲဟူ သူလေဟို ကျန်းမာစေလေဟယ်။ **24** ယေရှုရဲ့ ဒန်းဟု ရှုရိပြည် တပြည်လောင်းဟို ပွဲနွံဟားကြောန့် နတ်ဆိုးပူးခံရဟူ လူလေ၊ ဝပ်ရူးစွဲဟူ လူလေ၊ ခေလတ်သေနေဟူ လူလေန ရောဂါဘောင်းဇောင်စွဲဟူလူလေ ဂူလောင်းဟို ယေရှုနားဟို ခေါ်လာဂေလေဟယ်။ ခေါ်လာဂေဟူ လူနာလေ ဂူလောင်းလည်း ရောဂါပျော့-က်ဂေလေဟယ်။ **25** ဂါလိလဲပြည်၊ ဒေကာပေါလိပြည်၊ ယေရုရှလင်မြို့၊ ယုဒပြည်န ယော်ဒန်မြစ်ရဲ့ ဟိုဖတ်ကမ်းဟု လာဟူ သူလေလည်း ကိုယ်တော်နော့-က်ဟို လိုက်ဂေဟယ်။

5 ယေရှုဟု လူအောက်ဂီးဟို ဗြင်ဟူ ခီမာ တောန်ထတ်ဟို တတ်ဘီး ထိုင်နေလေဟယ်။ တဗဲတော်လေလည်း ကိုယ်တော်နားဟို လာဂေကြောန့် **2** ကိုယ်တော်ဟု တဗဲတော်လေဟို စဘီးဟု သွန်သန်ဇာဟု၊ **3** “စိန့်လောင်းနို့ခွဲဟူသူလေဟု မင်္ဂလာရှိဟယ်။ ကောန်းဂန်နိုင်ငံတော်ဟု အယ်သူလေရဲ့ နိုင်ငံဖြစ်ဟယ်၊ **4** ဝန်းနဲပူဆွေးဘီး သောကရှေး-က်နေဟူသူလေဟု မင်္ဂလာရှိလေဟယ်။ ဘုရားသခင်ဟု အယ်သူလေဟို အားပေးနှစ်သိမ့်မှုလေ ပေးလေမယ်၊ **5** စိန့်ညှိသိမ်မွေ့ဟူသူလေဟု မင်္ဂလာရှိဟယ်။ အယ်သူလေဟု ဘုရားသခင် ဂဒိထားတော်မူဟူ လောကရဲ့ မွှီဟို လတ်ခံရလေမယ်၊ **6** ဖြောန့်မတ်ရှင်းဟို ငတ်ပြတ်နေဟူ သူလေဟု မင်္ဂလာရှိဟယ်။ ဖြားဖြစ်ကြောန်းနူးဆိုဟု သူးနို့လေဟု ဗိုက်ပွဲရေလေမယ်၊ **7** သနားကြင်နာတတ်ဟူ သူလေဟု မင်္ဂလာရှိဟယ်။ ဘုရားသခင်ဟု အယ်သူလေဟို သနားကြင်နာတော်မူလေမယ်၊ **8** စိန့်လောင်းဖျူစင်ဂေဟူ သူလေဟု မင်္ဂလာရှိဂေဟယ်။ အယ်သူလေဟု ဘုရားသခင်ဟို ဗြင်ရဂေလေမယ်၊ **9** ယော့-က်နယော့-က်ဟို သင်မြတ်အောန် လောက်ပေးဟူသူလေဟု မင်္ဂလာရှိဟယ်။ အယ်သူလေဟု ဘုရားသခင်ရဲ့ သားမီးလေ ဆိုဘီး ခေါ်ခံရလေမယ်၊ **10** ဘုရားသခင်ရဲ့ လိုတော်တိုင်း လောက်ဆောန်ဟူကြောန့် နိစစ်ညှဉ်းဆဲခံရသူလေဟု မင်္ဂလာရှိဟယ်။ ကောန်းဂန်နိုင်ငံတော်ဟု အယ်သူလေရဲ့ နိုင်ငံဖြစ်ဟယ်၊ **11** “ငါ့ကြောန့်

ညဉ်းဆဲးကဲ့ရဲ့ခံရဘူး မှန်ဘဲနဲ့ စွပ်စွဲခံရခါနီးမှာ နန်းနီဟာ မင်္ဂလာရှိဟယ်။ 12 ဝန်းသာအားရဖြစ်ပေပါ။ ဖြားဖြစ်ကြောနဲ့ဆိုဟာ ကောင်းဂန်ဘောင်မာ နန်းနီတွင် ရရာတိုင်း ကီးဟူဆုလာဘ် ရှိဟယ်။ နန်းနီရှေ့ဟာ ပရောဖက်လေလည်း အယ်မျိုးဘွဲ့ ညဉ်းဆဲးခံရပေဟယ်။” 13 “နန်းနီလေဟာ အယ်လောကရဲ့ ဆားဖြစ်ဟယ်။ ဆားဟာ ငန်ဟူရသော ပျော့-ကံဟားမယ် ဆိုဟာ ငန်ဟူရသောဟို့ ဖယ်မျိုးလည်း ယွန်ရနိုင်ဟို့ မှုဟ။ တန်ဖိုးမှောဘဲဟူ ဆားဖြစ်ဟားကြောနဲ့ ယွန်ဟို့ပစ်ထုလိုက်ဘီး လူလေဟာ ကျော်နန်းဟားဟယ်။ 14 “နန်းနီလေဟာ အယ်လောကရဲ့ လန်းရောန်ဖြစ်ဟယ်။ တောန်ထိထတ်မာ တည်ဟူမြို့ဟို့ ကွယ်နိုင်ဟယ်။ 15 ဆီမီးအီဟို့ ထွန်းဘီးဟာ တောန်းအော့-ကံမာ ထားဟားလေ မှော့ဟ။ အီသူအီသားလေ လန်းရောန်ရအောန် ဆိုဘီး ဆီမီးခေါင်ထတ်မာဘွဲ့ တန်ဟားတတ်ဟယ်။ 16 အယ်မျိုးဘွဲ့ လူလေဟာ နန်းနီလေရဲ့ ကောင်းဟူ ကျင့်ဟို့ ဗြင်ဘီးဟာ ကောင်းဂန်ဘောင်မာရှိဟူ နန်းနီဖဲ့ရဲ့ ဂေါင်တော်ဟို့ ချီးမွမ်းစေဟို့တွင် နန်းနီလေရဲ့ သတ်တာလန်းရောန်ဟို့ လန်းစေပေပါ။ 17 “မောရှေရဲ့ ပညတ်တရားန ပရောဖက်လေရဲ့ သွန်သန်ဟားဇာလေဟို့ ဖျပ်ပယ်ဟို့တွင် ငါလာဟယ် ဆိုဘီး ထန်ဂေ့န။ ဖျပ်ပယ်ဟို့တွင် ငါလာဇာ မှုဟ။ ယွဲဇောင်ဟို့တွင် ငါလာဇာဖြစ်ဟယ်။ 18 နန်းနီဟို့ ငါ မှန်ပြောမယ်၊ ကောင်းဂန်ဘောင်န မွေကီး ပျော့-ကံကွယ်ခန်ထိ ပညတ်တရားထဲမာ ငယ်ဆောင်းဖြစ်ဟူ စာလောင်း တလောင်းလည်း ယွဲဇောင်ခန်ထိ ဖျပ်စီးစေဟူ။ 19 အယ်ကြောနဲ့ ငယ်ဆောင်းဖြစ်ဟူ ပညတ်တရားဟို့ ကိုယ်ကိုယ်တိုင်လည်း ကျူးလွန်ဘီးဟာ သူများလေဟို့လည်း အယ်မျိုးသွန်သန်ပေးဟယ်။ အယ်သူဟာ ကောင်းဂန်နိုင်ငံတော်မာ အငယ်ဆောင်းသူ ဖြစ်ရလေမယ်။ ကိုယ်ကိုယ်တိုင်လည်း လိုက်နာဘီးဟာ သူများလေဟို့လည်း သွန်သန်ပေးလေဟယ်။ အယ်သူဟာ ကောင်းဂန်နိုင်ငံမာ ကီးမြတ်ဟူ သူဖြစ်လေမယ်။ 20 ဘုရားသခင်ရဲ့ လိုတော်တိုင်း သတ်ရှင်ခီမာ နန်းနီလေရဲ့ ကျင့်ဟာ ဖာရိရှန် ကျမ်းပြုဆရာလေ ကျင့်ဟူကျင့်ထတ် ပိုသာဘဲဟာ ဆိုဟာ ကောင်းဂန်နိုင်ငံတော်ဟို့ ဝမ်ရဟို့ မှုဟ ဆိုဘီး ငါမှန်တိုင်းပြောဟယ်။ 21 “လူရဲ့သတ်ဟို့ သတ်န။ သတ်ဟူသူဟာ တရားရောင်းမာ ပြစ်စီရင်ခံရမယ် ဆိုဘီး ရှေးဟာ ပြောဟားဇာဟို့ နန်းနီကြားသိပီးဘီ။” 22 ငါပညတ်ဇာဟာ နန်ဟာ ကိုယ့်ညီကိုဟို့ ဒေါသထွပ်ဟယ် ဆိုဟာ တရားလွတ်တော်ရှေ့ဟို့ ရော့-ကံရမယ်၊ ညီကိုရှင်းရှင်းဟို့ ကီဆဲဟူသူဟာ ရောင်းမာ ပြစ်ပေးခံရမယ်။ ညီကိုရှင်းရှင်းဟို့ လူမို့က ဆိုဘီး ပြောဟူသူလည်း ငရဲဟာ မီးရှိဇာခံရလေမယ်။ (Geenna g1067) 23 အယ်ကြောနဲ့ နန်းနီလေဟာ ယဇ်ပလ္လင်မာ ပူဇော်ဆစ်သဟို့ ပြင်ဆင်ဟူ ခီမာ ညီကိုဟို့ ပြစ်မှားဟားဇာလေ ဒီရလာဟယ် ဆိုဟာ 24 နန်းရဲ့ ပူဇော်သကာဟို့ ယဇ်ပလ္လင်ရှေ့မာ ထားရစ်ဘီး ညီကိုဟို့ သွားဘီး တောန်းဗန်လိုက်ပါ။ အယ်ဘီးမှ ယွန်လာဘီး ဘုရားသခင်ဟို့ ပူဇော်သကာဟို့ ပူဇော်ပါ။ 25 “နန်းဟို့ တရားစွဲဟူ လူနတူးဒု ခရီးသွားနေခီမာ သူဟို့ ဗြန်းဗြန် တောန်းဗန်လိုက်ပါ။ နော့-ကံမှောဘဲနေဟာ သူဟာ နန်းဟို့ တရားသူကီးလတ်ထဲအပ်ဘီး တရားသူကီးဟာ ရဲလတ်ဟို့ အပ်လိုက်ဟူကြောနဲ့ နန်ဟာ ထောန်ထဲမာ ထဲဟားဇာဟို့ ခံရလေမယ်။ 26 နန်းနီဟို့ ငါ မှန်ပြောမယ်၊ ကပ်ကွီးကျေအောန် မဆပ်မရှင်း နန်ဟာ ထောန်ထဲမာ နေရလေမယ်။ 27 “အီထောန်ရေးဖော့-ကံယွန်ဇာဟို့ ကျူးလွန်န ဆိုဘီး ပြောဟားဇာဟို့ နန်းနီကြားသိပီးဘီ။” 28 ငါပညတ်ဇာဟာ ကိလေသစိန် သူများရဲမယားဟို့ ကေမိဟူသူဟာ စိန်လောင်းထဲဟာ အယ်မီးမန ပြစ်မှားလေဘီ။ 29 အယ်ကြောနဲ့ ညာမျစ်စိန် မှားယွင်းမိဟယ် ဆိုဟာ ညာမျစ်စိန်ဟို့ ထုပစ်လိုက်! တကိုယ်လောင်း ငရဲထဲဟို့ ပစ်ခွဲခံရထတ် မျစ်စိတဖတ်မှောဘဲန သတ်ရှင်ရဇာဟာ ပိုကောင်းဟယ်။ (Geenna g1067) 30 အယ်မျိုးဘွဲ့ နန့်ညာလတ်ဟာ နန်းဟို့ မှားယွင်းစေဟယ် ဆိုဟာ ညာလတ်ဟို့ ဖြတ်ပစ်လိုက်! တကိုယ်လောင်း ငရဲထဲဟို့ ပစ်ခွဲခံရထတ် လတ်တဖတ်မှောဘဲန သတ်ရှင်ရဇာဟာ ပိုကောင်းဟယ်။ (Geenna g1067) 31 “ကိုယ့်မယားဟို့ ကွာရှင်းရှင်ဟယ် ဆိုဟာ ကွာရှင်းစာချောကဟို့ ပေးရမယ် ဆိုဘီး ပညတ်ဟားလေဟယ်။” 32 ငါပညတ်ဇာဟာ ဆိုးသွန်းဘီး ဖော့-ကံယွန်ဇာမှောဘဲန တခြားကြောင်းလေကြောနဲ့ ကိုယ့်မယားဟို့ ကွာရှင်းရှင်သူဟာ အီထောန်ရေးဖော့-ကံယွန်ရှင်းဟို့ ကျူးလွန်သူ ဖြစ်ဟယ်။ ကွာရှင်းဟူမီးမန ပေါန်းသင်းဟူသူဟလည်း အီထောန်ရေးဖော့-ကံယွန်ရှင်းဟို့ ကျူးလွန်ဟယ်။ 33 “မှောဘဲန ကီဆိုဂေ့န။ ကီဆိုလိုက်ဟူတိုင်း ဘုရားသခင်ရှေ့မာ တည်ရမယ် ဆိုဘီး ရှေးဟပညတ်ဟားဇာဟို့ နန်းနီကြားသိပီးဘီ။” 34 ငါပညတ်ဇာဟာ လောင်းဝ ကီဆိုဂေ့န။ ကောင်းဂန်ဘောင်ဟို့ တိုင်တယ်ဘီးဟာ ကီဆိုဂေ့န။

ကောင်းဂန်ဘောင်ဟာ ဘုရားသခင်ရဲ့ ပလ္လင်တော်ဖြစ်ဟယ်။ 35 မွေဂီးဟို တိုင်တယ်ဘီး ကီဆိုဂေ့န။ မွေဂီးဟာ ဘုရားသခင်ရဲ့ ခေတော်တန်ရာခေါင် ဖြစ်ဟယ်။ ယေရုရှလင်မြို့ဟို တိုင်တယ်ဘီး ကီဆိုဂေ့န။ မဟာမန်းဂီးရဲ့ မြို့တော်ဖြစ်လေဟယ်။

36 နန်းနို့ရဲ့ ဆားဗန်တဗန်ဟိုမှ ဖြူအောင်၊ မဲအောင် လောက်နိုင်ဘဲနဲ့ ကိုယ့်ရဲ့ခေါင်းဟို တိုင်တယ်ဘီးဟာ ကီဆိုဂေ့န။

37 နန်းနို့စကားဟာ ‘မှန်ဇာဟို’ မှန်ဖြစ်စေဘီး ‘မှဘဲဇာဟို’ မှဟု ဆိုဘီး ဖြစ်စေဂေ့ပါ။ အယ်ထတ်ပိုဟူစကားဟာ မုသာနဘဲ စပ်ဆိုင်ဇာဖြစ်လေဟယ်။ 38 “မျစ်စိတလောင်းတွပ် မျစ်စိတလောင်း၊ သွားတရှောင်တွပ် သွားတရှောင်’ ဆိုဘီး ပညတ်ဟားဇာဟို နန်းနို့ကြားဟားပီးဘီ။ 39 ငါပညတ်ဇာဟု နေ့-က်ယှစ်ဟူ သူလေဟို ရန်တုံ့ပွန်ဂေ့န ဆိုဘီး ငါပြောဟယ်။ နန်းပါးတဖတ်ဟို ရိုက်ဟယ် ဆိုဟာ ကျန်ဟူ ပါးတဖတ်ဟိုလည်း ရိုက်ဟို လှည့်ပေးလိုက်ပါ။ 40 နန်းအန်းဂီဟို လိုရှင်ဟူကြောန့် စီရင်ဟူသူလေဟို နန်းဝတ်လောင်ဟိုလည်း ပေးလိုက်ပါ။ 41 ယော့-က်ယော့-က်ဟု နန်းနို့ဟို နိုင်ကျင့်ဘီး တမိုင် သွားခိုင်းမယ် ဆိုဟာ အယ်သူနတူးဒု နေ့မိုင် သွားလိုက်ပါ။ 42 နန်းနားမာ တောင်းဟူလူဟို ပေးလိုက်ပါ။ ချေးငှားဟူသူလေဟိုလည်း ငြင်းဘဲနဲ့ ချေးငှားလိုက်ပါ။ 43 “နန်းရဲ့ အီဇနီးရှင်းဟို ရှစ်ပါ။ ရန်သူဟိုမူးပါ ဆိုဘီး ရှေးဟုပညတ်ဟားဇာဟို နန်းနို့ကြားသိပီးဘီ။’ 44 ငါပညတ်ဇာဟု ရန်သူလေဟို ရှစ်ဂေ့။ ညဉ်းဆဲဟူသူလေဟို ဆုတောင်းဂေ့။ နန်းနို့လေဟို မူးဟူသူလေဟိုလည်း ကူညီဂေ့။ 45 အယ်ဆိုဟာ နန်းနို့လေဟာ ကောင်းဂန်ဘောင်မာ ရှိတော်မူဟူ ဘုရားသခင်ရဲ့ သားမီးလေဖြစ်လာလေမယ်။ ဖြားဖြစ်ကြောန့်နဲ့ဆိုဟာ ကောင်းဂန်ဘောင်မာ ရှိတော်မူဟူ နန်းနို့ဟာ ဖြောန့်မတ်ဟူသူလေ၊ ဖြောန့်မတ်ဘဲဟူသူလေထတ်မာ သူရဲနေရောန်ဟို ထွန်းလန်းစေဘီး သူတော်ကောင်းလေ၊ သူယောက်မာလေထတ်မာလည်း မိုးဝါစေတော်မူဟယ်။ 46 နန်းနို့ဟို ရှစ်ဟူသူလေဟိုဘဲ ပွန်ဘီးရှင်ဟယ် ဆိုဟာ ဖြားကျိုးထူးမယ်နဲ့။ ခွန်ကော့-က်မားလေလည်းဘဲ အယ်မျိုး လောက်တတ်ဟယ်။ 47 နန်းနို့ရဲ့ ညီကီလေဟိုဘဲ မြစ်တာထားဘီး စကားပြောဟယ် ဆိုဟာ ဘုရားသိဘဲဟူ လူလေန ဖြားဇာလေ ကွာခြားနဲ့။ ဘုရားသိဘဲဟူ လူလေလည်းဘဲ အယ်မျိုး လောက်ဂေ့ဟယ်။ 48 အယ်ကြောန့် ကောင်းဂန်ဘောင်ဟု နန်းနို့ ဖဟာ စောင်လင်ဟူ မျိုးဘဲ နန်းနို့လည်း စောင်လင်အောင် နေဂေ့ပါ။

6 “နန်းနို့လေဟာ ကောင်းဇာလေလောက်ဟူ ခီမာ လူလေပြင်အောင် လောက်မိဘဲနေဟို ဒိထားဂေ့ပါ။ နန်းနို့ဟာ လူလေပြင်အောင် လောက်မယ် ဆိုဟာ ကောင်းဂန်ဘောင်မာ ရှိတော်မူဟူ နန်းနို့ဖနားဟု ကျိုးဟို ခံစားရဂေ့ဟို မှဟု။ 2 “အယ်ကြောန့် နန်းနို့ လူဒါနပေးဟူ ခီမာ သူတော်ကောင်း ယောန်ဆောန်ဟူ သူလေ လောက်ဂေ့ဟူမျိုး လူလေထန်ကီးဇာခံရဟို ဝါလယ်ဇရပ်လေန လမ်းဆောင်လမ်းခွလေမာ တံပိုးမူဘီး ကြေညာဂေ့န။ သူးနို့လေဟာ လူလေရဲထန်ကီးဘီး ချီးမွမ်းခံရအောင်ဘဲ လောက်ဂေ့လေဟယ်။ ငါမှန်တိုင်းပြောမယ် အယ်သူလေဟာ ခုဘဝကျိုးဟိုဘဲ ရဂေ့လေဟယ်။ 3 နန်းနို့လေဟာ လူဒါနပေးဟူ ခီမာ ဘယ်ဖတ်လတ်န ပေးဟူဇာဟို ညာဖတ်လတ်ဟို သိစေန။ 4 ထန်ရှားဘဲဇာဟို ပြင်တော်မူဟူ နန်းနို့ဟာ ကျိုးဟို ထန်ရှားအောင် ပေးတော်မူလေမယ်။ 5 “နန်းနို့လေဟာ ဆုတောင်းဟူ ခီမာ သူတော်ကောင်း ယောန်ဆောန်သူလေမျိုး လောက်ဂေ့န! အယ်သူလေဟာ လူလေပြင်အောင် ဆိုဘီး ဝါလယ်ဇရပ်လေ၊ လမ်းဆောင်လမ်းခွလေမာ ရပ်ဘီးဟာ ဆုတောင်းဂေ့လေဟယ်။ ငါမှန်တိုင်းပြောမယ် အယ်သူလေဟာ လူလေရဲ ထန်ကီးဇာလေန ချီးမွမ်းဇာလေဟို ခံရဂေ့လေဟယ်။ 6 နန်းနို့လေ ဆုတောင်းဟူ ခီမာ တံဆိဟူ အီခန်းထဲဟိုဝမ်ဘီး ခွဗော့-က်ဟို လောင်အောင်ပိဘီးဟာ ထန်ရှားဘဲဟူရပ်မာ ရှိတော်မူဟူ နန်းနို့ဖနားမာ ဆုတောင်းဂေ့ပါ။ ထန်ရှားဘဲဇာဟို ပြင်တော်မူဟူ နန်းနို့ဟာ ကျိုးဟို ထန်းထန်ရှားရှား ပေးလေမယ်။ 7 “နန်းနို့လေဟာ ဆုတောင်းဟူ ခီမာ ဘုရားသိဘဲဟူလူလေမျိုး ဓိပါယ်မှောဘဲဟူ စကားလေန ထပ်ခါထပ်ခါ တောင်းဂေ့န။ အယ်သူလေဟာ ရရာတိုင်းရှယ်ဟူ စကားန ခီကြာဂီး ဆုတောင်းဟယ် ဆိုဟာ သူးနို့လိုရှင်ဇာဟို ရလေမယ် ဆိုဘီး ထန်မှတ်ဂေ့ဟယ်။ 8 သူးနို့လေမျိုး လောက်ဂေ့န။ နန်းနို့လိုအပ်ဟူ ဇာလေဟို နန်းနို့တောင်းခန်ဂဒဲဟု နန်းနို့ရဲ့ သိတော်မူလေဟယ်။ 9 အယ်ကြောန့် နန်းနို့လေ ဆုတောင်းဟူ ခီမာ။ “ကောင်းဂန်ဘောင်မာ ရှိတော်မူဟူဖ၊ ကိုယ်တော်ရဲ့ နာမတော်ဟို

ရိုသေလေးမြတ်ရှင်း ရှိပါစေ။ 10 နိုင်ငံတော် တည်ထောင်ပါစေ။ လိုတော်ဟု ကောင်းဂန်နိုင်ငံမှာ ညွှန်တော်ဟူမျိုးဘဲ
 မွေ့ကီးထတ်မာလည်း ညွှန်တော်ပါစေ။ 11 ကျွန်တော့်ဟားလေ လိုအပ်ဟူစားဇာဟို အယ်နေတွပ် ပေးသနားတော်မူပါ။ 12
 ကျွန်တော့်ဟားလေဟို ပြစ်မှားဟူ သူလေရဲ့ ပြစ်လေဟို ကျွန်တော်ဟားလေ ခွင့်လွှတ်ပေးဟူမျိုးဘဲ ကျွန်တော်ဟားလေရဲ့
 ပြစ်လေဟို ခွင့်လွှတ်ပေးပါ။ 13 ပြစ်သွီးဆောန်ဟူနော့-က်ဟို လိုက်ပါသွားစေဘဲန၊ ကောင်းဘဲဟူဇာလေဟုလည်း
 ကယ်နှပေးပါ။ ဆိုဘီး ဆုတောင်းဂေပါ။ 14 “နန်းနိုလေဟာ သူများလေရဲ့ ပြစ်မှားဇာဟို ခွင့်လွှတ်ပေးဟယ် ဆိုဟာ
 ကောင်းဂန်ဘောင်မာ ရှိဟူ နန်းနိုလည်း နန်းနိုလေရဲ့ ပြစ်လေဟို ခွင့်လွှတ်ပေးလေမယ်။ 15 အယ်ဘေမဲ့ နန်းနိုလေဟာ
 သူများလေ ပြစ်မှားဟူဇာဟို ခွင့်လွှတ်ပေးဟု ဆိုဟာ နန်းနိုလည်း နန်းနိုလေရဲ့ ပြစ်လေဟို ခွင့်လွှတ်ပေးလေ မူဟု။ 16
 “နန်းနိုလေဟာ စာရှောင်ခီမာ သူတော်ကောင်းယောန်ဆောန်ဟူ သူလေမျိုး သူများလေရဲ့ရှေ့မာ မျစ်နာညှိုးငယ်ဘီး
 နေဂေန။ အယ်သူလေဟာ သူးစီစာရှောင်ဇာဟို သူများလေသိအောန် ရရာတိုင်း ဗိုက်ဆာဘီး အားနဲနေဟူပေါင်ဇံမျိုးန
 သူများလေရှေ့မာ ပြသတတ်ဟယ်။ ငါမှန်တိုင်းပြောမယ် အယ်သူလေဟာ လူလေရဲ့ ထန်ကီးဇာလေ၊ ချီးမွမ်းဇာလေဟို
 ခံရလေဟယ်။ 17 နန်းနိုလေဟာ စာရှောင်ဟူ ခီမာ စာရှောင်ဟူကြောန်းဟို သူများလေဟို သိစေန။ ထန်ရှားဘဲရပ်မာရှိဟူ
 နန်းနိုလေရှေ့မာ ထန်ရှားစေဟိုတွပ် မျစ်နာဟိုသစ်၊ ခေါင်းဟို ဆီန လူးဘီးဟာ လန်းလန်းဆန်းဆန်းဟား နေဂေပါ။ 18
 ထန်ရှားဘဲဇာဟို ပြင်တော်မူဟူ နန်းနိုဟာ ကျိုးဟို ထန်ထန်ရှားရှား ပေးလေမယ်။ 19 “သံညွေး၊ ခြလေ၊ ခိုးလေ၊
 မွလေ ဟေ့-က်ထွမ်းဘီး ခိုးယူနိုင်ဟူ လောကီဘဏ္ဍာဟို စုဂေန။ 20 အယ်ဘေမဲ့ သံညွေး၊ ပိုးလေ၊ ခိုးလေ၊ မွလေလည်း
 ခိုးယူနိုင်ဘဲဟူ ကောင်းဂန်ဘဏ္ဍာဟို စုဂေပါ။ 21 ဖြားဖြစ်ကြောန်းနဲ့ဆိုဟာ နန်းနိုလေဟာ ဘဏ္ဍာရှိဟူ နေရာဟိုဘဲ
 နန်းနိုစီစာလောင်းဟာ ရှေ့-က်တတ်ဟယ်။ 22 “မျစ်စီဟာ ကိုယ်ခန္ဓာတွပ် သိမီးအီန တူဟယ်။ မျစ်စီကောင်းဟယ်
 ဆိုဟာ နန်းနိုရဲ့ ကိုယ်ခန္ဓာ တခုလောင်း လန်းလေမယ်။ 23 အယ်ဘေမဲ့ မျစ်စီကောင်းဂေဟု ဆိုဟာ ကိုယ်ခန္ဓာ
 တခုလောင်း မှောန်လေမယ်။ နန်းနိုလေရဲ့ လန်းရောန်ဟာ မှောန်မိုက်ဖြစ်နေဟယ် ဆိုဟာ အယ်မှောန်မိုက်ဟာ ရရာတိုင်း
 မိုက်လေဟယ်။ 24 “ဖယ်သူဟုလည်း သခင်နေယော့-က်ရဲ့ စေဟို ခံနိုင်ဟု။ သခင်တယော့-က်ဟို မူးဘီး တယော့-က်ဟို
 ရှစ်လေမယ်။ သခင်တယော့-က်ဟို သစ်စာစောန့်ဘီးဟာ တယော့-က်ဟို ထိမဲ့မြင်လောက်လေမယ်။ နန်းနိုလေဟာ
 ဘုရားသခင်န လောကစည်းဇိမ်လေဟို တပြိုင်ဒဲ စေခံနိုင်ဂေဟု။ 25 “အယ်ကြောန် နန်းနိုဟို ငါပြောမယ်။ ဖယ်မျိုးစားရဟို၊
 ဖယ်မျိုးသော့-က်ရဟို ဆိုဘီး သတ်တွပ် စိုးရိမ်ဂေန။ ဖယ်မျိုးဝတ်ရဟို ဆိုဘီးလည်း ကိုယ်ခန္ဓာတွပ် စိုးရိမ်ဂေန။ စာထတ်
 သတ်ဟု ပိုမြတ်ဟယ် မူဟုလော။ ဝတ်ထတ်လည်း ကိုယ်ခန္ဓာဟု ပိုဘီး မြတ်ဟယ် မူဟုလော။ 26 ကောင်းဂန်မာရှိဟူ
 ငှတ်လေဟို ကေ့ဘီးဟာ ဆင်ခြင်ကေ့ဂေပါ။ သူးနိုလေဟာ မျိုးစေ့လည်း ကြဟု။ သီးနှံလည်း ရိဟု။ သိုဘီးလည်း ထားဟု။
 အယ်ဘေမဲ့ ကောင်းဂန်ဘောင်ဟု နန်းနိုလေရဲ့ ဟာ သူးနိုလေဟို ကျွေးမွေးလေဟယ်။ အယ်ငှတ်လေထတ် နန်းနိုလေဟာ
 ပိုဘီး မြတ်ဟယ် မူဟုလော။ 27 နန်းနိုလေထဲမာ ဖယ်သူဟု စိုးရိမ်နေဇာအားဖြင့် သတ်နဲနဲပိုရှယ်လာနိုင်မယ်နဲ့။ 28
 “နန်းနိုလေ ဖြားဖြစ်ကြောန် ဝတ်တွပ် စိုးရိမ်နေဂေန။ တောပန်းလေဟာ ဖယ်မျိုးရှင်ဘီး ဖယ်မျိုး ကီးလာဇာဟို ကေ့ဘီးဟာ
 ဆင်ခြင်ဂေပါ။ အယ်တောပန်းလေဟာ လောက်လည်းလောက်ဟု။ ခယ်ဖြစ်အောန်လည်း တတ်နိုင်ဟု။ 29 အယ်ဘေမဲ့
 ရှောလမှန်မန်းဂီးရဲ့ ဖောင်းစည်းဇိမ်လေ ဂူလောင်းဟို ဆင်ဟယ်ဟိုမှ အယ်တောပန်းလေထဲဟု တဖန်မျိုး လှပတင့်တယ်ဟု
 ဆိုဘီး နန်းနိုလေဟို ငါပြောဟယ်။ 30 ယောင်ကြည်ရှင်း အားနဲဟူလူလေ၊ အယ်နေသတ်ရှင်ဘီး နတ်ကီးတိုင်ဟာ
 မီးဖိုထဲဟို ရှေ့-က်ရဟူ တောဗြစ်ပန်လေဟို ဘုရားသခင်ဟာ အယ်မျိုးဆင်ပေးဟယ် ဆိုဟာ နန်းနိုလေဟို အယ်ထတ်မက
 ဆင်ပေးမယ် မူဟုလော။ 31 “အယ်ကြောန် ဖယ်မျိုးစားရဟိုနဲ့၊ ဖယ်မျိုးသော့-က်ရဟိုနဲ့၊ ဖယ်မျိုးဝတ်ရဟိုနဲ့ ဆိုဘီး
 စိုးရိမ်ဂေန။ 32 (ဘုရားသိဘဲဟူလူလေဟာဘဲ အယ်မူဇာလေဟို စိုးရိမ်တတ်ဂေဟယ်။) အယ်မူဇာလေဟို နန်းနိုလေ
 လိုအပ်ဟယ် ဆိုဇာဟို ကောင်းဂန်ဘောင်ဟု နန်းနို သိတော်မူဟယ်။ 33 ဘုရားသခင်ရဲ့ နိုင်ငံတော်န ဖြောန်မတ်ရှင်းဟို
 ဦးဆောင်း ရှာဂေပါ။ နော့-က်မှ နန်းနိုလိုအပ်ဟူဇာလေဟို ထပ်ဘီးပေးလေမယ်။ 34 အယ်ကြောန် နတ်ကီးတိုင်တွပ်

စိုးရိမ်ရောန။ နတ်ကီးတိုင်ဟဲ့ဘဲ သူတွပ်စိုးရိမ်လေ့မယ်။ အယ်မူနေ့မှာ တွဲကြောင်ရင်ဆိုင်ရဟူ ဇာလေဟာ အယ်နေ့တွပ် လောင်လော့-ကံလေဟယ်။

7 “နန်းနီလေဟာ ကိုယ်ကိုယ်တိုင် စစ်ကြောစီရင်ရှင်းဟုနေ လွတ်ရှင်ဟယ် ဆိုဟာ သူများလေဟိုလည်း စစ်ကြောစီရင်ရောန။ **2** ဖြားဖြစ်ကြောန့်နဲ့ဆိုဟာ နန်းနီလေဟာ သူများလေဟို စစ်ကြောစီရင်ဟူတိုင်းဘဲ နန်းနီလည်းဘဲ ဘုရားသခင်ဟု စစ်ကြောစီရင်လေ့မယ်။ နန်းနီဟာ သူများလေဟို ပေးဟူ ပမာဏတိုင်း ဘုရားသခင်ဟု နန်းနီဟို ပေးလေ့မယ်။ **3** နန်ဟာ ကိုယ့်မျစ်စိတ်ဟု သစ်တောင်းဟို ဗြင်ဘဲန နန်ညီကိုရဲ့ မျစ်စိတ်ဟု သစ်မဟို ဖြားဖြစ်ကြောန့် ဗြင်ရနူး။ **4** နန်မျစ်စိတ်ဟု သစ်တောင်းဟို ဗြင်ဘဲန နန်ညီကိုဟို ‘နန်မျစ်စိတ်ဟု သစ်မဟားဟို ထုပစ်ပေးပါရစေ’ ဆိုဘီး ဖြားဖြစ်ကြောန့် ပြောရနူး။ **5** သူတော်ကောင်းယောန်ဆောန်ဟူသူ၊ နန်မျစ်စိတ်ဟု သစ်တောင်းဟို ရင်ဦးဆောင်းထုပစ်လိုက်ပါ။ အယ်ဆိုဟာ ညီကိုမျစ်စိတ်ဟု သစ်မဟို ထုပစ်ပေးဟို့တွပ် ရှင်းရှင်းလန်းလန်းဟား ဗြင်ရလေ့မယ်။ **6** “သန်ရှင်းဟူဇာလေဟို ခွီးလေဟို ပေးရောန။ အယ်မျိုးလောက်ဆိုဟာ နန်းနီဟို ကိုက်ဂေလေ့မယ်။ ပုလဲလေဟိုလည်း ဝပ်လေရေ့မှာ ထားရောန။ အယ်မျိုးလောက်မယ် ဆိုဟာ နန်းနီလေဟို ကျော်ဘီးနန်းဂေလေ့မယ်။ **7** “တောန်းဂေ။ တောန်းမယ် ဆိုဟာ ရဂေလေ့မယ်။ ရှာဂေ။ ရှာမယ် ဆိုဟာ တွဲဂေလေ့မယ်။ ခွဗော့-ကံဟို ခေါ့-ကံဂေ။ ခေါ့-ကံမယ် ဆိုဟာ ဖွပ်ပေးလေ့မယ်။ **8** တောန်းဟူသူဟာ ရလေဟယ်။ ရှာဟူသူဟာ တွဲလေဟယ်။ ခွဗော့-ကံဟို ခေါ့-ကံဟူသူဟာ ခွဗော့-ကံဟို ဖွပ်ပေးလေ့မယ်။ **9** နန်းနီရဲ့ သားမီးလေဟု မဟို တောန်းဟူ ခီမာ ကွော့-ကံခဲဟို ပေးမယ့်ဖလေ ရှိဂေဘဲလော။ **10** ငါးဟို တောန်းဟူ ခီမာ ဗွီဟို ပေးမယ့်ဖလေ ရှိဂေဘဲလော။ **11** နန်းနီလေဟာ ဆိုးဖြစ်ရဲန နန်းနီရဲ့ သားမီးလေဟို ကောန်းဟူဇာလေဟိုဘဲ ပေးတတ်ဟယ် ဆိုဟာ ကောန်းဂန်ဘောင်မာ ရှိတော်မူဟူ နန်းနီရဲ့ ဖလည်း ဆုတောန်းဟူ သူလေဟို အယ်ထတ်မက ကောန်းဟူဇာလေဟိုဘဲ ပိုဘီး ပေးလေ့မယ် မဟုလော။ **12** “နန်းနီလေဟို သူများလေဟု ပြုမဆစ်ဆံစေရှင်မျိုး သူများလေဟိုလည်း ပြုမဆစ်ဆံဂေပါ။ အယ်ပညတ်ဟု မောရှေရဲ့ ပညတ်တရားကျမ်းန ပရောဖက်ကျမ်းလေရဲ့ ချောက်ခြာ ဖြစ်လေဟယ်။ **13** “ခွဗော့-ကံကျဉ်းထဲဟို ဝမ်ဂေပါ။ ပျစ်စီးရှင်းထဲဟို ရော့-ကံဟူလမ်းန ခွဗော့-ကံဟာ ရရာတိုင်း ကျဉ်းဘီး ကြမ်းဟူကြောန့် တွဲဟူသူလေန ဝမ်ဟူသူလေဟာ နဲဂေလေဟယ်။ **15** “ကော့-ကံကျစ်ယောက်မာဘီး ကြမ်းထန်းဟူ ဝံပလွေလေမျိုး သိုးရေဟို ခြောင်ဘီးဟာ နန်းနီလေနားဟို လာမယ့် ပရောဖက်တုယောန်လေဟို ဒီထားဂေပါ။ **16** သူးနီလေရဲ့ကျင့်ဟို ကော့လိုက်န သူးနီလေရဲ့ စီသဘောဟို သိရလေ့မယ်။ ဆူးဗန်ဘောင်းဇောင်မာ စပျစ်သီးန သန်းဖောသဖန်းသီးဟို ဆွတ်ယူရနိုင်ဘဲလော။ **17** အယ်မျိုးဘဲ ကောန်းဟူသစ်ပန်မာ ကောန်းဟူသီးဟို သီးဘီးဟာ ကောန်းဘဲဟူပန်မာ ကောန်းဘဲဟူသီးလေဟိုဘဲ သီးတတ်လေဟယ်။ **18** ကောန်းဟူ သစ်ပန်တဗန်မာ ကောန်းဘဲဟူသီး၊ ကောန်းဘဲဟူ သစ်ပန်တဗန်မာ ကောန်းဟူသီးဟို သီးနိုင်ဟု။ **19** ကောန်းဟူသီး သီးဘဲဟူ သစ်ပန်လေဟို ခွတ်လဲဘီးဟာ မီးထဲဟို ပစ်ခွတ်တတ်လေဟယ်။ **20** အယ်ကြောန့် အယ်ပရောဖက်တုယောန်လေရဲ့ ကျင့်ဟို ကော့လိုက်န သူးနီလေရဲ့ စီသဘောဟို သိရလေ့မယ်။ **21** “ငါ့ဟို ‘သခင်၊ သခင်’ ဆိုဘီး ခေါ်ဟူသူတိုင်း ကောန်းဂန်နိုင်ငံတော်ဟို ဝမ်ရဲဟို့ မဟု။ ကောန်းဂန်ဘောင်မာ ရှိဟူ ငါ့ဖရဲလိုဟို ဆောန်ဟူသူဘဲ ဝမ်ရလေ့မယ်။ **22** တရားစီရင်ဟူနေ ရော့-ကံဟူ ခီမာ ‘သခင်၊ သခင်! ကျွန်တော်ဟားလေဟာ ကိုယ်တော်ရဲ့ နာမန ပရောဖက်ပြု ဟောပြောဟယ်။ ကိုယ်တော်ရဲ့ နာမတော်န နတ်ဆိုးလေဟို နှန်ထုဟယ်။ ကိုယ်တော်ရဲ့ ခွမ်အာဏာန အံ့ဩဘွယ်တိုင်း နိမိတ်လတ်ခဏာလေဟို ဘောင်ဂီးပြရဟယ် မဟုလော’ ဆိုဘီးဟာ လူလေဘောင်ဂီးဟု လျော့-ကံဂေလေ့မယ်။ **23** အယ်ခီမာ ‘နန်းနီလေဟို ငါလောင်းဝသိဟု။ အဓမ္မကောန်လေ၊ ငါ့နားဟုဖယ်ရေ!’ ဆိုဘီး သူးနီလေဟို ငါပြောမယ်။ **24** “အယ်ကြောန့် ငါဟောပြောဟူ တရားစကားဟို ကြားဘီး နားထောန်ဟူသူဟာ ကွော့-ကံထတ်မာ အီဆော့-ကံဟူ ပညာရှိန တူဟယ်။ **25** မိုးဝါဟူကြောန့် ရေစီးလာဟူန

လေလာဘီးဟာ အယ်အီဟို ပြင်းပြင်းထန်ထန် တိုက်ဟူ ခီမာ ကွော့-က်ထတ်မာ အုပြစ်ဆွဟားဟူကြောန့် ပြိုလဲဘဲန နေလေဟယ်။ 26 “အယ်ဘေမဲ့ ငါစကားဟို ကြားဘီးဟာ နားထောန်ဘဲဟူသူဟာ သဲထတ်မာ အီဆော့-က်ဟူ လူမိုက်န တူဟယ်။ 27 မိုးဝါဟူကြောန့် ရေစီးလာဟူန လေလာဘီးဟာ အယ်အီဟို ပြင်းပြင်းထန်ထန် တိုက်ဟူ ခီမာ ပြိုလွ ပျစ်စီးဟားလေဟယ်။” ဆိုဘီး ဟောပြောလေဟယ်။ 28 ယေရှုဟာ အယ်မျိုးဟောပြောဘီးဟူ ခီမာ လူလေဟု ကိုယ်တော်ရဲ့ သွန်သန်ဟူဇာလေဟို ရရာတိုင်း အံ့ဩဟားဂေဟယ်။ 29 ဖြားဖြစ်ကြောန့်နူးဆိုဟာ ကျမ်းတတ်ဆရာလေမျိုးမူဘဲန ခွမ်အာဏာရှိဟူသူမျိုး သွန်သန်ဟူကြောန့် ဖြစ်ဟယ်။

8 ယေရှုဟာ တောန်ထတ်ဟုနေဘီး ဆင်းလာဟူ ခီမာ လူအောက်ဂီးဟာ ကိုယ်တော်နေ့-က်ဟို လိုက်ဂေဟယ်။ 2 အယ်ခီမာ နူနာသယ် တယော့-က်ဟာ လာဘီးဟာ ကိုယ်တော်ရှေမာ ပျပ်ဝပ်ဘီး “သခင်၊ လိုတော်ရှိမယ် ဆိုဟာ ကျွန်တော့်ဟို အယ်ရောဂါဟုနေ သန့်ရှင်းပေးပါ” ဆိုဘီး တောန်းလျော့-က်ဟယ်။ 3 ယေရှုဟုလည်း လတ်တော်ဟို ဆန့်ဘီးဟာ “ငါလိုရှိဟယ်။ သန့်ရှင်းစေ!” ဆိုဘီး မိန့်တော်မူဟယ်။ ရှစ်ရှင်းဘဲ နူနာရောဂါဟာ ပျော့-က်ဟားဘီး သူဟာ သန့်ရှင်းဟားလေဟယ်။ 4 ယေရှုဟာ “အယ်ကြောန်းဟို ဖယ်သူဟိုလည်း ပြောန။ ဒိထားပါ။ ယဇ်ပုရောဟိတ်နားဟို သွားဘီး ကိုယ်ဟိုပြလိုက်ပါ။ လူလေရှေမာ သတ်သေဖြစ်ဟိုတွပ် မောရှေပညတ်ဟားဟူတိုင်း ပူဇော်သကာဟို ဆစ်သပါ” ဆိုဘီး မိန့်တော်မူလေဟယ်။ 5 ယေရှုဟာ ကပေရနောင်မြို့ဟို ဝမ်လာဟူ ခီမာ ရောမတပ်မှူးတယော့-က်ဟာ ကိုယ်တော်နားဟို လာဘီး တောန်းဗန်ဇာဟု 6 “သခင်၊ ကျွန်တော်ရဲ့ စေခံတယော့-က်ဟာ လတ်ခေသေဟူရောဂါန ရရာတိုင်း နာကျင်ဘီးဟာ အီမာ ထနိုင်ဘဲ ဖြစ်နေပါဟယ်။ ကယ်မတော်မူပါ” ဆိုဘီး ဖြစ်ဟယ်။ 7 ယေရှုဟာ “ငါလာဘီးဟာ ရောဂါဟို ပျော့-က်ကင်းစေမယ်” ဆိုဘီး မိန့်တော်မူလေဟယ်။ 8 တပ်မှူးဟာ “သခင်၊ ကျွန်တော်ရဲ့ အီးခေါန်မိုးအော့-က်ဟို ကိုယ်တော်ဝမ်ရှင်း ကျေးဇူးဟို ကျွန်တော်ခံထိုက်ဟာ၊ မိန့်ပေးလိုက်န ကျွန်တော်ရဲ့ စေခံဟာ ကျန်းမာရပါလေမယ်။ 9 ဥပမာ ကျွန်တော် ကိုယ်တိုင်လည်း အာဏာပိုင် လတ်အော့-က်မာ ရရှိတယော့-က်ဖြစ်ဘီး ကျွန်တော်ရဲ့ လတ်အော့-က်မာရှိဟူ စစ်သားလေဟို အောက်ချောက်ရပါဟယ်။ တယော့-က်ဟို ‘သွား!’ ဆိုဟာ သွားပါဟယ်။ တယော့-က်ဟို ‘လာ!’ ဆိုဟာ လာပါဟယ်။ အယ်ဘီးဟာ ကျွန်တော်ဟာ ကျွန်တော့်ရဲ့ ကျွန်ဟို မိန့်ပေးလိုက်ဟယ် ‘အယ်မူဇာဟို လောက်လိုက်!’ ဆိုဟာ လောက်လေဟယ်” ဆိုဘီး လျော့-က်လေဟယ်။ 10 အယ်စကားဟို ယေရှုကြားဟူ ခီမာ အံ့ဩဟားဘီး “ငါ မှန်ပြောမယ်၊ အယ်မျှလော့-က်ကီးဟူ ယောင်ကြည်ရှင်းမျိုး ဣသရေလ လူမျိုးထဲမှာဟို ငါတို့ဖူးဟာ။ 11 ငါပြောမယ်။ လူလေဘောင်ဂီးဟာ ရှေ့ရပ်၊ နော့-က်ရပ်ဟာလာဘီး ကောန်းဂန်နိုင်ငံတော်မာ အာပြဟံ၊ ဣဇာက်၊ ယာကုပ်လေနတူးဒု စားသော့-က်မွဲမာ လာဘီးထိုင်လေမယ်။ 12 အယ်ဘေမဲ့ နိုင်ငံတော်သားလေလည်း ငိုကြွေးဘီး အံသွားခဲလွှဲဟူ နေရာ ယွန်ရပ် မှောန်မိုက်ထဲမာ နေရလေမယ်” ဆိုဘီး တဗဲတော်လေဟို မိန့်တော်မူလေဟယ်။ 13 အယ်ဘီးမှ ယေရှုဟာ “နန်သွားဝေါ၊ နန်ယောင်ကြည်တိုင်း ဖြစ်လေမယ်” ဆိုဘီး ပြောလိုက်ခီမာဘဲ တပ်မှူးရဲ့စေခံလည်း ရောဂါပျော့-က်ဟားလေဟယ်။ 14 ယေရှုဟာ ပေတရရဲ့အီဟို ရော့-က်ဟားဟူ ခီမာ ပေတရရဲ့ ယောက္ခမဟာ ဖျားနာဘီး အိယာထဲမာလဲနေဇာဟို ဗြင်တော်မူလေဟယ်။ 15 ယေရှုဟုလည်း အယ်မီးမရဲ့ လတ်ဟို တို့ထိလိုက်ဟူ ခီမာ ဖျားနာပျော့-က်ဟားကြောန့် ထထိုင်ဘီးဟာ ဧည့်ဝတ်ပြုလေဟယ်။ 16 နေဒန်ဇာဟို ရော့-က်ဟူ ခီမာ နတ်ဆိုး ဝမ်ပူးခံရဟူ လူလေဟို ယေရှုနားဟို ခေါ်လာဂေလေဟယ်။ ယေရှုဟာ စကားတခွန်းဒဲန မိန့်ပေးဘီးဟာ နတ်ဆိုးလေဟို နန်ထုလိုက်ဟူ ခီမာ လူနာလေလည်း ကျန်းမာသွားဂေလေဟယ်။ 17 အယ်မူကြောန်းရာဟာ “အယ်သူဟာ နို့လေရဲ့ ရောဂါန ဝေဒနာလေဟို ယူဆောန်ဟားလေဟယ်” ဆိုဘီး ပရောဖက် ဟောရှာယ ပြောဟားတိုင်းဘဲ ညဲဇောင်လာဟိုတွပ် ဖြစ်လေဟယ်။ 18 ယေရှုဟာ သူနားပတ်လည်မာ လူအောက်ဂီး ပိုင်းနေဂေဇာဟို ဗြင်ရဟူ ခီမာ အိုင်ဟို့ဖတ်ကမ်းဟို ကူးဟို့တွပ် တဗဲတော်လေဟို မိန့်တော်မူလေဟယ်။ 19 အယ်ခီမာ ကျမ်းပြုဆရာတယော့-က် လာဘီးဟာ “ဆရာ၊ ကိုယ်တော်သွားမယ့် နေရာလေဟို ကျွန်တော်လည်း လိုက်ရှင်ပါဟယ်”

ဆိုဘီး လျှော့-က်လေဟယ်။ 20 ယေရှုဟုလည်း “မွေခွီးမာ တွမ်းရှိဟယ်။ ကောန်းဂန်ဟု ငှတ်မာလည်း သိုက်ရှိဟယ်။ လူရဲသားမာဟု ခေါင်းခွဲဟိုတွပ် နေရာ မေ့ဟု” ဆိုဘီး မိန့်တော်မူလေဟယ်။ 21 တခြားတပွဲတော် တယော့-က်ဟုလည်း “သခင်၊ ကျွန်တော့်ဖဟို ရင်ဦးဆောင်း သွားဘီးသင်္ဂြိုဟ်ဟိုတွပ် ခွမ့်ပေးပါ” ဆိုဘီး လျှော့-က်လေဟယ်။ 22 ယေရှုဟုလည်း “ငါ့နော့-က်ဟိုလိုက်ပါ။ လူသေလေဟို လူသေလေဘွဲ့ သင်္ဂြိုဟ်ပါစေ” ဆိုဘီး မိန့်တော်မူလေဟယ်။ 23 ယေရှုဟု လေထဲဟို ဝမ်တော်မူဘီး တပွဲတော်လေလည်း ကိုယ်တော်နတူးဒု လိုက်ဂေလေဟယ်။ 24 ရောက်တရစ် အိုင်ထဲမာ ကြမ်းတမ်းဟူ လေမောန်ဒိုင်းတိုက်လာဘီး လေဟု နစ်မွှောက်ခါနီး ဖြစ်ဟားလေဟယ်။ အယ်ခီမာ ကိုယ်တော်ဟု လေထဲမာ အိနေတော်မူဟယ်။ 25 တပွဲတော်လေလည်း ကိုယ်တော့်ဟို နွီးဘီးဟု “သခင်၊ ကယ်တန်တော်မူပါ! ကျွန်တော့်ဟားလေ သေဟိုဖြစ်နေဂေဘီး!” ဆိုဘီး လျှော့-က်ဂေလေဟယ်။ 26 ကိုယ်တော်ဟုလည်း “ယောင်ကြည်ရှင်း အားနဲဟူလူလေ! ဖြားဖြစ်ကြောန် ကြော့-က်နေဂေနူး” ဆိုဘီး ထလာဘီးန လေနလိုင်းဟို ဆောင်းမဟူ ခီမာ လေနလိုင်းလည်း ငြိဟားဘီး သာယာဟားလေဟယ်။ 27 တပွဲတော်လေလည်း ရရာတိုင်း အံ့ဩဘီး “အယ်လူဟု ဖယ်သူနူး။ လေနလိုင်းလေတောန်မှ သူဟို နားထောန်ဂေဟယ်!” ဆိုဘီး ပြောဂေလေဟယ်။ 28 အိုင်ဟိုဖတ်ကမ်း ဂါဒရဲပြည်ဟို ရော့-က်ဟူ ခီမာ နတ်ဆိုးဝမ်ပူးနေဟူ လူနေယော့-က်ဟု သန်းခွိုင်းထဲဟုနေ ထွပ်လာဘီး ကိုယ်တော်န ဆောင်တွဲလေဟယ်။ အယ်သူလေဟု ရာရာတိုင်း ခွန်အားကိုးဘီး ဆိုးသွန်းဂေကြောန် ဖယ်သူလေလည်း အယ်လမ်းဟုနေဘီး သွားဟိုရဲဂေဟယ်။ 29 အယ်သူလေဟုလည်း “ဘုရားသခင်ရဲ့ သားတော်၊ ကျွန်တော်ဟားလေဟို ဖြားလောက်ရှင်ကြောန်နူး။ ခီရော့-က်ခန်မာ ညဉ့်ဆဲဟိုတွပ် ကြွလာဟူဇာလော” ဆိုဘီးဟု သံဏွယ်ဂီးန လျှော့-က်ဂေလေဟယ်။ 30 အယ်သူလေရဲ့ လော့က်ဂီးဝီးဘဲဟူ နေရာမာလည်း ဝပ်အောက်ဂီးဟု စာစားနေဂေဟယ်။ 31 နတ်ဆိုးလေဟုလည်း “ကျွန်တော်ဟားလေဟို နန်ထုမယ် ဆိုဟု အယ်ဝပ်လေထဲဟို ဝမ်ခွမ့်ပေးတော်မူပါ” ဆိုဘီး ယေရှုဟို တောန်းဗန်ဂေဟယ်။ 32 ကိုယ်တော်ဟုလည်း “သွားဂေ” ဆိုဘီး မိန့်တော်မူဟယ်။ နတ်ဆိုးလေလည်း ထွပ်ဟားဘီးဟု ဝပ်လေထဲဟို ဝမ်ဟားဟယ်။ ဝပ်အောက်ဂီးဟု အိုင်ကမ်းနားဟို လွှေးဆင်းဟားဘီး ရေမွှောက်သေဟားလေဟယ်။ 33 ဝပ်ထီးမားလေလည်း ဖြို့ထဲဟို ဝမ်လွှေးဘီးဟု နတ်ဆိုးဝမ်ပူးနေဟူ လူနေယော့-က်ကြောန်းန သူးခိုလေပြင်တိုရဟူ ကြောန်းရာလေ ဂူလောင်းဟို ပြောပြဂေလေဟယ်။ 34 အယ်ဘီးန တဖြို့လောင်းမာရှိဟူ လူလေလည်း ယေရှုဟို တွဲရှင်ကြောန် ဗြို့ပုန်ဟို ထွပ်လာဂေဟယ်။ ကိုယ်တော့်ဟို တွဲဟူ ခီမာ သူးခိုလေရဲ့ ဒေသဟုနေဘီး ထွပ်ဟားဟိုတွပ် တောန်းဗန်ဂေဟယ်။

9 ယေရှုဟု လေနုဗွန်ကူးဘီးဟု သူရဲ့ နေရပ်ဖြို့ဟို ကြွတော်မူလေဟယ်။ 2 အယ်နေရာမာ လေဖြတ်နေဟူ လူတယော့-က်ဟို ထမ်းစင်ထတ်မာ တန်ဘီးဟု ကိုယ်တော်နားဟို ထမ်းလာဂေလေဟယ်။ ယေရှုဟု အယ်သူလေရဲ့ ယောင်ကြည်ရှင်းဟို ပြင်ရဟူ ခီမာ လေဖြတ်နေဟူသူဟို “ငါ့သား၊ စိုးရိမ်န! နန်ရဲ့ ပြစ်ဟို ငါလွတ်စေဘီး” ဆိုဘီး မိန့်တော်မူလေဟယ်။ 3 ကျမ်းပြုဆရာတချို့ဟု “အယ်သူဟု ဘုရားသခင်ဟို ပြစ်မှားစော်ကားဘီး ပြောနေဟယ်!” ဆိုဘီးဟု သူးခိုရှင်းရှင်း ပြောနေဂေဟယ်။ 4 ယေရှုဟု အယ်သူလေရဲ့ စိဟို သိနေကြောန် “နန်းခိုလေ ဖြားဖြစ်ကြောန် ကောန်းဘဲဟူဇာလေဟို စဉ်းစားနေဂေနူး။ 5 ‘နန်ရဲ့ ပြစ်ဟို လွတ်စေဘီး’ အယ်မျိုးမှုဘဲနေဟု ‘နန်ထဘီးဟု လမ်းသွားဝေါ’ ဆိုဘီး ပြောဟိုပိုလွယ်ကြောန်လော။ 6 လူရဲသားဟု အယ်လောကမာ ပြစ်ဖြေလွှတ်ဟို ခွမ်အာဏာရှိဟယ် ဆိုဇာဟို နန်းခိုလေသိရအောန်” လေဖြတ်နေသူဟို “ထဒန်၊ ထမ်းစင်ဟို ကော့-က်ဘီး နန်အီဟို သွားဝေါ!” ဆိုဘီး မိန့်တော်မူလေဟယ်။ 7 အယ်သူဟု ထဘီး သူအီဟို သွားလေဟယ်။ 8 အယ်မူဇာလေဟို ကေနေဂေဟူ လူအောက်ဂီးဟု ရရာတိုင်း ကြော့-က်ရှုံဘီးဟု လူလေဟို အယ်မျိုးခွမ်အာဏာဟို ပေးတော်မူဟူ ဘုရားသခင်ရဲ့ ဂေါင်တော်ဟို ချီးမွမ်းဂေလေဟယ်။ 9 ယေရှုဟု အယ်နေရာဟုနေဘီး ထွပ်ကြွလာဟူ ခီမာ မသဲ ဆိုဘီး နာမယ်ခေါ်ဟူ လူတယော့-က်ဟို ခွန်ရောင်းမာ ထိုင်နေဇာဟို ပြင်တော်မူလေဟယ်။ ကိုယ်တော်ဟု “ငါ့နော့-က်ဟိုလိုက်ပါ” ဆိုဘီး မိန့်တော်မူဟယ်။ မသဲဟု ထဘီး နော့-က်ဟိုလိုက်လေဟယ်။ 10 ယေရှုဟု မသဲရဲ့အီမာ ညဉ့်ခန်းဇာစားနေခီမာ

ခွန်ကျော့-ကံမားလေန ပြစ်သားလေဟာ ကိုယ်တော်နားဟို လာဘီး တဗွဲတော်လေနတူးဒု မုန်းဗွဲမာ ဝမ်ထိုင်ဂေဟဟယ်။ 11 အယ်ဇာဟို ဖာရိရဲလေ တချိုဟု ဗြင်ဟားဘီး တဗွဲတော်လေဟို “ဖြားဖြစ်ကြောန့် နန်းနို့ဆရာဟာ ခွန်ကျော့-ကံမားလေ၊ ပြစ်သားလေနတူးဒု စားနေနူး” ဆိုဘီး မေးဂေဟဟယ်။ 12 ယေရှုကြားဟူ ခီမာ “ကျန်းမာဟူသူလေဟာ ဆေးဆရာဟို လိုဂေဟ။ ဖျားနာဟူသူလေဟာဘဲ လိုဂေဟဟယ်။ 13 ‘ငါဟာ ယဇ်ပူဇော်ဇာထတ် သနားကြင်နာရှင်းဟို ပိုဘီး နှစ်သက်ဟယ်’ ဆိုဘီး ပြောဟားဟူကျမ်းစကားဟို နားလည်ဟို သွားဘီးသန်ယူဂေပါ။ ဖြောန့်မတ်ဟူသူလေဟို ကယ်ဟိုတွပ် ငါလာဇာ မူဟ။ ဆိုးဟူလူလေဟို ကယ်ဟိုတွပ် ငါလာဟယ်” ဆိုဘီး မိန့်တော်မူလေဟယ်။ 14 အယ်ခီမာ ယောဟန်ရဲ့ တဗွဲလေဟာ ယေရှုနားဟို ရော့-ကံလာဘီးဟာ “ကျွန်တော်ဟားလေန ဖာရိရဲလေဟာ မကြာမကြာ စာရှောင်ဂေဟဟယ်။ ကိုယ်တော်ရဲတဗွဲလေဟာ ဖြားဖြစ်ကြောန့် စာရှောင်ဂေဟနူး” ဆိုဘီး မေးလျှော့-ကံဂေဟဟယ်။ 15 ယေရှုဟု “အီတတ်ဗွဲမာ ဒို့သားနတူးဒု ရှိနေဟူ ပေါန်းသင်းလေဟာ ဒို့သားနတူးဒု ရှိနေခီမာ ဝန်နဲပူဆွေးဂေဘဲလော။ မင်္ဂလာဆောနဲဒို့သားန သူပေါန်းသင်းလေဟာ ခွဲခွာရဟိုခီ ရော့-ကံလာလေမယ် အယ်ဆိုဟာ သူးနို့လေဟာ စာရှောင်ဂေလေမယ်။” 16 “ဖယ်သူလည်း အနီးဂီဟောန်းဟို ပိစသစ်န ဖာလေ မေဟ။ ဖြားဖြစ်ကြောန့်နူးဆိုဟာ ဖာဟားဟူ ပိစသစ်ဟု အနီးဂီဟောန်းဟို စုဖွဲဘီးဟာ ပိုဆိုးဟားလေမယ်။ 17 အယ်မျိုးဘဲ ဝိုင်သစ်ဟို သားရေဖူးဟောန်းထဲမာ ထဲလေ မေဟ။ ထဲမယ် ဆိုဟာ ဝိုင်သစ်ဟု သားရေဖူးဟောန်းဟို ပေါ့-ကံပွဲစေဘီး ဝိုင်န သားရေဖူး နေ့ခုလောင်းဟာ ပျစ်စီးဟားလေမယ်။ အယ်ဘီးဟာ သရေဖူးလည်း ပျစ်စီးဟားလေမယ်။ အယ်မျိုး ဖြစ်ဘဲနေအောန် ဝိုင်သစ်ဟို သားရေဖူးသစ်ထဲဟို ထည့်ရဟယ်။ အယ်ဆိုဟာ နေ့ခုလောင်းဟာ ကြာဂီးခဲလေမယ်” ဆိုဘီး မိန့်တော်မူလေဟယ်။ 18 ယေရှုဟာ အယ်မျိုး ပြောနေခီမာ ယုဒလူမျိုး ရာရှိတယော့-ကံဟု ရော့-ကံလာဘီးဟာ ကိုယ်တော်ရှေ့မာ ပျပ်ဝပ်လေဟယ်။ အယ်သူဟုလည်း “ကျွန်တော့်သမီးဟာ သေဟားဘီ။ အယ်ဘေမဲ့ ကိုယ်တော်ကြွဘီး သူထတ်မာ လတ်တန်မယ် ဆိုဟာ သတ်ရှင်ပါလေမယ်” ဆိုဘီး လျှော့-ကံလေဟယ်။ 19 အယ်ကြောန့် ယေရှုဟာ ထဘီးဟာ တဗွဲတော်လေနတူးဒု အယ်သူနော့-ကံဟို လိုက်ဟားလေဟယ်။ 20 ဆယ့်နေနှစ် လောင်းလောင်း သွီးသွန်နာစွဲနေဟူ မီးမတယော့-ကံဟာ ယေရှုနော့-ကံဟို လိုက်ဘီး ဝတ်လောင်တော် ပန်းဗွားဟို တို့ထိလေဟယ်။ 21 အယ်မီးမဟာ “ငါဟာ သူရဲ့ ဝတ်လောင်တော်ဟို တို့ထိမယ် ဆိုဟာ ငါကျန်းမာရလေမယ်” ဆိုဘီးဟာ ကိုယ့်ကိုယ်ကိုယ် ပြောနေဟယ်။ 22 ယေရှုဟု လှည့်ကေခီမာ အယ်မီးမဟို ဗြင်ဟားဘီး “ငါသမီး၊ စိုးရိမ်န၊ နန့်ရဲ့ ယောင်ကြည်ရှင်းဟာ နန့်ဟို ကျန်းမာစေဘီ” ဆိုဘီး မိန့်တော်မူလေဟယ်။ အယ်ခီမာဘဲ အယ်မီးမဟာ ရောဂါပျော့-ကံဟားလေဟယ်။ 23 အယ်ဘီးန ယေရှုဟာ ရာရှိရဲ့အီဟို ရော့-ကံဟားလေဟယ်။ ကိုယ်တော်ဟာ တီးမှုမားလေန မသာအီဟို လာဟူသူလေ အောက်အောက်သဲသဲ ဖြစ်နေဂေဇာဟို ဗြင်တော်မူဟူ ခီမာ 24 ကိုယ်တော်ဟု “ဖယ်ဂေ၊ မီးမငယ် သေနေဇာ မူဟု၊ အိမ့်နေဇာဖြစ်ဟယ်!” ဆိုဘီး မိန့်တော်မူလေဟယ်။ လူလေ ဂူလောင်းဟာ ကိုယ်တော်ဟို သရော်ဂေလေဟယ်။ 25 လူအောက်ဂီးဟာ ယွန်ဟိုထွပ်ဟားဘီးန ယေရှုဟာ မီးမငယ်ရဲ့ အိခန်းထဲဟို ဝမ်ဘီး မီးမငယ်ရဲ့လတ်ဟို ဆွဲထူလိုက်ဟူ ခီမာ မီးမငယ်ဟာ ထလေဟယ်။ 26 အယ်မူဒန်းဟာ အယ်ဒေသ တခုလောင်းဟို ပွဲနွံဟားလေဟယ်။ 27 အယ်ရပ်ဟုနေဘီး ယေရှုကြွဟားဟူ ခီမာ မျစ်စိဗြင်ဘဲဟူ လူနေယော့-ကံဟု ကိုယ်တော်နော့-ကံဟို လိုက်ဘီးဟာ “ဒါဝိဒ်ရဲ့ သားတော်၊ ကျွန်တော်ဟားလေဟို သနားတော်မူပါ” ဆိုဘီး အော်ဟစ်ဂေလေဟယ်။ 28 အီတအီဟို ဝမ်ခီမာ မျစ်စိကန်းနေသူလေဟာ ယေရှုနားဟို လာဂေလေဟယ်။ ကိုယ်တော်ဟုလည်း “နန်းနို့မျစ်စိဟို ငါဗြင်စေနိုင်ဟယ် ဆိုဇာဟို ယောင်ဘဲလော” ဆိုဘီး မေးလိုက်ဇာ “ယောင်ကြည်ပါဟယ် သခင်!” ဆိုဘီး လျှော့-ကံဂေလေဟယ်။ 29 ယေရှုဟာ သူးနို့လေရဲ့ မျစ်စိဟို တို့ဘီးဟာ “နန်းနို့ယောင်ကြည်ဟူတိုင်း နန်းနို့မာဖြစ်စေ!” ဆိုဘီး မိန့်တော်မူဘီးန၊ 30 အယ်သူလေဟာ မျစ်စိပွမ့်လန်းလာဘီးဟာ ဗြင်ရဂေလေဟယ်။ ယေရှုဟု “အယ်ကြောန့်ရာလေဟို ဖယ်သူဟိုလည်း သိစေန!” ဆိုဘီး ကျပ်ကျပ်တဲတဲဟား ဒိပေးလေဟယ်။ 31 အယ်ဘေမဲ့ သူးနို့လေ ထွပ်ဟားဘီးဟာ ယေရှုရဲဒန်းဟာ တပြည်လောင်းဟို ပွဲနွံဟားလေဟယ်။ 32

အယ်သူလေထွပ်ဟားဘီးန နတ်ဆိုးဝမ်ဘီး စကားအနေဟူ လူတယော့-က်ဟို ယေရှုနားဟို ခေါ်လာဂေလေဟယ်။

33 နတ်ဆိုးဟို နှန်ထုလိုက်ဟူ ခီမာ စကားအ၊ နေဟူ သူဟာ စကားပြောလေဟယ်။ လူလေ ဂူလောင်းဟာ အံ့သြဟားဂေဟယ်။ “အယ်မျိုးမူရာလေဟို ကုသရေလ လူမျိုးထဲမာ ခါလည်းပြင်ဖူးဟ့” ဆိုဘီး ပြောဆိုဂေလေဟယ်။ **34** ဖာရိရှဲလေဟုလည်း “အယ်သူဟာ နတ်ဆိုးခေါင်းဆောင် ဗေလဇေဗုလဟို အားကိုးဘီး နတ်ဆိုးလေဟို နှန်ထုဇာဖြစ်ဟယ်” ဆိုဘီး ပြောဆိုဂေလေဟယ်။ **35** ယေရှုဟာ ဝါလယ်ဇရပ်လေမာ ဆောင်းမဩဝါဒပေးဘီး နိုင်ငံတော်ကြောင်း ဒန်းကောင်းဟို ကြေညာတော်မူလေဟယ်။ လူလေခံစားနေရဟူ ရောဂါလေဟိုလည်း ကျန်းမာစေဘီးဟာ ဗြူးဝါလေဟို လှည့်လည်တော်မူလေဟယ်။ **36** ကိုယ်တော်ဟာ လူအောက်ဂီးဟို ဗြင်လိုက်န သနားဟူစီ ဖြစ်လေဟယ်။ ဖြားဖြစ်ကြောနဲ့ဆိုဟာ သူးနို့ဟာ သိုးထီးမားမွေဘဲဟူ သိုးလေမျိုး ပုပန်သောကရော-က်ဘီး အားကိုးရာမွေဘဲ ဖြစ်နေဂေကြောနဲ့ဖြစ်ဟယ်။ **37** အယ်ကြောနဲ့ ကိုယ်တော်ဟာ “ရိုသီးဇာလေ ဘောင်ဂီးရှိဘေမဲ့ ရိုသီးမားလေဟာ နဲဂေလေဟယ်။ **38** အယ်ကြောနဲ့ ရိုသီးမားလေဟို စေလွှတ်ပေးဟိုတွပ် ဗားဇရှင်ဟို ဆုတောင်းဂေ” ဆိုဘီး တဗွဲတော်လေဟို မိန့်တော်မူလေဟယ်။

10 ယေရှုဟာ တဗွဲတော် ဆယ့်နှေပါးဟို ခေါ်ဘီးဟာ ညှပ်ညှပ်ဟူနတ်လေဟို နှန်ထုဟိုတွပ်န ရောဂါဘောင်းဇောင်ဟို ပျော့-က်ကင်းစေဟိုတွပ် ခွမ့်တဂိုးအာဏာဟို ပေးအပ်တော်မူလေဟယ်။ **2** တမန်တော်ဆယ့်နှေပါးရဲ့ နာမယ်လေဟာ ပေတရု ဆိုဘီးခေါ် ဟူ ရှိမုန်န သူ ညီ အန္ဒြေ ဇေဗဒဲရဲသား ယာကုပ်န သူ ညီကို ယောဟန်၊ **3** ဖိလိပ္ပန ဗာသာလမဲ၊ သောမန အခွန်ကော့-က်မား မသဲ၊ အာလဖဲရဲသား ယာကုပ်န သဒ္ဒဲ၊ **4** မျိုးရစ်စီအားထတ်သန်ဟူ ရှိမုန်န ယေရှုဟို သစ်စာဖော့-က်ဟူ ယုဒရှကာရုတ် ဖြစ်လေဟယ်။ **5** ဆယ့်နှေပါးဟို ယေရှုဟာ စေလွှတ်လိုက်ဘီး မိန့်မှာလိုက်ဇာဟု “လူမျိုးခြားဒေသန ရှမာရိဗြူးလေဟို သွားဂေန။ **6** ကုသရေလလူမျိုးရဲ့ ပျော့-က်နေဟူ သိုးလေနားဟိုဘွဲ ရင်ဦးဆောင်းသွားဂေပါ။” **7** “သွားဘီးဟာ ‘ကောင်းဂန်နိုင်ငံတော် တည်ထောင်ဟိုနီးဘီး’ ဆိုဘီး ဟောပြောဂေပါ။ **8** လူနာလေဟို ကျန်းမာစေပါ။ လူသေလေဟို ပွန်ရှင်စေဂေပါ။ နူနာသယ်လေဟို သန်ရှင်းစေဂေပါ။ နတ်ဆိုးလေဟိုလည်း နှန်ထုဂေပါ။ နန်းနို့လေဟာ ဖိုးခပေးရဘဲန လတ်ခရရှိဟူမျိုး ဖိုးယုဘဲန ပေးကမ်းဂေပါ။ **9** နန်းနို့ရဲ့ ခါးဗတ်ထဲမာ ရွှေ၊ ငွေ၊ ကြေးဒန်းဂါးလေဟို ထည့်သွားဂေန။ **10** ခရီးတွပ် လွယ်အိ၊ အန်းဂီပို၊ ခေနပ်န တောန်အူးဟိုလည်း ယူဆောင်ဂေန။ လောက်လောက်ဟူ သူဟာ ကျွေးမွေးဇာဟို ရထိုက်ဟယ်။” **11** “ဗြူးတဗြူး၊ ဝါတဝါဟို ဝမ်ဟူ ခီမာ နန်းနို့ဟို ကြိုဆိုဟူ သူဟို ရှာဘီး အယ်နေရာဟု နန်းနို့လေ ထွပ်ဟားခန်ခီထိ သူးနို့နတူးဒုနေဂေပါ။ **12** နန်းနို့လေ အီထဲဟို ဝမ်ဟားခီမာ ‘နန်းနို့နတူးဒု ငြိသတ်မူရိပါစေ’ ဆိုဘီး နှောက်ဆစ်ဂေပါ။ **13** အယ်အီမာရှိဟူ လူလေဟာ နန်းနို့ဟို လတ်ခကြိုဆိုဟယ် ဆိုဟာ နန်းနို့လေ နှော့-က်ဆစ်ဟူ ငြိသတ်မူဟာ ကျန်ရစ်ပါစေ။ အယ်ဘေမဲ့ နန်းနို့ဟို လတ်ခဂေဘဲနေဟယ် ဆိုဟာ နန်းနို့နားဟို ပွန်လာစေ။ **14** တယော့-က်ယော့-က်ဟု နန်းနို့လေဟို လတ်ခံဟု ဆိုဟာ နန်းနို့စကားဟို နားထောင်ဂေဘဲနေဟယ် ဆိုဟာ အယ်အီဟု ထွပ်ဟားဟူ ခီမာ နန်းနို့ခေဗွားဟု ယွေမဟို ခါလှလိုက်ဂေ။ **15** ငါ မှန်ပြောမယ်၊ တရားစီရင်ဟူ နေမာ ဘုရားသခင်ဟာ အယ်ဗြူးထတ် သောဒုံဗြူးန ဂေါမောရဗြူးဟို ပိုဘီး ကရုဏာတော်ဟို ပြသလေမယ်။” **16** “နားထောန်ဂေ၊ ဝံပုလွေအောက်ထဲဟို သိုးလေဟို လွှတ်ဟူမျိုး နန်းနို့လေဟို ငါစေလွှတ်မယ်။ အယ်ကြောနဲ့ ဗွီမျိုးလီမာဘီး ချိုးငှတ်မျိုး ဖြူထင်ရမယ်။ **17** လူလေဟို ဒီထားဘီးနေဂေပါ။ ဖြားဖြစ်ကြောနဲ့ဆိုဟာ နန်းနို့လေဟို ဖမ်းဆီးဘီးဟာ တရားရောင်းဟို အပ်လေမယ်။ ဝါလယ်ဇရပ်လေမာ ရိုက်ခံရဂေလေမယ်။ **18** အယ်သူလေန လူမျိုးခြားလေရှေမာ သတ်သေဖြစ်ဟိုတွပ် ဗြူးဝန်မန်းလေန မန်းဂီးလေ ရှေဟို ငါကြောနဲ့ နန်းနို့ဟို စစ်ဆေးဟို ခေါ်ဆောင်ဟားဇာ ခံရဂေလေမယ်။ **19** နန်းနို့ဟို စစ်ဆေးဟို ခေါ်ဟားခီမာ ဖယ်မျိုးပြောရဟို ဆိုဘီး စိုးရိမ်ဂေန။ အယ်ခီမာ နန်းနို့ပြောရဟိုစကားဟို ရဂေလေမယ်။ **20** ဖြားဖြစ်ကြောနဲ့ဆိုဟာ နန်းနို့လေဟာ ကိုယ့်ကိုယ်ကိုယ် ပြောနေဇာ မူဟု။ နန်းနို့ဖ ဘုရားသခင်ရဲ့

ဝိညာဉ်တော်ဟာ နန်းနို့အားဖြင့် ပြောတော်မူလေဟယ်။” 21 “လူလေဟာ သူးနို့ရဲ့ ညီကိုရှင်းရှင်း သေစေဟို့တွပ် အပ်ဂေလေမယ်။ ဖလေဟလည်း သားလေဟို့ အပ်လေမယ်။ သားမီးလေလည်း သူးနို့ရဲ့ မိဖလေဟို့ ရန်ပြုဘီးဟာ သတ်ဂေလေမယ်။ 22 လူလေဟလည်း ငါ့နာမကြောန့် နန်းနို့လေဟို့ မူးတီးဂေလေမယ်။ အယ်ဘောမဲ့ ငါ့နာမဟို့ ဆောင်းထိ ဆွဲကိုင်ဟူသူဟာ ကယ်တန်ရှင်းဟို့ ခံရလေမယ်။ 23 ဗြိတဗြိမာ နန်းနို့ဟာ ညှဉ်းဆဲခံရဟူ ခီမာ တခြားဗြိဟို့ ထွပ်လွှေးဂေပါ။ ငါ မှန်ပြောမယ်၊ ကုသရေလ ဗြိလေ ဂူလောင်းဟို့ သွားလာဟို့ ပီးခန်မာ လူရဲသားဟာ ကြွလာလေမယ်။” 24 “တဗွဲလည်း ဆရာထတ် သာဟာ။ ကျွန်လည်း သခင်ထတ်သာဟာ။ 25 တဗွဲလည်း ဆရာဟူမျိုး၊ ကျွန်လည်း သခင်ဟူမျိုး ဖြစ်ဟယ် ဆိုဟာ ရလော့-က်ဘီ။ အီးထောန်ဦးစီးဟို့ ဗေလဇေဗုလ ဆိုဘီး ခေါ်ခံရဟယ် ဆိုဟာ အီသုအီသားလေဟို့ ပိုဘီး ခေါ်ဂေလေမယ်။” 26 “အယ်ကြောန့် သူးနို့လေဟို့ ကြော့-က်ဂေန။ ဖောင်းဟားဟူ ဇာလေ ဂူလောင်း ပေါ်လာလေမယ်။ ဝှပ်ဟားဇာလေ ဂူလောင်းဟာလည်း ထန်ရှားလာလေမယ်။ 27 မှာန်ထဲမာ နန်းနို့ဟို့ ငါပြောဟူ စကားလေဟို့ လန်းရောန်ထဲမာ နန်းနို့လေ ကြေညာဂေပါ။ နန်းနို့ရဲ့ နားနားမာ တိုးတိုးဟားကြားဟူ စကားလေဟို့ အီးခေါန်မိုးထတ်မာ အော်ဘီးကြေညာဂေပါ။ 28 ကိုယ်ခန္ဓာဟို့ဘွဲ သတ်နိုင်ဘီးဟာ သတ်ဝိညာဉ်ဟို့ သတ်နိုင်ဂေဘွဲသူလေဟို့ ကြော့-က်ဂေန။ ကိုယ်ခန္ဓာနု သတ်ဝိညာဉ်ဟို့ ငရဲမာ ဖျစ်ဆီးနိုင်သူဟို့ဘွဲ ကြော့-က်ဂေပါ။ (Geenna g1067) 29 အီးဇာဟား နေ့ကောန်ဟို့ ပဲနီတယွားနု ရောန်းဟယ်မူဟလော။ နန်းနို့ဖရဲ ခွမ်မေ့ဘဲနေဟာ အယ်မူအီးဇာဟားလေ တကောန်လည်းဘွဲ မွေထတ်ဟို့ ကွဲဂေဟာ။ 30 နန်းနို့ခေါင်းထတ်ဟု ဆားဗန်လေ ဂူလောင်းဟို့လည်း ရေတွပ်ဘီးသား ဖြစ်ဟယ်။ 31 အယ်ကြောန့် ကြော့-က်ဂေန! နန်းနို့လေဟာ အီးဇာဟားလေထတ် ရရာတိုင်း ပိုးကီးဟယ်။” 32 “ဖယ်သူဘွဲဖြစ်ဖြစ် လူလေရှေမာ ငါ့ဟို့ ကယ်တန်ရှင် သခင်နေနု ဝန်ခံလေဟယ်။ ကောန်းဂန်ဘောင်မာ ရှိတော်မူဟူ ငါ့ရှေမာ အယ်သူဟို့ ငါဝန်ခံမယ်။ 33 အယ်ဘောမဲ့ လူလေရှေမာ ငါ့ဟို့ ငြင်းပယ်ဟယ် ဆိုဟာ ကောန်းဂန်ဘောင်မာရှိဟူ ငါ့ရှေမာ အယ်သူဟို့ ငါငြင်းပယ်မယ်။” 34 “အယ်လောကဟို့ ငြိသတ်ရှင်းပေးဟို့တွပ် ငါလာဟယ် ဆိုဘီး ထန်ဂေန။ ငြိသတ်ရှင်းပေးဟို့ လာဟူဇာ မူဟာ။ အယ်ဘောမဲ့ ရှင်းရှင်းကွဲဟို့တွပ် ငါလာဟူဇာ ဖြစ်လေဟယ်။ 35 ဖနသား၊ မိနမီး၊ ယောက္ခမနု ချွေးမလေ ရှင်းရှင်း စိဝန်းကွဲစေဟို့တွပ် ငါလာဇာဖြစ်ဟူကြောန့် 36 နန်းနို့ရဲ့ အီသုအီသားလေလည်း နန်းနို့ရဲ့ ရန်သူလေ ဖြစ်လာလေမယ်။” 37 “ယော့-က်ယော့-က်ဟာ ငါ့ထတ် သူးနို့ရဲ့ မိဖဟို့ ပိုဘီး ရှစ်လေဟယ်။ အယ်သူဟာ ငါနုထိုက်တန်ဟာ။ ယော့-က်ယော့-က်ဟာ ငါ့ဟို့ ရှစ်ဟူထတ် သားမီးလေဟို့ ပိုဘီး ရှစ်လေဟယ်။ အယ်သူဟာလည်း ငါနုထိုက်တန်ဟာ။ 38 သူးနို့ရဲ့ လတ်ဝါးကပ်တိုင်ဟို့ ထမ်းဘီး ငါ့နော့-က်ဟို့ လိုက်ဂေဘဲနေသူဟာ ငါ့တဗွဲလေဖြစ်ဟို့ ထိုက်တန်ဂေဟာ။ 39 သူးနို့ရဲ့သတ်ဟို့ တွဲဟူသူဟာ သတ်ရှောင်းလေမယ်။ အယ်ဘောမဲ့ ငါ့ကြောန့် သူးနို့ရဲ့ သတ်ရှောင်းဟူသူဟာ သတ်ဟို့ တွဲရလေမယ်။” 40 “နန်းနို့ဟို့ လတ်ခံဟူ သူလေဟာ ငါ့ဟို့ လတ်ခံဇာဖြစ်လေဟယ်။ ငါ့ဟို့ လတ်ခံဟူ သူလေဟာလည်း ငါ့ဟို့ စေလွှတ်ဟူသူဟို့ လတ်ခံဇာဖြစ်လေဟယ်။ 41 ဘုရားသခင်ရဲ့ နာမတော်ဟို့ ထော့-က်ဘီး ဘုရားသခင်ရဲ့ ပရောဖက်ဟို့ လတ်ခံဟူသူလေဟာ အယ်ပရောဖက်ရဲ့ ကျိုးဟို့ ခံစားရလေမယ်။ ဖြောန့်မတ်ဟူသူဟို့ ထော့-က်ဘီး ဖြောန့်မတ်ဟူသူဟို့ လတ်ခံဟူသူဟာလည်း ဖြောန့်မတ်ဟူသူရဲ့ ကျိုးဟို့ ခံစားရလေမယ်။ 42 ငါ မှန်ပြောမယ်၊ ငါ့နာမဟို့ ထော့-က်ဘီး ငါ့တဗွဲလေထဲဟု အားနဲဟူသူတယု-က်ယော့-က်ဟို့ ရေတခွပ်တိုက်ဟယ် ဆိုဟာ အယ်သူဟာ ကျိုးဟို့ ခံစားရလေမယ်” ဆိုဘီး မိန့်မှာဟားလေဟယ်။

11 ယေရှုဟာ တဗွဲတော်ဆယ့်နေ့ပါးဟို့ အယ်မူဇာလေ ဂူလောင်း မိန့်မှာဘီးဟာ ဂါလိလဲပြည်ရဲ့ ဗြိလေမာ ဆောင်းမဩဝါဒပေးဘီး ဒန်းကောန်းဟို့ ကြေညာဟို့တွပ် အယ်ရပ်ဟုနေဘီး ထွပ်ကြွဟားတော်မူလေဟယ်။ 2 ခရစ်တော် ပြုလောက်နေဟူ ကြောန်းရာလေဟို့ ထောန်ထဲမာ ယောဟန်ကြားရဟူ ခီမာ သူတဗွဲတချို့ဟို့ ကိုယ်တော်နားဟို့ လွှတ်ဘီး 3 “ကိုယ်တော်ဟာ ကြွလာတော်မူဟူ ခရစ်တော်ဘွဲလော။ နော့-က်မူဘဲနေဟာ တခြားတယော့-က်ဟို့ စောန့်မျှော်ရဟို့သေးလော” ဆိုဘီး မေးလျှော့-က်စေလေဟယ်။ 4 ယေရှုဟလည်း “နန်းနို့ကြားသိဟူ ဇာလေ၊ ဗြင်တွဲဟူ

ဇာလေဟ် သွားဘီးဟာ ယောဟန်ဟ် ပြောပြဂေ့ပါ။ 5 မျစ်စိကန်းနေဟူ သူလေဟာ မျစ်စိပြင်ရဟယ်။ ခေလတ်သေနေဟူ သူလေလည်း လမ်းသွားရဟယ်။ နူနာရောဂါသယ်လေဟာ သန်ရှင်းမှုဟ် ရဟယ်။ နားကြားဘဲနေဟူသူလေ နားကြားရဟယ်။ သေဟူသူလေဟာ ယွန်ရှင်ဇာဟ်ခံရဟယ်။ ဆင်းရဲသားလေလည်း ဝန်းသာဇာဒန်းကောင်းဟ် ကြားရလေဟယ်။ 6 ငါဟ် ငြင်းပယ်ဘဲဟူ လူလေဟာ မင်္ဂလာရှိဟယ်။” ဆိုဘီး မိန့်တော်မူလေဟယ်။ 7 ယောဟန်ရဲ့ တဗွဲလေ ယွန်ဟားဒီမာ ယေရူဟာ ယောဟန်ဟ် ကြောန်းပြဘီးဟာ ဒေသနာ နားထောန်ဟ် လာဟူသူလေဟ် “နန်းနီလေဟာ ဖယ်ဇာဟ် ကေ့ဟ် တောထဲဟ်သွားဂေ့နူး။ လေတိုက်ဘီး လှောက်ရှားတတ်ဟူ ကျူဗန်ဟ် ကေ့ရှင်ကြောန်း သွားဂေ့လော။ 8 အယ်မျိုးမှုဟာ ဆိုဟာ ဝတ်ကောင်းစားလုဝတ်ဟားဟူသူဟ် ကေ့ရှင်ကြောန်း သွားဂေ့လော။ အယ်မျိုးဝတ်ဟားဟူ သူလေဟာ မန်းဂီးရဲ့ နန်းတော်လေမာဘဲ ရှိဂေ့ဟယ်။ 9 ပရောဖက်ဟ် ကေ့ရှင်ကြောန်း သွားဇာလော။ မှန်ဟယ်။ ပရောဖက်ထတ် ကီးမြတ်ဟူ သူလည်းဖြစ်ဟယ် ဆိုဘီး နန်းနီလေဟ် ငါပြောဟယ်။ 10 ကျမ်းစာမာ ‘နန်သွားမယ့် လမ်းဟ် ပြင်ဟ်တုင် ဘုရားသခင်ဟာ ငါရဲ့တမန်ဟ် နန်ရှေမာ စေလွှတ်မယ်’ ဆိုဘီး ယောဟန်ကြောန်းဟ် ရေးဟားလေဟယ်။ 11 ငါ မှန်ပြောရမယ် ဆိုဟာ မီးမဗွီးဟူ သူလေထဲမာ ဗတ္တိဇယောဟန်ထတ် ကီးမြတ်ဟူသူ တယော့-က်လည်း ပေါ်ထွပ်သေးဟူ။ အယ်ဘောမဲ့ ကောန်းဂန်နိုင်ငံတော်မာ ငယ်ဆောင်းဖြစ်ဟူသူဟာ ယောဟန်ထတ် ပိုဘီး ကီးမြတ်လေဟယ်။ 12 ဗတ္တိဇယောဟန် လတ်ထတ်ဟုနေဘီး ခုဒီထိ ကောန်းဂန်နိုင်ငံတော်ဟာ အဓမ္မလူလေရဲ့ ကြမ်းဖတ်မှုလေဟ် ခံရလေဟယ်။ 13 ယောဟန်ပေါ်ထွပ်ခန်ဂဒဲဟာ မောရေရဲ့ ပညတ္တိကျမ်းန ပရောဖက်လေ ဂူလောင်းဟာ ကောန်းဂန်နိုင်ငံတော်ကြောန်းဟ် ပြောဟားဟယ်။ 14 နန်းနီလေဟာ လတ်ခံဟ် ဆန္ဒာရှိမယ် ဆိုဟာ အယ်သူဟာ ဇလိယဘဲ ဖြစ်ဟယ်။ 15 နန်းနီမာ နားရှိဟယ် ဆိုဟာ ကြားဂေ့။” 16 “အယ်ခေတ် လူလေဟ် ငါဖယ်မျိုး နိုင်းပြရဟ်နူး။ ဇာတ်ပွဲကနေဟူ လူငယ်လေဟာ သူးနီငယ်ဂျင်းလေဟ် အော်ဘီးဟာ 17 ‘နီလေဟာ သားသာယားယာ တီးမူဂေ့ဟူလည်းဘဲ နန်းနီလေ ကဂေ့ဟု! ဝန်းနဲ့ပူဆွေးဟူချင်းဟ် ဆိုဟူလည်းဘဲ ငိုဂေ့ဟု!’ ဆိုဘီး ပြောဟူလူငယ်လေန အယ်လူမျိုးလေဟာ တူလေဟယ်။ 18 ယောဟန်ဟာ စားသော့-က်ဘဲန လာဟယ် ဆိုဟာ သူးနီလေဟာ ‘အယ်သူဟာ နတ်ဆိုးဝမ်းနေဟူ သူဖြစ်ဟယ်!’ ဆိုဘီး ပြောဆိုဂေ့လေဟယ်။ 19 လူရဲ့သားဟာ စားသော့-က်ဘီးလာဟယ် ဆိုဟာ ‘ကေ့ကေ့ အယ်လူဟာ စားမတ်ဘီး ဝိုင်သော့-က်သူ၊ ခွန်ကော့-က်မားလေန ပြစ်သားလေရဲ့ မိဆွေဖြစ်ဟယ်!’ ဆိုဘီး ပြောဂေ့ဗွန်ဟယ်။ အယ်ဘောမဲ့ ဘုရားသခင်ရဲ့ ဉာဏ်ပညာတော်ဟာ မှန်ကန်ကြောန်းဟ် အယ်မူကြောန်းရာအားဖြင့် သတ်သေပြဟယ်” ဆိုဘီး မိန့်တော်မူလေဟယ်။ 20 အယ်ဘီးန ယေရူဟာ နိမိတ်လတ်ခဏာလေဟ် ပြဘီးလည်းဘဲ နောန်ဒရဂေ့ဘဲဟူ မြို့လေဟ် ပြစ်တန်ဘီး ဆောင်းမတော်မူလေဟယ်။ 21 “အို၊ ခေါရဇိဗြို့၊ နန်ဟာ အမင်္ဂလာရှိလေဟယ်၊ အို၊ ဗက်ဇဲဒဗြို့၊ နန်ဟာ အမင်္ဂလာရှိလေဟယ်၊ နန်းနီလေမာ ငါပြဟူတဂိုးလေဟ် တုရုဗြို့န ဇိဒုန်ဗြို့လေမာ ပြလိုက်မယ် ဆိုဟာ အယ်ဗြို့လေဟာ ရှေးမဆွဂဒဲဟာ လျော်တေဝတ်ဟ် ဝတ်ဘီး၊ ညာနလူးဘီး နောန်ဒရဟားဂေ့ဘီ။ 22 ငါပြောမယ်။ တရားစီရင်ဟူနေမာ ဘုရားသခင်ဟာ နန်းနီလေထတ် တုရုဗြို့န ဇိဒုန်ဗြို့ဟ် ပိုဘီး ကရုဏာတော် ပြလေမယ်။ 23 ကပေရနောင်ဗြို့၊ နန်ဟာ ကောန်းဂန်ဘောင်ထိအောန် မွှော့-က်စားခံရလေမယ် ဆိုဘီး ထန်နေလော။ မရုဏာနိုင်ငံဟ် ပစ်ခွဲခံရလေမယ်၊ နန်းနီနားမာ ပြလိုက်ဟူ တဂိုးလေဟ် သော့ဒ်ဗြို့မာလည်း ပြဗူးမယ် ဆိုဟာ အယ်ဗြို့ဟာ ခုဒီထိ ပျစ်စီးဘဲရှိနေလေမယ်။ (Hadēs g86) 24 ငါပြောမယ်။ တရားစီရင်ဟူနေမာ ဘုရားသခင်ဟာ နန်ထတ် သော့ဒ်ဗြို့ဟ် ပိုဘီး ကရုဏာတော် ပြလေမယ်။” ဆိုဘီး မိန့်တော်မူလေဟယ်။ 25 အယ်ဒီမာ ယေရူဟာ “ဖ၊ ကောန်းဂန်ဘောင်န မွှော့ဒီးရဲသခင်၊ ကိုယ်တော်ဟာ ပညာရှိလေဟ် သီစေဘဲ ဖောင်းကွယ်ဟားဘီး ပညာမွှော့ဘဲဟူ သူလေဟ်ဘဲ ဖွမ်ပြပေးဟ်ကြောန်း ကျွန်တော်ဟ် ချီးမွမ်းပါဟယ်။ 26 မှန်ပါဟယ် ဖ၊ အယ်မူဇာဟာ ကိုယ်တော် လိုတော်ရှိဟူဇာဖြစ်ဟယ်။ 27 “ငါဖဟာ ရှိမျှဂူလောင်းဟ် ငါ့ဟ် ပေးဟားပီးဘီ။ ဖဟာလွဲဘီး ဖယ်သူလည်း သားတော်ဟ် သိဂေ့ဟု။ ဖဟ်လည်း သားတော်န သားတော်ဟာ ဖွမ်ပြလိုဟူ သူဟာလွဲဘီး ဖယ်သူလည်း သိဂေ့ဟု။ 28 “ဝန်လေးဘီး ပန်ဘန်းနေဟူ သူလေ ဂူလောင်း ငါနားဟ် လာဂေ့ပါ။ ငါနန်းနီဟ် နားပေးမယ်။ 29

ငါ့ထမ်းဘိုးဟို ယူဘီးထမ်းဂေ့ပါ။ ငါ့နားမာ သန်ယူဂေ့ပါ။ ငါဟာ နူးညံ့သိမ်မွေ့ဘီး နို့ညှဟူ စိသဘောရှိကြောန့် နန်းနို့ဟာ သတ်သာမှုဟို တွဲဂေ့လေ့မယ်။ **30** ဖြားဖြစ်ကြောန့်နို့ဆိုဟာ ငါ့ထမ်းဘိုးဟာ ထမ်းရလွယ်ဘီး ဝန်လည်းပေါ့ဟယ်” ဆိုဘီး မိန့်တော်မူလေဟယ်။

12 ဒန်းနေမာ ယေရှုဟာ ဂျောင်စဗားလယ်ဂွမ်လေဟို ဖြတ်ရှော့- က်ဟားဟယ်။ ကိုယ်တော်ရဲ့ တဗွဲတော်လေဟာ ရရာတိုင်း ပိုက်ဆာဂေ့ဟိုကြောန့် ဂျောင်စဗားနံလေဟို ဆွတ်ဘီးစားဂေ့လေဟယ်။ **2** အယ်မူဇာဟို ဖာရိုရှ်လေပြင်ဟူ ခီမာ “ကေ့ဂေ့၊ ကိုယ်တော်ရဲ့ တဗွဲတော်လေဟာ ဒန်းနေမာ လောက်အပ်ဘဲဟူဇာလေဟို လောက်နေဂေ့ဘိ!” ဆိုဘီး ယေရှုဟို ပြောဂေ့လေဟယ်။ **3** ယေရှုဟာ “ဒါဝိဒ်ဟာ သူပေါန်းဖော်လေနတုးဒု ပိုက်ဆာလာဟူ ခီမာ ဖယ်မျိုး လောက်ဟားဟယ် ဆိုဇာဟို နန်းနို့ လောင်းဝ ဖတ်ဖူးဂေ့ဟလော။ **4** သူန သူပေါန်းဖော်လေဟာ ဘုရားသခင်ရဲ့ ဗိမာန်တော်ဟို ဝမ်းဘီး သူလည်းစားမအပ်၊ သူပေါန်းဖော်လေလည်း စားအပ်ဘဲဟူ၊ ဘုရားသခင်ဟို ဆစ်ကပ်ဟားဟူ မဟို ပညတ်တရားဟို ဆန်ကျင်ဘီး စားဂေ့လေဟယ်။ အယ်မူဟာ ယဇ်ပုရောဟိတ်လေဘဲ စားအပ်လေဟယ်။ **5** ယဇ်ပုရောဟိတ်လေလည်း ဒန်းနေမာ ဗိမာန်တော်မာ ဒန်းနေနဆိုင်ဟူ ပညတ်ဟို ချိုးဖော့- က်ဟူလည်းဘဲ ပြစ်ဖြစ်ဘဲနေဇာဟို မောရှေရဲ့ ပညတ္တိကျမ်းစာမာ ဖတ်ဖူးဟလော။ **6** ငါပြောမယ်၊ အယ်ရပ်မာ ဗိမာန်တော်ထတ် ပိုဘီး ကီးမြတ်ဟူဇာ ရှိလေဟယ်။ **7** ‘ယဇ်ပုရောဟိတ် သနားကြင်နာမှုဟို ငါ ပိုဘီး နှစ်သက်ဟယ်။’ အယ်ကျမ်းစာဟို နန်းနို့နားလည်ဟယ် ဆိုဟာ ပြစ်မွေ့ဘဲဟူ သူလေဟို ပြစ်တန်စီရင်လေဟို မူဟူ။ **8** ဖြားဖြစ်ကြောန့်နို့ဆိုဟာ လူရဲသားဟာ ဒန်းနေရဲ့ သခင်ဖြစ်ဟယ်” ဆိုဘီး မိန့်တော်မူလေဟယ်။ **9** ယေရှုဟာ အယ်ရပ်ဟာ ကြွဟားဘီးဟာ ဝါလယ်ဇရပ်ထဲဟို ဝမ်လေဟယ်။ **10** အယ်နေရာမာ လတ်တဖတ်သေနေဟူ လူတယော့- က်ရှိနေလေဟယ်။ တချို့လူလေဟာ ယေရှုဟို ပြစ်တန်စွပ်စွဲရှင်ဟိုကြောန့် “ဒန်းနေမာ ရောဂါဟို ကုသပေးဇာဟာ ပညတ်တော်ဟို ဆန်ကျင်ဇာမူဟလော” ဆိုဘီး မေးလျှော့- က်ဂေ့လေဟယ်။ **11** ယေရှုဟာ “တကယ်ဟို နန်းနို့မာ သိုးတကောန်ဘဲရှိဟယ်။ အယ်သိုးဟာ ဒန်းနေမာ တွမ်းထဲဟို ကြွဟားဟယ် ဆိုဟာ နန်းနို့ဟာ ဆွဲဒန်ဘဲန နေဟိုလော။ **12** လူဟာ သိုးထတ် ပိုဘီး မြတ်လေဟယ်၊ အယ်ကြောန့် နို့လေရဲ့ ပညတ်တော်ဟာ ဒန်းနေမာ ကယ်တန်ပေးဟို ခွမ်ပြဟားဟယ်” ဆိုဘီး မိန့်တော်မူလေဟယ်။ **13** အယ်ဘီးန လတ်သေနေဟူသူဟို “နန်ရဲ့ လတ်ဟို ဆန်လိုက်” ဆိုဘီး ပြောလေဟယ်။ အယ်သူဟာ သူလတ်ဟို ဆန်လိုက်ဘီးန ကျန်ဟူလတ်တဖတ်မျိုး ကောင်းတိုင်း ပျန်ဖြစ်ဟားလေဟယ်။ **14** အယ်ဘီးန ဖာရိုရှ်လေဟာ ထွပ်ဟားဘီး ယေရှုဟို သတ်ဟိုတွပ် ကြံစည်ဂေ့လေဟယ်။ **15** အယ်မျိုး ကြံစည်ဟားဇာဟို ယေရှုသိတော်မူဟူ ခီမာ တခြားနေရာဟို ထွပ်ကြွဟားလေဟယ်။ လူအောက်ဂီးလည်းဘဲ နော့- က်တော်ဟို လိုက်ဟားဂေ့ဟယ်။ ကိုယ်တော်ဟာ သူးနို့လေရဲ့ ရောဂါလေ ဂူလောင်းဟို ပျော့- က်ကင်းစေလေဟယ်။ **16** သူ့ကြောန့်ရာလေဟို ဖယ်သူဟိုလည်း ပြောဂေ့ဘဲဟိုတွပ် မိန့်ပေးတော်မူလေဟယ်။ **17** အယ်မျိုး မိန့်ပေးဟားဇာဟာ ပရောဖက် ဟေရှာယအားဖြင့် ဘုရားသခင် ပေးဟားဟူ ဗျာဒိတ်တော် ပွဲဇောင်ဟိုတွပ် ဖြစ်လေဟယ်။ ဗျာဒိတ်တော်ဟု၊ **18** “ငါမြတ်နိုးဘီး ရှစ်ရဟူ၊ ငါဝီးကော့- က်ဟားဟူ ငါ့ရဲ့ စေခံဟို ကေ့ရှုဂေ့ပါ။ ငါ့ဝိညာဉ်တော်ဟို အယ်သူထတ်ဟို ငါစေလွှတ်မယ်။ အယ်သူဟာ လူမျိုးဘောင်းဇောင်ဟို တရားပေးလေ့မယ်။ **19** ငြင်းခူဇာလေ၊ အော်ဟစ်ဇာလေဟို လောက်ဟူ။ လမ်းမာလည်း သူရဲအသံဟို ဖယ်သူဟိုလည်း ကြားစေဟူ။ **20** သူဟာ ကွေ့ကော့- က်ဟူ ကျူဗန်ဟို ချိုးဘဲန၊ မီးခိုးများဟူ မီးဇာဟိုလည်း သတ်ဘဲန၊ တရားမျှတမှုဟို အောက်မြင်ဟိုတွပ် ပို့ဆောင်လေ့မယ်။ **21** သူရဲ့ နာမဟိုလည်း လူမျိုးဘောင်းဇောင် မျှော်လင့်လေ့မယ်” ဆိုဘီး ဟောဟားလေဟယ်။ **22** အယ်ခီမာ နတ်ဆိုးဝမ်းပူးနေဟူ မျစ်စိကန်းဘီး စကားအနေဟူ လူတယော့- က်ဟို ယေရှုနားဟို ခေါ်ဆောန်လာဂေ့လေဟယ်။ ယေရှုဟာ နတ်ဆိုးဟို နန်ထုလိုက်ဟူကြောန့် အယ်သူဟာ မျစ်စိပြင်လာဘီး စကားပြောလေဟယ်။ **23** လူအောက်ဂီးဟာ ရရာတိုင်း အံ့ဩဟားဘီးဟာ “အယ်သူဟာ ဒါဝိဒ်ရဲသားတော် ဖြစ်လေ့မယ်လော” ဆိုဘီး မေးဂေ့လေဟယ်။ **24** အယ်မူဇာလေဟို ဖာရိုရှ်လေကြားဟူ ခီမာ “အယ်သူဟာ နတ်ဆိုးခေါင်းဆောန် ဗေလဇေဗုလဟို အားကိုးဘီးဟာ နတ်ဆိုးလေဟို နန်ထုဟယ်” ဆိုဘီး ပြောဆိုဂေ့လေဟယ်။ **25**

ယေရှုဟာ အယ်သုလေရဲ့ စိန်ခေါ်ခံရတာကို သိနေကြောင်း “နိုင်ငံတော်နိုင်ငံဟာ ရှင်းရှင်း တိုက်ခိုက်ဘီး ကွဲပြားနေမယ် ဆိုဟာ အယ်နိုင်ငံဟာ ကြာခန့် ပျစ်စီးလေ့မယ်။ အယ်မျိုးဘွဲ့ လူလေစိဝန်းကွဲပြားဘီး ရှင်းရှင်း တိုက်ခိုက်နေမယ် ဆိုဟာ အယ်မြို့၊ အယ်အိထောန်ဟာ ပျစ်စီးလေ့မယ်။ 26 စာတန်ရဲ့ အောက်စိုးမှုဟို့ ဝန်ခံဟူသူလေဟာ ရှင်းရှင်း တိုက်ခိုက်ဘီး ကွဲပြားနေမယ် ဆိုဟာ သူးခိုနိုင်ငံဟာ ဖယ်မျိုးလည်း တည်မြဲနိုင်ဟို့မှုဟူ! 27 ငါဟာ နတ်ဆိုးခေါင်းဆောင် ဗေဗလဇေဗုလဟို့ အားကိုးဘီးဟာ နတ်ဆိုးလေဟို့ နှန်ထုဟယ် ဆိုဟာ နန်းနို့တဗွဲလေဟာ ဖယ်သူဟို့ အားကိုးဘီးဟာ နှန်ထုဂေ့နူး။ နန်းနို့လေ မားယွင်းနေဟယ် ဆိုစာဟို့ နန်းနို့တဗွဲလေ ပြုမှုဟု သတ်သေပြနေဟယ်။ 28 ငါဟာ ဘုရားသခင်ရဲ့ ဝိညာဉ်တော်ဟို့ အားကိုးဘီးဟာ နတ်ဆိုးလေဟို့ နှန်ထုဟယ် ဆိုဟာ နန်းနို့လေတွင် ဘုရားသခင်ရဲ့ နိုင်ငံတော် တည်ဟို့ခီ ရော့-က်လေဘီ။” 29 “ဖယ်သူလည်း ခွန်အားကီးဟူလူဟို့ ရင်ဦးဆောင်း ကြိုးန တောက်ဘဲန သူ့အိထေဟို့ ဝမ်ဘီးဟာ သူ့ပစ်စီးလေဟို့ လုယူနိုင်ဟို့မှုဟူ။ သူဟို့ ရင်ဦးဆောင်း တောက်ဘီးမှ သူ့အိစာရှိဟူ ပစ်စီးလေဟို့ လုယူနိုင်လေ့မယ်။” 30 “ငါဖတ်မာ နေဘဲဟူသူဟာ ငါ့ရန်ဖတ်ဖြစ်ဟယ်။ ငါ့နတူးဒု စုသီးဘဲဟူသူဟာ ကြဲဖြန့်နေဟူသူ ဖြစ်လေဟယ်။ 31 အယ်ကြောန့် ငါပြောမယ်။ ပြစ်မှားပြောဆိုဟူပြစ်န ကဲ့ရဲ့ဟူ ပြစ်ဘောင်းဇောင်တွင် လူလေဟာ ခွမ်လွတ်ခံရနိုင်ဘောမဲ့ သန်ရှင်းဟူဝိညာဉ်တော်ဟို့ ပြစ်မှားဘီး ပြောဆိုဟူ သူဟာ ခွမ်လွတ်ခံရဟို့ မှုဟူ။ 32 လူရဲ့သားဟို့ နောက်နပြစ်မှားဘီး ပြောဆိုဟူသူရဲ့ ပြစ်ဟို့လည်း လွတ်နိုင်ဟယ်။ သန်ရှင်းဟူဝိညာဉ်တော်ဟို့ ပြစ်မှားဘီး ပြောဆိုဟူ သူဟာ ခုဘဝ နော့-က်ဘဝ လွတ်နိုင်ဟူ။” (aiōn g165) 33 “သီးကောင်းဟို့ လိုရှင်ဟယ် ဆိုဟာ သစ်ပန်ကောင်းဟို့ စိုက်ရဟယ်။ သစ်ပန်ကောင်းဟာ သီးကောင်းဟို့ဘွဲ့ သီးလေ့မယ်။ သီးဟို့ ကေ့လိုက်ဟူန သစ်ပန်ရဲ့ သဘောဟို့ သိရလေဟယ်။ 34 ဝေ့ ဝီဗွေးလေ နန်းနို့လေဟာ ယောက်ညံ့ဟူသူလေ ဖြစ်ဟူကြောန့် ကောင်းမြတ်ဟူ စကားလေဟို့ ဖယ်မျိုး ပြောနိုင်ဂေ့မယ်နူး။ စိန်လောင်းထဲမာ ရှိဟူတိုင်းဘွဲ့ နောက်ဟု ပြောတတ်လေဟယ်။ 35 ကောင်းမြတ်ဟူသူလေဟာ ကောင်းမြတ်ဟူ စိန်လောင်းဘဏ္ဍာတိုက်ထဲဟု ကောင်းမြတ်ဟူဇာလေဟို့ ထုဖော်တတ်ဘီး ယောက်ညံ့ဟူသူလေဟာ ယောက်ညံ့ဟူ စိန်လောင်းဘဏ္ဍာတိုက်ထဲဟုနေဘီး ယောက်ညံ့ဟူဇာလေဟို့ဘွဲ့ ထုဖော်တတ်လေဟယ်။” 36 “နန်းနို့လေဟို့ ငါပြောမယ်။ တရားစီရင်ဟူနေမာ လူတိုင်း ကျိုးမွှေဘဲဟူ စကားလေတွင် စစ်ကြောစီရင်ခံရလေ့မယ်။ 37 နန်းနို့ရဲ့ စကားအားဖြင့် ပြစ်လွတ်ခံရဘီး နန်းနို့ရဲ့ စကားအားဖြင့်ဘွဲ့ ပြစ်စီရင်ဇာဟို့ ခံရလေ့မယ်” ဆိုဘီး မိန့်တော်မူလေဟယ်။ 38 အယ်ခီမာ ကျမ်းပြုဆရာတချို့န ဖာရိုရဲ့လေဟာ “ဆရာ၊ ကျွန်တော်ဟားလေ ကိုယ်တော်ပြဟူ နိမိတ်လတ်ခဏာတခုခုဟို့ ဗြင်ရှင်ပါဟယ်” ဆိုဘီး လျှော့-က်ဂေ့ဟယ်။ 39 ယေရှုဟာ “ဆိုးညစ်ဘီး ဉာဏ်များဟူ အယ်နေခေတ်ရဲ့ အဓမ္မလူလေ! နန်းနို့လေ တောင်းနေဟူ နိမိတ်လတ်ခဏာဟာ ပရောဖက်ယောနရဲ့ နိမိတ်လတ်ခဏာဟုလွဲဘီး ဖယ်မျိုး နိမိတ်လတ်ခဏာလည်း ဗြင်တိုရ်ဟို့ မှုဟူ။ 40 ယောနဟာ ငါးဂီးဗိုက်ထဲမာ သောင်းရစ် လောင်းလောင်း နေရဟူမျိုး လူရဲ့သားဟာ ဓမ္မဂီးထဲမာ သောင်းရစ်နေရလေ့မယ်။ 41 တရားစီရင်ဟူနေမာ နိန်ဝေဗြို သားလေဟာ အယ်လူမျိုးလေဟို့ ထဘီးဟာ ပြစ်တန်ဂေ့လေ့မယ်။ ဖြားဖြစ်ကြောန့်နူးဆိုဟာ သူးခိုလေဟာ ယောနဟောပြောဟူ စကားကြောန့် နှောန်ဒရဂေ့ဟယ်။ အယ်နေရာမာ ယောနထတ် ပိုဘီး ကီးမြတ်ဟူသူ ရှိနေလေဟယ်။ 42 တရားစီရင်ဟူနေမာ ရှေ့ဘပြည်ရဲ့ မိဖုရားဟာ အယ်လူမျိုးလေဟို့ ထဘီးဟာ ပြစ်တန်လေ့မယ်။ ဖြားဖြစ်ကြောန့်နူးဆိုဟာ အယ်မိဖုရားဟု ရှောလမုန် မန်းဂီးရဲ့ ပညာစကားဟို့ နားထောန်ရှင်ကြောန့် ရေခြားဓမ္မခြားဟုနေဘီး လာလေဟယ်။ အယ်နေရာမာ ရှောလမုန် မန်းဂီးထတ် ကီးမြတ်ဟူသူရှိလေဟယ်။ 43 “ညစ်ညူးဟူနတ်လေဟာ လူရဲ့ကိုယ်ထဲဟု ထွပ်ဟားဘီးခီမာ ခြွေ-က်သို့ဟူနေရာလေမာ သူးခိုနေဟို့နေရာလေဟို့ လိုက်ရှာတတ်လေဟယ်။ ရှာတို့နိုင်ဟု ဆိုဟာ 44 ‘ငါ့အိဟို့ ယွန်သွားအူးမယ်။’ အယ်ကြောန့် ယွန်ရော့-က်ဟားဘီးန အယ်အိဟာ သပ်သပ်ရပ်ရပ် ရှင်းလန်းဟားဇာဟို့ တွဲရဟယ်။ 45 အယ်ဘီးန သူထတ် ပိုဘီး ညစ်ညူးဟူ နတ်ဆိုးခွန်နေကောန်ဟို့ ခေါ်လာဘီးဟာ အယ်လူထဲဟို့ ဝမ်လေဟယ်။ အယ်သူရဲ့ နော့-က်ဖြစ်ဟူဇာဟာ ရှေ့ဖြစ်ဟူဇာထတ် ပိုဘီး ဆိုးဝါးလေဟယ်။ ဆိုးညစ်ဟူ အယ်လူမျိုးလေဟာ အယ်မျိုးခံစားရလေ့မယ်” ဆိုဘီး မိန့်တော်မူလေဟယ်။ 46 ယေရှုဟာ ပရိသတ်လေဟို့ ပြောနေနူး

မိန ညီလေဟာ ရော့-က်လာဟယ်။ ကိုယ်တော်ဟို တွဲရှင်ဟူကြောင့် သူးနိုဟာ ပွန်မာ စောင့်နေဂေလေဟယ်။ 47 အယ်ကြောင့် လူတယော့-က်ဟာ “ကိုယ်တော်ရဲ့ မိန ညီလေဟာ ကိုယ်တော်ဟို တွဲရှင်ဟူကြောင့် ပွန်မာ စောင့်နေဂေဟယ်” ဆိုဘီး လျော့-က်လေဟယ်။ 48 ယေရှုဟုလည်း “ငါ့မိ၊ ငါ့ညီလေဟာ ဖယ်သူနွဲ့” ဆိုဘီး မေးလေဟယ်။ 49 အယ်ဘီးန တဗဲတော်လေဟို ညွှန်ပြဘီးဟာ “ကေ့ဂေ! ငါ့မိ၊ ငါ့ညီလေဟာ အယ်သူလေဘဲ ဖြစ်လေဟယ်! 50 ကောန်းဂန်ဘောင်မာ ရှိတော်မူဟူ ငါ့ဖရဲ လိုတော်ဟို ဆောန်ရှက်ဟူ သူမှန်ဟူမျှဟာ ငါ့ညီ၊ ငါ့ညီမန ငါ့မိလေဘဲ ဖြစ်ဟယ်” ဆိုဘီး မိန့်တော်မူလေဟယ်။

13 အယ်နေမာ ယေရှုဟာ အီဟုနေ ထွပ်ကြွဟားဘီး အိုင်ကမ်းနားမာ ထိုင်နေလေဟယ်။ 2 ကိုယ်တော်နားမာ စုဝီးနေဟူ လူအောက်ဂီးဟာ ရရာတိုင်း များဂေကြောင့် လှေထတ်ဟို တတ်ဘီး ထိုင်နေလေဟယ်။ အယ်ခီမာ လူအောက်ဂီးဟာ ကမ်းနားမာ ရပ်နေဂေလေဟယ်။ 3 ကိုယ်တော်ဟာ အယ်သူလေဟို ပေါင်ဥပမာလေဘောင်းဂီးန သွန်သန်လေဟယ်။ “မျိုးစေ့ကြမားတယော့-က်ဟာ မျိုးစေ့ကြဟိုတွပ် ထွပ်ဟားလေဟယ်။ 4 သူဟာ မျိုးစေ့ဟို ကြဟူ ခီမာ တချို့စေ့လေဟာ လမ်းထတ်မာ ကွဟိုကြောင့် ငှတ်လေလာဘီးဟာ ကော့-က်စားဂေလေဟယ်။ 5 တချို့မျိုးစေ့လေဟာ မွေနှဲဘီး ကော့-က်များဟူ နေရာလေမာ ကွဟယ်။ မွေနှဲကြောင့် စေ့လေဟာ ပြန်ပြန်ပန်ပေါ-က်လာဟယ်။ 6 အယ်ဘေမဲ နေထွပ်လာဟူ ခီမာ ပြစ်စွဲဘဲကြောင့် ပုဒ်ဟို ခံနိုင်ဘဲ ခြော့-က်ဟားလေဟယ်။ 7 တချို့မျိုးစေ့လေဟာ ဆူးဒေါထဲဟို ကွဟိုကြောင့် ဆူးချောင်လေကြားမာ ကီးထွားနိုင်ဘဲ သေဂေလေဟယ်။ 8 တချို့စေ့လေဟာ ကောန်းဟူမွေမာ ကွဟူကြောင့် ပန်လေပေါ-က်လာဘီး တချို့ဟု ဆသောင်းဆယ်၊ တချို့ဟု ဆခြော့-က်ဆယ်၊ တချို့ဟု ဆတရာ ပွားများလာဘီးဟာ သီးသီးဂေလေဟယ်။” 9 ယေရှုဟာ “နန်းနိုမာ နားရှိဟယ် ဆိုဟာ ကြားဂေ!” ဆိုဘီး မိန့်တော်မူလေဟယ်။ 10 တဗဲတော်လေဟာ ကိုယ်တော်နားဟို လာဂေဘီးဟာ “ကိုယ်တော်ဟာ ဖြားဖြစ်ကြောင့် အယ်သူလေဟို ပေါင်ဥပမာလေန ဟောပြောဟယ်နွဲ့” ဆိုဘီး မေးလျော့-က်ဂေလေဟယ်။ 11 ကိုယ်တော်ဟု “နန်းနိုလေဟာ ကောန်းဂန်နိုင်တော်ရဲ့ နတ်နဲဟူ ကြောန်းရာလေဟို သိခွမ်ရှိဂေဟယ်။ အယ်ဘေမဲ တခြားသူလေဟာ သိခွမ် မေ့ဟု။ 12 ရှိဟူလူဟို ထပ်ပေးဘီး သူဟို ကြွယ်ဝစေလေမယ်။ မေ့ဘဲဟူ လူနားဟု ရှိဟူမျှဟို နှလေမယ်။ 13 အယ်ကြောင့် သူးနိုလေဟာ ကေ့နေဘေမဲလည်း ပြင်ဂေဟု။ နားထောန်နေဘေမဲလည်း ကြားဂေဟု။ နတ်မိပါယ်ဟိုလည်း နားလည်ဘဲကြောင့် ပေါင်ဥပမာဟို သောင်းပြုဘီး ငါဟောပြောရဟယ်။ 14 ပရောဖက် ဟောရှာယ ဟောပြောဖူးဟူ အနာဂတ္တိကျမ်းစကားဟာ အယ်သူလေမာ ပွဲဇောင်ရှင်းဟို ရော့-က်လေဟယ်။ ဟောပြောဟားဇာဟု၊ “အယ်လူလေဟာ ကြားနေဘေမဲလည်း နတ်မိပါယ်ဟို နားလည်ဘဲန ကြားဂေလေမယ်။ ပြင်နေဘေမဲလည်း အာရောင်ရော့-က်ဘဲန ပြင်ဂေလေမယ်။ 15 ဖြားဖြစ်ကြောင့်ဆိုဟာ အယ်လူလေရဲ့ စိန်လောင်းဟာ ထူထိုင်းနေဘီး နားဟုလည်း ကြားဂေဟု။ အယ်ဘီးဟာ မျစ်စိလည်း ပိနေဂေဟယ်။ အယ်သူလေရဲ့ မျစ်စိဟာ ပြင်ဘီး အယ်သူလေရဲ့ နားဟုလည်း ကြားဘီး အယ်သူလေရဲ့ စိန်လောင်းဟာ နားလည်ဘီး အယ်သူလေဟာ ငါနားဟို ပွန်လာမယ် ဆိုဟာ ငါဟာ အယ်သူလေဟို ကျန်းမာစေမယ်” ဆိုဘီး ပြောလေဟယ်။ 16 “နန်းနိုလေရဲ့ မျစ်စိပြင်ဘီး နန်းနိုလေရဲ့ နားကြားဟိုကြောင့် မင်္ဂလာရှိဟယ်။ 17 ငါ မှန်ပြောမယ်၊ နန်းနို ပြင်ရဟူဇာလေဟို ပရောဖက်လေန ဖြောန်မတ်ဟူသူလေဟာ ပြင်တွဲရှင်လည်းဘဲ ပြင်တွဲရဂေဟု။ နန်းနိုကြားရဟူဇာလေလည်း ကြားရဂေဟု။ 18 “အယ်ကြောင့် မျိုးစေ့ကြမားရဲ့ ပေါင်ဥပမာရဲ့ နတ်မိပါယ်ဟို နားထောန်ဂေ။ 19 လမ်းမာကွဟူ မျိုးစေ့ကြောန်းဟာ ဘုရားသခင်ရဲ့ နိုင်တော်တရားစကားဟို ကြားရဘေမဲလည်း နားလည်ဘဲဟူ လူလေနတူဟယ်။ နှလောင်းထဲဟုမျိုးစေ့ဟို နတ်ဆိုဟာ လာဘီး နှလူဟားဟယ်။ 20 ကော့-က်ပေါဟူမွေထတ်မာ ကွဟူမျိုးစေ့ ဆိုဇာဟာ တရားစကားဟို ကြားဟူနကြားရှင်း ဝန်းသာအားရခံယူဟူလူဟို ဆိုလိုဟယ်။ 21 အယ်ဘေမဲ စိန်လောင်းထဲမာ ပြစ်စွဲဘဲဟူကြောင့် တရားစကားအားဖြင့် ညဉ်းဆဲမှုလေဟို ခံလာရဟူ ခီမာ ရှစ်ရှင်းဖော့-က်ပွန်ဟားဟယ်။ 22 ဆူးချောင်မာ ကွဟူမျိုးစေ့ဟာ တရားစကားဟို ကြားရဘေမဲ ဘဝရဲ့ စိုးရိမ်ပူပန်မှုလေန စည်းဇိမ်အောက်စာလေရဲ့ လှည့်ဇားမှုလေအားဖြင့် တရားစကားဟို

တားဆီးလိုက်ဟူကြောင့် သီးသီးဘဲဟူသူလေဟူ ဆိုလိုဟု။ (aiṭh g165) 23 ကောန်းဟူမွေမာ ကွဟူမျိုးစေ့ကြောင်းရာဟု တရားစကားဟူ ကြားရခီမာ ဝန်းသာအားရခံယူဘီး ဆင်ခြင်နှလောင်းသွမ်းဟိုကြောင့် တချို့ဟု ဆသောင်းဆယ်၊ တချို့ဟု ဆဗြွေ-က်ဆယ်၊ တချို့ဟု ဆတရာ သီးသီးဟူ သူလေဖြစ်ဟု။” ဆိုဘီး မိန့်တော်မူလေဟု။ 24 ယေရှုဟု တခြားပေါင်ဥပမာန မိန့်တော်မူဟူဇာဟု “ကောန်းဂန်နိုင်ငံတော်ဟု ကောန်းဟူမျိုးစေ့ဟို လယ်ထဲမာ ကြိမ်းနတူလေဟု။ 25 လယ်သမားလေ အိမ်နိမိမာ ရန်သူလာဘီးဟု ဂျောင်မျိုးစေ့လေကြားထဲမာ ဖြစ်စေ့လေဟို ကြံလေဟု။ 26 အပန်လေပေါ-က်လာဘီး သီးနှံထွပ်လာခီမာ တောဖြစ်ပန်လေလည်း ထန်ရှားလာလေဟု။ 27 လယ်ဇရှင်ရဲ့ စေခံလေဟု လယ်ဇရှင်နားဟို လာဘီး ‘သခင်၊ ကျွန်တော်ဟားလေဟု ကောန်းဟူမျိုးစေ့ဟို လယ်ထဲမာ ကြံပါဟု။ တောဖြစ်ပန်လေဟု ဖယ်နေရာဟု ရှေး-က်လာပါနူး’ ဆိုဘီး မေးဂေ့လေဟု။ 28 လယ်ဇရှင်ဟု ‘အယ်မျိုးဖြစ်ဇာဟု ရန်သူလောက်ဇာဖြစ်ဟု’ ဆိုဘီး ယွန်ပြောလိုက်ဟု။ စေခံလေဟု ‘ကျွန်တော်ဟားလေ သွားနှပ်ရဟိုလော’ ဆိုဘီး မေးဂေ့လေဟု။ 29 လယ်ဇရှင်ဟု ‘နှုပန်အူး။ တောဖြစ်ပန်လေဟို နှုဟု ဆိုဟု ဗားဗန်လေလည်း ရောဘီးဟု နှုမိလေမယ်။ 30 ဗားရီခီထိ တူးဒူကီးနေပါစေ။ ဗားရီကာလမာ ရင်ဦးဆောင်း တောဖြစ်ပန်လေဟို ဝိုးနှုဘီးဟု မီးရှို့ဟိုတွပ် ကြိုးနယ်ဂေ့။ ဗားလေဟို စုသီးဘီးဟု ဗားဂတ်ထဲဟို ထဲဂေ့’ ဆိုဘီး ဗားရီမားလေဟို ငါပြောမယ် ဆိုဘီး လယ်ဇရှင်ဟု ပြောလေဟု။ ဆိုဘီး မိန့်တော်မူလေဟု။ 31 ယေရှုဟု တခြားပေါင်ဥပမာအားဖြင့် “ကောန်းဂန်နိုင်ငံတော်ဟု လယ်ထဲမာစိုက်ဟူ မုညင်းစေ့နတူလေဟု။ 32 မုညင်းစေ့ဟု စေ့လေ ဂူလောင်းထဲမာ ငယ်ဆောင်းဖြစ် ဘောမဲ့လည်း ကီးတတ်လာဟူ ခီမာ ဖြစ်ပန်လေ ဂူလောင်းထဲမာ ကီးဆောင်း ဖြစ်ဟု။ အယ်ကြောင့် ကောန်းဂန်ငှတ်လေဟု သစ်ကိုင်း သစ်ခပ်လေမာ သိုက်လောက်ဘီး ခိုနားနိုင်ဟူ သစ်ပန်တဗန် ဖြစ်လာလေဟု” ဆိုဘီး မိန့်တော်မူလေဟု။ 33 ယေရှုဟု တခြား ပေါင်ဥပမာအားဖြင့် “ကောန်းဂန်နိုင်ငံတော်ဟု တဆေးန တူဟု။ မီးမ တယော့-က်ဟု တဆေးဟို ယူဘီး မုညစ် သောင်းတောန်းထဲဟို ထုံလိုက်ဘီးဟု မုညစ် ဂူလောင်းဟို ဖောန်းကြွစေတတ်ဟု” ဆိုဘီး မိန့်တော်မူလေဟု။ 34 ယေရှုဟု လူအောက်ဂီးဟို အယ်မူကြောန်းရာလေဟို ပေါင်ဥပမာလေအားဖြင့် ဟောပြောတော်မူဘီး ပေါင်ဥပမာပါဘဲန ဖြားကြောန်းရာလေဟိုမ ဟောပြောတော် မူဟု။ 35 ကိုယ်တော်ဟု အယ်မျိုး ဟောပြောဟားဇာဟု “ငါဟု ပေါင်ဥပမာလေဟို သောင်းပြုဘီး သူးနိုဟို ငါပြောမယ်။ ကမ္ဘာဦးဟုနဘီး ကွယ်ဝပ်ဟားဟူဇာလေဟို ဖော်ပြပေးမယ်” ဆိုဘီး ပရောဖက်ပြောဟားဇာ ပွဲဇောင်ဟိုတွပ် ဖြစ်လေဟု။ 36 အယ်ဘီးန ယေရှုဟု တရားတော်ဟို ဆောင်းသတ်ဘီးဟု အီထဲဟို ဝမ်လေဟု။ တဗဲ့တော်လေလည်း ကိုယ်တော်နားဟို လာဂေ့ဘီးဟု “လယ်ထဲမာကြဟူ ဖြစ်စေ့ရဲ့ ပေါင်ဥပမာဟို ကျွန်တော်ဟားလေဟို ပြောပြပေးပါ” ဆိုဘီး လျော့-က်ဂေ့လေဟု။ 37 ယေရှုဟု “ကောန်းဟူ မျိုးစေ့ဟို ကြိမ်းဟု လူရဲ့သား ဖြစ်ဟု။ 38 လယ်ဟု အယ်လောကဖြစ်ဟု။ ကောန်းဟူ မျိုးစေ့ဟု နိုင်ငံတော်သား ဖြစ်ဟု။ ဖြစ်စေ့ဟု နတ်ဆိုးရဲ့ သားလေဖြစ်ဟု။ 39 ဖြစ်စေ့ဟို ကြဟူ ရန်သူဟု မာရ်နတ် ဖြစ်ဟု။ ဗားရီဟူ ကာလဟု အယ်ကမ္ဘာကူဆောင်းဟူ ခီမာ ဖြစ်ဘီး ဗားရီမားလေဟု ကောန်းဂန်တမန်လေ ဖြစ်ဟု။ (aiṭh g165) 40 တောဖြစ်ပန်လေဟို စုသီးဘီးဟု မီးရှို့ဟူမျိုး ကမ္ဘာကူဆောင်းဟူ ခီမာ ဖြစ်ရလေမယ်။ (aiṭh g165) 41 လူရဲ့သားဟု သူရဲ့ ကောန်းဂန်တမန်လေဟို စေလွှတ်ဘီးဟု လူလေဟို လမ်းလွဲဘီး မားယွင်းအောန်လောက်ဟူ သူလေန တရားဘဲဟူ သူလေ ဂူလောင်းဟို နိုင်ငံတော်ထဲဟု ဝီးထုဘီးဟု။ 42 တော့-က်လောန်နေဟူ မီးဖိုထဲဟို ပစ်ခွဲစေတော်မူမယ်။ အယ်သူလေလည်း အံသွားခဲလွှဲဘီး ငိုကြွေးရဂေ့လေမယ်။ 43 အယ်ဘီးန ဖြောန်မတ်ဟူ လူလေဟု သူးနိုရဲ့ ဖနိုင်ငံတော်မာ နေတော့-က်ပမျိုး တော့-က်ပလေမယ်။ နန်းနိုမာ နားရှိဟု ဆိုဟု ကြားဂေ့! 44 “ကောန်းဂန်နိုင်ငံတော်ဟု လယ်ထဲမာဝပ်ဟားဟူ ဘဏ္ဍာနတူလေဟု။ လူတယော-က်ဟု ဘဏ္ဍာဟို တွဲဟူ ခီမာ ယွန်ဖောင်းအောက်ဘီး ဝန်းသာအားရန ယွန်ဟားဘီး သူမာရှိဟူ ပစ်စီးလေ ဂူလောင်းဟို ရောင်းဘီးဟု အယ်လယ်ဟို ဝယ်လေဟု။ 45 “အယ်ဘီးဟု ကောန်းဂန်နိုင်ငံတော်ဟု ကောန်းဟူ ပုလဲဟို ရှာနေဟူ ကူသယ်န

တူဟယ်။ 46 အယ်မူကူသယ်ဟာ ကောန်းဟူ ပုလဲဟို တွဲရဟူ ခီမာ သူမာရှိဇာ ဂူလောင်းဟို ရောန်းဘီးဟာ အယ်ပုလဲဟို ဝယ်လေဟယ်။ 47 “အယ်ဘီးဟာ ကောန်းဂန်နိုင်ငံတော်ဟာ ပန်လယ်ထဲဟာ ငါးလေဟို ဖမ်းဟူပိုက်ကွန်နတူလေဟယ်။ 48 ပိုက်ကွန်ထဲမာ ငါးလေပွဲဟားခီမာ ငါးဖမ်းမားလေဟာ ကူးထပ်ဟို ဆွဲဒ်ဘီး ကောန်းဟူငါးလေဟို တောန်းထဲမာ ဝီးထဲဘီးဟာ ကောန်းဘဲဟူငါးလေဟို ပွန်ဟို ပစ်ထုလိုက်ဂေဟယ်။ 49 အယ်မူတိုင်းဘဲ ကပ်ကမ္ဘာကူဆောင်းဟူ ခီမာ ကောန်းဂန်တမန်လေ ဆင်းလာဘီး ပြောနမတ်ဟူသူလေထဲဟာ ဆိုးယောက်ဟူသူလေဟို ခွဲထုဘီးဟာ (aiñ g165) 50 တော့- က်လောန်နေဟူ မီးဖိုထဲဟို ပစ်ခွဲလေမယ်။ အယ်သူလေဟာ အံသွားခဲကွိုဘီး ငိုကြွေးရဂေလေမယ်” ဆိုဘီး မိန့်တော်မူလေဟယ်။ 51 ယေရူဟာ “အယ်ကြောန်းရာလေ ဂူလောင်းဟို နန်းခိုလေ နားလည်ဂေဘဲလော” ဆိုဘီး မေးတော်မူလိုက်ဟယ်။ တဖွဲတော်လေဟာ “နားလည်ပါဘီ သခင်” ဆိုဘီး လျှော့- က်ဂေလေဟယ်။ 52 ကိုယ်တော်ဟာ “အယ်မူဇာဟာ ကောန်းဂန်နိုင်ငံတော်ရဲ့ ကြောန်းရာဟို သန်ယုဘီး တဖွဲဖြစ်လာဟူ ကျမ်းပြုဆရာဟာ ကိုယ့်ရဲ့ ဘဏ္ဍာတိုက်ထဲဟာ ပစ်စီးသစ်န ပစ်စီးဟောင်းလေဟို ထုယူတတ်ဟူ အီရှင်နတူလေဟယ်” ဆိုဘီး မိန့်တော်မူလေဟယ်။ 53 အယ်ပေါင်ဥပမာလေဟို ယေရူ မိန့်တော်မူဘီးန ကိုယ်တော်ဟာ အယ်ရပ်ဟုနေ ထွပ်ဟားဘီး။ 54 နေထိုင်ဟူ ဗြို့ဟို ပွန်ကြွဟားတော်မူဟယ်။ ကိုယ်တော်ဟာ ဝါလယ်ဇရပ်မာ သွန်သန်လေဟယ်။ အယ်မူဇာဟို ကြားရဟူ လူလေလည်း အံ့ဩဂေဟယ်။ “အယ်သူဟာ အယ်ပညာဟို ဖယ်ဟုရလာနူး။ အယ်နိုမိတ်လတ်ခဏာလေလည်း ဖယ်ဟုရလာနူး။ 55 သူဟာ လတ်သမားရဲ့သား မူဟုလော။ သူမိဟာ မာရိ မူဟုလော။ သူ ညီလေဟာ ယာကုပ်၊ ယောသပ်၊ ရှိမုန်၊ ယုဒ မူဟုလော။ 56 သူရဲ့ညီမလေလည်း နိုလောနားမာ နေဂေဟယ် မူဟုလော။ အယ်ဆိုဟာ အယ်သူဟာ အယ်နိုမိတ်လတ်ခဏာလေဟို ဖယ်ဟုရလာနူး” ဆိုဘီး သွေးနို့ဟာ မေးဂေဟယ်။ 57 အယ်ကြောန့် သွေးနို့ဟာ ကိုယ်တော်ဟို ငြင်းပယ်ဂေလေဟယ်။ ယေရူဟာ “ပရောဖက်ဟာ ကိုယ့်ဗြို့ ကိုယ့်အီဟုနေလွဲဘီး နေရာတိုင်းမာ လေးစားခံရဟယ်” ဆိုဘီး မိန့်တော်မူလေဟယ်။ 58 အယ်သူလေဟာ ယောင်ကြည်ဘဲကြောန့် ကိုယ်တော်ဟာ အယ်နေရာမာ အံ့သွယ်တကိုးလေဟို ဘောင်ဂီးပြတော်မူဟာ။

14 အယ်ခီမာ ဂါလိလဲပြည်ဟို အောက်ချောက်ဟူ ဟေရုဒ်ဟာ ယေရူရဲ့ ဒန်းဟို ကြားရဟူ ခီမာ။ 2 “အယ်သူဟာ ဗတ္တိဇီယောဟန်ဘဲ ဖြစ်ဟယ်။ သူဟာ သေရာဟုနေ ပွန်ရှင်လာဘီ ဖြားဖြစ်ကြောန့်နူးဆိုဟာ နိုမိတ်လတ်ခဏာလေ ပြဟိုတွပ် အယ်တကိုးဟာ သူမာရှိနေဟယ်” ဆိုဘီး သူရဲ့ စေခံလေဟို ပြောဆိုလေဟယ်။ 3 ဟေရုဒ်ဟာ သူ ညီ ဖိလိပ္ပူရဲ့ မယား ဟေရောဒိကြောန့် ယောဟန်ဟို ဖမ်းဘီးဟာ ထောန်ထဲမာ ချောက်ဟားလေဟယ်။ 4 ဖြားဖြစ်ကြောန့်နူးဆိုဟာ ယောဟန်ဟာ “မန်းဂီးဟာ ကိုယ့်ညီရဲ့ မယားဟို သီးယူဇာဟာ ပညတ်တော်နညီဟာ” ဆိုဘီးဟာ ဟေရုဒ်ဟို ပြောဟားဖူးဟယ်။ 5 ဟေရုဒ်ဟာ ယောဟန်ဟို သတ်ရှင်ဘေမဲ့ ယုဒလူလေဟို ကြော့- က်ဟယ်။ ဖြားဖြစ်ကြောန့်နူးဆိုဟာ ယုဒလူလေဟာ ယောဟန်ဟို ပရောဖက်တပါး ဖြစ်ဟယ် ဆိုဘီး မှတ်ယူဂေဟယ်။ 6 ဟေရုဒ်ရဲ့ မွီးနေမာ ဟေရောဒိရဲ့ မီးဟာ ဧည့်သယ်လေရေမာ ကပြလေဟယ်။ ဟေရုဒ်ဟာ ရရာတိုင်း ကျေနပ်ဟားဘီး 7 “နန်တောန်းဟူမျှ ငါပေးမယ်!” ဆိုဘီး သစ်စာန ဂဒိပေးလေဟယ်။ 8 အယ်မီးမငယ်ဟုလည်း သူမိ တောန်းခိုင်းဟူတိုင်း “ဗတ္တိဇီယောဟန်ရဲ့ ခေါန်းဟို လန်းဗန်းထဲမာ ထဲပေးတော်မူပါ!” ဆိုဘီး တောန်းလေဟယ်။ 9 မန်းဂီးဟာ စိကောန်းဘဲ ဖြစ်ဟားဘေမဲ့လည်း ဧည့်သယ်လေရေမာ ပေးမယ် ဆိုဘီး ကီဆိုဟူတိုင်း ပေးဟိုတွပ် မိန့်ခွဲလိုက်လေဟယ်။ 10 အယ်ကြောန့် စောန့်တယော့- က်ဟို စေလွှတ်ဘီးဟာ ယောဟန်ရဲ့ ခေါန်းဟို ထောန်ထဲမာ ဖြတ်စေလေဟယ်။ 11 ခေါန်းဟို လန်းဗန်းထဲမာ တန်ဘီးဟာ ယူဆောန်လာဘီး မီးမငယ်ဟို ပေးလိုက်ဟယ်။ အယ်မီးမငယ်လည်း သူမိနားဟို ယူဆောန်ဟားလေဟယ်။ 12 ယောဟန်ရဲ့ တဖွဲလေဟာ လောန်းဟို ယူဘီး သင်္ဂြိုဟ်လေဟယ်။ အယ်ဘီးမှ ယေရူနားဟို သွားဘီး ပြောပြဂေလေဟယ်။ 13 အယ်ဒန်းဟို ယေရူကြားရဟူ ခီမာ လူသူကင်းရှင်းဟူ နေရာဟို လှေစီးဘီး ကြွဟားလေဟယ်။ ဗြို့ဝါလေဟာ လူလေလည်း အယ်ကြောန်းဟို ကြားရဂေကြောန့် နော့- က်တော်ဟို ကူးကြောန်းလိုက်ဂေလေဟယ်။ 14 ယေရူဟာ လေဟုနေ ဆင်းလိုက်ဘီး လူအောက်ဂီးဟို ပြိုင်ရခီမာ သွေးနို့ဟို သနားဟူစိ ရှိတော်မူဘီး ဖျားနာနေဟူလူလေ ဂူလောင်းဟို ကျန်းမာစေလေဟယ်။ 15 နေဒန်ဇာ ရော့- က်လာဟူ ခီမာ

တပွဲတော်လေဟာ ကိုယ်တော်နားဟို လာဘီး “အယ်နေရာဟာ လူသူကင်းဝီးဟူ နေရာဖြစ်ဘီး ခီလည်း နေ့-က်က္ကဟားဘီ။ လူလေဟို စေလွှတ်ဘီးဟာ ဝါလေမာ စားဇာဝယ်ခိုင်းဟိုတွပ် သွားခွမ်ပေးပါ” ဆိုဘီး လျှော့-က်ဂေလေဟယ်။ 16 ယေရူဟ “သူးနို့လေ သွားဇာလိုဟူ။ အယ်သူလေစားဟို စားဇာဟို နန်းနို့လေ ကိုယ်တိုင် ပေးဂေပါ!” ဆိုဘီး မိန့်တော်မူလေဟယ်။ 17 တပွဲတော်လေဟ “မုငါးလောင်းန ငါးနေ့ကောန်ဘဲ ကျွန်တော်ဟားလေမာ ရှိပါဟယ်” ဆိုဘီး ပွန်လျှော့-က်လေဟယ်။ 18 ယေရူဟ “အယ်မုန ငါးဟို ယူလာပါ” ဆိုဘီး မိန့်တော်မူလေဟယ်။ 19 ကိုယ်တော်ဟ လူလေဟို ဗြစ်ပွန်ထတ်မာ ထိုင်ဟို မိန့်တော်မူဘီးန မုငါးလောင်းန ငါးနေ့ကောန်ဟို ယူဘီး ကောန်းဂန်ထတ်ဟို မျှော်ကေဘီးဟာ ဘုရားသခင်ဟို ကျေးဇူးတော် ချီးမွမ်းလေဟယ်။ အယ်ဘီးမ မုန ငါးဟို ဖွဲဘီး တပွဲတော်လေဟို ပေးလေဟယ်။ တပွဲတော်လေဟလည်း လူလေဟို ပေးလေဟယ်။ 20 လူလေဂူလောင်းဟာ စားဘီး ဗိုက်ပွဲဟားဟယ်။ အယ်ဘီးန တပွဲတော်လေဟာ စားဘီး ကျန်ဇာလေဟို စုသီးလိုက်ဇာ ဆယ့်နေ့တောန်းပွဲ ရဂေဟယ်။ 21 မီးမန သားဂန်းဟားလေပါဘဲန စားဂေဟူ ယော့-က်ကျား ရေတွပ်ဟာ ၅,၀၀၀ လော့-က် ရှိလေဟယ်။ 22 အယ်ဘီးန ယေရူဟာ လူလေဟို ပွန်လွှတ်လိုက်ခီမာ တပွဲတော်လေဟိုလည်း လှေထတ်ဟို တတ်စေဘီး ဟိုဖတ်ကမ်းဟို ရင်ဦးဆောင်း ကူးစေလေဟယ်။ 23 ယေရူဟာ လူလေ ပွန်ဟားဂေဘီးန ဆုတောန်းဟိုတွပ် တောန်ထတ်ဟို ယော့-က်ဒဲ တတ်ဟားတော်မူဟယ်။ နေဒန်ဇာ ရော့-က်လာဟူ ခီမာ အယ်နေရာမာ ယေရူတပါဒဲ ရှိတော်မူဘီး 24 တပွဲတော်လေရဲ့ လှေဟလည်း ကမ်းန ရရာတိုင်း ကွာဟားဘီး လေဆန်ဘီး လာနေကြောန့် လှိုင်းလေရဲ့ ရိုက်ခတ်ဇာဟို ခံရလေဟယ်။ 25 မိုးသာထပိုင်းမာ ယေရူဟာ ရေထတ်မာ လမ်းရှော့-က်ဘီး တပွဲတော်လေနားဟို ကြွလာတော်မူလေဟယ်။ 26 တပွဲတော်လေဟာ ရေထတ်မာ လမ်းရှော့-က်နေဟူ ကိုယ်တော်ဟို ဗြင်ဟူ ခီမာ ရရာတိုင်း ကြော့-က်လန်ဟားဂေဘီး “ဖုကသေ!” ဆိုဘီး အော်ဂေလေဟယ်။ 27 ယေရူဟ “စိုးရိမ်ဂေနု! ငါဘဲဖြစ်ဟယ်။ ကြော့-က်ဂေနု!” ဆိုဘီး သူးနို့ဟို ရှစ်ရှင်းဘဲ မိန့်တော်မူလေဟယ်။ 28 ပေတရဟ “သခင်၊ ကိုယ်တော်မုနဟယ် ဆိုဟာ ကျွန်တော်လည်း ရေထတ်မာ လမ်းရှော့-က်ဘီး ကိုယ်တော်နားဟို လာဟို မိန့်တော်မူပါ” ဆိုဘီး လျှော့-က်လေဟယ်။ 29 ယေရူဟ “လာပါ!” ဆိုဘီး မိန့်တော်မူလေဟယ်။ အယ်ကြောန့် ပေတရဟာ လှေထတ်ဟုဆင်းဘီး ရေထပ်မာ လမ်းရှော့-က်ဟားဘီး ယေရူနားဟို သွားလေဟယ်။ 30 အယ်ဘေမဲ့ ကြမ်းထန်းဟူလေဟို ဗြင်ဟူ ခီမာ ကြော့-က်လန်ဟားဘီး ရေထဲဟို နစ်မျှစပြဟားဟယ်။ “သခင်၊ ကျွန်တော်ဟို ကယ်တော်မူပါ!” ဆိုဘီး အော်ဟစ်လေဟယ်။ 31 ယေရူဟ ရှစ်ရှင်းဘဲ လတ်တော်ဟို ဆန်ဘီးဟာ ပေတရဟို ဆွဲကိုင်ဘီး “ယောင်ကြည်ရှင်း အားနဲ့ဟူလု! ဖြားဖြစ်ကြောန့် ယောင်မှားဟူ စိဖြစ်ရနူး” ဆိုဘီး မိန့်တော်မူလေဟယ်။ 32 သူးနို့နေယော့-က်ဟာ လှေထတ်ဟို ရော့-က်ဟားဘီးန လေဟာ ငြိဟားလေဟယ်။ 33 လှေထဲမာ ရှိဟူ တပွဲတော်လေဟလည်း ယေရူဟို ရှိခိုးလေဟယ်။ “ကိုယ်တော်ဟာ တကယ်ဘဲ ဘုရားသခင်ရဲ့ သားတော်ဖြစ်ဟယ်!” ဆိုဘီး လျှော့-က်ဂေလေဟယ်။ 34 သူးနို့ဟာ အိုင်ဟို ကူးဟားဂေဘီး ဂင်နေသရက်မြို့ဟို ရော့-က်လာဂေလေဟယ်။ 35 အယ်နေရာဟ လူလေဟာ ယေရူဟို မှတ်မိဂေဟယ်။ အယ်ကြောန့် သူးနို့ဟာ လူလေဟို စေလွှတ်ဘီး ပတ်ဝန်းကျင် ရပ်ရပ်မာရှိဟူ လူနာလေရှိဟူမျှဟို ယေရူနားဟို ခေါ်လာဂေလေဟယ်။ 36 လူနာလေဟလည်း ကိုယ်တော်ရဲ့ ဝတ်လောင်ရဲ့ ပန်းဗွားဟိုဘဲ တို့ထိခွမ်းပေးဟိုတွပ် တောန်းဗန်ဂေလေဟယ်။ အယ်ဘီးဟာ တို့ထိဟူလူလေ ဂူလောင်းလည်း ကျန်းမာရဂေလေဟယ်။

15 အယ်ဘီးန ယေရူရှလင်မြို့ဟာ ဖာရိုရှဲတချို့န ကျမ်းပြုဆရာတချို့ဟာ ယေရူနားဟို လာဘီးဟာ 2 “ကိုယ်တော်ရဲ့ တပွဲတော်လေဟာ ရှေးလူဂီးလေရဲ့ ထောင်းဒန်းစဉ်လာလေဟို ဖြားဖြစ်ကြောန့် ချိုးဖော့-က်ဂေပါနူး။ သူးနို့ဟာ လက်ဆေးဘဲန စာစားလေဟယ်!” ဆိုဘီး ကိုယ်တော်ဟို မေးလျှော့-က်ဂေဟယ်။ 3 ကိုယ်တော်ဟ “ဖြားဖြစ်ကြောန့် ဘုရားသခင်ရဲ့ ပညတ်တော်ဟို ချိုးဖော့-က်ဘီးဟာ နန်းနို့လေရဲ့ ထောင်းဒန်းစဉ်လာလေဟို လိုက်နာကျင့်သောင်းဂေနူး။ 4 ဖြားဖြစ်ကြောန့်ဆိုဟာ ဘုရားသခင်ရဲ့ ပညတ်တော်ဟ ‘မိဖဟို ရိုသေပါ။ မိဖဟို ကီဆဲဟူ သူဟာ သေဒန်ကွဲခံစေ’ ဆိုဘီး မိန့်တော်မူဟားဟယ်။ 5 အယ်ဘေမဲ့ နန်းနို့လေ သွန်သန်ဇာဟာ တဇောင်တယော့-က်ဟာ ကိုယ့်ဖ အယ်မျိုးမူဘဲနေဟာ

ကိုယ့်မိဟို ပေးကမ်းထော့-ကံပုံဟို့တွပ် ပစ်စီး အောက်စာလေရှိဟူ လည်းဘဲ အယ်ပစ်စီး အောက်စာလေဟာ ‘ဘုရားသခင်တွပ် လူဝတ္ထုဖြစ်ဟယ် ဆိုဘီး ပြောလေဟယ်။’ 6 အယ်သူဟာ ကိုယ့်ဖဟို့ ဂေါင်ပြုဟို့လိုအပ်ဟု ဆိုဘီး သွန်သန်ပေးလေဟယ်။ အယ်မျိုးဘဲ နန်းနီလေဟာ နန်းနီရဲ့ ထောင်းဒန်းစဉ်လာလေတွပ် ဘုရားသခင်ရဲ့ ပညတ်တော်ဟို့ ပယ်ဂေလေဟယ်။ 7 သူတော်ကောန်း ယောန်ဆောန်ဟူသူလေ! နန်းနီလေ ကြောက်ဟို့ ဘုရားသခင်ဟာ ဟေရှာယအားဖြင့် ပရောဖက်ပြဟားဇာဟု 8 “အယ်လူလေဟာ သူးနီရဲ့ နောက်နံ ငါ့ဟို့ ရိုသေလေဟယ်။ သူးနီရဲ့ စိန်လောင်းဟာ ငါနဲ့ ဝီးလှဟယ်။ 9 သူးနီဟာ ငါ့ဟို့ အလဂါး သတ်သတ် ကိုးကွယ်ဂေဟယ်။ ဖြားဖြစ်ကြောနဲ့ဆိုဟာ လူလေရဲ့ ပညတ်လေဟို့ ဩဝါဒလေဖြစ် သွန်သန်ပေးကြောန်ဖြစ်ဟယ်။” ဆိုဘီး ဖြေတော်မူလေဟယ်။ 10 အယ်ဘီးမှ ယေရှုဟာ လူအောက်ဂီးဟို့ သူးနားဟို့ ခေါ် ဘီးဟာ “နားထောန်ဘီး နားလည်ဂေပါ။ 11 လူဟို့ ညစ်ညူးစေဟူဇာလေဟာ လူရဲ့ဇေပေါ-ကံထဲဟို့ ဝမ်ဟူဇာလေ မူဟု။ လူရဲ့ဇေပေါ-ကံထဲဟု ထွပ်လာဟူဇာလေဟာဘဲ လူဟို့ ညစ်ညူးစေဟယ်” ဆိုဘီး မိန့်တော်မူလေဟယ်။ 12 တဗဲတော်လေဟာ ကိုယ်တော်နားဟို့ လာဘီးဟု “ဗာရီရဲ့လေဟာ မိန့်တော်မူဟူ စကားဟို့ ကြားဘီး မျစ်ဖြစ်ဟားဂေဇာဟို့ ကိုယ်တော်သိဘဲလော” ဆိုဘီး မေးဂေဟယ်။ 13 ကိုယ်တော်ဟုလည်း “ကောန်းဂန်ဘောငဟု ငါရဲ့ဖ စိုက်ပျိုးဘဲဟုပန်လေ ဂူလောင်းဟို့ ပြစ်ဟုနေ နှုပစ်ရလေမယ်။ 14 သူးနီလေဟို့ စိုးရိမ်ဂေနု! သူးနီလေဟာ လူကန်းဟို့ လမ်းပြဟူ လူကန်းလေဘဲဖြစ်ဟယ်။ လူကန်းဟု လူကန်းဟို့ လမ်းပြမယ် ဆိုဟာ နေယော့-ကံလောင်း တွမ်းထဲဟို့ ကွဲလေမယ်!” ဆိုဘီး မိန့်တော်မူလေဟယ်။ 15 ပေတရုဟု “အယ်ပေါင်ဥပမာဟို့ ကျွန်တော်ဟားလေဟို့ ရှင်းပြတော်မူပါ” ဆိုဘီး လျှော့-ကံလေဟယ်။ 16 ယေရှုဟု “နန်းနီလေဟာ ခုခီထိ ဉာဏ်ပညာမဲ့နေသေးဟယ်။ 17 လူရဲ့ဇေပေါ-ကံထဲဟို့ ဝမ်ဟူဇာလေဟာ စာအီထဲဟို့ ရော့-ကံဟားဘီးဟာ နော့-ကံဖေးအီထဲဟို့ စွန်ပစ်လိုက်ဟယ် ဆိုဇာဟို့ နန်းနီလေ နားလည်သေးဟလော။ 18 ဇေပေါ-ကံထဲဟု ထွပ်လာဟူဇာလေဟာ နှလောင်းထဲဟု ထွပ်လာဘီး လူဟို့ ညစ်ညူးစေတတ်ဟူဇာလေ ဖြစ်ဟယ်။ 19 ကောန်းဘဲဟူကြံစဉ်ရှင်း၊ လူသတ်ရှင်း၊ အီထောန်ရေးဖော့-ကံပွန်ရှင်း၊ ကာမဂုဏ်လိုက်စားရှင်း၊ ခိုးယူရှင်း၊ မုန်ဘဲဟူသတ်သေခံရှင်း၊ သူများဟို့စော်ကားရှင်းလေဟာ နှလောင်းထဲဟု ထွပ်လာဟယ်။ 20 အယ်မူဇာလေဟာ လူဟို့ ညစ်ညူးစေဇာလေ ဖြစ်ဟယ်။ အယ်ဘောမဲ့ လတ်ဆေးဘဲန စာစားဇာဟာ လူဟို့ ညစ်ညူးစေဇာ မူဟု” ဆိုဘီး မိန့်တော်မူလေဟယ်။ 21 ယေရှုဟာ အယ်မူရပ်ဟုနေ ထွပ်ခွာတော်မူဘီးဟာ တုရုမြို့နဲ့ ဇီဒန်မြို့ရဲ့ ကျေးဝါလေဟို့ ကြွဟားလေဟယ်။ 22 အယ်ဒေသမာနေဟူ ခါနာန်လူမျိုးဖြစ်ဟူ မီးမတယော့-ကံဟာ ကိုယ်တော်နားဟို့ လာဘီး “သခင်၊ ဒါဝိဒ်ရဲ့သားတော်! ကျွန်မဟို့ သနားတော်မူပါ! ကျွန်မသမီးဟာ နတ်ဆိုးဝမ်ဘီး ရရာတိုင်း နှိစစ်ခံနေရပါဟယ်” ဆိုဘီး အော်ဟစ်လေဟယ်။ 23 အယ်ဘောမဲ့ ကိုယ်တော်ဟာ စကားတခွန်းလည်း ပွန်ပြောဟု။ တဗဲတော်လေဟာ ကိုယ်တော်နားဟို့ လာဘီးဟာ “အယ်မီးမဟို့ ဝီးဂီးဟို့ သွားစေတော်မူပါ! သူဟာ အော်ဟစ်ဆူညံဘီး နော့-ကံဟုနေ လိုက်နေပါဟယ်!” ဆိုဘီး တောန်းလျှော့-ကံဂေလေဟယ်။ 24 ကိုယ်တော်ဟု “ငါဟာ ကုသရေလူမျိုးလေရဲ့ ပျော့-ကံနေဟူ သိုးလေနားဟို့ဘဲ စေလွှတ်ရှင်းခံရဟယ်” ဆိုဘီး ပွန်ဖြေတော်မူလေဟယ်။ 25 အယ်မီးမဟာ လာဘီး ကိုယ်တော်ရှေ့မှာ ပျပ်ဝပ်ဘီး “သခင်၊ ကျွန်မဟို့ ကယ်မတော်မူပါ!” ဆိုဘီး လျှော့-ကံလေဟယ်။ 26 ယေရှုဟု “သားမီးလေရဲ့ စားဇာဟို့ ယူဘီးဟာ ခွီးဟို့ ကျွေးအပ်ဟု” ဆိုဘီး မိန့်တော်မူလေဟယ်။ 27 အယ်မီးမဟုလည်း “မှန်ပါဟယ်သခင်၊ ခွီးလေဟာ သူးနီသခင်ရဲ့ စားဗွဲဟု ကွဲလာဟူ စားကြွင်းစားကျန်လေဟို့ စားရဂေပါဟယ်” ဆိုဘီး လျှော့-ကံလေဟယ်။ 28 အယ်ကြောနဲ့ ယေရှုဟု “နန်ဟာ ယောင်ကြည့်မှုကီးမားဟူ မီးမဖြစ်ဟယ်! နန်အလိုရှိဟူတိုင်း နန်မာဖြစ်စေ” ဆိုဘီး သူဟို့ မိန့်တော်မူလေဟယ်။ အယ်ခီမာဘဲ အယ်မီးမရဲ့ သမီးဟာ ကျန်းမာဟားလေဟယ်။ 29 ယေရှုဟာ အယ်ရပ်ဟုနေ ထွပ်ဟားဘီးဟာ ဂါလိလဲအိုင်နားဟို့ ကြွဟားဘီးန တောန်ထတ်ဟို့တတ်ဘီး ထိုင်လေဟယ်။ 30 လူအောက်ဂီးဟာ ကိုယ်တော်နားဟို့ လာဘီး ခေသန်ဘဲသူလေ၊ မျစ်စိမြင်ဘဲသူလေ၊ ကိုယ်အင်္ဂါချို့တဲ့သူလေ၊ စကားအဟူ သူလေန တခြားရောဂါသယ်လေ ရှိဟူမျှဟို့ ခေါ်ဆောန်လာဘီးဟာ ယေရှုရဲ့ ခေတော်ရင်းမာ ညွှာဟားဂေဟယ်။ ကိုယ်တော်ဟာ သူးနီဟို့ ကျန်းမာစေဟယ်။

31 စကားအဟူ သူလေဟာ စကားပြောလာဟယ်။ ခေသန်ဘဲဟူ သူလေဟာ လမ်းရှေး-ကံလာဟယ်။ မျစ်စိကန်းဟူ သူလေဟာ ဗြင်လာဇောဟူ ကေနေဟူ လူအောက်ဂီးဟာ ရရာတိုင်း အံ့ဩဟွားရေဘီး ကူသရေလ လူမျိုးလေရဲ့ ဘုရားသခင်ဟို ချီးမွမ်းရေဟယ်။ 32 ယေရှုဟာ တဗွဲတော်လေဟို သူနားဟို ခေါ်ဘီးဟာ “အယ်လူလေဟို ငါသနားဟယ်။ ဖြားဖြစ်ကြောန့်နဲ့ဆိုဟာ သူးနို့ဟာ သောင်းရစ်လောင်းလောင်း ငါနတူးဒူ နေရေဘီး သူးနို့မာလည်း စားဟို့မွေဘီ။ သူးနို့ဟို ဖြားဇာလည်းကျွေးဘဲန ပွန်ဟားဇာဟို ငါလိုရှင်ဟဲ့။ အယ်မျိုးပွန်စေမယ် ဆိုဟာ လမ်းမာအားပြတ်ရေမယ်” ဆိုဘီး မိန့်တော်မူဟယ်။ 33 တဗွဲတော်လေဟ “အယ်လူအောက်ဂီးဟို ဝအောန်ကျွေးဟို့တွပ် ကျွန်တော်ဟားလေဟာ အယ်တောထဲမာ ဖယ်မျိုးရခိုင်ဟို့နဲ့” ဆိုဘီး လျှော-ကံရေဟယ်။ 34 ယေရှုဟ “နန်းနို့လေမာ မုဖယ်လော-ကံရိုနဲ့” ဆိုဘီး မေးလိုက်ခီမာ သူးနို့ဟ “မုခွန်နေလောင်းန ငါးနဲနဲဟားရိုပါဟယ်” ဆိုဘီး ပွန်လျှော-ကံရေဟယ်။ 35 အယ်ကြောန့် ယေရှုဟ လူအောက်ဂီးဟို မွေဂီးထတ်မာထိုင်နေဟို့ မိန့်တော်မူဟယ်။ 36 မုခွန်နေလောင်းန ငါးဟိုယူဘီးဟာ ဘုရားသခင်ဟို ကျေးဇူးချီးမွမ်းဘီးန မုနငါးဟို ဖွဲဘီးဟာ တဗွဲတော်လေဟို ပေးဟယ်။ တဗွဲတော်လေဟလည်း လူလေဟို ပေးရေဟယ်။ 37 သူးနို့လေ ဂူလောင်းဟာ စားဘီးဟာ ဗိုက်ညှဲဟွားရေဟယ်။ အယ်ဘီးန တဗွဲတော်လေဟာ ကြွင်းကျန်လေဟို ကော့-ကံသီးလိုက်ဟူဇာ ခွန်နေတောန်းပွဲ ရရေလေဟယ်။ 38 စားဟူသူလေဟာ မီးမန သားဂန်းဟားလေပါဘဲန ယော့-ကံကျားလေဘဲ ၄,၀၀၀ ရှိဟယ်။ 39 အယ်ဘီးန ယေရှုဟာ လူလေဟို ပွန်လွှတ်ဘီးန လေစီးဘီး မာဂဒလဝါဟို ကြွဟားတော်မူဟယ်။

16 ဗာရိရဲတချို့န ဇေဒွါကဲတချို့ဟာ ယေရှုဟို စမ်းသပ်ရှင်ရေဟူကြောန့် နားဟို လာရေဘီးဟာ “ကောန်းဂန်တောင်ဟ နိုမိတ်လတ်ခဏာဟို ပြပေးတော်မူပါ” ဆိုဘီး တောန်းဆိုရေလေဟယ်။ 2 အယ်ဘောမဲ့ ယေရှုဟ “နန်းနို့လေဟာ နေဝမ်ဟူ ခီမာ ‘ကောန်းဂန်ဟာ နီနေဟယ် ဆိုဟာ ရာသီဥတု သာယာလေမယ်’ ဆိုဘီး ပြောတတ်လေဟယ်။ 3 အယ်ဘီးဟာ မိုးလန်းစောစောဂီးမာလည်း ‘ကောန်းဂန်ဟာ နီဘီး မောန်နေကြောန့် အယ်နေ မုနတိုင်းတိုက်လေမယ်’ ဆိုဘီး ပြောတတ်ရေလေဟယ်။ နန်းနို့လေဟာ ကောန်းဂန် ခြေနေကော့ဘီးဟာ ရာသီဥတုဟို ခန့်မှန်းနိုင်ဟယ်။ အယ်ဘောမဲ့ နန်းနို့ဟာ အယ်ကပ်ကာလရဲ့ နိုမိတ်လတ်ခဏာလေဟို ပိုင်းခြားနိုင်ရေဟဲ့။ 4 ဆိုးညစ်ဘီး ဖောက်ပွန်ဟူအမျိုးဟာ နိုမိတ်လတ်ခဏာ တောန်းဟူလည်းဘဲ၊ ယောနရဲ့ နိုမိတ်လတ်ခဏာဟုလွဲဘီး ဖယ်မျိုးနိုမိတ်လတ်ခဏာလေဟိုမှ ပြဟို့မူဟဲ့။” ဆိုဘီး မိန့်တော်မူလေဟယ်။ အယ်ဘီးန ကိုယ်တော်ဟာ အယ်သူလေနားဟုနေ ထွပ်ဟားလေဟယ်။ 5 တဗွဲတော်လေဟာ အိုင်ရဲဟို့ဖတ်ကမ်းဟို ကူးဟားခီမာ စားဇာလေဟို ယူလာဟို့တွပ် မေဟားရေလေဟယ်။ 6 ယေရှုဟ “နန်းနို့လေဟာ ဗာရိရဲန ဇေဒွါကဲလေရဲ့ တဆေးဟို ဒီထားဘီး ရှောင်ရေဟို” ဆိုဘီး မိန့်တော်မူလေဟယ်။ 7 တဗွဲတော်လေဟာ “နို့လေဟာ စားဇာသယ်လာဘဲဟိုကြောန့် အယ်မျိုး မိန့်တော်မူဇာဖြစ်ဟယ်” ဆိုဘီး သူးနို့ရှင်းရှင်း ပြောဆိုရေလေဟယ်။ 8 အယ်မျိုး ပြောနေရေဟူဇာဟို ယေရှုသိတော်မူဟူ ခီမာ “ယောင်ကြည်ရှင်း အားနဲဟူလူလေ၊ နန်းနို့လေဟာ စားဇာပါလာဘဲဟူ ကြောန့်ဟို့ ဖြားဖြစ်ကြောန့် ဆွေးနွေး ပြောဆိုနေရေနဲ့။ 9 နန်းနို့လေဟာ ခုခီထီ နားလည်သေးဟုလော။ မုငါးလောင်းဟို့ လူ ၅,၀၀၀ စားဘီး၊ ဖယ်လော့-ကံတောန်း ကော့-ကံသီးရရေဟူဇာနဲ့။ 10 မုခွန်နစ်လောင်းဟို့ လူ ၄,၀၀၀ စားဘီး၊ ဖယ်လော့-ကံတောန်း ကော့-ကံသီးရရေဟူဇာဟို မှတ်မိရေဟွမ်းလော။ 11 မုကြောန်းဟို့ နန်းနို့လေဟို ပြောနေဇာ မူဟာ ဆိုဇာဟို ဖြားဖြစ်ကြောန့် နန်းနို့နားလည်ရေဘဲနေနဲ့၊ ဗာရိရဲန ဇေဒွါကဲလေရဲ့ တဆေးဟို ဒိန်ရှောန်ရေ!” ဆိုဘီး မိန့်တော်မူဟယ်။ 12 အယ်ဘီးန တဗွဲတော်လေဟာ မုမာသောင်းပြဟူ တဆေးဟို ရှောန်ရဟို့မူဘဲန ဗာရိရဲန ဇေဒွါကဲလေရဲ့ ဩဝါဒဟို့ ဒီထားဟို့ မိန့်တော်မူကြောန်း နားလည်ဟားရေဟယ်။ 13 ယေရှုဟာ ကဲသရိဖိလိပိုနယ်ဟို ကြွဟားဘီး အယ်နေရာမာ တဗွဲတော်လေဟို “လူလေဟာ လူရဲသားဟို ဖယ်သူဖြစ်ဟယ် ဆိုဘီး ပြောဆိုရေနဲ့” ဆိုဘီး မေးတော်မူလေဟယ်။ 14 “တချို့လူလေဟာ ကိုယ်တော်ဟာ ဗတ္တိဇီယောဟန်ဖြစ်ဟယ်။ တချို့ဟ ဇီဝိယဖြစ်ဟယ်။

တချို့လေဟု ယေရမိ မှုဘဲနေဟာ ပရောဖက်ဖြစ်ဟု ဆိုဘီး ပြောပေပါဟု။ ဆိုဘီး လျှော့-က်ဂေလေဟု။ 15 ကိုယ်တော်ဟု “နန်းနီလေဟုမား ငါ့ဟို့ ဖယ်သူဖြစ်ဟု ဆိုဘီး ပြောဂေ။” ဆိုဘီး မေးတော်မူဟု။ 16 ရှိမန်ပေတရဟု “ကိုယ်တော်ဟု သတ်ရှင်တော်မူဟူ ဘုရားသခင်ရဲ့ သားတော်ဖြစ်ဟူ ခရစ်တော်ဖြစ်ပါဟု။” ဆိုဘီး လျှော့-က်ဟု။ 17 ယေရှဟု “ယောနရဲသားရှိမုန့်၊ နန်ဟာ မင်္ဂလာရှိလေဟု။ ဖြားဖြစ်ကြောန်းနုဆိုဟာ အယ်မူဇာဟို့ ဇာတိသွီးသားဟု နန်ဟို့ ဖွမ်ပြလိုက်ဇာ မူဟု။ ကောန်းဂန်ဘောင်မာ ရှိတော်မူဟူ ငါ့ဟော ဖွမ်ပြတော်မူဟု။ 18 အယ်ကြောန့် ငါပြောမယ်၊ နန်ဟာ ပေတရ ဖြစ်ဟု။ အယ်ကြော့-က်ထတ်မာ ငါ့သင်းတော်ဟို့ ငါတည်ဆော့-က်မယ်။ မရဏာနိုင်ငံရဲ့ ခွဲဗော့-က်ဝဟာ အယ်သင်းတော်ဟို့ နိုင်စေရဟု။ (Hadēs 986) 19 ငါဟာ နန်ဟို့ ကောန်းဂန်နိုင်ငံရဲ့ သော့လေဟို့ ပေးအပ်မယ်။ နန်ဟာ မွေဂီးမာ ချည်နှောင်ဟူမျှဟို့ ကောန်းဂန်မာ ချည်နှောင်ခံရလေမယ်။ မွေဂီးမာ ဖြေလွှတ်ဟူမျှဟို့ ကောန်းဂန်မာ ဖြေလွှတ်ခံရလေမယ်” ဆိုဘီး မိန့်တော်မူလေဟု။ 20 အယ်ဘီးန ယေရှဟု မိမိဟာ ခရစ်တော် ဖြစ်ဟု ဆိုဇာဟို့ ဖယ်သူလေဟို့လည်း ပြောဘဲဟို့တွပ် တဗွဲတော်လေဟို့ မိန့်ပေးလေဟု။ 21 ယေရှဟု “ငါဟာ ယေရုရှလင်မြို့ဟို့ သွားရမယ်။ အယ်ဘီးဟာ ဘာသာရေး ခေါ်ခန်းဆောင်လေ၊ ယစ်ပုရောဟိတ်ဂီးလေန ကျမ်းပြုဆရာလေရဲ့ လတ်မာ ဝေဒနာဘောင်ဂီး ခံရလေမယ်။ ငါဟာ သေသတ်ခံရလေမယ်။ အယ်ဘောမဲ့ သောင်းရစ်မြော့-က်ဟူ နေမာ ထမြော့-က်လေမယ်” ဆိုဘီး အယ်ခီဟုနစဘီး တဗွဲတော်လေဟို့ ဖော်ပြလေဟု။ 22 ပေတရဟု ကိုယ်တော်ဟို့ ဘေးနားဟို့ ခေါ်ဘီးဟာ “သခင်၊ အယ်မျိုးမူရာလေဟို့ ကိုယ်တော်နလွဲပါစေ၊ ကိုယ်တော်ဟို့ အယ်မျိုးမူရာလေ လောင်းဂြုတ်ပါစေန၊” ဆိုဘီး ပြစ်တန်ဘီး ပြောလေဟု။ 23 ယေရှဟု လှည့်ကော့ဘီး ပေတရဟို့ “စာတန်၊ ငါ့နော့-က်ဟို့ဆို၊ နန်ဟာ ငါတွပ် ထိမိဘီးလဲဇာ ဖြစ်ဟု။ ဖြားဖြစ်ကြောန်းနုဆိုဟာ နန်ဟာ ဘုရားသခင်နဆိုင်ဟူဇာလေဟို့ စိစွဲလမ်းဘဲန မွေဂီးနဆိုင်ဟူဇာလေဟို့ စိစွဲလမ်းဟု” ဆိုဘီး မိန့်တော်မူလေဟု။ 24 အယ်ဘီးန ယေရှဟု တဗွဲတော်လေဟို့ “ဖယ်သူဘဲဖြစ်ဖြစ် ငါ့နော့-က်ဟို့ လိုက်ရှင်ဟု ဆိုဟာ ကိုယ့်ကိုယ်ကိုယ် ငြင်းပယ်ရမယ်။ ကိုယ့်ရဲ့ လတ်ဝါးကပ်တိုင်ဟို့ ထမ်းဘီးဟာ ငါ့နော့-က်ဟို့ လိုက်ရမယ်။ 25 ဖယ်သူဘဲဖြစ်ဖြစ် သူ့ရဲ့သတ်ဟို့ ကယ်တန်ရှင်ဟု ဆိုဟာ သတ်ရှောင်းရလေမယ်။ အယ်ဘောမဲ့ ဖယ်သူဘဲဖြစ်ဖြစ် ငါ့တွပ်န သတ်ရှောင်းဟု ဆိုဟာ သတ်ဟို့ ရလေမယ်။ 26 လူဟာ လောက တခုလောင်းဟို့ ရရှိဟူလည်းဘဲ သူးနီရဲ့ သတ်ဝိညာဉ် ဆောင်းရှောင်းဟားမယ် ဆိုဟာ ဖြားကျိုးရှိမယ်နူး။ သူးနီဟာ ဖြားဇာလေဟို့ ပေးဘီး သူးနီရဲ့ သတ်ဟို့ ပွန်ဝီးနိုင်မယ်နူး။ 27 ဖြားဖြစ်ကြောန်းနုဆိုဟာ လူရဲသားဟာ သူရဲ့ ကောန်းဂန်တမန်လေနတူးဒု သူဖရဲ့ ဖောင်းသရေတော်ဟို့ ဆောန်ဘီးဟာ ကြွလာတော်မူလေမယ်။ အယ်ဘီးဟာ လူယော့-က်စီတိုင်းဟာ သူးနီရဲ့ လောကဆောင်ဟားတိုင်း ကျိုးပြစ်ဟို့ ပေးတော်မူလေမယ်။ 28 နန်းနီလေဟို့ ငါ မှန်ပြောမယ်၊ အယ်နေရာမာ ရပ်နေဟူ လူလေထဲမာ လူသားဟာ သူရဲနိုင်ငံတော်န ကြွလာတော်မူဇာဟို့ ဗြင်ရဘဲန သေရဟို့ မူဟု” ဆိုဘီး မိန့်တော်မူလေဟု။

17 မြော့-က်ရစ်ကြာဘီးန ယေရှဟာ ပေတရ၊ ယာကုပ်၊ ယာကုပ်ရဲ့ညီ ယောဟန်လေဟို့ ခေါ်ဘီးဟာ တောန်ထတ်ဟို့ ကြွဟားလေဟု။ 2 သူးနီလေရေမာ ကိုယ်တော်ရဲ့ ပေါင်သဏ္ဌာန်တော်ဟာ ယွေးနီးလဲဟားဘီး မျစ်နှာတော်ဟာ နေရောန်မျိုးဘဲ တော့-က်ပနေလေဟု။ ဝတ်တော်ဟုလည်း လန်းရောန်မျိုး ယွှုဆွတ်ဆွတ် ဖြစ်လာဟု။ 3 အယ်ဘီးန မောရေရှ ဇလိယဟာ ပေါ်လာဘီး ယေရှန စကားပြောနေဇာဟို့ ဗြင်ရလေဟု။ 4 အယ်ကြောန့် ပေတရဟု ယေရှဟို့ “သခင်၊ အယ်နေရာဟာ ကျွန်တော်ဟားလေတွပ် ရရာတိုင်းဘဲ ကောန်းပါဟု၊ ကိုယ်တော် လိုတော်ရှိဟု ဆိုဟာ ကိုယ်တော်တွပ် တဲတဆောန်၊ မောရေတွပ် တဆောန်န ဇလိယတွပ် တဆောန်၊ တဲသောင်းဆောန်ဟို့ ကျွန်တော်ဆော့-က်ပါမယ်” ဆိုဘီးဟာ လျှော့-က်လေဟု။ 5 ပေတရ လျှော့-က်နေဟူ ခီမာဘဲ တော့-က်ပဟူ မိုးတီတခုဟာ သူးနီလေထတ်ဟို့ လွမ်းမိုးလာဘီး “အယ်သူဟာ ငါနှစ်သက်မြတ်နိုးဟူ ငါရဲ့ ရှစ်ဟူသား ဖြစ်ဟု။ သူရဲစကားဟို့ နားထောန်ဂေပါ” ဆိုဘီး မိုးတီထဲဟု သံတော်ဟို့ ကြားရလေဟု။ 6 အယ်သံတော်ဟို့ တဗွဲတော်လေ ကြားရဟူ ခီမာ ရရာတိုင်း ကြော့-က်လန်ဂေဘီး သူးနီဟာ မွေဂီးမာ ဝပ်နေဂေဟု။ 7 ယေရှဟာ သူးနီလေနားဟို့

ကြွလာဘီး သူးနီလေဟို တို့လိုက်ဘီးဟာ “ထဂေ၊ ကြော-က်ဂေန!” ဆိုဘီး မိန့်တော်မူလေဟယ်။ 8 သူးနီလေလည်း မှော်ကေလိုက်ဟူ ခီမာ ယေရှုဟုလွဲဘီး ဖယ်သူဟိုလည်းဘဲ တွဲဂေဟုမံ။ 9 အယ်ဘီးန တောန်ထတ်ဟုနေ ဆင်းလာဟူ ခီမာ ယေရှုဟု “နန်းနီလေ ဗြင်လိုက်ဟူ ရှုပါရောင်လေဟို လူရဲသားဟာ သေရာဟုနဘီး ထမြော-က်ခန်ခီထိ ဖယ်သူဟိုလည်း ပြောပြဂေန” ဆိုဘီး မိန့်တော်မူလေဟယ်။ 10 တဗဲတော်လေဟု “ဧလိယဟာ ရင်ကြွလာရမယ် ဆိုဘီး ကျမ်းပြုဆရာလေဟု ဖြားဖြစ်ကြောန့် ပြောဟားဂေနူး” ဆိုဘီး ယေရှုဟို မေးလျှော့-က်ဂေဟယ်။ 11 ယေရှုဟု “ဧလိယဟာ ရင်ဦးဆောင်း ကြွလာဘီး ရှိမျှဂူလောင်းဟို ပွန်ဘီးတည်ဆော့-က်ရမယ် ဆိုဇာ မှန်ဟယ်။ 12 နန်းနီလေဟို ငါပြောမယ်။ ဧလိယဟာ ကြွလာပီးဘီး၊ လူလေဟာ သူဟိုသိဂေဟ။ အယ်ဘောမဲ့ လောက်ရှင်ဟူတိုင်း လောက်ဂေလေဘီး။ အယ်မျိုးဘဲ လူရဲသားဟာလည်း အယ်သူလေ လတ်ထဲမာ နီစစ်ညဉ်းဆဲခံရလေမယ်” ဆိုဘီး မိန့်တော်မူလေဟယ်။ 13 အယ်ဘီးန တဗဲတော်လေဟုလည်း ဗတ္တိဇယောဟန် ကြောန်းဟို မိန့်တော်မူနေဟယ် ဆိုဇာဟို နားလည်ဂေဟယ်။ 14 ကိုယ်တော်န တဗဲတော်လေဟာ လူအောက်ဂီးနားဟို ရော-က်လာခီမာ လူတယော့-က်ဟု ယေရှုရှေမာ ခူးထော့-က်ဘီး 15 “သခင်၊ ကျွန်တော်ရဲ့ သားဟို သနားတော်မူပါ၊ သူဟာ ဝပ်ရူးယွန်ရောဂါစွဲဘီး မီးထဲရေထဲဟို ခါဘီးခါ လဲကွဲတတ်ပါဟယ်။ 16 ကိုယ်တော်ရဲ့ တဗဲတော်လေနားဟို ခေါ်လာဘောမဲ့ သူးနီလေဟာ သူဟို ကျန်းမာပေးနိုင်ဂေဟ” ဆိုဘီး လျှော့-က်လေဟယ်။ 17 ယေရှုဟု “ယောင်ကြည်ရှင်းမော့ဘဲန ဖော့-က်ယွန်တတ်ဟူ လူလေ၊ ငါဟာ နန်းနီလေနတူးဒု ဖယ်မျှကြာအောန် နေရဟိုနူး၊ နန်းနီလေဟို ဖယ်မျှကြာအောန် သီးခံရအူးမယ်နူး၊ ကောန်သားဟို ငါနားဟိုခေါ်လာဂေ!” ဆိုဘီး မိန့်တော်မူလေဟယ်။ 18 ယေရှုဟု နတ်ဆိုးဟို ထွပ်ဟားဟို မိန့်ပေးလိုက်ဟူ ခီမာ နတ်ဆိုးဟာ အယ်မူကောန်သားထဲဟုနေ ထွပ်ဟားလေဟယ်။ အယ်ခီမာဘဲ အယ်ကောန်သားလည်း ကျန်းမာဟားလေဟယ်။ 19 အယ်ဘီးန တဗဲတော်လေဟာ ယေရှုနားဟို သီးသန့်လာဂေဘီး “ကျွန်တော်ဟားလေဟာ အယ်နတ်ဟို ဖြားဖြစ်ကြောန့် နှန်ထုနိုင်ဘဲနေပါနူး” ဆိုဘီး မေးလျှော့-က်ဂေဟယ်။ 20 ကိုယ်တော်ဟု “နန်းနီလေဟာ ယောင်ကြည်ရှင်း မော့ဘဲကြောန့်ဖြစ်ဟယ်။ ငါ မှန်ပြောမယ်။ နန်းနီလေဟာ မုညင်းစေ့မျှလော့-က်ဘဲ ယောင်ကြည်ရှင်းရှိမယ် ဆိုဟာ ‘အယ်တောန်ဟို အယ်နေရာဟုရွှေ့’ ဆိုဘီး ပြောလိုက်ဟူန အယ်တောင်ဟာ ရွှေဟားလေမယ်။ နန်းနီတွပ် ဖြစ်နိုင်ဘဲဇာလေ မော့ဟု!” 22 သူးနီဟာ ဂါလိလဲပြည်မာ ရှိနေခီမာ ယေရှုဟု “လူရဲသားဟို လူလေရဲ့ လတ်ထဲဟို အပ်ဂေလေမယ်။ 23 သူးနီလေဟာ လူရဲသားဟို သတ်ဂေလေမယ်။ သောင်းရစ်မြော့-က်ဟူ နေမာ သူဟာ ထမြော့-က်လေမယ်” ဆိုဘီး တဗဲတော်လေဟို မိန့်တော်မူလေဟယ်။ တဗဲတော်လေဟုလည်း ရရာတိုင်း ဝန်းနဲဂေလေဟယ်။ 24 ကပေရနောင်ဗြို့ဟို သူးနီရော့-က်လာဟူ ခီမာ ဗိမာန်တော် ခွန်ကော့-က်မားလေဟာ ပေတရုနားဟို လာဘီး “နန်ရဲ့ ဆရာဟာ ဗိမာန်တော်ခွန်ဟို ပေးဘဲလော” ဆိုဘီး မေးဂေဟယ်။ 25 ပေတရုဟု “ပေးပါဟယ်” ဆိုဘီး ပြေလေဟယ်။ ပေတရုဟု အီထဲဟို ဝမ်လာခီမာ ယေရှုဟု “ရှိမုန့်၊ နန်ဖယ်မျိုးထန်နူး။ လောကမာရှိဟူ မန်းဂီးလေဟာ ဖယ်သူနားဟုနေ ခွန်ကော့-က်ဂေနူး။ သူးနီသားလေ နားဟုလော။ ခြားသူလေ နားဟုလော” ဆိုဘီး မေးလေဟယ်။ 26 ပေတရုဟု “ခြားသူလောဘဲ ပေးရပါဟယ်” ဆိုဘီး ယွန်လျှော့-က်လေဟယ်။ ယေရှုဟု “အယ်ဆိုဟာ သားလေဟာ ကန်းလွတ်ခွမ်ရဂေဟယ်။ 27 အယ်ဘောမဲ့ အယ်သူလေဟို မှားယွင်းစေရှင်ဟု။ အယ်ကြောန့် အိုင်ထဲဟို သွားဘီးဟာ ငါးဟိုမျှားလော။ ရင်ဦးဆောင်းရလာဟူ ငါးဟို ယူဘီးဟာ ဇပ်ပေါ့-က်ဟို ဖွမ်လိုက်ပါ။ ငွေဒင်္ဂါးတဟူးဟို တွဲရလေမယ်။ အယ်ဒင်္ဂါးဟို ယူဘီးဟာ နန်နဲငါ့တွပ် ဗိမာန်တော်ခွန်ဟို ပေးလိုက်ပါ” ဆိုဘီး မိန့်တော်မူလေဟယ်။

18 အယ်ခီမာ တဗဲတော်လေဟု ယေရှုနားဟို လာဂေဘီးဟာ “ကောန်းဂန်နိုင်ငံတော်မာ ဖယ်မျိုးသူဟု ကီးမြတ်ဆောင်းနူး” ဆိုဘီး မေးလျှော့-က်ဂေလေဟယ်။ 2 ယေရှုဟု သားဂန်းတယော့-က်ဟို သူနားဟိုခေါ်ဘီးဟာ တဗဲတော်လေရှေမာ ရပ်ခိုင်းလေဟယ်။ 3 အယ်ဘီးန ကိုယ်တော်ဟု “ငါ မှန်ပြောမယ်၊ နန်းနီလေ လှောန်းလဲဘီးဟာ အယ်သားဂန်းဟားမျိုး ဖြစ်ဘဲဟု ဆိုဟာ ကောန်းဂန်နိုင်ငံတော်ဟို ရော့-က်ရဟို မူဟု။ 4 အယ်ကြောန့် အယ်သားဂန်းမျိုး

စိန့်ခွဲသူဟာ ကောင်းဂန်နိုင်ငံတော်မှာ ကီးမြတ်ဆောင်း ဖြစ်ဟယ်။ 5 ငါ့နာမဟို ထော့-က်ဘီးဟာ အယ်မျိုး သားဂန်းဟား ယော့-က်ယော့-က်ဟို လတ်ခံသူဟာ ငါ့ဟို လတ်ခံဇာဘွဲ ဖြစ်လေဟယ်။ 6 “ငါ့ဟို ယောင်ကြည်ဟူ အယ်မူသားဂန်း ယော့-က်ယော့-က်ဟို မှားယွင်းစေသူဟာ လည်ဘန်းမာ ကွော့-က်ကွိုင်ဆောင်နယ်ဘီး ပန်လယ်ထဲဟို ပစ်ခွဲရဟူဇာဟု ပိုဘီး ကောင်းလေမယ်။ 7 မှားယွင်းတတ်ဟူကြောင်းလေ ရှိဟိုကြောန့် လောကီသားလေဟာ အမင်္ဂလာရှိဟယ်! မှားယွင်းတတ်ဟူကြောင်းလေ ရှိရမယ်။ အယ်ဘေမဲ့လည်း မှားယွင်းတတ်ဟူ ကြောင်းရာလေဟို ဖြစ်စေဟူသူဟာ အမင်္ဂလာရှိဟယ်! 8 “နန့်ရဲခေ၊ နန့်ရဲလတ်ဟာ နန့်ဟို မှားယွင်းစေဟယ် ဆိုဟာ အယ်ခေ၊ အယ်လတ်ဟို ခွတ်ဖြတ်ပစ်ပါ! ထာဝရရဲမီးထဲဟို ခေလတ်ဇောင်န ပစ်ခွဲခံရထတ် ခေလတ်မေ့ဘဲန သတ်ရှင်ဇာဟို ဝမ်စားရဟူဇာဟု ပိုကောင်းဟယ်။ (aiōnios g166) 9 နန့်ရဲ မျစ်စိဟုလည်း နန်းနို့ဟို မှားယွင်းစေဟယ် ဆိုဟာ မျစ်စိဟို ဖော့-က်ပစ်ပါ! မျစ်စိနွေဖတ်ဇောင်န ငရဲထဲဟို ပစ်ခွဲခံရဟူထတ် မျစ်စိတဖတ်န သတ်ရှင်ဇာဟို ဝမ်စားရဟူဇာဟု ပိုကောင်းဟယ်။ (Geenna g1067) 10 “နန်းနို့လေဟာ ဖယ်မူသားဂန်းဟိုဟုလည်း ထီမဲ့မြင်လော့-က်မိဘဲနေအောန် ဒိထားဂေပါ။ နန်းနို့လေဟို ငါပြောဟယ်။ အယ်သားဂန်းလေရဲ့ ကောင်းဂန်တမန်လေဟာ ကောင်းဂန်ဘောင်မာ ရှိတော်မူဟူ ငါ့ဖရဲ့ မျစ်နာတော်ဟို မြဲဒမ်း ဖူးပြင်ရေဟယ်။ 12 “နန်းနို့လေဟာ ဖယ်မျိုးထန်မှတ်ဂေနွဲ့။ လူတယော့-က်မာ သိုးကောန် ၁၀၀ ရှိဘီး သိုးတကောန်ဟာ ပျော့-က်ဟားမယ် ဆိုဟာ ကျန်နေဟူ ၉၉ ကောန်ဟို တောန်ထတ်မာ ထားရစ်ဘီးဟာ ပျော့-က်နေဟူ သိုးတကောန်ဟို လိုက်ရှာတတ်ဟယ် မူဟလော။ 13 ရှာဟိုတွဲဟူ ဒီမာ လမ်းလွဲဘီး ပျော့-က်ဘဲနေဟူ ကိုးဆယ်ကိုးကောန်ထတ် ပွန်တွဲဟူ သိုးတကောန်တွပ် ပိုဘီး ဟာ ဝန်းသာဟယ် ဆိုဘီး ငါ မှန်တိုင်းပြောဟယ်။ 14 အယ်မျိုးဘွဲ ကောင်းဂန်ဘောင်မာ ရှိတော်မူဟူ နန်းနို့ ဖလည်း အယ်မူသားဂန်း တယော့-က်ဟိုမှ ပျစ်စီးစေဟိုတွပ် လိုတော်မူဟူ။ 15 “အယ်ကြောန့် ညီကို မောန်နှမဟာ နန့်ဟို ပြစ်မှားဟယ် ဆိုဟာ သူ့ပြစ်ဟို ဖော်ပြပေးဟိုတွပ် သူ့နားဟို သွားပါ။ အယ်ဘေမဲ့ နွေယော့-က်ဒဲတွဲဘီး သူ့ပြစ်ဟို ဖော်ပြပါ။ နန့်စကားဟို သူ့နားထောန်ဟယ် ဆိုဟာ နန်းနို့ဟာ သူ့ဟို ပွန်ရလေဘီ။ 16 အယ်ဘေမဲ့ နန့်ရဲ စကားဟို နားထောန်ဟု ဆိုဟာ သူ့စကားဟို တည်ဖြစ်စေဟိုတွပ် ကျမ်းစာမာ ပြောဟားဟူတိုင်း သိသတ်သေ နွေယော့-က်၊ သောင်းယော့-က်ဟို ခေါ်ပါ။ 17 အယ်သူဟာ နားထောန်ဟို ငြင်းဆန်နေဟယ် ဆိုဟာ သင်းတော်ဟို တန်ပြပါ။ သင်းတော်ရဲ့ စကားဟိုလည်း သူ့နားထောန်ဟု ဆိုဟာ တခြားဘာသာဟု လူတယော့-က်မျိုးဘွဲဖြစ်ဖြစ် အယ်မျိုးမူဘဲနေဟာ ခွန်ကော့-က်မား တယော့-က်မျိုးဘွဲ အယ်သူဟို သတ်မှတ်ဂေပါ။ 18 “ငါ မှန်ပြောမယ်၊ နန်းနို့လေဟာ ဗွေဂီးထတ်မာ ချည်နှောင်ဟူမျှဟာ ကောင်းဂန်ဘောင်မာ ချည်နှောင်လေမယ်။ ဗွေဂီးထတ်မာ ဖြေလွတ်ဟူမျှဟာ ကောင်းဂန်ဘောင်မာ ဖြေလွတ်လေမယ်။ 19 “နော့-က်ထပ် ငါ မှန်ပြောမယ်။ ဗွေဂီးထတ်မာ လူနွေယော့-က် ဘောတူဘီး ဆုတောင်းဟယ် ဆိုဟာ နန်းနို့တောင်းဟူမျှဟို ကောင်းဂန်ဘောင်ဟု ငါ့ဖဟာ ပေးတော်မူလေမယ်။ 20 ဖြားဖြစ်ကြောန့်နွဲ့ဆိုဟာ လူနွေယော့-က်၊ သောင်းယော့-က်ဟာ ငါ့ရဲ့ နာမဟို အားကိုးဘီး စုဝေးနေဟူ နေရာလေမာ ငါဟာ သူ့နီးနီးနီး ရှိနေမယ်။” 21 အယ်မူဒီမာ ပေတရဟု ယေရုနားဟို လာဘီး “သခင်၊ ညီကို မောန်နှမဟု ကျွန်တော်ဟို ပြစ်မှားဟယ် ဆိုဟာ သူ့ဟို ဖယ်မျှခါလော့-က် ခွမ်လွတ်ရမယ်နွဲ့၊ ခွန်နစ်ခါလော့-က်ထိ ခွမ်လွတ်ရဟိုလော” ဆိုဘီး မေးလျော့-က်လေဟယ်။ 22 ယေရုဟု “ခွန်နစ်ခါတိုင်အောန် ခွမ်လွတ်ရမယ် ဆိုဘီး ငါပြောဟယ်။ ခါခွန်နစ်ဆယ် ခွန်နစ်လီတိုင်အောန် (ခွန်နစ်ဆယ်ခွန်နစ်ခါ) ခွမ်လွတ်ရမယ် ဆိုဘီး ငါပြောလေဟယ်။ 23 အယ်ကြောန့် ကောင်းဂန်နိုင်ငံတော်ဟာ သူ့ကျွန်လေရဲ့ စာရင်းဟို စစ်ဆေးဟူ မန်းဂီးတပါးန တူလေဟယ်။ 24 စာရင်းယူဟူ ဒီမာ ကပ်သန်းပေါန်းများစွာ ကပ်ကွီးတန်နေဟူ လူတယော့-က်ဟို ခေါ်စေလေဟယ်။ 25 အယ်သူဟာ ကပ်ကွီးဆပ်နိုင်ဘဲဟူကြောန့် သူ့သခင်ဟု အယ်သူနတူးဒု သားမယား၊ အောက်စာ ပစ်စီးလေ ရှိဟူမျှဟို ရောန်းဘီးဟာ ကပ်ကွီးဆပ်စေဟိုတွပ် မိန့်ခွဲမှတ်တော်မူဟယ်။ 26 အယ်ကျွန်ဟုလည်း မန်းဂီးရေမာ ပျပ်ဝပ်ဘီး ‘ကျွန်တော်ဟို သီးခံတော်မူပါ။ ကပ်ကွီးရှိဟူမျှဟို ဆပ်ပါမယ်!’ ဆိုဘီး တောင်းဗန်လေဟယ်။ 27 အယ်စေခံရဲ့ သခင်ဟုလည်း သူ့ဟို သနားဟိုကြောန့် ကပ်ကွီးရှိဟူမျှဟို လွတ်ပေးဘီး သွားခွမ်ပေးလေဟယ်။ 28 “အယ်ဘေမဲ့ အယ်ကျွန်ထွပ်ဟားဒီမာ

မိမိဒေနာရိတရာ ကပ်ကွီးတန်နေဟူ ကျွန်တယော- က်ဟို တွိလေဟယ်။ သူဟာ အယ်ကျွန်ရဲ့ လည်ဗန်းဟို ညှစ်ဘီး ငါ့ကပ်ကွီးဟို ဆပ်ပေးပါ!” ဆိုဘီး တောန်းလေဟယ်။ **29** “အယ်ကျွန်ရှင်းရှင်းဟုလည်း ဒူးထော့-က်ဘီးဟာ ‘ကျွန်တော်ဟို သီးခံပေးပါ။ ကပ်ကွီးလေ ဂူလောင်းဟို ဆပ်ပေးပါမယ်!’ ဆိုဘီး တောန်းဗန်လေဟယ်။ **30** အယ်ဘောမဲ့ သူဟာ လတ်ခံဘဲန ကပ်ကွီးလေ ဆပ်ခန်ခီထိ ထောန်ထဲမာ ချောက်ဟားလေဟယ်။ **31** အယ်မူကြောင်းရာဟို တခြားကျွန်လေ ပြင်သိရဟူ ခီမာ ရရာတိုင်း စိဆိုးဂေဘီး သူးနီသခင်နားဟို သွားဘီးဟာ ဖြစ်ပျစ်ဟူ ကြောင်းရာလေဟို လျှော့-က်ဂေလေဟယ်။ **32** အယ်ကြောန့် သခင်ဟု အယ်ကျွန်ဟို ခေါ်ဘီးဟာ ‘ဆိုးညစ်ဟူကျွန်! နန်ဟာ ငါ့ဟို တောန်းဗန်ဟိုကြောန့် ကပ်ကွီးလေ ဂူလောင်းဟို ခွမ့်လွှတ်ပေးဟားဟယ်။ **33** ငါဟာ နန်ဟို သနားဟူမျိုးဘဲ နန်ဟာလည်း ကျွန်ရှင်းရှင်းဟို သနားသင့်ဟယ်’ **34** အယ်ဘီးန သူသခင်ဟု အယ်ကျွန်ဟို စိဆိုးဘီးဟာ ကပ်ကွီးလေ ဂူလောင်းဟို ဆပ်ပေးခန်ခီထိ ထောန်ထဲမာ ချောက်ဟားစေ” ဆိုဘီး ပြောလေဟယ်။ **35** အယ်ဘီးန ယေရုဟ “နန်းနီလေလည်း နန်းနီရဲ့ ညီကို မောန်နှမလေဟို စိန့်လောင်းထဲဟုနေ ခွမ့်လွှတ်ဘဲဟု ဆိုဟာ ကောန်းဂန်ဘောင်ဟု ငါ့ဖလည်း နန်းနီလေဟို ခွမ့်လွှတ်ပေးဟို မူဟု” ဆိုဘီး မိန့်တော်မူလေဟယ်။

19 အယ်မူတရားစကားလေဟို ယေရုဟောပြောဘီးဟူ ခီမာ ဂါလိလဲပြည်ဟုနေ ထွပ်ဟားဘီး ယောဒန်မွန်ရဲ့ ဟိုဖတ်ကမ်းမာရှိဟူ ယုဒပြည်ဟို ကြွတော်မူလေဟယ်။ **2** လူအောက်ဂီးဟာ ကိုယ်တော်နော့-က်တော်ဟို လိုက်ဂေဟူကြောန့် အယ်နေရာမာ ကိုယ်တော်ဟာ သူးနီဟို ကျန်းမာစေတော်မူလေဟယ်။ **3** ဖာရိရဲတချို့ဟာ ကိုယ်တော်နားဟို လာဘီး “လူတယော့-က်ဟာ ဖြားမျိုးကြောင်းပြချစ်နဘဲဖြစ်ဖြစ် သူ့မယားဟို ကွာရှင်းဟိုတွပ် ပညတ်တော်နည်ဘဲလော” ဆိုဘီး စမ်းသပ်ရှင်ဟူကြောန့်ဟို မေးလျှော့-က်ဂေလေဟယ်။ **4** ယေရုဟ “ဖန်ဆင်းရှင်ဟာ စစဒူးဟု ယော့-က်ကျားန မီးမနွေယော့-က်ဒဲဟိုဘဲ ဖန်ဆင်းတော်မူဟယ် မူဟုလော။ **5** ဘုရားသခင်ဟု ‘အယ်မူကြောင်းရာကြောန့် ယော့-က်ကျားဟာ ကိုယ့်မိဖဟို စွန့်ဘီး ကိုယ့်မယားန ပေါန်းသင်းဘီး သူးနီနွေယော့-က်ဟာ တသားတကိုယ်ဒဲ ဖြစ်ရဂေလေမယ်။’ **6** အယ်ကြောန့် သူးနီဟာ နွေယော့-က်မူဘဲ တယော့-က်ဒဲဘဲ ဖြစ်ဂေဟယ်။ ဘုရားသခင်ဟု တူးဒူစောင်ဖတ်ပေးဟားဇာဟို လူဗွဲခွာစေန” ဆိုဘီး မိန့်တော်မူလေဟယ်။ **7** ဖာရိရဲလေဟုလည်း “အယ်မျိုးဆိုဟာ ကွာရှင်းစာချောက်ဟို ပေးဘီး မယားဟိုကွာဟိုတွပ် ဖြားဖြစ်ကြောန့် မောရှေဟု ပညတ်ဟားနူး” ဆိုဘီး မေးလျှော့-က်ဂေလေဟယ်။ **8** ကိုယ်တော်ဟု “နန်းနီလေရဲ့ စိန့်လောင်းဟာ ခိုင်မာဂေဟိုကြောန့် မောရှေဟာ နန်းနီရဲ့ မယားလေန ကွာရှင်းဟို ခွမ့်ပြဟားဟယ်။ အယ်ဘောမဲ့ စဒူးဟု အယ်မျိုးခွမ့်ပြချစ်မေ့ဟူ။ **9** နန်းနီဟို ငါပြောမယ်။ တရားဘဲဟူ မေထုန်ပြုဇာဟုလွဲဘီး ကိုယ့်မယားဟို ကွာရှင်းဘီးဟာ တခြားမီးမတယော့-က်န အီထောန်ပြုဟူသူဟာ အီထောန်ရေးဖော့-က်လွန်ရှင်းဟို ကျူးလွန်သူ ဖြစ်ဟယ်” ဆိုဘီး မိန့်တော်မူလေဟယ်။ **10** တဗွဲတော်လေဟုလည်း “လန်နမယား ပေါန်းသင်းမူဟာ အယ်မျိုးဖြစ်ဟယ် ဆိုဟာ အီထောန်နေဘဲဇာဟာ ပိုဘီး ကောန်းမယ်” ဆိုဘီး လျှော့-က်လေဟယ်။ **11** ကိုယ်တော်ဟုလည်း “အယ်စကားဟို လူတိုင်းခံယူနိုင်ဟု။ ဘုရားသခင် ခွမ့်ပြဟူသူလောဘဲ ခံယူနိုင်လေဟယ်။ **12** တချို့လူလေဟာ အီထောန်ပြုနိုင်စွမ်းမေ့ဘဲန ဇွီးလာဟူ လူလေရိဂေဟယ်။ လူလေကြောန့် အီထောန်ပြုနိုင်စွမ်းဟို စွန့်လွှတ်လိုက်ရဟူ လူလေလည်း ရှိဂေဟယ်။ ကောန်းဂန်နိုင်ငံတော်တွပ် အီထောန်ပြုနိုင်စွမ်းဟို စွန့်လွှတ်လိုက်ရဟူ လူလေရိဂေဟယ်။ အယ်စကားဟို ခံယူနိုင်ဟူ သူလောဘဲ ခံယူပါစေ” ဆိုဘီး မိန့်တော်မူလေဟယ်။ **13** လူတချို့ဟာ သားဂန်းလေဟို လတ်တန်ဘီးဆုတောင်းခံဟိုတွပ် ယေရုနားဟို ခေါ်ဆောန်လာဂေကြောန့် တဗွဲတော်လေဟု ပြစ်တန်ဘီး ပြောဂေလေဟယ်။ **14** ယေရုဟလည်း “သားဂန်းလေ ငါ့နားဟို လာပါစေ။ ဆီးတားဂေရန။ ကောန်းဂန်နိုင်ငံတော်ဟာ အယ်မျိုးသူလေရဲ့ နိုင်ငံဖြစ်လေဟယ်” ဆိုဘီး မိန့်တော်မူလေဟယ်။ **15** ကိုယ်တော်ဟာ သားဂန်းလေထတ်ဟို လတ်တန်ဘီးဟာ အယ်နေရာဟုနေဘီး ကြွတော်မူလေဟယ်။ **16** လူတယော့-က်ဟ

ယေရှုနားဟို့ လာဘီးဟာ “ဆရာ၊ ထာဝရသတ်ဟို့ ရဟို့တွပ် ကျွန်တော်ဟာ ကောန်းဟူဇာလေဟို့ ဖယ်မျိုးလောက်ရဟို့နူး” ဆိုဘီး မေးလျှော့-က်လေဟယ်။ (aiōnios g166) 17 ယေရှုဟုလည်း “ကောန်းဟူကျင့်န ပတ်သတ်ဘီးဟာ ငါ့ဟို့ ဖြားဖြစ်ကြောန့်မေးနူး၊ ဘုရားသခင်တပါးဒဲဘဲ ကောင်းမြတ်တော်မူလေဟယ်။ ထာဝရသတ်ဟို့ လိုရှင်ဟယ် ဆိုဟာ ပညတ်တော်လေဟို့ စောန့်ထီးပါ” ဆိုဘီး မိန့်တော်မူလေဟယ်။ 18 အယ်သူဟုလည်း “ဖယ်ပညတ်လေဟို့ စောန့်ထီးရဟို့နူး” ဆိုဘီး မေးလျှော့-က်လေဟယ်။ ယေရှုဟာ “လူဟို့သတ်န၊ အီထောန်ရေးဖော့-က်ပွန်န၊ ခိုးန၊ မှန်ဘဲဟူသတ်သေဟို့ခံန၊ 19 မိနဖဟို့ ရိုသေပါ။ နန့်ရဲ့ အီဇနီးရှင်းဟို့ နန့်ကိုယ်နန့် ရှစ်မျိုး ရှစ်ပါ” ဆိုဘီး မိန့်တော်မူလေဟယ်။ 20 အယ်လူငယ်ဟုလည်း “ကျွန်တော်ဟာ အယ်ပညတ်လေ ဂူလောင်းဟို့ စောန့်ထီးဟားဟယ်။ ဖြားဇာလောက်ဟို့လိုပါသေးနူး” ဆိုဘီး ပွန်လျှော့-က်လေဟယ်။ 21 ယေရှုဟုလည်း “နန့်ဟာ စောလင်ရှင်ဟယ် ဆိုဟာ သွားဘီးဟာ နန့်မာရိဟူ ပစ်စီးအောက်စာလေ ဂူလောင်းဟို့ ရောန်းဘီးဟာ ဆင်းရဲသားလေဟို့ ပေးပါ။ အယ်မျိုးဆိုဟာ နန့်ဟာ ကောန်းဂန်ဘောင်မာရိဟူ ဘဏ္ဍာဟို့ ရလေမယ်။ အယ်ဘီးမှ ငါ့နော့-က်ဟို့ လိုက်ပါ” ဆိုဘီး မိန့်တော်မူလေဟယ်။ 22 အယ်လူငယ်ဟာ ပစ်စီးအောက်စာလေ ကြွယ်ဝဟူ သူဖြစ်ကြောန့် အယ်စကားဟို့ ကြားဟူ ခီမာ ဝန်းနဲဟားဘီး ထွပ်ဟားလေဟယ်။ 23 အယ်န ယေရှုဟာ တဗဲတော်လေဟို့ “ငါ မှန်ပြောမယ်၊ ပစ်စီးအောက်စာ ကြွယ်ဝဟူ သူလေဟာ ဘုရားသခင်ရဲ့ ကောန်းဂန်နိုင်ငံတော်ဟို့ ဝမ်နိုင်ဟို့ ရရတိုင်း ခတ်လေဟယ်။ 24 ငါထပ်ပြောအူးမယ်။ ပစ်စီးအောက်စာ ကြွယ်ဝဟူ သူလေဟာ ဘုရားသခင်ရဲ့ ကောန်းဂန်နိုင်ငံတော်ဟို့ ဝမ်နိုင်ဟို့ထတ် ကုလားအုတ်ဟာ အပ်ခေါန်းပေါ့-က်ဟို့ လျှိုဟို့ ပိုဘီး လွယ်ကူဟယ်” ဆိုဘီး မိန့်တော်မူလေဟယ်။ 25 တဗဲတော်လေဟာ အယ်စကားဟို့ ကြားဟူ ခီမာ သူးနီဟာ ရရာတိုင်း အံ့ဩဟားဘီး “အယ်ဆိုဟာ ဖယ်သူလေဟာ ကယ်တန်ဇာဟို့ ခံရနိုင်မယ်နူး” ဆိုဘီး မေးလျှော့-က်လေဟယ်။ 26 ယေရှုဟာ သူးနီလေဟို့ ကေ့ဘီးဟာ “အယ်မူဟို့ လူတတ်နိုင်ဟူ။ အယ်ဘေမဲ့ ဘုရားသခင်ဟာ ဂူလောင်းဟို့ တတ်နိုင်တော်မူလေဟယ်” ဆိုဘီး မိန့်တော်မူလေဟယ်။ 27 အယ်ခီမာ ပေတရဟာ “ကျွန်တော့်ဟားလေမာ ရှိဟူမျှဟို့ စွန့်ဘီးဟာ ကိုယ်တော်နော့-က်ဟို့ လိုက်ဂေ့ဟယ်။ အယ်ဆိုဟာ ကျွန်တော့်ဟားလေဟာ ဖြားဇာလေဟို့ ရမယ်နူး” ဆိုဘီးဟာ မေးလျှော့-က်လေဟယ်။ 28 ယေရှုဟာ “ငါ မှန်ပြောမယ်၊ ကမ္ဘာသစ်မာ လူရဲ့သားဟာ ဖောင်းသရေတော်န ပွဲဇောင့်ဟူ ပလွင်ထတ်မာ ထိုင်တော်မူဟူ ခီမာ ငါ့နော့-က်ဟို့ လိုက်ဂေ့ဟူ နန့်နီလေဟာ ပလွင်ဆယ့်နေ့ခု ထတ်မာ ထိုင်ဘီး ကုသရေလူမျိုး ဆယ့်နေ့မျိုးဟို့ အောက်စိုးရလေမယ်။ 29 ငါနာမကြောန့် အီ၊ လယ်၊ ညီကို၊ ညီမ၊ မိဖ၊ သားမယားဟို့ စွန့်ဟူလူတိုင်းဟာ ဆတရာကျိုးဟို့ရဘီး ထာဝရသတ်ဟို့လည်း ရလေမယ်။ (aiōnios g166) 30 အယ်ဘေမဲ့ ဦးဆောင်းဖြစ်ဟူ လူလေဘောင်ဂီးဟာ နော့-က်ဆောင်းဖြစ်ဂေ့ဘီး နော့-က်ဆောင်းဖြစ်ဟူ လူလေဘောင်ဂီးဟာ ဦးဆောင်းဖြစ်လေမယ်။

20 “ကောန်းဂန်နိုင်ငံတော်ဟာ သူရဲစပျစ်ခြံတွပ် လောက်သမားလေဟို့ ငှားဟို့ မိုးလန်းစောစော ထွပ်ဟားဟူ ခြံဇရင်နတူလေဟယ်။ 2 သူဟာ တနေ့ဟို့ ငွေဒန်းဂါးတလားန ငှားဟို့ ဘောတူဘီးဟာ သူးနီဟို့ စပျစ်ခြံထဲဟို့ စေလွှတ်လေဟယ်။ 3 သူဟာ မိုးလန်း ကိုးနာရီ လော့-က်မာ ဆေးဟို့ ပွန်ထွပ်လာဇာ လောက်လောက်ဘဲန အယ်နေရာမာ ရပ်နေဟူ တခြားသူလေဟို့ တွဲရလေဟယ်။ 4 အယ်ကြောန့် သူးနီလေဟို့ ‘နန့်နီလေလည်း သွားဘီး စပျစ်ခြံထဲမာ လောက်လောက်ဂေ့ပါ။ ထိုက်သင့်ဟူ လောက်အားခဟို့ ငါပေးမယ်’ ဆိုဘီး သူးနီလေဟို့ ပြောလေဟယ်။ 5 အယ်ကြောန့် သူးနီလေဟာ သွားဂေ့ဟယ်။ အယ်ဘီးဟာ ဆယ်နေ့နာရီန သောင်းနာရီမာ တခါ ပွန်ဟို့ ထွပ်ဘီး လောက်သမားလေဟို့ ငှားလေဟယ်။ 6 နေဒန်ဇာ ငါးနာရီလော့-က်မာ သူဟာ ထွပ်ဟားဟူ ခီမာ တခြားလူလေဟာ အယ်နေရာမာဘဲ ရပ်နေဂေ့ဇာဟို့ တွဲလေဟယ်။ ‘နန့်နီလေ ဖြားဖြစ်ကြောန့် တနေ့လောင်း လောက်လောက်ဘဲန ရပ်နေဂေ့နူး’ ဆိုဘီး သူးနီလေဟို့ မေးလေဟယ်။ 7 အယ်သူလေဟုလည်း ‘ကျွန်တော်ဟားလေဟို့ ဖယ်သူလည်း ငှားဂေ့ဟု’ ဆိုဘီး ပြောလေဟယ်။ ခြံဇရင်ဟု ‘နန့်နီလည်း သွားဘီး ငါ့စပျစ်ခြံမာ လောက်လောက်ဂေ့ပါ’ ဆိုဘီး ပြောလေဟယ်။ 8 “ညဉ့်ခန်းဖတ်ရော့-က်ဟူ ခီမာ စပျစ်ခြံဇရင်ဟု ‘လောက်သမားလေဟို့ ခေါ်ဘီး နော့-က်ဆောင်းငှားဟူ

သူလေဟုစား ဦးဆောင်းငှားဟူ သူလေထိ လောက်အားခရှင်းပေးလိုက် ဆိုဘီး သူရဲဘဏ္ဍာစိုးဟို ပြောလေဟယ်။
9 အယ်ကြောန့် ဘဏ္ဍာစိုးဟာ နေဒန်ဇာငါးနာရီမှာ ငှားဟွားဟူ လူလေဟို ငွေဒန်းဂါးတလွှားစီ ရှင်းပေးလေဟယ်။ 10
ဦးဆောင်းငှားဟွားဟူ သူလေဟာ တခြားလူလေထတ် ပိုဘီး ရလေမယ် ထန်မှတ်ဘီး ရှေး-က်လာဟယ်။ အယ်ဘေမဲ့
သူးနိုလည်း ငွေဒန်းဂါးတလွှားစီဘဲ ရလေဟယ်။ 11 သူးနိုလေဟာ ငွေဒန်းဂါးတလွှားစီဘဲ ရဂေကြောန့် ခြံရှင်ဟို
ပြစ်တန်ဂေလေဟယ်။ 12 ‘နော့-က်ဆောင်းငှားဟွားဟူ အယ်သူလေဟာ တနာရီဘဲ လောက်လောက်ရဟယ်။
ကျွန်တော့်ဟွားလေဟာ နေပူဗွန်ထဲမှာ တနေ့လောင်း ပန်ပန်ဘန်းဘန်းန လောက်ဆောန်ရဟူလည်းဘဲ သင်ဟာ
ကျွန်တော်ဟွားလေဟို အယ်သူလေနဒန်းတူဘဲ လောက်အားခဟို ပေးဟယ်!’ ဆိုဘီး ပြောဆိုဂေလေဟယ်။ 13
ခြံရှင်ဟာ သူးနိုထဲဟာ တယော့-က်ဟို ‘မိဆွေ၊ ငါဟာ နန်ဟို တရားဘဲလောက်ဇာ မဟူ။ နန်ဟာ ငွေဒန်းဂါးတလွှားန
လောက်လောက်ဟိုတွပ် ဘောတူဟွားဟယ်။ 14 နန်ရဲ့ လောက်အားခဟို ယူဘီးသွားဝေါ။ နော့-က်ဆောင်းငှားဟူ
လူလေဟိုလည်း နန်းနိုလေဟို ပေးဟူမျိုးဘဲ ငါပေးမယ်။ 15 ငါ့ကပ်လေဟို ငါလောက်ရှင်မျိုး လောက်ခွမ် မေ့ဟူလော
ငါဟာ ဘောကောန်းဟူကြောန့် နန်ဟို နာလိုဘဲဖြစ်ရလော’ ဆိုဘီး ပြောလေဟယ်။” ဆိုဘီးဟာ မိန့်တော်မူလေဟယ်။ 16
အယ်ကြောန့် ယေရှဟာ “အယ်မျိုးဘဲ နော့-က်ဆောင်းဖြစ်ဟူ လူလေဟာ ဦးဆောင်းဖြစ်ဟွားဘီး ဦးဆောင်းဖြစ်ဟူ
လူလေဟာ နော့-က်ဆောင်းဖြစ်လေမယ်” ဆိုဘီး မိန့်တော်မူလေဟယ်။ 17 ယေရှဟာ ယေရုရှလင်မြို့ဟို တတ်နေဒူးမှာ
တဗဲတော်ဆယ်နေ့ပါးဟို သီးသန့်ခေါ် ဘီး။ 18 “နားထောန်ဂေ။ နိုလေဟာ ယေရုရှလင်မြို့ဟို တတ်ဂေမယ်။ အယ်မြို့မှာ
လူရဲသားဟာ ယဇ်ပုရောဟိတ်ဂီးလေန ကျမ်းပြုဆရာလေရဲ့ လတ်ထဲဟို အပ်ခံရလေမယ်။ သူးနိုလေဟာ လူရဲသားဟို
သေဒန်စီရင်ဘီး။ 19 လူမျိုးခြားလေရဲ့ လတ်ထဲဟို အပ်ဂေလေမယ်။ သူးနိုဟာ လူရဲသားဟို လှော်န့်ပြောန်ဘီး၊
ကီဒန်ပေးဘီး လတ်ဝါးကပ်တိုင်မှာ တန်ဘီး သတ်ဂေလေမယ်။ အယ်ဘေမဲ့ သောင်းရစ်မြော့-က်ဟူနေမှာ လူရဲသားဟာ
ထမြော့-က်လေမယ်” ဆိုဘီး မိန့်တော်မူလေဟယ်။ 20 အယ်ဘီးန ဇေဗေဒဲရဲ့ မီးမဟာ သူသားနေ့ယော့-က်နတူးဒု တခုဟို
တောန်းဟိုတွပ် ယေရှနားဟို လာဘီး ပျပ်ဝပ်လေဟယ်။ 21 ယေရှဟာ “ဖြားဇာလိုရှင်နူး” ဆိုဘီး မေးလေဟယ်။ အယ်မီးမဟာ
“ကိုယ်တော်ရဲ့ နိုင်ငံတော်မှာ ကျွန်မရဲ့ သားနေ့ယော့-က်ဟို ကိုယ်တော်ရဲ့ ညာဖတ်မှာတယော့-က် ကိုယ်တော်ရဲ့
ဘယ်ဖတ်မှာတယော့-က် ထိုင်စေတော်မူပါ” ဆိုဘီး တောန်းလျော့-က်လေဟယ်။ 22 ယေရှဟာ “နန်းနိုလေဟာ ဖြားဇာလေ
တောန်းလျော့-က်နေဟယ် ဆိုဇာဟို နန်းနိုသိဂေဟူ။ ငါသော့-က်ရဟို ဒေါက်ခေဒနာခွပ်ဟို နန်းနိုသော့-က်နိုင်ဘဲလော”
ဆိုဘီး မေးတော်မူလေဟယ်။ သူးနိုဟာလည်း “ကျွန်တော်ဟွားလေ သော့-က်နိုင်ပါဟယ်” ဆိုဘီး လျော့-က်ဂေလေဟယ်။
23 ကိုယ်တော်ဟာ “ငါ့ရဲခွပ်ဟို နန်းနိုလေဟာ သော့-က်ရလေမယ်။ အယ်ဘေမဲ့ ငါ့ရဲ့ ညာဖတ်န ဘယ်ဖတ်မှာ ထိုင်ရဟိုခွပ်ဟို
ငါပေးပိုင်ဟူ။ အယ်နေရာဟာ ငါ့ရဲ့ ပြင်ဆင်ဟွားဟူ သူလေတွပ်ဘဲ ဖြစ်လေဟယ်” ဆိုဘီး မိန့်တော်မူလေဟယ်။ 24
အယ်ကြောန့်ရာဟို တဗဲတော် ဆယ်ယော့-က်ဟာ ကြားသိဟူ ခီမာ အယ်ညီကို နေ့ယော့-က်ဟို စီဆိုးဂေဟယ်။ 25
ယေရှဟာ တဗဲတော်လေဟို သူနားဟို ခေါ်တော်မူဘီး “နန်းနိုလေ သိဂေဟူတိုင်းဘဲ လူမျိုးခြားလေမှာ အောက်ချောက်ဟူ
သူလေဟာ ပြည်သူလေထတ်မှာ စိုးတရပြုဘီး ခေါင်းဆောန်လေလည်း အာဏာထားတတ်ဂေလေဟယ်။ 26 နန်းနိုလေထဲမှာ
အယ်မျိုး ဖြစ်သင့်ဟူ။ နန်းနိုထဲဟာ တယော့-က်ဟာ အကြီးကဖြစ်ရှင်ဟယ် ဆိုဟာ အယ်လူဟာ နန်းနိုလေရဲ့
စေခံဖြစ်ရမယ်။ 27 အယ်ဘီးဟာ နန်းနိုလေထဲဟာ တယော့-က်ဟာ ကီးမြတ်ဆောင်းဖြစ်ရှင်ဟယ် ဆိုဟာ အယ်လူဟာ
နန်းနိုလေရဲ့ ကျွန်ဖြစ်ရမယ်။ 28 အယ်မျိုးဘဲ လူရဲသားဟာ သူတပါးဟို စေစားဟို့လာဇာ မဟူ။ သူတပါးရဲ့ စေခံဟို့န
သူသတ်ဟို စွန့်ဘီး လူလေဘောင်ဂီးဟို ဝီးနူဟို့တွပ် ကြွလာဟယ်” ဆိုဘီး မိန့်တော်မူလေဟယ်။ 29 ယေရှန
တဗဲတော်လေဟာ ယေရိခေါမြို့ဟုနေ ထွပ်လာဟူ ခီမာ လူအောက်ဂီးဟာ နော့-က်တော်ဟို လိုက်ဂေလေဟယ်။
30 လမ်းဘေးမှာထိုင်နေဟူ လူကန်းနေ့ယော့-က်ဟာ ယေရှဖြတ်ဟွားဟယ် ဆိုဇာဟို ကြားသိဟိုကြောန့် “သခင်၊
ဒါဝိဒ်ရဲ့ သားတော်၊ ကျွန်တော်ဟွားလေဟို သနားတော်မူပါ!” ဆိုဘီး အော်ဟစ်လေဟယ်။ 31 လူအောက်ဂီးဟာ

သူးနို့ဟို တိတိဆိဆိဟူး နေဟို့တွပ် ပြစ်တန်ဘီး ပြောဂေဟယ်။ အယ်ဘေမဲ့ သူးနို့ဟ “သခင်၊ ဒါဝိဒ်ရဲ့ သားတော်! ကျွန်တော်ဟူးလေဟို့ သနားတော်မူပါ!” ဆိုဘီး ပိုဘီး ဟာ အော်ဟစ်ဂေဟယ်။ 32 ယေရှုဟာ ရပ်တော်မူလိုက်ဘီး သူးနို့ဟို ခေါ်လိုက်ဟယ်။ “နန်းနို့တွပ် ဖြားစာလောက်ပေးစေရှင်ဟယ်နူး” ဆိုဘီး ကိုယ်တော်ဟ မေးတော်မူလေဟယ်။ 33 သူးနို့ဟ “သခင်၊ ကျွန်တော်ဟူးလေရဲ့ မျစ်စိဟို့ ဗြင်စေတော်မူပါ!” ဆိုဘီး လျှော့-က်ဂေလေဟယ်။ 34 ယေရှုဟာ သူးနို့ဟို သနားတော်မူဟူကြောန့် သူးနို့လေရဲ့ မျစ်စိဟို့ လတ်နံ တို့တော်မူလေဟယ်။ ရှစ်ရှင်းဘွဲ သူးနို့ဟ မျစ်စိဗြင်ဟူးဘီး နေ့-က်တော်ဟို့ လိုက်ဂေလေဟယ်။

21 ယေရှုန တဗွဲတော်လေဟာ ယေရှုရှလင်မြို့နားဟို့ ရော့-က်လာဘီးဟာ သံလွင်တောန်ခေရင်းမာရှိဟူ ဗက်ဖာဂေဝါဟို့ ရော့-က်ဂေလေဟယ်။ ယေရှုဟာ တဗွဲတော်နေယော့-က်ဟို့ စေလွှတ်ဘီး 2 “နန်းနို့ရှေ့မာရှိဟူ ဝါဟို့သွားဂေ။ အယ်ဘီးဟာ ခယ်ဟူးဟူ မြည်းမနတူးဒူး သူ့ဘေးမာရှိဟူ မြည်းသားဂန်းဟူးဟို့ နန်းနို့ရှစ်ရှင်းတို့လေမယ်။ ကြိုးဟို့ဖြေဘီး ငါ့နားဟို့ ယူလာဂေပါ။ 3 အယ်ဘီးဟာ ယော့-က်ယော့-က်ဟာ နန်းနို့လေဟို့ တခုခု မေးမယ် ဆိုဟာ ‘သခင်ဘုရား လိုရှိဟယ်’ ဆိုဘီး ယွန်ပြောဂေပါ။ အယ်ဆိုဟာ မြည်းဟို့ ရှစ်ရှင်းပေးလိုက်လေမယ်” ဆိုဘီး မှာလိုက်လေဟယ်။ 4 ပရောဖက် ဟောပြောဟူးဟူ ကြောန်းရာလေဟာ ယွဲဇောင်လာဇာဟာ 5 “ဇီအုန်မြို့ဟို့ ပြောပါ။ ကေ့ရှုပါ။ နန့်ရဲ့ မန်းဂီးဟာ နန့်နားဟို့ ကြွလာတော်မူဘိ! သူဟာ နူးညံ့ဟယ်။ အယ်ဘီးဟာ မြည်းဟို့ စီးတော်မူလေဟယ်။ အယ်ဘီးဟာ မြည်းသားဂန်းဟို့ စီးတော်မူလေဟယ်” ဆိုဘီး ဖြစ်လာလေဟယ်။ 6 အယ်ကြောန့် တဗွဲတော်လေဟာ ထွပ်ဟူးဘီးဟာ ယေရှုမိန့်မာဟူတိုင်း လောက်ဆောန်ဂေလေဟယ်။ 7 သူးနို့လေဟာ မြည်းမန မြည်းသားဂန်းဟို့ ယူလာဘီးဟာ ယေရှုထိုင်တော်မူဟို့တွပ် သူးနို့လေရဲ့ ဝတ်လေဟို့ တန်ဂေလေဟယ်။ 8 ကီးမားဟူ လူအောက်ဂီးဟာ သူးနို့ဝတ်လေဟို့ လမ်းမာ ခန်းဟူးဂေလေဟယ်။ တချို့ဟာ သစ်ပန်ဟာ သစ်ခတ်လေဟို့ ခွတ်ဘီးဟာ လမ်းမာ ခန်းဂေလေဟယ်။ 9 ယေရှုရဲ့ ရှေ့နော့-က်မာ လိုက်လာဂေဟူ လူအောက်ဂီးဟာ “ဒါဝိဒ်ရဲ့ သားတော် ဟောရှုဏ္ဏဖြစ်ပါစေ! ဘုရားသခင်ရဲ့ နာမန ကြွလာဟူ သခင်ဟာ မင်္ဂလာရှိပါစေ! ဗြင့်ဆောင်းဟူ နေရာမာ ဟောရှုဏ္ဏဖြစ်ပါစေ!” ဆိုဘီး ကြွေးကြော်ဂေလေဟယ်။ 10 ယေရှုဟာ ယေရှုရှလင်မြို့ထဲဟို့ ဝမ်လာဟူ ခီမာ တမြို့လောင်းဟာ အောက်အောက်သဲသဲ ဖြစ်ဟူးဂေဟယ်။ လူလေဟာ “အယ်သူဟာ ဖယ်သူနူး” ဆိုဘီး မေးဂေလေဟယ်။ 11 လူအောက်ဂီးဟာ “အယ်သူဟာ ဂါလိလဲပြည် နာဇရက်မြို့ဟာ ပရောဖက် ယေရှုဖြစ်ဟယ်” ဆိုဘီး ဖြေဂေလေဟယ်။ 12 ယေရှုဟာ ဗိမာန်တော်ဟို့ဝမ်ဘီး အယ်နေရာမာ ရောန်းဝယ်နေဟူ လူလေဟို့ နုန်ထုတော်မူလေဟယ်။ ကိုယ်တော်ဟာ ကပ်လဲမားလေရဲ့ ဗွဲလေန ချိုးငှတ်ရောန်းမားလေရဲ့ ထိုင်ခေါင်လေဟို့လည်း မှော့-က်ပစ်လေဟယ်။ 13 အယ်ဘီးဟာ ကိုယ်တော်ဟာ “ငါ့အီတော်ဟို့ ဆုတောင်းဟူ အီတော် ဆိုဘီး ခေါ်ဝေါ်ဂေလေမယ်’ ဆိုဘီးဟာ ကျမ်းစာမာ ရေးဟူးဟယ်။ အယ်ဘေမဲ့ နန်းနို့လေဟာ အီတော်ဟို့ မွေလေတွပ် ခိုအောင်းဟူ နေရာ ဖြစ်စေဂေဘိ!” ဆိုဘီး မိန့်တော်မူလေဟယ်။ 14 ဗိမာန်တော်ထဲမာ မျစ်ကန်းလေန ခေသန်ဘဲဟူ သူလေဟာ ကိုယ်တော်နားဟို့ လာဂေဟူကြောန့် ကိုယ်တော်ဟလည်း သူးနို့ဟို့ ကျန်းမာစေတော်မူလေဟယ်။ 15 ယဇ်ပုရောဟိတ်ဂီးလေန ကျမ်းပြုဆရာလေဟာ ကိုယ်တော်ပြုဟူ အံ့ဩဘွယ်မူရာလေဟို့ ဗြင်ဟူးဘီး သားဂန်းဟူးလေဟလည်း “ဒါဝိဒ်ရဲ့သားတော် ဟောရှုဏ္ဏဖြစ်ပါစေ!” ဆိုဘီး ဗိမာန်တော်ထဲမာ ကြွေးကြော်ဂေဟူ ခီမာ သူးနို့ဟာ စီဆိုးဂေလေဟယ်။ 16 အယ်ကြောန့် သူးနို့ဟ “အယ်သားဂန်းဟူးလေ ကြွေးကြော်နေဂေဇာဟို့ ကြားဘွဲလော” ဆိုဘီး ကိုယ်တော်ဟို့ မေးလျှော့-က်ဂေလေဟယ်။ ယေရှုဟာ “ငါကြားဟယ်။ ‘သားဂန်းဟူးလေန နို့စို့ဟူးလေရဲ့ နောက်ထဲဟာ ချီးမွမ်းဇာဟို့ ပြင်ဆင်တော်မူဘိ’ ဆိုဘီး ရေးဟူးဟူ ကျမ်းစာဟို့ နန်းနို့ဖတ်ဖူးဂေဟလော” ဆိုဘီး မိန့်တော်မူလေဟယ်။ 17 အယ်ဘီးန ယေရှုဟာ သူးနို့ဟို ထားရစ်ဘီး မြို့ထဲဟာထွပ်ဟူးဟယ်။ ဗေသနိဝါဟို့ ကြားဟူးဘီး အယ်နေရာမာ တညဉ့်တိုတော်မူလေဟယ်။ 18 ယေရှုဟာ မိုးလန်းစောစောဂီး မြို့ဟို့ ယွန်ကြွလာဟူ ခီမာ ဗိုက်ဆာတော်မူလေဟယ်။ 19 ကိုယ်တော်ဟာ လမ်းဘေးမာ သဖန်းဗန်တဗန်ဟို့ ဗြင်ဘီး အယ်ပန်နားဟို့ ကြွတော်မူလေဟယ်။ အယ်ဘေမဲ့ ပန်ထတ်မာ

ဝပ်လေဟူ၍တဲး တွဲဟူ၍ကောန် ကိုယ်တော်ဟု “နန်ဟု ခုခီဟုနေစဘီး ကာလစဉ်ဆစ် လောင်းဝ သီးသီးစေန!” ဆိုဘီး အယ်ပန်ဟို မိန့်တော်မူလေဟယ်။ အယ်မူဇာ သဖန်းဗန်ဟု တခါဒဲ သွိုဗြော-က်ဟားလေဟယ်။ (aiṭh g165) 20 တဗဲတော်လေဟု အယ်မူဇာဟို ဗြင်ဘီးဟု အံ့သြဂေလေဟယ်။ သူးနိုဟု “သဖန်းဗန်ဟု ဖယ်မျိုးဖြစ်ဟူ၍ကောန် တခါဒဲ သွိုဗြော-က်ဟားရနူး” ဆိုဘီး သူးနိုရှင်းရှင်း မေးဂေလေဟယ်။ 21 ယေရူဟု “ငါ မှန်ပြောမယ်၊ နန်းနိုလေဟု သံသယမှော့န ယောင်ကြည်မယ် ဆိုဟု သဖန်းဗန်ဟို ငါပြုဟူမျိုး နန်းနိုပြနိုင်ဘီး အယ်ထတ်မက အယ်တောန်ဟို ‘အယ်နေရာဟုနေရဲ့ဘီး ပန်လယ်ထဲဟို ကွစေ’ ဆိုဘီး ပြောမယ် ဆိုဟု ပြောဟူတိုင်း ဖြစ်လေမယ်။ 22 နန်းနိုလေ ယောင်ကြည်မယ် ဆိုဟု တောန်းလျော့-က်ဟူမျိုး ရဂေလေမယ်” ဆိုဘီး မိန့်တော်မူလေဟယ်။ 23 ယေရူဟု ဗိမာန်တော်ဟို ပွန်ကြွလာဘီး သွန်သန်နေခီဗာ ယဗ်ပရေဟိတ်ဂီးလေန ဘာသာရေးခေါင်းဆောင်လေဟု ကိုယ်တော်နားဟို လာဂေဘီး “ကိုယ်တော်ဟု အယ်မူဇာလေဟို ဖယ်သုရဲ့ ခွမ်အာဏာန ပြုလောက်ပါနူး၊ အယ်ခွမ်အာဏာဟို ဖယ်သုပေးအပ်နူး” ဆိုဘီး မေးလျော့-က်လေဟယ်။ 24 ယေရူဟု “နန်းနိုလေဟို မေးခွန်းတခု ငါမေးအူးမယ်။ အယ်မေးခွန်းဟို နန်းနိုဖြေမယ် ဆိုဟု အယ်မူဇာလေဟို ဖယ်သုခွမ်အာဏာန ငါလောက်ဟယ် ဆိုဇာဟို ငါပြောမယ်။ 25 ယောဟန်ရဲ့ ဗတ္တိဇံဟု ဖယ်နေရာဟုနေ ဖြစ်လာဟယ်နူး ကောန်းဂန်ဟုနေ ဖြစ်လာဇာလော အယ်မျိုးမှုဘဲနေဟု လူလေဟုနေ ဖြစ်လာဇာလော” ဆိုဘီး မေးတော်မူလေဟယ်။ သူးနိုလေဟု “နိုလေဖြားမျိုးပြောရမယ်နူး။ ‘ဘုရားသခင်ဟုနေ ဖြစ်လာဟယ်’ ဆိုဘီး နိုလေဖြေလိုက်မယ် ဆိုဟု နန်းနိုဟု ဖြားဖြစ်ကြောန် ‘ယောဟန်ဟို ယောင်ကြည်ဂေဘဲနေရနူး’ ဆိုဘီး သူဟု နိုလေဟို မေးလေမယ်။ 26 အယ်ဘောမဲ့ ‘လူလေဟုနေ ဖြစ်လာဟယ်’ ဆိုဘီး နိုလေဖြေလိုက်မယ် ဆိုဟုလူလေ ဂူလောင်းဟု ယောဟန်ဟို ပရေဖက်တပါး ဖြစ်ဟယ် ဆိုဘီး ယောင်ကြည်ဂေဟိုကြောန် လူလေဟိုလည်း ကြော-က်ရဟယ်” ဆိုဘီး သူးနိုရှင်းရှင်း ဆွေးနွေးဂေလေဟယ်။ 27 အယ်ကြောန် သူးနိုဟု ယေရူဟို “ကျွန်တော်ဟားလေ သိဂေဟု” ဆိုဘီး ပွန်လျော့-က်ဂေလေဟယ်။ အယ်န ယေရူဟု “ငါပြုဟူအယ်မူဇာလေဟို ဖယ်သုခွမ်အာဏာန ပြဟယ်ဆိုဇာဟိုလည်း ငါပြောဟု” ဆိုဘီး မိန့်တော်မူလေဟယ်။ 28 “နန်းနိုလေ ဖယ်မျိုးထန်မှတ်ဂေနူး။ လူတယော့-က်မာ သားနေယော့-က်ရိုလေဟယ်။ သူဟု သားဂီးနားဟို သွားဘီးဟု ‘ငါ့သား၊ အယ်နေ စပျစ်ခြံဟို သွားဘီးဟု လောက်လောက်ပါ’ ဆိုဘီး ပြောလေဟယ်။ 29 သားဂီးဟု ‘ကျွန်တော်သွားနိုဟု’ ဆိုဘီး ပွန်ဖြေလေဟယ်။ အယ်ဘောမဲ့ သူရဲစိုဟု ညွှန်းလဲဘီးဟု ခြံထဲဟို သွားလေဟယ်။ 30 အယ်န ဖဟု သားငယ်နားဟို သွားဘီး အယ်မျိုးဘဲ ပြောလေဟယ်။ အယ်သားဟု ‘သွားပါမယ်၊ သခင်’ ဆိုဘီး ပြောဘောမဲ့လည်း သွားဘဲန နေလေဟယ်။ 31 အယ်သား နေယော့-က်မာ ဖယ်သူဟု သူဖရဲ့ လိုဟို လောက်ဆောန်ဟယ်နူး” ဆိုဘီး မေးတော်မူလေဟယ်။ သူးနိုလေဟု “သားဂီး” ဆိုဘီး ဖြေဂေလေဟယ်။ အယ်ကြောန် ယေရူဟု “ငါ မှန်ပြောမယ်၊ အခွန်ကော့-က်မားလေန ကောန်းဘဲဟူ မီးမလေဟု နန်းနိုထတ်ဦးဘီး ကောန်းဂန်နိုင်ငံတော်ဟို ဝမ်ဂေလေဟယ်။ 32 ဖြားဖြစ်ကြောန်နူးဆိုဟု ဗတ္တိဇံ ယောဟန်ဟု ဖြောန်မတ်ဟူ လမ်းအားဖြင့် နန်းနိုလေနားဟို လာဘီး မှန်ဟူလမ်းဟို ပြဟူလည်းဘဲ နန်းနိုလေဟု သူဟို ယောင်ကြည်ဂေဟု။ အယ်ဘောမဲ့ ခွန်ကော့-က်မားလေန ကောန်းဘဲဟူ မီးမလေဟု ယောင်ကြည်ဂေလေဟယ်။ အယ်မူဇာလေဟို ဗြင်ရဟူ ခီမာလည်းဘဲ နန်းနိုလေဟု ယောင်ကြည်ဟိုတွပ် စိယွန်းလဲဂေဟု။” 33 ယေရူဟု “တခြားပေါင်ဥပမာတခုဟို နားထောင်ဂေ။ စပျစ်ခြံဟို စိုက်ပျိုးဟူ မွေ့ရှင်တယော့-က် ရိုလေဟယ်။ သူဟု ခြံစည်းရိုးဟို ကာဘီး စပျစ်သီးနယ်ဟိုတွပ် တွမ်းဟို တူးလေဟယ်။ အယ်ဘီးဟု မျှော်စင်တခုဟိုလည်း ဆော့-က်လေဟယ်။ အယ်ဘီးမှ သူဟု စပျစ်ခြံဟို ခြံလောက်မားလေဟို ငှားဘီးဟု ခရီးထွပ်ဟားလေဟယ်။ 34 စပျစ်သီးပေါ်ခီ ရော့-က်ဟူ ခီမာ စပျစ်သီးယူဟိုတွပ် သူစေခံလေဟို ခြံလောက်မားလေနားဟို စေလွှတ်လေဟယ်။ 35 ခြံလောက်မားလေဟု အယ်သူရဲ့ စေခံလေဟို ဖမ်းဘီးဟု တယော့-က်ဟို ရိုက်၊ တယော့-က်ဟို သတ်ဘီး တယော့-က်ဟို ကျော့-က်ခဲန ပစ်လေဟယ်။ 36 နော့-က်ထပ်ခါ ခြံရှင်ဟု ရင်ဟုထပ်များဟူ စေခံလေဟို လွှတ်လိုက်ဟယ်။ ခြံလောက်မားလေဟု အယ်မူတိုင်းဘဲ

လောကဂေဟလေဟယ်။ 37 ခြံဇရင်ဟု ‘အယ်သုလေဟာ ငါးသားဟို လေးစားဂေဟလေမယ်’ ဆိုဘီး နော့- က်ဆောင်းမာ သူသားဟို စေလွတ်လေဟယ်။ 38 အယ်ဘောမဲ့ ခြံလောက်မားလေဟာ ဇရင်ရဲသားဟို ဗြင်ဟူ ခီမာ ‘အယ်သုဟာ ဇရင်ရဲသားဖြစ်ဟယ်။ လာဂေ။ သူဟိုသတ်ဘီး သူရဲအောက်စာဟို ယူဂေဇို။’ ဆိုဘီး သူးနီရှင်းရှင်းပြောဂေဟယ်။ 39 အယ်ကြောန့် သူးနီဟာ စပျစ်ခြံဇရင်ရဲ သားဟို ဖမ်းဘီး ခြံပွန်ဟို ဆွဲထုဘီးဟာ သတ်ဂေဟယ်။ 40 “အယ်မျိုးဆိုဟာ စပျစ်ခြံဇရင် ရော့- က်လာဟူ ခီမာ ခြံလောက်မားလေဟို ဖယ်မျိုးလောက်လေမယ်နူး” ဆိုဘီး မေးတော်မူလေဟယ်။ 41 သူးနီဟာ “စပျစ်ခြံဇရင်ဟာ အယ်လူဆိုးလေဟို သေသတ်ပါလေမယ်။ အယ်ဘီးဟာ ခြံဟိုလည်း စပျစ်သီး သီးဟူ ခီမာ ခြံဇရင်ဟို ပေးဟူ ခြံလောက်မားလေဟိုဘွဲ ငှားပါလေမယ်” ဆိုဘီး ဖြေဂေဟယ်။ 42 ယေရှုဟု “ကျမ်းစာဟို နန်းနီလေ ဖတ်ဖူးဟုလော၊ “တိုက်ဆော့- က်မားလေ ဖယ်ဟားဟူ ကွော့- က်ဟာ တိုက်ရဲ ထိဖျားဟို ရော့- က်လေဟယ်။ အယ်မူဟာ ဘုရားသခင်အားဖြင့် ဖြစ်လာဘီး၊ နီလေရဲ မျစ်စိရှေ့မာလည်း အံ့ဩဘွယ်ရာ ဖြစ်ဟယ်။” 43 “အယ်ကြောန့် နန်းနီလေဟို ငါပြောမယ်။ ဘုရားသခင်ရဲ နိုင်ငံတော်ဟို နန်းနီလေဟုနေဘီး ရောက်သီးဘီးဟာ နိုင်ငံတော်ရဲ သီးဟို သီးမယ်လူမျိုးလေဟို ပေးလေမယ်။” ဆိုဘီး မိန့်တော်မူလေဟယ်။ 45 ယေရှုရဲ ပေါင်ဥပမာစကားဟို ယဇိပရောဟိတ်ဂီးလေန ဗာရိရဲလေ ကြားဟူ ခီမာ သူးနီလေကြောန့်ဟို မိန့်တော်မူဟယ် ဆိုစာဟို သိဂေဟယ်။ 46 ယေရှုဟို ဖမ်းဟို ကြိုးစားဂေဟယ်။ အယ်ဘောမဲ့ လူအောက်ဂီးဟု ကိုယ်တော်ဟို ပရောဖက်ဖြစ်ဟယ် ဆိုဘီး ထန်မှတ်ဂေဟယ်။ သူးနီဟာ လူလေဟို ကြော့- က်ဂေဟယ်။

22 နော့- က်ထပ် ယေရှုဟု ပေါင်ဥပမာဟို သောင်းပြုဘီးဟာ လူလေဟို မိန့်တော်မူလေဟယ်။ 2 “ကောန်းဂန်နိုင်ငံတော်ဟာ သူရဲသားတွပ် မင်္ဂလာပွဲဟို ပြင်ဆင်ဟားဟူ မန်းဂီးနု တူလေဟယ်။ 3 သူဟာ ဖိခေါ်ဟားဟူ လူလေဟို ခေါ် ဟိုတွပ် သူရဲ စေခံလေဟို စေလွတ်လေဟယ်။ အယ်ဘောမဲ့ သူးနီလေဟာ လာဂေဟယ်။ 4 အယ်ကြောန့် သူဟု ‘ငါ့ရဲစားဗွဲလည်း ဆင်သင့်ဖြစ်ဘီ။ နွားနု ဆူဖြိုးဟူ လိဆန်လေဟိုလည်း သတ်ပီးဘီ။ ဂူလောင်း ဆင်သင့်ဖြစ်နေဘီ။ မင်္ဂလာဆောန့်ပွဲဟို ကြွဂေပါ!’ ဆိုဘီး တခြားစေခံလေဟို စေလွတ်ဘီးဟာ ပြောစေလေဟယ်။ 5 အယ်ဘောမဲ့ ဖိခေါ်ဟားသူလေဟာ ဂရုစိုက်ဘဲနု တယော့- က်ဟု လယ်ထဲဟို သွားလိုက်ဘီး တခြားတယော့- က်ဟု သူရဲ ကူသယ်လောက်ငန်းဟို သွားလေဟယ်။ 6 တခြားသူလေဟုလည်း စေခံလေဟို ဖမ်းဘီး ရိုက်ဘီး သတ်ဂေဟယ်။ 7 အယ်ကြောန့် မန်းဂီးဟာ ရရာတိုင်း ဒေါသဖြစ်ဘီး သူရဲ စစ်သားလေဟို လွှတ်ဘီးဟာ အယ်လူသတ်မားလေဟို သတ်စေဘီး သူးနီဖြိုးဟိုလည်း မီးရှို့စေလေဟယ်။ 8 အယ်ဘီးနု သူဟာ စေခံလေဟို ခေါ်ဘီး ‘မင်္ဂလာဆောန့်ပွဲ ဆင်သင့်ဖြစ်နေဘီ။ အယ်ဘောမဲ့လည်း ဖိခေါ်ဟားသူလေဟာ အယ်ပွဲနု ထိုက်တန်ဟု။ 9 လမ်းမဂီးလေဟို သွားဘီးဟာ နန်းနီတို့မျှဟူ လူလေဟို ခေါ်ဖိဂေ’ ဆိုဘီး မိန့်တော်မူလေဟယ်။ 10 အယ်ကြောန့် စေခံလေဟာ လမ်းမလေဟို သွားဘီးဟာ တို့မျှဟူလူဆို၊ လူကောန်းလေဟို ဖိခေါ်လေဟယ်။ မင်္ဂလာခန်းမလည်း လူလေန ပွဲဟားလေဟယ်။ 11 “မန်းဂီးဟာ ဧည့်သယ်လေဟို ကော့ရှုဟိုတွပ် ကြွလာခီမာ မင်္ဂလာဆောန့်ပွဲရဲ ဝတ်ဟို ဝတ်ဘဲဟူ လူတယော့- က်ဟို ဗြင်ဟားလေဟယ်။ 12 မန်းဂီးဟု ‘မိဆွေ၊ မင်္ဂလာဆောန့်ပွဲရဲ ဝတ်ဟို ဝတ်ဘဲနု ဖြားဖြစ်ကြောန့် ဝမ်လာနူး’ ဆိုဘီး မေးလေဟယ်။ အယ်ဘောမဲ့ အယ်သုဟာ ဖြားလည်းပွန်ဖြေဟု။ 13 အယ်ခီမာ မန်းဂီးဟု စေခံလေဟို ‘အယ်သူရဲ ခေနလတ်ဟို တောက်ဘီးဟာ ပွန်ရပ် မှောန်မိုက်ထဲဟို ပို့လိုက်ဂေ။ အယ်မူနေရာမာ သူဟာ ငိုကြွေးဘီး အံသွားခဲကွိုနေရလေမယ်’ ဆိုဘီး ပြောလေမယ်” ဆိုဘီး မိန့်တော်မူလေဟယ်။ 14 အယ်ဘီးနု ယေရှုဟု “ဖိခေါ်ခံရဟူ သူလေ တောင်းဂီးရှိဘောမဲ့လည်း ဝီးကော့- က်ခံရဟူ သူလေဟာ နဲ့လေဟယ်” ဆိုဘီး မိန့်တော်မူလေဟယ်။ 15 အယ်ဘီးနု ဗာရိရဲလေဟာ ထွပ်ဟားဘီး ကိုယ်တော်ရဲစကားဟို ဖယ်မျိုး ထောန်ချော့- က်ဆင်ဘီး မေးမြန်းရမယ် ဆိုစာဟို ကြံစည်ဂေဟယ်။ 16 သူးနီလေဟာ သူးနီရဲ တဗွဲလေဟို ဟေရဲရဲလူလေနတူးဒူး ကိုယ်တော်နားဟို စေလွတ်လိုက်ဟယ်။ သူးနီဟု “ဆရာ၊

ကိုယ်တော်ဟု သမ္မာတရားဟို့ ပြောဟုယ် ဆိုစာဟို့ ကျွန်တော်ဟုားလေ သိပါဟုယ်။ ဖယ်သူဟို့မှလည်း ကြော-က်ဘဲန၊ လူလေရဲ့ မျစ်နာဟို့လည်း ထော့-က်ဘဲန ဘုရားသခင်ရဲ့ တရားလမ်းဟို့ သွန်သန်လေဟုယ်။ 17 အယ်ကြောန့် ကိုယ်တော်ဟု ဖယ်မျိုး ထန်မှတ်ပါနူး။ ကျွန်တော်ဟုားလေဟို့ မိန့်တော်မူပါ။ ကဲသာမန်းဂီးဟို့ ခွန်ဆစ်သဇာဟုာ ပညတ်တော်န ညီဘဲလော။ အယ်မျိုးမူဘဲဟု ညီဟုလော” ဆိုဘီး မေးလျှော့-က်ဂေလေဟုယ်။ 18 အယ်ဘေမဲ့လည်း ယေရှုဟုာ အယ်သူလေရဲ့ ဆိုးညစ်ဟူ ကြိစည်ဟို့ သိဟို့ကြောန့် “သူတော်ကောင်း ယောန်ဆောန်ဟူသူလေ! ဖြားဖြစ်ကြောန့် ငါ့ဟို့ ထောန်ချော့-က်ဆင်ဟို့ ကြိုးစားနေဂေဟုယ်နူး။ 19 ခွန်ဆစ်သဟို့တွပ် ဒန်းဂါးတလားဟို့ ပြကော့ကေ!” ဆိုဘီး မိန့်တော်မူလေဟုယ်။ သူးနို့လေဟုာ ဒေနာရိတလားဟို့ ယူလာဘီး ကိုယ်တော်ဟို့ ပေးလေဟုယ်။ 20 ကိုယ်တော်ဟု “အယ်မူစာဟု ဖယ်သူရောက်ပေါင်န ဖယ်သူကြောင်းရာနူး” ဆိုဘီး မေးတော်မူလေဟုယ်။ 21 သူးနို့ဟု “ကဲသာမန်းဂီးရဲ့ပေါင်န ကဲသာမန်းဂီးရဲ့ ကြောင်းရာဖြစ်ပါဟုယ်” ဆိုဘီး ပွန်လျှော့-က်ဂေလေဟုယ်။ အယ်ကြောန့် ယေရှုဟု “အယ်ဆိုဟုာ ကဲသာမန်းဂီးရဲ့ အောက်စာဟို့ ကဲသာမန်းဂီးဟို့ ပေးဂေ။ ဘုရားသခင်ရဲ့ အောက်စာဟို့ ဘုရားသခင်ဟို့ ပေးဂေ” ဆိုဘီး မိန့်တော်မူဟုယ်။ 22 သူးနို့ဟု အယ်မျိုးကြားဟူ ခီမာ သူးနို့ဟု ရရာတိုင်း အံ့ဩဂေဘီးဟုာ ကိုယ်တော်နားဟု ထွပ်ဟုားဂေလေဟုယ်။ 23 အယ်နေမာဘဲ ရှင်ပွန်ထမြော့-က်ဟူဇာ မေဟု ဆိုဘီးဟုာ လတ်ခံဟုားဟူ ဇဒျကဲတချို့ဟုာ ကိုယ်တော်နားဟို့ လာဂေဟုယ်။ 24 အယ်သူလေဟု “ဆရာ၊ လူတယော့-က်ဟုာ သားမီးမေ့ဘဲန သေဟုားမယ် ဆိုဟုာ နောန်ရဲ့မယားဟို့ သူညီဟု ပေါန်းသင်းရမယ်။ ရလာဟူ သားမီးလေအားဖြင့် သူနောန်ရဲ့ မျိုးနွယ်ဟို့ ဆစ်ခံပေးရမယ် ဆိုဘီး မောရှေဟု မိန့်မှာဟုားပါဟုယ်။ 25 ကျွန်တော်ဟုားလေမာ ညီကို ခွန်နေယော့-က်ရှိပါဟုယ်။ နောန်ဂီးဆောင်းဟု အီထောန်ဣဘီးဟုာ သားမီးလေမေ့ဘဲန သေဆောင်းဟုားဟုယ်။ အယ်ကြောန့် သူရဲ့ မယားဟို့ သူညီဟု ပေါန်းသင်းရပါဟုယ်။ 26 ဒုတိယညီ၊ တတိယညီဟုနေ ခွန်နေယော့-က်ထိ အယ်မျိုးဘဲဖြစ်ဂေဟုယ်။ 27 နော့-က်ဆောင်းမာ အယ်မီးမလည်း သေဆောင်းဟုားပါဟုယ်။ 28 အယ်ဆိုဟုာ ရှင်ပွန်ထမြော့-က်ဟူနေမာ အယ်မီးမဟုာ ညီကို ခွန်နေယော့-က်ထဲမာ ဖယ်သူရဲ့ မယားဖြစ်မယ်နူး။ သူးနို့လေ ဂူလောင်းဟုာ အယ်မီးမန ပေါန်းသင်းဟုားဂေဟုယ်” ဆိုဘီး မေးလျှော့-က်ဂေလေဟုယ်။ 29 ယေရှုဟု “ဖြားဖြစ်ကြောန့်နူးဆိုဟုာ နန်းနို့လေဟုာ ကျမ်းစာဟို့ နားလည်းဂေဟု။ ဘုရားသခင်ရဲ့ တဂိုးတော်ဟို့လည်း သိဂေဟု။ အယ်ကြောန့် နန်းနို့ဟုာ ရရာတိုင်း လွဲမှားဂေလေဟုယ်! 30 ရှင်ပွန်ထမြော့-က်ဟူ ကာလမာ လူလေဟုာ ကောန်းဂန်တမန်လေမျိုးဘဲ ဖြစ်ဟုားဘီး အီထောန်ပြုဇာလေမေ့ဘီ။ 31 သေဟုားလူလေရဲ့ ရှင်ပွန်ထမြော့-က်ဟူ ကြောန်းရာန ပတ်သတ်ဘီး ဘုရားသခင် ပြောဟုားဇာဟို့ နန်းနို့ဖတ်ဖူးဟုလော။ ဘုရားသခင်ဟု၊ 32 ‘ငါဟုာ အာဗြဟံရဲ့ ဘုရားသခင်၊ ဣဇာကရဲ့ ဘုရားသခင်၊ ယာကုပ်ရဲ့ ဘုရားသခင် ဖြစ်လေဟုယ်’ ဆိုဘီး ဘုရားသခင်ဟု မိန့်တော်မူဟုားဟုယ်။ ကိုယ်တော်ဟုာ သေဟူလူလေရဲ့ ဘုရား မဟု။ သတ်ရှင်နေဟူ လူလေရဲ့ ဘုရားဖြစ်ဟုယ်” ဆိုဘီး မိန့်တော်မူလေဟုယ်။ 33 အယ်မျိုး သွန်သန်ရှင်းဟို့ လူအောက်ဂီးဟုာ ကြားဟူ ခီမာ အံ့ဩဂေလေဟုယ်။ 34 ယေရှုဟု ဇဒျကဲလေဟို့ ဇာတ်ပေါ-က်ပိဟုားအောန် ဖြေလိုက်ဟုယ် ဆိုစာဟို့ ဖာရိရဲလေကြားဟူ ခီမာ သူးနို့ဟုာ စုဝေးလာဘီး၊ 35 သူးနို့လေထဲဟု ကျမ်းတတ်ဆရာ တယော့-က်ဟု ကိုယ်တော်ဟို့ မေးခွန်းတခုန ထောန်ချော့-က်ဆင်ဟို့တွပ် ကြိုးစားလေဟုယ်။ 36 “ဆရာ၊ ပညတ္တိကျမ်းမာ ဖယ်ပညတ်ဟုာ ကီးမြတ်ဆောင်းဖြစ်ပါနူး” ဆိုဘီး မေးလျှော့-က်လေဟုယ်။ 37 ယေရှုဟု “နန့်ရဲ့သခင်၊ ဘုရားသခင်ဟို့ စိန်လောင်းကြွင်းမဲ့ ဉာဏ်ရှိဟူမျှန ရှစ်ပါ။’ 38 အယ်ပညတ်ဟုာ ရေးကီးဆောင်းန ကီးမြတ်ဆောင်း ဖြစ်ဟုယ်။ 39 ဒုတိယရေးကီးဆောင်း ပညတ်တော်ဟု ‘နန့်ကိုယ်နန့် ရှစ်မျိုးဘဲ နန့်ရဲ့ အီဇနီးရှင်းဟို့ ရှစ်ပါ။’ 40 အယ်မူပညတ်နေပီးဟုာ မောရှေရဲ့ ပညတ်ကျမ်း တဇောင်လောင်းန ပရောဖက်ကျမ်းလေရဲ့ ချောက်ဘဲဖြစ်ဟုယ်” ဆိုဘီး မိန့်တော်မူလေဟုယ်။ 41 ဖာရိရဲလေ စုဝေးဘီးနေဟူ ခီမာ ယေရှုဟု၊ 42 “နန်းနို့လေဟုာ မေရှိယဟို့ ဖယ်မျိုးထန်မှတ်ဂေနူး။ ဖယ်သူရဲ့ သားဖြစ်ဟုယ်နူး” ဆိုဘီး သူးနို့ဟို့ မေးတော်မူလေဟုယ်။ အယ်သူလေဟု “ဒါဝိဒ်ရဲ့ သားတော်ဖြစ်ပါဟုယ်” ဆိုဘီး လျှော့-က်လေဟုယ်။ 43 ယေရှုဟု “အယ်ဆိုဟုာ ဒါဝိဒ်ဟု သူဟို့

ဝိညာဉ်တော်အားဖြင့် ‘သခင်’ ဆိုဘီး ပြားဖြစ်ကြောင့်ခေါ်ပါနဲ့။ ဒါဝိဒ်ဟု၊ 44 “ဘုရားသခင်ဟု ငါ့ရဲ့ သခင်ဟို ‘နန့်ရဲ့ ရန်သူလေဟို နန့်ရဲ့ ခေဗ္ဗားအော့-ကံမာ ထားခန့်ခီထီ ငါ့ရဲ့ ညာဖတ်မာ ထိုင်နေပါ’ ဆိုဘီး မိန့်တော်မူဟယ်။ 45 အယ်ဆိုဟာ ဒါဝိဒ်ဟာ မေရှိယဟို ‘သခင်’ ဆိုဘီး ခေါ်ဟယ် ဆိုဟာ မေရှိယဟာ ဖယ်မျိုးဖြစ်ဘီး ဒါဝိဒ်ရဲ့ ညွှေးမွှစ်ဖြစ်နိုင်မယ်နဲ့” ဆိုဘီး မေးတော်မူလေဟယ်။ 46 ဖယ်သူလည်းဘဲ ကိုယ်တော့်ဟို ဖြေပွန်ပေးဟို တတ်နိုင်ဂေဟု။ အယ်နေဟုနေစဘီး ဖယ်သူလည်းဘဲ ကိုယ်တော့်ဟို မေးခွန်းမေးရဲဂေဟယ်။

23 အယ်ဘီးန ယေရှုဟာ လူအောက်ဂီးန တဗွဲတော်လေဟို မိန့်တော်မူဇာဟု၊ 2 “ကျမ်းပြုဆရာန ဖာရိရှဲလေဟာ မောရေရဲ့ ထိုင်ခေါင်မာထိုင်ဘီး ပညတ်ကျမ်းဟို အနတ်ဖွမ်ဟို ခွမ်အာဏာရရှိဟူ သူလေဖြစ်ဟယ်။ 3 အယ်ကြောန့် သူးနိုလေရဲ့ သွန်သန်ဟူ ရာလေဟို လိုက်နာဘီး ကျင့်သောင်းဂေ။ အယ်ဘောမဲ့လည်း သူးနိုလေ ကျင့်ဟူတိုင်း လိုက်ကျင့်ဂေန။ ပြားဖြစ်ကြောန့်နူးဆိုဟာ သူးနိုလေဟာ သူများဟို သွန်သန်ဘီး သူးနိုကိုယ်တိုင်ကျင့်ဂေဟု။ 4 သူးနိုလေဟာ လေးလံဘီး ထမ်းရခတ်ဟူ ဝန်ထောက်လေဟို လူလေရဲ့ ခေါန်းထတ်ဟို တန်တတ်လေဟယ်။ အယ်ဘောမဲ့ သူးနိုကိုယ်တိုင်ဟု အယ်ဝန်ထောက်လေဟို လတ်ဖျားန ထိရှင်ဂေဟု။ 5 သူးနိုလောကဟူဇာလေဟို လူလေပြင်ဟိုဘဲ လောက်တတ်ဂေလေဟယ်။ သူးနိုလေရဲ့ နဖူးလေန လတ်မောန်းလေထတ်မာ ကျမ်းစာလတ်ဖွဲလေဟို ကီးကီးမားမား လောက်ဘီးဟာ ဝတ်တတ်ဂေလေဟယ်။ သူးနိုလေရဲ့ ဝတ်လောင်မာ ပန်းဗွား ဟိုလည်း ကီးကီးမားမား ချောက်ဘီးဟာ တတ်ဂေလေဟယ်။ 6 စားသော့-ကံဗွဲလေမာလည်း ကောန်းဆောင်းနေရာလေန ဝါလယ်ဇရပ်လေမာလည်း မြင့်မြတ်ဟူ နေရာလေဟိုဘဲ နှစ်သက်လေဟယ်။ 7 ရိုးရိသေးသေန နှောကဆစ်ဇာဟို လတ်ခံရှင်ဘီး ‘ဆရာ’ ဆိုဘီး ခေါ်ခံရဇာဟို နှစ်သက်ဂေလေဟယ်။ 8 နန်းနိုလေဟာ ‘ဆရာ’ ဆိုဘီး ခေါ်ခံဂေန။ ပြားဖြစ်ကြောန့်နူးဆိုဟာ နန်းနိုလေ ဂူလောင်းဟာ ညီကိုလေ ဖြစ်ဘီး နန်းနိုလေမာ ဆရာတပါးဒဲဘဲ ရှိလေဟယ်။ 9 မွေကီးထတ်မာ ဖယ်သူဟိုမှလည်း ‘ဖ’ ဆိုဘီး ခေါ်ဂေန။ ပြားဖြစ်ကြောန့်နူးဆိုဟာ ကောန်းဂန်ဘောင်မာ နန်းနိုလေရဲ့ ‘ဖ’ တပါးဒဲဘဲ ရှိလေဟယ်။ 10 နန်းနိုလေဟာ ခေါန်းဆောန်ဆိုဘီး ခေါ်ခံဂေန။ နန်းနိုလေရဲ့ ခေါန်းဆောန်ဟာ ခရစ်တော် တပါးဒဲဘဲဖြစ်ဟယ်။ 11 နန်းနိုလေထဲမာ ကီးဆောင်းဖြစ်ဟူ သူဟာ နန်းနိုရဲ့ စေခံဖြစ်ရမယ်။ 12 ကိုယ့်ကိုယ်ကိုယ် ချီးမြှော့-ကံဟူသူဟာ ခိုခွံခံရလေမယ်။ ကိုယ့်ကိုယ်ကိုယ် ခိုခွံဟူသူဟာ ချီးမြှော့-ကံခံရလေမယ်။” 13 သူတော်ကောန်း ယောန်ဆောန်ဟူ ကျမ်းပြုဆရာလေန ဖာရိရှဲလေ နန်းနိုလေဟာ အမင်္ဂလာရှိလေဟယ်။ ကောန်းဂန်နိုင်ငံတော်ရဲ့ ခွဇော့-ကံဟို လူလေရှေမာ ပိဟားဘီး နန်းနိုကိုယ်တိုင်လည်း ဝမ်ဟု။ ဝမ်ဟို ကြိုးစားနေဟူ သူလေဟိုလည်း ဝမ်ဟို ခွမ်ပေးဟု။ 15 သူတော်ကောန်း ယောန်ဆောန်ဟူ ကျမ်းပြုဆရာလေန ဖာရိရှဲလေ နန်းနိုလေဟာ အမင်္ဂလာရှိလေဟယ်။ လူတယော့-ကံဟို ဘာသာသွမ်းဟိုတွပ် ကူးကြောန်း၊ ရေကြောန်း လှည့်လည်တတ်လေဟယ်။ ဘာသာဝမ်ဘီးဟူ သူလေဟိုလည်း နန်းနိုလေထတ် နွေဆဟူ ငရဲသား ဖြစ်စေလေဟယ်။ (Geenna g1067) 16 “လမ်းပြဟူလူကန်းလေ၊ နန်းနိုလေဟာ အမင်္ဂလာရှိလေဟယ်။ ‘ယော့-ကံယော့-ကံဟု ဗိမာန်တော်ဟို တိုင်တယ်ဘီး ကီဟယ် ဆိုဟာ အယ်ကီဆိုမူဟာ တည်ဟု။ ဗိမာန်တော်ရဲ့ ရွေဟို တိုင်တယ်ဘီးကီမှဘဲ တည်ဟယ်’ ဆိုဘီး နန်းနိုပြောတတ်လေဟယ်။ 17 လူမိုက်လူကန်းလေ၊ ဖယ်ရာဟု ပိုဘီး ရေးကီးဟယ်နူး၊ ရွေဟု ရေးကီးဟယ်လော၊ ရွေဟို သန်ရှင်းစေဟူ ဗိမာန်တော်ဟု ရေးကီးဟယ်လော။ 18 အယ်ဘီးဟာ ‘ယမ်ပလွင်ဟိုတိုင်တယ်ဘီး ကီဟယ် ဆိုဟာ အယ်ကီဆိုမူဟာ တည်ဟု။ ယမ်ပလွင်ထတ်မာရှိဟူ ပူဇော်သကာဟို တိုင်တယ်ဘီး ကီမှဘဲ တည်ဟယ်’ ဆိုဘီး နန်းနိုပြောတတ်လေဟယ်။ 19 လူမိုက်လူကန်းလေ၊ ဖယ်ရာဟု ပိုဘီး ရေးကီးဟယ်နူး၊ အယ်ပူဇော်သကာဟုဘဲ ရေးကီးဟယ်လော၊ အယ်မျိုးမှဘဲနေဟာ အယ်ပူဇော်သကာဟို သန်ရှင်းစေဟူ ယမ်ပလွင်ဟုဘဲ ရေးကီးဟယ်လော။ 20 အယ်ကြောန့် ယမ်ပလွင်ဟို တိုင်တယ်ဘီး ကီဟယ် ဆိုဟာ ယမ်ပလွင်န ယမ်ပလွင်ထတ်မာ ရှိဟူဇာလေ ဂူလောင်းဟို တိုင်တယ်ဘီး ကီဆိုဇာဖြစ်ဟယ်။ 21 ဗိမာန်တော်ဟို တိုင်တယ်ဘီး ကီဟယ် ဆိုဟာ ဗိမာန်တော်န ဗိမာန်တော်မာ

ကိန်းဝပ်ဟူဘုရားသခင်ဟို တိုင်တယ်ဘီး ကီဆိုဇာဖြစ်ဟယ်။ 22 အယ်ဘီးဟာ ကောန်းဂန်ဘောင်ဟို တိုင်တယ်ဘီး ကီဟယ် ဆိုဟာ ဘုရားသခင်ရဲ့ ပလ္လင်တော်န အယ်ပလ္လင်ထတ်မာ ထိုင်တော်မူဟူသခင်ဟို တိုင်တယ်ဘီး ကီဇာဖြစ်ဟယ်။”

23 “သူတော်ကောန်းယောန်ဆောန်ဟူ ကျမ်းပြုဆရာလေန ဖာရိရှလေ၊ နန်းနို့လေဟာ အမင်္ဂလာရှိလေဟယ်၊ နန်းနို့လေဟာ ပန်ဇီး၊ စမွတ်န ဇီယာလေဟို ဆယ်ဖို့တဖို့ ပေးဂေဟယ်။ အယ်ဘောမဲ့ ပညတ်တရားထဲမာ ပိုဘီး ရေးကီးဟူ တရားမျှတမှု၊ သနားကြင်နာမှုန သစ်စာရှိမှုဟို လတ်လျူရှုဟားဂေဟယ်။ အယ်မူဇာလေဟို လောက်ရမယ်ဖြစ်ဘီး စဒူးဟုပြောဟားဇာလေဟိုလည်း ထားရစ်န။ 24 လမ်းပြဟူလူကန်းလေ၊ နန်းနို့လေဟာ ခြင်ကောန်ဟို စစ်ထုဘီး သော-က်ဂေဟယ်။ အယ်ဘောမဲ့ ကုလားအုတ်ဟို ကောန်လိုက်မျိုဂေလေဟယ်!” 25 “သူတော်ကောန်း ယောန်ဆောန်ဟူ ကျမ်းပြုဆရာလေန ဖာရိရှလေ၊ နန်းနို့ဟာ အမင်္ဂလာရှိလေဟယ်၊ နန်းနို့လေဟာ ခွပ်နစ်ရဲ့ပွန်ဟိုဘဲ စင်ကြယ်စေဘီး နန်းနို့ရဲ့ စိထဲမာ လောဘလွန်ကျူးရှင်းန ကြမ်းဖတ်မှုလေ ပွဲနေလေဟယ်။ 26 မျစ်စိပြင်ဘဲဟူ ဖာရိရှလေ၊ ခွပ်ရဲ့ထဲဟိုဘဲ ရင်စင်ကြယ်စေပါ! အယ်မျိုးဆိုဟာ ပွန်ဟုလည်း စင်ကြယ်ဟားလေမယ်။” 27 “သူတော်ကောန်းယောန်ဆောန်ဟူ ကျမ်းပြုဆရာလေန ဖာရိရှလေ၊ နန်းနို့ဟာ အမင်္ဂလာရှိလေဟယ်၊ နန်းနို့လေဟာ ထူးဖျူသုဟားဟူ သန်းခွိုင်းဂုနတူဂေဟယ်။ အယ်အူဂေလေဟာ အပွန်မာ လှပတင့်တယ် ဘောမဲ့လည်း ထဲမာ ပေါက်ပွနေဟူ လူသေလေရဲ့ ရိုးစုလေန ပွဲနေလေဟယ်။ 28 အယ်မျိုးဘဲ နန်းနို့လေဟာ အပွန်အားဖြင့် လူလေရှေမာ ဖြောန့်မတ်ဟယ် ဆိုဘီး ထန်ရဟယ်။ အယ်ဘောမဲ့ နန်းနို့ထဲမာ ဟန်ဆောန်ဟူ ဇာလေ၊ ဆိုးညစ်ဟူ ဇာလေန ပွဲနေလေဟယ်။” 29 “သူတော်ကောန်းယောန်ဆောန်ဟူ ကျမ်းပြုဆရာလေန ဖာရိရှလေ၊ နန်းနို့ဟာ အမင်္ဂလာရှိလေဟယ်၊ နန်းနို့လေဟာ ပရောဖက်လေရဲ့ သန်းခွိုင်းအူဂေလေဟို တည်ဆော့-က်ဘီး ဖြောန့်မတ်ဟူသူလေရဲ့ သန်းခွိုင်းအူဂေလေဟို တန်ဆာဆင်ဘီး၊ 30 နို့လေဟာ နို့လေရဲ့ ဘိုးဘေးလေရဲ့ လတ်ထတ်မာ ရှိမယ် ဆိုဟာ ပရောဖက်လေဟို သတ်ဖြတ်ဟိုတွပ် ပါဝမ်သူလေဖြစ်ဟို မူဟု’ ဆိုဘီး ပြောဂေလေဟယ်။ 31 အယ်ကြောန့် နန်းနို့လေဟာ ပရောဖက်လေဟို သတ်ဟူ မွေးမြွတ်လေ ဖြစ်ကြောင်းဟို နန်းနို့ကိုယ်တိုင် သတ်သေခံဂေဟယ်! 32 အယ်ဘီးဟာ နန်းနို့ရဲ့ ဘိုးဘေးလေ စပြဟားဇာဟို ပီးဆောင်းအောန် ဆစ်ဘီး လောက်ဆောန်ဂေပါ! 33 ဗွီဗွေးအမျိုးလေ၊ နန်းနို့လေဟာ ငရဲမာ ပြစ်စီရင်ခံရရှင်းဟုနေဘီး ဖယ်မျိုး လွတ်လေမယ်နူး။ (Geenna g1067) 34 အယ်ကြောန့် နန်းနို့ဟို ငါပြောမယ်။ နန်းနို့နားဟို ပရောဖက်လေ၊ ပညာရှိလေ၊ ကျမ်းပြုဆရာလေဟို ငါစေလွှတ်မယ်။ တချို့လေဟို သတ်လေမယ်။ တချို့လေဟို လတ်ဝါးကပ်တိုင်မာ တန်သတ်ဂေလေမယ်။ တချို့လေဟိုလည်း ဝါလယ်ဇရပ်လေမာ ရိုက်ဘီး တချို့လေဟို တဖြို့ ဘီးတဖြို့ လိုက်ဖမ်းဂေလေမယ်။ 35 အယ်ကြောန့် ဖြောန့်မတ်ဟူ အာဗေလဟုနေစဘီး ဗိမာန်တော်န ယဇ်ပလ္လင်ကြားမာ နန်းနို့သတ်ဟားဟူ ဗာရခိသား ဇာခရိထိအောန် မွေဗီးထတ်မာ သွန်းလောင်းဟူ သူတော်ကောန်းလေရဲ့သွီးဟာ နန်းနို့လေထတ်ဟို သတ်ရော့-က်လေမယ်။ 36 ငါမှန်ပြောမယ်၊ အယ်မူ သတ်ဖြတ်မှုလေတွပ် ပြစ်ဒန်ဟာ အယ်နေ့ခေတ် လူလေထတ်ဟို ကွရော့-က်လေမယ်!” 37 “အို၊ ယေရုရှလင်ဖြို့၊ ယေရုရှလင်ဖြို့! နန်ဟာ ပရောဖက်လေဟို သတ်ဘီး ဘုရားသခင်စေလွှတ်ဟူ တမန်လေဟိုလည်း ကွော့-က်ခန ပစ်လေဟယ်၊ ကြစ်မဂီးဟာ ကြစ်သားဂန်းဟားလေဟို သူ့ရဲ့တွန်အော့-က်မာ စုဘီးထားဟူမျိုး ငါဟာ နန်ဟို စုဘီးထားဟို့တွပ် ခါဘီးခါ လိုရှင်ဟားဟယ်၊ 38 အယ်ကြောန့် နန်ရဲ့ ဗိမာန်တော်ဟို ဘုရားသခင်ဟာ စွန့်ပစ်လေမယ်။ 39 နန်ဟို ငါပြောမယ်။ ‘ဘုရားသခင်ရဲ့ နာမတော်န ကြွလာဟူသခင်ဟာ မင်္ဂလာရှိပါစေ’ ဆိုဘီး နန်ပြောခန်ထိ ခုခီဟုနေစဘီး နန်ဟာ ငါ့ဟို လောင်းဝမြင်ရလေမယ် မူဟု” ဆိုဘီး မိန့်တော်မူလေဟယ်။

24 ယေရှဟာ ဗိမာန်တော်ဟုနေ ထွပ်လာဟူ ဒီမာ တပွဲတော်လေဟု ဗိမာန်တော်ရဲ့ ဆော့-က်ဦးလေဟို ပြဟို့တွပ် ကိုယ်တော်နားဟို လာဂေဟယ်။ 2 ကိုယ်တော်ဟု “အယ်ဆော့-က်ဦးလေဟို နန်းနို့လေ ဖြင်ဂေဟယ် မူဟုလော။ ငါ မှန်ပြောမယ်။ အယ်နေရာမာ ဖြို့ခွဇာခံရဘဲန တခြားကွော့-က်ထတ်မာ ကျန်ရစ်ဟူ ကွော့-က်တလောင်းလည်းမေ့အောန် ကွော့-က်လေ ဂူလောင်းဟို ဖြို့ခွလေမယ်” ဆိုဘီး မိန့်တော်မူလေဟယ်။ 3 ယေရှဟာ သံလွင်တောန်ထတ်မာ

ထိုင်နေဟူ၍ တဗွဲတော်လေဟာ တခြားလူလေပါဘဲန ကိုယ်တော်နားဟို လာဂေဟယ်။ သူးနို့ဟ “အယ်မူဇာလေဟာ ဖယ်ဒီမာ ဖြစ်မယ်နူး၊ ကိုယ်တော်ကြွလာဟူ၍န ကမ္ဘာကူဆောင်းဟူ ဒီမာ ဖြားနိမိတ်လေ ဖြစ်ပေါ်လာမယ်နူး၊ ကျွန်တော်ဟားလေဟို မိန့်တော်မူပါ” ဆိုဘီး လျှော့-က်ဂေလေဟယ်။ (aiōn g165) 4 ယေရှုဟ “နန်းနို့လေဟို ဖယ်သုလည်း လှည့်ဇားဘဲနေအောန် ဒီထားဂေပါ။ 5 လူလေဘောင်ဂီးဟ ‘ငါဟာ ခရစ်တော်ဖြစ်ဟယ်!’ ဆိုဘီး ငါနာမဟို သောင်းဘီးဟာ လူလေဟို လှည့်ဇားဂေလေမယ်။ 6 နန်းနို့လေဟာ စစ်ပွဲလေန စစ်တိုက်ဟူဒန်းလေဟို ကြားရဂေလေမယ်။ အယ်ဘေမဲ့ ကြော့-က်လန်ဂေန။ အယ်မူဇာလေဟာ ဖြစ်လာရမယ်။ အယ်ဘေမဲ့ ဆောင်းဟို ရော့-က်သေးဟ။ 7 လူမျိုးတမျိုးန တမျိုး၊ တနိုင်ငံန တနိုင်ငံ စစ်ဖြစ်ဂေလေမယ်။ နေရာနွံမာ စာရေဇာ ခေါန်းပါးဘီးဟာ မွေငလျင်လှောက် လေမယ်။ 8 အယ်မူဇာလေ အားလောင်းဟာ သားမွီးမျိုး ခံစားရဟူ နာကျင်မှုရဲ့ စတဲ့ဖြစ်လေဟယ်။ 9 “အယ်ဘီးဟာ နန်းနို့လေဟာ ညဉ်းဆဲခံရဟို အပ်ခံရဂေဘီး သေသတ်ရှင်းဟို ခံရဂေလေမယ်။ နန်းနို့လေဟာ ငါနာမကြော့နဲ့ လူမျိုးလေ ဂူလောင်းရဲ့ မူးတီးဂေဇာဟို ခံရလေမယ်။ 10 အယ်ဒီမာ လူဘောင်ဂီးဟာ သူးနို့ရဲ့ ယောင်ကြည်မှုဟို စွန့်ပစ်လေမယ်။ သူးနို့ဟာ ယော့-က်နယော့-က် မူးတီးဂေဘီး သစ်စာဖော့-က်ဂေလေမယ်။ 11 ပရောဖက် တုယောန်လေ ဘောင်ဂီး ပေါ်လာဂေလေမယ်။ အယ်ဘီးဟာ လူလေဘောင်ဂီးဟို လှည့်ဇားလေမယ်။ 12 ဆိုးညစ်မှုလေ များပြားလာဟိုကြော့နဲ့ လူလေရဲ့ ရှစ်မြစ်တာဟာ ခေါန်းဘားဟားလေမယ်။ 13 အယ်ဘေမဲ့ ဆောင်းထိ တည်ကြည်ဟူသုဟာ ကယ်တန်ရှင်းဟို ခံရလေမယ်။ 14 နိုင်ငံတော်ကြောင်း အယ်ဒန်းကောန်းဟာ လူမျိုးတိုင်းဟို သတ်သေဖြစ်ဟိုတွပ် ကမ္ဘာတခုလောင်းမာ ဟောပြောဂေလေမယ်။ အယ်ဘီးမှ ဆောင်းဟာ ရော့-က်လာလေမယ်။ 15 “အယ်ကြော့နဲ့ နန်းနို့လေဟာ ပရောဖက်ဒီယေလ ပြောဟားတိုင်းဘဲ ‘ဖျစ်ဆီးတတ်ဘီး ရွံဇာကောန်းဟူဇာ’ ဟို ပြင်ရလေမယ်။ အယ်မူဇာဟာ သန်ရှင်းဟူနေရာမာ ရပ်နေလေမယ်” (စာဖတ်သုဟာ အယ်မူဇိပါယ်ဟို နားလည်ပါစေ!) 16 အယ်ဆိုဟာ ယုဒပြည်မာရှိဟူ လူလေဟာ တောန်ထတ်ဟို ပွေးရမယ်။ 17 အီးခေါန်မိုးထတ်မာ ရှိနေဟူသုဟ အီထဲဟ ပစ်စီးလေဟို ယုဟိုတွပ် အော့-က်ဟို ဆင်းစေန။ 18 လယ်ထဲမာရှိဟူသုဟ သူ့ရဲ့ဝတ်လောင်ဟို ယုဟိုတွပ် အီဟို ပွန်စေန။ 19 အယ်မူနေရစ်လေဟာ ဗိုက်ရှင်မလေန သားရှင်မလေဟာ ရရာတိုင်း ကြော့-က်လန်ဂေလေမယ်! 20 နန်းနို့လေ ထွပ်ပွေးရဟိုဒီဟာ ဆောင်းကာလန ဒန်းနေမာ ဖြစ်ဘဲဟိုတွပ် ဆုတောင်းဂေပါ! 21 ဖြားဖြစ်ကြော့နွံနွံဆိုဟာ ကမ္ဘာဦးဟုနေဘီး ခုဒီထိ ဖြစ်ဖူးဘဲဟူ ဆင်းရဲဒေါက်ခလေဟာ အယ်ကာလမာ ကွရော့-က်လာလေမယ်။ အယ်မျိုးလည်း နော့-က်တခါဖြစ်လေဟိုဟူဘီ။ 22 ဘုရားသခင်ဟာ အယ်နေရစ်လေဟို တိုစေဘဲဟု ဆိုဟာ တယော့-က်လည်းဘဲ သတ်ဘေးဟုလွတ်ဟို မူဟ။ အယ်ဘေမဲ့ ဘုရားသခင် ဝီးကော့-က်ဟားဟူ လူလေတွပ် အယ်နေရစ်လေဟို တိုစေတော်မူလေမယ်။ 23 “အယ်ဘီးဟာ ယော့-က်ယော့-က်ဟု နန်းနို့ဟို အယ်မျိုးပြောမယ် ဆိုဟာ ‘ကော့ကေပါ။ အယ်နေရာမာ ခရစ်တော်ရှိဟယ်!’ အယ်မျိုးဟူဘဲနေဟာ ‘ဟိုနေရာမာ ခရစ်တော်ရှိဟယ်!’ ဆိုဟာ ယောင်ကြည်ဂေန။ 24 ဖြားဖြစ်နွံဆိုဟာ မေရှိယ တုယောန်လေန ပရောဖက် တုယောန်လေဟာ ပေါ်လာဘီး သူးနို့ဟာ ဖြစ်နိုင်မယ် ဆိုဟာ ဘုရားသခင် ဝီးကော့-က်ဟားဟူ လူလေဟိုလည်း လှည့်ဇားဟိုတွပ် ကီးမားဟူ နိမိတ်လတ်ခဏာလေန အံ့ဩဘွယ်လေဟို ပြဂေလေမယ်။ 25 နားထောန်ဂေ! အယ်မူဇာလေဖြစ်ခန့် နန်းနို့လေဟို ငါပြောဟားဘီ။” 26 “အယ်ကြော့နဲ့ လူလေဟ ‘ကော့ကေပါ။ မေရှိယဟာ တောထဲမာရှိဟယ်!’ ဆိုဘီး ပြောမယ် ဆိုဟာ အယ်နေရာဟို သွားဂေန။ ‘အီခန်းထဲမာရှိဟယ်!’ ဆိုဘီး ပြောမယ် ဆိုဟာလည်း ယောင်ကြည်ဂေန။ 27 ဖြားဖြစ်ကြော့နွံနွံဆိုဟာ လျှပ်စီးဟာ ရှေ့ဟုနေဘီး နော့-က်ထိလာလန်းမျိုးဘဲ လူရဲ့သားဟာ ကြွလာလေမယ်။” 28 “သေကောန်ရှိဟူ နေရာတိုင်းမာ လင်းတလေ စုဝေးနေဂေလေမယ်။” 29 “အယ်နေရစ်လေရဲ့ ဆင်းရဲဒေါက်ခလေ ကွရော့-က်လာဘီးန ရှစ်ရှင်းဘဲ နေဟာ မောန်မိုက်လေမယ်။ လဟုလည်း လန်းရောန်ပေးဟို မူဟ။ ကြယ်လေလည်း ကောန်းဂန်ဟု ကွီကွလေမယ်။ ကောန်းဂန်တဂိုးလေဟာ လှောက်ခါဂေလေမယ်။ 30 အယ်ဘီးန လူသားရဲ့ နိမိတ်လတ်ခဏာဟာ ကောန်းဂန်မာ

ပေါ်ထွပ်လာလေ့မယ်။ လူရဲ့သားဟာ မိုးတိဟို စီးဘီး ကီးမားဟူ မောင်းတဂိုးန ကြွလာဟူဇာဟို ကမ္ဘာမွေမာရှိဟူ လူမျိုးလေ ဂူလောင်းဟာ ဗြင်ဂေဟူ ခီမာ ငိုကြွေးဂေလေ့မယ်။ 31 အယ်ဘီးဟာ လူရဲ့သားဟာ သံကြွယ်ဟူ တံပိုးသံနတူးဒု သူရဲ့ ကောန်းဂန်တမန်လေဟို ရပ်လေးမျှစ်နာဟို စေလွှတ်လေ့မယ်။ အယ်ဘီးဟာ သူးနိုဟာ ကိုယ်တော် ဝီးကော့-က်ဟားဟူ သူလေဟို မွေဂီး တဖတ်စွန်းဟုနေဘီး မွေဂီး တဖတ်စွန်းထိအောန် စုသီးတော်မူလေ့မယ်။” 32 “သဖန်းဗန်ဟုနေ အယ်သင်ဂန်းဇာယူဂေ။ သဖန်းဗန်လေမာ ခတ်လတ်လေဟာ စီးစိုဘီး ဝပ်နုလေ ထွပ်လာခီဟာ နွီကာလနီးလာဘီ ဆိုဇာဟို နန်းနိုသိဂေလေဟယ်။ 33 အယ်မျိုးဘဲ နန်းနိုလေဟာ အယ်မူဇာလေ ဂူလောင်းဟို ဗြင်ရခီမာ လူရဲ့သားဟာ ခွဗော့-က်ဝနားဟို ရော့-က်နေဘီဆိုဇာဟို သိမှတ်ဂေပါ။ 34 ငါ့မှန်ပြောမယ်၊ ခုသတ်ရှင်နေဟူ လူလေ ဂူလောင်း သေခန်မာ အယ်မူဇာလေ ဂူလောင်းဟာ ဖြစ်လာလေ့မယ်။ 35 ကောန်းဂန်နု မွေဂီးဟာ ကွယ်ပျော့-က်ဟားလေ့မယ်။ အယ်ဘောမဲ့ ငါ့စကားဟာ လောင်းဝ ကွယ်ပျော့-က်ဟားလေ့မယ် မူဟူ။” 36 “အယ်ဘောမဲ့လည်း အယ်နေရစ်၊ အယ်ခီနာရိန် ပတ်သတ်ဘီး ဖယ်သူလည်း သိဟူ။ ကောန်းဂန်တမန်လေ သိဟူ။ သားတော်လည်း သိဟူ။ ဖတပါးဒဲဘဲ သိတော်မူလေဟယ်။ 37 လူရဲ့သား ကြွလာဟူ ခီဟာ နော့စရဲ့ နေရစ်လေမျိုးဘဲ ဖြစ်လေ့မယ်။ 38 ရေကီးရှင်း ဖြစ်ခန် နေရစ်လေမာ နော့ဇဟာ သန်းဖောထဲဟို ဝမ်ဟူ နေထိ လူလေဟာ စားသော့-က်ရင်း၊ မင်္ဂလာဆောန်နေဂေဘီး၊ 39 ရေကီးလာဘီး သူးနိုလေ ဂူလောင်းဟို သေကြေ ပျစ်စီးဟားထိတိုင် သူးနိုဟာ ဒီလတ်လွတ် နေဂေလေဟယ်။ လူရဲ့သား ကြွလာဟူ ခီမာလည်း အယ်မျိုးဘဲဖြစ်လေ့မယ်။ 40 အယ်ခီမာ လဲဗွန်ထဲမာ လောက်လောက်နေဟူ လူနေယော့-က်ထဲဟု တယော့-က်ဟို သီးယူဘီးဟာ တယော့-က်ဟု ကျန်ရစ်လေ့မယ်။ 41 လွှဲဆောင်လွှဲနေဟူ မီးမ နေယော့-က်ထဲဟု တယော့-က်ဟို သီးယူဘီး တယော့-က်ဟု ကျန်ရစ်လေ့မယ်။ 42 အယ်ကြောန့် ဒိန်စောန်နေဂေပါ။ ဖြားဖြစ်ကြောန့်နိုဆိုဟာ နန်းနိုလေရဲ့ သခင်ဟာ ဖယ်နေရစ်မာ ရော့-က်လာမယ် ဆိုဇာဟို နန်းနို သိဂေဟူ။ 43 အီဇရှင်ဟာ ခိုးလာဟိုခီဟို သိနေဟယ် ဆိုဟာ အိဘဲန စောန်နေဘီး သူရဲ့ အီဟို ဖော့-က်ထွမ်းဟိုတွပ် ခွမ်ပြုဟို မူဟူ။ 44 အယ်ကြောန့် နန်းနိုလေလည်း ဆင်သင်ဖြစ်နေဂေ။ ဖြားဖြစ်ကြောန့်နိုဆိုဟာ နန်းနိုလေ ထန်မှတ်ဘဲဟူ ခီနာရီမာ လူရဲ့သားဟာ ကြွလာလေ့မယ်။” 45 “အယ်ဆိုဟာ သစ်စာနု ပညာရှိဟူ စေခံဟု ဖယ်သူနူး။ တခြားစေခံလေဟို အောက်ချောက်ဟိုတွပ်နု ဒီတန်ဟာ စားဇာလေ ထုပေးဟို သူသခင် ခန့်ဟားဟူ သူဖြစ်ဟယ်။ 46 သူသခင်ယွန်လာဟူ ခီမာ အယ်မူတိုင်းဘဲ လောက်ဆောန်နေဇာဟို သခင်တွံမယ် ဆိုဟာ အယ်စေခံဟာ မင်္ဂလာရှိဟယ်၊ 47 ငါ့မှန်ပြောမယ်၊ သခင်ဟာ သူရဲ့ ပစ်စီးအောက်စာလေ ဂူလောင်းဟို စီမံအောက်ချောက်ဟိုတွပ် အယ်စေခံဟို ခန့်ဟားလေ့မယ်။ 48 အယ်ဘောမဲ့ ဆိုးဟူစေခံဟု သူရဲ့စီထဲမာ ‘ငါ့သခင်ဟာ တော်တော်နု လာဟို မူဟု’ ဆိုဘီး ပြောဘီးနု၊ 49 တခြားကျွန်လေဟို ရိုက်ဘီးဟာ ရစ်သမားလေနု သော့-က်စားနေလေဟယ်။ 50 အယ်ကျွန်ရဲ့ သခင်ဟာ သူမျှော်လင့်ဘဲဟူ နေရစ်၊ ကြားသိဘဲဟူ ခီနာရီမာ ရော့-က်လာလေ့မယ်။ 51 အယ်စေခံဟို ကီးမားဟူ ပြစ်ဒန်ပေးဘီးဟာ သူတော်ကောန်း ယောန်ဆောန်ဟူ သူလေနတူးဒု နေရလေ့မယ်။ အယ်နေရာမာ သူဟာ ငိုကြွေးဘီး၊ အံသွားခဲလွှဲဘီးဟာ နေရလေ့မယ်။”

25 “အယ်မူခီမာ ကောန်းဂန်နိုင်ငံတော်ဟာ ဒိုသားဟို ကြိုဟိုတွပ် သူးနိုရဲ့ မီးခွပ်လေယူဘီး ထွပ်ဟားဟူ ဒိုသမီးဆယ်ယော့-က်နု တူလေဟယ်။ 2 သူးနိုထဲဟု ငါးယော့-က်ဟာ မိုက်မဲဟူသူလေဖြစ်ဘီး ငါးယော့-က်ဟာ ပညာရှိလေဖြစ်ဂေဟယ်။ 3 မိုက်မဲဟူသူလေဟာ မီးခွပ်လေဟိုဘဲယူဘီး ဆီဟို ယူဂေဟူ။ 4 ပညာရှိဟူသူလေဟာ မီးခွပ်လေနတူးဒု ဆီဟိုလည်း ယူဂေဟယ်။ 5 ဒိုသားဟာ လာသေးဘဲနနေဟူကြောန့် သူးနိုလေဂူလောင်းဟာ အိငိုက်လာဘီး အိဗိုဟားလေဟယ်။ 6 “ညဉ့်နတ်သန်းဂေါန်မာ ‘ဒိုသားရော့-က်လာဘီ၊ ကြိုဟိုထွပ်လာဂေပါ!’ ဆိုဘီး အော်သံထွပ်ပေါ်လာလေဟယ်။ 7 အယ်ခီမာ ဒိုသမီးလေဟာ ထဘီးဟာ သူးနိုလေရဲ့ မီးခွပ်လေဟို ပြင်ဆင်ဂေဟယ်။ 8 မိုက်မဲဟူသူလေဟာ ‘နိုလေရဲ့မီးခွပ် မီးသေဟုမယ်။ အယ်ကြောန့် နန်းနိုရဲ့ ဆီဟို နန့်ပေးပါ’ ဆိုဘီး ပညာရှိဟူ သူလေဟို တောန်းဂေဟယ်။ 9 ပညာရှိဟူ သူလေဟာ ‘အယ်မျိုးလောက်မယ် ဆိုဟာ နန်းနိုနု နိုလေတွပ် ဆီလော့-က်ဟို

မူဟု။ အယ်ကြောန့် ဆီရောန်းမားနားဟို သွားဘီး ဝယ်ဂေ့ပါ’ ဆိုဘီး ပွန်ပြောလေဟယ်။ **10** မိုက်မဲဟူသူလေဟာ ဆီဝယ်သွားနေဒူးမာ ဒိုသားဟာ ရော့-က်လာဟယ်။ ဆင်သင့်ရိုနေဟူ ဒိုသမီးလေဟာ ဒိုသားနတူးဒု အီတတ်ဗွဲဟို ဝမ်ဘီးဟာ ခွဗော့-က်ဟို ပိဟားလိုက်ဟယ်။” **11** “မိုက်မဲဟူ ဒိုသမီးလေလည်း ရော့-က်လာဘီးဟာ ‘သခင်၊ သခင်! ကျွန်မဟားလေဟို ခွဗော့-က်ဖွမ်ပေးပါ!’ ဆိုဘီး လျှော့-က်ဂေ့ဟယ်။ **12** အယ်ဘောမဲ့ ဒိုသားဟ ‘နန်းနိုလေဟို ငါမှန်ပြောမယ်၊ နန်းနိုလေဟို ငါသိဟု!’ ဆိုဘီး ပွန်ပြောဟယ်။” **13** “အယ်ကြောန့် နန်းနိုလေလည်း အယ်နေအယ်ခီဟို သိဘ်ဟူကြောန့် ဒိနစောန့်နေဂေ့ပါ။” **14** “ကောန်းဂန်နိုင်ငံတော်ဟာ ခရီးထွပ်ဟို လူတယော့-က်ဟာ သူစေခံလေဟို ခေါ်ဘီးဟာ သူရဲ့ ပစ်စီးအောက်စာလေဟို အပ်ပေးရစ်ဟူ သူနတူလေဟယ်။ **15** အယ်သူဟာ တယော့-က်ဟို ရွှေဒန်းဂါး ၅,၀၀၀၊ တယော့-က်ဟို ရွှေဒန်းဂါး ၂,၀၀၀၊ တယော့-က်ဟို ရွှေဒန်းဂါး ၁,၀၀၀ ဟို ရည်ချင်းရှိဟူတိုင်း အပ်ပေးလေဟယ်။ **16** ရွှေဒန်းဂါး ၅,၀၀၀ ဟို ရဟူသူဟာ ပွန်ဘီးရင်းနှီးလောက်ဟူကြောန့် နော့-က်ထပ် ရွှေဒန်းဂါး ၅,၀၀၀ ဟို မွတ်ရလေဟယ်။ **17** အယ်မျိုးဘွဲ့ ရွှေဒန်းဂါး ၂,၀၀၀ ဟို ရဟူသူဟာလည်း ပွန်ရင်းနှီးလောက်ဟူကြောန့် ရွှေဒန်းဂါး ၂,၀၀၀ ဟို မွတ်ပွန်ရလေဟယ်။ **18** အယ်ဘောမဲ့ ရွှေဒန်းဂါး ၁,၀၀၀ ဟို ရဟူသူဟာ သူသခင်ရဲ့ ကပ်လေဟို တွမ်းတူးဘီးဟာ မွေထံမာ မွှောက်ဟားလေဟယ်။” **19** “နှစ်ကာလကြာဘီးန အယ်စေခံလေရဲ့ သခင်ဟာ ပွန်လာဘီး သူးနိုလေန စာရင်းရှင်းလေဟယ်။ **20** ရွှေဒန်းဂါး ၅,၀၀၀ ဟို ရဟူသူဟာ မွတ်ရဟူ ရွှေဒန်းဂါး ၅,၀၀၀ ဟိုလည်း လူလာဟယ်။ သူဟာ ‘သခင်၊ ကိုယ်တော်ဟာ ကျွန်တော်ဟို ရွှေဒန်းဂါး ၅,၀၀၀ ဟို အပ်ပေးဟားပါဟယ်။ ကေ့ကေ့ပါ! နော့-က်ထပ် ရွှေဒန်းဂါး ၅,၀၀၀ ဟိုလည်း မွတ်ရပါဟယ်’ ဆိုဘီး လျှော့-က်လေဟယ်။ **21** သူရဲ့ သခင်ဟာ ‘ကောန်းလေဟယ်။ နန်ဟာ သစ်စာရှိဟူ စေခံကောန်း! နန်ဟာ သေးငယ်ဟူ မူမာ သစ်စာရှိလေဟယ်။ အယ်ကြောန့် ကီးမားဟူ မူလေဟိုလည်း နန်ဟို ငါအပ်ပေးအူးမယ်။ နန်ရဲ့ သခင်နတူးဒု စည်းဇိမ်ဟို ဝမ်ဇားပါ!’ ဆိုဘီး ပြောလေဟယ်။ **22** ရွှေဒန်းဂါး ၂,၀၀၀ ဟို ရဟူ သူဟာလည်း လာဘီးဟာ ‘သခင်၊ ကိုယ်တော်ဟာ ရွှေဒန်းဂါး ၂,၀၀၀ ဟို ကျွန်တော်ဟို အပ်ပေးဟားပါဟယ်။ ကေ့ကေ့ပါ! နော့-က်ထပ် ရွှေဒန်းဂါး ၂,၀၀၀ ဟိုလည်း မွတ်ရပါဟယ်’ ဆိုဘီး လျှော့-က်လေဟယ်။ **23** သခင်ဟာ ‘ကောန်းလေဟယ်။ သစ်စာရှိဟူ စေခံကောန်း! နန်ဟာ သေးငယ်ဟူမူမာ သစ်စာရှိလေဟယ်။ အယ်ကြောန့် ကီးမားဟူ မူလေဟိုလည်း နန်ဟို ငါအပ်ပေးအူးမယ်။ နန်ရဲ့ သခင်နတူးဒု စည်းဇိမ်ဟို ဝမ်ဇားပါ!’ ဆိုဘီး မိန့်တော်မူလေဟယ်။ **24** အယ်ဘီးန ရွှေဒန်းဂါး ၁,၀၀၀ ဟို ရဟူသူဟာလည်း လာဘီးဟာ ‘သခင်၊ သခင်ဟာ ခက်ထန်ဟူ သူဖြစ်ဘီး ကိုယ်စိုက်ဘဲဟူ နေရာမာ ရိုသီးဘီး ကိုယ်ကြဲဘဲဟူ နေရာမာ စုသီးတတ်ဟူဇာဟို ကျွန်တော်သိဟယ်။ **25** ကျွန်တော်ဟာ ကြော့-က်ဟူကြောန့် သွားဘီး သခင်ရဲ့ ကပ်ဟို မွေထံမာ မွှောက်ဟားပါဟယ်။ ကေ့ကေ့ပါ! ခု သခင်ရဲ့ အောက်စာရှိပါဟယ်’ ဆိုဘီး လျှော့-က်လေဟယ်။ **26** သခင်ဟာ ‘ပျင်းရိဆိုးယောက်ဟူ စေခံ! ငါဟာ စိုက်ဘဲဟူ နေရာမာ ရိုသီးတတ်ဘီး ကြဲဘဲဟူ နေရာမာ စုသီးတတ်ဟယ် ဆိုဇာဟို နန်သိဟယ် မူဟာလော။ **27** အယ်ဆိုဟာ နန်ဟာ ငါ့ကပ်ဟို ပွဲဇားလတ်မာ အပ်ဟားသင့်ဟယ်။ အယ်မျိုးမှဘွဲ့ ငါ့ပွန်လာဟူ ခီမာ ငါ့ကပ်ဟို တိုးန ရလေမယ်။ **28** အယ်ကြောန့် သူနားဟ ရွှေဒန်းဂါး ၁,၀၀၀ ဟို ယူဘီးဟာ ရွှေဒန်းဂါး ၁၀,၀၀၀ ရှိဟူလူဟို ပေးဂေ့။ **29** ရှိဟူလူဟို ထပ်ပေးဘီး သူဟို ကြယ်ဝစေလေမယ်။ မှော့ဘဲဟူ လူနားဟ ရှိဟူမျှဟို နှလေမယ်။ **30** သောင်းကြွဘဲဟူ အယ်စေခံဟို ပွန်ရပ် မှောန်မိုက်ထဲဟို ပစ်ခွဲဂေ့။ အယ်နေရာမာ သူဟာ အံသွားခဲက္ကိဘီး ငိုကြွေးနေရလေမယ်’ ဆိုဘီး ပြောလေဟယ်။” **31** “လူရဲ့သားဟာ ကောန်းဂန်တမန်လေနတူးဒု မန်းဂီးဖြစ်န ကြွလာခီမာ သူဟာ ဖောင်းသရေတော်ရှိဟူ ပလ္လင်တော်ထတ်မာ ထိုင်တော်မူဘီး **32** လူမျိုးလေ ဂူလောင်းဟို ရှေ့တော်မာ စုဝီးစေလေမယ်။ အယ်ဘီးမှ သိုးထီးမားဟာ သိုးနဘွဲ့ဟို ခွဲဟားမျိုးဘွဲ့ လူရဲ့သားဟာလည်း လူလေဟို နေ့စုခွဲလေမယ်။ **33** သိုးလေဟို ညာဖတ်မာ ထားဘီး ဘွဲ့လေဟို ဘယ်ဖတ်မာ ထားလေမယ်။ **34** အယ်ဘီးန မန်းဂီးဟာ ညာဖတ်ဟာ လူလေဟို ‘ငါဖအားဖြင့် ကောန်းဂျီးခံရဟူ သူလေ! ကမ္ဘာတည်ဂဒဲဟာ နန်းနိုလေတွပ် ပြင်ဆင်ဟားဟူ နိုင်ငံတော်ဟို လာဘီး မွီယူဂေ့ပါ။ **35** ဖြားဖြစ်ကြောန့်နူးဆိုဟာ ငါဟာ ဗိုက်ဆာဟူ ခီမာ နန်းနိုလေဟာ ငါ့ဟို စားဇာပေးဂေ့လေဟယ်။ ငါရေငတ်ဟူ ခီမာ နန်းနိုလေဟာ သော့-က်ဇာပေးလေဟယ်။”

ငါဟာ ဧည့်သယ်ဖြစ်ဟူ ခီမာ နန်းနို့လေဟာ ငါ့ဟို နန်းနို့ရဲ့ အီလေမာ လတ်ခံဂေ့ဘီး။ 36 ငါဟာ ခွေးပွန်းပွန်းဖြစ်နေဟူ ခီမာ နန်းနို့လေဟာ ဝတ်ဇာဟို ပေးလေဟယ်။ ငါဟာ ဖျားနေဟူ ခီမာ နန်းနို့လေဟာ ပြုစုဂေ့ဟယ်။ ငါဟာ ထောန်ကွနေဟူ ခီမာ နန်းနို့လေဟာ ငါနားဟို လာဂေ့ဟယ်’ ဆိုဘီး မိန့်တော်မူလေမယ်။ 37 ဖြောင့်မတ်ဟူသူလေဟာ ‘သခင်၊ ကျွန်တော်ဟားလေဟာ ဖယ်ခီဒူးဟာ ကိုယ်တော် ဗိုက်ဆာနေဇာဟို ဗြင်ဘီး ကျွေးမွေးပါဟယ်နူး၊ ရေငတ်နေဇာဟို ဗြင်ဘီး သော့-က်ဟူဇာဟို ပေးဟားပါဟယ်နူး။ 38 ကိုယ်တော်ဟာ ဧည့်သယ်ဖြစ်တော်မူဟယ် ဆိုဇာဟို ကျွန်တော်ဟားလေဗြင်ဘီး ကျွန်တော်ဟားလေရဲ့ အီမာ ဖယ်ခီဒူးဟာ လတ်ခံဟားဟယ်နူး။ ကိုယ်တော်ဟာ ခွေးပွန်းပွန်းန နေတော်မူဟယ် ဆိုဇာဟို ကျွန်တော်ဟားလေဗြင်ဘီး ဖယ်ခီဒူးဟာ ဝတ်ဟူဇာလေ ပေးဟားဟယ်နူး။ 39 ကိုယ်တော် ဖျားနာတော်မူဇာလေ၊ ထောန်ကွနေဇာလေဟို ကျွန်တော်ဟားလေဗြင်ဘီး ဖယ်ခီဒူးဟာ ကိုယ်တော်နားဟို ရှေး-က်လာပါဟယ်နူး’ ဆိုဘီး ပွန်လျှော့-က်ဂေ့လေမယ်။ 40 မန်းဂီးဟာ ‘ငါ မှန်ပြောမယ်၊ အယ်မူ ငါ့ညီကို မောန်နှမလေထဲဟာ ငယ်ဆောင်းသူ တယော့-က်ဟို နန်းနို့ပြုစုဇာလေဟာ ငါ့ဟို ပြုစုဟူဇာဘွဲ့!’ ဆိုဘီး ပွန်မိန့်တော်မူလေမယ်။” 41 “အယ်ဘီးမှ ဘယ်ဖတ်ဟာ သူလေဟို မန်းဂီးဟာ ‘ကီဆဲခံရဟူသူလေ၊ ငါနားဟာ ထွပ်ဟားဂေ့၊ မာရ်နတ်န သူရဲ့ တမန်လေထွပ် ပြင်ဆင်ဟားဟူ ထာဝရ ငရဲမီးအိုင်ထဲဟို သွားဂေ့! (aiōnios g166) 42 ဖြာဖြစ်ကြောန့်နူးဆိုဟာ ငါဟာ ဗိုက်ဆာဟူ ခီမာ နန်းနို့လေ ငါ့ဟို ကျွေးဂေ့ဟူ။ ငါဟာ ရေငတ်ဟူ ခီမာ နန်းနို့လေ ငါ့ဟို သော့-က်ဟူ ဇာပေးဂေ့ဟူ။ 43 ငါဟာ ဧည့်သယ်ဖြစ်နေဟူ ခီမာ နန်းနို့လေရဲ့ အီလေမာ ငါ့ဟို လတ်ခံဂေ့ဟူ။ ငါဟာ ခွေးပွန်းပွန်းဖြစ်နေဟူ ခီမာ နန်းနို့လေဟာ ငါ့ဟို ဝတ်စားပေးဂေ့ဟူ။ ငါဟာ ဖျားနာနေဘီး ထောန်ကွနေဘေမဲ့လည်း နန်းနို့လေဟာ ငါနားဟို လာဂေ့ဟယ်’ ဆိုဘီး မိန့်တော်မူလေမယ်။ 44 အယ်သူလေဟာ ‘သခင်၊ ကျွန်တော်ဟားလေဟာ ဖယ်ခီဒူးဟာ ကိုယ်တော် ဗိုက်ဆာတော်မူဇာလေ၊ ရေငတ်တော်မူဇာလေ၊ ဧည့်သယ်ဖြစ်တော်မူဇာလေ၊ ခွေးပွန်းပွန်းနေတော်မူဇာလေ၊ ဖျားနာတော်မူဇာလေ၊ ထောန်ကွနေဇာလေဟို ဗြင်ဘီး လောကကျွေးပြုစုဘဲန နေပါဟယ်နူး’ ဆိုဘီး ပွန်လျှော့-က်ဂေ့လေမယ်။ 45 မန်းဂီးဟာ ‘ငါ မှန်ပြောမယ်၊ နန်းနို့လေဟာ အယ်သူလေထဲမာ အငယ်ဆောင်းသူ တယော့-က်ဟို ပြုစုဘဲနနေဇာဟာ ငါ့ဟို ပြုစုဘဲနနေဇာ ဖြစ်ဟယ်’ ဆိုဘီး မိန့်တော်မူလေမယ်။ 46 အယ်ကြောန့် သူးနို့လေဟာ ထာဝရ ပြစ်ဒန်ခံရာဟို သွားဂေ့လေမယ်။ အယ်ဘေမဲ့ ဖြောင့်မတ်ဟူ သူလေဟာ ထာဝရ သတ်ရှင်ရာဟို သွားဂေ့လေမယ်” ဆိုဘီး မိန့်တော်မူလေဟယ်။ (aiōnios g166)

26 အယ်မူဇာလေဂူလောင်းဟို သွန်သန်တော်မူဘီးန ယေရူဟာ တဗွဲတော်လေဟို။ 2 “ပသခါပွဲတော်ကျင်းပဟို့ နွေရစ်ဘွဲ့လိုဘိ ဆိုဇာဟို နန်းနို့ သိဂေ့လေဟယ်။ အယ်ခီမာ လူရဲ့သားဟို လတ်ဝါးကပ်တိုင်မာ ရိုက်သတ်ဟို့တွပ် အပ်ဂေ့လေမယ်” ဆိုဘီး မိန့်တော်မူလေဟယ်။ 3 အယ်ခီမာ ယဇ်ပုရောဟိတ်ဂီးလေန ဘာသာရေးခေါင်းဆောင်လေဟာ ကယာဖဆိုဘီး နာမယ်ရှိဟူ ယဇ်ပုရောဟိတ်မန်းရဲ့ အီဝမ်းထဲမာ စုစီးဂေ့ဟယ်။ 4 အယ်ဘီးဟာ သူးနို့လေဟာ ယေရူဟို တိတိဆိဆိဟား ဖမ်းဘီး သတ်ဟို့တွပ် တိုင်ဗန်ဂေ့ဟယ်။ 5 သူးနို့လေဟာ “အယ်ဘေမဲ့ ပွဲတော်ရစ်မာ ဖမ်းနအူး၊ လူလေထဲမာ ရုန်းရင်းဆန်ခတ် ဖြစ်ဂေ့လေမယ်” ဆိုဘီး ပြောဂေ့ဟယ်။ 6 ယေရူဟာ ဗေသနိဝါ နူနာသယ်ရှိမန်ရဲ့ အီမာ ရှိနေဘီး၊ 7 စားဇာသောင်းဆောန်နေဒူးမာ ဖိုးကီးဟူ ဆီခွီးန ပွဲနေဟူ ကျော-က်ဖျူဖျူဟို ယူလာဟူ မီးမတယော့-က်ဟာ ကိုယ်တော်နားဟို ရှေး-က်လာဘီး သူဟာ ကိုယ်တော်ရဲ့ ခေါင်းထတ်ဟို လောန်းခွဲလေဟယ်။ 8 အယ်မူဇာဟို တဗွဲတော်လေဗြင်ဟားဘီး စီဆိုးဂေ့လေဟယ်။ “ဖြားဖြစ်ကြောန့် အယ်မျိုးဖျူပစ်ရနူး။ 9 အယ်ဆီခွီးဟို ဆေးဂီးဂီးန ရောန်းဘီးဟာ ဆင်းရဲသားလေဟို ပေးကမ်းနိုင်ဟယ်!” ဆိုဘီး ပြောလေဟယ်။ 10 ယေရူဟာ သူးနို့ပြောနေဇာဟို သိဟူ ခီမာ သူးနို့လေဟို “ဖြားဖြစ်ကြောန့် အယ်မီးမဟို နေ့-က်ယှစ်ဂေ့နူး။ သူဟာ ငါ့တွပ်ကောန်းဟူမဟို ပြုလေဟယ်။ 11 ဆင်းရဲသားလေဟာ နန်းနို့လေနတူးဒြ မြဒမ်း ရှိနေလေမယ်။ အယ်ဘေမဲ့ ငါဟာ နန်းနို့နတူးဒြ မြဒမ်း ရှိနေဟို့ မဟူ။ 12 အယ်မီးမဟာ ငါ့ကိုယ်ထတ်ဟို ဆီခွီးလောန်းဇာဟာ ငါ့ဟို သင်္ဂြိုဟ်ဟို့တွပ် ပြင်ဆင်ဟူဇာဖြစ်လေဟယ်။ 13 ငါ မှန်ပြောမယ်၊ ဒန်းကောန်းဟို ကမ္ဘာရပ်ရပ်မာ ဟောပြောဟူ ခီတိုင်း အယ်မီးမဟို အော့-က်မေ့စေဟို့တွပ် သူပြဟားဟူ အယ်မျိုးမူရာဟို

ပြောနေလေ့မယ်” ဆိုဘီး မိန့်တော်မူလေဟယ်။ 14 အယ်ဘီးန တဗွဲတော် ဆယ်နေပါးထဲဟု တပါးဖြစ်ဟူ ယုဒရှုကာရုတ်ဟာ ယဇ်ပုရောဟိတ်ဂီးလေနားဟို သွားဘီး။ 15 “ယေရှုဟို နန်းနီလေရဲ့ လတ်ထဲဟို အပ်ပေးမယ် ဆိုဟာ ကျွန်တော်ဟို ကပ်ဖယ်လော့-က် ပေးဟိုနူး” ဆိုဘီး မေးလေဟယ်။ အယ်ကြောန့် အယ်သူလေဟု ငွေဒန်းဂါး သောင်းဆယ်ဟို ရေတွပ်ဘီးဟာ သူဟို ပေးလေဟယ်။ 16 အယ်ခီဟုနော် ယုဒဟာ ယေရှုဟို သစ်စာဖော့-က်ဟိုတွပ် ခွမ်ရေးကောန်းဟို ရှာကြလေဟယ်။ 17 တဆေးပါဘဲဟူ မုပွဲတော်ရဲ့ဦးဆောင်းနေမာ တဗွဲတော်လေဟာ ယေရှုနားဟို လာဘီး “ပသခါ စားဗွဲဟို ကိုယ်တော် သောင်းဆောန်ဟိုတွပ် ကျွန်တော်ဟားလေ ဖယ်နေရာမာ ပြင်ရမယ်နူး” ဆိုဘီး မေးလျှော့-က်ဂေလေဟယ်။ 18 ကိုယ်တော်ဟု “ဗြိထဟု လူတယော့-က်နားဟို သွားဘီးပြောဂေ။ ဆရာမှာလိုက်ဟယ်။ ‘ငါခီနီးဘီ။ ငါတဗွဲလေနတူးဒု ပသခါဗွဲဟို နန့်အီမာ ကျင်းပမယ်” ဆိုဘီး မိန့်တော်မူလေဟယ်။ 19 တဗွဲတော်လေဟု ယေရှုပြောလိုက်ဟူတိုင်း လောက်ဘီးဟာ ပသခါစားဗွဲဟို ပြင်ဆင်ဂေလေဟယ်။ 20 ညဉ့်ခန်းဖတ် ရော့-က်ဟူ ခီမာ ယေရှုဟာ တဗွဲတော် ဆယ်နေပါးလေနတူးဒု ညဉ့်ဇာစားဟို ဗွဲမာ ထိုင်လေဟယ်။ 21 သူးနီစားနေဒူးမာဘဲ ယေရှုဟု “ငါ မှန်ပြောမယ်၊ နန်းနီထဲမာ တယော့-က်ဟာ ငါဟို သစ်စာဖော့-က်လေမယ်” ဆိုဘီး မိန့်တော်မူလေဟယ်။ 22 တဗွဲတော်လေဟာ ရရာတိုင်း စိကောန်းဘဲဖြစ်ဂေဘီး “သခင်၊ အယ်သူဟု ဖယ်သူနူး၊ ကျွန်တော်လော” ဆိုဘီး ယော့-က်ဘီးယော့-က် မေးလျှော့-က်ဂေလေဟယ်။ 23 ယေရှုဟု “ငါနတူးဒု စံထဲမာ နှိုက်ဟူ သူဟာ ငါဟို သစ်စာဖော့-က်လေမယ်။ 24 ကျမ်းစာဟု ပြောဟားတိုင်း လူရဲသားဟာ သေခံရလေမယ်။ အယ်ဘောမဲ့ လူရဲသားဟို သစ်စာဖော့-က်ဟူ အမင်္ဂလာရှိဟယ်၊ အယ်သူဟာ လောင်းဝ ခွီးလာဘဲနနေဟာ သူတွပ် ပိုကောန်းလေမယ်။” ဆိုဘီး မိန့်တော်မူလေဟယ်။ 25 ကိုယ်တော်ဟို သစ်စာဖော့-က်မယ့် ယုဒဟု “ဆရာ၊ ကျွန်တော်လော” ဆိုဘီး မေးလျှော့-က်လေဟယ်။ ယေရှုဟု “နန့်မေးဟူတိုင်းဘဲ မှန်ဟယ်” ဆိုဘီး မိန့်တော်မူလေဟယ်။ 26 သူးနီဟာ စားနေဒူးမာ ယေရှုဟု မဟိုယုဘီး ကျေးဇူးတော်ဟို ချီးမွမ်းဘီးမှ မဟိုဖွဲဘီးဟာ “အယ်မဟု ငါရဲ့ ကိုယ်ခန္ဓာဖြစ်ဟယ်။ ယုဘီးစားဂေပါ” ဆိုဘီး မိန့်တော်မူဘီးဟာ တဗွဲတော်လေဟို ပေးတော်မူလေဟယ်။ 27 ခွပ်ဟိုလည်း ယုဘီးဟာ ကျေးဇူးတော် ချီးမွမ်းဘီးမှ တဗွဲတော်လေဟို ပေးလေဟယ်။ ကိုယ်တော်ဟု “နန်းနီအားလောင်း သော့-က်ဂေပါ။ 28 အယ်ခွပ်ဟာ ဘုရားသခင်ရဲ့ ပဋိညာဉ်တော်ဟို ဖိခတ်ဟားဟူ လူလေရဲ့ပြစ်ဟို ဖြေလွှတ်ပေးဟိုတွပ် သွန်းလောန်းဟူ ငါရဲ့သွီး ဖြစ်လေဟယ်။ 29 နန်းနီလေဟို ငါပြောမယ်။ ခုခီဟုနေ စဘီး ငါဖရဲ့ နိုင်ငံတော်မာ နန်းနီလေနတူးဒု စဗျစ်ပိုင်သစ်ဟို သော့-က်ရဟူ နေရော့-က်ခန်ခီထိ အယ်စဗျစ်ပိုင်ဟို နော့-က်ထပ် လောင်းဝ ငါသော့-က်ဟို မှဟု” ဆိုဘီး မိန့်တော်မူလေဟယ်။ 30 အယ်ဘီးန သူးနီလေဟာ ဓမ္မချင်းဟို ဆိုဘီး သံလွင်တောန်ဟို ထွပ်ဟားဂေလေဟယ်။ 31 အယ်ဘီးန ယေရှုဟု “သိုးထီးမားဟို ငါရိုက်သတ်ဟူကြောန့် သိုးလေဟာ ဖွဲ့ဖွဲ့စင်ဖြစ်ဂေလေမယ်” ဆိုဘီး ကျမ်းစာပြောဟူဇာဟု အယ်ညဉ့်မာဘဲ နန်းနီလေဟာ ငါဟို ထားရစ်ဘီး ထွပ်ပွေးဂေလေမယ်။ 32 အယ်ဘောမဲ့ ငါဟာ ထမြော့-က်ဘီးန နန်းနီထတ် စောဘီး ဂါလိလဲပြည်ဟို သွားမယ်” ဆိုဘီး မိန့်တော်မူလေဟယ်။ 33 ပေတရုဟု “တခြားသူလေဟာ ကိုယ်တော်ဟို ထားရစ်လည်းဘဲ ကျွန်တော်ဟာ လောင်းဝ ထားရစ်ဟို မှဟု!” ဆိုဘီး ယေရှုဟို လျှော့-က်လေဟယ်။ 34 ယေရှုဟု “နန့်ဟို ငါ မှန်ပြောမယ်၊ အယ်ညဉ့်မာဘဲ ကြစ်တွန်ခန်မာ နန့်ဟာ ငါဟို သောင်းခါ ငြင်းပယ်လေမယ်” ဆိုဘီး ပေတရုဟို မိန့်တော်မူလေဟယ်။ 35 ပေတရုဟု “ကိုယ်တော်နတူးဒု သေရမယ် ဆိုဟာလည်း ကျွန်တော်ဟာ ကိုယ်တော်ဟို ငြင်းပယ်ဟု!” ဆိုဘီး ပွန်လျှော့-က်လေဟယ်။ တခြား တဗွဲတော်လေလည်း အယ်မျိုးဘဲ လျှော့-က်ဂေလေဟယ်။ 36 အယ်ဘီးန ယေရှုဟာ တဗွဲတော်လေနတူးဒု ဂေသရေမန် ဆိုဘီး ခေါ်ဟူ နေရာဟို ရော့-က်တော်မူဘီး ကိုယ်တော်ဟု “ငါ ဟိုနားမာ ဆုတောင်းနေဒူးမာ အယ်နေရာမာ ထိုင်နေဂေပါ” ဆိုဘီး တဗွဲတော်လေဟို မိန့်တော်မူလေဟယ်။ 37 ကိုယ်တော်ဟာ ပေတရုနတူးဒု ဇေဗေဒရဲ့ သားနေယော့-က်ဟို ခေါ်ဟားတော်မူလေဟယ်။ ကိုယ်တော်ဟာ ဝန်းနဲပူဆွေးဘီး စီဒေါ့-က်ခရော့-က်နေလေဟယ်။ 38 အယ်ကြောန့် ယေရှုဟု “ငါရဲ့ စီနီလောင်းဟာ သေခါနီးနီးဘဲ ရရာတိုင်း ဝန်းနဲဟယ်။ အယ်နေရာမာ ငါနတူးဒု စောနီးဘီးနေဂေပါ” ဆိုဘီး

သူးနို့ဟို မိန့်တော်မူလေဟယ်။ 39 ကိုယ်တော်ဟာ ရှေ့ဟို နဲနဲတိုးဟားဘီးဟာ မွေထတ်မာ ပျပ်ဝပ်ဘီး “ကျွန်တော်ရဲ့၊ ဖြစ်နိုင်မယ် ဆိုဟာ အယ်မူဝေဒနာခွပ်ဟို ကျွန်တော်ဟုနေဘီး ယူဟားပေးပါ။ အယ်ဘေမဲ့ ကျွန်တော်လိုရှင်တိုင်း ဖြစ်စေဘဲနဲ့ ဖလိုရှင်တိုင်းဘဲ ဖြစ်စေပါ” ဆိုဘီး ဆုတောင်းတော်မူလေဟယ်။ 40 အယ်ဘီးနဲ့ ကိုယ်တော်ဟာ တဗဲတော် သောင်းယော့-ကံနားဟို ယွန်လာဟူ ခီမာ သူးနို့ဟာ အိမ့်နေဂေဇာဟို တိုရဟိုကြောန့် ကိုယ်တော်ဟု ပေတရဟို “နန်းနို့လေဟာ တနာရီလော့-ကံဘဲ ငါနဲတူးဒူ စောန့်နိုင်ဂေဟုလော။ 41 နန်းနို့လေဟာ စောင်ဇမ်းနော့-ကံယုတ်မူထဲဟို ကွဲဘဲဟိုတွပ် ဆုတောင်းဘီး စောန့်နေဂေပါ။ စိဝိညာဉ်ဟာ အားကီးဘေမဲ့လည်း ကိုယ်ခန္ဓာဟာ အားနဲလေဟယ်” ဆိုဘီး ပေတရဟို မိန့်တော်မူလေဟယ်။ 42 ယေရှုဟာ နော့-ကံတခါ သွားဘီး “ကျွန်တော်ရဲ့၊ အယ်ဝေဒနာခွပ်ဟို ကျွန်တော်သော့-ကံဘဲနဲ့ လွန်သွားဟို ရနိုင်ဟု ဆိုဟာ ကိုယ်တော်ရဲ့ လိုရှိဟူတိုင်းဘဲ ဖြစ်ပါစေ” ဆိုဘီး ဆုတောင်းလေဟယ်။ 43 ကိုယ်တော်ဟာ ယွန်လာဟူ ခီမာ တဗဲတော်လေဟာ မျစ်စိလေးလံလာဟူကြောန့် နော့-ကံတခါ အိမ့်နေဂေဇာဟို တိုရလေဟယ်။ 44 အယ်ကြောန့် ယေရှုဟာ သူးနို့လေဟို ထားရစ်ဘီး နော့-ကံတခါ ထွပ်ဟားဘီး ရင်းရင်းဒူးဟုမျိုးဘဲ သောင်းခါမြော့-ကံ ဆုတောင်းတော်မူလေဟယ်။ 45 အယ်ဘီးမှ တဗဲတော်လေနားဟို ယွန်လာဘီး “နန်းနို့လေဟာ အိမ့်ဘီးဟာ နားယူနေဂေလော။ ကေ့ဂေ၊ လူရဲသားဟို ပြစ်သားလေရဲ့ လတ်ထဲဟို အပ်ခံရဟို ခီဟာ ရော့-ကံလာဘီ။ 46 ထဂေ၊ နို့လေသွားဂေဇို။ ကေ့ကေ့၊ ငါ့ဟို သစ်စာဖော့-ကံဟိုသူ ရော့-ကံလာဘီ။” ဆိုဘီး မိန့်တော်မူလေဟယ်။ 47 ယေရှုဟာ မိန့်တော်မူနေဒူးမာဘဲ တဗဲတော် ဆယ်နေပါးထဲဟု တပါးဖြစ်ဟူ ယုဒရှကာရတ်ဟာ ရော့-ကံလာဘီးဟာ သူနတူးဒူ ယဇ်ပုရောဟိတ်ဂီးလေန ဘာသာရေး ခေါင်းဆောင်လေဟုနေ စေလွှတ်လိုက်ဟူ လူအောက်ဂီးဟာ ဒေါက်လေ၊ ထားလေပါလာဂေဟယ်။ 48 ကိုယ်တော်ဟို သစ်စာဖော့-ကံဟူသူဟု “ငါနမ်းဟူသူဟာ ယေရှုဘဲဖြစ်ဟယ်။ သူဟို ဖမ်းဂေပါ။” ဆိုဘီး မှတ်ပေးဟားလေဟယ်။ 49 ယုဒဟာ ရှစ်ရှင်းဘဲ ယေရှုနားဟို တိုးဝမ်လာဘီး “မင်္ဂလာပါ၊ ဆရာ” ဆိုဘီး ကိုယ်တော်ဟို နမ်းလေဟယ်။ 50 ယေရှုဟု “မိဆွေ၊ နန်လောက်ရဟို ကိစဟို ပြန်ပြန်ဟား လောက်ပါ။” ဆိုဘီး မိန့်တော်မူလေဟယ်။ အယ်ခီမာ အယ်သူလေဟု လာဘီး ကိုယ်တော်ဟို ဖမ်းချောက်ဂေလေဟယ်။ 51 ယေရှုန ပါလာဟူ လူတယော့-ကံဟာ ထားဟို ဆွဲထုဘီး ယဇ်ပုရောဟိတ်မန်းရဲ့ ကျွန်တယော့-ကံဟို ခွတ်လိုက်ဟူ ခီမာ နားဝပ်ပြတ်ဟားလေဟယ်။ 52 ယေရှုဟု “နန့်ထားဟို ထားအိထဲမာ ယွန်သီးလိုက်ပါ။ ထားဟို ကိုင်ဟူ သူလေဟာ ထားနဘဲ သေဂေလေမယ်။ 53 ခု ငါရဲ့ ဖနားမာ တောင်းလျော့-ကံမယ် ဆိုဟာ ကောင်းဂန်တမန် ဆယ့်နှေ့တပ်မကဘဲ ငါနားဟို လွတ်ပေးမယ် ဆိုဇာ နန်းနို့လေ သိဂေဟုလေ။ 54 အယ်မျိုးဆိုဟာ အယ်မူဇာလေ ဖြစ်ရမယ် ဆိုဘီး ပြောဟားဟူကျမ်းစာဟာ ဖယ်မျိုး ညွှဲဇောင်လာအူးမယ်နူး” ဆိုဘီး မိန့်တော်မူလေဟယ်။ 55 အယ်ခီမာဘဲ ယေရှုဟု “ဖြားဖြစ်ကြောန့် နန်းနို့လေဟာ မွဟို ဖမ်းဟိုမျိုး ငါ့ဟို ဖမ်းဟိုတွပ် ဒေါက်လေ၊ ထားလေန လာဂေနူး။ ငါဟာ ဗိမာန်တော်မာ ထိုင်ဘီး နေတိုင်း သွန်သန်နေဒူးဟု နန်းနို့လေဟာ ငါ့ဟို ဖမ်းဂေဟားမား။ 56 အယ်ဘေမဲ့ အယ်မူကြောန့်ရာလေဟာ ကျမ်းစာမာ ပရောဖက်လေ ဟောပြောဟားဟူတိုင်း ညွှဲဇောင်ဟိုတွပ် ဖြစ်လာလေဟယ်” ဆိုဘီး လူအောက်ဂီးဟို မိန့်တော်မူလေဟယ်။ အယ်ခီမာ တဗဲတော်လေဟာ ကိုယ်တော်ဟို ထားရစ်ဘီး ထွပ်ဗွေးဂေဟယ်။ 57 ယေရှုဟို လာဖမ်းဟူ သူလေဟု ကျမ်းပြုဆရာလေန ဘာသာရေးကြီးကလေ စုဝေးဟူနေရာ ယဇ်ပုရောဟိတ်မန်း ကယာဖအီဟို ခေါ်ဆောန်ဟားဂေဟယ်။ 58 ပေတရဟာ ခပ်ဝီးဝီးဟုနေဘီး ယဇ်ပုရောဟိတ်မန်းရဲ့ အိနားထိ ကိုယ်တော်နော့-ကံဟို လိုက်လေဟယ်။ သူဟာ အီဝမ်းထဲဟို ဝမ်ဟားဘီးဟာ ဖယ်မျိုး ဖြစ်လာအူးမယ် ဆိုဇာဟို ဗြင်ရဟိုတွပ် စောန့်လေနတူးဒူ ထိုင်နေလေဟယ်။ 59 ယဇ်ပုရောဟိတ်ဂီးလေန ယုဒတရားလွှတ်တော် တခုလောင်းဟာ ယေရှုဟို သေဒန်ပေးဟိုတွပ် မှန်ဘဲဟူ သတ်သေထော့-ကံထားဟို တို့အောန် ရှာဂေဟယ်။ 60 သူးနို့ဟာ မှန်ဘဲဟူ သတ်သေခံလေ ဘောင်ဂီး လာဂေဘေမဲ့လည်း ဖြားထော့-ကံထားလည်း တို့ဂေဟူ။ နော့-ကံဆောင်းမာ လူနှေ့ယော့-ကံဟာ ရှေ့ဟို ထွပ်လာဘီး 61 “အယ်သူဟု ‘ငါဟာ ဘုရားသခင်ရဲ့ ဗိမာန်တော်ဟို ဖြိုဖျစ်ဘီးဟာ သောင်းရစ်ထဲနဲ့ ယွန်ဆော့-ကံနိုင်ဟယ်’ ဆိုဘီး

ပြောပါဟုယ်” ဆိုဘီး ထွပ်ဆိုလေဟုယ်။ 62 ယဇ်ပုရောဟိတ်မန်းဟာ ထရပ်လိုက်ဘီး “အယ်မျိုး စွပ်စွဲနေဇာဟို ပြောဟိုတွပ် နန့်မာ ဖြေမေ့ဟုလော” ဆိုဘီး ယေရုဟို မေးလေဟုယ်။ 63 အယ်ဘောမဲ့ ယေရုဟာ တိဆိဘီး နေတော်မူဟုယ်။ ယဇ်ပုရောဟိတ်မန်းဟုလည်း “နန့်ဟာ ဘုရားသခင်ရဲ့ သားတော် မေရှိယဖြစ်ဟုယ် ဆိုဟာ ငါ့ဟို ပြောပါ။ သတ်ရှင်ဟူ ဘုရားသခင်ဟို တိုင်တယ်ဘီး နန့်ဟို ငါမေးဟုယ်” ဆိုဘီး ပြောလေဟုယ်။ 64 ယေရုဟာ “မန်းဂီးပြောဟူတိုင်း မှန်ပါဟုယ်။ အယ်ဘောမဲ့ နန်းနိုလေ ဂူလောင်းဟို ငါပြောမယ်။ အယ်ခီဟုနေစဘီး လူရဲ့သားဟာ အနန္တတဂိုးရှင်ရဲ့ ညာဖတ်မာ ထိုင်ဘီး ကောန်းဂန်ဟု မိုးတီဟို စီးဘီးဟာ ကြွလာဇာဟို နန်းနိုလေ ဗြင်ဂေရလေမယ်!” ဆိုဘီး မိန့်တော်မူလေဟုယ်။ 65 အယ်ကြောန့် ယဇ်ပုရောဟိတ်မန်းဂီးဟာ သူရဲ့ အန်းဂီဟို ဆုဖွဲ့ဘီးဟာ “အယ်သူဟာ ဘုရားသခင်ဟို ပြစ်မှားစော်ကားဘီး ပြောဆိုလေဘီ! နော့-က်ထပ် ဖြားသတ်သေလေ လိုသေးနူး။ ဘုရားသခင်ဟို ပြစ်မှားဇာဟို ခု နန်းနိုလေ ကြားရဂေဘီ! 66 နန်းနိုလေ ဖယ်မျိုး ထန်ဂေနူး။” အယ်သူလေဟု “သူဟာ သေဒန်နဲဘဲ ထိုက်တန်ပါဟုယ်” ဆိုဘီး ပြောဂေလေဟုယ်။ 67 အယ်ဘီးန အယ်သူလေဟာ ကိုယ်တော်ရဲ့ မျစ်နှာတော်ဟို ထွီးရယ်နု ထွီးဂေဘီး လတ်သီးနု ထွီးဂေဟုယ်။ အယ်ဘီးဟာ ကိုယ်တော်ပီးဟို ရိုက်ဟူလူလေဟု 68 “မေရှိယ! ကိုယ်တော်ဟို ဖယ်သူရိုက်ဟုယ် ဆိုဇာဟို ပရောဖက်ပြုကေ့ကေ့!” ဆိုဘီး ပြောဂေလေဟုယ်။ 69 ပေတရုဟာ အီယွန်ခြံဝန်းထဲမာ ထိုင်နေဟူ ခီမာ စေခမီးမ တယော့-က်ဟာ သူနားဟို လာဘီး “နန်လည်း ဂါလိလဲနယ်သား ယေရုနတူးဒူ ရှိဟားဟုယ်” ဆိုဘီး ပြောလေဟုယ်။ 70 အယ်ဘောမဲ့ ပေတရုဟု “နန်ပြောနေဟူဇာဟို ငါသိဟု” ဆိုဘီး လူလေ ဂူလောင်းရှေ့မာ ကိုယ်တော်ဟို ငြင်းပယ်ဘီး 71 အီခြံဝန်းရဲ့ ခွေဇာ-က်ဟို ထွပ်ဟားလေဟုယ်။ တခြားစေခမီးမ တယောက်ဟု သူဟို ဗြင်ဟားဘီး အယ်နေရာမာ ရှိနေဟူလူလေဟို “အယ်လူဟာ နာဇရက်မြို့ဟု ယေရုနတူးဒူ ရှိဟားဟုယ်” ဆိုဘီး ပြောလေဟုယ်။ 72 ပေတရုဟု “အယ်လူဟို ငါသိဟု!” ဆိုဘီး နော့-က်ထပ်ခါ သစ်စာဆိုဘီး ငြင်းလေဟုယ်။ 73 နန့်ကြာဘီးန အယ်နေရာမာ ရပ်နေဟူ လူလေဟာ ပေတရုနားဟို လာဂေလေဟုယ်။ သူးနိုဟု “တကယ်ဘဲ နန့်ဟာ အယ်လူလေထဲဟု တယော့-က်ဖြစ်ဟုယ်။ ဖြားဖြစ်ကြောန့်နူးဆိုဟာ နန့်ရဲ့ ပြောပေါင်ဆိုပေါင်ဟာ ရရာတိုင်း သိသာဟုယ်!” ဆိုဘီး ပြောလေဟုယ်။ 74 ပေတရုဟု “အယ်သူဟို ငါတကယ်ဟို သိဟု!” ဆိုဘီး ဘုရားသခင်ဟို တိုင်တယ်ဘီး ကိဆိုလေဟုယ်။ အယ်ခီမာဘဲ ကြစ်တွန်လေဟုယ်။ 75 အယ်ဘီးမု “ကြစ်တွန်ခန့် နန့်ဟာ ငါ့ဟို သောင်းခါ ငြင်းပယ်လေမယ်” ဆိုဘီး ယေရု မိန့်တော်မူဟားဟူ စကားဟို ပေတရုဟာ ဒီရလာဟုယ်။ အယ်ကြောန့် သူဟာ ယွန်ဟိုထွပ်ဟားဘီး ရရာတိုင်း ငိုလေဟုယ်။

27 မိုးလန်းစောစောဂီးမာ ယဇ်ပုရောဟိတ်ဂီးလေန သတ်ကီးဝါဂီးလေဟာ ယေရုဟို သေဒန်ညွှဟိုတွပ် တိုင်ဗန်ဂေလေဟုယ်။ 2 အယ်ဘီးန ကိုယ်တော်ဟို တောက်နှောနဘီး ဗြိုဝန်မန်း ပိလတ်နားဟို ခေါ်ဆောန်ဟားဘီး အပ်လိုက်လေဟုယ်။ 3 သစ်စာဖော့-က် ယုဒဟာ ယေရုသေဒန်ပေးခံရဟုယ် ဆိုဇာဟို သိရဟူ ခီမာ သူဟာ နောန်ဒရဟားဘီး ငွေဒန်းဂါးသောင်းဆယ်ဟို ယဇ်ပုရောဟိတ်ဂီးလေန သတ်ကီးဝါဂီးလေဟို ယွန်ပေးလိုက်ဘီး။ 4 “ကျွန်တော်ဟာ ပြစ်မေ့ဘဲဟူ သူရဲ့သွီးဟို အပ်ဘီး ပြစ်လောက်မိဟားဘီ!” ပြောလေဟုယ်။ အယ်ဘောမဲ့ သူးနိုလေဟု “နိုလေန ဖြားဇာဆိုင်နူး။ နန့်ကိစဘဲ ဖြစ်ဟုယ်!” ဆိုဘီး ယွန်ပြောဂေလေဟုယ်။ 5 ယုဒဟာ ငွေဒန်းဂါးသောင်းဆယ်ဟို ဗိမာန်တော်ထဲမာ ပစ်ညွှဘီး ထွပ်ဟားလေဟုယ်။ အယ်ဘီးန တခြားဟို သွားဘီးဟာ သူကိုယ်သူ ကြိုးဆွဲညွှဘီး သေလေဟုယ်။ 6 ယဇ်ပုရောဟိတ်ဂီးလေဟာ ဒန်းဂါးလေဟို ကော့-က်ယူဘီးဟာ “ပညတ်တရားအရ အယ်ဒန်းဂါးလေဟာ သွီးပေနေဟူ ကပ်လေဖြစ်ဟူကြောန့် ဘဏ္ဍာတိုက်ထဲဟို သွမ်းအပ်ဟု” ဆိုဘီး ပြောလေဟုယ်။ 7 အယ်ကြောန့် သူးနိုလေဟာ ဆွေးနွေး တိုင်ဗန်ဂေဘီး သူစိမ်း ဧည့်သည်လေတွပ် သန်းညိုင်းဖြစ် သောင်းပြုဟို အိုးလောက်မားရဲ့ မွေ့ဂုပ်ဟို အယ်ကပ်နု ဝယ်ယူဂေလေဟုယ်။ 8 အယ်ကြောန့် အယ်လယ်ဂုပ်ဟို အယ်နေထဲ “သွီးမွေ့” ဆိုဘီး ခေါ်ဂေလေဟုယ်။ 9 ပရောဖက်ယေရမိဟု “သူးနိုလေဟာ အယ်သူတွပ် ပေးဟို ကူသရေလ လူလေ ဘောတုဟားဟူ ငွေဒန်းဂါး သောင်းဆယ်ဟို ယူဘီးဟာ 10 ဘုရားသခင်ဟာ ငါ့ဟို မှာဟားဟူတိုင်း အိုးလောက်မားရဲ့ မွေ့ဂုပ်ဟို ဝယ်ဂေဟုယ်”

ဆိုဘီး ဟောဟားဇာဟာ ခုခီမာ ပွဲဇောင့်ဟားလေဟယ်။ 11 ယေရှုဟာ မြို့ဝန်မန်းရဲ့ ရှေ့မှာ ရပ်တော်မူနေဒူးမာ မြို့ဝန်မန်းဟာ “နန်ဟာ ယုဒလူမျိုးလေရဲ့ မန်းဂီးလော” ဆိုဘီး မေးလေဟယ်။ ယေရှုဟာ “သင်ပြောဟူတိုင်းဘွဲ့” ဆိုဘီး ပွန်မိန်တော်မူလေဟယ်။ 12 အယ်ဘောမဲ့ ယဇ်ပုရောဟိတ်ဂီးလေန သတ်ကီးဝါဂီးလေရဲ့ စွပ်စွဲဂေဟူဇာဟို ကိုယ်တော်ဟာ ဖြေတော်မူဟုမ်း။ 13 အယ်ကြောန့် ပိလတ်ဟာ “သူ့နို့ရဲ့ သတ်သေခံဇာလေဟို နန်ကြားဟုလော” ဆိုဘီး ကိုယ်တော်ဟို မေးလေဟယ်။ 14 အယ်ဘောမဲ့ ယေရှုဟာ ခွန်းလည်း ပွန်ပြောဘဲကြောန့် မြို့ဝန်မန်းဟာ ရရာတိုင်း အံ့သြလေဟယ်။ 15 မြို့ဝန်မန်းဟာ ပသခါပွဲတိုင်းမာ လူလေတောန်းဆိုဟူ ထောန်သား တယော-က်ဟို လွတ်ပေးဟူ ထောင်းခံရှိဟယ်။ 16 အယ်ခီမာ ယေရှုဗာဗုဗ္ဗ ဆိုဘီး နာမယ်ရှိဘီး ထန်ပေါ်ဟူ ထောန်သား တယော-က်ရှိဟယ်။ 17 အယ်ကြောန့် လူအောက်ဂီးဟာ စုလာဟူ ခီမာ ပိလတ်ဟာ သူးနို့ဟို “နန်းနို့လေ ဖယ်သူဟို လွတ်ပေးစေရှင်ဟယ်နူး။ ယေရှုဗာဗုဗ္ဗလော။ ခရစ်တော် ဆိုဘီး ခေါ်ဟူ ယေရှုလော” ဆိုဘီး မေးလေဟယ်။ 18 သူးနို့လေဟာ နာလိုဘဲစိရှိဟူကြောန့် ယေရှုဟို အပ်ဂေဟယ် ဆိုဇာဟို ပိလတ်ဟာ ကောန်းကောန်းသိနေဟူကြောန့် ဖြစ်ဟယ်။ 19 ပိလတ်ဟာ တရားပလွင်ထတ်မာ ထိုင်နေဒူးမာ သူ့ရဲ့ မယားဟာ လူတယော-က်ဟို လွတ်ဘီးဟာ “အယ်မူဖြောန်မတ်ဟူ သူဟို ဖြားလည်းလောကပါန။ ဖြားဖြစ်ကြောန့်နို့ဆိုဟာ နတ်ကီးညဉ်ခန်းဒူးဟာ အိမတ်ထဲမာ အယ်သူကြောန့် ရရာတိုင်း စီဒေါက်ခဖြစ်ဟယ်” ဆိုဘီး မှာလိုက်လေဟယ်။ 20 အယ်ဘောမဲ့ ဗာဗုဗ္ဗဟို လွတ်ပေးဟိုန ယေရှုဟို သတ်ဟိုတွပ် တောန်းဆိုဟို ယဇ်ပုရောဟိတ်ဂီးလေန သတ်ကီးဝါဂီးလေဟာ လူအောက်ဂီးဟို စည်းရောင်းဂေလေဟယ်။ 21 မြို့ဝန်မန်းဟာ “အယ်လူလေ နေ့ယော-က်မာ ဖယ်တယော-က်ဟို လွတ်ပေးစေရှင်ဟယ်နူး” ဆိုဘီး လူအောက်ဂီးဟို မေးလေဟယ်။ သူးနို့လေဟာ “ဗာဗုဗ္ဗ!” ဆိုဘီး ဖြေဂေလေဟယ်။ 22 ပိလတ်ဟာ “အယ်ဆိုဟာ ခရစ်တော် ဆိုဘီး ခေါ်ဟူ ယေရှုဟို ဖြားလောက်ရမယ်နူး” ဆိုဘီး သူးနို့ဟို မေးလေဟယ်။ သူးနို့လေအားလောင်းဟာ “သူဟို ကားစင်တန်ပါ!” ဆိုဘီး ဖြေဂေလေဟယ်။ 23 အယ်ဘောမဲ့ ပိလတ်ဟာ “အယ်သူဟာ ဖယ်မျိုးပြစ်မှုဟို လွန်ကြူးမိဟယ်နူး” ဆိုဘီး မေးလေဟယ်။ သူးနို့လေဟာ “သူဟို ကားစင်တန်ပါ!” ဆိုဘီး သံက္ကယ်ဂီးန အော်ဂေလေဟယ်။ 24 ပိလတ်ဟာ ရုန်းရင်းဆန်ခတ် ဖြစ်လာမယ် ဆိုဇာဟို ဗြင်ဟူ ခီမာ သူဟာ ရေဟို ယူဘီးဟာ “အယ်မူ ပြစ်မှုဘဲဟူသူရဲ့ သွီးဟာ ငါ့နဆိုင်ဟု! နန်းနို့ရဲ့ တာဝန်ဘွဲ့ဖြစ်ဟယ်!” ဆိုဘီး လူအောက်ဂီးရဲ့ ရှေ့မှာ သူရဲ့ လတ်ဟို ဆေးလေဟယ်။ 25 လူအောက်ဂီး တခုလောင်းဟာ “သူရဲ့သွီးဟာ ကျွန်တော်ဟားလေန ကျွန်တော်ဟားလေရဲ့ သားမီးလေထတ်မာ သတ်ရော-က်ပါစေ!” ဆိုဘီး ပွန်ပြောဂေလေဟယ်။ 26 အယ်ဘီးန ပိလတ်ဟာ ဗာဗုဗ္ဗဟို လွတ်ပေးလိုက်ဘီးဟာ ယေရှုဟို ကီဒန်ပေးဘီးန ကားစင်တန်ဟိုတွပ် အပ်လိုက်လေဟယ်။ 27 အယ်ဘီးန ပိလတ်ရဲ့ စစ်သားလေဟာ ယေရှုဟို မြို့ဝန်မန်းရဲ့ အိတော်ဟို ခေါ်ဟားဘီး စစ်တပ်တတပ်လောင်းဟို ကိုယ်တော်နားမာ စုဝီးစေလေဟယ်။ 28 အယ်ဘီးမှ စစ်သားလေဟာ ကိုယ်တော်ရဲ့ ဝတ်တော်ဟို ခလွတ်ဘီး ကမ္မလာနီဝတ်လောင်ဟို ချောင်ပေးဂေလေဟယ်။ 29 အယ်ဘီးန ဆူးခတ်န လောက်ဟားဟူ သရဖူဟို ခေါန်းတော်မာ ဆောန်းပေးဂေဘီး။ ကျူဒေါက်တရောန်းဟိုလည်း ညာဖတ်လတ်တော်မာ ကိုင်စေလေဟယ်။ အယ်ဘီးန ကိုယ်တော်ရှေ့မှာ ဒူးထော့-က်ဘီးဟာ “ယုဒမန်းဂီး သတ်တော်ရှယ်ပါစေ!” ဆိုဘီး သရော်ဂေလေဟယ်။ 30 သူးနို့ဟာ ကိုယ်တော်ဟို ထွီးရယ်န ထွီးဂေဘီး ကျူဒေါက်ဟို ယူဘီးဟာ ခေါန်းဟို ခါဘီးခါ ရိုက်ဂေလေဟယ်။ 31 သူးနို့ဟာ ကိုယ်တော်ဟို သရော်ဂေဘီးန ကမ္မလာနီဝတ်လောင်ဟို ခလွတ်ဘီးဟာ ကိုယ်တော်ရဲ့ အန်းဂီးဟို ပွန်ဝတ်စေဟယ်။ အယ်ဘီးန လတ်ဝါးကပ်တိုင်မာ တန်ဘီးသတ်ဟိုတွပ် ခေါ်ဆောန်ဟားဂေလေဟယ်။ 32 သူးနို့လေ ထွပ်လာဟူ ခီမာ ရှိမုန် ဆိုဘီး နာမယ်ရှိဟူ ကုရေနေမြို့ဟာ လူတယော-က်ဟို လမ်းမာ တွိဟားဘီး စစ်သားလေဟာ အယ်သူဟို ယေရှုရဲ့ လတ်ဝါးကပ်တိုင်ဟို အဓမ္မထမ်းခိုင်းဂေလေဟယ်။ 33 “ဦးခေါန်းခွဲနေရာ” ဆိုဘီး မိပါယ်ရှိဟူ၊ ဂေါလဂေါသနာမယ်ရှိဟူ နေရာဟို ရော-က်လာဂေဟယ်။ 34 အယ်နေရာမာ သူးနို့လေဟာ ယေရှုဟို ဆေးခါးန ရောစပ်ဟားဟူ ဝိုင်ဟို ပေးသော့-က်ဂေဟယ်။ အယ်ဘောမဲ့ ယေရှုဟာ ဗြဲကော့ဘီးန သော့-က်ဟို

ငြင်းတော်မူလေဟုယ်။ 35 ကိုယ်တော့်ဟို ကားစင်တန်ဂေ့ဘီးန ကိုယ်တော်ရဲ့ ဝတ်တော်ဟို မဲဒိုက်ဘီး ခွဲဝီဂေ့လေဟုယ်။

36 အယ်မျိုးလောက်ဘီးန အယ်နေရာမာ ကိုယ်တော့်ဟို ထိုင်ဘီး စောန့်ကေ့နေဂေ့လေဟုယ်။ 37 ကိုယ်တော်ရဲ့ ခေါင်းတော်ထတ်မာ “ယုဒမန်းဂီးယေရှုဖြစ်ဟုယ်” ဆိုဘီး ကိုယ်တော့်ဟို စွပ်စွဲဟွားဟူ စာပွားဟိုလည်း ကပ်ဟွားလေဟုယ်။

38 အယ်ဘီးန ယေရှုနတူးဒူ မွနေယော့-ကပ်ဟိုလည်း ကိုယ်တော်ရဲ့ သွာဖတ်မာ တယော့-ကပ်၊ ဘယ်ဖတ်မာ တယော့-ကပ် ထားဘီးဟာ ကားစင်တန်ဂေ့ဟုယ်။ 39 ဖြတ်သန်းသွားလာနေဟူ သူလေဟာ သူးနို့ရဲ့ ခေါင်းလေဟို ခါဘီးဟာ ယေရှုဟို ကဲ့ရဲ့ဂေ့ဇာဟူ 40 “ဗိမာန်တော်ဟို ဖြိုဖျစ်ဘီး သောင်းရစ်ဒဲန ပွန်တည်ဆော့-ကပ်ဟိုသူ! နန့်ကိုယ်နန့် ကယ်တန်ပါ! နန့်ဟာ ဘုရားသခင်ရဲ့ သားတော်ဖြစ်ဟုယ် ဆိုဟာ လတ်ဝါးကပ်တိုင်ဟုနေ ဆင်းလာပါ!” 41 အယ်နည်းတူ ယဇ်ပုရောဟိတ်ဂီးလေ၊ ကျမ်းပြုဆရာလေန သတ်ကီးဝါဂီးလေဟုလည်း ကိုယ်တော့်ဟို 42 “အယ်သူဟာ တခြားလူလေဟို ကယ်တန်ဘီးဟာ သူ့ကိုယ်သူ ကယ်တန်နိုင်ဟုမာ! သူဟာ ဣသရေလမန်းဂီး မှဟုလော။ သူဟာ လတ်ဝါးကပ်တိုင်ဟုနေ ဆင်းလာမယ် ဆိုဟာ နို့လေ ယောင်ကြည်ဂေ့မယ်! 43 သူဟာ ဘုရားသခင်ဟို အားကိုးဟုယ်။ ‘ငါဟာ ဘုရားသခင်ရဲ့ သားတော်ဖြစ်ဟုယ်’ ဆိုဘီး ပြောဟုယ်။ အယ်ကြောန့် သူ့ဟို ဘုရားသခင် လိုတော်ရှိမယ် ဆိုဟာ ခုဘဲ ကယ်တန်ပါစေ!” ဆိုဘီး သင်္ချေဂေ့ဟုယ်။ 44 ကိုယ်တော်နတူးဒူ ကားစင်တန်ဟွားဟူ မွနေယော့-ကပ်ဟုလည်း အယ်နည်းတူ ကဲ့ရဲ့လေဟုယ်။ 45 မွန်းဒဲခိဟုနေ နေဒန်သောင်းနာရီထိအောန် တပြည်လောင်းဟာ မှောန်မိုက်ကွလေဟုယ်။ 46 နေဒန်သောင်းနာရီမာ ယေရှုဟူ “ဧလိ၊ ဧလိ၊ လာမာရှာဗသောနို” ဆိုဘီး သံကွယ်ဂီးန အော်ဟစ်တော်မူလေဟုယ်။ အယ်မူဗိပါယ်ဟု “ကျွန်တော့်ဘုရားသခင်၊ ကျွန်တော့်ဘုရားသခင်၊ ဖြားဖြစ်ကြောန့် ကျွန်တော့်ဟို စွန့်ပစ်တော်မူဟုယ်နူး” ဆိုဘီး ဖြစ်လေဟုယ်။ 47 အယ်နေရာမာ ရပ်နေဟူ လူလေတချို့ဟာ အယ်မူဇာဟို ကြားရခီမာ “သူဟာ ဧလိယဟို ခေါ်နေဟုယ်!” ဆိုဘီး ပြောဂေ့လေဟုယ်။ 48 သူးနို့လေထဲဟု တယော့-ကပ်ဟာ တခါဒဲ ပွေးဟွားဘီး ရေမွှောက်ဟို ယူဘီး ရှင်နေဟူ ဝိုင်ရှင်ထဲဟို နှစ်ထဲလေဟုယ်။ အယ်ဘီးန ကျူဒေါက်ဖျားမာ တပ်ဘီး ကိုယ်တော့်ဟို သော့-ကပ်ဟို ပေးလေဟုယ်။

49 အယ်ဘောမဲ့ တခြားလူလေဟု “နေအူး၊ ဧလိယဟာ သူ့ဟို ကယ်ဟို့တွပ် လာမယ် ဆိုဇာဟို ကေ့ဂေ့ဇို!” ဆိုဘီး ပြောဂေ့လေဟုယ်။ 50 ယေရှုဟာ နော့-ကပ်ထပ် သံကွယ်ဂီးန အော်ဘီးဟာ သတ်တော်ဟို စွန့်တော်မူလေဟုယ်။ 51 အယ်မူဗိမာဘဲ ဗိမာန်တော်ရဲ့ လိုက်ကာဟာ ထတ်ဟုနေ အော့-ကပ်ဟို နေ့ ခြမ်းကွဲဟွားလေဟုယ်။ မွေဂီးဟာ လောက်ဘီး ကွော့-ကပ်လေဟာ အတ်ကွဲဟွားဘီး။ 52 သန်းခွိုင်းဂူလေလည်း ပွမ့်ထွပ်ဟွားလေဟုယ်။ ဘုရားသခင်ရဲ့ သန်ရှင်းသူလေရဲ့ ကိုယ်ခန္ဓာလေဟာ ထမြော့-ကပ်ဂေ့လေဟုယ်။ 53 ယေရှု ရှင်ယွန်ထမြော့-ကပ်တော်မူဘီးန သူးနို့လေဟာ သန်းခွိုင်းဂူထဲဟု ထွပ်လာဘီးဟာ သန်ရှင်းဟူ ပြို့တော်ထဲဟို ဝမ်ဟွားဘီး လူလေဟို ကိုယ်ထန်ရှားပြလေဟုယ်။ 54 တပ်မှူးနတူးဒူ ယေရှုဟို စောန့်ကေ့နေဂေ့ဟူ စစ်သားလေဟာ မွေဂီးလောက်ဟူ ဇာလေန ဖြစ်ပျစ်ဟွားဟူ ဇာလေ ဂူလောင်းဟို တွံ့ပြင်ရဟူ ခီမာ သူးနို့ဟာ ရရာတိုင်း ကြော့-ကပ်လန်ဟွားဂေ့ဘီး “အယ်သူဟာ တကယ်ဘဲ ဘုရားသခင်ရဲ့ သားတော်ဖြစ်ဟုယ်!” ဆိုဘီး ပြောဂေ့လေဟုယ်။ 55 ဂါလိလဲပြည်ဟုနေ ယေရှုနော့-ကပ်လိုက်ဘီးဟာ လောက်ကျေးနေဟူ မီးမလေဟာ အယ်နေရာမာရှိနေဘီး ဝီးဟုနေ ကေ့နေဂေ့လေဟုယ်။ 56 သူးနို့လေထဲမာ မာဂဒလပြို့သူ မာရိ ယာကုပ်န ယောသပ်လေရဲ့ မိဖြစ်ဟူမာရိန ဇေဗေဒဲရဲ့မီးမ ပါလေဟုယ်။ 57 နေဒန်ဇာဟို ရော့-ကပ်ဟူ ခီမာ အရိမသဲပြို့ဟုနေ ယောသပ် ဆိုဘီး နာမယ်ရှိဟူ ဌေးတယော့-ကပ် ရော့-ကပ်လာဘီး သူဟာ ယေရှုရဲ့ တမဲ့တော်လည်း ဖြစ်လေဟုယ်။ 58 အယ်သူဟု ပိလတ်နားဟို ဝမ်ဟွားဘီး ယေရှုရဲ့ လောင်းတော်ဟို တောန်းဟူကြောန့် ပိလတ်ဟာ ပေးလိုက်ဟို့ မိန့်ပေးလေဟုယ်။ 59 အယ်ကြောန့် ယောသပ်ဟာ လောင်းဟို ယူဘီး ဖြူစင်ဟူ ပိလူန လိလေဟုယ်။ 60 ကွော့-ကပ်တောင်းမာ ထွမ်းဟွားဟူ သူရဲကိုယ်ပိုင် သန်းခွိုင်းဂူသစ်ထဲမာ သင်္ဂြိုဟ်လေဟုယ်။ အယ်ဘီးမှ သူဟာ ကီးမားဟူ ကွော့-ကပ်တောင်းဟို သန်းခွိုင်းဂူဝမ်ရဲ့ ရှေ့မာ ပိဟွားဘီးန ပွန်ဟွားလေဟုယ်။ 61 မာဂဒလပြို့သူ မာရိန တခြားမာရိလေဟာ သန်းခွိုင်းရှေ့မာ ထိုင်နေဂေ့လေဟုယ်။ 62 ဒန်းနေ့တွပ် ပြင်ဆင်ရာနေ့ဘီးန ယဇ်ပုရောဟိတ်ဂီးလေန ဖာရိရဲ့လေဟာ ပိလတ်နားဟို

သွားဘီး။ 63 “သခင်၊ အယ်မူလူဟာ သတ်ရှင်နေသူဟာ ‘သောင်းရစ်ကြာဘီးန ငါဟာ ပွန်ထမြော့-က်လေ့မယ်’ ဆိုဘီး ပြောဟူးဇာဟို ကျွန်တော့်ဟူးလေ မှတ်မိပါဟယ်။ 64 အယ်ကြောန့် သောင်းရစ်မြော့-က်ဟူ နေ့တိုင်အောန် သန်းခွိုင်ဂူဟို ဒိန်စောန်ကေ့ဟိုတွင် မိန့်ပေးတော်မူပါ။ အယ်မျိုးလောက်ဘဲဟု ဆိုဟာ သူတဗွဲလေဟာ လောန်းဟို လာခိုးဟူးဘီး သူဟာ သေရာဟုနေ ထမြော့-က်ဟူးဘီး ဆိုဘီး လူလေဟို ပြောဂေ့ပါလေ့မယ်။ အယ်ဆိုဟာ နော့-က်ဆောင်း လီညာဟူဇာဟာ ရင်ဟု လီညာဟူဇာထတ် ပိုဘီး ဆိုးဝါးပါလေ့မယ်” ဆိုဘီး လျော့-က်ဂေ့လေဟယ်။ 65 ပိလတ်ဟု “စောန်တပ် တတပ်ဟို ခေါ်ဟူးဂေ။ သန်းခွိုင်ဂူဟို တတ်နိုင်ဟူမျှ လောင်ခြောင်အောန် စောန်ကေ့ခိုင်းဂေ” ဆိုဘီး မိန့်လေဟယ်။ 66 အယ်ကြောန့် သူးခိုလေဟာ သန်းခွိုင်ဟို သွားဘီးဟာ ကြော့-က်တောင်းဟို ဇီခပ်ဘီး စောန်လေဟို နေရာခွဲဟူးလိုက်ဘီး စောန်ကေ့စေလေဟယ်။

28 ဒန်းနုလွန်ဘီးန နန်းနေနွေ မိုးလန်းခါနီးမာ မာဂဒလပြို့သူ မာရိန တခြားမာရိလေဟာ သန်းခွိုင်ဟို သွားဘီး ကေ့ဂေ့လေဟယ်။ 2 ဘုရားသခင်ရဲ့ ကောန်းဂန်တမန်တပါးဟာ ကောန်းဂန်ဘောင်ဟုနေ ဆင်းလာဟူကြောန့် ရောက်တရစ် ရရာတိုင်း ကြမ်းဟူ မွေ့ဂီးလောက်လာဟယ်။ အယ်ဘီးန ကြော့-က်တောင်းဟို လိုဖယ်လိုက်ဘီး အယ်ကြော့-က်တောင်းထတ်မာ ထိုင်နေလေဟယ်။ 3 သူ့ရဲ့ ရောန်ဆင်းဟာ လျှပ်စစ်လတ်ဟူမျိုးဖြစ်ဘီး သူ့ရဲ့ ဝတ်ဟုလည်း နှမ်းပွင့်မျိုးဘဲ ဖြစ်လေဟယ်။ 4 စောန်လေဟာ ကောန်းဂန်တမန်ဟို ရောက်တိုင်း ကြော့-က်လန်ဂေ့ဘီး လူသေလေမျိုးဘဲ ဖြစ်ဟူးဂေ့လေဟယ်။ 5 ကောန်းဂန်တမန်ဟု အယ်မီးမလေဟို “ကြော့-က်ဂေ့န။ နန်းခိုလေဟာ လတ်ဝါးကပ်တိုင်မာ သတ်ခံရဟူ ယေရှုဟို ရှာနေဂေ့ဟယ် ဆိုဇာဟို ငါသိဟယ်။ 6 ကိုယ်တော်ဟာ အယ်နေရာမာမေ့ဘိ။ မိန့်တော်မူဟူးဟူတိုင်းဘဲ ထမြော့-က်တော်မူဟူးဘီး။ ကိုယ်တော်လျောင်းတော်မူဟူးဟူ နေရာဟို လာဘီးကေ့ဂေ့ပါ။ 7 တဗွဲတော်လေနားဟို ဗြန်းဗြန်သွားဘီး ‘ကိုယ်တော်ဟာ သေရာဟုနေ ထမြော့-က်တော်မူဟူးဘီး။ နန်းခိုလေထတ်စော့ဘီး ဂါလိလဲပြည်ဟို ကြွတော်မူလေ့မယ်။ အယ်နေရာမာ နန်းခိုလေဟာ ကိုယ်တော့်ဟို တွံရဂေ့လေ့မယ်’ ဆိုဘီး ပြောဂေ့ပါ။ ငါပြောလိုက်ဇာလေဟို မေ့ဂေ့န။” 8 အယ်ကြောန့် အယ်မီးမလေဟာ ကြော့-က်လန်ဘောမဲ့လည်း အားရဝန်းသာန သန်းခွိုင်ဟုနေ ဗြန်းဗြန်ထွပ်ဟူးဘီး တဗွဲတော်လေဟို ပြောပြဟိုတွင် ပွေးဂေ့လေဟယ်။ 9 ရောက်တရစ် ယေရှုဟု သူးခိုနားဟို ရော့-က်လာဘီးဟာ “နန်းခိုနူးဒူ ငြိသတ်ရှင်းရှိပါစေ” ဆိုဘီး မိန့်တော်မူလေဟယ်။ သူးခိုဟာ ကိုယ်တော်နားဟို ချဉ်းကပ်ဘီးဟာ ခေတော်ဟို ဖတ်ဘီး ရှိခိုးဂေ့လေဟယ်။ 10 ယေရှုဟု “ကြော့-က်ဂေ့န။ သွားဘီးဟာ ငါ့ရဲ့ညီကိုလေဟို ဂါလိလဲပြည်ဟို သွားဟိုတွင် ပြောဂေ့။ သူးခိုလေဟာ အယ်နေရာမာ ငါ့ဟို ဗြင်ရဂေ့လေ့မယ်” ဆိုဘီး မိန့်တော်မူလေဟယ်။ 11 အယ်မီးမလေဟာ လမ်းမာ သွားနေသူမာ သန်းခွိုင်ဂူစောန်နေဟူ တပ်သားတချို့ဟာ ဖြို့ထဲဟို ဝမ်းဘီး ယစ်ပုရောဟိတ်ဂီးလေဟို ဖြစ်ပျစ်ဇာလေ ဂူလောင်းဟို ပြောပြဂေ့လေဟယ်။ 12 ယစ်ပုရောဟိတ်ဂီးလေဟာ သတ်ကီးဝါဂီးလေန တွံဆောင်ဂေ့ဘီး ဆွေးနွေးဘီးန သူးခိုဟာ စစ်သားလေဟို ကပ်လေဘောင်ဂီးပေးဘီး။ 13 “ခိုလေအိမ္မိနေဒူးမာ သူ့ရဲ့ တဗွဲလေဟာ ညဉ့်ခန်းဖတ်မာ လာဘီး လောန်းဟို ခိုးဆောန်ဟူးဟယ် ဆိုဘီး ပြောဂေ့။ 14 ဖြို့ဝန်မန်းဟာ အယ်မူဒန်းဟို သိဟူးမယ် ဆိုဟာ ခိုလေဟာ သူဟို စည်းရောင်းဘီး နန်းခိုမာ စိုးရိမ်ဇာမေ့ဟိုတွင် လောက်ပေးမယ်” ဆိုဘီး ပြောဂေ့ဟယ်။ 15 စောန်လေဟာ ကပ်ဟို ယူဘီးဟာ သူးခိုဟို ညွန်ကြားဟူးဟူတိုင်း လောက်ဂေ့လေဟယ်။ အယ်ကြောန့် အယ်ဒန်းဟာ ယုဒလူမျိုးလေထဲမာ အယ်နေထို ပွန်နေလေဟယ်။ 16 တဗွဲတော်ဆယ်တယော့-က်ဟာ ဂါလိလဲပြည်ဟို သွားဘီး ယေရှုမာဟူးတိုင်း တောန်ထတ်ဟို သွားဂေ့လေဟယ်။ 17 သူးခိုလေဟာ ကိုယ်တော့်ဟို တွံဗြင်ရဟူ ခီမာ ရှိခိုးဂေ့လေဟယ်။ အယ်ဘောမဲ့ သူးခိုထဲဟု တချို့ဟာ သံသယဖြစ်ဂေ့ဟယ်။ 18 ယေရှုဟာ တဗွဲတော်လေနားဟို ကြွလာဘီးဟာ “ကောန်းဂန်န မွေ့ဂီးထတ်မာ ရှိမျှဟူ ခွမ့်အာဏာလေဟို ငါ့ဟို ပေးအပ်တော်မူဘိ။ 19 အယ်ကြောန့် နန်းခိုလေဟာ သွားဘီး လူဘောင်းဇောင်ဟို ငါ့တဗွဲဖြစ်စေဘီးဟာ ဖ၊ သားတော်။

သန့်ရှင်းဟူ၍ညာဉ်တော်ရဲ့ နာမတော်ထဲမှာ ဗတ္တိဇပေးရေပါ။ 20 နန်းနို့လေဟို ငါပညတ်ဟူးဇာလေ ဂူလောင်းဟို နာခံဟို့တွပ်
သွန်သန်ရေပါ။ ငါဟာလည်း ကမ္ဘာကူဆောင်းဟူ ခီထိ နန်းနို့လေနတူးဒု မြဲဒမ်းရှိနေမယ်” ဆိုဘီး မိန့်တော်မူလေဟယ်။ (aiṭh
g165)

1 ဘုရားသခင်ရဲ့ သားတော် ယေရှုခရစ်တော်ကြောင်း ဒန်းကောင်းဟာ အယ်မျိုးဖြစ်ဟယ်။ **2** ပရောဖက်ဟောရှာယ ရေးဟားဟူဇာဟု၊ “ဘုရားသခင်ဟု ပြောဟားဟယ်၊ ‘ငါဟာ နန်းရဲ့လမ်းဟို့ ပြင်ဆင်ဟို့တွပ် ငါ့ရဲ့တမန်ဟို့ နန်းရှေ့မှာ စေလွှတ်မယ်။’” **3** တောကန္တာရထဲမှာ ယော့-ကံယော့-ကံဟာ အော်ပြောနေဇာဟု “ဘုရားသခင်ရဲ့ လမ်းဟို့ ပြင်ဆင်ဟူးဂေ့! အယ်သခင်တွပ် ဖြောင့်တန်းဟူလမ်းဟို့ လောက်ဟူးဂေ့!” **4** ယောဟန်ဟာ ပေါ်လာဘီး၊ တောကန္တာရမှာ ဟောပြောဘီးန ဗတ္တိဇံပေးနေဟယ်။ “နောန်ဒရဘီး ဗတ္တိဇံခဲဂေ့။ အယ်ဆိုဟာ ဘုရားသခင်ဟု နန်းရဲ့ ပြစ်လေဟို့ ခွမ့်လွှတ်လေမယ်” ဆိုဘီး ကြေညာဟယ်။ **5** ယုဒပြည်ဟု လူလေန ယေရုရှလင်မြို့ရဲ့လူလေ ဂူလောင်းဟာ ယောဟန်နားဟို့ ရော့-ကံလာဂေ့ဘီး သူးနို့ရဲ့ ပြစ်လေဟို့ ဝန်ခံဂေ့ဟူကြောန့် ယော်ဒန်မြစ်မှာ ယောဟန်အားဖြင့် ဗတ္တိဇံခဲဂေ့ဟယ်။ **6** ယောဟန်ဟာ ကုလားအုတ်ရဲ့ မီးန လောက်ဟူးဟူဝတ်န သားရေခါးဗတ်ဟို့ ခါးမာပတ်ဟူးဘီး ကျိုင်းကောန်န တောပျားရယ်ဟို့ စားလေဟယ်။ **7** သူဟာ လူလေဟို့ ကြေညာဇာဟု “ငါ့ထံ ပိုဘီး ကီးမြတ်ဟူလူဟာ ငါ့နော့-ကံဟာ ကြွလာလေမယ်။ ငါဟာ ငေါက်ဘီးဟာ သူ့ရဲ့ ခေနပ်ကြိုးဟို့ ဖြေဟို့ဟို့မှ ထိုက်ဟယ်။” **8** ငါဟာ နန်းနို့လေဟို့ ရေန ဗတ္တိဇံပေးဟယ်။ အယ်ဘောမဲ့ သူဟာ နန်းနို့ဟို့ သန်ရှင်းဟူဝိညာဉ်တော်န ဗတ္တိဇံပေးလေမယ်။ **9** အယ်ခီမာ ယေရှုဟာ ဂါလိလဲပြည် နာဇရက်မြို့ဟု လာဘီးဟာ ယော်ဒန်မြစ်မှာ ယောဟန်အားဖြင့် ဗတ္တိဇံခဲလေဟယ်။ **10** ယေရှုဟာ ရေထဲဟုထလိုက်ဟူန ကောန်းဂန်ဘောင် ပွမ့်ဟူးဘီး ဝိညာဉ်တော်ဟု ချိုးငှတ်မျိုး ကိုယ်တော်ထတ်ဟို့ ဆင်းလာနေဇာဟို့ ဗြင်လေဟယ်။ **11** “နန်ဟာ ငါနစ်သက်မြတ်နိုးဟူ ငါ့ရဲ့ ရှစ်ရဟူသား ဖြစ်ဟယ်” ဆိုဘီး ကောန်းဂန်ဟုနေ သံတော်ထွပ်ပေါ်လာဟယ်။ **12** ဝိညာဉ်တော်ဟု ကိုယ်တော်ဟို့ တောကန္တာရထဲဟို့ ရှစ်ရှင်းပို့ဆောန်ဘီး **13** ကိုယ်တော်ဟာ တောကန္တာရထဲမှာ ရစ်လေးဆယ် လောင်းလောင်း နေဘီး စာတန်ရဲ့ စောင်ဇမ်းသွီးဆောန်ရှင်းဟို့ ခံတော်မူဟယ်။ ကိုယ်တော်ဟာ သားရဲလေနတူးဒူ ရှိတော်မူဘီး ကောန်းဂန်တမန်လေဟာ ကိုယ်တော်ဟို့ လောက်ကျေးဂေ့ဟယ်။ **14** ယောဟန် ထောန်ခွခံရဘီးန ယေရှုဟာ ဂါလိလဲပြည်ဟို့ သွားဘီး ဘုရားသခင်ရဲ့ ဒန်းကောင်းဟို့ ကြေညာလေဟယ်။ **15** “ခီဗွဲဇောင်ဟူးဘီး ဘုရားသခင်ရဲ့ နိုင်ငံတော်ဟာ တည်ခါနီးနေဘီး! နောန်ဒရဘီးဟာ ဒန်းကောင်းဟို့ ယောင်ကြည်ဂေ့ပါ!” ဆိုဘီး မိန့်တော်မူလေဟယ်။ **16** ယေရှုဟာ ဂါလိလဲအိုင်ဘေးမှာ ရော့-ကံသွားနေဒူးမာ ငါးဖမ်းမားလေဖြစ်ဟူ ဂိုဏ်းန သူညီ အခြေလေဟာ အိုင်ထဲမှာ ပိုက်ကွန်ပစ်နေဇာဟို့ ဗြင်လေဟယ်။ **17** ယေရှုဟု “ငါ့နော့-ကံလိုက်ဂေ့။ နန်းနို့လေဟို့ လူလေဟို့ဖမ်းဟူ ငါးဖမ်းမားဖြစ်စေမယ်” ဆိုဘီး မိန့်တော်မူလေဟယ်။ **18** သူးနို့လေဟု ရှစ်ရှင်းဘဲ ပိုက်လေဟို့ ထားရစ်ဘီးန နော့-ကံဟို့ လိုက်ဂေ့ဟယ်။ **19** ကိုယ်တော်ဟာ နဲနဲဆစ်ဘီးသွားဟူ ခီမာ ဇေဗေဒဲရဲ့သား ယာကုပ်န သူညီယောဟန်ဟို့ ဗြင်ဟူးဟယ်။ သူးနို့ဟာ လေ့ထဲမှာ ပိုက်ကွန်လေ ဖာနေဂေ့ဟယ်။ **20** ယေရှုဟု သူးနို့လေဟို့ ရှစ်ရှင်းခေါ်လိုက်ဟယ်။ သူးနို့လေဟာ သူးနို့ဖ ဇေဗေဒဲဟို့ လူဌားလေနတူးဒူ လေ့ထတ်မှာ ထားရစ်ဘီးဟာ ယေရှုနော့-ကံဟို့ လိုက်ဟူးဂေ့ဟယ်။ **21** ယေရှုန တပွဲတော်လေဟာ ကပေရနောင်မြို့ဟို့ ဝမ်ဂေ့ဘီး ဒန်းနေမာ ယေရှုဟာ ဝါလယ်ဇရပ်ထဲဟို့ ဝမ်ဟူးဘီးဟာ စဘီးသွန်သန်လေဟယ်။ **22** လူလေဟာ ကိုယ်တော်ရဲ့ သွန်သန်ဇာဟို့ အံ့ဩဂေ့ဟယ်။ ဖြားဖြစ်ကြောန့်နူးဆိုဟာ ကိုယ်တော်ဟာ သူးနို့ဟို့ ကျမ်းတတ်ဆရာလေမျိုး မှဘဲန ခွမ့်အာဏာရှိဟူသူးမျိုး သွန်သန်ဟူကြောန့် ဖြစ်ဟယ်။ **23** အယ်ခီမာဘဲ ညစ်ညူးဟူနတ် ဝမ်ပူးနေဟူ လူတယော့-ကံဟာ ဝါလယ်ဇရပ်ထဲဟို့ ဝမ်လာဘီးဟာ အော်နေဇာဟု **24** “နာဇရက်မြို့သား ယေရှု၊ ကိုယ်တော်ဟု ကျွန်တော့်လေန ဖြားဆိုင်ဟယ်နူး။ ကျွန်တော့်လေဟို့ ဖျစ်ဆီးဟို့တွပ် ရော့-ကံလာဇာလော။ ကိုယ်တော်ဟာ ဖယ်သူဖြစ်ဟယ် ဆိုဇာ ကျွန်တော်သိဟယ်။ ကိုယ်တော်ဟာ ဘုရားသခင်ရဲ့ သန်ရှင်းဟူသူ ဖြစ်ဟယ်!” **25** ယေရှုဟာ အယ်နတ်ဟို့ “တိတိဟူးနေဘီး အယ်လူထဲဟု ထွပ်ဟူးဂေ့!” ဆိုဘီး ဆောင်းမလေဟယ်။ **26** ညစ်ညူးဟူနတ်ဟု အယ်လူဟို့ ရရာတိုင်း တတ်စေဘီး သံဏ္ဍယ်ဂီး အော်ဘီးဟာ ထွပ်ဟူးလေဟယ်။

27 လူလေ ဂူလောင်းဟု အံ့ဩဟော့သောအခါ “အယ်ဇာဟု ဖယ်မျိုးနူး။ အယ်ဇာဟု သွန်သန်မှု သစ်တမျိုးလော။ အယ်လူဟု ညစ်ညူးဟူနတ်လေဟို ခွမ့်အာဏာန မိန့်ပေးလိုက်ဇာ သူးနို့ဟု နာခံဂေဟယ်။” ဆိုဘီး ရှင်းရှင်း မေးနေဂေဟယ်။ 28 အယ်ကြောန့် ယေရှုရဲ့ ဒန်းဟု ဂါလိလဲပြည် တခုလောင်းဟို ရှစ်ရှင်း ယွန်ဟူးလေဟယ်။ 29 ယေရှုန တဗွဲတော်လေဟု ဝါလယ်ဇရပ်ဟုနေ ထွပ်ဟူးဘီး ရှစ်ရှင်းဘွဲ၊ ယာကုပ်၊ ယောဟန်နတူးဒူး ရှိမုန်န အခြွေရဲ့အိဟို သွားဂေဟယ်။ 30 ရှိမုန်ရဲ့ ယောက္ခမဟု ဖျားနာဘီး အိယာထတ်မာ လှဲနေကြောင်းဟို ယေရှုဟို ရှစ်ရှင်း တောင်းလျှော့က်လေဟယ်။ 31 အယ်ကြောန့် ကိုယ်တော်ဟု အယ်မီးမနားဟို သွားဘီးဟု သူရဲလတ်ဟို ကိုင်ဘီး ဆွဲဒန်လိုက်ဟယ်။ သူဟု ဖျားနာပျော့-က်ဟူးကြောန့် သူးနို့ဟို ဧည့်ဝတ်ပြုလေဟယ်။ 32 နေဝမ်ဟူးဘီး ညဉ့်ခန်းဇာရော-က်ဟူးခီမာ လူလေဟု ဖျားနာသူလေန နတ်ဆိုးဝမ်ပူးသူလေ ဂူလောင်းဟို ယေရှုနားဟို ခေါ်လာဂေဟယ်။ 33 တပြို့လောင်းဟု ခွဗော့-က်ဝမာ စဝီးလာဂေဟယ်။ 34 ယေရှုဟု ရောဂါဘောင်းဇာင်ရှိဟူ လူလေဘောင်ဂီးဟို ကျန်းမာစေဘီး နတ်ဆိုးဘောင်ဂီးဟို နှန်ထုဟယ်။ နတ်ဆိုးလေဟု ကိုယ်တော်ဟို သိဂေဟူကြောန့် သူးနို့ဟို စကားပြောခွမ့်ပေးဟူ။ 35 မိုးလန်းခန် စောစောဂီးမာ ယေရှုဟု အိယာဟုထဘီးဟု အိဟုထွပ်ဟူးဟယ်။ ကိုယ်တော်ဟု ပြို့ထဲဟုနေ လူမွေသူမွေဘဲဟူ နေရာဟို ထွပ်ဟူးဘီးဟု ဆုတောင်းလေဟယ်။ 36 ရှိမုန်န သူရဲ့ ပေါန်းဖော်လေဟု ကိုယ်တော်ဟို လိုက်ရှာဂေဘီး 37 ကိုယ်တော်ဟို တွဲဂေဟူ ခီမာ “လူတိုင်းဟု ကိုယ်တော်ဟို လိုက်ရှာနေဂေဟယ်” ဆိုဘီး လျှော့-က်ဂေဟယ်။ 38 ယေရှုဟု “နို့လေဟု နီးနားမာရှိဟူ တခြား ပြို့ဝါလေဟို သွားရမယ်။ ငါဟု သူးနို့ဟိုလည်း ဟောပြောရအူးမယ်။ ဖြားဖြစ်ကြောန့်နူးဆိုဟု ငါဟု အယ်ထွပ်ဘွဲကြွလာဟယ်” ဆိုဘီး မိန့်တော်မူလေဟယ်။ 39 အယ်ကြောန့် ကိုယ်တော်ဟု ဂါလိလဲပြည် တပြည်လောင်းဟို ကြွတော်မူဘီး ဝါလယ်ဇရပ်လေမာ ဟောပြောဘီးဟု နတ်ဆိုးလေဟို နှန်ထုလေဟယ်။ 40 နူနာသယ် တယော့-က်ဟု ယေရှုနားဟို ရော-က်လာဟူ ခီမာ ဒူးထော့-က်ဘီးဟု “ကိုယ်တော်လိုရှိဟယ် ဆိုဟု ကျွန်တော်ဟို သန့်ရှင်းပေးပါ” ဆိုဘီး တောင်းဗန်လေဟယ်။ 41 ယေရှုဟု သနား တော်မူဟူးဘီး လတ်တော်ဟို ဆန်ဘီးဟု အယ်လူဟို ထိလိုက်ဟယ်။ “ငါလိုရှိဟယ်။ သန့်ရှင်းစေ!” ဆိုဘီး မိန့်တော်မူလေဟယ်။ 42 ရှစ်ရှင်းဘွဲ နူနာရောဂါဟု ပျော့-က်ဟူးဘီး သူဟု သန့်ရှင်းဟူးလေဟယ်။ 43 ယေရှုဟု သူဟို ရှစ်ရှင်းလွတ်လိုက်ဘီး 44 “နန်ဟု အယ်မူဇာဟို ဖယ်သူဟိုလည်း ပြောန။ အယ်ဘေမဲ့ ယမ်ပုရောဟိတ်နားဟို သွားဘီး ကိုယ်ဟိုပြလိုက်ပါ။ စင်ကြယ်ကြောန့်ဟု လူလေရှေမာ သတ်သေဖြစ်ဟို့တွပ် မောရှေ ပညတ်ဟူးဟူတိုင်း ပူဇော်သကာဟို ဆစ်သပါ” ဆိုဘီး မိန့်တော်မူလေဟယ်။ 45 အယ်ဘေမဲ့ အယ်လူဟု ထွပ်ဟူးဘီး အယ်ဒန်းဟို အားရပါးရ ဟောပြောဘီး ပွဲနွံစေလေဟယ်။ အယ်ကြောန့် ယေရှုဟု ပြို့ထဲဟို ထန်းထန်ရှားရှားဟူး ဝမ်နိုင်ဘဲန လူမွေသူမွေဘဲဟူ ပြို့လွန်နေရာမာဘွဲ နေရဟယ်။ အယ်ဘေမဲ့ နေရာတိုင်းဟုနေ လူလေဟု ကိုယ်တော်နားဟို ရော-က်လာဂေဟယ်။

2 ရစ်နဲနဲကြာဘီးန ယေရှုဟု ကပရနောင်မြို့ဟို ယွန်ဝမ်ဟူးဘီး ကိုယ်တော်ဟု အီမာရှိနေဟယ် ဆိုဘီး ဒန်းဟို လူလေကြားဂေဟယ်။ 2 လူလေဘောင်ဂီးဟု ရော-က်လာဂေဟူကြောန့် ခွဗော့-က်ဝပွန်မာလည်း နေရာလွတ် မွေဟမ်း။ ယေရှုဟု သူးနို့ဟို တရားစကားဟို ဟောပြောနေလေဟယ်။ 3 အယ်ခီမာ လူလေးယော့-က်ဟု ရော-က်လာဘီး လေဖြတ်နေဟူ လူတယော့-က်ဟို ယေရှုနားဟို သယ်လာဂေဟယ်။ 4 အယ်ဘေမဲ့လည်း လူအောက်ဂီးကြောန့် သူးနို့ဟု အယ်လူဟို ကိုယ်တော်နားဟို သယ်ဟို့တတ်နိုင်ဟမ်း။ အယ်ကြောန့် သူးနို့ဟု ယေရှုရှိဟူ နေရာထတ်ဟု ခေါန်မိုးဟို ပေါ့-က်ဖော့-က်လိုက်ဟယ်။ သူးနို့ဟု လေဖြတ်နေဟူလူဟို ထမ်းစင်န လျှော့ခွဲဂေဟယ်။ 5 ယေရှုဟု သူးနို့လေရဲ့ ယောင်ကြည်ရှင်းဟို ဗြင်ဟူးဟူ ခီမာ လေဖြတ်နေဟူလူဟို “ငါသား၊ နန့်ရဲ့ ဖြစ်လေဟု ခွမ့်လွတ်ဇာခံရဘီ” ဆိုဘီး မိန့်တော်မူလေဟယ်။ 6 အယ်နေရာမာ ထိုင်နေဟူ ကျမ်းတတ်ဆရာ တချို့ဟု သူးနို့ရဲ့ စိထမာ စဉ်းစားနေဇာဟု 7 “အယ်လူဟု ဖြားဖြစ်ကြောန့် အယ်မျိုးပြောနူး! သူဟု ပြစ်မှားနေဇာ ဖြစ်ဟယ်။ ဘုရားသခင် တပါးဒဲဘွဲ ပြစ်လေဟို လွတ်ပိုင်နိုင်ဟယ်!” 8 သူးနို့ရဲ့ စိထမာ အယ်မျိုး စဉ်းစားနေဇာဟို ယေရှုဟု ရှစ်ရှင်း သိဟူကြောန့် “နန်းနို့လေဟု

ပြားဖြစ်ကြောင့် အယ်ဇာလေဟို စဉ်းစားနေရဲ့နဲ့။ **9** လေဖြတ်နေဟူ လူဟို ‘နန့်ရဲ့ပြစ်ဟို လွတ်ဟားဘိ’ အယ်မျိုးမူဘဲနေဟာ ‘နန့်ထလိုက်၊ နန့်ထမ်းစင်ဟို ထမ်းဘီးသွားလိုက်’ ဆိုဘီး ဖယ်စကားဟ ပိုဘီး ပြောဟိုလွယ်နဲ့။ **10** အယ်ကြောန့် လူရဲ့သားဟာ မွေးဝတ်မာ ပြစ်လေလွတ်ဟို ခွမ့်အာဏာရှိဟယ် ဆိုဇာ နန့်နီလေဟို ငါသတ်သေထူပြမယ်။” အယ်ကြောန့် ကိုယ်တော်ဟ လတ်ခေသေနဟူ လူဟို **11** “နန့်ဟို ငါပြောမယ်။ ထဒန့်။ နန့်ရဲ့ ထမ်းစင်ဟို ကော့-ကံဘီးဟာ အီဟို ယွန်ဟားလိုက်!” ဆိုဘီး ပြောလေဟယ်။ **12** လူလေ ဂူလောင်းဟာ စောန့်ကော့နေဒူးမာ အယ်လူဟာ ထဘီး၊ သူရဲ့ ထမ်းစင်ဟို ယူဘီးဟာ ထွပ်ဟားလေဟယ်။ သူးနီလေ ဂူလောင်းဟာ ရရာတိုင်း အံ့ဩဟားဘီးဟာ ဘုရားသခင်ဟို ချီးမွမ်းရဲဘီး “နီလေဟာ အယ်မျိုးဇာဟို လောင်းဝပြင်ဖူးဟု!” ဆိုဘီး ပြောဂေဟယ်။ **13** ယေရှုဟာ နော့-ကံတခါ ဂါလိလဲအိုင်နားဟို ယွန်ဟားလေဟယ်။ လူအောက်ဂီးဟ ကိုယ်တော်နားဟို လာဂေဟူကြောန့် ကိုယ်တော်ဟာ သူးနီဟို စဘီးဟာ သွန်သန်လေဟယ်။ **14** ကိုယ်တော်ဟာ ဆစ်ဘီး ရှော့-ကံသွားဟူ ခီမာ အာလဖဲရဲသား၊ ခွန်ခံလေဝိဟာ သူရဲ့ ရောင်းမာ ထိုင်နေဇာဟို ဗြင်ဟားလေဟယ်။ ယေရှုဟ “ငါ့နော့-ကံဟို လိုက်ပါ” ဆိုဘီး မိန့်တော်မူလေဟယ်။ လေဝိဟာ ထဘီး ကိုယ်တော်နော့-ကံဟို လိုက်ဟားဟယ်။ **15** အယ်ဘီးန ယေရှုဟာ လေဝိရဲဒီမာ ညဉ့်ခန်းစာ စားနေဂေဟယ်။ ခွန်ကော့-ကံမားလေန ပြစ်သားလေ တောင်ဂီးဟာ ယေရှုနော့-ကံဟို လိုက်လာဂေဘီး သူးနီထဲဟ တချို့ဟာ ကိုယ်တော်န တဗွဲတော်လေနတူးဒု စားသော့-ကံဂေဟယ်။ **16** ယေရှုဟာ ခွန်ကော့-ကံမားလေ၊ ပြစ်သားလေနတူးဒု စားသော့-ကံနေဇာဟို ဖာရိရဲလေ၊ ကျမ်းတတ်ဆရာလေဟာ ဗြင်ဟားဘီး “ပြားဖြစ်ကြောန့် သူဟ အယ်လူလေန စားသော့-ကံနေရနဲ့” ဆိုဘီး တဗွဲတော်လေဟို မေးဂေဟယ်။ **17** ယေရှုဟ ကြားဟားဘီး သူးနီဟို “ကျန်းမာဟူ လူလေဟာ ဆရာနန်ဟို လိုဂေဟု၊ ဖျားနေဟူ လူလေဘဲ လိုရှင်ဟယ်။ ငါဟာ ဖြောန့်မတ်ဟူ လူလေဟို ခေါ်ဟိုလာဇာမူဟု။ ပြစ်သားလေဟို ခေါ်ဟိုလာဟယ်” ဆိုဘီး မိန့်တော်မူလေဟယ်။ **18** တနေ့မာ ဗတ္တိဇီယောဟန်ရဲ့ တဗွဲတော်လေန ဖာရိရဲလေဟာ စာရှောင်နေဂေဟယ်။ လူတချို့ဟ ယေရှုနားဟို လာဘီး “ယောဟန်ရဲ့ တဗွဲလေန ဖာရိရဲရဲ့ တဗွဲလေဟာ စာရှောင်ဂေဘီး ကိုယ်တော်ရဲ့ တဗွဲလေဟ ပြားဖြစ်ကြောန့် စာရှောင်ဘဲန နေရဲနဲ့” ဆိုဘီး မေးလျှော့-ကံဂေဟယ်။ **19** ယေရှုဟ “အီတတ်ဗွဲမာ ဒိုသားနတူးဒု ရှိနေဟူ ဧည့်သည်လေဟာ ဒိုသားနတူးဒု ရှိနေဒူးမာ စာရှောင်မယ် ဆိုဘီး မျှော်လင့်နိုင်ဘဲလော။ သူးနီဟာ ဒိုသားနတူးဒု ရှိနေဒူးမာ စာရှောင်နိုင်ဂေဟု။ **20** အယ်ဘေမဲ့ ဒိုသားဟို သူးနီနားဟုနေ ယူဆောန့်ဟားဟူ ခီရော့-ကံလာလေမယ်။ အယ်နေမာ သူးနီဟ စာရှောင်ဂေလေမယ်။ **21** “ဖယ်သူလည်း အန်းဂီဟောနီးဟို ပိစသစ်နဖာလေ မေ့ဟု။ ပြားဖြစ်ကြောန့်နဲ့ဆိုဟာ ဖာဟားဟူ ပိစသစ်ဟ အန်းဂီဟောနီးဟို စုယွဲဘီးဟာ ပိုဆိုးဟားလေမယ်။ **22** အယ်မျိုးဘဲ ဒိုင်သစ်ဟို သားရေဖူး ဟောန်းထဲမာထဲလေ မေ့ဟု။ ထဲမယ် ဆိုဟာ ဒိုင်သစ်ဟ သားရေဖူးဟောန်းဟို ပေါ့-ကံညှဲစဘီး ဒိုင်န သားရေဖူး နေ့ခုလောင်းဟာ ပျစ်စီးဟားလေမယ်။ အယ်မျိုးလောက်မယ်စား ဒိုင်သစ်ဟို သားရေဖူးသစ်ထဲမာ ထဲရမယ်” ဆိုဘီး မိန့်တော်မူလေဟယ်။ **23** ဒန်းနေမာ ယေရှုဟာ ကျောင်စဗားလယ်ဝှံလေဟို ဖြတ်ရှော့-ကံနေလေဟယ်။ ကိုယ်တော်ရဲ့ တဗွဲတော်လေနတူးဒု သွားနေဟူ ခီမာ သူးနီဟာ စဘီးဟာ ကျောင်စဗားနီလေဟို ဆွတ်ဂေဟယ်။ **24** ဖာရိရဲလေဟ “ဒန်းနေမာ လောက်အပ်ဘဲဟူ ဇာဟို ကိုယ်တော်ရဲ့ တဗွဲတော်လေဟ ပြားဖြစ်ကြောန့် လောက်ဂေရနဲ့” ဆိုဘီး ယေရှုဟို မေးဂေဟယ်။ **25** ယေရှုဟ “ဒါဝိဒ်ဟ စားဟို တခုခု လိုအပ်လာဟူ ခီမာ သူဟာ ဖယ်မျိုးလောက်ဟားဇာဟို နန့်နီ လောင်းဝ ဖတ်ဖူးဂေဟလော။ သူန သူရဲ့ လူလေဟာ ဗိုက်ဆာလာဟူကြောန့် **26** သူဟာ ဘုရားသခင်ရဲ့ အီတော်ထဲဟို ဝမ်ဟားဘီး ဘုရားသခင်ဟို ဆစ်ကပ်ဟားဟူ မုဟို စားဂေဟယ်။ အယ်ဇာဟာ ယဇ်ပုရောဟိတ်မန်း အဗျာသာလတ်ထတ်မာ ဖြစ်ပျစ်ဟားဟယ်။ နီလေရဲ့ ပညတ်တရား တိုင်းဆိုဟာ အယ်မုဟို ယဇ်ပုရောဟိတ်လေဘဲ စားခွမ်ရှိဟယ်။ အယ်ဘေမဲ့ ဒါဝိဒ်ဟ အယ်မုဟို စားဘီးဟာ သူရဲ့ လူလေဟိုလည်း ပေးလေဟယ်” ဆိုဘီး မိန့်တော်မူလေဟယ်။ **27** အယ်ဘီးန ယေရှုဟာ “ဒန်းနေဟာ လူလေတွပ်ဘဲ ဖြစ်ဟယ်။ လူဟာ ဒန်းနေတွပ်ဖြစ်ဇာ မူဟု။ **28** အယ်ကြောန့် လူရဲ့သားဟာ ဒန်းနေရဲ့ သခင်ဖြစ်ဟယ်” ဆိုဘီး သူးနီလေဟို မိန့်တော်မူလေဟယ်။

3 ယေရှုဟာ ဝါလယ်ဇရပ်ထဲဟို့ ပွန်ဝမ်ဟားဘီးဟာ အယ်နေရာမာ လတ်တဖတ်သေနေဟူ လူတယော့-က်ရှိနေဟယ်။

2 လူလေဟာ ယေရှုဟို့ စွတ်စွဲဟို့တွပ် အယ်လူဟို့ ဒန်းနေမာ နာပျော့-က်စေမယ်၊ ပျော့-က်စေဟု ဆိုဇာဟို့ နီးကပ် စောန်ကွေနေဂေဟယ်။ **3** ယေရှုဟာ အယ်လူဟို့ “လူလေ ဂူလောင်းရှေမာ ထဒန်လိုက်” ဆိုဘီး မိန့်တော်မူလေဟယ်။ **4** အယ်ဘီးန ယေရှုဟာ “နို့လေရဲ့ ပညတ်တော်ဟု ဒန်းနေမာ ကောန်းဇာလောက်ဟို့လော။ ဆိုးဇာလောက်အပ်ဘဲ့လော။ လူသတ်ဟို့ ကယ်အပ်ဘဲ့လော။ သတ်အပ်ဘဲ့လော” ဆိုဘီး သူးနို့ဟို့ မေးတော်မူလေဟယ်။ အယ်ဘေမဲ့ သူးနို့ဟာ တိတိဟားဘဲ့ နေဂေဟယ်။ **5** ယေရှုဟာ ဒေါသထွပ်ဘီးဟာ သူးနို့လေဟို့ လှည့်ပတ်ကော့ဘီး သူးနို့ရဲ့ စိန်လောင်းမာကြောဟူကြောန့် ရရာတိုင်း ဝမ်းနံဘီး လတ်သေနေလူဟို့ “နန့်လတ်ဟို့ ဆန်လိုက်” ဆိုဘီး မိန့်တော်မူလေဟယ်။ သူဟုလည်း လတ်ဟို့ ဆန်လိုက်ဟူ ခီမာ သူလတ်ဟာ ကောန်းတိုင်း ပွန်ဖြစ်ဟားလေဟယ်။ **6** ဗာရိရှဲလေဟာ ဝါလယ်ဇရပ်ဟု ထွပ်ဟားဂေဘီး ယေရှုဟို့သတ်ဟို့ နည်းလမ်းလေဟို့ ဟေရုဒ်ဖွဲ့ဝမ်လေန ရှစ်ရှင်းဘဲ့ တိုင်ဗန်ဂေဟယ်။ **7** ယေရှုဟာ တဗဲတော်လေနတူးဒူ ဂါလိလဲအိုင် ယုဒပြည်ဟို့ သွားလေဟယ်။ အယ်ဘီးန လူအောက်ကီးဟာ ကိုယ်တော်နော့-က်ဟို့ လိုက်ဂေဟယ်။ သူးနို့လေဟု ဂါလိလဲပြည်၊ ယုဒပြည်၊ **8** ယေရုရှလင်မြို့၊ ကွဒုမဲပြည်၊ ယောဒန်မွစ်ရဲ့ ဟိုဖတ်ကမ်း၊ တုရနဇိဒန်မြို့ နီးနားရပ်ဝါလေဟု လူလေဟာ ယေရှုလောက်ဟားဟူ မူရာလေဟို့ ကြားဟူ ခီမာ သူးနို့ဟာ ကိုယ်တော်နားဟို့ လာဂေဟယ်။ **9** လူအောက်ဟာ ရရာတိုင်းကီးဟူကြောန့် ယေရှုဟု သူဟို့လူလေ တိုက်မိဘဲနေအောန် လေတစီးဟို့ သူတွပ်ဆင်သင့်လောက်ဟားဟို့ တဗဲတော်လေဟို့ မိန့်မာဟားဟယ်။ **10** ကိုယ်တော်ဟာ လူနာဘောင်ဂီးဟို့ ကျန်းမာစေပီးဘိ ဖြစ်ဟူကြောန့် ရောဂါရှိနေဟူ လူလေဟု ကိုယ်တော်ဟို့ ထိရဟို့တွပ် တိုးဝမ်လာဂေဟယ်။ **11** ညစ်ညူးဟူ နတ်လေဟု ကိုယ်တော်ဟို့ ဗြင်ဟူ ခီမာ ကိုယ်တော်ရှေမာ ပျပ်ဝပ်ဘီးဟာ “ကိုယ်တော်ဟာ ဘုရားသခင်ရဲ့ သားတော်ဖြစ်ဟယ်!” ဆိုဘီး အော်ဟစ်ဂေဟယ်။ **12** ယေရှုဟု သူဖယ်သူ ဖြစ်ဟယ် ဆိုဇာ ပြောဘဲနေဟို့တွပ် ညစ်ညူးဟူ နတ်လေဟို့ မိန့်ပေးလေဟယ်။ **13** အယ်ဘီးန ယေရှုဟာ တောန်ထတ်ဟို့ ကြွဟားဘီး လိုရှင်ဟု လူလေဟို့ ခေါ်လိုက်လေဟယ်။ သူးနို့ဟာ ကိုယ်တော်နားဟို့ လာဂေဟယ်။ **14** ကိုယ်တော်ဟု ဆယ့်နှေပါးဟို့ ဝီးလိုက်ဘီး တမန်တော်လေ ဆိုဘီး ခေါ်လေဟယ်။ ကိုယ်တော်ဟု “နန်းနို့လေဟို့ ငါနတူးဒူရှိဟို့တွပ် ဝီးကော့-က်ဟားဟယ်။ နန်းနို့လေဟို့ ကြေညာဟို့တွပ်လည်း ငါလွတ်မယ်။ **15** နတ်ဆိုးလေဟို့ နန်ထုနိုင်ဟူ ခွမ်အာဏာဟို့လည်း ငါပေးမယ်” ဆိုဘီး မိန့်တော်မူလေဟယ်။ **16** ကိုယ်တော် ဝီးကော့-က်ဟားဟူ ဆယ့်နှေပါးဟု ပေတရု ဆိုဘီး ယေရှုဟု နာမယ်ပေးဟားဟူ ရှိမုန်၊ **17** ဇေဗေဒဲရဲ့ သားနေယော့က်ဖြစ်ဟူ ယာကုပ်နု သူ ညီယောဟန် (မိုးကြိုးရဲ့ သားလေ ဆိုဘီး မိပါယ်ရှိဟူ ဗောနေရဂတ် ဆိုဘီး ယေရှုဟု နာမယ်ပေးဟားဟယ်)၊ **18** အဇြွေ၊ ဖိလိပ္ပူ၊ ဗာသောလမ်း၊ မသု၊ သောမ၊ အာလဖဲရဲသား ယာကုပ်၊ သဒ္ဒါ၊ မျိုးရှစ်စိ အားထတ်သန်ဟူ ရှိမုန်နု၊ **19** ယေရှုဟို့ သစ်စာဖော့-က်ဟူ ယုဒရှကာရတ် ဖြစ်ဟယ်။ **20** အယ်ဘီးန ယေရှုဟု အိဟို့ ပွန်ဟားဟယ်။ လူအောက်ကီးဟာ ပွန်ဘီးဟာ စုလာဂေဟူကြောန့် ယေရှုနု တဗဲတော်လေဟု စာစားဟို့ခီ မေ့ဟုမီး။ **21** လူလေဟု “ကိုယ်တော်ဟာ စိဖော့-က်ယွန်ဟားဘိ” ဆိုဘီး ပြောနေဂေဟူကြောန့် ကိုယ်တော်ရဲ့ မိသားစုဟာ အယ်ကြောန်းဟို့ ကြားဟူ ခီမာ သူးနို့ဟာ ကိုယ်တော်ဟို့ ထီးသီးဟို့တွပ် လိုက်လာဂေဟယ်။ **22** ယေရုရှလင်မြို့ဟုနေ ရော့-က်လာဟူ ကျမ်းတတ်ဆရာလေ တချို့ဟု “ကိုယ်တော်ဟာ ဗေလဇေဗုလနတ် ပူးနေဟယ်၊ နတ်ဆိုးမန်းဟု ပေးဟားဟူ တဂိုးအားဖြင့် နတ်ဆိုးလေဟို့ နန်ထုဟယ်” ဆိုဘီး ပြောဂေဟယ်။ **23** အယ်ကြောန့် ယေရှုဟာ သူးနို့လေဟို့ ခေါ်ဘီးဟာ ဥပမာဆောန်ဘီး ပြောလိုက်ဇာဟု “စာတန်ဟု စာတန်ဟို့ ဖယ်မျိုး နန်ထုနိုင်ဟို့နူး။ **24** နိုင်ငံတနိုင်ငံဟာ အောက်စု တစုနတစု တိုက်ခိုက်ဘီး ကွဲပြားနေမယ် ဆိုဟာ အယ်နိုင်ငံဟာ ဖယ်မျိုးလည်း ရပ်တည်နိုင်ဟို့ မူဟု။ **25** အီသူးအီသားလေဟာလည်း အောက်စု တစုနတစု တိုက်ခိုက်ဘီး ကွဲပြားနေမယ် ဆိုဟာ အယ်မိသားစုဟာ ဖယ်မျိုးလည်း ရပ်တည်နိုင်ဟို့ မူဟု။ **26** အယ်မျိုးဘဲ့ စာတန်ရဲ့ နိုင်ငံဟာ အောက်စုလေ ကွဲပြားနေမယ် ဆိုဟာ အယ်နိုင်ငံဟာ ရပ်တည်နိုင်ဘဲန ပျစ်စီးဟားလေမယ်။ **27** “ခွန်အားကီးဟူ လူဟို့ ရင်ဦးဆောင်း တောက်ဘဲန ဖယ်သူလည်း ခွန်အားကီးဟူ

လူရဲ့ အိပ်တိုင်းဟာ သူ့အောက်စာလေဟို လူယူနိုင်တိုင်း မှုဟာ။ သူတို့ တောက်ဘီးမှဘဲ သူရဲ့ အိပ်တို လူယူနိုင်မယ်။ **28** “နန်းနို့ဟို ငါ မှန်တိုင်းပြောမယ်၊ လူလေဟာ သူ့နို့ရဲ့ ပြစ်ရှိမျှန ဘုရားသခင်ဟို စော်ကားပြောဆိုဇာလေ အားလောင်းတွင် ခွင့်လွှတ်ခံရမယ်။ **29** အယ်ဘောမဲ့ ဖယ်သူဘဲဖြစ်ဖြစ် သန့်ရှင်းဟူညီတော်ဟို ပြစ်မှားဘီး ပြောဆိုမယ် ဆိုဟာ လောင်းဝ ပြစ်လွှတ်လေမယ် မှုဟာ။ ဖြားဖြစ်ကြောန်းနူးဆိုဟာ သူဟာ ထာဝရဖြစ်ဟို ကျူးလွန်ဟူကြောန်း ဖြစ်ဟယ်။” (aion g165, aionios g166) **30** ယေရှု အယ်မျိုး ပြောလိုက်ဇာဟာ လူတချို့ဟု “ကိုယ်တော်ထဲမှာ ညစ်ညူးဟု နတ်ရှိနေဟယ်” ဆိုဘီး ပြောနေဂေဟူကြောန်း ဖြစ်ဟယ်။ **31** ယေရှုရဲ့ မိန ညီလေဟာ ရော့-က်လာဂေဟယ်။ သူ့နို့ဟာ အိပ်နွမ်းမာ ရပ်နေဘီးဟာ ကိုယ်တော်ဟို ခေါ်တို့တွင် ယော့-က်ယော့-က်ဟို စေလွှတ်လေဟယ်။ **32** လူအောက်ဂီးဟု ယေရှုရဲ့ ဘေးပတ်ပတ်လည်မှာ ထိုင်နေဂေဟယ်။ သူ့နို့ဟု “ကိုယ်တော်ရဲ့ မိ၊ ညီလေန ညီမလေဟု ယွန်မာရှိဟယ်။ သူ့နို့ဟာ ကိုယ်တော်ဟို တွဲရှင်နေဂေဟယ်” ဆိုဘီး ကိုယ်တော်ဟို လျော့-က်ဂေလေဟယ်။ **33** ယေရှုဟု “ငါ့မိဟု ဖယ်သူနူး။ ငါ့ညီကိုလေဟု ဖယ်သူနူး” ဆိုဘီး ယွန်ဘီး မိန့်တော်မူလေဟယ်။ **34** ကိုယ်တော်ဟာ သူပတ်ပတ်လည်မှာ ထိုင်နေဟူ လူလေဟို ကေဘီးဟာ “အယ်လူလေဟာ ငါ့မိ၊ ငါ့ညီ၊ ငါ့ညီမ ဖြစ်ဟယ်။ **35** ဘုရားသခင်ရဲ့ လိုတော်ဟို ဆောန်ဟူလူဟာ ငါ့ညီ၊ ငါ့ညီမန ငါ့မိဘဲ ဖြစ်ဟယ်” ဆိုဘီး မိန့်တော်မူလေဟယ်။

4 နော့-က်တခါ ယေရှုဟု ဂါလိလဲအိုင်ဘေးမှာ စဘီးဟာ သွန်သန်လေဟယ်။ ရရာတိုင်းများဟူ လူအောက်ဂီးဟာ ကိုယ်တော်နားမှာ စုလာဂေဟူကြောန်း ကိုယ်တော်ဟာ အိုင်ထဲမှာရှိဟူ လေတစင်းထတ်မှာ တတ်ထိုင်လိုက်ဟယ်။ လှေဟာ ရေယွန်မာ ရှိနေဟူကြောန်း လူအောက်ဂီးဟု ကမ်းခြေရေစပ်မှာ ရှိနေဂေဟယ်။ **2** ကိုယ်တော်ဟု ပေါင်ဥပမာဆောန်ဘီးဟာ ကြောန်းရာလေဘောင်ဂီးဟို သွန်သန်ဘီး ပြောနေဇာဟု။ **3** “နားထောန်ဂေ၊ မျိုးစေ့ကြဲမား တယော့-က်ဟာ မျိုးစေ့ကြဲဟို ထွပ်ဟားလေဟယ်။ **4** မျိုးစေ့ကြဲလိုက်ဟူ ခီမာ တချို့ စေ့လေဟု လမ်းမာကွဘီး ငုတ်လေဟာ လာကော့-က်စားလေဟယ်။ **5** တချို့ စေ့လေဟု မွေဆီလွှာနဲဘီး ကော့-က်ခဲများဟူ နေရာမာကွလေဟယ်။ မျိုးစေ့လေဟာ မွေသားနဲဟူကြောန်း ဗြန်းဗြန်ဟား ပန်ပေါ့-က်လာဟယ်။ **6** အယ်ဘောမဲ့ နေပူဟူ ခီမာ ပြစ်စွဲဘဲကြောန်း ညှိုးဘီးဟာ ခြော့-က်ဟားလေဟယ်။ **7** တချို့ မျိုးစေ့လေဟု ဆူးချောင်ထဲမှာ ကွဟားဘီး ဆူးဗန်လေဟု ကီးလာဘီးဟာ ပန်လေဟို အောက်လိုက်ဟူကြောန်း သီးလေဟု သီးနိုင်ဟုမီး။ **8** တချို့ စေ့လေဟု ကောန်းဟူမွေမာ ကွဟူကြောန်း ပန်လေပေါ့-က်လာဘီး ကီးလာဘီးဟာ သီးနံလေဟာ တချို့ဟု ဆသောင်းဆယ်၊ တချို့ဟု ဆခြော့-က်ဆယ်၊ တချို့ဟု ဆတရာသီးလေဟယ်” ဆိုဘီး မိန့်တော်မူလေဟယ်။ **9** အယ်ဘီးန ယေရှုဟု “နန်းနို့မာ နားရှိဟယ် ဆိုဟာ ကြားဂေ!” ဆိုဘီး မိန့်တော်မူလေဟယ်။ **10** ယေရှုတယော့-က်ဒဲဘဲ ရှိဟူ ခီမာ တပွဲတော် ဆယ့်နှေပါးနတူးဒု လိုက်လာဟူလူလေဟု ပေါင်ဥပမာရဲ့ ဓိပါယ်ဟို မေးဂေဟယ်။ **11** ယေရှုဟု “နန်းနို့လေဟု ဘုရားသခင်ရဲ့ နိုင်ငံတော်နဆိုင်ဟူ နတ်နဲဟူ ကြောန်းရာလေဟို သိခွင့်ရှိဟယ်။ အယ်ဘောမဲ့ ယွန်လူလေတွင် ကြောန်းရာလေဟို ပေါင်ဥပမာလေနဘဲ ဖော်ပြဂေဟယ်” **12** ဖြားဖြစ်ကြောန်းနူးဆိုဟာ “သူ့နို့လေဟု ဗြင်းဗြင်ဟီးန ဗြင်ဟု။ သူ့နို့လေဟာ နားလည်းလည်ဟီးန နားလည်ဂေဟု။ သူ့နို့ဟာ တကယ်ဗြင်ဘီးဟာ နားလည်ဟားမယ် ဆိုဟာ သူ့နို့ဟာ ဘုရားသခင်ဖတ်ဟို လှည့်ဟားဟူကြောန်း ကိုယ်တော်ဟု သူ့နို့ဟို ခွင့်လွှတ်လေမယ်” ဆိုဘီး မိန့်တော်မူလေဟယ်။ **13** ယေရှုဟု “နန်းနို့ဟု အယ်ပေါင်ဥပမာဟို နားလည်ဟလော။ အယ်ဆိုဟာ တခြားပေါင်ဥပမာလေဟို ဖယ်မျိုး နားလည်နိုင်ဟိုနူး။ **14** မျိုးစေ့ကြဲမားဟု ဘုရားသခင်ရဲ့ စကားတော်ဟို ကြံလေဟယ်။ **15** လူတချို့ဟာ လမ်းထတ်မာကွဟူ မျိုးစေ့နတူဘီး သူ့နို့ဟာ တရားစကားဟို ကြားဟူ ခီမာ စာတန်ဟု လာဘီးဟာ အယ်မူတရားစကားဟို နှုယူလေဟယ်။ **16** တချို့ လူလေဟု ကော့-က်ခဲပေါဟူ မွေမာကွဟူ မျိုးစေ့နတူဟယ်။ သူ့နို့လေဟု တရားစကားဟို ကြားဟူ ခီမာ သူ့နို့ဟာ ဝန်းသာအားရ လတ်ခဲဂေဟယ်။ **17** အယ်ဘောမဲ့ တရားစကားဟာ သူ့နို့ထဲမှာ ပြစ်စွဲဘဲန ရှစ်ဟားဘဲ ခံလေဟယ်။ အယ်မူတရားစကားကြောန်း ဒေါက်ခန နှိစစ်ညှဉ်းဆဲဇာလေ တွဲဂေဟူ ခီမာ သူ့နို့လေဟု ရှစ်ရှင်းဘဲ ဖော့-က်ယွန်ဟားဂေဟယ်။ **18** တခြားလူလေဟု ဆူးချောင်မာကွဟူ မျိုးစေ့နတူဟယ်။

သူးနီလေဟု တရားစကားဟို့ ကြားရဟယ်။ 19 အယ်ဘောမဲ့ ဘဝရဲ့ စိုးရိမ်ရှင်းလေ၊ စည်းဇိမ်အောက်စာရဲ့ လှည့်စားရှင်းလေန တခြားတပ်မတ်ရှင်းလေ ဝမ်လာဘီး အယ်မူတရားစကားဟို့ လွှမ်းမိုးလိုက်ဟူကြောန့် တရားစကားဟာ ဖယ်မျိုးလည်း သီးဟို့ သီးနိုင်ဟွမ်း။ (aiñ g165) 20 တချို့လူလေဟု ကောန်းဟူမွေမာက္ခဟူ မျိုးစေ့တူဟယ်။ သူးနီဟု တရားစကားဟို့ ကြားဘီး လတ်ခံဟူကြောန့် တချို့ဟု ဆသောင်းဆယ်၊ တချို့ဟု ဆခြော-က်ဆယ်၊ တချို့ဟု ဆတရာ သီးသီးလာဟယ်” ဆိုဘီး ပြောလေဟယ်။ 21 ယေရှုဟု “ဖယ်လူဟု ဆီမီးအီဟို့ ယူလာဘီးဟာ တောန်းအော့-က်မာ ထားဟားမယ်နူး။ ကဒန်အော့-က်မာ ထားဟားမယ်နူး။ အယ်မျိုးထားမယ့်စား အယ်ဇာဟို့ ဆီမီးခေါင်ထတ်မာ ထားဟားရမယ် မူဟုလော။ 22 ဝပ်ဟားဟူဇာလေ ဂူလောင်း ပေါ်လာလေမယ်။ ဖောင်းဟားဟူဇာလေ ဂူလောင်းဟာလည်း ပွမ့်လာလေမယ်။ 23 နန်းနီမာ နားရှိဟယ် ဆိုဟာ ကြားဂေ!” ဆိုဘီး သူးနီဟို့ မိန့်တော်မူလေဟယ်။ 24 အယ်ခီမာ ယေရှုဟု “နန်းနီ ကြားရဇာလေဟို့ ဂရုစိုက်ဘီးဟာ နားထောန်ဂေ! နန်းနီဟာ သူများလေဟို့ ပေးဟူ မမာဏတိုင်း ဘုရားသခင်ဟု နန်းနီဟို့ ပေးလေမယ်။ ပိုဘီး ဟာ ပေးလေမယ်။ 25 ရှိဟူလူဟို့ ထပ်ပေးဘီး သူဟို့ ကြယ်ဝစေလေမယ်။ မေ့ဘဲဟူ လူနားဟု ရှိဟူမျှဟို့ နှလေမယ်” ဆိုဘီး မိန့်တော်မူလေဟယ်။ 26 ယေရှုဟု ဆစ်ဘီးဟာပြောဇာဟု “ဘုရားသခင်ရဲ့ နိုင်ငံတော်ဟာ သူရဲလယ်ထဲမာ မျိုးစေ့ကြဲဟူ လူတယော့-က်နတူဟယ်။ 27 သူဟု ညခီမာ အိလိုက်၊ နေ့ခီမာ နိုးနေဒူးမာ၊ မျိုးစေ့လေ ဂူလောင်းဟာ ပန်ပေါ-က်လာဘီး ကီးလာဟယ်။ အယ်ဘောမဲ့ အယ်ဇာ ဖယ်မျိုးဖြစ်လာဟယ် ဆိုဇာဟို့ အယ်လူဟာ သိဟူ။ 28 မွေဂီးဟု သူလိုလို ပန်လေဟို့ ကီးစေဘီး သီးသီးလာဇာဟု ဦးဆောင်းမာ ညွန့်ထွပ်လာဟယ်။ အယ်ဘီးန ဗားနဲ့ နော့-က်ဆောင်းမာ နံ့ထဲမာ အောန်ဟူဆန်။ 29 ဗားနီလေ မှည့်ဟူ ခီမာ ဗားရိခီ ရော့-က်လာဟူကြောန့် အယ်လူဟု ဗားဟို့ စဘီးဟာ ဇန်နရီဟယ်” ဆိုဘီး မိန့်တော်မူလေဟယ်။ 30 ယေရှုဟု “ဘုရားသခင်ရဲ့ နိုင်ငံတော်ဟာ ဖြားဇာနတူဟယ် ဆိုဘီး နီလေဟု ပြောရမယ်နူး။ ဖယ်မျိုးပေါင်ဥပမာဟို့ သောင်းပြုဘီး အယ်ဇာဟို့ နီလေဟု ရှင်းပြရဟို့နူး။ 31 အယ်ဇာဟု မုညင်းစေ့တူဟယ်။ လူတယော့-က်ဟာ ကမ္ဘာမာ ငယ်ဆောင်းစေ့ဟို့ ယူဘီးဟာ မွေဂီးမာ စိုက်လေဟယ်။ 32 အယ်ဘောမဲ့ အယ်ပန်ဟာ ကီးလာဟူ ခီမာ သီးနီပန်လေ ဂူလောင်းထဲမာ ကီးဆောင်းဖြစ်လာဟယ်။ ကိုင်းခတ်ကီးလေလည်း ထွပ်လာဘီး ကောန်းဂန်ဟု ငှတ်လေဟာ လာဘီး အယ်ပန်ရဲရိမာ သူးနီရဲသိုက်ဟို့ လောက်ဂေဟယ်” ဆိုဘီး မိန့်တော်မူလေဟယ်။ 33 ယေရှုဟာ အယ်မျိုး တခြား ပေါင်ဥပမာ ဘောင်ဂီးဟို့ သောင်းပြုဘီး သူးနီဟို့ တရားစကားဟို့ ဟောလေဟယ်။ အယ်လူလေ နားလည်နိုင်အောန် ပြောလေဟယ်။ 34 ကိုယ်တော်ဟာ ပေါင်ဥပမာလေ သောင်းဘဲန သူးနီဟို့ ဟောတော်မူဟူ။ အယ်ဘောမဲ့ ကိုယ်တော်ဟာ တဗွဲတော်လေနတူးဒု သီးသန့်ရှိနေဟူ ခီမာ ကိုယ်တော်ဟာ ဂူလောင်းဟို့ သူးနီဟို့ ရှင်းပြလေဟယ်။ 35 အယ်နေ နေဒန်ဇာမာ ယေရှုဟု “အိုင်ရဲ့ ဟို့ဖတ်ကမ်းဟို့ ကူးဂေဇွီ” ဆိုဘီး တဗွဲတော်လေဟို့ မိန့်တော်မူလေဟယ်။ 36 အယ်ကြောန့် သူးနီဟာ လူအောက်ဂီးဟို့ ထားရစ်ဘီးဟာ တဗွဲတော်လေဟာ လှေထတ်မာထိုင်နေဟူ ယေရှုဟို့ သူးနီနတူးဒု ခေါ်ဟားဂေဟယ်။ အယ်နေရာမာ တခြားလေလည်း ကိုယ်တော်နတူးဒု လိုက်ဟားဂေဟယ်။ 37 ရော့က်တရစ် ပြင်းထန်ဟူ လေမောန်တိုင်းဣလာဘီး လှိုင်းလေဟာ လေဟို့ စဘီးဟာ ရိုက်လေဟယ်။ အယ်ကြောန့် လေဟာ ရေနဲ့ပွဲခါနီးနီး ဖြစ်ဟားဟယ်။ 38 ယေရှုဟု လှေရဲပဲ့မာ ခေါန်းအောင်း အောင်းဘီး အိနေဟယ်။ တဗွဲတော်လေဟု ကိုယ်တော်ဟို့ နီးဂေဘီး “ဆရာ၊ ကျွန်တော့်ဟားလေ သေဟို့ဖြစ်နေဂေဇာဟို့ ကိုယ်တော် ဂရုစိုက်ဘဲနနေဟို့လော” ဆိုဘီး လျှော့-က်ဂေလေဟယ်။ 39 ယေရှုဟု ထလာဘီးန လေနလိုင်းဟို့ မိန့်မာဟူ ခီမာ လေနလိုင်းလည်း ငြိဟားဘီး သာယာဟားလေဟယ်။ 40 အယ်ဘီးန ယေရှုဟု တဗွဲတော်လေဟို့ “ဖြားဖြစ်ကြောန့် နန်းနီလေ ကြော့-က်နေဂေနူး။ ခုထတ်ထိ နန်းနီလေဟု ယောင်ကြည်ရှင်း မေ့သေးဟုလော” ဆိုဘီး မေးမြန်းလေဟယ်။ 41 အယ်ဘောမဲ့ သူးနီလေဟု ရရာတိုင်း ကြော့-က်နေဂေဘီး “အယ်လူဟု ဖယ်သူနူး။ လေနလိုင်းလေတောန်မှ သူဟို့ နားထောန်ဂေဟယ်!” ဆိုဘီး သူးနီရှင်းရှင်း စဘီးဟာ ပြောနေဂေဟယ်။

5 ယေရှု တဗွဲတော်လေဟာ ဂါလိလဲအိုင်ရဲ့ ဟို့ဖတ်ကမ်းမာရှိဟူ ဂါဒရေဒသဟို့ ရော့-က်လာဂေဟယ်။ 2 ယေရှုဟု လှေထဲဟု ထွပ်လာဟူ ခီမာ လူတယော့-က်ဟာ သန်းညိုင်းထဲဟုန ထွပ်လာဘီး ကိုယ်တော်ဟို့ တို့ဆောင်လေဟယ်။

အယ်လူဟာ ညစ်ညူးဟူနတ် ဝမ်ပူးနေဘီး 3 သန်းခွိုင်းဂူလေ ကြားမာနေဟယ်။ ဖယ်သုလဲ သူ့ဟို တောက်နိုင်ဂေဟဲ့။ သံကြိုးနဟိုမှ ခယ်ဟားနိုင်ဂေဟဲ့။ 4 သူ့ရဲ့ ခေလေနလတ်လေဟို ခါဘီးခါ ခယ်ဖူးဂေဟယ်။ အယ်ဘေမဲ့ သူဟာ ခီတိုင်း သံကြိုးလေဟို ဆွဲဖြတ်ဘီး ခေရှင်းလေဟိုလည်း ဆွဲဖွဲလေဟယ်။ သူဟာ ရရာတိုင်း ခွန်အားကီးဟူကြောန့် ဖယ်သုလည်း ထီးချောက်နိုင်ဂေဟဲ့။ 5 နေရောညဉ့်ရော သူဟာ သန်းခွိုင်းဂူကြားလေန တောန်ဂူးထပ်လေမာ ရှော့-က်သွားနေဘီး၊ အော်ဘီးဟာ သူ့ကိုယ်သူ ထတ်ဟူကွော့-က်တောင်းလေန လိုးဖြတ်နေဟယ်။ 6 သူဟာ ယေရှုဟို ဝီးဟုနေ ဗြင်ဟူ ခီမာ ပွေးလာဘီးဟာ ကိုယ်တော်ရဲ့ ခေတော်ရင်းမာ ဟွားဟွားပျပ်ဝပ်ဘီး 7 “ဗြစ်ဆောင်းဖြစ်ဟူ ဘုရားသခင်ရဲ့ သားတော်ယေရှု! ကိုယ်တော်ဟာ ကျွန်တော့်န ဖြားဆိုင်ကြောန့်နဲ့။ ကျွန်တော့်ဟို ညဉ်းဆပ်န ဘုရားသခင်ဟို အားကိုးဘီးဟာ ကိုယ်တော်ဟို ကျွန်တော်တောန်းဗန်ဟယ်!” ဆိုဘီး သံကွယ်ဂီးန လျော့-က်လေဟယ်။ 8 သူ့အယ်မျိုးပြောဇာဟာ ယေရှုဟာ “ညစ်ညူးဟူနတ်၊ အယ်လူထဲဟုနေ ထွပ်ဟာ!” ဆိုဘီး ပြောဟားဟူကြောန့် ဖြစ်ဟယ်။ 9 ယေရှုဟာ “နန်းနိနာမယ် ဖြားမျိုးခေါ်နဲ့” ဆိုဘီး မေးလိုက်ဟယ်။ အယ်လူဟာ “ကျွန်တော့်လေဟာ ဘောင်ဂီးဖြစ်ဟူကြောန့် ‘လေဂေါင်၊ ‘လူအောက်ဂီး’ ဆိုဘီး ခေါ်ဂေဟယ်!” ဆိုဘီး ယေရှုဟို ယွန်ပြောလိုက်ဟယ်။ 10 ညစ်ညူးဟူနတ် ပူးနေဟူသူဟာ နတ်ဆိုးလေဟို အယ်နယ်ဟုနေဘီးဟာ နှန်ထုဘဲနေဟိုတွပ် ယေရှုဟို တောန်းဗန်လေဟယ်။ 11 အယ်ခီမာ တောန်ဂူးထတ်မာ ဝပ်အောက်ဂီးဟာ စာစားနေဂေဟယ်။ 12 နတ်ဆိုးလေဟုလည်း “ကျွန်တော့်လေဟို အယ်ဝပ်လေထဲဟို စေလွှတ်ပေးပါ။ သူးခိုထဲဟို ဝမ်ခွမ်ပေးပါ” ဆိုဘီး ယေရှုဟို တောန်းဗန်ဂေဟယ်။ 13 ယေရှုဟာ ခွမ်ပေးလိုက်ဟူကြောန့် ညစ်ညူးဟူ နတ်လေဟာ ထွပ်ဟားဘီး ဝပ်လေထဲဟို ဝမ်ဂေလေဟယ်။ ၂,၀၀၀ လော့-က်ရှိဟူ ဝပ်အောက်ဂီးဟာ အိုင်ကမ်းနားဟို ပွေးဆင်းဟားဘီး ရေမွှောက်ဘီးဟာ သေဟားလေဟယ်။ 14 ဝပ်ထီးမားလေဟာ ထွပ်ပွေးဟားဘီး ဖြို့န တောဝါလေန့် အယ်ဒန်းဟို လိုက်ပြောဂေဟယ်။ လူလေဟာ ဖြားဇာလေ ဖြစ်ဟားဟယ် ဆိုဇာဟို ကော့ဟို ထွပ်လာဂေဟယ်။ 15 သူးခိုလေဟာ ယေရှုနားဟို ရော့-က်လာဟူ ခီမာ သူးခိုလေဟာ လေဂေါင်နတ်ဆိုးလေ ပူးခံရဟူလူဟို တွဲဟားလေဟယ်။ အယ်လူဟာ ဝတ်ဟို ဝတ်ဟားဘီး ပေါင်မှန်စိန် အယ်နေရာမာ ထိုင်နေဟူကြောန့် သူးခိုလေ ဂူလောင်းဟာ ကြော့-က်နေဂေဟယ်။ 16 အယ်ဇာဟို ဗြင်ဟားဘီးဟူ လူလေဟာ နတ်ဆိုးပူးနေဟူ လူမာ ဖြားမျိုးဖြစ်ဟားဇာန ဝပ်လေရဲ့ ကြောန်းဟို အယ်လူလေဟို ပြောပြဂေဟယ်။ 17 အယ်ကြောန့် သူးခိုဟာ သူးခိုရဲ့ နယ်ဟုနေ ထွပ်ဟားဟိုတွပ် ယေရှုဟို တောန်းဗန်ဂေဟယ်။ 18 ယေရှုဟာ လှေထတ်ဟို တတ်နေဒူးမာ နတ်ဆိုးပူးဖူးဟူ လူဟာ “ကျွန်တော့်ဟို ကိုယ်တော်နတူးဒု သွားခွမ်ပေးပါ!” ဆိုဘီး ကိုယ်တော်ဟို တောန်းဗန်လေဟယ်။ 19 အယ်ဘေမဲ့ ယေရှုဟာ သူ့ဟို လိုက်ခွမ်ပေးဟဲ့။ အယ်မျိုးလိုက်ခွမ်ပေးမယ့်စား ကိုယ်တော်ဟာ “နန့်ရဲ့ မိသားစုနားဟို ယွန်သွားဘီး ဘုရားသခင်ဟာ နန့်တွပ် ဖယ်မျှလော့-က် လောက်ဆောန်ပေးဟားဇာန နန့်ဟို ဖယ်မျှသနားတော်မူကြောန်းဟို သူးခိုလေဟို ပြောပြပါ” ဆိုဘီး သူ့ဟို မိန့်တော်မူလေဟယ်။ 20 အယ်ကြောန့် အယ်လူဟာ ထွပ်ဟားဘီး ယေရှုဟာ သူ့တွပ် ဖြားဇာလေ လောက်ပေးဟားဟယ် ဆိုဇာဟို ဒေကာပေါလိနယ်မာ စဘီးဟောပြောလေဟယ်။ အယ်ကြောန်းဟို ကြားရဟူလူလေ ဂူလောင်းဟာ အံ့ဩဂေဟယ်။ 21 ယေရှုဟာ အိုင်ရဲ့ ဟို့ဖတ်ကမ်းဟို လေန ယွန်ကူးဟားလေဟယ်။ အိုင်ဘေးနားမာ လူအောက်ဂီးဟာ ကိုယ်တော်ပတ်လည်မာ စုလာဂေဟယ်။ 22 ယာကူရ နာမယ်ရှိဟူ ဝါလယ်ဇရပ်မူး တယော့-က်ဟာ ရော့-က်လာဘီးဟာ ယေရှုဟို ဗြင်ဟူ ခီမာ သူဟာ ကိုယ်တော်ခေရင်းမာ ဒူးထော့-က်ဘီး၊ 23 “ကျွန်တော့်သမီးငယ်ဟာ သေခါနီး ဖြစ်နေဟယ်။ ကြွလာဘီးဟာ သူ့ထတ်မာ ကိုယ်တော်ရဲ့ လတ်ဟို တန်တော်မူပါ။ အယ်ဆိုဟာ သူဟာ ကျန်းမာဘီး သတ်ရှင်လေမယ်!” ဆိုဘီး နူးညွတ် တောန်းဗန်လေဟယ်။ 24 အယ်ဆိုန ယေရှုဟာ သူ့နတူးဒု လိုက်ဟားဟယ်။ လူလေဘောင်ဂီးဟာ ယေရှုနတူးဒု လိုက်လာဟူကြောန့် သူးခိုဟာ ဘေးပတ်ပတ်လည်ဟုနေ ကိုယ်တော်ဟို တိုးဝေနေဂေဟယ်။ 25 အယ်နေရာမာ ဆယ့်နှေနှစ် လောင်းလောင်း သွီးသွန်ရောဂါဟို ပြင်းပြင်းထန်ထန် ခံစားနေရဟူ မီးမတယော့-က်ရှိဟယ်။ 26 သူဟာ ဆရာဝန်လေ ဘောင်ဂီးနလည်း ကုသဟားပီးဘီ။ သူ့ရဲ့ကပ်လေ ဂူလောင်းလည်း ကူဟားဘေမဲ့ သတ်သာလာဟို့ နေနေသာသာ

ရောဂါဟု ပိုဘီး ဆိုးလာဟုယ်။ 27 အယ်မီးမဟာ ယေရှုကြောန်းဟို ကြားဟားလေဟယ်။ အယ်ကြောန့် ဝတ်ဟို တို့ဟို့တွပ် ကိုယ်တော်နော့-က်ဟု လူအောက်ဂီးထဲဟို ရော့-က်လာဘီး 28 “ငါဟာ ကိုယ်တော့်ဝတ်ဟို တို့လိုက်မယ် ဆိုဟာ ငါဟာ ကျန်းမာဟားလေမယ်။” ဆိုဘီး သူ့ကိုယ်သူ ပြောနေလေဟယ်။ 29 သူဟာ ကိုယ်တော်ရဲ့ ဝတ်လောင်ဟို တို့လေဟယ်။ တို့လိုက်ဟူန သူ့ရဲ့ သွီးသွန်နေဇာလေဟာ ရှစ်ရှင်းဘဲ ရပ်ဟားဘီး၊ သူဟာ ရောဂါပျော့-က်ဟားဘီး ဆိုဇာဟို သူ့ကိုယ်ထဲမှာ ခံစားရနေဟယ်။ 30 ရှစ်ရှင်းဘဲ ယေရှုဟာ သူ့ကိုယ်ဟု တဂိုးထွပ်ဟားဇာဟို သိဟားကြောန့် လူအောက်ဂီးဝတ်ဟို လှည့်ဘီးဟာ “ငါဝတ်ဟို ဖယ်သူတို့နူး” ဆိုဘီး မေးလေဟယ်။ 31 တဗဲတော်လေဟု “လူလေဟု ကိုယ်တော့်ဟို တိုးဝှေ့နေဇာဟို ဗြင်းဗြင်းဟိုန၊ ‘ငါဟို ဖယ်သူတို့ဟယ်နူး’ ဆိုဘီး ခုထိ ကိုယ်တော်ဟာ မေးနိုင်သေးဟယ်” ဆိုဘီး ယွန်လျော့-က်လေဟယ်။ 32 အယ်ဘောမဲ့ ယေရှုဟာ အယ်ဇာဟို ဖယ်သူလောက်ဟယ် ဆိုဇာဟို ဗြင်းဟို့တွပ် ပတ်ပတ်လည်ဟို ကော့နေလေဟယ်။ 33 အယ်မီးမဟု သူ့မာ ဖြားမျိုးဖြစ်ဟားဇာဟို သိနားလည်ဟားဟယ်။ အယ်ကြောန့် သူဟာ ကြော့-က်ကြော့-က်လန့်လန့်န ကိုယ်တော့်ခေရင်းမာ ဒူးထော့-က်ဘီးဟာ မှန်တိုင်းပြောလေဟယ်။ 34 ယေရှုဟု “ငါသမီး၊ နန့်ရဲ့ ယောင်ကြည်ရှင်းဟာ နန့်ဟို ကျန်းမာစေဘိ။ ငြိသတ်ဘီးသွားပါ၊ နန့်ရဲ့ ဝေဒနာဟုန လွှတ်မြော့-က်စေ” ဆိုဘီး သူ့ဟို မိန့်တော်မူလေဟယ်။ 35 အယ်မျိုးပြောနေဒူးမာ ဝါလယ်ဇရပ်မူးရဲ့ အီဟု တမန်တချို့ဟာ ရော့-က်လာဘီး “ကိုယ်တော်ရဲ့ သမီးဟာ သေဟားဘိ။ ဖြားဖြစ်ကြောန့် ဆရာဟို နော့-က်ယှစ်နေသေးနူး” ဆိုဘီး သူးနို့ဟု ပြောလေဟယ်။ 36 ယေရှုဟု သူးနို့ ဖြားဇာဘဲပြောပြော ဂရုစိုက်ဟု။ အယ်ဘောမဲ့ “ကြော့-က်န၊ ယောင်ကြည်ပါ” ဆိုဘီး ဝါလယ်ဇရပ်မူးဟို ပြောလိုက်ဟယ်။ 37 အယ်ဘီးန ပေတရ၊ ယာကုပ်န သူညီ ယောဟန်ဟိုဘဲ ခေါ်ဘီးဟာ တခြားဖယ်သူဟို့လည်း လိုက်ခိုင်းဟု။ 38 သူးနို့ဟာ ဝါလယ်ဇရပ်မူးရဲ့ အီဟို ရော့-က်ဟု ခီမာ ယေရှုဟာ အောက်အောက်သဲသဲ ဖြစ်နေဇာလေဟို ဗြင်းဟားဘီး သူးနို့လေ ဂူလောင်းဟာ သံလွယ်ဟီး အော်ဘီး ငိုနေဇာလေဟို ကြားရလေဟယ်။ 39 ကိုယ်တော်ဟာ အီထဲဟို ဝမ်ဟားဘီး “ဖြားဖြစ်ကြောန့် နန့်နို့လေဟု အယ်မျိုး အောက်အောက်သဲသဲ လောက်နေဂေ့နူး။ ဖြားဖြစ်ကြောန့်နန့်နို့လေဟာ ငိုနေရဟယ်နူး။ အယ်မီးမဂန်းဟား သေနေဇာ မူဟု။ သူမဟာ အိဗိုနေဇာဖြစ်ဟယ်။” ဆိုဘီး သူးနို့ဟို မိန့်တော်မူလေဟယ်။ 40 အယ်လူလေဟု ကိုယ်တော့်ဟို ရယ်ဇားဂေ့ဟယ်။ အယ်ကြောန့် ကိုယ်တော်ဟာ သူးနို့လေ ဂူလောင်းဟို ယွန်ဟို ထွပ်ခိုင်းဘီးဟာ မီးမဂန်းဟားရဲ့ မိဖလေန ကိုယ်တော်နတူးဒု ပါလာဟူ တဗဲတော် သောင်းပါးဟို ခေါ်ဘီး မီးမဂန်းဟား ထားဟားဟူ နေရာဟို သွားလေဟယ်။ 41 ကိုယ်တော်ဟာ သူ့ရဲ့လတ်ဟို ကိုင်ဘီးဟာ “တလိသ ကုမိ” ဆိုဘီး သူ့ဟို ပြောလေဟယ် “မီးမငယ်၊ နန့်ဟို ငါပြောမယ်၊ ထလိုက်!” ဆိုဘီး မိပါယ်ရဟယ်။ 42 ရှစ်ရှင်းဘဲ သူဟု ထဘီးဟာ စဘီး ပတ်ပတ်လည် လမ်းရှော့-က်လေဟယ်။ (သူဟု သတ် ဆယ့်နေနှစ်ရှိဟယ်။) အယ်မျိုး ဖြစ်ပျစ်ဟားဟူ ခီမာ သူးနို့လေ ဂူလောင်းဟာ ရရာတိုင်း အံ့ဩဟားဂေ့ဟယ်။ 43 အယ်ဘောမဲ့ ယေရှုဟာ ဖယ်သူဟို့လည်း ပြောဘဲဟို့တွပ် သူးနို့ဟို တင်းတင်းကျပ်ကျပ်ဟား မိန့်ပေးလိုက်ဟယ်။ အယ်ဘီးဟာ “သူဟို စားဟို့တွပ် တခုခုပေးလိုက်ပါ” ဆိုဘီး မိန့်တော်မူလေဟယ်။

6 ယေရှုဟု အယ်နေရာဟုန ထွပ်ဟားဘီးန သူ့ဗြို့ဟို ယွန်ဟားလေဟယ်။ ကိုယ်တော်ရဲ့ တဗဲတော်လေလည်း လိုက်ဟားလေဟယ်။ 2 ဒန်းနေမာ ကိုယ်တော်ဟာ ဝါလယ်ဇရပ်မာ စဘီးဟာ သွန်သန်လေဟယ်။ အယ်နေရာမာ လူလေဘောင်ဂီး ရှိနေဘီး ကိုယ်တော် သွန်သန်ဇာလေဟို လူလေဟုကြားရခီမာ ရရာတိုင်း အံ့ဩဂေ့ဟယ်။ “အယ်ဇာလေ ဂူလောင်းဟို သူဟာ ဖယ်နေရာဟု ရဟားနူး” ဆိုဘီး သူးနို့ဟာ မေးလေဟယ်။ “သူဟို ပေးဟားဟူပညာဟု ဖယ်မျိုးပညာနူး။ သူဟာ အယ်နိမိတ်လတ်ခဏာလေဟို ဖယ်မျိုးလောက်နူး။ 3 သူဟာ လတ်သမား မူဟုလော။ မာရိရဲ့သား၊ ယာကုပ်၊ ယောသေ၊ ယုဒန ရှိမန်လေရဲ့နော့န မူဟုလော။ သူညီမလေဟု အယ်နားမာဘဲ နေဂေ့ဟယ် မူဟုလော။” အယ်ကြောန့် သူးနို့လေဟာ ကိုယ်တော့်ဟို ငြင်းပယ်ဂေ့လေဟယ်။ 4 ယေရှုဟုလည်း သူးနို့ဟို “ပရောဖက်လေဟာ သူးနို့ရဲ့ ဗြို့၊ သူးနို့ရဲ့ ရွှေမျိုးလေန သူးနို့ရဲ့ အီသုအီသားလေဟု လွဲဘီး နေရာတိုင်းမာ လေးစားခံရဟယ်” ဆိုဘီး မိန့်တော်မူလေဟယ်။ 5 ကိုယ်တော်ဟာ

အယ်ပြီမာ ကျန်းမာဘဲဟူ လူတချို့ထတ်မာ ကိုယ်တော်ရဲ့ လတ်လေဟို တန်ဘီးဟာ သူးနီဟို ကျန်းမာစေဇာဟဲ့လွဲဘီး
ဖြာနိမိတ်လတ်ခဏာလေလည်း လောက်နိုင်ဟူ။ 6 ကိုယ်တော်ဟာ ရရာတိုင်း အံ့ဩဟားဟယ်။ ဖြားဖြစ်ကြောနုနုဆိုဟာ
အယ်လူလေဟာ ယောင်ကြည့်ဘဲကြောနု ဖြစ်ဟယ်။ အယ်ဘီးနု ယေရုဟာ အယ်နေရာဟဲ့ ဝါလေဟို လှည့်လည်သွားဘီးဟာ
လူလေဟို သွန်သန်လေဟယ်။ 7 ကိုယ်တော်ဟာ တဗွဲတော် ဆယ့်နေ့ပါးဟို တူးဒုခေါ်ဘီးဟာ နေ့ယော့-ကစီ တွဲခိုင်းဘီး
သူးနီဟို စေလွှတ်လေဟယ်။ ကိုယ်တော်ဟာ သူးနီဟို ညစ်ညူးဟူနတ်လေဟို နိုင်ရဟူ ခွမ့်အာဏာဟိုလည်း ပေးဘီး 8
“ခရီးတွပ် နန်းနီနုတူးဒု တောနုအူးတခုဟဲ့လွဲဘီး တခြားဇာလေ ယူဂေနု။ စားဇာ၊ လွယ်အိ၊ နန်းနီရဲ့ ခါးဗတ်လေထဲမာ
ကပ်လေဟို ထုံဆောန်ဂေနု။ 9 ခေန်လေဟို စီးဂေပါ။ အယ်ဘီးဟာ အန်းဂီပိုတထည်ဟိုလည်း ယူဆောန်ဂေနု။” 10
ကိုယ်တော်ဟဲ့ “ဖယ်နေရာမဆို နန်းနီလေဟို လတ်ခံဟူအိမာ နန်းနီလေဟာ အယ်နေရာဟဲ့ ထွပ်ခန်ထိ အယ်အိမာဘဲ
တည်းနေဂေ။ 11 နန်းနီလေဟာ ပြို့တပြို့ဟို ရော့-ကလားဘီး အယ်ပြီဟဲ့ လူလေဟာ နန်းနီလေဟို လတ်ခံဟဲ့
အယ်မျိုးမူဘဲနေဟာ နန်းနီလေဟို နားထောန်ဂေဟဲ့ဆိုဟာ၊ နန်းနီခေဗွားဟဲ့ မွေမုဟို ခါခွဘီးဟာ ထွပ်ဟားဂေ။ အယ်ဇာဟာ
သူးနီတွပ် သတ်သေတခု ဖြစ်ဟယ်။” ဆိုဘီး သူးနီဟို မိန့်ပေးလေဟယ်။ 12 အယ်ကြောနု သူးနီဟာ ထွပ်ဟားဘီး လူလေ
နောန်ဒရဟိုကြောင်းဟို ဟောပြောဂေဟယ်။ 13 သူးနီဟာ နတ်ဆိုးလေဘောင်ဂီးဟို နှန်ထုဂေဟယ်။ အယ်ဘီးဟာ
ကျန်းမာဘဲဟူ လူလေဘောင်ဂီးဟို ဆီနု လူးဘီးဟာ သူးနီဟို ကျန်းမာစေဟယ်။ 14 အယ်ခီမာ အယ်ကြောနု ဂူလောင်းဟို
ဟေရဒ်မန်းဂီးဟာ ကြားဟားဘီး၊ ဖြားဖြစ်ကြောနုနုဆိုဟာ ယေရုရဲ့ နာမယ်ဟဲ့ နေရာတိုင်းဟို ပွံ့နွံဟားလေဟယ်။ လူတချို့
ပြောနေဇာဟဲ့ “ဗတ္တိဇံယောဟန်ဟာ သေရာဟုနေ ထမြော့-ကဟားဘီး၊ အယ်ကြောနု သူဟာ နိမိတ်လတ်ခဏာလေ
ပြဟိုတွပ် အယ်မျိုးတဂိုး ရှိနေဟယ်။” 15 အယ်ဘောမဲ့လည်း တခြားလူလေ ပြောဇာဟဲ့ “သူဟာ ဇေလီယဖြစ်ဟယ်။”
တခြားလူလေ ပြောဇာဟဲ့ “သူဟာ ရှေးဟု ပရောဖက်လေ တပါးပါးမျိုးဘဲ ပရောဖက်တပါးဖြစ်ဟယ်။” 16 ဟေရဒ်ဟု
ကြားရဟူ ခီမာ သူဟဲ့ “အယ်လူဟာ ဗတ္တိဇံယောဟန် ဖြစ်ဟယ်၊ ငါဟာ အယ်လူရဲ့ ခေါင်းဟို ဖြတ်လိုက်ပီးဘိဘဲ။ အယ်ဘောမဲ့
အယ်လူဟာ သေရာဟုနေ ထမြော့-ကဟားဘီး၊” ဆိုဘီး ပြောလေဟယ်။ 17 ဟေရဒ် ကိုယ်တိုင်ဘဲ ယောဟန်ဟို ဖမ်းဆီးဟို့
မိန့်ထုဟားကြောနု သူဟို တောက်နောင်ဘီး ထောန်ထဲမာ ထားဟားလေဟယ်။ ဟေရဒ်ဟာ အယ်မျိုးလောက်ဇာဟဲ့ သူ့ညီ
ဖိလိပ္ပရဲ့ မယား၊ ဟေရောဒ်ဟို ယူဟားဟူကြောနု ဖြစ်ဟယ်။ 18 ဖြားဖြစ်ကြောနုနုဆိုဟာ ဗတ္တိဇံယောဟန်ဟဲ့ ဟေရဒ်ဟို
“နန်ဟာ နန်ညီရဲ့ မယားဟို ယူဇာဟာ ပညတ်တော်နု ညီဟဲ့၊” ဆိုဘီး ပြောဟားကြောနု ဖြစ်ဟယ်။ 19 အယ်ကြောနု
ဟေရောဒ်ဟာ ယောဟန်ဟို ရန်ငြိုးထားဘီးဟာ သတ်ဟို့တွပ် လိုရှင်ဟယ်။ အယ်ဘောမဲ့ ဟေရဒ်ကြောနု သူဟာ ခွမ့်ရဟူ။
20 ဟေရဒ်ဟာ ယောဟန်ဟို ကြော့-ကဟယ်။ ဖြားဖြစ်ကြောနုနုဆိုဟာ ယောဟန်ဟာ ဖြောန်မတ်ဘီး သန်ရှင်းဟူလူ
ဖြစ်ဟယ် ဆိုဇာဟို သူသိဟားဟယ်။ အယ်ကြောနု သူဟာ သူဟို လောင်းလောင်ခြောင်းခြောင်းဟား ထားဟားလေဟယ်။
သူဟောပြောဇာလေဟို ကြားရဟူ ခီတိုင်း ရရာတိုင်း စိနောင့်ယုစ် ဖြစ်ဘောမဲ့လည်း သူဟာ သူရဲ့ ဟောပြောဇာဟို
နှစ်သက်ဘီး နားထောန်တတ်ဟယ်။ 21 နော့-ကဆောင်းမာ ဟေရောဒ်ဟာ ခွမ့်ရေး ရဟားဟယ်။ အယ်ခွမ့်ရေးဟာ
ဟေရဒ် မွေးနေ့မာ ဖြစ်ဟယ်။ အယ်နေ့မာ ဟေရဒ်ဟဲ့ ထိတန်းစိုးရ ရာရှိဂီးလေ၊ တပ်မတော် ရာရှိဂီးလေ၊ ဂါလိလဲနယ်ရဲ့
ခေါင်းဆောန်ဂီးလေ အားလောင်းတွပ် စားသော့-ကဗွဲဂီး ကျင်းပပေးလေဟယ်။ 22 ဟေရောဒ်ရဲ့ မီးဟားဟဲ့ လာဘီးဟာ
ကပြလေဟယ်။ အယ်ခီမာ ဟေရဒ်နု သူရဲ့ ဧည့်သည်လေဟာ ကျေနပ်ဟားလေဟယ်။ အယ်ကြောနု မန်းဂီးဟဲ့ မီးမငယ်ဟို
“နန်ဖြားဇာလိုရှင်နု။ နန်လိုရှင်ဇာလေဟို ငါပေးမယ်” ဆိုဘီး ပြောလေဟယ်။ 23 “ငါနိုင်ငံတဝပ်ဟို နန်တောန်းမယ် ဆိုဟာ
ငါတကယ်ပေးမယ်၊” ဆိုဘီးဟာ ဒီပေးဘီး ပြောလေဟယ်။ 24 အယ်ကြောနု မီးမငယ်ဟားဟဲ့ ထွပ်ဟားဘီးဟာ သူရဲ့
မိဟို မေးလိုက်ဇာဟဲ့ “ကျွန်မဟဲ့ ဖြားဇာတောန်းရဟို့နု။” သူရဲ့ မိဟဲ့ “ဗတ္တိဇံယောဟန်ရဲ့ ခေါင်းဟို တောန်းပါ” ဆိုဘီး
ပြောလေဟယ်။ 25 မီးမငယ်ဟဲ့ ရှစ်ရှင်းဘဲ ဟေရဒ် မန်းဂီးနားဟို ဗြန်းဗြန်ဟား ပွန်ဟားဘီးဟာ “ဗတ္တိဇံယောဟန်ရဲ့ ခေါင်းဟို
လန်းဗန်းထတ်မာ တန်ဘီးဟာ ခုပေးပါ” ဆိုဘီး တောန်းဆိုလေဟယ်။ 26 အယ်မျိုး တောန်းဆိုဟူကြောနု မန်းဂီးဟာ

ရရာတိုင်း ဝန်းရံဟောင်းဟယ်။ အယ်ဘောမဲ့ ဧည့်သည်လေရှေ့မှာ သူ့ကိုယ်သူ ကီဆိုဟောင်းဟူကြောင့် သူဟာ ငြင်းနိုင်ဟောင်း။ 27 အယ်ကြောန့် မန်းဂီးဟု ယောဟန်ရဲ့ ခေါင်းဟို ယူလာဟိုတွင် မိန့်ပေးဘီးဟာ စောင့်တယော့-က်ဟို ရှင်းရှင်း လွှတ်လေဟယ်။ အယ်လူဟု ထောင့်ထဲဟို သွားဘီးဟာ ယောဟန်ရဲ့ ခေါင်းဟို ဖြတ်လေဟယ်။ 28 အယ်ခေါင်းဟို လန်းဗန်းထတ်မာ တန်ဘီးဟာ ယူဆောင့်လာဘီး မီးမငယ်ဟောင်းဟို ပေးလေဟယ်။ သူဟုလည်း သူရဲ့ မိဟို ပွန်ပေးလေဟယ်။ 29 ယောဟန်ရဲ့ တဗွဲတော်လေဟု အယ်ဒန်းဟို ကြားဟူ ခီမာ လာဘီး ယောဟန်ရဲ့ လောင်းဟို ယူဘီးဟာ ဂုထမာ ထားလိုက်ဂေဟယ်။ 30 တမန်တော်လေဟာ ယေရုရှားမာ စုဂေဘီးဟာ သူးနို့ လောက်ဆောင့်ဘီး သွန်သန်ဟောင်းဟူဇာ ဂုလောင်းဟို ကိုယ်တော့်ဟို လျှော့-က်လေဟယ်။ 31 အယ်နေရာဟို လူလေဘောင်ဂီးဟု သွားလိုက်လာလိုက် လောက်နေဟူကြောင့် ယေရုရှာ တဗွဲတော်လေဟာ စားဟို ခီဟိုမှ မေ့ဟောင်း။ အယ်ကြောန့် သူဟု “ငါ့တူးဒု တိဆိဟူ နေရာဟို သွားဘီးဟာ ရှစ်ဟောင်းနားယူ ဂေဇို” ဆိုဘီး သူးနို့ဟို မိန့်တော်မူလေဟယ်။ 32 အယ်ကြောန့် ယေရုရှာ တဗွဲတော်လေဟု တိဆိဟူ နေရာတခုနားဟို လှေန် ထွပ်ဟောင်းဂေဟယ်။ 33 သွားလိုက်ဇာဟို လူလေဟုပြင်ဟူ ခီမာ ကိုယ်တော်န တဗွဲတော်လေဘဲ ဆိုဘီး သိဟောင်းဟူကြောင့် ဗြိုလေဝါလေဟု လူလေဟာ ယေရုသွားလိုက်ဟူ နေရာဟို ဗြန်းဗြန်းဟောင်း ကူးကြောင်းရှော့-က်ဘီးဟာ ယေရုရှာ တဗွဲတော်လေ ရော့-က်ခန် အယ်နေရာဟို ရင်ရော့-က်နေဂေဟယ်။ 34 ယေရုဟု လှေဟုနေ ထွပ်ဟူ ခီမာ ကိုယ်တော်ဟာ လူအောက်ဂီးဟို ပြင်ဟောင်း နီးဟောင်းဟာ သူးနို့တွင် သနားဟူစိ ဖြစ်ဟောင်းလေဟယ်။ ဖြားဖြစ်ကြောန့်နူးဆိုဟာ သူးနို့ဟာ သိုးထီးမားမေ့ဘဲ သိုးလေမျိုး ဖြစ်နေဟယ်။ အယ်ကြောန့် ကိုယ်တော်ဟာ သူးနို့ဟို ကြောန့်ရာလေ ဘောင်ဂီးဟို စဘီးဟာ သွန်သန်ဟယ်။ 35 ညဉ့်မိုက်ခါနီး ရော့-က်လာဟူ ခီမာ တဗွဲတော်လေဟု ယေရုရှားဟို လာဘီးဟာ “အယ်နေရာဟာ တောဖြစ်နေဟူကြောင့် လူလေလည်း နေဘဲဟူ နေရာဖြစ်ဟယ်။ နော့-က်လွှာဟောင်းဘီး။ 36 စားဇာသွားဝယ်ဘီး စားနိုင်ဟိုတွင် လူလေဟို နီးနားမာရှိဟူ တောဝါလေဟို လွှတ်လိုက်ပါ” ဆိုဘီး လျှော့-က်ဂေဟယ်။ 37 ယေရုဟု “နန်းနို့လေဘဲ သူးနို့ဟို စားဇာတခု ကျွေးလိုက်” ဆိုဘီး မိန့်တော်မူလေဟယ်။ အယ်ခီမာ တဗွဲတော်လေဟု “ကျွန်တော့်လေဟု ငွေဒန်းဂါး ၂၀၀ ဖိုးန စားဇာဝယ်ဘီး အယ်လူလေဟို ကျွေးရဟိုလော” ဆိုဘီး လျှော့-က်လေဟယ်။ 38 ယေရုဟု “နန်းနို့လေမာ မုဖယ်မျှလော့-က်ရှိနူး။ သွားဘီးဟာ ကေ့ကေ့” ဆိုဘီး မိန့်တော်မူလေဟယ်။ သူးနို့လေဟု ကေ့ဟူ ခီမာ “မုငါးလောင်းန ငါးနေ့ကောန်ရှိဟယ်” ဆိုဘီး လျှော့-က်လေဟယ်။ 39 အယ်ဘီးန ယေရုဟု လူလေ ဂုလောင်းဟို အောက်စုခွဲဘီးဟာ ဖြစ်ပန်လေထတ်မာ ထိုင်ခိုင်းလိုက် ဆိုဘီး တဗွဲတော်လေဟို လောက်ဟိုတွင် ပြောလေဟယ်။ 40 အယ်ကြောန့် လူလေဟာ တရာတဖွန် ငါးဆယ်တဖွန် တန်းလိုက်ထိုင်ဂေဟယ်။ 41 အယ်ဘီးန ယေရုဟု မုငါးလောင်းန ငါးနေ့ကောန်ဟို ယူဘီးဟာ ကောန်းဂန်ဟို မျှော်ကေ့ဘီး ဘုရားသခင်ဟို ကျေးဇူးတော် ချီးမွမ်းလိုက်ဟယ်။ ကိုယ်တော်ဟာ မလေဟို ဖဲဘီးဟာ လူလေဟို ဝီပေးဟိုတွင် တဗွဲတော်လေဟို မလေ ပေးလိုက်ဟယ်။ ကိုယ်တော်ဟာ ငါးနေ့ကောန်ဟိုလည်း သူးနို့လေ ဂုလောင်း ကြားထဲမာ ခွဲဝီပေးလိုက်ဟယ်။ 42 လူတိုင်းဟာ စားဘီး ဗိုက်ညွှဲဟောင်းဂေဟယ်။ 43 အယ်ဘီးန တဗွဲတော်လေဟု စားဘီး ကျန်နေဟူ မုနငါးလေရဲ့ လှိုင်းပုံလေဟို လိုက်ကော့-က်ဟူ ခီမာ ဆယ့်နေ့တောင်းညွှဲ ဂေဟယ်။ 44 မုစားဟူ ယော့-က်ကျား ရေတွင်ဟာ ၅,၀၀၀ ရှိလေဟယ်။ 45 ယေရုဟာ လူအောက်ဂီးဟို ပွန်လွှတ်နေဒူးမာ ရှစ်ရှင်းဘဲ တဗွဲတော်လေဟို လှေထတ်ဟို တတ်ခိုင်းဘီး အိုင်ရဲ့ ဟို့ဖတ်ကမ်းဟု ဗက်ဒဲဒဲဗြိုဟို ရင်ဦးဆောင်း သွားခိုင်းလိုက်ဟယ်။ 46 ယေရုဟု လူလေဟို နောက်ဆစ်ဘီးန ဆုတောင်းဟိုတွင် တောန်ထတ်ဟို တတ်ဟောင်းဟယ်။ 47 ညဉ့်မိုက်လာဟူ ခီမာ တဗွဲတော်လေရဲ့ လှေဟု ရေအိုင်ရဲ့ လယ်မာရော့-က်နေဘီး ယေရုဟု တယော့-က်ဒဲ ကူးထတ်မာ ရှိလေဟယ်။ 48 လေဆန်ဟို လှေလှော်နေဟူကြောင့် ရရာတိုင်း ပန်းနေဟူ တဗွဲတော်လေဟို ကိုယ်တော်ဟု ပြင်ဟောင်းလေဟယ်။ အယ်ကြောန့် မိုးလန်းသောင်းနာရီန ခြော့-က်နာရီ ကြားမာ ကိုယ်တော်ဟာ ရေထတ်မာ လမ်းရှော့-က်ဘီးဟာ သူးနို့နားဟို ရော့-က်လာလေဟယ်။ ကိုယ်တော်ဟာ သူးနို့ဟို ကျော်ဖြတ်ဟို လောက်လေဟယ်။ 49 အယ်ဘောမဲ့ တဗွဲတော်လေဟု ရေထတ်မာ ကိုယ်တော်ဟာ လမ်းရှော့-က်နေဇာဟို ပြင်ဟောင်းဟူ ခီမာ “ဖုကသေ ဖြစ်ဟယ်!” ဆိုဇာဟို ထန်ဘီးဟာ

အော်ဟစ်ဂေဟယ်။ 50 သူးနီလေ ဂူလောင်းဟု ယေရှုဟို ဗြင်ဟူ ခီမာ ထိလန်နေဂေဟယ်။ ယေရှုဟု ရှစ်ရှင်းဘဲ “သတ်တိရှိဂေ!” ဆိုဘီး ပြောလေဟယ်။ “ငါဘဲဖြစ်ဟယ်။ ကြော-က်ဂေန!” 51 အယ်ဘီးန သူးနီရှိနေဟူ လှေထတ်ဟို တတ်ဟားဟူ ခီမာ လေဟာ ငြိဟားလေဟယ်။ တဗဲတော်လေဟု ရရာတိုင်း အံ့ဩဂေဟယ်။ 52 ဖြားဖြစ်ကြောနန်းဆိုဟု သူးနီဟု လူ ၅,၀၀၀ ဟို မုကျေးဟူ မိပါယ်ဟို နားလည်ဂေဘဲန သူးနီရဲ စိန်လောင်းဟာ မာကျောဂေဟယ်။ 53 သူးနီဟု အိုင်ဟို ကူးဟားဂေဘီး ဂင်နေသရက်မြို့ဟို ရော-က်လာဂေ လေဟယ်။ အယ်နေရာမာ လှေဟို ခယ်လိုက် လေဟယ်။ 54 သူးနီလေဟာ လှေထတ်ဟုန ဆင်းလိုက်ဟူ ခီမာ ရှစ်ရှင်းဘဲ လူလေဟု ယေရှုဟို မှတ်မိဂေဟယ်။ 55 အယ်ကြောနန်း သူးနီလေဟာ ဒေသတခုလောင်းဟို ပုံနွံအောန် ညွေးဟားဂေဘီးဟာ ကိုယ်တော်ရှိဟယ် ဆိုဘီး ကြားဟားဟူ နေရာဟို လူနာလေဟို ထမ်းစင်လေန ကိုယ်တော်နားဟို ခေါ်လာဂေဟယ်။ 56 ယေရှုသွားဟူ ဝါလေ၊ မြို့လေ၊ နေရာတိုင်းဟု လူလေဟု လူနာလေဟို ဆေးလေမာ ညွှဟားဂေဘီး ကိုယ်တော်ရဲ့ ဝတ်လောင် ပန်းဗွားဟိုဘဲ ထိခွမ်းပေးဟိုတွပ် လူလေဟု တောင်းဖန်ဂေဟယ်။ အယ်ဘီးန ဝတ်လောင်ဟို တို့ထိဟူ လူလေဂူလောင်းဟာ ကျန်းမာဟားဂေဟယ်။

7 တချို့ ဖာရိရှဲလေန ယေရုရှလင်မြို့ဟုန လာဂေဟူ ကျမ်းတတ်ဆရာလေဟာ ယေရှုပတ်ပတ်လည်မာ စုနေဂေဟယ်။ 2 ကိုယ်တော်ရဲ့ တဗဲတော်လေ တချို့ဟု စင်ကြယ်ဘဲဟူ လတ်လေန စာစားနေဇာဟို သူးနီလေဟု ဒီထားမိဟားဟယ်။ 3 ဖြားဖြစ်ကြောနန်းဆိုဟာ ကျန်နေဟူ ယုဒလူမျိုးလေန ဖာရိရှဲလေဟာလည်း သူးနီရဲ့ ရှေးလူဂီးလေဟုန လတ်ခံဟားဟူ သွန်သန်မှု နှော-က်ဟို လိုက်ဘီး သူးနီလေဟု မှန်ဟူ နည်းလမ်းအားဖြင့် သူးနီရဲ့ လတ်လေဟို ဆေးဘဲန စာစားဂေဟူ။ 4 ဆေးဟုန ရလာဟူ ဖယ်ဇာဘဲဖြစ်ဖြစ် ရေန ရင်ဆေးဘဲန စားဂေဟူ။ အယ်ဘီးဟာ သူးနီလေ လတ်ခံဟားဟူ တခြားထောင်းဒန်းလေ နှော-က်ဟို လိုက်ဟယ်။ ဥပမာ အိုးလေ၊ ခွပ်လေ၊ ကြေးဖလားခွပ်လေန ကဒန်လေဟို မှန်ဟူနည်းလမ်းအားဖြင့် ဆေးဂေဟယ်။ 5 အယ်ကြောနန်း ဖာရိရှဲလေန ကျမ်းတတ်ဆရာလေဟု “ဖြားဖြစ်ကြောနန်း အယ်မျိုးသတ်ရှင်နူး။ ကိုယ်တော်ရဲ့ တဗဲတော်လေဟု ရှေးလူဂီးလေရဲ့ လတ်ဆစ်ကမ်းဟားဟူ သွန်သန်မှု နှော-က်ဟို လိုက်ဂေဟူ။ အယ်မျိုးလိုက်ဟို့စား စင်ကြယ်ဘဲဟူ လတ်န စားဂေနူး” ဆိုဘီး ယေရှုဟို မေးဂေဟယ်။ 6 ယေရှုဟု “ဟေရှာယဟု နန်းနီလေ ကြောင်းဟို ပရောဖက်ပြုဟားဇာဟာ ရရာတိုင်း မှန်ဟယ်။ နန်းနီလေဟာ ကြောနန်းသူတော်လေ ဖြစ်ဟူကြောနန်း သူဟု အယ်မျိုးရေးဟားဟယ်။” “ဘုရားသခင် မိန့်တော်မူဇာဟု အယ်လူလေဟာ ငါ့ဟို နှောက်န ရိုသေဟယ်။ အယ်ဘော့မဲ သူးနီရဲ့ စိန်လောင်းဟု ငါန တကယ်ဘဲ ရရာတိုင်း ဝီးနေဂေဟယ်။ 7 ငါ့ဟို အလဂါး ကိုးကွယ်နေဟယ်။ ဖြားဖြစ်ကြောနန်းဆိုဟာ သူးနီဟာ ဘုရားသခင်ရဲ့ပညတ်တရားလေ ဖြစ်ဟယ် ဆိုဘော့မဲ လူရဲ့ စည်းမျဉ်းလေဟို သန်ပေးလေဟယ်။” 8 “နန်းနီလေဟု ဘုရားသခင်ရဲ့ ပညတ်တော်ဟို ဖယ်ဟားဘီးဟာ လူလေရဲ့ သွန်သန်မှုလေဟို လိုက်နာဂေဟယ်” ဆိုဘီး သူးနီဟို ယွန်ဖြေတော်မူလေဟယ်။ 9 အယ်ဘီးဟာ ယေရှုဟု ဆစ်ဘီး “နန်းနီလေရဲ့ ကိုယ်ပိုင်သွန်သန်မှုဟို ကျင့်သောင်းနိုင်ဟို့တွပ် နန်းနီလေဟာ ဘုရားသခင်ရဲ့ ပညတ်တော်ဟို ပယ်ဟူဇာဟု ကျွမ်းကျင်ဂေဟယ်။ 10 ဖြားဖြစ်ကြောနန်းဆိုဟာ မောရှေပညတ်ဟားဇာဟု ‘နန်းနီမိဖဟို ရိုသေဂေ။ အယ်ဘီးဟာ ဖယ်သုဘဲဖြစ်ဖြစ် ကိုယ်မိဖဟို ကီဆယ် ဆိုဟာ သေဒန်ခံရမယ်။’ 11 အယ်ဘော့မဲ နန်းနီဟု အယ်မျိုးသွန်သန်ဘီး လူလေမာ သူးနီရဲ့ မိဖဟို ကူညီဟို့ တခုခုရှိဟယ် ဆိုဟာ ‘အယ်ဇာဟာ ကော်ဘန်ဖြစ်ဟယ်’ ဆိုဘီး ပြောဟယ် (အယ်မိပါယ်ဟု ဘုရားသခင်ဟို လူဘီးဟူ အောက်စာဖြစ်ဟယ်)။ 12 အယ်မျိုးဆိုဟာ နန်းနီဟု အယ်အောက်စာလေဟို သောင်းပြုဘီးဟာ သူရဲ့ မိဖဟို ကူညီဟို့တွပ် ခွမ်းပေးဟယ်။ 13 အယ်မျိုးဘဲ နန်းနီလေဟု တခြားလူလေဟို လတ်ဆစ်ကမ်းလိုက်ဟူ သွန်သန်မှုဟာ ဘုရားသခင်ရဲ့ စကားတော်ဟို ဖျပ်ပစ်ဂေဟယ်။ အယ်ဆိုဟာ အယ်မျိုးဇာလေ ဘောင်ဂီးဟို နန်းနီလေ လောက်ဂေဟယ်။” 14 အယ်ဘီးန ယေရှုဟု လူအောက်ဂီးဟို သူနားဟို ယွန်ခေါ်ဘီးဟာ “နန်းနီအားလောင်း ငါ့စကားဟို နားထောန်ဘီးဟာ နားလည်ဂေ။ 15 ယွန်ဟုန လူထဲဟိုဝမ်ဘီး လူဟို ညစ်ညူးစေနိုင်ဟူဇာ ခုလည်း မေ့ဟူ။ လူထဲဟုန ထွပ်လာဟူဇာလေဟုဘဲ လူဟို ညစ်ညူးနိုင်ဟယ်။” 17 ကိုယ်တော်ဟာ လူအောက်ဂီးနားဟု ထွပ်ဟားဘီးဟာ အီထဲဟို ဝမ်ဟားဟူ ခီမာ

တဗွဲတော်လေဟု အယ်ပေါင်ဥပမာကြောန်းဟို ကိုယ်တော်ဟို မေးဂေဟယ်။ 18 ယေရှုဟု “နန်းနိုလေဟု အယ်မျှလော့-ကံ သိဉာဏ်နဲရလော” ဆိုဘီး သူးနိုဟို ပြောလေဟယ်။ “နန်းနို နားလည်ဂေ ဟုလော။ ယွန်ဟုနေ လူထဲဟို ဝမ်လာဟူ ဇာဟု လူဟို လောင်းဝ ညစ်ညူးစေနိုင်ဟု။ 19 ဖြားဖြစ်ကြောန်းနိုဆိုဟု အယ်ဇာလေဟု စိန်လောင်းထဲဟို ဝမ်ဇာမူဟု။ စာအီထဲဟို ဝမ်ဟူးဘီးန နော့-ကံဖေးအီထဲဟို ဆင်းဟူးလေဟယ်။” (အယ်မျိုး မိန့်တော်မူဇာဟု စာဂူလောင်းဟု သန်ရှင်းဟယ် ဆိုဘီး ယေရှု ကြေညာလိုက်ဟယ်။) 20 ကိုယ်တော်ဟု ဆစ်ဘီးဟု “လူရဲထဲဟု ထွပ်လာဇာလေဘဲ လူဟို ညစ်ညူးစေဟယ်။ 21 ဖြားဖြစ်ကြောန်းနိုဆိုဟု လူရဲ စိန်လောင်းထဲဟုနေ မားယွင်းဟူ ကြိစည်လေဟု ထွပ်လာဘီး တရားဘဲဟူ မေထုန်ပြုရှင်း၊ ခိုးရှင်း၊ လူသတ်ရှင်း၊ 22 အီထောန်ရေးဖော့-ကံယွန်ရှင်း၊ လောဖကီးရှင်း၊ ကောန်းဘဲဟူဇာ ဘောန်းဇောင်လောကံရှင်း၊ လှည့်ဇားရှင်း၊ ပျော်ပါးလိုက်စားရှင်း၊ နာလိုရှင်း၊ ကဲ့ရဲ့ပြစ်တန်ရှင်း၊ မာနကီးရှင်း၊ လျှပ်ပေါ် ရှင်း၊ 23 အယ်ကောန်းဘဲဟူ ဇာလေ ဂူလောင်းဟု လူရဲ ထဲဟုနေ ထွပ်လာဘီးဟု လူဟို ညစ်ညူးစေဟယ်။” 24 အယ်ဘီးန ယေရှုဟု အယ်နေရာဟုနေ ထွပ်ဟူးဘီးဟု တုရုဗြိုတော်န နီးဟူ ဒေသဟို သွားလိုက်ဟယ်။ ကိုယ်တော်ဟု အီတအီထဲဟို ဝမ်ဟူးဘီး အယ်နေရာမာ ကိုယ်တော် ရှိနေဟယ် ဆိုဇာဟို ဖယ်သူးဟိုလဲ သိစေရှင်ဟု။ အယ်ဘေမဲ့ ကိုယ်တော်ဟု ပူးဘီးနေနိုင်ဟု။ 25 ညစ်ညူးဟူ နတ် ဝမ်ပူးနေဟူ သမီးငယ်ရဲ့ မိဟု ယေရှုကြောန်းဟို ကြားဟူ ဒီမာ ကိုယ်တော်နားဟို ရှစ်ရှင်း ရော့-ကံလာဘီးဟု ခေရင်းမာ ဒူးထော့-ကံလေဟယ်။ 26 အယ်မီးမဂီးဟု ရှုရိဖိန်တန်သု လူမျိုးခြားဖြစ်ဟယ်။ သူရဲ့ သမီးထဲဟု နတ်ဆိုးဟို နန်ထုဟိုတွပ် ယေရှုဟို တောန်းလျော့-ကံဟယ်။ 27 အယ်ဘေမဲ့ ယေရှုဟု “သားမီးလေဟို ရင်ဦးဆောင်းကျေးခွပ်ပေးပါ။ သားမီးလေရဲ့ စားဇာဟို ယုဘီးဟု ခွီးလေဟို ပစ်ပေးဇာဟု မှန်ဟု” ဆိုဘီး ပွန်ဖြေလေဟယ်။ 28 အယ်မီးမဂီးဟု “သခင်၊ ဗွဲအော့-ကံဟု ခွီးလေဟိုမှ သားမီးလေရဲ့ စားကြွင်းစားကျန်လေဟို စားရဂေဟယ်!” ဆိုဘီး ပွန်လျော့-ကံလေဟယ်။ 29 အယ်ကြောန်း ယေရှုဟု “အယ်မျိုး ပွန်လျော့-ကံဟူကြောန်း အီဟို ပွန်ဟူးလိုက်။ နတ်ဆိုးဟု နန်သမီးထဲဟုနေ ထွပ်ဟူးဘီး ဆိုဇာဟို နန်တိုရလေမယ်!” ဆိုဘီး သူဟို မိန့်တော်မူလေဟယ်။ 30 အယ်မီးမဂီးဟု အီဟို ပွန်ရော့-ကံဟူးဟူ ဒီမာ သူရဲ့ သမီးဟု အိယာထံမာ လဲလျောင်းနေဇာဟို တိုရဇာဟု သူနားဟု နတ်ဆိုး ထွပ်ဟူးပီးဘီ ဆိုဇာဟို သိရလေဟယ်။ 31 အယ်ဘီးန ယေရှုဟု တုရုဗြိုတော်ရဲ့ နီးနားဝန်းကျင်ဟု ထွပ်ဟူးဘီး ဇိဒုန်ဗြိုတော်ဟို ဖြတ်ဘီး ဒေကာပေါလိန်ဟု ဟုတဆင့် ဂါလိလဲအိုင်ဟို ဆစ်သွားလိုက်ဟယ်။ 32 လူတချို့ဟု ဆွံ့အနားပန်းနေဟူ လူတယော့-ကံဟို ကိုယ်တော်နားဟို ခေါ် လာဟယ်။ အယ်ဘီးဟု သူးနိုဟု သူထတ်မာ လတ်တန်ပေးဟိုတွပ် ယေရှုဟို တောန်းဗန်လေဟယ်။ 33 အယ်ကြောန်း ယေရှုဟု သူတယော့-ကံထဲဟိုဘဲ လူအောက်ဂီးထဲဟုနေ ခေါ် ဟူးဘီးဟု အယ်လူရဲ့ နားလေထဲဟို လတ်ညှိုးဟို ထိုးသွမ်းလိုက်ဘီး၊ ထွီးရယ်န ထွီးဘီး အယ်လူရဲ့ လျာဟို တိုလိုက်ဟယ်။ 34 အယ်ဘီးန ယေရှုဟု ကောန်းဂန်ဟို မျှော်ကေဘီး သတ်ပြင်းဆွဘီးဟု “ဇေသ” ဆိုဘီး အယ်လူဟို မိန့်တော်မူလေဟယ်။ အယ်ခိပါယ်ဟု “ပွမ့်စေ!” ဆိုဘီး ဖြစ်ဟယ်။ 35 ရှစ်ရှင်းဘဲ အယ်လူရဲ့ နားဟု ပွပ်လာဘီးဟု ခယ်ဟူးဇာခံရဟူ သူလျာလေဟု လွတ်ဟူးဘီး ပီးပီသသဟူး စကားပြောနိုင်ဟူးဟယ်။ 36 ယေရှုဟု အယ်မျိုး ဖြစ်ပျစ်ကြောန်းဟို ဖယ်သူးဟိုလည်း ပြောဘဲဟိုတွပ် လူလေဟို တားလိုက်ဟယ်။ အယ်ဘေမဲ့ ယေရှုဟု တားလေလေ သူးနိုလေဟု အယ်ကြောန်းဟို ပိုဘီး ဟု ဟောပြောနေဂေဟယ်။ 37 အယ်မျိုး ဖြစ်ပျစ်ကြောန်းဟို ကြားရဟူလူလေဟု ရရာတိုင်း အံ့ဩဂေဟယ်။ “ကိုယ်တော်ဟု ရှိမျှဂူလောင်းဟို လျှောက်ပတ်အောန် လောက်ဟယ်၊ နားပန်းဟူ လူလေဟို နားကြားစေဟယ်၊ ဆွံ့အနေဟူ လူလေဟိုလည်း စကားပြောစေဟယ်!” ဆိုဘီး တအံ့တဩ ပြောဂေဟယ်။

8 ကြာခန်မာဘဲ နော့-ကံထပ် ရရာတိုင်းများဟူ လူအောက်ဂီးဟု စုလာဂေဟယ်။ သူးနိုလေမာ စားဟို ဖြားလည်းမေ့ဘဲဟူကြောန်း၊ ယေရှုဟု တဗွဲတော်လေဟို သူနားဟိုခေါ်ဘီး ပြောလိုက်ဇာဟု။ 2 “အယ်လူလေဟို ငါသနားဟယ်။ ဖြားဖြစ်ကြောန်းနိုဆိုဟု သူးနိုဟု ငါနတူးဒု သောင်းရစ်လောင်းလောင်း ရှိနေဂေဘီး ခုစားဟို ဖြားလည်းမေ့ဘီ။ 3 သူးနိုထဲဟု တချို့ဟု ဝီးဟုနေလာရဟူကြောန်း သူးနိုဟို ငါဟု ကျွေးဘဲန အီယွန်ခိုင်းမယ် ဆိုဟု

သူးနို့လေဟု လမ်းမာ အားပြတ်ဂူလေမယ်။” 4 တဗွဲတော်လေဟု “လူမေ့ဘဲဟူ နေရာမာ ဖယ်သူဟု အယ်လူလေ
 ဂူလောင်းဟို့ လော့-က်အောန်ကျွေးဟို့ မဟို့ ဖယ်ဟု ရနိုင်ဟို့နူး” ဆိုဘီး ယေရှုဟို့ ယွန်လျော့-က်ဂေဟယ်။ 5
 ယေရှုဟု “နန်းနို့မာ မုဖယ်မျှလော့-က်ရဲနူး” ဆိုဘီး မေးလေဟယ်။ တဗွဲတော်လေဟု “မုခွန်နစ်လောင်းရှိဟယ်” ဆိုဘီး
 ယွန်လျော့-က်လေဟယ်။ 6 ကိုယ်တော်ဟု လူအောက်ဂီးဟို့ မွေမာ ထိုင်ခိုင်းလိုက်ဟယ်။ အယ်ဘီးနု မုခွန်နစ်လောင်းဟို့
 ယူဘီးဟု ဘုရားသခင်ဟို့ ကျေးဇူးတော် ချီးမွမ်းလိုက်ဘီး၊ မုလေဟို့ ဖွဲလေဟယ်။ အယ်ဘီးမု လူအောက်ဂီးဟို့ ဝီပေးဟို့တွင်
 တဗွဲတော်လေဟို့ ပေးလိုက်ဘီး၊ တဗွဲတော်လေဟု လူအောက်ဂီးဟို့ ဝီပေးလေဟယ်။ 7 သူးနို့မာလည်း ငါးဂန်းဟားလေ
 နံနံရှိလေဟယ်။ ယေရှုဟု အယ်ဇာလေတွင် ကျေးဇူးတော် ချီးမွမ်းဘီးနု ငါးလေဟို့လည်း ဝီပေးဟို့တွင် တဗွဲတော်လေဟို့
 ပြောလေဟယ်။ 8 လူတိုင်းဟု ဗိုက်ပွဲအောန်စားရဂေဟု။ အယ်ဘီးနု တဗွဲတော်လေဟု စားဘီးကျန်နေဟူ
 ကျိုးပဲလေဟို့ ယွန်ကျော့-က်သီးဟူ ခီမာ ခွန်နစ်တောင်းပွဲရဟယ်။ 9 လူ ၄,၀၀၀ လော့-က် ရှိဟယ်။ ယေရှုဟု
 လူလေဟို့ ယွန်လွတ်လိုက်ဘီး၊ 10 ရှစ်ရှင်းဘွဲ တဗွဲတော်လေဟုတူးဒု လှေထတ်ဟို့ တတ်ဟားဘီး ဒါလမနုသဒေသဟို့
 ကြွဟားလေဟယ်။ 11 တချို့ ဖာရိရှဲလေဟု ယေရှုနားဟို့ ရော့-က်လာဘီး ကိုယ်တော်နု စဘီးဟု ငြင်းခူဂေဟယ်။
 သူးနို့ဟု ကိုယ်တော်ဟို့ စမ်းသပ်ရှင်ဂေဟူကြောန့် ကောန်းဂန်ဘောင်ဟု နိမိတ်လတ်ခဏာတခုဟို့ လောက်ပြဟို့
 ကိုယ်တော်ဟို့ တောင်းဆိုဂေဟယ်။ 12 အယ်ဘေမဲ့ ယေရှုဟု သူရဲစိုထဲမာ သတ်ပြင်းဆွဲဘီးဟု “အယ်ခေတ်လူလေဟု
 ဖြားဖြစ်ကြောန့် နိမိတ်လတ်ခဏာဟို့ တောင်းဂေနူး။ နန်းနို့ဟို့ ငါ မှန်တိုင်းပြောမယ်၊ အယ်လူလေဟို့ ဖြားသတ်သေလည်း
 ပေးလေမယ် မဟုတ်!” ဆိုဘီး မိန့်တော်မူလေဟယ်။ 13 ကိုယ်တော်ဟု သူးနို့ဟို့ ထားရစ်ဘီး လှေထတ်ဟို့ ယွန်တတ်ဘီးဟု
 အိုင်ရဲဟို့ဖတ်ကမ်းဟို့ စဘီးဟု ကူးလေဟယ်။ 14 တဗွဲတော်လေဟု မုယူလာဟို့ မေ့ဟားဟူကြောန့် လှေထတ်မာ
 သူးနို့တွင် မုတလောင်းဘွဲရှိဟယ်။ 15 ယေရှုဟု “ဖာရိရှဲလေရဲ့ တဆေးနု ဟေရုဒ်ရဲ့ တဆေးဟို့ ဒီထားဂေ” ဆိုဘီး သူးနို့ဟို့
 ဒီပေးလေဟယ်။ 16 တဗွဲတော်လေဟု သူးနို့ရှင်းရှင်းထဲမာ စဘီးဟု ဆွေးနွေးနေဇာဟု “ကိုယ်တော်ဟု အယ်မျိုးပြောဇာဟု
 နို့လေမာ ဖြားမုလည်း ပါလာဘွဲကြောန့်ဖြစ်ဟယ်။” 17 သူးနို့လေပြောနေဇာဟို့ ယေရှုဟု သိနေလေဟယ်။ အယ်ကြောန့်
 ကိုယ်တော်ဟု “ဖြားမုလည်း မေ့ဘဲဟူကြောန်းဟို့ နန်းနို့လေ ဖြားဖြစ်ကြောန့် ဆွေးနွေးနေဂေနူး။ နန်းနို့လေဟု ခုထိ
 နားလည်ဂေသေးဟုလော။ နန်းနို့ သိဂေသေးဟုလော။ နန်းနို့ရဲ့ စိန္တလောင်းလေဟု မာကျောနေဟယ်လော။ 18
 နန်းနို့မာမျှစ်စိုဟယ် နန်းနို့ ဗြင်ဂေဟုလော။ နန်းနို့မာနားရှိဟယ် ဆိုဟု နန်းနို့ ကြားဂေဟုလော။ 19 ငါဟု လူ ၅,၀၀၀ ဟို့
 ကျွေးဟို့တွင် မုငါးလောင်းဟို့ ငါးလွှဲဖွဲဟူခီဟို့ နန်းနို့ ဒီရဂေဟုလော။ စားဘီးကျန်နေဟူ ကျိုးပဲလေဟို့ ယွန်ကျော့-က်ဇာဟု
 ဖယ်မျှရနူး” ဆိုဘီးဟု မေးလေဟယ်။ တဗွဲတော်လေဟု “ဆယ့်နှေတောင်းရပါဟယ်” ဆိုဘီး ယွန်ဖြေလေဟယ်။
 20 ယေရှုဟု “အယ်ဘီးဟု ငါဟု လူ ၄,၀၀၀ တွင် မုခွန်နစ်လောင်းဟို့ ဖွဲဟူ ခီမာ စားဘီးကျန်နေဟူ ကျိုးပဲလေဟို့
 ဖယ်မျှတောင်းပွဲ နန်းနို့လေ ယွန်ကျော့-က်ရဂေနူး” ဆိုဘီး မေးလေဟယ်။ တဗွဲတော်လေဟု “ခွန်နစ်တောင်းရပါဟယ်”
 ဆိုဘီး ယွန်ဖြေလေဟယ်။ 21 ကိုယ်တော်ဟု “အယ်ဆိုဟု နန်းနို့ နားလည်ဂေသေးဟုလော” ဆိုဘီး သူးနို့ဟို့ မေးလေဟယ်။
 22 သူးနို့လေဟု ဗက်ဒဲဒါဝါဟို့ ရော့-က်လာဂေဟယ်။ အယ်နေရာမာ လူတချို့ဟု မျစ်ကန်းတယော့-က်ဟို့ ယေရှုနားဟို့
 ခေါ်လာဘီးဟု အယ်လူဟို့ တို့ထိဟို့တွင် တောင်းဗန်ဂေဟယ်။ 23 ယေရှုဟု မျစ်ကန်းဟို့ လတ်ဆွဲဘီးဟု ဝါယွန်ဟို့
 ခေါ်ဟားလိုက်ဟယ်။ အယ်လူရဲ့ မျစ်စိုဟို့ ထွီးရယ်နထွီးဘီးနု ယေရှုဟု သူထတ်မာ လတ်လေဟို့ တန်လိုက်ဘီးဟု
 “နန် တခုခုဟို့ ဗြင်ရဘွဲလော” ဆိုဘီး မေးလေဟယ်။ 24 အယ်လူဟု မော့ကော့လိုက်ဘီး “ကျွန်တော်ဟု လူလေဟို့
 ဗြင်ရဟယ်။ အယ်ဘေမဲ့ သူးနို့လေဟု သစ်ပန်လေမျိုး လမ်းရှော့-က်နေဂေဟယ်” ဆိုဘီး ပြောလေဟယ်။ 25 ယေရှုဟု
 အယ်လူရဲ့ မျစ်စိုထတ်မာ လတ်လေဟို့ ယွန်ဘီး တန်လိုက်ဟယ်။ အယ်ခီမာ အယ်လူဟု အားစိုက်ဘီး ကော့လိုက်ဇာ
 သူရဲ့ မျစ်စိုလန်းရောန့် ယွန်ရဟားဘီး သူဟု ဂူလောင်းဟို့ ရှင်းရှင်းလန်းလန်းဟား ဗြင်ဟားဟယ်။ 26 ယေရှုဟု သူဟို့
 “ဝါထဲဟို့ ယွန်ဝမ်န” ဆိုဘီးဟု မိန့်ပေးဘီး အီဟို့ ယွန်ခိုင်းလိုက်လေဟယ်။ 27 အယ်ဘီးနု ယေရှုနု တဗွဲတော်လေဟု

ကဲသရိဖိလိပ္ပုနားဟု ကျေးဝါလေဟို သွားဂေဟယ်။ လမ်းခရီးမာ ကိုယ်တော်ဟု “လူလေဟု ငါ့ဟို ဖယ်သူဖြစ်ဟယ် ဆိုဘီး ပြောနေဂေ့နူး” ဆိုဘီးဟာ သူးနို့ဟို မေးလေဟယ်။ 28 “တချို့ဟု ဗတ္တိဇယောဟန် ဖြစ်ဟယ်။ တချို့ဟု ဧလိယ ဖြစ်ဟယ်။ တချို့ဟု ပရောဖက်တပါး ဖြစ်ဟယ်။ ဆိုဘီး ပြောနေဂေ့ဟယ်” ဆိုဘီး သူးနို့ဟု ပွန်လျှော့-က်လေဟယ်။ 29 “နန်းနို့လေဟုမား ငါ့ဟို ဖယ်သူဖြစ်ဟယ် ဆိုဘီး ထန်ဂေ့နူး” ဆိုဘီး ကိုယ်တော်ဟု သူးနို့လေဟို မေးလိုက်ဟယ်။ ပေတရုဟု “ကိုယ်တော်ဟု ခရစ်တော် ဖြစ်ဟယ်” ဆိုဘီး ပွန်လျှော့-က်လေဟယ်။ 30 ယေရှုဟု “ငါကြောင်းဟို ဖယ်သူဟိုလည်း ပြောဂေ့န” ဆိုဘီး သူးနို့လေဟို မိန့်ပေးလေဟယ်။ 31 အယ်ဘီးန ယေရှုဟု “လူရဲသားဟု ဝေဒနာဘောင်ဂီး ခံရဘီး သတ်ကီးဝါဂီးလေ၊ ယဇ်ပုရောဟိတ်ဂီးလေ၊ ကျမ်းတတ်ဆရာလေအားဖြင့် ငြင်းပယ်ခံရမယ်။ သူဟာ သတ်ခံရမယ်၊ အယ်ဘေမဲ့ သောင်းရစ်ကြာဘီးန သူဟာ ပွန်ထမြော့-က်လေမယ်” ဆိုဘီး တပွဲတော်လေဟို စဘီး သွန်သန်လေဟယ်။ 32 ကိုယ်တော်ဟု အယ်ကြောင်းဟို ပွမ်ပွမ်လန်းလန်းဟား ပြောလိုက်ဟယ်။ အယ်ကြောန့် ပေတရုဟု ကိုယ်တော်ဟို ဘေးနားဟို ခေါ်ဘီးဟာ စဘီး ပြစ်တန်လေဟယ်။ 33 အယ်ဘေမဲ့ ယေရှုဟု ပွန်လှည့်ဘီး တပွဲတော်လေဟို ကျောင်းဟာ ပေတရုဟို ဆောင်းမလေဟယ်။ “စာတန်၊ ငါနားဟုနေ ထွပ်ဟား။ ဖြားဖြစ်ကြောန့်နူးဆိုဟာ နန်ဟာ ဘုရားသခင်န ဆိုင်ဟူဇာလေဟို စိစွဲလန်းဘဲန လူလေန ဆိုင်ဟူ ဇာလေဟိုဘဲ စွဲလန်းဟယ်။” ဆိုဘီး ပြောလေဟယ်။ 34 အယ်ဘီးန ယေရှုဟု လူအောက်ကီးန တပွဲတော်လေဟို သူနားဟို ခေါ်လေဟယ်။ ကိုယ်တော်ဟု “ဖယ်လူဘဲဖြစ်ဖြစ် ငါ့နေ့-က်ဟို လိုက်ရှင်ဟယ် ဆိုဟာ ကိုယ့်ကိုယ်ကိုယ် ငြင်းပယ်ရမယ် အယ်ဘီးဟာ ကိုယ့်ရဲ့ လတ်ဝါးကပ်တိုင်ဟို ထမ်းဘီး ငါ့နေ့-က်ဟို လိုက်ရမယ်။ 35 ဖြားဖြစ်ကြောန့်နူးဆိုဟာ ကိုယ့်သတ်ဟို ကယ်ရှင်ဟူ လူဟာ သတ်ဆောင်းရှောင်းလေမယ်။ အယ်ဘေမဲ့ ငါ့တွပ်န ဒန်းကောင်းတွပ် သတ်ဆောင်းရှောင်းရဟူ လူဟာ ကိုယ့်သတ်ဟို ကယ်ဆယ်လေမယ်။ 36 လူတယော့-က်ဟာ လောက တခုလောင်းဟို ရဘေမဲ့ သူရဲ့ သတ်ဝိညာဉ် ဆောင်းရှောင်းဟားမယ် ဆိုဟာ ဖြားကျိုးရှိမယ်နူး။ ဖြားကျိုးလည်း မေ့ဟု! 37 လူတယော့-က်ဟာ သူရဲ့ သတ်ဝိညာဉ်ဟို ပွန်ဝီးဟိုတွပ် ဖြားဇာပေးနိုင်ဟိုနူး။ 38 ဖော့-က်ပွန်ဘီး ပြစ်န ပွဲနေဟူ အယ်မျိုးဆစ်မာ ဖယ်သူမဆို ငါ့ ငါ့စကားလေဟို ယှစ်ကြော့-က်မယ် ဆိုဟာ၊ လူရဲသားဟာ သူဖရဲ့ ဖောင်းတတ်ဟို ဆောန်ဘီး သန်ရှင်းဟူ ကောင်းဂန်တမန်လေနတူးဒု လာဟူ ခီမာ အယ်လူဟာ ယှစ်ကြော့-က်ခံရလေမယ်” ဆိုဘီး သူးနို့ဟို မိန့်တော်မူလေဟယ်။

9 အယ်ဘီးဟာ ကိုယ်တော်ဟု “ငါ မှန်တိုင်းပြောမယ်၊ ဘုရားသခင်ရဲ့ နိုင်ငံတော်ဟု တဂိုးန တည်ဟယ် ဆိုဇာဟို ဗြင်ရဘဲန အယ်နေရာမာ ရှိနေဟူ လူတချို့ဟာ သေရဟို မူဟု” ဆိုဘီး သူးနို့ဟို မိန့်တော်မူလေဟယ်။ 2 ခြော့-က်ရစ်ကြာဘီးန ယေရှုဟာ ပေတရု၊ ယာကုပ်၊ ယောဟန်လေဟို သူနတူးဒု ခေါ်ဟားဘီး ဗြင်ဟူတောန်ထတ်ဟို တတ်ဟားဟယ်။ အယ်နေရာမာ သူးနို့လေဘဲ ရှိလေဟယ်။ အယ်ခီမာ သူးနို့ရှေ့မာ ယေရှုဟာ သဏ္ဌာန်ညွှန်းလဲဟားဟယ်။ 3 အယ်ဘီးဟာ ကိုယ်တော်ရဲ့ ဝတ်ဟု ယူဆွတ်ဆွတ် ဖြစ်လာဟယ် ကမ္ဘာမာ ဖယ်လူလည်း လျှော်ဟို တတ်နိုင်ဘဲအောန် ရရာတိုင်း ယူဟယ်။ 4 အယ်ဘီးဟာ တပွဲတော်သောင်းပါးရှေ့မာ ဧလိယန မောရှေဟု ပေါ်လာဘီး ယေရှုန စကားပြောနေဂေ့ဟယ်။ 5 ပေတရုဟု “ဆရာ၊ အယ်နေရာမာ ကျွန်တော့်ဟားလေ ရှိနေဇာ ရရာတိုင်း ကောင်းဟယ်။ ကိုယ်တော်တွပ် တဆောန်၊ မောရှေတွပ် တဆောန်၊ ဧလိယတွပ် တဆောန်၊ တဲသောင်းဆောန်ဟို ကျွန်တော့်ဟားလေ ဆော့-က်ပေးမယ်” ဆိုဘီး ယေရှုဟို ပြောလေဟယ်။ 6 သူးနို့ဟာ ရရာတိုင်း ကြော့-က်လန်နေဂေ့ဘီး၊ သူဟာ ဖယ်မျိုးပြောရဟို ဆိုဇာ သိဟု။ 7 အယ်ဘီးန မိုးတီတခုဟု ပေါ်လာဘီးဟာ သူးနို့လေဟို အောက်ဆွလိုက်ဟယ် “အယ်သူဟု ငါ့ရဲ့ ရှစ်သား ဖြစ်ဟယ်။ သူစကားဟို နားထောန်ဂေ့!” ဆိုဘီး မိုးတီထဲဟုနေ သံတော်ဟု ထွပ်လာဟယ်။ 8 ရှစ်ရှင်းဘဲ သူးနို့လေဟာ ပတ်စီဗီဘီး ကျေလိုက်ဟယ် အယ်ဘေမဲ့ ယေရှုတပါးဘဲ သူးနို့နတူးဒု ရှိနေဘီး တခြားဖယ်သူလည်း တွဲရဂေ့ဟယ်။ 9 သူးနို့လေဟု တောန်ထတ်ဟုနေ ဆင်းလာဂေ့ဟူ ခီမာ ယေရှုဟု “လူရဲသားဟု သေရာဟုနေ ထမြော့-က်ခံခံထိ နန်းနို့ ဗြင်ဟားဇာဟို ဖယ်သူဟိုလည်း ပြောဂေ့န” ဆိုဘီး သူးနို့ဟို မိန့်မာလေဟယ်။ 10 သူးနို့လေဟု ကိုယ်တော်ရဲ့ မိန့်ဟို

နာခံရေဟယ် အယ်ဘေမဲလည်း “သေရာဟုနေ ထမြော-က်ဟယ်’ ဆိုစာဟု ဖြားခိပါယ်မျိုးနူး” ဆိုဘီး အယ်ကြောင်းဟို သူးနီရှင်းရှင်းထဲမှာ စဘီး ဆွေးနွေးနေရေဟယ်။ 11 အယ်ဘီးဟာ သူးနီဟု ယေရူဟို “ဧလိယဟာ ရင်ဦးဆောင်း လာမယ် ဆိုဘီး ကျမ်းတတ်ဆရာလေဟု ဖြားဖြစ်ကြောန့် ပြောရေနူး” ဆိုဘီး မေးရေဟယ်။ 12 ယေရူဟု “ဧလိယဟာ ရင်ဦးဆောင်း လာဘီး ဂူလောင်းဟို သစ်ညှန်လောက်မယ် ဆိုစာဟု မှန်ဟယ်။ အယ်ဘေမဲ လူရဲသားဟု ဝေဒနာဘောင်ဂီး ခံဘီးဟာ ငြင်းပယ်ခံရမယ် ဆိုဘီး ကျမ်းစာမာ ဖြားဖြစ်ကြောန့် ရေးဟားနူး။ 13 အယ်ဘေမဲလည်း နန်းနီဟို ငါပြောမယ်။ ဧလိယဟာ ရော-က်လာပီးဘီ။ သူ့ကြောင်းဟို ကျမ်းစာမာ ရေးဟားတိုင်း လူလေဟု သူးနီလောက်ရှင်ဟူတိုင်း သူဟို လောက်ရေဟယ်” ဆိုဘီး ပွန်ဖြေလေဟယ်။ 14 သူးနီဟာ တခြားတဗဲတော်လေနားဟို ရော-က်လာဟူ ခီမာ ရရာတိုင်း ကီးမားဟူ လူအောက်ကီးဟာ သူးနီလေဟို ဝိုင်းရံဟားဘီး ကျမ်းတတ်ဆရာ တချို့ဟာ သူးနီ ငြင်းခုံနေစာဟို ဗြင်ဟားလေဟယ်။ 15 ရှစ်ရှင်းဘဲ လူလေဟု ယေရူဟို ဗြင်ဟူ ခီမာ သူးနီဟာ ရရာတိုင်း အံ့ဩရေဘီးဟာ ကိုယ်တော်နားဟို ပွေးလာဘီး နောက်ဆစ်ရေဟယ်။ 16 ယေရူဟု တဗဲတော်လေဟို “နန်းနီလေဟာ သူးနီလေ ဖြားကြောင်းရာဟို ငြင်းခုံနေရေနူး” ဆိုဘီး မေးလေဟယ်။ 17 လူအောက်ကီးထဲဟုနေ တယော-က်ဟု “ဆရာ၊ ညစ်ညူးဟူနတ် ဝမ်းပူးနေဟူကြောန့် စကားပြောနိုင်ဘဲဟူ ကျွန်တော့်သားဟို ဆရာနားဟို ခေါ်လာဟယ်။ 18 နတ်ဆိုးဟာ သူဟို ဖမ်းစားဟူခီတိုင်း သူဟို မွေ့ဂီးမာ လဲခွတတ်ဘီး၊ ဧပဲပေါ-က်ဟု ဖြပ်ထွပ်ဘီး၊ အံ့သွားလေ ကြိုတတ်ဟယ်။ အယ်ဘီးန တော-က်မာ လာဟယ်။ ကျွန်တော်ဟာ ကိုယ်တော်ရဲ့ တဗဲတော်လေဟို အယ်နတ်ဆိုးဟို နှန်ထုဟို ပြောဟယ် အယ်ဘေမဲ သူးနီလေဟု တတ်နိုင်ရေဟု” ဆိုဘီး ပွန်ဖြေလေဟယ်။ 19 ယေရူဟု “နန်းနီဟာ လောင်းဝ ယောင်ကြည်ဘဲဟူ လူလေ ဖြစ်ဟယ်၊ ငါဟာ ဖယ်လော-က်ကြာအောန့် နန်းနီတူးဒု နေရဟိုနူး။ ဖယ်မျှလော-က်ကြာအောန့် နန်းနီဟို သီးခံရဟိုနူး။ ကောင်းသားဟားဟို ငါနားဟို ခေါ်လာရေ!” ဆိုဘီး သူးနီဟို ပြောလေဟယ်။ 20 အယ်ကြောန့် သူးနီလေဟု သူဟို ယေရူနားဟို ခေါ်ဟားရေဟယ်။ နတ်ဆိုးဟာ ယေရူဟို ဗြင်ဟူ ခီမာ ရှစ်ရှင်းဘဲ ကောင်းသားဟားဟို လဲခွဘီး တူတတ်စေဟယ်။ အယ်ကြောန့် သူဟာ မွေ့မာ လဲခွဘီး လူးလိနေဘီးဟာ ဧပဲပေါ-က်ဟု ဖြပ်လေ ထွပ်နေလေဟယ်။ 21 ယေရူဟု “အယ်မျိုးဖြစ်နေစာ ကြာဘီလော” ဆိုဘီး ကောန်သားရဲ့ ဖဟို မေးလေဟယ်။ သူဟု “သားဂန်းဟား ဂဒဲဟု ဖြစ်နေဟယ်။” 22 “သူဟို မီးထဲမာရေ၊ ရေထဲမာရေ လဲဣစေဘီးဟာ သတ်ဟို ခါဘီးခါ ကြိုးစားဟယ်။ အယ်ဘေမဲ ကိုယ်တော်ဟာ တခုခု တတ်နိုင်မယ် ဆိုဟာ ကျွန်တော့်ဟို သနားဘီးဟာ ကူညီပေးပါ!” ဆိုဘီး ပွန်ဖြေလေဟယ်။ 23 ယေရူဟု “နန်းကိုယ်တိုင်လည်း တတ်နိုင်ဟယ် မဟူလော။ ယောင်ကြည်ရှင်းရှိဟူ လူတယော-က်ထွပ် ဂူလောင်း ဖြစ်နိုင်ဟယ်” ဆိုဘီး မိန့်တော်မူလေဟယ်။ 24 ရှစ်ရှင်းဘဲ ကောန်သားဟားရဲ့ ဖဟု “ကျွန်တော် တကယ် ယောင်ကြည်ပါဟယ်။ ကျွန်တော်ဟာ ယောင်ကြည်ဘဲကြောန့် ကျွန်တော့်ဟို မစပေးပါ!” ဆိုဘီး အော်ဘီးပြောလေဟယ်။ 25 လူအောက်ကီးဟာ သူးနီရှိဟူ နေရာဟို ပွေးလာရေစာဟို ယေရူ ဗြင်ဟားဟယ်။ အယ်ကြောန့် ကိုယ်တော်ဟု ညစ်ညူးဟူ နတ်ဟို မိန့်ပေးလိုက်ဟယ်။ “ဆွံ့အဘီး နားပန်းဟူ နတ် ကောန်သားထဲဟုနေ ထွပ်ဟားဘီး နော-က်ထပ် သူထဲဟို လောင်းဝ ဝမ်နု ငါမိန့်ပေးဟယ်!” ဆိုဘီး ပြောလေဟယ်။ 26 နတ်ဆိုးဟု အော်ဘီးဟာ ကောန်သားဟို ရရာတိုင်း တူတတ်ခိုင်းဘီးန ထွပ်ဟားလေဟယ်။ ကောန်သားဟု သေကောန်မျိုး ဖြစ်ဟားကြောန့် “သူသေဟားဘီ!” ဆိုဘီး လူတိုင်းပြောရေဟယ်။ 27 အယ်ဘေမဲ ယေရူဟု ကောန်သားရဲ့ လတ်ဟို ကိုင်ဘီး ထဒန်ဟို ဆွဲဒန်လိုက်ဟူ ခီမာ သူဟာ ထလာဟယ်။ 28 ယေရူဟု အီထဲဟို ဝမ်ဟားဘီးန တဗဲတော်လေဟု “ကျွန်တော့်ဟားလေဟု ဖြားဖြစ်ကြောန့် အယ်နတ်ဆိုးဟို နှန်ထုနိုင်ဟူး” ဆိုဘီး ကိုယ်တော်ဟို တိတိဟား မေးရေဟယ်။ 29 ယေရူဟု “အယ်နတ်မျိုးဟို ဆုတောင်းဇာအားဖြင့်ဘဲ နှန်ထုနိုင်ဟယ်” ဆိုဘီး ပွန်ဖြေလေဟယ်။ 30 ယေရူနု တဗဲတော်လေဟု အယ်နေရာဟုနေ ထွပ်ဟားဘီး ဂါလိလဲနယ်ဟို ဖြတ်ဘီး ဆစ်သွားလေဟယ်။ သူးနီလေ အယ်နေရာမာ ရှိနေဟယ် ဆိုစာဟို ယေရူဟု ဖယ်သူဟိုလည်း သိခိုင်းရှင်ဟု၊ 31 ဖြားဖြစ်ကြောန့်ဆိုဟာ ကိုယ်တော်ဟာ သူရဲ့ တဗဲတော်လေဟို “လူရဲသားဟာ သူဟို သတ်မယ့်လူလေရဲ့ လတ်ထဲဟို အပ်ခံရလေမယ်။ အယ်ဘေမဲလည်း သောင်းရစ်ကြာဘီးန သူဟာ

ထမြော့-က်လေ့မယ်” ဆိုဘီး သွန်သန်နေကြောနဲ့ ဖြစ်ဟယ်။ 32 အယ်ဘောမဲ့ ကိုယ်တော်ပြောနေဇာဟာ ဖြားဗိပါယ်ရှိဟယ် ဆိုဇာဟို သူးနို့လေ နားလည်ဂေဟာ။ အယ်ဘီးဟာ ကိုယ်တော့်ဟို မေးဟို့လည်း သူးနို့ဟာ ကြော့-က်နေဂေဟယ်။ 33 သူးနို့လေဟာ ကပေရနောင်မြို့ဟို ရော့-က်ဟားဂေဘီး အီထဟို့ ဝမ်ဟားဘီးန ယေရှုဟာ “နန်းနို့ဟာ လမ်းမာ ဖြားကြောန်းဟို ဂြင်းခူနေဂေနူး” ဆိုဘီး တဗဲတော်လေဟို မေးလေဟယ်။ 34 အယ်ဘောမဲ့ သူးနို့လေဟာ ကိုယ်တော့်ဟို ဖြေဂေဟာ။ ဖြားဖြစ်ကြောန်းနူးဆိုဟာ လမ်းမာ ဖယ်သူဟာ ကီးမြတ်ဆောင်းဖြစ်ဟယ် ဆိုဘီး သူးနို့ရှင်းရှင်းထဲမာ ဂြင်းခူနေကြောန်း ဖြစ်ဟယ်။ 35 ယေရှုဟာ ထိုင်ခွဘီးန တဗဲတော် ဆယ်နေပီးဟို ခေါ်လိုက်ဘီး “ဖယ်လူဘဲဖြစ်ဖြစ် ဦးဆောင်းဖြစ်ရှင်ဟယ် ဆိုဟာ အယ်လူဟာ ဂူလောင်းရဲ့ နော့-က်ဆောင်းဖြစ်ရမယ်။ ဂူလောင်းရဲ့ စေခံလည်း ဖြစ်ရမယ်” ဆိုဘီး သူးနို့ဟို မိန့်တော်မူလေဟယ်။ 36 အယ်ဘီးန ကိုယ်တော်ဟာ သားဂန်းတယော့-က်ဟို ခေါ်ဘီးဟာ သူးနို့ ရှေ့မာ ရပ်ခိုင်းလေဟယ်။ ကိုယ်တော်ဟာ သူဟို ပိုက်ဘီးဟာ သူးနို့ဟို ပြောလိုက်ဇာဟာ။ 37 “ဖယ်လူဘဲဖြစ်ဖြစ် အယ်သားဂန်းလေထဲဟာ တယော့-က်ဟို ငါနာမဟို ထော့-က်ဘီးဟာ လတ်ခံဟယ် ဆိုဟာ ငါဟို လတ်ခံဟယ်။ ဖယ်သူဘဲဖြစ်ဖြစ် ငါဟို လတ်ခံဟယ် ဆိုဟာ ငါဟိုဘဲ လတ်ခံဇာ မူဟာ ငါဟို စေလွှတ်လိုက်ဟူ သူဟိုလည်း လတ်ခံဟယ်။” 38 ယောဟန်ဟာ “ဆရာ၊ ကိုယ်တော်ရဲ့ နာမန နတ်ဆိုးလေဟို နှန်ထုနေဟူ လူတယော့-က်ဟို ကျွန်တော်လေ တွဲမြင်လာဟယ်။ သူဟာ ကျွန်တော့်ဟားလေရဲ့ အောက်စုထဲဟာ မှုဘဲဟူကြောနဲ့ သူဟို လောက်ဘဲဟို့တွပ် ပြောရစ်ဟယ်” ဆိုဘီး ကိုယ်တော့်ဟို ပြောလေဟယ်။ 39 ယေရှုဟာ “သူဟို တားဂေန။ ဖြားဖြစ်ကြောန်းနူးဆိုဟာ ငါနာမန နိမိတ်လတ်ခံဏာပြဘီးဟာ ကြာခန်မာ ငါကြောန်းဟို ကဲ့ရဲ့နိုင်ဟူလူ ယော့-က်လည်း မေ့ဟာ။ 40 ဖြားဖြစ်ကြောန်းနူးဆိုဟာ ဖယ်လူဘဲဖြစ်ဖြစ် နို့လေဟို ဆန်ကျင်ဟာဆိုဟာ နို့လေဖတ်ဟာဘဲ ဖြစ်ဟယ်။ 41 ငါ မှန်တိုင်းပြောမယ်၊ နန်းနို့ဟာ ခရစ်တော်ရဲ့ တဗဲတော်လေဖြစ်ဟူကြောနဲ့ ငါနာမဟို ထော့-က်ဘီး နန်းနို့လေဟို ရေတခွပ် ပေးသော့-က်ဟူ လူတိုင်းဟာ တကယ်ဘဲ ကျိုးဟို လတ်ခံရလေမယ်။ 42 “ဖယ်လူဘဲဖြစ်ဖြစ် ငါဟို ယောင်ကြည်ဟူ အယ်သားဂန်းလေထဲဟာ တယော့-က်ဟို မှားယွင်းစေမယ် ဆိုဟာ သူ့ရဲ့ လည်ဘန်းမာ ကီးမားဟူ ကြော့-က်လွှဲဆောင်ဟို့ ခယ်ဘီး ပန်လယ်ထဲဟို ပစ်ခွခံရဇာဟာ အယ်လူတွပ် ပိုကောန်းဟယ်။ 43 နန့်လတ်ဟာ နန့်ဟို မှားယွင်းစေဟယ် ဆိုဟာ အယ်လတ်ဟို ဖြတ်ပစ်လိုက်၊ လတ်နေဖတ်န မီးသောဘဲဟူ ငရဲထဲဟို သွားရဇာထတ် လတ်တဖတ်မေ့ဘဲန သတ်ရှင်ဇာဟို ဝမ်ရဇာဟာ ပိုကောန်းဟယ်။ (Geenna g1067) 45 နန့်ခေဟာ နန့်ဟို မှားယွင်းစေဟယ် ဆိုဟာ အယ်ခေဟို ဖြတ်ပစ်လိုက်၊ ငရဲထဲဟို ခေနေဖတ်န ပစ်ခွခံရဇာထတ် ခေတဖတ်မေ့ဘဲန သတ်ရှင်ဇာဟို ဝမ်ရဇာဟာ ပိုကောန်းလေဟယ်။ (Geenna g1067) 47 နန့်မျစ်စိဟာ နန့်ဟို မှားယွင်းစေဟယ် ဆိုဟာ အယ်မျစ်စိဟို ထုပစ်လိုက်၊ မျစ်စိနေဖတ်န ငရဲထဲဟို ပစ်ခွခံရထတ် မျစ်စိတဖတ်န ဘုရားသခင်ရဲ့ နိုင်ငံတော်ဟို ဝမ်ရဇာဟာ ပိုကောန်းဟယ်။ (Geenna g1067) 48 ‘အယ်နေရာမာ သူးနို့ဟို စားဟူပိုးကောန်လေဟာ လောင်းဝသေဟာ။ အယ်ဘီးဟာ သူးနို့ဟို လောန်နေဟူမီးဟုလည်း လောင်းဝသေဟာ။’” 49 “ယစ်ကောန်ဟာ ဆားအားဖြင့် စင်ကြယ်ဟားမျိုးဘဲ လူတိုင်းဟာ မီးအားဖြင့် စင်ကြယ်ဟားလေမယ်။” 50 “ဆားဟာ သောင်းဝမ်ဟယ်။ အယ်ဘောမဲ့ သူ့ရဲ့ ငန်ဟူရသာ ပျော့-က်ဟားမယ် ဆိုဟာ ငန်ဟူရသာဟို ဖယ်မျိုး ယွန်ရနိုင်ဟို့နူး။ “နန်းနို့ ကိုယ်တိုင်မာလည်း ဆားရဲ့ ဂေါင်သတ်တိမျိုးရှိဂေ။ အယ်ဘီးဟာ ရှင်းရှင်း သင့်မြတ်အောန်နေဂေ” ဆိုဘီး သူးနို့ဟို မိန့်တော်မူလေဟယ်။

10 အယ်ဘီးန ယေရှုဟာ အယ်နေရာဟာ ထွပ်ဟားဘီး၊ ယုဒနယ်ဟို သွားလေဟယ်။ အယ်ဘီးဟာ ယော်ဒန်မွန်ဟို ကူးဟားလေဟယ်။ လူအောက်ဂီးဟာ ကိုယ်တော်နားဟို ယွန်ဘီး စုလာဂေဟယ်။ ကိုယ်တော်ဟာ လောက်နေကျတိုင်း သူးနို့ဟို သွန်သန်လေဟယ်။ 2 ဖာရိရှလေ တချို့ဟာ ကိုယ်တော်နားဟို လာဘီးဟာ ထောန်ချော့-က်ဆင်ဟို့ ကြိုးစာဟယ်။ သူးနို့ဟာ “ကျွန်တော့်လေဟို ပြောပြပါ။ ကျွန်တော့်လေရဲ့ ပညတ်တရားဟာ လူတယော့-က်ဟို သူမယားန ကွာရှင်းဟို့ ခွမ်ပြုဘဲလော” ဆိုဘီး မေးဂေဟယ်။ 3 ယေရှုဟာ “မောရှေဟာ နန်းနို့ဟို ဖြားမျိုး ပညတ်ပေးဟားနူး” ဆိုဘီး မေးခွန်းန ယွန်မေးလေဟယ်။ 4 သူးနို့ရဲ့ ဖြေဟာ “လူတယော့-က်ဟာ သူမယားဟို ကွာရှင်းစာချောက်ဟို ပေးဘီး

ကွာရှင်းဟို့တွင် မောရှေဟု ခွဲမပြုဟူးဟယ်” ဆိုဘီး ဖြစ်ဟယ်။ 5 ယေရှုဟု “မောရှေဟု အယ်မျိုးပညတ်ချစ်ဟို့ နန်းခိုလေတွင် ရေးဟူးဟယ် ဖြားဖြစ်ကြောန့်နူးဆိုဟု နန်းခိုရဲ့ စိန်လောင်းမာကျောဟူကြောန့် ဖြစ်ဟယ်။ 6 အယ်ဘောမဲ့ ကျမ်းစာမာ ပြောဟူးတိုင်းဘဲ ဖန်ဆင်းစဉ်းဟု ‘ဘုရားသခင်ဟု ယော့-က်ကျားနု မီးမဟို့ ဖန်ဆင်းဟူးဟယ်။ 7 အယ်ကြောင်းကြောန့် ယော့-က်ကျားဟု သူမိဖဟို့ စွန့်ဘီး သူမီးမန ပေါန်းသင်းလေဟယ်။ 8 အယ်ဘီးဟု အယ်နေယော့-က်ဟု တသားတကိုယ်ဒဲ ဖြစ်လာလေမယ်။’ အယ်ကြောန့် သူးနို့ဟု နေယော့-က်ဟု။ အယ်ဘောမဲ့ တယော့-က်ဒဲဘဲ ဖြစ်ဟယ်။ 9 အယ်ကြောန့် ဘုရားသခင် ပေါန်းစပ်ပေးဟူးဇာဟို့ လူခွဲခွာစေန” ဆိုဘီး သူးနို့ဟို့ မိန့်တော်မူလေဟယ်။ 10 သူးနို့လေဟု အီဟို့ ပွန်ရော့-က်ဟူ ခီမာ တဗဲတော်လေဟု အယ်ကြောန့်ဟို့ ယေရှုဟို့ မေးလျှော့-က်ဂေဟယ်။ 11 ကိုယ်တော်ဟု “ကိုယ်မယားဟို့ ကွာရှင်းဘီး တခြားမီးမဟို့ ကိုယ့်မယားဟို့ ပြစ်မှားဘီး အီထောန်ရေးဖော့-က်ပွန်ရှင်းဟို့ ကျူးလွန်သူ ဖြစ်ဟယ်။ 12 အယ်မျိုးဘဲ ကိုယ့်လန်ဟို့ ကွာရှင်းဘီး တခြားယော့-က်ကျားဟို့ ပေါန်းသင်းဟူ မီးမဟု ကိုယ့်လန်ဟို့ ပြစ်မှားဘီး အီထောန်ရေးဖော့-က်ပွန်ရှင်းဟို့ ကျူးလွန်သူ ဖြစ်ဟယ်” ဆိုဘီး သူးနို့ဟို့ မိန့်တော်မူလေဟယ်။ 13 လူလေတချို့ဟု သားဂန်းလေရဲထတ်မာ ကိုယ်တော်ရဲ့ လတ်လေဟို့ တန်ခိုင်းဟို့တွင် ယေရှုနားဟို့ ခေါ်လာဂေဟယ်။ အယ်ဘောမဲ့ တဗဲတော်လေဟု အယ်လူလေဟို့ ပြစ်တန်ဂေဟယ်။ 14 ယေရှုဟု အယ်ဇာဟို့ ဗြင်ဟူးခီမာ ကိုယ်တော်ဟု စီဆိုးဟူးဘီး “သားဂန်းလေဟို့ ငါနားဟို့ လာဂေပါစေ၊ သူးနို့ဟို့ တားဂေန။ ဖြားဖြစ်ကြောန့်နူးဆိုဟု အယ်မျိုးလူလေဘဲ ဘုရားသခင် နိုင်ငံတော်မာ နေရလေမယ်။ 15 ငါ မှန်တိုင်းပြောမယ်၊ ဘုရားသခင်ရဲ့ နိုင်ငံတော်ဟို့ သားဂန်းတယော့-က်မျိုး လတ်ခံဘဲဟူလူဟု နိုင်ငံတော်ဟို့ လောင်းဝ ဝမ်ရလေဟို့ မဟု” ဆိုဘီး တဗဲတော်လေဟို့ မိန့်တော်မူလေဟယ်။ 16 အယ်ဘီးန ကိုယ်တော်ဟု သားဂန်းလေဟို့ ခီလိုက်ဘီး သူးနို့ထတ်မာ သူရဲ့ လတ်လေဟို့ တန်ဟယ်။ အယ်ဘီးဟု သူးနို့ဟို့ ကောင်းဂျီးပေးလေဟယ်။ 17 ယေရှုဟု ခရီးစပြုနေဟူ ခီမာ လူတယော့-က်ဟု ပွေးလာဘီး၊ ကိုယ်တော်ရှေမာ ဒူးထော့-က်ဘီး “ကောင်းမြတ်ဟူဆရာ၊ ထာဝရသတ်ဟို့ လတ်ခံရဟို့တွင် ကျွန်တော့်ဟု ဖြားဇာလောကရဟို့နူး” ဆိုဘီး မေးလျှော့-က်လေဟယ်။ (aiōnios g166) 18 ယေရှုဟု “နန်ဟု ဖြားဖြစ်ကြောန့် ငါဟို့ ကောင်းမြတ်ဟယ် ဆိုဘီး ခေါ်နေရနူး။ ဘုရားသခင် တပါးဟုလွဲဘီး ဖယ်သူလည်း ကောင်းမြတ်ဟု။ 19 ‘လူသတ်ဟို့သတ်န၊ အီထောန်ရေးဖော့-က်ပွန်န၊ ခိုးန၊ ဖယ်သူဟို့ဘဲဖြစ်ဖြစ် မှားမှားဟိုးန စွပ်စွဲန၊ လီညာန၊ နန်ရဲမိဖဟို့ ရိုသေဂေ’ ဆိုဘီး ပညတ်ဟူးဇာလေဟို့ နန်သိဟယ်” ဆိုဘီး ပွန်ဖြေလေဟယ်။ 20 အယ်လူဟု “ဆရာ၊ အယ်ပညတ်ချစ်လေ ဂူလောင်းဟို့ ကျွန်တော် ငဲငယ်ဂဒဲဟု ကျွန်တော်ဟု စောန့်ထီးလာဟယ်” ဆိုဘီး ပြောလေဟယ်။ 21 ယေရှုဟု အယ်လူဟို့ ရှစ်ဟူစိန် စေ့စေ့ကေဘီး “နန်မာ တခုဘဲ လိုနေဟယ်။ သွားဘီး နန်မာရှိဇာလေ ဂူလောင်းဟို့ ရောင်းလိုက်ဘီးဟု ဆင်းရဲသားလေဟို့ ပေးလိုက်။ အယ်ဆိုဟု နန်ဟု ကောင်းဂန်ဘောင်မာ ဘဏ္ဍာရလေမယ်။ အယ်ဘီးမု လာဘီးဟု ငါနော့-က်ဟို့ လိုက်ပါ” ဆိုဘီး မိန့်တော်မူလေဟယ်။ 22 အယ်လူဟု အယ်စကားဟို့ ကြားရဟူ ခီမာ။ သူရဲ့ မျစ်နာဟု ညှိုးငယ်ဟူးဟယ်။ အယ်ဘီးန သူဟု ဝန်းနဲပန်းနဲန ထွပ်ဟူးလေဟယ်။ ဖြားဖြစ်ကြောန့်နူးဆိုဟု သူဟု ရရာတိုင်း ကပ်ပေါဟူကြောန့် ဖြစ်ဟယ်။ 23 ယေရှုဟု တဗဲတော်လေဟို့ လှည့်ပတ်ကေဘီးန “ကပ်ပေါဟူ လူလေတွင် ဘုရားသခင်ရဲ့ နိုင်ငံတော်ဟို့ ဝမ်ရဟို့ ရရာတိုင်း ခတ်လေမယ်။” ဆိုဘီး သူးနို့ဟို့ မိန့်တော်မူလေဟယ်။ 24 တဗဲတော်လေဟု အယ်စကားလေဟို့ အံ့ဩဂေဟယ်။ အယ်ဘောမဲ့ ယေရှုဟု ဆစ်ဘီး ပြောလိုက်ဇာဟု “ငါသားမီးလေ၊ ဘုရားသခင်ရဲ့ နိုင်ငံတော်ဟို့ ဝမ်ဟို့တွင် ရရာတိုင်း ခတ်လေဟယ်။ 25 ကပ်ပေါဟူ လူတယော့-က်ဟု ဘုရားသခင်ရဲ့ နိုင်ငံတော်ဟို့ ဝမ်ဟို့ထတ် ကုလားအုတ် တကောန်ဟု အပ်ပေါ့-က်ထဲဟို့ ဝမ်ဟို့ ပိုဘီး လွယ်ဟယ်။” 26 တဗဲတော်လေဟု ပိုဘီး အံ့ဩဟူးဘီး “အယ်မျိုးဆို ဖယ်သူဟု ကယ်တန်ရှင်း ခံရနိုင်ဟို့နူး” ဆိုဘီး ရှင်းရှင်း မေးဂေဟယ်။ 27 ယေရှုဟု သူးနို့လေဟို့ စေ့စေ့ကေဘီးဟု “အယ်မဟု လူလေတွင် ဖြစ်နိုင်ဟု။ အယ်ဘောမဲ့ ဘုရားသခင်တွင် ဂူလောင်း ဖြစ်နိုင်ဟယ်” ဆိုဘီး ပွန်ဖြေလေဟယ်။ 28 ပေတရဟု “ကျွန်တော့်လေဟု ကိုယ်တော်နော့က်ဟို့ လိုက်ဟို့ ဂူလောင်းဟို့

ထားရစ်ဂေဟယ်” ဆိုဘီး လျှော့-က်လေဟယ်။ 29 ယေရှုဟု “ငါ မှန်းမှန်ကန်းကန် ပြောမယ်။ ငါ့တွပ်နံ ဧဝံဂေလိတွပ် အီ၊ ညီကိုလေ၊ မောန်နှမလေ၊ မိဖ၊ သားမီးလေ၊ လယ်မွေလေဟို ဇွန်ဟူ လူဟူ။ 30 ခုတဝမာ ဆတရာထတ်ပိုဟူ အီလေ၊ ညီကိုလေ၊ ညီမလေ၊ မိဖလေ၊ သားမီးလေ၊ လယ်မွေလေဟူဒူ ညှဉ်းခဲဇာဟို လတ်ခံရရှိလေမယ်။ အယ်ဘီးဟူ နှော့-က်ဘဝမာလည်း ထာဝရသတ်ဟို လတ်ခံရရှိလေမယ်။ (aion g165, aionios g166) 31 အယ်ဘေမဲ့ ရင်ဦးဆောင်း ကွဟူ သူဘောင်ဂီးဟု နှော့-က်ဆောင်းကွလေမယ်၊ နှော့-က်ဆောင်း ကွဟူ သူဘောင်ဂီးဟု ရင်ဦးဆောင်း ကွလေမယ်” ဆိုဘီး သူးနိုဟို မိန့်တော်မူလေဟယ်။ 32 ယေရှုန တဗဲတော်လေဟာ ယေရုရှလင်မြို့ဟို သွားနေဂေဟယ်။ လမ်းမာယေရှုဟာ သူးနိုဂေဟုနေ သွားဟူကြောန့် တဗဲတော်လေဟာ အံ့ဩနေဂေဟယ်။ နှော့-က်ဟု လိုက်လာဟူ လူလေဟာလည်း ကြော့-က်နေဂေဟယ်။ ယေရှုဟာ တဗဲတော် ဆယ့်နေယော့-က်ဟို သူဘေးနားဟို တခါ ထပ်ခေါ်ဘီးဟာ သူမာ တွံကြောင်လာရဟို ဇာလေဟို ပြောပြလေဟယ်။ 33 ကိုယ်တော်ဟု “နားထောန်ဂေ၊ နို့လေဟာ ခု ယေရုရှလင်မြို့ဟို သွားနေဂေဘီး အယ်နေရာမာ လူရဲသားဟာ ယဇ်ပုရောဟိတ်ဂီးလေန ကျမ်းတတ်ဆရာလေနားဟို အပ်ဇာဟို ခံရလေမယ်။ သူးနိုဟာ သူဟို သေဒန်စီရင်ဘီးန လူမျိုးခြားလေနားဟို အပ်ဂေလေမယ်။ 34 လူမျိုးခြားလေဟာ သူဟို ပြစ်ရယ်ပြုဘီး သူဟို ထိုးရယ်န ထိုးဘီး၊ သူဟို ကီဒန်ပေးဘီး သေသတ်ဂေလေမယ်။ သောင်းရစ်ကြာဘီးန လူရဲသားဟာ သေရာဟုနေ ထမြော့-က်လေမယ်” ဆိုဘီး မိန့်တော်မူလေဟယ်။ 35 အယ်ဘီးန ဇေဗေဒဲရဲ သားလေဖြစ်ဟူ ယာကုပ်န ယောဟန်လေဟာ ယေရှုနားဟို လာဟယ်။ သူးနိုဟု “ဆရာ၊ ကျွန်တော့်ဟားလေတွပ် လောကပေးစေရှင်ဇာ တခုရှိပါဟယ်” ဆိုဘီး လျှော့-က်လေဟယ်။ 36 ယေရှုဟု “နန်းနို့တွပ် ပြားဇာဟို ငါလောကပေးရဟိုနူး” ဆိုဘီး မေးလေဟယ်။ 37 သူးနိုဟု “ကျွန်တော့်ဟားလေဟို ကိုယ်တော်ရဲ့ ဖောင်းသရေတော်ထဲမာ ညာဖတ်မာ တယော့-က်န ဘယ်ဖတ်မာ တယော့-က် ထိုင်ခွမ်ပေးပါ” ဆိုဘီး ယွန်လျှော့-က်လေဟယ်။ 38 ယေရှုဟု “နန်းနို့ဟု ပြားဇာလေ တောင်းနေဟယ် ဆိုဇာဟို နန်းနို့လေ သိဂေဟု။ ငါသော့-က်ရမယ့် ဝေဒနာခွပ်ဟို နန်းနို့ သော့-က်နိုင်ဘဲလော။ ငါခံရမယ့် ဗတ္တိဇ်ဟို နန်းနို့ ခံနိုင်ဘဲလော” ဆိုဘီး မိန့်တော်မူလေဟယ်။ 39 သူးနိုဟု “ကျွန်တော်လေဟာ တတ်စွမ်းနိုင်ဟယ်” ဆိုဘီး ယွန်ပြေဂေဟယ်။ ယေရှုဟု “နန်းနို့ဟာ ငါသော့-က်ရမယ့် ခွပ်ဟို သော့-က်ရလေမယ်။ အယ်ဘီးဟာ ငါခံရမယ့် ဗတ္တိဇ်ဟိုလည်း ခံရဂေလေမယ်။ 40 အယ်ဘေမဲ့ ဖယ်လူဟာ ငါရဲ့ ညာဖတ်န ဘယ်ဖတ်မာ ထိုင်ရလေမယ် ဆိုဇာဟို ဝီးကော့-က်ဟိုခွမ် ငါမာ မှေဟူ။ ဘုရားသခင် ပြင်ဆင်ဟားဟူ လူလေတွပ် အယ်နေရာလေဟို ကိုယ်တော်ဟာ ပေးလေမယ်” ဆိုဘီး သူးနိုဟို မိန့်တော်မူလေဟယ်။ 41 အယ်ကြောန်းဟို တဗဲတော်ဆယ်ပါး ကြားဂေဟူ ခီမာ သူးနိုဟာ ယာကုပ်န ယောဟန်ဟို စီဆိုးဂေဟယ်။ 42 အယ်ကြောန့် ယေရှုဟာ သူးနို့လေ ဂူလောင်းဟို တူးဒုခေါ်ဘီးဟာ “နန်းနို့လေ သိဟားမျိုးဘဲ မန်းစိုးရာဇာလေဟာ လူမျိုးခြားလေထတ်မာ အောက်ချောက်ဂေဟယ်။ ကဲမူးလေဟုလည်း ခွမ်အာဏာ ထားဂေဟယ်။ 43 နန်းနို့လေထဲမာ အယ်မျိုးဖြစ်ဂေန။ အယ်မျိုးဖြစ်မယ့်စား ကီးဆောင်းဖြစ်ရှင်ဟူ ဖယ်လူဘဲဖြစ်ဖြစ် နန်းနို့ထဲမာ စေခံဖြစ်ရမယ်။ 44 အယ်ဘီးဟာ ကီးဆောင်း ဖြစ်ရှင်ဟူ ဖယ်လူဘဲဖြစ်ဖြစ် ဂူလောင်းရဲ့ ကျွန်ဖြစ်ရမယ်။ 45 ပြားဖြစ်ကြောန့်နူးဆိုဟာ လူရဲသားဟာလည်း ခိုင်းစားဟိုလာဇာ မှဟူ။ သူဟာ စေခံဟိုန သူသတ်ဟို စွန်ဘီး လူလေဟို ဝီးနတွပ် လာဟယ်” ဆိုဘီး မိန့်တော်မူလေဟယ်။ 46 သူးနိုဟာ ယေရိခေါမြို့ဟို ရော့-က်လာဂေဟယ်။ အယ်ဘီးဟာ ယေရှုဟာ တဗဲတော်လေန ကီးမားဟူ လူအောက်ဂီးနတူးဒူ ထွပ်ဟားဟူ ခီမာ တိမဲရဲသား ဗာတိမဲ နာမယ်ရှိဟူ မျစ်ကန်းဒေါန်းဇား တယော့-က်ဟာ လမ်းဘေးမာ ထိုင်နေဟယ်။ 47 သူဟာ နာဇရက်မြို့သား ယေရှု ဖြစ်ဟယ် ဆိုဇာဟို ကြားရဟူ ခီမာ သူဟု “ဒါဝိဒ်ရဲ့ သားတော်၊ ယေရှု၊ ကျွန်တော့်ဟို သနားပါ!” ဆိုဘီး စဘီး အော်ဟစ်လေဟယ်။ 48 လူလေဘောင်ဂီးဟု သူဟို ပြစ်တန်ဂေဘီး တိတိဟားနေဟို ပြောဂေဟယ်။ အယ်ဘေမဲ့ သူဟု “ဒါဝိဒ်ရဲ့ သားတော်၊ ကျွန်တော့်ဟို သနားပါ!” ဆိုဘီး ရင်ဟုထတ် ကွယ်ဟီး အော်ဟစ်လေဟယ်။ 49 ယေရှုဟာ ရပ်လိုက်ဘီးန “သူဟို ခေါ်ဂေ” ဆိုဘီး ပြောလေဟယ်။ အယ်ကြောန့် သူးနိုဟာ မျစ်ကန်းဟို ခေါ် ဂေဟယ်။ သူးနိုဟု “အားငယ်န။ ထဒန်။ နန်ဟို ကိုယ်တော် ခေါ် နေဟယ်” ဆိုဘီး ပြောဂေဟယ်။

50 အယ်လူဟာ သူ့ရဲ့ ဝတ်လောင်ဟို ဘေးဟို ပစ်ခတ်လိုက်တီး၊ ထူတီးဟာ ယေရုရှားဟို လာဟယ်။ 51 ယေရုဟာ “နန့်တွပ် ပြားဇာ လောက်ပေးစေရှင် ဟယ်နူး” ဆိုဘီး သူ့ဟို မေးလေဟယ်။ မျစ်စိကန်းဟူ လူဟာ “ဆရာ၊ ကျွန်တော် ပြင်ရှင်ဟယ်” ဆိုဘီး ပြောလေဟယ်။ 52 ယေရုဟာ “သွားလိုက်၊ နန့်ရဲ့ ယောင်ကြည်ရှင်းဟာ နန့်ဟို ကျန်းမာစေဘိ” ဆိုဘီး မိန့်တော်မူလေဟယ်။ ရှစ်ရှင်းဘဲ အယ်လူဟာ မျစ်စိပြင်ဟားဘီး လမ်းတရှော့- က်လောင်း ယေရု နော့- က်ဟို လိုက်လေဟယ်။

11 သူးနို့လေဟာ ယေရုရှလင်မြို့န နီးကပ်လာဘီး သံလွင်တောန်မာရှိဟူ ဗက်ဖာဂေါန ဗေသနိဝါဟို ရော့- က်လာဂေဟူ ခီမာ ယေရုဟာ တဗဲတော် နွေယော့- က်ဟို စေလွတ်ဘီး၊ 2 သူးနို့ဟို ပြောနေဇာဟာ “နန့်နို့ရေမာရှိဟူ ဝါဟိုသွားဂေ။ နန့်နို့ဟာ အယ်နေရာဟို ရော့- က်ရော့- က်ရှင်း ဖယ်သူလည်း စီးဖူးသေးဘဲဟူ မြည်းသားဂန်း တကောန်ဟို ခယ်ဟားဇာဟို နန့်နို့ တွဲလေမယ်။ အယ်မြည်းဟို ကြိုးဖြေဘီးဟာ ယူလာဂေ။ 3 နန့်နို့ဟို ယော့- က်ယော့- က်ဟာ ‘ဖြားဖြစ်ကြောန့် အယ်မျိုး လောက်ရဟယ်နူး’ ဆိုဘီး မေးမယ် ဆိုဟာ ‘သခင် လိုရှိဟယ်။ အယ်နေရာဟို ရှစ်ရှင်း ပွန်ပိုပေးလေမယ်’ ဆိုဘီး ပြောဂေ” ဆိုဘီး မိန့်တော်မူဟယ်။ 4 အယ်ကြောန့် သူးနို့ဟာ ထွပ်ဟားဘီး လမ်းဘေးဟာ အိခွဗော့- က်မာ ခယ်ဟားဟူ မြည်းသားဂန်း တကောန်ဟို တွဲဂေဟယ်။ သူးနို့ဟာ မြည်းဟို ကြိုးဖြေနေဟူ ခီမာ 5 လမ်းမာရပ်နေဟူ လူတချို့ဟာ “နန့်နို့ဟာ ဖြားဖြစ်ကြောန့် အယ်မြည်းဟို ကြိုးဖြေနေဂေနူး” ဆိုဘီး သူးနို့ဟို မေးဂေဟယ်။ 6 သူးနို့ဟာ ယေရုပြောလိုက်တိုင်း ပွန်ဖြေဂေဟယ်။ အယ်ဆိုန အယ်လူလေဟာ သူးနို့ဟို သွားခွမ်ပေးဂေဟယ်။ 7 သူးနို့ဟာ မြည်းသားဂန်းဟားဟို ယေရုရှားဟို ခေါ်ဆောန်လာဘီး မြည်းထတ်မာ သူးနို့ဝတ်လောင်ဟို တန်လိုက်ဂေဟယ်။ အယ်ဘီးဟာ ယေရုဟာ မြည်းဟို စီးလေဟယ်။ 8 လူလေ ဘောင်းဂီးဟုလည်း သူးနို့ ဝတ်လောင်လေဟို လမ်းမာ ခမ်းဂေဟယ်။ တချို့လူလေဟာ ကွမ်းပွန်ထဲဟုနေ သစ်ခတ်လေဟို ခွတ်ဘီး လမ်းမာခမ်းဂေဟယ်။ 9 ရှေ့မာရှိဟူ လူလေန နော့- က်ဟာ လိုက်လာဟူ လူလေဟာ “ဟောရှဏ္ဏ! ဘုရားသခင်ရဲ့ နာမန ကြွလာဟူ သခင်ဟာ မင်္ဂလာရှိပါစေ! 10 ကြွလာနေဟူ နို့လေဖ ဒါဒိဒ်ရဲ့ နိုင်ငံတော်ဟာ မင်္ဂလာရှိပါစေ! ပြင်ဆောင်းမာ ဟောရှဏ္ဏ ဖြစ်ပါစေ! ဆိုဘီး ချီးမွမ်းဂေဟယ်!” 11 ယေရုဟာ ယေရုရှလင်မြို့ထဲဟို ဝမ်ဘီး ဗိမာန်တော်ထဲဟို ကြွဟားဟယ်။ အယ်ဘီးဟာ ရာရာဟို ကေတော်မူဟယ်။ အယ်ဘောမဲ့ နေဝမ်ဟားဘိ ဖြစ်ဟူကြောန့် တဗဲတော် ဆယ့်နေပါးနတူးဒ ဗေသနိဝါဟို သွားလိုက်ဟယ်။ 12 နော့- က်တနေမာ သူးနို့ဟာ ဗေသနိဝါဟုနေ ပွန်လာဂေဟူ ခီမာ ယေရုဟာ ဗိုက်ဆာနေဟယ်။ 13 ကိုယ်တော်ဟာ ဝပ်လေန ဖောင်းနေဟူ သဖန်းဗန်ဟို ဝီးဟုနေ ပြင်လေဟယ်။ အယ်ကြောန့် သီးတို့နိုင်ဟယ် ဆိုဘီး ပန်နားဟို သွားလိုက်ဟယ်။ အယ်ဘောမဲ့ ပန်နားဟို ရော့- က်ဟားဟူ ခီမာ သဖန်းသီးဆွပ်ဟို့ခီ ရော့- က်သေးဘဲဟူကြောန့် ဝပ်လေဘဲ တွဲဟယ်။ 14 အယ်ဆိုန ယေရုဟာ “နန့်ရဲ့ သီးဟို ကာလစဉ်ဆစ် ဖယ်သူလဲ စားရစေန!” ဆိုဘီး သဖန်းဗန်ဟို မိန့်တော်မူလေဟယ်။ တဗဲတော်လေလည်း ကြားဂေဟယ်။ (aiṯn g165) 15 သူးနို့ဟာ ယေရုရှလင်မြို့ဟို ရော့- က်ဟားဟူ ခီမာ ယေရုဟာ ဗိမာန်တော်ဟို သွားဘီးဟာ ရောင်းဝယ်နေဟူ လူလေဟို စဘီးဟာ နန့်ထုလေဟယ်။ ကိုယ်တော်ဟာ ကပ်လဲမားလေရဲ့ ဗွဲလေန ချိုးငှတ်ရောင်းနေဟူ ထိုင်ခေါင်လေဟိုလည်း မော့- က်ပစ်လိုက်ဘီး 16 သူဟာ ဗိမာန်တော်ဝမ်းဟို ဖြတ်ကူးဘီး ကူပစ်စီးလေ ရောင်းဝယ်ဟို့တွပ် ဖယ်သူဟို့လည်း ခွမ်ပေးဟယ်။ 17 အယ်ဘီးန ကိုယ်တော်ဟာ လူလေဟို သွန်သန်ဇာဟာ “ငါ့ရဲ့ အိတော်ဟို လူမျိုးအားလောင်းတွပ် ဆုတောင်းအိ ဆိုဘီး ခေါ်ခံရလေမယ်” ဆိုဘီး ကျမ်းစာမာ ရေးဟားဟယ်မူလော။ အယ်ဘောမဲ့ နန့်နို့ဟာ အယ်အိတော်ဟို မွဲလေတွပ် နေရာဖြစ်ခိုင်းဂေဟယ်။ 18 ယမ်ပရောဟိတ်ဂီးလေန ကျမ်းတတ်ဆရာလေဟာ အယ်ဇာဟို ကြားဟားဂေဟယ်။ အယ်ကြောန့် ယေရုဟို သတ်ဟို့တွပ် စဘီးဟာ နည်းလမ်းရှာဂေဟယ်။ လူအောက်ဂီး တခုလောင်းဟာ ကိုယ်တော်ရဲ့ သွန်သန်ဇာဟို အံ့ဩဟားဟူကြောန့် သူးနို့ဟာ ကိုယ်တော်ဟို ကြော့- က်နေဂေဟယ်။ 19 ညဉ့်မိုက်လာဟူ ခီမာ ယေရုန တဗဲတော်လေဟာ မြို့ပွန်ဟို ထွပ်ဟားဂေဟယ်။ 20 သူးနို့ဟာ နော့- က်တနေ မိုးလန်းစောစောဂီး လမ်းရှော့- က်ဟားဂေဟူ

ခီမာ ပြစ်ဟုနေဘီး ခြေ-က်နေဟူ သဖန်းဗန်ဟို သူးနိုဟာ ဗြင်ဟားဂေဟယ်။ 21 ပေတရုဟု ဒီရဟားဘီး ယေရှုဟို “ဆရာ၊ ကေလိုက်ဂေ! ကိုယ်တော် ကီဆဲလိုက်ဟူ သဖန်းဗန်ဟာ ခြေ-က်ဟားဘီ!” ဆိုဘီး လျှော့-က်လေဟယ်။ 22 ယေရှုဟု “ဘုရားသခင်ဟို ယောင်ကြည်ပါ။ 23 ငါ မုန်းမုန်ကန်းကန် ပြောမယ်။ ဖယ်လူဘွဲဖြစ်ဖြစ် အယ်တောန်ဟို ‘အယ်နေရာဟုနေ ရွှေဘီး ပန်လယ်ထဲဟို လွှလော’ ဆိုဘီး သူ့ရဲ့ စိန်လောင်းထဲမာ သံသယမေ့ဘွဲ ယောင်ကြည်ဘီး ပြောမယ် ဆိုဟာ အယ်တိုင်းဘွဲ ဖြစ်လေ့မယ်။ 24 အယ်ကြောန့် နန်းနိုဟို ငါပြောမယ်။ နန်းနိုဟာ တခုခုတွက် ဆုတောင်းဘီး တောင်းရှေ့-က်ဟူ ခီမာ အယ်ဇာဟို ရပီးဘီး ဆိုဘီး နန်းနို ယောင်ကြည်ဂေ။ အယ်ဆိုဟာ နန်းနို ဖြားဇာဘွဲ တောင်းတောင်း ရဂေလေ့မယ်။ 25 နန်းနိုလေဟာ ရပ်ဘီး ဆုတောင်းဟူ ခီမာ နန်းနိုမာ ယော့-က်ယော့-က်ဟို ပြစ်မှားဇာ တခုခုရှိမယ် ဆိုဟာ အယ်လူဟို ခွပ်လွှတ်ဂေ။ အယ်ဆိုဟာ ကောင်းကန်ဘောင်ဟု နန်းနိုဖလည်း နန်းနိုလေရဲ့ ပြစ်ဟို လွှတ်ပေးလေ့မယ်။” 27 သူးနိုဟာ ယေရုရှလင်မြို့ဟို နေ့-က်တခါ ရှေ့-က်ဟားဂေဟယ်။ ယေရှုဟာ ဗိမာန်တော်ထဲမာ လမ်းရှေ့-က်နေဟူ ခီမာ ယဇ်ပုရောဟိတ်ဂီးလေ၊ ကျမ်းတတ်ဆရာလေန သတ်ကီးဝါးစီးလေဟာ ကိုယ်တော်နားဟို လာဂေဘီး 28 ကိုယ်တော်ဟို “အယ်မူဇာလေဟို ဖြားခွပ်အာဏာနု လောက်နေနူး။ အယ်ခွပ်အာဏာဟို ဖယ်သူဟုပေးနူး” ဆိုဘီး မေးဂေဟယ်။ 29 ယေရှုဟု “နန်းနိုဟို ငါ မေးခွန်းတခု မေးမယ်။ နန်းနိုဟာ ငါ့ဟို ဖြေပေးမယ် ဆိုဟာ အယ်မူဇာလေဟို လောက်ဟို ငါ့မာ ဖြားခွပ်အာဏာ ရှိဟယ် ဆိုဇာဟို ငါပြောမယ်။ 30 ဗတ္တိဇ်ပေးဟိုတွပ် ယောဟန်ရဲ့ ခွပ်အာဏာဟာ ကောင်းကန်ဟုနေ ဖြစ်ဇာလော။ လူဟုနေဖြစ်ဇာလော။ ငါ့ဟိုဖြေဂေ!” ဆိုဘီး ပွန်မိန်တော်မူလေဟယ်။ 31 သူးနိုရှင်းရှင်း စဘီး ဆွေးနွေးဂေဇာဟု “နိုလေဟု ဖြားမျိုးပြောရဟိုနူး။ ‘ကောင်းကန်ဟုနေ ဖြစ်ဟယ်’ ဆိုဘီး နိုလေဖြေမယ် ဆိုဟာ ‘အယ်ဆိုဟာ ဖြားဖြစ်ကြောန့် နန်းနိုဟု ယောဟန်ဟို ယောင်ကြည်ဂေဟူး’ ဆိုဘီး သူဟာ ပြောလေ့မယ်။ 32 ‘လူဟုနေဖြစ်ဟယ် ...’ ဆိုဘီး နိုလေ ဖြေမယ် ဆိုဟာ” သူးနိုလေဟာ လူလေဟို ကြော့-က်ဂေဟယ်။ ဖြားဖြစ်ကြောန့်နူးဆိုဟာ ယောဟန်ဟို ပရောဖက်မုန် ဖြစ်ဟယ် ဆိုဘီး လူတိုင်းဟု မှတ်ယူဟားဂေဟယ်။ 33 အယ်ကြောန့် သူးနိုဟာ “ကျွန်တော့်ဟားလေ သိဟု” ဆိုဘီး ယေရှုဟို ဖြေလိုက်ဂေဟယ်။ ယေရှုဟု “အယ်ဆိုဟာ အယ်မူဇာလေဟို ဖြားခွပ်အာဏာနု ငါလောက်ဟယ် ဆိုဇာဟိုလည်း ငါပြောဟု” ဆိုဘီး သူးနိုဟို မိန်တော်မူလေဟယ်။

12 အယ်ဘီးနု ယေရှုဟာ သူးနိုဟို ပေါင်ဥပမာနု စဘီးပြောလိုက်ဇာဟု “လူတယော့-က်ဟာ စပျစ်ခြံဟို တည်ဘီး၊ ခြံစည်းရိုး ပတ်ပတ်လည်ရံဘီး စပျစ်သီးနယ်ဟိုတွပ် တွမ်းဟိုလည်း တူးလေဟယ်။ အယ်ဘီးဟာ မျှော်စင်ဟို ဆော့-က်ဟယ်။ အယ်ဘီးနု သူဟာ စပျစ်ခြံလောက်မားလေ တချို့ဟို ငါးရစ်ဘီးဟာ ခရီးထွပ်ဟားလေဟယ်။ 2 စပျစ်သီးဆွတ်ဟူခီ ရှေ့-က်လာဟူ ခီမာ စပျစ်ခြံဟု သီးတချို့ဟို ယူဟိုတွပ် ကျွန်တယော့-က်ဟို ခြံလောက်မားလေနားဟို လွှတ်လိုက်ဟယ်။ 3 ခြံလောက်မားလေဟာ အယ်ကျွန်ဟို ဖမ်းဘီး ရိုက်လေဟယ်။ အယ်ဘီးဟာ လတ်ခဲခဲ ပွန်လွှတ်လိုက်ဂေဟယ်။ 4 အယ်ဆိုနု ဧရှင်ဟာ နေ့-က်ထပ် ကျွန်တယော့-က်ဟို လွှတ်လေဟယ်။ ခြံလောက်မားလေဟာ အယ်ကျွန်ဟို ခေါန်းရိုက်ခွဲဘီး ရှစ်ကွဲအောန် လောက်လေဟယ်။ 5 ဧရှင်ဟာ နေ့-က်ထပ် ကျွန်တယော့-က်ဟို လွှတ်လေဟယ်။ အယ်ဆိုနု အယ်တယော့-က်ဟိုလည်း သူးနိုဟု သတ်ဂေဟယ်။ အယ်ဘီးဟာ တခြားကျွန်လေ ဘောင်းဂီးဟိုလည်း တချို့ဟို ရိုက်ဂေဘီး တချို့ဟို သတ်ဂေဟယ်။ 6 အယ်လူရဲ့ ရှစ်ဆောင်းသား တယော့-က်ဒဲဘွဲ စေလွှတ်ဟို ကျန်လေဟယ်။ သူဟု ‘သူးနိုလေဟာ ငါ့ရဲ့ သားဟို လေးစားဂေလေ့မယ်’ ဆိုဘီး ပြောဘီးနု နေ့-က်ဆောင်းမာ သူ့ရဲ့ သားဟို ခြံလောက်မားလေနားဟို စေလွှတ်လေဟယ်။ 7 အယ်ဘောမဲ့ အယ်ခြံလောက်မားလေဟု ‘အယ်လူဟာ ဧရှင်ရဲ့ ဦးစားဦးခံ ဖြစ်ဟယ်။ လာဂေ။ သူဟို သတ်ဂေဇို။ အယ်ဆိုဟာ သူ့ရဲ့ဦးအောက်စာဟာ နိုလေရဲ့ အောက်စာ ဖြစ်ဟားလေ့မယ်’ ဆိုဘီး ရှင်းရှင်း ပြောဂေလေဟယ်။ 8 အယ်ကြောန့် သူးနိုဟာ သူဟို ဖမ်းဘီးဟာ သတ်လိုက်လေဟယ်။ အယ်ဘီးနု စပျစ်ခြံပွန်ဟို ပစ်ဟားလိုက်ဂေဟယ်။” 9 “အယ်ဆိုဟာ စပျစ်ခြံဧရှင်ဟု ဖြားမျိုး လောက်လေ့မယ်နူး။

သူဟာ လာဘ်း အယ်ဒြိလောက်မားလေဟို သတ်ပစ်လိုက်ဘီးဟာ စဗျစ်ခြံဟို တခြားလူလေဟို ပေးလေ့မယ်။ 10 အယ်ကျမ်းစာဟို နန်းနို့ဟာ သေးသေချားချာဟူး ဖတ်ဂေဟုလော။” “သောင်းဝမ်ဟု ဆိုဘီးဟာ တိုက်ဆောက်မားလေ ဖယ်ဟူးဟူကွေး-က်ဟာ ရေးဂီးဆောင်းဟူ ခေါ်ချောက်ကွေး-က် ဖြစ်လာရဟယ်။ 11 အယ်ဇာဟာ ဘုရားသခင်အားဖြင့် ဖြစ်လာဟယ်။ နို့လေရှေမာ အံ့ဩတွယ်ဖြစ်ဟယ်။” 12 အယ်န သူးနို့လေဟာ ယေရှုဟို ဖမ်းဟို့ ကြိုးစားဂေဟယ်။ ဖြားဖြစ်ကြောန့်နို့ဆိုဟာ ကိုယ်တော်ဟာ သူးနို့ဟို စောန်းဘီးဟာ အယ်ဥပမာဟို ပြောလိုက်ဟယ် ဆိုဇာဟို သူးနို့ဟာ သိဂေဟယ်။ အယ်ဘေမဲ့ သူးနို့ဟာ လူအောက်ဂီးဟို ကြွေး-က်ဂေဟယ်။ အယ်ကြောန့် ကိုယ်တော်ဟို ထားရစ်ဘီး ထွပ်ဟူးဂေဟယ်။ 13 အယ်ဘီးန သူးနို့ဟာ ကိုယ်တော်ရဲ့ စကားထဲမာ ကိုယ်တော်ဟို ဖမ်းဟို့တွယ် ဖာရိရှဲတချို့န ဟေရုဒ်ရဲ့လူလေတချို့ဟို ယေရှုနားဟို လွှတ်လိုက်ဂေဟယ်။ 14 အယ်လူလေဟာ ယေရှုနားဟို လာဘီး “ဆရာ၊ ကိုယ်တော်ဟာ လူလေဖြားမျိုးဘဲထွန်ထန် စိုးရိမ်မှုမေ့ဘဲန မှန်တိုင်းဘဲ ပြောဟယ် ဆိုဇာဟို ကျွန်တော့်ဟူးလေ သိဂေဟယ်။ ကိုယ်တော်ဟာ ဖယ်လူရဲ့ မျစ်နာဟိုလည်း ကေ့ဘဲန လူလေတွပ် ဘုရားသခင်ရဲ့ လိုတော်ဟို မှန်တိုင်း သွန်သန်လေဟယ်။ ကဲသာမန်းဂီးဟို ခွန်ပေးဇာဟာ ကျွန်တော့်ဟူးလေရဲ့ ပညတ်တရားဟို ဆန်ကျင်နေဇာလော။ ကျွန်တော့်ဟူးလေဟာ ခွန်ပေးသင့်လော။ ပေးသင့်ဟုလော” ဆိုဘီး မေးလျှော့-က်ဂေဟယ်။ 15 အယ်ဘေမဲ့ ယေရှုဟာ အယ်လူလေရဲ့ ဟန်ဆောန်ဇာဟို သိဟူကြောန့် “နန်းနို့ဟာ ငါဟို ဖြားဖြစ်ကြောန့် ထောန်ချော့-က်ဆင်ဟို့ ကြိုးစားဂေနူး” ဆိုဘီး မေးလေဟယ်။ “အနာရိတဟူးဟို ယူလာဂေ၊ ငါကေ့ကေ့မယ်။” 16 သူးနို့ဟာ ဒန်းဂါးဟို ယူလာဂေဟယ်။ အယ်ဆိုန ကိုယ်တော်ဟာ “အယ်ဇာဟာ ဖယ်လူရဲ့ရောက်ပေါင်နူး။ အယ်ဘီးဟာ ဖယ်လူရဲ့လိစာနူး” ဆိုဘီး မေးလေဟယ်။ သူးနို့ဟာ “ကဲသာရဲ့ ရောက်ပေါင်န လိစာ ဖြစ်ဟယ်” ဆိုဘီး ယွန်လျှော့-က်လေဟယ်။ 17 အယ်ကြောန့် ယေရှုဟာ “ကဲသာန ဆိုင်ဇာဟို ကဲသာဟို ပေးဂေ။ ဘုရားသခင်န ဆိုင်ဇာဟို ဘုရားသခင်ဟို ပေးဂေ” ဆိုဘီး သူးနို့လေဟို မိန့်တော်မူလေဟယ်။ အယ်ဆိုန သူးနို့လေဟာ ယေရှုဟို အံ့ဩဟူးဂေဟယ်။ 18 အယ်ဘီးန သေရာဟုနေ ထမြော့-က်ဇာ မေ့ဟို ဆိုဘီး ပြောဟူ ဇဒျူကဲတချို့ဟာ ယေရှုနားဟို လာဘီး၊ 19 “ဆရာ၊ ‘လူတယော့-က်ဟာ သားမီးလေမေ့ဘဲန သေဟူးဘီး မယားဟို ထားရစ်မယ် ဆိုဟာ၊ အယ်လူရဲ့ညီဟာ အယ်မောက်ဆိုးမဟို ယူရမယ် အယ်ဘီးဟာ သူးနို့မာ ရလာဟူ သားမီးလေဟို သူနောန်ရဲ့သားမီးလေ ဆိုဘီး မှတ်ယူရမယ်’ ဆိုဘီး အယ်ပညတ်တရားဟို ကျွန်တော့်လေတွပ် မောရှေဟု ရေးဟူးဟယ်။ 20 ညီကိုခွန်နစ်ယော့-က်ရှိဘီး၊ နောန်ဂီးဟာ မီးမယူဘီးဟာ သားမီးလေမေ့ဘဲန သေဟူးဟယ်။ 21 အယ်ဆိုန ဒုတိယညီဟာ အယ်မီးမဟို ယူလိုက်ဟယ်။ သူလည်းဘဲ သားမီးလေမေ့ဘဲန သေဟူးဟယ်။ တတိယညီဟာလည်း အယ်မျိုးဘဲဖြစ်ဘီး 22 ညီကို ခွန်နစ်ယော့-က်လောင်းဟာ အယ်မီးမဟို ယူဘီး သားမီးလေမေ့ဘဲန သေဟူးဂေဟယ်။ နော့-က်ဆောင်းမာ အယ်မီးမဟုလည်း သေဟူးဟယ်။ 23 ရှင်ယွန်ထမြော့-က်နေမာ ဂူလောင်းဟာ ထမြော့-က်ဟူ ခီမာ အယ်မီးမဟာ ဖယ်လူရဲ့ မယားဖြစ်မယ်နူး။ သူးနို့ ခွန်နစ်ယော့-က်လောင်းဟာ အယ်မီးမဟို ယူဟူးဂေဟယ်” ဆိုဘီး ပြောဂေဟယ်။ 24 ယေရှုဟာ “နန်းနို့ဟာ ကျမ်းစာဟိုလည်း သိဂေဟာ။ ဘုရားသခင်ရဲ့ တဂိုးတော်ဟိုလည်း သိဂေဘဲဟူကြောန့် အယ်မျိုးယူလွဲနေဂေဟယ် မဟုလော။ 25 ဖြားဖြစ်ကြောန့်နို့ဆိုဟာ လူလေဟာ သေရာဟုနေ ထမြော့-က်ဟူ ခီမာ သူးနို့ဟာ အီထောန်ပြုဇာမေ့ဘဲန ကောင်းဂန်ဘောင်မာ ကောင်းဂန်တမန်လေမျိုး ဖြစ်ဟူးလေဟယ်။ 26 သေဟူးဟူလူလေ ထမြော့-က်ရှင်းန ပတ်သတ်ဘီး မောရှေရဲ့ကျမ်းမာ မီးလောန်နေဟူ ချောင်နဆိုင်ဟူ ကျမ်းပိုဒ်ဟို ဖတ်ဖူးဂေဟုလော။ အယ်ကျမ်းမာ ရေးဟူးဇာဟု ဘုရားသခင်ဟာ ‘ငါဟာ အာဗြဟံရဲ့ ဘုရားသခင်၊ ကူဇာကံရဲ့ ဘုရားသခင်၊ ယာကုပ်ရဲ့ ဘုရားသခင် ဖြစ်ဟယ်’ ဆိုဘီး မောရှေဟို ပြောဟူးဟယ်။ 27 အယ်သခင်ဟာ သေဟူးဟူ လူလေရဲ့ ဘုရားသခင် မဟု။ သတ်ရှင်နေဟူ လူလေရဲ့ ဘုရားသခင်ဖြစ်ဟယ်။ နန်းနို့ဟာ ရရာတိုင်း ယူလွဲနေဂေဟယ်။” ဆိုဘီး ယွန်ဖြေလေဟယ်။ 28 အယ်နေရာမာ ဆွေးနွေးဟူးဇာလေဟို ကြားဟူးဟူ ကျမ်းတတ်ဆရာ တယော့-က် ရှိနေဟယ်။ ယေရှုဟာ ဇဒျူကဲလေဟို ကောင်းဟူ ဖြေဟို ပေးလိုက်ပီးဘီ ဆိုဇာဟို သူပြင်ဟာဘီး ကိုယ်တော်ဟို “ပညတ်လေ

ဂူလောင်းထဲမှာ ဖယ်ပညတ်ဟာ ရေးကီးဆောင်းဖြစ်နူး” ဆိုဘီး မေးလျှော့-က်လေဟယ်။ 29 ယေရှုဟု “ရေးကီးဆောင်း ပညတ်ဟာ ‘ကူသရေလ လူမျိုးလေ၊ နားထောန်ဂေ့! နီလေရဲ့ သခင် ဘုရားသခင်ဟာ တဆူဒဲရှိဟူ ဘုရားသခင် ဖြစ်ဟယ်။ 30 နန့်ရဲ့ သခင်၊ ဘုရားသခင်ဟို စိန်လောင်းစွမ်းရှိမျှ၊ စိပ်ညာဉ်စွမ်းရှိမျှ၊ ဉာဏ်စွမ်းရှိမျှ၊ ကိုယ်စွမ်းရှိမျှ ရှစ်ပါ။’ 31 ‘နန့်ရဲ့ အီဇနီးရှင်းဟို နန့်ကိုယ်နန့် ရှစ်မျိုး ရှစ်ပါ’ ဆိုဇာဟာ ဒုတိယ ရေးကီးဆောင်း ပညတ်ဖြစ်ဟယ်။ အယ်ပညတ် နေ့ထုတ် ပိုဘီး ရေးကီးဟူ ပညတ် မေ့ဟု” ဆိုဘီး ယေရှုဟု ပွန်ဖြေလေဟယ်။ 32 ကျမ်းတတ်ဆရာဟု ယေရှုဟို “မှန်ပါဟယ် ဆရာ! ဘုရားသခင်ဟာ တဆူဒဲဘဲရှိဘီး ဘုရားသခင်မှတပါး တခြားဘုရား မေ့ဟု ဆိုဘီး ဆရာပြောဇာဟာ မှန်ဟယ်။ 33 ဘုရားသခင်ဟို စိန်လောင်းစွမ်းရှိဟူမျှ၊ ဉာဏ်စွမ်းရှိမျှ၊ ကိုယ်စွမ်းရှိမျှန ရှစ်ပါ။ အယ်ဘီးဟာ နန့်ရဲ့ အီဇနီးရှင်းဟို နန့်ကိုယ်နန့် ရှစ်မျိုးဘဲ ရှစ်ပါ ဆိုဇာဟာ ဘုရားသခင်ဟို ပူဇော်ဟူ မီးရှိယဇ်န တခြားယဇ် ဂူလောင်းထုတ် ပိုဘီး ရေးကီးဟယ်” ဆိုဘီး ပွန်လျှော့-က်လေဟယ်။ 34 အယ်လူရဲ့ဖြေဟာ ရရာတိုင်း ပညာရှိဟယ် ဆိုဇာဟို ယေရှု ပြင်ဟားဟူ ခီမာ ကိုယ်တော်ဟု “နန့်ဟာ ဘုရားသခင်ရဲ့ နိုင်ငံတော်န ဝီးဟု” ဆိုဘီး သူးဟို မိန့်တော်မူလေဟယ်။ အယ်ဘီးန ဖယ်သူဟုလည်း ယေရှုဟို ထပ်ဘီး မေးခွန်းလေဟို မေးရဲဂေ့ဟမ်။ 35 ယေရှုဟု ဗိမာန်တော်မာ သွန်သန်နေဟူ ခီမာ ကိုယ်တော်ဟု “ခရစ်တော်ဟာ ဒါဝိဒ်ရဲ့သားမွေး ဖြစ်ဟယ် ဆိုဘီး ကျမ်းတတ်ဆရာလေဟု ဖယ်မျိုးပြောနိုင်ဂေ့နူး။ 36 ဒါဝိဒ်ကိုယ်တိုင် သန့်ရှင်းဟူဝိညာဉ်တော်အားဖြင့် ပြောဟားဇာဟု၊ “‘ဘုရားသခင်ဟု ငါ့သခင်ဟို ပြောဟယ်။ နန့်ရဲ့ ရန်သူလေဟို နန့်ရဲ့ ခေဗားအော့-က်မာ ညဟားခန်ထိ ငါ့ရဲ့ ညာဖတ်မာ ထိုင်နေပါ။’” 37 “ဒါဝိဒ်ကိုယ်တိုင်ဟု ကိုယ်တော်ဟို ‘သခင်’ ဆိုဘီး ခေါ် ဟယ်။ ဖယ်မျိုး ဖြစ်ဟူကြောန့် မေရှိယဟာ ဒါဝိဒ်ရဲ့ သားမွေး ဖြစ်နိုင်ဟူနူး” ဆိုဘီး ကြေညာလေဟယ်။ လူအောက်ကီးဟာ ယေရှုရဲ့ စကားဟို ဝန်းသာအားရ နားထောန်နေဂေ့ဟယ်။ 38 အယ်မျိုး သွန်သန်နေဟူ ခီမာ ယေရှုဟု “ကျမ်းတတ်ဆရာလေဟို ဒီထားဂေ့။ သူးနီဟာ ဝတ်လောင်ရှယ်လေဟို ဝတ်ဘီးဟာ ရှော့-က်သွားရဇာ ကြိုက်ဂေ့ဘီး ဆေးလေမာ ရိုသေပေးဇာဟို ခံရှင်ဂေ့ဟယ်။ 39 ဝါလယ်ဇရပ်လေမာ သီးသပ်ထားဟားဟူ ထိုင်ခေါင်လေ၊ စားသော့-က်ပွဲလေမာလည်း ကောန်းဆောင်း နေရာလေဟို ဝီးကော့-က်ဂေ့ဟယ်။ 40 မောက်ဆိုးမလေရဲ့ အီလေဟို တရားဘဲဟူနည်းန သီးယူဟယ်။ အယ်ဘီးဟာ လူကြားကောန်းအောန် ရှယ်ဟီး ဆုတောင်းဂေ့ဟယ်။ သူးနီရဲ့ ပြစ်ဒန်ဟာ ပိုဘီး ဆိုးလေမယ်!” ဆိုဘီး မိန့်တော်မူလေဟယ်။ 41 ယေရှုဟာ ဗိမာန်တော် လူခံဗောင်းရှေ့မာ ထိုင်နေဟူ ခီမာ လူခံဗောင်းထဲဟို လူလေဟာ ကပ်ထဲနေဇာဟို ကေ့ရှုနေဟယ်။ ကပ်ပေါဟူ လူလေဘောင်ကီးဟာ ကပ်ဘောင်ဝီး ထဲဂေ့ဟယ်။ 42 အယ်ဘောမဲ့ ဆင်းရဲဟူ မောက်ဆိုးမတယော့-က်ဟာ လာဘီးဟာ တပဲလော့-က်ဘဲတန်ဘီး ရရာတိုင်း နဲဟူ ကြေးဟူး နေ့ဟူးဟို ထဲလေဟယ်။ 43 ယေရှုဟာ တပဲတော်လေဟို ခေါ်ဘီးဟာ “နန့်နီဟို ငါ မှန်တိုင်းပြောမယ်၊ အယ်ဆင်းရဲဟူ မောက်ဆိုးမဟာ လူခံဗောင်းထဲဟို ထုံဝမ်ဂေ့ဟူလူလေ ဂူလောင်းထုတ် ပိုဘီး ဟာ ထဲလေဟယ်။ 44 ဖြားဖြစ်ကြောန့်နူးဆိုဟာ အယ်လူလေ ဂူလောင်းဟာ သူးနီရဲ့ ကြယ်ဝဇာလေထဲဟု နုဘီး ထဲဂေ့ဟယ်။ အယ်မီးမဟာ ရရာတိုင်း ဆင်းရဲဘောမဲ့လည်း သူဟာ သတ်ခွီးဟို အောက်စာ ဂူလောင်းဟို ထဲလေဟယ်” ဆိုဘီး သူးနီဟို မိန့်တော်မူလေဟယ်။

13 ယေရှုဟာ ဗိမာန်တော်ဟုနေ ထွပ်ဟားနေဒူးမာ၊ တပဲတော်လေထဲဟု တယော့-က်ဟု “ဆရာ၊ ကေ့ကေ့! ရရာတိုင်းအံ့ဩဘွယ်ကောန်းဟူ ကော့-က်တောင်းလေန ဆော့-က်ဦးလေ!” ဆိုဘီး ကိုယ်တော်ဟို ပြောလေဟယ်။ 2 ယေရှုဟု “အယ်ဆော့-က်ဦးဂီးလေဟို နန့်နီ ဗြင်ဘဲလော။ ကော့-က်တောင်းလေ တလောင်းလည်း အယ်ဆော့-က်ဦးရဲ့ ရင်နေရာမာ ကျန်ဂေ့ဟို မူဟု။ ကော့-က်တောင်းလေ အားလောင်း ပြိုကွဲလေမယ်” ဆိုဘီး ပွန်ဖြေလေဟယ်။ 3 ယေရှုဟာ သံလွင်တောန်ထုတ်မာ ဗိမာန်တော်ဖတ်ဟို မျစ်နှာမူဘီး ထိုင်နေဟူ ခီမာ ပေတရု၊ ယာကု၊ ယောဟန်န အခြေလေဟာ ကိုယ်တော်နားဟို တိတိဟား လာဂေ့ဟယ်။ 4 သူးနီလေဟု “အယ်ဇာလေဟု ဖယ်ခီမာ ဖြစ်လာလေမယ် ဆိုဇာဟို ကျွန်တော့ဟားလေဟို ပြောပြပါ။ အယ်ဘီးဟာ အယ်ဇာလေ အားလောင်း ပွဲဇောင်ဟို ဖြားခိုမိတ် ဖြစ်လာလေမယ် ဆိုဇာဟို ကျွန်တော့ဟားလေဟို ပြောပြပါ” ဆိုဘီး လျှော့-က်ဂေ့ဟယ်။ 5 ယေရှုဟု “နန့်နီဟို ဖယ်သူလည်း လှည့်ဇားနိုင်အောန်

ဒိထားဂေ။ 6 လူလေဘောင်ဂီးဟာ ငါနာမန ရှေး-က်လာဘီး ပြောဇာဟု ‘ငါ့ဟာ အယ်လူဘဲ ဖြစ်ဟယ်!’ ဆိုဘီး လူလေဘောင်ဂီးဟို လှည့်ဇားဂေလေမယ်။ 7 နန်းနီလေဟာ စစ်ပွဲဒန်းလေဟို ကြားရဟူ ခီမာ ထိလန့်ဟားဂေ။ အယ်ဇာလေဟု ဖြစ်ရမယ်။ အယ်ဘောမဲ့ ဆောင်းဟာရှေး-က်သေးဟု။ 8 လူမျိုးလေဟာ သူးနီရှင်းရှင်း တိုက်ခိုက်လေမယ်။ နိုင်ငံလေဟာ သူးနီရှင်းရှင်း တိုက်ခိုက်လေမယ်။ နေရာတိုင်းမာလည်း မွေငလျင်လေ လော့-က်လေမယ်။ အယ်ဘီးဟာ စားဇာ ရှားပါးလေမယ်။ အယ်ဇာလေဟာ သားမွီးဟူ ဝေဒနာရဲ့ စဖြစ်လေဟယ်။ 9 “နန်းနီ ကိုယ်တိုင်ဟာ ဒိရှိရမယ်။ နန်းနီဟာ ဖမ်းခံရဂေဘီး တရားရောင်းဟို ခေါ်ဟား ခံရဂေလေမယ်။ ဝါလယ်ဇရပ်လေမာလည်း နန်းနီဟာ ရိုက်ခံရလေမယ်။ နန်းနီဟာ ပြို့ဝန်မန်းလေန မန်းဂီးလေ ရှေမာ မတ်တတ်ရပ်ဘီးဟာ သူးနီဟို ငါ့တွပ် သတ်သေဖြစ်စေလေမယ်။ 10 အယ်ဘောမဲ့ ဆောင်းရှေး-က်ခန်မာ ဒန်းကောန်းဟို လူမျိုးဂူလောင်းဟို ဟောပြောရလေမယ်။ 11 နန်းနီဟို ဖမ်းဘီး တရားရောင်းဟို ခေါ်ဟားဂေဟူ ခီမာ ဖြားမျိုးပြောရမယ် ဆိုဇာဟို ကြိုတန်ဘီး စိုးရိမ်ဂေ။ ဒီရှေး-က်လာဟူ ခီမာ နန်းနီဟို ဖော်ပြဟူ စကားလေဟို ပြောဂေ။ ဖြားဖြစ်ကြောန့်နူးဆိုဟာ အယ်စကားဟို နန်းနီပြောနေဇာ မူဟု သန်ရှင်းဟူဝိညာဉ်တော် ပြောနေဇာဖြစ်ဟယ်။ 12 လူလေဟာ သူးနီရဲ့ ညီကိုရင်းဟို သေစေဟိုတွပ် အပ်ဂေလေမယ်။ အယ်ဘီးဟာ ဖလေဟု သူးနီရဲ့ သားမီးလေဟို သေစေဟိုတွပ် လောက်လေမယ်။ သားမီးလေဟုလည်း သူးနီရဲ့ မိဖလေဟို ရန်ပြုဘီးဟာ သေစေဟိုတွပ် လောက်လေမယ်။ 13 ငါနာမကြောန့် လူတိုင်းဟု နန်းနီလေဟို မူးတီးလေမယ်။ အယ်ဘောမဲ့ ဆောင်းထိ တည်ကြည်ဟူလူဟာ ကယ်တန်ရှင်းဟို ခံရလေမယ်။ 14 “‘ရွံဇာကောန်းဟူဇာ’ ဟာ မေ့အပ်ဘဲဟူ နေရာမာ ရှိနေဇာဟို နန်းနီလေဟာ ငြင်ရဂေလေမယ်။” စာဖတ်လူဟာ အယ်ဗိပါယ်ဟို နားလည်ပါစေ! “အယ်ဆိုဟာ ယုဒနယ်မာရှိဟူ လူလေဟာ တောန်ထတ်ဟို ပွေးဂေစေ။ 15 အီးခေါန်မိုးထတ်မာ ရှိဟူလူဟာ အော့-က်ဟို ဆင်းဘီး အီထဲဟို ဝမ်းဘီးဟာ ဖြားဇာလည်း ယူစေန။ 16 လယ်ထဲမာ ရှိဟူ လူဟာ သူရဲ့ ဝတ်လောင်ဟို ယူဟိုတွပ် အီဟို ပွန်စေန။ 17 အယ်နေရစ်ဟာ ဝန်းရှင်မလေန သားရှင်မိလေ ရရာတိုင်း ခတ်ခဲလေမယ်။ 18 အယ်ဇာလေဟာ ဆောန်းကာလမာ ဖြစ်ဘဲဟိုတွပ် ဆုတောင်းဂေ! 19 ဖြားဖြစ်ကြောန့်နူးဆိုဟာ ဘုရားသခင် ဖန်ဆင်းဟူ ကမ္ဘာဦးစဟုနေ ခုခီထိ အယ်နေရစ်လေရဲ့ ရရာတိုင်း ဆိုးဝါးဟူ ဆင်းရဲဒေါက်ခမျိုး ဖြစ်ဖူးဟု။ နော့-က်ထပ်လည်း အယ်မျိုး ဖြစ်လေဟို မူဟု။ 20 ဘုရားသခင်ဟာ အယ်နေရစ်လေဟို ရှယ်စေမယ် ဆိုဟာ ဖယ်လူလည်း သတ်ရှင်ဘီး လွတ်လေဟို မူဟု။ အယ်ဘောမဲ့ ကိုယ်တော် ဝီးကော့-က်ဟားဟူ လူလေတွပ် အယ်နေရစ်လေဟို တိုစေလေမယ်။ 21 “အယ်ကာလမာ ယော့-က်ယော့-က်ဟု ‘ကော့ကော့။ အယ်နားမာ ခရစ်တော် ရှိဟယ်။ ဟိုနားမာ ခရစ်တော် ရှိဟယ်!’ ဆိုဘီး နန်းနီဟို ပြောမယ် ဆိုဟာ အယ်လူဟို ယောင်ကြည်ဂေ။ 22 ဖြားဖြစ်ကြောန့်နူးဆိုဟာ ခရစ်တော် တုယောန်လေန ပရောဖက် တုယောန်လေဟာ ပေါ်လာလေမယ်။ ဖြစ်နိုင်မယ် ဆိုဟာ သူးနီလေဟာ ဘုရားသခင် ဝီးကော့-က်ဟားဟူ လူလေဟိုလည်း လှည့်ဇားနိုင်ဟိုတွပ် အံ့ဩဘွယ်လေန နိမိတ်လတ်ခဏာလေဟို ပြဂေလေမယ်။ 23 အယ်ကြောန့် နန်းနီဟာ ဒိနနေဂေ! ငါဟာ အယ်ဇာလေ ဂူလောင်းဟို နန်းနီဟို ကြိုတန်ဘီး ပြောပြဟားဟယ်။ 24 “ဒေါက်ခဆင်းရဲလေ ကွေရှေး-က်လာဟူ နေရစ်လေမာ နေဟာ မိုက်ဟားလေမယ်။ လဟာလည်း လန်းဟိုမူဘီ။ 25 ကြယ်လေဟာ ကောန်းဂန်ဟုနေ ကွီကွလေမယ်။ အယ်ဘီးဟာ အာကာသ တဂိုးလေဟာ လောက်ဂေလေမယ်။ 26 အယ်ခီမာ မိုးတီထဲမာ ကီးမားဟူ တဂိုးတော်နု ဖောင်းသရေတော်လေနတူးဒု လူရဲ့သား ကြွလာဇာဟို လူလေဟာ ငြင်ရဂေလေမယ်။ 27 အယ်ဘီးနု လူရဲ့သားဟာ ကောန်းဂန်တမန်လေဟို ရပ်လေးမျှစ်နာဟို စေလွှတ်ဘီး မွေဇီးစွန်းဟုနေ တခြားတဖတ်စွန်းထိ ဘုရားသခင်ရဲ့ ဝီးကော့-က်ဟားဟူ လူလေဟို စုသီးလေမယ်။ 28 “သဖန်းဗန်ဟုနေ သင်ဂန်းဇာ တခုဟို သန်ယူဂေ။ အယ်ပန်ရဲ့ ခတ်လေဟာ နုလာဘီး ဝပ်လေထွပ်လာဟူ ခီမာ နွီကာလ နီးလာဘီ ဆိုဇာဟို နန်းနီဟာ သိဂေဟယ်။ 29 အယ်မျိုးဘဲ အယ်မူဇာလေ ဖြစ်လာဇာဟို နန်းနီဟာ ဗြင်ရဟူ ခီမာ လူရဲ့သားဟု ခွဗော့-က်ဝနီးဟို ရှေး-က်နေဘီ ဆိုဇာဟို သိမှတ်ဂေပါ။ 30 ငါ မှန်တိုင်းပြောမယ်။ အယ်မူဇာလေ ဂူလောင်း ဖြစ်သေးခန် ခု သတ်ရှင်နေဟူ လူလေဟာ လောင်းဝ သေရလေဟို မူသေးဟု။ 31 ကောန်းဂန်နု မွေဇီးဟာ ပျစ်စီးဟားလေမယ်။ အယ်ဘောမဲ့

ငါ့ရဲ့ စကားလေဟာ လောင်းဝ ပျစ်စီးဟို့ မှုဟူ။ 32 “အယ်ဘေမဲ့လည်း အယ်နေရစ် နာရီ ရှေး-က်လာဟူ ခီဟို့ ဖယ်လူလည်း သိဂေဟ ကောန်းဂန်ဘောင်ဟ ကောန်းဂန်တမန်လေလည်း သိဟူ။ သားတော်လည်း သိဟူ။ ဖတပါးဒဲဘဲ သိလေဟယ်။ 33 ဒိပြုဘီး ခွီးနှိုးကြားကြား နေဂေ။ ဖြားဖြစ်ကြောန့်နုဆိုဟာ အယ်ခီဟာ ဖယ်ခီမု ရှေး-က်လာမယ် ဆိုဇာဟို့ နန်းနို့လေ သိဂေဟ။ 34 အယ်ဇာဟာ ဝီးဟို့ ထွပ်ဟားဟူ လူတယော့-က်န တူဟယ်။ သူဟာ သူ့အီဟို့ ထားရစ်ဘီး သူ့ရဲ့ စေခံလေဟို့ ခွမ်အာဏာန လောက်ကိုယ်စီ လောက်ဆောန်ဟို့ မိန့်ပေးဟားရစ်ဟယ်။ အယ်ဘီးဟာ ခွဟော့-က်စောန်မားဟို့ ဒိနစောန်ဟို့ ပြောဟားရစ်ဟယ်။ 35 အယ်ဆိုဟာ ဒိနစောန်ဂေ။ ဖြားဖြစ်ကြောန့်နုဆိုဟာ အီဇရှင်ဟာ ဖယ်ခီယွန်လာမယ် ဆိုဇာဟို့ နန်းနို့လေ သိဂေဟ။ နေဒန်ဇာခီ၊ ညဉ့်နတ်ခီ၊ မိုးသာထခီ၊ မိုးလန်းစောစောဂီး ခီလေမာ ဖြစ်ရှင်ဖြစ်မယ်။ 36 သူဟာ ရောက်တရစ် ရှေး-က်လာမယ် ဆိုဟာ နန်းနို့လေ အိမ္မိနေဇာဟို့ တွဲစေန။ 37 အယ်ဘီးဟာ နန်းနို့ဟို့ ပြောဟားတိုင်း လူတိုင်းဟို့လည်း ငါပြောဟယ်။ ဒိနစောန်နေဂေ!” ဆိုဘီး သူ့နို့ဟို့ မိန့်တော်မူလေဟယ်။

14 ပသခါပွဲန တဆေးမွေဘဲဟူ မုပွဲတော်ဖြစ်ခန့် နေ့ရစ်လိုမာ၊ ယဇ်ပုရောဟိတ်ဂီးလေန ကျမ်းတတ်ဆရာလေဟာ ယေရှုဟို့ တိတိဟားဖမ်းဘီး သတ်ဟို့တွပ် နည်းလမ်းရှာကြိနေဂေဟယ်။ 2 သူးနို့ဟာ “နို့လေဟာ ပွဲတော်ရစ်ထဲမာ အယ်ဇာဟို့ လောက်ဂေ့န၊ လူလေဟာ ရောင်းရင်းဆန်ခတ် ဖြစ်ဟားနိုင်ဟယ်” ဆိုဘီး ပြောဂေဟယ်။ 3 ယေရှုဟာ ဗေသနိဝါမာ နူနာရောဂါဖြစ်ဖူးဟူ ရှိမုန်ရဲ့အီမာရှိဟယ်။ ယေရှုဟာ စားသော့-က်နေဒူးမာ မီးမတယော့-က်ဟာ ရရာတိုင်း ပိုးကီးဘီး နာဒုဆီဗီးစစ်စစ်န ပွဲနေဟူ ကွော့-က်ဖူးဟို့ ယူဘီး ရှေး-က်လာဟယ်။ အယ်ဘီးဟာ အယ်ဖူးဟို့ ရိုက်ခွဲလိုက်ဘီးဟာ ယေရှုရဲ့ ခေါင်းထတ်ဟို့ လောန်းခွဲလေဟယ်။ 4 အယ်နေရာမာရှိဟူ လူတချို့ဟာ စိဆိုးလာဘီးဟာ “ဖြားဖြစ်ကြောန့် အယ်ဆီဗီးဟို့ ကျိုးမွေဘဲန လောက်နေရနူး။ 5 အယ်ဆီဗီးဟို့ ငွေဒန်းဂါး ၃၀၀ ကျော်န ရောင်းဘီးဟာ အယ်ကပ်လေဟို့ ဆင်းရဲသားလေဟို့ ပေးရမယ်!” ဆိုဘီး ယော့-က်နယော့-က်ပြောနေဂေဟယ်။ အယ်ဘီးဟာ သူးနို့ဟာ အယ်မီးမဟို့ ရရာတိုင်း ပြစ်တန်ဂေဟယ်။ 6 အယ်ဘေမဲ့ ယေရှုဟာ “အယ်မီးမဟို့ ထားလိုက်ဝေါ! ဖြားဖြစ်ကြောန့် သူဟို့ နောက်ရှစ်နေဂေနူး။ သူဟာ ငါ့တွပ် ကောန်းဟူဇာဟို့ လောက်ဟယ်။ 7 ဆင်းရဲသားလေဟာ နန်းနို့န မြဲဒမ်း ရှိဂေဟယ်။ အယ်ဘီးဟာ နန်းနို့ လိုရှင်ဟူခီတိုင်း သူးနို့ဟို့ ကူညီနိုင်ဟယ်။ အယ်ဘေမဲ့ ငါဟာ နန်းနို့န မြဲဒမ်းရှိနေဟို့ မှုဟူ။ 8 အယ်မီးမဟာ သူတတ်နိုင်မျှလောက်ဟယ်။ သဂြိုဟ်ဟို့တွပ် ကြိုတန်ဘီးဟာ ငါ့ရဲ့ကိုယ်ထတ်ဟို့ ဆီဗီးလောန်းခွဲလေဟယ်။ 9 နန်းနို့ဟို့ ငါ မုန်တိုင်းပြောမယ်၊ ကမ္ဘာနဲ့ ဧဝဂေလိဟောပြောဟူ နေရာတိုင်းမာအယ်မီးမ လောက်ရစ်ဇာလေဟို့လည်း သူ့ရဲ့ မှတ်တရဖြစ် ပြောကြားဂေလေမယ်” ဆိုဘီး မိန့်တော်မူလေဟယ်။ 10 အယ်ဘီးန တဗဲတော်ဆယ်နေ့ပါးထဲဟာ တပါးဖြစ်ဟူ ယုဒရှကာရတ်ဟာ ယဇ်ပုရောဟိတ်ဂီးလေနားဟို့ ယေရှုဟို့ အပ်ဟို့တွပ် သူးနို့နားဟို့ သွားလေဟယ်။ 11 သူလာပြောဇာဟို့ သူးနို့လေဟာ ကြားရခီမာ ဝန်းသာဟားဟယ်။ အယ်ဘီးဟာ သူဟို့ ကပ်ပေးဟို့တွပ် ဒီပေးဂေဟယ်။ အယ်ကြောန့် ယုဒဟာ ယေရှုဟို့ အပ်ဟို့တွပ် ခွမ့်ကောန်းဟို့ စဘီး ရှာနေလေဟယ်။ 12 တဆေးမွေဘဲဟူ မုပွဲတော်ရဲ့ ပထမနေ့၊ ပသခါ သိုးသားဂန်းဟားလေဟို့ သတ်ရဟူ နေ့မာ ယေရှုရဲ့ တဗဲတော်လေဟာ “ကိုယ်တော်တွပ် ပသခါ ညဉ့်ဇာစားဟို့ ကျွန်တော့်ဟားလေဟို့ ဖယ်နားမာသွားဘီး ပြင်ဆင်စေရှင်ဟယ်နူး” ဆိုဘီး ကိုယ်တော်ဟို့ မေးလျှော့-က်ဂေဟယ်။ 13 အယ်ကြောန့် ယေရှုဟာ တဗဲတော်နေ့ပါးဟို့ စေလွှတ်လေဟယ်။ သူးနို့ဟို့ ပြောလိုက်ဇာဟာ “ဗြို့ထဲဟို့ သွားဂေ။ ရေအိုးထမ်းလာဟူ လူတယော့-က်ဟာ နန်းနို့ဟို့ တွဲဂေလေမယ်။ သူ့နော့-က်ဟို့ လိုက်ဟားဂေ။ 14 သူဝမ်ဟားဟူ အီရဲ့ အီဇရှင်ဟို့ ပြောပါ ‘ဆရာဟာ ငါ့တဗဲတော်လေနတူးဒူး ပသခါ ညဉ့်ဇာစားဟို့တွပ် ခန်းဟာ ဖယ်မာနူး’ ဆိုဘီး ဆရာဟာ မေးခိုင်းလိုက်ဟယ် ဆိုဘီး ပြောပါ။ 15 အယ်ဆိုဟာ သူဟာ သင့်ပြင်ဆင်ဟားဘီး ကီးမားဟူ ထပ်ခန်းမဟို့ နန်းနို့ဟို့ ပြလေမယ်။ အယ်ခန်းမာ နို့လေတွပ် ညဉ့်ဇာစားဟို့ ပြင်ဂေပါ။” 16 အယ်တဗဲတော်လေဟာ ထွပ်ဟားဘီး ဗြို့ထဲဟို့ ဝမ်ဟားဂေဟူ ခီမာ သူးနို့ဟို့ ယေရှုပြောလိုက်တိုင်းဘဲ ဂူလောင်းဟို့ တွဲရလေဟယ်။ အယ်ကြောန့် သူးနို့ဟာ ပသခါ ညဉ့်ဇာစားဟို့ ပြင်ဆင်ဂေဟယ်။ 17 ညဉ့်ခန်းဇာ ရှေး-က်လာဟူ

ခီမာ ယေရှုဟာ တဗဲတော်ဆယ့်နှစ်ပါးနတူးဒု ကြွလာဂေဟယ်။ 18 သူးနို့ဟာ ဗွဲမာထိုင်ဘီး စားနေဂေဒူးမာ ယေရှုဟာ “နန်းနို့ဟို ငါ မှန်တိုင်းပြောမယ်၊ နန်းနို့ထဲဟု တယော့-က်ဟာ ငါ့ဟို သစ်စာဖော့-က်လေမယ်။ အယ်လူဟာ ငါနတူးဒု စားသော့-က်နေဟယ်” ဆိုဘီး မိန့်တော်မူလေဟယ်။ 19 တဗဲတော်လေဟာ စိကောန်းဘဲ ဖြစ်ဟားဂေဘီး “ကျွန်တော်လော” ဆိုဘီး ယော့-က်ဘီးယော့-က် ကိုယ်တော့ဟို စဘီးမေးလျှော့-က်ဂေဟယ်။ 20 ယေရှုဟာ “တဆယ့်နှစ်ပါးထဲဟု တပါးဖြစ်ဘီး ငါနတူးဒု စံထဲမာ မုနိုက်ဟူလူ ဖြစ်ဟယ်။ 21 လူရဲသားဟာ ကျမ်းစာမာ ရေးဟားတိုင်း သေခံရလေမယ်။ အယ်ဘောမဲ့ လူရဲသားဟို သစ်စာဖော့-က်ဟူ အယ်လူတွပ် အမင်္ဂလာဖြစ်ဟယ်! အယ်လူဟာ မွီးဖွားလာဘဲနေဇာဟု သူတွပ် ပိုဘီး ကောန်းသေးဟယ်!” ဆိုဘီး ပွန်ဖြေတော်မူလေဟယ်။ 22 သူးနို့လေဟာ စားနေဒူးမာ ယေရှုဟာ မဟိုယူဘီး၊ ကျေးဇူးတော်ဟို ချီးမွမ်းဘီးမု မဟိုဖဲဘီးဟာ တဗဲတော်လေဟို ပေးလေဟယ်။ ကိုယ်တော်ဟု “ယူဂေ။ အယ်မဟာ ငါ့ရဲကိုယ်ခန္ဓာ ဖြစ်ဟယ်” ဆိုဘီး မိန့်တော်မူလေဟယ်။ 23 ခွပ်ဟိုလည်း ယူဘီးဟာ ဘုရားသခင်ရဲ ကျေးဇူးတော်ဟို ချီးမွမ်းလေဟယ်။ အယ်ဘီးန သူးနို့လေဟို ပေးလိုက်ဟယ်။ သူးနို့လေ ဂူလောင်းဟာ အယ်ခွပ်ဟို သော့-က်ဂေဟယ်။ 24 ယေရှုဟာ “အယ်ဇာဟာ လူလေတွပ် လောန်းပေးဟူ ဘုရားသခင်ရဲ ပဉ္စညဉ်နဇိခတ်ဟားဟူ ငါ့ရဲသွီးဖြစ်ဟယ်။ 25 နန်းနို့ဟို ငါ မှန်ပြောမယ်၊ ဘုရားသခင်ရဲ နိုင်ငံတော်မာ စဗျစ်ဝိုင်သစ်ဟို သော့-က်ရဟူ နေ့ရော့-က်ခန်ထိ ငါဟာ အယ်စဗျစ်ဝိုင်ဟို နော့-က်တခါ လောင်းဝ သော့-က်ဟိုမူဘီ” ဆိုဘီး မိန့်တော်မူလေဟယ်။ 26 အယ်ဘီးန သူးနို့လေဟာ ချီးမွမ်းချင်းဟို ဆိုဘီး သံလွင်တောန်ဟို ထွပ်ဟားဂေဟယ်။ 27 ယေရှုဟာ “ငါ့ဟို ထားရစ်ဘီး နန်းနို့ဂူလောင်းဟာ ထွပ်ပွေးလေမယ်၊ ဖြားဖြစ်ကြောနန်းဆိုဟာ ကျမ်းစာထဲမာ ပြောဟားဇာဟု ‘ဘုရားသခင်ဟာ သိုးထီးမားဟို ရိုက်သတ်လေမယ်၊ အယ်ဆိုဟာ သိုးလေဂူလောင်းဟာ ဆွတ်ဆွတ်ဖြူဟားဂေလေမယ်’။ 28 အယ်ဘောမဲ့ ငါဟာ ထမြော့-က်ဟားဘီးန၊ ငါဟာ ဂါလိလဲနယ်ဟို နန်းနို့ထတ်ရင်သွားလေမယ်” ဆိုဘီး သူးနို့လေဟို မိန့်တော်မူလေဟယ်။ 29 ပေတရဟု “တခြားလူလေ ဂူလောင်းဟာ ထားရစ်ဂေဘောမဲ့၊ ကျွန်တော်ဟု ကိုယ်တော့ဟို လောင်းဝထားရစ်ဟို မူဟု!” ဆိုဘီး ပွန်လျှော့-က်လေဟယ်။ 30 ယေရှုဟာ “နန်းဟို ငါ မှန်တိုင်းပြောမယ်၊ ခုညဉ်မာဘဲ ကြစ်နေခါ တွန်ခန်မာ နန်ဟာ ငါ့ဟို သိဟုဆိုဘီး သောင်းခါ ပြောလေမယ်” ဆိုဘီး ပေတရဟို မိန့်တော်မူလေဟယ်။ 31 အယ်ဘောမဲ့ ပေတရဟု “ကျွန်တော့ဟာ ကိုယ်တော်နတူးဒု သေရမယ် ဆိုဟာလည်း၊ အယ်မျိုးလောင်းဝ ငြင်းပယ်ဟို မူဟု!” ဆိုဘီး လေးလေးနတ်နတ်ဟား ပွန်လျှော့-က်လေဟယ်။ အယ်ဘီးဟာ တခြားတဗဲတော်လေ အားလောင်းဟုလည်း အယ်မျိုးဘဲ လျှော့-က်ဂေဟယ်။ 32 သူးနို့လေဟာ ဂေသရေမန် ဆိုဘီး နာမယ်ခေါ်ဟူ နေရာဟို သွားဂေဟယ်။ အယ်ဘီးန ယေရှုဟာ “ငါဆုတောင်းနေဒူးမာ အယ်နေရာမာ ထိုင်နေဂေပါ” ဆိုဘီး တဗဲတော်လေဟို ပြောဟယ်။ 33 ကိုယ်တော်ဟာ ပေတရ၊ ယာကုပ်န ယောဟန်ဟို သူနတူးဒု ခေါ်ဆောန်ဟားလေဟယ်။ ဆိုးဝါးဟူ ပူပန်သောကဟာ ကိုယ်တော်ဟို စိုးမိုးလာလေဟယ်။ 34 အယ်ဘီးဟာ ကိုယ်တော်ဟု “ငါ့မိဟာ သေလော့-က်အောန် ဝန်းနဲနေလေဟယ်။ အယ်နေရာမာ နေရစ်ဘီး ဒိန်စောန်နေဂေ” ဆိုဘီး သူးနို့ဟို မိန့်တော်မူဟယ်။ 35 ကိုယ်တော်ဟု ရေဟို နဲနဲတိုးဟားဘီးဟာ သူ့ကိုယ်သူ ဗွေဂီးမာ လဲလှလိုက်ဘီး ဖြစ်နိုင်မယ် ဆိုဟာ အယ်ခီနာရီဟို သူဟုနေ လွန်ဟားစေပါ ဆိုဘီး ဆုတောင်းလေဟယ်။ 36 “အဗျ၊ ဗ၊ ကိုယ်တော်တွပ် ရှိမျှဂူလောင်းဟာ ဖြစ်နိုင်ဟယ်။ အယ်ဝေဒနာခွပ်ဟို ကျွန်တော့နားဟုနေ ဖယ်ပေးပါ။ အယ်ဘောမဲ့ ကျွန်တော့ရဲ လိုဖြစ်စေန။ ကိုယ်တော်ရဲလိုဘဲ ဖြစ်စေပါ။” 37 အယ်ဘီးန ကိုယ်တော်ဟာ ပွန်လာဟူ ခီမာ တဗဲတော်သောင်းပါးဟာ အိဗ္ဗိနေဂေဇာဟို တွဲဟားဟယ်။ ကိုယ်တော်ဟု “ရှိမုန်၊ နန်ဟု အိဗ္ဗိနေလော။ တနာရီလော့-က် စောန်နေနိုင်ဟုလော” ဆိုဘီး ပေတရဟို မိန့်တော်မူလေဟယ်။ 38 ကိုယ်တော်ဟု “နန်းနို့ဟာ စောင်ဇမ်းသွီးဆောန်မူထဲဟို ကွဘဲနေဟိုတွပ် ဆုတောင်းဘီး စောန်နေဂေ။ ဝိညာဉ်ဟုဆန္ဒရှိဘောမဲ့ ဇာတိဟုအားနည်းဟယ်” ဆိုဘီး သူးနို့ဟို မိန့်တော်မူလေဟယ်။ 39 ကိုယ်တော်ဟာ နော့-က်တခါ ထွပ်ဟားဘီး၊ ရင်တိုင်းဘဲ ဆုတောင်းလေဟယ်။ 40 ကိုယ်တော်ဟာ ပွန်လာဟူ ခီမာ သူးနို့မျစ်စိလေဟု လေးလံနေဟူကြောန့် အိဗ္ဗိနေဇာဟို တခါတွဲဟားဟယ်။ သူးနို့ဟာ ကိုယ်တော့ဟို

ဖြားဇာပြောရဟို့ သိဂေဟမ်း။ 41 ကိုယ်တော်ဟာ သောင်းခါမြှေး-က ယွန်လာဟူ ခီမာ ကိုယ်တော်ဟ “နန်းနို့ဟာ ခုထိ အိမ္မီးဘီး နားယူနေသေးလော။ တော်ဘီ! ခီနာရီဟာ ရှေး-ကလာဘီ! ကေ့ဂေ! လူရဲ့သားဟာ ပြစ်သားလေရဲ့ လတ်ထဲဟို့ အယ်န့်ခံရမယ်။ 42 ထဂေ။ နို့လေ သွားဂေ့ဗို့။ ငါ့ဟို့ အပ်ဟို့လူဟာ ရှေး-ကလာဘီ!” ဆိုဘီး မိန့်တော်မူလေဟယ်။ 43 တဗွဲတော် ဆယ်နေ့ပါးထဲဟ တပါးဖြစ်ဟူ ယုဒဟာ ရှေး-ကလာဟူ ခီမာ ယေရှုဟာ စကားပြောနေနူး ဖြစ်ဟယ်။ သူနတူးဒ ဒေါက်လေ၊ ထားလေကိုင်လာဟူ လူအောက်ဂီး ပါလာဘီး အယ်လူလေဟို့ ယဇ်ပုရောဟိတ်ဂီးလေ၊ ကျမ်းတတ်ဆရာလေန သတ်ကီးဝါဂီးလေဟ စေလွှတ်လိုက်ဟယ်။ 44 ကိုယ်တော်ဟို့ အပ်ဟူ လူဟ “ငါနမ်းဟူ လူဟာ နန်းနို့ လိုရှင်နေဟူလူ ဖြစ်ဟယ်။ သူဟို့ ဖမ်းဘီး စောန်လေန ခေါ်ဟားဂေ” ဆိုဘီး လူအောက်ဂီးဟို့ ချစ်ပြဘီး မှတ်သား ပေးဟားလေဟယ်။ 45 ယေရှုနားဟို့ ရှစ်ရှင်း သွားဘီး၊ ယုဒဟ “ဆရာ!” ဆိုဘီး ခေါ်လိုက်ဘီး ကိုယ်တော်ဟို့ နမ်းလေဟယ်။ 46 အယ်ကြောန့် သူးနို့ဟ ယေရှုဟို့ ဖမ်းဘီး ချောက်ဟားဂေဟယ်။ 47 အယ်ဘေမဲ့ နားမာရပ်နေဟူ လူလေထဲဟ တယော့-ကဟာ ထားဟို့ ဆွဲထုဘီး ယဇ်ပုရောဟိတ်မန်းရဲ့ ကျွန်တယော့-ကဟို့ ခွတ်လိုက်ဟူ ခီမာ အယ်လူရဲ့ နားဝှပ် ပြတ်ဟားဟယ်။ 48 အယ်ဆိုန ယေရှုဟာ “ငါဟာ မွတယော့-က ဖြစ်ဟူကြောန့် နန်းနို့ဟာ ငါ့ဟို့ ဖမ်းဟို့တွပ် ဒေါက်လေ၊ ထားလေန ရှေး-ကလာဂေ ဇာလော။ 49 ငါဟာ နေ့တိုင်း နန်းနို့တူဒူး ဗိမာန်တော်ထဲမာ သွန်သန်နေဟယ်။ နန်းနို့ဟာ ငါ့ဟို့ ဖမ်းဂေဟမား။ အယ်ဘေမဲ့ ကျမ်းစာတိုင်းဘွဲ ပွဲဇောင်လာရမယ်” ဆိုဘီး သူးနို့လေဟို့ မိန့်တော်မူလေဟယ်။ 50 အယ်ဆိုန တဗွဲတော်လေဟာ ကိုယ်တော်ဟို့ ထားရစ်ဘီး ထွပ်ပွေးဟားဂေဟယ်။ 51 ပိချောဝတ် တထည်ဘွဲ ခြောင်ဟားဟူ လူငယ် တယော့-ကဟာ ယေရှုနော့-ကဟို့ လိုက်လာဟယ်။ သူးနို့ဟာ သူဟို့ ဖမ်းဟို့ ကြိုးစားဂေဟူ ခီမာ 52 သူဟာ ပိချောဝတ်ဟို့ ထားရစ်ဘီးဟာ ဆွဲလှန်းဗွန်းန ထွပ်ပွေးဟားလေဟယ်။ 53 အယ်ဘီးန ယေရှုဟို့ ယဇ်ပုရောဟိတ်ဂီးလေ၊ သတ်ကီးဝါဂီးလေန ကျမ်းတတ်ဆရာလေ စုဝီးနေဟူ ယဇ်ပုရောဟိတ်မန်းရဲ့ အီဟို့ ခေါ်ဆောန်ဟားဂေဟယ်။ 54 ပေတရဟ ခပ်စီးဝီးဟနေ လိုက်လာဘီး ယဇ်ပုရောဟိတ်မန်းရဲ့ အိဝမ်းထဲဟို့ ဝမ်းဟားလေဟယ်။ အယ်နေရာမာ သူဟာ စောန်လေနတူးဒ ထိုင်ဘီး မီးကန်နေလေဟယ်။ 55 ယဇ်ပုရောဟိတ်ဂီးလေန တရားလွှတ်တော် တခုလောင်းဟာ ယေရှုဟို့ သေဒန်ပေးနိုင်ဟို့တွပ် ကိုယ်တော်ဟို့ ဆန့်ကျင်ထွပ်ဆိုမယ့် သတ်သေတချို့ဟို့ ရှာဟို့ ကြိုးစားဂေဟယ်။ အယ်ဘေမဲ့ သူးနို့ဟာ ဖြားဇာလည်း ရှာတို့ဂေဟ။ 56 သတ်သေလေ ဘောင်းဂီးဟာ ယေရှုဟို့ ဆန့်ကျင်ဟို့ လီညာဘီး ထွပ်ဆိုဂေဟယ်။ အယ်ဘေမဲ့ သူးနို့ထွပ်ဆိုဇာလေဟ တူညီဂေဟ။ 57 အယ်ဆိုန လူတချို့ဟာ ထရပ်ဘီးဟာ ယေရှုဟို့ ဆန့်ကျင်ဟို့ အယ်မျိုးလီညာဘီး ထွပ်ဆိုလိုက်ဇာဟ 58 “လူလောက်ဟားဟူ အယ်ဗိမာန်တော်ဟို့ ငါဖြူဖျစ်မယ်။ အယ်ဘီးဟာ သောင်းရစ်ကြာဘီးန လူလောက်ဘဲဟူ ဗိမာန်တော်ဟို့ ငါယွန်ဆော့-ကမယ်” ဆိုဘီး သူပြောဇာဟို့ ကျွန်တော်လေ ကြားဟားဟယ်။” 59 အယ်ဘေမဲ့လည်း သူးနို့ရဲ့ သတ်သေထွပ်ဆိုချစ်ဟာ တူညီဂေဟ။ 60 ယဇ်ပုရောဟိတ်မန်းဟာ သူးနို့လေ ဂူလောင်းရဲ့ ရှေ့မာ ရပ်ဘီးဟာ ယေရှုဟို့ “အယ်လူလေဟာ နန့်ဟို့ စွပ်စွဲပြောဆိုနေဇာ နန့်ဟာ ဖြားလည်းဖြေဘဲန နေဟို့လော” ဆိုဘီး မေးလေဟယ်။ 61 အယ်ဘေမဲ့ ယေရှုဟာ ဇပ်ပေါ-ကဟို့ ပိဟားဘီး စကားခွန်းလည်း ပြောဟ။ တခါယွန်ဘီး ယဇ်ပုရောဟိတ်မန်းဟ “နန့်ဟာ မင်္ဂလာရှိဟူ ဘုရားသခင်ရဲ့ သားတော် ခရစ်တော်လော” ဆိုဘီး ကိုယ်တော်ဟို့ မေးလေဟယ်။ 62 ယေရှုဟ “ငါဘွဲဖြစ်ဟယ်။ လူရဲ့သားဟာ တဂိုးတော်ရဲ့ ညာဖတ်မာ ထိုင်နေဘီး ကောန်းဂန်မိုးတီဟို့ စီးဘီးလာနေဇာဟို့ နန်းနို့ ပြင်ရလေမယ်” ဆိုဘီး မိန့်တော်မူလေဟယ်။ 63 ယဇ်ပုရောဟိတ်မန်းဟာ မိမိဝတ်ယောင်ဟို့ ဆူညွှတ်းဟာ “နို့လေဟာ နော့-ကထပ် ဖြားသတ်သေလေ လိုသေးဟယ်နူး။ 64 ဘုရားသခင်ဟို့ ပြစ်မှားဘီး ပြောနေဟူ စကားဟို့ နန်းနို့ ကြားရဂေ့ဘီ။ နန်းနို့ရဲ့ စီရင်ချစ်ဟ ဖယ်မျိုးနူး” ဆိုဘီး မေးလိုက်ဟယ်။ သူးနို့လေ ဂူလောင်းဟာ ကိုယ်တော်ဟို့ သေဒန်ခံထိုက်ဟယ် ဆိုဘီး စီရင်ဂေလေဟယ်။ 65 သူးနို့ထဲဟတချို့ဟာ ယေရှုဟို့ စဘီးဟာ ထွီးရယ်န ထွီးဂေဟယ်။ အယ်ဘီးဟာ ကိုယ်တော်ဟို့ မျစ်နာဟို့ဖောင်းဘီး လတ်သီးန ထိုးဂေဟယ်။ “ဖယ်လူဟ ရိုက်လိုက်ဟယ် ဆိုဇာဟို့ ပရောဖက်ပြုပါ!” ဆိုဘီး သူးနို့ဟ ပြောဂေဟယ်။ အယ်ဘီးဟာ စောန်လေဟာ ကိုယ်တော်ဟို့

ခေါ်ဆောန်းဟောင်းကိုယ်တော်ဟို့ ပါးရိုက်ဂေဟောင်း။ 66 ပေတရဟော အယ်အီဝမ်းထဲမှာ ရှိနေဒူးမှာ ယဇ်ပုရောဟိတ်မန်းရဲ့ စေခံဝယ်သားလေထဲဟု တယော့-က်ဟာ ရော့-က်လာဟောင်း။ 67 အယ်ဝယ်သားဟာ ပေတရ မီးကန်နေဇာဟို့ ဗြင်ဟူ ခီမာ သူဟာ သူဟို့ စေ့စေ့ကော့ဘီး “နန်ဟာလည်း နာဇရက်မြို့သား ယေရှုနတူးဒူး ရှိနေဟောင်း” ဆိုဘီး ပြောလေဟောင်း။ 68 အယ်ဘောမဲ့ ပေတရဟော “နန်ပြောနေဇာလေဟို့ ငါသိဟူ။ ငါနားလည်ဟု” ဆိုဘီး ငြင်ဘီးဟာ ပွန်ဖြေလိုက်ဟောင်း။ အယ်ဘီးန ခြံဟို့ ထွပ်ဟောင်းလေဟောင်း။ အယ်ခီမာဘဲ ကြစ်တွန်လေဟောင်း။ 69 စေခံဝယ်သားဟာ ပေတရဟို့ အယ်နေရာမာ တွဲဟူ ခီမာ နားမာရပ်နေဟူ လူလေဟို့ “အယ်လူဟာ သူးနို့လေထဲဟု တယော့-က်ဖြစ်ဟောင်း!” ဆိုဘီး ထပ်ပြောပွန်ဟောင်း။ 70 အယ်ဘောမဲ့ ပေတရဟော နော့-က်တခါ ငြင်းပွန်ဟောင်း။ နဲနဲကြာဘီးန နားမာရပ်နေဟူ လူလေဟု “နန်ဟာ မှန်ဘဲ သူးနို့ထဲဟု တယော့-က်ဖြစ်ဟောင်း။ ဖြားဖြစ်ကြောနဲနဲဆိုဟာ နန်ဟာလည်း ဂါလိလဲပြည်သား တယော့-က်ဖြစ်ဟောင်း” ဆိုဘီး သူးနို့ဟု ပေတရဟို့ စွပ်စွဲဂေဟောင်း။ 71 အယ်ဆိုန ပေတရဟု “ငါဟာ မှန်တိုင်း ပြောနေဟောင်း ဆိုဇာဟို့ ငါကီရဲဟောင်း။” 72 ရှစ်ရှင်းဘဲ ဒုတိယခါ ကြစ်တွန်လေဟောင်း။ အယ်ဆိုန “နန်ဟာ ငါဟို့ သိဟု ဆိုဘီး သောင်းခါ ငြင်းလေမယ်” ဆိုဘီး ယေရှုပြောဟောင်း စကားဟို့ ပေတရဟာ ဒီရဟောင်းဟောင်း။ အယ်ဆိုန သူဟာ ရရာတိုင်း ငိုလေဟောင်း။

15 မိုးလန်းစောစောမာ ယဇ်ပုရောဟိတ်ဂီးလေဟာ ကျမ်းတတ်ဆရာလေ။ သတ်ကီးဝါဂီးလေန တရားလွှတ်တော်တခုလောင်းန ဗြန်းဗြန်းဟောင်း တွဲဂေဘီးဟာ ဆောင်းဖြတ်ဂေဟောင်း။ သူးနို့ဟာ ယေရှုဟို့ တောက်ဂေဘီး ခေါ်ဆောန်းဟောင်းဟောင်း။ အယ်ဘီးဟာ ပိလတ်မန်းဟို့ အပ်လိုက်ဂေဟောင်း။ 2 ပိလတ်မန်းဟု “နန်ဟာ ယုဒလူမျိုးလေရဲ့ မန်းဂီးလော” ဆိုဘီး ယေရှုဟို့ မေးလေဟောင်း။ ယေရှုဟု “မန်းဂီးပြောတိုင်းဘဲ” ဆိုဘီး ပွန်ဖြေလေဟောင်း။ 3 ယဇ်ပုရောဟိတ်ဂီးလေဟာ ယေရှုဟို့ မျိုးမျိုးဘဲ စွပ်စွဲဂေဟောင်း။ 4 အယ်ကြောန့် ပိလတ်မန်းဟာ ယေရှုဟို့ “နန်ဟာ ဖြားလည်းဖြေဟိုလော။ သူးနို့လေ ဂူလောင်းရဲ့ စွပ်စွဲချစ်လေဟို့ နားထောန်ကော့!” ဆိုဘီး ထပ်ဘီးမေးလေဟောင်း။ 5 အယ်ဘောမဲ့ ယေရှုဟာ ခွန်းလည်း ပွန်ပြောဘဲန အယ်တိုင်းဘဲ နေလေဟောင်း။ အယ်ဆိုန ပိလတ်မန်းဟာ အံ့ဩဟောင်းလေဟောင်း။ 6 ပသခါပွဲတိုင်းမာ ပိလတ်မန်းဟာ ပြည်သူလေ တောင်းဟူ ထောန်သားတယော့-က်ဟို့ လွှတ်ပေးဟူ ထောင်းဇံရီဟောင်း။ 7 အယ်ခီမာ ဆူလူအံ့ကြွမှုမာ လူသတ်မှု ကျူးလွန်ဟူ ပေါင်ကန်သူလေနတူးဒူ ဗာဗုဇ နာမယ်ရှိဟူ လူတယော့-က်ဟာ ထောန်ဣနေဟောင်း။ 8 လူအောက်ဂီးဟာ ပိလတ်မန်းနားဟို့ စုစီးလာဘီး လောက်လေရှိဟူတိုင်း သူးနို့ဟို့ လောက်ဆောန်ပေးဟို့ ပိလတ်မန်းဟို့ တောင်းဆိုဂေဟောင်း။ 9 ပိလတ်မန်းဟု “နန်းနို့ဟာ ယုဒလူမျိုးရဲ့ မန်းဂီးဟို့ လွှတ်ပေးစေရှင်ဟောင်းလော” ဆိုဘီး သူးနို့ဟို့ မေးလေဟောင်း။ 10 ယဇ်ပုရောဟိတ်ဂီးလေဟာ ယေရှုဟို့ နာလိုဘဲဟူကြောန့် အပ်ဟောင်းဆိုဇာ ပိလတ်မန်းဟာ သိဟူကြောန့် ဖြစ်ဟောင်း။ 11 အယ်ဘောမဲ့ ယဇ်ပုရောဟိတ်ဂီးလေဟာ ဗာဗုဇဟို့ဘဲ လွှတ်ပေးဟို့တွပ် ပိလတ်မန်းနားမာ တောင်းဆိုဟို့ လူအောက်ဂီးဟို့ နို့ဆော်ဂေဟောင်း။ 12 ပိလတ်မန်းဟု “ယုဒလူမျိုးရဲ့ မန်းဂီး ဆိုဘီး နန်းနို့ခေါ်ဟူ လူဟို့ ငါဖယ်မျိုးလောက်ရဟို့နူး” ဆိုဘီး လူအောက်ဂီးဟို့ ထပ်မေးလေဟောင်း။ 13 အယ်လူလေဟု “သူဟို့ ကားစင်တန်ပါ!” ဆိုဘီး အော်ဂေဟောင်း။ 14 ပိလတ်မန်းဟာ “ဖြားဖြစ်ကြောနဲနူး။ အယ်လူဟု ဖြားပြစ်မှုဟို့ ကျူးလွန်ဟောင်းနူး” ဆိုဘီး မေးလေဟောင်း။ လူလေ ဂူလောင်းဟာ “သူဟို့ ကားစင်တန်ပါ!” ဆိုဘီး ပိုဘီး ဟာ ဣယ်ဟီးအော်ဂေဟောင်း။ 15 ပိလတ်ဟာ လူအောက်ဂီးဟို့ ကျေနပ်စေရှင်ဟောင်း။ အယ်ကြောန့် သူးနို့တွပ် ဗာဗုဇဟို့ လွှတ်ပေးလိုက်ဟောင်း။ အယ်ဘီးန သူဟာ ယေရှုဟို့ ကျာပွတ်န ရိုက်စေဘီးဟာ ကားစင်တန်ဟို့တွပ် အပ်လေဟောင်း။ 16 စစ်သားလေဟာ ယေရှုဟို့ မြို့ဝန်မန်းရဲ့ အီခြံဝမ်းထဲဟို့ ခေါ်ဆောန်ဟောင်းဘီး တပ်ဖွဲ့တဖွဲ့လောင်းဟို့ စုခိုင်းလိုက်ဟောင်း။ 17 သူးနို့ဟာ ယေရှုဟို့ ခရမ်းရောန့် ဝတ်လောင်ဟို့ ဝတ်ပေးလိုက်ဟောင်း။ အယ်ဘီးန ဆူးခတ်လေဟို့ သရဖူဖြစ် ရစ်လောက်ဘီး ကိုယ်တော်ဟို့ ဆောန်းပေးလိုက်ဟောင်း။ 18 အယ်ဘီးန ကိုယ်တော်ဟို့ “ယုဒလူမျိုးရဲ့ မန်းဂီး သတ်တော်ရှယ်ပါစေ!” ဆိုဘီး စဘီး နောက်ဆစ်ဂေဟောင်း။ 19 သူးနို့ဟာ ကိုယ်တော်ရဲ့ ခေါင်းဟို့ ကျူဒေါက်န ရိုက်ဂေဟောင်း။ ကိုယ်တော်ဟို့လည်း

ထွီးရယ်နံ့ ထွီးဂေဟယ်။ သူးနို့ရဲ့ ဒူးဟို ထော့-ကံဘီးဟာ ကိုယ်တော့်ဟို ရှိခိုးဂေဟယ်။ 20 သူးနို့ဟာ ကိုယ်တော့်ဟို ရယ်စားဂေဘီးဟာ သူးနို့ဟာ ခရမ်းရောနံ့ ဝတ်လောင်ဟို ခလွတ်ဘီးဟာ ကိုယ်တော်ရဲ့ ဝတ်ဟို ပွန်ဝတ်ပေးဂေဟယ်။ အယ်ဘီးနံ့ သူးနို့ဟာ လတ်ဝါးကပ်တိုင်ထတ်မာ သတ်ဟိုတွပ် ကိုယ်တော့်ဟို ခေါ်ဟားဂေဟယ်။ 21 သူးနို့ဟာ တောဝါဟုနေ ပြို့ဟိုတတ်လာဟူ ရှိမုန်နာမယ်ရှိဟူ လူတယော့-ကံဟို လမ်းမာ တွိလေဟယ်။ အယ်ဆိုနံ့ စစ်သားလေဟာ ယေရှုရဲ့ လတ်ဝါးကပ်တိုင်ဟို သူဟို တန်ဘီးထမ်းခိုင်းလေဟယ်။ (ရှိမုန်ဟာ ကုရေနေပြို့ သားဖြစ်ဘီး အာလေဇန္ဒြနံ့ ရဖရဲ့ ဖလည်း ဖြစ်ဟယ်။) 22 သူးနို့ဟာ ယေရှုဟို ဂေါလဂေါသ ဆိုဘီး ခေါ်ဟူ နေရာဟို ခေါ်ဆောနံ့ဟားဂေဟယ်။ ဂေါလဂေါသရဲ့ မိပါယ်ဟာ “ဦးခေါန်းခွဲနေရာ” ဖြစ်ဟယ်။ 23 အယ်နေရာမာ သူးနို့ဟာ ကိုယ်တော့်ဟို မုရန် ဆိုဘီး ခေါ်ဟူ ဆေးနံ့ ရောဟားဟူ ပိုင်ဟို တိုက်ဟို ကြိုးစားဂေဟယ်။ အယ်ဘောမဲ့ ယေရှုဟာ သော့-ကံဟာ။ 24 အယ်ဘီးနံ့ သူးနို့ဟာ ကိုယ်တော့်ဟို ကားစင်တန်ဘီး သတ်ဂေဘီးဟာ ဝတ်ရဲ့ ဖြားပိုင်းဟို ဖယ်လူဟုရဟယ် ဆိုဇာဟို ဗြင်ဟိုတွပ် မဲနှိုက်ဘီး သူးနို့ရှင်းရှင်းထဲမာ ကိုယ်တော်ရဲ့ ဝတ်ဟို ခွဲဝီဂေဟယ်။ 25 သူးနို့ဟာ ကိုယ်တော့်ဟို ကားစင်တန်ဘီး သတ်ဟူ ခီဟာ မိုးလန်း ကိုးနာရီ ဖြစ်ဟယ်။ 26 ကိုယ်တော့်ဟို ဆန်ကျင်ဘီး စွတ်စွဲချစ်ဟို ရေးဟားဟူစာမာ “ယုဒမန်းဂီး” ဆိုဘီး ဖြစ်ဟယ်။ 27 သူးနို့ဟာ ယေရှုနံ့တူးဒု မွေနေယော့-ကံဟိုလည်း ဘယ်ဖတ်မာ တယော့-ကံ ညာဖတ်မာ တယော့-ကံ ထားဘီးဟာ ကားစင်တန်ဂေဟယ်။ 29 ဖြတ်သွားဖြတ်လာလောက်နေဟူ လူလေဟာ ခေါန်းခါဘီးဟာ ယေရှုဟို ကဲ့ရဲ့လိုက်ဇာဟာ “ဟင်၊ ဗိမာန်တော်ဟိုဖြည့်ဘီး သောင်းရစ်ထဲမာ ပွန်ဆော့-ကံဟိုလူ၊ 30 ခု လတ်ဝါးကပ်တိုင်ဟုနေ ဆင်းလာဘီးဟာ နန့်ကိုယ်နန့် ကယ်တန်ပါ!” 31 အယ်မျိုးဘွဲ့ ယဇ်ပုရောဟိတ်ဂီးလေနံ့ ကျမ်းတတ်ဆရာလေဟာ ယေရှုဟို ရယ်စားဂေဘီး၊ ယော့-ကံနယော့-ကံပြောနေဇာဟာ “အယ်လူဟာ တခြားလူလေဟို ကယ်ဟယ်။ အယ်ဘောမဲ့ သူ့ကိုယ်သူလော ကယ်နိုင်ဟုမား၊ 32 ကူသရေလမန်းဂီး၊ ကယ်တန်ရှင် ခရစ်တော်ဟာ ခုဘွဲ့ လတ်ဝါးကပ်တိုင်ဟုနေ ဆင်းလာဇာဟို နို့လေပြင်ရမယ် ဆိုဟာ နို့လေဟု ယောင်ကြည်မယ်!” အယ်ဘီးဟာ ယေရှုနံ့တူးဒု ကားစင်တန်ဘီး သတ်ခံရဟူ လူနေယော့-ကံဟုလည်း ယေရှုဟို ရယ်စားဂေဟယ်။ 33 မွန်းဒွီခီမာ တနိုင်ငံလောင်းဟာ မောန်ကွဟားဘီး၊ အယ်ဇာဟာ သောင်းနာရီကြာလေဟယ်။ 34 နေဒန်သောင်းနာရီမာ ယေရှုဟာ “ဧလိ၊ ဧလိ၊ လာမ ရှာဗခသနီ” ဆိုဘီး သံကွယ်ဂီးနံ့ အော်လိုက်ဟယ်။ အယ်မိပါယ်ဟာ “ကျွန်တော့် ဘုရားသခင်၊ ကျွန်တော့် ဘုရားသခင် ဖြားဖြစ်ကြောန့် ကျွန်တော့်ဟို စွန့်ပစ်နဲ့” ဆိုဘီး ဖြစ်လေဟယ်။ 35 နားမာရပ်နေဟူ လူတချို့ဟာ အယ်စကားဟို ကြားဟူ ခီမာ သူးနို့ဟာ “နားထောန်ကေ့။ သူဟာ ဧလိယဟို ခေါ်နေဟယ်!” ဆိုဘီး ပြောဂေဟယ်။ 36 သူးနို့ထဲဟု တယော့-ကံဟာ ပိုင်ရှင်ထဲမာ နှစ်ဟားဟူ ရေမွှောကန် ယွေးလာဟယ်။ အယ်ဘီးဟာ အယ်ဇာဟို ကျူဒေါက်ဖျားမာ တတ်လေဟယ်။ အယ်ဘီးနံ့ သူဟာ ယေရှုရဲ့ ဇတ်ပေါ့-ကံမာ ထားပေးလိုက်ဘီးဟာ “စောန့်ပါအူး၊ ဧလိယဟာ သူဟို လတ်ဝါးကပ်တိုင်ဟုနေ အော့-ကံဟို ယူခွဟိုတွပ် လာနေဟယ် ဆိုဇာဟို နို့လေကေ့ကေ့နို့!” ဆိုဘီး ပြောဟယ်။ 37 သံကွယ်ဂီး အော်ဘီးနံ့ ယေရှုဟာ သတ်ချောက်တော်မူလေဟယ်။ 38 ဗိမာန်တော်ရဲ့လိုက်ကာဟာ ထတ်ဟုနေအော့-ကံထိ နေ့ ခြမ်းကွဲဟားဟယ်။ 39 လတ်ဝါးကပ်တိုင်ရှေ့မာ ရပ်နေဟူ တပ်မှူးဟာ ယေရှု ဖယ်မျိုးသေဟားဟယ်ဆိုဇာဟို ဗြင်ဟားဟယ် “အယ်လူဟာ မှန်ဘွဲ့ ဘုရားသခင်ရဲ့ သားတော်ဖြစ်ဟယ်!” ဆိုဘီး ပြောလေဟယ်။ 40 အယ်နေရာမာ ရှိနေဟူ မီးမတချို့ဟာ ဝီးဟုနေဘီး ကေ့နေဂေဟယ်။ အယ်မီးမလေထဲမာ မာဂဒလပြို့သူ မာရိ၊ ယာကုပ်ငယ်နံ့ ယောသေလေရဲ့မိဖြစ်ဟူ မာရိနံ့ ရှာလုံလေ ရှိနေဟယ်။ 41 ယေရှုဟာ ဂါလိလဲနယ်မာ ရှိနေဒူးဟာ သူးနို့ဟာ ကိုယ်တော့်နော့-ကံဟို လိုက်ဘီး လောက်ကျွေး ပြုဂေဟယ်။ အယ်နေရာမာ ကိုယ်တော်နံ့တူးဒု ယေရှုရှုလင်ပြို့ဟို လိုက်လာဟူ တခြားမီးမလေလည်း ဘောင်ဂီးရှိနေဂေဟယ်။ 42 အယ်နေဟာ ဖိနေဖြစ်ဟယ် (အယ်နေဟာ ဒန်းနေတိုင်ခန်နေဖြစ်ဟယ်)။ အယ်ကြောန့် နေဒန်ဇာရော့-ကံလာဟူ ခီမာ 43 တရားလွတ်တော်ရဲ့ လေးစားခံရဟူ ဖွဲ့ဝမ်တယော့-ကံဖြစ်ဘီး ဘုရားသခင်ရဲ့ နိုင်ငံတော်ဟို စောန့်မျှော်နေဟူ အရိမသံပြို့သား ယောသပ်ဟာ ယေရှုရဲ့လောင်းဟို တောင်းဟိုတွပ် ပိလတ်နားဟို

ရဲရဲတန်းတန်းဟားဘဲ ဝမ်းဟားလေဟယ်။ 44 ပိလတ်ဟာ ယေရှုသေဟားဘီး ဆိုဇာဟို ကြားဟူ ခီမာ အံ့ဩဟားလေဟယ်။ သူဟာ တပ်မှူးဟို ခေါ်လိုက်ဘီး ယေရှုသေဟားဇာ ဖယ်မျှကြာဟားဘီ ဆိုဘီး မေးလေဟယ်။ 45 သေဟားဘီ ဆိုဘီး တပ်မှူးရဲစီရင်ခံဇာဟို ကြားရဟူ ခီမာ ပိလတ်ဟာ ယောသပ်ဟို လောန်းဟိုပေးလိုက်ဟယ်။ 46 အယ်ကြောန့် ယောသပ်ဟာ ပိဗ္ဗဟို ဝယ်ဘီး၊ လောန်းဟို ယူညွှဘီး ပိဗ္ဗန ပတ်လေဟယ်။ အယ်ဘီးဟာ ကွေး-က်ဆောန်ဟို ထွမ်းဟားဟူ သန်းခွိုင်ဂူထဲမာ လောန်းဟို ထားဟားလေဟယ်။ အယ်ဘီးန သူဟာ သန်းခွိုင်ဂူဝဟို ကွေး-က်တောင်းဂီးန ပိဟားလိုက်ဟယ်။ 47 မာဂဒလဗြိသု မာရိန ယောသေရဲမိ မာရိဟာ စောန့်ကွေနေဂေဘီး ယေရှုရဲလောန်းထားဟားဟူ နေရာဟို တွဲပြင်ဂေဟယ်။

16 ဒန်းနေလွန်ဘီးန မာဂဒလဗြိသု မာရိ ယာကုပ်ရဲမိ မာရိန ရှာလုံဟာ ယေရှုရဲလောန်းဟို လူးပေးဟိုတွပ် နံသာလေဟို ဝယ်ယူဂေဟယ်။ 2 နန်းနေနွေ မိုးလန်းစောစော နေထွပ်ခီမာ သူးနို့ဟာ သန်းခွိုင်ဟို သွားဂေဟယ်။ 3 သူးနို့ဟာ “သန်းခွိုင်ရဲ ဂူဝဟုနေ ကွေး-က်တောင်းဟို ဖယ်သူဟု တွန်းဖယ်ပေးဟိုနွေ” ဆိုဘီး ယော့-က်နယော့-က် မေးနေဂေဟယ်။ 4 အယ်ဘေမဲ့ သူးနို့ဟာ ကေလိုက်ဟူ ခီမာ ရရာတိုင်း ကီးဟူ အယ်ကွေး-က်တောင်းဟို တွန်းဖယ်ဟားဘီးသား ဖြစ်နေဇာဟို သူးနို့ဟာ တွဲဟားဂေဟယ်။ 5 အယ်ကြောန့် သူးနို့ဟာ သန်းခွိုင်ထဲဟို ဝမ်ဟားဘီး အယ်နေရာမာ ဝတ်လောင်ဗြူ ဝတ်ဟားဟူ လူငယ်တယော့-က်ဟာ ညာဖတ်မာ ထိုင်နေဇာဟို ပြင်ဟားလေဟယ်။ အယ်န သူးနို့ဟာ ထိလန့်ဟားဂေဟယ်။ 6 အယ်လူဟာ “လန်ဂေနု၊ နန်းနို့ဟာ ကားစင်တန်ခံရဟူ နာဇရက်ဗြိသားယေရှုဟို ရှာနေဟယ် ဆိုဇာဟို ငါသိဟယ်။ ကိုယ်တော်ဟု အယ်နေရာမာ မေ့ဟွမ်း ကိုယ်တော်ဟု ထမြော့-က်ဟားဘီး၊ ကွေကွေ၊ အယ်နေရာဟာ ကိုယ်တော်ဟို ထားဟူနေရာဖြစ်ဟယ်။ 7 နန်းနို့ဟာ ပေတရုန တခြားတဗွဲတော်လေနားဟို သွားဘီးဟာ ‘ကိုယ်တော်ဟာ ဂါလိလဲပြည်ဟို ရင်ဦးဆောင်း သွားမယ်။ နန်းနို့ဟို ကိုယ်တော် ပြောဟားဟူ တိုင်းဘဲ အယ်နေရာမာ နန်းနို့ဟာ ကိုယ်တော်ဟို တွဲရလေမယ် ဆိုဘီး ပြောဂေပ။’” 8 အယ်ကြောန့် မီးမဂီးလေဟာ စိုးရိမ်ထိလန့်ဘီး သန်းခွိုင်ဟုနေ ထွပ်လာဘီး ယွေးဟားဂေဟယ်။ သူးနို့ဟာ ကွေး-က်နေဂေကြောန့် ဖယ်သူဟိုလည်း ဖြားလည်းပြောဂေဟူ။ ဒန်းကောန်း နည်းဟောင်းဆောင်းသတ်တမျိုး [9 (note: The most reliable and earliest manuscripts do not include Mark 16:9-20.) ယေရှုဟာ နန်းနေနွေ မိုးလန်းစောစောမာ သေရာဟုနေ ထမြော့-က်ဘီးန၊ ကိုယ်တော်ဟာ နတ်ဆိုးခွန်နစ်ကောန် ထွပ်ဟားဟူ မာဂဒလဗြိသု မာရိဟို ရင်ဦးဆောင်း ကိုယ်ထန်ရှားပြဟယ်။ 10 သူဟာ ကိုယ်တော်ရဲ ပေါန်းဖော်လေနားဟို သွားဘီး ပြောလေဟယ်။ သူးနို့ဟာ မြည်တမ်း ငိုကြွေနေဘီး 11 အယ်ဘီးဟာ ယေရှုဟာ သတ်ရှင်နေဟယ် ဆိုဇာန သူဟာ ကိုယ်တော်ဟို တွဲလိုက်ဟယ် ဆိုဘီး သူရဲ ပြောဟူစကားဟို သူးနို့ကြားလိုက်ဟူ ခီမာ သူးနို့ဟာ သူဟို ယောင်ကြည်ဂေဟူ။ 12 အယ်ဘီးန သူးနို့ထဲဟု နွေယော့-က်ဟာ တောဝါဟို လမ်းရှော့-က်သွားနေဒူးမာ ယေရှုဟာ ခြားနားဟူ ပေါင်စံန သူးနို့ဟို ကိုယ်ထန်ရှားပြဟယ်။ 13 သူးနို့ဟာ တခြားလူလေနားဟို ပွန်ဟားဘီးဟာ ပြောပြလေဟယ်။ အယ်ဘေမဲ့ အယ်ဒန်းဟို သူးနို့ဟာ ယောင်ကြည်ဂေဟူ။ 14 အယ်ဘီးန တဗွဲတော်ဆယ့်တပါး စားသော့-က်နေဟူ ခီမာ ယေရှုဟာ သူးနို့ဟို ကိုယ်ထန်ရှားပြလေဟယ်။ သူးနို့ဟာ ယောင်ကြည်ဘဲန စိန်လောင်းမာကျောနေဘီး ကိုယ်တော် ထမြော့-က်ဘီးန ကိုယ်တော်ဟို တွဲရဟူ လူလေရဲစကားဟို ယောင်ကြည်ဘဲဟူကြောန့် ယေရှုဟာ သူးနို့ဟို ဆောင်းမလေဟယ်။ 15 ကိုယ်တော်ဟု သူးနို့ဟို “တကမ္ဘာလောင်းဟို ပုံနွံအောန်သွားဘီး လူတိုင်းဟို ဒန်းကောန်း ဟောပြောဂေ။ 16 ယောင်ကြည်ဘီး ဗတ္တိဇံဇံဟူလူ မုန်မျှဟာ ကယ်တန်ခံရလေမယ်။ ယောင်ကြည်ဘဲဟူ လူမုန်မျှဟာ ပြစ်စီရင်ခံရလေမယ်။ 17 ယောင်ကြည်သူလေဟာ နိမိတ်လတ်ခဏာလေ ပြဟိုတွပ် တဂိုးဟို ပေးအပ်ခံရလေမယ်။ သူးနို့ဟာ ငါနာမဟို အားကိုးဘီး နတ်ဆိုးလေဟို နှန်ထုဂေလေမယ်။ သူးနို့ဟာ ထူးဆန်းဟူ ဘာသာစကားလေဟို ပြောဂေလေမယ်။ 18 သူးနို့ဟာ ဗွီလေဟို ကိုင်ဂေလေမယ်။ သေစေတတ်ဟူ ဖြားမျိုးဆီလေဘဲဖြစ်ဖြစ် သော့-က်မယ် ဆိုဟာ ဥပါဒ်ဖြစ်ဟူ။ ကျန်းမာဘဲဟူ လူနာလေထတ်မာ လတ်တန်ဟူ ခီမာ လူနာလေဟာ ကျန်းမာဟားလေမယ်” ဆိုဘီး မိန့်တော်မူလေဟယ်။ 19 သခင်ယေရှုဟာ သူးနို့န

စကားပြောဘီးနဲ့ ကောင်းကန်ဘောင်ဟို့ ယူဆောန်ခံရဘီးဟာ ဘုရားသခင်ရဲ့ ညာဖတ်မာ ထိုင်နေလေဟယ်။ 20
တမဲ့တော်လေဟာ နေရာရှိမျှဟို့ သွားဘီးဟာ ဟောပြောဂေဟယ်။ အယ်ဘီးဟာ သခင်ဘုရားဟာ သူးနို့လေနတူးဒု
လောက်ဆောန်နေဘီး အယ်မျိုးလောက်ဆောန်ဟူ နိမိတ်လတ်ခဏာလေအားဖြင့် သူးနို့ရဲ့ တရားဟောချစ်ဟာ မှန်ဟယ်
ဆိုဇာဟို့ သတ်သေပြလေဟယ်။] တခြားကျမ်းဟောင်းဆောင်းသတ် [

၁ ရှစ်ရဟူ သော်ဖိလု၊ ကျွန်တော့်ဟားလေထဲမှာ ဖြစ်ပျစ်နေဟူ ကြောက်ရလေဟို ကောန်းဆောင်း ရေးသားဟားဟူ လူလေဘောင်ဂီး ရှိဟယ်။ **၂** သူးနို့လေဟာ အယ်ဖြစ်ပျစ်ဇာလေဟို စစဒူးဟု ပြင်ဟူလူလေန ဒန်းကောန်းဟို ဟောပြောဟူ မှုဆောန်လေ ယွန်ပြောပြဇာလေဟို ကျမ်းပြု ပေါက်ကိုလေဟု ရေးသားဟားဟယ်။ **၃** သော်ဖိလု၊ ကျွန်တော်ဟာ အယ်ကြောက်ရလေဟို ဖြစ်ပျစ်ခီဟုနေ စဘီး သေးသေချားချာ လေလာဟားဟူ လူဖြစ်ကြောန့် သင်ဖတ်ရှုနိုင်ဟို့တွပ် စီစဉ်က္ကဏန ကျမ်းစာဟို ရေးသားမယ် ဆိုဟာ ကောန်းဆောင်း ဖြစ်မယ် ဆိုဘီး ယူဆဟယ်။ **၄** အယ်ကြောန့် သင်ကြားသိဟားဟူ ကြောက်ရလေဟို သေးသေချားချာန သင့်ဟို သိစေရှင်ကြောန့် အယ်ကျမ်းစာဟို ရေးသားဟားဇာ ဖြစ်ဟယ်။ **၅** ယုဒပြည်ဟို အောက်ချောက်ရဟူ ဟေရုဒ်မန်းဂီး လတ်ထတ် အဘိယသင်းဝမ် ဖြစ်ဘီး ဇာခရိ နာမယ်ရှိဟူ ယဇ်ပုရောဟိတ် တယော-က်ရှိဟယ်။ သူးမီးမ နာမယ်ဟာ ဧလိရုဗက် ဖြစ်ဘီး သူဟာ အာရုန်ရဲ့ မျိုးနွယ်လည်း ဖြစ်ဟယ်။ **၆** သူးနို့ နွေယော-က်ဟာ ဘုရားသခင်ရဲ့ ရှေ့တော်မာ ဖြောန့်မတ်သူလေဖြစ်ဘီး ကိုယ်တော်ရဲ့ ပညတ်တော်လေန မိန့်တော်လေ ဂူလောင်းဟို ကျင့်ဆောန်ဟူကြောန့် ပြစ်တန်ဇာမေဟူ။ **၇** ဧလိရုဗက်ဟာ မွဲနေဟူကြောန့် သူးနို့မာ သားမီးမေဟူ။ ဇာခရိန သူးမီးမ နွေယော-က်လောင်းဟာ ရရာတိုင်း အိုနေဘီ။ **၈** တရစ်မာ ဇာခရိဟာ သူမှုဆောန်ရဟို့ လှည့်ရော-က်ကြောန့် ဘုရားသခင်ရှေ့မာ ယဇ်ပုရောဟိတ်လောက်ဟို လောက်နေဟယ်။ **၉** ယဇ်ပုရောဟိတ်လေရဲ့ ထောင်းဇံတိုင်း သူဟာ ယဇ်ပလ္လင်ထတ်မာ နံ့သာပေါန်းဟို မီးရှိဟို့ ဝီးကော-က်ခဲရဟယ်။ အယ်ကြောန့် သူဟာ သခင်ဘုရားရဲ့ ဗိမာန်တော်ထဲဟို ဝမ်ဟားဘီး။ **၁၀** နံ့သာပေါန်းဟို မီးရှိနေခီမာ ယွန်မာနေဟူ လူလေ ဂူလောင်းဟာ ဆုတောင်းဘီး နေဂေဟယ်။ **၁၁** အယ်ခီမာ သခင်ဘုရားရဲ့ ကောန်းဂန်တမန်ဟာ သူရှေ့မာ ပေါ်လာဘီး နံ့သာပေါန်းဟို မီးရှိဟူ ယဇ်ပလ္လင်ရဲ့ ညာဖတ်မာ ရပ်နေဟယ်။ **၁၂** ဇာခရိဟာ ပြင်လိုက်ခီမာ ကြော-က်ရှုံ့ ထိလန့်ဟားဟယ်။ **၁၃** အယ်ဘောမဲ့ ကောန်းဂန်တမန်ဟု “ဇာခရိ ကြော-က်န၊ ဘုရားသခင်ဟာ နန့်ရဲ့ ဆုတောင်းသံဟို ကြားဘီး နန့်ရဲ့ မီးမ ဧလိရုဗက်ဟာ သားမွီးရလေမယ်။ အယ်သားဟို ယောဟန်နာမယ်န မှတ်ရမယ်။ **၁၄** အယ်သားဟို မွီးခီမာ နန့်ဟာ ရရာတိုင်း ဝန်းသာဘီး လူလေဟာလည်း ဝန်းသာလေမယ်။ **၁၅** ယောဟန်ဟာ ဘုရားသခင်ရှေ့တော်မာ ရရာတိုင်း ကီးမြတ်ဟူ လူဖြစ်လေမယ်။ သူဟာ ဝိုင်န ယဇ်သေဇာဟို လောင်းဝသော-က်ဟူ။ မွီးဂဲဒဟု သူဟာ သန့်ရှင်းဟူဝိညာဉ်တော်န ပွဲဝနေဘီး **၁၆** သူဟာ ဣသရေလလူမျိုး များစုဟို သူးနို့ရဲ့ သခင်ဖြစ်ဟူ ဘုရားသခင်နားဟို ယွန်ခေါ် ဆောန်လာလေမယ်။ **၁၇** သူဟာ ပရောဖက်ဧလိယမျိုး ခွန်အားန တဂိုးကီးဘီး သခင်ဘုရားရှေ့တော်ဟို သွားလေမယ်။ သူဟာ ဖခင်လေရဲ့ စိန်လောင်းဟို သားမီးလေဖတ်ဟို ယွန်လှည့်စေဘီး သူဟာ နားထောန်ဘဲဟူ လူလေဟာ ဖြောန့်မတ်ဟူလမ်းဟို ညှောန်းလဲစေဘီး သခင်ဘုရားတွပ် ဆင်သင်ဖြစ်နေဟို့ ကိုယ်တော် လူမျိုးဟို ပြင်ဆင်ဟားဟယ်” ဆိုဘီး ဇာခရိဟို ပြောလေဟယ်။ **၁၈** ဇာခရိဟု “အယ်မျိုးဖြစ်မယ် ဆိုဇာဟို ကျွန်တော် ဖြားမျိုးသိရန့။ ကျွန်တော်ဟာ ဖိုးသန်ဂီးဖြစ်နေဘီ။ ကျွန်တော့် မီးမဟုလည်း ဖွားသန်မဖြစ်နေဘီ” ဆိုဘီး ကောန်းဂန်တမန်ဟို ပြောလေဟယ်။ **၁၉** ကောန်းဂန်တမန်ဟု “ငါဟာ ဂါဗြေလဖြစ်ဟယ်။ ငါဟာ ဘုရားသခင်ရဲ့ ရှေ့တော်မာ ရပ်နေသူဖြစ်ဘီး နန့်ဟို အယ်ဒန်းကောန်း ပြောဟို့တွပ် ငါ့ဟို စေလွှတ်လိုက်ဟယ်။ **၂၀** နန့်ဟာ ငါ့ပြောဟူ အယ်ဒန်းကောန်းဟို ယောင်ကြည်ဘဲ ဖြစ်နေဘောမဲ့လည်း သတ်မှတ်ဟားဟူ ခီရော-က်ဟာ ပွဲဇောင်လာလေမယ်။ နန့်ဟာ ငါပြောဟူ ဒန်းကောန်းဟို ယောင်ကြည်ဘဲဟူကြောန့် ငါ့ဒိတော်လေဟာ နန့်မာ ပွဲဇောင်ခန်နေထိ စကားပြောနိုင်ဘဲ အ, ဘီး နေရလေမယ်” ဆိုဘီး ပြောလေဟယ်။ **၂၁** လူလေဟာ ဇာခရိဟို စောန့်မျှော်နေဘီး ဗိမာန်တော်ထဲမှာ ကြာဂီးနေဇာဟို အံ့သြနေဟယ်။ **၂၂** ဇာခရိဟာ ထွပ်လာဟူ ခီမာ စကားပြောနိုင်ဘဲဟူကြောန့် ဗိမာန်တော်ထဲမှာ ရူပါရောင် ပြင်ရကြောန်းဟို သူးနို့ သိဂေဟယ်။ စကားတလောင်းလည်း ပြောနိုင်ဘဲကြောန့် သူဟာ သူးနို့လေဟို လတ်ရိလတ်ခေနဘဲ ချစ်ပြလိုက်ဟယ်။ **၂၃** ဗိမာန်တော်ထဲမှာ ယဇ်ပုရောဟိတ်မှုဟို ဆောန်ရွက်ရဟို့ ခီပီးဆောင်းဟားကြောန့် ဇာခရိဟာ အီဟို ယွန်ဟားဟယ်။

24 အယ်ဘီးန သူမီးမ ဧလိရုဗက်ဟာ ဗိုက်ပိုက်နေဟူကြောန့် ငါးလလောင်းလောင်း အိပ္ပန်ဟို ထွပ်ဘဲနေဟယ်။ **25** အယ်မီးမဟာ “ခု သခင်ဘုရားဟာ ငါ့ဟို မတော်မူလိုက်ဘီ။ ကိုယ်တော်ဟာ ငါ့ဟို လူလေကဲ့ရဲ့ ဝေဖန်နေဇာလေဟို ပယ်ရှင်းပေးတော်မူလိုက်ဘီ!” ဆိုဘီး ပြောလေဟယ်။ **26** ဧလိရုဗက်ရဲ့ ဗိုက်ဟာ ခြွေ-က်လဟို ရှေး-က်လာဟူ ခီမာ ဘုရားသခင်ဟု ကောန်းဂန်တမန် ဂါဗြေလဟို ဂါလိလဲပြည် နာဇရက် နာမယ်ရှိဟူ ဗြို့ဟို လွတ်လိုက်ဟယ်။ **27** ဒါဝိဒ်မန်းဂီးရဲ့ သားမွေးဖြစ်ဘီး ယောသပ် နာမယ်ရှိဟူ လူတယော-က်န လတ်ထပ်ဟို့ စေ့စပ်ဟားဟူ မီးမပျိုတွပ် သူမာ ဒန်းစကား ရှိဟယ်။ အယ်မီးမပျိုရဲ့ နာမယ်ဟာ မာရိ ဖြစ်ဟယ်။ **28** ကောန်းဂန်တမန်ဟာ ရှေး-က်လာဘီး “နန့်နတူးဒု ငြီသတ်မှုရိပါစေ! နန့်နတူးဒု သခင်ဘုရား ရှိဘီး နန့်ဟာ ရရာတိုင်း မင်္ဂလာရှိဟယ်!” ဆိုဘီး ပြောလေဟယ်။ **29** ကောန်းဂန်တမန်ရဲ့ စကားကြောန့် မာရိဟာ စိန့်လောင်းငြီသတ်ဘဲ ဖြစ်ဟားဘီး သူစကားလေဟာလည်း အံ့ဩဘွယ် ဖြစ်ဟယ်။ **30** ကောန်းဂန်တမန်ဟာ “မာရိ ကြော-က်န။ နန့်ဟာ ဘုရားသခင်ရှေ့မာ မျစ်နာသာရဟားဘီ။ **31** နန့်ဟာ ဝန်းရှင်မဖြစ်လာဘီး သားဟို မွီးရလေမယ်။ အယ်သားဟို ယေရု ဆိုဘီး နာမယ်ပေးရလေမယ်။ **32** သူဟာ ကီးမြတ်ဟူ သူဖြစ်ဘီး ဖြစ်ဆောင်းဟူ ဘုရားသခင်ရဲ့ သား ဆိုဘီး ခေါ်ဇာဟို ခံရလေမယ်။ သူဘိုးဘော ဒါဝိဒ်ရဲ့ ရာဇပလ္လင်ဟို ထာဝရသခင် ဘုရားသခင်ဟာ သူဟို ပေးအပ်လေမယ်။ **33** သူဟာလည်း ယာကုပ်ရဲ့ မျိုးနွယ်ဟို မြဲဒမ်း အောက်ချောက်လေမယ်။ သူ့နိုင်ငံတော်ဟာ လောင်းဝ ဆောင်းမွေဟု!” ဆိုဘီး အယ်မီးမဟို ပြောလေဟယ်။ (aiōn g165) **34** မာရိဟာ ကောန်းဂန်တမန်ဟို “ကျွန်မဟာ မီးမပျို ဖြစ်ဟယ်။ အယ်မျိုးဆိုဟာ ဖယ်မျိုးလောက်ဘီး သားမွီးနိုင်ဟို့နူး။” ဆိုဘီး မေးလေဟယ်။ **35** ကောန်းဂန်တမန်ဟာ “သန့်ရှင်းဟူဝိညာဉ်တော်ဟာ နန့်ထတ်မာ သတ်ရော-က်ဘီး ဖြစ်ဆောင်းဖြစ်ဟူ ဘုရားသခင်ရဲ့ တဂိုးတော်ဟာလည်း နန့်ထတ်မာ လွမ်းမိုးနေလေမယ်။ အယ်ကြောန်းကြောန့် သန့်ရှင်းဟူ သားတော်ဟာ ဘုရားသခင်ရဲ့ သားဆိုဘီး ခေါ်ဇာဟို ခံရလေမယ်။ **36** နန့်ရဲ့ ဆွေမျိုး ဧလိရုဗက်ဟို ဒီရဂေ။ မြဲမ ဆိုဘီး ခေါ်ခံနေရဟူ သူဟာ ဖွားသန်မ ဖြစ်နေဘေမဲ့ ခု ဝန်းရှင်မ ဖြစ်နေဇာ ခြွေ-က်လရှိနေဘီ။ **37** အယ်ကြောန့် ဘုရားသခင်မာ လောက်နိုင်ဘဲဇာ ဖြားလည်းမွေဟု” ဆိုဘီး မိန့်တော်မူလိုက်ဟယ်။ **38** မာရိဟာ “ကျွန်မဟာ သခင်ဘုရားရဲ့ စေခံဖြစ်ဟယ်။ ကိုယ်တော်ပြောဟားတိုင်း ကျွန်မမာ ပွဲဇောင်ပါစေ” ဆိုဘီး ပြောဟယ်။ အယ်ဘီးန ကောန်းဂန်တမန်ဟာ မာရိနားဟု ထွပ်ဟားဟယ်။ **39** အယ်မျိုးဖြစ်ဘီး ကြာခန်မာဘဲ မာရိဟာ သင့်ပြင်ဘီးန တောန်ထတ်ဒေသမာရှိဟူ ယုဒပြည် ဗြို့တဗြို့ဟို ဗြန်ဗြန်သွားလိုက်ဟယ်။ **40** ဇာခရိရဲ့ အီဟို ဝမ်ဘီး ဧလိရုဗက်ဟို နှောက်ဆစ်လေဟယ်။ **41** မာရိရဲ့ နှောက်ဆစ်စကားဟို ဧလိရုဗက်ကြားဟူ ခီမာ ဗိုက်ထဲဟု သားဂန်ဟားဟာ ထမူလေဟယ်။ ဧလိရုဗက်ဟာ သန့်ရှင်းဟူဝိညာဉ်တော်န ပွဲနေဘီး **42** သက္ကယ်ဂီးန “နန့်ဟာ မီးမလေ ဂူလောင်းထတ် မင်္ဂလာရှိဆောင်း ဖြစ်ဘီး နန့်မွီးမယ့် သားဟာလည်း မင်္ဂလာရှိဆောင်း ဖြစ်ဟယ်! **43** ငါ့သခင်ရဲ့ မိခင်ဟာ ငါ့နားဟို အီးညွယ်လာကြောန့် အယ်မျိုးကီးမားဟူဇာလေ ဖြစ်နေဇာလော။ **44** နန့်ရဲ့ နှောက်ဆစ်စကားဟို ကြားလိုက်ဟူန ရှင်းရှင်းဘဲ ငါ့ဗိုက်ထဲဟု သားဂန်ဟားဟာ ဝန်းသာအားရ ထမူလေဟယ်။ **45** သခင်ဘုရားရဲ့ ဒန်းစကားဟာ နန့်မာ ပွဲဇောင်လေမယ် ဆိုဇာဟို ယောင်ကြည်ဟူ မီးမဟာ မင်္ဂလာရှိဟယ်!” ဆိုဘီး ပြောလေဟယ်။ **46** မာရိဟာ “ငါ့ရဲ့ စိန့်လောင်းဟာ သခင်ဘုရားဟို ချီးမွမ်းဘီး၊ **47** ငါ့ရဲ့ ကယ်တန်ရှင် ဘုရားသခင်ကြောန့် ငါ့ရဲ့ ဝိညာဉ်ဟာ ဝန်းသာအားရဘီး၊ **48** ကိုယ်တော်ဟာ သူစေခံရဲ့ နို့ညွှနဇာဟို အော့-က်မေ့တော်မူဘီ! ခုဟုစဘီး လူလေ ဂူလောင်းဟာ ငါ့ဟို မင်္ဂလာရှိသူ ဆိုဘီး ခေါ်ဂေလေမယ်။ **49** ဖြားဖြစ်ကြောန့်နူးဆိုဟာ တဂိုးန ပွဲဇောင်တော်မူဟူ ဘုရားသခင်ဟု ရရာတိုင်း ကီးမားဇာလေဟို ငါ့တွပ် ပြုတော်မူကြောန့် ဖြစ်ဟယ်။ ဘုရားသခင်ရဲ့ နာမတော်ဟာ သန့်ရှင်းတော်မူဘီး၊ **50** မျိုးဆစ် ဆစ်ဘီးဆစ် ကိုယ်တော်ဟို ကိုးကွယ်သူလေဟို ကိုယ်တော်ဟာ ကရုဏာဟို ပြတော်မူဟယ်။ **51** ကိုယ်တော် လတ်ရောင်းတော်ဟို ဆန့်တန်းဘီး သူးနို့စိန့်လောင်းထဲဟု ကြံစည်လေန မာနထောန်လွှားနေဟူ လူလေဟို ဖွဲ့ဖွဲ့စင်စေမယ်။ **52** မန်းဂီးလေဟို သူးနို့ရာဇပလ္လင်ထတ်ဟု ညွှဘီးန နို့ညွှဟူ လူလေဟို မွှော့-က်စားတော်မူဟယ်။ **53** ဝတ်နေဟူ လူလေဟို ကောန်းဟူ ဇာလေန ကျွေးဘီးန ကြွယ်ဝဟူ လူလေဟို လတ်ခဲခဲ လွတ်လိုက်တော်မူဟယ်။ **54** ကိုယ်တော်ဟာ နို့လေရဲ့ ဘိုးဘေးလေဟို

ပေးဟူးဟူ ဂဒိတော်တိုင်း ကိုယ်တော်ရဲ့ စေခံဖြစ်ဟူ ကုသရေလလူမျိုးဟို့ ကရုဏာပြဟို့ ကြွလာတော်မူဟယ်။ 55 ကိုယ်တော်ဟာ အာဗြဟံန သူမျိုးနွယ် ဂူလောင်းဟို့ ကရုဏာ ကျေးဇူးတော်ဟို့ မြဲဒမ်းပြဟို့ အော့-ကံမေ့တော်မူဘီး!” ဆိုဘီး ပြောလေဟယ်။ (aithn g165) 56 မာရိဟာ ဇေလိဗုဗာန်တူးဒု သောင်းလန်းပါး နေဘီးမှ မိမိအိဟို့ ပွန်ဟူးလေဟယ်။ 57 ဇေလိဗုဗာန်ဟာ ဖွားဒီရော-ကံလာဘီး သားဂန်းဟို့ မွီးလေဟယ်။ 58 အီဇနီးရှင်းလေန ဆွေမျိုးလေဟ သခင်ဘုရားဟာ အံ့ဩဘွယ် ကောင်းအောင် ကရုဏာ ပြတော်မူကြောင်းဟို့ ကြားဘီးန သူးနို့ ဂူလောင်းဟာ သူနတူးဒု ဝန်းသာဂေဟယ်။ 59 ရှစ်ရစ်လွှဟူ ဒီမာ သူးနို့ဟာ သားဂန်းရဲ့ ဖေရုးလီးဟို့ လာဂေဘီးန သူးနို့ဟာ သူဖရဲ့ နာမယ်တိုင်း ဇာခရိ ဆိုဘီး နာမယ်ပေးလေဟယ်။ 60 အယ်ဘေမဲ့ သူမိဟ “အယ်နာမယ် ပေးန! သူးနာမယ်ဟို့ ယောဟန် ဆိုဘီး ပေးရမယ်” ဆိုဘီး ပြောလေဟယ်။ 61 သူးနို့ဟ “ယောဟန်နာမယ်န နန်းနို့ဆွေမျိုးထဲမာ မေ့ဟ!” ဆိုဘီး သူဟို့ ပြောလေဟယ်။ 62 အယ်ဘီးန သူးနို့ဟ သူဖဟို့ လတ်ရိလတ်ခေပြဘီး သားဂန်းနာမယ်ဟို့ ဖယ်မျိုးပေးရဟို့ ဆိုဘီး မေးဟယ်။ 63 ဇာခရိဟာ သန်းဖူးကီးဟို့ တောင်းဘီးန “သားဂန်းဟူး နာမယ်ဟာ ယောဟန် ဖြစ်ဟယ်” ဆိုဘီး ရေးပေးလိုက်ဟယ်။ သူးနို့ ဂူလောင်းဟာ အံ့ဩဟူးဂေဟယ်။ 64 အယ်ဒီမာဘွဲ့ ဇာခရိဟာ ပွန်ဘီး စကားပြောနိုင်ဟူးဘီးန သူဟာ ဘုရားသခင်ရဲ့ ကျေးဇူးတော်ဟို့ စဘီးချီးမွမ်းလေဟယ်။ 65 အီဇနီးရှင်းလေ ဂူလောင်းဟာ ကြော-ကံရွံ့မူလေန ပွဲနေဘီး အယ်ဖြစ်ပျစ်ဇာန ဆိုင်ဟူဒန်းလေဟို့ ယုဒပြည် တောန်ကြားနေရာ နွဲ့ဟူးမာ လူလေဟာ ပြောနေလေဟယ်။ 66 အယ်ဒန်းဟို့ ကြားရဟူ လူလေဂူလောင်းဟာ စိတ်မာ စဉ်းစားဘီးဟာ မေးနေဇာဟ “အယ်သားဂန်းဟ ဖယ်မျိုးသားဂန်းနူး။” သခင်ဘုရားရဲ့ တဂိုးတော်ဟာ အယ်သားဂန်ထတ်မာ ရှိနေကြောန့် ဖြစ်ဟယ်။ 67 ယောဟန်ရဲ့ ဇာခရိဟာ သန်ရှင်းဟူဝိညာဉ်တော်န ပွဲဘီး ပရောဖက်ပြဟူဇာဟ။ 68 “ကုသရေလလူမျိုးရဲ့ ဘုရားသခင်၊ သခင်ဘုရားဟို့ နို့လေချီးမွမ်းဂေဇို! ကိုယ်တော်ဟာ ကိုယ်တော်ရဲ့ လူမျိုးနားဟို့ ကြွလာဘီး သူးနို့ဟို့ လွတ်မြော-ကံစေတော်မူဘီး။ 69 ကိုယ်တော်ရဲ့ စေခံဒါဝိဒ်ရဲ့ မွေးမွှစ် တယော-ကံဟို့၊ ကိုယ်တော်ဟာ တဂိုးကီးမားဟူ ကယ်တန်ရှင်ဟို့ နို့လေတွပ် ပေါ်ပေါ်-ကံစေဟယ်။ 70 ကိုယ်တော်ဟာ ကိုယ်တော်ရဲ့ ရှေးသန်ရှင်းဟူ ပရောဖက်လေ ဟုနေတဆင့် ဂဒိပေးဟူးဇာဟ (aithn g165) 71 ကိုယ်တော်ဟာ နို့လေရဲ့ ရန်သူလတ်ဟုရော၊ နို့လေဟို့ မူးဟူသူ ဂူလောင်းရဲ့ တဂိုးဟုရော နို့လေဟို့ ကယ်တန်တော်မူလေမယ်။ 72 ကိုယ်တော်ဟာ နို့လေရဲ့ ဘိုးဘေးလေဟို့ ကရုဏာတော် ပြဘီးဟာ ကိုယ်တော်ရဲ့ သန်ရှင်းဟူ ပဋိညာဉ်တော်ဟို့ အော့-ကံမေ့ပါ ဆိုဘီး ပြောဟူးဟယ်။ 73 နို့လေရဲ့ ဘိုးဘေး အာဗြဟံဟို့ လေးနတ်ဟူ ဂဒိသစ်စာ ပြဟူးဇာဟ။ 74 ကိုယ်တော်ဟာ နို့လေရဲ့ ရန်သူလေ လတ်ထဲဟုနေ နို့လေဟို့ ကယ်တန်ဟို့န ကြော-ကံလန်မူမော့ဘွဲ့ ကိုယ်တော်ဟို့ စေခံဟို့ နို့လေဟို့ ခွမ်ပြုမယ် ဆိုဘီး ဖြစ်ဟယ်။ 75 အယ်ကြောန့် နို့လေဟာ ကိုယ်တော်ရှေ့တော်မာ သန်ရှင်းရှင်းန ဖြောန့်မတ်ရှင်းဟို့ တသတ်လောင်းရဟယ်။ 76 “သားဂန်းဟူး၊ နန်ဟို့လည်း ဗြစ်ဆောင်းဖြစ်ဟူ ပရောဖက်ဆိုဘီး ခေါ်ဇာဟို့ ခံရလေမယ်။ နန်ဟာ သခင်ဘုရားရဲ့ လမ်းဟို့ ပြင်ဆင်ဟို့ ရှေ့တော်လွှေး သွားရလေဘီး။ 77 ကိုယ်တော်ရဲ့ လူလေဟို့ သူးနို့ရဲ့ ပြစ်လေ ဖြေလွှတ်ပေးဇာခရိကြောန့် ကယ်တန်ခံရလေမယ် ဆိုဘီး ပြောလေမယ်။ 78 နို့လေရဲ့ ဘုရားသခင်ဟာ သနားကြင်နာမှုန ကရုဏာတော် ဖြစ်ဟူကြောန့် ကိုယ်တော်ဟာ ကယ်တန်မူရဲ့ မိုးလန်းဇေဝီဟို့ နို့လေထတ်မာ သတ်ရော-ကံစေဘီး 79 မှောန်မိုက်န သေမန်းရဲ့ ရဲထဲမာ ရှိနေဟူ လူလေ ဂူလောင်းထတ်မာ ကောင်းဂန်ဟုနေ လန်းရောန်ထွန်းလန်းဟို့န၊ ငြိသတ်ရှင်းလမ်းထဲမာ နို့လေရဲ့ ခေလမ်းလေဟို့ ပြဟို့ဖြစ်ဟယ်” ဆိုဘီး ဘုရားသခင်ရဲ့ စကားတော်ဟို့ ပြောလေဟယ်။ 80 အယ်သားဂန်းဟာ ကီးဒတ်လာဘီး ခန္ဓာန ဝိညာဉ်လည်း အားကီးလာဟယ်။ သူဟာ ကုသရေလ လူမျိုးလေရဲ့ ရှေ့မာ ထန်းထန်ရှားရှား ပေါ်လာခန်ဒူးဟု ဆိုဟာ တောကန္တရဲထဲမာ နေလေဟယ်။

2 အယ်ဒီမာ ကဲသာမန်းဂီး ဩဂုတ္တဟာ ရောမအင်ပါယာ တခုလောင်းဟို့ သန်းဂေါန်စာရင်း ကော့-ကံစေဟို့ မိန့်ပေးလိုက်ဟယ်။ 2 ကုရေနိုဟာ ရှုရိပြည်မာ ဗြိုဝန်ဖြစ်ဒီမာ အယ်သန်းဂေါန်စာရင်း ကော့-ကံဇာဟာ ဦးဆောင်း ဖြစ်ဟယ်။ 3 အယ်ဘီးန လူတိုင်းဟာ ကိုယ်တိုင် သန်းဂေါန်စာရင်းဝမ်ဟို့ သူးနို့ရဲ့ ဇာတိဗြိုဟို့ သွားဂေဟယ်။ 4

ယောသပ်ဟာ လိလဲပြည် နာဇရက်မြို့ဟုနေ ဒါဝိဒ်မန်းရဲ့ ရှစ်မွှောက်နေရာဖြစ်ဟူ ယုဒပြည် ဗက်လင်မြို့ဟို သွားဟယ်။

ယောသပ်ဟာ ဒါဝိဒ်ရဲ့ မွေးမြူဖြစ်ကြောင့် အယ်နေရာဟို သွားရဟယ်။ **5** သူဟာ လတ်ထပ်ဟို့ စေ့စပ်ဟွားဟူ မာရိနုတူးဒူ သန်းဂေါန်စာရင်းဝမ်ဟို့ သွားဟူ ခီမာ မာရိဟာ ဝန်းရှင်မ ဖြစ်နေဘီး၊ **6** သူးနိုဟာ ဗက်လင်မြို့ မာ ရှိနေဒူးမာ သားမွီးခီ ရော့-က်လာဟယ်။ **7** သူဟာ သားဦးဟို့ မွီးဘီး ဝတ်န ပတ်ဘီးဟာ တည်းခိုဟူ နေရာမာ သူးနိုတွပ် ခန်းမွေ့ကြောင့် သားဂန်းဟွားဟို့ နွားစားခွပ်ထဲမာ အိခိုင်းဟွားဟယ်။ **8** အယ်ရပ်ဟာ သိုးထီးမားတချို့ဟာ တညဉ်လောင်း ကွမ်းညွန်မာနေဘီး၊ သူးနိုရဲ့ သိုးလေဟို့ ကော့ရှဟယ်။ **9** သခင်ဘုရားရဲ့ ကောင်းဂန်တမန်ဟာ သူးနိုနားမာ ပေါ်လာဘီး ဘုရားသခင်ရဲ့ ဖောင်းသရေတော်ဟာ သူးနိုထတ်မာ လန်းထီလာဟယ်။ သူးနိုဟာ ရရာတိုင်း ကြော့-က်လန်ဟွားဟယ်။

10 အယ်ဘောမဲ့ ကောင်းဂန်တမန်ဟာ သူးနိုဟို့ ပြောလိုက်ဇာဟူ၊ “ကြော့-က်ဂေ့နု! ငါဟာ လူမျိုးအားလောင်းတွပ် ရရာတိုင်း ဝန်းသာဇာ ခန်းကောင်းဟို့ သယ်ဆောင်လာဟယ်။ **11** အယ်နေမာ ဒါဝိဒ်မြို့နိုက် သခင်ခရစ်တော် ဆိုဘီး နန်းနိုရဲ့ ကယ်တန်ရှင်ဟို့ မွီးလေဘီ! **12** နန်းနိုဟာ ဖယ်မျိုးသတ်သေန သိရဟို့ ဆိုဟာ သားဂန်းဟွားဟို့ ဝတ်စန ပတ်ဘီး နွားစားခွပ်ထဲမာ အိခိုင်းဟွားဇာဟို့ တိုလေမယ်။” **13** ရောက်တရစ် ကောင်းဂန်ဘောင်ရဲ့ ကောင်းဂန်တမန်နုတူးဒူ ကောင်းဂန်ဗိုလ်ခေ ဘောင်ဂီးဟာ ရှစ်ရှင်းထန်ရှားဘီး ဘုရားသခင်ဟို့ **14** “ပြင့်ဆောင်းကောင်းဂန်မာ ဘုရားသခင်ဟာ ဖောင်းသရေတော်ရှိဘီး၊ မွေဂီးမာ ကိုယ်တော်မြတ်နိုးဟူ လူလေဟာ ငြိသတ်မှုရှိပါစေ!” ဆိုဘီး ချီးမွမ်းချင်းဟို့ ဆိုဂေ့ဟယ်။

15 ကောင်းဂန်တမန်လေဟာ သူးနိုနားဟုနေ ကောင်းဂန်ဘောင်ဟို့ ပွန်ဟွားခီမာ သိုးထီးမားလေဟာ ယော့-က်နယော့-က် “ဗက်လင်မြို့ဟို သွားဘီး ဘုရားသခင်ဟာ နိုလေဟို့ ပြောပြဟူ ကြော့နားရာလေဟို့ ကော့ကော့ရအောန်” ဆိုဘီး ပြောလေဟယ်။ **16** အယ်ကြော့နဲ့ သူးနိုဟာ ပြန်းပြန်ဟွားသွားဘီးန မာရိနု ယောသပ်ဟို့ရော၊ နွားစားခွပ်ထဲမာ အိနေဟူ သားဂန်းဟွားဟို့ရော တိုရဟယ်။ **17** သိုးထီးမားလေဟာ သားဂန်းဟွားဟို့ တိုဟူ ခီမာ သူးနိုဟို့ ကောင်းဂန်တမန်ဟာ သားဂန်းဟွားကြော့နားဟို့ ဖယ်မျိုးပြောဟွားဟယ် ဆိုဇာဟို့ သူးနိုဟို့ ပြောပြဟယ်။ **18** သိုးထီးမားလေပြောဟူ စကားဟို့ ကြားဟူလူလေ ဂူလောင်းဟာ အံ့ဩဟွားဂေ့ဟယ်။ **19** မာရိဟာ ကြော့နားရာလေ ဂူလောင်းဟို့ အော့-က်မေ့လာဘီး အယ်စကားလေဟို့ လေးလေးနတ်နတ် စိတ်မာ ဆင်ခြင်နေလေဟယ်။ **20** သိုးထီးမားလေဟာ သူးနိုဟို့ ကောင်းဂန်တမန် ပြောဟွားတိုင်း သူးနို ပြင်ရ ကြားရဇာလေ ဂူလောင်းတွပ် ဘုရားသခင်ဟို့ ချီးမွမ်းချင်းဆိုဘီး ပွန်ဟွားဂေ့ဟယ်။

21 တဘတ်ကြားဘီးန သားဂန်းဟွားတွပ် ရေဖျားလှီးပေးရဟို့ ခီရော့-က်လာဘီး ဗိုက်မွေ့ခန်ဟု ကောင်းဂန်တမန် ပေးဟွားဟူတိုင်း သူးဟို့ ယေရှုနာမယ်ဖြစ် မှည့်ခေါ်ဂေ့ဟယ်။ **22** မောရေရဲ့ ပညတ်တရားတိုင်း ယောသပ်န မာရိတွပ် စင်ကြယ်မှု ခမ်းနားလောက်ဟို့ ခီရော့-က်လာဟယ်။ အယ်ကြော့နဲ့ သူးနိုဟာ သားဂန်းဟွားဟို့ ဘုရားသခင်နားမာ ဆစ်ကပ်ဟို့ ယေရုရှလင်မြို့ဟို့ ခေါ်ဟွားဘီး၊ **23** ဘုရားသခင်ရဲ့ ပညတ်တရားထဲမာ “သားဦးတိုင်းဟာ ဘုရားသခင်ဟို့ သန့်ရှင်းရမယ်” ဆိုဘီး ရေးဟွားလေဟယ်။ **24** ခိုငှတ်ဟွားနေ့ကောန် အယ်မျိုးမူဘဲနေဟာ ချိုးငှတ်ဟွားနေ့ကောန်ဟို့ ပူဇော်ရမယ် ဆိုဘီး ဘုရားသခင်ရဲ့ ပညတ်တရားတိုင်း ပူဇော်ဟို့ သူးနိုလည်း သွားလေဟယ်။ **25** အယ်ခီမာ ယေရုရှလင်မြို့မာနေဟူ ရှုမောင်နာမယ်ရှိဟူ လူတယော့-က်ရှိဟယ်။ သူဟာ ဖြော့နုမတ်ဟူလူ၊ ဘုရားသခင်ဟို့ ကြော့-က်ဟူလုန ကူသရေလူမျိုးဟို့ ကူညီဟို့တွပ် စောန့်နေဟူ လူဖြစ်ဟယ်။ သန့်ရှင်းဟူဝိညာဉ်တော်ဟာ သူနုတူးဒူရှိဘီး **26** သူဟာ ဘုရားသခင်ရဲ့ ဂဒီပေးဟွားဟူ မေရှိယဟို့ သူပြင်လိုက်ရဘဲန သေရလေဟို့ မူဟု ဆိုဘီး သန့်ရှင်းဟူဝိညာဉ်တော်ဟာ သူဟို့ ဖွမ်ပြဟွားဟယ်။ **27** ဘုရားသခင်ရဲ့ ဝိညာဉ်တော်အားဖြင့် ရှုမောင်ဟာ ဗိမာန်တော်ထဲဟို့ ဝမ်ဟွားဟယ်။ မိမိလေဟာ ပညတ်တရားတိုင်း သူတွပ်လောက်ဟို့ သားဂန်းဟွား ယေရှုဟို့ ဗိမာန်တော်ထဲဟို့ ခေါ်ဟွားခီမာ **28** ရှုမောင်ဟာ သားဂန်းဟွားဟို့ သူရဲ့ လတ်ထဲမာယူဘီး၊ ဘုရားသခင်ဟို့ ချီးမွမ်းဘီး၊ **29** “ဘုရားသခင်၊ ကိုယ်တော်ရဲ့ စကားတော်ဟာ ညွှောင်ဟွားဘီ။ ခု ကိုယ်တော်ဟာ ကိုယ်တော်ရဲ့ ကျွန်ဟို့ ငြိသတ်မှုထဲ သွားခွမ်ပေးလေဘီ။ **30** ကိုယ်တော်ရဲ့ ကယ်တန်ရှင်းဟို့ ကျွန်တော်ရဲ့ မျစ်စိန ပြင်ရပီးဘီ။ **31** ကိုယ်တော်ဟာ အယ်ကယ်တန်ရှင်းဟို့

လူမျိုးဂူလောင်းရဲ့ ရှေ့မှာ ပြင်ဆင်ဟားပီးဘီ။ 32 ကိုယ်တော်ရဲ့ လိုတော်ဟာ လူမျိုးခြားလေဟို လန်းဖွင့်ပြဘီး ကိုယ်တော်ရဲ့ လူမျိုးဖြစ်ဟူ ကုသရေလနားဟို ဖောင်းသရေတော်ဟို ယူလာဟယ်” ဆိုဘီး ပြောလေဟယ်။ 33 သားဂန်းဟားရဲ့ မိန ဖဟာ သားဂန်းကြောင်းလေဟို ရှုမောင် ပြောလိုက်ဟူ ခီမာ အံ့ဩဟားဂေဟယ်။ 34 ရှုမောင်ဟာ သူးနို့ဟို ကောင်းဂျီးပေးဘီးန သူ့ရဲ့ မာရီဟို “အယ်သားဂန်းဟားဟာ ကုသရေလူမျိုး ဘောင်ဂီးဟို လဲလွှာဟိုန ထမြော- က်ဟိုတွပ် ဘုရားသခင် ဝီးကော့- က်ဟားဇာ ဖြစ်ဟယ်။ သူဟာ ဘုရားသခင်နားဟ နိမိတ်လတ်ခဏာ တခုဖြစ်ဘီး လူဘောင်ဂီးဟာ ဆန်ကျင်ပြောလေမယ် 35 အယ်ကြောန့် သူးနို့ရဲ့ လျှိုဝှပ်ဟားဟူ ကြံစည်လေဟို ဖွင့်ပြလေမယ်။ ဝန်းနဲမဟာ ထတ်ဟူ သန်လျက်မျိုးဘဲ နန်ရဲ့ စိန်လောင်းဟို ထိုးဖော့- က်လေမယ်” ဆိုဘီး ပြောလေဟယ်။ 36 အယ်နေရာမာ အာရှာမျိုးဖြစ်ဟူ ဖန္တလရဲမီး၊ အန္တနာမယ်ရှိဘီး သတ်ကီးဟူ ပရောဖက်မ တယော့- က် ရှိဟယ်။ သူဟာ ပျိုရွယ်ဟူ ခီဟစဘီး လန်နတူးဒ ခွန်နစ်နစ်ဘဲ ပေါန်းသန်းရဘီး 37 ခု သတ် ၈၄ နှစ်ရွယ် မောက်ဆိုးမ ဖြစ်ဟားဘီ။ သူဟာ ဗိမာန်တော်ဟုနေ လောင်းဝ ခွာဘဲန သူဟာ ဆုတောင်းရှင်းန စာရှောန်ရှင်းအားဖြင့် နေ့ညဉ့်မပြတ် ဘုရားသခင်ဟို ကိုးကွယ်လေဟယ်။ 38 အယ်ခီနာရီမာဘဲ သူဟာ ရော့- က်လာဘီးန ဘုရားသခင်ဟို ချီးမွမ်းဘီးဟာ ယေရုရှလင်မြို့ လွတ်မြော့- က်ဟိုတွပ် ဘုရားသခင်ဟို စောန်နေဟူ လူလေဂူလောင်းဟို သားဂန်းဟားကြောင်း ပြောလိုက်ဟယ်။ 39 ယောသပ်န မာရီဟာ ဘုရားသခင်ရဲ့ ပညတ်တရားတိုင်း ဂူလောင်း လောက်ပီးဟားဟူ ခီမာ သူးနို့ဟာ သူးနို့ရဲ့ ခွီးရပ်မွေဖြစ်ဟူ ဂါလိလဲပြည် နာဇရက်မြို့ဟို ယွန်ဟားဟယ်။ 40 အယ်သားဂန်းဟားဟာ ကီးဒတ်လာဘီး သန်မာလာဟယ်။ သူဟာ ဉာဏ်ပညာပွဲလာဘီးန ဘုရားသခင်ရဲ့ ကျေးဇူးတော်ဟာ သူထတ်မာ ရှိနေဟယ်။ 41 ယေရုရဲ့ မိဖလေဟာ နှစ်စဉ်နှစ်တိုင်း ပသခါပွဲတော်တွပ် ယေရုရှလင်မြို့ဟို သွားဂေဟယ်။ 42 ယေရုဟာ သတ်ဆယ့်နေနှစ် ရော့- က်လာဟူ ခီမာ သူးနို့ဟာ ရင်းရင်းဒူးဟု သွားနေမျိုးဘဲ ပွဲတော်ဟို သွားဂေဟယ်။ 43 ပွဲတော်ပီးဟားဟူ ခီမာ သူးနို့ဟာ အီဟို ယွန်ဂေဟယ်။ အယ်ဘေမဲ့ ကောန်သားယေရုဟာ ယေရုရှလင်မြို့မာ နေရစ်ဟယ်။ အယ်မျိုး နေရစ်ဇာဟို သူမိဖလေ သိဂေဟ။ 44 သူဟာ အောက်စုနတူးဒ ရှိဟယ် ဆိုဘီး သူးနို့ထန်ကြောန့် သူးနို့ဟာ တနေ့လောင်း ခရီးသွားဘီးန သူးနို့ရဲ့ ဆွေမျိုးလေန ငယ်ဂျင်းလေကြားထဲမာ သူဟို လိုက်ရှာဂေဟယ်။ 45 သူးနို့ဟာ သူဟို ရှာတိုဂေဟ။ အယ်ကြောန့် သူးနို့ဟာ သူဟို ရှာဟိုတွပ် ယေရုရှလင်မြို့ဟို ယွန်သွားလိုက်ရဟယ်။ 46 တတိယနေ့မာ သူးနို့ဟာ သူဟို ဗိမာန်တော်ထဲမာ တွဲဟားဘီး၊ ယုဒဆရာလေနတူးဒ ထိုင်ဘီး၊ သူးနို့ပြောဇာဟို နားထောန်ဘီး မေးခွန်းလေ မေးနေဟယ်။ 47 သူစကားဟို ကြားဟူ လူလေဂူလောင်းဟာ သူရဲ့ထတ်မြတ်ဟူ ဖြေဟို အံ့ဩဂေဟယ်။ 48 သူရဲ့ မိဖလေဟာ သူဟို တွဲလိုက်ဟူ ခီမာ အံ့ဩဟားဘီး သူမိဟာ “ဖစ၊ နန်ဟု ဖြားဖြစ်ကြောန့် နို့လေဟို အယ်မျိုးလောက်ရနူး။ နန်ဖန် ငါဟာ ရရာတိုင်း စိပူဘီး နန်ဟို လိုက်ရှာနေဟယ်” ဆိုဘီး သူဟို ပြောလေဟယ်။ 49 ကောန်သားဟားဟု “ဖြားဖြစ်ကြောန့် နို့မိဟ နို့ဟို လိုက်ရှာနေရနူး။ နို့ဟ နို့ဖရဲ့ အီမာရီနေဇာဟို နို့မိ သိဟလော။” ဆိုဘီး သူးနို့ဟို ယွန်ပြောလေဟယ်။ 50 အယ်ဘေမဲ့ သူးနို့ဟာ ကောန်သားဟားရဲ့ စကားဟို နားလည်ဂေဟ။ 51 အယ်ကြောန့် ယေရုဟာ သူးနို့နတူးဒ နာဇရက်မြို့ဟို ယွန်လိုက်ဟားဘီး အယ်နေရာမာ သူဟာ သူးနို့စကားဟို နားထောန်ဘီးနေဟယ်။ ကောန်သားဟားရဲ့ မိခင်ဟာ အယ်ဖြစ်ပျစ်ဇာလေ ဂူလောင်းဟို စိန်လောင်းထဲမာ သီးဟားဟယ်။ 52 ယေရုဟာ ကာယညာဏ ကီးဒတ်လာဘီး ဘုရားသခင်ရှေန လူလေရှေမာ မျစ်နာသာရလေဟယ်။

3 ကဲသာမန်းဂီး တိဗေရိ အောက်စိုးဇာဟာ ဆယ့်ငါးနှစ်မြော့- က်ဟူ ခီမာ ယုဒပြည်ဟို အောက်ချောက်ဟူ လူဟာ ပုန္တိပိလတ်၊ ဂါလိလဲပြည်ဟို အောက်ချောက်ဟူ လူဟာ ဟေရုဒ်၊ ကုတုရ်ပြည်န တရာခေါနီပြည်လေဟို အောက်ချောက်ဟူ လူဟာ ဟေရုဒ်ရဲနောန် ဖိလိပ္ပ၊ အဘီလင်ပြည်ဟို အောက်ချောက်ဟူ လူဟာ လုသာနိန၊ 2 အန္န၊ ကယာဖ လေဟာ ယဇ်ပုရောဟိတ်ဂီးလေ ဖြစ်ဟယ်။ အယ်ခီမာ တောကန္တာရထဲမာရှိဟူ ဇာခရိရဲသား ယောဟန်နားဟို ဘုရားသခင်ရဲ့ စကားတော် ရော့- က်လာဟယ်။ 3 အယ်ကြောန့် ယောဟန်ဟာ ယော်ဒန်မွတ်ရဲ့ ပတ်ဝန်းကျင် တခုလောင်းသွားဘီး “နောန်ဒရဘီး ဗတ္တိခံခဲဂေ။ ဘုရားသခင်ဟာ နန်းနို့ရဲ့ ပြစ်လေဟို ခွပ်လွှတ်လေမယ်” ဆိုဘီး ကြေညာဟယ်။ 4

ပရောဖက်ဟောရှာယရဲ့ ကျမ်းထဲမှာ “လူတယော့-က်ဟာ တောကန္တရထဲမှာ အော်ဘီးပြောနေဇာဟာ ‘ဘုရားသခင်ရဲ့ လမ်းဟို ပြင်ဆင်ဟားဇော! ကိုယ်တော်ကြွဟိုတွပ် လမ်းဟို ဖြောင့်အောင်လောက်ဇော! 5 ချိုင့်ဝှမ်းလေ ဂူလောင်းဟို ဖြောင့်ဘီး၊ တောန်ဂီးတောန်ငယ် ဂူလောင်းဟို ပြည့်ရမယ်။ လမ်းကော့-က်လေဟို ဖြောင့်အောင်လောက်ဘီးန၊ လမ်းကြမ်းလေဟို ချောအောင်လောက်ရမယ်။ 6 လူသားမျိုးနွယ်စု တခုလောင်းဟာ ဘုရားသခင်ရဲ့ ကယ်တန်တော်မူရှင်းဟို ပြင်ရလေမယ်!” ဆိုဘီး ရေးဟားဟယ်။ 7 ယောဟန်ဟာ သူနားဟို ဗတ္တိဇံခံဟို ရော့-က်လာဟူ လူအောက်ဂီးဟို “ဝေ့ မွီဗွေးမျိုးလေ! ကွာရော့-က်လာမယ့် ဘေးဒန်ဟာ လွတ်ဟိုတွပ် နန်းနီလေဟို ဖယ်သူဟာ ဒီပေးလိုက်နူး။ 8 နောန်ဒန် ထိုက်တန်ဟူ ကျင့်ဟို ကျင့်ဇော။ အာဗြဟံဟာ နီလေရဲ့ ဖြစ်ဟယ် ဆိုဘီး ပြောရောင်န နန်းနီလေ ပြစ်ဒန်ဟာ လွတ်လေမယ် ဆိုဘီး ထန်ဇော။ နန်းနီဟို ငါပြောမယ် ဘုရားသခင်ဟာ အယ်ကော့-က်ခဲလေဟုနော်ဘီး အာဗြဟံရဲ့ မွေးမွတ်လေဟို ဖန်ဆင်းနိုင်ဟယ်! 9 သစ်ပန်လေရဲ့ ပြစ်လေနားမှာ ကတ်ပထားဟားကြောန့် သီးကောန်းဟို သီးဘဲဟူ သစ်ပန်တိုင်းဟို ခွတ်ပစ်ဘီးဟာ မီးထဲဟို ပစ်ခွဲလေမယ်” ဆိုဘီး ပြောလေဟယ်။ 10 လူလေဟာ “အယ်ဆိုဟာ နီလေဟာ ဖြားဇာလေ လောက်ရနူး။” ဆိုဘီး သူဟို မေးဇောဟယ်။ 11 သူဟာ “ဖယ်လူဘဲဖြစ်ဖြစ် အန်းဂီနွေထည်ရှိဟယ် ဆိုဟာ အန်းဂီမူဘဲဟူ လူဟို တထည်ပေးရမယ်။ ဖယ်လူဘဲဖြစ်ဖြစ် စားဇာရှိဟယ် ဆိုဟာ အယ်စားဇာဟို ဝီပေးရမယ်” ဆိုဘီး ဖြေလေဟယ်။ 12 ခွန်ကော့-က်မားလေ တချို့ဟာ ဗတ္တိဇံခံဟို လာဘီးန သူးနီဟာ “ဆရာ၊ ကျွန်တော့်ဟားလေဟာ ဖြားဇာလောက်ရမယ်နူး။” ဆိုဘီး သူဟို မေးဇောဟယ်။ 13 သူဟာ “ဥပဒေဟာ သတ်မှတ်ဟားဇာထတ် ပိုဘီး ခွန်ဟို ကော့-က်ဇော” ဆိုဘီး သူးနီဟို ပြောလေဟယ်။ 14 စစ်သားတချို့ဟာလည်း “ကျွန်တော့်ဟားလေတွပ် ဟုမား။ ကျွန်တော့်ဟားလေဟာ ဖြားဇာလောက်ရနူး။” ဆိုဘီး သူဟို မေးဇောဟယ်။ “ဖယ်လူဟိုလည်း မူဘဲန စွပ်စွဲဇောန၊ ဖယ်လူနားဟာဘဲဖြစ်ဖြစ် နိုင်ကျင့်ဘီး ကပ်ဟို ယူဇောန၊ နန်းနီရဲ့ လစာနဘဲ ရောနဲ့ရဲဇော” ဆိုဘီး သူးနီဟို ဖြေလေဟယ်။ 15 လူလေရဲ့ မျှော်လင့်ချစ်လေ ပြင့်လာဘီး ယောဟန်ဟာ မေရှိယ ဖြစ်နိုင်ဟယ် ဆိုဘီး သူးနီ နှလောင်းထဲမှာ အံ့ဩလာဇောဟယ်။ 16 အယ်ကြောန့် ယောဟန်ဟာ “ငါဟာ နန်းနီဟို ရေန ဗတ္တိဇံပေးဟယ်။ အယ်ဘောမဲ့ ငါထတ် ရရာတိုင်း ကီးမြတ်ဟူလူဟာ လာနော်ဘီး၊ ငါဟာ အယ်လူရဲ့ ခေနပ်ကြိုးဟို ဖြေဟိုဟိုမှ ထိုက်ဟု။ အယ်သူဟာ သန်ရှင်းဟူဝိညာဉ်တော်န၊ မီးန နန်းနီဟို ဗတ္တိဇံပေးလေမယ်။ 17 လတ်ထဲမှာ ဂေါဟို ကိုင်ဟားဘီး သူးဗားလန်းပွန်ဟို ရှင်းလန်းစေဘီး ဗားလေဟို ဗားဂတ်ထဲဟို ထုဘီးဟာ ဗားဖျင်းလေဟို သေနိုင်ဘဲဟူမီးန ရှိလေမယ်” ဆိုဘီး သူးနီဟို ပြောလေဟယ်။ 18 ယောဟန်ဟာ နည်းလမ်းဘောင်းဇောင်န လူလေဟို ဒန်းကောန်းဟောဘီး သူးနီရဲ့ နည်းလမ်းလေ ဟောန်းဟားဟို သူးနီဟို တိုက်တွန်းလေဟယ်။ 19 ဟေရုဒ်ဟာ သူနောန်ရဲ့ မီးမ ဟေရောဒိန် ပတ်သတ်ဇာဟိုရော၊ သူကိုယ်တိုင် ကျူးလွန်ဟားဟူ ကောန်းဘဲဟူမူလေ ဇာဟိုရော ယောဟန်ဟာ သူဟို ဆောင်းမဟားဟယ်။ 20 အယ်မျိုး ဆောင်းမလိုက်ကြောန့် ဟေရုဒ်ဟာ ယောဟန်ဟို ထောန်ထဲမှာ လှောန်ဟားလိုက်ဟယ်။ အယ်မျိုး လောက်ရှင်းအားဖြင့် ပိုဘီး ဆိုးဝါးဟူ ပြစ်ဟို ထပ်လောက်လိုက်ဟယ်။ 21 လူလေ ဂူလောင်းဟာ ဗတ္တိဇံခံဇောဘီးန ယေရှုလည်း ဗတ္တိဇံခံတော်မူဟယ်။ ကိုယ်တော်ဟာ ဆုတောင်းနေးဟူ ခီမာ ကောန်းဂန်ဘောင် ပွင့်ဟားဘီး 22 သန်ရှင်းဟူဝိညာဉ်တော်ဟာ ချိုင့်ဝှမ်းမျိုး ခန္ဓာန ကိုယ်တော်ထတ်ဟို ဆင်းလာဟယ်။ အယ်ဘီးန ကောန်းဂန်ဘောင်ဟုန “အယ်သူဟာ ငါနှစ်သက်မြတ်နိုးဟူ ငါရဲ့ ရှစ်ဟူသား ဖြစ်ဟယ်” ဆိုဘီး သံတော်ထွပ်လာဟယ်။ 23 ယေရှုဟာ မူတော်မြတ်ဟို စဘီး လောက်ဟူ ခီမာ ကိုယ်တော်ဟာ သတ်တော်သောင်းဆယ်လော့-က်ဘဲ ရှိဟယ်။ အယ်ကြောန့် လူလေထန်ဇာဟု ကိုယ်တော်ဟာ ယောသပ်ရဲ့သား၊ ယောသပ်ဟာ ဧလိရဲ့သား၊ 24 ဧလိဟာ မဿတ်ရဲ့သား၊ မဿတ်ဟာ လေဝီရဲ့သား၊ လေဝီဟာ မေလခိရဲ့သား၊ မေလခိဟာ ယန္နုရဲ့သား၊ ယန္နုဟာ ယောသပ်ရဲ့သား၊ 25 ယောသပ်ဟာ မတ္တသိရဲ့သား၊ မတ္တသိဟာ အာမုတ်ရဲ့သား၊ အာမုတ်ဟာ နာဟုံရဲ့သား၊ နာဟုံဟာ ဧသလိရဲ့သား၊ ဧသလိဟာ နဂွဲရဲ့သား၊ နဂွဲဟာ မာအတ်ရဲ့သား၊ 26 မာအတ်ဟာ မတ္တသိရဲ့သား၊ မတ္တသိဟာ ရှေမိရဲ့သား၊ ရှေမိဟာ ယောသပ်ရဲ့သား၊ ယောသပ်ဟာ ယုဒရဲ့သား၊ ယုဒဟာ ယောဟန္နရဲ့သား၊ 27 ယောဟန္နဟာ ရေသရဲ့သား၊ ရေသဟာ ဇေရုဗဗေလရဲ့သား၊ ဇေရုဗဗေလဟာ

ရှာလသေလရဲ့သား၊ ရှာလသေလဟာ နေရိရဲ့သား၊ 28 နေရိဟာ မေလခိရဲ့သား၊ မေလခိဟာ အဒွိရဲ့သား၊ အဒွိဟာ ကောသံရဲ့သား၊ ကောသံဟာ ဇလမောဒိရဲ့သား၊ ဇလမောဒိဟာ ဇရရဲ့သား၊ 29 ဇရဟာ ယောရူရဲ့သား၊ ယောရူဟာ ဇလျောဇာရဲ့သား၊ ဇလျောဇာဟာ ယောရိမ်ရဲ့သား၊ ယောရိမ်ဟာ မဿတ်ရဲ့သား၊ မဿတ်ဟာ လေဝိရဲ့သား၊ 30 လေဝိဟာ ရှိမောင်ရဲ့သား၊ ရှိမောင်ဟာ ယုဒရဲ့သား၊ ယုဒဟာ ယောသပ်ရဲ့သား၊ ယောသပ်ဟာ ယောနန်ရဲ့သား၊ ယောနန်ဟာ ဇလျာကိမ်ရဲ့သား၊ 31 ဇလျာကိမ်ဟာ မေလေရဲ့သား၊ မေလေဟာ မဲနန်ရဲ့သား၊ မဲနန်ဟာ မတ္တသရဲ့သား၊ မတ္တသဟာ နာသန်ရဲ့သား၊ နာသန်ဟာ ဒါဝိဒ်ရဲ့သား၊ 32 ဒါဝိဒ်ဟာ ယေရုရဲ့သား၊ ယေရုဟာ ဩဗက်ရဲ့သား၊ ဩဗက်ဟာ ဗောဇရဲ့သား၊ ဗောဇဟာ စာလမုန်ရဲ့သား၊ စာလမုန်ဟာ နာရူန်ရဲ့သား၊ 33 နာရူန်ဟာ အမိနဒပ်ရဲ့သား၊ အမိနဒပ်ဟာ အဒိမိန်ရဲ့သား၊ အဒိမိန်ဟာ အာရိနိုရဲ့သား၊ အာရိနိုဟာ ဟေဇရဲ့ရဲ့သား၊ ဟေဇရဲ့ဟာ ဖာရက်ရဲ့သား၊ ဖာရက်ဟာ ယုဒရဲ့သား၊ 34 ယုဒဟာ ယာကုပ်ရဲ့သား၊ ယာကုပ်ဟာ ကူဇာက်ရဲ့သား၊ ကူဇာက်ဟာ အာဗြဟံရဲ့သား၊ အာဗြဟံဟာ တေရရဲ့သား၊ တေရဟာ နာခေါ်ရဲ့သား၊ 35 နာခေါ်ဟာ စေရောက်ရဲ့သား၊ စေရောက်ဟာ ရာဂေါရဲ့သား၊ ရာဂေါဟာ ဖာလက်ရဲ့သား၊ ဖာလက်ဟာ ဟေဗာရဲ့သား၊ ဟေဗာဟာ ရှာလရဲ့သား၊ 36 ရှာလဟာ ကာကုန်ရဲ့သား၊ ကာကုန်ဟာ အာဖာဒိရဲ့သား၊ အာဖာဒိဟာ ရှေမရဲ့သား၊ ရှေမဟာ နောဇရဲ့သား၊ နောဇဟာ လာမက်ရဲ့သား၊ 37 လာမက်ဟာ မသုရူလရဲ့သား၊ မသုရူလဟာ ဇနောက်ရဲ့သား၊ ဇနောက်ဟာ ယာရက်ရဲ့သား၊ ယာရက်ဟာ မဟာလေလရဲ့သား၊ မဟာလေလဟာ ကာကုန်ရဲ့သား၊ 38 ကာကုန်ဟာ ဇနုတ်ရဲ့သား၊ ဇနုတ်ဟာ ရှေသရဲ့သား၊ ရှေသဟာ အာဒိရဲ့သား၊ အာဒိဟာ ဘုရားသခင်ရဲ့သားဖြစ်ဟယ်။

4 ယေရူဟာ သန့်ရှင်းဟူဝိညာဉ်တော်နဲ့ ပွင့်တီး ယော်ဒန်မြစ်နားဟုနေ ပွန်လာတီးနဲ့ ကိုယ်တော်ဟာ ဝိညာဉ်တော်အားဖြင့် တောကန္တရထဲဟို့ ပို့ဆောင်ရှင်းဟို့ ခံတော်မူတီး၊ 2 အယ်နေရာမာ ကိုယ်တော်ဟာ ရစ်လေးဆယ် လောင်းလောင်း နေတီး မာရ်နတ်ရဲ့ သွီးဆောန်ရှင်းဟို့ ခံရဟယ်။ အယ်နေရစ်လေမာ ကိုယ်တော်ဟာ ဖြားလည်းစားဘဲကြောနဲ့ အယ်နေရစ်လေ ပီးဆောင်းဟူးဟူ ခီမာ ကိုယ်တော်ဟာ ရရာတိုင်း ဗိုက်ဆာတော်မူဟယ်။ 3 မာရ်နတ်ဟု “သင်ဟာ ဘုရားသခင်ရဲ့ သားဖြစ်ဟယ် ဆိုဟာ အယ်ကွေး-က်ဒဲဟို့ မုဖြစ်လာအေန် မိန့်ပေးကေ့” ဆိုတီး ကိုယ်တော်ဟို့ ပြောဟယ်။ 4 အယ်ဘေမဲ့ ယေရူဟု “လူဟာ စားဇာတခွဲနဲ့ သတ်ရှင်ရဟို့ မူဟု’ ဆိုဇာ ကျမ်းစာဟု ပြောဟူးဟယ်” ဆိုတီး မိန့်တော်မူဟယ်။ 5 အယ်တီးနဲ့ မာရ်နတ်ဟာ ကိုယ်တော်ဟို့ ရရာတိုင်း ဖြစ်ဟူ တောန်ထတ်ဟို့ ခေါ်ဆောန်ဟူးတီး အယ်လောကရဲ့ နိုင်ငံလေဟို့ တခဏရှင်းမာ ကိုယ်တော်ဟို့ ပြလိုက်ဟယ်။ 6 မာရ်နတ်ဟု “ငါဟာ ကိုယ်တော်ဟို့ အယ်ခွမ်အာဏာ ဂူလောင်းနဲ့ အယ်ဖောင်းစည်းဇိမ် ဂူလောင်းပေးမယ်။ အယ်ဇာလေ ဂူလောင်းဟာ ငါဟို့ အပ်ဟူးပီးဘီ။ ငါဟာ အယ်ဇာလေဟို့ ငါဝီးကေး-က်ဟူးဟူ ဖယ်လူဘွဲဖြစ်ဖြစ် ငါပေးနိုင်ဟယ်။ 7 ကိုယ်တော်ဟာ ငါဟို့ ကိုးကွယ်မယ် ဆိုဟာ အယ်မူဇာလေ ဂူလောင်းဟာ ကိုယ်တော်ရဲ့ အောက်စာလေ ဖြစ်ဟူးလေမယ်” ဆိုတီး ကိုယ်တော်ဟို့ ပြောဟယ်။ 8 ယေရူဟု “ကျမ်းစာမာ ‘နန်ရဲ့ ဘုရားသခင် တပါးဒဲဟို့ဘွဲ ကိုးကွယ်ရမယ်။ အယ်သခင် တပါးဒဲဟို့ဘွဲ စေခံရမယ်!’ ဆိုဇာ ပြောဟူးဟယ်” ဆိုတီး မိန့်တော်မူလေဟယ်။ 9 အယ်တီးနဲ့ မာရ်နတ်ဟာ ကိုယ်တော်ဟို့ ယေရုရှလင်မြို့ဟို့ ခေါ်ဟူးတီး ဗိမာန်တော်ရဲ့ ထိဖျားမာ တန်ဟူးတီးဟာ “ကိုယ်တော်ဟာ ဘုရားသခင်ရဲ့ သားဖြစ်ဟယ် ဆိုဟာ အယ်နေရာဟုနေ အေ့-က်ဟို့ ခုခွလိုက်။ 10 ဖြားဖြစ်ကြောနဲ့ဆိုဟာ ‘ဘုရားသခင်ဟာ ကိုယ်တော်ဟို့ စောန့်ရှေး-က်ဟို့တွပ် ကောင်းဂန်တန်လေဟို့ မိန့်ပေးဟူးလေမယ်။ 11 ကိုယ်တော်ရဲ့ ခေဟို့ ကွေး-က်နဲ့ ထိခိုက်ဘဲနေအေန် သူးနို့ဟာ ကိုယ်တော်ဟို့ လတ်နဲ့ ခီမဟူးလေမယ်’ ဆိုဇာ ကျမ်းစာမာ ပြောဟူးဟယ်” ဆိုတီး ပြောလေဟယ်။ 12 အယ်ဘေမဲ့ ယေရူဟု “နန်ရဲ့သခင်၊ ဘုရားသခင်ဟို့ စောင့်ဇိမ်းနဲ့ ဆိုဇာ ကျမ်းစာဟု ပြောဟူးဟယ်” ဆိုတီး မိန့်တော်မူဟယ်။ 13 မာရ်နတ်ဟာ သွီးဆောန်ရှင်း ဘောင်းဇောင် လောက်တီးနဲ့ ယေရူနားဟု ထွပ်ဟူးတီး ခွမ်ကောင်းဟို့ စောန့်နေလေဟယ်။ 14 အယ်တီးနဲ့ ယေရူဟာ ဂါလိလဲပြည်ဟို့ ပွန်ဟူးတီး ဘုရားသခင်ရဲ့ ဝိညာဉ်တော်တဂိုးဟာ ကိုယ်တော်နတူးဒူ

ရှိတော်မူဟု။ ကိုယ်တော့်ဒန်းဟာ အယ်ဒေသ တခုလောင်း ပွန်နွံဟားဟု။ **15** ကိုယ်တော်ဟာ ဝါလယ်ဇရပ်လေမာ သွန်သန်ဘီး ကိုယ်တော့်ဟို လူတိုင်းချီးမွမ်းဂေဟု။ **16** အယ်ဘီးန ယေရှုဟာ နာဇရက်မြို့ဟို ကြွဟားတော်မူဟု။ အယ်မြို့ဟာ ကိုယ်တော် ကီးဒတ်လာဟူ မြို့ဖြစ်ဘီး ဒန်းနေမာ ကိုယ်တော်ဟာ ခါတိုင်းသွားနေမျိုးဘဲ ဝါလယ်ဇရပ်ဟို ကြွဟားတော်မူဟု။ ကိုယ်တော်ဟာ ကျမ်းစာဖတ်ဟို့ မတ်တတ်ထလိုက်ဘီးန **17** ကိုယ်တော်ဟာ ပရောဖက် ဟောရှာယရဲ့ ကျမ်းဟို လှမ်းယူလိုက်ဘီး ကျမ်းစာဟို ဖွမ်လိုက်န အယ်ကျမ်းမာ **18** “သခင်ဘုရားရဲ့ ဝိညာဉ်တော်ဟာ ငါ့ထက်မာ ရှိတော်မူဟု။ ဖြားဖြစ်ကြောန့်နွံဆိုဟာ ကိုယ်တော်ဟာ ဆင်းရဲသားလေနားဟို ဒန်းကောန်းသယ်ဆောန်ဟို့ ငါ့ဟို ဝီးကော့-က်တော်မူဟု။ ကိုယ်တော်ဟာ ခယ်ဟားဇာခံရဟူ လူလေနားဟို လွတ်မြော့-က်စေဟို့န မျစ်စိကန်းဟူ လူလေဟို လန်းပွန်ရစေဟို့ ညှဉ်းဆဲခံရဟူ လူလေ လွတ်မြော့-က်စေဟို့ကြောန်း ကြေညာဘီးန **19** သခင်ဘုရားဟာ ကိုယ်တော်ရဲ့ လူလေဟို ကယ်တန်ဟို့ ခီဟာ ရော့-က်လာဘီ ဖြစ်ကြောန်းဟို ကြေညာဟို့ ငါ့ဟို စေလွတ်ဟယ်” ဆိုဘီး ရေးဟားလေဟု။ **20** ယေရှုဟာ ကျမ်းစာဟို လိဘီး ဇရပ်စောန့်ဟို့ ပွန်ပေးဘီးန ထိုင်လိုက်ဟု။ ဝါလယ်ဇရပ်ထဲဟု လူလေ ဂူလောင်းရဲ့ မျစ်လောင်းလေဟာ ကိုယ်တော့်ဟို့ဘဲ စေစေကေနေဟု။ **21** အယ်ကြောန့် ယေရှုဟာ သူးနို့ဟို့ “နန်းနို့ ကြားဟားမျိုးဘဲ အယ်ကျမ်းပိုဒ်ဟာ အယ်နေဘဲ မှန်ဖြစ်လာဘီ” ဆိုဘီး မိန့်တော်မူလေဟု။ **22** လူလေ ဂူလောင်းဟာ ကိုယ်တော့်ဟို ရရာတိုင်း ထော့-က်ခံဂေဘီး ကိုယ်တော်ရဲ့ ဆွဲဆောန်အားကောန်းဟူ စကားလေကြောန့် အံ့ဩဂေဟု။ သူးနို့ဟာ “သူဟာ ယောသပ်ရဲ့ သား မူဟုလေ” ဆိုဘီး ပြောနေဂေဟု။ **23** ကိုယ်တော်ဟာ “နန်းနို့ဟာ ငါ့ဟို အယ်မျိုးဆိုရိုးစကားန ကိုးကားလေမယ် ‘ဆရာဝန်၊ ကိုယ့်ကိုယ်ကိုယ် နာပျော့-က်အောန်ကု’ ဆိုဘီး ပြောမယ် ဆိုဇာဟို ငါတိက္က သိဟု။ ကပေရနောင်မြို့မာ လောကဟားဇာဟို နန်းနို့ ကြားဟားပီးဘီ အယ်မျိုးဇာလေဟို ငါ့ရဲ့ မွီးရပ်မြို့မာလည်း နန်းနို့ဟာ ငါ့ဟို လောကပြဟို့ ပြောလေအူးမယ်။ **24** နန်းနို့ဟို ငါ မှန်တိုင်းပြောမယ်၊ ပရောဖက်လေဟာ သူးနို့ရဲ့ မြို့မာ ကြိုဆိုရှင်းဟို လောင်းဝ ခံရဟု။ **25** ငါ မှန်တိုင်းပြောမယ်၊ နားထောန်ဂေ။ ဧလိယ လတ်ထတ်ဟု ကူသရေလနိုင်ငံမာ သောင်းနှစ်ခွဲ ကောန်းဂန်ပိဟားဘီး တနိုင်ငံလောင်း စာရေဇာ ခေါန်းပါးနေခီမာ ကူသရေလနိုင်ငံမာ မောက်ဆိုးမလေ ဘောင်ဂီးရှိဟု။ **26** ဧလိယဟာ ကူသရေလနိုင်ငံထဲဟု ဖယ်မောက်ဆိုးမ တယော့-က်နားဟို့လည်း စေလွတ်ရှင်းခံရဘဲ ဇိဒန်ပြည် ဇရတ္တမြို့မာနေဟူ မောက်ဆိုးမ တယော့-က်နားဟို့ဘဲ စေလွတ်ဟု။ **27** ပရောဖက် ဧလိရဲ့ လတ်ထတ်ဟု ကူသရေလနိုင်ငံမာနေဟူ နူနာရောဂါသယ်လေ ဘောင်ဂီးရှိဘေမဲ့ သူးနို့လေထဲဟု တယော့-က်လည်း သန်ရှင်းခွံ့ ရဂေဟု။ အယ်ဘေမဲ့ ရှုရိလူမျိုး နေမန်တယော့-က်ဘဲ သန်ရှင်းခွံ့ ရဟားဟု” ဆိုဘီး မိန့်တော်မူလေဟု။ **28** ဝါလယ်ဇရပ်မာရှိဟူ လူလေဟာ အယ်စကားဟို ကြားရဟူ ခီမာ သူးနို့ဟာ ဒေါသထွပ်ဟားဂေဟု။ **29** သူးနို့ဟာ မတ်တတ်ထလိုက်ဘီး ယေရှုဟို မြို့ပွန်ထိ ဒရွတ်တိုက်ဆွဲဟားဘီးန သူးနို့ မြို့တည်ဟားဟူ တောန်ထိဟို ခေါ်ဆောန်ဟားဟု။ သူးနို့ဟာ ကိုယ်တော့်ဟို ကြော့-က်ဆောန်ထတ်ဟုနေ တွန်းလှဟို့ ခေါ်ဆောန်ဟားဘေမဲ့။ **30** ကိုယ်တော်ဟာ လူအောင်ဂီးလယ်ဟုနေ ရော့-က်ဟားဘီး ကြွဟားလေဟု။ **31** အယ်ဘီးန ယေရှုဟာ ဂါလိလဲပြည်ဟု မြို့တမြို့ဖြစ်ဟူ ကပေရနောင်မြို့ဟို ဆင်းဟားဘီး ဒန်းနေမာ ကိုယ်တော်ဟာ လူလေဟို သွန်သန်တော်မူဟု။ **32** သူးနို့ ဂူလောင်းဟာ ကိုယ်တော်ရဲ့ သွန်သန်ဟူ နည်းလမ်းဟို အံ့ဩဟားဟု။ ဖြားဖြစ်ကြောန့်နွံဆိုဟာ ကိုယ်တော်ဟာ ခွမ်အာဏာန ပြောတော်မူကြောန့် ဖြစ်ဟု။ **33** ဝါလယ်ဇရပ်မာ ညဉ့်ညားဟူနတ် ဝမ်းပူးနေဟူလူ တယော့-က်ရှိဘီး သူဟာ သံက္ကယ်ဟီးန **34** “မိ-ဝေ! နာဇရက်မြို့သားယေရှု၊ ကိုယ်တော်ဟာ ကျွန်တော့်လေန ဖယ်မျိုးဆိုင်နွံ။ ကိုယ်တော်ဟာ ကျွန်တော့်လေဟို ဖျစ်ဆီးဟို့တွပ် အယ်နေရာဟို ရော့-က်လာဇာလော။ ကိုယ်တော်ဟာ ဖယ်သူဖြစ်ဟယ် ဆိုဇာဟို ကျွန်တော်သိဟု။ ကိုယ်တော်ဟာ ဘုရားသခင်ရဲ့ သန်ရှင်းဟူ စေတမန်ဖြစ်ဟယ်!” ဆိုဘီး အော်လေဟု။ **35** ယေရှုဟာ အယ်နတ်ဟို “တိတိနော်ဘီး အယ်လူထဲဟုထွပ်!” ဆိုဘီး မိန့်ပေးလေဟု။ နတ်ဆိုးဟာ အယ်လူဟို သူးနို့ရှေ့မာ ပစ်လှဲလွှဲဘီးန သူးဟို ထိခိုက်ရှင်း မေ့ဘဲန သူထဲဟု ထွပ်ဟားဟု။ **36** လူလေ ဂူလောင်းဟု အံ့ဩဟားဂေဘီး ယော့-က်နယော့-က်

“အယ်စကားလေဟု ဖြားမျိုးစကားလေနူး။ အယ်လူဟာ ညစ်ညူးဟူ နတ်လေဟို ခွမ်အာဏာတဂိုးန မိန့်ပေးလိုက်ဟူန သူးနိုဟာ ထွပ်ဟားဟယ်!” ဆိုဘီး ပြောနေဂေဟယ်။ 37 ယေရှုရဲ့ ဒန်းဟာ အယ်ဒေသ တခုလောင်းဟို ပွန်နိုဟားလေဟယ်။ 38 ယေရှုဟာ ဝါလယ်ဇရပ်ဟုနေ ထွပ်ဟားဘီးန ရှိမုန်ရဲ့ အီဟို ကြွဟားလိုက်ဟယ်။ ရှိမုန်ရဲ့ ယောက္ခမဟာ ဖျားနာဘီး ရရာတိုင်း နေကောင်းဘဲ ဖြစ်နေကြောင်း သူးနိုဟာ ယေရှုဟို တောင်းလျှော့-က်လေဟယ်။ 39 ကိုယ်တော်ဟာ အယ်မီးမရဲ့ ဘေးနားမာ သွားရပ်ဘီး ဖျားပျော့-က်စေ ဆိုဘီး မိန့်ပေးလိုက်ဟယ်။ အယ်မီးမဟာ ဖျားနာပျော့-က်ဟားကြောန့် ရှစ်ရှင်းထဘီး ကိုယ်တော်န တဗွဲတော်လေဟို ဧည့်ဝတ်ပြုလေဟယ်။ 40 နေဝမ်ဟားဘီးန ရောဂါဘောင်းဇောင်န နေကောင်းဘဲဖြစ်နေဟူ လူလေရဲ့ ငယ်ဂျင်းလေဟာ သူးနိုဟို ယေရှုနားဟို ခေါ်လာဂေဟယ်။ ကိုယ်တော်ဟာ သူးနို ဂူလောင်းထတ်မာ လတ်ဟို တန်ဘီးန သူးနို ဂူလောင်းဟို နာပျော့-က်စေဟယ်။ 41 နတ်ဆိုးလေဟာလည်း လူလေထဲဟုနေ “ကိုယ်တော်ဟာ ဘုရားသခင်ရဲ့ သားတော် ဖြစ်ဟယ်!” ဆိုဘီး အော်ဟစ်ဘီး ထွပ်ဟားဂေဟယ်။ ယေရှုဟာ မေရှိယဖြစ်ဟယ် ဆိုဇာဟို နတ်ဆိုးလေဟု သိဟယ်။ အယ်ကြောန့် သူးနိုဟို စကားခွန်းလည်းပြောန ဆိုဘီး မိန့်ပေးတော်မူဟယ်။ 42 မိုးလန်းဟူ ခီမာ ယေရှုဟာ မြို့ဟုနေ ထွပ်ဟားဘီးန တိဆိဟူ နေရာဟို ကြွဟားလေဟယ်။ လူလေဟာ ကိုယ်တော်ဟို လိုက်ရှာဂေဘီး သူးနိုဟာ ကိုယ်တော်ဟို တွိဟူ ခီမာ ကိုယ်တော်ဟို ထွပ်ဟားဘဲနေအောက် ဆီးတားဂေဟယ်။ 43 အယ်ဘောမဲ့ ကိုယ်တော်ဟာ “ငါဟာ ဘုရားသခင်ရဲ့ နိုင်ငံတော်ကြောင်း ဒန်းကောင်းဟို တခြား မြို့ဝါလေမာလည်း ကြေညာရအူးမယ်။ ဖြားဖြစ်ကြောန့်နဲ့ဆိုဟာ အယ်မျိုးကြေညာဟို ဘုရားသခင်ဟု ငါ့ဟို စေလွှတ်ရှင်း ဖြစ်ဟယ်” ဆိုဘီး သူးနိုဟို မိန့်တော်မူလေဟယ်။ 44 အယ်ကြောန့် ကိုယ်တော်ဟာ ယုဒပြည် တပြည်လောင်းမာရှိဟူ ဝါလယ်ဇရပ်လေမာ ကြေညာတော်မူလေဟယ်။

5 တနေ့မာ ယေရှုဟာ ဂနိသရက်အိုင်ရဲ့ ကမ်းနားမာ ရပ်နေဟူ ခီမာ လူလေဟာ ဘုရားသခင်ရဲ့ စကားတော်ဟို နားထောန့်ဟို ကိုယ်တော်နားဟို တိုးဝမ်ဂေဟယ်။ 2 ကိုယ်တော်ဟာ ကမ်းနားမာ ကပ်ဟားဟူ လှေနှေစင်းဟို ပြင်တော်မူဟယ်။ ငါးဖမ်းမားလေဟာ လှေလေထတ်ဟုနေ ဆင်းဘီးန ငါးဖမ်းပိုက်လေဟို ဆေးနေဂေဟယ်။ 3 ယေရှုဟာ အယ်လှေနှေစီးထဲဟု ရှိမုန်ရဲ့ လှေထတ်ဟို တတ်တော်မူဘီးန လှေဟို ကမ်းဟုနေ နဲနဲခွာဟို သူဟို ခွမ်တောင်းလေဟယ်။ ယေရှုဟာ လှေထတ်မာ ထိုင်ဘီးန လူအောက်ဂီးဟို သွန်သန်ဟယ်။ 4 ကိုယ်တော်ဟာ သွန်သန်ရှင်းလေ ပီးဟားဟူ ခီမာ ရှိမုန်ဟို “ရေတတ်ထဲဟို ထွပ်ဟားဘီး ငါးလေဟို ဖမ်းဟိုတွပ် နန့်န နန့်ပေါန်းဖော်လေရဲ့ ငါးဖမ်းပိုက်လေဟို ခွဲဂေ” မိန့်တော်မူလေဟယ်။ 5 ရှိမုန်ဟု “ကျွန်တော့်ဟားလေဟာ တညဉ်လောင်း ကြိုးစားဘီး ဖမ်းလည်း ဂေါ်လည်းရဂေဟူ။ အယ်ဘောမဲ့ ကိုယ်တော်ရဲ့ မိန့်တော်တိုင်း ငါးဖမ်းပိုက်လေဟို ခွဲလိုက်မယ်” ဆိုဘီး ပွန်ပြောတော်မူဟယ်။ 6 သူးနိုဟာ ငါးဖမ်းပိုက်လေဟို ခွဲလိုက်ဘီးန ငါးလေဘောင်ဂီး ဖမ်းမိကြောန့် ငါးဖမ်းပိုက်လေ စုပွဲခါနီး ဖြစ်ဟားဟယ်။ 7 အယ်ကြောန့် သူးနိုဟာ လာဘီး ကူညီပေးဟို တခြားလှေထဲမာရှိနေဟူ သူးနိုရဲ့ ပေါန်းဖော်လေဟို လတ်ပြဘီး ခေါ်လိုက်ဟယ်။ သူးနိုဟာ လာဘီးန လှေနှေစင်းလောင်းဟို ငါးလေပွဲ ဖွဲ့လိုက်ကြောန့် လှေလေဟာ မျှပ်ခါနီး ဖြစ်ဟားဟယ်။ 8 အယ်မျိုးဖြစ်ဇာလေဟို ရှိမုန်ပေတရ ပြင်လိုက်ဟူ ခီမာ ယေရှုရှေမာ ဒူးထော့-က်ဘီး “သခင်၊ ကျွန်တော့်နားဟုနေ ကြွဟားတော်မူပါ! ကျွန်တော်ဟာ ပြစ်သား ဖြစ်ဟယ်!” ဆိုဘီး လျှော့-က်လေဟယ်။ 9 သူနတူးဒုရှိဟူ လူလေ ဂူလောင်းဟာ ဖမ်းမိဟူ ငါးလေဟာ ဘောင်ဂီး ဖြစ်နေကြောန့် အံ့ဩဟားဂေဟယ်။ 10 ရှိမုန်ရဲ့ လောကဖော်ဆောက်ဖတ်လေဖြစ်ဘီး ဇေဗေဒရဲ့ သားလေဖြစ်ဟူ ယာကုပ်န ယောဟန်လေဟာလည်း အယ်မျိုးဘွဲ့ အံ့ဩဟားဂေဟယ်။ ယေရှုဟာ ရှိမုန်ဟို “ကြော့-က်ဂေန။ ခုဟုစဘီး နန့်ဟာ လူလေဟို ဖမ်းရလေမယ်” ဆိုဘီး မိန့်တော်မူလေဟယ်။ 11 သူးနိုဟာ လှေလေဟို ကမ်းနားမာ ကပ်လိုက်ဘီး ငါးလေ ဂူလောင်း ထားရစ်ဘီးန နော့-က်တော်ဟို လိုက်ဂေဟယ်။ 12 တနေ့မာ ယေရှုဟာ မြို့တမြို့မာ ရှိနေဒူးမာ နူနာသယ် တယော့-က်ဟာ ယေရှုဟို ပြင်ဟားဟူ ခီမာ ပျပ်ဝပ်ဘီး ကိုယ်တော်ဟို “သခင်၊ လိုတော်ရှိဟယ် ဆိုဟာ ကျွန်တော့်ဟို သန့်ရှင်းအောက် လောကနိုင်ဟယ်!” ဆိုဘီး တောင်းဗန်လေဟယ်။ 13 ယေရှုဟာ

လတ်တော်ဟို့ ဆန့်ဘီးဟာ သူဟို့ တို့ထိတော်မူဟယ်။ “ငါလိုရှိဟယ်။ သန့်ရှင်းစေ!” ဆိုဘီး ကိုယ်တော်ဟ မိန့်တော်မူဟယ်။ ရှစ်ရှင်းဘဲ နူနာရောဂါဟာ ပျော့-က်ဟားလေဟယ် 14 ယေရုဟာ သူဟို့ “ဖယ်သူဟို့လည်း ပြောန။ အယ်ဘောမဲ့ ယဇ်ပုရောဟိတ်နားဟို့ သွားဘီး ကိုယ်ဟို့ ပြလိုက်ပါ။ စင်ကြယ်ဟားဘီး ဆိုဇာဟို့ လူလေရှေမာ သတ်သေဖြစ်ဟို့တွပ် မောရှေပညတ်ဟားဟူတိုင်း ပူဇော်သကာဟို့ ဆစ်သပါ” ဆိုဘီး မိန့်တော်မူလေဟယ်။ 15 အယ်ဘောမဲ့ ယေရုရဲ့ ဒန်းဟာ ရရာတိုင်း ပွဲနွံဟားဘီး လူအောက်ဂီးဟာ ကိုယ်တော်ရဲ့ တရားတော်လေ ကြားရဟို့န သူးနို့ရဲ့ ရောဂါလေ ပျော့-က်ဟို့တွပ် လာဂေဟယ်။ 16 အယ်ဘောမဲ့ ကိုယ်တော်ဟာ တိဆိဟူ နေရာမာ ဆုတောင်းဟို့ ထွပ်ကြွဟားတော်မူဟယ်။ 17 တနေမာ ယေရုဟာ သွန်သန်တော်မူနေဒူးမာ ယေရုရှလင်မြို့၊ ယုဒပြည်နု ဂါလိလဲပြည် မြို့ဝါလေဟနေ လာဟူဖာရိရဲ့ တချိန် ကျမ်းတတ်ဆရာလေဟာ ထိုင်နေဂေဟယ်။ ရောဂါ ပျော့-က်စေဟို့ ဘုရားသခင်ရဲ့ တဂိုးတော်ဟာ ယေရုမာ ရှိတော်မူဟယ်။ 18 လူတချို့ဟာ လေဖြတ်နေဟူ လူတယော့-က်ဟို့ ထမ်းစင်နု သယ်လာဘီး အီထဲဟို့ သယ်ဆောင်ဟားဘီး ယေရုရဲ့ ရှေ့တော်မာ ခွဲဟားဟို့ ကြိုးစားဂေဟယ်။ 19 ကြိုးစားဘောမဲ့လည်း လူလေဘောင်ဂီး ရှိနေကြောန့် သူးနို့ဟာ လူနာဟို့ သယ်သွမ်းဟားဟို့ လမ်းရှာတို့ဘဲ ဖြစ်နေဟယ်။ အယ်ကြောန့် သူးနို့ဟာ အီးခေါန်မိုးထတ်ဟို့ တတ်ဘီးဟာ အီးခေါန်မိုးဟို့ ဖော့-က်ဘီးမှ လူနာဟို့ ထမ်းစင်နု လူအောက်ဂီးရဲ့လယ် ယေရုရဲ့ ရှေ့တော်ဟို့ လျော့ခွဲဂေဟယ်။ 20 ယေရုဟာ သူးနို့မာ ရရာတိုင်း ယောင်ကြည်ရှင်း ရှိဟယ် ဆိုဇာဟို့ ဗြင်တော်မူဟားဘီး လူနာဟို့ “မိဆွေ၊ နန်ဟာ ပြစ်လေလွတ်ရှင်းခံရဘိ” ဆိုဘီး မိန့်တော်မူလေဟယ်။ 21 ကျမ်းတတ်ဆရာလေနု ဖာရိရဲ့လေဟာ “ဘုရားဟို့ စော်ဂါးဘီး ပြောနေဟူ လူဟု ဖယ်သူနူး! ဘုရားသခင် တပါးဒဲဘဲ ပြစ်လေဟို့ ဖြေလွတ်ပေးနိုင်ဟယ်။” ဆိုဘီး သူးနို့ရှင်းရှင်း ပြောနေဂေဟယ်။ 22 ယေရုဟာ သူးနို့ရဲ့ စိဟို့ သိကြောန့် သူးနို့ဟို့ “နန်းနို့ဟာ ဖြားဖြစ်ကြောန့် အယ်ဇာလေဟို့ နန်းနို့ရဲ့ နုလောင်းထဲမာ စဉ်းစားနေဂေဟူး။ 23 ‘နန်ဟာ ပြစ်လွတ်ရှင်းခံရဘိ’ ဆိုဘီး ပြောဇာဟု လွယ်လော။ ‘နန် ထဘီး လမ်းရှော့-က်’ ဆိုဘီး ပြောဇာဟု လွယ်လော။ 24 လူရဲ့သားဟာ လောကမာ ပြစ်လွတ်ပိုင်ဟူ ခွမ်အာဏာ ရှိဟယ် ဆိုဇာ နန်းနို့ဟို့ သတ်သေပြမယ်” ဆိုဘီး မိန့်တော်မူလေဟယ်။ အယ်ကြောန့် ကိုယ်တော်ဟာ လေဖြတ်နေဟူ လူဟို့ “ထဒန်၊ ထမ်းစင်ဟို့ သီးဘီးဟာ အီယွန်ဝေ!” ဆိုဘီး မိန့်တော်မူလေဟယ်။ 25 ရှစ်ရှင်းဘဲ အယ်လူဟာ သူးနို့ ဂူလောင်းရှေမာ ထရပ်ဘီး။ သူအိဟားဟူ အိယာဟို့ သီးဘီး၊ ဘုရားသခင်ဟို့ ချီးမွမ်းဘီး အီဟို့ ယွန်ဟားဟယ်။ 26 သူးနို့ ဂူလောင်းဟာ ရရာတိုင်း အံ့ဩဟားဂေဟယ်! သူးနို့ဟာ ကြော့-က်လန့်လာဘီး ဘုရားသခင်ဟို့ “အယ်နေမာ ရရာတိုင်း အံ့ဩဇာလေဟို့ နို့လေပြင်ရဂေဘိ” ဆိုဘီး ချီးမွမ်းဂေလေဟယ်။ 27 အယ်ဇာလေ ပီးဟားဘီးနု ယေရုဟာ ထွပ်ကြွဟားတော်မူဘီး လေဝိနာမယ်ရှိဟူ ခွန်ကော့-က်မားဟာ သူခွန်ရောင်းမာ ထိုင်နေဇာဟို့ ဗြင်တော်မူလေဟယ်။ ယေရုဟာ သူဟို့ “ငါနော့-က်ဟို့ လိုက်ပါ” ဆိုဘီး မိန့်တော်မူလေဟယ်။ 28 လေဝိဟာ ဂူလောင်းဟို့ ထားရစ်ဘီး နော့-က်တော်ဟို့ လိုက်ဟားဟယ်။ 29 အယ်ဘီးနု လေဝိဟာ သူရဲ့ အီမာ ယေရုတွပ် ဧည့်ခံဗွဲဂီး ကျင်းပလေဟယ်။ အယ်ပွဲဟို့ လာဟူ ဧည့်သည့်လေထဲမာ ခွန်ကော့-က်မားလေနု တခြားလူလေ ပါဟယ်။ 30 ကျမ်းတတ်ဆရာလေ တချိန် သူးနို့ရဲ့ အောက်စဝမ်ဖြစ်ဟူ ဖာရိရဲ့လေ တချို့ဟာ ယေရုရဲ့ တဗဲတော်လေဟို့ ပြစ်တန်ဂေဟယ်။ “ဖြားဖြစ်ကြောန့် နန်းနို့ဟာ ခွန်ကော့-က်မားလေ၊ ပြစ်သားလေနုတူးဒု စားသော့-က်ရဂေဟူး” ဆိုဘီး သူးနို့ဟို့ မေးလိုက်ဟယ်။ 31 ယေရုဟာ သူးနို့ဟို့ “နေကောန်းနေဟူ လူလေဟာ ဆရာဝန်ဟို့ လိုအပ်ဟု။ အယ်ဘောမဲ့ နေကောန်းဘဲလူဟာ ဆရာဝန်ဟို့ လိုအပ်ဟယ်။ 32 ငါဟာ ဖြောန့်မတ်ဟူ လူလေ နောန်ဒရဟို့တွပ် ခေါ်ဟို့လာဇာ မူဟု။ ပြစ်ရှိဟူ လူလေဟို့ နောန်ဒရစေဟို့တွပ် ခေါ်ဟို့လာဇာ ဖြစ်ဟယ်” ဆိုဘီး မိန့်တော်မူလေဟယ်။ 33 လူတချို့ဟာ ယေရုဟို့ “ယောဟန်ရဲ့ တဗဲလေနု ဖာရိရဲ့လေရဲ့ တဗဲလေဟာ စာရှောန်ရှင်းနု ဆုတောင်းရှင်းလေဟို့ ခါဘီးခါ လောကဘောမဲ့ ကိုယ်တော်ရဲ့ တဗဲလေဟာ စားသော့-က်ဘီး နေဂေဟယ်” ဆိုဘီး မေးလျော့-က်ဂေဟယ်။ 34 ယေရုဟာ “အီတတ်ဗွဲမာ ဒိုသားနတူးဒု ရှိနေဟူ ပေါန်းသင်းလေဟာ ဒိုသားနတူးဒု ရှိနေခီမာ စာရှောန်ခိုင်းနိုင်လော။ 35 အယ်ဘောမဲ့ ဒိုသားဟို့ သူးနို့နားဟုနေ ဆောန်ယူဟားဟို့နေ

ရော-ကံလာဟူ သီမာ သူးနီဟာ စာရှောန်လေမယ်” ဆိုဘီး ဖြေတော်မူလေဟယ်။ 36 ယေရှုဟာ သူးနီဟို ပေါင်ဥပမာန “ဖယ်သူလည်း အန်းဂီးစသစ်ဟို ဆွဲဘီး အန်းဂီဟောန်းမာ ဖာလေမေဟူ။ အယ်မျိုးဖာမယ် ဆိုဟာ အန်းဂီသစ်ဟာ ပျစ်စီးဟားဘီး အန်းဂီစသစ်န အန်းဂီဟောန်းဟာ လိုက်ဖက် မှဟူ။ 37 အယ်မျိုးဘွဲ ဝိုင်သစ်ဟို သားရေဖူးဟောန်းထဲမာ ထဲလေ မေဟူ။ ထဲမယ် ဆိုဟာ ဝိုင်သစ်ဟာ သားရေဖူးဟောန်းဟို ပေါ- ကံညှဲစေဘီး ဝိုင်န သားရေဖူး နေ့ခုလောင်းဟာ ပျစ်စီးဟားလေမယ်။ 38 ဝိုင်သစ်ဟို သားရေဖူးသစ်မာဘွဲ ထဲရဟယ်။ 39 ဝိုင်ဟောန်းဟို သော့- ကံဟားဘီးဟူ လူဟာ ဝိုင်သစ်ဟို သော့- ကံရှင်ဂေဟန်း! ‘ဝိုင်ဟောန်းဟ ပိုကောန်းဟယ်’ ဆိုဘီး နန်းနီ ပြောလေမယ်” ဆိုဘီး မိန့်တော်မူလေဟယ်။

6 ဒန်းနေမာ ယေရှုဟာ ဂျောင်စစားလယ်ဝွမ်လေဟို ဖြတ်ကြွဟားတော်မူဟယ်။ ကိုယ်တော်ရဲ့ တဗွဲတော်လေဟာ ဂျောင်စစားနံလေဟို ဆွတ်ဘီး၊ လတ်နပွတ်ဘီး စားဂေဟယ်။ 2 ဖာရိရဲတချို့ဟာ “ဒန်းနေမာ နန်းနီဟို လောကန် ဆိုဘီး နီလေရဲ့ ပညတ်တရားမာ ပြောဟားဇာဟို ဖြားဖြစ်ကြောန့် နန်းနီ လောကံဂေရုနူး” ဆိုဘီး မေးဂေဟယ်။ 3 ယေရှုဟာ သူးနီဟို “ဒါဝိဒ်ဟာ သူရဲ့ ပေါန်းဖော်လေ ဗိုက်ဆာလာသီမာ ဖယ်မျိုးလောကံဟားဟယ် ဆိုဇာဟို နန်းနီ ဖတ်ဖူးဂေဟလော။ 4 သူဟာ ဘုရားသခင်ရဲ့ အိတော်ဟို ဝမ်ဘီး ဘုရားသခင်ဟို ပူဇော်ဟားဟူ မဟို ယူဘီးစားဟယ်။ အယ်ဘီးဟာ သူရဲ့ ပေါန်းဖော်လေဟို ကျွေးဟယ်။ ယဇ်ပုရောဟိတ်လေမှတပါး ဖယ်သူလည်း စားခွမ်မေဟူ အယ်မဟို ယူစားဟယ် ဆိုဇာဟာ နီလေရဲ့ ပညတ်တရားဟို ဆန့်ကျင်ဘွဲ” ဆိုဘီး မိန့်တော်မူလေဟယ်။ 5 ယေရှုဟာ “လူရဲ့သားဟာ ဒန်းနေရဲ့ သခင် ဖြစ်ဟယ်” ဆိုဘီး မိန့်တော်မူလေဟယ်။ 6 တခြားဒန်းနေမာ ယေရှုဟာ ဝါလယ်ဇရပ်ဟို ဝမ်ဘီး သွန်သန်တော်မူဟယ်။ အယ်နေရာမာ ညာလတ်တဖတ် သေနေဟူ လူတယော့- ကံ ရှိဟယ်။ 7 ကျမ်းတတ်ဆရာ တချို့န ဖာရိရဲ တချို့ဟာ ယေရှုဟို ပြစ်တန်ရှင်ကြောန့် ဒန်းနေမာ ကိုယ်တော်ဟာ အယ်လူဟို နာပျော့- ကံစေဟိုလော၊ ပျော့- ကံစေဟလော ဆိုဇာဟို သူးနီဟာ သေးသေချားချာ စောန့်ကေနေဟယ်။ 8 အယ်ဘေမဲ့ ယေရှုဟာ သူးနီရဲ့ ကြံစည်ဟို သိကြောန့် အယ်လူဟို “ထဒန်ဘီး ရှေ့ဟို ထွပ်လာဟား” ဆိုဘီး မိန့်တော်မူလေဟယ်။ အယ်လူဟာ ထဒန်ဘီး မတ်တတ်ရပ်နေဟယ်။ 9 အယ်ဘီးန ယေရှုဟာ သူးနီဟို “နန်းနီဟို ငါမေးမယ်၊ နီလေရဲ့ ပညတ်တရားဟာ ဒန်းနေမာ ဖြားဇာလေ လောကံဟို ခွမ်ပြဟားနူး။ ကောန်းဇာလောကံရလော။ ဆိုးဇာလောကံရလော။ လူတယော့- ကံရဲ့ သတ်ဟို ကယ်အပ်လော။ သတ်အပ်လော” ဆိုဘီး မေးတော်မူလေဟယ်။ 10 ကိုယ်တော်ဟာ သူးနီလေ ဂူလောင်း ပတ်လည်ဟို ကေ့ရှုဘီးန ကိုယ်တော်ဟာ အယ်လူဟို “နန်းရဲ့ လတ်ဟို ဆန့်လိုက်” ဆိုဘီး မိန့်တော်မူလေဟယ်။ အယ်လူဟာ လတ်ဟို ဆန့်လိုက်ဟူ သီမာ သူလတ်ဟာ ကောန်းတိုင်း ယွန်ဖြစ်ဟားဟယ်။ 11 ဖာရိရဲလေဟာ ဒေါသထွပ်ဟားဘီး ယေရှုဟို ဖယ်မျိုးလောကံရဟို ဆိုဘီးဟာ သူးနီရှင်းရှင်း တိုင်ဗန်ဂေဟယ်။ 12 အယ်နေရစ်မာ ယေရှုဟာ ဆုတောင်းဟို တောန်ထတ်ဟို တတ်ကြွဟားဘီး တညဉ့်လောင်း ဘုရားသခင်ဟို ဆုတောင်းဘီး နေတော်မူဟယ်။ 13 မိုးလန်းလာဟူသီမာ တဗွဲတော်လေဟို ကိုယ်တော်နားဟို ခေါ်ဘီး သူးနီထဲဟာ ဆယ့်နေ့ပါးဟို ဝီးကော့- ကံဘီး တမန်တော် ဆိုဘီး နာမယ် ပေးတော်မူဟယ်။ 14 ကိုယ်တော်ဟာ ပေတရဲ ဆိုဘီး နာမယ် ပေးဟားဟူ ရှိမန်န သူညီအခြွေ ယာကုပ်န ယောဟန်၊ ဖိလိပူန ဗာသာလမဲ။ 15 မသဲန သောမ၊ အာလဲရဲ့သား ယာကုပ်န မျိုးရှစ်ပေါက်ကို ရှိမန်။ 16 ယာကုပ်ရဲ့သား ယုဒန ကိုယ်တော်ဟို သစ်စာဖော့- ကံဟူ ယုဒရှုကာရတ် ဖြစ်ဟယ်။ 17 ယေရှုဟာ တမန်တော်လေနတူးဒ တောန်ထတ်ဟုနေ ဆင်းလာဘီး တဗွဲတော်လေဘောင်ဂီးန မွေညီးညီနေရာမာ ရပ်လိုက်ဟယ်။ အယ်နေရာမာရှိနေဟူ လူအောက်ဂီးဟာ ယုဒပြည်န ယေရုရှလင်မြို့ဟုနေ လာဟူ လူလေန ပန်လယ်ကမ်းနား တုရမြို့န ဇိဒန်မြို့ဟုနေ လာဟူ လူလေဖြစ်ဘီး 18 သူးနီဟာ ကိုယ်တော်ရဲ့ တရားဟို ကြားနာရဟိုန သူးနီရဲ့ နာပျော့- ကံဟို လာဂေဟယ်။ ညစ်ညူးဟူနတ်ဟာ ဒေါက်ခပေးရှင်းဟို ခံနေရဟူ လူလေလည်း နာပျော့- ကံဟားဂေဟယ်။ 19 ကိုယ်တော်နားဟုနေ တဂိုးတော်ထွပ်ဘီးဟာ သူးနီလေ ဂူလောင်းဟို နာပျော့- ကံစေကြောန့် လူလေ ဂူလောင်းဟာ ကိုယ်တော်ဟို ထိဟို ကြိုးစားဂေဟယ်။ 20 ယေရှုဟာ တဗွဲတော်လေဟို ကေ့ဘီး “ဆင်းရဲသားလေ၊ နန်းနီဟာ မင်္ဂလာရှိဟယ်။ ဘုရားသခင်ရဲ့ နိုင်ငံတော်ဟာ နန်းနီရဲ့ နိုင်ငံဖြစ်ဟယ်!” 21 “ခု

ငတ်ပြတ်နေဟူ နန်းနို့ဟာ မင်္ဂလာရှိဟု။ ဖြားဖြစ်ကြောန်းနို့ဆိုဟာ နန်းနို့ဟာ ဗိုက်ပွဲရဂေ့လေ့မယ်။” “ခ ငိုနေဟူ နန်းနို့ဟာ မင်္ဂလာရှိဘီး။ နန်းနို့ဟာ ရယ်ရလေ့မယ်။” 22 “လူရဲသားကြောန်း နန်းနို့ဟို လူလေမူးဟူဇာဘွဲဖြစ်ဖြစ်၊ ငြင်းပယ်ဟူ ဇာဘွဲဖြစ်ဖြစ်၊ နန်းနို့နာမယ် ပျစ်အောက်လောက်ဟူ ဇာဘွဲဖြစ်ဖြစ် နန်းနို့ဟာ မင်္ဂလာရှိဟု။ 23 အယ်မျိုးဖြစ်ဟူ ခီမာ ဝန်းသာဘီးဟာ ကခုဂေ့။ ဖြားဖြစ်ကြောန်းနို့ဆိုဟာ ကောန်းဂန်ဘောင်မာ နန်းနို့တွပ် ရရာတိုင်း ကီးဟူ ဆုလာဘ် ရှိဟု။ သူးနို့ရဲ့ ဘိုးဘေးလေဟာ ပရောဖက်လေဟို အယ်မျိုးဘွဲ ညှဉ်းဆဲဟားဂေ့ဟု။ 24 “အယ်ဘေမဲ့ ကပ်ရှိဟူ နန်းနို့ဟာ အမင်္ဂလာရှိဘီး။ နန်းနို့ဟာ ခုခီမာ သတ်သာဟူ ဘဝဟို ရဂေ့ဟု။” 25 “ခ ဗိုက်ပွဲအောက်စားရဟူ နန်းနို့ဟာ အမင်္ဂလာရှိဘီး။ နန်းနို့ဟာ ဗိုက်ဆာရလေ့မယ်။” “ခ ရယ်နေဟူ နန်းနို့ဟာ အမင်္ဂလာရှိဘီး။ နန်းနို့ဟာ ရရာတိုင်း ငြီးတွားဘီး ငိုရလေ့မယ်။” 26 “လူလေ ဂူလောင်းဟာ နန်းနို့ဟို ချီးမွမ်းစကားပြောမယ် ဆိုဟာ နန်းနို့ဟာ အမင်္ဂလာရှိဘီး သူးနို့ရဲ့ ဘိုးဘေးလေဟာလည်း ပရောဖက်တုယောန်လေဟို အယ်မျိုးဘွဲ ချီးမွမ်းဟားဟု။ 27 “အယ်ဘေမဲ့ ငါစကားဟို ကြားရဟူ နန်းနို့ဟို ငါပြောမယ်။ နန်းနို့ရဲ့ ရန်သူလေဟို ရှစ်ဂေ့။ နန်းနို့ဟို မူးဟူလူလေဟို ကျေးဇူးပြုဂေ့။ 28 နန်းနို့ဟို ကီဆဲဟူ လူလေဟို ကောန်းဂီးပေးဂေ့။ နန်းနို့ဟို နှော့-က်ယုတ်ဟူ လူလေတွပ် ဆုတောင်းဂေ့။ 29 ယော့-က်ယော့-က်ဟု နန်းပါးတဖတ်ဟို ရိုက်ဟယ် ဆိုဟာ ကျန်ဟူ ပါးတဖတ်ဟိုလည်း ရိုက်ဟို လှည့်ပေးလိုက်ပါ။ နန်းဝတ်လောင်ဟို လိုရှင်ဟူ သူလေဟို နန်းအန်းဂီဟိုလည်း ပေးလိုက်ပါ။ 30 နန်းနားမာ တောင်းဟူလူဟို ပေးလိုက်ပါ။ နန်းအောက်စာဟို သီးယူဟူ လူနားမာ ယွန်ဘီး တောင်းနု။ 31 နန်းနို့လေဟို သူများလေဟု ပြုမဆစ်ဆဲစေရှင်မျိုး သူများလေဟိုလည်း ပြုမဆစ်ဆဲဂေ့ပါ။ 32 “နန်းနို့ဟို ရှစ်ဟူ သူလေဟိုဘွဲ ယွန်ရှစ်မယ် ဆိုဟာ ဖယ်မျိုးလောက်ဘီး ကောန်းဂီးမင်္ဂလာဟို နန်းနို့ ခံစားရဟိုနူး။ ပြစ်သားလေလည်းဘွဲ သူးနို့ဟို ရှစ်ဟူ သူလေဟိုဘွဲ ယွန်ရှစ်ဟု။ 33 နန်းနို့ဟို ကောန်းဇာလောက်ဟူ လူလေဟိုဘွဲ ကျေးဇူးပြုမယ် ဆိုဟာ ဖယ်မျိုးလောက်ဘီး ကောန်းဂီးမင်္ဂလာဟို နန်းနို့ ခံစားရဟိုနူး။ ပြစ်သားလေလည်း အယ်မျိုးဘွဲ လောက်ဟု။ 34 နန်းနို့ဟို ယွန်ဘီး ဆပ်ပေးလေ့မယ် ဆိုဘီး မျှော်လင့်နေဟူ လူလေဟိုဘွဲ နန်းနို့ ချေးငါးမယ် ဆိုဟာ ဖယ်မျိုးလောက်ဘီး ကောန်းဂီးမင်္ဂလာဟို နန်းနို့ ခံစားရဟိုနူး။ ပြစ်သားလေလည်းဘွဲ ယွန်ဘီး ဆပ်ပေးလေ့မယ် ဆိုဇာဟို ယောင်ကြည်ဘီး ရှင်းရှင်း ချေးငါးဂေ့ဟု။ 35 နန်းနို့ရဲ့ ရန်သူဟို ရှစ်ဘီး သူးနို့ဟို ကောန်းဇာလောက်ဂေ့။ တခုခု ယွန်ရမယ် ဆိုဘီး မြော်လင့်ဘဲနု ချေးငါးဂေ့။ အယ်မျိုးလောက်မှ နန်းနို့ရဲ့ ကျိုးဟာ ကီးမားဘီး နန်းနို့ဟာ ပြစ်ဆောင်းဖြစ်ဟူ ဘုရားသခင်ရဲ့ သားမီးလေ ဖြစ်လေ့မယ်။ ဖြားဖြစ်ကြောန်းနို့ဆိုဟာ ကိုယ်တော်ဟာ ကျေးဇူးကန်းဟူ သူလေနု ဆိုးဟူ သူလေဟိုလည်း ကျေးဇူးပြုကြောန်း ဖြစ်ဟု။ 36 နန်းနို့ ဖဟာ ကရုဏာရှိမျိုးဘွဲ နန်းနို့လည်း ကရုဏာရှိဂေ့ပါ။ 37 “သူတပါးဟို စစ်ကြောစီရင်ဂေ့နု။ အယ်မျိုးဆိုဟာ ဘုရားသခင်ဟုလည်း နန်းနို့ဟို စစ်ကြောစီရင်လေ့ မှဟု။ သူတပါးဟို ရှုတ်ဆွဲဂေ့နု။ အယ်မျိုးဆိုဟာ ဘုရားသခင်ဟုလည်း နန်းနို့ဟို ရှောက်ဆွဲဟို မှဟု။ သူတပါးဟို ပြစ်လွှတ်ဂေ့။ အယ်မျိုးဆိုဟာ ဘုရားသခင်ဟုလည်း နန်းနို့ဟို ပြစ်လွှတ်လေ့မယ်။ 38 သူတပါးဟို ပေးဂေ့။ အယ်မျိုးဆိုဟာ ဘုရားသခင်ဟုလည်း နန်းနို့ဟို ပေးလေ့မယ်။ နန်းနို့ဟာ ပွဲလှဲလတ်ခံရလေ့မယ်။ နန်းနို့ဟာ သူတပါးဟို ပေးဟူ ပမာဏတိုင်း ဘုရားသခင်ဟု နန်းနို့ဟို ပေးလေ့မယ်” ဆိုဘီး မိန့်တော်မူလေဟု။ 39 အယ်ဘီးနု ယေဂူဟာ သူးနို့ဟို ပေါင်ဥပမာနု “မျစ်ကန်းတယော့-က်ဟု တခြားမျစ်ကန်းတယော့-က်ဟို လမ်းပြနိုင်ဟု။ လမ်းပြမယ် ဆိုဟာ နှေယော့-က်လောင်း တွမ်းထဲဟို ကွဲလေ့မယ်။ 40 တဗွဲလည်း ဆရာထတ် သာဟု။ အယ်ဘေမဲ့ သူးနို့ရဲ့ ပညာသန်ယူဇာ ပီးဆောင်းဟားဟူ ခီမာ တဗွဲဂူလောင်းဟာ သူးနို့ရဲ့ ဆရာမျိုးဘွဲ ဖြစ်လေ့မယ်။ 41 “နန်ဟာ ကိုယ့်မျစ်စိထဟု သစ်တောင်းဟို ဗြင်ဘဲနု နန်ညီကိုရဲ့ မျစ်စိထဟု သစ်မဟို ဖြားဖြစ်ကြောန်း ဗြင်ရနူး။ 42 နန်မျစ်စိထဟု သစ်တောင်းဟို ဗြင်ဘဲနု နန်ညီကိုဟို ‘ညီကို၊ နန်မျစ်စိထဟု သစ်မဟားဟို ထုပစ်ပေးပါရစေ’ ဆိုဘီး ဖြားဖြစ်ကြောန်း ပြောရနူး။ သူတော်ကောန်း ယောန်ဆောန်ဟူသူ၊ နန်မျစ်စိထဟု သစ်တောင်းဟို ရင်ဦးဆောင်း ထုပစ်လိုက်ပါ။ အယ်ဆိုဟာ ညီကိုမျစ်စိထဟု သစ်မဟို ထုပစ်ပေးဟိုတွပ် ရှင်းရှင်းလန်းလန်းဟား ဗြင်ရလေ့မယ်။ 43 “သစ်ပန်ကောန်းဟာ သီးညွှတ်ဟို သီးဂေ့ဟု။ အယ်မျိုးဘွဲ သစ်ပန်ညွှတ်ဟုလည်း

သီးကောင်းဟို သီးဂေဟ။ 44 သစ်ပန်တိုင်းဟာ သီးဟို ကေလိုက်ဟူန သစ်ပန်ရဲ့ ကြောင်းဟို သိရလေဟယ်။ နန်းနို့ဟာ ဆူးဗန်ဟနေ သန်းမောသဖန်းသီးဟို ဆွတ်ဟို ရဂေဟမျိုးဘဲ ဆူးချောင်ဟနေ စဗျံသီးဟို ဆွတ်ဟို ရဂေဟ။ 45 လူကောင်းဟာ သူရဲ့ စိန်လောင်း ဘဏ္ဍာတိုက်ထဲဟ ကောင်းဟူဇာလေဟို ထောက်ဖော်တတ်ဘီး လူဆိုးဟာ ဆိုးဟူ ဇာလေဟို ထောက်ဖော်တတ်ဟယ်။ ဖြားဖြစ်ကြောနန်းဆိုဟာ နောက်ဟာ စိန်လောင်းပွဲ ရှိဒဲတိုင်း ပြောတတ်ဟယ်။ 46 “ငါဖြားဘဲပြောပြော လောက်ဂေဘဲန နန်းနို့ဟ ငါ့ဟို ‘သခင်၊ သခင်’ ဆိုဘီး ဖြားဖြစ်ကြောနဲ့ ခေါ်နေရနူး။ 47 ငါ့နားဟိုလာဘီး ငါ့စကားဟို ကြားဒဲတိုင်း နားထောန်ဟူ သူဟာ ဖယ်သူန တူဟယ် ဆိုဇာ နန်းနို့ဟို ငါပြမယ်။ 48 အယ်လူဟာ မွေးဦးဟို နတ်နတ်တူးဘီး ကွေး-ကံထတ်မာ အပြစ်ခွဲဘီးမှ အိဆော့-ကံမားန တူဟယ်။ ရေကီးတတ်လာဘီးန အယ်အိဟို တိုက်ခတ်ဟူ ခီမာ ကွေး-ကံထတ်မာ ဆော့-ကံဟားဟူကြောနဲ့ တူခါနိုင်ဟ။ 49 အယ်ဘေမဲ့ ငါ့စကားဟို ကြားဘီးဟာ နားထောန်ဘဲဟူသူဟာ အပြစ်ခွဲဘဲန မွေးဦးထတ်မာ အိဆော့-ကံမားနတူးဘီး ရေကီးတတ်လာန အယ်အိဟို တိုက်ခတ်လိုက်ဟူ ခီမာ အီဟာ ရှစ်ရှင်းပြီကွဟားဘီး ဂူလောင်းဟာ ပျစ်စီးဟားဟယ်!” ဆိုဘီး မိန့်တော်မူလေဟယ်။

7 ယေရှုဟာ လူလေဟို ဂူလောင်း မိန့်တော်မူဘီးန ကိုယ်တော်ဟာ ကပေရနောင်မြို့ဟို ကွဟားလိုက်ဟယ်။ 2 အယ်မြို့မာ တပ်မူးတယော့-ကံရဲ့ ရရာတိုင်း ရှစ်ဟူ ကျွန်တယော့-ကံဟာ ဖျားဘီး သေခါနီး ဖြစ်နေဟယ်။ 3 တပ်မူးဟာ ယေရှုရဲ့ ဒန်းဟို ကြားလိုက်ဟူ ခီမာ သူဟာ ယုဒလူမျိုး ကြီးကဲတချို့ဟို ကိုယ်တော်နားဟို စေလွှတ်ဘီး သူရဲ့ ကျွန်ဟို ကယ်တန်ပေးဟို တောင်းလျှော့-ကံလေဟယ်။ 4 သူးနို့လေဟာ ယေရှုနားဟို ရော့-ကံဟူ ခီမာ မြစ်တာရပ်ခံဘီး “အယ်တပ်မူးဟာ ကိုယ်တော်ရဲ့ ကျေးဇူးပြုရှင်းဟို ခံထိုက်ဟယ်။ 5 သူဟာ ကျွန်တော့ဟားလေရဲ့ လူမျိုးလေဟို ရှစ်ကြောနဲ့ ကျွန်တော့ဟားလေတွပ် ဝါလယ်ဇရပ်တဆောန်ဟို သူကိုယ်တိုင် ဆော့-ကံပေးဟားဟယ်” ဆိုဘီး ကိုယ်တော်ဟို လျှော့-ကံလေဟယ်။ 6 အယ်ကြောနဲ့ ယေရှုဟာ သူးနို့လေနတူးဒု လိုက်ဟားဟယ်။ ကိုယ်တော်ဟာ တပ်မူးရဲ့ အီနားဟို ရော့-ကံခါနီးမာ တပ်မူးစေလွှတ်လိုက်ဟူ မိဆော့လေဟာ ကိုယ်တော်ဟို “သခင်၊ ကိုယ့်ကိုယ်ကိုယ် ပန်ဗန်းခံတော်မူပါန။ ကျွန်တော်ရဲ့ အီးခေါန်မိုးအော့-ကံဟို ကိုယ်တော်ဟာ ဝမ်တော်မူရှင်း ကျေးဇူးဟို ကျွန်တော်ခံထိုက်ဟ။ 7 အယ်မျိုးဘဲ ကျွန်တော် ကိုယ်တိုင်လည်း ကိုယ်တော်နားဟို ရော့-ကံထိုက်ဟူလူ မူဟ။ မိန့်ပေးလိုက်န ကျွန်တော်ရဲ့ စေခံဟာ ကျန်းမာရပါလေမယ်။ 8 ဥပမာ ကျွန်တော် ကိုယ်တိုင်လည်း အာဏာပိုင်လတ်အော့-ကံမာ ရာရှိတယော့-ကံ ဖြစ်ဘီး ကျွန်တော်ရဲ့ လတ်အော့-ကံမာရှိဟူ စစ်သားလေဟို အောက်ချောက်ရပါဟယ်။ တယော့-ကံဟို ‘သွား!’ ဆိုဟာ သွားပါဟယ်။ တယော့-ကံဟို ‘လာ!’ ဆိုဟာ လာပါဟယ်။ အယ်ဘီးဟာ ကျွန်တော်ဟာ ကျွန်တော်ရဲ့ ကျွန်ဟို မိန့်ပေးလိုက်ဟယ် ‘အယ်မူဇာဟို လောက်လိုက်!’ ဆိုဟာ လောက်လေဟယ်” ဆိုဘီး လျှော့-ကံစေဟယ်။ 9 အယ်စကားဟို ယေရှုကြားဟူ ခီမာ အံ့ဩဟားဘီး ကိုယ်တော်ဟာ ပတ်လည်ဟို ကေဘီးန နော့-ကံတော်ဟို လိုက်နေဟူ လူအောက်ဂီးဟို “နန်းနို့ဟို ငါပြောမယ်။ အယ်မျှလော့-ကံကီးဟူ ယောင်ကြည်ရှင်းမျိုး ကုသရေလူမျိုးထဲမာဟို ငါလောင်းဝ တွို့ဖူးဟ!” ဆိုဘီး မိန့်တော်မူလေဟယ်။ 10 တပ်မူးစေလွှတ်လိုက်ဟူ လူလေဟာ အီဟို ပွန်ရော့-ကံန တပ်မူးရဲ့ ကျွန်ဟာ ကျန်းမာဟားဘီ ဆိုဇာဟို တွိုလိုက်ရဟယ်။ 11 နော့-ကံတနေမာယေရှုဟာ နာကုန နာမယ်ရှိဟူမြို့ဟို တဲဗဲတော်လေန လူအောက်ဂီးနတူးဒု ကွဟားတော်မူဟယ်။ 12 ကိုယ်တော်ဟာ မြို့ခွဲဗေ-ကံနား ရော့-ကံဟူ ခီမာ မောက်ဆိုးမရဲ့ တယော့-ကံဒဲရှိဟူ သားရဲ့ လောင်းဟို သင်္ဂြိုဟ်ဟို မြို့ပွန်ဟို ထွပ်လာဂေဟယ်။ အယ်မောက်ဆိုးမနတူးဒု မြို့သူမြို့သားလေ ဘောင်ဂီးဟာ မသာပို့ လိုက်ဂေဟယ်။ 13 သခင်ဘုရားဟာ အယ်မောက်ဆိုးမဟို ဗြင်တော်မူဟူ ခီမာ ကိုယ်တော်ရဲ့ စိန်လောင်းမာ အယ်မီးမဟို သနားစိ ဖြစ်လာတော်မူဘီးန အယ်မီးမဟို “ငိုန” ဆိုဘီး မိန့်တော်မူလေဟယ်။ 14 အယ်ဘီးန ကိုယ်တော်ဟာ တလားဟို လတ်န သွားဘီး ထိလိုက်ဟူကြောနဲ့ တလားထမ်းလာဟူ လူလေဟာ ရပ်ဟားဂေဟယ်။ ယေရှုဟာ “ကောန်သားဟား! နန်းဟို ငါပြောမယ်။ ထပါ!” ဆိုဘီး မိန့်တော်မူလေဟယ်။ 15 သေကောန်ဟာ ထထိုင်ဘီးန စကားပြောနေဟယ်။ ယေရှုဟာ ကောန်သားဟားဟို သူမိဟို ပွန်ပေးတော်မူလိုက်ဟယ်။ 16 လူလေ ဂူလောင်းဟာ ကြော့-ကံရှင်းပွန်

ဘုရားသခင်ဟို ချီးမွမ်းဂေဟယ်။ “နို့လေထဲမှာ ပရောဖက်ဂီး ပေါ်လာဘိ! ဘုရားသခင်ဟာ သူ့ရဲ့ လူမျိုးဟို ကယ်တန်ဟို ရှေး-က်လာဘိ!” ဆိုဘီး သူးနို့ဟ ချီးမွမ်းဂေဟယ်။ 17 ယေရှုရဲ့ ဒန်းဟာ ယုဒပြည်ဟ စဘီး ပတ်ဝန်းကျင် တခုလောင်းဟို ပွဲနွံဟားဟယ်။ 18 ယောဟန်ရဲ့ တဗွဲလေဟာ အယ်ကြောင်းရာ ဂူလောင်းဟို သူးနို့ဆရာဟို ပြောပြဟူ ခီမာ သူဟာ တဗွဲလေထဲဟ နွေယော့-က်ဟို ခေါ်လိုက်ဘီးန 19 သခင်ဘုရားနားဟို စေလွှတ်ဘီး “ကိုယ်တော်ဟာ ကြွလာတော်မူမယ် ဆိုဘီး ပြောနေသူလော။ နော့-က်ထပ် တယော့-က်ဟို မျှော်နေရအူးလော” ဆိုဘီး မေးလျှော့-က်ခိုင်းလေဟယ်။ 20 သူးနို့ဟာ ယေရှုနားဟို ရှေး-က်လာဟူ ခီမာ “ဗတ္တိဇံယောဟန်ဟ ကျွန်တော်ဟားလေဟို မေးလျှော့-က်ခိုင်းလိုက်ဟယ်။ ကိုယ်တော်ဟာ ရှေး-က်လာမယ် ဆိုဘီး ပြောနေဟူ သခင်လော။ နော့-က်ထပ် တယော့-က်ဟို မျှော်နေရအူးလော” ဆိုဘီး မေးလျှော့-က်လေဟယ်။ 21 အယ်ခီမာ ယေရှုဟာ လူလေဘောင်ဂီးဟို သူးနို့ရဲ့ ဖျားနာရှင်းလေ၊ ရောဂါလေ၊ နတ်ဆိုးဘေးဟုနေ လွှတ်မြော့-က်စေဟယ်။ မျစ်စိကန်းဟူ လူလေဟို မျစ်စိယွန်ပြင်စေဟယ်။ 22 ကိုယ်တော်ဟာ ယောဟန် စေလွှတ်လိုက်ဟူ လူလေဟို “နန်းနို့လေကြားရ၊ ပြင်ရဇာလေဟို ယွန်ဟားဘီး ယောဟန်ဟို ပြောပြဂေ။ မျစ်စိကန်းနေဟူလူလေ ပြင်ဟားဘီး။ လမ်းရှေး-က်နိုင်ဘဲဟူ လူလေ လမ်းယွန်ရှေး-က်ဟားဘီး။ နူနာသည့်လေဟာ သန်ရှင်းဟားဘီး။ နားပန်းနေဟူ လူလေဟာ နားကြားဟားဘီး။ သေနေဟူ လူလေဟာ ယွန်ရှင်ဟားဘီး။ ဆင်းရဲသားလေဟာ အယ်ဒန်းကောင်းဟို ကြားရဟားဘီး။ 23 ငါ့ဟို ငြင်းပယ်ဘဲဟူ လူလေဟာ မင်္ဂလာရှိဟယ်။” ဆိုဘီး ယွန်ဖြေတော်မူလေဟယ်။ 24 ယောဟန် စေလွှတ်လိုက်ဟူ လူလေ ယွန်ဟားဘီးန ယေရှုဟာ ယောဟန်ကြောင်းဟို “ယောဟန်ဟို တွံဟို ဆိုဘီး တောကန္တာရထဲဟို သွားဟူ ခီမာ ဖြားဇာလေ တွံမယ် ဆိုဘီး မျှော်လင့်နူး။ လေတိုက်ဟို လှောက်နေဟူ ကျူဗန်လေဟို ကေ့ဟို သွားဟူဇာလော။ 25 ဖြားဇာလေဟို တွံရှင်ကြောန့် သွားနူး။ ဝတ်ကောင်းကောင်းဝတ်ဟူ လူဟို ကေ့ဟို သွားဟူဇာလော။ အယ်မျိုး အံ့ဩဘွယ်ဝတ်ဟားဘီး စည်းဇိမ်ခံနေဟူ လူလေဟာ နန်းတော်မာဘွဲ ရှိဟယ်။ 26 ဖြားဇာလေ ကေ့ရှင်ကြောန့် သွားနူး။ ငါ့ဟို ပြောကေ့။ ပရောဖက်ဟို ကေ့ရှင်ကြောန့် သွားဇာလော။ မှန်ပါဟယ်။ အယ်ဘောမဲ့ နန်းနို့ဟာ ပရောဖက်ထတ် ရရာတိုင်း ကီးဟူလူဟို ပြင်ဟားဟယ်။ 27 ယောဟန်ဟို ကျမ်းစာမာ ‘ဘုရားသခင်ဟ ပြောဟယ်။ ငါဟာ သင်သွားမယ့်လမ်းဟို ဆင်သင့်ဖြစ်စေဟို ငါ့ရဲ့ တမန်ဟို နန်းရှေ့မာ စေလွှတ်မယ်’ ဆိုဘီး ပြောဟားဟယ်။ 28 နန်းနို့ဟို ငါပြောမယ်။ လောကမာ သတ်ရှင်ဟားဟူ လူလေထဲမာ ယောဟန်ထတ် ကီးမြတ်ဟူ လူမေ့ဟူ။ အယ်ဘောမဲ့ ဘုရားသခင်ရဲ့ နိုင်ငံတော်မာ ငယ်ဆောင်းဟူလူဟာ ယောဟန်ထတ် ပိုဘီး ကီးမြတ်ဟယ်။” ဆိုဘီး ယေရှုဟ ထပ်ဘီး မိန့်တော်မူလေဟယ်။ 29 လူလေ ဂူလောင်းဟာ ကိုယ်တော်ရဲစကားဟို ကြားဟူ ခီမာ သူးနို့န ထူးသဖြင့် ခွန်ကော့-က်မားလေဟာ ဘုရားသခင်ရဲ့ ဖြောန့်မတ်ရှင်းဟို ဝန်ခံဂေဘီး ယောဟန်ပေးဟူ ဗတ္တိဇံခံဂေဟယ်။ 30 အယ်ဘောမဲ့ ဖာရိရှဲလေန ကျမ်းတတ်ဆရာလေဟာ သူးနို့ကိုယ်တိုင်တွပ် ဘုရားသခင်ရဲ့ ကြံစည်တော်ဟို ငြင်းပယ်ဂေဘီး ယောဟန်ရဲ့ ဗတ္တိဇံဟို ခံဂေဟူ။ 31 ယေရှုဟ ဆစ်ဘီး “ခုခေတ်မာ ရှိနေဟူ လူလေဟို ဖြားဇာန နှိုင်းပြရမယ်နူး။ သူးနို့ဟာ ဖြားဇာလေန တူဟယ်နူး။ 32 သူးနို့ဟာ ဆေးထဲမာ ထိုင်နေဟူ သားဂန်းလေန တူဟယ်။ သားဂန်းတအောက်ဟာ တခြား သားဂန်းတအောက်ဟို ‘နို့လေဟာ အီတတ်ဗွဲဘီးလောင်းဟို နန်းနို့တွပ် ဘီးမူပေးဘောမဲ့ နန်းနို့ဟာ ကဂေဟူ၊ နို့လေဟာ မသာအီမာဆိုဟူ မသာချင်းဟို ဆိုဘောမဲ့ နန်းနို့ဟာ ငိုဂေဟူ၊’ ဆိုဘီး အော်ပြောဂေဟယ်။ 33 ဗတ္တိဇံယောဟန်ဟာ စာရှောင်ဘီး ပိုင်ဟို သော့-က်ဘဲန ရှေး-က်လာဟူကြောန့် နန်းနို့ဟ ‘သူထဲမာ နတ်ဆိုးပူးနေဟယ်!’ ဆိုဘီး ပြောဂေဟယ်။ 34 လူရဲ့သားဟာ စားသော့-က်ဘီး ရှေး-က်လာဟူ ခီမာ နန်းနို့ဟ ‘အယ်လူဟို ကေ့ပါ! အယ်လူဟာ စားမတ်ဘီး ပိုင်သော့-က်သု၊ ခွန်ကော့-က်မားလေန ပြစ်သားလေရဲ့ မိဆွေဖြစ်ဟယ်!’ ဆိုဘီး ပြောဂေဟယ်။ 35 အယ်ဘောမဲ့လည်း ဘုရားသခင်ရဲ့ ပညာတရားဟို လတ်ခံဟူ လူလေဟာ အယ်ပညာတရားဟာ မှန်ဟယ် ဆိုဇာဟို သတ်သေပြဂေဟယ်။” ဆိုဘီး မိန့်တော်မူလေဟယ်။ 36 ဖာရိရှဲတယော့-က်ဟာ သူနုတူးဒု ညဉ့်ဇာစားဟို ယေရှုဟို တောင်းလျှော့-က်တော်မူကြောန့် ယေရှုဟာ ဖာရိရှဲရဲ့ အီဟို ဝမ်ဘီးန စားဗွဲမာ ထိုင်လိုက်ဟယ်။ 37 အယ်ဗြိမာ ရရာတိုင်း ပြစ်ကီးဟူ မီးမတယော့-က် ရှိဟယ်။ ဖာရိရှဲရဲ့ အီမာ

ယေရှုဟာ ညဉ့်ဇာစားနေဟယ် ဆိုဇာဟို အယ်မီးမဟာ ကြားလိုက်ဟူကြောန့် ဆီမွီး ကွေး-က်ဖျူဖူးဟို ယူဟားဘီးန 38
ယေရှုရဲ့ ခေတော်ရင်းမာ ရပ်ဘီး ငိုနေဟူကြောန့် အယ်မီးမရဲ့ မျစ်ရယ်ဟာ ကိုယ်တော်ရဲ့ ခေတော်ထတ်ဟို ကွဲနေဟယ်။
အယ်ဘီးန အယ်မီးမဟာ သူရဲဆားဗန်န ကိုယ်တော်ရဲ့ ခေတော်ဟို ခြွေ-က်အောန်သုဘီး ကိုယ်တော်ရဲ့ ခေတော်ဟို
နမ်းဘီး ဆီမွီးန လူးလေဟယ်။ 39 အယ်မူဇာဟို ပြင်နေဟူ ဖာရိရှဲဟာ “အယ်လူဟာ ပရောဖက် မှန်ဟယ် ဆိုဟာ သူရဲခေဟို
ကိုင်နေဟူ အယ်မီးမဟာ ဖယ်မျိုး မီးမဖြစ်ဟယ် ဆိုဇာဟို သိလေမယ်။ အယ်မီးမဟာ ဖယ်မျိုး ပြစ်သား ဖြစ်ဟယ်
ဆိုဇာဟို သိလေမယ်!” ဆိုဘီး သူ့ကိုယ်သူ ပြောနေလေဟယ်။ 40 ယေရှုဟာ “ရှိမုန့်၊ နန့်ဟို ငါပြောဇာရှိဟယ်” ဆိုဘီး
သူဟို မိန့်တော်မူလေဟယ်။ ရှိမုန့်ဟာ “ပြောပါ၊ ဆရာ” ဆိုဘီး လျှော့-က်လေဟယ်။ 41 ယေရှုဟာ “ကပ်ကွီးချေးမား
တယော့-က်မာ ကပ်ကွီးတန်နေဟူ လူနွေယော့-က် ရှိဟယ်။ တယော့-က်မာ ငွေဒန်းဂါးလွှားငါးရာ ကပ်ကွီးတန်နေဘီး
တခြားတယော့-က်မာ ငွေဒန်းဂါးလွှားငါးဆယ် ကပ်ကွီးတန်နေဟယ်။ 42 သူးနို့ နွေယော့-က်လောင်းဟာ ကပ်ကွီးဟို
ပွန်ဆပ်နိုင်ဘဲကြောန့် ကပ်ကွီးချေးမားဟာ သူးနို့ရဲ့ ကပ်ကွီးဂူလောင်းဟို ကင်းလွှတ်ခွမ် ပေးလိုက်ဟယ်။ အယ်ဆိုဟာ
သူးနို့နွေယော့-က်ထဲဟာ ဖယ်သူဟာ ကပ်ကွီးချေးမားဟို ပိုဘီး ရှစ်လေမယ်နူး။” 43 ရှိမုန့်ဟာ “ကပ်ကွီးဘောင်ဂီး
ကင်းလွှတ်ခွမ် ပေးခံရဟူလူဟာ ပိုဘီး ရှစ်လေမယ် ထန်ဟယ်” ဆိုဘီး လျှော့-က်လေဟယ်။ ယေရှုဟာ “နန်ထန်ဇာ
မှန်ဟယ်” ဆိုဘီး မိန့်တော်မူလေဟယ်။ 44 အယ်ဘီးန ကိုယ်တော်ဟာ အယ်မီးမဖတ်ဟို လှည့်ဘီး ရှိမုန့်ဟို “အယ်မီးမဟို
နန်ပြင်ဘဲလော။ နန့်အီဟို ငါလာဟူ ခီမာ နန့်ဟာ ငါ့တွပ် ခေဆေးရေဟို ပေးဟူ။ အယ်ဘောမဲ့ အယ်မီးမဟာ ငါ့ခေဟို
သူမျစ်ရယ်န ဆေးပေးဘီး ငါ့ခေဟို ခြွေ-က်အောန် သူဆားဗန်န သုပေးဟယ်။ 45 နန့်ဟာ ငါ့ဟို နမ်းဟူ။ အယ်ဘောမဲ့
အယ်မီးမဟာ ငါ့ခေဟို နားဒမ်း နမ်းနေဟယ်။ 46 နန့်ဟာ ငါ့ခေါန်းဟို ဆီန လူးပေးဟူ။ အယ်ဘောမဲ့ အယ်မီးမဟာ ငါ့ခေဟို
ဆီမွီးန လူးပေးဟယ်။ 47 နန့်ဟို ငါပြောမယ်၊ သူဟာ ပြစ်ဘောင်ဂီး ခွမ်လွှတ်ရှင်းခံရကြောင်းဟို သူရဲ့ ကီးမားဟူ မြစ်တာန
သတ်သေပြနေဟယ်။ အယ်ဘောမဲ့ ပြစ်နန်ဘဲ လွှတ်ရှင်းခံရဟူ လူဟာ နန်ဘဲ ရှစ်ဟယ်” ဆိုဘီး မိန့်တော်မူလေဟယ်။ 48
အယ်ဘီးန ယေရှုဟာ အယ်မီးမဟို “နန့်ရဲ့ ပြစ်လေ ခွမ်လွှတ်ရှင်းခံရဘိ” ဆိုဘီး မိန့်တော်မူလေဟယ်။ 49 စားဗွဲမာ ထိုင်နေဟူ
တခြားလူလေဟာ “ပြစ်လေဟို ခွမ်လွှတ်ပေးနေဟူ အယ်လူဟာ ဖယ်သူနူး။” ဆိုဘီး သူးနို့ ရှင်းရှင်းပြောနေဂေဟယ်။ 50
အယ်ဘောမဲ့ ယေရှုဟာ အယ်မီးမဟို “နန့်ရဲ့ ယောင်ကြည်ရှင်းဟာ နန့်ဟို ကယ်တန်လိုက်ဘိ။ ငြိသတ်ရှင်းန သွားပါ” ဆိုဘီး
မိန့်တော်မူလေဟယ်။

8 ခီနဲနဲ ကြာဘီးန ယေရှုဟာ ပြို့ဝါလေဟို ဖြတ်ကြဟူးဘီး ဘုရားသခင်ရဲ့ နိုင်ငံတော်ကြောင်း ဒန်းကောင်းဟို
ဟောတော်မူဟယ်။ တဗဲ့တော် ဆယ့်နွေယော့-က်ဟာ ကိုယ်တော်နတူးဒု လိုက်ဟူးဘီး၊ 2 ရောဂါဘေး၊
နတ်ဆိုးဘေးလေဟာ လွတ်ဟူးဟူ မီးမတချိုန နတ်ဆိုးခွန်နစ်ကောန်ရဲ့ နှိစစ်ရှင်းဟုနေ လွတ်ဟူးဟူ မာရိန (မာဂဒလဝါသူ
ဆိုဘီး လည်းခေါ်ဟယ်)၊ 3 ဟေရုဒ်မန်းဂီးရဲ့ မျစ်နာလွဲဖြစ်ဟူ ခုစရဲ့ မယား ယောဟနွဲ့၊ ရှုရှနွဲ့၊ ယေရှုန တဗဲ့တော်လေဟို
လောက်ကျွေးနေဟူ မီးမတချိုလည်း လိုက်ဟူးဟယ်။ 4 ပြို့ပြို့နယ်နယ်ဟာ လာဂေဟူ လူလေဟာ ယေရှုနားမာ
စုရောင်းဘီးနေဟူ ခီမာ ကိုယ်တော်ဟာ အယ်ပေါင်ဥပမာအားဖြင့် 5 “မျိုးစေ့ကြဟို ထွပ်ဟူးဟူ မျိုးစေ့ကြမား
တယော့-က်ရှိဟယ်။ သူဟာ မျိုးစေ့ဟို ကြဲလိုက်ဟူ ခီမာ တချိုစေ့လေဟာ လမ်းမာကွဟူကြောန့် အယ်မျိုးစေ့ဟာ
နန်းချေရှင်းခံရဘီးန ကောင်းဂန်ဂုတ်လေဟာ ကော့-က်စားဟူးဟယ်။ 6 တချိုစေ့လေဟာ ကွေး-က်ပေါဟူ မွေမာကွဘီးန
ပန်ပေါ-က်လာဟူ ခီမာ စိုခတ်မွေဘဲဟူ မွေဖြစ်ဟူကြောန့် ခြွေ-က်ဟူးလေဟယ်။ 7 တချိုစေ့လေဟာ ဆူးချောင်ကြားမာ
ကွဟူကြောန့် ဆူးဗန်လေနတူးဒူး ကီးလာဘီးဟာ ပန်လေဟို အောက်မိုးလိုက်ဟယ်။ 8 တချိုစေ့လေဟာ ကောင်းဟူမွေမာ
ကွဟူကြောန့် ပန်လေဟာ ကီးလာဘီး ဆတရာ သီးသီးဟူးဂေဟယ်” ဆိုဘီး မိန့်တော်မူလေဟယ်။ အယ်ဘီးန
ယေရှုဟာ နီဂေါင်းချောက်ဘီး “နန်းနို့မာ နားရှိဟယ် ဆိုဟာ ကြားဂေ!” ဆိုဘီး မိန့်တော်မူလေဟယ်။ 9
တဗဲ့တော်လေဟာ အယ်ပေါင်ဥပမာရဲ့ ဓိပါယ်ဟို ယေရှုဟို မေးလျှော့-က်ဂေဟူကြောန့်၊ 10 ကိုယ်တော်ဟာ ပေါင်ဥပမာန

“ဘုရားသခင်နိုင်ငံတော်ရဲ့ နတ်နဲ့ဟူ ကြွန်းရာလေဟို နန်းနို့ဟူ သိရပီးဘီ။ တခြားလူလေဟာ ကေနေဘေမဲ့ ဗြင်ဂေ မူဟူ။ ကြားနေဘေမဲ့ နားလည်ဂေ မူဟူ။ အယ်ကြောနဲ့ ပြောရရှင်း ဖြစ်ဟယ်။” **11** “အယ်ပေါင်ဥပမာရဲ့ မိပါယ်ဟု မျိုးစေဟော ဘုရားသခင်ရဲ့ တရားစကား ဖြစ်ဟယ်။ **12** လမ်းမာက္ကဟူ မျိုးစေဟော တရားစကားဟို ကြားရဟူ လူလေဖြစ်ဟယ်။ အယ်ဘေမဲ့ သူးနို့ဟူ ယောင်ကြည်ဘီး ကယ်တန်ရှင်းဟို ရော-ကံစေဘွဲဟိုတွပ် မာရ်နတ်ဟာလာဘီး တရားစကားဟို သူးနို့ရဲ့ နှလောင်းထဲဟုနေ နှယူဟားဟယ်။ **13** ကွော-ကံပေါဟူ မွေမာ ကွဟူမျိုးစေဟော တရားစကားဟို ကြားရဟူ ခီမာ ဝန်းသာအားရန လတ်ခံဂေဟူ လူလေဖြစ်ဟယ်။ အယ်ဘေမဲ့ သူးနို့ထဲမာ တရားစကားဟာ ပြစ်စွဲဘဲကြောနဲ့ ရှစ်ဟားဘွဲ ယောင်ကြည်ဘီး စောင်ဇမ်းရှင်းလေန တွဲကြောင်ဟူ ခီမာ ဖော-ကံယွန်ဟားဟယ်။ **14** ဆူးချောင်မာက္ကဟူ မျိုးစေဟော တရားစကားဟို ကြားရဘီးန ဘဝရဲ့ စိုးရိမ်ရှင်းလေ၊ စည်းဇိမ်ကြွယ်ဝရှင်းလေ၊ လောက သာယာမှုလေရဲ့ လွှမ်းမိုးရှင်းဟို ခံရဟူကြောနဲ့ သီးသီးနိုင်ဂေဘဲဟူ သူလေ ဖြစ်ဟယ်။ **15** ကောန်းဟူမွေမာ ကွဟူ မျိုးစေဟော တရားစကားဟို ကြားရဘီးန ဖြောန့်မတ်စင်ကြယ်ဟူ စိန်လောင်းန ခံယူကြောနဲ့ ခိုင်မြဲဟူ သီးဟို သီးဂေဟူ လူလေဖြစ်ဟယ်။ **16** “ဖယ်သူလည်း ဆီမီးအီဟို ထွန်းဘီးဟာ တောန်းအော-ကံမာ ထားဂေဟူ။ ကဒန်အော-ကံမာလည်း ထားဟားဂေဟူ။ အယ်မျိုးထားမယ့်စား ဆီမီးအီဟို ဆီမီးခေါင်ထတ်မာဘွဲ တန်ဟားဟယ်။ အယ်မျိုးထားမယ့်ဘွဲ လူလေဟာ အီထဲဟို ဝမ်လာခီမာ လန်းရောန်ဟို ဗြင်ရမယ်။ **17** “ဝပ်ဟားဇာလေ ဂူလောင်း ပေါ်လာလေမယ်။ ဖောင်းဟားဇာလေ ဂူလောင်းဟာလည်း ပွမ်ဟားလေဘီးန လန်းရောန်နားဟို ယူလာလေမယ်။ **18** “အယ်ကြောနဲ့ နန်နို့ဟာ ဖယ်မျိုးနားထောန်ရမယ် ဆိုဇာဟို ဒိပြုဂေ။ ဖြားဖြစ်ကြောနဲ့ဆိုဟာ ရှိဟူဟို ထပ်ပေးလေမယ်။ အယ်ဘေမဲ့ လောင်းဝမေ့ဘဲဟူ လူလေနားဟု သူးနို့မာ နဲနဲရှိဟယ် ဆိုဘီး ထန်နေဇာလေဟို သီးယူလေမယ်” ဆိုဘီး မိန့်တော်မူလေဟယ်။ **19** ယေရှုရဲ့ မိန့် ညီလေဟာ ကိုယ်တော်နားဟို လာဘေမဲ့ လူအောက်ဂီးကြောနဲ့ ကိုယ်တော်နားဟို ရော-ကံနိုင်ဘွဲ ဖြစ်နေဟယ်။ **20** တယော-ကံဟု ယေရှုဟို “ကိုယ်တော်ရဲ့ မိန့် ညီလေဟာ ကိုယ်တော်ဟို တွဲရှင်ကြောနဲ့ ယွန်မာ ရပ်စောန်နေဟယ်” ဆိုဘီး လာလျော့-ကံလေဟယ်။ **21** ယေရှုဟာ “ဘုရားသခင်ရဲ့ စကားတော်ဟို ကြားဘီးဟာ နားထောန်ဟူ လူလေဟာ ငါ့မိ၊ ငါ့ညီလေဖြစ်ဟယ်” ဆိုဘီး သူးနို့လေ ဂူလောင်းဟို မိန့်တော်မူလေဟယ်။ **22** တနေမာ ယေရှုဟာ တဗွဲတော်လေနတူးဒု လှေထဲဟို ဝမ်ဟားဘီးန သူးနို့ဟို “အိုင်တဖတ်ဟို ကူးဂေဇို” ဆိုဘီး မိန့်တော်မူလေဟယ်။ အယ်ကြောနဲ့ သူးနို့ဟာ စဘီးကူးဂေဟယ်။ **23** သူးနို့ဟာ ဝပ်လွှမ်းနေဟူ ခီမာ ယေရှုဟာ အိမ့်နေတော်မူဟယ်။ ရောက်တရစ် အိုင်ထဲမာ လေမူဒိုင်းကွဘီး လေဟာ ရေနပွဲခါနီးနီး ဖြစ်ဟားဟူကြောနဲ့ သူးနို့လေ ဂူလောင်းဟာ ရရာတိုင်း ကြော-ကံလန်နေဂေဟယ်။ **24** တဗွဲတော်လေဟာ ယေရှုနားဟို သွားဘီးန ကိုယ်တော်ဟို နှိုးဘီး “သခင်၊ သခင်၊ ကျွန်တော့်ဟားလေ သေဟို ဖြစ်နေဂေဘီ!” ဆိုဘီး လျော့-ကံဂေလေဟယ်။ ယေရှုဟာ အိယာဟု ထလာဘီးန လေနလှိုင်းဟို မိန့်ပေးလိုက်ဟူန လေနလှိုင်းလည်း လောက်ဝ ငြိသတ်ဟားလေဟယ်။ **25** အယ်ဘီးမု ကိုယ်တော်ဟာ တဗွဲတော်လေဟို “နန်းနို့ရဲ့ ယောင်ကြည်ရှင်း ဖယ်မာနူး” ဆိုဘီး မိန့်တော်မူလေဟယ်။ သူးနို့ဟာ ကြော-ကံရှဲ့အံ့သြဘီး “အယ်လူဟု ဖယ်သူနူး၊ သူဟာ လေနလှိုင်းလေဟို မိန့်ပေးလိုက်န သူးနို့လေဟာ နားထောန်ဂေဟယ်!” ဆိုဘီး သူးနို့ရှင်းရှင်း ပြောနေဂေဟယ်။ **26** ယေရှုန တဗွဲတော်လေဟာ ဂါရစပြည်ဟို ဝပ်လွှမ်းဟားဘီး ဂီရသဒေသဟာ ဂါလိလဲပြည် အိုင်တဖတ်မာ ရှိဟယ်။ **27** ယေရှုဟာ ကမ်းထတ်ဟို ခေလ့လိုက်ဟူန နတ်ဆိုးလေပူးနေဟူ ဂါရစမြို့ သား တယော-ကံဟာ ကိုယ်တော်ဟို လာတို့လေဟယ်။ အယ်လူဟာ ခီကြာဂီး ဝတ်လည်းဝတ်ဘဲန၊ အီမာလည်းနေဘဲန သန်းသိုင်းထဲမာဘွဲ နေလေဟယ်။ **28** သူဟာ ယေရှုဟို ဗြင်ခီမာ ကိုယ်တော်ရဲ့ ခေတော်ရင်းမာ ဟွားဟွားဝပ်ဘီး “ဗြင်ဆောင်းဟူ ဘုရားသခင်ရဲ့ သားတော် ယေရှု၊ ကိုယ်တော်ဟာ ကျွန်တော်န ဖြားဆိုင်ဟယ်နူး။ ကျွန်တော် တောန်းဗန်ပါဟယ်။ ကျွန်တော့်ဟို နှစ်စပါန!” ဆိုဘီး သံကွယ်ဂီးန လျော့-ကံလေဟယ်။ **29** အယ်မျိုး တောန်းဗန်နေဇာဟု ယေရှုဟာ ညစ်ညူးဟူ နတ်လေဟို အယ်လူထဲဟု ထွပ်ဟားဟို မိန့်ပေးတော်မူလိုက်ကြောနဲ့ ဖြစ်ဟယ်။ အယ်လူဟာ နတ်ဆိုးရဲ့ ခါဘီးခါ နှိစစ်ဇာဟို ခံရဘီး သူ့ရဲ့ ခေလတ်လေဟို သံကြိုးလေန ခယ်ဟားဘီး လှောန်ဟားဘေမဲ့လည်း သူဟာ

သံကြိုးလေဟို ဆွဲဖြတ်ဘီးဟာ တောကန္တာရထဲဟို ထွပ်လွှဲဟယ်။ 30 ယေရှုဟာ “နန်နာမယ် ဖြားမျိုးခေါ်နူး” ဆိုဘီး သူဟို မေးတော်မူဟယ်။ သူ့ထဲမှာ နတ်ဆိုးလေ တောင်ဂီးရိနေဟူကြောန့် သူဟာ “ကျွန်တော့်နာမယ်ဟာ ‘လေဂေါင် ဖြစ်ဟယ်’” ဆိုဘီး ပွန်လျှော့-က်လေဟယ်။ 31 နတ်ဆိုးလေဟာ သူးနို့ဟို နတ်ဆောင်းတွမ်းထဲဟို နန်ညွှတ်ဟိုတွပ် ယေရှုဟို တောင်းဗန်ဂေဟယ်။ (Abyssos g12) 32 နီးနားဟု တောနဂူးထတ်မာ ဝပ်အောက်ဂီးဟာ စာစားနေဂေဟယ်။ နတ်ဆိုးလေဟာ သူးနို့ဟို အယ်ဝပ်လေထဲဟို ဝမ်ခွမ်ပေးတော်မူဟို တောင်းဗန်ဂေဟူကြောန့် ယေရှုဟာ ခွမ်ပေးလေဟယ်။ 33 နတ်ဆိုးလေဟာ အယ်လူထဲဟု ထွပ်ဟားဘီးန ဝပ်လေထဲဟို ဝမ်ဟားဟယ်။ ဝပ်အောက်ဂီးဟာ အိုင်ကမ်းနားဟို ပွေးဆင်းဟားဘီး ရေမွှော့က်သေဟားလေဟယ်။ 34 ဝပ်ထီးမားလေဟာ အယ်မျိုး ဖြစ်ဟားဇာလေဟို ဗြင်ဟားကြောန့် သူးနို့ဟာ ထွပ်လွှဲဂေဘီးန ဖြို့န တောဝါလေမာ အယ်ဒန်းဟို လိုက်ပြောဂေဟယ်။ 35 လူလေဟာ အယ်မျိုးဖြစ်ဟားဇာလေဟို ကေစားဟို ထွပ်လာဂေဟူ ခီမာ နတ်ဆိုးလေ ထွပ်ဟားဘီးဟူ လူဟာ ဝတ်ဟို ဝတ်ဟားဘီး ပေါင်မှန်စိန ယေရှုရဲ့ ခေတော်ရင်းမာ ထိုင်နေဇာဟို တို့လိုက်ကြောန့် သူးနို့လေ ဂူလောင်းဟာ ကြော-က်လန်ဟားဂေဟယ်။ 36 အယ်လူဟာ ဖယ်မျိုးလောက်ဘီး နတ်ဆိုးလေရဲ့ နှိစစ်ရှင်းဟုနေ လွှတ်မြော့-က်ဟားဟယ် ဆိုဇာဟို ကိုယ်တိုင်ဗြင်ဘီးဟူ လူလေဟာ ခုမှရော့-က်လာဟူ လူလေဟို ပြောပြလေဟယ်။ 37 အယ်ဘီးန ဂါရုစဒေသဟု လူလေ ဂူလောင်းဟာ ရရာတိုင်း ကြော-က်လန်နေဟူကြောန့် အယ်ဒေသဟု ထွပ်ဟားတော်မူဟို ယေရှုဟို တောင်းလျှော့-က်ဂေဟယ်။ အယ်ကြောန့် ယေရှုဟာ လေ့ထဲဟို ဝမ်ဟားတော်မူဘီးန ပွန်ဟားလိုက်ဟယ်။ 38 နတ်ဆိုးလေ ထွပ်ဟားဟူ လူဟာ ယေရှုဟို “ကိုယ်တော်နတူးဒု လိုက်ခွမ်ပေးတော်မူပါ” ဆိုဘီး တောင်းဗန်လေဟယ်။ အယ်ဘေမဲ့ ယေရှုဟာ သူဟို 39 “အီဟို ပွန်ဟားဘီး ဘုရားသခင်ဟာ နန်ဟို ဖယ်မျိုး ကျေးဇူးပြုတော်မူဟယ် ဆိုဇာဟို သွားဘီး ကြေညာပါ” ဆိုဘီး မိန့်တော်မူလေဟယ်။ အယ်လူဟာ တဖြို့လောင်းဟို သွားဘီး ယေရှုဟာ သူဟို ဖယ်မျိုး ကျေးဇူးပြုလိုက်ဟယ် ဆိုဇာဟို ပြောလေဟယ်။ 40 ယေရှုဟာ အိုင်တဖတ်ဟို ပွန်ဟားဟူ ခီမာ လူလေဟာ ကိုယ်တော့်ဟို ကြိုဆိုဂေဟယ်။ ဖြားဖြစ်ကြောန့်နူးဆိုဟာ သူးနို့ဟာ ကိုယ်တော့်ဟို စောန်နေဂေကြောန့် ဖြစ်ဟယ်။ 41 အယ်ခီမာ ယာကူရ နာမယ်ရှိဟူ လူတယော့-က် ရော့-က်လာဟယ်။ သူဟာ ဝါလယ်ဇရပ်မူး ဖြစ်ဟယ်။ သူဟာ ယေရှုရဲ့ ခေတော်ရင်းမာ ဟွားဟွားဝပ်ဘီး သူ့အီဟို ကြွပေးတော်မူဟိုတွပ် ကိုယ်တော့်ဟို တောင်းဗန်နေဟယ်။ 42 ဖြားဖြစ်ကြောန့်နူးဆိုဟာ သူရဲ့ တယော့-က်ဒရိဟူ ဆယ့်နေနှစ်ရွယ် သမီးဟာ သေခါနီးဖြစ်နေကြောန့် ဖြစ်ဟယ်။ ယေရှုဟာ သူနတူးဒု လိုက်ဟားဟူ ခီမာ လူလေဟာ ကိုယ်တော့်ဟို တိုးဝေ့နေဂေဟယ်။ 43 သူးနို့လေထဲမာလည်း ဆယ့်နေနှစ် လောင်းလောင်း သွီးသွန်နာဖြစ်နေဟူကြောန့် သူကပ်လေ ဂူလောင်း ကူဒဲထိ ဆရာဝန်လေန ကုဟယ်။ အယ်ဘေမဲ့လည်း သူရောဂါဟို ပျော့-က်အောန် ကုခိုင်ဂေဘဲဟူ မီးမတယော့-က်ရှိလေဟယ်။ 44 အယ်မီးမဟာ ယေရှုနော့-က်ဟု ကပ်လိုက်ဟားဘီးန ကိုယ်တော်ရဲ့ ဝတ်လောင်တော်ဟု ပန်းဗွားဟို တို့ထိလိုက်ဟူန အယ်မီးမရဲ့ သွီးသွန်ဇာဟု ရှင်းရှင်း တိဟားဟယ်။ 45 ယေရှုဟာ “ငါ့ဟို ဖယ်သူ တို့ထိလိုက်နူး” ဆိုဘီး မေးလိုက်ဟယ်။ လူတိုင်းဟု ငြင်းဂေဘီး ပေတရဟု “သခင်၊ လူလေဟာ ကျွန်တော့်ဟားလေရဲ့ ပတ်လည်မာရှိနေဘီး ကိုယ်တော့်ဟို တိုးဝေ့နေဂေဟယ်” ဆိုဘီး ပွန်ဖြေလေဟယ်။ 46 အယ်ဘေမဲ့ ယေရှုဟာ “ငါ့ဟို ယော့-က်ယော့-က်ဟု တို့ထိလိုက်ဟယ်။ ငါ့ထဲဟု တဂိုးထွပ်ဟားဇာဟို ငါသိဟယ်” ဆိုဘီး ပွန်မိန့်တော်မူလေဟယ်။ 47 အယ်မီးမဟာ သူတို့ထိလိုက်ဇာဟို သိဟားဘီ ဆိုဘီး ကြော့-က်ရွံ့တောင်လောက်နေကြောန့် ရှေ့ဟို ထွပ်လာဘီး ယေရှုရဲ့ ခေတော်ရင်းမာ ပျပ်ဝပ်လိုက်ဟယ်။ လူလေ ဂူလောင်းရဲ့ရှေ့မာ ကိုယ်တော့်ဟို ဖြားကြောန့် တို့ထိရကြောန့်န ဖယ်မျိုး ရှင်းရှင်း နာပျော့-က်ဟားကြောန့်ဟို ပြောပြလိုက်ဟယ်။ 48 ယေရှုဟာ အယ်မီးမဟို “ငါ့သမီး၊ နန်ရဲ့ ယောင်ကြည်ရှင်းဟာ နန်ဟို ကျန်းမာစေဘိ။ ငြိသတ်ရှင်းန သွားပါ” ဆိုဘီး မိန့်တော်မူလေဟယ်။ 49 ယေရှုဟာ အယ်မျိုး ပြောနေဟူ ခီမာဘဲ ဝါလယ်ဇရပ်မူးရဲ့ အီဟုနေ လူတယော့-က် ရော့-က်လာဟယ်။ ယာကူရဟို “ကိုယ်တော်ရဲ့ သမီးဟာ သေဟားဘီး။ ဆရာဟို နောက်ယုစ်ပေးန” ဆိုဘီး သူဟု ပြောလေဟယ်။ 50 အယ်ဘေမဲ့ ယေရှုဟာ အယ်မျိုးပြောနေဇာဟို ကြားဘီးန

ယာဏုရဟူ “စိုးရိမ်နိုး။ ယောင်ကြည်ရှင်းဘဲရှိပါ။ ဝယ်ဟားဂန်းဟာ ကျန်းမာဟားလေမယ်” ဆိုဘီး မိန့်တော်မူလေဟယ်။ 51 ယာဏုရရဲ့ အီဟို ရှေး-က်ဟားဟူ ခီမာ ကိုယ်တော်ဟာ ပေတရ၊ ယောဟန်၊ ယာကုပ်န ဝယ်ဟားဂန်းရဲ့ မိဖလေဟဲ့လွဲဘီး တခြားဖယ်သူဟိုမှ ကိုယ်တော်နတူးဒူ အီထဲဟို ဝမ်ခွင့်ပေးဟူ။ 52 လူတိုင်းဟာ ဝယ်ဟားဂန်းတွပ် ငိုကြွေးဘီးဝန်းန နေဂေဟယ်။ ယေရှုဟာ “ငိုနိုး ဝယ်ဟားဂန်းဟာ သေနေဇာ မှဟူ။ အိမ့်နေဟယ်!” ဆိုဘီး မိန့်တော်မူလေဟယ်။ 53 သူးနို ဂူလောင်းဟာ ကိုယ်တော်ဟို ရယ်ဇားဂေဟယ်။ ဖြားဖြစ်ကြောန့်နူးဆိုဟာ ဝယ်ဟားဂန်းဟာ သေနေဘီ ဆိုဇာဟို သူးနို သိနေကြောန့် ဖြစ်ဟယ်။ 54 အယ်ဘေမဲ့ ယေရှုဟာ ဝယ်ဟားဂန်းရဲ့ လတ်ဟို ကိုင်လိုက်ဘီး “ဝယ်ဟားဂန်း၊ ထဝေါ!” ဆိုဘီး မိန့်တော်မူလေဟယ်။ 55 ဝယ်ဟားဂန်းဟာ သတ်ဝိညာဉ် ပွန်ဝမ်လာဘီး ရှစ်ရှင်းထလေဟယ်။ ယေရှုဟာ ဝယ်ဟားဂန်းဟို စားဇာကျွေးဟို သူးနိုဟို မိန့်တော်မူလိုက်ဟယ်။ 56 ဝယ်ဟားဂန်းရဲ့ မိဖလေဟာ ရရာတိုင်း အံ့ဩဟားဟယ်။ အယ်ဘေမဲ့ ယေရှုဟာ အယ်မျိုးဖြစ်ဇာလေဟို ဖယ်သူဟိုလည်း ပြောဘဲဟိုတွပ် သူးနိုဟို ပညတ်တော်မူလေဟယ်။

9 ယေရှုဟာ တဗဲတော် ဆယ့်နှေပါးဟို ခေါ်ဘီး နတ်ဆိုးလေဟို နှန်ထုဟိုန ရောဂါလေ ပျော့-က်စေဟို သူးနိုဟို တဂိုးန ခွမ်အာဏာဟို ပေးတော်မူဟယ်။ 2 အယ်ဘီးန ကိုယ်တော်ဟာ ဘုရားသခင်ရဲ့ နိုင်ငံတော်ကြောင်း ဟောပြောဟိုန လူနာလေ ကျန်းမာစေဟို သူးနိုဟို စေလွှတ်တော်မူဘီးန၊ 3 သူးနိုဟို “ခရီးသွားဟိုတွပ် နန်းနိနတူးဒူ ဖြားဇာလည်း ယူဟားဂေန။ တောန့်အူး၊ လွယ်အိ၊ စားဇာ၊ ကပ်လေန အန်းဂီပိုလည်း ယူဂေန။ 4 ဖယ်အီဘဲဖြစ်ဖြစ် နန်းနိဟို ဝမ်ခွမ်ပြုဟယ် ဆိုဟာ အယ်မြို့ဟာ ထွပ်ခန်ထိ အယ်အီမာနေဘီး 5 လူလေဟာ နန်းနိဟို လတ်ခံဟာ ဆိုဟာ အယ်မြို့ဟာ ထွပ်ဟားဘီး သူးနိုဟာ လတ်ခံဂေဟာ ဆိုဇာဟို သတ်သေဖြစ်န နန်းနိခေဗားဟာ မွေမဟို ခါညလိုက်ဂေ” ဆိုဘီး မိန့်တော်မူလေဟယ်။ 6 တဗဲတော်လေဟာ ထွပ်ဟားဘီး ဝါလေဂူလောင်းဟို သွားဘီးန ရှေး-က်ဟူ နေရာတိုင်းမာ ဒန်းကောန်းဟောပြောဂေဘီး ရောဂါလေဟို ပျော့-က်စေဂေဟယ်။ 7 ဂါလိလဲပြည်ဟို အောက်ချောက်ဟူ ဟေရုဒ်ဟာ ကိုယ်တော် ပြုတော်မူဟူ ဇာလေ ဂူလောင်းဟို ကြားဟူ ခီမာ ရရာတိုင်း စိရောက်ဟားဟယ်။ ဖြားဖြစ်ကြောန့်နူးဆိုဟာ လူတချို့ဟာ ဗတ္တိခံ ယောဟန်ဟာ သေဘီးမှ ပွန်ရှင်လာဟယ် ဆိုဘီး ပြောနေကြောန့် ဖြစ်ဟယ်။ 8 တခြားလူလေဟာ ဇလိယ ပွန်ပေါ်လာဟယ် ဆိုဇာဟို ပြောဂေဘီး တခြားလူလေဟာလည်း ရှေးပရောဖက်လေထဲဟာ တယော့-က် သေဘီးမှ ပွန်ရှင်လာဟယ် ဆိုဘီး ပြောနေဂေဟယ်။ 9 ဟေရုဒ်ဟာ “ငါဟာ ယောဟန်ရဲ့ ခေါင်းဟို ဖြတ်လိုက်ပီးဘီ။ အယ်ဆိုဟာ ငါဒန်းကြားနေရဟူ အယ်လူဟာ ဖယ်သူနူး” ဆိုဘီး ပြောလေဟယ်။ အယ်ဘီးန သူဟာ ယေရှုဟို တွံရဟို ရှာကြံလေဟယ်။ 10 တမန်တော်လေဟာ ပွန်ရှေး-က်လာဘီးန ယေရှုဟို သူးနိုရဲ့ လောက်ဆောန်ချစ်လေ ဂူလောင်းဟို လျှော့-က်ဂေဟယ်။ ကိုယ်တော်ဟာ သူးနိနတူးဒူ ဗက်ဇဒ ဆိုဘီး နာမယ်ရှိဟူ မြို့ဟို ကြွဟားလေဟယ်။ 11 လူအောက်ဂီးဟာ အယ်မျိုးကြွဟားဟယ် ဆိုဇာဟို ကြားရဟူ ခီမာ ကိုယ်တော်နေ့-က်ဟို လိုက်ဂေဟယ်။ ကိုယ်တော်ဟာ သူးနိုဟို ကြိုဆိုဘီး ဘုရားသခင်ရဲ့ နိုင်ငံတော်ကြောင်းဟို ဟောပြောဘီးဟာ ရောဂါရှိဟူ သူလေဟို နာပျော့-က်စေဟယ်။ 12 ညဉ့်မိုက်ခါနီးခီမာ တဗဲတော် ဆယ့်နှေပါးဟာ ကိုယ်တော်နားဟို လာဘီးန “လူလေဟို နီးနားမာရှိနေဟူ ဝါလေဟို သွားစေဘီး အီဟိုနေရာလေန စားဇာလေရာဟို ရှာစေတော်မူပါ။ ဖြားဖြစ်ကြောန့်နူးဆိုဟာ အယ်နေရာဟာ လူသူမေ့ဘဲဟူ နေရာဖြစ်ဟူကြောန့် ဖြစ်ဟယ်” ဆိုဘီး လျှော့-က်ဂေဟယ်။ 13 အယ်ဘေမဲ့ ကိုယ်တော်ဟာ သူးနိုဟို “နန်းနိကိုယ်တိုင် သူးနိုစားဟို စားဇာတခုပေးဂေ” ဆိုဘီး မိန့်တော်မူလေဟယ်။ သူးနိုဟာ “ကျွန်တော့်ဟားလေ ဂူလောင်းမာ မုငါးလောင်းန ငါးနှေကောန်ဘဲ ရှိဟယ်။ ကိုယ်တော်ဟာ အယ်လူအောက်ဂီးတွပ် စားဇာဝယ်ဟို ကျွန်တော့်ဟားလေဟို သွားစေရှင်လော” ဆိုဘီး ပွန်လျှော့က်ဂေဟယ်။ 14 (အယ်လူအောက်ဂီးထဲမာ ယော့-က်ကျား ၅,၀၀၀ လော့-က် ရှိဟယ်။) ယေရှုဟာ တဗဲတော်လေဟို “လူလေဟို ငါးဆယ်စီစုဘီး ထိုင်ခိုင်းလိုက်” ဆိုဘီး မိန့်တော်မူလေဟယ်။ 15 တဗဲတော်လေဟာ မိန့်တော်မူလိုက်ဟူတိုင်း လောက်ဘီးန၊ 16 ယေရှုဟာ မုငါးလောင်းန ငါးနှေကောန်ဟို ယူလေဟယ်။ အယ်ဘီးန ကောန်းဂန်ဟို မော့ကေ့ဘီး၊ မုန ငါးတွပ် ဘုရားသခင်ဟို ချီးမွမ်းဘီး၊ မုဟို ဖဲဘီးန

လူလေဟူ ဝိပေးဟို့ တဗွဲတော်လေဟို့ ပေးလေဟယ်။ 17 သူးနို့ ဂူလောင်းဟာ ဗိုက်ပွဲအောက် စားဂေ့ဘီးန တဗွဲတော်လေဟာ ကြွင်းကျန်လေဟို့ လိုက်ကော့-က်ဂေ့စာ ခြင်းဒေါင်းန ဆယ့်နှေတောန်းလွဲ ရဂေ့ဟယ်။ 18 တနေ့မာ ယေရှုတပါးဒဲ ဆုတောင်းနေဟူ ခီမာ တဗွဲတော်လေဟာ ကိုယ်တော်နားဟို့ လာဂေ့ဟယ်။ ကိုယ်တော်ဟု “လူအောက်ဂီးဟု ငါဟို့ ဖယ်သူ ဆိုဘီး ပြောနေဂေ့နူး” ဆိုဘီး သူးနို့ဟို့ မေးတော်မူဟယ်။ 19 သူးနို့ဟု “တချို့ဟု ကိုယ်တော်ဟာ ဗတ္တိဇယောဟန် ဖြစ်ဟယ်။ တခြားလူလေဟု ကိုယ်တော်ဟာ ဧလိယဖြစ်ဟယ်။ တခြားလူလေဟု သေဘီးမှ ပွန်ရှင်လာဟူ ရှေးပရေဖက် တပါးပါး ဖြစ်ဟယ် ဆိုဘီး ပြောဂေ့ဟယ်” ဆိုဘီး လျှော့-က်လေဟယ်။ 20 ကိုယ်တော်ဟု “နန်းနို့လေဟုမား ငါဟို့ ဖယ်သူဖြစ်ဟယ် ဆိုဘီး ပြောဂေ့နူး” ဆိုဘီး သူးနို့ဟို့ မေးတော်မူလေဟယ်။ ပေတရဟု “ကိုယ်တော်ဟာ ဘုရားသခင်ရဲ့ မေရှိယ ဖြစ်ဟယ်” ဆိုဘီး လျှော့-က်လေဟယ်။ 21 အယ်ဘီးန ယေရှုဟာ အယ်ကြောင်းဟို့ ဖယ်သူဟို့လည်း ပြောဘဲဟို့တွပ် သူးနို့ဟို့ မိန့်ပေးလေဟယ်။ 22 ကိုယ်တော်ဟုလည်း “လူရဲသားဟာ ရရာတိုင်း နာကျင်ရှင်း ဝေဒနာဟို့ ခံရဘီး ကြီးကဲလေ၊ ယဇ်ပရောဟိတ်ဂီးလေန ကျမ်းတတ်ဆရာလေရဲ့ ငြင်းပယ်ရှင်းဟို့ ခံရလေမယ်။ လူရဲသားဟာ သေသတ်ရှင်းဟို့ ခံရမယ်။ အယ်ဘေမဲ့ သောင်းရစ် ပွဲဟူ နေ့မာ လူရဲသားဟာ ပွန်ရှင်လေမယ်” ဆိုဘီး သူးနို့ဟို့ မိန့်တော်မူလေဟယ်။ 23 အယ်ဘီးဟာ ကိုယ်တော်ဟာ သူးနို့ ဂူလောင်းဟို့ “နန်းနို့ဟု ငါတဗွဲ ဖြစ်ရှင်ဟယ် ဆိုဟာ ကိုယ့်ကိုယ်ကိုယ် ငြင်းပယ်ဘီး နေ့တိုင်း နန်းနို့ရဲ့ လတ်ဝါးကပ်တိုင်ဟို့ ထမ်းဘီးဟာ ငါ့နော့-က်ဟို့ လိုက်ရမယ်။ 24 ဖြားဖြစ်ကြောန့်နို့ဆိုဟာ နန်းနို့ရဲ့ သတ်ဟို့ ကယ်တန်ရှင်ဟယ် ဆိုဟာ နန်းနို့ဟာ သတ်ရှောင်းလေမယ်။ အယ်ဘေမဲ့ ငါကြောန့် နန်းနို့ရဲ့ သတ်ရှောင်းမယ် ဆိုဟာ နန်းနို့ဟာ နန်းနို့သတ်ဟို့ ကယ်တန်လေမယ်။ 25 နန်းနို့ဟာ လောက တခုလောင်းဟို့ ပိုင်ဆိုင်ခွမ် ရဘေမဲ့လည်း နန်းနို့ရဲ့ သတ်ရှောင်းမယ် ဆိုဟာ ဖြားကျိုးရှိမယ်နူး။ ဖြားကျိုးလည်းမေ့ဟု! 26 နန်းနို့ဟာ ငါ့နဲ့ ငါ့ရဲ့ စကားလေတွပ် ယှစ်နေမယ် ဆိုဟာ လူရဲသားဟာ သူရဲ့ ဖောင်းသရေတော်၊ ဖရဲ့ ဖောင်းသရေတော်၊ သန်ရှင်းဟူ ကောင်းဂန်တမန်လေရဲ့ ဖောင်းသရေတော်န ကြွလာဟူ ခီမာ အယ်လူတွပ် ယှစ်လေမယ်။ 27 နန်းနို့ဟို့ ငါ မှန်တိုင်းပြောမယ်၊ အယ်နေရာမာ ရှိနေဟူ လူတချို့ဟာ ဘုရားသခင်ရဲ့ နိုင်ငံတော်ဟို့ ပြင်ရဘဲန သေရလေဟို့ မှဟု” ဆိုဘီး မိန့်တော်မူလေဟယ်။ 28 ယေရှုဟာ အယ်မျိုးမိန့်တော်မူဘီး တဘတ်လော့-က် ကြာဟူ ခီမာ ပေတရ၊ ယာကုပ်န ယောဟန်လေဟို့ ခေါ်ဘီးန ဆုတောင်းဟို့ တောန်ထတ်ဟို့ တတ်ဟွားဂေ့ဟယ်။ 29 ကိုယ်တော်ဟာ ဆုတောင်းနေဟူ ခီမာ ကိုယ်တော်ရဲ့ မျစ်နာဟာ ဆင်းသဏ္ဌာန် ညွှန်းလဲဟွားဘီး ဝတ်တော်ဟာလည်း ဖွဲ့ဆွတ်ဆွတ် ဖြစ်လာဟယ်။ 30 လူနေယော့-က်ဟာ ရောက်တရစ် ပေါ်လာဘီး ကိုယ်တော်န စကားပြောနေဂေ့ဟယ်။ သူးနို့ဟာ မောရှေန ဧလိယဖြစ်ဘီး 31 သူးနို့ဟာ ကောင်းဂန်ဖောင်းသရေတော်န ပေါ်လာဘီး ဘုရားသခင်ရဲ့ ရည်ရွယ်ချစ် ပွဲဇောင်ဟို့တွပ် ကြာခန်မာ ယေရုရှလင်မြို့မာ ကိုယ်တော် သေခံရဟို့ကြောင်းဟို့ ယေရှုန ပြောနေဂေ့ဟယ်။ 32 ပေတရန သူရဲ့ လောက်ဖော်ဆောန်ဖတ်လေဟာ အိမ်နေဂေ့ဟယ်။ အယ်ဘေမဲ့ သူးနို့ဟာ နိုးလာဘီးဟာ ယေရှုရဲ့ ဖောင်းသရေတော်န ကိုယ်တော်နတူးဒု ခပ်နေဟူ လူနေယော့-က်ဟို့ ပြင်ရဟယ်။ 33 အယ်လူနေယော့-က်ဟာ ယေရှုနားဟု ထွပ်ဟွားဟူ ခီမာ ပေတရဟာ ကိုယ်တော်ဟို့ “သခင်၊ အယ်နေရာဟာ နေရှင်ဘွယ်ကောင်းဟယ်၊ ကျွန်တော့်ဟွားလေဟာ ကိုယ်တော်တွပ် တဲတဆောန်၊ မောရှေတွပ် တဲတဆောန်န ဧလိယတွပ် တဲတဆောန်၊ တဲသောင်းဆောန်ဟို့ ကျွန်တော်ဟွားလေ ဆော့-က်ပေးမယ်” ဆိုဘီး လျှော့-က်လေဟယ်။ (သူပြောနေဇာဟို့ သူတကယ် သိဂေ့ဟု။) 34 သူဟာ အယ်မျိုး လျှော့-က်နေဟူ ခီမာဘဲ မိုးတီတခု ပေါ်လာဘီးဟာ သူးနို့ဟို့ ဖောင်းဟွားလိုက်ဟူကြောန့် ကြော့-က်လန်ဟွားဂေ့ဟယ်။ 35 မိုးတီထဲဟုန “အယ်သူဟာ ငါဝီးကော့-က်ဟွားဟူ ငါ့ရဲ့ ရှစ်ဟူသား ဖြစ်ဟယ်။ သူစကားဟို့ နားထောန်ဂေ့!” ဆိုဘီး သံတော် ထွပ်ပေါ်လာဟယ်။ 36 သံတော် ထွပ်ပေါ်လာဘီးန ယေရှုတပါးဒဲဟို့ဘဲ ပြင်ရလေဟယ်။ အယ်ခီမာ တဗွဲတော်လေဟာ ပြင်ရဟူဇာလေ ဂူလောင်းဟို့ ဖယ်သူဟို့လည်း ပြောဘဲန တီတီဟွားနေဂေ့ဟယ်။ 37 နတ်ဂီးဖတ်မာ ယေရှုန တဗွဲတော် သောင်းပါးဟာ တောန်ထတ်ဟုန ဆင်းလာဂေ့ဟူ ခီမာ လူအောက်ဂီးဟာ ယေရှုဟို့ ကြိုဆိုဂေ့ဟယ်။

38 လူအောက်ကီးထဲဟုနေ လူတယော့-ကဟု “ဆရာ! ကျွန်တော့်ရဲ့သားဟို ကော့ရှပေးဟို့ ကျွန်တော်တောင်းဗန်ပါဟယ်။ သူဟာ ကျွန်တော့်ရဲ့ တယော့-ကဒဲဟူ သားဖြစ်ဟယ်။ 39 နတ်ဖမ်စားဟူးဟူကြောနဲ့ သူဟာ ရောက်တရစ် ထအော်ဘီးဟာ ဇော်ပေါ-ကဟု ဖြတ်လေထွပ်ဘီး တော့-ကမာလာလေဟယ်။ နတ်ဟာ သူဟို့ နာကျင်အောန်လောက်ဘီးမှ ခတ်ခတ်ခဲခဲ ထွပ်ဟူးဟယ်။ 40 ကျွန်တော်ဟာ ဆရာရဲ့ တဗဲလေဟို့ အယ်နတ်ဟို့ နန်ထုခိုင်းဘေမဲ့ သူးနို့ဟာ တတ်နိုင်ဂေဟု” ဆိုဘီး အော်ဟစ်ဘီး လျှော့-ကလေဟယ်။ 41 ယေရှုဟု “ယောင်ကြည်ရှင်းလည်းမေ့။ ဖော့-ကယွန်ဟူ လူလေ၊ ငါဟာ နန်းနို့တူးဒု ဖယ်လော့-ကကြာအောန် နေနေရနူး။ ငါဟာ နန်းနို့ဟို့ ဖယ်လော့-ကကြာကြာ သီးခံရဟို့နူး။” ဆိုဘီး မိန့်တော်မူလေဟယ်။ အယ်ဘီးန ကိုယ်တော်ဟာ အယ်လူဟို့ “နန်ရဲ့ သားဟို့ ခေါ်လာပါ” ဆိုဘီး မိန့်တော်မူလေဟယ်။ 42 ကောန်သားဟူးဟာ လာနေဒူးမာဘဲ နတ်ဆိုးဟာ သူဟို့ မွေထတ်မာလဲ့သွီး တော့-ကမာအောန် လောက်ဟယ်။ ယေရှုဟာ ညစ်ညူးဟူနတ်ဟို့ မိန့်ပေးလိုက်ဘီး ကောင်းသားဟူးဟို့ ကျန်းမာစေဘီးန သူရဲဖဟို့ ယွန်ပေးလေဟယ်။ 43 လူလေ ဂူလောင်းဟာ ဘုရားသခင်ရဲ့ မဟာတဂိုးတော်ဟို့ အံ့ဩဟူးဂေဟယ်။ လူလေဟာ ယေရှု ပြုလောက်ဇာလေ ဂူလောင်းဟို့ အံ့ဩနေခီမာဘဲ ကိုယ်တော်ဟာ တဗဲတော်လေဟို့ 44 “နန်းနို့ဟို့ ငါမိန့်မှာဟူးဇာလေဟို့ မေ့ဂေ့နု! လူရဲ့သားဟာ လူလေရဲ့ လတ်ထဲဟို့ အပ်ရှင်းဟို့ ခံရလေမယ်” ဆိုဘီး မိန့်တော်မူလေဟယ်။ 45 အယ်ဘေမဲ့ အယ်စကားဟို့ တဗဲတော်လေ နားလည်နိုင်ဘဲအောန် မိပါယ်ဟို့ ဖောင်းဟူးကြောနဲ့ သူးနို့ဟာ နားလည်ဂေဟု။ အယ်မိပါယ်န ပတ်သတ်ဘီး ကိုယ်တော့်ဟို့ တောင်းလျှော့-ကဟို့လည်း သူးနို့ ကြော့-ကဂေဟယ်။ 46 တဗဲတော်လေ ကြားထဲမာ ဖယ်သူဟာ ကီးမြတ်ဆောင်း ဖြစ်ဟယ် ဆိုဘီး ဂြင်းခူရှင်းလေ ဖြစ်လာဟယ်။ 47 ယေရှုဟာ သူးနို့ ဖြားဇာလေ ဂြင်းခူနေဟယ် ဆိုဇာဟို့ စိတ်မာ သိဟူကြောနဲ့ သားဂန်းဟူး တယော့-ကဟို့ ခေါ်ဘီးဟာ ကိုယ်တော်ရဲ့ ဘေးနားမာ ရပ်စေဘီးန။ 48 သူးနို့လေဟို့ “အယ်မူသားဂန်းဟူးဟို့ ငါနာမနို့က လတ်ခံဟူသူဟာ ငါဟို့ လတ်ခံဟယ်။ ငါဟို့ လတ်ခံဟူသူဟာ ငါဟို့ စေလွှတ်လိုက်ဟူ သူဟို့လည်း လတ်ခံရှင်းဖြစ်ဟယ်။ အယ်ကြောနဲ့ နန်းနို့ထဲမာ ငယ်ဆောင်းဟူလူဟာ ကီးမြတ်ဆောင်း ဖြစ်ဟယ်” ဆိုဘီး မိန့်တော်မူလေဟယ်။ 49 ယောဟန်ဟု “သခင်၊ ကိုယ်တော်ရဲ့ နာမန နတ်ဆိုးလေဟို့ နန်ထုနေဟူ လူတယော့-ကဟို့ ကျွန်တော့်ဟူးလေ တွိဟူးဟယ်။ အယ်လူဟာ ကျွန်တော့်ဟူးလေ အောက်စုထဲဟူမှဘဲကြောနဲ့ ကိုယ်တော်ရဲ့ နာမဟို့ သောင်းန ဆိုဘီး တားမြစ်ဟူးဟယ်” ဆိုဘီး လျှော့-ကလေဟယ်။ 50 ယေရှုဟာ “အယ်လူဟို့ တားမြစ်ဂေ့နု။ ဖြားဖြစ်ကြောန်ဆိုဟာ နန်းနို့ဟို့ ဆန့်ကျင်ဘဲဟူ လူဟာ နန်းနို့ဖတ်မာရှိဟယ်” ဆိုဘီး ယောဟန်န တခြားတဗဲတော်လေဟို့ မိန့်တော်မူလေဟယ်။ 51 ယေရှုဟာ ကောင်းဂန်ဘောင်ဟို့ တတ်ကြွဟို့ နီးလာဟူ ခီမာ ယေရုရှလင်မြို့ဟို့ ကြွဟူးတော်မူဟို့ စီဆောင်းဖြတ်လေဟယ်။ 52 ကိုယ်တော်ဟာ စေတမန်လေဟို့ ရှေ့ဟုနေ စေလွှတ်ဘီး သူးနို့ဟာ ကိုယ်တော်တွပ် ပြင်ဆင်ဟို့ ရှမာရိဝါထဲဟို့ ဝမ်ဂေဟယ်။ 53 အယ်ဘေမဲ့ ကိုယ်တော်ဟာ ယေရုရှလင်မြို့ဟို့ ခရီးပြုနေဟယ် ဖြစ်ဟူကြောနဲ့ အယ်နေရာမာရှိနေဟူ လူလေဟာ ကိုယ်တော့်ဟို့ လတ်ခံဂေဟု။ 54 အယ်မူဇာဟို့ တဗဲတော်လေဖြစ်ဟူ ယာကုပ်န ယောဟန်လေ ဗြင်ဟူးဟူ ခီမာ သူးနို့ဟု “သခင်ဘုရား၊ ကျွန်တော့်ဟူးလေဟာ ဧလိယလောက်ဟူမျိုး ကောင်းဂန်ဟုနေ မီးဣစေလိုက်ဘီး သူးနို့ဟို့ လောန်ဟူးဟို့ ကိုယ်တော် လိုရှင်လော။” ဆိုဘီး မေးလျှော့-ကလေဟယ်။ 55 အယ်ဘေမဲ့ ယေရှုဟာ လှည့်ကေ့ဘီးန သူးနို့ဟို့ ဆောင်းမလေဟယ်။ 56 အယ်ဘီးန ယေရှုဟာ တဗဲတော်လေန တခြားဝါဟို့ ဆစ်ဘီး ကြွဟူးတော်မူဟယ်။ 57 သူးနို့ဟာ ခရီးဆစ်သွားနေကြောနဲ့ လူတယော့-ကဟာ ယေရှုဟို့ “ကိုယ်တော် ဖယ်နေရာသွားသွား ကျွန်တော် လိုက်ပါမယ်” ဆိုဘီး လျှော့-ကလေဟယ်။ 58 ယေရှုဟုလည်း “မွေခွီးမာ တွမ်ရှိဟယ်။ ကောင်းဂန်ဟု ငှတ်မာလည်း သိုက်ရှိဟယ်။ အယ်ဘေမဲ့ လူရဲ့သားမာဟု ခေါန်ညွှတ်တွပ် နေရာမေ့ဟု” ဆိုဘီး မိန့်တော်မူလေဟယ်။ 59 ကိုယ်တော်ဟာ “ငါ့နော့-ကဟို့ လိုက်ပါ” ဆိုဘီး တခြား တယော့-ကဟို့ မိန့်တော်မူလေဟယ်။ အယ်ဘေမဲ့ အယ်လူဟု “သခင်၊ ကျွန်တော့်ဖဟို့ ရင်ဦးဆောင်း သွားဘီး သဂြိုဟ်ဟို့တွပ် ခွမ့်ပေးပါ” ဆိုဘီး လျှော့-ကလေဟယ်။ 60 ယေရှုဟု “လူသေလေဟို့ လူသေလေဘဲ သဂြိုဟ်ပါစေ။ နန်ဟာ သွားဘီး ဘုရားသခင်ရဲ့

နိုင်ငံတော်ဟို ဟောပြောပါ” ဆိုဘီး မိန့်တော်မူလေဟယ်။ 61 နေ့-ကံတယော့-ကံဟုလည်း “သခင်၊ ကျွန်တော်ဟာ ကိုယ်တော့ နေ့-ကံတော်ဟို လိုက်ရှင်ဟယ်။ အယ်ဘေမဲ့ ကျွန်တော့်မိသားစုဟို ရင်ဦးဆောင်း နောက်ဆစ်ခွမ်ပြီ” ဆိုဘီး လျှော့-ကံလေဟယ်။ 62 ယေရှုဟာ သူ့ဟို “ထွန်ဂိုင်းဟို ကိုင်ဘီး နေ့-ကံဟို ယွန်လှည့်ကျေဟူ လူဟာ ဘုရားသခင်ရဲ့ နိုင်ငံတော်တွပ် သောင်းဇာဟိုရဟ” ဆိုဘီး မိန့်တော်မူလေဟယ်။

10 အယ်မျိုးမိန့်တော်မူဘီးန သခင်ဘုရားဟာ နေ့-ကံထပ် လူ ၇၂ ပါးဟို ပီးကျော့-ကံတော်မူဘီး၊ နေ့ယော့-ကံစီတွဲဘီး ကိုယ်တော်ကိုယ်တိုင် သွားဟို့ ဗြူးဝါလေဟို့ ရင်ဦးဆောင်း စေလွှတ်လေဟယ်။ 2 ကိုယ်တော်ဟာ သူးနို့ဟို “ရိသီးဇာလေ ဘောင်ဂီးရှိဘေမဲ့ ရိသီးမားလေဟာ နဲနဲဘဲရှိဟယ်။ ရိသီးမားလေ စေလွှတ်ပေးဟို့တွပ် ဗားဇရှင်ဟို့ ဆုတောင်းဂေ။ 3 သွားဂေ! ဝံပုလွေအောက်ထဲဟို သိုးသားဂန်းလေဟို့ စေလွှတ်ဟူမျိုး နန်းနို့ဟို ငါစေလွှတ်ဟယ်။ 4 ကပ်အိ၊ လွယ်အိ၊ ခေနပ်လေဟို ယူဂေန။ လမ်းမာရပ်ဘီး ဖယ်သူဟိုလည်း နောက်ဆစ်ဂေန။ 5 နန်းနို့ဟာ အီတအီဟို ဝမ်ဟားဟူခီတိုင်း ရင်ဦးဆောင်း ‘အယ်အီမာ ငြိသတ်ရှင်းရှိပါစေ’ ဆိုဘီး နောက်ဆစ်ဂေ။ 6 အယ်အီမာ ငြိသတ်ရှင်းဟို ရှစ်မြတ်နိုးသူရှိမယ် ဆိုဟာ နန်းနို့ နောက်ဆစ်ဟူ ငြိသတ်ရှင်းဟာ အယ်လူထတ်မာ ကျန်ရစ်လေမယ်။ ငြိသတ်ရှင်းဟို ရှစ်မြတ်နိုးသူ မေ့ဟာ ဆိုဟာ နန်းနို့ နောက်ဆစ်ဟူ ငြိသတ်ရှင်းဟာ နန်းနို့နားဟို ယွန်လာလေမယ်။ 7 နန်းနို့ဟာ အယ်အီမာနေဘီး သူးနို့ ကျွေးဇာလေဟို စားသောက်ဂေ။ ပြားဖြစ်ကြောန့်နို့ဆိုဟာ လောက်လောက်ဟူ သူဟာ လောက်ခဟို ရထိုက်ဟယ်။ တအီဟုနေ တအီဟို ယွေန်းဂေန။ 8 နန်းနို့ဟို လတ်ခံဟူ ဗြူးဟိုဝမ်ဘီး ကျွေးဇာလေဟို စားဂေ။ 9 အယ်ဗြူးမာရှိဟူ လူနာလေဟို နာပျော့-ကံစေဘီး ‘ဘုရားသခင်ရဲ့ နိုင်ငံတော်ဟာ တည်ခါနီးနေဘို’ ဆိုဘီး အယ်လူလေဟို ပြောဂေ။ 10 အယ်ဘေမဲ့ နန်းနို့ဟို လတ်ခံဘဲဟူ ဗြူးဖြစ်မယ် ဆိုဟာ လမ်းထတ်ဟုနေ 11 ‘နန်းနို့ဟို ဒီပေးဟူနေန နို့လေရဲ့ ခေဖားမာ ကပ်နေဟူ နန်းနို့ဗြူး မေ့မလေဟို နို့လေ ခါခွလိုက်ဟယ်။ အယ်ဘေမဲ့ ဘုရားသခင်ရဲ့ နိုင်ငံတော်ဟာ တည်ခါနီးနေဘို ဆိုဇာဟို အော့-ကံမေ့ဂေ!’ ဆိုဘီး ပြောဂေ။ 12 တရားစီရင်ဟူနေမာ ဘုရားသခင်ဟာ အယ်ဗြူးထတ် သောဒုံဗြူးဟို့ဘဲ ပိုဘီး ကရုဏာတော် ပြလေမယ် ဆိုဇာဟို ငါ ပြောဟယ်။ 13 “ခေါရဇိန်ဗြူး၊ နန်ဟာ အမင်္ဂလာရှိဟယ်၊ ဗက်ဒဲဒဗြူး၊ နန်ဟာ အမင်္ဂလာရှိဟယ်၊ နန်းနို့ဟို ပြဟားဟူ နိမိတ်လတ်ခဏာလေဟို တုရုဗြူး ဇိဒန်ဗြူးမာ ပြဟားမယ် ဆိုဟာ အယ်ဗြူးလေဟု လူလေဟာ လျော်တေဟို ဝတ်ဘီး ဟွာထဲမာ ထိုင်ဘီး နောက်ဒရဂေလေမယ်။ 14 တရားစီရင်ဟူနေမာ ဘုရားသခင်ဟာ နန်းနို့ထတ် တုရုဗြူး ဇိဒန်ဗြူးလေဟို့ဘဲ ပိုဘီး ကရုဏာပြလေမယ်။ 15 ကပေရနောင်ဗြူး၊ နန်ဟာ အမင်္ဂလာရှိဟယ်၊ နန်ဟာ ကောင်းဂန်ထိ ချီးမြှော့-ကံရှင်းဟို ခံရဘေမဲ့လည်း မရဏာနိုင်ငံဟို့ဘဲ ခွရှင်းဟို ခံရလေမယ်။” ဆိုဘီး မိန့်တော်မူလေဟယ်။ (Hadēs g86) 16 ယေရှုဟာ တဗွဲတော်လေဟို “ဖယ်သူဘဲဖြစ်ဖြစ် နန်းနို့စကားဟို နားထောန်ဟူသူဟာ ငါစကားဟို နားထောန်ဟူသူ ဖြစ်ဟယ်။ ဖယ်သူဘဲဖြစ်ဖြစ် နန်းနို့ဟို ငြင်းပယ်ဟူ သူဟာ ငါဟို ငြင်းပယ်ဟူသူ ဖြစ်ဟယ်။ ဖယ်သူဘဲဖြစ်ဖြစ် ငါဟို ငြင်းပယ်ဟူ လူဟာ ငါဟို စေလွှတ်လိုက်ဟူ လူဟိုလည်း ငြင်းပယ်ဟူလူ ဖြစ်ဟယ်” ဆိုဘီး မိန့်တော်မူလေဟယ်။ 17 တဗွဲတော် ၇၂ ပါးဟာ ရရာတိုင်း ဝန်းသာဘီး ယွန်ရှော့-ကံလာဂေဘီး “သခင်၊ ကျွန်တော့်ဟားလေဟာ ကိုယ်တော်ရဲ့ နာမန နတ်ဆိုးလေဟို နှန်ထုလိုက်ဟူ ခီမာ သူးနို့လေဟာ နားထောန်ဘီးဟာ ထွပ်ဟားဂေဟယ်!” ဆိုဘီး လျှော့-ကံဂေဟယ်။ 18 ယေရှုဟာ “စာတန်ဟာ ကောင်းဂန်ဟုနေ လျှပ်စစ်ဖြန့်မျိုး ကွလာဇာဟို ငါပြင်ရဟယ်။ 19 နားထောန်ဂေ! နန်းနို့ဟာ ဗွီလေန ကန်းမီးဂေါ့-ကံလေ ထတ်မာ လမ်းရှော့-ကံနိုင်ဘီး ရန်သူရဲ့တဂိုး အာဏာလေ ဂူလောင်းဟို နိုင်ရဟူ ခွင့်အာဏာလေဟို ငါပေးဟားပီးဘီ ဖြစ်ဟူကြောန့် ဖယ်ဘေးလည်း နန်းနို့ဟို ညှဉ်းဆဲလေ မဟူ။ 20 အယ်ဘေမဲ့ နန်းနို့ဟာ နတ်ဆိုးလေဟို နှန်ထုနိုင်ဟူကြောန့် ဝန်းသာဂေန။ နန်းနို့ရဲ့ နာမယ်ဟာ ကောင်းဂန်စာရင်းမာ ရေးဟားပီးဘီ ဖြစ်ဟူကြောန့် ဝန်းသာဂေ” ဆိုဘီး သူးနို့ဟို မိန့်တော်မူလေဟယ်။ 21 အယ်ခီမာ ယေရှုဟာ သန်ရှင်းဟူဝိညာဉ်တော်အားဖြင့် ရရာတိုင်း ဝန်းသာနေဘီး “ကောင်းဂန်ဘောင်န မွေဂီးရဲသခင် ဖြစ်တော်မူဟူဖဲ၊ ကိုယ်တော်ဟာ ပညာရှိလေန ဉာဏ်ကောင်းဟူ သူလေတွပ် ဝှပ်ဟားဟူ ဇာလေဟို ပညာတတ်ဘဲဟူ

သူလေဟိုဘဲ ဖွမ်ပြပေးဟူကြောန့် ကိုယ်တော့်ဟို ကျေးဇူးတန်ဟယ်။ မှန်ပါဟယ် ။ အယ်မူဇာဟာ ရှေ့တော်မာ နှစ်သက်ဖွယ် ဖြစ်ပါဟယ်။ **22** “နို့ဖဟာ ရှိမျှူလောင်း ငါ့ဟို ပေးဟားပီးဘီ။ အယ်သားဟာ ဖယ်သူဖြစ်ဟယ် ဆိုဇာဟို ဖဟလွဲဘီး ဖယ်သူလည်း သိဂေဟ။ ဖဟာ ဖယ်သူ ဖြစ်ဟယ် ဆိုဇာဟိုလည်း အယ်သားန အယ်သားတော်ဟ ဖွမ်ပြဟိုတွပ် ဝီးကော-က်ဟားဟူ သူလေမဟုပီး ဖယ်သူလည်း သိဂေဟ” ဆိုဘီး မိန့်တော်မူလေဟယ်။ **23** အယ်ဘီးန ယေရူဟာ တဗဲတော်လေဖတ်ဟို လှည့်ဘီးန သူးနို့ဟို “နန်းနို့ ခြင်နေရဟူ ဇာလေဟို ပြင်ရဟူကြောန့် နန်းနို့မျှစ်စိဟာ မင်္ဂလာရှိဂေဟယ်။ **24** နန်းနို့ဟို ငါပြောမယ်။ နန်းနို့ ခြင်ရဟူ ဇာလေဟို ပရောဖက်လေန မန်းဂီးလေဟာ ပြင်ရှင်ဘေမဲလည်း သူးနို့ဟာ ပြင်ရဂေဟ။ နန်းနို့ ကြားရဟူ ဇာလေဟိုလည်း သူးနို့ ကြားရဂေဟ” ဆိုဘီး မိန့်တော်မူလေဟယ်။ **25** ကျမ်းတတ်ဆရာ တယော-က်ဟာ ထလာဘီးဟာ ယေရူဟို “ဆရာ၊ ထာဝရသတ် ရရှိဟိုတွပ် ဖြားလောက်ရမယ်နူး။” ဆိုဘီး ပညာစမ်းရှင်ဟူကြောန့် မေးလျှော့-က်လေဟယ်။ (aiōnios g166) **26** ယေရူဟာ “ပညတ်တော်မာ ဖြားဇာလေ ပြောဟားနူး။ နန်းနို့ ဖယ်မျိုးဖတ်ဟားနူး။” ဆိုဘီး သူဟို မေးတော်မူလေဟယ်။ **27** အယ်လူဟ “နန်ရဲသခင်၊ ဘုရားသခင်ဟို စိန်လောင်းကြွင်းမဲ့၊ ဉာဏ်စွမ်းကြွင်းမဲ့၊ ကိုယ်စွမ်းရှိမျှန ရှစ်ပါ။ အယ်ဘီးဟာ နန်ရဲ အီဇနီးရှင်းဟို နန်ကိုယ်နန် ရှစ်မျိုးဘဲရှစ်ပါ” ဆိုဘီး ပွန်လျှော့-က်လေဟယ်။ **28** ယေရူဟ “နန်ဖြေဇာဟာ မှန်ဟယ်။ အယ်မျိုးလောက်မယ် ဆိုဟာ နန်ဟာ သတ်ရှင်ရလေမယ်” ဆိုဘီး မိန့်တော်မူလေဟယ်။ **29** အယ်ဘေမဲ အယ်ကျမ်းတတ်ဆရာဟာ ဖြောန့်မတ်ကြောန်းပြရှင်ဟူကြောန့် ယေရူဟို “ကျွန်တော့်ရဲ့ အီဇနီးရှင်းဟ ဖယ်သူနူး။” ဆိုဘီး သူဟ မေးတော်မူလေဟယ်။ **30** ယေရူဟ “လူတယော-က်ဟာ ယေရုရှလင်မြို့ဟုနေ ယေရိခေါမြို့ဟို ဆင်းလာဟူ ခီမာ မွတိုက်ခံရလေဟယ်။ မွလေဟာ သူရဲ့ အန်းဂီးလေဟို ခလွတ်ဘီး၊ ရိုက်သတ်ဘီးဟာ သေခါနီးနီး ဖြစ်နေဟူ ခီမာ ပစ်ဟားဘီး ထွပ်ဟားဟယ်။ **31** အယ်မျိုးဖြစ်ဘီးန ယဇ်ပုရောဟိတ် တပါးဟာ အယ်လမ်းတိုင်း ရော-က်လာဟူ ခီမာ အယ်လူဟို ပြင်ဘေမဲလည်း ရှောန်ဘီးဟာ သွားလေဟယ်။ **32** အယ်မျိုးဘဲ လေဝိတယော-က်လည်း ရော-က်လာဘီး အယ်လူဟို ကော့ဘီးန ရှောန်ဘီးဟာ သွားလေဟယ်။ **33** အယ်ဘေမဲ ရှမာရိလူမျိုး တယော-က်ဟာ ခရီးသွားရင်းန အယ်လူရှိဟူ နေရာဟို ရော-က်လာဟယ်။ သူဟာ အယ်လူဟို ပြင်လိုက်ဟူ ခီမာ သနားစိလေ ဖြစ်လာဟယ်။ **34** သူဟာ အယ်လူနားဟို သွားဘီး အယ်လူရဲ့ ဒန်ရာလေထတ်ဟို ဆီနိုဝင်ဟို လောင်းထဲဘီးဟာ ဝတ်န စဲပေးလေဟယ်။ အယ်ဘီးန သူရဲ့ မြည်းထတ်ဟို တန်ဘီးန လူနာဟို ပြုစုပေးဟိုတွပ် တည်းခိုခန်းဟို ခေါ်ဟားဟယ်။ **35** နတ်ကီးတိုင်မာ သူဟာ ဧရှင်ဟို ငွေဒန်းဂါးနွေလွှား ပေးဘီး ‘အယ်လူဟို ကေရှုပြုစုပေးပါ။ နော့-က်ထပ် ကူကူဇာလေဟို ငါ့ပြန်လာဟူ ခီမာ ပေးမယ်’ ဆိုဘီး ပြောလေဟယ်။ **36** ယေရူဟာ “အယ်လူလေ သောင်းယော့-က်ထဲမာ ဖယ်သူဟာ မွတိုက်ခံရသူန အီဇနီးရှင်းဖြစ်ဟယ် ဆိုဘီး နန်ထန်နူး။” ဆိုဘီး မေးတော်မူလေဟယ်။ **37** ကျမ်းတတ်ဆရာဟ “လူနာဟို သနားဟူလူ ဖြစ်ဟယ်” ဆိုဘီး လျှော့-က်လေဟယ်။ ယေရူဟ “အယ်ဆိုဟာ နန်သွားဘီး အယ်မျိုးလောက်ပါ” ဆိုဘီး မိန့်တော်မူလေဟယ်။ **38** ယေရူန တဗဲတော်လေဟာ ခရီးသွားနေခူးမာ ဝါတဝါဟို ဝမ်ဂေလေဟယ်။ အယ်ဝါမာ မာသနာမယ်ရှိဟူ မီးမဟာ သူ့အီမာ ကိုယ်တော့်ဟို ဧည့်ခံလေဟယ်။ **39** မာသမာလည်း မာရိနာမယ်ရှိဟူ ညီမတယော့-က်ရှိဟယ်။ အယ်ညီမဟာ သခင်ဘုရားရဲ့ ခေတော်ရင်းမာ ထိုင်ဘီးန ကိုယ်တော်ရဲ့ စကားတော်ဟို နားထောန်နေလေဟယ်။ **40** မာသဟာ ဧည့်ဝတ်ပြုရှင်းမူလေကြောန့် စိပူပန်ဘီး ကိုယ်တော့်ဟို “သခင်၊ ကျွန်မဟာ ဧည့်ဝတ်ပြုရှင်းလောက်ဟို လောက်နေရဟူ ခီမာ ကျွန်မညီမဟာ ကိုယ်တော်ရဲ့ ခေတော်ရင်းမာ လာထိုင်နေဇာဟာ မျှတမှုရှိဘဲလော။ ကျွန်မဟို ကူညီပေးဟို သူဟို ပြောပေးအူး!” ဆိုဘီး လျှော့-က်လေဟယ်။ **41** သခင်ဘုရားဟ “မာသ၊ မာသ၊ နန်ဟာ အယ်မူကိစလေတွပ်ဘဲ စိုးရိမ်ပူပန်နေဟယ်။ **42** အယ်ဘေမဲ နန်မာ လိုအပ်နေဟူဇာ တခုဘဲရှိဟယ်။ မာရိဟာ ပိုကောန်းဟူဇာဟို ဝီးကော့-က်ဟားပီးဘီ။ အယ်မူဇာဟို သူနားဟုနေ ဖယ်သူလည်း ယူရဟို မူဟ” ဆိုဘီး သူဟို မိန့်တော်မူလေဟယ်။

11 တနေ့ ယေရှုဟာ တနေရာမှာ ဆုတောင်းနေဟယ်။ ကိုယ်တော်ဟာ ဆုတောင်းပီးဟွားဟူ ခီမာ တဗွဲတော်လေထဲဟာ တယော့-က်ဟာ “သခင်၊ ယောဟန်ဟာ သူတဗွဲလေဟို ဆုတောင်းနည်းသန်ပေးမျိုး ကျွန်တော့်ဟွားလေဟိုလည်း သန်ပေးတော်မူပါ” ဆိုဘီး လျှော့-က်လေဟယ်။ **2** ယေရှုဟာ “နန်းနီလေ ဆုတောင်းဟူ ခီမာ “ကောန်းဂန်ဘောင်မာ ရှိတော်မူဟူ၊ ကိုယ်တော်ရဲ့ နာမတော်ဟို ရိုသေလေးမြတ်ရှင်း ရှိပါစေ။ နိုင်ငံတော် တည်ထောင်ပါစေ။ **3** ကျွန်တော့်ဟွားလေတွပ် လိုအပ်ဟူ စားဇာဟို နေ့စဉ်နေ့တိုင်း ပေးသနားတော်မူပါ။ **4** ကျွန်တော့်ဟွားလေဟို ပြစ်မှားဟူ သူလေရဲ့ ပြစ်လေဟို ကျွန်တော်ဟွားလေ ခွမ်လွှတ်ပေးဟူမျိုးဘွဲ့ ကျွန်တော့်ဟွားလေရဲ့ ပြစ်လေဟိုလည်း ခွမ်လွှတ်ပေးပါ။ ပြစ်သွီးဆောန်ဟူ နှော့-က်ဟို လိုက်ပါသွားစေဘဲန၊ ကောန်းဘဲဟူ ဇာလေဟုလည်း ကယ်နှံပေးပါ” ဆိုဘီး သူးနီဟို မိန့်တော်မူလေဟယ်။ **5** အယ်ဘီးန ယေရှုဟာ “နန်းနီထဲဟာ ယော့-က်ယော့-က်ဟာ ညဉ့်နတ်ဟူ ခီမာ အယ်မိဆွေရဲ့ အီဟိုသွားဘီး ‘မိဆွေ၊ ကျွန်တော့်ဟို မုသောင်းလောင်းချေးပါ။ **6** ကျွန်တော့်မိဆွေ တယော့-က်ဟာ ခရီးဟုနေယွန်လာဘီး ကျွန်တော့်အီဟို ရော့-က်လာဟယ်။ သူဟို ကျွေးဟို ဖြားလည်းမေ့ဘဲဖြစ်နေဟယ်’ ဆိုဘီး ပြောလေဟယ်။ **7** နန်မိဆွေဟာ အီထဲဟုနေ ‘ငါ့ဟို နှော့-က်ယုစံန၊ ခွဗော့-က်လည်းပိဟားပီးဘီ၊ ငါသားမီးလေန ငါလည်း အီယာဝမ်နေဘီ၊ ငါထဘီး နန်ဟို ဖြားဇာလည်း ပေးနိုင်ဟု’ ဆိုဘီး ယွန်ပြောလေမယ်။ **8** နန်းနီဟို ငါပြောမယ်၊ အယ်လူဟာ သူမိဆွေ ဖြစ်ဟယ် ဆိုဇာဟို ထော့-က်ဘီး ဖြားဇာဟိုမျှ ထဘီး ပေးဘဲနေဘောမဲ့လည်း အားလျော့ဘဲန တောင်းနေဟူကြောန့် ထဘီး လိုရှင်ဇာလေ ဂူလောင်းဟို ပေးလေမယ်။ **9** အယ်ကြောန့် နန်းနီဟို ငါပြောမယ်။ တောန်းဂေ။ တောန်းမယ် ဆိုဟာ ရဂေလေမယ်။ ရှာဂေ။ ရှာမယ် ဆိုဟာ တိုဂေလေမယ်။ ခွဗော့-က်ဟို ခေါ့-က်ဂေ။ ခေါ့-က်မယ် ဆိုဟာ ဖွမ်ပေးလေမယ်။ **10** တောန်းဟူသူဟာ ရလေဟယ်။ ရှာဟူသူဟာ တိုလေဟယ်။ ခွဗော့-က်ဟို ခေါ့-က်ဟူသူဟာ ခွဗော့-က်ဟို ဖွမ်ပေးလေမယ်။ **11** နန်းနီမာ ဖယ်မျိုးဖဟာ သားမီးလေဟာ ငါးဟို တောန်းဟူ ခီမာ ငါးဟို ပေးဘဲန ဗွီဟို ပေးဟို့လော။ **12** ကြစ်ဥဟို တောန်းဟူ ခီမာ ကန်းမီးဂေါ့-က်ဟို ပေးဟို့လော။ **13** နန်းနီဟာ ကောန်းဘဲဟူသူလေ ဖြစ်ဘောမဲ့လည်း နန်းနီရဲ့ သားမီးလေဟို ကောန်းဟူဇာလေဟိုဘွဲ့ ပေးဟယ် ဆိုဟာ ကောန်းဂန်ဘောင်မာ ရှိတော်မူဟူ နန်းနီဖဟာ တောင်းဟူလူလေဟို သန်ရှင်းဟူဝိညာဉ်တော်ဟို ပိုဘီး ပေးတော်မူလေမယ်။” ဆိုဘီး တဗွဲတော်လေဟို မိန့်တော်မူလေဟယ်။ **14** ယေရှုဟာ အ၊ နေဟူ နတ်ဆိုးဟို နှန်ထုလေဟယ်။ နတ်ဆိုးထွပ်ဟွားဘီးန အ၊ နေဟူသူဟာ စကားပြောလာဟူကြောန့် လူအောက်ဂီးဟာ ရရာတိုင်း အံ့ဩဟွားဟယ်။ **15** အယ်ဘောမဲ့ လူတချို့ဟာ “ကိုယ်တော်ဟာ နတ်ဆိုးမန်း ဗေလဇေဗုလဟ ပေးဟွားဟူတဂိုးန နတ်ဆိုးလေဟို နှန်ထုဂေဟယ်” ဆိုဘီး ပြောဂေဟယ်။ **16** တချို့ဟာ ယေရှုဟို စမ်းသပ်ရှင်ဂေဟူကြောန့် ကောန်းဂန်ဘောင်ဟု နိမိတ်လတ်ခဏာတခုဟို ပြဂေ ဆိုဘီး တောန်းဆိုဂေဟယ်။ **17** အယ်ဘောမဲ့ ယေရှုဟာ သူးနီလေရဲ့ ကြိစည်ဟို သိနေဟူကြောန့် “နိုင်ငံတနိုင်ငံမာ လူလေကွဲပြားဘီး ရှင်းရှင်းတိုက်ခိုက်နေမယ် ဆိုဟာ အယ်နိုင်ငံဟာ ကြာခန်မာ ပျစ်စီးဟွားလေမယ်။ အီထောန်တခုမာ အီသူအီသားလေ ကွဲပြားဘီး ရှင်းရှင်းတိုက်ခိုက်နေမယ် ဆိုဟာ အယ်အီထောန်ဟာ ပျစ်စီးဟွားလေမယ်။ **18** အယ်ကြောန့် စာတန်ရဲ့ နိုင်ငံဟာ ကွဲပြားမယ် ဆိုဟာ ဖယ်မျိုး ရပ်တည်နိုင်မယ်နူး။ ငါဟာ ဗေလဇေဗုလ ပေးဟွားဟူတဂိုးန နတ်ဆိုးလေဟို နှန်ထုဟယ် ဆိုဘီး နန်းနီပြောဂေဟယ်။ **19** ငါဟာ ဗေလဇေဗုလ ပေးဟွားဟူတဂိုးန နတ်ဆိုးလေဟို နှန်ထုဟယ် ဆိုဟာ နန်းနီရဲ့ တဗွဲလေဟာ ဖယ်သူပေးဟွားဟူ တဂိုးန နှန်ထုဂေနူး။ နန်းနီရဲ့ တဗွဲလေဟာ နန်းနီရဲ့ တရားသူဂီးလေ ဖြစ်ဟယ်။ **20** ငါဟာ ဘုရားသခင်ရဲ့ တဂိုးတော်အားဖြင့် နတ်ဆိုးလေဟို နှန်ထုဟယ်။ အယ်ကြောန့် ဘုရားသခင်ရဲ့ နိုင်ငံတော်ဟာ နန်းနီထဲမာ တည်ထောင်နေဘီ။ **21** “ခွန်အားကီးဟူလူဟာ လတ်နတ်စောင်န သူအီဝမ်းဟို စောန်နေဟူ ခီမာ သူအောက်စာလေဟာ လောင်ခြောင်နေဟယ်။ **22** အယ်ဘောမဲ့ အယ်သူထတ် ခွန်အားကီးဟူလူဟာ ရော့-က်လာဘီး သူဟို တိုက်ခိုက်အာန်မြင်ဟွားဟူ ခီမာ သူအားကိုးဟူ လတ်နတ်စောင်လေဟို သီးယူဘီး ရရဲဟွားဟူ ဖစ်စီးလေဟို ခွဲတမ်းခွဲလေမယ်။” **23** “ငါဖတ်မာ နေဘဲဟူသူဟာ ငါရန်ဖတ်ဖြစ်ဟယ်။ ငါနတူးဒု စုသီးဘဲဟူသူဟာ ကြဲဖြန့်နေဟူသူ ဖြစ်လေဟယ်။ **24** “ညစ်ညူးဟူ နတ်ဟာ လူထဲဟာ ထွပ်ဟွားဘီး ခြော့-က်ကပ်ဟူ

နေရာမှာ ခိုနားရာဟို့ ရှာလေဟယ်။ တို့ဟု ဆိုဟာ ‘ငါဟာ နေရာဟောင်းဟို့ဘဲ ပွန်မယ်’ ဆိုဘီး ပြောလေဟယ်။ 25 နေရာဟောင်းဟို့ ပွန်ရော-က်ဟူ ခီမာ သန်ရှင်းအောန် ခါဟားဇာဟို့ တို့လေဟယ်။ 26 သူထတ်ပိုဆိုးဟူ ညစ်ညူးဟူနတ် ခွန်နစ်ကောန်ဟို့ ခေါ်လာဘီးဟာ အယ်နေရာဟောင်းမာဘဲ နေလေဟယ်။ အယ်ကြောန့် အယ်လူရဲ့ နှော-က်ဖြစ်ဟူ ဇာဟာ ရှေ့ဖြစ်ဟူ ဇာထတ် ပိုဘီး ဆိုးဝါးလေဟယ်” ဆိုဘီး မိန့်တော်မူလေဟယ်။ 27 ယေရှုဟာ အယ်မျိုးပြောလိုက်ဟူ ခီမာ လူအောက်ဂီးထဲဟု မီးမတယော့-က်ဟာ ကိုယ်တော့ဟို့ “ကိုယ်တော့ဟို့ မွီးဘီး နို့တိုက်ဟူ မီးမဟာ မင်္ဂလာရှိဟယ်!” ဆိုဘီး လျှော့-က်လေဟယ်။ 28 အယ်ဘောမဲ့ ယေရှုဟု “ဘုရားသခင်ရဲ့ စကားတော်ဟို့ ကြားဘီး နားထောန်ဟူလူဟာ မင်္ဂလာရှိဟယ်!” ဆိုဘီး ပွန်မိန့်တော်မူလိုက်ဇာဟု။ 29 လူအောက်ဂီးဟာ ယေရှုနားမာ ပိုင်းအောင်နေဟူကြောန့် ကိုယ်တော် မိန့်တော်မူလိုက်ဇာဟု “ခုခေတ် လူလေဟာ ရရာတိုင်း ဆိုးညစ်ဂေဟယ်၊ သူးနို့ဟာ နိမိတ်လတ်ခဏာဟို့ တောင်းဘောမဲ့ ယောနရဲ့ နိမိတ်လတ်ခဏာမှတပါး ဖယ်နိမိတ်လတ်ခဏာလည်း သူးနို့ဟို့ ပြလေမယ် မဟူ။ 30 နိနဝေဗြိုသားလေတွပ် ယောနဟာ နိမိတ်လတ်ခဏာဖြစ်ဟူ မျိုးဘဲ အယ်ခေတ် လူလေတွပ် လူရဲ့သားဟာလည်း နိမိတ်လတ်ခဏာ ဖြစ်လေမယ်။ 31 ရှော့ပြည်ဟု မိဖုရားဟာ ရှော့လမုန် မန်းဂီးရဲ့ စကားဟို့ နားထောန်ဟို့ ဆိုဘီး ဟိုးဝီးမာရှိနေဟူ တိုင်းပြည်ဟုနေ လာဟယ်။ အယ်နေရာမှာ ရှော့လမုန်ထတ် ကီးမြတ်ဟူလူ ရော့-က်ရှိနေဘီး။ တရားစီရင်တော်မူဟူ နေ့မာ ရှော့ပြည်ဟု မိဖုရားဟာ ထရပ်ဘီး အယ်မူလူလေဟို့ ပြစ်တန်စွပ်စွဲလေမယ်။ 32 တရားစီရင်ဟူ နေ့မာ နိနဝေဗြိုသားလေဟာ ထရပ်ဘီး နန်းနို့ဟို့ စွပ်စွဲလေမယ်။ ဖြားဖြစ်ကြောန့်နူးဆိုဟာ ယောနဟောပြောဟူ တရားဟို့ ကြားရဟူ ခီမာ သူးနို့ဟာ နောဒ်ဒရားကြောန့် ဖြစ်ဟယ်။ အယ်နေရာမှာ ယောနထတ် ရရာတိုင်း ကီးမြတ်ဟူသု ရှိဟယ် ဆိုဇာ နန်းနို့ဟို့ ငါပြောဟယ်!” 33 “ဖယ်လူလည်း ဆီမီးအီဟို့ ဖောင်းကွယ်ဘီး ထွန်းဂေဟူ။ ဆီမီးအီဟို့ တောင်းအော့-က်မာ ထားဘီး လည်း ထွန်းဂေဟူ။ အီထဲဟို့ ဝမ်လာဟူ လူလေဟာ လန်းရောန်ရဟို့တွပ် ဆီမီးခေါင်ထတ်မာ တန်ဘီး ထွန်းဂေဟယ်။ 34 မျှစ်စိဟာ ကိုယ်ခန္ဓာတွပ် ဆီမီးအီန တူဟယ်။ မျှစ်စိကောင်းဟယ် ဆိုဟာ နန်းနို့ရဲ့ ကိုယ်ခန္ဓာ တခုလောင်း လန်းဟားဘီး မျှစ်စိကောင်းဂေဟု ဆိုဟာ နန်းနို့ရဲ့ ကိုယ်ခန္ဓာ တခုလောင်း မိုက်လေမယ်။ 35 အယ်ကြောန့် နန်းနို့ရဲ့ လန်းရောန်ဟို့ မိုက်ဖြစ်ဘဲအောန် ဒိပြုဂေ။ 36 နန်းနို့ ကိုယ်ခန္ဓာ တခုလောင်းဟာ လောင်းဝ မှောန်ဘဲန လန်းနေမယ် ဆိုဟာ ဆီမီးအီရဲ့ တော့-က်ပဟူ လန်းဟာ နန်းထတ်မာ ထွန်းလန်းမျိုး နန်းနို့ ကိုယ်ခန္ဓာ တခုလောင်းလည်း လန်းရောန်န တော့-က်ပနေလေမယ်” ဆိုဘီး မိန့်တော်မူလေဟယ်။ 37 ယေရှုဟာ အယ်မျိုးမိန့်တော်မူဘီးန ဖာရိရှဲတယော့-က်ဟာ ကိုယ်တော့ဟို့ သူနတူးဒု စားသော့-က်ဟို့ တောင်းလျှော့-က်ဟူကြောန့် သူရဲ့ အီထဲဟို့ ဝမ်ဘီးန ဌဲမာ ထိုင်တော်မူလေဟယ်။ 38 ယေရှုဟာ လတ်ဆေးဘဲန စာစားနေဇာဟို့ ဖာရိရှဲ ဗြင်ဟားဟူ ခီမာ အံ့ဩဟားလေဟယ်။ 39 သခင်ဘုရားဟု သူဟို့ “နန်းနို့ ဖာရိရှဲလေဟာ စံဟန်းဇားလေရဲ့ ပွန်ဖတ်ဟို့ စင်ကြယ်အောန် ဆေးဂေဟယ်။ အယ်ဘောမဲ့ နန်းနို့ရဲ့ စိထမာ ကြမ်းဖတ်ရှင်း၊ ဆိုးညစ်ရှင်းလေန ပွဲနေဟယ်။ 40 လူမိုက်လေ၊ ပွန်ဖတ်ဟို့ ဖန်ဆင်းဟူ ဘုရားဟာ တွမ်းဖတ်ဟို့လည်း ဖန်ဆင်းဟယ် ဆိုဇာဟို့ သိဂေဟလေ။ 41 အယ်ဘောမဲ့ နန်းနို့ရဲ့ ခွပ်လေ၊ စံလေထဲမာ ရှိဟူဇာလေဟို့ ဆင်းရဲသားလေဟို့ ပေးကမ်းဂေပါ။ အယ်မျိုးလောက်မယ် ဆိုဟာ ဂူလောင်းဟာ နန်းနို့တွပ် စင်ကြယ်ဟားလေမယ်။” 42 “ဖာရိရှဲလေ၊ နန်းနို့ဟာ အမင်္ဂလာရှိဟယ်၊ နန်းနို့ဟာ ပန်ဇီး၊ စမူစဗားန တခြားဆေးဖပ်ဝမ်ဟူ ဝပ်ဘောင်းဇောင်ဟို့ ဆယ်ဖို့တဖို့ ပေးလူဂေဟယ်။ အယ်ဘောမဲ့ တရားမျှတမှုန ဘုရားသခင်ရဲ့ ရှစ်မြစ်တာလေဟို့ လျစ်လူရှုဟားဂေဟယ်။ နန်းနို့ဟာ ဆယ်ဖို့တဖို့ဟို့ ပေးလူဟူ ခီမာ တရားမျှတမှုန ဘုရားသခင်ရဲ့ ရှစ်မြစ်တာဟို့ ချန်ဟားဂေဟယ်။” 43 “ဖာရိရှဲလေ၊ နန်းနို့ဟာ အမင်္ဂလာ ရှိဂေဟယ်၊ နန်းနို့ဟာ ဝါလယ်ဇရပ်မာ ဆိုလည်း မြင်မြတ်ဟူ နေရာလေဟို့ရော၊ ဆေးမာ ဆိုလည်း လူလေရဲ့ ရိုးရိုသေးသေ နှော့-က်ဆစ်ရှင်းလေဟို့ရော နှစ်သက်ဂေဟယ်။ 44 နန်းနို့လေဟာ အမင်္ဂလာရှိဂေဟယ်၊ နန်းနို့ဟာ မှတ်သားမေ့ဘဲဟူ သန်းညိုင်းဒွမ်းန တူဂေဟယ်။ အယ်တွမ်းလေထတ်မာ သွားနေဟူ လူလေဟာ သန်းညိုင်းဒွမ်းဖြစ်မှန်း သိဂေဟ” ဆိုဘီး မိန့်တော်မူလေဟယ်။ 45 ကျမ်းတတ်ဆရာ တယော့-က်ဟာ ကိုယ်တော့ဟို့ “ဆရာ၊ အယ်မျိုးပြောဇာဟာ ကျွန်တော့ဟားလေဟို့လည်း စော်ဂါးရာရော့-က်ပါဟယ်!” ဆိုဘီး

လျှော့-က်လေဟယ်။ 46 ယေရှုဟု “ကျမ်းတတ်ဆရာလေ၊ နန်းနို့လည်းဘဲ အမင်္ဂလာ ရှိဂေဟယ်၊ နန်းနို့ဟာ ထမ်းဟို့ခတ်ဟူ ဝန်ထောက်လေဟို့ လူလေဟို့ ထမ်းခိုင်းဂေဟယ်။ နန်းနို့ကိုယ်တိုင်ဟု အယ်မူဝန်ထောက်လေဟို့ လတ်ဖျားနု ထိဂေဟယ်။ 47 နန်းနို့ဟာ အမင်္ဂလာ ရှိဟယ်၊ နန်းနို့ရဲ့ ဘိုးဘေးလေ သတ်ဟားဟူ ပရောဖက်လေတွပ် နန်းနို့ဟု သန်းခိုင်းလေဟို့ ဆော့-က်ပေးဂေဟယ်။ 48 အယ်ကြောန့် နန်းနို့ရဲ့ ဘိုးဘေးလေ ကျူးလွန်ဟားဟူ မူလေတွပ် နန်းနို့ဟာ သတ်သေလေ ဖြစ်ဂေဟယ်။ သူးနို့လေဟာ ပရောဖက်လေဟို့ သတ်ဘီး နန်းနို့ဟု သန်းခိုင်းလေဟို့ ဆော့-က်ပေးဂေဟယ်။ 49 အယ်ကြောန့် ဘုရားသခင်ရဲ့ ရွှေဉာဏ်တော်နု ‘အယ်လူလေထဲဟို့ ပရောဖက်လေ၊ စေတမန်လေဟို့ ငါစေလွှတ်မယ်။ သူးနို့လေဟာ အယ်ပရောဖက်လေ၊ စေတမန်လေထဲဟု တချို့ဟို့ ညှဉ်းဆဲဘီး တချို့ဟို့ သတ်ဂေလုမယ်’ ဆိုဘီး မိန့်တော်မူဟားဟယ်။ 50 အယ်ကြောန့် ကမ္ဘာတည်ခီဟုစေဘီး သတ်ခံရဟူ ပရောဖက်လေရဲ့ သွီးကြောန့် အယ်ခေတ်လူလေဟာ ပြစ်ဒန်စီရင်ရှင်းဟို့ ခံရဂေလုမယ်။ 51 အာဗေလရဲ့ သွီးဟုနေ ယဇ်ပလ္လင်နု ဗိမာန်တော်ကြားမာ သတ်ခံရဂေဟူ ဇာခရိရဲ့ သွီးထိ ဖြစ်ဟယ်။ အယ်မူဇာလေ ဂူလောင်းတွပ် အယ်ခေတ်လူလေဟာ ပြစ်ဒန်စီရင်ရှင်းဟို့ ခံရဂေလုမယ် ဆိုဇာဟို့ ငါမှန်တိုင်း ပြောဟယ်။ 52 “ကျမ်းတတ်ဆရာလေ၊ နန်းနို့ဟာ အမင်္ဂလာရှိဂေဟယ်၊ နန်းနို့ဟာ သိပညာဗိမာန် ခွဲဗေါ့-က်သောဟို့ သီးဟားဘီး နန်းနို့ကိုယ်တိုင်လည်း ဝမ်ဂေဟယ်။ ဝမ်ဟို့သူလေဟို့လည်း တားဆီးဂေဟယ်။” ဆိုဘီး မိန့်တော်မူလေဟယ်။ 53 အယ်နေရာဟုနေ ယေရှုထွပ်ဟားဟူ ခီမာ ကျမ်းတတ်ဆရာနု ဖာရိရှဲလေဟာ ကိုယ်တော်ဟို့ စဘီးဟာ ပြင်းပြင်းထန်ထန် ဝေဖန်ဂေဘီး။ 54 စကားတော်ထဲမာ မားရှာဟို့တွပ် မေးခွန်းလေ ဘောင်ဂီးမေးဂေလေဟယ်။

12 ထောန်ဗောန်းဘောင်ဂီးရှိဟူ လူလေဟာ စုစီးလာဟူ ခီမာ သူးနို့ရှင်းရှင်း နန်းမိဂေဟူကြောန့် ယေရှုဟာ တဗွဲတော်လေဟို့ “ဖာရိရှဲလေရဲ့ ဟန်ဆောန်မှုနုတူဟူ တဆေးဟို့ ဒိပြုဂေ။ 2 ဖောင်းဟားဟူ ဇာလေ ဂူလောင်းဟာ ပွမ့်လာရလေမယ်။ ဝှပ်ဟားဟူ ဇာလေ ဂူလောင်းဟာလည်း ပေါ်လာရလေမယ်။ 3 အယ်ကြောန့် မှောန်ထဲမာ နန်းနို့ပြောဟူ စကားလေဟို့ လန်းရောန်ထဲမာ ကြားသိလေမယ်။ အိခန်းထဲမာ နန်းနို့ တိုးတိုးပြောနေဟူ စကားလေဟို့ အီးခေါန်မိုးထတ်ဟုနေဘီး ကြေညာဂေလေမယ်။” 4 “ငါမိဆွေလေ၊ နန်းနို့ဟို့ ငါပြောမယ်။ ကိုယ်ခန္ဓာဟို့ဘဲ သတ်နိုင်ဘီးဟာ နှော့-က်ထပ် ဖြားလည်းလောက်နိုင်ဘဲဟူ သူလေဟို့ ကြော့-က်ဂေ။ 5 နန်းနို့ကြော့-က်ရဟို့ သူဟို့ ငါပြောမယ်။ ကိုယ်ခန္ဓာဟို့ သတ်ဘီးနု နန်းနို့ဟို့ ငရဲထဲခိုင်ဟူ ခွမ့်အာဏာရှိဟူ ဘုရားသခင်ဟို့ ကြော့-က်ဂေ။ နန်းနို့ဟို့ ငါထပ်ပြောမယ်။ ဘုရားသခင်ဟို့ ကြော့-က်ဂေ! (Geenna g1067) 6 “အီးဇာဟား ငါးကောန်ဟို့ ကပ်နွေဟူးနု ရောင်းဂေဟယ် မူဟုလော။ အယ်ဘောမဲ့ ဘုရားသခင်ဟာ အယ်မူအီးဇာဟားလေ တကောန်ဟို့မျှ မေ့တော်မူဟူ။ 7 နန်းနို့ ခေါန်းဟု ဆားဗန်လေ ဂူလောင်းဟို့ ရေတွပ်ဟားဟယ်။ အယ်ကြောန့် ကြော့-က်ဂေ။ နန်းနို့ဟာ အီးဇာဟားလေထတ် ရရာတိုင်း ဖိုးကီးဟယ်။ 8 “နန်းနို့ဟို့ ငါပြောမယ်။ ဖယ်သူဘဲဖြစ်ဖြစ် လူလေရှေ့မာ ငါ့ဟို့ ဝန်ခံမယ် ဆိုဟာ လူရဲ့သားဟုလည်း ဘုရားသခင်ရဲ့ ကောန်းဂန်တမန်လေရှေ့မာ အယ်သူဟို့ ဝန်ခံလေမယ်။ 9 အယ်ဘောမဲ့ လူလေရှေ့မာ ငါ့ဟို့ ငြင်းပယ်မယ် ဆိုဟာ လူရဲ့သားဟုလည်း ဘုရားသခင်ရဲ့ ကောန်းဂန်တမန်လေရှေ့မာ ငြင်းပယ်လေမယ်။ 10 “လူရဲ့သားဟို့ နှော့ကန်နု စော်ဂါးဟူ သူဟာ ပြစ်လွှတ်ရှင်းခွမ့် ရနိုင်ဘောမဲ့လည်း သန်ရှင်းဟူဝိညာဉ်တော်ဟို့ ပြစ်မှားဘီး ပြောဆိုဟူ သူဟာ ပြစ်လွှတ်ရှင်းခွမ့် ရလေမယ် မူဟူ။ 11 “လူလေဟု နန်းနို့ဟို့ ဝါလယ်ဇရပ်လေ၊ လူဂီးမန်းလေ၊ အာဏာပိုင်လေရဲ့ ရှေ့ဟို့ ခေါ်ဆောန်လာဟူ ခီမာ ဖယ်မျိုး ညွန်ပြောရမယ် ဆိုဇာဟို့ စိုးရိမ်ဂေ။ 12 ဖြားဖြစ်ကြောန့်နူးဆိုဟာ နန်းနို့ ဖယ်မျိုး ပြောရမယ် ဆိုဇာဟို့ သန်ရှင်းဟူဝိညာဉ်တော်ဟု အယ်ခီမာ သန်ပေးလေမယ်” ဆိုဘီး ရင်ဦးဆောင်း မိန့်တော်မူလေဟယ်။ 13 လူအောက်ဂီးထဲဟု လူတယော-က်ဟာ ယေရှုဟို့ “ဆရာ၊ ကျွန်တော့်ဟို့ ခွီခွဲပေးဟို့ ကျွန်တော့်နောန်ဟို့ ပြောပေးပါ” ဆိုဘီး လျှော့-က်လေဟယ်။ 14 ယေရှုဟု “မိဆွေ၊ ဖယ်သူဟု ငါ့ဟို့ နန်းနို့ရဲ့ တရားသူဂီးဖြစ်နရော၊ မွီခွီသူဖြစ်နရော ခန့်ဟားဂေဟယ်နူး။” ဆိုဘီး သူဟို့ မိန့်တော်မူလေဟယ်။ 15 အယ်ဘီးနု ကိုယ်တော်ဟာ သူးနို့လေ ဂူလောင်းဟို့

“လောဘလွန်ကျူးရှင်း ဘောန်းစောင်ဟို ဒီထားရေ။ ဖြားဖြစ်ကြောနဲ့ဆိုဟာ လူရဲ့ သတ်ဟာ အောက်စာပစ်စီး ပေါရှင်းနှိုက် တည်ဂေဟ” ဆိုဘီး မိန့်တော်မူလေဟယ်။ **16** အယ်ဘီးန ယေရှုဟာ ပေါင်ဥပမာန “တခါဒူးဟ ဌေးတယော့-က်ဟာ သူလယ်ယာဟုနေ သီးနှံလေ ဘောင်ဂီးထွပ်ဟယ်။ **17** ‘ငါ့ရဲ့ သီးနှံလေ ဂူလောင်းဟို သိုလှောင်ဟူးဟိုတွပ် နေရာ မေ့ဟ။ ငါဖယ်မျိုးလောက်ရမယ်နဲ့။’ ဆိုဘီး တယော့-က်ဒဲ စဉ်းစားနေလေဟယ်။ **18** အယ်ဘီးန သူဟ ‘ငါ အယ်မျိုးလောက်မယ်။ အယ်ဂိုဒေါန်ဟောင်းဟို ဖျစ်ဘီး အယ်ထတ် ပိုကီးဟူ ဂိုဒေါန်ဟို ဆော့-က်ဘီးဟာ ဂျောင်ဆန်လေန တခြားအောက်စာပစ်စီး ဂူလောင်းဟို သိုလှောင်ဟူးမယ်။ **19** အယ်ဘီးဟာ ငါ့ဝိညာဉ်ဟိုလည်း ဝေ့ဝိညာဉ်၊ နှစ်လေဘောင်ဂီးတွပ် လိုအပ်ဟူ အောက်စာလေ ဂူလောင်းဟို သိုလှောင်ဟူးပီးဘီ။ စားလိုက်၊ သော့-က်လိုက်န ပျော်ပါးဘီးနေပါ၊ ဆိုဘီး ငါ့ကိုယ့်ငါ ပြောမယ်။’ **20** အယ်ဘောမဲ့ ဘုရားသခင်ဟာ ‘လူမိုက်၊ အယ်ညဉ်မာ နန့်ဝိညာဉ် ချောက်ငြီးရလေမယ်။ အယ်ဆိုဟာ နန့်သိုလှောင်ဟူးဇာလေဟို ဖယ်သူလေ ရလေမယ်နဲ့။’ ဆိုဘီး မိန့်တော်မူလေဟယ်။ **21** အယ်ဘီးန ယေရှုဟာ “ကိုယ့်တွပ်အောက်စာလေ ဘောင်ဂီးဟို စုဆောင်းဟူးဘောမဲ့လည်း အယ်ဌေးဟာ ဘုရားသခင်ရဲ့ ရှေ့မာ ဆင်းရဲနေဟူသူ ဖြစ်ဟယ်” ဆိုဘီး နိုကိန်းချောက် မိန့်တော်မူလေဟယ်။ **22** အယ်ဘီးန ယေရှုဟာ တဖဲ့တော်လေဟို “အယ်ကြောနဲ့ နန်းနို့ဟို ငါပြောမယ်။ ဖယ်မျိုးစားရဟို၊ ဖယ်မျိုးသော့-က်ရဟို ဆိုဘီး သတ်တွပ် စိုးရိမ်ဂေ့န။ ဖယ်မျိုးဝတ်ရဟို ဆိုဘီးလည်း ကိုယ်ခန္ဓာတွပ် စိုးရိမ်ဂေ့န။ **23** စာထတ် သတ်ဟ ပိုဘီး ရေးကီးဟယ်။ ဝတ်ထတ်လည်း ကိုယ်ခန္ဓာဟာ ပိုဘီး ရေးကီးဟယ်။ **24** ကွီးကန်းလေဟို ကေ့ကေ့။ သူးနို့လေဟာ မျိုးစေ့လင်းကြဲဟ။ သီးနှံလည်းရိဟ။ သူးနို့မာ ကူလှောင်ခန်းလေ၊ ဗားဂတ်လေလည်း မေ့ဟ။ အယ်ဘောမဲ့ ဘုရားသခင်ဟ သူးနို့ဟို ကျွေးမွေးတော်မူဟယ်၊ နန်းနို့ဟာ အယ်ငှတ်လေထတ် ရရာတိုင်း ဖိုးကီးဟယ်၊ **25** နန်းနို့လေထဲမာ ဖယ်သူဟ စိုးရိမ်ရှင်းအားဖြင့် သတ် ပိုဘီး ရှယ်လာ နိုင်ဘဲ့လော။ **26** အယ်မျှလော့-က် သေးငယ်ဟူ မူဟို လောက်နိုင်ဟ ဆိုဟာ ဖြားဖြစ်ကြောနဲ့ တခြားမူလေတွပ် စိုးရိမ်နေဂေ့န။ **27** တောပန်းလေဟို ကေ့ကေ့။ အယ်ပန်းလေဟာ ဗိုင်းငင်ဟ။ ယက်ကန်းလည်းရစ်ဟ။ အယ်ဘောမဲ့ ရှောလမုန်မန်းဂီးရဲ့ ဖောင်းစဉ်းဇိမ်လေ ဂူလောင်းဟို ဆင်ဟယ်ဟိုမူ အယ်တောပန်းလေထဲဟ တဗန်မျိုး လှပတင့်တယ်ဟ ဆိုဘီး နန်းနို့လေဟို ငါပြောဟယ်။ **28** ယောင်ကြည်ရှင်း အားနဲဟူလူလေ၊ အယ်နေ့ ကွမ်းပွန်ထဲမာရှိဘီး နတ်ကီးတိုင်ဟာ မီးဖိုထဲဟို ရော့-က်ရဟူ တောဖြစ်ပန်ဟို ဘုရားသခင်ဟ အယ်မျိုး ဝတ်ဆင်ပေးဟယ် ဆိုဟာ နန်းနို့ဟို အယ်ထတ်မက ဝတ်ဆင်ပေးမယ် မူဟလော။” **29** “အယ်ကြောနဲ့ ဖယ်မျိုး စားရဟိုနဲ့။ ဖယ်မျိုး သော့-က်ရဟိုနဲ့ ဆိုဘီး စိုးရိမ်ရှင်းရိဂေ့န။ **30** (အယ်လောကရို ဘုရားသိဘဟူ လူလေဟာ အယ်မူဇာလေဟို ရှာဖွေဂေ့ဟယ်။) အယ်မူဇာလေဟို နန်းနို့လေ လိုအပ်ဟယ် ဆိုဇာဟို နန်းနို့ဖ သိတော်မူဟယ်။ **31** နန်းနို့ဟာ ဘုရားသခင်ရဲ့ နိုင်ငံတော်ဟို ရှာဂေ့။ အယ်ဆိုဟာ ကိုယ်တော်ဟာ အယ်မူဇာလေဟို ပေးတော်မူလေမယ်။” **32** “သိုးစုငယ်၊ ကြော့-က်ဂေ့န။ နန်းနို့ရဲ့ ဖဟာ နန်းနို့တွပ် နိုင်ငံတော်ဟို ပေးဟို လိုရှိတော်မူဟယ်။ **33** နန်းနို့ရဲ့ အောက်စာလေဟို ရှေးနားဘီး ဆင်းရဲသားလေဟို ပေးကမ်းစွန့်ကြဲဂေ့။ ဆွိုးဟောင်းနိုင်ဘဟူ ကပ်အိလေဟို လောက်ဂေ့ဘီး သူခိုးဗော့-က်နိုင်ဘဟူ၊ ပိုးလေကိုက်စားနိုင်ဘဟူ၊ ကောင်းဂန်ဘောင်မာ ကုခန်းနိုင်ဘဟူ ဘဏ္ဍာဟို စုဂေပါ။ **34** ဖြားဖြစ်ကြောနဲ့ဆိုဟာ နန်းနို့လေဟာ ဘဏ္ဍာရှိဟူ နေရာဟိုဘဲ့ နန်းနို့စိုနဲ့လောင်းလေ ရော့-က်တတ်ဟယ်။” **35** “နန်းနို့ဟာ ဆင်သင့်ဖြစ်နေဂေ့ဟိုတွပ် ခါးဟို စဲဘီး မီးအိလေဟို ထွန်းညှိဂေ့။ **36** အီတတ်ဗွဲဟူ ယုန်လာဟူ သူးနို့ရဲ့ သခင်ဟို စောန့်နေဟူ စေခံလေမျိုး ဖြစ်ဂေ့။ သူဟာ ခွဗော့-က်ဟို ခေါ့-က်ဟူ ခီမာ သူးနို့ဟာ ရှစ်ရှင်း ဖွမ်ပေးလေမယ်။ **37** သခင်လွန်ရော့-က်လာဟူ ခီမာ ဆင်သင့်စောန့်နေဟယ် ဆိုဇာဟို သခင်တိုရဟူ စေခံလေဟာ မင်္ဂလာရှိဟယ်၊ နန်းနို့ဟို ငါမှန်တိုင်း ပြောမယ်။ သခင်ဟာ စေခံလေဟို ဧည့်သည်လေမျိုး ဗွဲမာ ထိုင်ခိုင်းဘီး သူကိုယ်တိုင် ခါးဟို စဲဘီးဟာ လောက်ကျွေးလေမယ်။ **38** သခင်ဟ ညဉ့်နတ်ခီမာဘဲဖြစ်ဖြစ်၊ မိုးလန်းခီမာဘဲဖြစ်ဖြစ် လာမယ် ဆိုဘီး စောန့်နေဟူ စေခံလေဟာ မင်္ဂလာရှိဂေ့ဟယ်၊ **39** အီဇရှင်ဟာ သူခိုးလာနိုင်ဟူခီဟို သိနေမယ် ဆိုဟာ သူအီဟို သူခိုးဗော့-က်ခံရလေမယ် မူဟ ဆိုဇာဟို နားလည်ဟူးဂေ့။ **40** လူရဲ့သားဟာ နန်းနို့ မျှော်လင့်ဘဟူ ခီမာ ရော့-က်လာမယ် ဖြစ်ဘီး နန်းနို့လည်း

ဆင်သင့် ရှိနေပေ” ဆိုဘီး မိန့်တော်မူလေဟူယ်။ **41** ပေတရုဟု “သခင်၊ အယ်ပေါင်ဥပမာဟာ ကျွန်တော့်ဟားလေတွင် ပြောနေဇာလော။ လူလေ ဂူလောင်းတွင် ပြောနေဇာလော။” ဆိုဘီး မေးလျှော့-က်လေဟူယ်။ **42** သခင်ဘုရားဟု “သစ်စာရှိဘီး ပညာရှိဟူ စေခံဟု ဖယ်သုနူး။ အီဇရင်ဟာ စေခံလေဟူ အောက်ချောက်ဟို့န သတ်မှတ်ဟားဟူ ခီမာ စားဇာလေဟို့ ထုပေးဟို့ စေခံအောက် တယော့-က်ဟို့ ခန့်ဟားဟူယ်။ **43** အီဇရင် ပွန်လာဟူ ခီမာ သစ်စာရှိရှိ လောက်ဆောန်နေဇာဟို့ တွံရမယ် ဆိုဟာ အယ်စေခံဟာ မင်္ဂလာရှိဟူယ်။ **44** နန်းနို့ဟို့ ငါ မှန်တိုင်းပြောမယ်၊ အီဇရင်ဟာ သူ့အောက်စာပစ်စီး ဂူလောင်းဟို့ စီမံအောက်ချောက်ဟို့ အယ်စေခံဟို့ အပ်လေမယ်။ **45** အယ်ဘောမဲ့ အယ်စေခံဟာ ငါ့သခင် ပွန်လာဟို့ ကြာအူးမယ် ဆိုဘီး စိတ်မာ အော့-က်မေ့ဘီး စေခံယော့-က်ကျားလေ၊ စေခံမီးမလေဟို့ ရိုက်ဘီး သော့-က်စား ယစ်မောနေလေဟူယ်။ **46** အယ်စေခံရဲ့ သခင်ဟာ သူ့မျှော်လင့်ဘဲဟူနေ့ သိနိုင်ဘဲဟူ ခီမာ ပွန်ရော့-က်လာမယ် ဆိုဟာ အယ်စေခံဟို့ ပြင်းပြင်းထန်ထန် ပြစ်ဒန်ပေးဘီး ယောင်ကြည်ဘဲဟူ သူလေနုတူးဒု နေရာခွဟားရှင်းဟို့ ခံရလေမယ်။ **47** “သခင်ရဲ့ လိုဆန္ဒဟို့ သိသိဂီးန ပြင်ဆင်ဟားရှင်းလည်း မေ့ဘဲဟူ၊ သခင်ရဲ့ လိုဆန္ဒဟို့ လိုက်လျောရှင်းလည်း မေ့ဘဲဟူ စေခံဟာ ကီဒန်ဘောင်ဂီး ရိုက်ခံရလေမယ်။ **48** အယ်ဘောမဲ့ သခင်ရဲ့ လိုဆန္ဒဟို့ သိဘဲန ကီဒန်နဲဘဲ ထိုက်တန်ဟူ မှုဟို့ လောက်မိဟူ သူဟာ ကီဒန်နဲနဲဘဲ ရိုက်ခံရမယ်။ ဘောင်ဂီးရဟားဟူ သူလေနားဟုနေ ဘောင်ဂီးတောန်းလေမယ်။ ဘောင်ဂီးအပ်ဟားဟူ သူလေနားဟုနေ ဘောင်းဂီး တောန်းဂေ့လေမယ်။ **49** “ငါဟု အယ်လောကဟို့ မီးလောန်စေဟို့တွင် လာဟူယ်။ ခုဘဲ မီးလောန်စေရှင်ဘီ၊ **50** ငါခံယူရဟို့ ဗတ္တိဇံတခု ရှိသေးဟူယ်။ အယ်မူဇာဟို့ လောက်ဆောန်ဟို့ ပီးခန်ထိ ငါဟာ စီဒေါက်ခရော့-က်နေဟူယ်။ **51** အယ်လောကဟို့ ငြိသတ်ရှင်းပေးဟို့ ငါလာဟူယ် ဆိုဘီး ထန်ဂေ့ဟူယ်လော။ ငြိသတ်ရှင်းပေးဟို့ လာဟူဇာ မှုဟူ၊ ရှင်းရှင်း စိဝန်းကွဲစေဟို့ဘဲ ငါလာဟူယ်။ **52** ခုဟုနေဘီးဟာ လူငါးယော့-က်ရှိဟူ အီထောန်မာ နွေယော့-က်ဟု တဖတ်၊ သောင်းယော့-က်ဟု တဖတ် ဆန့်ကျင်ဘီး ကွဲပြားဂေ့လေမယ်။ **53** ဖနသား၊ မိနမီး၊ ယောက္ခမန ချွေးမလေ ရှင်းရှင်း စိဝန်းကွဲလေမယ်” ဆိုဘီး မိန့်တော်မူလေဟူယ်။ **54** ယေရှုဟာ လူလေဟို့ “နော့-က်ဖတ်မာ မိုးတီလေ တတ်လာဇာဟို့ ငြင်ဟူ ခီမာ မိုးဝါလေမယ် ဆိုဘီး နန်းနို့ရှစ်ရှင်း ပြောဂေ့ဟူယ်။ နန်းနို့ပြောမျိုးဘဲ ဖြစ်တတ်ဟူယ်။ **55** အယ်ဘီးန တောင်လေတိုက်လာနေဇာဟို့ မြင်ဟူ ခီမာ နေပူလေမယ် ဆိုဘီး ပြောဂေ့ဟူယ်။ နန်းနို့ပြောမျိုးဘဲ ဖြစ်တတ်ဟူယ်။ **56** သူတော်ကောင်း ယောန်ဆောန်ဟူသူလေ၊ နန်းနို့ဟာ ယွေဂီးန ကောင်းဂန်ရဲ့ ခြေနေဟို့ ကေ့ဘီးဟာ ရာသီဥတုရဲ့ ခြေနေဟို့ ပိုင်းခြားဘီး သိနိုင်ဂေ့ဟူယ်။ ခုကာလ ခြေနေဟို့ ဖြားဖြစ်ကြောန့် ခန့်မှန်းဘီး သိနိုင်ဂေ့ဟူနူး။ **57** “မှန်ကန်ဟူလောက်ဟို့ လောက်ဟို့တွင် ဖြားဖြစ်ကြောန့် နန်းနို့ကိုယ်တိုင် ဆောင်းဖြတ်ဂေ့ဟူနူး။ **58** နန်းနို့ဟို့ တရားစွဲဟူ လူနုတူးဒု တရားသူဂီးနားဟို့ သွားရမယ် ဆိုဟာ လမ်းမာ ကြေအေးအောန်လောက်ဂေ့။ အယ်မျိုးလောက်ဘဲဟု ဆိုဟာ သူဟာ နန်းနို့ တရားသူဂီးရှေ့ဟို့ ဆွဲခေါ်ဟားလေမယ်။ တရားသူဂီးဟု နန်းနို့ ရဲလတ်ထဲမာ အပ်လိုက်လေမယ်။ ရဲလေဟုလည်း နန်းနို့ ထောန်ထဲမာ ထဲဟားလေမယ်။ **59** နန်းနို့ဟို့ ငါ မှန်တိုင်းပြောမယ်၊ ကပ်ကွီးလေ ဂူလောင်းဟို့ ကျေအောန် ဆပ်ခန်ထိ နန်ဟာ ထောန်ထဲမာ နေရလေမယ်” ဆိုဘီး မိန့်တော်မူလေဟူယ်။

13 အယ်ခီမာ လူတချို့ဟာ ယေရှုနားဟို့ လာဘီး ပိလတ်ဟု သတ်ဖြတ်လိုက်ဟူ ဂါလိလဲလူလေကြောင်းဟို့ လျှော့-က်ဂေ့ဟူယ်။ အယ်လူလေဟာ ယဇ်ပူဇော်နေဒူးမာ သတ်ခံရဟူ သူလေ ဖြစ်ဂေ့ဟူယ်။ **2** ယေရှုဟာ သူးနို့ဟို့ “အယ်ဂါလိလဲ လူလေဟာ အယ်မျိုးသတ်ခံရဟူကြောန့် တခြားဂါလိလဲ လူလေထတ် ပိုဆိုးဟူ ပြစ်သားလေ ဖြစ်ဟူယ် ဆိုဘီး နန်းနို့ ထန်နေဂေ့ဟူယ် မှုဟလော။ **3** နန်းနို့ဟို့ ငါပြောမယ်၊ သူးနို့လေဟာ ပိုဆိုးဟူ ပြစ်သားလေ မှုဟု! အယ်ဘောမဲ့ နန်းနို့ဟာ နောန်ဒရဂေ့ဟု ဆိုဟာ အယ်လူလေမျိုးဘဲ သေကျေပျစ်စီးဂေ့ လေမယ်။ **4** ရှိလောင်မျှော်စင် ပြိက္ကဟူ ခီမာ ပိဘီးသေဟားဟူ လူဆယ်ရှစ်ယော့-က်ဟို့ ဖြားမျိုးပြောမယ်နူး။ သူးနို့ဟာ ယေရုရှလင်မြို့မာ နေထိုင်ဟူ တခြားသူလေ ဂူလောင်းထတ် ပိုဆိုးဟူ ပြစ်သားလေ ဖြစ်ဟူယ် ဆိုဘီး နန်းနို့ ထန်နေဂေ့လော။ **5** နန်းနို့ဟို့ ငါပြောမယ်၊ သူးနို့လေဟာ ပိုဆိုးဟူ ပြစ်သားလေ မှုဟူ။ အယ်ဘောမဲ့ နန်းနို့ဟာ နောန်ဒရဂေ့ဟု ဆိုဟာ အယ်လူလေမျိုးဘဲ သေကျေပျစ်စီးဂေ့ လေမယ်”

ဆိုဘီး မိန့်တော်မူလေဟယ်။ 6 အယ်ဘီးန ယေရှုဟာ အယ်ပေါင်ဥပမာန “လူတယော့-က်ရဲ့ စပျစ်ခြံထဲမှာ စိုက်ပျိုးဟူးဟူ သဖန်းဗန်တဗန် ရှိဟယ်။ ဇရှင်ဟာ အယ်ပန်မာ သီးဟို့ လာရှာဟူ ခီမာ တွဲရဟယ်။ 7 အယ်ကြောန သူဟာ ခြံစောန့်မားဟို့ ‘ငါဟာ အယ်သဖန်းဗန်မာ သဖန်းသီးလာရှာနေဇာ သောင်းနှစ်ရှိဟူးဘီး။ အယ်ဘောမဲ့ လောင်းလည်း တွဲရဟယ်။ အယ်မူပန်ဟို့ ခွတ်ပစ်လိုက်၊ ဖြားဖြစ်ကြောန့် မွေဗီးဟို့ ကျိုးမွှော့ဘဲအောန် လောက်နေဂေဟို့နူး။’ ဆိုဘီး ပြောလေဟယ်။ 8 အယ်ဘောမဲ့ ခြံစောန့်မားဟု ‘ဆရာ၊ အယ်ပန်ဟို့ တနှစ်လော့-က် ထားပေးပါအူး။ ပန်ရင်းပတ်ပတ်လည်ဟို့ တူးဆွဘီးဟာ မွေဩဇာ ထုံကေကေမယ်။ 9 အယ်ဆိုဟာ နော့-က်နှစ်မာ ပိုကောန့်ဟူ သီးဟို့ သီးရှင်သီးလေမယ်။ အယ်ဘောမဲ့ သီးသီးဟု ဆိုဟာ ခွတ်ပစ်ပါ ဆိုဘီး ပြောလေဟယ်။” ဆိုဘီး မိန့်တော်မူလေဟယ်။ 10 ဒန်းနော့ တနေမာ ယေရှုဟာ ဝါလယ်ဇရပ်တခုမာ သွန်သန်နေတော်မူဟယ်။ 11 အယ်နေရာမာ ဆယ့်ရှစ်နှစ်လောင်းလောင်း နတ်ဆိုးဝမ်ပူးရှင်းဟို့ ခံနေရဟူကြောန့် ခါးကူးဟားဘီး လောင်းဝ ခါးဆန့်နိုင်ဘဲဟူ မီးမတယော့-က်ရှိနေဟယ်။ 12 ယေရှုဟာ သူဟို့ ဗြင်ဟူ ခီမာ ရှေ့တော်ဟို့ ခေါ်ဘီး “ဝေ့ မီးမ၊ နန့်ရောဂါ ပျော့-က်ဟားဘီး!” ဆိုဘီး မိန့်တော်မူလေဟယ်။ 13 အယ်ဘီးန ကိုယ်တော်ဟာ သူထတ်မာ လတ်ဟို့ တန်လိုက်ဟူ ခီမာ ရှစ်ရှင်းဘွဲ့ သူရဲခါးဟာ ဆန်ဟားဘီး ဘုရားသခင်ဟို့ ချီးမွမ်းလေဟယ်။ 14 ဒန်းနော့မာ ယေရှုဟာ ရောဂါပျော့-က် စေတော်မူဟူကြောန့် ဝါလယ်ဇရပ်မူးဟာ စိဆိုးဘီး လူလေဟို့ “လောက်လောက်နိုင်ဟူရစ် ခြော့-က်ရစ်ရှိဟယ်။ အယ်ရစ်လေမာ ရောဂါလာကုဂေ။ ဒန်းနော့မာ ရောဂါလာကုဂေန့။” ဆိုဘီး ပြောလေဟယ်။ 15 သခင်ဘုရားဟာ သူဟို့ “သူတော်ကောန်း ယောန်ဆောန်ဟူသူလေ၊ နန်းနို့ ဂူလောင်းဟာ ဒန်းနော့မာ နန်းနို့ရဲ့ မြည်းလေ၊ နွားလေဟို့ တင်းကုပ်ဟုနေ ကြိုးဖြေပေးဘီး ရေတိုက်ဟို့ ခေါ်ဆောန်ဂေဟယ် မူဟလော။ 16 အယ်မျိုးဆိုဟာ ဆယ့်ရှစ်နှစ် လောင်းလောင်း စာတန်ရဲ့ တောက်နောန်ရှင်းဟို့ ခံနေရဟူ အာဗြဟံရဲ့ သမီးဟို့ ဒန်းနော့မာ ဖြေလွှတ်သင့်ဟယ် မူဟလော။” ဆိုဘီး မိန့်တော်မူလေဟယ်။ 17 အယ်မျိုး မိန့်တော်မူလိုက်ဟူ ခီမာ ကိုယ်တော်ဟို့ ဆန့်ကျင်ဖတ်လောက်နေဟူ သူလေဟာ ယုတ်ရဟားဂေဘီး လူလေ ဂူလောင်းဟာ ကိုယ်တော် လောက်ဟူ အံ့ဩဘွယ်လေကြောန့် ဝန်းသာဂေဟယ်။ 18 ယေရှုဟု “ဘုရားသခင်ရဲ့ နိုင်ငံတော်ဟာ ဖြားဇာန တူဟယ်နူး။ ဖြားဇာန နှိုင်းယှဉ်ရနူး။ 19 နိုင်ငံတော်ဟာ အယ်ပေါင်ဥပမာန တူဟယ်။ လူတယော့-က်ဟာ မုညင်းတစေ့ဟို့ သူ ခြံထဲမှာ စိုက်လိုက်ဟယ်။ အယ်စေ့ဟု ကီးလာဘီး သစ်ပန်ကီးဖြစ်လာဟူ ခီမာ အယ်ပန်ရဲ့ ကိုင်းခတ်လေမာ ကောန်းဂန်ငှတ်လေဟာ သူးနို့ရဲ့ သိုက်ဟို့ ဆော့-က်လောက်ဘီး နေဂေဟယ်။” ဆိုဘီး မိန့်တော်မူလေဟယ်။ 20 ယေရှုဟာ “ဘုရားသခင်ရဲ့ နိုင်ငံတော်ဟို့ ဖြားဇာန နှိုင်းယှဉ်ရဟို့နူး။ 21 နိုင်ငံတော်ဟာ အယ်ပေါင်ဥပမာန တူဟယ်။ မီးမတယော့-က်ဟာ တဆေးဟို့ ယူဘီး မုညစ်သောင်းတောန်းန ရောနှောလိုက်ဟူ ခီမာ မုညစ် အားလောင်းဂူဟို့ ဖောန်းကြစေနိုင်ဟူ တဆေးန တူဟယ်။” ဆိုဘီး ထပ်ဘီး မိန့်တော်မူလေဟယ်။ 22 အယ်ဘီးန ယေရှုဟာ ဗြို့လေ ဝါလေမာ သွန်သန်ဘီး ယေရုရှလင်ဗြို့ဟို့ သွားလေဟယ်။ 23 လူတယော့-က်ဟာ ကိုယ်တော်ဟို့ “သခင်၊ ကယ်တန်ရှင်းခံရဟူ သူလေ နံနဲဘွဲ့ ရှိဟယ်လော။” ဆိုဘီး မေးလျှော့-က်လေဟယ်။ 24 ယေရှုဟု “ခွဗော့-က်ကျဉ်းထဲဟို့ ဝမ်ဟို့ ကြိုးစားအားထုဂေ။ ဖြားဖြစ်ကြောန့်ဆိုဟာ လူလေဘောင်ဂီးဟာ အယ်ခွဗော့-က်ထဲဟို့ ဝမ်ဟို့ ကြိုးစားဘောမဲ့ ဝမ်နိုင်ဂေဟယ်။ 25 အီဇရှင်ဟာ ထဘီး ခွဗော့-က်ဟို့ ပီလိုက်ဟူကြောန့် နန်းနို့လေဟာ ယွန်မာရပ်ဘီး ခွဗော့-က်ဟို့ ခေါ့-က်ဘီး ‘ဆရာ၊ ကျွန်တော့ဟားလေဟို့ ခွဗော့-က်ဖွမ်ပေးပါ!’ ဆိုဘီး တောန်းဗန်ဂေလေမယ်။ ဇရှင်ဟု ‘နန်းနို့လေ ဖယ်ဟုလာဟယ် ဆိုဇာဟို့ ငါသိဟု။’ ဆိုဘီး ယွန်ပြောလေဟယ်။ 26 အယ်ဆိုဟာ နန်းနို့လေဟု ‘ကျွန်တော့ဟားလေဟာ ကိုယ်တော်နတူးဒု စားဂေဟယ်။ သော့-က်ဂေဟယ်။ ကျွန်တော့ဟားလေရဲ့ ဗြို့ဝါမာလည်း ကိုယ်တော်ဟာ သွန်သန်ပေးဟယ်!’ ဆိုဘီး ဖြေလေမယ်။ 27 အယ်ဘောမဲ့ ကိုယ်တော်ဟု ‘နန်းနို့ ဖယ်ဟုလာဟယ် ဆိုဇာဟို့ ငါသိဟု။ တရားဘဲဟူ မူဟို့ လောက်ဟူ သူလေ၊ ငါ့နားဟု ဖယ်ဂေ!’ ဆိုဘီး ပြောလေမယ်။ 28 နန်းနို့ဟာ ဘုရားသခင် နိုင်ငံတော်ထဲမာ အာဗြဟံ၊ ကူဇာက၊ ယာကုပ်န ပရောဖက်လေ ဂူလောင်းဟို့ ဗြင်ရဘောမဲ့ နန်းနို့လေဟာ နိုင်ငံတော်ယွန်ဟို့ နန်ထုခံရဟူ ခီမာ ရရာတိုင်း ငိုကြွေးဘီး အံသွားခဲလွှီရဂေ လေမယ်။ 29 ရှေ့ဖတ်၊ နော့-က်ဖတ်၊ တောန်ဖတ်၊ မြော့-က်ဖတ်ဟု လာဂေဟူ လူလေဟာ

ဘုရားသခင် နိုင်ငံတော်ရဲ့ စားသော-ကံဗွဲမာ လာဘီး ထိုင်ဂေ့လေ့မယ်။ 30 ခု နေ့-ကံဆောင်းဟို ရော-ကံနေဟူ သူလေဟာ ရှေ့ဆောင်းဟို ရော-ကံဂေ့လေ့မယ်။ ခု ရှေ့ဆောင်းဟို ရော-ကံနေဟူ သူလေဟာ နေ့-ကံဆောင်းဟို ရော-ကံဂေ့လေ့မယ်” ဆိုဘီး သူးနို့ဟို မိန့်တော်မူလေဟယ်။ 31 အယ်ခီမာ ဖာရိရဲတချို့ဟာ ယေရုရှားဟို လာဘီး “ဟေရုဒ်ဟု ကိုယ်တော်ဟို သတ်ရှင်နေဟူကြောန့် အယ်နေရာဟု ထွပ်ဟားဘီး တခြားနေရာဟို သွားပါ” ဆိုဘီး လျှော့-ကံလေဟယ်။ 32 ယေရုဟာ “အယ်ဗေဒီးဟို သွားပြောဂေ့ပါ။ ‘ငါဟာ အယ်နေန နတ်ကီးတိုင်မာလည်း နတ်ဆိုးလေဟို နှန်ထုဘီးဟာ ရောဂါလေဟိုလည်း ပျော့-ကံစေအူးမယ်။ သောင်းရစ်မြော့-ကံဟူနေမာ ငါ့ရဲ့ လောက်ဟို ပီးဆောင်းစေမယ်။’ 33 အယ်ဘေမဲ့ ငါဟာ အယ်နေန နတ်ကီးတိုင်၊ နတ်ကီးဖတ်လည်း ခရီးသွားရအူးမယ်။ ပရောဖက်ဟာ ယေရုရှလင်ဗြိုဟုလွဲဘီး တခြားနေရာမာ သတ်ခံရဟို မှေဟု။” 34 “ယေရုရှလင်ဗြို၊ ယေရုရှလင်ဗြို၊ ပရောဖက်လေဟို သတ်ဟူဗြို၊ ဘုရားသခင် စေလွှတ်လိုက်ဟူ တမန်လေဟို ကွော့-ကံခဲန ပစ်ဟူဗြို! ကြစ်မဟာ ကြစ်သားဟားလေဟို သူရဲ့ တောန်အေ့-ကံမာ စုသီးဟားမျိုး ငါဟာ နန့်ရဲ့လူမျိုး ဂူလောင်းဟိုလည်း စုသီးဟို ခါဘီးခါ လိုရှင်လေဟယ်။ အယ်ဘေမဲ့လည်း နန့်ဟာ ငါ့ဟို ခွမ့်ပြဟု! 35 အယ်ကြောန့် နန့်ရဲ့ အီဟို ဘုရားသခင် စွန့်ပစ်လေ့မယ်။ ငါပြောမယ်။ ‘ဘုရားသခင် နာမန ကြွလာဟူ သခင်ဟာ မင်္ဂလာရှိဟယ်’ ဆိုဘီး နန့်ပြောဟူခီ ရော-ကံခန်မာ ငါ့ဟို နန့်ပြင်ရလေ့မယ် မှဟု” ဆိုဘီး သူးနို့ဟို မိန့်တော်မူဟယ်။

14 ဒန်းနေမာ ယေရုဟာ စားစာစားဟို့ ဖာရိရဲခေါင်းဆောင်တယော့-ကံရဲ့ အီထဲဟို ဝမ်ဟားဟူ ခီမာ သူးနို့လေဟာ ကိုယ်တော်ဟို စောန့်ကေ့နေဂေ့ဟယ်။ 2 ရေဖျဉ်းစွဲမား တယော့-ကံဟာ ယေရုရှားဟို ရော-ကံလာဟယ်။ 3 ယေရုဟာ “ဒန်းနေမာ ရောဂါ ပျော့-ကံစေဟိုတွပ် ပညတ်တော်ဟု ခွမ့်ပြဟားဘဲ့လော။” ဆိုဘီး ဖာရိရဲလေန ကျမ်းတတ်ဆရာလေဟို မေးတော်မူလိုက်ဟယ်။ 4 အယ်ဘေမဲ့ သူးနို့လေဟာ တိဆိနေဂေ့ဟယ်။ ယေရုဟာ အယ်လူနာဟို ခေါ်ဘီး၊ ရောဂါပျော့-ကံစေဘီး သူဟို လွှတ်လိုက်ဟယ်။ 5 ကိုယ်တော်ဟု “နန်းနို့ရဲ့ သားဂန်းဟားဘဲ့ဖြစ်ဖြစ်၊ နွားတကောန်ဘဲ့ဖြစ်ဖြစ် ဒန်းနေမာ ရေဒွမ်းထဲဟို ကွဟားမယ် ဆိုဟာ နန်းနို့ဟာ ရှစ်ရှင်း ဆွဲဒန်လေ့မယ် မှဟုလော။” ဆိုဘီး သူးနို့ဟို မေးတော်မူလေဟယ်။ 6 အယ်ဘေမဲ့ သူးနို့လေဟာ ဖြားလည်း ဖြေနိုင်ဂေ့ဟု။ 7 ဧည့်သည်လေဟာ ကောန်းဆောင်းနေရာဟို ဝီးကော့-ကံနေဇာဟို ယေရုပြင်ဟူ ခီမာ သူးနို့လေဟို အယ်ပေါင်ဥပမာန 8 “နန်းနို့ဟို ယော့-ကံယော့-ကံဟု အီတတ်ဗွဲဟို ဖိဟားဟူ ခီမာ ကောန်းဆောင်းနေရာမာ ထိုင်ဂေ့န။ နန်းနို့ထတ် ရေးကီးဟူ ယော့-ကံယော့-ကံဟိုလည်း ဖိခေါ်ဟားမယ် ဆိုဟု။ 9 ခေါ်ဖိသူဟာ နန့်ဟို ‘အယ်လူတွပ် နေရာဖယ်ပေးဂေ့’ ဆိုဘီး ပြောလေ့မယ်။ အယ်ဆိုဟာ နန့်ဟာ ယှစ်ရဘီး နိုဆောင်းနေရာမာ ထိုင်ရလေ့မယ်။ 10 အယ်ကြောန့် နန့်ဟို ဖိခေါ် ဟူ ခီမာ နိုဆောင်းနေရာမာ သွားဘီးထိုင်ဂေ့။ အယ်မျိုးဆိုဟာ ဖိခေါ် သူဟု နန့်နားဟို လာဘီးဟာ ‘မိဆွေ ပိုကောန်းဟူ နေရာမာ ထိုင်ပါ’ ဆိုဘီး နန့်ဟို ပြောလေ့မယ်။ အယ်ဆိုဟာ နန့်ဟာ ဧည့်သည်လေရဲ့ ရှေ့မာ ဂေါင်သရေ ရှိလေ့မယ်။” 11 “အယ်ကြောန့် ကိုယ့်ကိုယ်ကိုယ် ချီးမြှော့-ကံဟူသူဟာ နို့ဒွေခံရဘီး ကိုယ့်ကိုယ်ကိုယ် နို့ဒွေဟူသူဟာ ချီးမြှော့-ကံခံရလေ့မယ်” ဆိုဘီး မိန့်တော်မူဟယ်။ 12 အယ်ဘီးန ယေရုဟာ ဖိခေါ် သူဟို “နန့်ဟာ မွန်းဒဲဇာ၊ ညဉ့်ဇာဟို ကျွေးမွေးဟူ ခီမာ မိဆွေလေ၊ ညီကိုလေ၊ ဆွေမျိုးလေ၊ အီဇနီးရှင်း ဌေးလေဟို ဖိခေါ် န။ ဖြားဖြစ်ကြောန့်ဆိုဟာ သူးနို့လေဟာ နန့်ဟို ယွန်ဖိဘီးဟာ ကျေးဇူးဆပ်လေ့မယ်။ 13 အယ်ကြောန့် စားသော့-ကံဗွဲ ကျင်းပဟူ ခီမာ ဆင်းရဲသား၊ အင်္ဂါချိုတဲ့သူ၊ ခေသန်ဘဲဟူသူ၊ မျစ်စိကားသူလေဟိုဘွဲ့ ဖိခေါ် ပါ။ 14 အယ်မျိုးဆိုဟာ နန့်ဟာ မင်္ဂလာရှိလေ့မယ်။ ဖြားဖြစ်ကြောန့်ဆိုဟာ သူးနို့လေဟာ နန့်ဟို ယွန်ဘီး ကျေးဇူးဆပ်နိုင်ဂေ့ဟို မှဟု။ အယ်ဘေမဲ့လည်း ဖြောန့်မတ်သူလေ ရှင်ယွန်ထမြော့-ကံဟူ ခီမာ ဘုရားသခင်ဟု နန့်ဟို ယွန်ဆပ်ပေးလေ့မယ်” ဆိုဘီး မိန့်တော်မူလေဟယ်။ 15 စားဗွဲမာ ထိုင်နေဟူ ဧည့်သည်လေထဲဟု တယော့-ကံဟာ အယ်စကားဟို ကြားဟူ ခီမာ ယေရုဟို “ဘုရားသခင်နိုင်ငံတော်ရဲ့ စားသော့-ကံဗွဲမာ ထိုင်ရဟူ သူလေဟာ ရရာတိုင်း ပျော်လေ့မယ်!” ဆိုဘီး လျှော့-ကံလေဟယ်။ 16 ယေရုဟာ “လူတယော့-ကံဟာ စားသော့-ကံဗွဲမာဟို ပြင်ဆင်ဟားဘီး

လူဘောင်ဂီးဟို ဖိဟားဂေဟယ်။ 17 စားသော-ကံဗွဲခီ ရော-ကံဟူ ခီမာ ဖိဟားဟူ လူလေနားဟို သူရဲကျွန်ဟို စေလွှတ်ဘီးဟာ ‘ဂူလောင်း ဆင်သင့်ဖြစ်နေဘီ။ ကြွေဂေပါ!’ ဆိုဘီး ပြောစေဟယ်။ 18 အယ်ဘောမဲ့ သူးနို့လေ ဂူလောင်းဟာ ယော-ကံဘီးယော-ကံ ဆင်ခေလတ်ခေလေ ပေးဂေဟယ်။ ပထမတယော-ကံဟ ‘ငါ့ဟာ လဲဗွန်တဂွပ် ဝယ်ဟားဇာဟို သွားဘီး ကေ့ကေ့ရအူးမယ်။ ငါ့ဟို ခွမ့်လွတ်ဟို တောန်းလျှော့-ကံပါဟယ်’ ဆိုဘီး ပြောလေဟယ်။ 19 နော့-ကံထပ် တယော-ကံဟ ‘ငါဝယ်ဟားဟူ နွားငါးရှဉ်းဟို မောန်းစမ်းဟို သွားရအူးမယ်။ ငါ့ဟို ခွမ့်လွတ်ဟို တောန်းလျှော့-ကံပါဟယ်’ ဆိုဘီး ပြောလေဟယ်။ 20 နော့-ကံထပ် တယော-ကံဟ ‘ငါလည်း ခုဘဲသေး အီထောန်ကွေ့ကြောန် လာနိုင်ဟို မူဟ’ ဆိုဘီး ပြောလေဟယ်။ 21 စေခံဟာ သူသခင်နားဟို ယွန်ဟားဘီးဟာ အယ်ကြောန်းရာ ဂူလောင်းဟို ယွန်ပြောပြဟယ်။ သခင်ဟာ ရရာတိုင်း ဒေါသထွပ်ဟားဘီး ‘မြို့ထဲမာရှိဟူ လမ်းမလမ်းကြားလေဟို ဗြန်းဗြန်းသွား။ အယ်ဘီးဟာ ဆင်းရဲသား၊ အင်္ဂါချိုတဲ့သူ၊ ခေသန်ဘဲဟူသူ၊ မျစ်စိကန်းသူလေဟို ခေါ်ပါ’ ဆိုဘီး သူရဲစေခံဟို ပြောလေဟယ်။ 22 စေခံဟာ ယွန်ရော့-ကံလာဘီး ‘သခင်၊ သခင်ခိုင်းဒဲတိုင်း လောကံပီးဘီ။ အယ်ဘောမဲ့ နေရာလပ်လေ ရှိနေသေးဟယ်’ ဆိုဘီး ပြောလေဟယ်။ 23 အယ်ကြောန် သခင်ဟ ‘မြို့ယွန်၊ လမ်းမ၊ ခြစ်ဉ်းရိုးနားဟို သွားပါ။ အယ်ဘီးဟာ ငါ့အီဟို ပွဲအောန် လူလေဟို ခေါ်လာပါ’ ဆိုဘီး စေခံဟို ပြောလေဟယ်။ 24 နန်းနို့ဟို ငါပြောမယ်။ ရင်းရင်းဒူးဟ ဖိခေါ်ဟားဟူ လူလေ တယော-ကံလည်း ငါ့ရဲ့ စားသော-ကံဗွဲဟို မြည်းစမ်းရလေဟို မူဟ!’ ဆိုဘီး ပြောလေဟယ်။ 25 လူအောက်ဂီးဟာ ယေရှုတူးဒူ သွားနေဟူ ခီမာ ကိုယ်တော်ဟာ လှည့်ကေ့ဘီး 26 “ယော့-ကံယော့-ကံဟာ ငါ့နားဟို လာဘောမဲ့လည်း ငါ့ဟို ရှစ်ဇာထတ် မိမ၊ သားမယား၊ နောန်၊ ညီမန သူးနို့ရဲ့ သတ်ဟို ပိုဘီး ရှစ်မယ် ဆိုဟာ ငါတဗဲ ဖြစ်နိုင်ဟို မူဟ။ 27 သူးနို့ရဲ့ လတ်ဝါးကပ်တိုင်ဟို ထမ်းဘီး ငါ့နော့-ကံဟို လိုက်ဂေဟာ ဆိုဟာ ငါတဗဲလေ ဖြစ်နိုင်ဟို မူဟ။ 28 နန်းနို့ထဲဟ တယော့-ကံဟာ မျှော်စင်တခုဟို ဆော့-ကံမယ် ဆိုဘီး ကြိရှိဟူသူဟ ကပ်လော့-ကံငှအောန် ရှိလော၊ မေ့ဟလော ဆိုဘီး ရင်ဦးဆောင်း ထိုင်ဘီး ကူကွဇာလေဟို တွပ်ကေ့လေမယ်။ 29 အယ်မျိုးတွပ်ဘဲန ဆိုဟာ မျှော်စင်ဟို အပြစ်ခွဘီး ပီးအောန် ဆော့-ကံနိုင်ဘဲကြောန် ဗြင်ဟူသူလေ ဂူလောင်းဟာ ရယ်ဇားလေမယ်။ 30 ‘အယ်လူဟာ တည်ဆော့-ကံဟို စပြုနိုင်ဘောမဲ့ ဆောင်းသတ်နိုင်ဘဲဟူသူ!’ ဆိုဘီး သူးနို့ဟာ ပြောဂေလေမယ်။ 31 စစ်သား ၁၀,၀၀၀ ရှိဟူ မန်းဂီးတပါးဟာ စစ်သား ၂၀,၀၀၀ န ချီတတ်လာဟူ တခြားမန်းဂီးဟို ထွပ်ဘီး ရင်ဆိုင်မယ် ဆိုဟာ အယ်စစ်သားအင်အားန ခုခံနိုင်မယ် ခုခံနိုင်ဟ ဆိုဘီး ရင်ဦးဆောင်း ထိုင်ဘီးဟာ တွပ်ကေ့ဘီး ဆောင်းဖြတ်လေမယ်။ 32 ခုခံဟို အင်အား မေ့ဟ ဆိုဟာ တခြားမန်းဂီးဟာ ဝီးဂီးမာ ရှိနေဂဒဲဟ တမန်လေဟို လွတ်ဘီးဟာ စစ်ပြေငြိမ်းရေး စကားဟို တောန်းလျှော့-ကံရလေမယ်။ 33 အယ်မျိုးဘဲ နန်းနို့မာ ရှိမျှဟို စွန်ဘဲဟ ဆိုဟာ ငါတဗဲ ဖြစ်နိုင်ဟို မူဟ။” 34 “ဆားဟာ ကောန်းဟယ်။ အယ်ဘောမဲ့ ငန်ခါတ်မေ့ဟ ဆိုဟာ ငန်ဟူ ရသဟို ယွန်ရဟို နည်းလမ်းမေ့ဘီ။ 35 မွေဆီလွှာတွပ်လည်း ကောန်းဟ။ မွေဩဇာတွပ်လည်း ကောန်းဘဲဟူကြောန် ဝီးစီးဟို ပစ်လွှပ်လိုက်ဂေဟယ်။ “အယ်ကြောန် နန်ဟာ နားရှိဟယ် ဆိုဟာ ကြားဂေ!” ဆိုဘီး မိန့်တော်မူလေဟယ်။

15 တနေမာ ခွန်ကော့-ကံမားလေန ပြစ်သားလေဟာ တရားစကားဟို နားထောန်ဟိုတွပ် ယေရှုနားဟို ရော့-ကံလာဟူ ခီမာ 2 ဖာရိရှလေန ကျမ်းတတ်ဆရာလေဟ “အယ်လူဟာ ပြစ်သားလေဟို လတ်ခံဘီးဟာ သူးနို့တူးဒူလည်း စားသော့-ကံဂေဟယ်!” ဆိုဘီး ပြစ်တန်ဂေဟယ်။ 3 အယ်ကြောန် ယေရှုဟ အယ်ပေါင်ဥပမာန 4 “နန်းနို့ထဲဟ တယော့-ကံမာ သိုးကောန်တရာရှိဘီး တကောန်ပျော့-ကံဟားမယ် ဆိုဟာ ဖယ်မျိုးလောက်ဂေမယ်နဲ့။ သိုးကိုးဆယ်ကိုးကောန်ဟို စားကျစ်မာ ထားရစ်ဘီးဟာ ပျော့-ကံနေဟူ သိုးတကောန်ဟို တွံအောန်လိုက်ရှာဂေလေမယ်။ 5 အယ်သိုးဟို ယွန်တို့ဟူ ခီမာ ရရာတိုင်း ဝန်းသာဘီးဟာ ခေါင်းထတ်မာ 6 ထမ်းဘီး အီဟို ယွန်ဟားဟယ်။ အယ်ဘီးန အီဇီးရှင်းလေန မိဆွေလေဟို ခေါ်ဘီးဟာ ‘ပျော့-ကံနေဟူ သိုးဟို ငါယွန်တို့ဟားဘီ။ နို့လေ ပွဲလောက်ဂေဇို!’ ဆိုဘီး ပြောလေမယ်။ 7 အယ်မျိုးဘဲ နောန်ဒရဲဘဲဟူ ဖြောန်မတ်သူ ကိုးဆယ်ကိုးယော့-ကံထတ် နောန်ဒရဲဟူ

ပြစ်သားတယော့-ကံတွပ် ကောန်းဂန်ဘောင်မာ ပိုဘီး ဝန်းသာလေမယ် ဆိုဘီး နန်းနို့ဟို ငါပြောဟယ်။” 8 “အယ်မျိုးဘဲ မီးမတယော့-ကံမာ ငွေဒန်းဂါး ဆယ်ဟွားရှိဘီး ငွေဒန်းဂါး တဟွားပျော့-ကံဟားမယ် ဆိုဟာ အယ်မီးမ မြားစာလောက်မယ်နဲ့။ သူဟာ မီးအီထွန်းဘီး၊ ရှင်းလန်းဘီးဟာ တိုအောန် သေးသေချားချာ ရှာလေမယ်။ 9 အယ်ငွေဒန်းဂါးဟို တို့ဟူ ခီမာ သူဟာ အီဇနီးရှင်းလေန မိဆွေလေဟို ခေါ်ဘီး ‘ပျော့-ကံဟားဟူ ဒန်းဂါးဟို ငါပြန်တို့ဘီး၊ နို့လေ ပွဲလောက်ဂေဇို!’ ဆိုဘီး ပြောလေမယ်။ 10 အယ်မျိုးဘဲ ဘုရားသခင်ရဲ့ ကောန်းဂန်တမန်လေဟာလည်း နောန်ဒရဟူ ပြစ်သားတယော့-ကံတွပ် ရရာတိုင်း ဝန်းသာလေမယ် ဆိုဇာဟို နန်းနို့ဟို ငါပြောဟယ်” ဆိုဘီး မိန့်တော်မူလေဟယ်။ 11 ယေရူဟာ ဆစ်ဘီး “လူတယော့-ကံမာ သားနေယော့-ကံ ရှိဟယ်။ 12 သားငယ်ဟု ဖဟို ‘ဖ၊ နို့ရဲ့ မွီလေဟို ပေးပါ’ ဆိုဘီး တောန်းလေဟယ်။ အယ်ကြောန့် ဖဟု သူရဲ့ မွီအောက်စာလေဟို သားနေယော့-ကံဟို ခွဲပေးလိုက်ဟယ်။ 13 ရစ်နန်ကြာဘီးန သားငယ်ဟာ သူရဲ့ မွီအောက်စာလေဟို ရောန်းခွဲဘီး ကပ်ထုန အီထတ်ဟုန ဆင်းဟားဟယ်။ သူဟာ ဟိုးဝီးမီးမာရှိနေဟူ တိုင်းပြည်ဟို သွားဘီး အယ်နေရာမာ ဗရမ်းဗဒါသတ်ရှင်ဘီးဟာ သူကပ်လေဟို ဖြုန်းစားပစ်လေဟယ်။ 14 သူရဲ့ ကပ်လေ ဂူလောင်းဟို သောင်းဖြုန်းပစ်ဘီးဟူ ခီမာ အယ်တိုင်းပြည် နွဲ့ဟားမာ ဆိုးဝါးဟူ ငတ်မွတ်ရှင်းဘေး ကွေရော-ကံလာဟူကြောန့် သူဟာ ငတ်ပြတ်လေဟယ်။ 15 အယ်ကြောန့် အယ်တိုင်းပြည်ရဲ့ ပြည်သားလေထဲဟု တယော့-ကံနားဟို လောက်လောက်ဟို သွားလေဟယ်။ အယ်ပြည်သားဟု သူရဲ့လဲဗွန်ထဲဟို စေလွှတ်လိုက်ဘီး ဝပ်လေဟို ထီးခိုင်းလေဟယ်။ 16 သူဟာ ဝပ်လေစားနေဟူ ပဲတောန်လေဟို စားရှင်ဟူစီ ဖြစ်လာလေဟယ်။ အယ်ဘေမဲ့ ဖယ်သူလည်း သူဟို စားဇာကျွေးဟိုသူ မေ့ဟူ။ 17 နော့-ကံဆောင်းမာ သူဟာ သိတရား ဝမ်လာဘီး ‘ငါ့ဖရဲ့ လောက်သမားလေ ဂူလောင်းဟာ ပိုကံအောန် စားနေရဂေဟယ်။ ငါဟု အယ်မာ ငတ်ပြတ်နေဟယ်! 18 ငါ့ဖနားဟို သွားဘီး ‘ဖ၊ နို့ဟာ ကောန်းဂန်ဟိုရော၊ နို့ဖဟိုရော ပြစ်မှားမိဘီး။ 19 နို့ဟို သား ဆိုဘီး ခေါ်ဟိုထိုက်ဟူ။ နို့ဖရဲ့ လောက်သမား တယော့-ကံမျိုးဘဲ ပြုမူပါ” ဆိုဘီး ပြောမယ်’ ဆိုဘီး ကြံစည်ရှိလေဟယ်။ 20 အယ်ကြောန့် သူဟာ ထဘီး ဖနားဟို ပွန်ဟားဟယ်။ “သူဟာ ဟိုးဝီးမီးမာရှိနေဒူးမာ သူရဲ့ဖဟု သားဟို ဗြင်လိုက်ဟူ ခီမာ သနားစီ ဖြစ်လာဟူကြောန့် လွှေးလာဘီး၊ သူဟို ပိုက်ဘီး နမ်းလေဟယ်။ 21 သားဟာ ‘ဖ၊ နို့ဟာ ကောန်းဂန်ဟိုရော၊ နို့ဖဟိုရော ပြစ်မှားမိဘီး၊ နို့ဟို သား ဆိုဘီး ခေါ်ဟိုထိုက်ဟု’ ဆိုဘီး ပြောလေဟယ်။ 22 အယ်ဘေမဲ့ ဖဟု စေခံလေဟို ခေါ်လိုက်ဘီး ‘ဗြင်းဗြင်လောက! ကောန်းဆောင်း ဝတ်လောင်ရှယ်ဟို ယူလာဘီးဟာ သူဟို ဝတ်ပေးဂေ။ သူလတ်မာ လတ်စွပ်ဟို စွပ်ပေးဘီး သူရဲ့ခေမာ ခေနပ်ဟို စီးပေးဂေ။ 23 အယ်ဘီးဟာ ကောန်းဆောင်း နွားသားဂန်းဟို သွားဘီးဟာ သတ်ဂေ။ နို့လေ စားသော့-ကံဗွဲဂီးဟို လောက်ဂေဇို! 24 ဖြားဖြစ်ကြောန့်နွားဆိုဟာ ငါ့သားဟာ ရင်းရင်းဒူးဟု သေဟားဘေမဲ့ ခုလွန်ရှင်ဟားဘီး။ ရင်းရင်းဒူးဟု ပျော့-ကံဟားဘေမဲ့ ခုလွန်တို့ဟားဘီး’ ဆိုဘီး ပြောလေဟယ်။ အယ်ဘီးန စားသော့-ကံဗွဲဂီးဟို စပြုဂေလေဟယ်။” 25 “အယ်ခီမာဘဲ သားဂီးဟာ လဲဗွန်ဟုန အီဟို ပွန်လာလေဟယ်။ အီနားဟို ရော့-ကံလာဟူ ခီမာ တီးမူသံလေ၊ ကခုသံလေဟို ကြားရဟယ်။ 26 အယ်ကြောန့် စေခံတယော့-ကံဟို ခေါ်ဘီး ‘ဖြားဇာလေ ဖြစ်နေဂေနဲ့။’ ဆိုဘီး မေးလေဟယ်။ 27 စေခံဟု ‘သင့်ရဲ့ညီဟာ ဘေးတို့ဘဲန ပွန်ရော့-ကံလာဟူကြောန့် သင့်ရဲ့ဖဟု ကောန်းဆောင်း နွားသားဂန်းဟို သတ်ဘီးဟာ စားသော့-ကံဗွဲဂီး လောက်ပေးနေဟယ်’ ဆိုဘီး ပွန်ပြောလေဟယ်။ 28 သားဂီးဟာ ရရာတိုင်း မျစ်ဘီးဟာ အီထဲဟို ဝမ်ဘဲန နေလေဟယ်။ အယ်ကြောန့် သူဖဟာ ပွန်ဟို ထွပ်လာဘီးဟာ သူဟို ဖျောန်းဖျလေဟယ်။ 29 အယ်ဘေမဲ့ သူဟာ ဖဟို ‘နို့ဟာ နှစ်လဘောင်ဂီး ကျွန်တယော့-ကံမျိုး နို့ဖတွပ် လောက်လောက်ပေးဟယ်။ နို့ဖရဲ့ မိန့်ဟိုလည်း မြဲဒမ်း နားထောန်ဟယ်။ အယ်ဘေမဲ့ နို့ဖဟာ နို့ဟို ဖြားဇာပေးဖူးနဲ့။ နို့ငယ်ဂျင်းလေနတူးဒူး စားသော့-ကံဗွဲလောက်ဟိုတွပ် ဘဲတကောန်ဟိုမျှ ပေးဖူးဟု! 30 အယ်ဘေမဲ့ နို့ဖရဲ့ အောက်စာ ပစ်စီးလေဟို မီးမပျစ်လေန ပျော်ပါးဖူးစားပစ်ဘီး ပွန်လာဟူ အယ်သားတွပ် ဆိုဘီး ကောန်းဆောင်း နွားသားဂန်းဟို သတ်ဘီးကျွေးဟယ်!’ ဆိုဘီး ပွန်ပြောလေဟယ်။ 31 ဖဟု ‘ငါ့သား၊ သားဟု ဖနတူးဒူး မြဲဒမ်းနေဟယ်။ ဖရဲ့ အောက်စာပစ်စီး ဂူလောင်းဟာလည်း သားရဲ့ အောက်စာပစ်စီးလေ ဖြစ်ဟယ်။ 32 အယ်ဘေမဲ့ သားရဲ့ ညီဟာ ရင်းရင်းဒူးဟု သေဟားဘေမဲ့

ခုနုနုသတ်ရှင်ဟောင်းဘီ။ ရင်းရင်းဒူးဟု ပျော့-က်ဟောင်းဘေးမဲ့ ခုနုနုတို့ဟောင်းဘီ။ အယ်ကြောန့် နို့လေဟာ ဝန်းသားဘီး ပွဲလောက်နေဟယ်’ ဆိုဘီး ညွှန်ပြောလေဟယ်” ဆိုဘီး မိန့်တော်မူလေဟယ်။

16 ယေရှုဟာ တဗွဲတော်လေဟို “ဌေးတယော့-က်မာ ဘဏ္ဍာစိုး တယော့-က် ရှိဟယ်။ အယ်ဘဏ္ဍာစိုးဟာ ဌေးရဲ့ အောက်စာ ပစ်စီးလေဟို ဖျူးစားပစ်နေဟယ် ဆိုဘီး ဌေးဟို လာပြောဂေဟယ်။ **2** အယ်ကြောန့် ဌေးဟု ဘဏ္ဍာစိုးဟို ခေါ်ဘီး ‘နန့်ကြောန်းလေ ငါကြားရဇာလေဟု ဖြားလေနူး။ နန့်ဟို ငါ့ရဲ့ ဘဏ္ဍာစိုးဖြစ်နု ဆစ်ဘီး ထားနိုင်ဟိုမှဘီ။ အယ်ကြောန့် နန့်ရဲ့ လောက်ငန်းနုဆိုင်ဟူ စာရင်းလေဟို တန်ပြပါ’ ဆိုဘီး ပြောလေဟယ်။ **3** ဘဏ္ဍာစိုးဟု ‘ငါ့သခင်ဟု ငါ့ဟို လောက်ဖျလိုက်ဘီ။ ငါ ဖယ်မျိုးလောက်ရမယ်နူး။ ငါ့မာ မွေတူးဟို ခွန်အားလည်း မေ့ဟု။ တောန်းစားဟိုလည်း ငါယစ်ဟယ်။ **4** ဘဏ္ဍာစိုး ရာထူးဟုနေ ငါ့ယူဟောင်းဟူ ခီမာ လူလေဟာ သူးနို့ရဲ့ အီလေမာ ငါ့ဟို လတ်ခံအောန် ဖြားမျိုးလောက်ရမယ် ဆိုဇာဟို ငါသိဘီ။’ ဆိုဘီး ကိုယ့်ကိုယ်ကိုယ် ပြောလေဟယ်။ **5** အယ်ကြောန့် သူ့သခင်ဟို ကပ်ကွီးပေးဇာရှိဟူ လူလေ ဂူလောင်းဟို ခေါ်လိုက်ဟယ်။ ပထမလူဟို ‘ငါ့သခင်ဟို ဆပ်ရဟို ကပ်ကွီး ဖယ်မျိုးရနူး’ ဆိုဘီး မေးလေဟယ်။ **6** အယ်လူဟု ‘ဆီဂါလံ ၈၀၀ ပေးဇာ ရှိပါဟယ်’ ဆိုဘီး ညွှန်ဖြေဟယ်။ ဘဏ္ဍာစိုးဟု သူ့ဟို ‘နန့်ရဲ့ ကပ်ကွီးစာရင်းဟို ယူဘီး ဂါလံ ၄၀၀ ဆိုဘီး ဗြန်းဗြန်းဟောင်းပေါ်’ ဆိုဘီး ပြောလေဟယ်။ **7** အယ်ဘီးနု နော့-က်ထပ် တယော့-က်ဟို ‘နန့်မာလည်း ကပ်ကွီး ဖယ်မျိုးရှိဟယ်နူး’ ဆိုဘီး မေးလေဟယ်။ သူဟု ‘ဂျောင်အိ ၁,၀၀၀ ပေးဇာရှိပါဟယ်’ ဆိုဘီး ညွှန်ဖြေဟယ်။ ဘဏ္ဍာစိုးဟု ‘နန့်ရဲ့ ကပ်ကွီး စာရင်းဟို ယူဘီး အိ ၈၀၀ ဆိုဘီး ရေးပါ’ ဆိုဘီး သူဟို ပြောလေဟယ်။ **8** သခင်ဟု အယ်မျိုးရိုးသားဘဲဟူ ဘဏ္ဍာစိုးရဲ့ ပါးနပ်ဟူ လောက်ဆောန်မူတွပ် သူဟို ချီးကျူးလေဟယ်။ ဖြားဖြစ်ကြောန့်နူးဆိုဟာ လောကသားလေဟာ သူးနို့ရဲ့ လောကီကိစ္စလေ လောက်ဟူ ခီမာ လန်းသားလေထတ် ပိုဘီး ပါးနပ်ဂေဟယ်” ဆိုဘီး မိန့်တော်မူလေဟယ်။ (aiōn g165) **9** ယေရှုဟု “နန့်နို့ဟို ငါပြောမယ်။ လောက စည်းဇိမ်အားဖြင့် မိဆွေလေ ရအောန်လောက်ဂေ။ အယ်မျိုးဆိုဟာ အယ်စည်းဇိမ်လေ ကူဟောင်းဟူ ခီမာ သူးနို့ဟာ နန့်နို့ဟို ထာဝရအီတော်မာ ကြိုဆိုလတ်ခံလေမယ်။ (aiōnios g166) **10** သေးငယ်ဟူ မူမာ သစ်စာရှိဟူသူဟာ ကီးမားဟူ မူမာလည်း သစ်စာရှိလေမယ်။ သေးငယ်ဟူ မူမာ သစ်စာမော့ဘဲဟူ သူဟာ ကီးမားဟူ မူမာလည်း သစ်စာရှိလေမယ် မူဟု။ **11** အယ်ကြောန့် နန့်နို့ဟာ လောကစည်းဇိမ်ဟို သောင်းပြဟူ ခီမာ သစ်စာမော့ဘဲဟူသူ ဖြစ်မယ် ဆိုဟာ စစ်မှန်ဟူ စည်းဇိမ်ဟို ဖယ်သူဟု နန့်နို့ဟို အပ်မယ်နူး။ **12** အယ်ဘီးဟာ တခြားလူရဲ့ အောက်စာပစ်စီးဟို သောင်းပြဟူ ခီမာ သစ်စာမေ့ဟု ဆိုဟာ နန့်နို့ပိုင်ဆိုင်ဟို အောက်စာပစ်စီးဟို ဖယ်သူဟာ ပေးဂေမယ်နူး။ **13** “ဖယ်ကျွန်ဘဲဖြစ်ဖြစ် သခင်နေယော့-က်ရဲ့ စေဟို ခံနိုင်ဟု။ သခင်တယော့-က်ဟို မူးဘီး သခင်တယော့-က်ဟို ရှစ်လေမယ်။ တယော့-က်ဟို သစ်စာစောန့်ဘီး တယော့-က်ဟို ထီလေးဇားလောက်လေမယ်။ နန့်နို့လေဟာ ဘုရားသခင်နု လောကစည်းဇိမ်လေဟို တပြိုင်ဒဲ စေခံနိုင်ဂေဟု” ဆိုဘီး မိန့်တော်မူလေဟယ်။ **14** အယ်စကားလေဟို ဖာရိရှဲလေ ကြားရဟူ ခီမာ ယေရှုဟို လှော်နုပြောန်ဂေဟယ်။ ဖြားဖြစ်ကြောန့်နူးဆိုဟာ သူးနို့လေဟာ ကပ်မတ်မားလေ ဖြစ်ဟယ်။ **15** ယေရှုဟာ သူးနို့ဟို “နန့်နို့ဟာ လူလေရဲ့ ရှေ့မာ ဖြောန်မတ်ဟန်ဆောန်ဟယ်။ အယ်ဘေးမဲ့ ဘုရားသခင်ဟာ နန့်နို့ရဲ့ စိန်လောင်းဟို သိနေဟယ်။ လူလေ ရရာတိုင်း တန်ဖိုးထားဟူဇာဟာ ဘုရားသခင်ရဲ့ ရှေ့မာ ရွံဇာကောင်းဟယ်” ဆိုဘီး မိန့်တော်မူလေဟယ်။ **16** “မောရှေရဲ့ ပညတ်ကျမ်းနု ပရောဖက်ကျမ်းလေဟာ ဗတ္တိဇီယောဟန် လတ်ထတ်ထိ သတ်ရော့-က်မူ ရှိဟယ်။ အယ်ခီကဒဲဟုနေ ဘုရားသခင်ရဲ့ နိုင်ငံတော်ကြောန်း ဒန်းကောင်းဟို ဟောပြောဂေဟယ်။ လူတိုင်းဟာ အယ်နိုင်ငံတော်ထဲဟို လုယက် တိုးဝမ်ဂေဟယ်။ **17** အယ်ဘေးမဲ့ ပညတ်တရားထဲမာ ငယ်ဆောင်းဖြစ်ဟူ စာလောင်း တလောင်းပျစ်စီးဟိုထတ် ကောင်းဂန်ဘောင်နု မွေဂီး ပျစ်စီးဟို လွယ်ဟယ်။” **18** “ကိုယ့်မယားဟို ကွာရှင်းဘီးဟာ တခြားမီးမနု အီထောန်ပြဟူသူဟာ အီထောန်ရေးဖော့-က်ယွန်ရှင်းဟို ကျူးလွန်သူ ဖြစ်ဟယ်။ ကွာရှင်းဟောင်းဟူ မီးမတယော့-က်နု အီထောန်ပြဟူ ယော့-က်ကျားဟာလည်း အီထောန်ရေးဖော့-က်ယွန်ရှင်းဟို

ကျူးလွန်ဟုယ်။” 19 “တခါဒူးဟု ငွေတယော့-က်ဟာ ရရာတိုင်း ဖိုးကီးဟူ ခရမ်းရောင်ဝတ်ရောင်န ပိချောဟို ဝတ်ဆင်ဘီး နေ့တိုင်း စည်းဇိမ်ခံစားဘီး နေလေဟုယ်။ 20 ငွေရဲ့ အိစ္ဆာဗော-က်နားမာ လာဇရု နာမယ်ရှိဟူ ဆင်းရဲသား တယော့-က်ရှိဘီး သူတကောန်လောင်းမာ အိုင်းနာလေ ပေါ-က်နေဘီး။” 21 “သူဟာ ငွေရဲ့ စားဗွဲဟု ဣဟူ စားကြွင်းစားကျန်လေဟို စားရဟိုတွပ် မျှော်နေဟုယ်။ ခွီးလေဟုလည်း သူရဲ့ အိုင်းနာလေဟို လာဘီး ယစ်နေလေဟုယ်။ 22 ဆင်းရဲသားဟာ သေဟားဟူ ခီမာ ကောန်းဂန်တမန်လေဟု သူဟို အာပြဟ်ရဲ့ ဘေးမာ ထိုင်စေဟို သယ်ဆောန်ဟားလေဟုယ်။ ငွေလည်း သေဟားဘီးဟာ သပြိုဟ်ရှင်းဟို ခံရလေဟုယ်။ 23 သူဟာ မရဏာနိုင်မာ ဝေဒနာဟို ဆိုးဆိုးဝါးဝါး ခံနေရဘီး မော့ကေလိုက်ဇာ အာပြဟ်န အာပြဟ်ရဲ့ ဘေးမာ လာဇရုဟိုလည်း ပြင်လိုက်ရဟုယ်။ (Hadēs g86) 24 အယ်ကြောန့် သူဟု ‘ဖအာပြဟ်! ကျွန်တော့်ဟို သနားပါ။ ကျွန်တော်ဟာ အယ်မီးဘောင်ထဲမာ ဝေဒနာဟို ဆိုးဆိုးဝါးဝါး ခံနေရကြောန့် လာဇရုရဲ့ လတ်ဖျားဟို ရေဆွတ်ဘီး ကျွန်တော့်လျာဟို အေးစေဟို သူဟို စေလွှတ်ပေးပါ!’ ဆိုဘီး အော်ပြောလေဟုယ်။ 25 အယ်ဘောမဲ့ အာပြဟ်ဟု ‘ငါ့သား၊ နန်ဟာ သတ်ရှင်ဒီဒူးဟု ကောန်းဟူဇာလေဟို လတ်ခံရရှိဘီး လာဇရုဟာ ကောန်းဘဲဟူဇာလေဟို လတ်ခံရရှိဟားဟုယ် ဆိုဇာဟို အော့-က်မေပါ။ အယ်ဘောမဲ့ ခု သူဟာ အယ်နေရာမာ သတ်သာရှင်းရှိဘီး နန်ဟု ဝေဒနာဟို ဆိုးဆိုးဝါးဝါး ခံစားနေရဟုယ်။ 26 အယ်ဘီးဟာ နန်းနို့န နို့လေကြားမာ ရရာတိုင်း နတ်ဟူချော့-က်ဂီး တခုရှိဟုယ်။ အယ်ကြောန့် နန်းနို့ဟုလည်း နို့လေနားဟို ကူးနိုင်ဂေဟု။ နို့လေဟုလည်း နန်းနို့နားဟို ကူးနိုင်ဂေဟု’ ဆိုဘီး ပွန်ပြောလေဟုယ်။ 27 ငွေဟု ‘ဖ၊ အယ်ဆိုဟာ လာဇရုဟို ကျွန်တော့်ဖရဲ့ အီဟို စေလွှတ်ပေးဟိုတွပ် ကျွန်တော် တောန်းလျော့-က်ပါဟုယ်။ 28 ကျွန်တော့်မာ ညီငါးယော့-က်ရှိပါဟုယ်။ သူးနို့လေဟို ဝေဒနာခံစားရဟူ အယ်နေရာဟို ရော့-က်ဘဲအောန် သူးနို့ဟို ဒိပေးဟို လာဇရုဟို သွားစေပါ’ ဆိုဘီး ပြောလေဟုယ်။ 29 အာပြဟ်ဟု ‘နန်ရဲ့ ညီလေဟို ဒိပေးဟို မောရှေန ပရောဖက်လေ ရှိဟုယ်။ သူးနို့စကားလေဟို နားထောန်ရမယ်’ ဆိုဘီး ပြောလေဟုယ်။ 30 ငွေဟု ‘ဖအာပြဟ်၊ အယ်မျိုး မူဟု! သေရာဟု ပွန်ရှင်လာဟူ ယော့-က်ယော့-က်ဟို သူးနို့နားဟို သွားစေမယ် ဆိုဟာ သူးနို့ဟာ နောန်ဒရလေမယ်’ ဆိုဘီး ပွန်ပြောလေဟုယ်။ 31 အယ်ဘောမဲ့ အာပြဟ်ဟု ‘သူးနို့လေဟာ မောရှေန ပရောဖက်လေရဲ့ စကားဟို နားထောန်ဂေဟု ဆိုဟာ သေရာဟုန ပွန်ရှင်လာဟူ ယော့-က်ယော့-က်ဟိုလည်း လတ်ခံယောင်ကြည်ဂေဟို မူဟု’ ဆိုဘီး ပြောလေဟုယ်” ဆိုဘီး မိန့်တော်မူလေဟုယ်။

17 ယေရှုဟာ တဗွဲတော်လေဟို “လူလေဟို ပြစ်ထဲက္ကအောန် လောက်ဟို မှားယွင်းဇာလေ ရှိရမယ်။ အယ်ဘောမဲ့ ပြစ်ထဲက္ကအောန် မှားယွင်းဇာလေ လောက်ဟူ သူဟာ အမင်္ဂလာရှိဟုယ်။ 2 အယ်လူဟာ အယ်မျိုး သားဂန်းတယော့-က်ဟို မှားယွင်းစေရှင်းထတ် ကိုယ့်လည်ဗန်းမာ ကီးမားဟူ ကြိုဆောင်ဟို ဆွဲဘီးဟာ ပန်လယ်ထဲမာ ပစ်ခွဲခံရရှင်းဟာ ပိုဘီး ကောန်းအူးမယ်။ 3 အယ်ကြောန့် ဖြားဘဲလောက်လောက် ဒိထားဂေ! “နန်ရဲ့ ညီကိုဟု နန်ဟို ပြစ်မှားမယ် ဆိုဟာ သူဟို ဆောင်းမပါ။ သူဟာ နောန်ဒရမယ် ဆိုဟာ ခွမ်လွှတ်လိုက်ပါ။ 4 သူဟု နန်ဟို တရစ်မာ ခွန်နစ်ခါ ပြစ်မှားဘီးဟာ ခွန်နစ်ခါလောင်းလောင်း နန်းနားဟို လာဘီးဟာ ‘ငါနောန်ဒရဘီ’ ဆိုဘီး လာပြောမယ် ဆိုဟာ သူဟို ခွမ်လွှတ်ရမယ်” ဆိုဘီး မိန့်တော်မူလေဟုယ်။ 5 တမန်တော်လေဟု သခင်ဘုရားဟို “ကျွန်တော့်ဟားလေရဲ့ ယောင်ကြည်ရှင်းဟို တိုးလာအောန် လောက်ပေးတော်မူပါ!” ဆိုဘီး လျော့-က်ဂေဟုယ်။ 6 သခင်ဘုရားဟု “နန်းနို့မာ မုညင်းစေလော့-က် ယောင်ကြည်ရှင်း ရှိမယ် ဆိုဟာ အယ်ပိုးစားဗန်ဟို ‘ပြစ်ဟုနေ ကွေ့ဘီးဟာ ပန်လယ်ထဲမာ စိုက်နေစေ!’ ဆိုဘီး နန်းနို့ဟု ပြောမယ် ဆိုဟာ နန်းနို့ပြောဟူတိုင်း အယ်ပန်ဟု နားထောန်လေမယ်။ 7 “နန်းနို့ထဲဟု တယော့-က်မာ လယ်ထွန်ဟို သိုးထီးဟို ခိုင်းဟားဟူ စေခံတယော့-က် ရှိဟုယ်။ သူဟာ လဲဗွန်ဟု ပွန်လာဟူ ခီမာ ဗြန်းဗြန်လာဘီး စားသော့-က်ဂေ ဆိုဘီးဟာ နန်းနို့ထဲမာ ဖယ်သူပြောမယ်နူး။ 8 လောင်းဝပြောဟို မူဟု! အယ်မျိုးပြောဟိုစား ‘ငါတွပ်စားဇာပြင်ပါ။ ငါစားသော့-က်နေဒူးမာ ခါးစဲဘီး ငါ့ဟို စေခံပါ။ ငါစားဘီးမု နန်စားရမယ်’ ဆိုဘီး ပြောလေမယ် မူဟုလော။ 9 စေခံဟာ ခိုင်းဟားဟူတိုင်း လောက်ပေးဟူကြောန့် သူဟို ကျေးဇူးတန်ရဟိုလော။

10 အယ်မျိုးဘွဲ့ နန်းနို့ဟို ခိုင်းဟားဟူ လောက်လေ ဂူလောင်း လောက်ဘီးဟားဟူ ခီမာ ‘နို့လေဟာ သာမန်စေခံလေ ဖြစ်ဘီး နို့လေရဲ့ တာဝန်ဟို လောက်ဆောန်ဇာဘွဲ့ ဖြစ်ဟယ်’ ဆိုဘီး ပြောဂေပါ” ဆိုဘီး မိန့်တော်မူလေဟယ်။ 11 ယေရုဟာ ယေရုရှလင်မြို့ဟို ကြွဟားဟူ ခီမာ ရှမာရိပြည်န ဂါလိလဲပြည် နယ်စပ်ဟုနေဘီး ကြွတော်မူလေဟယ်။ 12 ကိုယ်တော်ဟာ ဝါတဝါထဲဟို ဝမ်တော်မူဟူ ခီမာ နူနာ ဆယ်ယော့-က်ဟာ ကိုယ်တော်ဟို လာတို့ဂေဟယ်။ သူးနို့လေဟာ ဝီးဝီးမာ ရပ်နေဘီး 13 “သခင်ယေရှု! ကျွန်တော့်ဟားလေဟို သနားတော်မူပါ!” ဆိုဘီး အော်ပြောလေဟယ်။ 14 ယေရုဟာ သူးနို့ဟို ပြင်တော်မူဟူ ခီမာ “နန်းနို့ဟာ ယန်ပရောဟိတ်လေနားဟို သွားဘီး မိမိကိုယ်ဟို ပြဂေ” ဆိုဘီး မိန့်တော်မူလေဟယ်။ သူးနို့ဟာ သွားနေဒူးမာဘွဲ့ သန်ရှင်းဟားလေဟယ်။ 15 သူးနို့ထဲဟု တယော့-က်ဟာ ရောဂါပျော့-က်ဟားဘီ ဆိုဇာဟို ပြင်ဟူ ခီမာ ဘုရားသခင်ဟို သံက္ကယ်ဂီးန ချီးမွမ်းဘီး ယွန်လာလေဟယ်။ 16 ယေရုရဲ့ ခေတော်ရင်းမာ ပျပ်ဝပ်ဘီးဟာ ကိုယ်တော်ဟို ကျေးဇူးတန်လေဟယ်။ အယ်လူဟာ ရှမာရိလူ တယော့-က်ဖြစ်ဟယ်။ 17 ယေရုဟာ “လူဆယ်ယော့-က်လောင်း သန်ရှင်းဟားဟယ် မူဟုလော။ ကျန်ဟူ ကိုးယော့-က်ဟု ဖယ်မာနူး။ 18 ဖြားဖြစ်ကြောန့် အယ်လူမျိုးခြား တယော့-က်ဘွဲ့ ယွန်လာဘီး ဘုရားသခင်ဟို ချီးမွမ်းရနူး။” ဆိုဘီး မေးတော်မူလေဟယ်။ 19 အယ်ဘီးန ယေရုဟာ သူဟို “ထဘီးသွားဝေါ၊ နန်ရဲ့ ယောင်ကြည်ရှင်းဟု နန်ဟို ကျန်းမာစေဘိ” ဆိုဘီး မိန့်တော်မူလေဟယ်။ 20 ဖာရိရှဲတချို့ဟု ယေရုဟို ဘုရားသခင်ရဲ့ နိုင်ငံတော်ဟာ ဖယ်ခီမာ တည်ထောင်နယ်နူး။ ဆိုဘီး မေးဂေဟယ်။ ကိုယ်တော်ဟု “ဘုရားသခင်ရဲ့ နိုင်ငံတော်ဟာ ပြင်ရဟူ နိုင်ငံမျိုး တည်ထောင်နို့ မူဟု။ 21 ‘ကေ့ကေ့၊ နိုင်ငံတော်ဟု အယ်မာရိဟယ်၊ ဟောက်မာရိဟယ်!’ ဆိုဘီး ဖယ်သူလည်း ပြောနိုင်လေမယ် မူဟု။ ဖြားဖြစ်ကြောန့်နူးဆိုဟာ နိုင်ငံတော်ဟု နန်းနို့ထဲမာ ရှိနေကြောန့် ဖြစ်ဟယ်” ဆိုဘီး မိန့်တော်မူလေဟယ်။ 22 အယ်ဘီးန ကိုယ်တော်ဟာ တဗွဲတော်လေဟို “နန်းနို့ ပြင်ရှင်နေဟူ လူသားရဲ့ နေ့ရစ်တရစ် ရော့-က်လာလေ့မယ်။ အယ်ဘေမဲ့ နန်းနို့ ပြင်ရလေ့မယ် မူဟု။ 23 လူလေဟာ ‘ကေ့ကေ့၊ လူရဲ့သားဟာ ဟောက်မာရိဟယ်၊ အယ်မာရိဟယ်!’ ဆိုဘီး နန်းနို့ဟို ပြောလေ့မယ်။ အယ်ဘေမဲ့ လိုက်ရှာဂေန။ 24 ဖြားဖြစ်ကြောန့်နူးဆိုဟာ လျှပ်စစ်ဟာ ဖျတ်ဟူ ခီမာ ကောန်းဂန်တဖတ်ဟုနေ တခြားတဖတ်ထိ လန်းဟားမျိုးဘွဲ့ လူရဲ့သားဟာ ယွန်လာဟူ နေ့ရစ်မာလည်း အယ်မျိုးဘွဲ့ ဖြစ်လေ့မယ်။ 25 အယ်ဘေမဲ့ သူဟာ ရင်ဦးဆောင်း နာကျင်ရှင်းလေ ဘောင်ဂီး ခံရဘီး ခုခေတ် လူလေရဲ့ ငြင်းပယ်ရှင်းလေဟို ခံရလေ့မယ်။ 26 နောဇရဲ့ နေ့ရစ်လေမာ ဖြစ်ဟားမျိုးဘွဲ့ လူရဲ့သား ယွန်လာဟူ နေ့ရစ်လေမာလည်း ဖြစ်လေ့မယ်။ 27 နောဇဟာ သန်းဖောထဲဟို ဝမ်ဟူ နေ့ရစ်တိုင်အာန် လူလေဟာ စားလိုက်၊ သော့-က်လိုက်၊ လတ်ထပ်လိုက် လောက်နေဂေဟယ်။ အယ်ဘီးန ရေကီးလာဘီး သူးနို့လေ ဂူလောင်းဟို ဖျစ်ဆီးလေဟယ်။ 28 အယ်မျိုးဘွဲ့ လောတရဲ့ နေ့ရစ်လေမာလည်း လူတိုင်းဟာ စားလိုက်၊ သော့-က်လိုက်၊ ရောန်းလိုက်၊ ဝယ်လိုက်၊ စိုက်ပျိုးလိုက်၊ တည်ဆော့-က်လိုက်န လောက်နေဂေဟယ်။ 29 သော့ဒုံမြို့ဟုနေ လောတ ထွပ်ဟူနေမာ ကောန်းဂန်ဟုနေ ကန်န မီးဝါခွဲလိုက်ဘီး သူးနို့လေ ဂူလောင်းဟို ဖျစ်စီးလေဟယ်။ 30 လူရဲ့သား ပေါ်ထွပ်ဟူ နေ့ရစ်မာလည်း အယ်မျိုးဘွဲ့ ဖြစ်လေ့မယ်။” 31 “အယ်မျိုးနေမာ အီးခေါန်မိုးထတ်မာရိဟူ လူဟို အီထဲမာရိဟူ ပစ်စီးလေဟို ယူဟိုတွပ် အော့-က်ဟို ဆင်းစေန။ အယ်မျိုးဘွဲ့ လဲညွန်ထဲမာရိနေဟူ လူလည်း အီဟို ယွန်စေန။ 32 လောတရဲ့ မယားဟို အော့-က်မေ့ဂေ။ 33 ကိုယ့်သတ်ဟို ကယ်ရှင်ဟူ လူဟာ သတ်ရှောင်းလေ့မယ်။ ကိုယ့်သတ်ဟို ရှောင်းစေဟူ သူဟာ သတ်ဟို ကယ်တန်လေ့မယ်။ 34 နန်းနို့ဟို ငါပြောမယ်၊ အယ်ညဉ့်မာဘွဲ့ အီမာတဒဲဒဲမာ တူးဒုအိနေဟူ လူနေ့ယော့-က်ထဲဟု တယော့-က်ဟို သီးယူဟားဘီးဟာ တယော့-က်ဟု ကျန်ရစ်လေ့မယ်။ 35 တူးဒုလွှဲဆောင်လွှဲနေဟူ မီးမနေ့ယော့-က်ထဲဟု တယော့-က်ဟို သီးယူဟားဘီးဟာ တယော့-က်ဟု ကျန်ရစ်လေ့မယ်” ဆိုဘီး မိန့်တော်မူလေဟယ်။ 37 တဗွဲတော်လေဟာ ကိုယ်တော်ဟို “သခင်၊ အယ်မူဇာလေဟု ဖယ်နားမာ ဖြစ်ဟို့နူး” ဆိုဘီး မေးဂေဟယ်။ ယေရုဟာ “သေကောန်ရှိဟူ နေရာမာ လင်းတငှတ်လေ စုနေဂေလေ့မယ်” ဆိုဘီး မိန့်တော်မူလေဟယ်။

18 အယ်ဘီးန ယေရှုဟာ တဗွဲတော်လေဟို လောင်းဝ လတ်လျှော့ဘဲန မြဲဒမ်း ဆုတောင်းရမယ် ဆိုဘီး

သူးနို့ဟို သွန်သန်ဟိုတွပ် ပေါင်ဥပမာန မိန့်တော်မူလေဟယ်။ **2** “မြို့တမြို့မာ ဘုရားသခင်ဟိုလည်း ကြော့-က်ဘဲဟူ၊ လူလေဟိုလည်း ရိုသေဘဲဟူ တရားသူဂီး တယော့-က်ရှိဟယ်။ **3** အယ်မြို့မာရှိဟူ မောက်ဆိုးမ တယော့-က်ဟာ သူနားဟို တခီလောင်းလာဘီး ‘ကျွန်မဟို တရားစွဲဟူသူဟို မျှမျှတတ စီရင်ပေးပါ’ ဆိုဘီး တောင်းဗန်ဟယ်။ **4** ခီကြာဂီး တရားသူဂီးဟာ အယ်မောက်ဆိုးမရဲ့ လျှော့-က်ဟားချစ်ဟို ငြင်းဆန်လေဟယ်။ အယ်ဘောမဲ့ နှော့-က်ဆောင်းမာ သူဟာ ‘ငါဟာ ဘုရားသခင်ဟိုလည်း ကြော့-က်ဟာ၊ လူလေဟိုလည်း ရိုသေဟူ။ **5** အယ်ဘောမဲ့လည်း အယ်မောက်ဆိုးမဟာ ငါဟို နှော့-က်ယုတ်ပေးနေဟူကြော့န့် သူမဟို တရားနည်းလမ်းတိုင်း စီရင်မယ်။ အယ်မျိုးလောက်ဟု ဆိုဟာ သူဟာ တခီလောင်းလာဘီး နှော့က်ဆောင်းမာ ငါဟို ပန်ဗန်းစေလေမယ်။’ ဆိုဘီး ကိုယ့်ကိုယ်ကိုယ် ပြောလေဟယ်။” ဆိုဘီး မိန့်တော်မူလေဟယ်။ **6** သခင်ဘုရားဟာ ဆစ်ဘီး “တရားဘဲဟူ တရားသူဂီး ပြောလိုက်ဇာဟို နားထောန်ကျေ။ **7** ဘုရားသခင်လည်း သူနားဟို နေရောညဉ့်ပါ ကူညီဟိုတွပ် အော်ဟစ်နေဟူ၊ သူဝီးကော့-က်ဟားဟူ လူလေတွပ် စီရင်ဘဲန နေဟို့လော။ ကိုယ်တော်ဟာ အယ်လူလေဟို ကူညီဟိုတွပ် ခီဆွဲနေဟို့လော။ **8** နန်းနို့ဟို ငါပြောမယ်။ ကိုယ်တော်ဟာ သူးနို့လေတွပ် ပြန်းပြန်ဟား တရားစီရင်လေမယ်။ အယ်ဘောမဲ့ လူရဲသား ရော့-က်လာဟူ ခီမာ ယောင်ကြည်ရှင်းဟို မွေဂီးထတ်မာ တွဲရအူးမယ် ဘဲလော။” ဆိုဘီး မိန့်တော်မူလေဟယ်။ **9** ကိုယ့်ဖြောန်မတ်ရှင်းဟို အားကိုးဘီး တပါးသူဟို ထန်သေးတတ်ဟူ သူလေတွပ် ယေရှုဟာ အယ်ပေါင်ဥပမာန မိန့်တော်မူလေဟယ်။ **10** “တခါဒူးဟု လူနှေယော့-က်ဟာ ဆုတောင်းဟို့ ဆိုဘီး ဗိမာန်တော်ဟို သွားဝေဟယ်။ တယော့-က်ဟု ဖာရိရှဲ ဖြစ်ဘီး နှော့-က်တယော့-က်ဟု ခွန်ကော့-က်မား ဖြစ်ဟယ်။ **11** ဖာရိရှဲဟု မတ်တတ်ရပ်ဘီး ‘ဘုရားသခင်၊ ကျွန်တော်ဟာ တခြားသူလေမျိုး လောဘဂီးဟူသူ၊ ဖြောန်မတ်ဘဲဟူသူ၊ အီထောန်ရေးဖော့-က်ယွန်ဟူသူ မုဘဲဟူကြော့န့် ကျေးဇူးတန်ဟယ်။ ကျွန်တော်ဟာ အယ်ခွန်ကော့-က်မားမျိုးလည်း မုဘဲဟူကြော့န့် ကိုယ်တော်ဟို ကျေးဇူးတန်ဟယ်’ ဆိုဘီး ဆုတောင်းလေဟယ်။ **12** ‘ကျွန်တော်ဟာ တဘတ်မာ နေ့ရစ်စာရှောန်ဘီး ကျွန်တော့်ဝမ်ငွေ ဂူလောင်းရဲ့ ဆယ်ဖို့တဖို့ဟိုလည်း ပေးဟယ်’ ဆိုဘီး ဆုတောင်းလေဟယ်။ **13** အယ်ဘောမဲ့ ခွန်ကော့-က်မားဟာ ဝီးမာဘဲရပ်နေဘီး ကောင်းဂန်ဟိုလည်း မော်ကေ့ရဲဘဲန ‘ဘုရားသခင်၊ ပြစ်သား ကျွန်တော့်ဟို သနားတော်မူပါ!’ ဆိုဘီး ရင်ဖတ်ဟို ထုဘီးဟာ ဆုတောင်းလေဟယ်။ **14** နန်းနို့ဟို ငါပြောမယ်၊ အယ်ခွန်ကော့-က်မားဟာ ဘုရားသခင်ရှေမာ သူတော်ကောင်းဖြစ်န့ အီဟို့ ယွန်ဟားရဟယ်။ ဖာရိရှဲဟု အယ်မျိုးမဟူ။ ဖြားဖြစ်ကြော့န့်နူးဆိုဟာ သူ့ကိုယ်သူ ချီးမြှော့-က်ဟူသူဟာ နို့ခွဲခံရဘီး သူ့ကိုယ်သူ နို့ခွဲဟူသူဟာ ချီးမြှော့-က်ရှင်းခံရလေမယ်။” ဆိုဘီး မိန့်တော်မူလေဟယ်။ **15** လူတချို့ဟာ သူးနို့သားဂန်းလေထတ်မာ လတ်တန်ပေးဟို့တွပ် ယေရှုနားဟို ခေါ်ဆောန်လာဟယ်။ တဗွဲတော်လေဟု အယ်မူဇာဟို ပြင်ဟူ ခီမာ သူးနို့ဟို ပြစ်တန်လေဟယ်။ **16** အယ်ဘောမဲ့ ယေရှုဟာ သားဂန်းလေဟို သူနားဟို ခေါ်လိုက်ဘီး “သားဂန်းလေဟာ ငါနားဟို လာပါလေစေ။ သူးနို့ဟို တားဝေန့။ ဖြားဖြစ်ကြော့န့်နူးဆိုဟာ ဘုရားသခင်ရဲ့ နိုင်ငံတော်ဟာ အယ်သူလေရဲ့ နိုင်ငံဖြစ်ဟူကြော့န့် ဖြစ်ဟယ်။ **17** နန်းနို့ဟို ငါ မှန်တိုင်းပြောမယ်၊ ဘုရားသခင်ရဲ့ နိုင်ငံတော်ဟို သားဂန်းတယော့-က်မျိုး လတ်ခံဘဲဟူ သူဟာ နိုင်ငံတော်ဟို ဝမ်ရလေဟို့ မဟု” ဆိုဘီး မိန့်တော်မူလေဟယ်။ **18** ယုဒခေါင်းဆောန်တယော့-က်ဟု ယေရှုဟို “ကောင်းမြတ်ဟူဆရာ၊ ထာဝရသတ်ဟို လတ်ခံရရှိဟို့တွပ် ဖြားမျိုးလောက်ရဟို့နူး။” ဆိုဘီး မေးလျှော့-က်လေဟယ်။ (aiōnios g166) **19** ယေရှုဟု “ငါဟို ကောင်းမြတ်ဟူသူ ဆိုဘီး ဖြားဖြစ်ကြော့န့် ခေါ်ရနူး။ ဘုရားသခင်မှတပါး ကောင်းမြတ်ဟူသူ ဖယ်သူလည်း မေ့ဟူ။ **20** ‘အီထောန်ရေးဖော့-က်ယွန်နု၊ လူသတ်နု၊ ခိုးနု၊ လီညာဘီး သတ်သေခံနု၊ မိဖဟို ရိုသေရမယ်’ ဆိုဘီး ပညတ်တော်လေဟို နန်သိဟယ် မဟူလော။” ဆိုဘီး သူဟို မိန့်တော်မူလေဟယ်။ **21** အယ်သူဟု “ကျွန်တော်ဟာ ငဲငယ်ဂဒဲဟု အယ်ပညတ်လေ ဂူလောင်းဟို လိုက်ရှော့-က်ပီးဘီး” ဆိုဘီး လျှော့-က်လေဟယ်။ **22** အယ်စကားဟို ကြားရခီမာ ယေရှုဟု

“နန်လောကရဟ်တို့ တခုကျန်သေးဟယ်။ နန့်မာရှိဇာလေ ဂူလောင်းဟ် ရောန်းဘီး ရလာဟူ ကပ်ဟ် ဆင်းရဲသားလေဟ် ပေးပါ။ အယ်ဆိုဟာ နန်ဟာ ကောန်းဂန်ဘောင်မာ ဘဏ္ဍာဟ် ရလေမယ်။ အယ်ဘီးမု ပွန်လာဘီးဟာ ငါ့နော့-ကံဟ် လိုက်ရမယ်” ဆိုဘီး သူဟ် မိန့်တော်မူလေဟယ်။ 23 အယ်သူဟာ ကိုယ်တော်ရဲ့ စကားတော်ဟ် ကြားရဟူ ခီမာ ရရာတိုင်း ဝန်းနဲဟွားဟယ်။ ဖြားဖြစ်ကြောန်းနူးဆိုဟာ သူမာအောက်စာလေ ဘောင်ဂီးရှိဟူကြောန်း ဖြစ်လေဟယ်။ 24 ယေရူဟာ အယ်သူ ရရာတိုင်း ဝန်းနဲဟွားဟူဇာဟ် ပြင်တော်မူဟူ ခီမာ “ဌေးသားလေဟာ ဘုရားသခင်ရဲ့ နိုင်ငံတော်ဟ် ဝမ်ဟ် ရရာတိုင်း ခတ်ဟယ်။ 25 ဌေးသားဟာ ဘုရားသခင်ရဲ့ နိုင်ငံတော်ထဲဟ် ဝမ်ဟ်ထတ် ကုလားအုတ်ဟာ အပ်ပေါ့-ကံထဲဟ် ဝမ်ဟ် ပိုဘီး လွယ်ဟယ်” ဆိုဘီး မိန့်တော်မူလေဟယ်။ 26 အယ်စကားဟ် ကြားရဟူ သူလေဟာ ကိုယ်တော်ဟ် “အယ်မျိုးဆိုဟာ ဖယ်သူလေ ကယ်တန်ရှင်း ခံရနိုင်ဟူနူ။” ဆိုဘီး မေးလျှော့-ကံဂေဟယ်။ 27 ယေရူဟာ “လူလေတွပ် ဖြစ်နိုင်ဘဲဟူ ဇာလေဟာ ဘုရားသခင်တွပ် ဖြစ်နိုင်ဟယ်” ဆိုဘီး မိန့်တော်မူလေဟယ်။ 28 အယ်ဘီးန ပေတရဟာ “ကျွန်တော့်ဟွားလေဟာ ရှိမျှဂူလောင်းဟ် ထားဟွားရစ်ဘီး ကိုယ်တော် နော့-ကံဟ် လိုက်ဂေဟယ်” ဆိုဘီး လျှော့-ကံလေဟယ်။ 29 ယေရူဟာ သူးနို့ဟ် “နန်းနို့ဟ် ငါ မှန်တိုင်းပြောမယ်။ ဘုရားသခင်ရဲ့ နိုင်ငံတော်တွပ် အီ၊ မယား၊ ညီကိုလေ၊ မိဖလေ၊ သားမီးလေဟ် စွန့်ဟူ သူဟာ 30 ခုဘဝမာ ကျိုးဘောင်ဂီး ရရှိဘီးဟာ နောန်ဘဝမာလည်း ထာဝရသတ်ဟ် ရလေမယ်” ဆိုဘီး မိန့်တော်မူလေဟယ်။ (aiōn g165, aiōnios g166) 31 ယေရူဟာ တဗဲတော် ဆယ့်နေ့ပီးဟ် နီးနားဟ် ခေါ်ဘီးဟာ “နားထောန်ဗေ! နီလေဟာ ယေရုရှလင်မြို့ဟ် သွားနေဂေဟယ်။ အယ်နေရာမာ လူရဲသားန သက်ဆိုင်ဟူ ပရောဖက်လေ ရေးဟွားဇာလေ ဂူလောင်းဟာ ပွဲဇောင်ရလေမယ်။ 32 လူရဲသားဟ် လှောင်ပြောန့်၊ သရော်ဘီး ထွီးရယ်န ထွီးမယ့် လူမျိုးခြားလေ လတ်ထဲဟ် အပ်ဂေလေမယ်။ 33 သူးနို့လေဟာ ကီအိန်ပေးဘီး သတ်ဂေလေမယ်။ အယ်ဘောမဲ့လည်း လူရဲသားဟာ သောင်းရစ်မြော့-ကံဟူ နေမာ ထမြော့-ကံလေမယ်” ဆိုဘီး မိန့်တော်မူလေဟယ်။ 34 အယ်ဘောမဲ့လည်း တဗဲတော်လေဟာ အယ်မူဇာလေဟ် တခုလည်း ဘောပေါ့-ကံဂေဟယ်။ အယ်မူဇာရဲ့ ဗိပါယ်ဟ် ဖောင်းကွယ်ဟွားဟူကြောန်း ယေရူ မိန့်တော်မူနေဟူ ဇာလေဟ် နားလည်ဂေဟယ်။ 35 ယေရူဟာ ယေရိခေါမြို့နားဟ် ရော့-ကံလာတော်မူဟူ ခီမာ မျစ်ကန်းတယော့-ကံဟာ လမ်းဘေးမာ ထိုင်ဘီး တောန်းစားနေဟယ်။ 36 သူဟာ လူအောက်ဂီး ဖြတ်ဟွားဇာဟ် ကြားလိုက်ဟူ ခီမာ “ဖြားဇာလေဖြစ်နေနူး” ဆိုဘီး မေးလိုက်ဟယ်။ 37 သူးနို့ဟာ “နာဇရက်မြို့သားယေရူ ဖြတ်ဟွားတော်မူဟယ်” ဆိုဘီး သူဟ် ပြောဂေဟယ်။ 38 အယ်သူဟာ “ဒါဝိဒ်ရဲသားတော်! ယေရူ၊ ကျွန်တော်ဟ် သနားတော်မူပါ!” ဆိုဘီး အော်ဟစ်လေဟယ်။ 39 ရှေ့မာရှိနေဟူ လူလေဟာ သူဟ် ပြစ်တန်ဂေဘီး တိတိဟွားနေဟ် ပြောဂေဟယ်။ အယ်ဘောမဲ့လည်း သူဟာ “ဒါဝိဒ်ရဲသား! ကျွန်တော်ဟ် သနားတော်မူပါ!” ဆိုဘီး ပိုဘီး အော်ဟစ်လေဟယ်။ 40 အယ်ကြောန်း ယေရူဟာ ရပ်နားဘီး မျစ်ကန်းဟ် သူနားဟ် ခေါ်လာဟ် မိန့်ပေးတော်မူလေဟယ်။ အယ်သူဟာ နီးနားဟ် ရော့-ကံလာဟူ ခီမာ ယေရူဟာ၊ 41 “နန်တွပ် ငါ့ဟ် ဖြားဇာလောက်စေရှင်ဟယ်နူ။” ဆိုဘီး သူဟ် မေးတော်မူလေဟယ်။ သူဟာ “သခင်၊ ကျွန်တော်ဟ် မျစ်စိပြင်စေတော်မူပါ” ဆိုဘီး လျှော့-ကံလေဟယ်။ 42 ယေရူဟာ “မျစ်စိပြင်စေ! နန့်ရဲ့ ယောင်ကြည်ရှင်းဟာ နန့်ဟ် ကယ်တန်ဘီ” ဆိုဘီး သူဟ် မိန့်တော်မူလေဟယ်။ 43 ရှစ်ရှင်းဘဲ သူဟာ ပြင်ဟွားလေဟယ်။ အယ်ဘီးန ဘုရားသခင်ရဲ့ ကျေးဇူးတော်ဟ် ချီးမွမ်းဘီးဟာ ယေရူ နော့-ကံဟ် လိုက်လေဟယ်။ အယ်မူဇာဟ် ပြင်လိုက်ဟူ လူအောက်ဂီးဟာ ဘုရားသခင်ဟ် ချီးမွမ်းဂေဟယ်။

19 ယေရူဟာ ယေရိခေါမြို့ထဲဟ် ဝမ်ဟွားဘီးဟာ အယ်မြို့ဟ် ဖြတ်ဟွားတော်မူဟယ်။ 2 အယ်နေရာမာ ဧကွဲနာမယ်ရှိဟူ လူတယော့-ကံရှိဟယ်။ သူဟာ ခွန်ခေါန်းဖြစ်ဘီး ဌေးသားလည်း ဖြစ်ဟယ်။ 3 သူဟာ ယေရူဟ် ဖယ်သူဖြစ်ဟယ် ဆိုဇာဟ် ပြင်ရှင်ဘောမဲ့လည်း ရပ်ပုဟူသု တယော့-ကံဖြစ်ဟူကြောန်း လူအောက်ဂီးဟ် ကျော်ဘီး ယေရူဟ် ပြင်နိုင်ဘဲဖြစ်နေဟယ်။ 4 အယ်ကြောန်း သူဟာ လူအောက်ဂီးရှေ့ဟာနေ ပွေးဟွားဘီး ယေရူဟ် ပြင်ဟ်တွပ် သဖန်းဗန်ထတ်ဟ် တတ်လေဟယ်။ ဖြားဖြစ်ကြောန်းနူးဆိုဟာ ကိုယ်တော်ဟာ အယ်လမ်းတိုင်း လာနေဟူကြောန်း ဖြစ်လေဟယ်။ 5 ယေရူဟာ

အယ်နေရာဟို ရှေး-ကံလာဟူ ခီမာ မော့ကေလိုက်ဘီးန “ဧကွဲ၊ ပြန်းပြန်ဆင်းလာ။ အယ်နေ နန့်အီမာ ငါတည်းမယ်” ဆိုဘီး မိန့်တော်မူလေဟယ်။ 6 ဧကွဲဟာ ပြန်းပြန်ဆင်းလာဘီး ကိုယ်တော့ဟို ရရာတိုင်း ဝန်းသာဟူစိန ကြိုဆိုလေဟယ်။ 7 အယ်မူဇာဟို ပြင်လိုက်ဟူ လူလေ ဂူလောင်းဟ “အယ်လူဟာ ပြစ်သားတယော့-ကံရဲ့ အီမာတည်းဟို လိုက်ဟားဘိ!” ဆိုဘီး ကဲ့ရဲ့ပြစ်တန်ဂေဟယ်။ 8 ဧကွဲဟာ ထရပ်ဘီးဟာ “သခင်! ကျွန်တော်ရဲ့ အောက်စာပစ်စီး တဝပ်ဟို ဆင်းရဲသားလေဟို ပေးပါမယ်။ အယ်ဘီးဟာ ကျွန်တော်ဟာ တယော့-ကံယော့-ကံနားဟာ တရားဘဲန ယူဟားဇာလေ ရှိမယ် ဆိုဟာ ကျွန်တော်ဟာ လေးဆ ပွန်ပေးပါမယ်” ဆိုဘီး သခင်ဘုရားဟို လျှော့-ကံလေဟယ်။ 9 ယေရှုဟာ “အယ်နေဘဲ ကယ်တန်ရှင်ဟာ အယ်အီထတ်ဟို ရှေး-ကံလေဘိ။ ဖြားဖြစ်ကြောန့်နူးဆိုဟာ အယ်သူဟာလည်း အာဗြဟံရဲ့ မွေးမွှစ် တယော့-ကံ ဖြစ်ဟူကြောန့် ဖြစ်လေဟယ်။ 10 လူသားဟာ ပျော့-ကံနေဟူ သူလေဟို ရှာဟိုန ကယ်တန်ဟိုတွပ် ကြွလာဟယ်” ဆိုဘီး သူဟို မိန့်တော်မူလေဟယ်။ 11 ယေရှုဟာ အယ်ကြောင်းရာလေဟို နားထောန်နေဟူ သူလေဟို ပေါင်ဥပမာ တခုန ထပ်ဘီး မိန့်တော်မူလေဟယ်။ ကိုယ်တော်ဟာ ယေရုရှလင်မြို့နားမာ ရှိနေဟူကြောန့် ဘုရားသခင်ရဲ့ နိုင်ငံတော်ဟာ ရှစ်ရှင်းပေါ်လာမယ် ဆိုဘီး သူးနိုလေဟာ ထန်နေဂေဟူကြောန့် ဖြစ်ဟယ်။ 12 အယ်ကြောန့် ကိုယ်တော်ဟာ “မြင့်မြတ်ဟူသူ တယော့ကံဟာ မန်းဂီးဖြစ် ခံယူဘီးမှ ပွန်လာမယ် ဆိုဘီး ဝီးဂီးမာရှိဟူ နိုင်ငံဟို သွားလေဟယ်။ 13 ခရီးသွားခန်မာ သူဟာ စေခံဆယ်ယော့-ကံဟို ခေါ်ဘီးန ရွှေဒန်းဂါး တလွှားစီ ပေးဘီးဟာ ‘ငါခရီးထွပ်နေဒူးမာ အယ်ဒန်းဂါးလေန စီးပွားရှာဂေ’ ဆိုဘီး သူးနိုဟို မာဟားရစ်လေဟယ်။ 14 အယ်ဘောမဲ့ သူရဲ့ တိုင်းသူပြည်သားလေဟာ သူဟို မူးဂေဟယ်။ အယ်ကြောန့် သူနော့-ကံဟာနေ တမန်လေဟို စေလွှတ်ဘီး ‘နိုလေဟာ အယ်သူဟို နိုလေရဲ့ မန်းဂီးဖြစ် လိုရှင်ဂေဟာ’ ဆိုဘီး လျှော့-ကံခိုင်းလေဟယ်။ 15 “အယ်လူဟာ နိုင်ငံအောက်ချောက်ခွန်ဟို ခံယူဘီး ပွန်လာဟယ်။ ရှစ်ရှင်းဘဲ သူဟာ ရွှေဒန်းဂါးလေပေးဟားဟူ စေခံလေဟို ဖယ်မျှလော့-ကံ မွတ်ရဟားဟယ် ဆိုဇာဟို သိရှင်ဟူကြောန့် သူးနိုဟို ခေါ်ခိုင်းလိုက်ဟယ်။ 16 ပထမ စေခံဟာ ရှေး-ကံလာဘီး ‘သခင်၊ သခင်ပေးဟားဟူ ရွှေဒန်းဂါးတလွှားအားဖြင့် မွတ်ဆယ်လွှားရဟယ်’ ဆိုဘီး လျှောက်လေဟယ်။ 17 သခင်ဟာ ‘ကောန်းလေဟယ်။ နန်ဟာ စေခံကောန်း တယော့-ကံ ဖြစ်လေဟယ်! နန်ဟာ ငယ်ဟူမူမာ သစ်စာရှိဟူကြောန့် မြို့ဂီးဆယ်မြို့ဟို အောက်စိုးပါ’ ဆိုဘီး မိန့်တော်မူလေဟယ်။ 18 ဒုတိယ စေခံဟာ ရှေး-ကံလာဘီး ‘သခင်၊ သခင်ပေးဟားဟူ ရွှေဒန်းဂါးတလွှားအားဖြင့် မွတ်ငါးလွှားရဟယ်’ ဆိုဘီး လျှောက်လေဟယ်။ 19 အယ်လူဟို ‘နန်ဟာ မြို့ဂီးငါးမြို့ဟို အောက်ချောက်ပါ’ ဆိုဘီး မိန့်တော်မူလေဟယ်။ 20 နော့-ကံထပ်စေခံ ရှေး-ကံလာဘီး ‘သခင်၊ အယ်မာ သခင်ရဲ့ ရွှေဒန်းဂါးတလွှား ရှိဟယ်။ ကျွန်တော်ဟာ အယ်ဒန်းဂါးဟို လတ်ကိုင်ပဝါန ထောက်ဘီးဟာ သီးဟားဟယ်။ 21 သခင်ဟာ စိဆတ်ဟူသူ ဖြစ်ဟူကြောန့် သခင်ဟို ကျွန်တော်ကြော့-ကံဟယ်။ သခင်ဟာ ဖြားလည်းသွမ်းဟားဘဲဇာဟို ထောက်ယူဘီး ဖြားလည်းစိုက်ဘဲဇာဟို ရိုသီးဟယ်’ ဆိုဘီး လျှော့-ကံလေဟယ်။ 22 သခင်ဟာ ‘ဆိုးညစ်ဟူစေခံ! နန့်စကားတိုင်း နန့်ဟို ငါစီရင်မယ်၊ ငါဟာ စိဆတ်ဟူသူ၊ ငါဟာ ဖြားလည်းသွမ်းဘဲဇာဟို ထောက်ယူဘီးဟာ ဖြားလည်းစိုက်ဘဲဇာဟို ရိုသီးဟယ် ဆိုဇာဟိုလည်း နန်သိဟယ်။ 23 အယ်မျိုးဆိုဟာ ဖြားဖြစ်ကြောန့် ငါ့ကပ်လေဟို ဘဏ်မာအပ်ဘဲနနေနူး။ အပ်ဟားမယ် ဆိုဟာ ငါပွန်ရှေး-ကံဟူ ခီမာ တိုးလေနတူးဒု ငါ့ကပ်လေဟို ပွန်ရမယ်’ ဆိုဘီး သူဟို ပြောလေဟယ်။ 24 အယ်ဘီးန နီးနားမာ ရပ်နေဟူ သူလေဟို ‘သူရဲ့ ရွှေဒန်းဂါး တလွှားယူဘီး ရွှေဒန်းဂါး ဆယ်လွှားရှိဟူ စေခံဟို ပေးလိုက်’ ဆိုဘီး ပြောလေဟယ်။ 25 အယ်ဘောမဲ့ သူးနိုလေဟာ ‘သခင်၊ အယ်သူမာ ရွှေဒန်းဂါး ဆယ်လွှား ရှိနေဘီးသား ဖြစ်ဟယ်!’ ဆိုဘီး လျှော့-ကံဂေဟယ်။ 26 ‘နန့်နိုဟို ငါပြောမယ်။ ရှိဟူလူဟို ထပ်ပေးဘီး သူဟို ကြွယ်ဝစေလေမယ်။ မှေ့ဘဲဟူ လူလေနားဟာ ရှိဟူမျှဟို နှလေမယ်။ 27 ငါ့ဟို သူးနိုလေရဲ့ မန်းဂီးဖြစ်န လိုရှင်ဘဲဟူ ငါ့ရဲ့ ရန်သူလေဟို အယ်နေရာဟို ခေါ်လာဂေ။ ငါ့ရှေ့တော်မာ သတ်ဂေ!’ ဆိုဘီး စီရင်တော်မူလေဟယ်” ဆိုဘီး မိန့်တော်မူလေဟယ်။ 28 ယေရှုဟာ အယ်မျိုးမိန့်တော်မူဘီးန သူးနိုလေရဲ့ ဂေဟာနေဘီး ယေရုရှလင်မြို့ဟို ကြွဟားတော်မူဟယ်။ 29 သံလွင်တောနန်းမာရှိဟူ ဗက်ဖာဂေါန ဗေသနိဝါနားဟို ရှေး-ကံလာဟူ

ခီမာ တပွဲတော် နေ့ပါးဟို ရှေ့ဟုနေစေလွှတ်ဘီး 30 “နန်းနီရှေ့မာရှိဟူ ဝါဟို သွားဂေ။ ဝါထဲဟို ရော-က်ဟူ ခီမာ ဖယ်သူလည်း စီးဖူးသေးဘဲဟူ မြည်းသားဂန်းဟားဟို ခယ်ဟားဇာဟို နန်းနီဟာ တွဲလေမယ်။ အယ်မြည်းသားဂန်းဟားဟို ကြိုးဖြေဘီး ငါနားဟို ခေါ်လာဂေ။ 31 ယော-က်ယော-က်ဟု ဖြားဖြစ်ကြောန့် မြည်းကြိုးဟို ဖြေဂေနေနူ။ ဆိုဘီး နန်းနီဟို မေးမယ် ဆိုဟာ အယ်မြည်းဟို သခင်လိုရှိဟယ် ဆိုဘီး သူးနီဟို ပြောဂေ” ဆိုဘီး မိန့်တော်မူလေဟယ်။ 32 စေလွှတ်လိုက်ဟူ သူလေဟာ ထွပ်ဟားဘီးန ယေရှုမိန့်တော်မူမျိုးဘဲ ဂူလောင်းဟို တွဲရဟယ်။ 33 သူးနီလေဟာ မြည်းဟို ကြိုးဖြေပေးနေဟူ ခီမာ မြည်းဇရှင်ဟု “ဖြားဖြစ်ကြောန့် မြည်းဟို ကြိုးဖြေပေးနေရနူ။” ဆိုဘီး သူးနီဟို မေးလေဟယ်။ 34 သူးနီဟု “အယ်မြည်းဟို သခင် လိုရှိဟယ်” ဆိုဘီး ဖြေဂေဟယ်။ 35 အယ်ဘီးန သူးနီဟု မြည်းသားဂန်းဟားဟို ယေရှုနားဟို ယူဆောန်ဟားလေဟယ်။ အယ်မြည်းထတ်မာ သူးနီရဲ့ ဝတ်ရောင်လေဟို ခန်းဘီးန ယေရှုဟို စီးစေဂေဟယ်။ 36 ကိုယ်တော်ဟာ စီးဘီးလာဟူ ခီမာ လူလေဟု သူးနီရဲ့ ဝတ်ရောင်လေဟို လမ်းထတ်မာ ခန်းပေးဂေဟယ်။ 37 ကိုယ်တော်ဟာ ယေရုရှလင်မြို့နီး သံလွင်တောန့် ဆင်းလမ်းဟို ရော-က်လာဟူ ခီမာ တပွဲတော် အောက်ဂီးဟာ သူးနီ ဗြင်ရဟူ နိမိတ်လတ်ခဏာ ဂူလောင်းတွပ် ဝန်းသာဟူစီန ဘုရားသခင်ရဲ့ ဂေါင်တော်ဟို။ 38 “ဘုရားသခင်ရဲ့ နာမန ကြွလာဟူ မန်းဂီးဟာ မင်္ဂလာရှိပါစေ၊ ကောန်းဂန်ဘောင်မာ ငြိသတ်ရှင်းရှိပါစေ။ ဗြင်ဆောင်းဟူ နေရာမာ ဖောင်းကီးတော်မူပါစေ။” ဆိုဘီး သံကြွယ်ဂီးန ချီးမွမ်းဂေဟယ်။ 39 အယ်ခီမာ လူအောက်ဂီးထဲဟု ဖာရိရှဲတချို့ဟု “ဆရာ၊ ကိုယ်တော်ရဲ့ တပွဲတော်လေဟို တိတိဟားနေဟို ဆောင်းမပေးတော်မူပါ။” ဆိုဘီး ယေရှုဟို လျှော-က်လေဟယ်။ 40 ယေရှုဟု “နန်းနီဟို ငါပြောမယ်။ သူးနီဟို တိတိဟားနေစေမယ် ဆိုဟာ ကွောခဲလေဟု အော်ဟစ်ဂေလေမယ်” ဆိုဘီး မိန့်တော်မူလေဟယ်။ 41 ကိုယ်တော်ဟာ ယေရုရှလင်မြို့နားဟို ရော-က်လာဘီး အယ်မြို့ဟို ဗြင်တော်မူဟူ ခီမာ ဝိုတော်မူဘီး။ 42 “နန်ဟာ ငြိသတ်ရှင်းတွပ် လိုအပ်ဟူဇာလေဟို အယ်နေမာဘဲ သိရမယ် ဆိုဟာ မင်္ဂလာရှိဟယ်၊ အယ်ဘေမဲ့ အယ်မူဇာလေဟာ ခုနန့်ရဲ့ မျစ်စိရှေ့မာ ဖောင်းကွယ်ဟားရှင်းခံရဟယ်။ 43 နန့်ရဲ့ ရန်သူလေဟာ ဖတ်ဖတ်ဟုနေဘီး တားဆီးလေန ဝန်းရံဘီး ပိဟားမယ့်နေ ရော-က်လာလေမယ်။ 44 သူးနီလေဟု နန့်ဟိုရော၊ နန့်ရဲ့ မြို့ရိုးထဲဟု သူလေဟိုရော တယော-က်လည်း ကျန်ဘဲအောန် ဖျစ်ဆီးဂေလေမယ်။ အယ်နေရာမာ ကွောတောင်း တလောင်းလည်း ကျန်ရစ်ဟိုမူဟု။ ဖြားဖြစ်ကြောန့်နူးဆိုဟာ နန့်ဟို ကယ်တန်ဟို ဘုရားသခင် ရော-က်လာမယ့် ခီဟို သိဘဲကြောန့် ဖြစ်ဟယ်။” ဆိုဘီး မိန့်တော်မူလေဟယ်။ 45 ယေရှုဟာ ဗိမာန်တော်ထဲဟို ဝမ်တော်မူဘီးန ရောန်းဝယ်နေဟူ လူလေဟို နှန်ထုတော်မူဘီး 46 သူးနီလေဟို “ကျမ်းစာထဲမာ ဘုရားသခင်ဟု ‘ငါ့ဗိမာန်တော်ဟာ ဆုတောင်းဟူ အီတော် ဖြစ်ရလေမယ်’ ဆိုဘီး မိန့်တော်မူဟားဟယ်။ အယ်ဘေမဲ့ နန်းနီဟု အယ်အီတော်ဟို သူခိုးလေတွပ် ပူးအောန်းဟူနေရာ ဖြစ်စေဂေဘီ။” ဆိုဘီး မိန့်တော်မူလေဟယ်။ 47 ယေရှုဟာ နေ့တိုင်း ဗိမာန်တော်မာ သွန်သန်ပေးတော်မူဟယ်။ ယဇ်ပုရောဟိတ်ဂီးလေ၊ ကျမ်းတတ်ဆရာလေန လူထုခေါင်းဆောန်လေဟာ ကိုယ်တော်ဟို သတ်ဟိုတွပ် ရှာကြံဂေဟယ်။ 48 အယ်ဘေမဲ့ လူလေ ဂူလောင်းဟာ ကိုယ်တော်ရဲ့ စကားတော်ဟို အာရုံစိုက်ဘီး နားထောန်နေဂေဟူကြောန့် ကိုယ်တော်ဟို သတ်ဟိုတွပ် နည်းလမ်းရှာဟို တွဲဘဲဖြစ်နေဟယ်။

20 တနေ့မာ ယေရှုဟာ ဗိမာန်တော်ထဲမာ လူလေဟို သွန်သန်တော်မူဘီးဟာ ဒန်းကောန်းဟို ဟောတော်မူနေဟူ ခီမာ ယဇ်ပုရောဟိတ်ဂီးလေန ကျမ်းတတ်ဆရာလေဟာ သတ်ကီးဝါဂီးလေနတူးဒူ ရော-က်လာဘီး 2 ကိုယ်တော်ဟို “အယ်မူဇာလေဟို ဖြားခွမ်အာဏာန လောက်နေနူ။ အယ်ခွမ်အာဏာဟို ဖယ်သူဟု ပေးဟားနူ။” ဆိုဘီး မေးလျှော-က်လေဟယ်။ 3 ယေရှုဟာ “အယ်ဆိုဟာ ငါလည်း နန်းနီဟို မေးခွန်းတခု မေးအူးမယ်။ ငါ့ဟို ဖြေပေးဂေ။ 4 ယောဟန်ရဲ့ ဗတ္တိဇဟာ ကောန်းဂန်ဟုနေ လာဇာလော။ လူလေဟုနေ လာဇာလော။” ဆိုဘီး သူးနီဟို မေးတော်မူလေဟယ်။ 5 သူးနီဟာ “နီလေဖြားမျိုး ဖြေရမယ်နူ။ ‘ကောန်းဂန်ဟုနေ လာဟယ် ဆိုဘီး ဖြေလိုက်မယ် ဆိုဟာ ယောဟန်ဟို နန်းနီလေ ဖြားဖြစ်ကြောန့် ယောင်ကြည်ဂေဟူနူ။ ဆိုဘီး ပွန်မေးလေအူးမယ်။ 6 လူလေဟုနေ လာဟယ် ဆိုဘီး နီလေဟု

ဖြေလိုက်မယ် ဆိုဟာလည်း ယောဟန်ဟို ပရောဖက်တပါး ဖြစ်ဟယ် ဆိုဇာဟို လူလေဟု ယောင်ကြည်ဂေဟူကြောင့် နို့လေဟို ကြော့ခဲန ပစ်လေမယ်” ဆိုဘီး ရှင်းရှင်းဆွေးနွေးဂေဟယ်။ 7 အယ်ကြောန် သူးနို့လေဟာ “အယ်ခွမ့်အာဏာဟာ ဖယ်ဟုနေလာဟယ် ဆိုဇာဟို ကျွန်တော့်ဟားလေ သိဂေဟု” ဆိုဘီး ယွန်ဖြေလေဟယ်။ 8 ယေရှုဟာ “အယ်မူဇာလေဟို ဖြားခွမ့်အာဏာန ငါလောက်ဟယ် ဆိုဇာဟိုလည်း နန်းနို့ဟို ငါပြောဟု” ဆိုဘီး သူးနို့ဟို မိန့်တော်မူလေဟယ်။ 9 အယ်ဘီးန ယေရှုဟာ အယ်ပေါင်ဥပမာန လူလေဟို “လူတယော့-က်ဟာ စပျစ်ခြံဟို စိုက်ဘီး ခြံစောန်မားလေဟို ငှားရစ်ဘီးန ခိကြာဂီး ခရီးထွပ်ဟားလေဟယ်။ 10 စပျစ်သီး ဆွတ်ခီရော့-က်ဟာ ခီမာ စပျစ်ခြံထွပ် သီးတချို့ဟို ယူဟိုတွပ် ခြံစောန်မားလေနားဟို ကျွန်တယော့-က်ဟို စေလွှတ်လေဟယ်။ အယ်ဘောမဲ့ ခြံစောန်မားလေဟာ အယ်ကျွန်ဟို ရိုက်နှက်ဘီး လတ်ခဲခဲန ယွန်လွှတ်လေဟယ်။ 11 အယ်ကြောန် ဇရှင်ဟု ကျွန်တယော့-က်ဟို ထပ်လွှတ်လေဟယ်။ အယ်ဘောမဲ့ ခြံစောန်မားလေဟာ အယ်ကျွန်ဟိုလည်း ရိုက်နှက်ဘီး၊ ရှက်ခွဲဘီး လတ်ခဲခဲန ယွန်လွှတ်လေဟယ်။ 12 အယ်ဘီးန ဇရှင်ဟု တတိယကျွန်ဟို ထပ်ဘီး စေလွှတ်လေဟယ်။ ခြံစောန်မားလေဟာ အယ်ကျွန်ဟိုလည်း ဒန်ရာရစေဘီးဟာ ယွန်ဟို နှန်ထုဂေဟယ်။ 13 စပျစ်ခြံ ဇရှင်ဟု ‘ငါဖယ်မျိုးလောက်ရမယ်နူး။ ငါ့ရဲ့ ရှစ်ဟူသားဟို စေလွှတ်မယ် ဆိုဟာ ခြံစောန်မားလေဟာ သူဟို ရိုသေကောင်း ရိုသေဂေလေမယ်!’ ဆိုဘီး ပြောလေဟယ်။ 14 အယ်ဘောမဲ့ ခြံစောန်မားလေဟာ သူရဲသားဟို ဗြင်ဟူ ခီမာ ‘အယ်သူဟာ ဇရှင်ရဲ့ သားဖြစ်ဟယ်။ သူဟို သတ်ဂေဇို။ အယ်ဆိုဟာ သူဖရဲ့ အောက်စာဟာ နို့လေရဲ့အောက်စာ ဖြစ်ဟားလေမယ်!’ ဆိုဘီး သူးနို့လေ ယော့-က်နယော့-က် ပြောဂေဟယ်။ 15 အယ်ကြောန် သူးနို့လေဟာ ဇရှင်ရဲ့ သားဟို စပျစ်ခြံယွန်ဟို ထုဘီးဟာ သတ်ဂေလေဟယ်။” “အယ်မျိုးဆိုဟာ စပျစ်ခြံဇရှင်ဟု ခြံစောန်မားလေဟို ဖြားဇာလောက်မယ်နူး။” ဆိုဘီး ယေရှုဟု မေးတော်မူလေဟယ်။ 16 “ဇရှင်ဟာ လာဘီး အယ်လူလေဟို သတ်ဘီးဟာ စပျစ်ခြံဟို တခြားခြံစောန်မားလေဟို အပ်ပေးလေမယ်” ဆိုဘီး မိန့်တော်မူလေဟယ်။ လူလေဟာ အယ်မျိုး ကြားရဟူ ခီမာ “အယ်မျိုး ဖြစ်ပါစေန!” ဆိုဘီး ပြောဂေဟယ်။ 17 ယေရှုဟာ သူးနို့ဟို ကေ့ဘီး “အီဆော့-က်မားလေဟာ သောင်းဇားရဘဲဟူကြော့န ဖယ်ဟားဟူ ကြော့-က်ဟာ ဂူလောင်းထဲမာ ရေးဂီးဆောန်း ဖြစ်လာရဂေဟယ်” ဆိုဘီး ရေးဟားဇာဟာ ဖြားခိပါယ်နူး။” 18 “အယ်ကြော့-က်ထတ်ဟို ကွဟူလူတိုင်းဟာ ပိုင်းပိုင်းကြိုးလေမယ်။ အယ်ဘီးဟာ အယ်ကြော့-က်ဟာ ယော့-က်ယော့-က်ထတ်ဟို ကွမယ် ဆိုဟာ အယ်သူဟာ ညစ်ညစ်ကြေဟားလေမယ်” ဆိုဘီး မိန့်တော်မူလေဟယ်။ 19 ကျမ်းတတ်ဆရာလေန ယဇ်ပုရောဟိတ်ဂီးလေဟာ အယ်ပေါင်ဥပမာဟု သူးနို့ဟို စောန်းခိဘီး ပြောနေဟယ် ဆိုဇာဟို သိဂေဟူကြော့န ရှစ်ရှင်းဘဲ ယေရှုဟို ဖမ်းဟိုတွပ် ရှာကြံဂေဟယ်။ အယ်ဘောမဲ့ လူလေဟို ကြော့-က်ဂေဟယ်။ 20 အယ်ကြောန် သူးနို့လေဟာ ခွမ့်ကောင်းဟို ရှာနေဂေဟယ်။ သူးနို့လေဟာ လူတချို့ဟို ရိုးသားဟန်ဆောန်ဟိုတွပ် လာဘ်ထိုးဟားဟယ်။ အယ်ဘီးဟာ သူးနို့လေဟာ ကိုယ်တော်ရဲ့ စကားထဲမာ မှားရှာဟိုတွပ် အယ်လူလေဟို စေလွှတ်လေဟယ်။ အယ်ဆိုဟာ သူးနို့လေဟာ ကိုယ်တော်ဟို ခွမ့်အာဏာန တဂိုးရှိဟူ ရောမ ဖြို့ဝန်းမန်း နားဟို အပ်ဂေလေမယ်။ 21 အယ်သူလျှိုလေဟာ “ဆရာ၊ ဆရာဟောနေဇာလေရော၊ သန်ကြားနေဇာလေရော မှန်ဟယ် ဆိုဇာဟို ကျွန်တော့်ဟားလေ သိဟယ်။ ဆရာဟာ မျှစ်နှာလိုက်ဘဲန လူလေတွပ် ဘုရားသခင်ရဲ့ လိုတော်န ဆိုင်ဟူ သမ္မာတရားဟို သန်ကြားပေးဟယ်။ 22 ကဲသာ မန်းဂီးဟို ခွန်ဆောန်ရှင်းဟာ ပညတ်တော်န ညီဟယ်လော။ ညီဟလော။” ဆိုဘီး ယေရှုဟို မေးလျှော့-က်လေဟယ်။ 23 အယ်ဘောမဲ့ ယေရှုဟာ သူးနို့ရဲ့ ပရိယာယ်ဟို သိတော်မူဟူကြော့န 24 “ငါ့ဟို ငွေဒန်းဂါးတဟူး ပြဂေ။ အယ်ဒန်းဂါးမာ ဖယ်သူရောက်ပေါင်န နာမယ်ရှိဟယ်နူး။” ဆိုဘီး မေးတော်မူလေဟယ်။ သူးနို့လေဟာ “ကဲသာမန်းဂီး ပေါင်န ကဲသာမန်းဂီး နာမယ်ရှိဟယ်” ဆိုဘီး ဖြေဂေဟယ်။ 25 အယ်ကြောန် ယေရှုဟာ “အယ်မျိုးဆိုဟာ ကဲသာမန်းဂီး ပိုင်ဟူဇာဟို ကဲသာမန်းဂီးဟို ပေးဂေ။ ဘုရားသခင် ပိုင်ဟူဇာဟို ဘုရားသခင်ဟို ပေးဂေ” ဆိုဘီး မိန့်တော်မူလေဟယ်။ 26 သူးနို့လေဟာ လူလေရေမာ ကိုယ်တော်ရဲ့ စကားလေထဲမာ မှားရှာတို့နိုင်ဘဲ ဖြစ်နေဂေဟယ်။ အယ်ဘီးဟာ ကိုယ်တော်ရဲ့ ယွန်မိန့်တော်မူဟူ စကားဟို အံ့ဩဟားဂေဘီး တိဆိဟားဂေလေဟယ်။ 27

အယ်ဘီးန ရှင်ယွန်ထမြော့-က်ရှင်းမေ့ဟု ဆိုဘီး ပြောဂေဟူ ဇဒ္ဒါကဲတချို့ဟာ ယေရှုနားဟို လာဘီးဟာ။ 28 “ဆရာ၊ မောရှေဟု ‘လူတယော့-က်ဟာ သားမီးလေမေ့ဘဲန သေဟားမယ် ဆိုဟာ ကျန်ရစ်ဟူ မယားဟို သူ့ရဲညီဟု ယွန်ဘီး လတ်ထပ်ရဟယ်။ အယ်ဘီးဟာ သူးနိုဗာရလာဟူ သားမီးလေဟို သေဟားဟူသူရဲ သားမီးလေဖြစ် သတ်မှတ်ရမယ်’ ဆိုဘီး ကျွန်တော့ဟားလေတွပ် အယ်ပညတ်တရားဟို ရေးဟားဟယ်။ 29 တခါဒူးဟု ညီကို ခွန်နစ်ယော့-က် ရှိဟယ်။ နောန်ဂီးဆောင်းဟာ အီထောန်ပြဘီး သားမီးလေ မေ့ဘဲန သေဟားဟယ်။ 30 အယ်ဘီးန အယ်မီးမဟို ဒုတိယညီဟု ယူလေဟယ်။ 31 အယ်ဘီးန တတိယညီဟု ယူလေဟယ်။ အယ်မျိုးနဘဲ ညီကို ခွန်နစ်ယော့-က်လောင်းဟာ သားမီးလေ မေ့ဘဲန သေဟားဂေဟယ်။ 32 နော့-က်ဆောင်းမာ အယ်မီးမလည်း သေဟားဟယ်။ 33 အယ်မျိုးဆိုဟာ ရှင်ယွန်ထမြော့-က်ဟူ နေမာ အယ်မီးမဟာ ဖယ်သူရဲ မယား ဖြစ်လေမယ်နူး။ ညီကို ခွန်နစ်ယော့-က်လောင်းဟု အယ်မီးမဟို ယူဟားပီးဘိ ဆိုဘီး သူးနိုဟု လျော့-က်လေဟယ်။” 34 ယေရှုဟာ “အယ်ဘာဝမာ ယော့-က်ကျားလေန မီးမလေဟာ အီထောန်ပြဂေဟယ်။ (aiōn g165) 35 အယ်ဘောမဲ့ သေရာဟုနေ ယွန်ရှင်ဟို ထိုက်တန်ဟူ ယော့-က်ကျားလေန မီးမလေဟာ နောန်ဘာဝမာ အီထောန်ပြရှင်းလေ မေ့ဟူ။ (aiōn g165) 36 သူးနိုလေဟာ ကောန်းဂန်တမန်လေမျိုး ဖြစ်ဟားဘီး သေဂေဟယ်။ သူးနိုလေဟာ သေရာဟုနေ ယွန်ရှင်လာဟူကြောန့် ဘုရားသခင်ရဲ သားမီးလေ ဖြစ်ဂေဟယ်။ 37 အယ်ဘီးဟာ သေရာဟုနေ ယွန်ရှင်ဟယ် ဆိုဇာဟို မောရှေဟု ရှင်းရှင်းလန်းလန်း သတ်သေပြဟားဟယ်။ မောရှေဟု မီးလောင်နေဟူချောင်ကြောင်းန ပတ်သတ်ဘီး ဘုရားသခင်ဟို ‘အာဗြဟံရဲ ဘုရားသခင်၊ ဣဇာကဲရဲ ဘုရားသခင်၊ ယာကုပ်ရဲ ဘုရားသခင်’ ဆိုဘီး ဖော်ပြဟားလေဟယ်။ 38 ဘုရားသခင်ဟာ သေဟားဟူ သူလေရဲ ဘုရား မူဟု။ သတ်ရှင်ဟူ သူလေရဲ ဘုရား ဖြစ်ဟယ်။ ဖြားဖြစ်ကြောန့်နူးဆိုဟာ လူလေ ဂူလောင်းဟာ ကိုယ်တော့အားဖြင့် သတ်ရှင်ဂေဟယ်” ဆိုဘီး သူးနိုလေဟို မိန့်တော်မူလေဟယ်။ 39 ကျမ်းတတ်ဆရာ တချို့ဟု “ဆရာ၊ ကောန်းဟူဖြေ ဖြစ်ဟယ်!” ဆိုဘီး လျော့-က်ဂေလေဟယ်။ 40 အယ်ကြောန့် သူးနိုလေဟာ ကိုယ်တော့ဟို နော့-က်ထပ် မေးခွန်းလေ မေးရဲဂေဟယ်။ 41 ယေရှုဟာ “မေရိယဟာ ဒါဝိဒ်ရဲ မွေးမြူဖြစ်ဟယ် ဆိုဇာဟို ဖယ်မျိုးပြောနိုင်ဂေနူး။ ဆိုဘီး သူးနိုလေဟို မေးတော်မူလေဟယ်။ 42 ဒါဝိဒ်ကိုယ်တိုင်ဟု ဆာလံကျမ်းမာ” “သခင်ဘုရားဟု ငါ့သခင်ဟို။ 43 နန့်ရဲ ရန်သူလေဟို နန့်ရဲ ခေတန်ခေါင်ဖြစ် ငါ့ညွှားဒီထိ ငါ့ရဲ ညာဖတ်မာ ထိုင်နေပါ ဆိုဘီး ပြောဟယ်” ဆိုဘီး ရေးဟားဟယ်။” 44 “ဒါဝိဒ်ဟု ကိုယ်တော့ဟို ‘သခင်’ ဆိုဘီး ခေါ်လေဟယ်။ အယ်ဆိုဟာ ဖယ်မျိုးဖြစ်ဘီးဟာ မေရိယဟာ ဒါဝိဒ်ရဲ မွေးမြူ ဖြစ်ဟားရနူး။” ဆိုဘီး မေးတော်မူလေဟယ်။ 45 လူလေ ဂူလောင်းဟာ နားထောန်နေဟူ ခီမာ ယေရှုဟု တဗွဲတော်လေဟို 46 “ကျမ်းတတ်ဆရာလေဟို ဒီထားဂေ။ သူးနိုလေဟာ ဝတ်လောင်ရှယ်လေန ရှော့-က်သွားဘီး ဆေးလေထဲမာ နောက်ဆစ်ခံရဇာဟို နှစ်သက်ဂေဟယ်။ သူးနိုလေဟာ ဝါလယ်ဇရပ်လေမာ သီးသန့်ခေါင်လေန စားသော့-က်ဗွဲလေမာ ကောန်းဆောင်းနေရာဟို ဝီးကော့-က်ဂေလေဟယ်။ 47 သူးနိုလေဟာ မောက်ဆိုးမလေရဲ အီလေဟို အဓမ္မသီးယူဟယ်။ အယ်ဘီးဟာ လူလေထန်ကီးအောန် ဒီကြာဂီး ဆုတောင်းဂေဟယ်! သူးနိုလေဟာ ရရာတိုင်း ဆိုးဟူ ပြစ်ဒန်ဟို ခံရလေမယ်!” ဆိုဘီး မိန့်တော်မူလေဟယ်။

21 ယေရှုဟာ ပတ်ပတ်လည်ဟို ကေလိုက်ဟူ ခီမာ ဌေးသားလေဟာ ဗိမာန်တော်ထဲဟု လူခံစောင်းထဲဟို သူးနိုရဲ လူငွေလေ ထုံနေဂေဇာဟို ဗြင်တော်မူဟယ်။ 2 အယ်ဘီးဟာ ကိုယ်တော်ဟာ ရရာတိုင်း ဆင်းရဲဟူ မောက်ဆိုးမဟု ကြေးဒန်းဂါး နွေလွှား ထုံနေဇာဟိုလည်း ဗြင်တော်မူလေဟယ်။ 3 ကိုယ်တော်ဟု “အယ်ဆင်းရဲဟူ မောက်ဆိုးမဟာ တခြားလူလေ ဂူလောင်းထတ် ဘောင်ဂီးလူဟယ် ဆိုဇာဟို နန်းနိုဟို ငါမှန်တိုင်း ပြောဟယ်။ 4 ဖြားဖြစ်ကြောန့်နူးဆိုဟာ တခြားလူလေ ဂူလောင်းဟာ သူးနိုအောက်စာရဲ ပိုနေဟူဇာလေဟို လူဂေလေဟယ်။ အယ်ဘောမဲ့ အယ်မောက်ဆိုးမဟာ သူမာရိမျှ ဂူလောင်းဟို ပေးလေဟယ်” ဆိုဘီး မိန့်တော်မူလေဟယ်။ 5 ဗိမာန်တော်ဟို လှပဟူ ကော့-က်တောင်းလေနရော၊ ဘုရားသခင်ဟို ဆစ်ကပ်ဟားဟူ လှပစီးလေနရော လှဆင်ဟားဟယ် ဆိုဘီး တဗွဲတော်တချို့ဟာ ပြောနေဂေဟယ်။ 6 ယေရှုဟု “နန်းနို ဗြင်ဟားဇာလေ ဂူလောင်းဟာ ကော့-က်တောင်းလည်း ကျန်ရစ်ဘဲအောန် ဖျစ်ဆီးရှင်းခံရဟို

ခီရော-က်လာလေ့မယ်” ဆိုဘီး မိန့်တော်မူလေဟယ်။ 7 သူးနို့လေဟ “ဆရာ၊ အယ်မူဇာလေဟ ဖယ်ခီမာ ဖြစ်လာမယ်နူး။ အယ်မူဇာလေ ဖြစ်ခါနီးဟူ ခီမာ ဖယ်မျိုးနိမိတ်လေ ပေါ်လာဟို့နူး။” ဆိုဘီး မေးလျှော့-က်ဂေဟယ်။ 8 ယေရှုဟ “နန်းနို့လေ လှည့်ဇားခံရဘဲအောန် ဒိထားဂေ။ လူလေဘောင်ဂီးဟာ ငါနာမန ရော့-က်လာဘီးဟာ ‘ငါဟာ အယ်လူဘွဲ ဖြစ်ဟယ်၊ ခီရော-က်လာဘီ!’ ဆိုဘီး ပြောလေ့မယ်။ အယ်ဘေမဲ့ သူးနို့ နော့-က်ဟို့ လိုက်ဂေနု။ 9 နန်းနို့လေဟာ စစ်ပွဲလေန ပူကန်ရှင်းကြောင်းလေဟို့ ကြားရဟူ ခီမာ ကြော့-က်ဂေနု။ အယ်မူဇာလေဟ ရင်ဦးဆောင်း ဖြစ်ရမယ်။ အယ်ဘေမဲ့လည်း ဆောင်းသတ်ခီဟာ ရော့-က်လာသေးဟ” ဆိုဘီး မိန့်တော်မူလေဟယ်။ 10 ကိုယ်တော်ဟ “လူမျိုးလေဟာ တမျိုးနု တမျိုး၊ နိုင်ငံလေဟာ တနိုင်ငံနု တနိုင်ငံ တိုက်ဂေလေ့မယ်။ 11 နေရာတိုင်းမာ ကြော့-က်ဘွယ်လန့်ဘွယ် မွေဂီးလောကရှင်းလေ၊ စာရေဇာ ရှားပါးရှင်းလေ၊ ကပ်ရောဂါလေ ဖြစ်ဂေလေ့မယ်။ ကောန်းဂန်ထတ်ဟုနေ ထူးဆန်းဘီး ကြော့-က်ဇာကောန်းဟူ နိမိတ်လေ ပေါ်လာဂေလေ့မယ်။ 12 အယ်ဘေမဲ့လည်း အယ်မူဇာလေ ဖြစ်လာခန်မာ နန်းနို့လေဟို့ ဖမ်းဆီးဘီး ညည်းဆဲဂေလေ့မယ်။ နန်းနို့လေဟို့ ဝါလယ်ဇရပ်လေမာရော၊ ထောန်ထဲမာရော လောန်ဟားဂေလေ့မယ်။ ငါနာမကြောန် နန်းနို့လေဟို့ ဗြို့ဝန်မန်းလေန မန်းဂီးလေ ရှေ့မှော့-က်ဟို့ ခေါ်ဆောန်ဟားဂေလေ့မယ်။ 13 အယ်နည်းလမ်းအားဖြင့် နန်းနို့ဟာ ဒန်းကောန်းဟို့ သတ်သေခံဟို့တွပ် ခွမ်ရေး ဖြစ်လာဂေလေ့မယ်။ 14 အယ်ကြောန် ဖယ်မျိုးချေပရမယ် ဆိုဇာဟို့ ကြိုတန်ဘီး စိုးရိမ်ဘဲဟို့တွပ် နန်းနို့ရဲ့ စိန်လောင်းဟို့ ဆောင်းဖြတ်ဟားဂေ။ 15 ဖြားဖြစ်ကြောန်နူးဆိုဟာ နန်းနို့ရန်သူလေဟာ ပွန်ဘီး ခုခံဟန်တားနိုင်ဘဲနေအောန် နန်းနို့ဟို့ နှောကစွမ်းနု ဉာဏ်ပညာဟို့ ငါပေးမယ်။ 16 နန်းနို့ရဲ့ မိဖလေရော၊ ညီကိုလေရော၊ ဆွေမျိုးလေရော၊ ငယ်ဂျင်းလေဟာ နန်းနို့ဟို့ အပ်ဂေလေ့မယ်။ နန်းနို့ထဲဟာ တချို့ဟာ သေသတ်ရှင်းဟို့ ခံရဂေလေ့မယ်။ 17 လူတိုင်းဟာ ငါနာမကြောန် နန်းနို့ဟို့ မူးတီးဂေလေ့မယ်။ 18 အယ်ဘေမဲ့ နန်းနို့ခေါန်းဟာ ဆားဗန်တဗန်မျှ ဆောင်းရှောင်းစေဟ။ 19 နန်းနို့ဟာ တည်ကြည်ရှင်းအားဖြင့် ကယ်တန်ရှင်းဟို့ ခံရဂေလေ့မယ်။” 20 “ယေရုရှလင်ဗြို့ဟို့ စစ်တပ်လေ ဝိုင်းဟားဇာဟို့ နန်းနို့ ဗြင်ရဟူ ခီမာ အယ်ဗြို့ဟာ ကြာခန်မာ ဖျစ်ဆီးရှင်းခံရမယ် ဆိုဇာဟို့ နန်းနို့လေ သိဂေလေ့မယ်။ 21 အယ်ဆိုဟာ ယုဒနယ်မာရှိဟူ သူလေဟာ တောန်ထတ်ဟို့ တတ်လွှေးဂေစေ။ ဗြို့ထဲမာရှိဟူ လူလေဟာ ဗြို့ပွန်ဟို့ ထွပ်ဂေစေ။ အယ်ဘီးဟာ ကျေးဝါမာရှိဟူ သူလေဟို့လည်း ဗြို့ထဲဟို့ ဝမ်ဂေစေနု။ 22 ဖြားဖြစ်ကြောန်နူးဆိုဟာ အယ်နေရစ်လေဟာ ကျမ်းစာဟာ ပြောဟားတိုင်း လွှဲဇောင်ဟို့တွပ် ‘ပြစ်ဒန်ပေးဟို့ နေရစ်လေ’ ဖြစ်ဟယ်။ 23 အယ်နေရစ်လေမာ ဝန်းရှင်မလေန သားရှင်မိလေတွပ် ရရာတိုင်း ဆိုးဝါးဂေလေ့မယ်၊ ဒေါက်ခဆင်းရဲဟာ အယ်ပြည်ထတ်ဟို့ ရော့-က်လာလေ့မယ်။ အယ်ဘီးဟာ ဘုရားသခင်ရဲ့ မျစ်တော်ဟာ အယ်သူလေ ထတ်မာလည်း ဣရော့-က်လေ့မယ်။ 24 တချို့လေဟာ ထားနု သတ်ခံရဂေလေ့မယ်။ ကျန်ဟူ သူလေဟာ ထောန်သားလေဖြစ်နု နိုင်ငံသီးသီးဟို့ ဖမ်းဆီးဟားရှင်း ခံရဂေလေ့မယ်။ လူမျိုးခြားလေဟာ သူးနို့ရဲ့ ခီကုခန်ထိ ယေရုရှလင်ဗြို့ဟို့ နန်းချေဂေလေ့မယ်။” 25 “နေ၊ လ၊ ကြယ်လေမာ ထူးဆန်းဟူ နိမိတ်လေ ဖြစ်လေ့မယ်။ မွေဂီးထတ်ဟာ လူမျိုးလေ ဂူလောင်းဟာ ပန်လယ်လှိုင်းတံပိုးသံကြောန် စိပျစ်ဟားဘီး ကြော့-က်လန်ဂေလေ့မယ်။ 26 ကောန်းဂန်ဟာ တဂိုးလေဟာ လောကခါဂေဘီး လူလေဟာ ကမ္ဘာထတ်ဟို့ သတ်ရော့-က်လာဟို့ ဇာလေတွပ် ကြိုတီးဘီး ကြော့-က်လန်လာဟူကြောန် မူးလဲဂေလေ့မယ်။ 27 အယ်ခီမာ လူရဲ့သားဟာ ကီးမားဟူ မောင်းတဂိုးနု မိုးတီဟို့ စီးဘီး ကြွလာနေဇာဟို့ သူးနို့လေ ဗြင်ရဂေလေ့မယ်။ 28 အယ်မူဇာလေ စဘီး ဖြစ်လာဟူ ခီမာ နန်းနို့ဟို့ ဝီးကော့-က်ဟို့ ခီဟာ နီးလာဘီဖြစ်ဟူကြောန် မတ်တပ်ထဘီး နန်းနို့ရဲ့ ခေါန်းလေဟို့ မော့ဟားဂေ” ဆိုဘီး မိန့်တော်မူလေဟယ်။ 29 အယ်ဘီးနု ယေရှုဟာ သူးနို့ဟို့ အယ်ပေါင်ဥပမာနု “သဖန်းဗန်နု တခြားသစ်ပန်လေဟို့ ကော့ကေ။ 30 နန်းနို့လေဟာ အယ်ပန်လေမာ ဝပ်နုလေ ထွပ်လာဇာဟို့ ဗြင်ဟူ ခီမာ နေရာသီ ရော့-က်ခါနီးဘီ ဆိုဇာဟို့ နန်းနို့လေ သိဂေဟယ်။ 31 အယ်မျိုးဘွဲ အယ်မူဇာလေ ဖြစ်လာဇာဟို့ နန်းနို့လေ ဗြင်ဟူ ခီမာ ဘုရားသခင်ရဲ့ နိုင်ငံတော် တည်ခါနီးဘီ ဆိုဇာဟို့ နန်းနို့လေ သိဂေပါ။ 32 “ငါ မှန်တိုင်းပြောမယ်၊ အယ်မူဇာလေ ဂူလောင်း ဖြစ်လာခန်မာ အယ်မျိုးဆစ်ဟာ လောင်းဝ ပျော့-က်ကွယ်ဟားဟို့ မူဟ။ 33 ကောန်းဂန်နု မွေဂီးဟာ ပျော့-က်ကွယ်ဟားလေ့မယ်။

အယ်ဘောမဲ့ ငါ့စကားလေဟာ လောင်းဝ ပျော့-က်ကွယ်လေမယ် မူဟာ။ 34 “ဒိန်နေဂေ။ ပျော်လွန်ကြူးရှင်းလေ၊
သော့-က်စားယစ်မောရှင်းလေ၊ လောကီမှုရေး စိုးရိမ်ရှင်းလေကြောင့် နန်းနို့ရဲ့ စိန်လောင်းလေဟာ လေးလံထိုင်းမှိုင်းနေဒူးမာ
အယ်နေရစ်ဟာ ထောင့်ချော့-က်မျိုးဘဲ နန်းနို့ထတ်ဟို့ ရောက်တရစ် ရော့-က်လာလေမယ်။ 35 ပြားဖြစ်ကြောင့်နွဲ့ဆိုဟာ
အယ်နေရစ်ဟာ ယွေဝီး တဗွန်လောင်းမာရှိဟူ လူလေ ဂူလောင်းထတ်ဟို့ ကွဲရော့-က်လာလေမယ်။ 36 အယ်ကြောင့်
နန်းနို့ဟာ ဖြစ်လာဟို့ဇာလေ ဂူလောင်းဟုနေ လွတ်မြော့-က်ဘီး လူသားရဲ့ ရှေ့တော်မာ မတ်တတ်ရပ်နိုင်ဟို့တွပ် ခီတိုင်း
ဒိန်နေဘီး ဆုတောင်းဂေ” ဆိုဘီး မိန့်တော်မူလေဟယ်။ 37 ယေရှုဟာ နေ့ခီလေမာ ဗိမာန်တော်မာ သွန်သန်တော်မူဘီး
ညဉ့်ခီလေမာ ယွန်ဟို့ ထွပ်ဟားဘီး သံလွင်တောန်ထတ်မာ ညဉ့်ဟို့ ကူစေတော်မူဟယ်။ 38 လူလေ ဂူလောင်းဟာ
ဗိမာန်တော်မာ တရားနားထောန်ဟို့ မိုးလန်းစောစောဂီး ကိုယ်တော်နားဟို့ လာဂေဟယ်။

22 ပသခါပွဲ ဆိုဘီး ခေါ်ဟူ တဆေးမှော့ဟူ မပွဲတော် ခီနီးလာလေဟယ်။ 2 ယဇ်ပုရောဟိတ်ဂီးလေန
ကျမ်းတတ်ဆရာလေဟာ လူလေဟို့ ကြော့-က်လန်ဂေဟူကြောင့် ယေရှုဟို့ တိတိဟားသတ်ဟို့တွပ်
နည်းလမ်းရှာကြံဂေလေဟယ်။ 3 အယ်ဘီးန စာတန်ဟာ တပွဲတော် ဆယ့်နေပါးထဲဟု တပါးဖြစ်ဟူ ကုရုကာရတ် ဆိုဘီး
ခေါ်ဟူ ယုဒထဲဟို့ ဝမ်လေဟယ်။ 4 အယ်ကြောင့် ယုဒဟာ ယဇ်ပုရောဟိတ်ဂီးလေန ဗိမာန်တော်စောင့် ကြီးကလေးနားဟို့
သွားဘီး ယေရှုဟို့ သူးနို့လတ်ထဲဟို့ ဖယ်မျိုး အပ်ရမယ် ဆိုဇာဟို့ သူးနို့လေန တိုင်ဗန်ဂေလေဟယ်။ 5 သူးနို့လေဟာ
ဝန်းသာဘီးဟာ သူဟို့ ကပ်ပေးဟို့ ဘောတူဂေဟယ်။ 6 ယုဒဟာလည်း ဘောတူဘီး လူလေဟို့ သိစေဘဲန ယေရှုဟို့
သူးနို့လတ်ဟို့ အပ်ဟို့တွပ် ခွမ်ကောန်းဟို့ ရှာကြံလေဟယ်။ 7 တဆေးမှော့ဟူ မပွဲတော် ခီမာ ပသခါသိုးသားဂန်းလေဟို့
သတ်ရဟူနေ ရော့-က်လာဟယ်။ 8 ယေရှုဟာ ပေတရုန ယောဟန်ဟို့ “ပသခါပွဲတော်ဟို့ နို့လေစားဟို့ သွားဘီး
ပြင်ဆင်ဂေပါ” ဆိုဘီး မိန့်တော်မူဘီး သူးနို့ဟို့ စေလွှတ်လေဟယ်။ 9 သူးနို့ဟုလည်း “ကိုယ်တော်ဟု ကျွန်တော့်ဟားလေဟို့
ဖယ်နေရာမာ ပြင်ဆင်စေရှင်ဟယ်နူး။” ဆိုဘီး မေးလျှော့-က်ဂေဟယ်။ 10 ကိုယ်တော်ဟု “နန်းနို့ဟာ ဗြိထဲဟို့ ဝမ်ဟားဟူ
ခီမာ ရေအိုးထမ်းလာဟူ လူတယော့-က်ဟာ နန်းနို့ဟို့ လာတို့လေမယ်။ အယ်လူ ဝမ်ဟားဟူ အီထဲဟို့ ဝမ်လိုက်ဟားဘီးဟာ။
11 အီဇရှင်ဟို့ ‘ဆရာဟု ငါ့တပွဲလေနတူးဒု ပသခါညဉ့်ဇာစားဟို့ ခန်းဟု ဖယ်မာနူး။ ဆိုဘီး မေးခိုင်းလိုက်ဟယ်’ ဆိုဘီး
ပြောဂေပါ။ 12 အယ်လူဟု ပြင်ဆင်ဟားဟူ ထတ်ခန်းမဟို့ နန်းနို့ဟို့ ပြလေမယ်။ အယ်ခန်းမာ နန်းနို့ ပြင်ဆင်ဂေပါ”
ဆိုဘီး မိန့်တော်မူလေဟယ်။ 13 သူးနို့ဟာ ထွပ်ဟားဘီးန ယေရှုဟု သူးနို့ဟို့ မိန့်တော်မူဟားတိုင်းဘဲ ဂူလောင်းဟို့
တို့ရဟူကြောင့် ပသခါညဉ့်ဇာဟို့ ပြင်ဆင်ဂေဟယ်။ 14 ခီရော့-က်လာဟူ ခီမာ ယေရှုဟာ တမန်တော်လေနတူးဒု
စားပွဲမာ ထိုင်တော်မူဟယ်။ 15 ကိုယ်တော်ဟု “ငါဟာ ဒေါက်ခဝေဒနာခံရခန်မာ အယ်ပသခါ ညဉ့်ဇာဟို့ နန်းနို့နတူးဒု
ရရာတိုင်း စားရှင်ဟယ်။ 16 နန်းနို့ဟို့ ငါပြောမယ်၊ ပသခါပွဲတော်ဟာ ဘုရားသခင်ရဲ့ နိုင်ငံတော်မာ ညွှဲဇောင်သေးခန်ထိ
အယ်ပွဲတော်ဟို့ နော့-က်ထပ်ခါ ငါစားဟို့မူဟု” ဆိုဘီး သူးနို့ဟို့ မိန့်တော်မူလေဟယ်။ 17 အယ်ဘီးန ယေရှုဟာ ခွပ်ဟို့
ယူဘီး ဘုရားသခင်ရဲ့ ကျေးဇူးတော်ဟို့ ချီးမွမ်းဘီးန “အယ်ခွပ်ဟို့ ယူဘီး ရှင်းရှင်းဝီမျှဘီး သော့-က်ဂေပါ။ 18 နန်းနို့ဟို့
ငါပြောမယ်။ ခုဟုစဘီး ဘုရားသခင်ရဲ့ နိုင်ငံတော် တည်ထောင်ခန်ထိ အယ်စဗျစ်ဝိုင်ဟို့ ငါလောင်းဝ သော့-က်လေမယ်
မဟု” ဆိုဘီး မိန့်တော်မူလေဟယ်။ 19 အယ်ဘီးန ကိုယ်တော်ဟာ မဟို့ယူဘီး ဘုရားသခင်ရဲ့ ကျေးဇူးတော်ဟို့ ချီးမွမ်းဘီးန
မဟို့ ဖဲ့ဘီးဟာ သူးနို့လေဟို့ ပေးဘီး “အယ်မဟာ နန်းနို့တွပ် စွန်ဟူ ငါ့ရဲ့ ကိုယ်ခန္ဓာ ဖြစ်ဟယ်။ ငါဟို့ အော့-က်မေဟို့
အယ်မျိုးလောကဂေ” ဆိုဘီး မိန့်တော်မူလေဟယ်။ 20 အယ်မျိုးဘဲ ညဉ့်ဇာစားဘီးန ကိုယ်တော်ဟာ ခွပ်ဟို့လည်း
ယူဘီးဟာ “အယ်ခွပ်ဟာ နန်းနို့တွပ် သွန်းလောန်းဟူ ငါ့ရဲ့ သွီးနု ဇီခတ်ဟားဟူ ဘုရားသခင်ရဲ့ ပဋိညာဉ်တရားသစ်
ဖြစ်ဟယ်” 21 “အယ်ဘောမဲ့ ငါဟို့ အပ်မယ့်လူရဲ့ လတ်ဟာ ငါ့နတူးဒု စားပွဲထတ်မာ ရှိနေဟယ်! 22 လူရဲ့သားဟာ
ဘုရားသခင် ခွဲမှတ်ဟားတိုင်းဘဲ သေခံဟို့ မှန်ဘဲသွားရမယ်။ အယ်ဘောမဲ့ လူရဲ့သားဟို့ အပ်ဟူလူဟာ အမင်္ဂလာရှိဟယ်!”

ဆိုဘီး မိန့်တော်မူလေဟယ်။ 23 အယ်ဘီးန တဗွဲတော်လေဟာ နို့လေထဲဟ ဖယ်သူဟာ အယ်မျိုးလောက်ဟို့နူး။ ဆိုဘီး သူးနို့ရှင်းရှင်း မေးဂေလေဟယ်။ 24 သူးနို့လေထဲဟ ဖယ်သူဟို့ ကီးမြတ်ဆောင်း ဖြစ်ဟယ် ဆိုဘီး မှတ်ယူရမယ် ဆိုဇာဟို့ သူးနို့ရှင်းရှင်း ငြင်းခူဂေလေဟယ်။ 25 ယေရုဟ သူးနို့လေဟို့ “လူမျိုးခြားလေရဲ့ မန်းဂီးလေဟာ ပြည်သူလေထတ်မာ စိုးတရ လောက်တတ်ဂေဟယ်။ လူလေထတ်မာ အာဏာရှိဟူ သူလေဟို့လည်း သူများကျိုးဆောန်ဂုပ်သူ ဆိုဘီး ခေါ်ခံရဂေဟယ်။ 26 အယ်ဘောမဲ့ နန်းနို့လေဟာ အယ်မျိုးလောက်ဂေန။ နန်းနို့ထဲမာ ကီးမြတ်ဆောင်းဖြစ်ဟူ သူဟာ ငယ်ဆောင်းဟူ သူမျိုး ဖြစ်ရမယ်။ ဦးဆောန်ဟူ သူဟာ စေခံမျိုး ဖြစ်ရမယ်။ 27 စားဗွဲမာ ထိုင်နေဟူသူန စေခံဟူ သူလေထဲမာ ဖယ်သူဟ ပိုဘီး ကီးမြတ်နူး။ စားဗွဲမာ ထိုင်နေဟူသူ မှဟလော။ အယ်ဘောမဲ့ ငါဟာ နန်းနို့ထဲမာ စေခံဟူသူမျိုး ဖြစ်ဟယ်။” 28 “စောင်ဇမ်း နောန့်ဟုတ်ရှင်းလေဟို့ ငါခံနေရဦးမာ နန်းနို့ဟာ ငါနတူးဒု ရပ်တည်ပေးဟူ လူလေ ဖြစ်ဂေဟယ်။ 29 အယ်ဘီးဟာ ငါဖဟာ ငါဟို့ နိုင်ငံတော်ဟို့ ပေးအပ်ဟူမျိုးဘဲ ငါဟလည်း နိုင်ငံတော်ဟို့ နန်းနို့ဟို့ ပေးအပ်မယ်။ 30 နန်းနို့ဟာ ငါရဲ့ နိုင်ငံတော်မာ ငါရဲ့ စားဗွဲမာ ထိုင်ဘီး စားသော-က် ရဂေလေမယ်။ အယ်ဘီးဟာ ပလွင်ထတ်မာ ထိုင်ဘီး ကူသလေမျိုးနွယ် ဆယ့်နေနွယ်ဟို့ တရားစီရင် ရဂေလေမယ်။ 31 “ရှိမုန့်၊ ရှိမုန့်၊ နားထောန်ပါ၊ ရောင်ဆန်ဟို့ ဧကိန္ဒဟူမျိုးဘဲ စာတန်ဟာ နန်းနို့လောင်းဟို့ ဧကိန္ဒဟို့တွပ် ခွမ့်တောင်းလေဘီ။ 32 အယ်ဘောမဲ့ နန်ရဲ့ ယောင်ကြည်ရှင်း ဆောင်းရှောင်းဘဲဟို့တွပ် ငါဆုတောင်းနေဟယ်။ နန်ဟာ ငါဖတ်ဟို့ ယွန်လှည့်လာဟူ ခီမာ နန်ရဲ့ ညီကိုလေဟို့ ခိုင်ခံစေပါ” ဆိုဘီး မိန့်တော်မူလေဟယ်။ 33 ပေတရဟ “သခင်၊ ကျွန်တော်ဟာ ကိုယ်တော်နတူးဒု ထောန်ဘဲကွကွ၊ သေဘဲသေသေ ဆင်သင်ရှိဟယ်!” ဆိုဘီး လျော့-က်လေဟယ်။ 34 ယေရုဟ “ပေတရ၊ နန်ဟို့ ငါပြောမယ်။ အယ်ညဉ် ကြစ်တွန်ခန်မာ နန်ဟာ ငါဟို့ သိဟာ ဆိုဘီး သောင်းခါ ငြင်းလေမယ်” ဆိုဘီး မိန့်တော်မူလေဟယ်။ 35 အယ်ဘီးန ယေရုဟ “နန်းနို့ဟို့ ကပ်အိ၊ လွယ်အိန ခေနပ်မော့ဘဲ စေလွတ်ဟူ ခီမာ နန်းနို့လေမာ လိုအပ်ဇာလေ ရှိသေးလော။” ဆိုဘီး တဗွဲတော်လေဟို့ မေးလေဟယ်။ သူးနို့ဟာ “မေ့ဟ” ဆိုဘီး လျော့-က်လေဟယ်။ 36 ယေရုဟ “အယ်ဘောမဲ့ ခု ကပ်အိရှိဟူ သူဟာ ယုဟားစေ။ လွယ်အိရှိဟူ သူဟာလည်း ယုဟားစေ။ ထားမော့ဘဲဟူ သူဟာ မိမိဝတ်လောင်ဟို့ ရောန်းဘီးဟာ ထားဟို့ ဝယ်စေ။ 37 နန်းနို့ဟို့ ငါပြောမယ်၊ ‘သူဟာ တရားမော့ဘဲဟူ သူလေရဲ့ စာရင်းထဲမာ ထဲသွမ်းရှင်းခံရမယ်’ ဆိုဘီး ကျမ်းစာမာ ရေးဟားဟူဇာဟာ ငါမာ ယွဲဇောင်ရမယ်။ ဖြားဖြစ်ကြောန့်နူးဆိုဟာ ငါကြောင်းဟို့ ရေးဟားဇာဟာ ယွဲဇောင်ရှင်းဟို့ ရော-က်နေဘီ” ဆိုဘီး မိန့်တော်မူလေဟယ်။ 38 တဗွဲတော်လေဟ “သခင်၊ ကေ့တော်မူပါ၊ အယ်မာ ထားနေရောန်း ရှိဟယ်” ဆိုဘီး လျော့-က်လေဟယ်။ ကိုယ်တော်ဟ “အယ်ဆိုဟာ ရလော့-က်ဘီ!” ဆိုဘီး မိန့်တော်မူလေဟယ်။ 39 ယေရုဟာ ဗြို့ထဲဟနေ ထွပ်ဟားဘီး ခါတိုင်းမျိုးဘဲ သံလွင်တောန်ထတ်ဟို့ ကြွတော်မူဟယ်။ တဗွဲတော်လေလည်း ကိုယ်တော်နတူးဒု လိုက်ဟားဂေဟယ်။ 40 အယ်နေရာဟို့ ရော-က်ဟူ ခီမာ ကိုယ်တော်ဟ “နန်းနို့လေဟာ သွီးဆောန်ရှင်းထဲဟို့ ကွဘဲဟို့တွပ် ဆုတောင်းဂေ” ဆိုဘီး သူးနို့ဟို့ မိန့်တော်မူလေဟယ်။ 41 အယ်ဘီးန ကိုယ်တော်ဟာ သူးနို့လေန ကွေး-က်ခဲတပစ်ဇာလောက် ဝီးဟို့ သွားဘီးဟာ ဒူးထော့-က်ဘီးန ဆုတောင်းဟူဇာဟ 42 ကိုယ်တော်ဟ “ဖ၊ ဖြစ်နိုင်မယ် ဆိုဟာ အယ်မူဝေဒနာခွပ်ဟို့ ကျွန်တော့်ဟနေဘီး ယုဟားပေးပါ။ အယ်ဘောမဲ့ ကျွန်တော့် လိုရှင်တိုင်းဖြစ်စေဘဲန ဖလိုရှင်းတိုင်းဘဲ ဖြစ်စေပါ” ဆိုဘီး ဆုတောင်းလေဟယ်။ 43 အယ်ခီမာ ကောန်းဂန်ဘောင်ဟ ကောန်းဂန်တမန်တပါးဟာ ကိုယ်တော်နားမာ ပေါ်လာဘီး ကိုယ်တော်ဟို့ အားပေးတော်မူဟယ်။ 44 ကိုယ်တော်ဟာ ပြင်းထန်ဟူ ဝေဒနာဟို့ ခံစားဘီး ပိုဘီး ပြင်းပြင်းထန်ထန် ဆုတောင်းဟူကြောန့် ကိုယ်တော်ရဲ့ ချွေးဟာ သွီးစစ်လေမျိုး ဖွေးထတ်ဟို့ ကွလေဟယ်။ 45 ကိုယ်တော်ဟာ ဆုတောင်းရာဟနေ ထတော်မူဘီး တဗွဲတော်လေနားဟို့ ယွန်လာဟူ ခီမာ သူးနို့လေဟာ ဝန်းနဲဘီး အိမ့်နေဇာဟို့ တွဲဟားလေဟယ်။ 46 ကိုယ်တော်ဟာ “နန်းနို့လေ ဖြားဖြစ်ကြောန့် အိမ့်နေဂေနူး။ သွီးဆောန်ရှင်းထဲဟို့ ကွဘဲဟို့တွပ် ထဒန်ဘီး ဆုတောင်းဂေ” ဆိုဘီး သူးနို့ဟို့ မိန့်တော်မူလေဟယ်။ 47 အယ်မျိုးမိန့်တော်မူနေဒူးမာဘဲ တဗွဲတော် ဆယ့်နေပီးထဲဟ တပါးဖြစ်ဟူ ယုဒဟာ လူအောက်ဂီးဟို့ ဦးဆောန်ဘီး ရော-က်လာဟယ်။ သူဟာ ယေရုဟို့

နမ်းဟို့တွပ် တိုးဝမ်လာလေဟယ်။ 48 အယ်ဘောမဲ့ ယေရှုဟု “ယုဒ၊ လူရဲ့သားဟို့ နမ်းရှင်းအားဖြင့် အပ်ဟို့လော။” ဆိုဘီး မေးတော်မူလေဟယ်။ 49 ယေရှုနတူးဒူ ရှိနေဂေဟူ တမဲ့တော်လေဟာ ဖြစ်လာမယ့်ဇာဟို့ သိလိုက်ဟူ ခီမာ သူးနို့ဟု “သခင်၊ ကျွန်တော့်ဟားလေ ထားန ခွတ်ရဟို့လော။” ဆိုဘီး မေးလျှော့-က်လေဟယ်။ 50 သူးနို့ထဲဟု တယော့-က်ဟာ ယဇ်ပုရောဟိတ်မန်းရဲ့ ကျွန်တယော့-က်ဟို့ ခွတ်လိုက်ဇာ အယ်လူရဲ့ ညာဖတ်နားဝပ်ဟာ ပြတ်ဟားလေဟယ်။ 51 အယ်ဘောမဲ့ ယေရှုဟု “တော်ဘီ!” ဆိုဘီး မိန့်တော်မူလေဟယ်။ ကိုယ်တော်ဟာ အယ်လူရဲ့ နားဝပ်ဟို့ လတ်တော်န ထိလိုက်ဘီး ညွှန်ကောန်းစေလေဟယ်။ 52 အယ်ဘီးန ယေရှုဟာ မိမိဟို့ ဖမ်းဟို့ရော-က်လာဟူ ယဇ်ပုရောဟိတ်ဂီးလေ၊ ဗိမာန်တော်စောန့် တပ်မှူးလေန သတ်ကီးဝါဂီးလေဟို့ “နန်းနို့ဟာ မွဟို့ ဖမ်းဟူမျိုး ထားလေ၊ ဒေါက်လေဟို့ ကိုင်ဆောန့်ဘီး လာဂေရလော။ 53 ငါဟာ နေ့တိုင်း နန်းနို့တူးဒူ ဗိမာန်တော်မာ ရှိနေဒူးမာ နန်းနို့ဟာ ငါဟို့ ဖမ်းဂေဟူ။ အယ်ဘောမဲ့ အယ်မျိုး လောက်ဆောန့်ဟို့တွပ် နန်းနို့ရဲ့ခို ဖြစ်ဟယ်။ မှောန်မိုက်တဂိုးလည်း ဖြစ်ဟယ်” ဆိုဘီး မိန့်တော်မူလေဟယ်။ 54 သူးနို့လေဟု ယေရှုဟို့ ဖမ်းဘီးဟာ ယဇ်ပုရောဟိတ်မန်းရဲ့ အီဟို့ ခေါ်ဟားဂေဟယ်။ ပေတရဟာလည်း ခပ်ဝီးဝီးဟုနေ လိုက်ဟားလေဟယ်။ 55 အီဝမ်းရဲ့ လယ်မာ မီးဗောင်ဟို့ ဝိုင်းဘီးထိုင်နေဟူ လူလေကြားထဲမာ ပေတရဟာ ဝမ်ထိုင်လေဟယ်။ 56 အယ်မျိုး ပေတရဟာ မီးဗောင်းနားမာ ထိုင်နေဇာဟို့ စေခံမီးမ တယော့-က်ဟု ပြင်ဟားဟူကြောန့် သူဟို့ စေစေတော့ဘီး “အယ်လူဟာလည်း ယေရှုရဲ့ ပေါန်းဖော် ဖြစ်ဟယ်!” ဆိုဘီး ပြောလေဟယ်။ 57 အယ်ဘောမဲ့ ပေတရဟု “ဂေ့မီးမ၊ အယ်သူဟို့ ငါ သိဟု!” ဆိုဘီး ငြင်းလေဟယ်။ 58 ရှစ်ဟားကြာဘီးန လူတယော့-က်ဟာ ပေတရဟို့ ပြင်ဟားဟူ ခီမာ “နန်လည်း သူးနို့လေထဲဟု တယော့-က်ဘဲ ဖြစ်ဟယ်!” ဆိုဘီး ပြောလေဟယ်။ အယ်ဘောမဲ့ ပေတရဟု “ဂေ့လူ၊ ငါဟာ သူးနို့ထဲဟု မဟု!” ဆိုဘီး ပြောလေဟယ်။ 59 တနာရီလော့-က် ကြာဘီးန တခြားတယော့-က်ဟု “မှန်တိုင်း ပြောရမယ် ဆိုဟာ အယ်သူဟာ ဂါလိလဲလူ ဖြစ်ဟူကြောန့် ယေရှုန ပေါန်းဖော်ဟူသူ ဖြစ်ဟယ်!” ဆိုဘီး ခိုင်ခိုင်မာမာ ပြောလေဟယ်။ 60 အယ်ဘောမဲ့ ပေတရဟု “ဂေ့လူ၊ နန်ပြောနေဇာလေဟို့ ငါ သိဟု!” ဆိုဘီး ညွှန်ပြောလေဟယ်။ သူအယ်မျိုး ပြောနေဒူးမာဘဲ ကြစ်တွန်လေဟယ်။ 61 အယ်ခီမာ သခင်ဘုရားဟာ လှည့်ဘီး ပေတရဟို့ စူးစိုက်ဘီး ကေတော်မူဟယ်။ ပေတရဟုလည်း “အယ်ညဉ့် ကြစ်တွန်ခန်မာ နန်ဟာ သောင်းခါတိတိ ငြင်းပယ်လေမယ်” ဆိုဘီး မိန့်တော်မူဟားဟူ သခင်ဘုရားရဲ့ စကားတော်ဟို့ ညွှန်အော့-က်မေလာဟယ်။ 62 အယ်ကြောန့် ပေတရဟာ ညွှန်ဟို့ ထွပ်ဟားဘီး ရရာတိုင်း ငိုလေဟယ်။ 63 ယေရှုဟို့ စောန့်ကြပ်နေဟူ လူလေဟု ကိုယ်တော့်ဟို့ လောန်ပြောန့်ဘီး ရိုက်နှက်ဂေဟယ်။ 64 သူးနို့လေဟု ကိုယ်တော်ရဲ့ မျစ်နာဟို့ ဖောင်းဘီးဟာ “ကိုယ်တော့်ဟို့ ဖယ်သူလေ ရိုက်ဂေနူး။ ပရောဖက်ပြုဂေ!” ဆိုဘီး ကိုယ်တော့်ဟို့ မေးဂေဟယ်။ 65 အယ်ဘီးဟာ သူးနို့လေဟု တခြားကဲ့ရဲ့ဇာလေ ဘောင်ဂီးန ကိုယ်တော့်ဟို့ ပြောဂေဟယ်။ 66 မိုးလန်းဟားဟူ ခီမာ သတ်ကီးဝါဂီးလေ၊ ယဇ်ပုရောဟိတ်ဂီးလေန ကျမ်းတတ်ဆရာလေဟာ စုဝီးဂေဘီး ယေရှုဟို့ တရားလွှတ်တော်ရှေ့ဟို့ ခေါ်ဆောန့်ဟားဂေဟယ်။ 67 သူးနို့လေဟု “နန်ဟာ မေရှိယဘဲလော။ နို့လေဟို့ ပြောပါ” ဆိုဘီး မေးဂေဟယ်။ ကိုယ်တော်ဟု “နန်းနို့ဟို့ ငါပြောမယ် ဆိုဟာလည်း နန်းနို့ ယောင်ကြည့်ဂေဟို့ မဟု။ 68 နန်းနို့ဟို့ ငါ မေးမေးမယ် ဆိုဟာလည်း နန်းနို့ ဖြေဂေဟို့ မဟု။ 69 အယ်ဘောမဲ့ ခုဟုနေဘီး လူရဲ့သားဟာ အနန္တတဂိုးရှင် ဘုရားသခင်ရဲ့ ညာဖတ်မာ ထိုင်တော်မူလေမယ်” ဆိုဘီး မိန့်တော်မူလေဟယ်။ 70 သူးနို့လေ ဂူလောင်းဟာ “အယ်မျိုးဆိုဟာ နန်ဟု ဘုရားသခင်ရဲ့သား ဖြစ်ဟယ်လော။” ဆိုဘီး မေးလျှော့-က်လေဟယ်။ ကိုယ်တော်ဟာ “နန်းနို့ မေးဟူတိုင်းဘဲ ငါဖြစ်ဟယ်” ဆိုဘီး သူးနို့ဟို့ မိန့်တော်မူလေဟယ်။ 71 အယ်ဘီးန သူးနို့လေဟာ “နို့လေကိုယ်တိုင် သူရဲ့နော့-က်ဟုနေ အယ်စကားလေဟို့ ကြားရဘိ ဖြစ်ဟူကြောန့် နော့-က်ထပ် ဖြားသတ်သေလေ လိုသေးဟယ်နူး!” ဆိုဘီး ပြောဂေဟယ်။

23 တရားလွှတ်တော် တဖွဲ့လောင်းဟာ ထဘီးန ယေရှုဟို့ ပိလတ်မန်းရှေ့ဟို့ ခေါ်ဆောန့်ဟားဘီး။ 2 အယ်နေရာမာ သူးနို့လေဟာ ကိုယ်တော့်ဟို့ “ကဲသာမန်းဂီးဟို့ ခွန်ဆောန့်ဇာလိုဟု ဆိုဘီး သူးနို့ဟို့ ပြောဘီး သူကိုယ်သူလည်း မေရှိယဖြစ်ဟူ မန်းဂီး ဖြစ်ဟယ် ဆိုဘီး လူလေဟို့ လမ်းမှားအောန် လောက်နေကြောန့် ကျွန်တော့်ဟားလေဟာ

အယ်လူဟို ဖမ်းလာဟယ်” ဆိုဘီး စွပ်စွဲဂေဟယ်။ 3 ပိလတ်ဟာ “နန်ဟာ ယုဒမန်းဂီးလော။” ဆိုဘီး ကိုယ်တော့်ဟို မေးလေဟယ်။ ယေရှုဟာ “မန်းဂီးမေးဟူတိုင်းဘွဲ ဖြစ်ဟယ်” ဆိုဘီး မိန့်တော်မူဟယ်။ 4 အယ်ဘီးန ပိလတ်မန်းဟာ ယဇ်ပုရောဟိတ်ဂီးလေန လူအောက်ဂီးဟို “ငါဟာ အယ်လူမာ ပြစ်တခုလည်း ငါတို့ဟာ” ဆိုဘီး ပြောလေဟယ်။ 5 အယ်ဘေမဲ့ သူးနိုလေဟာ “သူဟာ ဂါလိလဲနယ်ဟုနေ အယ်နေရာထိတိုင်အောက် ယုဒနယ် တနယ်လောင်းမာ သွန်သန်ဘီး လူလေဟို နှိုးဆော်နေဟူသူ ဖြစ်ဟယ်” ဆိုဘီး ပြင်းပြင်းထန်ထန်ဟူး ပြောဂေဟယ်။ 6 ပိလတ်ဟာ အယ်စကားလေဟို ကြားဟူ ခီမာ “အယ်လူဟာ ဂါလိလဲနယ်သားလော။” ဆိုဘီး မေးလေဟယ်။ 7 ဟေရုဒ် အောက်စိုးဟူ နယ်ဟာ ဖြစ်ဟယ် ဆိုဇာဟို သိဟူးဟူ ခီမာ ကိုယ်တော့်ဟို ဟေရုဒ်နားဟို ပို့စေလိုက်ဟယ်။ အယ်ခီမာ ဟေရုဒ်ဟာလည်း ယေရုရှလင်မြို့မာ ရှိနေလေဟယ်။ 8 ဟေရုဒ်ဟာ ယေရှုဟို ဗြင်ဟူ ခီမာ ရရာတိုင်း ဝန်းသာဟူးဟယ်။ ဖြားဖြစ်ကြောနန်းဆိုဟာ ကိုယ်တော့်ကြောန်းဟို ကြားဟူးဘီး ကိုယ်တော့်ဟို တွဲရှင်နေဇာဟာ ကြာဘီ။ ယေရှုလောက်ပြမယ့် နိမိတ်လတ်ခဏာ တချို့ဟို တွဲရဟို မျှော်လင့်နေလေဟယ်။ 9 အယ်ကြောန့် ဟေရုဒ်ဟာ ယေရှုဟို မေးခွန်းလေ ဘောင်ဂီးမေးလေဟယ်။ အယ်ဘေမဲ့ ကိုယ်တော်ဟာ ဖြေဘွဲန နေတော်မူဟယ်။ 10 ယဇ်ပုရောဟိတ်ဂီးလေန ကျမ်းတတ်ဆရာလေဟာ ရှေ့ဟို တိုးလာဘီး ယေရှုဟို ပြင်းပြင်းထန်ထန်ဟူး စွပ်စွဲဂေဟယ်။ 11 ဟေရုဒ်န သူ့စွဲစစ်သားလေဟာ ယေရှုဟို ထိလေးဇာလောက်ဘီး လှော်ပြောန့်ဂေဟယ်။ အယ်ဘီးန သူးနိုလေဟာ ကောင်းဇာဝတ်လောင်ဟို ဝတ်ပေးဘီးဟာ ကိုယ်တော့်ဟို ပိလတ်မန်းနားဟို ယွန်ပို့လေဟယ်။ 12 ရင်းရင်းဒူးဟာ ရန်သူဖြစ်ဂေဟူ ဟေရုဒ်န ပိလတ်မန်းဟာ အယ်နေမာ မိဆွေလေ ဖြစ်လာဂေဟယ်။ 13 ပိလတ်မန်းဟာ ယဇ်ပုရောဟိတ်ဂီးလေ၊ ခေါင်းဆောင်လေန လူလေဟို ခေါ်လိုက်ဘီး 14 “နန်းနိုလေဟာ လူလေဟို လမ်းမှားအောက် နှိုးဆော်ဟူသူ ဖြစ်ဟယ် ဆိုဘီး အယ်လူဟို ငါနားဟို ခေါ်လာဂေဟယ်။ ခု နန်းနိုလေရဲ့ ရှေ့မာ ငါစစ်ဆေးဘေမဲ့ အယ်လူမာ နန်းနိုလေ စွပ်စွဲဟူးဟူ ပြစ်တခုလည်း တွဲဟာ။ 15 ဟေရုဒ်လည်းဘွဲ ပြစ်ရှာတွဲဘဟူကြောန့် သူဟို နိုလေနားဟို ယွန်ပို့လိုက်ဟယ်။ အယ်လူဟာ သေဒန်န ထိုက်တန်ဟူ ပြစ်တခုလည်း ကျူးလွန်ဟာ။ 16 အယ်ကြောန့် အယ်လူဟို ကီဒန်ပေးဘီးဟာ လွှတ်လိုက်မယ်” ဆိုဘီး သူးနိုလေဟို ပြောလေဟယ်။ 18 အယ်ဘေမဲ့ လူအောက်ဂီး တခုလောင်းဟာ “အယ်သူဟို သတ်ပါ! ကျွန်တော့်ဟူးလေတွပ် ဗာဗဗဟို လွှတ်ပေးပါ!” ဆိုဘီး အော်ဟစ်ဂေဟယ်။ 19 (ဗာဗဗဟာ မြို့ထဲမာ ဆူပူမှုန လူသတ်မှုလေတွပ် ထောန်လွှနေလေဟယ်။) 20 ပိလတ်မန်းဟာ ယေရှုဟို လွှတ်ပေးရှင်ဟူကြောန့် လူအောက်ဂီးဟို နှော့-က်တခါ ပြောလေဟယ်။ 21 အယ်ဘေမဲ့ လူလေဟာ “သူဟို ကားစင်တန်ပါ! ကားစင်တန်ပါ!” ဆိုဘီး အော်ဟစ်ဂေဟယ်။ 22 ပိလတ်မန်းဟာ “အယ်သူဟာ ဖြားပြစ်ဟို လောက်ဟူးနူ။ အယ်သူဟာ သေဒန်န ထိုက်တန်ဟူ ပြစ်လောက်ဟူးဟယ် ဆိုဇာဟို ငါ တွဲဟာ! အယ်ကြောန့် အယ်သူဟို ကီဒန်ပေးဘီးဟာ လွှတ်လိုက်မယ်” ဆိုဘီး သူးနိုဟို တတိယခါ ပြောလေဟယ်။ 23 အယ်ဘေမဲ့ လူလေဟာ ယေရှုဟို ကားစင်တန်ရမယ် ဆိုဘီး သံကွယ်ဂီးအော်ဘီး တောင်းဆိုဂေဟယ်။ နှော့-က်ဆောင်းမာ သူးနိုလေရဲ့ တောင်းဆိုရှင်ဟာ အောက်မြင်ဟူးဟယ်။ 24 အယ်ကြောန့် သူးနိုလေ တောင်းဆိုဟူးဟူတိုင်း ပိလတ်ဟာ ယေရှုဟို သေဒန်ပေးဟို့ ဆောင်းဖြတ်ပေးလိုက်ဟယ်။ 25 ဆူပူမှုန လူသတ်မှုလေတွပ် ထောန်လွှနေဟူ သူဟို သူးနိုလေ တောင်းဆိုဟူးဟူတိုင်း လွှတ်ပေးလိုက်ဘီး ယေရှုဟို သူးနို ဆန္ဒတိုင်း လောက်စေဟို့တွပ် အပ်ပေးလိုက်ဟယ်။ 26 စစ်သားလေဟာ ယေရှုဟို ခေါ် ဆောန်ဟူးဟူ ခီမာ တောဝါဟုနေ လာနေဟူ ကုရေနေမြို့သား ရှိမန်ဟို ဖမ်းဘီး သူထတ်မာ လတ်ဝါးကပ်တိုင်ဟို တန်ပေးလေဟယ်။ အယ်ဘီးဟာ လတ်ဝါးကပ်တိုင်ဟို ထမ်းခိုင်းဘီး ယေရှုနှော့-က်ဟုနေ လိုက်စေလေဟယ်။ 27 ကိုယ်တော်နှော့-က်ဟုနေ လိုက်နေဟူ လူအောက်ဂီးထဲဟာ မီးမတချို့ဟာ ငိုကြွေးဘီး မြည်တမ်းနေဂေဟယ်။ 28 ယေရှုဟာ အယ်မီးမလေဟို လှည့်ကေ့ဘီးဟာ “ယေရုရှလင်မြို့သူလေ! ငါ့တွပ်ငိုဂေန။ နန်းနိုန နန်းနိုရဲ့ သားမီးလေတွပ်ဘွဲ ငိုဂေ။ 29 ဖြားဖြစ်ကြောနန်းဆိုဟာ ‘မြဲနေဟူ မီးမလေ၊ သားဖိုးဖူးဘဲဟူ မီးမလေ၊ နို့တိုက်ဖူးဘဲဟူ မီးမလေဟာ မင်္ဂလာရှိလေဟယ်!’ ဆိုဘီး လူလေဟာ ပြောဟို့ နေရစ်လေဟာ ရှော့-က်လာလေမယ်။ 30 အယ်ခီမာ လူလေဟာ တောန်လေဟို ‘နိုလေထတ်ဟို လွှဲဂေပါ!’

တောန်ဂူးလေဟို ‘နို့လေဟို ဖောင်းအောက်ဂေပါ!’ ဆိုဘီး ပြောဂေလေမယ်။ 31 ဖြားဖြစ်ကြောန်းနူးဆိုဟာ စီးစိုနေဟူပန်ဟို အယ်မျိုးလောက်ဟယ် ဆိုဟာ ခြော-က်နေဟူပန် ဆိုဟာ ဖြားမျိုးဖြစ်လေမယ်နူး။ ဆိုဘီး မိန့်တော်မူလေဟယ်။ 32 ရာဇဝတ်သား နေ့ယော့-က်ဟိုလည်း ယေရှုတူးဒူ သတ်ဟိုတွပ် ခေါ်ဆောန်ဟားဂေဟယ်။ 33 “ဦးခေါင်းခွဲနေရာ” ဟို ရော့-က်ဟူ ခီမာ သူးနို့ဟာ ယေရှုဟို ကားစင်တန်လေဟယ်။ အယ်ဘီးဟာ ရာဇဝတ်သား နေ့ယော့-က်ဟိုလည်း ကိုယ်တော်ရဲ့ ညာဖတ်မာ တယော့-က်၊ ဘယ်ဖတ်မာ တယော့-က် ထားဘီးဟာ ကားစင်တန်ဂေဟယ်။ 34 ယေရှုဟာ “ဖ! သူးနို့လေဟာ သူးနို့ ဖြားလောက်ဟယ် ဆိုဇာဟို သိဂေဘဲဟူကြောန်း သူးနို့လေဟို ခွဲမ့်လွှတ်တော်မူပါ” ဆိုဘီး ပြောလေဟယ်။ သူးနို့လေဟာ ကိုယ်တော်ရဲ့ ဝတ်စားလေဟို မဲနို့က်ဘီး ခွဲဝီယူဂေဟယ်။ 35 လူလေဟာ ရပ်ဘီး ကေ့နေဂေဟယ်။ ယုဒခေါန်းဆောန်လေဟာ ကိုယ်တော်ဟို “အယ်လူဟာ ဘုရားသခင် ဝီးကော့-က်ဟားဟူ မေရှိယဖြစ်ဟယ် ဆိုဟာ တခြားလူလေဟို ကယ်တန်မျိုး သူ့ကိုယ်သူ ကယ်တန်ပါဗေ!” ဆိုဘီး လောန်ပြောန်ဂေဟယ်။ 36 စစ်သားလေဟလည်း ကိုယ်တော်နားဟို တိုးဝမ်လာဘီး ပိုင်ရှင်ဟို တိုက်ဘီး 37 “နန်ဟာ ယုဒမန်းဂီးဖြစ်ဟယ် ဆိုဟာ နန်ကိုယ်နန် ကယ်တန်ပါ!” ဆိုဘီး လောန်ပြောန်ဂေဟယ်။ 38 ကိုယ်တော်ရဲ့ ထတ်ဖတ်မာလည်း “အယ်သူဟာ ယုဒမန်းဂီး ဖြစ်ဟယ်” ဆိုဘီး ရေးဟားဟယ်။ 39 လတ်ဝါးကပ်တိုင်မာ ခိဆွဲဟားဟူ ရာဇဝတ်သား နေ့ယော့-က်ထဲဟာ တယော့-က်ဟာ “နန်ဟာ မေရှိယ မူဟလော။ နန်ကိုယ်နန် ကယ်တန်ဘီး နို့လေဟိုလည်း ကယ်တန်ပါ!” ဆိုဘီး ကိုယ်တော်ဟို ကဲ့ရဲ့ဟယ်။ 40 အယ်ဘောမဲ့ တခြား ရာဇဝတ်သားဟာ အယ်သူဟို ပြစ်တန်ဘီး “နန်ဟာ အယ်သူမျိုးဘွဲ့ ဒန်စီရင်ရှင်းဟို ခံနေရတောန်မှ ဘုရားသခင်ဟို ကြော့-က်ဟလော။ 41 နို့လေဟာ နို့လေလောက်ဟားဟူ ပြစ်လေန ထိုက်တန်ဟူ ဒန်ဟို ခံရဇာဟာ တရားပါဟယ်။ အယ်ဘောမဲ့ အယ်သူဟာ ဖြားဖြစ်ဟိုမျှ လောက်ဟားဇာ မူဟ” ဆိုဘီး ပြောလေဟယ်။ 42 အယ်ဘီးန သူဟာ “ယေရှု၊ ကိုယ်တော်ရဲ့ နိုင်ငံတော်ဟို ကြွလာဟူ ခီမာ ကျွန်တော့်ဟို အော့-က်မေ့တော်မူပါ!” ဆိုဘီး ယေရှုဟို လျော့-က်လေဟယ်။ 43 ယေရှုဟာ “နန်ဟို ငါ မှန်တိုင်းပြောမယ်၊ အယ်နေဘွဲ့ နန်ဟာ ငါနုတူးဒူ ပရဒိသုဘောင်မာ ရှိမယ်” ဆိုဘီး မိန့်တော်မူလေဟယ်။ 44 အယ်ခီဟာ မွန်းဒဲခီလော့-က်ဖြစ်ဟယ်။ နေဒန်ဇာ သောင်းနာရီထိ ဒေသတခုလောင်း မှောန်မိုက် ဖြစ်ဟားဘီး၊ 45 နေရောန်ဟာ ကွယ်ပျော့-က်ဟားလေဟယ်။ အယ်ဘီးဟာ ဝိမာန်တော်ထဲမာ ခိဆွဲဟားဟူ လိုက်ကာဟာ နေ့ ခြမ်းကွဲဟားလေဟယ်။ 46 ယေရှုဟာ “ဖ! ကျွန်တော့်ရဲ့ ဝိညာဉ်ဟို ဖရဲလတ်ထဲမာ အပ်ပါဟယ်!” ဆိုဘီး သံကွယ်ဂီးန အော်တော်မူဘီးန သတ်ချောက်တော်မူလေဟယ်။ 47 အယ်မျိုးဖြစ်ဇာဟို ဗြင်လိုက်ဟူ တပ်မူးဟာ ဘုရားသခင်ဟို ချီးမွမ်းလိုက်ဘီး “အယ်သူဟာ မှန်ဘွဲ့ ဖြောန်မတ်ဟူသူ ဖြစ်လေဟယ်!” ဆိုဘီး ပြောနေဟယ်။ 48 အယ်မူဇာဟို ကေ့ဇားဟို စုလာဂေဟူ လူလေဟာ အယ်မျိုးဖြစ်ဇာဟို ဗြင်လိုက်ဟူ ခီမာ ရင်ဖတ်ဟို ထုအိုက်ဘီး ပွန်ဟားဂေဟယ်။ 49 ဂါလိလဲနယ်ဟနေ ကိုယ်တော်နော့-က်ဟို လိုက်လာဟူ မီးမလေရော၊ ယေရှုန ရရာတိုင်း ရင်းနှီးဟူ လူလေရော ဝီးဟုနေ ရပ်ကေ့ဇားနေဂေဟယ်။ 50 အယ်ခီမာ ဖြောန်မတ်ဘီး သူတော်ကောန်း ဖြစ်ဟူ ယောသပ် နာမယ်ရှိဟူ လွှတ်တော်ဖွဲ့ဝမ် တယော့-က် ရှိဟယ်။ 51 သူဟာ တရားလွှတ်တော်ရဲ့ ဆောင်းဖြတ်ချစ်န လောက်ဆောင်ချစ်ဟို ဘောတူဟူ။ ယောသပ်ဟာ ယုဒပြည်၊ အရိမသဲမြို့သား ဖြစ်ဘီး ဘုရားသခင်ရဲ့ နိုင်ငံတော်ဟို စောန်မျှော်နေဟူ သူလည်း ဖြစ်ဟယ်။ 52 သူဟာ ပိလတ်ရှေဟို သွားဘီးန ယေရှုရဲ့ လောန်းတော်ဟို တောန်းလေဟယ်။ 53 အယ်ဘီးန လောန်းတော်ဟို လတ်ဝါးကပ်တိုင်ဟုနေ ခွဲဘီး ပိဗျူန ပတ်လေဟယ်။ ကြော့-က်ဆောန်ဟို ထွမ်းဟားဘီး တခါလည်း သောင်းသေးဘဲဟူ သန်းညိုင်းဂူထဲမာ ထားလေဟယ်။ 54 အယ်နေဟာ ဖိနေ ဖြစ်ဘီး ဒန်းနေလည်း ရော့-က်ခါနီးလေဘီ။ 55 ဂါလိလဲနယ်ဟနေ ယေရှုနော့-က်ဟို လိုက်လာဟူ မီးမလေဟာ ယောသပ်နတူးဒူ သွားဘီး သန်းညိုင်းဂူဟိုရော၊ ယေရှုရဲ့ လောန်းတော်ဟိုရော ဖယ်မျိုးထားဟားဟယ် ဆိုဇာဟို ပြင်ဂေဟယ်။ 56 အယ်ဘီးန သူးနို့လေဟာ အီဟို ပွန်ဟားဘီး လောန်းတော်တွပ် ဆီမွီးန နံ့သာပေါန်းလေဟို ပြင်ဆင်ဂေဟယ်။ ဒန်းနေမာ သူးနို့လေဟာ ပညတ်တော်တိုင်း နားယူဂေဟယ်။

24 နန်းနေနေ မိုးလန်းစောဂီးမာ အယ်မီးမလေဟာ သူးနို့ကိုယ်တိုင် ပြင်ဆင်ဟူးဟူ နံသာပေါန်းလေဟို ယူဆောန်ဘီး

သန်းခေါင်ဂူဟို သွားဂေ့ဟယ်။ **2** သူးနို့လေဟာ သန်းခေါင်ဂူဝဟ ဂွေ့-က်တောင်းဟို လှိမ့်ဖယ်ဟူးဇာဟို တွဲဟူးဂေ့ဟယ်။ **3** အယ်ကြောန့် သူးနို့လေဟာ သန်းခေါင်ဂူဝဟို ဝမ်ဟူးဂေ့ဟယ်။ အယ်ဘောမဲ့ သခင်ယေရှုလှ လောင်းတော်ဟို တွဲဂေ့ဟယ်။ **4** အယ်ကြောန့် သူးနို့လေဟာ အယ်ကြောန်းရာဟို စဉ်းစားနိုင်ဘဲဖြစ်နေဇူးမာ တော့-က်ပဟူ ဝတ်ဟို ဝတ်စားဟူးဟူ လူနေယော့-က်ဟာ ရောက်တရစ် သူးနို့နားမာ ပေါ်လာလေဟယ်။ **5** အယ်မီးမလေဟာ ကြော့-က်လန်ဘီး ဗွေဂီးမာ ပျပ်ဝပ်နေဂေ့ဟယ်။ အယ်သူနေယော့-က်ဟာ “နန်းနို့လေဟာ သေဟူသူလေထဲမာ သတ်ရှင်ဟူသူဟို ဖြားဖြစ်ကြောန့် လာရှာနေဂေ့နူး။” **6** ကိုယ်တော်ဟာ အယ်နေရာမာ မေ့ဟူ။ ရှင်ယွန်ထမြော့-က်ဟူးဘီး။ ကိုယ်တော်ဟာ ဂါလိလဲနယ်မာ ရှိနေဇူးဟာ နန်းနို့ဟို ဖယ်မျိုးမိန့်တော်မူဟူးဟယ် ဆိုဇာဟို အော့-က်မေ့ဂေ့။ **7** သူးနို့ဟို ‘လူရဲသားဟာ ပြစ်သားလေ လတ်ထဲဟို အပ်ရှင်းဟို ခံရလေမယ်။ ကားစင်တန် ခံရလေမယ်။ အယ်ဘီးန သောင်းရစ်မြော့-က်ဟူ နေမာ ထမြော့-က်လေမယ်’ ဆိုဘီး မိန့်တော်မူဟူးဟယ် မူဟူလော။” ဆိုဘီး ပြောဂေ့ဟယ်။ **8** အယ်ခီမာ မီးမလေဟာ ကိုယ်တော်ရဲ့ စကားလေဟို ယွန်အော့-က်မေ့လာဘီး **9** သန်းခေါင်ဟူနု ယွန်ဟူးဘီး တဗဲ့တော် ဆယ့်တပါးန ကျန်လူလေ ဂူလောင်းဟို အယ်မူကြောန်းရာလေ ဂူလောင်းဟို ပြောပြဂေ့ဟယ်။ **10** တမန်တော်လေဟို အယ်မူကြောန်းရာလေဟို ပြောပြသူလေဟာ မာဒလဝါသူ မာရို ယောဟန္န၊ ယာကုပ်ရဲ့ မိခင်ဖြစ်ဟူ မာရိန သူးနို့လေနတူးဒု ရှိနေဟူ တခြားမီးမလေ ဖြစ်ဂေ့ဟယ်။ **11** အယ်ဘောမဲ့ အယ်မီးမလေ ပြောဟူ စကားလေဟာ ဓိပါယ်မေ့ဘဲဟူကြောန့် တမန်တော်လေဟာ ယောင်ကြည်ဂေ့ဟူ။ **12** အယ်ဘောမဲ့ ပေတရဟာ ထဘီး သန်းခေါင်ဂူဟို ပွေးဟူးလေဟယ်။ ရော့-က်ဟူးဟူ ခီမာ ငေါက်ကေ့လိုက်ဟူဇာ ပိဇ္ဇူစဟိုဘဲ့ တွဲရဟူကြောန့် အယ်ဖြစ်ပျစ်ဟို အံ့ဩဟူးဘီး အီဟို ယွန်ဟူးဟယ်။ **13** အယ်နေမာဘဲ့ ယေရှုရဲ့ နော့-က်တော်လိုက် နေယော့-က်ဟာ ယေရှုရှလင်မြို့နု ခွန်နစ်မိုင်လောက်ဝီးဟူ ဧမောက် ဆိုဘီး နာမယ်ရှိဟူ ဝါဟို သွားနေဂေ့ဟယ်။ **14** သူးနို့ဟာ ဖြစ်ပျစ်ဟူးဘီးဟူ ကြောန်းရာလေ ဂူလောင်းဟို ယော့-က်နယော့-က် ပြောနေဂေ့ဟယ်။ **15** အယ်မျိုးပြောဆို ဆွေးနွေးနေဇူးမာ ယေရှုကိုယ်တိုင် ရော့-က်လာဘီး သူးနို့တူးဒု ကြွတော်မူလေဟယ်။ **16** သူးနို့ဟာ ကိုယ်တော်ဟို ဗြင်ဘောမဲ့လည်း ကိုယ်တော်ဟို မှတ်မိဘဲ ဖြစ်နေဂေ့ဟယ်။ **17** ယေရှုဟာ “နန်းနို့လေ လမ်းရှော့-က်ရင်းန ယော့-က်နယော့-က် ဖြားဇာလေ ပြောနေဂေ့နူး။” ဆိုဘီး သူးနို့ဟို မေးတော်မူလေဟယ်။ သူးနို့ဟာ ဝမ်းနဲဟူမျှစ်နာန ရပ်နေဂေ့ဟယ်။ **18** သူးနို့ထဲဟာ ကလေးဖ နာမယ်ရှိဟူသူဟာ “နန်ဟာ ယေရှုရှလင်မြို့မာ ဧည့်သည့်ဖြစ်နု နေထိုင်နေဘောမဲ့ အယ်နေရစ်လေမာ အယ်မြို့နို့က် ဖြစ်ပျစ်ဟူးဟူ ကြောန်းရာလေဟို နန်းယော့-က်ဒဲဘဲ သိသေးဟူလော။” ဆိုဘီး ကိုယ်တော်ဟို မေးလေဟယ်။ **19** ကိုယ်တော်ဟာ “ဖြားကြောန်းရာလေနူး။” ဆိုဘီး မေးတော်မူလေဟယ်။ အယ်လူနေယော့-က်ဟာ “နာဇရက်မြို့သားယေရှု ကြောန်းဘဲဖြစ်ဟယ်။ အယ်သူဟာ ဘုရားသခင်န လူလေရဲ့ရှေ့မာ လတ်သတ်တိ၊ နော့-က်သတ်တိန ယွေဇောင်ဟူ ပရောဖက် ဖြစ်ဟယ်။ **20** နို့လေရဲ့ ယဇ်ပုရောဟိတ်ဂီးလေန ဘာသာရေးခေါင်းဆောင်လေဟာ သူဟို သေဒန်စီရင်ရှင်း ခံဟို ဆိုဘီး အပ်ပေးဂေ့ဟယ်။ အယ်ကြောန့် သူဟို ကားစင်တန်ဂေ့ဟယ်။ **21** သူဟာ ဣသရေလလူမျိုးဟို လွတ်မြော့-က်စေဟိုတွပ် လာမယ် ဆိုဘီး နို့လေ မျှော်လင့်ဟူးဂေ့ဟယ်။ အယ်မူဇာလေ ဖြစ်ပျစ်ဟူးဇာဟာ သောင်းရစ်ရှိဟူးဘီး။ **22** နို့လေရဲ့ အောက်စုထဲဟာ မီးမတချို့ဟာ နို့လေဟို အံ့ဩဟူးစေဂေ့ဟယ်။ သူးနို့လေဟာ မိုးလန်းစောစောဂီးမာ သန်းခေါင်ဂူဟို သွားဂေ့ဟယ်။ **23** အယ်ဘောမဲ့ ကိုယ်တော်ရဲ့ လောင်းဟို တွဲဂေ့ဟယ်။ သူးနို့လေဟာ ကိုယ်တော်ဟာ သတ်ရှင်နေဟယ် ဆိုဘီး ပြောပြဟူ ကောန်းဂန်တမန်လေဟို ရှုပရောင်မာ ဗြင်ရဟယ် ဆိုဇာဟို ယွန်လာဘီး ပြောဂေ့လေဟယ်။ **24** နို့လေရဲ့ အောက်စုထဲဟာ လူတချို့ဟာ သန်းခေါင်ဂူဟို သွားဟူ ခီမာလည်း မီးမလေ ယွန်ပြောပြမျိုးဘဲ့ တိတိကွကွ တွဲရဂေ့ဘောမဲ့ ကိုယ်တော်ဟို တွဲဂေ့ဟယ်” ဆိုဘီး ယွန်ဖြေဂေ့ဟယ်။ **25** အယ်ဘီးန ယေရှုဟာ “ပရောဖက်လေ ဟောဟူးဇာ ဂူလောင်းဟို နှလောင်းထဲမာ ယောင်ကြည်ဟို ရရာတိုင်း နွေးကွေးဟူ လူမိုက်လေ။” **26** မေရိယဟာ အယ်မျိုးဒေါက်ခခံဘီးန သူရဲ့ဖောင်းသရေထဲဟို

ဝမ်းစားရမယ် မှုဟုလော။” ဆိုဘီး သူးနို့ဟို မိန့်တော်မူလေဟယ်။ 27 အယ်ဘီးဟာ ယေရှုဟာ မောရှေရဲ့ ကျမ်းလေန ပရောဖက်လေရဲ့ ကျမ်းဂုလောင်းမာ ကိုယ်တော်န ပတ်သတ်ဘီး ရေးဟားဇာလေဟို သူးနို့လေဟို ရှင်းပြတော်မူဟယ်။ 28 သူးနို့ သွားနေဟူ ဝါနားဟို ရော-က်ခါနီးမာ ယေရှုဟာ ရှေ့ဟို ဆစ်ဘီးသွားဟူမျိုး လောက်တော်မူဟူကြောန့် 29 သူးနို့လေဟို ကိုယ်တော်ဟို ပွန်ဆွဲဟားဘီး “နေဒန်ဟားဟူကြောန့် ညဉ့်ခန်းဇာရော-က်နေဘီး။ အယ်ကြောန့် နို့လေနတူးဒု တည်းခိုပါ” ဆိုဘီး ပြောဂေဟယ်။ အယ်ကြောန့် ကိုယ်တော်ဟာ သူးနို့နတူးဒု တည်းခိုဟို လိုက်ဟားတော်မူဟယ်။ 30 ကိုယ်တော်ဟာ သူးနို့နတူးဒု ထိုင်တော်မူဟူ ခီမာ မဟို ယူဘီး ကျေးဇူးတော်ဟို ချီးမွမ်းတော်မူဟယ်။ အယ်ဘီးန မဟို ဖဲဘီး သူးနို့လေဟို ပေးတော်မူဟယ်။ 31 အယ်ခီမာ သူးနို့လေရဲ့ မျစ်စိဟာ ပွင့်ဟားဘီး ကိုယ်တော်ဟို ပွန်မှတ်မိဟားဂေဟယ်။ အယ်ဘောမဲ့ ကိုယ်တော်ဟာ သူးနို့လေရဲ့ မျစ်စိရောမာဘဲ ပျော့-က်ကွယ်ဟားလေဟယ်။ 32 သူးနို့ဟာ “လမ်းတရှော့-က်လောင်းမာ ကိုယ်တော်ဟာ နို့လေဟို စကားပြောနေဟူ ခီမာရော၊ ကျမ်းစာလေဟို ရှင်းပြနေဟူ ခီမာရော နို့လေရဲ့ စိန်လောင်းထဲမာ မီးလောင်နေမျိုးဘဲ ဖြစ်နေဂေဟယ် မှုဟုလော။” ဆိုဘီး ယော့-က်နယော့-က် မေးနေဂေဟယ်။ 33 သူးနို့ဟာ ရှစ်ရှင်းထဘီး ယေရုရှလင်မြို့ဟို ပွန်ဟားဂေဟယ်။ အယ်နေရာမာ တဖဲတော် ဆယ့်တပါးဟာ သူးနို့ရဲ့ ပေါန်းဖော်လေနတူးဒု စုဝီးနေဇာဟို တွဲရဂေဟယ်။ 34 အယ်သုလေဟာ “သခင်ဘုရားဟာ တကယ်ဘဲ ထမြော့-က်ဟားဘီး၊ ကိုယ်တော်ဟာ ရှိမန့်ဟို ကိုယ်ထန်ရှားပြတော်မူဟယ်!” ဆိုဘီး ပြောလေဟယ်။ 35 အယ်ဘီးန အယ်လူနေယော့-က်ဟာ လမ်းမာ ဖြစ်ပျစ်ဟားဇာလေဟိုရော၊ မဟို ဖဲလိုက်ဟူ ခီမာ သခင်ဘုရား ဖြစ်ဟယ် ဆိုဘီး သိလိုက်ရဟယ် ဆိုဇာဟိုရော ပြောပြဂေဟယ်။ 36 သူးနို့နေယော့-က်ဟာ အယ်မျိုးပြောနေဒူးမာ သခင်ဘုရားကိုယ်တိုင် သူးနို့လေထဲမာ ရောက်တရစ် ပေါ်လာဘီး “နန်းနို့နတူးဒု ငြိသတ်ရှင်း ရှိပါစေ” ဆိုဘီး သူးနို့လေဟို မိန့်တော်မူလေဟယ်။ 37 သူးနို့လေဟာ ကသေဟို ဗြင်ဟယ် ဆိုဘီး ထန်ဘီးဟာ ကြော့-က်နေဂေဟယ်။ 38 အယ်ဘောမဲ့ ကိုယ်တော်ဟာ “ဖြားဖြစ်ကြောန့် ကြော့-က်နေဂေဟယ်နူ။ ဖြားဖြစ်ကြောန့် နန်းနို့စိထမာ သံသယဖြစ်နေဂေဟယ်နူ။ 39 ငါ့လတ်လေ၊ ငါ့ခေလေဟို ကေ့ဂေပါ။ ငါ့ကိုယ်တိုင် ဖြစ်ဟယ်။ ဖြားဖြစ်ကြောန့်ဆိုဟာ ကသေမာ သားလေ၊ ရိုးလေ မေ့ဟူ။ နန်းနို့ ဗြင်ဟူတိုင်းဘဲ ငါ့မာ သားလေ၊ ရိုးလေရှိဟယ် ဆိုဇာဟို ငါ့ဟို စမ်းကေ့လိုက် နန်းနို့သိလေမယ်” ဆိုဘီး သူးနို့ဟို မိန့်တော်မူလေဟယ်။ 40 ကိုယ်တော်ဟာ အယ်မျိုးပြောဘီး သူရဲလတ်လေန ခေလေဟို သူးနို့ဟို ပြလေဟယ်။ 41 သူးနို့ဟာ ရရာတိုင်း အံ့ဩဟားဘီး ဝန်းသာနေဟူကြောန့် ယောင်ကြည်နိုင်ဘဲ ဖြစ်နေဟူ ခီမာ ကိုယ်တော်ဟာ “နန်းနို့မာ စားဟို တခုခုရှိလော။” ဆိုဘီး သူးနို့ဟို မေးတော်မူလေဟယ်။ 42 သူးနို့ဟာ ကိုယ်တော်ဟို ငါးဂန်တပိုင်း ပေးဂေဟယ်။ 43 အယ်ငါးဂန်ဟို ကိုယ်တော်ဟာ သူးနို့ရောမာဘဲ ယူဘီးဟာ စားတော်မူလေဟယ်။ 44 အယ်ဘီးန ကိုယ်တော်ဟာ “နန်းနို့နတူးဒု ရှိနေဒူးဟာ ငါပြောဟားမျိုးဘဲ မောရှေရဲ့ ပညတ်တရားကျမ်း၊ ပရောဖက်ကျမ်းလေန ဆာလံကျမ်းမာ ငါ့ကြောန်းဟို ရေးဟားဇာလေဟာ ပွဲဇောင်ဟားဘီး” ဆိုဘီး သူးနို့ဟို မိန့်တော်မူလေဟယ်။ 45 အယ်ဘီးန ကိုယ်တော်ဟာ ကျမ်းစာလေဟို နားလည်ဟိုတွပ် သူးနို့ရဲ့ သိဉာဏ်ဟို ဖွင့်ပေးဘီးဟာ 46 “ကျမ်းစာလေမာ ရေးဟားဇာဟာ မေရှိယဟာ ဝေဒနာခံတော်မူဘီး သောင်းရစ်မြော့-က်ဟူနေမာ သေရာဟုနေ ထမြော့-က်လေမယ်။ 47 အယ်ဘီးဟာ သူနာမအားဖြင့် ပြစ်လွှတ်ရှင်းနဆိုင်ဟူ နှောန်ဒတရားဟို ယေရုရှလင်မြို့ဟာစဘီး လူမျိုးဂုလောင်းဟို ဟောပြောရမယ်။ 48 နန်းနို့ဟာ အယ်ကြောန်းရာလေရဲ့ မျစ်ဗြင်သတ်သေလေ ဖြစ်ဟယ်။ 49 အယ်ဘီးဟာ ငါဟာ ငါ့ဖရဲ့ ဂဒီဟို နန်းနို့နားဟို ငါ့ကိုယ်တိုင် စေလွှတ်မယ်။ အယ်ဘောမဲ့ ထတ်ကောန်းဂန်ဟုနေ တဂိုးဟာ နန်းနို့ထတ်ဟို ဆင်းလာခန်ထိ ယေရုရှလင်မြို့မာဘဲ စောန်နေရမယ်” ဆိုဘီး သူးနို့ဟို မိန့်တော်မူလေဟယ်။ 50 အယ်ဘီးန ကိုယ်တော်ဟာ သူးနို့ဟို ဗေသနိဝါဟို ခေါ်ဆောန်ဟားဘီး ကိုယ်တော်ဟာ လတ်တော်ဟို မြော့-က်ဘီး သူးနို့ဟို ကောန်းဂျီးပေးတော်မူဟယ်။ 51 အယ်မျိုး သူးနို့ဟို ကောန်းဂျီးပေးနေဒူးမာ ကိုယ်တော်ဟာ သူးနို့နားဟုနေ ထွပ်ခွာဟားဘီး ကောန်းဂန်ဘောင်ဟို ယူဆောန်ခံရလေဟယ်။ 52 သူးနို့ဟာ ကိုယ်တော်ဟို ကိုးကွယ်ဘီးန ရရာတိုင်း ဝန်းသာဘီးဟာ ယေရုရှလင်မြို့ဟို ပွန်ဟားဂေဘီးဟာ။ 53 ဗိမာန်တော်မာ ဘုရားသခင်ရဲ့ ကျေးဇူးတော်ဟို မြဲဒမ်း ချီးမွမ်းနေဂေဟယ်။

ယောဟန်

1 စစဒူးဟု စကားတော်ဟုာ ရှိဘီးသားဖြစ်ဟုယ်။ အယ်စကားတော်ဟုာ ဘုရားသခင်နတူးဒု ရှိနေဟုယ်။ အယ်စကားတော်ဟုာလည်း ဘုရားသခင်ဖြစ်ဟုယ်။ **2** အယ်စကားတော်ဟုာ စစဒူးဟု ဘုရားသခင်နတူးဒု ရှိနေဟုယ်။ **3** ဘုရားသခင်ဟုာ စကားတော်နဘဲ ရှိမျှဂူလောင်းဟို့ ဖန်ဆင်းဟွားဟုယ်။ ဖန်ဆင်းဘဲန ဖြစ်နေဇာလေ တခုလည်း မေ့ဟု။ **4** စကားတော်ဟုာ သတ်ရဲ ရင်းမြစ်ဖြစ်ဟုယ်။ အယ်ဘီးဟုာ အယ်သတ်ဟုာ လူလေနားဟို့ လန်းရောန်ဟို့ သယ်ဆောန်လာဟုယ်။ **5** အယ်လန်းရောန်ဟုာ မောန်ထဲမာ လန်းထီနေဟုယ်။ အယ်ဘီးဟုာ အယ်မောန်ဟုာ အယ်လန်းရောန်ဟို့ ဖောင်းနိုင်ဟု။ **6** ဘုရားသခင်ဟုာ ယောဟန် နာမယ်ရှိဟူ လူတယော့-က်ဟို့ မိမိရဲ စေတမန်ဖြစ်န စေလွှတ်လိုက်ဘီး။ **7** လူလေဂူလောင်းဟုာ တရားစကားဟို့ ကြားဘီးန ယောင်ကြည်ဟို့တွပ် အယ်လူဟုာ လန်းရောန်ကြောင်းဟို့ သတ်သေခံဟို့ လာဟုယ်။ **8** သူကိုယ်တိုင်ဟုာ လန်းရောန် မှဟု။ လန်းရောန်ကြောင်းဟို့ သတ်သေခံဟို့တွပ် လာဟုယ်။ **9** အယ်စစ်မှန်ဟူ လန်းရောန်ဟုာ လောကဟို့ ကြွလာဘီးန လူလေ ဂူလောင်းထတ်မာ လန်းထီဟုယ်။ **10** စကားတော်ဟုာ လောကထဲမာ ရှိဟုယ်။ ဘုရားသခင်ဟုာ ကိုယ်တော်အားဖြင့် လောကဟို့ ဖန်ဆင်းဟွားဟုယ်။ အယ်ဘောမဲ့ အယ်လောကဟု ကိုယ်တော်ဟို့ သိဂေဟု။ **11** ကိုယ်တော်ဟုာ သူဒေသဟို့ ပွန်လာဟုယ်။ အယ်ဘောမဲ့ ကိုယ်တော်ရဲ လူမျိုးလေဟု ကိုယ်တော်ဟို့ လတ်ခံဂေဟု။ **12** အယ်ဘောမဲ့ တချို့ဟု ကိုယ်တော်ဟို့ လတ်ခံဘီး ကိုယ်တော်ရဲ နာမဟို့ ယောင်ကြည်ဟုယ်။ အယ်ကြောန့် ကိုယ်တော်ဟု သူးနို့ဟို့ ဘုရားသခင်ရဲ သားမီးလေဖြစ်ခွံပေးဟုယ်။ **13** သူးနို့ဟုာ သွီးသားရှင်းပေါင်းဘီး ပေါ့-က်လာဟူ သားမီးလေ မှဟု။ လူသားဖဟုနေ ပေါ့-က်လာဟူ သားမီးလေ မှဟု။ ဘုရားသခင်ဟုနေ ပေါ့-က်လာဟူ သားမီးလေဖြစ်ဟုယ်။ **14** စကားတော်ဟုာ လူသားဖြစ်လာဘီး ကျေးဇူးတော်န သမ္မာတရားန ပွဲဇောင်ဘီးဟုာ နို့လေထဲမာ စံမြန်းနေဟုယ်။ နို့လေဟုာ ကိုယ်တော်ရဲ ဖောင်းသရေတော်ဟို့ ပြင်ရဘီး။ အယ်ဖောင်းသရေတော်ဟုာ ဖရဲ တယော့-က်ဒဲရှိဟူ သားဖြစ် လတ်ခံရရှိဟုယ်။ **15** ယောဟန်ဟုာ ကိုယ်တော်ရဲ ကြောင်းဟို့ “ငါ့နေ့-က်ဟုနေ ကြွလာဟူသူဟုာ ငါမီးခန်ဂဒဲဟု ရှိနေကြောန့် ငါထတ်ကီးမြတ်ဟုယ်” ဆိုဇာဟို့ ငါပြောဟွားဟူသူဟုာ အယ်လူဘဲ ဖြစ်ဟုယ်” ဆိုဘီး အော်ပြောဘီး သတ်သေခံလေဟုယ်။ **16** ကိုယ်တော်ရဲ ကျေးဇူးတော် ပွဲဇောင်မှဟုနေ နို့လေဂူလောင်းဟုာ ကောင်းဂျီးလေ ခုဘီးခု လတ်ခံရရှိဟုယ်။ **17** ဘုရားသခင်ဟုာ မောရေအားဖြင့် ပညတ်တရားဟို့ ပေးဟုယ်။ ကျေးဇူးတရားန သမ္မာတရားဟို့ ယေရှုခရစ်တော်အားဖြင့် ဖြစ်လာဟုယ်။ **18** ဘုရားသခင်ဟို့ ဖယ်လူလည်းပြင်ဖူးဟု။ ဖရဲ ရင်ခွမ်မာရှိဟူ၊ ဘုရားသခင်ဖြစ်ဟူ၊ တယော့-က်ဒဲဟူသားဟုာ ဘုရားသခင်ဟို့ ထန်ရှားစေဘီး။ **19** ခု ယေရုရှလင်မြို့ ယုဒလူ အာဏာပိုင်လေဟုာ ယဇ်ပုရောဟိတ်လေန လေဝိတချို့ဟို့ ယောဟန်နားဟို့ စေလွှတ်ဘီး “နန်ဟုာ ဖယ်သူနူး” ဆိုဘီး မေးမြန်းလေဟုယ်။ ယောဟန်ရဲ သတ်သေခံချစ်ဟုာ အယ်မျိုးဖြစ်ဟုယ်။ **20** ယောဟန်ဟု လှည့်ဂက်ဇာမေ့ဘဲန ဝန်ခံဘီး “ငါဟုာ မေရှိယ မှဟု” ဆိုဘီး ပွမ့်ပွမ့်လန်းလန်းဟွားန ရှင်းရှင်းလန်းလန်းဟွားဘဲ ပွန်ဖြေလိုက်ဟုယ်။ **21** “အယ်ဆိုဟုာ နန်ဟု ဖယ်သူနူး။ နန်ဟုာ ဇလိယလော” ဆိုဘီး သူးနို့ဟု မေးလိုက်ဟုယ်။ “ငါဟုာ ဇလိယ မှဟု” ဆိုဘီး ယောဟန်ဟု ပွန်ဖြေဟုယ်။ “နန်ဟုာ ပရောဖက်လော” ဆိုဘီး သူးနို့ဟု ပွန်မေးဟုယ်။ “ငါဟုာ ပရောဖက်လည်း မှဟု” ဆိုဘီး ပွန်ဖြေဟုယ်။ **22** “အယ်ဆိုဟုာ နန်ဟုာ ဖယ်သူနူး။ နို့လေဟို့ စေလွှတ်လိုက်ဟူ လူလေဟို့ ပွန်ဘီးပြောပြရမယ်။ နန့်ကြောန်းဟို့ ဖြားမျိုးပြောမယ်နူး” ဆိုဘီး သူးနို့ဟု မေးလေဟုယ်။ **23** ယောဟန်ဟုာ ပရောဖက်လောရှာယဟို့ ကိုးကားဘီး “ငါဟုာ ‘ဘုရားသခင်ရဲ လမ်းဟို့ ပြင်ဆင်ဟွားဂေ့! ဆိုဘီး တောကန္တာရထဲမာ အော်ဟစ်နေဟူ သံဖြစ်ဟုယ်’” ဆိုဘီး ပွန်ဖြေလိုက်ဟုယ်။ **24** ဖာရိရဲလေ စေလွှတ်လိုက်ဟူ စေတမန်လေဟု၊ **25** ဖာရိရဲလေ စေလွှတ်လိုက်ဟူ စေတမန်လေဟု “နန်ဟုာ မေရှိယလည်း မှဟု။ ဇလိယလည်း မှဟု။ ပရောဖက်လည်း မှဟု ဆိုဟုာ ဖြားဖြစ်ကြောန့် ဗတ္တိဇံပေးနေနူး” ဆိုဘီး ယောဟန်ဟို့ မေးလေဟုယ်။ **26** ယောဟန်ဟုာ “ငါဟုာ ရေန ဗတ္တိဇံပေးဟုယ်။

အယ်ဘေမဲ့ နန်းနို့ထဲမှာ နန်းနို့သိဘဲဟူ လူတယော့-ကံရှိဟယ်။ 27 သူဟာ ငါ့နော့-ကံဟု ကြွလာနေဘိ။ အယ်ဘေမဲ့ ငါဟာ သူ့ရဲ့ ခေန်ပကြီးဟို့ ဖြေဟို့ဟို့မှ ထိုက်ဟ” ဆိုဘီး ပွန်ဖြေလိုက်ဟယ်။ 28 အယ်မူဇာ ဂူလောင်းဟာ ယောဟန် ဗတ္တိဇပေးဟူ ယော်ဒန်မြစ်ရဲ့ ရှေ့ဖတ်ကမ်းဟု ဗေသနိဝါမာ ဖြစ်ဟွားဟယ်။ 29 နတ်ကီးဖတ်မာ ယောဟန်ဟာ သူနားဟို့ ယေရှုလာနေဇာဟို့ ပြင်လိုက်ဟူ ခီမာ “လောကသားလေရဲ့ ပြစ်ဟို့ ယူဆောန်ဟွားဟူ ဘုရားသခင်ရဲ့ သိုးသားဂန်းဟွားဟို့ ကေ့ကေ့! 30 ‘နော့-ကံဟုနေ ကြွလာဟူသူဟာ ငါမိုးခန်ဂဒဲဟု ရှိနေကြောန့် ငါထတ်ကီးမြတ်ဟယ်’ ဆိုဘီး ငါပြောနေဇာဟာ အယ်လူကြောန့်ဘဲ ဖြစ်ဟယ်။ 31 ငါကိုယ်တိုင်လည်း အယ်လူဟို့ သိဟူ။ အယ်ဘေမဲ့ ကုသရေလလူမျိုးလေဟို့ သိစေဟို့တွပ် ရေန ဗတ္တိဇပေးဟို့ ငါလာဟယ်” ဆိုဘီး ပြောလေဟယ်။ 32 အယ်န ယောဟန် သတ်သေခံဇာဟု “ဝိညာဉ်တော်ဟာ ကောန်းဂန်ဘောင်ဟုနေ ချိုးငှတ်မျိုး ဆင်းလာဘီး အယ်လူထတ်မာ နားနေဇာဟို့ ငါပြင်ဟယ်။ 33 အယ်လူဟာ ဖယ်လူဖြစ်ဟယ် ဆိုဇာဟို့ ငါသိဟူ။ အယ်ဘေမဲ့ ငါ့ဟို့ ရေန ဗတ္တိဇပေးဟို့ စေလွှတ်ဟူ ဘုရားသခင်ဟု ‘သန်ရှင်းဟူဝိညာဉ်တော်ဟာ ဆင်းလာဘီး ယော့-ကံယော့-ကံထတ်မာ နားနေဇာဟို့ ပြင်ရလေမယ်။ အယ်လူဟာ သန်ရှင်းဟူဝိညာဉ်တော်န ဗတ္တိဇပေးမယ်လူ ဖြစ်ဟယ်’ ဆိုဘီး ငါ့ဟို့ ပြောလေဟယ်။ 34 အယ်ဇာဟို့ ငါပြင်ရဘိ။ အယ်ကြောန့် နန်းနို့ဟို့ ငါပြောမယ် အယ်လူဟာ ဘုရားသခင်ရဲ့သား ဖြစ်ဟယ်” ဆိုဘီး ယောဟန် သတ်သေခံလေဟယ်။ 35 နတ်ကီးတိုင်မာ ယောဟန်ဟာ တဗဲတော်နေ့ပါးနတူးဒူ အယ်နေရာမာ ပွန်ဘီးရပ်နေဟယ်။ 36 ယောဟန်ဟာ ယေရှု ကြွလာနေဇာဟို့ ပြင်လိုက်ဟယ်။ “ကေ့ကေ့! ဟောကံမာ ဘုရားသခင်ရဲ့ သိုးသားဂန်းဟွား ဖြစ်ဟယ်!” ဆိုဘီး သူဟု ပြောဟယ်။ 37 တဗဲတော်နေ့ပါးဟာ အယ်မျိုးပြောဇာဟို့ ကြားလိုက်ဘီးန ယေရှုနတူးဒူ လိုက်ဟွားဂေ့ဟယ်။ 38 ယေရှုဟု လှည့်ကေ့လိုက်ဘီး သူးနို့လေ လိုက်လာဇာဟို့ ပြင်လေဟယ်။ အယ်န “ဖြားဇာရှာနေနူး” ဆိုဘီး သူးနို့ဟို့ မေးလေဟယ်။ သူးနို့ဟု “ရဗြ၊ ကိုယ်တော်ဟု ဖယ်မာနေဟယ်နူး” ဆိုဘီး မေးလေဟယ်။ (ရဗြရဲ့ ဓိပါယ်ဟာ “ဆရာ” ဖြစ်ဟယ်။) 39 “လိုက်ဘီးကေ့ဂေ့” ဆိုဘီး ကိုယ်တော်ဟု ဖြေဟယ်။ (အယ်ခီဟာ နေဒန်ဇာလေးနာရီလော့-ကံရှိဘိ။) အယ်ကြောန့် သူးနို့လေဟာ ကိုယ်တော်နတူးဒူ လိုက်ဟွားဘီး ကိုယ်တော်နေဟူ နေရာဟို့ တွဲဟွားလေဟယ်။ အယ်ဘီးန အယ်နေဟို့ ကိုယ်တော်နတူးဒူ နေလေဟယ်။ 40 ယောဟန်ရဲ့ စကားဟို့ ကြားဘီး ယေရှုနော့-ကံလိုက် ဖြစ်လာဟူ နေ့ယော့-ကံထဲဟု တယော့-ကံဟာ ရှိမုန်ပေတရုရဲ့ညီ အခြွေဖြစ်ဟယ်။ 41 ရှစ်ရှင်းဘဲ အခြွေဟာ သူနောန်ရှိမုန်ဟို့ တွဲဟွားခီမာ “နို့လေ မေရိယဟို့ တွဲဟွားဘိ” ဆိုဘီး ပြောပြဟယ်။ မေရိယရဲ့ ဓိပါယ်ဟာ “ခရစ်တော်” ဖြစ်ဟယ်။ 42 အယ်ဘီးန သူဟု ရှိမုန်ဟို့ ယေရှုနားဟို့ ခေါ်ဆောန်ဟွားဟယ်။ ယေရှုဟာ အယ်လူဟို့ ကေ့ဘီးန “နန်ဟာ ယောဟန်ရဲ့သား ရှိမုန်ဖြစ်ဟယ်။ အယ်ဘေမဲ့ နန်းဟို့ ကေ့ဖ ဆိုဘီး ခေါ်ရမယ်” ဆိုဘီး ပြောလိုက်ဟယ်။ ကေ့ဖဟာ ပေတရုနာမယ်န ထပ်တူဖြစ်ဘီး ကွေး-ကံ ဆိုဘီး ဓိပါယ်ရဟယ်။ 43 နတ်ကီးတိုင်မာ ယေရှုဟာ ဂါလိလဲနယ်ဟို့ သွားဟို့ ဆောင်းဖြတ်ဟယ်။ ကိုယ်တော်ဟာ ဖိလိပ္ပဟို့ တွဲဟူ ခီမာ “ငါနတူးဒူလိုက်ပါ!” ဆိုဘီး သူဟို့ ပြောလေဟယ်။ 44 ဖိလိပ္ပဟာ အခြွေန ပေတရု နေထိုင်ဟူ ဗက်ဇဲဒဗြိဟုဖြစ်ဟယ်။ 45 ဖိလိပ္ပဟာ နာသနေလဟို့ တွဲဟူ ခီမာ “နို့လေဟာ မောရေရဲ့ ပညတ်ကျမ်းန ပရောဖက်လေရဲ့ ကျမ်းမာ ရေးဟွားဟူလူဟို့ တွဲဟွားဘိ။ အယ်လူဟာ နာဇရက်ဗြိဟု ယောသပ်ရဲ့သား ယေရှုဖြစ်ဟယ်” ဆိုဘီး ပြောပြလေဟယ်။ 46 “နာဇရက်ဗြိဟုနေ ကောန်းဟူဇာ ထွပ်နိုင်ဘဲလေ” ဆိုဘီး နာသနေလဟု မေးဟယ်။ “လာဘီးကေ့ကေ့” ဆိုဘီး ဖိလိပ္ပဟု ဖြေလေဟယ်။ 47 ယေရှုဟာ သူနားဟို့ လာနေဟူ နာသနေလဟို့ ပြင်ဟူ ခီမာ ကိုယ်တော်ဟု “ကေ့ကေ့! လှည့်ဇားမူ လောင်းဝ မေ့ဘဲဟူ၊ စစ်မုန်ဟူ ကုသရေလလူ ဖြစ်ဟယ်!” ဆိုဘီး သူဟို့ ပြောဟယ်။ 48 နာသနေလဟု “ကိုယ်တော်ဟု ကျွန်တော်ဟို့ ဖယ်မျိုးလောကဘီး သိနေရနူး” ဆိုဘီး ကိုယ်တော်ဟို့ မေးဟယ်။ ယေရှုဟု “ဖိလိပ္ပဟု နန်းဟို့ ခေါ်လာခန်မာ နန်ဟာ သဖန်းဗန်အော့-ကံမာ ရှိနေဂဒဲဟု နန်းဟို့ ငါပြင်ဟယ်” ဆိုဘီး ပွန်ဖြေဟယ်။ 49 “ဆရာ၊ ကိုယ်တော်ဟာ ဘုရားသခင်ရဲ့ သားဖြစ်ဟယ်! ကုသရေလလူမျိုးရဲ့ မန်းဂီးလည်းဖြစ်ဟယ်!” ဆိုဘီး နာသနေလဟု ပွန်ဖြေလေဟယ်။ 50 ယေရှုဟု “သဖန်းဗန်အော့-ကံမာ နန်းဟို့ ငါပြင်ဟယ် ဆိုဘီး ပြောလိုက်ဇာဟို့ နန်ယောင်ကြည့်ဘဲလော။ အယ်ထတ်

ရရာတိုင်းကီးဟူ ဇာလေဟို နန်ပြင်ရလေမယ်” ဆိုဘီး ပြောလိုက်ဟယ်။ 51 ကိုယ်တော်ဟ “နန်းနို့ဟို ငါ မန်တိုင်းပြောမယ်၊ ကောန်းဂန်ပွမ့်ဘီးဟာ လူရဲသား ထတ်မာ ဘုရားသခင်ရဲ ကောန်းဂန်တမန်လေဟာ ဆင်းလိုက်တတ်လိုက် လောက်နေဇာဟို နန်းနို့ ပြင်ရလေမယ်” ဆိုဘီး သူးနို့လေဟို ပြောလေဟယ်။

2 သောင်းရစ်မြော- က်နေမာ ဂါလိလဲနယ် ကာနမြို့မာ အီတတ်ဗွဲလောက်လေဟယ်။ အယ်ပွဲမာ ယေရှုရဲ မိလည်း ရှိနေဟယ်။ 2 အယ်ဘီးဟာ ယေရှုန တဗွဲတော်လေဟိုလည်း အီတတ်ဗွဲဟို ဖိဟားလေဟယ်။ 3 ဝိုင်ကူဟားခီမာ ယေရှုရဲမိဟ “သူးနို့မာ ဝိုင်ကူဟားဘီ” ဆိုဘီး ကိုယ်တော်ဟို ပြောလေဟယ်။ 4 ယေရှုဟ “ဝေ့မီးမ၊ နို့ဟို ဖြားလောက်ရမယ် ဆိုဘီး ပြောန။ နို့ခီဟာ ခုထိ ရေး-က်သေးဟ” ဆိုဘီး ပွန်ပြောဟယ်။ 5 အယ်ဘီးန ယေရှုရဲ မိဟ “နန်းနို့ဟို သူစေခိုင်းဟူတိုင်း လောက်ဂေ” ဆိုဘီး စေခံလေဟို ပြောလိုက်ဟယ်။ 6 ယုဒလူလေမာ ဘာသာဓလေတိုင်း ဆေးကြောဇာနဆိုင်ဟူ စည်းမျဉ်းလေရှိဟယ်။ အယ်စည်းမျဉ်းလေကြောန့် အယ်နေရာမာ ကွေး-က်ရေဒိုး ခြေ-က်လောင်းရှိဘီး ရေဒိုးဂီးတလောင်းစီဟာ ဂါလိလဲနယ်န သောင်းဆယ်ကြား ဝမ်ဆွဲဟယ်။ 7 ယေရှုဟ “အယ်ရေအိုးလေဟို ရေဖွဲဂေ” ဆိုဘီး စေခံလေဟို ပြောလိုက်ဟယ်။ သူးနို့ဟာ ပွဲအောက် ဖွဲဂေဟယ်။ 8 အယ်ဘီးန ကိုယ်တော်ဟ “ခု အယ်အိုးထဲဟရေဟို ခပ်ဘီးဟာ ပွဲအောက်နားဟို ယူဟားဂေ” ဆိုဘီး သူးနို့ဟို ပြောလိုက်ဟယ်။ သူးနို့ဟာ ရေဟို ယူဟားဟယ်။ 9 ခု အယ်ရေဟာ ဝိုင်ဖြစ် ဟွေးနားလဲဟားဘီး ပွဲအောက်ဟ ဗြည်းလေဟယ်။ အယ်ဝိုင်ဟာ ဖယ်နေရာဟ ရလာဟယ် ဆိုဇာဟို သူသိဟ။ အယ်ဘောမဲ့ ရေခပ်လာဟူ စေခံလေဟာ ကောန်းကောန်းဟားသိနေဟယ်။ အယ်ကြောန့် သူဟာ ဒိုသားဟို ခေါ်လိုက်ဘီး။ 10 “လူတိုင်းဟာ ကောန်းဆောင်း ဝိုင်နဘဲ ဦးဆောင်းဇဉ်ခံဟယ်။ ဇဉ်သညလေ ဘောင်းဂီးသော-က်ဘီးမှ ညွဲဟူဝိုင်န ဇဉ်ခံဟယ်။ အယ်ဘောမဲ့ နန်ဟ ကောန်းဆောင်း ဝိုင်ဟို ခုထိသီးဟားလေဟယ်!” ဆိုဘီး ပြောလေဟယ်။ 11 ယေရှုဟာ ဦးဆောင်း နိမိတ်လတ်ခဏာဟို ဂါလိလဲနယ် ကာနမြို့မာ လောက်ဘီးဟာ မိမိရဲ ဖောင်းသရေတော်ဟို ဖွဲမဲပြလေဟယ်။ အယ်ဘီးန တဗွဲတော်လေဟာ ကိုယ်တော်ဟို ယောင်ကြည်ဂေဟယ်။ 12 အယ်မျိုး နိမိတ်လတ်ခဏာ ဂြဘီးန ယေရှုဟာ သူရဲမဲ၊ ညီငယ်လေ၊ တဗွဲတော်လေနတူးနူ ကပေရနောင်မြို့ဟို သွားဘီး အယ်မြို့မာ ရစ်နဲနဲဟား နေလေဟယ်။ 13 ယုဒလူလေရဲ ပသခါပွဲ နီးလာဟူကြောန့် ယေရှုဟာ ယေရုရှလင်မြို့ဟို သွားလေဟယ်။ 14 ကိုယ်တော်ဟာ ဗိမာန်တော်ထဲမာ သိုးလေ၊ နွားသားဂန်းလေ၊ ချိုးငှတ်လေဟို ရောန်းဝယ်နေဟူ လူလေန ကပ်လဲပေးမားလေဟာ သူးနို့ရဲ စားဗွဲလေမာ ထိုင်နေဇာဟို တွဲဟယ်။ 15 အယ်ကြောန့် ကိုယ်တော်ဟာ ကြိုးလေန ကြာပွတ်ဟို လောက်ဘီးန သိုးလေ၊ နွားလေ ဂူလောင်းဟို ဗိမာန်တော်ထဲဟ နန်ထုဘီးဟား ကပ်လဲမားလေရဲ ဗွဲလေဟိုလည်း မော့-က်လဲဘီးန သူးနို့ရဲ ဒန်းဂါးလေဟို ဖွဲစင်အောက် လောက်လေဟယ်။ 16 အယ်ဘီးန ကိုယ်တော်ဟာ ချိုးငှတ်ရောန်းဟူ လူလေဟို “အယ်ပစ္စည်းလေဟို ယူဟားဂေ! ငါဖရဲ အီတော်ဟို ဆေးဖြစ်ဟားအောက် လောက်ဂေန!” ဆိုဘီး မိန့်ပေးလိုက်ဟယ်။ 17 ကိုယ်တော်ရဲ တဗွဲတော်လေဟာ “အိုဘုရားသခင်၊ ကိုယ်တော်ရဲ အီတော်ဟို ရှစ်ခင်တွယ်တာမူဟာ ကျွန်တော်ထဲမာ မီးမျိုး လောန်ကျွမ်းနေဟယ်” ဆိုဘီး ကျမ်းစာဟ ပြောဟားဇာလေဟို အော့-က်မေလာဂေဟယ်။ 18 ယုဒအာဏာပိုင်လေဟာ ကိုယ်တော်နားဟို ပွန်လာဘီး “နန်ဟာ အယ်မူဇာဟို လောက်ပိုင်ခွမ် ရှိဟယ် ဆိုဇာဟို နို့လေဟို ဖြားမျိုး နိမိတ်လတ်ခဏာ လောက်ပြန်မယ်နူး” ဆိုဘီး မေးခွန်းတခုဟို မေးလေဟယ်။ 19 ယေရှုဟ “အယ်ဗိမာန်တော်ဟို ဖြို့ဖျစ်ဂေ။ သောင်းရစ်ထဲန ငါပွန်ဆော့-က်ပြမယ်” ဆိုဘီး ဖြေလိုက်ဟယ်။ 20 ယုဒလူလေဟ “အယ်ဗိမာန်တော်ဟို ဆော့-က်ဟိုတွပ် လေးဆယ့်ခြေ-က်နစ် ကြာဟယ်၊ နန်ဟ သောင်းရစ်ထဲန ပွန်ဆော့-က်ဟိုလော” ဆိုဘီး မေးဂေဟယ်။ 21 အယ်ဘောမဲ့ ယေရှုပြောနေဟူ ဗိမာန်တော်ဟာ သူရဲ ကိုယ်ခန္ဓာဖြစ်ဟယ်။ 22 အယ်ကြောန့် ယေရှုဟာ သေရာဟုနေ ပွန်ရှင်လာဟူ ခီမာ ကိုယ်တော်ရဲ တဗွဲတော်လေဟာ ကိုယ်တော်ပြောဟားဟူ စကားလေဟို အော့-က်မေလာလေဟယ်။ အယ်ဘီးန သူးနို့လေဟာ ကျမ်းစာတော်န ကိုယ်တော်ပြောဟားဟူ စကားလေဟို ယောင်ကြည်ဂေဟယ်။ 23 ယေရှုဟာ ယေရုရှလင်မြို့ ဟု ပသခါပွဲမာရှိနေနူးမာ ကိုယ်တော်လောက်ဟူ နိမိတ်လတ်ခဏာလေဟို တွဲရဟူကြောန့်

လူလေဘောင်ဂီးဟာ ကိုယ်တော့်နာမဟို ယောင်ကြည်ဂေဟယ်။ 24 အယ်ဘေမဲ့ ယေရူဟာ လူလေ ဂူလောင်းရဲ့ ကြောန်းဟို သိနေဟူကြောန့် သူးနိုလေဟို ယောင်ကြည်ဟူ။ 25 ကိုယ်တော်ဟာ လူလေရဲ့ စိန်လောင်းဟို သိနေဟယ်။ အယ်ကြောန့် ကိုယ်တော့်ဟို ယော့-က်ယော့-က်ဟာ သူးနိုကြောန်းဟို သတ်သေခံဟို လိုအပ်ဟူ။

3 ဖာရိုရှ်ဖွဲ့ဝမ် နိုကောဒင်နာမယ်ရှိဟူ ယုဒလူခေါင်းဆောင် တယော့-က်ရှိဟယ်။ 2 တညဉ်မာ သူဟာ ယေရူနားဟို လာဘီးဟာ ကိုယ်တော့်ဟို “ရဗျို၊ ကိုယ်တော်ဟာ ဘုရားသခင်စေလွှတ်လိုက်ဟူ ဆရာတယော့-က် ဖြစ်ဟယ် ဆိုဇာဟို ကျွန်တော့်ဟားလေ သိဟယ်။ ဘုရားသခင်ဟာ ဆရာနတူးဒူရှိဟာ ဆိုဟာ ဖယ်လူလည်း အယ်နိုမိတ်လတ်ခဏာလေဟို လောက်နိုင်ဟို မူဟာ” ဆိုဘီး လျော့-က်လေဟယ်။ 3 ယေရူဟာ “နန့်ဟို ငါ မှန်တိုင်းပြောမယ်၊ ဒုတိယခါ ယွန်မိုးဟာ ဆိုဟာ ဖယ်လူလည်း ဘုရားသခင်ရဲ့ နိုင်ငံတော်ဟို ဗြင်နိုင်ဟို မူဟာ” ဆိုဘီး ဖြေလိုက်ဟယ်။ 4 “သတ်ကီးဟူလူဟာ ဖယ်မျိုးဒုတိယခါ ယွန်မိုးနိုင်ဟိုနူး။ အယ်လူဟာ ဒုတိယခါ မွီးဟိုတွပ် သူမိရဲ့ ဗိုက်ထဲဟို လောင်းဝ ဝမ်နိုင်ဟူ!” ဆိုဘီး နိုကောဒင်ဟာ မေးဟယ်။ 5 ယေရူဟာ “နန့်ဟို ငါ မှန်တိုင်းပြောမယ်၊ ရေန ဝိညာဉ်တော်အားဖြင့် မွီးဟာ ဆိုဟာ ဖယ်လူလည်း ဘုရားသခင်ရဲ့ နိုင်ငံတော်ဟို ဝမ်နိုင်ဟို မူဟာ။ 6 ဇာတိသွီးသားဟာ ဇာတိသွီးသားဟို မွီးပေးဟယ်။ အယ်ဘေမဲ့ ဝိညာဉ်တော်ဟာ ဝိညာဉ်ဟို မွီးပေးဟယ်။ 7 ဒုတိယခါ ယွန်မိုးရမယ် ဆိုဘီး ငါပြောဟူကြောန့် အံ့ဩဟားန။ 8 လေဟာ သူလိုရှိဟူ နေရာဟို တိုက်လေဟယ်။ နန့်ဟာ လေတိုက်သံဟို ကြားရဟယ်။ အယ်ဘေမဲ့ အယ်လေဟာ ဖယ်နေရာဟာ လာဘီး ဖယ်နေရာဟို သွားနေဟယ် ဆိုဇာဟို နန့်သိဟို မူဟာ။ ဝိညာဉ်တော်အားဖြင့် မွီးဟူလူတိုင်းဟာလည်း အယ်မျိုးဘဲဖြစ်ဟယ်” ဆိုဘီး ယွန်ဖြေလေဟယ်။ 9 “အယ်ဇာဟာ ဖယ်မျိုးဖြစ်နိုင်ဟိုနူး” ဆိုဘီး နိုကောဒင်ဟာ မေးဟယ်။ 10 ယေရူဟာ “နန့်ဟာ ကူသရေလလူမျိုးထဲမာ ဆရာဂီးတယော့-က်ဖြစ်ဘီး အယ်မူဇာဟို နန့်သိဟူလော။ 11 နန့်ဟို ငါ မှန်တိုင်းပြောမယ်၊ နိုလေဟာ သိဟူဇာဟို ပြောဘီး နိုလေဟာ ဗြင်ဟူဇာဟို သတ်သေခံဟယ်။ အယ်ဘေမဲ့လည်း နန့်နိုဟာ နိုလေရဲ့ သတ်သေခံဇာဟို လတ်ခံရှင်ဟူ စီမေ့ဂေဟူ။ 12 အယ်လောကနဆိုင်ဟူ ဇာလေဟို ငါပြောဟူ ခီမာ နန့်နိုလေ ယောင်ကြည်ဂေဟူ။ အယ်ဆိုဟာ ကောန်းဂန်ဘောင်နဆိုင်ဟူ ဇာလေဟို ငါပြောဟူ ခီမာ နန့်နိုလေ ဖယ်မျိုး ယောင်ကြည်မယ်နူး။ 13 ကောန်းဂန်ဘောင်ဟုနေ ဆင်းလာဟူ လူရဲ့သားမှတပါး ဖယ်လူလည်း ကောန်းဂန်ဘောင်ဟို တတ်ဟားဟူ လူမေ့ဟူ” ဆိုဘီး ဖြေလိုက်ဟယ်။ 14 မောရေဟာ ကန္တာရထဲမာ ကြေးဝါဗွီဟို တိုင်ထတ်မာ ခိဟားမျိုးဘဲ လူရဲ့သားဟိုလည်း ခိဟားလေမယ်။ 15 အယ်ကြောန့် ကိုယ်တော့်ဟို ယောင်ကြည်ဟူ လူတိုင်းဟာ ထာဝရသတ်ဟို ရမယ်။ (aiōnios g166) 16 ဘုရားသခင်ဟာ လောကသားလေဟို ရရာတိုင်း ရှစ်ဟူကြောန့် သူရဲ့ တပါးဒ်ရှိဟူ သားတော်ဟို ပေးလေဟယ်။ အယ်ကြောန့် သားတော်ဟို ယောင်ကြည်ဟူ လူတိုင်းဟာ ပျစ်စီးဘဲန ထာဝရသတ်ဟို ရမယ်။ (aiōnios g166) 17 ဘုရားသခင်ဟာ သူရဲ့သားတော်ဟို အယ်လောကသားလေဟို တရားစီရင်ဟိုတွပ် စေလွှတ်လိုက်ဇာ မူဟာ။ အယ်လောကဟို ကယ်တန်ဟိုတွပ် စေလွှတ်လိုက်ဟယ်။ 18 သားတော်ဟို ယောင်ကြည်ဟူ လူလေဟာ စီရင်ခံရဟူ။ အယ်ဘေမဲ့ ယောင်ကြည်ဘဲဟူ လူလေဟာ ဘုရားသခင်ရဲ့ တပါးဒ်ရှိဟူ သားတော်ရဲ့ နာမဟို ယောင်ကြည်ဘဲကြောန့် စီရင်ခံရဟယ်။ 19 စီရင်ရှင်ရဲ့ ဘောတရားဟာ အယ်မျိုးဖြစ်ဟယ်။ လန်းရောန်ဟာ လောကထဲဟို ရော့-က်လာဟယ်။ အယ်ဘေမဲ့ လူလေဟာ သူးနိုရဲ့ ကျင့်လေ ဆိုးညစ်ဟူကြောန့် လန်းရောန်ထတ် မှောန်မိုက်ဟို ရှစ်ဂေဟယ်။ 20 ဆိုးညစ်ဟူ လူတိုင်းဟာ လန်းရောန်ဟို မူးဘီး လန်းရောန်နားဟို လာဂေဟူ။ သူးနိုရဲ့ ဆိုးညစ်ဟူ ကျင့်လေဟို ထန်ရှားရှင်ဂေဘဲဟူကြောန့် ဖြစ်ဟယ်။ 21 အယ်ဘေမဲ့ သမ္မာတရားအားဖြင့် သတ်ရှင်ဟူ လူလေဟာ လန်းရောန်နားဟို လာဂေဟယ်။ အယ်ကြောန့် သူးနို လောက်ဆောန်ဟူ ဇာလေဟာ ဘုရားသခင်ရဲ့ ရှေ့တော်မာ ထန်းထန်ရှားရှားဟား ဗြင်ရလေဟယ်။ 22 အယ်ဘီးန ယေရူဟာ တပဲ့တော်လေနတူးဒူ ယုဒနယ်ဟို သွားဂေဘီး အယ်နေရာမာ သူးနိုလေနတူးဒူနေဘီး ဗတ္တိဇံပေးဟယ်။ 23 ယောဟန်ဟာလည်း ရှာလိမ်မြို့နားဟာ အဲဒန်ရပ်မာ ဗတ္တိဇံပေးနေဟယ်။ ဖြားဖြစ်ကြောန့်နူးဆိုဟာ အယ်နေရာမာ ရေလေဘောင်ဂီးရှိဟယ်။ လူလေဟာ သူနားဟို လာဂေဘီး ဗတ္တိဇံခံဂေဟယ်။ 24 အယ်မူဇာဟာ ယောဟန် ထောန်ကွန်ခန်မာ

ဖြစ်ဟူသည်။ 25 ယောဟန်ရဲ့ တဗွဲတော်တချို့ဟာ ဘာသာလေ့နာမည်ရှိသူ ဆေးကြောဇာန ပတ်သက်ဘီး ယုဒလူတယော့-ကန် စဘီးဟာ ဂြင်းဂေဟူသည်။ 26 အယ်ကြောန့် သူးနွဲ့ဟာ ယောဟန်နားဟို သွားဘီး “ဆရာ၊ ယော်ဒန်မြစ် ရှေ့ဖတ်ကမ်းမှာ ဆရာနုတူးဒူ နေဖူးဟူ၊ သူကြောန်းဟို သတ်သေခံဖူးဟူလူဟို မှတ်မိသေးဘဲလော။ ၃ သူဟာ ဗတ္တိဇံပေးနေဟူသည်။ လူတိုင်းဟုလည်း သူနားဟို သွားနေဂေဟူသည်။” ဆိုဘီး ပြောပြလေဟူသည်။ 27 ယောဟန်ဟု “ကောန်းဂန်ဟုနေ ပေးဟု ဆိုဟာ ဖယ်လူလည်းရနိုင်ဟူ။ 28 ငါဟာ မေရှိယ မူဟူ။ အယ်ဘောမဲ့ ငါ့ဟို သူရှေ့ဟုနေ စေလွှတ်လိုက်ဟူသည်” ဆိုဘီး ငါပြောဟားဇာလေဟာ နန်းနွဲ့ကိုယ်တိုင် ငါ့ရဲ့ သတ်သေခံလေ ဖြစ်ဟူသည်။ 29 ဒို့သမီးဟို ပိုင်ဆိုင်ဟူလူဟာ ဒို့သားဖြစ်ဟူသည်။ အယ်ဘောမဲ့ ဒို့သားရဲသံဟို ရပ်ဘီး နားထောန်နေဟူ ဒို့သားရဲ့ မိဆွေဟာ ဒို့သားရဲသံဟို ကြားရဟူ ခီမာ ဝန်းသာလေဟူသည်။ အယ်မျိုးဘဲ ငါဟာလည်း အယ်ဝန်းသာဇာလေနု ပွဲဝနေဟူသည်။ 30 အယ်သခင်ဟာ တိုးပွားရမယ်။ ငါဟာ ဆုတ်ယုတ်ရမယ်” ဆိုဘီး ဖြေလေဟူသည်။ 31 ထတ်ဟုနေ ကြွလာဟူ သူဟာ ဂူလောင်းထတ် ကီးမြတ်ဟူသည်။ မွေဂီးဟုနေ ဖြစ်ဟူလူဟာ မွေဂီးနု ဆိုင်ဘီး မွေဂီးရာဟို ပြောဟူသည်။ အယ်ဘောမဲ့ ကောန်းဂန်ဘောင်ဟုနေ ကြွလာဟူ သခင်ဟာ ဂူလောင်းထတ် ကီးမြတ်ဟူသည်။ 32 ကိုယ်တော်ဟာ ဗြင်ဟား၊ ကြားဟားဇာလေဟို ပြောဟူသည်။ အယ်ဘောမဲ့လည်း ကိုယ်တော်ရဲ့ စကားတော်ဟို ဖယ်သူလည်း ထော့-ကန်ခံဂေဟူ။ 33 အယ်ဘောမဲ့ ကိုယ်တော်ရဲ့ စကားတော်လေဟို လတ်ခံဟူလူတိုင်းဟု ဘုရားသခင်ဟာ သမ္မာတရားဖြစ်ဟူ ဆိုဇာဟို သိမှတ်ပြုလေဟူသည်။ 34 ဘုရားသခင် စေလွှတ်လိုက်ဟူလူဟာ ဘုရားသခင်ရဲ့ စကားတော်လေဟို ပြောဟူသည်။ ဖြားဖြစ်ကြောန့်နူးဆိုဟာ ဘုရားသခင်ဟာ သူ့ရဲ့ ဝိညာဉ်တော်ဟို ပွဲဝပေးလေဟူသည်။ 35 ဖဟာ သားတော်ဟို ရှစ်တော်မူဘီး တဂိုးအာဏာ ဂူလောင်းဟို သားတော်ရဲ့ လတ်ထဲမှာ အပ်ပေးဟားဟူသည်။ 36 သားတော်ဟို ယောင်ကြည်ဟူ လူဟာ ထာဝရသတ်ဟို ရဘီး သားတော်ဟို နားထောန်ဘဲဟူ လူဟာ သတ်ဟို ရဘဲနု ဘုရားသခင်ရဲ့ မျစ်ဒေါသအော့-ကံမာ နေရလေမယ်။ (aiōnios g166)

4 ယေရှုဟာ ယောဟန်ထတ် တဗွဲတော်လေဘောင်ဂီး ဖြစ်စေဘီး ဗတ္တိဇံပေးနေဟူ ဆိုဇာဟို ဖာရိရှဲလေဟု ကြားဂေဟူသည်။ 2 တဂယ်ဒန်ဆိုဟာ ယေရှုကိုယ်တိုင်ဟု ဖယ်လူဟိုလည်း ဗတ္တိဇံပေးဟူ။ တဗွဲတော်လေဟုဘဲ ဗတ္တိဇံပေးဂေဟူသည်။ 3 အယ်ကြောန့် ယေရှုဟာ ယုဒနယ်ဟုနေ ထွပ်ဟားဘီး ဂါလိလဲနယ်ဟို ယွန်ဟားဘီး။ 4 ကိုယ်တော်ဟု ရှုမာရိနယ်ဟို ဖြတ်ဘီးဟာ သွားရဟူသည်။ 5 ယာကုပ်ဟု သူသားယောသပ်ဟို ပေးဟားဟူ မွေယုနား ရှုမာရိနယ်ထဲဟု ရှုခါနာမယ်ရှိဟူပြီဟို ရော့-ကံလာဟူသည်။ 6 ယာကုပ်ရဲ့ ရေဒွမ်းဟာ အယ်နေရာမာရှိဟူသည်။ ယေရှုဟာ ခရီးပန်းကြောန့် ရေဒွမ်းနားမှာ ထိုင်နေဟူသည်။ အယ်ခီဟာ မွန်းဒဲခီလည်းဖြစ်ဟူသည်။ 7 ရှုမာရိမီးမတယော့-ကံဟာ ရေခပ်ဟိုတွပ် ရော့-ကံလာဟူ ခီမာ ယေရှုဟု “ငါသော့-ကံဟို ရေပေးပါ” ဆိုဘီး အယ်မီးမဟို ပြောဟူသည်။ 8 (ကိုယ်တော်ရဲ့ တဗွဲတော်လေဟာ စားဇာဝယ်စားဟို ပြီးထဲဟို သွားဂေဟားဟူသည်။) 9 အယ်မီးမဟာ “သပ်ဟု ယုဒမျိုးသားတယော့-ကံ ဖြစ်ဟူသည်။ ကျွန်မဟု ရှုမာရိမျိုးသမီးတယော့-ကံ ဖြစ်ဟူသည်။ ဖယ်မျိုးဖြစ်ကြောန့် ရေတောန်းသော့-ကံရနူး” ဆိုဘီး မေးလေဟူသည်။ (ယုဒလူလေဟာ ရှုမာရိလူလေ သောင်းပြီဟူ စန်ဟန်းဇားလေဟို သောင်းပြီလေ မှေဟူ။) 10 ယေရှုဟု “ဘုရားသခင်ရဲ့ လတ်ဆောန်နု ငါသော့-ကံဟိုတွပ် ရေပေးပါ ဆိုဘီး တောန်းဆိုနေဟူလူဟာ ဖယ်သူဖြစ်ဟူ ဆိုဇာဟို သိမယ် ဆိုဟာ နန်ဟာ အယ်လူနားမှာ တောန်းလေမယ်။ အယ်လူဟုလည်း နန်ဟို သတ်ရေဟို ပေးလေမယ်” ဆိုဘီး ပြောလေဟူသည်။ 11 အယ်မီးမဟု “ဆရာ၊ ဆရာမာ ရေခပ်ဟို အန်းဗေါင်းလည်း မှေဟူ။ ရေဒွမ်းဟုလည်း ရရတိုင်း နတ်ဟူသည်။ ဖယ်နေရာဟုနေ သတ်ရေဟို ရဟိုနူး။ 12 အယ်ရေဒွမ်းဟာ ကျွန်မဟားလေရဲ့ ဘိုးဘေးယာကုပ်ဟု ကျွန်မဟားလေဟို ပေးဟားဘီး သူကိုယ်တိုင်နု သူ့ရဲ့သားမီးလေ၊ သိုးလေ၊ ခွားလေ ဂူလောင်းဟာ အယ်ရေဒွမ်းဟု ရေဟို သော့-ကံဟူသည်။ ကိုယ်တော်ဟု ကျွန်မဟားလေရဲ့ ဘိုးဘေး ယာကုပ်ထတ် ကီးမြတ်ကြောန့်လော” ဆိုဘီး ပြောလေဟူသည်။ 13 ယေရှုဟု “အယ်ရေဟို သော့-ကံဟူလူလေဟာ ယွန်ဘီး ရေငတ်လေအူးမယ်။ 14 အယ်ဘောမဲ့ ငါပေးမယ့်ရေဟို

သော-က်ဟူလူလေဟာ ပွန်ဘီး ရေငတ်လေမယ် မူဟူ။ ငါပေးမယ့်ရေဟာ သူးနို့ထဲမှာ သတ်စမ်းရေဗော-က် ဖြစ်ဟောင်းဘီး သူးနို့ဟို့ ထာဝရသတ်ဟို့ ပေးလေမယ်” ဆိုဘီး ပွန်ဖြေဟယ်။ (aiṭh g165, aiṭhios g166) 15 အယ်မီးမဟု “ဆရာ၊ အယ်ရေဟို့ ကျွန်မဟို့ ပေးပါ! အယ်ဆိုဟာ ကျွန်မဟာ ပွန်ဘီး ရေငတ်ဟို့မူဘီ အယ်နေရာဟို့ လာဘီး ရေခပ်ဇာလည်း လိုဟမ်း” ဆိုဘီး ပြောဟယ်။ 16 ယေရှုဟု “သွားဘီး နန့်လန်ဟို့ ခေါ်ဘီးဟာ ပွန်လာပါ” ဆိုဘီး အယ်မီးမဟု ပွန်ပြောဟယ်။ 17 “ကျွန်မမာ လန်မေဟု” ဆိုဘီး အယ်မီးမဟု ဖြေဟယ်။ ယေရှုဟု “နန့်မာ လန်မေဟု ဆိုဘီး ပြောဇာဟာ မှန်ဟယ်။ 18 နန့်မာ လန်ငါးယော-က်ရှိဖူးဟယ်။ ခု နန့်နတူးဒုနေဟူ လန်ဟာလည်း နန့်လန်စစ်စစ် မူဟု။ နန့်ဟာ ငါ့ဟို့ မှန်ဟူ စကားဟို့ ပြောဟယ်” ဆိုဘီး ပွန်ပြောလေဟယ်။ 19 “ဆရာ၊ ဆရာဟာ ပရောဖက်ဖြစ်ဟယ် ဆိုဇာဟို့ ကျွန်မသိဟောင်းဘီး။ 20 ကျွန်မဟောင်းလေရဲ့ ဘိုးဘေးလေဟာ အယ်တောန်ထတ်မာ ဘုရားသခင်ဟို့ ကိုးကွယ်ဂေဟယ်။ အယ်ဘေးမဲ့ ဆရာရဲ့ ယုဒလူလေဟာ ယေရုရှလင်မြို့မာဘွဲ ဘုရားသခင်ဟို့ ကိုးကွယ်ရမယ် ဆိုဘီး ပြောဂေဟယ်” ဆိုဘီး အယ်မီးမဟု ပြောဟယ်။ 21 ယေရှုဟု “ဧဗွီးမ၊ ငါ့ဟို့ ယောင်ကြည်ပါ။ အယ်တောန်ထတ်ဟို့ရော၊ ယေရုရှလင်မြို့ဟို့ရော လာဘဲန ဖဟို့ ကိုးကွယ်ရဟို့ခီ ရော-က်လာလေမယ်။ 22 ကယ်တန်ရှင်းဟာ ယုဒလူလေဟနေတဆင့် ရော-က်လာဟူကြောန့် နို့ယုဒလူလေဟာ နို့လေကိုးကွယ်ဟူဇာဟို့ သိဟယ်။ အယ်ဘေးမဲ့ နန့်နို့ရမာရိလူလေဟာ နန့်နို့ကိုးကွယ်ဇာဟို့ မှန်သိဂေဟူ။ 23 စစ်မှန်ဟူ ကိုးကွယ်သူလေဟာ ဝိညာဉ်နရော၊ သစ်စာနရော ဖဟို့ ကိုးကွယ်ရမယ်ခီဟာ ရော-က်လာလေမယ်။ အယ်ဘေးမဲ့ ခုဘွဲရော-က်နေဘီး။ အယ်မျိုး ကိုးကွယ်သူလေဟို့ ဖဟု လိုရှင်ဟယ်။ 24 ဘုရားသခင်ဟာ ဝိညာဉ်ဖြစ်ဟူကြောန့် ကိုယ်တော့်ဟို့ ကိုးကွယ်သူလေဟာ ဝိညာဉ်နရော၊ သမ္မာတရားနရော ကိုးကွယ်ရမယ်” ဆိုဘီး အယ်မီးမဟု ပြောလေဟယ်။ 25 အယ်မီးမဟု “ခရစ်တော် ဆိုဘီး ခေါ်ဟူ မေရှိယကြွလာမယ် ဆိုဇာဟို့ ကျွန်မသိဟယ်။ ကြွလာဟူ ခီမာ ကျွန်မဟောင်းလေဟို့ ဂူလောင်း ပြောပြလေမယ်” ဆိုဘီး ကိုယ်တော့်ဟို့ လျှော့-က်ဟယ်။ 26 ယေရှုဟု “နန့်နတူးဒု စကားပြောနေဟူ ငါဟာ မေရှိယဖြစ်ဟယ်” ဆိုဘီး မိန့်တော်မူလေဟယ်။ 27 အယ်ခီမာဘွဲ ယေရှုရဲ့ တဗွဲတော်လေဟာ ပွန်ရော-က်လာဟယ်။ ကိုယ်တော်ဟာ မီးမတယော-က်န စကားပြောနေဇာဟို့ သူးနို့လေဟာ တို့လိုက်ကြောန့် ရရာတိုင်း အံ့ဩဟောင်းဂေဟယ်။ အယ်ဘေးမဲ့ “ဖြားဇာလိုရှင်ဟိုနူး” ဆိုဘီး အယ်မီးမဟို့ ဖယ်လူလည်းမေးဂေဟူ။ “ဖြားဖြစ်ကြောန့် အယ်မီးမန စကားပြောနေရနူး” ဆိုဘီးလည်း ကိုယ်တော့်ဟို့ ဖယ်လူလည်းမေးဂေဟူ။ 28 အယ်ဘီးန မီးမဟာ ရေအိုးဟို့ ထားရစ်ဘီး မြို့ထဲဟို့ ပွန်ဟောင်းဘီးဟာ 29 “ကျွန်မလောက်ဟောင်းဟူဇာလေ ဂူလောင်းဟို့ ပြောပြသူဟို့ လာဘီးကေကေ။ အယ်သူဟာ မေရှိယဘွဲလော” ဆိုဘီး လူလေဟို့ ပြောလေဟယ်။ 30 အယ်ကြောန့် သူးနို့လေဟာ မြို့ထဲဟုထွပ်ဟောင်းဘီး ယေရှုနားဟို့ သွားဂေဟယ်။ 31 အယ်ခီမာဘွဲ တဗွဲတော်လေဟာ ယေရှုဟို့ “ဆရာ၊ တခုခုစားပါအူး!” ဆိုဘီး တောန်းလျှော့-က်နေဂေဟယ်။ 32 အယ်ဘေးမဲ့ ယေရှုဟု “နန့်နို့သိဘဲဟူ စားဇာဟာ ငါ့မာရှိဟယ်” ဆိုဘီး ဖြေလေဟယ်။ 33 အယ်ကြောန့် တဗွဲတော်လေဟု “ကိုယ်တော့်ဟို့ ယော့-က်ယော့-က်ဟု စားဇာလေဟို့ လာပို့ဟောင်းလော” ဆိုဘီး သူးနို့ရှင်းရှင်း စဘီးမေးနေဂေဟယ်။ 34 ယေရှုဟု “ငါ့ဟို့ စေလွှတ်ဟူသူရဲ့ လိုတော်ဟို့ လိုက်နာဘီး သူလောက်ခိုင်းဟောင်းဟူ လောက်ဟို့ ပီးအောန်လောက်ဇာဟာ ငါ့စားဇာဖြစ်ဟယ်။ 35 နန့်နို့ဟု ‘လေးလကြာဘီးန ရိုသီးခီရော-က်လေမယ်’ ဆိုဘီး ပြောဂေဟယ်။ အယ်ဘေးမဲ့ နန့်နို့ဟို့ ငါ မှန်တိုင်းပြောမယ်၊ လဲဗွန်လေဟို့ ကေလိုက်။ ခု ရိုသီးဟို့ သီးနှံလေဟာ မုည့်နေဘီး! 36 ရိုသီးမားဟာ ခပ်ဟို့ ယူဘီး ထာဝရသတ်တွပ် သီးနှံလေဟို့ စုသီးဟယ်။ အယ်ကြောန့် စိုက်မားန ရိုသီးမားလေဟာ တူးဒုဝန်းသာဂေလေမယ်။ (aiṭhios g166) 37 အယ်ကြောန့် ‘တယော့-က်ဟု စိုက်ဟယ်။ တယော့-က်ဟု ရိုသီးဟယ်’ ဆိုဘီး ပြောဟောင်းဇာဟာ မှန်ဖြစ်ဟောင်းဘီး။ 38 နန့်နို့စိုက်ဘဲဟူ လဲဗွန်မာ သီးနှံလေဟို့ ရိုသီးဟို့ နန့်နို့ဟို့ ငါစေလွှတ်လိုက်ဟယ်။ တခြားလူလေဟု လောက်ရဘီး နန့်နို့ဟု ကျိုးခံစားရဟယ်” ဆိုဘီး သူးနို့ဟို့ ပြောလေဟယ်။ 39 အယ်မီးမဟု “အယ်လူဟာ ကျွန်မလောက်ဟောင်းဇာလေ ဂူလောင်းဟို့ ပြောပြဟယ်” ဆိုဘီး သတ်သေခံဟူကြောန့် အယ်မြို့မာရှိဟူ ရှမာရိလူလေ ဘောင်ဂီးဟာ ယေရှုဟို့ ယောင်ကြည်ဟောင်းဂေဟယ်။ 40 အယ်ကြောန့် ရှမာရိလူလေဟာ ကိုယ်တော်နားဟို့ လာဟူ

ခီမာ သူးနီဟာ ကိုယ်တော်ဟို သူးနီနတူးဒုနေဟို တောင်းလျှော့- ကံဂေဟယ်။ အယ်န ကိုယ်တော်ဟာ အယ်နေရာမာ နေရစ်နေလေဟယ်။ 41 လူလေဘောင်ဂီးဟာ ကိုယ်တော်ရဲ့ တရားစကားကြောန့် ယောင်ကြည်လာဂေဘီး 42 သူးနီဟာ “ခု နီလေ ယောင်ကြည်ဟားဇာဟာ နန့်ပြောကြောန့် မူဟာ။ အယ်ဘေမဲ့ နီလေကိုယ်တိုင် ကိုယ်တော်ရဲ့ တရားစကားဟို ကြားဟိုကြောန့် အယ်သူဟာ လောကရဲ့ စစ်မှန်ဟူ ကယ်တန်ရှင် ဖြစ်ဟယ် ဆိုဇာဟို နီလေသိဟားဘီ” ဆိုဘီး အယ်မီးမဟို ပြောပြဂေဟယ်။ 43 နေရစ်နေဘီးန ယေရှုဟာ အယ်နေရာဟုနေ ထွပ်ဟားဘီး ဂါလိလဲနယ်ဟို ကြွတော်မူလေဟယ်။ 44 ယေရှုကိုယ်တိုင်ဟု “ပရောဖက်လေဟာ သူးနီရဲ့ မြို့မာ လေးစားခံရဂေဟု” ဆိုဘီး မိန့်တော်မူလေဟယ်။ 45 ကိုယ်တော်ဟာ ဂါလိလဲနယ်ဟို ရော- က်လာခီမာ လူလေဟာ ကိုယ်တော်ဟို ကြိုဆိုဂေဟယ်။ ဖြားဖြစ်ကြောန့်နူးဆိုဟာ ယေရုရှလင်မြို့ဟု ပသခါပွဲဟို သူးနီရော- က်ဟားဂေဘီး အယ်ပွဲတော်မာ ကိုယ်တော် လောကဟူဇာလေ ဂူလောင်ဟို ဗြင်ဟားဂေဟယ်။ 46 အယ်ဘီးန ယေရှုဟာ ရေဟုနေ ဝိုင်ဖြစ် ညှောင်းလဲဟားဟူ ဂါလိလဲနယ် ကာနုမြို့ဟို ညွှန်ဟားဟယ်။ ကပရနောင်မြို့ဟု ရာရှိတယော့- က်ရဲ့ သားဟာ နေကောန်းဘဲဖြစ်နေဟယ်။ 47 ယုဒနယ်ဟုနေ ဂါလိလဲနယ်ဟို ယေရှုရော- က်လာဟယ် ဆိုဇာဟို အယ်ရာရှိဟာ ကြားဟားခီမာ ကိုယ်တော်နားဟို သွားဘီး သေခါနီးဖြစ်နေဟူ သူးသားရဲ့ နာဟို ပျော့- က်စေဟိုတွပ် တောင်းလျှော့- က်လေဟယ်။ 48 ယေရှုဟာ “နန်းနီဟာ အံ့ဩဘွယ်ရာလေန နီမိတ်လတ်ခဏာလေဟို ဗြင်ရဘဲ ဆိုဟာ ယောင်ကြည်ဂေဟို မူဟု” ဆိုဘီး သူဟို ပြောလေဟယ်။ 49 ရာရှိဟာ “ဆရာ၊ ကျွန်တော့်သား သေခန့် ကျွန်တော်နတူးဒု လိုက်ပါ” ဆိုဘီး ညွှန်လျှော့- က်လေဟယ်။ 50 ယေရှုဟာ “သွားလိုက်ပါ။ နန့်ရဲ့သား သတ်ရှင်ဟားလေမယ်” ဆိုဘီး သူဟို ပြောလေဟယ်။ အယ်လူဟာ ယေရှုရဲ့ စကားတော်ဟို ယောင်ကြည်ဘီး သွားလိုက်ဟယ်။ 51 အီဗ္ဗုလမ်းမာ သူရဲ့ စေခံလေဟာ သူဟို တွံဟူခီမာ “သခင်ရဲ့သားဟာ သတ်ရှင်ဟားဘီ!” ဆိုဘီး ပြောဂေဟယ်။ 52 သူဟာ သူရဲ့သား နာပျော့- က်ဟားခီမာ စေခံလေဟို မေးဟူခီမာ သူးနီလေဟာ “နတ်ကီးမွန်းဒဲ တနာရီမာ နာပျော့- က်ဟားဟယ်” ဆိုဘီး ဖြေဂေလေဟယ်။ 53 အယ်ခီဟာ “နန့်ရဲ့သား သတ်ရှင်ဟားဘီ” ဆိုဘီး ယေရှုပြောလိုက်ဟူ ခီဖြစ်ဟယ် ဆိုဇာဟို ဖဟာ ဒီရဟားလေဟယ်။ အယ်ကြောန့် သူနဲ့ သူရဲ့အီသား ဂူလောင်ဟာ ယောင်ကြည်ဂေဟယ်။ 54 အယ်မူဇာဟာ ယုဒနယ်ဟုနေ ဂါလိလဲနယ်ဟို ရော- က်လာဘီးန ယေရှုလောကဟူ ဒုတိယ နီမိတ်လတ်ခဏာ ဖြစ်ဟယ်။

5 အယ်ဘီးန ယုဒလူလေရဲ့ ဘာသာရေးပွဲတော် ရှိဟူကြောန့် ယေရှုဟာ ယေရုရှလင်မြို့ဟို သွားလေဟယ်။ 2 ယေရုရှလင်မြို့ သိုးခွဗော့- က်နားမာ မုဒ်ဦးဆောန် ငါးဆောန်ရှိဟူ ရေကန်တကန်ရှိဟယ်။ ဟေဗြစကားန ပေသဇာသ ဆိုဘီး ခေါ်ဟယ်။ 3 အယ်မုဒ်ဦးဆောန်လေထဲမာ မျစ်စိကန်းဟူလူ၊ ခေသန်ဘဲဟူလူန လေဖြတ်ဟူလူလေ ဘောင်ဂီးဟာ လဲလျောင်းနေဂေဟယ်။ 5 အယ်နေရာမာ သောင်းဆယ်ရှစ်နှစ် လောင်းလောင်း နာဇာဇနေဟူ လူတယော့- က် ရှိဟယ်။ 6 လဲလျောင်းနေဟူ အယ်လူဟို ယေရှုဟာ ဗြင်လိုက်ဘီး ခီကြာဂီး နာဇာဇနေရဟယ် ဆိုဇာဟို သိဟူကြောန့် ကိုယ်တော်ဟု “နန့်အနာပျော့- က်ရှင်လော” ဆိုဘီး သူဟို မေးလေဟယ်။ 7 နာဇာဇနေဟူလူဟု “ဆရာ၊ ရေဟို လာခီဟူ ခီမာ ကျွန်တော့်ဟို ရေကန်ထဲဟို ခွဲပေးဟိုလူ မေ့ဟု။ ကျွန်တော်ဟာ ရေကန်ထဲဟို ဆင်းဟိုလောကနေဒူးမာ တခြားတယော့- က်ဟု ဦးဆောင်းဆင်းဟားလေဟယ်” ဆိုဘီး ဖြေလေဟယ်။ 8 ယေရှုဟာ “ထဒန်၊ နန့်ထမ်းစင်ဟို ကော့- က်ဘီးဟာ လမ်းရှော့- က်ဟားလိုက်” ဆိုဘီး သူဟို ပြောလေဟယ်။ 9 အယ်လူဟာ ရှင်းရှင်းဘဲ နာပျော့- က်ဟားဘီး သူအီယာဟို ကော့- က်ဘီး လမ်းရှော့- က်ဟားဟယ်။ အယ်မျိုးဖြစ်ဟားဟူ နေဟာ ဒန်းနေဖြစ်ဟယ်။ 10 အယ်ကြောန့် ယုဒအာဏာပိုင်လေဟာ “အယ်နေဟာ ဒန်းနေဖြစ်ဟယ်။ နန့်ဟာ နန့်ရဲ့အီယာဟို ကော့- က်နေဇာဟာ နီလေရဲ့ ပညတ်တော်ဟို ဆန့်ကျင်နေဇာဘဲ” ဆိုဘီး နာပျော့- က်ဟားဟူ လူဟို ပြောဂေဟယ်။ 11 သူဟာ “ကျွန်တော့်ဟို ကျန်းမာစေဟူလူဟာ အီယာကော့- က်ဘီးဟာ လမ်းရှော့- က်ဟားလိုက် ဆိုဘီး ကျွန်တော့်ဟို ပြောဟယ်” ဆိုဘီး ညွှန်ဖြေလေဟယ်။ 12 သူးနီဟာ “နန့်ဟို အယ်မျိုးလောက်ဟို ပြောဟူလူဟု ဖယ်သူနူး” ဆိုဘီး သူဟို မေးဂေဟယ်။ 13

အယ်ဘေမဲ့ နာပျော့-က်ဟားဟူလူဟု အယ်မျိုး လောက်ခိုင်းဟူလူဟု ယေရှုဖြစ်ဟယ် ဆိုဇာဟို့ သိဂေဟု။ အယ်နေရာမာ လူအောက်ဂီးရှိနေဟူကြောန့် ယေရှုဟုလည်း တိတိဟား ထွပ်ဟားလေဟယ်။ **14** အယ်ဘီးန ယေရှုဟု သူဟို့ ဗိမာန်တော်ထဲမာ တွဲဟူ ခီမာ “နားထောန်၊ နန်ဟု ခု နာပျော့-က်ဟားဘီ အယ်ကြောန့် ပြစ်လောက်ဇာလေဟို့ ရပ်လိုက် အယ်မျိုးမူဘဲနေဟု အယ်ထတ်ဆိုးဇာလေဟု နန်မာ ဖြစ်လေမယ်” ဆိုဘီး ပြောလေဟယ်။ **15** အယ်ဘီးန အယ်လူဟု ထွပ်ဟားဘီး သူဟို့ နာပျော့-က်စေဟူလူဟု ယေရှုဖြစ်ဟယ် ဆိုဘီး ယုဒအာဏာပိုင်လေဟို့ ပြောပြလိုက်ဟယ်။

16 အယ်ကြောန့် ဒန်းနေမာ အယ်မျိုး နာပျော့-က်အောန် လောက်ပေးကြောန့် ယုဒခေါန်းဆောန်လေဟု ယေရှုဟို့ စဘီးဟု ညဉ်းဆဲဂေဟယ်။ **17** ယေရှုဟု “ငါဖဟု မြဲဒမ်း လောက်လောက်ဟူကြောန့် ငါလည်း လောက်လောက်ဟယ်” ဆိုဘီး သူးနို့ဟို့ ပွန်ဖြေလေဟယ်။ **18** အယ်မျိုးပြောလိုက်ကြောန့် ယုဒအာဏာပိုင်လေ ဂူလောင်းဟု ကိုယ်တော်ဟို့ သတ်ဟို့ ပိုဘီး ကြိုးစားဂေဟယ်။ ဖြားဖြစ်ကြောန့်နူးဆိုဟု ယေရှုဟု ဒန်းနေဟို့ ချိုးဖော့-က်ဟယ်။ ဘုရားသခင်ဟို့ မိမိရဲဖ ဆိုဘီး ခေါ်ဟယ်။ သူ့ကိုယ်သူ ဘုရားသခင်န တတန်းဒဲထားဟယ်။ **19** အယ်ကြောန့် ယေရှုဟု “နန်းနို့ဟို့ ငါ မှန်တိုင်းပြောမယ်၊ သားတော်ဟု သူလိုလို ဖြားလည်းလောက်နိုင်ဟု။ ဖလောက်ဟူ ဇာလေဟို့ မြင်ဟူအတိုင်းဘဲ လောက်ဇာဖြစ်ဟယ်။ ဖလောက်ဟူမျိုး သားတော်ဟုလည်း လောက်ဂေဟယ်။ **20** ဖဟု သားတော်ဟို့ ရှစ်ဟူကြောန့် ဖကိုယ်တိုင် လောက်နေဇာလေ ဂူလောင်းဟို့ သားတော်ဟို့ ပြဟယ်။ အယ်မူဇာထတ် ရရာတိုင်း ကီးဟူဇာလေဟို့ လောက်ဟို့ ဖဟု သားတော်ဟို့ ပြအူးမယ်။ အယ်ဆိုဟု နန်းနို့ဂူလောင်းဟု အံ့ဩဟားလေမယ်။ **21** ဖဟု လူသေလေဟို့ ထမြော့-က်စေဘီး ပွန်ရှင်စေမျိုးဘဲ သားတော်ဟုလည်း မိမိလိုရှင်ဟူ လူလေဟို့ ပွန်ရှင်စေမယ်။ **22** ဖဟု ဖယ်လူဟို့လည်း တရားစီရင်ဟု။ ဖဟု သားတော်ဟို့ တရားစီရင်ခွမ် ဂူလောင်းဟို့ ပေးအပ်ဟားဟယ်။ **23** အယ်ကြောန့် လူလေ ဂူလောင်းဟု ဖဟို့ ရိုသေမျိုးဘဲ သားတော်ဟို့လည်း ရိုသေရမယ်။ သားတော်ဟို့ ရိုသေဟု ဆိုဟု သားတော်ဟို့ စေလွှတ်ဟူ ဖဟို့လည်း ရိုသေဟု။” **24** “နန်းနို့ဟို့ ငါ မှန်တိုင်းပြောမယ်၊ ငါစကားတော်လေဟို့ ကြားဘီး ငါဟို့ စေလွှတ်ဟူ ဖဟို့ ယောင်ကြည်ဟူလူဟု ထာဝရသတ်ရမယ်။ သူးနို့ဟု တရားစီရင်ခံရဘဲန သေရာဟုနေ သတ်ရှင်ရာဟို့ ကူးဟားဘီဖြစ်ဟယ်။ (aiōnhs g166)

25 နန်းနို့ဟို့ ငါ မှန်တိုင်းပြောမယ်၊ လူသေလေဟု ဘုရားသခင်သားတော်ရဲ့ သံဟို့ ကြားရဟို့ခီဟု ရော့-က်နေဘီ။ အယ်ခီဟု ရော့-က်နေဘီ သားတော်ရဲ့ သံဟို့ ကြားရဟူ လူလေဟု သတ်ရှင်ရလေမယ်။ **26** ဖကိုယ်တိုင်ဟု သတ်ရဲ့ ရင်းမြစ်ဖြစ်ဟူမျိုးဘဲ သားတော်ဟို့လည်း သတ်ရဲ့ ရင်းမြစ်ဖြစ်စေဟယ်။ **27** သားတော်ဟု လူရဲ့သားဖြစ်ဟူကြောန့် တရားစီရင်ခွမ်ဟို့ အပ်ပေးလေဟယ်။ **28** အယ်မူဇာဟို့ အံ့ဩဂေဟု။ သန်းခွိုင်းထဲဟု လူသေလေ ဂူလောင်းဟု သားတော်ရဲ့ သံဟို့ ကြားရဟို့ ခီရော့-က်လာနေဘီ **29** အယ်ဘီးဟု သူးနို့ရဲ့ သန်းခွိုင်းထဲဟု ထွပ်ရမယ်။ ကောန်းဇာလောက်ဟူ လူလေဟု ထမြော့-က်ဘီး သတ်ရှင်လေမယ်။ ကောန်းဘဲဇာလောက်ဟူ လူလေဟု ထမြော့-က်ဘီး ပြစ်စီရင်ခံရမယ်။

30 “ငါဟု ငါရဲ့ ခွမ်အာဏာန ဖြားလည်းလောက်နိုင်ဟု။ ငါဟု ဘုရားသခင် ပြောဟားတိုင်းဘဲ တရားစီရင်ဟယ်။ အယ်ကြောန့် ငါရဲ့ တရားစီရင်ဇာဟု မှန်ဟယ်။ ဖြားဖြစ်ကြောန့်နူးဆိုဟု ငါရဲ့ လိုတိုင်းလောက်ဟု။ ငါဟို့ စေလွှတ်ဟူ ဖရဲ့ လိုတိုင်းဘဲ လောက်ဟယ်။ **31** “ငါဟု ငါရဲ့ကြောန်းဟို့ သတ်သေခံမယ် ဆိုဟု ငါရဲ့ သတ်သေခံချစ်ဟု မှန်ဖြစ်ဟို့ မူဟု။ **32** အယ်ဘေမဲ့ ငါကြောန်းဟို့ သတ်သေခံပေးမယ့် လူတယော့-က် ရှိဟယ်။ အယ်လူပြောဟူ ငါကြောန်းဟု မှန်ဖြစ်ဟယ် ဆိုဇာဟို့ ငါသိဟယ်။ **33** နန်းနို့ဟု ယောဟန်နားဟို့ တမန်လေဟို့ စေလွှတ်ဟယ်။ သူဟု သမ္မာတရားဟို့ သတ်သေခံဟယ်။ **34** လူရဲ့သတ်သေခံချစ်ဟို့ ငါခံယူဇာ မူဟု။ နန်းနို့ကယ်တန်ခံရဟို့တွပ် အယ်မျိုး ငါပြောဟယ်။ **35** ယောဟန်ဟု တော့-က်လောန်ဘီး လန်းနေဟူ မီးအိန်တူဟယ်။ နန်းနို့ဟု သူရဲ့ လန်းရောန်ထဲမာ ရှစ်ဟားဘဲ ပျော်ဟို့ ဆန္ဒရှိဂေဟယ်။ **36** အယ်ဘေမဲ့ ယောဟန်ရဲ့ သတ်သေထတ် ကီးမြတ်ဟူ သတ်သေဟု ငါမာရှိဟယ်။ ငါဖဟု ငါဟို့ ပေးအပ်ဟူ ဇာလေဟို့ ခု ငါပြီးမြော့-က်အောန် လောက်ဆောန်နေဇာဟု ငါဟို့ ငါဖဟု စေလွှတ်ဟယ် ဆိုဇာဟို့ သတ်သေခံနေဟယ်။ **37** ငါဟို့ စေလွှတ်ဟူ ဖဟုလည်းဘဲ ငါကြောန်းဟို့ သတ်သေခံဟယ်။ နန်းနို့ဟု ဖရဲ့ သံတော်ဟို့

ကြားဖူးဂေဟာ။ မျစ်နှာတော်ဟိုလည်း ဗြင်ဖူးဂေဟာ။ 38 အယ်ဘီးဟာ ဖစေလွတ်ဟူလူဟို ယောင်ကြည်ဘဲကြောန် စကားတော်ဟာ နန်းနို့ရဲ့ စိန်လောင်းထဲမှာ မေ့ဟူ။ 39 နန်းနို့ဟာ ထာဝရသတ်ဟို တို့လေ့မယ် ထန်ဘီး ကျမ်းစာလေဟို လေ့လာဂေဟယ်။ အယ်ကျမ်းစာလေဟာ ငါကြောန်းဟို သတ်သေခံဟားဟယ်။ (aiōnios g166) 40 အယ်ဘောမဲ့ နန်းနို့ဟာ သတ်ရဟိုတွပ် ငါးနားဟို လာရှင်ဟူ ဆန္ဒ မေ့ဟူ။ 41 “ငါဟာ လူလေရဲ့ ချီးမွမ်းဇာဟို ရှာဟူ။ 42 အယ်ဘောမဲ့ နန်းနို့ဟာ ဖြားမျိုးလူဇားလေ ဖြစ်ဟယ် ဆိုဇာဟို ငါသိဟယ်။ နန်းနို့မာ ဘုရားသခင်ဟို ရှစ်ဟူ နှလောင်းသားမေ့ဟူ ဆိုဇာဟိုလည်း ငါသိဟယ်။ 43 ငါဟာ ငါ့ရဲ့ ခွမ့်အာဏာန ရှေး-ကံလာဟယ်။ အယ်ဘောမဲ့ နန်းနို့ဟာ ငါ့ဟို လတ်ခံဂေဟူ။ အယ်ဘောမဲ့လည်း တခြားလူတယော့-ကံဟာ သူ့ကိုယ်ပိုင်ခွမ့်အာဏာန ရှေး-ကံလာမယ် ဆိုဟာ နန်းနို့လတ်ခံလေ့မယ်။ 44 နန်းနို့ဟာ ယော့-ကံနယော့-ကံ ချီးမွမ်းခံရဇာဟိုဘဲ ကြိုက်ဂေဟယ်။ အယ်ဘောမဲ့ တပါးဒဲရှိဟူ ဘုရားသခင်နားဟု ချီးမွမ်းခံရဟို ကြိုးစားဂေဘဲဟူ နန်းနို့လေဟာ ငါ့ဟို ဖယ်မျိုး ယောင်ကြည်နိုင်ဂေမယ်နူး။ 45 အယ်ဘီးဟာ ငါဟု နန်းနို့ဟို ငါ့ရေမာ စွပ်စွဲလေ့မယ် ဆိုဇာဟို ထန်ဂေန။ နန်းနို့ဟို စွပ်စွဲမယ်လူဟု နန်းနို့ မျှော်လင့်အားကိုးဟူ မောရှေဘဲဖြစ်ဟယ်။ 46 မောရှေဟာ ငါကြောန်းဟို ရေးဟားဟူကြောန် နန်းနို့ဟာ မောရှေဟို ယောင်ကြည်ဟယ် ဆိုဟာ ငါ့ဟိုလည်း ယောင်ကြည်ဂေလေ့မယ်။ 47 အယ်ဘောမဲ့ မောရှေရေးဟားဟူ ကျမ်းစာလေဟိုမှ ယောင်ကြည်ဟု ဆိုဟာ ငါ့စကားတော်လေဟိုလည်း ဖယ်မျိုး ယောင်ကြည်နိုင်ဟိုနူး။”

6 အယ်ဘီးန ယေရှဟာ ဂါလိလဲအိုင်ဟို ကူးတော်မူဟယ်။ တိဗေရိအိုင် ဆိုဘီးလည်း ခေါ်ဂေဟယ်။ 2 လူနာလေဟို နာပျော့-ကံစေတော်မူဟူ နိမိတ်လတ်ခံဏာလေဟို ဗြင်ဟားဘီးကြောန် လူအောက်ဂီးဟာ နှော့-ကံဟို လိုက်ဂေဟယ်။ 3 ယေရှဟာ တောန်ထတ်ဟို တတ်ဟားဘီး တဗဲတော်လေနတူးဒု ထိုင်ဂေဟယ်။ 4 ခုဒီဟာ ယုဒလူလေရဲ့ ပသခါပွဲတော် နီးကပ်လာဟယ်။ 5 ယေရှဟာ ပတ်စဖ်မ္မိကေလိုက်ဟူ ခီမာ သူနားဟို လူအောက်ဂီးလာနေဇာဟို ဗြင်ဟားဟယ်။ အယ်ကြောန် ဖိလိပ္ပဟို “အယ်လူလေဟို ကျွေးဟိုစားဇာ ဖယ်နေရာမာ ဝယ်ရမယ်နူး” ဆိုဘီး မေးတော်မူလေဟယ်။ 6 ကိုယ်တော်ဟာ ဖိလိပ္ပဟို စမ်းသပ်ဟိုတွပ် မေးလိုက်ဟယ်။ ဖြားဖြစ်ကြောန်နူးဆိုဟာ ကိုယ်တော်ဟု ဖြားဇာလောကရမယ် ဆိုဇာဟို သိတော်မူဟားပီးဘီ။ 7 ဖိလိပ္ပဟု “သူနီးဟာ စားဇာဒစ်သားစီ စားရဟိုတွပ် ငွေဒန်းဂါးလေ ၂၀၀ ထတ် ပိုမှဘဲ လော့-ကံအောန်ဝယ်နိုင်မယ်” ဆိုဘီး ညွှန်လျှော့-ကံလေဟယ်။ 8 တဗဲတော်လေထဲဟု တယော့-ကံဖြစ်ဟူ ရှိမုန်ပေတရရဲ့ညီ အန္ဒြေဟု။ 9 “အယ်နေရာမာ မုယောမုငါးလောင်းန ငါးနွေကောန်ရှိဟူ ကောန်သားတယော့-ကံရှိဟယ်။ အယ်ဘောမဲ့ အယ်မုန ငါးလေဟာ အယ်လူလေဘောင်ဂီးတွပ် လောင်းဝလော့-ကံဟို မှဟူ” ဆိုဘီး လျှော့-ကံလေဟယ်။ 10 ယေရှဟု “လူလေဟို ထိုင်ခိုင်းလိုက်” ဆိုဘီး မိန့်တော်မူဟယ်။ အယ်နေရာမာ ဗြစ်ညွန်လေ ရှိဟယ်။ အယ်ကြောန် ၅,၀၀၀ လော့-ကံရှိဟူ ယော့-ကံကျားလေဟာ ထိုင်ဂေဟယ်။ 11 ယေရှဟာ မုဟိုယုဘီးဟာ ဘုရားသခင်ဟို ကျေးဇူးတော် ချီးမွမ်းဘီးန ထိုင်နေဟူ လူလေဟို ဝီပေးလိုက်ဟယ်။ အယ်မျိုးဘဲ ငါးဟိုလည်း သူးနီးစားရှင်မျိုးစားဂေဟိုတွပ် ဝီပေးလေဟယ်။ 12 သူးနီးလေ ဂူလောင်းဟာ ပိုက်ဝဟားဟူ ခီမာ ကိုယ်တော်ဟု တဗဲတော်လေဟို “တခုလည်း ပစ်စလတ်ခတ် ဖြစ်ဘဲနေအောန် ကျန်နေဟူ ပိုင်းစလေဟို စုသီးဂေ” ဆိုဘီး ပြောဟယ်။ 13 အယ်ကြောန် တဗဲတော်လေဟာ စုသီးလိုက်ဟူ ခီမာ လူလေစားဟားဟူ မုယောမုငါးလောင်းန ငါးနွေကောန်ဟုနေ ကျန်နေဟူ ပိုင်းစလေဟာ ဆယ်နွေတောန်းညွှဲ ရဂေဟယ်။ 14 အယ်နေရာမာရှိဟူ လူလေဟာ ယေရှလောကဟူ အယ်နိမိတ်လတ်ခံဏာဟို ဗြင်ဘီး “အယ်လူဟာ လောကဟို ရှေး-ကံလာမယ် ပရောဖက် စစ်မုန်ဖြစ်ဟယ်” ဆိုဘီး ပြောဂေဟယ်။ 15 သူးနီးဟာ မိမိဟို တင်းကြပ်ခေါ်ဆောန်ဟားဘီးဟာ မန်းဂီးလောကခိုင်းဟို ကြိနေဂေဟယ် ဆိုဇာဟို ယေရှသိတော်မူကြောန် နှော့-ကံတခါ တောန်ထတ်ဟို တယော့-ကံဒဲ ထွပ်ဟားဟယ်။ 16 နေဒန်ဇာရှေး-ကံလာခီမာ ယေရှရဲ့ တဗဲတော်လေဟာ ဂါလိလဲအိုင်ထဲဟို ဆင်းဟားဘီး။ 17 လှေထတ်ဟို တတ်ဘီး၊ အိုင်ဟို ဖြတ်ဘီး ကပရနောင်မြို့ဟို ညွှန်ဟားဂေဟယ်။ ညဉ့်ခန်းဇာရှေး-ကံလာလည်း ယေရှဟာ သူးနီးနားဟို ရှေး-ကံလာသေးဟူ။ 18 အယ်ခီမာ

လေပြင်းတိုက်လာဘီး လှိုင်းကီးလာဟယ်။ 19 အယ်ဘီးန တဗွဲတော်လေဟာ သောင်းလေးမိုင်လော့-က် လှော်ခတ်ဘီးခီမာ ယေရှုဟာ ရေထတ်မာ လမ်းရှော့-က်ဘီးဟာ လှေနားဟို လာနေဇာဟို ပြင်ဟားဘီး ကြော့-က်လန့်ဟားဂေဟယ်။ 20 ယေရှုဟာ “ကြော့-က်ဂေ။ ငါဘွဲဖြစ်ဟယ်” ဆိုဘီး သူးနို့ဟို မိန့်တော်မူလေဟယ်။ 21 အယ်ဘီးန သူးနို့ဟာ ဝန်းသာအားရန ကိုယ်တော့ဟို လှေထတ်ဟို ဆွဲဒန်ဘီးန လှေဟာ သူးနို့သွားမယ့် ကမ်းခြေဟို ရှင်းရှင်းဘွဲ ရှော့-က်ဟားဟယ်။ 22 နတ်ကီးတိုင်ရှော့-က်မှ အိုင်တဖတ်မာနေဟားဟူ လူအောက်ဂီးဟာ အယ်နေရာမာ လှေတစင်းဘွဲရှိနေဇာဟို ဒီထားမိဂေဟယ်။ အယ်လှေထဲမာ ယေရှုဟာ တဗွဲတော်လေနတူးဒူ လိုက်ဟားဘွဲန တဗွဲတော်လေဘွဲ ထွပ်ဟားဇာဟို သူးနို့ဟာ သိဟားဂေဟယ်။ 23 တိဗေရိမြို့ဟာ တခြားလှေလေဟာ သခင်ဘုရား ကျေးဇူးတော် ချီးမွမ်းဘီးန လူအောက်ဂီး မုစားဟားဟူ ကမ်းခြေနီးဟို ရှော့-က်လာဂေဟယ်။ 24 လူအောက်ဂီးဟာ အယ်နေရာမာ ယေရှုန တဗွဲတော်လေရှိဟာ ဆိုဇာဟို သိဟားဟူ ခီမာ အယ်လှေလေထဲဟို ဝမ်ဘီးန ကိုယ်တော့ဟို ရှာဟို့တွပ် ကပရေနောင်မြို့ဟို သွားဂေဟယ်။ 25 အိုင်တဖတ်ကမ်းမာ ကိုယ်တော့ဟို လူလေတွံဟူ ခီမာ သူးနို့ဟာ “ဆရာ၊ အယ်နေရာဟို ဖယ်ဒိဒူးဟာ ရှော့-က်လာနူး” ဆိုဘီး ကိုယ်တော့ဟို မေးလျှော့-က်လေဟယ်။ 26 ယေရှုဟာ “နန်းနို့ဟို ငါ မှန်တိုင်းပြောမယ်၊ နန်းနို့ ငါဟို လိုက်ရှာနေဇာဟာ ငါ့ရဲ့ နိမိတ်လတ်ခဏာလေဟို နားလည်ဟူကြောန့် မဟု။ နန်းနို့ဟာ မဟို စားရှင်မျိုးစားရကြောန့် ဖြစ်ဟယ်။ 27 ပုပ်ပျစ်တတ်ဟူ စာတွပ် လောက်ဘဲန ထာဝရသတ်တွပ် တည်မြဲဟူ စာဟို လောက်ဂေ။ အယ်မုဇာဟာ လူရဲ့သားဟာ နန်းနို့ဟို ပေးမယ့် စာဖြစ်ဟယ်။ ဖြားဖြစ်ကြောန့်နူးဆိုဟာ ဖာဘုရားသခင်ဟာ လူရဲ့သားဟို ဇီဝတ်ဟားတော်မူဟယ်” ဆိုဘီး ဖြေတော်မူလေဟယ်။ (aiōnios g166) 28 အယ်ကြောန့် သူးနို့ဟာ “ကျွန်တော့်ဟားလေဟာ ဘုရားသခင် လိုရှင်ဟူ လောက်ဟို လောက်ဟို့တွပ် ကျွန်တော့်ဟားလေဟာ ဖြားဇာ လောက်ရဟို့နူး” ဆိုဘီး ကိုယ်တော့ဟို မေးလျှော့-က်ဂေဟယ်။ 29 ယေရှုဟာ “ဘုရားသခင် လောက်စေရှင်ဟူဇာဟာ ဘုရားသခင် စေလွှတ်လိုက်ဟူ သူဟို ယောင်ကြည်ဟို့ဘွဲ ဖြစ်ဟယ်” ဆိုဘီး ဖြေတော်မူဟယ်။ 30 သူးနို့ဟာ “အယ်ဆိုဟာ ကျွန်တော့်ဟားလေ ပြင်ဘီး ကိုယ်တော့ဟို ယောင်ကြည်ဟို့တွပ် ဖယ်မျိုး နိမိတ်လတ်ခဏာဟို ကိုယ်တော်ဟာ လောက်ပြမယ်နူး။ ကိုယ်တော်ဟာ ဖယ်မျိုး လောက်ပေးမယ်နူး။ 31 ‘ကိုယ်တော်ဟာ ကောန်းဂန်ဟာ မဟို သူးနို့စားဟို့ ပေးတော်မူဟယ်’ ဆိုဘီး ကျမ်းစာမာ ရေးဟားမျိုးဘွဲ ကျွန်တော့်ဟားလေရဲ့ဘိုးဘေးလေဟာ ကန္တာရမာ မန္တမဟို စားဂေဟယ်” ဆိုဘီး ယွန်ဖြေဂေဟယ်။ 32 ယေရှုဟာ “နန်းနို့ဟို ငါ မှန်တိုင်းပြောမယ်၊ ကောန်းဂန်ဟာ မဟို နန်းနို့ဟို ပေးဟူ သူဟာ မောရှေ မဟု။ ငါ့ဖဟာ ကောန်းဂန်ဟာနေ စစ်မှန်ဟူ မဟို နန်းနို့ဟို ပေးတော်မူဟယ်။ 33 ဘုရားသခင်ပေးဟူ မဟာ ကောန်းဂန်ဟာနေ ဆင်းလာဘီး လောကသားလေဟို သတ်ပေးဟူ သူဖြစ်ဟယ်” ဆိုဘီး မိန့်တော်မူဟယ်။ 34 သူးနို့ဟာ “သခင်၊ အယ်မဟို ကျွန်တော့်ဟားလေဟို မြဲဒမ်း ပေးပါ” ဆိုဘီး တောင်းလျှော့-က်ဂေဟယ်။ 35 ယေရှုဟာ “ငါဟာ သတ်မ ဖြစ်ဟယ်။ ငါနားဟို လာဟူလူလေဟာ လောင်းဝ ငတ်မွတ်လှေမယ် မဟု။ ငါဟို ယောင်ကြည်ဟူ လူလေဟာလည်း လောင်းဝ ရေငတ်လှေမယ် မဟု။ 36 ခု နန်းနို့ဟာ ငါဟို ပြင်နေဇာမဲ့ ယောင်ကြည်လှေဟို မဟာ ဆိုဇာဟို နန်းနို့ဟို ငါပြောဟားဟယ်။ 37 ငါ့ဖဟာ ငါဟို ပေးဟားဟူ လူတိုင်းဟာ ငါနားဟို လာလေမယ်။ ငါနားလာဟူလူဟို ငါဟာ လောင်းဝ ဖစ်ပယ်ဟို့ မဟု။ 38 ဖြားဖြစ်ကြောန့်နူးဆိုဟာ ငါဟာ ငါလိုရှင်ဟူတိုင်း လောက်ဟို့မဲ့ဘဲ ငါဟို စေလွှတ်ဟူ သူရဲ့ လိုရှင်ဟူတိုင်း လောက်ဟို့တွပ် ကောန်းဂန်ဟာနေ ဆင်းလာဟယ်။ 39 ငါဟို စေလွှတ်ဟူ သူရဲ့ လိုတော်ဟာ ငါဟို ပေးအပ်ဟားဟူ လူလေ ဂူလောင်း ဆောင်းရှောင်းစေဘဲန နှော့-က်ဆောင်းနေမာ သူးနို့လေ ဂူလောင်းဟာ ရှင်ယွန်ထမြော့-က်စေဟို့တွပ် ဖြစ်ဟယ်။ 40 ငါ့ဖလိုရှင်ဇာဟာ သားတော်ဟို ပြင်ဘီး ယောင်ကြည်လာဟူ လူလေဂူလောင်းဟာ ထာဝရသတ်ရဟို့ဖြစ်ဟယ်။ ငါဟာလည်း နှော့-က်ဆောင်းနေမာ သူးနို့ဟို ရှင်ယွန်ထမြော့-က်စေမယ်” ဆိုဘီး မိန့်တော်မူလေဟယ်။ (aiōnios g166) 41 ကိုယ်တော်ဟာ “ငါဟာ ကောန်းဂန်ဟာနေ ဆင်းလာဟူ မဖြစ်ဟယ်” ဆိုဘီး မိန့်တော်မူလိုက်ဟူကြောန့် ယုဒလူလေဟာ ကိုယ်တော်ကြောန်းဟို စဘီးဟာ ဝေဖန်ဂေဟယ်။ 42 အယ်ကြောန့် သူးနို့ဟာ “အယ်လူဟာ ယောသပ်ရဲ့သား ယေရှု မဟုလော။ နို့လေဟာ သူရဲ့ မိဖဟို သိဟယ်။ အယ်ဆိုဟာ သူဟာ

ကောန်းဂန်ဟုနေ ဆင်းလာဟုယ် ဆိုဘီး ဖယ်မျိုးဖြစ်ကြောန့် ပြောနေရနူး” ဆိုဘီး ပြောနေဂေဟုယ်။ 43 ယေရူဟု
“နန်းနီရှင်းရှင်းထဲမာ ဝေဖန်နေဇာဟို ရပ်ဂေ။ 44 ငါ့ဟို စေလွတ်ဟူ ဖဟု သူးနီဟို ဆွဲခေါ်ဟု ဆိုဟာ လူလေဟာ
ငါနားဟို လာနိုင်ဂေဟူ။ ငါနားဟို လာဟူလူလေဟို နှော့-က်ဆောင်းနေမာ ငါဟာ ရှင်ယွန်ထမြော့-က်စေမယ်။ 45
ပရောဖက်ကျမ်းလေမာ ‘လူတိုင်းဟာ ဘုရားသခင်အားဖြင့် သွန်သန်ပေးဇာဟို ခံရလေမယ်’ ဆိုဘီး ရေးဟားဟုယ်။
ဖနားဟု ကြားရဘီး သန်ယူဟူ ဖယ်သုမဆို ငါနားဟို လာဂေဟုယ်။ 46 အယ်မျိုးဆိုဟာ ယော့-က်ယော့-က်ဟု ဖဟို
မြင်ဖူးဟုယ် ဆိုဘီး ပြောရှင်ဇာ မဟူ။ ဘုရားသခင်နားဟုနေ ရော့-က်လာဟူသူ တယော့-က်ဘဲ ဖဟို မြင်ဖူးဟုယ်။ 47
နန်းနီဟို ငါ မှန်တိုင်းပြောမယ်၊ ငါ့ဟို ယောင်ကြည်ဟူ လူဟာ ထာဝရသတ်ဟို ရဟုယ်။ (aiōnios g166) 48 ငါဟာ သတ်မ
ဖြစ်ဟုယ်။ 49 နန်းနီရဲ့ ဘိုးဘေးလေဟာ ကန္တာရထဲမာ မန္တမဟို စားရဘေးမဲ့လည်း သေဟားဂေဟုယ်။ 50 အယ်ဘေးမဲ့
အယ်မဟာ ကောန်းဂန်ဟုနေ ဆင်းလာဟူကြောန့် စားဟူလူတိုင်းဟာ သေရလေဟို မဟူ။ 51 ငါဟာ ကောန်းဂန်ဟုနေ
ဆင်းလာဟူ သတ်မ ဖြစ်ဟုယ်။ နန်းနီဟာ အယ်မဟို စားမယ် ဆိုဟာ ထာဝရသတ်ရှင် လေမယ်။ လောကသားလေ
သတ်ရှင်နိုင်ဟိုတွပ် ငါပေးဟူ မဟာ ငါ့ရဲသား ဖြစ်ဟုယ်” ဆိုဘီး မိန့်တော်မူလေဟုယ်။ (aiōn g165) 52 အယ်နု ယုဒလူလေဟု
“အယ်လူဟု သူရဲသားဟို နီလေစားဟို ဖယ်မျိုးပေးနိုင်မယ်နူး” ဆိုဘီး သူးနီရှင်းရှင်းဟာ စဘီး ငြင်းဂေလေဟုယ်။
53 ယေရူဟု “နန်းနီဟို ငါ မှန်တိုင်းပြောမယ်၊ နန်းနီဟာ လူသားရဲ့ သားဟို စားဟူ။ သူရဲသွီးဟို သော့-က်ဟု ဆိုဟာ
နန်းနီရဲ့ထဲမာ သတ်မေဟို မဟူ။ 54 ငါသားဟို စားဘီး ငါသွီးဟို သော့-က်ဟူသူလေဟာ ထာဝရသတ်ဟို ရဟုယ်။ ငါဟာ
သူးနီဟို နှော့-က်ဆောင်းနေမာ ရှင်ယွန်ထမြော့-က်စေမယ်။ (aiōnios g166) 55 ဖြားဖြစ်ကြောန့်နူးဆိုဟာ ငါသားဟာ
စစ်မှန်ဟူ စားဇာဖြစ်ဘီး ငါ့ရဲ့ သွီးဟာ စစ်မှန်ဟူ သော့-က်ဇာဖြစ်ဟုယ်။ 56 ငါ့ရဲ့ သားဟို စားဘီး ငါသွီးဟို သော့-က်ဟူ
လူလေဟာ ငါ့ရဲ့ ထဲမာ သတ်ရှင်နေဟုယ်။ ငါဟာလည်း သူးနီရဲ့ ထဲမာ သတ်ရှင်နေဟုယ်။ 57 သတ်ရှင်ဟူ ဖဟု ငါ့ဟို
စေလွှတ်တော်မူဘီး ငါဟာလည်း ဖအားဖြင့် သတ်ရှင်ဟုယ်။ အယ်မျိုးဘဲ ငါ့ဟို စားဟူ လူတိုင်းဟာလည်း ငါအားဖြင့်
သတ်ရှင်ရလေမယ်။ 58 အယ်မျိုးဆိုဟာ အယ်မဟု ကောန်းဂန်ဟုနေ ဆင်းလာဟူ မဖြစ်ဟုယ်။ နန်းနီ ဘိုးဘေးလေဟာ
မန္တမဟို စားဘီး သေဟားဂေဟုယ်။ အယ်ဘေးမဲ့ အယ်မဟို စားဟူ လူတိုင်းဟာ ထာဝရ သတ်ရှင်လေမယ်” ဆိုဘီး
သူးနီဟို မိန့်တော်မူလေဟုယ်။ (aiōn g165) 59 ယေရူဟာ ကပေရနောင်ဗြိုဟု ဝါလယ်ဇရပ်မာ သွန်သန်ပေးဒူးဟု
အယ်မူဇာလေဟို မိန့်တော်မူလေဟုယ်။ 60 ကိုယ်တော်ရဲ့ တဗွဲတော်လေ ဘောင်ဂီးဟာ အယ်မူဇာဟို ကြားဘီးန
“အယ်မျိုး သွန်သန်ဇာဟာ ရရာတိုင်း ခတ်ဟုယ်။ အယ်မူဇာဟို ဖယ်လူဟု နားထောန်နိုင်ဟိုနူး” ဆိုဘီး ပြောဂေဟုယ်။
61 တဗွဲတော်လေဟာ အယ်ကြောန်းရာဟို ဝေဖန်နေဂေဟုယ် ဆိုဇာဟို ယေရူဟု လိုလိုသိနေဟုယ်။ အယ်ကြောန့်
ကိုယ်တော်ဟု “အယ်စကားကြောန့် နန်းနီ စိပျစ်ဟားဘီလော။ 62 အယ်ဆိုဟာ လူရဲသားဟု ရင်းရင်းဒူးဟု နေရာဟို
ယွန်တတ်ကြဇာဟို နန်းနီလေ မြင်ရမယ် ဆိုဟာ ဖယ်မျိုးထန်ဂေမယ်နူး။ 63 ဘုရားသခင်ရဲ့ ဝိညာဉ်ဟု သတ်ဟို ပေးဟုယ်။
လူရဲ့ တဂိုးဟာ လောင်းဝ သောင်းဇားဟို ရဟူ။ နန်းနီဟို ငါပြောဟူ စကားလေဟာ သတ်ပေးဟူ ဘုရားသခင်ရဲ့ ဝိညာဉ်တော်န
ဆိုင်ဟုယ်။ 64 နန်းနီထဲဟု တချို့ဟာ ခုထိ ယောင်ကြည်ဂေဟု” ဆိုဘီး သူးနီဟို မိန့်တော်မူဟုယ်။ ဖယ်လူလေဟု
ယောင်ကြည်ဂေဟူ။ ဖယ်လူဟု မိမိဟို သစ်စာဖော့-က်မယ် ဆိုဇာဟို ယေရူဟာ စစဒူးဟု သိနေဟုယ်။ 65 အယ်ဘီးန
ကိုယ်တော်ဟု “အယ်ကြောန်းကြောန့် ဖဟု ခွမ်းပေးဟု ဆိုဟာ ဖယ်လူလည်း ငါနားဟို လာဂေဟို မဟု ဆိုဘီး နန်းနီဟို
ငါပြောဟားဟုယ်” ဆိုဘီး မိန့်တော်မူလေဟုယ်။ 66 အယ်ခီဟုစဘီး ယေရူရဲ့ တဗွဲတော်လေဘောင်ဂီးဟာ လှည့်ယွန်ဟားဘီး
နှော့-က်ထပ် ကိုယ်တော်နုတူးဒု လိုက်ဂေဟုမ်း။ 67 အယ်ကြောန့် ယေရူဟု တဗွဲတော်ဆယ့်နှေပါးဟို “နန်းနီလည်း
ထွပ်ဟားရှင်ဂေလော” ဆိုဘီး မေးတော်မူလေဟုယ်။ 68 ရှိမုန်ပေတရဟာ ကိုယ်တော်ဟို “သခင်၊ ကျွန်တော့်ဟားလေဟု
ဖယ်လူနားဟို သွားရဂေဟိုနူး။ ထာဝရသတ်နဆိုင်ဟူ စကားတော်လေဟု ကိုယ်တော်မာဘဲရှိဟုယ်။ (aiōnios g166) 69
အယ်ဘီးဟာ ကိုယ်တော်ဟာ ဘုရားသခင်နားဟုနေ ကြွလာဟူ သန့်ရှင်းသူဖြစ်ဟုယ် ဆိုဇာဟို ခု ကျွန်တော့်ဟားလေ

ယောင်ကြည်ဘီး သိဂေဟယ်” ဆိုဘီး ပြောတော်မူလေဟယ်။ 70 ယေရှုဟု “နန်းနို့ဆယ့်နေ့ပါးဟို့ ငါဝီးကော့-က်ဟားဟယ် မူဟုလော။ အယ်ဘေမဲ့ နန်းနို့ထဲဟု တယော့-က်ဟာ နတ်ဆိုးဖြစ်ဟယ်!” ဆိုဘီး ပွန်မိန်တော်မူလိုက်ဟယ်။ 71 ကိုယ်တော်ဟု ရှိမုန်ရှကရာရတ်ရဲသား ယုဒကြောန်းဟို့ ပြောနေဇာဖြစ်ဟယ်။ ဖြားဖြစ်ကြောန်းနွဲ့ဆိုဟု ယုဒဟု တဗွဲတော်ဆယ့်နေ့ပါးထဲဟု တပါးဖြစ်ဘေမဲ့လည်း ကိုယ်တော်ဟို့ သစ်စာဖော့-က်မယ့်လူဖြစ်ဟယ်။

7 အယ်ဘီးန ယေရှုဟု ဂါလိလဲနယ်ဟို့ လှည့်လည်တော်မူလေဟယ်။ အယ်နေရာမာရှိဟူ ယုဒအာဏာပိုင်လေဟာ ကိုယ်တော်ဟို့ သတ်ဟို့ရှာနေဂေဟူကြောန့် ယုဒနယ်ဟို့ သွားရှင်ဟုမ်း။ 2 ယုဒလူလေရဲ သစ်ခတ်တဲပွဲ နီးလာဟူ ခီမာ။ 3 ယေရှုရဲ ညီလေဟာ ကိုယ်တော်ဟို့ “နို့နောန် လောကနေဇာလေဟို့ နို့နောန်ရဲ တဗွဲတော်လေ ဗြင်ရဟို့တွပ် အယ်နေရာဟု ထွပ်ဟားဘီးဟာ ယုဒနယ်ဟို့ သွားပါ။ 4 ပေါ်ရှင်ဟူလူလေဟာ သူးနို့ ဖြားဇာဘွဲလောက်လောက် လှည့်ဂက်ဘီးလောက်ဂေဟူ။ နို့နောန်ဟာ အယ်မူဇာလေဟို့ လောက်မယ် ဆိုဟာ နို့နောန်ကြောန်းဟို့ တလောကလောင်း သိစေပါ!” ဆိုဘီး ပြောဂေဟယ်။ 5 ကိုယ်တော်ရဲ ညီလေဟို့မ ကိုယ်တော်ဟို့ ယောင်ကြည်ဂေဟူ။ 6 ယေရှုဟာ သူးနို့ဟို့ “ငါခီရော့-က်သေးဟု။ နန်းနို့တွပ် ခီတိုင်းဟာ ဆင်သင့်ဖြစ်ဟယ်။ 7 လောကသားလေဟာ နန်းနို့ဟို့ မူးဂေဟူ။ အယ်ဘေမဲ့ ငါဟို့ မူးဂေဟယ်။ ဖြားဖြစ်ကြောန်းနွဲ့ဆိုဟာ သူးနို့ရဲ ကျင့်လေဟု ဆိုးညစ်ဟယ် ဆိုဘီး ငါဟု သတ်သေခံဟယ်။ 8 နန်းနို့ အယ်ပွဲတော်ဟို့ သွားဂေ။ ငါခီညွဲဇောင်သေးဘဲဟူကြောန့် အယ်ပွဲတော်ဟို့ ငါသွားဟု” ဆိုဘီး မိန်တော်မူလေဟယ်။ 9 အယ်မျိုးပြောဘီးန ကိုယ်တော်ဟာ ဂါလိလဲနယ်မာဘွဲ ဆစ်ဘီးနေလေဟယ်။ 10 ကိုယ်တော်ရဲ ညီလေဟာ ပွဲတော်ဟို့ သွားလိုက်ဘီးန ယေရှုဟုလည်း တိတိဟား လိုက်ဟားဟယ်။ 11 ယုဒအာဏာပိုင်လေဟာ အယ်ပွဲတော်မာ ကိုယ်တော်ဟို့ ရှာဂေဟယ်။ သူးနို့ဟု “အယ်လူဟာ ဖယ်မာနူး” ဆိုဘီး မေးဟယ်။ 12 လူအောက်ဂီးထဲမာ ကိုယ်တော်ကြောန်းဟို့ တီးတိုးပြောနေဂေဟယ်။ လူတချို့ဟု “အယ်လူဟာ လူကောန်း ဖြစ်ဟယ်” ဆိုဘီး ပြောဂေဟယ်။ လူတချို့ဟု “မူဟု။ အယ်လူဟာ လူလေဟို့ လှည့်ဇားနေဟယ်” ဆိုဘီး ပြောဂေဟယ်။ 13 အယ်ဘေမဲ့ သူးနို့ဟာ ယုဒ အာဏာပိုင်လေဟို့ ကြော့-က်ဂေဟူကြောန့် ဖယ်လူလည်း ကိုယ်တော်ကြောန်းဟို့ ပွမ့်ပွမ့်လန်းလန်းဟား ပြောဂေဟူ။ 14 ပွဲတော်ကာလခီဟာ တဝပ်ကျော်လာဟူ ခီမာ ယေရှုဟာ ဗီမာန်တော်ဟို့ သွားဘီးဟာ စဘီးသွန်သန်လေဟယ်။ 15 ယုဒအာဏာပိုင်လေဟာ ရရာတိုင်း အံ့ဩဟားဘီး “အယ်လူဟာ ပညာသန်ဖူးဘဲန အယ်ပညာလေ ဘောင်ဂီးဟို့ ဖယ်မျိုးသိနေရနူး” ဆိုဘီး မေးဂေဟယ်။ 16 ယေရှုဟု “ငါသွန်သန်ချစ်ဟာ ငါရဲကိုယ်ပိုင် သွန်သန်ချစ် မူဟု။ အယ်ဘေမဲ့ ငါဟို့စေလွတ်ဟူ ဘုရားသခင်ရဲ သွန်သန်ချစ်ဖြစ်ဟယ်။ 17 ဖယ်လူဘဲဖြစ်ဖြစ် ဘုရားသခင်ရဲ လိုတော်ဟို့ လောက်ရှင်ဟူ ဆန္ဒရှိမယ် ဆိုဟာ ငါသွန်သန်ချစ်ဟု ဘုရားသခင်နားဟုလာဇာလော၊ အယ်မျိုးမူဘဲနေဟာ ငါရဲကိုယ်ပိုင်ခွမ့်အာဏာန ပြောနေဇာလော ဆိုဇာဟို့ သိလေမယ်။ 18 သူးနို့ရဲ ကိုယ်ပိုင် ခွမ့်အာဏာန ပြောဟူလူလေဟာ သူးနို့တွပ် ဖောင်းသရေတော်ဟို့ဘွဲ ရှာဂေဟယ်။ အယ်ဘေမဲ့ သူဟို့ စေလွတ်ဟူသူရဲ ဖောင်းသရေတော်ဟို့ ရှာဟူလူဟာ ဖြောန်မှန်ဟူလူဖြစ်ဘီး သူမာ လီညာဇာ မေ့ဟူ။ 19 မောရှေဟု နန်းနို့ဟို့ ပညတ်တရားဟို့ ပေးဟားဟယ် မူဟုလော။ အယ်ဘေမဲ့ နန်းနို့ထဲမာ အယ်ပညတ်တရားဟို့ နားထောန်ဟူလူ ယော့-က်လည်း မေ့ဟူ။ ဖြားဖြစ်ကြောန့် ငါဟို့ သတ်ဟို့ကြိုးစားနေဂေနူး” ဆိုဘီး မိန်တော်မူလေဟယ်။ 20 လူအောက်ဂီးဟု “နန်ထဲမာ နတ်ဆိုးတကောန် ရှိဟယ်။ ဖယ်လူဟု နန်းဟို့ သတ်ဟို့ ကြိုးစားနေဂေနူး” ဆိုဘီး ပွန်ပြောလေဟယ်။ 21 ယေရှုဟု “နိမိတ်လတ်ခဏာတခုဟို့ ငါလောက်ဟူ ခီမာ နန်းနို့လောင်းဟာ အံ့ဩဟားဟယ်။ 22 မောရှေဟု နန်းနို့ရဲ သားလေဟို့ ရေဖျားလီးဟို့ နန်းနို့ဟို့ ခိုင်းဟားဟူကြောန့် အယ်မူဇာဟို့ မောရှေဟု စပြုဟားဇာ မူဟူ။ နန်းနို့ရဲ ဘိုးဘေးလေဟု စဟားဟယ် နန်းနို့ဟာ ဒန်းနေမာလည်း သားဂန်းဟားဟို့ ရေဖျားလီးပေးဟယ်။ 23 မောရှေရဲ ပညတ်တရားဟို့ ချိုးဖော့-က်ရာရော့-က်ဘဲအောန် သားဂန်းတယော့-က်ဟို့ ဒန်းနေမာ ရေဖျားလီးပေးဟယ် ဆိုဟာ ငါဟာ ဒန်းနေမာ လူတယော့-က်ဟို့ ကျန်းမာစေဟူကြောန့် နန်းနို့ဟာ ငါဟို့ ဖြားဖြစ်ဟို့ မျစ်ဖြစ်ရနူး။ 24 ပြင်ပလတ်ခဏာအားဖြင့် စီရင်ဂေဘဲန မုန်းမုန်ကန်းကန်ဟား စီရင်ဂေ” ဆိုဘီး မိန်တော်မူလေဟယ်။

25 ယေရုရှလင်မြို့သားတချို့ဟု “အယ်လူဟို အာဏာပိုင်လေဟု သတ်ဟို ရှာနေဂေဟယ် မူဟုလော။ 26 ကေ့ကေ့! အယ်လူဟု လူဘောင်လယ်မာ ဟောပြောနေဇာဟို အာဏာပိုင်လေဟု တားဂေဟုမား! အယ်လူဟု မေရှိယဖြစ်ဟယ် ဆိုဇာဟို သူးနိုဟု မှန်တိုင်း သိဟားဘီလော။ 27 အယ်ဘေမဲ့ မေရှိယကြွလာဟူ ခီမာ ဖယ်နေရာဟုနေ လာဟယ် ဆိုဇာဟို ဖယ်သူလည်း သိဂေဟု။ အယ်လူဟု ဖယ်ဟုလာဟယ် ဆိုဇာဟို နို့လေအားလောင်း သိဂေဟယ်” ဆိုဘီး ပြောဂေဟယ်။ 28 ယေရုဟု ဗိမာန်တော်ထဲမာ သွန်သန်ဟူ ခီမာ သံကွယ်ဂီးန “နန်းနိုဟု ငါ့ဟို တကယ်သိဘဲလော။ ငါဟု ဖယ်ဟုလာဟယ် ဆိုဇာဟို သိဘဲလော။ ငါဟု ငါ့ရဲ့ ဆန္ဒန လာဇာ မူဟု။ အယ်ဘေမဲ့ ငါ့ဟို စေလွှတ်ဟူ လူဟု သစ်စာန ပွဲဇောင်လေဟယ်။ နန်းနိုဟု သူ့ဟို သိဂေဟု၊ 29 အယ်ဘေမဲ့ ငါဟု သူ့ဟို သိဟယ်။ ဖြားဖြစ်ကြောနန်းဆိုဟု ငါဟု သူ့နားဟုနေလာဘီး သူဟု ငါ့ဟို စေလွှတ်လိုက်ဟယ်” ဆိုဘီး မိန့်တော်မူလေဟယ်။ 30 အယ်ကြောန သူးနိုဟု ကိုယ်တော်ဟို ဖမ်းဟို ကြိုးစားဘေမဲ့ ကိုယ်တော်ရဲ့ခီ ရော-ကံသေးဘဲဟူကြောန ဖယ်သူလည်း ကိုယ်တော်ဟို ဖမ်းဂေဟု။ 31 အယ်ဘေမဲ့ လူအောက်ထဲဟု များစုဟု ကိုယ်တော်ဟို ယောင်ကြည်ဂေဘီး “မေရှိယ ရော-ကံလာဟူ ခီမာ အယ်လူလောက်ဇာလေထတ် ပိုများဟူ နိမိတ်လတ်ခဏာလေဟို ပြုတော်မူဟိုလော” ဆိုဘီး မေးဂေဟယ်။ 32 ယေရုကြောနန်းဟို လူအောက်ဂီးဟု တီးတိုးပြောနေဇာလေဟို ဖာရိရှဲလေ ကြားဟူကြောန ယဇ်ပုရောဟိတ်ဂီးလေန ဖာရိရှဲလေဟု ကိုယ်တော်ဟို ဖမ်းဟိုတွပ် စောန့်တချို့ဟို စေလွှတ်ဂေဟယ်။ 33 ယေရုဟု “ငါဟု နန်းနိုနတူးဒု ရှစ်ဟားနေဘီးဟု ငါ့ဟို စေလွှတ်တော်မူဟူ သူ့နားဟို သွားရမယ်။ 34 နန်းနိုဟု ငါ့ဟို ရှာဘေမဲ့ တွဲဟို မူဟု။ ဖြားဖြစ်ကြောနန်းဆိုဟု ငါ့ရှိဟူ နေရာဟို နန်းနိုလာနိုင်ဂေဟု” ဆိုဘီး မိန့်တော်မူလေဟယ်။ 35 ယုဒအာဏာပိုင်လေဟု “နို့လေရှာတွဲဘဲအောန် သူဟု ဖယ်နေရာဟို သွားဟိုနူး။ နို့လူမျိုးလေနေဟူ လူမျိုးခြားလေနေဟူ ဗြိဟို သွားဘီး လူမျိုးခြားလေဟို သွန်သန်ဟိုလော။ 36 နို့လေဟု သူ့ဟို လိုက်ရှာဘေမဲ့ ရှာတွဲဟို မူဟု။ သူရှိဟူ နေရာဟို နို့လေ လာနိုင်ဟို မူဟု ဆိုဘီး ပြောဇာဟု ဖြားဗိပါယ်နူး” ဆိုဘီး ရှင်းရှင်း ပြောနေဂေဟယ်။ 37 ပွဲတော်ရဲ့ ရေးကီးဆောင်းနေဖြစ်ဟူ နော့-ကံဆောင်းနေမာ ယေရုဟု ထရပ်ဘီးဟု “ရေငတ်ဟူ လူဟု ငါ့နားဟို လာဘီး သော့ကံဂေပါ။ 38 ငါ့ဟို ယောင်ကြည်ဟူ လူတိုင်းဟု သော့-ကံရမယ်။ ကျမ်းစာမာ ပြောဟားမျိုးဘဲ့ ‘သတ်ဟိုပေးဟူ ရေဆွောန်းဟု သူ့ရဲ့ နှလောင်းထဲဟုန စီးထွပ်လာလေမယ်” ဆိုဘီး သံကွယ်ဂီး မိန့်တော်မူလေဟယ်။ 39 ကိုယ်တော်ဟို ယောင်ကြည်ဟူ လူလေဟု လတ်ခရိုမယ် ဝိညာဉ်တော်ကြောနန်းဟို မိန့်တော်မူလေဟယ်။ ယေရုဟု ဖောင်းသရေတော် ထန်ရှားဟိုတွပ် ထမြော့-ကံရသေးဘဲကြောန ဝိညာဉ်တော်ဟို ပေးတော်မူသေးဟု။ 40 လူအောက်ထဲမာ တချို့ဟု ကိုယ်တော်ရဲ့ စကားလေဟို ကြားရဘီးန “အယ်လူဟု ပရောဖက် စစ်မှန် ဖြစ်ဟယ်!” ဆိုဘီး ပြောဂေဟယ်။ 41 တချို့ဟုလည်း “အယ်လူဟု မေရှိယ ဖြစ်ဟယ်!” ဆိုဘီး ပြောဂေဟယ်။ အယ်ဘေမဲ့ တချို့ဟု “မေရှိယဟု ဂါလိလဲနယ်ဟုနေ ပေါ်ထွပ်လာဟို မူဟု! 42 မေရှိယဟု ဒါဝိဒ်မန်းဂီးရဲ့ ဗွေးမွန်ဖြစ်ဘီး ဒါဝိဒ်နေဖူးဟူ ဗက်လင်မြို့မာ မွီးမယ် ဆိုဘီး ကျမ်းစာဟု ပြောဟားဟယ်” ဆိုဘီး ပြောဂေဟယ်။ 43 အယ်ကြောန ယေရုကြောန လူအောက်ထဲမာ စိဝန်းကွဲဟားဂေဟယ်။ 44 တချို့ဟု ကိုယ်တော်ဟို ဖမ်းရှင်ဘေမဲ့ ဖယ်လူလည်း ကိုယ်တော်ဟို ဖမ်းဆီးဂေဟု။ 45 စောန့်လေ ယွန်ရော-ကံလာဟူ ခီမာ ယဇ်ပုရောဟိတ်ဂီးလေန ဖာရိရှဲလေဟု “ဖြားဖြစ်ကြောန သူ့ဟို ခေါ်လာဟုနူး” ဆိုဘီး သူးနိုဟို မေးဂေဟယ်။ 46 စောန့်လေဟု “အယ်လူမျိုး ဖယ်လူလည်းပြောဖူးဟု!” ဆိုဘီး ယွန်ဖြေဂေဟယ်။ 47 ဖာရိရှဲလေဟု “နန်းနိုလည်း လှည့်ဇားခံရဂေ ဟားဘီလော” ဆိုဘီး သူးနိုဟို မေးဂေဟယ်။ 48 “အာဏာပိုင်လေန ဖာရိရှဲလေထဲမာလည်း သူ့ဟို ယောင်ကြည်ဟူလူ ယော့-ကံယော့-ကံရှိနေဘီလော။ 49 အယ်လူအော့-ကံဟု မောရှေရဲ့ ပညတ်တရားဟို သိဘဲကြောန သူးနိုဟု ကီဇာမိနေဟူ လူလေ ဖြစ်ဟယ်!” 50 ဖာရိရှဲလေထဲဟု တယော့-ကံဖြစ်ဘီး ရင်းရင်းဒူးဟု ယေရုနားဟို လာဖူးဟူ နိကောဒင်ဟု 51 “နို့လေရဲ့ ပညတ်တရားဟု လူလေနားဟု ကြားနာရသေးဘဲန လူလေ လောက်ဟားဇာလေဟိုလည်း သိရသေးဘဲန စီရင်မယ်ဘဲလော” ဆိုဘီး တခြားလူလေဟို မေးဟယ်။ 52 သူးနိုဟု “အယ်မျိုးဆိုဟု နန်ဟုလည်း

ဂါလိလဲနယ်သားဘွဲ့လော။ ကျမ်းစာဟူ လောကဌေ။ အယ်ဆိုဟာ ဂါလိလဲနယ်ဟုနေ ဖယ်ပရောဖက်လည်း ပေါ်ထွပ်ဂေဟ ဆိုဇာဟူ နန်းနို့သိလာဂေမယ်” ဆိုဘီး ဖြေဂေဟယ်။ [53 အယ်ဘီးန သူးနို့လေဟာ ကိုယ့်အီဟိုကိုယ် ယွန်ဟားဂေဘီး။

8 ယေရှုဟာ သံလွင်တောန်ဟို ကြွတော်မူဟားဟယ်။ 2 မိုးလန်းစောစောဂီးမာ ဗိမာန်တော်ဟို ယွန်ကြွဟားဟယ်။

လူလေ ဂူလောင်းဟာ ကိုယ်တော်နားမာ စုနေဂေဟယ်။ ကိုယ်တော်ဟာ ထိုင်ဘီး သူးနို့ဟို သွန်သန်တော်မူလေဟယ်။

3 ဖာရိရှဲလေန ကျမ်းတတ်ဆရာလေဟာ အီထောန်ရေးဖော့-ကယွန်နေဟူ ခီမာ ဖမ်းဟားဟူ မီးမဟို ခေါ်လာဘီး

သူးနို့လေ ဂူလောင်းရှေ့မာ အယ်မီးမဟို မတ်တတ်ရပ်ခိုင်းဟားဟယ်။ **4** သူးနို့လေဟာ ယေရှုဟို “ဆရာ၊ အယ်မီးမဟို

အီထောန်ရေးဖော့-ကယွန်နေဒူးမာ ဖမ်းမိဟယ်။ **5** ကျွန်တော့်ဟားလေရဲ့ ပညတ်တရားမာ မောရေဟု အယ်မျိုးမီးမဟို

ကျွော့-ကခဲန သေအောန်ပစ်ရမယ် ဆိုဘီး ပညတ်ဟားဟယ်။ အယ်ဆိုဟာ ဆရာဟု ဖယ်မျိုးပြောမယ်နူး” ဆိုဘီး

မေးဂေဟယ်။ **6** သူးနို့ဟာ ယေရှုဟို စွပ်စွဲရှင်ဟူကြောန့် ထောန်ချော့-ကဆင်ဟို့ အယ်မျိုးပြောဂေဟယ်။ အယ်ဘေမဲ့

ကိုယ်တော်ဟာ ခေါန်းငေါက်ဘီး မွေဂီးထတ်မာ လတ်ညိုးန ရေးနေတော်မူလေဟယ်။ **7** သူးနို့ဟာ အယ်နေရာမာဘွဲ့

မတ်တတ်ရပ်နေဘီး မေးခွန်းလေ မေးနေဟူကြောန့် ကိုယ်တော်ဟာ မော့ကေဘီး “နန်းနို့ထဲဟု ပြစ်မော့ထဲလူဟာ ဦးဆောင်း

အယ်မီးမဟို ကျွော့-ကခဲနပစ်ဂေပါ” ဆိုဘီး မိန့်တော်မူလေဟယ်။ **8** အယ်ဘီးန ကိုယ်တော်ဟာ ခေါန်းငေါက်ဘီး

မွေဂီးထတ်မာ ယွန်ဘီးရေးတော်မူလေဟယ်။ **9** သူးနို့ဟာ အယ်မူစကားကြားရဟူ ခီမာ သတ်ကီးဟူ လူလေဟုစဘီး

ယော့-ကဘီးယော့-က ထွပ်ဟားဂေလေဟယ်။ ယေရှုတပါးဒဲဘွဲ့ အယ်နေရာမာ ရပ်နေဟူမီးမနတူးဒု ကျန်ရစ်ဟယ်။ **10**

ယေရှုဟာ မော့ကေဘီး အယ်မီးမဟို “သူးနို့ ဖယ်ရော့-ကဟားဂေနူး။ နန့်ဟို ပြစ်စီရင်ဟို့ ယော့-ကလည်းမေဟုမားလော။”

ဆိုဘီး မေးတော်မူလေဟယ်။ **11** “ယော့-ကလည်းမေဟုမား။ ဆရာ” ဆိုဘီး အယ်မီးမဟု ယွန်ဖြေလေဟယ်။

ယေရှုဟာ “ငါလည်း နန့်ဟို ပြစ်စီရင်ဟု။ သွားလိုက်။ အယ်ဘေမဲ့ ယွန်ဘီးပြစ်လောကန်” ဆိုဘီး မိန့်တော်မူဟယ်။]

12 ယေရှုဟာ ဖာရိရှဲလေဟို “ငါဟာ လောကရဲ့ လန်းရောန် ဖြစ်ဟယ်။ ငါ့ရဲ့ နော့-ကလိုက်လေဟာ မှောန်ထဲမာ

လောင်းဝရှော့-ကရဘဲ သတ်ရဲ့ လန်းရောန်ဟို ရရှိမယ်” ဆိုဘီး ယွန်မိန့်တော်မူဟယ်။ **13** ဖာရိရှဲလေဟာ “ခဲ နန့်ဟာ

နန့်ရဲ့ ကြောန်းဟို့ဘွဲ့ သတ်သေခံနေဟယ်။ နန့်ရဲ့ သတ်သေခံချစ်ဟာ မှန်ဟု” ဆိုဘီး ပြောဂေဟယ်။ **14** ယေရှုဟာ

“ငါ့ကြောန်းဟို့ ငါ သတ်သေခံနေဘေမဲ့လည်း ငါပြောနေဇာလေဟာ တကယ်ဘွဲ့ဖြစ်ဟယ်။ ဖြားဖြစ်ကြောန့်နူးဆိုဟာ

ငါဟာ ဖယ်နေရာဟုနေလာဘီး ဖယ်နေရာဟို သွားမယ် ဆိုဇာဟို ငါသိဟယ်။ နန်းနို့ဟု ငါဟာ ဖယ်နေရာဟုနေလာဘီး

ဖယ်နေရာဟို သွားမယ် ဆိုဇာဟို သိဂေဟယ်။ **15** နန်းနို့ဟာ လူရဲ့ စံနန်းတိုင်း စီရင်ဂေဟယ်။ ငါဟာ ဖယ်လူဟိုလည်း စီရင်ဟယ်။

16 အယ်ဘေမဲ့ ငါစီရင်မယ် ဆိုဟာလည်း ငါ့စီရင်ချစ်ဟာ မှန်ဟယ်။ ဖြားဖြစ်ကြောန့်နူးဆိုဟာ ငါ့ယော့-ကဒဲစီရင်ဇာ မူဟယ်။

ငါ့ဟို စေလွတ်ဟူ ဖဟာ ငါ့နတူးဒုရှိနေဟယ်။ **17** နန်းနို့ပညတ်တရားထဲမာ သတ်သေနေယော့-က ဘောတူဟူ ခီမာ

သူးနို့ ဖြားဇာဘွဲ့ပြောပြော မှန်ဟယ်။ **18** ငါဟာ ငါ့ကြောန်းဟို သတ်သေခံဟယ်။ ငါ့ဟို စေလွတ်ဟူ ဖဟာလည်း ငါ့ကိုယ်စား

သတ်သေခံဟယ်” ဆိုဘီး ယွန်ဖြေတော်မူလေဟယ်။ **19** သူးနို့ဟု “နန့်ဖဟု ဖယ်မာနူး” ဆိုဘီး ကိုယ်တော်ဟို မေးဂေဟယ်။

ယေရှုဟာ “နန်းနို့ဟာ ငါ့ဟို သိဂေဟုမျိုးဘွဲ့ ငါ့ဖဟိုလည်း သိဂေဟု။ နန်းနို့ဟာ ငါ့ဟို သိမယ် ဆိုဟာ ငါ့ဖဟိုလည်း သိဂေမယ်”

ဆိုဘီး ယွန်ဖြေဟယ်။ **20** ယေရှုဟာ ဗိမာန်တော်ထဲမာ သွန်သန်တော်မူဒူးဟု အယ်စကားလေ ဂူလောင်းဟို လှူသစ်တာနီးမာ

မိန့်တော်မူဟယ်။ ကိုယ်တော်ရဲ့ ခီရော့-ကသေးဘဲဟူကြောန့် ကိုယ်တော်ဟို ဖယ်လူလည်း ဖမ်းဂေဟယ်။ **21** ယေရှုဟာ

“ငါဝီးဟို သွားရလေမယ်။ နန်းနို့ဟာ ငါ့ဟို လိုက်ရှာဂေဘေမဲ့ နန်းနို့ရဲ့ ပြစ်ထဲမာ သေလေမယ်။ ငါသွားဟို့နေရာဟို

နန်းနို့လာနိုင်ဂေဟု” ဆိုဘီး မိန့်တော်မူလေဟယ်။ **22** အယ်ကြောန့် ယုဒအာဏာပိုင်လေဟာ “သူလာမယ့် နေရာဟို

နန်းနို့လာနိုင်ဂေဟု ဆိုဘီး သူဟု ပြောဟယ်။ အယ်ဗိပါယ်ဟု သူ့ကိုယ်သူ သတ်သေဟို့လော” ဆိုဘီး ပြောဂေဟယ်။

23 ယေရှုဟာ “နန်းနို့ဟာ အော့-ကဘောင်သားလေ ဖြစ်ဂေဟယ်။ ငါဟု ထတ်ဘောင်ဟုနေ လာဟယ်။ နန်းနို့ဟာ

အယ်လောကသားလေ ဖြစ်ဂေဟယ်။ ငါဟာ အယ်လောကသား မူဟ။ 24 အယ်ကြောန့် နန်းနို့ဟာ နန်းနို့ရဲ့ ပြစ်ထဲမာ သေရလေမယ် ဆိုဘီး ငါပြောဟားဟယ်။ ‘ငါဖြစ်ဟူတိုင်း ငါဖြစ်ဟယ်’ ဆိုဇာဟို နန်းနို့ ယောင်ကြည်ဟာ ဆိုဟာ နန်းနို့ဟာ နန်းနို့ရဲ့ ပြစ်ထဲမာ သေရလေမယ်” ဆိုဘီး ဖြေတော်မူဟယ်။ 25 သူးနို့ဟာ “နန်ဟ ဖယ်သူနူး” ဆိုဘီး ကိုယ်တော့်ဟို မေးဂေဟယ်။ ယေရှဟာ “ငါဖယ်သူဖြစ်ဟယ် ဆိုဇာ နန်းနို့ဟို စစဒူးဟ ငါပြောပီးဘီ။ 26 ငါမာ နန်းနို့ရဲ့ ပတ်သတ်ဘီး ပြောဟိုရော၊ စီရင်ဟိုရော ဘောင်ဂီးရှိဟယ်။ အယ်ဘေမဲ့ ငါ့ဟို စေလွှတ်ဟူသူဟာ သစ်စာနဲ့ ပွဲဇောင်ဘီး ငါဟာ သူနားဟုနေ ကြားရဇာလေဟိုဘွဲ့ အယ်လောကဟို ပြောဟယ်” ဆိုဘီး ဖြေတော်မူလေဟယ်။ 27 ယေရှဟာ ဖဟို ရည်ညွှန်းဘီး ပြောနေဇာဟို သူးနို့ဟာ နားလည်ဂေဟယ်။ 28 အယ်ကြောန့် ယေရှဟာ သူးနို့ဟို “နန်းနို့ဟာ လူရဲ့သားဟို မွေး-က်ဟားဟူ ခီမာ ‘ငါဖြစ်ဒဲတိုင်း ငါဖြစ်ဟယ်’ ဆိုဇာဟိုရော၊ ငါဟာ ငါ့ကိုယ်ပိုင် ခွမ်အာဏာနု ဖြားလည်းလောက်ဟာ ဆိုဇာဟိုရော၊ ငါ့ဟို ဖဟာ ညွှန်ကြားဟားဇာလေဟိုဘွဲ့ ငါပြောဟယ် ဆိုဇာဟိုရော နန်းနို့လေ သိလေမယ်။ 29 ငါ့ဟို စေလွှတ်သူဟာ ငါ့တူးဒူ ရှိဘီး ငါဟာ သူကြိုက်ဟူ ဇာလေဟို မြဲဒမ်း လောက်နေကြောန့် သူဟာ ငါ့ဟို တယော-က်ဒဲ ပစ်ထားတော်မူဟ” ဆိုဘီး မိန့်တော်မူလေဟယ်။ 30 အယ်မူဇာလေဟို ကြားရဟူ လူလေဟာ ယေရှဟို ယောင်ကြည်ဂေဟယ်။ 31 အယ်ကြောန့် ယေရှဟာ သူ့ဟို ယောင်ကြည်ဟူ ယုဒလူလေဟို “နန်းနို့ဟာ ငါ့ရဲ့ တရားစကားဟို နားထောင်မယ် ဆိုဟာ နန်းနို့ဟာ ငါ့ရဲ့ တပဲ့တော်လေ မှန်ဘွဲ့ဖြစ်ဘီး 32 နန်းနို့ဟာ သမ္မာတရားဟို သိရဘီးဟာ အယ်သမ္မာတရားဟာ နန်းနို့ဟို လွတ်မြော-က်စေလေမယ်” ဆိုဘီး မိန့်တော်မူလေဟယ်။ 33 သူးနို့ဟာ “နို့လေဟာ အာဗြဟံရဲ့ မွေးမွတ်လေဖြစ်ဘီး နို့လေဟာ ဖယ်လူနားမာလည်း ကျွန်ခံဖူးဟ။ အယ်ဆိုဟာ ‘နန်းနို့လေ လွတ်မြော-က်လေမယ်’ ဆိုဘီး နန်ပြောနေဇာဟာ ဖြားမိပါယ်နူး” ဆိုဘီး မေးဂေဟယ်။ 34 ယေရှဟာ “နန်းနို့ဟို ငါ မှန်တိုင်းပြောမယ်၊ ပြစ်လောက်ဟူ လူတိုင်းဟာ ပြစ်ရဲ့ကျွန် ဖြစ်ဟယ်။ 35 ကျွန်ဟာ အီမာ မြဲဒမ်းနေဇာ မူဟ။ အယ်ဘေမဲ့ သားဟာ မြဲဒမ်း နေဟယ်။ (aiṭōn g165) 36 သားတော်ဟာ နန်းနို့ဟို လွတ်ပေးမယ် ဆိုဟာ နန်းနို့ဟာ မှန်ဘွဲ့လွတ်ဂေလေမယ်။ 37 နန်းနို့ဟာ အာဗြဟံရဲ့ မွေးမွတ်ဖြစ်ဟယ် ဆိုဇာဟို ငါသိဟယ်။ နန်းနို့ဟာ ငါ့ရဲ့ သွန်သန်ချစ်ဟို လတ်ခံရှင်ဘဟူကြောန့် ငါ့ဟို သတ်ဟို ကြီးစားနေဂေဟယ်။ 38 ငါဟာ ဖနားဟာ ဗြင်ဟားဇာလေဟိုဘွဲ့ ပြောဟယ်။ နန်းနို့ဟာ နန်းနို့ဖ ပြောဟားဇာလေဟို လောက်ဂေဟယ်” ဆိုဘီး သူးနို့ဟို မိန့်တော်မူလေဟယ်။ 39 သူးနို့ဟာ “နို့လေရဲ့ ဖဟာ အာဗြဟံဖြစ်ဟယ်” ဆိုဘီး ပျန်ဖြေဂေဟယ်။ ယေရှဟာ “နန်းနို့ဟာ အာဗြဟံရဲ့ သားမီးလေ မှန်ဘွဲ့ဖြစ်မယ် ဆိုဟာ အာဗြဟံလောက်မျိုးဘွဲ့ လောက်ဂေလေမယ်။ 40 ဘုရားသခင်နားဟုနေ ငါကြားဟားဟူ သမ္မာတရားဟို နန်းနို့ဟို ပြောဘေမဲ့လည်း နန်းနို့ဟာ ငါ့ဟို သတ်ဟို ကြီးစားနေဂေဟယ်။ အာဗြဟံဟာ အယ်မျိုးလောက်ဟု! 41 နန်းနို့ဟာ နန်းနို့ဖ လောက်ဟားမျိုး လောက်နေဂေဟယ်” ဆိုဘီး ပျန်မိန့်တော်မူလေဟယ်။ သူးနို့ဟာ “ဘုရားသခင် ကိုယ်တိုင်ဟာ နို့လေရဲ့ တပါးဒဲဟူ ဖဖြစ်ဘီး နို့လေဟာ မှားယွင်းမှုမေ့ဘဲဟူ သားမီးလေဖြစ်ဟယ်” ဆိုဘီး ဖြေဂေဟယ်။ 42 ယေရှဟာ သူးနို့ဟို “ဘုရားသခင်ဟာ နန်းနို့ဖ မှန်ဘွဲ့ဖြစ်ဟယ် ဆိုဟာ နန်းနို့ဟာ ငါ့ဟို ရှစ်ဂေလေမယ်။ ဖြားဖြစ်ကြောန့်နူးဆိုဟာ ငါဟာ ဘုရားသခင်နားဟု လာဘီး ခု ငါအယ်မာရှိဟယ်။ ငါ့ကိုယ်ပိုင် ခွမ်အာဏာနု လာဇာ မူဟ။ ကိုယ်တော်ဟာ ငါ့ဟို စေလွှတ်တော်မူဟယ်။ 43 နန်းနို့ဟာ ငါပြောဇာဟို ဖြားဖြစ်ကြောန့် နားလည်ဂေဟူး။ နန်းနို့ဟာ ငါ့ရဲ့ တရားဟို နားထောင်နိုင်ဘဲကြောန့် ဖြစ်ဟယ်။ 44 နန်းနို့ဟာ နန်းနို့ဖ မာရ်နတ်ရဲ့ သားလေဖြစ်ဘီး နန်းနို့ဖရဲ့ လိုနော့-က်ဟို လိုက်ရှင်ဂေဟယ်။ စစဒူးဟာ သူဟာ လူသတ်မားဖြစ်ဘီး သမ္မာတရား ဖတ်မာ မေ့ဟ။ ဖြားဖြစ်ကြောန့်နူးဆိုဟာ သူထဲမာ သမ္မာတရားလည်း မေ့ဟ။ သူဟာ လီညာသူဖြစ်ဘီး လီညာဇာ ဂူလောင်းရဲ့ ဖလည်းဖြစ်ဟူကြောန့် သူပင်ကိုစရိုက်တိုင်းဘွဲ့ ပြောဆိုဟယ်။ 45 အယ်ဘေမဲ့ ငါဟာ သမ္မာတရားဟို ပြောဟူကြောန့် နန်းနို့ဟာ ငါ့ဟို ယောင်ကြည်ဂေဟယ်။ 46 ငါမာ ပြစ်ရှိဟယ် ဆိုဇာဟို နန်းနို့ထဲဟာ ဖယ်လူတယော-က် သတ်သေပြနိုင်မယ်နူး။ ငါဟာ သမ္မာတရားဟို ပြောဟယ် ဆိုဟာ ဖြားဖြစ်ကြောန့် နန်းနို့ဟာ ငါ့ဟို ယောင်ကြည်ဂေဟူး။ 47 ဘုရားသခင်နားဟု လာဟူလူဟာ ဘုရားသခင်ရဲ့ စကားလေဟို နားထောင်ဟယ်။ အယ်ဘေမဲ့လည်း နန်းနို့ဟာ ဘုရားသခင်နားဟု လာဇာမူဘဲဟူကြောန့် နန်းနို့ဟာ နားထောင်ဂေဟ”

ဆိုဘီး မိန့်တော်မူလေဟယ်။ 48 ယုဒလူလေဟာ ယေရှုဟို “နန်ဟာ ဂျမာရိလူ ဖြစ်ဘီးဟာ နန်ထဲမာ နတ်ဆိုးရှိဟယ် ဆိုဘီး နို့လေပြောဇာဟာ မှန်ဘဲကြောန့်လော” ဆိုဘီး မေးဂေဟယ်။ 49 ယေရှုဟာ “ငါ့မာ နတ်ဆိုး မေ့ဟု။ ငါဟာ ငါ့ဖဟို ချီးမြှေး-က်ဘေမဲ့ နန်းနို့ဟာ ငါ့ဟို ချီးမြှေး-က်ဂေဟု။ 50 ငါဟာ ငါ့တွပ် ဖောင်းသရေတော်ဟို ရှာဇာ မူဟု။ အယ်ဘေမဲ့ ငါ့ရဲ့ ဖောင်းသရေတော်ဟို ရှာဘီး ငါ့ဖတ်မာ စီရင်တော်မူဟူသူ ရှိဟယ်။ 51 နန်းနို့ဟို ငါ မှန်တိုင်းပြောမယ်၊ ငါ့စကားဟို နာခံဟူ ဖယ်သူဘဲဖြစ်ဖြစ် ကာလစဉ်ဆစ် သေဘေးန ကြောင်ရဟို မူဟု” ဆိုဘီး မိန့်တော်မူလေဟယ်။ (aiōn g165) 52 ယုဒလူလေဟာ ကိုယ်တော့်ဟို “နန်မာ နတ်ဆိုးရှိဟယ် ဆိုဇာဟို ခု နို့လေ တိက္ကသိဟားဘီး! အာပြဟံလည်း သေဟားဘီး။ ပရောဖက်လေလည်း သေဟားဘီး။ ခုထိ နန်ဟာ နန်ရဲ့ စကားဟို နာခံဟူ ဖယ်လူဘဲဖြစ်ဖြစ် ကာလစဉ်ဆစ် သေရလေမယ် မူဟု ဆိုဘီး ပြောဟယ်။ (aiōn g165) 53 နန်ဟာ သေဟားဟူ နို့လေရဲ့ အာပြဟံထတ် ကီးမြတ်လော။ သူဟာ သေဟားဘီး။ ပရောဖက်လေလည်း သေဟားဂေဘီး။ နန်ကောန်နန် ဖယ်လူဖြစ်ဟယ် ဆိုဘီး ထန်နေနူး” ဆိုဘီး ပြောဂေဟယ်။ 54 ယေရှုဟာ “ငါဟာ ငါ့ကိုယ်ငါ ချီးမြှေး-က်မယ် ဆိုဟာ အယ်မျိုး ချီးမြှေး-က်ဇာဟာ သောင်းဇားရဟို မူဟု။ ငါ့ဟို ချီးမြှေး-က်ဟူ သူဟာ ငါ့ ဖြစ်ဘီး နန်းနို့ပြောနေဟူ နန်းနို့ရဲ့ ဘုရားသခင် ဖြစ်ဟယ်။ 55 နန်းနို့ဟာ သူဟို လောင်းဝ သိဂေဘေမဲ့ ငါဟာ သူဟို သိဟယ်။ သူဟို ငါသိဟု ဆိုဘီး ပြောမယ် ဆိုဟာ ငါဟာလည်း နန်းနို့မျိုးဘဲ လီညာသူ ဖြစ်ဟားလေမယ်။ အယ်ဘေမဲ့ ငါဟာ သူဟို သိဘီး သူ့စကားဟို နာခံဟယ်။ 56 နန်းနို့ အာပြဟံဟာ ငါလာမယ်၊ ဒီကာလဟို ဗြင်ရမယ် ဖြစ်ဟူကြောန့် ပျော်ရွှင်နေဘီး အယ်နေရစ်ဟို ဗြင်ဟားဟူ ဒီမာ ဝန်းသာလေဟယ်” ဆိုဘီး ယွန်ဖြေတော်မူလေဟယ်။ 57 ယုဒလူလေဟာ ကိုယ်တော့်ဟို “နန်ဟာ သတ်ငါးဆယ်မျှ ပွဲသေးဘဲန ဖယ်မျိုးလောက်ဘီး အာပြဟံဟို ဗြင်ဖူးဟားဟယ်နူး” ဆိုဘီး မေးဂေဟယ်။ 58 ယေရှုဟာ “နန်းနို့ဟို ငါ မှန်တိုင်းပြောမယ်၊ အာပြဟံ မွီးခန်ဂဲဟု ငါရှိဟယ်!” ဆိုဘီး ယွန်ဖြေဟယ်။ 59 အယ်န သူးနို့ဟာ ကိုယ်တော့်ဟို ပစ်ဟို ကျော့-က်ခဲလေဟို ကော့-က်ဂေဟယ်။ အယ်ဘေမဲ့ ယေရှုဟာ ဗိမာန်တော်ဟုနေ ရှောန်ထွပ်ဟားတော်မူလေဟယ်။

9 ယေရှုဟာ လမ်းရှော့-က်သွားနေဒူးမာ မွီးဂဲဟု မျစ်စိကန်းနေဟူ လူတယော့-က်ဟို တွံတော်မူဟယ်။ 2 ကိုယ်တော်ရဲ့ တဗဲတော်လေဟာ ကိုယ်တော့်ဟို “ဆရာ၊ အယ်လူဟာ မွီးဂဲဟု မျစ်စိကန်းနေဇာဟု ဖယ်လူရဲ့ ပြစ်ကြောန့်နူး။ သူရဲ့ ပြစ်ကြောန့်လော။ သူမိဖရဲ့ ပြစ်ကြောန့်လော” ဆိုဘီး မေးဂေဟယ်။ 3 ယေရှုဟာ “သူရဲ့ ပြစ်ကြောန့်လည်း မူဟု။ သူမိဖရဲ့ ပြစ်ကြောန့်လည်း မူဟု။ သူမာ ဘုရားသခင်ရဲ့ တဂိုးတော်ဟာ ထန်ရှားစေဟိုတွပ်ဖြစ်ဟယ်။ 4 နို့လေဟာ ငါ့ဟို စေလွှတ်ဟူသူရဲ့ မူတော်ဟို နေ့ဒီမာ လောက်ဆောန်ရမယ်။ ဖယ်လူလည်း လောက်နိုင်ဘဲဟူ ညဉ့်ဒီ ရော့-က်လာလေမယ်။ 5 ငါဟာ လောကမာ ရှိနေဟူ ဒီမာ ငါဟာ လောကတွပ် လန်းရောန်ဖြစ်ဟယ်” ဆိုဘီး ဖြေတော်မူလေဟယ်။ 6 ယေရှုဟာ အယ်မျိုး မိန့်တော်မူဘီးန မွေဂီးထတ်ဟို ထွီးရယ်န ထွီးဘီးဟာ အယ်ထွီးရယ်န ဗယ်ဟို နယ်လိုက်ဟယ်။ ကိုယ်တော်ဟာ အယ်လူရဲ့ မျစ်စိလေဟို ဗယ်နလူးပေးလိုက်ဘီး 7 သူဟို “ရှိလောင်ရေကန်မာ သွားဘီးဆေးလိုက်” ဆိုဘီး မိန့်တော်မူလေဟယ်။ ရှိလောင် နာမယ်ဟာ “စေလွှတ်ဟယ်” ဆိုဘီး ဗိပါယ်ရဟယ်။ အယ်ကြောန့် အယ်လူဟာ သွားဘီး သူ့မျစ်နာဟို ဆေးလိုက်ဟူ ဒီမာ မျစ်စိဗြင်ဟားဘီး ယွန်လာလေဟယ်။ 8 အီဇေရီးရှင်းလေန ရင်းရင်ဒူးဟု တောင်းဇားနေဟူ သူဟို ဗြင်ဖူးဟူလူလေဟာ “အယ်လူဟာ ထိုင်ဘီးတောင်းဇားနေဟူလူ မူဟုလော” ဆိုဘီး မေးဂေဟယ်။ 9 တချို့ဟု “အယ်လူဘဲ ဖြစ်ဟယ်” ဆိုဘီး ပြောဂေဟယ်။ အယ်ဘေမဲ့ တချို့ဟု “အယ်လူ မူဟု။ အယ်လူန တူဇာဖြစ်ဟယ်” ဆိုဘီး ပြောဂေဟယ်။ အယ်ကြောန့် အယ်လူကိုယ်တိုင်ဟု “အယ်လူဟာ ငါဘဲဖြစ်ဟယ်” ဆိုဘီး ပြောဟယ်။ 10 သူးနို့ဟု “နန်ဟု ဖယ်မျိုးဖြစ်ကြောန့် မျစ်စိဗြင်ဟားနူး” ဆိုဘီး မေးဂေဟယ်။ 11 သူဟု “ယေရှု ဆိုဘီး ခေါ်ဟူလူဟု ဗယ်ဟို လောက်ဘီး ကျွန်တော်ရဲ့မျစ်စိဟို ဗယ်နလူးပေးဘီးဟာ ရှိလောင်ရေကန်ဟို သွားဘီးဆေးဟိုပြောဟယ်။ အယ်ကြောန့် ကျွန်တော်ဟာ သွားဘီးငါ့မျစ်နာဟို ဆေးလိုက်ဟူန မျစ်စိဗြင်ဟားလေဟယ်” ဆိုဘီး ဖြေလေဟယ်။ 12 သူးနို့ဟု “အယ်လူဟာ ဖယ်နားမာနူး” ဆိုဘီး မေးဂေဟယ်။ သူဟု “ကျွန်တော်သိဟု” ဆိုဘီး ဖြေလေဟယ်။ 13 အယ်ဘီးန

သူးနိဟာ မျစ်စိကန်းဖြစ်ဖူးဟူလူဟို ဖာရိရှဲလေနားဟို ခေါ်ဟားဂေဟယ်။ 14 ယေရှုဟာ ဗယ်ဟိုနယ်ဘီး အယ်လူရဲ့ မျစ်စိဟို ဗြင်စေတော်မူဟူနေဟာ ဒန်းနေဖြစ်ဟယ်။ 15 အယ်ကြောန့် ဖာရိရှဲလေဟာ အယ်လူဟို ဖယ်မျိုး မျစ်စိဗြင်ဟားဟယ် ဆိုဘီး ယွန်မေးဂေဟယ်။ အယ်လူဟာ “သူဟာ ကျွန်တော့်မျစ်စိဟို ဗယ်နလူးပေးဟယ်။ ကျွန်တော်ဟာ မျစ်နာဟို ဆေးလိုက်ဟူ ခီမာ မျစ်စိဗြင်ဟားလေဟယ်” ဆိုဘီး သူးနိဟို ပြောပြဟယ်။ 16 ဖာရိရှဲတချို့ဟာ “အယ်လူဟာ ဒန်းနေဟို ဖော့-က်ဖျစ်ဟူကြောန့် ဘုရားသခင်နားဟာ လာဟူလူ မူဟာ” ဆိုဘီး ပြောဂေဟယ်။ တချို့ဟုလည်း “ပြစ်သားဖြစ်ဟူလူဟာ ဖယ်မျိုးလောက်ဘီးဟာ အယ်မျိုး နိမိတ် လတ်ခဏာလေဟို ပြနိုင်ဟို့နူး” ဆိုဘီး ပြောဂေဟယ်။ အယ်ဘီးန သူးနိထဲမာလည်း စိဝန်းကွဲဟားဂေဟယ်။ 17 အယ်ကြောန့် ဖာရိရှဲလေဟာ အယ်လူဟို “နန့်ဟို မျစ်စိဗြင်စေဟူ လူရဲ့ကြောန့်ဟို နန့်ဖယ်မျိုးပြောမယ်နူး” ဆိုဘီး နော့-က်တခါ ယွန်မေးဂေဟယ်။ အယ်လူဟာ “သူဟာ ပရောဖက်ဖြစ်ဟယ်” ဆိုဘီး ယွန်ဖြေလေဟယ်။ 18 အယ်ဘောမဲ့လည်း ယုဒအာဏာပိုင်လေဟာ သူဟာ ရင်းရင်းဒူးဟာ မျစ်စိကန်းဖြစ်ဘီး ခု ဗြင်နေဟယ် ဆိုဇာဟို ယောင်ကြည်ဘဲကြောန့် သူးနိဟာ သူမိဖလေဟို ခေါ်ဘီးန၊ 19 သူးနိဟို “အယ်လူဟာ နန်းနိရဲ့ သားဘွဲလော။ သူဟာ မွီးဂဒဲဟာ ကန်းနေဟယ် ဆိုဘီး နန်းနိပြောဂေဟယ်။ အယ်ဆိုဟာ ခု ဖယ်မျိုးဖြစ်ဟူကြောန့် ဗြင်နေရနူး” ဆိုဘီး မေးဂေဟယ်။ 20 သူမိဖလေဟာ “သူဟာ နို့လေရဲ့ သားဖြစ်ဟယ် ဆိုဇာဟို နို့လေ သိဂေဟယ်။ သူဟာ မွီးဂဒဲဟာ ကန်းနေဟယ် ဆိုဇာဟိုလည်း နို့လေသိဂေဟယ်။ 21 အယ်ဘောမဲ့ ခု ဖယ်မျိုးလောက်ဘီး ဗြင်ဟားဟယ် ဆိုဇာဟို နို့လေသိဂေဟယ်။ သူဟို ဗြင်အောန်ကုသပေးဟူ သူဟိုလည်း နို့လေသိဂေဟယ်။ သူဟိုဘွဲ မေးကေ့။ သူဟာ ရွယ်ရော့-က်နေဘိ။ သူကြောန့်ဟို သူကိုယ်တိုင်ဘွဲ ဖြေနိုင်မယ်!” ဆိုဘီး ဖြေဂေဟယ်။ 22 သူမိဖလေဟာ ယုဒအာဏာပိုင်လေဟို ကြော့-က်ဟူကြောန့် အယ်မျိုး ပြောလိုက်ဂေဟယ်။ ယုဒအာဏာပိုင်လေဟာ ဖယ်လူဘွဲဖြစ်ဖြစ် ယေရှုဟာ မေရှိယဖြစ်ဟယ် ဆိုဘီး ဝန်ခံမယ် ဆိုဟာ ဝါလယ်ဇရပ်ဟုနေ နန်ထုဟို့တွပ် ဘောတုဟားဟယ်။ 23 အယ်ကြောန့်ဘွဲ သူမိဖလေဟာ “သူဟာ ရွယ်ရော့-က်နေဘိ။ သူဟိုဘွဲ မေးကေ့!” ဆိုဘီး ပြောလိုက်ဂေဟယ်။ 24 သူးနိဟာ မွီးဂဒဲဟာ ကန်းနေဟူလူဟို ဒုတိယခါ ယွန်ခေါ်ဘီး “မှန်တိုင်းပြောဇာအားဖြင့် ဘုရားသခင်ဟို ချီးမွမ်းပါ၊ နန့်ဟို ကုသပေးဟူလူဟာ ပြစ်သားတယော့-က် ဖြစ်ဟယ် ဆိုဇာဟို နို့လေသိဂေဟယ်” ဆိုဘီး သူဟို ပြောဂေဟယ်။ 25 အယ်လူဟာ “သူဟာ ပြစ်သားဖြစ်ဟယ်၊ ဖြစ်ဟာ ဆိုဇာဟို ကျွန်တော်သိဟယ်။ ကျွန်တော်သိဇာတခုဟာ ရင်းရင်းဒူးဟာ ကျွန်တော်ဟာ မျစ်ကန်းဖြစ်ဘီး ခု ဗြင်ဟားဘိ” ဆိုဘီး ယွန်ဖြေလေဟယ်။ 26 အယ်လူလေဟာ “သူဟာ နန့်ဟို ဖြားလေ လောက်ပေးဟယ်နူး။ နန့်ရဲ့ မျစ်စိဟို ဖယ်မျိုး ဗြင်စေဟယ်နူး” ဆိုဘီး မေးဂေဟယ်။ 27 သူဟာ “ခန်ဗျားလေဟို ကျွန်တော်ပြောပီးဘိ။ ခန်ဗျားလေ နားထောန်ဂေဟယ်။ ဖြားဖြစ်ကြောန့် ခန်ဗျားလေဟာ ယွန်ဘီးကြားရှင်နေရနူး။ ခန်ဗျားလေလည်း သူတဗွဲ ဖြစ်ရှင်ကြောန့်လော” ဆိုဘီး ယွန်ပြောလေဟယ်။ 28 သူးနိဟာ “နန့်ဘွဲအယ်လူရဲ့ တဗွဲဖြစ်ဟယ်။ နို့လေဟာ မောရှေရဲ့ တဗွဲလေ ဖြစ်ဟယ်။ 29 ဘုရားသခင်ဟာ မောရှေဟို ပြောဟားဇာလေဟို နို့လေသိဂေဟယ်။ အယ်ဘောမဲ့ အယ်လူဟာ ဖယ်ဟုနေလာဟယ် ဆိုဇာဟို နို့လေသိဂေဟယ်!” ဆိုဘီး သူဟို ပြစ်တန်ဘီး ပြောဂေဟယ်။ 30 အယ်လူဟာ “သူဟာ ကျွန်တော့်မျစ်စိဟို ဗြင်စေဟယ်။ အယ်ဘောမဲ့ ခန်ဗျားလေဟာ အယ်လူဖယ်ဟုနေ လာဟယ် ဆိုဇာဟို သိဂေဟာ ဆိုဇာ ရရာတိုင်း အံ့ဇာကောင်းဟယ်! 31 ဘုရားသခင်ဟာ ပြစ်သားလေရဲ့ စကားဟို နားထောန်ဟယ်။ ဘုရားသခင်ဟိုကြော့-က်ဘီး ကိုယ်တော် လိုရှင်ဇာဟို လောက်ဟူလူလေရဲ့ စကားဟိုဘွဲ နားထောန်ဟယ် ဆိုဇာဟို ကျွန်တော့်ဟားလေသိဟယ်။ 32 မွီးဂဒဲဟာ ကန်းနေဟူ လူတယော့-က်ဟာ မျစ်စိဗြင်ဟားဟယ် ဆိုဇာဟို ရှေးခေတ်ကာလဟာ ယော့-က်လည်း ကြားဖူးဂေဟယ်။ (aiōn g165) 33 အယ်လူဟာ ဘုရားသခင်နားဟုနေ လာဟာ ဆိုဟာ ဖြားတခုလည်း လောက်နိုင်ဟို့ မူဟာ” ဆိုဘီး ယွန်ဖြေလေဟယ်။ 34 သူးနိဟာ “နန့်ဟာ မွီးဂဒဲဟာ ပြစ်န ကီးလာဟူ လူဖြစ်ဘီးဟာ နို့လေဟို သွန်သန်ပေးဟို့လော” ဆိုဘီး မေးဂေဟယ်။ အယ်ဘီးန သူဟို ဝါလယ်ဇရပ်ဟုနေ နန်ထုလိုက်ဂေဟယ်။ 35 အယ်မျိုး နန်ထုလိုက်ဟယ် ဆိုဇာဟို ယေရှုဟာ ကြားဟားဟူ ခီမာ အယ်လူဟို တွိုလိုက်ဟူန “နန့်ဟာ လူရဲ့သားဟို ယောင်ကြည်ဘွဲလော” ဆိုဘီး မေးတော်မူလေဟယ်။ 36 အယ်လူဟာ “ဆရာ၊ လူရဲ့သားဟာ ဖယ်သူနူး။ ကျွန်တော်ဟာ

သူ့ကို ယောင်ကြည်နိုင်ဖို့တွင် ပြောပြပါလား” ဆိုဘီး မေးတော်မူလေဟန်။ 37 ယေရှုဟု “နန်ဟာ သူ့ကို ဖြင့်ဖူးပီးဘီ။ ခု နန်န စကားပြောနေဟူ လူဘဲ ဖြစ်ဟယ်” ဆိုဘီး သူ့ကို မိန့်တော်မူဟယ်။ 38 အယ်လူဟု “သခင်၊ ကျွန်တော် ယောင်ကြည်ပါဟယ်။” ဆိုဘီး လျှော့-ကံလိုက်ဘီးဟာ ယေရှုကို ရှိခိုးလေဟယ်။ 39 ယေရှုဟု “ငါဟာ ကန်းနေဟူ လူလေဟို ဖြင်စေဘီး ပြင်နေဟူလူလေဟို ကန်းစေဟိုတွင်န တရားစီရင်ဟိုတွင် အယ်လောကဟို ကြွလာဟယ်” ဆိုဘီး မိန့်တော်မူဟယ်။ 40 ကိုယ်တော်နတူးဒု ရှိနေဟူ ဖာရိရှဲတချို့ဟာ အယ်မျိုးပြောဇာဟို ကြားရဟူကြောန့် ကိုယ်တော်ဟို “ဖြားနူး၊ နို့လေလည်း မျစ်ကန်းဖြစ်ဟယ်လော။” ဆိုဘီး မေးဂေဟယ်။ 41 ယေရှုဟု “နန်းနို့ဟာ မျစ်ကန်းဖြစ်မယ် ဆိုဟာ နန်းနို့မာ ပြစ် မေ့ဟူ။ အယ်ဘေမဲ့ နန်းနို့ဟု ဖြင်ဟယ် ဆိုဘီး ပြောနေဟူကြောန့် နန်းနို့မာ ပြစ်ရှိဟယ်” ဆိုဘီး ဖြေတော်မူဟယ်။

10 ယေရှုဟု “နန်းနို့ဟို ငါ မှန်တိုင်ပြောမယ်။ သိုးခြံထဲဟို ခွဗော့-ကံဟုနေ ဝမ်ဘဲန တခြားနည်းလမ်းန ကျော်ဝမ်ဟူလူဟာ ခိုးမွ ဖြစ်ဟယ်။ 2 ခွဗော့-ကံဟုနေ ဝမ်ဟူလူဟာ သိုးထီးမားဖြစ်ဟယ်။ 3 သိုးထီးမားဟို ခွဗော့-ကံစောန့်ဟာ ခွဗော့-ကံဖွမ်ပေးဟယ်။ သိုးလေဟလည်း သူ့ရဲ့သံဟို နားထောန်ဂေဟယ်။ သူဟာ သူ့ရဲ့သိုးလေဟို နာမယ်န ထုဆောန်တတ်ဟယ်။ 4 သူ့သိုးလေဟို ထုဆောန်ဟားခီမာ သိုးလေရှေဟုနေ သွားဟယ်။ သိုးလေဟလည်း သူ့ရဲ့သံဟို သိဟူကြောန့် သူ့နော့-ကံလိုက်ဂေဟယ်။ 5 သိုးလေဟာ လူဇီးနော့-ကံလိုက်မယ့်စား အယ်လူရဲ့ သံဟို သိဘဟူကြောန့် အယ်လူနားဟုနေ ထွပ်ပွေးဂေလေမယ်” ဆိုဘီး မိန့်တော်မူဟယ်။ 6 ယေရှုဟု ဖာရိရှဲလေဟို အယ်ပေါင်ဥပမာဟို ပြောပြဘေမဲ့လည်း အယ်ပေါင်ဥပမာရဲ့ ဓိပါယ်ဟို နားလည်ဂေဟူ။ 7 အယ်ကြောန့် ယေရှုဟု “နန်းနို့ဟို ငါ မှန်တိုင်ပြောမယ်။ ငါဟာ သိုးလေဝမ်ဟူ ခွဗော့-ကံဖြစ်ဟယ်။ 8 ငါရှေဟု ရော့-ကံလာဟူ လူလေ ဂူလောင်းဟာ ခိုးမွလေ ဖြစ်ဂေဟယ်။ အယ်ကြောန့် သိုးလေဟာ သူ့နို့ရဲ့ သံဟို နားထောန်ဂေဟယ်။ 9 ငါဟာ ခွဗော့-ကံဖြစ်ဟယ်။ ငါ့အားဖြင့်ဝမ်ဟူလူလေဟာ ကယ်တန်ခံရလေမယ်။ သူးနို့ဟာ ထွပ်ဝမ်ဘီး စားကျက်ဟို တွဲလေမယ်။ 10 ခိုးဟာ ခိုးဟို့၊ သတ်ဟို့၊ ဖျစ်ဆီးဟို့လာဟယ်။ ငါဟာ နန်းနို့ဟို သတ်ရရောင်မျှ မူဟု သတ်န ပွဲဇောင်စေဟိုတွင် လာဟယ်။” 11 “ငါဟာ ကောန်းဟူ သိုးထီးမား ဖြစ်ဟယ်။ ကောန်းဟူ သိုးထီးမားဟာ သိုးလေတွင် သူ့သတ်ဟို စွန်တတ်ဟယ်။ 12 သိုးထီးမားလည်း မူဘဲဟူ၊ သိုးလေရဲ့ ဇရှင်လည်း မူဘဲဟူ လူဌားဟာ ဝံပုလွေလာနေဇာဟို ဖြင်ဟူ ခီမာ သိုးလေဟို ထားရစ်ဘီး ထွပ်ပွေးဟားတတ်ဟယ်။ အယ်ကြောန့် ဝံပုလွေဟာ သိုးလေဟို ကိုက်ဖမ်းဘီး ဖွဲ့ဖွဲ့စင် ဖြစ်ဟားစေဟယ်။ 13 လူဌားဟာ လူဌားဘဲဖြစ်ဟူကြောန့် သိုးလေဟို ဂရုစိုက်ဘဲန ထွပ်ပွေးဟားလေဟယ်။ 14 ငါဟာ ကောန်းမြတ်ဟူ သိုးထီးမားဖြစ်ဟယ်။ ဖဟု ငါဟို သိတော်မူဘီး ငါဟာလည်း ဖဟို သိမျိုးဘဲ ငါသိုးလေဟိုလည်း ငါသိဘီး ငါသိုးလေဟလည်း ငါဟိုသိဟယ်။ 15 ငါဟာ သိုးလေတွင် ငါသတ်ဟို စွန်ဟယ်။ 16 အယ်သိုးခြံထဲဟို ဝမ်ဘဲဟူ တခြားသိုးလေဟိုလည်း ငါပိုင်သေးဟယ်။ အယ်သိုးလေဟိုလည်း ငါခေါ်သွမ်းရအူးမယ်။ သူးနို့ဟာ ငါသံဟို နားထောန်ဟူကြောန့် သိုးစုတစုဒဲ၊ သိုးထီးမား တယော့-ကံဒဲ ဖြစ်လာလေမယ်။ 17 “ငါဟာ သတ်ဟို ယွန်ရရှိစေဟို့ ငါသတ်ဟို စွန်ရှင်ဟူကြောန့် ဖဟု ငါဟို ရှစ်တော်မူဟယ်။ 18 ဖယ်လူလည်း ငါသတ်ဟို ငါ့နားဟုနေ နယူဟို့ ရဂေဟူ။ ငါ့ရဲ့ ဆန္ဒတိုင်းဘဲ ငါသတ်ဟို ငါစွန်ဟယ်။ ငါမာ ငါသတ်ဟို စွန်ဟို့တွင် ခွမ်ရှိဘီး ငါသတ်ဟို ယွန်ယူဟို့တွင်လည်း ခွမ်ရှိဟယ်။ အယ်စေခိုင်းချစ်ဟို ငါဟာ ငါ့ဖနားဟု ရရှိဟယ်” ဆိုဘီး ထပ်ဘီး မိန့်တော်မူလေဟယ်။ 19 အယ်စကားလေကြောန့် ယုဒလူလေထဲမာ ထပ်ဘီး စိဝန်းကွဲဟားဟယ်။ 20 သူးနို့လေဟု “သူမာ နတ်ဆိုးရှိဟယ်၊ သူဟာ ရူးဖြစ်ဟယ်၊ ဖြားဖြစ်ကြောန့် နန်းနို့ဟု သူ့စကားဟို နားထောန်နေနူး” ဆိုဘီး ပြောနေဂေဟယ်။ 21 အယ်ဘေမဲ့ တချို့ဟု “နတ်ဆိုးရှိဟူ လူဟာ အယ်မျိုးပြောနိုင် မူဟု၊ နတ်ဆိုးဟု မျစ်စိကန်းနေဟူ လူလေဟို ဖယ်မျိုးပြင်အောန် လောကံပေးနိုင်မယ်နူး” ဆိုဘီး ပြောနေဂေဟယ်။ 22 ယေရှုလင်ငြိမ္မာ ဗိမာန်တော် ဆစ်ကပ် ပွဲတော် ကျင်းပနေဟယ်။ အယ်ခီဟု ဆောန်းကာလ ဖြစ်ဟယ်။ 23 ယေရှုဟာ ဗိမာန်တော်ထဲဟု ရှောလမုန်ရဲ့

မုခ်ဦးဆောင်ထဲမှာ လမ်းရှော့-ကံနေဘီး၊ 24 ယုဒလူလေဟာ ကိုယ်တော်နားဟို ဝိုင်းအောင်လာဘီးနဲ့ “နန်ဟာ ဖယ်ခီထိ နို့လေရဲ့ စိဟို ဒွိဟဖြစ်စေဟို့နဲ့။ နို့လေဟို မှန်တိုင်း ရှင်းရှင်းလန်းလန်းဟား ပြောပြပါ။ နန်ဟာ မေရှိယဘွဲ့လော” ဆိုဘီး မေးဂေဟယ်။ 25 ယေရှုဟဲ့ “နန်းနို့ဟို ငါပြောပြဟားဘေမဲ့လည်း နန်းနို့ဟာ ယောင်ကြည်ဂေဟဲ့။ နို့ဖရဲ့ ခွမ့်န ငါလောက်ဟူ မူလေဟာ ငါ့ကြောင်းဟို သတ်သေခံနေဟယ်။ 26 အယ်ဘေမဲ့ နန်းနို့ယောင်ကြည်ဂေဟဲ့။ နန်းနို့ဟာ ငါ့သိုးလေမှုဘဲကြောနဲ့ ဖြစ်ဟယ်။ 27 ငါ့သိုးလေဟာ ငါ့သံဟို နားထောန်ဂေဟယ်။ ငါဟုလည်း သူးနို့ဟို သိဘီး သူးနို့ဟာ ငါ့နေ့-ကံလိုက်ဂေဟယ်။ 28 ထာဝရသတ်ဟို့လည်း ငါပေးဟယ်။ အယ်သိုးလေဟာ လောင်းဝ သေရလေဟို့ မူဟဲ့။

ဖယ်လူလည်း သူးနို့ဟို ငါ့နားဟုနေ လုယူနိုင်ဂေဟဲ့။ (aiōn g165, aiōnios g166) 29 သူးနို့ဟို ငါ့နားမှာ အပ်ပေးဟားဟူ နို့ဖဟာ ရှိမျှဂူလောင်းထတ် ကီးမြတ်တော်မူဟယ်။ ဖယ်လူလည်း သူးနို့ဟို ဖလတ်ဟုနေ လုယူနိုင်ဂေဟဲ့။ 30 ငါ့ဖန ငါဟာ တလောင်းတဝဒဲ ဖြစ်ဟယ်” ဆိုဘီး ဖြေတော်မူလေဟယ်။ 31 ယုဒလူလေဟာ ကိုယ်တော်ဟို ပစ်ဟို့တွပ် ကွော့-ကံခဲလေဟို့ ပွန်ဘီး ကော့-ကံယူဂေဟယ်။ 32 ယေရှုဟဲ့ “ငါဟာ ဖနားဟု ကောန်းမြတ်ဇာလေ ဘောင်ဂီးဟို နန်းနို့ရှေ့မှာ လောက်ပြီးဘီး။ အယ်မူလေထဲဟု ဖြားမှုတွပ်ကြောနဲ့ ငါဟို ကွော့-ကံခဲန ပစ်ရင်ဂေနဲ့” ဆိုဘီး သူးနို့ဟို မိန့်တော်မူလေဟယ်။ 33 ယုဒလူလေဟဲ့ “ကောန်းဟူ ကျင့်တခုခုကြောနဲ့ နို့လေဟာ နန်ဟို ကွော့-ကံခဲန ပစ်ရှင်ဇာ မူဟဲ့။ နန်ဟာ လူဖြစ်ဘေမဲ့လည်း နန်ကောန်နန် ဘုရားဖြစ်ဟယ် ဆိုဘီး ဘုရားသခင်ဟို စော်ကားဟယ်။” ဆိုဘီး ဖြေဂေဟယ်။ 34 ယေရှုဟဲ့ “နန်းနို့ရဲ့ ပညတ်တရားမှာ ‘နန်းနို့ဟာ ဘုရားလေ ဖြစ်ဟယ်’ ဆိုဘီး ရေးဟားဟယ်။ 35 ကျမ်းစာမှာ ဖော်ပြဟားဟူ ဇာဟာ မြဲဒမ်း မှန်ဟယ် ဆိုဇာဟို နို့လေသိဂေဟယ်။ ဘုရားသခင်ဟု သူရဲ့ စကားတော်ဟို ကြားရဟူလူလေဟို ‘ဘုရားလေ’ ဆိုဘီး ခေါ်လေဟယ်။ 36 ဟော့ ငါဟို ဝီးကော့-ကံဘီး အယ်လောကထဲဟို စေလွှတ်တော်မူဟယ်။ ငါဟာ ဘုရားသခင်ရဲ့ သားတော် ဖြစ်ဟယ် ဆိုဘီး ပြောဟူကြောနဲ့ ငါဟာ ဘုရားသခင်ဟို စော်ကားဟယ် ဆိုဘီး ဖယ်မျိုးကြောနဲ့ နန်းနို့ပြောနိုင်ဂေဟယ်နဲ့။ 37 ငါဟာ ငါ့ဖရဲ့ မူတော်လေဟို ဆောန်ရွက်ဟု ဆိုဟာ ငါဟို ယောင်ကြည်ဂေဟဲ့။ 38 အယ်ဘေမဲ့ ငါဟာ အယ်မူလေဟို လောက်ဆောန်ဟယ် ဆိုဟာ ငါဟို ယောင်ကြည်ဘ်ဟို့မှ ငါ့ရဲ့ လောက်ဆောန်ချစ်လေဟို ယောင်ကြည်ဂေ။ အယ်မျိုးယောင်ကြည်မယ် ဆိုဟာ ဟော့ ငါ့ထဲမှာ ရှိတော်မူဘီး ငါဟုလည်း ဖထဲမှာ ရှိတော်မူဟယ် ဆိုဇာဟို နန်းနို့သိဂေလေမယ်” ဆိုဘီး ဖြေတော်မူဟယ်။ 39 နော့-ကံတခါ သူးနို့ဟာ ယေရှုဟို့ ဖမ်းဟို့ ကြိုးစားဂေဟယ်။ အယ်ဘေမဲ့ ကိုယ်တော်ဟာ သူးနို့လတ်ဟုနေ လွတ်မြောက်ဟားလေဟယ်။ 40 အယ်ဘီးန ယေရှုဟာ ယော်ဒန်မြစ်ဟို ဖြတ်ဘီး ပထမဦးဆောင်း ယောဟန်ဗတ္တိဇံပေးဟူ နေရာဟို တခါပွန်ကြဟားဘီး အယ်နေရာမှာ နေတော်မူလေဟယ်။ 41 လူလေဘောင်ဂီးဟာ ကိုယ်တော်နားဟို လာဂေဟယ်။ သူးနို့ဟဲ့ “ယောဟန်ဟာ ဖြားနီမိတ်လတ်ခဏာလေလည်း လောက်ဟဲ့။ အယ်ဘေမဲ့လည်း အယ်လူကြောန်းဟို သူပြောဇာလေ ဂူလောင်းဟာ မှန်ဟယ်” ဆိုဘီး ပြောဂေဟယ်။ 42 အယ်နေရာမှာရှိဟူ လူလေဘောင်ဂီးဟာ ယေရှုဟို့ ယောင်ကြည်ဂေလေဟယ်။

11 ဗေသနီဝါမာနေဟူ လာဇရုဟာ နေကောန်းဘဲဖြစ်နေဟယ်။ ဗေသနီဝါမာ ညီအေးမလေဖြစ်ဂေဟူ မာရိန် မာသဟာ နေထိုင်ဂေဟယ်။ 2 အယ်မာရိဟာ သခင်ဘုရားရဲ့ ခေတော်ထတ်ဟို ဆီဗွီးလောန်းလွှဲဘီး ခေတော်ဟို ဆားဗန်န သုပေးဟူသူဖြစ်ဟယ်။ နေကောန်းဘဲဖြစ်နေဟူ လာဇရုဟာ သူ့ရဲ့မောင်ဖြစ်ဟယ်။ 3 ညီအေးမနေယော့-ကံဟာ ယေရှုနားဟို “သခင်၊ ကိုယ်တော်ရှစ်ဟူလူဟာ နေကောန်းဘဲ ဖြစ်နေဟယ်” ဆိုဘီး ဒန်းစကားပို့လိုက်ဂေဟယ်။ 4 အယ်ဒန်းဟို ယေရှု ကြားလိုက်ခီမာ “အယ်နာဟာ လာဇရုဟို သေဟို့မူဘဲ ဘုရားသခင်ရဲ့ ဖောင်းသရေတော်ဟို ထန်ရှားစေဘီး ဘုရားသခင်ရဲ့ သားတော်ဟာလည်း ဖောင်းသရေတော် ထန်ရှားလေမယ်” ဆိုဘီး မိန့်တော်မူလေဟယ်။ 5 ယေရှုဟာ မာသဟိုရော၊ သူမရဲ့ ညီမဟိုရော၊ လာဇရုဟိုရော ရှစ်တော်မူဟယ်။ 6 ကိုယ်တော်ဟာ လာဇရုရဲ့ဒန်းဟို ကြားဘေမဲ့လည်း အယ်နေရာမှာ နေရစ်နေနေသေးဟယ်။ 7 အယ်ဘီးန ကိုယ်တော်ဟာ တပွဲတော်လေဟို “ယုဒနယ်ဟို ပွန်ဂေဇွီ” ဆိုဘီး မိန့်တော်မူလေဟယ်။

8 တဗွဲတော်လေဟု “ဆရာ၊ ယုဒလူလေဟာ ဆရာဟို စုဒ္ဒးဟဘဲသေး ကွေ့-က်ခဲနပစ်ဟို့ လောက်နေဂေဟယ်။ အယ်နေရာဟိုဘဲ ပွန်ဘီးကြွတော်မူအူးလော” ဆိုဘီး မေးလျှော့-က်ဂေဟယ်။ 9 ယေရှုဟု “တနေမာ ဆယ့်နေနာရီရှိဟယ် မူဟလော။ အယ်ကြောန့် နေ့ခီမာ သွားလာဟူ လူလေဟာ ခလောက်တိုက်မိဂေဟယ်။ ဖြားဖြစ်ကြောန့်နူးဆိုဟာ သူးနို့ဟ လောကရဲ့ လန်းရောန့်ဟို ဗြင်ရဟယ်။ 10 အယ်ဘေမဲ့ ညဉ့်မိုက်ဇာမာ သွားလာဟူ လူလေဟာ ခလောက်တိုက်မိဂေဟယ်။ ဖြားဖြစ်ကြောန့်နူးဆိုဟာ သူးနို့မာ လန်းရောန့်မေဟု” ဆိုဘီး ဖြေတော်မူလေဟယ်။ 11 ယေရှုဟာ အယ်မျိုး မိန့်တော်မူဘီးန “နို့လေရဲ့ မိဆွေ လာဇရုဟာ အိမ့်ဟားဘီ။ သူဟို နို့ဟို့ ငါသွားမယ်” ဆိုဘီး မိန့်တော်မူလေဟယ်။ 12 တဗွဲတော်လေဟု “သခင်၊ သူဟာ အိမ့်နေဟယ် ဆိုဟာ ကျန်းမာလာလေမယ်” ဆိုဘီး ဖြေဂေဟယ်။ 13 ယေရှုဟာ လာဇရုသေဟားကြောန့်ဟို့ မိန့်တော်မူနေ ဘေမဲ့လည်း အိမ့်နေဇာဟို့ဘဲ မိန့်တော်မူနေဟယ် ဆိုဘီး သူးနို့ထန်နေဂေဟယ်။ 14 အယ်ကြောန့် ယေရှုဟာ သူးနို့ဟို “လာဇရု သေဟားဘီ။ 15 အယ်ဘေမဲ့ နန်းနို့လေ ယောင်ကြည်လာဟို့တွပ်ကြောန့် အယ်နေရာမာ ငါမော့ဝဲဇာဟာ နန်းနို့တွပ် ငါဝန်းသာဟယ်။ သူနားဟို သွားဂေဇို” ဆိုဘီး ပွမ်ပွမ်လန်းလန်းဟား မိန့်တော်မူလေဟယ်။ 16 မြွာ်ဗျူး ဆိုဘီး ခေါ်ဟူ သောမဟာ သူရဲဇော်လေဟို “နို့လေအားလောင်း ဆရာနတူးဒူ သေခံဟို့ လိုက်ဟားဂေဇို!” ဆိုဘီး ပြောလေဟယ်။ 17 ယေရှု ရော့-က်လာတော်မူခီမာ လာဇရုဟို သန်းခိုင်းဂူမာ သဂြိုဟ်ဟားဇာ လေးရစ်ရှိနေဘီ ဆိုဇာဟို တွံဟားတော်မူဟယ်။ 18 ဗေသခိဝါဟာ ယေရှုရှုလင်မြို့ဟုနေ နေ့မိုင်လော့-က်ဘဲ ဝီးဟယ်။ 19 ယုဒလူဘောင်ဂီးဟာ မာသန မာရီရဲ့မောင် သေဟားဟူကြောန့် သူးနို့ဟို နှစ်သိမ့်ဟို့ လာဂေဟယ်။ 20 မာသဟာ ယေရှုကြွလာဟယ် ဆိုဇာဟို ကြားဟူ ခီမာ ကိုယ်တော်ဟို့ ကြိုဆိုဟို့ ထွပ်ဟားလေဟယ်။ မာရီဟာ အီမာဘဲ နေရစ်ဟယ်။ 21 မာသဟာ ယေရှုဟို “သခင်၊ ကိုယ်တော်ဟာ အယ်နေရာမာရှိနေမယ် ဆိုဟာ ကျွန်မမောင် သေဟို့ မူဟု! 22 အယ်ဘေမဲ့ ခု ကိုယ်တော်ဟာ ဘုရားသခင်နားမာ တောန်းတော်မူသမျှဟို့ ဘုရားသခင် ပေးတော်မူမယ် ဆိုဇာဟို ကျွန်မသိဟယ်” ဆိုဘီး လျှော့-က်လေဟယ်။ 23 ယေရှုဟု “နန်မောင်ဟာ သတ်ပွန်ရှင်လေမယ်” ဆိုဘီး သူဟို မိန့်တော်မူလိုက်ဟယ်။ 24 မာသဟု “သူဟာ နော့-က်ဆောင်းဟူ နေမာ ရှင်ပွန်ထမြော့-က်လေမယ် ဆိုဇာဟို ကျွန်မသိပါဟယ်” ဆိုဘီး ပွန်လျှော့-က်ဟယ်။ 25 ယေရှုဟာ သူဟို့ “ငါဟာ ရှင်ပွန်ထမြော့-က်ရှင်း ဖြစ်ဟယ်။ သတ်လည်း ဖြစ်ဟယ်။ ငါဟို့ ယောင်ကြည်ဟူ လူလေဟာ သေဟားဘေမဲ့လည်း ပွန်ရှင်လေမယ်။ 26 ငါဟို့ ယောင်ကြည်ဘီး သတ်ရှင်နေဟူ လူလေဟာ ကာလစဉ်ဆစ် သေရလေဟို့ မူဟု။ အယ်မူဇာဟို နန်ယောင်ကြည်ဘဲလော” ဆိုဘီး မေးတော်မူလေဟယ်။ (aiñ g165) 27 သူဟု “ယောင်ကြည်ပါဟယ်။ သခင်၊ ကိုယ်တော်ဟာ လောကဟို့ ကြွလာတော်မူဟူ ဘုရားသခင်ရဲ့ သားတော်၊ မေရိယ ဖြစ်ဟယ် ဆိုဇာဟို ကျွန်မ ယောင်ကြည်ပါဟယ်” ဆိုဘီး ပွန်လျှော့-က်လေဟယ်။ 28 မာသဟာ အယ်မျိုး လျှော့-က်လိုက်ဘီးန အီဟို့ ပွန်ဟားဘီး ညီမမာရီဟို့ တိတိဟားခေါ်လိုက်ဟယ်။ “ဆရာကြွလာတော်မူဘီ နန်းဟို့ မေးနေဟယ်” ဆိုဘီး ပြောလိုက်ဟယ်။ 29 မာရီဟာ အယ်မျိုးကြားလိုက်ခီမာ ဗြန်းဗြန်းဟား ထွပ်ဟားဘီးဟာ ကိုယ်တော်နားဟို့ သွားလေဟယ်။ 30 အယ်ခီမာ ယေရှုဟာ ဝါထဲဟို့ ရော့-က်သေးဘဲ မာသ လာတို့ဟူနေရာမာဘဲ ရှိနေသေးဟယ်။ 31 မာရီဟို့ နှစ်သိမ့်ပေးဟို့ အီမာရှိနေဟူ ယုဒလူလေဟာ ဗြန်းဗြန်းဟားထွပ်ဟားဟူ မာရီဟို့ ဗြင်လိုက်ဟယ်။ သူးနို့ဟု ငိုဟို့တွပ် သန်းခိုင်းဂူဟို့ ထွပ်ဟားဟယ် ဆိုဘီး ထန်နေဂေဟယ်။ 32 မာရီဟာ ယေရှုရှိနေဟူ နေရာဟို့ ရော့-က်ဟားဘီး ကိုယ်တော်ဟို့ တွံဟူနု ခေတော်ရင်းမာ ဒူးထော့-က်လေဟယ်။ “သခင်၊ ကိုယ်တော်ဟာ အယ်နေရာမာ ရှိနေမယ် ဆိုဟာ ကျွန်မမောင် သေဟို့ မူဟု!” ဆိုဘီး လျှော့-က်လေဟယ်။ 33 ယေရှုဟာ မာရီငိုနေဇာဟို့ရော၊ သူနတူးဒူလိုက်လာဟူ ယုဒလူလေ ငိုနေဇာဟို့ရော ဗြင်ဟူ ခီမာ ကိုယ်တော်ဟာ ရရာတိုင်း စိကောန်းဘဲ ဖြစ်ဟားဟယ်။ 34 ကိုယ်တော်ဟု “သူဟို့ ဖယ်မာ သဂြိုဟ်ဟားဂေဇူး” ဆိုဘီး သူးနို့ဟို့ မေးတော်မူလေဟယ်။ သူးနို့ဟု “သခင်၊ ကြွဘီးကေ့တော်မူပါ” ဆိုဘီး ပွန်ဖြေတော်မူဂေဟယ်။ 35 ယေရှုဟာ ငိုတော်မူလေဟယ်။ 36 အယ်ကြောန့် ယုဒလူလေဟု “ကေ့ပါအူး၊ လာဇရုဟို့ ရရာတိုင်း ရှစ်ဇော!” ဆိုဘီး ပြောနေဂေဟယ်။ 37 အယ်ဘေမဲ့ သူးနို့ထဲဟု တချို့ဟု “မျစ်စိကန်းနေဟူ လူဟို့

မျစ်စိပျန်ပြင်အောင် လောက်ပေးဟုယ် မူဟုလော။ လာဇရဟိုလည်း သေဘဲအောင် လောက်ပေးနိုင်ဟုလော” ဆိုဘီး ပြောဂေဟုယ်။ 38 နော့-ကံထပ်တခါ ဝန်းနဲလာဘီး ယေရှုဟုာ သန်းခွိုင်းဂူဟို ကြဟွားလေဟုယ်။ အယ်သန်းခွိုင်းဂူဟို ကွော့-ကန် ပိဟွားဟုယ်။ 39 ယေရှုဟုာ “ကွော့-ကံဟို ဖယ်ထုလိုက်!” ဆိုဘီး မိန့်တော်မူလေဟုယ်။ သေဟွားလုရဲမယ်ဖြစ်ဟူ မာသဟုာ “သခင်၊ ခုဆိုဟုာ နံနေလေ့မယ်။ သူဟို သင်္ဂြိုဟ်ဟွားဇာ လေးရစ်ရှိဟွားဘီး!” ဆိုဘီး ပြောလေဟုယ်။ 40 ယေရှုဟုာ “နန်ယောင်ကြည်မယ် ဆိုဟုာ ဘုရားသခင်ရဲ့ ဖောင်းသရေတော်ဟို ပြင်ရလေ့မယ် ဆိုဇာ နန်ဟို ငါပြောဟွားပီးဘိ မူဟုလော” ဆိုဘီး သူဟို မိန့်တော်မူလေဟုယ်။ 41 သူးနို့ဟုာ ကွော့-ကံဟို ဖယ်ထုလိုက်ဟုယ်။ ယေရှုဟုာ မော့ကော့ဘီး “ဖ၊ ကျွန်တော့်ရဲ့ စကားဟို နားထောန်ဟူကြော့န့် ကျေးဇူးတန်ဟုယ်။ 42 ဖဟုာ ကျွန်တော့်ရဲ့ စကားဟို မြဲဒမ်း နားထောန်ဟုယ် ဆိုဇာ နို့သိုဟုယ်။ အယ်ဘောမဲ့ ကျွန်တော် အယ်မျိုးပြောဇာဟု ဖဟုာ ကျွန်တော့်ဟို စေလွှတ်တော်မူဟုယ် ဆိုဇာဟို အယ်နေရာမာ ရှိနေဟူ လူလေဟို သူးနို့ရဲ့ ကျိုးဟို ကော့ဘီး ယောင်ကြည်လာစေဟိုဘဲ ဖြစ်ဟုယ်” ဆိုဘီး ပြောလေဟုယ်။ 43 ကိုယ်တော်ဟုာ အယ်မျိုးပြောဘီးန သံကြမ်းကြမ်းန “လာဇရ၊ ထွပ်လာဟွား!” ဆိုဘီး ခေါ်ထုလိုက်ဟုယ်။ 44 သေဟွားဟူလူဟုာ လတ်ခေလေမာ ဝတ်ကြိုးန ခယ်ဟွားဘီး မျစ်နာမာလည်း ဝတ်န ပတ်ဟွားဘီး ထွပ်လာဟုယ်။ ယေရှုဟုာ “သူဟို ကြိုးဖြေပေးဂေ” ဆိုဘီး သူးနို့ဟို မိန့်တော်မူလေဟုယ်။ 45 မာရိနားဟို လာဟူယုဒလူလေ ဘောင်ဂီးဟုာ ယေရှု ပြုတော်မူဇာလေဟို ပြင်ဘီး ကိုယ်တော်ဟို ယောင်ကြည်ဂေဟုယ်။ 46 အယ်ဘောမဲ့ သူးနို့လေထဲဟု တချို့ဟုာ ဖာရိရဲလေနားဟို ပြန်လာဘီးဟုာ ယေရှုပြုတော်မူဇာလေဟို ပြောပြဂေဟုယ်။ 47 အယ်ကြော့န့် ဖာရိရဲလေန ယဇ်ပုရောဟိတ်ဂီးလေဟုာ ယုဒတရားလွတ်တော်မာ တို့ဆောင်ဘီး “နို့လေဖြားမျိုးလောက်ရမယ်န့။ အယ်လူဟုာ နိမိတ်လတ်ခဏာလေ ဘောင်ဂီး ပြုလောက်နေဟုယ်။ 48 အယ်လူဟို အယ်မျိုးခွမ်းပေးဟွားမယ် ဆိုဟုာ လူတိုင်းဟုာ သူဟို ယောင်ကြည်ဟွားလေ့မယ်။ အယ်ဆိုဟုာ ရောမအာဏာပိုင်လေဟု နို့လေရဲ့ ဗိမာန်တော်န နို့လေရဲ့ လူမျိုးဟို ဖျစ်ဆီးပစ်လေ့မယ်!” ဆိုဘီး ပြောဂေဟုယ်။ 49 သူးနို့လေထဲဟု အယ်နှစ်မာ ယဇ်ပုရောဟိတ်မန်း ဖြစ်လာဟူ ကယာဖဟု “နန်းနို့လေဟုာ ရူးလေဘဲ! 50 လူမျိုးတမျိုးလောင်း သေကျေပျစီးရဟိုထတ် လူတယော့-ကံဟု လူလေတွပ် သေရဇာဟု ရရာတိုင်း ကောန်းဟုယ် ဆိုဇာဟို နန်းနို့လေ နားလည်ဂေဟုလော” ဆိုဘီး ပြောလေဟုယ်။ 51 အယ်မျိုးပြောနေဇာဟုာ သူရဲ့ ကိုယ်ပိုင်ဉာဏ်န ပြောနေဇာ မူဟု။ သူဟုာ အယ်နှစ်မာ ယဇ်ပုရောဟိတ်မန်း ဖြစ်လာဟူကြော့န့် ယုဒလူလေတွပ် ယေရှု သေခံပေးတော်မူမယ် ဆိုဇာဟို ပရောဖက်ပြုနေဇာဖြစ်ဟုယ်။ 52 အယ်လူမျိုးတွပ်ဘဲမှဘဲန ဖွဲ့ဖွဲ့စင်နေဟူ ဘုရားသခင်ရဲ့ လူလေလည်းဘဲ ခန္ဓာတခုထဲမာ စုဝေးလာဟိုတွပ် ဖြစ်ဟုယ်။ 53 အယ်နေဟုစဘီး ယုဒအာဏာပိုင်လေဟုာ ယေရှုဟို သတ်ဟိုတွပ် ကြံစည်ဂေဟုယ်။ 54 အယ်ကြော့န့် ယေရှုဟုာ ယုဒနယ်မာ ထန်းထန်းရှားရှားဟွား သွားလာဟုမ်း။ အယ်ဘောမဲ့ တောကန္တာရနားဟု ဇဖရိမ်နာမယ်ရှိဟူ မြို့ဟို ကြွဟွားဘီး တပွဲတော်လေနတူးဒု နေတော်မူလေဟုယ်။ 55 ယုဒလူလေရဲ့ ပသခါပွဲတော်ခီ နီးလာဟူ ခီမာ တောဝါဟု လူလေဘောင်ဂီးဟုာ ဘာသာရေးစဉ်လာတိုင်း စင်ကြယ်ဇာလောက်ဟို ပွဲတော်လောက်ခန်မာ ယေရုရှလင်မြို့ဟို တတ်လာဂေဟုယ်။ 56 သူးနို့လေဟုာ ယေရှုဟို လိုက်ရှာနေဂေဟုယ်။ သူးနို့ဟုာ ဗိမာန်တော်ထဲမာ စုရောင်းမိဟူ ခီမာ “နန်းနို့လေ ဖယ်မျိုးထန်ဂေန့။ သူဟုာ အယ်ပွဲတော်ဟို လာဟိုတွပ် သေချာဘဲလော” ဆိုဘီး သူးနို့ရှင်းရှင်း မေးနေဂေဟုယ်။ 57 ယဇ်ပုရောဟိတ်ဂီးလေန ဖာရိရဲလေဟု ဖယ်သူဘဲဖြစ်ဖြစ် ယေရှုရှိဟူနေရာဟို သိမယ် ဆိုဟုာ သူဟို ဖမ်းဆီးဟိုတွပ် ကြောန်းကြားရမယ် ဆိုဘီး ညွှန်ကြားဟွားဂေဟုယ်။

12 ပသခါပွဲတော်တိုင်ခန် ခြော့-ကံရစ်ဘဲလိုဟူ ခီမာ သေဘီးန ပွန်ရှင်လာဟူ လာဇရနေထိုင်ဟူ ဗေသနိဝါဟို ယေရှုဟုာ ကြွတော်မူလေဟုယ်။ 2 သူးနို့ဟုာ ကိုယ်တော်တွပ် ညဉ့်ခန်းဇာဟို ပြင်ဆင်ဘီးန မာသဟုာ လောက်ကျေးပြုလေဟုယ်။ ယေရှုနတူးဒု ဗွဲမာထိုင်နေဟူ လူလေထဲမာ လာဇရလည်း ရှိနေလေဟုယ်။ 3 အယ်ခီမာ မာရိဟုာ ရာရဲတိုင်း ဖိုးကီးဟူ နာဒုဆီဗီးစစ်စစ် ဖူးဝပ်ဟို ယုာဘီး ယေရှုရဲ့ ခေတော်ထတ်ဟို လောန်းခွဘီးန သူရဲ့ ဆားဗန်န သုပေးလေဟုယ်။ အယ်ဆီဗီးရဲ့ နံဟုာ တအီလောင်းဟို မွီးကြိုဟွားလေဟုယ်။ 4 ယေရှုရဲ့ တပွဲတော်တပါးဖြစ်ဟူ ကိုယ်တော်ဟို

သစ်စာဖော့-ကံမယ့်လူဖြစ်ဟူ ယုဒရှုကာရုတ်ဟု 5 “ဖြားဖြစ်ကြောန့် အယ်ဆီမွီးဟို ငွေဒန်းဂါး ၃၀၀ န ရောင်းလိုက်ဘီးဟား ဆင်းရဲသားလေဟို ပေးဘွဲနေရနူး” ဆိုဘီး မေးလေဟယ်။ 6 သူဟာ အယ်မျိုးပြောနေဇာဟု ဆင်းရဲသားလေဟို သနားကြောန့်မူဘဲ သူခိုးတယော့-ကံ ဖြစ်ကြောန့်ဖြစ်ဟယ်။ သူဟာ ကပ်အိဟို လွယ်ရသူဖြစ်ဘီး ကပ်လေဟို နှိုက်ယူတတ်ဟယ်။ 7 အယ်ဆောမဲ့ ယေရှုဟု “အယ်မီးမဟို နှော့-ကံယုတ်ရေနု၊ သူဟာ ငါ့ဟို သဂြိုဟ်မယ်နေတွပ် အယ်ဆီမွီးဟို သီးဟားဇာဖြစ်ဟယ်။ 8 ဆင်းရဲသားလေဟာ နန်းနိန့်တူးဒု မြဲဒမ်း ရှိဂေဟယ်။ ငါဟု နန်းနိန့်တူးဒု မြဲဒမ်း ရှိနေဟို မူဟု” ဆိုဘီး မိန့်တော်မူလေဟယ်။ 9 ဗေသနိဝါမာ ယေရှုရှိတော်မူဟယ် ဆိုဇာဟို ကြားလိုက်ဟူ ယုဒလူလေဘောင်ဂီးဟာ အယ်ဝါဟို လိုက်ဟားဂေဟယ်။ သူးနီဟာ ယေရှုဟို တွဲရှင်ရောင်မျှမက သေရာဟုနေ ယွန်ရှင်လာဟူ လာဇရဟိုလည်း တွဲရှင်ဂေဟယ်။ 10 အယ်ကြောန့် ယဇ်ပုရောဟိတ်ဂီးလေဟာ လာဇရဟိုလည်း သတ်ဟိုတွပ် ကြံစည်ဂေဟယ်။ 11 ဖြားဖြစ်ကြောန့်နူးဆိုဟာ ယုဒလူဘောင်ဂီးဟာ လာဇရကြောန့် သူးနီဟို ငြင်းပယ်ဘီး ယေရှုဟို ယောင်ကြည်လာဂေဟယ်။ 12 နှော့-ကံနေမာ ပသခါပွဲတော်ဟို လာဟူ လူအောက်ဂီးဟာ ယေရုရှလင်မြို့ဟို ယေရှုကြွလာတော်မူကြောန်းဟို ကြားလိုက်ဟယ်။ 13 အယ်ကြောန့် သူးနီဟာ စွန်ပလုံခတ်လေဟို ယုဘီး ကိုယ်တော်ဟို ကြိုဆိုဟိုသွားဂေဘီး “ဟောရှုဏ္ဏ! ဘုရားသခင်ရဲ့ နာမန ကြွလာဟူ သခင်ဟာ မင်္ဂလာရှိတော်မူဟယ်၊ ကူသရေလမန်းဂီးဟာ မင်္ဂလာရှိတော်မူဟယ်!” ဆိုဘီး ကြွေးကြော်ဂေလေဟယ်။ 14 ယေရှုဟာ မြည်းသားဂန်းဟို တွဲဟားဘီး စီးတော်မူလေဟယ်။ 15 အယ်မူဇာဟု “ဇီအုန်မြို့ စိုးရိမ်နု၊ နန်းနိရဲ့ မန်းဂီးဟာ မြည်းသားဂန်းဟားဟို စီးဘီးဟာ ကြွလာတော်မူဘိ” ဆိုဘီး ကျမ်းစာမာ အယ်မျိုး ပြောဟားလေဟယ်။ 16 တပွဲတော်လေဟာ အယ်ခီနူးဟု အယ်ကျမ်းစာဟို နားလည်ဂေဟု။ အယ်ဆောမဲ့ ယေရှုဟာ ဖောင်းသရေတော်တွပ် ယွန်ရှင်လာဟူ ခီမာ အယ်ကျမ်းစာဟု ကိုယ်တော်ကြောန်းဟို ရေးဟားဇာဖြစ်ဟယ် ဆိုဇာန ကိုယ်တော်ဟို အယ်မျိုး လောက်ဇာဖြစ်ဟယ် ဆိုဇာလေဟို ယွန်အော့-ကံမေလာဂေဟယ်။ 17 ယေရှုနားဒုရှိနေဟူ လူလေဟာ လာဇရဟို သန်းခွိုင်းဂူဟုနေ ခေါ်ထုလိုက်ဘီး သေရာဟုနေ ယွန်ရှင်စေဟူကြောန်းဟို သတ်သေခံဂေဟယ်။ 18 ဖြားကြောန့်ဟို လူအောက်ဟာ ကိုယ်တော်ဟို ကြိုဆိုဂေဇာဟာ သူးနီဟာ အယ်မျိုး နိမိတ်လတ်ခဏာလေဟို ပြတော်မူကြောန်းဟို ကြားဟားဂေဟယ်။ 19 အယ်ကြောန့် ဖာရိရှဲလေဟာ “နီလေဟာ လောက်ဝ အောန်မြင်နိုင်ဟု! ကေ့ကေ့။ တလောကလောင်းဟာ အယ်လူနှော့-ကံဟို လိုက်ဟားဂေဘိ!” ဆိုဘီး သူးနီရှင်းရှင်း ပြောနေဂေဟယ်။ 20 ပွဲတော်မာ ကိုးကွယ်ဟိုတွပ် ယေရုရှလင်မြို့ဟို ရော့-ကံလာဟူ လူလေထဲမာ လူမျိုးခြားတချို့လည်းပါဟယ်။ 21 သူးနီဟာ ဂါလိလဲနယ် ဗက်ဇဲဒ်မြို့သားဖြစ်ဟူ ဖိလိပ္ပုနားဟို သွားဘီး “ဆရာ၊ ကျွန်တော့်ဟားလေ ယေရှုဟို ဗြင်ရှင်ဟယ်” ဆိုဘီး တောင်းလျှော့-ကံဂေဟယ်။ 22 ဖိလိပ္ပုဟာ အခြွေနားဟို သွားပြောပြဘီးဟာ သူးနီနေယော့-ကံဟာ ယေရှုနားဟို သွားဘီး လျှော့-ကံဂေဟယ်။ 23 ယေရှုဟာ သူးနီဟို “လူရဲ့သားဟာ ရရာတိုင်း ကီးမားဟူ ဖောင်းသရေတော်ဟို လတ်ခံဟို ခီဟာ ခုဘွဲရော့-ကံနေဘိ။ 24 နန်းနီဟို ငါ မှန်တိုင်းပြောမယ်၊ ဂျောင်စေတစေဟာ မွေ့ကီးထဲဟို ကွဘီး ပျစ်စီးဟု ဆိုဟာ တစေ့ဒဲဘဲ ရှိနေလေမယ်။ အယ်စေ့ဟာ ပျစ်စီးဟားမယ် ဆိုဟာ သီးလေ ဘောင်ဂီး ဖြစ်ဟားဟယ်။ 25 ကိုယ့်သတ်ဟို ရှစ်ဟူ လူလေဟာ သတ်ဆောင်းရှောင်း လေ့မယ်။ အယ်လောကမာ ကိုယ့်သတ်ဟို မူးဟူ လူလေဟာ ကိုယ့်သတ်ဟို ထာဝရ စောန့်ရှော့-ကံရလေ့မယ်။ (aiōnios g166) 26 ငါ့မူတော်ဟို လောက်ဆောန်ဟူ လူတိုင်းဟာ ငါ့နှော့-ကံဟို လိုက်ရမယ်။ အယ်ဆိုဟာ ငါရှိဟူ နေရာမာ ငါ့ဆောန်ဟာ ငါ့နားဒုရှိ လေ့မယ်။ ငါ့ဖဟုလည်း ငါ့ရဲ့ မူဆောန်ဟို ချီးမြှော့-ကံလေ့မယ်။ 27 “ခု ငါ့ရဲ့ စိန်လောင်း ပူလောန်နေဟယ်။ ငါ ဖယ်မျိုး ပြောရဟိုနူး။ ငါဟု ‘ဖ၊ ကျွန်တော်ထတ်ဟို ကွရော့-ကံလာမယ့် အယ်ခီနာရီဟုနေ ကယ်မပါ’ ဆိုဘီး ပြောရဟိုလော။ အယ်ဆောမဲ့ ငါဟာ အယ်ဒေါက်ခဝေဒနာခံဟိုတွပ်ဘွဲ ရော့-ကံလာဟယ်။ 28 ဖ၊ ဖရဲနာမတော်ဟာ ဖောင်းသရေတော် ထန်ရှားစေတော်မူပါ!” ဆိုဘီး မိန့်တော်မူလေဟယ်။ အယ်ဘီးန ကောန်းဂန်ထတ်ဟုနေ သံတော်ဟု “ငါဟာ ဖောင်းသရေတော် ထန်ရှားစေဘီးဘိ။ နှော့-ကံတခါလည်း ထန်ရှားစေအူးမယ်” ဆိုဘီး မိန့်တော်မူလေဟယ်။ 29 အယ်နေရာမာ ရပ်နေဂေဟူ လူအောက်ဟာ

သံတော်ဟို ကြားလိုက်ရဘီး သူးနို့ထဲဟု တချို့ဟု မိုးကြိုးသံဖြစ်ဟယ် ဆိုဘီး ပြောဂေဟယ်။ တချို့ဟု “ကောန်းဂန်တမန်ဟု ကိုယ်တော့်ဟို စကားပြောဟယ်!” ဆိုဘီး ပြောဂေဟယ်။ 30 အယ်ဘောမဲ့ ယေရှုဟု သူးနို့ဟို “အယ်သံတော်ဟု ငါ့တွပ် မူဟု။ နန်းနို့တွပ် ဖြစ်ဟယ်။ 31 အယ်လောကဟု ခုဘဲ တရားစီရင်ခံရမယ်။ အယ်လောကဟို အောက်ချောက်မားဟု ခုဘဲ နှန်ထုဇာခံရလေမယ်။ 32 ငါဟု မွေဂီးဟုနေ မွေ-ကံဟားဇာဟို ခံရဟူ ခီမာ လူတိုင်းဟို ငါနားဟို ဆွဲခေါ်မယ်” ဆိုဘီး မိန့်တော်မူလေဟယ်။ 33 အယ်မျိုးမိန့်တော်မူဇာဟု ကိုယ်တော်ဟု ဖယ်မျိုးသေနည်းန သေခံတော်မူရမယ် ဆိုဇာဟို ဖော်ပြဇာဖြစ်ဟယ်။ 34 လူအောက်ဂီးဟု “မေရိယဟု ထာဝရသတ်ရှင်လေမယ် ဆိုဘီး ကျွန်တော့်ဟားလေရဲ့ ပညတ်တော်မာ ပြောဟားဟယ်။ အယ်ဆိုဟု လူရဲ့သားဟု မွေဂီးဟုနေ မွေ-ကံဟားခံရမယ် ဆိုဘီး ဖြားဖြစ်ကြောန့် ပြောနိုင်နူး။ အယ်လူရဲ့သားဟု ဖယ်လူနူး” ဆိုဘီး မေးဂေဟယ်။ (aiōn g165) 35 ယေရှုဟု “လန်းရောန်ဟု နန်းနို့ထဲမာ ရှစ်ဟားဘဲ ရှိနေလေမယ်။ အယ်ကြောန့် နန်းနို့ဟို မှောန်ဖောင်းခန် လန်းရောန်ရှိနေဒူးမာ သွားလာဂေ။ ဖြားဖြစ်ကြောန့်နူးဆိုဟု မှောန်ထဲမာ သွားလာလူဟု ဖယ်နေရာဟို သွားနေဟယ် ဆိုဇာဟို သိဟူ။ 36 အယ်မူကြောန့်ဟို လန်းရောန်ဟု နန်းနို့ရှိနေဒူးမာ လန်းရောန်ဟို ယောင်ကြည်ဂေ။ အယ်ဆိုဟု နန်းနို့ဟု လန်းရောန်ရဲ့ သားမီးလေ ဖြစ်လေမယ်” ဆိုဘီး ယွန်ဖြေတော်မူဟယ်။ ယေရှုဟု အယ်မျိုးမိန့်တော်မူဘီးန ထွပ်ကြွဟားဘီး သူးနို့ဟို တီးရှောန်ဟားလေဟယ်။ 37 ကိုယ်တော်ဟု သူးနို့မျစ်စိရှေမာ အယ်နိမိတ်လတ်ခဏာလေ ဂူလောင်းဟို ပြဘောမဲ့ သူးနို့ဟု ကိုယ်တော်ဟို ယောင်ကြည်ဂေဟု။ 38 အယ်ကြောန့် “အို၊ ဘုရားသခင် ကျွန်တော့်ဟားလေဟောပြောဟူ အယ်ဒန်းကောန်းဟို ဖယ်သူလေ ယောင်ကြည်ကြောန့်နူး။ သခင်ဘုရားရဲ့ တဂိုးတော်ဟု ဖယ်လူဟို ထန်ရှားဟို့နူး။” ဆိုဘီး ပရောဖက်ဟောရှာယ ဟောဟားဇာဟု မှန်ဘဲဖြစ်လာဟယ်။ 39 အယ်ဘီးဟု သူးနို့လေ ယောင်ကြည်နိုင်ဘဲကြောန့် ဟောရှာယဟု 40 “ဘုရားသခင်ဟု သူးနို့ရဲ့ မျစ်စိဟို ကန်းစေဟားဘီး သူးနို့ရဲ့ စိန်လောင်းဟို ပိစေဟားဟယ်။ အယ်ကြောန့် သူးနို့ရဲ့ မျစ်စိဟု ဗြင်ဂေဟု။ အယ်ဘီးဟု သူးနို့ရဲ့ စိန်လောင်းဟို မာကျောစေဟယ်။ အယ်ဘီးဟု သူးနို့ဟု ငါနားဟို ယွန်လာဂေဟု။ ဖြားဖြစ်ကြောန့်နူးဆိုဟု သူးနို့ဟု ငါနားဟို ယွန်လာမယ် ဆိုဟု နာပျော-ကံလေမယ်” ဆိုဘီး ဘုရားသခင်ဟု ပြောဟားဟယ်။ 41 ဟောရှာယဟု ယေရှုရဲ့ ဖောင်းသရေတော်ဟို ဗြင်ဟားဟူကြောန့် အယ်မျိုးပြောဆိုဘီး ကိုယ်တော်ကြောန်းဟို ပြောနေလေဟယ်။ 42 ဖယ်မျိုးဘဲဖြစ်ဖြစ် ယုဒအာဏာပိုင်လေ ဘောင်ဂီးဟု ယေရှုဟို ယောင်ကြည်လာဂေဟယ်။ အယ်ဘောမဲ့ သူးနို့ဟု ဖာရိရှဲလေကြောန့် ဝါလယ်ဇရပ်ဟုနေ နှန်ထုခံရမာဟို စိုးရိမ်ဘီး ပွမ့်ပွမ့်လန်းလန်းဟား ပြောဂေဟု။ 43 သူးနို့ဟု ဘုရားသခင်ရဲ့ ချီးမွမ်းဇာထတ် လူလေရဲ့ ချီးမွမ်းဇာဟို နှစ်သက်ဂေဟယ်။ 44 ယေရှုဟု “ငါ့ဟို ယောင်ကြည်ဟူလူဟု ငါ့ဟိုဘဲ ယောင်ကြည်ဇာ မူဟု။ ငါ့ဟို စေလွှတ်တော်မူဟူ သခင်ဟိုလည်း ယောင်ကြည်ဟယ်။ 45 ငါ့ဟို ဗြင်ဟူလူဟု ငါ့ဟို စေလွှတ်တော်မူဟူ သခင်ဟိုလည်း ဗြင်ဟယ်။ 46 ငါဟု လန်းရောန်ဖြစ်န လောကထဲဟို ကြွလာဟယ်။ အယ်ကြောန့် ငါ့ဟို ယောင်ကြည်ဟူ လူတိုင်းဟု မှောန်ထဲမာ နေရဟုမ်း။ 47 လူလေဟု ငါ့စကားဟို ကြားဘီး နာခံဟု ဆိုဟု သူးနို့ဟို ငါစီရင်လေမယ် မူဟု။ ဖြားဖြစ်ကြောန့်နူးဆိုဟု ငါလာဇာဟု အယ်လောကဟို စီရင်ဟို့လာဇာ မူဟု။ အယ်လောကဟို ကယ်တန်ဟို့လာဟယ်။ 48 ငါ့စကားဟို လတ်ခံဘဲန ငြင်းပယ်ဟူ လူလေဟို စီရင်မယ်သူရှိဟယ်။ ငါပြောဟူ စကားလေဟုဘဲ နေ့-ကံဆောင်းဟူ နေမာ အယ်လူလေဟို စီရင်လေမယ်! 49 အယ်စကားဟု သမ္မာတရား ဖြစ်ဟယ်။ ဖြားဖြစ်ကြောန့်နူးဆိုဟု ငါဟု ကိုယ်ပိုင် ခွမ့်အာဏာန ပြောနေဇာ မူဟု။ အယ်ဘောမဲ့ ငါ့ဟို စေလွှတ်တော်မူဟူ ဖဟု ဖယ်မျိုးပြောရမယ် ဆိုဇာဟို ငါ့ဟို သွန်ကြားတော်မူဘီး။ 50 အယ်ဘီးဟု ဖရဲမိန့်တော်ဟု ထာဝရသတ် ဖြစ်ဟယ် ဆိုဇာဟို ငါသိဟယ်။ ငါပြောနေဇာလေဟု ဖဟု ငါ့ဟို စေခိုင်းတော်မူဟားတိုင်း ငါဟောပြောဟယ်” ဆိုဘီး သံဃွယ်ဂီးန မိန့်တော်မူလေဟယ်။ (aiōnios g166)

13 ပသခါပွဲတော် လောက်ခန် တနေမာ ဖြစ်ဟယ်။ ယေရှုဟု အယ်လောကဟု ထွပ်ခွါဘီး ဖနားဟို ကြွတော်မူဟို့ခီ ရော့-ကံလာဘီ ဆိုဇာဟို သိတော်မူဟယ်။ ကိုယ်တော်ဟု အယ်လောကမာရှိနေဟူ မိမိလူလေဟို ရှစ်တော်မူဘီး

ဆောင်းထိ ရှစ်တော်မူလေဟုယ်။ 2 ယေရှုနု တဗွဲတော်လေဟာ ညဉ့်ဇာစားနေဂေဟုယ်။ မာရ်နတ်ဟာ ရှိမုန်ရှကာရုတ်သား ယုဒရဲ့ စိန်လောင်းထဲမှာ ကိုယ်တော်ဟို သစ်စာဖော့-က်ဟို ကြိစည်ဟို ထဲပေးဟူးပီးဘီ။ 3 ဖဟာ သူဟို အာဏာလေ အားလောင်း ပေးဟူးဟုယ် ဆိုဇာဟိုရော၊ ဘုရားသခင်နားဟုနေ ကြွလာတော်မူဟုယ် ဆိုဇာရော၊ ဘုရားသခင်နားဟို ပွန်ကြွတော်မူရမယ် ဆိုဇာဟိုရော ယေရှုဟာ သိတော်မူဟုယ်။ 4 အယ်ကြောန့် ကိုယ်တော်ဟာ စားဗွဲဟုနေ ထတော်မူဘီး ပွန်ဝတ်ဟို ခလွတ်တော်မူဘီး မျစ်နာသုပိုင်းဟို ကိုယ်တော်ရဲခါးမာ ပတ်တော်မူလေဟုယ်။ 5 အယ်ဘီးနု ကိုယ်တော်ဟာ ရေအန်ဒုန်ထဲဟို ရေလောင်းထဲဘီး စဘီးဟာ တဗွဲတော်လေရဲ့ ခေဟို ဆေးပေးဘီးဟာ ခါးမာပတ်ဟူးဟူ မျစ်နာသုပိုင်းနု သုတော်မူလေဟုယ်။ 6 ကိုယ်တော်ဟာ ရှိမုန်ပေတရုနားဟို ရော့-က်ဟူ ခီမာ ပေတရဟု “သခင်၊ ကိုယ်တော်ဟု ကျွန်တော့်ခေဟို ဆေးပေးဟို့လော” ဆိုဘီး ကိုယ်တော်ဟို လျှော့-က်လေဟုယ်။ 7 ယေရှုဟာ သူဟို “ငါလောက်ဇာလေဟို ခု နန်နားလည်ဟို့ မူဟု။ အယ်ဘေမဲ့ နော့-က်ဆိုဟာ နားလည်လာလေမယ်” ဆိုဘီး ဖြေတော်မူဟုယ်။ 8 ပေတရဟု “ကိုယ်တော်ဟာ ကျွန်တော့်ရဲ့ ခေဟို လောင်းဝ ဆေးပေးတော်မူနု!” ဆိုဘီး လျှော့-က်လေဟုယ်။ ယေရှုဟု “နန်ရဲ့ခေဟို ငါဆေးပေးရဘဲဟု ဆိုဟာ နန်ဟာ ငါတဗွဲတော် ဖြစ်ဟို့ မူဟု” ဆိုဘီး ဖြေတော်မူလေဟုယ်။ (aīōn g165) 9 ရှိမုန်ပေတရဟု “သခင်၊ အယ်မျိုးဆိုဟာ ကျွန်တော့်ရဲ့ ခေဟိုဘွဲဆေးနု၊ ကျွန်တော့်ရဲ့လတ်လေနု ခေါန်းဟိုလည်း ဆေးပေးပါ!” ဆိုဘီး လျှော့-က်လေဟုယ်။ 10 ယေရှုဟု “ရေချိုးဘီးသားလူလေဟာ တကိုယ်လောင်း စင်ကြယ်ဟူးဘီဖြစ်ဟူကြောန့် သူးနီရဲ့ ခေဟိုဘွဲ ဆေးဟို့လိုဟုယ်။ နန်းနီဂူလောင်းဟာ စင်ကြယ်ဟူးဘီး။ အယ်ဘေမဲ့ တယော့-က်ဘွဲ စင်ကြယ်ဟု” ဆိုဘီး မိန့်တော်မူလေဟုယ်။ 11 ယေရှုဟာ သူဟို သစ်စာဖော့-က်မယ်လူဟို သိဟူးဘီးဟူကြောန့် “နန်းနီလေ ဂူလောင်းထဲမာ စင်ကြယ်ဘဲဟူ လူတယော့-က်ရှိနေဟုယ်” ဆိုဘီး မိန့်တော်မူလေဟုယ်။ 12 ယေရှုဟာ သူးနီရဲ့ ခေလေဟို ဆေးပေးဘီးနု ပွန်ဝတ်ဟို ပွန်ဝတ်လိုက်ဘီး စားဗွဲမာ ပွန်ထိုင်တော်မူလေဟုယ်။ ကိုယ်တော်ဟု “နန်းနီဟို ငါပြုလောက်ဇာလေဟို နားလည်ဂေဘဲလော” ဆိုဘီး မေးတော်မူလေဟုယ်။ 13 “နန်းနီဟု ငါဟို သခင်ဆိုဘီးရော၊ ဆရာဆိုဘီးရော ခေါ်ဂေဟုယ်။ ငါလည်း အယ်တိုင်းဘွဲဖြစ်ဟူကြောန့် နန်းနီခေါ်ဇာဟာ မှန်ဟုယ်။ 14 နန်းနီရဲ့ဆရာ၊ နန်းနီရဲ့သခင်ဖြစ်ဟူ ငါဟာ နန်းနီရဲ့ခေလေဟို ဆေးပေးဟုယ်။ အယ်ဆိုဟာ နန်းနီလည်း ရှင်းရှင်းလေရဲ့ ခေဟို ဆေးပေးရမယ်။ 15 နန်းနီဟို ငါပြုတော်မူမျိုးဘွဲ နန်းနီလည်းဘွဲ အယ်မျိုးပြုလောက်ဟို့ စံနုမူဟို ငါပြဟူးပီးဘီ။ 16 နန်းနီဟို ငါ မှန်တိုင်းပြောမယ်၊ ကျွန်ဟာ သူးနီသခင်ထတ် ကီးမြတ်ဟု။ စေတမန်ဟာ သူဟို စေလွှတ်သူထတ် ကီးမြတ်ဟု။ 17 အယ်သမ္မာတရားဟို နန်းနီ ခု သိဟူးဘီး။ အယ်မူတိုင်းလောက်မယ် ဆိုဟာ နန်းနီဟာ ရရာတိုင်း ပျော်ရွှင်ရလေမယ်! 18 “ငါဟာ နန်းနီလေ ဂူလောင်းဟို ပြောဇာ မူဟု။ ငါဝီးကော့-က်ဟူးဟူ လူလေဟို ငါသိဟုယ်။ အယ်ဘေမဲ့ ကျမ်းစာဟု ‘ငါရဲ့မူဟို စားဟူလူဟာ ငါဟို ပွန်ဘီးဆန်ကျင်လေဘီ’ ဆိုဘီး ပြောဟူးဇာဟာ မှန်ဘွဲဖြစ်လာဟုယ်။ 19 အယ်ကြောန့် အယ်မူဇာလေ ဖြစ်လာခန်မာ ‘ငါဖြစ်မျိုးဘွဲ ငါဖြစ်ဟုယ်’ ဆိုဇာဟို နန်းနီဟာ ယောင်ကြည်လာစေဟို့ ခုဘွဲ နန်းနီဟို ငါပြောဟုယ်။ 20 နန်းနီဟို ငါ မှန်တိုင်းပြောမယ်၊ ငါစေလွှတ်ဟူ သူဟို လတ်ခံဟူ သူဟာ ငါဟို လတ်ခံဟုယ်။ ငါဟို လတ်ခံဟူ သူဟာ ငါဟို စေလွှတ်လိုက်ဟူ သူဟိုလည်း လတ်ခံဟုယ်” ဆိုဘီး မိန့်တော်မူလေဟုယ်။ 21 ယေရှုဟာ အယ်မျိုးမိန့်တော်မူဘီးနု ရရာတိုင်း စိပူဘန်ဟူးဘီး “နန်းနီဟို ငါ မှန်တိုင်းပြောမယ်၊ နန်းနီထဲဟု တယော့-က်ဟာ ငါဟို သစ်စာဖော့-က်လေမယ်” ဆိုဘီး ပွမ်ပွမ်လန်းလန်းဟူး သတ်သေခံဘီး မိန့်တော်မူလေဟုယ်။ 22 ကိုယ်တော်ဟာ ဖယ်လူကြောန်းဟို ပြောနေဟုယ် ဆိုဇာဟို တဗွဲတော်လေဟာ လောင်းဝ နားလည်ဂေဘဲဟူကြောန့် ယော့-က်နယော့-က် ကော့နေဂေဟုယ်။ 23 ယေရှုရှစ်တော်မူဟူ တဗွဲတော်လေထဲဟု တယော့-က်ဟာ ယေရှုဘေးမာ ထိုင်နေဟုယ်။ 24 ရှိမုန်ပေတရဟု သူဟို “ကိုယ်တော်ဟာ ဖယ်သူကြောန်းဟို ပြောနေဟုယ် ဆိုဇာဟို မေးကော့” ဆိုဘီး မျစ်ရိပြဘီး ပြောဟုယ်။ 25 အယ်ကြောန့် အယ်တဗွဲတော်ဟာ ယေရှုနားဟို တိုးကပ်ဟူးဘီး “သခင်၊ အယ်လူဟာ ဖယ်သူနု” ဆိုဘီး မေးလျှော့-က်လေဟုယ်။ 26 ယေရှုဟု “အယ်မူဟို ဟန်းဇားထဲမာ နှစ်လိုက်ဘီး ငါပေးလိုက်ဟူ လူဘွဲဖြစ်ဟုယ်” ဆိုဘီး ဖြေတော်မူလေဟုယ်။ အယ်ကြောန့် ကိုယ်တော်ဟာ

မုတဖွဲဟို ဟန်းဇားထဲမာ နှစ်လိုက်ဘီး ရှိမုန်ရှကာရတ်ရဲသား ယုဒဟို ပေးလေဟယ်။ 27 ယုဒဟာ အယ်မဟို ယူဘီးန ရှင်းရှင်းဘဲ စာတန်ဟာ သူထဲဟို ဝမ်လေဟယ်။ ယေရှဟာ သူဟို “နန်လောက်ဇာရှိဇာဟို ဖြန်းဖြန်းဟားလောက်ပါ။” ဆိုဘီး မိန့်တော်မူလေဟယ်။ 28 ဖြားဖြစ်ကြောနဲ့ ယေရှဟာ ယုဒဟို အယ်မျိုးမိန့်တော်မူဟယ် ဆိုဇာဟို စားဗွဲမာ ထိုင်နေဟူ လူယော့-ကလည်း နားလည်ဂေဟ။ 29 ယုဒဟာ ကပ်အိကိုင်ရဟူ သူဖြစ်ဟူကြောနဲ့ ယေရှဟာ ပွဲတော်တွပ် လိုအပ်ဇာလေဟို ဝယ်ခိုင်းလိုက်ဟယ်။ အယ်မျိုးမူဘဲနေဟာ ဆင်းရဲသားလေဟို တခုခုသွားပေးခိုင်းလိုက်ဟယ် ဆိုဘီး တဗဲတော်တချို့ဟာ ထန်နေဂေဟယ်။ 30 ယုဒဟာ မဟို ခံယူဘီးန ရှစ်ရှင်းထွပ်ဟားလေဟယ်။ အယ်ဒီဟာ ညဉ့်ခန်းဖတ်ဖြစ်ဟယ်။ 31 ယုဒထွပ်ဟားဘီးန ယေရှဟာ “ခု လူရဲသားဟာ ဖောင်းသရေတော် ထန်ရှားတော်မူဘီ။ ခု ဘုရားသခင်ဟာ လူရဲသားအားဖြင့် ဖောင်းသရေတော် ထန်ရှားတော်မူဘီ။ 32 ဘုရားသခင်ဟာ လူရဲသားအားဖြင့် ဖောင်းသရေတော် ထန်ရှားတော်မူဟယ် ဆိုဟာ ဘုရားသခင် ကိုယ်တိုင်အားဖြင့် လူရဲသားဟို ဖောင်းသရေတော် ထန်ရှားတော်မူဘီး အယ်ဖောင်းသရေတော်ဟို ရှစ်ရှင်း ထန်ရှားတော်မူလေမယ်။ 33 ရှစ်ရဟူ သားမီးလေ၊ ငါဟာ နန်းနို့နူးတူးဒု ရှစ်ဟားဘဲ နေရလေမယ်။ နန်းနို့ဟာ ငါ့ဟို လိုက်ရှာလေမယ်။ အယ်ဘေမဲ့ ယုဒအာဏာပိုင်လေဟို ပြောဟားမျိုးဘဲ ‘ငါသွားမယ့်နေရာဟို နန်းနို့လာနိုင်ဂေဟ’ ဆိုဘီး နန်းနို့ဟို ခု ငါပြောဟယ်။ 34 ခု နန်းနို့ဟို ငါပေးဟူ ပညတ်တော်သစ်ဟ ရှင်းရှင်းရှစ်ဂေ။ နန်းနို့ဟို ငါရှစ်မျိုးဘဲ ရှင်းရှင်းရှစ်ရမယ်။ 35 နန်းနို့ရှင်းရှင်း ရှစ်ဂေမယ် ဆိုဟာ နန်းနို့ဟာ ငါတဗဲတော် ဖြစ်ဂေဟယ် ဆိုဇာဟို လူတိုင်း သိဂေလေမယ်” ဆိုဘီး မိန့်တော်မူလေဟယ်။ 36 ရှိမုန်ပေတရဟ “သခင်၊ ကိုယ်တော်ဟ ဖယ်နေရာဟို သွားဟို့နူး” ဆိုဘီး ကိုယ်တော်ဟို မေးလျှော့-ကလေဟယ်။ ယေရှဟာ “ငါသွားဟို့နေရာဟို ခု နန်လိုက်နိုင်ဟို မူဟ။ အယ်ဘေမဲ့ နှော့-ကဆိုဟာ လိုက်ရလေမယ်” ဆိုဘီး ဖြေတော်မူလေဟယ်။ 37 ပေတရဟ “သခင်၊ ဖြားဖြစ်ကြောနဲ့ ခုဟာ ကိုယ်တော်နှော့-ကဟို လိုက်နိုင်ရဟူနူး။ ကိုယ်တော်တွပ်ဆို ကျွန်တော့်သတ်ဟို စွန့်ဟို့ ဆင်သင့်ဘဲ!” ဆိုဘီး မေးလျှော့-ကလေဟယ်။ 38 ယေရှဟာ “နန်ဟာ ငါတွပ် နန်ရဲ သတ်ဟို စွန့်ဟို့ ဆင်သင့်ဘဲလော။ နန်ဟို ငါ မှန်တိုင်းပြောမယ်၊ ကြစ်တွန်ခန်မာ နန်ဟာ ငါ့ဟို သိဟ ဆိုဘီး သောင်းခါ ငြင်းပယ်လေမယ်” ဆိုဘီး ဖြေတော်မူလေဟယ်။

14 ယေရှဟာ သူးနို့ဟို “နန်းနို့လေ စိပူဂေန။ ဘုရားသခင်ဟို ယောင်ကြည်ဂေ။ ငါ့ဟိုလည်း ယောင်ကြည်ပါ။ 2 ငါ့ဖရဲ အီတော်မာ ခန်းလေ ဘောင်ဦးရှိဟယ်။ နန်းနို့တွပ် နေရာဟို ပြင်ဆင်ဟို့တွပ် ငါသွားရမယ်။ ခန်းလေမေဟာ ဆိုဟာ နန်းနို့ဟို အယ်မျိုး ပြောဟို့ မူဟ။ 3 နန်းနို့တွပ် နေရာဟို သွားပြင်ဆင်ဘီးန ငါ့ယွန်လာဘီး ငါရှိဟူနေရာမာ နန်းနို့ရှိနေဟို့တွပ် နန်းနို့ဟို ငါနားဟို ခေါ်ဆောန်မယ်။ 4 ငါသွားမယ့်နေရာဟို ရှော့-ကနိုင်ဟူလမ်းဟို နန်းနို့သိဂေဟယ်” ဆိုဘီး မိန့်တော်မူလေဟယ်။ 5 သောမဟာ ကိုယ်တော်ဟို “သခင်၊ ကိုယ်တော်ဟာ ဖယ်နေရာဟို သွားမယ် ဆိုဇာ ကျွန်တော့်ဟားလေ သိဂေဟ။ အယ်ဆိုဟာ ကျွန်တော့်ဟားလေဟာ အယ်နေရာဟို ရှော့-ကနိုင်မယ့်လမ်းဟို ဖယ်မျိုး သိနိုင်ဟို့နူး” ဆိုဘီး မေးလျှော့-ကလေဟယ်။ 6 ယေရှဟာ သူဟို “ငါဟာ လမ်း၊ သမ္မာတရားန သတ်ဖြစ်ဟယ်။ ငါ့အားဖြင့် မူဟ ဆိုဟာ ဖယ်လူလည်း ဖနားဟို သွားနိုင်ဂေဟ။ 7 ခု နန်းနို့ဟာ ငါ့ဟို သိဟားဘီ။ အယ်ဆိုဟာ နန်းနို့လေဟာ ငါ့ဖဟို့လည်း သိဂေလေမယ်။ ခုဟစဘီး နန်းနို့ဟာ ဖဟို့ သိပြင်ဂေဘီ” ဆိုဘီး မိန့်တော်မူလေဟယ်။ 8 ဖီလိပ္ပဟ ကိုယ်တော်ဟို “သခင်၊ ဖဟို ကျွန်တော့်ဟားလေဟို ပြတော်မူပါ။ အယ်မူဇာဟို ကျွန်တော့်ဟားလေ အားလောင်း လိုရှင်ဂေဟယ်” ဆိုဘီး လျှော့-ကလေဟယ်။ 9 ယေရှဟာ “ဖီလိပ္ပ၊ ငါဟာ နန်းနို့လေ ဂူလောင်းနတူးဒု ခီကြာဂီး ရှိနေဟို့မ ငါ့ဟို သိဂေသေးဟလော။ ငါ့ဟို ဗြင်ဟူလူဟာ ငါ့ဖဟို့ ဗြင်ရဟယ်။ အယ်ဆိုဟာ ‘ဖဟို ကျွန်တော့်ဟားလေဟို ပြပါ’ ဆိုဘီး ဖြားဖြစ်ကြောနဲ့ နန်းနို့ ပြောနေရနူး။ 10 ဖီလိပ္ပ၊ ငါဟာ ဖထဲမာရှိဘီး ဖဟလည်း ငါထဲမာရှိဟယ် ဆိုဇာဟို နန်ယောင်ကြည်ဟလော။ နန်းနို့ဟို ငါပြောနေဟူ စကားလေဟာ ငါထဲဟနေ ထွပ်လာဇာ မူဟ။ ငါထဲမာရှိနေဟူ ဖကိုယ်တိုင်ဟ သူရဲ မူဟို ပြတော်မူဟယ်။ 11 ငါဟာ ဖထဲမာ ရှိနေဘီး ဖဟလည်း ငါထဲမာ ရှိနေဟယ် ဆိုဘီး ပြောနေဟူ ဒီမာ ငါ့ဟို ယောင်ကြည်ဂေ။ ယောင်ကြည်ဘဲဟ ဆိုဟာ ငါလောက်နေဇာလေဟို ယောင်ကြည်ဂေ။ 12 နန်းနို့ဟို ငါ မှန်တိုင်းပြောမယ်၊ ငါ့ဟို

ယောင်ကြည်ဟူ လူဟာ ငါလောက်ဇာလေဟို လောက်လေ့မယ်။ အယ်ထတ်ကီးဟူ ဇာလေဟိုလည်း လောက်လေ့မယ်။
ဖြားဖြစ်ကြောန့်နူးဆိုဟာ ငါဟာ ဖနားဟို သွားရဟိုတွပ် ဖြစ်ဟယ်။ **13** ဖရဲ့ ဖောင်းသရေတော်ဟာ သားတော်အားဖြင့်
ထန်ရှားဟိုတွပ် ငါနာမန နန်းနိုတောင်းဇာမုန်မျှ ငါလောက်မယ်။ **14** နန်းနိုဟာ ငါနာမန တခုခုဟို ငါနားမာ တောင်းမယ်
ဆိုဟာ အယ်တိုင်း ငါပြုမယ်။ **15** “နန်းနိုဟာ ငါ့ဟို ရှစ်ဟယ် ဆိုဟာ ငါ့ပညတ်တော်လေဟို လိုက်နာဂေလေ့မယ်။ **16** ငါဟာ
ဖဟို တောင်းလျှော့-က် လိုက်ဟူကြောန့် နန်းနိုတူးဒု ထာဝရနေထိုင်ဟူ ကူညီမဇေသူ တပါးဟို ပေးတော်မူလေ့မယ်။

(aiñ g165) **17** သူဟာ ဘုရားသခင်နဆိုဟူ သမ္မာတရားဟို ဖွမ်ပြပေးဟူ ဝိညာဉ်တော်ဖြစ်ဟယ်။ အယ်လောကဟာ
အယ်ဝိညာဉ်တော်ဟို ဗြင်ဂေဟူ။ သိဂေဘဲဟူကြောန့် အယ်ဝိညာဉ်တော်ဟို လတ်ခံဂေဟူ။ အယ်ဘေမဲ့ နန်းနိုဟာ
အယ်ဝိညာဉ်တော်ဟို သိဂေဟယ်။ ဖြားဖြစ်ကြောန့်နူးဆိုဟာ သူဟာ နန်းနိုတူးဒု နေတော်မူနေဘီး နန်းနိုထဲမာ
ရှိနေတော်မူဟယ်။ **18** “ငါဟာ နန်းနိုဂူလောင်းဟို ခိုကိုးရာမဲ့ ထားရစ်ဇာ မူဟူ။ ငါဟာ နန်းနိုနားဟို ယွန်လာရအူးမယ်။
19 ရှစ်ဟားကြာဘီးဟာ အယ်လောကဟာ ငါ့ဟို နေ့-က်တခါ ဗြင်ရလေဟိုမူဘီ။ အယ်ဘေမဲ့ နန်းနိုဟာ ငါ့ဟို
ဗြင်ရလေ့မယ်။ ငါသတ်ရှင်ဟူကြောန့် နန်းနိုလည်း သတ်ရှင်ရလေ့မယ်။ **20** အယ်နေရစ် ရော့-က်လာဟူ ခီမာ ငါဟာ
ဖထဲမာ ရှိနေဟယ် ဆိုဇာဟိုရော၊ နန်းနိုဟာ ငါ့ထဲမာ ရှိနေဟယ် ဆိုဇာဟိုရော၊ ငါဟာ နန်းနိုထဲမာ ရှိနေဟယ် ဆိုဇာဟိုရော
နန်းနိုသိရလေ့မယ်။ **21** “ငါ့ပညတ်တော်လေဟို လတ်ခံဘီး လိုက်နာဟူလေဟာ ငါ့ဟို ရှစ်ဟူလူလေ ဖြစ်ဟယ်။ ငါ့ဟို
ရှစ်ဟူလူလေဟို ငါ့ဖဟုလည်း ရှစ်တော်မူဟယ်။ ငါဟုလည်း သူးနိုဟို ရှစ်ဟူကြောန့် ငါကိုယ်တိုင် သူးနိုဟို ဖွမ်ပြမယ်”
ဆိုဘီး ဖြေတော်မူဟယ်။ **22** ယုဒရှာကရတ်မူဘဲဟူ ယုဒဟ “သခင်၊ ကျွန်တော့်ဟားလေဟို ကိုယ်တော်ကိုယ်တိုင်
ထန်ရှားတော်မူဘီးဟာ လောကသားလေဟို ထန်ရှားပြဘဲဇာဟု ဖယ်မျိုးနူး” ဆိုဘီး မေးလျှော့-က်လေဟယ်။ **23** ယေရှဟာ
“ငါ့ဟို ရှစ်ဟူလူလေဟာ ငါ့သွန်သန်ဇာလေဟို လိုက်နာလေ့မယ်။ ငါ့ဖဟုလည်း သူးနိုဟို ရှစ်လေ့မယ်။ ငါ့ဖန ငါဟာ
သူးနိုနားဟို ကြွလာဘီး သူးနိုတူးဒု နေတော်မူမယ်။ **24** ငါ့ဟို ရှစ်ဘဲဟူ လူလေဟာ ငါ့သွန်သန်ဇာလေဟို လိုက်နာဂေ မူဟူ။
နန်းနိုကြားရဟူ သွန်သန်ဇာလေဟာ ငါ့သွန်သန်ဇာလေ မူဟူ။ အယ်ဘေမဲ့ ငါ့ဟို စေလွှတ်တော်မူဟူ ဖရဲ့ သွန်သန်ဇာလေဘဲ
ဖြစ်ဟယ်။” **25** “နန်းနိုတူးဒု ရှိနေဒူးမာ အယ်မူဇာဟို ငါပြောဟားဟယ်။ **26** ဖဟာ ငါနာမကြောန့် စေလွှတ်ပေးမယ့်
ကူညီမဇေဖြစ်ဟူ သန်ရှင်းဟူဝိညာဉ်တော်ဟာ နန်းနိုဟို ဂူလောင်းဟို သွန်သန်ပေးဘီးဟာ ငါပြောဟားဇာလေ ဂူလောင်းဟို
မှတ်မိလာအောန် လောက်ပေးလေ့မယ်။” **27** “ငြိသတ်မူဟို နန်းနိုတူးဒု ငါထားဟားဘီ။ ငါ့ငြိသတ်မူဟိုလည်း နန်းနိုဟို
ငါပေးဟားဟယ်။ လောကသားလေဟို ပေးဟားမျိုး ငါပေးဟားဇာ မူဟူ။ နန်းနိုလေ စိုးရိမ်ပုဉာန်ဂေန။ ကြော့-က်ဂေန။ **28**
‘ငါ သွားလိုက်ဘေမဲ့ နန်းနိုနားဟို ယွန်လာအူးမယ်’ ဆိုဘီး ငါပြောဟားဇာဟို နန်းနိုကြားဟားပီးဘီ။ နန်းနိုဟာ ငါ့ဟို ရှစ်ဟယ်
ဆိုဟာ ဖနားဟို ငါသွားဟူကြောန့် နန်းနိုဝန်းသာရလေ့မယ်။ ဖြားဖြစ်ကြောန့်ဆိုဟာ ဖဟာ ငါ့ထတ် ကီးမြတ်တော်မူဟယ်။
29 အယ်မူဇာလေဖြစ်လာဟူ ခီမာ နန်းနို ယောင်ကြည်ဂေဟိုတွပ် အယ်မူဇာလေအားလောင်း ဖြစ်ခန်ဂဒဲဟု နန်းနိုဟို
ခု ငါပြောဟားဟယ်။ **30** ငါဟာ နန်းနိုဟို ဘောင်ဂီးပြောနိုင်ဟိုမူဘီ။ ဖြားဖြစ်ကြောန့်နူးဆိုဟာ အယ်လောကဟို
အောက်ချောက်မားဟာ လာနေဘီ။ သူဟာ ငါထတ်မာ ဖြားခွမ်အာဏာလည်း မေ့ဟူ။ **31** အယ်ဘေမဲ့ ငါဟာ ဖဟို
ရှစ်ဟယ် ဆိုဇာဟို အယ်လောကဟို သိစေဟိုတွပ် ဖပညတ်ဟားတိုင်း ငါလောက်ဟယ်။” “လာဂေ။ အယ်နေရာဟုနေ
နိုလေသွားဂေဇို” ဆိုဘီး သူဟို မိန့်တော်မူလေဟယ်။

15 “ငါဟာ စစ်မှန်ဟူ စဗျစ်နွယ်ဗန် ဖြစ်ဟယ်။ ငါ့ဖဟာ ဥယျာဉ်မွူးဖြစ်ဟယ်။ **2** ငါ့ထဲမာ သီးသီးဘဲဟူ ခတ်လေဟို
ဖဟာ ခွတ်ပစ်မယ်။ သီးသီးဟူ ခတ်လေဟိုလည်း ပိုဘီး သီးစေဟိုတွပ် ရှင်းလန်းလေ့မယ်။ **3** ငါဟောပြောဟူ
တရားစကားအားဖြင့် ခု နန်းနိုဟာ သန်ရှင်းဟားဘီ။ **4** ငါ့နှိုက် ရှိနေဂေ။ အယ်ဆိုဟာ ငါဟုလည်း နန်းနိုထဲမာ
ရှိနေလေ့မယ်။ ခတ်ဟာ သူ့ကိုယ်သူ သီးသီးနိုင်ဟူ။ စဗျစ်နွယ်ဗန်မာရှိနေမယ် ဆိုဟာ အယ်ခတ်ဟာ သီးသီးနိုင်ဟယ်။
အယ်မျိုးဘဲ နန်းနိုဟာ ငါနှိုက်မေ့ဟု ဆိုဟာ သီးသီးနိုင်ဂေဟူ။” **5** “ငါဟာ စဗျစ်နွယ်ဗန်ဖြစ်ဟယ်။ နန်းနိုဟာ

ခတ်လေဖြစ်ဟယ်။ ငါ့နှိုက် နန်းနိရိုနေဘီး နန်းနိနှိုက် ငါ့ရိုနေမယ် ဆိုဟာ နန်းနိလေဟာ သီးလေဘောင်ဂီး သီးဂေလေမယ်။ နန်းနိဟာ ငါ့နှိုက်မေဟာ ဆိုဟာ နန်းနိ ဖြားဇာလည်း လောက်နိုင်ဂေ မဟာ။ 6 ငါ့နှိုက် မေ့ဘဲဟာ လူလေဟာ ယွန်ဟို ပစ်လိုက်ဟာ သစ်ခတ်ခြွေ-က်မျိုးဘဲ ဖြစ်ဟယ်။ အယ်ခတ်ခြွေ-က်လေဟို စုသီးဘီးဟာ မီးထဲဟို ပစ်ခွလိုက်ဟာကြောန့် လောန်ကျမ်းဟားဂေဟယ်။ 7 နန်းနိဟာ ငါ့နှိုက်ရိုနေဘီး ငါ့စကားတော်လေဟာလည်း နန်းနိနှိုက်ရိုနေမယ် ဆိုဟာ နန်းနိ တောန်းဇာဂူလောင်းဟို ရလေမယ်။ 8 နန်းနိဟာ သီးလေဘောင်ဂီးဟို သီးဟူအားဖြင့် ငါ့ဖရဲ့ ဖောင်းသရေတော်ဟို ထန်ရှားစေဘီး အယ်နည်းလမ်းအားဖြင့် ငါ့တပွဲတော်လေ ဖြစ်လာဂေဟယ်။ 9 ဖဟာ ငါ့ဟို ရှစ်မျိုးဘဲ နန်းနိဟိုလည်း ငါ့ရှစ်ဟယ်။ အယ်ကြောန့် ငါ့ရဲ့မြစ်တာထဲမှာရှိဂေပါ။ 10 ငါဟာ ဖရဲ့ ပညတ်တော်လေဟို လိုက်နာဘီး ဖရဲ့ မြစ်တာထဲမှာရှိနေမျိုးဘဲ နန်းနိဟာလည်း ငါ့ရဲ့ ပညတ်တော်လေဟို လိုက်နာမယ် ဆိုဟာ ငါ့ရဲ့မြစ်တာထဲမှာ ရှိလေမယ်။”

11 “နန်းနိထဲမှာ ငါ့ရဲ့ ဝန်းသာမူလေ ရိုနေဘီး နန်းနိရဲ့ ဝန်းသာမူလေ ပွဲဇောင်လာဟိုတွပ် အယ်မူဇာဟို နန်းနိဟို ငါပြောဟယ်။ 12 ငါ့ပညတ်ဟာ နန်းနိဟို ငါရှစ်မျိုးဘဲ နန်းနိရှင်းရှင်း ရှစ်ဂေ။ 13 မိမိရဲ့ မိဆွေလေတွပ် နန်းနိရဲ့ သတ်ဟို ပေးလိုက်ဇာဟာ ကီးမားဆောင်းဟာ မြစ်တာဖြစ်ဟယ်။ 14 နန်းနိဟာ ငါ့ပညတ်ဟားဇာလေဟို လောက်မယ် ဆိုဟာ နန်းနိဟာ ငါ့ရဲ့မိဆွေလေဖြစ်ဟယ်။ 15 ငါဟာ နန်းနိဟို စေခံ ဆိုဘီး ခေါ် ဟိုမူဘီး၊ ဖြားမြစ်ကြောန့်နူးဆိုဟာ စေခံဟာ သူးနိသခင် လောက်ဇာလေဟို သိရဂေဟာ။ ငါ့ဖနားဟုနေ ကြားဟားဇာလေ ဂူလောင်းဟို နန်းနိဟို ငါ့ပြောပြနေဟူကြောန့် နန်းနိဟို မိဆွေလေ ဆိုဘီး ငါခေါ် ဟယ်။ 16 နန်းနိဟာ ငါ့ဟို ဝီးကော့-က်ဟားဇာ မဟာ။ သွားဘီးဟာ တည်မြဲဟူသီးလေ ဘောင်ဂီးသီးဟိုတွပ် နန်းနိဟို ဝီးကော့-က်ဘီး ခန့်အပ်ဟားဟယ်။ အယ်ကြောန့် ငါ့နာမအားဖြင့် နန်းနိတောန်းဇာလေ ဂူလောင်းဟို ဖဟာ ပေးတော်မူလေမယ်။ 17 အယ်ကြောန့်ဘဲ နန်းနိရှင်းရှင်း ရှစ်ဂေ ဆိုဘီး ငါ့ပညတ်ဟားဟယ်။” 18 “လောကသားလေဟာ နန်းနိဟို မူးတီးဂေမယ် ဆိုဟာ နန်းနိဟို မူးတီးခန့်မာ ငါ့ဟို ရင်ဦးဆောင်း မူးတီးဂေဟယ် ဆိုဇာဟို သိမှတ်ဂေ။ 19 နန်းနိဟာ အယ်လောကနဆိုင်မယ် ဆိုဟာ လောကသားလေဟာ သူးနိနဆိုင်ဟူ နန်းနိဟို ရှစ်လေမယ်။ အယ်ဘောမဲ့ ငါဟာ နန်းနိဟို အယ်လောကထဲဟုနေ ဝီးကော့-က်ဟားဟူကြောန့် နန်းနိဟာ အယ်လောကနဆိုင်ဟာ။ အယ်ကြောန့် လောကသားလေဟာ နန်းနိဟို မူးတီးဂေဟယ်။ 20 ‘ကျွန်လေဟာ သူးနိသခင်ထတ် ကီးမြတ်ဟု’ ဆိုဘီး နန်းနိဟို ငါပြောဟားဇာလေဟို မှတ်ဟားဂေ။ လူလေဟာ ငါ့ဟို ညဉ်းဆဲဂေမယ် ဆိုဟာ နန်းနိဟိုလည်း ညဉ်းဆဲဂေလေမယ်။ သူးနိဟာ ငါ့ရဲ့သွန်သန်ချစ်ဟို လိုက်နာမယ် ဆိုဟာ နန်းနိသွန်သန်ချစ်ဟိုလည်း လိုက်နာဂေလေမယ်။ 21 အယ်ဘောမဲ့ သူးနိဟာ ငါ့ဟို စေလွှတ်ဟူသူးဟို သိဘဲဟူတွပ် ငါ့နာမကြောန့် နန်းနိဟို ညဉ်းဆဲဂေလေမယ်။ 22 ငါဟာ လာဘီး သူးနိဟို ပြောဟုဆိုဟာ သူးနိမာ ပြစ် မေဟာ။ အယ်ဘောမဲ့ ခု သူးနိဟာ သူးနိရဲ့ ပြစ်တွပ် ကြောန်းပြဇာမေ့ဘီး။ 23 ဖယ်လူဘဲဖြစ်ဖြစ် ငါ့ဟို မူးတီးမယ် ဆိုဟာ ငါ့ဖဟိုလည်း မူးတီးလေဟယ်။ 24 ငါဟာ တခြားလူလေ လောက်ဖူးဘဲဟူဇာလေဟို သူးနိရှေမာ ပြုလောက်ဟာ ဆိုဟာ သူးနိမာ ပြစ်ရှိလေမယ် မဟာ။ ခုဆိုဟာ ငါပြုလောက်ဇာလေဟို သူးနိ ဗြင်ဟားဘီးဟူကြောန့် ငါ့ ငါ့ဖဟို မူးတီးဂေဘီး။ 25 အယ်မျိုး ဖြစ်လာရဇာဟာ သူးနိရဲ့ ပညတ်တော်မာ ‘သူးနိဟာ ကြောန်းပြချစ်မေ့ဘဲန ငါ့ဟို မူးတီးဂေဟယ်’ ဆိုဘီး ရေးဟားဇာဟာ ပွဲဇောင်စေဟိုဖြစ်ဟယ်။ 26 “ဖနားဟုနေ ကြွလာတော်မူဘီး ဘုရားသခင်န ဆိုင်ဟူ သမ္မာတရားဟို ဖွမ်ပြပေးဟိုတွပ် ကူညီမဇေသဖြစ်ဟူ သန်ရှင်းဟူဝိညာဉ်တော် ကြွလာလေမယ်။ ငါ့ဖနားဟုနေ နန်းနိနားဟို သူးဟို ငါစေလွှတ်ပေးလိုက်ဘီး သူဟာ ငါ့ကြောန်းဟို သတ်သေခံလေမယ်။ 27 နန်းနိလည်းဘဲ ရင်ဂဲဟာ ငါ့နတူးဒုရိုနေဟူကြောန့် ငါ့ကြောန်းဟို သတ်သေခံလေမယ်။”

16 “နန်းနိရဲ့ ယောင်ကြည်ရှင်း ပျစ်ပြားဘဲဟိုတွပ် အယ်မူကြောန်းဟို ငါပြောဟားဟယ်။ 2 နန်းနိဟို ဝါလယ်ဇရပ်ဟုနေ နှန်ထုဂေလေမယ်။ နန်းနိဟို သတ်ဟူလူလေဟာ ဘုရားသခင်ဟို ဝတ်ပြုဟယ် ဆိုဘီး ထန်မှတ်ဟူ ဒီက္ကရာ-က်လာလေမယ်။ 3 လူလေဟာ ငါ့ဟိုလည်း သိဂေဟာ။ ဖဟိုလည်း သိဂေဘဲဟူကြောန့် နန်းနိဟို အယ်မူဇာလေဟို လောက်လေမယ်။ 4 အယ်ခီ ရှော့-က်လာဟူ ခီမာ နန်းနိဟို ငါပြောဟားဘီးဇာဟို နန်းနိယွန်ဘီး အော့-က်မေ့စေဟိုတွပ်

ခု ငါပြောနေဟယ်။” “ငါဟာ နန်းနိန့်တူးဒု ရှိနေဟူကြောင့် နန်းနိန့်ဟို အယ်မူဇာလေဟို ရင်းရင်းဒူးဟု ငါပြောဟူ။ 5 ခု ငါ့ဟို စေလွှတ်သူနားဟို ငါသွားဝေါမယ်။ အယ်ဘေမဲ့ ဖယ်နေရာဟို သွားဟိုနူး ဆိုဘီး နန်းနိန့်ထဲဟု ယော-က်လည်း ငါ့ဟို မေးဂေဟုမီးမား။ 6 ခု နန်းနိန့်ဟို အယ်မျိုး ပြောလိုက်ဟူကြောင့် နန်းနိန့်ရဲ့ စိန်လောင်းထဲမှာ ရရာတိုင်း ဝန်းနဲနေဂေဟယ်။ 7 နန်းနိန့်ဟို ငါ မှန်တိုင်းပြောမယ်။ ငါသွားလိုက်ဇာဟာ နန်းနိန့်တွပ် ပိုဘီး ကောင်းဟယ်။ ဖြားဖြစ်ကြောင့်နူးဆိုဟာ ငါသွားဟု ဆိုဟာ ကူညီမဇေသူဟာ နန်းနိန့်နားဟို ရော-က်လာဟို မူဟု။ အယ်ဘေမဲ့ ငါသွားလိုက်မယ် ဆိုဟာ အယ်သူဟို နန်းနိန့်နားဟို ငါစေလွှတ်မယ်။ 8 ကူညီမဇေသူ ရော-က်လာဟူ ခီမာ လောကသားလေဟို ပြစ်ကြောင်းဟိုရော၊ ဖြောင့်မတ်ကြောင်းဟိုရော၊ တရားစီရင်ကြောင်းလေဟိုရော ဖော်ပြပေးလေမယ်။ 9 သူးနိဟာ ငါ့ဟို ယောင်ကြည်ဂေဘဲဟူကြောင့် သူးနိရဲ့ ပြစ်ဟို ဖော်ပြမယ်။ 10 ငါဟာ ဖနားဟို သွားရမယ်ဖြစ်ကြောင့် နန်းနိန့်ဟာ ငါ့ဟို ဗြင်ရဟိုမူဘီ။ အယ်ကြောင့် နန်းနိန့်ဟို ဖြောင့်မတ်ကြောင်းဟို ဖော်ပြမယ်။ 11 အယ်လောကဟို အောက်ချောက်မားဟာ တရားစီရင်ဇာဟို ခံရဘိဖြစ်ဟူကြောင့် သူးနိဟို တရားစီရင်တော်မူကြောင်းဟို ဖော်ပြမယ်။” 12 “နန်းနိန့်ဟို ပြောပြဟိုဇာလေ ဘောင်ဂီးရှိဘေမဲ့ ခု နန်းနိန့်ယူနိုင်ဂေ မူဟူ။ 13 အယ်ကြောင့် ဘုရားသခင်ကြောင့်နဲဆိုင်ဟူ သမ္မာတရားဟို လမ်းပြပေးမယ့် ဝိညာဉ်တော် ကြွလာဟူ ခီမာ နန်းနိန့်ဟို သမ္မာတရား ဂူလောင်းဟို ဖွမ်ပြတော်မူလေမယ်။ အယ်ဝိညာဉ်တော်ဟာ သူ့ဆန္ဒတိုင်း ပြောနေဇာမူဘဲ သူကြားရဇာလေဟို ပြောပြဘီးဟာ ဖြစ်လာဟို ဇာလေဟိုလည်း ပြောပြလေမယ်။ 14 သူဟာ ငါပြောနေဇာလေဟိုဘဲ နန်းနိန့်ဟို ပြောပြပေးနေဟူကြောင့် ငါ့ဖောင်းသရေတော်ဟို ထန်ရှားစေလေမယ်။ 15 ငါ့ဖမာ ရှိဇာလေ ဂူလောင်းဟာ ငါဇာလေဖြစ်ဟယ်။ အယ်ကြောင့် ဝိညာဉ်တော်ဟာ ငါပြောဟားဟူ စကားလေဟို နန်းနိန့်ဟို ပြောပြလေမယ်။” 16 “ခိနဲနဲကြာဘီးဟာ နန်းနိန့်ဟာ နော-က်ထပ် ငါ့ဟို တွဲရလေဟိုမူဘီ။ အယ်ဘီးနု ခိနဲနဲကြာဘီးဟာ နန်းနိန့်ဟာ ငါ့ဟို ယွန်တွဲရလေမယ်။” 17 တဗွဲတော်တချို့ဟာ “ခိနဲနဲကြာဘီးဟာ နိလေဟာ ကိုယ်တော်ဟို တွဲရဟိုမူဘီ။ အယ်ဘီးနု ခိနဲနဲကြာဘီးဟာ နိလေဟာ ကိုယ်တော်ဟို ယွန်တွဲရလေမယ်။ ‘ဖြားဖြစ်ကြောင့်နူးဆိုဟာ ငါဟာ ဖနားဟို သွားရအူးမယ်’ ဆိုဘီး နိလေဟို မိန့်တော်မူနေဇာဟာ ဖြားမိပါယ်နူး ဆိုဘီး သူးနိရှင်းရှင်း မေးနေဂေဟယ်။ 18 အယ်ဆိုဟာ ‘ခိနဲနဲကြာဘီးဟာ’ ဆိုဇာဟာ ဖြားမိပါယ်နူး။ ကိုယ်တော် မိန့်တော်မူနေဇာလေဟို နိလေလည်း နားလည်ဂေဟု!” 19 သူးနိလေဟာ ကိုယ်တော်ဟို မေးလျှော့-က်ရှင်ဂေဟယ် ဆိုဇာဟို ယေရုဟာ သိနေတော်မူဟူကြောင့် “ခိနဲနဲကြာဘီးဟာ နန်းနိန့်ဟာ ငါ့ဟို တွဲဟို မူဟူ။ အယ်ဘီးနု ခိနဲနဲကြာဘီးဟာ နန်းနိန့်ဟာ ငါ့ဟို ယွန်တွဲရလေမယ်” ဆိုဘီး ငါပြောဟားဟယ်။ အယ်မူကြောင့်ဟို နန်းနိန့်ရှင်းရှင်း မေးမြန်းနေဂေဟယ်လော။ 20 နန်းနိန့်ဟို ငါ မှန်တိုင်းပြောမယ်။ နန်းနိန့်ဟာ ငိုကြွေးရဂေလေမယ်။ အယ်ဘေမဲ့ အယ်လောကဟာ ဝန်းသာဂေလေမယ်။ နန်းနိန့်ဟာ ဝန်းနဲရဂေဘေမဲ့ နန်းနိန့်ရဲ့ ဝန်းနဲမူဟာ ဝန်းသာမူဟို ယွန်းလဲဟားလေမယ်။ 21 မီးမတယော့-က်ဟာ သားမွီးခါနီးမာ မွီးဟိုခီ ရော-က်လာဟူကြောင့် ဝန်းနဲမူရှိဟယ်။ အယ်ဘေမဲ့ သားမွီးဘီးဟူ ခီမာ အယ်လောကမာ သားဂန်းတယော့-က် မွီးဟားပီးဘီတွပ် ဝန်းသာဟားဟူကြောင့် ဝေဒနာဟို မေ့ဟားလေဟယ်။ 22 ခု နန်းနိန့်ဟာ ဝန်းနဲနေဂေဟယ်။ အယ်ဘေမဲ့ ငါဟာ နန်းနိန့် ယွန်တွဲရမယ် ဖြစ်ဟူကြောင့် နန်းနိန့်ရဲ့ စိန်လောင်းဟာ ဝန်းသာဂေလေမယ်။ အယ်ဝန်းသာမူဟို ဖယ်သူလည်း နန်းနိန့်နားဟုနေ လုယူနိုင်ဂေဟု။” 23 “အယ်မူနေရော-က်လာခီမာ နန်းနိန့်ဟာ ငါ့ဟို ဖြားဇာလည်း မေးဂေလေမယ် မူဟူ။ နန်းနိန့်ဟို ငါ မှန်တိုင်းပြောမယ်။ နန်းနိန့်ဟာ ငါ့နာမအားဖြင့် တောင်းဇာဂူလောင်းဟို ဖဟာ ပေးတော်မူလေမယ်။ 24 ခုထိ ငါ့နာမအားဖြင့် နန်းနိန့်ဟာ ဖြားဇာလည်း တောင်းဂေသေးဟူ။ နန်းနိန့်ရဲ့ ဝန်းသာဇာန ပွဲဝဟိုတွပ် တောင်းဂေ။ တောင်းမယ် ဆိုဟာ ရဂေလေမယ်။ 25 “အယ်မူဇာလေဟို ပေါင်ဥပမာသောင်းပြုဘီး နန်းနိန့်ဟို ငါပြောဟားဟယ်။ အယ်ဘေမဲ့ ပေါင်ဥပမာဟို သောင်းပြုဘဲနု ဖရဲ့ ကြောင့်ဟို ပွမ်ပွမ်လန်းလန်းဟား ပြောရဟို ခီရော-က်လာလေမယ်။ 26 အယ်မူနေ ရော-က်လာဟူ ခီမာ နန်းနိန့်ဟာ ငါ့နာမအားဖြင့် တောင်းလျှော့-က်ရလေမယ်။ နန်းနိန့်တွပ် ဖနားဟုနေ ငါဟာ တောင်းလျှော့-က်ပေးမယ် ဆိုဘီး ပြောနေဇာ မူဟူ။ 27 ဖြားဖြစ်ကြောင့်နူးဆိုဟာ ဖက်ယ်တိုင်ဟု နန်းနိန့်ဟို ရှစ်တော်မူဟယ်။ ငါဟာ ဖနားဟုနေ

ကြွလာဟယ် ဆိုဇာဟို နန်းနို့ယောင်ကြည်ဟူကြောန့် ဖဟာ နန်းနို့ဟို ရှစ်တော်မူဟယ်။ 28 ငါဟာ ဖနားဟုနေ ထွပ်လာဘီး အယ်လောကထဲဟို ကြွလာဟယ်။ ခု ငါဟာ အယ်လောကဟုနေ ထွပ်ဟားဘီးဟာ ဖနားဟို သွားအူးမယ်” ဆိုဘီး မိန့်တော်မူလေဟယ်။ 29 အယ်ဘီးန တဗွဲတော်လေဟာ ကိုယ်တော့်ဟို “ခု ကိုယ်တော်ဟာ ပေါင်ဥပမာဟို သောင်းပြဲဘဲန ပွမ့်ပွမ့်လန်းလန်းဟား ဟောပြောတော်မူဟယ်။ 30 ကိုယ်တော်ဟာ ဂူလောင်းဟို သိတော်မူဘီး ဖယ်လူလည်း ကိုယ်တော့်ဟို မေးလျှော့-က်ဟို့လိုအပ်ဟု ဆိုဇာဟို ခု ကျွန်တော့်ဟားလေ သိရဂေဘိ။ အယ်ကြောန့် ကိုယ်တော်ဟာ ဘုရားသခင်နားဟုနေ ကြွလာတော်မူဟယ် ဆိုဇာဟို ကျွန်တော့်ဟားလေ ယောင်ကြည်ပါဟယ်” ဆိုဘီး လျှော့-က်ဂေဟယ်။ 31 ယေရူဟာ သူးနို့ဟို “ခု နန်းနို့ဟု ယောင်ကြည်ဂေဘဲလော။ 32 နန်းနို့ဟာ ဖွဲဖွဲစင်ဖြစ်ဟားဘီး နန်းနို့အီဟို ယွန်ဟားဂေဟူ ခီမာ ငါဟို တယော့-က်ဒဲ ထားရစ်ဟို့ ခီဟာလည်း ခုဘဲ ရှော့-က်နေဘိ။ အယ်ဘေမဲ့ ဖဟာ ငါနတူးဒုရိုနေတော်မူဟူကြောန့် ငါဟာ တယော့-က်ဒဲ မူဟု။ 33 နန်းနို့ဟာ ငါအားဖြင့် ငြိသတ်မှုရိုဟို့တွပ် အယ်စကားဟို့ ငါပြောပီးဘိ။ နန်းနို့ဟာ အယ်လောကမာ ဆင်းရဲဒေါက်ခဲ ခံရဂေလေမယ်။ အယ်ဘေမဲ့ ကြော့-က်ဂေနု! ငါဟာ လောကဟို အောန်ဟားပီးဘိ!” ဆိုဘီး မိန့်တော်မူလေဟယ်။

17 ယေရူဟာ အယ်မျိုး မိန့်တော်မူဘီးန ကောင်းဂန်ဟို မော့ကေဘီးဟာ “ဖ၊ ခီရှော့-က်ဟားဘိ။ သားတော်ဟာ ဖရဲ ဖောင်းသရေတော်ဟို ထန်ရှားစေဟို့တွပ် သားတော်ရဲ ဖောင်းသရေတော်ဟို ထန်ရှားစေတော်မူပါ။ 2 ဖဟာ သားတော်ဟို လူလေ ဂူလောင်းဟို အောက်စိုးရဟူ ခွမ့်အာဏာဟို ပေးတော်မူဟယ်။ အယ်ကြောန့် သားတော်ဟာ ဖဟုနေ ပေးဟားဟူ လူလေ ဂူလောင်းဟို ထာဝရသတ် ပေးနိုင်ဟယ်။ (aiṯnios g166) 3 ထာဝရသတ် ဆိုဇာဟာ စစ်မန်ဟူ ဘုရားသခင် တဆွဲဒဲရိုဟယ် ဆိုဇာန စေလွှတ်တော်မူဟူ ယေရူခရစ်တော်ဟို သိဟို့ဖြစ်ဟယ်။ (aiṯnios g166) 4 ကိုယ်တော် အပ်ပေးတော်မူဟူ မူတော်ဟို ကျွန်တော်ဟာ ဆောန်ရွက်ပီးဟားဘိ ဖြစ်ဟူကြောန့် ကိုယ်တော်ရဲ ဖောင်းသရေတော်ဟို ယွေဂီးထတ်မာ ထန်ရှားစေဘိ။ 5 ဖ! အယ်လောကဟို ဖန်ဆင်းခန်ဂဲဟု ကိုယ်တော်နတူးဒု ကျွန်တော်ခံစားရဟူ ဖောင်းသရေတော်ဟို ခု ကိုယ်တော့်ရှေ့တော်မာ ကျွန်တော့်ဟို ပေးတော်မူပါ။ 6 “အယ်လောကထဲဟုနေ ဝီးကော့-က်ဘီး ကျွန်တော့်ဟို အပ်ပေးတော်မူဟူ လူလေဟို ကိုယ်တော်ရဲ နာမဟို့ ထန်ရှားစေပီးဘိ။ သူးနို့ဟို ကိုယ်တော်ဟု ပိုင်တော်မူဘီး ကျွန်တော့်ဟို အပ်ပေးတော်မူဘိ။ သူးနို့ဟာ ကိုယ်တော်ရဲ စကားတော်ဟို လိုက်နာဂေဘိ။ 7 ကျွန်တော့်ဟို ကိုယ်တော်ပေးဟားဇာလေ ဂူလောင်းဟာ ကိုယ်တော်နားဟု ရရှိလာဟယ် ဆိုဇာဟို ခု သူးနို့သိရိဂေဘိ။ 8 ကျွန်တော့်ဟို ကိုယ်တော် ပေးအပ်တော်မူဟူ စကားတော်ဟို ကျွန်တော်ဟာ သူးနို့ဟို ပေးဟူ ခီမာ သူးနို့လတ်ခံဂေဟယ်။ ကိုယ်တော်နားဟုနေ ကျွန်တော်ကြွလာဟယ် ဆိုဇာဟို သူးနို့ဟာ မှန်ဘဲသိဂေဟယ်။ ကျွန်တော့်ဟို ကိုယ်တော်စေလွှတ်ဟယ် ဆိုဇာဟိုလည်း သူးနို့ဟာ ယောင်ကြည်ဂေဟယ်။ 9 “သူးနို့တွပ် ကျွန်တော် ဆုတောင်းဟယ်။ ကျွန်တော်ဟို ကိုယ်တော် ပေးအပ်တော်မူဟူ လူလေဟာ ကိုယ်တော်ပိုင်တော်မူဟူ လူလေဖြစ်ဟူကြောန့် အယ်လောကတွပ် မူဘဲ သူးနို့တွပ်ဘဲ တောင်းလျှော့-က်ပေးဟယ်။ 10 ကျွန်တော့်မာရိုဟူဇာလေ ဂူလောင်းဟာ ကိုယ်တော်ဇာလေဖြစ်ဘီး ကိုယ်တော်မာ ရှိဟူဇာလေ ဂူလောင်းဟာလည်း ကျွန်တော့်ဇာလေဖြစ်ဟူကြောန့် သူးနို့လေအားဖြင့် ကျွန်တော့်ဖောင်းသရေတော်ဟို ထန်ရှားစေဘိ။ 11 ကျွန်တော်ဟာ အယ်လောကမာ ခီကြားဂီးရှိဟို့ မူဟု။ အယ်ဘေမဲ့ သူးနို့ဟာ အယ်လောကမာ ရှိဂေဟယ်။ ခု ကျွန်တော်ဟာ ကိုယ်တော်နားဟို့ လာပါဟယ်။ သန်ရှင်းတော်မူဟူဖ! ကိုယ်တော်န ကျွန်တော်ဟာ တလောင်းတဝဲ ဖြစ်မျိုးဘဲ ကျွန်တော့်ဟို ပေးအပ်တော်မူဟူ လူလေလည်း တလောင်းတဝဲ ဖြစ်ဟို့တွပ် သူးနို့ဟို ကိုယ်တော်ရဲ နာမတော်န တဂိုးတော်အားဖြင့် ကာကွယ်ပေးတော်မူပါ။ 12 ကျွန်တော်ဟာ သူးနို့နတူးဒုရိုနေဒူးမာ ကိုယ်တော်ပေးတော်မူဟူ နာမတော်ထဲမာ သူးနို့ဟို ပျစ်စီးမှုဟုနေ စောန်ထီးတော်မူဘိ။ ကျွန်တော်ဟာ သူးနို့ဟို ကာကွယ်ပေးတော်မူဟားဘိ။ ပျစ်စီးရဟို့ လူတယော့-က်ဟုလွဲဘီး သူးနို့ထဲဟု ဖယ်လူလည်း

ပျစ်စီးဂေဟ။ အယ်လူပျစ်စီးဟားရဇာဟာ ကျမ်းစာ ညွှန်တော်ဟူ၍ ဖြစ်ဟူသည်။ 13 ခု ကိုယ်တော်နားဟို ကျွန်တော်ဟာ လာပါဟူသည်။ သူးနို့ဟာ ကျွန်တော်ရဲ့ ဝန်းသာမှုဟို သူးနို့ရဲ့ စိန်လောင်းထဲမှာ ညွှန်တော်ရဟိုတွင် အယ်လောကထဲ ရှိနေဒူးခီမာ အယ်မူဇာလေဟို ကျွန်တော် ပြောပါဟူသည်။ 14 ကျွန်တော်ဟာ ကိုယ်တော်ရဲ့ တရားစကားဟို သူးနို့ဟို ပေးဟားပီးဘီ။ ကျွန်တော်ဟာ အယ်လောကနဆိုင်ဘဲမျိုး သူးနို့လည်း အယ်လောကနဆိုင်ဘဲဟူကြောင့် လောကဟာ သူးနို့ဟို မူးတီးဂေဟူသည်။ 15 သူးနို့ဟို အယ်လောကဟုနေ နယုတော်မူဟိုမှတစ်ဆင့် နတ်ဆိုးရဲလှည့်ဇားမူဟုနေ ကွယ်ကာပေးဟို ကျွန်တော်တောင်းလျှော့-က်ဟူသည်။ 16 ကျွန်တော်ဟာ အယ်လောကနဆိုင်ဘဲမျိုး သူးနို့ဟာလည်း အယ်လောကနဆိုင်ဂေဟ။ 17 သမ္မာတရားအားဖြင့် သူးနို့ဟို သန့်ရှင်းတော်မူပါ။ ကိုယ်တော်ရဲ့ စကားတော်ဟာ သမ္မာတရားဖြစ်ဟူသည်။ 18 ကိုယ်တော်ဟာ ကျွန်တော်ဟို အယ်လောကထဲဟို စေလွှတ်မျိုးဘဲ ကျွန်တော်ဟာလည်း သူးနို့ဟို အယ်လောကထဲဟို စေလွှတ်လိုက်ဟူသည်။ 19 သူးနို့ဟာလည်း သမ္မာတရားအားဖြင့် သန့်ရှင်းခံရဟိုတွင် ကျွန်တော်ဟာ သူးနို့တွင် ကိုယ်ကိုယ်ကိုယ် သန့်ရှင်းစေပါဟူသည်။ 20 “ကျွန်တော်ဟာ သူးနို့တွင်ဘဲမူဘဲန သူးနို့ဟောပြောဟူ တရားစကားအားဖြင့် ကျွန်တော်ဟို ယောင်ကြည်ဟူ လူလေတွင်လည်း တောင်းလျှော့-က်ဟူသည်။ 21 သူးနို့လေ ဂူလောင်းဟာ တလောင်းတဝဲ ဖြစ်စေဟို ကျွန်တော်ဆုတောင်းဟူသည်။ ဖ! ကိုယ်တော်ဟာ ကျွန်တော်ထဲမှာရှိဘီး ကျွန်တော်ဟာလည်း ကိုယ်တော်ထဲမှာ ရှိနေမျိုးဘဲ သူးနို့ဟိုလည်း ကျွန်တော်ဟားလေထဲမှာ ရှိတော်မူစေပါ။ ကျွန်တော်ဟို ကိုယ်တော်စေလွှတ်တော်မူဟူ ဆိုဇာဟို လောကသားလေ ယောင်ကြည်လာစေဟိုတွင် သူးနို့ဟို တလောင်းတဝဲ ဖြစ်စေတော်မူပါ။ 22 ကိုယ်တော်န ကျွန်တော်ဟာ တလောင်းတဝဲ ဖြစ်မျိုးဘဲ သူးနို့ဟိုလည်း တလောင်းတဝဲ ဖြစ်စေဟိုတွင် ကျွန်တော်ဟို ကိုယ်တော်ပေးတော်မူဟူ ဖောင်းသရေတော်ဟို သူးနို့ဟိုလည်း ပေးတော်မူဘီ။ 23 ကျွန်တော်ဟာ သူးနို့ထဲမှာရှိဘီး ကိုယ်တော်ဟာ ကျွန်တော်ထဲမှာ ရှိပါဟူသည်။ သူးနို့ဟို တလောင်းတဝဲ ညွှန်တော်ရဟိုတွင် ကိုယ်တော်ဟာ ကျွန်တော်ဟို စေလွှတ်တော်မူကြောင်းန ကျွန်တော်ဟို ရှစ်မျိုးဘဲ သူးနို့ဟိုလည်း ရှစ်တော်မူကြောင်းဟို လောကသားလေဟာ သိရှိစေဟို ဖြစ်ဟူသည်။ 24 “ဖ! အယ်လောကဟို ဖန်ဆင်းခန်ဂဲဒဟ ကိုယ်တော်ဟာ ကျွန်တော်ဟို ရှစ်တော်မူဘီး ပေးတော်မူဟူ ဖောင်းသရေတော်ဟို ကျွန်တော်ဟို ကိုယ်တော် ပေးအပ်တော်မူဟူ လူလေဟို ပြင်တို့စေဟိုတွင် သူးနို့ဟို ကျွန်တော်ရှိဟူ နေရာမှာ ကျွန်တော်နတူးဒ ရှိစေရဟူသည်။ 25 ဖြောင့်မတ်တော်မူဟူဖ! အယ်လောကဟာ ကိုယ်တော်ဟို သိဂေဟ။ အယ်ဘေမဲ့ ကျွန်တော်ဟာ ကိုယ်တော်ဟို သိဟူသည်။ ကိုယ်တော်ဟာ ကျွန်တော်ဟို စေလွှတ်တော်မူဟူ ဆိုဇာဟို အယ်လူလေဟာ သိဂေဟူသည်။ 26 ကျွန်တော်ဟို ကိုယ်တော် ရှစ်ဟူမြစ်တာဟာ သူးနို့နှိုက်ရှိစေဘီး ကျွန်တော်ဟာလည်း သူးနို့နှိုက်ရှိနေဟူကြောင့် ကိုယ်တော်နာမဟို သူးနို့ဟို ကျွန်တော်သိစေပါဘီ။ ထပ်ဘီးလည်း သိစေအူးမယ်” ဆိုဘီး ပြောလေဟူသည်။

18 ယေရှုဟာ အယ်မျိုးဆုတောင်းဘီးန တပွဲတော်လေနတူးဒ ကြွဟားတော်မူဘီး ကေဒြန်ဆွန်းဟို ကူးတော်မူဟူသည်။ အယ်နေရာမှာ ဥယျာဉ်တခုရှိဘီး ယေရှုန တပွဲတော်လေဟာ အယ်ဥယျာဉ်ထဲဟို ဝမ်တော်မူဟူသည်။ 2 ယေရှုဟာ အယ်နေရာမှာ တပွဲတော်လေန ခါဘီးခါ တွဲဆောင်လေရှိဟူကြောင့် ကိုယ်တော်ဟို သစ်စာဖော့-က်ဟူ ယုဒရှကာရုတ်ဟာ အယ်နေရာဟို သိနေဟူသည်။ 3 အယ်ကြောင့် ယုဒဟာ ရောမစစ်သားတစု ယဇ်ပုရောဟိတ်ဂီးလေန ဖာရိရှလေ စေလွှတ်လိုက်ဟူ ဗိမာန်တော်စောန်လေဟို ခေါ်ဟားဘီး ဥယျာဉ်ဟို သွားဂေဟူသည်။ သူးနို့ဟာ မီးအီလေ၊ မီးဒေါက်လေန လတ်နတ်လေဟို ကိုင်ဆောင်လာဂေဟူသည်။ 4 ယေရှုဟာ သူးနို့ကဖြစ်ပျစ်လာဟို ဇာလေဂူလောင်းဟို သိတော်မူဟူကြောင့် သူးနို့နားဟို ကြွတော်မူဘီး “နန်းနို့ ဖယ်လူဟို ရှာဂေနေနူး” ဆိုဘီး မေးတော်မူလေဟူသည်။ 5 သူးနို့ဟာ “နာဇရက်ဗြဲသား ယေရှုဟို ရှာနေဟူယ်” ဆိုဘီး ဖြေလိုက်ဟူသည်။ ကိုယ်တော်ဟာ “ငါဘဲဖြစ်ဟူယ်” ဆိုဘီး မိန့်တော်မူလိုက်ဟူသည်။ ကိုယ်တော်ဟို သစ်စာဖော့-က်ဟူ ယုဒဟာ သူးနို့နတူးဒ ရပ်နေဟူသည်။ 6 ယေရှုဟာ သူးနို့ဟို “ငါဘဲဖြစ်ဟူယ်” ဆိုဘီး မိန့်တော်မူလိုက်ဟူ ခီမာ သူးနို့ဟာ နော့-က်ဆုဟားဘီး မွေဇီးထတ်ဟို လဲက္ကဟားဂေဟူသည်။ 7 ယေရှုဟာ

သူးနို့ဟို “နန်းနို့ ဖယ်လူဟို ရှာနေရဲ့” ဆိုဘီး နော့-က်တခါ မေးတော်မူလေဟယ်။ သူးနို့ဟ “နာဇရက်ဗြိသား ယေရှုဟို ရှာဟယ်” ဆိုဘီး ဖြေဂေဟယ်။ **8** ယေရှုဟ “ငါဘဲဖြစ်ဟယ် ဆိုဘီး နန်းနို့ဟို ငါပြောဟားပီးဘီ။ နန်းနို့ဟာ ငါ့ဟို ရှာနေဟယ် ဆိုဟာ အယ်လူလေဟို သွားခိုင်းလိုက်ပါ” ဆိုဘီး မိန့်တော်မူလိုက်ဟယ်။ **9** အယ်မျိုး မိန့်တော်မူဟာ “ဖ၊ ကိုယ်တော်ပေးအပ်ဟားဟူ လူလေဟာ တယော့-က်လည်း ပျစ်စီးဟို့မေ့ဟ” ဆိုဘီး ကိုယ်တော် မိန့်တော်မူဟားဇာလေဟာ မှန်ဘဲဖြစ်လာလေဟယ်။ **10** အယ်ခီမာ ရှိမန်ပေတရဟာ ပါလာဟူ ထားဟို ဆွဲထုလိုက်ဘီး ယဇ်ပုရောဟိတ်မန်းရဲ့ ကျွန်ဟို ခွတ်လိုက်ဟူ ခီမာ ညာဖတ်နားဝပ် ပြတ်ဟားလေဟယ်။ အယ်ကျွန်ရဲ့ နာမယ်ဟာ မာလခု ဖြစ်ဟယ်။ **11** ယေရှုဟာ ပေတရဟို “နန်ထားဟို ထားအီထဲမာ ယွန်သီးလိုက်ပါ! ငါ့ပေးတော်မူဟူ ဒေါက်ခဝေဒနာခွပ်ဟို ငါသော့-က်ဘဲနေရဟို့လော” ဆိုဘီး မိန့်တော်မူလေဟယ်။ **12** အယ်ဘီးန ရောမစစ်သားလေ၊ သူးနို့ရဲ့ တပ်မှူးဂီးနု ယုဒလူ စောန်တပ်သားလေဟာ ယေရှုဟို ဖမ်းဆီးဘီး၊ တောက်နှောန်ဂေဘီး **13** အန္တတ်နားဟို ရင်ဦးဆောင်း ခေါ်ဆောန်ဟားဟယ်။ အန္တတ်ဟာ အယ်နှစ်မာ ယဇ်ပုရောဟိတ်မန်းဖြစ်ဟူ ကယာဖရဲ့ ယော့-က်ခမဖြစ်ဟယ်။ **14** အယ်ကယာဖဟာ လူလေ ဂူလောင်းတွပ် လူတယော့-က် သေရဇာဟာ ပိုကောန်းဟယ် ဆိုဘီး ယုဒအာဏာပိုင်လေဟို ကြံပေးဟူ သူဖြစ်ဟယ်။ **15** ရှိမန်ပေတရန တခြားတပွဲတော်ဟာ ယေရှုနော့-က်တော်လိုက်ဟားဟယ်။ အယ်တပွဲတော်ဟာ ယဇ်ပုရောဟိတ်မန်းရဲ့ သိဖြစ်ဟူကြောန့် ယေရှုနတူးဒု ယဇ်ပုရောဟိတ်မန်းရဲ့ ခြံဝမ်းထဲဟို ဝမ်ဟားလေဟယ်။ **16** ပေတရဟာ ခြံခွဗော့-က်ယွန်မာ နေရစ်ဟယ်။ ယဇ်ပုရောဟိတ်မန်းရဲ့ သိဖြစ်ဟူ တပွဲတော်ဟာ ယွန်ထွပ်လာဘီး ခွဗော့-က်စောန် စေခံဝယ်သားဟို ပြောဘီးဟာ ပေတရဟို ထဲဟို ခေါ်ဟားဟယ်။ **17** ခွဗော့-က်စောန် စေခံဝယ်သားဟာ ပေတရဟို “နန်ဟာ အယ်မူလူရဲ့ တပွဲတော် မူဟလော” ဆိုဘီး မေးလိုက်ဟယ်။ ပေတရဟ “မူဟ” ဆိုဘီး ယွန်ဖြေလိုက်ဟယ်။ **18** အယ်ခီမာ ရှမ်းဟူကြောန့် စေခံလေန စောန်လေဟာ မီးဘောင် ပတ်ပတ်လည်မာ ရပ်ဘီးဟာ မီးကန်နေဂေဟယ်။ အယ်ကြောန့် ပေတရဟာ သူးနို့နတူးဒု ရပ်ဘီးဟာ မီးကန်နေလေဟယ်။ **19** အယ်ခီမာ ယဇ်ပုရောဟိတ်မန်းဟာ ယေရှုဟို တပွဲတော်လေကြောန်းန ယေရှုရဲ့ သွန်သန်ဇာကြောန်းဟို မေးနေလေဟယ်။ **20** ယေရှုဟ “ငါဟာ လောကမာ ပွင့်ပွင့်လန်းလန်းဟားဘဲ သွန်သန်ဟယ်။ ယုဒလူလေ စုဦးဟူ ဝါလယ်ဇရပ်လေန ဗိမာန်တော်မာဘဲ ငါဟာ သွန်သန်ဟယ်။ ငါဟာ တိတိဟား ဟောပြောဟူ။ **21** အယ်ဆိုဟာ ဖြားဖြစ်ကြောန့် ငါ့ဟို မေးမြန်းနေနူး။ ငါဟောပြောဟားဇာလေဟို ကြားဟားဘီးဟူ လူလေဟို မေးမြန်းဂေ။ ငါဖြားဇာလေ ဟောပြောဟားဟယ် ဆိုဇာဟို အယ်လူလေဟို မေးမြန်းဂေ။ ငါပြောဟားဇာလေဟို သူးနို့သိဂေဟယ်” ဆိုဘီး ဖြေတော်မူလေဟယ်။ **22** ယေရှုဟာ အယ်မျိုးမိန့်တော်မူလိုက်ခီမာ စောန်တယော့-က်ဟာ “ယဇ်ပုရောဟိတ်မန်းဟို အယ်မျိုးယွန်ဖြေလော!” ဆိုဘီး ကိုယ်တော်ဟို ပါးရိုက်လေဟယ်။ **23** ယေရှုဟာ သူ့ဟို “ငါပြောဟားဇာလေ မားဟယ် ဆိုဟာ မားကြောန်းဟို သတ်သေပြဂေ။ ဖြေတော်မူလေဟယ်။ အယ်ဘောမဲ့ ငါပြောဟားဇာလေ မှန်ဟယ် ဆိုဟာ ဖြားဖြစ်ကြောန့် ငါ့ဟို ရိုက်နေရနူး” ဆိုဘီး မိန့်တော်မူလေဟယ်။ **24** အယ်ဘီးန အန္တတ်ဟာ ကိုယ်တော်ဟို တောက်နှောန်ဘီး ယဇ်ပုရောဟိတ်မန်း ကယာဖနားဟို ပို့စေလိုက်ဟယ်။ **25** ရှိမန်ပေတရဟာ မတ်တတ်ရပ်ဘီးဟာ မီးကန်နေဒူးဘဲဖြစ်ဟယ်။ အယ်ကြောန့် လူတချို့ဟာ “နန်ဟာလည်း အယ်လူရဲ့ တပွဲတော်လေထဲဟာ တယော့-က် မူဟလော” ဆိုဘီး သူ့ဟို မေးဂေဟယ်။ အယ်ဘောမဲ့ ပေတရဟာ “ငါမူဟ” ဆိုဘီး ငြင်းလေဟယ်။ **26** ယဇ်ပုရောဟိတ်မန်းရဲ့ ကျွန်တယော့-က်ဖြစ်ဘီး ပေတရ ခွတ်လိုက်ဟူကြောန့် နားဝပ်ပြတ်ဟားဟူလုန ရွှေမျိုးတော်သူဟာ “နန်ဟာ အယ်လူနတူးဒု ဥယျာဉ်ထဲမာ ငါပြင်လိုက်ဟယ် မူဟလော” ဆိုဘီး မေးလေဟယ်။ **27** ပေတရဟာ “မူဟ” ဆိုဘီး နော့-က်တခါ ငြင်းလိုက်ဟူ ခီမာ ရှင်းရှင်းဘဲ ကြစ်တွန်လေဟယ်။ **28** မိုးလန်းစောစောန ယေရှုဟို ကယာဖရဲ့ အီဟန ဗြို့ဝန်မန်းရဲ့ နန်းတော်ဟို ခေါ်ဆောန်ဟားဟယ်။ ယုဒအာဏာပိုင်လေဟာ ပသခါပွဲတော်ဟို စားနိုင်ဟို့တွပ် သူးနို့ကိုယ်တိုင် ဘာသာရေးစဉ်လာတိုင်း ညစ်ညူးစေရင်ဘဲဟူကြောန့် နန်းတော်ထဲဟို ဝင်လိုက်ဟားဂေဟူ။ **29** အယ်ကြောန့် ပိလတ်ဟာ သူးနို့ရှိဟူ ယွန်ဟို ထွပ်လာဘီး “အယ်လူဟို ဖြားမှုန စွပ်စွဲဟားဂေနူး” ဆိုဘီး မေးလေဟယ်။ **30** သူးနို့ဟ “အယ်လူဟာ ရာဇဝတ်မှုဟို

ကျူးလွန်ဘဲဟု ဆိုဟာ အယ်လူဟို ကျွန်တော့်ဟားလေ ခေါ်လာဟို မှုဟု” ဆိုဘီး ဖြေဂေဟယ်။ 31 ပိလတ်ဟာ “အယ်ဆိုဟာ နန်းနို့ကိုယ်တိုင် အယ်လူဟို ခေါ်ဟားလိုက်ဘီး နန်းနို့ရဲ့ ပညတ်တရားတိုင်း စီရင်ဂေ” ဆိုဘီး ယုဒလူလေဟို ပြောလေဟယ်။ သူးနို့ဟု “ကျွန်တော့်ဟားလေဟာ ဖယ်လူဟိုလည်း သတ်ပိုင်ခွင့်မဲ့ဟု” ဆိုဘီး ပွန်ဖြေဂေဟယ်။ 32 အယ်မျိုးပြောနေဇာဟု မိမိဟာ ဖယ်မျိုးသေခံရမယ် ဆိုဇာဟို ယေရှုမိန့်တော်မူဟားတိုင်း ပွဲဇောင်လာစေဟိုဖြစ်ဟယ်။ 33 ပိလတ်ဟာ နန်းတော်ထဲဟို ပွန်ဝမ်ဟားဘီး ယေရှုဟို ခေါ်လိုက်ဘီး “နန်ဟာ ယုဒမန်းဂီးလော” ဆိုဘီး မေးလေဟယ်။ 34 ယေရှုဟု “နန်ဟာ နန်ဆွတိုင်း အယ်မေးခွန်းဟို မေးဇာလော။ အယ်မျိုးမူဘဲနေဟာ တခြားလူလေဟု ငါ့ကြောန်းဟို ပြောပြဟားကြောန်လော” ဆိုဘီး မေးတော်မူလေဟယ်။ 35 ပိလတ်ဟု “နန်ဟာ ငါ့ဟို ယုဒလူဖြစ်ဟယ် ဆိုဘီး ထန်နေဟယ်လော။ နန်ဟို ငါ့နားဟို လာအပ်ပေးဟူလူလေဟာ နန်လူမျိုးလေန ယဇ်ပရောဟိတ်ဂီးလေဖြစ်ဟယ်။ နန်ဟာ ဖြားဇာလေလောက်ဟားနူး” ဆိုဘီး မေးလေဟယ်။ 36 ယေရှုဟု “ငါ့နိုင်ငံတော်ဟာ အယ်လောကနဆိုင်ဟု။ ငါ့နိုင်ငံတော်ဟာ အယ်လောကနဆိုင်မယ် ဆိုဟာ ငါ့ဟို ယုဒအာဏာပိုင်လေ လတ်ထဲရော- ကံဘဲအောန် ငါ့စေခံလေဟာ တိုက်ခိုက်ဂေလေမယ်။ ငါ့နိုင်ငံတော်ဟာ အယ်လောကနဆိုင်ဟု!” ဆိုဘီး မိန့်တော်မူလေဟယ်။ 37 အယ်ကြောန် ပိလတ်ဟာ “အယ်ဆိုဟာ နန်ဟာ မန်းဂီးလော” ဆိုဘီး ကိုယ်တော့်ဟို မေးလေဟယ်။ ယေရှုဟု “သင်ပြောမျိုးဘဲ ငါဟာ မန်းဂီးဖြစ်ဟယ်။ ငါဟာ သမ္မာတရားဟို သတ်သေခံဟိုတွပ် မွီးလာဘီး အယ်လောကဟို ကြွလာဟယ်။ သမ္မာတရားနဆိုင်ဟူ လူလေဟာ ငါစကားဟို နားထောန်ဂေဟယ်” ဆိုဘီး ဖြေတော်မူလေဟယ်။ 38 ပိလတ်ဟု “အယ်ဆိုဟာ သမ္မာတရားဟု ဖြားဇာနူး” ဆိုဘီး မေးလေဟယ်။ အယ်ဘီးန ပိလတ်ဟာ ပွန်မာရှိနေဟူ ယုဒလူလေနားဟို ပွန်ဟားဘီးဟာ “အယ်လူမာ ပြစ်စီရင်ဟိုဇာ ဖြားလည်း မဲ့ဟု။ 39 နန်းနို့ရဲ့ ထောင်းဇံရ ပသခါပွဲမာ ထောန်သားတယော- က်ဟို လွတ်လေ့ရှိဟယ်။ နန်းနို့တွပ် ယုဒမန်းဂီးဟို လွတ်ပေးစေရှင်ဟယ်လော” ဆိုဘီး သူးနို့ဟို မေးလေဟယ်။ 40 သူးနို့ဟု “သူဟို လွတ်ပေးန! ဗာရဗ္ဗဟိုဘဲ လွတ်ပေးပါ!” ဆိုဘီး အော်ဘီး ပွန်ဖြေဂေဟယ်။ ဗာရဗ္ဗဟာ ဓမ္မတယော- က် ဖြစ်ဟယ်။

19 အယ်ကြောန် ပိလတ်ဟာ ယေရှုဟို ခေါ်ဆောန်ဟားစေဘီး ကီဒန်ပေးစေဟယ်။ 2 စစ်သားလေဟာ ဆူးခတ်လေန လောက်ဟားဟူ သရဖူဟို ကိုယ်တော့်ခေါန်းထတ်မာ ဆောန်းပေးဘီးဟာ ခရမ်းရောင်ဝတ်ရောင်ဟို ဝတ်ပေးဘီး 3 ကိုယ်တော်နားဟို လာဂေဘီး “ယုဒမန်းဂီး သတ်တော် ရာကျော်ရှယ်ပါစေ!” ဆိုဘီး ပြောဂေဟယ်။ အယ်ဘီးန ကိုယ်တော်ဟို ပါးရိုက်ဂေဟယ်။ 4 ပိလတ်ဟာ နော- က်ထပ်တခါ ပွန်ဟို ထွပ်လာဘီးဟာ “အယ်လူဟို ပြစ်စီရင်ဟိုဇာ ဖြားလည်းတို့ဟု။ အယ်ကြောန် နန်းနို့ ဗြင်စေဟို သူဟို နန်းနို့နားဟို ငါခေါ်လာမယ်” ဆိုဘီး လူအောက်ဂီးဟို ပြောလေဟယ်။ 5 အယ်ဘီးန ယေရှုဟာ ဆူးသရဖူန ခရမ်းရောင်ဝတ်ရောင်ဟို ဝတ်ဟားဘီး ပွန်ဟို ထွပ်ကြွတော်မူလေဟယ်။ ပိလတ်ဟာ “ကျေကျေ! အယ်လူဘဲဖြစ်ဟယ်!” ဆိုဘီး သူနို့ဟို ပြောလေဟယ်။ 6 ယဇ်ပရောဟိတ်ဂီးလေန စောန်လေဟာ ကိုယ်တော့်ဟို ဗြင်လိုက်ဟူ ခီမာ “အယ်လူဟို ကားစင်တန်ပါ! အယ်လူဟို ကားစင်တန်ပါ!” ဆိုဘီး သူးနို့ဟာ အော်ဟစ်ဂေဟယ်။ ပိလတ်ဟာ “အယ်ဆိုဟာ နန်းနို့ဟာ အယ်လူဟို ခေါ်ဆောန်ဟားဘီး ကားစင်တန်ဂေ။ ငါဟာ သူဟို ပြစ်စီရင်ဟိုဇာ ဖြားလည်းတို့ဟု” ဆိုဘီး သူးနို့ဟို ပြောလေဟယ်။ 7 ယုဒလူခေါန်းဆောန်လေဟာ “အယ်လူဟာ သူကိုယ်သူ ဘုရားသခင်ရဲ့ သားတော် ဆိုဘီး ကြေညာဟူကြောန် သေထိုက်ကြောန်း ကျွန်တော့်ဟားလေရဲ့ ပညတ်တရားမာ ပြောဟားဟယ်” ဆိုဘီး ဖြေဂေဟယ်။ 8 ပိလတ်ဟာ အယ်စကားဟို ကြားရဟူ ခီမာ ပိုဘီး ကြော- က်လန်ဟားဟယ်။ 9 သူဟာ နန်းတော်ထဲဟို ပွန်ဝမ်ဟားဘီးဟာ ယေရှုဟို “သင်ဟာ ဖယ်နေရာဟုနေ လာဟယ်နူး” ဆိုဘီး မေးလေဟယ်။ အယ်ဘောမဲ့ ယေရှုဟာ ခွန်းလည်း ပွန်ဖြေဟု။ 10 ပိလတ်ဟာ ကိုယ်တော့်ဟို “သင်ဟာ ငါ့ဟို စကားပြောနီဘီလော။ ငါဟာ သင့်ဟို လွတ်ဟိုတွပ် ခွမ်းအာဏာလည်းရှိဘီး ကားစင်တန်ဟိုတွပ် ခွမ်းအာဏာလည်းရှိဟယ် ဆိုဇာဟို သိဟလော” ဆိုဘီး မေးလေဟယ်။ 11 ယေရှုဟု “သင့်ဟို ဘုရားသခင်ဟု ပေးအပ်ဟားဟူကြောန် အယ်မျိုးခွမ်းအာဏာဟို ရဟားဟယ်။ အယ်ကြောန် ငါ့ဟို သင့်လတ်ထဲအပ်ဟူ လူဟာ ပြစ်ပိုကီးဟယ်” ဆိုဘီး ဖြေလေဟယ်။ 12 ပိလတ်ဟာ အယ်မျိုးကြားရဟူ ခီမာ ယေရှုဟို

လွှတ်ပေးတို့တွင် နည်းလမ်းရှာတို့ ကြိုးစားလေဟန်။ အယ်ဘောမဲ့ ယုဒလူခေါင်းဆောင်လေဟာ “အယ်လူဟို လွှတ်ပေးမယ် ဆိုဟာ သင်ဟာ ကဲသာမန်းဂီးရဲ့ မိဆွေ မူဟု! ဖယ်လူဘဲဖြစ်ဖြစ် ကိုယ့်ကိုယ်ကိုယ် မန်းဂီးဆိုဘီး ကြေညာဟူလူဟာ ကဲသာမန်းဂီးဟို ပူကန်ဇာဖြစ်ဟယ်။” ဆိုဘီး အော်ဂေဟယ်။ 13 ပိလတ်ဟာ အယ်စကားလေဟို ကြားဟူ ခီမာ ယေရှုဟို ပွန်ဟို ခေါ်ထုဟားဘီး ကွေး-ကံဟူးစကြို ဆိုဘီး ခေါ်ဟူ တရားပလ္လင်ထတ်မာ ထိုင်လေဟယ်။ အယ်စကြိုဟို ဟေဗြစကားန ဂဗ္ဗသ ဆိုဘီး ခေါ်ဟယ်။ 14 အယ်နေဟာ ပသခါပွဲတိုင်ခန့် နေဒန်ဇာဖြစ်ဟယ်။ ပိလတ်ဟာ “နန်းနိုမန်းဂီးဘဲ ဖြစ်ဟယ်။” ဆိုဘီး ယုဒလူလေဟို ပြောလေဟယ်။ 15 သူးနိုဟာ “အယ်လူဟို သတ်ပါ! အယ်လူဟို သတ်ပါ! အယ်လူဟို ကားစင်တန်ပါ!” ဆိုဘီး ပွန်အော်ဂေဟယ်။ ပိလတ်ဟာ “နန်းနိုမန်းဂီးဟို ကားစင်တန်ရဟိုလော” ဆိုဘီး သူးနိုဟို မေးလေဟယ်။ ယဇ်ပုရောဟိတ်ဂီးလေဟာ “ကဲသာတပါးဒဲဘဲ ကျွန်တော်ဟားလေရဲ့ မန်းဂီးဖြစ်ဟယ်!” ဆိုဘီး ပွန်ဇေဟေဟယ်။ 16 အယ်ဘီးန ပိလတ်ဟာ ယေရှုဟို ကားစင်တန်ဟိုတွင် သူးနိုလတ်ထဲဟို အပ်ပေးလေဟယ်။ အယ်ကြောန့် သူးနိုဟာ ယေရှုဟို ခေါ်ဆောန်ဟားဂေဟယ်။ 17 ကိုယ်တော်ဟာ “ဦးခေါန်းခွဲနေရာ” ဟို မိမိလတ်ဝါးကပ်တိုင်ဟို ထမ်းဘီး ကြွတော်မူလေဟယ်။ အယ်နေရာဟို ဟေဗြစကားန “ဂေါလဂေါသ” ဆိုဘီး ခေါ်ဟယ်။ 18 သူးနိုဟာ အယ်နေရာမာ ကိုယ်တော်ဟို တခြားလူနေယော့-ကန်တူးဒု ကားစင်တန်ဂေဟယ်။ ယေရှုဟို လယ်မာထားဘီး အယ်လူနေယော့-ကံဟို ညာဖတ်မာ တယော့-ကံ ဘယ်ဖတ်မာ တယော့-ကံ ထားဂေဟယ်။ 19 ပိလတ်ဟာ “ယုဒမန်းဂီး၊ နာဇရက်မြို့သား ယေရှု” ဆိုဘီး ကမ္မည်းရေးထိုးဘီး လတ်ဝါးကပ်တိုင်ထတ်မာ ကပ်ဟားဟယ်။ 20 ယေရှုဟို ကားစင်တန်ဟူ နေရာဟု မြို့န နီးဟူကြောန့် ယုဒလူလေဟာ အယ်ကမ္မည်းစာဟို ဖတ်ဂေဟယ်။ အယ်ကမ္မည်းစာဟို ဟေဗြစကား၊ လက်တင်စကား၊ ဟေလသစကားန ရေးဟားဟယ်။ 21 ယဇ်ပုရောဟိတ်ဂီးလေဟာ ပိလတ်ဟို “ယုဒမန်းဂီး” ဆိုဘီး ရေးပါန။ ‘အယ်လူဟု ငါဟာ ယုဒလူလေရဲ့ မန်းဂီးဖြစ်ဟယ် ဆိုဘီး ပြောကြောန်းဟိုဘဲ ရေးတော်မူပါ’ ဆိုဘီး ပြောဂေဟယ်။ 22 ပိလတ်ဟာ “ငါရေးဟားဘီးဇာဘဲ တည်ဖြစ်ရမယ်” ဆိုဘီး ပွန်ပြောလေဟယ်။ 23 စစ်သားလေဟာ ယေရှုဟို ကားစင်တန်ဂေဘီးန ကိုယ်တော်ရဲ့ ဝတ်တော်ဟို လေးပိုင်းပိုင်းဘီး တယော့-ကံတပိုင်းစီ ယူဂေဟယ်။ သူးနိုဟာ ထခံအန်းဂီဟိုလည်း ယူဂေဟယ်။ အယ်အန်းဂီဟာ ချောက်ကြောန်းမော့ဘဲ ရစ်လောက်ဟားဟူ အန်းဂီးဖြစ်ဟယ်။ 24 စစ်သားလေဟာ “အယ်အန်းဂီဟို ဆုလွှဲဘဲန ဖယ်လူရမယ် ဆိုဇာဟို မဲနိုက်ဂေဇို” ဆိုဘီး သူးနို ရှင်းရှင်း ပြောဂေဟယ်။ အယ်မျိုးဖြစ်လာဇာဟာ “သူးနိုဟာ ငါ့အန်းဂီးဟို ခွဲဝီယူဂေမယ် အယ်ဘီးဟာ ငါ့အန်းဂီဟို မဲနိုက်ဘီးဟာ ယူဂေဟယ်” ဆိုဘီး ကျမ်းစာမာ ရေးဟားဇာလေ ပွဲဇောင်ဟိုတွင် ဖြစ်လေဟယ်။ အယ်ကြောန့် စစ်သားလေဟာ အယ်မျိုး လောက်ဂေဟယ်။ 25 ယေရှုရဲ့ လတ်ဝါးကပ်တိုင်နားမာ ကိုယ်တော်ရဲ့မိ၊ ကိုယ်တော်မိရဲ့ညီမ၊ ကလောဖရဲ့မိမေ မာရိန မာကဒလဝါသူ မာရိ မတ်တတ်ရပ်နေဂေဟယ်။ 26 ယေရှုဟာ နီးမာရပ်နေဟူ၊ ကိုယ်တော်ရှစ်ဟူ တဗွဲတော်န မိဟို ဗြင်လိုက်ဟူကြောန့် ကိုယ်တော်ဟာ “နို့မိ၊ နို့မိသားဟို ကေ့ပါအူး” ဆိုဘီး မိဟို မိန့်တော်မူဟယ်။ 27 အယ်ဘီးန ကိုယ်တော်ဟာ “သူဟာ နန့်ရဲ့ မိဖြစ်ဟယ်” ဆိုဘီး အယ်တဗွဲတော်ဟို မိန့်တော်မူလေဟယ်။ အယ်ခီဟာနေစဘီး အယ်တဗွဲတော်ဟာ မိဟို သူရဲ့ အီမာ ခေါ်ဟားလေဟယ်။ 28 အယ်ဘီးန ယေရှုဟာ မူအားလောင်း ပီးဟားဘီဆိုဇာဟို သိတော်မူဘီး ကျမ်းစာပွဲဇောင်ဟိုတွင် “ငါရေငတ်ဟယ်” ဆိုဘီး မိန့်တော်မူလေဟယ်။ 29 အယ်နေရာမာ ပိုင်ရှင်ပွဲထဲဟားဟူ အိုးတလောင်းရှိဟယ်။ အယ်ကြောန့် သူးနိုဟာ ရေမျှတခုဟို အယ်ပိုင်ရှင်ထဲမာ နှစ်လိုက်ဘီးဟာ ဟုသုပင်ဗန် ခတ်ဖျားမာတပ်ဘီး ကိုယ်တော်ရဲ့ နှော့-ကံခမ်းနားဟို ကပ်ပေးလေဟယ်။ 30 ယေရှုဟာ ပိုင်ရှင်ဟို သော့-ကံတော်မူဘီးန “မူပီးဟားဘီး!” ဆိုဘီး မိန့်တော်မူလေဟယ်။ အယ်ဘီးန ကိုယ်တော်ဟာ ဦးခေါန်းတော်ဟို အော့-ကံဟိုစိုက်ခွဲဘီး သတ်တော်ဟို စွန့်တော်မူလေဟယ်။ 31 ယုဒအာဏာပိုင်လေဟာ ကားစင်တန်ဟားဟူ လူလေရဲ့ ခေလေဟို ရိုက်ခွိုးဘီးဟာ လောင်းလေဟို ကားတိုင်ထတ်ဟုနေ အော့-ကံခွဲခွဲမြဲမြဲဟို ပိလတ်ဟို တောန်းလျှော့-ကံဂေဟယ်။ သူးနို အယ်မျိုးတောန်းလျှော့-ကံဇာဟာ အယ်နေဟာ ဖိနေဖြစ်ဘီး ဒန်းနေမာ လောင်းလေဟို လတ်ဝါးကပ်တိုင်ထတ်မာ မွေစေရှင်ဟူ၊ နတ်ကီးတိုင်ဟာလည်း ကီးမြတ်ဟူ ဒန်းနေဖြစ်နေဟယ်။ 32

အယ်ကြောန့် စစ်သားလေဟာ လာဘီးနု ယေရှုနုတူးဒု ကားစင်တန်ခံရဟူ ပထမလူရဲ့ ခေလေဟု ဒုတိယလူရဲ့ ခေလေဟုလည်း ခိုက်ခွါးလိုက်ဟယ်။ **33** အယ်ဘောမဲ့ သူးနို့ဟာ ယေရှုနားဟို ရော့-က်လာဟူ ခီမာ သေနေဘီ ဆိုဇာဟို တွဲဟားဟူကြောန့် ကိုယ်တော်ရဲ့ခေလေဟို ခိုက်ခွါးဟွမ်း။ **34** အယ်ဘောမဲ့လည်း စစ်သားတယော့-က်ဟာ ယေရှုရဲ့ နံဘေးတော်ဟို လုံန ထိုးဖော့-က်လိုက်ဟူ ခီမာ သွီးနရေဟာ ရှစ်ရှင်းထွပ်လာဟယ်။ **35** အယ်မျိုးဖြစ်ဇာလေဟို နန်းနို့လည်း ယောင်ကြည်ဟို့တွပ် ဗြင်ဟူလူတယော့-က်ဟာ သတ်သေခံဟားဟယ်။ အယ်လူပြောဇာလေဟာ မှန်ဖြစ်ဘီး အယ်လူဟာ မှန်းမှန်ကန်းကန်းဟား ပြောဟယ် ဆိုဇာဟို သူကိုယ်တိုင်သိဟယ်။ **36** အယ်မျိုးဖြစ်ဟားဇာဟူ “သူရဲ့ ရိုးလေဟာ တရောနန်းလည်း ကျိုးဂေဟု” ဆိုဘီး ကျမ်းစာပွဲဇာလေဟို့တွပ် ဖြစ်ဟယ်။ **37** အယ်ဘီးဟာ တခြားကျမ်းစာမာ “လူလေဟာ သူးနို့ ထိုးဖော့-က်လိုက်ဟူ လူဟို့ ဗြင်ရဂေလေမယ်” ဆိုဘီး ရေးဟားဟယ်။ **38** အယ်ဘီးနု အရိမသ်မြို့သား ယောသပ်ဟာ ယေရှုရဲ့ လောန်းတော်ဟို ယူဟားခွမ်ပြဟို့တွပ် ပိလတ်နားဟို သွားဘီး တောန်းလျှော့-က်လေဟယ်။ ယောသပ်ဟာ ယုဒအာဏာပိုင်လေဟို ကြော့-က်ဟူကြောန့် ထန်းထန်ရှားရှားနေဘဲဟူ ယေရှုရဲ့ တဗဲတော် တယော့-က် ဖြစ်ဟယ်။ ပိလတ်ရဲခွမ်ပြချစ်န ယောသပ်ဟာ လောန်းတော်ဟို ယူဟားလေဟယ်။ **39** ရင်းရင်ဗူးဟု ယေရှုဟို့ ညဉ့်ခန်းဖတ်မာ လာတွဲဟူ နိကောဒင်ဟာ မုရန်နု အကျော် ရောနောဟားဟူ နံသာ ပိသာနေဆယ်ကျော်ဟို့ ယူဟားဘီး ယောသပ်နုတူးဒု လိုက်ဟားဟယ်။ **40** အယ်လူနေယော့-က်ဟာ ယေရှုရဲ့ လောန်းဟို ယူဘီး ယုဒလူလေရဲ့ သင်္ဂြိုဟ်ဇာနဆိုင်ဟူ ထောင်းဒန်းစဉ်လာတိုင်း နံသာလေနတူးဒု လောန်းတော်ဟို ပိဗ္ဗုနပတ်လေဟယ်။ **41** ယေရှုဟို့ လတ်ဝါးကပ်တိုင်မာ တန်ဘီးသတ်ဟူ နေရာနားမာ ဥယျာဉ်တခုရှိဟယ်။ အယ်ဥယျာဉ်ထဲမာ ဖယ်လူဟို့လည်း သင်္ဂြိုဟ်ဖူးသေးဘဲဟူ သန်းခွိုင်းဂုသစ်တခု ရှိလေဟယ်။ **42** အယ်နေဟာ ယုဒလူလေရဲ့ ဖိနဲ့ ဖြစ်ဟူကြောန့် နီးမာရှိဟူ သန်းခွိုင်းဂုမာ ယေရှုရဲ့ လောန်းတော်ဟို သင်္ဂြိုဟ်ဟားလေဟယ်။

20 နန်းနေနဲ့ မိုးလန်းခန့် မှောန်နေဒူးခီမာ မာဂဒလဝါသူ မာရိဟာ သန်းခွိုင်းဟို့ ရော့-က်လာဘီး ကွော့-က်တောင်းဟို့ ဂူဝဟုနေ ဖယ်ဟားဇာဟို့ တွဲရလေဟယ်။ **2** သူဟာ ရှိမုန်ပေတရုနု ယေရှုရစ်တော်မူဟူ တခြားတဗဲတော်နားဟို့ ပွေးဟားဘီး “သခင်ဘုရားဟို့ သန်းခွိုင်းဟုနေ သူးနို့ ယူဟားဘီး ဖယ်နေရာမာ ထားဟားဂေဟယ် ဆိုဇာဟို့ နို့လေသိဂေဟု!” ဆိုဘီး သူးနို့ဟို့ ပြောပြလေဟယ်။ **3** အယ်နု ပေတရုနု တခြားတဗဲတော်ဟာ သန်းခွိုင်းဟို့ သွားဂေလေဟယ်။ **4** သူးနို့နေယော့-က်ဟာ တူးဒုပွေးဟားဂေဘောမဲ့ တခြားတဗဲတော်ဟာ ပေတရုထတ် ဗြန်းဗြန်းပွေးဟားဘီး သန်းခွိုင်းဟို့ ရင်ဦးဆောင်း ရော့-က်ဟားဟယ်။ **5** သူဟာ ငေါက်ကေလိုက်ဟူဇာ ပိဗ္ဗုလေဘဲ တွဲလေဟယ်။ အယ်ဘောမဲ့ သူဟာ ထဲဟို့ ဝမ်ဘဲနေလေဟယ်။ **6** နော့-က်ဟုလိုက်လာဟူ ရှိမုန်ပေတရုဟာ ရော့-က်လာဘီး သန်းခွိုင်းဂူထဲဟို့ ဝမ်ဟားဟယ်။ သူဟာ ပိဗ္ဗုန **7** ယေရှုရဲ့ ဦးခေါန်းတော်ဟို့ ပတ်ဟားဟူ ပိဗ္ဗုဟို့ဘဲ တွဲရဟယ်။ ဦးခေါန်းတော်ဟု ပိဗ္ဗုဟာ တခြားပိဗ္ဗုလေနတူးဒု မှော့ဘဲ တခြားစီရှိနေလေဟယ်။ **8** အယ်ဘီးနု သန်းခွိုင်းဂူဟို့ ရင်ဦးဆောင်း ရော့-က်နေဟူ တခြားတဗဲတော်လည်း ထဲဟို့ ဝမ်ဟားလေဟယ်။ အယ်လူဟာ ဗြင်ဟားဘီး ယောင်ကြည်လေဟယ်။ **9** ကိုယ်တော်ဟာ သေဘီးနု ယွန်ရှင်ရမယ် ဆိုဘီး ပြောဟားဟူ ကျမ်းစာဟို့ သူးနို့လေ နားလည်ဂေသေးဟု။ **10** အယ်ဘီးနု တဗဲတော်နေပါးဟာ အီဟို့ ယွန်ဟားလေဟယ်။ **11** မာရိဟာ သန်းခွိုင်းဂူယွန်မာ ငိုဘီး ရပ်နေဟယ်။ သူဟာ ငိုနေဒူးမာဘဲ သန်းခွိုင်းဂူထဲဟို့ ငုံ့ကေလိုက်ဇာ **12** ကောန်းဂန်တမန်နေပါးဟာ ဝတ်ရောင်ဗ္ဗုဟို့ ဝတ်ဟားဘီး ယေရှုလောန်းတော်ရဲ့ ခေါန်းရင်းမာတပါး၊ ခေရင်းမာတပါး ထိုင်နေဇာဟို့ ဗြင်လေဟယ်။ **13** သူးနို့ဟု “မီးမဂီး၊ ဖြားဖြစ်ကြောန့် ငိုနေရနူး” ဆိုဘီး သူဟို့ မေးဂေဟယ်။ သူဟု “ကျွန်မရဲ့ သခင်ဟို့ သူးနို့ယူဆောန်ဟားဘီး ဖယ်မာထားဟားဟယ် ဆိုဇာဟို့ သိဟု!” ဆိုဘီး ယွန်ဖြေလေဟယ်။ **14** အယ်ဘီးနု နော့-က်ဟို့ လှည့်ကေလိုက်ဇာ ယေရှုဟာ ရပ်တော်မူနေဇာဟို့ ဗြင်ဘောမဲ့ ယေရှုဖြစ်ဟယ် ဆိုဇာဟို့ သိဟု။ **15** ယေရှုဟု “မီးမဂီး၊ ဖြားဖြစ်ကြောန့် ငိုနေရနူး။ နန့်ဟာ ဖယ်လူဟို့ ရှာနေဟယ်နူး။” ဆိုဘီး သူဟို့ မေးတော်မူလေဟယ်။ မာရိဟာ ကိုယ်တော်ဟို့ ဥယျာဉ်မှ ဆိုဘီး ထန်နေဟယ်။ အယ်ကြောန့် သူဟာ ကိုယ်တော်ဟို့ ပြောလိုက်ဇာဟု “ဆရာ၊ သူဟို့ ယူဆောန်ဟားဟယ် ဆိုဟာ ဖယ်နားမာထားဟားဟယ် ဆိုဇာဟို့ ကျွန်မဟို့ ပြောပြပါ။ ကျွန်မသွားဘီး ယူပါမယ်။” **16**

ယေရှုဟု “မာရိ” ဆိုဘီး သူတို့ ခေါ်လေဟယ်။ မာရိဟု လှည့်ဘီး ဟေပြစ်ကားန “ရဗျနိ!” ဆိုဘီး ပွန်ထူးလေဟယ်။ ရဗျနိရဲ့ ခိပါယ်မာ “ဆရာ” ဖြစ်ဟယ်။ 17 ယေရှုဟု “ငါဟာ ဖနားဟို တတ်ရသေးဘဲဟူကြောန့် ငါ့ဟို ထိန်အူး။ ငါ့ညီကိုလေနားဟို သွားဘီးဟာ ငါ့ရဲ့ဖြစ်ဟူ နန်းနို့ရဲ့၊ ငါ့ရဲ့ဘုရားသခင်ဖြစ်ဟူ နန်းနို့ရဲ့ ဘုရားသခင်နားဟို ငါတတ်ရအူးမယ် ဆိုဇာဟို ပြောပါ” ဆိုဘီး သူတို့ မိန့်တော်မူလေဟယ်။ 18 အယ်ကြောန့် မာဒလဝါသူ မာရိဟု တပွဲတော်လေနားဟို သွားဘီး သခင်ဘုရားဟို တွဲဟူးကြောန့်န ကိုယ်တော် မိန့်တော်မူဟူးဟူ ဇာလေဟို ပြောပြလေဟယ်။ 19 နန်းနို့ရဲ့ ညဉ့်ခန်းဖတ်မာ တပွဲတော်လေဟာ ယုဒအာဏာပိုင်လေဟို ကြော-က်ဟူကြောန့် ခွဗော-က်လေပိဟူးဘီး စုစီးနေဂေဟယ်။ အယ်ခီမာ ယေရှုဟု ကြွလာတော်မူဘီး သူးနို့လယ်မာ ရပ်တော်မူဘီး “နန်းနို့တူးဒူ ငြိသတ်ရှင်း ရှိပါစေ” ဆိုဘီး မိန့်တော်မူလေဟယ်။ 20 အယ်မျိုး မိန့်တော်မူဘီးန ကိုယ်တော်ရဲ့ လတ်တော်န နံဘေးတော်ဟို တပွဲတော်လေဟို ပြတော်မူလေဟယ်။ တပွဲတော်လေဟာ သခင်ဘုရားဟို တွဲပြင်ရဟူ ခီမာ ဝန်းသာဂေလေဟယ်။ 21 ယေရှုဟု “နန်းနို့မာ ငြိသတ်မှုရှိစေ။ ဖဟု ငါ့ဟို စေလွှတ်မျိုးဘဲ ငါလည်း နန်းနို့ဟို စေလွှတ်မယ်” ဆိုဘီး သူးနို့ဟို ထပ်ဘီး မိန့်တော်မူလေဟယ်။ 22 အယ်ဘီးန ကိုယ်တော်ဟာ တပွဲတော်လေထတ်ဟို မှတော်မူဘီး “သန့်ရှင်းဟူညဉ်တော်ဟို လတ်ခံဂေ။ 23 နန်းနို့ဟာ လူလေရဲ့ ပြစ်လေဟို ခွမ့်လွှတ်မယ် ဆိုဟာ သူးနို့ဟာ ပြစ်လေလွှတ်ဇာခံရမယ်။ နန်းနို့ဟာ သူးနို့ရဲ့ ပြစ်လေဟို ခွမ့်လွှတ်ဘဲဟု ဆိုဟာ သူးနို့ဟာ ပြစ်လေ လွှတ်ဇာခံရမယ်မဟု” ဆိုဘီး မိန့်တော်မူလေဟယ်။ 24 ယေရှုကြွလာတော်မူဟူ ခီမာ တပွဲတော် ဆယ့်နေ့ပါးထဲဟု တယော-က်ဖြစ်ဟူ မြွာညူး ဆိုဘီး ခေါ်ဟူ သောမဟာ သူးနို့တူးဒူ မေ့ဟု။ 25 အယ်ကြောန့် တခြားတပွဲတော်လေဟာ “နို့လေဟာ သခင်ဘုရားဟို ပြင်ရဗီးဘီ!” ဆိုဘီး သူတို့ ပြောဂေဟယ်။ သောမဟာ “လတ်တော်မာ သံရိုက်ရာဟို ပြင်ရဘဲန၊ သံရိုက်ရာဟို တို့စမ်းရဘဲန၊ နံဘေးတော်ဟို လတ်ညှိုးန စမ်းသပ်ရဘဲန ငါယောင်ကြည့်ဟို မှဟု” ဆိုဘီး သူးနို့ဟို ပြောလေဟယ်။ 26 တဘတ်ကြာဘီးန တပွဲတော်လေဟာ အီထဲမာ ပွန်စုဝီနေဟူ ခီမာ သောမလည်း သူးနို့တူးဒူ ရှိနေလေဟယ်။ ခွဗော-က်လေဟို ပိဟူးဘောမဲ့ ယေရှုဟု ကြွလာတော်မူဘီး သူးနို့လယ်မာ ရပ်တော်မူဘီးဟာ “နန်းနို့မာ ငြိသတ်မှုရှိစေ” ဆိုဘီး မိန့်တော်မူလေဟယ်။ 27 အယ်ဘီးန ကိုယ်တော်ဟာ “နန်းရဲ့လတ်ညှိုးန အယ်နေရာဟို တို့ဘီးဟာ ငါ့လတ်လေဟိုကေ။ အယ်ဘီးဟာ နန်းလတ်ဟို ဆန့်ဘီး ငါနံဘေးဟို စမ်းသပ်ကေ။ သံသယမေ့ဘဲန ယောင်ကြည့်ပါ!” ဆိုဘီး သောမဟို မိန့်တော်မူလေဟယ်။ 28 သောမဟာ “ကျွန်တော့်သခင်၊ ကျွန်တော့်ဘုရားသခင်!” ဆိုဘီး ကိုယ်တော်ဟို လျှော-က်လေဟယ်။ 29 ယေရှုဟာ “နန်ဟာ ငါ့ဟို ပြင်ရဟူကြောန့် ယောင်ကြည့်ဇာလော။ ငါ့ဟို ပြင်ဘဲန ယောင်ကြည့်ဟူ လူလေဟာ မင်္ဂလာရှိဟယ်!” ဆိုဘီး သူတို့ မိန့်တော်မူလေဟယ်။ 30 အယ်ကျမ်းထဲမာ ရေးဟူးဘဲဟူ တခြားနိမိတ်လတ်ခဏာလေ ဘောင်ဂီးဟိုလည်း တပွဲတော်လေဂေမာ ယေရှုဟု ပြတော်မူလေဟယ်။ 31 အယ်ဘောမဲ့ ယေရှုဟာ ဘုရားသခင်ရဲ့ သားတော် မေရိယ ဖြစ်တော်မူဟယ် ဆိုဇာဟို နန်းနို့ ယောင်ကြည့်ဂေဟိုန အယ်မျိုး ယောင်ကြည့်ဇာအားဖြင့် ကိုယ်တော်နာမရှိက် သတ်ဟို ရရှိဟိုတွပ် အယ်မူဇာလေဟို ရေးဟူးဇာဖြစ်ဟယ်။

21 အယ်ဘီးန ယေရှုဟာ တိဗေရိအိုင်နားမာ တပွဲတော်လေဟို နော့-က်တခါ ကိုယ်ထန်ရှားပြတော်မူဟယ်။ ကိုယ်ထန်ရှားပြဇာဟု အယ်မျိုးဖြစ်ဟယ်။ 2 ရှိမုန်ပေတရ၊ မြွာညူး ဆိုဘီး ခေါ်ဟူ သောမ၊ ဂါလိလဲနယ်၊ ကာနဗြိသား နာသနေလ၊ ဇေဗေဒရဲသားလေန တခြားတပွဲတော် နွေယော့-က်ဟာ တူးဒူရှိနေဂေဟယ်။ 3 ရှိမုန်ပေတရဟာ “ငါ ငါးသွားဖမ်းမယ်” ဆိုဘီး တခြားလူလေဟို ပြောလေဟယ်။ သူးနို့ဟု “နို့လေလည်းလိုက်မယ်” ဆိုဘီး ပွန်ပြောဂေဟယ်။ အယ်ကြောန့် သူးနို့ဟာ လောန ငါးဖမ်းထွပ်ဟူးဂေဟယ်။ အယ်ဘောမဲ့ အယ်ညဉ်မာ တကောန်လည်း ဖမ်းမိဂေဟု။ 4 မိုးလန်းဇာမာ ယေရှုဟာ ကမ်းနားမာ ရပ်နေဘောမဲ့လည်း တပွဲတော်လေဟာ ယေရှုဖြစ်ဟယ် ဆိုဇာဟို သိဂေဟု။ 5 အယ်န ယေရှုဟာ “မိဆွေလေ၊ ငါးကောန်လည်းဖမ်းမိဟုလော” ဆိုဘီး သူးနို့ဟို မေးတော်မူလေဟယ်။ သူးနို့ဟာ “ကောန်လည်းမိဟု” ဆိုဘီး ပွန်ဖြေလေဟယ်။ 6 ကိုယ်တော်ဟာ “နန်းနို့လေရဲ့ ညာဖတ်ဟို ပိုက်ဟို ပစ်ခွဲဂေ။ အယ်ဆိုဟာ

နန်းနိဟာ ငါးလေဟို ဖမ်းမိလေမယ်” ဆိုဘီး သူးနိဟို မိန့်တော်မူလေဟယ်။ အယ်ကြောန့် သူးနိဟာ ပိုက်ဟို ပစ်ခွလိုက်ဇာ ငါးလေဘောင်ဂီးမိနေကြောန့် ပိုက်ဟို ဆွဲဒန်ဟို ခွန်အားမေ့ဟယ်။ 7 ယေရုရှလံတော်မူဟူ တဗွဲတော်ဟာ “သခင်ဘုရားဘွဲ့!” ဆိုဘီး ရှိမုန်ပေတရုဟို ပြောလေဟယ်။ သူဟာ သခင်ဘုရားဖြစ်ဟယ် ဆိုဇာဟို ပေတရုကြားလိုက်ခီမာ ခလွတ်ဟူးဟူ ပျန်အန်းဂီဟို ခါးမာပတ်ဘီးဟာ ရေထဲဟို ခုခွဟူးလေဟယ်။ 8 တခြားတဗွဲတော်လေဟာ ငါးနုလှဲနေဟူပိုက်ဟို ဆွဲဒန်ဘီးဟာ လှေစီးဘီး ကမ်းနားဟို လာဂေဟယ်။ သူးနိဟာ ကမ်းဟုနေ ကိုက်တရာလော့-ကံဘွဲ ဝီးဂေဟယ်။ 9 သူးနိဟာ ကမ်းထတ်ဟို ရော့-ကံဟူ ခီမာ မီးဘောင်ထတ်မာ ကန်ဟူးဟူ ငါးနု မုန့်နဲဟူးဟို တွဲဟူးဂေဟယ်။ 10 ယေရုဟာ “နန်းနိ ခုဖမ်းလာဟူ ငါးနဲနဲဟူး ယူလာဂေ” ဆိုဘီး သူးနိဟို မိန့်တော်မူလေဟယ်။ 11 ရှိမုန်ပေတရုဟာ လှေထတ်ဟို တတ်ဟူးဘီး ငါးလေးနုလှဲနေဟူ ပိုက်ကွန်ဟို ကမ်းထတ်ဟို ဆွဲဒန်လိုက်ဟူ ခီမာ အားလောင်းပေါန်း ၁၅၃ ကောန် ရှိဟယ်။ အယ်မျှလောက ငါးလေဘောင်ဂီး ဖမ်းမိဘောမဲ့လည်း ပိုက်ဟာ စုပွဲဟူ။ 12 ယေရုဟာ “လာစားဂေ” ဆိုဘီး သူးနိဟို မိန့်တော်မူလေဟယ်။ တဗွဲတော်လေဟာ သခင်ဘုရားဖြစ်တော်မူဟယ် ဆိုဇာဟို သိနေဟူကြောန့် “ကိုယ်တော်ဟာ ဖယ်သုနူး” ဆိုဘီးလည်း မေးရဲဂေဟူ။ 13 အယ်ကြောန့် ယေရုဟာ သူးနိနားဟို ကြွလာတော်မူဘီး မုဟိုယူဘီးဟာ ပေးလေဟယ်။ အယ်မျိုးဘွဲ ငါးဟိုလည်း ယူဘီးဟာ ပေးလေဟယ်။ 14 ယေရုဟာ သေရာဟုနေ ထမြော့-ကံတော်မူဘီးနု တဗွဲတော်လေဟို ကိုယ်ထန်ရှားပြဇာဟာ တတိယခါ ဖြစ်လေဟယ်။ 15 တဗွဲတော်လေ စားဂေဘီးနု ယေရုဟာ “ယောဟန်ရဲသား ရှိမုန်၊ သူးနိ ငါ့ဟို ရှစ်ဇာထတ် နန်ဟာ ငါ့ဟို ပိုဘီး ရှစ်ဘွဲလော” ဆိုဘီး ရှိမုန်ပေတရုဟို မေးတော်မူလေဟယ်။ ပေတရုဟာ “မုန်ပါဟယ် သခင်၊ ကိုယ်တော်ဟို ကျွန်တော်ရှစ်ဟယ် ဆိုဇာဟို ကိုယ်တော်သိပါဟယ်” ဆိုဘီး ပွန်ဖြေလေဟယ်။ ယေရုဟာ “ငါ့ရဲသားသားဂန်းလေဟို ကျွေးမွေးပါ” ဆိုဘီး သူးဟို မိန့်တော်မူလေဟယ်။ 16 ယေရုဟာ “ယောဟန်ရဲသား ရှိမုန်၊ ငါ့ဟို ရှစ်ဘွဲလော” ဆိုဘီး သူးဟို ဒုတိယခါ မေးတော်မူလေဟယ်။ ပေတရုဟာ “ရှစ်ပါဟယ် သခင်၊ ကျွန်တော် ရှစ်ဟယ် ဆိုဇာဟို ကိုယ်တော်သိပါဟယ်” ဆိုဘီး ပွန်ဖြေလေဟယ်။ ယေရုဟာ “ငါ့သိုးလေဟို ကေ့ရူပါ” ဆိုဘီး သူးဟို မိန့်တော်မူလေဟယ်။ 17 ယေရုဟာ “ယောဟန်ရဲသား ရှိမုန်၊ ငါ့ဟို ရှစ်ဘွဲလော” ဆိုဘီး သူးဟို တတိယခါ မေးတော်မူလေဟယ်။ ယေရုဟာ သောင်းခါ မေးတော်မူဟူကြောန့် ပေတရုဟာ ဝန်းနဲဟူးဘီး “သခင်၊ ကိုယ်တော်ဟာ ဂူလောင်းဟို သိတော်မူဟူကြောန့် ကိုယ်တော်ဟို ကျွန်တော်ရှစ်ဟယ် ဆိုဇာဟို ကိုယ်တော်သိပါဟယ်!” ဆိုဘီး ကိုယ်တော်ဟို ပွန်လျော့-ကံလေဟယ်။ ယေရုဟာ “ငါ့သိုးလေဟို ကေ့ရူပါ။ 18 နန်းနိဟို ငါ မုန့်တိုင်းပြောမယ်၊ နန်ဟာ ငယ်ရွယ်ဦးခီမာ နန်ဝတ်ရှင်ဇာဟို ဝတ်ဘီး နန်သွားရှင်ဟူနေရာဟို သွားနိုင်ဟယ်။ အယ်ဘောမဲ့ နန်ဟာ အိုဟူးဟူ ခီမာ နန်လတ်နေ့ဖတ်ဟို ဆန့်ဟူးဘီး ယော့-ကံယော့-ကံဟာ နန်ဟို ဝတ်ဆင်ဘီးဟာ နန်သွားရှင်ဘဲဟူ နေရာဟို ယူဆောန်ဟူးလေမယ်” ဆိုဘီး သူးဟို မိန့်တော်မူလေဟယ်။ 19 အယ်မျိုးပြောနေဇာဟာ ပေတရုဟာ အယ်မျိုးနည်းလမ်းနု သေရဇာအားဖြင့် ဘုရားသခင်ရဲ့ ဖောင်းသရေတော်ဟို ထန်ရှားစေမယ် ဆိုဇာဟို ယေရုဟာ ဖော်ပြနေဇာဖြစ်ဟယ်။ အယ်ဘီးနု ယေရုဟာ “ငါ့နော့-ကံလိုက်ဟား!” ဆိုဘီး သူးဟို မိန့်တော်မူလေဟယ်။ 20 ပေတရုဟာ လှည့်ကေ့လိုက်ဘီး သူ့နော့-ကံမာ ယေရုရှလံတော်မူဟူ တဗွဲတော်ဟို ဗြင်လေဟယ်။ အယ်လူဟာ ညဉ့်ဇာစားဟူ ခီမာ ယေရုဟို မှီဘီး “သခင်၊ ကိုယ်တော်ဟို သစ်စာဖော့-ကံမယုံလူဟာ ဖယ်သုနူး” ဆိုဘီး မေးဟူလူဖြစ်ဟယ်။ 21 ပေတရုဟာ အယ်တဗွဲတော်ဟို ဗြင်ဟူ ခီမာ “သခင်၊ အယ်လူဟာ ဖယ်မျိုးဖြစ်လေမယ်နူး” ဆိုဘီး ယေရုဟို မေးလေဟယ်။ 22 ယေရုဟာ “ငါ့ပွန်ကြွလာမယ့်ခီထိ သူးဟို သတ်ရှင်စေဟို ငါလိုရှိဟယ် ဆိုဟာ နန်နုဖြားဆိုင်နူး။ ငါ့နော့-ကံဟို လိုက်ဟား!” ဆိုဘီး ပွန်ဖြေတော်မူလေဟယ်။ 23 အယ်ကြောန့် အယ်တဗွဲတော်ဟာ သေဟို မူဟာ ဆိုဘီး အယ်ဒန်းဟာ ယေရုရဲ့ နော့-ကံတော်လိုက်လေထဲမာ ပွဲဟူးလေဟယ်။ အယ်ဘောမဲ့ ယေရုဟာ အယ်တဗွဲတော် သေဟို မူဟာ ဆိုဘီး မိန့်တော်မူဇာ မူဟာ။ ကိုယ်တော်ဟာ “ငါ့ပွန်ကြွလာမယ့်ခီထိ သူးဟို သတ်ရှင်စေဟို ငါလိုရှိဟယ် ဆိုဟာ နန်နုဖြားဆိုင်နူး” ဆိုဘီး မိန့်တော်မူလေဟယ်။ 24 အယ်ကြောန့်ရာလေဟို သတ်သေခံဘီး ရေးဟူးလူဟာ အယ်တဗွဲတော်ဘွဲ ဖြစ်ဟယ်။ သူးသတ်သေခံချစ်လေဟာ

မှန်ဘဲဖြစ်ဟယ် ဆိုစာဟို နို့လေသိရေဟယ်။ 25 ယေရှုပြုတော်မူဟူ တခြားစာလေဟာ ဘောင်ဂီးရှိသေးဟယ်။ အယ်မူစာလေ
ဂူလောင်းဟို မှတ်တမ်းတန်ဟားမယ် ဆိုဟာ ကျမ်းလေဟို အယ်လောကမာ ထားစာနေရာမူဟို မူဟာ ဆိုဘီး ထန်မိဟယ်။

တမန်တော်

1 ရှစ်ရဟူ သော်ဖိလု၊ ယေရှုဟာ မှုတော်ဆောက်ရှင်းနု သွန်သန်ရှင်းလေဟို စလောက်ဟူခီဟုနေ၊ **2** ကောန်းဂန်ဘောင်ဟို တတ်ကြွဟားဟူနေထိ လောက်ဆောက်ဟားဇာလေ ဂူလောင်းဟို ပထမစာစောန်မာ ကျွန်တော်ရေးဟားဟယ်။ ကိုယ်တော်ဟာ ကောန်းဂန်ဘောင်ဟို တတ်ကြွဟားခန်မာ ဝီးကော့-က်ဟားဟူ တမန်တော်လေဟို သန်ရှင်းဟူဝိညာဉ်တော်ရဲ့ တဂိုးနု မိန့်တော်မူဟားဟယ်။ **3** ကိုယ်တော်ဟာ သေခံဘီးနု ရစ်လေးဆယ် လောင်းလောင်း ခီဘောင်ဂီး ကိုယ်ထန်ရှားပြဘီး မိမိသတ်ရှင်ကြောန်းဟို ခိုင်လောင်ဟူ သတ်သေပြလေဟယ်။ တမန်တော်လေဟာ ကိုယ်တော်ဟို ဖြင်ရဂေဘီး ကိုယ်တော်ဟုလည်း သူးနို့ဟို ဘုရားသခင်ရဲ့ နိုင်ငံတော်ကြောန်းဟို ပြောပြလေဟယ်။ **4** သူးနို့လေဟာ စုလာဂေဟူ ခီမာ ကိုယ်တော်ဟု “ယေရုရှလင်မြို့ဟုနေ ထွပ်ဟားဂေဘဲနု ငါ့ဖရဲ့ ဂဒိဟို စောန်နေဂေ။ ငါဟာ အယ်ဂဒိကြောန်းဟို နန်းနို့ဟို ပြောပြဟားပီးဘီ။ **5** ယောဟန်ဟာ ရေနု ဗတ္တိဇံပေးဟယ်။ အယ်ဘေဗဲ နန်းနို့ဟာ ရစ်နဲနဲ ကြာဘီးဟာ သန်ရှင်းဟူဝိညာဉ်တော်နု ဗတ္တိဇံဟို ခံရဂေလေမယ်” ဆိုဘီး ပြောလေဟယ်။ **6** တမန်တော်လေဟာ စုလာဟူ ခီမာ ကိုယ်တော်ဟို “သခင်၊ ကိုယ်တော်ဟု အယ်ခီမာ ကူသရေလ လူမျိုးတွပ် နိုင်ငံဟို ညွှန်ပေးဟို့လော” ဆိုဘီး မေးဂေဟယ်။ **7** ယေရှုဟု “ငါ့ဖရဲ့ ခွမ်အာဏာနု စီရင်ဟားဟူ နေရစ်ခီလေဟို နန်းနို့ဟာ သိခွင့် မှုဟု။ **8** အယ်ဘေဗဲ နန်းနို့ထတ်ဟို သန်ရှင်းဟူဝိညာဉ်တော် ကြွလာဟူ ခီမာ နန်းနို့ဟာ တဂိုးဟို ရဂေလေမယ်။ အယ်ဘီးမှ နန်းနို့ဟာ ယေရုရှလင်မြို့၊ ယုဒနယ်နု ရှာမာရိနယ် တနယ်လောင်းဟုနေ ဗွေဂီးဆောင်းထိ ငါ့ရဲ့ သတ်သေလေ ဖြစ်ဂေလေမယ်” ဆိုဘီး သူးနို့ဟို မိန့်တော်မူလေဟယ်။ **9** အယ်မျိုး ပြောဘီးနု သူးနို့လေဟာ ကေနေဒူးမာ ကိုယ်တော်ဟာ ကောန်းဂန်ဘောင်ဟို ယူဆောန်ခံရလေဟယ်။ အယ်ဘီးမှ မိုးတီဟာ ကိုယ်တော်ဟို သူးနို့ရဲ့ မျစ်စိရေဟုနေ ဖောင်းဟားလေဟယ်။ **10** ကိုယ်တော် တတ်ကြွဟားဇာဟို သူးနို့လေဟာ ကောန်းဂန်ဟို စေ့စေ့ကေနေဂေဟယ်။ အယ်ခီမာ ဝတ်ဗျူစင်ကြယ်နု လူနေယော့-က်ဟာ ရောက်တရစ် သူးနို့ရဲ့ နားမာ ရပ်နေဘီး **11** အယ်လူလေဟာ “ဂါလိလဲနယ်သားလေ၊ နန်းနို့ဟာ ဖြားဖြစ်ကြောန့် ရပ်ဘီးဟာ ကောန်းဂန်ဟို ကေနေဂေနူး။ နန်းနို့နားဟုနေ ကောန်းဂန်ဘောင်ဟို တတ်ကြွဟားဟူ အယ်ယေရှုဟာ ကောန်းဂန်ဟို တတ်ကြွဟားဇာဟို နန်းနို့ ဖြင်ရမျိုးဘဲ ညွှန်ဘီး ကြွလာလေမယ်” ဆိုဘီး ပြောဂေဟယ်။ **12** အယ်ဘီးနု တမန်တော်လေဟာ သံလွင် ဆိုဘီး ခေါ် ဟူ တောန်ဟုနေဘီး ယေရုရှလင်မြို့ဟို ညွှန်ဟားဂေဟယ်။ အယ်တောန်ဟာ ယေရုရှလင်မြို့နု မိုင်ဝပ်လော့-က်ဘဲ ဝီးဟယ်။ **13** သူးနို့လေဟာ မြို့ထဲဟို ဝမ်ဘီးဟာ သူးနို့လေ တဲနေဟူ အီရဲ့ ထတ်ခန်းဟို သွားဂေဟယ်။ အယ်လူလေဟာ ပေတရု၊ ယောဟန်၊ ယာကုပ်၊ အဒြေ၊ ဖိလိပ္ပူ၊ သောမ၊ ဗာသောလမဲ၊ မသု၊ အာလဖဲရဲသားယာကုပ်၊ မျိုးရှစ်ပေါက်ကို ရှိမုန်နု ယာကုပ်ရဲသား ယုဒလေဖြစ်ဟယ်။ **14** သူးနို့ဟာ မီးမဂီးလေ၊ ယေရှုရဲမိ မာရိနု ကိုယ်တော်ရဲ့ ညီလေဟာ ခါဘီးခါ စုဝီးဘီး ဆုတောင်းဂေဟယ်။ **15** ရစ်နဲနဲ ကြာဘီးနု ၁၂၀ လော့-က်ရှိဟူ ညီကိုလေဟာ စည်းဝေးနေဟူ ခီမာ ပေတရုဟာ အယ်လူအောက် လယ်နှိုက် စကားပြောဟို့တွပ် ထဘီးဟာ။ **16** “ညီကို မောန်နှမလေ၊ ယေရှုဟို ဖမ်းဟူ လူလေဟို လမ်းပြပေးမား ယုဒရှကာရတ်ကြောန်းဟို သန်ရှင်းဟူဝိညာဉ်တော်ဟု ဒါဝိဒအားဖြင့် ကြိုတန်ဘီး ပြောဟားဟူ ကျမ်းစာဟာ ညွှေဇာင်ရမယ်။ **17** ယုဒဟာ မှုတော်ဆောန် တယော့-က်နေနု ဝီးကော့-က်ခံရဟူ လူဖြစ်ဘီး နို့လေရဲ့ ဖွဲ့ဝင်လည်း ဖြစ်ဟယ်။” **18** သူဟာ တရားဘဲဟူ မှုကြောန့် ရဟူကပ်နု လယ်ဝွပ်ဟို ဝယ်ဘီးနု အယ်လယ်ဝွပ်မာ လဲက္ကဘီး သေဟားလေဟယ်။ သူဟာ ဗိုက်ပေါ့-က်ဟားဘီး သူ့အူလေလည်း ထွပ်က္ကလေဟယ်။ **19** ယေရုရှလင်မြို့မာ နေဟူလူလေဟာ အယ်ကြောန်းဟို ကြားဟားဂေဘီး အယ်လယ်ဝွပ်ဟို သူးနို့စကားနု “အကေလဒမ” ဆိုဘီး ခေါ်ဂေဟယ်။ “သွီးဗွေ” ဆိုဘီး ခိပါယ်ရဟယ်။ **20** “ဆာလံကျမ်းမာ “သူရဲ့ အီဟာ လူလေတိဆိဟူ နေရာဖြစ်ပါစေ။ အယ်အီမာ ဖယ်လူလည်း နေရစေနု” ဆိုဘီး ရေးဟားဟယ်။” “အယ်လူရဲ့ ရာထူးဟိုလည်း တခြားတယော့-က်ဟာ ယူပါစေ။” **21** “အယ်ကြောန့် သခင်ယေရှုဟာ နို့လေနားမာ ဝမ်ထွပ်သွားလာဟူ တခီလောင်း **22**

ယောဟန်ရဲ့ ဗတ္တိဇီဝတရားဟို့ ဟောဟူ ခီဟစဘီး နို့လေနားဟုနေ ခွာဟားဘီး ထတ်ဟို့ ဆောန်ယူဟားရှင်းဟို့ ခံတော်မူဟူ နေရစ်ထိ နို့လေန လိုက်ပါသူလေထဲဟု ယော့ကယော့ကဟာ အယ်သခင် ထမြော့-ကံရှင်းကြောန်းဟို့ နို့လေနတူးဒု သတ်သေခံဟူလူ ဖြစ်ရမယ်” ဆိုဘီး ပြောလေဟယ်။ **23** အယ်ကြောန် သူးနို့လေဟာ ယုတ္တု ဆိုဘီး ခေါ်ဟူ ဗာရှဗ (ခေါ်) ယောသပ်န မသိလေ နေ့ယော့-ကံဟို့ ဆိုပြုဂေဟယ်။ **24** အယ်ဘီးန တဗဲ့တော်လေဟာ ဝီးကော့-ကံဇာဟို့ လောကဟို့တွပ် “သခင်၊ ကိုယ်တော်ဟာ လူလေရဲ့ စိန်လောင်းဟို့ သိဟားဟူကြောန် ဆုတောင်းဂေဇာဟု **25** ယုဒဟာ သူန ထိုက်တန်ဟူ နေရာဟို့ သွားဟို့တွပ် ထွပ်ဟားဟူကြောန် ယုဒနေရာမာ တမန်တော်ဖြစ်န မှုတော်ဆောန်ဟို့တွပ် အယ်လူ နေ့ယော့-ကံထဲဟု ကိုယ်တော် ဝီးကော့-ကံဟားဟူ လူဟို့ ပြတော်မူပါ” ဆိုဘီး ဖြစ်ဟယ်။ **26** အယ်ဘီးန အယ်လူ နေ့ယော့-ကံတွပ် မဲလိဆွဲဘီး ဝီးကော့-ကံဂေဟူ ခီမာ မသိဟာ တမန်တော် ဆယ့်တပါးနတူးဒု တမန်တော်ဖြစ် ဝီးကော့-ကံခံရလေဟယ်။

2 ပင်တေကတ္တော့ပွဲနေ့ ရော့-ကံလာဟူ ခီမာ ယောင်ကြည်သူလေ ဂူလောင်းဟာ တနေရာထဲမာ စုနေဂေဟယ်။ **2** အယ်ခီမာ လေပြင်းမှောန်ဒိုင်းသံမျိုး ကောန်းဂန်ဟုနေ ရောကတရစ် ပေါ်လာဘီးန သူးနို့လေ ထိုင်နေဟူ အီတအီလောင်းဟို့ ပွဲဟားလေဟယ်။ **3** အယ်ဘီးန သူးနို့ဟာ ဖြာထွပ်နေဟူ မီးလျာလေမျိုးဟို့ ဗြင်ရဂေဘီး သူးနို့ထတ်မာ ရှိနေဂေဟယ်။ **4** သူးနို့ ဂူလောင်းဟာ သန်ရှင်းဟူဝိညာဉ်တော်န ပွဲနေဘီး ဝိညာဉ်တော်ဟု သူးနို့လေ ပြောနိုင်ဟူတိုင်း တခြားဘာသာစကားလေန စဘီးဟာ ပြောဂေဟယ်။ **5** အယ်ကာလမာ ကောန်းဂန်အော့-ကံ တိုင်းပြည်သီးသီးဟု ဘုရားသခင်ဟို့ ကြော့-ကံဂေဟူ ယုဒလူမျိုးလေဟာ ယေရုရှလင်မြို့မာ တဲနေဂေဟယ်။ **6** အယ်သံဟို့ ကြားရဟူ ခီမာ လူအောက်ဂီးဟာ စုလာဂေဟယ်။ တဗဲ့တော်လေ ပြောဟူဇာဟို့ သူးနို့ အားလောင်းဟု သူးနို့ ဘာသာစကားန ကြားရဂေဟူကြောန် အံ့ဩဟားဂေဟယ်။ **7** သူးနို့ဟာ အံ့ဩနေဘီး “အယ်မျိုး ပြောနေဂေဟူ လူလေဟာ ဂါလိလဲနယ်သားလေမား! **8** အယ်ဆိုဟာ နို့လေ ဂူလောင်းဟာ နို့လေရဲ့ ဘာသာစကားတိုင်း ကြားရဂေဇာဟု ဖယ်မျိုးနူး။ **9** နို့လေဟာ ပါသိပြည်၊ မေဒိပြည်၊ ဇေလံပြည်၊ မေသောပေါတာမိပြည်၊ ယုဒပြည်၊ ကပ္ပဒေါကီပြည်၊ ပုန္နုပြည်၊ အာရိပြည်၊ **10** ဖြူဂီပြည်၊ ပံဖုလီပြည်၊ အဲဂုတ္တာပြည်၊ ကုရေနုမြို့နီး လိဗုနယ်ဟု ဖြစ်ဟယ်။ တချို့ဟု ရောမမြို့ဟုနေ ရော့-ကံလာဟူ **11** ယုဒလူမျိုးလေန ယုဒဘာသာဟို့ ယောန်းလဲလာဂေဟူ လူမျိုးခြားလေ ဖြစ်ဂေဟယ်။ နို့လေ တချို့ဟု ကရေတေကျွန်းသားန အာရပ်ပြည်သားလေ ဖြစ်ဂေဟယ်။ အယ်ဘောမဲ့ အယ်လူလေဟာ ဘုရားသခင်ရဲ့ အံ့ဩဘွယ်မှုတော်ဟို့ နို့လေရဲ့ ဘာသာစကားန ပြောဇာဟို့ နို့လေ ကြားရဂေဟယ်” ဆိုဘီး ပြောဂေဟယ်။ **12** သူးနို့လေဟာ အံ့ဩတွေဝေဟားဘီး “အယ်မူဇာဟု ဖယ်မျိုးနူး” ဆိုဘီး ရှင်းရှင်းပြောနေဂေဟယ်။ **13** အယ်ဘောမဲ့ တခြားလူလေဟု “အယ်လူလေဟာ ရစ်မောနေဂေဟယ်” ဆိုဘီး ရယ်ဇာဂေဟယ်။ **14** အယ်ဘီးန ပေတရုဟာ တမန်တော် တဆယ့်တပါးန တူးအရပ်ဘီး ကွယ်ဟူသံန “ယုဒမျိုးသားလေန ယေရုရှလင်မြို့မာ နေဟူလူလေ အယ်မူဇာဟို့ နန်းနို့ဟို့ ပြောပြမယ်။ ငါ့စကားဟို့ နားထောန်ဂေ။ **15** အယ်လူလေဟာ နန်းနို့ထန်နေမျိုး ယစ်မောနေဇာ မူဟု။ ခုမု မိုးလန်းကိုးနာရီဘွဲ ရှိသေးဟယ်။ **16** အယ်မူဇာဟာ ပရောဖက်ယောလ ဟောဟားဇာ ဖြစ်ဟယ်။ အယ်ပရောဖက်ဟု” **17** “ဘုရားသခင်ဟု မိန့်တော်မူဟယ်။ ငါဟာ နော့-ကံဆောင်း နေရစ်လေမာ လူလေထတ်ဟို့ ငါ့ရဲ့ ဝိညာဉ်တော်ဟို့ လောန်းလွဲမယ်။ နန်းနို့ရဲ့ သားမီးလေဟာ ငါ့ရဲ့ တရားတော်ဟို့ ပရောဖက်ဉာဏ်န ဟောပြောဂေလေမယ်။ လူငယ်လေဟာ ရူပါရောင်လေဟို့ ဗြင်ရဂေလေမယ်။ ဖိုးသန်ဂီးလေဟာ အိမ်တ်လေဟို့ မတ်ဂေလေမယ်။ **18** ငါ့ရဲ့ စေခံ ယော့-ကံကျားလေန မီးမလေထတ်ဟို့ ငါ့ရဲ့ ဝိညာဉ်တော်ဟို့ လောန်းလွဲမယ်။ အယ်ဘီးဟာ သူးနို့ဟု ပရောဖက်ပြုဂေလေမယ်။ **19** ထတ်ကောန်းဂန်မာ နိမိတ်လတ်အဏာလေန အော့-ကံရပ် ဗွေဂီးထတ်မာ သွိုး၊ မီးလျှံ၊ မီးခိုးလောင်းန အံ့ဩဘွယ်လေဟို့ ငါပြမယ်။ **20** သခင်ဘုရားရဲ့ အံ့ဩဘွယ် ထူးမြတ်ဟူနေ ရော့-ကံလာခန်မာ နေဟာ မှောန်မိုက်ဟားဘီး လဟုလည်း သွီးမျိုးဘွဲ နိဟားလေမယ်။” **21** “အယ်ခီမာ ဘုရားသခင်ရဲ့ နာမတော်ဟို့ အော်ခေါ်ဂေဟူ လူတိုင်းဟာ ကယ်တန်ရှင်းဟို့ ခံရဂေလေမယ်။” **22**

“ကုသရေလမျိုးသားလေ၊ အယ်စကားလေဟို နားထောန်ဂေ့! ဘုရားသခင်ဟာ နာဇရက်မြို့သား ယေရှုအားဖြင့် အံ့သြတွယ်လေန နိမိတ်လတ်ခဏာလေဟို ပြတော်မူဟယ်။ ကိုယ်တော်ဟာ ဘုရားသခင်ရဲ့ ခွဲမဲ့အာဏာနဲ့ ယွဲ့ဝဟူလူဖြစ်ဟယ် ဆိုဇာဟို ထန်းထန်ရှားရှားဟာ သတ်သေပြဟားဟယ်။ အယ်မူဇာဟာ နန်းနို့ရှေးမာ ဖြစ်ဟားဟူကြောနဲ့ နန်းနို့ ကိုယ်တိုင် သိရဂေ့ဟယ်။ 23 ဘုရားသခင်ဟာ သူ့ရဲ့ကြံစည်တော်တိုင်း ယေရှုဟို နန်းနို့ လတ်ထဲဟို အပ်လိုက်ဟယ်။ နန်းနို့ဟာ ကိုယ်တော့်ဟို အဓမ္မလူလေလတ်န ကားစင်တန်ဘီး သတ်ဂေ့ဟယ်။ 24 အယ်ဘေမဲ့ ဘုရားသခင်ဟာ ကိုယ်တော့်ဟို သေရှင်းတဂိုးဟုနေ လွတ်မြော-က်စေဘီး ထမြော-က်စေလေဟယ်။ ဖြားဖြစ်ကြောနဲ့နဲ့ဆိုဟာ သေမန်းဟာ ကိုယ်တော့်ဟို မြဲဒမ်း ခယ်နှောန်ဟားဟို ဖြစ်နိုင်ဟယ်။ 25 ဒါဝိဒ်ဟာ ကိုယ်တော်ကြောန်းဟို” “ငါဟာ သခင်ဘုရားဟို မြဲဒမ်း ဖြင်ရဟယ်။ ကိုယ်တော်ဟာ ငါ့ညာဖတ်မာ ရှိနေဟူကြောနဲ့ ငါမာ တောင်လောက်ဇာ မှေဟယ်။ 26 အယ်ကြောနဲ့ ငါ့စိန်လောင်းဟာ ရွှင်လန်းနေဘီး ငါ့ရဲ့ နောက်ဟာ ဝန်းသာရှင်းနဲ့ ပွဲနေဟယ်။ ငါ့ရဲ့ ကိုယ်ခန္ဓာဟာ မျှော်လင့်ရှင်းထဲမာ ငြိသတ်နေမယ်။ 27 ဖြားဖြစ်ကြောနဲ့နဲ့ဆိုဟာ ကိုယ်တော်ဟာ ကျွန်တော်ဟို မရဏာနိုင်ငံမာ ပစ်ဟားဟို မူဟယ်။ ကိုယ်တော်ရဲ့ သန်ရှင်းဟူ လူလေဟို သန်းခွိုင်းထဲမာ ပေါက်ပျစ်စေဟို မူဟယ်။ (Hadēs g86) 28 ကိုယ်တော်ဟာ ကျွန်တော်ဟို သတ်ရှင်ဟူလမ်းလေဟို ပြပေးဟယ်။ ကိုယ်တော်ဟာ ကျွန်တော့်ဟို ကိုယ်တော်ရဲ့ မျစ်မှော့-က်တော်ထဲမာ ဝန်းသာဇာနဲ့ ပွဲစေလေမယ်” ဆိုဘီး ပြောဟယ်။ 29 “ညီကိုလေ၊ နို့လေရဲ့ ဘိုးဘေး ဒါဝိဒ်မန်းဂီးကြောန်းဟို နန်းနို့ဟို ငါ ရှင်းရှင်းလန်းလန်းဟား ပြောရှင်ဟယ်။ သူဟာ သေလွန်ဘီး သင်္ဂြိုဟ်ဇာဟို ခံရဟယ်။ သူ့ရဲ့ သန်းခွိုင်းဟာ အယ်နေထံ နို့လေနတူးဒူ ရှိသေးဟယ်။ 30 သူဟာ ပရောဖက်ဖြစ်ဘီး သူ့ရဲ့ သားမွေးတယော့-က်ဟို သူ့ရဲ့ ပလွင်ထတ်မာ ထိုင်စေမယ် ဆိုဘီး ဘုရားသခင်ဟာ သူ့ဟို သစ်စာပြုဘီး ဂဒိပေးဟားကြောန်းဟို သိဟားဟယ်။ 31 နောင်ခါမာ ဘုရားသခင်ဟာ ဖယ်မျိုးလောက်မယ် ဆိုဇာဟို သိဟူကြောနဲ့” မေရှိယရဲ့ ထမြော-က်ရှင်းကြောန်းဟို “ကိုယ်တော့်ဟို မရဏာနိုင်ငံမာ ပစ်ဟားဟယ်။ သူ့ရဲ့ ခန္ဓာဟို သန်းခွိုင်းထဲမာ ပေါက်ပျစ်စေဟို မူဟယ်” ဆိုဘီး ကြိုတန်ပြောဟားဟယ်။ (Hadēs g86) 32 ဘုရားသခင်ဟာ အယ်ယေရှုဟို သေရာဟုနေ ထမြော-က်စေတော်မူဟယ်။ နို့လေ ဂူလောင်းဟာ အယ်ဖြစ်ပျစ်ရဲ့ သတ်သေဖြစ်ဂေ့ဟယ်။ 33 ကိုယ်တော်ဟာ ဘုရားသခင်ရဲ့ ညာဖတ်မာ ချီးမြှင့်ဇာခံဘီးနဲ့ ဂဒိပေးဟားတိုင်း သန်းရှင်းဟူဝိညာဉ်တော်ဟို ဖနားဟုနေ ခံယူလေဟယ်။ ခု နန်းနို့လေ တွဲပြင်ဘီး ကြားသိဂေ့ဟူ ဝိညာဉ်တော်ဟို နို့လေထတ်ဟို လောန်ခွဲလေဟယ်။ 34 ဒါဝိဒ်ဟာ ကောန်းဂန်ဘောင်ဟို တတ်ဟားဇာ မူဟယ်။ အယ်ဘေမဲ့ သူဟာ “ထာဝရဘုရားဟာ ငါ့သခင်ဟို 35 နန်ရဲ့ ရန်သူလေဟို နန်ရဲ့ ခေတန်ခေါင်ဖြစ် ငါထားဟားဒီထံ ငါ့ရဲ့ ညာဖတ်မာ ထိုင်နေပါ ဆိုဘီး မိန့်တော်မူဟားဟယ်” ဆိုဘီး ပြောလေဟယ်။ 36 “အယ်ကြောနဲ့ ကုသရေလမျိုး ဂူလောင်းဟာ မေရှိယဖြစ်နရော၊ သခင်ဖြစ်နရော ဘုရားသခင် ခန့်ဟားဟူသူဟို နန်းနို့ ကားစင်တန်လိုက်ဂေ့ဟူ ယေရှုဘွဲ့ဖြစ်ဟယ် ဆိုဇာဟို သေးသေချားချာဟား သိမှတ်ဟားဂေ့” ဆိုဘီး လူအောက်ဂီးဟို ဟောလေဟယ်။ 37 လူလေဟာ အယ်စကားဟို ကြားဂေ့ဟူ ဒီမာ ရရာတိုင်း စိသောက ဖြစ်ဟားဂေ့ဘီး ပေတရုန တခြားတမန်တော်လေဟို “ညီကိုလေ၊ နို့လေဟာ ဖယ်မျိုးလောက်ရပွဲနူး” ဆိုဘီး မေးဂေ့ဟယ်။ 38 ပေတရုဟာ “နန်းနို့ ဖြစ်လေဟို ခွမ့်လွှတ်ပေးဇာခံရပွဲတွပ် နောင်ဒရဂေ့ဘီး ယေရှုခရစ်တော်ရဲ့ နာမနဲ့ နန်းနို့ ယော့-က်စိတိုင်း ဗတ္တိဇံဟိုခံဂေ့။ အယ်ဆိုဟာ နန်းနို့ဟာ ဆုလတ်ဆောန်ဖြစ် သန်းရှင်းဟူဝိညာဉ်တော်ဟို ရဂေ့လေမယ်။ 39 ဖြားဖြစ်ကြောနဲ့နဲ့ဆိုဟာ ဘုရားသခင်ရဲ့ ဂဒိတော်ဟာ နန်းနို့ တွပ်ရော၊ နန်းနို့ သားမီးလေတွပ်ရော၊ ဝီးမာရှိနေဟူ လူလေတွပ်ရော ဖြစ်ဟယ်။ တနည်းအားဖြင့်ဆိုဟာ နို့လေရဲ့ ဘုရားသခင်ခေါ် ဟားခံရဟူ လူလေ ဂူလောင်းတွပ်လည်း ဖြစ်ဟယ်” ဆိုဘီး သူးနို့ဟို ပြောလေဟယ်။ 40 ပေတရုဟာ တခြားစကားဘောန်းဇောင်နလည်း တောန်းဗန်းဘီး “နန်းနို့ ကိုယ်တိုင် အယ်ဆိုညစ်ဟူ လူလေထတ်ဟို ရော့-က်လာမယ့် ပြစ်ဒန်ဟုနေ ကန်းလွတ်စေဂေ့” ဆိုဘီး သူးနို့ဟို တိုက်တွန်းလေဟယ်။ 41 လူလေဘောင်ဂီးဟာ သူ့ရဲ့ ဘုရားစကားဟို ယောင်ကြည်ဂေ့ဘီး ဗတ္တိဇံခံဂေ့ဟယ်။ အယ်နေမာ လူလေဟာ ၃,၀၀၀ လော့-က် တိုးပွားဟားလေဟယ်။ 42 အယ်လူလေဟာ တမန်တော်လေရဲ့ သွန်သန်ဇာဟို ခံယူဂေ့ဘီး၊ မဟိုဖွဲ့ဂေ့ဘီး။

မိတ်သဟာယ ဖွဲ့ရောဘီးဟာ ဆုတောင်းဇာလေနဘဲ့ ဒီဟို ကူစေရေဟယ်။ 43 တမန်တော်လေဟာ အံ့ဩဘွယ်ရာလေန နိမိတ်လတ်အာလေဟို ပြုရေဟူကြောန့် လူတိုင်းဟာ ကြော-က်လန့်နေရေဟယ်။ 44 ယောင်ကြည်သူလေဟာ တစုဒေရောဘီးဟာ သူးနို့ရဲ့ အောက်စာလေဟို ယော့-က်နယော့-က် ဝီမျှရေဟယ်။ 45 သူးနို့ရဲ့ အောက်စာလေန ပိုင်ဆိုင်ဇာလေဟို ရောန်းရောဘီးဟာ လိုအပ်ဟူ လူလေဟို ပေးရေဟယ်။ 46 သူးနို့ဟာ နေ့တိုင်း ဗိမာန်တော်မာ စုနေရေဟယ်။ သူးနို့ရဲ့ အိလေမာလည်း မဟိုဖဲရောဘီး စေဒနာစိန် ဝန်းသာအားရ စားဇာလေဟို ဝီမျှဘီး စားရေဟယ်။ 47 သူးနို့ဟာ ဘုရားသခင်ဟို ချီးမွမ်းဘီး လူလေရေမာလည်း မျစ်နာသာ ရရေဟယ်။ သခင်ဘုရားဟုလည်း ကယ်တန်ရှင်း ခံရဟူလူလေဟို နေ့တိုင်း တိုးပွားစေဟယ်။

3 တနေ့မာ ပေတရုန ယောဟန်လေဟာ ဆုတောင်းခံဖြစ်ဟူ နေဒန်ဇာ သောင်းနာရီမာ ဗိမာန်တော်ဟို သွားရေဟယ်။
2 မွီးဂဒဲဟု ခေသန်ဘဲဟူ လူတယော့-က်ဟာ တင့်တယ် ဆိုဘီး ခေါ်ဟူ ခွဗော့-က်ဝမာ ရှိနေဟယ်။ ဗိမာန်တော်ဟို လာရေဟူ လူလေနားဟု ကပ်တောင်းဟိုတွပ် အယ်လူဟို နေ့တိုင်း ထမ်းလာရောဘီး ခွဗော့-က်ဝမာ ခွဟားရေဟယ်။
3 အယ်လူဟာ ပေတရုန ယောဟန်လေ ဗိမာန်တော်ထဲဟို ဝမ်ဟိုလောက်နေဇာဟို ဗြင်ဟူ ခီမာ တခုခုပေးဟိုတွပ် တောင်းလျှော့-က်လေဟယ်။ 4 သူးနို့ဟာ အယ်လူဟို စေ့စေ့ကေလေဟယ်။ အယ်ဘီးန ပေတရုန ယောဟန်ဟု “နို့လေဟို ကေ့!” ဆိုဘီး ပြောလေဟယ်။ 5 အယ်ကြောန့် အယ်လူဟာ သူးနို့နားဟု တခုခုရမယ်ဆို ထန်ဘီး သူးနို့ဟို ကေ့လေဟယ်။ 6 အယ်ဘောမဲ့ ပေတရုဟု “ငါ့မာ ရွှေလည်း မေ့ဟု။ ငွေလည်း မေ့ဟု။ အယ်ဘောမဲ့ ငါ့မာ ရှိဟူဇာဟို နန်ဟိုပေးမယ်။ နာဇရက်မြို့သား ယေရှုခရစ်တော်ရဲ့ နာမန ထဘီးလမ်းရှော့-က်!” ဆိုဘီး ပြောလေဟယ်။ 7 အယ်ဘီးန သူးနို့ ညာဖတ်လတ်ဟို ဆွဲဒန်လေဟယ်။ ရှစ်ရှင်းဘဲ့ အယ်လူရဲ့ ခေဒေါ့-က်န ခေမျစ်စိလေဟာ သန်မာလာဘီး 8 သူဟု ထခူဘီး၊ ထရပ်ဘီးဟာ စဘီးဟာ လမ်းရှော့-က်လေဟယ်။ အယ်ဘီးန သူဟာ ခူပေါ့-က်ဘီး၊ ဘုရားသခင်ဟို ချီးမွမ်းဘီး သူးနို့တူးဒူး ဗိမာန်တော်ထဲဟို ဝမ်ဟားဟယ်။ 9 အယ်နေရာမာ ရှိနေဟူ လူလေဟု လမ်းရှော့-က်ဘီး ဘုရားသခင်ဟို ချီးမွမ်းနေဟူ အယ်လူဟို ဗြင်ဟားဟူ ခီမာ 10 အယ်လူဟာ ဗိမာန်တော်ရဲ့ တင့်တယ်ခွဗော့-က်မာ ထိုင်နေဟူ ဒေါန်းဇာဖြစ်ဟယ် ဆိုဇာဟို မှတ်မိဟားဟူ ခီမာ သူးနို့ ဂူလောင်းဟာ အယ်လူမာ ဖြစ်ဟားဇာလေဟို အံ့ဩဘီး တွေဝေဟားရေဟယ်။ 11 အယ်လူဟာ ပေတရုန ယောဟန်လေဟို ပိုက်နေဒူးမာ လူလေဟု အံ့ဩဘီးဟာ ရှောလမန်ရဲ့ မုခိုဦးဆောန်နားမာ ရှိနေဟူ သူးနို့နားဟို ပွေးလာရေဟယ်။ 12 ပေတရုဟာ လူလေဟို ဗြင်ဟူ ခီမာ “ကူသရေလူမျိုးလေ၊ ဖြားဖြစ်ကြောန့် နန်းနို့ အံ့ဩနေရေဟယ်နူ။ ဖြားဖြစ်ကြောန့် နို့လေဟို ဝိုက်ကေ့နေရေနူ။ နို့လေရဲ့ တဂိုး၊ နို့လေရဲ့ သီလန အယ်လူဟို လမ်းရှော့-က်နိုင်အောက် လောက်ပေးဟယ် ဆိုဘီး နန်းနို့ ထန်နေရေဇာလော။ 13 အာဗြဟံ၊ ကူဇာက်၊ ယာကုပ်ရဲ့ ဘုရားသခင်၊ နို့လေ ဘိုးဘေးလေရဲ့ ဘုရားသခင်ဟာ သူရဲ့ စေခံယေရှုဟို ဖောင်းသရေတော်ထန်ရှားစေဟယ်။ ပိလတ်ဟာ အယ်သခင်ဟို လွှတ်ပေးဟိုတွပ် ဆောင်းဖြစ်ဟယ်။ အယ်ဘောမဲ့လည်း နန်းနို့ဟာ အယ်သခင်ဟို အာဏာပိုင်လေဟို အပ်ဘီး ပိလတ်ရဲ့ ရှေ့မာ ငြင်းပယ်ရေဟယ်။ 14 နန်းနို့ဟာ သန်ရှင်းဖြောန်မတ်ဟူ သခင်ဟို ငြင်းပယ်ရောဘီး လူသတ်မားဟို လွှတ်ပေးဟိုတွပ် တောင်းဆိုရေဟယ်။ 15 နန်းနို့ဟာ သတ်ပေးပိုင်ဟူ သူဟို သတ်ရေဟယ်။ အယ်ဘောမဲ့ ဘုရားသခင်ဟာ အယ်သခင်ဟို သေရှင်းဟုနေ ထမြော့-က်စေဟယ်။ နို့လေဟာ အယ်ဖြစ်ပျစ်ရဲ့ သတ်သေလေ ဖြစ်ရေဟယ်။ 16 အယ်သခင်ရဲ့ နာမတော်တဂိုးန အယ်ခေသန်ဘဲဟူလူဟာ သန်စွမ်းလာဟယ်။ အယ်သခင်ရဲ့ နာမတော်ဟို ယောင်ကြည်လိုက်ဟူန ခု နန်းနို့လေ တို့ဗြင်ရေရဟူ မူရာလေ ဖြစ်လာဟယ်။ နန်းနို့လေဟု ဗြင်ရတိုင်းဘဲ့ ယေရှုဟို ယောင်ကြည်ရှင်းဟုဘဲ့ အယ်လူဟို ကျန်းမာလာစေဟယ်။” 17 “ညီကိုလေ၊ ခု နန်းနို့ဟာ နန်းနို့လေရဲ့ ခေါင်းဆောန်မျိုးဘဲ့ ကိုယ်လောက်ဇာဟို ကိုယ်သိဘဲန လောက်ရေကြောန်းဟို ငါသိဟယ်။ 18 အယ်ဘောမဲ့ ခရစ်တော်ဟာ သေခံရဟိုကြောန်းဟို ပရောဖက်လေ ဂူလောင်းဟို ဘုရားသခင်ဟု ဗျာဒိတ်ပေးဟားဟယ်။ အယ်မျိုး ဖြစ်လာဇာဟု အယ်ဗျာဒိတ်တော်ဟို ပွဲဇောင်ဟိုတွပ် ဖြစ်ဟယ်။ 19 အယ်ကြောန့် ဘုရားသခင်ဟာ နန်းနို့ ပြစ်လေဟို လွှတ်ပေးနိုင်ဟိုတွပ်ကြောန့် နောန်ဒရဘီး လွှန်းလဲရေ။

အယ်မျိုးလောက်မယ် ဆိုဟော။ 20 ဘုရားသခင်နားဟုနေ ဝိညာဉ်ခွန်အား ရှေး-က်လာဘီး နန်းနို့တွပ် ဝီးကော့-က်ဟားဟူ မေရိယဖြစ်ဟူ ယေရုဟို နန်းနို့နားဟို စေလွှတ်လေ့မယ်။ 21 ရှေးရှေးဟု သန်ရှင်းဟူ ပရောဖက်လေဟုတဆင့် ပေးလိုက်ဟူ ဘုရားသခင်ရဲ့ ဗျာဒိတ်တော်နညီ ဂူလောင်းဟို သစ်ဟွေးလဲဟားဟူ ကာလရှေး-က်ခန့်ထိ အယ်သခင်ဟု ကောင်းဂန်ဘောင်မာ ရှိနေမယ်။ (aiōn g165) 22 အယ်ကြောန့် မောရှေဟု ‘နန်းနို့ရဲ့ ဘုရားသခင် ထာဝရဘုရားဟု ငါ့ဟို စေလွှတ်မျိုးဘွဲ့ ပရောဖက်တပါးဟို နန်းနို့နားဟို လွှတ်လေ့မယ်။ အယ်သခင်ဟု နန်းနို့ရဲ့ ညီကိုလေထဲဟု ဖြစ်လေ့မယ်။ အယ်သခင် ပြောစာလေ ဂူလောင်းဟို နန်းနို့ဟု နားထောန်ရဂေ့လေ့မယ်။ 23 အယ်ပရောဖက်ရဲ့ စကားဟို နားထောန်ဘွဲ့ဟူ လူတိုင်းဟု ဘုရားသခင်ရဲ့ လူမျိုးတော်ဟုနေ ဖယ်ရှားဘီး ဖျစ်ဆီးခံရလေ့မယ်’ ဆိုဘီး ပြောဟယ်။ 24 ရှုမွေလဟုနေစဘီး ဗျာဒိတ်တော်အားဖြင့် ဟောပြောဂေ့ဟူ တခြားပရောဖက်လေဟု အယ်နေရစ်လေမာ ဖြစ်ပျစ်မယ့် ကြောန်းရာလေဟို ကြေညာဂေ့ဟယ်။ 25 ပရောဖက်လေအားဖြင့် ဘုရားသခင်ပေးဟူ ဂဒိတော်လေဟု နန်းနို့တွပ် ဖြစ်ဟယ်။ နန်းနို့ ဘိုးဘေးလေန ဘုရားသခင် လောက်ဟားဟူ ပဋိညာဉ်ဟုလည်း နန်းနို့တွပ် ဖြစ်ဟယ်။ ဘုရားသခင်ဟု အာဗြဟံဟို ‘နန်ရဲ့ မွေးမွတ်လေအားဖြင့် လောကသားလေဟု ကောင်းဂိုးမင်္ဂလာဟို ခံစားရလေ့မယ်’ ဆိုဘီး ပြောလေဟယ်။ 26 အယ်ကြောန့် နန်းနို့ဟု ကောင်းဘဲဟူစာလေဟို စွန့်ပစ်ဘီး ကောင်းဂိုးခံစားရဟိုတွပ် ဘုရားသခင်ဟု သူရဲ့ စေခံဟို နန်းနို့နားဟို စေလွှတ်လိုက်ဟယ်” ဆိုဘီး ပြောလေဟယ်။

4 ပေတရုန ယောဟန်လေဟု လူလေဟို ဟောပြောနေဂေ့ခီမာ ယန်ပရောဟိတ်လေ၊ ဗိမာန်တော်ဟို စောန့်နေဟူတပ်မူးန ဇဒျကဲလေဟု ရှေး-က်လာဂေ့ဟယ်။ 2 ယေရုဟု သေရာဟုနေ ထမြော့-က်ဟားဘီ ဆိုဘီး တမန်တော်လေဟု သတ်သေပြဘီး ဟောပြောဟူကြောန့် ဇဒျကဲလေဟု စီဆိုးဂေ့ဟယ်။ 3 အယ်ကြောန့် သူးနို့လေဟု တမန်တော်လေဟို ဖမ်းဂေ့ဘီး ညဉ့်ခန်းဇာဖြစ်ဟားကြောန့် နှော့-က်တနေထိ ထောန်ထဲမာ ထားဟားဂေ့ဟယ်။ 4 အယ်ဘေမဲ့ တရားစကားဟို ကြားဂေ့ဟူ လူဘောင်ဂီးဟု ကိုယ်တော်ဟို ယောင်ကြည်ဂေ့ဟယ်။ ယောင်ကြည်လာဟူ လူလေဟု ၅,၀၀၀ လော့-က် တိုးပွားလာဂေ့ဟယ်။ 5 နှော့-က်တနေ ရှေး-က်ဟူ ခီမာ ယုဒခေါင်းဆောင်လေ၊ လူဂီးလေန ကျမ်းတတ်ဆရာလေဟု ယေရုရှလင်မြို့မာ စုဂေ့ဟယ်။ 6 ယန်ပရောဟိတ်မန်း အန္တတ်န သူရဲ့ မိသားစုဖြစ်ဟူ ကယာဖ၊ ယောဟန်၊ အာလေဇန္ဒြီလူလေန တို့ဂေ့ဟယ်။ 7 အယ်လူလေဟု သူးနို့ရှေမာ တမန်တော်နေပါးဟို ရပ်ခိုင်းဘီး “နန်းနို့ဟု ဖယ်လူရဲ့ တကိုး၊ ဖယ်လူရဲ့ နာမန အယ်မူလေဟို ဖယ်မျိုး လောက်ဂေ့နူး” ဆိုဘီး မေးဂေ့ဟယ်။ 8 သန်ရှင်းဟူဝိညာဉ်တော်န ပွဲဂေ့ဟူ ပေတရုဟု “လူလေရဲ့ ခေါင်းဆောင်လေန လူဂီးလေ၊ 9 ခေသန်ဘွဲ့ဟူ လူတယော့-က်ဟို ကျိုးပြုကြောန်းန သူဟု ကျန်းမာဟားဇာန ပတ်သတ်ဘီး ခုနို့လေဟု စစ်ဆေးခံရမယ် ဆိုဟု။ 10 နာဇရက်မြို့သား ယေရုရှလင်တော်ရဲ့ နာမတော်တကိုးန အယ်လူဟု ခေသန်လာဘီး ခုနန်းနို့ရှေမာ ရပ်နေဇာဟို နန်းနို့န တူးဒု ကသရေလူမျိုးလေ သိမှတ်ဂေ့ပါ။ အယ်သခင်ဟို နန်းနို့ဟု ကားစင်တန်ဘေမဲ့ ဘုရားသခင်ဟု သေရာဟုနေ ထမြော့-က်စေလေဟယ်။” 11 “ယေရုဟု ‘တိုက်ဟို ဆော့-က်ဟူ ခီမာ နန်းနို့ ပယ်ဟားဟူကျော့-က်ဟု ရေးကီးဆောင်းကျော့-က် ဖြစ်လာဟယ်’ ဆိုဘီး ကျမ်းစာဟု ပြောဟားဟယ်။ 12 အယ်သခင်တပါးဘွဲ့ ကယ်တန်နိုင်ဟယ်။ ကောင်းဂန်အော့-က်ဟု လောကမာ အယ်သခင်နာမဟုနေ လွဲဘီး နို့လေဟို ဖယ်လူလည်း ကယ်တန်နိုင်ဟယ်” ဆိုဘီး သူးနို့ဟို ပြောလေဟယ်။ 13 ပေတရုန ယောဟန်လေဟု ပညာတတ်လေမူဘဲန သာမန်လူလေဖြစ်ဘီး ရဲရင့်နေဇာဟို တရားလွှတ်တော် ဖွဲ့ဝင်လေဟု ဗြင်ဂေ့ဟူ ခီမာ ရရာတိုင်း အံ့ဩနေဂေ့ဟယ်။ အယ်လူနေယော့-က်ဟု ယေရုရဲ့ လောက်ဖော်ဆောန်ဖတ်လေဖြစ်ဇာဟို ဒိပြုမိဂေ့ဟယ်။ 14 အယ်ဘေမဲ့ ရောဂါပျော့-က်ဟားဟူ လူဟု တမန်တော်လေန တူးဒု ရပ်နေဇာဟို ဗြင်ဟူ ခီမာ သူးနို့ဟု ဖယ်မျိုးလည်း ပြောနိုင်ဂေ့ဟူ။ 15 တမန်တော်လေဟို တရားလွှတ်တော်ထဲဟုနေ ထွပ်ခိုင်းဘီးဟု သူးနို့ရှင်းရှင်း စဘီးဟု တိုင်ဗန်ဂေ့ဟယ်။ 16 သူးနို့လေဟု “နို့လေဟု အယ်လူလေဟို ဖယ်မျိုးလောက်ရဟိုနူး။ သူးနို့အားဖြင့် ထူးခြားဟူ နိမိတ်လတ်ခဏာ ဖြစ်ဟားဇာဟို ယေရုရှလင်မြို့ဟု လူတိုင်းဟု သိဂေ့ဟယ်။ နို့လေဟု ငြင်းနိုင်ဂေ့ဟူ။ 17 အယ်ဘေမဲ့ အယ်ဒန်းဟု

လူလေထဲမှာ ပွဲနဲ့ဘဲနေအောင် ယေရှုရဲ့ နာမတော်ကို မှီပြုဘီး နော့-က်ထပ် ဖယ်လူဟိုလဲ ဟောပြောဘဲနေဟို့တွပ် အယ်လူနွေယော့-က်ဟို့ ဒီပေးဂေမယ်” ဆိုဘီး ပြောဂေဟယ်။ **18** အယ်ဘီးန တမန်တော်လေဟို့ ပွန်ခေါ်ဘီးဟာ ယေရှုရဲ့ နာမတော်ဟို့ မှီပြုဘီး နော့-က်ထပ် လောင်းဝ ဟောပြောဘဲနေဟို့တွပ် မိန့်ပေးလိုက်ဂေဟယ်။ **19** ပေတရုန ယောဟန်လေဟာ “နို့လေဟာ ဘုရားသခင်ရဲ့ စကားဟို့ နားထောန်ဇာထတ် နန်းနို့ရဲ့ စကားဟို့ နားထောန်ဇာဟာ ဘုရားသခင်ရဲ့ ဂျေမာ မှန်ဟယ်၊ မှားဟယ် ဆိုဇာဟို့ နန်းနို့ ကိုယ်တိုင်ဘဲ ဆောင်းဖြတ်ပေးဂေပါ။ **20** နို့လေကိုယ်တိုင် ကြားရ ပြင်ရဇာလေဟို့ ဟောပြောဘဲန နေနိုင်ဟ” ဆိုဘီး ပွန်ပြောလိုက်ဂေဟယ်။ **21** အယ်ကြောန့် တရားလွှတ်တော် ဖွဲ့ဝင်လေဟာ သူးနို့ဟို့ ပွန်ဘီးဟာ သေးသေချားချာဟား ဒီပေးဘီးန ထွပ်ခိုင်းလိုက်ဂေဟယ်။ လူလေဟာ ဖြစ်ပျစ်ဟူ ဇာလေတွပ် ဘုရားသခင်ရဲ့ ဖောင်းသရေတော်ဟို့ ချီးမွမ်းနေဂေဟူကြောန့် တမန်တော်လေဟို့ ဖြားပြစ်ဒန်လည်း စီရင်နိုင်ဂေဟ။ **22** အံ့ဩဘွယ်ကောင်းအောင် ရောဂါပျော့-က်ဟားဟူလူဟာ သတ်လေးဆယ်ကျော်လော့-က် ရှိဟယ်။ **23** ပေတရုန ယောဟန်လေဟာ လွတ်မြော့-က်လာဂေဟူ ခီမာ သူးနို့ လူလေနားဟို့ ပွန်ဟားဘီးန ယဇ်ပုရောဟိတ်ဂီးန သတ်ကီးဝါဂီးလေ ပြောလိုက်ဇာလေဟို့ ပွန်ဘီး ပြောဂေဟယ်။ **24** အယ်ကြောန့်ဟို့ ကြားရဂေဟူ ခီမာ အယ်လူလေဟာ တူးဒု ဆုတောင်းဂေဟယ်။ “စိုးရဟူသခင်၊ ကိုယ်တော်ဟာ ကောင်းဂန်န မွေဂီး၊ ပန်လယ်န ရှိမျှဂူလောင်းဟို့လည်း ဖန်ဆင်းဟူ ဘုရားသခင် ဖြစ်ဟယ်။ **25** ကိုယ်တော်ဟာ သန့်ရှင်းဟူဝိညာဉ်တော်အားဖြင့် ကိုယ်တော်ရဲ့ စေခံ၊ ကျွန်တော်လေ ဘိုးဘေး ဒါဝိဒ်ဟုနေ တဆင့်” “လူမျိုးခြားလေဟာ ဖြားဖြစ်ကြောန့် ရောင်းရင်းဆန်ခတ် ဖြစ်နေဂေနူး” လူမျိုးဘောင်းဇောင်ဟာ ဖြားဖြစ်ကြောန့် ကျိုးမွှော့ဘဲန ကြံစည်ဂေနူး။ **26** လောကရဲ့ မန်းဂီးလေန အောက်ချောက်မားလေဟာ ဘုရားသခင်ဟို့ ပေါင်ကန်ဟို့တွပ် ပြင်ဆင်ဂေဟယ်။ ဘုရားသခင်န ကိုယ်တော်ရဲ့ မေရှိယဟို့ ဆန့်ကျင်ဟို့တွပ် စုဂေဟယ်၊ ဆိုဘီး မိန့်တော်မူဟားဟယ်။ **27** မှန်တိုင်းဆိုဟာ ဟေရုဒ်န ပုန္တီပိလတ်လေဟာ လူမျိုးခြားလေ၊ ကုသရေလလူမျိုးလေန တူးဒု ကိုယ်တော်ရဲ့ သန့်ရှင်းဟူစေခံ၊ ကိုယ်တော်ဘိသိပေးဟူ ယေရှုဟို့ ဆန့်ကျင်ဟို့တွပ် အယ်မြို့ထဲမှာ စုဂေဟယ်။ **28** အယ်မျိုး စုဂေဇာဟာ ကိုယ်တော်ရဲ့ တဂိုးတော်န လိုတော်ရဲ့ ခွဲခန့်ဟားဇာလေဟို့ ဖြစ်ပျစ်ဟို့တွပ် ဖြစ်ဟယ်။ **29** သခင်၊ ခု အယ်လူလေရဲ့ ချီးဩ-က်ဟူဇာဟို့ မှတ်ဟားပေးပါ။ ကိုယ်တော်ရဲ့ စေခံလေဟို့ ကိုယ်တော်ရဲ့ တရားတော်ဟို့ ရဲရဲရင့်ရင့်ဟား ဟောဟို့ခွဲမံ ပေးတော်မူပါ။ **30** လူလေရဲ့ ရောဂါလေဟို့ ပျော့-က်စေဟို့တွပ် ကိုယ်တော်ရဲ့ လတ်တော်ဟို့ ဆန့်တော်မူပါ။ ကိုယ်တော်ရဲ့ သန့်ရှင်းဟူစေခံ ယေရှုရဲ့ နာမတော်န နိမိတ်လတ်ခဏာန အံ့ဩဘွယ်ရာလေဟို့ လောက်တော်မူပါ။ **31** အယ်မျိုး ဆုတောင်းဂေဘီးခီမာ သူးနို့ စည်းဝေးနေရာဟာ လောက်လာဟယ်။ သူးနို့ ဂူလောင်းဟာ သန့်ရှင်းဟူဝိညာဉ်တော်န ပွဲဝဘီး ဘုရားသခင်ရဲ့ တရားတော်ဟို့ ရဲရဲရင့်ရင့်ဟား ဟောပြောဂေဟယ်။ **32** ယောင်ကြည်သူလေဟာ စိန်လောင်း တလောင်းတဝဲ ဖြစ်ဂေဟူကြောန့် ဖယ်လူလဲ ကိုယ်ရဲ့ အောက်စာဟို့ ကိုယ်ပိုင်ဟယ် ဆိုဘီး ပြောဂေဟ။ သူးနို့မာ ရှိနေဟူ အောက်စာလေ ဂူလောင်းဟို့ ပိုင်ဂေဟယ် ဆိုဘီး ကြေညာဟားဂေဟယ်။ **33** တမန်တော်လေဟာ သခင်ယေရှုခရစ်တော်ရဲ့ ရှင်ပွန်ထမြော့-က်ရှင်းကြောန့်ဟို့ ကီးမားဟူ တဂိုးန သတ်သေခံဂေဟယ်။ ဘုရားသခင်ရဲ့ ကျေးဇူးတော်ဟာ ကီးမားဟူ တဂိုးန သူးနို့ ဂူလောင်းထဲမှာ လောက်လောက်လေဟယ်။ **34** လယ်လေ၊ အီလေ ပိုင်ဂေဟူ လူလေဟာ သူးနို့ အောက်စာလေဟို့ ရောင်းခွဲဘီး၊ ရဟူကပ်လေဟို့ ယူလာဘီးဟာ တမန်တော်လေဟို့ ပေးဂေဟယ်။ **35** အယ်ဘီးန တမန်တော်လေဟာ လိုအပ်ဟူ လူလေဟို့ လိုက်ဝီပေးဂေဟယ်။ **36** ယောသပ် ဆိုဘီး ခေါ် ဟူ လူတယော့-က်ရှိဟယ်။ သူဟို့ တမန်တော်လေဟာ ဗာနဗ ဆိုဘီး ခေါ် ဂေဟယ်။ ဗာနဗရဲ့ ဓိပါယ်ဟာ အားပေးကူညီဟူလူ ဆိုဘီး ခေါ် ဟယ်။ သူဟာ ကုရေနနယ်သား လေဝိမျိုးနွယ် ဖြစ်ဟယ်။ **37** သူပိုင်ဟူ လယ်ဝပ်ဟို့ ရောင်းဘီးဟာ ရဟူကပ်ဟို့ ယူလာဘီးန တမန်တော်လေဟို့ ပေးလေဟယ်။

5 အာနနိနာမယ်ရှိဟူ လူတယော့-က်ဟာ သူ့ရဲ့မယား ရှာဖီရေနတူးဒု သူးနို့ ပိုင်ဟူမွေဟို့ ရောင်းဂေဟယ်။ **2** အယ်ဘီးန အာနနိဟာ ရောင်းရဟူ ကပ်တဝပ်ဟို့ သူ့ရဲ့မယားန ဘောတူဘီးဟာ သူးနို့တွပ် ဖယ်ဟားဘီးဟာ ကျန်ဟူကပ်လေဟို့ဘဲ

တမန်တော်လေဟူ ပေးလေဟူ။ 3 ပေတရုဟု “အာနနိ၊ နန်ဟာ လယ်ဟိုရောင်းရဟူ ကပ်တဝပ်ဟို နန်းနီတွပ် ဖယ်ဟားဘီး ဖြားဖြစ်ကြောန့် သန်ရှင်းဟူဝိညာဉ်တော်ဟို လှည့်ဇားနူး။ ဖြားဖြစ်ကြောန့် စာတန်ဟို နန်းနီ စိန်လောင်းဟို အောက်စိုးခွမ်းပေးနူး။ 4 နန်ဟာ အယ်လယ်ဟို ရောင်းခန့်ခွဲဟု နန်းနီပိုင်ဟယ် မှဟူလော။ ရောင်းလိုက်ဘီး နှော့-က်မာလည်း အယ်ကပ်လေဟို နန်ပိုင်ဟယ် မှဟူလော။ ဖြားဖြစ်ကြောန့် စိန်လောင်းထဲမာ အယ်မျိုး ကြံစည်ဂေ့နူး။ နန်ဟာ လူလေဟိုဘဲ လှည့်ဇားဇာ မှဟူ။ ဘုရားသခင်ဟိုလည်း လှည့်ဇားဟယ်။” ဆိုဘီး ပြောဟယ်။ 5 အယ်စကားဟို ကြားန အာနနိဟု လဲကွဘီး သေဟားဟယ်။ အယ်ကြောန်းဟို ကြားဂေ့ဟူလူလေဟာ ရရာတိုင်း ကြော့-က်လန်ဂေ့ဟယ်။ 6 လူငယ်လေဟာ လာဘီးဟာ အာနနိရဲ့ လောန်းဟို ဝတ်နပတ်ဘီး ပွန်ဟို ယူဟားဘီး သဂြိုဟ်ဂေ့ဟယ်။ 7 သောင်းနာရီလော့-က် ကြာဘီးန အာနနိရဲ့ မယားဟု ဖြစ်ပျစ်ဟားဟူဇာလေဟို သိဘဲန ရော့-က်လာဟယ်။ 8 ပေတရုဟု “နန်းနီဟာ လယ်ဟို အယ်မျှနဘဲ ရောင်းလော” ဆိုဘီး မေးလေဟယ်။ အယ်မီးမဟု “ဟုတ်ဟယ်။ အယ်မျှနဘဲ ရောင်းဟယ်” ဆိုဘီး ဖြေလေဟယ်။ 9 ပေတရုဟု “သခင်ဘုရားရဲ့ ဝိညာဉ်တော်ဟို သွီးတိုးစမ်းဟိုတွပ် ဖြားဖြစ်ကြောန့် နန်းနီဟာ ဘောတုဂေ့နူး။ ကေ့ကေ့၊ နန်ယော့-က်ကျားဟို သဂြိုဟ်ဘီး ပွန်လာဟူလူလေဟာ ခွဗော့-က်မာ ရှိနေဂေ့ဟယ်။ သူးနီဟာ နန်ဟိုလည်း သယ်ဟားလေမယ်။” ဆိုဘီး ပြောဟယ်။ 10 ရှစ်ရှင်းဘဲ အယ်မီးမဟာ ပေတရုရဲ့ ခေရင်းမာ လဲကွဘီးဟာ သေဟားဟယ်။ လူငယ်လေဟာ ရော့-က်လာဂေ့ဟူ ခီမာ အယ်မီးမဟာ သေနေဇာဟို တွဲဟားဟူကြောန့် အယ်မီးမရဲ့ လောန်းဟို ယူဟားဘီးန သူယော့-က်ကျားနားမာ သဂြိုဟ်လိုက်ဂေ့ဟယ်။ 11 သင်းတော်တခုလောင်းန အယ်ကြောန်းဟို ကြားဂေ့ဟူ လူလေဟာ ရရာတိုင်း ကြော့-က်လန်ဂေ့ဟယ်။ 12 တမန်တော်လေဟာ လူလေရှေမာ အံ့ဩဘွယ်ရာလေန နိမိတ်လတ်ခဏာလေဟို ပြဂေ့ဟယ်။ ယောင်ကြည်သူလေဟာ ရှောလမုန့်ရဲ့ မုဒ်ဦးဆောက်မာ စုနေဂေ့ဟယ်။ 13 လူလေဟာ သူးနီဟို ချီးကျူးဂေ့ဘေမဲ့ ဖယ်လူလည်း သူးနီဟို ပေါန်းသင်းရဲဂေ့ဟူ။ 14 အယ်ဘေမဲ့ သခင်ဘုရားဟို ယောင်ကြည်ဟူ ယော့-က်ကျားလေန မီးမလေဟာ ဘောင်ဂီးဖြစ်လာဟယ်။ 15 လူလေဟာ နေကောင်းဘဲဟူ လူလေဟို ခေါ်လာဂေ့ဟယ်။ ပေတရု ဖြတ်ရှော့-က်ဟူ ခီမာ သူရဲရဲဟာ လူနာလေထတ်ဟို ကွဟိုတွပ် လူနာလေဟို အိယာလေ။ ထမ်းစင်လေန သယ်လာဂေ့ဘီး လမ်းမထတ်မာ ညွဟားဂေ့ဟယ်။ 16 ယေရုရှလင်မြို့ ပတ်ပတ်လယ်ဟု မြို့လေဟု လူလေဟာ ဖျားနေဟူလူလေ၊ နတ်ဆိုးဝမ်းပူးနေဟူ လူလေဟို ခေါ်လာဂေ့ဟယ်။ အယ်လူနာလေ ဂူလောင်းဟာ ရောဂါပျော့-က်ဟားဂေ့ဟယ်။ 17 အယ်ခီမာ ယဇ်ပုရောဟိတ်မန်းန သူရဲ နှော့-က်လိုက်လေဖြစ်ဟူ ဒွေကဲ ဂိုဏ်းဝမ်းလေဟာ တမန်တော်လေဟို ရရာတိုင်း နာလိုဝန်တိုစိ ရှိလာဂေ့ဟူကြောန့် သူးနီလေဟို ရေးယူဟိုတွပ် ဆောင်းဖြတ်ဂေ့ဟယ်။ 18 သူးနီဟာ တမန်တော်လေဟို ဖမ်းဘီးဟာ ပြည်သူ ကျဉ်းထောန်ထဲမာ ထားဟားဂေ့ဟယ်။ 19 အယ်ဘေမဲ့ အယ်ညဉ်မာ သခင်ဘုရားရဲ့ ကောင်းဂန်တမန်တပါးဟာ ထောန်ခွဗော့-က်လေဟို ဖွမ်းဘီး တမန်တော်လေဟို ခေါ်ထုဘီး။ 20 “သွားဘီး ဗိမာန်တော်ထဲမာရပ်ဘီး အယ်သတ်ရှင်ရှင်းန ဆိုင်ဟူဇာလေ ဂူလောင်းဟို လူလေဟို ဟောပြောဂေ့ပါ” ဆိုဘီး သူးနီဟို ပြောဟယ်။ 21 တမန်တော်လေဟာ ကောင်းဂန်တမန်ရဲ့ စကားဟို နားထောန်ဘီး မိုးလန်းစောစောမာ ဗိမာန်တော်ထဲဟို ဝမ်းဘီးဟာ ဟောပြောဂေ့ဟယ်။ ယဇ်ပုရောဟိတ်မန်းန သူပေါန်းဖော်လေဟာ ကူသရေလူမျိုး သတ်ကီးဟူလူလေ ဂူလောင်းဟို တရားလွှတ်တော်စည်းဝေးမာ စုလာဟို ခေါ်ဂေ့ဟယ်။ အယ်ဘီးန တမန်တော်လေဟို ခေါ်ဆောန်လာဟိုတွပ် စောန့်တပ်သားလေဟို ကျဉ်းထောန်ဟို စေလွှတ်လိုက်ဂေ့ဟယ်။ 22 ရာရှိလေဟာ ရော့-က်ဟားဟူ ခီမာ တမန်တော်လေဟို တွဲဂေ့ဟမ်း။ အယ်ကြောန့် သူးနီဟာ တရားလွှတ်တော်ဟို ပွန်လာဘီး။ 23 “ကျွန်တော့်ဟားလေဟာ ထောန်ဟို ရော့-က်ဟားခီမာ သေးသေချားချာ ပိဟားဘီး စောန့်တပ်သားလေဟုလည်း ခွဗော့-က်လေမာ ရပ်နေဇာဟို တွဲဂေ့ဟယ်။ အယ်ဘေမဲ့ ခွဗော့-က်လေဟို ဖွမ်းလိုက်ဟူ ခီမာ ထဲမာ ဖယ်လူဟိုလည်း တွဲဂေ့ဟယ်။” ဆိုဘီး စီရင်ခံဂေ့ဟယ်။ 24 အယ်စကားဟို ကြားဟူ ခီမာ ဗိမာန်တော်စောန့် တပ်မှူးန ယဇ်ပုရောဟိတ်ဂီးလေဟာ တမန်တော်လေမာ ဖြစ်ပျစ်ဟားဇာဟို အံ့ဩဟားဂေ့ဟယ်။ 25 အယ်ခီမာ လူတယော့-က်ဟု ရော့-က်လာဘီး “နားထောန်ဂေ့! ကျဉ်းညွဟားဟူ လူလေဟာ

ဗိမာန်တော်ထဲမှာ ရပ်ဘီး လူလေဟူ သွန်သန်နေရဲဟယ်!” ဆိုဘီး ပြောလေဟယ်။ 26 အယ်ကြောန့် ရာရှိဟာ သူလူလေနသွားဘီး တမန်တော်လေဟူ ယွန်ခေါ်လာရဲဟယ်။ အယ်ဘောမဲ့လည်း သူးနို့ဟူ လူလေဟု ကြော-ကံခဲနပစ် ဇာဟူ ဖိုးရိမ်ဟူကြောန့် တမန်တော်လေဟူ နိုင်ထတ်စီးနန်း လောက်ရဲဟယ်။ 27 တမန်တော်လေဟူ ခေါ်လာဘီးန တရားလွှတ်တော်ရှေ့မှာ ရပ်ခိုင်းလိုက်ဟယ်။ ယဇ်ပုရောဟိတ်မန်းဟာ တမန်တော်လေဟူ စစ်ဆေးရဲဟယ်။ 28 သူးနို့ဟု “အယ်လူရဲနာမဟူ ဟောပြောဘဲနေဟူတွပ် နန်းနို့ဟူ တင်းတင်းကျပ်ကျပ်ဟား မိန့်ပေးဟားဟယ်! အယ်ဘောမဲ့ နန်းနို့ဟာ ယေရုရှလင်တမြို့လောင်း နန်းနို့လေရဲ့ သွန်သန်ဇာလေဟူ ပွဲနွံစေဘီး အယ်လူရဲ့ သွီးဟူလည်း နို့လေထတ်ဟူ ကွဲစေဟူတွပ် ကြံစည်ရဲဟယ်!” ဆိုဘီး တမန်တော်လေဟူ ပြောရဲဟယ်။ 29 ပေတရုန တမန်တော်လေဟု “နို့လေဟာ လူရဲ့ စကားထတ် ဘုရားသခင်ရဲ့ စကားဟူ နားထောန်ရမယ်။ 30 နို့လေ ဘိုးဘေးလေရဲ့ ဘုရားသခင်ဟာ လတ်ဝါးကပ်တိုင်မာ နန်းနို့ သတ်လိုက်ဟူ ယေရုဟူ ထမြော-ကံစေဟယ်။ 31 ကုသရေလူမျိုးလေဟာ နောက်ဒရဘီး သူးနို့ ပြစ်လေဟူ ဖြေလွှတ်ပေးဟူတွပ် ဘုရားသခင်ဟာ အယ်သခင်ဟူ သူရဲ့ညာဖတ်မာ ထားဟားဘီးဟာ ခေါင်းဆောန်န ကယ်တန်ရှင်းဖြစ် ချီးမြှော-ကံတော်မူလေဟယ်။ 32 အယ်မူဇာလေတွပ် နို့လေဟာ သတ်သေလေ ဖြစ်ရဲဟယ်။ ဘုရားသခင်ရဲ့ စကားဟူ နာခံဟူလူလေဟူ ပေးတော်မူဟူ သန့်ရှင်းဟူဝိညာဉ်တော်ဟုလည်း သတ်သေ ဖြစ်ဟယ်” ဆိုဘီး ပြောရဲဟယ်။ 33 တရားလွှတ်တော် ဖွဲ့ဝင်လေဟာ အယ်စကားဟူ ကြားရဲဟူ ခီမာ ရရာတိုင်း ဒေါသထွပ်ရဲဘီး တမန်တော်လေဟူ သေဒန် ပေးရှင်ရဲဟယ်။ 34 အယ်ခီမာ လူလေဟူ ရရာတိုင်း ရိုသေလေးစားရဟူ၊ ကျမ်းတတ်ဆရာဖြစ်ဟူ၊ ဂါမလျေလ နာမယ်ရှိဟူ ဖာရိရှဲတယော-ကံဟာ တရားလွှတ်တော်မာ ထရပ်ဘီးဟာ တမန်တော်လေဟူ ယွန်ဟူ ရှစ်ဟား ခေါ်ထုဟားဟူ မိန့်ပေးလိုက်ဘီးန 35 “ကုသရေလူမျိုးလေ၊ အယ်လူလေဟူ ဖယ်မျိုးလောက်မယ် ဆိုဇာဟူ ဒိန ဆင်ခြင်ရဲပါ။ 36 တခီဒူးဟု သုဒနာမယ်ရှိဟူ လူတယော-ကံဟာ ပေါ်လာဘီး သူ့ကိုယ်သူ ရေးပါရာရော-ကံဟူ လူဖြစ်ဟယ် ဆိုဟူကြောန့် သူ့နော-ကံဟူလိုက်ဟူ သူလေဟာ ၄၀၀ လော့-ကံရှိလာဟယ်။ အယ်ဘောမဲ့ သူသတ်ခံရဘီးန သူဟူယောင်ကြည်ဟူလေဟာ ဖွဲ့ဖွဲ့စင်ဖြစ်ဟားဘီး သူရဲ့လော့ကံရှားမှုလည်း ပျော-ကံကွယ်ဟားဟယ်။ 37 အယ်ဘီးန သန်းဂေါန်စာရင်းကော့-ကံဟူ ခီမာ ဂါလိလဲနယ်သား ယုဒဟာ ပေါ်လာဘီး လူလေဟာ သူဟူ အားကိုးလာအောန် စည်းရောင်းလေဟယ်။ သူလည်းဘဲ သတ်ခံရဘီးန သူဟူ ကိုးစားဟူ လူလေဟာ ဖွဲ့ဖွဲ့စင် ဖြစ်ဟားရဲဟယ်။ 38 ခုကိစမာလည်း နန်းနို့ဟူ ငါပြောမယ်။ အယ်လူလေဟူ ရေးယူရဲန။ သူးနို့ဇာသူးနို့ နေပါစေ! သူးနို့ ကြံစည်ဘီး လောက်ဟူဇာဟာ လူဟုဖြစ်လာဟယ် ဆိုဟာ အယ်ကိစဟာ ပျစ်ရလေမယ်။ 39 အယ်ဘောမဲ့ ဘုရားသခင်ဟုနေ ဖြစ်လာဟူ ကြံစည်ဆိုဟာ အယ်လူလေဟူ နန်းနို့ တားဆီးနိုင်ဟု။ နော့-ကံဘီး ဘုရားသခင်ဟူ ဆန့်ကျင်မျိုးဘဲ ဖြစ်ဟားနိုင်ဟယ်!” ဆိုဘီး ပြောဟယ်။ ယုဒ တရားလွှတ်တော်ဟာ ဂါမလျေလရဲ့ ကြံဉာဏ်ဟူ နားထောန်ရဲလေဟယ်။ 40 သူးနို့ဟု တမန်တော်လေဟူ ခေါ်ဘီး ကီဒန်ပေးဘီးန “ယေရုနာမဟူ မှီပြုဘီး ဟောပြောဇာဟူ နော့-ကံတခါလောက်န” ဆိုဘီး မိန့်ပေးဘီး လွှတ်လိုက်ရဲဟယ်။ 41 တမန်တော်လေဟာ ယေရုရဲ့ နာမတော်တွပ် ရှစ်ကွဲခံရဟူဇာဟာ ထိုက်တန်ဟယ် ဆိုဘီး ဘုရားသခင်သတ်မှတ်ဟားကြောန့် ဝန်းသာအားရန တရားလွှတ်တော်ဟုနေ ထွပ်ဟားရဲဟယ်။ 42 အယ်ဘီးန သူးနို့ဟာ နေ့တိုင်း ဗိမာန်တော်မာရော၊ လူလေရဲ့ အီမာရော ယေရုဟာ မေရှိယဖြစ်ဟူကြောင်း ဒန်းကောန်ဟူ ဆစ်ဘီးဟာ ဟောပြောရဲဟယ်။

6 အယ်နေရစ်လေမာ တဗဲတော်လေဟာ ဘောင်ဂီးဖြစ်လာဘီး ဟေလသစကားပြောဟူ ယုဒလူလေန ဒေသခံ ယုဒလူလေဟာ ရန်ဖြစ်ရဲဟယ်။ ဟေလသစကားပြောဟူ ယုဒလူလေဟု သူးနို့ရဲ့ မောက်ဆိုးမလေဟူ ကူညီဘဲထားဟားဟယ် ဆိုဘီး ယုဒလူလေဟူ ပြစ်တန်ရဲဟယ်။ 2 အယ်ကြောန့် တမန်တော် ဆယ့်နှေပါးဟာ တဗဲတော်လေဟူ ခေါ်ဘီးန “နို့လေဟာ ဘုရားသခင်ရဲ့ စကားတော်ဟူ ဟောပြောဘဲန ဗွဲမစေခဲနေမယ် ဆိုဟာ ကောန်းဟု။ 3 ညီကို မောန်နှမလေ၊ နန်းနို့ထဲမာ သန့်ရှင်းဟူဝိညာဉ်တော်နရော၊ ဉာဏ်ပညာနရော ပွဲဝဘီးဟာ အသရေရှိဟူလူ

ခွန်နစ်ယော့-က်ဟိုဝီးဂေ့ပါ။ နို့လေဟာ အယ်လူလေဟို အယ်တာဝန်တွပ် ခန့်ဟားဟိုတွပ် ထော့-က်ခံမယ်။ 4 နို့လေဟာ ဆုတောင်းဇာ၊ တရားဟောဇာလေဟို လောက်ဆောန်ဇာနဘဲ ခီဟိုကူစေမယ်” ဆိုဘီး ပြောဟယ်။ 5 တမန်တော်လေရဲကြိဟို တဗဲတော်လေဟာ ကြိုက်ဂေ့ဟယ်။ အယ်ကြောန့် သူးနို့ဟာ ယောင်ကြည်ရှင်းနရော၊ သန်ရှင်းဟူဝိညာဉ်တော်နရော ပွဲဝဟူ သတေဖန်န ဖိလိပ္ပ၊ ပြောခေါ်၊ နိုကနော်၊ တိမုန်၊ ပါမေနန ယုဒဘာသာဟို ယွှန်းလဲလာဟူ အန္တီအုတ်မြို့သား နိုကောလလေဟို ဝီးကော့-က်ဂေ့ဟယ်။ 6 သူးနို့ဟာ အယ်လူလေဟို တမန်တော်လေရေဟို သွားခိုင်းလိုက်ဂေ့ဟယ်။ အယ်ဘီးန တမန်တော်လေဟာ ဆုတောင်းဘီးန သူးနို့ထတ်မာ လတ်ဟိုတန်ဂေ့ဟယ်။ 7 ဘုရားသခင်ရဲ့ စကားတော်ဟာ ဆတ်ဘီး ပွဲနွားဟယ်။ ယေရုရှလင်မြို့မာ တဗဲတော်လေရဲ့ ရေတွပ်ဟာ ရရာတိုင်းတိုးပွားလာဟယ်။ ယဇ်ပုရောဟိတ်လေ ဘောင်ဂီးလည်း ဒန်းကောန်းဟို ယောင်ကြည်ဘီး လတ်ခံလာဂေ့ဟယ်။ 8 သတေဖန်ဟာ ဘုရားသခင်ရဲ့ ကျေးဇူးတော်နရော၊ တဂိုးတော်နရော ပွဲဝဘီး ရရာတိုင်းကီးဟူ အံ့သြတွယ်လေန နိုမိတ်လတ်ခဏာလေဟို လူလေရေမာ ပြလေဟယ်။ 9 အယ်ခီမာ ကုရေနန အာလေဇဗြိယမြို့ဟာ ယုဒလူလေန လွတ်လပ်ဟူလူလေရဲ့ ဝါလယ်ဇရပ်ရဲ့ ဖွဲ့ဝမ်တချို့ဟာ သူဟို ပြဿနာရှာဂေ့ဟယ်။ အယ်လူလေနတူးဒူ ကိလိဂ်ပြည်န အာရှိပြည်ဟာ ယုဒလူတချို့ဟာ သတေဖန်န စဘီးဂြင်းဂေ့ဟယ်။ 10 အယ်ဘောမဲ့ သတေဖန်ဟာ ဝိညာဉ်တော်ပေးဟားဟူ ဉာဏ်ပညာန ပြောဟူ ခီမာ အယ်လူလေဟာ သူဟို ချေပနိုင်ဂေ့ဟူ။ 11 အယ်ကြောန့် သူးနို့ဟာ လူလေဟို “အယ်လူဟာ မောရေဟိုရော၊ ဘုရားသခင်ဟိုရော စော်ကားဘီး ပြောနေဇာဟို နို့လေကြားဟယ်” ဆိုဘီး ပြောဟိုတွပ် လာဘ်ထိုးဂေ့ဟယ်။ 12 အယ်မျိုးဘဲ သူးနို့ဟာ သတ်ကီးဝါဂီးလေ၊ ကျမ်းတတ်ဆရာလေန လူထုဟို နှိုးဆော်ပေးဂေ့ဟယ်။ အယ်လူလေဟာ သတေဖန်ဟို ဖမ်းဘီးဟာ တရားလွှတ်တော်ဟို ခေါ်ဟားဂေ့ဟယ်။ 13 အယ်ဘီးန သူးနို့ဟာ မှန်ဘဲဟူ သတ်သေလေဟို ခေါ်လာဂေ့ဟယ်။ သတ်သေခံဟူလူလေဟာ “အယ်လူဟာ သန်ရှင်းဟူဗိမာန်တော်န မောရေရဲ့ ပညတ်တရားဟို ဆန့်ကျင်ဘီးဟာ မြဲဒမ်းပြောဂေ့ဟယ်။ 14 နာဇရက်မြို့သား ယေရုဟာ ဗိမာန်တော်ဟို ဖြို့ခွဘီး ကျွန်တော်ဟားလေဟို မောရေပေးဟားဟူ ထောင်းဒန်းစဉ်လာလေဟို ယွှန်းလဲစေမယ် ဆိုဘီး အယ်လူပြောနေဇာဟို ကျွန်တော်ဟားလေ ကြားဂေ့ဟယ်” ဆိုဘီး ထွပ်ဆိုဂေ့ဟယ်။ 15 တရားလွှတ်တော်မာ ထိုင်နေဂေ့ဟူ လူလေ ဂူလောင်းဟာ သတေဖန်ဟို စေ့စေ့ကေ့ဟူ ခီမာ သူမျစ်နာဟာ ကောန်းဂန်တမန်ရဲ့ မျစ်နာမျိုး ဖြစ်နေဟယ် ဆိုဇာဟို တွံဗြင်ဂေ့ဟယ်။

7 အယ်ခီမာ ယဇ်ပုရောဟိတ်မန်းဟာ “အယ်စွပ်စွဲချစ်ဟာ မှန်ဘဲလော” ဆိုဘီး သတေဖန်ဟို မေးဟယ်။ 2 သတေဖန်ဟာ “ညီကိုလေန ဖလေ၊ ငါ့စကားဟို နားထောန်ဂေ့ပါ။ နို့လေရဲ့ဖ အာဗြဟံဟာ ခါရန်မြို့မာ နေဟိုတွပ် သွားခန်မာ မေသောပေါတာမိပြည်မာ ရှိနေဒူးမာ ဘုရားသခင်ရဲ့ ဖောင်းသရေတော်ဟာ သူနားမာ ပေါ်လာဘီး 3 ဘုရားသခင်ဟာ ‘နန်ရဲ့ ပြည်န နန်ရဲ့ မိသားစုဟို ထားရစ်ဘီးဟာ ငါပြဟူ ပြည်ဟို သွားပါ’ ဆိုဘီး သူဟို မိန့်တော်မူလေဟယ်။ 4 အယ်ကြောန့် အာဗြဟံဟာ ခါလဒဲပြည်ဟုနေ ထွပ်လာဘီး ခါရန်မြို့မာ နေဟိုတွပ် သွားလေဟယ်။ သူဖ သေဟားဘီးန အယ်မြို့ဟုနေ ခုနန်းနို့ နေဟူပြည်ဟို ဘုရားသခင်ဟာ ယွှန်းခိုင်းလိုက်ဟယ်။ 5 အယ်ဘီးန ဘုရားသခင်ဟာ အာဗြဟံဟို အယ်ပြည်မာ ခေခွဟို နေရာဟိုမျှ ပေးဟူ။ အယ်ဘောမဲ့ သူကိုယ်တိုင်န သူရဲ့ သားမွေးလေဟို အယ်ပြည်ဟို ပိုင်ပေးမယ် ဆိုဘီး ဂဒိပေးလေဟယ်။ ဘုရားသခင်ဟာ အယ်မျိုး ဂဒိပေးဟူ ခီဒူးဟာ အာဗြဟံမာ သားမီးလေ မေ့သေးဟူ။ 6 ဘုရားသခင်ဟာ အာဗြဟံဟို ‘နန်ရဲ့ မွေးမွှစ်လေဟာ နိုင်ငံရပ်ခြားမာ နေရဂေ့လေမယ်။ အယ်နိုင်ငံဟာ လူလေဟာ သူးနို့ဟို ကျွန်ခံစေဘီးဟာ နှစ်ပေါင်း ၄၀၀ လောင်းလောင်း ညဉ်းဆဲဇာဟို ခံရဂေ့လေမယ်။ 7 အယ်ဘောမဲ့ ဘုရားသခင်ဟာ သူးနို့ဟို ကျွန်ခံခိုင်းဟူ လူလေဟိုလည်း ငါစီရင်မယ်။ အယ်ဘီးန နန်ရဲ့ သားမွေးလေဟာ အယ်ပြည်ဟုနေ လွတ်မြော့-က်ဂေ့ဘီးဟာ အယ်နေရာမာ ငါ့ဟို ကိုးကွယ်ဘီး ဝတ်ပြုဂေ့လေမယ်” ဆိုဘီး ပြောလေဟယ်။ 8 အယ်ဘီးန ဘုရားသခင်ဟာ ရေဖျားလှီးဇာနဆိုင်ဟူ ပဋိညာဉ်ဟိုလည်း အာဗြဟံဟို ပေးလေဟယ်။ အယ်ကြောန့် အာဗြဟံဟာ ဣဇာက်ဟို ဖွီးဘီးန ရှစ်ရစ်မြော့-က်နေမာ ရေဖျားလှီးပေးဟယ်။ ဣဇာက်ဟာ သူသားယာကုပ်၊ ယာကုပ်ဟာ လူမျိုးဆယ့်နေ့မျိုးရဲ့ ဘိုးဘေးလေဖြစ်ဟူ သူသား

ဆယ့်နှစ်ယော့-ကံဟိုလည်း ရေဖျားလှီးပေးလေဟယ်။ 9 “ယာကုပ်ရဲ့ သားလေးဟာ သူးနို့ ညီ ယောသပ်ဟို နာလိုဘဲကြောန့် အဲဂုတ္တုပြည်မှာ ကျွန်ခံယူတို့ဝပ် ရောန်းလိုက်ဂေ့ဟယ်။ အယ်ဘောမဲ့ ဘုရားသခင်ဟာ သူနတူးဒု ရှိနေဟူကြောန့်၊ 10 သူ့ရဲ့ ဒေါက်ခဆင်းရဲလေ ထဲဟုနေဘီး ကယ်တန်လိုက်ဟယ်။ ဘုရားသခင်ဟာ ယောသပ်ဟို အဲဂုတ္တုပြည်ရဲ့ ဖာရောမန်းဂီးရှေ့မှာ မျစ်နှာသာရစေဟယ်။ သူ့ဟိုလည်း ဉာဏ်ပညာပေးလေဟယ်။ ဖာရောမန်းဂီးဟာ သူ့ဟို အဲဂုတ္တုပြည်န သူ့ရဲ့ နန်းတော်တခုလောင်းဟို အောက်ချောက်မားဖြစ် သူ့ဟို ခန့်ဟားလေဟယ်။ 11 အဲဂုတ္တုပြည်န ခါနာနီပြည်လေမာ စာခေါင်းဗားဘေး ရော့-ကံလာဟူ ခီမာ လူလေဟု ရရာတိုင်း ဒေါက်ခရော့-ကံဂေ့ဟယ်။ နို့လေရဲ့ ဘိုးဘေးလေမာလည်း စားစာမေ့ဂေ့ဟမ်း။ 12 အယ်ဘောမဲ့ အဲဂုတ္တုပြည်မှာ စားစာလေရှိနေဟယ် ဆိုဇာဟို ယာကုပ်ကြားရခီမာ သူ့ရဲ့ သားလေးဟို အယ်ပြည်ဟို ပထမခါ လွတ်လိုက်ဂေ့ဟယ်။ 13 သူးနို့ဟာ ဒုတိယခါ ရော့-ကံလာဂေ့ဟူ ခီမာ ယောသပ်ဟာ သူ့ညီကိုလေဟို သူဟာ ဖယ်လူဖြစ်ဟယ် ဆိုဇာဟို ပြောပြလိုက်ဟယ်။ ဖာရောဟာ ယောသပ်ရဲ့ မိသားစုကြောင်းဟို သိဟားဟယ်။ 14 အယ်ကြောန့် ယောသပ်ဟာ သူဖ ယာကုပ်နတူးဒု ခွန်နစ်ဆယ်ငါးယော့-ကံရှိဟူ မိသားစုစုလောင်းဟို အဲဂုတ္တုပြည်ဟို ခေါ်လိုက်ဟယ်။ 15 အယ်ကြောန့် ယာကုပ်ဟာ အဲဂုတ္တုပြည်ဟို သွားဟယ်။ အယ်ပြည်မှာဘဲ သူနဲ့ သမီးသားလေးဟာ သေဟားဂေ့ဟယ်။ 16 သူးနို့ရဲ့ လောင်းလေဟို ရှေ့ခင်မြို့ဟို ယူဆောန်ဟားဘီးဟာ အာဗြဟံဝယ်ဟားရစ်ဟူ သန်းခိုင်းမာ သင်္ဂြိုဟ်ဂေ့ဟယ်။ အယ်သန်းခိုင်းဟု ဟာမော်ရဲ့ သားလေးနားဟု ကပ်န ဝယ်ဟားဟယ်။ 17 “ဘုရားသခင်ဟာ အာဗြဟံဟို ပေးဟားဟူ ဂဒိတော်ဟို ပွဲဇောင်ဟိုတွပ် ခီနီးလာဟူ ခီမာ အဲဂုတ္တုပြည်မှာ ကုသရေလ လူလေဟို လူဦးရေတိုးပွားစေဟယ်။ 18 အယ်ခီမာ အဲဂုတ္တုပြည်မှာ ယောသပ်ဟို သိဘိဟူ မန်းဂီးတပါး ပေါ်လာဟယ်။ 19 အယ်မန်းဂီးဟာ နို့လေရဲ့ ဘိုးဘေးလေဟို လှည့်ဇားဘီး သူးနို့ဟို နှိစစ်ဂေ့ဟယ်။ သူးနို့ရဲ့ သားဂန်းဟားလေဟိုလည်း သေစေဟိုတွပ် အီပွန်မာ ပစ်ဟားခိုင်းဟယ်။ 20 အယ်ခီကာလမာ မောရှေဟာ မွီးလာဟယ်။ မောရှေဟာ ဘုရားသခင်ရှေ့မှာ ရရာတိုင်း နားလူဘွယ်ကောင်းဟူ သားဂန်းဟား ဖြစ်ဟယ်။ သူ့မိသားစုရဲ့ သောင်းလ လောင်းလောင်း စောန့်ရှော့-ကံဇာဟို ခံရဘီး။ 21 သူဟာ အီပွန်မာ ပစ်ဟားခံရဟူ ခီမာ ဖာရောမန်းဂီးရဲ့ သမီးတော်ဟု သူ့ဟို သားနေန မွီးဇားလေဟယ်။ 22 မောရှေဟာ အဲဂုတ္တုလူလေရဲ့ တတ်ပညာ ဂူလောင်း သန်ဟားဘီး နှလောင်းရည်၊ လတ်ရောင်းရည်လေန ပွဲဇောင်ဟူလူ ဖြစ်ဟယ်။” 23 “သူဟာ သတ်လေးဆယ်ပွဲဟူ ခီမာ သူ့ညီကိုလေဖြစ်ဟူ ကုသရေလ လူလေနားဟို သွားလည်ဟိုတွပ် စိဆောင်းဖြတ်လိုက်ဟယ်။ 24 ကုသရေလလူ တယော့-ကံဟို အဲဂုတ္တုလူ တယော့-ကံဟု ညှဉ်းဆဲနေဇာဟို ဗြင်ဟူ ခီမာ သူ့လူဖတ်ဟုနေ ဝမ်ကူညီဘီး အဲဂုတ္တုလူဟို သတ်လိုက်ဘီးဟာ ဂလဲစားချေလေဟယ်။ 25 မောရှေဟာ သူ့ရဲ့ ညီကို မောန်နှမလေဟို ကယ်တန်ဟိုတွပ် သူးနို့ဟို ဘုရားသခင်ဟု လွတ်လိုက်ဟယ် ဆိုဇာဟို သူးနို့လေဟု နားလည်ဂေ့လေမယ် ဆိုဘီး ထန်ဟားဟယ်။ အယ်ဘောမဲ့ အယ်လူလေဟာ နားလည်ဂေ့ဟု။ 26 နော့-ကံတနေ့မာ ကုသရေလလူ နေ့ယော့-ကံဟာ ရန်ဖြစ်နေဂေ့ဇာဟို ဗြင်ဟူ ခီမာ မောရှေဟု ‘နန်းနို့ဟာ ညီကိုရှင်းဖြစ်ဘီးဟာ ဖြားဖြစ်ကြောန့် ရန်ဖြစ်နေဂေ့နူး’ ဆိုဘီး သူးနို့ဟို မေးဘီး ရန်ငြီးဟိုတွပ် ကြိုးစားလေဟယ်။ 27 အယ်ဘောမဲ့ နိုင်ကျင့်နေဟူလူဟာ မောရှေဟို ဘေးဟိုတွန်းလိုက်ဘီးန ‘နို့လေဟို တရားစီရင်ဟိုတွပ် အောက်ချောက်မားဖြစ် နန်းဟို ဖယ်သူဟု ခန့်ဟားနူး။ 28 နတ်ကီးဒူးဟု အဲဂုတ္တုလူ တယော့-ကံဟို သတ်မျိုး ငါ့ဟိုလည်း သတ်ဟိုလေ’ ဆိုဘီး မေးဟယ်။ 29 မောရှေဟာ အယ်စကားဟို ကြားဟူ ခီမာ အဲဂုတ္တုပြည်ဟုနေ ထွပ်ပွေးဟားဘီး မိချန်ပြည်မာ နေလေဟယ်။ အယ်ပြည်မာ သားနေ့ယော့-ကံဟို ရလေဟယ်။ 30 “နှစ်လေးဆယ် ကြာဘီးန သိနာတောန်နားဟု ကန္တာရထဲမာ မီးလောန်နေဟူ ချောင်ထဲမာ ကောင်းဂန်တမန် တပါးဟာ မောရှေဟို ကိုယ်ထန်ရှားပြလေဟယ်။ 31 အယ်မူဇာဟို ဗြင်ဟူ ခီမာ မောရှေဟာ ရရာတိုင်း အံ့ဩဘီးန ရှင်းရှင်းလန်းလန်းဟား ဗြင်ရဟိုတွပ် နီးနားဟို တိုးဟားဟယ်။ အယ်ဘောမဲ့ ဘုရားသခင်ဟု 32 ‘ငါဟာ နန်းနို့ ဘိုးဘေးလေရဲ့ ဘုရားသခင်၊ အာဗြဟံ၊ ကူဇာကံ၊ ယာကုပ်ရဲ့ ဘုရားသခင် ဖြစ်ဟယ်’ ဆိုဘီး သံတော်ဟို ကြားရဟူကြောန့် မောရှေဟာ ကြော့-ကံလန် တူလှောက်ဟားဘီး ကေ့ဟိုရဲဘဲ

ဖြစ်ဟူးဟူး။ 33 ဘုရားသခင်ဟု ‘နန့် ခေနန်းဟူးဟူ နေရာဟာ သန့်ရှင်းဟူမ္မေ ဖြစ်ဟူး။ နန့်ခေနပ်ဟို သလွတ်လိုက်။ 34 အဲဂုတ္တုပြည်မှာ ငါ့လူမျိုးလေဟို နှိစစ်ခံနေရဇာဟို ငါပြင်ရဟူး။ သူးနီရဲ့ ညည်းတွားသံလေဟို ငါကြားရဟူး။ သူးနီဟို ကယ်တန်ဟိုတွင် ငါဆင်းလာဘီ။ အယ်ကြောန့် ခုလာဟူး။ နန့်ဟို အဲဂုတ္တုပြည်ဟို ငါလွတ်မယ်’ ဆိုဘီး မောရှေဟို မိန့်တော်မူလေဟူး။” 35 “မောရှေဟာ ကုသရေလလူမျိုးလေရဲ့ ဖစ်ပယ်ခံရဟူလူ ဖြစ်ဟူး။ အယ်ဘီးဟာ ‘နီလေဟို တရားစီရင်ဟိုတွင် အောက်ချောက်မားဖြစ် နန့်ဟို ဖယ်သူဟု ခန့်ဟူးနူး’ ဆိုဘီး အယ်လူလေရဲ့ မေးဇာဟိုလည်း ခံရဟူး။ အယ်ဘေမဲ့ သူဟာ ကုသရေလ လူမျိုးလေဟို အောက်ချောက်ဟိုတွင် မီးတော့- က်နေဟူ ချောင်ထဲမှာ ထန်ရှားဟူ ကောန်းဂန်တမန် တပါးရဲ့ ကူညီန ကုသရေလလူမျိုးလေ လွတ်မြော- က်ဟိုတွင် ဘုရားသခင် လွတ်လိုက်ဟူလူ ဖြစ်ဟူး။ 36 သူဟာ အဲဂုတ္တုပြည်န ပန်လယ်နီမာရော၊ နှစ်လေးဆယ် လောင်းလောင်း တောကန္တာရထဲမှာရော အဲဩဉ္ဇာယရာန နိမိတ်လတ်ခဏာလေဟို ပြဘီး ကုသရေလ လူမျိုးလေဟို အဲဂုတ္တုပြည်ဟုနေ ခေါ်ဆောန်လာဟူ လူဖြစ်ဟူး။ 37 အယ်မောရှေဟာ ကုသရေလ လူမျိုးလေဟို ‘နန့်နီရဲ့ ညီကိုလေထဲမှာ ငါနတူဟူ ပရောဖက်တပါးဟို ဘုရားသခင်ဟာ နန့်နီတွင် ပေါ်ခိုင်းလေမယ်’ ဆိုဘီး ပြောဟူလူ ဖြစ်ဟူး။ 38 သူဟာ တောကန္တာရမှာ စုနေဟူ ကုသရေလ လူမျိုးလေနရော၊ နီလေ ဘိုးဘေးလေနရော၊ သိနာတောန်ထတ်မှာ သူဟို စကားပြောဟူ ကောန်းဂန်တမန်နရော တူးဒူရှိနေဟူလူ ဖြစ်ဟူး။ နီလေဟို ပြောဟိုတွင် ဘုရားသခင်နားဟုနေ သတ်ရှင်စေဟူ တရားတော်ဟို ရလာဟူလူလည်း ဖြစ်ဟူး။” 39 “အယ်ဘေမဲ့ နီလေရဲ့ ဘိုးဘေးလေဟာ သူ့စကားဟို နားထောန်ဂေဟူ။ သူဟို ငြင်းပယ်ဘီးဟာ သူးနီရဲ့ စိန်လောင်းဟု အဲဂုတ္တုပြည်ဟို ယွန်ရှင်ဂေဟူး။ 40 သူးနီဟာ ‘နီလေရှေဟု ကြွဟားမယ် ဘုရားလေဟို နီလေတွင် လောက်ပေးပါ။ နီလေဟို အဲဂုတ္တုပြည်ဟုနေ ခေါ်ဆောန်လာဟူ အယ်မောရှေဟု ဖယ်မျိုးဖြစ်ဟူးဟယ်ဆိုဇာ နီလေသိဂေဟု’ ဆိုဘီး အာရန်ဟို ပြောဂေဟူး။ 41 အယ်ဘီးန သူးနီဟာ နွားသားဂန်းဟူး ရောက်ထုဟို လောက်ဘီးဟာ သူးနီလတ်န လောက်ဟူးဟူရောက်ထုဟို ယဇ်ပူဇော်ဘီးဟာ စားဗွဲသော့- က်ဗွဲ လောက်ဂေဟူး။ 42 အယ်ကြောန့် ဘုရားသခင်ဟာ သူးနီဟို မျစ်နာလွဲဘီးဟာ ကောန်းဂန်ကြယ်တာရာလေဟို ကိုးကွယ်ဂေဟိုတွင် စွန့်ပစ်ဟူးလိုက်ဟူး။ ပရောဖက်ကျမ်းမာ” “ကုသရေလ လူမျိုးလေ၊ နန့်နီဟာ တောကန္တာရမှာ နှစ်လေးဆယ် လောင်းလောင်း ယဇ်ကောန်လေဟို ပူဇော်ဟိုတွင် ငါနားဟို ယူလာဖူးဘဲလော။ 43 နန့်နီဟာ မောလုပ်ရဲ့ တန့် နန့်နီရဲ့ ဘုရား ရှင်ဖန်ရဲ့ ကြယ်လေဟို သယ်လာဂေဟူး။ အယ်ဇာလေဟာ နန့်နီ ကိုးကွယ်ဟိုတွင် လောက်ဟူးဟူ ရောက်ထုလေ ဖြစ်ဂေဟူး။ အယ်ကြောန့် နန့်နီဟို ဗာဗုလုန်မြို့ဟို ကျော်ဘီးဟာ ခေါ်ဆောန်ဟူးမယ်’ ဆိုဘီး ရေးဟူးတိုင်းဘဲ ဖြစ်လာဟူး။” 44 “နီလေရဲ့ ဘိုးဘေးလေတွင် တောကန္တာရမှာ သတ်သေခံဟူ တဲတော် ရှိဟူး။ မောရှေဟို ဘုရားသခင်ပြဟူးဟူ ပေါင်ဇံတိုင်း သတ်သေခံဟူ တဲတော်ဟို ဆော့- က်ဂေဟူး။ 45 နီလေရဲ့ ဘိုးဘေးလေဟာ သူးနီရဲ့ ဖလေနားဟုနေ အယ်တဲတော်ဟို မွေဆစ်ခံဘီးဟာ ဘုရားသခင် နန့်ထုဟူ လူမျိုးလေရဲ့ ပြည်ဟို ယောရှုနတူးဒူ ချီတတ်ဘီးဟာ သီးပိုက်ဂေဟူ ခီမာ အယ်တဲတော်ဟို သယ်ဟူးဂေဟူး။ အယ်တဲတော်ဟု ဒါဝိဒ်မန်းဂီး လတ်ထတ်ထီ ရှိနေဟူး။ 46 ဒါဝိဒ်ဟာ ဘုရားသခင်ရှေမှာ မျစ်နာသာရဟူလူ ဖြစ်ဟူး။ အယ်ဘီးဟာ ယာကုပ်ရဲ့ ဘုရား ကိန်းဝပ်ဘီးနေဟူ ဗိမာန်တော်ဟို ဆော့- က်ရဟိုတွင် ဘုရားသခင်ဟို တောန်းရှော့- က်ဟူး။ 47 အယ်ဘေမဲ့ ဘုရားသခင်ရဲ့ ဗိမာန်တော်ဟို ဆော့- က်ခွမ့်ရဟူ လူဟု ရှောလမုန်မန်းဂီး ဖြစ်လေဟူး။” 48 “အယ်ဘေမဲ့ ဗြစ်ဆောင်းဖြစ်ဟူ ဘုရားသခင်ဟာ လူလတ်န ဆော့- က်ဟူးဟူ အီမာ ကျိန်းဝပ်ဟု ဆိုဘီး ပရောဖက်ဟုပြောဟူး။” 49 ဘုရားသခင်ဟု “ကောန်းဂန်ဘောင်ဟာ ငါ့ရဲ့ ပလွင်ဖြစ်ဟူး။ မွေဂီးဟာ ငါ့ရဲ့ ခေတန်ခေါင် ဖြစ်ဟူး။ နန့်နီဟာ ဖြားအီမျိုး ငါ့တွင် ဆော့- က်ဂေဟိုနူး။ ငါကျိန်းဝပ်နေဟူ နေရာဟာ ဖယ်မာနူး။ 50 ငါကိုယ်တိုင်ဘဲ အယ်ဇာလေဟို ဖန်ဆင်းဇာ မူဟုလော” ဆိုဘီး မိန့်တော်မူလေဟူး။ 51 “နန့်နီဟာ ရရာတိုင်း ခေါန်းမာဂေဟူး။ နန့်နီ စိန်လောင်းဟာ ဘုရားသခင်ရဲ့ တရားတော်ဟို ကြားရဟိုတွင် နားပန်းဂေဟူး။ နန့်နီဟာ နန့်နီ ဘိုးဘေးလေမျိုးဘဲ သန့်ရှင်းဟူဝိညာဉ်တော်ဟို မြဲဒမ်းဆန့်ကျင်ဂေဟူး။ 52 နန့်နီ ဘိုးဘေးလေ

ညဉ်းဆဲးဖူးဘဲဟူ ပရောဖက်လေ ရှိဘဲလော။ သူးနို့ဟာ ဘုရားသခင်ရဲ့ ဖြောင့်မတ်ဟူစေခံ ကြွလာမယ့် ကြောင်းဟို့ ကြိုတန်ဘီးဟောဂေဟူ ပရောဖက်လေဟို့ သတ်ပစ်ဂေဟယ်။ ခုလည်း နန်းနို့ဟာ အယ်သခင်ဟို့ သတ်လိုက်ဂေဟယ်။

53 နန်းနို့လေဟာ ကောင်းဂန်တမန်လေဟနေ တဆင့် ပေးလိုက်ဟူ ပညတ်တော်ဟို့ ရဘေမဲ့ အယ်ပညတ်တော်ဟို့ လိုက်နာဂေဟ” ဆိုဘီး သတေဖန်ဟ ပြောလေဟယ်။ **54** ယုဒတရားလွှတ်တော် ဖွဲ့ဝင်လေဟာ အယ်စကားဟို့ ကြားရဟူ ခီမာ ရရာတိုင်း ဒေါသထွပ်ဘီးဟာ အံ့ကွိနေဂေဟယ်။ **55** သတေဖန်ဟာ သန့်ရှင်းဟူဝိညာဉ်တော်နု ပွဲဝဘီး ကောင်းဂန်ဟို့ ကေလိုက်ဟူ ခီမာ ဘုရားသခင်ရဲ့ ဖောင်းသရေတော်နု ဘုရားသခင်ရဲ့ ညာဖတ်မာ ယေရှုရပ်နေဇာဟို့ ဗြင်နေရဟယ်။ **56** သတေဖန်ဟ “ငါဟာ ကောင်းဂန်ပွန်နေဇာနု လူနဲ့သားဟာ ဘုရားသခင်ရဲ့ ညာဖတ်မာ ရပ်နေဇာဟို့ ငါဗြင်ရဟယ်” ဆိုဘီး ပြောဟယ်။ **57** အယ်လူလေဟာ သံက္လွယ်ဂီး အော်ဘီးဟာ သူးနို့ရဲ့ နားလေဟို့ လတ်နု ပိဟားဘီးဟာ သတေဖန်နားဟို့ တရှိထိုး ပွေးလာဂေဘီးဟာ။ **58** သူဟို့ ဗြိပုန်ဟို့ ဆွဲထုဘီးနု ကွေ့- ကံခဲနု ပစ်ဂေဟယ်။ သိသတ်သေလေဟာ သူးနို့ အန်းဂီလေဟို့ ရှောလုနာမယ်ရှိဟူ လူငယ် တယော- ကံနားမာ ထားရစ်ဂေဟယ်။ **59** သူးနို့ဟာ ကွေ့- ကံခဲနု ပစ်နေဟူ ခီမာ သတေဖန်ဟာ “သခင်ယေရှု၊ ကျွန်တော့်ရဲ့ ဝိညာဉ်ဟို့ လတ်ခံတော်မူပါ” ဆိုဘီး ဆုတောင်းဟယ်။ **60** သူဟာ ဒူးထော့- ကံဘီးဟာ “သခင်ဘုရား၊ သူးနို့ရဲ့ ပြစ်ဟို့ ခွမ်းလွှတ်ပေးပါ ဆိုဘီး သံက္လွယ်ဂီး အော်ဘီးနု သေဟားလေဟယ်။”

8 ရှောလုဟာ သတေဖန် သတ်ခံရဟူ မူမာ သတ်သေ ဖြစ်ဟယ်။ အယ်နေမာဘဲ ယေရုရှလင်မြို့ဟု သင်းတော်မာ ပြင်းထန်ဟူ ညဉ်းဆဲးဇာလေဟာ စဘီး ဖြစ်လာဟယ်။ အယ်ကြောန့် တမန်တော်လေဟလွဲဘီး ယောင်ကြည်သူလေ ဂူလောင်းဟာ ယုဒပြည်နု ရှမာရိပြည်လေဟို့ ထွပ်လွှေးဂေဟယ်။

2 ဘုရားတရားဟို့ ရှိသေဟူ လူတချို့ဟာ သတေဖန်ဟို့ သင်္ဂြိုဟ်ဘီး သူတုပ် ရရာတိုင်း ငိုဂေဟယ်။ **3** အယ်ဘေမဲ့ ရှောလုဟာ အိဘီးအိ ဝမ်ဘီးဟာ ယောင်ကြည်သူ ယော့- ကံကျားလေနု မီးမလေဟို့ ဆွဲထုဘီး ထောန်ထဲမာ ခွဲဟားဘီး သင်းတော်ဟို့ ဖျစ်ဆီးဟို့တွပ် ကြိုးစားနေဟယ်။

4 ဖွဲ့ဖွဲ့စင်ဖြစ်ဟားဟူ ယောင်ကြည်သူလေဟာ နေရာတိုင်းဟို့ သွားဘီးဟာ ဒန်းကောင်းဟို့ ဟောပြောဂေဟယ်။

5 ဖိလိပ္ပဟာ ရှမာရိပြည်ရဲ့ ဓိကဗြိတော်ဟို့ သွားဘီး ခရစ်တော်ကြောင်းဟို့ ဟောပြောဟယ်။ **6** လူလေဟာ ဖိလိပ္ပပြဟူ နိမိတ်လတ်ခဏာလေဟို့ ဗြင်ဟူ ခီမာ သူရဲ့ တရားစကားဟို့ အာရောင်စိုက်ဘီး နားထောန်ဂေဟယ်။ **7** နတ်ဆိုးစွဲနေဟူ လူလေဘောင်ဂီးထဲဟနေ နတ်ဆိုးလေဟာ သံက္လွယ်ဂီးနု အော်ဘီးဟာ ထွပ်ဟားဂေဟယ်။ လေဖြစ်ဟူလူ၊ ခေလတ်သန်ဘဲဟူ လူလေဟာ ရောဂါပျော့- ကံဟားဂေဟယ်။

8 အယ်ကြောန့် အယ်မြို့မာ ရရာတိုင်း ဝန်းသာဟားဂေဟယ်။

9 အယ်မြို့မာ ရှိမုန် နာမယ်ရှိဟူလူ တယော့- ကံရှိဟယ်။ သူဟာ သူရဲ့ နတ်ဝိဇ္ဇာပညာနု ရှမာရိ လူမျိုးလေဟို့ အံ့ဩစေဘီး သူကိုယ်သူ ထူးမြတ်ဟူလူ ဖြစ်ဟယ် ဆိုဘီး ဝါကြားလေဟယ်။ **10** အယ်မြို့မာရှိဟူ လူတန်းစားလေ ဂူလောင်းဟု သူဟို့ အာရောင်စိုက်ဘီး “အယ်လူဟာ ဘုရားသခင်ရဲ့ ‘မဟာတဂိုးတော်’ ဖြစ်ဟယ်” ဆိုဘီး ပြောဂေဟယ်။ **11** သူးနို့ဟာ ရှိမုန်ဟို့ အာရောင်စိုက်နေဇာဟု သူဟာ ခီကြာဂီး နတ်ဝိဇ္ဇာပညာနု အံ့ဩစေဟူကြောန့် ဖြစ်ဟယ်။ **12** အယ်ဘေမဲ့ ဘုရားသခင်ရဲ့ နိုင်ငံတော်ကြောင်းနု ယေရှုခရစ်တော်ကြောင်း ဒန်းကောင်းဟို့ ဖိလိပ္ပဟု ဟောဟူ ခီမာ အယ်လူလေဟာ ယောင်ကြည်လာဂေဘီးဟာ ယော့- ကံကျားလေရော မီးမလေပါ ဗတ္တိဇံဟို့ ခံဂေဟယ်။ **13** ရှိမုန် ကိုယ်တိုင်လည်း ယောင်ကြည်ဘီး ဗတ္တိဇံဟို့ ခံဘီးနု ဖိလိပ္ပနားမာ နေနေဟယ်။ သူဟာ ကီးမားဟူ အံ့ဩဘွယ်လေနု နိမိတ်လတ်ခဏာလေဟို့ ဗြင်ရဟူ ခီမာ အံ့ဩနေဟယ်။

14 ရှမာရိပြည်သားလေဟာ ဘုရားသခင်ရဲ့ စကားတော်ဟို့ ခံယူဂေဟယ် ဆိုဇာဟို့ ယေရှုရပ်မြို့မာရှိဟူ တမန်တော်လေ ကြားရဟူ ခီမာ ပေတရုနု ယောဟန်လေဟို့ သူးနို့နားဟို့ လွှတ်လိုက်ဂေဟယ်။ **15** တမန်တော်နေပါးဟာ ရော့- ကံလာဟူ ခီမာ သန့်ရှင်းဟူဝိညာဉ်တော်ဟို့ ယောင်ကြည်သူ လူသစ်လေ လတ်ခံရရှိဟို့ ဆိုဘီး သူးနို့တွပ် ဆုတောင်းဂေဟယ်။ **16** ဖြားဖြစ်ကြောန့်နုဆိုဟာ သူးနို့လေဟာ သခင်ယေရှု နာမတော်နို့က် ဗတ္တိဇံဟို့ ခံယောင်မျှဘဲ ရှိသေးဘီး သန့်ရှင်းဟူဝိညာဉ်တော်ဟာ အယ်လူလေထဲဟု ဖယ်လူထတ်မာလည်း ရော့- ကံလာသေးဟာ။ **17** အယ်ဘီးနု ပေတရုနု ယောဟန်လေဟာ သူးနို့ထတ်ဟို့ လတ်တန်ဂေဟူ ခီမာ သူးနို့ဟာ သန့်ရှင်းဟူဝိညာဉ်တော်ဟို့

ခံရပေဟူသည်။ 18 တမန်တော်လေ လတ်တန်ဟူ သီမာ သန့်ရှင်းဟူဝိညာဉ်တော်ဟို့ အယ်ယောင်ကြည်သူလေ ရရှိဟူးဟူယ် ဆိုဇာဟို့ ရှိမုန်ဟု ဗြင်ဟူးဟူကြောန့် ကပ်ဟို့ ယူလာဘီးဟူ။ 19 “ကျွန်တော် လတ်တန်လိုက်ဟူ လူတိုင်းဟာ သန့်ရှင်းဟူဝိညာဉ်တော်ဟို့ ရဟို့တွပ် တဂိုးအာဏာဟို့ ကျွန်တော်ဟို့လည်း ပေးပါ” ဆိုဘီး တောင်းလိုက်ဟူယ်။ 20 ပေတရုဟု “နန်ဟာ ဘုရားသခင်ရဲ့ ဆုကျေးဇူးဟို့ ကပ်န ဝယ်နိုင်ဟူယ် ဆိုဘီး ထန်မှတ်ဟူကြောန့် နန်ရဲ့ ကပ်ဟာ နန်နုတူးဒု ပျစ်စီးပါစေ။ 21 ဘုရားသခင်ရှေမာ နန်ရဲ့ စိန်လောင်းဟာ ဖြောန့်ဘဲဟူကြောန့် နို့လေရဲ့ လောက်ထဲမာ ပါဝမ်ခွမ့် မှေဟူ။ နန်ဝီစုလည်း မှေဟူ။ 22 အယ်မျိုး ဆိုးညစ်ဟူ ကြံစည်ဟို့ နှောန်ဒရဘီး အယ်မျိုးစိန်လောင်းထဲမာ ကြံစည်မိဟူဇာဟို့ ပြစ်သွတ်ခံရဟို့တွပ် သခင်ဘုရားနားမာ ဆုတောင်းပါ။ 23 ဖြားဖြစ်ကြောန့်နူးဆိုဟာ နန်ဟာ ရိုးသားဘဲဟူစိန် ပွဲနေဘီးဟာ ပြစ်ရဲ့ ချောက်နှောန်ဇာထဲမာ ရှိနေဇာဟို့ ငါပြင်ဟူယ်” ဆိုဘီး ပြောဟူယ်။ 24 ရှိမုန်ဟု “သင်ပြောနေဇာလေ တခုလည်းဖြစ်ဘဲဟို့တွပ် သခင်ဘုရားဟို့ ကျွန်တော်တွပ် ဆုတောင်းပေးပေဟူ” ဆိုဘီး တောင်းပန်လေဟူယ်။ 25 ပေတရုနု ယောဟန်လေဟာ သခင်ဘုရားရဲ့ စကားတော်ဟို့ သတ်သေခံဘီးဟာ ဟောပြောဘီးနု ယေရုရှလင်မြို့ဟို့ ယွန်ဟူးဂေဟူယ်။ ယွန်ခရီးမာ သူးနို့ဟာ ရှမာရိပါလေမာ ဒန်းကောန်းဟို့ ဟောပြောပေဟူယ်။ 26 ဘုရားသခင်ရဲ့ ကောန်းဂန်တမန်ဟာ ဖိလိပ္ပဟို့ “နန်ဟာ ထဘီးဟာ ယေရုရှလင်မြို့ဟုနေ ဂါဇမြို့ဟို့ သွားဟူလမ်းတိုင်း တောန်ဖတ်ဟို့ သွားလိုက်” ဆိုဘီး ပြောလိုက်ဟူယ်။ ခုဒီမာ အယ်လမ်းဟို့ သောင်းဂေဟူမ်း။ 27 အယ်ကြောန့် ဖိလိပ္ပဟာ ထဘီးဟာ သွားလေဟူယ်။ အယ်ဘီးနု အဲသယောပိပြည်ဟု မိဖုရား ကန္တာရ်ရဲ့ မှူးမတ်ဂီးဖြစ်ဘီး မိဖုရားရဲ့ တဏှာလေ ဂူလောင်းဟို့ စီမံခန့်ခွဲရဟူ အဲသယောပိပြည်သား တယော့-က်ဟာ ယေရုရှလင်မြို့ဟို့ လာရော့-က် ဝတ်ပြုဂိုးကွယ်ဘီး 28 ယွန်လမ်းမာ သူရဲ့ ငြင်းရထားထတ်မာ ထိုင်ဘီး ပရောဖက် ဟောရှယရဲ့ ကျမ်းစာဟို့ ဖတ်နေဟူယ်။ 29 ဝိညာဉ်တော်ဟာ ဖိလိပ္ပဟို့ “အယ်ငြင်းလှည်းနားဟို့ သွားလိုက်” ဆိုဘီး ပြောဟူယ်။ 30 ဖိလိပ္ပလည်း ယွေးဟားဘီးဟာ ပရောဖက်ဟောရှယကျမ်းဟို့ အယ်လူဟာ ဖတ်နေဇာဟို့ ကြားဟူ သီမာ “နန်ဖတ်နေဇာဟို့ နားလည်ဘဲလေ” ဆိုဘီး မေးလိုက်ဟူယ်။ 31 အယ်ရာရိဟာ “ရှင်းပြပေးမယ့်လူ မှေဘဲနု ဖယ်မျိုးနားလည်ဟို့နူး” ဆိုဘီး ယွန်ဖြေလေဟူယ်။ သူဟာ ဖိလိပ္ပဟို့ ငြင်းလှည်းထတ်ဟို့ တတ်ခိုင်းဘီးဟာ သူနုတူးဒု ထိုင်ဟို့တွပ် တိုက်တွန်းလိုက်ဟူယ်။ 32 အယ်လူဖတ်နေဟူ ကျမ်းချစ်ဟု “သတ်ခံရဟို့တွပ် ဆွဲခေါ် ဟူးဟူ သိုးမျိုးဘဲ သူဟို့ ယူဆောန်ဟူးဂေဟူယ်။ မိုးညပ်မားရှေမာ သိုးသားဂန်းဟူးဟာ သူ့နှောက်ဟို့ ပိဟူးမျိုး သူဟာ သူ့နှောက်ဟို့ ဖွင့်ဘဲနေဟူယ်။ 33 သူဟာ ရှောက်ခွဇာဟို့ ခံရဘီး တရားမျှတမှုတွပ် ငြင်းပယ်ခံရဟူယ်။ အယ်လောကဟာ သူသတ်ဟို့ ရောက်သီးဟူးကြောန့် ဖယ်လူလည်း သူရဲ့ သားမွေးလေကြောန်းဟို့ ပြောပြနိုင် ဂေဟု” ဆိုဘီး ပြောဟူယ်။ 34 အယ်ရာရိဟု “နန်ဟို့ မေးအူးမယ်။ ပရောဖက်ဟာ ဖယ်လူရဲ့ ကြောန်းဟို့ ပြောနေနူး။ သူ့ကိုယ်သူ ပြောနေဇာလော။ တခြားလူ တယော့-က် ကြောန်းလော” ဆိုဘီး ဖိလိပ္ပဟို့ မေးဟူယ်။ 35 ဖိလိပ္ပဟာ အယ်ကျမ်းပုဒ်နဘဲ စပြုဘီးဟာ ယေရုရှကြောန်း ဒန်းကောန်းဟို့ ပြောလေဟူယ်။ 36 သူးနို့ဟာ ဆစ်ဘီးဟာ ခရီးသွားနေဂေဟူ သီမာ ရေရှိဟူနေရာဟို့ ရော့-က်ဟားဂေဘီး အယ်ရာရိဟု “အယ်နေရာမာရေရှိဟူယ်။ ကျွန်တော် ဗတ္တိခံခံဟို့တွပ် တားဆီးမယ့် ဇာလေရှိလော” ဆိုဘီး ပြောဟူယ်။ 38 ရာရိဟာ ငြင်းလှည်းဟို့ ရပ်ခိုင်းလိုက်ဟူယ်။ အယ်ဘီးနု သူးနို့ နေ့ယော့-က်ဟာ ရေထဲဟို့ ဆင်းဟူးဂေဘီးဟာ ဖိလိပ္ပဟာ ရာရိဟို့ ဗတ္တိခံပေးလိုက်ဟူယ်။ 39 သူဟာ ရေထဲဟု ထလာဟူ သီမာ ဘုရားသခင်ရဲ့ ဝိညာဉ်တော်ဟာ ဖိလိပ္ပဟို့ တခြားနေရာဟို့ ယူဆောန်ဟူးလေဟူယ်။ ရာရိဟာ ဖိလိပ္ပဟို့ နော့-က်ထပ် တွံရဟူမ်း။ သူဟာ ဝန်းသာရှင်းပွဲနု ခရီးဆစ်ဟူးလေဟူယ်။ 40 ဖိလိပ္ပဟာ အာဇုတ်မြို့ဟို့ ရော့-က်ရှိနေဇာဟို့ သိရဟူယ်။ အယ်ဘီးနု ကဲသရိမြို့ဟို့ ရော့-က်ဒဲထိ မြို့တိုင်းမာ ဒန်းကောန်းဟို့ ဟောပြောလေဟူယ်။

9 အယ်သီမာ ရှောလုဟာ သခင်ဘုရားရဲ့ တဗွဲတော်လေဟို့ သတ်ဟို့တွပ် ချီးမြှေး-က်နေဟူယ်။ သူဟာ ယဇ်ပုရောဟိတ်မန်း နားဟို့ သွားဘီးဟူ။ 2 သခင်ဘုရားရဲ့ လမ်းစဉ်ဟို့ လိုက်ရှော့-က်ဟူ ယော့-က်ကျားနု မီးမလေဟို့တွံမယ် ဆိုဟာ အယ်လူလေဟို့ ဖမ်းဘီးဟာ ယေရုရှလင်မြို့ဟို့ ခေါ်လာနိုင်ဟို့တွပ် ဒမာသက်မြို့မာရှိဟူ ဝါလယ်ဇရပ်လေဟို့ မှာစာလေဟို့

ရေးပေးဟို့တွပ် တောန်းရှော-က်လေဟယ်။ 3 ရှောလဟာ အမသက်မြို့နားဟို့ ရော-က်ခါနီးမာ ကောန်းဂန်ဟုနေ လန်းရောန်တခုဟာ သူပတ်လည်မာ ရောက်တရစ် ထွန်းတော့-က်လာဟယ်။ 4 သူဟာ မွေးဂီးထတ်ဟို့ လဲက္တီးန “ရှောလ၊ ရှောလ နန်ဟာ ဖြားဖြစ်ကြောန့် ငါ့ဟို့ ညဉ်းဆဲနူး” ဆိုဘီး သူဟို့ မေးနေဟူ သံဟို့ ကြားရဟယ်။ 5 ရှောလဟာ “သခင်၊ ကိုယ်တော်ဟု ဖယ်သူနူး” ဆိုဘီး မေးလျှော့-က်လိုက်ဟယ်။ သံတော်ဟု “ငါဟာ နန်ညဉ်းဆဲနေဟူ ယေရှုဘွဲ့ဖြစ်ဟယ်။” 6 “အယ်ဘောမဲ့ ထဘီးဟာ မြို့ထဲဟို့ သွားလိုက်။ အယ်နေရာမာ နန်လောက်ရဟို့ ဇာလေဟို့ ငါပြောပြမယ်” ဆိုဘီး မိန့်တော်မူလေဟယ်။ 7 ရှောလနတူးဒူ ခရီးသွားနေဂေဟူ လူလေဟာ အယ်သံဟို့ ကြားရဘောမဲ့ ဖယ်လူဟို့လည်း ပြင်ရဘွဲ့ကြောန့် တွေဝေဘီးဟာ ရပ်နေဂေဟယ်။ 8 ရှောလဟာ မွေးဂီးဟုထဘီးန မျစ်စိဟို့ ဖွမ့်လိုက်ဟူ ခီမာ ဖြားလည်း ပြင်ရဟယ်။ အယ်ကြောန့် အယ်လူလေဟာ သူလတ်ဟို့ ဆွဲဘီးဟာ အမသက်မြို့ထဲဟို့ ခေါ်ဆောန်ဟားဂေဟယ်။ 9 သူဟာ သောင်းရစ်လောင်းလောင်း မျစ်ကန်းဖြစ်ဟားဘီး ဖြားဇာလည်း စားသော့-က်ဘဲန နေလေဟယ်။ 10 အမသက်မြို့မာ အာနနိ နာမယ်ရှိဟူ တဗဲတော် တယော့-က်ရှိဟယ်။ ရူပါရောင်ထဲမာ သခင်ဘုရားဟု အာနနိဟို့ “အာနနိ!” ဆိုဘီး ခေါ်လိုက်ဟယ်။ အာနနိဟု “ကျွန်တော်ရှိပါဟယ်။ သခင်ဘုရား” ဆိုဘီး ယွန်ဖြေလိုက်ဟယ်။ 11 သခင်ဘုရားဟု “နန်ထဘီး လမ်းဖြောန့် နာမယ်ရှိဟူ လမ်းဟို့သွားလိုက်။ တာရှုမြို့သား ရှောလ နာမယ်ရှိဟူ လူဟို့ ယုဒရဲအီမာ မေးလိုက်ပါ။ သူဟာ ဆုတောင်းနေဟယ်။ 12 သူဟာ မျစ်စိ ယွန်ပြင်ရဟို့တွပ် အာနနိ နာမယ်ရှိဟူလူ လာဘီးဟာ သူထတ်မာ လတ်လာတန်ဇာဟို့ ရူပါရောင်ထဲမာ ပြင်ဟားပီးဘီ” ဆိုဘီး မိန့်တော်မူလေဟယ်။ 13 အာနနိဟု “သခင်ဘုရား၊ အယ်လူဟာ ယေရှုလင်မြို့မာရှိဟူ ကိုယ်တော်ရဲ့ သန်ရှင်းဟူ လူလေဟို့ ဖယ်မျှလော့-က် ဒေါက်ခပေးဟယ် ဆိုဇာ လူလေဘောင်ဂီးနားဟုနေ ကျွန်တော်ကြားရဟယ်။ 14 ကိုယ်တော်နာမဟို့ ဆုတောင်းဟူ လူလေရှိမျှဟို့ ဖမ်းဟို့တွပ် ယဇ်ပုရောဟိတ်ဂီးလေရဲ့ ခွမ့်အာဏာန အမသက်မြို့ဟို့ လာဟူလူဖြစ်ဟယ်” ဆိုဘီး ရှော-က်လိုက်ဟယ်။ 15 သခင်ဘုရားဟု “သွားလိုက်။ အယ်လူဟို့ လူမျိုးခြားလေ၊ မန်းဂီးလေန ကုသရေလူမျိုးလေဟို့ ငါနာမဟို့ ကြေညာဟို့တွပ် ငါဝီးကော့-က်ဟားဟယ်။ 16 ငါ့ရဲ့ နာမတော်ကြောန့် သူခရမယ် ဆင်းရဲဒေါက်ခကြောင်းဟို့ သူဟို့ ငါကိုယ်တိုင် ဖော်ပြမယ်” ဆိုဘီး ပြောလေဟယ်။ 17 အယ်ကြောန့် အာနနိဟာ ရှောလရှိဟူအီဟို့ သွားဘီး ရှောလထတ်မာ လတ်ဟို့တန်ဘီးန “ညီရှောလ၊ နန်မျစ်စိ ယွန်ပြင်ဟို့တွပ်ရော၊ သန်ရှင်းဟူဝိညာဉ်တော်န ပွဲဝ်ဟို့တွပ်ရော လမ်းမာနန်ဟို့ ထန်ရှားပြဟူ သခင်ယေရှုဟာ ငါ့ဟို့ နန်နားဟို့ လွတ်လိုက်ဟယ်” ဆိုဘီး ပြောဟယ်။ 18 ရှစ်ရှင်းဘွဲ့ ရှောလရဲ့ မျစ်စိဟုနေ ငါးကြေးလေဟာ ကွာက္တမျိုးဖြစ်ဘီးဟာ မျစ်စိယွန်ပြင်ဟားဟယ်။ သူဟာ ထဘီးန ဗတ္တိခံခံလေဟယ်။ 19 သူဟာ စားဇာစားဘီးန ခွန်အား ပွဲလာလေဟယ်။ ရှောလဟာ အမသက်မြို့မာ တဗဲတော်လေန ရစ်နန် ကြာအောန်နေလေဟယ်။ 20 ရှစ်ရှင်းဘွဲ့ ဝါလယ်ဇရပ်လေဟို့ သွားဘီးဟာ ယေရှုဟာ ဘုရားသခင်ရဲ့ သားတော်ဖြစ်ဟယ် ဆိုဇာဟို့ စဘီးဟာ ဟောပြောဟယ်။ 21 သူစကားဟို့ ကြားဟူလူလေဟာ အံ့ဩဂေဘီးဟာ “အယ်လူဟာ ယေရှုလင်မြို့မာ ယေရှုဟို့ ကိုးကွယ်ဟူ လူလေဟို့ သတ်ဟူလူ မဟူလော။ သူဟာ အယ်လူလေဟို့ ဖမ်းဘီးဟာ ယဇ်ပုရောဟိတ်ဂီးလေနားဟို့ ပွဲဟူလူ မဟူလော” ဆိုဘီး မေးဂေဟယ်။ 22 အယ်ဘောမဲ့ ရှောလရဲ့ ဟောပြောချစ်ဟာ တဂိုးန ပိုဘီး ဟာ ပွဲဇောင်လာဘီး သခင်ယေရှုဟာ မေရှိယဖြစ်ဟယ် ဆိုဇာဟို့ သတ်သေပြဘီး ဟောပြောဟူကြောန့် အမသက်မြို့မာနေဟူ ယုဒလူမျိုးလေဟာ ယွန်ဘီးချေပဟို့ နိုင်ဂေဟယ်။ 23 ရစ်လေကြာဟားဘီးန ရှောလဟို့ သတ်ဟို့တွပ် ယုဒလူမျိုးလေဟာ ကြိစည်ဂေဟယ်။ 24 အယ်ဘောမဲ့ သူးနို့ရဲ့ စီစဉ်လေဟို့ ရှောလဟု သိဟားဟယ်။ သူးနို့ဟာ ရှောလဟို့ သတ်ဟို့တွပ် နေရော၊ ညဉ်ရော မြို့ရဲ့ ခွဗော့-က်နားမာ စောန်နေဂေဟယ်။ 25 ရှောလရဲ့ တဗဲလေဟာ ညဉ်ခန်းဇာမာ သူဟို့ယူဘီးန တောင်းထဲဟို့ ထဲဘီးဟာ မြို့ရိုးထတ်ဟုနေ ရှောလွေဟယ်။ 26 သူဟာ ယေရှုလင်မြို့ဟို့ ရော-က်လာဟူ ခီမာ တဗဲလေန ပေါန်းဟို့တွပ် ကြိုးစားဟယ်။ အယ်ဘောမဲ့ သူဟာ တဗဲတော်တယော့-က် ဖြစ်ဟယ် ဆိုဇာဟို့ သူးနို့လေဟာ ယောင်ကြည်ဘွဲ့ကြောန့် သူဟို့ ကြော့-က်နေဂေဟယ်။ 27 အယ်ဘီးန ဗာနဗဟာ သူဟို့ ကူညီဘီး တမန်တော်လေနားဟို့ ခေါ်လာဟယ်။

ရှောလုဟာ လမ်းမာ သခင်ဘုရားဟို ဖြင်ရဟူဇာလေရော၊ ဒမာသက်မြို့မာ ယေရုရှေမန ဖယ်မျှထိ ရဲရဲရင့်ရင့်ဟားဟောဇာလေဟိုရော သူဟု သူးနို့ဟို ရှင်းပြလေဟယ်။ 28 ရှောလုဟာ တမန်တော်လေနတူးဒု နေဘီး ယေရုရှလင်မြို့ဟို နွံအောက်သွားဘီးဟာ သခင်ဘုရားရဲ့ နာမတော်ဟို ရဲရဲရင့်ရင့်ဟားဟောပြောဟယ်။ 29 သူဟာ ဟေလသစကားပြောဟူ ယုဒလေန ဆွေးနွီး ပြောဆိုဂေဟယ်။ အယ်ဘောမဲ့ အယ်လူလေဟာ သူဟို သတ်ဟိုတွပ် ကြံစည်ဂေဟယ်။ 30 အယ်ဒန်းဟို ညီကိုလေဟု ကြားရဟူ ခီမာ သူဟို ကဲသရိမြို့ဟို ခေါ်ဆောနဟားဘီး တာရှုမြို့ဟို ပို့ဂေဟယ်။ 31 အယ်ကြောန့် ယုဒပြည်၊ ဂါလိလဲပြည်န ရှမာရိပြည် နေရာနွံမာရိဟူ သင်းတော်ဟာ ငြိသတ်ဟူ ကာလဟို ရဂေဟယ်။ သင်းတော်ဟာ သခင်ဘုရားဟို ကြော့-က်နွံ ရိုသေဇာန သတ်ရှင်ဘီး သန်ရှင်းဟူဝိညာဉ်တော်ရဲ့ ကူညီရှင်းကြောန့် ခိုင်ခန့်မြဲမြဲဟားဘီး သင်းသားလေဘောင်ဂီးဖြစ်လာဟယ်။ 32 ပေတရဟာ နေရာတိုင်းဟို သွားဘီး လုဒမြို့မာရိဟူ ဘုရားသခင်ရဲ့ သန်ရှင်းသူလေနားဟို ရော့-က်ဟားဟယ်။ 33 အယ်မြို့မာ လေဖြတ်ဘီးဟာ ရှစ်နှစ်လောင်းလောင်း အိယာထဲမာ လဲနေဟူ အဲနေနာမယ်ခေါ်ဟူ လူတယော့-က်ဟို တွံဟားဟယ်။ 34 ပေတရဟု “အဲနေ၊ ယေရုရှေတော်ဟာ နန့်ဟို ကျန်းမာစေဘိ။ ထဘီးဟာ အိယာဟို ကော့-က်လိုက်” ဆိုဘီး သူဟို ပြောလိုက်ဟယ်။ အဲနေဟာ ရှစ်ရှင်းဘွဲ ထလိုက်ဟယ်။ 35 လုဒမြို့န ရှာရန်မြို့မာနေဟူ လူလေဂူလောင်းဟာ အဲနေဟို ဖြင်ဘီး သခင်ဘုရားဖတ်ဟို လွှန်းလဲလာဂေဟယ်။ 36 ယုပေမြို့မာ တဗိသနာမယ်ရှိဟူ တဗဲတော်မတယော့-က်ရှိဟယ်။ သူနာမယ်ဟု ဟေလသစကားန ဆိုဟာ “ဒေါ်ကာ” ဖြစ်ဘီး “သမင်” ဆိုဘီး ခိပါယ်ရဟယ်။ သူဟာ မြဲဒမ်း ကောန်းဇာဟို လောက်ဘီး ဆင်းရဲသားလေဟို ကူညီဟယ်။ 37 အယ်ခီမာ သူဟာ ဖျားဘီး သေဟားလေဟယ်။ သူလောင်းဟို ရေချိုးပေးဂေဘီးဟာ အီထတ်ခန်းမာ ထားဟားဂေဟယ်။ 38 လုဒမြို့န ယုပေမြို့ဟာ ရရာတိုင်း ဝီးဘဲကြောန့် လုဒမြို့မာ ပေတရရှိနေဇာဟို တဗဲတော်လေကြားဟူ ခီမာ “ကျွန်တော့ဟားလေနားဟို ဗြန်းဗြန်ဟားလာပါ” ဆိုဘီး လူနေယော့-က်ဟို ပေတရနားဟို လွှတ်လိုက်ဘီး တောင်းဗန်ဂေဟယ်။ 39 အယ်ကြောန့် ပေတရဟာ အယ်လူနေယော့-က်န လိုက်ဟားဟယ်။ သူရော့-က်ဟူ ခီမာ လူလေဟာ သူဟို အီထတ်ခန်းဟို ခေါ်ဟားဂေဟယ်။ မောက်ဆိုးမလေဟာ ပေတရနားမာ လာငိုဘီးဟာ ဒေါ်ကာသေခန့်ဒူးဟု ချောက်ဟားဟူ အန်းဂီလေန ဝတ်ရောင်လေဟို ပြဂေဟယ်။ 40 ပေတရဟာ အယ်လူလေဟို ခန်းယွန်ဟို ထွပ်ခိုင်းဘီးဟာ ဒူးထော့-က် ဆုတောင်းလိုက်ဟယ်။ အယ်ဘီးန လောင်းဖတ်ဟို လှည့်ဘီးဟာ “တဗိသ ထလိုက်” ဆိုဘီး ပြောလိုက်ဟယ်။ ဒေါ်ကာဟာ မျစ်စိပွမ့်ဘီးန ပေတရဟို ဖြင်ဟူ ခီမာ ထထိုင်လိုက်ဟယ်။ 41 ပေတရဟာ လတ်ဟို ကမ်းပေးဘီးန အယ်မီးမဟို ဆွဲထူလိုက်ဟယ်။ အယ်ဘီးန သန်ရှင်းသူလေန မောက်ဆိုးမလေဟို ခေါ်ဘီးဟာ သတ်ရှင်နေဟူ ဒေါ်ကာဟို ပေးလိုက်ဟယ်။ 42 အယ်ဒန်းဟို ယုပေမြို့ တမြို့လောင်း ကြားရဟူ ခီမာ လူလေဘောင်ဂီးဟု သခင်ဘုရားဟို ယောင်ကြည်ဂေဟယ်။ 43 ပေတရဟာ ယုပေမြို့မာနေဟူ၊ ရှိမန်နာမယ်ရှိဟူ သရေလောက်မားန ခီကြာဂီးနေလေဟယ်။

10 ကဲသရိမြို့မာ ကော်နေလိ နာမယ်ရှိဟူ လူတယော့-က်ရှိဟယ်။ သူဟာ “ကူတလိတပ်” ခေါ်ဟူတပ်ဟု တပ်မှူးတယော့-က်ဖြစ်ဟယ်။ 2 သူဟာ ဘာသာရေးသမား တယော့-က်ဖြစ်ဘီး သူန သူမိသားတစုလောင်းဟာ ဘုရားသခင်ဟို ကိုးကွယ်ဂေဟယ်။ သူဟာ ဆင်းရဲဟူ ယုဒလူမျိုးလေဟို ရစ်ရစ်ရောရောဟား လူတတ်ဟယ်။ သူဟာ ဘုရားသခင်ဟို ခီမှန်မှန် ဆုတောင်းဟယ်။ 3 နေဒန် သောင်းနာရီလော့-က်မာ ဘုရားသခင်ရဲ့ ကောန်းဂန်တမန်တပါးဟာ သူနားဟို လာဘီးဟာ “ကော်နေလိ” ဆိုဘီး ခေါ်လိုက်ဇာဟို ရူပါရောင်ထဲမာ ထန်းထန်ရှားရှားဟား ဖြင်ရဟယ်။ 4 သူဟာ ကြော့-က်ကြော့-က်န အယ်ကောန်းဂန်တမန်ဟို စိုက်ကော့ဘီးန “သခင်၊ ဖြားကိစရိနွီး” ဆိုဘီး မေးလိုက်ဟယ်။ အယ်ကောန်းဂန်တမန်ဟု “နန့်ဆုတောင်းသံန စွန့်ကြဲပေးကမ်းဇာလေဟို ဘုရားသခင်ဟု နှစ်သက်လေဟယ်။ 5 ခုယုပေမြို့ဟို လူလေဟို လွှတ်ဘီးဟာ ပေတရ နာမယ်ရှိဟူ ရှိမန်ဟို သွားခေါ်လာ။ 6 သူဟာ သရေလောက်မား ရှိမန်အီမာ ရှိနေဟယ်။ အယ်အီဟု ပန်လယ်ကမ်းနားမာရှိဟယ်” ဆိုဘီး ပြောဟယ်။ 7 အယ်ကောန်းဂန်တမန်ဟာ ထွပ်ဟားဟူ ခီမာ ကော်နေလိဟာ သူရဲ့ စေခံနေယော့-က်န ဘုရားတရားကိုင်းရှိုင်းဟူ စစ်သားတယော့-က်ဟိုလည်း ခေါ်လေဟယ်။ 8

သူဟာ သူးနီဟို ကြောန်းရာလေဟို ပြောပြဘီးဟာ ယုပေဗြိဟို လွတ်လိုက်ဟယ်။ 9 နော- ကံတနေမာ အယ်လူလေဟာ ခရီးသွားဂေဘီးန ယုပေဗြိနားဟို ရော- ကံဟားဂေဟယ်။ မွန်းဒဲခီမာ ပေတရဟာ ဆုတောင်းဟိုတွပ် အီးခေါန်မိုးထတ်ဟို တတ်ဟားဟယ်။ 10 သူဟာ ရရာတိုင်း ဗိုက်ဆာလာဘီး တခုခုစားရှင်လာဟယ်။ စားဇာလေဟို ပြင်ဆင်နေဒူးမာ သူဟာ ရူပါရောင်ဟို ပြင်ရလေဟယ်။ 11 သူဟာ ကောန်းဂန် ပွမ်ဟားဘီးဟာ ဒေါ- ကံလေးဒေါ- ကံန ချောက်ဟားဟူ ပီစဂီးတခုန တူဟူဇာဟာ မွေဂီးထတ်ဟို နိက္ကလာဇာဟို ပြင်ရဟယ်။ 12 အယ်မူဇာထဲမာ မွေဂီးထတ်မာရှိဟူ ခေလေးရှောန်းလိဆန်လေ၊ တွားဘီးသွားဟူ လိဆန်လေန ကောန်းဂန်ဟု ငှတ်လေပါဟယ်။ 13 အယ်ဘီးန “ပေတရ၊ ထဘီး သတ်စားလိုက်” ဆိုဘီး ငါ့ဟို ပြောဟူသံဟိုလည်း ငါကြားရဟယ်။ 14 ပေတရဟု “သခင်၊ ဖယ်မျိုးလည်းဖြစ်နိုင်ဟု၊ ဖြားဖြစ်ကြောန်းနဲ့ဆိုဟာ ကျွန်တော်ဟာ ညစ်ညူးဇာန သန်ရှင်းဘဲဟူဇာဟို ဖယ်ဒူးဟုလည်း စားဖူးဟု” ဆိုဘီး လျှော့- ကံလိုက်ဟယ်။ 15 သံတော်ဟု “ဘုရားသခင်ဟု သန်ရှင်းဟယ် ဆိုဇာဟို ညစ်ညူးဟယ် ဆိုဘီး ပြောန” ဆိုဘီး ဒုတ်ယခါ မိန်တော်မူလေဟယ်။ 16 အယ်မျိုး သောင်းခါဖြစ်ဘီးန ရှစ်ရှင်းဘဲ အယ်ပီစဟို ကောန်းဂန်ထဲဟို ပွန်ဘီးဟာ ဆွဲဒန်လိုက်ဟယ်။ 17 ပေတရဟာ အယ်ရူပါရောင်ရဲ့ ဓိပါယ်ဟို စဉ်းစားနေဒူးမာ ကော်နေလိ လွတ်လိုက်ဟူ လူလေဟာ ရှိမုန်ရဲ့ အီဟို ရှာတွံဟားဘီး အိခွေဗော့- ကံရှေမာ ရပ်နေဂေဟယ်။ 18 အယ်လူလေဟု “ပေတရနာမယ်ရှိဟူ ရှိမုန်ဟာ အယ်အီမာရှိလော” ဆိုဘီး အော်ဘီးဟာ မေးဂေဟယ်။ 19 ပေတရဟာ ရူပါရောင်ကြောန်းဟို စဉ်းစားနေဒူးမာ ဝိညာဉ်တော်ဟု “လူသောင်းယော့- ကံဟာ နန်ဟို ရှာနေဂေဟယ်။ 20 သူးနီလေဟို ငါဘဲ လွတ်လိုက်ဟူကြောန့် ထဘီးဆင်းဟားလိုက်။ သံသယမေ့ဘဲန သူးနီန လိုက်ဟားလိုက်” ဆိုဘီး ပြောဟယ်။ 21 ပေတရဟာ အယ်လူလေနားဟို ဆင်းဟားဘီးဟာ “နန်းနို့ ရှာနေဟူလူဟာ ငါဘဲဖြစ်ဟယ်။ ဖြားဖြစ်ကြောန့် နန်းနို့ ရော- ကံလာဂေနူး” ဆိုဘီး မေးဟယ်။ 22 အယ်လူလေဟု “ဖြောန်မတ်ဘီး ဘုရားသခင်ဟို ကြော့- ကံဟူ၊ ယုဒလူမျိုးလေရဲ့ ချီးကျူးဘီး လေးစားခံရဟူ တပ်မှူးကော်နေလိဟု လွတ်လိုက်ဟယ်။ သင့်ဟို ဖိခေါ်ဘီး သင့်ရဲ့စကားဟို နားထောန်ရမယ် ဆိုဘီး သန်ရှင်းဟူ ကောန်းဂန်တမန်တပါးရဲ့ စကားတော်ဟို လတ်ခံရရှိဟယ်” ဆိုဘီး ပွန်ဖြေဂေဟယ်။ 23 ပေတရဟာ အယ်လူလေဟို အီထဲဟို ခေါ်ဖိဘီးဟာ တည်းခိုစေလေဟယ်။ နတ်ကီးတိုင်န သူဟာ အယ်လူလေန တူးဒု ထွပ်ဟားဘီးဟာ ယုပေဗြိဟု ယောင်ကြည်သူ ညီကိုတချိုးလည်း သူနတူးဒု လိုက်ဟားဂေဟယ်။ 24 နော- ကံတနေမာ ပေတရဟာ ကဲသရိဗြိဟို ရော- ကံဟားဟယ်။ အယ်ဗြိမာ ကော်နေလိဟာ သူခေါ်ဖိဟားဟူ ဆွေမျိုးလေန ရင်းနှီးဟူ မိဆွေလေန တူးဒု သူဟိုစောန့်နေဂေဟယ်။ 25 ပေတရ ဝမ်လာဟူ ခီမာ ကော်နေလိဟာ ကြိုဆိုဘီးဟာ သူရဲ့ ခေရင်းမာ ပျပ်ဝပ်လိုက်ဟယ်။ 26 ပေတရဟု သူဟို ဆွဲဒန်ဘီး “ထဒန်၊ ငါကိုယ်တိုင်လည်း လူဘဲဖြစ်ဟယ်” ဆိုဘီး ကော်နေလိဟို ပြောလိုက်ဟယ်။ 27 ပေတရဟာ ကော်နေလိန စကားပြောရင်း အီထဲဟို ဝမ်ဟားဟူ ခီမာ လူလေဘောင်ဂီး စုနေဇာဟို တွံလေဟယ်။ 28 အယ်လူလေဟို ပေတရဟု “ယုဒလူလေဟာ လူမျိုးခြားလေန ပေါန်းဖော်ဟိုန သူးနီနားဟို အီးညွယ်သွားဟိုတွပ် ဘာသာတရားဟု ခွမ်ပြဟု ဆိုဇာဟို နန်းနို့ ကိုယ်တိုင်လည်း ကောန်းကောန်း သိဂေဟယ်။ အယ်ဘောမဲ့ ဖယ်လူဟိုမျှ ညစ်ညူးဟူလူ စင်ကြယ်ဘဲဟူလူ ဆိုဘီး ခေါ်ဘဲနေဟိုတွပ် ဘုရားသခင်ဟာ ငါ့ဟို ဖော်ပြတော်မူဟယ်။ 29 အယ်ကြောန့် ငါ့ဟို နန်းနို့ ခေါ်ဖိဟူ ခီမာ ငါဟာ ငြင်းဆိုဘဲန လိုက်လာဟယ်။ ဖြားဖြစ်ကြောန့် ငါ့ဟို ခေါ်ဖိရနူး” ဆိုဘီး မေးလေဟယ်။ 30 ကော်နေလိဟု “ပီးဟားဟူ သောင်းရစ်လော့- ကံဒူးဟု နေဒန်သောင်းနာရီမာ ကျွန်တော်ဟာ အီမာ ဆုတောင်းနေဟယ်။ အယ်ခီမာ တော့- ကံပြောန်နေဟူဝတ်န လူတယော့- ကံဟာ ကျွန်တော့်ရှေမာ ရော- ကံတရစ်ရပ်ဘီး 31 ‘ကော်နေလိ၊ နန်ဆုတောင်းသံဟို ဘုရားသခင်ဟု ကြားဟယ်။ နန် စွန့်ကြဲပေးကမ်းဟူ ဇာလေဟိုလည်း သိဟယ်။ 32 အယ်ကြောန့် ယုပေဗြိဟို လူလွတ်ဘီးဟာ ပေတရ နာမယ်ရှိဟူ ရှိမုန်ဟို ခေါ်ဖိလိုက်။ သူဟာ ပန်လယ်ကမ်းနားမာရှိဟူ သရေလောက်မား ရှိမုန်အီမာ ရှိနေဟယ်” ဆိုဘီး ပြောဟယ်။ 33 အယ်ကြောန့် ကျွန်တော်ဟာ ရှစ်ရှင်းဘဲ သင့်နားဟို လူလွတ်လိုက်ဟယ်။ သင်ကြွလာဇာတွပ် ကျေးဇူးတန်ဟယ်။ သင့်ဟို သခင်ဘုရား ပြောဟားဟူ စကားလေဟို ကြားရဟိုတွပ် ကျွန်တော့်လေဟာ ဘုရားသခင်ရှေမာ ဆင်သင့်ဖြစ်နေဂေဟယ်” ဆိုဘီး

ပြောဟုယ်။ 34 အယ်ဘီးန ပေတရဟု “ဘုရားသခင်ဟာ မှန်တိုင်းဘဲ မျစ်နာလိုက်ဟု ဆိုဇာဟို ခု ငါဟာ နားလည်ဟားဘီ။ 35 ဘုရားသခင်ဟို ကြော-က်ဘီး ဖြောန့်မတ်ဟူ လူမျိုးတိုင်းဟိုဘဲ လတ်ခံဟယ်။ 36 ဘုရားသခင်ဟာ ဂူလောင်းရဲ့ သခင်ဖြစ်ဟူ ယေရှုခရစ်တော်အားဖြင့် ငြိသတ်ဇာနဆိုင်ဟူ ဒန်းကောန်းဟို ကုသရေလလူမျိုးလေဟို ဟောဟိုတွပ် စေလွှတ်လိုက်ဟယ် ဆိုဇာဟို နန်းနို့ သိဂေဟယ်။ 37 ဗတ္တိဇံတရားဟို ယောဟန်ဟောပြောဘီးန ဂါလိလဲပြည်ဟုနေ စဘီးဟာ ယုဒပြည် တရှော-က်လောင်းမာ ကီးမားဟူ ဖြစ်ပျစ်ဟို နန်းနို့ သိဂေဟယ်။ 38 ဘုရားသခင်ဟာ နာဇရက်မြို့သား ယေရှုဟို သန့်ရှင်းဟူဝိညာဉ်တော်န တဂိုးတော်လေ ကိုယ်တော်ထတ်ဟို ဖယ်မျိုးလောင်းခွဟားဟယ် ဆိုဇာဟို နန်းနို့ သိဂေဟယ်။ ဘုရားသခင်ဟာ ကိုယ်တော်နတူးဒူ ရှိဟူကြောန့် ကိုယ်တော်ဟာ နေရာတိုင်းဟို သွားဘီးဟာ ကောန်းဇာလေ လောက်ဆောန့်ဘီး မာရ်နတ်ရဲ့ တဂိုးအော့-က်မာရှိဟူ လူလေ ဂူလောင်းဟို ကျန်းမာစေဟယ်။ 39 နို့လေဟာ ယေရှုလင်မြို့န ယုဒပြည်မာ ကိုယ်တော်လောက်ဟူဇာ ဂူလောင်းရဲ့ သတ်သေလေဖြစ်ဂေဟယ်။ အယ်ဘီးန လူလေဟာ ကိုယ်တော်ဟို လတ်ဝါးကပ်တိုင်မာ ခိဆွဲဘီး သတ်လိုက်ဂေဟယ်။ 40 အယ်ဘောမဲ့ သောင်းရစ်ကြာဘီးန ဘုရားသခင်ဟာ ကိုယ်တော်ဟို သေရာဟုနေ ထမြော-က်စေဘီးဟာ ကိုယ်ထန်ရှားပြဟယ်။ 41 အယ်ဘောမဲ့ လူတိုင်းဟာ ကိုယ်တော်ဟို ဗြင်ရဂေဇာ မူဟု။ သိသတ်သေလေဖြစ်န ဘုရားသခင်ဟု ကြိုတန်ဘီး ဝီးကော့-က်ဟားဟူ၊ သေရာဟုနေ ထမြော-က်ဘီးန ကိုယ်တော်နတူးဒူ စားသောက်ဂေဟူ နို့လေမျှဘဲ ဗြင်ရဂေဟယ်။ 42 ကိုယ်တော်ဟု လူလေဟို ဒန်းကောန်း ဟောပြောဟိုတွပ်န ကိုယ်တော်ဟာ သတ်ရှင်နေဟူလူလေန သေဟားဟူလူလေဟို တရားစီရင်ဟူ သခင်ဖြစ် ဘုရားသခင်ခန့်ဟားဟယ် ဆိုဇာဟို သတ်သေခံဟိုတွပ် နို့လေဟို မိန့်ဟားဟယ်။ 43 ကိုယ်တော်ဟို ယောင်ကြည်ဟူ လူတိုင်းဟာ ကိုယ်တော်ရဲ့ နာမတော်အားဖြင့် ပြစ်လွှတ်ခံရလေမယ် ဆိုဘီး ကိုယ်တော်ကြောန်းဟို ပရောဖက်လေဟု သတ်သေခံဟားဟယ်” ဆိုဘီး ပြောလေဟယ်။ 44 အယ်စကားဟို ပေတရဟု ပြောနေဒူးမာ သန့်ရှင်းဟူဝိညာဉ်တော်ဟာ တရားစကားဟို နားထောန်နေဂေဟူ လူလေထတ်ဟို ဆင်းလာဟယ်။ 45 ပေတရနတူးဒူး လိုက်လာဟူ ရေဖျားလီးဟားဟူ ယောင်ကြည်သူ ယုဒလူမျိုးလေဟာ သန့်ရှင်းဟူဝိညာဉ်တော်ရဲ့ လတ်ဆောန်ဟို လူမျိုးခြားလေထတ်ဟိုလည်း သွန်းလောင်းဟူကြောန့် ရရာတိုင်း အံ့ဩဂေဟယ်။ 46 ဖြားဖြစ်ကြောန့်နူးဆိုဟာ လူမျိုးခြားလေဟာ ထူးဆန်းဟူ ဘာသာစကားလေဟို ပြောနေဂေဇာန ဘုရားသခင်ရဲ့ ဂေါင်တော်ဟို ချီးမွမ်းဂေဇာဟို ကြားရဂေဟယ်။ အယ်ကြောန့် ပေတရဟု၊ 47 “အယ်လူလေဟာ နို့လေမျိုးဘဲ သန့်ရှင်းဟူဝိညာဉ်တော်ဟို ခံရဂေဟယ်။ အယ်ကြောန့် သူးနို့ဟို ရေနဗတ္တိဇံဟို ခံယူဘဲနေအောန် ဖယ်လူဟု တားနိုင်ဟိုနူး” ဆိုဘီး ပြောဟယ်။ 48 အယ်ကြောန့် ပေတရဟု သူးနို့ဟို ယေရှုခရစ်တော်ရဲ့ နာမတော်မာ ဗတ္တိဇံခံဟိုတွပ် မိန့်ပေးလိုက်ဟယ်။ အယ်ဘီးန ပေတရဟို သူးနို့လေနတူးဒူ ရစ်နဲနဲနေဟိုတွပ် တောင်းလျော့-က်ဂေဟယ်။

11 လူမျိုးခြားလေဟု ဘုရားသခင်ရဲ့ စကားတော်ဟို လတ်ခံရရှိဂေဟယ် ဆိုဇာဟို ယုဒပြည် နေရာနဲ့မာ ရှိနေဟူ တမန်တော်လေန ယောင်ကြည်သူ ညီကိုလေဟု ကြားရဂေဟယ်။ 2 ယေရှုလင်မြို့ဟို ပေတရ ရော့-က်ဟူ ခီမာ ရေဖျားလီးဟားဟူ ယောင်ကြည်သူ ညီကိုလေဟု သံသယဖြစ်ဟူကြောန့် 3 “နန်ဟာ ရေဖျားလီးဘဲဟူ လူမျိုးခြားလေရဲ့ အီဟို ဝမ်ဘီးဟာ သူးနို့န တူးဒူ စားသော့-က်နေမား” ဆိုဘီး သူဟို ပြောဂေဟယ်။ 4 အယ်ကြောန့် ပေတရဟာ ကြောန်းရာတခုလောင်းဟို စဟုနေဆောင်းထိ ပြောပြလိုက်ဟယ်။ 5 ပေတရဟု “ငါဟာ ယုပွေမြို့မာ ဆုတောင်းနေဒူးမာ ရူပါရောင်ဟို ဗြင်ရဟယ်။ ဒေါ-က်လေးဒေါ-က်န ချောက်ဟားဟူ ပီစဂီးတခုန တူဟူဇာဟာ ကောန်းဂန်ဟုနေ နို့ဟူလာဘီး ငါနားဟို ရော့-က်လာဇာဟိုလည်း ငါဗြင်ဟယ်။ 6 ငါဟာ အယ်မူဇာထဲဟို သေးသေချားချာဟား ကေ့လိုက်ဟူ ခီမာ ခေလေးရှောန်းလိဆန်လေ၊ မွေဂီးမာနေဟူ သားရဲလေ၊ တွားဘီးသွားဟူ လိဆန်လေန ကောန်းဂန်ဟု ငှက်လေဟို ဗြင်ရဟယ်။ 7 အယ်ဘီးန ‘ပေတရ၊ ထဘီး သတ်စားလိုက်’ ဆိုဘီး ငါ့ဟို ပြောဟူသံဟို ငါကြားရဟယ်။ 8 အယ်ဘောမဲ့ ငါဟု ‘သခင်၊ ဖယ်မျိုးလည်း ဖြစ်နိုင်ဟု။ ကျွန်တော်ဟာ ညစ်ညူးဇာန သန့်ရှင်းဘဲဟူဇာဟို ဖယ်ဒူးဟုလည်း စားဖူးဟု’ ဆိုဘီး

ပွန်လျှော့-က်လိုက်ဟု။ 9 ကောန်းဂန်ဟုနေ သံတော်ဟု ‘ဘုရားသခင်ဟု သန့်ရှင်းဟု ဆိုစာဟို ညစ်ညူးဟု ဆိုဘီး ပြောန’ ဆိုဘီး ဒုတိယခါ မိန့်တော်မူဟု။ 10 အယ်မျိုး သောင်းခါဖြစ်ဘီးန အယ်ဇာတခုလောင်းဟို ကောန်းဂန်ထဲဟို ပွန်ဘီး ဆွဲဒန်လိုက်ဟု။ 11 ရှစ်ဟူးကြာဘီးန ကဲသရိမြို့ ဟုနေဘီး ငါနားဟို လွတ်လိုက်ဟူ လူသောင်းယော့-က်ဟု ငါတည်းနေဟူ အီဟို ရော့-က်လာဟု။ 12 ဝိညာဉ်တော်ဟု သံသယမေ့ဘဲန အယ်လူလေန ဘူးဒု လိုက်ဟူးဟိုတွပ် ငါ့ဟို ပြောဟု။ ယုပေမြို့ဟု ညီကိုခြော့-က်ယော့-က်လည်း ငါနတူးဒု လိုက်ဂေဟု။ နို့လေဂူလောင်းဟာ ကော်နေလိရဲ့ အီထဲဟို ဝမ်ဂေဟု။ 13 ကော်နေလိဟု သူ့အီမာ ကောန်းဂန်တမန်တပါးဟု ရပ်ဘီးဟာ ‘ပေတရ နာမယ်ရှိဟူ ရှိမန်ဟို ခေါ် ဟိုတွပ် ယုပေမြို့ဟို ယော့-က်ယော့-က်ဟို လွတ်လိုက်။ 14 အယ်လူဟာ နန့်န နန့်မိသားစု ဂူလောင်းဟို ကယ်တန်ခံရမယ့် တရားစကားဟို ပြောလေမယ်’ ဆိုဘီး နို့လေဟို ပြောဟု။ 15 အယ်ဘီးန ငါဟာ စဘီးပြောဟူ ခီမာ သန့်ရှင်းဟူဝိညာဉ်တော်ဟာ ရင်းရင်းဒူးဟု နို့လေထတ်ဟို ဆင်းလာမျိုးဘဲ အယ်လူလေထတ်ဟိုလည်း ဆင်းလာဟု။ 16 အယ်ခီမာ ‘ယောဟန်ဟာ ရေန ဗတ္တိဇံပေးဟု။ အယ်ဘောမဲ့ နန့်နီဟာ သန့်ရှင်းဟူဝိညာဉ်တော်န ဗတ္တိဇံခံရဂေလေမယ်’ ဆိုဘီး သခင်ဘုရား မိန့်တော်မူဟူးဇာဟို ငါဟာ ပွန်ဒီရဟူးဟု။ 17 ဘုရားသခင်ဟာ သခင်ယေရှုခရစ်တော်ဟို ယောင်ကြည်ဟူ နို့လေဟို ပေးဟူမျိုးဘဲ အယ်လူမျိုးခြားလေဟိုလည်း တူညီဟူ လတ်ဆောန်ဟို ပေးဟု ဆိုစာ ထန်ရှားနေဟု။ အယ်ဆိုဟာ ငါဟာ ဖယ်မျိုးလူ ဖြစ်ဟူကြောန့် ဘုရားသခင်ဟို တားနိုင်ဟိုန့်!’ ဆိုဘီး ပြောဟု။ 18 အယ်စကားဟို ကြားရဟူ ခီမာ အယ်လူလေဟာ ပြစ်တန်ဂေဟုမ်း။ အယ်ဘီးန ဘုရားသခင်ဟို ချီးမွမ်းဂေဘီး “အယ်ဆိုဟာ ဘုရားသခင်ဟာ သတ်ရှင်ဟိုတွပ် ပို့ဆောန်ဟူ နှောန်ဒတရားဟို လူမျိုးခြားလေဟိုလည်း ပေးတော်မူဘီ။” 19 ယောင်ကြည်သူလေဟာ သတေဖန်သတ်ခံရဟူ ခီမာ ဖြစ်လာဟူ ညှဉ်းဆဲမှုကြောန့် နေရာတိုင်းဟို ကွဲဟူးဂေဟု။ တချို့ လူလေဟာ ဖိနိတ်ပြည်၊ ကုပရကျွန်း၊ အန္တီအုတ်မြို့ထိ ရော့-က်ဟူးဂေဟု။ သူးနီဟာ ဘုရားသခင်ရဲ့ စကားတော်ဟို ယုဒလူမျိုးလေဟိုဘဲ ဟောပြောဂေဟု။ 20 သူးနီထဲမာ ကုပရကျွန်းန ကုရေနနယ်ဟု ယောင်ကြည်သူလေ တချို့ပါဟု။ သူးနီဟာ အန္တီအုတ်မြို့ဟို သွားဘီးဟာ လူမျိုးခြားလေဟို သခင်ယေရှုရဲ့ ကြောန်းဖြစ်ဟူ ဒန်းကောန်းဟို ဟောပြောဂေဟု။ 21 သူးနီဟာ သခင်ဘုရားရဲ့ တဂိုးတော်ဟို ခံရဂေကြောန့် လူလေဘောင်ဂီးဟု ယောင်ကြည်ဘီးဟာ သခင်ဘုရားဖတ်ဟို လွှန်းလဲလာဂေဟု။ 22 အယ်ဒန်းဟို ယေရုရှလင်မြို့မာရှိဟူ သင်းတော်ဟု ကြားရဟူ ခီမာ ဗာနဗဟို အန္တီအုတ်မြို့ဟို လွတ်လိုက်ဟု။ 23 သူဟာ အယ်မြို့ဟို ရော့-က်ဟူ ခီမာ လူလေဟာ ဘုရားသခင်ရဲ့ ကျေးဇူးတော်ဟို ဗြင်ရဟူ ခီမာ ရရာတိုင်း ဝန်းသာဘီးဟာ သခင်ဘုရားဟို စိန်လောင်းကြွင်းမဲ့ ယောင်ကြည်ဘီး သစ်စာစောန်ဂေဟိုတွပ် တိုက်တွန်းလေဟု။ 24 ဗာနဗဟာ သူတော်ကောန်းဖြစ်ဘီး သန့်ရှင်းဟူဝိညာဉ်တော်နရော၊ ယောင်ကြည်ရှင်းနရော ပွဲဝနေဟု။ အယ်ကြောန့် လူလေဘောင်ဂီးဟာ သခင်ဘုရားဖတ်ဟို လွှန်းလဲလာဂေဟု။ 25 အယ်ဘီးန ဗာနဗဟာ ရှောလုဟို ရှာဟိုတွပ် တာရှုမြို့ဟို သွားလိုက်ဟု။ 26 သူဟို တွံဟူ ခီမာ အန္တီအုတ်မြို့ဟို ခေါ်လာဟု။ သူးနီ နွေယော့-က်ဟာ တနွန်လောင်းလောင်း သင်းတော်မာ စုဝေးဂေဘီးဟာ လူလေဟို သွန်သန်ဟု။ တဗဲတော်လေဟာ ပထမဦးဆောင်း ခရစ်ယာန် ဆိုဘီး ခေါ်ခံရဟူနေရာဟာ အန္တီအုတ်မြို့မာ ဖြစ်ဟု။ 27 အယ်ခီမာ ပရောဖက်တချို့ဟာ ယေရုရှလင်မြို့ဟုနေ အန္တီအုတ်မြို့ဟို လာဂေဟု။ 28 အယ်လူလေထဲဟု အာဂဗု နာမယ်ရှိဟူ လူတယော့-က်ဟာ ထဘီးဟာ တကမ္ဘာလောင်းမာ ငတ်မွတ်ခေါန်းပါးဘေး ရော့-က်လာလေမယ် ဆိုဘီး ဝိညာဉ်တော်အားဖြင့် ကြိုတန်ဘီး ဟောပြောလေဟု။ အယ်မူဇာဟာ မန်းဂီး ကလောဒိ လတ်ထတ်မာ ငတ်မွတ်ခေါန်းပါးဘေး လွှာရော့-က်လာဟု။ 29 တဗဲတော်လေဟာ သူးနီ တတ်နိုင်မျှတိုင်းဘဲ ယုဒပြည်မာရှိနေဟူ ညီကို မောန်နမလေဟို ကူညီဟိုတွပ် ဆောင်းဖြတ်ဂေဟု။ 30 အယ်မျိုး ဆောင်းဖြတ်ဂေဘီးန ကပ်လေဟို ဗာနဗန ရှောလုလေအားဖြင့် ယေရုရှလင်မြို့မာရှိဟူ သင်းတော် လူဂီးလေနားဟို ပို့ပေးဂေဟု။

12 အယ်ဒီကာလမာ ဟေရဒ်မန်းဂီးဟာ သင်းတော်ဝမ်တချို့ဟို စဘီးဟာ ညဉ်းဆဲဟိုတွပ် ကြံစည်လေဟယ်။

2 သူဟာ ယောဟန်ရဲ့ နောန် ယာကုပ်ဟို ထားန သတ်လိုက်ဟယ်။ **3** အယ်မူဇာဟို ယုဒလူမျိုးလေဟ နှစ်သက်ဂေဟယ်။ အယ်ကြောန့် သူဟာ ပေတရုဟိုလည်း ဖမ်းဟားလေဟယ်။ အယ်မူဇာဟာ တဆေးမေ့ဘဲဟူ မပွဲတော်ခီမာ ဖြစ်ဟားဟယ်။ **4** ဟေရဒ်ဟာ ပေတရုဟို ဖမ်းဘီးန စစ်သားလေးယော-ကံစီပါဟူ တပ်စုလေးစုရဲ့ လတ်ထဲဟို အပ်ဘီးဟာ ကျဉ်းညွှဟားဟယ်။ ပသခါပွဲဗီးဟားဘီးန သူဟို ယုဒလူမျိုးလေရဲ့ ရှေ့မာ စစ်ဆေးဘီးဟာ စီရင်ဟိုတွပ် ကြံစည်ဟားဟယ်။ **5** အယ်ကြောန့် ပေတရုဟာ ထောန်ထဲမာ ကျဉ်းညွှခံရဟယ်။ အယ်ဒီမာ သင်းတော်ဟု သင်းသားလေဟာ ပေတရုတွပ် စီပါလတ်ပါန ဘုရားသခင်ဟို ဆုတောင်းနေဂေဟယ်။ **6** ဟေရဒ်ဟာ ပေတရုဟို လူလေရှေဟို ခေါ်လာဘီး စစ်ဆေးဟူ နေ့ရော-ကံခန် ညဉ်ခန်းဇာမာ ပေတရုဟာ စစ်သားနေယော-ကံကြားမာ အိမ်နေဟယ်။ သူဟို သံကြိုးနေပန်န ခယ်ဟားဟယ်။ ထောန်ခွဗော့-ကံရှေ့မာလည်း စောန်တပ်သားလေဟာ စောန်နေဂေဟယ်။ **7** ဘုရားသခင်ရဲ့ ကောင်းဂန်တမန်ဟာ ရော-ကံတရစ် ပေါ်လာဘီးဟာ ချောက်ခန်းထဲမာ လန်းဟားလေဟယ်။ ကောင်းဂန်တမန်ဟာ သူရဲခေါင်းဟို လှောက်ဘီးဟာ “ဗြန်းဗြန်ဟားထလိုက်!” ဆိုဘီး နိုးဟယ်။ ရှစ်ရှင်းဘဲ ခယ်ဟားဟူ သံကြိုးလေဟာ ပေတရုရဲ့ လတ်ဟုနေ ကလွတ်ဟားလေဟယ်။ **8** အယ်ဘီးန ကောင်းဂန်တမန်ဟု “နန်ရဲ့ ခါးဗတ်ဟို ပတ်ဘီးဟာ ခေနပ်ဟို စီးလိုက်” ဆိုဘီး ပြောလိုက်ဟယ်။ ပေတရုဟာ ပြောဟူတိုင်း လောက်လိုက်ဟယ်။ ကောင်းဂန်တမန်ဟု “ဝတ်လောင်ဟို ချောင်ဘီးဟာ ငါနုတူးဒုလိုက်” ဆိုဘီး ပြောလိုက်ဟယ်။ **9** ပေတရုဟာ ချောက်ခန်းဟုနေထွပ်ဘီး သူ့နော့-ကံဟို လိုက်ဟားလေဟယ်။ သူဟာ ကောင်းဂန်တမန် လောက်ဟူဇာလေဟို မှန်ဖြစ်ဟယ် ဆိုဇာ သိဟယ်။ ရူပါရောင်ဟို ဗြင်နေဟယ် ဆိုဘီး ထန်နေဟယ်။ **10** သူးနိုဟာ စောန်လေညွဟားဟူ နေရာနေ့ခိုဟို ကျော်ဘီးဟာ ထောန်ထဲဟုထွပ်ဟူ သံခွဗော့-ကံနားဟို ရော-ကံဟားဂေဟယ်။ အယ်ခွဗော့-ကံဟာ သူလိုလို ပွမ်နေဟူကြောန့် သူးနို ထွပ်ဟားဘီးဟာ လမ်းတိုင်းသွားလိုက်ဂေဟယ်။ အယ်ဘီးန ကောင်းဂန်တမန်ဟာ ပေတရုနားဟုနေ ရော-ကံတရစ် ထွပ်ဟားလေဟယ်။ **11** ပေတရုဟာ ယွန်ဘီး ဒီရလာဟူ ခီမာ “သခင်ဘုရားဟာ သူရဲ့ ကောင်းဂန်တမန်ဟို လွတ်ဘီးဟာ ငါ့ဟို ဟေရဒ်ရဲ့ လတ်ထဲဟုရော၊ ယုဒလူမျိုးလေရဲ့ လတ်ထဲဟို ငါ့ဟို ရော-ကံစေဘဲဟိုတွပ် မျှော်နေဟူဘေးဟုနေ ကယ်တန်ရှင်းဟို ခု ငါစစ်မှန်သိဟားဘီ ဆိုဘီး ပြောဟယ်။” **12** အယ်မျိုးသိဟူ ခီမာ သူဟာ မာကု ဆိုဘီး ခေါ်ဟူ ယောဟန်ရဲ့ မာရီအီဟို သွားဟယ်။ အယ်အီမာ လူလေဘောင်ဂီးဟု စုဘီးဟာ ဆုတောင်းနေဂေဟယ်။ **13** ပေတရုဟာ အီခွဗော့-ကံဟို ခေါ်-ကံလိုက်ဟူ ခီမာ ရောဒေနာမယ်ရှိဟူ စေခဲ မီးမဂန်းဟားဟာ ခွဗော့-ကံဖွမ်ဟို လာဟယ်။ **14** သူဟာ ပေတရုသဲဟို မှတ်မိဟူကြောန့် ရရာတိုင်း ဝန်းသာဘီးဟာ ခွဗော့-ကံဟို ဖွမ်ဘဲန အီထဲဟို လွှေဟားဘီး ပေတရု ယွန်မာရော-ကံနေဟယ် ဆိုဘီး လူလေဟို ပြောဟယ်။ **15** အယ်လူလေဟု “နန်ဟာ ရူးနေမား” ဆိုဘီး ပြောဟယ်။ အယ်ဘောမဲ့ မီးမဂန်းဟားဟု သူပြောနေဇာဟာ မုန်းမှန်ကန်းကန် ဖြစ်နေဟူကြောန့် သေးသေချားချာဟား ပြောဟူ ခီမာ သူးနိုဟာ “ပေတရုရဲ့ ကောင်းဂန်တမန် ဖြစ်လေမယ်” ဆိုဘီး ပြောဂေဟယ်။ **16** ပေတရုဟာ ခွဗော့-ကံဟို ဆစ်ဘီးဟာ ခေါ်-ကံနေဟူ ခီမာ သူးနိုဟာ ခွဗော့-ကံဟို ဖွမ်လိုက်ဂေဟူကြောန့် ပေတရုဟို ဗြင်ဟားဘီး အံ့ဩဟားဂေဟယ်။ **17** ပေတရုဟာ တိတိဟား နေဂေဟိုတွပ် လတ်နချစ်ပြဘီးဟာ သခင်ဘုရားဟာ သူဟို ထောန်ထဲဟု ဖယ်မျိုးခေါ်ထုလာဟယ် ဆိုဇာဟို ပြောပြဟယ်။ အယ်ဘီးန “အယ်ကြောန်းဟို ယာကုပ်န တခြားညီကို မောန်နမ လေဟိုလည်း ပြောပြဂေပါ” ဆိုဘီး တခြားနေရာဟို ထွပ်ဟားလိုက်ဟယ်။ **18** မိုးလန်းလာဟူ ခီမာ “ပေတရုဟု ဖယ်မာနူး” ဆိုဘီး စောန်တပ်သားလေဟာ ရရာတိုင်း ကြော့-ကံနေဂေဟယ်။ **19** ဟေရဒ်မန်းဂီးဟာ ပေတရုဟို ရှာခိုင်းဟူ ခီမာ တွံဘဲကြောန့် စောန်တပ်သားလေဟို စစ်ဆေးဘီးန သေဒန်ပေးဟိုတွပ် မိန့်ညွလိုက်ဟယ်။ အယ်ဘီးန ဟေရဒ်မန်းဂီးဟာ ယုဒပြည်ဟုနေ ထွပ်ဟားဘီးဟာ ကဲသရိမြို့ထဲမာ ရှစ်ဟားနေနေဟယ်။ **20** ဟေရဒ်မန်းဂီးဟာ တုရုမြို့သားလေန ဇိဒုန်မြို့သားလေဟို ရရာတိုင်း ဒေါသထွပ်ဟူကြောန့် အယ်မြို့သားလေဟာ စည်းရောင်းဘီးဟာ

မန်းဂီးနားဟို ရှေး-ကံလာဂေဟုယ်။ နန်းတော်အောက် ဗလတ္တုရဲ့ ကူညီဟို ယူဂေဘီး ဟေရ်ဒ်မန်းဂီးနားဟို ဝမ်ဘီးဟာ ငြိသတ်ဟိုတွပ် စကားကမ်းလှမ်းဂေဟုယ်။ ပြားဖြစ်ကြောန့်နွဲ့ဆိုဟာ သူးနို့ပြည်ဟာ ဟေရ်ဒ်မန်းဂီးရဲ့ ပြည်ဟို မှီခိုစားသော-ကံနေရဟုယ်။ 21 ဟေရ်ဒ်ဟာ ချီးချစ်ဟားဟူနေမှာ မန်းဂီးအန်းဂီလေဟို ဝတ်ဘီးဟာ ရာဇပလ္လင်ထတ်မာ ထိုင်ဘီးဟာ လူလေဟို မိန့်ခွန်းပြောဟုယ်။ 22 အယ်လူလေဟု “အယ်သံဟာ လူရဲသံ မူဟာ။ ဘုရားသခင်ရဲ့သံတော်ဖြစ်ဟုယ်” ဆိုဘီး ကြွေးကြော်ဂေဟုယ်။ 23 အယ်ခီမာ မန်းဂီးဟာ ဘုရားသခင်ရဲ့ ဂေါင်တော်ဟို ချီးမွမ်းဘဲကြောန့် ရှစ်ရှင်းဘဲ ဘုရားသခင်ရဲ့ ကောန်းဂန်တမန်ဟာ သူဟို ဒန်ခတ်လိုက်ဟူကြောန့် သူဟာ ပိုးလေစားခံရဘီး သေဟားလေဟုယ်။ 24 အယ်ခီမာ ဘုရားသခင်ရဲ့ စကားတော်ဟာ နေရာတိုင်းဟို ပွဲနွဲ့ဟားဘီးဟာ ယောင်ကြည်သူလေဟာ တိုးပွားလာဟုယ်။ 25 ဗာနဗန ရှောလူလေဟာ သူးနို့ မှုက်စဟို လောက်ဂေဘီးန မာကု ဆိုဘီး ခေါ် ဟူ ယောဟန်ဟို သူးနို့နုကူးဒု ခေါ် ဘီးဟာ ယေရုရှလင်မြို့ ဟုနေ ပွန်လာဂေဟုယ်။

13 အန္တီအုတ်မြို့ဟု သင်းတော်မာ ပရောဖက်လေန ဆရာလေရှိဟုယ်။ အယ်လူလေဟာ ဗာနဗ၊ နိုဂါ ဆိုဘီး ခေါ် ဟူ ရှုမောငါ၊ ကုရေနနယ်သား လုကီ၊ စော်ဘွားဟေရ်ဒ်ရဲ့ ငယ်ဂျင်းဖြစ်ဖူးဟူ မာနန်န ရှောလူဟားလေ ဖြစ်ဂေဟုယ်။ 2 အယ်လူလေဟာ သခင်ဘုရားရဲ့ မှုတော်ဟို လောက်ဆောန်ဘီး စာရှောန်နေဂေဒူးမာ သန်ရှင်းဟူဝိညာဉ်တော်ဟု သူးနို့ဟို “ရှောလုန ဗာနဗလေဟို ငါ့မူဟို ဆောန်ဟိုတွပ် သီးသန့် ဝီးကော-ကံဟားဂေ” ဆိုဘီး ပြောဟုယ်။ 3 သူးနို့ဟာ စာရှောန်ဆုတောင်းဘီးန ဗာနဗန ရှောလူလေရဲ့ ခေါင်းထတ်မာ သူးနို့လတ်ဟို တန်ဂေဟုယ်။ အယ်ဘီးန သူးနို့ဟို မှုတော်ဆောန်ဟိုတွပ် လွှတ်လိုက်ဂေဟုယ်။ 4 ဗာနဗန ရှောလူလေဟာ သန်ရှင်းဟူဝိညာဉ်တော် လွှတ်လိုက်တိုင်းဘဲ သေလုကီမြို့ ဟုနေ ကုပရုကျွန်းဟို သန်းဖောန သွားဂေဟုယ်။ 5 သူးနို့ဟာ ရှာလမိမြို့ဟို ရှေး-ကံဟူ ခီမာ ယုဒလူမျိုးလေရဲ့ ဝါလယ်ဇရပ်လေမာ ဘုရားသခင်ရဲ့ စကားတော်ဟို ဟောပြောဂေဟုယ်။ မာကု ဆိုဘီး ခေါ် ဟူ ယောဟန်ဟာ သူးနို့လေရဲ့ လတ်ထော-ကံနေန ကူညီပေးဟိုတွပ် ခေါ် ဟားဂေဟုယ်။ 6 သူးနို့ဟာ အယ်ကျွန်းဟို ဖြတ်ဟားဘီးဟာ ပါဖုမြို့ထိ သွားဂေဟုယ်။ အယ်မြို့မာ ယုဒလူမျိုး ပရောဖက်တုယောန်ဖြစ်ဟူ နတ်ဝိဇ္ဇာတယော-ကံဟို တွံဂေဟုယ်။ သူနာမယ်ဟာ ဗာယေရှု ဖြစ်ဟုယ်။ 7 သူဟာ မြို့ဝန်မန်း သေရဂ်ပေါလုရဲ့ မိဆွေဖြစ်ဟုယ်။ အယ်မြို့ဝန်မန်းဟာ ဒိပညာရှိဟူ လူတယော-ကံဖြစ်ဟုယ်။ သူဟာ ဘုရားသခင်ရဲ့ စကားတော်ဟို ကြားရှင်ဟူကြောန့် ဗာနဗန ရှောလူဟို ဖိခေါ်လိုက်ဟုယ်။ 8 အယ်ဘေမဲ့ ဟေလသဘာသာန ဇလုမနာမယ်ရှိဟူ နတ်ဝိဇ္ဇာတယော-ကံဟာ မြို့ဝန်မန်းဟို ယောင်ကြည်ရှင်းဟုနေ လွဲစေဟိုတွပ် ဗာနဗန ရှောလူလေဟို တားလေဟုယ်။ 9 အယ်ခီမာ ပေါလု ဆိုဘီး ခေါ် ဟူ ရှောလူဟာ သန်ရှင်းဟူဝိညာဉ်တော်န ပွဲဝဘီး နတ်ဝိဇ္ဇာသမားဟို စိုက်ကေဘီးန။ 10 “နန်ဟာ မာရ်နတ်ရဲသား! လှည့်ဇားလီညာသူ၊ မှန်တရားရဲ့ ရန်သူ၊ နန်ဟာ ဘုရားသခင်ရဲ့ ပြောန့်မတ်ဟူလမ်းဟို ဖျစ်ဆီးဘဲန နေနိုင်ဟုလော။ 11 ခုဘဲ ဘုရားသခင်ရဲ့ လတ်တော်ဟာ နန်ထတ်မာ ကွလာဘီးဟာ မျစ်စိကန်းလေမယ်။ နန်ဟာ နေဟို ကြာဂီးဗြင်ရဟို မူဟု” ဆိုဘီး ပြောဟုယ်။ ရှစ်ရှင်းဘဲ ဇလုမဟာ မျစ်စိကန်းဟားဘီးဟာ လောင်းဝ မှောန်မိုက် ဖြစ်ဟားကြောန့် သူလတ်ဟို ဆွဲဘီး လမ်းပြပေးဟူလူဟို စမ်းတဝါးဝါး ရှာနေရဟုယ်။ 12 မြို့ဝန်မန်းဟာ အယ်ဖြစ်ပျစ်ဇာဟို ဗြင်ဟူ ခီမာ ယောင်ကြည်လာဟုယ်။ သူဟာ သခင်ဘုရားရဲ့ တရားတော်ဟို ကြားရခီမာလင်း အံ့သြနေဟုယ်။ 13 ပေါလုန သူပေါန်းဖော်လေဟာ ပါဖုမြို့ဟုနေ သန်းဖောနသွားဘီးန ပံဖုလိပြည် ပေရဂေမြို့ဟို ရှေး-ကံဟားဂေဟုယ်။ အယ်နေရာမာ မာကု ဆိုဘီး ခေါ် ဟူ ယောဟန်ဟာ သူးနို့နု လမ်းခွဲဘီးဟာ ယေရုရှလင်မြို့ဟို ပွန်ဟားဟုယ်။ 14 သူးနို့ဟာ ပေရဂေမြို့ဟု ထွပ်ဟားဘီးဟာ ပိသဒိပြည် အန္တီအုတ်မြို့ဟို ရှေး-ကံဟားဘီး ဒန်းနေမာ ဝါလယ်ဇရပ်ဟို ဝမ်ဘီး ထိုင်နေဂေဟုယ်။ 15 ပညတ်ကျမ်းန ပရောဖက်ကျမ်းလေဟို ဖတ်ဟူ ခီမာ ဝါလယ်ဇရပ် တာဝန်ခံလေဟာ သူးနို့ဟို “ညီကိုလေ၊ အယ်လူလေဟို တိုက်တွန်းအားပေးဟူစကား ပြောမယ် ဆိုဟာ ပြောဂေပါ” ဆိုဘီး ကြောန်းကြားဂေဟုယ်။ 16 ပေါလုဟာ ထဘီးဟာ လတ်နပြလိုက်ဘီးန “ဣသရေလလူမျိုးလေန ဘုရားသခင်ဟို ကိုးကွယ်ဟူ လူမျိုးခြားလေ ငါ့စကားဟို နားထောန်ဂေပါ။

17 ကုသရေလလူမျိုးလေရဲ့ ဘုရားသခင်ဟာ နို့လေရဲ့ ဘိုးဘေးလေဟာ အဲဂုတ္တုပြည်မှာ ဧည့်သည်ဖြစ်နု နေဟူ ခီမာ သူးနို့ဟို ဝီးကော့-က်ဘီးဟာ လူမျိုးဂီး ဖြစ်စေဟယ်။ အားကီးဟူ တဂိုးတော်နု အယ်ပြည်ဟုနေ ထုဆောန်ဟားဟူ ခီမာ 18 တောကန္တာရမှာ နှစ်လေးဆယ်လောင်းလောင်း သူဟာ သီးခံဟယ်။ 19 အယ်ဘီးနု ခါနာန်ပြည်မှာနေဟူ လူမျိုးခွန်နစ်မျိုးဟို ဖျစ်ဆီးဘီးဟာ အယ်ပြည်ဟို သူလူမျိုးလေဟို ပိုင်ပေးလိုက်ဟယ်။ 20 အယ်မူဇာလေဟာ နှစ်ပေါင်းလေးရာငါးဆယ် နီးပါးကြာဟားဟယ်။” “အယ်ဘီးနု ပရောဖက်ရှမ္မေလခီထံ တရားသူဂီးလေဟို ပေါ်လာစေဟယ်။ 21 သူးနို့ဟာ မန်းဂီးတပါးဟို တောန်းဂေဟူကြောန့် ဘုရားသခင်ဟာ ကိရုရဲသား ဗယံမိန်မျိုးနွယ်ဖြစ်ဟူ ရှောလုဟို နှစ်လေးဆယ်လောင်းလောင်း အောက်ချောက်ဟိုတွပ် သူးနို့ဟို ပေးလိုက်ဟယ်။ 22 အယ်ဘီးနု ဘုရားသခင်ဟာ ရှောလုဟို ဖယ်ဘီးဟာ ဒါဝိဒ်ဟို ကုသရေလရဲ့ မန်းဂီးဖြစ်နု ချီးမြှော့-က်လိုက်ဟယ်။ ဘုရားသခင်ဟု ‘ငါ လောက်ခိုင်းဟားဇာလေဟို လောက်ဟိုတွပ် ငါ့ရဲ့ စိတော်နုတွံဟူ ယေရုရဲသား ဒါဝိဒ်ဟို ငါတွံဟားဘိ’ ဆိုဘီး ဒါဝိဒ်နု ပတ်သတ်ဇာလေဟို သတ်သေခံလိုက်ဟယ်။ 23 ဘုရားသခင်ဟာ သူရဲ့ ဂဒိတော်တိုင်း ကုသရေလလူမျိုးလေတွပ် ကယ်တန်ရှင်ယေရှုဟို အယ်ဒါဝိဒ်ရဲ့ သားမွေးလေထဲမှာ ပေါ်လာစေဟယ်။ 24 ယေရှုဟာ မူတော်မြတ်ဟို လောက်ခန်မှာ ယောဟန်ဟာ ကုသရေလလူမျိုးလေဟို နောန်ဒရဘီး ဗတ္တိဇံခံဂေပါ ဆိုဘီး ဟောဟယ်။ 25 သူလောက်ရဟူ မူတော်မြတ် ပီးဆောင်းခါနီးမှာ ယောဟန်ဟာ ‘နန်းနို့ဟု ငါ့ဟို ဖယ်လူ ဆိုဘီး ထန်ဂေနှူး၊ ငါဟာ နန်းနို့ စောန်နေဟူသခင် မဟူ။ အယ်သခင်ဟာ ငါ့နော့-က်မာ ပေါ်လာလေမယ်။ ငါဟာ အယ်သခင်ရဲ့ ခေနပ်ကြိုးဟို ဖြေဟိုဟိုမှ ထိုက်ဟု’ ဆိုဘီး ပြောဟယ်။” 26 “အာဗြဟံရဲ့ သားမွေးလေဖြစ်ဟူ ငါ့ညီကိုလေနု ဘုရားသခင်ဟို ကိုးကွယ်ဟူ လူမျိုးခြားလေ၊ ကယ်တန်ရှင်ဆိုင်ဟူ အယ်မူတရားတော်ဟို နို့လေနားဟို ပေးပို့လိုက်ဟယ်။ 27 ယေရုရှလင်မြို့သားလေနု သူးနို့ခါနီးဆောန်လေဟု အယ်သခင်ဟာ ကယ်တန်ရှင် ဖြစ်ဟယ် ဆိုဇာဟို နားလည်ဂေဟူ။ ဒန်းနေတိုင်း သူးနို့ဖတ်ဂေဟူ ပရောဖက်လေရဲ့ စကားလေဟိုလည်း နားလည်ဂေဟူ။ အယ်ဘောမဲ့ သူးနို့လေဟာ ပရောဖက်လေရဲ့ စကားတိုင်း ညွှဇောင်ဟိုတွပ် အယ်သခင်ဟို ပြစ်ဒန်စီရင်ဂေဟယ်။ 28 အယ်မျိုး သေဒန်စီရင်ဟို ပြစ်တခွလည်း သူးနို့လေ တွိဘောမဲ့လည်း ကိုယ်တော်ဟို သေဒန်ပေးဟိုတွပ် ပိလတ်မန်းဟို တောန်းဆိုဂေဟယ်။ 29 သူးနို့ဟာ အယ်သခင်နု ပတ်သတ်ဘီး ကျမ်းစာထဲမှာ ပြောဟားဇာလေဟို လောက်ဂေဘီးနု အယ်သခင်ရဲ့ တဗဲတော်လေဟာ လတ်ဝါးကပ်တိုင်ဟုနေ ညွှဘီး သန်းညိုင်းဂူမာ သင်္ဂြိုဟ်ဂေဟယ်။ 30 အယ်ဘောမဲ့ ဘုရားသခင်ဟာ အယ်သခင်ဟို သေရာဟုနေ ထမြော့-က်စေဟယ်။ 31 အယ်ဘီးနု အယ်သခင်ဟာ ရင်းရင်ဒူးဟု သူနုတူးဒူ ဂါလိလဲပြည်ဟုနေ ယေရုရှလင်မြို့ဟို လိုက်ပါလာဂေဟူ လူလေဟို ရစ်ပေါန်းကြာဂီး ကိုယ်ထန်ရှားပြဟယ်။ သူးနို့ဟု ခုခီမာ ကုသရေလလူမျိုးလေဟို ကိုယ်တော်ကြောင်းဟို သတ်သေခံနေဂေဟယ်။ 32 နို့လေလည်း ဘိုးဘေးလေဟို ပေးဟားဟူ၊ ဂဒိတော်နုဆိုင်ဟူ၊ ကောင်းမြတ်ဟူ ဒန်းကောင်းဟို နန်းနို့လေဟို ဟောပြောဂေဟယ်။ 33 ဘုရားသခင်ဟာ ယေရှုဟို ထမြော့-က်စေဘီး ဘိုးဘေးလေရဲ့ သားမီးလေဖြစ်ဂေဟူ နို့လေတွပ် အယ်ဂဒိတော်လေဟို ညွှဇောင်စေတော်မူဘိ။ ဆာလံကျမ်း ဒုတိယခန်းမှာ” “နန်ဟာ ငါ့သားဖြစ်ဟယ်။ အယ်နေဘွဲ့ နန်းဟို သားရာဟို ငါပေးဘိ’ ဆိုဘီး ရေးဟားတိုင်းဘွဲ့ ဖြစ်ဟယ်။” 34 “သန်းညိုင်းထဲမှာ ပေါက်ပျစ်ဘဲနု သေရာဟုနေ ထမြော့-က်ဟူကြောင်းဟို ဘုရားသခင်ဟု၊” “ဒါဝိဒ်ဟိုလည်း ကောင်းဂျီးပေးဟိုတွပ် ဂဒိပြဟားတိုင်းဘွဲ့ နန်းနို့ဟိုလည်း သန်းရှင်းမြင့်မြတ်ဘီး သေချာဟူကောင်းဂျီးဟို ပေးမယ်’ ဆိုဘီး ပြောဟယ်။” 35 “တကြားကျမ်းပိုဒ်မှာ၊ ‘ကိုယ်တော်ဟာ သန်းရှင်းဟူ စေခံဟို သန်းညိုင်းထဲမှာ ပေါက်ပျစ်စေဟို မဟု’ ဆိုဘီး ပြောဟားဟယ်။” 36 “ဒါဝိဒ်ဟာ သူသတ်ရှင်နေဒူးဟု ဘုရားသခင်ရဲ့ ကြံစည်ရှိဟူတိုင်း လိုက်ရှော့-က်ဘီးနု သေဟားဘီးဟာ ဘိုးဘေးလေရဲ့ သန်းညိုင်းထဲမှာ သင်္ဂြိုဟ်ခံရဟယ်။ သူရဲ့ခန္ဓာဟာ သန်းညိုင်းထဲမှာ ပေါက်ပျစ်ဟားဟယ်။ 37 အယ်ဘောမဲ့ ဘုရားသခင် ထမြော့-က်စေလိုက်ဟူ သခင်ရဲ့ခန္ဓာဟာ ပေါက်ပျစ်ဟူ။ 38 အယ်ကြောန့် ညီကိုလေ၊ အယ်သခင်အားဖြင့် ပြစ်လေ ခွမ်လွှတ်ရှင်းကြောင်းဟို နန်းနို့လေဟို ဟောပြောနေဇာဟိုရော၊ ယောင်ကြည်ဟူ လူတိုင်းဟာ ကိုယ်တော်အားဖြင့် မောရှေရဲ့ ပညတ်တရားအားဖြင့် ဖြောန်မတ်ဟယ် ဆိုဘီး သိမတ်ပြုရှင်း ခံရနိုင်ဘဲဟူရာလေ

ဂူလောင်းဟုနေ လွတ်ဘီး။ 39 အယ်သခင်အားဖြင့် ပြောနဲ့မတ်ဟယ် ဆိုဘီး သိမှတ်ပြုရှင်း ခံရဇာဟိုရော နန်းနို့ သိမှတ်ဂေ။ 40 ပရောဖက်ကျမ်းလေမာ ငါ မိန့်တော်မူဟားဇာဟို ထိမဲ့မြင်ဟူသူလေ နားထောန်ဂေ။” 41 “ထီလေးဇားမားလေ၊ ကေရှဂေ၊ အံ့ဩဟားဘီး သေပါလေစေ၊ အယ်နေ့ ငါလောကနေဟူဇာလေဟို ယော့-က်ယော့-က်ဟု ရှင်းပြဘေမဲ့လည်း နန်းနို့ဟာ ယောင်ကြည်ဟို မူဟု’ ဆိုဘီး ဖော်ပြဟားဟယ်။ အယ်မျိုး ဖော်ပြဟားတိုင်း ဖြစ်ဟို့တွပ် ဒီထားဂေပါ။” ဆိုဘီး ဟောလေဟယ်။ 42 ဝါလယ်ဇရပ်ဟုနေ ပေါလုန ဗာနဗလေဟာ ထွပ်လာဟူ ခီမာ လူလေဟု သူးနို့ဟို နော့-က်ပတ်ဒန်းနေမာ အယ်ကြောန်းလေဟို နော့-က်တခါ ဟောပြောဟို့တွပ် တောန်းဗန်ဂေဟယ်။ 43 ဝါလယ်ဇရပ်မာ လူစုကွဲဟားဟူ ခီမာ ယုဒလူမျိုးလေန ဘုရားသခင်ဟို ကိုးကွယ်ဘီး ယုဒဘာသာဝမ်ဖြစ်လာဟူ လူလေဟာ ပေါလုန ဗာနဗလေရဲ့ နော့-က်ဟိုလိုက်ဟားဂေဟယ်။ တမန်တော်လေဟု အယ်လူလေဟို ဘုရားသခင်ရဲ့ ကျေးဇူးတော်န ဆစ်ဘီးဟာ သတ်ရှင်ဟို့တွပ် စည်းရောင်းဂေဟယ်။ 44 နော့-က်ပတ်ဒန်းနေမာ သခင်ဘုရားရဲ့ စကားတော်ဟို ကြားရဟို့တွပ် တမြို့လောင်းနီးပါး ရော့-က်လာဂေဟယ်။ 45 ယုဒလူမျိုးလေဟာ လူအောက်ဂီးဟို ဗြင်ဟူ ခီမာ နာလိုဘဲကြောန့် ပေါလုဟောပြောဟူ စကားလေဟို ကဲ့ရဲ့ဘီးဟာ ပြောဂေဟယ်။ 46 အယ်ဘေမဲ့ ပေါလုန ဗာနဗလေဟု “နို့လေဟု ဘုရားသခင်ရဲ့ စကားတော်ဟို နန်းနို့ဟို ပထမဆောင်း ဟောရဟယ်။ အယ်ဘေမဲ့ နန်းနို့ဟာ အယ်မူတရားတော်ဟို ပယ်ဘီးဟာ ကိုယ့်ကိုယ်ကိုယ် ထာဝရသတ်န ထိုက်တန်ဟု ဆိုဘီး စီရင်ဂေဟူကြောန့် နို့လေဟာ နန်းနို့နားဟုနေ ထွပ်ဟားဘီးဟာ လူမျိုးခြားလေးနားဟို သွားမယ်။ (aiōnios g166) 47 ဘုရားသခင်ဟု” “ကယ်တန်ရှင်းကျေးဇူးဟို တကမ္ဘာလောင်းဟို ရော့-က်စေဟို့တွပ်န နန်းနို့လေဟို လူမျိုးခြားလေတွပ် လန်းရောန်ဖြစ်စေဟို့ ငါခန့်ဟားဟယ်’ ဆိုဘီး နို့လေဟို မိန့်မာဟားဟယ်” ဆိုဘီး ပိုဘီး ရဲရဲရင့်ရင့်ဟား ဟောပြောလေဟယ်။ 48 လူမျိုးခြားလေဟာ အယ်မျိုး ကြားရဟူ ခီမာ ဝန်းသာဘီးဟာ သခင်ဘုရားရဲ့ စကားတော်ဟို ချီးမွမ်းဂေဟယ်။ ထာဝရသတ်တွပ် ဝီးကော့-က်ခံရဟူ လူလေဟာ ယောင်ကြည်သူလေ ဖြစ်လာဂေဟယ်။ (aiōnios g166) 49 သခင်ဘုရားရဲ့ တရားတော်ဟာ တနယ်လောင်းဟို ပွံ့နွံဟားလေဟယ်။ 50 အယ်ဘေမဲ့ ယုဒလူမျိုးလေဟာ ဘုရားသခင်ဟို ကိုးကွယ်ဟူ ထတ်တန်းလွှာမီးမလေန ပြို့ရဲ့ မျစ်နာဖောင်းလေဟို တိုက်တွန်းဘီးဟာ ပေါလုန ဗာနဗလေဟို ညှဉ်းဆဲဟို့တွပ် စဘီးနှိုးဆော်လေဟယ်။ သူးနို့ဟာ အယ်လူနေယော့-က်ဟို သူးနို့ နယ်ဟုနေ နန်ထုလိုက်ဂေဟယ်။ 51 အယ်ခီမာ ပေါလုန ဗာနဗလေဟာ သူးနို့ဟို ဒီပေးဟို့တွပ် ခေဇာဟု မွေမဟို ခါခွာဘီးဟာ ကူကောနိမြို့ဟို ထွပ်ဟားဂေဟယ်။ 52 အနွီအုတ်မြို့ဟု တပဲ့တော်လေဟာ ဝန်းသာဘီးဟာ သန့်ရှင်းဟူဝိညာဉ်တော်န ပွဲဝနေဂေဟယ်။

14 ကူကောနိမြို့မာလည်း ပေါလုန ဗာနဗဟာ ယုဒလူမျိုးလေရဲ့ ဝါလယ်ဇရပ်ဟို ဝမ်ဘီးဟာ ဟောပြောဟူ ခီမာ ယုဒလူမျိုးလေန လူမျိုးခြားလေဟာ ဘောင်ဂီး ယောင်ကြည်ဂေဟယ်။ 2 အယ်ဘေမဲ့ ယောင်ကြည်ဘဲဟူ ယုဒလူမျိုးလေဟာ လူမျိုးခြား ညီကိုလေဟို နာလိုဘဲစိ ဖြစ်လာဟို့တွပ် ဆွပေးဂေဟယ်။ 3 ပေါလုန ဗာနဗလေဟာ အယ်ဒေသမာ ကြားကြာဟား နေဘီးဟာ သခင်ဘုရားရဲ့ကြောန်းဟို ရဲရဲရင့်ရင့်ဟား ဟောပြောဂေဟယ်။ ကိုယ်တော်ဟာ အယ်လူလေဟောပြောဟူ ကျေးဇူးတော်တရားဟာ မှန်ကန်ဟယ် ဆိုဇာဟို သတ်သေပြဟို့တွပ် သူးနို့လေဟို အံ့ဩဘွယ်ရာလေန နိမိတ်လတ်ခဏာလေဟို ပြနိုင်ဟို့ တဂိုးဟို ပေးဟယ်။ 4 ပြို့သူပြို့သားလေဟာ နေ့စုကွဲဟားဂေဟယ်။ တစုဟု ယုဒလူမျိုးလေဖတ်ဟို ပါဟားဘီး နော့-က်တစုဟု တမန်တော်လေဖတ်ဟို ပါဟားဂေဟယ်။ 5 ရာရှိလေ၊ ယုဒလူမျိုးလေန လူမျိုးခြား တချို့လေဟာ တမန်တော်လေဟို ညှဉ်းဆဲဘီး ကော့-က်ခဲနပစ်ဟို့တွပ် ဆောင်းဖြတ်ဂေဟယ်။ 6 အယ်ကြောန်းဟို တမန်တော်လေဟု ကြားရဟူ ခီမာ လူကောနိပြည်ထဲဟု လုတ္တရမြို့၊ ဒေရဗေမြို့န နီးနားဟုဒေသဟို ထွပ်ပွေးဟားဂေဘီး။ 7 အယ်နေရာမာ သူးနို့ဟာ ဒန်းကောန်းဟို ဟောပြောဂေဟယ်။ 8 လုတ္တရမြို့မာ မွီးဂဲဒဲဟု ခေသန်ဘဲကြောန့် လောင်းဝ လမ်းရှော့-က်နိုင်ဘဲဟူ လူတယော့-က်ရှိဟယ်။ 9 သူဟာ အယ်နေရာမာ ထိုင်ဘီး

ပေါလုရဲ့စကားဟို့ နားထောင့်နေဟယ်။ ပေါလုဟာ သူ့ဟို့ စိစိကွေလိုက်ဟူကြောန့် ကျန်းမာနိုင်ဟူ ယောင်ကြည်ရှင်းရှိဟယ် ဆိုဇာဟို့ မြင်ဟူ ခီမာ 10 “ထဘီးဟာ မတ်တတ်ရပ်လိုက်” ဆိုဘီး သံလွယ်ဂီးန အော်လိုက်ဟယ်။ အယ်လူဟာ ထခူဘီးဟာ စဘီးလမ်းရှော့-က်လေဟယ်။ 11 လူအောက်ဂီးဟာ ပေါလုလောက်ဟူဇာလေဟို့ မြင်ဟူ ခီမာ “နတ်ဘုရားလေဟာ လူယောန်ဆောန်ဘီးဟာ နို့လေနားဟို့ လာဟယ်။” ဆိုဘီး သူးနို့ဟာ လူကောနိ ဘာသာစကားန စဘီးဟာ အော်ပြောဂေဟယ်။ 12 သူးနို့ဟာ ဗာနဗဟို့ ဇုသ ဆိုဘီး ခေါ်ဂေဟယ်။ ပေါလုဟာ ဦးဆောန်ဟောပြောသူ ဖြစ်ဟူကြောန့် ဟေရမေ ဆိုဘီး ခေါ်ဂေဟယ်။ 13 ဇုသရဲ့ နတ်ဘုရားဗိမာန်ဟာ မြို့ယွန်မာရှိဟူကြောန့် အယ်နတ်ဘုရားရဲ့ ယဇ်ပုရောဟိတ်ဟာ နွားလားလေန ပန်းဂေါင်းလေဟို့ မြို့ခွေဗော့-က်ဝဟို့ ယူလာဂေဟယ်။ သူနတူးဒု လူအောက်ဂီးလည်း တမန်တော်လေဟို့ ပူဇော်ရှင်ဂေဟယ်။ 14 အယ်ဘေမဲ့ တမန်တော်ဗာနဗန ပေါလုလေဟာ အယ်ကြောင်းဟို့ ကြားရဂေဟူ ခီမာ သူးနို့ရဲ့ အန်းဂီလေဟို့ ဆုဖွဲ့ဘီးဟာ လူလေကြားထဲဟို့ လွှေးလာဘီးဟာ 15 “နန်းနို့ဟာ ဖြားဖြစ်ကြောန့် အယ်မျိုးလောက်ဂေနူး။ နို့လေဟာ နန်းနို့မျိုးဘွဲ့ သာမန်လူလေဖြစ်ဂေဟယ်။ နန်းနို့ဟာ အယ်မျိုး ကျိုးမွေဘွဲ့ဟူ ဇာလေဟို့ ပတ်လွပ်ဂေဘီးဟာ သတ်ရှင်ဟူ ဘုရားသခင်ဖတ်ဟို့ ယွန်လာဟို့တွပ် နန်းနို့ဟို့ ဒန်းကောန်းပြောဟို့တွပ် ရော့-က်လာဟယ်။ သတ်ရှင်ဟူ ဘုရားသခင်ဟာ ကောန်းဂန်န မွေဂီး၊ ပန်လယ်န ရှိမျှဂူလောင်းဟို့လည်း ဖန်ဆင်းဟားဟယ်။ 16 ရင်းရင်ဒူးဟု ဆိုဟာ ကိုယ်တော်ဟာ လူလေ ဂူလောင်းဟို့ သူးနို့ရဲ့ လမ်းစဉ်တိုင်း ရော့-က်လှမ်းဟို့ ခွမ်ပေးဟားဟယ်။ 17 အယ်ဘေမဲ့ ကောန်းဇာလေ လောက်ရှင်းအားဖြင့် ကိုယ်တော် ရှိဟယ် ဆိုဇာဟို့ သတ်သေထော့-က်ထားလေန လူလေဟို့ မြဲဒမ်း ပြဟယ်။ ကိုယ်တော်ဟာ ကောန်းဂန်ဟုနေ မိုးဝါစေဘီးဟာ သီးနှံလေဟို့ ဖြစ်စေဟယ်။ နန်းနို့ဟို့ စားဇာလေဟို့ ပေးဘီး နန်းနို့ရဲ့စို့ဟို့ ရွှင်လန်းစေဟယ်” ဆိုဘီး အော်ဘီးပြောဟယ်။ 18 တမန်တော်လေဟာ အယ်မျိုးပြောဘေမဲ့လည်း ပူဇော်ဆစ်သဟို့တွပ် လောက်နေဟူ လူလေဟို့ ခတ်ခတ်ခဲခဲ တားနေရဟယ်။ 19 အန္တီအုတ်မြို့န ကူကောနိမြို့ဟုနေ ရော့-က်လာဂေဟူ ယုဒလူတချို့ဟာ သူးနို့ဖတ်ဟို့ ပါအောန စည်းရောင်းဂေဟယ်။ အယ်ဘီးန ပေါလုဟို့ ကွော့-က်ခဲန ပစ်ဘီးဟာ သေဟားဘီ ဆိုဘီး ထန်ဘီးဟာ မြို့ယွန်ဟို့ ဆွဲထုဂေဟယ်။ 20 အယ်ဘေမဲ့ သူးနားဟို့ တဗဲ့တော်လေဟာ စုလာဂေဟူ ခီမာ ပေါလုဟာ မြို့ထဲဟို့ ယွန်ဝမ်ဟားဟယ်။ နော့-က်တနေမာ ပေါလုန ဗာနဗဟာ ဒေရဗေမြို့ဟို့ ထွပ်ဟားဂေဟယ်။ 21 ပေါလုန ဗာနဗလေဟာ ဒေရဗေမြို့မာ ဒန်းကောန်းဟို့ ဟောပြောဂေဟူ ခီမာ လူဘောင်ဂီးဟု တဗဲ့တော်ဖြစ်လာဂေဟယ်။ အယ်ဘီးန လုတ္တရမြို့ ကူကောနိမြို့န ပိသိဒိပြည် အန္တီအုတ်မြို့ဟို့ ယွန်ဂေဟယ်။ 22 တဗဲ့တော်လေဟို့ ခိုင်ခန့်စေဘီး သူးနို့လေရဲ့ ယောင်ကြည်ရှင်းစိဟို့ ခိုင်မြဲဟို့တွပ် တိုက်တွန်းဂေဟယ်။ သူးနို့ဟာ “နို့လေဟာ ဘုရားသခင်ရဲ့ နိုင်ငံတော်ဟို့ ဝမ်ဟို့တွပ် ဒေါက်ခဆင်းရဲဘောင်ဂီး ခံရလေမယ်” ဆိုဘီး သွန်သန်ဂေဟယ်။ 23 ပေါလုန ဗာနဗလေဟာ သင်းတော်လေမာ လူဂီးလေဟို့ ခန့်ဟားဂေဟယ်။ စာရှောန်ဆုတောင်းဘီးန သူးနို့ယောင်ကြည်ဂေဟူ သခင်ဘုရားနားဟို့ သူးနို့လေဟို့ အပ်ပေးလိုက်ဟယ်။ 24 ပေါလုန ဗာနဗဟာ ပိသိဒိပြည်ဟို့ ဖြတ်ဘီးန ပံဖုလိပြည်ဟို့ ရော့-က်ဟားဂေဟယ်။ 25 သူးနို့ဟာ ပေရဂေမြို့မာ တရားဟို့ ဟောဂေဟယ်။ အယ်ဘီးန အတ္တလိမြို့ဟို့ သွားဘီးဟာ 26 အန္တီအုတ်မြို့ဟို့ သန်းဖောန သွားဂေဟယ်။ အယ်မြို့ဟာ ခုသူးနို့ရဲ့ မူတော်လောက်ငန်း ပီးဟားဟူကြောန့် ဘုရားသခင်ရဲ့ ကျေးဇူးတော်ထဲဟို့ အပ်ဘီးဟာ လွှတ်လိုက်ဟူမြို့ ဖြစ်ဟယ်။ 27 အန္တီအုတ်မြို့ဟို့ ရော့-က်ဟူ ခီမာ သူးနို့ဟာ သင်းတော်မာ စုခိုင်းဘီးဟာ သူးနို့ဟို့ ဘုရားသခင်ဟု သတ်သေထူဟားဇာလေန လူမျိုးခြားလေ ယောင်ကြည်လာဟို့တွပ် ကိုယ်တော်ဟာ ယောင်ကြည်ရှင်း ခွေဗော့-က်ဟို့ ဖွမ်ပေးဟူကြောန်းလေဟို့ ယွန်ပြောပြဂေဟယ်။ 28 အယ်ဘီးန သူးနို့ဟာ တဗဲ့တော်လေနတူးဒု ကြာဂီးနေဟယ်။

15 လူတချို့ဟာ ယုဒပြည်ဟုနေ အန္တီအုတ်မြို့ဟို့ သွားဘီးဟာ ညီကို မောန်နှမလေဟို့ “နန်းနို့ဟာ မောရှေရဲ့ ပညတ်တရားတိုင်း ရေဖျားလှီးဇာဟို့ ခံဟုဆိုဟာ ကယ်တန်ရှင်းရနိုင်ဟု” ဆိုဘီး သွန်သန်ဂေဟယ်။ 2 ပေါလုန ဗာနဗလေဟာ အယ်လူလေန ပြင်းပြင်းထန်းထန်းဟား ဂြင်းခူဂေဟယ်။ အယ်ကြောန့် ပေါလု၊ ဗာနဗန ယောင်ကြည်သူတချို့ဟို့ အယ်ပြဿနာ ဆွေခွီးဟို့တွပ် ယေရုရှလင်မြို့ဟု တမန်တော်လေန သင်းလူဂီးလေနားဟို့

စေလွှတ်တို့တွင် ဆောင်းဖြတ်လိုက်ရေဟုယ်။ 3 သူးနို့ဟာ သင်းတော်ရဲ့ ပို့ဆောင်ပေးရှင်းအားဖြင့် ဖိနိတ်ပြည်န ရှမာရိပြည်လေဟို့ ဖြတ်သွားနေဟူ ခီမာ လူမျိုးခြားလေဟာ ဘုရားသခင်ဖတ်ဟို့ ဟောရဲလဲလာဂေကြောင်းဟို့ ပြောပြဂေဟူကြောင့် ညီကိုလေဟာ ရရာတိုင်း ဝန်းသာဂေဟုယ်။ 4 သူးနို့လေဟာ ယေရုရှလဲမြို့ဟို့ ရော့-က်ဟားဂေဟူ ခီမာ သင်းတော်၊ တမန်တော်လေန သင်းလူဂီးလေဟာ သူးနို့ဟို့ ကြိုဆိုဂေဟုယ်။ သူးနို့ဟို့ ဘုရားသခင်ဟု ဖယ်မျှလော့-က် သောင်းပြဟယ် ဆိုဇာဟို့ ဂူလောင်းဟို့ ယွန်ပြောပြဂေဟုယ်။ 5 အယ်ဘေမဲ့ ဖာရိရှဲဖွဲ့ဝင်လေန ယောင်ကြည်သူ တချို့လေဟာ ထဘီးဟာ “လူမျိုးခြားလေဟာ ရေဖျားလှီးဇာခံရဘီး မောရှေရဲ့ ပညတ်တရားဟို့ စောန့်ထီးရမယ်” ဆိုဘီး ပြောဂေဟုယ်။ 6 တမန်တော်လေန သင်းလူဂီးလေဟာ အယ်ကိစ္စဟို့ သောင်းသပ်ဟို့တွင် စုဂေဟုယ်။ 7 ခိကြာဂီး ဆွေးနွီးဂေဘီးန ပေတရဟာ ထဘီးဟာ “ညီကိုလေ၊ လူမျိုးခြားလေဟာ ဒန်းကောန်းကြားဘီး ယောင်ကြည်နိုင်ဟို့တွင် ရင်းရင်ဂဒဲဟု ဘုရားသခင်ဟာ ဒန်းကောန်းဟို့ ဟောပြောဟို့တွင် ငါဟို့ ဦးဆောင်း နန်းနို့ ထဲဟုနေ ဝီးကော့-က်ဟားဟယ် ဆိုဇာဟို့ နန်းနို့ သိဂေဟုယ်။ 8 လူလေရဲ့ စိန်လောင်းဟို့သိဟူ ဘုရားသခင်ဟာ သန်ရှင်းဟို့ညာဉ်တော်ဟို့ နို့လေဟို့ ပေးမျိုးဘွဲ့ လူမျိုးခြားလေဟို့လည်း ပေးရှင်းအားဖြင့် သူးနို့လေဟို့ လတ်ခံကြောင်း သတ်သေဟို့ ပြလေဟုယ်။ 9 ကိုယ်တော်ဟာ သူးနို့လေန နို့လေဟို့ ခွဲခြားဟူ။ သူးနို့ဟာ ကိုယ်တော်ဟို့ ယောင်ကြည်ဟူကြောင့် သူးနို့ရဲ့ စိန်လောင်းဟာ သန်ရှင်းဟားဘီး သူးနို့ရဲ့ ပြစ်လေလည်း ဖြေလွှတ်ပေးဟုယ်။ 10 အယ်ကြောန် နန်းနို့ဟာ ဖြားဖြစ်ကြောန် ဘုရားသခင်ဟို့ စောင့်ဇမ်းဂေနူ။ နို့လေရဲ့ ဘိုးဘေးလေရော၊ နို့လေကိုယ်တိုင်ဟာ ထမ်းနိုင်ဘဲဟူ ဝန်ထောက်လေဟို့ ဖြားဖြစ်ကြာန် တဗွဲတော်လေဟို့ ထမ်းခိုင်းဂေနူ။ 11 မူဟု! နို့လေဟုလည်း အယ်လူလေမျိုးဘွဲ့ သခင်ယေရှုရဲ့ ကျေးဇူးတော်အားဖြင့် ကယ်တန်ခံရဟယ် ဆိုဇာဟို့ ယောင်ကြည်ဂေဟုယ်” ဆိုဘီး ပြောဟုယ်။ 12 ဗာနဗန ပေါလုလေဟာ လူမျိုးခြားလေထဲမာ ဘုရားသခင်လောက်ဟူ အံ့ဩဘွယ်ရာလေန နိမိတ်လတ်ခဏာကြောင်းဟို့ ပြောနေဟူ ခီမာ စုနေဟူ လူလေဟ တိတိဆိဆိဟား နားထောန်နေဂေဟုယ်။ 13 သူးနို့လေ ပြောဘီးန ယာကုပ်ဟု “ညီကိုလေ၊ ငါစကားဟို့ နားထောန်ဂေ! 14 ဘုရားသခင်ဟာ သူနာမတော်တွင် လူမျိုးခြားလေထဲဟု လူတချို့ဟို့ သူရဲ့ လူစဖြစ်ဟို့တွင် ဝီးထုဟူ ခီမာ သူးနို့ဟို့ ဂရုစိုက်ကြောင်းဟို့ ရှိမန်ဟု ရှင်းပြဟားပီးဘီ။ 15 ပရောဖက်လေရဲ့ စကားလေဟာ အယ်ကြောန်းရာနု ကိုက်ညီဟုယ်။ ကျမ်းစာထဲမာ” 16 “အယ်မူဇာ ပီးဟားဘီးန ငါယွန်လာမယ်၊ အယ်ဘီးဟာ ပြိုကွဲနေဟူ ဒါဝိဒ်ရဲ့တဲဟို့ ငါယွန်ဆော့-က်မယ်။ ငါဟာ ပျစ်စီးနေဟူ အယ်တဲတော်ဟို့ ယွန်ဆော့-က်ဘီး ဒါဝိဒ်ရဲ့တဲဟို့ နော့-က်တခါ ယွန်ဆော့-က်မယ်။ 17 ကျန်ရစ်ဟူ လူလေန ငါနာမအားဖြင့် ခေါ်ရှင်းခံရဟူ လူမျိုးခြားလေ ဂူလောင်းဟာ ဘုရားသခင်ဟို့ ရှာဂေလေမယ်။ 18 ရင်းရင်ဂဒဲဟု အယ်မူဇာဟို့ သိစေတော်မူဟူ ထာဝရဘုရား မိန့်တော်မူဟားဟုယ်” ဆိုဘီး ရေးဟားဟုယ်။ (aiōn g165) 19 ယာကုပ်ဟု ဆစ်ဘီးဟာ “အယ်ကြောန် ဘုရားသခင်နားဟို့ ဟောရဲလဲလာဂေဟူ လူမျိုးခြားလေဟို့ ဒေါက်ခရော့-က်အောန် နို့လေ စီရင်သင့်ဟု ဆိုဘီး ငါထန်ဟုယ်။ 20 အယ်ကြောန် ရောက်ထုလေဟို့ ပူဇော်ဟားဘီး သန်ရှင်းဘဲဟူ စားဇာလေဟို့ စားရှင်း၊ တရားဘဲဟူ မေထုန်ပြုရှင်း၊ လည်ဗန်းလှီးဘဲန သတ်ဟားဟူ လိဆန်န သွီးလေဟို့ စားရှင်းဟုနေ ရှောန်ဂေဟို့တွင် စာရေးသင့်ဟယ် ဆိုဇာ ငါယူဆဟုယ်။ 21 ဖြားဖြစ်ကြောန်နူဆိုဟာ ရင်းရင်ဒူးဟု မောရှေရဲ့ ပညတ်တရားဟို့ ဝါလယ်ဇေရပ်မာ ဒန်းနေတိုင်းမာ ဖတ်ဟုယ်။ အယ်ဘီးဟာ သူရဲ့ တရားဟို့ မြို့တိုင်းမာ ဟောပြောဂေဟုယ်” ဆိုဘီး ပြောဟုယ်။ 22 အယ်ကြောန် တမန်တော်လေ၊ သင်းလူဂီးလေန သင်းတော်တခုလောင်းဟာ သူးနို့လေထဲဟု လူတချို့ဟို့ ဝီးကော့-က်ဘီးဟာ ပေါလုန ဗာနဗလေနဘူး အန္တီအုတ်မြို့ဟို့ လွှတ်ဟို့တွင် ဆောင်းဖြတ်ဂေဟုယ်။ သူးနို့လေဟာ ညီကိုလေထဲမာ ရရာတိုင်း လေးစားခံရဟူ ဗာရှပ ဆိုဘီး ခေါ်ဟူ ယုဒန သိလလေဟို့ ဝီးကော့-က်ဂေဟုယ်။ 23 သူးနို့ဟုနေ တဆင့် ပေးလိုက်ဟူ စာထဲမာ၊ “နန်းနို့ ညီကိုလေ ဖြစ်ဂေဟူ တမန်တော်လေန သင်းလူဂီးလေဟု အန္တီအုတ်မြို့၊ ရှုရိပြည်န ကိလိကိပြည်မာနေဟူ လူမျိုးခြား ညီကိုလေဟို့ နောက်ဆစ်လိုက်ဟုယ်။ 24 နို့လေထဲဟု လူတချို့ဟာ နို့လေရဲ့ ခွမ်ပြုချစ်ရဘဲန နန်းနို့နားဟို့ သွားဘီးဟာ စိနောက်ယုစ်ဖြစ်စေဟူ စကားလေဟို့ ပြောဘီး နန်းနို့ဟို့ ဒေါက်ခပေးကြောင်းဟို့ နို့လေသိရဟုယ်။ 25

အယ်ဘောမဲ့ ကျွန်တော့်လေဟာ စည်းဝေးလောက်ဘီး လူတချို့ဟို ဝီးကော့-က်ဘီးဟာ နန်းနီနားဟို လွှတ်ဟိုတွပ်
 ဂူလောင်း ဘောတူဂေဟယ်။ အယ်လူလေဟာ ကျွန်တော့်လေ ရှစ်ဟူဗာနဗန ပေါလုလေနတူးဒု လိုက်ဟားဂေလေမယ်။ 26
 ပေါလုန ဗာနဗလေဟာ နီလေရဲ့ သခင်ယေရှုခရစ်တော်ရဲ့ နာမတော်တွပ် မှုတော်ဟို သတ်စွန့်ဘီး လောက်ဂေဟယ်။ 27
 အယ်ကြောန့် ကျွန်တော့်လေဟာ သူးနီနတူးဒု ယုဒန သိလလေဟို နန်းနီနားဟို လွှတ်လိုက်ဟယ်။ ကျွန်တော့်လေ
 ရေးလိုက်ဟူစာမာ ပြောဟားဟူ ကြောင်းရာလေဟို သူးနီ ကိုယ်တိုင်လည်း ပြောပြဂေလေမယ်။ 28 သန့်ရှင်းဟူဝိညာဉ်တော်န
 ကျွန်တော့်လေဟာ လိုက်နာဟို လိုအပ်ချစ်လေမှတပါး တခြားဝန်လေဟို ထမ်းဘဲဟိုတွပ် ဘောတူဂေဟယ်။ 29
 ရောက်ထုဟို ပူဇော်ဟားဟူစာဟို စားန။ သွီးဟိုလည်း စားန။ လည်ဗန်းလီးဘဲန သတ်ဟားဟူ လိဆန်ဟိုလည်း
 စားန။ နန်းနီ ကိုယ်တိုင်လည်း တရားဘဲဟူ မေထုန်ဟို ရှောန်ရမယ်။ အယ်မူဇာလေဟို ရှောန်မယ် ဆိုဟာ နန်းနီတွပ်
 လောင်လော့-က်ဟားဘီး။ ကျန်းမာရွှင်လန်းဂေပါစေ” ဆိုဘီး ရေးဟားဟယ်။ 30 စေတမန်လေဟို လွှတ်လိုက်ဘီး
 သူးနီဟာ အန္တီအုတ်မြို့ဟို သွားဘီး ယောင်ကြည်သူလေဟို စုခိုင်းဘီးဟာ အယ်ပေးစာဟို ပေးလိုက်ဂေဟယ်။ 31 သူးနီဟာ
 အယ်စာဟို ဖတ်ပြဂေဟူ ခီမာ တိုက်တွန်းဟားဟူ စကားလေကြောန့် ရရာတိုင်း ဝန်းသာဂေဟယ်။ 32 ယုဒန သိလလေ
 ကိုယ်တိုင်ဟု ပရောဖက်လေ ဖြစ်ဂေဟူကြောန့် ညီကိုလေဟို ခီကြာဂီး တိုက်တွန်းအားပေးဘီး ခိုင်ခန့်စေဂေဟယ်။ 33
 သူးနီဟာ အယ်နေရာမာ ရစ်ကြာဂီး နေဘီးန ညီကိုလေဟို ငြီးငြိမ်းချမ်းချမ်းဟား ယွန်လွှတ်လိုက်ဂေဟယ်။ 35 ပေါလုန
 ဗာနဗလေဟာ အန္တီအုတ်မြို့မနေဘီး သခင်ဘုရားရဲ့ ဒန်းကောန်းဟို တခြားလူလေနတူးဒု ဟောပြောသွန်သန်ဂေဟယ်။ 36
 ရစ်နဲနဲကြာဘီးန ပေါလုဟု ဗာနဗဟို “သခင်ဘုရားရဲ့ စကားတော်ဟို နီလေဟောဟားဟူ၊ မြို့လေမာရှိဟူ ညီကိုလေနားဟို
 ယွန်ဟားဘီးဟာ သူးနီလေရဲ့ ခြေနေလေဟို လေလာဂေဇို” ဆိုဘီး ပြောဟယ်။ 37 ဗာနဗဟာ မာကုနာမယ် ဆိုဘီး ခေါ်ဟူ
 ယောဟန်ဟို ခေါ်ဆောန်ရှင်ဟယ်။ 38 အယ်ဘောမဲ့ ပေါလုဟု ပုံဖုလိပြည်မာ သူးနီနားဟုနေ ထွပ်ဟားဘီး သာသနာခရီးဟို
 ဆောင်းထိလိုက်ဘဲဟူ သူဟို ခေါ်ဆောန်ဟို သင့်ဟု ဆိုဘီး ယူဆဟယ်။ 39 သူးနီဟာ ပြင်းပြင်းထန်းထန်းဟား ဂြင်းခူဂေဘီး
 လမ်းခွဲဂေဟယ်။ ဗာနဗဟာ မာကုဟို ခေါ်ဘီးဟာ ကုပရကျွန်းဟို သန်းဖောန သွားလိုက်ဟယ်။ 40 ပေါလုဟု သိလဟို
 ဝီးကော့-က်ဘီးဟာ ထွပ်ဟားဟယ်။ ညီကိုလေဟာ ပေါလုဟို သခင်ဘုရားရဲ့ ကျေးဇူးတော်န အပ်လိုက်ဂေဟယ်။ 41
 ပေါလုဟာ အယ်နေရာဟုနေ ရှုရိပြည်န ကိလိကိပြည်ဟို သွားဘီးဟာ သင်းတော်လေဟို ခိုင်ခန့်စေဟယ်။

16 ပေါလုဟာ ဒေရဗေမြို့န လုတ္တရမြို့ဟို ရော့-က်လာဟယ်။ လုတ္တရမြို့မာ တိမောသေ နာမယ်ရှိဟူ
 တဗွဲတော်တယော့-က်ရှိဟယ်။ သူမိဟာ ယောင်ကြည်ဟူ ယုဒလူမျိုးဖြစ်ဟယ် သူဟော ဟောလသလူမျိုးဖြစ်ဟယ်။
 2 လုတ္တရမြို့န ကုကောနီမြို့ဟု ညီကို မောန်နှမလေထဲမာ အသရေရှိဘီး သတ်သေခံနိုင်ဟူ လူလည်းဖြစ်ဟယ်။ 3
 ပေါလုဟာ တိမောသေဟို သူးနီနတူးဒု လိုက်ဟိုရအောန် ဆိုဘီး အယ်နေရာမာရှိဟူ ယုဒလူမျိုးလေကြောန့် သူဟို
 ရေဖျားလီးပေးလေဟယ်။ အယ်မျိုး လောက်ရဟူကြောင်းဟု တိမောသေရဲ့ ဖဟု ဟောလသလူမျိုးဖြစ်ဟယ် ဆိုစာဟို
 သူးနီလေ ဂူလောင်း သိဂေဟယ်။ 4 သူးနီဟာ မြို့လေဟို ဖြတ်ဟားဘီး ယေရုရှလင်မြို့မာနေဟူ တမန်တော်လေန
 သင်းလူဂီးလေ ဆောင်းဖြတ်ဟားဟူ စည်းမျဉ်းလေဟို စောန်ထီးဟိုတွပ် ယောင်ကြည်သူလေဟို ပေးအပ်ဂေဟယ်။
 5 အယ်ကြောန့် သင်းတော်လေဟာ ယောင်ကြည်မှု ပိုခိုင်မြဲလာဘီး နေ့တိုင်း လူဦးရေ တိုးပွားလာလေဟယ်။ 6
 သူးနီဟာ ဖြူဂိုပြည်န ဂလာတိပြည်ဟို ဖြတ်ဟားဂေဟယ်။ သန့်ရှင်းဟူဝိညာဉ်တော်ဟာ သူးနီဟို အာရိပြည်မာ
 တရားဟောဟိုတွပ် ခွင့်ပေးဟူ။ 7 သူးနီဟာ မုသိပြည်နယ်စပ်ဟို ရော့-က်ဟားဂေဟူ ခီမာ ဗိသုန်ပြည်ဟို သွားဟိုတွပ်
 ကြိုးစားဂေဟယ်။ အယ်ဘောမဲ့ သခင်ယေရှုရဲ့ ဝိညာဉ်တော်ဟု သူးနီဟို ခွင့်ပေးဟမ်း။ 8 အယ်ကြောန့် သူးနီဟာ မုသိပြည်ဟို
 ဖြတ်ဟားဘီး တရောမြို့ဟို သွားဂေဟယ်။ 9 အယ်ညဉ့်မာ ပေါလုဟာ “မာကေဒေါနီပြည်ဟို လာဘီးဟာ ကျွန်တော့်လေဟို
 ကူညီမဇပါ” ဆိုဘီး မာကေဒေါနီပြည်သား တယော့-က်ဟာ ရပ်ဘီးဟာ တောန်းဗန်နေဇာဟို ရူပါရောင်ထဲမာ
 ဗြင်ရဟယ်။ 10 ပေါလုဟာ အယ်ရူပါရောင်ဟို ဗြင်ဘီးန မာကေဒေါနီပြည်သားလေဟို ဒန်းကောန်းဟောဟိုတွပ်

ဘုရားသခင်ဟာ နို့လေဟို ခေါ်တော်မူဟယ် ဆိုဘီး ရှစ်ရှင်းဘဲ မာကေဒေါနီပြည်ဟို သွားဟို့တွပ် ဆောင်းဖြတ်ဂေဟယ်။

11 ကျွန်တော့်လေဟာ တရောမြို့ဟုနေ သာမောသရက်ကျွန်းဟို သန်းဖောနု သွားဂေဘီးနု နေ့-ကံတနေမာ နာပေါလိမြို့ဟို ရော-ကံဟားဂေဟယ်။ **12** အယ်မြို့ဟုနေဘီး ဖိလိပိုမြို့ဟို သွားဂေဟယ်။ ဖိလိပိုမြို့ဟာ မာကေဒေါနီပြည်ရဲ့ ပထမနယ်ရဲ့ မြို့တမြို့၊ ရောမလတ်အော့-ကံခံဟူ မြို့လည်းဖြစ်ဟယ်။ အယ်မြို့မာ ကျွန်တော့်လေဟာ ကြာဂီးနေဂေဟယ်။ **13** ဒန်းနေမာ နို့လေဟာ မြို့လွန်ဟို ထွပ်ဂေဟယ်။ အယ်ဘီးနု ဆုတောင်းဟို့တွပ် နေရာရှိနိုင်ဟယ် ဆိုဘီး စိထန်န မြစ်ကမ်းနားဟို သွားဘီး အယ်နေရာမာ စုနေဟူ မီးမလေဟို ဟောဂေဟယ်။ **14** အယ်လူလေထဲမာ သွာတိရမြို့ဟု ခရမ်းရောနု ဝတ်လေဟို ရောန်းဝယ်မား လုဒိနာမယ်ရှိဟူ မီးမတယော့-ကံလည်း နားထောန်နေဟယ်။ သူဟာ ဘုရားသခင်ဟို ကိုးကွယ်ဟူသူ ဖြစ်ဟယ်။ သခင်ဘုရားဟာ ပေါလုဟောနေဟူ တရားစကားဟို အာရောင်စိုက်ဟို့တွပ် အယ်မီးမရဲ့ စိနုလောင်းဟို ဖွမ်ပေးဟယ်။ **15** သူနုတူးဒု အိသူအိသားလေဟာ ဗတ္တိဇံခံဘီးနု လုဒိဟု “ကျွန်မဟာ သခင်ဘုရားဟို တကယ်ယောင်ကြည်သူ ဖြစ်ဟယ် ဆိုဘီး ဆောင်းဖြတ်ဟယ် ဆိုဟာ ကျွန်မအိဟို လာဘီးဟာ နေဂေပု။” ဆိုဘီး ကျွန်တော့်လေဟို တောင်းဗန်လေဟယ်။ **16** တနေမာ ကျွန်တော့်လေဟာ ဆုတောင်းဟူ နေရာဟို သွားဂေဟူ ခီမာ ဗေဒန်ဟောနိုင်ဟူ၊ နတ်ဝမ်ပူးနေဟူ၊ စေခံမီးမဂန်း တယော့-ကံဟို တွံဂေဟယ်။ သူဟာ အယ်မျိုး ဗေဒန်ဟောရှင်းအားဖြင့် သူ့ဧရှင်ဟို ကပ်လေဘောင်ဂီး ရစေဟယ်။ **17** အယ်စေခံဟာ ပေါလုနု ကျွန်တော့်လေ နေ့-ကံဟိုလိုက်ဘီးဟာ “အယ်လူလေဟာ ဗြစ်ဆောင်းဟူ ဘုရားသခင်ရဲ့ စေခံလေဖြစ်ဟယ်၊ သူးနို့ဟာ နန်းနို့ဟို ဖယ်မျိုး ကယ်တန်ခံရနိုင်ဟယ် ဆိုဇာဟို ဟောဟူလူလေဖြစ်ဟယ်” ဆိုဘီး အော်နေဟယ်။ **18** အယ်မီးမဂန်းဟားဟာ ရစ်လေကြာဂီး အယ်မျိုးလောက်နေကြောန့် ပေါလုဟာ ရရာတိုင်း စိနောက်ရှစ်ဖြစ်လာဘီး၊ နေ့-ကံဟိုလှည့်ဘီးဟာ “နန်ဟာ အယ်မီးမဂန်းဟားထဲဟုနေ ထွပ်ဟားလိုက်။ ယေရှုခရစ်တော်ရဲ့ နာမတော်နှိုက် နန်းဟို ငါ မိန့်ပေးဟယ်။” ဆိုဘီး အယ်နတ်ဟို ပြောလေဟယ်။ ရှစ်ရှင်းဘဲ အယ်နတ်ဟာ ထွပ်ဟားဟယ်။ **19** မီးမဂန်းဟားရဲ့ ဧရှင်ဟာ သူးနို့မာ ကပ်ဝမ်ဟို့တွပ် မျှော်လင့်ချစ်မေ့ဘီ ဆိုဇာဟို သိဟူ ခီမာ ပေါလုနု သိလလေဟို ဖမ်းဘီးဟာ လူလေစုဝီးဟူ နေရာမာရှိနေဟူ အာဏာပိုင်လေနားဟို ဆွဲခေါ်ဟားဂေဟယ်။ **20** ရောမရာရှိလေရဲ့ ရှေ့ဟို ရော-ကံဟူ ခီမာ “အယ်လူလေဟာ ယုဒလူမျိုးလေ ဖြစ်ဂေဟယ်။ ကျွန်တော့်လေ မြို့ဟို ဆူပူအောန် လောက်နေဂေဟယ်။ **21** ရောမနိုင်ငံသားလေဖြစ်ဟူ၊ ကျွန်တော့်လေ လတ်ခံအပ်ဘဲဟူ၊ ကျင့်သောင်းအပ်ဘဲဟူ ထောင်းဒန်းစဉ်လာလေဟို သူးနို့လေဟာ သွန်သန်နေဂေဟယ်” ဆိုဘီး လျှော့-ကံဟားဂေဟယ်။ **22** လူအောက်ဂီးဟုလည်း ပေါလုနု သိလလေဟို ဆန့်ကျင်ဂေဟယ်။ ရာရှိလေဟာ အယ်လူနေယော့-ကံရဲ့ ဝတ်လေဟို ဆုဇွဲဘီး သူးနို့ဟို ကီဒန်ပေးဟို့တွပ် မိန့်ပေးဂေဟယ်။ **23** သူးနို့ဟို ပြင်းပြင်းထန်းထန်းဟား ရိုက်ဘီးနု ထောန်ထဲမာ ထားဟားဂေဟယ်။ အယ်ဘီးနု သူးနို့ဟို လောင်းလောင်ခြောင်းခြောင်ဟား ထားဟို့တွပ် ထောန်မှူးဟို မိန့်ပေးဂေဟယ်။ **24** အယ်မျိုး မှာလိုက်ဟူတိုင်း ထောန်မှူးဟာ သူးနို့ဟို ထောန်ရဲ့ ထဲခန်းမာ ထားဟားဘီးဟာ သူးနို့ ခေလေဟိုလည်း ထိတောင်းခတ်ဟားလိုက်ဟယ်။ **25** ညဉ့်သန်းဂေါန်ခီမာ ပေါလုနု သိလလေဟာ ဘုရားသခင်ဟို ဆုတောင်းဘီး ချီးမွမ်းချင်း ဆိုနေဂေဟယ်။ သူးနို့လေ ချင်းဆိုနေဇာဟို တခြားထောန်သားလေလည်း နားထောန်နေဂေဟယ်။ **26** အယ်ခီမာ ရော-ကံတရစ် ပြင်းထန်ဟူ ဓမ္မဂီးလောကံလာဘီး ထောန်ရဲ့ အပြစ်လေဟာ လောကံခါလာဟယ်။ ခွဗော့-ကံလေ ဂူလောင်းဟာ ရှစ်ရှင်းဘဲ ပွမ်ထွပ်ဟားဘီး ထောန်သားလေ ဂူလောင်းရဲ့ ခယ်ဟားဟူ သံကြိုးလေလည်း ပျူထွပ်ဟားဂေဟယ်။ **27** ထောန်မှူးဟာ အိယာဟု နိုးဟားဘီး ပွမ်နေဟူ ထောန်ခွဗော့-ကံလေဟို ဗြင်ဟူ ခီမာ ထောန်သားလေဟာ ထွပ်ပွေးဟားဘီ ဆိုဘီး စိထန်နေဟူကြောန့် ထားဟို ဆွဲထုဘီးနု သူ့ကိုယ်သူ သတ်ဟို့ လောက်နေဟယ်။ **28** အယ်ဘောမဲ့ ပေါလုဟု “နန်ကိုယ်နန် အန္တရယ်ဖြစ်စေနု! နို့လေဂူလောင်း အယ်နေရာမာ ရှိနေဂေဟယ်” ဆိုဘီး သံကွယ်ဂီးနု အော်ပြောလေဟယ်။ **29** ထောန်မှူးဟာ မီးတိုင်ဟို တောင်းဘီးနု ပွေးဝမ်ဟားဘီး ပေါလုနု သိလလေရဲ့ ခေရင်းမာ တောင်လောကံဘီး ပျပ်ဝပ်နေဟယ်။

30 အယ်ဘီးန သူးနိုဟို ပွန်ဟို ခေါ်ဆောန်လာဘီးဟာ “ဆရာလေ၊ ကျွန်တော်ဟာ ကယ်တန်ခံရဟိုတွပ် ပြားမျိုးလောက်ဟိုနူး” ဆိုဘီး မေးလိုက်ဟယ်။ 31 သူးနိုဟိုလည်း “သခင်ယေရှုဟို ယောင်ကြည်ပါ။ ယောင်ကြည်မယ် ဆိုဟာ နန့်န နန့်မိသားစုဟာ ကယ်တန်ခံရလေမယ်” ဆိုဘီး ပွန်ဖြေလေဟယ်။ 32 အယ်ဘီးန သူးနို သူ့အီမာရှိနေဟူ လူလေ ဂူလောင်းဟို သခင်ဘုရားရဲ့ စကားတော်ဟို ဟောပြောဂေဟယ်။ 33 အယ်ညဉ်မာဘွဲ ထောန်မူးဟာ ပေါလုန သိလလေဟို ခေါ်ဘီးဟာ ဒန်ရာလေဟို ဆေးပေးဟယ်။ အယ်ဘီးန သူးနို သူ့အီသူးအီသား ဂူလောင်းဟာ ရှစ်ရှင်းဘဲ ဗတ္တိဇံခံဂေဟယ်။ 34 သူဟာ ပေါလုန သိလလေဟို သူ့အီဟို ခေါ်ဘီးဟာ စားဇာလေဟို ကျွေးဟယ်။ သူးနို သူ့မိသားစုဟာ ဘုရားသခင်ဟို ယောင်ကြည်ရဂေကြောန့် ရရာတိုင်း ဝန်းသာဂေဟယ်။ 35 နော-က်တနော့ မိုးလန်းဟားဟူ ခီမာ ရောမအာဏာပိုင်လေဟာ သူးနိုလေဟို ထောန်ဟုနေ လွတ်လိုက်ဟိုတွပ် ရဲရာရှိလေဟို မိန့်ပေးလိုက်ဟယ်။ 36 အယ်ကြောန့် ထောန်မူးဟာ ပေါလုဟို “ရာရှိလေဟာ နန်းနိုဟို ထောန်ဟုနေ လွတ်ဟိုတွပ် ပြောဟားဟယ်။ အယ်ကြောန့် ငြီးငြီးချမ်းချမ်းဟား သွားဂေပါ” ဆိုဘီး ပြောဟယ်။ 37 ပေါလုဟာ “ရောမနိုင်ငံသာဖြစ်ဟူ နိုလေဟို စစ်ကြောစီရင်ဘဲန လူလေရှေမာ ရိုက်ဂေဟယ်! အယ်ဘီးန နိုလေဟို ထောန်ခွဟားဂေဟယ်။ ခုလည်းဘွဲ နိုလေဟို တိတိဟား လွတ်လိုက်ဂေဟိုလော။ အယ်မျိုးလောက်သင့်ဟု! သူးနို ကိုယ်တိုင်လာဘီး နိုလေဟို ထောန်ဟုနေ လာထုဂေ” ဆိုဘီး ရဲရာရှိလေဟို ပြောဟယ်။ 38 ရဲရာရှိလေဟာ အယ်ကြောန့်ဟို ရာရှိလေဟို ပွန်ပြောဂေဟယ်။ ပေါလုန သိလလေဟာ ရောမနိုင်ငံသား ဖြစ်ကြောင်းဟို ရာရှိလေဟာ ကြားရဟူ ခီမာ ကြော-က်လန်ဂေဟယ်။ 39 အယ်ကြောန့် သူးနိုဟာ လာဘီးဟာ ပေါလုန သိလလေဟို တိုက်တွန်းဂေဟယ်။ အယ်ဘီးန သူးနိုလေဟို ထောန်ဟုနေ ထုဆောန်ဘီးဟာ အယ်မြို့ဟုနေ ထွပ်ဟားဟိုတွပ် တောင်းဗန်ဂေဟယ်။ 40 ပေါလုန သိလလေဟာ ထောန်ထဲဟာ ထွပ်ဘီးဟာ လုဒီအီဟို သွားဂေဟယ်။ အယ်ဘီးန ညီကို မောန်နှမလေဟို တွဲဘီးဟာ အားပေးစကားလေဟို ပြောဘီးန အယ်မြို့ဟုနေ ထွပ်ဟားဂေဟယ်။

17 ပေါလုန သိလဟာ ခရီးသွားဂေဟူ ခီမာ အံဖိပေါလိမြို့န အာပေါလောနိုမြို့ဟို ဖြတ်ဟားဘီး သက်သာလောနိတ်မြို့ဟို ရော-က်ဟားဂေဟယ်။ အယ်မြို့မာ ယုဒဝါလယ်ဇရပ်ရှိဟယ်။ 2 ပေါလုဟာ သူးနိုထောင်းဇံရှိဟိုတိုင်း ဝါလယ်ဇရပ်ဟို သွားဘီးဟာ ဒန်းနော့ သောင်းရစ်လောင်းလောင်း ကျမ်းစာဟို ကိုးကားဘီးဟာ လူလေန သေးသေချားချာဟား ဆွေးနွီးဂေဟယ်။ 3 မေရှိယဟာ ဒေါက်ခဝေဒနာခံရဟူ ကြောန်းဟို ကျမ်းချစ် ထော့-က်ထားလေနတူးဒု ရှင်းရှင်းလန်းလန်းဟား ပြောပြဟယ်။ ပေါလုဟာ “နန်းနိုဟို ငါပြောပြနေဟူ ယေရှုဟာ မေရှိယဖြစ်ဟယ်” ဆိုဘီး ပြောဟယ်။ 4 ယုဒလူတချို့ဟာ သွီးဆောန်ခံရဘီး ပေါလုန သိလလေရဲ့ ဖွဲ့ထဲဟို ဝမ်ဟားဂေဟယ်။ ဘုရားသခင်ဟို ကိုးကွယ်ဟူ ဟောလသလူမျိုး တောင်ဂီးန ထန်ပေါ်ကျော်ကြားဟူ မီးမလေလည်း သူးနိုဖွဲ့ထဲဟို ဝမ်ဂေဟယ်။ 5 အယ်တော့မဲ ယုဒလူ တချို့ဟာ နာလိုဘဲဟူ စိရှိဟူကြောန့် လမ်းလေမာ ကောန်းဘဲဟူ လူလေဟို ခေါ်ဘီးဟာ လူလေတောင်ဂီးဟို စုခိုင်းဘီးဟာ တမြို့လောင်း ဆူပူအောန် လောက်ဂေဟယ်။ သူးနိုဟာ ယာသုန်ရဲ့အီဟို ဝမ်ဘီးဟာ ပေါလုန သိလလေဟို လူလေရှေဟို ဆွဲထုဟိုတွပ် ရှာဂေဟယ်။ 6 ရှာတွဲဘဲဟူ ခီမာ သူးနိုဟာ ယာသုန်န ညီကို မောန်နှမလေ တချို့ဟို ပြို့ရဲ့ အာဏာပိုင်လေရှေဟို ခေါ်ဆောန်ဟားဘီးဟာ “အယ်လူလေဟာ လောကီနိုင်ငံရဲ့ နေရာတိုင်းမာ ဒေါက်ခပေးနေဂေဟယ်။ သူးနိုဟာ ခုလည်း ကျွန်တော့်လေရဲ့မြို့ဟို ရော-က်လာဂေဟယ်။ 7 ယာသုန်ဟာ အယ်လူလေဟို သူ့အီမာ လတ်ခံဟားဟယ်။ အယ်လူလေဟာ ယေရှုနာမယ်န မန်းဂီးတပါးရှိဟယ် ဆိုဘီး ကဲသာမန်းဂီးရဲ့ မိန့်တော်ဟို ဆန်ကျင်ဖတ် လောက်နေဂေဟယ်” ဆိုဘီး အော်ဂေဟယ်။ 8 အယ်မျိုး စကားလေန သူးနိုလေဟာ လူအောက်ဂီးန မြို့အာဏာပိုင်လေဟို ရောက်ရောက်သဲသဲ လောက်ဂေဟယ်။ 9 အာဏာပိုင်လေဟာ ယာသုန်န လောက်ဖော်ဆောန်ဖတ်လေဟို အာမခံဖြစ်န ကပ်ပေးခိုင်းဘီးဟာ ထွပ်ဟားဟိုတွပ် ခွဲပြုလိုက်ဂေဟယ်။ 10 ညဉ်ခန်းဇာ ရော-က်လာဟူ ခီမာ ညီကို မောန်နှမလေဟာ ပေါလုန သိလလေဟို ဗေရိမြို့ဟို စေလွှတ်ဂေဟယ်။ အယ်မြို့ဟို

ရှေး-က်ဟူ ခီမာ သူးနို့ဟာ ယုဒဝါလယ်ဇရပ်ဟို သွားဂေဟယ်။ 11 ဗေရိမြို့သားလေဟာ သက်သာလောနိတ်မြို့ဟာ လူလေထတ် စိထားမြတ်ဂေဟယ်။ အယ်ကြောန့် ပေါလုဟောဟူ တရားဟို ရရာတိုင်း ကြည်ညိုဟူစိန နာခံဂေဟယ်။ သူးနို့ဟာ ပေါလု ပြောဇာလေဟာ တကယ်မှန်ဘဲလား ဆိုဘီး သိနိုင်ဟို့တွပ် နေ့တိုင်းကျမ်းစာဟို လေ့လာဂေဟယ်။

12 အယ်ကြောန့် လူလေဘောင်ဂီး ယောင်ကြည်လာဂေဟယ်။ အယ်မျိုး ယောင်ကြည်သူလေထဲမာ ဂေါန်သရေရှိဟူ ဟောသလူမျိုး မီးမန ယော့-က်ကျားလေလည်း ပါဝမ်ဂေဟယ်။ 13 ဗေရိမြို့မာ ဘုရားသခင်ရဲ့ စကားတော်ဟို ပေါလု ဟောနေဟယ် ဆိုဇာဟို သက်သာလောနိတ်မြို့ဟာ ယုဒလူမျိုးလေဟာ ကြားရဂေဟူ ခီမာ ဗေရိမြို့ဟို လာဂေဘီးဟာ လူလေဟို ဆူပူအောန့် နှိုးဆော်ဂေဟယ်။ 14 ညီကို မောန့်နုမလေဟာ ရှစ်ရှင်းဘွဲ ပေါလုဟို ပန်လယ်ကမ်းခြေဟို သွားခိုင်းလိုက်ဟယ်။ သိလန တိမောသေလေဟာ ဗေရိမြို့မာဘွဲ နေရစ်ဂေဟယ်။ 15 ပေါလုဟို လိုက်ပို့ဂေဟူ လူလေဟာ သူနတူးဒူ အာသင်မြို့ထိ လိုက်ဟားဂေဟယ်။ အယ်ဘီးန သိလန တိမောသေလေဟို ဗြန်းဗြန်းဟား လိုက်လာဟို့တွပ် ညွှန်ကြားချစ်ဟို ယူဘီးန ဗေရိမြို့ဟို ပွန်ဟားဂေဟယ်။ 16 ပေါလုဟာ အာသင်မြို့မာ သိလန တိမောသေလေဟို စောန့်နေဒူးမာ အယ်မြို့မာ ရောက်ထုလေဘောင်ဂီး ရှိနေဟယ် ဆိုဇာဟို ဗြင်ဟူ ခီမာ ရရာတိုင်း စိကောနီးဘဲ ဖြစ်ဟားဟယ်။

17 အယ်ကြောန့် ဝါလယ်ဇရပ်မာ ယုဒလူမျိုးလေ၊ ဘုရားသခင်ဟို ကိုးကွယ်ဟူ လူမျိုးခြားလေ နေ့တိုင်းမြို့ထဲဟာ လူလေစုဝီးဟူ နေရာဟို လာဂေဟူ လူလေန ဆွေးနွီးဂေဟယ်။ 18 ပေါကုရန သတောအိပ် တွေးခေါ်ပညာရှင်လေ တချို့လည်း ပေါလုန ဆွေးနွီးငြင်းခုံဂေဟယ်။ အယ်လူလေထဲမာ တချို့ဟာ “အယ်လူဟာ ဖြားဇာပြောနေနူး” ဆိုဘီး ပြောဂေဟယ်။ တခြားလူလေဟာ “သူဟာ လူမျိုးခြားလေရဲ့ နတ်ဘုရားလေရဲ့ ကြောန်းဟို ပြောနေဇာတုဟယ်” ဆိုဘီး ပြောဂေဟယ်။ ပေါလုဟာ ယေရှုကြောန်းနု ရှင်ယွန်ထမြော့-က်ရှင်းကြောန်းဖြစ်ဟူ ဒန်းကောန်းဟို ဟောပြောကြောန့် သူးနို့လေဟာ အယ်မျိုး ပြောနေဂေဇာဖြစ်ဟယ်။ 19 အယ်ကြောန့် အယ်လူလေဟာ ပေါလုဟို အာရေပါဂ တရားရောင်းဟို ခေါ်ဆောန့်ဟားဂေဘီးဟာ “နန်ဟောပြောနေဟူ ယူဝါဒသစ်ကြောန်းဟို နို့လေလည်း သိရှင်ဟယ်။ 20 နန်ဟောပြောဟူ ကြောန်းရာတချို့ဟာ နို့လေတွပ် သစ်ဆန်းဖြစ်နေဟယ်။ အယ်ကြောန်းရာရဲ့ ခိပါယ်ဟို့လည်း နို့လေသိရှင်ဟယ်” ဆိုဘီး ပြောဂေဟယ်။ 21 အာသင်မြို့သား ဂူလောင်းနု အယ်မြို့မာနေဟူ ဧည့်သည်လေဟာ ကြောန်းရာသစ်ဆန်းလေဟို ပြောဇာနု နားထောန်ဇာ အားဖြင့်ဘွဲ ခီဟို ကူစေဂေဟယ်။ 22 ပေါလုဟာ အာရေပါဂ တရားရောင်းရှေ့မာ ရပ်ဘီး “အာသင်မြို့သားလေ၊ နန်းနို့ဟာ ရရာတိုင်း ဘုရားတရားဟို ကြည်ညိုဟူ လူလေဖြစ်ဟယ် ဆိုဇာဟို ငါမြင်ဟယ်။ 23 ကျွန်တော့်ဟာ ခန်ဗျားလေရဲ့မြို့ဟို ရှေး-က်လည်ဘီး ကိုးကွယ်ဟူဇာလေဟို ကေဟူ ခီမာ ‘နို့လေ သိဘ်ဟူ ဘုရားတွပ်’ ဆိုဘီး နာမယ်ရေးဟားဟူ ယဇ်ပလ္လင်တခုဟို တွံဟယ်။ အယ်မျိုး ခန်ဗျားလေသိဘ်န ကိုးကွယ်နေဟူ ဘုရားကြောန်းဟို ခု ကျွန်တော်ပြောပြမယ်။ 24 ကမ္ဘာလောကဂီးန ရှိဇာဂူလောင်းဟို ဖန်ဆင်းဟူ ဘုရားသခင်ဟာ ကောန်းဂန်နု မွေဗီးရဲ့ သခင်ဖြစ်ဟူကြောန့် လူလတ်န ဆော့-က်ဟားဟူ ဗိမာန်တော်လေမာနေဇာ မူဟ။ 25 အယ်သခင်ကိုယ်တိုင်ဘွဲ လူလေ ဂူလောင်းဟို သတ်နတူးဒူ တခြားရာ ဂူလောင်းဟို့လည်း ပေးသနားတော်မူဟယ်။ အယ်ကြောန့် သူဟာ တခုခုဟို လိုရှင်ဟူကြောန့် လူလတ်န ပြုစုဇာဟို ခံတော်မူဟ။ 26 ကိုယ်တော်ဟာ လူတယော့-က်ဟာနေဘီး လူမျိုးဂူလောင်းဟို ဖန်ဆင်းလိုက်ဘီး တကမ္ဘာလောင်းမာ သူးနို့ဟို နေစေဟယ်။ အယ်လူမျိုး ဂူလောင်းဟို သတ်ရှင်နေထိုင်ဟို့တွပ် ခီကာလနု နေရာလေဟို ကြိုတန်ပိုင်းခြား သတ်မှတ်ဟားဘီး ပေးဟားဟယ်။ 27 အယ်မျိုးလောက်ဇာဟာ လူလေဟာ ကိုယ်တော်ဟို တွံလိုတွံငြား စမ်းသပ်ဘီး ရှာဟို့တွပ်ဘွဲ ဖြစ်ဟယ်။” ““ကျွန်တော့်လေဟာ ကိုယ်တော်ကြောန့် သတ်ရှင်ဘီး လှောက်ရှား နေရဂေဟယ်။”” အယ်ကြောန့် တကယ်ဆိုဟာ ဘုရားသခင်ဟာ ဖယ်သူနလည်းဝီးဇာ မူဟ။ ခန်ဗျားဟားလေထဲမာ ကဗျာဆရာတချို့ဟာ “နို့လေဟာ ကိုယ်တော်ရဲ့ သားမီးလေ ဖြစ်ဂေဟယ်”” ဆိုဘီး ပြောဟားဟယ်။ 29 “ကျွန်တော့်လေဟာ ဘုရားသခင်ရဲ့ သားမီးလေ ဖြစ်ဂေဟူကြောန့် ဘုရားသခင်ဟို လူရဲ့နုပညာန ကျွမ်းကျင်ရှင်းအားဖြင့် ထုလောက်ဟားဟူ ရွှေရောက်ထု၊ ငွေရောက်ထု၊ ကြော့-က်ရောက်ထုနတုဟယ် ဆိုဘီး

ထန်မှတ်သင့်ဟူ။ 30 ဘုရားသခင်ဟာ လူလေသိနားလည်ဘဲဟူ ခီကာလဟို ရှုမှတ်တော် မူဟူ။ အယ်ဘေမဲ့ ခု
နေရာတိုင်းဟာ လူလေဂူလောင်းဟို နောန်ဒရဟိုတွပ် မိန့်တော်မူဟယ်။ 31 ဖြားဖြစ်ကြောနန်းဆိုဟာ ကိုယ်တော်
ဝီးကော-က်ဟားဟူ လူအားဖြင့် လောကသားလေဟို ဖြောန်မတ်ရှင်းတရားန စီရင်မယ် နေရစ်ဟို သတ်မှတ်ဟားကြောန့်
ဖြစ်ဟယ်။ အယ်မျိုးဖြစ်မယ် ဆိုဇာဟို အယ်သခင်ဟာ သေရာဟုနေ ထမြော-က်ရှင်းအားဖြင့် လူလေဂူလောင်းဟို
အယ်သတ်သေဟို ပြဟားဟယ်” ဆိုဘီး ပြောဟယ်။ 32 သေရာဟုနေ ထမြော-က်ကြောန်းဟို ကြားရဟူ ခီမာ
တချိုလူလေဟု ရယ်ဇားဂေဟယ်။ အယ်ဘေမဲ့ တချိုလူလေဟု “နန်ပြောနေဟူကြောန်းဟို နို့လေဟု နေ့-က်တခါ
ကြားရှင်သေးဟယ်” ဆိုဘီး ပြောဂေဟယ်။ 33 အယ်ဘီးန ပေါလုဟာ စည်းဝေးဟုနေ ထွပ်ဟားလိုက်ဟယ်။ 34
တချိုလူလေဟာ ပေါလုန ပေါန်းဘီးဟာ ယောင်ကြည်သူလေ ဖြစ်လာဂေဟယ်။ အယ်လူလေထဲမာ ဒယောနသိ နာမယ်ရှိဟူ
အာရေတောင် တရားရောင်းရဲ့ ဖွဲ့ဝမ်တယော့-က်၊ ဒမာရိ နာမယ်ရှိဟူ မီးမတယော့-က်န တခြားလူ တချိုလည်း
ပါဂေဟယ်။

18 အယ်ဘီးန ပေါလုဟာ အာသင်မြို့ဟု ထွပ်ဟားဘီး ကောရိန်မြို့ဟို ရော-က်ဟားဟယ်။ 2 အယ်မြို့မာ ပုန္တူပြည်သား
အာကုလ နာမယ်ရှိဟူ ယုဒလူမျိုးတယော့-က်န သူမယား ပြစ်ကိလလေဟို တွဲဟားဟယ်။ ယုဒလူမျိုးလေဟု
ရောမမြို့ဟုနေ ထွပ်ဟားဟိုတွပ် ကလောဒိမန်းဂီးဟု မိန့်ထုဟားဟူကြောန့် သူးနို့ဟာ ကြာသေးခန်ဟု ကူတလိပြည်ဟုနေ
ထွပ်လာဂေဟူ လူလေဖြစ်ဟယ်။ 3 အယ်လူလေဟာ ပေါလုမျိုးဘဲ တဲရှင်ချောက်ဘီး သတ်မွီးနေဟူ တဲရှင်ချောက်မားလေ
ဖြစ်ဂေဟယ်။ အယ်ကြောန့် ပေါလုဟာ သူးနို့လေနားဟို သွားဘီးဟာ သူးနို့နတူးဒု လောက်ဂေဟယ်။ 4 ယုဒလူမျိုးန
ဟောလသလူမျိုးလေဟို သွီးဆောန်ဟိုတွပ် သူဟာ ဒန်းနေတိုင်း ဝါလယ်ဇရပ်မာ ဆွေးခွီးဂေဟယ်။ 5 သီလန
တိမောသေလေဟာ မာကေဒေါနိပြည်ဟုနေ ရော-က်လာဂေဟူ ခီမာ ပေါလုဟာ ယုဒလူမျိုးလေဟို တခီလောင်း
တရားဟောပြောဘီးန ယေရှုဟာ မေရိယဖြစ်ဟယ် ဆိုဘီး သတ်သေခံလေဟယ်။ 6 ယုဒလူမျိုးလေဟာ သူဟို စော်ကားဘီး
ပြောနေဟူ ခီမာ ပေါလုဟာ သူ့အန်းဂီဟုနေ ဖောင်လေဟို ခါလွဲဘီးဟာ “နန်းနို့ရဲ့ သွီးဟာ နန်းနို့ ခေါန်းထတ်မာ ရှိပါစေ!
ငါ့တာဝန် မူဟူ။ ခုဟုစဘီး ငါဟာ လူမျိုးခြားလေနားဟို သွားမယ်” ဆိုဘီး ပြောဟယ်။ 7 အယ်ဘီးန အယ်လူလေနားဟု
ထွပ်ဟားဘီးဟာ ဘုရားသခင်ဟို ကိုးကွယ်ဟူ တိတုယုတ္တ၊ နာမယ်ရှိဟူ လူမျိုးခြားရဲ့ အီဟို သွားဘီးဟာ နေလေဟယ်။
သူ့အီဟာ ဝါလယ်ဇရပ်န ကပ်နေဟယ်။ 8 ဝါလယ်ဇရပ်မူးဖြစ်ဟူ ကရိပ္ပုန သူမိသားစုဂူလောင်းဟာ သခင်ဘုရားဟို
ယောင်ကြည်ဟူသူလေ ဖြစ်လာဂေဟယ်။ တခြား ကောရိန်မြို့သား ဘောင်ဂီးဟုလည်း တရားတော်ဟို ကြားရဟူ ခီမာ
ယောင်ကြည်ဘီးဟာ ဗတ္တိဇံခံဂေဟယ်။ 9 တညဉ်မာ ပေါလုဟာ ရူပါရောင်ဟို ဖြင်ရဟယ်။ ရူပါရောင်ထဲမာ သခင်ဘုရားဟု
“ကြော-က်န။ ဆစ်ဘီးဟောပါ။ လတ်ရှောန။ 10 ဖြားဖြစ်ကြောနန်းဆိုဟာ ငါဟာ နန်နတူးဒု ရှိဟယ်။ ဖယ်သူဟုလည်း
နန်ဟို ဘေးပြုနိုင်ဟူ။ အယ်မြို့မာရှိဟူ လူဘောင်ဂီးဟု ငါ့လူလေ ဖြစ်ဂေဟယ်” ဆိုဘီး ပြောဟယ်။ 11 ပေါလုဟာ အယ်မြို့မာ
တနစ်နခြော-က်လ နေဘီးဟာ ဘုရားသခင်ရဲ့ စကားတော်ဟို သွန်သန်လေဟယ်။ 12 ဂါလုန့်ဟာ အခါယပြည်ရဲ့ မြို့ဝန်မန်း
ဖြစ်နေဟူ ခီမာ ယုဒလူမျိုးလေဟာ စုဘီး ပေါလုဟို ဖမ်းဘီးဟာ တရားပလ္လင်ရှေ့ဟို ခေါ်ဆောန်လာဂေဟယ်။ 13 သူးနို့ဟု
“အယ်လူဟာ ပညတ်တရားဟို ဆန့်ကျင်ဘီး ဘုရားသခင်ဟို ကိုးကွယ်ဂေဟိုတွပ် လူလေဟို သွီးဆောန်နေဟယ်” ဆိုဘီး
လျော့-က်ဂေဟယ်။ 14 ပေါလုဟာ စကားပြောဟို လောက်နေဒူးမာ ဂါလုန့်ဟု “ယုဒလူမျိုးလေ၊ အယ်မူဟာ ကောန်းဘဲဟူမူ၊
တရားဘဲဟူမူဖြစ်ဟယ် ဆိုဟာ ငါဟာ နန်းနို့ရဲ့ စွပ်စွဲချစ်လေဟို စီရယ်လတ်ရှယ်န နားထောန်နိုင်ဟယ်။ 15 အယ်ဘေမဲ့
အယ်မူဇာဟာ စကားလေ၊ နာမယ်လေန ပညတ်တရားနဆိုင်ဟယ် ဆိုဟာ နန်းနို့ ကိုယ်တိုင်ဘဲ ဆောင်းဖြတ်ဂေ။ အယ်မူဟို
ငါစီရင်ဟု” ဆိုဘီး ပြောဟယ်။ 16 ယုဒလူမျိုးလေဟို တရားပလ္လင်ရှေ့ဟုနေ နန်ထုလိုက်ဟယ်။ 17 အယ်လူလေဟာ
ဝါလယ်ဇရပ်မူး သုဿင်ဟို ဖမ်းဘီးဟာ တရားပလ္လင်ရှေ့မာ ရိုက်ဂေဟယ်။ အယ်ဘေမဲ့ ဂါလုန့်ဟာ အယ်မူဟို လောင်းဝ
ဂရုစိုက်ဘဲနေဟယ်။ 18 ပေါလုဟာ ကောရိန်မြို့မာ ကြာဂီးနေဟယ်။ အယ်ဘီးန ညီကို မောန်နမလေဟို နောက်ဆစ်ဘီး

ပြစ်ကိလ၊ အာကုလလေနတူးဒူ ရှိပြည်ဟူ၍ သန်းဖောန သွားဂေဟယ်။ ကင်ခြေမြို့ဟုနေ သန်းဖောန ထွပ်ခန့်မာ သူဟာ ဘုရားသခင်ဟူ၍ သစ်စာကဒိ ပြဟူးဟူကြောင့် သူခေါင်းဟူ၍ ရိလိုက်ဟယ်။ 19 ဇမက်မြို့ဟူ၍ ရှေး-က်ဟူးဟူ၍ ခီမာ ပေါလုဟာ ပြစ်ကိလန အာကုလလေဟူ၍ မြို့မာထားရစ်ဟယ်။ သူဟာ ဝါလယ်ဇရပ်ဟူ၍ ဝမ်းဘီးဟာ ယုဒလူမျိုးလေန ဆွေးနွီးဟယ်။ 20 လူလေဟာ သူးနိုးတူးဒူ ကြာဂီးနေဟူ၍တွင် တိုက်တွန်းဝေခွာမဲ့လည်း ပေါလုဟာ လတ်ခံဟ။ 21 အယ်မျိုးပြောမယ့်စား “ဘုရားသခင်ဟု လိုတော်ရှိမယ် ဆိုဟာ နန်းနိုးဟူ၍ ယွန်လာမယ်” ဆိုဘီး ဇမက်မြို့ဟုနေ သန်းဖောန ထွပ်ဟူးလေဟယ်။ 22 သူဟာ ကဲသရိမြို့ဟူ၍ ရှေး-က်ဟူးဟူ၍ ခီမာ ယေရုရှလင်မြို့ဟူ၍ တတ်ဟူးဘီး သင်းတော်ဟူ၍ နောက်ဆစ်ဘီး အန္တီအုတ်မြို့ဟူ၍ သွားလေဟယ်။ 23 အယ်မြို့မာ ကြာဂီးနေဘီးန ယွန်ထွပ်ဟူးဘီး၊ ဂလာတိပြည်န ဖြူဂါပြည်ဟူ၍ လှည့်လည်ဘီး တဗဲတော်လေဟူ၍ ခိုင်ခန့်မြဲမြဲ စေလေဟယ်။ 24 အယ်ခီမာ အာလေဇန္ဒြီမြို့သား အာပေါလု နာမယ်ရှိဟူ၍ ယုဒလူမျိုးတယော့-က်ဟာ ဇမက်မြို့ဟူ၍ ရှေး-က်လာဟယ်။ သူဟာ ကျမ်းစာဟူ၍ ကျမ်းကျင့်ဘီး ဟောပြောကောင်းဟူ၍ လူဖြစ်ဟယ်။ 25 သူဟာ သခင်ဘုရားရဲ့ လမ်းစဉ်ဟူ၍ သေးသေချားချာဟူး သွန်သန်ခံဟူးရဟူလူ ဖြစ်ဟယ်။ သူဟာ စိအားထတ်သန်ဘီး ယေရှုနု ဆိုင်ဟူဇာလေဟူ၍ မုန်းမုန်ကန်းကန်ဟူး သွန်သန်နေဟယ်။ အယ်ဘေမဲ့ သူဟာ ယောဟန်ရဲ့ ဗတ္တိဇံဟူဘဲ သိဟယ်။ 26 သူဟာ ဝါလယ်ဇရပ်မာ စဘီးဟာ ရဲရဲရင့်ရင့်ဟူး ဟောနေဟယ်။ သူဟောပြောချစ်လေဟူ၍ ကြားရဟူ ပြစ်ကိလန အာကုလလေဟာ သူဟူ၍ အီဟူ၍ ခေါ်ဘီးဟာ ဘုရားသခင်ရဲ့ လမ်းစဉ်ဟူ၍ သေးသေချားချာဟူး ရှင်းပြပေးဂေဟယ်။ 27 အယ်ဘီးန သူဟာ အခါယပြည်ဟူ၍ သွားဟူ၍ ဆောင်းဖြတ်လိုက်ဟယ်။ အယ်ကြောန့် ဇမက်မြို့ဟု ယောင်ကြည်သူလေဟာ သူဟူ၍ လတ်ခံဟူ၍တွင် အခါယပြည်ဟု ယောင်ကြည်သူလေနားဟူ၍ စာရေးပေးရှင်းအားဖြင့် ကူညီပေးဂေဟယ်။ သူဟာ အခါယပြည်ဟူ၍ ရှေး-က်ဟူ၍ ခီမာ ဘုရားသခင်ရဲ့ ကျေးဇူးတော်အားဖြင့် ယောင်ကြည်လာဟူ၍ လူလေဟူ၍ ဘောင်ဂီး ကူညီပေးဟယ်။ 28 ဖြားဖြစ်ကြောန့်နုဆိုဟာ သူဟာ ကျမ်းစာအားဖြင့် ယေရှုဟာ မေရှိယ ဖြစ်ဟူကြောင်းဟူ၍ ထော့-က်ပြဘီး လူလေရှေမာ ယုဒလူမျိုးလေဟူ၍ ပိုင်းပိုင်ဟူး ချေပလေဟယ်။

19 ကောရိန်မြို့မာ အာပေါလု ရှိနေဟူ၍ ခီမာ ပေါလုဟာ ထတ်မာ ဖော်ပြဟူးဟူ၍ နေရာလေဟူ၍ ရှေး-က်သွားဘီးန ဇမက်မြို့ဟူ၍ ရှေး-က်လာဟယ်။ အယ်မြို့မာ တဗဲတော် တချို့ဟူ၍ တွဲဘီး၊ 2 သူးနိုးဟူ၍ “နန်းနိုးလေဟာ ယောင်ကြည်သူလေ ဖြစ်လာဂေဟူ၍ ခီမာ သန်ရှင်းဟူဝိညာဉ်တော်ဟူ၍ လတ်ခံဂေဘီးလော” ဆိုဘီး မေးဟယ်။ အယ်လူလေဟု “သန်ရှင်းဟူဝိညာဉ်တော်ရှိဟယ် ဆိုဇာဟူ၍ ကျွန်တော်လေ ကြားဖူးဟု” ဆိုဘီး ပြောဂေဟယ်။ 3 ပေါလုဟု “အယ်မျိုးဆိုဟာ နန်းနိုးဟာ ဖြားမျိုးစား ဗတ္တိဇံဟူ၍ ခံဟူးနူး” ဆိုဘီး မေးဟယ်။ အယ်လူလေဟု “ယောဟန်ရဲ့ ဗတ္တိဇံဟူ၍ ခံဟူးဟယ်” ဆိုဘီး ယွန်ဖြေဂေဟယ်။ 4 ပေါလုဟု “ယောဟန်ရဲ့ ဗတ္တိဇံဟာ နောနဒနဆိုင်ဟူ၍ ဗတ္တိဇံဖြစ်ဟယ်။ ယောဟန်ဟာ သူနော့-က်မာ ကြွလာဟူ၍ သခင်ဟူ၍ ယောင်ကြည်ရမယ် ဆိုဘီး ကူသရေလလူမျိုးလေဟူ၍ ပြောရစ်ဟယ်။ အယ်သခင်ဟာ ယေရှုဘဲ ဖြစ်ဟယ်” ဆိုဘီး ပြောဟယ်။ 5 အယ်စကားဟူ၍ ကြားရဟူ၍ ခီမာ သူးနိုးဟာ သခင်ယေရှုနာမနို့က် ဗတ္တိဇံခံဂေဟယ်။ 6 ပေါလုဟာ သူးနိုးခေါင်းထတ်ဟူ၍ လတ်တန်လိုက်ဟူ၍ ခီမာ သန်ရှင်းဟူဝိညာဉ်တော်ဟာ သူးနိုးထတ်ဟူ၍ ရှေး-က်လာဟယ်။ အယ်ဘီးန သူးနိုးဟာ ထူးဆန်းဟူ၍ ဘာသာစကားလေဟူ၍ ပြောဂေဘီး ဘုရားသခင်ရဲ့ တရားတော်ဟူ၍လည်း ပရောဖက်ပြဘီး ဟောပြောဂေဟယ်။ 7 သူးနိုးဟာ အားလောင်းပေါင်း လူဆယ်နှေယော့-က်လော့-က် ရှိဟယ်။ 8 ပေါလုဟာ ဝါလယ်ဇရပ်ထဲဟူ၍ ဝမ်းဘီးဘီး သောင်းလလောင်းလောင်း ရဲရဲရင့်ရင့်ဟူး ဟောပြောဘီး ဘုရားသခင်ရဲ့ နိုင်ငံတော်ကြောန်းဟူ၍ ဆွေးနွီးဘီး လူလေဟူ၍ သွီးဆောန်လေဟယ်။ 9 အယ်ဘေမဲ့ လူတချို့ဟာ ခေါင်းမာဘီး ယောင်ကြည်ဘဲန လူလေရှေမာ သခင်ဘုရားရဲ့ လမ်းစဉ်လေဟူ၍ ကဲ့ရဲ့ဂေဟယ်။ အယ်ကြောန့် ပေါလုဟာ တဗဲတော်လေဟူ၍ ခေါ်ဘီး အယ်လူလေနားဟုနေ ထွပ်ဟူးဘီးဟာ တုရုနွဲ့ရဲ့ စာသန်ခန်းမမာ နေ့တိုင်း ဆွေးနွီးဗွဲလေ လောက်ဟယ်။ 10 နွေနှစ်လောင်းလောင်း အယ်မျိုးလောကဟူ၍ကြောန့် အာရိပြည်မာနေဟူ၍ ယုဒလူမျိုးလေန ဟောလသလူမျိုးလေဟာ သခင်ဘုရားရဲ့ စကားတော်ဟူ၍ ကြားရဂေဟယ်။ 11 ဘုရားသခင်ဟာ ပေါလုအားဖြင့် ရရာတိုင်း ထူးခြားဟူ

နိမိတ်လတ်ခဏာလေဟို ပြတော်မူဟယ်။ 12 ပေါလုသောင်းဟူးဟူ လတ်ကိုင်ပဝါန ခါးဗတ်လေဟို လူနာလေနားဟို ယူဆောန်ဟူးဟူ ခီမာ သူးနို့ဟာ ရောဂါပျော့-က်ဟူးဘီး နတ်ဆိုးလေလတ်ဟုနေလည်း လွှတ်ဟူးဂေဟယ်။ 13 နယ်တကာလှည့်ဘီး နတ်ဆိုးလေဟို နှိန်ထုနေဟူ ယုဒလူတချို့ဟာ သခင်ယေရှုရဲ့ နာမဟို သောင်းပြဘီး နတ်ဆိုးဟို နှိန်ထုဟို ကြိုးစာဂေဟယ်။ သူးနို့ဟာ “ပေါလုဟောနေဟူ ယေရှုရဲ့ နာမန နှိန်ဟို ငါနှိန်ထုဟယ်” ဆိုဘီး နတ်ဆိုးဟို မိန့်ပေးဂေဟယ်။ 14 အယ်မျိုးလောက်နေဟူ သူလေဟာ သာကောဝ နာမယ်ရှိဟူ ယုဒယဇ်ပုရောဟိတ်ဂီးရဲ့ သားခွန်နစ်ယော့-က် ဖြစ်ဂေဟယ်။ 15 အယ်ဘောမဲ့ နတ်ဆိုးဟု “ယေရှုဟို ငါသိဟယ်။ ပေါလုဟိုလည်း ငါသိဟယ်။ အယ်ဘောမဲ့ နန်းနို့ဟု ဖယ်သူလေနူး” ဆိုဘီး သူးနို့ဟို မေးလိုက်ဟယ်။ 16 အယ်ဘီးန နတ်ဆိုးဝမ်နေဟူ လူဟာ သူးနို့ဟို ပြင်းပြင်းထန်းထန်းဟူး တိုက်ခိုက်ဂေဟယ်။ သူးနို့ဟာ ဆွေးလွန်းလွန်းန၊ ဒန်ရာလေန အီထဲဟုနေ ထွပ်လွှေးဂေဟယ်။ 17 အယ်ကြောန်းဟို ဧဖက်မြို့မာနေဟူ ယုဒလူမျိုးလေန ဟောသလူမျိုးလေဟာ ကြားရဂေဟယ်။ သူးနို့ဟာ ရရာတိုင်း ကြော့-က်ဂေဘီးဟာ သခင်ယေရှုရဲ့ နာမဟို ချီးမွမ်းဂေဟယ်။ 18 ယောင်ကြည်သူလေဟာ ရော့-က်လာဂေဘီး သူးနို့လောက်မိဟူ ဇာလေဟို ပွမ့်ပွမ့်လန်းလန်းဟူး ဖော်ပြဘီးဟာ ဝန်ခံဂေဟယ်။ 19 နတ်ဝိဇ္ဇာတတ်ဟို သောင်းဟူလူလေဟာ သူးနို့ စာစောန်လေဟို စုစည်းယူလာဘီး လူအားလောင်းရှေ့မာ မီးရှို့ဂေဟယ်။ အယ်စာစောန်လေရဲ့ တန်ဖိုးဟို တွပ်ကေဟူ ခီမာ ငွေဒန်းဂါး ၅၀,၀၀၀ ဖိုးလော့-က် ရှိဟယ်။ 20 အယ်နည်းလမ်းအားဖြင့် သခင်ဘုရားရဲ့ စကားတော်ဟာ တဂိုးတော်န တိုးပွားဘီး အောန်မြင်လေဟယ်။ 21 အယ်ဇာလေ ဖြစ်ဟူးဘီးန မာကေဒေါနိပြည်န အခါယပြည်ဟုနေဘီး ယေရုရှလင်မြို့ဟို သွားဟိုတွပ် ဝိညာဉ်တော်အားဖြင့် ပေါလုဟာ စီဆောင်းဖြတ်လိုက်ဟယ်။ သူဟု “အယ်မြို့ဟို ငါသွားဘီးန ရောမမြို့ဟိုလည်း သွားမယ်” ဆိုဘီး ပြောဟယ်။ 22 ပေါလုဟာ သူဟို စေခံနေဟူ တီမောသေန ဧရတ္တုလေဟို မာကေဒေါနိပြည်ဟို လွှတ်လိုက်ဟယ်။ သူဟု အာရှိပြည်မာ ရှစ်ဟူးနေရစ်ဟယ်။ 23 အယ်ခီမာ သခင်ဘုရားရဲ့ လမ်းစဉ်ကြောနဲ့ ဧဖက်မြို့မာ ဆူပူမှုဂီးတခု ဖြစ်လာဟယ်။ 24 ဒေမေတရို နာမယ်ရှိဟူ ငွေပဒေခတ်မားဟာ အာတေမိနတ်မီးရဲ့ ငွေနတ်ကွန်းငယ်လေ လောက်ရှင်းအားဖြင့် လတ်မူပညာရှင်လေဟို ရရာတိုင်း ကပ်ရစေလေဟယ်။ 25 အယ်ကြောနဲ့ သူဟာ အယ်လောက်ငန်း လောက်နေဟူ လောက်မားလေနတူးဒု တခြားလောက်မား လေဟိုလည်း စုဘီးဟာ “ငါ့လူလေ၊ အယ်လောက်ငန်းန နို့လေဟာ ဝမ်ငွေကောင်းနေဟယ် ဆိုဇာဟို နန်းနို့လေ သိဂေဟယ်။ 26 ခု နန်းနို့ကိုယ်တိုင် ဗြင်ရ၊ ကြားဟူးဟူတိုင်း အယ်ပေါလုဟာ ‘လူလတ်န လောက်ဟူးဟူ ဘုရားလေဟာ ဘုရားမဟု’ ဆိုဘီး ဧဖက်မြို့န အာရှိပြည် တပြည်လောင်းဟု လူလေဘောင်ဂီးဟို သွီးဆောန်ဘီး လမ်းမှားစေဟယ်။ 27 အယ်မူဟာ နို့လေရဲ့ လောက်ငန်းဟို နာမယ်ပျစ်စေမယ် ဆိုဘီး စိုးရိမ်ဇာရှိမျှ မကဘဲန ကီးမြတ်ဟူ အာတေမိ နတ်ဖုရားမရဲ့ ဗိမာန်ဟာ ပမာဏပြုဇာ မှော့ဘဲန အာရှိပြည်န ကမ္ဘာတဝန်းလောင်းမာ ကိုးကွယ်ဟူ နတ်ဖုရားမရဲ့ ဂေါင်သရေလည်း ပျော့-က်ကွယ်ဟူးလေမယ်” ဆိုဘီး ပြောလေဟယ်။ 28 အယ်စကားဟို ကြားဟူ လတ်မူပညာရှင်လေဟာ ဒေါသထွပ်ဘီးဟာ “ဧဖက်မြို့ရဲ့ အာတေမိ နတ်ဖုရားမဟာ ကီးမြတ်ဟယ်” ဆိုဘီး အော်ဂေဟယ်။ 29 တမြို့လောင်းဟာ ရရာတိုင်း ရှောက်ရှစ်ခတ်ဟူးဟယ်။ လူလေဟာ ပေါလုနတူးဒု ခရီးသွားဟူ မာကေဒေါနိပြည်သား ဂါယုန အာရိတ္တာဒုလေဟို ဖမ်းဘီးဟာ ပွဲခံဟူ ခန်းမဂီးဟို ဗြန်းဗြန်ဟူး ဆွဲခေါ် ဟူးဂေဟယ်။ 30 ပေါလုဟာ သူကိုယ်တိုင်ဘဲ လူအောက်ဂီးရှေ့ဟို သွားရှင်ဘောမဲ့လည်း တဗွဲတော်လေဟာ ခွမ်ပြုဂေဟယ်။ 31 ပေါလုရဲ့ မိဆွေဖြစ်ဟူ နယ်အာဏာပိုင် တချို့ဟုလည်း ပွဲခံဟူ ခန်းမဂီးထဲဟို ဝမ်ဘဲဟိုတွပ် သူနားဟို လူလွှတ်ဘီး တောင်းဗန်ဂေဟယ်။ 32 အယ်ခီမာ လူလေဟာ တယော့-က်တဘော့-က် အော်ဘီးဟာ ရောက်ရောက်သဲသဲ ဖြစ်နေဂေဟယ်။ လူလေဟာ သူးနို့လေ ဖြားဖြစ်ကြောနဲ့ စုနေဂေဟယ် ဆိုဇာဟို သိဂေဟယ်။ 33 ယုဒလူမျိုးလေဟာ အာလေဇန္ဒြီဟို ရှေ့ဟို ထွပ်ခိုင်းစေဟယ်။ လူလေတချို့ဟုလည်း အယ်လူဟာ ခုဖြစ်နေဟူ ကိစနဆိုင်ဟယ် ဆိုဘီး ယူဆဂေဟယ်။ အာလေဇန္ဒြီဟာ လူအောက်ဂီးဟို တိတိဟူးနေဟိုတွပ် လတ်န ချစ်ပြလိုက်ဟယ်။ အယ်ဘီးဟာ ဖြေရှင်းဟူ စကားဟို ပြောဟိုတွပ် ကြိုးစားဟယ်။ 34 သူဟာ ယုဒလူမျိုးဖြစ်ဟယ် ဆိုဇာဟို သူးနို့လေ သိဂေဟူ ခီမာ

“ဧဖက်မြို့သားလေရဲ့ အာတေမိ နတ်ဖုရားမဟာ ကီးမြတ်ဟယ်” ဆိုဘီး နေ့နာရီလော့-က်ထိ လူလေဟာ တသံဒဲ အော်နေဂေဟယ်။ 35 နော့-က်ဆောင်းမာ မြို့စာရေးဟာ လူအောက်ဂီးဟို့ တိတိဟားနေခိုင်းဘီး “ဧဖက်မြို့သားလေ၊ ဧဖက်မြို့တော်ဟာ ကီးမြတ်ဟူ အာတေမိနတ်ဖုရားမရဲ့ ဗိမာန်တော်န ကောန်းဂန်ဘောင်ဟုနေ လွလာဟူ ရောက်ထုလေဟို့ ထီးသီးစော့-က်ရှော့-က်ဟားဟူ မြို့ဖြစ်ဟယ် ဆိုဇာဟို့ လူတိုင်းသိဂေဟယ်။ 36 အယ်မူဇာဟို့ ဖယ်လူလည်း ဂြင်းနိုင်ဟူ။ အယ်ကြောန့် နန်းနို့ဟာ တိတိဆိဆိနေဂေ။ စဉ်းစားဘဲန ပြားဇာလည်း လောက်ဂေ။ 37 နန်းနို့ဟာ သူးနို့ဟို့ အယ်နေရာဟို့ ခေါန်းဆောန်လာဂေဟယ်။ သူးနို့ဟာ နို့လေရဲ့ ဗိမာန်တော်ဟို့ ဖျစ်ဆီးရှင်းလည်း မူဟူ။ နို့လေရဲ့ နတ်ဖုရားမဟို့လည်း ကဲ့ရဲ့ဟူ စကားလေလည်း ပြောဟူ။ 38 ဒေမေတရိန သူပေါန်းပါလေထဲဟု ယော့-က်ယော့-က်ဟု တရားစွဲမယ် ဆိုဟာ တရားရောင်းဖွမ်ဟူ ရစ်မာဘဲ အာဏာပိုင်လေရှိဟူကြောန့် တရားစွဲနိုင်ဟယ်။ 39 အယ်ဘောမဲ့ နန်းနို့မာ တခြားကိစ္စရှိဟယ် ဆိုဟာ တရားဝမ်စည်းဝေးမာ ဆောင်းဖြတ်ရမယ်။ 40 အယ်နေ့ဖြစ်ဟားဟူ ကိစ္စန ပတ်သတ်ဘီး ခိုင်လောင်ဟူ ကြောန့်ပြုရစ် ပေးနိုင်ဘဲဟူကြောန့် နို့လေဟာ အယ်ပဒိပခတွပ် တရားစွဲခံရမယ် ဆိုဇာဟို့ဘဲ စိုးရိမ်ရဟယ်။ နို့လေဟာ အယ်ပဒိပခတွပ် ဖြေရှင်းချစ်ပေးနိုင်ဟို့ မူဟူ” ဆိုဘီး ပြောဟယ်။ 41 အယ်မျိုးပြောဘီးန မြို့စာရေးဟာ လူအောက်ဂီးဟို့ ပွန်ခိုင်းလိုက်ဟယ်။

20 ရှောက်ရစ်ခတ်ဇာလေ ပီးဟားဘီးန ပေါလုဟာ တဗွဲတော်လေဟို့ ခေါ်ဘီး နှစ်သိမ့်ပေးဟယ်။ အယ်ဘီးန သူးနို့ဟို့ နှော့က်ဆစ်ဘီးဟာ မာကေဒေါနိုပြည်ဟို့ ထွပ်ဟားလိုက်ဟယ်။ 2 သူဟာ နေရာတိုင်းဟို့ သွားဘီးဟာ ယောင်ကြည်သူလေဟို့ နှစ်သိမ့်အားပေးဘီးန အခါယပြည်ဟို့ သွားဟယ်။ 3 သူဟာ အယ်ပြည်မာ သောင်းလနေဟယ်။ အယ်ဘီးန ရှုရိပြည်ဟို့ သန်းဖောန သွားဟို့ ဆင်သင့်ဖြစ်နေဟူ ခီမာဘဲ ယုဒလူမျိုးလေဟာ သူဟို့ သတ်ဟို့တွပ် ကြံစည်နေဟယ် ဆိုဇာဟို့ ကြားရဟယ်။ အယ်ကြောန့် သူဟာ မာကေဒေါနိုပြည်ဟို့ ဖြတ်ဘီး ပွန်ဟို့တွပ် စိဆောင်းဖြတ်လိုက်ဟယ်။ 4 ပေါလုနတူးဒူ လိုက်ဟားသူလေဟု ဗေရိမြို့သားဖြစ်ဟူ ပုရရဲသား သောပတရ၊ သက်သာလောနိုတ်မြို့သားလေ ဖြစ်ဂေဟူ အာရိတ္တာနုန သေကန္တူ။ ဒေရဗေမြို့သားဖြစ်ဟူ ဂါယု၊ အာရိပြည်သားလေ ဖြစ်ဂေဟူ တုခိတ်န တရောဖိမ်လေ၊ အယ်ဘီးဟာ တိမောသေလေ ဖြစ်ဂေဟယ်။ 5 အယ်လူလေဟာ ရင်ဦးဆောင်းသွားဂေဘီးန ကျွန်တော်လေဟို့ တရောမြို့မာ စောန်နေဂေဟယ်။ 6 တဆေးမေ့ဘဲဟူ မှပဲ့တော် ပီးဟားဘီးန ကျွန်တော်လေဟု ဖိလိပိုမြို့ ဟုနေဘီး သန်းဖောန လာဂေဟယ်။ ငါးရစ်ကြာဘီးန သူးနို့ရှိနေဟူ တရောမြို့ဟို့ ရော့-က်ဟားဘီး အယ်မြို့မာ ခွန်နစ်ရစ်လော့-က် နေဂေဟယ်။ 7 ကျွန်တော်လေဟာ စနေနေ့ နေဒန်ဇာမာ မိတ်သဟာယစာ စားဂေဟို့တွပ် စုဂေဟယ်။ ပေါလုဟာ နော့-က်တနေ့မာ အယ်မြို့ဟုနေ ထွပ်ဟို့တွပ် ကြံစည်ဟားကြောန့် ညဉ့်နတ်ခီထိ လူလေဟို့ ဆစ်ဘီးဟာ ဟောပြောနေဟယ်။ 8 ကျွန်တော်လေ စည်းဝေးဟူ ထတ်ခန်းမာ မီးအီလေ ဘောင်ဂီးထွန်းဟားဟယ်။ 9 ဥတုခု နာမယ်ရှိဟူ ကောန်သားတယော့-က်ဟာ လတ်တန်ဗော့-က်ထတ်မာ ထိုင်နေဟယ်။ ပေါလုဟာ ဆစ်ဘီးဟောနေဟူ ခီမာ ဥတုခုဟာ အိဝိုက်လာဘီးန နော့-က်ဆောင်းမာ အိမ်ဟားဟူကြောန့် အီသောင်းထပ်ဟုနေဘီး မွေဂီးထတ်ဟို့ ကွဟားလေဟယ်။ လူလေဟာ သူဟို့ ခီလိုက်ဟူ ခီမာ သေဟားဘိ ဆိုဇာဟို့ တွံဂေဟယ်။ 10 အယ်ခီမာ ပေါလုဟာ အော့-က်ဟို့ ဆင်းဘီးဟာ အယ်လူထတ်မာ သူကိုယ်ဟို့ မှောက်ခွဘီးန ဖတ်ဟားလိုက်ဟယ်။ လူလေဟို့ “စိုးရိမ်ဂေ။ သူဟာ သတ်ရှင်နေသေးဟယ်” ဆိုဘီး ပြောဟယ်။ 11 ပေါလုဟာ အီထတ်ဟို့ ပွန်တတ်ဘီး တဗွဲတော်လေနတူးဒူ မဟို့ဖဲဘီး စားဂေဟယ်။ မိုးလန်းဟူခီထိ ကြာဂီးစကားပြောဘီးန ပေါလုဟာ ထွပ်ဟားလေဟယ်။ 12 တဗွဲတော်လေဟာ သတ်ရှင်နေသေးဟူ ကောန်သားဟို့ သူအီဟို့ ခေါ် ဟားဘီးမှ ရရာတိုင်း သတ်သာရာ ရဂေဟယ်။ 13 ကျွန်တော်လေဟာ သန်းဖောနားဟို့ ရင်ဦးဆောင်းသွားဘီးန အသုမြို့ဟို့ သွားဂေဟယ်။ အသုမြို့ဟို့ရော့-က်မှ ပေါလုဟို့ သန်းဖောစီးခိုင်းဟို့တွပ် ဖြစ်ဟယ်။ ပေါလုဟာ အယ်မြို့ဟို့ ကူးလမ်းဟုနေ သွားမယ် ဆိုဘီး ပြောဟားကြောန့် ဖြစ်ဟယ်။ 14 သူဟာ ကျွန်တော်လေဟို့ အသုမြို့မာ တွံဟူကြောန့် သူဟို့ သန်းဖောထတ်ဟို့

ခေါ်ဘီးဟာ မိတုလင်မြို့ဟို သွားဝေဟယ်။ 15 ကျွန်တော်ဟားလေဟာ အယ်နေရာဟုနေ ဝှပ်လွပ်ဘီး နှော့-ကံတနေမာ ခိအုကျွန်းနားဟို ရော့-ကံဟားဝေဟယ်။ တရစ်ကြာဘီးန သာမုကျွန်းဟို ရော့-ကံဟားဘီး နှော့-ကံတရစ်မု မိလကံမြို့ဟို ရော့-ကံဟားဝေဟယ်။ 16 ပေါလုဟာ အာရိပြည်မာ ခိကုရှင်ဘဲကြောန့် ဇဖက်မြို့ဟို ဖြတ်ဘီး သန်းဖောန သွားဟို့တွပ် စိဆောင်းဖြတ်ဟားဟယ်။ ဖြစ်နိုင်မယ် ဆိုဟာ ပင်တေကုထွေ ပွဲတော်မိအောန့် ယေရုရှလင်မြို့ဟို ရော့-ကံဟို့တွပ် သူဟာ ဗြန်းဗြန်ဟား သွားနေဟယ်။ 17 အယ်ခီမာ ပေါလုဟာ ဇဖက်မြို့ဟု သင်းတော်လူဂီးလေဟို သူဟို လာတို့ဟို့တွပ် မိလကံမြို့ဟုနေ လူလွတ်ဘီး ကြောန်းကြားလိုက်ဟယ်။ 18 အယ်လူလေဟု ရော့-ကံလာဝေဟူ ခီမာ ပေါလုဟာ “ငါဟာ အာရိပြည်ဟို ရော့-ကံဟူနေဟုစဘီး နန်းနို့တူးဒု ရှိနေဟူ ခီတိုင်းဟာ ဖယ်မျိုးသတ်ရှင်ဟယ် ဆိုဇာဟို နန်းနို့လေ သိဝေဟယ်။ 19 ယုဒလူမျိုးလေရဲ့ ကြံစည်လေကြောန့် ခတ်ခဲဟူခီလေဟို ကြောင်တို့နေရဘေမဲ့လည်း ငါဟာ မျစ်ရယ်ကွာဘီး စိနုလောင်းနို့ခွာဘီး သခင်ဘုရားဟို စေခံဟယ်။ 20 လူအောက်ဂီးရှေမာရော၊ နန်းနို့ အီလေမာရော ငါဟာ ဟောပြောဘီး သွန်သန်ဟူ ခီမာ နန်းနို့တွပ် ကျိုးရှိဟူ စကားလေဟို ဖယ်ခါလည်း ဝှပ်ဘီးထားဟူ။ 21 ဘုရားသခင်ရှေမာ နှောန့်ဒရရှင်၊ နို့လေရဲ့ သခင်ယေရှုဟို ယောင်ကြည်ရှင်း ကြောန်းလေဟို ယုဒလူမျိုးလေဟိုရော၊ ဟောလသလူမျိုးလေဟိုရော လေးလေးနတ်နတ်ဟား ဒီပေးဟယ်။ 22 ခု ငါဟာ ဝိညာဉ်တော်ရဲ့ မိန့်တော်ဟို နာခံဘီး ယေရုရှလင်မြို့ဟို သွားရမယ်။ အယ်မြို့မာ ဖယ်မျိုးဖြစ်မယ် ဆိုဇာဟို ငါသိဟူ။ 23 သန်ရှင်းဟူဝိညာဉ်တော်ဟု ‘နန်ဟာ တောက်နှောန့်ရှင်းန ဒေါက်ခလေဟို ခံရလေမယ်’ ဆိုဘီး မြို့တိုင်းမာ ငါ့ဟို ဒီပေးဟားဟယ် ဆိုဇာဟို ငါသိဟယ်။ 24 အယ်ဘေမဲ့ ငါ့တွပ်သတ်မှတ်ဟားဟူ လောက်တာဝန်န သခင်ယေရှုပေးဟားဟူ မှုတော်ဟို ပီးအောန့်လောက်ဆောန့်ဟို မိကဖြစ်ဟူကြောန့် ငါဟာ ကိုယ့်သတ်ဟို ကိုယ်ဗြောဟူ။ ကိုယ်တော်ပေးဟားဟူ မှုတော်ဟာ ဘုရားသခင်ရဲ့ ကျေးဇူးတော်ကြောန်းဖြစ်ဟူ ဒန်းကောန်းဟို ကြေညာဟို့တွပ် ဖြစ်ဟယ်။” 25 “ငါဟာ ဘုရားသခင်ရဲ့ နိုင်ငံတော်ကြောန်းဟို နန်းနို့နားဟို လာဘီး ဟောပြောဟယ်။ အယ်ဘေမဲ့ နန်းနို့ဟုလွဲဘီး ဖယ်သူဟုလည်း ငါ့မျစ်နာဟို နှော့-ကံတခါ ဗြင်ရဟို့မှဘီ ဆိုဇာဟို ငါသိနေဟယ်။ 26 အယ်ကြောန့် နန်းနို့ထဲဟု ယော့-ကံယော့-ကံဟာ သတ်ဝိညာဉ်ဆောင်းရှောင်းမယ် ဆိုဟာ လူလေရဲ့သွီးနု ငါကင်းလွတ်ဟယ် ဆိုဇာဟို အယ်နေဘဲ နန်းနို့ဟို ငါဟာ လေးလေးနတ်နတ်ဟား သတ်သေခံဟယ်။ 27 ဖြားဖြစ်ကြောန့်နားဆိုဟာ ငါဟာ ဘုရားသခင်ရဲ့ လိုတော်ဟို နန်းနို့လေဟို ဂူလောင်း ပြောပြဟားပီးဘီ။ 28 အယ်ကြောန့် နန်းနို့လေဟာ ကိုယ့်ကိုယ်ကိုယ်ရော၊ နန်းနို့လတ်ထဲဟို သန်ရှင်းဟူဝိညာဉ်တော်ဟု ပေးဟားဟူ သိုးစုလေဟိုရော စောန့်ရှော့-ကံဘီး ကေရှုဂေပါ။ ဘုရားသခင် ရဲ့ သင်းတော်ဟို သိုးထီးမျိုး ကေရှုဂေပါ။ ဘုရားသခင်ဟာ သူ့သားတော်ရဲ့ သွီးတော်အားဖြင့် သင်းတော်ဟို ဝယ်ဟားဟယ်။ 29 ငါမေ့ဘဲဟူ နှော့-ကံမာ လူတချို့ဟာ နန်းနို့နားဟို လာဘီးဟာ ရစ်ဆစ်ကြမ်းထန်းဟူ ဝံပုလွေလေမျိုး သိုးစုဟို ညာတာဘဲန လောက်ဂေမယ် ဆိုဇာဟို ငါသိနေဟယ်။ 30 နန်းနို့ထဲမာ တချို့လူလေဟာ လီညာပြောဆိုဘီး ယောင်ကြည်သူလေဟို သူ့နှော့-ကံဟို ခေါ် ဟားဟူခီ ရော့-ကံလာလေမယ်။ 31 အယ်ကြောန့် ဒီနုနေဂေပါ။ ငါဟာ နန်းနို့ ဂူလောင်းဟို သောင်းနှစ်လောင်းလောင်း နေရောညဉ့်ရော မျစ်ရယ်ကွာဘီး ဆောင်းမသွန်သန်ဇာဟို ဒီရဂေပါ။ 32 “ခု နန်းနို့လေဟို ဘုရားသခင်ရဲ့ လတ်ထဲဟိုရော၊ ကျေးဇူးတော်တရားရဲ့ လတ်ထဲဟိုရော ငါအပ်လိုက်ဟယ်။ အယ်ကျေးဇူးတော်တရားဟာ နန်းနို့လေဟို တည်ဆော့-ကံဟို့တွပ် ကိုယ်တော်ရဲ့ သန်ရှင်းသူလေတွပ် ထားဟားဟူ ကောန်းဂျီးမင်္ဂလာလေဟို နန်းနို့ ခံစားရလေမယ်။ 33 ငါဟာ တခြားသူလေရဲ့ ရွှေလေ၊ ငွေလေနု ဝတ်စားလေဟို တတ်မတ်ဇာ မေ့ဟူ။ 34 ငါဟာ အယ်လတ်လေနု လောက်လောက်ဘီး ငါ့ပေါန်းသင်းလေရဲ့ လိုအပ်ဇာလေဟို ဖွဲ့ပေးနေဟယ် ဆိုဇာဟို နန်းနို့လေဟာ သိဝေဟယ်။ 35 အယ်မျိုးဘဲ နန်းနို့လေလည်း လောက်ဟို ကြိုးစားဘီး ဆင်းရဲဟူ လူလေဟို ကူညီဝေဟို့တွပ် ငါပြရစ်ဟယ်။ သခင်ယေရှု ကိုယ်တိုင်ဟု ‘ပေးဟူဇာဟု ရယူဇာထတ် ပိုဘီး မင်္ဂလာရှိဟယ်’ ဆိုဘီး မိန့်တော်မူဟားဟူ စကားဟို ဒီရဂေပါ” ဆိုဘီး ပြောဟယ်။ 36 အယ်မျိုးပြောဘီးန ပေါလုဟာ ဒူးထော့-ကံဘီး အယ်လူလေနုတူးဒု ဆုတောင်းလေဟယ်။ 37 သူ့နို့လေ ဂူလောင်းဟာ ရရာတိုင်း ငိုဝေဘီးန ပေါလုဟို

ဖတ်ဘီး နောက်ဆစ်ဂေဟယ်။ 38 ပေါလုဟာ သူ့မျှစ်နှာဟို နှော့-ကံတခါ ပြင်ရဟိုမှတို ဆိုဘီး ပြောဟူကြောန့် သူးနို့လေဟာ ပိုဘီး ဟာ ဝန်းနဲဂေဟယ်။ အယ်ဘီးန သူးနို့ဟာ ပေါလုဟို သန်းဖောနားဟို လိုက်ပို့ဂေဟယ်။

21 ကျွန်တော့်လေဟာ အယ်လူလေနားဟုနေဘီး ထွပ်လာဘီးဟာ သန်းဖောန ကောသကျွန်းဟို တည့်တည့်သွားဂေဟယ်။ နှော့-ကံတနေမာ ရောဒုကျွန်းဟိုရော၊ အယ်ကျွန်းဟုနေဘီး ပါတရမြို့ဟိုရော ရော-ကံဟားဂေဟယ်။ 2 မိနိတ်ပြည်ဟို သွားဟူ သန်းဖောတစင်းဟို တိုဟားဟူ ခီမာ အယ်သန်းဖောထတ်ဟို တတ်ဘီး သွားဂေဟယ်။ 3 ကျွန်တော့်လေဟာ ကုပရကျွန်းဟို ပြင်ရဟူ ခီမာ အယ်ကျွန်းရဲ့ တောန့်ဖတ်ဟုနေဖြတ်ဘီး ရှုရိပြည်ဟို သန်းဖောန သွားဂေဟယ်။ တုရမြို့မာ ကူပစ်စီးလေဟို ခွရဟိုတွပ် အယ်မြို့မာ သန်းဖောဟို ဝမ်ဘီးနားရဟယ်။ 4 ကျွန်တော့်လေဟာ အယ်နေရာမာ တဗဲတော်တချို့ဟို တိုဘီး သူးနို့တူးဒု ခွန်နစ်ရစ် နေဂေဟယ်။ အယ်တဗဲတော်လေဟာ ဝိညာဉ်တော်ရဲ့ တဂိုန ပေါလုဟို ယေရုရှလင်မြို့ဟို သွားဘဲဟိုတွပ် ပြောဂေဟယ်။ 5 အယ်ဘောမဲ့ ခွန်နစ်ရစ် ကြာဟားဟူ ခီမာ ကျွန်တော့်လေဟာ ခရီးသွားဂေဟယ်။ တဗဲတော်လေ ဂူလောင်းဟာ သူးနို့ မီးမလေန သားဂန်းဟားလေနတူးဒု မြို့ပွန်ဟု ပန်လယ်ကမ်းနားဟို ရော-ကံအောန် လိုက်ပို့ဂေဟယ်။ ကျွန်တော့်လေဟာ ပန်လယ်ကမ်းနားမာ ဒူးထော့-ကံဘီး ဆုတောင်းဂေဟယ်။ 6 အယ်ဘီးန ယော့-ကံနယော့-ကံ နောက်ဆစ်ဘီးဟာ ကျွန်တော့်လေဟာ သန်းဖောထတ်ဟို တတ်ဘီး သူးနို့လေဟာ အီဟို ယွန်ဟားဂေဟယ်။ 7 တုရမြို့ဟုနေဘီး ဆစ်ဘီးသွားဂေဟူ ခီမာ ကျွန်တော့်လေဟာ ပတောလင်မြို့ဟို ရော-ကံဟားဂေဟယ်။ အယ်မြို့မာ ညီကို မောန်နမလေဟို နောက်ဆစ်ဘီးန သူးနို့တူးဒု တရစ်လော့-ကံနေဂေဟယ်။ 8 နှော့-ကံတနေမာ ထွပ်ဟားဘီး ကဲသရိမြို့ဟို ရော-ကံဟားဂေဟယ်။ ကျွန်တော့်လေဟာ ဧဝံဂေလိဆရာ ဖိလိပ္ပို အီမာတည်းဂေဟယ်။ ဖိလိပ္ပိုဟု တဗဲတော်လေဟို ကူညီဟိုတွပ် ယေရုရှလင်သင်းတော်ဟု ဝီးကော့-ကံဟားဟူလူ ခွန်နစ်ယော့-ကံထဲမပါဟူ လူတယော့-ကံဖြစ်ဟယ်။ 9 သူမာ အီထောန်လွသေးဘဲဟူ သမီးလေးယော့-ကံရှိဟယ်။ သူသမီးလေဟာ ပရောဖက်ပြုဘီး ဘုရားသခင်ရဲ့ တရားတော်ဟို ကြေညာဂေဟယ်။ 10 အယ်အီမာ ကျွန်တော့်လေဟာ ရစ်တန်ကြာ နေဘီးဟူ ခီမာ အာဂဗု နာမယ်ရှိဟူ ပရောဖက်တယော့-ကံဟာ ယုဒပြည်ဟုနေ ရော-ကံလာဟယ်။ 11 သူဟာ ကျွန်တော့်လေနားဟို လာဘီး ပေါလုရဲ့ ခါးဗတ်ဟို ယူဘီး သူခေန လတ်ဟို ခယ်လိုက်ဟယ်။ အယ်ဘီးန “အယ်ခါးဗတ် ဇရှင်ဟို ယုဒလူလေဟာ ယေရုရှလင်မြို့မာ အယ်မျိုးခယ်ဘီးဟာ လူမျိုးခြားလေဟို အပ်ဂေလေမယ် ဆိုဘီး သန်ရှင်းဟူဝိညာဉ်တော်ဟု မိန့်တော်မူဟယ်” ဆိုဘီး ပြောဟယ်။ 12 အယ်စကားဟို ကြားရဟူ ခီမာ ကျွန်တော့်လေဟာ အယ်နေရာမာရှိနေဟူ လူလေဟာ ယေရုရှလင်မြို့ဟို သွားဘဲဟိုတွပ် ပေါလုဟို တောင်းဗန်ဂေဟယ်။ 13 အယ်ဘောမဲ့ ပေါလုဟု “နန်းနို့ဟာ ဖြားဖြစ်ကြောန့် အယ်မျိုးဝိဘီးဟာ ငါ့ရဲ့ စိန်လောင်းဟို ကြေကွဲစေဂေနူး။ ငါဟာ သခင်ယေရှုရဲ့ နာမတော်ကြောန့် ယေရုရှလင်မြို့မာ ခယ်ခံရဘီး သေခံဟိုဟိုမှ ဆင်သင့်ရှိဟယ်” ဆိုဘီး ယွန်ပြောဟယ်။ 14 ပေါလုဟို သွီးဆောန်နိုင်ဘဲကြောန့် ကျွန်တော့်လေဟာ လတ်ရှော့လိုက်ဘီး “သခင်ဘုရားရဲ့ လိုတော်တိုင်းဘဲ ဖြစ်ပါစေ” ဆိုဘီး ပြောဂေဟယ်။ 15 ရစ်နဲနဲကြာဘီးန ကျွန်တော့်လေဟာ ပစ်စီးလေဟို ထောက်ဘီးဘီးဟာ ယေရုရှလင်မြို့ဟို တတ်ဟားဂေဟယ်။ 16 ကဲသရိမြို့ဟု တဗဲတော်တချို့ဟာ ကျွန်တော့်လေနတူးဒု လိုက်ဘီး ကျွန်တော့်လေဟို ကုပရကျွန်းသား တဗဲတော်ဟောင်း တယော့-ကံဖြစ်ဟူ မနာသုန်ရဲ့ အီမာတည်းဟိုတွပ် ခေါ်ဟားဂေဟယ်။ 17 ယေရုရှလင်မြို့ဟို ရော-ကံဟားဂေဟူ ခီမာ ညီကို မောန်နမလေဟု ကြိုဆိုဂေဟယ်။ 18 နှော့-ကံတနေမာ ပေါလုဟာ ကျွန်တော့်လေနတူးဒု ယာကုပ်ဟို တိုဟိုတွပ် သွားဂေဟယ်။ သင်းတော်လူဝီးလေ အားလောင်းလည်း သူနားမာ ရှိနေဂေဟယ်။ 19 ပေါလုဟာ အယ်လူလေဟို နောက်ဆစ်ဘီးန သူရဲ့ မှုတော်လောက်ခန်းအားဖြင့် လူမျိုးခြားလေဟို ဘုရားသခင်လောက်ဟူ မှုရှိမျှလောင်းဟို တန်ပြဟယ်။ 20 သူးနို့လေဟာ အယ်မူဇာဟို ကြားရဘီးန ဘုရားသခင်ဟို ချီးမွမ်းဂေဟယ်။ အယ်ဘီးန သူးနို့ဟု “ညီပေါလု၊ ယုဒလူလေ

ထောင့်နသောင်းနချီဘီး ယောင်ကြည်သူလေ ဖြစ်လာရေဟယ် ဆိုဇာဟို နန်းနီလေ သိမြင်ရေဟယ်။ သူးနီလေ ဂူလောင်းဟာ ပညတ်တရားဖတ်မာ စိအားထတ်သန်ဟူ သူလေ ဖြစ်ရေဟယ်။ 21 ‘နန်ဟာ လူမျိုးခြားလေထဲမာနေဟူ ယုဒလူလေဟို နန်းနီရဲ့ သားဂန်းဟားလေဟို ရေဖျားလီးပေးရေန။ နန်းနီဟာ ယုဒ ထောင်းဒန်းစဉ်လာလေဟို လိုက်ရေန’ ဆိုဘီး မောရှေရဲ့ ပညတ်တရားဟို စွန့်ပစ်ဟိုတွပ် သွန်သန်နေဇာဟို အယ်လူလေဟု ကြားရေဟယ်။ 22 အယ်မျိုးဆိုဟာ နီလေဟာ ဖယ်မျိုးလောက်ရဟိုနူး။ နန်ရော့-က်လာဟူဒန်းဟို သူးနီလေဟာ ကြားရမယ် ဆိုဇာ သေချာနေဟယ်။ 23 အယ်ကြောန့် နန်ဟို နီလေပြောဟားဟူတိုင်း လောက်လိုက်။ နီလေမာ သစ်စာကဒိပြုဟားဟူ လူလေးယော့-က်ရိဟယ်။ 24 အယ်လူလေဟို ခေါ်ဟားဘီး သူးနီနူးတူးဒူ စင်ကြယ်ရှင်းဟို လောက်ဘီးဟာ သူးနီခေါန်းဟို ရိဟိုတွပ်ခဟို ပေးလိုက်။ အယ်မျိုးလောက်မယ် ဆိုဟာ နန်ကြောင်းဟို သူးနီကြားရေရဟူ ဒန်းဟာ မှန်ဟု ဆိုဇာဟိုရော၊ နန်ကိုယ်တိုင်ဘဲ မောရှေရဲ့ ပညတ်တရားဟို တိတိလွှာလွှာဟား စောန့်ထီးဟယ် ဆိုဇာဟိုရော လူတိုင်းသိရေလေမယ်။ 25 အယ်ဘောမဲ့ ယောင်ကြည်သူ လူမျိုးခြားလေတွပ်ဟု ရောက်ထုရှေမာ ပူဇော်ဟားဟူ စားဇာ၊ သွီ။ လည်ဗန်းလီးဘဲန သတ်ဟားဟူ လိဆန်လေဟို စားဘဲဟိုတွပ်န တရားဘဲဟူ မေထုန်ဟိုလည်း ရှောန်ဟိုတွပ် နီလေဟာ ဆောင်းဖြတ်ဘီး သူးနီနားဟို စာရေးဘီး ကြောင်းကြားဟားပီးဘီ” ဆိုဘီး ပြောရေဟယ်။ 26 အယ်ကြောန့် ပေါလုဟာ နော့-က်တနေမာ အယ်လူလေးယော့-က်ဟို ခေါ်ဘီးန သူးနီနူးတူးဒူ စင်ကြယ်ရှင်းဟို လောက်ရေဟယ်။ အယ်ဘီးန သူဟာ ဗိမာန်တော်ဟို သွားဘီး သူးနီယော့-က်ချင်းစီတွပ် ပူဇော်သကာလောက်ရမယ့် ဒီဖြစ်ဟူ စင်ကြယ်ရှင်းဟို လောက်ရဟူ နေရစ်လေ ပီးဆောင်းမယ်ခီဟို သိပေးလေဟယ်။ 27 ခွန်နစ်ရစ်လော့-က် ကြာဟားဟူ ခီမာ အာရှိပြည်ဟုနေ ယုဒလူတချို့ဟာ ပေါလုဟို ဗိမာန်တော်မာ ဗြင်ဟားရေဟယ်။ သူးနီဟာ လူအောက်ဂီးဟို နီဆော်ပေးဘီး ပေါလုဟို ဖမ်းရေဟယ်။ 28 သူးနီဟု “ဣသရေလလူလေ၊ ကူညီရေပါ။ အယ်လူဟာ နေရာတိုင်းဟို သွားဘီး နီလူမျိုးန နီလူမျိုးရဲ့ ပညတ်တရားဟိုရော၊ အယ်ဗိမာန်တော်ဟိုရော ဆန့်ကျင်ဘီး လူတိုင်းဟို သွန်သန်နေဟယ်။ အယ်မျှလော့-က်ဘဲ မှဘဲန သူဟာ လူမျိုးခြားလေဟိုလည်း ဗိမာန်တော်ထဲဟို ခေါ်ဆောန်လာဘီးဟာ အယ်သန်ရှင်းဟူ နေရာဟို ညစ်ညူးစေဟယ်” ဆိုဘီး အော်ရေဟယ်။ 29 ဖြားဖြစ်ကြောန့် အယ်မျိုးပြောနူး၊ ဆိုဟာ သူးနီဟာ ပေါလုဟို ဧဖက်ဗြိသား တရောဖိမ်နတူးဒူ ဗြိထဲမာတိုဘီး အယ်လူဟို ဗိမာန်တော်ထဲဟို ပေါလုဟာ ခေါ်လာဟယ် ဆိုဘီး ထန်ရေဟယ်။ 30 တဗြိလောင်းဟာ ရှောက်ရှစ်ခတ်ဘီး လူလေဟာ ညွေးလာဘီးန ပေါလုဟို ဖမ်းဘီးဟာ ဗိမာန်တော်ယွန်ဟို ဆွဲထုရေဟယ်။ ရှစ်ရှင်းဘဲ ဗိမာန်တော်ရဲ့ ခွဗော့-က်လေဟို ပိလိုက်ရေဟယ်။ 31 သူးနီဟာ ပေါလုဟို သတ်ဟိုတွပ် ကြိုးစားနေဂေဒူးမာ ယေရုရှလင်ဗြိ တဗြိလောင်းဟာ ရှောက်ရှစ်ခတ်နေဟယ် ဆိုဘီး ရောမတပ်မှူးနားဟို ဒန်းဟာ ရော့-က်လာဟယ်။ 32 ရှစ်ရှင်းဘဲ တပ်မှူးဟာ စစ်သားလေန ရာရှိတချို့ဟို ခေါ်ဘီးဟာ လူအောက်နားဟို ဆင်းညွေးလာရေဟယ်။ လူလေဟာ တပ်မှူးန စစ်သားလေဟို ဗြင်ဟားဟူ ခီမာ ပေါလုဟို ရိုက်ဘဲန နေရေဟယ်။ 33 အယ်ခီမာ တပ်မှူးဟာ ပေါလုနားဟို ရော့-က်လာဘီး ဖမ်းဘီးဟာ သံကြိုးနွေပန်န ခယ်ဟိုတွပ် မိန့်ပေးလိုက်ဟယ်။ အယ်လူဟု ဖယ်သူဖြစ်နူး။ ဖြားဇာလောက်ဟားနူး၊ ဆိုဘီး မေးဟယ်။ 34 လူလေဟု တယော့-က်တဘော့-က် အော်ဘီးဟာ ရောက်ရောက်သဲသဲ ဖြစ်နေဟူကြောန့် တပ်မှူးဟာ ခြေနောက်ဟို သိနိုင်ဘဲကြောန့် ပေါလုဟို ရဲတိုက်ထဲဟို ခေါ်ဆောန်ဟားဟိုတွပ် မိန့်ပေးလိုက်ဟယ်။ 35 ရဲတိုက်လေကားဟို ရော့-က်ဟားဟူ ခီမာ လူလေဟု ပိုဘီး ကြမ်းလာဘီးဟာ စစ်သားလေဟာ ပေါလုဟို ခီဘီးဟာ ထမ်းဟားရေဟယ်။ 36 လူလေဟာ “သူဟို သတ်လိုက်” ဆိုဘီး အော်ဘီး လိုက်နေရေဟယ်။ 37 ပေါလုဟာ သူဟို ရဲတိုက်ထဲဟို ခေါ်ဆောန်ဟားဟို လောက်ဟူ ခီမာ သူဟု တပ်မှူးဟို “ခန်ဗျားန ကျွန်တော် စကားနဲနဲဟား ပြောရှင်ဟယ်” ဆိုဘီး ပြောလိုက်ဟယ်။ တပ်မှူးဟု “နန်ဟာ ဟောလသစကားဟို ပြောတတ်ဘဲလော။ 38 အယ်ဆိုဟာ နန်ဟာ အယ်ရစ်လေတိုင်ခန်ဟု ပေါင်ကန်ထကြွဘီး ကြမ်းဖတ်မား ၄,၀၀၀ ဟို တောကန္တာရဟို ခေါ်ဆောန်ဟားဟူ အဲဂုတ္တုလူ မူဟုလော” ဆိုဘီး မေးဟယ်။ 39 ပေါလုဟု “ကျွန်တော်ဟာ ယုဒလူဖြစ်ဘီး ကိလိကိနယ်ရဲ့ ထန်ရှားဟူ၊ တာရှုဗြိမာဗြိဟူ ဗြိကီးသားဖြစ်ဟယ်။

ကျွန်တော့်ဟို ကျေးဇူးပြုဘီး လူလေဟို စကားပြောခွင့်ပေးပါ” ဆိုဘီး ပြောဟယ်။ 40 တပ်မှူးဟု ခွင့်ပေးဟူကြောင့် ပေါလုဟု လှေကားထုတ်မာရပ်ဘီး လူလေဟို တိတိဆိဆိဟူး နေဟိုတွပ် လတ်န ချစ်ပြလိုက်ဟယ်။ အယ်လူလေဟု တိတိဆိဆိဟူး ဖြစ်ဟူးဂေဟူ ခီမာ သူဟု ယုဒစကားန၊

22 “သူ့ညီကိုလေန ဖလေ၊ ခုကျွန်တော့်ရဲ့ ဖြေရှင်းချစ်ဟို နားထောင့်ဂေပါ” ဆိုဘီး ပြောဟယ်။ 2 သူးနို့ဟို ယုဒစကားန ပြောနေဟယ် ဆိုဇာဟို ကြားရဟူ ခီမာ သူးနို့ဟု ပိုဘီး တိဆိဟူးဂေဟယ်။ အယ်ဘီးန ပေါလုဟု၊ 3 “ကျွန်တော်ဟု ကိလိဂိနယ်၊ တာရှုမြို့မာခွီးဟူ ယုဒလူဖြစ်ဟယ်။ ယေရုရှလင်မြို့မာ ကီးလာဘီး ဘီးဘေးလေ လိုက်လျှော့-က် ကျင့်သောင်းဟူ ပညတ်တော်ဟို ဂါမလျေလနားမာ တိတိလွတ္တဟူး သန်ယူဟူးဟယ်။ ခုနန်းနို့ဟု ဘုရားသခင်ရဲ့ မှုတော်ဟို လောက်ဟိုတွပ် စိအားထုတ်သန်ဟူမျိုးဘဲ ကျွန်တော်ဟုလည်း စိအားထုတ်သန်ဟူးဟယ်။ 4 ကျွန်တော်ဟု ယေရှုရဲ့ လမ်းစဉ်ဟို လိုက်လျှော့-က်ဂေဟူ လူလေဟို သေလော့-က်အောက်ထိ ညဉ်းဆဲဟူးဟယ်။ ယော့-က်ကျားလေန မီးမလေဟို ဖမ်းဘီးဟု ထောင့်ညွှတ်ဟူးဟယ်။ 5 ကျွန်တော် ပြောနေဇာလေဟု မှန်ဟယ် ဆိုဇာဟို ယဇ်ပုရောဟိတ်မန်းနတူးဒ ယုဒတရားလွှတ်တော် တခုလောင်းဟု သတ်သေပြန်ဂေဟယ်။ ကျွန်တော်ဟု သူးနို့နားဟုနေဘီး ဒမာသက်မြို့မာရှိဟူ ယုဒညီကိုလေဟို ရေးပေးလိုက်ဟူ စာလေဟို ယုဘီးန အယ်လမ်းစဉ်ဟို လိုက်လျှော့-က်ဟူ လူလေဟို ပြစ်စီရင်ဟိုတွပ် ဖမ်းဘီးဟု ယေရှုလင်မြို့ဟို ခေါ်ဆောန်လာဟိုတွပ် အယ်မြို့ဟို ထွပ်ဟူးဟယ်။ 6 “ကျွန်တော်ဟု ခရီးသွားရင်းန ဒမာသက်မြို့နားဟို ရော့-က်ဟူ ခီမာ မွန်းဒဲခီန ကောန်းဂန်ဟုနေ တော့-က်ပဟူ လန်းရောန်တခုဟု ရောက်တရစ် ကျွန်တော့်ပတ်လည်မာ ထွန်းတော့-က်လာဟယ်။ 7 ကျွန်တော်ဟု ဗွေဂီးထုတ်ဟို လဲက္တဟူးဘီး ‘ရှောလု၊ ရှောလု၊ နန်ဟု ဖြားဖြစ်ကြောန့်၊ ငါ့ဟို ညဉ်းဆဲနူး’ ဆိုဘီး ကျွန်တော့်ဟို ပြောနေဟူသံဟို ကြားရဟယ်။ 8 ကျွန်တော်ဟု ‘သခင်၊ ကိုယ်တော်ဟု ဖယ်သူးနူး’ ဆိုဘီး မေးလျှော့-က်လိုက်ဟယ်။ ကိုယ်တော်ဟု ‘ငါဟု နန်ညဉ်းဆဲနေဟူ နာဇရက်မြို့သား ယေရှုဘဲဖြစ်ဟယ်’ ဆိုဘီး မိန့်တော်မူလေဟယ်။ 9 ကျွန်တော်နတူးဒ ရှိနေဂေဟူ လူလေဟု အယ်လန်းရောန်ဟို ဗြင်ရဂေဘေမဲ့ ကျွန်တော့်ဟို ပြောနေဟူသုရဲ့ သံတော်ဟို ကြားရဂေဟု။ 10 ကျွန်တော်ဟု ‘သခင်၊ ကျွန်တော်ဟု ဖယ်မျိုးလောက်ရဟိုနူး’ ဆိုဘီး မေးလျှော့-က်လိုက်ဟယ်။ ကိုယ်တော်ဟု ‘ထဘီးဟု ဒမာသက်မြို့ဟို သွားလိုက်။ နန်လောက်ရဟိုတွပ် သတ်မှတ်ဟူးဟူဇာလေ ဂူလောင်းဟို အယ်မြို့မာ နန်ဟို ငါပြောပြမယ်’ ဆိုဘီး မိန့်တော်မူလေဟယ်။ 11 ကျွန်တော်ဟု တော့-က်ပဟူ လန်းရောန်ကြောန့် မျစ်စိကန်းဟူးဘီး ကျွန်တော်နတူးဒ ရှိနေဂေဟူ လူလေဟု ကျွန်တော့်လတ်ဟို ဆွဲဘီးဟု ဒမာသက်မြို့ထဲဟို ခေါ်ဆောန်ဟူးဂေဟယ်။ 12 “အယ်မြို့မာ အာနနိ နာမယ်ရှိဟူ လူဟု ပညတ်တရားဟို လိုက်လျှော့-က်ကျင့်သောင်းဘီး ဘာသာရေးလိုက်စားဟူ လူလည်းဖြစ်ဟယ်။ အယ်မြို့မာနေဟူ ယုဒလူလေရဲ့ ချီးကျူးလေးစားခံရဟူ လူဖြစ်ဟယ်။ 13 သူဟု ကျွန်တော်နားဟို လာဘီး နီးနားမာ ရပ်ဘီးဟု ‘ညီရှောလု၊ မျစ်စိယွန်ဗြင်စေ!’ ဆိုဘီး ပြောဟယ်။ ရှစ်ရှင်းဘဲ ကျွန်တော့်ဟု မျစ်စိယွန်ဗြင်ဟူးဘီး သူဟို ကေ့လိုက်ဟယ်။ 14 အာနနိဟု ‘နန်ဟု နို့ဘီးဘေးလေရဲ့ ဘုရားသခင် လိုတော်ဟို သိဟိုတွပ်ရော၊ ကိုယ်တော်ရဲ့ ဖြောန့်မတ်ဟူ စေခံဟို ဗြင်ရဟိုတွပ်ရော၊ အယ်သခင်ရဲ့ နောက်တော်ဟုနေ သံတော်ဟို ကြားရဟိုတွပ်ရော ကိုယ်တော်ဟု နန်ဟို ဝီးကော့-က်လိုက်ဟယ်။ 15 နန်ဟု ဗြင်ရကြားရဇာလေဟို လူတိုင်းဟို ပြောဟိုတွပ် အယ်သခင်ရဲ့ သတ်သေ ဖြစ်ရလေမယ်။ 16 ခုနန်ဟု ဖြားဖြစ်ကြောန့် ခီဆွဲနေရနူး၊ ထဘီးဟု ဗတ္တိဇံခံလိုက်။ အယ်ဘီးဟု နန်ရဲ့ ပြစ်လေ လွှတ်ခံရဟိုတွပ် သခင်ဘုရားရဲ့ နာမတော်န ဆုတောင်းလိုက်’ ဆိုဘီး ပြောဟယ်။ 17 “ကျွန်တော်ဟု ယေရှုလင်မြို့ဟို ယွန်ရော့-က်ဘီး ဗိမာန်တော်မာ ဆုတောင်းနေဒူးမာ ရူပါရောင်ဟို ဗြင်ရဟယ်။ 18 အယ်ရူပါရောင်မာ သခင်ဘုရားဟို ဗြင်ရဘီး ကိုယ်တော်ဟု ‘နန်ဟု ယေရှုလင်မြို့ဟုနေ ဗြန်းဗြန်းဟူး ထွပ်ဟူးလိုက်။ အယ်မြို့သားလေဟု ငါကြောန်းသတ်သေခံဇာဟို လတ်ခံဂေဟူ’ ဆိုဘီး မိန့်တော်မူဟယ်။ 19 ကျွန်တော်ဟုလည်း ‘သခင်ဘုရား၊ ကျွန်တော်ဟု ဝါလယ်ဇရပ်လေဟို သွားဘီးဟု သခင်ဟို ယောင်ကြည်ဟူ လူလေဟို

ရိုက်နှက်ဘီး ထောင့်ညွှတ်ဟောင်းဟောင်း ဆိုစာဟို အယ်လူလေ သိဂေဟယ်။ 20 ကိုယ်တော်ရဲ့ သတ်သေဖြစ်ဟူ သတေဖန်ဟို သတ်ဂေဟူ ခီမာလည်း ကျွန်တော်ကိုယ်တိုင်ဟာ နားမာရပ်ဘီး လိုတူလိုပါဖြစ်ဟယ်။ သူ့ဟို သတ်ဟူလူလေရဲ့ အန်းဂီလေဟို စောန်ပေးဟောင်းဟယ်’ ဆိုဘီး ယွန်လျှော့-က်လိုက်ဟယ်။ 21 သခင်ဘုရားဟု ‘သွားလိုက်၊ ရပ်ဝီးမာနေဟူ လူမျိုးခြားလေးနားဟို နန်းဟို ငါလွတ်မယ်’ ဆိုဘီး မိန်းတော်မူဟယ်” ဆိုဘီး ပြောဟယ်။ 22 လူလေဟာ ပေါလုရဲ့ စကားဟို အယ်မျှထိ နားထောန်ဂေဘီးန “အယ်လူဟို ကမ္ဘာမွေဂီးဟုနေ ဖယ်ရှားလိုက်! သူ့ဟို သတ်လိုက်! သူဟာ သတ်ရှင်သင့်ဟု!” ဆိုဘီး သံကွယ်ဂီးန အော်ဂေဟယ်။ 23 သူးနိုဟာ အန်းဂီလေဟိုခါရမ်းဘီး မွေမူလေဟို လေထဲဟို ပစ်တန်ဘီးဟာ အော်ဂေဟယ်။ 24 အယ်ခီမာ ရောမတပ်မှူးဟာ ပေါလုဟို ရဲတိုက်ထဲဟို ခေါ်ဆောန်ဟားဟိုတွပ်န လူလေဟာ ဖြားဖြစ်ကြောန့် သူ့ဟို ဆန်ကျင်ဘီး အယ်မျိုး အော်နေဂေဟို သိရှင်တွပ် သူ့ဟိုရိုက်ဘီး စစ်ဆေးဟိုတွပ် မိန်းပေးလိုက်ဟယ်။ 25 သူ့ဟို ရိုက်ဟိုတွပ် ကြိုးန တောက်ဂေဟူ ခီမာ ပေါလုဟု နီးနားမာရပ်နေဟူ ရာရှိဟို “ရောမ နိုင်ငံသားတယော့-က်ဟို စစ်ဆေးဘဲန ကီဒ်ပေးဇာဟာ တရားဥပဒေ ကိုက်ညီဘဲလော” ဆိုဘီး မေးဟယ်။ 26 အယ်စကားဟို ကြားရဟူ ရာရှိဟာ တပ်မှူးနားဟို သွားဘီး “သခင် ဖယ်မျိုးလောက်ဟိုနူး။ အယ်လူဟာ ရောမနိုင်ငံသားဖြစ်ဟယ်!” ဆိုဘီး လျှော့-က်လိုက်ဟယ်။ 27 အယ်ကြောန့် တပ်မှူးဟာ ပေါလုနားဟို လာဘီး “ငါ့ဟိုပြောပါ။ နန်ဟာ ရောမနိုင်ငံသားလော” ဆိုဘီး မေးဟယ်။ ပေါလုဟု “မှန်ဟယ်” ဆိုဘီး ယွန်ဖြေလိုက်ဟယ်။ 28 တပ်မှူးဟု “ငါဟာ ကပ်လေဘောင်ဂီး ပေးဘီးမှ ရောမနိုင်ငံသား ခံယူဟောင်းဟယ်” ဆိုဘီး ပြောဟယ်။ ပေါလုဟု “ငါဟာ ဇာတိအားဖြင့် ရောမနိုင်ငံသားဖြစ်ဟယ်” ဆိုဘီး ယွန်ပြောဟယ်။ 29 သူ့ဟို စစ်ဆေးနေဟူ လူလေဟာ ရှစ်ရှင်းဘဲ နော့-က်ဟို ဆုဟားဂေဟယ်။ ပေါလုဟာ ရောမနိုင်ငံသားဖြစ်ဟယ် ဆိုစာဟိုရော၊ သူ့ဟို သံကြိုးန ခယ်လိုက်မိဘို ဆိုစာဟိုရော သိဟားဟူ ခီမာ တပ်မှူးဟာ ကြော့-က်နေဟယ်။ 30 တပ်မှူးဟာ ပေါလုဟို ယုဒလူလေဟာ ဖြားပြစ်မှုန စွပ်စွဲဂေနူး၊ ဆိုစာဟို သေးသေချားချာဟား သိရှင်ဟယ်။ အယ်ကြောန့် နော့-က်တနေမာ ပေါလုဟို ခယ်ဟားဟူသံကြိုးဟို ဖယ်ဘီးဟာ ယဇ်ပုရောဟိတ်ဂီးလေန တရားလွှတ်တော် ဖွဲ့ဝင်လေဟို စုဂေဟိုတွပ် မိန်းပေးလိုက်ဟယ်။ အယ်ဘီးန ပေါလုဟို ခေါ်ဆောန်လာဘီး အယ်လူလေရှေမာ ရပ်ခိုင်းလိုက်ဟယ်။

23 ပေါလုဟာ ယုဒတရားလွှတ်တော် ဖွဲ့ဝင်လေဟို စေ့စေ့ကေ့ဘီး “ညီကိုလေ၊ ကျွန်တော်ဟာ အယ်နေထိ ဘုရားသခင်ရှေမာ ကောင်းဟူစိညွှတ်န သတ်ရှင်နေထိုင်ဟယ်” ဆိုဘီး ပြောဟယ်။ 2 ယဇ်ပုရောဟိတ်မန်း အာနန်ဟာ ပေါလုနားမာရပ်နေဟူ လူလေဟို သူ့ဇာတ်ပေါ့-က်ဟို ရိုက်ခိုင်းလိုက်ဟယ်။ 3 ပေါလုဟု “ထူးဖျူသုဟားဟူ အုရိုး၊ နန်ဟို ဘုရားသခင်ဟာ ဒန်ခတ်လေမယ်။ ခန်ဗျားဟာ ကျွန်တော့်ဟို တရားဥပဒေ စီရင်ဟိုတွပ် တရားခွမ်မာ ထိုင်နေဘီး ကျွန်တော့်ဟို ရိုက်ခိုင်းဇာဟာ ဥပဒေဟို ချိုးဖော့-က်ဟယ်!” ဆိုဘီး သူ့ဟို ပြောဟယ်။ 4 ပေါလုနားမာ ရပ်နေဟူ လူလေဟု “နန်ဟာ ဘုရားသခင်ရဲ့ ယဇ်ပုရောဟိတ်မန်းဟို အယ်မျိုးဘဲ ယွန်ပြောရလော!” ဆိုဘီး သူ့ဟိုပြောဟယ်။ 5 ပေါလုဟု “ညီကိုလေ၊ အယ်လူဟာ ယဇ်ပုရောဟိတ်မန်း ဖြစ်ဟယ် ဆိုစာဟို ကျွန်တော်သိဟူ။ ကျမ်းစာမာ ‘နန်လူမျိုးရဲ့ လူဂီးမန်းဟို ကောင်းဘဲကြောင်းဟို ပြောရဟု’ ဆိုဘီး ရေးဟောင်းဟယ်” ဆိုဘီး ယွန်ဖြေလိုက်ဟယ်။ 6 အယ်လူလေထဲမာ တဖွဲဟု ဖာရိုရှ်ဖြစ်ဘီး တဖွဲဟု ဇဒ္ဒါကလေဖြစ်ဟယ် ဆိုစာဟို ပေါလုဟု သိဟားဟူ ခီမာ “ညီကိုလေ၊ ကျွန်တော့်ဟာ ဖာရိုရှ်ဖြစ်ဟယ်။ ဖာရိုရှ်ရဲ့ သားလည်းဖြစ်ဟယ်။ သေဟားလူလေဟာ ရှင်ယွန်ထမြော့-က်လေမယ် ဆိုစာဟို မျှော်လင့်ရှင်းကြောင်းကြောန့် စစ်ဆေးခံနေရဟယ်” ဆိုဘီး တရားလွှတ်တော်မာ အော်ဟစ်ဘီးပြောဟယ်။ 7 အယ်မျိုး သူပြောလိုက်ဟူ ခီမာ ဖာရိုရှ်လေန ဇဒ္ဒါကလေဟု စဘီး ပြဿနာဖြစ်ဂေဘီးဟာ အောက်စ နွေ ခြမ်းကွဲဟောင်းဟယ်။ 8 ဖြားဖြစ်ကြောန့်ဆိုဟာ ဇဒ္ဒါကလေဟု ရှင်ယွန်ထမြော့-က်ဇာ မေ့ဟူ။ ကောင်းဂန်တမန်လည်း မေ့ဟူ။ နာမ်ဝိညာဉ်လည်း မေ့ဟု ဆိုဘီး ပြောဂေဟယ်။ အယ်ဘောမဲ့ ဖာရိုရှ်လေဟု အယ်မူသောင်းခလောင်းရှိဟယ် ဆိုဘီး ယောင်ကြည်ဂေဟယ်။ 9 အော်ဟစ်သံဟာ ပိုကွယ်လာဘီး ဖာရိုရှ်ဂိုဏ်းဝင်ဖြစ်ဟူ ကျမ်းတတ်ဆရာတချို့ဟာ ထဘီးဟာ “အယ်လူမာ ဖြားပြစ်လည်း နို့လေတို့ဟု! ဝိညာဉ်တပါးပါး၊ ကောင်းဂန်တမန် တပါးပါးဟု သူ့ဟို ပြောဟားဇာ ဖြစ်နိုင်ဟယ်!” ဆိုဘီး ပြင်းပြင်းထန်ထန်

ပြင်းခုတ်ဟုတ်။ 10 ပြင်းခုတ်ဟုတ် ရရာတိုင်း ပြင်းထန်လာဟူကြောင့် သူးနီလေဟာ ပေါလုဟို ပိုင်းပိုင်းဆွဲဖြတ်လေ့မယ် ဆိုဘီး တပ်မှူးဟာ စိုးရိမ်ဟွားဟယ်။ အယ်ကြောန့် စစ်သားလေဟို ဆင်းခိုင်းလိုက်ဘီး ပေါလုဟို အယ်လူလေနားဟုနေ ခေါ်ထုလာဘီးဟာ ရဲတိုက်ထဲဟို ခေါ်ဆောန့်ဟွားဟိုတွင် မိန့်ပေးလိုက်ဟယ်။ 11 အယ်ညဉ့်မှာဘဲ သခင်ဘုရားဟာ ပေါလုနားမာ ပေါ်လာဘီး “ကြော-ကန်၊ နန်ဟာ ယေရုရှလင်မြို့မာ ငါ့ကြောန်းဟို သတ်သေခံရဟူမျိုးဘဲ ရောမမြို့မာလည်း သတ်သေခံ ဟောပြောရအူးမယ်” ဆိုဘီး ပြောဟယ်။ 12 နော့-ကတနေ့ မိုးလန်းဟူ ခီမာ ယုဒလူတချို့ဟာ တိုဝှေ့ဘီး ပေါလုဟို သတ်ရဘဲဟု ဆိုဟာ ဖြားလည်းစားဘဲ၊ သော့-ကဘဲနေမယ် ဆိုဘီး ခိဌာန်ပြုဂေဟယ်။ 13 အယ်မျိုး ကြံစည်ဂေဟူ လူလေဟု ယော့-ကလေးဆယ်ကျော်ရှိဟယ်။ 14 သူးနီဟာ ယဇ်ပုရောဟိတ်ဂီးလေန သတ်ဂီးဝါဂီးလေနားဟို သွားဘီး “ကျွန်တော့်လေဟာ ပေါလုဟို သတ်ရဘဲဟု ဆိုဟာ ဖြားလည်းစားဘဲ၊ သော့-ကဘဲနေမယ် ဆိုဘီး ကဒိသစ်စာပြဟားဂေဟယ်။ 15 အယ်ကြောန့် သခင်လေဟာ တရားလွှတ်တော် ဖွဲ့ဝင်လေနတူးဒု ပေါလုရဲမှုဟို ပိုဘီး ဟာ တိတိကွကွဟား စစ်ဆေးရှင်ဟယ် ဆိုဘီး ယောန်ဆောန်ဘီးဟာ သူဟို သခင်လေနားဟို ခေါ်လာဟိုတွင် ရောမတပ်မှူးဟို မြစ်တာရပ်ခံဂေပါ။ ပေါလုဟာ သခင်လေနားဟို ရော့-ကခန်မာ သူဟို သတ်ဟိုတွင် ကျွန်တော့်လေဟာ ဆင်သင့်ရှိနေမယ်” ဆိုဘီး လျော့-ကဂေဟယ်။ 16 အယ်ဘောမဲ့ အယ်မျိုး ကြံစည်နေဇာဟို ပေါလုညီမရဲ့သားဟာ ကြားဟားလေဟယ်။ အယ်ကြောန့် သူဟာ ရဲတိုက်ထဲဟို ဝမ်းဘီးန ပေါလုဟို သွားပြောဟယ်။ 17 ပေါလုဟာ ရာရှိတယော့-ကဟို ခေါ်ဘီးဟာ “အယ်ကောန်သားဟို တပ်မှူးနားဟို ခေါ်ဟားပေးပါ။ သူမာ တပ်မှူးဟို ပြောဇာတခုရှိဟယ်” ဆိုဘီး ပြောဟယ်။ 18 ရာရှိဟာ အယ်ကောန်သားဟို တပ်မှူးနားဟို ခေါ်ဆောန့်ဟွားဘီးန “ထောန်သားပေါလုဟာ ကျွန်တော့်ဟို ခေါ်ဘီးဟာ အယ်ကောန်သားဟို သခင်နားဟို ပို့ခိုင်းလိုက်ဟယ်။ ဖြားဖြစ်ကြောန့်နူးဆိုဟာ သူမာ သခင်ဟို ပြောဇာတခုရှိဟယ်” ဆိုဘီး တောန်းလျော့-ကလိုက်ဟယ်။ 19 တပ်မှူးဟာ အယ်ကောန်သားရဲ့ လတ်ဟို ဆွဲဘီး လူလေမေ့ဘဲဟူ နေရာတခုဟို ခေါ်ဟားဟယ်။ အယ်ဘီးန “နန်ဟု ငါ့ဟို ဖြားဇာပြောရှင်နူး” ဆိုဘီး မေးဟယ်။ 20 ကောန်သားဟု “ယုဒအာဏာပိုင်လေဟာ ပေါလုရဲ့ မှုဟို ပိုဘီး ဟာ တိတိကွကွဟား စစ်ဆေးရှင်ဟယ် ဆိုဘီး ယောန်ဆောန်ဘီးဟာ သခင်ဟို နတ်ကီးတန်ဟာ ပေါလုဟို တရားလွှတ်တော်ဟို ခေါ်ဆောန့်ဟွားဟိုတွင် တောန်းလျော့-ကဂေမယ် ဆိုဘီး ဘောတုဟားဂေဟယ်။ 21 သူးနီရဲ့ စကားလေဟို လတ်ခံယောင်ကြည်န။ ဖြားဖြစ်ကြောန့်နူးဆိုဟာ လူလေးဆယ်ကျော်ဟာ ပူးနေဘီး စောန့်နေဂေဟယ်။ အယ်လူလေဟာ ပေါလုဟို သတ်ရဘဲဟု ဆိုဟာ ဖြားလည်း စားဘဲ၊ သော့-ကဘဲနေမယ် ဆိုဘီး ခိဌာန်ပြုဂေဟယ်။ ခုဘဲ သူးနီဟာ ပေါလုဟို သတ်ဟိုတွင် ဆင်သင့်ဖြစ်နေဘီး သခင်ရဲ့ ဆောင်းဖြတ်ချစ်ဟို စောန့်နေဂေဟယ်” ဆိုဘီး လျော့-ကလိုက်ဟယ်။ 22 တပ်မှူးဟု “နန်ဟာ အယ်မျိုးငါ့ဟို လာပြောဟယ် ဆိုဇာဟို ဖယ်သူဟိုလည်း ပြောန” ဆိုဘီး အယ်ကောန်သားဟို သွားခိုင်းလိုက်ဟယ်။ 23 အယ်ဘီးန တပ်မှူးဟာ ရာရှိနေ့ယော့-ကဟို ခေါ်ဘီး “ကဲသရိမြို့ဟို သွားဟိုတွင် စစ်သား ၂၀၀၊ ဗြင်းတပ်သား ခွန်နစ်ဆယ်န လုံတပ်သား ၂၀၀ ဟို အယ်ညဉ့်ခန်း ကိုးနာရီမာ ထွပ်ဟိုတွင် ဆင်သင့်ဖြစ်နေဂေပါ။ 24 ပေါလုတွင် ဗြင်းလေဟိုလည်း ဆင်သင့်ပြင်ဟားဂေ။ သူဟို မြို့ဝန်မန်းဖေလစ်နားဟို လောင်းလောင်ချောင်းချောင်ဟား ပို့ဂေပါ” ဆိုဘီး ပြောလိုက်ဟယ်။ 25 အယ်ဘီးန တပ်မှူးဟာ စာတစောန်ဟို ရေးဘီးဟာ ပေးလိုက်ဟယ်။ 26 အယ်စာမာ “ကလော်ဒီလုသီဟာ မြတ်ဟူ မြို့ဝန်မန်းဖေလစ်ဟို နောက်ဆစ်လိုက်ပါဟယ်။ 27 ယုဒလူလေဟာ အယ်လူဟို ဖမ်းဘီးဟာ သတ်ဟို လောကနေဂေဟယ်။ သူဟာ ရောမခိုင်သားဖြစ်ဟယ် ဆိုဇာဟို ကျွန်တော့်လေဟာ သိရဟူကြောန့် ကျွန်တော့်ရဲ့ စစ်သားလေနတူးဒု သွားဘီးဟာ သူဟို ကယ်တန်လာရဟယ်။ 28 ယုဒလူလေဟာ ဖြားပြစ်မှုန စွပ်စွဲဂေဟယ် ဆိုဇာဟို သိရှင်ဟူကြောန့် သူးနီလေရဲ့ တရားလွှတ်တော်ဟို ခေါ်ဆောန့်ဟွားဟယ်။ 29 သူဟာ သူးနီရဲ့ ပညတ်တရားနဆိုင်ဟူ ပြဿနာလေတွင် စွပ်စွဲခံရဟယ်။ သူမာ သေဒန်ခံထိုက်ဟူပြစ်၊ တောက်နှောန်ခံထိုက်ဟူပြစ် တခုလည်း မေ့ဟု ဆိုဇာဟို ကျွန်တော်တို့မြင်ရဟယ်။ 30 ယုဒလူလေဟာ သူဟို လောက်ကြံဟိုတွင် ကြံစည်နေဟယ် ဆိုဇာဟို သိရဟူ ခီမာ ကျွန်တော်ဟာ သခင်နားဟို သူဟို ရှစ်ရှင်း

စေလွှတ်လိုက်ဟယ်။ စွပ်စွဲမားလေဟိုလည်း သူ့ဟို စွပ်စွဲဟားဇာလေဟို သခင်ရှေ့မှာ လျှော့- ကံဂေဟို ညွှန်ကြားလိုက်ဟယ်။ သခင် ကျန်းမာပါစေ” ဆိုဘီး ပါရှိဟယ်။ **31** စစ်သားလေဟာ တပ်မှူးရဲ့ မိန့်တိုင်း လောက်ဂေဟယ်။ သူးနို့ဟာ ပေါလုဟို ခေါ်ဘီး အယ်ညဉ်ခန်းမာဘဲ အန္တိပတရိမြို့ထိ ပို့ဆောင်ဂေဟယ်။ **32** နှော့- ကံတနေမာ ခေဂျင်စစ်သားလေဟာ ရဲတိုက်ဟို ပျန်လာဂေဟယ်။ ဗြင်းတပ်သားလေဟာ ပေါလုနုတူးဒူ ဆစ်ဘီးဟာ ခရီးသွားဂေဟယ်။ **33** ဗြင်းတပ်သားလေဟာ ကံသရိမြို့ဟို ရော့- ကံဟူ ခီမာ တပ်မှူးရဲ့ စာဟို မြို့ဝန်မန်းဟို ပေးဘီး ပေါလုဟို သူလတ်ထဲဟို အပ်လိုက်ဟယ်။ **34** မြို့ဝန်မန်းဟာ စာဟိုဖတ်ဘီးန “နန်ဟာ ဖယ်ပြည်သားဖြစ်နူး” ဆိုဘီး ပေါလုဟို မေးဟယ်။ ပေါလုဟာ ကိလိကိပြည်သား ဖြစ်ဟယ် ဆိုဇာဟို သိဟူ ခီမာ **35** မြို့ဝန်မန်းဟ “အယ်နေရာမာ နန်ဟို စွပ်စွဲမားလေ ရော့- ကံလာဂေဟူ ခီမာ နန်မူဟို ဝါစစ်ဆေးမယ်” ဆိုဘီး ပြောဟယ်။ အယ်ဘီးန ပေါလုဟို ဟေရုဒ်ရဲ့နန်းတော်မာ စောန့်လေန ထားဟို့တွပ် ပြောလိုက်ဟယ်။

24 ငါးရစ်ကြာဘီးန ယဇ်ပုရောဟိတ်မန်း အာနနိဟာ သတ်ဂီးဝါဂီးတချို့နု တေရတုလု နာမယ်ရှိဟူ ရှေ့နေနတူးဒူ ကံသရိမြို့ဟို ရော့- ကံလာဟယ်။ အယ်လူလေဟာ မြို့ဝန်မန်းဖေလစ်ရှေ့ဟို ဝမ်ဘီးဟာ ပေါလုဟို တရားစွဲဂေဟယ်။ **2** မြို့ဝန်မန်းဟာ ပေါလုဟို ရှေ့ဟို ခေါ် ဟူ ခီမာ ရှေ့နေ တေရတုလုဟု၊ “မြို့ဝန်မန်းဖေလစ်! သခင်ရဲ့ ကီးမြတ်ရှင်းကြောန့် ကျွန်တော့်လေဟာ ရရာတိုင်း ငြီးငြီးချမ်းချမ်းနု နေရဂေဟယ်။ သခင်ဟာ ကျွန်တော့်လေရဲ့ တိုင်းပြည်နု လူမျိုးလေတွပ် လိုအပ်ဟူ ပြုပြင်ညွှန်းလဲဇာလေဟို ဘောင်ဂီးလောက်ပေးနေဟယ်။” **3** “မြတ်ဟူဖေလစ်၊ ကျွန်တော့်လေဟာ အယ်မူဇာဟို နေရာတိုင်းမာ ရရာတိုင်း ကျေးဇူးတန်ဘီးဟာ ကြိုဆိုဂေဟယ်။ **4** ကျွန်တော့်ဟာ သခင်ရဲ့ ခီဟို ဘောင်ဂီးယူရှင်ဘဲကြောန့် ကျဉ်းချောကံနဘဲ လျှော့- ကံဟားဇာဟို ကြင်နာဟူစီနု နားထောင်ပေးဟို့ တောင်းဗန်ဟယ်။ **5** အယ်လူဟာ ပြဿနာကောန်ဖြစ်ဘီး ကမ္ဘာတဝန်းလောင်းမာရှိဟူ ယုဒလူလေဟို ဆူပူအောင်ကြွမှု ဖြစ်အောင် နှိုးဆော်ပေးနေဟယ်။ အယ်ဘီးဟာ သူဟာ နာဇရက်ဂိုဏ်းရဲ့ ခေါင်းဆောင် တယော့- ကံလည်း ဖြစ်ဟယ် ဆိုဇာဟို ကျွန်တော့်လေ တွဲရဟယ်။ **6** ဗိမာန်တော်ဟိုလည်း ညစ်ညူးအောင်လောက်ဟို့ ကြိုးစားဟယ်။ အယ်ကြောန့် သူဟို ကျွန်တော့်လေဟာ ဖမ်းဘီးဟယ်။ **8** သခင်ဟာ အယ်လူဟို စစ်ဆေးမယ် ဆိုဟာ သူဟို ကျွန်တော့်လေဟာ စွပ်စွဲနုဇာလေ ဂူလောင်းဟို သခင်ကိုယ်တိုင် သိရလေမယ်” ဆိုဘီး လျှော့- ကံဟယ်။ **9** ယုဒလူလေဟာလည်း အယ်စွပ်စွဲချစ်ဟာ မှန်ဟယ် ဆိုဘီး ပေါလုဟို ဝိုင်းဘီးဟာ ပြောဂေဟယ်။ **10** မြို့ဝန်မန်းဟာ ပေါလုဟို ပြောဟို့တွပ် လတ်ပြလိုက်ဟူ ခီမာ ပေါလုဟ “သခင်ဟာ အယ်လူမျိုးဟို နှစ်ကြာဂီး တရားစီရင်သူ ဖြစ်ဟယ် ဆိုဇာဟို ကျွန်တော်သိဟယ်။ သခင်ရှေ့မာ ကျွန်တော်ကိုယ်တိုင် ချေပခွင့်ရဟူကြောန့် ဝန်းသာဟယ်။ **11** ကျွန်တော်ဟာ ဘုရားသခင်ဟို ဝတ်ပြုကိုးကွယ်ဟို့တွပ် ယေရုရှလင်မြို့ဟို သွားဟူဇာ ဆယ်နေ့ရစ်လော့- ကံဘဲ ကြာသေးဟယ် ဆိုဇာဟို ကိုယ်တော်ကိုယ်တိုင် စောင်ဇမ်းသိနိုင်ဟယ်။ **12** ကျွန်တော်ဟာ ဗိမာန်တော်မာ တယော့- ကံယော့ကံန ငြင်းခူဘီး ဝါလယ်ဇရပ်မာဘဲဖြစ်ဖြစ်၊ မြို့ထဲမာဘဲဖြစ်ဖြစ် လူလေဟို ဆူပူအောင်ကြွအောင် လောက်နေဟယ် ဆိုဇာဟို ယုဒလူလေဟာ တွဲရဂေဟာ။ **13** ခု ကျွန်တော်ဟို စွပ်စွဲနေဂေဟူ ဇာလေဟိုလည်း သူးနို့ဟာ သခင်ရှေ့မာ သတ်သေပြနိုင်ဂေဟာ။ **14** အယ်ဘောမဲ့ အယ်လူလေဟာ လွဲမှားဟယ် ဆိုဘီး ယူဆဟူ လမ်းစဉ်ရ ကျွန်တော်ဟာ ဘိုးဘေးလေရဲ့ ဘုရားသခင်ဟို ကိုးကွယ်ဟယ် ဆိုဇာဟို သခင်နားမာ ဝန်ခံဟယ်။ အယ်ဘောမဲ့ ကျွန်တော်ဟာ မောရှေရဲ့ ပညတ်ကျမ်းနု ပရောဖက်ကျမ်းလေမာ ပါဟူဇာ ဂူလောင်းဟို ယောင်ကြည်ဟယ်။ **15** သူးနို့ ကိုယ်တိုင်လည်း ဘုရားသခင်ဟို မျှော်လင့်ဟူမျိုးဘဲ လူဆိုး၊ လူကောင်းဝီးဘဲနု လူလေ ဂူလောင်းဟာ သေရာဟုနေ ထမြော့- ကံဂေလုမယ် ဆိုဇာဟို ကျွန်တော်ဟာ မျှော်လင့်ဟူလူ ဖြစ်ဟယ်။ **16** အယ်ကြောန့် ကျွန်တော့်ဟာ ဘုရားသခင်ရှေ့ လူလေရှေ့မာ ပြစ်တန်ဇာမ္မေဘဲဟို့ သိစိမြဲဒမ်းရှိဟို့တွပ် ကောင်းဆောင်း လောက်ဆောင်ဟယ်။ **17** “ကျွန်တော်ဟာ ယေရုရှလင်မြို့ဟာ ထွပ်ဘီး နှစ်ပေါင်းဘောင်ဂီး ကြာဘီးန ကိုယ့်လူမျိုးလေဟို ပေးကမ်းစွန့်ကြဟို့တွပ်နု ဘုရားသခင်ဟို ပူဇော်ဆစ်သဟို့တွပ် ရော့- ကံလာဟယ်။ **18** ဗိမာန်တော်ထဲမာ ကျွန်တော့်ဟာ စင်ကြယ်ရှင်းဟို့

လောက်ဘီးန ပူဇော်သကာ ဆစ်သနေဒူးမာ အယ်လူလေဟာ ကျွန်တော့်ဟို တွဲဟားဂေဟယ်။ အယ်နေရာမာ လူအောက်ဂီးလည်း ကျွန်တော်နတူးဒု မွေဟူ။ ရောင်းရင်းဆန်ခတ်လည်း ဖြစ်ဂေဟူ။ 19 အယ်ဘေမဲ့ အယ်နေရာမာ အာရိပြည်ဟု ယုဒလူတချို့ရှိဟယ်။ ကျွန်တော့်ဟို စွပ်စွဲမယ် ဆိုဟာ သခင်ရှေ့မာ သူးနိုက်တိုင် လာဘီး စွပ်စွဲသင့်ဟယ်။ 20 အယ်မျိုးမှုဘဲနေဟာ အယ်မူရှိနေဟူ လူလေဟု သခင်ရှေ့မာ ကျွန်တော် ကျူးလွန်ဟူပြစ်လေဟို ဖော်ပြဘီး စွပ်စွဲသင့်ဟယ်။ 21 ကျွန်တော်ဟာ တရားလွှတ်တော်ရှေ့မာ ရပ်ဘီး ‘သေဟားလူလေဟာ ရှင်ယွန်ထမြော့-က်လေမယ် ဆိုဇာဟို ယောင်ကြည်ဟူကြောန့် အယ်နေ နန်းနိုရှေ့မာ ကျွန်တော်ဟာ စစ်ဆေးခံနေရဟယ်’ ဆိုဘီး စကားတခွန်းဟိုဘဲ ကြွေးကြော်ဟယ်” ဆိုဘီး ပြောလေဟယ်။ 22 ဖေလစ်မန်းဟာ အယ်လမ်းစဉ်ကြောန်းဟို ကောန်းကောန်းဟား သိဟူလူ ဖြစ်ဟူကြောန့် မူစစ်ဆေးဇာဟို အယ်ခီမာ ရွှေဆိုင်းလိုက်ဟယ်။ သူဟ “တပ်မှူးလုသိ ရော့-က်လာဟူ ခီမာ အယ်မူဟို ငါဟာ စီရင်ချစ်လွယ်” ဆိုဘီး သူးနိုဟို ပြောဟယ်။ 23 ပေါလုဟို စောန့်လေန ထားဟားဟိုန လွတ်လပ်မှုဟို နံနဲပေးဘီး သူမိဆွေလေရဲ့ ပြုစုဇာဟို ခွမ်ပြုဟို တပ်မှူးဟို မိန့်ပေးဟားဟယ်။ 24 ရစ်နဲနဲကြာဘီးန ဖေလစ်မန်းဟာ သူမယား ခြံသိလေနတူးဒု ရော့-က်လာဟယ်။ ခြံသိလေဟု ယုဒလူမျိုးဖြစ်ဟယ်။ ဖေလစ်မန်းဟာ ပေါလုဟို ခေါ်ခိုင်းဘီးဟာ ယေရှုခရစ်တော်ဟို ယောင်ကြည်ရှင်းန ဆိုင်ဟူကြောန်းဟို ပေါလုနားဟုနေ ကြားနာလေဟယ်။ 25 ပေါလုဟာ ပြောန့်မတ်ရှင်း ကာမဂေါင်ချောက်ဘီးရှင်းန ရော့-က်လာမယ့် တရားစီရင်ရှင်း ကြောန်းလေဟို ပြောဟူ ခီမာ ဖေလစ်မန်းဟာ ကြော့-က်လန့်ဘီး “ခု နန့်သွားနိုင်ဘီ။ နော့-က်ခွမ်ကြောင်ဟူ ခီမာ နန့်ဟို ငါလွန်ခေါ်မယ်” ဆိုဘီး ပြောဟယ်။ 26 အယ်ခီမာဘဲ ပေါလုဟု သူဟို ကပ်ပေးမယ် ဆိုဘီး မျှော်လင့်နေဟူကြောန့် သူဟာ ပေါလုဟို မကြာမကြာခေါ်ဘီးဟာ စကားပြောဟယ်။ 27 နေ့နစ်လော့-က်ကြာဘီးန ဖေလစ်မန်းရဲ့ ဗြိတိန်မန်းရာထူးဟို ပေါက်ဖေတ္တဟု ဆစ်ခံဟယ်။ ဖေလစ်မန်းဟာ ယုဒလူလေဟို ကျေးဇူးပြုရှင်ဟူကြောန့် ပေါလုဟို ထောက်ခွဲဟားရစ်ဟယ်။

25 ဖေတ္တမန်းဟာ အယ်နယ်ဟို ရော့-က်လာဘီး သောင်းရစ်ကြာဘီးန ကဲသရိဗြိဟုနေဘီး ယေရုရှလင်ဗြိဟို တတ်ဟားဟယ်။ 2 အယ်ခီမာ ယဇ်ပုရောဟိတ်ဂီးလေန ယုဒခေါင်းဆောင်လေဟာ ပေါလုဟို ဆန်ကျင်လွန်ကျူးကြောန်းဟို ဖေတ္တမန်းဟို စွဲချစ်တန်ဘီး တိုက်တွန်းဟယ်။ 3 သူးနိုဟာ ပေါလုဟို လမ်းမာရှောန်းဘီးဟာ သတ်ဟိုတွပ် လျှို့ဝှက်ကြံစည်ဟားဘီးသား ဖြစ်ဟယ်။ အယ်ကြောန့် သူးနိုဟို ကျေးဇူးပြုဟူနေန ပေါလုဟို ယေရုရှလင်ဗြိဟို ခေါ်ဆောန်လာပေးဟိုတွပ် ဖေတ္တမန်းဟို မြစ်တာရပ်ခံဂေဟယ်။ 4 ဖေတ္တမန်းဟု “ပေါလုဟို ကဲသရိဗြိမာ ထောန်ခွဲတားရစ်ဟယ်။ ငါကိုယ်တိုင် အယ်ဗြိဟို ကြာခန်သွားမယ်။ 5 နန်းနိုရဲ့ ခေါင်းဆောင်လေဟာ ကဲသာမန်းဂီးနားဟို ငါနတူးဒု လိုက်ဘီးဟာ ပေါလုမာ ပြစ်တခွဲထန်ရှားမယ် ဆိုဟာ စွပ်စွဲချစ်လေဟို ငါဟို တန်ပြဂေ” ဆိုဘီး ပြောဟယ်။ 6 ဗြိတိန်မန်းဟာ ယေရုရှလင်ဗြိမာ ဆယ်ရစ်လော့-က်နေဘီးန ကဲသရိဗြိဟို ထွပ်ဟားလေဟယ်။ နော့-က်တနေမာ တရားပလ္လင်မာ ထိုင်ဘီးဟာ ပေါလုဟို ခေါ်လာဟိုတွပ် မိန့်ပေးလိုက်ဟယ်။ 7 ပေါလုဟာ ရော့-က်ဟူ ခီမာ ယေရုရှလင်ဗြိဟုနေ ဆင်းလာဂေဟူ ယုဒလူမျိုးလေဟာ သူဟို ဝိုင်းဘီးဟာ ရရာတိုင်း ကီးလေးဟူပြစ်လေန စွပ်စွဲဘီး ပြောဂေဟယ်။ အယ်ဘေမဲ့လည်း သတ်သေဟု ပြနိုင်ဂေဟူ။ 8 ပေါလုဟု “ကျွန်တော်ဟာ ယုဒလူမျိုးလေရဲ့ ပညတ်တရားဟိုရော၊ ဗိမာန်တော်ဟိုရော၊ ကဲသာမန်းဂီဟိုရော ပြစ်မှုခုလည်း ကျူးလွန်ဟု” ဆိုဘီး ကာကွယ်ဘီး ပြောဟယ်။ 9 ဖေတ္တမန်းဟာ ယုဒလူမျိုးလေဟုနေ မျစ်နာသာ ရရှင်ဟူကြောန့် “နန်ဟာ ယေရုရှလင်ဗြိဟို တတ်ဟားဘီးဟာ ငါ့ရှေ့မာ အယ်မျိုး စွပ်စွဲချစ်လေန ပတ်သတ်ဘီး စီရင်ခံဟိုလော” ဆိုဘီး ပေါလုဟို မေးဟယ်။ 10 ပေါလုဟု “ကျွန်တော်ဟာ ခု ကဲသာမန်းဂီးရဲ့ တရားပလ္လင်ရှေ့မာ ရပ်နေဟယ်။ အယ်နေရာမာ ကျွန်တော်ဟို စီရင်သင့်ပါဟယ်။ သခင်ဟာ သိတိုင်းဘဲ ကျွန်တော်ဟာ ယုဒလူမျိုးလေဟို ဖယ်မျိုးလည်း ပြစ်မှားဟု၊ 11 ကျွန်တော်ဟာ တရားဥပဒေဟို ချိုးဖော့-က်ဘီး သေဒန်ခံရဟူ တရားဘဲဟူပြစ် ကျူးလွန်မယ် ဆိုဟာ ကျွန်တော့်ဟို

သတ်ချမ်းသာပေးဟို့တွင် တောင်းခံဟို့ မှဟူ။ အယ်ဘေမဲ့ သူးနီရဲ့ စွပ်စွဲချစ်လေဟာ မှန်ကန်ဘဲနေဟာ ဖယ်သူလည်း ကျွန်တော့်ဟို့ သူးနီလတ်ထဲဟို့ အပ်နိုင်ဟူ။ ကျွန်တော်ဟာ ဗြိတိန်မန်းမာ ယူခံဝမ်ပါဟယ်” ဆိုဘီး လျှော့-ကံဟယ်။ 12 အယ်ခီမာ ဖေတ္တုမန်းဟာ သူရဲ့ ရာရှိလေန တိုင်ဗန်ဘီးန “နန်ဟာ ကဲသာမန်းဂီးနားဟို့ ယူခံဝမ်ဟို့တွင် ကဲသာမန်းဂီးနားဟို့ သွားရမယ်” ဆိုဘီး ပြောဟယ်။ 13 ရစ်နဲနဲဟား ကြာဟူ ခီမာ အဂြိုဟ်မန်းဂီးန မိဖုရား ဗေရနိတ်လေဟာ ကဲသရိဗြို့ဟို့ ရော့-ကံနေဟူ ဖေတ္တုမန်းဟို့ နောက်ဆစ်ဟို့တွင် ကဲသရိဗြို့ဟို့ လာဂေဟယ်။ 14 အယ်ဗြို့မာ ရစ်ကြာဂီးနေဟူ ခီမာ ဖေတ္တုမန်းဟာ ပေါလုရဲမူဟို့ မန်းဂီးဟို့ ပြောပြဟယ်။ ဖေတ္တုမန်းဟ “အယ်နေရာမာ ဖေလစ်မန်းဟာ ထောန်ထဲမာ ညဟားဟူ လူတယော့-ကံရှိဟယ်။ 15 ကျွန်တော် ယေရုရှလင်ဗြို့ဟို့ ရော့-ကံဟူ ခီမာ ယဇ်ပုရောဟိတ်မန်းလေန ယုဒလူမျိုး ခေါင်းဆောင်ဂီးလေဟာ ကျွန်တော့်ဟို့ အယ်လူဟို့ စွပ်စွဲချစ်တန်ဂေဘီးန သူဟို့ ပြစ်ဒန်စီရင်ဟို့တွင် တောင်းဆိုဂေဟယ်။ 16 ကျွန်တော်ဟာ ပြစ်တန်ခံရဟူ လူဟို့ ပြစ်တန်စွပ်စွဲဟူ လူလေန တွဲခိုင်းဘီးဟာ သူးနီလေရဲ့ စွပ်စွဲဇာဟို့ ချေပဘီးပြောဟို့ ခွမ်ပေးဘဲန ပြစ်ဒန်စီရင်ဇာဟာ ရောမရဲ့ ထောင်းခံမှုဘဲဟူကြောင်း သူးနီဟို့ ပြောလိုက်ဟယ်။ 17 အယ်ကြောန့် သူးနီဟာ အယ်ဗြို့ဟို့ ရော့-ကံလာဟူ ခီမာ ကျွန်တော်ဟာ ခီဆွဲဘဲန နော့-ကံနေမာ တရားပလ္လင်မာ ထိုင်ဘီးဟာ အယ်လူလေဟို့ ခေါ်ခိုင်းလိုက်ဟယ်။ 18 သူဟို့ မူလောက်ဟူ လူလေဟာ ထဘီးဟာ ပြောဂေဘေမဲ့ ကျွန်တော်ထန်ဟူ ပြစ်မှုမျိုးမူဘဲ ဖြစ်နေဟယ်။ 19 သူးနီလေရဲ့ ဘာသာတရားန ပတ်သတ်ဘီးရော၊ ယေရု နာမယ်ရှိဟူသူ ကြောန်းန ပတ်သတ်ဘီးရော ငြင်းပွားရှင်းဘဲ ဖြစ်ဟယ်။ အယ်ယေရုဟာ သတ်ရှင်နေဟယ် ဆိုဇာဟို့ ပေါလုဟာ ပြောနေဟယ်။ 20 အယ်ပြဿနာလေဟို့ ဖြေရှင်းဟို့တွင် ကျွန်တော်ဟာ နားလည်ဘဲကြောန့် ‘နန်ဟာ ယေရုရှလင်ဗြို့ဟို့ သွားဘီးဟာ အယ်စွပ်စွဲချစ်န ပတ်သတ်ဘီးဟာ စီရင်ခံရှင်လော’ ဆိုဘီး မေးဟယ်။ 21 အယ်ခီမာ ပေါလုဟာ ကဲသာမန်းဂီးရဲ့ ဆောင်းဖြတ်ဇာဟို့ ခံယူရှင်ကြောန်းဟို့ ပြောပြလာဟယ်။ သူဟာ သူဟို့ ထောန်ထဲမာဘဲ ထားရစ်ဘီးဟာ ကဲသာမန်းဂီးရဲ့ ဆောင်းဖြတ်ဇာဟို့ ခံရှင်ကြောန်းဟို့ တောင်းဗန်ကြောန့် သူဟို့ ကဲသာမန်းဂီးနားဟို့ အပ်လိုက်ဟူခီထီ ထောန်ညဟားဟို့တွင် မိန့်ပေးရစ်ဟယ်” ဆိုဘီး ပြောဟယ်။ 22 အဂြိုဟ်မန်းဂီးဟာ “အယ်လူပြောဇာဟို့ ကျွန်တော်ကိုယ်တိုင် ကြားရှင်ဟယ်” ဆိုဘီး ပြောဟယ်။ ဖေတ္တုမန်းဟ “အယ်လူပြောဇာဟို့ နတ်ကီးတန်ဟာ ကြားစေရမယ်” ဆိုဘီး ပြောဟယ်။ 23 နော့-ကံတနေမာ အဂြိုဟ်မန်းန မိဖုရား ဗေရနိတ်လေဟာ ရရာတိုင်း ကြီးကျယ်ခမ်းနားဟူ ဂေါင်သရေလေဟို့ ဆောန်ဘီးဟာ တပ်မူးလေန၊ ဗြို့မာနေဟူ ဂေါင်သရေရှိဟူ လူဂီးလေနတူးဒု ကြွလာဘီးဟာ ခန်းမဂီးထဲဟို့ ဝမ်လာဟယ်။ အယ်ခီမာ ဖေတ္တုမန်းရဲ့ မိန့်န ပေါလုဟို့ ခေါ်လာဂေဟယ်။ 24 ဖေတ္တုမန်းဟ “အဂြိုဟ်မန်းဂီးန ကြွလာဟူ လူပေါင်းလေ၊ ယေရုရှလင်ဗြို့န အယ်ဗြို့မာရှိနေဟူ ယုဒလူမျိုးလေဟာ ‘အယ်လူဟာ သတ်ရှင်သင့်ဟ’ ဆိုဘီး ကျွန်တော့်ဟို့ လျှော့-ကံဟားဂေဟယ်။ အယ်မျိုး လျှော့-ကံခံရဟူလူဟာ အယ်လူဘဲ ဖြစ်ဟယ်။ 25 သူဟာ သေဒန်ခံထိုက်ဟူပြစ် ခုလည်းကျူးလွန်ဟာ ဆိုဇာဟို့ ကျွန်တော့်နေန သိရဟယ်။ အယ်ကြောန့် သူကိုယ်တိုင်ဟာ ကဲသာမန်းဂီးနားမာ ယူခံဝမ်မယ် ဆိုဘီး တောင်းဗန်ဘီးဟာ ပြောဟူကြောန့် သူဟို့ မန်းဂီးနားဟို့ ပို့ဆောန်ဟို့တွင် ကျွန်တော်ဆောင်းဖြတ် လိုက်ဟယ်။ 26 သူန ပတ်သတ်ဘီး မန်းဂီးဟို့ တိတိကွက္ကဟား လျှော့-ကံတန်ဇာ ခုလည်း ကျွန်တော့်မာ မေ့ဟူ။ အယ်ကြောန့် အယ်လူဟို့ ခန်ဗားလေရေဟို့ ခေါ်ဆောန်လာဇာ ဖြစ်ဟယ်။ ထူးသဖြင့်ဟာ အဂြိုဟ်မန်းဂီးရှေ့ဟို့ ခေါ်လာဇာ ဖြစ်ဟယ်။ အယ်မျိုးခေါ်လာဇာဟာ သူဟို့ သခင်ဟာ စစ်ဆေးဘီးဟာ ကျွန်တော့်ဟာ စီရင်ခံစာရေးဟို့တွင် ကြောန်းရာတခုခု ရနိုင်ဟို့တွင် ဖြစ်ဟယ်။ 27 ဖြားဖြစ်ကြောန့်နူးဆိုဟာ ကျဉ်းသားတယော့-ကံဟို့ စွဲချစ်တခုခု ဖော်ပြဘဲန စေလွှတ်ဟို့တွင် သင့်ဟာ ဆိုဘီး ကျွန်တော်ထန်ဟယ်” ဆိုဘီး ပြောဟယ်။

26 အဂြိုဟ်မန်းဂီးဟာ “နန်ဟာ ခုပြောနိုင်ဟယ်” ဆိုဘီး ပေါလုဟို့ ပြောဟူ ခီမာ ပေါလုဟာ လတ်ဟို့ ပြဘီးဟာ၊
2 “အဂြိုဟ်မန်းဂီး၊ ကျွန်တော့်ဟို့ ယုဒလူမျိုးလေရဲ့ စွပ်စွဲချစ်န ပတ်သတ်ဘီး သခင်ရဲရှေ့မာ လျှော့-ကံဘီး ပြောရဟို့ခွမ်ဟာ ကျွန်တော့်တွင်ဟာ မင်္ဂလာရှိဟူ ခွမ်ရေးဖြစ်ဟယ် ဆိုဘီး ယူဆဟယ်။ 3 သခင်ဟာ ယုဒလူမျိုးလေရဲ့

လေ့ထောင်းစံလေန ပြဿနာလေဟို သိဟူလူဖြစ်ဟယ်။ အယ်ကြောန့် လျှော့-ကံတန်ဟူဇာဟို စိရှယ်ဘီး နားထောန်ပေးပါ။” 4 “ကျွန်တော်ဟာ လူပျိုရွယ်ဟုစဘီး ကိုယ်မွီးဟူ ဇာတိပြည်မာရော၊ ယေရုရှလင်မြို့မာရော၊ ဖယ်မျိုးနေနူး။ ဆိုဇာဟို ယုဒလူမျိုးလေဟာ သိဂေဟယ်။ 5 ကျွန်တော်ဟို သူးနို့ဟု သိဂေဟူဇာဟာ ရရာကြာဟားဘီး။ ကျွန်တော်ဟာ ယုဒဘာသာမာ ရရာတိုင်း ကျဉ်းကျပ်ဟူ စည်းမျဉ်းလေဟို လိုက်နာကျင့်သောင်းဟူ ဖာရိရှဲဖွဲ့ဝမ် တယော့-ကံနေနလည်း သတ်ရှင်လာဟူကြောင်းဟို အယ်လူလေဟာ သတ်သေခံရှင်ဟယ် ဆိုဟာ ခံနိုင်ဂေဟယ်။ 6 ဘုရားသခင်ဟာ ကျွန်တော်လေ ဘိုးဘေးဟို ထားဟားဟူ ဂဒိတော်ဟို ကျွန်တော်ဟာ မျှော်လင့်ဘီးဟာ စောန်နေဟိုတွပ်ကြောန့် ခု စစ်ဆေးခံနေရဟယ် — 7 အယ်ဂဒိတော်ဟာ ကျွန်တော်လေ မျိုးနွယ်ဆယ်နေမျိုးဟာ နေ့ညဉ့်မပြတ် ဘုရားသခင်ဟို ဝတ်ပြုကိုးကွယ်ဘီး မျှော်လင့်ဘီးဟာ စောန်နေဂေဟူ ဂဒိတော်ဘဲဖြစ်ဟယ်။ မန်းဂီး၊ အယ်မျိုး မျှော်လင့်ဘီးဟာ စောန်နေဇာကြောန့် ကျွန်တော်ဟို ယုဒလူမျိုးလေဟာ စွပ်စွဲဘီး ပြောနေဂေဇာ ဖြစ်ဟယ်။ 8 သေဟားလူလေဟို ဘုရားသခင်ဟု ရှင်ယွန်ထမြော့-ကံခိုင်းဟယ် ဆိုဇာဟာ ယောင်နိုင်ဇာ မေဟု ဆိုဘီး အယ်နေရာမာ ရှိနေဟူ လူလေဟာ ဖြားဖြစ်ကြောန့် စီရင်နေဂေနူး။ 9 “ကျွန်တော်ကိုယ်တိုင်ဘဲ နာဇရက်မြို့သား ယေရှုရဲ့ နာမတော်န ဆန့်ကျင်ဟူ မူလေဟို လောက်သင့်ဟယ် ဆိုဇာဟို ယူဆဟားဟယ်။ 10 ယေရုရှလင်မြို့မာ အယ်မျိုးလောက်ဟယ်။ ယဇ်ပုရောဟိတ်မန်းရဲ့ ခွမ်အာဏာန သန်ရှင်သုလေဟို ထောန်ထဲမာ ကျဉ်းခွဟားဟယ်။ သူးနို့ဟို သေဒန်စီရင်ဟူ ခီမာ ကျွန်တော်ဟု ဘောတူပေးဟယ်။ 11 အယ်လူလေဟာ ဘုရားသခင်ဟို စော်ကားပြောဆိုအောန် ကျွန်တော်ဟာ ဝါလယ်ဇရပ်လေမာ သူးနို့ဟို ကီဒန်ပေးခိုင်းဘီးဟာ သူးနို့ရဲ့ ယုဝါဒဟို စွန့်ပစ်ဂေဟိုတွပ် ကြိုးစားဘီး လောက်ဆောန်ဟယ်။ သူးနို့လေဟို ဒေါသစိလေကြောန့် ကျွန်တော်ဟာ နိုင်ငံရပ်ခြားမာရှိဟူ မြို့လေဟို သွားဘီးဟာ သူးနို့လေဟို ညဉ်းဆဲလာဟယ်။ 12 “အယ်မျိုး ရည်ရွယ်ချစ်န ကျွန်တော်ဟာ ယဇ်ပုရောဟိတ်မန်းလေမာ ခွမ်ပြုချစ်န ခွမ်အာဏာဟို ယူဘီးဟာ ဒမာသက်မြို့ဟို သွားနေဟူ ခီမာ 13 မွန်းဒဲဒီန ကောန်းဂန်ဟုနေ နေထတ်တော့-ကပ်ဟူ လန်းရောန်ဟာ ထွန်းတော့-ကံလာဇာဟို ကျွန်တော်န ကျွန်တော့ ပတ်လည်မာရှိနေဟူ ကျွန်တော့ ပေါန်းဖော်လေပါ ပြင်ရဟယ်။ အဂြိပ္ပမန်းဂီး။ 14 အယ်ခီမာ ကျွန်တော်လေ ဂူလောင်းဟာ မွေဂီးမာ လဲက္ကဂေဟယ်။ အယ်ဘီးန ယုဒဘာသာ စကားန ‘ရှောလု၊ ရှောလု၊ ဖြားဖြစ်ကြောန့် ငါဟို ညဉ်းဆဲနူး။ ဒေါက်ရှောန်ဟို ခေနကန်မယ် ဆိုဟာ နန်ဘဲနာလေမယ်’ ဆိုဘီး သံတော်ဟို ကျွန်တော်ကြားရဟယ်။ 15 အယ်ခီမာ ကျွန်တော်ဟု ‘သခင်၊ ကိုယ်တော်ဟု ဖယ်သူးနူး’ ဆိုဘီး မေးလျှော့-ကံလိုက်ဟယ်။ အယ်သခင်ဟု ‘ငါဟာ နန်ညဉ်းဆဲနေဟူ ယေရှုဘဲ ဖြစ်ဟယ်။ 16 အယ်ဘောမဲ့ ထဘီးဟာ မတ်တတ်ရပ်လိုက်။ နန်ဟို ငါ့ရဲ့ မူတော်ဆောန်နေန ခန့်ဟိုတွပ် နန့်နားဟို ငါဟု ကြွလာဇာဖြစ်ဟယ်။ အယ်နေ နန့်ပြင်ရဟူ ဗျာဒိတ်ရူပါရောင်ကြောင်းန နော့-ကံခါမာလည်း ငါဖော်ပြဟူ ကြောင်းရာလေဟို နန်ဟာ တခြားသုလေဟို သတ်သေခံရမယ်။ 17 ငါဟာ နန်ဟို ကူသရေလလူမျိုးလေ လတ်ဟုနေရော၊ လူမျိုးခြားလေ လတ်ဟုနေရော၊ ကယ်တန်မယ်။ 18 နန်ဟာ ခုပြင်ရဟူဇာလေ၊ နော့-ကံမု ငါဟာ နန်ဟို ထန်ရှားဟားဟူ ကြောင်းရာလေ၊ မူတော်ဆောန်ဟူသု၊ သတ်သေခံဟူသုနေန နန်ဟို ခန့်ဟားဟိုတွပ် ငါဟာ နန်ဟို ထန်ရှားဟယ်။ လူမျိုးခြားလေဟာ မှောန်ထဲဟုနေ လန်းရောန်ထဲဟို ရော့-ကံလာဘီး စာတန်ရဲ့ ခွမ်အာဏာထဲဟုနေဘီး ဘုရားသခင်နားဟို ယွှန်းလဲလာဘီးဟာ ပြစ်လွှတ်ခံရဟိုကြောင်း၊ ငါဟို ယောင်ကြည်လိုက်ဟူန သန်ရှင်ဇာရဟားဟူ လူလေန မွေခံရဟူကြောင်း သူးနို့လေရဲ့ မျစ်စိဟို ဖွမ်ပေးဟိုတွပ် သူးနို့နားဟို ငါ နန်ဟိုလွှတ်မယ် ဆိုဘီး မိန့်တော်မူလေဟယ်။ 19 “အယ်ကြောန့် အဂြိပ္ပမန်းဂီး၊ ကျွန်တော်ဟာ ကောန်းဂန်ဘောင်ဟုနေရဟူ ဗျာဒိတ်ရူပါရောင်ဟို လွန်ဆန်နိုင်ဟူ။ 20 ‘လူလေဟာ နောန်ဒရဘီး ဘုရားသခင်နားဟို ယွှန်းလဲရဂမယ်။ နောန်ဒနတန်ဟူ ကျင့်ဟိုလည်း ကျင့်ရမယ်’ ဆိုဘီး ဦးဆောင်း ဒမာသက်မြို့၊ အယ်ဘီးန ယေရုရှလင်မြို့ဟုနေ စဘီး ယုဒပြည် တပြည်လောင်းမာရှိဟူ လူလေဟိုရော၊ လူမျိုးခြားလေဟိုရော၊ ကျွန်တော် ဟောပြောဟယ်။ 21 အယ်ကြောန့် ယုဒလူမျိုးလေဟာ ကျွန်တော်ဟို ဗိမာန်တော်ထဲမာ ဖမ်းဘီးဟာ သတ်ဟိုတွပ် ကြိုးစာဂေဟယ်။ 22 အယ်ဘောမဲ့

ဘုရားသခင်ရဲ့ ကျေးဇူးတော်ဟို့ ကျွန်တော်ခံရဟူကြောန့် ခုထတ်ထိရှိနေဟယ်။ မေရှိယဟာ သေခံရမယ် ဆိုဇာဟို့ရော၊ သေဘီးဟာ ဦးဆောင်း ရှင်ပွန်ထမြော-က်ဘီးဟာ ကုသရလလူမျိုးလေန၊ လူမျိုးခြားလေဟို့ ကယ်တန်ဇာနဆိုင်ဟူ လန်းတရားဟို့ ကြေညာလေမယ် ဆိုဇာဟို့ရော မောရှေဟုစဘီး ပရောဖက်လေဟာ ဟောဘီး ဒီပေးရစ်ဟူတိုင်းဘဲ ကျွန်တော်ဟာ လူဂီးလူငယ်လေဟို့ သတ်သေခံဘီး နေဟယ်” ဆိုဘီး ပွန်လျှော-က်လိုက်ဟယ်။ 24 အယ်မျိုး လျှော-က်ဟူ ခီမာ ဖေတ္တုမန်းဟ “ပေါလု၊ နန်ဟာ ရူးဟားဘီ။ တတ်လွန်ဘီးဟာ ရူးဟားဘီ!” ဆိုဘီး အော်ပြောလိုက်ဟယ်။ 25 ပေါလုဟာ “ဖေတ္တုမန်း၊ ကျွန်တော်ဟာ ရူးနေဇာ မဟု။ သခင်ဟို့ လေးလေးနတ်နတ်န သမ္မာတရားဟို့ ပြောနေဇာဖြစ်ဟယ်။ 26 အဂြိပ္ပမန်းဂီး၊ အယ်မူဇာလေကြောင်းဟို့ သခင်ဟာ သိဟူကြောန့် ကျွန်တော်ဟာ သခင်ရဲ့ ရှေ့မှာ ရဲရဲရင့်ရင့်ဟား လျှော-က်ဟားရှင်း ဖြစ်ဟယ်။ အယ်မူဇာလေဟာ ဆွဲန်းကြိုဆွဲန်းကြားလေမာ ဖြစ်လာဇာ မဟု။ အယ်ကြောင်းရာလေ ဂူလောင်းဟို့ သခင် သိဟယ် ဆိုဇာဟို့ ကျွန်တော် လတ်ခံယောင်ကြည်ဟယ်။ 27 အဂြိပ္ပမန်းဂီး၊ သခင်ဟာ ပရောဖက်လေဟို့ ယောင်ကြည်ဘဲလော။ သခင်ဟာ ယောင်ကြည်ဟယ် ဆိုဇာဟို့ ကျွန်တော်သိဟယ်!” ဆိုဘီး လျှော-က်လိုက်ဟယ်။ 28 အဂြိပ္ပမန်းဂီးဟာ “နန်ဟာ ငါဟို့ ရှစ်ဟားဒဲန ခရစ်ယာန်ဖြစ်အောန့် သွီးဆောန့်နိုင်မယ် ဆိုဘီး ထန်နေလော” ဆိုဘီး ပေါလုဟို့ ပြောဟယ်။ 29 ပေါလုဟာ “ခီဗြန်ဇာလေ၊ ခီကြာဇာလေဟာ ဓိကမဟု။ သခင်နတူးဒု အယ်နေ၊ ကျွန်တော်ပြောဇာဟို့ နားထောန်နေဟူ လူလေဟာ အယ်မျိုး တောက်နောန်ခံရဟူ မဟုလွဲဘီး ကျွန်တော်မျိုး ဖြစ်လာဂေဟို့တွပ် ဘုရားသခင်ဟို့ ကျွန်တော်ဟာ ဆုတောင်းဟယ်” ဆိုဘီး လျှော-က်လိုက်ဟယ်။ 30 အယ်ခီမာ မန်းဂီးန ဖေတ္တုမန်းလေဟာ မိဖုရား ဗေရနိတ်န ဖွဲ့ဝမ်လေဟာ ထိုင်နေဟူနေရာဟာ ထဟားဂေဟယ်။ 31 သူးနီဟာ အယ်နေရာဟာ ထွပ်ဟားဘီးန “အယ်လူဟာ သေခံန အယ်မျိုးမဟုနေဟာ တောက်နောန်ခံရဟူဖြစ်လေ ခုလည်း ကျူးလွန်ဟ” ဆိုဘီး ရှင်းရှင်း ပြောဂေဟယ်။ 32 အဂြိပ္ပမန်းဂီးဟာ “အယ်လူဟာ ကဲသာမန်းဂီးနားဟို့ ယုခံဝမ်ဟို့တွပ် တောင်းခံဘဲနေဟာ သူဟို့ လွတ်ပေးနိုင်ဟယ်” ဆိုဘီး ဖေတ္တုမန်းဟို့ ပြောဟယ်။

27 ဖေတ္တုမန်းဟာ ကျွန်တော့်လေဟို့ ကူတလိပြည်ဟို့ သန်းဖောန ပို့ဟို့တွပ် ဆောင်းဖြတ်လိုက်ဘီးန ပေါလုန တခြားကျဉ်းသား တချို့လေဟို့ မန်းဂီးတပ်ခေါ် ဟူ တထောန်တပ်ဟုနေ ယုလိနာမယ်ရှိဟူ တပ်မူးလတ်ထဲဟို့ အပ်လိုက်ဟယ်။ 2 ကျွန်တော့်လေဟာ အာရိပြည် ကမ်းခြေ တရှော့-က်လောင်းမာရှိဟူ သန်းဖောဆိမြို့လေဟို့ သွားဟို့လောက်နေဟူ သန်းဖောတစင်းထတ်ဟို့ တတ်ဘီးဟာ သွားဂေဟယ်။ အယ်သန်းဖောဟာ အာဒြမုတ္တိဗျိဟုနေလာဟူ သန်းဖောဖြစ်ဟယ်။ မာကေဒေါနိပြည် သက်သာလောနိတ်မြို့သား အာရိတ္တာခုဟုလည်း ကျွန်တော့်လေနတူးဒု ပါလာဟယ်။ 3 နော့-က်တနေမာ ကျွန်တော့်လေဟာ ဇိဒုန်မြို့ဟို့ ရော့-က်ဟားဂေဟယ်။ ယုလိဟာ ပေါလုဟို့ သနားဟူဝ် ရှိဟူကြောန့် မိဆွေလေနားဟို့ သွားဘီး လောက်ကျေး ပြုစုခံဟို့တွပ် ခွမ်ပြုလိုက်ဟယ်။ 4 အယ်လူလေဟာ ပေါလုဟို့ ပြုစုဘီး လောက်ကျေးဂေဟယ်။ အယ်မြို့ဟုနေ ထွပ်ဟားဂေဟူ ခီမာ လေဆန်န တွံရဟူကြောန့် ကုပရုကျွန်းရိဟို့ ခိုဘီး သွားဂေဟယ်။ 5 အယ်ဘီးန ကိလိကိပြည်န ပံဖုလိပြည်ဟာ ပန်လယ်ဟို့ ဖြတ်ကူးဂေဘီးန လုကိပြည် မုရမြို့ဟို့ ရော့-က်ဟားဂေဟယ်။ 6 အယ်မြို့မာ ကူတလိပြည်ဟို့ သွားဟို့ အာလေဇန္ဒြိမြို့ဟာ ရော့-က်လာဟူ သန်းဖောတစင်းဟို့ တွံဟူကြောန့် တပ်မူးဟာ ကျွန်တော့်လေဟို့ အယ်သန်းဖောထတ်ဟို့ တတ်ခိုင်းလိုက်ဟယ်။ 7 ကျွန်တော့်လေဟာ တဖြေးဖြေးဟားန ရစ်လေကြာဂီး သွားဘီးန နော့-က်ဆောင်းမာ ကခိဒိမြို့နားဟို့ ခတ်ခတ်ခဲခဲန ရော့-က်ဟားဂေဟယ်။ လေလာနိုင်ဘဲဟူကြောန့် ရှေ့ဟို့ သွားနိုင်ဘဲဟို့ ကျွန်တော့်လေဟာ သာလမုန်ငူ နားဟုနေ ဖြတ်ဘီး ကရေတေကျွန်း တောန်ဖတ်ဟုနေ သွားဂေဟယ်။ 8 ပန်လယ်ကမ်းန နီးနီးဟားသွားဘီးဟာ ခတ်ခတ်ခဲခဲန လာသဲမြို့နားဟာ ဆိကမ်းသာ နာမယ်ရှိဟူ နေရာဟို့ ရော့-က်ဟားဂေဟယ်။ 9 ကျွန်တော့်လေဟာ အယ်နေရာမာ ကြာဂီးနားဂေခီမာ ပြစ်ဖြေဟူပွဲနေဟို့ လွန်လာဟယ်။ အယ်ကြောန့် ပန်လယ်ခရီးသွားဟို့တွပ် ဘေးအန္တရာယ် ရှိလာဟူကြောန့် ပေါလုဟာ ဒီပေးဘီး 10 “မိဆွေလေ၊ ခု ပန်လယ်ခရီးသွားမယ် ဆိုဟာ သန်းဖောန ကူပစ်စီးလေဟို့ဘဲ မှုဘဲန ကျွန်တော့်လေ သတ်လည်း

ဆောင်းရှောင်းဇာ ရှိဟူကြောင်းကို ငါပြင်ဟုယ်” ဆိုဘီး ပြောလေဟုယ်။ 11 အယ်ဘေမဲ့ တပ်မှူးဟာ ပေါလု စည်းရောင်းဟူစကားထတ် ပဲ့နန်းန သန်းဖောဇရှင်ရဲ့ စကားကို ပိုဘီး ဟာ ယောင်ကြည်ဟုယ်။ 12 အယ်ဆိကမ်းမာ ဆောင်းဒွမ်းလောင်းလောင်း နားနေဟို့တွပ် ကောင်းဘဲကြောန့် လူတိုင်းဟု အယ်ဆိကမ်းဟုနေ ထွပ်ရှင်ဂေဟုယ်။ ဖြစ်နိုင်မယ် ဆိုဟာ ဖိနိတ်မြို့ဟို့ ရော-က်အောန်သွားဘီး ဆောင်းကာလမာ နားရှင်ဂေဟုယ်။ ဖိနိတ်ဆိကမ်းဟာ ကရေတေကျွန်းမာရှိဘီး နော့-က်တောန်ဖတ်န နော့-က်မြော့-က်ဖတ်ဟို့ မျစ်နာလှည့်ဟားဟုယ်။ 13 တောန်ဖတ်ဟုလေဟာ စဘီးတိုက်လာဟူ ခီမာ သန်းဖောသားလေဟာ သူးနို့ကြ အောန်လေမယ် ထန်ဘီးဟာ ကွော့-က်ဆူးဟို့နွဘီး သန်းဖောဟို့ ကရေတေကမ်းခြေ ဒေါ-က်ရှော့-က် သွားဂေဟုယ်။ 14 များများကြာဟု မြော့-က်ဖတ်ဟုနေဘီး ရှေ့မြော့-က်ဟု လေဟုနာမယ်ရှိဟူ မှောန်ဒိုင်းဟာ စဘီးဟာ ပြင်းပြင်းထန်းထန်းဟား တိုက်လာဟုယ်။ 15 သန်းဖောဟာ မှောန်ဒိုင်းတိုက်ခံရဟူကြောန့် အယ်မှောန်ဒိုင်းဟို့ ခံနိုင်ဘဲဖြစ်ဟားဟုယ်။ အယ်ကြောန့် ကျွန်တော့လေဟာ လတ်ရှော့လိုက်ဂေဟုယ်။ လေတိုက်ဟူ နေရာဟို့ ပါလိုက်ဟားဂေဘီးန။ 16 ကလောဒေကျွန်းငယ် တောန်ဖတ်ဟို့ ရော့-က်ဟားဟူ ခီမာ လေတိုက်ဟူ ဒန်ဟုနေ နဲ့နဲဟား ကာကွယ်ရဂေဟုယ်။ အယ်နေရာမာ သန်းဖောပဲ့ဖတ်မာ သတ်ကယ်လေလေဟို့ ပျစ်စီးဘဲနေအောန် ခတ်ခတ်ခဲခဲန ပွန်ဘီး ထီးသီးနိုင်ဟားဂေဟုယ်။ 17 သန်းဖောသားလေဟာ လှေဟို့ဆွဲဒန်ဘီးဟာ သန်းဖောဝန်းဟို့ ကြိုးနပတ်ဘီး ခိုင်အောန်လောက်ဂေဟုယ်။ သူးနို့ဟာ သုရတိ သောန်ပွန်မာ သန်းဖောတန်နေမယ် ဆိုဘီး စိုးရိမ်ဟူကြောန့် ဝှပ်လေဟို့ ညှလိုက်ဘီးန သန်းဖောဟို့ လေတိုက်ဟူတိုင် မျောပါဟားဂေဟုယ်။ 18 နော့-က်တနေမာလည်း လေမှောန်ဒိုင်းဟာ ဆစ်ဘီးတိုက်နေဟူကြောန့် ကူပစ်စီးတချို့ဟို့ သန်းဖောထတ်ဟုနေ ပစ်ခွဲဂေဟုယ်။ 19 တတိယနေမာ သန်းဖောဆိုင်ဟူ ကူပစ်စီးတချို့လည်း ပစ်ခွဲဂေဟုယ်။ 20 ကျွန်တော့လေဟာ ရစ်ပေါင်းကြာဂီး နေလေ၊ ကြယ်လေဟို့ ဗြင်ရဂေဟု။ လေဟာဆစ်ဘီးဟာ ရှိပြင်းပြင်းဟား တိုက်ဘီးနေဟုယ်။ နော့-က်ဆောင်းမာ ကျွန်တော့လေဟာ သေဘေးဟုနေလွတ်ဟို့ မျှော်လင့်ချစ် မေ့ဟု ဆိုဘီး စိရှော့လိုက်ဂေဟုယ်။ 21 လူလေဟာ ရစ်ကြာဂီး စားဇာစားဘဲ နေဂေဘီးန ပေါလုဟာ သူးနို့လယ်မာ ရပ်ဘီးဟာ “မိဆွေလေ၊ နန်းနို့ဟာ ငါ့စကားဟို့ နားထောန်ဘီး ကရေတေကျွန်းဟုနေ ထွပ်ဘဲန နေသင့်ဟုယ်။ အယ်မျိုးနေမယ် ဆိုဟာ အယ်မျိုး ပျစ်စီးဆောင်းရှောင်းဇာန ရင်ဆိုင်ရဂေဟို့ မှဟု။ 22 အယ်ဘေမဲ့ အားငယ်ဂေန။ နန်းနို့ထဲမာ ဖယ်သူလဲ သတ်ဆောင်းရှောင်းရဟို့ မှဟု။ သန်းဖောဘဲ ဆောင်းရှောင်းရလေမယ်။ 23 ငါ့သခင်၊ ငါကိုးကွယ်ဟူ ဘုရားသခင်ရဲ့ ကောင်းဂန်တမန်ဟာ ပီးဟားဟူ ညဉ့်ခန်းဒူးဟု ငါ့နားဟို့လာဘီး။ 24 ‘ပေါလု၊ ကြော့-က်န။ နန်ဟာ ကံသာမန်းဂီး ရှေ့ဟို့ ရော့-က်ရမယ်။ ဘုရားသခင်ဟာ နန်ဟို့ ထော့-က်ထားကြောန့် နန်နတူးဒု သန်းဖောစီးလာဂေဟူ လူလေဟာ သေဘေးဟုနေဘီးဟာ လွတ်မြော့-က်လေမယ်’ ဆိုဘီး ပြောဟုယ်။ 25 အယ်ကြောန့် မိဆွေလေ၊ အားငယ်ဂေန။ ငါဟာ ဘုရားသခင်ဟို့ ယောင်ကြည်ဟူသူ ဖြစ်ဟုယ်။ အယ်ကြောန့် ငါ့ဟို့ ကောင်းဂန်တမန်ဟု ဖော်ပြဟားတိုင်းဘဲ ဖြစ်ပျစ်လေမယ်။ 26 အယ်ဘေမဲ့ နို့လေရဲ့ သန်းဖောဟာ ကျွန်းတခုထတ်မာ သောန်တန်လေမယ်” ဆိုဘီး ပြောဟုယ်။ 27 ဆယ့်လေးရစ်လော့-က် ရော့-က်ဟားဟူနေ ညဉ့်ခန်းဇာမာ ကျွန်တော့လေ သန်းဖောဟာ အာဒြပ်န့်လယ်မာ လေမှောန်ဒိုင်းတိုက်ဟူ နေရာထဲဟို့ မျောပါဘီးနေဟုယ်။ ညဉ့်နတ်ဟားခီမာ သန်းဖောသားလေဟာ ကမ်းတခုနားဟို့ နီးလာဟုယ် ဆိုဇာဟို့ ရိမိဂေဟုယ်။ 28 သူးနို့ဟာ ရေဟို့ တိုင်းဂေဟူ ခီမာ ပေတရာနေဆယ်ရှိဟုယ် ဆိုဇာ တွဲရဂေဟုယ်။ ရှေ့ဟို့နဲ့နဲဟား သွားဘီးန တခါတိုင်းဂေဟူ ခီမာ ပေကိုးဆယ်ဘဲရှိဟုယ် ဆိုဇာဟို့ တွဲရဟုယ်။ 29 သူးနို့ဟာ ကွော့-က်ဆောန်န တိုက်မိဟို့ဇာဟို့ စိုးရိမ်ဟူကြောန့် သန်းဖောပဲ့ဖတ်ဟု ကွော့-က်ဆူးလေးခုဟို့ ညွဘီးဟာ “မိုးလန်းပါစေ” ဆိုဘီး ဆုတောင်းဂေဟုယ်။ 30 သန်းဖောသားလေဟာ သန်းဖောရဲ့ ဦးဖတ်မာ ကွော့-က်ဆူးဟို့ ညွဟို့ ဟန်ဆောန်ဘီးဟာ သတ်ကယ်လေဟို့ ရှော့ညွဘီးဟား ထွပ်ပွေးဟို့တွပ် ကြိုးစားနေဂေဟူ ခီမာ 31 ပေါလုဟာ တပ်မှူးန စစ်သားလေဟို့ “အယ်သန်းဖောသားလေဟာ သန်းဖောထတ်မာ နေဟုဆိုဟာ နန်းနို့ကိုယ်တိုင် သတ်ဘေးဟု လွတ်ဟို့တွပ် မျှော်လင့်ချစ်ရှိဟို့ မှဟု” ဆိုဘီး ပြောဟုယ်။ 32 အယ်ခီမာ စစ်သားလေဟာ သတ်ကယ်လေရဲ့ ကြိုးဟို့

ခွတ်ဖြတ်ဘီးဟာ လှေဟို့ အော့-က်ဟို့ ခွလိုက်ဟယ်။ 33 မိုးလန်းခါနီးမှာ ပေါလုဟာ အယ်လူလေဟို့ စာစားဟို့တွပ် တိုက်တွန်းရှင်ကြောန့် “နန်းနို့ဟာ ဖယ်မျိုးဖြစ်မယ် ဆိုဘီး စားငတ်ခံဘီး နေဂေဇာဟာ ဆယ့်လေးရစ်လော့-က် ရှိဟားဘီး။ နန်းနို့ဟာ ဖြားစာဟို့လည်း စားဂေဟယ်။ 34 နန်းနို့ဟာ ဆစ်ဘီးဟာ သတ်ရှင်ဟို့တွပ်၊ စားစာဂေဟို့တွပ် ငါတောန်းဗန်ဟယ်။ နန်းနို့ရဲ့ ခေါန်းဟု ဆန်းဗန်တဗန်လည်း ပျစ်စီးရဟို့ မှဟု” ဆိုဘီး ပြောဟယ်။ 35 အယ်ဘီးန ပေါလုဟာ မဟို့ ယူဘီးဟာ အယ်လူလေ အားလောင်းရှေ့မှာ ဘုရားသခင်ရဲ့ ကျေးဇူးတော်ဟို့ ချီးမွမ်းဘီးန မဟို့ဖဲဘီး စားဂေဟယ်။ 36 အယ်ခီမာ အယ်လူလေ ဂူလောင်းဟာ အားတတ်လာဂေဘီးဟာ စားဇာဟို့ စားဂေဟယ်။ 37 သန်းဖောထတ်မာ လူလေ ဂူလောင်းဟု ၂၇၆ ယော့-က် လော့-က်ရှိဟယ်။ 38 လူလေဟာ ဝအောန်စားဂေဘီးန သန်းဖောဟို့ ပေါစေဟို့တွပ် ရှောင်ဆန်ရှိမျှဟို့ ပန်လယ်ထဲဟို့ ပစ်ခွဂေဟယ်။ 39 မိုးလန်းဟူ ခီမာ သန်းဖောသားလေဟာ သူးနို့ဟာ ဖယ်နေရာဟို့ ရော့-က်နေမှန်း သိဂေဘဲကြောန့် ပန်လယ်ကွေ့ ကမ်းခြေတခုဟို့ ဖြင်ရဂေဟူ ခီမာ ဖြစ်နိုင်မယ် ဆိုဟာ အယ်ကမ်းခြေထတ်ဟို့ သန်းဖောဟို့ ထိုးဒန်ဟို့တွပ် ဆောင်းဖြတ်ဂေဟယ်။ 40 သူးနို့ဟာ ကွော့-က်ဆူးကြိုးဟို့ ဖြတ်ဘီးဟာ ကွော့-က်ဆူးလေဟို့ ပန်လယ်ထဲဟို့ ခွလိုက်ဂေဟယ်။ တခီခီမာဘဲ ပွန်နန်းလေဟုလည်း ကြိုးလေဟို့ ဖြေလိုက်ဂေဟယ်။ အယ်ဘီးန သန်းဖောဦးဟုနေဘီး ဝပ်လေဟို့ တန်ဘီး ကမ်းခြေဖတ်ဟို့ သွားလိုက်ဟယ်။ 41 အယ်ခီမာ သန်းဖောဟာ ရေတီဟူနေရာဟို့ ရော့-က်ဘီးဟာ သောန်တန်ဘီးနေဟယ်။ သန်းဖောဦးဟာ သောန်မာစိုက်ဘီးနေကြောန့် လှောန်ဟို့မျှဟယ်။ သန်းဖောပဲဖတ်ဟုနေဘီး လှိုင်းလောင်းလေရိုက်ကြောန့် ကြိုးဘီးဟာ ပျစ်စီးလာဟယ်။ 42 အယ်ခီမာ စစ်သားလေဟာ ကျဉ်းသားလေ ရေကူးဘီး ထွပ်လွှေးမာဟို့ စိုးရိမ်ဟူကြောန့် သူးနို့ဟို့ သတ်ဟို့တွပ် ကြံစည်ဂေဟယ်။ 43 အယ်ဘောမဲ့ တပ်မူးဟာ ပေါလုဟို့ ကယ်ရှင်ဟူကြောန့် စစ်သားလေရဲ့ ကြံစည်တိုင်း လောက်ဘဲဟို့တွပ် တားဘီးဟာ ဦးဆောင်းပထမ ရေကူးတတ်ဟူ လူလေဟို့ သန်းဖောဟုနေ ခွခွခိုင်းဘီး ကူးခိုင်းလိုက်ဟယ်။ 44 အယ်ဘီးန ကျန်နေဟူ လူလေဟို့ သစ်လွှားလေနရော၊ သန်းဖောပျစ်ဟု သစ်ပိုင်းစလေန စီးဘီးဟာ ကူးဂေဟို့တွပ် ပြောလိုက်ဟယ်။ အယ်မျိုးနည်းနဘဲ ကျွန်တော့်လေ ဂူလောင်းဟာ ဘေးဟုလွှတ်ဘီး ကူးထတ်ဟို့ ရော့-က်ဟားဂေဟယ်။

28 ကျွန်တော့်လေဟာ ဘေးဟုလွှတ်ဘီးဟာ ကူးထတ်ဟို့ ရော့-က်ဟားဂေဟူ ခီမာ အယ်ကျွန်းဟို့ မေလိတေကျွန်း ဆိုဘီး ခေါ်ဇာဟို့ သိရဂေဟယ်။ 2 ကျွန်းသူကျွန်းသားလေဟာ ကျွန်တော့်လေဟို့ ထူခြားဟူ ရှစ်ရှင်းမြစ်တာဟို့ ပြဂေဟယ်။ မိုးဝါဟူကြောန့် အေးလာဟူ ခီမာ အယ်လူလေဟာ မီးဖိုလောက်ဘီးဟာ ကျွန်တော့်လေဟို့ ဧည့်ခံဂေဟယ်။ 3 ပေါလုဟာ ထန်းတဇဟို့ ယူဘီးဟာ မီးထဲဟို့ ထဲလိုက်ဟယ်။ အယ်ခီမာ မီးပုရှိကြောန့် ထန်းဇဲထဲဟုနေ ဗွီဗွေးတကောန်ဟု ထွပ်လာဘီးန ပေါလုရဲ့ လတ်မာ ပတ်နေဟယ်။ 4 သူလတ်ဟုနေ တန်းလန်းလွနေဟူ ဗွီဟို့ ကျွန်းသူကျွန်းသားလေဟု ဖြင်ဟူ ခီမာ “အယ်လူဟာ လူသတ်မားဖြစ်နိုင်ဟယ်။ ပန်လယ်ဘေးဟုလွှတ် ဘောမဲ့လည်း တရားမျှတဇာဟု သူဟို့ သတ်ရှင်ခွမ်ပေးဟု” ဆိုဘီး ရှင်းရှင်းပြောနေဂေဟယ်။ 5 အယ်ဘောမဲ့ ပေါလုဟာ ဗွီဟို့ မီးထဲဟို့ ခါခွလိုက်ဟယ်။ အယ်ဘောမဲ့ သူဟာ ဖြားလည်းဖြစ်ဟူ။ 6 အယ်လူလေဟာ ပေါလုဟာ တကိုယ်လောင်း ရောန်လာလေမယ်။ အယ်မျိုးမူဘဲနေဟာ ခုရှစ်ရှင်းဘဲ သေလေမယ် ဆိုဘီး စောန့်နေဂေဟယ်။ အယ်မျိုး ကြာဂီးစောန့်ကေဘောမဲ့ ဖြားလည်း ပေါလုမာ ဖြစ်လာဘဲဇာဟို့ ဖြင်ဂေဟူ ခီမာ သူးနို့ဟာ စိသဘောလေ လွှန်းလဲဘီးဟာ “အယ်လူဟု နတ်ဘုရားဖြစ်ဟယ်” ဆိုဘီး ပြောဂေဟယ်။ 7 အယ်နေရာမာ ပုဗလိ နာမယ်ရှိဟူ ကျွန်းလူဂီးပိုင်ဟူ လွေယာလေရှိဟယ်။ အယ်လူဟာ နို့လေဟို့ လတ်ခံဘီးန သောင်းရစ်လောင်းလောင်း ဧည့်ခံဘီး ကျွေးမွေးဟယ်။ 8 ပုဗလိရဲ့ ဖဟာ ဖျားနေဘီးဟာ ဝန်းကိုက်ဟူ ရောဂါဖြစ်ဘီး လဲနေဟယ်။ ပေါလုဟာ သူခန်းထဲဟို့ ဝမ်ဘီး ဆုတောင်းဘီးန သူကိုယ်ထတ်မာ လတ်တန်ဘီး သူဟို့ ကျန်းမာစေဟယ်။ 9 အယ်မျိုးဇာလေ ဖြစ်ပျစ်ဟားဟူကြောန့် ကျွန်းမာနေဟူ၊ နေကောင်းဘဲဟူ လူလေဟာ ပေါလုနားဟို့ လာဂေဟယ်။ ပေါလုဟာ သူးနို့ဟို့ ကျန်းမာစေဟယ်။ 10 သူးနို့ဟာ ကျွန်တော့်လေဟို့ လတ်ဆောန်လေပေးဂေဟယ်။ ကျွန်တော့်လေဟု ထွပ်ဟားဟို့ လောက်နေဂေခီမာ လိုအပ်ဟူ စားဇာရိခါလေဟို့ သန်းဖောထတ်ဟို့ ပို့ပေးဂေဟယ်။

11 သောင်းလလော့-ကံ ကြာဘီးန ကျွန်တော့်လောဟာ အယ်ကျွန်းမာ ဆောန်းခိုနေဟူ သန်းဖောန သွားဂေဟယ်။ အယ်သန်းဖောဟာ အာလေဇဗြိုဟ်ဟလာဘီး မွာဥဥ္ဎုနတ်ရောက်ထုပါဟူ သန်းဖောဖြစ်ဟယ်။ 12 ကျွန်တော့်လောဟာ သုရကုတ်မြို့ဟို သန်းဖောနရော-ကံဟားဘီး အယ်မြို့မာ သောင်းရစ်လော့-ကံ နေဂေဟယ်။ 13 အယ်မြို့ဟနေ ပွန်ဟားဟူ ခီမာ ရေဂျန်မြို့ဟို ရော-ကံဟားဂေဟယ်။ နော့-ကံတနေမာ တောန်လောဟာ လာဟူကြောန့် နေရစ်လော့-ကံ ကြာဟူ ခီမာ ပေါတယောလိမြို့ဟို ရော-ကံဟားဂေဟယ်။ 14 အယ်မြို့မာ ညီကို မောန်နှမလေ တချို့ဟို တိုဘီး သူးနိုဟု ခွန်နစ်ရစ်လော့-ကံ သူးနိုန တူးဒုနေဟိုတွပ် တောန်းဗန်ဘီး ပြောဟူတိုင်းဘဲ နေဘီးဟာ ရောမမြို့ဟို ပွန်ဟားဂေဟယ်။ 15 ရောမမြို့မာရှိဟူ ညီကို မောန်နှမလောဟာ ကျွန်တော့်လေ ရော-ကံလာကြောင်းဟို ကြားရဂေဟူ ခီမာ အပိဆေးနားဟိုရော၊ တဲခိုရိသာ သောင်းဆောန်နားဟိုရော၊ ရော-ကံလာဘီးဟာ ကြိုဆိုဂေဟယ်။ ပေါလုဟာ အယ်လူလေဟို ဗြင်ဟူ ခီမာ ဘုရားသခင်ရဲ့ ကျေးဇူးတော်ဟို ချီးမွမ်းဘီး အားတတ်လာဟယ်။ 16 ရောမမြို့ဟို ရော-ကံဟူ ခီမာ ပေါလုဟာ သူဟို စောန်ပေးနေဟူ စစ်သားတယော့-ကံနတူးဒု နေရဟယ်။ 17 နော့-ကံသောင်းရစ် ကြာဟူ ခီမာ ပေါလုဟာ မြို့မာနေဟူ ယုဒလူမျိုးခေါ်ဆောန်လေဟို ဖိခေါ် လိုက်ဟယ်။ အယ်လူလောဟာ လာဘီး စုနေဟူ ခီမာ ပေါလုဟာ “ညီကိုလေ၊ ငါဟာ ကိုယ့်လူမျိုးဟိုရော၊ ဘိုးဘေးလေရဲ့ ထောင်းဒန်းစဉ်လာလေဟိုရော၊ ဆန့်ကျင်ဟူမူလေ ခုလည်းလောက်ဟူ။ အယ်ဘောမဲ့ ယုဒလူမျိုးလောဟာ ယေရုရှလင်မြို့မာ ငါ့ဟို ဖမ်းဘီးဟာ ရောမလူမျိုးလတ်ထဲဟို အပ်ဂေဟယ်။ 18 အယ်လူလောဟာ ငါ့ဟို စစ်ဆေးဘီး ငါ့ရဲ့မူမာ သေဒန်ပေးထိုက်ဟူကြောန့် ခုလည်းတို့ဘဲကြောန့် ငါ့ဟို လွှတ်လိုက်ဂေဟယ်။ 19 အယ်ဘောမဲ့ ယုဒလူမျိုးလောဟာ ကန့်ကွက်ဂေဟူကြောန့် ငါဟာ လွှဲရှောန်သာဘဲဟူကြောန့် ကဲသာမန်းဂီးနားဟို ယူခံဝမ်ရဟယ်။ အယ်မျိုး ပြောရဟူဇာဟာ ကိုယ့်လူမျိုးဟို ပြစ်တန်ဇာ တခုခုရှိကြောန့် ပြောဇာ မူဟူ။ 20 အယ်ကြောန့် ခန့်ဗျားလေန တို့ဆောင်ခွမ်ဟို တောန်းရှော့-ကံဇာ ဖြစ်ဟယ်။ ငါဟာ အယ်သံကြိုးန ခယ်ခံရဇာဟာ ကူသရေလလူလေ မျှော်လင့်ဘီး စောန်နေဂေဟူ သခင်တွပ်ကြောန့်ဘဲ ဖြစ်ဟယ်” ဆိုဘီး ပြောဟယ်။ 21 အယ်လူလောဟာ “နို့လောဟာ နန့်ကြောန်းဟို ယုဒပြည်ဟုနေ စာတစောန်လည်း ရဂေဟူ။ နို့လေရဲ့ ယုဒလူမျိုးလေထဲဟုနေ ညီကိုလေတယော့-ကံလည်း လာဘီးဟာ နန့်ရဲ့ ကောင်းဘဲဟူ ဒန်းဟိုပြောဟူ။ 22 အယ်ဘောမဲ့ အယ်ဂိုဏ်းကြောန်းဟို ဆန့်ကျင်ဘီး နေရာတိုင်းမာ ပြောနေဂေဇာဟို နို့လေသိရဟယ်။ အယ်ကြောန့် နန့်ရဲ့ ယုဒလူမျိုး နို့လောဟာ ကြားရှင်ဟယ်” ဆိုဘီး ပြောဂေဟယ်။ 23 အယ်လူလောဟာ ရစ်ချီးပေးဂေဟယ်။ ချီးလိုက်ဟူနေမာ ပေါလုနေဟူ နေရာဟို လူဘောင်ဂီးဟု ရော-ကံလာဂေဟယ်။ ပေါလုဟာ မိုးလန်းဟုနေ နေဒန်ထိ ဘုရားသခင်ရဲ့ နိုင်ငံတော်နဆိုလှူ တရားတော်ကြောန်းဟို သွီးဆောန်ဘီးဟာ ရှင်းလန်းဖော်ပြဟယ်။ သခင်ယေရှုရဲ့ ကြောင်းလေ မောရှေရဲ့ ပညတ်ကျမ်းန ပရောဖက်ကျမ်းလေဟို ကော့-ကံနှဘီးဟာ အယ်လူလေနားလည် ဘောပေါ-ကံလာဟိုတွပ် ကြိုးစားဘီးဟာ ဟောပြောဟယ်။ 24 သူးနို့ထဲဟု တချို့ဟာ ပေါလုရဲ့ စည်းရောင်းဟူစကားလေဟို ယောင်ကြည်လာဂေ ဘောမဲ့လည်း တချို့ဟာ ယောင်ကြည်ဂေဟူ။ 25 အယ်မျိုး ပေါလုပြောဟူ ခီမာ ယုဒလူမျိုးလောဟာ ရှစ်ရှင်းဘဲ ပြင်းပြင်းထန်းထန်းဟား ငြင်းဂေဘီး ထွပ်ဟားဂေဟယ်။ ပေါလုဟာ “ပရောဖက်ဟောရှာယဟု နန်းနို့ ဘိုးဘေးလေဟို သန့်ရှင်းဟူဝိညာဉ်တော် ဖော်ပြဟားဟူဇာဟာ မှန်ပါဟယ်။ ဖော်ပြဟားဟူဇာဟာ အယ်မျိုးဖြစ်ဟယ်။ 26 “အယ်လူမျိုးလေဟို ပြောကြားဂေပါ။ “နန်းနို့ဟာ ကြိုးစားဘီး နားထောန်ဘောမဲ့လည်း နားလည်လေမယ် မူဟူ။ ကြိုးစားဘီး ကော့ဘောမဲ့လည်း ဗြင်ဟို မူဟူ။” 27 ဖြားဖြစ်ကြောန့်နို့ဆိုဟာ အယ်လူမျိုးရဲ့ စိန်လောင်းဟာ ထိုင်းမိုင်းဘီး၊ သူးနို့နားလောဟာ လေးနေဘီး သူးနို့ရဲ့ မျစ်စိလောဟာ ပိနေဂေကြောန့် ဖြစ်ဟယ်။ တကယ်ဆိုဟာ အယ်မျိုးမူနဘဲ သူးနို့ မျစ်စိလောဟာ ဗြင်ဘီး၊ နားလောဟာ ကြားနိုင်ဘီး၊ စိန်လောင်းလောဟာ သိဘီး နားလည်ဂေမယ် ဆိုဟာ သူးနို့ စိသဘောလောဟာ ညွှန်းလဲလာဂေဘီးဟာ ငါဟလည်း သူးနို့လေဟို ကျန်းမာစေမယ်။” ဆိုဘီး ပြောလိုက်ဟယ်။ 28 နော့-ကံဆောင်းနေန ပေါလုဟာ “အယ်ကြောန့် ဘုရားသခင်ရဲ့ ကယ်တန်ရှင်းတရားဟို လူမျိုးခြားလောဟာ ကြားရဟိုတွပ် ဟောပြောဟိုလူလေဟို လွှတ်ဘီးဖြစ်ဟူကြောန့် သူးနို့ဟာ ကြားရဂေလေမယ် ဖြစ်ဟူကြောန်း နန်းနို့ဟာ သိမှတ်ဟားဂေ” ဆိုဘီး ပြောဟယ်။ 30 ပေါလုဟာ အယ်မြို့မာ

နေ့နှစ်လောင်းလောင်း သူငယ်တန်းဟူ အိမ်နေဘီးဟူ။ သူနားဟို ရှေး-ကံလာဂေဟူ လူလေဟို ကြိုဆိုဇဉ်ခံဘီး၊ 31
ဘုရားသခင်ရဲ့ နိုင်ငံတော်ကြွန်းဟို ဟောပြောဘီး သခင်ယေရှုခရစ်တော်ရဲ့ ကြွန်းဟို ဆီးတားမွှေဘဲန ရဲရဲရင့်ရင့်ဟား
ဟောပြောဘီးနေဟယ်။

1 ဒန်းကောန်းဟို ဟောပြောဟိုတွပ် တမန်တော်ဖြစ်န ဘုရားသခင်ဝီးကော့- က်ဘီး ခန့်အပ်ခံရဟူ ခရစ်တော်ယေရှုရဲ့ စေခံ ငါပေါလုဟာ အယ်စာဟို ရေးလိုက်ပါဟယ်။ **2** ရှေးခါဒူးဟု ဘုရားသခင်ဟာ သူရဲ့ ပရောဖက်လေအားဖြင့် အယ်မူဒန်းကောန်းတွပ် ဂဒိထားဟားကြောင်းဟို သန့်ရှင်းဟူ ကျမ်းစာအားဖြင့် ဖော်ပြဟားလေဟယ်။ **3** အယ်မူဒန်းကောန်းဟာ ဘုရားသခင်ရဲ့ သားတော် ယေရှုခရစ်တော်ရဲ့ ကြောန်းဘဲ ဖြစ်ပါဟယ်။ သားတော်ဟာ လူဇာတိအားဖြင့် ဒါဝိဒ်မျိုးနွယ်ဟုနေ ပေါ်ထွပ်လာဘီး။ **4** သူရဲ့ မြင့်မြတ် သန့်ရှင်းရှင်းအားဖြင့် ဘုရားသခင်ရဲ့ သားတော်ဖြစ်ဟူကြောင်းဟို ထန်ရှားစေဟိုတွပ် ဘုရားသခင်ဟာ မဟာတဂိုးတော်အားဖြင့် သခင်ယေရှုခရစ်ဟို သေရှင်းဟုနေဘီး ထမြော့- က်စေတော်မူဟယ်။ **5** အယ်သခင်ရဲ့ နာမတော်တွပ် လူမျိုးလေ ဂူလောင်းထဲမာ ယောင်ကြည်ရှင်းနခိုင်ဟူ နာခံမှုရှိစေဟိုတွပ် ကျေးဇူးတော်န တမန်တော်ဖြစ်ဟူခွင့်ဟို ကိုယ်တော်အားဖြင့် နို့လေရရှိဂေဟယ်။ **6** နန်းနို့လေလည်း အယ်လူမျိုးထဲမာပါဘီး ယေရှုခရစ်တော်ရဲ့ တပွဲဖြစ်ဟိုတွပ် ဝီးကော့- က်ခံရဟူ သူလေဖြစ်ဂေဟယ်။ **7** အယ်မျိုး ဘုရားသခင်ရဲ့ ရှစ်ရှင်းမြစ်တာတော်အားဖြင့် သူရဲ့ လူမျိုးတော်ထဲဟို ရော့- က်စေဟိုတွပ် ဝီးကော့- က်ခံရဟူ ရောမမြို့ဟု သန့်ရှင်းဟူ သင်းဝမ်သူလေနားဟို အယ်စာရေးလိုက်ပါဟယ်။ **8** နန်းနို့လေရဲ့ ယောင်ကြည်ဟူ ကြောန်းရာလေဟာ တကမ္ဘာလောင်းဟို ပွဲနွံဘီး ကျော်ကြားဟူကြောန့် နန်းနို့လေ ဂူလောင်းဟို ယေရှုခရစ်တော်အားဖြင့် ငါကိုးကွယ်ဟူ ဘုရားသခင်ရဲ့ ကျေးဇူးတော်ဟို ချီးမွမ်းပါဟယ်။ **9** သားတော်ရဲ့ကြောန်း ဒန်းကောန်းဟို ဟောပြောဟူဇာအားဖြင့် ငါဟာ ဘုရားသခင်ရဲ့ မှုတော်ဟို စိဝိညာဉ်နထပ်တူ လောက်ဆောန်နေဘီး။ **10** ငါဟာ ဆုတောင်းဟူ ဒီတိုင်းမာ နန်းနို့လေဟို မြဲဒမ်း ဒီရနေကြောန်းဟို ငါကိုးကွယ်ဟူ ဘုရားသခင်ဟာ ငါရဲ့သတ်သေဖြစ်ပါဟယ်။ ဘုရားသခင်လိုတော်ရှိဟယ် ဆိုဟာ ကြာခန်မာ နန်းနို့လေနားဟို လာနိုင်ဟိုတွပ် လမ်းဖွင့်ပေးမယ့်ကြောန်းဟို ဆုတောင်းပါဟယ်။ **11** နန်းနို့လေ ဂူလောင်းဟာ တည်ကြည်ဘီး ခိုင်ခံ့ဟိုတွပ် ဝိညာဉ်ဆုကျေးဇူးလေဟို ဝီမျှပေးရှင်ဟူ ဆန္ဒရှိဟူကြောန့် ငါဟာ နန်းနို့လေဟို ရရာတိုင်းဘဲ တွဲရှင်ပါဟယ်။ **12** တနည်းအားဖြင့် အယ်မျိုးတို့ဆောင်ဟူ ဒီမာ နန်းနို့လေ ငါဟာ သီးသီးမာရှိဟူ ယောင်ကြည်ရှင်းလေဟို ယုန်လုန် သတ်သေခံဝီမျှဘီး ခွန်းအားယူနိုင်ဟိုတွပ် ဖြစ်ပါဟယ်။ **13** ညီကို မောန်နမလေ ငါဟာ လူမျိုးခြားလေမာ သီးပွမ်လေရဟူမျိုး နန်းနို့လေမာလည်း သီးပွမ်လေရဟိုတွပ် နန်းနို့လေနားဟို လာနိုင်အောန် ခါဘီးခါ စီစဉ်ဟူလည်းဘဲ ခုခီထိ တားဆီးမှုဟို ခံနေရဟူကြောန်းဟို နန်းနို့လေ သိစေရှင်ပါဟယ်။ **14** ငါဟာ ဂရိလူမျိုးဘဲဖြစ်ဖြစ်၊ ရိုင်းဟူလူဘဲဖြစ်ဖြစ်၊ ပညာရှိဘဲဖြစ်ဖြစ်၊ ပညာမဲ့ဘဲဖြစ်ဖြစ်၊ လူဘောင်းဇောင်ဟို ဟောပြောရမယ့် ဒန်းကောန်းရဲ့ ကြွေးဟာ ငါ့မာတန်နေပါဟယ်။ **15** အယ်ကြောန့် ရောမမြို့မာရှိဟူ နန်းနို့လေဟိုလည်း အယ်ဒန်းကောန်းဟို ဟောပြောဟိုတွပ် ငါဟာ ရရာတိုင်း စိအားထတ်သန်နေပါဟယ်။ **16** ငါဟာ ခရစ်တော်ရဲ့ ဒန်းကောန်းတွပ် လောင်းဝ ယှစ်ကြော့- က်မှုမေ့ဟု ဖြားဖြစ်ကြောန့်နူးဆိုဟာ အယ်မူဒန်းကောန်းဟာ ရင်ဦးဆောင် ယုဒလူမျိုး၊ နော့- က်မု လူမျိုးခြားလေထဲမာ ယောင်ကြည်လတ်ခံလာမယ့် သူလေဂူလောင်းဟို ကယ်တန်ပေးဟူ ဘုရားသခင်ရဲ့ တဂိုးတော် ဖြစ်ပါဟယ်။ **17** ဖြားဖြစ်ကြောန့်နူးဆိုဟာ “ဖြောန့်မတ်ဟူသူဟာ ယောင်ကြည်ရှင်းအားဖြင့် သတ်ရှင်လေမယ်” ဆိုဘီး ကျမ်းစာမာရေးဟားတိုင်း ယောင်ကြည်ရှင်းနိုက်တည်ဟူ ဘုရားသခင်ရဲ့ ဖြောန့်မတ်ရှင်းတရားဟာ ယောင်ကြည်ရှင်းတွပ် အယ်ဒန်းကောန်းအားဖြင့် ထန်ရှားနေပါဟယ်။ **18** ဘုရားသခင်ရဲ့ မျစ်တော်ဟာ ကောင်းဂန်ဘောင်ဟုနေ ထန်ရှားဘီး သမ္မာတရားဟို တရားဘဲဟူမူနု လူလေသိဘဲနေအောန် ဆီးတားပိပန်ဟူ သူလေရဲ့ ဘုရားတရားမေ့ရှင်းန တရားဘဲဟူမူ ဂူလောင်းထတ်ဟို သတ်ရောက်ဟယ်။ **19** ဖြားဖြစ်ကြောန့်နူးဆိုဟာ ဘုရားသခင်ဟာ သူနု ပတ်သတ်ဘီး သိသင့်သိထိုက်ဟူ ဇာလေဟို ရှင်းရှင်းလန်းလန်းဟား ဖော်ပြပေးဟားကြောန့် ဖြစ်ဟယ်။ အယ်မူကြောန်းလေဟာ သူးနို့လေမာ ထန်ရှားဘီး ရှိနေပါဟယ်။ **20** တနည်းအားဖြင့် အယ်လောကဟို ဖန်ဆင်းဟူဒီဟုနေစဘီး ဘုရားသခင်ရဲ့

ပြင်ရသောဟူ၍ ဂေါင်အင်္ဂါလေဖြစ်ဟူ၍ ကိုယ်တော်ရဲ့ ထာဝရ တရားတော်နဲ့ ဘုရားသခင်ရဲ့ ဖြစ်တော်လေဟာ ဖန်ဆင်းတော်မူဟူ၍ ရာလေအားဖြင့် ရှင်းရှင်းလန်းလန်း သိနိုင်ဟူ၍ ကြောန့် သူးနို့လေဟာ ကိုယ့်ပြစ်လေတွင် ဆင်ခေပေးဟို ရနိုင်ဂေဟု! (aidios g126) 21 ဖြားဖြစ်ကြောန့်နဲ့ဆိုဟာ သူးနို့လေဟာ ဘုရားသခင်ဟို သိဂေဟူလည်းဘဲ ကိုယ်တော်ရဲ့ ဖောင်းသရေတော်ဟို ချီးမွမ်းသင့်ဟူတိုင်း ချီးမွမ်းဘဲ၊ ကျေးဇူးတော်ဟိုလည်း သိမှတ်ဘဲနဲ့ ကျိုးမော့ဘဲဟူ ဇာလေဟိုဘဲ တွေးနေဂေဟူကြောန့် သူးနို့ရဲ့ သိတရားမဲ့ဟူ စိန်လောင်းဟို မှောန်မိုက် ဖောင်းလွှမ်းဟားလေဟယ်။ 22 သူးနို့လေဟာ ကိုယ့်ကိုယ်ကိုယ် ပညာရှိဖြစ်ဟယ် ဆိုဘီး ပြောဂေဟူလည်းဘဲ မိုက်မဲဟူ သူလေဖြစ်လာဘီး။ 23 ဖော့-ကံယွန် ပျစ်စီးရှင်းနဲ့ ကင်းဟူ ဘုရားသခင်ရဲ့ ဖောင်းသရေတော်ဟို ပယ်ဘီး ဖော့-ကံယွန်တတ်ဟူ လူ့ရောက်ထု၊ ငှတ်ရောက်ထု၊ ခေလေးရှောန်း သတ္တဝါနဲ့ တွားဘီးသွားတတ်ဟူ လိဆန်လေရဲ့ ရောက်ထုဟို ဘုရားသခင်နေရာမှာ ချီးမြှောက်ဂေဟယ်။ 24 အယ်ကြောန့် ဘုရားသခင်ဟာ သူးနို့ရှင်းရှင်း ကိုယ်ခန္ဓာရဲ့ အသရေဟို ပျစ်စီးစေဟိုတွင် သူးနို့လေရဲ့ ကိလေသာစိ ညစ်ညူးရှင်းလတ်ဟို အပ်လိုက်လေဟယ်။ 25 အယ်သူလေဟာ ဘုရားသခင်ရဲ့ သမ္မာတရားဟို မှားဟူနေရာမှာ ထားဂေဘီး ဖန်ဆင်းရှင်ဟို ကိုးကွယ်ရဟိုစား ဖန်ဆင်းဟားဟူ ဇာလေဟို ဝတ်ပြုကိုးကွယ်ဂေလေဟယ်။ ဖန်ဆင်းရှင်ဟာ ထာဝရမင်္ဂလာ ရှိတော်မူဟယ်။ အာမင်။ (aidn g165) 26 အယ်မျိုးလောက်ဟူကြောန့် ဘုရားသခင်ဟာ သူးနို့လေဟို ယုတ်ဇာကောင်းဟူ ကိလေသာလတ်ထဲဟို အပ်လိုက်တော်မူလေဟယ်။ ဖြားဖြစ်ကြောန့်နဲ့ဆိုဟာ သူးနို့ထဲဟု မီးမလေဟာ သဘာဝဆစ်ဆံမှုဟို ပယ်ဘီးဟာ သဘာဝနဲ့ ဆန့်ကျင်ဖတ်ဖြစ်ဟူ ဆစ်ဆံရှင်းနော့-ကံဟို လိုက်ဂေလေဟယ်။ 27 အယ်တိုင်းဘဲ ယော့-ကံကျားလေလည်း မီးမနဲ့ သဘာဝဆစ်ဆံမှုဟို ပယ်ဘီးဟာ ရှင်းရှင်း ရာဂမီးတော့-ကံလောန်ဂေဘီး ယုတ်ဇာကောင်းဟူဇာဟို ယော့-ကံကျားရှင်းရှင်း ပြုဂေဟူကြောန့် သူးနို့လေရဲ့ ဆိုးညစ်ဟူကျင့်တွင် ထိုက်သင့်ဟူ ပြစ်ဒန်လေဟို ခံရဂေဟယ်။ 28 အယ်သူလေဟာ ဘုရားသခင်ဟို သိမှတ်ဘဲနဲ့ လျစ်လျူရှုဂေဟူကြောန့် ဘုရားသခင်ဟာ သူးနို့လေဟို ယောက်ညံ့ဟူစိလတ်ဟို အပ်လိုက်တော်မူဟူကြောန့် သူးနို့လေဟာ ပြုသင့်ဘဲဟူဇာလေဟို ပြုကျင့်ဂေလေဟယ်။ 29 အယ်သူလေဟာ မျိုးမျိုးဖြစ်ဟူ ဆိုးယောက်မိုက်မဲရှင်း၊ တရားဘဲဟူ မေထုန်ပြုရှင်း၊ ညစ်ညမ်းရှင်း၊ လောဘတတ်မတ်ရှင်း၊ ကျင့်ပျစ်ရှင်း၊ မနာလိုရှင်း၊ လူ့သတ်ဟို သတ်ရှင်း၊ ရန်ဖြစ်ရှင်း၊ လှည့်ဇားရှင်း၊ ရန်ငြိုးထားရှင်းနဲ့ သူများတင်းပြောဆိုရှင်း၊ 30 ပေါက်ခတ်ပြောဆိုရှင်း၊ ဘုရားသခင်ဟို မှူးရှင်း၊ မိုက်ရှင်းရှင်း၊ မာန်မာန်ထောန်လွှားရှင်း၊ ဝါကြားရှင်း၊ ကောင်းဘဲဟူမူလေဟို တီထွေရှင်း၊ မိဖစကားဟို နားထောန်ဘဲနေရှင်း၊ 31 သိတရားကင်းမဲ့သူ၊ ဂဒိတည်ဘဲဟူသူ၊ ကြင်နာဟူစိကင်းမဲ့သူ၊ သနားရှင်းစိကင်းမဲ့သူလေ ဖြစ်ဂေဟယ်။ 32 အယ်မျိုး ကျင့်ဂေဟူသူလေဟာ သေဒန်ဟို ခံထိုက်ဟယ်ဆိုဘီး ဘုရားသခင် စီရင်ဟားဇာဟို သိဂေဟူလည်းဘဲ သူးနို့ကိုယ်တိုင်လည်းကျင့်ဘီး အယ်မျိုး ကျင့်ဂေဟူသူလေဟိုလည်း အားပေးဂေါင်ယူဂေလေဟယ်။

2 အယ်ကြောန့် သူများဟို စစ်ကြောစီရင်တတ်ဟူသူ၊ နန်ဟာ ကိုယ့်ပြစ်ဟို မဖောင်းနိုင်ဟူ။ ဖြားဖြစ်ကြောန့်နဲ့ဆိုဟာ နန်ဟာ စစ်ကြောစီရင်ဟူမူဟို ကိုယ်တိုင်ပြုဟူဇာအားဖြင့်၊ သူများဟိုစစ်ကြောစီရင်ရာမှာ ကိုယ်မှာပြစ်ရှိဟူကြောန့်ဟို စီရင်ဆောင်းဖြတ်ရာရော့-ကံဟယ်။ 2 အယ်မျိုးဟူ ကျင့်လေဟို ကျင့်ဟူသူလေဟို ဘုရားသခင် တရားစီရင်တော်မူဟူဇာဟာ ဖြောန့်မတ် မှန်ကန်ကြောန့်ဟို နို့လေသိဂေပါဟယ်။ 3 အယ်ဘောမဲ့ မိဆွေ၊ နန်ဟာ သူတပါးဟိုစီရင်ဘီး ကိုယ်တိုင်လည်း ကျူးလွန်နေမား! နန်ဟာ ဘုရားသခင်ရဲ့ တရားစီရင်ရှင်းဟုနေဘီး လွတ်မယ်ထန်နေလော။ 4 အယ်မျိုးမူဘဲနေဟာ နန်ဟာ ဘုရားသခင်ရဲ့ ကျေးဇူးပြုဟူဇာဟာ နှောန်ဒရဟိုတွင် လမ်းပြပို့ဆောင်ပေးနေဇာဟို သိမှတ်ဘဲနဲ့ ကီးမားဟူ ကရုဏာတော်နဲ့ စိရှယ်ရှင်းလေ၊ သီးခံတော်မူရှင်းလေဟို ထိမဲ့မြင်ပြုနေလော။ 5 အယ်ဘောမဲ့ နန်ဟာ စီခိုင်မာဘီး နှောန်ဒရဘဲနေဟယ် ဆိုဟာ ဘုရားသခင်ရဲ့ မျစ်တော်ထန်ရှားဟူနေ၊ ဖြောန့်မတ်ဟူ တရားစီရင်မယ်နေရစ်မာ ပိုဘီး ကီးလေးဟူ ပြစ်ဒန်ဟို ခံရလေမယ်။ 6 ဘုရားသခင်ဟာ လူတိုင်းကျင့်ဟူ ကျင့်နထပ်တူ ကျိုးပြစ်ဟို ဆပ်ပေးတော်မူလေမယ်။ 7 ကောင်းဟူ ကျင့်ဟို မြဲဒမ်းကျင့်ဘီး ဖောင်းသရေတော်၊ ဂေါင်သရေတော်နဲ့ ဖော့-ကံယွန်ပျစ်စီးရှင်းနဲ့ ကင်းဟူဇာလေဟို ရှာဟူသူလေဟို ဘုရားသခင်ဟာ ထာဝရသတ်ဟို

ပေးတော်မူလေ့မယ်။ (aiōnios g166) 8 အယ်ဘေမဲ့ တကိုယ်ကောင်းဆန်ဘီး သမ္မာတရားဟို့ ကိုးစားနားထောန်ဘဲနဲ တရားဘဲဟူ မူလေနေ့-က်ဟို့ လိုက်ဂေဟူသူလေဟာ ဘုရားသခင်ရဲ့ မျစ်တော်ဟို့ ခံရဂေလေ့မယ်။ 9 ရင်ဦးဆောင်း ယုဒလူ၊ အယ်ဘီးနဲ လူမျိုးခြားလေ ဒုစရိုက်ဟို့ ပြုဂေဟူ လူလေဂူလောင်းဟာ ပြင်းထန်ဟူ ဒေါက်ခဝေဒနာလေဟို့ ခံရဂေလေ့မယ်။ 10 အယ်ဘေမဲ့ ရင်ဦးဆောင်း ယုဒလူ၊ အယ်ဘီးနဲ လူမျိုးခြားလေ ကောင်းဟူ ကျင့်လေဟို့ ကျင့်ဂေဟူ သူလေ ဂူလောင်းဟာ ဖောင်းသရေတော်၊ ဂေါင်တော်နဲ ငြိသတ်ရှင်းဟို့ ခံစားရလေ့မယ်။ 11 ဘုရားသခင်ဟာ မျစ်နာလိုက်ဘဲနဲ တရားစီရင်တော်မူလေဟယ်။ 12 ပညတ်တရားဟို့ သိဘဲနဲ၊ ပြစ်ကျူးလွန်ဟူ သူရှိဟူမျှဟာ ပညတ်တရားပါဘဲနဲ ပျစ်စီးရလေ့မယ်။ ပညတ်တရားရှိရစ်နဲ ပြစ်ကျူးလွန်သူလေဟာ၊ ပညတ်တရားအားဖြင့် စီရင်ရှင်းဟို့ ခံရဂေလေ့မယ်။ 13 လူဟာ ပညတ်တရားဟို့ ကြားနာဟူမျှနဲ ဘုရားသခင် ရှေ့တော်မာ ဖြောန့်မတ် မှန်ကန်ဇာ မူဟူ။ ပညတ်တရားလေဟို့ လိုက်ရှေ့-က်ကျင့်သောင်းမှ ဘုရားသခင် ရှေ့တော်မာ ဖြောန့်မတ် မှန်ကန်ဟယ် ဆိုဘီး သိမှတ်ပြုဟူဇာဟို့ ခံရဇာဖြစ်ဟယ်။ 14 လူမျိုးခြားလေဟာ ပညတ်တရားဟို့ ကျင့်ဘဲနဲ၊ ပညတ်တရားဟို့ သိဘဲနဲ၊ ကိုယ့်ဇာသာ တရားဟို့ကျင့်ဂေဟူ ခီမာ အယ်မူတရားလေဟာ သူးနို့လေတွပ် ပညတ်တရား ဖြစ်လာလေဟယ်။ 15 ပညတ်တရားရဲ့ ပြဋ္ဌာန်းဟားဟူ ဇာလေဟာ အယ်သူလေရဲ့ နှလောင်းသားမာ ရေးဟားဟူကြောင်း သူးနို့လေရဲ့ ပြုမူလေဟာ ထော့-က်ခံလေဟယ်။ သူးနို့လေရဲ့ သိစိဟုလည်း ထော့-က်ခံလေဟယ်။ ဖြားဖြစ်ကြောန့်နူးဆိုဟာ သူးနို့လေရဲ့ စိန်လောင်းဟာ တခါတလေ သူးနို့ဟို့ ပြစ်တန်ဘီး တခါတလေလည်း သူးနို့ဟို့ ထော့-က်ခံဟူကြောန့် ဖြစ်ဟယ်။ 16 အယ်မူမူရာလေဟာ ငါဟောပြောဟူ ဖုန်းကောင်းတိုင်း လူလေရဲ့ လျှို့ဝှက်ဟူ ကျင့်လေဟို့ ယေရှုခရစ်တော်အားဖြင့် ဘုရားသခင် စစ်ကြောစီရင်ဟူနေမာ ဖြစ်လေ့မယ်။ 17 နန်ဟာ ကိုယ့်ကိုယ်ကိုယ် ယုဒလူမျိုးဖြစ်ဟယ် ဆိုဘီး ပညတ်တရားဟို့ ကိုးစားဘီး ဘုရားသခင်နှိုက် ဝါကြွားဟူသူ၊ 18 လိုတော်ဟို့သိဘီး၊ ပညတ်တရားရဲ့ သွန်သန်မှုဟို့ ခံယူဝီးဘီးဖြစ်ဟူကြောန့် မြင်မြတ်ဟူ ရာလေဟို့ ပိုင်းခြားသိရဲ့နဲ၊ 19 မျစ်စိကန်းဟူသူလေဟို့ လမ်းပြဟူသူ၊ မှောန်မိုက်ထဲမာ နေဟူသူလေတွပ် လန်းရောန်ပေးဟူသူ၊ 20 မိုက်ဟူသူလေဟို့ ဆောန်းမဟူသူ၊ သိနားလည်ဘဲဟူ သူလေရဲ့ ဆရာဖြစ်ဟူသူ၊ ပညတ်တရားအားဖြင့် ပညာနဲ သမ္မာတရားဟို့ သိနားလည်ဟူသူ ဆိုဘီး ကိုယ့်ကိုယ်ကိုယ် ယောင့်ကြည်ဟယ် ဆိုဟာ 21 သူများဟို့ သွန်သန်ဘီး ကိုယ့်ကိုယ်ကိုယ် သွန်သန်ဟူလော။ နန်ဟာ သူများဟို့ ခိုးဝှပ်နဲ ဆိုဘီး သွန်သန်ဘီးဟာ ဖြားဖြစ်ကြောန့် နန်ကိုယ်တိုင် ခိုးဝှပ်နေနူး။ 22 အီထောန်ရေးဖော့-က်ပွန်နဲ ဆိုဘီး ဆောင်းမနေရဲ့နဲ နန်ကိုယ်တိုင် ဖော့-က်ပွန်နေလော။ ရောက်ထုဟို့ ရွဲရှာရဲ့နဲ ဗိမာန်တော်ဟို့ လုယူဖျစ်ဆီးရလော။ 23 ပညတ်တရားဟို့ ဗိုပြုဘီး ဝါကြွားရဲ့နဲ အယ်မူတရားဟို့ လွန်ကျူးဘီး ဘုရားသခင်ရဲ့ ဂေါင်တော်ဟို့ ရှောက်ညွှန်လော။ 24 ဖြားဖြစ်ကြောန့်နူးဆိုဟာ “လူမျိုးခြားလေဟာ နန်းနို့လေရဲ့ ကျင့်ဟို့ ထော့-က်ဘီး ဘုရားသခင်ရဲ့ နာမတော်ဟို့ ကဲ့ရဲ့တတ်ဂေဟယ်” ဆိုဘီး ကျမ်းစာမာ ဖော်ပြဟားလေဟယ်။ 25 နန်ဟာ ပညတ်တရားဟို့ လိုက်ရှေ့-က်ဟူသူ ဖြစ်ဟယ် ဆိုဟာ နန်ရဲ့ ရေဖျားလီးရှင်းဟာ ကျိုးရှိလေ့မယ်။ အယ်ဘေမဲ့ ပညတ်တရားဟို့ ကျူးလွန်ဟူသူ ဖြစ်ဟယ် ဆိုဟာ ရေဖျားလီးရှင်းဟို့ ခံဘဲနဲ နေဇာဟု ပိုဘီး ကောင်းလေ့မယ်။ 26 အယ်မျိုးမူဘဲနေဟာ ရေဖျားလီးရှင်းဟို့ ခံဘဲဟူသူ လူမျိုးခြား တယော့-က်ဟာ ပညတ်တော်မာပါဟူ တရားလေဟို့ လိုက်ရှေ့-က် ကျင့်သောင်းဟယ် ဆိုဟာ အယ်သူဟို့ ရေဖျားလီးရှင်းဟို့ ခံယူဟူသူ ဆိုဘီး မှတ်ယူမယ် မူဟူလော။ 27 ရေဖျားလီးရှင်းဟို့ ခံဘဲဟူသူဟာလည်း ကိုယ်လိုတိုင်း ပညတ်တရားဟို့ ကျင့်မယ် ဆိုဟာ ကျမ်းစာနဲ ရေဖျားလီးရှင်း ရှိရစ်နဲ ပညတ်တရားဟို့ လွန်ကျူးဟူ နန်ဟို့ တရားစီရင်ဘီး ရှောင်းခံစေမယ် မူဟူလော။ 28 ဇာတိအားဖြင့် ယုဒလူမျိုးဖြစ်ဟူသူဟာ ယုဒလူမှန် မူဟု၊ အယ်မျိုးဘဲ ဇာတိအားဖြင့် ကိုယ့်သားမာ ရေဖျားလီးဇာဟုလည်း ရေဖျားလီးရှင်းမှန် မူဟု။ 29 တွင်းသဘောအားဖြင့် ယုဒလူမျိုးဖြစ်ဟူသူဘဲ ယုဒလူမျိုးမှန်ဖြစ်ဘီး ကျမ်းဟောင်းတရားမူဘဲနဲ ဝိညာဉ်တော်အားဖြင့်ဘဲဖြစ်ဟူ စိန်လောင်းရဲ့ ရေဖျားလီးရှင်းဟာဘဲ ရေဖျားလီးရှင်းမှန် ဖြစ်ဟယ်။ အယ်မျိုးသူဟို့ လူလေနားဟူမူဘဲနဲ ဘုရားသခင်နားဟုနေဘီး ချီးမွမ်းဟူဇာဟို့ ခံရလေဟယ်။

3 အယ်မျိုးဆိုဟာ ယုဒလူမျိုးဟာ ဖယ်မျိုးသာလွန်ဘီး ထူးခြားနူး။ သူးနိုလေ ရေဖျားလှီးဟူစာအားဖြင့် ဖြားကျိုးရှိကြောန့်နူး။

2 ဖတ်ဖတ်မာ ကျိုးဘောင်ဂီးရှိဟယ်! ပထမနေန ယုဒလူမျိုးလေဟာ ဘုရားသခင်ရဲ့ ဗျာဒိတ်တော်ဟို့ ယောင်ကြည်ခံယူဂေဟယ်။ **3** အယ်ဘောမဲ့ သူးနိုလေထဲမာ တချို့လူလေ ယောင်ကြည်ဘဲနေဇာဟို့ ဖယ်မျိုးပြောရဟို့နူး။ ဘုရားသခင်ရဲ့ သစ်စာတော်ဟာ သူးနို ယောင်ကြည်ဘဲဟူကြောန့် ပျစ်ပြယ်ဟူးဟို့လော။ **4** ဖယ်မျိုးလည်း ပျစ်ပြယ်နိုင်ဟု! လူလေဟာ ဖြောန့်မတ်ဟန်ဆောန့်ဘီး လီလယ်ဂေဟူ လည်းဘဲ ဘုရားသခင်ရဲ့ ဖြောန့်မတ်ရှင်းဟာ မြဲဒမ်းဘဲ တည်နေမယ် ဖြစ်ဟယ်။ ကျမ်းစာလာဟူဇာဟု “ကိုယ်တော် မိန့်တော်မူဟူ စကားတော်ဟာ မှန်ကန်လှပါဟယ်။ တရားစီရင်တော်မူဟူ ခီမာ အောင်မြင်ရမယ်” ဆိုဘီး ဖော်ပြဟူးဟူတိုင်းဘဲ ဖြစ်ပါဟယ်။ **5** အယ်ဘောမဲ့ နိုလေရဲ့ တရားဘဲဟူမူဟာ ဘုရားသခင်ရဲ့ ဖြောန့်မတ်မှန်ကန်ရှင်းဟို့ ပိုဘီး ထန်ရှားစေဟယ် ဆိုဟာ ဖယ်မျိုးပြောရမယ်နူး။ ဘုရားသခင် ပြစ်ပေးဇာဟို့ လူသားတယော့-က်နေန တရားဟု ဆိုဘီး ပြောဟို့ရကြောန့်လော။ (အယ်မျိုး ငါပြောဇာဟု လူလေ ပြောဆိုလေ့ရှိဟူတိုင်း ငါပြောဇာဖြစ်ဟယ်။) **6** အယ်မျိုးမူဟု။ အယ်မျိုးဆိုဟာ ဘုရားသခင်ဟာ အယ်လောကဟို့ ဖယ်မျိုး တရားစီရင်နိုင်မယ်နူး။ **7** အယ်ဘောမဲ့ ငါဟာ သစ်စာပျစ်ဟူဇာအားဖြင့် ဘုရားသခင်ရဲ့ သမ္မာတရားဟာ ဖောင်းသရေတော် တိုးပွားထန်ရှားစေဟယ် ဆိုဟာ ဖြားဖြစ်ကြောန့် ငါဟို့ ပြစ်ကျူးလွန်သူနေန ပြစ်ဒန်စီရင်ရသေးနူး။ **8** “ကောန်းဟူကျိုးလေ သတ်ရော-က်လာဟို့တွပ် ကောန်းဘဲဟူကျင့်လေဟို့ ကျင့်ဂေခို့” ဆိုဘီး ပြောရဟို့လော။ အယ်မျိုး ငါပြောဟယ်ဆိုဘီး တချို့လူလေဟာ ပြစ်တန်စွပ်စွဲဘီး ငါဟို့ကဲ့ရဲ့ဂေဟယ်။ အယ်သူလေဟာ ပြစ်ဒန်စီရင်ဇာဟို့ ခံထိုက်ဟူမျှလော့-က် ခံရဂေလေမယ်။ **9** အယ်မျိုးဆိုဟာ နို့ယုဒလူမျိုးလေဟာ လူမျိုးခြားလေထတ် ပိုဘီး ကောန်းမြတ်ကြောန့်လော။ လောင်းဝေဟု! ယုဒလူမျိုးဘဲဖြစ်ဖြစ်၊ လူမျိုးခြားလေဘဲဖြစ်ဖြစ် လူလေ ဂူလောင်းဟာ ပြစ်ရဲ့တဂိုးအော့-က်မာ ရှိဟယ် ဆိုဇာဟို့ ငါဖော်ပြပီးဘီး။ **10** ကျမ်းစာတော်ဟု “ဖြောန့်မတ်ဟူသူ မေ့ဟု တယော့-က်လည်းမေ့ဟု။ **11** သိနားလည်သူ မေ့ဟု။ ဘုရားသခင်ဟို့ ရှာဟူသူ မေ့ဟု။ **12** လူလေ ဂူလောင်းဟာ လမ်းလွဲဟူးဂေဘီး။ တပေါင်ခဲဒဲ သောင်းရဘဲဟူသူလေ ဖြစ်ဂေဘီး။ ကောန်းဟူကျင့်ဟို့ ကျင့်ဟူသူမေ့ဟု၊ တယော့-က်လည်း မေ့ဟု။ **13** သူးနိုလေရဲ့ လည်ခေါန်းဟာ ဖွင့်ဟူးဟူ သန်းချိုင်းတွမ်း ဖြစ်ဟယ်။ သူးနိုလေဟာ လျှာနု လှည့်ဇားတတ်ဂေလေဟယ်။ သူနို့ဇပ်ပေါ့-က်မာလည်း ဗွီဆိုးဆိလေ ရှိလေဟယ်။ **14** သူးနိုလေဟာ ကီဆဲဟူစကားလေ၊ ခါးသီးဟူ စကားလေန ပွဲဝှံဂေလေဟယ်။ **15** သူးနိုလေရဲ့ ခေလတ်ဟာ လူသတ်ဟို့ သတ်ဟို့ ရရာတိုင်း ဗြန်ဆန်ဂေဟယ်။ **16** သူးနို့ သွားဟူလမ်းခိုက် ပျစ်စီးမှုလေန ဒေါက်ခဆင်းရဲလေရှိဟယ်။ **17** ငြိသတ်ရှင်းလမ်းဟို့ သူးနိုလေ သိဂေဟု။ **18** သူးနို့ရဲ့ မျစ်စိမာ ဘုရားသခင်ဟို့ ကြော့-က်ရှုံ့မှုမေ့ဟု” ဆိုဘီး ကျမ်းစာလာဟူ တိုင်းဘဲ ဖြစ်လေဟယ်။ **19** ပညတ်တရားအားဖြင့် တားမြစ်ဟူးဟူ ကြောန်းရာလေဟာ ပညတ်တရားအော့-က်မာ ရှိနေဟူ လူလေ အားလောင်းတွပ် ဖြစ်ဟူဇာဟို့ ခု နိုလေသိဂေဘီး။ အယ်ကြောန့် လောကသား ဂူလောင်းဟာ ဇပ်ပေါ့-က်အားလောင်း ပိခံရဘီး ဘုရားသခင် ရှေ့တော်မာ တရားစီရင်ဇာဟို့ ခံရဟို့တွပ် ဖြစ်လေဟယ်။ **20** အယ်ကြောန့် ပညတ်တရားရဲ့ ကျင့်အားဖြင့် ဘုရားသခင်ရှေ့တော်မာ ဖယ်လူလည်း ဖြောန့်မတ်ရာဟို့ ရော့-က်နိုင်ဟု။ ဖြားဖြစ်ကြောန့်နူးဆိုဟာ ပညတ်တရားအားဖြင့် နိုလေမာ ပြစ်ရှိဟူကြောန်းဟို့ သိစေဟို့တွပ်ဘဲ ဖြစ်လေဟယ်။ **21** ခုမာ မောရှေရဲ့ ပညတ်ကျမ်းနု ပရောဖက်ကျမ်းလေဟာ သတ်သေခံဟူတိုင်း၊ ပညတ်တရားရဲ့ကျင့်နု လောင်းဝေစပ်ဆိုင်ဘဲဟူ ဘုရားသခင်ရဲ့ ဖြောန့်မတ်ဟူတရားဟာ ထန်ရှားလေဘီး။ **22** ယေရှုခရစ်တော်ဟို့ ယောင်ကြည်ဟူဇာအားဖြင့် ယောင်ကြည်ဟူသူလေထတ်မာ သတ်ရော့-က်စေဟူ ဘုရားသခင်ရဲ့ဖြောန့်မတ်ရှင်း ဖြစ်ဟယ်။ လူလေဟာ ခြားနားမှု လောင်းဝေမူဟု။ **23** ဖြားဖြစ်ကြောန့်နူးဆိုဟာ လူလေ ဂူလောင်းဟာ ပြစ်ကျူးလွန်ဘီး ဘုရားသခင်ရဲ့ မျစ်မော့-က်တော်နု ဝီးကွာဟူးဂေဘီး။ **24** အယ်ဘောမဲ့ ယေရှုခရစ်တော်ရဲ့ ဝီးကော့-က်ရှင်းအားဖြင့် ဖိုးခပေးဇာလိုဘဲဟူ ဘုရားသခင်ရဲ့ကျေးဇူးတော်ကြောန့် ဖြောန့်မတ်ရာဟို့ ရော့-က်ရဂေဟယ်။ **25** ဘုရားသခင်ဟာ သူရဲ့ ဖြောန့်မတ်ရှင်းဟို့ ထန်ရှားစေဟို့တွပ် ခရစ်တော်ဟို့ ခန့်ဟူးဘီး ယောင်ကြည်ရှင်းတွပ် ခရစ်တော်ရဲ့ သွီးတော်ဟို့ သနားခံဟူပူဇော်သကာ

ဖြစ်စေတော်မူဟု။ တနည်းအားဖြင့် စိရယ်သီးခံဘီးဟာ လွန်လာဘီးဟူ ပြစ်လေဟူ မှုထားဘဲန နေတော်မူဟု။ 26 ခုကာလမှာ သူ့ရဲ့ ဖြောင့်မတ်ရှင်းတရားဟို ထန်ရှားစေဟို့တွပ်န ဘုရားသခင်ကိုယ်တိုင် ဖြောင့်မတ်ရှင်းရဲ့ သခင် ဖြစ်ဟူကြောင်း ယေရှုဟို့ ယောင်ကြည်ဟူသူဟို့ ဖြောင့်မတ်ဟူသူ ဖြစ်ဟုယ် ဆိုဘီး သိမှတ်ပြုဟို့တွပ် ဖြစ်ဟုယ်။ 27 အယ်မျိုးဆိုဟာ ဝါကြားရဟို့ကြောင်းဟု ဖယ်မာရှိသေးနူး။ နို့လေ ဝါကြားဟို့ကြောင်း မေ့ဟု။ ပယ်လိုက်ဘီ။ ဖယ်တရားန ပယ်နူး။ ပညတ်တရားအားဖြင့် ပယ်ဟူဇာလော။ မှုဟု။ ယောင်ကြည်ရှင်းတရားန ပယ်လိုက်ဟူဇာ ဖြစ်ဟုယ်။ 28 အယ်ကြောန့် လူဟာ ပညတ်တရားနဆိုဝဲဟူ ကျင့်အားဖြင့်မူဘဲ ယောင်ကြည်ရှင်းအားဖြင့် ဖြောင့်မတ်ဟုယ်ဆိုဘီး သိမှတ်ပြုဟူဇာဟို့ နို့လေခံရဂေဟုယ်။ 29 ဘုရားသခင်ဟု ယုဒလူမျိုးလေရဲ့ ဘုရားဘဲဖြစ်ဟူဇာလော။ လူမျိုးခြားလေရဲ့ ဘုရားလည်းဖြစ်ဟုယ် မှုဟုလော။ အယ်ဘဲ လူမျိုးခြားလေရဲ့ ဘုရားလည်းဖြစ်လေဟုယ်။ 30 ယောင်ကြည်ရှင်းအားဖြင့် ရေဖျားလီးရှင်းခံဟူသူဟို့ ဖြောင့်မတ်ဟုယ် ဆိုဘီး သိမှတ်ပြုတော်မူဟူ ဘုရားသခင်ဟု ရေဖျားလီးရှင်းခံရဘဲသူဟို့လည်း ယောင်ကြည်ရှင်းအားဖြင့် ဖြောင့်မတ်ဟုယ်ဆိုဘီး သိမှတ်ပြုပေးဟူ ဘုရားသခင်ဟာ တပါးဒဲဘဲ ရှိတော်မူဟုယ်။ 31 အယ်မျိုးဆိုဟာ နို့လေဟာ ယောင်ကြည်ရှင်းအားဖြင့် ပညတ်တရားဟို့ ပယ်ဂေဟူဇာလော။ လောင်းဝ ပယ်ဟု၊ ပိုဘီး တည်စေဂေဟုယ်။

4 အယ်မျိုးဆိုဟာ နို့လေရဲ့အာဗြဟံဟာ ဇာတိအားဖြင့် ဖယ်မူကျိုးဟို့ရနူး။ 2 အာဗြဟံဟာ ကျင့်အားဖြင့် ဖြောင့်မတ်ရာဟို့ ရှေး-က်ဟုယ် ဆိုဟာ ဝါကြားဟို့ကြောင်းရှိဟုယ်။ အယ်ဘောမဲ့ ဘုရားသခင်ရဲ့ရှေ့တော်မှာ အယ်မျိုး မှုဟု။ 3 ကျမ်းစာမှာ လာဟူဇာဟု “အာဗြဟံဟာ ဘုရားသခင်ဟို့ ယောင်ကြည်ဟူကြောန့် အယ်မူယောင်ကြည်ရှင်းဟို့ သူ့ရဲ့ ဖြောင့်မတ်ရှင်းဖြစ် လတ်ခံတော်မူလေဟုယ်” ဆိုဘီး ပြောဟူးလေဟုယ်။ 4 လောက်လောက်ဟူကြောန့် ရဟူခဟာ ကျေးဇူးပြုဟူကြောန့် ရဟူခ မူဘဲန ရသင့်ရထိုက်ဟူကြောန့် ရဟူဇာဖြစ်ဟုယ်။ 5 အယ်ဘောမဲ့ ကျင့်မေ့ဘဲသူဟာ တရားဘဲဟူ သူ့ရဲ့ပြစ်ဟို့ ဖြေပေးဟူ ဘုရားသခင်ဟို့ ယောင်ကြည်ဟုယ် ဆိုဟာ သူ့ရဲ့ ယောင်ကြည်ရှင်းဟို့ ဖြောင့်မတ်ရှင်း ဆိုဘီး သတ်မှတ်တော်မူဟုယ်။ 6 အယ်မျိုးဘဲ ဒါဝိဒ်ဟုလည်း ဘုရားသခင်ဟာ ကျင့်ဟို့ ထော့-က်ဘဲန ဖြောင့်မတ်ဟူသူဖြစ် သတ်မှတ်ရှင်းဟို့ ခံရဟူသူလေရဲ့ မင်္ဂလာဟို့ ပြောဆိုဟူ ခီမာ 7 “ပြစ်ဟုလွတ်ဟူခွမ်န ဒုစရိုက်ပြစ်လေဟို့ ဖောင်းအောက်ခံရဟူသူလေဟာ မင်္ဂလာရှိလေဟုယ်! 8 ဘုရားသခင် ပြစ်တန်ဇာဟုနေဘီး လွတ်ဟူသူလေဟာ မင်္ဂလာရှိလေဟုယ်!” ဆိုဘီး ပြောဆိုလေဟုယ်။ 9 ဒါဝိဒ်ပြောဟူမင်္ဂလာဟို့ ရေဖျားလီးရှင်းဟို့ ခံဟူသူလေဘဲ ရဂေဇာလော။ ရေဖျားလီးရှင်းဟို့ ခံရဘဲသူလေလည်း ရဂေလေဟုယ်။ ဖြားဖြစ်ကြောန့်နူးဆိုဟာ “အာဗြဟံရဲ့ ယောင်ကြည်ရှင်းဟို့ ဖြောင့်မတ်ရှင်းဖြစ် လတ်ခံတော်မူလေဟုယ်။” 10 ဖယ်ခီမာ သတ်မှတ်ခံရနူး။ ရေဖျားလီးရှင်းဟို့ ခံဘီးမှလော။ အယ်မျိုးမူဘဲနေဟာ ရေဖျားလီးရှင်းဟို့ ခံခန့်လော။ ခံဘီးမှ သတ်မှတ်ဟူဇာ မှုဟု။ ခံယူခန့်မှာ သတ်မှတ်ခံရရှင်း ဖြစ်ဟုယ်။ 11 အယ်မျိုး လတ်ခံတော်မူဘီးမှ အာဗြဟံဟာ ရေဖျားလီးရှင်းဟို့ ခံရလေဟုယ်။ အယ်မူ ရေဖျားလီးရှင်းဟု ဘုရားသခင်ဟာ အာဗြဟံရဲ့ ယောင်ကြည်ရှင်းဟို့ ထော့-က်ဘီးဟာ ရေဖျားလီးရှင်းဟို့ ခံယူခန့်ဟု ဖြောင့်မတ်ဟူသူဖြစ် လတ်ခံပေးတော်မူဟူ ကြောန့်ဟို့ သတ်သေပြပေးဟူ မှတ်လတ်ခဏာဘဲ ဖြစ်လေဟုယ်။ အယ်ကြောန့် အာဗြဟံဟာ ရေဖျားလီးရှင်းဟို့ ခံဘဲဟူလည်းဘဲ ယောင်ကြည်ရှင်းအားဖြင့် ဖြောင့်မတ်ဟူ သူဖြစ်န ဘုရားသခင် လတ်ခံပေးတော်မူဟူ သူလေဂူလောင်းရဲ့ ဖဖြစ်လာလေဟုယ်။ 12 တနည်းအားဖြင့် အာဗြဟံဟာ ရေဖျားလီးရှင်းဟို့ ခံဟူသူလေရဲ့ ဖဖြစ်စေဟို့တွပ်န ရေဖျားလီးရှင်းဟို့ ခံဟူသူလေနမကဘဲ ရေဖျားလီးရှင်းခံကဒဲဟု နို့လေရဲ့အာဗြဟံနို့က်ရှိဟူ ယောင်ကြည်ရှင်းခေရာဟို့ လိုက်လျှော့-က်ဟူ သူလေရဲ့ ဖလည်း ဖြစ်စေဟို့တွပ် ဖြစ်ဟုယ်။ 13 ဘုရားသခင်ဟာ အာဗြဟံန သူ့ရဲ့ သားမွေးလေဟို့ အယ်လောကဟို့ မှီခံစေမယ် ဆိုဘီး ဂဒိပေးဟူ ခီမာ အာဗြဟံဟု ပညတ်တရားဟို့ နာခံရှင်းကြောန့်မူဘဲန ဘုရားသခင်ဟို့ ယောင်ကြည်ဘီး ရဟူ ဖြောင့်မတ်ရှင်းကြောန့် ဖြစ်ဟုယ်။ 14 တကယ်ဟူကြောန့် ပညတ်တရားဟို့ ကျင့်ဂေဟူသူလေဘဲ ဂဒိတော်ဟို့ ခံစားရမယ် ဆိုဟာ ဘုရားသခင်ဟို့ ယောင်ကြည်ဟူဇာဟာ ဓိပါယ်မေ့ဘဲန ဂဒိတော်ဟုလည်း ချည်းနှီးသတ်သတ်ဘဲ

ဖြစ်ဟူးလေ့မယ်။ 15 ပညတ်တရားဟာ မျစ်ဒေါသဟို ဖြစ်စေဟယ်။ အယ်ဘေမဲ့ ပညတ်တရားမေ့ဘဲနေဟာ ပြစ်ရဲ့ သဘောသဘာဝဟိုလည်း သိတို့မူဟာ လွန်ကျူးဟူလည်းဘဲ ရေးယူဟိုမရဟာ။ 16 အယ်မျိုးဖြစ်ကြောနဲ့ ဂဒိတော်ဟာ ယောင်ကြည်ရှင်းနဘဲ ဆိုင်လေဟယ်။ အယ်မူ ဂဒိတော်ဟို ကျေးဇူးတော်အားဖြင့်ဘဲ ဖြစ်စေဘီး ပညတ်တရားဟို နာခံကျင့်သောင်းဟူ သူလေတွပ်ဘဲကဘဲန အာဗြဟံရဲ့ ယောင်ကြည်ရှင်းန ဆိုင်ဟူ မျိုးနွယ်လေန သားစဉ်မွေးဆစ်လေ အားလောင်းလေတွပ် ဆုလတ်ဆောနဖြစ် တည်မြဲစေဘီး အာမခံဟားလေဟယ်။ ဖြားဖြစ်ကြောနဲ့နဲ့ဆိုဟာ အာဗြဟံဟာ နို့လေ ဂူလောင်းရဲ့ ယောင်ကြည်ရှင်းဖခင် ဖြစ်ဟူကြောနဲ့ဖြစ်ဟယ်။ 17 “ငါဟာ နန့်ဟို လူမျိုးအားလောင်းလေရဲ့ ဖ ဖြစ်စေဘီး” ဆိုဘီး ကျမ်းစာမာ ဖော်ပြဟားတိုင်း အာဗြဟံဟာ သူယောင်ကြည်ဟူ ဘုရားဖြစ်ဟူ၊ သေနေလူလေဟို သတ်ပွန်ရှင်စေဟူ ဘုရား ဖြစ်လာသေးဘဲဟူ ရာလေဟို ဖြစ်လာအောန မိန့်ပေးနိုင်ဟူ ဘုရားသခင် ရှေ့တော်နှိုက် နို့လေ ဂူလောင်းရဲ့ ဖ ဖြစ်တော်မူဟယ်။ 18 အာဗြဟံဟာ မျှော်လင့်ဇာ ကြောန်းရာလေ မေ့ဘဲဟူ ခြေနေမာ ဘုရားသခင်ဟို မျှော်လင့် ယောင်ကြည်ဟူကြောနဲ့ “နန့်ရဲ့ မျိုးနွယ်ဟာ ကြယ်လေမျိုးဘဲ ရေတွပ်နိုင်ဘဲနေအောန များပြားလေ့မယ်” ဆိုဘီး မိန့်မှာခံရဟူတိုင်း ရရာတိုင်း များဟူ လူမျိုးလေရဲ့ ဖ ဖြစ်လာလေဟယ်။ 19 အာဗြဟံဟာ သူသတ်ဟာ ၁၀၀ လော့-ကရိဟူကြောနဲ့ သူ့ကိုယ်ခန္ဓာဟာ သေဖြစ်နေကြောန်းဟို သိဘီး သူ့မယား စာရာဟာလည်း သားရနိုင်ဘဲဟူ ဇာဟို သိဟူလည်းဘဲ ဘုရားသခင်ဟို စိခွယောင်ကြည်လေဟယ်။ 20 ဘုရားသခင်ရဲ့ ဂဒိတော်ဟို သံသယမေ့ဘဲန ယောင်ကြည်မှု အားကီးဘီးဟာ ဘုရားသခင်ရဲ့ ဂေါင်တော်ဟို ချီးမွမ်းဘီး 21 ဂဒိပေးဟူ ဘုရားသခင်ဟာ ဂဒိတော်တိုင်း တတ်စွမ်းနိုင်ဟယ် ဆိုဇာဟို ကြွင်းမဲ့ သူယောင်ကြည်လေဟယ်။ 22 အယ်ကြောနဲ့ အယ်ယောင်ကြည်ရှင်းဟို သူ့ရဲ့ ဖြောန့်မတ်ရှင်းဖြစ် လတ်ခံတော်မူဟယ်။ 23 အယ်ဘေမဲ့ “သူဟို ဖြောန့်မတ်ဟူသူဖြစ် လတ်ခံတော်မူဟယ်” ဆိုဘီး မိန့်တော်မူဟူ ကျမ်းစကားတော်ဟာ သူတွပ်လော့-ကံဘဲ မူဟာ။ 24 နို့လေတွပ်လည်း ရေးဟားလေဟယ်။ ဖြားဖြစ်ကြောနဲ့နဲ့ဆိုဟာ သခင်ယေရှုဟို ရှင်ပွန်ထမြော့-ကံစေဟူ ဘုရားသခင်ဟို နို့လေ ယောင်ကြည်ဟူကြောနဲ့ နို့လေရဲ့ ယောင်ကြည်ရှင်းဟို ဖြောန့်မတ်ဟယ် ဆိုဘီး လတ်ခံတော်မူဟူကြောနဲ့ ဖြစ်လေဟယ်။ 25 အယ်သခင်ဟာ နို့လေ ကျူးလွန်ဟူ ပြစ်လေကြောနဲ့ အပ်ဇာဟို ခံရဘီး နို့လေ ဖြောန့်မတ်ဟိုတွပ် ထမြော့-ကံတော်မူလေဟယ်။

5 အယ်ကြောနဲ့ ယောင်ကြည်ရှင်းအားဖြင့် ဖြောန့်မတ်ဟယ် ဆိုဘီး သိမှတ်ပြုခံရဟူ နို့လေဟာ သခင်ယေရှုခရစ်တော်အားဖြင့် ဘုရားသခင်ရဲ့ ငြိသတ်ရှင်းဟို ရရှိဂေဟယ်။ 2 အယ်သခင်ဟို နို့လေယောင်ကြည်ဂေကြောနဲ့ အယ်မျိုး ကျေးဇူးတော်ဟို ခံစားရဟူဇာ ဖြစ်ဟယ်။ အယ်ကြောနဲ့ ဘုရားသခင်ရဲ့ ဖောင်းသရေတော်ဟို မျှော်လင့်ဘီးဟာ နို့လေ ဝါကြွားဘီး ဝမ်းမြော့-ကံဂေဟယ်။ 3 အယ်လော့-ကံနကဟာ ဆင်းရဲဒေါက်ခလေနှိုက်လည်း ဝါကြွားဝန်းသာမှုရှိဂေဟယ်။ ဖြားဖြစ်ကြောနဲ့နဲ့ဆိုဟာ ဆင်းရဲဒေါက်ခလေဟာ သီးခံရှင်းဟို ဖြစ်စေကြောနဲ့ ဖြစ်ဟယ်။ 4 သီးခံမှုဟာ ခံနိုင်ရည် ခွန်အားဟိုရဘီး ဘုရားသခင်ရဲ့ မျစ်နာသာဟို ပိုဘီး ခံစားရလေဟယ်။ ဘုရားသခင်ရဲ့ မျစ်နာသာဟာလည်း မျှော်လင့်ရှင်းဟို တိုးပွားစေဟယ်။ 5 အယ်မျှော်လင့်ရှင်းဟာလည်း ယှစ်ကြော့-ကံစိပျစ်မှုလေန လွတ်ကင်းစေဟယ်။ ဖြားဖြစ်ကြောနဲ့နဲ့ဆိုဟာ နို့လေဟိုပေးသနားတော်မူဟူ သန့်ရှင်းဟူဝိညာဉ်တော်ဟာ ဘုရားသခင်ရဲ့ မြစ်တာတော်ဟို နို့လေရဲနုလုံးသားထဲဟို သွန်းလောင်းပေးတော်မူဟူကြောနဲ့ ဖြစ်လေဟယ်။ 6 နို့လေဟာ ကျိုးနဲဖြစ်နေခီမာ ခီတန်မု ခရစ်တော်ဟာ တရားဘဲဟူ သူလေတွပ်ကြောနဲ့ သေခံတော်မူဟယ်။ 7 ဖြောန့်မတ်ဟူ သူလေတွပ်ကြောနဲ့ သေခံပေးဟိုသူ ရှိဟိုခံယဉ်းဟယ်။ သူတော်ကောန်းတွပ်ကြောနဲ့ သေခံရဟူသူလေ ရှိရှင်ဟာရှိလေ့မယ် မှန်စေဝေ။ 8 အယ်ဘေမဲ့ နို့လေပြစ်ရှိနေဟူ ခီမာဘဲ ခရစ်တော်ဟာ နို့လေတွပ် သေခံတော်မူဟူဇာအားဖြင့် ဘုရားသခင်ဟာ နို့လေဟို ဖယ်မျှလော့-ကံ ရှစ်နူးဆိုဇာဟို ထန်းထန်ရှားရှား ဖော်ပြတော်မူလေဟယ်။ 9 အယ်ကြောနဲ့ ခုခီမာ ခရစ်တော်ရဲ့ သွီးတော်အားဖြင့် ဖြောန့်မတ်ဟယ် ဆိုဘီး သိမှတ်ပြုခံရဟူ

နို့လေဟာ ကိုယ်တော်အားဖြင့် ဘုရားသခင်ရဲ့ မျစ်တော်ဟုနေ ပိုဘီး ကယ်တန်ခံရလေ့မယ်! **10** ဖြားဖြစ်ကြောနဲ့ဆိုဟာ နို့လေဟာ ဘုရားသခင်ရဲ့ ရန်သူလေ ဖြစ်ပေဟူလည်းဘဲ ကိုယ်တော်ဟာ သားတော်ဟို သေခံစေရှင်းအားဖြင့် နို့လေဟို သူ့ရဲ့မိဆွေလေ ဖြစ်စေတော်မူဟယ်။ ခု နို့လေဟာ ဘုရားသခင်ရဲ့ မိဆွေလေဖြစ်ပေဟူကြောနဲ့ ခရစ်တော်ရဲ့ သတ်တော်အားဖြင့် ကယ်တန်ရှင်းကျေးဇူးဟို ပိုဘီး ဟာ ခံရပေလေ့မယ်! **11** အယ်လော့- ကံနမကဘဲ မိတ်သဟာယဖွဲ့ရှင်းခွမ်နု ကျေးဇူးတော်ဟို ခုခံစားစေဟူ၊ နို့လေသခင် ယေရှု ခရစ်တော်အားဖြင့် ဘုရားသခင်နှိုက် ဝါကြွားဝန်းသာရှင်း ရှိပေလေဟယ်။ **12** အယ်မူကြောနဲ့ရာဟု ပြစ်တရားဟာ လူတယော့-ကံအားဖြင့် အယ်လောကထဲဟို ဝမ်ရော့-ကံလာဘီး၊ အယ်ပြစ်တရားအားဖြင့် သေရှင်းတရား ဝမ်ရော့-ကံလာဘီး လူလေ ဂူလောင်းဟာ ပြစ်ရှိဟူကြောနဲ့ သေရပေလေဟယ်။ **13** ပညတ်တရားဟို ပေးခန့်ကဒဲဟု အယ်လောကမာ ပြစ်ရှိဟူဇာ ဖြစ်ဟယ်။ ဖယ်ပညတ်တရားမှ မှော့နေဟာ ပြစ်ရှိဟယ် ဆိုဘီး မှတ်ယူဟိုကြောနဲ့ မှော့ဟု။ **14** အယ်ဘေမဲ့ သေရှင်းတရားဟာ အာဒံ လတ်ထတ်ဟုနေစဘီး မောရှေ လတ်ထတ်ထိ လူလေ ဂူလောင်းဟို စိုးရလေဟယ်။ အာဒံ ပြစ်မှားဟူမျိုး ပြစ်မှားဘဲဟူ သူလေဟိုလည်း စိုးရလေဟယ်။ အယ်မူအာဒံဟာ နော့-ကံကြွလာမယ့်သူရဲ့ ပေါင်ပမာ ဖြစ်လေဟယ်။ **15** အယ်ဘေမဲ့ ပြစ်မှားဟူ သဘောနု ကျေးဇူးတော် သဘောတူဟု။ ဖြားဖြစ်ကြောနဲ့ဆိုဟာ တယော့-ကံသောသူ အာဒံ ပြစ်ကျူးလွန်ဟူကြောနဲ့ လူလေ ဂူလောင်း သေရဟယ် ဆိုဟာ တယော့-ကံသောသူ ယေရှု ခရစ်တော်အားဖြင့် ဘုရားသခင်ရဲ့ ကျေးဇူးတော်ကြောနဲ့ ကျေးဇူးတော်ရဲ့ ကျိုးဟို လူလေ ဂူလောင်းနှိုက် ပိုဘီး ကြွယ်ဝလွှဲဇောင်လေဟယ်။ **16** နော့-ကံဘီး လူတယော့-ကံ ပြစ်မှားဟူဇာနု ကျေးဇူးတော်ဟာ တူဟု။ ဖြားဖြစ်ကြောနဲ့ဆိုဟာ တရားစီရင်ခံမာ ပြစ်ကြောနဲ့ “ဒန်ခံစေ” ဆိုဘီး စီရင်ဟယ် ဆိုဟာ ကျေးဇူးတော်ဟု ပြစ်ဘောင်ဂီးရှိနေဘေမဲ့ “လွတ်စေ!” ဆိုဘီး စီရင်ခွဲမှတ်လေဟယ်။ **17** နော့-ကံဘီးဟာ လူတယော့-ကံ ပြစ်မှားကြောနဲ့ သေရှင်းတရားဟာ အယ်သူအားဖြင့် စပြုဘီး ဝမ်ရော့-ကံလာဟယ် ဆိုဟာ တယော့-ကံသောသူဖြစ်ဟူ ယေရှုခရစ်တော်ရဲ့ လောကဆောန့်ရှင်းအားဖြင့် ဘုရားသခင်ရဲ့ ကြွယ်ဝဟူ ကျေးဇူးတော်နု ဖြောန့်မတ်ရှင်း ကောန်းဂိုးဟို ခံစားခွမ်ရဟူ သူလေဟာ ယေရှုခရစ်အားဖြင့် သတ်ရှင်းဘီး စိုးစံလေ့မယ်! **18** အယ်ကြောနဲ့ လူတယော့-ကံဟု ပြစ်ကျူးလွန်ဟူ ဇာအားဖြင့် လူလေ ဂူလောင်းဟာ ပြစ်စီရင်ဇာဟို ခံရပေဟူမျိုး လူတယော့-ကံရဲ့ ဖြောန့်မတ်ရှင်းအားဖြင့် လူလေ ဂူလောင်းဟာလည်း ပြစ်စီရင်ဟူဇာဟု လွတ်ဘီးဟာ ထာဝရသတ်နု ဆိုင်ဟူ ဖြောန့်မတ်ရှင်းဟို ရလေဟယ်။ **19** ဖြားဖြစ်ကြောနဲ့ဆိုဟာ လူတယော့-ကံ နားထောန်ဘဲကြောနဲ့ လူလေ ဂူလောင်း ပြစ်ထဲဟို ကွဲရော့-ကံဟူမျိုး လူတယော့-ကံ နားထောန်ရှင်းအားဖြင့် လူလေ ဂူလောင်းဟာ ဘုရားသခင်ရဲ့ ရှေ့တော်မာ ဖြောန့်မတ်ရှင်းဟို ရပေလေဟယ်။ **20** နော့-ကံဘီး ပညတ်တရားဟာ ကျူးလွန်ဟူ ပြစ်လေဟို ထန်ရှားစေဟိုတွင် ဝမ်ရော့-ကံလာဟူကြောနဲ့ ဒုစရိုက်ပြစ်လေဟာ ပွားများလာဟယ်။ အယ်ဘေမဲ့ ပြစ်ပွားများလေလေ ကျေးဇူးတော်ဟာ ပိုဘီး ကြွယ်ဝလေလေ ဖြစ်ဟယ်။ **21** အယ်မျိုးဖြစ်ကြောနဲ့ ပြစ်တရားဟာ သေရှင်းတရားအားဖြင့် စိုးရဟူမျိုး ကျေးဇူးတော်ဟာ ဖြောန့်မတ်ရှင်း အားဖြင့်စိုးရဘီး နို့လေရဲ့သခင် ယေရှု ခရစ်တော်အားဖြင့် ထာဝရသတ်ဟို ရရှိစေဟယ်။ (aīōnios g166)

6 အယ်မျိုးဆိုဟာ ဖယ်မျိုးပြောရမယ်နဲ့။ ကျေးဇူးတော် များပြားလာဟိုတွင် ပြစ်ထဲမာဘဲ ကျင်လည်နေရဟိုလော။
2 အယ်မျိုး နေဟို ရဟု! ပြစ်တရားထဲမာ သေဘီးဟူ နို့လေဟာ ပြစ်တရားထဲမာ ဖယ်မျိုး သတ်ရှင်ရအူးမယ်နဲ့။
3 ခရစ်တော်ယေရှုနု တလောင်းတဝဒဲ ဖြစ်ဟိုတွင် ဗတ္တိဇံခံဟူ နို့လေဟာ တဒီဒဲမာဘဲ ကိုယ်တော်နုတူးဒု သေခံဟိုတွင် ဗတ္တိဇံဟို ခံပေဟယ်။ **4** အယ်မျိုး နို့လေရဲ့ ဗတ္တိဇံခံရှင်းဟာ သေခံဟူဇာအားဖြင့် ခရစ်တော်နုတူးဒု သင်္ဂြိုဟ်ရှင်းဟို ခံလေဟယ်။ ဖြားဖြစ်ကြောနဲ့ဆိုဟာ ခရစ်တော်ဟာ ဖရဲ့ ဖောင်းတဂိုးတော်အားဖြင့် သေရှင်းဟုနေ ရှင်ပွန်ထမြော့-ကံလာဟူတိုင်းဘဲ နို့လေလည်း သတ်တာသစ်နု ကျင်လည်ရပေဟိုတွင် ဖြစ်ပါဟယ်။ **5** တနည်းအားဖြင့် သေခံတော်မူရှင်းရဲ့ ပေါင်သဏ္ဌာန်ဟို ဆောန့်ဘီးဟာ ကိုယ်တော်နုတူးဒု နို့လေစိုက်ပျိုး မွှောက်နံဟယ် ဆိုဟာ ထမြော့-ကံဟူ

ပေါင်သဏ္ဌာန်ဟိုလည်း ဆောန်ဟူဇာအားဖြင့် စိုက်ပျိုးမွှောက်နှံဟူဇာ ဖြစ်ပါဟု။ 6 နို့လေရဲ့ လူဟောင်းဟာ ခရစ်တော်နတူးဒု လတ်ဝါးကပ်တိုင်မာ သေခံရပီးဘီ ဆိုဟူဇာဟို နို့လေသိဂေဟု။ ဖြားဖြစ်ကြောန့်နူးဆိုဟာ နို့လေဟာ နော့-ကံမှ ပြစ်တရားဟို စေခံဘဲနေဟိုတွပ် ပြစ်တရားရဲ့ကိုယ်ဟို ဖျစ်ဆီးပစ်ဟိုတွပ် ဖြစ်ဟု။ 7 ခရစ်တော်နတူးဒု သေဟူသူဟာ ပြစ်တရားရဲ့ လတ်ဟုနေဘီး လွတ်မြော့-ကံဟားဘီ ဖြစ်ဟု။ 8 နို့လေဟာ ခရစ်တော်နတူးဒု သေပီးဘီဖြစ်ဟူကြောန့် ကိုယ်တော်နတူးဒု သတ်ရှင်ရမယ်ဆိုဘီး ယောင်ကြည်ဂေလေဟု။ 9 သေရှင်းဟုနေ ရှင်ပွန်ထမြော့-ကံဟာ ခရစ်တော်ဟာ နော့-ကံထပ် လောင်းဝမသဘီ ဆိုဇာဟို နို့လေသိဂေလေဟု။ သေရှင်းတရားဟု ကိုယ်တော်ဟို နော့-ကံထပ် အောက်စိုးဟို မရဟန်။ 10 ဖြားဖြစ်ကြောန့်နူးဆိုဟာ ခရစ်တော် သေခံဟူဇာဟု ပြစ်တရားတွပ်ကြောန့် တခါဘဲ သေခံတော်မူဟု။ ခုသတ်ရှင်ရှင်းဟာ ဘုရားသခင်နှိုက် သတ်ရှင်တော်မူဟု။ 11 အယ်မျိုးဘဲ နန်းနို့လေဟာ ပြစ်တရားနဆိုင်ဟယ် ဆိုဟာ သေဟားဘီ၊ ဘုရားသခင်န စပ်ဆိုင်ဟယ် ဆိုဟာ ခရစ်တော်ယေရှုအားဖြင့် သတ်ရှင်ဟယ်ဆိုဘီး ကိုယ့်ကိုယ်ကိုယ် ထန်မတ်ဂေပါ။ 12 အယ်ကြောန့် နန်းနို့လေဟာ ကိုယ့်ရဲ့ ကိုယ်ခန္ဓာ တပ်မတ်မူနော့-ကံဟို လိုက်မိဘဲနေအောန် ပြစ်တရားဟာ နန်းနို့လေရဲ့ သေတတ်ဟူ ကိုယ်ခန္ဓာဟို အောက်စိုးစေန။ 13 နန်းနို့လေရဲ့ ကိုယ်အင်္ဂါလေဟိုလည်း ဒုစရိုက် လတ်နတ်လေဖြစ် ပြစ်တရားဟို ဆစ်သဂေန။ အယ်မျိုးလောက်မယ့်စား သေနေဟူ လူလေထဲဟု သတ်ရှင်နေသူမျိုး ကိုယ့်ရဲ့ကိုယ်ဟို ဘုရားသခင်ဟို ဆစ်သဘီး နန်းနို့လေရဲ့ ကိုယ်အင်္ဂါလေဟို ဖြောန့်မတ်ရှင်းရဲ့ လတ်နတ်ဖြစ်န ဘုရားသခင်ဟို ဆစ်သဂေပါ။ 14 ဖြားဖြစ်ကြောန့်နူးဆိုဟာ နန်းနို့လေဟာ ပညတ်တရားရဲ့ လတ်အော့-ကံမာ မေ့ဟု။ ဘုရားသခင်ရဲ့ ကျေးဇူးတရား လတ်အော့-ကံမာ ရှိဟူကြောန့် ပြစ်တရားဟု နန်းနို့လေဟို အောက်စိုးဟို ရဟု။ 15 အယ်မျိုးဆိုဟာ ဖယ်မျိုးနူး၊ နို့လေဟာ ပညတ်တရားလတ်မာ မေ့ဘဲန ဘုရားသခင်ရဲ့ ကျေးဇူးတရားလတ်မာ ရှိဟူကြောန့် ပြစ်ပြုရဟိုလော။ လောင်းဝပြုဟိုရဟု! 16 နန်းနို့လေဟာ ယော့-ကံယော့-ကံနားမာ ကျွန်ဖြစ်န စေခံဟယ် ဆိုဟာ အယ်သူဟာ သေရှင်းန ယှဉ်ဟူ ပြစ်တရားဘဲဖြစ်ဖြစ်၊ ဖြောန့်မတ်ရာဟို ရော့-ကံဟူဇာန ယှဉ်ဟူ နားထောန်ရှင်း တရားဘဲဖြစ်ဖြစ် နန်းနို့ရဲ့ သခင်ဖြစ်ဟယ် ဆိုဇာဟို သိဂေဟုလော။ 17 နန်းနို့လေဟာ စဟု ပြစ်တရားရဲ့ ကျွန်လေ ဖြစ်ဖူးဟူလည်းဘဲ ခုခံယူဘီးဟူ ဩဝါဒ နည်းဥပဒေသ စကားလေဟို စိနလောင်းကြွင်းမဲ့န နားထောန်ဂေဟူကြောန့် ဘုရားသခင်ရဲ့ ကျေးဇူးတော်ဟို ချီးမွမ်းပါဟု။ 18 နန်းနို့လေဟာ ပြစ်တရားလတ်ဟု လွတ်ဘီး ဖြောန့်မတ်ဟူ တရားရဲ့ ကျွန်ဖြစ်ဂေဟု။ 19 (နန်းနို့လေဟာ ဇာတိတွေးခေါ် အားနဲဟူကြောန့် လောကီဝေါဟာရတိုင်း ငါပြောဟူဇာဖြစ်ဟယ်။) တခါဟု နန်းနို့လေဟာ ကိုယ့်ရဲ့ ဘဝသတ်တာဟို ဒုစရိုက်သားကောန်ရဲ့ ကျွန်ဖြစ်န အပ်ဘီး ညစ်ညူးမှုလေဟို ပြုဂေမျိုး ခုလည်း အယ်မျိုးဘဲ ကိုယ့်ရဲ့ ဘဝသတ်တာဟို စောင်လင်သန့်ရှင်းဘီး ကောင်းဟူ ကျင့်လေဟို ကျင့်ဟိုတွပ် ဖြောန့်မတ်ဟူ တရားလတ်ထဲဟို ကျွန်ဖြင့်န ကြွင်းမဲ့အပ်ဂေပါ။ 20 နန်းနို့လေဟာ ပြစ်တရားရဲ့ လတ်မာ ကျွန်ဖြစ်န ရှိနေဟူ ခီမာ ဖြောန့်မတ်ရှင်းတရားရဲ့ လတ်ဟုနေ လွတ်ဂေလေဟု။ 21 ခု နန်းနို့ယုတ်ကြော့-ကံနေဟူ အယ်မူကျင့်လေဟို ကျင့်နေဟူ ခီဒူးဟု ဖယ်မူကျိုးဟို ရဂေကြောန့်နူး။ အယ်မျိုးကျင့်ဟာ သေရှင်းရဲ့ လမ်းဆောင်းဘဲ ဖြစ်ပါဟု။ 22 ခုဆို နန်းနို့လေဟာ ပြစ်တရားရဲ့ လတ်ဟုနေ လွတ်မြော့-ကံဘီးဟာ ဘုရားသခင်ရဲ့ ကျွန်လေဖြစ်ဟယ်။ အယ်မူကျိုးကြောန့် သန့်ရှင်းရှင်းဟို ရဘီးဟာ ဆောင်းမာ ထာဝရသတ်ဟို ရဂေလေမယ်။ (aiṯnios g166) 23 ပြစ်တရားရဲ့ ခဟာ သေရှင်းဘဲဖြစ်ဟယ်။ အယ်ဘေမဲ့ ဘုရားသခင် အလဂါးပေးတော်မူဟူ ဆုကျေးဇူးတော်ဟာ နို့လေရဲ့ သခင် ယေရှု ခရစ်တော်အားဖြင့် ထာဝရသတ် ဖြစ်လေဟယ်။ (aiṯnios g166)

7 ပညတ်တရားဟိုသိဟူ ညီကို မောန်နှမလေ နန်းနို့ဟို ငါပြောရှင်ဇာဟု ပညတ်တရားဟာ လူတယော့-ကံဟို သူသတ်ရှင်နေဟူကာလပတ်လောင်း ချောက်ကိုင်ဟားဇာဟို နန်းနို့သိဂေဟုလော။ 2 ဥပမာ လန်ရှိဟူ မီးမတယော့-ကံဟာ ပညတ်တရားတိုင်း သူလန် သတ်ရှင်နေဟူ ကာလပတ်လောင်း လန်ရဲ့ချည်နှောင်မှုဟို ခံရလေဟယ်။ လန်သေမှဘဲ ပညတ်တရားအရ လန်ရဲ့ ချည်နှောင်မှုဟုနေဘီး လွတ်လေဟယ်။ 3 အယ်ကြောန့်

လန်သတ်ရှင်ရစ်န နော့-ကံအီထောန်ပြဟယ် ဆိုဟာ ဟော-ကံပွန်ဟူမီးမဆိုဘီး ပြောခံရလေမယ်။ တကယ်ဟူကြောန့် လန်သေဟားကြောန့်ဆိုဟာ အယ်မူပညတ်တရားဟု လွတ်ဟားဘိဖြစ်ဟူကြောန့် နော့-ကံအီထောန်ပြဟူလည်းဘဲ ဟော-ကံပွန်ဟူမီးမ ဆိုဘီး ပြောခံရဟူကြောန့် မေ့ဟူ။ 4 အယ်မျိုးဘဲ ညီကို မောန်နုမလေ နန်းနီလေဟာ တခြားသူဖြစ်ဟူ သေရှင်းဟုထမြော-ကံဟူသူရဲ့ မယားဖြစ်ဟူကြောန့် ဘုရားသခင်ရဲလိုတော်တိုင်း တိုးပွားလာဟို့တွပ် ခရစ်တော်ရဲ့ ကိုယ်ခန္ဓာအားဖြင့် သေဘီးဟာ ပညတ်တရားနု ကွားဟားဂေ့ဘီ။ 5 နီလေဟာ ဇာတိသွီးသားထဲမာ ကျင်လည်နေဟူခီဟု ပညတ်တရားရဲ့ နီဆော်ပေးမှုကြောန့် ဖြစ်ပေါ်လာဟူ ပြစ်လောက်ရှင်ဟူ စိဆန္ဒလေဟာ နီလေရဲ့ ကိုယ်အင်္ဂါလေမာ ထန်ရှားလာဘီး သေရှင်းတရားဟို့ ဖြစ်ပေါ်လာစေဟယ်။ 6 ခုဆို နီလေဟာ နီလေဟို့ချောက်ကိုင်ဟားဟူ ပညတ်တရားရဲ့ လတ်ထဲမာ သေပီးဟာ ပညတ်တရားလတ်ဟုနေ လွတ်မြော-ကံဂေ့ဘီဖြစ်ဟူကြောန့် ကျမ်းစာမပါဟူ တရားဟောင်းဟို့ မှီပြုဘဲနု ဝိညာဉ်တော်ရဲ့ တရားလမ်းစဉ်သစ်တိုင်း မှုတော်ဟို့ စေခံဂေ့ဟယ်။ 7 အယ်မျိုးဆိုဟာ ဖယ်မျိုးနု။ ပညတ်တရားဟို့ ပြစ်ပြောရဟို့လော။ ပြစ်လုံးဝ ပြောဟို့မရဟု! ပညတ်တရားအားဖြင့်ဘဲ ပြစ်ရဲသဘောတရားဟို့ နီလေသိရဂေ့ဟယ်။ ဖြားဖြစ်ကြောန့်နုဆိုဟာ “တပ်မတ်လိုရှင်စိရိန်” ဆိုဘီး ပညတ်တရားဟု တားမြစ်ဘဲနေဟာ လောဘလွန်ကြူးမှုရဲ့ ဆိုးကျိုးဟို့ ငါသိဟို့ မှုဟူ။ 8 ပြစ်တရားဟာ ပညတ်တရားအားဖြင့် ငါ့ဟို့ချောက်ကိုင်ဘီး လောဘစိ မျိုးမျိုးလေဟို့ ဖြစ်ပေါ်စေဟယ်။ ပညတ်တရားမေ့ဘဲနေဟာ ပြစ်တရားလည်းသေ ဖြစ်ဟယ်။ 9 စဟု ပညတ်တရားမေ့ဘဲကြောန့် ငါသတ်ရှင်ဟယ်။ ပညတ်တရားပေါ်ပေါ့-ကံလာဟူ ဒီမာ ပြစ်တရားဟာ ပွန်ရှင်လာဘီး ငါလည်း သေဟယ်။ 10 ငါ့ဟို့ သတ်ရှင်ဟို့ပေးဟူ ပညတ်တရားဟုဘဲ ငါ့ဟို့သေစေဇာဟို့ တွံရဟယ်။ 11 ပြစ်တရားဟာ ပညတ်တရားအားဖြင့် ခွမ်ရဟူကြောန့် ငါ့ဟို့လှည့်ဇားဘီးဟာ အယ်ပညတ်တော်အားဖြင့် ငါ့ဟို့ သတ်လေဟယ်။ 12 အယ်ကြောန့် ပညတ်တရားဟာ သန်ရှင်းလေဟယ်။ ပညတ်တော်လည်းဘဲ သန်ရှင်းရှင်း ဖြောန့်မတ်ရှင်း ကောင်းမြတ်စောင့်လင်ရှင်း ရှိလေဟယ်။ 13 အယ်မျိုးဆိုဟာ အယ်မူကောင်းမြတ်ဟူရာဟာ ငါ့တွပ် သေရဟူကြောန့်ရာ ဖြစ်ဟူကြောန့်လော။ ဖြစ်နိုင်ဟု! ငါ့ဟို့ သေစေဟူဇာဟာ ပြစ်တရားဘဲ ဖြစ်ဟယ်။ ပြစ်တရားဟာ သူ့ရဲ့ပင်ကိုသဘောဟို့ ထန်ရှားစေဟို့တွပ် ကောင်းမြတ်ဟူဇာလေအားဖြင့် ငါ့ဟို့သေစေဟူဇာ ဖြစ်ဟယ်။ အယ်ကြောန့် ပြစ်တရားဟာ တအားဆိုးဝါးဟူ ပြစ်ဖြစ်ဟူကြောန့်ဟို့ ပညတ်တော်အားဖြင့် သိရလေဟယ်။ 14 ပညတ်တရားဟာ ဝိညာဉ်ရေးရာနု ဆိုင်ဟူကြောန့်ဟို့ နီလေသိဂေ့ဟယ်။ အယ်ဘေမဲ့ ငါဟာ ဇာတိသွီးသားခိုက်ရှိဟူ လူတယော့-ကံဖြစ်ဘီး ပြစ်တရားရဲ့ လတ်အော့-ကံမာ ရောန်းဇားခံရဟူသူ ဖြစ်ဟယ်။ 15 ငါဟာ ကိုယ်ဖြစ်နေဇာဟို့ ကိုယ်တိုင်နားလည်ဟူ။ ဖြားဖြစ်ကြောန့်နုဆိုဟာ ကိုယ်ကျင့်ရှင်ဟူတိုင်း ကျင့်ဟိုရဘဲနု ရွံရှာဟူ ကျင့်လေဟို့ ကျင့်လေဟယ်။ 16 အယ်မျိုး ငါဟာ ကိုယ်ပြုရှင်ဘဲနု ပြုကျင့်နေရဟယ် ဆိုဟာ ပညတ်တရားဟာ မှန်ကန်ဟူကြောန့်ဟို့ ငါဝန်ခံပါဟယ်။ 17 အယ်မျိုးဆိုဟာ အယ်မူ ကောင်းဘဲကျင့်ဟို့ ငါကိုယ်တိုင် ကျင့်နေဟူဇာမူဘဲ ငါ့ထဲမာ ရှိနေဟူ ပြစ်တရားဟု ကျင့်စေဟူဇာဖြစ်ဟယ်။ 18 ငါ့ရဲ့ ဇာတိသွီးသားထဲမာ ကောင်းဟူဇာလေ တခုလည်း မေ့ဘဲဟူကြောန့်ဟို့ ငါသိလေဟယ်။ ဖြားဖြစ်ကြောန့်နုဆိုဟာ ငါဟာ ကောင်းဟူကျင့်ဟို့ ကျင့်ရှင်ဟူ စိဆန္ဒရှိဟူလည်းဘဲ ကျင့်နိုင်ဟူခွန်အား ငါမာ မေ့ဟူ။ 19 ငါဟာ ကောင်းဟူ ကျင့်လေဟို့ ကျင့်ရှင်ဟူလည်းဘဲ ကျင့်ရှင်ဘဲဟူ ကျင့်ဆိုးလေဟို့ဘဲ ငါ့ထဲမာနေဟူ ပြစ်တရားဟု ကျင့်နေဟူဇာ ဖြစ်ဟယ်။ 20 အယ်မျိုး ကျင့်ရှင်ဘဲဟူ ကျင့်ဆိုးလေဟို့ ငါကျင့်နေရဟယ် ဆိုဟာ ငါကိုယ်တိုင် ကျင့်နေဇာမူဘဲနု ငါ့ထဲမာရှိနေဟူ ပြစ်တရားဟု ငါအားဖြင့် ကျင့်နေဟူဇာဖြစ်ပါဟယ်။ 21 အယ်မျိုး ကောင်းဟူကျင့်လေဟို့ ကျင့်ရှင်ဟူငါမာ ကောင်းဘဲဟူ ကျင့်ဆိုးလေဟို့ဘဲ ပြုကျင့်စေဟူ ပညတ်တပီးဟို့ ငါတွံရဟယ်။ 22 ငါဟာ တွင်းလူအားဖြင့် ဘုရားသခင်ရဲ့ ပညတ်တရားတော်ဟို့ ရရာတိုင်း နှစ်သက်ဟယ်။ 23 အယ်ဘေမဲ့ ငါ့ရဲ့ ကိုယ်အင်္ဂါလေထဲမာ လွမ်းမိုးချောက်ကိုင်နေဟူ ပညတ်တပီးဟာ စိဝိညာဉ်တရားဟို့ တိုက်ခိုက်တွန်းလှန်ဘီး ငါ့ကိုယ်အင်္ဂါလေမာရှိဟူ ပြစ်တရားလတ်ထဲဟို့ ငါ့ဟို့ ဖမ်းဆီးအပ်လိုက်ဟူဇာဟို့ ငါပြင်ရဟယ်။ 24 ငါဟာ ရရာတိုင်း စိပျစ်ဇာကောင်းဟူ လူတယော့-ကံဖြစ်ဟယ်! သေတတ်ဟူ

အယ်မူခန္ဓာ ပေါက်ကောန်ဟုနေဘီး ငါ့ဟို ဖယ်သူကယ်တန်ပေးမယ်နူး။ 25 နို့လေရဲ့ သခင် ယေရှုခရစ်တော်အားဖြင့် ကယ်လွှတ်ပေးတော်မူဟူ ဘုရားသခင်ဟာ ရရာတိုင်းတဲ့ ကျေးဇူးကီးမားလှပါဟယ်! အယ်မျိုး ငါဟာ ကိုယ့်စိတ်ညဉာဉ်အားဖြင့် ဘုရားသခင်ရဲ့ ပညတ်တော် အော့-ကံမာ စေခံဟူလည်းတဲ့ ဇာတိသွီးသားအားဖြင့် ပြစ်တရားဟို စေခံနေရဇာ ဖြစ်ဟယ်။

8 အယ်ကြောန့် ခုခီမာ ခရစ်တော်ယေရှုခိုက် ရှိဟူသူလေဟာ ပြစ်စီရင်ဇာဟို ခံရဟန်။ 2 ဖြားဖြစ်ကြောန့်နူးဆိုဟာ ခရစ်တော်ယေရှုခိုက် သတ်ရှင်ဟို့တွပ် ဝိညာဉ်တော်တရားဟာ ပြစ်တရားန သေရှင်းတရားဟုနေဘီး ငါ့ဟို လွတ်မြော-ကံစေတော်မူဘိ။ 3 ဇာတိပကတိကြောန့် ပညတ်တရားဟာ အားနဲဘီး တတ်နိုင်ဘဲဟူမဟို ဘုရားသခင် ပြုတော်မူဟို့တွပ် ပြစ်နဲ့ဝှံဟူ ဇာတိပကတိရဲ့ သဏ္ဌာန်ဟို ဆောန်ဟူ သူရဲ့ သားတော်ဟို စေလွှတ်ဘီးဟာ ပြစ်ဖြေဟို့တွပ် ဇာတိပကတိရှိက် ပြစ်ဟို ဒန်ပေးတော်မူလေဟယ်။ 4 ဖြားဖြစ်ကြောန့်နူးဆိုဟာ နို့လေဟာ ဇာတိသွီးသားတိုင်း သတ်ရှင်ဘဲ ဝိညာဉ်တော်အားဖြင့် သတ်ရှင်နေထိုင်ဟို့တွပ် ပညတ်တော်မာပါဟူ တရားတော်ဟို လိုက်နာကျင့်သောင်းဟို့တွပ် ဖြစ်လေဟယ်။ 5 ဇာတိသွီးသားရဲ့ လိုဆန္ဒတိုင်း သတ်ရှင်ဟူသူလေဟာ ဇာတိသွီးသားန သတ်ဆိုင်ဟူဇာလေဟို့တဲ့ စိစွဲလမ်းဝှံဟယ်။ ဝိညာဉ်တော်ရဲ့ လိုတော်တိုင်း သတ်ရှင်ဟူ သူလေဟာ ဝိညာဉ်တော်န သတ်ဆိုင်ဟူ ဇာလေဟို့တဲ့ စိစွဲလမ်းလေဟယ်။ 6 ဇာတိသွီးသားနဆိုင်ဟူ ဇာလေဟို စိစွဲလမ်းဟူ သူလေဟာ သတ်ဆောင်းရှောင်းလေမယ်။ ဝိညာဉ်တော်န ဆိုင်ဟူဇာဟို စိစွဲလမ်းဟူ သူလေဟာ သတ်ရှင်ရှင်းန ငြိသတ်ရှင်းဟို ရလေမယ်။ 7 ဖြားဖြစ်ကြောန့်နူးဆိုဟာ ဇာတိသွီးသားန ဆိုင်ဟူဇာလေဟို စိစွဲလမ်းဟူ သူလေဟာ ဘုရားသခင်န ဆန့်ကျင်ဖတ်ပြဟူသူ ဖြစ်ဟယ်။ အယ်မျိုး စိစွဲလမ်းဟူ သူလေဟာ ဘုရားသခင်ရဲ့ ပညတ်တော်ဟို လိုက်ရှော-ကံတတ်ဟူ။ လိုက်လည်း လိုက်ရှော-ကံနိုင်ဝှံဟယ်။ 8 အယ်ကြောန့် ဇာတိသွီးသားတိုင်း သတ်ရှင်သူလေဟာ ဘုရားသခင်ရဲ့ စိတော်န တွံနိုင်ဟူ။ 9 အယ်ဘေမဲ့ ဘုရားသခင်ရဲ့ ဝိညာဉ်တော်ဟာ နန်းနို့ထဲမာ ကိန်းဝပ်တော်မူဟာ နန်းနို့လေဟာ ဇာတိပကတိဖတ်မာ မေ့ဟု ဝိညာဉ်ပကတိဖတ်မာ ရှိလေဟယ်။ ခရစ်တော်ရဲ့ ဝိညာဉ်ဟို ရဘဲသူဟာ ခရစ်တော်န လောင်းဝ သတ်ဆိုင်ဟူ။ 10 အယ်ဘေမဲ့လည်း ခရစ်တော်ဟာ နန်းနို့ထဲမာ သတ်ရှင်နေဟယ် ဆိုဟာ ကိုယ်ခန္ဓာဟာ ပြစ်ကြောန့် သေရဟူလည်းတဲ့ ဝိညာဉ်ဟု ဖြောန့်မတ်ရှင်းကြောန့် သတ်ရှင်လေဟယ်။ 11 အယ်လော့-ကန်ကဟာ သခင်ယေရှုဟို သေရှင်းဟုနေဘီး ရှင်ယွန်ထမြော-ကံစေဟူ ဘုရားသခင်ရဲ့ ဝိညာဉ်တော်ဟာ နန်းနို့ထဲမာ ကိန်းဝပ်ဟယ် ဆိုဟာ ခရစ်တော်ဟို သေရှင်းဟုနေ ရှင်ယွန်ထမြော-ကံစေဟူ သခင်ဟာ နန်းနို့ထဲမာ ကိန်းဝပ်ဟူ သူရဲ့ ဝိညာဉ်တော်အားဖြင့် သေတတ်ဟူ နန်းနို့ ကိုယ်ခန္ဓာဟို့လည်း ရှင်စေတော်မူလေမယ်။ 12 အယ်ကြောန့် ညီကို မောန့်နမလေ နို့လေဟာ ဇာတိလိုတိုင်း သတ်ရှင်ရအောန် ဇာတိရဲ့ ကျွန်ဖြစ်ဝှံဟူဇာ မူဟူ။ 13 ဖြားဖြစ်ကြောန့်နူးဆိုဟာ နန်းနို့လေဟာ လူဇာတိလိုဟိုလိုက်ဘီး သတ်ရှင်မယ် ဆိုဟာ သေဝှံရလေမယ်။ အယ်ဘေမဲ့ ဝိညာဉ်တော်အားဖြင့် နန်းနို့ရဲ့ ကိုယ်ခန္ဓာကျင့်လေဟို သေစေမယ် ဆိုဟာ သတ်ရှင်ရလေမယ်။ 14 ဘုရားသခင်ရဲ့ ဝိညာဉ်တော် ဆောင်းမပျံပြင်တော်မူရှင်းဟို ခံရဟူသူလေဟာ ဘုရားသခင်ရဲ့ သားမီးလေဖြစ်ဟယ်။ 15 ဖြားဖြစ်ကြောန့်နူးဆိုဟာ ဘုရားသခင် ပေးတော်မူဟူ ဝိညာဉ်တော်ဟာ နန်းနို့ဟို ကြော-ကံတတ်ဟူ ကျွန်ရဲ့စိသဘောဟို ပေးဟူဇာမူဘဲန နို့လေဟို ဘုရားသခင်ရဲ့ သားမီးလေဖြစ်စေဘီးဟာ ဝိညာဉ်တော်အားဖြင့် “အဗ္ဗ! ဖ!” ဆိုဘီး ခေါ်ရဟူခွင့်မရှိ ပေးတော်မူဟူဇာ ဖြစ်ဟယ်။ 16 နို့လေဟာ ဘုရားသခင်ရဲ့ သားမီးလေ ဖြစ်ဟူကြောန်းဟို ဝိညာဉ်တော်ကိုယ်တိုင် နို့လေရဲ့ဝိညာဉ်နတူးဒ သတ်သေခံလေဟယ်။ 17 နို့လေဟာ ဘုရားသခင်ရဲ့ သားမီးလေဖြစ်ဟူကြောန့် မှီစားမှီခံလေဖြစ်ဟယ်။ ခရစ်တော်နတူးဒ ချီးမြှော့-ကံဟူဇာဟို ခံရဟို့တွပ် ကိုယ်တော်နတူးဒ ဆင်းရဲဒေါက်ခဟို ခံရဟယ် ဆိုဟာ ကိုယ်တော်နတူးဒ ဆစ်နွယ်ဟူ မှီခံလည်း ဖြစ်လေဟယ်။ 18 ခုမျှစ်မော့-ကံကာလမာ နို့လေခံရဟူ ဆင်းရဲဒေါက်ခဟာ နော့-ကံတခီမာ ထန်ရှားလာမယ့် ဖောင်းသရေတော်န နှိုင်းယှဉ်မယ် ဆိုဟာ ပမာဏထားဇာ ကြောန်းမေ့ဟု ဆိုဘီး ငါမှတ်ယူဟယ်။ 19 ဖန်ဆင်းခံလောက တခုလောင်းဟာ ဘုရားသခင်ရဲ့ သားလေ ထန်ရှားဘီး ပေါ်ထွပ်လာဟို့တွပ် ရရာတိုင်းတဲ့ မျှော်လင့်တောန်တ နေလေဟယ်။ 20

ဖြားဖြစ်ကြောင့်နန်းဆိုဟာ ဖန်ဆင်းခံလောကဟာ အနတ္တဖြစ်ဟို ရော-ကံဟူဇာဟု သူ့ရဲ့ဆန္ဒအားဖြင့်မူဘဲ ဘုရားသခင်ရဲ့ လိုတော်ကြောင့်ဘဲဖြစ်ဟယ်။ 21 အယ်ဘောမဲ့ အယ်မျှော်လင့်ချစ်ဟာ တနေ့တခါ ဖန်ဆင်းခံ လောကကိုယ်တိုင် ပျစ်စီးရှင်းကျွန်ဖြစ်ဟုနေ လွှတ်မြော-ကံဘီး ဘုရားသခင် သားမီးလေရဲ့ ဖောင်းသရေတော်နဲ့ ပွင့်ဟူ လွှတ်ရှင်းချမ်းသာထဲဟို ခေါ်ဆောင့်ဟို့တွပ် မျှော်လင့်ရှင်း ရှိဟူကြောင့်ဖြစ်ဟယ်။ 22 ဖန်ဆင်းခံ ကမ္ဘာလောက တခုလောင်းဟာ ခုခီထိ တူးဒုညည်းတွားဘီး သားမွီးဟူ ဝေဒနာဟူမျိုး ဒေါက်ခဝေဒနာလေဟို ခံစားရဇာဟို နို့လေသိဂေဟယ်။ 23 အယ်လော့-ကန်မကဟု ဝိညာဉ်တော်ရဲ့ ကျေးဇူးတော်ဟို ရင်ဦးဆောင်း ခံရဟူ နို့လေလည်း သားမီးရာဟို ရဟူဇာဖြစ်ဟူ နို့လေရဲ့ ကိုယ်ခန္ဓာ ဝီးကော့-ကံခံရဟူ ဇာဟို စောင့်မျှော်ဘီး စိန်လောင်းထဲဟု ညီးတွားနေဂေဟယ်။ 24 ဖြားဖြစ်ကြောင့်နန်းဆိုဟာ နို့လေဟာ မျှော်လင့်ရှင်းအားဖြင့် ကယ်တန်ရှင်းဟို ခံရလေဟယ်။ နို့လေဟာ ကိုယ်မျှော်လင့်ဟူ ဇာလေဟို ဗြင်ရဟယ် ဆိုဟာ မျှော်လင့်ဟို့ကြောင်း မေ့ဟူ။ တွဲမြင်နေရဟူ ဇာလေဟို ဖယ်သူ မျှော်လင့်နေမယ်နူး။ 25 အယ်ဘောမဲ့ နို့လေဗြင်တွဲရဘဲဟူ ဇာလေဟို မျှော်လင့်ဂေဟယ် ဆိုဟာ အယ်ရာလေဟို စိရယ်ရှယ်နသီးခံဘီး စောင့်မျှော်ဂေဟယ်။ 26 အယ်ဘောမဲ့ နို့လေတတ်နိုင်ဘဲဟူ ဇာလေဟို ဝိညာဉ်တော်ဟာ မစတော်မူလေဟယ်။ နို့လေဟာ ဆုတောင်းသင့်ဟူတိုင်း ဖယ်မျိုး ဆုတောင်းရမယ် ဆိုဇာဟို သိဂေဟူ။ အယ်ဘောမဲ့ နို့လေ စကားအားဖြင့် ဖော်ပြဘီးဟာ ဆုတောင်းတတ်ဘဲနဲ့ ညည်းတွားနေဟူရာလေအားဖြင့် ဝိညာဉ်တော်ဟာ နို့လေကိုယ်စား ဘုရားသခင်နားမာ တောင်းလျှော့-ကံ သနားခံပေးတော်မူဟယ်။ 27 လူလေရဲ့ စိသဘောဟို သိတော်မူဟူ ဘုရားသခင်ဟာ ဝိညာဉ်တော်ရဲ့ စိသဘောဟိုလည်း သိတော်မူလေဟယ်။ ဖြားဖြစ်ကြောင့်နန်းဆိုဟာ ဝိညာဉ်တော်ဟာ သန်ရှင်းသူလေရဲ့ ဆုတောင်းဟူမှုရာဟို ဘုရားသခင်ရဲ့ လိုတော်နည် သနားခံပေးတော်မူလေဟယ်။ 28 ဘုရားသခင်ဟို ရှစ်ဟူသူ၊ ကြံစည်တော်တိုင်း ခေါ်တော်မူရှင်းခံရဟူ သူလေရဲ့ ကောင်းဟူ ကျိုးလေတွပ် ရှိမျှူလောင်းဟာ တညီတညွတ်ဒဲ ပြုစုဂေဟယ် ဆိုဇာဟို နို့လေ သိဂေဟယ်။ 29 ဘုရားသခင် ဝီးကော့-ကံတော်မူဟူ သူလေဟာ သူ့ရဲ့သားတော်ရဲ့ ပေါင်သဏ္ဌာန်တော်နံ တူဟို့တွပ် ရေးမဆွဟုနေဘီး ခွဲခန့်မှတ်သားဟားလေဟယ်။ အယ်မျိုး ဝီးကော့-ကံမှတ်သားဟူကြောင့်ဟု သားတော်ဟာ ညီလေဘောင်ဂီးထဲမာ နောင်ဂီးဖြစ်ဟို့တွပ် ဖြစ်ဟယ်။ 30 အယ်မျိုး ခွဲခန့်မှတ်သားဟားဟူသူလေဟို ခေါ်တော်မူဘီးဟာ သန်ရှင်းပြောနံမတ်ဟူရာမာ တည်စေတော်မူဟယ်။ အယ်မျိုး တည်စေဟူသူလေဟိုလည်း ချီးမြှော့-ကံတော်မူဟယ်။ 31 အယ်မျိုးဆိုဟာ အယ်မူကြောင်းရာလေဟို ဖယ်မျိုးပြောဇာရှိနူး။ နို့လေဖတ်မာ ဘုရားသခင်ရှိဟယ် ဆိုဟာ ဖယ်သူဟု နို့လေဟို ဆန့်ကျင်နိုင်မယ်နူး။ 32 နို့လေအားလောင်းတွပ် သူ့ရဲ့သားတော်ရင်းဟို့မှ ဗြောဘဲနံ စွန့်တော်မူဟူရှင်ဟာ သားတော်နံတူးရဲ့ ရှိမျှူလောင်းဟို ပေးဘဲနံ ဖယ်မျိုးနေမယ်နူး။ 33 ဖယ်သူဟု ဘုရားသခင် ဝီးကော့-ကံဟူ သူလေဟို ပြစ်စီရင်မယ်နူး။ နို့လေဟို ပြောနံမတ်ဟူရာမာ တည်စေဟူရှင်ဟာ ဘုရားသခင်ဘဲ ဖြစ်ဟယ်။ 34 ပြစ်စီရင်သူဟာ ဖယ်သူနူး။ နို့လေတွပ် သေခံဟူမျှနမကဘဲ သေရှင်းဟုနေ ရှင်ပွန်ထမြော့-ကံဘီး ဘုရားသခင်ရဲ့ ညာဖတ်ဟုနေ သနားခံ ဆုတောင်းပေးဟူသူဟာ ခရစ်တော်ယေရှုဘဲ ဖြစ်ဟယ်။ 35 အယ်ကြောင့် ဖယ်သူဟု နို့လေဟို ခရစ်တော်ရဲ့ မြစ်တာတော်နံ ခွဲခွာစေနိုင်မယ်နူး။ ဆင်းရဲဒေါက်ခ၊ နာကြင်ရှင်းဝေဒနာ၊ ညှဉ်းဆဲရှင်း၊ ငတ်မွတ်ခေါန်းပါးရှင်း၊ ဆွေးယွန်းညှဉ်းနေရရှင်း၊ သတ်ခံရရှင်းနံ ဘေးအန္တရာယ်နံ တွဲရှင်းလေဟာ ခရစ်တော်ရဲ့ မြစ်တာတော်နံ နို့လေဟို ကွဲကွာစေနိုင်မယ်လော။ 36 ကျမ်းစာဟု “ကျွန်တော်ဟားလေဟာ ကိုယ်တော်တွပ် တနေ့လောင်း သေဘေးနံ ရင်ဆိုင်ဘီး နေရဂေပါဟယ်။ သတ်ဟို့ ထားဟားဟူ သိုးလေမျိုး သူးနို့လေ ထန်မှတ်ဂေပါဟယ်” ဆိုဘီး ပြောဟားလေဟယ်။ 37 အယ်ဘောမဲ့ နို့လေဟို ရှစ်တော်မူဟူ သခင်ရဲ့ ကျေးဇူးတော်အားဖြင့် အယ်မူရှိမျှူလောင်းဟို ခံနေရဟူ ဒီမာ ထူးသဖြင့် အောန်မြင်ဂေလေဟယ်။ 38 ဖြားဖြစ်ကြောင့်နန်းဆိုဟာ နို့လေယောင်ကြည်ရှင်းဟာ သေရှင်းတရားဘဲဖြစ်ဖြစ်၊ သတ်ရှင်ရှင်းဘဲဖြစ်ဖြစ်၊ ကောင်းဂန်တမန်ဘဲဖြစ်ဖြစ်၊ ထွဋ်မြတ်ဘဲဖြစ်ဖြစ်၊ အာဏာတဂိုးဘဲဖြစ်ဖြစ်၊ ပစ္စုပ္ပန်ဘဲဖြစ်ဖြစ်၊ နာဂတ်ဘဲဖြစ်ဖြစ်။ 39 ကောင်းဂန်ထတ်ရာဘဲဖြစ်ဖြစ်၊ မွေ့ဂီးအော့-ကံရာဘဲဖြစ်နေပါစေ၊ ဖန်ဆင်းခံဟားဇာ ဖယ်ဇာမဆို

သခင် ယေရှုခရစ်တော်အားဖြင့် ခံစားရဟူ ဘုရားသခင်ရဲ့ မြစ်တာတော်န နို့လေဟို ကွာစေနိုင်ဟူစာ ခုလည်း မေ့ဟု ဆိုဘီး ငါ ယောင်ကြည်စိန္တဟုယ်။

9 ငါဟာ ခရစ်တော်အားဖြင့် မုသားပါဘဲန မှန်တိုင်းပြောဟုယ်။ ငါရဲ့သိစိတ်ထဲမှာ သန့်ရှင်းဟူ ဝိညာဉ်တော်ဟာ ငါနတူးဒု သတ်သေခံဟူစာဟု။ **2** ငါဟာ စိန်လုံးထဲမှာ ပူပန်ရှင်းဝေဒနာဟို ခီတိုင်းခံစားရဘီး ရရာတိုင်း ဝန်းနဲ့ပုဆွေးနေရပါဟုယ်။

3 ဖြားဖြစ်ကြောနဲ့နဲ့ဆိုဟာ သွီးသားဇာတိအားဖြင့် ကိုယ့်လူမျိုးလေဖြစ်ဟူ ငါရဲ့ ညီကို မောနနမလေတွပ် ငါကိုယ်တိုင် ခရစ်တော်နကွာဘီးဟာ ကိရှင်းအမင်္ဂလာဟိုဘဲ ခံလိုဟူ ဆန္ဒရှိဟုယ်။ **4** သူးနို့လေဟာ ကုသရလေလူမျိုးလေ ဖြစ်ဟူကြောနဲ့ သားမီးရာနဖြစ်ဖြစ် ဖောင်းအာနတော်တော်နဖြစ်ဖြစ်၊ ပဋိညာဉ်တရားလေနဘဲဖြစ်ဖြစ်၊ ပညတ်တော်လေပေးရှင်းဘဲဖြစ်ဖြစ်၊ ဝတ်ပြုကိုးကွယ်ရှင်းနဘဲဖြစ်ဖြစ်၊ ဂဒိတော်လေနဘဲဖြစ်ဖြစ် စပ်ဆိုင်သူလေဖြစ်ဂေဟုယ်။ **5** သူးနို့လေဟာ ရှေးဘိုးဘေးလေဟု ဆင်းသတ်လာဟူ သူလေဖြစ်ဂေဟုယ်။ ခရစ်တော်ဟုလည်းဘဲ လူဇာတိအားဖြင့် သူးနို့လေရဲ့ မျိုးနွယ်ဖြစ်လေဟုယ်။ ကိုယ်တော်ဟာ ရှိမျှဂူလောင်းဟို စိုးရဘီး ထာဝရမင်္ဂလာရှိဟူ ဘုရားသခင် ဖြစ်တော်မူဟုယ်။ အာမင်။

(aiōn g165) **6** အယ်မျိုးပြောစာဟု ဘုရားသခင်ရဲ့ ဂဒိတော် တည်ဟု ဆိုဘီး ငါဆိုလိုစာ မူဟု။ ဖြားဖြစ်ကြောနဲ့နဲ့ဆိုဟာ ကုသရလေနွယ်ဟုနော်ဘီး ဆင်းသတ်လာဟူ လူလေဂူလောင်းဟာ ကုသရလေလူမျိုးမှန် မူဟု။ **7** အယ်မျိုးဘဲ အာဗြဟံဟုနေ ဆင်းသတ်လာဟူ လူလေလည်း အာဗြဟံရဲ့သားမှန် မူဟု။ “ဣဇာက်အားဖြင့်ဘဲ နန့်မျိုးနွယ် တည်ရမယ်” ဆိုဘီး ဂတိတော်ရှိလေဟုယ်။ **8** အယ်ကြောနဲ့ ဇာတိအားဖြင့် မွီးဖွားလာဟူ သားလေဟာ ဘုရားသခင်ရဲ့ သားမီးမှန် မူဟု။ ဘုရားသခင်ရဲ့ ဂဒိတော်အားဖြင့် မွီးဖွားလာဟူ သားမီးလေဟိုဘဲ စစ်မှန်ဟူ မျိုးနွယ်ဖြစ် သတ်မှတ်တော်မူလေဟုယ်။

9 ဖြားဖြစ်ကြောနဲ့နဲ့ ဆိုဟာ ဂဒိတော်ဟု “ခီတန်ဟာ ငါပွန်လာမယ်။ စာရာဟု သားဟို ရလေမယ်” ဆိုဘီး ဖြစ်ဟုယ်။ **10** အယ်လော့-က်ဘဲ မူဟု နို့လေရဲ့ ဘိုးဘေး ဣဇာက်ဟာ ရေပက္ကာ န အီထောန်ပြုဘီး ဗိုက်ရလာဟူ ခီမာ **11** သားလေမွီးဖွားခန့်မာ အယ်သားလေဟာ ကောန်းဇာရော၊ ဆိုးဇာရော လောက်ခန်ဂဒဲဟု ဘုရားသခင်ရဲ့ ဝီးကော့-က်တော်မူရှင်းန စပ်ဆိုင်ဟူ ကြံစည်တော်ဟာ ကျင့်အားဖြင့်မူဘဲန ခေါ်တော်မူဟူသူအားဖြင့်ဘဲ တည်စေဘီး၊ **12** “သားဂီးဟာ သားငယ်မာ ကျွန်ခံရလေမယ်” ဆိုဘီး ရေပက္ကာဟို မိန့်တော်မူလေဟုယ်။ **13** ကျမ်းစာလာစာဟု “ယာကုပ်ဟို ငါရှစ်ဟုယ်။ ဧသောဟို မူးဟုယ်” ဆိုဘီး လာလေဟုယ်။ **14** အယ်မျိုးဆိုဟာ ဖယ်မျိုးပြောရမယ်နဲ့။ ဘုရားသခင်ဟု တရားဘဲဟူမူဟို လောက်နေဇာလော။ လောင်းဝမူဟု။ **15** ဖြားဖြစ်ကြောနဲ့နဲ့ဆိုဟာ ဘုရားသခင်ဟု မောရှေဟို “ငါ ကျေးဇူးပြုရှင်သူဟို ကျေးဇူးပြုမယ်။ သနားရှင်သူဟို သနားမယ်” ဆိုဘီး မိန့်တော်မူလေဟုယ်။ **16** အယ်ကြောနဲ့ ရှိမျှဂူလောင်းဟာ လူလေရဲ့ လိုအင်ဆန္ဒန ကြိုးစားလောက်ဆောန်ရှင်းထတ်မာ မူတည်ဘဲန ကျေးဇူးပြုတော်မူဟူ ဘုရားသခင်ရဲ့ ကရုဏာထတ်မာဘဲ မူတည်ဇာ ဖြစ်လေဟုယ်။ **17** ကျမ်းစာမာ ဖာရောမန်းဂီးဟို မိန့်တော်မူစာဟု “နန့်ဟို မန်းဂီးရာမာ ငါချီးမြှော့-က်ဟူ ဇာဟာ နန့်အားဖြင့် ငါတိုင်းဟို ထန်ရှားပြုဘီး ငါနာမဟို တလောကလောင်းမာ ကျော်ဇောသွားစေဟိုတွပ် ဖြစ်ဟုယ်” ဆိုဘီး မိန့်တော်မူလေဟုယ်။ **18** အယ်ကြောနဲ့ ဘုရားသခင်ဟာ သနားရှင်သူဟို သနားတော်မူဘီးဟာ မော့-က်မာစေရှင်သူဟို မော့-က်မာစေတော်မူလေဟုယ်။ **19** “အယ်မျိုးဆိုဟာ ဘုရားသခင်ဟု လူလေဟို ဖယ်မျိုးဖြစ်ကြောနဲ့ ပြစ်တန်သေးနဲ့။ ဖယ်သူဟု ကိုယ်တော်ရဲ့ လိုတော်ဟို ဆန်ကျင်နိုင်မယ်နဲ့” ဆိုဘီး ငါ့ဟို မေးလေမယ်။ **20** မိဆွေ နန့်ဟာ ဖယ်မျိုးသူဖြစ်ဟူကြောနဲ့ ဘုရားသခင်ဟို ပွန်ခံပြောဆိုနဲ့။ ဖန်းဆင်းခံဟု ဖန်ဆင်းရှင်ဟို “ဖြားဖြစ်ကြောနဲ့ ကိုယ်တော်ဟာ ကျွန်တော်ဟို အယ်မျိုးလောက်ရနဲ့” ဆိုဘီး ပြောခွဲရှိဟူကြောနဲ့လော။ **21** အိုးလောက်မားဟု အိုးမွေဟို သူကြိုက်ဟူ ပေါင်စံဟို လောက်ပိုင်ခွင့် ရှိဟုယ် မူဟုလော။ အိုးမွေတခုဒဲန အသရေရှိဟူအိုးန အသရေမေ့ဘဲဟူအိုးဟို လောက်ပိုင်ဟုယ် မူဟုလော။ **22** အယ်သောမဲ့ ဘုရားသခင်ဟာ မျစ်တော်ဟို ပြဟိုတွပ်န သူရဲတိုင်းတော်ဟို သိစေဟိုတွပ် လိုတော်ရှိရစ်န ဖျစ်ဆီးဟိုပြင်ဟားဟူ မျစ်တော်နဆိုင်ဟူ အိုးခွပ်လေဟို ရရာတိုင်း

စိရယ်ဘီး သီးခံတော်မူဟု ဆိုဟာ ဖယ်မျိုး ပြောစာရှိအူးမယ်နဲ့။ 23 နော့-ကံဘီး ဖောင်းသရေတော်တွင် ကြိုတန်ပြင်ဆင်ဟူးဟူ ကရုဏာတော်နဆိုင်ဟူ အိုးခွပ်လေမာ သူရဲဖောင်းသရေတော်ရဲ့ ကြွယ်ဝမှုဟို သိဟို့တွင် ပြုတော်မူဟု ဆိုဟာ ဖယ်မျိုးနဲ့။ 24 ဘုရားသခင်ဟာ နို့လေဟို အယ်ကရုဏာတော်န ဆိုင်ဟူ အိုးလေဖြစ် ယုဒလူမျိုးလေ သတ်သတ်ဘဲမှတ်န လူမျိုးခြားလေထဲမာလည်း ခေါ်တော်မူလေဟယ်။ 25 ဟောရှေရဲ့ ကျမ်းစာနှိုက် “ငါ့ရဲ့လူမှုဘဲဟူ သူလေဟို ‘ငါ့ရဲ့လူလေ’ ဆိုဘီး ငါခေါ်မယ်။ ငါရှစ်ဘဲဟူ လူမျိုးလေဟို ‘ငါရှစ်ဟူ လူမျိုး’ ဆိုဘီး ငါခေါ်မယ်။ 26 ‘နန်းနို့ဟာ ငါ့ရဲ့လူ မူဟု’ ဆိုဘီး ပြောဟူအရပ်မာ သူးနို့လေဟာ ‘သတ်ရှင်တော်မူဟူ ဘုရားသခင်ရဲ့ သားလေ’ ဆိုဘီး ခေါ်ခံရလေမယ်” ဆိုဘီး မိန့်တော်မူလေဟယ်။ 27 ပရောဖက် ဟောရှာယဟုလည်း ကူသရေလ လူမျိုးလေဟို ရည်ရွယ်ဘီး ပြောဟူဇာဟု “ကူသရေလ လူမျိုးလေဟာ ပန်လယ်သဲလောင်းနမူ များဟူလည်းဘဲ နဲစုလော့-ကံဘဲ ကယ်တန်ခံရလေမယ်။ 28 ဖြားဖြစ်ကြောနဲ့ဆိုဟာ ဘုရားသခင်ဟာ မိန့်တော်ရှိဟူတိုင်း ငွေဇီးထတ်မာ ပွဲဇောင်စေဘီး ခီဆွဲဘဲန ပြုလောက်တော်မူလေမယ်” ဆိုဘီး ကြွေးကြော်လေဟယ်။ 29 နော့-ကံဘီး ဟောရှာယဟု “ကောန်းဂန်ဗိုလ်ခေရှင် ဘုရားသခင်ဟာ နို့လေတွင် မျိုးနွယ်ဟို ချန်ဟူးဘဲနဟော နို့လေလည်း သောဒ်ဗြို့နတူဘီး ဂေါမောရဗြို့မျိုး ဖြစ်ရလေမယ်” ဆိုဘီး ကြိုတန်ပြောဟူတိုင်းဘဲ ဖြစ်လေဟယ်။ 30 အယ်မျိုးဆိုဟာ နို့လေ ဖယ်မျိုးပြောရဟူနဲ့။ ဖြောန့်မတ်ရှင်းဟို ရဟို့တွင် ကြိုးစားဘဲဟူ လူမျိုးခြားလေဟာ ဖြောန့်မတ်ရှင်းဟို ခံရဂေလေဟယ်။ အယ်မျိုးခံရဇာဟု ယောင်ကြည်ရှင်းအားဖြင့် ခံရဟူ ဖြောန့်မတ်ရှင်းဟို ဆိုလိုဇာဖြစ်ဟယ်။ 31 အယ်ဘေမဲ့ ပညတ်တရားဟို မှီအောန်လိုက်ဟူ ကူသရေလ လူမျိုးလေဟာ ဖြောန့်မတ်ရှင်း တရားဟို မှီဂေဟူ။ 32 ဖြားဖြစ်ကြောနဲ့ မှီဟူနဲ့။ ယောင်ကြည်ရှင်းအားဖြင့် လိုက်ဘဲန၊ ပညတ်တရားရဲ့ ကျင့်အားဖြင့် လိုက်ဘီး ကျမ်းစာမာ ဖော်ပြဟူးဟူ “ထိမိဘီးလဲတတ်ဟူလော့-ကံ” ဟို တိုက်မိဘီးလဲဟူကြောန့် ဖြစ်လေဟယ်။ 33 ကျမ်းစာဟု “ကျေရူဂေ၊ လူလေ ထိမိလဲတတ်ဟူ လော့-ကံဟို ဇီအုန်တောန်ထတ်မာ ငါ့လွှာမယ်။ အယ်လော့-ကံဟို လူလေ ထိမိလဲဂေလေမယ်။ အယ်ဘေမဲ့ အယ်လော့-ကံဟို မှီပြုဟူ သူလေဟာ ယုစ်ကြော့-ကံစိပျစ်မှု မေ့ဟု” ဆိုဘီး ဖော်ပြဟူးလေဟယ်။

10 ညီကို မောန်နမလေ ငါဟာ ကူသရေလူမျိုးလေ ကယ်တန်ရှင်းရဟို့တွင် စေတနာစိပွဲဝန် ဘုရားသခင်ဆီမာ ဆုတောင်းလေ့ရှိပါဟယ်။ 2 အယ်သူလေဟာ မှန်ဟူပညာ မေ့ဘဲဟူလည်းဘဲ ဘုရားသခင်ဖတ်မာ ရရာတိုင်း စိအားကီးကြောန်းဟို သူးနို့လေတွင် ငါသတ်သေခံပါဟယ်။ 3 သူးနို့လေဟာ ဘုရားသခင်ပြင်ဆင်ပေးဟူ ဖြောန့်မတ်ရှင်းတရားဟို သိဘဲန ကိုယ်ဖြောန့်မတ်ရှင်းဟို တည်စေဟို့တွင် ရှာကြိဟူကြောန့် ဘုရားသခင်ပြင်ဆင်ပေးဟူ ဖြောန့်မတ်ရှင်းတရားဟို နန်ခံဂေဟူ။ 4 ယောင်ကြည်ဟူ လူလေ ဂူလောင်းဟာ ဖြောန့်မတ်ရာဟို ရော့-ကံဟို့တွင်ကြောန့် ပညတ်တရားဟာ ခရစ်တော်အားဖြင့် ပွဲဇောင်စေဟယ်။ 5 မောရှေဟုလည်း “အယ်ကျင့်ဟို ကျင့်ဟူသူဟာ အယ်ကျင့်အားဖြင့်ဘဲ သတ်ရှင်လေမယ်” ဆိုဘီး ပညတ်တရားနဆိုင်ဟူ ဖြောန့်မတ်ရှင်းဟို ရည်ရွယ်ဘီးဟာ ရေးဟူးလေဟယ်။ 6 ယောင်ကြည်ရှင်းအားဖြင့်ရဟူ ဖြောန့်မတ်ရှင်းနပတ်သတ်ဘီး ကျမ်းစာတော်ဟု “ဖယ်သူဟု ကောန်းဂန်ဟို တတ်မယ်နဲ့။ ဆိုဘီး စိနလောင်းထဲဟုမေးန။ (ဆိုလိုဇာဟု ခရစ်တော်ဟို အော့-ကံဟိုခေါ် ပန်ဟို့တွင်) 7 ဖယ်သူဟု အော့-ကံအရပ် နတ်နဲရာထဲဟို ဆင်းမယ်နဲ့။ ဆိုဘီး မေးဂေန” (ဆိုလိုဇာဟု ခရစ်တော်ဟို သေဟူသူလေထဲဟု ခေါ် ပန်ဟို့တွင်ဖြစ်ဟယ်)။ (Abyssos g12) 8 နော့-ကံဘီး ကျမ်းစာတော်ဟု “တရားတော်ဟာ နန်ရဲ့နီးနားမာရှိဟယ်။ နန်ရဲ့နောက်မာဖြစ်ဖြစ် နန်ရဲ့ နှလောင်းမာဖြစ်ဖြစ် ရှိဟယ်” ဆိုဘီး ပြောဟူးဟယ်။ အယ်မျိုးပြောဟူဇာဟု နို့လေ ဟောပြောကြေညာဟူ ယောင်ကြည်ရှင်းတရားဘဲ ဖြစ်လေဟယ်။ 9 ဖယ်မျိုးနူးဆိုဟာ နန်ဟာ သခင်ယေရှုဟို နောက်နဝန်ခံဘီး ဘုရားသခင်ဟု သူဟို သေရှင်းဟုနေ ထမြော့-ကံစေဘီ ဆိုဘီး စိနလောင်းထဲဟုနေ ယောင်ကြည်ဟယ် ဆိုဟာ ကယ်တန်ရှင်းဟို ရော့-ကံလေမယ်။ 10 ဖြားဖြစ်ကြောနဲ့ဆိုဟာ ဖြောန့်မတ်ရာဟို ရော့-ကံဟို့တွင် စိနလောင်းန ယောင်ကြည်ဘီးဟာ ကယ်တန်ရှင်းဟို ရော့-ကံဟို့တွင် နောက်နဝန်ခံရဟယ်။ 11 ကျမ်းစာဟူဇာဟု

“အယ်ကော့-က်ဟို မိုပိဟူသူလေဟာ ယုတ်ကြော-က်ရှင်းမေဟ” ဆိုဘီး လာလေဟယ်။ 12 ယုဒလူမျိုး လူမျိုးခြားဆိုဘီး ခွဲခြားဟု လူမျိုးဂူလောင်းရဲ့ သခင်တပါးဒဲဖြစ်ဟယ်။ ကိုယ်တော်ဟို ဆုတောင်းဟူသူလေဟို ကြွယ်ဝအောန် ကောန်းဂိုးပေးတော်မူဟယ်။ 13 ကျမ်းစာတော်ဟု “ဘုရားသခင်ရဲ့ နာမတော်ဟို အော်ခေါ်ဂေဟူ လူလေ ဂူလောင်းဟာ ကယ်တန်ရှင်း ခံရဂေလေမယ်” ဆိုဘီး လာလေဟယ်။ 14 အယ်ဘေမဲ့ ယောင်ဘဲနနေဟာ ဖယ်မျိုး ဆုတောင်းနိုင်မယ်နူး။ ဒန်းကောန်းဟို ကြားဘဲနနေဟာလည်း ဖယ်မျိုး ယောင်ကြည်နိုင်မယ်နူး။ ဟောပြောဟူသူလေ မေ့ဘဲနနေဟာ ဖယ်မျိုး ကြားနိုင်ဂေမယ်နူး။ 15 လူလေဟို စေလွှတ်ဘဲနနေဟာ ဖယ်မျိုး ဟောပြောနိုင်မယ်နူး။ ကျမ်းစာတော်ဟု “ဒန်းကောန်းဟို သယ်ဆောန်လာဟူသူလေရဲခေဟာ ရရာတိုင်းဘဲ အသရေရှိဘီး တင့်တယ်လေဟယ်” ဆိုဘီး လာလေဟယ်။ 16 အယ်ဘေမဲ့လည်း ဝန်းမြော-က်စာကောန်းဟူ အယ်ဒန်းကောန်းဟို လူတိုင်းနားထောန်ဂေဟာ မူဟု ပရောဖက်ဟောရှာယဟု “အို၊ ဘုရားသခင် ကျွန်တော်ဟားလေဟောပြောဟူ အယ်ဒန်းကောန်းဟို ဖယ်သူလေ ယောင်ကြည်ကြောန်နူး” ဆိုဘီး ပြောလေဟယ်။ 17 အယ်မျိုးဖြစ်ကြောန် ယောင်ကြည်ရှင်းဟာ ဒန်းကောန်းဟို ကြားနာရှင်းအားဖြင့်ဖြစ်ဘီး ကြားနာရှင်းဟာလည်း ခရစ်တော်ရဲ့ စကားတော် ဟောပြောရှင်းအားဖြင့် ဖြစ်လေဟယ်။ 18 အယ်ဘေမဲ့ အယ်ဒန်းကောန်းဟို လူလေ ကြားရဂေဟလော။ တကယ်ဘဲ ကြားရဂေဘီ။ ကျမ်းစာတော်ဟု၊ “သူးနို့ရဲ့ သံဟာ လောကလောင်းဟို ပွဲနွံဟားလေဟယ်။ သူးနို့လေ ဟောပြောဟူ စကားဟာလည်း မွေဂီးစွန်းထိအောန် ရော့-က်လေဘီ” ဆိုဘီး လာလေဟယ်။ 19 နော့-က်ဘီး ငါမေးအူးမယ်။ ကူသရေလ လူမျိုးလေဟာ အယ်မူဇာလေဟို သိဂေဟလော။ မောရှေဟု၊ “ငါဟာ ရေရာဘဲဟူ လူမျိုးလေဟို သောင်းပြုရှင်းအားဖြင့် နန်းနို့လေဟို နာလိုဘဲစိဟို ဖြစ်စေမယ် မိုက်မဲဟူ လူမျိုးလေအားဖြင့် စိဆိုးအောန် ငါပြုမယ်” ဆိုဘီး ရှေ့ဦးဆောင်း ပြောလေဟယ်။ 20 ပရောဖက် ဟောရှာယဟု၊ “ငါဟို ရှာဂေဘဲဟူ သူလေဟာ ငါဟို တွဲရလေမယ်။ ငါရဲ့ ကြောန်းဟို စောင့်ဇမ်း မေးမြန်းဘဲဟူ သူလေနားမာ ငါထန်ရှားမယ်” ဆိုဘီး ရဲရဲရင့်ရင့် ပြောလေဟယ်။ 21 ကူသရေလ လူမျိုးလေန ပတ်သတ်ဘီး နော့-က်ထပ် ပြောဟူဇာဟု “ငါဟို ဆန်ကျင်ပေါင်ကန်ဘီး ငါစကားဟို နားထောန်ဘဲဟူ အယ်လူမျိုးလေနားဟို တနေလောင်း ငါလတ်ဟို ကမ်းဟားရဟယ်” ဆိုဘီး ပြောလေဟယ်။

11 အယ်မျိုးဆိုဟာ ဘုရားသခင်ဟု သူ့ရဲ့လူမျိုးနွယ်ဟို ပယ်လိုက်ဘီလော။ ဆိုဘီး မေးမယ် ဆိုဟာ လောင်းဝပယ်ဟု! ငါကိုယ်တိုင်ဘဲ ကူသရေလလူမျိုးဖြစ်ဘီး အာဗြဟံဟုနေ ဆင်းသတ်လာဟူ ဗယံမိန်နွယ်ဖြစ်ဟယ်။ 2 ဘုရားသခင်ဟာ စစဒူးဟု သူဝီးကော့-က်ဟူ သူ့လူမျိုးလေဟို စွန့်ပယ်တော်မူဟု။ ပရောဖက်ဇလိယဟု ကူသရေလ လူမျိုးလေရဲ့ မိုက်မဲမှုဟို ဘုရားသခင်နား ကြားလျှော့-က်ဟူ ကြောန်းရာဟို ကျမ်းစာမာ ဖယ်မျိုးဖော်ပြဟားနူးဆိုဇာ နန်းနို့သိဂေလေဟယ်။ 3 သူဟု “အို၊ ဘုရားသခင်၊ သူးနို့လေဟာ ကိုယ်တော်ရဲ့ ပရောဖက်လေဟို သတ်ဘီးဟာ ယဇ်ပလ္လင်လေဟို ဖြိုဖျစ်ဂေပါဘီ။ ကျွန်တော်တယော့-က်ဒဲဘဲ ကျန်ရစ်ဘီး ကျွန်တော်ဟိုလည်း သတ်ဟိုရှာနေဂေပါဟယ်” ဆိုဘီး လျှော့-က်လေဟယ်။ 4 အယ်မျိုးလျှော့-က်ဟူ ဒီမာ ဘုရားသခင်ဟု ဇလိယဟို ဖယ်မျိုး ဗျာဒိတ်ပေးဟယ်နူး။ ဘုရားသခင်ဟု “ဗာလရေမာ ဒူးထော့-က်ဝတ်ပြုဘဲသူ ၇,၀၀၀ ဟို ငါ့တွပ် ချန်ဟားဟယ်” ဆိုဘီး မိန်တော်မူလေဟယ်။ 5 အယ်မျိုးဘဲ ခုကာလမာလည်း ကျေးဇူးတော်အားဖြင့် ဝီးကော့-က်ခံရဟူသူ ကြွင်းကျန်ရှိသေးဟယ်။ 6 ကျေးဇူးတော်အားဖြင့် ဝီးကော့-က်ရှင်းခံရဟယ် ဆိုဟာ ကိုယ့်ရဲ့ကျင့်အားဖြင့် မူဟု။ ကိုယ့်ရဲ့ကျင့်ကြောန် ဆိုဟာလည်း ကျေးဇူးတော်စစ်မှန် မူဟု။ 7 အယ်ဆိုဟာ ဖယ်မျိုးပြောရမယ်နူး။ ကူသရေလလူမျိုးလေဟာ သူးနို့ကြိုးစားဘီး ရှာဖွေဇာဟို တွဲဂေဟု။ အယ်ရာဟို ဝီးကော့-က်ရှင်းခံရသူလေဘဲ တွဲရဘီး ကျန်ဟူသူလေဟာ မှောန်မိုက်ဖောင်းလွမ်းကြောန်နေဂေဟယ်။ 8 ကျမ်းစာဟု “ဘုရားသခင်ဟာ သူးနို့လေရဲ့ စိနလောင်းဟို မိုက်စေတော်မူဘီး ပြင်ဘဲဟူမျစ်စိန်၊ ကြားဘဲနားဟို ပေးတော်မူဘီ” ဆိုဘီး လာလေဟယ်။ အယ်ကြောန် အယ်နေထိ သူးနို့လေဟာ မပြင်ခိုင် မကြားနိုင်ဂေဟု။ 9 နော့-က်ဘီး ဒါဝိဒ်ဟုလည်း “သူးနို့ရဲ့ စားဗွဲဟာ သူးနို့တွပ် ကျော့ကွမ်းဟူမျိုး၊ ထောန်ချော့-က်ဟူမျိုး၊ မှားယွင်းစေတတ်ဟူရာဟူမျိုး၊ လတ်တုံ့ပုန်ဇာမျိုး ဖြစ်ပါစေ။ 10 သူးနို့ရဲ့ မျစ်စိ ကေဟို ပြင်ဘဲနေအောင် ကွယ်ပါစေ။ သူးနို့ရဲ့

ခါးလည်းဘဲ မြဲဒမ်း ကူးပါစေ” ဆိုဘီး ဆိုဟားလေဟယ်။ **11** အယ်မျိုးဆိုဟာ ကုသရေလလူမျိုးလေ ထိမိဘီး လဲဂေဘီလော။ လဲဂေဟု! သူးနီလေ ပြစ်မှားဟူဇာအားဖြင့် လူမျိုးခြားလေဆီဟို ကယ်တန်ရှင်း သတ်ဇော- ကံစေဘီး အယ်မူရာအားဖြင့် ယုဒလူမျိုးလေရဲ့ နာလိုဘဲဟူ စိတ်ဟို ဖြစ်ပေါ်လာစေဟယ်။ **12** သူးနီလေရဲ့ ပြစ်ကျူးလွန်မှုဟာ လောကီသားလေရဲ့ ကြွယ်ဝမှုဟို ဖြစ်စေဘီး သူးနီလေရဲ့ ဆောင်းရှောင်းမှုဟာ လူမျိုးခြားလေဟို ကောင်းဂျီးဖြစ် စေဟယ် ဆိုဟာ သူးနီရဲ့ ပွဲဇောင်မှုဟာ ဖယ်မျှလော့- ကံများဟူ ကျိုးဟို ဖြစ်စေလေ့မယ်နူး။ လူမျိုးခြားလေ ကယ်တန်ရှင်း ခံရဟူကြောင်း **13** အယ်ကြောန့် လူမျိုးခြားဖြစ်ဟူ နန်းနီဟို ငါပြောရှင်ဇာဟု၊ ငါဟာ လူမျိုးခြားလေခိုင်ဟူ တမန်တော်ဖြစ်ဘီး ငါရဲ့ မှုဆောန်လောက်ငန်းဟို ဂေါင်ယူဝါကြားဘီး **14** တနည်းအားဖြင့် ငါလူမျိုးလေရဲ့ မနာလိုစိတ်ဟို ဖြစ်ပေါ်စေရှင်းအားဖြင့် သူးနီလေထဲဟု လူတချို့ဟို ကယ်တန်ရှင်ဟိုတွင် မျှော်လင့်နေပါဟယ်။ **15** ဖြားဖြစ်ကြောန့်ဆိုဟာ သူးနီလေပစ်ပယ်ခံရဟူဇာဟု လောကသားလေတွင် မိတ်သဟာယဖွဲ့ရှင်းခွဲဖွဲ့ ဖြစ်ဟယ် ဆိုဟာ၊ သူးနီဟို ယွန်ဘီးလတ်ခံဟူဇာဟု သေဟားဘီးသူလေ သတ်ယွန်ရှင်လာဟူဇာမျိုး ဖြစ်လေ့မယ် မူဟုလော။ **16** ရင်ဦးဆောင်းနယ်ဟူ မုညစ်ဟာ သန့်ရှင်းဟယ်ဆို တအိုးလောင်း သန့်ရှင်းလေ့မယ်။ သစ်ပြစ် သန့်ရှင်းဟယ် ဆိုဟာ ကိုင်းခတ်လေ ဂူလောင်း သန့်ရှင်းလေ့မယ်။ **17** အယ်ဘောမဲ့ တချို့ သံလွင်ခတ်ဟို ခွတ်ဖြတ်ဘီး ရိုင်းဟူ သံလွင်ဗန်ဖြစ်ဟူ နန်းနီလေဟို အယ်မူသံလွင်ဗန်ငုထတ်မာ ကိုင်းဆစ်စိုက်ပျိုးဟူကြောန့် သံလွင်ဗန်ရဲ့ သစ်ပြစ်ဟုနော့ဘီး ဆီနစ်န ဩဇာဟို မျှဝါခံစားဟူ သူဖြစ်လာဟယ် ဆိုဟာ **18** အယ်မူကိုင်းခတ်လေထတ်မာ ဝါကြားဟူစိ ရှိဂေဟု။ ဝါကြားဟယ် ဆိုဟာလည်း နန်ဟာ သစ်ပြစ်ဟို ထော့-ကံမဟူ ဇာမူဟု။ သစ်ပြစ်ဟု နန်ဟိုထော့-ကံမဟူ ဇာဖြစ်ဟယ်။ **19** အယ်ဘောမဲ့ နန်ဟု “ကျွန်တော့်ဟို ကိုင်းဆစ်ကူးဟိုတွင် အယ်မူကိုင်းခတ်လေဟို ခွတ်ပစ်ခံရဟယ်” ဆိုဘီး ပြောလေ့မယ်။ **20** နန်းနီပြောဟူတိုင်း မှန်ဟယ်။ သူးနီလေဟာ ယောင်ကြည်ဘဲကြောန့် ခွတ်ပစ်ခံရဘီး နန်းနီလေဟာ ယောင်ကြည်ဂေဟူကြောန့် တည်နေလေဟယ်။ အယ်ဘောမဲ့ မော့-ကံမာထောန်လွှားဟူစိ မော့ဘဲန ကြော့-ကံရှုံဟူ စိရှိဂေပါ။ **21** ဖြားဖြစ်ကြောန့်ဆိုဟာ ဘုရားသခင်ဟု နဂိုသံလွင်ဗန်ရဲ့ ကိုင်းခတ်ဟို ဗြောဘဲန ခွတ်ပစ်ဟယ် ဆိုဟာ နန်းနီလေဟိုလည်း ဗြောဟို မူဟု။ **22** အယ်ကြောန့် ဘုရားသခင်ရဲ့ ပြင်းထန်ဟူစိရင်ရှင်းန ကျေးဇူးပြုရှင်းလေဟို ကော့ဂေပါ။ ပြင်းထန်ဟူစိရင်ရှင်းဟာ လဲဟူသူလေထတ်မာရှိဘီး ဘုရားသခင်ရဲ့ ကျေးဇူးပြုတော်မူရှင်းကြောင်းရာဟု၊ နန်ဟာ အယ်မူကျေးဇူးတော်န တည်နေမယ် ဆိုဟာ ဘုရားသခင်ရဲ့ ကရုဏာတော်ဟာ နန်ထတ်မာရှိဟယ်။ တည်ဘဲနနေဟာ နန်လည်း ခွတ်ပစ်ရှင်းခံရလေ့မယ်။ **23** ယုဒလူမျိုးလေဟာ ယောင်ကြည်ဘဲဟူစိဟို စွန့်ပစ်ဘီး ယောင်ကြည်မယ် ဆိုဟာ ပန်ငုထတ်မာ နော့-ကံထပ်စိုက်ပျိုးဟိုတွင် ဘုရားသခင်တတ်နိုင်တော်မူဟယ်။ **24** ဖြားဖြစ်ကြောန့်ဆိုဟာ လူမျိုးခြားလေဖြစ်ဟူ နန်းနီလေဟို နဂိုရိုင်းဟူသံလွင်ဗန်ဟုနော့ ခွတ်ယူဘီးဟာ ယဉ်ဟူသံလွင်ဗန်မာ ကိုင်းဆစ်ဘီး စိုက်ပျိုးရဟယ် ဆိုဟာ၊ ယဉ်ဟူသံလွင်ဗန်ရဲ့ နဂိုကိုင်းလေဖြစ်ဟူ ယုဒလူမျိုးလေဟို ယွန်ဘီးလာစိုက်ပျိုးမယ် ဆိုဟာ ပိုဘီး ဟာ လွယ်ကူလေ့မယ် မူဟုလော။ **25** ညီကို မောန်နုမလေ၊ နန်းနီလေဟာ ကိုယ့်ကိုယ်ကိုယ် ပညာသတိရှိဟူသူ ဆိုဘီး ထန်မှတ်ဘဲနေဟိုတွင် အယ်မူလျှိုဥပန်တန်ဟူရာဟို သိဘဲန နေစေရှင်ဟု။ အယ်မူလျှိုဥပန်တန်ဟူရာဟု ကုသရေလ လူမျိုးလေမာ မာကျောခတ်ထန်ဟူ သူတချို့ ရှိဟူဇာကြောင်းဟု လူမျိုးခြားလေ စောင်းစောင်းလင်းလင် ဝမ်ဇော-ကံလာဟူ ခီထိဖြစ်ဘီး၊ **26** အယ်ဘီးမှ ကုသရေလ လူမျိုးလေဟာ ကယ်တန်ရှင်းခံရလေ့မယ် ဖြစ်ဟယ်။ ကျမ်းဇာဟု၊ “ကယ်တန်ဟူ သခင်ဟာ ဇီအုန်တောန်ဟုနော့ ကြွလာဘီး၊ ယာကုပျိုးနွယ်ထဲဟုနော့ တရားဘဲဟူမူလေ ဂူလောင်းဟို ဖယ်ရှားတော်မူလေ့မယ်။ **27** သူးနီလေရဲ့ ပြစ်လေဟို ငါဖယ်ရှားပေးဟူ ခီမာ သူးနီလေဟို ငါပေးဟူ ပဋိညာဉ်တရားဟု အယ်မျိုး တရားဘဲ ဖြစ်ဟယ်” ဆိုဘီး လာလေဟယ်။ **28** ကောင်းမြတ်ဟူ ဒန်းကောင်းအားဖြင့် သူးနီလေဟာ နန်းနီတွင်ကြောန့် ရန်သူလေ ဖြစ်လာဂေဘီး ဝီးကော့-ကံတော်မူဟူ ဇာအားဖြင့် ရှေးဘိုးဘေးလေကြောန်းကြောန့် ရှစ်ရဟူသူ ဖြစ်လာဂေဟယ်။ **29** ဖြားဖြစ်ကြောန့်ဆိုဟာ ဘုရားသခင်ပေးတော်မူဟူ ဝီးကော့-ကံရှင်း ကောင်းဂျီးမင်္ဂလာဟာ လွှန်းလဲမှုမေ့တတ်ဟု။ **30** နန်းနီလေဟာ စဒူးဟု ဘုရားသခင်ရဲ့ စကားတော်ဟို

နားထောင့်ဘဲနေဟူလည်းဘဲ ခု သူးနီလေ နားထောင့်ဘဲနေကြောန့် နန်းနီလေဟာ ကရုဏာတော်ဟို ခံစားရဂေဟယ်။
31 အယ်မျိုးဘဲ ဘုရားသခင်ရဲ့ ကရုဏာတော်ဟို နန်းနီခံစားရဟူမျိုး ယုဒလူမျိုးလေလည်း ကရုဏာဟို ခံစားရဟိုတွင်
 ဘုရားသခင်ရဲ့ စကားတော်ဟို ခု နားထောင့်ဘဲ နေရဂေဟယ်။ **32** ဘုရားသခင်ဟာ သူရဲ့ ကရုဏာတော်ဟို လူလေ
 ဂူလောင်း ခံစားရရှိဟိုတွင် လူလေဟို နားမထောင့်ရှင်းအားဖြင့် ချောက်ဟားလေဟယ်။ (eleēsē g1653) **33** ဘုရားသခင်ရဲ့
 ပညာန ဉာဏ်တော်ဟာ ရရာတိုင်းဘဲ နတ်နဲလွန်းပါဟယ်။ စီရင်တော်မူချစ်လေဟို ဖယ်သူလည်း လေ့လာဟိုကူနိုင်ဟာ။
 ဖယ်သူရှင်းပြနိုင်ဟူကြောန့်နူး။ ကြွတော်မူဟူလမ်းလေဟို လိုက်ရှာဟူလည်းဘဲ တွဲလည်းမတွဲ မှီလည်းမမှီနိုင်ဟာ။ **34**
 ကျမ်းစာဟာ “ဖယ်သူဟာ ဘုရားသခင်ရဲ့ စိတ်တော်ဟို သိနူး။ ဖယ်သူဟာ ကိုယ်တော်ရဲ့ တိုင်ပင်ခံဖြစ်ဖူးနူး။ **35** ကိုယ့်ဟို
 ကျေးဇူးဆပ်ရအောင်၊ ဖယ်သူဟာ ကိုယ်တော်ဟို ကျေးဇူးပြုဖူးနူး” ဆိုဘီး ဖော်ပြဟားဟယ်။ **36** ရှိမျှဂူလောင်းဟာ
 ကိုယ်တော်ရဲ့ ထဲဟာ ကိုယ်တော်အားဖြင့် ကိုယ်တော်ရဲ့ တွင်ဘဲ ဖြစ်လေဟယ်။ ကိုယ်တော်ဟာ ကမ္ဘာဆစ်ဆစ်
 ဖောင်းကီးတော်မူပါစေ! အာမင်။ (aiōn g165)

12 အယ်မျိုးဖြစ်ကြောန့် ညီကို မောန်နမလေ၊ ဘုရားသခင်ရဲ့ ကရုဏာတော်အားဖြင့် နန်းနီလေဟို
 ငါတိုက်တွန်းနှိုးဆော်ရှင်ဇာဟာ နန်းနီလေရဲ့ ကိုယ်ခန္ဓာဟို ဘုရားသခင် နှစ်သက်ဟူ သန်ရှင်းရှင်း
 လတ်ခဏာဘောင်းဇောင်န ပွဲဇောင်ဟူ သတ်ရှင်ရှင်း ယစ်ဖြစ် ဆစ်ကပ်ပူဇော်ဂေပါ။ အယ်မျိုးပြုဟူဇာဟာ နန်းနီလေဟာ
 မှန်ကန်ဟူ ဝတ်ပြုကိုးကွယ်ရှင်း ဖြစ်လေဟယ်။ **2** နန်းနီလေဟာ လောကီ ပေါင်သဏ္ဌာန်ဟို ဆောန်ဂေန။ ကောင်းမြတ်ဟူဇာ၊
 စောင်လင်ဟူဇာဖြစ်ဟူ ဘုရားသခင် လိုတော်ရှိဟူဇာဟာ ဖယ်မျိုးဇာဖြစ်ဟယ် ဆိုဇာဟို ပိုင်းခြားနိုင်ဟိုတွင် စိန်လောင်းဟို
 သစ်ပြုပြင်ရှင်းအားဖြင့် ပေါင်သဏ္ဌာန် ဟွန်းလဲရှင်း ရှိဂေပါ။ (aiōn g165) **3** နန်းနီလေဟာ ကိုယ့်ကိုယ်ကိုယ် တိုင်းထက်လွန်
 ထန်ဘဲနေဟိုတွင် ငါခံရဟူ ဘုရားသခင်ရဲ့ ကျေးဇူးတော်ဟို အားကိုးဘီးဟာ မှာကြားရှင်ပါဟယ်။ နန်းနီလေဟို
 ဘုရားသခင်ခွဲစိပေးဟူ ယောင်ကြည်ရှင်း တိုင်းတာန ကိုယ့်ကိုယ်ကိုယ် ထန်သင့်ဟူတိုင်း ထန်မှတ်ဂေပါ။ **4** ဥပမာ ကိုယ်ခန္ဓာ
 တခုခုရှိဟူ အင်္ဂါစိပိုင်းလေဟာ တူညီဘဲဟူလောက်ဆောန်မှု ကိုယ်စီရှိဟူမျိုး၊ **5** ဘောင်ဂီးဖြစ်ဟူ နီလေဟာလည်း
 ခရစ်တော်န တလောင်းတဝဒဲဖြစ်ဘီး ဂူလောင်းဟာ ကိုယ်ခန္ဓာရဲ့ ကွဲပြားခြားနားဟူ အင်္ဂါစိပိုင်းလေဖြစ်န ရှင်းရှင်း
 ပေါန်းစည်းဟားဇာဖြစ်ဘီး၊ **6** နီလေမာ ပေးအပ်တော်မူဟူ ကျေးဇူးတော်တိုင်း ထူးထူးပြားပြားရှိဟူ ဆုကျေးဇူးတော်လေဟို
 ရရှိဂေဟယ်။ အယ်ကြောန့် အယ်ဆုကျေးဇူးဟာ ပရောဖက်ပြု ဟောပြောရှင်းဖြစ်ဟယ် ဆိုဟာ ယောင်ကြည်မှု
 ပမာဏဟို ရဟူတိုင်း ပရောဖက်ပြု ဟောပြောစေ။ **7** ဓမ္မမှုဆောန် ရာဟို ရဟယ် ဆိုဟာ ဓမ္မမှုဟို ဆောန်ရွပ်စေ။
 ဆောင်းမဩဝါဒ ပေးဟူသူ ဖြစ်ဟယ် ဆိုဟာ အယ်မှုဟို လောက်ဆောန်စေ။ **8** တိုက်တွန်းအားပေးဟူသူ ဖြစ်ဟယ် ဆိုဟာ
 တိုက်တွန်းအားပေးရှင်းမှုဟို ပြုစေ။ ဝီမျှပေးကမ်းသူဟာ ရစ်ရစ်ရောရော ပေးကမ်းစေ။ စီမံအောက်ချောက်ဟူ သူဟာ
 လောင်းလဝီရိယန စီမံအောက်ချောက်စေ။ သူတပါးဟို မစသနားရှင်းမှုဟို ပြုသူဟာ စေတနာစိန် ကူညီမစေ။ **9**
 မြစ်တာဟာ ဟန်ဆောန်မှုကင်းစေပါ။ ကောင်းဘဲဇာလေဟို ရွံ့မူးဂေပါ။ ကောင်းမြတ်ဟူဇာလေဟို ဆည်းပူးဂေပါ။ **10**
 ညီကို မောန်နမရှင်းရှင်း၊ ရှစ်ဟူမြစ်တာအားဖြင့်၊ ရှင်းရှင်းရှစ်ခင်ကြင်နာဘီး ချီးမွမ်းဟူနေရာမာ သူများဟို ကိုယ့်ထက်
 ချီးမြှောက်-ကဲဂေပါ။ **11** အားထုရဟိုနေရာမာ ပျင်းကိုးဘဲန၊ စိအားထတ်သန်ဘီး ဘုရားသခင်ရဲ့ မူတော်ဟို ဆောန်ရွပ်ဂေပါ။
12 မျှော်လင့်ရှင်းနှိုက် ဝန်းသာဘီး၊ ဆင်းရဲဒေါက်ခခံရဟူ ခီမာ သီးခံဂေပါ။ ဆုတောင်းရှင်းမှုဟို မြဲဒမ်းပြုဂေပါ။ **13**
 ဆင်းရဲဟူ သန်ရှင်းသူလေဟို ဝီမျှပေးကမ်းဂေပါ။ ဧည့်သည်လေဟို ကြိုးစားဘီး ဧည့်ဝတ်ပြုဂေပါ။ **14** နန်းနီလေဟို
 ညှဉ်းဆဲဟူသူလေတွင် ကောင်းဂျီးပေးဘီး၊ ကီဆဲဘဲန မြစ်တာပို့ဂေပါ။ **15** ဝန်းသာသူလေနတူးဒု ဝန်းသာဘီး၊
 ငိုဟူသူလေနတူးဒု ငိုဂေပါ။ **16** ရှင်းရှင်း စိဝန်းမကွဲဘဲ ညီးညီညွတ်ညွတ် ရှိဂေပါ။ ထောန်လွှားဟူစိမေ့ဘဲန နီလွှာ သူလေဟို
 လတ်ခံဂေပါ။ ကိုယ့်ကိုယ်ကိုယ် ပညာရှိဆိုဘီး ထန်မှတ်ဂေန။ **17** ဖယ်သူဟိုမှလည်း ပွန်ဘီးရန်တုံ့ပွန်န။ လူလေရောမာ
 အသရေရှိတင့်တယ်အောင် ပြုကျင့်ဂေပါ။ **18** လူတိုင်းန တတ်နိုင်ဟူမျှ သင့်မြတ်အောင်နေဂေပါ။ **19** ရှစ်ရဟူသူလေ၊

သူများလေ နန်းနို့ဟို့ ပြစ်မှားဟာ ကိုယ်တိုင် ပွန်ဘီးရန်တုံ့ပွန်ဂေ့န၊ ဘုရားသခင်ဟာဘဲ စီရင်တော်မူပါစေ။ ဘုရားသခင် မိန့်တော်မူဇာဟာ “ငါဟာ ပြစ်တရားဟို့ စီရင်ပိုင်ဟယ်။ ပြစ်ရှိဟူတိုင်း ငါဆပ်ပေးမယ်” ဆိုဘီး ကျမ်းစာလေဟယ်။ 20 အယ်ကြောန့် ကျမ်းစာလေဇာဟာ “နန်ရန်သူဟာ စားရမဲ့သော- ကံရမဲ့ ဖြစ်ဟူ ခီမာ စားဇာကျေးပါ။ ရေငတ်နေဟယ် ဆိုဟာ သော- ကံဟို့ရေပေးပါ။ အယ်မျိုးပြုရှင်းအားဖြင့် နန်ဟာ သူ့ရဲ့ ခေါင်းထတ်မာ မီးခဲဟို့ ပေါင်ဟားလေ့မယ်” ဆိုဘီး ဖော်ပြဟားဟယ်။ 21 ဆိုးအားဖြင့် ရှောင်းခံန၊ ကောန်းအားဖြင့်ဘဲ ဆိုးဟို့နိုင်လူပါ။

13 လူတိုင်း စိုးရမန်းရဲ့ မိန့်အာဏာဟို့ လိုက်နာဂေ့ရမယ်။ ဖြားဖြစ်ကြောန့်နို့ဆိုဟာ၊ ဘုရားသခင်ရဲ့ ခွင့်မေ့ဘဲနေဟာ၊ မန်းအာဏာဆိုဇာလည်း မေ့ဟာ။ အာဏာပိုင်လေ ဂူလောင်းဟို့ ဘုရားသခင် ခန့်အပ်ဟားကြောန့် ဖြစ်ဟယ်။ 2 အယ်ကြောန့်၊ မန်းရဲ့ ခွင့်အာဏာဟို့ လွန်ဆန်သူဟာ ဘုရားသခင်ဟို့ လွန်ဆန်သူ ဖြစ်ဟယ်။ အယ်မျိုးပြုဟူ သူလေဟာ ပြစ်စီရင်ရှင်းဟို့ ခံရမယ်။ 3 မန်းဆိုဇာဟာ ကောန်းဟူ ကျင့်ဟို့ ကျင့်ဟူသူလေ ကြော- ကံရဟို့ မှဘဲန ကောန်းဘဲကျင့်လေဟို့ ပြုကျင့်သူလေ ကြော- ကံရဟို့ ဖြစ်ဟယ်။ မန်းရဲ့ ခွင့်အာဏာဟို့ ကြော- ကံဘဲန နေရှင်လော။ အယ်ဆိုဟာ ကောန်းဟူ ကျင့်ဟို့ ကျင့်ပါ။ အယ်မျိုးကျင့်ဟယ် ဆိုဟာ သူ့ရဲ့ ချီးမွမ်းရှင်းဟို့ ခံရလေ့မယ်။ 4 ဖြားဖြစ်ကြောန့်နို့ဆိုဟာ မန်းဟာ နန်းနို့လေရဲ့ ကျိုးတွပ် ဘုရားသခင်ရဲ့ စေခံကျွန်လေဖြစ်ဟယ်။ ကောန်းဘဲကျင့်ဟို့ ကျင့်ဟယ် ဆိုဟာ ကြော- ကံဂေ့ပါ။ သူဟာ ထားဟို့ သတ်သတ်မဲ့ ကိုင်ဟားဇာ မှဟူ။ သူးနို့လေဟာ ဘုရားသခင်ရဲ့ စေခံကျွန်လေဖြစ်ကြောန့် ကောန်းဘဲဟူ ကျင့်လေဟို့ ကျင့်ဟူသူလေဟို့ ဘုရားသခင်ကိုယ်စား ပြစ်ဒန်စီရင်သူလေဖြစ်ဟယ်။ 5 အယ်ကြောန့် ပြစ်ဒန်ဟို့ ကြော- ကံဟို့ကြောန့် မန်းအာဏာရဲ့ အောက်စိုးမူဟို့ ဝန်ခံဇာ မှဘဲန၊ ဘုရားသခင်ရဲ့ စီရင်ရှင်းဟို့ ကြော- ကံဟို့ကြောန့်လည်း မှဘဲန ကိုယ့်ကိုယ်ကိုယ် သိဟူစိဟို့ ထော- ကံဘီးဟာ ဝန်ခံရမယ်။ 6 အယ်ကြောန့် နန်းနို့လေ အခွန်ဟို့ ပေးဆောန်ဂေ့ပါ။ စိုးရအာဏာပိုင်လေဟာ သူးနို့တာဝန်ဟို့ ကျေပွန်အောန် ထမ်းဆောန်နေဟူ ဘုရားသခင်ရဲ့ မှဆောန်လေဖြစ်ဟယ်။ 7 အယ်ကြောန့် နန်းနို့လေ ပေးဆောန်ဇာရှိဟူတိုင်း ပေးဆောန်ဂေ့ပါ။ ခွန်ခံထိုက်ဟူသူဟို့ ခွန်ပေးဂေ့ပါ။ ကြော- ကံထိုက်ဟူသူဟို့ ကြော- ကံဂေ့ပါ။ ရိုသေထိုက်ဟူသူဟို့ ရိုသေဂေ့ပါ။ 8 ရှမ်းရှင်း ရှစ်ရှင်းမြစ်တာကြေးဟုနောဘီး ဖယ်ကြေးဟို့မှလည်း တန်စေန။ သူများဟို့ ရှစ်ဟူသူဟာ ပညတ်တရားဟို့ စောန့်ထီးဟူသူဖြစ်ဟယ်။ 9 ဖြားဖြစ်ကြောန့်နို့ဆိုဟာ “အီထောန်ရေးဖော- ကံပွန်န၊ လူလေရဲ့သတ်ဟို့ သတ်န၊ သူများအောက်စာဟို့ ခိုးန၊ သူများအောက်စာဟို့ တပ်မတ်လိုရှင်စီရိန်” ဆိုဟူ ပညတ်ဟုစဘီး တခြားပညတ်လေ ဂူလောင်းဟာ “ကိုယ်နစပ်ဆိုင်သူဟို့ ကိုယ်နထပ်တူရှစ်ပါ” ဆိုဟူ ပညတ်တဒဲခဗာ ပါဝမ်နေဇာဖြစ်ဟယ်။ 10 ရှစ်ရှင်းမြစ်တာရှိဟူသူဟာ ကိုယ်နစပ်ဆိုင်သူရဲ့ကျိုးဟို့ ဖျစ်ဆီးတတ်ဟာ။ အယ်ကြောန့် ရှစ်ရှင်းမြစ်တာဟာ ပညတ်တရားလေ ဂူလောင်းရဲ့ ပွဲဇောင်ရာ ဖြစ်လေဟယ်။ 11 နန်းနို့လေဟာ အိမ့်ရာဟုနောဘီး နိုးထရဟို့ခီ ရော- ကံလာဘီ ဖြစ်ဟူကြောန်းဟို့ သိဂေ့ဟယ်။ ဖြားဖြစ်ကြောန့်နို့ဆိုဟာ နို့လေ ကယ်တန်ရှင်းခံရဟို့ နေ့ရစ်ကာလဟာ ယောင်ကြည်ခါစဒူးဟုထတ် ပိုဘီး နီးကပ်လာကြောန့် ဖြစ်ဟယ်။ 12 ညဉ့်ခီကူဘီး နေ့ခီဟို့ ရောက်ဟုမယ် ဖြစ်ဟူကြောန့် မောန်မိုက်ရဲ့ ကျင့်လေဟို့ ဖယ်ရှားဘီးဟာ လန်းရောန်ရဲ့ လတ်နတ်စောင်ဟို့ ဝတ်ဆင်ဂေ့ဇို့။ 13 ပွဲလောက်ဟူဇာလေ၊ မောယစ် သော- ကံစားဇာလေ၊ တရားဘဲဟူ မေထုန်ဟို့ မှီဝဲဇာလေ၊ ကိလေသာညစ်ညူးဇာလေ၊ ရန်ဖြစ်ဇာလေန ဂေါင်ပြိုင်ဝါကြားဇာလေဟို့ ရှောန်ဘီးဟာ လန်းရောန်မာ ကျင်လည်ဟူသူမျိုး အသရေရှိအောန် ကျင့်သောင်းဂေ့ဇို့။ 14 သခင်ယေရှုခရစ်တော်ဟို့ ဝတ်ဆင်ဂေ့ပါ။ ဇာတိသွီးသား တတ်မတ်ရှင်းနော- ကံဟို့ လိုက်ဂေ့န။

14 ယောင်ကြည်ရှင်းအားနဲ့သူလေဟို့ လတ်ခံဂေ့ပါ။ အယ်ဘေမဲ့ သူခံယူဇာန ပတ်သတ်ဘီး ဂြင်းခူလောက်ဂေ့န။ 2 တချို့သူလေဟာ စားဇာဘောင်းဇောင်ဟို့ စားအပ်ဟယ် ဆိုဘီး ယောင်ကြည်ဂေ့ဟယ်။ အားနဲ့ဟူသူဟာ ဟန်းသီးဟန်းဝပ်လေဟို့ဘဲ စားတတ်ဟယ်။ 3 စားဇာဘောင်းဇောင်ဟို့ စားဟူသူဟာ စားဘဲနေသူဟို့ ထိမ့်မြင်လောက်န။

စားဘဲနဲဟူသုဟုလည်း စားဟူသုဟို စစ်ကြောစီရင်န။ ဖြားဖြစ်ကြောနန်းဆိုဟာ ဘုရားသခင်ဟာ သူဟို လတ်ခံတော်မူဘိ။
4 နန့်ဟာ ဖယ်မျိုးဟူသုဖြင့်ကြောန့် သူများပိုင်ဟူ စေခံဟို စစ်ကြောစီရင်ဟုယ်နူး။ သူဟာ သူ့သခင် စီရင်ဇာအားဖြင့်
ပြစ်လွတ်ရှင်းန ပြစ်စီရင်ရှင်းဟို ရော့-က်လေမယ်။ သူဟာ ပြစ်လွတ်လေမယ်။ ဖြားဖြစ်ကြောနန်းဆိုဟာ ဘုရားသခင်ဟာ
သူ့ရဲ့ပြစ်ဟို လွတ်ပေးဟိုတွပ် တတ်နိုင်တော်မူဟယ်။ **5** တချို့လူလေဟာ နေ့ရစ်တရစ်ထတ် တရစ်ဟာ ပိုဘီး
ရေးကီးဟုယ် ဆိုဘီး စီရင်ဂေဟယ်။ တချို့လူလေဟုလည်း နေ့ရစ်တိုင်းဟာ တူးဒုဘဲဖြစ်ဟယ် ဆိုဘီး ယူဆဂေဟယ်။
လူတိုင်း ကိုယ့်ရဲ့ယောင်ကြည်ချစ်တိုင်း ခိုင်မြဲပါစေ။ **6** နေ့ရစ်ဟို စောန့်ထီးဟူသုဟာ ဘုရားသခင်တွပ် စောန့်ဟယ်။
စားဟူသုဟုလည်း ဘုရားသခင်ဟို ထော့-က်ဘီး စားဟယ်။ စားဘဲနေဟူ သုဟုလည်း ဘုရားသခင်ဟိုထော့-က်ဟူကြောန့်
စားဘဲနဲအဘီး ကျေးဇူးတော်ဟို ချီးမွမ်းဝန်ခံလေဟယ်။ **7** နို့လေထဲမာ ဖယ်သူဟုလည်းဘဲ ကိုယ့်တွပ် သတ်ရှင်ဟာ။
ဖယ်သူဟုလည်း ကိုယ့်တွပ် သေဟာ။ **8** နို့လေ သတ်ရှင်ဟာ သခင်ဘုရားတွပ်ဖြစ်ဘီး သေဟာလည်း သခင်ဘုရားတွပ်
ဖြစ်ဟယ်။ အယ်ကြောန့် နို့လေသတ်ရှင်နေဟူဘဲဖြစ်ဖြစ်၊ သေဟူဘဲဖြစ်ဖြစ် သခင်ဘုရား ပိုင်ဆိုင်လေဟယ်။ **9**
ဖြားဖြစ်ကြောနန်းဆိုဟာ ခရစ်တော်ဟာ သေဟူသူလေ သတ်ရှင်ဟူသူလေရဲ့ စိုးရဟူ သခင်ဖြစ်ဟိုတွပ် သေခံဘီး
ရှင်ပွန်ထမြော့-က်တော်မူလေဟယ်။ **10** အယ်ကြောန့် နန်းနို့လေဟာ ဖြားဖြစ်ဟို ကိုယ့်ညီကို မောန်နှမလေဟို
လိုက်စစ်ကြောစီရင်နေနူး။ ဖြားဖြစ်ကြောန့် ထိမဲ့မြင်ပြုရနူး။ နို့လေဂူလောင်းဟာ ဘုရားသခင်ရဲ့ တရားပလ္လင်ရေဟို
ရော့-က်ရဂေမယ်။ **11** ကျမ်းစာလာဟူဇာဟာ “ငါသတ်ရှင်ဟူတိုင်း၊ ငါ့ရှေ့မာ လူတိုင်း ဒူးထော့-က်ရမယ်၊ ငါဟာ
ဘုရားသခင်ဖြစ်ကြောနန်းဟို လူတိုင်း နှော့က်နဝန်ခံရမယ်” ဆိုဘီး ဘုရားသခင် မိန့်တော်မူလေဟယ်။ **12** အယ်ကြောန့်
နို့လေဂူလောင်းဟာ ဘုရားသခင်ရဲ့ စစ်ကြောတော်မူရှင်းဟို ခံရဂေမယ်။ **13** အယ်ကြောန့် နို့လေဟာ နော့-က်ထပ်
ရှင်းရှင်းဟို စစ်ကြောစီရင်ဘဲနဲ နေဂေဇို။ ညီကို မောန်နှမဟို ထိမိလဲတတ်ဟူ မူရာလေဟို ကြံစည်ဂေန။ **14**
ဖယ်စားဇာလည်း နဂိုတိုင်း ညစ်ညူးဟာ ဆိုဇာဟို သခင်ယေရှုအားဖြင့် ငါမှန်းမှန်သိဟယ်။ အယ်ဘောမဲ့လည်း ညစ်ညူးဟယ်
ဆိုဘီး နန်းနို့ယောင်ကြည်ဟာ ယောင်ကြည်ဟူသူတွပ် အယ်စားဇာဟာ ညစ်ညူးဟယ်။ **15** တကယ်ဟို နန့်ဟာ
ကိုယ်စားဟူစားဇာအားဖြင့် ညီကို မောန်နှမဟို ထိမိဘီး လဲစေဟယ် ဆိုဟာ နန့်ဟာ မြစ်တာတရားဟို ကျင့်ဘဲနေဇာ
ဖြစ်ဟယ်။ ခရစ်တော်ရဲ့ သေခံတော်မူဟူ ကျေးဇူးတော်ဟို ခံရဟူသူဟို နန့်ရဲ့စားဇာအားဖြင့် ကျိုးနဲစေန။ **16** နန်းနို့
ကောန်းဟယ် ဆိုဘီး ယောင်ကြည်ခံယူဇာဟို သူများကဲ့ရဲ့စေန။ **17** ဘုရားသခင်ရဲ့ နိုင်ငံတော်ဟာ စားသော့-က်န
တည်ဟူဇာ မူဟု သန့်ရှင်းဟူဝိညာဉ်တော်အားဖြင့် ခံရဟူ ဖြောန့်မတ်ရှင်း၊ ငြိသတ်ရှင်း၊ ဝန်းသာရှင်းလေနဘဲ တည်ဟယ်။
18 အယ်မျိုးကျင့်ဘီး ခရစ်တော်ရဲ့မူတော်ဟို ဆောန်ရွပ်ဟူသူလေဟာ ဘုရားသခင်ရှေ့တော်မာ နှစ်သက်ဖွယ်ဖြစ်ဘီး
လူလေလည်း ချီးမွမ်းဂေဟယ်။ **19** အယ်ကြောန့် ငြီးငြီးချမ်းချမ်းနေထိုင်ဇာန ပတ်သတ်ဟူကြောန်းရာလေဟို ပြုစုပေးဘီးဟာ
ရှင်းရှင်း တယော့-က်ဟိုတယော့-က် နို့လေ မြဲဒမ်း တည်ဆော့-က်ပေးဟို ပေးရမယ်။ **20** ဘုရားသခင်ရဲ့မူတော်ဟို
နန့်ရဲ့စားဇာအားဖြင့် ဖျစ်ဆီးန။ စားဇာဘောင်းဇောင်ဟာ စင်ကြယ်ဟယ်။ အယ်ဘောမဲ့ သူများထိမိဘီး လဲတတ်ဟူစားဇာဟို
စားဟူသုဟာ ပြစ်ဖြစ်ဟယ်။ **21** မဲသားဟို စားဟူဇာန စပျစ်ဝိုင်ဟို သော့-က်ဟူဇာအားဖြင့် ညီကို မောန်နှမဟို ထိမိဘီးလဲဇာ
ဖြစ်ဘဲနေအောန် ရှောန်သင့်ဟယ်။ **22** နန့်ယောင်ကြည်ရှင်းရှိမယ် ဆိုဟာ ကိုယ့်ဖာသာ ဘုရားသခင်ရှေ့မာ ရှိပါစေ။
ကိုယ်လတ်ခံဟူဇာအားဖြင့် ကိုယ့်ကိုယ်ကိုယ် စစ်ကြောစီရင်ဘဲသူဟာ မင်္ဂလာရှိဟယ်။ **23** အယ်ဘောမဲ့ သံသယစိန
တခုခုဟိုစားဟူသူဟာ ဘုရားသခင်ရဲ့ စီရင်ရှင်းဟို ခံရလေမယ်။ ဖြားဖြစ်ကြောနန်းဆိုဟာ ယောင်ကြည်ရှင်းမော့ဘဲကြောန့်
ဖြစ်ဟယ်။ ယောင်ကြည်ရှင်းမော့ဘဲနဲ ကျင့်ဟူဇာမှန်ဟူမျှလည်း ပြစ်ဖြစ်ဟယ်။

15 အယ်ကြောန့် ယောင်ကြည်ရှင်းခိုင်ခံ့ဟူ နို့လေဟာ အားနဲဟူသူလေရဲ့ အားနဲရှင်းလေဟို ထော့-က်ရှုပေးရမယ်။
ကိုယ့်လိုဟိုလိုက်ဘီး လောကဆောန်သင့်ဟာ။ **2** နို့လေဂူလောင်းဟာ ယောင်ကြည်မှုအားနဲဟူ ညီကို မောန်နှမလေဟို
ယောင်ကြည်ရှင်း ခိုင်မာလာစေဟိုတွပ် သူးနို့လေရဲ့ ကောန်းကျိုးဟို ထော့-က်ဘီးဟာ သူးနို့လိုဟို လိုက်ဘီး

တည်ဆော့-က်ပေးသင့်ဟယ်။ 3 ဖြားဖြစ်ကြောန်းနူးဆိုဟာ ခရစ်တော်ဟာ ကိုယ့်လိုဟို လိုက်ဟာ။ ကျမ်းစာလာဟူစာဟာ “ကိုယ်တော့်ဟို ကဲ့ရဲ့ဟူသူလေရဲ့ စကားဟာ ကျွန်တော့်ထတ်ဟို ရှေး-က်ပါဟယ်” ဆိုဘီး လာလေဟယ်။ 4 ကျမ်းစာမာ ဖော်ပြဘီး ရေးဟားဟူ ဂျိမျှဂူလောင်းဟာ နို့လေဟို သွန်သန်ဆောင်းမဟိုတွပ် ရေးဟားစာ ဖြစ်ဟယ်။ အယ်မျိုး ဖော်ပြရစာဟာ နို့လေဟာ ကျမ်းစာတော်မာရရှိဟူ သီးခံရှင်းန နှစ်သိမ့်မှုလေအားဖြင့် မျှော်လင့်ရှင်းရှိဟိုတွပ် ဖြစ်ဟယ်။ 5 နန်းနို့လေ ဂူလောင်းဟာ ခရစ်တော်ယေရှုရဲ့ ပေါင်သတ်သေဟို လိုက်ရှေး-က်ဘီး တစ်တဝန်းဒဲရှိဟိုတွပ် သီးခံရှင်းန နှစ်သိမ့်မှုရဲ့ သခင် ဘုရားသခင်ဟာ နန်းနို့လေဟို ကုမတော်မူပါစေ။ 6 အယ်မျိုးမှ နန်းနို့လေ ဂူလောင်းဟာ တလောင်းတဝဒဲန နို့လေရဲ့သခင် ယေရှုခရစ်တော်ရဲ့ ဖ ဘုရားသခင်ရဲ့ ဂေါင်တော်ဟို ချီးမွမ်းနိုင်ဂေလေမယ်။ 7 အယ်ကြောန်း ခရစ်တော်ဟာ နန်းနို့ဟို လတ်ခံဟူမျိုး ဘုရားသခင်ရဲ့ ဖောင်းသရေတော် ထန်ရှားစေဟိုတွပ် ရှင်းရှင်း တယော့-က်ဟိုတယော့-က် လတ်ခံဂေပါ။ 8 နှော့-က်ထပ် ငါပြောရှင်စာဟာ ခရစ်တော်ဟာ ဘုရားသခင်ရဲ့ သမ္မာတရားဟို ထန်ရှားစေဟိုတွပ် ရေဖျားလှီးဟားဟူ သူလေရဲ့ စေခံဖြစ်တော်မူဟယ်။ အယ်မျိုး ဖြစ်ဟူစာဟာ ရှေးဘိုးဘေးလေဟို ပေးဟားဟူ ဂဒိတော်လေဟို တည်မြဲစေဟိုတွပ်န။ 9 လူမျိုးခြားလေလည်း ကရုဏာတော်ကြောန်း ဘုရားသခင်ရဲ့ ကျေးဇူးတော်ဟို ချီးမွမ်းဂေဟိုတွပ် ဖြစ်ဟယ်။ ကျမ်းစာတော်ဟာ “အယ်ကြောန်း ကျွန်တော်ဟာ လူမျိုးခြားလေထဲဟုနေ ကိုယ်တော့်ဟို ချီးမွမ်းပါမယ်။ ကိုယ်တော့်ဟို ထောမနာသီချင်း ဆိုပါမယ်” ဆိုဘီး ဖော်ပြဟူတိုင်းဘဲ ဖြစ်လေဟယ်။ 10 နှော့က်ဘီး ကျမ်းစာဟာ “လူမျိုးခြားလေ ဘုရားသခင်ရဲ့ လူမျိုးတော်လေနတူးဒု ဝန်းသာဂေပါ!” ဆိုဘီး လာလေဟယ်။ 11 နှော့က်ဘီး လာစာဟာ “လူမျိုးခြားပေါန်းလေ ဘုရားသခင်ဟို ချီးမွမ်းဂေပါ! လူနွယ်ပေါန်းလေ ကိုယ်တော့်ဟို ချီးမွမ်းဂေပါ” ဆိုဘီး လာလေဟယ်။ 12 နှော့က်ဘီး ဟေရှာယပြောစာဟာ “ယေရှုရဲ့သစ်ပြစ် ပေါ့-က်လေမယ်။ အယ်သူဟာ လူမျိုးခြားလေဟို အောက်စိုးဟိုသူ ဖြစ်ဟူကြောန်း အယ်သူဟို လူမျိုးခြားလေ မျှော်လင့်ကိုးစားလေမယ်” ဆိုဘီး ပြောဟားလေဟယ်။ 13 နန်းနို့လေဟာ သန်ရှင်းဟူဝိညာဉ်တော်ရဲ့ တကိုးတော်အားဖြင့် မျှော်လင့်ရှင်းန ကြွယ်ဝဟိုတွပ် မျှော်လင့်ရှင်းရဲ့ရှင် ဘုရားသခင်ဟာ ယောင်ကြည်ရှင်းဟုလာဟူ ဝန်းသာစာဘောင်းဇောင်န ငြိသတ်ရှင်းဟို ပေးသနားတော်မူပါစေ။ 14 ညီကို မောန်နှမလေ နန်းနို့လေဟာ ကောန်းမြတ်ဟူ ပါရမီ သိပညာဘောင်းဇောင်န ပွဲဝဘီး ရှင်းရှင်း သွန်သန်နိုင်ဂေမယ် ဆိုစာဟို ငါစိဆွ ယောင်ကြည်ပါဟယ်။ 15 အယ်ဘောမဲ့ အယ်စာမာ တချို့ကြောန်းရာလေန ပတ်သတ်ဘီး နန်းနို့လေဟို ဒီပေးရာမာ ငါ့ဟို ဘုရားသခင် ပေးသနားဟူ ကျေးဇူးတော်ဟို မှီပြုဘီး ရဲရဲရင့်ရင့် ရေးဟားစာဖြစ်ဟယ်။ 16 အယ်မုခွမ်ရေးဟာ လူမျိုးခြားလေတွပ် မူတော်ဆောန်ဟို ခရစ်တော်ယေရှုရဲ့ စေခံဖြစ်ရဟူ ခွမ်ထူးဘဲဖြစ်ဟယ်။ လူမျိုးခြားလေဟာ ဘုရားသခင် နှစ်သက်ဖွယ်ရာ ပူဇော်သကာဖြစ်န ဘုရားသခင်ဟို သန်ရှင်းဟူဝိညာဉ်တော်ဟာ ဆစ်ကပ်ဟူသူလေ ဖြစ်လာဟိုတွပ် ငါဟာ ယဇ်ပုရောဟိတ် တာဝန်ဟို ထမ်းဆောန်ဘီး ဘုရားသခင်ရဲ့ ဒန်းကောန်းဟို ဟောပြောပြောညာပါဟယ်။ 17 အယ်ကြောန်း ငါဟာ ဘုရားသခင်န စပ်ဆိုင်ဟူ ရာလေနှိုက် ခရစ်တော် ယေရှုအားဖြင့် ငါကြွားစာကြောန်းရှိဟယ်။ 18 ဖြားဖြစ်ကြောန်းနူးဆိုဟာ လူမျိုးခြားလေဟာ နာခံမှုရှိစေဟိုတွပ် ခရစ်တော်ဟာ ငါ့ဟို သုံးပြုဘီး တရားစကားန လောက်ဆောန်ရှင်းအားဖြင့်ရော၊ 19 နိမိတ်လတ်ခဏာလေန အံ့ဩဘွယ်ရာလေရဲ့ တကိုးအားဖြင့်ရော ဘုရားသခင်ရဲ့ ဝိညာဉ်တော် တကိုးအားဖြင့်ရော၊ ပြုတော်မူဟူ စာလေဟုနေတခြား ငါဟာ ဖယ်စာဟိုမှ ရဲရဲဝံ့ဝံ့ ပြောရှင်ဟာ။ အယ်မျိုးဖြစ်ကြောန်း ငါဟာ ယေရုရှလင်မြို့ဟုနေ ကုလုရိတ်ပြည်ထိ ရှေး-က်ဟူနေရာတိုင်းမာ ခရစ်တော်ရဲ့ ဒန်းကောန်းဟို ကုစင်အောန် ဟောပြောဟယ်။ 20 အယ်မျိုး တခြားလူလေ ညဟားဟူ အုပြစ်ထတ်မာ ငါဆစ်ဘီး တည်ဆော့-က်ဟာ။ ခရစ်တော်ရဲ့ နာမဟို ကြားဖူးသေးဘဲဟူ နေရာလေမာ ဒန်းကောန်းဟို ဟောပြောဟိုတွပ် စေတနာစိန် ငါကြိုးစားအားထုလေ့ရှိဟယ်။ 21 အယ်မျိုးဘဲ ကျမ်းစာလာစာဟာ “အယ်သူရဲ့ ကြောန်းဟို ဖယ်သူလည်း ပြဖူးဘဲနေဟူလည်းဘဲ ဗြင်ဂေလေမယ်။ ကြားဖူးဘဲဟူသူလေဟာ နားလည်ဂေလေမယ်” ဆိုဘီး လာလေဟယ်။ 22 အယ်မူကြောန်းကြောန်း၊ ငါဟာ နန်းနို့လေနားဟို လာဟိုတွပ် ခါဘီးခါ ကြိုးစားဟူလည်းဘဲ

တားဆီးခံရဟုယ်။ 23 အယ်ဘေမဲ့လည်း ခုခီမာ ငါဟာ အယ်ဒေသလေမာ လောက်ဆောန်သင့်ဟူ မှုကိစလေဟို လောက်ဆောန်ဘီးဟာ နန်းနီလေနားဟို လာဟိုတွင် နှစ်ပေါင်း တောင်ဂီးဟုနဘီး ဆန္ဒရှိဟူတိုင်း၊ 24 စပါနီပြည်ဟို ငါသွားဟူ ခီမာ နန်းနီလေဟို ဖြင်တိုရှင်ကြောန့် လည်လာရင်းန ဝမ်လာဟို စိကူးဟားဘီး၊ နန်းနီလေနားမာ ရှစ်ဟား တဲခိုဘီးဟာ စပါနီပြည်ဟို ခရီးသွားဟိုတွင် ငါ့ဟို ကူညီပေးလေမယ် ဆိုဘီး မျှော်လင့်ဟားပါဟုယ်။ 25 ခု ငါဟာ သန်ရှင်းသူလေရဲ့ မှုဟို လောက်ကျွေးပြဟိုတွင် ယေရုရှလင်မြို့ ဟို သွားရမယ်။ 26 ဖြားဖြစ်ကြောန့်ဆိုဟာ မာကေဒေါနီ ပြည်သားလေန အခါယ ပြည်သားလေဟာ၊ ယေရုရှလင်မြို့ မာရှိဟူ ဆင်းရဲဟူ သန်ရှင်းသူလေဟို ကူညီ ထော-ကံပံပေးဟိုတွင် စေတနာစိ ရှိဂေကြောန့်ဖြစ်ဟုယ်။ 27 သူးနီလေ စေတနာစိရှိဟူမာ မှုနဟူလည်းဘဲ ယုဒလူမျိုးလေဟို ကူညီ ထော-ကံပံပေးဟိုတွင် တာဝန်ရှိပါဟုယ်။ ဖြားဖြစ်ကြောန့်ဆိုဟာ ယုဒလူမျိုးလေဟာ သူးနီခံစားရဟူ ဝိညာဉ်ဆုကျေးဇူးလေဟို လူမျိုးခြားလေဟို ဝီမျှခံစားစေဟူကြောန့်၊ လူမျိုးခြားလေဟုလည်း ယုဒလူမျိုးလေရဲ့ ရောက်ပိုင်းဆိုင်ရာ အောက်စာလေဟို ဝီဂပေးကမ်းသင့်ပါဟုယ်။ 28 အယ်ကြောန့် အယ်မှုဟို လောက်ဆောန်ဘီး လူငွေလတ်ဆောန်ဟို သူးနီလတ်ထဲဟို အပ်ပေးဘီးဟာ နန်းနီဟို ဝမ်တိုဘီးဟာ စပါနီပြည်ဟို သွားမယ်။ 29 နန်းနီနားဟို ငါလာဟူ ခီမာ ခရစ်တော်ရဲ့ ကောန်းဂျီးန ယွဲဘီး ရော-ကံလာမယ် ဆိုစာဟို ငါသိဟုယ်။ 30 ညီကို မောန်နှမလေ နီလေရဲ့ သခင် ယေရုခရစ်တော်န ဝိညာဉ်တော်ဟ ပေးသနားဟူ ရှစ်ရှင်းမြစ်တာဟို မှီပြုဘီးဟာ ငါ့တွင် ငါနတူးဒ ဘုရားသခင်ထံတော်မာ စီအားထတ်သန်ဘီးဟာ ဆုတောင်းပေးဟိုတွင် နန်းနီလေဟို ငါတိုက်တွန်းနှိုးဆော်ရှင်ဟုယ်။ 31 ယုဒပြည်မာရှိဟူ ယောင်ကြည်ဘဲဟူသူ ယုဒလူမျိုးလေရဲ့ ဘေးရန်ဟုန လွတ်ကင်းဟိုတွင်န ယေရုရှလင်မြို့ မာ ငါကူညီမစရှင်းမှုရာဟို သန်ရှင်းသူလေ နှစ်သက်ဘီး ဝန်းသာအားရန လတ်ခံနိုင်အောန် ဆုတောင်းဂေပါ။ 32 ဘုရားသခင် လိုတော်ရှိဟုယ် ဆိုဟာ ငါဟာ ဝန်းမြော-ကံရှင်းန နန်းနီနားဟို လာဘီး နန်းနီလေနတူးဒ ပျော်ပျော်ရွှင်ရွှင်န နားရဟူခွမ့်ဟို ရပါလေမယ်။ 33 ငြိသတ်ရှင်းရဲရှင် ဘုရားသခင်ဟာ နန်းနီလေနတူးဒ ရှိတော်မူပါစေ။ အာမင်။

16 ကင်ခြေမြို့ သင်းတော်ဟု သင်းထော-ကံဖြစ်ဟူ နီလေရဲ့ညီမ ဖိဗေဟို နန်းနီလေဆီဟို မိဆစ်ပေးဘီး အပ်လိုပါဟုယ်။ 2 သန်ရှင်းဟူသူလေ ပြုသင့်ဟူတိုင်း သခင်ဘုရားဟိုထော-ကံဘီးဟာ သူဟိုလတ်ခံဂေပါ။ ကူညီလိုအပ်ဟူရာလေဟို သူဟိုကူညီမစဂေပါ။ သူဟာ ငါ့ဟုစဘီး လူဘောင်ဂီးဟို ကူညီမစဟူသူဖြစ်ပါဟုယ်။ 3 ခရစ်တော်ယေရှုနီကံ ငါ့ရဲ့ လောက်ဖော်ဆောန်ဖတ်ဖြစ်ဟူ ပြစ်ကိလန အာကုလဟိုလည်း နှောက်ဆစ်ဂေပါ။ 4 သူးနီလေဟာ ငါ့တွင် သတ်ပေးဟို ဝန်လေးဘဲသူလေဖြစ်ဟုယ်။ သူးနီရဲ့ကျေးဇူးဟို ငါတယော-ကံထဲ ဝန်ခံရှင်းမှုဘဲ လူမျိုးခြားလေရဲ့ သင်းတော်လေဟုလည်း ဝန်ခံဂေဟုယ်။ 5 သူးနီအီမာ စုဘီးဝတ်ပြဟူ သင်းတော်ဟိုလည်း နှောက်ဆစ်ဂေပါ။ အာရှပြည်မာ ရင်ဦးဆောင်း ခရစ်တော်ဟို ယောင်ကြည်ဟူ ငါရှစ်ရဟူ ငါ့မိတ်ဆွေ ဧပဲနက်ဟို နှောက်ဆစ်ဂေပါ။ 6 နန်းနီလေတွင် ရရာတိုင်း ကြိုးစားဘီး လောက်ကျွေးပြဟူ မာရှိဟိုလည်း နှောက်ဆစ်ဂေပါ။ 7 ငါ့ရဲ့လူမျိုးဖြစ်ဟူ ငါနတူးဒ ကျဉ်းခွံခံရဟူ အခြွေခိုတ်န ယုနို ဟို နှောက်ဆစ်ဂေပါ။ သူးနီလေဟာ တမန်တော်လေ ကြားမာ ထန်ပေါ်ဟူ သူလေဖြစ်ဘီး ငါ့ထတ်ရင်ဦးဆောင်း ခရစ်တော်ဟို ယောင်ကြည်ဟူ သူလေဖြစ်ဟုယ်။ 8 သခင်ဘုရားအားဖြင့် ငါရှစ်ရဟူမိဆွေ အမွလိဟို နှောက်ဆစ်ဂေပါ။ 9 ငါနတူးဒ ခရစ်တော်ရဲ့မူတော်တွင် စေခံဟူ လောက်ဖော်ဆောန်ဖတ် ဥရဗန်န ငါရှစ်ရဟူသား သတာခဟို နှောက်ဆစ်ဂေပါ။ 10 အပေလေဟို နှောက်ဆစ်ဂေပါ။ သူဟာ ခရစ်တော်ဟို သစ်စာရှိဘီး နှစ်သက်ဖွယ်ကောင်းဟူသူ ဖြစ်ဟုယ်။ အာရိတ္တာဗုလုရဲ့ အီသူအီသားလေဟိုလည်း နှောက်ဆစ်ဂေပါ။ 11 ယုဒလူမျိုးရှင်းဖြစ်ဟူ ဟေရောဒျန်ဟို နှောက်ဆစ်ဂေပါ။ သခင်ဘုရားနီကံ တဗွဲတော်လေဖြစ်ဟူ နာကီသုရဲ့ အီသူအီသားလေဟို နှောက်ဆစ်ဂေပါ။ 12 သခင်ဘုရားရဲ့မူတော်ဟို ကြိုးစားဘီး လောက်ဆောန်ဟူမီးမ တရဖဲနန တရဖောသဟို နှောက်ဆစ်ဂေပါ။ ငါရရာတိုင်းရှစ်ရဟူမိဆွေ ပေရသီဟို နှောက်ဆစ်ဂေပါ။ သူဟာ သခင်ဘုရားရဲ့မူတော်ဟို ရရာတိုင်းကြိုးစားဘီး လောက်ဆောန်သူဖြစ်ဟုယ်။ 13 သခင်ဘုရားဝီးကော-ကံခံရဟူသူ ရဖု န ငါ့ရဲ့မိခင်မျိုးဖြစ်ဟူ သူမိဟိုလည်း နှောက်ဆစ်ဂေပါ။ 14 အသုံကြိတ်၊ ဖလေကုန်၊ ဟေရမ၊ ပတ်ရောဘ၊

ဟေရမေဟုစသီး သူးနီနတူးဒုနေဟူ ညီကို မောန်နမလေဟို နောက်ဆစ်ဂေ့ပါ။ 15 ဖိလောလုပ်၊ ယုလိ၊ နေရ၊ နေရညီမန ဩလုဗဟုနေစသီး သူးနီနတူးဒုနေဟူ သန်ရှင်းသူလေဟို နောက်ဆစ်ဂေ့ပါ။ 16 ယော့-ကန်ယော့-ကန် သန်ရှင်းဟူနမ်းန နောက်ဆစ်ဂေ့ပါ။ ခရစ်တော်ရဲ့ သင်းတော်အားလောင်းဟု နန်းနီလေဟို နောက်ဆစ်လိုက်ပါဟယ်။

17 ညီကို မောန်နမလေ နန်းနီခံယူသီးဟူ ဆောင်းမဩဝါဒန ဆန့်ကျင်ဖတ်ဖြစ်ဟူ သင်းခွဲသီး ရှင်းရှင်းစိဝန်းကွဲအောက် ယောင်ကြည်မှု မှားယွင်းအောင် လောက်ဟူ သူလေဟို ဒိန ရှောန်ရှားဟိုတွပ် နန်းနီဟို ငါတိုက်တွန်းပါဟယ်! 18 ဖြားဖြစ်ကြောန့်နူးဆိုဟာ သူးနီလေဟာ နီလေရဲ့ သခင် ခရစ်တော်ရဲ့ မူဟို ဆောန်ရွပ်ဘဲနဲ သူးနီရဲ့ ဝန်းဇာတွပ်ဘဲ လောက်ဆောန်သူလေ ဖြစ်ဟယ်။ သူးနီလေဟာ နူးညံ့ချိုသာဟူ စကားနဲ ဗွော့-ကပ်ပြောသီးဟာ စိကောန်းရှိဟူ သူလေနဲ ရိုးသားသူလေဟို လှည့်ဇားတတ်ဂေ့ဟယ်။ 19 နန်းနီလေရဲ့ နာခံမှုရှိဟူကြောင်းဟို လူလေ ဘောင်ဂီးရှေ့မာ ထန်ရှားဟူကြောန့် နန်းနီလေထတ်မာ ငါဝန်းသာပါဟယ်။ အယ်ဘေမဲ့ နန်းနီလေ ကောန်းဟူ မူမာ ပညာရှိဖြစ်သီး ကောန်းဘဲမူလေမာ ပြစ်ကင်းသူလေ ဖြစ်ဟိုတွပ် ငါလိုရှင်ဟယ်။ 20 ငြိသတ်ရှင်းရဲ့ သခင် ဘုရားသခင်ဟာ စာတန်ဟို နန်းနီရဲ့ ခေအော့-ကန်မာ ကြာခန့် နှိစ်တော်မူလေမယ်။ နီလေသခင် ယေရှုခရစ်တော်ရဲ့ ကျေးဇူးတော်ဟာ နန်းနီနတူးဒု ရှိပါစေ။ 21 ငါ့ရဲ့ လောက်ဖော်ဆောန်ဖတ် တိမောသေန၊ ငါ့လူမျိုးရှင်းဖြစ်ဟူ လုကီ၊ ယာသုန်၊ သောသိပတရလေဟု နန်းနီဟို နောက်ဆစ်ဂေ့ဟယ်။ 22 အယ်စာဟို ရေးပေးဟူ ကျွန်တော်တေရတိုဟာ ခရစ်တော်အားဖြင့် ညီကို မောန်နမလေဟို နောက်ဆစ်ပါဟယ်။ 23 ငါနဲ သင်းတော်တခုလောင်းဟို လတ်ခံဧည့်ဝတ်ပြုသီး သူ့အီဟို ဘုရားဝတ်ပြုဟိုတွပ် ဆစ်ကပ်ဟိုနေရာပေးဟူ ဂါယုဟုလည်း နန်းနီလေဟို နောက်ဆစ်လိုက်ပါဟယ်။ ဗြိတဏ္ဍာစိုး ဧရတ္တုန နီလေရဲ့ ညီ ကွာတုလေဟုလည်း နန်းနီလေဟို နောက်ဆစ်ဂေ့ဟယ်။ 25 ဘုရားသခင်ရဲ့ ဖောင်းသရေတော်ဟို ထောမနာပြုဂေ့ဇီ! ယေရှုခရစ်ကြောင်းဟို ငါဟောပြောဟူ ဒန်းကောန်းတိုင်း ရှေးကာလဟုနေသီး ဖောင်းကွယ်သီး ဝပ်ဟားဟူ မှန်တရား ပေါ်ထွပ်ထန်ရှားလာနဲ ထပ်တူ ခရစ်တော်ယေရှုဟာ နန်းနီလေရဲ့ ယောင်ကြည်ရှင်းဟို ခိုင်ခံ့စေနိုင်တော် မူဟယ်။

(aiōnios g166) 26 အယ်ဘေမဲ့ ခုခီမာ အယ်မူဖောင်းကွယ်ဟားဟူ သမ္မာတရားဟာ ပရောဖက်လေရဲ့ ကျမ်းလေအားဖြင့် ထန်ရှားလာဘီ။ လူဘောင်းဇောင်ဟာ ဘုရားသခင်ဟို ယောင်ကြည်သီး ကိုယ်တော်ရဲ့ မိန့်တော်ဟို နာခံလာဂေ့ဟိုတွပ် နိစ္စထာဝရ သတ်ရှင်တော်မူဟူ ဘုရားသခင်ရဲ့ မိန့်တော်အားဖြင့် အယ်ဒန်းကောန်းဟို ကြေညာတော်မူဘီ။ (aiōnios g166) 27 ဉာဏ်တော်အနန္တနဲ့ ညွှဲဇောင်တော်မူသီး တပါးဒဲရှိဟူ ဘုရားသခင်ဟာ ယေရှုခရစ်တော်အားဖြင့် ကမ္ဘာဆစ်ဆစ် ဖောင်းသရေတော် ကီးပါစေ! အာမင်။ (aiōn g165)

၁ ကောရိန္တ

1 ဘုရားသခင်ရဲ့ လိုတော်တိုင်း ယေရှုခရစ်တော်ရဲ့ တမန်တော်ဖြစ်န ခန့်အပ်ဟူ ကျေးဇူးတို့ ခံရဟူ ငါပေါလုန ငါ့ညီသုသင်ဟာ — **2** ကောရိန္တမြို့မာရှိဟူ ဘုရားသခင်ရဲ့ သင်းဝမ်ဟူ သူလေန နေရာတိုင်းမာရှိဟူ နို့လေန သူးနို့လေရဲ့ သခင် ယေရှုခရစ်တော်ရဲ့ နာမတော်ဟို့ ကိုးကွယ်ဟူသူ ယေရှုခရစ်တော်နှိုက် တလောင်းတဝဲ ဖြစ်ရှင်းအားဖြင့် ဘုရားသခင်ရဲ့ သန့်ရှင်းဖြောင့်မတ်ဟူ သူဖြစ် ဝီးကော့-က်ခံရဟူ လူတိုင်းနားဟို့ စာရေးလိုက်ပါဟယ်။ **3** နို့လေရဲ့ သခင် ယေရှုခရစ်တော်န နို့လေရဲ့ ဘုရားသခင်နားဟုနေဘီး ကျေးဇူးတော်န ငြိသတ်ရှင်းဟာ နန်းနို့ ဂူလောင်းမာ ရှိပါစေ။ **4** ယေရှုခရစ်တော်အားဖြင့် နန်းနို့လေဟို့ ပေးသနားတော်မူဟူ ဘုရားသခင်ရဲ့ ကျေးဇူးတော်ကြောန့် ငါဟာ နန်းနို့လေတွင် နို့လေရဲ့ဘုရားသခင်ကျေးဇူးတော်ဟို့ မြဲဒမ်း ချီးမွမ်းပါဟယ်။ **5** ဖြားဖြစ်ကြောန့်နူးဆိုဟာ နန်းနို့လေဟာ နောက်သတ္တိ၊ ဉာဏ်သတ္တိန စစရာရာမာ ခရစ်တော်အားဖြင့် ကြွယ်ဝလှဇောင်ဂေဟူကြောန့်၊ **6** ယေရှုခရစ်တော်နဆိုင်ဟူ သတ်သေခံချစ်ဟာ နန်းနို့လေမာ တည်ပြုဟူဇာဟို့ ခံရလေဟယ်။ **7** အယ်ကြောန့် နို့လေရဲ့သခင် ယေရှုခရစ်တော် ပေါ်ထွပ်လာဟူဇာဟို့ မျှော်လင့်နေဟူ ခီမာ ဆုကျေးဇူး တဇောင်တခုလည်း လျှော့ဘဲန စောင်လင်ဂေဟယ်။ **8** နို့လေရဲ့သခင် ယေရှုခရစ်တော် ပေါ်ထွပ်လာဟူနေရစ်မာ ပြစ်တန်ခွမ်န လွတ်ကင်းဟို့တွပ်၊ ကိုယ်တော်ဟာ ဆောင်းထိအောက်ဘဲ နန်းနို့ဟို့ ခိုင်ခံ့စေလေမယ်။ **9** သူ့ရဲ့ သားတော်ဖြစ်ဟူ နို့လေရဲ့ သခင် ယေရှုခရစ်တော်ရဲ့ မိတ်သဟာယဖွဲ့ရှင်း ထဲဟို့ နန်းနို့လေဟို့ ခေါ်တော်မူဟူ ဘုရားသခင်ဟာ သစ်စာန ပွဲဇောင်တော်မူလေဟယ်။ **10** ညီကို မောန့်နမလေ၊ နန်းနို့လေရှင်းရှင်း စိဝန်းကွဲရှင်းမေ့ဘဲန စည်းစည်းလောင်းလောင်း ညီးညီညွတ်ညွတ်နေဘီး စိကူကိုယ်တူဖြစ်ဟို့တွပ် သခင် ယေရှုခရစ်တော်ရဲ့ နာမတော်ဟို့မို့ပြဘီးဟာ နန်းနို့လေဟို့ ငါတောင်းဗန်ပါဟယ်။ **11** ဖြားဖြစ်ကြောန့်နူးဆိုဟာ ညီကို မောန့်နမလေ နန်းနို့လေ ရှင်းရှင်း ရန်များဂေဟယ် ဆိုဇာဟို့ ကလောကူ အီသူအီသားလေ ပြောပြဟူကြောန့် ငါကြားသိရဟယ်။ **12** နန်းနို့လေဟာ ရှင်းရှင်း စိဝန်းကွဲဟူ စကားလေဟို့ ပြောဂေဟယ်။ တယော့-က်ဟု “ငါဟာ ပေါလုရဲ့တဗဲ့” တယော့-က်ဟုလည်း “ငါဟာ အာပေါလုရဲ့ တဗဲ့” နော့-က်တယော့-က်ဟုလည်း “ငါဟာ ကေဖရဲ့တဗဲ့” “ငါဟာ ခရစ်တော်တဗဲ့” ဖြစ်ဟယ် ဆိုဘီး နန်းနို့ရှင်းရှင်း ပြောနေဂေဟူကြောန့် ငါပြောရဟူ ဇာဖြစ်ဟယ်။ **13** ခရစ်တော်ဟာ ကွဲပြားဟူကြောန့်လော။ ပေါလုဟု နန်းနို့လေတွပ် လတ်ဝါးကပ်တိုင်မာ သေခံဟူဇာလော။ အယ်မျိုးမှူးဘဲနေဟာ ပေါလုရဲ့ နာမန ဗတ္တိဇံခံဂေဟို့ကြောန့်လော။ **14** ငါဟာ ကရိပ္ပန ဂါယုဟုလွဲဘီး နန်းနို့လေထဲဟု ဖယ်သူဟို့မှလည်း ဗတ္တိဇံပေးဘဲကြောန့် ဘုရားသခင်ရဲ့ကျေးဇူးတော်ဟို့ ချီးမွမ်းပါဟယ်။ **15** အယ်ကြောန့် နန်းနို့လေဟာ ငါနာမန ဗတ္တိဇံဟို့ ခံဟယ် ဆိုဘီး ဖယ်သူလည်း ပြောဇာကြောန့် မေ့ဟူ။ **16** (ငါဟာ သတေဖန်ရဲ့ အီသူအီသားလေဟို့ ဗတ္တိဇံပေးဟယ်။ နော့-က်ထပ် ဖယ်သူလေဟို့ ဗတ္တိဇံပေးဟယ် ဆိုဇာ ငါမှတ်မိဟယ်။) **17** ခရစ်တော်ဟာ ဗတ္တိဇံပေးဟို့တွပ် ငါဟို့ စေလွှတ်ဟူဇာ မူဟူ။ အယ်ဘောမဲ့လည်း ခရစ်တော်ရဲ့ လတ်ဝါးကပ်တိုင် တရားဟို့ ချည်းနှီးသတ်သတ် ဖြစ်ဘဲနေအောက် လူလေရဲ့ ဉာဏ်ပညာန ယှဉ်ဟူ စကားဟို့ သုံးပြုဘဲ ဒန်းကောန်းဟို့ ပြောဟို့တွပ် ငါဟို့ စေလွှတ်ဇာဖြစ်ဟယ်။ **18** ဖြားဖြစ်ကြောန့်နူးဆိုဟာ လတ်ဝါးကပ်တိုင်တော်န ဆိုင်ဟူ တရားစကားဟာ ပျစ်စီးရှင်းဟို့ ရော့-က်ဟူ သူလေတွပ် မိုက်မဲဟူရာ ဖြစ်ဟူလည်းဘဲ ကယ်တန်ရှင်းခံရဟူ နို့လေတွပ်ဟု ဘုရားသခင်ရဲ့ တဂိုးတော်ဖြစ်လေဟယ်။ **19** ဖြားဖြစ်ကြောန့်နူးဆိုဟာ ကျမ်းစာလာဟူဇာဟု၊ “ပညာရှိလေရဲ့ ပညာဟို့ ငါဖျစ်ဆီးမယ်။ ဉာဏ်ကောန်းဟူသူလေရဲ့ ဉာဏ်ဟို့လည်း ငါဖယ်ရှားမယ်” ဆိုဘီး လာလေဟယ်။ **20** အယ်မျိုးဖြစ်ဟယ် ဆိုဟာ၊ ပညာရှိဟူသူဟု ဖယ်မာရှိနူး။ ကျမ်းပြုဆရာဟု ဖယ်မာရှိနူး။ လောကီရေးရာမာ ကျမ်းကျင်သူလေဟာ ဖယ်မာရှိနူး၊ ဘုရားသခင်ဟာ လောကီပညာလေဟို့ မိုက်မဲစေတော်မူဟယ် မူဟူလော။ (aiōn g165) **21** ဖြားဖြစ်ကြောန့်နူးဆိုဟာ ဘုရားသခင်ဟာ သူ့ရဲ့ ဉာဏ်ပညာတော်အားဖြင့် စီရင်ဟားဟူကြောန့်၊ လောကသားလေဟာ သူးနို့ရဲ့ပညာအားဖြင့် ဘုရားသခင်ဟို့ သိဘဲနနေဟူ ခီမာ ဘုရားသခင်ဟာ

ယောင်ကြည်ဟူသုလေဟို မိုက်မဲဟူဒေသနာ ဟောပြောရှင်းအားဖြင့် ကယ်တန်ဟို့တွပ် စေတနာတော်ရှိလေဟယ်။ 22
ယုဒလူမျိုးလေဟု နိမိတ်လတ်ခဏာဟို တောန်းခံတတ်ဂေဟယ်။ လူမျိုးခြားလေဟု ဉာဏ်ပညာဟို ရှာဂေလေဟယ်။ 23
နို့လေဟု လတ်ဝါးကပ်တိုင်မာ သေခံတော်မူဟူ ခရစ်တော်ရဲကြောင်းဟို ဟောပြောလေဟယ်။ အယ်မူကြောင်းရာဟု
ယုဒလူမျိုးလေတွပ် မှားယွင်းဟူကြောင်းဖြစ်ဘီး၊ လူမျိုးခြားလေတွပ်ဟု မိုက်မဲဟူကြောင်း ဖြစ်ဟယ်။ 24 အယ်ဘေမဲ့လည်း
ယုဒလူမျိုးဘဲဖြစ်ဖြစ်၊ လူမျိုးခြားလေဘဲဖြစ်ဖြစ် ဝီးကော့- က်ရှင်းဟို ခံရဟူသုလေတွပ်ဟု ဘုရားသခင်ရဲတဂိုးတော်န
ဘုရားသခင်ရဲ ပညာတော်ဖြစ်ဟူ ခရစ်တော်ရဲ တရားဖြစ်လေဟယ်။ 25 ဘုရားသခင်ရဲ မိုက်မဲဟူဇာဟု လူလေရဲ
ဉာဏ်ပညာထတ် ပိုဘီး ပညာရှိလေဟယ်။ ဘုရားသခင်ရဲ အားနဲချစ်ဟု လူလေရဲ စွမ်းထတ် ပိုဘီး စွမ်းအားကီးဟယ်။ 26
ညီကို မောန်နှမလေ၊ နန်းနို့ဟို ဝီးကော့- က်ဟူ ကြောင်းရာဟို ပွန်ဘီး ဆင်ခြင်ကေဂေပါ။ လူ့အပြင်အားဖြင့် ပြောရမယ်
ဆိုဟု နန်းနို့လေဟို ခေါ်ဟူဇာဟု ပညာရှိဟူသုလေ၊ အသရေရှိဟူသုလေ၊ မန်းမျိုးမန်းနွယ်လေ လော့- က်ဘီးပါဟု။
27 အယ်ဘေမဲ့ ဘုရားသခင်ဟု သူ့ရဲ ကြံစည် ရည်ရွယ်ချစ်အားဖြင့် ပညာရှိလေဟို ယုတ်ရစေဟို့တွပ် လောကမာ
မိုက်မဲဟူသုလေဟို ဝီးကော့- က်တော်မူဟယ်။ စွမ်းသတ္တိရှိဟူ လူလေဟို ယုတ်ရစေဟို့တွပ် လောကမာ အားနဲဟူ သုလေဟို
ဝီးကော့- က်တော်မူဟယ်။ 28 နော့- က်ဘီး မြတ်ဟူသုလေဟို ဖယ်ရှားဟို့တွပ် လောကမာ ဆင်းရဲဟူသူ၊ ရေရာဘဲဟူသူ၊
ယုတ်ညံ့ဟူသုလေဟို ဘုရားသခင် ဝီးကော့- က်တော်မူဟယ်။ 29 အယ်မျိုးဖြစ်ကြောန့် ဘုရားသခင်ရဲ ရှေ့တော်မာ
ဖယ်လူလည်း ဝါကြွားဟို့ကြောင်း မေ့ဟု။ 30 နန်းနို့လေဟု ဘုရားသခင်အားဖြင့် ယေရှုခရစ်တော်နို့ကံ တည်နေဂေဟယ်။
အယ်သခင်ဟု နို့လေတွပ် ဘုရားသခင်နားဟုလာဟူ ဉာဏ်ပညာ ဖြစ်တော်မူဘီး ဖြောန့်မတ်ရှင်း၊ သန့်ရှင်းရှင်းန
ဝီးနူကယ်တန်ရှင်း ဖြစ်တော်မူလေဟယ်။ 31 အယ်ကြောန့် ကျမ်းစာဟု “ဝါကြွားဟူသူဟု ဘုရားသခင်အားဖြင့်ဘဲ
ဝါကြွားပါစေ” ဆိုဘီး ပြောဟားဟယ်။

2 ညီကို မောန်နှမလေ၊ ငါဟု နန်းနို့လေနားဟို ရော့- က်လာဟူ ခီမာ ထူးမြတ်ဟူစကားန ထူးမြတ်ဟူပညာအားဖြင့်
ဘုရားသခင်ရဲ နတ်နဲဟူ သမ္မာတရားဟို နန်းနို့လေဟို ဟောပြောဇာ မူဟု။ 2 ဖြားဖြစ်ကြောန့်နူးဆိုဟု ငါဟု
နန်းနို့လေနတူးဒူ ရှိနေခီဟု ယေရှုခရစ်တော်ရဲကြောင်း ထူးသဖြင့် လတ်ဝါးကပ်တိုင်မာ သေခံဟူ ကြောင်းရာဟုလွဲဘီး
တခြားဖယ်ဇာလေဟိုမှ သိမှတ်ဘဲနေဟို့တွပ် ဆောင်းဖြတ်ဟားပါဟယ်။ 3 အယ်ကြောန့် နန်းနို့လေန ငါတူးဒူရှိဟူခီဟု
အားနဲဘီး ကြော့- က်ရှုံ့ တူလော့ကံမူန နေရဟယ်။ 4 ငါဟောပြောဟူ တရားစကားဟု လူလေရဲ ပညာအားဖြင့်
တည်ဘီးပြောဟူဇာ မူဟု။ ဘုရားသခင်ရဲ ဝိညာဉ်တော် တဂိုးပါဟူ စကားလေဟိုဘဲ ငါဟောပြောဟယ်။ 5 အယ်ကြောန့်
နန်းနို့လေရဲ ယောင်ကြည်ရှင်းဟု လူလေရဲ ဉာဏ်ပညာထတ်မာ တည်ဟူဇာမူဘဲန ဘုရားသခင်ရဲ တဂိုးထတ်မာဘဲ
တည်ဟူဇာဖြစ်ဟယ်။ 6 အယ်ဘေမဲ့လည်း နို့လေဟု စောင်လင်ဟူသုလေထဲမာ ပညာစကားဟိုပြောဆိုဟယ်။ အယ်ဘေမဲ့
အယ်ပညာဟု လောကီပညာဟို ပြောရှင်ဇာ မူဟု။ ပယ်ဖျစ်ခံရမယ့် လောကီမန်းလေရဲ ဉာဏ်ပညာလည်း မူဟု။ (aiñ g165)
7 အယ်လောက တည်ခန့်ကဒဲဟု နို့လေရဲ ဖောင်းသရေတော်ဖြစ်ဟို့တွပ် ဘုရားသခင်စီရင်ဟားဟူပညာ၊ နတ်နဲဟူရာနို့ကံ
ဝတ်ဟားဟူ ဘုရားသခင်ရဲပညာဟို နို့လေပြသဂေဟယ်။ (aiñ g165) 8 အယ်ပညာဟို လောကီမန်းလေ တယော့- က်လည်း
သိဂေဟု။ တကယ်ဟို သိမယ် ဆိုဟု ဖောင်းကီးတော်မူဟူ အယ်သခင်ဟို လတ်ဝါးကပ်တိုင်မာ တန်သတ်ဂေဟို မူဟု။ (aiñ
g165) 9 အယ်ဘေမဲ့လည်း ကျမ်းစာလာဟူတိုင်းဘဲ “ဖယ်သူလည်းဘဲ ဖြင်ဖူးဟု၊ ဖယ်သူလည်း ကြားဖူးဟု၊ ဖယ်သူလည်း
စိန်လောင်းထဲဟု ကြံစည်သေးဘဲဟူ ရာလေဟို ဘုရားသခင်ဟု သူ့ဟို ရှစ်ဟူ သုလေတွပ် ပြင်ဆင်ဟားလေဟယ်။”
10 အယ်ဘေမဲ့ ဘုရားသခင်ဟု အယ်ရာလေဟို သူ့ရဲ ဝိညာဉ်တော်အားဖြင့် နို့လေဟို ဖော်ပြပေးတော်မူဟယ်။
ဝိညာဉ်တော်ဟုလည်း ဘုရားသခင်ရဲ နတ်နဲဟူ ရာလေထိအောန် ရှိမျှုလောင်းဟို စစ်တော်မူဟယ်။ 11 နို့လေရဲ
ထဲမာရှိဟူ နတ်နဲဟူ ကြောင်းရာလေဟို နို့လေရဲ စိဝိညာဉ်ဟုလွဲဘီး ဖယ်သူဟု သိဟိုကြောန့်နူး။ အယ်မူတိုင်းဘဲ

ဘုရားသခင်ရဲ့ နတ်နဲ့ဟူ ကြောန်းရာလေဟို ဘုရားသခင်ရဲ့ ဝိညာဉ်တော်ဟုလွဲဘီး ဖယ်သူလည်း သိနိုင်ဟူ။ 12 နို့လေဟာ အယ်လောကန ဆိုင်ဟူ ဝိညာဉ်ဟို ခံယူဂေဟူစာ မူဟူ။ ဘုရားသခင် ပေးတော်မူဟူ ရာလေဟို သိဟိုတွပ် ဘုရားသခင်နားဟု ကြွလာဟူ ဝိညာဉ်တော်ဟို ခံရဂေဇာဖြစ်ဟယ်။ 13 ဘုရားသခင် ပေးတော်မူဟူ ရာလေဟို နို့လေဟာ လူ့ပညာအားဖြင့် ဟောပြောဟူစာ မူဟူ။ အယ်ဘောမဲ့ သန့်ရှင်းဟူဝိညာဉ်တော်ဟာ ဝိညာဉ်န စပ်ဆိုငိုဟူ ရာ ဟို ဝိညာဉ်စကားအားဖြင့် ဖွင့်ပြဘီး ပဲ့ပြင်တော်မူဟူ စကားအားဖြင့် နို့လေဟောပြောဟယ်။ 14 ဇာတိလူဟာ ဘုရားသခင်ရဲ့ ဝိညာဉ်ရေးရာန ဆိုင်ဟူ ရာလေဟို ခံယူဟူ။ ဖြားဖြစ်ကြောန်းနူးဆိုဟာ အယ်မူရာလေဟာ သူတွပ် မိုက်မဲဟူ ဇာလေဖြစ်ဟယ် ဆိုဘီး ထန်မှတ်တတ်လေဟယ်။ အယ်မူရာလေဟို ဝိညာဉ်တော်အားဖြင့်ဘဲ ပိုင်းခြားဘီး နားလည်နိုင်ဟူကြောန့် ဇာတိလူဟာ နားလည်ဟူ။ 15 ဝိညာဉ်လူဟာ အယ်မူဇာလေ ဂူလောင်းဟို ပိုင်းခြားဘီး နားလည်တတ်ဟယ်။ အယ်ဘောမဲ့ အယ်သူဟို ဖယ်သူလည်း ပိုင်းခြားဘီး သိနိုင်ဟူ။ 16 ဖြားဖြစ်ကြောန်းနူးဆိုဟာ ကျမ်းစာဟု ဘုရားသခင်ရဲ့ စိတ်ဟို ဖယ်သူသိနူး။ ဖယ်သူဟာ ကိုယ်တော့်ဟို ကြဉာဏ်ပေးနိုင်နူး ဆိုဘီး ဖော်ပြဟားလေဟယ်။ အယ်ဘောမဲ့ နို့လေဟာ ခရစ်တော်ရဲ့စိတ်ဟို ခံရဂေဟယ်။

3 ညီကို မောန့်နမလေ၊ တကယ်ဒမ်းဆိုဟာ ငါဟာ နန်းနို့လေဟို ဝိညာဉ်လူလေဟို ဟောပြောဟူမျိုး ပြောဟိုမရဘဲ။ ဇာတိလူဖြစ်ဟူ လောကသားလေမျိုး၊ ခရစ်ယာန်သတ်တာမာ ယေရှုခရစ်တော်နှိုက် သာကန်းဟားလေမျိုးဘဲ နန်းနို့ဟို ဟောပြောရဟယ်။ 2 ခုထုတ်ထိ နန်းနို့လေဟာ မာဟူစာဟို မစားနိုင်သေးဘဲကြောန့် ငါဟာ နို့ဟိုဘဲတိုက်ရဟယ်။ ခုလည်းဘဲ နန်းနို့လေဟာ မာဟူစာဟို စားနိုင်သေးဟူ။ 3 ခုလည်း နန်းနို့လေဟာ ဇာတိလူဖြစ်ဂေသေးဟယ်။ ရှင်းရှင်း မနာလိုဟူဇာလေ၊ ကွဲပြားဟူဇာလေ၊ ဂေါင်ပြိုင်ဟူဇာလေ၊ ရန်ဖြစ်ဟူဇာလေဟာ ဇာတိလူလေ ဖြစ်ဂေသေးဟယ် မူဟုလော။ လောကီထောင်းစံတိုင်းဘဲ နန်းနို့လေ ကျင့်သောင်းနေဂေဇာ မူဟုလော။ 4 ဖြားဖြစ်ကြောန်းနူးဆိုဟာ တယော့-က်ဟု “ငါဟာ ပေါလုတဖွဲ ဖြစ်ဟယ်။” နော့-က်တယော့-က်ဟုလည်း “ငါဟာ အာပေါလုတဖွဲ ဖြစ်ဟယ်” ဆိုဘီး နန်းနို့လေ ပြောဆိုနေဂေဇာဟာ လောကသားလေမျိုးဘဲ ပြုမူနေဂေဇာဘဲ မူဟုလော။ 5 အာပေါလုဟု ဖယ်သူနူး။ ပေါလုဟုလည်း ဖယ်သူနူး။ နို့လေဟာ နန်းနို့ ယောင်ကြည်လာဟိုတွပ် ဟောပြောသတ်သေခံဟူ ဓမ္မမူတော်ဆောန်ဘဲ ဖြစ်ဟယ်။ နို့လေဂူလောင်းဟာ သခင်ဘုရားရဲ့ မူတော်ဟို စေခံလောက်ဆောန်ဟူ သူလေဘဲဖြစ်ဟယ်။ 6 ငါဟာ စိုက်ပျိုးဟူ သူဖြစ်ဟယ်။ အာပေါလုဟု ရေလောင်းဟူ သူဖြစ်ဟယ်။ ပန်ဟို ပေါ့-က်စေဘီး ကီးထွားစေသူဟု ဘုရားသခင်ဘဲ ဖြစ်ဟယ်။ 7 စိုက်ပျိုးဟူ သူန ရေလောင်းဟူ သူဟု ဖြားဇာလည်းတတ်နိုင်ဟူ။ ပန်ဟို ကီးထွားစေဟူ ဘုရားသခင်ဟုဘဲ ရှိမျှဂူလောင်းဟို တတ်နိုင်တော်မူဟယ်။ 8 စိုက်ပျိုးဟူ သူန ရေလောင်းဟူ သူဟာ တလောင်းတဝဒဲ ဖြစ်ဘီး လူတိုင်းဟာ ကိုယ်ကြိုးစား လောက်ဆောန်တိုင်း ကျိုးဟို ခံရလေမယ်။ 9 နို့လေဟာ ဘုရားသခင်နားမာ လောက်လောက်ဟူ လောက်ဖော်ဆောန်ဖတ်လေ ဖြစ်ဟယ်။ နန်းနို့လေဟာ ဘုရားသခင်ရဲ့ ဥယျာဉ်တော် ဖြစ်ဂေဟယ်။ ဘုရားသခင်ရဲ့ ကွေးနားတော်တိုက်လည်း ဖြစ်ဂေဟယ်။ 10 ငါ့ဟို ဘုရားသခင်ပေးအပ်တော်မူဟူ ကျေးဇူးတော်တိုင်း ပညာရှိဟူပရံဆရာမျိုး အပြစ်ဟိုလွှဲဟားဘီ။ တခြားသူလေဟာ ထပ်ဆစ်ဘီး တည်ဆော့-က်လေဟယ်။ အယ်ဘောမဲ့ ဖယ်မျိုးထပ်ဆစ်ဘီး တည်ဆော့-က်ဟူဆိုဇာဟို လူတိုင်းဒိပြုရမယ်။ 11 ဖြားဖြစ်ကြောန်းနူးဆိုဟာ ယေရှုခရစ်တော်ဖြစ်ဟူ လွှဲဟားဘီးဟူ အပြစ်ဟုလွဲဘီး၊ တခြားအပြစ်ဟို ဖယ်သူလည်းမလွှဲနိုင်ဟူ။ 12 အယ်မူအပြစ်ထုတ်မာ ရွှေ၊ ငွေ၊ ကွေး-က်မြတ်ရတနာ၊ သစ်သား၊ ဖြစ်ပန်၊ ကော့-က်ရိုးလေန ထပ်ဆစ်ဘီး တည်ဆော့-က်ဟူသူရှိဟူမျှ။ 13 လူတိုင်းလောက်ဟူ လောက်ဟာ ထန်ရှားလေမယ်။ ဖြားဖြစ်ကြောန်းနူးဆိုဟာ ဖော်ပြဟူနေရစ်ဟာ မီးအားဖြင့်ထန်ရှားစေလေမယ်။ လူတိုင်းလောက်ဟူ လောက်ဟာ ဖယ်မျိုးလောက် ဖြစ်ဟယ်ဆိုဇာဟို မီးဟာစစ်ဆေးလေမယ်။ 14 အယ်မူအပြစ်ထုတ်မာ ထပ်ဆစ်ဘီး တည်ဆော့-က်ဟူ သူရဲ့လောက်ဟာ တည်မြဲဟယ် ဆိုဟာ၊ အယ်သူဟာ ကျိုးရလေမယ်။ 15 အယ်ဘောမဲ့ ယော့-က်ယော့-က်လောက်ဟူရာဟာ မီးလောက်ဟယ် ဆိုဟာ

ရှောင်းခံရလေမယ်။ အယ်ဘောမဲ့လည်း သူကိုယ်တိုင် မီးနုလွတ်ဟူသူမျိုး ကယ်တန်ရှင်းဟို ခံရလေမယ်။ **16** နန်းနို့လေဟာ ဘုရားသခင်ရဲ့ ဗိမာန်တော် ဖြစ်ဟုယ် ဆိုဟူဇာန ဘုရားသခင်ရဲ့ ဝိညာဉ်တော်ဟာ နန်းနို့လေထဲမှာ ကိန်းဝပ်နေဟုယ် ဆိုဇာဟို နန်းနို့လေ သိဂေဟလော။ **17** ဘုရားသခင်ရဲ့ ဗိမာန်တော်ဟို ဖျစ်ဆီးဟူသူဟို ဘုရားသခင် ဖျစ်ဆီးလေမယ်။ ဘုရားသခင်ရဲ့ ဗိမာန်တော် ဆိုဇာဟာ သန့်ရှင်းရဟုယ်။ နန်းနို့လေလည်း အယ်ဗိမာန်တော် ဖြစ်ဂေဟုယ်။ **18** ဖယ်သူလည်းဘဲ ကိုယ့်ကိုယ်ကိုယ် လှည့်ဇားစေန။ နန်းနို့လေမှာ ယော့-ကယော့-ကဟ ငါဟာ အယ်လောကရဲ့ ပညာရှိဖြစ်ဟုယ် ဆိုဘီး ထန်မှတ်ဟုယ် ဆိုဟာ အယ်လူဟာ ပညာရှိဖြစ်ဟိုတွပ် မိုက်မဲဟူသူ ဖြစ်ပါစေ။ (aīṭn g165)

19 ဖြားဖြစ်ကြောန့်နူးဆိုဟာ အယ်လောကရဲ့ ဉာဏ်ပညာဟာ ဘုရားသခင်ရဲ့ မျစ်မော့-ကတော်မာ မိုက်မဲဟူဇာဘဲ ဖြစ်ဟုယ်။ ကျမ်းစာဟာ “ဘုရားသခင်ဟာ ပညာရှိလေဟို ပရိယာယ်အားဖြင့် ဖမ်းဆီးတော်မူဟုယ်” ဆိုဘီး လာဟုယ်။ **20** နော့-ကထပ် ကျမ်းစာဟာ “ပညာရှိလေရဲ့ ကြံစည်ဟာ ချည်းနှီးသတ်သတ် ဖြစ်ဟူကြောင်းဟို သခင်ဘုရား သိတော်မူဟုယ်” ဆိုဘီး လာဟုယ်။ **21** အယ်မျိုးဖြစ်ကြောန့် လူလေရဲ့ စွမ်းစန ပတ်သတ်ဘီး ဖယ်သူလည်း ဝါကြွားစေန။ ဖြားဖြစ်ကြောန့်နူးဆိုဟာ ရှိမျှဂူလောင်းဟာ နန်းနို့လေတွပ် ဖြစ်ဟုယ်။ **22** ပေါလုဘဲဖြစ်ဖြစ်၊ အာပေါလုဘဲဖြစ်ဖြစ်၊ ကောဖဘဲဖြစ်ဖြစ်၊ အယ်လောကဘဲဖြစ်ဖြစ်၊ သတ်ရှင်ရှင်းဘဲဖြစ်ဖြစ်၊ သေရှင်းဘဲဖြစ်ဖြစ်၊ မျစ်မော့-ကရာဘဲဖြစ်ဖြစ်၊ နော့-ကဖြစ်လာတတ်ဟူ ရာဘဲဖြစ်ဖြစ် ရှိမျှဂူလောင်းဟာ နန်းနို့လေတွပ် ဖြစ်ဟုယ်။ **23** နန်းနို့လေလည်း ခရစ်တော်တွပ် ဖြစ်ဟုယ်။ ခရစ်တော်ဟာလည်း ဘုရားသခင်တွပ် ဖြစ်တော်မူဟုယ်။

4 နို့လေဟာ ခရစ်တော်ရဲ့ မူဆောန်ဖြစ်ဟူဇာန ဘုရားသခင်ရဲ့ နတ်နဲဟူသမ္မာတရားဟို စောန့်ရှော့-ကဟူ ဘဏ္ဍာထီးဖြစ်ဟူဇာဟို သူများလေ မှတ်ယူပါစေ။ **2** အယ်ဘဏ္ဍာထီးဟာ သစ်စာရှိဟူသူ ဖြစ်ဟူကြောင်းဟို သိမှတ်ပြုခံရဟူသူဖြစ်ရမယ်။ **3** ငါဟာ နန်းနို့လေနားမာဘဲဖြစ်ဖြစ်၊ လူလေရဲ့စဉ်လာနာဘဲဖြစ်ဖြစ် စစ်ခံရမယ် ဆိုဟာ ငါမူထားဟ။ ငါဟာ ကိုယ့်ကိုယ်ကိုယ်လည်း စီရင်ဟ။ **4** ဖြားဖြစ်ကြောန့်နူးဆိုဟာ ငါ့ရဲ့ဩတ္တပ္ပစိဟာ ရှင်းရှင်းလန်းလန်းဘွဲ့ရှိဟုယ်။ အယ်ဘောမဲ့ ငါမာပြစ်မေ့ဟု ဆိုဘီး ဆိုလိုဟူဇာ မူဟာ၊ ငါ့ဟို စစ်ကြောစီရင်သူဟာ သခင်ဘုရားဘဲ ဖြစ်ဟုယ်။ **5** အယ်မျိုးဖြစ်ကြောန့် သခင်ဘုရား ကြွလာခန့် ဖယ်ရာဟိုမှ ဒီတန်ဘဲ စီရင်ဂေန။ အယ်သခင်ဟာ မှောန်မိုက်မာ ကွယ်ဝှပ်ဟားဟူ ရာလေဟို လန်းရောန်ထဲဟို ယူဆောန်လာဘီး စိနုလောင်းကြံစည်လေဟို ထန်ရှားစေတော်မူလေမယ်။ အယ်ဒီမာ လူလေဟာ ဘုရားသခင်နားဟု ချီးမွမ်းဟူဇာဟို ခံရလေမယ်။ **6** ညီကို မောန်နမလေ၊ နန်းနို့လေဟာ ကျမ်းစာဟို ကျော်လွန်ဘီး သူများလေဟို ရိုသေအပ်ဘဲဇာဟို နို့လေဟို ထော့-ကဘီး နားလည်ဂေဟိုတွပ်န မာနထောန်လွှားဟူကြောန့် တယော့-ကဟို မှီဘီး တယော့-ကဟို ထိမဲ့မြင်ပြုဘဲနေဟိုတွပ် ငါပြောဟူ ချစ်လေအားဖြင့် နန်းနို့ကျိုးဟို ထော့-ကဘီး ငါန အာပေါလုဟို ကြောနိုးပြုဘီး ပြောဟူဇာဖြစ်ဟုယ်။ **7** ဖယ်သူဟု နန်းနို့လေဟို သူများထတ် ထူးကဲစေန။ သူတပါးလတ်ဟုခံယူဘဲန လိုလိုရဟူဇာ တစောင်တခု နန့်မာရှိလော။ သူတပါးလတ်ဟုခံယူဇာမှန်ဟုယ် ဆိုဟာ ခံယူဘဲဟူမျိုး ဖြားဖြစ်ကြောန့် ဝါကြွားဟုယ်န။ **8** နန်းနို့လေဟာ ရာရာပွဲဇောင်ဂေဘီ။ နန်းနို့လေ ကြွယ်ဝဂေဘီ။ နို့လေပါဘန မန်းဂီးလေ ဖြစ်ဂေဘီ။ နို့လေလည်း နန်းနို့နုတူးဒူ စိုးစံနိုင်ဟိုတွပ် နန်းနို့လေ တကယ်မန်းဂီးလေ ဖြစ်ဟိုတွပ် လိုရှင်ပါဟုယ်။ **9** ဘုရားသခင်ဟု တမန်တော်လေဖြစ်ဟူ နို့လေဟို နော့-ကဆောင်းမာထားဘီး သတ်ဟိုထားဟားဟူသူလေမျိုး ထုပြတော်မူဟုယ် ဆိုဘီး ငါထန်ဟုယ်။ ဖြားဖြစ်ကြောန့်နူးဆိုဟာ နို့လေဟာ လောကသားလေန ကောန်းဂန်တမန်လေရှေမာ ပွဲဝမ်ဟူသူလေ ဖြစ်ဂေဟုယ်။ **10** နို့လေဟာ ခရစ်တော်တွပ်ကြောန့် လူမိုက်ဖြစ်ဂေဟုယ်။ အယ်ဘောမဲ့ နန်းနို့လေဟာ ခရစ်တော်နို့က ပညာရှိလေ ဖြစ်ဂေဟုယ်။ နို့လေဟာ အားနဲဟူသူလေဖြစ်ဟုယ်။ အယ်ဘောမဲ့ နန်းနို့လေဟာ စွမ်းအားရှိသူလေဖြစ်ဟုယ်။ နို့လေဟာ အသရေမှော့ဘဲသူဖြစ်ဟုယ်။ အယ်ဘောမဲ့ နန်းနို့လေဟာ အသရေရှိသူလေဖြစ်ဟုယ်။ **11** ခုဒီထိ နို့လေဟာ စာရေဇာငတ်ဘီး

နေရဟူ၏။ ဝတ်စုပုံန နေရဂေဟူ၏။ ရိုက်ပုတ်ညဉ်းဆဲဇာလေဟူ ခံရဂေဟူ၏။ အီမေ့ရာမေ့န လှည့်လည်သွားဂေရဘီး။
12 ကိုယ့်လတ်န ပန်ပန်ဗန်းဗန်း လောကဆောန်ဂေရဟူ၏။ နို့လေဟာ ကီဆဲခံရဟူ ခီမာ ကောန်းဂျီးပေးဂေဟူ၏။
ညဉ်းဆဲခံရခီမာ သီးခံဂေဟူ၏။ 13 စော်ကားခံရခီမာ တောန်းဗန်ဂေဟူ၏။ နို့လေဟာ ခုခီထိ အယ်လောကရဲပယ်ခံလေ၊
လူတကာလေ စွန်ပစ်ဟားဟူ မှိုက်လေ ဖြစ်ဂေဟူ၏။ 14 နန်းနို့လေဟူ ယုတ်ခွဲရှင်ဟူကြောန့် အယ်မျိုး ငါရေးလိုက်ဟူဇာ
မူဟူ။ ငါရှစ်ရဟူ သားမီးလေနေန နန်းနို့လေဟူ ဒီပေးရှင်ကြောန့် အယ်မျိုး ငါရေးလိုက်ဇာဖြစ်ဟူ၏။ 15 နန်းနို့လေမာ
ခရစ်တော်ကြောန်းဟူ သွန်သန်ပေးဟူဆရာလေ ၁၀,၀၀၀ လော့-ကရိုဟူလည်းဘဲ ဖတယော့-ကဘဲရှိဟူ၏။ ခရစ်တော်ရဲ့
ဒန်းကောန်းအားဖြင့် ငါဟာ ယေရှုခရစ်တော်ခိုက် နန်းနို့လေဟူ ဝိုးဗွားပေးဟူ နန်းနို့လေရဲ့ ဖဖြစ်ဟူ၏။ 16 အယ်ကြောန့်
ငါနေထိုင်ကျင့်သောင်းမျိုး နန်းနို့လေ နေဂေဟူတွပ် ငါတိုက်တွန်းရှင်ပါဟူ၏။ 17 အယ်ကြောန်းကြောန့် သခင်ဘုရားခိုက်
သစ်စာရှိဟူ ငါရှစ်ရဟူသား တိမောသေဟူ နန်းနို့လေနားဟူ ငါလွှတ်လိုက်ပါဟူ၏။ သူဟာ နေရာတိုင်းမာရှိဟူ
သင်းတော်လေမာ ငါသွန်သန်ဟူမျိုး ယေရှုခရစ်တော်ခိုက် ငါလိုက်ရှော့-ကဟူ လမ်းလေဟူ နန်းနို့ဟူ ဒီရစေလေမယ်။
18 နန်းနို့လေနားဟူ ငါလာဟူ မူဟာ ဆိုဘီး ထန်ဘီးဟာ နန်းနို့လေထဲဟာ တချို့လူလေဟာ မာနထောန်နေဂေဟူ၏။ 19
အယ်ဘေမဲ့ သခင်ဘုရားလိုတော်ရှိဟူ ဆိုဟာ နန်းနို့လေနားဟူ မကြာခန်လာမယ်။ ငါလာဟူ ခီမာ မာနထောန်ဟူသူလေရဲ့
စကားဟူမှဘဲန သူးနို့လေရဲ့တကိုးဟူ သိရလေမယ်။ 20 ဖြားဖြစ်ကြောန့်နူးဆိုဟာ ဘုရားသခင်ရဲ့ နိုင်ငံတော်ဟာ
စကားအားဖြင့်တည်ဇာ မူဟူ။ တကိုးအားဖြင့်ဘဲ တည်ဟူဇာဖြစ်ဟူ၏။ 21 ငါဟာ ကီလောင်းဟိုကိုင်ဘီး နန်းနို့လေနားဟူ
လာရဟူလော။ အယ်မျိုးမှဘဲနေဟာ မြစ်တာနဖြစ်ဖြစ်၊ နူးညံ့သီမွေဟူစိန်ဖြစ်ဖြစ် လာရဟူလော။ နန်းနို့ ဖြားဇာဟူ
လိုရှင်ဂေနူး။

5 ခု နန်းနို့လေထဲမာ ကိုယ့်ဖမယားငယ်န မှားယွင်းဟူ တရားဘဲဟူ မေထုန်ပြုဟူဒန်းဟာ ပွဲနွဲနေဟူ၏။ အယ်မျိုး
တရားနည်ဘဲဟူ မေထုန်ပြုဟူဇာဟာ လူမျိုးခြားလေထဲမာဟိုဘဲ မေ့ဟူ။ 2 နန်းနို့လေဟာ ဝန်းနဲဘီး
အယ်မျိုးလွန်ကျူးဟူသူဟူ နန်းနို့လေထဲဟာ ဖယ်ရှားရမယ့်စား မာနထောန်လွှားဘီး နေနေဂေဟူ၏။ 3 ငါဟာ
ကိုယ်ခန္ဓာအားဖြင့် နန်းနို့နွဲကွာဘီး နေရလည်းဘဲ စိဝိညာဉ်အားဖြင့် နန်းနို့လေနတုန်းဒူ ရှိနေဟူ၏။ အယ်နေရာမာ
တူးဒူရှိနေဘီး အယ်နေရာမာ တူးဒူရှိနေမျိုး အယ်မူဟို လောက်ဟူသူဟူ စီရင်ဟားလေဘီး။ 4 နို့လေရဲ့ သခင်ယေရှုခရစ်ရဲ့
နာမတော်အားဖြင့် နန်းနို့စုစီးဟူ ခီမာ ငါရဲ့ စိဝိညာဉ်ဟာလည်း နို့လေရဲ့ သခင်ယေရှုရဲ့ တကိုးတော်အားဖြင့် နန်းနို့နွဲတူးဒူရှိဘီး။
5 အယ်သူရဲဝိညာဉ်ဟာ သခင်ယေရှုခရစ်ရဲ့ တရားစီရင်ဟူ နေရစ်မာ ကယ်တန်ရှင်းရအောန် သူရဲကိုယ်ခန္ဓာ ပျစ်စီးဟူတွပ်
စာတန်လတ်ဟူ အပ်ဂေဆိုဘီး ငါစီရင်ဟူ၏။ 6 နန်းနို့လေ ဝါကြားမူဟာ ကောန်းဟူဇာ မူဟူ။ “တဆေးနဲနဲဟာ
မုညစ်တမောင်းလောင်းဟူ ဖောန်းပွစေတတ်ဟယ်” ဆိုဘီး ပြောဟားဟူ ဆိုရိုးစကားဟူ နန်းနို့လေသိဂေဟူ၏။
7 နန်းနို့လေဟာ တဆေးမဲ့ဖြစ်ဟူကြောန့် သစ်ဟူ မုညစ်ဖြစ်ဟူတွပ် ဟောန်းဟူတဆေးဖြစ်ဟူ ဒုစရိုက်ပြစ်လေဟူ
ဖယ်ရှားပစ်ဂေပါ။ ဖြားဖြစ်ကြောန့်နူးဆိုဟာ နို့လေရဲ့ သိုးသားဂန်းဟားဖြစ်ဟူ ခရစ်တော်ဟာ ပသခါပွဲတော်တွပ်
ယဇ်ပုဇော်ဟူ သေသတ်ဟူဇာဟူ ခံရလေဘီး။ 8 အယ်ကြောန့် နို့လေဟာ တဆေးဟောန်းဖြစ်ဟူ ဆိုးညစ်ဟူဇာလေ၊
မှိုက်မဲဟူဇာလေရဲ့ တဆေးပါဟူမအားဖြင့်မှဘဲ သန်ရှင်းစင်ကြယ်မှုန သမ္မာတရားဖြစ်ဟူ တဆေးပါဘဲဟူမန ပသခါပွဲဟို
ကျင်းပဂေဇို။ 9 စဒူးဟု နန်းနို့လေနားဟူ ငါရေးလိုက်ဟူစာမာ ကာမဂေါင်လိုက်စားဟူ သူလေန ပေါင်းဘဲနေဂေဟူတွပ်
ငါမာဟားဟူ၏။ 10 အယ်မျိုးပြောဇာဟူ အယ်လောကမာရှိဟူ ကာမဂေါင်လိုက်စားဟူသူလေ၊ လောဖကီးဟူသူလေ၊
ခိုးတတ်ဟူသူလေန ရောက်ထုကိုးကွယ်သူလေဟူ ပေါန်းသင်းဟိုရဟူ ဆိုဘီး ဆိုလိုဇာ မူဟူ။ သူးနို့လေဟူ ရှောန်မယ်
ဆိုဟာ နန်းနို့လေဟာ အယ်လောကထဲဟုနေ ထွပ်ဟားရလေမယ်ဆိုဘီး ထန်မှတ်ဇာရှိဟူ၏။ 11 ဆိုလိုဟူဇာဟု
ကိုယ့်ကိုယ်ကိုယ် ညီကို ဆိုပြောဘီးဟာ ကာမဂေါင်လိုက်စားဟူသူလေ၊ လောဖကီးဟူသူလေ၊ ရောက်ထုကိုးကွယ်ဟူသူလေ၊
သူများအသရေဟူ ဖျစ်ဟူသူလေ၊ ယစ်မောသော့-ကစားသူလေန ခိုးဟူသူလေဟူ ပြောရှင်ဇာဖြစ်ဟူ၏။ အယ်မျိုးသူလေန

ပေါင်းသင်းလောက်ဂေ့နု တူးဒူထိုင်ဘီးလည်း စားသော-ကံဂေ့နု။ 12 ဖြားဖြစ်ကြောန့်နူးဆိုဟာ ယွန်ဟုလူလေဟို စီရင်ဟူ
ဇာဟာ ငါနု ဖြားဇာဆိုင်နူး။ တွမ်းဟုလူလေဟို နန်းနို့ စီရင်ရမယ် မူဟုလော။ 13 ယွန်ဟုလူလေဟို ဘုရားသခင် စီရင်လေမယ်။
“အယ်ဆိုးညစ်ဟူ သူဟို နန်းနို့လေထဲဟု နှန်ထုဂေ့ပါ” ဆိုဘီး ကျမ်းစာဟု ပြောဟားဟယ်။

6 နန်းနို့လေ ရှင်းရှင်းပြဿနာဖြစ်ဟူ ခီမာ ဘုရားသခင်ရဲ့ သန့်ရှင်းသူလေနားဟုနေဘီး စီရင်ဆောင်းဖြတ်ပေးဇာဟို
ခံယူဘဲနု ယောင်ကြည်ဘဲဟူသူလေရှေမာ ခံရဲဟူသူ ယော့-ကံယော့-ကံရှိလော။ 2 ဘုရားသခင်ရဲ့
သန့်ရှင်းသူလေဖြစ်ဟူ နို့လေဟာ အယ်လောကဟို တရားစီရင်ရမယ်ဆိုဇာဟို နန်းနို့လေသိဂေ့ဟုလော။ အယ်လောကဟို
တရားစီရင်ရဟိုသူလေဟာ အယ်မူ မူကိစသေးငယ်ဟားဟိုမှ စီရင်ဆောင်းဖြတ်နိုင်ဟုလော။ 3 နို့လေဟာ
ကောင်းကန်တမန်လေဟို တရားစီရင်ဂေ့ရဟိုကြောင်းဟို နန်းနို့သိဂေ့ဟုလော။ အယ်မျိုးဖြစ်ဟယ် ဆိုဟာ
အယ်လောကီမူရာလေဟို ပိုဘီး စီရင်သင့်ဟယ် မူဟုလော။ 4 အယ်ကြောန့် နန်းနို့လေဟာ လောကီမူပြဿနာလေဟို
စီရင်ဟိုတွပ် သင်းတော်ဟု အသရေနုဟူသူလေဟို တရားသူကြီးနေရာမာ ခန့်ဟားဂေ့ဟိုလော။ 5 နန်းနို့လေဟို
ယုစ်ရအောန် အယ်မျိုး ငါပြောဟူဇာဖြစ်ဟယ်။ ခရစ်ယာန်ညီကို မောန်နှမလေရှင်းရှင်း ပြဿနာဖြစ်ဟူ ခီမာ သင်းတော်မာ
စီရင်ဆောင်းဖြတ်ပေးနိုင်ဟူ ပညာရှိ ယော့-ကံလည်းမေ့ဟုလော။ 6 ခုဟု ညီကိုရှင်းရှင်း တရားစီရင်ဟူဇာနမကဟု
အယ်မူဟို ယောင်ကြည်ဘဲဟူသူလေရှေမာ ပြုမူနေဂေ့ပါလား! 7 အယ်မျိုး ရှင်းရှင်းတရားစွဲဂေ့ဟူဇာဟာ နန်းနို့လေတွပ်
ရရာတိုင်း ဆောင်းရှောင်းဟူဇာ ဖြစ်ဟယ်။ အယ်မျိုး တရားစွဲဂေ့မယ်စား ညဉ်းဆဲဟူဇာဟို ဖြားဖြစ်ကြောန့် ခံဟိုရဲဂေ့ဟူနူး။
လီလည်လုယူဟူဇာဟို ဖြားဖြစ်ကြောန့် ခံဂေ့ဟူနူး။ 8 နန်းနို့လေဟာ အယ်မျိုးခံမယ်စား ညီကိုရှင်းရှင်းဟို တရားဘဲဇာဟို
လောက်ဘီး လီလည်လုယစ်ဂေ့ဟယ်! 9 တရားဘဲဟူ လူလေဟာ ဘုရားသခင်ရဲ့ နိုင်ငံတော်ဟို မွီခံရဟို မူဟု
ဆိုဇာဟို နန်းနို့သိဂေ့ဟုလော။ တလွဲယူဂေ့နု။ ကာမဂေါင် လိုက်စားဟူသူလေ၊ ရောက်ထုဟို ကိုးကွယ်ဟူသူလေ၊
အီထောန်ရေး ဖော့-ကံယွန်ဟူသူလေ၊ ယော့-ကံကျားရှင်းရှင်း မေထုန်ပြုဟူသူလေ၊ အယ်မျိုးဇာဟိုခံဟူသူ၊ 10 ခိုးဟူသူလေ၊
လောဖကီးဟူသူလေ၊ သော့-ကံစား မောယစ်ဟူသူလေ၊ သူများ အသရေဖျစ်ဟူသူလေ၊ လီလည်လုယူသူလေဟာ
ဘုရားသခင်ရဲ့ နိုင်ငံတော်ဟို မွီခံရဟို မူဟု။ 11 စဒူးဟု နန်းနို့လေထဲဟု တချို့လူလေဟာ အယ်မျိုးသူလေဖြစ်ဂေ့ဟူလည်းဘဲ
ခု သခင်ယေရှု ခရစ်တော်ရဲ့ နာမတော်နု ဘုရားသခင်ရဲ့ ဝိညာဉ်တော်အားဖြင့် ပြစ်ဟုနေ ဆေးကြောရှင်း၊
သန့်ရှင်းရှင်းခံရဘီး ဖြောန့်မတ်ရာဟို ရော့-ကံဂေ့ဘီး။ 12 နန်းနို့လေဟု “ငါဟာ ဂူလောင်းဟို လောက်ခွင့်ရှိဟယ်” ဆိုဘီး
ပြောဂေ့လေမယ်။ နန်းနို့ပြောဟူတိုင်း မှန်ဟယ်။ အယ်ဘောမဲ့ ရှိမျှဂူလောင်းဟာ နန်းနို့တွပ် ကျိုးရှိဟူဇာ မူဟု။ ငါဟာ
ဂူလောင်းဟို လောက်ပိုင်ခွင့်ရှိဟယ်။ အယ်ဘောမဲ့ ဖယ်မူရာလေရဲ့ စိုးမိုးဟူဇာဟိုမှ ငါခံဟု။ 13 “စားဇာဟာ ဝန်းတွပ်ဖြစ်ဟယ်။
ဝန်းဟုလည်း စားဇာတွပ်ဖြစ်ဟယ်” ဆိုဘီး ပြောလေမယ်။ အယ်ဘောမဲ့ ဘုရားသခင်ဟာ အယ်နွေပါးလောင်းဟို
ဖျစ်ဆီးလေမယ်။ ကိုယ်ခန္ဓာဟာ ကာမဂေါင်ခံစားဟိုတွပ်မှုဘဲနု သခင်ဘုရားတွပ်ဖြစ်ဟယ်။ သခင်ဘုရားဟာလည်း
ကိုယ်ခန္ဓာတွပ် ဖြစ်တော်မူဟယ်။ 14 ဘုရားသခင်ဟာ တဂိုးတော်အားဖြင့် သခင်ဘုရားဟို ရှင်ယွန်ထမြော့-ကံစေဟူမျိုး
နို့လေဟိုလည်း တဂိုးတော်အားဖြင့် ထမြော့-ကံစေတော်မူလေမယ်။ 15 နန်းနို့လေရဲ့ကိုယ်ခန္ဓာဟာ ခရစ်တော်ရဲ့
ကိုယ်အင်္ဂါလေဖြစ်ဟယ် ဆိုဇာဟို သိဂေ့ဟုလော။ အယ်မျိုးဆိုဟာ ခရစ်တော်ရဲ့ ကိုယ်အင်္ဂါဟို ယုဘီးဟာ ပြည်တန်ဆာမရဲ့
ကိုယ်အင်္ဂါဖြစ်စေရဟိုလော။ လောင်းဝဖြစ်စေဟု! 16 ပြည်တန်ဆာမနု ပေါင်းဖော်ဟူလူဟာ အယ်ပြည်တန်ဆာမနု
တသားတကိုယ်ဒ် ဖြစ်ဟားဟယ် ဆိုဇာဟို နန်းနို့သိဂေ့ဟုလော။ ကျမ်းစာဟု “အယ်သူနွေယော့-ကံဟာ တသားတကိုယ်ဒ်
ဖြစ်ရဲဂေ့လေမယ်” ဆိုဘီး လာဟယ်။ 17 အယ်ဘောမဲ့ သခင်ဘုရားနှိုက် မှီဝဲသူဟာ အယ်သခင်နု တစိတဝိညာဉ်ဒ် ဖြစ်ဟယ်။
18 တရားဘဲဟူ မေထုန်ပြုဟူဇာဟို ရှောန်ဂေ့ပါ။ လူပြုတတ်ဟူ တခြားပြစ်လေဟာ ကိုယ်ခန္ဓာ ယွန်ဖတ်မာဘဲရှိဟယ်။
တရားဘဲဟူ မေထုန်ပြုဟူသူဟာ ကိုယ်ရဲ့ ကိုယ်ခန္ဓာဟို ပြစ်မှားဟူဇာ ဖြစ်ဟယ်။ 19 ဖြားဖြစ်ကြောန့်နူးဆိုဟာ နန်းနို့လေရဲ့
ကိုယ်ခန္ဓာဟာ ဘုရားသခင်ပေးသနားဟူ ဝိညာဉ်တော်ဖြစ်ဟူ နန်းနို့ထဲမာ ကီးဝပ်ဟူ သန့်ရှင်းဟူဝိညာဉ်တော်ရဲ့

ဗိမာန်တော်ဖြစ်ဟူကြောင်းန နန်းနို့လေဟာ ကိုယ့်ကိုယ်ကိုယ် ပိုင်ဘဲဟူကြောင်းဟို သိဂေဟလော။ 20 ကိုယ်တော်ဟာ နန်းနို့လေဟို ဖိုးခပေးဘီး ဝယ်ဟားကြောန့် နန်းနို့လေရဲ့ကိုယ်ခန္ဓာအားဖြင့် ဘုရားသခင်ရဲ့ ဖောင်းသရေတော်ဟို ထန်ရှားစေဂေပါ။

7 နန်းနို့ ရေးပေးလိုက်ဟူ ကြောင်းရာန ပတ်သတ်ဘီး ယော့-က်ကျားဟာ အီထောန်ပြုဘဲ နေနိုင်မယ် ဆိုဟာ ကောင်းဟယ်။
2 အယ်ဘောမဲ့ တရားဘဲဟူ မေထုန်ပြုဟူ ဇာလေ များနေဟူကြောန့် ယော့-က်ကျားတိုင်း ကိုယ့်မယားရှိစေပါ။ မီးမတိုင်း ကိုယ့်လန်ရှိစေပါ။ 3 လန်ယော့-က်ကျားဟာ ကိုယ့်မယားဟို ပြုသင့်ဟူ ဝတ်ဟို ပြုရမယ်။ မယားဟာလည်း ကိုယ့်လန်ဟို ပြုသင့်ဟူ ဝတ်ဟို ပြုရမယ်။ 4 မယားဟာ ကိုယ့်ကိုယ်ခန္ဓာဟို ပိုင်ဟူ။ လန်ဟာဘဲ ပိုင်ဟယ်။ အယ်မျိုးဘဲ လန်ဟာလည်း ကိုယ့်ကိုယ်ခန္ဓာဟို ပိုင်ဟူ။ မယားဟာဘဲ ပိုင်ဟယ်။ 5 နန်းနို့ဟာ ဆုတောင်းဟိုတွပ် ဒီပေးဟို ကြိုတန်ဘောတူချစ်ရ ရှစ်ဟား ဆိုင်းငံ့ဟားဇာဟုလွဲဘီး နန်းနို့ရဲ့ လန်မယားဝတ်ဟို ပျစ်ကွပ်စေဂေ။ ဆုတောင်းဘီးဟူ ဒီမာ အီထောန်ရဲ့ ဆစ်ဆံရေးဟို ပေါင်မှန်တိုင်း ပွန်နေဂေပါ။ အယ်မျိုးမုဘဲ ကိုယ့်စိဟို ချောက်ထီးနိုင်ဘီး စာတန်ရဲ့ သွီးဆောန်ဇာဟို ခံနိုင်လေမယ်။ 6 အယ်မျိုး ငါပြောဇာဟာ နန်းနို့လေဟို မိန့်ပေးဇာမုဘဲန ခွမ့်ပေးဇာဘဲ ဖြစ်ဟယ်။ 7 တကယ်ဘဲ လူတိုင်းဟို ငါဟူမျိုးဘဲ ဖြစ်စေရှင်ဟယ်။ အယ်ဘောမဲ့ လူယော့-က်ချင်းစီတိုင်းဟာ ဘုရားသခင်ပေးဟူ ဆုကျေးဇူးတော်ဟို သီးသီးခံရဂေဟယ်။ 8 အယ်မျိုးဖြစ်ကြောန့် အီထောန်မေ့ဘဲသူလေန မောက်ဆိုးမလေဟာ ငါဟူမျိုး တယော့-က်ဒဲ ဆစ်ဘီးနေနိုင်ဟာ ကောင်းဟယ်။ 9 အယ်ဘောမဲ့ ကိုယ့်ကိုယ်ကိုယ် ချောက်ထီးနိုင်ဘဲနေဟာ အီထောန်ပြုဂေပါ။ ကိလေသာစိဟို ချောက်ထီးနိုင်ဘဲနေဟာ အီထောန်ပြုဟူဇာဘဲ ပိုကောင်းလေမယ်။ 10 အီထောန်ရှိဟူသူလေဟို ငါပညတ်ဟူ ဇာလော့-က်မူဘဲ သခင်ဘုရား ပညတ်ဇာဟု မယားဟာ ကိုယ့်ရဲ့ လန်န ကွာရှင်းစေန။ 11 အယ်ဘောမဲ့ ကွာရှင်းဟယ် ဆိုဟာ နော့-က်အီထောန်ယူဘဲန နေရမယ်။ အယ်မျိုးမူဘဲနေဟာ ကိုယ့်လန်န ပွန်ပေါင်းဘီး သင့်သင့်မြတ်မြတ် နေရမယ်။ လန်ဟာလည်းဘဲ ကိုယ့်မယားန ကွာစေန။ 12 ခြားသူလေဟို (သခင်ဘုရား ပညတ်ဇာမုဘဲန) ငါပညတ်ဇာဟု ယောင်ကြည်သူ ညီကိုတယော့-က်ဟာ ယောင်ကြည်သူမူဘဲဟူ မယားရှိဟယ် ဆိုဟာ အယ်မီးမဟု သူနဆစ်ဘီး ပေါန်းရှင်ဟယ် ဆိုဟာ သူဟို အယ်မီးမန ကွာစေန။ 13 အယ်မျိုးဘဲ ယောင်ကြည်သူ မီးမတယော့-က်ဟာ မယောင်ကြည်ဘဲဟူ လန်ရှိဟယ် ဆိုဟာ သူလန်ဟု သူနဆစ်ဘီးပေါန်းရှင်ဟယ် ဆိုဟာ သူဟိုကွာစေန။ 14 ဖြားဖြစ်ကြောန့်နူးဆိုဟာ ယောင်ကြည်သူမူဘဲဟူ လန်ယော့-က်ကျားဟာ သူမယားတွပ် သန့်ရှင်းဟယ်။ ယောင်ကြည်ဘဲဟူ မယားဟာလည်း သူလန်တွပ် သန့်ရှင်းဟယ်။ အယ်မျိုးမူဘဲနေဟာ နန်းနို့ရဲ့ သားမီးလေဟာ ညစ်သူးဂေလေမယ်။ အယ်ဘောမဲ့ ခု သူးနီလေဟာ သန့်ရှင်းဂေဟယ်။ 15 အယ်ဘောမဲ့လည်း ယောင်ကြည်ဘဲသူဟာ ကွာရှင်းရှင်ဟယ် ဆိုဟာ ကွာရှင်းစေ။ အယ်မျိုး ကြောန်းရာဟို ယောင်ကြည်သူ ညီကို မောန်နမလေဟာ လွတ်လွတ်လပ်လပ် ဝီးကော့-က်ခွမ့်ရှိဟယ်။ ဘုရားသခင်ဟာ နန်းနို့လေဟို သင့်သင့်မြတ်မြတ်န ငြီးငြီးချမ်းချမ်းနေဂေဟိုတွပ် ခေါ် ဟားဇာဖြစ်ဟယ်။ 16 ဝှေ့မီးမ၊ နန်ဟာ ကိုယ့်လန်ဟို ကယ်တန်မယ် ကယ်တန်ဟု ဆိုဇာဟို ဖယ်မျိုး သိနိုင်နူး။ ဝှေ့ယော့-က်ကျား၊ နန်ဟာ ကိုယ့်မယားဟို ကယ်တန်မယ်၊ ကယ်တန်ဟု ဆိုဇာဟို ဖယ်မျိုး သိနိုင်ဟိုနူး။ 17 လူသီးသီးလေဟာ ကိုယ့်ဟို သခင်ဘုရားပေးဟူ ဆုကျေးဇူးတော်လေန ယော့-က်တိုင်းဟို ဘုရားသခင်ခေါ် ဟူ ခြေနေတိုင်းဘဲ သတ်ရှင်ပါစေ။ အယ်ဇာဟာ သင်းတော်တိုင်းဟို ငါ့ရဲ့မာကြားချစ် ဖြစ်ဟယ်။ 18 ရေဖျားလှီးရှင်းဟို ခံဘီးသူဟာ ဝီးကော့-က်ရှင်းခံရဟယ် ဆိုဟာ ရေဖျားလှီးရှင်းနဆိုင်ဟူ မှတ်သားဟို စွန့်ပစ်ဇာလိုဟူ။ ရေဖျားလှီးရှင်းဟို ခံယူဘဲသူဟာ ဝီးကော့-က်ရှင်းဟို ခံရဟယ် ဆိုဟာ ရေဖျားလှီးရှင်းဟို ခံယူဇာလိုဟူ။ 19 ရေဖျားလှီးရှင်းခံဟူဇာ ခံဘဲဟူဇာဟုမိက မူဟူ။ ဘုရားသခင်ရဲ့ ပညတ်တော်ဟို စောန်ထီးဟူဇာဟာဘဲ မိကဖြစ်ဟယ်။ 20 လူတိုင်း ဘုရားသခင်ရဲ့ ခေါ်ဟားရှင်းခံရဟူ ခြေနေမာဘဲ ဆစ်ဘီး ရှိနေပါစေ။ 21 ဝီးကော့-က်ခံရဟူ ဒီမာ နန်ဟာ ကျွန်ဖြစ်ဟယ် ဆိုဟာ စိနော့-က်ယုစ်ဖြစ်စေန။ အယ်ဘောမဲ့ လွတ်မြော့-က်ခွမ့်ရမယ် ဆိုဟာ အယ်ခွမ့်ရေးဟို သောင်းပြုပါ။ 22 ဖြားဖြစ်ကြောန့်နူးဆိုဟာ ကျွန်ဖြစ်ဟူ ဒီမာ သခင်ဘုရားနှိုက် ဝီးကော့-က်ခံရဟူသူဟာ သခင်ဘုရားအားဖြင့်

လွတ်မြော-က်ဟူ သူဖြစ်ဟုယ်။ အယ်မျိုးဘဲ လူလွတ်ဖြစ်ဟူ သူဟာ သခင်ဘုရားရဲ့ဝီးကော-က်ရှင်းဟို ခံရဟူ ခီမာ ခရစ်တော်ရဲ့ ကျွန်ဖြစ်ဟုယ်။ 23 နန်းနီလေဟို ဘုရားသခင်ဟာ ဖိုးခပေးဘီး ဝယ်ဟူးကြောနဲ့ လူလေနားမာ ကျွန်ခံဂေ့န။

24 ညီကို မောနံနမလေ၊ နန်းနီလေ ဝီးကော-က်ရှင်း ခံရဟူခီဟာ ခြေနေတိုင်းဘဲ ဘုရားသခင်န မိတ်သဟာယဖွဲ့ဘီး ဆစ်နေထိုင်ဂေ့ပါ။ 25 အီထောန်ပြုဘဲသူလေန ပတ်သတ်ဘီး ပြောရမယ် ဆိုဟာ သခင်ဘုရား ပညတ်ဟူးဟူဇာ မှော့ဘဟူလည်းဘဲ သခင်ဘုရားရဲ့ ကရုဏာတော်ကြောနဲ့ ယောင်ကြည်ထိုက်ဟူ သူတယော-က်နေန ငါခံယူချစ်ဟို ပြောရမယ် ဆိုဟာ။ 26 ခု တွဲကြောင်နေရဟူ ခေတ်ဆိုးခါဆိုးဟို ကေဟူဇာအားဖြင့် ယော-က်ကျားတယာ-က်ဟာ အယ်ခြေနေတိုင်း ဆစ်ဘီးနေဟူဇာဟာ ပိုကောင်းလေမယ်။ 27 နန်ဟာ အီထောန်ရှိဟယ် ဆိုဟာ ကိုယ့်မယားဟို ခွာဟို ကြံစည်န။ အီထောန်မှော့ဘဲနေဟာလည်း အီထောန်ပြုဟိုတွပ် စဉ်းစားန။ 28 အယ်ဘောမဲ့ အီထောန်ပြုဟယ် ဆိုဟာလည်း ပြစ်ကျူးလွန်ဟူဇာ မဟူ။ အီထောန်မှော့ဘဲဟူ မီးမပျိုဟာ အီထောန်ပြုဟယ် ဆိုဟာ ပြစ်ကျူးလွန်ဇာ မဟူ။ အယ်ဘောမဲ့ အီထောန်သယ်လေ နေတိုင်း တွဲကြောင်ရမယ့် ကိုယ်ကာယ ဆင်းရဲဒေါက်ခလေန နန်းနီဟို လွတ်ကင်းစေရှင်ကြောနဲ့ အယ်မျိုး ငါပြောဇာဖြစ်ဟုယ်။ 29 ညီကို မောနံနမလေ၊ ငါဆိုလိုဇာဟူ ခီကာလ ကူဆောန်းဟမယ် ဖြစ်ဟူကြောနဲ့ ခုခီဟုနေစဘီး မယားရှိဟူသူဟာ မယားမှော့ဘဲသူမျိုး။ 30 ငိုဟူသူဟူလည်း ငိုဘဲဟူမျိုး၊ ဝန်းသာဟူသူဟူလည်း ဝန်းသာဘဲဟူသူမျိုး၊ ပစ်စီးအောက်စာ ဝယ်ဟူသူလည်း ဖယ်အောက်စာဟိုမှ ပိုင်ဘဲဟူမျိုး ဖြစ်ရမယ်။ 31 လောကအောက်စာ ဘဏ္ဍာဟို သောင်းပြုဟူ သူလေဟာ သောင်းဘဲမျိုး ဖြစ်ရမယ်။ ဖြားဖြစ်ကြောနဲ့နူးဆိုဟာ ခုလတ်ရှိ ကမ္ဘာဂီးဟာ တာရှယ်ခံဟို မှော့ဘဲကြောနဲ့ဖြစ်ဟုယ်။ 32 ငါဟာ နန်းနီလေဟို ပူပန်သောကန ကင်းစေရှင်ဟုယ်။ အီထောန်မှော့ဘဲဟူ ယော-က်ကျားဟာ သခင်ဘုရား နှစ်သက်ဟူမှုဟို လောက်ရှင်ကြောနဲ့ သခင်ဘုရားရဲ့ မှုတော်ဟိုဘဲ လေးနတ်ထားတတ်ဟုယ်။ 33 အယ်ဘောမဲ့ အီထောန်ရှိဟူ ယော-က်ကျားဟာ သူမယားရဲ့ စိလိုဟို လိုက်ဘီး လောကီရေးရာဟိုဘဲ လေးနတ်ထားတတ်ဟုယ်။

34 အယ်ကြောနဲ့ သူဟာ စိန္တေခွ ဖြစ်ရဟုယ်။ မီးမပျိုဟာ သခင်ဘုရားဟို သူ့ရဲ့ကိုယ်ခန္ဓာန စိပ်ညာဉ်နေ့ခလောင်းဟို သန့်ရှင်းမှုန ဆစ်ကပ်ရှင်ကြောနဲ့ သခင်ဘုရားရဲ့ မှုတော်ဟို လေးနတ်ထားတတ်ဟုယ်။ အယ်ဘောမဲ့ အီထောန်ရှင်မီးမဟာ သူလန်နှစ်သက်အောန် စိဆန္ဒရှိကြောနဲ့ လောကီမှုရာဟိုဘဲ လေးနတ်ထားတတ်ဟုယ်။ 35 အယ်မျိုး ငါပြောဇာဟု နန်းနီလေရဲ့ကျိုးဟို လိုရှင်ကြောနဲ့ ပြောဇာဖြစ်ဟုယ်။ နန်းနီလေဟို ချောက်ချယ်ရှင်ကြောနဲ့ မဟူ။ နန်းနီဟို မုန်းမုန်ကန်းကန် ပြုသင့်တိုင်း ပြုကျင့်ဟိုတွပ်န သခင်ဘုရားရဲ့ မှုတော်ဟို စိပါလတ်ပါ စေခိုင်ဂေ့ဟိုတွပ် လိုလားကြောနဲ့ဖြစ်ဟုယ်။

36 စေ့စပ်ဟူးဘီးန အီထောန်ပြုဘဲန နေဟိုတွပ် ဘောတူဘီး တိုင်တယ်ဟူးဟူသူ နေ့ယော-က်န ပတ်သတ်ဘီး ပြောရမယ် ဆိုဟာ ယော့က်ကျားဟာ မီးမပျိုဟို သူ့ရဲ့ ပြုမှုပေါင်စံ သင့်တော်ဟု ဆိုဘီး သိဟူ ခီမာဘဲဖြစ်ဖြစ်၊ ကိုယ့်စိဟို ထီးချောက်နိုင်ဘဲဟူ ခီမာဘဲဖြစ်ဖြစ် အီထောန်ပြုရဟုယ်။ အယ်မျိုးပြုမယ် ဆိုဟာ ပြစ် မှော့ဟူ။ 37 အယ်ဘောမဲ့ ကိုယ့်စိနလောင်း တည်ကြည်မှုရှိဘီး ပြုရှင်တိုင်း ပြုပိုင်ဟူခွမ်န ကိုယ်စိလိုဟို ချောက်တီးနိုင်ဟူ ခွမ်ရှိဟူကြောနဲ့ အီထောန်ပြုဘဲန နေဟိုတွပ် စိနလောင်းထဲမာ စီရင်ဆောင်းဖြတ်ဟူသူဟာ ပိုဘီး ကောင်းလေဟုယ်။ သူဟာ အယ်မီးမပျိုဟို လတ်ထပ်ဟို လောင်းဝ ဆောင်းဖြတ်ဟန်း။ 38 အယ်ကြောနဲ့ ကိုယ့်န စေ့စပ်ဟူးဟူ မီးမပျိုဟို လတ်ထပ်ဟူသူဟာ ကောင်းလေဟုယ်။ လတ်ထပ်ဘဲနနေဟူ သူဟာလည်း ပိုဘီး ကောင်းလေဟုယ်။ 39 မီးမဟာ သူ့ရဲ့လန် သတ်ရှင်နေဟူ ခီကာလပတ်လောင်း တရားအားဖြင့် ချည်နှောင်မှုရှိနေဟုယ်။ လန်သေဟူးဟယ် ဆိုဟာ ကိုယ်လိုရှင်ဟူတိုင်း သခင်ဘုရားအားဖြင့်ဘဲ တခြားသူရဲ့ မယားဖြစ်ဟို ခွမ်ရှိလေဟုယ်။ 40 အယ်ဘောမဲ့ သူဟာ အီထောန်ပြုဘဲနေဇာဟု ပိုဘီး မင်္ဂလာရှိဟယ်ဆိုဘီး ငါခံယူဟုယ်။ ငါနှိုက်လည်း ဘုရားသခင်ရဲ့ ဝိညာဉ်တော်ရှိဟယ် ဆိုဘီး ငါမှတ်ယူဟုယ်။

8 ရောက်ထုဟို ပူဇော်ဟူးဟူရာလေနပတ်သတ်ဘီး၊ နန်းနီလေ ပြောဟူတိုင်း “နီလေဂူလောင်းဟာ သိပညာရှိဟုယ်” ဆိုဇာဟို နီလေသိဟုယ်။ အယ်ဘောမဲ့ သိပညာဟာ လူဟိုမာနထောန်လွှားစေတတ်ဟုယ်။ ရှစ်ရှင်းမြစ်တာဟုဘဲ တည်ဆော့-က်တတ်ဟုယ်။ 2 ကိုယ့်ကိုယ်ကိုယ် ပညာရှိဆိုဘီး ထန်မှတ်ဟူသူဟာ တကယ်ဘဲ အယ်သူဟာ သိသင့်ဟူတိုင်း

သိသေးဟူ။ 3 အယ်ဘေမဲ့ ဘုရားသခင်ဟိုရှစ်ဟူသူဟာ ဘုရားသခင် သိမှတ်တော်မူဟူစာဟို ခံရဟူယ်။ 4 အယ်ကြောန့် ရောက်ထုဟို ပူဇော်ဟားဟူ ယစ်ကောန်ဟို စားဟူစာဟာ ရောက်ထုဟာ အယ်လောကမာ ချည်းနီးသတ်သတ် ဖြစ်ဟူယ် ဆိုဟူဇာန တပါးဒဲရှိဟူ ဘုရားသခင်ဟုလွဲဘီး ဖယ်ဘုရားသခင်လည်း မွေဟူ ဆိုစာဟို နို့လေ သိဂေဟူယ်။ 5 ပြားဖြစ်ကြောန့်နူးဆိုဟာ ကောန်းဂန်န ဂ္လေဂီးထတ်မာ “ဘုရားလေ” “သခင်လေ” ဆိုဘီး နာမယ်မှတ်ခေါ်ဟူ စာလေ ဘောင်ဂီးရှိဟူလည်းဘဲ 6 အယ်မူ ဘုရားသခင်ထဲဟဘဲ ရာအားလောင်းဖြစ်လာဘီး၊ အယ်မူ ဘုရားသခင်တွပ်ဘဲ နို့လေဖြစ်ဂေဟူယ်။ အယ်မူ ဖဘုရားသခင်တပါးဒဲဟဘဲ နို့လေမာရှိဟူယ်။ အယ်မူသခင်အားဖြင့် နို့လေဟုနေစဘီး ရာအားလောင်းဖြစ်လာဂေဟူယ်။ အယ်သခင် ယေရှုခရစ်တော်တပါးဒဲဟဘဲ နို့လေမာ ရှိတော်မူဟူယ်။ 7 အယ်ဘေမဲ့လည်း လူတိုင်း အယ်မူသိပညာရှိဂေဟူ ဇာမူဟူ။ တချို့လူလေဟာ ခုဒီထိ ရောက်ထုရှေမာ ပူဇော်ဟားဟူစားစာဟို စားဟူ ခီမာ ရောက်ထုဟို ထော့-က်ဟူစိနစားဂေဘီး ကိုယ်ကိုယ်ကိုယ် သိဟူ စိအားနဲဟူကြောန့် ညစ်ညူးစေဟူယ် ဆိုဘီး ထန်ဂေလေဟူယ်။ 8 စားဇာဟာ ဘုရားသခင်ရဲ့ ရှေ့တော်မာ နို့လေဟို မျစ်နာရစေဟူဇာ မူဟူ။ စားဘဲနနေဟူလည်း ရှောင်မေ့ဘဲဟူမျိုး စားဟူယ် ဆိုဟူလည်း မွတ်မရဟူ။ 9 အယ်ဘေမဲ့ နန်းနို့လေ အယ်မျိုး လွတ်လွတ်လပ်လပ် စားပိုင်ခွမ်ရှိဟူလည်းဘဲ ယောင်ကြည်မှုအားနဲဟူသူလေတွပ် ထိမိဘီးလဲဇာ ဖြစ်ဘဲနေအောန် ဒိပြုဂေပါ။ 10 ပြားဖြစ်ကြောန့်နူးဆိုဟာ သိပညာရှိဟူနန်ဟာ ရောက်ထုကောန်းထဲမာ ထိုင်ဘီး စားသော့-က်နေဟူဇာဟို ယော့-က်ယော့-က်ဟု တို့ဟူယ် ဆိုဟာ အယ်သူရဲ့ အားနဲဟူ သိစိဟာ ရောက်ထုဟို ပူဇော်ဟားဟူ ဇာလေဟို စားဟိုရဲတန်းလာမယ် မူဟုလော။ 11 အယ်မျိုးဖြစ်ဟူယ် ဆိုဟာ အားနဲဟူ ညီကိုတွပ် ခရစ်တော်ဟာ သေခံပေးဟူလည်းဘဲ နန်ရဲ့ “သိပညာ” ကြောန့် အယ်သူဟာ ပျစ်စီးမှုဟို ရော့-က်ရဟူယ်။ 12 အယ်မျိုးဆိုဟာ နန်းနို့လေဟာ ညီကို မောန်နမလေဟို ပြစ်မှားဘီး သူးနို့လေရဲ့ သိစိဟို ထိခိုက်စေရှင်းအားဖြင့် ခရစ်တော်ဟို ပြစ်မှားရာ ရော့-က်ဟူယ်။ 13 အယ်ကြောန့် ငါ့ရဲ့ စားသော့-က်ဟူမူဟာ ညီကို မောန်နမလေဟို မှားယွင်းစေဟူယ် ဆိုဟာ ညီကို မောန်နမလေဟို မှားယွင်းစေဘဲနေအောန် မဲသားဟို စားဘဲန မြဲဒမ်းရှောန်မယ်။ (aiōn g165)

9 ငါဟာ လွတ်လပ်ဟူလူဖြစ်ဟူယ် မူဟုလော။ တမန်တော်တယော့-က်ဖြစ်ဟူယ် မူဟုလော။ နို့လေရဲ့ ယေရှုခရစ်ဟို ဗြင်ရဘီ မူဟုလော။ နန်းနို့လေဟာ သခင်ဘုရားရဲ့ မူတော်ဟို ငါစေခံလောက်ဆောန်ဇာဟုနေဘီး ရလာဟူသီးပွမ်လေ မူဟုလော။ 2 ငါဟာ တခြားသူလေထတ်မာ တမန်တော်ဖြစ်ဘဲနေဟူလည်းဘဲ နန်းနို့လေတွပ် တမန်တော်ဖြစ်ဟူယ်။ ပြားဖြစ်ကြောန့်နူးဆိုဟာ ငါဟာ သခင်ဘုရားရဲ့ တမန်တော်ဖြစ်ဟူယ် ဆိုဇာဟို နန်းနို့လေဟာ ဒဲတော်ဖြစ်ဟူဇာအားဖြင့် ငါ့ဟို တံဆိခတ်ဂေဟူယ်။ 3 ငါ့ဟို စစ်ဆေးဝေဖန်ဟူသူလေဟို အယ်မျိုး ငါဖြေရှင်းပြောဆိုဟူယ်။ 4 နို့လေရဲ့ လောက်ဆောန်မူအားဖြင့် နို့လေမာ စားသော့-က်ပိုင်ခွမ် မွေဟုလော။ 5 နို့လေဟာ ကေဖန သခင်ဘုရားရဲ့ ညီတော်လေ တခြားတမန်တော်လေဟူမျိုး နို့လေခရီးထွပ်ဟူ ခီမာ ယောင်ကြည်သူညီမဖြစ်ဟူ မယားဟို ခေါ်ဆောန်ပိုင်ခွမ် မွေဟုလော။ 6 ငါန ဗာနဗဟဘဲ လောက်မလောက်ဘဲ နေရဟူခွမ်မွေဟု ဆိုဘီး ပြောရလော။ 7 ဖယ်စစ်သားလေဟု ကိုယ်စရိန်ကိုယ် စစ်မှုထမ်းရကြောန့်နူး။ ဖယ်သူဟု ကိုယ်စိုက်ဟားဟူ စပျစ်ခြံဟုစပျစ်သီးဟို မစားဘဲနေနူး။ ဖယ်သိုးထီးမားလေဟာ ကိုယ်ထီးဟူ သိုးလေဟု သိုးနို့ဟို မသောင်းဆောန်ဘဲနေဂေနူး။ 8 ငါဟာ အယ်ကြောန့်ရဟို လူသဘောန ပြောနေဟူဇာလော။ ပညတ်တရားဟုလည်း အယ်မျိုးပြောဟားဟူယ် မူဟုလော။ 9 မောရှေရဲ့ ပညတ္တိကျမ်းဟု “ဗားနန်းဟူ ခွားရဲ့ဇပ်ပေါ့-က်ဟို ချောက်တီးန” ဆိုဘီး လာဟူယ်။ အယ်မျိုး မိန့်တော်မူဟူဇာဟု ဘုရားသခင်ဟာ နွားဟိုဘဲ ပြောရှင်ဇာလော။ 10 အယ်မျိုးမူဘဲနေဟာ နို့လေတွပ်ဘဲ မိန့်တော်မူဟားဇာလော။ တကယ်ဘဲ နို့လေတွပ် ရေးဟားဇာ ဖြစ်ဟူယ်။ ပြားဖြစ်ကြောန့်နူးဆိုဟာ လယ်ထွန်မားန ရိသီးမားလေဟာ ကိုယ့်ရဲ့ ရထိုက်ဟူ လောက်ခဟို မျှော်လင့်ဘီးဟာ လောက်ဆောန်ဂေဇာ ဖြစ်ဟူယ်။ 11 နို့လေဟာ ဝိညာဉ်ပိုင်းဆိုင်ရာ မျိုးစေ့အားဖြင့် နန်းနို့ဟို စိုက်ပျိုးဘီးဟာ နန်းနို့နားဟု ရောက်ပိုင်းဆိုင်ရာလေဟို ရိသီးဟူဇာဟာ လွန်ရာက္လော။ 12 နန်းနို့လေနားမာ တခြားသူလေ

ခံယူပိုင်ခွင့်ရှိဟု ဆိုဟော နို့လေဟာ ပိုဘီး ခံယူခွင့်ရှိဟု မှဟုလော။ အယ်ဘေမဲ့လည်း နို့လေဟာ အယ်မူခွင့်ရေးဟို ယူဂေဟု။ ခရစ်တော်ရဲ့ ဒန်းကောန်းဟို ဆီးတားဖြစ်ဘဲအောန် တွဲကြောင်ရဟူ ခတ်ခဲလေဟို ရာရာတိုင်းမာ သီးခံဘီး လောက်ဆောန်ဂေဟု။ **13** ဗိမာန်တော်ရဲ့ မှုကိစလေဟို လောက်ဆောန်ဟူ သူလေဟာ ဗိမာန်တော်နဲ့ ဆိုင်ဟူဇာလေဟို စားရဂေဘီး။ ယဇ်ပလ္လင်နှိုက် ထမ်းဆောန်ဟူ သူလေဟုလည်း ယဇ်ပလ္လင်နဲ့ ဆိုင်ဟူဇာလေဟို မျှဝီခံစားခွင့် ရှိဟု ဆိုဇာ နန်းနို့လေ သိဂေဟုလော။ **14** အယ်မျိုးဘွဲ့ ဒန်းကောန်းဟို ဟောပြောသူလေလည်း ဒန်းကောန်းအားဖြင့် သတ်မိုးရမယ် ဆိုဘီး သခင်ဘုရား မိန့်မှာတော်မူဟု။ **15** အယ်ဘေမဲ့ နို့လေဟာ အယ်ခွင့်ရေးလေဟို သောင်းဂေဟု။ အယ်မျိုးခွင့်ဟို တောင်းဆိုရှင်ကြောနဲ့ အယ်စာဟို ရေးဟူဇာ မှဟု။ ဖြားဖြစ်ကြောနဲ့ဆိုဟာ ငါ့ရဲ့ ဝါကြွားဇာကြောန်းဟို သူများလေဟု ချည်းနှီးဖြစ်စေရှင်းထတ် သေဟူးဇာဘွဲ့ ပိုကောန်းဟု။ **16** ငါဟာ ဒန်းကောန်းဟို ဟောပြောရောင်မျှန ဝါကြွားဇာကြောန်း မေ့သေးဟု။ ဖြားဖြစ်ကြောနဲ့ဆိုဟာ ဟောပြောဘဲနဲ့ နေနိုင်ဟု။ အယ်ဒန်းကောန်းဟို ဟောပြောဘဲနဲ့ နေမယ် ဆိုဟာ အမင်္ဂလာရှိဟု။ **17** တကယ်ကြောနဲ့ ငါဟာ အယ်မူတော်ဟို ငါ့ရဲ့ ဆန္ဒတိုင်း ဆောန်ရုပ်မယ် ဆိုဟာ ငါ့တွင် ဆုလာဘ် ရှိဟု။ အယ်ဘေမဲ့ ငါ့ရဲ့ ဆန္ဒတိုင်းမှဘဲ ဆိုဟာလည်း အယ်စီမံခန့်ခွဲမှုဟို ငါ့နှိုက် ယောင်ကြည် အပ်ဟူးဘီး ဖြစ်ဟု။ **18** အယ်မျိုးဆိုဟာ ငါ့တွင် ဖြားကျိုးရှိနူး။ ငါခံစားရဟူ ကျိုးဟု ဒန်းကောန်းဟို ခယုဘဲ ဟောပြောဟူ ခွင့်နဲ့ အယ်မျိုး ဟောပြောဟိုတွင် ရပိုင်ခွင့်လေဟို သောင်းပြုဘဲနဲ့ နေနိုင်ခွင့်လေဘွဲ့ ဖြစ်ဟု။ **19** ငါဟာ ဖယ်သူကျွန်လည်းမှဘဲ လွတ်လပ်ဟူသူ တယော့-ကံ ဖြစ်ဟူလည်းဘွဲ့ ယောင်ကြည်လာဟူ သူလေ ဘောင်ဂီးရဟိုတွင် လူတိုင်းရဲ့ ကျွန်ဖြစ်ဟု။ **20** ငါဟာ ယုဒလူမျိုးလေဟို ရဟိုတွင် ယုဒလူမျိုးလေနားမာ ယုဒလူမျိုးလေမျိုး ဖြစ်ဟု။ ငါကိုယ်တိုင် ပညတ်တရားအော့-ကံမာ မေ့ဘေမဲ့လည်း ပညတ်တရားအော့-ကံမာ ရှိဟူသူလေဟို ရဟိုတွင် ပညတ်တရားအော့-ကံမာ ရှိဟူသူလေတွင် ပညတ်တရားအော့-ကံမာ ရှိဟူသူမျိုးဘွဲ့ ဖြစ်ဟု။ **21** ငါဟာ ဘုရားသခင်ရဲ့ ပညတ်တရားနဲ့ ကင်းဝေးဟူသူမှဘဲ ခရစ်တော်ရဲ့ ပညတ်တရားအော့-ကံမာ ရှိဟူလည်းဘွဲ့ ပညတ်တရားနဲ့ ကင်းဝေးဟူ လူမျိုးခြားလေဟို ရဟိုတွင် ပညတ်တရားနဲ့ ကင်းဝေးဟူ သူလေထဲမာ ပညတ်တရားနဲ့ ကင်းဝေးဟူ သူလေမျိုး ဖြစ်ဟု။ **22** ငါဟာ အားနဲဟူသူဟို ရဟိုတွင် အားနဲဟူ သူလေထဲမာ အားနဲဟူသူ ဖြစ်ဟု။ လူတချို့ဟို တနည်းနည်းနဲ့ ကယ်တန်နိုင်ဟိုတွင် လူဘောင်းဇောင်ထဲမာ လူဘောင်းဇောင်မျိုးဘွဲ့ ဖြစ်ဟု။ **23** ဒန်းကောန်းရဲ့ ကောန်းဂျီးမင်္ဂလာဟို ဝီမျှနိုင်ဟိုတွင် ငါဟာ ဒန်းကောန်းရဲ့ ကျိုးတွင် အယ်မူဇာ ဂူလောင်းဟို ပြုဟူဇာ ဖြစ်ဟု။ **24** ပွေးပြိုင်ပွဲမာ လူလေ ဘောင်ဂီး ဝမ်ပြိုင် ဘေမဲ့လည်း တယော့-ကံဟူးဘွဲ့ ဆုဟို ရဟယ် ဆိုဇာဟို နန်းနို့လေ သိဂေဟုလော။ အယ်မျိုးဖြစ်ကြောနဲ့ နန်းနို့လေ ဆုဟို ရဟိုတွင် ပွေးဂေပါ။ **25** ပြိုင်ပွဲဝမ်ဟိုတွင် လေကျင့်ဟူ အားကစားသမားလေဟာ ရာရာတိုင်းဟို ချောက်တီးတတ်ဟု။ အယ်သူလေဟာ သွီးဘီး ပျစ်စီးတတ်ဟူ ပန်းဦးရစ် သရဖူဟို ရဟိုတွင် အယ်မျိုး ပြုနေဂေဟု။ နို့လေဟာ သွီးဘီး ပျစ်စီးတတ်ဘဲဟူ ပန်းဦးရစ် သရဖူဟို ရဟိုတွင် အယ်မျိုး ပြုနေဂေဇာ ဖြစ်ဟု။ **26** အယ်ကြောနဲ့ ငါပွေးဟူ ခေဦးတည်ရာဟို ပွေးဟူဇာ မှဟု။ ငါဟာ လတ်ဂေထိုးဟူ ခီမာ ထိုးချစ်ဟို ချည်းနှီးထိုးဘဲဟူ လတ်ဂေထိုးမားမျိုး ဖြစ်ဟု။ **27** သူများလေဟို သွန်သန်ဘီးမှ ငါကိုယ်တိုင် ဣရှောင်းဟူသူ ဖြစ်ဘဲနေအောင် ငါဟာ ကိုယ့်ရဲ့ ကိုယ်ခန္ဓာဟို နှိစစ်ဘီး ပြင်ဆင်လေဟု။

10 ညီကို မောန်နှမလေ အယ်မူကြောန်းရာဟို နန်းနို့လေသိဘဲနဲ့ နေစေရှင်ဟူး နို့ဘိုးဘေးလေဟာ မိုးတီအော့-ကံမာရှိဘီး ပန်လယ်လယ်မာ ရှော့-ကံသွားရဂေဘီးဟု။ **2** မိုးတီနပန်လယ်ထဲမာ မောရေနှိုက် ဗတ္တိဇ်ဟို ခံယူဂေဟု။ **3** သူးနို့လေ ဂူလောင်းဟာ ဝိညာဉ်ရေးရာနဲ့ ဆိုင်ဟူ စာတမျိုးဒဲဟိုဘွဲ့ စားဂေဘီး။ **4** ဝိညာဉ်ရေးရာနဲ့ဆိုင်ဟူ ရေဟို သော့-ကံရဂေဟု။ သူးနို့လေ ဂူလောင်းဘွဲ့ ကိုယ့်နဲ့ လိုက်ပါလာဟူ ဓမ္မက္ကော့-ကံဟာ ရေဟို သော့-ကံရဂေဟု။ အယ်က္ကော့-ကံဟာ ခရစ်တော်ဘွဲ့ဖြစ်ဟု။ **5** အယ်ဘေမဲ့လည်း ဘုရားသခင်ဟာ သူးနို့လေထဲဟု လူများစုဟို နှစ်သက်တော်မူဟု။ အယ်ကြောနဲ့ သူးနို့လေဟာ တောကန္တာရထဲမာ သေကျေပျစ်စီးဂေဟု။ **6** အယ်သူလေဟာ

ကောင်းဘဲစာလေဟို တတ်မတ်ဂေဟူမျိုး နို့လေ တတ်မတ်ဘဲနေအောက် အယ်ကြောင်းရာလေဟာ နို့လေတွပ် ပေါင်သတ်သေဖြစ်ဟယ်။ **7** “လူလေဟာ စားသော-ကံဘီး ထိုင်နေဂေဟယ်။ နှော-ကံတခါ ထဘီး ကခုမြူးတူးဂေဟယ်” ဆိုဘီး ကျမ်းစာလာဟူတိုင်း တချို့လူလေဟာ ရောက်ထုဟို ပူဇော်ပသဟူမျိုး နို့လေ ပူဇော်ပသဘဲနေဟိုတွပ် ဒိပေးဟူစာ ဖြစ်ဟယ်။ **8** သူးနို့လေဟာ တချို့လေဟာ တရားဘဲဟူ မေထုန်ဟို ပြုဟူမျိုး နို့လေပြဘဲနေဂေဇို။ သူးနို့လေထဲဟာ လူတချို့ဟာ တရားဘဲဟူ မေထုန်ဟို ပြုဟူကြောန့် တရစ်ဒဲမာဘဲ လူ ၂၃,၀၀၀ လဲဘီးသေဟားဂေဟယ်။ **9** အယ်လူလေထဲဟာ တချို့လေဟာ စောင့်ဇမ်းရှင်းဟို လောကဂေဟူကြောန့် ဗွီအားဖြင့် ပျစ်စီးဟားဂေဟူမျိုး နို့လေပြဘဲန ခရစ်တော်ဟို စောင့်ဇမ်းဘဲနေဂေဇို။ **10** နန်းနို့လေဟာ အယ်သုလေထဲဟာ တချို့ညည်းညူဟူမျိုး ညည်းညူဂေဇ်။ အယ်မျိုး ညည်းညူဟူ သုလေဟာ ဖျစ်ဆီးရှင်း တမန်အားဖြင့် ဖျစ်ဆီးခံရဂေဟယ်။ **11** အယ်သုလေ အယ်မျိုး ဖြစ်ရဟူစာဟာ တခြားလူလေ သင်ကန်းစာရဂေဟိုတွပ် ဖြစ်ဟယ်။ နို့လေဟာ ကပ်ကာလ ကူဆောန်းခါနီးမာ သတ်ရှင်ရဟူ သုလေဖြစ်ကြောန့် နို့လေဟို ဒိပေးဟူနေန အယ်ကြောင်းရာလေဟို ကျမ်းစာမာ ရေးဟားစာ ဖြစ်ဟယ်။ (aīn g165) **12** အယ်ကြောန့် ကိုယ့်ကိုယ်ကိုယ် ခိုင်းခိုင်ခန့်ခန့် ရပ်တည်နေဟယ် ဆိုဘီး ထန်ဟူသုဟာ ယိုင်လဲဘဲနေအောက် ဒိပြုပါစေ။ **13** လူမာ ဖြစ်တတ်ဟူ စောင့်ဇမ်း နှော-ကံယုတ်မှုလေဟိုဘဲ နန်းနို့လေ ခံစားရဂေဟယ်။ ဘုရားသခင်ဟာ သစ်စာန ပွဲဇောင်ဟူကြောန့် နန်းနို့ခိုင်ဘဲဟူ စောင့်ဇမ်း နှော-ကံယုတ်မှုလေဟို နန်းနို့နားဟို ရော-ကံဟိုတွပ် ခွမ်ပေးဟို မူဟာ။ နန်းနို့လေ ခံနိုင်ဟိုတွပ် စောင့်ဇမ်း နှော-ကံယုတ်ခံရဟူ ကြောန်းရာန ထပ်တူ လွတ်မြော-ကံဟူ လမ်းဟိုလည်း စီရင်ပြုပြင်တော်မူလေမယ်။ **14** အယ်မျိုးဖြစ်ကြောန့် ငါရှစ်ရဟူ သုလေ၊ ရောက်ထု ကိုးကွယ်စာဟို ရှောန်ဂေပါ။ **15** နန်းနို့လေဟို ပညာရှိဟူ သုလေနေန ငါပြောရှင်း ဖြစ်ဟယ်။ ငါစကားဟို ဆင်ခြင်စီရင်ဂေပါ။ **16** နို့လေဟာ ကျေးဇူးတော် ချီးမွမ်းဟူ မင်္ဂလာခွပ်ဖလားဟာ၊ ခရစ်တော်ရဲ့ သွီးဟို ဆစ်ဆံဟူစာ ဖြစ်ဟယ် မူဟလော။ နို့လေဖဲဟူ မူဟာ။ ခရစ်တော်ရဲ့ ကိုယ်ခန္ဓာတော်ဟို ဆစ်ဆံဘီး ဝီမျှသောင်းဆောန်ဂေဟူစာ မူဟလော။ **17** မဟာ တလောင်းဒဲ ဖြစ်ဟူမျိုး ဘောင်းဂီးဖြစ်ဟူ နို့လေဟာလည်း ကိုယ်ခန္ဓာတခုဒဲ ဖြစ်ဟယ်။ ဖြားဖြစ်ကြောန့်နူးဆိုဟာ နို့လေ ဂူလောင်းဟာ တလောင်းဒဲ ဖြစ်ဟူမဟို ဆစ်ဆံဘီး သောင်းဆောန်ဂေဟူကြောန့် တလောင်းတကိုယ်ဒဲ ဖြစ်ဂေဟယ်။ **18** ဇာတိအားဖြင့် ဣသရေလ လူမျိုးလေဖြစ်ဟူ သုလေဟို ကော့ဘီး ဆင်ခြင်ဂေပါ။ ယဇ်ပူဇော်ဟားဟူ ယဇ်ကောန်လေဟို စားဟူ သူးနို့လေဟာ ယဇ်ပလွင်န ဆစ်ဆံဟူ သုလေ ဖြစ်ဂေဟယ် မူဟလော။ **19** အယ်မျိုးဆိုဟာ ရောက်ထုဟို ပူဇော်ဟူရာဟာ ရေးပါဟူစာ ဖြစ်ဟယ်။ အယ်မျိုးမှတ်နေဟာ ရောက်ထုဟာ ရေးပါဟူစာ ဖြစ်ဟယ် ဆိုဘီး ငါဆိုလိုဟူစာလော။ **20** အယ်မျိုးငါဆိုလိုစာ မူဟာ။ သူးနို့ပူဇော်ဟူ ယဇ်ကောန်ဟာ ဘုရားသခင်ဟို ပူဇော်စာမူဘဲန နတ်ဆိုးလေဟို ပူဇော်စာဖြစ်ဟယ်။ နန်းနို့လေဟို နတ်ဆိုးလေန ဆစ်ဆံဟူစာဟို ငါမလိုရှင်ဟာ။ **21** နန်းနို့လေဟာ သခင်ဘုရားရဲ့ ခွပ်ဟို သော့-ကံမယ် ဆိုဟာ နတ်ဆိုးလေရဲ့ ခွပ်ဟို သော့-ကံနိုင်ဟာ။ သခင်ဘုရားရဲ့ စားဗွဲမာ စားမယ် ဆိုဟာ နတ်ဆိုးလေရဲ့ စားဗွဲမာ စားနိုင်ဂေဟာ။ **22** နို့လေဟာ သခင်ဘုရားဟို မျစ်ထွပ်အောက် ဆန်ကျင်ဖတ် လောကရှင်ဂေဟူကြောန့်လော။ နို့လေဟာ သခင်ဘုရားထတ် ပိုဘီး တဂိုးကီးဟူကြောန့်လော။ **23** “နို့လေဟာ ဖယ်မှုဟိုမဆို ပြုလောက်ခွမ်ရှိဟယ်” ဆိုဘီး ပြောဟူတိုင်းမှန်ဟူလည်းဘဲ ရာအားလောင်းကျိုးရှိဟူစာ မူဟာ။ “နို့လေဟာ ဖယ်မှုဟိုမဆို ပြုခွမ်ရှိဟယ်” ဆိုဘီး ပြောဟူလည်းဘဲ ရှိမျှဂူလောင်းဟာ နို့လေဟို ကျိုးပြုပေးစာ မူဟာ။ **24** ဖယ်သုလည်း ကိုယ့်ကျိုးဟိုမရှာစေန။ သူများကျိုးဟိုဘဲ လူတိုင်းရှာပါစေ။ **25** နန့်ရဲ့ ကိုယ့်ကိုယ်ကိုယ် သိဟူထီဟို ထော့-ကံရဟူကြောန့် ဆေးမာ ရောန်းဇာလေ ဂူလောင်းဟို စစ်ဆေးမေးမြန်းဘဲန စားဂေပါ။ **26** ဖြားဖြစ်ကြောန့်နူးဆိုဟာ “မွေဂီးနတူးဒု မွေဂီးထတ်မာရှိဟူ ရှိမျှဂူလောင်းဟို ဘုရားသခင် ပိုင်တော်မူဟယ်” ဆိုဘီး ကျမ်းစာဟုပြောဟယ်။ **27** တကယ်ဟို ယောင်ကြည်ဘဲသူ တယော့-ကံဟာ နန်းနို့လေဟို ဧည့်ခံဘီး ကျွေးမွေးဟိုခေါ်ဟူ ခီမာ နန်းနို့သွားဂေဘီး သိစိဟို ထော့-ကံရဟူကြောန့် ထုံကျွေးဇာလေ ဂူလောင်းဟို စစ်ဆေးမေးမြန်းဘဲန စားဂေပါ။ **28** အယ်ဘောမဲ့ လူယော့-ကံယော့-ကံဟာ “အယ်ဇာဟာ ရောက်ထုဟို ပူဇော်ဟားဟူ သားဖြစ်ဟယ်” ဆိုဘီး ပြောဟာ

အယ်မျိုးပြောဟူ သူန သိစိတို့ ထော့-က်ဘီးဟာ အယ်ဇာဟို စားဂေန — 29 သိစိ ဆိုဘီး ပြောဟူဇာဟာ နန်းနိရဲ့သိစိတို့ ပြောဟူဇာ မူဟ။ တခြားသူရဲ့ သိစိတို့ ပြောဟူဇာဖြစ်ဟယ်။ နန်းနိလေထဲဟ ယော့-က်ယော့-က်ဟ “ငါ့ရဲ့လွတ်လပ်မှုဟို ဖြားဖြစ်ကြောန့် သူများရဲ့သိစိဟ လာဘီးစစ်ကြောစီရင်ရနူး။ 30 ငါဟာ ကိုယ်စားဟူစားသော့-က်တွပ် ဘုရားသခင်ရဲ့ ကျေးဇူးတော်ဟို ချီးမွမ်းဟယ် ဆိုဟာ အယ်မျိုး ကျေးဇူးတော်ဟို ချီးမွမ်းဘီး စားဟူစားဇာန ပတ်သတ်ဘီးဟာ ငါ့ဟို ဖြားဖြစ်ကြောန့် ကဲ့ရဲ့ပြစ်တန်ရနူး” ဆိုဘီး မေးလေမယ်။ 31 နန်းနိလေဟာ စားဟူဇာဘဲဖြစ်ဖြစ်၊ သော့-က်ဟူဇာဘဲဖြစ်ဖြစ်၊ ဖယ်မျိုးမူဟိုဘဲပြုပြ ဘုရားသခင်ရဲ့ ဖောင်းသရေတော်ဟို ထော့-က်ဘီး မူရိမျှဂလောင်းဟို ပြုဂေပါ။ 32 ယုဒလူမျိုးဘဲဖြစ်ဖြစ်၊ လူမျိုးခြားလေဘဲဖြစ်ဖြစ်၊ ဘုရားသခင်ရဲ့ သင်းတော်ဝမ်ဟူ သူလေဟိုဘဲဖြစ်ဖြစ် ကဲ့ရဲ့ဇာကြောန်း မှော့ဘဲနေအောန် နေထိုင်ဂေပါ။ 33 အယ်မျိုးဘဲ ငါလည်း လူလေ ကယ်တန်ရှင်းရဟိုတွပ် ကိုယ့်ကျိုးဟို ငဲ့ဘဲန သူများလေရဲ့ကျိုးဟို ငဲ့ကွပ်ဘီးဟာ မူရိမျှဂလောင်းဟို လူလေနှစ်သက်အောန် ကြီးစားနေဟယ်။

11 အယ်မျိုးဖြစ်ကြောန့် ငါဟာ ခရစ်တော်ဟို တုယူဟူမျိုး နန်းနိလေလည်း ငါ့ဟို တုယူဂေပါ။ 2 နန်းနိလေဟာ ငါ့ဟို မြဲဒမ်း ဒီရဘီး ငါပေးဟူ နည်းဥပဒေသလေဟို လိုက်နာ ကျင့်သောင်းဂေဟူကြောန့် နန်းနိလေဟို ငါချီးကျူးပါဟယ်။ 3 အယ်ဘောမဲ့ နန်းနိလေဟို သိစေရှင်ဟူဇာဟာ ခရစ်တော်ဟာ ယော့-က်ကျားတိုင်းရဲ့ ခေါန်းဖြစ်ဟယ်။ မီးမရဲ့ခေါန်းဟာ ယော့-က်ကျားဖြစ်ဟယ်။ ခရစ်တော်ရဲ့ ခေါန်းဟာ ဘုရားသခင် ဖြစ်ဟယ်။ 4 အယ်မျိုးဖြစ်ကြောန့် ယော့-က်ကျားဟာ ကိုယ့်ခေါန်းဟို ဖောင်းဘီး ဆုတောင်းဇာဘဲဖြစ်ဖြစ်၊ ပရောဖက်ပြုဇာဘဲဖြစ်ဖြစ် ကိုယ့်ခေါန်းရဲ့ အသရေဟို ရှောကွဲသူ ဖြစ်ဟယ်။ 5 မီးမဟာ ကိုယ့်ရဲ့ခေါန်းဟို ဖောင်းဘဲန ဆုတောင်းဇာဘဲဖြစ်ဖြစ်၊ ပရောဖက်ပြုဇာဘဲဖြစ်ဖြစ် ကိုယ့်ခေါန်းရဲ့ အသရေဟို ရှောကွဲဟူဇာ ဖြစ်ဟယ်။ အယ်မျိုးပြုမယ် ဆိုဟာ ခေါန်းရိဟားဟူသူန တူးဒုဘဲဖြစ်ဟယ်။ 6 အယ်ကြောန့် မီးမဟာ ကိုယ့်ရဲ့ခေါန်းဟို ဖောင်းဘဲန နေမယ် ဆိုဟာ ဆားဗန်ဟို ဖြတ်ပါစေ။ အယ်ဘောမဲ့ ဆားဗန်ဖြတ်ဟူဇာ၊ ခေါန်းရိဟူဇာဟာ မီးမလေတွပ် ယုတ်ဇာဖြစ်မယ် ဆိုဟာ ခေါန်းဟို ဖောင်းဟားပါစေ။ 7 ယော့-က်ကျားဟာ ဘုရားသခင်ရဲ့ ပေါင်သဏ္ဌာန်တော်န ဖောင်းသရေတော်ဖြစ်ဟူကြောန့် ကိုယ့်ရဲ့ခေါန်းဟို ဖောင်းသင့်ဟ။ အယ်ဘောမဲ့ မီးမဟာ ယော့-က်ကျားရဲ့ ဖောင်းသရေတော်ဖြစ်ဟယ်။ 8 ဖြားဖြစ်ကြောန့်ဆိုဟာ ယော့-က်ကျားဟာ မီးမအားဖြင့် ဖြစ်လာဟူဇာ မူဟ။ မီးမဟာဘဲ ယော့-က်ကျားအားဖြင့် ဖြစ်လာဟူဇာဖြစ်ဟယ်။ 9 ယော့-က်ကျားဟို မီးမတွပ် ဖန်ဆင်းဟူဇာ မူဟ။ မီးမဟိုဘဲ ယော့-က်ကျားတွပ် ဖန်ဆင်းဟားဇာဖြစ်ဟယ်။ 10 အယ်မျိုးဖြစ်ကြောန့် ကောန်းဂန်တမန်လေဟို ထော့-က်ဘီးဟာ မီးမဟာ ကိုယ့်ဟို ယော့-က်ကျားအောက်စိုးဟူဇာဟို ဖော်ပြဟူနေန ကိုယ့်ရဲ့ခေါန်းဟို ဖောင်းသင့်ဟယ်။ 11 အယ်ဘောမဲ့ သခင်ဘုရားနီကံ ယော့-က်ကျားပါဘဲန မီးမဖြစ်ဟူဇာ မူဟ။ မီးမပါဘဲန ယော့-က်ကျားဖြစ်ဟူဇာ မူဟ။ 12 ဖြားဖြစ်ကြောန့်နဲ့ဆိုဟာ မီးမဟာ ယော့-က်ကျားကြောန့်ဖြစ်လာဟူမျိုး ယော့-က်ကျားဟုလည်း မီးမအားဖြင့် မီးမလာဟူဇာဖြစ်ဟယ်။ အယ်ဘောမဲ့ မူရိမျှဂလောင်းဟို ဖန်ဆင်းဟူသူဟာ ဘုရားသခင် ဖြစ်ဟယ်။ 13 မီးမဟာ ခေါန်းဟို ဖောင်းဘဲန ဘုရားသခင်ဟို ဆုတောင်းဟို သင့်လား သင့်ဟုလား ဆိုဇာဟို နန်းနိကိုယ်တိုင် ဆင်ခြင်စီရင်ဂေပါ။ 14 ယော့-က်ကျားဟာ ဆားဗန်ရှယ်ထားဟယ် ဆိုဟာ သူတွပ် ယုတ်ဇာဖြစ်ဟူကြောန်းဟို သဘာဝတရားကိုယ်နီကံဟ နန်းနိဟို သွန်သန်ဟယ် မူဟလော။ 15 မီးမဟာ ရှယ်ဟူဆားဗန်ရိဟယ် ဆိုဟာ သူတွပ် ဖောင်းသရေတော်ဖြစ်ဟယ်။ ဖြားဖြစ်ကြောန့်နဲ့ဆိုဟာ ဆားဗန်ဟို သူတွပ်ခြောင်ထယ်ဖြစ် ပေးဟားဇာဖြစ်ဟယ်။ 16 အယ်ဘောမဲ့လည်း အယ်ကိစန ပတ်သတ်ဘီး ယော့-က်ယော့-က်ဟာ ငြင်းခုလောက်ရှင်ဟယ် ဆိုဟာ နိလေနဘဲဖြစ်ဖြစ် ဘုရားသခင်ရဲ့ သင်းတော်နဘဲဖြစ်ဖြစ် အယ်မျိုး ထောင်းဇံ မွေဟ။ 17 အယ်ဘောမဲ့ အယ်ညွှန်ကြားချစ်လေပေးရာမာ နန်းနိဟို ငါချီးကျူးဟ။ ဖြားဖြစ်ကြောန့်နဲ့ဆိုဟာ နန်းနိလေရဲ့ ဝတ်ပြုဟူဇာဟာ ကောန်းကျိုးထတ် ဆိုးကျိုးဟ ပိုဘီး များဟူကြောန့် ဖြစ်ဟယ်။ 18 ပထမဆောင်းနေန နန်းနိလေရဲ့ သင်းတော်စည်းဝေးလေမာ စိဝန်းကွဲဇာလေရိနေကြောန်းဟို ငါကြားသိရဟယ်။ ကြားရဟူတိုင်းဘဲ တချို့မှန်မယ်ဆိုဇာ ငါယောင်ကြည်ဟယ်။ 19 (နန်းနိလေ စိဝန်းကွဲဟူဇာလေ

ရှိရမယ်မှန်ဟုယ်။ အယ်မျိုးမှဘဲ မှန်တရားဖတ်မာ ရပ်တည်သူလေဟို သိရမယ်။) 20 နန်းနို့ တူးဒုစဝေးဂေဟူ ခီမာ သခင်ဘုရားရဲ့ ပွဲတော်မင်္ဂလာဝမ်ဟိုတွပ် စုဝေးဇာ မူဟူ။ 21 ဖြားဖြစ်ကြောန့်နို့ဆိုဟာ နန်းနို့လေ စားသော-ကံဂေခီမာ လူတိုင်းဟု သူများလေဟို စောန့်ဘဲန ကိုယ့်ညဉ်ခန်းဇာဟို စားဟူကြောန့် မောဟူသူဟု မောဂေဘီး ဆာဟူသူဟု ဆာနေဂေဟုယ်။ 22 နန်းနို့လေမာ စားသော-ကံဟို အီမေဂေဟုလော။ အယ်မျိုးမှဘဲနေဟာ ဘုရားသခင်ရဲ့ သင်းတော်ဟို ထိမဲ့ပြင်ပြီး ဆင်းရဲသားလေဟို ယှစ်ခွဲရှင်ကြောန့်လော။ နန်းနို့လေဟို ငါဖယ်မျိုးပြောရဟိုန့်။ နန်းနို့လေဟို ငါချီးကျူးရဟိုလော။ အယ်မူရာဟို ဖယ်မျိုးလည်း ချီးကျူးဟိုရဟု! 23 ဖြားဖြစ်ကြောန့်နို့ဆိုဟာ သခင်ဘုရားနားဟု ငါခဲယူရရှိဟားဟူ ဇာဟို နန်းနို့လေဟို ငါအပ်ပေးဟုယ်။ အယ်မူဇာဟု သခင်ယေရှုဟာ ရန်သူလေ လတ်ဟို အပ်ရှင်းဟို ခံတော်မူဟူညဉ်မာ မုဟိုယူဘီး။ 24 ကျေးဇူးတော်ဟို ချီးမွမ်းဘီးမှ မုဟိုဖွဲဘီးဟာ “အယ်မဟာ နန်းနို့တွပ် ချီးမွမ်းဟူ ငါရဲ့ ကိုယ်ခန္ဓာ ဖြစ်ဟုယ်။ ငါဟို အော-ကံမေဟိုတွပ် အယ်မျိုးပြုဂေပါ” ဆိုဘီး မိန့်တော်မူဟုယ်။ 25 အယ်တိုင်းဘဲ ညဉ်ဇာစားဘီးန ခွပ်ဟိုလည်း ယူဘီးဟာ “အယ်ခွပ်ဟာ ငါ့သွီးနတည်ဟူ ပဋိညာဉ် တရားသစ် ဖြစ်ဟုယ်။ အယ်ခွပ်ဟို သော-ကံဟူ ခီတိုင်း ငါဟို အော-ကံမေဟိုတွပ် အယ်မျိုးပြုဂေပါ” ဆိုဘီး မိန့်တော်မူဟုယ်။ 26 အယ်ကြောန့် နန်းနို့လေဟာ အယ်မဟို စားဘီး အယ်ခွပ်ဟိုသော-ကံဟူခီတိုင်းမာ သခင်ဘုရားရဲ့ သေခံတော်မူဟူကြောန့်ဟို ကြွလာဟူခီထိ ကြေညာဟူဇာဖြစ်ဟုယ်။ 27 အယ်မျိုးဖြစ်ကြောန့် သခင်ဘုရားရဲ့ မနုခွပ်ဟို ထိုက်တန်ဘဲန စားသော-ကံဟူသူဟာ သခင်ဘုရားရဲ့ ကိုယ်ခန္ဓာတော်န သွီးတော်ဟို ပြစ်မှားရာရော-ကံဟုယ်။ 28 အယ်ကြောန့် လူတိုင်း ကိုယ့်ကိုယ်ကိုယ် စစ်ဆေးဘီးမှ မဟို စားပါစေ။ အယ်တိုင်းဘဲ ခွပ်ဟိုလည်း သော-ကံပါစေ။ 29 ဖြားဖြစ်ကြောန့်နို့ဆိုဟာ သခင်ဘုရားရဲ့ ကိုယ်ခန္ဓာဟို ပိုင်းခြားဘီး နားလည်ဘဲန စားသော-ကံဟူ သူဟာ ကိုယ့်ထတ်ဟို ပြစ်ဒန်ရော-ကံအောန့် စားသော-ကံဟူသူ ဖြစ်ဟုယ်။ 30 အယ်ကြောန့် နန်းနို့လေထဲဟု တချို့ဟာ အားနဲသူလေန ကျန်းမာရေးကောင်းဘဲသူ ဘောင်ဂီးရှိဂေဟုယ်။ သေဟားဂေဟူ သူလည်းရှိဟုယ်။ 31 နို့လေဟာ ကိုယ့်ကိုယ်ကိုယ် ရင်ဦးဆောင်း စစ်ဆေးမယ် ဆိုဟာ အယ်မျိုး စီရင်ရှင်းဟို ခံရဂေဟို မူဟူ။ 32 စီရင်ရှင်းခံရဟုယ် ဆိုဟာလည်း လောကသားလေနတူးဒု ပြစ်ဒန်စီရင်ဟူဇာဟို ခံရဘဲနေဟိုတွပ် သခင်ဘုရားရဲ့ ဆောင်းမတော်မူဟူဇာဟို ခံရဂေဟုယ်။ 33 အယ်ကြောန့် ညီကို မောန့်နှမလေ၊ သခင်ဘုရားရဲ့ ပွဲတော်မင်္ဂလာဟို ဝမ်ဟိုတွပ် စုဝေးဂေခီမာ ယော-ကံဟိုယော-ကံ စောန့်နေဂေပါ။ 34 ယော-ကံယော-ကံဟု ရရာတိုင်း ဗိုက်ဆာနေဟုယ် ဆိုဟာ ပြစ်ဒန်စီရင်ခံရမယ့် စုဝေးရှင်းမျိုးဖြစ်ဘဲနေအောန့် အယ်သူဟို သူ့အီမာ စားစေပါ။ ကျန်ဟူကိစလေဟို ငါလာဟူခီမှ စီရင်မယ်။

12 ညီကို မောန့်နှမလေ ဝိညာဉ်ဆုကျေးဇူးလေရဲ့ ကြောန်းရာလေဟို နန်းနို့သိဘဲနနေဟိုတွပ် ငါလိုမေဟူ။ 2 နန်းနို့လေဟာ စုဒ္ဒဟု လူမျိုးခြားလေဖြစ်ဟူကြောန့် သူများသွီးဆောန့်ဟူနော-ကံဟို လိုက်ပါဘီး သတ်မေ့ဘဲဟူ ရောက်ထုလေဟို ကိုးကွယ်ဂေဟူကြောန်းဟို နန်းနို့လေ သိဘဲဖြစ်ဟုယ်။ 3 အယ်ကြောန့် နန်းနို့လေဟို သိစေရှင်ဇာဟု ဖယ်သူလေမှလည်း ဘုရားသခင်ရဲ့ ဝိညာဉ်တော်အားဖြင့် “ယေရှုဟာ ကီရှင်းခံရပါစေ!” ဆိုဘီး ပြောဟိုမူဟူ။ အယ်မျိုးဘဲ သန့်ရှင်းဟူဝိညာဉ်တော်အားဖြင့် မူဟုဆိုဟာ “ယေရှုဟာ သခင်ဖြစ်တော်မူဟုယ်” ဆိုဘီး ဖယ်သူလည်းဘဲ ဝန်ခံနိုင်ဘဲကြောန်းဟို နန်းနို့ဟို သိစေရှင်ဟုယ်။ 4 ဝိညာဉ်တော်ရဲ့ ဆုကျေးဇူးတော်ဟာ မျိုးမျိုးရှိဟူလည်းဘဲ ဝိညာဉ်တော်ဟာ တပါးဒဲဘဲရှိဟုယ်။ 5 မူတော်လောက်ငန်း မျိုးမျိုးရှိဟူလည်းဘဲ သခင်ဘုရားဟာ တပါးဒဲဘဲရှိဟုယ်။ 6 လောကဆောန့်ချစ် ဘောန်းဇောင်ရှိလည်းဘဲ လူလေထတ်မာ ရှိမျှဂူလောင်းဟို ပြုတော်မူဟု ဘုရားသခင်ဟာ တပါးဒဲဘဲ ရှိဟုယ်။ 7 ကောန်းဟူကျိုးတွပ် ဝိညာဉ်တော်ဟို လူသီးသီးဟို ထန်ရှားအောန့် ပေးတော်မူဟုယ်။ 8 ဖြားဖြစ်ကြောန့်နို့ဆိုဟာ ဝိညာဉ်တော်အားဖြင့် တယော-ကံဟို ပညာတရားဟို ပေးတော်မူဟုယ်။ အယ်ဝိညာဉ်တော်အားဖြင့် တခြားတယော-ကံဟို ထိုးထွင်းရှင်းပညာဟို ပေးတော်မူဟုယ်။ 9 အယ်ဝိညာဉ်တော်ဟု တယော-ကံဟို ယောင်ကြည်ရှင်း ဆုကျေးဇူးဟိုဘဲဖြစ်ဖြစ်။

တခြားတယော့-က်ဟို ရောဂါပျော့-က်ကင်းစေနိုင်ဟူ တဂိုးဟိုဘဲဖြစ်ဖြစ်၊ 10 တယော့-က်ဟို နိမိတ်လတ်ခဏာပြနိုင်ဟူ တဂိုးဟိုဘဲဖြစ်ဖြစ်၊ တခြားတယော့-က်ဟို ပရောဖက်ပြုခွင့်ဟိုဘဲဖြစ်ဖြစ်၊ နော့-က်တယော့-က်ဟို စိဝိညာဉ်ဟို ပိုင်းခြားဘီး သိနိုင်ဟူ ခွင့်ဟိုဘဲဖြစ်ဖြစ်၊ နော့-က်တယော့-က်ဟိုလည်း ထူးဆန်းဟူ ဘာသာစကားမျိုးဟို ပြောနိုင်ဟူခွင့်ဟိုဘဲဖြစ်ဖြစ်၊ နော့-က်တယော့-က်ဟို အယ်ဘာသာစကားရဲ့ နတ်မိပါယ်ဟို ဖော်ပြပေးနိုင်ဟူခွင့်ဟိုဘဲဖြစ်ဖြစ် ပေးတော်မူဟယ်။

11 အယ်ဝိညာဉ်တော် တပါးဒဲဟုဘဲ အယ်မူရှိမျှဂူလောင်းဟို လောကဆောန်တော်မူဘီး လိုတော်ရှိဟူတိုင်း အယ်ဆုကျေးဇူးလေဟို ယော့-က်စီတိုင်းဟို သီးသီးခွဲဝဲပေးတော်မူဟယ်။ 12 ခရစ်တော်ဟာ အင်္ဂါစိပိုင်းလေဘောင်ဂီးရှိဟူ ကိုယ်ခန္ဓာနတူဟယ်။ ကိုယ်ခန္ဓာမှာ အင်္ဂါစိပိုင်းလေ ဘောင်ဂီးရှိဟူလည်းဘဲ ကိုယ်တကိုယ်ဒဲဘဲ ဖြစ်ဟယ်။ 13 ဖြားဖြစ်ကြော့နဲ့ဆိုဟာ ယုဒလူမျိုးဘဲဖြစ်ဖြစ်၊ လူမျိုးခြားဘဲဖြစ်ဖြစ်၊ ကျွန်ဘဲဖြစ်ဖြစ်၊ လူလွတ်ဘဲဖြစ်ဖြစ်၊ နို့လေ ဂူလောင်းဟာ ဝိညာဉ်တော် တပါးဒဲအားဖြင့် ကိုယ်ခန္ဓာ တခုဒဲဟို ဗတ္တိဇံခံယူဂေဟယ်။ နို့လေရှိဟူ ဂူလောင်းဟာ ဝိညာဉ်တော် တပါးဒဲဟို သော့-က်ဂေဟယ်။ 14 ကိုယ်ခန္ဓာမှာ အင်္ဂါစိပိုင်းဟာ တခုဒဲဘဲရှိဟူဇာ မဟု။ ဘောင်ဂီးဘဲ ရှိဟယ်။ 15 ခေဟ “ငါဟာ လတ်မူဘဲကြော့နဲ့ ကိုယ်ခန္ဓာန စပ်ဆိုင်ဟ” ဆိုဘီး ပြောဟူကြော့နဲ့ တကယ်ဘဲ ကိုယ်ခန္ဓာန စပ်ဆိုင်ဟန်းဘဲဇာ မဟု။ 16 နားဟုလည်း “ငါဟာ မျစ်စိမူဘဲကြော့နဲ့ ကိုယ်ခန္ဓာန စပ်ဆိုင်ဟ” ဆိုဘီး ပြောဟယ် ဆိုဟာလည်း တကယ်ဘဲ ကိုယ်ခန္ဓာန စပ်ဆိုင်ဟန်းဘဲဇာ မဟု။ 17 ကိုယ်ခန္ဓာ တခုလောင်းဟာ မျစ်စိဘဲဖြစ်နေဟယ် ဆိုဟာ ဖယ်မျိုး ကြားနိုင်မယ်နဲ့။ ကိုယ်ခန္ဓာ တခုလောင်းဟာ နားဘဲဖြစ်နေဟယ် ဆိုဟာလည်း ဖယ်မျိုး နံနိုင်ဟိုနဲ့။ 18 အယ်ဘေမဲ့ ဘုရားသခင်ဟာ ကိုယ်ခန္ဓာမှာရှိဟူ အင်္ဂါစိပိုင်းလေဟို သူလိုတော်ရှိဟူတိုင်း သူနေရာနသူ ရှိစေတော်မူဟယ်။ 19 ဂူလောင်းဟာ အင်္ဂါတခုဒဲဘဲ ဖြစ်ဟယ် ဆိုဟာ ကိုယ်ခန္ဓာဟာ ဖယ်မာရှိဦးမယ်နဲ့။ 20 ခုဟ အင်္ဂါစိပိုင်းလေ ဘောင်ဂီးရှိဟူလည်းဘဲ ကိုယ်ခန္ဓာတခုဒဲဟုဘဲရှိဟယ်။ 21 အယ်ကြော့နဲ့ မျစ်စိဟ “နန့်ဟို ငါမလိုဟ” ဆိုဘီး လတ်ဟိုပြောမရဟု! ခေါန်းဟုလည်း “နန့်ဟို ငါမလိုဟ” ဆိုဘီးလည်း ခေဟိုပြောမရဟု! 22 အယ်လော့-က်နကဟ ကိုယ်ခန္ဓာမှာ ပိုဘီး အားနဲဟယ် ဆိုဘီး ထန်ရဟူ အင်္ဂါစိပိုင်းလေဟာ ပိုဘီး လိုအပ်ဟူ အင်္ဂါလေဖြစ်ဟယ်။ 23 အသရေမဲ့ဟယ် ဆိုဘီး ထန်ရဟူ အင်္ဂါစိပိုင်းလေဟို ပိုဘီး ကီးဟူ အသရေအားဖြင့် ဆင်ယင်တတ်ဂေဟယ်။ တင့်တယ်မှုမဲ့ဘဲဟူ ကိုယ်အင်္ဂါစိပိုင်းလေဟို ပိုဘီး တင့်တယ်အောန် ဆင်ယင်တတ်ဂေဟယ်။ 24 တင့်တယ်ဟူ ကိုယ်အင်္ဂါစိပိုင်းလေဟို မွန်းမဲဇာလိုအပ်ဟူ။ အယ်ဘေမဲ့ ဘုရားသခင်ဟာ ဂေါင်ငယ်ဟူ အင်္ဂါစိပိုင်းလေဟို ပိုဘီး ကီးဟူ ဂေါင်သရေဟို ပေးဘီး ကိုယ်ခန္ဓာဟို ပေါန်းစပ်ဖွဲ့စည်းဟားတော်မူဟယ်။ 25 အယ်ကြော့နဲ့ ကိုယ်ခန္ဓာမှာ ကွဲပြားမှုမဲ့ဘဲ အင်္ဂါစိပိုင်းလေ ရှင်းရှင်း ဂရုစိုက်ဂေဟိုတွပ် ဖြစ်ဟယ်။ 26 တကယ်ကြော့နဲ့ ကိုယ်အင်္ဂါစိပိုင်းတခုဟ ဝေဒနာခံစားနေရဟယ် ဆိုဟာ တခြားအင်္ဂါစိပိုင်းလေဟာလည်း ဒန်းတူခံစားရဂေဟယ်။ အင်္ဂါစိပိုင်းတခုဟ ချီးမြှော့-က်ရှင်းခံရဟယ် ဆိုဟာ တခြားအင်္ဂါစိပိုင်းလေဟာလည်း တူးဒုဘဲဝန်းသာဂေဟယ်။ 27 နန်းနို့ဂူလောင်းဟာ ခရစ်တော်ရဲ့ ကိုယ်ခန္ဓာတော် ဖြစ်ဂေဟယ်။ နန်းနို့သီးသီးဟာ ကိုယ်ခန္ဓာရဲ့ အင်္ဂါစိပိုင်းလေ ဖြစ်ဂေဟယ်။ 28 ဘုရားသခင်ဟာ ပထမအနေန တမန်တော်လေ၊ ဒုတိယအနေန ပရောဖက်လေ၊ တတိယအနေန ဆရာလေ၊ အယ်ဘီးန နိမိတ်လတ်ခဏာ တဂိုးပြဟူသူလေ၊ ရောဂါပျော့-က်စေနိုင်ဟူ ဆုကျေးဇူးဟို ရဟူသူလေ၊ ကူညီမဇဟူသူလေ၊ စီမံအောက်ချောက်ဟူ သူလေ၊ ထူးဆန်းဟူ ဘာသာစကား ဘောန်းဇောင့်ဟို ပြောနိုင်သူလေဟိုဘဲဖြစ်ဖြစ် သင်းတော်မာ ခန့်ဟားတော်မူဟယ်။ 29 ဂူလောင်းဟာ တမန်တော်လေ ဖြစ်ဂေကြော့နဲ့လော။ ဂူလောင်းဟာ ပရောဖက်လေ ဖြစ်ဂေကြော့နဲ့လော။ ဂူလောင်းဟာ ဆရာလေ ဖြစ်ဂေကြော့နဲ့လော။ ဂူလောင်းဟာ တဂိုးနိမိတ်လတ်ခဏာ ပြုနိုင်ကြော့နဲ့လော။ 30 ဂူလောင်းဟာ ရောဂါပျော့-က်စေနိုင်ဟူ ဆုကျေးဇူးဟို ရဟူသူလေ ဖြစ်ကြော့နဲ့လော။ ဂူလောင်းဘဲ ထူးဆန်းဟူ ဘာသာစကားဟို ပြောနိုင်ဟူ သူလေ ဖြစ်ကြော့နဲ့လော။ ဂူလောင်းဟာ အယ်မူနတ်မိပါယ်ဟို ဖော်ပြပေးနိုင်ဟိုကြော့နဲ့လော။ 31 အယ်မျိုးဖြစ်ကြော့နဲ့ နန်းနို့လေဟာ ပိုဘီး မြတ်ဟူ ဆုကျေးဇူးလေဟို ရရာတိုင်း လိုရှင်ဟူ စိရှိဂေပါ။ ငါဟာ နန်းနို့ဟို ပိုဘီး ထူးမြတ်ဟူလမ်းဟို ပြအူးမယ်။

13 ငါဟာ လူ့ဘာသာစကားနဲ့ ကောင်းဂန်တမန်ဘာသာစကားဟို့ ပြောနိုင်ဟူလည်းဘဲ မြစ်တာမေ့ဘဲနေဟာ သံကွယ်ကွယ်ပြယ်ဘီး ဆူညံနေဟူ ဗိုးမှုဟူသံနဲ့ ချမ်းချမ်းဟူမျိုးဘဲ ဖြစ်လေ့မယ်။ **2** ငါဟာ ဗျာဒိတ်တော်အားဖြင့် ဟောပြောနိုင်ဟူဇာဘဲဖြစ်ဖြစ်၊ နတ်နဲ့ရာလေရှိဟူမျှန တတ်ပညာမျိုးမျိုးလေဟို့ နားလည်တတ်ကျွမ်းဇာဘဲဖြစ်ဖြစ်၊ တောန်ဟို့ရွှေနိုင်ဟူ ယောင်ကြည်ရှင်းရှိဟူဇာဘဲဖြစ်ဖြစ် မြစ်တာမေ့ဘဲနေဟာ ချည်းနှီးသတ်သတ်ဘဲ ဖြစ်ဟယ်။ **3** သူတပါးဟို့ ငါကျေးဇူးခံဘီး ငါမာရှိဟူ ပစ်စီးအောက်စာလေ ဂူလောင်းဟို့ စွန့်လွှတ်ရုံမျှမက ကိုယ်ခန္ဓာဟို့ မီးရှို့ခံဟို့တွပ် ပေးအပ်ဟူလည်းဘဲ မြစ်တာမေ့ဘဲနေဟာ ငါမာ ဖြာကျိုးလည်း မေ့ဟူ။ **4** မြစ်တာဟာ စိရယ်တတ်ဟယ်။ သနားကြင်နာတတ်ဟယ်။ မြစ်တာဟာ နာလိုဘဲဟူဇာ မေ့ဟူ။ ငါကြွားဟူဇာ မေ့ဟူ။ မာန်မာန် မေ့ဟူ။ **5** ယဉ်ကျေးဘဲမှုဟို့ ပြုတတ်ဟူ။ ကိုယ့်ရဲ့ကျိုးဟို့ ရှာတတ်ဟူ။ ဒေါသမျစ်ထွပ်တတ်ဟူ။ သူများရဲ့ ပြစ်ဟို့ မှတ်တတ်ဟူ။ **6** တရားဘဲဟူမာ ဝန်းသာရှင်း မေ့တတ်ဟူ။ သမ္မာတရားအားဖြင့်ဘဲ ဝန်းသာတတ်ဟယ်။ **7** ရှိမျှဂူလောင်းဟို့ ဖောင်းအောက်ပေးတတ်ဟယ်။ ရှိမျှဂူလောင်းဟို့ ယောင်ကြည်တတ်ဟယ်။ ရှိမျှဂူလောင်းဟို့ မျှော်လင့်တတ်ဟယ်။ ရှိမျှဂူလောင်းဟို့ သီးခံတတ်ဟယ်။ **8** မြစ်တာဟာ ဖော့-က်ပွန်တတ်ဟူ သဘောနဲ့ မြကင်းစင်ဟယ်။ ပရောဖက်ဉာဏ်ဘဲဖြစ်ဖြစ်၊ ထူးဆန်းဟူ ဘာသာစကားလေဟို့ ပြောနိုင်ဇာဘဲဖြစ်ဖြစ်၊ တီထွင်ဖန်တီးနိုင်ဟူ သိပ္ပံတတ်ဘဲဖြစ်ဖြစ် ကွယ်ပျော့-က်လေ့မယ်။ **9** ခု နို့လေဟာ စောင်လင်ဘဲနဲ့ သိဂေ့ဟယ်။ ပရောဖက်ဉာဏ်နဲ့ စောင်လင်ဘဲနဲ့ ဟောတတ်ဟယ်။ **10** အယ်ဘေမဲ့ စောင်လင်မှုရော-က်လာဟူ ခီမာ စောင်လင်ဘဲဇာလေ ဂူလောင်းဟာ ပျော့-က်ကွယ်ဟားလေ့မယ်။ **11** ငါဟာ သားဂန်းဟားဖြစ်ဟူ ခီမာ သားဂန်းဟားမျိုးဘဲ စကားပြောဟယ်။ သားဂန်းဟားမျိုးဘဲ စဉ်းစားဟယ်။ သားဂန်းဟားမျိုးဘဲ တွေးတောဆင်ခြင်ဟယ်။ ကီးလာဟူ ခီမာ သားဂန်းဟားရဲ့ ကျင့်လေ့လေဟို့ ငါဖယ်ရှားဟယ်။ **12** ခုခီမာ နို့လေဟာ မှန်ရှေ့မာ မှုဝါးဝါးပေါ်လာဟူ ပေါင်သဏ္ဌာန်မျိုးဘဲ ထန်ရှားဘဲနဲ့ တွဲပြင်ရဂေ့ဟယ်။ အယ်မူခီမာ ဆိုဟာ မျစ်ဝါးထန်ထန် တွဲပြင်ရလေ့မယ်။ ခုခီမာ ငါဟာ စောင်းစောင်လင်းလင် သိပြင်ရသေးဟူ။ အယ်ခီမာ ဆိုဟာ ဘုရားသခင်ဟု ငါ့ဟို့ စောင်းစောင်လင်းလင် သိပြင်တော်မူဟူမျိုး ငါဟာ စောင်းစောင်လင်းလင် သိပြင်ရလေ့မယ်။ **13** ခုမာ ပါရမီသောင်းပါးဖြစ်ဟူ ယောင်ကြည်ရှင်း၊ မျှော်လင့်ရှင်း၊ ရှစ်ရှင်း အယ်သောင်းပါးတည်ဘီး ရှိနေဟယ်။ အယ်သောင်းပါးမာ ရှစ်ရှင်းမြစ်တာဟာ မြတ်ဆောင်း ဖြစ်ဟယ်။

14 အယ်ကြောနဲ့ ရှစ်ရှင်းမြစ်တာဟို့ မှီအောန်လိုက်ဂေ့ပါ။ ဝိညာဉ်ဆုကျေးဇူးလေဟို့ လိုရှင်တောင်းတရမာ ပရောဖက်ပြုနိုင်ဟူ ဆုကျေးဇူးဟို့ ရရာတိုင်း လိုရှင်ဟူစီရှိဂေ့ပါ။ **2** ဖြားဖြစ်ကြောနဲ့ဆုဟာ ထူးဆန်းဟူ ဘာသာစကားဟို့ ပြောဆိုဟူသူဟာ လူလေနပြောဟူဇာမူဘဲ ဘုရားသခင်နဲ့ ပြောဟူဇာဖြစ်ဟယ်။ သူ့ရဲ့စကားဟို့ ဖယ်သူလည်းနားလည်နိုင်ဟူ။ သူဟာ ဝိညာဉ်တော်တရားအားဖြင့် လျှို့ဝှက်နတ်နဲ့ဟူကြောနဲ့ရာလေဟို့ ပြောဆိုဇာဖြစ်ဟယ်။ **3** ပရောဖက်ပြုသူဟာ လူလေဟို့ တည်ဆော့-က်ပေးဟူစကား၊ ခွန်အားပေးဟူစကားနဲ့ နှစ်သိမ့်ပေးဟူစကားလေဟို့ဘဲ ပြောဟယ်။ **4** ထူးဆန်းဟူ ဘာသာစကားဟို့ ပြောဟူသူဟာ ကိုယ့်ကိုယ်ကိုယ်ဘဲ တည်ဆော့-က်ဇာဖြစ်ဟယ်။ ပရောဖက်ပြုသူဟာ သင်းတော်ဟို့ ပြုစုပေးဇာဖြစ်ဟယ်။ **5** နန်းနီဂူလောင်းဟာ ထူးဆန်းဟူဘာသာစကားဟို့ ပြောဟို့တွပ် ငါလိုရှိဟယ်။ အယ်ဘေမဲ့ ပရောဖက်ပြုဘီး ဟောပြောဟို့တွပ် ပိုဘီး လိုရှိဟယ်။ ဖြားဖြစ်ကြောနဲ့ဆုဆိုဟာ၊ ထူးဆန်းဟူ ဘာသာစကားဟို့ ပြောဟူသူဟာ သင်းတော်ဟို့ တည်ဆော့-က်ပေးဟို့တွပ် နတ်ဟို့ဖော်ပြဘဲနေဟာ၊ သူ့ထတ် ပရောဖက်ပြုဘီး ဟောပြောဟူသူဟာ ပိုဘီး မြတ်ဟယ်။ **6** အယ်မျိုးဖြစ်ကြောနဲ့ ညီကို မောန်နှမလေ၊ ငါဟာ နန်းနီနားဟို့ လာဘီး ထူးဆန်းဟူ ဘာသာစကားမျိုးမျိုးလေန ဟောပြောဟူလည်းဘဲ ငါဟောပြောဟူ စကားလေဟာ ဗျာဒိတ်တော်ဟို့ ပွန်ဟူဇာလေ၊ ပညာအတတ်ဟို့ သင်ဟူဇာလေ၊ ပရောဖက်ပြုဟူဇာလေ၊ ဆောင်းမသွန်သန်ဟူ ဇာလေဟို့ တခုလည်း ပြုဘဲနဲ့ နန်းနီဟို့ ဟောပြောဟယ် ဆိုဟာ ဖြားကျိုးရှိမယ်နဲ့။ **7** အယ်မျိုးဘဲ သတ်မဲ့ဖြစ်ဟူ နှံနဲ့စောန်းဟူမျိုးဘဲ အယ်မူတီးမူဟူဇာလေဟာ သံဟို့ပီးပီသသ ထွပ်လာဘဲနေဟာ စောန်းသံမှန်း နှံသံမှန်း ဖယ်မျိုးသိနိုင်မယ်နဲ့။ **8**

ဦးမှုသံလည်းဘဲ ပီးပီသသန ဗြဟ္မာ ဆိုဟာ စစ်ပွဲဝမ်ဟို့တွပ် ဖယ်မျိုးပြင်ဆင်မယ်နူး။ 9 အယ်မျိုးဘဲ ထူးဆန်းဟူ ဘာသာစကားမျိုးမျိုးလေန နန်းနို့ပြောဟူစကားဟာ မိပါယ်သိဘဲနေဟာ ဖယ်သူနားလည်နိုင်မယ်နူး။ နန်းနို့လေဟာ လေထဲမာ စကားပြောနေဟူမျိုးဘဲ ဖြစ်လေ့မယ်။ 10 ကမ္ဘာမာ ဘာသာစကားလေ ဘောင်ဂီးရီဟူလည်းဘဲ ဖယ်စကားလည်းဘဲ မိပါယ်မေ့ဘဲဟူ စကားဆိုဇာ မေ့ဟူ။ 11 အယ်ကြောန့် ဘာသာစကားရဲ့ နတ်မိပါယ်ဟို့ ငါနားလည်ဘဲနေဟာ အယ်ဘာသာစကားဟို့ ပြောဟူသူဟာ ငါတွပ်လူမျိုးခြား ဖြစ်ဟယ်။ ငါလည်း သူတွပ် လူမျိုးခြား ဖြစ်ဟယ်။ 12 အယ်မျိုးဖြစ်ကြောန့် နန်းနို့လေဟာ ဝိညာဉ်ဆုကျေးဇူးလေဟို့ လိုရှင်တောင်းတဂေဟူတိုင်း သင်းတော်တည်ဆော့-ကံရာမာ တိုးပွားလာဟို့တွပ် အယ်ဆုကျေးဇူးအားဖြင့် ကြွယ်ဝလှစေင်ဟို့တွပ် ကြိုးစားအားထုဂေပါ။ 13 အယ်ကြောန့် ထူးဆန်းဟူ ဘာသာစကားပြောဟူသူဟာ နတ်မိပါယ်ဟို့ ဖော်ပြပေးနိုင်ဟို့တွပ် ဆုတောင်းရမယ်။ 14 ဖြားဖြစ်ကြောန့်ဆိုဟာ ငါဟာ ထူးဆန်းဟူ ဘာသာစကားမျိုးမျိုးန ဆုတောင်းဟူ ခီမာ ငါရဲ့စိန်လောင်းဟာ ဆုတောင်းနေဟူလည်းဘဲ ငါသိဉာဏ်ဟု ဖြားကျိုးလည်းပေးဟူ။ 15 အယ်မျိုးဆိုဟာ ဖယ်မျိုး ငါပြုရမယ်နူး။ ငါဟာ စိန်လောင်းအားဖြင့်ဟူဘဲန ဉာဏ်အားဖြင့်လည်း ဆုတောင်းမယ်။ စိန်လောင်းအားဖြင့်ဘဲ ချင်းဆိုဇာဟူဘဲန ဉာဏ်အားဖြင့်လည်း ချင်းဆိုမယ်။ 16 အယ်မျိုးဟူဘဲ နန်းနို့လေဟာ စိန်လောင်းအားဖြင့်ဘဲ ဘုရားသခင်ဟို့ ချီးမွမ်းဘီး ဆုတောင်းဟယ် ဆိုဟာ ပရိသတ်ထဲမာ ဝတ်ပြုနေဟူ သာမန်လူတယော့-ကံဟာ နန်းနို့ပြောဟူစကားလေဟို့ နားလည်ဘဲကြောန့် နန်းနို့လေ ဆုတောင်းဟူဇာဟို့ ဖယ်မျိုး “အာမင်” ဆိုဘီး ဝန်ခံနိုင်မယ်နူး။ 17 ကျေးဇူးတော် ချီးမွမ်းဟူ နန်းနို့ရဲ့ ဆုတောင်းရှင်းဟာ ကောင်းနေဟူလည်းဘဲ သူများလေတွပ် ဖြားကျိုးလည်း မေ့ဟူ။ 18 ငါဟာ ထူးဆန်းဟူ ဘာသာစကားဟို့ နန်းနို့လေထတ် ပိုဘီး ပြောဆိုနိုင်ကြောန့် ဘုရားသခင်ရဲ့ ကျေးဇူးတော်ဟို့ ချီးမွမ်းပါဟယ်။ 19 အယ်ဘေမဲ့ သင်းတော်ဝတ်ပြုရှင်းမာ ထူးဆန်းဟူဘာသာစကား ခွန်းပေါန်းထောန်သောင်းထတ်မက ဟောပြောဟူဇာထတ် နားလည်နိုင်ဟူစကားငါးခွန်းဟို့ဘဲ ပိုဘီး ပြောရှင်ပါဟယ်။ 20 ညီကို မောန်နှမလေ၊ နန်းနို့လေရဲ့ စဉ်းစားတွေးခေါ်ဟူဇာဟာ သားဂန်းဟွားလေမျိုး ဖြစ်ဂေန။ ကောင်းဘဲဟူဇာလေမာ သားဂန်းဟွားလေမျိုး ဖြစ်ဂေဘီး စဉ်းစားတွေးခေါ်ဟူဇာမာ စောင်လင်ရင်ကျတ်ဟူသူ ဖြစ်ဂေပါ။ 21 ပညတ္တိကျမ်းစာမာ လာဟူဇာဟု “ငါရဲ့လူစုဟို့ ထူးဆန်းဟူ ဘာသာစကားအားဖြင့် လူမျိုးခြားလေရဲ့နောက်နီ ငါပြောမယ်။ အယ်ဘေမဲ့ ငါရဲ့လူစုတော်ဟာ ငါစကားဟို့ နားထောန်ဟို့ မူဟု ဆိုဘီး ဘုရားသခင် မိန့်တော်မူဟယ်” ဆိုဘီး ဖော်ပြဟွားဟယ်။ 22 အယ်ကြောန့် ထူးဆန်းဟူ ဘာသာစကားဟို့ ဟောပြောရှင်းဟာ ယောင်ကြည်သူလေတွပ် နိမိတ်လတ်ခဏာမူဘဲန ယောင်ကြည်သူလေတွပ် နိမိတ်လတ်ခဏာသတ်သေ ဖြစ်ဟယ်။ ပရောဖက်ပြုဘီး ဟောပြောဟူ ဆုကျေးဇူးဟာ ယောင်ကြည်ဘဲသူလေတွပ် နိမိတ်လတ်ခဏာမူဘဲ ယောင်ကြည်သူလေတွပ် နိမိတ်လတ်ခဏာ ဖြစ်ဟယ်။ 23 အယ်ကြောန့် သင်းတော်တခုလောင်း စုဝေးဘီး ထူးဆန်းဟူ ဘာသာစကား ပြောဆိုနေဟူ ခီမာ သာမန်လူလေဘဲဖြစ်ဖြစ် ယောင်ကြည်ဘဲသူလေဘဲဖြစ်ဖြစ် ဝမ်လာဟယ် ဆိုဟာ နန်းနို့ဟို့ ရူးလေ ဆိုဘီး ပြောဂေလေ့မယ် မူဟလော။ 24 အယ်မျိုးမူဘဲနေဟာ သင်းဝမ်သူဂူလောင်းဟာ ပရောဖက်ပြုနေဟူ ခီမာ ယောင်ကြည်ဘဲဟူသူ၊ နားလည်ဘဲသူလေ ဝမ်လာဟယ် ဆိုဟာ သင်းဝမ်ဟူသူ ဂူလောင်းဟာ သူ့ပြစ်ဟို့ ဖော်ပြဘီး စစ်ဆေးစီရင်ခံရဟူ ခီမာ 25 အယ်သူရဲ့ စိန်လောင်းထဲမာ ထန်ရှားဘဲဇာလေဟာ ထန်ရှားလာဟူကြောန့် “ဘုရားသခင်ဟာ နန်းနို့လေနတူးဒု တကယ်ရှိတော်မူဟယ်!” ဆိုဘီး ဝန်ခံဘီးဟာ ဘုရားသခင်ဟို့ ပျပ်ဝပ်ကိုးကွယ်လေ့မယ်။ 26 ညီကို မောန်နှမလေ ဖယ်မျိုးပြောရဟို့နူး။ နန်းနို့စုဝေးဂေဟူ ခီမာ ဆာလံချင်းဆိုဟူသူ၊ သွန်သန်ပေးဟူသူ၊ ဗျာဒိတ်တော်ဟို့ ဟောပြောဟူသူ၊ ထူးဆန်းဟူ ဘာသာစကားဟို့ ပြောဟူသူ၊ နတ်မိပါယ်ဟို့ ဖော်ပြပေးဟူသူ သီးသီးရှိဂေဟူကြောန့် အယ်မူဇာ ဂူလောင်းဟာ သင်းတော် တည်ဆော့-ကံဟို့တွပ်ဘဲ လောက်ဂေပါ။ 27 ထူးဆန်းဟူ ဘာသာစကားဟို့ ပြောမယ် ဆိုဟာ နေ့ယော့-ကံဘဲဖြစ်ဖြစ်၊ များဆောင်းသောင်းယော့-ကံဘဲဖြစ်ဖြစ် ယော့-ကံလှည့်ဇီ ပြောဘီး တယော့-ကံဟု နတ်မိပါယ်ဟို့ ရှင်းပြပေးရမယ်။ 28 တကယ်ဟို့ကြောန့် နတ်ဟို့ဖော်ပြပေးဟူသူ မေ့ဟု

ဆိုဟာ ထူးဆန်းဟူ ဘာသာစကားပြောဟူသူဟာ သင်းတော်မာ တိတိဆိဆိနေဘီး ကိုယ့်ကိုယ်ကိုယ်ဘဲဖြစ်ဖြစ် ဘုရားသခင်ဟိုဘဲဖြစ်ဖြစ် ပြောပါစေ။ 29 ပရောဖက် နွေယော့-ကံဘဲဖြစ်ဖြစ် သောင်းယော့-ကံဘဲဖြစ်ဖြစ် ဟောပြောဘီး ကျန်ဟူသူလေဟု သူးနိုဟောဟူကြောင်းရာလေဟို စီရင်သောင်းသပ်ရမယ်။ 30 အယ်ဘောမဲ့ ထိုင်နေဟူတခြားတယော့-ကံဟို တခုခုဖွမ်ပြရှင်းခံရဟယ် ဆိုဟာ ပထမလူဟာ တိတိဆိဆိနေပါစေ။ 31 ဖြားဖြစ်နူးဆိုဟာ ရှိဟူလူတိုင်း သွန်သန်ရှင်းခံရဘီး ရှိဟူလူတိုင်း တိုက်တွန်းအားပေးခံရဟိုတွပ်၊ နန်းနိုလောင်းဟာ လှည့်ကွဲ ပရောဖက်ပြုရဟူခွမ်ရှိဟယ်။ 32 ပရောဖက်လေလည်း ကိုယ့်စိမိညာဉ်ဟိုကိုယ် ချောက်တီးနိုင်ဂေဟယ်။ 33 ဖြားဖြစ်ကြောနန်းဆိုဟာ ဘုရားသခင်ဟာ ရောင်းရင်းဆန်ခတ်ဖြစ်ဟူဇာနည်ဆိုင်ဟူ ဘုရားမှဘဲ ငြိသတ်ရှင်းနုဆိုင်ဟူ ဘုရားဖြစ်တော်မူဟယ်။ သန်ရှင်းသူလေရဲ့သင်းတော်တိုင်းမာ ကျင့်သောင်းဟူတိုင်း၊ 34 မီးမလေဟာ သင်းတော်စည်းဝေးမာ တိတိဆိဆိနေရမယ်။ သူးနိုလေဟာ ဟောပြောရဟူခွမ် မေ့ဟူ။ ပညတ်တရားမာ ဖော်ပြဟားတိုင်း သူးနိုဟာ ယော့-ကံကျားရဲ့ အောက်စိုးမှုဟို ဝန်ခံရဂေမယ်။ 35 သူးနိုဟာ တခုခုဟို သန်ယူရှင်ဟာ အီမာ သူးနိုလန်ယော့-ကံကျားဟို မေးရမယ်။ ဖြားဖြစ်ကြောနန်းဆိုဟာ သင်းတော်မာ မီးမလေ ဟောပြောဟူဇာဟာ ယှစ်ဇာကောင်းဟယ်။ 36 ဘုရားသခင်ရဲ့ စကားတော်ဟာ နန်းနိုလေနားဟု ထွပ်လာဟိုကြောနန်းလော။ အယ်မျိုးမှုဘဲနေဟာ နန်းနိုလေနားဟိုဘဲ ရော့-ကံလာဟူကြောနန်းလော။ 37 ငါဟာ နန်းနိုလေဟို ရေးဘီးပေးလိုက်ဟူ စကားလေဟာ သခင်ဘုရားရဲ့ ပညတ်တော်ဖြစ်ဟူ ကြောနန်းဟို ပရောဖက်ဖြစ်ဟူသူနု ဝိညာဉ်ဆုကျေးဇူးဟို ခံရဟူ သူမှန်ဟာ သိမှတ်ပါစေ။ 38 ဖယ်သူဘဲဖြစ်ဖြစ် အယ်ဇာဟို သိမှတ်ပြုဘဲနေဟာ အယ်သူဟိုလည်း သိမှတ်ပြုဂေ။ 39 အယ်မျိုးဖြစ်ကြောနု ညီကို မောန်နှမလေ၊ ပရောဖက်ပြုဟောပြောဇာဟို လိုရှင်တောင်းတဂေပါ။ ထူးဆန်းဟူ ဘာသာစကားပြောဆိုမှုဟို တားမြစ်ဂေ။ 40 ဂူလောင်းဟို တင့်တယ်လျှောက်ပတ်အောက် လောက်ဆောန်ဂေပါ။

15 ညီကို မောန်နှမလေ၊ နန်းနိုလေဟို ငါဟောပြောဟူ ဒန်းကောင်းဟို နန်းနိုလတ်ခံဟူမျှနမူဘဲ အယ်ထတ်မာ နန်းနိုရပ်တည်ဂေဟယ်။ နော့-ကံထပ် အယ်ကောင်းမြတ်ဟူ ဒန်းကောင်းဟို နန်းနိုဟို သိစေရှင်ပါဟယ်။ 2 ငါဟောပြောဟားဟူ အယ်ဒန်းကောင်းဟို စွဲစွဲမြဲမြဲ ယောင်ကြည်မယ် ဆိုဟာ အယ်ဒန်းကောင်းအားဖြင့် နန်းနိုဟာ ကယ်တန်ရှင်းဟို ခံရမယ်။ အယ်မျိုး ယောင်ကြည်ဘဲဟု ဆိုဟာ နန်းနို ယောင်ကြည်ဟားဇာဟာ ဖြားကျိုးလည်းမေ့ဟူ။ 3 ငါဟာ ကိုယ်တိုင်ခံယူဘီး နန်းနိုလေဟို ဦးဆောင်းပေးအပ်ဟူ၊ ရေးကီးဆောင်းဖြစ်ဟူ ကြောနန်းရာဟု ခရစ်တော်ဟာ ကျမ်းစာလာဟူတိုင်း နိုလေပြစ်တွပ် သေခံတော်မူဟူကြောနန်း၊ 4 သင်္ဂြိုဟ်ခံဘီး ကျမ်းစာလာဟူတိုင်း သောင်းရစ်မြော့-ကံဟူနေမာ ရှင်လွန်ထမြော့-ကံ တော်မူဟူကြောနန်း၊ 5 ကေဖဟာ ကိုယ်တော်ဟို ဗြင်ရဟူကြောနန်းနု ဆယ့်နှစ်ပါးဖြစ်ဟူ တဗွဲတော်လေ ဗြင်ရဟူကြောနန်းလေဘဲ ဖြစ်ဟယ်။ 6 အယ်ဘီးနု ခရစ်ယာန်ညီကို မောန်နှမ ငါးရာကျော်ဟု တပြိုင်ဒဲ ဗြင်ရဂေဟယ်။ အယ်သူလေထဲဟု တချို့လူလေဟာ သေဟားဂေဘီ တော်တော်များများဟု ခုထိရှိနေသေးဟယ်။ 7 အယ်ဘီးနု ယာကုပ်ဗြင်ရဟယ်။ နော့-ကံမှ တမန်တော်လေ အားလောင်းဗြင်ရဟယ်။ 8 နော့-ကံဆောင်းမာ ဒီတန်ဘဲနု ဇိုးဟူသူမျိုးဖြစ်ဟူ ငါလည်း ဗြင်ရဟယ်။ 9 ငါဟာ တမန်တော်လေထဲမာ ညံ့ဆောင်းဖြစ်ဟယ်။ ဖြားဖြစ်ကြောနန်းဆိုဟာ ဘုရားသခင်ရဲ့ သင်းတော်ဟို ညှဉ်းဆဲဟူသဖြစ်ဘီး တမန်တော် ဆိုဘီး ခေါ်ဟူဇာဟိုမှ ခံထိုက်ဟူ။ 10 အယ်ဘောမဲ့ ဘုရားသခင်ရဲ့ ကျေးဇူးတော်ကြောနု ငါဟာ ခုခြေနေဟို ရော့-ကံရဇာဖြစ်ဟယ်။ ငါခံရဟူ ကျေးဇူးတော်ဟိုလည်း ကျိုးမဲ့ဘဲနု ခံရဟူဇာ မူဟူ။ ငါဟာ တခြားတမန်တော်လေထတ် ပိုဘီး ကြိုးစားလောက်ဆောန်ဟယ်။ အယ်မျိုးလောက်ဆောန်နိုင်ဇာလည်း ငါ့ရဲ့စွမ်းစကြောနုမှဘဲနု ငါနုတူးဒုလောက်ဆောန်ဟူ ဘုရားသခင်ရဲ့ ကျေးဇူးတော်ကြောနု ဖြစ်ဟယ်။ 11 အယ်ကြောနု ငါဘဲဖြစ်ဖြစ်၊ သူးနိုလေဘဲဖြစ်ဖြစ် အယ်တိုင်းဟောပြောဂေဟယ်။ နန်းနိုလေလည်း အယ်တိုင်းဘဲ ယောင်ကြည်ဂေဟယ်။

12 ခရစ်တော်ဟာ သေရှင်းဟုနေဘီး ရှင်ယွန်ထမြော-က်ဟူကြောင်းဟို နို့လေဟောပြောနေရစ်နဲ ဖြားဖြစ်ကြောန့် နန်းနို့လေထဲဟု လူတချို့ဟာ သေဘီးလူလေ ထမြော-က်ရှင်းမော့ဟုဆိုဘီး ပြောဆိုနေဂေ့နူး။ 13 သေဟားသူလေ ထမြော-က်ရှင်းမော့ဘဲနေဟာ ခရစ်တော်လည်း ထမြော-က်ဟားဟို့ မှဟူ။ 14 ခရစ်တော်ဟာ ထမြော-က်တော်မူဘဲနေဟာ နို့လေဟောပြောဇာလည်း ဖြားကျိုးလည်း မေ့ဟူ။ နန်းနို့လေ ယောင်ကြည်ဇာလည်း ဖြားကျိုးလည်း မေ့ဟူ။ 15 အယ်လော့-က်နမကဟု နို့လေဟာ ဘုရားသခင်န ပတ်သတ်ဘီး မမှန်ဘဲဟူသတ်သေခံလေ ဖြစ်ဟားဂေ့လေ့မယ်။ ဖြားဖြစ်ကြောန့်ဆိုဟာ သေဟားသူလေဟို့ ထမြော-က်စေတော်မူဘဲနေဟာ ဘုရားသခင်ထမြော-က်စေတော်မူဘဲဟူ ခရစ်တော်ဟို့ ဘုရားသခင် ထမြော-က်စေတော်မူဘိ ဆိုဘီး နို့လေ သတ်သေခံနေဟူကြောန့် ဖြစ်ဟယ်။ 16 ဖြားဖြစ်ကြောန့်ဆိုဟာ သေဟားသူလေ ထမြော-က်ရှင်းမော့ဘဲနေဟာ ခရစ်တော်လည်း ထမြော-က်တော်မူဟားမယ် မှဟူ။ 17 ခရစ်တော်ဟာ ထမြော-က်ဘဲနေဟာ နန်းနို့ယောင်ကြည်ရှင်းဟာ ချည်းနှီးသတ်သတ်ဖြစ်ဘီး နန်းနို့လေဟာ ပြစ်ဒုစရိုက်အော့-က်မာဘဲ ရှိနေသေးဂေ့ဟယ်။ 18 အယ်မျိုးဖြစ်ဟယ် ဆိုဟာ ခရစ်တော်နှိုက် အိမ္မိဟားသူလေလည်း ဆောင်းရှောင်းမှုဟို့ ရော့-က်ဂေ့ရမယ်။ 19 ခရစ်တော်နှိုက် နို့လေရဲ့ မျှော်လင့်ရှင်းဟာ ခုဘဝ ကျိုးတွပ်ဘဲ ဖြစ်ဟယ် ဆိုဟာ ဖြားလည်းကျိုးထူးဟု ဆိုဟာ အယ်လောကမာ နို့လေလော့-က် သနားဇာကောင်းဟူလူ ရှိဟို့မှဟူ။ 20 မှန်ဆိုဟာ ခရစ်တော်ဟာ သေဟားသူလေထဲမာ ထမြော-က်တော်မူဘီး အိမ္မိဟူ သူလေထဲမာ ဦးဆောင်းသီး ဖြစ်တော်မူဟယ်။ 21 ဖြားဖြစ်ကြောန့်ဆိုဟာ လူတယော့-က်အားဖြင့် အယ်လောကထဲမာ သေရှင်းတရားဖြစ်ပေါ်လာဟူမျိုး လူတယော့-က်အားဖြင့်ဘဲ သေရှင်းဟု ရှင်ယွန်ထမြော-က်ရှင်းတရားဟာလည်း ဖြစ်ပေါ်လာဟယ်။ 22 လူလေ ဂူလောင်းဟာ အာဒံအားဖြင့် သေဂေ့ရဟူမျိုး လူလေ ဂူလောင်းဟာ ခရစ်တော်အားဖြင့် သတ်ရှင်ရှင်းဟို့ ရော့-က်ဂေ့လေ့မယ်။ 23 အယ်ဘောမဲ့ လူသီးသီးဟာ လှည့်လွှာ ထမြော-က်ဂေ့လေ့မယ်။ ခရစ်တော်ဟာ ရင်ဦးဆောင်း ထမြော-က်ဟူ ဦးဆောင်းသီး ဖြစ်ဟယ်။ ခရစ်တော် ကြွလာဟူ ခီမာ တဗဲတော်ဖြစ်ဟူ သူလေဟာ ထမြော-က်ဂေ့လေ့မယ်။ 24 အယ်ဘီးမ ကပ်ကမ္ဘာ ကူဆောင်းဟူခီ ရော့-က်ဂေ့လေ့မယ်။ အယ်ခီမာ ခရစ်တော်ဟာ အောက်ချောက်မှုရှိဟူမျှ၊ တဂိုးန အာဏာစစ်ရှိဟူမျှ ဂူလောင်းဟို့ ဖျစ်ဆီးဘီးဟာ နိုင်ငံတော်ဟို့ ဖဘုရားသခင် လတ်ထဲဟို့ အပ်တော်မူလေ့မယ်။ 25 ဖြားဖြစ်ကြောန့်ဆိုဟာ ရန်သူလေ ဂူလောင်းဟို့ ခရစ်တော်ရဲ့ ခေဖွားအော့-က်မာ ညဟားခန်ခီထိ ခရစ်တော်ဟာ အောက်စိုးရမယ်။ 26 ဖျစ်ဆီးခံရမယ့် နော့-က်ဆောင်းဟူ ရန်သူဟာ သေမန်းဘဲ ဖြစ်ဟယ်။ 27 ကျမ်းစာဟု “ဘုရားသခင်ဟာ ဂူလောင်းဟို့ ကိုယ်တော်ရဲ့ ခေဖွားအော့-က်မာ ညဟားတော်မူဟယ်” ဆိုဘီး ဖော်ပြဟားဟယ်။ “ဂူလောင်း” ထဲမာ ဘုရားသခင် ပါဟူ။ ဖြားဖြစ်ကြောန့်ဆိုဟာ ဂူလောင်းဟို့ ခရစ်တော်ရဲ့ ခေဖွားအော့-က်ဟို့ ရော့-က်စေဟူသူဟု ဘုရားသခင်ဘဲ ဖြစ်ဟယ်။ 28 ဂူလောင်းဟို့ သားတော်ဟာ အောက်စိုးတော်မူဟူ ခီမာ သူရဲ့ ခေဖွားအော့-က်ဟို့ ဂူလောင်းဟို့ ညဟားတော်မူဟူ ဘုရားသခင်ရဲ့ အောက်စိုးရှင်းဟို့ သားတော် ကိုယ်တိုင် ဝန်ခံလေ့မယ်။ ဖြားဖြစ်ကြောန့်ဆိုဟာ ဘုရားသခင်ဟာ လောင်းဇောင် ဖြစ်တော်မူဟယ်။ 29 သေဟားဘီးသူလေ ကိုယ်စား ဗတ္တိဇံခံဟူ သူလေဟာ ဖြားကျိုးရှိဟူကြောန့် အယ်မျိုးလောက်ဂေ့နူး။ သေဟားဘီး သူလေဟာ ရှင်ယွန်ထမြော-က်ရှင်းမော့ဟု ဆိုဟာ ဖြားဖြစ်ကြောန့် သူ့နှိုက်ယ်စား ဗတ္တိဇံခံနေဂေ့နူး။ 30 ဖြားဖြစ်ကြောန့် နို့လေဟာ ဘေးအန္တရာယ်န မြဒမ်း တွံကြောင်ရဂေ့နူး။ 31 ညီကို မောန်နမလေ၊ နို့လေဟာ သခင် ယေရှုခရစ်တော်နှိုက် နန်းနို့အားဖြင့် ငါရရှိဟူ ဝါကြွားဝန်းသာရှင်းဟို့ တိုင်တည်ဘီး ငါဟာ နေ့တိုင်းသေရဟယ် ဆိုဘီး ငါပြောဟယ်။ 32 တကယ်ဟို့ ငါဟာ လူသဘောအားဖြင့် ဧဖက်ဗြီးမာ သားရဲလိဆန်လေန တိုက်ခိုက်ရဟယ် ဆိုဟာ ငါ့တွပ် ဖြားကျိုးရှိမယ်နူး။ သေဟားဘီးသူလေ ရှင်ယွန်ထမြော-က်ရှင်း မော့ဘဲနေဟာ “နန့်ကီးမိုးလန်းဟာ သေရဂေ့မယ်ဖြစ်ကြောန့် နို့လေဟာ စားရင်း၊ သော့-က်ရင်း၊ ပျော်ပါးရင်းနေဂေ့နို့” ဆိုဘီး ဆိုဟူတိုင်းဘဲ နေဂေ့ရအောန်။ 33 တလွဲယူဂေ့နူး။ “ကောန်းဘဲဟူ သူလေန ပေါန်းသင်းဟူ ဇာအားဖြင့် ကောန်းဟူ ကျင့်ခလေ ပျစ်စီးတတ်ဟယ်။” 34 ဗြင်မုန်ရဂေ့ပါ။ ပြစ်လောက်ဂေ့နူး။ ဖြားဖြစ်ကြောန့်ဆိုဟာ တချို့လူလေဟာ

ဘုရားသခင်ဟို သိဂေဟ။ နန်းနီလေ ယှစ်ကြော- ကံအာန် အယ်မျိုးငါပြောစာ ဖြစ်ဟယ်။ 35 အယ်ဘောမဲ့ လူတချို့ဟာ “သေဟားသူလေဟာ ဖယ်မျိုး ရှင်ပွန်ထမြော- ကံမယ်နူး။ ဖယ်မျိုး ကိုယ်ခန္ဓာနု ပေါ်လာမယ်နူး” ဆိုဘီး မေးဂေလေမယ်။

36 ဝေ့ လူမိုက်! နန့်စိုက်ဟူ မျိုးစေ့ ရင်ဦးဆောင်း ပျစ်ဟားဘဲနေဟယ် ဆိုဟာ ရှင်လာဟို့ မူဟာ။ 37 မျိုးစေ့ဟို့ မွေမာ စိုက်ဟူ ခီမာ နေ့- ကံမှ ဖြစ်လာဟူ ကိုယ်ထည်ဟို့ စိုက်ဟူစာ မူဟာ။ ဂျောင်စေ့ဘဲဖြစ်ဖြစ်၊ တခြား မျိုးစေ့ဘဲဖြစ်ဖြစ် စေ့ဟို့ဘဲ စိုက်ဟူစာ ဖြစ်ဟယ်။ 38 အယ်ဘောမဲ့ ဘုရားသခင်ဟာ သူလိုတော်ရှိဟူတိုင်း မျိုးစေ့ ကိုယ်ထည်ဟို့ ပေးတော်မူဟယ်။ မျိုးစေ့ သီးသီးဟို့လည်း သူးနီရဲ့ မျိုးစားလိုက် ကိုယ်ထည်ဟို့ ပေးတော်မူဟယ်။ 39 သတ်ရှိသတ္တဝါလေရဲ့ သားဟုလည်း တမျိုးဒဲရှိစာ မူဟာ။ လူလေရဲ့ သားဟု တမျိုး၊ မဲသားဟု တမျိုး၊ ငှတ်သားဟု တမျိုး၊ ငါးသားဟု တမျိုး ဖြစ်ဟယ်။ 40 ကောန်းဂန်ရဲ့ ကိုယ်ထည်လည်း တမျိုး၊ မွေဂီးရဲ့ ကိုယ်ထည်လည်း တမျိုး ရှိဟယ်။ ကောန်းဂန်ကိုယ်ထည်ရဲ့ ဂေါင်သရေဟု တမျိုး၊ မွေဂီးကိုယ်ထည်ရဲ့ ဂေါင်သရေဟု တမျိုး ဖြစ်ဟယ်။ 41 နေရဲ့ ဂေါင်သရေ၊ လရဲ့ ဂေါင်သရေ၊ ကြယ်ရဲ့ ဂေါင်သရေဟာ တမျိုးစီ ဖြစ်ဟယ်။ ကြယ်ဟာ လောင်းနလောင်းဟို့ဘဲ ဂေါင်သရေရှင်း တူဟာ။ 42 သေဟားသူလေရဲ့ ထမြော- ကံရှင်းဟုလည်း အယ်တိုင်းဘဲ ဖြစ်ဟယ်။ ကိုယ်ခန္ဓာဟို့ သင်္ဂြိုဟ်ဟူ ခီမာ ပေါက်ပျစ်တတ်ဟူ သဘောရှိဟယ်။ ထမြော- ကံဟူ ခီမာ ဆိုဟာ ပေါက်ပျစ်နိုင်ဘဲဟူ ဖြစ်နတည်ဟယ်။ 43 စိုက်ဟူ ခီမာ ဂေါင်သရေပျစ်ဘီး ခွန်အားမွေဟာ။ ထမြော- ကံဟူ ခီမာ ဖောင်းသရေတော်ရှိဘီး တဂိုးန ပွဲဇောင်လေမယ်။ 44 စိုက်ဟူ ခီမာ ကိုယ်ကာယခန္ဓာ ဖြစ်ဟယ်။ ထမြော- ကံဟူ ခီမာ ဝိညာဏကိုယ် ဖြစ်ဟယ်။ ရောက်ပိုင်းဆိုင်ရာ ခန္ဓာရှိဟူမျိုး ဝိညာဉ်ပိုင်းဆိုင်ရာ ကိုယ်ခန္ဓာလည်း ရှိရဟယ်။ 45 အယ်ကြောန့် ကျမ်းစာလာဟူစာဟု “ပထမ လူအာဒံဟာ သတ်ရှင်ဟူ သတ္တဝါ ဖြစ်ဟယ်” ဆိုဘီး ရေးဟားဟယ်။ နေ့- ကံဆောင်းဖြစ်ဟူ အာဒံဟာ သတ်ရှင်စေတတ်ဟူ ဝိညာဉ် ဖြစ်ဟယ်။ 46 ဝိညာဏကိုယ်ဟာ ရင်ဦးဆောင်း ဖြစ်လာစာ မူဟာ။ ရောက်ခန္ဓာ ဖြစ်ဘီးမှ ဝိညာဏကိုယ် ဖြစ်လာဟူစာ ဖြစ်ဟယ်။ 47 ပထမအာဒံဟာ မွေဂီးဟု ဖန်ဆင်းဟူကြောန့် မွေဂီးသား ဖြစ်ဟယ်။ ဒုတိယ အာဒံဟာ ကောန်းဂန်ဘောင်ဟုနေ လာဟူသူ ဖြစ်ဟယ်။ 48 မွေဂီးသားလေဟာ အယ်မွေဂီးသားမျိုးဘဲ ဖြစ်ဂေဟယ်။ ကောန်းဂန်ဘောင်န ဆိုင်ဟူ သူလေဟာ ကောန်းဂန်ဘောင်န ဆိုင်ဟူသူန တူလေမယ်။ 49 နီလေဟာ မွေဂီးသားရဲ့ ပေါင်သဏ္ဌာန်ဟို့ ဆောန်ဟူမျိုးဘဲ ကောန်းဂန်ဘောင်ဟု ကြွလာဟူသူရဲ့ ပေါင်သဏ္ဌာန်ဟို့လည်း ဆောန်ဂေလေမယ်။ 50 ညီကို မောန်နမလေ၊ လူရဲ့သွီးသားဟာ ဘုရားသခင်ရဲ့ နိုင်ငံတော်ဟို့ ခံယူနိုင်ဟာ။ ပေါက်ပျစ်တတ်ဟူစာဟာ ပေါက်ပျစ်တတ်ဘဲဟူစာဟို့ ခံယူနိုင်ဟာ။ 51 နားထောန်ဂေပါ။ လျှိုဝှပ်နတ်နဲဟူ ဇာတခုဟို့ ငါပြောအူးမယ်။ နီလေဂူလောင်းဟာ သေဂေရဟို့ မူဟာ။ 52 အယ်ဘောမဲ့ နေ့- ကံဆောင်းဗိုးမူဟူ ခီမာ မျစ်စိတ်မို ရှစ်ဟားဒဲနု ညွှန်းလဲဂေလေမယ်။ နေ့- ကံဆောင်းဗိုးမူဟူ ခီမာ သေဟားဘီးသူလေဟာ ရှင်ပွန်ထမြော- ကံဘီး သေရှင်းန ထာဝရ ကင်းလွတ်လေမယ်။ နီလေ အားလောင်းလည်း ညွှန်းလဲမူဟို့ ရေး- ကံဂေလေမယ်။ 53 ဖြားဖြစ်ကြောန့်ဆိုဟာ ခုပေါက်ပျစ်တတ်ဟူ ဇာဟာ ပေါက်ပျစ်တတ်ဘဲဟူ ဇာဖြစ်ဟို့ ညွှန်းလဲရမယ်။ သေတတ်ဟူ ဇာဟာ သေနိုင်ဘဲဟူ ဇာဖြစ်ဟို့ ညွှန်းလဲရမယ်။ 54 အယ်ကြောန့် အယ်ပေါက်ပျစ်တတ်ဟူ ဇာဟာ ပေါက်ပျစ်နိုင်ဘဲဟူ ဇာဖြစ်န သေတတ်ဟူ ဇာဟာ သေနိုင်ဘဲဟူ ဇာဖြစ်ဟို့ ညွှန်းလဲဟူ ခီမာ “သေရှင်းဟာ အောန်မြင်ရှင်းခိုက် နှစ်မွှောက်ဘီ!” ဆိုဘီး ပြောဟားဟူ ကျမ်းစကားဟာ ပွဲဇောင်လေမယ်။ 55 “အို၊ မရဏနိုင်ငံ၊ နန့်ရဲ့ အောန်မြင်ရှင်းဟု ဖယ်မာရှိနူး။ အို၊ သေမန်း၊ နန့်ရဲ့ လတ်နတ်ဟု ဖယ်မာရှိနူး။” (Hades g86) 56 သေမန်းရဲ့ လတ်နတ်တဂိုးဟာ ပြစ်ဒုစရိုက် ဖြစ်ဟယ်။ ဒုစရိုက်ပြစ်ရဲ့ တဂိုးဟာ ပညတ်တရား ဖြစ်ဟယ်။ 57 အယ်ဘောမဲ့ နီလေရဲ့ သခင် ယေရှုခရစ်တော်အားဖြင့် အောန်မြင်မှုဟို့ ပေးတော်မူဟာ ဘုရားသခင်ရဲ့ ကျေးဇူးတော်ဟာ ကီးမားလှပါဟယ်။ 58 အယ်မျိုးဖြစ်ကြောန့် ငါရှစ်ရဟူ ညီကို မောန်နမလေ၊ နန်းနီလေဟာ သခင်ဘုရားရဲ့ မူတော်ဟို့ ကြိုးစား လောက်ဆောန်ဟူစာဟာ ချည်းနီး ဖြစ်ဘဲဟူကြောန်းဟို့ သိမှတ်ဘီးဟာ တည်ကြည်ဟူစိန် ပွဲဇောင်ဘီး ဖော့- ကံပွန်ရှင်း မွေဘဲန သခင်ဘုရားရဲ့ မူတော်ဟို့ မြဲဒမ်း ကြိုးစားဆောန်ရွပ်ဂေပါ။

16 သန့်ရှင်းဟူသလေဟူ ထော့-ကံပုံဟို့တွပ် လူငွေနပတ်သတ်ဘီးဟာ ဂလာတိပြည်မာရှိဟူ သင်းတော်လေဟို့ ငါညွှန်ကြားဟားတိုင်း နန်းနီလေ လောက်ဂေပါ။ **2** ငါရော့-ကံလာဟူ ခီမာ လူငွေကော့-ကံခံရဘဲနေအောန် နန်းနီလေတိုင်း နန်းနီယော့-ကံချင်းစီတိုင်းရဲ့ ဝမ်ငွေခံများလိုက် လူဒန်းဟို့တွပ် စုဆောင်းဟားဂေပါ။ **3** ငါရော့-ကံလာဟူ ခီမာ စာရေးဘီး နန်းနီလေ ဝီးကော့-ကံဟူသလေဟို့ အပ်ပေးဘီး အယ်လတ်ဆောန်ဟို့ ယေရုရှလင်မြို့ဟို့ ပို့ဆောန်ဟို့တွပ် ငါလွှတ်မယ်။ **4** တကယ်ဟို့ ငါကိုယ်တိုင်သွားဟို့ လိုအပ်ဟယ် ဆိုဟာ သူးနီလေနငါ တူးဒုသွားမယ်။ **5** မာကေဒေါနိပြည်လမ်းဟနေ ငါသွားမယ်ဖြစ်ဟူကြောန့် မာကေဒေါနိပြည်ဟို့ လှည့်လည်ဘီးမှ နန်းနီနားဟို့လာမယ်။ **6** ငါဟာ နန်းနီလေနတူးဒု ဆောင်းကာလပတ်လောင်း နေရှင်ဟာနေမယ်။ နော့-ကံမှ ငါသွားရှင်ဟူနေရာဟို့ သွားဟို့တွပ် နန်းနီကူညီလေမယ် ဆိုဇာဟို့ ငါမျှော်လင့်ပါဟယ်။ **7** ငါဟာ နန်းနီလေနားဟို့ ရှစ်ဟားတည်းခိုမျှဒေမူဘဲန သခင်ဘုရားခွမ်ပြုမယ် ဆိုဟာ နန်းနီလေနားမာ ကြားကြာနေဟို့ မျှော်လင့်ဟားပါဟယ်။ **8** ပင်တေကုတ္တေပွဲနေထိ ဖေကံမြို့မာ ငါနေအူးပါမယ်။ **9** ဖြားဖြစ်ကြောန့်နူးဆိုဟာ မူတော်တွပ် ရရာတိုင်း ကီးဟူခွဗော့-ကံဟာ ငါတွပ် ဆင်သင့်ဖွဲ့မိဘီး ရှိနေပါဟယ်။ တားဆီးဟူသလည်း ဘောင်ဂီးရှိပါဟယ်။ **10** နန်းနီလေနားဟို့ တိမောသေဟာ ရော့-ကံလာဟယ် ဆိုဟာ သူဟာ စိုးရိမ်မှုမော့ဘဲ နန်းနီနတူးဒုနေထိုင်ဟို့တွပ် ဂရုစိုက်ဂေပါ။ ဖြားဖြစ်ကြောန့်နူးဆိုဟာ သူဟာ ငါ့ဟူမျိုးဘဲ သခင်ဘုရားခွမ်မူတော်ဟို့ လောက်ဆောန်ဟူသု ဖြစ်ဟယ်။ **11** အယ်ကြောန့် သူဟို့ ဖယ်သုလည်းဘဲ ထိမဲ့မြင်ပြုစေန။ ငါဟာ ယောင်ကြည်သူ ညီကို မောန်နမလေနတူးဒု သူရော့-ကံလာဟို့ဇာဟို့ စောန့်မျှော်နေဟူကြောန့် သူဟာ ငါနားဟို့ဘေးကင်းဘီး ရော့-ကံလာနိုင်ဟို့တွပ် ကူညီဂေပါ။ **12** ငါညီအာပေါလုန ပတ်သတ်ဘီး ပြောရမယ် ဆိုဟာ သူဟာ တခြားခရစ်ယာန် ညီကို မောန်နမလေနတူးဒု နန်းနီလေနားဟို့ လာလည်ဟို့တွပ် သူဟို့ ငါအားပေးတိုက်တွန်းဟယ်။ အယ်ဘေမဲ့ သူဟာ အယ်ခီဒူးဟု လာဟို့ လောင်းဝ ဆန္ဒမူဟူ။ အယ်ဘေမဲ့လည်း ခွမ်သာဟူ ခီမာ သုလာလေမယ်။ **13** နန်းနီလေ နိုးနိုးကြားကြားနေဂေပါ။ ယောင်ကြည်ရှင်းန ခိုင်းခိုင်းမားမာရပ်တည်ဂေပါ။ ရဲစွမ်းသတ္တိရှိဂေပါ။ သန်မာဂေပါ။ **14** ဂူလောင်းဟို့ မြစ်တာစိန်ပြုဂေပါ။ **15** ညီကို မောန်နမလေ၊ သတေဖန်ရဲ့ အီသူအီသားလေဟာ အခါယပြည်မာ ဦးဆောင်းခရစ်ယာန်လေဖြစ်ဘီး သန့်ရှင်းသူလေရဲ့မူဟို့ ကူညီဆောန်ရုပ်ဟို့တွပ် သူးနီလေဟာ ကိုယ့်ကိုယ်ကိုယ် ဆစ်ကပ်ဟားဟူကြောင်းဟို့ နန်းနီလေသိဂေဟို့တွပ် ငါတိုက်တွန်းဟယ်။ **16** အယ်မျိုးသူလေဟုနေစဘီး သူးနီနတူးဒု မူတော်ဟို့ လောက်ဆောန်ဂေဟူ သုလေရဲ့ ဦးဆောန်မူဟို့ နာခံဂေဟို့တွပ် နန်းနီလေဟို့ မြစ်တာရပ်ခံဟယ်။ **17** သတေဖန်၊ ဖော်တုနကန် အခါယကုဟားလေ ရော့-ကံလာဟူကြောန့် ငါဝန်းသာဟယ်။ သူးနီလေဟာ နန်းနီကိုယ်စား ငါ့ဟို့ပြုစုဂေဟယ်။ **18** သူးနီလေဟာ နန်းနီစိဟို့ သတ်သာစေဟူမျိုး ငါရဲ့စိဟို့လည်း သတ်သာစေဂေဟယ်။ အယ်မျိုးသူလေဟို့ သိမှတ်ပြုဂေပါ။ **19** အာရှပြည်မာရှိဟူ သင်းတော်လေဟာ နန်းနီလေဟို့ နှောက်ဆစ်ဂေဟယ်။ အာကုလန ပြစ်ကိလဟုနေစဘီး သူးနီအီမာ ဝတ်ပြုကိုးကွယ်ဂေဟူ သင်းဝမ်သူလေဟုလည်း သခင်ဘုရားရဲ့ နာမတော်အားဖြင့် နှောက်ဆစ်ဂေဟယ်။ **20** ညီကိုအားလောင်းဟုလည်း နန်းနီဟို့ နှောက်ဆစ်ဂေဟယ်။ နန်းနီဟု ယော့-ကံနယော့-ကံ သန့်ရှင်းဟူနမ်းန နှောက်ဆစ်ဂေပါ။ **21** အယ်နှောက်ဆစ်စကားဟို့ ငါပေါလုကိုယ်တိုင် ငါ့လတ်န ရေးလိုက်ပါဟယ်။ **22** သခင်ဘုရားဟို့ ရှစ်ဘဲဟူ ဖယ်သူဘဲဖြစ်ဖြစ် ကီရှင်းဟို့ ခံရပါစေ၊ မာရာနာ သာ သခင်ဘုရား ကြွလာတော်မူပါ! **23** သခင်ယေရှုခရစ်ရဲ့ ကျေးဇူးတော်ဟာ နန်းနီလေမာရှိပါစေ။ **24** ယေရှုခရစ်တော်ရှိက် တဗွဲတော်ဖြစ်ဟူ နန်းနီလေမာ ငါရဲ့ရှစ်ရှင်းမြစ်တာရှိဟယ်။ အာမင်။

၂ ကောရိန္ဒါ

၁ ဘုရားသခင်ရဲ့ လိုတော်ကြောနဲ့ ယေရှုခရစ်တော်ရဲ့ တမန်တော်ဖြစ်နဲ့ ခန့်ဟားခံရဟူ ပေါလုနဲ့ နို့ညီ တိမောသောနားဟုနေ

— **၂** နို့လေရဲ့ ဖြစ်ဟူ ဘုရားသခင်နဲ့ သခင် ယေရှုခရစ်တော်နားဟုနေဘီး ကျေးဇူးတော်နဲ့ ငြိသတ်ရှင်းဟာ နန်းနို့ထတ်ဟို ရှေး-ကံလာပါစေ။ **၃** နှစ်သိမ့်ပေးဟူ သခင်၊ ကရုဏာတော်လေနဲ့ ယွဲစောင်ဘီး ကြွယ်ဝဟူ ဖြစ်ဟူ၊ နို့လေရဲ့ သခင် ယေရှုခရစ်တော်ရဲ့ ဘုရားသခင်ဟို နို့လေ ချီးမွမ်းဂေ့ဇူ။ **၄** နို့လေဟာ ဆင်းရဲဒေါက်ခမျိုးမျိုး ခံရဂေ့ဟူ ခီမာ ကိုယ်တော်ဟာ နို့လေဟို နှစ်သိမ့်မှုလေဟို ပေးဟယ်။ အယ်ကြောနဲ့ နို့လေဟုလည်း ဘုရားသခင်နားဟုနေ အယ်မျိုးရဟူ နှစ်သိမ့်မှုလေနဲ့ ဒေါက်ခခံရဂေ့ဟူ လူလေဟို ယွန်ဘီးဟာ အားပေးနိုင်ဟယ်။ **၅** နို့လေဟာ ခရစ်တော်ခံစားရဟူ ရရာတိုင်းများဟူ ဒေါက်ခဆင်းရဲလေဟို ခံစားရမျိုးဘဲ ခရစ်တော်အားဖြင့် နှစ်သိမ့်မှုလေဟို ခံရဂေ့ဟယ်။ **၆** နို့လေဟာ ဆင်းရဲဒေါက်ခ ခံရဇာဟာ နန်းနို့တွပ် နှစ်သိမ့်မှုနဲ့ ကယ်တန်ရှင်း ကျိုးတွပ်ဘဲဖြစ်ဟယ်။ နို့လေဟာ နှစ်သိမ့်မှု ခံစားရဂေ့ဟူ ခီမာ နန်းနို့လေရဲ့ နှစ်သိမ့်မှုရှင်း တွပ်ဘဲဖြစ်ဘီး အယ်မျိုးနှစ်သိမ့်ဇာဟာ နို့လေခံရဟူ ဆင်းရဲဒေါက်ခလေမျိုးမာ နန်းနို့ဟာ သီးခံနိုင်ဟူ ခွန်အားဟို ဖြစ်စေဟယ်။ **၇** နန်းနို့တွပ် နို့လေရဲ့ မျှော်လင့်ဇာဟာ ခိုင်မြဲဘီး ရှိနေဟယ်။ ပြားဖြစ်ကြောနဲ့နူးဆိုဟာ နန်းနို့ဟာ နို့လေရဲ့ ဆင်းရဲဒေါက်ခလေဟို မျှဝီခံစားရဟူမျိုးဘဲ နို့လေရဲ့ နှစ်သိမ့်မှုလေဟိုလည်း မျှဝီခံစားရမယ် ဆိုဇာဟို နို့လေ သိဂေ့ဟယ်။ **၈** ညီကို မောန်နှမလေ၊ အာရှိပြည်မာ နို့လေခံရဟူ ဆင်းရဲဒေါက်ခ ကြောန်းလေဟို နန်းနို့လေဟို သိဘဲနဲ့ နေစေရှင်ဟူ။ နို့လေဟာ ကိုယ့်ရဲ့ ခံနိုင်ဟူစွမ်းရည်ထတ် ပိုဘီး ဟာ ရရာတိုင်းကီးဟူ ဆင်းရဲဒေါက်ခဟို ခံရဟူကြောနဲ့ သတ်ရှင်ဟိုတွပ် မျှော်လင့်ချစ် မေ့ဂေ့ဟုမ်း။ **၉** နို့လေဟာ သေဒန်စီရင်ခံရဟူ လူလေဖြစ်ဟယ် ဆိုဘီး ကိုယ့်ကိုယ်ကိုယ် ထန်မှတ်ဂေ့ဟယ်။ အယ်ဘေမဲ့ အယ်မျိုးဖြစ်ပျစ်ဇာဟာ နို့လေဟာ ကိုယ့်ကိုယ်ကိုယ် အားကိုးဘဲနဲ့ သေဟားဟူ လူလေဟို ရှင်ယွန်ထမြော့-ကံစေဟူ ဘုရားသခင်ဟို အားကိုးဂေ့ဟိုတွပ် ဖြစ်ဟယ်။ **၁၀** ကိုယ်တော်ဟာ အယ်မျိုး ကြော့-ကံဇာကောန်းဟူ သေဘေး ဟုနေဘီး နို့လေဟို ကယ်တန်လိုက်ဟယ်။ ကိုယ်တော်ဟာ နို့လေဟို နှော့-ကံတခါလည်း ကယ်တန်မယ် ဆိုဇာဟို နို့လေဟာ ကိုယ်တော်ဟို မျှော်လင့်ဟူကြောနဲ့၊ **၁၁** ဘုရားသခင်ဟာ နန်းနို့ တောန်းလျှော့-ကံဘီး ဆုတောင်းဇာလေဟို နားထောက်ဘီး နို့လေဟို ကောန်းဂျီးပေးလေ့မယ်။ လူလေဘောင်ဂီးဟုလည်း နို့လေတွပ် ကျေးဇူးတော် ချီးမွမ်းဂေ့လေ့မယ်။ **၁၂** နို့လေရဲ့ သိစိတ်ဟို ထော့-ကံခံဘီး ဝါကြွားဇာတခုဟာ အယ်လောကမာ သတ်ရှင်ဟူ ခီကာလမာ နန်းနို့နဲ့ ဆစ်ဆံဟူ ခီမာ လူလေရဲ့ ဇာတိသိပညာလေဟို မှီပြုဘဲနဲ့ ဘုရားသခင်ရဲ့ ကျေးဇူးတော် တဂိုးဟိုဘဲ မှီပြုဘီး နို့လေဟာ ဘုရားသခင်ပေးသနားဟားဟူ စိရိုးသဘောရိုးနဲ့ ပွင့်ပွင့်လန်းလန်းဟား သတ်သေခံဘီးဟား သတ်ရှင်ဂေ့ဟယ်။ **၁၃** ခု နို့လေရေးပေးလိုက်ဟူ စာလေဟာ နန်းနို့လေဖတ်ဘီး နားလည်နိုင်ဟူ ကြောန်းရာလေဘဲ ဖြစ်ဟယ် ဆိုဇာဟို နို့လေမျှော်လင့်ဟယ်။ **၁၄** နို့လေရဲ့ သခင်ယေရှု ကြွလာဟူနေရစ်မာ နို့လေဟာ နန်းနို့တွပ် ဂေါင်ယူဝါကြွားနိုင်ဟိုမျိုးဘဲ နန်းနို့ဟုလည်း နို့လေတွပ် ဂေါင်ယူဘီး ဝါကြွားနိုင်ဟိုတွပ် နန်းနို့ဟာတစ်တဒေသအားဖြင့် သိဘီး နားလည်ဂေ့ဟူ ကြောန်းရာလေဟို ယွဲစောင်လင်ဘီး နားလည်လာဂေ့လေ့မယ် ဆိုဇာဟို ငါမျှော်လင့်ဟယ်။ **၁၅** အယ်မျိုး စိခွဲကြောနဲ့ နန်းနို့ဟာ ကျေးဇူးတော်ဟို နှေ့ထပ်ကွမ်း ခံစားရစေဟိုတွပ် နန်းနို့နားဟို ဦးဆောင်းလာရှင်ဟယ်။ **၁၆** အယ်ကြောနဲ့ မာကေဒေါနိပြည်ဟို သွားဟူ ခီမာလည်း တခါ၊ အယ်ပြည်ဟုနေဘီး ယွန်လာဟူ ခီမာလည်း တခါ နန်းနို့နားဟို ဝမ်းဘီးနဲ့ ယုဒပြည်ဟို သွားနိုင်ဟိုတွပ် နန်းနို့နားမာ ကူညီတောင်းဟို ကြိုရှိဟယ်။ **၁၇** အယ်မျိုး ကြံစည်ဇာဟာ ငါမာ စိနွေ့ရှိနေကြောနဲ့လော။ ငါဟာ ကြံစည်ဘီး ဆောင်းဖြတ်ဟူ ခီမာလည်း တကိုယ်ကောန်း သဘောနဲ့ ဆောင်းဖြတ်နေလော။ တခီထဲမာဘဲ ဟောက်မှန်ဟယ် ဆိုဇာရာ၊ ဟောက်မှန်ဟု ဆိုဇာရာ စကားဟာ နွေ့ဖြစ်နေလော။ **၁၈** ဘုရားသခင်ဟာ သစ်စာနဲ့ ယွဲစောင်ဟူမျိုးဘဲ နို့လေပြောဟူ စကားဟုလည်းနေခွဲ မူဟူ။ **၁၉** သိလွာနဲ့ တိမောသေန ငါအားဖြင့် နန်းနို့ထဲမာ ဟောပြောဟားဟူ ဘုရားသခင်ရဲ့ သားတော် ယေရှုခရစ်ဟာ “ဟောက်မှန်ဟယ်” “ဟောက်မှန်ဟု” ဆိုဇာဟာ

မေ့ဟူ။ အယ်ဘောမဲ့ ကိုယ်တော်နှိုက် မြဲဒမ်း “ဟောက်မှန်ဟယ်” ဆိုဇာဘဲ ရှိဟယ်။ 20 ပြားဖြစ်ကြောန့်နူးဆိုဟာ ဘုရားသခင်ရဲ့ ကဒိတော်လေ ဂူလောင်းဟာ ခရစ်တော်နှိုက် “ဟောက်မှန်ဟယ်။” အယ်ကြောန့် နန်းနို့လေဟာ ဘုရားသခင်ရဲ့ ဖောင်းသရေတော်ဟို့ ချီးမြှော့-က်ဟို့တွပ် ကိုယ်တော်အားဖြင့် “အာမင်” ဆိုဘီး ပြောဂေဟယ်။ 21 နန်းနို့နို့ နို့လေဟို့ ခရစ်တော်န တလောင်းတဝဲဒဲ ဖြစ်စေဘီး ဘိသိပေးသူဟာ ဘုရားသခင် ကိုယ်တိုင်ဘဲ ဖြစ်ဟယ်။ 22 သူရဲ့ လူစုဝမ်လေဟို့ တမိခတ်လိုက်ဘီး၊ လာဟို့ နာဂတ်ကာလမာ နို့လေတွပ် အာမခံချစ်ဖြစ် ဘုရားသခင်ဟာ နို့လေရဲ့ စိနလောင်းထဲမာ သန်းရှင်းဟူဝိညာဉ်တော်ဟို့ ထဲဟားဟယ်။ 23 ကောရိန်မြို့ဟို့ လာဘဲဟို့တွပ် ဆောင်ဖြတ်ဇာဟာ နန်းနို့ဟို့ ညာတာဟူကြောန့် ဖြစ်ဟယ် ဆိုဇာဟို့ ဘုရားသခင်ဟာ ငါရဲ့ သတ်သေဖြစ်ဟယ်။ 24 နန်းနို့ဟာ ပြားဇာဟို့ ယောင်ကြည်ရမယ်နူး၊ ဆိုဘီး နန်းနို့ဟို့ မိန့်ပေးဟို့တွပ် ငါဟာ ကြိုးစားနေဇာ မှဟူ။ နန်းနို့ရဲ့ ယောင်ကြည်ရှင်းဟာ ခိုင်မာနေဇာဟို့ နို့လေ သိဂေဟယ်။ အယ်ကြောန့် နို့လေဟာ နန်းနို့လေဟာ ရွှင်လန်းဘီး ဝန်းသာနေဟို့တွပ် နန်းနို့လေရဲ့ လောက်ဖော်ဆောင်ဖတ်လေဘဲ ဖြစ်ဟယ်။

2 အယ်ကြောန့် နန်းနို့နားဟို့ ငါ နော့-က်တခါ လာဟူ ခီမာ နန်းနို့ဟို့ ဝန်းနဲစေမယ် ဖြစ်ဟူကြောန့် ငါလာဘဲဟို့တွပ် စီဆောင်းဖြတ်လိုက်ဟယ်။ 2 ငါဟာ နန်းနို့ဟို့ ဝန်းနဲစေမယ် ဆိုဟာ ငါဟို့ ဝန်းသာစေဟူသူ ဖယ်မာရှိမယ်နူး။ ငါကြောန့် ဝန်းနဲရဟူ လူလေဟူလွဲဘီး ဖယ်သူဟာ ငါဟို့ ဝန်းသာစေဟို့နူး။ 3 ငါလာမယ် ဆိုဟာ ငါဟို့ ဝန်းသာစေဟူ လူလေဟာ ငါဟို့ ဝန်းနဲစေမာဟို့ စိုးရိမ်ဟူကြောန့် ရင်ဟူစာဟို့ ငါရေးဘီး ပို့ပေးလိုက်ဇာ ဖြစ်ဟယ်။ ငါဟာ ဝန်းသာမယ် ဆိုဟာ နန်းနို့လေဟူလည်း ဝန်းသာဂေမယ် ဆိုဇာ ငါဟာ ယောင်ကြည်ဟယ်။ 4 ငါဟာ ရရာတိုင်း စိနလောင်း ပူပန်သောက ရော့-က်ဘီး မျစ်ရယ်ဘောင်ဂီး ကွဘီးဟာ အယ်စာဟို့ ရေးလိုက်ဇာဖြစ်ဟယ်။ အယ်ကြောန့် နန်းနို့ဟို့ ဝန်းနဲစေရှင်ကြောန့် မှဘဲ နန်းနို့ဟို့ ငါဟာ ရရာတိုင်း ရှစ်ကြောန်းဟို့ သိစေရှင်ဟူကြောန့် ရေးလိုက်ဇာ ဖြစ်ဟယ်။ 5 လူတယော့-က်ဟာ တယော့-က်ဟို့ ဝန်းနဲအောန် လောက်ဟူ ခီမာ ငါဟို့ဘဲမှဘဲန နန်းနို့အားလောင်း အယ်မျိုးမှဘဲနေဟာ နန်းနို့ထဲဟာ တချို့ဟို့ ဝန်းနဲစေဟယ်။ (အယ်လူလေဟို့ ကျပ်ကျပ်တဲတဲဟား စီရင်ရှင်ဘဲကြောန့် အယ်မျိုးပြောဇာ ဖြစ်ဟယ်။) 6 နန်းနို့ လူဘောင်ဂီးရဲ့ ဒန်ပေးဇာဟို့ ခံရဇာဟာ အယ်လူတွပ် လောင်လော့-က်ဟူ ပြစ်ဒန်ဖြစ်ဟယ်။ 7 အယ်ဘောမဲ့ အယ်လူဟာ ခံနိုင်ဘဲဟူ ဝန်းနဲမှု ဖြစ်ဘဲအောန် ခု နန်းနို့ဟာ သူဟို့ ပြစ်လွှတ်ဘီး အားပေးဂေပါ။ 8 အယ်ကြောန့် နန်းနို့ဟာ သူဟို့ တကယ်ဘဲ မြစ်တာထားဟယ် ဆိုဇာဟို့ သူသိဟို့တွပ် နန်းနို့ဟို့ ငါဟာ တောင်းဗန်ဟယ်။ 9 ရင်ဟာ ငါဟာ စာရေးရဟူကြောန်းဟာ နန်းနို့ဟာ စောင်ဇမ်းနောက်ယုတ်ဇာဟို့ ဖယ်မျှလော့-က် ခံနိုင်ဟယ် ဆိုဇာရော၊ ငါပြောဟားဟူ ဇာလေဟို့ လိုက်နာဟို့တွပ် နာခံမှု ရှိမရှိ ဆိုဇာဟို့ရော သိဟို့တွပ်ဘဲ ဖြစ်ဟယ်။ 10 နန်းနို့ဟာ ယော့-က်ယော့-က်ဟို့ ပြစ်လွှတ်ဟူ ခီမာ ငါဟူလည်း တခုခုဟို့ ခွမ်လွှတ်ဟို့တွပ် လိုမယ် ဆိုဟာ နန်းနို့ရဲ့ မျစ်နာဟို့ ထော့-က်ဘီး ခရစ်တော်ရဲ့ရှေ့မာ အယ်လူရဲ့ ပြစ်ဟို့ ငါလွှတ်ဟယ်။ 11 အယ်မျိုးလောက်မှ စာတန်ဟာ နို့လေဟို့ နိုင်ဘဲဟို့တွပ် တားဟားနိုင်ဟယ်။ ပြားဖြစ်ကြောန့်နူးဆိုဟာ နို့လေဟာ စာတန်ရဲ့ ကြံစည်လေဟို့ သိဂေကြောန့် ဖြစ်ဟယ်။ 12 ခရစ်တော်ရဲ့ ဒန်းကောန်းဟို့ ဟောပြောဟို့တွပ် တရောမြို့ ဟို့ ငါဟာ ရော့-က်ဟူ ခီမာ မှတော်ဟို့ ထမ်းဆောန်နိုင်ဟို့တွပ် ခွဲဟော့-က်လေဟို့ သခင်ဘုရားဟာ ဖွမ်ပေးဟားဟယ်။ 13 အယ်ဘောမဲ့ နို့လေရဲ့ညီ တိတုဟို့ တွဲဘဲကြောန့် ငါဟာ ရရာတိုင်း စိသောက ဖြစ်ဟယ်။ အယ်ကြောန့် အယ်မြို့မာရှိဟူ လူလေဟို့ နောက်ဆစ်ဘီးဟာ ငါဟာ မာကေဒေါနိုပြည်ဟို့ သွားဟယ်။ 14 အယ်ဘောမဲ့ နို့လေဟို့ ခရစ်တော်အားဖြင့် မြဲဒမ်းအောန်ဗွဲဟို့ ခံစေဘီးဟာ ကိုယ်တော်ဟို့ သိရှင်းရဲ့ မွီးနံ့ဟာ နေရာတိုင်းဟို့ နို့လေအားဖြင့် ပွဲနံ့စေဟူ ဘုရားသခင်ရဲ့ ကျေးဇူးတော်ဟို့ ချီးမွမ်းဟယ်။ 15 ပြားဖြစ်ကြောန့်နူးဆိုဟာ နို့လေဟာ ဘုရားသခင်ဟို့ ခရစ်တော်ပူဇော်ဟူ ရရာတိုင်း မွီးဟူနံ့သာနံ့ ဖြစ်ဟယ်။ အယ်နံ့ဟာ ကယ်တန်ရှင်း ခံရခါနီးဟူ လူလေနားဟို့ရော၊ ပျစ်စီးဆောင်းရှောင်းခါနီးဖြစ်ဟူ လူလေနားဟို့ရော ပွဲနံ့ဟားဟယ်။ 16 ပျစ်စီးဆောင်းရှောင်းခါနီးဖြစ်ဟူ လူလေတွပ် အယ်နံ့ဟာ သေရှင်းရဲ့နံ့ ဖြစ်ဘီး ကယ်တန်ခံနေရဟူ လူလေတွပ် သတ်ရှင်ရှင်းရဲ့နံ့ ဖြစ်ဟယ်။ အယ်ကြောန့် အယ်မျိုးမှဟို့ ဖယ်သူဟာ လောက်နိုင်ဟို့နူး။

17 နို့လေဟာ တခြားလူဘောင်ဂီးလေမျိုး ဘုရားသခင်ရဲ့ စကားတော်ဟို့ ပေါဇားကူပစ်စီးမျိုး ရောန်းဝယ်ဇာလေမျိုး လောက်ဂေဟာ။ အယ်ဘောမဲ့ နို့လေဟာ ဘုရားသခင် စေလွှတ်ဟွားဟူ လူလေဖြစ်ဘီး ခရစ်တော်နို့က စေခံလေနေန ဘုရားသခင်ရဲ့ ရှေ့မှာ စကားတော်ဟို့ စီရိုင်းရှင်းန ဟောပြောဂေဟယ်။

3 အယ်မျိုးပြောဇာဟာ နို့လေဟာ ဝါကြွားဇာဖြစ်ဟွားလော။ တချို့လူလေမျိုး နို့လေဟာ ထော့-ကံခံစာလေဟို့ နန်းနို့ဟို့ ပေးဟို့တွပ် လိုဘဲ့လော။ အယ်မျိုးမှဘဲနေဟာ နန်းနို့နားမှာ နို့လေဟာ ထော့-ကံခံစာလေဟို့ တောင်းရဟို့လော။ **2** နန်းနို့ကိုယ်တိုင်ဘဲ့ နို့လေရဲ့ ထော့-ကံခံစာလေ ဖြစ်ဂေဟယ်။ အယ်ဇာဟို့ လူတိုင်းဖတ်နိုင်ဘီး သိနိုင်ဟို့တွပ် နို့လေရဲ့ နှလောင်းသားထဲမှာ ရေးဟွားဟယ်။ **3** အယ်ဇာဟို့ ခရစ်တော်ကိုယ်တိုင်ဟု ရေးဘီး ပေးပို့လိုက်ဇာဟာ ထန်ရှားဟယ်။ အယ်ဇာဟာ မှန်ရယ်န ရေးဟွားဟူစာ မူဟာ။ အယ်ဘောမဲ့ သတ်ရှင်ဟူဘုရားသခင်ရဲ့ ဝိညာဉ်တော်န ရေးဟွားဟူစာ ဖြစ်ဟယ်။ အယ်ဇာဟို့ က္လော့-ကံလွှားထတ်မှာ ရေးဘဲန လူနှလောင်းသား က္လော့-ကံလွှားထတ်မှာ ရေးဘီး နို့လေပြုစုဟွားဟူ ခရစ်တော်ဟို့ ထန်ရှားစေဟူ စာဖြစ်ဟယ်။ **4** နို့လေဟာ ခရစ်တော်ဟို့ မှီပြုဘီး ဘုရားသခင်ရဲ့ရှေ့မှာ အယ်မျိုး ယောင်ကြည်စိန္တမူဟို့ ရဂေဟယ်။ **5** အယ်ကြောန့် နို့လေဟာ အယ်မူဟို့ ထမ်းဆောင်နိုင်ဟယ်ဆိုဇာ ပြောနိုင်ဟို့တွပ် နို့လေမှာ ဖြားစွမ်းရည် သတ်တိလေလည်း မေ့ဟာ။ နို့လေမာရှိဟူ စွမ်းရည်ဟု ဘုရားသခင်နားဟုဘဲ့ ရလာဟယ်။ **6** နို့လေဟာ ပဋိညာဉ်တရားသစ်တွပ် မှဆောန်နိုင်ဟို့တွပ် ဘုရားသခင်ဟာ နို့လေဟို့ စွမ်းသတ်တိလေဟို့ ပေးဟွားဟယ်။ အယ်ပဋိညာဉ် တရားသစ်ဟု အကွရာတန်ဟွားဟူ ပညတ်တရား မူဟာ။ ဝိညာဉ်တော်တရား ဖြစ်ဟယ်။ အကွရာတန်ဟွားဟူ ပညတ်ဟာ သတ်ဟို့ သေစေတတ်ဘောမဲ့ ဝိညာဉ်တော်ဟာ သတ်ရှင်စေဟယ်။ **7** က္လော့-ကံလွှားထတ်မှာ အကွရာတန်ဟွားဟူ သေတတ်ဟူ မူဟာလည်း ဘုရားသခင်ရဲ့ ဖောင်းသရေတော်န ရော့-ကံလာဟယ်။ အယ်ကြောန့် မောရှေရဲ့ မျစ်နှာမှာ တော့-ကံပမူဟာ ရောန်မေးလာဘောမဲ့လည်း ဖောင်းသရေတော်ကြောန့် ကူသရေလ လူမျိုးလေဟာ သူဟို့ စေ့စေ့ကေ့နိုင် ဂေဟု ဆိုဟာ **8** ဝိညာဉ်တော်န ဆိုင်ဟူ မူဟာ ပိုဘီး ဟာ ဖောင်းသရေတော်န တော့-ကံပလေမယ် မူဟာလော။ **9** ပြစ်ဒန်စီရင်ဇာန ဆိုင်ဟူ ဇာဟာ ဖောင်းသရေတော်န ပွဲဇောင်ဟယ် ဆိုဟာ ဖြောန်မတ်ရှင်းန ဆိုင်ဟူ ဇာဟာ ပိုဘီး ကီးမားဟူ ဖောင်းသရေတော်န ပွဲဇောင်လေမယ်။ **10** ခုခါမာ ရရာတိုင်း မြတ်ဟူ ဖောင်းသရေတော်ကြောန့် ရင်းရင်းဒူးဟု ရရာတိုင်း တော့-ကံပဟူ ဖောင်းသရေတော်ဟာ ပျော့-ကံကွယ်ဟွားဟယ်။ **11** ရှစ်ဟွားဘဲ့ တည်ဟူဇာဟာ ရှိဖူးဟယ် ဆိုဟာ ထာဝရတည်ဟူဇာမှာ ဖယ်မျှထီ ပိုဘီး ဟာ ဂေါင်သရေ ရှိလေမယ်နဲ့။ **12** နို့လေဟာ အယ်မျိုး မျှော်လင့်ဇာရှိဟူကြောန့် ရရာတိုင်း ရဲရင့်ဂေဟယ်။ **13** နို့လေဟာ မောရှေမျိုး မူဟာ။ သူ့မျစ်နှာမှာ ရရာတိုင်း တော့-ကံပဟူရောန်ဟု မေးဟွားဘီး ပျော့-ကံဟွားဟူဇာဟို့ ကူသရေလလူမျိုးလေဟု ဗြင်နိုင်ဘဲ့နေအောန် မျစ်နှာဟို့ ပဝါန ဖောင်းဟွားရဟယ်။ **14** ကူသရေလလူမျိုးလေရဲ့ စိန်လောင်းဟာ ထိုင်းမှိုင်းဘီးနေဟယ်။ ခုခီထီဘဲ့ ပဋိညာဉ်တရားဟောင်းဟို့ ဖတ်ဟူခါတိုင်းမှာ သူးနို့ စိန်လောင်းဟာ အယ်ပဝါန ဖောင်းဟွားဘီး ရှိနေဟယ်။ ခရစ်တော်နို့က ပဝါဟို့ ဖယ်ပစ်နိုင်ဟယ်။ **15** ခုထတ်ထီဘဲ့ မောရှေရဲ့ ပညတ်ကျမ်းဟို့ ဖတ်ဂေဟူ ခီမာလည်း သူးနို့ရဲ့ စိန်လောင်းဟာ ပဝါန ဖောင်းဟွားမျိုးဘဲ့ ရှိသေးဟယ်။ **16** အယ်ဘောမဲ့ သူဟာ သခင်ဘုရားနားဟို့ ညွှန်းလဲလာဟူ ခီမာ သူ့ရဲ့ ဖောင်းဟွားဟူပဝါဟာ ဖယ်ရှားခံလိုက်ရဟယ်။ **17** အယ်ကြောန့် “သခင်ဘုရား” ဆိုဘီး ခေါ်ဇာဟာ ဝိညာဉ်တော်ဟို့ ခေါ်ဇာဖြစ်ဟယ်။ သခင်ဘုရားရဲ့ ဝိညာဉ်တော်ရှိဟူ နေရာမှာ လွတ်လပ်မှုရှိဟယ်။ **18** အယ်ကြောန့် နို့လေဂူလောင်းဟာ မျစ်နှာဖောင်းမေ့ဘဲန သခင်ဘုရားရဲ့ ဖောင်းသရေတော်ဟို့ ရောန်ပွန်ဟပ်ဘီး ရှိဂေဟယ်။ ဝိညာဉ်တော်တရားဖြစ်ဟူ သခင်ဘုရားလွတ်လိုက်ဟူ ဖောင်းသရေတော်ဟာ နို့လေဟို့ မြဲဒမ်းဖောင်းသရေတော် တိုးပွားစေဘီး ကိုယ်တော်ရဲ့ ပေါင်သဏ္ဌာန်တော်နတူးဒု ညွှန်းလဲခံရဂေဟယ်။

4 ဘုရားသခင်ဟာ သူ့ရဲ့ ကရုဏာတော်နညီ နို့လေဟို့ အယ်မူဆောန်လောက်ငန်းဟို့ ပေးအပ်ဟူ ခီမာ နို့လေဟာ စိပျစ်အားရော့-ကံဇာ မေ့ဟာ။ **2** နို့လေဟာ ယုတ်ဖွယ်ဖြစ်ဟူ လျှိုဝှက်ဇာလေဟို့ စွန့်ပစ်ဂေဟယ်။ နို့လေဟာ

ကော့-က်ကျစ်ဇာလည်း လောက်ဂေဟ။ ဘုရားသခင်ရဲ့ စကားတော်ဟို မှောက်လှန်ဘီးလည်း ဟောပြောဟ။ နို့လေဟာ ဘုရားသခင်ရဲ့ မျစ်မှောက်တော်မာရော၊ သမ္မာတရားရဲ့ လန်းရောန်မာရော၊ သတ်ရှင်လောက်ရှာဘီး လူလေရဲ့ သိစိဟာ ရှင်းရှင်းလန်းလန်းဟူး ဖြစ်ဟို့တွပ် လောက်ဆောန်ဂေဟယ်။ **3** နို့လေ ဟောပြောဟူ ဒန်းကောန်းဟာ ဖောင်းအောက်ခံရမယ် ဆိုဟာ သတ်ဝိညာဉ် ဆောင်းရှောင်းနေဟူ လူလေတွပ်ဘဲ ဖောင်းအောက်ခံရဟယ်။ **4** အယ်လောကဟို စိုးရဟူ ဘုရားဟာ အယ်လူလေရဲ့ စိဟို မှောန်န ဖောင်းအောက်ဟားဟူကြောန့် သူးနို့ဟာ ဒန်းကောန်းဟို ယောင်ကြည်ဂေဟ။ အယ်ကြောန့် ဘုရားသခင်ရဲ့ ပေါင်သဏ္ဌာန်ဖြစ်ဟူ၊ ခရစ်တော်ရဲ့ ဖောင်းသရေတော်ဖြစ်ဟူ ဒန်းကောန်းဟုနေ ထွပ်ပေါ်လာဘီး သူးနို့ထတ်ဟို ရှေး-က်လာဟူ လန်းရောန်ဟို ဗြင်ရဂေဟ။ (aiōn g165) **5** နို့လေဟာ ကိုယ့်ကြောန်းလေဟို ဟောပြောဇာ မူဟ။ ယေရှုခရစ်တော်ဟာ သခင်ဖြစ်ကြောန်း၊ နို့လေဟာ သခင်ယေရှုတွပ် နန်းနို့ရဲ့ စေခံလေဖြစ်ကြောန်းဟို ဟောပြောဂေဟယ်။ **6** ယေရှုခရစ်တော်ရဲ့ မျစ်နှာတော်ဟုနေဘီး ထွန်းတော့-က်နေဟူ ဖောင်းသရေတော်ကြောန်းဟို သိဘီးဟာ နားလည်နိုင်ဟို့တွပ် နို့လေရဲ့ စိနှလောင်းထဲမာ လန်းရောန်ဟို ထွန်းလန်းစေဟို့ ဘုရားသခင်ဟု “မှောန်ထဲဟုနေ လန်းရောန် ပေါ်ထွပ်လေမယ်” ဆိုဘီး ပြောဟူးဟူ ဘုရားသခင်ဖြစ်ဟယ်။ **7** အယ်ကြောန့် နို့လေမာ ချောက်ချာ အာဏာတဂိုး မှေဟ။ ဘုရားသခင်မာဘဲ ရှိကြောန်းဟို ထန်ရှားစေဟို့တွပ် ဝိညာဉ်ဘဏ္ဍာဟို ထီးသီးရဟူ နို့လေဟာ မွေအိုးလေမျိုး ဖြစ်ဂေဟယ်။ **8** နို့လေဟာ ခါဘီးခါ ဆင်းရဲဒေါက်ခ ရှေး-က်ဂေဘာမဲ့လည်း ယွန်ထူတံနိုင်အောက် ဖြစ်ဟူ။ တခါတခါမာ စိရောက်ထွေးဘောမဲ့လည်း ဖယ်ခါလည်း စိပြစ်ဟူ **9** နို့လေမာ ရန်သူဘောင်ဂိုး ရှိဘောမဲ့လည်း မိဆွေမွေဘဲဟူသူ မူဟ။ လဲက္ကအောန် ထိုးခံရဘောမဲ့လည်း သေဂေဟ။ **10** သခင်ယေရှုဟာ နို့လေရဲ့ ကိုယ်ခန္ဓာမာ သတ်ရှင်ကြောန်းဟို ပေါ်စေဟို့တွပ် နို့လေရဲ့ သေတတ်ဟူ ကိုယ်ခန္ဓာမာ သခင်ယေရှုရဲ့ သေခံရဟူဇာဟို နို့လေ မြဲမဲ ဆောန်ဟားရဟယ်။ **11** နို့လေရဲ့ ပျစ်စီးတတ်ဟူ ကိုယ်ခန္ဓာမာ သခင်ယေရှု သတ်ရှင်ကြောန်းဟို ပေါ်လာဟို့တွပ် နို့လေဟာ သတ်ရှင်နေဟူ ခီကာလမာ သခင်ယေရှုတွပ် မြဲမဲသေဘေးန ရင်ဆိုင်နေရဂေဟယ်။ အယ်ကြောန့် နို့လေမာ သေရှင်းဟာ လောက်လောက်နေဘောမဲ့ နန်းနို့မာ သတ်ရှင်ရှင်းဟာ လောက်လောက်နေဟယ်။ **12** အယ်ကြောန့် နို့လေမာ သေရှင်းဟာ လောက်လောက်နေဘောမဲ့ နန်းနို့မာ သတ်ရှင်ရှင်းဟာ လောက်လောက်နေဟယ်။ **13** အယ်မျိုး ယောင်ကြည်ရှင်းစိ ရှိဟူကြောန့် ကျမ်းစာမာ “ငါဟာ ယောင်ကြည်ဟူကြောန့် ပြောဟယ်” ဆိုဘီး ပါလာတိုင်းဘဲ နို့လေဟုလည်း အယ်မျိုးယောင်ကြည်ကြောန့် ပြောဂေဟယ်။ **14** သခင်ယေရှုဟို ရှင်ယွန်ထဲမြော-က်စေဟူ ဘုရားသခင်ဟာ နို့လေဟိုလည်း သခင်ယေရှုနုတူးဒ ရှင်ယွန်ထဲမြော-က်စေဘီးဟာ နန်းနို့လေနုတူးဒ ရှေ့တော်ဟို ခေါ်ဆောန်ဟူးဟူဇာဟို နို့လေဟာ သိဂေဟယ်။ **15** အယ်မူရာလေဟာ နန်းနို့ရဲ့ ကျိုးတွပ်ဘဲ ဖြစ်ဂေဘီး ဘုရားသခင်ရဲ့ ကျေးဇူးတော်ဟို ခံစားရဟူလူလေဟာ များလာလေလေ ဘုရားသခင်ရဲ့ ဖောင်းသရေတော်တွပ် ချီးမွမ်းဇန ဆုတောင်းဇာဟာ ပိုများလာလေမယ်။ **16** အယ်ကြောန့် နို့လေဟာ ဖယ်ခါလည်း စိပျစ်ဟူ။ နို့လေရဲ့ ကိုယ်ခန္ဓာဟာ တဖြေးဖြေးန ပျစ်စီးလာဘောမဲ့ နို့လေရဲ့ ဝိညာဉ်ဟု နေဘီးနေ သစ်ပြုပြင်ဇာဟို ခံနေရဟယ်။ **17** နို့လေဟာ ရှစ်ဟားခံရဟူ၊ ရရာတိုင်း ပေါ့ပါးဟူ ဆင်းရဲဒေါက်ခဟာ ရရာတိုင်း ကီးမြတ်ဟူ ထာဝရ ဖောင်းသရေတော်ဟို နို့လေတွပ် ဖြစ်စေမယ်။ (aiōnios g166) **18** နို့လေဟာ မျစ်စိန ဗြင်ရဟူဇာလေဟို အာရောင်စိုက်ဘဲန မျစ်စိန ဗြင်ရဘဲဟူ ဇာလေဟိုဘဲ အာရောင်စိုက်ဂေဟယ်။ မျစ်စိန ဗြင်ရဟူဇာလေဟာ ရှစ်ဟားဘဲတည်ဘီး မျစ်စိန ဗြင်ရဘဲဟူဇာလေဟာ ထာဝရတည်ဟယ်။ (aiōnios g166)

5 နို့လေနေဟူ မွေဂီးအိဖြစ်ဟူ ကိုယ်ခန္ဓာ ယာယီတဲဟာ ပျစ်ဟူ ခီမာ ကောန်းဂန်ဘောင်မာ ဘုရားသခင်ကိုယ်တိုင် ဆော့-က်ဟားဟူ ထာဝရအီ ရှိကြောန်းဟို နို့လေသိဂေဟယ်။ (aiōnios g166) **2** အယ်ယာယီတဲမာ နေဟူ ခီမာ ကောန်းဂန်ဘောင်မာရှိဟူ အီဟို ရရာတိုင်းဘဲ တောန်းတဟူကြောန့် နို့လေဟာ ညည်းတွားဘီး နေဂေဟယ်။ **3** ကောန်းဂန်ဘောင်ဟာ အီဟို ရှေး-က်ဟူ ခီမာ နို့လေဟာ ကိုယ်ခန္ဓာမွေဘဲန ဖြစ်လေမယ် မူဟ။ **4** ရောက်ကိုယ်ခန္ဓာတဲမာ နေရဟူ ခီမာ နို့လေဟာ ညည်းတွားဂေဟယ်။ အယ်မျိုး ညည်းတွားဂေဇာဟာ နို့လေရဲ့ ရောက်ခန္ဓာဟို ဖယ်ရှားရှင်ကြောန့်

မူဟူ။ သေဘီးဟာ ပျစ်စီးတတ်ဟူစာဟို့ ထာဝရသတ်ရှင်ရှင်းဟို့ ညွှန်းလဲဟို့တွင် ကောင်းဂန်ဘောင်ရဲ့ ကိုယ်ခန္ဓာဟို့ ရရှင်ကြောနဲ့ ဖြစ်ဟယ်။ 5 အယ်မျိုးညွှန်းလဲဟို့တွင် နို့လေဟို့ ပြင်ဆင်ပေးဟူ သခင်ဟု ဘုရားသခင်ဘဲ ဖြစ်ဟယ်။ နို့လေခံစားရဟို့တွင်န ကိုယ်တော်ရဲ့ ဆုကျေးဇူးတွင် အာမခံချစ်ဖြစ်နု ဝိညာဉ်တော်ဟို့ နို့လေဟို့ ပေးလေဟယ်။ 6 အယ်ကြောနဲ့ နို့လေဟာ မြဲဒမ်းဘဲ ရဲရင့်ဟူစီ ရှိဂေဟယ်။ အယ်ကိုယ်ခန္ဓာ အိမာနေဟူ ကာလပတ်လောင်း နို့လေဟာ သခင်ဘုရားရဲ့ အိတော်နု ဝီးဘီးဟာ ရှိနေဂေဟယ်။ 7 ဖြားဖြစ်ကြောနဲ့ဆိုဟာ နို့လေဟာ ပြင်အားဖြင့် မူဘဲ ယောင်ကြည်ရှင်းအားဖြင့် သတ်ရှင်ဟယ်။ 8 နို့လေဟာ ရဲရင့်ဟူစီရှိဘီး အယ် ကိုယ်ခန္ဓာအိဟုနေဘီး ထွပ်ဟားဘီးဟာ သခင်ဘုရားနုတူးဒု နေဟို့တွင် ပိုလိုရှင်ဂေဟယ်။ 9 နို့လေဟာ အယ်နေရာမာ ရှိနေပါစေ၊ တခြားနေရာမာ ရှိနေပါစေ၊ နို့လေဟာ သခင်ဘုရား နှစ်သက်ဟူသူ ဖြစ်ဟို့တွင် ရရာတိုင်း လိုလာဂေဟယ်။ 10 ဖြားဖြစ်ကြောနဲ့ဆိုဟာ နို့လေဂူလောင်းဟာ တရားစီရင်ခံရဟို့တွင် ခရစ်တော်ရဲ့ တရားပလ္လင်ရေဟို့ ရှေး-က်ရဂေလေမယ်။ ကိုယ်ခန္ဓာနေဟူအိမာ ရှိနေဒူးဟု ကောင်းမကောင်း ကျင့်လေတွင် ကျိုးပြစ်ဟို့ နို့လေဟု သီးသီး ခံရဂေလေမယ်။ 11 နို့လေဟာ ဖြားဖြစ်ကြောနဲ့ သခင်ဘုရားဟို့ ကြော-က်ရဟယ် ဆိုစာဟို့ သိဟူကြောနဲ့ လူလေဟို့ စည်းရောင်းဘီး နှိုးဆော်ဟယ်။ နို့လေရဲ့ ကြောင်းဟို့လည်း ဘုရားသခင်ဟု ဂူလောင်း သိဟယ်။ နန်းနို့ရဲ့ သိစိတ်ဟုနေ ငါ့ကြောင်းဟို့လည်း ကောင်းကောင်းသိဂေမယ် ဆိုစာဟို့ ငါမျှော်လင့်ဟယ်။ 12 အယ်မျိုးပြောစာဟာ နို့လေဟာ နော့-က်တခါ ကိုယ့်ကိုယ်ကိုယ် ဂေါင်ဖော်ရှင်ကြောနဲ့ မူဟူ။ နို့လေဟို့ နန်းနို့ဟု ဝါကြားနိုင်ဟို့ခွမ်ဟို့ ရရှိဂေဟို့တွင် ဖြစ်ဟယ်။ အယ်မျိုးဖြစ်မှဘဲ လူလေရဲ့ စိန်လောင်းဟို့ ကော့ဘဲနု ပွန်ဟုဆင်းသဏ္ဌာန်ဟို့ဘဲ ကော့ဘီး ဝါကြားတတ်ဟူ လူလေရဲ့ စကားဟို့ နန်းနို့ဟု ပွန်ဘီးဟာ ချေပနိုင်မယ်။ 13 နို့လေဟာ ရူးဟာဘီလော။ နို့လေဟာရူးမယ် ဆိုဟာ ဘုရားသခင်တွင်ဘဲ ဖြစ်ဟယ်။ နို့လေဟာ ရူးဟု ဆိုဟာ နန်းနို့တွင်ဘဲ ဖြစ်ဟယ်။ 14 ယော့-က်ယော့-က်ဟု လူလေ ဂူလောင်းတွင် သေခံကြောနဲ့ လူလေ ဂူလောင်းဟာ အယ်လူနုတူးဒု သေခံဂေကြောန်းဟို့ နို့လေဟာ ဆောင်းဖြတ်ဟူကြောနဲ့ နို့လေဟို့ ခရစ်တော်ရဲ့ မြစ်တာတော်ဟာ အောက်စိုးလိုက်ဟယ်။ 15 ကိုယ်တော်ဟာ လူလေတွင် သေခံစာဟု လူလေဟာ သတ်ရှင်ဟူ ခီမာ ကိုယ်ကျိုးတွင် ဆစ်ဘီးဟာ သတ်ရှင်ဂေဘဲနု သူးနို့တွင် သတ်စွန့်ဘီးနု သေဘီးဟာ ရှင်ပွန်ထမြေး-က်ဟူ သခင်တွင် သတ်ရှင်ဂေဟို့တွင် ဖြစ်ဟယ်။ 16 အယ်ကြောနဲ့ နို့လေဟာ ခုဟုစဘီး ဖယ်သူဟို့လည်း လူရဲ့သွီးသား ဇာတိသဘောနု ဆောင်းဖြတ်ဂေဟု။ ရင်ဟု ခရစ်တော်ဟို့ လူလေရဲ့သွီးသား ဇာတိသဘောနု နို့လေဟု ဆောင်းဖြတ်လာဂေဘေမဲ့ ခုဟု အယ်မျိုးလောကဟုမ်း။ 17 ခရစ်တော်နို့က် တလောင်းတဝဲဒဲ ရှိဟူလူဟာ သတ္တဝါသစ် ဖြစ်ဟယ်။ သူဟာ ဘဝဟောင်းဟို့ စွန့်ဘီးဟာ ဘဝသစ်ဟို့ ဝမ်စားဟယ်။ 18 အယ်မူလေဟာ ဘုရားသခင်ရဲ့ တဂိုးကြောနဲ့ ဖြစ်ဟယ်။ ဘုရားသခင်ဟာ နို့လေဟို့ သူရဲ့ ရန်သူဟုနေဘီးဟာ ခရစ်တော်အားဖြင့် မိဆွေဖြစ်ဟို့တွင် ညွှန်းလဲပေးဘီး ကိုယ်တော်နု ပွန်ဘီးဟာ သင့်မြတ်စေဟယ်။ အယ် သင့်မြတ်ဇာနဆိုင်ဟူ မူဆောန်ဟို့တွင် တာဝန်ဟို့ နို့လေဟို့ ပေးအပ်လေဟယ်။ 19 ဘုရားသခင်ဟာ ခရစ်တော်အားဖြင့် လောကသား ဂူလောင်းဟို့ သူရဲ့ မိဆွေလေ ဖြစ်စေရှင်းဟာ နို့လေရဲ့ တရားဖြစ်ဟယ်။ ကိုယ်တော်ဟာ လူသားလေရဲ့ ပြစ်လေဟို့ မှတ်ဟားဟု။ လူသားလေဟို့ ကိုယ်တော်နုပွန်ဘီး သင့်မြတ်စေဟူ တရားဟို့ နို့လေဟို့ အပ်ပေးဟားဟယ်။ 20 အယ်ကြောနဲ့ နို့လေဟာ ခရစ်တော်ရဲ့ သံတမန်ဖြစ်နု နန်းနို့လေဟို့ မြစ်တာရပ်ခံဟယ်။ ဘုရားသခင် ကိုယ်တိုင်ဘဲ နို့လေဟုနေဘီးတဆင့် နန်းနို့ဟို့ မြစ်တာရပ်ခံမျိုးဘဲ မြစ်တာရပ်ခံဟယ်။ နန်းနို့ဟာ ဘုရားသခင်ရဲရန်သူ ဖြစ်နေဇာဟုနေဘီး မိဆွေဖြစ်နု ညွှန်းလဲဂေပါ ဆိုဘီး ခရစ်တော်ရဲ့ ကိုယ်စား နို့လေဟာ တောင်းဗန်ဟယ်။ 21 ဘုရားသခင်ဟာ ပြစ်မှုဘဲဟူ သခင်ဟို့ နို့လေတွင်ကြောနဲ့ ပြစ်ရှိဟူသူ ဖြစ်ဟားဟယ်။ ဖြားဖြစ်ကြောနဲ့ဆိုဟာ နို့လေဟာ အယ်လူအားဖြင့် ဘုရားသခင်ရှေ့မာ ဖြောန့်မတ်သူ ဖြစ်ဟို့တွင် ဖြစ်ဟယ်။

6 နို့လေဟာ ဘုရားသခင်ရဲ့ လောက်ဖော်ဆောန်ဖတ်လေ ဖြစ်ဂေဟူကြောနဲ့ နန်းနို့ရဟားဟူ ဘုရားသခင်ရဲ့ ကျေးဇူးတော်ဟို့ ချည်းနှီးဖြစ်စေဘဲဟို့တွင် နန်းနို့ဟို့ တောင်းဗန်ပါဟယ်။ 2 ဖြားဖြစ်ကြောနဲ့ဆိုဟာ ဘုရားသခင်ဟု “ငါဟာ နန်းနို့ဟို့

ကျေးဇူးပြုဟူ၍တပ် ခီရော-က်လာဟူ ခီမာ နန်းနီရဲ့ စကားဟို ငါ နားထောင့်ဟယ်။ ကယ်တန်ဟိုနေရစ် ရော-က်လာဟူ ခီမာ နန်းနီဟို ကူညီဟယ်” ဆိုဘီး မိန့်တော်မူဟယ်။ နားထောင့်ရော! ဘုရားသခင်ရဲ့ ကျေးဇူးပြုစာဟို လတ်ခံဟိုခီဟု ခုဘဲဖြစ်ဟယ်။ ကယ်တန်ခံရဟို နေ့ဟာလည်း အယ်နေဘဲဖြစ်ဟယ်။ **3** နို့လေရဲ့ မှုဆောင့်လောက်ဟို ဖယ်သူလည်း ပြစ်ရှာစာဟို လိုရှင်ဘဲကြောန့် နို့လေဟာ တခြားလူလေရဲ့ရှေ့မာ ထိမိဘီးလဲစာဟို ခုလည်းလောက်ဟယ်။ **4** အယ်မျိုး လောက်မယ့်စား ဆင်းရဲဒေါက်ခလေ၊ ခတ်ခဲစာလေန ကျတ်တဲစာလေဟို စိရယ်သီးခံဘီး ကိစဂူလောင်းဟို နို့လေဟာ ဘုရားသခင်ရဲ့စေခံလေ ဖြစ်ဟူကြောင်းဟို ပြဂေဟယ်။ **5** နို့လေဟာ ရိုက်ခံရရှင်းလေ၊ ထောင့်ခွဲခံရရှင်းလေ၊ ရောင်းရင်းဆန်ခတ် လောက်ရှင်း ခံရရှင်းလေ၊ လောက်ကြိုးစားရှင်းလေ၊ အိရေးပျစ်ဟူ ညဉ့်လေန စာငတ်ခံရရှင်းလေ၊ **6** စင်ကြယ်သန်ရှင်း၊ ပညာဒီရိုရှင်း၊ သီးခံရှင်းန ကြင်နာသနားရှင်းလေ၊ သန်ရှင်းဟူဝိညာဉ်တော်နရော၊ စစ်မှန်ဟူ မြစ်တာလေနရော၊ **7** သမ္မာတရားန ဘုရားသခင်ရဲ့ တဂိုးတော်ဟိုရော၊ ဘယ်လတ်န ညာလတ်ထဲမာရှိဟူ ဖြောန့်မတ်ရှင်းရဲ့ လတ်နတ်လေဟိုရော၊ **8** ချီးမြှော-က်ရှင်းန ရှောက်ခွဲရှင်း၊ ကဲ့ရဲရှင်းန ချီးမွမ်းရှင်း၊ လူလီလူညာလေဖြစ် သတ်မှတ်ဂေဘောမဲ့ ဟောက်မှန်ဟူသူ၊ **9** လူသိန်ဟူလူဖြစ် သတ်မှတ်ဘောမဲ့ လူသိများဟူလူ၊ လူသေမျိုးဖြစ်ဘောမဲ့ နို့လေဟာ သတ်ရှင်နေဟူလူ ပြစ်ဒန်ခံရဘောမဲ့ သတ်ခံရဘဲဟူလူ၊ **10** ဝန်းခံဘောမဲ့ မြဒမ်းဝန်းသာဟူသူ၊ ဆင်းရဲသားမျိုး ဖြစ်ဘောမဲ့ လူလေဘောင်ဂီးဟို ကြွယ်ဝစေဟူသူ၊ ဖြားလည်းမော့ဘဲမျိုး ဖြစ်ဘောမဲ့ ဂူလောင်းဟို ပိုင်ဟူသူလေ ဖြစ်ဂေဟယ်။ **11** ကောရိန္ဒုပြီမာရှိဟူ မိဆွေလေ၊ နို့လေဟာ နန်းနီဟို ပွမ့်ပွမ့်လန်းလန်းဟား ပြောဟားဟယ်။ နို့လေရဲ့ စိန်လောင်းဟို နန်းနီတွပ် ကွယ်ဂီး ဖွမ့်ဟားဟယ်။ **12** စိန်လောင်းဟို ပိဟားဟူလူဟာ နို့လေမူဟာ။ နန်းနီဟုဘဲ စိန်လောင်းဟို နို့လေတွပ် ပိဟားဂေဟယ်။ ခု ငါဟာ သနားကြင်နာမှုန ငါ့ရဲ့ သားမီးလေမျိုး ပြောနေဟယ်။ **13** နို့လေဟို ကျေးဇူးဆပ်ဟူနေန နန်းနီရဲ့ စိန်လောင်းလေဟို ကွယ်ဂီးဖွမ့်ဟားဂေပါ။ **14** ယောင်ကြည်ဘဲဟူ လူလေန တွဲဘီးဟား လောက်ဂေန။ တွဲဘီးလောက်ဆောန်ဟိုတွပ်လည်း ဖြစ်နိုင်ဟာ။ တရားဘဲဟူဇာန ဖြောန့်မတ်ဟူဇာဟာ ဖယ်မျိုး မိတ်သဟာယ ဖွဲနိုင်ဟိုနဲ့။ လန်းရောန်န မောန်ဟာ ဖယ်မျိုးတွဲဘီး နေနိုင်ဟိုနဲ့။ **15** ခရစ်တော်ဟာ စာတန်န ဖယ်မျိုး ဘောတူနိုင်ဟိုနဲ့။ ယောင်ကြည်ဟူလူဟာ ယောင်ကြည်ဘဲဟူလူန ဖယ်မျိုး ဘောတူညီဘီး နေနိုင်ဟိုနဲ့။ **16** ဘုရားသခင်ရဲ့ ဗိမာန်တော်ဟာ ရောက်ထုလေန ဖယ်မျိုး ဘောတူညီချစ် ရနိုင်ဟိုနဲ့။ နို့လေဟာ သတ်ရှင်ဟူ ဘုရားသခင်ရဲ့ ဗိမာန်တော် ဖြစ်ဂေဟယ်။ ဘုရားသခင်ဟာ “ငါဟာ ငါ့ရဲ့ လူစုထဲမာ ကိန်းဝပ်မယ်။ သူးနို့နားမာ နေမယ်။ ငါဟာ သူးနို့ရဲ့ ဘုရားသခင်ဖြစ်ဘီး သူးနို့ဟုလည်း ငါ့ရဲ့ လူမျိုးစု ဖြစ်ဂေလေမယ်။” **17** အယ်ကြောန့် ဘုရားသခင်ဟာ “အယ်လူလေထဲဟု ထွပ်လာဂေ။ သူးနို့န ပေါန်းဂေန။ စင်ကြယ်ဘဲဟူ ဇာလေဟို လတ်န ထိဂေန။ အယ်မျိုးဆိုဟာ ငါဟာ နန်းနီဟို လတ်ခံမယ်။ **18** ငါဟာ နန်းနီရဲ့ ဖဖြစ်မယ်။ နန်းနီဟုလည်း ငါ့ရဲ့ သားမီးလေ ဖြစ်ဂေလေမယ် ဆိုဘီး အနန္တတဂိုးရှင် ဘုရားသခင်ဟု မိန့်တော်မူဟယ်” ဆိုဘီး ပြောလေဟယ်။

7 ရှစ်ရဟူသူလေ၊ အယ်ဂဒိတော်လေဟာ နို့လေတွပ်ဘဲ ဖြစ်ဟယ်။ အယ်ကြောန့် နို့လေဟာ ကိုယ့်ရဲ့ ဇာတိညစ်ကြေးန ဝိညာဉ်ညစ်ကြေးရှိမျှန ကင်းစေဟိုတွပ် ဘုရားသခင်ဟို ကြော-က်ဘီး ရိုသေဇာန ကိုယ့်ကိုယ်ကိုယ် လောင်းဝသန်ရှင်းဂေဇို။ **2** နို့လေတွပ် နန်းနီဟာ စိန်လောင်းဟို ဖွမ့်ဟားဂေပါ။ နို့လေဟာ ဖယ်သူဟိုလည်း ပြစ်မှားဟာ။ ကျိုးနဲအောန်လည်း လောက်ဟာ။ ဖယ်သူမာလည်း ခွမ့်ရေးယူဟာ။ **3** အယ်မျိုးပြောစာဟာ နန်းနီဟို ပြစ်ဒန်စီရင်ရှင်ကြောန့် မူဟာ။ ရင်ဟုဖော်ပြဟားတိုင်းဘဲ နန်းနီဟာ နို့လေရဲ့ စိန်လောင်းထဲမာ သေမယ် ဆိုဟာ တူးဒု၊ သတ်ရှင်နေမယ် ဆိုဟာ ခွဲဘဲရှိနေဂေဟယ်။ **4** ငါဟာ နန်းနီဟို ယောင်ကြည်စိဆွဟယ်။ နန်းနီတွပ် ဂေါင်ယူဘီး ဝါကြားဟယ်။ သတ်သာဟူဇာနလည်း ပွဲဇောင်ဟယ်။ ဆင်းရဲဒေါက်ခမျိုးမျိုး ခံရဘောမဲ့လည်း ငါဟာ အားတတ်ဘီးဟာ ရရာတိုင်းဝန်းသာဟယ်။ **5** မာကေဒေါနီပြည်ဟို ရော-က်ဟားဟူ ခီမာ နို့လေဟာ ကိုယ်ခန္ဓာ သတ်သာမူလေဟို ရဂေဟာ။ နေရာတိုင်းမာ ခတ်ခဲမူလေ ရှိဟယ်။ ငြင်းပွားမူလေလည်း ရှိဟယ်။ နို့လေမာလည်း ကြော-က်စိရှိဟယ်။ **6** အယ်ဘောမဲ့ စိအားငယ်ဟူ လူလေဟို အားပေးဟူ ဘုရားသခင်ဟာ နို့လေနားဟို ရော-က်လာဟူ တိတုအားဖြင့် နို့လေဟို နှစ်သိမ့်ဟယ်။

တိတု ရော-ကံလာဟူ တွပ်ကြောန့်ရော၊ တိတုဟို နန်းနို့ဟု အားပေးဂေဟူ ဒန်းဟို ကြားရဟူ တွပ်ကြောန့်ရော နို့လေဟာ အားတတ်ဟားဟယ်။ 7 တိတု ရော-ကံလာဟူကြောန့် နှစ်သိမ့်မှုရဟားဇာ မူဟု။ တိတုခံစားရဟူ နှစ်သိမ့်မှုအားဖြင့်ကြောန့် နို့လေဟို နှစ်သိမ့်ပေးဟယ်။ နန်းနို့ဟု ငါဟို ရရာတိုင်း စိအားကီးဘီး တွဲရှင်ဂေဟူကြောန့်လေ၊ ရရာတိုင်း ဝန်းနဲဘီးဟာ ရှိနေကြောန့်လေဟို ပြောပြကြောန့် ငါဟာ ပိုဘီး ဟာ ဝန်းသာဟယ်။ 8 ငါပေးလိုက်ဟူ စာဟာ နန်းနို့ဟို ဝန်းနဲစေကြောန့် ငါဟာ ရင်းရင်းဒူးဟု နောက်ဒရိုဘေမဲ့ ခုခီမာ မေဟု။ ဖြားဖြစ်ကြောန့်နူးဆိုဟာ အယ်စာဟာ နန်းနို့ဟို ရှစ်ဟားဘဲ ဝန်းနဲစေမယ် ဆိုဇာဟို ငါပြင်ဟယ်။ 9 ခုဝန်းသာဟယ်။ နန်းနို့ဟို စိကောန်းဘဲနေအောန် လောက်ဇာမူဟု။ စိကောန်းဘဲနေဟူ မူလေဟာ နန်းနို့ဟို နောက်ဒတရားဟို ရစေဟိုတွပ်ကြောန့် ဝန်းသာရဇာဖြစ်ဟယ်။ ဘုရားသခင်ဟာ စိကောန်းဘဲဟူ ဇာလေဟို သောင်းပြုဟူကြောန့် နို့လေဟာ နန်းနို့ဟို ဖယ်မျိုးလည်း နှစ်နာခိုင်းဟု။ 10 ဘုရားသခင်သောင်းပြုဟူ ဝန်းနဲဇာဟာ ကယ်တန်ဇာဟို ရစေဟူ နောက်ဒစိဟို ဖြစ်ပေါ်စေဟယ်။ အယ်ကြောန့် ယွန်းလဲနိုင်ဘဲဟူ နောက်ဒစိဟို ပြုပြင်တတ်ဟယ်။ အယ်ဘေမဲ့ လောကဝန်းနဲဇာဟာ သေဇာဟိုဘဲ ပြုပြင်တတ်ဟယ်။ 11 ဘုရားသခင်ဟာ နန်းနို့လေရဲ့ ဝန်းနဲဇာလေဟို သောင်းပြုဇာဟို ကေ့ကေ့ပါ။ နန်းနို့ဟာ စိအားကီးလာဂေဟယ်။ ကိုယ့်ရဲ့ ပြစ်လေ မေ့ဘဲကြောန့်ဟို လိုရှင်ဂေဟယ်။ ဒေါသထွပ်ဂေဟူဇာ၊ ကြော-ကံဂေဟူဇာ၊ ရရာတိုင်း လိုရှင်ဂေဟူဇာ၊ စိအားထတ်သန်ဂေဟယ်။ ပြစ်ရှိနေဟူလူဟို ပြစ်ဒန်စီရင်ဟိုတွပ် လိုရှင်ဂေဟယ်။ နန်းနို့လေဟာ အယ်မူမာ ကိုယ့်ကိုယ်ကိုယ် ပြစ်ကင်းစင်ဟူ ကြောန့်ဟို ထန်ရှားရှင်ဂေဟယ်။ 12 အယ်ဘေမဲ့ ရင်းရင်းဒူးဟု နန်းနို့ဇာဟို ရေးရဟူစာဟု ပြစ်မှားဟူလူလေရဲ့ ကိစကြောန့် မူဟု။ ပြစ်မှားဇာဟို ခံရဟူ လူလေရဲ့ ကိစကြောန့်လည်း မူဟု။ ဘုရားသခင်ရဲ့ ရှေ့မာ နို့လေဟို နန်းနို့ဟာ ဖယ်မျှလော့-ကံ စိအားထတ်သန်ဘီး ရှစ်ဟယ် ဆိုဇာဟို ကောန်းကောန်းဟား သိစေရှင်ကြောန့် ရေးရဇာ ဖြစ်ဟယ်။ 13 အယ်ကြောန့်ကြောန့် နို့လေဟာ နှစ်သိမ့်မှုဟို ခံစားရဂေဟယ်။ နို့လေဟာ နှစ်သိမ့်မှု ရဟူမျှမဘဲနု ရရာတိုင်းလည်း ဝန်းသာဂေဟယ်။ ဖြားဖြစ်ကြောန့်နူးဆိုဟာ နန်းနို့ဟာ တိတုဟို ဝန်းသာစေကြောန့် သူရဲ့ စိနုလောင်းဟာ ရရာတိုင်း ဝန်းသာနေဇာဟို နို့လေအားလောင်းဟု တွဲရကြောန့် ဖြစ်ဟယ်။ 14 ငါဟာ တိတုဟို နန်းနို့ကြောန့်ဟို ကြားဘီးပြောရစ်ဟယ်။ အယ်မျိုးကြားဟားတိုင်းဘဲ မှန်ဘဲဖြစ်နေဇာဟို နန်းနို့ ပြလိုက်ဟယ်။ နို့လေဟာ နန်းနို့ဟို မှန်ဟူဇာလေဟိုဘဲ မြဲဒမ်းပြောဟယ်။ တိတုဟို နို့လေဟာ ကြားဘီးပြောဇာလေဟာ ဟောက်မှန်နေဟယ်။ 15 သူရဲ့စကားဟို နန်းနို့ဟု လိုက်နာဟိုတွပ် ဆင်သင်ရှိနေဇာနု ရရာတိုင်း ကြော-ကံဘီးဟာ သူဟို ကြိုဆိုလတ်ခံဂေဇာဟို ဒီရဟူကြောန့် နန်းနို့ဟို ပိုဘီး ရှစ်ဘီးဟာ သနားကြင်နာလာဟယ်။ 16 ငါဟာ နန်းနို့ဟို လောင်းဝ စိခွနိုင်ဟူကြောန့် ရရာတိုင်း ဝန်းသာဟယ်။

8 ညီကို မောန်နုမလေ မာကေဒေါနိုပြည်မာရှိဟူ သင်းတော်လေဟို ဘုရားသခင်ပေးဟားဟူ ကျေးဇူးတော်ကြောန့်ဟို နန်းနို့လေဟို ငါပြောပြရှင်ဟယ်။ 2 သူးနို့လေဟာ ဆင်းရဲဒေါက်ခလေဟို ရရာတိုင်း ခံရဂေဟယ်။ အယ်ဘေမဲ့ ရရာတိုင်း ဝန်းသာဂေဟယ်။ သူးနို့ဟာ ရရာတိုင်း ဆင်းရဲဘေမဲ့လည်း ပေးကမ်းဟူမူမာ ရရာတိုင်း ရစ်ရောဘီးပေးဂေဟယ်။ 3 သူးနို့လေဟာ စွမ်းစရှိမျှထတ် ပိုဘီး ဟာ သူလိုလို ပေးကမ်းဂေဟယ် ဆိုဇာဟို နန်းနို့ဟို ငါသတ်သေခံနိုင်ဟယ်။ 4 သူးနို့ဟာ ယုဒပြည်မာရှိဟူ ဘုရားသခင်ရဲ့ သန်ရှင်းဟူ လူလေဟို ကူညီမဇေဟူ မူလေမာ စိအားထတ်သန်ဘီး ကူညီထော့-ကံပုံဂေဟယ်။ အယ်မျိုး ကျေးဇူးပြုရဟိုတွပ် သူးနို့ဇာ သူးနို့ ငါဟို တောန်းဗန်ဂေဟယ်။ 5 အယ်မျိုးလောက်ဇာဟာ နို့လေ မျှော်လင့်ဟားဟူထတ် ပိုဂေဟယ်။ သူးနို့ဟာ ဦးဆောင်းပထမ သခင်ဘုရားဟို သူးနို့ကိုယ်တိုင် ပေးကမ်းဂေဟယ်။ အယ်ဘီးနု ဘုရားသခင်ရဲ့ လိုတော်တိုင်း နို့လေဟိုလည်း သူးနို့ကိုယ်တိုင် ပေးကမ်းဂေဟယ်။ 6 အယ်ကြောန့် စဘီးဟာ တာဝန်ယူဟူ တိတုဟို အယ်ကျေးဇူးပြုဇာဟို ပီးဟားအောန် နန်းနို့လေဟို ကူညီပေးဟိုတွပ် ငါဟာ သူဟို တိုက်တွန်းဟယ်။ 7 နန်းနို့ဟာ ယောင်ကြည်ရှင်း၊ နောက်သတ်တိ၊ ပညာဉာဏ်၊ ကူညီဟူစေတနာ၊ နို့လေဟို ရှစ်ဟူ မြစ်တာလေနု ကြွယ်ဝဂေဟယ်။ အယ်ကြောန့် နို့လေဟာ ကျေးဇူးပြုဇာနုဆိုင်ဟူ

ပေးကမ်းစာမာလည်း ရစ်ရာဟုယ် ဆိုစာဟို ပြဂေပါ။ 8 အယ်မျိုးပြောစာဟာ မိန့်ပေးစာ မှဟူ။ တခြားသူလေရဲ့ စိအားထတ်သန်စာအားဖြင့် နန်းနို့ရဲ့ မြစ်တာဟာ ဖယ်မျှလော့-ကံ စစ်မှန်ဟုယ် ဆိုစာဟို သိရှင်ဟူကြောန့် စစ်ဆေးစာဖြစ်ဟုယ်။ 9 နန်းနို့ဟာ နို့လေရဲ့ သခင်ယေရှု ခရစ်တော်ရဲ့ ကျေးဇူးတော်ဟို သိရေဟုယ်။ ကိုယ်တော်ဟာ ကြွယ်ဝဘေမဲ့ နန်းနို့ရဲ့ကျိုးတွပ် ဆင်းရဲခံဟုယ်။ အယ်မျိုး ဆင်းရဲခံရစာဟာ နန်းနို့လေဟာ ကြွယ်ဝလာဟိုတွပ် ဖြစ်ဟုယ်။ 10 ရင်နှစ်ဟာ နန်းနို့ စပြုလာဟူမှုဟို ခုမှ ဆောင်းသတ်ရေဟုယ် ဆိုစာ ငါထန်ဟုယ်။ နန်းနို့ဟာ စေတနာန ပေးကမ်းစာဟို စလောက်ရေဟုယ်။ 11 အယ်ကြောန့် အယ်မှုဟို ဆစ်လောက်ဘီးဟာ ဆောင်းသတ်ရေပါ။ နန်းနို့ဟာ အယ်မှုဟို ကြံစည်ရေဟူ ခီမာ စိအားထတ်သန်မျိုးဘွဲ လောက်ဟူ ခီမာလည်း စိအားထတ်သန်ရေပါ။ နန်းနို့ဟာ တတ်နိုင်မျှ ပေးကမ်းရေပါ။ 12 နန်းနို့ဟာ ပေးရှင်ဟူ စေတနာစိရှိမယ် ဆိုဟာ ဘုရားသခင်ဟာ နန်းနို့တတ်နိုင်ဘဲဟူ မူလေဟို ကေဘဲန တတ်နိုင်ဟူ မူလေဟို ထော့-ကံဘီး နန်းနို့လေရဲ့ မူဟို လတ်ခံလေမယ်။ 13 အယ်မူဇာလေအားဖြင့် တခြားသူလေဟို သတ်သာစေဘီး နန်းနို့ဟို ဒေါက်ခရော့-ကံစေဟို မူဟူ။ ညီတူညီမျှဖြစ်ဟိုတွပ် ပြောနေစာ ဖြစ်ဟုယ်။ 14 ခုလည်း နန်းနို့လေရဲ့ ကြွယ်ဝစာလေဟာ အယ်လူလေရဲ့ ဆင်းရဲစာလေဟို ဖွဲ့ပေးဟူမျိုးဘွဲ အယ်လူလေရဲ့ ကြွယ်ဝစာဟာ နန်းနို့လေရဲ့ ဆင်းရဲစာလေဟို ဖွဲ့ပေးနိုင်လေမယ်။ 15 ကျမ်းစာဟာ “ဘောင်ဂီးရဟူလူဟာ ပိုဟာ၊ ဒစ်သားရဟူလူဟာ လိုဟာ” ဆိုဘီး ဖော်ပြဟားဟူမျိုးဘွဲ ဖြစ်ဟုယ်။ 16 နန်းနို့ဟို ကူညီပေးဟိုတွပ် နို့လေမာ စိအားထတ်သန်စာ ရှိဟူမျိုးဘွဲ တိတုမာလည်း ရှိနေဟူကြောန့် ဘုရားသခင်ဟို ကျေးဇူးတန်ဟုယ်။ 17 တိတုဟာ နို့လေရဲ့ မြစ်တာရပ်ခံချစ်ဟို လတ်ခံစာလေမျိုး မှဘဲန ကူညီဟိုတွပ် စေတနာစိရှိဟူကြောန့် နန်းနို့နားဟို သွားဟိုတွပ် သူ့ကိုယ်သူ စိဆောင်းဖြတ်လိုက်ဟုယ်။ 18 နို့လေဟာ တိတုနတူးဒု ယောင်ကြည်သူ တယော့-ကံဟို လွတ်လိုက်ဟုယ်။ အယ်လူဟာ ဒန်းကောန်းဟို ဟောပြောဟူ မူတော်ဆော်န တယော့-ကံနေန သင်းတော်လေရဲ့ လေးစားကြည်ညိုစာဟို ခံရဟူလူ ဖြစ်ဟုယ်။ 19 သခင်ဘုရား ကိုယ်တော်တိုင်ရဲ့ ဖောင်းသရေတော်န နို့လေရဲ့ စေတနာစိလေဟို ထန်ရှားစေဟိုတွပ် နို့လေဟာ ပြစုနေဟူကြောန့် အယ်မျိုး ကျေးဇူးပြုဟူမူမာ နို့လေနတူးဒု လိုက်ဟိုတွပ် သင်းတော်ဟုနေဘီး ခန့်ဟားခံရဟူ သူလည်းဖြစ်ဟုယ်။ 20 အယ်မျိုး ပေးကမ်းရေဟူ လူငွေလေဟို ကိုင်ဟူ ခီမာ နို့လေဟာ တခြားသူလေ ပြစ်တန်စာန လွတ်ဟိုတွပ် ဒိန်လောက်နေရဟုယ်။ 21 သခင်ဘုရားရဲ့ ရှေ့မာကို မှဘဲန လူလေရဲ့ ရှေ့မာလည်း မှန်ကန်ဟူ မူလေဟိုဘွဲ လောက်ဟိုတွပ် ရည်ရွယ်ချစ် ရှိရေဟုယ်။ 22 အယ်ကြောန့် နို့လေဟာ အယ်လူနေယော့-ကံနတူးဒု တခြားညီကို တယော့-ကံဟိုလည်း လွတ်လိုက်ရေဟုယ်။ အယ်လူဟို နို့လေဟာ သေးသေချားချာဟား ကဲခတ်ရေဟူ ခီမာ သူဟာ မြဒမ်းဘဲ ကူညီတတ်ဟူလူ ဖြစ်ကြောင်းဟို တွိရဟုယ်။ သူဟာ နန်းနို့ဟို ဘောင်းဂီးယောင်ကြည်ကြောန့် သူ့ရဲ့ စိစေတနာဟာ ပိုဘီး ဟာ ထတ်သန်နေဟုယ်။ 23 တိတုန ပတ်သတ်ဘီး ပြောရမယ် ဆိုဟာ သူဟာ နန်းနို့လေရဲ့ မူကံစလေမာ ငါနတူးဒု ဝိုင်းဘီးဟာ ကူညီဟူ ငါ့ရဲ့ လောက်ဖော်ဆော်နဖတ် ဖြစ်ဟုယ်။ သူနတူးဒု လိုက်ပါလာရေဟူ တခြားညီကိုလေဟာ သင်းတော်လေရဲ့ စေတမန်လေ ဖြစ်ဘီး ခရစ်တော်ဟို ချီးမြှော့-ကံသူ ဖြစ်ဟုယ်။ 24 အယ်ကြောန့် နန်းနို့ကြောင်းဟို နို့လေဟာ ဂေါင်ယူဘီး ကြားဟားတိုင်းဘွဲ မှန်နေကြောင်းဟို သူးနို့လေန သင်းတော်လေဟို သိနိုင်ဟိုတွပ် မြစ်တာပြဂေပါ။

9 ယုဒပြည်မာရှိဟူ ဘုရားသခင်ရဲ့ သန်ရှင်းဟူလူမျိုးတော်လေဟို ကူညီထော့-ကံပုံဟူ ကြောင်းဟို နန်းနို့နားဟို စာရေးဘီး ဖော်ပြစာ လိုဟူ။ 2 နန်းနို့ဟာ ကူညီထော့-ကံပုံဟိုတွပ် စိအားထတ်သန်ရေဟုယ် ဆိုစာဟို ငါသိဟုယ်။ အယ်ကြောန့် နန်းနို့ကြောင်းဟို မာကေဒေါနိပြည်သားလေဟို ငါဟာ ကြွားဟုယ်။ “အခါယပြည်မာရှိဟူ ယောင်ကြည်သူလေဟာ ရင်နှစ်ဟုဘွဲ ပေးကမ်းဟိုတွပ် ဆင်သင့်ရှိနေရေဟုယ်” ဆိုဘီး သူးနို့ဟို ငါဟာ ပြောရစ်ဟုယ်။ နန်းနို့ဟာ စိအားကီးဟူကြောန့် အယ်လူလေ ဂူလောင်းလည်း စိအားထတ်သန်လာရေဟုယ်။ 3 နန်းနို့ကြောင်းဟို နို့လေဟာ ကြွားဘီးပြောဟူစကားဟာ ချည်းနီးသတ်သတ်မှဘဲ မှန်ကန်ဟူကြောင်းဟို သိရှင်တွပ်ကြောန့် အယ်ယောင်ကြည်သူလေဟို နန်းနို့နားဟို ငါဟာ လွတ်လိုက်ဟုယ်။ ငါပြောပြဟားဟူတိုင်းဘွဲ နန်းနို့လေရဲ့ လတ်ဆော်နလေဟို ဆင်သင့်ပြင်ဆင်ဟားရေ။

4 အယ်မျိုးမူဘဲနေဟာ ငါနတူးဒု မာကေဒေါန်ပြည်သား တချို့လေဟာ လိုက်လာကြောန့် နန်းနီလေဟာ ဆင်သင့်ပြင်ဆင်ဘဲန ဖြစ်နေဇာဟို ဗြင်ရဟူ ခီမာ နန်းနီလေဘဲ ယုတ်ရလေမယ် မူဟူ။ နီလေဟာလည်း နန်းနီဟို ရရာတိုင်း ယောင်ကြည်ဘီး စိခွမ်တွပ်ကြောန့် ယုတ်ရလေမယ်။ 5 အယ်ကြောန့် နန်းနီဟာ ဂဒိထားဟားတိုင်းဘဲ အယ်လတ်ဆောန်ဟို ပြင်ဆင်နိုင်ဟို့တွပ် အယ်ယောင်ကြည်သူလေဟို နန်းနီနားဟို ကြိုဘီးဟာ လွတ်ဟို့တွပ် လိုအပ်ဟယ် ဆိုဇာ ငါထန်ဟယ်။ ငါဟာ ရှေး-က်လာဟူ ခီမာ လတ်ဆောန်လေဟာ ဆင်သင့်ထားဟားဟူကြောန့် နန်းနီဟာ တိုက်တွန်းကြောန့်မူဘဲ စေတနာနပေးဟယ် ဆိုဇာ ထန်ရှားလေဟယ်။ 6 မျိုးစေ့နဲနားဟာ ကြဲဟူလူဟာ နဲနဲဟားဘဲ ရိရလေမယ်။ မျိုးစေ့ဟို ဘောင်ဂီးကြဲဟူလူဟာ ဘောင်ဂီးဟို ယွန်ဘီးဟာ ရိရမယ် ဆိုဇာဟို အော့-က်မေဂေပါ။ 7 လူတိုင်း စေတနာစိုရှိတိုင်း ပေးကမ်းရဟယ်။ ရရာဗြောဟူစိနရော၊ ပေးကမ်းရဟို့တွပ် ဝတ်တရားရှိဟယ်ဆိုဟူစိန ပေးကမ်းဂေန။ ဖြားဖြစ်ကြောန့်နားဆိုဟာ ဘုရားသခင်ဟာ စေတနာန ပေးကမ်းတတ်ဟူလူဟို နှစ်သက်ဟယ်။ 8 နန်းနီဟာ လိုဇာမုန်မျှဟို မြဲဒမ်းရဂေဘီးဟာ ကောင်းမှုဘောင်းဇောင်လေတွပ် ကူညီဘီး ကျေးဇူးပြုနိုင်ဟူတွပ်ကြောန့် ဘုရားသခင်ဟာ နန်းနီ လိုအပ်ဟူဇာလေထတ် ပေးဟို့တတ်နိုင်ဟယ်။ 9 ကျမ်းစာထဲမာ၊ “သူဟာ ဆင်းရဲဟူလူလေဟို ရစ်ရောဘီး ပေးကမ်းစွန့်ကြဲဟယ်။ သူရဲ ဖြောန့်မတ်ဟူဇာဟာ ထာဝရတည်ဟယ်” ဆိုဘီး ရေးဟားဟယ်။ (aiōn g165) 10 မျိုးစေ့ကြဲဟူလူဟို မျိုးစေ့နဲ စားဇာလေဟိုပေးဟူ ဘုရားသခင်ဟာ နီလေ လိုအပ်မျှ မျိုးစေ့ဟိုလည်း ပေးဘီး ပန်ပေါ-က်ဘီးဟာ ရှင်ခိုင်းလေမယ်။ နန်းနီရဲ ရစ်ရောဇာနဆိုင်ဟူ သီးပွမ်လေဟိုလည်း ဖြစ်စေလေမယ်။ 11 နန်းနီဟာ ခီတိုင်းမာ ရစ်ရောဘီး ပေးကမ်းနိုင်ဂေဟို့တွပ် ကိုယ်တော်ဟာ နန်းနီဟို မြဲဒမ်း ကြယ်ဝံ စေလေမယ်။ နီလေဟာနေတဆင့် နန်းနီပေးကမ်းဟူ လတ်ဆောန်လေဟို ခံရဟူလူလေဟာ ဘုရားသခင်ဟို ကျေးဇူးတန်ဂေလေမယ်။ 12 နန်းနီဟာ အယ်ကောင်းမှုလေန ဘုရားသခင်ရဲ သန်ရှင်းဟူလူစလေ ဆင်ပြေဘဲဟူ ခီမာ ကူညီဇာကဘဲန ဘုရားသခင်ဟို ကျေးဇူးတန်ဇာလေလည်း ရရာတိုင်း တိုးပွားလာစေဟယ်။ 13 အယ်ကောင်းမှုဟို ထော့-က်ဘီးဟာ လူဘောင်ဂီးဟာ ခရစ်တော်ရဲ ဒန်းကောင်းဟို သစ်စာရှိရှိ ခံယူဘီးဟာ ယောင်ကြည်ဂေဟို့တွပ်န နန်းနီဟာ ရစ်ရစ်ရောရောန တခြားသူလေဟိုပါ ကူညီထော့-က်ပဲ ပေးဟူကြောန့် ဘုရားသခင်ဟို ချီးမွမ်းဟယ်။ 14 နန်းနီဟာ ထူးခြားဟူ ဘုရားသခင်ရဲ ကျေးဇူးတော်ဟို ခံစားရဂေဟူကြောန့် သူနီလေဟာ နန်းနီဟို ရရာတိုင်း လွမ်းဟူကြောန့် နန်းနီတွပ် ဆုတောင်းဂေလေမယ်။ 15 နီလေဟာ တန်းဖိုးဖြတ်နိုင်ဘဲဟူ ဆုကျေးဇူးတော်တွပ် ဘုရားသခင်ဟို ကျေးဇူးတန်ဂေဇို။

10 ခရစ်တော်ရဲ စိခိုဉ်ဇာန ကြင်နာဟူ ဇာလေဟို ထော့-က်ဘီးဟာ ငါဟာ နန်းနီဟို မြစ်တာရပ်ခံဟယ်။ ငါပေါလုဟာ နန်းနီရှေမာ နူးညံ့ဘေမဲ့ နန်းနီ နော့-က်ကွယ်မာ သတ်တိရှိဟူသူ ဖြစ်ဟယ်။ 2 နီလေဟာ လောကီရဲ ကျိုးလေဟို မျှော်ဘီးဟာ လောကဆောန်လူလေ ဖြစ်ဟယ် ဆိုဘီး စွပ်စွဲဝေဖန်ဂေဟူ လူလေဟို ငါဟာ ကိုယ့်ရဲ စွမ်းသတ်တိဟို ပြနိုင်ဟယ် ဆိုဇာဟို သိစေရှင်ဟယ်။ အယ်ကြောန့် နန်းနီနားဟို ငါရှေး-က်လာဟူ ခီမာ အယ်စွမ်းသတ်တိလေဟို ပြရဟူဇာန တွဲကြောင်ရစေန။ 3 နီလေဟာ သွီးသားဇာတိန သတ်ရှင်နေဂေဟယ် ဆိုဇာ မုန်ဘေမဲ့ လောကီကျိုးဟို မျှော်ဘီးဟာ တိုက်ပွဲခမ်နေဂေဇာ မူဟူ။ 4 နီလေ စွဲကိုင်ဟားဟူ လတ်နတ်လေဟာ လူသားလေ စွဲကိုင်ဟူ ဇာတိလတ်နတ်လေမျိုး မူဟူ။ ခံတပ်လေဟို ဖြိုင်ဟူ ဘုရားသခင်ရဲ တဂိုးန ပွဲဇောင်ဟူ လတ်နတ်လေ ဖြစ်ဟယ်။ နီလေဟာ မုန်ဘဲန ဆွေဇွေးဘီး ဂြင်းခူဇာလေန။ 5 ဘုရားသခင်ဟို သိက္ခမ်းဟူ ပညာဟို ဖောင်းဟာဟူ မာန်မာန မုန်မျှလေဟိုရော၊ ပြိညှော် ဖျတ်ဆီးဟယ်။ နီလေဟာ လူလေရဲ ကြဲစည်ရှိမျှဟို ဖမ်းချောက်ဘီးဟာ ခရစ်တော်ဟို နာခံခိုင်းဟယ်။ 6 နန်းနီဟာ နားထောန်ရှင်းန ပွဲဇောင်ဟူ ခီမာ နားထောန်ဘဲဟူသူ ရှိမျှဟို တရားဟူနည်းန စီရင်ဟို့ နီလေဟာ ဆင်သင့် ရှိဂေဟယ်။ 7 နန်းနီဟာ ယွန်ဟာ လတ်ခဏာလေဟိုဘဲ ကေ့ဂေဟယ်။ နန်းနီလေမျှမူဘဲန တခြားသူလေဟာလည်း ခရစ်တော်ဟို အားကိုးဟယ် ဆိုဘီး စိထန်ဟူလူ ရှိဟယ် ဆိုဟာ အယ်လူဟာ ခရစ်တော်ရဲ တဖွဲဖြစ်မျိုး နီလေဟာလည်း ခရစ်တော်ရဲ တဖွဲလေ ဖြစ်ဟယ် ဆိုဇာဟို စဉ်းစားသင့်ဟယ်။ 8 ငါဟာ သခင်ဘုရားပေးဟားဟူ

ခွမ်းအာဏာနု ပတ်သတ်ဘီး ရရာတိုင်း ကြားမိမယ် ဆိုဟာ ယုတ်ဟာ။ အယ်ခွမ်းအာဏာဟာ နန်းနို့ဟို ဖျစ်ဆီးဟို့တွင် မှဟာ။ တည်ဆော့-ကံပေးဟို့တွင်ဘဲ ဖြစ်ဟယ်။ 9 ငါရေးလိုက်ဟူ စာလေဟာ နန်းနို့ဟို ချီးချော-ကံနေဟယ် ဆိုဘီး ထန်ဂေ့န။ 10 “ပေါလုရဲ့ စာလေဟာ ပြင်းထန်ဘီးဟာ လေးနက်ဟူ စာလေဖြစ်ဘောမဲ့ လူကိုယ်တိုင် တွဲရဟူ ခီမာ သတ်တိမေ့ဘဲဟူလူ၊ ဟောပြောဇာလေဟာ ထန်ကီးဇာ ကောင်းဘဲဟူလူဖြစ်ဟယ်” ဆိုဘီး ပြောဟူလူ ရှိဟယ်။ 11 နို့လေဟာ ဝီးမာရှိနေဟူ ခီမာ စာရေးဘီးပြောလိုက်ဟူတိုင်းဘဲ လူကိုယ်တိုင် ရော-ကံလာဟူ ခီမာ လောက်ဆောန်ကြောင်းဟို အယ်လူလေဟို သိပေးလိုက်ဟယ်။ 12 ကိုယ့်ကိုယ်ကိုယ် ချီးမြှော-ကံဘီးပြောနေဟူ လူလေထဲမာ နို့လေပါဟူ။ နန်းနို့လည်း နှိုင်းရှင်ဟူ။ ကိုယ့်ကိုယ်ကိုယ်ဘဲ နမူနာထားဘီးဟာ ဆောင်းဖြတ်ဟူလူဟာ ရရာတိုင်း မိုက်ဟူလူ ဖြစ်ဟယ်။ 13 နို့လေဟာ ဝါကြားရှင်ဟူ တိုင်းတာထတ် ကျော်ဘီးဟာ ကြားဟို့မှဟူ။ နန်းနို့မာ နို့လေ လောက်ဟူလောက်ငန်းဟို လောက်ဆောန်ဟို့တွင် ဘုရားသခင် ကိုယ်တိုင်ဘဲ သတ်မှတ်ပေးဟားဟူ လောက်ငန်းထဲမာဘဲ နို့လေဟာ ကြားဂေ့ဟယ် 14 နန်းနို့ဟာ နို့လေတွင် ဘုရားသခင် သတ်မှတ်ပေးဟားဟူ လောက်ငန်းထဲမာ ပါဝမ်ဟူကြောန့် နို့လေဟာ ခရစ်တော်ကြောန့်ဖြစ်ဟူ ဒန်းကောန်းဟို နန်းနို့နားဟို ယူဆောန်လာရဟယ်။ 15 အယ်ကြောန့် နို့လေဟာ ဘုရားသခင် သတ်မှတ်ပေးဟားဟူ လောက်ငန်းဟုနေ လွှဲဘီးဟာ တခြားသူလေရဲ့ လောက်ဆောန်ဇာန ဂေါင်ယူဘီး ကြားဟူ။ နန်းနို့လေရဲ့ ယောင်ကြည်ရှင်းပါရမီဟို ရင်းဘီးဟာ နို့လေတွင် ဘုရားသခင်ဟု သတ်မှတ်ပေးဟားဟူ နယ်ပယ်ဖြစ်ဟူ နန်းနို့နားမာ မှုတော်ဟို ပိုဘီး ဟာ လောက်နိုင်ဟို့တွင် မျှော်လင့်ဟယ်။ 16 အယ်ဘီးန နို့လေဟာ နန်းနို့ရဲ့ ဒေသဟို ကျော်ဘီးဟာ တခြားဒေသလေမာ သခင်ယေရှုကြောန့်ဖြစ်ဟူ ဒန်းကောန်းဟို ဟောပြောကြေညာ နိုင်ဟူကြောန့် တခြားသူလေရဲ့ နယ်ပယ်ထဲမာ ပီအောန်လောက်ဟူ ဇာလေတွင် နို့လေဟာ ဂေါင်ယူဘီး ကြားဇာလိုဟုမ်း။ 17 အယ်ဘောမဲ့ ကျမ်းစာဟု “ဝါကြားဟူသူဟာ ဘုရားသခင်အားဖြင့်ဘဲ ဝါကြားပါစေ” ဆိုဘီး ပြောဟားဟယ်။ 18 ဖြားဖြစ်ကြောန့်နူးဆိုဟာ သခင်ဘုရား နှစ်သက်ဟူဇာဟု ကိုယ့်ကိုယ်ကိုယ် ချီးမြှော-ကံလူ မှဟူ။ ကိုယ်တော်ရဲ့ ချီးမြှော-ကံခံရဟူ လူဘဲဖြစ်ဟယ်။

11 ငါမိုက်မဲဟူပြစ်ဟို နန်းနို့ဟာ သီးခံဂေ့လေမယ် ဆိုဇာဟို ငါဟာ မျှော်လင့်ဟယ်။ ကျေးဇူးပြုဘီးဟာ သီးခံဂေ့ပါ။ 2 ဘုရားသခင်ဟာ နန်းနို့ဟို နာလိုဘဲစိ ရှိဟူမျိုးဘဲ ငါဟုလည်း နန်းနို့ဟို စိုးရိမ်ဟူစိ။ နန်းနို့ဟို ခရစ်တော်တယော့-ကံတည်းန မင်္ဂလာဆောန်ပေးဟို့တွင် ငါဟု ဂဒိပြဟားဟူ၊ သန်ရှင်းစင်ကြယ်ဟူ ပျိုကညာန တူဂေ့ဟယ်။ 3 ဧဝဟာ ဝှီရဲ့ကော့-ကံကျစ်မှုန လှည့်ဇားခံရဟူမျိုး နန်းနို့ဟုလည်း စိဖော့-ကံပွန်ဘီးဟာ ခရစ်တော်ဟို ကြွင်းမဲ့ချစ်ဘီး စွဲလန်းဟူစိ ပျော့-ကံဟားမာဟို ငါစိုးရိမ်ဟယ်။ 4 လူတယော့-ကံဟာ နန်းနို့နားဟို ရော-ကံလာဘီး နို့လေပြောဖူးဘဲဟူ တခြားတပါးဖြစ်ဟူ ယေရှုရဲ့ကြောန့်ဟို ဟောပြောဟူ ခီမာ နန်းနို့ဟာ လတ်ခံဂေ့ဟယ်။ နန်းနို့ဟာ နို့လေနားဟုနေ ကြားရဟူ ဒန်းကောန်းန လောင်းဝတူဘဲဟူ ဒန်းကောန်းဟိုရော၊ ရင်းရင်းဒဲဟု ခံယူဟားဟူ ဝိညာဉ်တော်န လောင်းဝတူဘဲဟူ ဝိညာဉ်တော်ဟိုရော လတ်ခံဂေ့ဟယ်။ 5 ငါဟာ နန်းနို့ရဲ့ ကီးဆောင်းဖြစ်ဟူ တမန်တော်လေထတ် နိဗ္ဗာဟု ဆိုဇာဟို ငါသိဟယ်။ 6 ငါဟာ ဟောပြောဇာ ကောင်းဟုဘောမဲ့ သိပညာမာ ညံ့ဟူ။ နို့လေဟာ အယ်ချစ်ဟို ခြေနေဘောင်းဇောင်မာ နန်းနို့ဟို ကောင်းကောင်းဟား သိစေဟယ်။ 7 ငါဟာ နန်းနို့ ချီးမြှော-ကံခံရဟို့တွင် ကိုယ့်ကိုယ်ကိုယ် နို့ညွှတ်ဘီးဟာ ဘုရားသခင်ရဲ့ ဒန်းကောန်းဟို နန်းနို့ဟို အလဂါးဟောပြောဇာဟာ ပြစ်ရှိလော။ 8 ငါဟာ နန်းနို့နားမာ မှုတော်ဆောန်ဟူဒီးဟု ကူဟားဟူ စရိလေဟို တခြားသင်းတော်လေဟို ကူညီခိုင်းဟယ်။ နို့လေဟာ နန်းနို့ဟို ကူညီခိုင်းဟို့တွင် သင်းတော်လေမာ မွတ်တိုက်ရဟူမျိုးဘဲဖြစ်ဟယ်။ 9 ငါဟာ နန်းနို့နားမာ ရှိနေဟူ ခီမာ ကပ်လိုနေဟူ ခီမာ နန်းနို့ဟို ငါဟု ဒေါက်ခပေးဟူ။ မာကေဒေါနီပြည်ဟုနေ လာဂေ့ဟူ ယောင်ကြည်သူလေဟု ငါလိုရှင်မျှဟို ယူလာဂေ့ဟယ်။ ငါဟာ ကိုယ့်တွင်န ဖယ်သူဟိုလည်း ဝန်လေးခိုင်းဟူ၊ နော့-ကံမာလည်း ဝန်လေးခိုင်းဟူ။ 10 အယ်မျိုး ငါဟု ကြားဘီးပြောဇာဟို အခါယပြည် တရှော့-ကံလောင်းမာ ဖယ်သူလည်း တားဟို့ရဘဲဟူကြောန်းဟို ငါမာရှိဟူ ခရစ်တော်ရဲ့ သမ္မာတရားဟို မှီပြုဘီးဟာ ငါပြောဟယ်။ 11 ဖြားဖြစ်ကြောန့်နူး။ ငါဟု နန်းနို့ဟို ရှစ်ဘဲကြောန့်လော။ ငါရှစ်ကြောန့်ဟို

ဘုရားသခင်ဟု သိဟုယ်။ 12 အယ်ဘောမဲ့ နို့လေမျိုး လောက်ဆောန်ဟုယ် ဆိုဘီး ကြားဘီးပြောဟူဇာလေဟို အယ်တမန်တော်လေဟု ရနိုင်ဂေဘဲတွပ် ငါဟာ ခုတိုင်းဘဲ ဆစ်ဘီးဟာ လောက်ဆောန်ဟားမယ်။ 13 အယ်လူလေဟာ တမန်တော်တုယောန်လေဘဲ ဖြစ်ဂေဟုယ်။ သူးနို့ကိုယ်သူးနို့ ခရစ်တော်ရဲ့ တမန်တော်လေဖြစ် ယောန်ဆောန်ဘီးဟာ လှည့်ဇားဘီး လောက်ဆောန်ဟူ လူလေဖြစ်ဟုယ်။ 14 သူးနို့လေဟာ အယ်မျိုးလောက်ဟူဇာဟာ အံ့ဩဇာ မူဟု။ စာတန်ကိုယ်တိုင်ဘဲ လန်းဟူ ကောန်းဂန်တမန် ပေါင်ဇိန ယောန်ဆောန်နိုင်ဟုယ်။ 15 အယ်ကြောန့် သူ့ရဲ့ တပဲ့လေဟာ ဖြောန်မတ်ရှင်းရဲ့ စေခံဖြစ်န ယောန်ဆောန်ဂေဇာဟာ အံ့ဩဇာ မေ့ဟု။ နေ့-က်ဆောင်းမာ သူးနို့ဟာ သူးနို့ ကျင့်ကြံပြုမူဟားဟူတိုင်းဘဲ ကျိုးပြစ်လေဟို ခံစားရဂေလေမယ်။ 16 နေ့-က်ထပ် ငါပြောမယ်။ ငါ့ဟို လူမိုက် ဆိုဘီး ဖယ်သူလည်း ထန်မှတ်စေန။ အယ်ဘောမဲ့ နန်းနို့ဟာ ထန်မှတ်ဂေမယ် ဆိုဟာလည် လူမိုက်နေနဘဲ ငါ့ဟို လတ်ခံဂေပါ။ အယ်မျိုးဖြစ်မှ ငါ့မာဝါကြားဇာ နဲနဲဟားရနိုင်မယ်။ 17 ခု ငါဟာ ရဲရင့်ဘီးဟာ ကြားဘီးပြောနေဇာဟာ သခင်ဘုရားရဲ့ လိုတော်ရ မူဟု။ လူမိုက်မျိုးဘဲ ဝါကြားနေဇာ ဖြစ်ဟုယ်။ 18 အယ်ဘောမဲ့ လူလေဟု လောကရာလေတွပ်ကြောန့် ဝါကြားတတ်ဂေကြောန့် ငါဟုလည်း ဝါကြားဟုယ်။ 19 နန်းနို့ဟာ ပညာရှိဟူလူလေ ဖြစ်ဟူကြောန့် လူမိုက်လေဟို ဝန်းသာဘီးဟာ သီးခံဂေဟုယ်။ 20 တခြားလူလေဟု နန်းနို့ဟို ကျွန်ခံခိုင်းဇာ၊ ခွမ်းရေးယူဇာ၊ မွတ်ထုဇာ၊ ထန်သေးဇာ၊ ပါးရိုက်ဟူဇာလေဟို သီးခံဂေဟုယ်။ 21 နို့လေဟာ အယ်မျိုးမူလေဟို နန်းနို့ဟိုလောက်ဟို သတ်တိမေ့ဘဲကြောန့် ယှစ်ယှစ်ကြော့-က်ကြော့-က်နဘဲ ဝန်ခံရဟုယ်။ အယ်ဘောမဲ့ လူမိုက်နေန ပြောရမယ် ဆိုဟာ ယော့-က်ယော့-က်ဟု တခုခုဟို ဝါကြားမယ် ဆိုဟာ ငါဟုလည်း ဝါကြားနိုင်ဟုယ်။ 22 သူးနို့ဟာ ဟေပြဲလူမျိုး ဖြစ်ဟုယ် ဆိုဟာ ငါလည်း ဖြစ်ဟုယ်။ သူးနို့ဟာ ဣသရေလလူမျိုး ဖြစ်ဟုယ် ဆိုဟာ ငါလည်း ဖြစ်ဟုယ်။ သူးနို့ဟာ အာဗြဟံမျိုးနွယ် ဖြစ်ဟုယ် ဆိုဟာ ငါလည်း ဖြစ်ဟုယ်။ 23 သူးနို့လေဟာ ခရစ်တော်ရဲ့ စေခံလေ ဖြစ်ဟုယ် ဆိုဟာ ငါဟာ ထူးသဖြင့် ဖြစ်ဟုယ် ဆိုဘီး ရူးတယော့-က်မျိုး ငါပြောဟုယ်။ ငါဟာ အယ်လူလေထတ် ပိုဘီး ဟာ ပန်ဗန်းခံဘီးဟာ မူတော်ဆောန်ဟုယ်။ သူးနို့ထတ် ပိုဘီး ဟာ ခါဘီးခါ ထောန်ကွမူဟုယ်။ ပိုဘီး ဟာ ကီဒန်ခံရဟုယ်။ သေဘေးလေန ခါဘီးခါ ရင်ဆိုင်ရဟုယ်။ 24 ယုဒလူမျိုးလေဟာ ငါ့ဟို သောင်းဆယ်ကိုးချစ် ရိုက်ခံရဟူဇာဟို ငါးခါတိတိ ခံရဟုယ်။ 25 ရောမလူမျိုးလေနားမာ သောင်းခါတိတိ ကီဒန်ခံရဟုယ်။ ကြော့-က်ခဲနလည်း တခါပစ်ခံရဟုယ်။ သန်းဖောပျစ်ဇာလည်း သောင်းခါလော့-က် ဖြစ်ဟုယ်။ ပန်လယ်ပွန်မာလည်း တရစ်လောင်းလောင်း နေရဟုယ်။ 26 ငါဟာ ခါဘီးခါ ခရီးသွားဟူ ခီမာ ရေကီးဟူဘေး၊ မွတ်ကိုခံရဟူဘေး၊ ငါ့လူမျိုးလေဟု လောက်ဟူဘေး၊ လူမျိုးခြားလေဟု လောက်ဟူဘေး၊ ဗြို့ဝီးလေမာ တွဲရဟူဘေး၊ တောဝါလေမာ တွဲရဟူဘေး၊ ပန်လယ်ဘေး၊ မိဆွေယောင်ဆောန်ဟူ ဘေးလေန တွဲကြောင်ရဟုယ်။ 27 လောက်လေဟို ခတ်ခတ်ခဲခဲ လောက်ရဟူဇာ၊ မကြာမကြာ အိပ်ဇာ၊ စာငတ်ခံရဟူဇာ၊ ရေလည်းငတ်ဟူဇာ၊ မကြာမကြာ စားဇာမေ့ဘဲဟူဇာ၊ အေးဒန်ခံရဟူဇာ၊ ဝတ်ဇာမေ့ဘဲန နေရဇာ၊ အယ်မျိုး ဆင်းရဲဟူဇာလေဟို ငါခံရဟုယ်။ 28 အယ်မျိုး ဆင်းရဲဒေါက်ခရော၊ တခြား ဆင်းရဲဒေါက်ခလေနဟို မှုဘဲန သင်းတော်တွပ်လည်း နေတိုင်း စိုးရိမ်ပူပန်နေရဟုယ်။ 29 အားနဲဟူလူ ရှိဟူ ခီမာ ငါ့ဟုလည်း အားနဲရဟုယ်။ ယော့-က်ယော့-က်ဟု ပြစ်လောက်ဆိုဟာလည်း ငါဟာ ပူပန်ရဟုယ်။ 30 ငါဟာ ကြားရမယ် ဆိုဟာ ငါ့ရဲ့အားနဲဟူ ဇာလေဟိုဘဲ ကြောန်းပြုဘီးဟာ ကြားရဟုယ်။ 31 ငါဟာ လီညာဘီး ပြောဘဲကြောန်းဟို သခင်ယေရှုရဲ့ ဖ ဘုရားသခင်ဟု သိဟုယ်။ အယ်သခင်ရဲ့ နာမတော်ဟာ ထာဝရမင်္ဂလာ ရှိပါစေ။ (aīōn g165) 32 ငါဟာ ဒမာသက်ဗြို့မာ ရှိဟူ ခီမာ အရေတမန်းဂီးရဲ့ လတ်အော့-က်ခံဖြစ်ဟူ လူဟာ ငါ့ဟို ဖမ်းဟို့တွပ် ဗြို့ခွဗော့-က်လေမာ တပ်သားလေဟို စောန့်ခိုင်းဟားဟုယ်။ 33 တပဲ့တော်လေဟာ ငါ့ဟို ခြင်းတောန်းထဲဟို ထုဘီးဟာ လတ်တန်ဗော့-က်ဟုနေ တဆင့် ဗြို့ရိုးထတ်ဟုနေ ရှော့ခွဂေကြောန့် ငါဟာ အယ်လူလေ လတ်ဟုနေဘီး လွတ်ဟားဟုယ်။

12 ကြားရဟူဇာဟာ ကျိုးမေ့ဘောမဲ့ ငါဟာ ကြားအူးမယ်။ သခင်ဘုရားဟု ငါ့ဟိုပြဟူ ရူပါရောင်လေန ဗျာဒိတ်တော်ကြောန်းလေဟို ပြောပြမယ်။ 2 ခရစ်တော်နိုက်ရှိဟူ တပဲ့တော် တယော့-က်ဟာ ပီးဟားဟူ

ဆယ်လေးနှစ်လော့- ကံဒူးဟု ကောန်းဂန်ဘောင် တတိယထပ်ဟို့ ခီဆောန်ခံရဟယ် ဆိုဇာဟို့ ငါသိဟယ်။ အယ်မျိုး ခီဆောန်ခံရဟူ ဇာဟူ ကိုယ်ခန္ဓာပါလား၊ ပါဟုလား ဆိုဇာ ငါသိဟယ်။ တကယ်ဘဲလား၊ အယ်မျိုးမူဘဲနေဟု ရူပါရောင်ဘဲလား ဆိုဇာ ငါသိဟယ်။ ဘုရားသခင်ဘဲ သိဟယ်။ 3 အယ်လူဟု ပရဒိသဘောင်ဟို့ ခီဆောန်ခံရဟယ်။ အယ်မျိုး ခီဆောန်ခံရဟူ ဇာဟူ ကိုယ်ခန္ဓာပါဘီး ခီဆောန်ခံရဇာလော၊ အယ်မျိုးမူဘဲနေဟု ကိုယ်ခန္ဓာပါဘဲန ခီဆောန်ခံရဇာလော၊ ငါသိဟယ်။ ဘုရားသခင်ဟုဘဲ သိဟယ်။ 4 အယ်လူဟု လူလေပြောခွမ့် မေဟု။ ပြောဟို့လည်း ရနိုင်ဘဲဟူ စကားလေဟို့ ကြားဟူးရဟယ်။ 5 အယ်ကြောန့် အယ်လူရဲ့ ကြောန်းဟို့ ငါကြားမယ်။ အယ်ဘောမဲ့ ကိုယ့်ရဲ့ အားနဲ့ချစ်လေန တခြားကြောန်းလေဟို့ ကြားဟု။ 6 ငါဟု ကြားရှင်ဟယ် ဆိုဟု ရူးဖြစ်ဟို့ မူဟု။ ဖြားဖြစ်ကြောန့်နဲ့ဆိုဟု မှန်ကန်ဟူ စကားဟို့ဘဲ ပြောဟူကြောန့် ဖြစ်ဟယ်။ အယ်ဘောမဲ့ ဖယ်သူလည်း ကိုယ့်ကိုယ်ကိုယ် ဗြင်ရကြားရဟူ ဇာထတ် ပိုဘီး ငါဟို့ ထန်ကီးဘဲဟို့တွပ် ငါဟု ဝါကြားဟု။ 7 ငါဗြင်ရဟူ အံ့ဩဘွယ် ရူပါရောင်ကြောန့် ကိုယ့်ကိုယ်ကိုယ် ထန်ကီးဘဲဟို့တွပ် ငါရဲ့ ကိုယ်ခန္ဓာမာ နာဟူဝေဒနာတခုဟို့ ခံစားနေရဟယ်။ အယ်ဝေဒနာဟု စာတန်ရဲ့ တမန်မျိုးဖြစ်ဟူ ငါဟို့ ဒန်ခတ်ဘီး ငါရဲ့မာနဟို့ ခို့ခွဟူးဟယ်။ 8 အယ်ဝေဒနာဟို့ ဖယ်ရှားပစ်ပေးဟို့တွပ် ငါဟု သခင်ဘုရားဟို့ သောင်းခါတိတိ ဆုတောင်းဘီး သနားခံဟယ်။ 9 အယ်ဘောမဲ့ ငါကျေးဇူးဟု နန့်တွပ် လောင်လော့- ကံဟယ်။ ငါတဂိုးဟု အားနဲ့ဟူ ခီမာ စောင်လင်ဟယ် ဆိုဘီး ပြောဟယ်။ အယ်ကြောန့် ခရစ်တော်ရဲ့ တဂိုးဟု ငါထတ်မာ ကိန်းဝပ်ဟို့တွပ် ငါကိုယ်ခန္ဓာမာ အားနဲ့ဟူ ဇာဟုနဘီး ဝန်းသာဟူစိန ကြားဟူဇာဟို့ဘဲ ငါလိုရှင်ဟယ်။ 10 ငါဟု အားနဲ့နေဟူ ခီမာ တဂိုးနဲ့လွှဲဇောင်ဘီး ခရစ်တော်တွပ်ကြောန့် အားနဲ့ဇာလေ၊ စော်ကားခံရဇာလေ၊ ဆင်းရဲဇာလေ၊ နှိစစ်ညည်းဆဲဇာလေ၊ နောက်ရှစ်ဇာလေဟို့ ခံရဟူ ခီမာ သီးခံနိုင်ဟယ်။ 11 ငါဟု လူမိုက်မျိုးဖြစ်လော။ အယ်မျိုးမူဘဲနေဟု နန်းနို့ဟု ငါဟို့ လူမိုက်ဖြစ်အောက် လောက်ဂေဟယ်။ နန်းနို့ဟု ငါဟို့ ထော့- ကံခံပေးသင့်ဟူ လူလေဖြစ်ဟယ်။ ငါဟု ရေရာဘဲဟူလူ ဖြစ်ဘောမဲ့ နန်းနို့ရဲ့ ထူခြားဟူ တမန်တော်လေထတ် ဖယ်မျိုးလည်း နိက္ကဟု။ 12 ငါဟု တမန်တော်တပါး ဖြစ်ကြောန်းဟို့ နမိတ်လတ်ခဏာလေ၊ အံ့ဩဘွယ်ရာလေန၊ ထူးဆန်ဟူ တဂိုးလေအားဖြင့် နန်းနို့ဟို့ ငါဟု စိရှယ်လတ်ရှယ်န သတ်သေပြဟူးဟယ်။ 13 နန်းနို့ဟို့ ငါဟု ငွေကြေးကိစန တာဝန်ပေးဘဲဇာဟုလွှဲဘီး ငါဟု နန်းနို့ဟို့ တခြားသင်းတော်လေန ဒန်းဒူထားဘီးဟု ဆစ်ဆံဟယ်။ အယ်မျိုးတရားဘဲဟူဇာ လောက်မိတွပ်လည်း ငါဟို့ ခွမ်လွှတ်ပေးဂေဟို့တွပ် တောန်းဗန်ဟယ်။ 14 ငါဟုခု နန်းနို့နားဟို့ တတိယခါ ရော့- ကံလာဟို့တွပ် ဆင်သင့်ရှိနေဟယ်။ အယ်ဘောမဲ့ ငါတွပ် နန်းနို့ဟို့ တာဝန်လေးခိုင်းဟု။ နန်းနို့ရဲ့ ငွေကြေးအောက်စာလေဟို့ ငါလိုဟု။ နန်းနို့ဟို့ဘဲ ငါဟု လိုရှင်ဟယ်။ သားမီးလေဟု မိဖလေတွပ် ထော့- ကံပုံရဇာ မူဟု။ မိဖလေဟုဘဲ သားမီးလေတွပ် ထော့- ကံပုံဂေရဟယ်။ 15 ငါဟု နန်းနို့လေဟို့ ကူညီဟို့တွပ် ဝန်းသာဘီး ကိုယ့်ရဲ့အောက်စာန အင်အားလေဟို့ သောင်းပြုဟယ်။ ငါဟု နန်းနို့လေဟို့ အယ်မျှလော့- ကံ ရှစ်ဟယ် ဆိုဟု နန်းနို့ဟု ငါဟို့ နဲနဲဟူးဘဲ ရှစ်ဟို့လော။ 16 ငါဟု နန်းနို့ဟို့ ဝန်လေးစေဟု ဆိုဇာဟို့ နန်းနို့ဟု ဝန်ခံဂေလေမယ်။ အယ်ဘောမဲ့ ငါဟု နန်းနို့ဟို့ လှည့်ဇားဟယ် ဆိုဘီး ယော့- ကံယော့- ကံဟု စွပ်စွဲလေမယ်။ 17 ဖယ်မျိုး ငါဟု ခွမ်ရေးယူဟို့နူး။ နန်းနို့နားဟို့ ငါဟု လူတယော့- ကံယော့- ကံဟို့ လွတ်ဘီးဟု ခွမ်ရေးယူဖူးဘဲလော။ 18 ငါဟု တိတုဟို့ နန်းနို့နားဟို့ သွားဟို့တွပ် တောန်းဗန်ဘီးဟု လွတ်လိုက်ဟယ်။ တခြားယောင်ကြည်သူ တယော့- ကံဟို့လည်း သူနတူးဒု လွတ်လိုက်ဟယ်။ တိတုဟု နန်းနို့နားဟု ခွမ်ရေးယူဟယ် ဆိုဘီး ပြောဟို့လော။ သူနငါဟု စိဘောတူဘီး တလမ်းဒဲ လိုက်ရှော့- ကံဘီးဟု ကျင့်နေဂေဟူဇာ မူဟုလော။ 19 နို့လေဟု တခီလောင်း ကိုယ့်ကိုယ်ကိုယ် ကာကွယ်ဘီးဟု ပြောနေဟယ် ဆိုဇာဟို့ နန်းနို့လေဟု ထန်ဂေလေမယ်။ နို့လေဟု အယ်မျိုးပြောနေဇာ မူဟု။ ခရစ်တော်အားဖြင့် ဘုရားသခင်ရှေမာ ပြောနေဇာဖြစ်ဟယ်။ ရှစ်ရဟူ မိဆွေလေ၊ နို့လေ လောက်ဟူဇာလေဟု နန်းနို့ဟို့ တည်ဆော့- ကံဟို့တွပ်ဘဲ ဖြစ်ဟယ်။ 20 နန်းနို့နားဟို့ ရော့- ကံလာဟူ ခီမာ ငါဟု နန်းနို့ဟို့ တွိုရှင်ဇာတိုင်းဟို့ တွိုရဘဲနေမာဟို့ စိုးရိမ်မျိုးဘဲ နန်းနို့ဟုလည်း ငါဟို့ တွိုရှင်ဇာတိုင်းဘဲ တွိုရဘဲနေမာဟို့ ငါလည်း စိုးရိမ်ဟယ်။ နန်းနို့ဟု ရန်တွိုရှင်၊

နာလိုရှင်း၊ ဒေါသထွပ်ရှင်း၊ ဂေါင်ပြိုင်ရှင်း၊ စော်ကားဘီးပြောရှင်း၊ ရှောက်ခွဲရှင်း၊ မော့-က်မာရှင်း၊ ရောင်းရင်းဆန်ခတ် လောက်ရှင်းလေဟို ငါဟာ တို့ရမာဟို စိုးရိမ်ဟယ်။ 21 နော့-က်တခါ နန်းနီနားဟို လာဟူ ခီမာ ငါ့ရဲ့ ဘုရားသခင်ဟာ ငါ့ဟို နန်းနီရမာ နီခွဲဘီးဟာ ရင်ဟုပြစ်မှားဘီး ကိုယ့်ကိုယ်ကိုယ်ကျင့်နေဟူ ညစ်ညူးရှင်း၊ တရားနည်ဘဲဟူ မေထုန်လောက်ရှင်း ကာမဂေါင်လိုက်စားရှင်းလေဟို နောက်ဒရသေးဘဲဟူလူလေ ဘောင်ဂီးရှိဟူကြောန့် ငါဟာ ဝန်းနဲဘီး ကြေကွဲရဟိုတွပ် ငါဟာ စိုးရိမ်ဟယ်။

13 ခုငါဟာ တတိယခါ နန်းနီနားဟို လာမယ်။ ကျမ်းစာဟု ဖော်ပြဟားဟူမျိုး “မှုကိစမှန်မျှဟို သတ်သေနေယော့-က် သောင်းယော့-က်ရဲ့ စကားထွပ်ဆိုဇာန ဆောင်းဖြတ်ရဟယ်။” 2 ဒုတိယခါမာ ရော့-က်လာဒူးဟု “နော့-က်တခါ နန်းနီနားဟို လာမယ် ဆိုဟာ ငါဟာ ငဲ့ညှာဟိုမှုဘီ” ရင်းရင်နူးဟု ပြစ်ကျူးလွန်ဟူလူလေ န တခြားလူလေဟို ငါဟာ ကြိုတန်ဘီးဟာ ဒီပေးဟားဟယ်။ ခုလည်း အယ်တိုင်းဘဲ ဝီးဂီးဟုနေဘီးဟာ ငါထပ်ဘီး ဒီပေးလိုက်ဟယ်။ 3 ခရစ်တော်ဟာ ငါ့အားဖြင့်ပြောဟူ သတ်သေဟို နန်းနီတောင်းဆိုဂေ့တိုင်း ငါလာဟူ ခီမာ ရစေမယ်။ ခရစ်တော်ဟာ နန်းနီန ပေါန်းဟူ ခီမာ အားနဲတော်မူဘဲ သူ့ရဲ့ တဂိုးတော်ဟို နန်းနီဟို ပြလေမယ်။ 4 ကိုယ်တော်ဟာ လတ်ဝါးကပ်တိုင်မာ သတ်ခံရဟူ ခီမာ စွမ်းအားမော့ဘဲဟူမျိုး ရှိဘော့မဲ့ ခုခါမာ ဘုရားသခင်ရဲ့ တဂိုးတော်ကြောန့် သတ်ရှင်ဘီးနေဟယ်။ နီလေဟုလည်း ကိုယ်တော်န တလောင်းတဝဲဒီရိကြောန့် စွမ်းအားနဲဂေ့ဟယ်။ အယ်ဘော့မဲ့ နီလေဟာ ဘုရားသခင်ရဲ့ တဂိုးတော်ကြောန့် ခရစ်တော်နတူးဒု သတ်ရှင်ဘီး နန်းနီန ပေါန်းဖော်ရဟယ်။ 5 နန်းနီဟာ ယောင်ကြည်ရှင်းမာ တည်ဟယ်။ တည်ဟု ဆိုဇာဟို ကိုယ့်ကိုယ်ကိုယ် စစ်ဆေးဂေ။ အယ်မျိုး စစ်ဆေးဟူ ခီမာ အောက်မြင်မယ် ဆိုဟာ နန်းနီဟာ ကိုယ့်စိန်လောင်းထဲမာ ယေရှုခရစ်တော်ဟု ရှိနေဟူကြောန်းဟို သေးသေချားချာ သိဂေဟယ်။ အယ်မျိုးမူဟု ဆိုဟာ နန်းနီလေဟာ စစ်ဆေးမူမာ ရှောန်းနီလေမယ်။ 6 နီလေဟာ စစ်ဆေးခံရဟူ ခီမာ အောက်မြင်ဟူ လူလေဖြစ်ကြောန်းဟို နန်းနီဟာ သိဂေမယ် ဆိုဇာဟို ငါဟာ မျှော်လင့်ဟယ်။ 7 နန်းနီဟာ ကောင်းဘဲဟူဇာလေဟို ရှောန်းဟိုတွပ် ဘုရားသခင်ဟို နီလေဟာ ဆုတောင်းရဟယ်။ အယ်မျိုးလောက်ဟူဇာဟု နီလေဟာ ကိုယ့်ကိုယ်ကိုယ် အောက်မြင်ဟူလူလေ ဖြစ်ဇာဟို ပေါ်ရှင်ကြောန့် လောက်ဇာမူဟု။ နီလေဟာ အောက်မြင်ဘဲဟူမျိုးဖြစ်ဘော့မဲ့ နန်းနီဟို ကောင်းမြတ်ဟူမူလေဟို လောက်ဟိုတွပ် ဆုတောင်းရဟယ်။ 8 နီလေဟာ သမ္မာတရားဟို ဆန့်ကျင်ဘီးဟာ ဖယ်မှုဟိုလည်း လောက်နိုင်ဂေဟု။ သမ္မာတရားဖတ်မာနေမှဘဲ လောက်နိုင်ဂေဟယ်။ 9 နီလေဟာ အားနဲဘီး နန်းနီဟု အားကီးဟူ ခီမာ နီလေဟု ဝန်းသာဟယ်။ အယ်ကြောန့် နန်းနီဟာ ပြစ်ပြောဇာ မော့ဘဲနေအောက် ဖြစ်လာဟိုတွပ် နီလေဟာ ဆုတောင်းဂေဟယ်။ 10 နန်းနီန ဝီးနေဟူ နေရစ်လေမာ အယ်စာဟို ရေးရဇာဟာ ငါလာဟူ ခီမာ သခင်ဘုရားဟု ငါ့ဟို ပေးဟားဟူ ခွမ်အာဏာဟို ပြင်းပြင်းထန်းထန်းဟား သောင်းစေရှင်ဟု။ အယ်ခွမ်အာဏာဟာ နန်းနီဟို တည်ဆော့-က်ပေးဟိုတွပ်ဘဲ ဖြစ်ဟယ်။ ဖြိုဖျစ်ဟိုတွပ် မူဟု။ 11 ယောင်ကြည်သူလေ၊ ဝန်းသာဂေပါ! ပြစ်ပြောဇာမော့ဘဲနေအောက် ဆစ်ဘီးဟာကြိုးစာဂေ။ ငါ့ရဲ့ မြစ်တာရပ်ခံဇာလေဟို နာခံဘီးဟာ ရှင်းရှင်းအားပေးဂေဘီးဟာ သင့်သင့်မြတ်မြတ်ဟားနေဂေပါ။ အယ်ဆိုဟာ မြစ်တာတော်န ငြိသတ်မှုရဲ့သခင် ဘုရားသခင်ဟာ နန်းနီနတူးဒု ရှိလေမယ်။ 12 နန်းနီဟာ ယော့-က်နယော့-က် သန့်ရှင်းဟူနမ်းန နောက်ဆစ်ဂေပါ။ 13 ဘုရားသခင်ရဲ့ လူလေ ဂူလောင်းဟု နန်းနီဟို နောက်ဆစ်ဂေဟယ်။ 14 သခင်ယေရှုခရစ်တော်ရဲ့ ကျေးဇူးတော်၊ ဘုရားသခင်ရဲ့ မြစ်တာတော်န၊ သန့်ရှင်းဟူညီညာတော်ရဲ့ မိတ်သဟာယလေဟာ နန်းနီလေ ဂူလောင်းနတူးဒု ရှိပါစေ။

၁ ငါပေါလုဟာ လူတယော့-ကံအားဖြင့်လည်းမူ၊ လူလေအားဖြင့်လည်းမူဘဲန ယေရှုခရစ်တော်ရဲ့ ခွမ်းအားဖြင့်နရော၊
အယ်သခင်ဟို သေရာဟုနေ ပွန်ရှင်စေဟူ ဖဘုရားသခင်ရဲ့ ခွမ်းအားဖြင့်နရော တမန်တော်ရာဟို ပေးအပ်ခံရသူဖြစ်ဟယ်။

၂ ငါ့နတူးဒူရိုနေဟူ ယောင်ကြည်သူလေ အားလောင်းဟာ၊ **၃** နို့လေရဲ့ဖဖြစ်ဟူ ဘုရားသခင်န သခင်ယေရှု ခရစ်တော်
ထံတော်ဟုနေ ကျေးဇူးတော်န ငြိသတ်ရှင်းဟာ နန်းနို့မာရိပါစေ၊ **၄** နို့လေရဲ့ဖ ဘုရားသခင်ရဲ့ လိုတော်ဟို နားထောက်ဘီး
ခရစ်တော်ဟာ နို့လေဟို အယ်မူဆိုးရောက်ဟူ ပစ္စုပ္ပန်ဘဝဟု ကယ်တန်နိုင်ဟို နို့လေရဲ့ ပြစ်လေတွပ် ကိုယ့်ကိုယ်ကိုယ်
ပေးအပ်တော်မူဟယ်။ (aiñ g165) **၅** အယ်ဘုရားသခင်ဟာ ကမ္ဘာဆစ်ဆစ် ဖောင်းကီးတော်မူပါစေ။ အာမင်။

(aiñ g165) **၆** ခရစ်တော်ရဲ့ ကျေးဇူးတော်အားဖြင့် နန်းနို့ဟို ခေါ်တော်မူဟူသူဟို အယ်မျိုးမြန်းမြန် စွန့်ဘီးဟာ
တခြားစဝ်ဂေလိတရားဟို လတ်ခံလိုက်ဟူကြောန့် ငါရရာတိုင်း အံ့ဩဟယ်၊ **၇** မှန်ဆိုဟာ “တခြား စဝ်ဂေလိတရား”
ဆိုဇာမေဟူ၊ ဖြားဖြစ်ကြောန့် ငါအယ်မျိုးပြောရနူးဆိုဇာဟု နန်းနို့ဟို ရှုတ်ထွေးအောက်လောက်ဘီး ခရစ်တော်ရဲ့
စဝ်ဂေလိတရားဟို မော့-ကံလှန်ရှင်ဟူလူတချို့ ရှိနေကြောန့်ဖြစ်ဟယ်။ **၈** နို့လေဖြစ်ဖြစ်၊ ကောန်းဂန်ဘောင်ဟုနေလာဟူ
ကောန်းဂန်တမန်ဖြစ်ဖြစ် နန်းနို့ဟို နို့လေဟောပြောဟားဟူ ဒန်းကောန်းန တူဘဲဟူ ဒန်းကောန်းဟို ဟောပြောမယ်
ဆိုဟာ ဟောပြောဟူသူဟာ ဘုရားသခင်ရဲ့ ကီရှင်းဟို ခံရစေ၊ **၉** နန်းနို့ယူဟားဟူ ဒန်းကောန်းနတူဘဲဟူ ဒန်းကောန်းဟို
ဟောပြောမားဟာ ဘုရားသခင်ရဲ့ ကီရှင်းဟို ခံရစေ ဆိုဘီး နို့လေပြောဟားဟူတိုင်းဘဲ ခု ငါထပ်ဘီး ပြောဟယ်။

၁၀ ခု ငါဟာ လူလေရဲ့ ထော့-ကံခံမှုဟို လိုက်ဇာလော။ ဘုရားသခင်ရဲ့ ထော့-ကံခံမှုဟို လိုက်ဇာလော။ ငါဟာ
လူလေကျေနပ်ဟိုတွပ်ဘဲ စည်းရောင်းနေမယ် ဆိုဟာ ငါဟာ ခရစ်တော်ရဲ့ စေခံဖြစ်ဟိုမူဟူ။ **၁၁** ယောင်ကြည်သူလေ၊
နန်းနို့ဟို ငါဟောပြောဟူဒန်းကောန်းဟာ လူလေတိထွမ်းဟားဟူ ဒန်းကောန်းမူဟု ဆိုဇာဟို နန်းနို့ဟို ငါသိစေရှင်ဟယ်။

၁၂ အယ်ဒန်းကောန်းဟို ငါဟာ ဖယ်သူထံဟုလည်း လတ်ခံဟားဇာမူဟူ၊ ဖယ်သူဟုလည်း ငါဟို သန်ပေးဟားဇာမူဟူ။
အယ်ဒန်းကောန်းဟို ယေရှုခရစ်တော်ထံဟုနေ ဖွမ်းပြမှုအားဖြင့် ငါလတ်ခံရရှိဇာဖြစ်ဟယ်။ **၁၃** ရင်ဟု ယုဒဘာသာထဲမာ
ငါ့ရဲ့ သတ်ရှင်မှု နည်းလမ်းဟို နန်းနို့ကြားဟားဝီးဘီ။ ငါဟာ ဘုရားသခင်ရဲ့ သင်းတော်ဟို ရရာတိုင်း ညှဉ်းဆဲဘီးဟာ
သင်းတော်ဟို ဖျစ်ဆီးဟို ကြိုးစားဟားဟယ်။ **၁၄** ငါ့ဘိုးဘေးလေရဲ့ ထောင်းဒမ်းစဉ်လာလေဟို ရရာတိုင်း စိအားထတ်သန်ဘီး
ငါ့နရူယ်ဒု ယုဒလူမျိုးလေထတ် ငါဟာ ယုဒဘာသာထဲမာ ပိုဘီး ကျင်လည်ဟယ်။ **၁၅** အယ်ဘောမဲ့ ငါမွီးခန်ဂဒဲဟု
ဘုရားသခင်ဟာ ကျေးဇူးတော်အားဖြင့် ငါဟို ခေါ်တော်မူဟားဘီး မှုတော်ဆောက်ဟို ဝီးကျော့-ကံဟားဟယ်။ အယ်ဘီးဟာ

၁၆ လူမျိုးခြားလေဟို သားတော်ရဲ့ ဒန်းကောန်းဟို ဟောပြောဟို ကိုယ်တော်ရဲ့ လိုတော်တိုင်း သားတော်ဟို ငါဟို ပြတော်မူဟူ
ခီမာ ငါဟာ သွီးသားတော်စပ်ဟူသူ ဖယ်သူနလည်း တိုင်ဗန်ဇာဟို လောက်ဘဲန **၁၇** ငါထတ်စောဟူ တမန်တော်လေန
တို့ဟို ယေရုရှလင်မြို့ဟိုလည်း သွားဘဲန ရှင်းရှင်းဘဲ အာရေဗျပြည်ဟို သွားဘီး ဒမာသက်မြို့ဟို ပွန်ဟားလိုက်ဟယ်။

၁၈ သောင်းနှစ်ကြာဘီးန ငါဟာ ပေတရုဟို တို့ဟို ဆိုဘီး ယေရုရှလင်မြို့ဟို တတ်ဟားဘီးဟာ သူနတူးဒု ဆယ့်ငါးရစ်
နေဟားဟယ်။ **၁၉** ငါဟာ သခင်ဘုရားရဲ့ညီ ယာကုပ်ဟုလွဲဘီး တခြားတမန်တော်လေဟို တို့ဟူ၊ **၂၀** ငါရေးလိုက်ဇာလေဟာ
တကယ် ဖြစ်ဟယ်။ ငါဟာ လီညာနေဇာမူဟု ဆိုဇာဟို ဘုရားသခင် သိတော်မူဟယ်။ **၂၁** အယ်ဘီးန ငါဟာ ရှုရိပြည်န
ကိလိကီပြည်လေဟို သွားလိုက်ဟယ်။ **၂၂** အယ်ခီဒူးဟု ယုဒပြည်မာရိဟူ သင်းတော်လေရဲ့ သင်းဝမ်သူလေဟာ ငါန
ရရာတိုင်း ရင်းနှီးကျွမ်းဝမ်းမှု မေ့သေးဟူ။ **၂၃** “နို့လေဟို ညှဉ်းဆဲဖူးဟူ အယ်လူဟာ ရင်းရင်းဒူးဟု ဖျစ်ဆီးဟို ကြိုးစားဟားဟူ
ယောင်ကြည်မှု တရားဟို ခု ဟောပြောနေဟယ်” ဆိုဘီး သူးနို့ဟာ တခြားလူလေ ပြောနေဇာဟိုဘဲ ကြားဟားဂေဟယ်။ **၂၄**
အယ်ကြောန့် သူးနို့ဟာ ငါ့ကြောန့် ဘုရားသခင်ဟို ချီးမွမ်းဂေဟယ်။

2 ဆယ့်လေးနှစ်ကြာဘီးန ငါဟာ တိတုဟို ခေါ်ဘီး ဗာနဗနတူးဒု ယေရုရှလင်မြို့ဟို ပွန်တတ်ဟားလိုက်ဟယ်။

2 ဖြားဖြစ်ကြောနဲ့နဲ့ဆိုဟာ ဘုရားသခင်ဟ ငါသွားရမယ် ဆိုဘီး ငါ့ဟို ဖွမ့်ပြကြောနဲ့ သွားလိုက်ဇာဖြစ်ဟယ်။ ခေါန်းဆောန်လေန သီးသန့်တို့ဆောန်ဘီး လူမျိုးခြားလေဟို ငါဟောပြောဟူ ဒန်းကောန်းဟို ရှင်းလန်းပြဟယ်။ ဖြားဖြစ်ကြောနဲ့နဲ့ဆိုဟာ လောက်ဆောန်ဟားဘီးဟူဇာလေန ခုလောက်ဆောန်နေဇာလေဟို ချည်းနှီးဖြစ်ရှင်ဘဲကြောနဲ့ ဖြစ်ဟယ်။

3 ငါနတူးဒု ပါလာဟူ တိတုဟာ ဂရိလူမျိုးဖြစ်ဘေမဲ့ ငါဟာ ရေဖျားလီးဇာဟို အတင်းခံစေဟ။ **4** ယေရုရှလင်တော်ရှိက နို့လေရရှိဟူ လွတ်လပ်မှုဟို စောင်ဇမ်းဟို နို့လေအောက်စုထဲ တိတုဟားဝမ်လာဟူ ယောင်ကြည်သူ တုယောန် တချို့ဟာ အယ်မျိုး ရေဖျားလီးဇာဟို လိုရှင်ဂေဟယ်။ သူးနို့ဟာ နို့လေဟို ကျွန်ုပ်နို့ဖြစ်စေရှင်ဘေမဲ့။

5 မှန်ဟူ ဧဝဂေလိတရားဟာ နန်းနို့ထဲမာ တည်ရှိနေကြောနဲ့ နို့လေဟာ သူးနို့ဟို ရှစ်ဟားမျှ လျှောပေးဟ။ **6** ခေါန်းဆောန်လေ ဆိုဘီး ထန်မှတ်ရဟူ လူလေဟာ ငါ့ရဲ့ဟောပြောဇာလေဟို ထပ်ဘီး ဖြားဇာလည်း ဆွေးနွေးဂေဟမ်း။ သူးနို့ဟာ တကယ်ဘဲ ခေါန်းဆောန်လေ ဖြစ်ဟယ်။ ဖြစ်ဟု ဆိုဇာ ငါတွပ်ရေးကီးဟ။ ဖြားဖြစ်ကြောနဲ့နဲ့ဆိုဟာ ဘုရားသခင်ဟာ ပြင်ပ လတ်ခဏာလေဟို ကေဘီး စီရင်တော်မူဘဲကြောနဲ့ ဖြစ်ဟယ်။

7 သူးနို့ဟာ ဆွေးနွေးဟို့စား ဘုရားသခင်ဟာ ပေတရုဟို ရေဖျားလီးဟားဟူ လူလေထံဟို ဒန်းကောန်းဟောပြောဟို တာဝန်ပေးဟားဟယ် ဆိုဘီး ယောင်ကြည်ဂေမျိုးဘဲ ငါ့ဟိုလည်း ရေဖျားလီးဘဲဟူ လူလေထံဟို ဒန်းကောန်းဟောပြောဟို တာဝန်ပေးဟားဟယ် ဆိုဘီး ဗြင်ဟားဂေဟယ်။

8 ဖြားဖြစ်ကြောနဲ့နဲ့ဆိုဟာ ဘုရားသခင်ရဲ့ တဂိုးတော်အားဖြင့် ပေတရုဟာ ရေဖျားလီးဟားဟူ လူလေတွပ် တမန်တော်ရာရှိက မူတော်ဆောန်ဘီး ငါဟာ လူမျိုးခြားလေတွပ် တမန်တော်ဖြစ် မူတော်ဆောန်ဟို့ဖြစ်ဟယ်။

9 မဏ္ဍိုင်မျိုးဖြစ်ဟူ ယာကုပ်၊ ပေတရု၊ ယောဟန်လေဟာ ငါရဟားဟူ ကျေးဇူးတော်ဟို သိဂေဟူကြောနဲ့ မိတ်သဟာယဖွဲ့ဘီး နို့လေဂူလောင်းဟာ လောက်ဖော်ဆောန်ဖတ်လေ ဖြစ်ဟယ် ဆိုဇာဟို လတ်ခဏာတခုဖြစ် သူးနို့ဟာ ဗာနဗန ငါ့ဟို လတ်ဆွဲနှုဆစ်ဂေဟယ်။ ဗာနဗန ငါဟာ လူမျိုးခြားလေထဲမာ မူတော်ဆောန်ဘီး သူးနို့ဟာ ရေဖျားလီးဟူ လူလေထဲမာ မူတော်ဆောန်ဟို့ ဘောတုဂေဟယ်။

10 နို့လေဟာ ဆင်းရဲသားလေဟို ကူညီမဇီဟို့တွပ် သူးနို့လိုရှင်ဘီး အယ်မျိုး လောက်ဆောန်ဟို့တွပ် ငါလည်း စိအားထတ်သန်မှု ရှိဟယ်။

11 အန္တီအုတ်မြို့ဟို ပေတရုရော- က်လာခီမာ သူရဲအပြုမူလေဟာ မှားနေဇာထန်ရှားကြောနဲ့ ငါဟာ သူ့ဟို လူလေရှေမာ ပြစ်တန်ဟယ်။

12 ယာကုပ်စေလွှတ်လိုက်ဟူ လူအချို့ရော- က်လာခန်မာ ပေတရုဟာ လူမျိုးခြားလေနတူးဒု စားနေဂေဟယ်။ အယ်ဘေမဲ့ ယာကုပ်စေလွှတ်လိုက်ဟူ လူလေရော- က်လာဘီးန သူဟာ လူမျိုးခြားလေနတူးဒု စားဘဲန ခပ်ခွာခွာဟား နေဟယ်။ ဖြားဖြစ်ကြောနဲ့နဲ့ဆိုဟာ သူဟာ ရေဖျားလီးဟားဟူ လူလေဟို ကြော- က်ဟူကြောနဲ့ ဖြစ်ဟယ်။

13 တခြားယုဒလူမျိုး ယောင်ကြည်သူလေလည်း ပေတရုမျိုးဘဲ ဟန်ဆောန်ဟူ ပြုမူလေဟို စဘီး လောက်ဆောန်လာဟူ ခီမာ သူးနို့ရဲ့ သူရဲဘောကြောနဲ့ဟူ ပြုမူလေအားဖြင့် ဗာနဗလည်း သူးနို့ဖတ်ဟို ပါဟားဟယ်။

14 သူးနို့ဟာ မှန်ဟူ ဧဝဂေလိတရားန တည့်တည့်မတ်မတ် သွားဂေဟု ဆိုဇာဟို ငါမြင်ဟားဟူ ခီမာ ငါဟာ ပေတရုဟို လူလေရဲ့ ရှေ့မာ ပြောလိုက်ဇာဟု “နန်ဟာ ယုဒလူမျိုးတယော- က်ဖြစ်ဘီး ယုဒလူလေမျိုး သတ်ရှင်ဘဲန လူမျိုးခြားတယော- က်လို သတ်ရှင်ဟယ်။ အယ်ဘီးဟာ လူမျိုးခြားလေဟို ယုဒလူမျိုးလို နေထိုင်ဟို့ ဖြားဖြစ်ဟို ကြိုစားနေနဲ့”

15 နို့လေဟာ မွီးဂဒဲဟာ ယုဒလူမျိုးလေဖြစ်ဘီး “လူမျိုးခြား ပြစ်သားလေ” မူဟ။

16 အယ်ဘေမဲ့ လူဟာ ပညတ်တရားဟို လိုက်ရှော- က်ဟူဇာအားဖြင့် ဖြောန်မတ်ဟားဇာမူဟ။ ယေရုရှလင်ဟို ယောင်ကြည်ရှင်းအားဖြင့်ဘဲ ဖြောန်မတ်ဟားဟယ် ဆိုဇာဟို နို့လေသိဂေဟယ်။ အယ်ကြောနဲ့ နို့လေလည်း ပညတ်တရားဟို လိုက်ရှော- က်ဟူဇာအားဖြင့်မူဘဲ ခရစ်တော်ဟို ယောင်ကြည်ရှင်းအားဖြင့်ဘဲ ဖြောန်မတ်ဟို့တွပ် ခရစ်တော်ယေရှုဟို ယောင်ကြည်ဂေဟယ်။ ဖြားဖြစ်ကြောနဲ့နဲ့ဆိုဟာ ပညတ်တရားဟို လိုက်ရှော- က်ရှင်းအားဖြင့် ဖယ်သူလည်း ဖြောန်မတ်မူဟို ရနိုင်ဘဲကြောနဲ့ဖြစ်ဟယ်။

17 အယ်ဆိုဟာ နို့လေဟာ ခရစ်တော်ရှိက ဖြောန်မတ်ဟို့တွပ် ကြိုးစားနေခီမာ နို့လေလည်း လူမျိုးခြားလေလို ပြစ်သားလေဖြစ်ကြောန်း တွဲရှိဟားမယ် ဆိုဟာ ခရစ်တော်ဟာ နို့လေဟို ပြစ်လောက်ဟို့

စေခံဟုယ် ဆိုဘီး ဆိုနိုင်လော။ လောင်းဝ ဆိုနိုင်ဟု။ 18 ငါဖျစ်ဆီးဟူးဟူဇာဟို ပွန်တည်ဆော့-က်မယ် ဆိုဟုာ ငါဟုာ ပညတ်တရားဟို ချိုးဖော့-က်မားဖြစ်ဟုယ် ဆိုဇာဟို ဖော်ပြနေဇာဖြစ်ဟုယ်။ 19 ဖြားဖြစ်ကြောန့်နူးဆိုဟုာ ငါဟုာ ဘုရားသခင်ခိုက် သတ်ရှင်နိုင်ဟိုတွပ် ပညတ်တရားအားဖြင့် ပညတ်တရားခိုက် သေဟူးပီးဘီ။ ငါဟုာ ခရစ်တော်နတူးဒု လတ်ဝါးကပ်တိုင်မာ သေခံဘီ။ 20 အယ်ဘောမဲ့ သတ်ရှင်သေးဟုယ်။ အယ်မျိုးဆိုဟုာ ငါဟုာ ကိုယ်တိုင်ရှင်ဇာဟူ ခရစ်တော်ဟုာ ငါခိုက်ရှင်ဟူ ဇာဖြစ်ဟုယ်။ ကိုယ်ခန္ဓာခိုက် ခု ငါရှင်နေဟူ သတ်ဟုာ ဘုရားသခင်ရဲ့ သားတော်ဟို ယောင်ကြည်ဇာအားဖြင့် ရှင်နေဟူ သတ်ဖြစ်ဟုယ်။ သားတော်ဟုာ ငါဟို ရှစ်ဟူကြောန့် ငါတွပ် သတ်ဟို စွန့်ပေးတော်မူဟုယ်။ 21 ဘုရားသခင်ရဲ့ ကျေးဇူးတော်ဟို ငါပယ်ဟု။ ဖြားဖြစ်ကြောန့်နူးဆိုဟုာ ပညတ်တရားအားဖြင့် ဖြောန့်မတ်နိုင်မယ် ဆိုဟုာ ခရစ်တော်ဟုာ ချည်းနှီး သေခံတော်မူဘီ။

3 မိုက်မဲဟူ ဂလာတိ သင်းသားလေ၊ နန်းခိုဟို ဖယ်လူဟု ပြုစားဟူးနူး။ လတ်ဝါးကပ်တိုင် ထတ်မာ ယေရှုခရစ်တော် သေခံတော်မူဇာဟို နန်းခိုမျစ်စိရှေမာ ရှင်းရှင်းလန်းလန်း ဖော်ပြဟူးပီးဘီ။ 2 ပညတ်တရားဟို လိုက်ရှော့-က်ဇာအားဖြင့် အယ်မျိုးမူဘဲနေဟုာ ဧဝဂေလိတရားဟို ကြားဘီး ယောင်ကြည်ဇာအားဖြင့် ဘုရားသခင်ရဲ့ ဝိညာဉ်တော်ဟို လတ်ခံရရှိဇာလော။ အယ်မူဇာ တခုဟိုဘဲ ငါသိရှင်ဟုယ်။ 3 အယ်မျှလော့-က် မိုက်မဲဂေလော့! နန်းခိုဟုာ ဘုရားသခင်ရဲ့ ဝိညာဉ်တော်အားဖြင့် စပြုဘီးနု ခု ဇာတိနု ဆောင်းသတ်ဟိုလော။ 4 နန်းခိုလောင်းရဲ့ တွိုကြောင်ခံစားရဇာဟုာ ချည်းနှီး ဖြစ်ဟူးဘီလော။ မှန်ဆိုဟုာ ချည်းနှီး ဖြစ်နိုင်ဟု! 5 ဘုရားသခင်ဟုာ နန်းခိုဟို ဝိညာဉ်တော်ဟို ပေးဘီး နန်းခိုထဲမာ ခိုမိတ်လတ်ခဏာလေ လောက်နေဇာဟုာ ပညတ်တရားအားဖြင့် လောက်ဇာလော။ အယ်မျိုးမူဘဲနေဟုာ ဧဝဂေလိတရားဟို ကြားဘီး ယောင်ကြည်ရှင်းအားဖြင့် လောက်ဇာလော။ 6 အာဗြဟံရဲ့ တွိုကြောင်ခံစားမှုဟို ကျမ်းစာမာ ပြောဟူးဇာဟု “အာဗြဟံဟုာ ဘုရားသခင်ဟို ယောင်ကြည်ဟူကြောန့် သူရဲ့ ယောင်ကြည်ဇာအားဖြင့် ဘုရားသခင်ဟုာ သူဟို ဖြောန့်မတ်ဟူမျိုး လတ်ခံတော်မူဟုယ်။” 7 အယ်ကြောန့် ယောင်ကြည်ရှင်းရှိဟူ လူလေဟုာ အာဗြဟံရဲ့ ညွှန်းမျစ်စစ်ဖြစ်ဟုယ် ဆိုဇာဟို နားလည်ဂေပါ။ 8 ဘုရားသခင်ဟုာ ယောင်ကြည်ရှင်းအားဖြင့် လူမျိုးခြားလေဟို ဖြောန့်မတ်စေလေမယ် ဆိုဘီး ကျမ်းစာမာ ကြိုတန်ဘီး ပြောဟူးဟုယ်။ အယ်ကြောန့် ကျမ်းစာမာ အာဗြဟံဟို ဟောဟူးဟူ ဒန်းကောင်းဟု “လူမျိုးလောင်းဟုာ နန်းအားဖြင့် ကောင်းဂျီးမင်္ဂလာဟို ခံစားရလေမယ်။” 9 အယ်ကြောန့် ယောင်ကြည်ရှင်းရှိဟူသူလေဟုာ ယောင်ကြည်ဟူ အာဗြဟံနတူးဒု ကောင်းဂျီးဟို ခံစားရဟုယ်။ 10 ပညတ်တရားဟို လိုက်ရှော့-က်ဟူ လူလေဟုာ ကီဇာနု သတ်ဆိုင်ဂေဟုယ်။ ဖြားဖြစ်ကြောန့်နူးဆိုဟုာ ကျမ်းစာဟု “ပညတ်တရားမာ ပါဇာလေလောင်းဟို လိုက်ရှော့-က်နိုင်ဘဲဟူ လူတိုင်းဟုာ ဘုရားသခင်ရဲ့ ကီဇာဟို ခံရမယ်” ဆိုဘီး ပြောဟူးဟုယ်။ 11 ပညတ်တရားအားဖြင့် ဖယ်သူလည်း ဘုရားသခင်ရှေမာ ဖြောန့်မတ်ဟု ဆိုဇာ ထန်ရှားဟုယ်။ ဖြားဖြစ်ကြောန့်နူးဆိုဟုာ ကျမ်းစာမာ “ဖြောန့်မတ်ဟူသူဟုာ ယောင်ကြည်ရှင်းအားဖြင့် သတ်ရှင်လေမယ်” ဆိုဘီး ပြောဟူးဟုယ်။ 12 ပညတ်တရားဟုာ ယောင်ကြည်ရှင်းထတ်မာ ခြေခံဟူးဇာမူဟု။ အယ်ဘောမဲ့ ကျမ်းစာဟုလည်း “ပညတ်တရားဟို လိုက်ရှော့-က်ဟူလူဟုာ အယ်ပညတ်တရားအားဖြင့်ဘဲ သတ်ရှင်လေမယ်” ဆိုဘီး အယ်မျိုးဘဲပြောဟူးဟုယ်။ 13 “သစ်တိုင်မာ ခိဆွဲခံရဟူသူဟုာ ဘုရားသခင်ရဲ့ ကီဇာဟို ခံရဟူသူဖြစ်ဟုယ်” ဆိုဘီး ကျမ်းစာမာ ပြောဟူးမျိုးဘဲ ခရစ်တော်ဟုာ နို့လေတွပ် ကီဇာဟို ခံဘီးနု နို့လေဟို ပညတ်တရားရဲ့ ကီဇာဟုနု ဝီးနှုတော်မူဟုယ်။ 14 အယ်မျိုးလောက်ဇာဟုာ လူမျိုးခြားလေဟုာ ခရစ်တော်ယေရှုခိုက် အမှီပြုဘီး အာဗြဟံခံစားရဟူ ကောင်းဂျီးဟို ခံစားရဘီး နို့လေဟို ဘုရားသခင် ဂဒိပေးဟူးဟူ ဝိညာဉ်တော်ဟို ယောင်ကြည်ဇာအားဖြင့် လတ်ခံရရှိဟိုဖြစ်ဟုယ်။ 15 ယောင်ကြည်သူလေ၊ နေ့တိုင်း တွိုကြောန့်နေဇာလေထဲဟုနု ဥပမာတခုဟို ပြောရမယ် ဆိုဟုာ လူနေယော့-က်ဟုာ ကြောန့်ရာတခုဟို ပဋိညာဉ်ပြုဘီး လတ်မှတ်ရေးထိုးလိုက်ဘီးခီမာ ဖယ်လူလည်း ပယ်ဖျစ်ဟိုလည်းမရ၊ ထပ်ဖွဲ့ဟိုလည်းရဟု။

16 ဘုရားသခင်ရဲ့ ဂဒိတော်လေဟာ အာဗြဟံန သူ့ရဲ့ မွေးမြူစဉ်တွင် ဖြစ်ဟုယ်။ ကျမ်းစာမှာ “မွေးမြူစဉ်” ဆိုဘီး များကိန်းဟို့ သောင်းပြုဘဲန “နန့်ရဲ့မွေးမြူစဉ်” ဆိုဘီး အနဲကိန်းဟို့ သောင်းပြုဟားကြောန့် လူတယော့-က်ဟို့ဘဲ ဆိုလိုစာဖြစ်ဘီး အယ်လူဟာ ခရစ်တော်ဖြစ်ဟုယ်။ 17 ငါဆိုလိုဇာဟု ဘုရားသခင်ဟာ အာဗြဟံန ပဋိညာဉ်ပြုဘီး ပဋိညာဉ်ဟို့ စောန့်ထီးဟို့ ဂဒိပေးဟားတော်မူဟုယ်။ နှစ်ပေါင်း လေးရာသောင်းဆယ် ကြာဘီးမှ ပေးတော်မူဟူ ပညတ်တရားဟာ အယ်ပဋိညာဉ်ဟို့ ပယ်နိုင်ဟု။ ဘုရားသခင်ရဲ့ ဂဒိတော်ဟို့ ပယ်နိုင်ဟု။ 18 ဖြစ်ကြောန့်နူးဆိုဟာ ဘုရားသခင်ရဲ့ မွှီတော်ဟာ ပညတ်တရားထတ်မာ တည်နေမယ် ဆိုဟာ အယ်မွှီတော်ဟာ ဂဒိတော်ထတ်မာ တည်ဟု။ အယ်ဘောမဲ့ ဘုရားသခင်ဟာ ဂဒိတော်အားဖြင့် အာဗြဟံဟို့ အယ်မွှီတော်ဟို့ ပေးတော်မူဟုယ်။ 19 အယ်ဆိုဟာ ပညတ်တရားရဲ့ ရည်ရွယ်ချစ်ဟု ဖြားဇာနူး။ ဂဒိတော်ခံရဟူ အာဗြဟံမွေးမြူစဉ် ရော့-က်လာခန်ဒီထီ ဒုစရိုက်လေဟို့ ပြဟို့တွင် အယ်တရားဟို့ ထပ်ပေးတော်မူဟုယ်။ အယ်ပညတ်တရားဟို့ ကောန်းဂန်တမန်လေအားဖြင့် ကြားဝမ်စေစပ်မား တယော့-က်မှတဆင့် ပေးတော်မူဟုယ်။ 20 အယ်ဘောမဲ့ တယော့-က်ဒဲဘဲ ပါဝမ်လောက်ဆောန့်ဒီမာ ကြားဝမ်စေစပ်မားဟို့ လိုအပ်ဟုမ်း။ အယ်ဘီးဟာ ဘုရားသခင်ဟာ တပါးဒဲ ဖြစ်တော်မူဟုယ်။ 21 အယ်မျိုးဆိုဟာ ပညတ်တရားဟု ဘုရားသခင်ရဲ့ ဂဒိတော်ဟို့ ဆန့်ကျင်နေဇာလော။ လောင်းဝမှုဟု! သတ်ရှင်စေနိုင်ဟူ ပညတ်တရားဟို့ လူသားလေ လတ်ခံရရှိမယ် ဆိုဟာ အယ်ပညတ်တရားဟို့ လိုက်ရှော့-က်ဇာအားဖြင့် ဖြောန့်မတ်မှုဟို့ ရလေမယ်။ 22 အယ်ဘောမဲ့ ယေရှုခရစ်တော်ဟို့ ယောင်ကြည်ရှင်းန စပ်ဆိုင်ဟူ ဂဒိတော်ဟို့ ယောင်ကြည်ဟူ သူလေဟို့ ပေးအပ်ဟို့တွင် ကျမ်းစာဟု လူလေ ဂူလောင်းဟို့ ပြစ်တရားအော့-က်မာ ချောက်ဟားလေဟုယ်။ 23 အယ်ယောင်ကြည်မှုတရား လာခန်ထီ ပညတ်တရားဟာ နို့လေဂူလောင်းဟို့ ပညတ်တရားရဲ့ ကျဉ်းသားလို ချောက်နောန်ဟားဇာဟို့ ခံရဟုယ်။ 24 အယ်ကြောန့် နို့လေဟာ ယောင်ကြည်မှုအားဖြင့် ဖြောန့်မတ်ဟို့တွင် ပညတ်တရားဟာ ခရစ်တော် ကြွလာဒီထီအောန် နို့လေရဲ့ အောက်ထီးမားဖြစ်ဟုယ်။ 25 ခု အယ်ယောင်ကြည်မှု တရားဟာ ရော့-က်လာဘီ နို့လေဟာ အောက်ထီးမားရဲ့ လတ်အော့-က်ဟု လွတ်ဟားဂေဟုယ်။ 26 အယ်ကြောန့် နန်းနို့လောင်းဟာ ခရစ်တော်ယေရှုခရစ် ကို ယောင်ကြည်မှုအားဖြင့် ဘုရားသခင်ရဲ့ သားမီးလေဖြစ်ဂေဟုယ်။ 27 ခရစ်တော်ခိုက် ဗတ္တိဇံခံဟူ လူလေဂူလောင်းဟာ ခရစ်တော်ဟို့ ဝတ်ဆင်ဟားဟူ လူလေဖြစ်ဟုယ်။ 28 အယ်ကြောန့် ယုဒလူမျိုးလေ၊ လူမျိုးခြားလေ၊ ကျွန်လေ၊ လွတ်လပ်ဟူလူလေ၊ ယော့-က်ကျားလေ မီးမလေ ဆိုဘီး ခွဲခြားဟားဇာလေမော့ဘဲ နန်းနို့လောင်းဟာ ခရစ်တော်ယေရှုခရစ် တလောင်းတဝဲဒဲ ဖြစ်ဂေဟုယ်။ 29 နန်းနို့ဟာ ခရစ်တော်ဟို့ ပိုင်ဆိုင်ဟုယ် ဆိုဟာ အာဗြဟံရဲ့ မွေးမြူစဉ်လေဖြစ်ဘီး ဘုရားသခင်ရဲ့ ဂဒိတော်ဟို့ လတ်ခံရရှိလေမယ်။

4 ဆစ်ဘီးဖော်ပြရမယ် ဆိုဟာ ဖရဲ့ အောက်စာလေ ဂူလောင်းဟို့ မွှီရဟူသားဟာ ပိုင်ဆိုင်သူတယော့-က် ဖြစ်ဘောမဲ့လည်း ရွယ်ရော့-က်ခန်ဒီထီ ကျွန်တယော့-က်မျိုး နေရဟုယ်။ 2 သူဟာ ငယ်ဟူ ဒီမာ သူ့ရဲ့ သတ်မှတ်ဟားဟူ ဒီရော့-က်ခန်ဒီထီ အောက်ထီးမားလေန ဘဏ္ဍာထီးလေရဲ့ လတ်အော့-က်မာနေရဟုယ်။ 3 အယ်မျိုးဘဲ နို့လေလည်း ဝိညာဉ်ရေးရာ ရင်ကျတ်သေးဘဲဟူ ဒီမာ လောကရဲ့ ခြေခံတရားအော့-က်မာ ကျွန်ဖြစ်ဂေဟုယ်။ 4 အယ်ဘောမဲ့ ဒီပွဲဇောင်ဟားဒီမာ ဘုရားသခင်ဟာ သူ့ရဲ့ သားတော်ဟို့ စေလွှတ်တော်မူဟုယ်။ ကိုယ်တော်ဟာ ယုဒလူလေရဲ့ ပညတ်တရားအော့-က်မာ လူမီးမဟုနေ မွီးဖွားဇာဟို့ ခံဟို့တွင် ကြွလာတော်မူဘီး။ 5 ပညတ်တရား လတ်အော့-က်မာရှိဟူ လူလေ ဂူလောင်းဟို့ ဝီးနှုတော်မူလိုက်ဟူကြောန့်၊ နို့လေဟာ ဘုရားသခင်ရဲ့ သားလေ ဖြစ်ခွမ်ရဂေဟုယ်။ 6 နန်းနို့ဟာ ဘုရားသခင်ရဲ့ သားဖြစ်ဟုယ် ဆိုဇာဟို့ ပြဟို့တွင် ဘုရားသခင်ဟာ “အဗ္ဗ၊ ဖ” ဆိုဘီး ခေါ် ဟူသားတော်ရဲ့ ဝိညာဉ်တော်ဟို့ နို့လေရဲ့ စိနုလောင်းထဲဟို့ စေလွှတ်တော်မူဟုယ်။ 7 အယ်ကြောန့် နန်းနို့ဟာ ကျွန်မှုဟုမ်း။ သားဖြစ်ဟားဘီး။ အယ်ဘီးဟာ နန်းနို့ဟာ သားဖြစ်ဟားကြောန့်၊ ဘုရားသခင်ဟာ သူ့ရဲ့ သားလေတွင် မွှီဂူလောင်းဟို့ ပေးတော်မူဟုယ်။ 8 နန်းနို့ဟာ ဘုရားသခင်ဟို့ သိသေးဘဲဟူဒီနူးဟု နန်းနို့ဟာ မှန်ဘဲဟူ ဘုရားလေရဲ့ ကျွန်လေဖြစ်ဟားဟုယ်။ 9 ခု နန်းနို့ဟာ

ဘုရားသခင်ဟို သိဟူးဘီ။ မှန်ဆိုဟာ နန်းနို့ဟို ဘုရားသခင်ဟု သိဟူးဇာဖြစ်ဟယ် ဆိုဘီး ငါပြောရမယ်။ အယ်ဆိုဟာ နန်းနို့ဟာ အားနဲဘီး သနားဇာကောင်းဟူ လောကီတရားရဲ့ ဝိညာဉ်လေနားဟို ဖယ်မျိုး ပွန်လှည့်ဟူးဂေ့နူး။ ဖြားဖြစ်ကြောန့် သူးနီရဲကျွန်လေ ပွန်ဖြစ်ရှင်ဂေ့နူး။ 10 နန်းနို့ဟာ နေဂီးရစ်ဂီးလေ၊ လလေ၊ နှစ်လေ၊ ရာသီလေဟိုဘွဲ့ ရရာတိုင်း ရေးပေးနေဂေ့ဟယ်။ 11 နန်းနို့တွပ် ငါလောက်ဆောန်ဟူးဇာလေဟာ ချည်းနှီးဖြစ်ဟူးဘီလော၊ ဆိုဘီး ငါဟာ နန်းနို့တွပ် စိုးရိမ်မိဟယ်။ 12 ယောင်ကြည်သူလေ နန်းနို့ဟာ ငါမျိုးဖြစ်ဂေ့ဟို ငါတောင်းဗန်ဟယ်။ ငါဟာ နန်းနို့မျိုးဘွဲ့ဖြစ်ဟယ်။ နန်းနို့ဟာ ငါဟို ဖယ်မျိုး တရားဘဲဟူ ဇာလည်း လောက်ဂေ့ဟ။ 13 နန်းနို့ဟို ပထမခါ ဒန်းကောင်း ဟောပြောဒူးဟု ငါရဲ့ ခန္ဓာဟာ နာမကျန်းဖြစ်နေဟယ် ဆိုဇာဟို နန်းနို့သိဂေ့ဟယ်။ 14 ငါရဲ့ ခန္ဓာဟာ ကျမ်းမာရေး ခြေနေကြောန့် နန်းနို့လေတွပ် နှော့-က်ဟုတ် ဖြစ်နေဟူလည်းဘွဲ့ နန်းနို့ဟာ ငါဟို ထန်သေးဂေ့ဟ။ ပစ်ပယ်ဂေ့ဟ။ နန်းနို့ဟာ ဘုရားသခင်ရဲ့ ကောင်းဂန်တမန်မျိုး၊ ခရစ်တော်ယေရှုမျိုး ငါဟို လတ်ခံဂေ့ဟယ်။ 15 အယ်ခီဒူးဟု နန်းနို့ဟာ မင်္ဂလာရှိဘီး ပျော်ဂေ့ဟယ်။ ခု ဖြားမျိုးဖြစ်ဟူးဂေ့နူး။ အယ်ခီဒူးဟု နန်းနို့ဟာ ဖြစ်နိုင်မယ် ဆိုဟာ၊ နန်းနို့ရဲ့ မျစ်စိလေထုဘီးဟာ ငါဟို ပေးဟိုရမယ် ဆိုဟာ ပေးရှင်ဂေ့ဟယ် ဆိုဘီး ငါကိုယ်တိုင် သတ်သေခံဟယ်။ 16 ခု ငါဟာ နန်းနို့ဟို သမ္မာတရားပြောဟူကြောန့် နန်းနို့ရဲ့ ရန်သူဖြစ်ဟူးဘီလော။ 17 ငါဟို ဆန့်ကျင်ဟူ လူလေဟာ နန်းနို့ဟို ရရာတိုင်း စိဝမ်စားနေဟယ်။ အယ်ဘောမဲ့ ကောင်းဟူစိဝမ်စားဇာမူဟ။ နန်းနို့ရဲ့ စိဝမ်စားဇာဟို ရယူဘီး နန်းနို့ဟို ငါနု ဆစ်ဖြတ်စေရှင်ကြောန့် ဖြစ်ဟယ်။ 18 ကောင်းဟူ ရည်ရွယ်ချစ်ရှိမယ် ဆိုဟာ အယ်မျိုး စိဝမ်စားဇာဟာ ကောင်းဟယ်။ အယ်ဘောမဲ့ ငါဟာ နန်းနို့တူးဒူရီနေဟူ ခီမာဘွဲ့ စိဝမ်စားဇာမူဘွဲ့ မြဲဒမ်း စိဝမ်စားဇာ ဖြစ်ရမယ်။ 19 ငါရဲ့ ချစ်သားမီးလေ၊ ခရစ်တော်ရဲ့ စိနေသဘောထားမျိုး နန်းနို့မရမရှင်း ငါဟာ မွီးခါနီး နာကျင်မှု ခံစားနေရဟူ မိခင်မျိုးဘွဲ့ နှော့-က်တခါ နာကျင်မှုဟို ခံစားနေရဟယ်။ 20 နန်းနို့ဟို နူးညံ့ဟူ စကားပြောဟို ငါဟာ ခုဘွဲ့ နန်းနို့တူးဒူ ရှိရှင်ဟယ်။ ငါဟာ နန်းနို့တွပ် ရရာတိုင်း စိုးရိမ်နေဟယ်။ 21 ပညတ်တရားအော့-က်မာ နေရှင်ဟူလူလေဟို မေးရအူးမယ်။ နန်းနို့ဟာ ပညတ်တော်ဟု ပြောဟူးဇာလေဟို ကြားဂေ့ဟလော။ 22 ကျမ်းစာမာပြောဟူးဇာဟု အာဗြဟံမာ သားနေယော့-က်ရှိဘီး တယော့-က်ဟု ကျွန်မီးမနရဟူသား၊ တခြားတယော့-က်ဟု ကျွန်မူဘဲဟူ မီးမနရဟူသားဖြစ်ဟယ်။ 23 ကျွန်မီးမနရဟူသားဟာ ဇာတိအားဖြင့် မွီးလာဘီး ကျွန်မူဘဲဟူ မီးမ နရဟူသားဟု ဘုရားသခင်ရဲ့ ဂဒိတော်အားဖြင့် မွီးလာဟူသားဖြစ်ဟယ်။ 24 အယ်မူဇာလေဟို ဥပမာန နားလည်အောန် ပြောပြဟူးဇာဟု အယ်မီးမနေယော့-က်ဟာ ပဋိညာဉ်တရား နေ့မျိုးဖြစ်ဟယ်။ ဟာဂရဖြစ်ဟူ မီးမတယော့-က်ဟု မွီးလာဟူသားမီးလေဟာ ကျွန်ဖြစ်ဂေ့ဟယ်။ ဟာဂရဟာ သိနတောန်မာ ပြဟူပဋိညာဉ်တရားဟို ကိုယ်စားပြဟယ်။ 25 ဟာဂရဟာ အာရေဗျပြည်မာရှိဟူ သိနတောန်ဟို ကိုယ်စားပြဘီး ခုကျွန်ခံနေရဟူ ယေရုရှလင်မြို့နု မြို့သူမြို့သားလေဟို ကိုယ်စားပြဟယ်။ 26 အယ်ဘောမဲ့ ကောင်းဂန်ဘောင်ဟု ယေရုရှလင်မြို့ဟာ လွတ်လပ်ဘီး၊ အယ်မီးမာ နို့လေရဲ့ မိခင်ဖြစ် ဟယ်။ 27 ဖြားဖြစ်ကြောန့်နို့ဆိုဟာ ကျမ်းစာဟု “မြို့နေဟူမီးမ၊ ဝန်းသာဂေ့၊ သားမွီးဟူ နာကျင်မှုဟို လောင်းဝ မခံစားဖူးဘဲဟူမီးမ ဝန်းသာအားရ အော်ဟစ်ဂေ့၊ ဖြားဖြစ်ကြောန့်နို့ဆိုဟာ လန်ထားရစ်ဟူ မီးမဟာ လန်ရှိဟူ မီးမထတ် ပိုဘီး သားမီးလေဟို မွီးလေမယ်” ဆိုဘီး ပြောဟူးဟယ်။ 28 ယောင်ကြည်သူလေ နန်းနို့ဟာ ဣဇာကမျိုးဘွဲ့ ဘုရားသခင်ရဲ့ ဂဒိတော်နဆိုင်ဟူ သားမီးလေဖြစ်ဟယ်။ 29 အယ်ခီဒူးဟု ဇာတိအားဖြင့် မွီးဟူသားဟာ ဝိညာဉ်တော်အားဖြင့် မွီးဟူသားဟို နိုင်ကျင့်ဘီး ခုလည်း အယ်မျိုးဘွဲ့ဖြစ်ဟယ်။ 30 အယ်ဘောမဲ့ ကျမ်းစာဟု ဖြားမျိုးပြောဟူးနူး။ ကျမ်းစာမာ ပြောဟူးဇာဟု “ကျွန်မီးမန သူရဲသားဟို နံထုလိုက်။ ဖြားဖြစ်ကြောန့်နို့ဆိုဟာ ကျွန်မရဲသားဟာ လွတ်လပ်ဟူ မီးမရဲသားနတူးဒူ မွီခံရဟူ” 31 အယ်ကြောန့် ယောင်ကြည်သူလေ နို့လေဟာ ကျွန်မီးမရဲ သားလေမူဟ။ ကျွန်မူဘဲဟုမီးမရဲ သားလေဖြစ်ဟယ်။

5 ခရစ်တော်ဟာ နို့လေဟို ကျွန်ဘဝဟုနေ လွတ်မြော့-က်စေဟူ လွတ်လပ်မှုဟာ နို့လေမာရှိဟယ်၊ အယ်ကြောန့် လွတ်လပ်ဟူသူလေမျိုး မားမားမတ်မတ်ရပ်ဂေ့ဘီး ကျွန်ခံဟူ ထမ်းဘိုးဟို နှော့-က်တခါ ထမ်းဂေ့နု။ 2 နားထောန်ဂေ့ပါ!

ငါပေါလု ပြောမယ် နန်းနို့ဟာ ရေဖျားလှီးဇာဟိုခံမယ် ဆိုဟာ ခရစ်တော်အားဖြင့် ဖြားကျိုးလည်းရဂေမှုဟု။ 3 ရေဖျားလှီးဇာဟို ခံယူလူလေဟာ ပညတ်တရား ဂူလောင်းဟို လိုက်ရှော့-ကံရမယ် ဆိုဇာဟို ခုထပ်ဘီး ဒိပေးဟို့တွပ် ငါ့မာ တာဝန်ရှိဟယ်။ 4 ပညတ်တရားအားဖြင့် ဖြောင့်မတ်ရာဟို ရော့-ကံယူနန်းနို့ဟာ ခရစ်တော်ဟုနေ ကွာဟွားဘီ။ နန်းနို့ဟာ ဘုရားသခင်ရဲ့ ကျေးဇူးတရား လတ်အော့-ကံမာမော့ဘီ။ 5 နို့လေဟာ ဘုရားသခင်ရဲ့ ဝိညာဉ်တော်တဂိုးဟို အမှီပြုဘီး ယောင်ကြည်မှုအားဖြင့် ဖြောင့်မတ်ရာဟို ရော့-ကံလေမယ် ဆိုဇာဟို မျှော်လင့်နေဂေဟယ်။ 6 ဖြားဖြစ်ကြောန့်နို့ဆိုဟာ ခရစ်တော်ယေရှုထံမာ ရေဖျားလှီးဇာလည်း ရေးကီးဟု။ ရေဖျားလှီးဘဲလည်း ရေးကီးဟု။ ရေးကီးဇာဟာ မြစ်တာတရားဟို ဖော်ပြနိုင်ဟူ ယောင်ကြည်မှုဘဲဖြစ်ဟယ်။ 7 နန်းနို့ဟာ ပွေးပြိုင်ပွဲမာ ကောန်းဆောင်းပွေးဂေဟယ်။ သမ္မာတရားဟို ယောင်ကြည်ဘဲနေအောန် နန်းနို့ဟို ဖယ်သူဟု တားဆီးနူး။ အယ်သူဟု နန်းနို့ဟို ဖယ်မျိုးသွီးဆောန်နူး။ 8 အယ်မျိုးသွီးဆောန်ဇာဟာ နန်းနို့ဟို ခေါ်တော်မူဟူ ဘုရားသခင်နားဟုနေ လာဇာမူဟု။ 9 “တဆေးနဲနဲဟာ မုညတ်တဗောင်းလောင်းဟို ဖောန်းပွစေတတ်ဟယ်” ဆိုဘီး ဆိုရိုးစကားရှိဟယ်။ 10 အယ်ဘေမဲ့ နန်းနို့ဟာ တခြားလူလေရဲ့ ကွဲလွဲဟူယူဟို လတ်ခံလေမယ် မူဟု ဆိုဇာဟို ငါဟာ ခုထိ ယောင်ကြည်စိန္တမှု ရှိဟယ်။ ငါနဲ့ နန်းနို့ဟာ သခင်ဘုရားခိုက် ရှိနေကြောန့် နန်းနို့ဟာ ကွဲလွဲဟူအယူဟို လတ်ခံဂေလေမယ် မူဟု ဆိုဇာဟို ငါယောင်ကြည်စိန္တဘီး နန်းနို့ဟို နှော့-ကံယုတ်ဟူ ဖယ်လူဘဲဖြစ် ဘုရားသခင်ရဲ့ ပြစ်ဒန်ပေးဇာဟို ခံရလေမယ်။ 11 ယောင်ကြည်သူလေ ငါဟာ ရေဖျားလှီးရှင်းတရားဟို ဟောပြောနေသေးဟယ် ဆိုဟာ ဖြားဖြစ်ကြောန့် ညှဉ်းဆဲဇာဟို ခံနေရသေးနူး။ တကယ်ကြောန့် အယ်မျိုးဟောပြောဇာ မှန်ဟယ် ဆိုဟာ ခရစ်တော်ရဲ့ လတ်ဝါးကပ်တိုင်ကြောန်းဟို ငါဟောပြောဇာဟာ ထိမိဘီး လဲဇာမေ့ဟု။ 12 နန်းနို့ဟို နှော့-ကံယုတ်ဟူ လူလေဟာ ရေဖျားလှီးဇာဟို ခံယူရောင်မျှမကဘဲ သူးနို့ကိုယ်တိုင် သင်းလိုက်ဇာဟို ငါလိုရှင်ဟယ်။ 13 ယောင်ကြည်သူလေ လွတ်လပ်မှုရစေဟို ဘုရားသခင်ဟာ နန်းနို့ဟို ခေါ်ဟွားဇာဖြစ်ဟယ်။ အယ်ဘေမဲ့ အယ်လွတ်လပ်မှုဟို ကြောန်းပြဘီး လူဇာတိလိုဟို ခွင့်ပေးဂေနု။ နန်းနို့ဟာ ရှင်းရှင်းရှစ်ဘီး စေခံဂေပါ။ 14 ဖြားဖြစ်ကြောန့်နို့ဆိုဟာ “နန့်ရဲ့ အီဇနီးရှင်းဟို နန့်ကိုယ်နန့် ရှစ်မျိုးဘဲ ရှစ်ဂေပါ” ဆိုဘီး ပြောဟွားဟူ ပညတ်ဟာ ပညတ်တရား တခုလောင်းရဲ့ ချောက်ခြာ ဖြစ်ဟယ်။ 15 အယ်ဘေမဲ့ နန်းနို့ဟာ သားရဲလိဆန်လေ ရှင်းရှင်း ကိုက်သတ်ဂေမျိုး နန်းနို့ လောက်ဂေမယ် ဆိုဟာ နန်းနို့ ရှင်းရှင်း ဖျစ်ဆီးရာ ရော့-ကံလေမယ် ဆိုဇာဟို ဒိထားဂေပါ။ 16 ငါပြောမယ်။ ဝိညာဉ်တော် ညွှန်ကြားလိုက်တိုင်းဘဲ လိုက်ရှော့-ကံဂေပါ။ လူဇာတိလိုဟို လိုက်ဂေနု။ 17 ဖြားဖြစ်ကြောန့်နို့ဆိုဟာ လူဇာတိလိုဟာ ဝိညာဉ်တော်လိုနု ဆန့်ကျင်နေဘီး ဝိညာဉ်တော် လိုဟာလည်း လူဇာတိလိုနု ဆန့်ကျင်နေဟူ ကြောန့်ဖြစ်ဟယ်။ လူဇာတိလိုနု ဝိညာဉ်တော်လိုဟာ ရန်သူလေဖြစ်ကြောန့် နန်းနို့ဟာ နန်းနို့လောက်ရှင်မျိုး လောက်နိုင်ဂေဟု။ 18 အယ်ဘေမဲ့ ဝိညာဉ်တော်ဟာ နန်းနို့ဟို ဦးဆောန် လမ်းပြမယ် ဆိုဟာ နန်းနို့ဟာ ပညတ်တရား အော့-ကံမာ ရှိဟို့မူဘီ။ 19 လူဇာတိနု ဆိုင်ဟူ ပြုမူလေဟာ သိသာထန်ရှားဟယ်။ အယ်ပြုမူလေဟု တရားဘဲဟူ မေထုန်ပြုဇာ၊ ညစ်ညူးဇာ၊ ကိလေသာ လွန်ကျူးဇာ၊ 20 ရောက်ထုလေ ကိုးကွယ်ဇာ၊ စုန်းပညာနု ပြုစားဇာဖြစ်ဟယ်။ လူလေဟာ ရန်သူလေ ဖြစ်လာဘီး ရန်ဖြစ်ဇာ၊ နာလိုဇာလေဖြစ်လာဘီး ဒေါသထွပ်ဇာ၊ ဂေါင်ပြိုင်ဇာလေ ဖြစ်လာဟယ်။ သူးနို့ဟာ သင်းကွဲဇာ၊ ဂိုဏ်းကွဲဇာ၊ 21 ငြူစူဇာ၊ ယစ်မောဇာ၊ သော့-ကံစားပျော်ပါးဇာလေ ဖြစ်ဟယ်။ အယ်ပြုမူမျိုး လောက်ဟူ လူလေဟာ ဘုရားသခင်ရဲ့ နိုင်ငံတော်ဟို ဝမ်ရဟို့မူဟု ဆိုဇာဟို ရင်းရင်းဒူးဟု ငါဒိပေးဟွားတိုင်း ခုလည်း ငါဒိပေးဟယ်။ 22 ဝိညာဉ်တော်ရဲ့ ကျိုးကျေးဇူးလေဟု ရှစ်ဟူဇာ၊ ဝန်းသာဇာ၊ ငြိသတ်ဇာ၊ စိရယ်ဇာ၊ သနားဇာ၊ ကောန်းမြတ်ဇာ၊ သစ်စာစောန့်ဇာ၊ 23 နူးညံ့ဇာ၊ ကိုယ့်ကိုယ်ကိုယ် ထီးချောက်ဇာလေ ဖြစ်ဟယ်။ အယ်မူဇာလေဟို ဆန့်ကျင်ဟူတရား မေ့ဟု။ 24 ခရစ်တော်ယေရှုဟို ပိုင်ဆိုင်ဟူ လူလေဟာ လူဇာတိစိန် ဖြစ်ရှင်ဟူ ဆန္ဒလေဟို လတ်ဝါးကပ်တိုင်ထတ်မာ သတ်လိုက်ဂေဘီ။ 25 ဝိညာဉ်တော်ဟာ နို့လေဟို သတ်ရှင်စေဘီး ဝိညာဉ်တော်ရဲ့ လမ်းပြဟူမျိုးဘဲ လိုက်ရှော့-ကံရမယ်။ 26 နို့လေဟာ မာန်မာနလေ၊ မျစ်ထွပ်ဇာလေနု နာလိုဘဲဇာလေဟို ရှောန်ရမယ်။

6 ယောင်ကြည်သူလေ၊ ယော့-က်ယော့-က်ဟု ကောန်းဘဲဟူ မှတခုခု ကျူးလွန်နေစာဟို့ နန်းနို့တို့လိုက်ဟယ် ဆိုဟာ ဝိညာဉ်တော်အားဖြင့် သတ်ရှင်ဟူ နန်းနို့ဟာ နူးညံ့မှုန အယ်လူလေဟို့ ပြုပြင်ပေးရမယ်။ အယ်ဘီးဟာ နန်းနို့ကိုယ်တိုင်လည်း သွီးဆောန်ဇာနော့-က်ဟို့ ပါဘွဲဟို့တွပ် ဒိထားရေပါ။ **2** ရှင်းရှင်းရဲ့ ဝန်ထောက်လေဟို့ ကူညီပေးရေပါ။ အယ်မျိုးလောက်ရှင်းဟာ နန်းနို့ဟာ ခရစ်တော်ရဲ့ ပညတ်တော်ဟို့ ပွဲဇောင်စေလေ့မယ်။ **3** ယော့-က်ယော့-က်ဟု ဖြားလည်းမှုဘဲန ကိုယ့်ကိုယ်ကိုယ် ရေးပါရာရော့-က်ဟယ် ဆိုဘီး ထန်မှတ်မယ် ဆိုဟာ သူဟာ ကိုယ့်ကိုယ်ကိုယ် လှည့်ဇားဟူ လူဖြစ်ဟယ်။ **4** နန်းနို့လေယော့-က်တိုင်းဟာ ကိုယ့်ရဲ့ ပြုမှုလေဟို့ စစ်ဆေးရမယ်။ အယ်မျိုးဆိုဟာ သူများဟို့မှုဘဲ ကိုယ့်ရဲ့ ပြုမှုဟာ ကောန်းဟယ် ဆိုဘီး နန်းနို့ဟာ ဂေါင်ယူဝါကြွားနိုင်လေ့မယ်။ **5** ဖြားဖြစ်ကြောန့်နူးဆိုဟာ နန်းနို့ယော့-က်တိုင်းဟာ နန်းနို့ရဲ့ ဝန်ဟို့ လောက်ဆောန်ရဟို့ ဖြစ်ဟယ်။ **6** နန်းနို့ဟာ တရားတော်ဟို့ သန်ယူဟူ လူလေဖြစ်ဟယ် ဆိုဟာ သန်ပေးဟူ ဆရာဟို့ ကောန်းဟူ ရာရှိမျှဟို့ ဝီမျှရမယ်။ **7** လွဲယူဂေန်။ ဘုရားသခင်ဟာ ထီမဲ့မြင်ပြုစာဟို့ ခံတော်မူဟူ။ ဖြားဖြစ်ကြောန့်နူးဆိုဟာ လူဟာ မျိုးစေ့ကြဟို့တိုင်း သီးနှံဟို့ ရိရလေ့မယ်။ **8** နန်းနို့ဟာ လူဇာတိမွေမာ မျိုးစေ့ကြမယ် ဆိုဟာ ပေါက်ပျစ်ဟူ သီးနှံဟို့ ရိသီးရဘီးဟာ ဝိညာဉ်တော်မွေမာ မျိုးစေ့ကြမယ် ဆိုဟာ ထာဝရသတ်ရှင်ဟူ သီးနှံဟို့ ရိသီးရလေ့မယ်။ (aiōnios g166) **9** အယ်မျိုးလောက်မယ် ဆိုဟာ နို့လေဟာ အားငယ်စိပျစ်ဘဲ ကောန်းဟူ လောက်ဆောန်မှုဟို့ လောက်ဆောန်မယ် ဆိုဟာ နို့လေဟာ သီးနှံရဟို့ခီရော့-က်လာခီမာ သီးနှံဟို့ ရိသီးရလေ့မယ်။ **10** အယ်ဘီဟာ နို့လေဟာ ခွမ်ရေရတိုင်း လူတိုင်းရဲ့ကောန်းကျိုးဟို့ လောက်ဆောန်ဘီး ထူးအားဖြင့် ယောင်ကြည်သူဖြစ်ဟူ မိသားစုဝမ်လေရဲ့ ကောန်းကျိုးဟို့ လောက်ဆောန်ရမယ်။ **11** ခု ဖယ်မျှကီးဟူ စာလောင်းလေန နန်းနို့နားဟို့ ငါ့လတ်န ရေးလိုက်ဇာဟို့ နန်းနို့ကေ့ရေ။ **12** နန်းနို့ဟို့ ရေဖျားလှီးဇာခံဟို့ တင်းတိုက်တွန်းဟူ လူလေဟာ ပြင်ပလတ်ခဏာလေဟို့ ဝါကြွားရှင်ကြောန့် ဖြစ်ဟယ်။ သူးနို့လေ အယ်မျိုးလောက်ဇာဟာ ခရစ်တော်ရဲ့ လတ်ဝါးကပ်တိုင် တရားတော်ကြောန့် ညှဉ်းဆဲန့်စစ်ဇာဟို့ ခံရှင်ဘဲကြောန့်ဖြစ်ဟယ်။ **13** ရေဖျားလှီးဟားဟူ လူလေဟာ ပညတ်တရားဟို့ သူးနို့ကိုယ်တိုင်လည်း လိုက်ရှော့-က်ဂေ့ဟူ။ ရေဖျားလှီးဟားဟူ လူလေဟာ ပြင်ပလက်ခဏာလေဟို့ ဝါကြွားရှင်ကြောန့် နန်းနို့ဟို့ ရေဖျားလှီးခံစေရှင်ဇာဖြစ်ဟယ်။ **14** ငါဟာ သခင်ယေရှုခရစ်တော်ရဲ့ လတ်ဝါးကပ်တိုင်တော်ကြောန်း တခုဘဲ ဝါကြွားရလေ့မယ်။ ဖြားဖြစ်ကြောန့်နူးဆိုဟာ ကိုယ်တော်ရဲ့ လတ်ဝါးကပ်တိုင်တော်မာ အယ်လောကဟာ ငါ့တွပ်သေဟားဘီ ငါဟာလည်း အယ်လောကတွပ် သေခံဘီ။ **15** အယ်ကြောန့် ရေဖျားလှီးလည်း ဖြားကျိုးလည်း မွေဟူ။ ရေဖျားလှီးဘဲဇာလည်း ဖြားကျိုးလည်း မွေဟူ။ သတ္တဝါသစ် ဖြစ်ဇာဘဲကျိုး ရှိဟယ်။ **16** အယ်နည်းတိုင်း လိုက်ရှော့-က် သတ်ရှင်ဟူ လူလေန ဘုရားသခင်ရဲ့ လူမျိုးထတ်ဟို့ ငြိသတ်မှုန ကရုဏာတော်ဟာ သက်ရောက်ပါစေ! **17** နိဂေါင်းချောက်ရမယ် ဆိုဟာ ငါ့ဟို့ ဖယ်လူလည်း နော့-က်ထပ် နော့-က်ယှစ်ဂေန်။ ဖြားဖြစ်ကြောန့်နူးဆိုဟာ ငါ့ကိုယ်မာရှိဟူ ဒန်ရာလေဟာ သခင်ယေရှုခရစ်တော်ရဲ့ ကျွန်ဖြစ်ဟယ် ဆိုဇာဟို့ ပြနေဇာဖြစ်ဟယ်။ **18** ယောင်ကြည်သူလေ၊ နို့လေသခင် ယေရှုခရစ်တော်ရဲ့ ကျေးဇူးတော်ဟာ နန်းနို့ ဝိညာဉ်နတူးဒူ ရှိပါစေ။ အာမင်။

1 ဘုရားသခင်ရဲ့ လိုတော်အားဖြင့် ခရစ်တော်ယေရှုရဲ့ တမန်တော်ဖြစ်ဟူ ငါပေါလုဟာ — **2** နို့လေရဲ့ဖြစ်ဟူ ဘုရားသခင်နဲ့ ယေရှုခရစ်တော်နားဟုနေ ကျေးဇူးတော်နဲ့ ငြိသတ်ရှင်းဟာ နန်းနို့လေဟာ ခံစားရပါစေ။ **3** နို့လေဟာ သခင်ယေရှုခရစ်တော်ရဲ့ ဘုရားသခင်ရဲ့ ကျေးဇူးတော်ဟို့ ချီးမွမ်းဂေဇို။ ပြားဖြစ်ကြောနဲ့ဆိုဟာ ကိုယ်တော်ဟာ ကောင်းဂန်လောကနဆိုင်ဟူ ဝိညာဉ်ကောင်းဂျီးမင်္ဂလာလေဟို့ ယေရှုခရစ်တော်အားဖြင့် တလောင်းတဝဒဲ ဖြစ်ဟူ နို့လေဟို့ ပေးသနားဟူးကြောနဲ့ ဖြစ်ဟယ်။ **4** နို့လေဟာ ခရစ်တော်နဲ့ တလောင်းတဝဒဲ ဖြစ်ဟူကြောနဲ့ ရှေ့တော်မာ သန့်ရှင်းဘီး ပြစ်တန်ဇာမ္မောဘဲနဲ့ လွတ်ကင်းဟူ လူလေ ဖြစ်ဂေဟို့တွပ် အယ်ကမ္ဘာလောက မေ့ခန့်ဒူးဟု နို့လေဟို့ ဘုရားသခင်ဟာ ဝီးကော့-က်ဟူးဇာ ဖြစ်ဟယ်။ ကိုယ်တော့ မြစ်တာကြောနဲ့ **5** ဘုရားသခင်ဟုသူရဲ့ သားမီးလေ ဖြစ်စေဟို့တွပ် ယေရှုခရစ်တော်အားဖြင့် ကြိုတန်ဘီး သတ်မှတ်ဟူးရှင်း ဖြစ်ဟယ် — အယ်မူဇာဟာ ကိုယ်တော်ရဲ့ လိုတော်နဲ့ ကြံစည်တော်လေဘဲ့ ဖြစ်ဟယ်။ **6** ကိုယ်တော်ဟာ ရရာတိုင်း ရှစ်ဟူ သားတော်အားဖြင့် နို့လေဟို့ လတ်ဆောန်ပေးဟူ ဖောင်းသရေတော်နဲ့ ပွဲဇောင်ဟူ ကျေးဇူးတော်တွပ် နို့လေဟာ ဘုရားသခင်ဟို့ ချီးမွမ်းဂေဇို။ **7** ဘုရားသခင်ရဲ့ ကျေးဇူးတော်ဟာ ကြွယ်ဝဟူကြောနဲ့ နို့လေဟာ ခရစ်တော်ရဲ့ သွီးတော်အားဖြင့် ဝီးကော့-က်ရှင်းဖြစ်ဟူ လွန်ကျူးဟူပြစ်လေ ခွင့်လွှတ်ရှင်းကျေးဇူးဟို့ အယ်သားတော်အားဖြင့် ရရှိဂေဟယ်။ **8** ဘုရားသခင်ဟာ အယ်ကျေးဇူးတော်ဟို့ နို့လေမာ ကြွယ်ဝပွဲဇောင်စေဘီး ဂူလောင်းဟို့ သိဟူ ဉာဏ်ပညာနရော၊ သိပညာလေနရော၊ **9** သူရဲရည်ရွယ်ချစ်တိုင်း လောက်လိုက်ဟယ်။ ခရစ်တော်ကြောနဲ့ နတ်နဲ့ဟူ ကြံစည်လေဟို့ နို့လေဟို့ သိစေဟယ်။ **10** အယ်မျိုးကြံစည်လေဟာ ဒီကွလာဟူ ဒီမာ ကောင်းဂန်ဘောင်မာရှိဟူ ဇာလေရော၊ မွေဂီးထတ်မာရှိဟူ ဇာလေရော ဂူလောင်းဟို့ ခရစ်တော်အော့-က်မာ ပေါန်းစည်းဟို့တွပ် စိမံဘီးဟာ ခွဲခန့်ဟူးဇာ ဖြစ်ဟယ်။ **11** ရှိမျှဂူလောင်းဟို့ ဘုရားသခင်ရဲ့ ကြံစည်နဲ့ ဆောင်းဖြတ်ဟူးတိုင်း ဖြစ်လာရဟယ်။ ဘုရားသခင်ဟာ သူရဲလိုတော်ကြောနဲ့ ရှေးရှေးဒူးဟုနေ စီရင်ဘီး ဆောင်းဖြတ်ဟူးဟူတိုင်း နို့လေဟို့ ခရစ်တော်နဲ့ တလောင်းတဝဒဲ ဖြစ်စေဘီးဟာ သူရဲ လူမျိုးတော်ဖြစ်နဲ့ ဝီးကော့-က်ဟူးဇာ ဖြစ်ဟယ်။ **12** အယ်ကြောနဲ့ ခရစ်တော်ဟို့ ဦးဆောင်းပထမ မျှော်လင့်ဟူနို့လေဟာ ဘုရားသခင်ရဲ့ ဖောင်းသရေတော်ဟို့ ချီးမွမ်းဂေဇို။ **13** နန်းနို့လေဟာ ကယ်တန်ရှင်းနဆိုင်ဟူ ဒန်းကောင်းဖြစ်ဟူ သမ္မာတရားဟို့ ကြားရဟူ ဒီမာ ဘုရားသခင်ရဲ့ လူမျိုးလေ ဖြစ်လာဂေဟယ်။ နန်းနို့ဟာ ခရစ်တော်ဟို့ ယောင်ကြည်ဘီး ဘုရားသခင်ဟာ သူရဲ ဂဒိထားဟူးတိုင်း သန့်ရှင်းဟူဝိညာဉ်တော်ဟို့ ပေးဇာအားဖြင့် နန်းနို့ဟို့ သူပိုင်ဟူကြောနဲ့ ဖိခတ်ဇာဟို့ ခံရဂေဟယ်။ **14** ဝိညာဉ်တော်ဟာ ဘုရားသခင်ရဲ့ လူမျိုးတော်ဟို့ ဂဒိထားဟူးတိုင်း နို့လေဟူး ခံစားရမယ်ဖြစ်ကြောနဲ့ အာမခံချစ်ဖြစ်ဟယ်။ အယ်ကြောနဲ့ ဘုရားသခင်ဟာ သူပိုင်ဟူလူလေဟို့ လွတ်မြေ-က်စေမယ် ဖြစ်ဟူကြောနဲ့ နို့လေဟာ ယောင်ကြည်စီခိုင်ဟယ်။ နို့လေဟာ ကိုယ်တော်ရဲ့ ဖောင်းသရေတော်ဟို့ ချီးမွမ်းဂေဇို။ **15** အယ်ကြောနဲ့ နန်းနို့ဟာ သခင်ယေရှုဟို့ ယောင်ကြည်ဘီး သန့်ရှင်းသူလေဟို့ ရှစ်ဟူကြောနဲ့ဟို့ ကြားရဟူဒီဟုစဘီး။ **16** ငါဟာ နန်းနို့ကြောနဲ့မြဲဒမ်း ကျေးဇူးတော်ဟို့ ချီးမွမ်းဟယ်။ နန်းနို့တွပ်လည်း ဆုတောင်းပေးနေဟယ်။ **17** နို့လေရဲ့ သခင်ယေရှုခရစ်တော်ရဲ့ ဘုရားသခင်ဖြစ်ဟူ ဖောင်းသရေတော်နဲ့ ပွဲဇောင်ဟူဟာ သူဟို့သိဟို့တွပ် ဉာဏ်ပညာဟို့ ပေးဘီး ဗျာဒိတ်တော်နဆိုင်ဟူ ဝိညာဉ်ဟို့ နန်းနို့ဟို့ ပေးဟို့ကြောနဲ့နဲ့။ **18** ဘုရားသခင်ဟာ နန်းနို့ရဲ့ စိန့်လောင်းမျစ်စိဟို့ ဖွမ်ဟို့တွပ်နဲ့ ခေါ်ဟူးဟူဇာနဆိုင်ဟူ မျှော်လင့်ဇာဟာ ဖယ်မျိုးဇာဖြစ်ဟယ် ဆိုဇာရော၊ သန့်ရှင်းဟူသူလေဟာ ခံရဟူမို့ဟာ ဖောင်းသရေတော်နဲ့ ဖယ်မျှလော့-က် ကြွယ်ဝဟူဇာရော၊ **19** ကိုယ်တော်ရဲ့ စွမ်းသတ္တိနဲ့ ပွဲဇောင်ဟူ တဂိုးရှိဝါရဲ့ လောက်ဆောန်ဇာအားဖြင့် ယောင်ကြည်ဟူ နို့လေထတ်ဟို့ ရော-က်လာဟူတဂိုးဟာ ဖယ်မျှလော့-က်ထူးခြားဘီး ရရာတိုင်း ကီးဟယ် ဆိုဇာဟို့ရော နန်းနို့လေဟာ သိဟို့တွပ် ငါဆုတောင်းဟယ်။ **20** ခရစ်တော်ဟို့ သေရာဟုနေ

ပွန်ရှင်စေတီ၊ ကောန်းဂန်ဘောင်မှာ သူရဲ ညာဖတ်မှာ ထိုင်နေဟူသိဒ္ဓါဟု ဘုရားသခင်ဟု သောင်းပြုလိုက်ဟူ တဂိုးတော်ဘွဲ့ ဖြစ်ဟုယ်။ 21 အယ်ကောန်းဂန်ဘောင်မှာ ခရစ်တော်ဟော ကောန်းဂန်လောကဟို အောက်စိုးဟူသူလေ၊ အာဏာပိုင်လေ၊ တဂိုးလေန သခင်ဂူလောင်းရဲ့ ဘွဲ့နာမလေထတ်မှာ အောက်စိုးဘီး ကိုယ်တော်ရဲ့ နာမတော်ဟော ပြင်နေရဟူလောကန နာဂတ်လောကမှာ ခေါ်နေဟူဘွဲ့နာမ ဂူလောင်းထတ် ကီးမြတ်ဟုယ်။ (aiñ g165) 22 ဘုရားသခင်ဟော ရှိမျှဂူလောင်းဟိုလည်း ခရစ်တော်ရဲ့ ခေမ္မာအော-ကံမာ ညဟားဘီးဟော ကိုယ်တော်ဟို ရှိမျှဂူလောင်းရဲ့ထတ်မှာ ဦးခေါ်နီးဖြစ်စေဘီး သင်းတော်ဟို ပေးဟုယ်။ 23 အယ်သင်းတော်ဟော ရှိမျှဂူလောင်းဟို ပွဲဝစောင်လင်စေဟူ ခရစ်တော်ရဲ့ ကိုယ်ခန္ဓာ ဖြစ်ဟုယ်။

2 တသိဒ္ဓါဟု နန်းနို့ဟော နာခံဘဲဇာလေန ပြစ်လေကြောန့် ဝိညာဉ်ရေးမာ သေနဂေဟုယ်။ 2 လောကရဲ့ ပြစ်လမ်းစဉ်တိုင်း သတ်ရှင်ဂေဟုယ်။ အာကာသမာရှိဟူ ဝိညာဉ်တဂိုးလေဟို အောက်စိုးဟူမန်းဟို နာခံဟူလူလေ ဖြစ်ဂေဟုယ်။ ဘုရားသခင်ရဲ့မိန့်ဟို နာခံဘဲဟူလူလေဟော ခုခီမာ အယ်သူရဲ့ အောက်ချောက်ဇာဟို ခံနေရဂေဟုယ်။ (aiñ g165)

3 နို့လေအားလောင်းဟုလည်း တသိဒ္ဓါဟု အယ်လူလေထဲမှာ ပါဘီးဟော ကိုယ်ရဲ့ ဇာတိသွီးသား တတ်မတ်မှုထဲမှာ သတ်ရှင်လာဘီး၊ ကိုယ်ကာယန စိန်လောင်းရဲ့လိုတိုင်း လောက်ဂေဘီး တခြားလူလေမျိုးဘွဲ့ ဘုရားသခင်ရဲ့ ဆောင်းမဇာဟို ခံရဟူလူလေ ဖြစ်ဂေဟုယ်။ 4 အယ်ဘေမဲ့ ကရုဏာတော်န ရရာတိုင်း ကြွယ်ဝဟူ ဘုရားသခင်ဟော နို့လေဟိုရှစ်ဘီး ရရာတိုင်းကီးမားဟူ မြစ်တာတော်ကြောန့်၊ 5 လွန်ကျူးဟူပြစ်လေမှာ သေနဟူနို့လေဟို ခရစ်တော်နတူးဒု သတ်ရှင်စေဟုယ်။ နန်းနို့ဟော ဘုရားသခင်ရဲ့ ကျေးဇူးတော်ကြောန့် ကယ်တန်ဇာဟို ခံရဂေဟုယ်။ 6 အယ်ကြောန့် ခရစ်တော်ယေရှုအားဖြင့် နို့လေဟို ကိုယ်တော်နတူးဒု ထမြော-ကံခိုင်းဘီးဟော ထတ်ဟု ကောန်းဂန်ဘောင်မှာ ကိုယ်တော်နတူးဒု ထိုင်ခိုင်းဟုယ်။ 7 အယ်ဇာဟော ခရစ်တော်ယေရှုနို့ နို့လေဟို ကရုဏာတော်န ကျေးဇူးပြုဟူကြောန့် သူရဲ့ ထူးခြားဟူကျေးဇူးတော်ရဲ့ ကြွယ်ဝဟူဇာလေဟို နော-ကံလာဟို ကပ်ကာလလောကမှာ မြဲဒမ်းပြဟိုတွပ် ဖြစ်ဟုယ်။ (aiñ g165)

8 ဖြားဖြစ်ကြောန့်နူးဆိုဟော နန်းနို့ဟော ကျေးဇူးတော်ကြောန့် ယောင်ကြည်ရှင်းအားဖြင့် ကယ်တန်ဇာဟို ခံရဂေဟုယ်။ အယ်မူဇာဟော နန်းနို့ကိုယ်တိုင်ကြောန့် မူဟု။ ဘုရားသခင် ပေးတော်မူဟူ လတ်ဆောန့်ဖြစ်ဟုယ်။ 9 ကိုယ်လောက်ဟူ မူကြောန့် မူဟု။ အယ်ကြောန့် ဖယ်သူလည်း ဝါကြွားဇာကြောန်း မေ့ဟု။ 10 ဖြားဖြစ်ကြောန့်နူးဆိုဟော နို့လေဟော ကောန်းဟူဇာလေဟို လောက်ဟိုတွပ် ခရစ်တော်ယေရှုနို့ကံ ဖန်ဆင်းခံဟားရဟူ ဘုရားသခင်ရဲ့ လတ်ရာတော်လေ ဖြစ်ဂေဟုယ်။ ကောန်းဟူမူလေမှာ နို့လေဟော သတ်ရှင်ဂေဟိုတွပ် ဘုရားသခင်ဟော အယ်မူလေဟို ကြိုဘီးဟော ပြင်ဆင်ဟားဟုယ်။ 11 ဇာတိအားဖြင့် လူမျိုးခြားဖြစ်ဂေဟူ နန်းနို့ဟို ရေဖျားလှီးဇာဟို ခံဘဲဟူသူလေ ဆိုဘီး ယုဒလူမျိုးလေဟု ခေါ်ဂေဟုယ်။ ယုဒလူမျိုးလေဟု သူးနို့ကိုယ်သူးနို့ ရေးဖျားလှီးဇာဟို ခံဟူသူလေ ဆိုဘီး ခေါ်ဂေဟုယ်။ ရေဖျားလှီးဇာ ဆိုဘီး ပြောဟူဇာဟော ကိုယ်ကာယနဆိုင်ဟူ မူဖြစ်ဟုယ်။ ရင်းရင်းဒူးဟု နန်းနို့ ခြေနေလေဟို ဒီရဂေပါ။ 12 အယ်သိဒ္ဓါဟု နန်းနို့ဟော ခရစ်တော်န ဝီးနေးဘီးဟော ဘုရားသခင် ဝီးကော-ကံဟားဟူ ကုသရေလူမျိုး စာရင်းထဲမာလည်း ဝမ်ဟု။ သူရဲ့လူမျိုးဟို ဘုရားသခင်ထားဟားဟူ ဂဒီတော်နဆိုင်ဟူ ပဋိညာဉ်လေနလည်း ဆိုင်ဟု။ အယ်လောကမှာ မျှော်လင့်ဇာမေ့ဘဲ ဘုရားတရားမေ့ဘဲ ဖြစ်နေဂေဟုယ်။ 13 အယ်ခီမာ တသိဒ္ဓါဟု ဝီးနေဟူ နန်းနို့ဟော ခုခီမာ ခရစ်တော်ရဲ့ သွီးတော်အားဖြင့် ခရစ်တော်ယေရှုနို့ကံ တလောင်းတဝဒဲဖြစ်ဘီး နီးဟို ရော-ကံဟားဂေဟုယ်။ 14 ခရစ်တော်ဟော ယုဒလူမျိုးလေန လူမျိုးခြားလေဟို လူမျိုးတမျိုးဒဲ ဖြစ်စေဘီးဟော နို့လေဟို ရန်ငြီးပေးဟုယ်။ ကိုယ်တော်ဟော သူရဲ့ ကိုယ်ခန္ဓာအားဖြင့် နို့လေဟို ရန်သူလေမျိုးခွဲဟားဟူ တံတိုင်းဟို ဖြည့်လိုက်ဟုယ်။ 15 ကိုယ်တော်ဟော ဥပဒေစည်းမျဉ်းလေန ယုဒပညတ်တရားဟို ပယ်လိုက်ဘီးဟော ယုဒလူမျိုးလေန လူမျိုးခြားလေဟို သူရဲ့ ကိုယ်ခန္ဓာအားဖြင့် တလောင်းတဝဒဲ ဖြစ်စေဘီး လူမျိုးသစ်ဖြစ်စေဘီး အယ်နည်းအားဖြင့် ရန်ငြီးမှုဟို ဖြစ်စေဟုယ်။ 16 ခရစ်တော်ဟော လတ်ဝါးကပ်တိုင်မာ သေခံဇာအားဖြင့် သူးနို့ရှင်းရှင်း ပွန်သင်မြတ်စေဘီးဟော လတ်ဝါးကပ်တိုင်အားဖြင့် လူမျိုးနေမျိုးဟို ကိုယ်ခန္ဓာတခုဒဲ ဖြစ်စေဘီးဟော ဘုရားသခင်နားဟို ပွန်ဘီးဟော ပို့ဆောန်ပေးလေဟုယ်။ 17 အယ်ကြောန့် ဘုရားသခင်န ဝီးနေဟူ

လူမျိုးခြားလေန ဘုရားသခင်န နီးနေဟူ ယုဒလူမျိုးလေနားဟို ခရစ်တော်ဟာ ကြွလာဘီးဟာ ရန်ငြီးဇာနဆိုင်ဟူ
ဒန်းကောက်နားဟို ဟောပြောဟယ်။ **18** လူမျိုးခြားလေန ယုဒလူမျိုးဖြစ်ဂေဟူ နို့လေဟာ ခရစ်တော်ကြောန့် တပါးဒဲဖြစ်ဟူ
ဝိညာဉ်တော်ဟို အားကိုးဘီးဟာ ဖဘုရားသခင်ရဲ့ ရှေ့ဟို ဝမ်ခွမ်ရဂေဟယ်။ **19** အယ်ကြောန့် နန်းနို့ဟာ လူမျိုးခြား မှဟူ။
ဧည့်သည်လည်း မှဟူ။ သန့်ရှင်းဟူ လူလေရဲ့ မျိုးသားရှင်း ဖြစ်ဂေဟယ်။ ဘုရားသခင်ရဲ့ မိသားစုဝမ်လေလည်း ဖြစ်ဂေဟယ်။
20 ဖြားဖြစ်ကြောန့်နို့ဆိုဟာ တမန်တော်လေန ပရောဖက်လေအားဖြင့် တိုက်ထော့-က် အပြစ်ထတ်မာ နို့လေဟာ
တည်ဆော့-က်ဟားဟယ်။ အယ်တိုက်ထော့-က်အပြစ်ဟာ ခရစ်တော်ယေရှုကိုယ်တိုင်ဘဲ ဖြစ်ဟယ်။ **21** ကိုယ်တော်ဟာ
အယ်ဆော့-က်ဦး တတိုက်လောင်းဟို သေးသေချားချာဟား ခိုင်ခံ့စေဘီး၊ ကီးထွားလာဘီးဟာ သခင်ဘုရားတွပ် သန့်ရှင်းဟူ
ဗိမာန်တော်ဖြစ်ဟယ်။ **22** နန်းနို့ဟူလည်း ခရစ်တော်န တလောင်းတဝဒဲဖြစ်ဘီး တခြားလူလေနတူးဒု တည်ဆော့-က်ဇာဟို
ခံရဘီး ဝိညာဉ်တော်အားဖြင့် ဘုရားသခင် ကိန်းဝပ်ဟူနေရာ ဖြစ်လာဂေဟယ်။

3 အယ်ကြောန့်ကြောန့် ခရစ်တော်ယေရှုရဲ့ ကျဉ်းသားဖြစ်ဟူ ငါပေါလုဟာ လူမျိုးခြားဖြစ်ဟူ နန်းနို့တွပ် ဘုရားသခင်ဟို
ဆုတောင်းဟယ်။ **2** ဘုရားသခင်ဟာ သူ့ရဲ့ ကျေးဇူးတော်ကြောန့် နန်းနို့ကျိုးတွပ် အယ်မူဟို လောက်ဟို့တွပ် ငါ့ဟို
အပ်ပေးဟူကြောန့်ဟို နန်းနို့ဟာ တကယ်ဘဲ ကြားသိရဂေဟယ်။ **3** ဘုရားသခင်ဟာ သူ့ရဲ့နတ်နဲဟူ ကြစည်လေဟို
ငါ့ဟို ဖော်ပြဟယ်။ အယ်ကြောန့်ရာလေန ပတ်သတ်ဘီးဟာ နန်းနို့ဟို ငါဟာ ကျဉ်းချောင်း ဖော်ပြပေးပီးဘီး။ **4**
နန်းနို့ဟာ အယ် ဖော်ပြချစ်လေဟို ဖတ်ဘီးဟာ ခရစ်တော်ရဲ့ နတ်နဲဟူဇာလေဟို နားလည်ကြောန့်ဟို သိနိုင်ဂေဟယ်။
5 ဘုရားသခင်ဟာ အယ် နတ်နဲဟူဇာဟို ရင်းရင်းဒူးဟု လူလေဟို ဖွမ်ပြဟားဘေမဲ့ ခုခါမာ ကိုယ်တော်ရဲ့ သန့်ရှင်းဟူ
သူလေဖြစ်ဂေဟူ တမန်တော်န ပရောဖက်လေဟို ဝိညာဉ်တော်အားဖြင့် ဖွမ်ပြလိုက်ဘီး။ **6** အယ်မျိုး နတ်နဲဟူဇာဟာ
ဒန်းကောက်နားအားဖြင့် လူမျိုးခြားလေဟာ ယုဒလူမျိုးနတူးဒု ဘုရားသခင်ရဲ့ ကောက်နီးမင်္ဂလာဟို ခံစားခွမ်ရဂေဟယ်။
သူးနို့ဟာ ကိုယ်ခန္ဓာတော်ရဲ့ အင်္ဂါလေဖြစ်ဘီးဟာ ခရစ်တော်ယေရှုအားဖြင့် ဘုရားသခင်ပေးဟားဟူ ဂဒိတော်မာ
ပါဝမ်ခံစားခွမ် ရဂေဟယ်။ **7** တဂိုးအားဖြင့် လောက်ဆောန့်ဟူကြောန့် နို့လေဟို အပ်ပေးဟားဟူ ဘုရားသခင်ရဲ့
ကျေးဇူးတော်နဆိုင်ဟူ ကောက်နီး လတ်ဆောန့်နတူးဒု ငါဟာ အယ်မျိုး ကောက်မြတ်ဟူ ဒန်းနဆိုင်ဟူ မှဆောန့်ဖြစ်လာဟယ်။
8 ငါဟာ ဘုရားသခင်ရဲ့ သန့်ရှင်းဟူလူလေ ဂလောင်းထဲမာ ငယ်ဆောင်းထတ် ပိုဘီးငယ်ဟူ ငါ့ဟို အယ်ကျေးဇူးတော်ဟို
အပ်ပေးလိုက်ဟူဇာဟာ ခန့်မှန်းဟိုရနိုင်ဘဲဟူ ခရစ်တော်ရဲ့ ကြွယ်ဝဟူဇာဟို လူမျိုးခြားလေဟို ဒန်းကောက်နီးဟောဟို့တွပ်န။
9 ရှိမျှဂလောင်းဟို ဖန်ဆင်းဟားဟူ ဘုရားသခင်မာ ရှေးရှေးကာလဒူးဟစာဘီး ဂုပ်ဟားခံရဟူ လျှိုဉ်နတ်နဲဟူ ဇာနဆိုင်ဟူ
စီမံခွဲခန့်ဟားဟူဇာဟာ ဖယ်မျိုးဇာဖြစ်နူးဆိုဟာ လူလေဟို သိသိသာသာဟား ထန်ရှားဟို့တွပ် ဖြစ်ဟယ်။ (aiōn
g165) **10** အယ်မျိုးလောက်ဟူဇာဟာ ကောက်နက်ဘောင်ဟို အောက်စိုးဟူသူလေန အာဏာပိုင်လေဟာ ဘုရားသခင်ရဲ့
ထူးခြားဟူ ဉာဏ်ပညာလေဟို ခုခါမာ သင်းတော်အားဖြင့် သိလာဂေဟို့တွပ် ဖြစ်ဟယ်။ **11** ဘုရားသခင်ဟာ သူ့ရဲ့
ထာဝရကြံစည်တိုင်းဘဲ နို့လေရဲ့ သခင်ခရစ်တော် ယေရှုအားဖြင့် အယ်မျိုးဘဲ ယွဲဇောင်စေဟယ်။ (aiōn g165) **12**
နို့လေဟာ ခရစ်တော်န တလောင်းတဝဒဲဖြစ်ဇာန့် အယ်သခင်ဟို ယောင်ကြည်ကြောန့် ဘုရားသခင်နားဟို ရဲရဲရင်ရင်ဟား
ယောင်ကြည်စိခွဲဘီးဟာ တိုးဝမ်ဟူခွမ် ရဂေဟယ်။ **13** အယ်ကြောန့် နန်းနို့တွပ် ငါခံရဟူ ဆင်းရဲဒေါက်ခကြောန့် နန်းနို့ဟာ
စိပျစ်ဂေန။ နန်းနို့ဟို ချီးမြှောက်-က်တွပ်ဘဲ ငါခံရဟူဇာဘဲ ဖြစ်ဟယ်။ **14** အယ်ကြောန့်ကြောန့် ငါဟာ ကောက်နက်ဘောင်န
ကမ္ဘာမွေဦးထတ်ဟု အီထောန်စုဂလောင်းရဲ့ နာမယ်ရင်းမြစ်ဖြစ်ဟူ ဖဘုရားသခင်ရှေ့မာ ဒူးထော့-က်ဘီး ဆုတောင်းဟယ်။
16 ဘုရားသခင်ဟာ ဖောင်းသရေတော်န ကြွယ်ဝဟူဇာမျိုး သူ့ရဲ့ ဝိညာဉ်တော်အားဖြင့် နန်းနို့ထဲဟု ဝိညာဉ်လူဟို တဂိုးနတူးဒု
ကြံခိုင်သန်မာစေဘီး၊ **17** ယောင်ကြည်ရှင်းအားဖြင့် နန်းနို့လေရဲ့ စိနလောင်းထဲမာ ခရစ်တော်ဟာ ကိန်းဝပ်ဟူကြောန့်န
နန်းနို့ဟာ မြစ်တာတော်မာ အပြစ်ခွဲဟားဘီး၊ **18** အယ်မြစ်တာတော်ရဲ့ လျား၊ နံ၊ ဗြစ်၊ နတ်လေဟာ ဖယ်မျှလော့-က် ရှိဟယ်
ဆိုဇာဟို သန့်ရှင်းဟူသူလေ ဂလောင်းနတူးဒု သဘောပေါ့-က်နိုင်ဟူစွမ်း ရှိဟူကြောန့်၊ **19** သိပညာထတ်ထူးခြားဟူ

ခရစ်တော်ရဲ့ ရှစ်ရှင်းမြစ်တာတော်ဟို သိဘီး၊ နားလည်လာရဘီး ဘုရားသခင်ဟာ ပွဲဇောင်မျိုးဘဲ ပွဲဇောင်ဟို့တွင် ဆုတောင်းဟယ်။ **20** နို့လေထဲမှာ လောက်ဆောန်နေဟူ တဂိုးအားဖြင့် နို့လေ တောင်းလျှော့-က်ကြစည်ဟူ ဇာလေထတ် ပိုဘီး ပေးနိုင်ဟူ ဘုရားသခင်ဟာ **21** သင်းတော်အားဖြင့်ရော၊ ခရစ်တော် ယေရှုအားဖြင့်ရော ကမ္ဘာဆစ်ဆစ် ဖောင်းကီးတော်မူပါစေ! အာမင်။ (aiōn g165)

4 အယ်ကြောန့် သခင်ဘုရားရဲ့မူတော်ဟို လောက်ဆောန်ကြောန့် ထောင့်ညွှတ်ရဟူငါဟာ နန်းနို့လေဟို တိုက်တွန်းဟယ်။ နန်းနို့ဟာ ဘုရားသခင် ခေါ်ဟားဇာန ထိုက်တန်မျိုး ကျင့်ကြံဂေပါ။ **2** မြဲဒမ်း စိန်လောင်းဟို နို့ခွဲဂေပါ။ သိမ်မွေ့နူးညံ့ဂေပါ။ စိရယ်ဂေပါ။ ယော့-က်နယော့-က်သီးခံဘီး မြစ်တာပြဂေပါ။ **3** နန်းနို့ဟို စည်းလောင်းစေဘီး ငြိသတ်ရှင်းအားဖြင့် ဝိညာဉ်တော်ဟုပေးဟူ စည်းလောင်း ညီညွတ်ဇာဟို ထီးသီးဂေပါ။ **4** နန်းနို့ဟို ဘုရားသခင်ဟု ဝီးကော့-က်ဘီး ခေါ်ဟားဟူကြောန့် မျှော်လင့်ဇာ တပါးဘဲရှိမျိုး ကိုယ်ခန္ဓာတပါးဒဲ၊ ဝိညာဉ်တော်တပါးဒဲ ရှိဟယ်။ **5** သခင်တပါးဒဲ၊ ယောင်ကြည်ရှင်းတပါးဒဲ၊ ဗတ္တိဇံတပါးဒဲ၊ **6** လူလေ ဂူလောင်းရဲ့ ဖဘုရားသခင် တပါးဒဲရှိဟယ်။ အယ်ကိုယ်တော်ဟာ လူလေ ဂူလောင်းဟို အောက်စိုးဘီး လူလေအားဖြင့် လောက်ဆောန်ဘီး လူလေထဲမာလည်း ရှိနေဟယ်။ **7** ခရစ်တော်ပေးဟားတိုင်း နို့လေ တယော့-က်ချင်းစီဟာ ထူးခြားဟူဆုကျေးဇူးဟို ခံစားရဂေဟယ်။ **8** ကျမ်းစာလာဟားတိုင်း “ကိုယ်တော်ဟာ ထတ်ဟို တတ်ကြွဟားဟူ ခီမာ လူလေဘောင်ဂီးဟို ဖမ်းဆီးခေါ်ဆောန်ဟားဘီးဟာ လူလေဟို ဆုကျေးဇူးလေဟို ပေးဟယ်။” **9** တတ်ဟားဟယ် ဆိုဘီး ပြောဇာဟာ မွေကီးရဲ့ အော့-က်ဆောင်းဟို ဆင်းဟားဟယ် ဆိုဘီး ပြောဇာမူဘဲနေဟာ ဖြားဇာ ဖြစ်အူးမယ်နူး။ **10** အယ်ကြောန့် ဆင်းဟားဟူ ကိုယ်တော်ဟာ ရှိမျှဂူလောင်းဟို ပွဲဇောင်စေဟို့တွင် ကောင်းဂန်ဘောင်ဟို တတ်ဟားဟူ ကိုယ်တော်လည်း ဖြစ်ဟယ်။ **11** အယ်ဘီးနု ကိုယ်တော်ဟာ တချို့လေဟို တမန်တော်ဖြစ်၊ တချို့လေဟို ပရောဖက်ဖြစ်၊ တချို့လေဟို ဒန်းကောင်းဟောပြောသူဖြစ်၊ တချို့လေဟို သင်းအောက်ဖြစ်န ဆရာဖြစ် ခန့်ဟားလေဟယ်။ **12** အယ်မျိုးလောက်ဇာဟာ ခရစ်တော်ရဲ့ ကိုယ်ခန္ဓာဟို တည်ဆော့-က်ဟို့တွင် ဘုရားသခင်ရဲ့ သန့်ရှင်းဟူလူလေဟို ကူညီဟို့တွင် ပြင်ဆင်ဟားဟူဇာ ဖြစ်ဟယ်။ **13** အယ်ကြောန့် နို့လေရဲ့ ယောင်ကြည်ရှင်းအားဖြင့်ရော၊ ဘုရားသခင်ရဲ့ သားတော်ဟို သိကျွမ်းရှင်းအားဖြင့်ရော၊ နို့လေ ရဂေဟူဇာဟာ တလောင်းတဝဒဲဖြစ်ရဘီး ခရစ်တော်ရဲ့ ပွဲဇောင်မှုတိုင်း ရင့်ကျက်ဟူ လူလေဖြစ်ဟို ရော့-က်ဟားဂေဟယ်။ **14** အယ်ခီမာ နို့လေဟာ လီညာဘီးဟား လူလေဟို လမ်းလွဲအောန်ပြောတတ်ဟူ လူလေရဲ့ ဩဝါဒ လှိုင်းလောင်းလေထဲမှာ ပါဟားဟူ သားဂန်ဟားမျိုး ဖြစ်ဂေဇာ မူဟူ။ **15** အယ်ဘောမဲ့ နို့လေဟာ မြစ်တာနု သမ္မာတရားဟို ပြောဟူကြောန့် သင်းတော်ရဲ့ ဦးခေါင်းဖြစ်ဟူ ခရစ်တော်မာ စစရာရာမာ ကီးထွားရှင်းဟို ရဂေဟယ်။ **16** ကိုယ်တော်ရဲ့ စီမံအောက်ချောက်ရှင်း အော့-က်မာ ကိုယ်အင်္ဂါရှိမျှဟာ တခုနု ဆစ်ပိုင်းဟားလေနု ဆစ်စပ်ဘီးနေဂေဟယ်။ အယ်ကြောန့် ကိုယ်အင်္ဂါတိုင်းဟာ သူးနို့ဆိုင်ဟူ လောက်တာဝန်ဟို လောက်ဆောန်ဂေဟူ ခီမာ ကိုယ်ခန္ဓာတခုလောင်းဟို မြစ်တာနု တည်ဆော့-က်ဟားဘီးဟာ ကီးထွားစေဟယ်။ **17** အယ်ကြောန့် နန်းနို့ဟာ ဘုရားတရားမူဘဲဟူ လူမျိုးခြားလေမျိုး ကျင့်ရဘဲဟို့တွင် သခင်ဘုရားရဲ့ နာမတော်ဟို မှီပွဲဘီးဟာ ငါဟာ ဒီပေးရှင်ဟယ်။ သူးနို့ကြစည်လေဟာ ချည်းနီးဘဲ ဖြစ်ဟယ်။ **18** သူးနို့ဟာ စိန်လောင်းမာဘီး ဉာဏ်ပညာမူဘဲ သိတရားလောင်းဝမူဘဲနု ခေါင်းမာဟူကြောန့် ဘုရားသခင် ပေးဟားဟူသတ်နု ကွားဘီးဟာ ရှိနေဂေဟယ်။ **19** သူးနို့ဟာ ရှစ်ကြော့-က်ဟူစိ မူဘဲ ညစ်ညူးဟူဇာ မျိုးမျိုးဟို ရရာတိုင်း တတ်မတ်ဟူစိနု လောက်ဟူကြောန့် သူးနို့ဟို ကာမဂေါင်လိုက်စားရှင်းရဲ့ လတ်ထဲဟို အပ်လိုက်ဂေဟယ်။ **20** ခရစ်တော်ရဲ့ လမ်းစဉ်ဟာ အယ်မျိုးလမ်းစဉ် မူဘဲကြောန့်ဟို နန်းနို့ဟာ သွန်သန်ခံရပီးဘီ။ **21** ကိုယ်တော်ရဲ့ကြောန့်ဟို မှန်ဘဲ နန်းနို့ဟာ ကြားရဂေပီးဘီ။ ကိုယ်တော်ရဲ့ တဗွဲတော်လေနေနု သခင်ယေရှုရဲ့ သမ္မာတရားကြောန့်ဟို နန်းနို့ ကြားရပီးဘီ။ **22** အယ်ကြောန့် ရင်ဟု သတ်ရှင်လာဟူ လူဟောနီးဘဝဟို လွတ်ပစ်ဂေ။ လှည့်ဇားတတ်ဟူ စီမံလေကြောန့် သောင်းဟို့မျှဘဲဟူ လူဟောနီးဟို လွတ်ပစ်ဂေပါ။ **23** နန်းနို့ဟာ စိန်လောင်းသဘောဟို သစ်ပြုပြင်ခံရဘီး။ **24** ဘုရားသခင်ရဲ့ ပေါင်သဏ္ဌာန်တော်နညီ ဖန်ဆင်းဇာဟိုခံရဘီး

သမ္မာတရားနာသင့်ဟူ ပြောန့်မတ်သန့်ရှင်းဟူ လူသစ် ဖြစ်ရပေဟူ။ 25 အယ်ကြောန့် မုသားစကားဟို့ ပြောပေရန။ နို့လေ ဂူလောင်းဟာ ခရစ်တော်ရဲ့ ကိုယ်ခန္ဓာစိပိုင်းလေ ဖြစ်ပေဟူကြောန့် ယောင်ကြည်သူ ရှင်းရှင်းဟာ မှန်ဟူ စကားဟို့ဘဲ ပြောပေပါ။ 26 ဒေါသထွပ်ဘေ့ပဲ ပြစ်လောက်ပေရန။ ဒေါသပြေဘဲန နေဝမ်စေန။ 27 မာရ်နတ်ဟို့လည်း ခွမ်းပေးပေရန။ 28 ခိုးတတ်ဟူလူဟာ နေ့-က်ထပ်ခိုးဘဲန လိုရှင်နေဟူ လူလေဟို့ ပေးဇာရှိဟို့တွပ် သူရဲလတ်န ကောင်းဟူ လောက်လေဟို့ အားထုဘီး လောက်စေ။ 29 နန်းနို့နောက်ထဲဟု ကောင်းဘဲဟူ စကားလေ တခွန်းလည်း ထွပ်စေန။ ကြားရဟူ လူလေဟာ ကျိုးရှိဟူစကား၊ တည်ဆွေ-က်ဟူစကားဟို့ဘဲ ပြောပေပါ။ အယ်မျိုးမှ နန်းနို့စကားဟို့ ကြားရဟူ လူလေဟာ ကျိုးကျေးဇူးဟို့ ခံရလေမယ်။ 30 ဘုရားသခင်ရဲ့ သန့်ရှင်းဟူဝိညာဉ်တော်ဟို့ စိနာစေန။ ဖြားဖြစ်ကြောန့်နူးဆိုဟာ ဝိညာဉ်တော်ဟာ နန်းနို့ဟို့ ဘုရားသခင်ပိုင်ဟူကြောန့်ဟို့ သတ်သေခံဟူတမီ မှတ်သားဖြစ်ဘီး နေ့-က်ဆောင်း နေရစ်ကာလမာ နန်းနို့ဟာ ကိုယ်တော်ရဲ့ ကယ်တန်ဇာဟို့ ခံရလေမယ်ဖြစ်ဟယ် ဆိုဇာဟို့ အာမခံချစ် ဖြစ်ဟူကြောန့် ဖြစ်ဟယ်။ 31 အယ်ကြောန့် နာကြည်းရှင်း၊ စိဆိုရှင်း၊ ဒေါသထွပ်ရှင်း၊ အော်ဘီးပြောရှင်း၊ တခြားသူဟို့ကဲ့ရဲရှင်း၊ လူလေဟို့မှူးရှင်းလေဟို့ ဖယ်ရှာပေပါ။ 32 နန်းနို့ဟာ ယော့-က်နယော့-က် ကရုဏာထားဘီး ရှစ်ပေပါ။ ဘုရားသခင်ဟာ ခရစ်တော်အားဖြင့် နန်းနို့ဟာ ပြစ်ခွမ်းလွှတ်ခံရမျိုး နန်းနို့ဟာ ယော့-က်နယော့-က် ပြစ်ဟို့ လွှတ်ပေပါ။

5 နန်းနို့ဟာ ဘုရားသခင်ရဲ့ ရှစ်ရဟူ သားမီးလေဖြစ်ဟူကြောန့် ကိုယ်တော်န တူအောင် ကျင့်ပေပါ။ 2 ခရစ်တော်ဟာ နို့လေဟို့ ရှစ်ဟူကြောန့် နို့လေတွပ် သူ့ကိုယ်သူ ဘုရားသခင် ကြိုက်ဟူ၊ ရရာတိုင်း ခွီးဟူ နံဖြစ်န ဘုရားသခင်ဟို့ ဆစ်ကပ်အပ်မျိုးဘဲ နန်းနို့ဟာ ရှစ်ရှင်းမြစ်တာနှိုက် သတ်ရှင်ဘီး ရှော့-က်လှမ်းပေပါ။ 3 နန်းနို့ဟာ သန့်ရှင်းဟူ လူလေဖြစ်ဟူကြောန့် ကာမဂေါင်လိုက်စားရှင်း၊ ညစ်ညူးဘီး လောဘကီးဟူကြောန့်လေ ဂူလောင်းဟို့ နန်းနို့လေဟာ ပြောပေရန။ 4 ညစ်ညူးဟူစကား၊ ယောက်မာဟူစကား၊ ရိုင်းစိုင်းဟူစကားလေဟို့ ပြောပေဘဲ၊ ချီးမွမ်းဟူ စကားလေဟို့ဘဲ ဘုရားသခင်ဟို့ ပြောပေပါ။ 5 ကာမဂေါင်လိုက်စားဇာ၊ ညစ်ညူးဟူဇာ၊ လောဘကီးဟူဇာလေဟာ ရောက်ထုဟို့ ကိုးကွယ်ဟူမျိုးဘဲ ဖြစ်ဟူကြောန့် ခရစ်တော်န ဘုရားသခင်ရဲ့ နိုင်ငံတော်ထဲဟို့ ဝမ်ရဟို့မဟု ဆိုဇာဟို့ နန်းနို့ဟ သိပေဟယ်။ 6 ကျိုးမွေဘဲဟူ စကားလေန ဖယ်သူလည်း နန်းနို့ဟို့ လှည့်ဇာစေန။ အယ်မူလေကြောန့် ဘုရားသခင်ရဲ့ မိန့်တော်ဟို့ နာခံဘဲဟူလူလေဟာ မျစ်တော်ဟို့ ခံရလေမယ်။ 7 အယ်ကြောန့် နန်းနို့ဟာ အယ်မျိုးလူလေန လောင်းဝ ဆစ်ဆံပေရန။ 8 တခီခွဲဟာ နန်းနို့ဟာ မှောန်ထဲမာ နေလာပေဟယ်။ ခုခီမာ ဘုရားသခင်ရဲ့ လူမျိုးတော်လေ ဖြစ်လာပေဘီး လန်းရောန်ထဲဟို့ ရှော့-က်လာပေဟယ်။ အယ်ကြောန့် လန်းရောန်ထဲမာ ကျင်လည်ဟူ လူလေမျိုးဘဲ ကျင့်ပေပါ။ 9 ဖြားဖြစ်ကြောန့်နူးဆိုဟာ လန်းရောန်ရဲ့ သီးလေဟာ ကောင်းမြတ်ဇာလေ ဘောင်ဂီ၊ ဖြောန့်မတ်ဇာန မှန်တရားဟို့ ဖြစ်စေဟူကြောန့် ဖြစ်ဟယ်။ 10 သခင်ဘုရား ကြိုက်ဟူဇာဟာ ဖြားဇာလေဖြစ်ဟယ် ဆိုဇာ ကြိုးစားဘီးဟာ သန်ယူပေပါ။ 11 ကျိုးမွေဘဲဟူ မှောန်ထဲဟူမူလေန ဆစ်ဆံဘဲန အယ်မူလေရဲ့ ပြစ်လေဟို့ ပြပေပါ။ 12 ဖြားဖြစ်ကြောန့်နူးဆိုဟာ သူးနို့ဟာ လူနော့-က်ကွယ်မာ လောက်ဟူ မူလေဟို့ စကားပြောဟူနဘဲ ညစ်ညူးဇာလေ ပါသေးဟယ်။ 13 ပြစ်ထန်ရှားဇာ ရှိမျှဟာ လန်းရောန်အားဖြင့်ဘဲ ထန်ရှားပေဟယ်။ 14 ဖြားဖြစ်ကြောန့်နူးဆိုဟာ လန်းရောန်ဟာ ရှိမျှဂူလောင်းဟို့ ထန်ရှားစေကြောန့် ဖြစ်ဟယ်။ အယ်ကြောန့်ကြောန့် ကျမ်းစာထဲမာ၊ “အိမ့်နေဟူသူ နီးလိုက်။ သေရာဟုနေ ပွန်ရှင်လိုက်။ ခရစ်တော်ဟာ နန်းနို့ဟို့ လန်းရောန်ပေးလေမယ်” ဆိုဘီး ပြောဟယ်။ 15 အယ်ကြောန့် နန်းနို့ကျင့်ဟူ ဇာလေဟို့ ဒိပြုပေပါ။ ပညာမွေဘဲဟူ လူလေမျိုး မှုဘဲန ပညာရှိဟူ လူလေမျိုး ကျင့်ပေပါ။ 16 အယ်ခု နေရစ်ကာလဟာ ဆိုးလာဟူ ကာလဖြစ်ကြောန့် နန်းနို့ရဟူ ခွမ်းရဲရှိမျှဟို့ ကျိုးရှိအောင် သောင်းခွဲပေပါ။ 17 အယ်ကြောန့် နန်းနို့ဟာ မိုက်မဲဘီး နေပေဘဲန သခင်ဘုရားရဲ့ လိုတော်ဟို့ နားလည်ပေပါ။ 18 နန်းနို့လေဟို့ ဖျစ်စီးတတ်ဟူ စပျစ်ပိုင်န မောယစ်ဇာဟို့ ရှောန်ဘီး ဝိညာဉ်တော်န ပွဲဝေပေပါ။ 19 ယော့-က်နယော့-က် စကားပြောဟူ ခီမာ ဆာလံချင်း၊ ဓမ္မချင်းန ဝိညာဉ်ရေးနဆိုင်ဟူ ချင်းလေဟို့ ရှင်းရှင်းဆိုပေဘီး သခင်ဘုရားရှေ့မာ နန်းနို့ရဲ့ စိန်လောင်းထဲဟုနေ ချင်းဆိုပေပါ။ 20 နို့လေ သခင် ယေရှုခရစ်တော်ရဲ့

နာမတော်ဟို မှီပြုဘီး ရှိမျှဂ္ဂလောင်းတွင် ဖဉာဏ်သခင်ဟို မြဲဒမ်း ကျေးဇူးတော်ဟို ချီးမွမ်းဂေပ။ 21 ခရစ်တော်ဟို ရိုသေလေစားဘီး ကြော-က်မျိုးဘဲ နန်းနီဟာ တယော-က်လိုဟို တယော-က် လိုက်ဂေပ။ 22 မယားဖြစ်ဟူသူလေ၊ နန်းနီဟာ သခင်ဘုရားရဲ့ အောက်စိုးဇာဟို ခံဂေမျိုး ကိုယ့်လန်ရဲ့ အောက်စိုးဇာဟို ခံဂေပ။ 23 ခရစ်တော်ဟာ သင်းတော်ရဲ့ ဦးခေါင်းဖြစ်မျိုးဘဲ လန်လေဟာ မယားလေရဲ့ ဦးခေါင်းဖြစ်ဟယ်။ ခရစ်တော်ဟာ သူရဲ့ ကိုယ်ခန္ဓာဖြစ်ဟူ သင်းတော်ရဲ့ ကယ်တန်ရှင်ဖြစ်ဟယ်။ 24 အယ်ကြောန့် သင်းတော်ဟာ ခရစ်တော်ရဲ့ အောက်စိုးဇာဟို ခံယူမျိုးဘဲ မယားလေဟာ နန်းနီ လန်လေရဲ့ အောက်စိုးဇာဟို ကြွင်းမဲ့ခံယူရမယ်။ 25 လန်ဖြစ်ဟူလူလေ၊ ခရစ်တော်ဟာ သင်းတော်ဟို ရှစ်ဟူကြောန့် သင်းတော်တွင် သူရဲ့သတ်ဟို စွန့်လွှတ်မျိုးဘဲ နန်းနီရဲ့ မယားလေဟို ရှစ်ဂေပ။ 26 ကိုယ်တော်ဟာ သူရဲ့သတ်ဟို စွန့်ဇာဟာ သင်းတော်ဟို ရေနသန်ရှင်းစေဘီး စကားတော်န ဘုရားသခင်ဟို ဆစ်ကပ်ဟူကြောန့်၊ 27 သင်းတော်ဟို သူဆစ်ကပ်ဇာဟာ ညစ်ကြေးလေမွေဘဲ သန်ရှင်းဘီး ပြစ်တန်ဇာမွေဘဲန လွတ်ကင်းဟူ သူဖြစ်န ရရာတိုင်း လှဘီး သန်ရှင်းဟူအသရေန ပွဲဇောင်စေဟိုတွင်ဘဲ ဖြစ်ဟယ်။ 28 လန်ဖြစ်ဟူသူလေဟာ ကိုယ့်ရဲ့ကိုယ်ခန္ဓာဟို ရှစ်မျိုး မယားလေဟို ရှစ်ဂေပ။ မယားလေဟို ရှစ်ဟူလူဟာ ကိုယ့်ကိုယ်ကိုယ် ရှစ်ဟူသူဖြစ်ဟယ်။ 29 ဖယ်သူလည်း ကိုယ့်ရဲ့ ကိုယ်ခန္ဓာဟို မူးဟယ်ဆိုဇာ မှဟူ။ မူးဟိုနေနေသာသာ သူ့ကိုယ်သူ စားကျွေးဘီး ပြုစုဟယ်။ သင်းတော်ဟို ခရစ်တော်ဟာ စားကျွေးဘီး ပြုစုမျိုးဘဲ၊ 30 နို့လေဟာ သူ့ကိုယ်ခန္ဓာရဲ့ အင်္ဂါလေဖြစ်ဂေဟယ်။ 31 ကျမ်းစာထဲမှာ “အယ်ကြောန့်-ကြောန့် ယော-က်ကျားဟာ မိဖုရားဟု ထွပ်ဘီးဟာ မယားနေဟူကြောန့် သူးနို့လေဟာ နေ့ယော-က်မူဟု တသားတကိုယ်ဒဲ ဖြစ်ရဂေလေမယ်” ဆိုဘီး ဖော်ပြဟားဟယ်။ 32 အယ်ဇာဟာ ရရာတိုင်းနတ်နဲဟူ သစ်စာစကားဖြစ်ဘီး ခရစ်တော်န သင်းတော်ဟို ရည်ညွှန်းဘီး ပြောဟူစကားဖြစ်ဟယ် ဆိုဘီး ငါပြောဟယ်။ 33 အယ်ကြောန့် နန်းနီ တယော-က်စီနလည်း ဆိုင်ဟယ်။ လန်ဖြစ်သူဟာ မယားဟို ကိုယ့်ကိုယ်ကိုယ် ရှစ်မျိုးဘဲ ရှစ်ရမယ်။ မယားဖြစ်ဟူ သူဟလည်း လန်ဟို ရိုသေလေးစားရမယ်။

6 သားမီးလေ၊ သခင်ဘုရားရဲ့ လိုတော်တိုင်း မိဖုစကားဟို နားထောန်ဂေပ။ မိဖုစကားဟို နားထောန်ဇာဟာ မှန်ဟူမှု ဖြစ်ဟယ်။ 2 ဂဒိတော်မာပါဟူ ပထမပညတ်ဟု “နန်ရဲ့ မိဖုဟို ရိုသေပါ။ 3 အယ်ဆိုဟာ နန်ဟာ ကောန်းဇားဘီး ဗွေဂီးထတ်မာ သတ်ရှယ်လေမယ်” ဆိုဘီး ဖြစ်ဟယ်။ 4 မိဖုလေ၊ သားမီးလေဟို စိဆိုးအောန် လောက်ဂေန။ သူးနို့လေဟို သခင်ဘုရား လိုတော်တိုင်း ပြုစုပျိုးထောန်ဂေပ။ 5 ကျွန်ဖြစ်ဟူလူလေ၊ နန်းနီဟာ ခရစ်တော်ရဲ့စေဟို ခံဂေမျိုး ရရာတိုင်း ကြော-က်လန်ဘီး ရိုးသားဟူ စိနလောင်းန နန်းနီရဲ့ လောကသခင်လေဟို နာခံဂေပ။ 6 သခင်လေနှစ်သက်ဟိုတွင် သူးနို့ရှေ့မှာဘဲ နားထောန်ဇာမူဘဲန ခရစ်တော်ရဲ့ ကျွန်နေန ဘုရားသခင်ရဲ့ လိုတော်တိုင်း စိပါလတ်ပါ စေခံဂေပ။ 7 လူလေရဲ့စေဟို ခံမျိုးမူဘဲန ဘုရားသခင်ရဲ့ စေဟိုခံမျိုး စေတနာစိန စေခံဂေပ။ 8 ကျွန်ဖြစ်စေ၊ လူလွတ်ဖြစ်စေ၊ ကောန်းဇာတခုခု လောက်ဟူလူဟာ သခင်ဘုရားနားဟု ကျိုးခံစားခွင့်ရမယ် ဆိုဇာ သိမှတ်ဟားဂေပ။ 9 သခင်လေ၊ နန်းနီဟလည်း ကျွန်လေဟို အယ်မျိုးဘဲလောက်ဂေ။ သူးနို့ဟို ချီးခြော-က်ဂေန။ နန်းနီနဲ့ သူးနို့လေရဲ့ သခင်ဟာ ကောန်းဂန်ဘောင်မာရှိနေဘီး အယ်သခင်ဟာ မျစ်နာလိုက်ဟု ဆိုဇာဟို သိဟားဂေပ။ 10 နန်းနီဟာ သခင်ဘုရားန တလောင်းတဝဲဖြစ်ဘီး ကိုယ်တော်ရဲ့ တဂိုးအားဖြင့် ခိုင်ခံ့ဟိုတွင် ငါဟာ နော-က်ဆောင်းနေန မှာရှင်ပါဟယ်။ 11 မာရ်နတ်ရဲ့ လှည့်ဇာဟူ ဇာလေဟို ကာကွယ်နိုင်ဟိုတွင် ဘုရားသခင်ဟု ပြင်ဆင်ဟားဟူ လတ်နတ်စောင်လေဟို ဝတ်ဂေပ။ 12 နို့လေဟာ သွီးသားရှိဟူလူလေန တိုက်ခိုက်ဂေဇာ မူဟူ။ ကောန်းဂန်မာနေဟူ ရရာတိုင်းဆိုးဟူ ဝိညာဉ်တဂိုးရှင်လေန၊ အယ်မောန်လောကဟို စိုးရဟူ တဂိုးရှင်လေ၊ အာဏာပိုင်လေန တိုက်ခိုက်ဂေရဟယ်။ (aiōn g165) 13 အယ်ကြောန့် ဘုရားသခင်ရဲ့ လတ်နတ်စောင်လေဟို ကိုင်ဟားဂေပ။ အယ်မျိုးလောက်မှ ဆိုးယောက်ဟူ ကာလ ရော-က်လာဟူ ဒီမာ နန်းနီဟာ ရန်သူတိုက်လာဟူဇာဟို ကာကွယ်နိုင်လေမယ်။ ဆောင်းထိ တိုက်ခိုက်ဟူ ဒီမာ နန်းနီဟာ ရပ်နိုင်လေမယ်။ 14 အယ်ကြောန့် ဆင်သင့်ရှိဂေပ။ သမ္မာတရားဖြစ်ဟူ ခါးဗတ်န၊ ဖြောန့်မတ်ရှင်းဖြစ်ဟူ

ရင်ဖတ်ကာဟူစာဟိုရော၊ 15 ငြိသတ်ရှင်းနုဆိုင်ဟူ ဒန်းကောန်းဟို ဟောပြောဟို့တွပ် ပြင်ဆင်ဟူးစာဖြစ်ဟူ ခေနပ်စီးဘီး ခံရပ်ဟူးဂေ့ပါ။ 16 ယောင်ကြည်ရှင်း ဒိုင်းလွှားဟို့လည်း မြဲဒမ်းကိုင့်ဟူးဂေ့ပါ။ နန်းနို့ဟာ အယ်ဒိုင်းလွှားအားဖြင့် မာရ်နတ်ပစ်ဟူ မီးမြှားလတ်နတ်ဟို့ ကာကွယ်နိုင်လေမယ်။ 17 ကယ်တန်ရှင်းဖြစ်ဟူ သံခမော့-က်နု ဝိညာဉ်တော်ဟုပေးဟူ ဘုရားသခင်ရဲ့ စကားတော်ဖြစ်ဟူ ဓားဟိုရော ယူဆောန်ဂေ့ပါ။ 18 နန်းနို့ဟို ကူညီစောန်ရှော့-က်ဟို့တွပ် ဘုရားသခင်ဟို့ မြဲဒမ်းဆုတောင်းဂေ့ပါ။ ဝိညာဉ်တော်ပြောဟူးတိုင်း မြဲဒမ်းဆုတောင်းဂေ့ပါ။ အယ်ကြောန့် နိုးနိုးကြားကြားဟူး နေဂေ့ပါ။ ဇွဲသတ်တိလည်း ရှိဂေ့ပါ။ ဒီတိုင်းမာ ဘုရားသခင်ရဲ့ သန်ရှင်းဟူ လူမျိုးတော်တွပ် ဆုတောင်းဂေ့ပါ။ 19 ငါဟောပြောဟူ ဒီမာ ဘုရားသခင်ဟာ ငါ့ဟို့ နောက်သတ်တိဟို့ ပေးဟို့တွပ်ရော၊ ဒန်းကောန်းရဲ့ နတ်နဲဟူ ဇာလေဟို့ ရဲရဲရင့်ရင့်ဟူး ဖွမ်ပြနိုင်အောန် ငါ့တွပ်လည်း ဆုတောင်းပေးဂေ့ပါ။ 20 ငါဟာ ကျဉ်းထောန်ထဲမာ နေရဘေမဲ့ အယ်ဒန်းကောန်းတွပ် သံတမန် ဖြစ်ဟယ်။ အယ်ဒန်းကောန်းဟို ဟောပြောသင့်တိုင်းဘဲ ငါဟာ ရဲရဲရင့်ရင့်ဟူး ဟောပြောနိုင်ဟို့တွပ် ဆုတောင်းဂေ့ပါ။ 21 ငါနုပတ်သတ်ဟူ ကြောင်းလေဟို့ နန်းနို့သိဟို့တွပ် ဒန်းဂူလောင်းဟို့ နန်းနို့လေဟို့ တုခိတ်ဟု ပြောပြလေမယ်။ သခင်ဘုရားရဲ့ မှုတော်ဆောန်ဟူ ဒီမာ သူဟာ နို့လေဟို့ သစ်စာရှိရှိနု စေခံဟူသု၊ နို့လေရှစ်ရဟူညီ ဖြစ်ဟယ်။ 22 အယ်ကြောန့် နို့လေနုဆိုင်ဟူ ဒန်းဂူလောင်းဟို့ ပြောပြဟို့တွပ်နု သူဟာ နန်းနို့ဟို အားပေးကူညီဘီး နန်းနို့စိန်လောင်း သတ်သာစေဟို့တွပ် ငါဟာ လွတ်လိုက်ဟယ်။ 23 ဖဘုရားသခင်နု သခင်ယေရှု ခရစ်တော်ဟာ ယောင်ကြည်သူလေဟို့ ငြိသတ်ရှင်း၊ ရှစ်ရှင်း၊ ယောင်ကြည်ရှင်းလေဟို့ ခွဲပေးပါစေ။ 24 ဖယ်ခါလည်း ပျစ်စီးဘဲဟူ မြစ်တာနု နို့လေရဲ့ သခင်ယေရှု ခရစ်တော်ဟို့ ရှစ်ဂေ့ဟူ လူလေ ဂူလောင်းထတ်ဟို့ ဘုရားသခင်ရဲ့ ကျေးဇူးတော်ဟာ ရှော့-က်လာပါစေ။

1 ယေရှုခရစ်တော်ရဲ့ စေခံဖြစ်ဟူ ပေါလုန တိမောသေလေဟုနေ — **2** နန်းနို့ဟာ နို့လေရဲ့ဖြစ်ဟူ ဘုရားသခင်န သခင်ယေရှုခရစ်တော်နားဟုနေ ကျေးဇူးတော်န ငြိသတ်ရှင်းလေဟို ခံစားရပါစေ။ **3** နန်းနို့ ကြောင်းလေဟို ဒီရဟူခီတိုင်းမာ ငါဟာ ဘုရားသခင်ရဲ့ ကျေးဇူးတော်ဟို ချီးမွမ်းပါဟယ်။ **4** ဝမ်းမြော-က်ဟူစိန နန်းနို့တွပ် ငါဟာ မြဲဒမ်း ဆုတောင်းပေးနေဟယ်။ **5** ဖြားဖြစ်ကြောန့်နို့ဆိုဟာ နန်းနို့ဟာ ကောန်မြတ်ဟူ ဒန်းကောန်းတွပ် ပထမနေဟုစဘီး ခုတိုင်အောန် စုပေါင်းဘီးဟာ ပါဝမ်ကြောင်းဟို သိဟူကြောန့် ဘုရားသခင်ရဲ့ ကျေးဇူးတော်ကို ချီးမွမ်းဟယ်။ **6** နန်းနို့မာ အယ်မျိုးကောန်းမြတ်ဟူမှုဟို စဘီးလောက်ဟူ ဘုရားသခင်ဟာ ယေရှုခရစ်တော်ရဲ့ နေရစ် ရော-က်လာခီထိ အယ်မှုဟို ပီးအောန်လောက်မယ်ဆိုဇာဟို ငါဟာ ယောင်ကြည်စိလွှဟယ်။ **7** နန်းနို့ဟို ငါဟာ ဒီရဟယ်။ အယ်ကြောန့် ငါဟာ နန်းနို့န ပတ်သတ်ဘီးဟာ အယ်မျိုး စိသဘော ထားဟားဟယ်။ ခုငါဟာ တောက်နောန်ခံရဘီး နေရဟူခီန ဒန်းကောန်းဟို လွတ်လွတ်လပ်လပ်ဟား သတ်သေခံခွမ့် ရဟူခီဒူးဟု နန်းနို့ဟာ ငါနုတူးဒု ကျေးဇူးတော်ဟိုတူးဒု ဝီမျှခံစားဟူ လူလေဖြစ်ဟူကြောန့် နန်းနို့ဟာ ငါရဲ့ နှလောင်းထဲမာ စိစွဲလမ်းဘီး ရှိဂေဟယ်။ **8** ငါဟာ ယေရှုခရစ်တော်ရဲ့ မြစ်တာကရဏာန နန်းနို့ဟို ရရာတိုင်း လွမ်းဟူကြောင်းဟို ဘုရားသခင်ဟာ ငါရဲ့သတ်သေ ဖြစ်ဟယ်။ **9** နန်းနို့ဟာ ကောန်းဆောင်းဟို ဝီးကော-က်နိုင်ဟို့တွပ် သိပညာန ပိုင်ခြားဝေဖန်တတ်ဟူ စွမ်းရည်လေန ပွဲဇောင်ဘီး မြစ်တာပါရမီလေဟာ တိုးတတ်လာဂေဟို့ နန်းနို့လေတွပ် ငါဟာ ဆုတောင်းဟယ်။ **10** မြင့်မြတ်ဟူ ဇာလေဟို နန်းနို့လေဟာ ပိုင်းခြားဘီး သိနိုင်ဟို့ကြောင်းန နန်းနို့ဟာ ခရစ်တော်ကြွလာဟူ နေရစ်မာ ဖြူစင်ဘီး ပြစ်တန်ဇာဟူမဲ့ဘဲ ညစ်ကြေးန ကင်းလေမယ်။ **11** ဘုရားသခင်ရဲ့ ဖောင်းသရေတော် ထွန်းတော့-က်ဟို့တွပ်န ဂေါင်တော်ဟို ချီးမွမ်းဂေဟို့တွပ် ယေရှုခရစ်တော်ကြောန့် ရနိုင်ဟူ ဖြောန်မတ်ဘီး စစ်မှန်ဟူ ရည်သွေးကောန်းလေန ပွဲဇောင်လေမယ်။ **12** ညီကို မောန်နှမလေ ငါမာတို့ကြောင်ရဟူ ဖြစ်ပျစ်လေဟာ ဒန်းကောန်းဟို ကြေညာဟူ ဒီမာ တကယ်ဘဲ ထော့-က်ကူပေးကြောင်းဟို နန်းနို့ဟို သိစေရှင်ဟယ်။ **13** ငါဟာ ခရစ်တော်ရဲ့ စေခံဖြစ်တွပ်ကြောန့် ငါဟာ တောက်နောန်ခံရဘီး နေရဟူကြောင်းဟို နန်းတော်မာ စောန်နေဟူ တပ်သားလေန တခြားသူလေဟာ သိဂေဟယ်။ **14** အယ်မျိုး တောက်နောန်ခံရဟူကြောန့် ညီကို မောန်နှမလေဟာ သခင်ဘုရားဟို ပိုဘီး ဟာ ယောင်ကြည်စိလွှလာဂေဟယ်။ အယ်ကြောန့် သူနို့ဟာ ကြေး-က်ဘဲန စကားတော်ဟို ပိုဘီး ဟာ ဟောပြောရဲဂေဟယ်။ **15** တချို့လူလေဟာ နာလိုဘဲဟူစိ၊ ရန်ရှာရှင်ဟူစိလေန ခရစ်တော်ကြောင်းဟို ဟောပြောဂေဟယ်။ အယ်ဘေမဲ့ တချို့လူလေဟာ စေတနာစိန ဟောပြောဂေဟယ်။ **16** အယ်လူလေဟာ သခင်ယေရှုကြောင်း ဒန်းကောန်းဟို ကာကွယ်ဘီးဟောပြောတွပ် ငါဟို ဘုရားသခင်ဟု ခန့်ဟားဟူကြောင်းဟို သိဟူကြောန့် မြစ်တာန ဟောပြောဂေဇာ ဖြစ်ဟယ်။ **17** တခြားလူလေဟာ ခရစ်တော်ရဲ့ကြောင်းဟို ရိုးသားမှုမဲ့ဘဲန ကျော်ကြားရှင်ဟူစိန ဟောပြောဂေဟယ်။ သူနို့ရဲ့ ကြံစည်လေဟာ တောက်နောန်ခံနေရဟူ ငါဟို ပိုဘီး ဟာ စိဒေါက်ခရော့-က်စေဟယ်။ **18** ဖယ်မျိုးဟောပြောနူးဆိုဟာ ရေးကီးဟု။ မှားယွင်းဟူ ရည်ရွယ်ချစ်န ဟောပြောရှင်းဖြစ်စေ၊ မှန်ကန်ဟူ ရည်ရွယ်ချစ်န ဟောပြောရှင်းဖြစ်စေ ခရစ်တော်ကြောင်းဟိုဘဲ ဟောပြောနေဟူကြောန့် ငါဟာ ဝန်းသာဟယ်။ ဆစ်ဘီးဟာ ဝန်းသာနေဟယ်။ **19** ဖြားဖြစ်ကြောန့်နို့ဆိုဟာ နန်းနို့လေရဲ့ ဆုတောင်းရှင်းလေ၊ ယေရှုခရစ်ဝိညာဉ်တော်ရဲ့ ငါဟို ကူညီမပေးရှင်းအားဖြင့် အယ်ကြောင်းရာလေဟာ ငါဟို ကယ်တန်ဟူ ကြောင်းရာလေဖြစ်ဟယ်။ **20** ငါဟာ ဖယ်ခါလည်း ကိုယ့်တာဝန်ဟို ပြစ်ကွပ်ဘဲ ခီတိုင်းမာရော၊ ထူးသဖြင့် အယ်မျိုးဒီမာရော ရဲရင့်ဟူသတ်တိန ပွဲဇောင်ဘီး ငါဟာ သတ်ရှင်ဇာဖြစ်စေ၊ သေဇာဖြစ်စေ ငါ့ကိုယ်ခန္ဓာအားဖြင့် ခရစ်တော်ရဲ့ ဖောင်းသရေတော်ဟို ထန်ရှားလာဟို့တွပ် မျှော်လင့်ဟယ်။ **21** သတ်ရှင်ဇာဟာ ဖယ်မျိုးနူး၊ ငါသတ်ရှင်နေဇာဟာ ခရစ်တော်ဘဲဖြစ်ဟယ်။ သေမယ် ဆိုဟာ ပိုဘီး ဟာ ကျိုးရှိဟယ်။ **22** အယ်ဘေမဲ့ ငါဟာ

ကိုယ်ခန္ဓာမှာ ဆစ်ဘီးဟာ သတ်ရှင်မယ် ဆိုဟာ ကျိုးရှိဟူမှုကို လောက်နိုင်ဟယ်။ အယ်ခီမာ ဖယ်ဇာဟို ဝီးကော-က်ရဟိုနဲ့ ဆိုဇာဟို ငါသိဟ။ 23 ငါ့မာ စိန္တေခွ ဖြစ်ဘီးနေဟယ်။ ငါဟာ အယ်ဘဝဟို စွန့်ဘီးဟာ ခရစ်တော်နတူးဒု နေရှင်ဟယ်။ အယ်မျိုးလောက်ဇာဟာ ငါ့တွပ် ပိုဘီး ကျိုးရှိဟယ်။ 24 အယ်ဘေမဲ့ နန်းနီလေရဲကျိုးလေဟို ထော့-က်ဟူကြောန့် ငါဟာ အယ်ကိုယ်ခန္ဓာမှာ သတ်ရှင်ဘီးနေဟိုတွပ် ပိုဘီး ဟာ ရေးကီးဟယ်။ 25 အယ်မျိုးဘဲ့ ယောင်ကြည်စိန္တေကြောန့် ငါဟာ နန်းနီနတူးဒု နေမယ်။ နန်းနီဟို ကြီးပွားတိုးတတ် စေရှင်ဟူကြောန့် ယောင်ကြည်ရှင်းမာ ဝန်းသာဟိုတွပ် ငါဟာ နန်းနီနတူးဒု နေမယ်။ 26 ငါဟာ နန်းနီန နော့-က်တခါ နေရမယ် ဆိုဟာ ယေရှုခရစ်တော်န တလောင်းတဝဒဲ ဖြစ်ဂေဟူ နန်းနီဟာ ငါ့တွပ်ကြောန့် ပိုဘီး ဟာ ဂေါင်ယူဘီး ကြားနိုင်ဂေလေမယ်။ 27 ခုနန်းနီတွပ် ရေးကီးဆောင်းဟု ခရစ်တော်ရဲ့ တရားတော်နညီ သတ်ရှင်နေဘီး နေနိုင်ဂေဟိုတွပ် ဖြစ်ဟယ်။ နန်းနီနားဟို ယွန်လာဇာဖြစ်စေ၊ လာဘဲ့ဖြစ်စေ၊ နန်းနီန ဝီးနေဘီး နန်းနီကြောန့်ဟို ကြားဇာဖြစ်စေ သာသနာတော်ဟာ ခိုင်မြဲဘီး ကြီးပွားဟိုတွပ် ခိုင်ခိုင်မားမားဟားရပ်ဘီး တစိ တသဘောဒဲ၊ ရည်ရွယ်ချစ်တခုဒဲန ဒန်းကောန်းနဆိုင်ဟူ ယောင်ကြည်ရှင်းတရားတွပ် နန်းနီလေဟာ တိုက်ပွဲဝမ်နေဂေကြောန့်ဟို ငါဟာ ကြားရှင်ဟယ်။ 28 နန်းနီရဲ့ ရန်သူလေဟို ကြော့-က်ဂေန။ မြဲဒမ်းဘဲ့ ရဲရင့်ရင့်ဟာ နေဂေပ။ အယ်မျိုးနေဇာဟာ ရန်သူလေဟု ရှောင်ပားဟူကြောန့်န နန်းနီဟု အောန်မြင်မယ်ဖြစ်ကြောန့် ရန်သူလေဟို သတ်သေပြဂေလေမယ်။ ပြားဖြစ်ကြောန့်နူးဆိုဟာ နန်းနီဟို အောန်ဗွဲခံစေဟူ သခင်ဟာ ဘုရားသခင်ဘဲ့ ဖြစ်ဟယ်။ 29 နန်းနီဟာ ခရစ်တော်ဟို ယောင်ကြည်ရှင်းမျှဘဲ့ ကဘဲ့န ခရစ်တော်တွပ်ကြောန့် ဒေါက်ခ ခံရရင်းနရော၊ ခရစ်တော်ရဲ့မျှတော်ဟို လောက်ဟိုတွပ်ရော ခွမ့်ရေးလေဟို ရဂေဟယ်။ 30 ခုနန်းနီဟာ ငါ့နတူးဒု တိုက်ပွဲဟို ဝမ်နိုင်ဟားဘီး ရင်းရင်းဟု ငါဟာ တိုက်ပွဲဝမ်ဇာဟို နန်းနီဟာ ဗြင်ရဂေဟယ်။ နန်းနီ ကြားရဟူတိုင်းဘဲ့ ခုလည်း ငါဟာ တိုက်ပွဲဝမ်နေသေးဟယ်။

2 နန်းနီဟာ ခရစ်တော်ထဲမှာ သတ်ရှင်ဟူကြောန့် ခွန်အားလေ ရလာဂေဟယ်။ ကိုယ်တော်ရဲ့ မြစ်တာတော်ဟာ နန်းနီဟို နှစ်သိမ့်မှုဟို ပေးဟယ်။ နန်းနီဟာ ဝိညာဉ်တော်န မိတ်သဟာယဖွဲ့ရဟူ ခွမ်ရဂေဟယ်။ နန်းနီလေဟာ သနားကြင်နာဟူ စိရှိဂေပ။ 2 အယ်ဘီးဟာ နန်းနီဟာ စိသဘောတူးဒုရှိရှင်း၊ နန်းနီရှင်းရှင်း ရှစ်ရှင်း၊ စိစွဲလမ်းဘီး တူးဒုရှိဂေဇာအားဖြင့် ငါ့ဟို ရရတိုင်း ဝန်းသာစေဂေပ။ 3 ဝါကြွားရှင်ဟူစိ၊ ကျော်ကြားရှင်ဟူ စိဟို တတ်မတ်ဘီးဟာ ပြားမှုလည်း လောက်ဂေန။ တခြားလူဟု ကိုယ်ထတ်သာဟယ် ဆိုဇာဟို မြဲဒမ်း မှတ်ဟားဘီးဟာ စိနီခွဂေပ။ 4 ကိုယ်ကျိုးတွပ်ဘဲ့ ကော့ဘဲန ရှင်းရှင်းလေရဲ့ ကျိုးဟို ရှာဂေပ။ 5 ယေရှုခရစ်တော်ထဲမှာရှိဟူ စိသဘောမျိုး နန်းနီလေမာလည်း ရှိဂေပ။ 6 ကိုယ်တော်ဟာ ဘုရားဇာတိတော်န ထာဝရပွဲဇာင်ဟယ်။ ဘုရားသခင်န ဒန်းဒုဖြစ်ဟိုတွပ် ကြိုးစားအားထုမှုမျိုး စဉ်းစားဟ။ 7 အယ်မျိုးလောက်ဟို နေနေသာသာ ကိုယ့်ကိုယ်ကိုယ် ဖောင်းသရေတော်ဟိုစွန့်ဘီး စေခံကျွန်ရဲ့ ပေါင်ဇံဟို ခံယူလိုက်ဟယ်။ ကိုယ်တော်ဟာ လူပေါင်ဇံဟို ဆောန်ဘီးဟာ လူလေမျိုး မွီးဖွားလာဟယ်။ 8 သူ့ကိုယ်သူ နီခွဘီးဟာ လတ်ဝါးကပ်တိုင်ထတ်မာ သေခံဟားဟူထိ နာခံမှုလမ်းစဉ်ဟို လိုက်လျော့-က်ဟားဟယ်။ 9 အယ်ကြောန်းကြောန့် ဘုရားသခင်ဟာ ကိုယ်တော်ဟို ရရာတိုင်း ချီးမြှော့-က်ဘီး၊ ဘွဲ့နာမဂူလောင်းထတ် ကီးမြတ်ဟူ ဘွဲ့နာမဟို ပေးဟားဟယ်။ 10 အယ်ကြောန့် ကောန်းဂန်၊ မွေဂီးထတ်န မွေဂီးအော့-က်မာ ရှိနေဟူ သတ္တဝါဂူလောင်းဟာ သခင်ယေရှုရဲ့ နာမတော်ဟို ရိုသေဦးညွတ်ဘီးဟာ။ 11 ယေရှုခရစ်တော်ဟာ သခင်ဖြစ်ဟယ် ဆိုဇာဟို နောက်နဝန်ခံဘီး၊ ဖဘုရားသခင်ရဲ့ ဖောင်းတော်ဟို ထန်ရှား စေဂေလေမယ်။ 12 ရှစ်ရဟူသူလေ၊ နန်းနီန ငါဟာ ရှိနေဟူဒီးဒူးဟု နန်းနီဟာ ငါစကားဟို မြဲဒမ်း နားထောန်မျိုးဘဲ့ ငါ့နော့-က်ကွယ်မာလည်း မြဲဒမ်းနားထောန်ဘီးဟာ ရရာတိုင်း ကြော့-က်ဟူစိန ကိုယ့်ကိုယ်ကိုယ် ကယ်တန်ဟိုတွပ် ကိုယ်တိုင် ကြိုးစားအားထုဂေပ။ 13 ပြားဖြစ်ကြောန့်နူးဆိုဟာ စေတနာစိ ရှိဟူတိုင်း ဆန္ဒရှိဟိုနဲ့ လောက်ဆောင်ဂေဟိုတွပ် နန်းနီထဲမှာ လောက်ဆောင်တော်မှုဟူ သခင်ဟာ ဘုရားသခင်ဖြစ်ဟယ်။ 14 နန်းနီဟာ ပြားဘဲ့လောက်လောက် ညီးတွားရှင်း၊ ဂြင်းခွရှင်း ရှိဘဲန လောက်ဆောန်ဂေပ။ 15 အယ်မျိုးလောက်မု နန်းနီဟာ ဖော့-က်ယွန်ဘီးဟာ ပြစ်ကျူးလွန်နေဟူ လူလေရှိဟူ အယ်လောကမာ ဘုရားသခင်ရဲ့ ပြစ်တန်ဇာမေ့ဘဲ့ဟူ သားမီးနေန စိနလောင်း ဖြူစင်သန်ရှင်းဘီးဟာ

ပြစ်ကင်းဟူလူလေ ဖြစ်ရလေမယ်။ 16 နန်းနို့ဟာ ထာဝရသတ်နု ဆိုင်ဟူ တရားတော်ဟို ဟောပြောဘီးဟာ အယ်လူလေလယ်မာ ကြယ်လေမျိုးဘွဲ့ လန်းဘီးဟာ တော့-ကပ်ပရေလေမယ်။ အယ်မျိုးလောက်မယ် ဆိုဟာ ငါဟာ အားထုဘီးဟာ လောက်ဆောန်ဇာမုန်မျှဟာ ချည်းနှီးဖြစ်ဘဲနု ခရစ်တော်ရဲ့ နေ့ရစ်မာ ငါမာ ဂေါင်ယူဝါကြားဇာ ကြောန်းလေ ရှိလေမယ်။ 17 နန်းနို့ရဲ့ ယောင်ကြည်ရှင်းဟာ ဘုရားသခင်ဟို ပူဇော်ဟူယမ်ထတ်မာ ငါရဲ့ သတ်နုသွီးဟို သွန်းလောင်းရမယ် ဆိုဟာ ငါဟာ ဝန်းသာဘီး နန်းနို့နုတူးဒု ဝန်းသာဟယ်။ 18 နန်းနို့ဟာ ဝန်းသာဘီးဟာ ငါနုတူးဒု ဝန်းသာဂေပါ။ 19 ငါဟာ နန်းနို့ကြောန်း ဒန်းကောန်းဟို ကြားဘီးဟာ အားတတ်လာဟို သခင်ယေရှုဟာ လိုတော်ရှိမယ် ဆိုဟာ တိမောသေဟို နန်းနို့နုတူးဒု ကြာခန်မာ လွတ်ဟိုတွပ် ငါဟာ မျှော်လင့်ဟယ်။ 20 တိမောသေ တယော့-ကပ်ဘွဲ့ ငါနုဘောတူဘီး နန်းနို့ရဲ့ ကျိုးဖြစ်ဟိုတွပ် မှန်တကယ်လိုရှင်ဟူ လူဖြစ်ဟယ်။ 21 တခြားလူလေဟာ ကိုယ်ကျိုးဘွဲ့ ရှာဂေဟယ်။ ယေရှုခရစ်တော်ရဲ့ကျိုးဟို ရှာဂေဟယ်။ 22 တိမောသေ ငါဟာ သားဖမျိုးဘွဲ့ တူးဒု ဒန်းကောန်းဟို ပွဲနွဲ့ဟိုတွပ် မူတော်ဟို ဖယ်မျိုးစေခံဟယ်နူး၊ ဆိုဇာဟို နန်းနို့ဟာ သိဂေဟယ်။ 23 အယ်ကြောန့် ငါရဲ့ မှုကိစလေဟာ ဖယ်မျိုးဖြစ်နူး၊ ဆိုဇာဟို သိဟူ ခီမာ သူဟို နန်းနို့နုတူးဒု လွတ်နိုင်ဟိုတွပ် ငါဟာ မျှော်လင့်နေဟယ်။ 24 သခင်ဘုရားဟို ယောင်ကြည် ကိုးစားဘီး ငါကိုယ်တိုင်ဘွဲ့ ကြာခန်မာ နန်းနို့နုတူးဒု လာနိုင်လေမယ်။ 25 ငါရဲ့ လောက်ဖော်ဆောန်ဖတ်၊ ငါနုတူးဒု တိုက်ပွဲဝမ်ဟူလူ၊ ငါဟို ပြုစုဟိုတွပ် နန်းနို့လေ လွတ်လိုက်ဟူလူ၊ နို့လေရဲ့ညီ စေတမန်ဖြစ်ဟူ ဧပပြောဒိတ်ဟို နန်းနို့နုတူးဒု လွတ်ဟိုတွပ် လိုအပ်နေဟယ် ဆိုဇာဟို ငါဟာ ယူဆဟယ်။ 26 သူဟာ နန်းနို့လောင်းဟို လွမ်းဘီးဟာ မြဲဒမ်းဒီရနေဟယ်။ သူဖျားနေဟူ ဒန်းဟို နန်းနို့ဟာ ကြားဟူကြောန့် သူဟာ စိကောန်းဘွဲ့ ဖြစ်နေဟယ်။ 27 သူဟာ တကယ်ဘွဲ့ သေခါနီးဖြစ်အောန် ဖျားနေဟယ်။ အယ်ဘောမဲ့ ဘုရားသခင်ဟာ သူဟို သနားလေဟယ်။ သူဟိုဘွဲ့ သနားဇာမူဟယ်။ ငါဟိုလည်း ထတ်ဘီးဟာ ဝန်းနဲ့ဟူ ဇာလေနု တွံကြောင်ဘဲနေ ရဟိုတွပ် သနားဟယ်။ 28 အယ်ကြောန့် နန်းနို့ဟာ သူဟို နော့-ကပ်တခါ တွံရဟူကြောန့် ဝန်းသာဂေဟိုတွပ်ရော၊ ငါရဲ့ ဝန်းနဲ့ဟူ ဇာလေလည်း ပျော့-ကပ်ဟားဟိုတွပ်ရော သူဟို နန်းနို့နုတူးဒု လွတ်ဟိုတွပ် ငါဟာ ပိုဘီး ဟာ စိအားထတ်သန်ဘီး နေဟယ်။ 29 နန်းနို့ဟာ သခင်ဘုရားဟို ထော့-ကပ်ဘီး သူဟို ညီကိုတယော့-ကပ်နေနု ဝန်းသာဘီးဟာ ကြိုဆိုဂေပါ။ အယ်မျိုးလူဟိုလည်း ရိုသေဘီးဟာ လေးစားဂေပါ။ 30 သူဟာ နန်းနို့လေကိုယ်တိုင် ပေးနိုင်ဘွဲ့ဟူ ကူညီလေဟို ငါဟို ပေးနိုင်ဘီးဟာ သတ်စွန့်ဘီးဟာ ခရစ်တော်ရဲ့မူတော်ဟို သေခါနီးထိ ကြိုးစားဘီးဟာ ထမ်းဆောန်ဟယ်။

3 ညီကို မောန်နုမလေ၊ နော့-ကပ်ဆောင်း ပြောရမယ် ဆိုဟာ သခင်ဘုရားနု တလောင်းတဝဲဖြစ်ဘီး ဝန်းသာဂေပါ။ ရင်ဟာ ငါရေးဘီးဟာ ဖော်ပြဟားဟူ ကြောန်းရာလေဟို ခုလည်းထပ်ဘီးဟာ ဖော်ပြရဟူဇာဟာ ဝန်လေးဟု၊ နန်းနို့လေ ပိုဘီး ဟာ လောင်ခြောင်ဟိုတွပ်ဖြစ်ဟယ်။ 2 ခွီးဖြစ်ဟူလူ၊ ကောန်းဘွဲ့ဟူကျင့်ဟို ကျင့်ဟူလူ၊ ကိုယ်အင်္ဂါဟို လီးဖြတ်ရမယ် ဆိုဘီး ပြောဟူလူလေဟို ဒိန်ရှောန်ဂေပါ။ 3 ရေဖျားလီးရှင်းဟို ခံရဟူ လူလေဟာ အယ်လူလေမူဘဲနု နို့လေဘွဲ့ဖြစ်ဟယ်။ ဖြားဖြစ်ကြောန့်နူးဆိုဟာ နို့လေဟာ ကိုယ်တော်ရဲ့ ဝိညာဉ်တော်ကြောန့် ဘုရားသခင်ဟို ကိုးကွယ်ဝတ်ပြုဘီး ယေရှုခရစ်တော်နု တလောင်းတဝဲ ဖြစ်ဟူကြောန့် ရွှင်လန်းဘီး ဝန်းသာဟူ လူလေ ဖြစ်ဟယ်။ နို့လေဟာ ပွန်ဟု လတ်ခဏာလေဟို ကိုးစားဟု။ 4 အယ်ဘောမဲ့ ဇာတိခိုက် အားကိုးဇာလည်း ငါမာ ရှိဟယ်။ ယော့-ကပ်ယော့-ကပ်ဟု ပွန်ဟု လတ်ခဏာလေဟို အားကိုးဇာ ရှိမယ် ဆိုဟာ ငါမာလည်း သူထတ် ပိုဘီး ဟာ အားကိုးနိုင်ဟူ ကြောန်းလေရှိဟယ်။ 5 ငါဟာ ရှစ်ရစ်မြော့-ကပ်နေမာ ရေဖျားလီးရှင်းဟို ခံဘီးဟာ ကုသရေလူမျိုး ဗယံမိန်နွယ်ဝမ်၊ ယုဒလူမျိုးဖြစ်ဟူ မိဖလေဟုနေဘီးဟာ မွီးလာဟူလူ ဖြစ်ဟယ်။ ပညတ်တရား စောန့်ထီးဟူဇာနု ပတ်သတ်ဘီး ပြောရမယ် ဆိုဟာ ငါဟာ ဖာရိရှဲ ဝိုဏ်းဝမ် ဖြစ်ဟယ်။ 6 ဘာသာရေး စိအားကီးဟူ ဖတ်မာပြောမယ် ဆိုဟာ သင်းတော်လေဟို ညှင်းဆဲ နှိစစ်ဟူလူ ဖြစ်ဟယ်။ ပညတ်တရားဟို လိုက်ရှော့-ကပ်ရှင်းအားဖြင့် ဖြောန့်မတ်မယ် ဆိုဟာ ငါဟာ ပြစ်တန်ဇာမူဘွဲ့ဟူ လူဖြစ်ဟယ်။ 7 အယ်ဘောမဲ့ အယ်ဇာလေဟု ငါတွပ် ယွတ်ဖြစ်ဟယ် ဆိုဘီး ပြောနိုင်ဘောမဲ့ ခုဟု ခရစ်တော်တွပ်ကြောန့်

ရှောင်းဘဲဖြစ်ဟယ် ဆိုဘီး မှတ်လိုက်ဟယ်။ 8 အယ်မျှလော့-က်ဘဲ မှုဘဲန ငါ့ရဲ့ သခင်ခရစ်တော်ဟို သိကျွမ်းရဇာဟာ အယ်ဇာလေနရော၊ ရှိမျှဂူလောင်းထတ် တဂိုးရှိဟူကြောန့် အယ်ဇာလေဟိုရော ရှောင်းဘဲဖြစ်ဟယ် ဆိုဘီး ငါမှတ်ဟယ်။ ငါဟာ ကိုယ်တော်တွပ် ရှိမျှဂူလောင်းဟို ပစ်လိုက်ဟယ်။ ယေရှုခရစ်တော်ဟို ယွတ်ရဟိုရော၊ ကိုယ်တော်န တလောင်းတဝဒဲ ဖြစ်နိုင်ဟိုရော အယ်ဇာလေဟို မှိုက်လေမျိုးဘဲ ငါဟာ သတ်မှတ်ဟယ်။ 9 ငါဟာ ပညတ်တရားဟို စောန့်ထီးဟူကြောန့် ဖြောန့်မတ်ဟူဇာဟို ရဇာမဟူ ခရစ်တော်ဟို ယောင်ကြည်ကြောန့်ဘဲ ဖြောန့်မတ်ရှင်းဟို ရဟယ်။ အယ်မျိုးဘဲ ဘုရားသခင်ပေးသနားဟူ ဖြောန့်မတ်ရှင်းဟာ ယောင်ကြည်ရှင်းမာဘဲ ခြေခံဟယ်။ 10 ငါဟာ ခရစ်တော်ဟို သိကျွမ်းဇာ၊ ရှင်ယွန်ထမြော့-က်ဟူ တဂိုးတော်ဟို ခံစားရဟူဇာ၊ ခရစ်တော်နတူးဒု ဆင်းရဲဒေါက်ခခံရဟူဇာ၊ ကိုယ်တော်သေခံဟူဇာမာ ပါဝမ်နိုင်ဟိုတွပ် လိုရှင်တောင်းတဟယ်။ 11 အယ်မျိုးမူဘဲ ငါကိုယ်တိုင်သေဘီးဟာ ရှင်ယွန်ထမြော့-က်ဟူခွမ်ဟို ရမယ် ဆိုဇာဟို မျှော်လင့်နိုင်ဟယ်။ 12 ငါဟာ အောန်မြင်ဘီးဟာ ပြစ်မေ့ဟု ဆိုဇာဟို ပြောရှင်ဇာ မဟူ။ အယ်ဘေမဲ့ အယ်ဆုဟို ငါ့ပိုးပေးဟိုတွပ် ယေရှုခရစ်တော်ဟာ ငါ့ဟို ဆွဲခေါ်ဘီး ရဟားဟူကြောန့် ငါဟာ အယ်ဆုဟို ရနိုင်ဟိုတွပ် ကြိုးစားဘီးနေဟယ်။ 13 ညီကို မောန်နှမလေ၊ ငါဟာ အယ်ဆုဟို ရဟားဟယ် ဆိုဘီး ထန်ဟု၊ ငါလောကဟူ တခဒဲဖြစ်ဟူဇာဟု ငါ့နော့-က်မာ ရှိနေဟူဇာလေဟို မေ့ပစ်ဘီးဟာ ငါ့ရှေ့မာ ရှိနေဟူဇာလေနားဟို ရော့-က်ဟိုတွပ် စွမ်းကူကြိုးစားဟယ်။ 14 အယ်ကြောန့် ငါဟာ ဆုဟိုရဟိုတွပ် ပန်းတိုင်ဟို ရှေ့ရှာဘီးဟာ ယွေးဟယ်။ အယ်ဆုဟာ ထတ်ရပ်မာ သတ်ရှင်ဟိုတွပ် ယေရှုခရစ်တော်ကြောန့် ဘုရားသခင်ဟု ဖိခေါ်ဇာဘဲ ဖြစ်ဟယ်။ 15 အယ်ကြောန့် ဝိညာဉ်ရေးရာမာ ကီးထွားလူလေဟာ အယ်မျိုးစိသဘာလေ ရှိသင့်ဟယ်။ တချို့လေဟု တူဘဲဟူ စိသဘောရှိမယ် ဆိုဟာ ဘုရားသခင်ဟု အယ်ဇာဟို ရှင်းရှင်းလန်းလန်းဟား ဖော်ပြပေးလေမယ်။ 16 ဖယ်မျိုးဘဲဖြစ်ဖြစ် နို့လေဟာ ခုထတ်ထိ ကိုယ်ရှော့-က်လာဟူ ပေါင်ခံတိုင်းဘဲ ကျင့်ဂေ့စို့။ 17 ညီကို မောန်နှမလေ၊ နန်းနို့လေဟာ ငါနားမာ တယူဂေ့၊ နို့လေပြဟူ စံနမူနာကောင်းလေဟို သတ်ရှင်ဘီး လိုက်နာဂေ့ဟူလူလေဟို ရှုမှတ်ဂေ့ပါ။ 18 ဖြာဖြစ်ကြောန့်နူးဆိုဟာ နန်းနို့ဟို မကြာမကြာ ငါဟာ ဖော်ပြဖူးဟယ်။ ခုလည်း မျှစ်ရယ်ထွာဘီးဟာ ဖော်ပြဟယ်။ ခရစ်တော်ရဲ့ လတ်ဝါးကပ်တိုင်ထတ်မာ သေခံရှင်းတရားန ဆန့်ကျင်ဘီးကျင့်နေဟူ လူလေဘောင်ဂီး ရှိနေဟယ်။ 19 အယ်လူလေဟာ ငရဲမာလမ်းဆောင်းဘီး ပျစ်စီးဂေ့လေမယ်။ သူးနို့လေရဲ့ ဘုရားဟု သူးနို့ဗိုက်ဘဲ ဖြစ်ဟယ်။ သူးနို့ဟာ ရှစ်ကြော့-က်ရဟူဇာလေဟို ချီးမွမ်းဘီး ကြွားဂေ့ဟယ်။ လောကဟု ဇာလေဟိုဘဲ စိစွဲလမ်းဂေ့ဟယ်။ 20 နို့လေဟု ကောင်းဂန်နိုင်ငံသား ဖြစ်ဟူကြောန့် ကောင်းဂန်ဘောင်မာ နို့လေရဲ့ ကယ်တန်ရှင် သခင်ယေရှုခရစ်တော် ကြွလာဟူဇာဟို စောန့်မျှော်ဘီး ရှိနေဂေ့ဟယ်။ 21 ကိုယ်တော်ဟာ ရာအားလောင်းဟူဟို သူရဲ့ အာဏာစစ်အော့-က်မာ ရော့-က်စေဟူ တဂိုးတော်ကြောန့် နို့လေရဲ့ သေတတ်ဟူ ကိုယ်ခန္ဓာဟို ဖောင်းသရေတော်န ပွဲဇောင်ဟူ ကိုယ်ခန္ဓာနတူအောန် ယွှန်းလဲပေးလေမယ်။

4 အယ်ကြောန့် ငါဝန်းသာဟူဇာကြောန့်န ငါ့ရဲ့ သရဖူဖြစ်ဟူ ငါ့ညီကို မောန်နှမလေ၊ နန်းနို့ဟို ငါဟာ ရရာတိုင်းရှစ်ဘီးဟာ လွမ်းနေဟယ်။ ငါဟာ နန်းနို့လေကြောန်းကြောန့် ဂေါင်ယူဟယ်။ ငါရှစ်ရဟူ ညီကို မောန်နှမလေ၊ သခင်ဘုရားမာ ခိုင်ခိုင်မြဲမြဲဟား ရပ်နေဂေ့ပါ။ 2 ဝေဝါဒီန သုန္ဒြတ်လေ၊ သခင်ဘုရားရဲ့ တပဲ့တော်မ ပီသဘီး စိသဘောညီညွတ်ဟူဇာ ရှိဂေ့ဟိုတွပ် ငါဟာ တောင်းမန်ဟယ်။ 3 ငါ့ရဲ့ လောက်ဖော်ဆောန်ဖတ်ဖြစ်ဟူ နန်ဟာ အယ်မီးမလေဟို ကူညီမဇေပါ။ နန်ဟို ငါဟာ တိုက်တွန်းဟယ်။ သူးနို့လေဟာ ဒန်းကောင်းပြောဟူ ဒီမာ ငါ့နတူးဒု ကြိုးစားဘီး လောက်ဆောန်ဟူ လောက်ဖော်ဆောန်ဖတ် ဖြစ်ဂေ့ဟယ်။ အယ်မျိုး လောက်ဆောန်ဟူ လူလေထဲမာ ကလေမန်းနတူးဒု ဘုရားသခင်ရဲ့ သတ်စာစောန်မာ နာမယ်ပါဟူ တခြား ငါ့ရဲ့ လောက်ဖော်ဆောန်ဖတ်လေလည်း ပါဝမ်ဟယ်။ 4 နန်းနို့ဟာ သခင်ဘုရားန တလောင်းတဝဒဲ ဖြစ်ဟူကြောန့် ဝန်းသာဂေ့ပါ။ နော့-က်တခါ ငါပြောမယ် ဝန်းသာဂေ့ပါ။ 5 နန်းနို့လေရဲ့ နူးညံ့သိမ်မွေ့ဟူ စိသဘောဟို လူလေဟို ပြင်စေဂေ့ပါ။ သခင်ဘုရား ယွန်ကြွလာဟိုဒီ နီးနေဘီ။ 6 ဖယ်မူဟိုလည်း စိုးရိမ်ဘဲန ဖြစ်လာဟူ မူရာလေတွပ် ကျေးဇူးတော် ချီးမွမ်းရှင်းန ဆုတောင်းဘီးဟာ နန်းနို့ လိုရှင်ဇာလေဟို ဘုရားသခင်မာ

တောန်းလျှော့-က်ဂေပါ။ 7 အယ်မျိုးလောက်မယ် ဆိုဟာ ဖယ်သူလည်း ကြံစည်တတ်စွမ်းနိုင်ဟဲ့ မှီဘဲဟူ ဘုရားသခင်ရဲ့ ငြိသတ်ရှင်းဟာ ယေရှုခရစ်တော်နဲ့ နန်းနို့ဟာ တလောင်းတဝဲ ဖြစ်ဟူကြောနဲ့ နန်းနို့ရဲ့ စိန်လောင်းနဲ့ ကြံစည်လေဟို့ ကာကွယ် စောင့်ရှောက်-က်လေ့မယ်။ 8 ညီကို မောန်နှမလေ၊ နီဂေါင်းချောက် ပြောရမယ် ဆိုဟာ နန်းနို့ဟာ ဖြောင့်မတ်ရှင်း၊ မှန်ကန်ရှင်း၊ မွန်မြတ်ရှင်း၊ စင်ကြယ်ရှင်း၊ နှစ်သက်စာကောင်းရှင်း၊ အသရေရှိရှင်းဖြစ်ဟူ ကောင်းမြတ်ရှင်းလေန ချီးမွမ်းစာဖြစ်ရှင်းလေ ရှိဟူမျှလေဟို့ နှလောင်းသွမ်းဂေပါ။ 9 ငါ့နားဟုနေ နန်းနို့ကြားဘီး ဗြင်ရဟူစာလေဟို့ ကျင့်ဂေပါ။ အယ်မျိုးကျင့်မယ် ဆိုဟာ ငြိသတ်ရှင်းရဲ့သခင် ဘုရားသခင်ဟာ နန်းနို့နုတူးဒူ ရှိလေမယ်။ 10 ဒီလေဘောင်ဂီးကြာဘီးမှ နန်းနို့ဟာ ငါဟို့ လေးထားဘီးဟာ စဉ်းစားပေးဟူစီဟာ နှော့-က်တခါ ပြဂေဟူကြောနဲ့ ငါဟာ သခင်ဘုရားနဲ့ တလောင်းတဝဲ ဖြစ်ဟူသူ တယော့-က်နေနု ရရာတိုင်း ဝန်းသာဟယ်။ ရင်ခါဒူးဟု နန်းနို့ဟာ ငါဟို့ မြစ်တာစေတနာ ထားဘဲနေဟယ် ဆိုဘီး ငါပြောဟူ။ အယ်စေတနာမြစ်တာဟို့ ပြနိုင်ဘဲဟူကြောင်းဘဲ ပြောစာဖြစ်ဟယ်။ 11 ငါဟို့ နန်းနို့ဟု ပယ်ဘီးဟာ ထားဟားဟူကြောနဲ့ ယူဆဘီးဟာ အယ်စကားဟို့ ပြောဟူစာလည်း မှဟူ။ ငါဟာ ကိုယ့်မာရှိဟူစာနဲ့ဘဲ ရောက်ရဲဘီး နေနိုင်ဟို့တွပ် သန်ယူဟားဟယ်။ 12 ငါဟာ ရရာတိုင်း ငတ်နေစာဘဲ ဖြစ်စေ၊ ရရာတိုင်း စားရဟူစာဘဲ ဖြစ်စေ၊ ချိုချိုတတ်တတ်ဘဲ ဖြစ်စေ၊ ပိုလျှံနေဟူစာဘဲ ဖြစ်စေ၊ ဖယ်မျိုးခြေနေ၊ ဖယ်မျိုးနေရာမာဘဲ ဖြစ်စေ၊ ကျေကျေနပ်နပ်ဟား နေနိုင်ဟို့တွပ် သန်ယူဟားဟယ်။ 13 ခရစ်တော်နားဟုရဟူ ခွန်အားကြောနဲ့ ငါဟာ ဖယ်မျိုးခြေနေမျိုးဘဲ ကြောင်ရကြောင်ရ ရင်ဆိုင်နိုင်ဟယ်။ 14 ဖယ်မျိုးဘဲဖြစ်ဖြစ် ငါဟာ ဆင်းရဲဒေါက်ခ တွဲကြောင်ရဟူ ဒီမာ နန်းနို့ဟာ မျှဝီခံစားဘီး ကောင်းကောင်းဟား ပြစေဂေဟယ်။ 15 ဖိလိပ္ပိုသင်းသားလေ၊ ငါဟာ မာကေခါနီပြည်ဟုနေ ထွပ်ဟားဘီး ဒန်းကောင်းဟို့ စဘီးကြေညာဟူ ဒီမာ နန်းနို့သင်းတော်ဟုဘဲ ငါဟို့ ကူညီဟူကြောနဲ့ မှတော်ဆောန်လောက်ငန်းမာ နန်းနို့ဘဲ ငါ့နုတူးဒူတွဲဘီးဟာ ပေးလှူရှင်းနု လတ်ခံရှင်း ရှိဘီးဟာ ဝီမျှဂေဟူကြောင်းဟို့ နန်းနို့ ကိုယ်တိုင်ဘဲ ကောင်းကောင်းသိဟယ်။ 16 သက်သာလောနိတ်မြို့မာ ရှိဟူဒီဒူဟာ ငါလိုရှင်ဟူကူညီဟို့ နန်းနို့ဟာ နှေခါတိုင်အောက် ပို့ပေးဂေဟယ်။ 17 အယ်မျိုးပြောစာဟာ ငါဟာ လူဟို့ လိုရှင်ဟူကြောနဲ့ မှဟူ။ နန်းနို့ရဲ့ ကပ်စာရင်းလေမာ ယွတ်တိုးလာစာဟို့ ငါဟာ လိုရှင်ဟယ်။ 18 နန်းနို့ပေးလိုက်ဟူ လူပစ်စီးဂူလောင်းဟို့ ရဟူကြောင်းဟို့ အယ်မူဖော်ပြဟားဟယ်။ အယ်လူ ပစ္စည်းလေဟို့ ဧပဖြောဒိတ်ဟု ယူလာပေးဟူကြောနဲ့ ငါလိုရှင်စာလေရဟယ်။ အယ်စာလေဟာ မွီးကြိုင်ဟူပူဇော်သကာ၊ ဘုရားသခင်လတ်ခံဘီး နှစ်သက်ဟူ ယစ်မျိုးဘဲဖြစ်ဟယ်။ 19 ငါ့ရဲ့ ဘုရားသခင်ဟာ ဂေါင်သရေနု စည်းဇိမ်အောက်စာ ကြွယ်ဝမျိုး၊ နန်းနို့ဟို့ ယေရှုခရစ်တော်ကြောနဲ့ နန်းနို့ လိုရှင်စာမှန်မျှဟို့ ပေးသနားပါစေ။ 20 ဒီလေရဲ့ဖ ဘုရားသခင်ဟာ ကမ္ဘာဆစ်ဆစ် ဖောင်းကီးတော်မူပါစေ။ အာမင်။ (aiōn g165) 21 ယေရှုခရစ်တော်နှိုက် ရှိဟူ သန်ရှင်းသူလေဟို့ နှောက်ဆစ်ပေးဂေပါ။ ငါ့နုတူးဒူ ရှိဂေဟူ ညီကို မောန်နှမလေဟုလည်း နန်းနို့ဟို့ နှောက်ဆစ်လိုက်ဟယ်။ 22 ယေရှုခရစ်တော်နှိုက် ရှိဟူ သန်ရှင်းသူလေဟို့ နှောက်ဆစ်ပေးဂေပါ။ ထူးသဖြင့် ကဲသာမန်းဂီးရဲ့ အီမာရှိနေဟူ ညီကိုမောန်နှမလေဟု နှောက်ဆစ်လိုက်ဟယ်။ 23 သခင်ယေရှုခရစ်တော်ရဲ့ ကျေးဇူးတော်ဟာ နန်းနို့ ဝိညာဉ်နုတူးဒူ ရှိပါစေ။

1 ဘုရားသခင်ရဲ့ လိုတော်အားဖြင့် ယေရှုခရစ်တော်ရဲ့ တမန်တော်ဖြစ်ဟူ ငါပေါလုနဲ့ နို့လေရဲ့ညီ တိမောသေဟော
— **2** ကောလောသံမြို့မှာရှိဟူ ခရစ်တော်ဟို့ ယောင်ကြည်ဘီး သစ်စာရှိဟူ သန့်ရှင်းသူ ညီကို မောနန်နမလေနားဟို့
စာရေးလိုက်ပါဟယ်။ **3** နို့လေဟော နန်းနို့လေတွင် ဆုတောင်းဟူခီတိုင်းမှာ သခင်ယေရှုခရစ်တော်ရဲ့ ဖြစ်ဟူ ဘုရားသခင်ရဲ့
ကျေးဇူးတော်ဟို့ ချီးမွမ်းဂေပါဟယ်။ **4** ပြားဖြစ်ကြောန့်နူးဆိုဟော နန်းနို့လေဟော ယေရှုခရစ်တော်ဟို့ ယောင်ကြည်ဘီး
သန့်ရှင်းသူလေဟို့ ရှစ်ဂေဟူကြောင်းဟို့ ကြားရဟူကြောန့် ဖြစ်ဟယ်။ **5** အယ်မူယောင်ကြည်ရှင်းနဲ့ ရှစ်ရှင်းမြစ်တာလေဟော
နန်းနို့လေတွင် ကောင်းဂန်ဘောင်မှာ သိုဟားဟူ မျှော်လင့်ရှင်းအားဖြင့် ဖြစ်ပေါ်လာဘီး အယ်မျှော်လင့်ရှင်းကြောင်းဟော
နန်းနို့လေနားဟို့ ရေ-က်လာဟူ ကောင်းမြတ်ဟူ ဒန်းကောင်းနဆိုင်ဟူ သမ္မာတရားရဲ့ နောက်တော်ထွပ်စကားဟို့
နန်းနို့လေ ကြားရဂေဘီ။ **6** အယ်မူဒန်းကောင်းဟော တကမ္ဘာလောင်းဟို့ ပုံနှံဘီး တိုးပွားဟူမျိုး အယ်ဒန်းကောင်းဟို့
ကြားနာရဟူ နန်းနို့လေလည်း ဘုရားသခင်ရဲ့ကျေးဇူးတော်ဟို့ မှန်းမှန်းကန်းကန် သိဟူနေဟူစေဘီး နန်းနို့ထဲမာလည်း
သီးသီးဘီးဟော တိုးပွားနေဟယ်။ **7** ဘုရားသခင်ရဲ့ ကျေးဇူးတော်ဟို့ နန်းနို့လေဟို့ သန့်ပေးဟူသူဟော နို့လေရဲ့
ကိုယ်စား ခရစ်တော်ရဲ့ မူဆောန်ဟူ နို့လေရှစ်ရဟူ ဧပဖြဘွဲ ဖြစ်ပါဟယ်။ သူဟော နို့လေရဲ့ကိုယ်စား သစ်စာရှိရှိန
ခရစ်တော်ရဲ့ မူတော်ဟို့ ထမ်းဆောန်ဟူသူ ဖြစ်ဘီး။ **8** ဝိညာဉ်တော်အားဖြင့်ရရှိဟူ နန်းနို့လေရဲ့မြစ်တာကြောင်းဟို့
နို့လေဟို့ သူပြောပြဟယ်။ **9** အယ်ကြောန့် နို့လေလည်း နန်းနို့လေဒန်းဟို့ ကြားရဟူနေဟူစဘီး မြဲဒမ်းဘွဲ
ဆုတောင်းဘီးဟော နန်းနို့လေဟော ဝိညာဉ်တော်ပေးတော်မူဟူ ဉာဏ်ပညာနဲ့ တတ်သိနားလည်မှု စောင်လင့်ရှင်းအားဖြင့်
ဘုရားသခင်ရဲ့လိုတော်ဟို့ သိဟူဉာဏ်နဲ့ပွဲဘီး။ **10** ကောင်းဟူမှု မျိုးမျိုးဖြစ်ဟူ သီးဟို့သီးဘီးဟော ဘုရားသခင်ဟို့
သိဟူဉာဏ်နဲ့ ကီးထွားလာရှင်းအားဖြင့် ရာရာတိုင်းမှာ သခင်ဘုရား နှစ်သက်စေဘီး ကိုယ်တော်နဲ့ ထိုက်ထိုက်တန်တန်
သတ်ရှင်ရှေး-က်လှမ်းနိုင်ဟို့တွင် တောင်းလျှော့-က်ဂေဟယ်။ **11** နော့-က်ဘီး နန်းနို့လေဟော ကိုယ်တော်ရဲ့
ဖောင်းတဂိုး အာနုဘော်တော်ဟူနေ ဆင်းသတ်လာဟူ စွမ်းသတ်တိရှိဟူမျှန အားဖွဲ့စာခံရဘီး သီးခံရှင်း၊ စိရယ်ရှင်းန
ပွဲဘီးဟော။ **12** နန်းနို့ဟို့ လန်းရောန့်ခိုက်ရှိဟူ သန့်ရှင်းသူလေရဲ့ မွီတော်မာ ပါဝမ်ထိုက်ဟူသူ ဖြစ်စေတော်မူဟူ
ဖာဘုရားသခင်ဟို့ ဝန်းသာဟူ စိန့် ကျေးဇူးတော်ဟို့ ချီးမွမ်းဂေပါ။ **13** ဖာဘုရားသခင်ဟော နို့လေဟို့ မှောန်မိုက်ရဲ့တဂိုးဟ
ကယ်နှုတ်တော်မူဘီးဟော သူရှစ်မြတ်ခိုးတော်မူဟူ သားတော်ရဲ့ နိုင်ငံတော်ထဲဟို့ ခေါ်သွမ်းတော်မူဟယ်။ **14** နို့လေဟော
အယ်သားတော်အားဖြင့် ဝီးနူရှင်းဖြစ်ဟူ ပြစ်လေ ခွမ့်လွှတ်ရှင်း ကျေးဇူးဟို့ ရရှိဂေဟယ်။ **15** သားတော်ဟော
မျှစ်စိန့်ပြင်နိုင်ဘဲဟူ ဘုရားသခင်ရဲ့ ပေါင်သဏ္ဌာန်တော်ဖြစ်ဘီး ဖန်ဆင်းတော်မူဟူ ဝေနေယျသတ္တဝါလေ ဂူလောင်းထဲမှာ
သားဦးဖြစ်ဟယ်။ **16** ပြားဖြစ်ကြောန့်နူးဆိုဟော ကောင်းဂန်ထတ်နဲ့ မွေဂီးထတ်မှာ ရှိဟူရာလေ ဂူလောင်းနတူးဒု လူမျှစ်စိန့်
ပြင်နိုင်ဟူရာ၊ ပြင်နိုင်ဘဲဟူရာ၊ ရာဇပလ္လင်လေဖြစ်ဖြစ်၊ စိုးရဟူ တဂိုးလေဖြစ်ဖြစ်၊ ထွဋ်မြတ်ခွမ့်အာဏာလေဖြစ်ဖြစ်
ရှိဟူမျှရာလေ ဂူလောင်းဟို့ ဘုရားသခင်ဟော အယ်မူသားတော်အားဖြင့် ဖန်ဆင်းတော်မူဟူကြောန့် ဖြစ်ဟယ်။
ရှိမျှဂူလောင်းဟော အယ်သခင်အားဖြင့်နဲ့ အယ်သခင်တွင် ဖန်ဆင်းတော်မူလေဟယ်။ **17** သားတော်ဟော ရှိမျှဂူလောင်း
ဖြစ်ခန့်ဒဲဟူ ရှိတော်မူဘီး ရှိမျှဂူလောင်းဟို့လည်း တဂိုးတော်အားဖြင့် တည်နေဂေဟယ်။ **18** ကိုယ်တော်ဟော
သင်းတော်ဖြစ်ဟူ ကိုယ်ခန္ဓာရဲ့ ဦးခေါင်းဖြစ်တော်မူဟယ်။ ရှိမျှဂူလောင်းမှာ ထူးမြတ်ဟူ နဂိုမူလရင်းမြစ်ဖြစ်ဘီး သေဟားဟူ
သူလေထဲမှာ သာဦးဖြစ်တော်မူလေဟယ်။ **19** ပြားဖြစ်ကြောန့်နူးဆိုဟော ဘုရားသခင်ဟော ရှိမျှဂူလောင်း ပွဲစောင်ရှင်းလေဟို့
သားတော်ထဲမှာ ကိန်းဝပ်စေဟို့တွင်နဲ့။ **20** လတ်ဝါးကပ်တိုင်ထတ်မှာ သွန်းဟူ သားတော်ရဲ့ သွီးတော်အားဖြင့် ရန်ဟို့
ငြီးစေဘီး ကောင်းဂန်ဘောင်မှာ ရှိဟူ ဇာလေရော၊ မွေဂီးထတ်မှာ ရှိဟူ ဇာလေရော ဂူလောင်းဟို့ သားတော်အားဖြင့် သူန
ပွန်သင့်မြတ်လာစေဟို့တွင် လိုတော်ရှိတော်မူဟယ်။ **21** တခီဒူးဟူ နန်းနို့လေဟော ဆိုးညစ်ဟူကျင့်နဲ့ ကြံစည်လေကြောန့်

ဘုရားသခင်နု ဝီးကွာဟွားဘီး စိနုလောင်းနှိုက် ရန်သူဖြစ်ဂေဟယ်။ 22 အယ်ဘေမဲ့ ခုခီမာ သွီးသားနဆိုင်ဟူ ကိုယ်ခန္ဓာနှိုက် သားတော်ဟို သေခံစေရှင်းအားဖြင့် ဘုရားသခင်ဟာ နန်းနို့လေဟို သူနု ပွန်သင်မြတ်စေတော်မူဟယ်။ အယ်မျိုးလောက်ရှင်းအားဖြင့် သန့်ရှင်းဘီး ပြစ်မှော့ဟူ နန်းနို့လေဟို သူရဲ ရှေ့တော်မာ ဆစ်သနိုင်ဟိုတွပ် ဖြစ်ဟယ်။

23 အယ်ဘေမဲ့ နန်းနို့လေဟာ ကြားနာရဟူ ကောင်းမြတ်ဟူ ဒန်းကောန်းရဲ့ မျှော်လင့်ရှင်းဟုနေ ယီးယိုင်သွားဘဲန ခိုင်းခိုင်မားမာ အပြစ်လွှာဟူးဟူ ယောင်ကြည်ရှင်းမာ ဆစ်ဘီးတည်နေရမယ်။ ကောင်းရန်အော့-က်ဟု ဖန်ဆင်းခံလောက တခုလောင်းဟို ပွန်နေဟူ အယ်မူဒန်းကောန်းဟို ဟောပြောစေခံနေဟူ သူဟာ ငါပေါလုဘဲ ဖြစ်ဟယ်။ 24 ငါဟာ နန်းနို့လေတွပ် ခံရဟူ ဆင်းရဲဒေါက်ခလေဟို ခု ဝန်းသာခံယူဘီး ခရစ်တော်ရဲ့ ဆင်းရဲဒေါက်ခမာ လိုအပ်သေးဟူ ပိုင်းလေဟို ကိုယ်တော်ရဲ့ ကိုယ်ခန္ဓာဖြစ်ဟူ သင်းတော်တွပ် ကျန်ရှိနေဟူ ဆင်းရဲဒေါက်ခ ကြွင်းကျန်လေဟို ငါ့ရဲ့ ကိုယ်ခန္ဓာမာ ပွဲဇောင်စေဟယ်။ 25 နန်းနို့ကျိုးတွပ် ဘုရားသခင်ဟာ ငါ့ဟို သင်းတော်ရဲ့ မူဆောန်ဖြစ် ခန့်ဟူးဟယ်။ ငါ့ဟို ပေးအပ်တော်မူဟူ တာဝန်ဟာ စကားတော်ရှိဟူမျှ ပွဲပွဲဝဝဟို ဟောပြောဟိုတွပ်ဖြစ်ဟယ်။ 26 ကိုယ်တော်ဟာ အယ်မူ နတ်နဲ့ဟူဇာလေဟို လောကမာရှိဟူ လူလေ ဂူလောင်းဟို လွန်လာဘီးဟူ ရှေးကာလလေမာ သိခွမ်းပေးဘဲဟူလည်းဘဲ ခုခီမာ သူရဲသန့်ရှင်းသူလေဟို ဖော်ပြပေးတော်မူဘီ။ (aion g165) 27 လူမျိုးခြားလေမာ အယ်မူနတ်နဲရာနဆိုင်ဟူ မဟာစည်းဇိမ်ဟာ ဖယ်မျှလော့-က်ကီးဟယ် ဆိုဇာဟို သန့်ရှင်းဟူသူလေ သိစေဟိုတွပ် ဘုရားသခင် လိုရှိတော်မူဟယ်။ အယ်မူစည်းဇိမ်ဟာ ဖောင်းသရေတော်ဟို မျှော်လင့်ဟိုကြောင်းဖြစ်ဟူ နန်းနို့ထဲမာ တည်တော်မူဟူ ခရစ်တော်ဘဲဖြစ်ဟယ်။ 28 နို့လေဟာ လူတိုင်းဟို ခရစ်တော်နှိုက် စောင်လင်ရင့်ကျတ်ဟူ သူဖြစ် ဆစ်သနိုင်ဟိုတွပ် လူတိုင်းဟို ဒီပေး ဆောင်းမဘီးဟာ ဉာဏ်ပညာရှိဟူမျှနု သွန်သန်ဘီး ခရစ်တော်ရဲ့ ကြောင်းဟို ဟောပြောဂေပါဟယ်။ 29 အယ်မူတာဝန်ဟို ငါကြိုးစား လောက်ဆောန်ဟူ ခီမာ ခရစ်တော်ဟာ ငါ့ဟို ကီးမားဟူ တဂိုးဟို ပေးတော်မူဟယ်။ အယ်မူတဂိုးဟာ ငါ့ထဲမာ လောက်ဆောန်နေဟယ်။

2 ငါဟာ နန်းနို့လေနု လောဒီကိဗြို့သူဗြို့သားလေဟုနေစဘီး ငါ့ဟို ဗြင်ဖူးသေးဘဲဟူ တခြားလူလေတွပ် ဖယ်လော့-က်ထိ ကြိုးစားဘီး လောက်ဆောန်ဟူဇာလေဟို နန်းနို့လေဟို သိစေရှင်ပါဟယ်။ 2 အယ်မျိုး ကြိုးစားဘီး လောက်ဆောန်ရဟူကြောင်းဟု နန်းနို့လေ ဂူလောင်းဟာ စိအားထတ်သန်ဘီး ရှင်းရှင်း တယော့-က်ဟိုတယော့-က် ရှစ်ရှင်းမြစ်တာနု စည်းလောင်းစေဟိုတွပ် စစ်မှန်ဟူ သိနားလည်မှုအားဖြင့် စိလ္လူအာမခံချစ်ဟို ပွဲပွဲဝဝ ရရှိဂေဟိုတွပ်နု။ ဘုရားသခင်ရဲ့ လျှိုဗျပ်နတ်နဲ့ဟူရာဖြစ်ဟူ ခရစ်တော်ဟို သိရဂေဟိုတွပ် ဖြစ်ဟယ်။ 3 အယ်မူခရစ်တော်ထဲမာ ဘုရားသခင်ရဲ့ ဉာဏ်ပညာဘဏ္ဍာ၊ သိပညာဘဏ္ဍာရှိဟူမျှဟို ဝှက်ဟူးတော်မူဟယ်။ 4 အယ်ကြောန့် ဖယ်သူလည်း နန်းနို့လေဟို ဖြားရောင်းဟူ စကားလေနု လှည့်ဇားစေနု။ 5 ငါဟာ ကိုယ်ခန္ဓာအားဖြင့် နန်းနို့လေနု ကွာဘီးနေရဟူလည်းဘဲ စိဝိညာဉ်အားဖြင့် နန်းနို့လေနုတူးဒုရှိပါဟယ်။ နန်းနို့လေဟာ တစည်းတလောင်းဒီရီဂေဘီး ခရစ်တော်ဟို ခိုင်းခိုင်မြဲမြဲနု ယောင်ကြည်ဂေဟူဇာဟို ငါဗြင်ရဟူကြောန့် ရရာတိုင်းဘဲ ဝန်းသာပါဟယ်။ 6 အယ်ကြောန့် နန်းနို့လေဟာ ခရစ်တော် ယေရှုဟို သခင်ဖြစ်နု လတ်ခံဂေဟူကြောန့် ကိုယ်တော်နု တလောင်းတဝဒဲ ဖြစ်ရှင်းအားဖြင့် သတ်ရှင်ဂေပါ။ 7 သွန်သန်ဇာလေဟို ခံရဟူတိုင်း ကိုယ်တော်နှိုက် နတ်နတ်နဲနဲ ပြစ်စွဲဘီးဟာ ကိုယ်တော်ထတ်မာ ကိုယ်ရဲ့ဘဝသတ်တာဟို တည်ဆော့-က်ဘီး နန်းနို့လေရဲ့ ယောင်ကြည်မှု ခိုင်မြဲစေရှင်းအားဖြင့် ကျေးဇူးတော် ချီးမွမ်းရှင်းနု ပွဲဇောင်ဂေပါ။ 8 ခရစ်တော်ရဲ့ တရားဟို ခြေပြုဘဲနု လောကရဲ့ ခြေခံတရားလေ လူလေရဲ့ ဓလေ့ထောင်းဒမ်းလေဟို ခြေပြုဟူးဟူ တွေးခေါ်ပညာလေနု နှစ်သာရမှော့ဘဲဟူ လှည့်ဇားမှုလေအားဖြင့် ဖယ်သူလည်း နန်းနို့လေဟို လုယူဖျစ်ဆီးဘဲနေဟိုတွပ် ဒီပြုဂေပါ။ 9 ဖြားဖြစ်ကြောန့်နုဆိုဟာ ဘုရားရဲ့ ဇာတိတော်ရဲ့ ရှိဟူမျှ ပွဲဇောင်ရှင်းလေဟို ခရစ်တော်ထဲမာ ကိုယ်ထန်ရှားဘီး ကိန်းဝပ်တော်မူလေဟယ်။ 10 နန်းနို့လေဟာ အောက်ချောက်ရှင်း ခွမ့်အာဏာဂူလောင်းရဲ့ ဦးခေါန်းဖြစ်တော်မူဟူ အယ်သခင်အားဖြင့် ပွဲဇောင်ဂေဟယ်။ 11 ခရစ်တော်နဆိုင်ဟူ ရေဖျားလှီးရှင်းအားဖြင့် သွီးသားဇာတိနဆိုင်ဟူ ကိုယ်ခန္ဓာဟို

ခလွတ်ပယ်ဘီးဟာ လူအားဖြင့်မူဘဲဟူ ရေဖျားလှီးရှင်းဟို အယ်သခင်နှိုက် ခံယူဂေဟယ်။ 12 နန်းနို့လေ ဗတ္တိဇံခံဟူ
 ဇာအားဖြင့် ကိုယ်တော်နတူးဒု သင်္ဂြိုဟ်ဇာဟို ခံဂေဘီး ခရစ်တော်ဟို သေရှင်းဟုနေ ရှင်ယွန်ထမြော-က်စေတော်မူဟူ
 ဘုရားသခင်ရဲ့ တဂိုးတော်ဟို ယောင်ကြည်ဂေဟူကြောန့် ကိုယ်တော်နတူးဒု ရှင်ယွန်ထမြော-က်ဂေလေဟယ်။ 13
 နန်းနို့လေဟာ စဟ ပြစ်ကျူးလွန်ဟူ သူလေဖြစ်ဂေဘီး ကိုယ်ကာယရဲ့ ရေဖျားလှီးဘဲဟူ ဖြစ်န သေနေဟူ နန်းနို့ဟို
 ဘုရားသခင်ဟာ ခရစ်တော်နတူးဒု သတ်ရှင်စေတော်မူဘီးဟာ နို့လေကျူးလွန်ဟူ ပြစ်ရှိဟူမျှဟို ခွမ်လွှတ်ဘီး။ 14 နို့လေရဲ့
 ပြစ်ကြွေးစာရင်းန၊ အယ်ပြစ်စာရင်းနဆိုင်ဟူ ဥပဒေစည်းမျဉ်းလေ ဂူလောင်းဟို လတ်ဝါးကပ်တိုင်မာ ရိုက်ရှင်းအားဖြင့်
 ပယ်ဖျစ်တော်မူလေဟယ်။ 15 အယ်လတ်ဝါးကပ်တိုင်ထတ်မာ ခရစ်တော်ဟာ ဝိညာဉ်ရေးရာနဆိုင်ဟူ တဂိုးရှင်လေန
 ခွမ်အာဏာရှိဟူမျှဟို ဖယ်ရှားတော်မူဘီးဟာ သူးနို့လေဟို စစ်သုံးပန်းဖြစ် ဖမ်းဆီးခေါ်ဘီး အောင်ပွဲခံ လှည့်လည်ရာမာ
 လူလေ ဂူလောင်းဟို ပြဟိုတွပ် နော-က်ဟုနေ လိုက်ပါစေတော်မူလေဟယ်။ 16 အယ်ကြောန့် စားသော-က်န ပတ်သတ်ဟူ
 ဇာဘဲဖြစ်ဖြစ်၊ ဘာသာရေးပွဲနေ၊ လဆန်းနေ၊ ဒန်းနေန ပတ်သတ်ဇာဘဲဖြစ်ဖြစ် နန်းနို့လေဟို ဖယ်သူလေဟုလည်းဘဲ
 စီရင်စေန။ 17 အယ်မူဇာလေဟာ နော-က်တခီမာ ဖြစ်ပေါ်လာမယ့် ဇာလေရဲ့ ရဲရောန်မျှဘဲဖြစ်ဘီး ကိုယ်စစ်ဟု
 ခရစ်တော်ဘဲဖြစ်ဟယ်။ 18 မှန်ဘဲဟူ နို့လေမူလေ၊ ကောန်းဂန်တမန်လေဟို ဝတ်ပြုဂိုးကွယ်မူလေဟို လေးနတ်ပြောဆိုဘီး
 သူးနို့တွပ်ပြင်ရဟူ ဗျာဒိတ်ရူပါရောင်လေဟို ကြောန်းပြုဘီးဟာ သူးနို့ဟု တခြားသူလေထတ် သာဟယ်ဆိုဘီး ပြောဆိုတတ်ဟူ
 သူလေဟာ နန်းနို့လေဟို ရှုံ့လွှာခွမ်ဟို ပေးဂေန။ သူးနို့လေဟာ လူသဘောအားဖြင့် စဉ်းစားဆင်ခြင်ဘီး ချည်းနှီးသတ်သတ်
 စိဘဝင်မြင့်နေဂေဟယ်။ 19 သူးနို့လေဟာ ကိုယ်ခန္ဓာရဲ့ ဦးခေါင်းဖြစ်ဟူ ခရစ်တော်ဟို မှီခိုအားကိုးမှု မေ့ဂေဟူ။ ခရစ်တော်ရဲ့
 ထီးသီးမှုအော-က်မာ ဆစ်လေန ရိုးရှင်းဆစ်ပေးဟူ ရွတ်လေအားဖြင့် ကိုယ်ခန္ဓာ တခုလောင်းဟာ အဟာရဟိုခံယူဘီး
 ဘုရားသခင် လိုတော်ရှိဟူတိုင်း ကီးထွားတတ်လေဟယ်။ 20 နန်းနို့လေဟာ ခရစ်တော်နတူးဒု သေပီးဟာ အယ်လောကရဲ့
 ခြေခံတရားဟုနေဘီး ကင်းကွာဟယ် ဆိုဟာ ဖြားဖြစ်ကြောန့် လောကမာ သတ်ရှင်ဟူမျိုး၊ 21 “ထိန်” “ကိုင်န” “မြန်”
 ဆိုဟူ စည်းမျဉ်းလေဟို လိုက်နာနေဂေန။ 22 အယ်မူရာ ဂူလောင်းဟာ လူလေရဲ့ ပညတ်န သွန်သန်ချစ်လေ ဖြစ်ဟူကြောန့်
 သောန်းပြုရင်းန ပျော-က်ကွယ် ပျစ်စီးဟားမယ့် ရာလေဘဲဖြစ်ဟယ်။ 23 အယ်မျိုး ဘာသာတရား စည်းမျဉ်းလေဟာ
 ကိုယ်ခန္ဓာကျိုးန ဆိုင်ဘဲ ကိုယ်လိုလျောက် ကိုးကွယ်ဟူဇာလေ၊ မှန်ဘဲဟူ စိန့်လွှာဇာလေ၊ ကိုယ်ကာယဟို နှိစစ်ဟူဇာလေန
 ပတ်သတ်ဘီး ပညာရှိဟန်ပေါ်ဟူလည်းဘဲ သွီးသားဇာတိရဲ့ တတ်မတ်မှုဟို ချောက်တီးရာမာ ဖယ်မျိုးလည်းကျိုးပြုဟူ။

3 အယ်မျိုးဖြစ်ကြောန့် နန်းနို့လေဟာ ခရစ်တော်နတူးဒု ထမြော-က်ဂေဟယ် ဆိုဟာ ဘုရားသခင်ရဲ့ ညာဖတ်မာ
 ထိုင်တော်မူဟူ ခရစ်တော်ရှိဟူနေရာ ထတ်ရပ်မာရှိဟူဇာလေဟို ရှာဂေပါ။ 2 လောကမာ ရှိဟူရာလေဟို
 စိစွဲလန်းဘဲန ထတ်ရပ်မာ ရှိဟူရာလေဟိုဘဲ စိစွဲလန်းဂေပါ။ 3 ဖြားဖြစ်ကြောန့်ဆိုဟာ နန်းနို့လေဟာ သေဘီးဟူသူလေ
 ဖြစ်ဟူကြောန့် နန်းနို့သတ်ဟာ ခရစ်တော်နတူးဒု ဘုရားသခင်နှိုက် ဝှပ်ဟားဟူကြောန့် ဖြစ်ဟယ်။ 4 နန်းနို့ရဲ့ သတ်ဖြစ်ဟူ
 ခရစ်တော်ဟာ ထန်ရှားတော်မူဟူ ခီမာ နန်းနို့လေလည်း အယ်သခင်နတူးဒု ဖောင်းကီးဘီး ထန်ရှားလာလေမယ်။ 5
 အယ်ကြောန့် ကာမဂေါင်လိုက်စားရှင်းလေ၊ ကိလေသာ ပူပန်ရှင်းလေ၊ ညစ်ညူးရှင်းလေ၊ ရောက်ထုဟို ကိုးကွယ်ရှင်းဖြစ်ဟူ
 လောဘလွန်ကျူးရှင်းလေဟို ဓမ္မဂီးထတ်မာရှိဟူ နန်းနို့ရဲ့ ကိုယ်အင်္ဂါလေဟို သေစေဂေပါ။ 6 အယ်မာမျိုးလေကြောန့်
 ဘုရားသခင်ရဲ့ မျစ်တော်ဟာ ငြင်းဆန်ဟူ သူလေထတ်ဟို သတ်ရော-က်လေဟယ်။ 7 စဟ နန်းနို့လေလည်း အယ်သူလေန
 ပေါန်းဖော်ဒုဟူ အယ်မူရာလေအားဖြင့် ကျင်လည်သတ်ရှင်ဂေဟယ်။ 8 အယ်ဘောမဲ့လည်း ခုခီမာ နန်းနို့လေဟာ
 မျစ်ထွပ်ရှင်းလေ၊ စိဆိုးရှင်းလေ၊ မူးတီးရှင်းလေ၊ သူများရဲ့ အသရေဖျစ်ရှင်းလေ၊ ညစ်ညူးဟူစကား ပြောဆိုရှင်းလေဟို
 နန်းနို့လေရဲ့ နှောက်ဟုနေဘီး ဖယ်ရှားဂေပါ။ 9 ယော့-က်ဟိုယော့-က် မုသာသောင်းဂေန။ ဖြားဖြစ်ကြောန့်ဆိုဟာ
 နန်းနို့လေဟာ လူဟောင်းရဲ့ကျင့်လေန လူဟောင်းရဲ့ကိုယ်ဟို ခလွတ်ပယ်ဘီးဟာ။ 10 ဖန်ဆင်းတော်မူဟူသူရဲ့
 ပေါင်သဏ္ဌာန်တော်နညီ မှန်ဟူသိပညာအားဖြင့် သစ်ပြုပြင်ဟူ လူသစ်ဟို ယူတန်ဝတ်ဆောန်ဟူသူလေ ဖြစ်ဂေလေဟယ်။

11 အယ်မူ ဖန်ဆင်းတော်မူဟူထဲမှာ လူမျိုးခြားမေ့ဟု၊ ယုဒလူမေ့ဟု၊ ရေဖျားလှီးဟားသူန လှီးဟားဘဲဟူသူမေ့ဟု၊ ယဉ်ကျေးဘဲဟူသူမေ့ဟု၊ လူရိုင်းမေ့ဟု၊ ကျွန်မေ့ဟု၊ ကျွန်မူဘဲဟူလူမေ့ဟု၊ ခရစ်တော်ဟာ လောင်းစောင်ထဲဟု လောင်းစောင် ဖြစ်တော်မူလေဟယ်။ 12 အယ်ကြောန့် နန်းနီလေဟာ ဘုရားသခင် ဝီးကော့-က်ဟူသူ၊ သန်းရှင်းဟူသူ၊ ရှစ်အပ်ဟူ သူမျိုးဘဲ သနားစောင့်မတ်ရှင်း၊ ကျေးဇူးပြုရှင်း၊ စိန်ခွဲရှင်း၊ နူးညံ့သိမ့်ရှင်း၊ စိရယ်ရှင်းလေဟို ဝတ်ဆင်ဂေပါ။ 13 ရှင်းရှင်းလေရဲ့ပြစ်ဟို သီးခံဘီး ယော့-က်နယော့-က် ပြစ်တန်ဇာရှိဟယ် ဆိုဟာ သခင်ဘုရားဟာ နန်းနီလေရဲ့ပြစ်ဟို ခွပ်လွှတ်ဟူမျိုး နန်းနီလေလည်း ရှင်းရှင်း ခွပ်လွှတ်ဂေပါ။ 14 အယ်မူဇာဂူလောင်းထတ်မှာ စောင်လင်ဟူ ဖွဲ့စည်းဖြစ်ဟူ ရှစ်ရှင်းမြစ်တာဟို ထပ်ဘီးဟာ ယူတန်ဝတ်ဆောင်ဂေပါ။ 15 နန်းနီလေရဲ့ စိန်လောင်းထဲမှာ ခရစ်တော်ရဲ့ ငြိသတ်ရှင်း အောက်စိုးစေ။ ဖြားဖြစ်ကြောန့်နဲ့ဆိုဟာ နန်းနီလေဟာ အယ်မူငြိသတ်ရှင်း ခံစားရဟိုတွပ် ကိုယ်ခန္ဓာ တခုဒဲထဲဟို ခေါ်ဟားတော်မူရှင်းဟို ခံရဟူကြောန့် ကျေးဇူးသိတတ်ဟူ စိရှိဂေပါ။ 16 ခရစ်တော်ရဲ့ စကားတော်ဟာ ပညာဘောင်းစောင်န နန်းနီထဲမှာ ကြွယ်ဝဘီး တည်နေဟူကြောန့် နန်းနီလေဟာ ဆာလံချင်းဟုနေစဘီး ဓမ္မချင်း၊ ဝိညာဉ်ရေးရာ ချင်းဘောင်းစောင်အားဖြင့် ရှင်းရှင်းလေဟို ဒီပေးဆောင်းမ သွန်သန်ဘီး နူးညံ့ဝတ်ဟူ စိန်လောင်းန ဘုရားသခင် ရှေ့တော်မှာ တင့်တယ်လျောက်ပတ်အောင် ချီးမွမ်းဂေပါ။ 17 စကားပြောရှင်းဖြစ်စေ၊ မူဆောင်ရွက်ရှင်းဖြစ်စေ သခင်ယေရှုရဲ့ နာမတော်ဟို ထော့-က်ဘီး ရှိမျှဂူလောင်းဟို လောက်ဘီးဟာ ကျေးဇူးတော် ကီးလှပါဟယ် ဆိုဘီး အယ်သခင်ဟို မှီပြုဘီးဟာ ဖာဘုရားသခင်ရှေ့မှာ ကျေးဇူးတော်ဟို ချီးမွမ်းဂေပါ။ 18 မယားဖြစ်ဟူသူလေ၊ သခင်ဘုရားနှိုက် လျောက်ပတ်ဟူတိုင်း ကိုယ့်လန်ရဲ့ အောက်စိုးမူဟို ဝန်ခံဂေပါ။ 19 လန်ယော့-က်ကျားလေ၊ ကိုယ့်ရဲ့မယားဟို ရှစ်ဂေပါ။ ကြမ်းကြမ်းထန်းထန်း လောက်ဂေန။ 20 သားမီးလေ၊ မိဖစကားဟို ရာရာမှာ နားထောင်ဂေပါ။ မိဖစကားဟို နားထောင်ဟူဇာဟာ သခင်ဘုရား နှစ်သက်တော်မူဟူဇာ ဖြစ်ဟယ်။ 21 မိဖလေ၊ ကိုယ့်သားမီးလေဟို စိဆိုးအောင် ပြဂေန။ အယ်မျိုးပြဟယ် ဆိုဟာ သူးနီလေဟာ အားလျော့စိပျစ်ဂေလေမယ်။ 22 စေခံဟူကျွန်လေ၊ နန်းနီလေရဲ့ လောက်သခင်လေဟို ရာရာမှာ နာခံဂေပါ။ မျစ်နာလိုမျစ်နာရ လောက်ဟူသူလေမျိုး မျစ်မော့-က်မှာဘဲ လောက်ဆောင်ရှင်းမျိုးမူဘဲန သခင်ဘုရားဟို ကြော့-က်ရွံ့ဘီး ရိုးသားဟူ စိန်လောင်းအားဖြင့် နာခံဂေပါ။ 23 လူလေရဲ့မူဟိုဘဲ လောက်ဆောင်ဟူမျိုးမူဘဲန သခင်ဘုရားရဲ့မူတော်ဟို လောက်ဆောင်ဟူမျိုး ရာရာဟို စေတနာစိန် လောက်ဂေပါ။ 24 နန်းနီလေဟာ သခင်ခရစ်တော်ရဲ့ စေခံဟူသူလေဖြစ်ဟူကြောန့် မွီတော်ဖြစ်ဟူ ကျိုးဟို အယ်သခင်ဘုရားရဲ့ လတ်တော်ဟု ခံရဂေလေမယ် ဆိုဘီး သိမှတ်ဂေပါ။ 25 တရားဘဲဟူမူဟို ပြဟူသူဟာ ကိုယ်ပြဟူမူရဲ့ ကျိုးပြစ်ဟို ခံရလေမယ်။ ဖယ်သူဟိုလည်း မျစ်နာလိုက်တော်မူဟူ။

4 သခင်ဖြစ်ဟူသူလေ၊ နန်းနီလေရဲ့သခင်ဟာ ကောန်းဂန်ဘောင်မှာ ရှိတော်မူဟယ် ဆိုဇာဟို သိမှတ်ဘီး ပြောန့်မတ်ဟူတရားတိုင်း မှန်ကန်မျှတမှုအားဖြင့် ကိုယ့်ကျွန်လေဟို ပြဂေပါ။ 2 ဆုတောင်းရှင်းဟို မြဲဒမ်းပြဘီး ကျေးဇူးချီးမွမ်းရှင်းအားဖြင့် ဒီဝိရိယရှိဂေပါ။ 3 ဘုရားသခင်ဟာ စကားတော်တွပ် ခွဗော့-က်ဟို ဖွမ်းပေးဟားဘီး ခရစ်တော်ရဲ့ နတ်နဲဟူရာလေဟို ဟောပြောနိုင်ဟို နီလေတွပ်လည်း ဆုတောင်းပေးဂေပါ။ ငါဟာ အယ်မူနတ်နဲဟူရာလေကြောန့် ထောန်ကွနေပါဟယ်။ 4 အယ်မူနတ်နဲဟူရာဟို ဟောပြောသင့်ဟူတိုင်း ရှင်းရှင်းလန်းလန်း ပြတ်ပြတ်သားသားန ငါဟောပြောနိုင်ဟိုတွပ် ဆုတောင်းဂေပါ။ 5 ယောင်ကြည်ဘဲဟူသူလေရှေ့မှာ ဉာဏ်ပညာရှိရှိန ကျင့်ဆောင်ဘီးဟာ ခီခါဟို ကောန်းကောန်းသောင်းဆွဂေပါ။ 6 လူသီးသီးဟို ဖယ်မျိုး ယွန်ပြောရမယ်ဆိုဇာဟို သိနိုင်ဟိုတွပ် နန်းနီလေပြောဟူစကားဟာ ဆားဟူမျိုး ရသာရှိဟိုတွပ် မြဲဒမ်းမျစ်နာသာရဘီး တင့်တယ်မှုရှိပါစေ။ 7 သခင်ဘုရားနှိုက် သစ်စာရှိဟူ မူဆောင်၊ နီလေရဲ့လောက်ဖော်ဆောင်ဖတ်ဖြစ်ဟူ ငါရှစ်ရဟူညီ တုခိတ်ဟာ ငါနုဆိုင်ဟူ ကြောန်းရာရှိဟူမျှဟို နန်းနီလေဟို ပြောပြလေမယ်။ 8 သူဟို နန်းနီနားဟို လွတ်လိုက်ဟူကြောန်းရာဟု နီလေရဲ့ကြောန်းဟို နန်းနီသိရဟိုတွပ်န သူဟာ နန်းနီလေရဲ့စိန်လောင်းဟို နှစ်သိမ့်အားပေးဟိုတွပ် ဖြစ်ဟယ်။ 9 နန်းနီထဲဟု တယော့-က်ဖြစ်ဟူ၊

သစ်စာရှိဟူသူ နို့လေရှစ်ရဟူညီ ဩနေသိမ်လည်း သူနတူးဒုပါလာဟုယ်။ သူးနို့လေဟာ အယ်ရပ်မာဖြစ်ပျစ်နေဟူ
ကြောင်းရာလေ ဂူလောင်းဟို့ နန်းနို့လေဟို့ ပြောပြလေ့မယ်။ 10 ငါနတူးဒု ချောက်ကွဲခံနေရဟူ အာရိတ္တာခု၊
ဗာနဗရဲ့ဟူ မာကဟားလေဟာ နန်းနို့လေဟို့ နောက်ဆစ်လိုက်ပါဟုယ်။ သူဟာ နန်းနို့နားဟို့ရော-က်လာဟူ ခီမာ
ကြိုဆိုဂေဟို့တွပ် ညွှန်ကြားဟူဇာလေဟို့ နန်းနို့ရဂေဟို့ဘီ ဖြစ်ဟုယ်။ 11 ယုတ္တုဆိုဘီးခေါ်ဟူ ယေရှုဟုလည်း နန်းနို့လေဟို့
နောက်ဆစ်လိုက်ပါဟုယ်။ ရေဖျားလီးဟားဟူသူလေထဲမာ အယ်လူသောင်းယော့-က်ဟာ ဘုရားသခင်ရဲ့နိုင်ငံတော်တွပ်
ငါ့ရဲ့ လောက်ဖော်ဆောန်ဖတ်ဖြစ်ဟူ ယုဒလူမျိုး ယောင်ကြည်သူလေဖြစ်ဘီး၊ ငါ့ဟို့ နှစ်သိမ့်အားပေးဟူသူလေ ဖြစ်ဟုယ်။
12 နန်းနို့လေထဲဟုဖြစ်ဟူ ယေရှုခရစ်တော်ရဲ့ကျွန် ဧပဖြဟာ နန်းနို့ဟို့ နောက်ဆစ်လိုက်ပါဟုယ်။ နန်းနို့လေဟာ
စောင်လင်ရင့်ကျတ်ဘီး၊ ဘုရားသခင်ရဲ့လိုတော်ဟို့ ကူစင်အောန် လောက်ဆောန်နိုင်ဟို့တွပ် သူဟာ နန်းနို့တွပ်
ခီတိုင်းမာ ကြိုးစားဘီးဟာ ဆုတောင်းတတ်ပါဟုယ်။ 13 မှန်တကယ်ဘဲ သူဟာ နန်းနို့လေဟုနေစဘီး လောဒိကိမြို့န
ဟေရပေါလိမြို့မာရှိဟူ သူလေတွပ် ရရာတိုင်း ကြိုးစားလောက်ဆောန်ဟုယ် ဆိုဇာဟို့ ငါသတ်သေခံပါဟုယ်။ 14
နို့လေရှစ်ရဟူ ဆေးဆရာလုကာန ဒေမဟာ နန်းနို့လေဟို့ နောက်ဆစ်ဂေဟုယ်။ 15 လောဒိကိမြို့ဟု ညီကိုလေဖြစ်ဟူ၊
နို့ဖန သူ့အီမာရှိဟူ သင်းတော်ဟို့လည်း နောက်ဆစ်ဂေဟု။ 16 အယ်စာဟို့ နန်းနို့လေဖတ်ဘီးမှ လောဒိကိမြို့မာရှိဟူ
သင်းတော်ဟို့လည်း ဖတ်စေဂေဟု။ အယ်မြို့ဟုရဟူ စာဟို့လည်း နန်းနို့လေ ဖတ်ဂေဟု။ 17 အာဒိပ္ပဟို့ “သခင်ဘုရား
ပေးအပ်ခံရဟူ ဓမ္မဆရာရဲ့ မူတော်ဟို့ ဆောင်းထိ ပွဲဇောင်အောန် လောက်ဆောန်ပါ” ဆိုဘီး ပြောဂေဟု။ 18 ငါပေါလုဟာ
နန်းနို့တွပ် အယ်နောက်ဆစ်စကားဟို့ ငါ့လတ်န ရေးလိုက်ပါဟုယ်။ ငါခံရဟူ တောက်နှောန်ရှင်းဟို့ အော့-က်မေ့ဂေဟု!
နန်းနို့လေမာ ဘုရားသခင်ရဲ့ ကျေးဇူးတော်ရှိပါစေ။

၁ သက်သာလောနိတ်

1 ပေါလု၊ သိလ္လာနု တိမောသေလေဟုနေဘီး — **2** နို့လေဟာ နန်းနို့လောင်းတွပ် ဘုရားသခင်ရဲ့ ကျေးဇူးတော်ဟို မြဲဒမ်း ချီးမွမ်းဘီး နို့လေ ဆုတောင်းဟူ ခီတိုင်းမာ ဒီရဘီးဟာ။ **3** နန်းနို့လေရဲ့ ယောင်ကြည်ရှင်းနဆိုင်ဟူ လောက်ဆောနမူလေ၊ မြစ်တာန ကြိုးစားအားထုရှင်းလေန နို့လေရဲ့သခင် ယေရှုခရစ်တော်ဟို မျှော်လင့်ရှင်းအားဖြင့် ဖြစ်ပေါ်လာဟူ သီးခံမှုလေဟို နို့လေရဲ့မ ဘုရားသခင်ရှေ့တော်မာ မြဲဒမ်း ဒီရအော့-ကံမေ့ဂေပါဟယ်။ **4** ညီကို မောနနမလေ၊ ဘုရားသခင်ဟု နန်းနို့ဟိုရှစ်ဟူကြောန့် ဝီးကော့-ကံဟားဟယ် ဆိုဇာဟို နို့လေသိဂေဟယ်။ **5** ဖြားဖြစ်ကြောန့်နူးဆိုဟာ နို့လေဟောပြောဟူ ကောန်းမြတ်ဟူဒန်းကောန်းဟာ စကားအားဖြင့်မူဘဲန တဂိုးတော်အားဖြင့်ဘဲဖြစ်ဖြစ်၊ သန်ရှင်းဟူဝိညာဉ်တော်အားဖြင့်ဘဲဖြစ်ဖြစ် ပွဲဝဟူစိညွှနအားဖြင့် နန်းနို့လေနားဟို ရော-ကံလာရှင်းဖြစ်ဟယ်။ နို့လေဟာ နန်းနို့လေနတူးဒူ ရှိဟူခီးဟု နန်းနို့လေတွပ် ဖယ်မျိုးဟူသူလေ ဖြစ်ဟယ် ဆိုဇာဟို နန်းနို့သိဂေပါဟယ်။ **6** နန်းနို့လေဟာ ရရာတိုင်း ကီးမားဟူ ဆင်းရဲမှုလေဟို ခံရဟူလည်းဘဲ သန်ရှင်းဟူဝိညာဉ်တော်နဆိုင်ဟူ ဝန်းသာရှင်းလေနတူးဒူ စကားတော်ဟို ခံယူဘီး နို့လေဟူမျိုးသူ၊ သခင်ဘုရားမျိုးဟူ သူလေဖြစ်ဂေဟယ်။ **7** အယ်ကြောန့် နန်းနို့လေဟာ မာကေဒေါနိပြည်၊ အခါယပြည်မာရှိဟူ ယောင်ကြည်ဟူသူ အားလောင်းတွပ် ပေါင်သတ်သေပေးဟူသူလေ ဖြစ်ဂေဟယ်။ **8** ဖြားဖြစ်ကြောန့်နူးဆိုဟာ ဘုရားသခင်ရဲ့ စကားတော်ဟာ နန်းနို့နားဟုနေ မာကေဒေါနိပြည်န အခါယပြည်ထိ ကျော်ကြားဟူမျှနမူဘဲ ဘုရားသခင်ဟို နန်းနို့ယောင်ကြည်ရှင်းဒန်းဟာ နေရာတိုင်းမာ ပွဲနွံနေရှင်းဖြစ်ကြောန့် နို့လေဟာ ဖြားကြောန်းလေဟိုလည်း ပြောဇာ မေ့ဟူ။ **9** ဖြားဖြစ်ကြောန့်နူးဆိုဟာ နန်းနို့လေဟာ နို့လေဟို ဖယ်မျိုး လတ်ခံဂေဟူဆိုဇာန သတ်ရှင်တော်မူဘီး စစ်မှန်ဟူ ဘုရားသခင်ဟို စေခံဟို့တွပ် **10** ကွရော-ကံလာမယ့် ဘေးဒန်ဟု နို့လေဟိုကယ်နှံပေးဟူ ယေရှု တနည်းအားဖြင့် သေရှင်းဟုနေ ဘုရားသခင်ထမြော့-ကံစေတော်မူဟူ သားတော်ဟာ ကောန်းကန်ဘောင်ဟု ကြွလာတော်မူမယ့်ရာဟို စောန့်မျှော်နိုင်ဟို့တွပ် ရောက်တုလေဟို ဖယ်ရှားဘီး ဘုရားသခင်နားဟို ယွှန်းလဲဂေဟူ ကြောန်းရာလေဟိုလည်း သူးနို့ကိုယ်တိုင် ပြောပြဂေပါဟယ်။

2 ညီကို မောနနမလေ နို့လေ နန်းနို့နားဟိုလာဟူဇာဟာ ချည်းနှီးသတ်သတ် မဖြစ်ဟု ဆိုဇာဟို နန်းနို့လေ ကိုယ်တိုင်သိဂေပါဟယ်။ **2** နို့လေဟာ နန်းနို့နားဟို ရော-ကံလာခန်မာ ဖိလိပိုဗြို့မာ ဆင်းရဲဒေါက်ခဘောင်းဇောင်န ညှဉ်းဆဲခံရဟူလည်းဘဲ ရရာတိုင်းကီးဟူ ဆန်ကျင်တိုက်ခိုက်မှုထဲမာ ဘုရားသခင်ရဲ့ ကောန်းမြတ်ဟူဒန်းကောန်းဟို နို့လေရဲ့ ဘုရားသခင်အားဖြင့် နန်းနို့လေဟို ရဲရဲရင်ရင်န ဟောပြောဂေပါဟယ်။ **3** နို့လေဟာ မားယွင်းဟူဇာလေ၊ ညစ်ညူးဟူဇာလေ၊ လှည့်ဇားဟူဇာလေအားဖြင့် နန်းနို့လေဟို ဟောပြောတိုက်တွန်းဂေဇာ မူဟူ။ **4** ဘုရားသခင်ဟာ နို့လေဟို သိမှတ်ပြုဘီး ကောန်းမြတ်ဟူဒန်းကောန်းဟို ယောင်းယောင်ကြည်ကြည်န အပ်ဟားဟူတိုင်း နို့လေဟာ လူလေ နှစ်သက်စေဟို့တွပ်မူဘဲန နို့လေရဲ့ စိန္တလောင်းဟို စစ်ဆေးတော်မူဟူ ဘုရားသခင်ဟို နှစ်သက်စေဟို့တွပ် ဟောပြောဂေဟယ်။ **5** ဖြားဖြစ်ကြောန့်နူးဆိုဟာ နန်းနို့လေ သိဂေဟူတိုင်းဘဲ နို့လေဟာ မြော့-ကံပင့်ဟူ စကားဟို တခါလည်း သောင်းဂေဟူ။ ဖောင်းကွယ်ဟားဟူ လောဖစိလည်း လောင်းဝမေ့ဘဲကြောန်းဟို ဘုရားသခင်ဟာ နို့လေရဲ့ သတ်သေဖြစ်ပါဟယ်။ **6** နို့လေဟာ ခရစ်တော်ရဲ့ တမန်တော်နေန ခွမ့်အာဏာဟို သောင်းပိုင်ဟူလည်းဘဲ နန်းနို့နားဟုဘဲဖြစ်ဖြစ်၊ တခြားလူလေနားဟုဘဲဖြစ်ဖြစ်၊ ဂေါင်ပြုချီးမွမ်းဇာဟို ခံရဟို့တွပ် လောက်ဆောနဇာမူဘဲ။ **7** ခရစ်တော်ရဲ့ တမန်တော်ဖြစ်ဟူလည်းဘဲ နန်းနို့လေဟို ရှစ်ဟူကြောန့် နို့တိုက်ဟူ မိခင်ဟာ သူသားမီးလေဟို ကြင်နာဟူမျိုးဘဲ နန်းနို့လေထတ်မာ နူးညံ့သိမ္မေဟူ သူလေ ဖြစ်ဂေဟယ်။ **8** နို့လေဟာ နန်းနို့လေဟို ပြောစောင်မတ်ဘီး ရရာတိုင်း ရှစ်ရဟူကြောန့် ဘုရားသခင်ရဲ့ ဒန်းကောန်းတရားတော် လော့-ကံနမကဘဲ ကိုယ့်သတ်ဟို့ဘဲ ပေးရှင်ဟူ စေတနာစိ ရှိဂေပါဟယ်။ **9** ညီကို မောနနမလေ နို့လေဟာ ပန်ပန်ဘန်းဘန်း လောက်ဆောနဘီး ကြိုးစားအားထုဟူ ကြောန်းဟို

နန်းနီလေ မှတ်မိဂေပါဟုယ်။ နီလေဟာ နန်းနီလေဟို တယော-ကံမှလည်း ဝန်ထောက်ဝန်ဘိုး ဖြစ်ဘဲနေအောင် နေရေညဉ့်ရော လောက်လောက်ဘီးဟာ ဘုရားသခင်ရဲ့ ဒန်းကောန်းဟို နန်းနီလေဟို ဟောပြောဂေပါဟုယ်။ **10** နီလေဟာ ယောင်ကြည်သူဖြစ်ဟူ နန်းနီလေဟို ဖယ်မျိုး ဖြူစင်သန့်ရှင်းမှုနဲ့ ဖြောင့်မတ်မှန်ကန်အောင် ပြုမူဘီးဟာ ပြစ်တန်ဇာမဲ့ဘဲ နေအောင် နေထိုင်ဂေဟူဇာဟို နန်းနီလေသတ်သေ ဖြစ်ဟုယ်။ ဘုရားသခင်ဟာလည်း နီလေရဲ့ သတ်သေ ဖြစ်တော်မူဟုယ်။ **11** မိဖဟာ သူ့သားမီးလေဟို ပြုမူဆစ်ဆံဟူမျိုး နီလေဟာ နန်းနီလေရှိဟူမျှန ဖယ်မျိုး ပြုမူဆစ်ဆံဟူ ကြောန်းဟို နန်းနီသိဂေပါဟုယ်။ **12** နန်းနီလေဟို သူ့ရဲ့ နိုင်ငံတော်နဲ့ ဖောင်းသရေတော်ထဲဟို ခေါ်တော်မူဟူ ဘုရားသခင်နဲ့ ထိုက်ထိုက်တန်တန် သတ်ရှင်ဘီး ကျင့်ကြံ နေထိုင်ဂေဟိုတွင် နန်းနီ ယော-ကံရှင်းစီတိုင်းဟို တိုက်တွန်း ခြီးဆော်ဘီး နှစ်သိမ့်အားပေးရင်းနဲ့ ဒီပေးဂေပါဟုယ်။ **13** နီလေဟောပြောဟူ ဘုရားသခင်ရဲ့ စကားဟို နန်းနီလေခံယူခီမာ လူရဲ့ စကားဟို ခံယူဟူ ဇာမူဘဲနဲ့ ဘုရားသခင်ရဲ့ စကားစစ်မှန်ဖြစ်ဟူတိုင်း ယောင်ကြည်ဟူ နန်းနီထဲမာ ပြုပြင်ပေးဟူ ဘုရားသခင်ရဲ့ စကား ဖြစ်ဟုယ် ဆိုဘီး ခံယူဂေဟူကြောနဲ့ နီလေဟာ ခီတိုင်းမာ ဘုရားသခင်ရဲ့ ကျေးဇူးတော်ဟို ချီးမွမ်းဂေပါဟုယ်။ **14** ညီကို မောန်နှမလေ နန်းနီတို့ကြောင်ရဟူ ဇာဟု ယုဒပြည်ဟု ယေရှုခရစ်တော်ရဲ့ ဘာသာဝန်လေဖြစ်ဟူ ဘုရားသခင်ရဲ့ သင်းတော်ဟု သင်းဝမ်ဟူသူလေ တို့ကြောင်ရဟူ တို့ကြောင်နဲ့ တူပါဟုယ်။ အယ်သူလေဟာ ယုဒလူမျိုးရဲ့ လတ်မာ ဆင်းရဲဒေါက်ခ ရှေး-ကံဂေဟူမျိုး နန်းနီလေလည်း ကိုယ့်လူမျိုးလေရဲ့ လတ်ထဲမာ ဆင်းရဲဒေါက်ခ ရှေး-ကံဂေရပါဟုယ်။ **15** ယုဒလူမျိုးလေဟာ သခင်ယေရှုနဲ့ ပရောဖက်လေဟို သတ်ဂေဘီး နီလေဟိုလည်း ညှဉ်းဆဲဂေဟုယ်။ ဘုရားသခင်ရဲ့ လိုတော်ဟို လိုက်ဘဲနဲ့ လူလေရဲ့ ရန်သူလေ ဖြစ်ဂေဟုယ်။ **16** လူမျိုးခြားလေ ကယ်တန်ရှင်းရဟိုတွင် နီလေ ဟောပြောဂေဟူဇာဟို ဆီးတားဘီး ကိုယ့်ကိုယ်ကိုယ် ပြစ်ကီးလေးအောင် လောက်ဂေဟုယ်။ အယ်ကြောနဲ့ မျစ်တော်ဟာ သူ့နီထုတ်ဟို ကူစင်အောင် ကွဲရော-ကံလေဟုယ်။ **17** ညီကို မောန်နှမလေ နီလေဟာ နန်းနီလေနဲ့ စိန်လောင်းအားဖြင့်မူဘဲ၊ ကိုယ်ခန္ဓာအားဖြင့် ရှစ်ဟူးခွဲခွာဘီး နေရဟူလည်းဘဲ နန်းနီလေဟို ဖယ်ခီလည်းမေဟု။ နီလေဟာ နန်းနီလေဟို ရရာတိုင်းအော-ကံမေဟူကြောနဲ့ နန်းနီလေဟို နော-ကံတခါ ပွန်ဘီးတို့ခိုင်ဟိုတွင် ကြိုးစားနေဂေပါဟုယ်။ **18** နီလေဟာ နန်းနီလေနားဟို နော-ကံတခါ-ကံ လာရှင်ပါဟုယ်။ ငါ ပေါလုကိုယ်တိုင်လည်း နန်းနီလေနားဟို လာဟိုတွင် နှေခါကြိုးစားဟူလည်းဘဲ စာတန်ဟာ ငါ့ဟို တာဆီးလေဟုယ်။ **19** နီလေရဲ့ သခင်ယေရှု ကြွလာတော်မူဟူ ခီမာ ကိုယ်တော်ရဲ့ ရှေ့တော်မာ နီလေရဲ့ မျှော်လင့်ရဟူကြောန်း ဝမ်းမြော-ကံရဟူကြောန်းနဲ့ ဝါကြွားရဟူ သရဖူဖြစ်ဟူသူလေဟာ ဖယ်သူနဲ့။ နန်းနီလေဘဲ မူဟုလော။ **20** တကယ်ဘဲ နန်းနီလေဟာ နီလေရဲ့ ဖောင်းသရေတော်နဲ့ နီလေရဲ့ ဝန်းသာရှင်း ဖြစ်လေဟုယ်။

3 အယ်ကြောနဲ့ နီလေဟာ အော-ကံဘီးနေနိုင်ဘဲဟူကြောနဲ့ အာသင်မြို့မာ နေရစ်ဟိုတွင် ဆောင်းဖြတ်ဘီးဟာ။

2 ခရစ်တော်ရဲ့ ကောန်းမြတ်ဟူဒန်းကောန်းနှိုက် နီလေရဲ့လောက်ဖော်ဆောင်ဖတ်ဖြစ်ဟူ ဘုရားသခင်ရဲ့မူတော်ဟို စေခံလောက်ဆောင်ဟူ နီလေရဲ့ညီ တိမောသေဟို နန်းနီလေနားဟို လွှတ်လိုက်ပါဟုယ်။ သူ့ဟို လွှတ်ရဟူကြောန်းရာဟု နန်းနီရဲ့ ယောင်ကြည်မှုဟို ခိုင်မြဲဟိုနဲ့ ခွန်အားပေးဟိုတွင်။ **3** အယ်မူဆင်းရဲဒေါက်ခအားဖြင့် ဖယ်သူလည်း ယီးယိုင်သွားဘဲနဲ့ နေဟိုတွင်ဖြစ်ဟုယ်။ ဖြားဖြစ်ကြောနဲ့နဲ့ဆိုဟာ အယ်မူဆင်းရဲဒေါက်ခဟို ခံရဟူဇာဟု ဘုရားသခင်ရဲ့ လိုတော်ဖြစ်ဟူကြောန်းဟို နန်းနီသိဂေပါဟုယ်။ **4** ဖြားဖြစ်ကြောနဲ့နဲ့ဆိုဟာ နန်းနီလေနတူးဒူ ရှိနေဟူခီဟု ညှဉ်းဆဲခီစစ်မူလေဟို ခံရမယ် ဆိုဇာဟို နီလေ ဒီပေးဟူးပီးဘီဖြစ်ပါဟုယ်။ နီလေဒီပေးဟူးတိုင်းဘဲ ခုဖြစ်နေဇာဟို နန်းနီသိဂေပါဟုယ်။ **5** အယ်ကြောနဲ့ စောင်ဇမ်းသွီးဆောင်တတ်ဟူသူဟု နန်းနီဟို ဖြားယောင်းသွီးဆောင်ဟူကြောနဲ့ နီလေ ပန်ပန်ဗန်းဗန်းလောက်ဆောင်ဟူဇာဟု ချည်းနှီးသတ်သတ် ဖြစ်ဟူးမယ်ဆိုဇာဟို စိပူဘီး နေနိုင်ဘဲခီမာ နန်းနီလေရဲ့ယောင်ကြည်မှုဟို သိနိုင်ဟိုတွင် သူ့ဟို ငါလွှတ်လိုက်ပါဟုယ်။ **6** အယ်ဘောမဲ့ ခုခီမာ တိမောသေဟု နန်းနီလေနားဟု ပွန်ရော-ကံလာဘီး၊ သူဟာ နန်းနီလေရဲ့မြစ်တာနဲ့ ယောင်ကြည်ရှင်းကြောန်း ဒန်းကောန်းဟို နီလေဟို

ပြောပြပါဟု။ နန်းနီလေဟာ နီလေဟို မြဲဒမ်းဒီရဟူကြောန်း၊ နန်းနီလေဟို နီလေတိုရှင်ဟူမျိုး နန်းနီလေလည်း နီလေဟို တိုရှင်ဟူကြောန်းလေဟို တိမောသေဟု ပြောပြပါဟု။ 7 အယ်ကြောန့် ညီကို မောန်နမလေ နီလေဟာ ရာရာမာ ခတ်ခဲဘောင်းဇောင်န ဆင်းရဲဒေါက်ခလေ ခံရဟူလည်းဘဲ နန်းနီလေရဲ့ ယောင်ကြည့်မှုအားဖြင့် နီလေဟာ သတ်သာမှုဟို ခံစားရဂေပါဟု။ 8 နန်းနီလေဟာ သခင်ဘုရားန တလောင်းတဝဲဖြစ်ဟူရာမာ ကြံ့ကြံ့ခိုင်ခိုင် ရပ်တည်နိုင်ဂေဟူကြောန်း နီလေ သတ်ရှင်ဟို့တွင် အားရှိဂေပါဟု။ 9 နီလေဟာ ဘုရားသခင်ရဲ့ ရှေ့တော်မာ နန်းနီလေအားဖြင့် ခံစားရဟူ အယ်မူဝန်းသာရှင်း ဂူလောင်းဟို့ ထော့-က်ဘီး နန်းနီတွင် ဘုရားသခင်ဟို့ ဖယ်မျိုး ကျေးဇူးတုံ့ပွန်နိုင်မယ်နူး။ 10 နီလေဟာ နန်းနီလေန တွဲဆောင်ဘီး နန်းနီလေရဲ့ ယောင်ကြည့်မှုမာ လိုအပ်ချစ်ရှိဟူ ရာလေဟို့ ဖွဲ့ဆည်းပေးနိုင်ဟို့တွင် နေရောညဉ်ပါ စိအားထတ်သန်ဘီး ဆုတောင်းနေဂေပါဟု။ 11 နီလေရဲ့ ဘုရားသခင်န နီလေရဲ့ သခင်ယေရှုဟာ နန်းနီလေနားဟို့ နီလေရော-က်လာနိုင်ဟို့တွင် လမ်းဖွင့်ပေးတော်မူပါစေ။ 12 နီလေဟာ နန်းနီဟို့ ရှစ်ဟူမျိုး နန်းနီလည်း ရှင်းရှင်းရှစ်ဟူ မြစ်တာနဖြစ်ဖြစ်၊ လူလေ ဂူလောင်းဟို့ ရှစ်ဟူ မြစ်တာနဖြစ်ဖြစ် တိုးပွားဘီး ကြွယ်ဝဟို့တွင် နန်းနီလေဟို သခင်ဘုရား ပြုတော်မူပါစေ။ 13 အယ်သခင်ယေရှုဟာ သူ့ရဲ့သန်ရှင်းသူ ဂူလောင်းနတူးဒု ကြွလာဟူ ခီမာ နီလေရဲ့ ဘုရားသခင်ရှေ့တော်မာ နန်းနီလေရဲ့ စိနှလောင်းဟို့ ပြစ်တန်ခွဲမှ လွတ်ကင်းဘီး သန်ရှင်းရှင်းန ခိုင်မြဲပါစေ။

4 နော့-က်ဆောင်းပြောရှင်ဟူဇာဟု ညီကို မောန်နမလေ နန်းနီလေဟာ ဘုရားသခင် နှစ်သက်စေဟို့တွင် ဖယ်မျိုး ပြုမှုကျင့်ကြံရမယ် ဆိုဇာဟို့ နီလေသွန်သန်ဟူတိုင်း နန်းနီ ပြုကျင့်ဂေဟူမျိုး အယ်ထတ် ပိုဘီး ကြိုးစားအားထုဂေဟို့တွင် သခင်ယေရှုမာဟို့ မှီပြုဘီး နီလေ တိုက်တွန်းနှိုးဆော်ဘီးဟာ တောန်းဗန်ပါဟု။ 2 ဖြားဖြစ်ကြောန်းနူးဆိုဟာ နီလေဟာ သခင်ယေရှုအားဖြင့် နန်းနီလေဟို ဖယ်မျိုး ညွှန်ကြားဟားဟူဇာလေဟို နန်းနီသိဂေဟု။ 3 ဘုရားသခင်ရဲ့လိုတော်ဟု နန်းနီလေဟို တရားဘဲဟူ မေထုန်ဟို့ ရှောန်ဘီး သန်ရှင်းစေဟို့တွင်န။ 4 နန်းနီယော့-က်ရှင်းစီဟာ သန်ရှင်းရှင်း၊ ဂေါင်သရေရှိရှင်းလေန ကိုယ့်ရဲ့ ကိုယ်ခန္ဓာဟို့ ဖယ်မျိုး ထီးသီးရမယ် ဆိုဇာဟို့ သိဘီးဟာ 5 ဘုရားသခင်ဟို့ သိဘဲဟူ လူမျိုးခြားလေ ကိလေသာစိ တတ်မတ်ဟူမျိုး တတ်မတ်ဘဲနေဟို့တွင်န။ 6 အယ်မျိုးဇာလေဟို့ လွန်ကျူးဘီး ကိုယ့်ညီကို မောန်နမလေဟို့ ပရိယာယ်အားဖြင့် ပြစ်မှားဘဲနေဟို့တွင် လိုတော်ရှိပါဟု။ ဖြားဖြစ်ကြောန်းနူးဆိုဟာ နီလေဟာ စစဒူးဟု ဟောပြောဘီး ဒီပေးဟားတိုင်း သခင်ဘုရားဟာ အယ်မျိုးပြစ်မှားဇာဟို့ ခံဟူသူလေဟို တရားစီရင်လေမယ်။ 7 ဖြားဖြစ်ကြောန်းနူးဆိုဟာ ဘုရားသခင်ဟာ ညစ်ညူးစေဟို့တွင် နီလေဟို ခေါ်ဟားဇာ မူဟု။ သန်ရှင်းစေဟို့တွင် ခေါ်ဟားဇာဖြစ်ဟု။ 8 အယ်ကြောန့် နီလေဟို ငြင်းပယ်ဟူသူဟာ လူဟို့မျှဘဲ ငြင်းပယ်ရှင်းမှုဘဲန သူရဲ့ သန်ရှင်းဟူဝိညာဉ်တော်ဟို့ နီလေဟိုပေးတော်မူဟူ ဘုရားသခင်ဟိုလည်း ငြင်းပယ်လိုက်ရှင်း ဖြစ်ဟု။ 9 ညီကိုမောင်နမလေရှင်းရှင်းဟာ ရှစ်ရှစ်ခင်ခင်နေဟို့ကြောန်းနပတ်သတ်ဘီး နန်းနီလေဟို စာရေးဘီး ပေးလိုက်ဟို့ကြောန်း မေဟု။ ဖြားဖြစ်ကြောန်းနူးဆိုဟာ နန်းနီလေဟာ ရှင်းရှင်း ရှစ်ရှစ်ခင်ခင်နေဟို့တွင် ဘုရားသခင်နားဟု သွန်သန်ခံဟားရဟူ သူလေ ဖြစ်ဂေဟူကြောန်း ဖြစ်ဟု။ 10 အယ်လော့-က်နမကဟု နန်းနီလေဟာ မာကေဒေါနီပြည် တပြည်လောင်းမာရှိဟူ ခရစ်ယာန်ညီကိုလေဟို မြစ်တာပြဂေပါဟု။ အယ်ဘေမဲ့ ညီကိုမောင်နမလေ နန်းနီလေဟာ အယ်ထတ်မက ပိုဘီး ရှစ်ရှင်းမြစ်တာပြဟို့တွင် ငါတိုက်တွန်းပါဟု။ 11 နန်းနီလေဟို ရင်းရင်းဒူးဟု နီလေမာဟားဟူတိုင်း ငြီးငြိပ်ဝပ်န နေထိုင်နိုင်ဟို့တွင် ကိုယ့်မှုကိစ္စဟို့ အာရောင်စိုက်ဘီး ကိုယ်လတ်န ကြိုးစားလောက်ကိုင်ဂေဟို့တွင် နီလေတိုက်တွန်းနှိုးဆော် ပါဟု။ 12 အယ်မူနည်းအားဖြင့် နန်းနီလေဟာ ယောင်ကြည့်ဘဲဟူ သူလေရဲ့ ကြည့်လိုလေးစားမှုဟို့ ခံရဂေလေမယ်။ ဖယ်သူဟို့မှလည်း မှီခိုဇာလိုဟို့ မူဟု။ 13 ညီကို မောန်နမလေ သေဟားဘီးန မျှော်လင့်ရှင်းမှုဘဲဟူ သူလေမျိုး နန်းနီလေ ကြေကွဲဝန်းနဲရှင်း ဖြစ်ဘဲဟို့တွင် နီလေဟာ သေဟားဘီးသူလေနဆိုင်ဟူ မှန်တရားဟို့ နန်းနီလေသိစေရှင်ပါဟု။ 14 ဖြားဖြစ်ကြောန်းနူးဆိုဟာ ယေရှုဟာ သေခံတော်မူဘီးန ရှင်ယွန်ထမြော့-က်ရှင်းဟို့ နီလေယောင်ကြည့်ဟု ဆိုဟာ ဘုရားသခင်ဟု ယေရှုဟို ယောင်ကြည့်ဘီး သေဟားသူလေဟိုလည်း အယ်သခင်နတူးဒု ပို့ဆောင်တော်မူလေမယ်။

15 သခင်ဘုရားရဲ့ ဗျာဒိတ်တော်အားဖြင့် နော့-ကံထပ်ငါပြောဟူစာဟု သခင်ဘုရားကြွလာဟူ ခီမာ သတ်ရှင်ဘီး ရှိနေဟူနို့လေဟု သေဟူးဘီးသူလေထတ် ရင်ဦးဆောင်း နေရာက္ကလေ့မယ်မူဟု။ 16 ဖြားဖြစ်ကြောန့်နူးဆိုဟု ကြွေးကြော်ဟူသံ၊ ကောန်းဂန်တမန်မန်းရဲ့သံ၊ ဘုရားသခင်ရဲ့ တံပိုးမူဟူသံလေနတူးဒူ သခင်ဘုရားကိုယ်တိုင် ကောင်းဂန်ဘောင်ဟု ဆင်းကြွလာဘီး ခရစ်တော်နှိုက် သေဟူးဘီးသူလေဟု ရင်ဦးဆောင်း ထမြော့-ကံဂေ့လေ့မယ်။ 17 အယ်ခီမာ သတ်ရှင်ဘီး ကျန်နေဟူနို့လေဟု အာကာသကောန်းဂန်ထတ်မာ သခင်ဘုရားနု တို့ဆောင်ဟို့တွပ် အယ်သူလေနတူးဒူ မိုးတီထတ်ဟို့ ခီဆောန်ခံရဘီး သခင်ဘုရားနတူးဒူ မြဒမ်းနေရဂေ့လေ့မယ်။ 18 အယ်ကြောန့် အယ်မူစကားအားဖြင့် ယော့-ကံနယော့-ကံ တိုက်တွန်းအားပေးဂေ့ပါ။

5 ညီကို မောန်နှမလေ အယ်မူမူရာလေ ဖြစ်ပျစ်လာမယ့် ခီကာလကြောင်းဟို့ နန်းနို့လေဟို့ ရေးဘီးပေးလိုက်စာကြောင်းမေ့ဟု။ 2 ဖြားဖြစ်ကြောန့်နူးဆိုဟု ခိုးဟု ညဉ့်ဖတ်ဟို့ လာတတ်ဟူမျိုး သခင်ဘုရားရဲ့ နေရပ်ဟု လာလေ့မယ် ဆိုစာဟို့ နန်းနို့ ကောန်းကောန်းသိဂေ့ဟယ်။ 3 လူလေဟု “ငြီးချမ်းဟူးဘီး၊ လောင်ခြောင်ဟူးဘီး” ဆိုဘီး ပြောနေဟူ ခီမာဘွဲ့ ပိုက်ပိုက်နေဟူမီးမမာ သားဗွီးဟူဝေဒနာ ကွရော့-ကံလာဟူမျိုး သူးနို့ထတ်မာ ရရာတိုင်း ဗြန်ဟူပျစ်စီးမူဟု ရောက်တရစ် ကွရော့-ကံလာဟူကြောန့် သူးနို့လေဟု လောင်းဝလွတ်နိုင်ဟို့ မူဟု။ 4 အယ်ဘောမဲ့ ညီကို မောန်နှမလေ နန်းနို့လေဟု မောန်မိုက်ထဲမာရှိနေစာမူဘဲကြောန့် အယ်နေရပ်ဟု ခိုးလာဟူမျိုး နန်းနို့နားဟို့ ရော့-ကံလာဟို့ကြောင်း မေ့ဟု။ 5 ဖြားဖြစ်ကြောန့်နူးဆိုဟု နန်းနို့လောင်းဟု လန်းရောန်ရဲ့ သားလေ၊ နေ့ရဲ့ သားလေ ဖြစ်ဂေ့ဟယ်။ ညဉ့်ရဲ့ သားလေ၊ မောန်မိုက်ရဲ့ သားလေ မူဟု။ 6 အယ်ကြောန့် တခြားသူလေ အိမ့်နေဂေ့ဟူမျိုး နို့လေအိမ့်ဘဲ နိးနီးကြားကြားနု သမ္မာဒိရှိရှိ စောန့်နေဂေ့ဇို။ 7 ဖြားဖြစ်ကြောန့်နူးဆိုဟု အိမ့်ဟူ သူလေဟု ညဉ့်ဖတ်မာဘွဲ့ အိမ့်တတ်ဂေ့ဟယ်။ ယစ်မော သော့-ကံစားသူလေလည်း ညဉ့်ဖတ်မာဘွဲ့ ယစ်မောတတ်ဂေ့ဟယ်။ 8 အယ်ကြောန့် နို့လေဟု နေ့ရဲ့ သားလေဖြစ်ဟူကြောန့် ယောင်ကြည့်မှုန ရှစ်ရှင်းမြစ်တာဖြစ်ဟူ ရင်ဖတ်ကာဟို့ ဝတ်ဆင်ဘီးဟု ကယ်တန်ရှင်းဟို့ ရော့-ကံဟို့တွပ် မျှော်လင့်ရှင်းဖြစ်ဟူ သံမော့-ကံလောင်းဟို့ ဝတ်ဆင်ဘီး သမ္မာဒိရှိရှိနု နေဂေ့ဇို။ 9 ဖြားဖြစ်ကြောန့်နူးဆိုဟု မျစ်တော်ဟို့ ခံရဟို့တွပ် ဘုရားသခင်ဟု နို့လေဟို့ ဝီးကျော့-ကံဟူးဇာ မူဟု။ နို့လေဟု သခင်ယေရှု ခရစ်တော်အားဖြင့် ကယ်တန်ရှင်းဟို့ ပိုင်ရဟို့တွပ် ဝီးကျော့-ကံခံရဇာဖြစ်ဟယ်။ 10 နို့လေဟု နိုးနေဟူခီဖြစ်ဖြစ်၊ အိမ့်နေဟူခီဘဲဖြစ်ဖြစ် ကိုယ်တော်နတူးဒူ သတ်ရှင်ဟို့တွပ် ကိုယ်တော်ဟု နို့လေတွပ် သေခံတော်မူဘီး။ 11 အယ်မျိုးဖြစ်ကြောန့် နန်းနို့လေဟု ချပုနေဟူမျိုး ယော့-ကံနယော့-ကံ တိုက်တွန်းဘီး အားပေးတည်ဆော့-ကံဂေ့ပါ။ 12 ညီကို မောန်နှမလေ နန်းနို့လေထဲမာ မူတော်ဟို့လောက်ဆောန်ဘီး လမ်းပြသွန်သန်ဟို့တွပ် သခင်ဘုရားခန့်ဟူးဟူသူလေဟို့ ကြည့်ညိုလေစားဂေ့ဟို့တွပ်န။ 13 သူးနို့ပြဟူမူဟို့ထော့-ကံဘီး သူးနို့လေဟို့ မြစ်တာစိန ရှစ်ခင်ရီသေဂေ့ဟို့တွပ် နို့လေတောင်းဗန်ပါဟယ်။ နန်းနို့လေရှင်းရှင်း သင့်သင့်မြတ်မြတ်နေဂေ့ပါ။ 14 ညီကို မောန်နှမလေ နန်းနို့လေဟို့ ငါတိုက်တွန်းနိုးဆော်ရှင်ဟူစာဟု တရားဘဲလောက်ဟူလူလေဟို့ ဒီပေးဆောင်းမဂေ့ပါ။ စီအားငယ်သူလေဟို့ အားပေးဂေ့ပါ။ အားနဲဟူသူလေဟို့ ထော့-ကံမပေးဂေ့ပါ။ လူလေ ဂူလောင်းဟို့ စိရှယ်သီးခံဂေ့ပါ။ 15 ဖယ်သူလေဟို့မလည်း ဆိုးဟို့ဆိုးနု တုံ့ပုန်ဘဲနေဟို့တွပ် ဒီထားဂေ့ပါ။ ရှင်းရှင်းလေန လူလေ ဂူလောင်းဟို့ ကောန်းကျိုးပြဟို့တွပ် ခီတိုင်းကြီးစားအားထဂေ့ပါ။ 16 မြဒမ်း ဝန်းသာရွှင်လန်းဂေ့ပါ။ 17 ခီတိုင်းမာ ဆုတောင်းဂေ့ပါ။ 18 ရာရာမာ ကျေးဇူးတော်ဟို့ ချီးမွမ်းဂေ့ပါ။ ဖြားဖြစ်ကြောန့်နူးဆိုဟု နန်းနို့လေဟု အယ်မျိုးကျင့်ဂေ့ဟို့တွပ် ယေရှုခရစ်နှိုက် ဘုရားသခင်လိုတော်ရှိဟယ်။ 19 ဝိညာဉ်တော်ရဲရှိဟို့ ငြီးဟူးစေဂေ့န။ 20 ပရောဖက်ပြုဇာဟို့ ထိမ့်မြင်ပြုဂေ့န။ 21 အယ်ဘောမဲ့ ရှိမျှဂူလောင်းဟို့ စစ်ကြောစောင့်ဇမ်းဘီး ကောင်းဟူဇာလေဟို့ မြဒမ်းခံယူကိုင်စွဲဂေ့ပါ။ 22 ကောန်းဘဲဟူဇာ မျိုးမျိုးလေဟို့ ရှောန်ဂေ့ပါ။ 23 ငြိသတ်ရှင်းရဲရှင် ဘုရားသခင်ကိုယ်တိုင် နန်းနို့လေဟို့ ကူစင်အောန် သန်ရှင်းစေတော်မူပါစေ။ နို့လေရဲ့ သခင်ယေရှုခရစ် ကြွလာဟူ

ခီမာ နန်းနီလေရဲ့ ဝိညာဉ်၊ စိ၊ ကိုယ်ခန္ဓာဟို ပြစ်တန်ခွဲမ့်နလွတ်ကင်းအောက် စောင့်မတော်မူပါစေ။ 24 နန်းနီလေဟို
ခေါ်တော်မူဟူသူဟာ သစ်စာနု ပွဲဇောင်တော်မူဟူကြောနဲ့ အယ်မျိုး ပြုတော်မူလေ့မယ်။ 25 ညီကို မောန်နှမလေ၊
နီလေတွပ်လည်း ဆုတောင်းပေးဂေ့ပါ။ 26 ညီကို မောန်နှမလေ ဂူလောင်းဟို သန့်ရှင်းဟူနမ်းန နောက်ဆစ်ဂေ့ပါ။ 27
အယ်မူစာဟို သန့်ရှင်းဟူ ညီကိုမောန်နှလေ ဂူလောင်းဟို ဖတ်စေဟိုတွပ် သခင်ဘုရားဟို တိုင်တည်ဘီးဟာ နန်းနီလေဟို
လေးလေးနတ်နတ်ဟား တိုက်တွန်းရှင်ပါဟယ်။ 28 နီလေသခင်ယေရှုခရစ်တော်ရဲ့ ကျေးဇူးတော်ဟာ နန်းနီလေနတူးဒု
ရိပါစေ။

၂ သက်သာလောနိတ်

1 ပေါလု၊ သိလ္လာန၊ တိမောသေလေဟာ — **2** နို့လေရဲ့ဖြစ်ဟူ ဘုရားသခင်နု ယေရှုခရစ်တော်နားဟု နေဘီးဟာ ကျေးဇူးတော်နု ငြိသတ်ရှင်းလေဟို နန်းနို့ဟာ ခံစားရပါစေ။ **3** ငါ့ညီကို မောန်နှမလေ၊ နန်းနို့တွပ်ကြောန့် ဘုရားသခင်ရဲ့ ကျေးဇူးတော်ဟို နို့လေဟာ နေတိုင်း ချီးမွမ်းနေဂေ့ရဟယ်။ ဖြားဖြစ်ကြောန့်နူးဆိုဟာ နန်းနို့လေရဲ့ ယောင်ကြည်ရှင်းဟာ ရရာတိုင်းတိုးပွားဘီး ရှင်းရှင်း တယော့-က်ဟို တယော့-က် ပိုဘီး ဟာ ရှစ်နေဂေ့ကြောန့် ဖြစ်ဟယ်။ **4** အယ်ကြောန့် နို့လေကိုယ်တိုင်ဘဲ နန်းနို့ကြောန့်ဟို ဘုရားသခင်ရဲ့ သင်းတော်လေမာ ဂေါင်ယူဘီး ပြောဂေ့ဟယ်။ နန်းနို့ဟာ ညှဉ်းဆဲနိစစ်ဟူဇာနု ဆင်းရဲဒေါက်ခလေဟို ခံရဘေမဲ့ ခိုင်ခံ့ဘီး၊ ယောင်ကြည်ရှင်းခိုင်မြဲဘီး ရှိနေဇာဟိုထော့-က်ဘီး နို့လေဟာ ဂေါင်ယူဘီးပြောဂေ့ဟယ်။ **5** အယ်ဇာဂူလောင်းဟာ ဘုရားသခင်စီရင်ဇာဟာ မှန်ကန်ဟူကြောန့်ဟို ထန်ရှားဟယ်။ အယ်ကြောန့် နန်းနို့ဟာ ကိုယ်တော်ရဲ့ နိုင်ငံတော်နု ထိုက်တန်ဟူ လူလေဖြစ်လာဂေ့ဟိုတွပ် နန်းနို့ဟာ နိုင်ငံတော်တွပ်ကြောန့် ခုဆင်းရဲဒေါက်ခ ခံနေရဂေ့ဟယ်။ **6** ဘုရားသခင်ဟာ ဖြောန့်မတ်ဟူ တရားတိုင်းဘဲ စီရင်ဟူ သခင်ဖြစ်မျိုးဘဲ နန်းနို့ဟို ဆင်းရဲဒေါက်ခ ရော့-က်ခိုင်းဟူလူဟို ဆင်းရဲဒေါက်ခ ရော့-က်ခိုင်းလေမယ်။ **7** ခု ဆင်းရဲဒေါက်ခရော့-က်နေဟူ နန်းနို့တူးဒူ နို့လေဟိုလည်း စိသတ်သာဇာဟို ရဂေ့လေမယ်။ သခင်ယေရှုဟာ တဂိုးကီးဟူ ကောန်းဂန်တမန်လေနတူးဒူ ကောန်းဂန်ဘောင်ဟုနေ ကြွလာဟူ ခီမာ **8** ဘုရားသခင်ဟာ သူဟို ငြင်းပယ်ဟူလူလေန နို့လေသခင်ယေရှုရဲ့ ဒန်းကောန်းဟို နားထောန်ဘဲဟူ လူလေဟို မီးနု တရားစီရင်လေမယ်။ **9** အယ်သခင်ဟာ သန်ရှင်းသူလေန ဖောင်းသရေတော်နုရော၊ ယောင်ကြည်ဟူလူလေရဲ့ ကြည်ညိုလေးစားမှုလေဟို ခံယူဟိုတွပ်ရော တရားစီရင်ဟူ နေ့ရစ်မာ ကြွလာဟူ ခီမာ အယ်လူလေ ခံရဟူပြစ်ဒန်ဟာ ထာဝရပျစ်စီးဘီး ဆောင်းရှောင်းမှုဟို ခံရမယ်။

(aiōnios g166) **10** သခင်ဘုရားရှေ့မာရော၊ ကိုယ်တော်ရဲ့ ကီးမြတ်ဟူ ဖောင်းသရေတော်ရှေ့မာရော ငြင်းပယ်ဇာဟို ခံရမယ်။ နန်းနို့ဟာ နို့လေဟောပြောဟူ သတ်သေခံချစ်ဟို ယောင်ကြည်ဟူကြောန့် ကိုယ်တော်ဟို ဂေါင်ပြုချီးမွမ်းဟူ သန်ရှင်းဟူ လူမျိုးထဲမာ ပါရလေမယ်။ **11** အယ်ကြောန့် နို့လေဟာ နန်းနို့တွပ် မြဲဒမ်း ဆုတောင်းပေးနေဟယ်။ နန်းနို့ဟာ ဝီးကော့-က်ခံရဟူ ကျေးဇူးတော်နုညီ ပြုမှုကျင့်ကြံနေနိုင်ဟိုတွပ် နို့လေရဲ့ ဘုရားသခင်ဟို တောင်းလျှော့-က်ဂေ့ဟယ်။ ကိုယ်တော်ဟာ တဂိုးတော်နု နန်းနို့ရဲ့ ကောန်းမြတ်ဟူ လိုအင်ဆန္ဒရှိမျှဟို ပွဲဇောင်စေဘီး နန်းနို့ရဲ့ ယောင်ကြည်ရှင်းနု လောက်ဟူလူဟို ပီးဟိုတွပ် ဝှမ်းပေးပါစေ။ **12** အယ်နည်းအားဖြင့် နို့လေ သခင်ယေရှုရဲ့ နာမတော်ဟာ နန်းနို့အားဖြင့် ဖောင်းသရေတော် ထွန်းတော့-က်လေမယ်။ နို့လေရဲ့ ဘုရားသခင်နု သခင်ယေရှုခရစ်တော်ရဲ့ ကျေးဇူးတော်ဟာ နန်းနို့နုတူးဒူး ရှိပါစေ။

2 ညီကို မောန်နှမလေ၊ နို့လေရဲ့ သခင်ယေရှုခရစ်တော်ဟာ ကြွလာဘီး ကိုယ်တော်နုတူးဒူ ရှိဟိုတွပ် နို့လေဟာ စုရောင်းရဂေ့ကြောန့်နု ပတ်သတ်ဘီး နန်းနို့ဟိုငါ တိုက်တွန်းဘီး ပြောရှင်ဟယ်။ **2** သခင်ဘုရား ကြွလာဟိုနေ့ရစ် လ္လာဘီးဖြစ်ကြောန့်ဟို လူလေပြောဇာဟို ကြားရဂေ့ဟူ ခီမာ နန်းနို့ဟာ ရောက်တရစ် စိရောက်ထွေးဘီး မတည်မငြိဘဲ ဖြစ်ဂေ့နု။ အယ်မျိုးပြောဇာဟာ နို့လေဟာ ပရောဖက်ပြုဘီး ပြောဟူစကားဘဲဖြစ်စေ၊ နို့လေ တရားဟောဟူ ခီမာ ပြောဟူစကားဘဲဖြစ်စေ၊ နို့လေရဲ့ စာမာပါဟူ စကားဘဲဖြစ်စေ ဖြစ်ကောန်းဖြစ်မယ်။ **3** အယ်ကြောန့်နု ပတ်သတ်ဘီးဟာ လူလေဟာ မှားယွင်းဘီး ပြောနေဂေ့ဇာဟို လောင်းဝယောင်ဂေ့နု။ နှော့-က်ဆောင်း ပေါင်ကန်မှုဖြစ်ခန်မာ ငရဲဟိုသွားရဟို ပျစ်စီးမှုရဲ့သား ဖြစ်ဟူ အယ်အဓမ္မလူပေါ်ခန် အယ်နေ့ရစ်ဟာ ရော့-က်လာဟို မှဟု။ **4** သူဟာ လူလေကိုးကွယ်ဟူ ဘုရားမှန်မျှဟို ရန်ဖတ်ပြုဘီးဟာ သူဟာ ဘုရားလေ ဂူလောင်းထတ် တဂိုးကီးဟယ် ဆိုဘီး ပြောလေမယ်။ သူဟာ ဘုရားသခင်ဟို ဝတ်ပြုဟူ ဗိမာန်တော်ထဲမာ ဝမ်ထိုင်ဘီးဟာ သူ့ကိုယ်သူ ဘုရားသခင်ဖြစ်ဟယ် ဆိုဘီး ကြေညာလေမယ်။ **5** ငါဟာ နန်းနို့နုတူးဒူ ရှိဟူခါဒူးဟု အယ်ကြောန့်ရာလေဟို နန်းနို့ဟို ပြောပြရစ်ဟယ်။ နန်းနို့ မှတ်မိဂေ့ဟုလော။ **6** ခုခီမာ

အယ်ကြောန်းရာလေ ဖြစ်သေးဘဲဇာဟာ တားဟားဟူဇာ ရှိနေဟူကြောန်း ဖြစ်ဟယ်။ အယ်ဇာဟာ ပြားဇာဖြစ်နူးဆိုဟာ နန်းနို့ဟု သိဂေဟယ်။ အယ်ကြောန်း လူယောက်မာဂီးဟာ ခီလ္လာဟူ ခီမာ ပေါ်လာလေမယ်။ 7 လျှိုဝှက်ဘီးရှိဟူ အဓမ္မဟူ ခုခီမာ လှောက်ရှားဘီး ရှိနေဟယ်။ အယ်ဘေမဲ့ တားဟားဟူ သူဟို့ ဖယ်လိုက်ဟူ ခီမာ ဖြစ်လာရဟူ ကြောန်းရာလေဟာ ဖြစ်လာရလေမယ်။ 8 အယ်ခီမာ အယ်အဓမ္မလူဟာ ပေါ်လာလေမယ်။ အယ်ဘေမဲ့ သခင်ယေရှု ကြွလာဟူ ခီမာ သူရဲနောက်ထွပ် ဝိညာဉ်တော်အားဖြင့် ဖျစ်ဆီးဘီး ဖောင်းတဂိုးတော်န ဖယ်ရှားလေမယ်။ 9 အယ်အဓမ္မလူဟာ စာတန်ရဲ့ တဂိုးဟို့ ယူဘီးဟာ ရှေး-က်လာဟူ ခီမာ အံ့သြဘွယ်ဇာလေန ထူးဆန်းဟူ နိမိတ်လတ်ခဏာ တုယောက်မျိုးမျိုးဟို့ ပြလေမယ်။ 10 အယ်ဘီးန သေကြေပျစ်စီးဂေဟူ လူလေဟို့ တရားဘ်ဟူနည်း မျိုးမျိုးန လှည့်ဇားလေမယ်။ အယ်လူလေဟာ ကယ်တန်ရှင်းဟို့ ရနိုင်ဟို့တွပ် သမ္မာတရားဟို့ ရှစ်ဘီး လတ်ခံဂေ့ဘဲကြောန်း အယ်မျိုးဘဲ သေကြေပျစ်စီးရဟယ်။ 11 အယ်ကြောန်း ဘုရားသခင်ဟာ သူနို့လေဟို့ လှည့်ဇားရှင်းရဲ့ တဂိုးဟို့ ခံခိုင်းဘီးဟာ မှားနေဇာဟို့မှန်ဟယ် ဆိုဘီး ယောင်ကြည်စေဟယ်။ 12 သမ္မာတရားဟို့ ယောင်ကြည်ဘဲန ပြစ်လောက်ဟို့တွပ် နှစ်သက်ဂေဟူလူလေဟာ ပြစ်ဒန်စီရင်ဇာဟို့ လောင်းဝခံရမယ်။ 13 ညီကို မောန်နှမလေ၊ သခင်ဘုရားရှစ်ဟူ နန်းနို့ဟို့ တိုင်တယ်ဘီး နို့လေဟာ ဘုရားသခင်ရဲ့ ကျေးဇူးတော်ဟို့ မြဲဒမ်း ချီးမွမ်းဂေဟယ်။ နန်းနို့ဟာ သမ္မာတရားဟို့ ယောင်ကြည်ဂေဟူကြောန်း၊ ဝိညာဉ်တော်တဂိုးန ကိုယ်တော်ရဲ့သန်ရှင်းဟူ လူစုဖွဲ့ဝမ်လေ ဖြစ်လာဂေဟူကြောန်း၊ ဘုရားသခင်ဟာ ပထမဦးဆောင်း ဝီးကျော-က်ဘီး ကယ်တန်ဟားဟူ လူစုထဲမာ နန်းနို့ ပါဝမ်ဂေဟူကြောန်း ကျေးဇူးတော်ဟို့ ချီးမွမ်းရဟယ်။ 14 နန်းနို့ဟာ အယ်မျိုး ကယ်တန်ဇာဟို့ ခံရဘီး နို့လေရဲ့ သခင်ယေရှုခရစ်တော်နတူးဒု ဖောင်းသရေတော်ဟို့ ခံယူနိုင်ဂေဟို့တွပ် ဘုရားသခင်ဟာ နို့လေ ဟောပြောကြေညာဟူ ဒန်းကောင်းအားဖြင့် နန်းနို့ဟို့ ဝီးကျော-က်လိုက်ဟယ်။ 15 အယ်ကြောန်း ညီကို မောန်နှမလေ၊ နန်းနို့ဟာ ခိုင်ခိုင်ခံခံဟား ရပ်နေဂေပါ။ ဟောပြောဇာနရော၊ စာအားဖြင့်နရော နန်းနို့ဟို့ နို့လေသွန်သန်ရစ်ဟူ သစ်စာတရားဟို့ လတ်လွတ်ဂေ။ 16 နို့လေရဲ့ ယေရှုခရစ်တော်ကိုယ်တိုင် နို့လေဟို့ ရှစ်ဘီး ကျေးဇူးတော်အားဖြင့် ထာဝရနှစ်သိမ့်ရှင်းန ကောင်းမြတ်ဟူ မျှော်လင့်ရှင်းဟို့ ပေးသနားဟူ နို့လေရဲ့ ဘုရားသခင်ဟာ၊

(aiōnios g166) 17 နန်းနို့ရဲ့ စိန္တလောင်းဟို့ သတ်သာစေဘီး ကောင်းမြတ်ဟူစကားန၊ ကောင်းမြတ်ဟူ မူမျိုးမျိုးဟို့ မြဲဒမ်းအားပေး ပြောဆိုဘီး ပြုမူနိုင်ဟို့တွပ် နန်းနို့ဟို့ ခိုင်ခံမြဲမြဲပါစေ။

3 ညီကို မောန်နှမလေ၊ နှော-က်ဆောင်းနေန ပြောရှင်ဟယ်။ သခင်ဘုရားရဲ့ တရားတော်ဟာ နန်းနို့နားဟို့ ရှေး-က်လာမျိုး နေရာတိုင်းဟို့ ဖြန့်ဖြန့်ဟားပွဲနွံဘီး ဖောင်းသရေတော်ထန်ရှားနိုင်ဟို့တွပ် နို့လေတွပ် ဆုတောင်းဂေပါ။ 2 ဘုရားသခင်ဟာ နို့လေဟို့ လူယောက်မာန ကောင်းဘ်ဟူလူလေရဲ့ အန္တရာယ်ဟုနေ ကယ်တန်နိုင်ဟို့တွပ်လည်း ဆုတောင်းဂေပါ။ ပြားဖြစ်ကြောန်းဆိုဟာ တရားတော်ဟို့ လူတိုင်းဟု ယောင်ကြည်ဘဲကြောန်း ဖြစ်ဟယ်။ 3 သခင်ဘုရားဟာ သစ်စာရှိဟူရှင် ဖြစ်ဟူကြောန်း နန်းနို့လေဟို့ ခိုင်ခံစေဘီး မာရ်နတ်ရဲ့ဘေးဟု ကာကွယ်ပေးလေမယ်။ 4 သခင်ဘုရားဟာ နို့လေဟို့ နန်းနို့လေထတ်မာ ယောင်ကြည်စွဲစေဟယ်။ နန်းနို့ဟာ နို့လေပြောဟားတိုင်း ခုခီမာ ကျင့်ဂေဟူမျိုးဘဲ နှော-က်မာလည်း ဆစ်ဘီးဟာ ကျင့်မယ် ဆိုဇာဟို့ နို့လေဟာ ယောင်ကြည်စွဲစေဟယ်။ 5 သခင်ဘုရားဟာ နန်းနို့ရဲ့ စိန္တလောင်းဟို့ ဘုရားသခင်ရဲ့ ရှစ်ရှင်းမြစ်တာတော်န ခရစ်တော်ရဲ့ သီးခံနိုင်ဟူ မှုထဲဟို့ နန်းနို့ဟို့ လမ်းပြပါစေ။ 6 ညီကို မောန်နှမလေ၊ ရရာတိုင်း ပျင်းဟူလူလေန နို့လေပေးဟူ ညွှန်ကြားချစ်လေဟို့ လိုက်နာဘ်ဟူ လူလေဟို့ ပေါန်းဂေဘဲဟို့တွပ် သခင်ယေရှုခရစ်တော်ရဲ့ နာမတော်ဟို့ မှီပြုဘီးဟာ နန်းနို့ဟို့ ငါပညတ်ဟယ်။ 7 နန်းနို့ဟာ နို့လေလောက်ဟူ ပေါင်သတ်သေလေဟို့ လိုက်ဘီး ကျင့်ရမယ် ဆိုဇာဟို့ နန်းနို့ကိုယ်တိုင် ကောင်းကောင်းသိဂေဟယ်။ နန်းနို့န တူးဒုရှိနေဂဒဲဟု နို့လေဟာ လောက်လောက်ဘဲန နေဂေဟ။ 8 နို့လေရဲ့ စားဇရိလေဟို့ နို့လေဘဲ ကူကွဲခံဟယ်။ နန်းနို့ထဲဟူ တယော-က်ဟို့မျှ နို့လေတွပ် တာဝန်ယူခိုင်းဘဲန နို့လေဟာ လောက်ဟို့ ပန်ဗန်းခံဘီးဟာ နှောပညဉ်ရော လောက်လောက်ဂေဟယ်။ 9 အယ်မျိုးလောက်ဂေဇာဟာ နို့လေမာ ခွမ့်အာဏာမဲ့ဘဲကြောန်း မူဟ။ နို့လေဟို့ တုယူနိုင်ဟို့တွပ် နို့လေကိုယ်တိုင်ဟု နန်းနို့လေဟို့ ပေါင်သတ်သေပြရှင်ဟူကြောန်း

ဖြစ်ဟုယ်။ 10 နန်းနို့တူးဒူ ရှိနေဟူခိဒူးဟ နို့လေဟာ နန်းနို့ဟို့ “လောက်လောက်ဘဲဟူလူဟာ စာလည်းစားန” ဆိုဘီး သွန်သန်ဟုယ်။ 11 နန်းနို့ထဲမာ ရရာတိုင်း ပျင်းဘီးဟာ လောက်လောက်ဘဲန တခြားသူလေရဲ့ကိစလေမာ ဝမ်ဘီးဟာ ပါနေဟူလူရှိဟုယ် ဆိုဇာဟို့ တွိရဟုယ်။ 12 အယ်မျိုးလူလေဟို့ အေးအေးဆေးဆေးဟား လောက်ဟို့လောက်ဘီး သတ်မွီးဟို့တွပ်၊ သခင်ယေရှုခရစ်တော်ရဲ့ နာမတော်ဟို့ မှီပြုဘီး မိန့်ပေးဘီး တိုက်တွန်းဟုယ်။ 13 ညီကို မောန်နှမလေ၊ နန်းနို့ဟာ ဖယ်ခါလည်း စိပ်ျစ်အားရှောဘဲန ကောင်းဟူကျင့်ဟို့ ကျင့်ဂေ့ပါ။ 14 လူတယော့-က်ဟာ အယ်စာထဲမာ ပါနေဟူ ညွှန်ကြားချစ်လေဟို့ လိုက်နာဘဲန နေဟုယ် ဆိုဟာ အယ်လူဟို့ ဒီပြုဘီးဟာ ယုတ်ရဟို့တွပ် သူန ပေါင်းဂေ့န။ 15 အယ်ဘေမဲ့ သူဟို့ရန်သူမျိုး ဘောထားဘဲန ညီကို မောန်နှမမျိုး ဘောထားဘီး ဒီပေးဂေ့ပါ။ 16 ငြိသတ်ရှင်းရဲရှင် သခင်ဘုရားကိုယ်တိုင် နန်းနို့ဟို့ ခီတိုင်းမာ နည်းမျိုးမျိုးန ငြိသတ်ရှင်းဟို့ ပေးသနားပါစေ၊ သခင်ဘုရားဟာ နန်းနို့တူးဒူ ရှိပါစေ။ 17 အယ်နှောက်ဆစ်စကားဟို့ ငါ့လတ်န ရေးလိုက်ပါဟုယ်။ ငါပေါလဟာ နန်းနို့ဟို့ နှောက်ဆစ်ဟုယ်။ ငါပို့ပေးဟူ စာလေမာ အယ်မျိုးဘွဲ့ လတ်မှတ်ထိုးဟားဟုယ်။ အယ်မျိုးဘွဲ့ ငါရေးဟုယ်။ 18 နို့လေ သခင်ယေရှုခရစ်တော်ရဲ့ ကျေးဇူးတော်ဟာ နန်းနို့ ဂူလောင်းနတူးဒူ ရှိပါစေ။

၁ တိမောသေ

1 နို့လေရဲ့ ကယ်တန်ရှင် ဘုရားသခင်နဲ့ နို့လေရဲ့ မျှော်လင့်ရာဖြစ်တော်မူဟူ ယေရှုခရစ်တော်ရဲ့ တမန်တော် ငါပေါလုဟာ — **2** ယောင်ကြည်ရှင်းအားဖြင့် ငါ့သားစစ်စစ်ဖြစ်ဟူ တိမောသေနားဟို့ စာရေးလိုက်ပါဟယ်။

3 မာကေဒေါနိပြည်ဟို့ နို့လေသွားဟူခီဟု နန့်ဟို့ ငါတိုက်တွန်းနှိုးဆော်ဟူတိုင်း ဇေကပ်မြို့မာ နေရစ်ဘီး လူတချို့ဟို့ လွဲမှားဟူယူဝါဒလေဟို့ ဟောပြောသွန်သန်ဘဲနေဟို့တွပ်နဲ့ **4** ပီးဆောင်းနိုင်ဘဲဟူ ဒဏ္ဍာရီလေ ဆွေစဉ်မျိုးဆစ်စာရင်းလေဟို့ အာရောင်စိုက်ဘဲ နေဂေဟို့တွပ် ညွှန်ကြားပါ။ အယ်မူရာလေဟာ ယောင်ကြည်ဇာနည်ဆိုင်ဟူ ဘုရားသခင်ရဲ့ စီမံခန့်ခွဲမှုထုတ် ငြင်းခွာဟူဇာလေဟို့ဘဲ ဖြစ်စေတတ်ဟယ်။ **5** အယ်မျိုး ပညတ်ရဟူကြောင်းဟု စင်ကြယ်ကောင်းမြတ်ဟူ စိန်လောင်း၊ ကြည်လင်ဟူသိစိန် မှန်ဟူယောင်ကြည်ရှင်းဟုနော်ဘီး ဖြစ်ပေါ်လာဟူ ရှစ်ရှင်းမြစ်တာ ဖြစ်လေဟယ်။ **6** တချို့လူလေဟာ အယ်မူဇာလေဟုနေ လွဲချော်ဟားဘီး ကျိုးမွေဘဲဟူ စကားပြောဆိုရှင်းအားဖြင့် လွဲဟားဂေဘီ။ **7** အယ်သူလေဟာ သူးနို့ပြောဆိုဟူဇာလေနဲ့ သူးနို့ ခိုင်းခိုင်းမားမာ ခံယူရပ်တည်ဟူဇာလေဟို့ နားလည်ဘဲနဲ့ ကျမ်းတတ်ဆရာလေ ဖြစ်ရှင်ဂေသေးဟယ်။ **8** ပညတ်တရားဟို့ စည်းမျဉ်းတိုင်း သောင်းပြုမယ် ဆိုဟာ ပညတ်တရားဟာ ကောင်းမြတ်ဟယ် ဆိုဇာဟို့ နို့လေသိဂေဟယ်။ **9** ပညတ်တရားဟာ လူကောင်းလေတွပ်မှုဘဲနဲ့ တရားဘဲဟူသူလေ၊ နာခံမှုမွေဘဲဟူသူလေ၊ ဘုရားတရားမွေဘဲသူလေ၊ ပြစ်ကျူးလွန်သူလေ၊ ဘာသာတရား ကိုင်းရှိုင်းမှုမွေဘဲသူလေ၊ မိဖဟို့ သတ်ဟူသူနဲ့ လူသတ်သမားလေ၊ **10** ကျင့်စာရိတ္တပျစ်ဟူသူလေ၊ ယော့-က်ကျားရှင်းရှင်း၊ မီးမရှင်းရှင်း မေထုန်ပြုဟူသူလေ၊ လူကုန်ကူးဟူသူလေ၊ လီလည်ပြောဟူသူလေ၊ မှန်ဘဲဟူသတ်သေဟို့ ခံဟူသူလေနဲ့ မှန်ဟူယူဝါဒနဲ့ ဆန့်ကျင်တတ်ဟူ သူလေတွပ်ဘဲ ပညတ်ဟားဟူကြောင်းဟို့ နို့လေသိဂေပါဟယ်။ **11** အယ်မူသွန်သန်ချစ်ဟာ ဖောင်းသရေတော်နဲ့ပွဲတီး မင်္ဂလာရှိတော်မူဟူ ဘုရားသခင်နားဟုလာဟူ ဒန်းကောင်းတိုင်းဘဲ ဖြစ်ပါဟယ်။ အယ်မူဒန်းကောင်းဟို့ ကြေညာဟို့တွပ် ငါ့ဟို့ ယောင်ကြည်အပ်ပေးတော်မူဘီ။ **12** ငါ့ဟို့ ခွန်အားနဲ့ ပွဲဇောင်စေတော်မူဟူ နို့လေရဲ့သခင် ယေရှုခရစ်တော်ရဲ့ ကျေးဇူးတော်ဟို့ ငါချီးမွမ်းဟယ်။ ဖြားဖြစ်ကြောနဲ့နဲ့ဆိုဟာ ကိုယ်တော်ဟာ ငါ့ဟို့ မှတော်လောက်ငန်းတွပ် ခွဲခန့်ဟားဘီး သစ်စာရှိဟူသူဖြစ်နဲ့ မှတ်ယူတော်မူဟူကြောနဲ့ဖြစ်ဟယ်။ **13** စဟု ငါဟာ စော်ကားပြောဆိုဟူသူ၊ ကဲ့ရဲ့ဟူသူ၊ ညှဉ်းဆဲကြမ်းကြုတ်ဟူသူ၊ မိုက်ရိုင်းဟူသူတယော့-က် ဖြစ်ဟူလည်းဘဲ ယောင်ကြည်ဘဲဟူခီဒူးဟု သိနားလည်ဘဲနဲ့ ပြုမိဟူကြောနဲ့ ကရုဏာတော်ဟို့ ခံစားရဟူဇာဖြစ်ဟယ်။ **14** နို့လေသခင်ဘုရားရဲ့ ကျေးဇူးတော်ဟာလည်း ယေရှုခရစ်တော်နှိုက်ရှိဟူ ယောင်ကြည်ဇာလေ ရှစ်ရှင်းမြစ်တာလေဟာ ရရာတိုင်း များပြားလေဟယ်။ **15** ယေရှုခရစ်တော်ဟာ ပြစ်ရှိဟူသူလေဟို့ ကယ်တန်ဟို့တွပ် အယ်လောကဟို့ ကြွလာဟယ် ဆိုဟူစကားဟာ သစ်စာစကားဖြစ်ဟယ်။ ကြွင်းမဲ့ ယောင်ကြည်အပ်ဟူ စကားလည်းဖြစ်ဟယ်။ ပြစ်ရှိဟူသူလေထဲမာ ငါဟာ ဆိုးဆောင်းဖြစ်ဟယ်။ **16** အယ်ဘေမဲ့ ထာဝရသတ်ရဟို့ ယောင်ကြည်လာမယ့် သူလေရှေ့မာ ပေါင်သတ်သေဖြစ်ဟို့တွပ် ရရာတိုင်း ပြစ်ကီးဟူငါ့ဟို့ ယေရှုခရစ်တော်ဟာ သီးခံတော်မူဇာဟို့ ပြဟို့တွပ် ငါ့ဟို့ သနားတော်မူလေဟယ်။ (aiōnios g166) **17** ထာဝရမန်းဂီး ဖြစ်တော်မူဟူ၊ ဖော့-က်ပွန်ဇာနက်ကင်းဟူ၊ လူမျှစ်စီနဲ့ ဗြင်နိုင်ဘဲ တပါးဒဲရှိဟူ ဘုရားသခင်ဟာ ကမ္ဘာဆစ်ဆစ် ဖောင်းကီးတော်မူပါစေ! အာမင်။ (aiōn g165) **18** ငါ့သား တိမောသေ၊ နန့်နဲ့ ပတ်သတ်ဘီး စဟု ပရောဖက်ပြုဟားဟူ ရာလေနထပ်တူ အယ်မူညွှန်ကြားဟားဟူ ဇာလေဟို့ နန့်ဟို့ ငါအပ်ပေးပါဟယ်။ အယ်မူဇာဟု နန့်ဟာ ယောင်ကြည်မှုနဲ့ ကြည်လင်ဟူသိစိန်ဟို့ ဆောက်ကိုင်ဘီးဟာ အယ်မူ ပရောဖက်ပြု ဟောပြောဟားဟူ ဇာလေအားဖြင့် ကောင်းဟူ တိုက်ပွဲဟို့ တိုက်ခိုက်နိုင်ဟို့တွပ်။ **19** တချို့လေဟာ အယ်မူ ကောင်းမြတ်ဟူ ကိုယ့်ကိုယ်ကိုယ် သိဟူစိဟို့ ပစ်ပယ်ဟူကြောနဲ့ ယောင်ကြည်ရှင်း သန်းဖော့ ပျစ်စီးဆောင်းရှောင်းဇာဟို့ ခံရဂေလေဟယ်။ **20** အယ်သူလေထဲမာ

ဟုမေနဲ့ အာလေဇန္ဒြီလေလည်း ပါဝေဟယ်။ သူးနီလေဟာ ဘုရားသခင်ဟို ပြစ်မှားဘီး ကဲ့ရဲ့ပြောဆိုဟူစာ ပြုဘဲနေအောင် သင်ခန်းစာရဟိုတွင် သူးနီလေဟို စာတန်လတ်ထဲ ငါအပ်လိုက်ဘီ။

2 အယ်ကြောန့် လူလေ ဂူလောင်းတွင် သနားခံဟူမှု၊ ဆုတောင်းဟူမှု၊ ကြားခံ တောင်းရှော-က်ပေးဟူမှုနု ကျေးဇူးတော်ဟို ချီးမွမ်းရှင်းလေဟို ပြုဟိုတွင် ပထမ ဦးဆောင်း ငါတိုက်တွန်း နှိုးဆော်ရှင်ပါဟယ်။ **2** နီလေဟာ ဘုရားဝတ်နု မွေ့လျော်ဘီး ငြီးငြီးချမ်းချမ်း နေနိုင်ဟိုတွင်လည်း မန်းဂီးလေန အာဏာရှိဟူသုလေ ဂူလောင်းတွင် ဆုတောင်းပေးဝေပါ။ **3** အယ်မျိုးပြုဟူစာဟာ ရရာတိုင်း ကောင်းဟူ မှုဖြစ်ဘီး နီလေရဲ့ ကယ်တန်ရှင်ဖြစ်ဟူ ဘုရားသခင် ရှေ့တော်မာ နှစ်သက်ဇာကောင်းဟူ မူလည်းဖြစ်ဟယ်။ **4** လူလေဂူလောင်းဟာ ကယ်တန်ရှင်းဟို ရော-က်ဘီး သမ္မာတရားဟို သိဟိုတွင် ဘုရားသခင် လိုတော်ရှိဟယ်။ **5** ဖြားဖြစ်ကြောန့်နူးဆိုဟာ ဘုရားသခင်ဟာ တပါးဒဲဘဲ ရှိတော်မူဘီး ဘုရားသခင်နု လူလေကြားမာ အာမခံဖြစ်ဟူ ယေရှုခရစ် တပါးဒဲဘဲ ရှိတော်မူဟယ်။ အယ်သခင်ဟာ လူဖြစ်ဟူ ယေရှုခရစ်တော်ဘဲ ဖြစ်လေဟယ်။ **6** အယ်မူအာမခံဟာ လူလေ ဂူလောင်းဟို ဝီးနူဟိုတွင် ဖိုးခနေန ကိုယ့်ကိုယ်ကိုယ် စွန့်တော်မူဟယ်။ အယ်မူကြောင်းရာဟာ ခီတန်လာဟူ ခီမာ ပေးတော်မူဟူ သတ်သေဖြစ်ဟယ်။ **7** ငါဟာ အယ်မူကြောင်းရာဟို သတ်သေခံ ဝိဇုဟိုတွင် တမန်တော်ရာနု ယောင်ကြည်ရှင်းနု သမ္မာတရားဟို လူမျိုးခြားလေဟို ဟောပြော သွန်သန်ဟူ ဆရာဖြစ်နု ခန့်ဟားသူဖြစ်ဟယ် ဆိုဇာဟာ မုသားစကားဟို ပြောဟူဇာမူဘဲ မှန်ဟူ စကားဟို ပြောဟူ ဇာဖြစ်ဟယ်။ **8** အယ်မျိုးဖြစ်ကြောန့် နေရာတိုင်းမာ ယော့-က်ကျားလေဟာ စီဆိုးဟူဇာ၊ ဂြင်းခူဟူ ဇာမေ့ဘဲ သန့်ရှင်းဟူ လတ်ဟို ချီဘီးဟာ ဆုတောင်းဝေဟိုတွင် ငါလိုရှင်ပါဟယ်။ **9** အယ်မျိုးဘဲ မီးမလေလည်း ဆန်းဗန်ဟို လှဆင်ဟူ ဇာလေ၊ ရွှေတန်ဆာလေ၊ ကျော့-က်မြတ်ပုလဲလေ၊ ဖိုးကီးဟူ ဝတ်စားလေန ကိုယ့်ကိုယ်ကိုယ် ဆင်ဘဲနု ယုတ်ကြော့-က်ရှင်း၊ ကူဇွေစောန့်ရှင်းအားဖြင့် တင့်တယ်ဟူ ဝတ်နု **10** ဘုရားသခင်ဟို ရှိသေကြည့်ညိုမှု ရှိမယ် ဆိုဘီး ဝန်ခံ ဂဒိပြုဟူ မီးမလေ ဆင်သင့်ဟူတိုင်း ကောင်းဟူ ကျင့်အားဖြင့် ကိုယ့်ကိုယ်ကိုယ် တန်ဆာဆင်ဟိုတွင် ငါလိုရှိပါဟယ်။ **11** မီးမလေဟာ ရာရာမာ နာခံမှုရှိဘီး တိတိဆိဆိဟား သန်ယူပါစေ။ **12** မီးမလေဟာ သွန်သန်ပေးဟူဇာနု ယော့-က်ကျားလေဟို စိုးတရပြုဟူ ခွဲမဟို ငါပေးဟူ။ မီးမလေဟာ တိတိဆိဆိ နေရမယ်။ **13** ဖြားဖြစ်ကြောန့်နူးဆိုဟာ အာဒ်ဟို ပထမဆောင်း ဖန်ဆင်းဘီးနု ဧဝဟို ဖန်ဆင်းတော်မူဟယ်။ **14** နော့-က်ဘီး အာဒ်ဟာ လှည့်ဇားဇာဟို ခံဟူ။ မီးမလေဟာဘဲ လှည့်ဇားဇာဟို ခံဘီး ဘုရားသခင်ရဲ့ ပညတ်တော်ဟို ခြိုးဖော့-က်ဟယ်။ **15** အယ်ဘောမဲ့လည်း မီးမလေဟာ ကူဇွေစောန့်ရှင်း၊ ယောင်ကြည်ရှင်း၊ ရှစ်ရှင်း၊ သန့်ရှင်းရှင်းနု ဆစ်ဘီးဟာ ရှိနေမယ် ဆိုဟာ သားမီးလေ ရှိရှင်းအားဖြင့် ကယ်တန်ရှင်း ခံရလေမယ်။

3 သင်းအောက်ရာဟို မျှော်လင့်ဟူသုဟာ ကောင်းဟူမှုရာဟို လိုလားတောင်းတဟူသူ ဖြစ်ဟယ် ဆိုဟူစကားဟာ မှန်ဟူသစ်စကား ဖြစ်ဟယ်။ **2** အယ်ကြောန့် သင်းအောက်ဟာ ပြစ်တန်ခွဲမွန် လွတ်ကင်းရမယ်။ သူဟာ မယားတယော့-က်ဘဲ ရှိရမယ်။ သမ္မာဒိရှိသူ၊ ကူဇွေစောန့်သူ၊ လျောက်ပတ်အောင် နေထိုင်ကျင့်ကြံသူ၊ ဧည့်ဝတ်ကျေသူ၊ ဆောင်းမဩဒါပေးနိုင်သူ ဖြစ်ရမယ်။ **3** သော့-က်တတ်စားတတ်ဟူသူ၊ သူများဟို ကိုယ်ထိလတ်ရော့-က် စော်ကားဟူသူ၊ စင်ကြယ်ဘဲဟူ စီးပွားဟို တတ်မတ်ဟူသူမူဘဲ၊ နူးညံ့သိမ်မွေ့ဘီး ရန်လိုဘဲနု ကပ်ဟို တတ်မတ်ရှင်း မေ့ဘဲဟူသူ၊ **4** ကိုယ့်ရဲ့အီထောန် မိသားစုဟို ကောင်းကောင်းမွန်မွန် အောက်ချောက်ဘီး သမ္မာဒိရှိရှိနု ကိုယ့်သားမီးလေဟို ဆောင်းမနိုင်ဟူသူ ဖြစ်ရမယ်။ **5** ကိုယ့်ရဲ့ အီထောန်ဟို ကောင်းကောင်းမွန်မွန် အောက်ချောက်နိုင်ဘဲသူဟာ ဘုရားသခင်ရဲ့ သင်းတော်ဟို ဖယ်မျိုး ပြုစုဘီး အောက်ချောက်နိုင်မယ်နူး။ **6** သူဟာ ယောင်ကြည်ခါစ လူသစ်ဖြစ်ရဟူ။ အယ်မျိုးမူဘဲနေဟာ ကိုယ့်ကိုယ်ကိုယ် ဘဝင်မြင့်ဘီး မာရ်နတ်ကူးဒု ပြစ်ဒန်စီရင်မှုထဲဟို ကွပ်ရဟိုတွင် စိုးရိမ်ဇာရှိဟယ်။ **7** ကဲ့ရဲ့ပြစ်တန်ခံရဘီး မာရ်နတ်ရဲ့ ထောန်ချော့-က်ထဲဟို ကွပ်ရော့-က်ဘဲနေဟိုတွင် သင်းတော်ပွန်ရဲ့ သိုင်းဝိုင်းမာလည်း အသရေရှိဟူ သူဖြစ်နု သိမှတ်ပြင်ရဟူ သူဖြစ်ရမယ်။ **8** အယ်မျိုးဘဲ သင်းထော့-က်လေလည်း တည်းတည်ကြည်းကြည်နု နေဟူသူဖြစ်ရမယ်။

လျှာနေခွဲရှိဟူသူ၊ သော့-ကံစား မောယစ်တတ်ဟူသူ၊ ကပ်မတ်မားလေမှုဘဲန 9 ကိုယ့်ကိုယ်ကိုယ် သိဟူစိ ကြည်လင်ဘီးဟာ
ယောင်ကြည်ရှင်းရဲ့ လျှိုဝှပ်နတ်နဲဟူ ရာလေဟူ စိစွဲလမ်းဟူသူ ဖြစ်ရမယ်။ 10 သူးနို့လေဟာ ရင်ဦးဆောင်း စစ်ဆေးခံဘီးမှ
ပြစ်တန်ခွဲခွဲလွတ်ဟာ သင်းထော့-ကံမှုဟို့ လောက်ဆောန်ပါစေ။ 11 သူးနို့လေရဲ့ မယားလေဟာ တည်းတည်ကြည်းကြည်
နေဟူသူ ဖြစ်ရမယ်။ ဂူးတိုက်ဟူသူ၊ သူများချင်းပြောဟူသူ ဖြစ်ဘဲန ရှိမျှဂူလောင်းမာ သစ်စာရှိဟူသူ ဖြစ်ရမယ်။ 12
သင်းထော့-ကံလူဦးလေဟာ မယား တယော့-ကံဘဲ ရှိရမယ်။ ကိုယ့်သားမီးလေန အီထောန်ဟို့ ကောန်းကောန်း
စီမံအောက်ချောက်နိုင်ဟူသူ ဖြစ်ရမယ်။ 13 ဖြားဖြစ်ကြောန့်နူးဆိုဟာ သင်းထော့-ကံလောက်ဟို့ ကောန်းကောန်း
လောက်ဆောန်ဟူသူဟာ ကိုယ့်တွပ် ကောန်းဟူ ဂေါင်သရေဟို့ ရဘီးဟာ ယေရှုခရစ်တော်ဟို့ ယောင်ကြည်ဟူ ရာမာလည်း
ရဲရင့်ရှင်းဟို့ ရလေဟယ်။ 14 ငါ အယ်စာဟို့ ရေးရဟူဇာဟာ နန့်နားဟို့ ဖြန်းဖြန်လာဟို့တွပ် မျှော်လင့်ဟူလည်းဘဲ
15 နော့-ကံကွနေမယ် ဆိုဟာ နန့်ဟာ ဘုရားသခင်ရဲ့ အီတော်မာ ဖယ်မျိုး ကျင့်ကြံ လောက်ဆောန်ရမယ် ဆိုဇာဟို့
သိရဟို့တွပ် အယ်စာဟို့ ငါရေးဘီး ပေးလိုက်ဟူဇာဖြစ်ဟယ်။ အယ်အီတော်ဟာ သတ်ရှင်တော်မူဟူ ဘုရားသခင်ရဲ့
သင်းတော်ဖြစ်ပါဟယ်။ အယ်သင်းတော်ဟာ သမ္မာတရားရဲ့ ဗီတကံဖြစ်ဟူမျိုး သမ္မာတရားရဲ့ မဏ္ဍိုင်လည်း ဖြစ်ပါဟယ်။ 16
မှန်ဟူကိုးကွယ်မှုရဲ့ နတ်နဲဟူရာဟာ ရရာတိုင်း ကီးမြတ်ဟယ် ဆိုဇာဟို့ ဂြင်းခူလောက်ဇာကြောင်း မေ့ဟူ။ ကိုယ်တော်ဟာ
လူကိုယ်ခန္ဓာအားဖြင့် ထန်ရှားတော်မူဘိ။ မှန်ကန်ဟယ် ဆိုဇာဟို့ ဝိညာဉ်တော်အားဖြင့် ထန်ရှားစေတော်မူဘိ။
ကောန်းကန်တမန်လေဟာ ကိုယ်တော်ဟို့ ရှုပြင်ရဂေဘိ။ လူမျိုးခြားလေဟာ ဒန်းကောန်းကြေညာဇာဟို့ ကြားဂေရဘိ။
လောကသားလေဟာ ကိုယ်တော်ဟို့ ယောင်ကြည်ဂေဘိ။ ကိုယ်တော်ဟာ ဖောင်းသရေတော်နတူးဒူ ကောန်းကန်ဘောင်ဟို့
ဆောန်ယူဟူဇာဟို့ ခံတော်မူဘိ။

4 နော့-ကံလာမယ့် ခီကာလလေမာ လူတချို့ဟာ လှည့်ဇားတတ်ဟူ ဝိညာဉ်လေန နတ်ဆိုးလေရဲ့ သွန်သန်ချစ်လေဟို့
အာရောင်စိုက်ဘီး ယောင်ကြည်မှုဟို့ စွန်ခွာဂေလေမယ် ဆိုဇာဟို့ ဝိညာဉ်တော်ဟာ ရှင်းရှင်းလန်းလန်း
ဖော်ပြဟားပါဟယ်။ 2 ကိုယ့်ကိုယ်ကိုယ် သိဟူစိဟို့ သံပုန ခတ်ခံရဟူမျိုး လှည့်ဇားတတ်ဟူ သူလေရဲ့ လျှိုဝှပ်ရှင်းအားဖြင့်
အယ်မူဝါဒလေဟို့ အားပေးဂေဟယ်။ 3 သူးနို့လေဟာ အီထောန်ပြုဟူဇာဟို့ တားမြစ်ဘီးဟာ ယောင်ကြည်ဘီး
သမ္မာတရားဟို့ သိဟူသူလေဟာ ကျေးဇူးတော်ဟို့ ချီးမွမ်းဘီး စားသောင်းဟို့တွပ် ဘုရားသခင် ဖန်ဆင်းဟားဟူ ဇာလေဟို့
ရှောန်ရမယ် ဆိုဘီး ပညတ်ဟားလေမယ်။ 4 ဘုရားသခင် ဖန်ဆင်းဟားဟူ ဇာလေရှိဟူမျှဟာ ကောန်းဟူကြောန့်
ကျေးဇူးတော်ဟို့ ချီးမွမ်းဘီး ခံယူမယ် ဆိုဟာ ဖယ်ဇာဟို့လည်း ပစ်ပယ်ဇာလိုဟူ။ 5 ဖြားဖြစ်ကြောန့်နူးဆိုဟာ
ဘုရားသခင်ရဲ့ စကားအားဖြင့်ရော၊ ဆုတောင်းရှင်း အားဖြင့်ရော အယ်မူဇာလေဟာ စင်ကြယ်ဟားကြောန့် ဖြစ်လေဟယ်။
6 အယ်ကြောန်းရာလေဟို့ ညီကို မောန်နုလေဟို့ ကြားပြောမယ် ဆိုဟာ နန့်ဟာ ကိုယ်လိုက်နာဟူ ယောင်ကြည်ရှင်းန
မှန်ကန်ဟူ ယူဝါဒရဲ့ ပြုစုပျိုးထောန်ဇာခံရဟူ ယေရှုခရစ်တော်ရဲ့ စေခံကောန်းတယော့-ကံ ဖြစ်လေမယ်။ 7
အယ်ဘောမဲ့ မီးမအိုပြောတတ်ဟူ၊ တရားမမှတ်ဟူ ဒဏ္ဍာရီစကားလေဟို့ ရှောန်ရှားဘီး ဘုရားဝတ်မာ ပျော်မွေ့ရှင်းအားဖြင့်
ကိုယ့်ကိုယ်ကိုယ် လေ့ကျင့်ပေးပါ။ 8 ကိုယ်ကာယနဆိုင်ဟူ လေ့ကျင့်မှုဟာ ကျိုးနဲနဲဟားဘဲ ရဟူလည်းဘဲ ဘုရားဝတ်န
မွေ့လျော်ရှင်းဟာ ခုဘဝ၊ နော့-ကံဘဝန စပ်ဆိုင်ဇာဟူ ဂဒီတော်ဟို့ ခံစားရဟယ်။ 9 အယ်မူစကားဟာ သစ်စာစကားဖြစ်ဘီး
ကြွင်းမဲ့ယောင်ကြည်ထိုက်ဟူ စကားလည်းဖြစ်ဟယ်။ 10 အယ်ကြောန့် နို့လေဟာ အယ်မူကျိုးဟို့ မျှော်လင့်ဟူကြောန့်
ကြိုးစားအားထုဘီး လောက်ဆောန်ဂေဟယ်။ ဖြားဖြစ်ကြောန့်နူးဆိုဟာ လူလေ ဂူလောင်းရဲ့ ကယ်တန်ရှင် ထူးသဖြင့်
ယောင်ကြည်သူလေရဲ့ ကယ်တန်ရှင်ဖြစ်ဟူ၊ သတ်ရှင်တော်မူဟူ ဘုရားသခင်ဟို့ နို့လေ ကိုးစားဟူကြောန့် ဖြစ်ဟယ်။ 11
အယ်မူဇာလေဟို့ ညွှန်ကြားဘီး ဆောန်းမူဝါဒပေးပါ။ 12 နန့်ရဲ့ သတ်ရွယ်နပျိုဟူ ဇာဟို့ ဖယ်သူဟူလည်း ထိမဲ့မြင်ပြုစေန။
စကားပြောဆိုဟူဇာ၊ ကျင့်ကြံနေထိုင်ဟူဇာ၊ သူတပါးဟို့ ရှစ်ဟူဇာ၊ ဝိညာဉ်သဘောရှိဟူဇာ၊ သစ်စာစောန့်ဟူ ဇာလေန
သန်ရှင်းဟူ ဇာလေဟို့ ယောင်ကြည်သူလေရှေမာ ပေါင်သတ်သေဖြစ်စေပါ။ 13 ငါလာဟူ ခီထီ ကျမ်းစာဖတ်ရှင်း၊

တိုက်တွန်း သွီးဆော်ရှင်း၊ ဆောင်းမ ဩဝါဒပေးရှင်းလေဟို ကြိုးစားဘီး လောက်ဆော်ပါ။ 14 သင်းတော်ကြီးကလေဟု လတ်တန်မင်္ဂလာပေးဘီး ပရောဖက်ပြု ဟောပြောဟူဇာအားဖြင့် နန်းဟို ပေးအပ်ဟားဟူ ဆုကျေးဇူးလေဟို လျစ်လျူရှုနု။ 15 နန်းရဲ့ တိုးတတ်မှုဟာ လူလေရှေမာ ထန်ရှားဟို့တွပ် အယ်မှု မှုရာလေဟို စိစ္စလန်းဘီး ကြိုးစားအားထုပ်။ 16 ကိုယ့်ရဲ့ ဆောင်းမဩဝါဒန ကိုယ့်ကိုယ်ကိုယ် ဒိပြုဘီး မြဲတည်အောင်နေပါ။ အယ်မျိုးပြုဟယ် ဆိုဟာ နန်းကိုယ်နန်လည်း ကယ်တန်ဘီး နားထောန်ဟူ သူလေဟိုလည်း ကယ်တန်လေမယ်။

5 သတ်ကီးဟူသူဟို ပြစ်တန်ဘီး ဆောင်းမရှင်းဟို ပြဘဲန ကိုယ့်ရဲ့ဖဟူမျိုး သဘောထားဘီး တောင်းဗန်ပါ။ ကိုယ့်ထတ်သတ်ငယ်သူဟို ညီတယော့-က်ဟူမျိုး၊ 2 ကိုယ့်ထတ်သတ်ကီးဟူ မီးမလေဟို ကိုယ့်မိဟူမျိုး၊ ကိုယ့်ထတ်သတ်ငယ်ဟူ မီးမလေဟို ဖြူစင်သန်ရှင်းဟူစိန် ကိုယ့်ညီမဟူမျိုး သဘောထားဘီး နှိုးဆော်ပါ။ 3 မောက်ဆိုးမ တကယ်ဖြစ်ဟူ မောက်ဆိုးမလေဟို ရိုသေဂေပါ။ 4 အယ်ဘောမဲ့ မောက်ဆိုးမ ယော့-က်ယော့-က်မာ သားမွေးရှိဟယ် ဆိုဟာ အယ်မှု သားမွေးလေဟာ ဘာသာရေး ကျင့်ဝတ်ဖြစ်ဟူ ကိုယ့်ရဲ့ မိသားစုဟို ပြုစုဟူဇာန မိဖုရားလေဟို ကျေးဇူးဆပ်ဟို့တွပ် ရင်ဦးဆောင် သန်ယူပါစေ။ အယ်မျိုး လောက်ဟူမှုဟာ ဘုရားသခင် ရှေ့တော်မာ နှစ်သက်တော်မှုဟူ မှုဖြစ်ဟယ်။ 5 မောက်ဆိုးမ တကယ်ဖြစ်ဘီး တယော့-က်ဒဲ ကျန်ရစ်ဟူ မီးမဟာ ဘုရားသခင်ဟို မျှော်လင့်ကိုးစားဘီး နေ့ညဉ်မပြတ် ဆုတောင်းရှင်းအားဖြင့် တည်နေတတ်ဟယ်။ 6 ပျော်ပါးလိုက်စားဟူ မောက်ဆိုးမဟာ သတ်ရှင်ရဲ့န သေနေဟူ မျိုးဘဲဖြစ်ဟယ်။ 7 အယ်ကြောန့် အယ်သူလေ ပြစ်တန်ခွမ်န လွတ်ကင်းဟို့တွပ် အယ်ရာလေဟို ညွှန်ကြားပါ။ 8 ကိုယ့်ဆွေမျိုးလေဟို ပြုစုဘဲဟူသူ ထူးသဖြင့် ကိုယ့်ရဲ့ အီသူအီသားလေဟို ပြုစုဘဲဟူသူဟာ ယောင်ကြည်ရှင်း တရားဟို ငြင်းပယ်သူ ဖြစ်ဟူကြောန့် ယောင်ကြည်ဘဲဟူ သူလေထတ် ပိုဘီး ဆိုးယုတ်လေဟယ်။ 9 မောက်ဆိုးမ တယော့-က်ဟာ သတ်ခြော့-က်ဆယ် ညွှဲသေးဟု ဆိုဟာ မောက်ဆိုးမ စာရင်းဝမ်စေနု။ အယ်မီးမဟာ တခါဘဲ လတ်ထပ်ဟားဘီး၊ 10 ကောန်းဟူကျင့်ဟို ကျင့်ဟူသူ၊ အသရေရှိဟူသူ၊ သားဂန်းဟားလေဟို ကျွေးမွေးဟူသူ၊ ဧည့်သယ်ဝတ်ဟို ပြုဟူသူ၊ သန်ရှင်းသူလေဟို ကူညီမဇဟူသူ၊ ဆင်းရဲသားလေဟို လောက်ကျွေးဟူသူ၊ ကောန်းဟူ မှုရှိဟူမျှလေမာ ကြိုးစားလောက်ဆော်မှုဟို ပြုဖူးဟူသူ ဖြစ်ဟယ် ဆိုဟာ မောက်ဆိုးမ စာရင်းဝမ်စေ။ 11 သတ်ငယ်ဟူ မောက်ဆိုးမလေဟို စာရင်းသွမ်းနု။ ဖြားဖြစ်ကြောန့်နုဆိုဟာ သူးနို့လေဟာ ကိုယ့်ရဲ့ လိုဆန္ဒဟို ထီးနိုင်ဘဲဟူ ခီမာ အီထောန်ပြုရှင်ဟူစိ ရှိလာဟူကြောန့် ခရစ်တော်ဟို ဥပေက္ခာပြုဘီး၊ 12 ရင်းရင်ဒုဟာ ပြဟားဟူ သစ်စာဟို ဖျစ်ဟူကြောန့် ပြစ်စီရင်ရှင်းဟို ခံရလေမယ်။ 13 နော့-က်ဘီး အိန်အီ လည်ဘီးဟာ ပျင်းကိုးဟူစိ ရှိလာတတ်ဟယ်။ အယ်မျိုး ပျင်းကိုးဟူနမကဘဲ သူများချင်းပြောဘီး ကိုယ့်နု ဆိုင်ဘဲဟူ သူတပါး ကိစလေမာ ဝမ်ရောနောတတ်ဟယ်။ 14 အယ်ကြောန့် သတ်ငယ်ဟူ မောက်ဆိုးမလေဟာ အီထောန်ပြုသားမွီးဘီး အီမှုကိစဟို စီမံကွပ်ကဲဘီး ရန်သူဟို ကဲ့ရဲ့ပြစ်တန်ဟူခွမ် ပေးဘဲနေဟို့တွပ် ငါလိုရှင်ပါဟယ်။ 15 ဖြားဖြစ်ကြောန့်နုဆိုဟာ တချို့ မောက်ဆိုးမလေဟာ လမ်းလွဲဘီး စာတန်နော့-က်ဟို လိုက်ဟားဂေဟူကြောန့် ဖြစ်ဟယ်။ 16 ယောင်ကြည်ဟူမီးမ တယော့-က်ယော့-က်မာ ဆွေမျိုးတော်စပ်ဟူ မောက်ဆိုးမလေ ရှိဟယ် ဆိုဟာ သင်းတော်တွပ် ဝန်ထောက်ဝန်ဘီးလေ ဖြစ်ဘဲနေအောင် သူကိုယ်တိုင် ကူညီစောန့်ရှော့-က်ပေး ရမယ်။ အယ်မျိုးဆိုဟာ အားကိုးရာမဲ့ဟူ မောက်ဆိုးမလေဟို သင်းတော်ဟု ပြုစုကျွေးမွေးနိုင်လေမယ်။ 17 ကောန်းကောန်းမွန်မွန်ဟား အောက်ချောက်ဟူ သင်းအောက်လေ ထူးသဖြင့် တရားဟောရှင်း၊ ဆောင်းမ သွန်သန်ရှင်းဟို ကြိုးစားဘီး လောက်ဆော်ဟူ သူလေဟာ လူ့နွေဆဟို ခံထိုက်ဟယ် ဆိုဘီး မှတ်ယူအပ်ဟယ်။ 18 ဖြားဖြစ်ကြောန့်နုဆိုဟာ ကျမ်းစာဟု “ဗားနန်းဟူ နားရဲ့ ဇပ်ပေါ့-က်ဟို ချောက်တီးန” ဆိုဟူဇာန “လောက်လောက်ဟူ သူဟာ လောက်ခဟို ရထိုက်ဟယ်” ဆိုဘီး ဖော်ပြဟားကြောန့် ဖြစ်ဟယ်။ 19 သတ်သေခံ နွေယော့-က်၊ သောင်းယော့-က် မှော့ဘဲနေဟာ သင်းအောက်ဟို ပြစ်တန်စွပ်စွဲရှင်းဟို လတ်ခံနု။ 20 ကျန်ဟူ သူလေလည်း

ကြော-ကံရှံ့ရိုဟိုတွပ် ပြစ်လောက်ဟူ သူလေဟို လူလေရှေမာ ဆောင်းမပါ။ 21 နန်ဟာ အယ်မူဇာလေဟို ခွဲခြားရှင်းမော့ဘဲ
စောန့်ရှေး-ကံဘီးဟာ ဖြားဇာဟိုမှ ဘက်လိုက်ဘဲန လောက်ဟိုတွပ် ဘုရားသခင်န ယေရှုခရစ်တော် ရှေမာရော၊
ဝီးကော-ကံခံရဟူ ကောန်းဂန်တမန်လေ ရှေမာရော ငါနန်ဟို လေးလေးနတ်နတ်ဟား တိုက်တွန်းပါဟယ်။ 22 ဖယ်သုလေရဲ့
ထတ်မာဘဲဖြစ်ဖြစ် လတ်ဟို ဖြန်းဖြန်တန်န။ တခြားသူလေရဲ့ ပြစ်နှိုက် ဆစ်ဆံန။ ကိုယ့်ကိုယ်ကိုယ် သန့်ရှင်းစင်ကြယ်အောင်
စောန့်ရှေး-ကံပါ။ 23 နန်ရဲ့ စာအိန် ခါဘီးခါ ဖြစ်တတ်ဟူ ဖျားနာမှုလေကြောန့် ရေဟို လော့-ကံဘဲ သော့-ကံဘဲန
ဝိုင်နဲနဲဟိုလည်း သောင်းဆောင်ပါ။ 24 တချို့လူလေရဲ့ ပြစ်လေဟာ တရားစီရင်ခန့်ဟု သိသာထင်ရှားတတ်ဟယ်။
တချို့လူလေရဲ့ ပြစ်လေဟာလည်း နော့-ကံမာဘဲ ထင်ရှားတတ်လေဟယ်။ 25 အယ်မျိုးဘဲ တချို့သူလေရဲ့ သုစရိုက်ဟာ
သိသာထင်ရှားတတ်ဟယ်။ ထင်ရှားသေးဘဲဟူ သုစရိုက်ဟိုလည်း ဖောင်းကွယ်ဘီး ထားနိုင်ဟ။

6 ဘုရားသခင်ရဲ့ နာမတော်န တရားတော်ဟို ကဲ့ရဲ့ခံရဘဲနေအောင် စေခံဟူ ကျွန်ထမ်းဘိုးအော့-ကံမာ ရှိဟူသူလေဟာ
ကိုယ့်ရဲ့ သခင်လေဟို ပွဲပွဲဝဝ ရှိသေထိုက်ဟူသူ ဖြစ်ဟယ် ဆိုဘီး မှတ်ယူဂေပါ။ 2 ကိုယ့်ရဲ့သခင်ဟာ ယောင်ကြည်သူ
ဖြစ်ဟယ် ဆိုဟာ သူးနိုလေဟာ ညီကို မောန့်နမလေဘဲ ဖြစ်ဟယ် ဆိုဘီး ထိမဲ့မြင်လောက်ဘဲန ပိုကောန်းအောင် စေခံဂေပါ။
ဖြားဖြစ်ကြောန့်နူးဆိုဟာ ကောန်းကောန်းစေခံရှင်းရဲ့ကျိုးဟို ခံစားရဟူသူဟာ ကိုယ်ရစ်ရဟူ ယောင်ကြည်သူလေ
ဖြစ်ဟူကြောန့် ဖြစ်ဟယ်။ နန်ဟာ အယ်မူဇာလေဟို သွန်သန်ဘီး တိုက်တွန်းနှိုးဆော်ပါ။ 3 ခြားနားဟူ ယုဝါဒဟို
သန်ပေးဘီး နိုလေရဲ့ သခင်ယေရှုခရစ်ရဲ့ မှန်ကန်ညွှဇာင်ဟူ တရားစကားန ဘုရားဝတ်မာ မွေ့လျော်ရှင်းန ဆိုင်ဟူ
သွန်သန်ရှင်းလေဟို လိုက်နာဘဲနေဟူသူဟာ 4 ဘဝင်မြင့်ဘီး ဖယ်ဇာဟိုလည်း နားလည်ဘဲ ငြင်းခူလော့-ကံဟူဇာန
စကားလောင်း သောင်းနှုံးထတ်မာဘဲ အာရောင်စိုက်ဘီး ငြင်းခူလောက်ဟိုတွပ်ဘဲ စွဲလမ်းနေသူ ဖြစ်ဟယ်။ အယ်ပြုမူကြောန့်
နာလိုမူးထားဟူ ဇာလေ၊ ငြင်းပွားတတ်ဟူ ဇာလေ၊ စော်ကားတတ်ဟူ ဇာလေ၊ ဆိုးဝါးဟူ သံသယစိဖြစ်ဟူ ဇာလေဟိုဘဲ
ဖြစ်စေတတ်ဟယ်။ 5 အယ်မျိုး စိန်လောင်းယိုယွင်းဘီး သမ္မာတရားဟိုသိဘဲ ဘုရားဝတ်မာ မွေ့လျော်ဟူဇာဟု
ရရာတိုင်း ကီးဟူ ကျိုးစီးပွားဘဲ ဖြစ်ဟယ် ဆိုဘီး ထန်တတ်ဟူ လူလေကြားမာ ဝီးဆောင်းနိုင်ဘဲဟူ ငြင်းခူမူလေဟို
ဖြစ်စေတတ်ဟယ်။ 6 ရောင့်ရဲဟူစိ ရှိမယ် ဆိုဟာ ဘုရားဝတ်မာ မွေ့လျော်ရှင်းဟု ကီးမားဟူ ကျိုးစီးပွားဘဲ ဖြစ်ဟယ်။
7 ဖြားဖြစ်ကြောန့်နူးဆိုဟာ နိုလေဟာ အယ်လောကထဲဟို ဖယ်ဇာဟိုလည်း ယူလာဟိုရဘဲဟူမျိုး ထွပ်ဟူ ခီမာလည်း
ဖယ်ဇာဟိုလည်း ယူဟားနိုင်ဂေဟ။ 8 အယ်မျိုးဖြစ်ကြောန့် နိုလေဟာ စားဇာန ဝတ်ဇာရှိဟယ် ဆိုဟာ ရှိဟိုမျှန
ကျေနပ်ရောင့်ရဲဂေဇို။ 9 ကြယ်ဝရှင်ဟူ သူလေဟာ ပြစ်သွီးဆောင်ရှင်းဟို ခံရဘီး မိုက်မဲဖျစ်ဆီးတတ်ဟူ တတ်မတ်မှုလေရဲ့
ထောန်ချော့-ကံထဲဟို ကွဲရော့-ကံတတ်ဂေဟယ်။ အယ်မျိုးအားဖြင့် လူလေဟာ ကျိုးနဲရှင်းလေ၊ ပျစ်စီးရှင်းလေနဘဲ
နစ်မွန်းတတ်ဂေဟယ်။ 10 ဖြားဖြစ်ကြောန့်နူးဆိုဟာ ကပ်မတ်ရှင်းဟာ ကောန်းဘဲဇာလေ ဂူလောင်းရဲ့ ရင်းမြစ်ဖြစ်ဟယ်။
လူတချို့ဟာ ကပ်ဟို မတ်ဂေဟူကြောန့် ယောင်ကြည်ရှင်း လမ်းဟုနေ လွဲဟားဘီး ပုန်ရှင်း ဝေဒနာလေန ကိုယ့်ကိုယ်ကိုယ်
ထိုးဖော့-ကံဘီး နာကျင်စေဂေဘိ။ 11 အယ်မျိုးဖြစ်ဟူကြောန့် အို၊ ဘုရားသခင်ရဲ့လူ၊ နန်ဟာ အယ်မူဇာ ဂူလောင်းဟို
ရှောင်ကြည်ဘီး ဖြောန်မတ်ရှင်း၊ ဘုရားဝတ်မာ မွေ့လျော်ရှင်း၊ ယောင်ကြည်ရှင်း၊ ရှစ်ရှင်း၊ သီးခံရှင်း၊ နူးညံ့သိမ်မွေ့ရှင်းလေဟို
မှီအောင်လိုက်ပါ။ 12 ယောင်ကြည်ရှင်းန ဆိုင်ဟူ ကောန်းဟူ တိုက်ပွဲဟို တိုက်ဘီး ထာဝရသတ်ဟို ရယူပါ။
နန်ဟာ အယ်မူသတ်တွပ် ဘုရားသခင် ခေါ်ယူတော်မူရှင်းဟို ခံရဘီး ရရာတိုင်း များဟူ သတ်သေလေရှေမာ နန်ရဲ့
ယောင်ကြည်ရှင်းဟို ဝန်ခံလေဘိ။ (aiñios g166) 13 ဂူလောင်းတွပ် သတ်ပေးတော်မူဟူ ဘုရားသခင် ရှေ့တော်မာရော၊
ပုဒ္ဓိဝီလတ်ရဲ့ ရှေမာ သတ်သေခံဟူ ခီမာ ကောန်းဟူ ဝန်ခံချစ်ဟို ပေးတော်မူဟူ ယေရှုခရစ် ရှေ့တော်မာရော နန်ဟို
ညွှန်ကြားဟူဇာဟု 14 နန်ဟာ နိုလေရဲ့ သခင်ယေရှုခရစ် ပေါ် ထွပ်လာဟူ ခီထီ အယ်ပညတ်လေဟို စွန်းထင်းကင်းဘီး
ပြစ်တန်ဇာ မော့ဘဲနေအောင် စောန့်ထီးပါ။ 15 မင်္ဂလာရှိတော်မူဟူ တပါးဒဲဟူသခင်၊ မန်းဂီးလေရဲ့ မန်းဂီး၊ သခင်လေရဲ့ သခင်

ဖြစ်တော်မူဟူ ဘုရားသခင်ဟာ ဒီကာလရော- ကံဟူ ဒီမာ ကိုယ်တော့်ဟို ထန်ရှားပေါ်ထွပ် စေတော်မူလေ့မယ်။ **16** ဘုရားသခင် တပါးဒဲဘဲ သေရှင်းန ကင်းတော်မူဟယ်။ ကိုယ်တော်ဟာ ဖယ်သူလည်း ချဉ်းကပ်နိုင်ဘဲဟူ လန်းရောင်ထဲမာ ကိန်းဝပ်တော်မူဟယ်။ ကိုယ်တော့်ဟို ဖယ်သူလည်း ဗြင်ဖူးဘဲဟူမျိုး ဗြင်လည်းဗြင်နိုင်ဟူ။ ကိုယ်တော်ဟာ ဂေါင်တော်န ထာဝရ ဖောင်းသရေတော် ရှိတော်မူပါစေ။ အာမင်။ (aiōnios g166) **17** အယ်လောကမာ ကပ်ပေါဟူ သူလေဟာ မာန်မာနစိန် ကင်းလွတ်ဘီး မြဲဘဲဟူ စည်းဇိမ် အောက်စာလေဟို ကိုးစားဘဲန နို့လေခံစားဟို့တွပ် ရှိမျှဂူလောင်းဟို ကြွယ်ကြွယ်ဝဝ ပေးသနားတော်မူဟူ သတ်ရှင်တော်မူဟူ ဘုရားသခင်ဟို မျှော်လင့်ကိုးစားရဟို့ ကြောန်းန၊ (aiōn g165) **18** သူတပါးဟို ကောန်းဟူမဟို့ ပြုဘီး ကောန်းဟူ ကျင့်လေဟို ကျင့်ရှင်းအားဖြင့် ကြွယ်ကြွယ်ဝဝ ရစ်ရစ်ရောရော ဝိဌပေးကမ်းတတ်ဟို့တွပ် သူနို့လေဟို ဆောန်းမသွန်သန်ပါ။ **19** အယ်နည်းအားဖြင့် သူနို့လေဟာ နေ့- ကံဘဝတွပ် ခိုင်ခံ့ဟူ အုပြစ်ဖြစ်ဟူ ဘဏ္ဍာဟို စုဆောင်းရာ ရှေ့- ကံဘီး စစ်မှန်ဟူ သတ်ဟို ရလေ့မယ်။ **20** အို၊ တိမောသေ၊ နန့်မာ ငါအပ်ပေးဟားဟူ ရာဟို စောန့်ရှေ့- ကံပါ။ ဘုရားတရားန ဆိုင်ဘဲ ကျိုးမွေ့ဘဲဟူ စကားလေန သိပညာဆိုဘီး မှားယွင်းဘီးခေါ် ဟူ ကွဲလွဲဆန့်ကျင်ဟူ ရာလေဟို ရှောန်ရှားပါ။ **21** တချို့လူလေဟာ သိပညာဟို ဝန်ခံ ပြုစုရှင်းအားဖြင့် ယောင်ကြည်ရှင်း တရားလမ်းဟုနေ လွဲဟားဂေ့ဘီ။ ဘုရားသခင်ရဲ့ ကျေးဇူးတော်ဟာ နန်းနို့လေ ဂူလောင်းနတူးဒူး ရှိဂေ့ပါစေ။

၂ တိမောသေ

1 ယေရှုခရစ်တော်နှိုက်ရှိဟူ သတ်နဆိုင်ဟူ ဂဒိတော်တိုင်း ဘုရားသခင်ရဲ့ လိုတော်အားဖြင့် ယေရှုခရစ်ရဲ့ တမန်တော်ဖြစ်ဟူ ငါပေါလုဟာ — **2** ငါရှစ်ရဟူသား တိမောသေနားဟို စာရေးလိုက်ပါဟယ်။ **3** ငါဟာ နေ့ရောညဉ့်ရော ဆုတောင်းဟူ ခီမာ နန့်ဟို မြဒမ်းဒိရဘီး ဘုရားသခင်ရဲ့ ကျေးဇူးတော်ဟို ချီးမွမ်းပါဟယ်။ ငါဟာ ငါ့ရဲ့ဘိုးဘေးလေမျိုး ကိုယ်တော်ရဲ့ မှုတော်ဟို ကြည်လင်ဟူသိစိန် လောက်ဆောန်ဟူသူ ဖြစ်ဟယ်။ **4** ငါဟာ နန့်မျှစ်ရယ်ကွဟူဇာဟို အော့-က်မေဒိရဟူကြောန့် ဝန်းသာဇာန ပွဲဝဟိုတွပ် နန့်နတိုနိုင်ဟို တောင်းတနေပါဟယ်။ **5** နန့်ဟာ နန့်ရဲ့ဖွား လောကုန မိဖြစ်ဟူ ဥနိုတ်လေမျိုးဘွဲ ဟန်ဆောန်မှုကင်းဟူစိန် ယောင်ကြည်ကြောင်းဟို ငါဒိရပါဟယ်။ သူးနိုလေရဲ့ ယောင်ကြည်မှုမျိုးဟာ နန့်မာလည်းရှိဟယ် ဆိုဘီး ငါစိဉ္စပါဟယ်။ **6** အယ်ကြောန့် ငါလတ်တန်ဟူ ဇာအားဖြင့် နန့်မာရှိဟူ ဘုရားသခင်ရဲ့ ဆုကျေးဇူးတော်ဟို ယွန်ဘီးလုံဆော်ဟိုတွပ် နန့်ဟို ငါဒိပေးပါဟယ်။ **7** ဖြားဖြစ်ကြောန့်နူးဆိုဟာ ဘုရားသခင်ရဲ့ ဝိညာဉ်တော်ဟာ နိုလေဟို ကြေး-က်တတ်ဟူစိန်ဟို ပေးဘဲန တဂိုးပါဟူစိ။ ရှစ်တတ်ဟူစိ။ ရှင်းလန်းဟူစိဟို ပေးတော်မူဟယ်။ **8** အယ်ကြောန့် နိုလေရဲ့ သခင်ဘုရားကြောင်းဟို သတ်သေခံဟူ ဇာဘွဲဖြစ်ဖြစ်။ ခရစ်တော်တွပ် ကျဉ်းသားဖြစ်ဟူသူ နိုလေတွပ်ဘွဲဖြစ်ဖြစ် ယှစ်ကြော-က်ဘဲန ဘုရားသခင် ပေးတော်မူဟူ တဂိုးတော်ဟို ရဟူတိုင်း ကောင်းမြတ်ဟူ ဒန်းကောင်းတွပ် ငါနတူးဒူ ဆင်းရဲဒေါက်ခဟို ခံပါ။ **9** ဘုရားသခင်ဟာ နိုလေကျဉ်ဟူ ကျဉ်ဟို ထော့-က်ထားတော် မူဘဲန ရှေးကာလရော-က်ခန်ဂဒဲဟု ယေရှုခရစ်အားဖြင့် နိုလေတွပ် ကိုယ်တော်တိုင်ဘွဲ ကြံစည်တော်မူဟူ ကျေးဇူးတော်တိုင်း နိုလေဟို ကယ်တန်ဘီး သန့်ရှင်းဟူသူရာမာ ခေါ်ဟားတော်မူဟယ်။ (aiōnios g166) **10** အယ်ကျေးဇူးတော်ဟာ နိုလေရဲ့ကယ်တန်ရှင် ယေရှုခရစ်တော် ပေါ်ထွပ်တော်မူဟူ ဇာအားဖြင့် ခု ထန်ရှားနေဟယ်။ အယ်သခင်ဟာ သေရှင်းဟို ဖယ်ရှားဘီး သတ်နတူးဒူ ဖော့-က်ပွန်ဇာမေ့ဘွဲဟူ ဒန်းကောင်းအားဖြင့် ထန်ရှားစေတော်မူဘီ။ **11** ငါဟာ အယ်ဒန်းကောင်းဟို ဟောပြောဟူ ဆရာနေနဘွဲဖြစ်ဖြစ်။ တမန်တော်နေနဘွဲဖြစ်ဖြစ် ခန့်အပ်ဟားဇာဟို ခံရဟယ်။ **12** အယ်ကြောင်းကြောန့် ငါဟာ ဆင်းရဲဒေါက်ခဟို ခံရပါဟယ်။ အယ်ဘောမဲ့ ယှစ်ကြော-က်ရှင်း မေ့ဟူ။ ဖယ်သူဟို ငါယောင်ကြည်ဟယ် ဆိုဇာ ငါသိဟယ်။ ကိုယ်တော်နားမာ ငါအပ်ဟားဟူ ရာဟိုလည်း အယ်နေရစ်ထိအောန် စောန့်ထီးပေးနိုင်တော်မူဟယ် ဆိုဘီး ငါယောင်ကြည်စိဉ္စဟယ်။ **13** နန့်ဟာ ယေရှုခရစ်တော် ထတ်မာရှိဟူ ယောင်ကြည်မှုန ရှစ်ရှင်းမြစ်တာလေအားဖြင့် ငါနားဟု ကြားနာရဟူ မှန်ကန်ပွဲဇောင်ဟူ တရားစကားလေဟို စံနမူနာဖြစ် ကိုင်ဆွဲဟားပါ။ **14** နန့်မာအပ်ဟားဟူ ကောင်းမြတ်ဟူ ဇာလေဟို နိုလေထဲမာ ကိန်းဝပ်တော်မူဟူ သန့်ရှင်းဟူဝိညာဉ်တော် တဂိုးအားဖြင့် စောန့်ရှော့-က်ပါ။ **15** နန့်သိဟူတိုင်းဘွဲ အာရှိပြည်မာရှိဟူ သူလေ ဂူလောင်းဟာ ငါ့ဟို စွန့်ပယ်ဂေ့ဘီ။ အယ်သူလေထဲမာ ဖုဂေလုန ဟောရမောဂင်လေလည်း ပါဟယ်။ **16** သခင်ဘုရားရဲ့ ကရုဏာတော်ဟာ ဩနေသိဖော်ရဲ့ အီမာ သက်ရော့-က်ပါစေ။ ဖြားဖြစ်ကြောန့်နူးဆိုဟာ သူဟာ ငါ့ဟို ခါဘီးခါ သတ်သာစေပါဟယ်။ ငါဟာ သံကြိုးနုခယ်ဘီး ဖမ်းဟူဇာဟို ခံရဟူလည်းဘွဲ သူဟာ ယှစ်ကြော-က်မှုမော့ဘဲန **17** ရောမမြို့ဟို ရော့-က်လာဟူ ခီမာ ငါ့ဟို တွံတွံအောန် ကြိုးစားရှာဘီး လာတွံပါဟယ်။ **18** အယ်နေရစ်ဟု သူပြုဟူဇာလေဟို ဘုရားသခင်ဟာ သခင်ဘုရား လတ်တော်ဟုနေ ကရုဏာတော်ဟို ပေးသနားတော်မူပါစေ။ သူဟာ ဧဖက်မြို့မာရှိဟူ ဒီးဒူးဟုလည်း ငါ့ဟို ဖယ်မျှလော့-က် ပြုစုလောက်ကျွေးဟယ် ဆိုဇာ နန့်နို့ ကောင်းကောင်း သိပါဟယ်။

2 ငါသား၊ နန့်ဟာ ယေရှုခရစ်တော်၌ ရှိဟူ ကျေးဇူးတော်အားဖြင့် ခိုင်ခံ့မှုရှိပါ။ **2** သတ်သေလေရှေမာ ငါနားဟု ကြားနာရဟူ ဇာလေဟို သစ်စာရှိဘီး သူများလေဟို ယွန်သွန်သန်ပေးနိုင်ဟူ သူလေဟို အပ်ပေးပါ။ **3** နန့်ဟာ ယေရှုခရစ်တော်ရဲ့ စစ်သားကောင်းတယော့-က်ဖြစ်န ငါနတူးဒူ ဆင်းရဲဒေါက်ခဟို သီးခံပါ။ **4** စစ်မှုထမ်းဟူသူဟာ ကိုယ့်ဟို စစ်သားရာမာ ခန့်ဟားသူ နှစ်သက်အောန် ဆိုဘီး လောကီရေးရာန ရောနှောရှောက်ထွေးဘီး နေတတ်ဟူ။ **5** ဖယ်သူဘွဲဖြစ်ဖြစ် အားကစားဗွဲမာ ယှဉ်ပြိုင်မယ် ဆိုဟာ စည်းမျဉ်းစည်းကမ်းတိုင်း ပြိုင်ဘဲနေဟာ ဆုရဟို မူဟူ။ **6**

လယ်လောက်ဟူ သူဟုလည်း ကြိုးစားဘီး ရင်ဦးဆောင်း လောက်ဆောက်ဘီးမှ သီးနှံဟို ရဟယ်။ 7 ငါ့စကားဟို ဆင်ခြင်ပါ။ သခင်ဘုရားဟာ ရှိမျှဂ္ဂလောင်းဟို နားလည်ဟူ ဉာဏ်ပညာ နန့်ဟို ပေးသနားတော်မူလေ့မယ်။ 8 ဒါဒိဒ်မျိုးနွယ်ဖြစ်ဟူ ယေရှုခရစ်တော်ဟာ ငါဟောပြောဟူ ဒန်းကောင်းတိုင်း သေရှင်းဟုနေ ထမြော့-ကံတော်မူဟယ် ဆိုဇာဟို ဒီရပါ။ 9 ငါဟာ အယ်မူဒန်းကောင်းတရားကြောန့် လူဆိုးတယော့-ကံဟူမျိုး တောက်နှောန့်ခံရလော့-ကံထိ ဆင်းရဲဒေါက်ခဟို ခံရဟယ်။ အယ်ဘေမဲ့ ဘုရားသခင်ရဲ့ စကားတော်ဟာ တောက်နှောန့်ရှင်းခံရဇာ မူဟူ။ 10 အယ်ကြောန့် ဝီးကော့-ကံခံရဟူ သူလေဟာ ယေရှုခရစ်တော်နှိုက် ရှိဟူ ကယ်တန်ရှင်းဟို ထာဝရ ဖောင်းသရေတော်နတူးဒု ရရှိနိုင်ဟို့တွပ် ငါဟာ သူးနို့လေတွပ် ရာရာမာ သီးခံပါဟယ်။ (aiōnios g166) 11 အယ်စကားလေဟာ သစ်စာစကား ဖြစ်ဟယ်။ နို့လေဟာ ကိုယ်တော်နတူးဒု သေဟယ် ဆိုဟာ ကိုယ်တော်နတူးဒု သတ်ရှင်လေ့မယ်။ 12 နို့လေ သီးခံမယ် ဆိုဟာ ကိုယ်တော်နတူးဒု စိုးစံရဂေ့လေ့မယ်။ နို့လေဟာ ကိုယ်တော်ဟို ငြင်းပယ်မယ် ဆိုဟာ ကိုယ်တော်လည်း နို့လေဟို ငြင်းပယ်လေ့မယ်။ 13 နို့လေ ဟာ သစ်စာမေ့ဘဲနေဟူလည်းဘဲ ကိုယ်တော်ရဲ့ သစ်စာတော်ဟာ တည်တော်မူဟယ်။ ဖြားဖြစ်ကြောန့်နူးဆိုဟာ ကိုယ်တော်ဟာ သူ့ရဲ့ သစ်စာတော်ဟို ဖယ်မျိုးလည်း ပယ်ဖျစ်နိုင်ဘဲကြောန့် ဖြစ်ဟယ်။ 14 အယ်မူကြောန်းရာလေအားဖြင့် သူးနို့လေဟို ဒီပေးနှိုးဆော်ပါ။ ဖယ်မျိုးလည်း ကျိုးမေ့ဘဲန ကြားနာဟူသူလေဟို ပျစ်စီးစေတတ်ဟူ စကားလောင်း သောင်းနှုံးလေအားဖြင့် ငြင်းခူမှုလေ လောက်ဂေ့ဘဲန နေဟို့တွပ် ဘုရားသခင်ရှေ့မာ သူးနို့လေဟို လေးလေးနတ်နတ် တိုက်တွန်းပါ။ 15 နန့်ဟာ ဘုရားသခင် ရှေ့တော်မာ ယောင်ကြည် စိဉ်ရဟူသူ၊ နှစ်သက်ဖွယ်ကောင်းဟူသူ တယော့-ကံနေနဖြစ်ဖြစ်၊ သမ္မာတရားဟို ပိုင်းခြားတတ်ဟူ သူတယော့-ကံနေနဖြစ်ဖြစ် ယုစ်ကြော့-ကံမူမေ့ဘဲဟူ လောက်သမား တယော့-ကံမျိုး ကိုယ့်ကိုယ်ကိုယ် ဆစ်သနိုင်ဟို့တွပ် ကြိုးစားအားထုပါ။ 16 အယ်ဘေမဲ့ တရားမေ့ဘဲဟူ ချည်းနှီးစကားလေဟို ရှောန့်ဂေ့ပါ။ ဖြားဖြစ်ကြောန့်နူးဆိုဟာ အယ်မူစကားလေအားဖြင့် ဘုရားတရားန ပိုဘီး ဝီးကွာဟားစေတတ်ဟယ်။ 17 သူးနို့လေရဲ့ စကားဟာ သားဟိုစားဘီး ပွားတတ်ဟူ ခူနာနတူဟယ်။ အယ်သူလေထဲမာ ဟုမေနန ဖိလက်လည်းပါဟယ်။ 18 သူးနို့ဟု သေဘီးသူလေဟာ ထမြော့-ကံဟားဂေ့ဘီ ဆိုဇာ ပြောဘီးဟာ သမ္မာတရားလမ်းဟု လွဲချော်ဟားဂေ့ဘီး တချို့သူလေရဲ့ ယောင်ကြည်မှုဟို မော့-ကံလှန်တတ်ဂေ့ဟယ်။ 19 အယ်ဘေမဲ့ ဘုရားသခင်ရဲ့ ခိုင်မာဟူ အုပြစ်ဟာ အယ်မူကမည်းစာအားဖြင့် ဇီဝပ်ဟားပါဟယ်။ အယ်မူအုပြစ်ထတ်မာ “ဘုရားသခင်ဟာ သူ့ရဲ့ လူလေဟို သိတော်မူဟယ်” ဆိုဟူဇာန “သခင်ဘုရားရဲ့ နာမတော်ဟို ဝန်ခံရဟူ သူလေဟာ ဒုစရိုက်တရားဟုနေ လွဲရှောန့်ရမယ်” ဆိုဘီး ဖြစ်ဟယ်။ 20 ရရာတိုင်း ကီးဟူ အီမာ ရွှေနလောက်ဟူ တန်ဆာ၊ ငွေနလောက်ဟူ တန်ဆာလေဘဲ ရှိဟူဇာ မူဟူ။ သစ်သားနလောက်ဟူ တန်ဆာ၊ ညွနလောက်ဟူ တန်ဆာလည်းရှိဟယ်။ အသရေရှိဟူ တန်ဆာ၊ အသရေမေ့ဘဲဟူ တန်ဆာလည်းရှိဟယ်။ 21 အယ်မျိုးဖြစ်ကြောန့် ခုဖော်ပြဟူ ကောင်းဘဲကျင့်လေဟို ဖယ်ရှားဘီး ကိုယ့်ကိုယ်ကိုယ် စင်ကြယ်စေဟူ သူဟာ အသရေရှိဟူတန်ဆာ၊ သန့်ရှင်းဘီး အီရှင်သောင်းဟို့ ကောင်းဟူတန်ဆာ၊ ကောင်းဟူ ဇာလေတွပ် ပြင်ဆင်ဟူ တန်ဆာဖြစ်လေ့မယ်။ 22 အယ်ကြောန့် လူငယ်လေရဲ့ တတ်မတ်မှုလေဟို ရှောန့်ဘီး ဖြော့မတ်ရှင်း၊ ယောင်ကြည်ရှင်း၊ ရှစ်ရှင်း၊ ငြိသတ်ရှင်းန စင်ကြယ်ဟူ စိရှိဘီး သခင်ဘုရားဟို ဆုတောင်းဟူ သူလေနတူးဒု သင့်တင့်အောင်နေဟူ ဇာဟို မှီအောင်လိုက်ဂေ့ပါ။ 23 မိုက်မဲဘီး ပညာမေ့ဘဲဟူ မေးခွန်းလေဟာ ငြင်းခူဘီး ရန်များတတ်ဟူ ဇာဖြစ်ဟယ် ဆိုဇာဟို သိမှတ်ဘီး ရှောန့်ရှားဂေ့ပါ။ 24 သခင်ဘုရားရဲ့ စေခံဟာ ရန်ဖြစ်ဟိုရဟူ။ သူဟာ လူတိုင်းဟို သနားတတ်ဘီး သီးခံတတ်ဟူသူ ဖြစ်ရမယ်။ 25 ဆန့်ကျင်ဟူ သူလေဟို နူးညံ့သိပ္ပံဟူစိန ဆောင်းမ သွန်သန်ရမယ်။ အယ်မျိုးပြဟယ် ဆိုဟာ ဘုရားသခင်ဟာ သူးနို့လေဟို နှောန့်ဒရဟူခွမ့်ဟို ပေးတော်မူဟူကြောန့် သူးနို့လေဟာ သမ္မာတရားဟို သိလာဘီး 26 မာရ်နတ်ဟု သူလိုတိုင်းပြဟို့တွပ် သူးနို့ဟို ဖမ်းဟားဟူလည်းဘဲ သူးနို့ဟာ မာရ်နတ်ရဲ့ ထောန်ချော့-ကံထဲဟု လွတ်မြော့-ကံဘီး ပြင်မှန်ရကောင်းရလေ့မယ်။

3 နေ့-ကံဆောင်းကာလဟာ ခတ်ခဲဟူကာလဖြစ်မယ် ဆိုစာဟို သိမှတ်ပါ။ **2** ဖြားဖြစ်ကြောနဲ့ဆိုဟာ လူလေဟာ ကိုယ့်ကိုယ်ကိုယ် ရှစ်ဟူသူ၊ ကပ်ဟို တတ်မတ်ဟူသူ၊ ဝါကြားဟူသူ၊ မာနထောန့်လွှားဟူသူ စော်ကားပြောဆိုဟူသူ၊ မိစ္ဆကားဟို နားထောန့်ဘဲဟူသူ၊ ကျေးဇူးသိတတ်ဘဲဟူသူ၊ သန့်ရှင်းမှုမှော်ဘဲဟူသူ၊ **3** ကြင်နာစိမ့်ဘဲဟူသူ၊ ရန်ငြိုးထားဟူသူ၊ သူများအသရေဖြစ်ဟူသူ၊ ကိုယ့်စိတ်ကိုယ် ချောက်တီးနိုင်ဘဲသူ၊ ကြမ်းတမ်းဟူသူ၊ ကောန်းဟူမှုဟို မူးဟူသူ၊ **4** သစ်စာဖော့-ကံဟူသူ၊ မဆင်မခြင်ပြုဟူသူ၊ မောက်မာဟူသူ၊ ဘုရားသခင်ဟို နှစ်သက်ဟူဇာထတ် ကာမဂေါင်ခံစားဟူဇာဟို ပိုဘီး နှစ်သက်ဟူသူ၊ **5** ဘုရားဝတ်မာ မွေ့လျော်ဟန်ရှိဟူလည်းဘဲ ဘုရားဝတ်မာ မွေ့လျော်မှုတဂိုးဟို ငြင်းပယ်ဟူသူလေ ဖြစ်ဂေ့လေမယ်။ အယ်မျိုးလူလေဟို ရှောန်ပါ။ **6** ဖြားဖြစ်ကြောနဲ့ဆိုဟာ သူးနို့ထဲဟ တချို့လေဟာ အီလေဟို မသိမသာဝမ်းဘီး တပ်မတ်ရှင်းဘောင်းဇောင်ရဲ့ သွီးဆောန်မှုနေ့-ကံဟို လိုက်ဘီး ပြစ်ဟို ခါဘီးခါ လောက်ဟူ မီးမလေဟို သွီးဆောန်တတ်ဂေ့ဟယ်။ **7** အယ်မီးမလေဟာ မြဲဒမ်း သန်ယူနေဟူလည်းဘဲ သမ္မာတရားဟို ဖယ်ခါလည်း နားလည်နိုင်စွမ်းမှော်ဘဲဟူ သူလေ ဖြစ်ဂေ့ဟယ်။ **8** ယနေ့န ယံဗြေဟာ မောရှေဟို ဆန်ကျင်ဟူမျိုး အယ်သူလေလည်း သမ္မာတရားဟို ဆန်ကျင်ဂေ့ဟယ်။ အယ်သူလေဟာ စိန်လောင်း ပျစ်စီးယိုယွင်းဘီး ယောင်ကြည်ရှင်းရာမာ ကွဆောင်းဟူ သူလေ ဖြစ်ဂေ့ဟယ်။ **9** အယ်သူလေဟာ နေ့-ကံထပ် တိုးတတ်ဘီး တတ်လှမ်းနိုင်ဂေ့ဟို မူဟူ။ ဖြားဖြစ်ကြောနဲ့ဆိုဟာ သူးနို့လေရဲ့ မိုက်မဲမှုဟာ အယ်သူနေ့ယော့-ကံရဲ့ မိုက်မဲမှုဟူမျိုး လူလေရှေမာ ထန်ရှားလာလေဟူကြောနဲ့ ဖြစ်ဟယ်။ **10** အယ်ဘောမဲ့ နန်ဟာ ငါ့ရဲဆောန်းမသွန်သန်မှုလေ၊ ကျင့်ကြံနေထိုင်မှုလေ၊ ကြံစည်မှုလေ၊ ယောင်ကြည်မှုလေ၊ စိရယ်မှုလေ၊ ရှစ်ရှင်းန သီးခဲဟူဇာလေဟိုဖြစ်ဖြစ်၊ **11** အန္တိအုတ်မြို့၊ ကုကောနိမြို့၊ လုတ္တရမြို့လေမာ ငါခဲရဟူ ညဉ်းဆဲရှင်းန ဒေါက်ခလေဟိုဘဲဘဲဖြစ်ဖြစ် နန်ဗြင်တိုဟွားပါဟယ်။ အယ်မျိုးညဉ်းဆဲမှုလေဟို ငါခဲရဟူလည်းဘဲ သခင်ဘုရားဟာ အယ်မူလောင်းထဲဟ ငါ့ဟို ကယ်နှုတ်တော်မူဟယ်။ **12** ယေရှုခရစ်ရဲ့ တရားတော်တိုင်း ဘုရားဝတ်မာမွေ့လျော်ဘီး သတ်ရှင်လိုဟူသူလေဟာ ညဉ်းဆဲမှုလေဟို ခံရလေမယ်။ **13** ဆိုးညစ်ဟူသူလေန လှည့်ဇားဟူသူလေဟာ သူများဟိုလည်း လှည့်ဇားဘီး၊ သူးနို့ကိုယ်တိုင်လည်း လှည့်ဇားခံရဘီး ဆိုးညစ်မှုထဲဟို ကွဆင်းဟွားဂေ့လေမယ်။ **14** နန်ဟာ ကိုယ်တိုင်သန်ယူဘီး ခိုင်းခိုင်းမာမာ ယောင်ကြည်ဟူဇာထတ်မာ တည်နေပါ။ ဖြားဖြစ်ကြောနဲ့ဆိုဟာ နန်ဟာ ဖယ်သူနားမာ သန်ယူဇာန၊ **15** ယေရှုခရစ်တော်ဟို ယောင်ကြည်ရှင်းအားဖြင့် ကယ်တန်ရှင်းဟို ရော့-ကံစေဟူပညာဟို ပေးနိုင်ဟူ သမ္မာကျမ်းစာဟို ငယ်ငယ်ဂဒဲဟုနေ ရင်းနှီးလာဟွားဟူဇာဟို နန်သိပါဟယ်။ **16** အယ်မူကျမ်းစာထဲမာ ရှိဟူဇာလေ ဂူလောင်းဟာ ဘုရားသခင် မူသွမ်းတော်မူရှင်းအားဖြင့် ဖြစ်ဘီး ဩဝါဒပေးဟို့တွပ်ရော၊ ပြစ်ဟို ဖော်ပြဟို့တွပ်ရော၊ မှားပြုပြင်ဟို့တွပ်ရော၊ ဖြောန်မတ်ရှင်းနှိုက် ဆောင်းမပျံပြင်ဟို့တွပ်ရော ကျိုးကျေးဇူးရှိလေဟယ်။ **17** အယ်ဇာဟာ ဘုရားသခင်ရဲ့လူဟာ ကောန်းဟူမှုလေ ဘောင်းဇောင်တွပ် ပြင်ဆင်ရှင်းဟို ခံရဘီး ညွှဲစောင်လင်ဟူသူ ဖြစ်ဟို့တွပ်ဖြစ်ဟယ်။

4 ကိုယ်တော်ဟာ ပေါ်ထွပ်လာဘီး နိုင်ငံတော်ထန်ရှားဟူကာလ၊ သေဟူသူ၊ သတ်ရှင်ဟူသူလေဟို တရားစီရင်တော်မူဟူ ယေရှုခရစ်တော်ရှေမာဘဲဖြစ်ဖြစ်၊ ဘုရားသခင်ရှေ့တော်မာဘဲဖြစ်ဖြစ် ငါဟာ နန်ဟို သစ်စာပေးဟူဇာဟု၊ **2** တရားတော်ဟို ဟောပြောပါ။ ဒီရှိဟူဇာဘဲဖြစ်ဖြစ်၊ ဒီမှော်ဘဲဟူဇာဘဲဖြစ်ဖြစ် ကြိုးစားအားထုပါ။ စိရယ်ရှယ်နသွန်သန်ဘီး ပြစ်ဟိုဖော်ပြဟူဇာလေ၊ ဒီပေးဟူဇာလေ၊ တိုက်တွန်းအားပေးဟူဇာလေဟို ပြုပါ။ **3** ဖြားဖြစ်ကြောနဲ့ဆိုဟာ နေ့-ကံလာမယ့်ကာလမာ လူလေဟာ မှန်ကန်ဟူဩဝါဒဟို နားထောန့်ဘဲန သူးနို့ကြားကောန်းဟူစကားဟို ပြောဆိုဟူသူလေ နေ့-ကံဟို လိုက်ဘီး သူးနို့တတ်မတ်မှုတိုင်း ရရာတိုင်းများဟူ ဆရာလေနေ့-ကံဟို လိုက်ဂေ့လေမယ်။ **4** သမ္မာတရားဟို နားထောန့်ဘဲန ဒဏ္ဍာရီစကားဟို နားထောန့်ဘီးဟာ လွဲဟွားဂေ့လေမယ်။ **5** နန်ဟာ ရာရာမာ သမ္မာဒိရှိပါစေ။ ဆင်းရဲဒေါက်ခဟို သီးခံဘီး သာသနာပြု ဆရာတယော့-ကံနေန လောက်ဆောန်ရမယ့် မူဟို လောက်ဆောန်ပါ။ ဘုရားသခင်ရဲ့ စေခံတယော့-ကံနေန နန်ရဲ့တာဝန်ရှိဟူမျှ ဂူလောင်းဟို ညွှဲညွှဲဝ လောက်ဆောန်ပါ။ **6** ငါဟာ သွန်းလောင်းပူဇော်ရမယ့် ခီကာလ ကွဆော့-ကံလာဘိ။ အယ်လောကဟာ ထွပ်ခွာရဟို့ခီ နီးကပ်လာဘိ။ **7** ကောန်းဟူ

တိုက်ပွဲဟို ငါတိုက်ပီးဘီ။ လွှေးရမယ့်လမ်းဟို ဆောင်းထိလွှေးပီးဘီ။ ယောင်ကြည်ရှင်းဟို စောန့်ထီးပီးဘီ။ **8** ခုဟုနေစဘီး
 ဖြောန်းမတ်ရှင်း သရဖူဟာ ငါ့တွပ် ဆင်သင့်ရှိနေဘီ။ အယ်မူနေရစ်မာ ဖြောန်းမတ်ဟူ တရားစီရင်သူ ဖြစ်တော်မူဟူ
 သခင်ဘုရားဟာ အယ်မူသရဖူဟို ငါ့ဟို ပေးအပ်တော်မူလေမယ်။ ငါ့ဟိုမျှဘဲမှုဘဲန ကိုယ်တော် ပေါ်ထွပ်တော်မူဟူဇာဟို
 မျှော်လင့်တောန့်တဟူ သူလေဂူလောင်းဟိုလည်း ပေးတော်မူလေမယ်။ **9** ငါ့နားဟို ဗြန်းဗြန်လာဟိုတွပ် ကြိုးစားပါ။ **10**
 ဖြားဖြစ်ကြောန့်နူးဆိုဟာ ဒေမဟာ ခုဘဝဟို နှစ်သက်ဟူကြောန့် ငါ့ဟို စွန့်ပစ်ဘီး သက်သာလောနိတ်မြို့ဟို သွားလေဘီ။
 ကရုက္ကဟု ဂလာတိပြည်ဟို သွားဘီး တိတုဟု ဒါလမာတိပြည်ဟို သွားဂေ့ဘီ။ (aiṭh g165) **11** လုကာတယော-က်ဟားဘဲ
 ငါနတူးဒု ရှိဟယ်။ မာကုဟို နန့်နတူးဒု ခေါ်လာပါ။ သူဟာ ငါ့တွပ် မှုတော်လောက်ငန်းမာ ကူညီပေးနိုင်ဟူသူ
 ဖြစ်ဟယ်။ **12** ငါဟာ တုခိတ်ဟို ဇေဖက်မြို့ဟို စေလွှတ်လိုက်ပါဟယ်။ **13** နန့်လာဟူ ဒီမာ တရောမြို့ဟု ကာပုနားမာ
 ငါအပ်ဟားဟူ ဝတ်လောင်န စာလိလေ ထူးသဖြင့် သားရေစာစောန်လေဟို ယူလာပေးပါ။ **14** ကြေးပန်းတိမ်ဆရာ
 အာလေဇန္ဒြဟာ ငါ့ဟို ရရာတိုင်းဒေါက်ခပေးဟယ်။ သူလောက်ဟူ မှုတိုင်း သခင်ဘုရား ဆပ်ပေးတော်မူလေမယ်။
15 နန့်လည်း သူ့ဟို ဒီထားပါ။ ဖြားဖြစ်ကြောန့်နူးဆိုဟာ သူဟာ နို့လေရဲစကားဟို ရရာတိုင်း ဆန့်ကျင်ဟယ်။ **16**
 ငါ့ရဲမှုဟို ပထမခီ စစ်ဆေးဒူးဟု ဖယ်သူလည်း ငါ့ဖတ်မာနေဘဲန ဂူလောင်းဟာ ငါ့ဟို စွန့်ပစ်ဂေ့ဟယ်။ အယ်မူရာကြောန့်
 သူးနိရဲပြစ်ဟို မှတ်တော်မူပါစေန။ **17** အယ်ဘေမဲ့ လူမျိုးခြားဂူလောင်းဟို တရားတော်ဟို ကူစင်အောန် ဟောပြောဟိုတွပ်
 သခင်ဘုရားဟာ ငါ့ဖတ်မာနေဘီး ငါ့ဟို ခွန်အားန ပွဲဇောင်စေဟယ်။ အယ်မျိုးအားဖြင့် ခြင်္သေ့ဇိတ်ပေါ-က်ထဲဟုနေ
 ကယ်နှုရှင်းဟို ငါခံဟယ်။ **18** အယ်မျှလော့-က်နမကဟု သခင်ဘုရားဟာ ကောန်းဘဲဟူဇာ ဂူလောင်းဟုနေ ငါ့ဟို
 ကယ်နှုတော်မူဘီး ထတ်ကောန်းဂန်ရပ်မာရှိဟူ သူ့ရဲ နိုင်ငံတော်ထဲဟို လောင်ခြောင်မှုပွဲန ပို့ဆောန်တော်မူလေမယ်။
 အယ်သခင်ဟာ ကမ္ဘာဆစ်ဆစ် ဖောင်းကီးတော်မူပါစေ။ အာမင်။ (aiṭh g165) **19** ပြစ်ကိလန အာကုလဟုနေစဘီး
 ဩနေသိဖော်ရဲ အီသူအီသားလေဟို နှောက်ဆစ်ပါ။ **20** ဧရက္ကဟာ ကောရိန်မြို့မာ နေရစ်ဟယ်။ တရောဖိမ်ဟာ
 နေကောန်းဘဲဖြစ်နေဟူကြောန့် မိလက်မြို့မာ ငါထားရစ်ဟယ်။ **21** ဆောင်းကာလရော့-က်ခန် လာနိုင်အောန်ကြိုးစားပါ။
 ဥဗုလု၊ ပုဒေါ၊ လိနု၊ ကလောဒီလေဟုနေစဘီး ညီကို မောန်နှမလေ ဂူလောင်းဟာ နန့်ဟို နှောက်ဆစ်ဂေ့ဟယ်။ **22**
 သခင်ဘုရားဟာ နန့်ရဲ စိဝိညာဉ်နတူးဒု ရှိပါစေ။ ကျေးဇူးတော်ဟာ နန့်နတူးဒုရှိပါစေ။

1 ဘုရားသခင်ရဲ့ စေခံဖြစ်ဟူ၊ ယေရှုခရစ်တော်ရဲ့ တမန်တော်ဖြစ်ဟူ ငါပေါလုဟာ စာရေးလိုက်ဟယ်။ **2** အယ်ဘာသာဟာ ထာဝရသတ်ဟို့ မျှော်လင့်ရှင်းမာ ဓိကခြေခံ ဖြစ်ဟယ်။ လီညာရှင်းမေ့ဘဲဟူ ဘုရားသခင်ဟာ ရှေးရှေးဒူးဟ နေ့ရစ်ကာလလေ ဖြစ်ခန့်မာ ထာဝရသတ်ဟို့ နို့လေဟို့ပေးဟို့တွပ် ဒီပေးဟားဟယ်။ (aiōnios g166) **3** အယ်ဘီးန ခီက္ကလာဟူ ခီမာ အယ်ထာဝရသတ်ဟို့ တရားတော်အားဖြင့် ထန်ရှားစေဟယ်။ နို့လေရဲ့ ကယ်တန်ရှင် ဘုရားသခင်ဟာ နို့လေဟို့ ယောင်ကြည်ဟူကြောန့် အယ်မူတရားဟို့ အပ်ပေးဘီးဟာ ငါဟာ ကိုယ်တော်ရဲ့ မိန့်တော်တိုင်း အယ်မူတရားဟို့ ကြေညာဟယ်။ **4** နို့လေမျိုးဘဲ ယောင်ကြည်ရှင်းအားဖြင့် ငါသား စစ်စစ်ဖြစ်ဟူ တိတုနားဟို့ အယ်စာဟို့ငါရေးဘီး ပေးလိုက်ဟယ်။ **5** ကရေတေကျွန်းမာ လောက်ဇာရှိဟူ မူကိစလေဟို့ လောက်ဆောန်ဟို့တွပ်န ဗြိုလေမာ သင်းအောက်လေဟို့ ခန့်ဟားဟို့တွပ် နန့်ဟို့ ငါ ထားရစ်ဟယ်။ ငါခုပေးဟူ ညွှန်ကြားချစ်လေဟို့ မေ့န။ **6** သင်းတော်လူဂီးဟာ ပြစ်တန်ခွမ်မေ့ဘဲဟူလူ ဖြစ်ရမယ်။ အယ်လူဟာ မယားယော့- ကံဘဲ ရှိရမယ်။ သူ့ရဲ့ သားလေမီးလေဟာ ယောင်ကြည်သူဖြစ်ရမယ်။ ပျော်ပါးလေလွန်ကျူးဘီး စကားနားထောန်ဘဲဟူလူ ဖြစ်ဟို့ရဟ။ **7** သင်းတော်ဟို့ ဦးဆောန်ဟူ သင်းတော်လူဂီးဟာ ဘုရားသခင်ရဲ့ မူတော်ဟို့ တာဝန်ယူဘီးလောက်ဟူလူ ဖြစ်ဟူကြောန့် ဘဏ္ဍာထီးမျိုးဘဲ ပြစ်တန်ခွမ်မေ့ဘဲဟူလူ ဖြစ်ရမယ်။ မာနကီးဟူသူ၊ စိတိုဟူသူ၊ ယစ်သော့- က်ဟူသူ၊ စိကြမ်းဟူသူ၊ ကပ်ဟို့ ရရာတိုင်း လိုရှင်ဟူသူလည်း ဖြစ်ဟို့ရဟ။ **8** ဧည့်ဝတ်ကျေဟူသူ၊ ကောန်းဟူဇာလေဟို့ ကြိုက်ဟူလူ ဖြစ်ရမယ်။ သူဟာ ကိုယ့်ကိုယ်ကိုယ် ထီးချောက်နိုင်ရမယ်၊ ဖြောန့်မတ်ရမယ်၊ သန့်ရှင်းဟူသူ၊ ဘုရားတရားဟို့ ရိုသေဟူလူ ဖြစ်ရမယ်။ စည်းကမ်းရှိရမယ်။ **9** သူဟာ မှန်ကန်ဟူယူဝါဒဟို့ စွဲစွဲမြဲမြဲဟား ယောင်ကြည်ရမယ်၊ အယ်မျိုးနည်းနဘဲ သူဟာ စစ်မှန်ဟူ တရားဟို့ အားပေး တိုက်တွန်းနိုင်လေမယ်။ စစ်မှန်ဟူ တရားဟို့ တိုက်ခိုက်ဟူ လူလေရဲ့မှားဟို့ ထော့- က်ပြနိုင်လေမယ်။ **10** အယ်မူတရားဟို့ ဆန့်ကျင်ဘီး ကျိုးမေ့ဘဲဟူ စကားလေန လှည့်ဇားဟူလူလေ ဘောင်ဂီးရှိဟယ်။ ထူးသဖြင့် ရေဖျားလှီးဟားဟူ လူလေထဲဟုနေ ခရစ်ယာန် ဘာသာထဲဟို့ ညွှန်းလဲလာဟူ လူလေထဲမာ ရှိဟယ်။ **11** အယ်လူလေရဲ့ ဇပ်ပေါ- က်လေဟို့ ပီရမယ်။ ဖြားဖြစ်ကြောန့်နူးဆိုဟာ သူးနို့ဟာ စင်ကြယ်ဘဲဟူ စီးပွားလေဟို့ တတ်မတ်ဟူ ရည်ရွယ်ချစ်ကြောန့် ဟောပြောသင့်ဘဲဟူ ဇာလေဟို့ သွန်သန်ဘီးဟာ အီထောန်ရေးလေဟို့ ပြိုကွဲအောန် လောက်ဟူကြောန့် ဖြစ်ဟယ်။ **12** သူးနို့ရဲ့ ပရောဖက်ဖြစ်ဟူ ကရေတေ ကျွန်းသား တယော့- က်ဟာ “ကရေတေ ကျွန်းသားလေဟာ မြဲဒမ်းလီညာဟူသူလေ၊ သားရဲဆိုလေ၊ ရရာတိုင်း ပျင်းဘီးဟာ စားကီးဟယ်” ဆိုဘီး ပြောရစ်ဟယ်။ **13** အယ်လူပြောဇာဟာ ရရာတိုင်း မှန်ဟယ်။ အယ်ကြောန့် သူးနို့ဟာ တကယ် ယောင်ကြည်လာဟို့တွပ်ရော၊ **14** ယုဒဘာသာရဲ့ ဒဏ္ဍာရီစကားလေန သမ္မာတရားဟို့ ပယ်ဘီး သူးနို့ရဲ့ ပညတ်ဟို့ စွန့်ပစ်ဂေဟို့တွပ်ရော၊ သူးနို့လေဟို့ သေးသေးချားချာဟာ ဆောင်းမရမယ်။ **15** ကိုယ့်ကိုယ်ကိုယ် စိန့်လောင်း သန့်ရှင်းစင်ကြယ်ဟူ လူလေတွပ်ဟာ ဂူလောင်းဟာ သန့်ရှင်းဟယ်။ အယ်ဘေမဲ့ ကိုယ့်ကိုယ်ကိုယ် စင်ကြယ်ဟာ ဆိုဟာ ယောင်ကြည်မှုမေ့ဘဲဟူ သူလေတွပ်ဟာ ဖြားဇာလည်း စင်ကြယ်သန့်ရှင်းဟယ် ဆိုဇာ မေ့ဟာ၊ ဖြားဖြစ်ကြောန့်နူးဆိုဟာ အယ်လူလေရဲ့ စိန့်လောင်းန သိစိဟာ ညစ်ညူးနေဟူကြောန့် ဖြစ်ဟယ်။ **16** သူးနို့ဟာ ဘုရားသခင်ဟို့ သိဟယ် ဆိုဘီး ဝန်ခံဘေမဲ့လည်း သူးနို့ရဲ့ကျင့်လေဟာ ထော့- က်ခံဟာ။ သူးနို့လေဟာ မူးဇာကောန်းဟူလူ၊ နားထောန်းဘဲဟူလူ၊ ကောန်းဟူဇာလေဟို့ ခုလည်းလောက်ဟို့ ထိုက်ဘဲဟူလူလေ ဖြစ်ဂေဟယ်။

2 နန်းနို့ဟာ စင်ကြယ်ဟူယူဝါဒန ကိုက်ညီရှင်းလေဟို့ ဟောပြောရမယ်။ **2** သတ်ကီးဟူ ယော့- က်ကျားလေဟာ သမ္မာဒိရှိဟူလူ၊ တည်ကြည်ဘီးဟာ သိခါစောန်ဟူလူ၊ စစ်မှန်ဟူ ယောင်ကြည်ရှင်းလေ၊ ရှစ်ရှင်းလေ၊ ခံနိုင်ရည်ရှိဟူလူလေ ဖြစ်ဟို့တွပ် သွန်သန်ရမယ်။ **3** အယ်မျိုးဘဲ သတ်ကီးဟူ မီးမဂီးလေဟာ ဘုရားတရားဟို့ ကြည်ညိုဟူ လူလေဖြစ်ဟို့တွပ် သွန်သန်ပါ။ သူးနို့ဟာ တခြားလူလေရဲ့ အသရေဖျစ်ဟူ လူလေန ယစ်ရဲ့ကျေးကျွန်ဖြစ်စေန။ ကောန်းဟူ ဇာလေဟို့ သန်ပေးဟူ

လူလေ ဖြစ်ရမယ်။ 4 အယ်မျိုးဖြစ်မှ သူးနိုဟာ ကိုယ့်ထုတ် သတ်ငယ်ဟူ မီးမလေဟာ ကိုယ့်ယော့-က်ကျားန သားမီးလေဟို ရှစ်ဘီးဟာ။ 5 ဂေါင်သိခါ စောန့်ဟူသူ၊ စင်ကြယ်ဟူသူ၊ ကိုယ့်အီဟို ပြုစုဟူသူ၊ ကောန်းဟူသူ၊ ကိုယ့်ယော့-က်ကျားရဲ့ စကားဟို နားထောန်ဟူသူ ဖြစ်ဟို့တွပ် သတ်ကီးဟူ မီးမဂီးလေဟာ သန်ပေးရမယ်။ အယ်မျိုးဆိုဟာ ဘုရားသခင်ရဲ့ တရားတော်ဟို ကဲ့ရဲ့ဘီး ပြောနေဟူလူလေ မေ့ဟို့မှုဘီ။ 6 အယ်မျိုးဘွဲ့ ကောန်သား ယော့-က်ကျားလေဟလည်း ဂေါင်သိခါလေဟို ထီးနိုင်ဟို့တွပ် တိုက်တွန်းဂေ့ပါ။ 7 နေရာတိုင်းမှာ နန်းနို့ကိုယ်တိုင် ပေါင်သတ်သေဟို ပြဂေ့ပါ။ ဆောင်းမသွန်သန်ဟူ ခီမာ သေးသေချားချာဟား သန်ပေးပါ။ 8 နန်းနို့ ရန်သူလေဟာ နန်းနို့လေဟို ဖယ်မူမာလည်း ပြစ်ရှာနိုင်ဘဲန ရှစ်ကွဲဘဲနေအောန် တခြားလူလေရဲ့ရှေ့မှာ ပြစ်တန် ဝေဖန်နိုင်ဘဲနေအောန် ကောန်းဟူ စကားလေဟို ပြောဂေ့ပါ။ 9 ကျွန်လေဟာ သူ့သခင်လေရဲ့ စကားဟို နားထောန်ရမယ်။ နေရာတိုင်းမှာ သခင်ကြိုက်အောန် လောက်ရမယ်။ 10 သူများပစ်စီးဟို ခိုးဘဲန သူးနိုဟာ မြဲဒမ်းကောန်းဘီး သစ်စာရှိဟူလူ ဖြစ်ရမယ်။ အယ်နည်းနဘွဲ့ သူးနိုဟာ ကိုယ်လောက်ဟူ မူလေထဲမှာ နို့လေရဲ့ ကယ်တန်ရှင် ဘုရားသခင်ရဲ့ တရားတော်ဟို ပိုဘီး ဟာ ထန်ရှားစေလေမယ်။ 11 ဘုရားသခင်ဟာ လူလေဂူလောင်းဟို ကယ်တန်ဟူ သူရဲ့ ကျေးဇူးတော်ဟို ထန်ရှားစေဟယ်။ 12 နို့လေဟာ ဘုရားတရားမေ့ဘဲန လောက တတ်မတ်ရှင်းလေဟို ဖယ်ရှားဘီး အယ်လောကမာ ဘုရားဝတ်နို့ကို ပျော်မွေ့ရှင်း၊ တင့်တယ်လျောက်ပတ်ရှင်း၊ ဖြောင့်ဖြောင့်မတ်မတ် သတ်ရှင်ရှင်းန (aiōn g165) 13 ကီးမြတ်ဟူ ဘုရားသခင်ဖြစ်ဟူ နို့လေရဲ့ ကယ်တန်ရှင် ယေရှုခရစ်တော်ရဲ့ ဖောင်းသရေတော် ပေါ်လာရှင်းအားဖြင့် မင်္ဂလာရှိဟူ မျှော်လင့်ရှင်းဟို စောန့်နေဘီးဟာ ဆောင်းမသွန်သန်ဘီး ရှိနေဟယ်။ 14 နို့လေဟို ဆိုးညစ်ရှင်းလေ ဂူလောင်းထဲဟုနေဘီး လွတ်မြော-က်ဟို့တွပ်န နို့လေဟာ စိန်လောင်းဖြူစင် သန်ရှင်းဘီး ကိုယ်တော်ဘွဲ့ ပိုင်ဆိုင်ဟူ လူဖြစ်ဘီး ကောန်းဟူ ကျင့်လေမာ စီအေးထတ်သန်ဂေ့ဟို့တွပ် ခရစ်တော်ဟာ နို့လေတွပ် သူ့ကိုယ်သူ စွန့်လိုက်ဟယ်။ 15 နန်ဟာ အယ်ကြောင်းရာလေဟို ဟောပြောသွန်သန်ပါ။ တိုက်တွန်းအားပေးဘီး သွန်သန်ဟူ ခီမာ နန်မာရှိဟူ ခွဲခွဲအာဏာလေဟို သောင်းပြုပါ။ နန်ဟို ဖယ်သူလည်း ထန်သေးစေန။

3 တိုင်းပြည်ဟို အောက်ချောက်ဟူ လူလေန အာဏာပိုင်လေရဲ့ အောက်စိုးရှင်းလေဟို ဝန်ခံဘီး သူးနို့စကားဟို နားထောန်ဂေ့ဟို့တွပ်ရော၊ ကောန်းမြတ်ရှင်းကိစ္စ မှန်မျှဟို လောက်ဟို့တွပ် ဆင်သင့်ဖြစ်နေဟို့တွပ်ရော၊ ယောင်ကြည်သူလေဟို ဒီပေးပါ။ 2 ဖယ်သူကြောင်းဟိုလည်း ကောန်းဘဲဟူဇာဟို ပြောဘဲန အေးအေးချမ်းချမ်းဟား နေထိုင်ဂေ့ဟို့တွပ်န ခီတိုင်းမာ လူလေဟို နူးညံ့သိမ်မွေ့ဘီး ဆစ်ဆံဂေ့ဟို့တွပ် သူးနို့လေဟို ပြောပါ။ 3 တခါဒူးဟု နို့လေဟာ နာခံဘဲန မိုက်မဲဘီးဟာ လမ်းမှားဘီးနေဟယ်။ ကာမဂေါင်ဘောင်းဇောင်န ပျော်ပါးလိုက်စားရှင်းလေထဲမာ ကျွန်ဖြစ်လာဟယ်။ နို့လေမာ မြဲဒမ်းဘွဲ့ နာလိုဘဲဟူစိ၊ မူးနေဟူ သဘောလေလည်း ရှိဂေ့ဟယ်။ တခြားသူလေဟာ နို့လေဟို မူးဂေ့ဟယ်။ နို့လေဟလည်း သူးနို့ဟို မူးဂေ့ဟယ်။ 4 အယ်ဘောမဲ့ နို့လေရဲ့ ကယ်တန်ရှင် ဘုရားသခင်ရဲ့ ကရုဏာတော်န ရှစ်ရှင်းမြစ်တာတော်ဟာ ထန်ရှားလာဟူ ခီမာ၊ 5 နို့လေဟာ ကယ်တန်ရှင်းဟို ခံရဂေ့ဟယ်။ အယ်မျိုးကယ်တန်ရှင်း ခံရဟူဇာဟု နို့လေရဲ့ ဖြောင့်မတ်ဟူ ကျင့်အားဖြင့်မှုဘွဲ့ ကိုယ်တော်ဟာ သူရဲ့ ကရုဏာတော်နညီ သန်ရှင်းဟူဝိညာဉ်တော်ကြောန့် နို့လေဟို နော့-က်တခါ ညွှန်ခွီးဘီးဟာ သစ်ဖြစ်ဟူသက်တာန ဘဝသစ်ဟို ပေးကြောန်ဖြစ်ဟယ်။ 6 ဘုရားသခင်ဟာ နို့လေဟို ကယ်တန်ဟူရှင် ယေရှုခရစ်တော်ကြောန့် သန်ရှင်းဟူဝိညာဉ်တော်ဟို နို့လေထုတ်ဟို ကြွယ်ဝစွာ လောင်းခွဲပေးဟယ်။ 7 အယ်မျိုးလောက်ဇာဟာ နို့လေဟာ ကိုယ်တော်ရဲ့ ကျေးဇူးတော်ကြောန့် ဖြောင့်မတ်ဟယ် ဆိုဇာဟို သိမှတ်ပြုခံရဘီးဟာ ထာဝရသတ်ဟို မျှော်လင့်ဘီး မွီခဲလဲ ဖြစ်လာဂေ့ရဟယ်။ (aiōnios g166) 8 အယ်စကားဟာ သစ်စာစကားဖြစ်ဟယ်။ ဘုရားသခင်ဟို ယောင်ကြည်လူလေဟာ ကောန်းဟူကျင့်၊ လူလေဟို ကျိုးပြုဟူကျင့်လေ ရှိနေဂေ့ဟို့တွပ် စစဒူးဟု ပြောဟားဟူဇာလေဟို ဂရုစိုက်ဘီးဟာ နို့ဆော်တိုက်တွန်းဂေ့ပါ။ 9 အယ်ဘီးဟာ ကျိုးမေ့ဘဲနပြောရှင်း၊ ရရာတိုင်းရှည်ဟူ ဆွေမျိုးစာရင်းလေလောက်ရှင်း၊ ရန်ဖြစ်ရှင်း၊ ပညတ်တရားန ပတ်သတ်ဘီးဟာ စကားများရှင်းလေဟို ရှောန်ဂေ့ပါ။ အယ်မျိုးလောက်ဇာလေဟာ သောင်းဝမ်ဟူ၊ ဖြားကျိုးလည်း

မေ့ဟု။ 10 စိဝန်းကွဲရှင်းလေဖြစ်အောင် လောက်ဟူလူဟို နဲဆောင်း နွေခါလော့-ကံ ဒိပေးဘီးန သူဟို ထပ်ဘီးဟာ ပေါင်းဂေ့န။ 11 အယ်မျိုးလူဟာ ဖော့-ကံပွန်ဟူလူ ဖြစ်ကြောင်းဟို နန်းနို့ဟုသိဟယ်။ သူပြစ်ရှိကြောင်းဟို သူ့ကိုယ်သူ သတ်သေပြဟယ်။ 12 အာတေမဟိုဘွဲ့ ဖြစ်ဖြစ်၊ တုခိတ်ဟိုဘွဲ့ ဖြစ်ဖြစ် နန်းနို့နားဟို လွတ်လိုက်ဟူ ခီမာ ငါရှိနေဟူ နိုကောပလိမြို့ဟို ကြိုးစားဘီးဟာလာဂေ့။ အယ်မြို့မာ ဆောင်းကာလမှာဘွဲ့နေဟို့ ငါဆောင်းဖြတ်ဟားဟယ်။ 13 ရှေ့နေဖြစ်ဟူဇေနန အာပေါလုလေဟာ ခရီးသွားနိုင်ဟို့တွပ် ကြိုးစားဘီးဟာ ကူညီပေးပါ။ သူးနို့လေ လိုရှင်ဇာမှန်မျှဟို ကူညီလိုက်ပါ။ 14 စားဝတ်နေရေတွပ် တကယ် လိုအပ်ဇာလေဟို ရဟို့တွပ် နို့လေရဲလူလေဟာ ကောင်းဇာသတ်မွီးဟို့တွပ် သွန်သန်ဂေ့ပါ။ ကိုယ့်ရဲလောက်အားဟို ချည်းနှီးဖြစ်စေဂေ့န။ 15 ငါနတူးဒ နေဟူလူလေဟာ နန်းဟို နှောက်ဆစ်လိုက်ဟယ်။ ယောင်ကြည်ရှင်းတရားန နို့လေရှစ်ရဟူ မိဆွေလေဟို နှောက်ဆစ်လိုက်ဟယ်။ ဘုရားသခင်ရဲ့ ကျေးဇူးတော်ဟို နန်းနို့လောင်းဟာ ခံစားရဂေ့ပါစေ။

ဖိလေမုန်

1 ယေရှုခရစ်တော်ရဲ့ မှုတော်အားဖြင့် ကျဉ်းကွပ်နေရဟူသူ ငါပေါလုနဲ့ ငါ့ညီတိမောသေဟာ — **2** နို့လေရှစ်ရဟူညီမအပွဲ၊ နို့လေရဲ့စစ်သူရဲလေဖြစ်ဟူ အာခိပ္ပဟုနေစဘီး နန့်ရဲ့အိမာ စုဝီးဟူ သင်းတော်ဟု သင်းဝမ်ဟူသူလေ ဂူလောင်းနားဟို့ စာရေးလိုက်ပါဟယ်။ **3** နို့လေရဲ့ဖ ဘုရားသခင်နဲ့ ယေရှုခရစ်တော်နားဟု ကျေးဇူးတော်နဲ့ ငြိသတ်ရှင်းဟာ နန့်နို့လေမာ ရှိဂေပါစေ။ **4** ငါဟာ ငါ့ရဲ့ ဆုတောင်းချစ်လေမာ နန့်ဟို့ မြဲဒမ်းဒီရဘီး ဘုရားသခင်ရဲ့ ကျေးဇူးတော်ဟို့ ချီးမွမ်းပါဟယ်။ **5** ဖြားဖြစ်ကြောန့်နဲ့ဆိုဟာ သခင်ယေရှုနဲ့ သန့်ရှင်းသူလေ ဂူလောင်းဟို့ နန့်ထားဟူ ရှစ်ရှင်းမြစ်တာနဲ့ ယောင်ကြည်မှုကြောန့်ဟို့ နို့လေကြားသိရဟယ်။ **6** အယ်ကြောန့် ယောင်ကြည်သူလေဖြစ်ဟူ နန့်နို့နို့ နို့လေဟာ ရှင်းရှင်း မိတ်သဟာယဖွဲ့ရှင်းအားဖြင့် ခရစ်တော်နဲ့ တလောင်းတဝဖြစ်ဘီး နို့လေခံစားရဟူ ကောင်းဂျီးမင်္ဂလာလေဟို့ ပိုဘီး နတ်နတ်ရှိုင်းရှိုင်း သိနားလည်နိုင်ဂေဟို့တွင် ငါဆုတောင်းပါဟယ်။ **7** ငါ့ညီ၊ နန့်ဟာ ဘုရားသခင်ရဲ့ သန့်ရှင်းသူလေရဲ့ စိန့်လောင်းဟို့ သတ်သာစေဟူကြောန့် နန့်ရဲ့မြစ်တာဟို့ ထော့-က်ဘီး နို့လေဟာ ရရာတိုင်း ဝန်းသာဂေပါဟယ်။ **8** အယ်ကြောန့် ငါဟာ နန့်လောက်ရဟို့ဇာလေဟို့ ပညတ်ဟားဟို့တွင် ခရစ်တော်အားဖြင့် မိန့်ပေးခွင့်ရှိဟူလည်းဘဲ့၊ **9** ရှစ်ရှင်းမြစ်တာအားဖြင့်ဘဲ့ နန့်ဟို့ တောင်းဗန်ရှင်းမှုဟို့ ပြပါဟယ်။ အယ်မျိုး သက်ကီးဟူသူဖြစ်ဘီး ခုဆိုဟာ ခရစ်တော်ယေရှုရဲ့ သံတမန်ဖြစ်ဟူ၊ ကျဉ်းသားလည်းဖြစ်ဟူ ငါပေါလုဟာ။ **10** တောက်နှောခံနေရဟူ ခီမာ ခရစ်တော်နှိုက် ငါ့သားဖြစ်ဟူ ဩနေသိမ်တွင် မြစ်တာရပ်ခံပါဟယ်။ **11** သူဟာ စဟူ နန့်တွင် သောင်းဝမ်ဘဲဟူလည်းဘဲ့ ခုခီမာ နန့်တွင်ရော ငါ့တွင်ပါ သောင်းဝမ်သူ ဖြစ်လာပါဘီ။ **12** သူဟို့ နန့်နားဟို့ ယွန်လွတ်လိုက်ဟူကြောန့် သူဟို့ ငါရင်းသွေးမျိုး လတ်ခံပေးပါ။ **13** ငါဟာ ဒန်းကောင်းဟို့ ဟောပြောဟူကြောန့် တောက်နှောခံနေရဟူ ခီမာ နန့်ရဲ့ကိုယ်စား ငါဟို့ကူညီဟို့တွင် သူဟို့ခေါ် ဟားရှင်ပါဟယ်။ **14** အယ်ဘေမဲ့ နန့်ပြဟူကောင်းမှုဟာ လွှဲရှောန်ရဘို့ ပြဟူဇာမျိုးမှုဘဲနဲ့ နန့်စေတနာအားဖြင့်ဘဲ့ ပြစေရှင်ပါဟယ်။ **15** ဩနေသိမ်ဟာ နန့်နဲ့မြဲဒမ်းနေရဟို့တွင် ရှစ်ဟားခွဲခွာနေရဟယ် ဆိုဘီး ထန်မှတ်ဇာရှိဟယ်။ (aiōnios g166) **16** အယ်မျိုးပြောဟူဇာဟာ စေခံကျွန်ဟို့ရဟူမျိုး ဆိုလိုဇာမှုဟာ။ ထူးသဖြင့် ငါ့တွင်ဟာ ရှစ်ရဟူညီ နန့်တွင်ဟာ ဇာတိအားဖြင့်ဘဲ့ဖြစ်ဖြစ်၊ သခင်ဘုရားအားဖြင့်ဘဲ့ဖြစ်ဖြစ် ပိုဘီး ရှစ်ဟူ ညီတယော့-က်ဟို့ရဟူမျိုး ဆိုလိုဇာဖြစ်ဟယ်။ **17** အယ်မျိုးဖြစ်ကြောန့် နန့်ဟာ ငါဟို့ လောက်ဖော်ဆောန်ဖတ်တယော့-က်နေနဲ့ မှတ်ယူဟယ် ဆိုဟာ ငါဟို့လတ်ခံမျိုးဘဲ့ သူဟို့လည်းလတ်ခံပါ။ **18** တကယ်ကြောန့် သူဟာ နန့်ဟို့ ပြစ်မှားမိဟူ ဇာဘဲ့ဖြစ်ဖြစ်၊ တန့်ဟူကြေးဘဲ့ဖြစ်ဖြစ် တခုခုပေးဇာရှိမယ် ဆိုဟာ ငါတာဝန်ယူပါဟယ်။ **19** ငါပေါလုဟာ အယ်ကြေးလေဟို့ ဆပ်ပေးပါမယ် ဆိုဘီး ငါ့လတ်နဲ့ ရေးလိုက်ပါဟယ်။ နန့်ကိုယ်တိုင် နန့်ရဲ့ဘဝသစ်တွင် ငါဟို့ ပေးဆပ်ဇာရှိဟယ် ဆိုဘီး ပြောရှင်ဇာ မူဟာ။ **20** အယ်ကြောန့် ငါ့ညီ၊ သခင်ဘုရားရဲ့ မျစ်နှာဟို့ ထော့-က်ဘီး ငါဟို့ ကျေးဇူးပြုစေရှင်ပါဟယ်။ ခရစ်တော်နှိုက် ညီကိုတယော့-က်နေနဲ့ ငါ့စိန့်လောင်းဟို့ သတ်သာစေပါ။ **21** နန့်ဟာ ငါမြစ်တာရပ်ခံဟူတိုင်း လောက်လေ့မယ် ဆိုဇာဟို့ စိန့်ယောင်ကြည်ဘီး အယ်စာဟို့ ရေးလိုက်ပါဟယ်။ တကယ်ဘဲ့ အယ်ထပ် ပိုဘီး လောက်လေ့မယ် ဆိုဇာ ငါသိပါဟယ်။ **22** နော့-က်ဘီး ငါတည်းခိုဟို့နေရာ ခန်းတခန်းဟို့လည်း ဆင်သင့်ပြင်ဟားပါ။ ဖြားဖြစ်ကြောန့်နဲ့ဆိုဟာ ဘုရားသခင်ဟာ နန့်နို့လေရဲ့ ဆုတောင်းရှင်းဟို့ နားညောင်းဟူကြောန့် ငါဟို့ နန့်နို့နားဟို့ ယွန်ဘီးပို့ဆောန်ပေးတော်မူလေ့မယ် ဆိုဘီး မျှော်လင့်ဟူကြောန့်ဖြစ်ပါဟယ်။ **23** ခရစ်တော်ယေရှုကြောန့် ငါနတူးကျဉ်းကွပ်ရဟူ ဧပဖြဟုနေစဘီး၊ **24** ငါ့ရဲ့လောက်ဖော်ဆောန်ဖတ်လေဖြစ်ဟူ မာက၊ အာရိတ္တာခု၊ ဒေမ၊ လုကာလေဟူလည်း နန့်ဟို့ နောက်ဆစ်ဂေပါဟယ်။ **25** နို့လေသခင်ယေရှုခရစ်တော်ရဲ့ ကျေးဇူးတော်ဟာ နန့်နို့ဝိညာဉ်နတူးဒူ ရှိပါစေ။

1 ရှေးကာလမာ ဘုရားသခင်ဟာ ပရောဖက်လေအားဖြင့် နို့ဘိုးဘေးလေဟို နည်းဘောင်းစောင်နဲ့ ခါဘီးခါ ဗျာဒိတ်ပေးတော်မူဟယ်။ **2** အယ်ဘောမဲ့ အယ်မူ နေ့-က်ဆောင်းဖြစ်ဟူ ကာလမာ သားတော်အားဖြင့် နို့လေဟို ဗျာဒိတ်ပေးတော်မူဟယ်။ ဘုရားသခင်ဟာ အယ်မူသားတော်ဟို ရှိမျှဂူလောင်းရဲ့ မွီခံဖြစ်နဲ့ ခန့်ဟူးဘီးဟာ လောကဓာတ်လေဟို သားတော်အားဖြင့် ဖန်ဆင်းတော်မူဟယ်။ (aiōn g165) **3** အယ်သားတော်ဟာ ဘုရားသခင်ရဲ့ ဖောင်းရောင်ခြည်တော်နဲ့ ဇာတိဖြစ်တော်ရဲ့ ပေါင်သဏ္ဌာန်ဖြစ်ဟူကြောနဲ့ တဂိုးတော်နဲ့ ပွဲဇောင်ဟူ သူရဲ့ စကားတော်အားဖြင့် ရှိမျှဂူလောင်းဟို တည်စေတော်မူဘီး ပြစ်လေတွပ် စင်ကြယ်ရှင်းဝတ်ဟို ပြုဘီးဟာ ဗြင့်ဟူရပ် ထတ်ကောင်းဂန်မာ အနန္တတိုးရှင် ဘုရားသခင်ရဲ့ ညာဖတ်မာ ထိုင်နေတော်မူလေဟယ်။ **4** သားတော်ဟာ ကောင်းဂန်တမန်လေထတ် ကီးမြတ်ဟူ ဘွဲ့နာမတော်ဟိုခံရဟူမျိုး ကောင်းဂန်တမန်လေထတ် ကီးမြတ်ဟူသူလည်း ဖြစ်တော်မူဟယ်။ **5** ဖြားဖြစ်ကြောနဲ့ဆိုဟာ ဘုရားသခင်ဟာ ဖယ်ကောင်းဂန်တမန်လေဟိုမူ၊ “နန့်ဟာ ငါ့သား ဖြစ်ဟယ်။ အယ်နေ့ဘွဲ့ နန့်ဟို ငါဖွားမြင်စေဘိ” ဆိုဟူဇာန၊ “ငါဟာ သူ့ဖ ဖြစ်မယ်။ သူလည်း ငါ့သား ဖြစ်လေမယ်” ဆိုဘီး ဖယ်ခါနူးဟာ မိန့်တော်မူဖူးနူး။ **6** နေ့-က်ဘီး ဘုရားသခင်ဟာ သူရဲ့ သားဦးဟို အယ်လောကဟို စေလွှတ်တော်မူဟူ ခီမာ၊ “ဘုရားသခင်ရဲ့ ကောင်းဂန်တမန်လေ ဂူလောင်းဟာ ပျပ်ဝပ်ကိုးကွယ်ရမယ်” ဆိုဘီး မိန့်တော်မူလေဟယ်။ **7** နေ့-က်ဘီး ကောင်းဂန်တမန်လေနဲ့ ပတ်သတ်ဘီး ဖော်ပြရာမာ၊ “ဘုရားသခင်ဟာ သူရဲ့ ကောင်းဂန်တမန်လေဟို ဝိညာဉ်မျိုးရော၊ သူရဲ့ စေခံလေဟို မီးလျှံမျိုးရော ဖြစ်စေတော်မူဟယ်” ဆိုဘီး မိန့်တော်မူဟယ်။ **8** အယ်ဘောမဲ့ သားတော်ဟို မိန့်တော်မူဟူ ခီမာ ကိုယ်တော်ဟု၊ “အို၊ ဘုရားသခင်၊ ကိုယ်တော်ရဲ့ ရာဇပလ္လင်ဟာ ကမ္ဘာဆစ်ဆစ် တည်လေမယ်။ ကိုယ်တော်ရဲ့နိုင်ငံဟာ တရားသဖြင့်စီရင်ဟူ နိုင်ငံဖြစ်ပါဟယ်။ (aiōn g165) **9** ကိုယ်တော်ဟာ ဖြောင့်မတ်ဟူ တရားဟို ရှစ်မြတ်ခိုးဘီး တရားဘဲဟူ ဇာလေဟို မှူးတော်မူဟယ်။ အယ်ကြောနဲ့ အို၊ ဘုရားသခင်၊ ကိုယ်တော်ရဲ့ ဘုရားသခင်ဟာ ကိုယ်တော်ရဲ့ ပေါန်းဖော်လေထတ် ကိုယ်တော်ဟို ချီးမြှေး-က်ဘီး ရွှင်လန်းဝန်းသာဟူ ဆီနဲ့ ဘိသိက်ပေးတော်မူဘိ” ဆိုဘီး မိန့်တော်မူလေဟယ်။ **10** နေ့-က်ဘီး၊ “အို၊ ဘုရားသခင်၊ ကိုယ်တော်ဟာ ဦးဆောင်း မွေ့ရီးဟို တည်တော်မူပါဟယ်။ ကောင်းဂန်ဟိုလည်း လတ်တော်နဲ့ ဖန်ဆင်းတော်မူဟူဇာ ဖြစ်ပါဟယ်။ **11** အယ်မူဇာလေဟာ ပျစ်စီးသွားရဟူလည်းဘွဲ့ ကိုယ်တော်ဟာ မြဲဒမ်း တည်တော်မူဟယ်။ အယ်မူဇာလေ ရှိဟူမျှဟာ ဝတ်လေမျိုး ဟောင်းနွမ်းဟူးလေမယ်။ **12** ကိုယ်တော်ဟာ အယ်ဇာလေဟို ဝတ်လောင်လိဟူမျိုး လိတော်မူလေမယ်။ အယ်ဇာလေဟာ ဝတ်လောင်ဟူမျိုး လွှာန်းလဲဟူးလေမယ်။ အယ်ဘောမဲ့ ကိုယ်တော်ဟာ လွှာန်းလဲတော်မူဟူ။ သတ်တော်လည်း ကူဆောင်းဟု” ဆိုဘီး မိန့်တော်မူလေဟယ်။ **13** နေ့-က်ဘီး ဘုရားသခင်ဟု၊ “နန့်ရဲ့ ရန်သူလေဟို နန့်ရဲ့ ခေတ္တအော့-က်ဟို ငါ့ခွဲထားခန့်ခီထိ၊ ငါ့ရဲ့ ညာဖတ်မာ ထိုင်နေပါ” ဆိုဘီး ဖယ်ကောင်းဂန်တမန်လေဟို မိန့်ဖူးဟူကြောနဲ့နူး။ **14** ကောင်းဂန်တမန်လေဟာ ကယ်တန်ရှင်းမွီဟို ခံရဟို သူလေဟို ပြုစုစောင့်ရှောက်-က်ဟိုတွပ် ဘုရားသခင် စေလွှတ်တော်မူဟူ စေခံဝိညာဉ်လေ ဖြစ်ဂေဟယ် မူဟလော။

2 အယ်ကြောနဲ့ နို့လေဟာ လွဲချော်သွားဘဲနေအောင် ကြားရဟူ ဒေသနာတော်လေဟို စိန့်လောင်းထဲမာ မှတ်မိစွဲလန်းမှုရှိဂေရမယ်။ **2** ကောင်းဂန်တမန်လေအားဖြင့် ထားတော်မူဟူ ဗျာဒိတ်တော်ဟာ မှန်ကန်ဘီး ပြစ်မှားကျူးလွန်ဟူမျိုး မျိုးမျိုးလေဟာ ခံထိုက်ဟူပြစ်ဒန်လေဟို ခံရဟိုမှန်မယ် ဆိုဟာ။ **3** စဦးဟုနေဘီး သခင်ဘုရားဟောတော်မူဟူ တရားစကားတော်ဟို ကြားရဟူသူလေဟာ ယောင်လော့-က်ဟူသတ်သေအားဖြင့် နို့လေဟို ဟောပြောဟူ အယ်မျှလော့-က်ကီးမားဟူ ကယ်တန်ရှင်းတရားဟို နို့လေနားထောန်ဘဲနေဟာ ပြစ်ဒန်နဲ့ ဖယ်မျိုးလွတ်ဂေလေမယ်နူး။ **4** အယ်မူသတ်သေခံဟူ သူလေနတူးဒု ဘုရားသခင်ဟာ နိမိတ်လတ်ခဏာနဲ့ဖြစ်ဖြစ်။

အံ့သြဘွယ်ဟူ မူလေနဖြစ်ဖြစ်၊ ထူးဆန်းဟူတိုင်း ဘောန်းစောင်နဘဲဖြစ်ဖြစ်၊ သန့်ရှင်းဟူဝိညာဉ်တော်ဟာ သူ့ရဲ့ လိုတော်ရှိဟူတိုင်း ဝိမျှပေးဟူ ဆုကျေးဇူးလေနဖြစ်ဖြစ် သတ်သေခံတော်မူဟယ်။ 5 နို့လေပြောဆိုဟူ နှော့-ကံကပ်ကမ္ဘာဟို အောက်စိုးရဟူခွင့်ဟို ကောန်းဂန်တမန်လေရဲ့ လတ်မာ အပ်ပေးဟားဇာ မူဟု။ 6 ကျမ်းစာတချစ်မာ၊ “လူဟာ ဖယ်မျိုးသူဖြစ်ဟူကြောန့် ကိုယ်တော်ဟာ အော့-ကံမေ့လေးထားရပါနူး။ လူသားဟာ ဖယ်မျိုးသူဖြစ်ဟူကြောန့် ကျေရပါနူး။ 7 ကိုယ်တော်ဟာ သူ့ဟို ကောန်းဂန်တမန်လေထတ် နဲနဲဟား နိက္ကစေတော်မူဘီးဟာ သူ့ရဲ့ ခေါင်းဟို ဖောင်းသရေတော်န ပတ်ရစ်တော်မူဘီး၊ 8 ရှိမျှဂူလောင်းဟို ကိုယ်တော်ရဲ့ ခေဖွားအော့-ကံမာ ညွဟားတော်မူဟယ်” ဆိုဘီး ဖော်ပြဟားလေဟယ်။ “ဂူလောင်းဟို ညွဟားတော်မူဟယ်” ဆိုဘီး သတ်သေခံဟားဇာဟာ ညွဟားဘဲန ကျန်ရစ်ဟူ ဇာလေ ဖြားဇာလည်း မေ့ဟု။ ခုဆိုဟာ ဂူလောင်းဟို ညွဟားဇာလေဟို နို့လေပြင်ရသေးဟု။ 9 အယ်သောမဲ ယေရုဟာ ဘုရားသခင်ရဲ့ ကျေးဇူးတော်အားဖြင့် လူလေ ဂူလောင်းတွပ် သေခံရဟူခွင့် ရှိစေဟို ကောန်းဂန်တမန်လေထတ် နဲနဲဟား နိက္ကခံရဘီးမှ သေခံရဟူကြောန့် ခေါင်းတော်မာ ဖောင်းသရေတော်န ပတ်ရစ်ဘီး ရှိနေဇာဟို နို့လေပြင်ရဂေဟယ်။ 10 ဖြားဖြစ်ကြောန့်နူးဆိုဟာ သားမီးလေ ဘောင်ဂီးဟို ကယ်တန်ဘီး ဖောင်းစည်းဇိမ် စံစားရာဟို ပို့ဆောန်ဟူ သခင်ဟာ ဒေါက်ခဝေဒနာလေအားဖြင့် စောင်လင်ရှင်းဟို ရော့-ကံရဟိုတွပ် ရှိမျှဂူလောင်းဟို ဖန်ဆင်းဘီး အောက်စိုးတော်မူဟူ ဘုရားသခင်ဟာ စီရင်တော်မူလေဟယ်။ 11 သန့်ရှင်းပေးဟူသူန သန့်ရှင်းခံရဟူ သူဟာ ဖတယော့-ကံဒဲဘဲ ရှိဟယ်။ အယ်ကြောန့် သန့်ရှင်းပေးဟူ ယေရုဟာ သန့်ရှင်းခံရဟူ သူလေဟို ညီကို မောန်နမလေ ဆိုဘီး ခေါ်ဟူဇာဟို ယှစ်ကြော့-ကံတော်မူဟု။ 12 ယေရုဟာ “ကျွန်တော်ဟာ ကိုယ်တော်ရဲ့ နာမတော်ဟို ကျွန်တော့်ရဲ့ ညီကို မောန်နမလေဟို ကြားပြောပါမယ်။ ပရိသတ်စည်းဝေးလယ်မာ ကိုယ်တော့်ဟို ချီးမွမ်းဘီး ချင်းဆိုပါမယ်” ဆိုဘီး မိန့်တော်မူလေဟယ်။ 13 နှော့-ကံတချစ်ဟ “ငါဟာ ဘုရားသခင်ဟို အားကိုးမယ်” ဆိုဘီး လာဟယ်။ နှော့-ကံဘီး “ငါဟုနေစဘီး ငါ့ဟို ဘုရားသခင်ပေးဟားဟူ သားမီးလေရှိဟယ်” ဆိုဘီး လာလေဟယ်။ 14 အယ်သားမီးလေဟာ သွီးသားဇာတိန ဆစ်ဆံဟူ သူလေဖြစ်ဟူကြောန့် ကိုယ်တော်ဟာ သွီးသားဟို ခံယူဘီး သေခံတော်မူဟူ ဇာအားဖြင့် သေရှင်းတရားဟို စိုးရဟူသူဖြစ်ဟူ မာရ်နတ်ရဲ့ တဂိုးဟို ချိုးဖဲ့ဖျစ်ဆီးဟိုတွပ်န၊ 15 တသတ်လောင်း သေဘေးဟို ကြော့-ကံဘီး ကျွန်ခံနေရဟူ သူလေဟို လွှတ်ရှင်းပေးဟိုတွပ် ဖြစ်ဟယ်။ 16 တကယ်ဘဲ ကိုယ်တော်ဟာ ကောန်းဂန်တမန်လေဟို မဇဟူဇာမူတဲ အာဗြဟံမျိုးနွယ်ဟို မဇတော်မူဟူဇာ ဖြစ်ဟယ်။ 17 အယ်ကြောန့် ကိုယ်တော်ဟာ လူလေရဲ့ ပြစ်လေဟို ဖြေလွှတ်ဟိုတွပ် သစ်စာ၊ ကရုဏာနဲ့ပွဲဟူ ယဇ်ပုရောဟိတ်မန်းဖြစ်န ဘုရားသခင်ရဲ့ မူတော်ဟို လောကဆောန်နိုင်ဟိုတွပ် ရာရာမာ သူ့ရဲ့ ညီကိုလေန တူရဟိုကြောန်း ရှိလေဟယ်။ 18 အယ်ကြောန့် ကိုယ်တော်ဟာ အယ်မျိုး စောင်ဇမ်းနှော့-ကံယှစ်ရှင်းလေဟို ကိုယ်တိုင်ခံဘီး ဆင်းရဲဒေါက်ခလေန ကျင်လည်ဖူးဟူကြောန့် စောင်ဇမ်းနှော့-ကံယှစ်ရှင်းမူရာလေန တို့ကြောင်ရဟူသူလေဟို ကူညီမဇဟိုတွပ် တတ်နိုင်တော်မူလေဟယ်။

3 အယ်ကြောန့် ကောန်းဂန်ဘောင်န စပ်ဆိုင်ဟူ ခေါ်ယူရှင်းကျေးဇူးဟို ခံရဟူသူ သန့်ရှင်းဟူ ညီကို မောန်နမလေ၊ နို့လေဝန်ခံဟူ တမန်တော်န ယဇ်ပုရောဟိတ်မန်းဖြစ်ဟူ ယေရုရဲ့ကြောန်းဟို စေ့စေ့ဆင်ခြင်ဂေပါ။ 2 မောရေဟာ ဘုရားသခင်ရဲ့ အီတော်တအီလောင်းဟို သစ်စာစောန့်ဟူမျိုး ယေရုဟာ သူ့ဟို ခန့်အပ်ဟားဟူသူရဲ့ မူတော်ဟို သစ်စာစောန့်တော်မူဟယ်။ 3 အီဟိုဆော့-ကံဟူသူဟာ အီထတ် ပိုဘီး ဂေါင်သရေရှိဟူမျိုး ယေရုဟာ မောရေထတ် ပိုဘီး မြင့်မြတ်ဟူ ဖောင်းသရေတော်ဟို ခံထိုက်ဟူသူ ဖြစ်ဟယ်။ 4 ဖြားဖြစ်ကြောန့်နူးဆိုဟာ အီဟို ယော့-ကံယော့-ကံဟု ဆော့-ကံရဟူဇာဖြစ်ဟယ်။ ရှိမျှဂူလောင်းဟို တည်ဆော့-ကံဟူသူဟာ ဘုရားသခင်ဘဲဖြစ်ဟယ်။ 5 မောရေဟာ နာဂတ်ကာလတွပ် ဟောပြောမယ့် ရာလေဟို သတ်သေခံဟိုတွပ် စေခံကျွန်တယု-ကံဟူမျိုး အီတော်တအီလောင်းဟို သစ်စာစောန့်လေဟယ်။ 6 ခရစ်တော်ဟာ ဘုရားသခင်ရဲ့ အီတော်ဟို စိုးရဟူ သားတော်နေန

အောက်စိုးဘီး သစ်စာစောင့်တော်မူဟု။ နို့လေဟာ ရဲရင့်ရှင်း၊ မျှော်လင့်ရှင်းလေန ဝါကြားဝန်းသာဘီး ဆောင်းထိ
ယောင်ကြည်စို့ခွဲရှင်းရှိမယ် ဆိုဟာ နို့လေဟာ ကိုယ်တော်ရဲ့အိတော်ဖြစ်လေဟု။ 7 အယ်ကြောန့် သန့်ရှင်းဟူဝိညာဉ်တော်
မိန့်တော်မူဟူ၏။ “အယ်နေမာ နန်းနို့လေဟာ ဘုရားသခင်ရဲ့ ဗျာဒိတ်တော်သံဟို့ ကြားရဂေဟူကြောန့် 8 စိန်လောင်း
ခိုင်မာရေ။ နန်းနို့ဘိုးဘေးလေဟာ ကိုယ်တော်ဟို့ ပေါင်ကန်ဘီး တောကန္တာရမာ မျိုးမျိုး စောင်ဇမ်းရေဟု။ သူးနို့လေ
ခေါင်းမာဟူမျိုး နန်းနို့ခေါင်းမာရေ။ 9 နန်းနို့ဘိုးဘေးလေဟာ နှစ်လေးဆယ်လောင်းလောင်း ငါပြုဟူ မူရာလေဟို့
ပြင်ရဟူလည်းဘဲ ငါ့ဟို့ဆန်ကျင်ဘီး စောင်ဇမ်းရေဟု။ 10 အယ်မျိုးဖြစ်ဟို့ အယ်မျိုးဆစ်ဟို့ ငါမျစ်ထွပ်ဘီး ‘သူးနို့လေဟာ
မြဲဒမ်းဘဲ စိသဘော မှားယွင်းတတ်ဂေဟု။ ငါ့ရဲ့ အလေ့လာ ငါ့ရဲ့ တရားလမ်းဟို့ သိဂေဟု’ ဆိုဘီး ငါဆိုရဟု။ 11
အယ်ကြောန့် သူးနို့လေဟာ ‘ငါ့ရဲ့ ငြိပ်ရှင်းထဲဟို့ ဝမ်ရေဂေဟို့ မူဟု’ ဆိုဘီး မျစ်ထွပ်ဟူကြောန့် ငါကီဆိုဟု။” ဆိုဘီး
မိန့်တော်မူဟူတိုင်း၊ 12 ညီကို မောန်နှမလေ၊ သတ်ရှင်တော်မူဟူ ဘုရားသခင်ဟို့ ကျောခိုင်းဟူ၏အားဖြင့် မယောင်ကြည်ဘဲ
ဆိုးညစ်ဟူစိန်လောင်း မေ့ဘဲနေဟို့တွပ် ဒီထားဂေပါ။ 13 ပြစ်ဒုစရိုက် လှည့်ဇားဟူ၏အားဖြင့် နန်းနို့စိန်လောင်း
ခိုင်မာဘဲနေဟို့တွပ် အယ်နေ ဆိုဘီး ခေါ် ဟူခီရှိဟူမျှ ကာလပတ်လောင်း ရှင်းရှင်း တယော-က်ဟို့တယော-က် အားပေးဘီး
တိုက်တွန်းနို့ဆော်ဂေပါ။ 14 ဖြားဖြစ်ကြောန့်ဆိုဟာ နို့လေဟာ စိစွဲလန်းရှင်းန စပြုဟူမျိုး ဆောင်းထိ စိညွှယ်ောင်ကြည်မယ်
ဆိုဟာ ခရစ်တော်န စပ်ဆိုင်ဟူသလေ ဖြစ်ဟု။ 15 ကျမ်းစာတော်ဟု “အယ်နေမာ နန်းနို့လေဟာ ဘုရားသခင်ရဲ့
ဗျာဒိတ်တော်သံဟို့ ကြားရဂေဟူကြောန့် ဆန်ကျင်ဖတ်ပြုဟူ ကာလမာရှိဟူမျိုး စိန်လောင်းခိုင်မာရေ” ဆိုဘီး
ဖော်ပြလေဟု။ 16 အယ်မျိုး ကြားဘီးမှ ဆန်ကျင် ပေါင်ကန်ဟူသလေဟု ဖယ်သုလေနူး။ မောရေရှော-က်ဟို့လိုက်ဘီး
အဲဂုတ္တုပြည်ဟု ထွပ်လာဟူသု ဂူလောင်းဟာ အယ်မျိုးပြုဂေဟုယ် မူဟုလော။ 17 နှစ်လေးဆယ်လောင်းလောင်း
ဘုရားသခင်ရဲ့ မျစ်တော်ဟို့ ခံရဟူသုဟာ ဖယ်သုလေနူး။ ဒုစရိုက်ဖြစ်ဟို့ ပြုဟူကြောန့် တောကန္တာရထဲမာ လဲဘီး
သေဂေဟူသုလောဘဲ မူဟုလော။ 18 “နန်းနို့လေဟာ ငါ့ရဲ့ ငြိပ်ရှင်းထဲဟို့ ဝမ်ရေဂေဟု” ဆိုဘီး ကီဆိုခံရဟူသုလေဟာ
ယောင်ကြည်ဘဲဟူ သုဟုလွဲဘီး ဖယ်သုရှိနူး။ 19 အယ်ကြောန့် သူးနို့လေဟာ ယောင်ကြည်ဘဲဟူကြောန့် ဝမ်နိုင်ဘဲဇာဟို့
နို့လေသိရဂေဟု။

4 အယ်ကြောန့် ဘုရားသခင်ရဲ့ ငြိပ်ရှင်းထဲဟို့ ဝမ်ရဟူခွမ်ဟို့ ပေးဟူ ဂဒီတော်ဟာ နို့လေမာရှိနေရဲန နန်းနို့ထဲဟု
ဝမ်စားရဘဲဟူသု တယော-က်လည်း မေ့ဘဲနေအောန် ဒီပြုဂေဇို့။ 2 ဖြားဖြစ်ကြောန့်ဆိုဟာ နို့လေလည်း
အယ်သုလေမျိုး ဝန်းသာဇာ ဒန်းကောန်းဟို့ ကြားရဂေဘီ။ အယ်ဘေမဲ့ သူးနို့ကြားရဟူ ဒန်းကောန်းဟာ
ယောင်ကြည်ရှင်းပါဘဲကြောန့် သူးနို့တွပ် ကျိုးမြဟု။ 3 ယောင်ကြည်ဟူ နို့လေဟာ ဘုရားသခင် ဂဒီထားတော်မူဟူ
ငြိပ်ရှင်းထဲဟို့ ဝမ်ရဂေဟု။ အယ်မူတိုင်းဘဲ ဗျာဒိတ်တော်ဟု၊ “သူးနို့လေဟာ ငါ့ရဲ့ ငြိပ်ရှင်းထဲဟို့ ဝမ်ရဂေဟု
ဆိုဘီး မျစ်ထွပ်ဟူကြောန့် ငါကီဆိုဟုယ်” ဆိုဘီး လာဟုယ်။ ငြိပ်ရှင်း ဆိုဇာဟာ ကမ္ဘာဦးစဟု ဖန်ဆင်းဟူမူရာလေ
ပီးဆောင်းဘီး ငြိပ်နားယူဟူ ငြိပ်ရှင်းဟို့ ဆိုလိုဟူ၏ဖြစ်ဟု။ 4 ကျမ်းစာဟု ခွန်နစ်ရစ်မြော-က်ဟူ နေနပတ်သတ်ဘီး
“ဘုရားသခင်ဟာ ခွန်နစ်ရစ်မြော-က်ဟူနေမာ သူ့ရဲ့မူရာလေ ရှိဟူမျှအားလောင်း ပီးစီးဟူကြောန့် ငြိပ်ဘီး
နေတော်မူဟုယ်” ဆိုဘီး လာလေဟုယ်။ 5 နော-က်ဘီး “သူးနို့လေဟာ ငါ့ရဲ့ ငြိပ်ရှင်းထဲဟို့ ဝမ်ရဂေမယ် မူဟု”
ဆိုဘီး အယ်နေရာမာ ဆိုဟားဟုယ်။ 6 အယ်ကြောန့် အယ်မူ ငြိပ်ရှင်းထဲဟို့ ဝမ်ရဟူခွမ်ဟာ တချို့လူလေတွပ်
ရှိသေးဟုယ်။ ဝန်းသာဇာ ဒန်းကောန်းဟို့ ပထမဦးဆောင်း ကြားရဟူသုလေဟာ ယောင်ကြည်ဂေဘဲကြောန့် ဝမ်ရဂေဟု။ 7
အယ်ကြောန့် ဘုရားသခင်ဟာ နေတနေဟို့ “အယ်နေ” ဆိုဘီး ဆစ်ဘီး ညွှတ်တော်မူဘီးဟာ နော-က်နစ်ပေါန်း ကြာလာဟူ
ခီမာ စဟု ဖော်ပြဟားဟူတိုင်း၊ “အယ်နေမာ နန်းနို့လေဟာ ဘုရားသခင်ရဲ့ ဗျာဒိတ်တော်သံဟို့ ကြားရဂေဟူကြောန့်
ခိုင်မာဟူ စိန်လောင်း ရှိဂေ” ဆိုဘီး ဒါဝိဒ်အားဖြင့် မိန့်တော်မူလေဟုယ်။ 8 တကယ်ဟို့ ယောရူပေးဟူ ငြိပ်ရှင်းဟာ

ဘုရားသခင် ဂဒိထားတော်မူဟူ ငြိပ်ရှင်း ဖြစ်ဟုယ် ဆိုဟော တခြား နေ့ရစ်တရစ်ကြောင်းဟို့ မိန့်တော်မူဟို့ မူဟူ။ 9 အယ်မျိုးဖြစ်ကြောန့် ဘုရားသခင်ရဲ့ လူမျိုးတော်တွပ် ငြိပ်ရှင်း တမျိုးကျန်ရှိသေးဟယ်။ 10 ဖြားဖြစ်ကြောန့်နူးဆိုဟော ဘုရားသခင်ဟာ သူရဲ့ ဖန်ဆင်းဟူမှုရာလေ ပီးစီးဟူကြောန့် ငြိပ်ဘီး နေဟူမျိုး အယ်ငြိပ်ရှင်းထဲဟို့ ဝမ်ရဟူသူဟုလည်း ကိုယ်ရဲ့မူရာလေဟို့ ပီးစီးဟူကြောန့် ငြိပ်ဘီး နေရလေဟယ်။ 11 အယ်ကြောန့် သူးနို့ရဲ့ နာခံဘဲဟူ ပေါင်ဇံဟို့လိုက်ဘီး ဖယ်သူတယော့-ကလည်း ပြုလဲဘဲ အယ်ငြိပ်ရှင်းထဲဟို့ ဝမ်ရဟို့တွပ် ကြိုးစားအားထုဂေဇို။ 12 ဘုရားသခင်ရဲ့ စကားတော်ဟာ သတ်ရှင်ရှင်း၊ တဂိုးနပြုပြင်ရှင်း၊ သန်လျက်လေထတ် ထတ်ရှင်းမူနု ပွဲဇောင်ဟူကြောန့် သတ်နု စိပ်ညာဉ်ဟို့ဖြစ်ဖြစ်၊ ရိုးဆစ်န ခြင်ဆီဟို့ဖြစ်ဖြစ် ပိုင်းခြားဘီး ထောက်ချင်းခွမ်းတတ်ဟယ်။ စိန်လောင်း ကြံစည်လေဟို့လည်း ထိုးထွမ်းဘီး သိပြင်နိုင်ဟယ်။ 13 ဘုရားသခင်ရဲ့ မျစ်မော့-ကံတော်မာ ထန်ရှားဘဲဟူစာ ဖြားဇာလည်း မေ့ဟူ။ ဖန်ဆင်းဟားဟူ ရှိမျှဂူလောင်းဟို့ မျစ်မော့-ကံတော်မာ ကွယ်ကာမေ့ဘဲန လှန်ဟားလေဟယ်။ နို့လေဂူလောင်းဟာ ကိုယ်ပြုဟူ မူရာလေရှိဟူမျှ ကိုယ်တော်ရဲ့ စစ်ကြောစီရင်ဇာဟို့ ခံရဂေလေမယ်။ 14 အယ်ကြောန့် ကောန်းဂန်ဘောင်ထဲဟို့ ကြွဝမ်တော်မူဟူ ယဇ်ပရောဟိတ် မန်းဂီးဖြစ်ဟူ ဘုရားသခင်ရဲ့ သားတော်ယေရှုဟာ နို့လေရဲ့ ယဇ်ပရောဟိတ်မန်းဂီး ဖြစ်ဟူကြောန့် နို့လေဟာ ယောင်ကြည်ဝန်ခံဟူ ရာလေဟို့ စွဲစွဲမြဲမြဲ ကိုင်ဆွဲဟားဂေဇို။ 15 နို့လေရဲ့ ယဇ်ပရောဟိတ် မန်းဂီးဟာ နို့လေခံရဟူ ဆင်းရဲ ဒေါက်ခလေကြောန့် ကြင်နာနိုင်ဘဲဟူသူ မူဟူ။ နို့လေခံရဟူမျိုး စောင်ဇမ်း နော့-ကံယှစ်ရှင်း မျိုးမျိုးဟို့ ခံစားဖူးဟူသူ ဖြစ်ဟယ်။ အယ်ဘေမဲ့ ကိုယ်တော်ဟာ ဒုစရိုက်ပြစ်န လွတ်ကင်းတော်မူဟယ်။ 16 အယ်ကြောန့် နို့လေဟာ သနားကရုဏာတော်န မစရှင်းကျေးဇူးဟို့ ခံရဟို့တွပ် ရဲရင့်ဟူစီန ကျေးဇူးပလွင်တော် ခေရင်းဟို့ တိုးဝမ်ဂေဇို။

5 လူလေထဲဟု ဝီးကော့-ကံခံရဟူ ယဇ်ပရောဟိတ်မန်းလေဟာ ပြစ်ဖြေဟူယဇ်န ပူဇော်သက္ကာလေဟို့ လူလေကိုယ်စား ဘုရားသခင်ဟို့ ဆစ်ကပ်ပူဇော်ဟို့တွပ် ခန့်အပ်ခံရဟူ သူဖြစ်ဟယ်။ 2 သူဟာ ကိုယ်တိုင်အားနဲချစ် ရှိဟူကြောန့် မိုက်မဲဟူသူ၊ ဖားယွင်းဟူသူလေဟို့ သီးခံဟို့တွပ် တတ်နိုင်လေဟယ်။ 3 အယ်ကြောန့်လည်းဘဲ သူများလေရဲ့ ပြစ်တွပ်ဘဲမှုဘဲန သူပြစ်တွပ်လည်း ပြစ်ဖြေရာယဇ်ဟို့ ပူဇော်ရဟယ်။ 4 အယ်မျိုး ဂေါင်သရေရှိဟူ ရပ်ရာဟို့ ဖယ်သူလည်း ကိုယ့်ကိုယ်ကိုယ် ခံယူရဟူစာ မူဟူ။ အာရန်ဟူမျိုး ဘုရားသခင် ခေါ်ယူတော်မူဟူ ဇာအားဖြင့်ဘဲ ခံယူရရှိနိုင်ဟယ်။ 5 အယ်မျိုးဘဲ ခရစ်တော်ဟာ ယဇ်ပရောဟိတ်မန်းရဲ့ ရပ်ရာဟို့ ကိုယ့်ကိုယ်ကိုယ် ချီးမြှေး-ကံဟူ ဇာမှုဘဲန “နန်ဟာ ငါ့သား ဖြစ်ဟယ်။ အယ်နေ့ဘဲ ငါဟာ နန်ရဲ့ဖ ဖြစ်လာဟယ်” ဆိုဘီး မိန့်တော်မူဟူ သခင်ဟာ ခရစ်တော်ဟို့ ချီးမြှေး-ကံတော်မူဟူစာ ဖြစ်ဟယ်။ 6 တခြားကျမ်းလေမာလည်း “နန်ဟာ မေလခိဇေဒက်ဟူမျိုး ထာဝရ ယဇ်ပရောဟိတ် ဖြစ်ဟယ်” ဆိုဘီး ပြောဟားဟယ်။ (aiōn g165) 7 ခရစ်တော်ဟာ လူဇာတိန သတ်တော်ထန်ရှား ရှိနေဟူခီဟု သူဟို့ သေရှင်းဟုနေ ကယ်တန်နိုင်ဟူ ဘုရားသခင်နားဟို့ ကြွေးကြော် မျစ်ရယ်ကွဘီး ဆုတောင်းသနားခံဟူကြောန့် အယ်မူ ကြည်ညိုမှုအားဖြင့် ဘုရားသခင်ဟာ နားထောန်တော်မူဟယ်။ 8 ကိုယ်တော်ဟာ ဘုရားသခင်ရဲ့ သားတော် ဖြစ်ဟူလည်းဘဲ ဆင်းရဲဒေါက်ခဟို့ ခံဟူဇာအားဖြင့် နားထောန်ရှင်း ကျိုးကြောင်းဟို့ သန်ယူတော်မူဘီး၊ 9 စောင်လင်ရှင်းဟို့ ရော့-ကံဘီးမှ ယောင်ကြည်နားထောင်ဟူ သူလေဟို့ ထာဝရကယ်တန်ရှင်း ကျေးဇူးဟို့ ပြုဟူသူ ဖြစ်တော်မူဘီး၊ (aiōnios g166) 10 မေလခိဇေဒက်ဟူမျိုး ယဇ်ပရောဟိတ်မန်း ဆိုဘီး ဘုရားသခင် သမုတ်ဇာဟို့ ခံရလေဟယ်။ 11 အယ်မူ မေလခိဇေဒက်ရဲ့ ကြောန်းဟို့ နို့လေ ပြောဇာဘောင်ဂီး ရှိဟူလည်းဘဲ နန်းနို့လေဟာ ဉာဏ်နဟူကြောန့် ပြောပြရခတ်ဟယ်။ 12 တကယ်ဘဲ နန်းနို့လေဟာ ခီကာလလေ ကြာလာဘီ ဖြစ်ဟူကြောန့် ဆရာဖြစ်ဟို့ ရော့-ကံသင့်ဟူလည်းဘဲ ဘုရားသခင်ရဲ့ တရားတော်ဟို့ ခြေခံဟုနေစဘီး သူများလေနားမာ သန်ယူရဟို့ကြောန်း ရှိဟူကြောန့် ကြေခဲဟူစာဟို့ စားနိုင်ဘဲန နို့ဟို့ဘဲ သော့-ကံရဟူသူ ဖြစ်ဂေဟယ်။ 13 နို့ဟို့ဘဲ သော့-ကံဘီး သတ်ရှင်ဟူသူဟာ နို့စို့သားဂန်းဟား ဖြစ်ဟူကြောန့် ဖြောန့်မတ်ဟူ တရားန ရင်းနီးကျွမ်းဝမ်ရှင်း မေ့ဟူ။ 14 ကောန်းလော၊ ကောန်းဟုလော၊ ဆိုဇာဟို့ ပိုင်းခြားဘီး သိဟူဉာဏ်န လေ့ကျင့်ရှင်းရှိဘီး စောင်လင်ဟူ ရွယ်ဟာ ကြေခဲဟူစားဇာဟို့ဘဲ စားဂေဟယ်။

6 အယ်ကြောန့် နို့လေဟာ ခရစ်တော်နု ဆိုင်ဟူ ခြေခံသွန်သန်ချစ်လေဟို ထားရစ်ဘီး စောင်လင်ရင့်ကျက်ရှင်းဟို တတ်လှမ်းဂေ့ဇို။ သေရှင်းနု ဆိုင်ဟူကျင်လေဟု နောန်ဒရရှင်းလေ၊ ဘုရားသခင်ဟို ယောင်ကြည်ရှင်းလေ။ **2** ဗတ္တိဇံနု ဆိုင်ဟူသွန်သန်ရှင်းလေ၊ လတ်တန်မင်္ဂီလာလေ၊ သေဟားဘီးသူလေ ရှင်လွန်ထမြော့-က်ဟူကြောန်းလေ၊ ထာဝရပြစ်ဒန်စီရင်ဟူ ကြောန်းရာလေဟို ထပ်ဘီး ခြေပြုဘဲနေဂေ့ဇို။ (aiōnios g166) **3** ဘုရားသခင် ခွမ်းပေးမယ် ဆိုဟာ နို့လေ အယ်မျိုးလောက်ဂေ့မယ်။ **4** လန်းရောန်ထဲဟို တခါရော့-က်ဘီး၊ ကောန်းဂန် ဆုကျေးဇူးလေဟို ဗြစမ်းရဘီး၊ သန်ရှင်းဟူဝိညာဉ်တော်ဟို ခံယူဘီး။ **5** ဘုရားသခင်ရဲ့ ကောန်းမြတ်ဟူ စကားတော်နု နော့-က်ကပ်ကာလ တဂိုးလေဟို ဗြစမ်းရဘီးမူ။ (aiōn g165) **6** ရွှေလျော့ဘီး ဖော့-က်ပွန်ဟူ သူလေဟာ ဘုရားသခင်ရဲ့ သားတော်ဟို သူးနို့ကိုယ်တိုင် လတ်ဝါးကပ်တိုင်မာ ကွပ်မျစ်ဘီး လူလေရှေ့မာ ကဲ့ရဲ့ရှုတ်ဆွဟူ သူလေဖြစ်ဟူကြောန့် နော့-က်ထပ် နောန်ဒရရှင်းဟို ရော့-က်စေနိုင်ဟူ။ **7** ဥပမာ ယွေဂီးဟာ သူထတ်ဟို ခါဘီးခါ ကွဟူ မိုးရေဟို သော့-က်ဘီးစိုက်ပျိုးဟူသူလေတွပ် သီးနှံလေဟို ဖြစ်ထွန်းစေတတ်ဟယ် ဆိုဟာ ဘုရားသခင်နားဟာ ကောန်းဂျီးမင်္ဂီလာဟို ခံစားရဟယ်။ **8** အယ်ဘောမဲ့ အယ်ယွေဂီးဟာ ဆူးဗန်မျိုးမျိုးဟို ပေါက်စေဟယ် ဆိုဟာ သောင်းစားမရဘဲကြောန့် ကြာခန်မာ ကီရှင်းဟိုခံရဘီး နော့-က်ဆောင်းမာ မီးရှို့ရှင်းခံရလေဟယ်။ **9** ရှစ်ရဟူ ညီကို မောန်နှမလေ နို့လေအယ်မျိုးပြောဟူလည်းဘဲ နန်းနို့တွပ်ဟာ ကယ်တန်ရှင်းနု ဆိုင်ဟူဇာလေ၊ ပိုဘီး ကောန်းဟူဇာလေနု ဆိုင်ဟယ် ဆိုဇာဟို နို့လေ ယောင်ကြည်စီဆွဂေ့ဟယ်။ **10** ပြားဖြစ်ကြောန့်နုဆိုဟာ နန်းနို့လေဟာ သန်ရှင်းဟူသူလေဟို ရင်းရင်းဒူးဟာ လောက်ကျွေးပြုစုဟူမျိုးဘဲ ခုလည်း လောက်ကျွေးပြုစုဘီး ကိုယ်တော်ရဲ့ နာမတော်ဟို ထော့-က်ဘီး နန်းနို့ပြဟူ ရှစ်ရှင်းမြစ်တာလေဟို မေ့ဟားရလော့-က်အောန် ဘုရားသခင်ဟာ တရားဘဲဟူသခင် မူဟူ။ **11** နန်းနို့ ယော့-က်စီတိုင်ဟာ မျှော်လင့်ရှင်းနုဆိုဟို စီဆွမူ ပဲ့ပဲ့ဝဝရိဂေ့ဟိုတွပ်နု အယ်မျိုး စီအားထတ်သန်ရှင်းဟို ဆောင်းထိ ပြနိုင်ဟို့တွပ် နို့လေလိုရှင်ပါဟယ်။ **12** အယ်မျိုး နန်းနို့လေဟာ ပျင်းဂေ့ဘဲနု ကြိုးစားအားထုဘီး ယောင်ကြည်ရှင်း၊ စီရယ်ရှင်းအားဖြင့် ဂဒိတော်ဟို မွီဆစ်ခံဟူသူလေ ဖြစ်ဂေ့ဟို့တွပ် ဖြစ်ဟယ်။ **13** ဘုရားသခင်ဟာ အာဗြဟံဟို ဂဒိပေးဟူ ခီမာ တိုင်တည်ကီဆိုဟို့တွပ် သူထတ်ကီးမြတ်ဟူသူ မော့ဘဲဟူကြောန့် ကိုယ့်ကိုယ်ကိုယ် တိုင်တည်ကီဆိုတော်မူဘီး။ **14** “ငါဟာ နန်ဟို မြဒမ်းကောန်းဂျီးပေးဘီး နန်ရဲ့ မျိုးနွယ်ဟို ပွားများစေမယ်” ဆိုဘီး မိန့်တော်မူဟယ်။ **15** အယ်မျိုး အာဗြဟံဟာ စီရယ်ရှယ်နု စောန်နေဟူကြောန့် ဂဒိတော်ဟို ခံစားရလေဟယ်။ **16** လူလေဟာ ကိုယ့်ထတ်ကီးမြတ်ဟူ သူလေဟို တိုင်တည်ကီဆိုလေရိုဘီး အယ်မျိုး တည်ပြုပြောဆိုဟူ ဂဒိသစ်စာဟာ ရှင်းရှင်း ဂြင်းဆူဟူ ငြီးအေးစေတတ်ဟယ်။ **17** အယ်ကြောန့် ဂဒိတော်ဟို မွီခံရဟူသူလေဟာ ဘုရားသခင်ရဲ့ ကြံစည်တော် ဖော့-က်လွန်ဘဲဟူ ကြောန်းဟို သိရဟို့တွပ် ဘုရားသခင်ဟာ ကီဆိုရှင်းအားဖြင့် အာမခံတော်မူလေဟယ်။ **18** ပြားဖြစ်ကြောန့်နုဆိုဟာ ဘုရားသခင်ဟာ မုသားသောင်းနိုင်ဘဲဟူ ရာဖြစ်ဟူ ဖော့-က်လွန်ဘီး လွှောန်းလဲနိုင်ဘဲဟူ ရာနေပီးဟို မှီပြုဘီး ကိုယ့်ရှေ့မာ ထားဟားဟူ မျှော်လင့်ရာဟို ခိုလှုံဟို့တွပ် လွှော့ဟူနို့လေဟာ သတ်သာမူ ကီးကီးမားမား ရဟို့တွပ် ဖြစ်ဟယ်။ **19** အယ်မျှော်လင့်ချစ်ဟာ နို့လေရဲ့စိတ်ညာဉ်တွပ် မြဲမြံခိုင်ခန့်ဟူ စီနုလောင်းရဲ့ ကွော့-က်ဆူးဟူမျိုး နို့လေမာရှိဘီး ဗိမာန်တော်လိုက်ကာထဲဖတ်ဟို ဝမ်ရော့-က်လေဟယ်။ **20** မေလခီဇေဒက်ဟူမျိုး ထာဝရ ယဇ်ပုရောဟိတ်မန်းဖြစ်ဟူ ယေရုဟာ နို့လေတွပ် အယ်ဌာနတော်ထဲဟို ရှေ့ဆောန်ဘီး ဝမ်ဟူသူဖြစ်လေဟယ်။ (aiōn g165)

7 အယ်မူ မေလခီဇေဒက်ဟာ ရှာလင်မန်းဂီးဖြစ်ဘီး ဗြင့်ဆောင်းဖြစ်ဟူ ဘုရားသခင်ရဲ့ ယဇ်ပုရောဟိတ်ဖြစ်ဟယ်။ သူဟာ မန်းဂီးလေးပါးဟို စစ်နိုင်ဘီး လွန်လာဟူ အာဗြဟံဟို ခရီးဦးကြိုပြုဘီးဟာ ကောန်းဂျီးပေးဟူသူ ဖြစ်ဟယ်။ **2** အာဗြဟံဟာ သူတိုက်ယူလာဟူ အောက်စာပစ်စီးလေရဲ့ ဆယ်ဖို့တဖို့ဟို သူဟို ပေးလှူလေဟယ်။ (မေလခီဇေဒက် ဆိုဘီး ဒေါ်ဟူ နာမယ်ရဲ့ ဓိပါယ်ဟာ “ဖြောန်မတ်ရှင်းရဲ့ မန်းဂီး” ဖြစ်ဟယ်။ သူဟာ ရှာလင်မြို့ရဲ့ မန်းဂီးလည်း ဖြစ်ဟူကြောန့် သူနာမယ်ဟာ “ငြိသတ်ရှင်းရဲ့ မန်းဂီး” ဆိုဘီးလည်း ဓိပါယ်ရလေဟယ်။) **3** သူမာ ဖလည်း မေ့ဟူ။ မိလည်း မေ့ဟူ။ ရှေးမျိုးရိုးစဉ်ဆစ်လည်း မေ့ဟူ။ သတ်တာရဲ့ စလည်း မေ့ဟူ။ ဆောင်းလည်း မေ့ဘဲဟူ။

ဘုရားသခင်ရဲ့ သားတော်နုတူဘီး ယဇ်ပုရောဟိတ်ရာမာ ဗြဒမ်း တည်လေဟယ်။ **4** နို့မျိုးနွယ်လေရဲ့ ထန်ရှားဟူဖ အာဗြဟံဟာ စစ်ပွဲဟုနေ သီးယူရလာဟူ အောက်စာပစ်စီးလေဟို ဆယ်ဖို့တဖို့လူဟူကြောန့် သူလူဇာဟို ခံယူဟူ အယ်မန်းဂီးဟာ ဖယ်လော့-က် ကီးမြတ်မယ် ဆိုဇာဟို ဆင်ခြင်ကော့ဂေပါ။ **5** ယဇ်ပုရောဟိတ်ရပ်ရာဟို ခံရဟူ လေဝိသားလေဟာ အာဗြဟံအမျိုးဖြစ်ဟူ သူးနို့ရဲ့ ညီကို မောန်နှမလေလတ်ဟု ပညတ်တရားတိုင်း ဆယ်ဖို့တဖို့ဟို ခံယူရဟူခွဲမှ ရှိဂေဟယ်။ **6** မေလခိဇေဒက်ဟာ လေဝိမျိုးနွယ် မှုတ်ဟူလည်းဘဲ အာဗြဟံနားဟု ဆယ်ဖို့တဖို့လူဟို ခံယူဘီး ဘုရားသခင်ရဲ့ ဂဒိတော်ခံရဟူ အာဗြဟံဟိုလည်း ကောန်းဂျီးပေးလေဟယ်။ **7** ကီးဟူသူဟာ ငယ်ဟူသူဟို ကောန်းဂျီးပေးတတ်ဟူဇာဟို ငြင်းခူဇာကြောန်းမေ့ဟ။ **8** အယ်နေရာမာ သေတတ်ဟူသူလေဟာ ဆယ်ဖို့တဖို့ဟို ခံယူလေ့ရှိဟယ်။ အယ်မူခီမာဟု သတ်ရှင်ဟယ် ဆိုဘီး သတ်သေခံဟူဇာဟို ရဟူသူဟာ ဆယ်ဖို့တဖို့ဟို ခံရဟယ်။ **9** အယ်ကြောန့် ဆယ်ဖို့တဖို့ခံယူဟူ လေဝိဟာ အာဗြဟံအားဖြင့် ဆယ်ဖို့တဖို့ဟို ပေးလူဟယ် ဆိုဘီး ပြောဟိုရဟယ်။ **10** ဖြားဖြစ်ကြောန့်နူးဆိုဟာ အာဗြဟံဟာ မေလခိဇေဒက်နတို့ဟူ ခီမာ မွီးဖွားလာမယ့်လေဝိဟာ သူဖအာဗြဟံရဲ့ ကိုယ်ထဲမာ ရှိနေဟူကြောန့်ဖြစ်ဟယ်။ **11** လူလေဟာ လေဝိနွယ်နဆိုင်ဟူ ယဇ်ပုရောဟိတ် ရပ်ရာထတ်မာ ခြေခံဘီး ပညတ်တရားဟို ခံရဂေဟူဖြစ်ကြောန့် အယ်မျိုးနွယ်အားဖြင့် စောင်လင်ရှင်းဟိုရော့-က်မယ် ဆိုဟာ အာရန်နတူဟူ ယဇ်ပုရောဟိတ်မျိုးမှဘဲန မေလခိဇေဒက်ဟူမျိုး ယဇ်ပုရောဟိတ်ဟာ နော့-က်ထပ် ပေါ်ထွပ်လာဟို ဖယ်မျိုးလိုအီးမယ်နူး။ **12** ယဇ်ပုရောဟိတ်အမျိုး ညှောန်းလဲတတ်ဟယ် ဆိုဟာ ပညတ်တရားဟာ ညှောန်းလဲဘဲန နေဟ။ **13** နို့လေရဲ့ သခင်ဘုရားဟာ လေဝိနွယ်ဝမ် မူဟု၊ တခြားမျိုးနွယ်ဟု ဆင်းသတ်ဟူသူဖြစ်ဟယ်။ အယ်ကြောန့် တခြားမျိုးနွယ်လေဟာ ယဇ်ပုလွင်ဝတ်ဟို တယော့-က်မှလည်း လောက်ဆောန်ဖူးဇာ မူဟ။ **14** ဖြားဖြစ်ကြောန့်နူးဆိုဟာ နို့လေရဲ့သခင်ဟာ ယုဒမျိုးနွယ်ထဲဟုနေ ပေါ်ထွပ်လာဟယ် ဆိုဇာ ထန်ရှားပါဟယ်။ ယဇ်ပုရောဟိတ်ရာဟာ ယုဒမျိုးနွယ်န စပ်ဆိုင်ဟယ် ဆိုဇာဟို မောရေဟာ တခွန်းလည်းဘဲ ပြောဟ။ **15** နော့-က်ဘီး မေလခိဇေဒက်နတူဟူ တခြားယဇ်ပုရောဟိတ်တပါး ပေါ်ထွပ်လာဟယ် ဆိုဟာ ယဇ်ပုရောဟိတ်အမျိုး ညှောန်းလဲဟားဘီ ဆိုဇာ ပိုဘီး ထန်ရှားဟယ်။ **16** အယ်သခင်ဟာ ကိုယ်ခန္ဓာနစပ်ဆိုင်ဟူ ပညတ်တရားတိုင်း ခန့်ဟားဇာမှဘဲ ပျစ်စီးနိုင်ဘဲဟူ ထာဝရသတ်ရဲ့ တဂိုးအာနဘော်တော်အားဖြင့် ယဇ်ပုရောဟိတ်ရာမာ ခန့်ဟားဇာဖြစ်ဟယ်။ **17** ဖြားဖြစ်ကြောန့်နူးဆိုဟာ ကျမ်းစာတော်ဟု “နန်ဟာ မေလခိဇေဒက်ဟူမျိုး ထာဝရ ယဇ်ပုရောဟိတ် ဖြစ်ဟယ်” ဆိုဘီး သတ်သေခံဟားလေဟယ်။ (aiṯn g165) **18** ရင်းရင်းဒူးဟု ပညတ်ဟောင်းဟာ အားနဲဘီး ဖယ်သူဟိုမှလည်း စောင်လင်ရှင်းဟို ရော့-က်စေနိုင်ဘဲကြောန့် ပယ်ဖျင်ဟူ ဇာဟို ခံရဟယ်။ **19** မောရေရဲ့ ပညတ်တရားဟာ အားမေ့ဘဲ ကျိုးဟိုပေးနိုင်ဘဲကြောန့် ဖယ်ရှားဟူဇာဟို ခံရဟယ်။ အယ်ဘေမဲ့ ခုခီမာ နို့လေဟာ အယ်ပညတ်တရားထတ် ပိုဘီး ကောန်းဟူ မျှော်လင့်ရှင်းခွဲမှ ရဘီဖြစ်ဟူကြောန့် အယ်မူ မျှော်လင့်ရှင်းအားဖြင့် ဘုရားသခင် နားဟို တိုးဝမ်ချဉ်းကပ်ဂေဟယ်။ **20** အယ်လော့-က်နမကဟု အယ်မူမူရာဟာ ဂဒိသစ်စာ ပြုဟူဇာပါဘဲန ဖြစ်လာဟူဇာ မူဟ။ ဖြားဖြစ်ကြောန့်နူးဆိုဟာ တခြား ယဇ်ပုရောဟိတ်လေဟာ ဂဒိသစ်စာပြုဟူ ဇာပါဘဲ ယဇ်ပုရောဟိတ်လေ ဖြစ်လာဂေဟယ်။ **21** ကိုယ်တော်ဟို မိန့်တော်မူဟူဇာဟု “နန်ဟာ ထာဝရ ယဇ်ပုရောဟိတ် ဖြစ်ရမယ်” ဆိုဘီး ဘုရားသခင် ဂဒိပေးတော်မူဟူကြောန့် ကိုယ်တော်ဟာ သူရဲ့ဂဒိဟို ညှောန်းလဲလေမယ် မူဟ” ဆိုဘီး ဂဒိသစ်စာပြုဘီး ကိုယ်တော်ဟို မိန့်တော်မူဟူ ဇာအားဖြင့် ယဇ်ပုရောဟိတ် ဖြစ်လာဟယ်။ (aiṯn g165) **22** အယ်မျိုး ကွာခြားမှုရှိဟူကြောန့် ယေရူဟာ ပိုဘီး မြတ်ဟူ ပဋိညာဉ်တရားသစ်ရဲ့ အာမခံ ဖြစ်တော်မူဟယ်။ **23** တခြား ယဇ်ပုရောဟိတ်လေဟာ သေရှင်းတရားအားဖြင့် တာဝန်ဟို ဆစ်ဘီး ထမ်းဆောန်နိုင်ဘဲဟူကြောန့် ယဇ်ပုရောဟိတ်လေ တဘောင်ဂီး ဖြစ်လာဂေဟယ်။ **24** အယ်ဘေမဲ့ ယေရူဟာ နိစ္စထာဝရ သတ်ရှင်ဟူကြောန့် ညှောန်းလဲဘဲဟူ ယဇ်ပုရောဟိတ်ရာဟို ရရှိလေဟယ်။ (aiṯn g165) **25** အယ်ကြောန့် ကိုယ်တော်ဟာ သူ့အားဖြင့် ဘုရားသခင်နားဟို ချဉ်းကပ်ဟူ သူလေဟို ပွဲပွဲဝဝ ကယ်တန်နိုင်လေဟယ်။ ဖြားဖြစ်ကြောန့်နူးဆိုဟာ ကိုယ်တော်ဟာ အယ်သူလေထွပ် ဘုရားသခင်နားမာ သနားခံဟိုတွပ်

ထာဝရ သတ်ရှင်တော်မူဟူကြောင့် ဖြစ်ဟုယ်။ 26 အယ်မျိုး ယဇ်ပုရောဟိတ်မန်းဟာ သန့်ရှင်းစင်ကြယ်ဘီး ညစ်ကျေးမှုေဘဲ ပြစ်ရှိဟူ သူလေန ဆစ်ဆံဘဲဟို ကောန်းဂန်သားလေထတ် မြင့်မြတ်ဟူ သူဖြစ်ဟူကြောင့် နို့လေန သင့်တော်လေဟုယ်။ 27 တခြား ယဇ်ပုရောဟိတ်မန်းလေဟာ ကိုယ့်ပြစ်တွပ်န သူများပြစ်လေတွပ် နေ့တိုင်း ယဇ်ပုဇော်ရဟူမျိုး အယ်သခင်ဟာ ယဇ်ပုဇော်ဇာကြောန်း မေ့ဟူ။ ဖြားဖြစ်ကြောန်းနဲ့ဆိုဟာ သူ့ကိုယ်ဟိုသူ တခါဒဲန ပီးဆောင်းအောန် ယဇ်ပုဇော်ဟူ ဇာအားဖြင့် အယ်မူ မူဟို ပီးစီးစေတော်မူဟုယ်။ 28 မောရှေရဲ့ ပညတ်တရားဟာ အားနဲဘီး စောင့်လင်ဘဲဟူ သူလေဟို ယဇ်ပုရောဟိတ်ရာမာ ခန့်ဟားဟုယ်။ အယ်ဘေမဲ့ ပညတ်တရားနော့-ကံမာ ထာဝရ ကာလပတ်လောင်း စောင့်လင်တော်မူဟူ သားတော်ဟို ယဇ်ပုရောဟိတ်မန်းဖြစ် ကိဆိုတော်မူဟူ ဗျာဒိတ်တော်အားဖြင့် ခန့်ဟားတော်မူဟုယ်။

(aiōn g165)

8 ခုပြောဟူ ကြောန်းရာလေရဲ့ ဓိကချစ်ဟု အယ်မျိုး ယဇ်ပုရောဟိတ်မန်းဟာ နို့လေမာရှိဟုယ်။ ကောန်းဂန်ဘောင်မာ အနန္တတဝိုးရှင်ရဲ့ ပလ္လင်တော် ညာဖတ်မာ ထိုင်နေတော်မူဘီးဟာ။ 2 လူလေဆော့-ကံဟူ ဇာမူဘဲ ဘုရားသခင် ဆော့-ကံတော်မူဟူ။ တဲတော်စစ်မှန်ဖြစ်ဟူ သန့်ရှင်းရာဌာနထဲမာ ကိုယ်တော်ဟာ မူဆောန်တော်မူလေဟုယ်။ 3 ယဇ်ပုရောဟိတ်မန်းဆိုဇာဟာ ပူဇော်သက္ကာန ယဇ်ဟိုပူဇော်ဟိုတွပ် ခန့်ဟားသူဖြစ်ဟူကြောင့် နို့လေရဲ့ ယဇ်ပုရောဟိတ်မန်းမာလည်း ပူဇော်ဆစ်သဟိုတွပ် ယဇ်တခုခရှိရဟုယ်။ 4 ကိုယ်တော်ဟာ အယ်လောက မွေဂီးထတ်မာရှိမယ် ဆိုဟာ ယဇ်ပုရောဟိတ် လောကဇာကြောန်း မေ့ဟူ။ ဖြားဖြစ်ကြောန်းနဲ့ဆိုဟာ ပညတ်တရားတိုင်း ပူဇော်သက္ကာဟို ဆစ်ကပ်ဟူ ယဇ်ပုရောဟိတ်လေဟာ လောကမာ တဘောင်ဂီး ရှိဂေဟူကြောင့်ဖြစ်ဟုယ်။ 5 မောရှေဟာ တဲတော်ဟို ဆော့-ကံဟိုလောက်ဟူခီဟု “တောန်ထတ်မာ နန့်ဟို ငါပြဟူပေါင်စံတိုင်း ဂူလောင်းဟို လောက်ဟိုတွပ် ဒိပြပါ” ဆိုဘီး ဗျာဒိတ်တော်ဟို ခံရဟူဇာဖြစ်ဟူကြောင့် အယ်မူ ယဇ်ပုရောဟိတ်လေဟာ ကောန်းဂန်ထတ်မာရှိဟူ ရာလေရဲ့ နမူနာ ပေါင်ရိန်ဆိုင်ဟူ ဝတ်ဟို စေခံလောက်ဆောန်နေဂေဇာ ဖြစ်ဟုယ်။ 6 အယ်ဘေမဲ့ ခုခီမာ ယေရူဟာ ပိုဘီး မြတ်ဟူ ဂဒိတော်လေနတည်ဘီး ပိုဘီး မြတ်ဟူ ပဋိညာဉ်တရားရဲ့ အာမခံဖြစ်ဟူကြောင့် ပိုဘီး မြတ်ဟူ ယဇ်ပုရောဟိတ်ခွင့်ရာဟို ရတော်မူဟုယ်။ 7 တကယ်ကြောင့် ပထမပဋိညာဉ်တရားဟု ပြစ်တန်ခွင့်န လွတ်ကင်းမယ် ဆိုဟာ ဒုတိယပဋိညာဉ်တရားဟာ တည်ဟိုလိုအပ်ဟူ။ 8 အယ်ဘေမဲ့ ဘုရားသခင်ဟာ သူလူမျိုးလေဟို ပြစ်တန်ဘီး မိန့်တော်မူဟူဇာဟု “ဣသရေလမျိုးသားန ယုဒမျိုးသားလေတွပ် ပဋိညာဉ်တရားသစ်ဟို ငါပြဟူခီကာလ ရော့-ကံလေမယ်။ 9 အယ်ပဋိညာဉ်ဟာ သူးနို့ဘိုးဘေးလေဟို အဲဂုတ္တုပြည်ဟုနေ လတ်ဆွဲဘီး ငါခေါ်ဆောန်လာဟူခီဟု သူးနို့လေဟို ပေးဖူးဟူ ပဋိညာဉ်နတဟို မူဟူ။ သူးနို့လေဟာ ငါပေးဟူပဋိညာဉ်န တည်ဂေဘဲကြောင့် ငါ ဘုရားသခင်လည်း သူးနို့လေဟို ကေ့ရှဘဲနေဟုယ်။ 10 နော့-ကံတခီမာ ဣသရေလမျိုးသားလေဟို ငါပေးမယ့် ပဋိညာဉ်တရားဟု ငါဘုရားသခင်ဟာ ငါပညတ်လေဟို သူးနို့လေရဲ့စိဝိညာဉ်ထဲဟို သွမ်းမယ်။ သူးနို့လေရဲ့ နှလောင်းမာ ရေးဟားမယ်။ ငါဟာ သူးနို့လေရဲ့ ဘုရားဖြစ်ဘီး သူးနို့လေဟာ ငါရဲ့လူမျိုးတော် ဖြစ်ဂေလေမယ်။ 11 ဖယ်သူလေဟုမှ ကိုယ့်မျိုးသားရှင်းဘဲဖြစ်ဖြစ်၊ ညီကိုရှင်းရှင်းဟုဘဲဖြစ်ဖြစ်၊ ‘ဘုရားသခင်ဟို သိဘဲလော’ ဆိုဘီး သွန်သန်ပေးဟိုလိုဟူ။ ဖြားဖြစ်ကြောန်းနဲ့ဆိုဟာ လယ်ဆောင်းဟုနေဘီး ကီးဆောင်းထိ အယ်သူလေ ဂူလောင်းဟာ ငါ့ဟို သိကျွမ်းဂေလေမယ်။ 12 ဖြားဖြစ်ကြောန်းနဲ့ဆိုဟာ ငါဟာ သူးနို့ရဲ့ ပြစ်လေဟို သီးခံမယ်။ သူးနို့လေရဲ့ တရားဘဲဟူ ဇာလေဟို အော့-ကံမေ့ဘဲန နေမယ်” ဆိုဘီး မိန့်တော်မူဟုယ်။ 13 ဘုရားသခင်ဟာ ပဋိညာဉ်သစ် ဆိုဘီး မိန့်တော်မူဟူဇာဟု ပထမပဋိညာဉ်တရားဟို ဟောင်းစေတော်မူကြောင့် ဖြစ်ဟုယ်။ ရွေ့လျော့ဘီး ဟောင်းနွမ်းဟားဟူ ဇာဟာ ကြာခန်မာ ပျော့-ကံကွယ်ဟားလေမယ်။

9 တနည်းဟု ပထမပဋိညာဉ်တရားဟာ ဝတ်ပြုရှင်းနဆိုင်ဟူ စီရင်ပြဌာန်းချစ်ဘဲဖြစ်ဖြစ်၊ လောကီ သန့်ရှင်းရာဌာနတော်နဖြစ်ဖြစ် စပ်ဆိုင်လေဟုယ်။ 2 ဖြားဖြစ်ကြောန်းနဲ့ဆိုဟာ တဲတော်ဟို ပြင်ဆင်ရာမာ

သန့်ရှင်းဆောင်းဌာန ဆိုဘီး ခေါ် ဟူ ပထမခန်းထဲမှာ ဆီမီးခေါင်၊ ဗွဲ၊ ရှေ့တော်မုန ပြင်ဆင်ဟူးလေဟယ်။ 3 ဒုတိယ လိုက်ကာနော- က်မာ ရရာတိုင်း သန့်ရှင်းဆောင်းတဲတော် ဆိုဘီး ခေါ် ဟူ ခန်းရှိဟယ်။ 4 အယ်ထဲမာ နံ့သာလေဟို မီးရှိဟူ ရွှေယဇ်ပလ္လင်န ရွှေနမ္ပန်းမံဟူးဟူ ပဋိညာဉ်သစ်တာရှိဟယ်။ အယ်သစ်တာထဲမာ မန္တမုထုံဟူးဟူ ရွှေအိုး၊ ဖူးထွပ်ဟူ အာရန်ရဲလုံတံန ပဋိညာဉ် ကွေ့- က်ဟူးလေရှိဟယ်။ 5 အယ်မူ သစ်တာထတ်မာ ဖောင်းကီးဟူ ခေရုဗိမ်လေဟာ ပြစ်ဖြေရာပလ္လင်ဟို အောက်မိုးဟူးဂေဟယ်။ အယ်ရာလေဟို ခု သေးသေချားချာ ပြောပြဟို မရဟူ။ 6 အယ်မျိုး ရှိမျှဂူလောင်းလေဟို ပြင်ဆင်ဘီးခီမာ ယဇ်ပုရောဟိတ်လေဟာ တဲတော် ပထမခန်းထဲဟိုဝမ်ဘီး ဝတ်ပြုဟူမူရာဟို နေ့တိုင်း လောက်ဆော်နရဲဂေဟယ်။ 7 အယ်ဘေမဲ့ ဒုတိယခန်းထဲဟို ယဇ်ပုရောဟိတ်မန်း တပါးဒဲဘဲ သူ့တွပ်န သူများလေရဲပြစ်တွပ် ပူဇော်ဟူ သွီးဟိုယူဘီး တနှစ်မာ တခါဒဲဘဲ ဝမ်ရလေဟယ်။ 8 တဲတော်ရဲ ပထမခန်း ရှိနေဟူ ကာလပတ်လောင်း သန့်ရှင်းဆောင်းဌာနတော်ဟို သွားဟူလမ်း ပွမ်သေးဘဲကြောင်းဟို သန့်ရှင်းဟူဝိညာဉ်တော်ဟာ အယ်ဇာအားဖြင့် ရိဟို ပေးလေဟယ်။ 9 အယ်တဲတော်ဟာ မျစ်မှော- က်ကာလပတ်လောင်းတွပ် ပေါင်ဥပမာ ဖြစ်ဘီး ပူဇော်ဟူ ပူဇော်သကာန ယဇ်လေဟာ ကိုယ့်ကိုယ်ကိုယ် သိဟူစိဟို ထော့- က်မယ် ဆိုဟာ ဝတ်ပြုဟူသူဟို စောင်လင်ဟူ ကျိုးဟို ပေးနိုင်ဘဲကြောင်းဟို ဖော်ပြဟူဇာ ဖြစ်ဟယ်။ 10 အယ်မူဇာလေဟာ စားဇာ၊ သော့- က်ဇာန ဆေးကြောရှင်း ဘောင်းဇောင်ဖြစ်ဟူ၊ ကိုယ်ခန္ဓာနဆိုင်ဟူ စီရင်ထောင်းဖွဲ့လေနတူးဒု သစ်ပြုပြင်ဟူ ကာလထိဘဲ တည်ရှိနေဇာဖြစ်ဟယ်။ 11 ခုဆိုဟာ လူလတ်န လောက်ဘဲ၊ အယ်လောကနဆိုင်ဘဲ ပိုဘီး ကောင်းမြတ် စောင်လင်ဟူ တဲတော်မာ ရော့- က်လာပီးဘီဖြစ်ဟူ နော့- က်မင်္ဂလာကျိုးလေရဲ ယဇ်ပုရောဟိတ် မန်းဂီးဖြစ်ဟူ ခရစ်တော်ဟူ။ 12 နို့လေတွပ် ဘဲသွီး၊ နွားသားဂန်းရဲ သွီးနမူဘဲ သူရဲ သွီးတော်န သန့်ရှင်းဆောင်း ဌာနထဲဟို တခါဒဲ ဝမ်တော်မူဘီး ထာဝရ ဝီးနူကယ်တန်ရှင်း ကျေးဇူးဟို သတ်ရော့- က်စေ လေဟယ်။ (aiōnios g166) 13 ဖြားဖြစ်ကြောနန်းဆိုဟာ ညစ်ကျေးရှိဟူ သူလေဟို ဖျန်းဟူ နွားသွီး၊ ဘဲသွီး၊ နွားမဒန်းဟူးရဲ ဟူဟာ သူးနို့လေရဲ ကိုယ်ကာယဟို စင်ကြယ်သန့်ရှင်းမှု ပေးနိုင်မယ် ဆိုဟာ။ 14 အယ်လော့- က်နမကဟ ပြစ်တန်ဇာမှောဘဲဟူ ကိုယ်တော့ဟို ထာဝရ ဝိညာဉ်တော်အားဖြင့် ဘုရားသခင် ရှေ့တော်နိုက် တန်လူပူဇော်ဟူ ခရစ်တော်ရဲ သွီးတော်ဟာ သေရှင်းန စပ်ဆိုင်ဟူ ကျင့်ဟို ပယ်ရှင်းဘီး နန်းနို့လေဟာ သတ်ရှင်တော်မူဟူ ဘုရားသခင်ဟို ဝတ်ပြုဟိုကြောင်းကြောန့် ကိုယ်ကိုယ်ကိုယ် သိဟူစိ ကြည်လင် သန့်ရှင်းစေဟိုတွပ် ပိုဘီး တတ်နိုင်တော်မူဟယ် မူဟလော။ (aiōnios g166) 15 အယ်ကြောန့် ပထမ ပဋိညာဉ်တရား လတ်ထတ်မာ ပြစ်မှားဟူ ပြစ်ဟိုလည်း လွတ်ဟိုတွပ် ခရစ်တော်ဟာ ကြားဝမ်စေစပ်ဘီး သေခံတော်မူဟူကြောန့် ခေါ်တော်မူဟူ သူလေဟာ ဂဒိတော်နယှဉ်ဟူ ထာဝရမွှီဟို ခံရဟိုတွပ် အယ်သခင်ဟာ ပဋိညာဉ်တရားသစ်ရဲ အာမခံ ဖြစ်တော်မူဟယ်။ (aiōnios g166) 16 မွိုခံရဟို ခွမ်ဟို ပေးဘီး စာချောက်ချောက်ဟူ မူရာမာလည်း စာချောက်တည်ဟယ် ဆိုဟာ စာချောက်ချောက်ဟူ သူဟာ တကယ်သေဟူးဘီ ဖြင့်ဟူကြောန့် ထော့- က်ထားပြဟို လိုအပ်ဟယ်။ 17 တကယ်ကြောန့် သတ်ရှင်နေသေးဟာ အယ်စာချောက်ဟာ တည်ဟု သေမှဘဲ တည်ဟူဇာ ဖြစ်ဟယ်။ 18 အယ်ကြောန့် ပထမ ပဋိညာဉ်တရားဟိုမှ စီရင်ဟူ ခီမာ သွီးန လွတ်ကင်းဘီး စီရင်ဟူဇာ မူဟူ။ 19 တရားတော်မာပါဟူ ပညတ်လေဟို မောရှေဟာ လူလေရှိဟူမျှဟို ဟောပြောဘီးမှ ရေနရောဟူးဟူ နွားသားဂန်းသွီးန ဘဲသွီးဟို ယူဘီး နီရောန်ဆိုးဟူးဟူ သိုးမွီးန ဟုသုပ်ဗန်ခတ်အားဖြင့် ကျမ်းစာလိန လူလေဟို ဖျန်းဘီး။ 20 “အယ်သွီးဟာ နန်းနို့ဟို ဘုရားသခင် ဝန်ခံတော်မူဟူ ပဋိညာဉ်ရဲ သွီးဖြစ်ဟယ်” ဆိုဘီး ပြောဆိုဟယ်။ 21 အယ်ဘီးန တဲတော်န ဝတ်ပြုဟူ တန်ဆာလေ ရှိဟူမျှဟိုလည်း အယ်မျိုးဘဲ သွီးန ဖျန်းလေဟယ်။ 22 ပညတ်တရားတိုင်းဘဲ ရှိမျှဂူလောင်းဟို ကူအောန် သွီးအားဖြင့် စင်ကြယ်စေရဟယ်။ သွီးသွန်းလောင်းရှင်း မှော့ဘဲနေဟာ ပြစ်လွတ်ရှင်း မှော့ဟူ။ 23 အယ်ကြောန့် ကောင်းဂန်ဘောင်မာ ရှိဟူဇာလေရဲ ပေါင်လေဟို အယ်မျိုး ယဇ်ပူဇော်ဟူ ဇာအားဖြင့် စင်ကြယ်စေရဟူ ဖြစ်ကြောန့် ကောင်းဂန်မာရှိဟူ ဇာလေဟို ပိုဘီး မြတ်ဟူ ယဇ်ပူဇော်ဟူ ဇာအားဖြင့် စင်ကြယ်စေရဟူ ဇာဖြစ်ဟယ်။ 24 အယ်မျိုးတိုင်းဘဲ စစ်မှန်ဟူ သန့်ရှင်းဟူ ဌာနလေရဲ ပေါင်ဖြစ်ဟူ၊ လူလတ်န လောက်ဟူ

သန့်ရှင်းဆောင်း ဌာနထဲဟို ခရစ်တော်ဝမ်းဘဲန နို့လေတွင်ကြောန့် ခု ဘုရားသခင်ရဲ့ ရှေ့တော်မာ ကိုယ်ဟို ပြဟိုတွင် ကောက်နုကိုယ်ထဲဟို ဝမ်းတော်မူဘိ။ 25 ယဇ်ပုရောဟိတ်မန်းဟာ သန့်ရှင်းဆောင်း ဌာနထဲဟို လိဆန်လေရဲ့ သွီးန နှစ်စဉ်နှစ်တိုင်း ဝမ်းရဟူမျိုး ခရစ်တော်ဟာ သူ့ရဲ့ ကိုယ်ဟို ခါဘီးခါ ပူဇော်ရဟူဇာ ဟူ။ 26 အယ်မျိုးဘဲ ပူဇော်ရမယ် ဆိုဟာ ကမ္ဘာဦးဟုနေစဘီး ခါပေါန်းမြော့- က်များစွာ သေခံရလေ့မယ်။ ခုဆိုဟာ အယ်ကပ်ကာလဆောင်းမာ တခါဒဲ ကိုယ်ဟို ပူဇော်ရှင်းအားဖြင့် ပြစ်ရှိဟူမျှဟို ဖယ်ရှားဟို့တွင် ပေါ်ထွပ်တော်မူလေဟယ်။ (aiōn g165) 27 လူဟာ တခါဘဲ သေရဘီး အယ်ဘီးန တရားစီရင်ဇာဟို ခံရဟူမျိုး။ 28 ခရစ်တော်ဟာ လူလေပြစ်ဟို ဖြေလွှတ်ဟို့တွင် ကိုယ်ဟို တခါဒဲပူဇော်ဘီးမှ နှော့- က်တခါ အယ်သခင်ဟို မျှော်လင့်ဘီး နေဟူသူလေဟို ကယ်တန်ဟို့တွင် ပြစ်နဆိုင်ဘဲန ပေါ်ထွပ်တော်မူလေ့မယ်။

10 ပညတ်တရားဟာ နှော့- က်ဖြစ်လာမယ့် ကောက်ကျိုးလေရဲ့ ရိလော့- က်ဘဲဖြစ်ဘီး အယ်မူဇာလေဟာ ပေါင်သဏ္ဌာန် စစ်မှန်မှုဘဲဟူကြောန့် နှစ်စဉ်မပြတ် ပူဇော်ဟူ ယဇ်အားဖြင့် ကိုယ်တော်နားဟို ချဉ်းကပ်ဟူ သူလေဟို စောင့်လင်စေနိုင်ဟူ။ 2 တကယ်ဟို စောင့်လင်စေနိုင်ဟယ် ဆိုဟာ ဝတ်ပြုဟူ သူလေဟာ တခါဒဲန စင်ကြယ်ရှင်းဟို ရော့- က်ဘီးမှ နှော့- က်ထပ် ပြစ်ရှိနေသေးဟယ် ဆိုဘီး သံဝေဂတရား ရဇာကြောန်း လောင်းဝမေ့ဘဲကြောန့် အယ်ယဇ်လေဟို တခါဒဲ ပူဇော်ဘီးဟာ နှော့- က်ထပ် ပူဇော်ဘဲန နေမယ်ဟူလော။ 3 ခုဆို ယဇ်ပူဇော်ရှင်းအားဖြင့် ပြစ်လေဟိုဘဲ နှစ်စဉ်နှစ်တိုင်း ပွန်အော့- က်မေ့ ဒီရစေဟယ်။ 4 ဖြားဖြစ်ကြောန့်နူးဆိုဟာ နွားသွီး၊ ဘဲသွီးဟာ ပြစ်လေဟို ဖယ်ရှားပေးနိုင်ဘဲကြောန့် ဖြစ်ဟယ်။ 5 အယ်ကြောန့် ခရစ်တော်ဟာ အယ်လောကဟို ဆင်းကြွလာဟူ ခီမာ၊ “ကိုယ်တော်ဟာ ယဇ်န ပူဇော်သကာဟို လိုတော်မေ့ဘဲကြောန့် ကျွန်တော့်တွင် ကိုယ်ခန္ဓာဟို ပြင်ဆင်တော်မူဘိ။ 6 ကိုယ်တော်ဟာ မီးရှို့ရာယဇ်န ပြစ်ဖြေရာယဇ် ရှိဟူမျှဟို နှစ်သက်တော်မူဟူ။ 7 အယ်ခီမာ ကျွန်တော်ဟာ ကျမ်းစာလိမာ ကျွန်တော်ဟို ရည်ရွယ်ဘီး ရေးဟားတိုင်း ‘အို၊ ဘုရားသခင် ကျွန်တော်ဟာ ကိုယ်တော်ရဲ့ လိုတော်ဟို ဆောန်ဟို့တွင် ကျွန်တော် လာပါဟယ်’ ကျွန်တော်ဝန်ခံပါဟယ်” ဆိုဘီး လျော့- က်ဆိုလေဟယ်။ 8 ပထမနေန “ကိုယ်တော်ဟာ ပညတ်တရားအရ ပူဇော်ဟူ ရာလေဖြစ်ဟူ ယဇ်ကောန်န ပူဇော်သကာလေ၊ မီးရှို့ရာယဇ်န ပြစ်ဖြေရာ ယဇ်လေရှိဟူမျှဟို လိုတော်မေ့ဟူ နှစ်သက်တော်မူရှင်းလည်း မေ့ဟူ” ဆိုဘီး ဆိုဟယ်။ 9 အယ်ဘီးန “အို၊ ဘုရားသခင် ကျွန်တော်ဟာ ကိုယ်တော်ရဲ့ လိုတော်ဆောန်ဟို့တွင် လာပါဟယ်” ဆိုဘီး ပြောရာမာ ဒုတိယ ယဇ်ပူဇော်ရှင်းဟို တည်စေဟို့တွင် ပထမ ယဇ်ပူဇော်ရှင်းဟို ပယ်လေဟယ်။ 10 အယ်လိုတော်တိုင်းဘဲ ယေရှုခရစ်ရဲ့ ကိုယ်ခန္ဓာဟို တခါဒဲပူဇော်ဟူ ဇာအားဖြင့် နို့လေဟာ စင်ကြယ်ရှင်းဟို ရော့- က်ဂေ့လေဟယ်။ 11 ယဇ်ပုရောဟိတ် ဆိုဇာဟု နေ့တိုင်းဝတ်ပြုဘီး ပြစ်လေဟို ဖြေနိုင်ဘဲဟူ ယဇ်ဟို ခါဘီးခါ ပူဇော်နေရဟယ်။ 12 အယ်ဘောမဲ့ ခရစ်တော်ဟာ ပြစ်ဟိုဖြေဟို့တွင် ယဇ်တခုဒဲဟို ပူဇော်ဘီးဟာ ဘုရားသခင်ရဲ့ ညာဖတ်မာ မြဲဒမ်းထိုင်ဘီး 13 သူ့ရဲ့ ရန်သူလေဟို သူ့ခေအော့- က်ဟို ညွှားခန်ခီထိ မျှော်လင့်ဘီး နေတော်မူဟယ်။ 14 ဖြားဖြစ်ကြောန့်နူးဆိုဟာ ကိုယ်တော်ဟာ ကိုယ့်ကိုယ်ကိုယ် တခါဒဲပူဇော်ဟူ ဇာအားဖြင့် သန့်ရှင်းရှင်းခံရဟူ သူလေဟို ထာဝရစောင့်လင် စေတော်မူဟယ်။ 15 သန့်ရှင်းဟူဝိညာဉ်တော်ဟာ နို့လေဟို သတ်သေခံဟူဇာဟူ၊ 16 “နှော့- က်ကာလမာ သူးနို့လေဟို ငါပေးဟူ ပဋိညာဉ်တရားဟု ငါဘုရားသခင်ဟာ ငါပညတ်လေဟို သူးနို့လေရဲ့ စိန်လောင်းထဲဟို သွမ်းပေးမယ်။ သူးနို့လေရဲ့ စိဝိညာဉ်ထတ်မာ ရေးဟားမယ်” ဆိုဘီး မိန့်တော်မူဘီးန 17 နှော့- က်ထပ် “သူးနို့လေရဲ့ ပြစ်မှားရှင်းန လွန်ကျူးရှင်း ဘောန်းဇောင်ဟို အော့- က်မေ့ဘဲန နေမယ်” ဆိုဘီး မိန့်တော်မူလေဟယ်။ 18 အယ်ပြစ်လေဟို လွှတ်ဘီးဟာ နှော့- က်တခါ ပြစ်ဖြေဟူ ပူဇော်သကာလေဟို ဆစ်သဟို့ လိုဟုမ်း။ 19 အယ်ကြောန့် ညီကို မောန်နှမလေ ယေရှုရဲ့ သေခံတော်မူရှင်းအားဖြင့် နို့လေဟာ သန့်ရှင်းဆောင်း ဌာနတော်ထဲဟို သွီးတော်ဟို မှီပြုဘီး ဆီးတားမေ့ဘဲ ဝမ်းခွံမ့်ရဂေ့ဟယ်။ 20 အယ်သွီးတော်အားဖြင့် ကိုယ်တော်ဟာ သူ့ရဲ့ ကိုယ်ခန္ဓာဖြစ်ဟူ လိုက်ကာဟုနေဘီး ဘုရားသခင်ရဲ့ ရှေ့တော်ဟို ရော့- က်ဟူ သတ်လမ်းသစ်ဟို ဖွင့်ပေးတော်မူဘိ။ 21 အယ်လော့- က်နမကဟု နို့လေမာ ဘုရားသခင်ရဲ့ အီတော်ဟို အောက်စိုးဟူ ယဇ်ပုရောဟိတ်မန်း ရှိဟူဖြစ်ကြောန့်

22 နို့လေရဲ့ စိန်လောင်းဟို ဆိုးညစ်ဟူ စိသဘောန ကင်းစေဟို့တွပ် ပတ်ဖျမ်းရှင်းဟို ခံယူဘီး ကိုယ်ခန္ဓာဟိုလည်း စင်ကြယ်ဟူ ရေအားဖြင့် ဆေးကြောဘီး ယောင်ကြည်ရှင်းနဆိုင်ဟူ စိန္တုယူ ပွဲပွဲဝဝန မှန်ကန်ဟူ စိန်လောင်းအားဖြင့် ဘုရားသခင်နားဟို တိုးဝမ်ဂေဓိ။ 23 ဖြားဖြစ်ကြောန့်နူးဆိုဟာ ဂဒိထားတော်မူဟူ သူဟာ သစ်စာန ပွဲဇောင်တော်မူဟူကြောန့် ဖော့-က်ညွန်ဘီး ယီးယိုင်သွားဘဲ နို့လေဝန်ခံဟူ မျှော်လင့်ရှင်းဟို စွဲစွဲမြဲမြဲဆုပ်ကိုင်ဟွားဂေဓိ။ 24 နို့လေဟာ မြစ်တာထားဟို့န ကောန်းဟူကျင့်ဟို ကျင့်စေဟို့တွပ် ယော့-က်ဟို့ယော့-က် ဖြားမျိုး တိုက်တွန်း နှိုးဆော်ရမယ် ဆိုဇာဟို ဆင်ခြင်ဂေဓိ။ 25 လူတချို့ထောင်းခံရှိဟူတိုင်း ရှင်းရှင်းစည်းဝေးရှင်းဟို ရှောင်လွှဲဘဲနေဟို့တွပ် ရှင်းရှင်း အားပေးဘီး တိုက်တွန်း နှိုးဆော်ဂေဓိ။ ခိကာလ နီးလာဇာဟို့ထော့-က်ဘီး ပိုဘီး ကြိုးစားဂေဓိ။ 26 ဖြားဖြစ်ကြောန့်နူးဆိုဟာ သမ္မာတရားဟို သိဘီးမှ ကိုယ့်လိုဟို လိုက်ဘီး ပွန်ပြစ်မှားမယ် ဆိုဟာ နော့-က်ထပ် ပြစ်ဖြေဟို့ယမ်ဟို ပူဇော်ခွမ်မော့။ 27 ရရာတိုင်း ပြင်းထန်ဟူ အန်စီရင်ရှင်းဟို ခံရမယ် ဆိုဘီး ကြော့-က်ဇာကောန်းဟူဇာဟို မျှော်လင့်ရဟူကြောန်း ရှိဟူကြောန့် ငြင်းဆန်ဟူ သူလေဟို ဖျစ်ဆီးဟို့တွပ် ဘုရားသခင်ရဲ့ မျစ်တော်မီးလောန်ဇာဟို ခံရဟို့ကြောန်းရှိဟယ်။ 28 မောရှေရဲ့ ပညတ်တရားဟို ပယ်ဟူသူဟာ သတ်သေခံ နေ့ယော့-က်၊ သောင်းယော့-က် ရှိဟယ် ဆိုဟာ သနားညှာတာရှင်းဟို ခံရဘဲန သေခံရဟယ်။ 29 အယ်လော့-က်နမကဟာ ဘုရားသခင်ရဲ့ သားတော်ဟို ခေနနန်းဘီး ကိုယ့်ဟို စင်ကြယ်စေဟူ ပဋိညာဉ်တရားရဲ့ သွီးတော်ဟို စင်ကြယ်ဘဲဟူဇာ ဆိုဘီး ထန်မှတ်ဘီးဟာ ဆုကျေးဇူးဟို ပေးဟူ ဝိညာဉ်တော်ဟို ထိမ့်မြင်ပြုဟူ သူဟာ ဖယ်မျှလော့-က်ကီးဟူ အန်ဟို ခံရမယ်ဆိုဇာ နန်းနို့လေ ဖယ်မျိုးထန်ဂေဓိ။ 30 ဖြားဖြစ်ကြောန့်နူးဆိုဟာ “ငါဟာ ပြစ်တရားဟို စီရင်ပိုင်ဟယ်။ ပြစ်ရှိဟူတိုင်း ငါဆပ်ပေးမယ်” ဆိုဟူဇာန “ဘုရားသခင်ဟာ သူ့ရဲ့ လူစုတော်လေတွပ် တရားစီရင်မယ်” ဆိုဘီး မိန့်တော်မူဟူ သခင်ဟို နို့လေသိဂေဟယ်။ 31 သတ်ရှင်တော်မူဟူ ဘုရားသခင်ရဲ့ လတ်တော်ဟို ကွေရော့-က်ဟူ မူဟာ ကြော့-က်ဇာကောန်းဟူ မှုဖြစ်ဟယ်။ 32 နန်းနို့လေဟာ ဘုရားသခင်ရဲ့ လန်းရောန်ဟို ခံယူဘီးန ဆင်းရဲဒေါက်ခဟို ခံစားရဘီး ပြင်းထန်ဟူ တိုက်ခိုက်ရှင်းဟို သီးခံဘီးဟူ ရင်းရင်ဒူးဟု နေ့ရစ်လေဟို ဒီရဂေပါ။ 33 နန်းနို့လေဟာ တခါတလေ လူလေရေ့မှာ ကဲ့ရဲ့ညည်းဆဲဇာဟို ခံရဂေဟယ်။ တခါတလေလည်း တခြားသူလေ ကဲ့ရဲ့ညည်းဆဲဇာဟို ခံရဟူ ခီမာ နန်းနို့လည်း ထပ်တူထပ်မျှခံဟို့တွပ် ဆင်သင့်ရှိဂေဟယ်။ 34 နန်းနို့လေဟာ ထောန်ကွနေဟူ သူလေတွပ်ကြောန့် စာနာစိရှိဟူမျှမှတ် ကိုယ့်ပစ်စီး အောက်စာလေဟို သူများဖျစ်ဆီးဟူလည်းဘဲ ကိုယ်သောင်းစွဲဟို့တွပ် ကောန်းဂန်ဘောင်မာ ပိုဘီး မြတ်ဘီး စဉ်မြတ်ဟူ တဏှာရှိဟယ် ဆိုဇာဟို သိဟူကြောန့် လူယူဖျစ်ဆီးခံရဇာဟို ဝန်းသာဟူ စိန် သီးခံဂေဟယ်။ 35 အယ်ကြောန့် ရရာတိုင်း ကီးမားဟူ ကျိုးနယုဉ်ဟူ နန်းနို့ရဲ့ ရဲရင့်မှုစိဟို စွန့်လွှတ်ဂေဓိ။ 36 ဘုရားသခင်ရဲ့ လိုတော်ဟို ဆောန်ဘီးမှ ဂဒိတော်တိုင်း ကျိုးဟို ရဟို့တွပ် သီးခံရှင်းစိရှိရမယ်။ 37 ဖြားဖြစ်ကြောန့်နူးဆိုဟာ၊ “ကြွလာမယ့် သူဟာ ခီဆိုင်ဘဲ ကြာခန်မာ ရော့-က်လာလေမယ်။ 38 ဖြောန့်မတ်ဟူ သူဟာ ယောင်ကြည်ရှင်းအားဖြင့် သတ်ရှင်လေမယ်။ အယ်ဘေမဲ့ ရွေ့လျော့ဖော့-က်ညွန်ဟာ ငါ့စိညာဉ်ဟာ အယ်သူဟို နှစ်သက်မှု မေဟူ” ဆိုဘီး ဘုရားသခင် မိန့်တော်ရှိဟယ်။ 39 နို့လေဟာ ပျစ်စီးရှင်းဟို ရော့-က်ဟို့တွပ် ရွေ့လျော့ ဖော့-က်ညွန်ဟူ သူလေ မူဟာ၊ စိဝိညာဉ်ဟာ ကယ်တန်ရှင်းဟို ရော့-က်ဟို့တွပ် ယောင်ကြည်ဟူ သူလေ ဖြစ်ဂေဟယ်။

11 ယောင်ကြည်ရှင်း ဆိုဇာဟာ ကိုယ်မျှော်လင့်ဟူ ဇာလေဟို မျစ်မော့-က်ပြုဟူဇာ ဖြစ်ဟယ်။ ဗြင်ရသေးဘဲဇာလေဟို သိမှတ်စွဲလန်းရှင်းကြောန်း ဖြစ်ဟယ်။ 2 အယ်မူ ယောင်ကြည်ရှင်း ပါရမီကြောန့် ရှေးလူဂီးလေဟာ ဘုရားသခင်ရဲ့ ထော့-က်ခံချီးကျူးဟူဇာဟို ခံရဂေဟယ်။ 3 ခုဗြင်ရဟူ ဇာလေဟာ ရင်းရင်ဒူးဟု ထန်ရှားဟူ ဇာလေထဲဟု ဖြစ်ဟူဇာမှတ် စကြဝဠာဟာ ဘုရားသခင်ရဲ့ စကားတော်အားဖြင့် ဖြစ်လာဟူဇာဟို နို့လေဟာ ယောင်ကြည်မှုအားဖြင့် သိဂေဟယ်။

(aïōn g165) 4 အာဗေလဟာ ကာကုန ပူဇော်ဟူ ယမ်ထတ် ပိုဘီး မြတ်ဟူ ယမ်ဟို ယောင်ကြည်ရှင်းအားဖြင့် ဘုရားသခင်ဟို ပူဇော်ဟယ်။ အယ်မျိုးယမ်ဟို ပူဇော်ဟူကြောန့် သူဟာ ဖြောန့်မတ်ဟယ် ဆိုဘီး သတ်သေခံဟူဇာဟို ရလေဟယ်။ ဖြားဖြစ်ကြောန့်နူးဆိုဟာ ဘုရားသခင်ဟာ သူ့ရဲ့ ပူဇော်သကာဟို သိမှတ်ပြုတော်မူဟယ်။ အယ်ကြောန့်

အာဗေလဟာ သေဟူးဘီ ဖြစ်ဟူလည်းဘဲ အယ်မူ ယောင်ကြည်ရှင်းအားဖြင့် ခု တရားဟောနေသေးဟယ်။ 5 ဧနောက်ဟာ ယောင်ကြည်ရှင်းအားဖြင့် သေရှင်းန လွတ်ဟူးဘီး ဘဝလွှန်းလွန်းခွမ်း ရဟယ်။ ဘုရားသခင်ဟာ သူ့ဟို ဘဝလွှန်းစေဟူကြောင့် နှော့-ကပ်ခါ သူ့ဟို တွဲရဟယ်။ သူဟာ ဘဝလွှန်းခန့် ဘုရားသခင်ရဲ့ စိတ်တန် တွဲဟူသူ ဖြစ်ဟယ် ဆိုဘီး သတ်သေခံဟူ ဇာတိ ရလေဟယ်။ 6 ယောင်ကြည်ရှင်းမေဟု ဆိုဟာ ဘုရားသခင်ရဲ့ စိတ်တန် တွဲနိုင်ဟူ။ ဖြားဖြစ်ကြောင့်နဲ့ဆိုဟာ ဘုရားသခင်နားဟို ချဉ်းကပ်ဟူ သူဟာ ဘုရားသခင် ရှိဟယ် ဆိုဇာတိရော၊ ကိုယ်တော်ဟို ရှာဟူသူဟို ကျိုးပေးတော်မူဟယ် ဆိုဇာတိရော ယောင်ကြည်ရမယ်။ 7 နောဇဟာ မြင်ရသေးဘဲဟူ မူရာလေဟို ဖော်ပြဟူ ဗျာဒိတ်တော်ဟို ခံရဘီးမှ ယောင်ကြည်ရှင်းအားဖြင့် ကြော့-ကပ်ဟူ စိန်ဟူကြောင့် သူ့ရဲ့ အိသုအိသားလေဟို ကယ်တန်ဟိုတွင် သန်းဖောဟို ဆော့-ကပ်လေဟယ်။ အယ်မူ ယောင်ကြည်ရှင်းအားဖြင့် လောကသားလေရဲ့ ပြစ်ဟို စီရင်ဘီးဟာ ယောင်ကြည်ရှင်းန ယှဉ်ဟူ ဖြောင့်မတ်ရှင်းဟို မွီခံရလေဟယ်။ 8 အာဗြဟံဟာ သူ့မွီခံရမယ့် ပြည်ဟို ထွပ်ဟူးဟိုတွင် ဘုရားသခင် ခေါ်တော်မူဟူ ခီမာ သူ့သားဟူ ရပ်ဒေသဟို သူကိုယ်တိုင် သိဘဲန ယောင်ကြည်ရှင်းအားဖြင့် နှာခံဘီး ထွပ်ဟူးလေဟယ်။ 9 သူဟာ ယောင်ကြည်ရှင်းအားဖြင့် ဂဒိထားတော်မူဟူ ပြည်မာ ဧည့်သယ်ဖြစ်န နေလေဟယ်။ သူ့မျိုးဘွဲ့ ဂဒိတော်ဟို မွီခံရဟူ သူလေဖြစ်ဟူ ကူဇာကံ၊ ယာကုပ်ဟူမျိုး တဲလေန နေလေဟယ်။ 10 ဖြားဖြစ်ကြောင့်နဲ့ဆိုဟာ သူဟာ ဘုရားသခင် တည်ထောန် ပြုစုတော်မူဟူ၊ ခိုင်ခံ့တည်မြဲဟူ ဗြို့ဟို မျှော်လင့်ဟူကြောင့် ဖြစ်ဟယ်။ 11 သူ့ရဲ့မယား စာရာဟုလည်း ရွယ်လွန်ဘီး သားရနိုင်ဘဲဟူ ခီမာ ဗိုက်ရနိုင်ဟူ ခွမ်းတဂိုးဟို ယောင်ကြည်ရှင်းအားဖြင့် ခံရလေဟယ်။ သူ ဟာ ဂဒိပေးဟူ သူ့ဟို သစ်စာရှိဟယ် ဆိုဘီး မှတ်ယူဟူကြောင့် ဖြစ်ဟယ်။ 12 အယ်မူ မူရာအားဖြင့် လူသေနတူဟူ သူတယော့-ကပ်ဟာ ရေတွပ်အားဖြင့် ကောန်းဂန်ဟူ ကြယ်ဟူမျိုး၊ ပန်လယ်ကမ်းနားဟာ ရေတွပ်နိုင်ဘဲဟူ သဲလောင်းလေမျိုး လူလေ ဂူလောင်းရဲ့ ဖတယော့-ကပ် ဖြစ်လေဟယ်။ 13 ခုပြောဟူ လူလေဟာ ဂဒိတော်န စပ်ဆိုင်ဟူ ကျိုးကျေးဇူးလေဟို ခံစားရဘဲ ဝီးဟုနေဘဲမြင်ဘီး စိန်လောင်းန ဖတ်ယမ်းဘီးဟာ သူးနို့လေဟာ မွေဂီးမာ ဧည့်သယ် ဖြစ်ဟယ် ဆိုဇာတိ ထန်းထန်ရှားရှား ဝန်ခံဘီး ယောင်ကြည်ရှင်းစိန် သေလွန်ဟူးဂုလေဟယ်။ 14 အယ်မျိုး ဝန်ခံဟူ သူလေဟာ သူးနို့လေရဲ့ နေရင်းပြည်ဟို ကြိုးစားရှာဂုဟယ် ဆိုဘီး ပြတ်ပြတ်သားသား ပြောဆိုဂုဟယ်။ 15 အယ်သူလေဟာ သူးနို့ထွပ်လာဟူ ပြည်ဟို တကယ် အော့-ကပ်မေမယ် ဆိုဟာ ပွန်နိုင်ဟူ ခွမ်းလမ်း ရှိဂုဟယ်။ 16 အယ်ဘေမဲ့ အယ်ပြည်ဟို အော့-ကပ်မေဘဲ အယ်ပြည်ထတ် သာလွန်ဟူ ကောန်းဂန်ရွှေပြည်ဟို တောန်းတဂုလေဟယ်။ အယ်ကြောင့် ဘုရားသခင်ဟာ သူးနို့ရဲ့ ဘုရား ဆိုဘီး ခေါ် ဟူဇာတိ ယှဉ်တော်မူဟူ။ သူးနို့နေဟို ဗြို့ဟိုလည်း တည်ထောန်တော်မူဘိ။ 17 အာဗြဟံဟာ စောင်ဇမ်းရှင်းဟို ခံရဟူ ခီမာ ယောင်ကြည်ရှင်းအားဖြင့် သားကူဇာကံဟို ပူဇော်လေဟယ်။ ဂဒိတော်လေဟို ရဟူသူဟာ တယော့-ကပ်ခိုဟူ သားဟို ပူဇော်ဟိုတွင် ပြင်ဆင်လေဟယ်။ 18 အယ်သားန ပတ်သတ်ဘီး “ကူဇာကံအားဖြင့်ဘဲ နန်မျိုးနွယ် တည်ရမယ်” ဆိုဟူ ဂဒိတော်လေဟို ခံရဟူသူဟာ သူ့မာ တယော့-ကပ်ခိုဟူ သားဟို ပူဇော်လေဟယ်။ 19 အယ်မျိုး ပူဇော်ဟူ ခီမာ သေရှင်းဟုနေ ပွန်ရှင်ဘီး ထမြော့-ကပ်ဟိုတွင် ဘုရားသခင် တတ်နိုင်ဟယ် ဆိုဇာတိ သူ့အော့-ကပ်မေလေဟယ်။ အယ်သားဟို ဆိုရိုးစကားအားဖြင့် သေခွမ်းထဲဟု ပွန်ရလေဟယ်။ 20 ကူဇာကံဟာလည်း ယောင်ကြည်ရှင်းအားဖြင့် နှော့-ကပ်ဖြစ်လာမယ့် ရာလေဟို ရည်ဇူးဘီး ယာကုပ်န ဧသောဟို ကောန်းဂျီးပေးလေဟယ်။ 21 ယာကုပ်လည်း သေခီနီးလာဟူ ခီမာ ယောင်ကြည်ရှင်းအားဖြင့် ယောသပ်သား နှော့ယော့-ကပ်ဟို ကောန်းဂျီးပေးဘီး သူ့တောန်အူးထိဟို မှီဘီးဟာ ဘုရားသခင်ဟို ကိုးကွယ်လေဟယ်။ 22 ယောသပ်ဟာ သေခါနီးဟူ ခီမာ ယောင်ကြည်ရှင်းအားဖြင့် ကူသရေလ လူမျိုးလေ အဲဂုတ္တုပြည်ဟု ထွပ်မြော့-ကပ်ဟို ကြောန်းရာဟို ပြောဘီး သူ့သေခါနီးမာ သူ့ရိုးန ပတ်သတ်ဘီး မှာဟူးလေဟယ်။ 23 မောရေဟို မွီးဖွားဘီးန ရှစ်ဇာကောန်းဟူ သားဂန်းဟူးဖြစ်ဇာတိ သူ့မိဖပြင်ဟူ ခီမာ ယောင်ကြည်ရှင်းအားဖြင့် မန်းဂီးရဲ့ မိန့်ဟို ကြော့-ကပ်ဘဲ သောင်းလ လောင်းလောင်း သူ့ဟို ဝှပ်ဟူးလေဟယ်။ 24 မောရေဟာ သတ်ရွယ်ကီးလာဟူ ခီမာ ယောင်ကြည်ရှင်းအားဖြင့် ကိုယ့်ကိုယ်ကိုယ် ဖာရောမန်းဂီး သမီးတော်ရဲ့

သားဆိုဘီး ခေါ် ဟူခွင့်ဟို ငြင်းပယ်ဘီးဟာ။ 25 ပြစ်ရှိဟူ ကာမဂေါင်ဟို ရှစ်ဟားခံစားရဟူ ဇာထတ် ဘုရားသခင်ရဲ့ လူမျိုးတော်လေကုတူးဒူ ဆင်းရဲဒေါက်ခခံရဟူ ဇာဟို ယောင်ကြည်ရှင်းအားဖြင့် ဝီးကော့-ကံလေဟယ်။ 26 သူဟာ နော့-ကံရလမယ့် ကျိုးဟို မျှော်လင့်ဟူကြောန့် ခရစ်တော်တွပ် ခံရဟူ ကဲ့ရဲ့ပြစ်တန်ရှင်းဟို အဲဂုတ္တုပြည်ရဲ့ စည်းဇိမ်ထတ် ပိုဘီး မြတ်ဟူ စည်းဇိမ်ဖြစ်ဟယ် ဆိုဘီး ယောင်ကြည်ရှင်းအားဖြင့် မှတ်ယူလေဟယ်။ 27 ယောင်ကြည်ရှင်းအားဖြင့် မန်းဂီးရဲ့ မျစ်တော်ဟို ကြော့-ကံဘဲန အဲဂုတ္တုပြည်ဟို စွန့်ဘီးသွားလေဟယ်။ ဖြားဖြစ်ကြောန့်နဲ့ဆိုဟာ သူဟာ မျစ်စိန ပြင်ရဘဲဟူ ဘုရားသခင်ဟို ဖြင်ရဟူမျိုး တည်ကြည်မှု ရှိလေဟယ်။ 28 သားဦးလေဟို ဖျစ်ဆီးဟူသူဟာ ကုသရေလ လူမျိုးလေရဲ့ သားဦးလေဟို ဒန်ခတ်ဘဲနေဟူတွပ် ယောင်ကြည်ရှင်းအားဖြင့် ပသခါပွဲဟို စီမံဘီးဟာ ခွဟော့-ကံတိုင်လေဟို သွီးန ဖျန်းလေဟယ်။ 29 ကုသရေလ လူမျိုးလေဟာ ကူးကြောင်းသွားရဟူမျိုး ယောင်ကြည်ရှင်းအားဖြင့် ဧဒုပန်လယ်ရဲ့ လယ်မာ ခေဂျင်ရှော့-ကံသွားရလေဟယ်။ သူ့နို့လေမျိုး အဲဂုတ္တုလူမျိုးလေ နော့-ကံဟာ လိုက်ဟူ ခီမာ ရေမျှပ်ဘီး သေဂေလေဟယ်။ 30 ယေရိခေါမြို့ဟို ခွန်နစ်ရစ် လောင်းလောင်း လှည့်ပတ်ဘီးမှ ယောင်ကြည်ရှင်းအားဖြင့် မြို့ရိုးပြိုလဲလေဟယ်။ 31 ကောန်းဘဲဟူ မီးမ ရာခပ်ဟာ ယောင်ကြည်ရှင်းအားဖြင့် ကုသရေလ သူလျှိုလေဟို မိဆွေဖွဲ့ဘီး ငြီးချမ်းမှုအားဖြင့် လတ်ခံဟူကြောန့် ယောင်ကြည်ဘဲဟူ သူလေနတူးဒူ ပျစ်စီးရှင်းခံရဟူ။ 32 နော့-ကံထပ် ဖယ်မျိုး ကြောင်းရာလေဟို ပြောပြရအူးမယ်နဲ့။ ဂါဒေါင်၊ ဗာရက်၊ ရှုံဆုံ၊ ယေဖေသ၊ ဒါဝိဒ၊ ရှမ္မလဟုနေစဘီး ပရောဖက်လေကြောင်းဟို ပြောပြဟို ကူဟူ။ 33 အယ်သုလေဟာ ယောင်ကြည်ရှင်းအားဖြင့် တခြား တိုင်းနိုင်ငံလေဟို အောန်ဟယ်။ ဖြောန့်မတ်ရှင်းအားဖြင့် အောက်ချောက်ဟယ်။ ဘုရားသခင်ရဲ့ ဂဒိတော်ဟို ဝမ်စားဟယ်။ ခြင်္သေ့နောက်ဟို ပိဟယ်။ 34 တော့-ကံလောန်နေဟူ မီးရှိဟို ငြီးစေဟယ်။ ထားလတ်နပ်ဘေးဟာ လွတ်ဟယ်။ နာဟုနေ လွတ်မြော့-ကံဘီး ကျမ်းမာရဟယ်။ စစ်တိုက်ဟူ ခီမာ စွမ်းရည်ခွန်အားနဲ့ ပွဲဝရဟယ်။ တခြားလူမျိုးလေရဲ့ တပ်လေဟို တိုက်ယူဖျစ်ဆီးရှင်း မှုရာလေဟို ပြုဂေလေဟယ်။ 35 မီးမလေလည်း ယောင်ကြည်ရှင်းအားဖြင့် သေဟားဘီးဟူ သူ့နို့သားလေ သတ်ယွန်ရှင်လာဇာဟို ယွန်ရဂေဟယ်။ တချို့လူလေဟာ ပိုဘီး မြတ်ဟူ ထမြော့-ကံရှင်းဟို ရော့-ကံရှင်ကြောန့် လွတ်မြော့-ကံဟူ ဇာဟို ခံယူဘဲ ရစ်ရစ်ဆစ်ဆစ် ညှဉ်းဆဲဇာဟို ခံဂေလေဟယ်။ 36 တချို့လူလေဟာ ကဲ့ရဲ့ခံရဘီး၊ ရိုက်ခံရဘီး တချို့လူလေဟာ ထောန်ထဲမာ သံကြိုးန ခယ်ဟားဇာဟို ခံရလေဟယ်။ 37 သူ့နို့ လေဟာ ကွော့-ကံခနဲ ပစ်ခံရရှင်းလေ၊ လွန် ပိုင်းပိုင်း တိုက်ဖြတ်ခံရရှင်းလေ၊ စောင်စမ်း နော့-ကံယှစ်ခံရရှင်းလေ၊ ထားန သတ်ခံရရှင်းလေ၊ ဆင်းရဲရှင်းလေ၊ ညှဉ်းဆဲနီစစ်ခံရဘီး သိုးသရေလေ၊ ဘဲသရေလေဟို ဝတ်ဘီး လှည့်လည် သွားလာရဂေဟယ်။ 38 အယ်လောကဟာ အယ်သုလေန ထိုက်တန်ဟူ။ သူ့နို့လေဟာ တောကန္တာရလေ၊ တောနံတန်းလေ၊ လှိုင်ဂူလေန မွေတွမ်းလေမာ လှည့်လည်ဘီး နေရလေဟယ်။ 39 အယ်လူလေ ဂူလောင်းဟာ ယောင်ကြည်ရှင်းအားဖြင့် ထော့-ကံခံ ချိုးကျူးဟူဇာဟို ခံရဟူလည်းဘဲ ဂဒိတော်တိုင်း ကျိုးကျေးဇူးလေဟို ခံရဂေဟူ။ 40 ဖြားဖြစ်ကြောန့်နဲ့ဆိုဟာ အယ်လူလေဟာ နို့လေပါဘဲ စောင်လင်ရှင်းဟို ရော့-ကံဘဲနေဟိုတွပ် ဘုရားသခင်ဟာ နို့လေတွပ်ကြောန့် ပိုဘီး မြတ်ဟူ ကျေးဇူးဟို ကြံစည်တော်မူလေဟယ်။

12 အယ်ကြောန့် အယ်မျှလော့-ကံများဟူ သတ်သေလေဟာ နို့လေဟို ပိုင်းရံဟားဟူ ဖြစ်ကြောန့် နို့လေဟာ ဝန်လေ ဂူလောင်းန နော့-ကံယှစ်တတ်ဟူ ပြစ်လေဟို ဖယ်ရှားဘီး နို့မျှစ်မော့-ကံရှေမာ ထားဟားဟူ ပန်းတိုင်ဟို ရော့-ကံဟိုတွပ် အားလျှော့ဘဲန လွှေးဂေဇို။ 2 ယောင်ကြည်ရှင်းဟို စပြုတည်စေဘီး စောင်လင်စေတော်မူဟူ သခင်ယေရှုဟို စေ့စေ့ထော့-ကံရှေဂေဇို။ အယ်သခင်ဟာ သူ့ရှေမာထားဟူ ဝန်းသာရှင်း ကြောင်းကြောန့် ယှစ်ကြော့-ကံဟူ ဇာလေဟို မှတ်ဘဲန လတ်ဝါးကပ်တိုင်မာ ခံဘီးမှ ဘုရားသခင်ရဲ့ ပလွင်တော် ညာဖတ်မာ ထိုင်နေတော်မူဟယ်။ 3 ပြစ်ရှိဟူ သူလေ လတ်ထဲမာ အယ်မျှလော့-ကံဂီးဟူ ဆီးတား နော့-ကံယှစ်ရှင်းဟို ခံတော်မူဟူ သခင်ဟို ထော့-ကံရှေ ဆင်ခြင်ရှင်းအားဖြင့် အားလျှော့ စိပျစ်မှုလေန လွတ်ကင်းဟိုတွပ် ကြိုးစားဂေပါ။ 4 နန်းနို့လေဟာ ဒုစရိုက်ပြစ်ဟို တွန်းလှန်ဟူကြောန့် သွီးထွပ်အောန်ထိ ခံရဖူးသေးဟူ။ 5 ကျမ်းစာတော်မာ ဘုရားသခင်ဟု၊ “ငါ့သား၊ ဘုရားသခင် ဆောင်းမ

ပဲ့ပြင်တော်မူဟူ ဇာတို့ လေးထားဘဲနေန။ ဆောင်းမခံရဟူ ခီမာ စိပျစ်န။ **6** ဖြားဖြစ်ကြောနန်းဆိုဟာ ဘုရားသခင်ဟာ ရှစ်တော်မူဟူ သားတို့ ဆောင်းမတတ်ဟယ်။ သားဖြစ် လတ်ခံဟူ သူရိယူမျှတို့ ရိုက်ဘီး ဒန်ခတ်တော်မူတတ်ဟယ်” ဆိုဘီး သားဂန်းဟားလေဟို့ ပြောဟူမျိုး နန်းနီလေဟို့ ပြောဟူ တိုက်တွန်း အားပေးစကားဟို့ နန်းနီမေဟားဂေ ဘီလော။ **7** ဘုရားသခင်ဟာ နန်းနီဟို့ သားဟူမျိုး ပြုမူတော်မူဟူကြောန့် နန်းနီလေဟာ ဆောင်းမတော်မူဟူ ဇာတို့ သီးခံဂေရမယ်။ ဖြားဖြစ်ကြောနန်းဆိုဟာ ဖဆောင်းမဘဲဟူသား တဇောင်တယာ-က် ရှိဟူကြောန့်လော။ **8** လူတိုင်းခံရတတ်ဟူ ဆောင်းမရှင်းဟို့ နန်းနီခံရဘဲနေဟာ သားရင်းမူဘဲ တရားဝမ်ဘဲဟူ သားလေဘဲ ဖြစ်ဂေဟယ်။ **9** နှော့-က်ဘီး နီလေဟာ ကိုယ်ကာယနခိုင်ဟူ ဖခင်လေလတ်န ဆောင်းမဟူဇာတို့ ခံရဟူ ခီမာ သူးနီလေဟို့ ရိုသေလေးစားဂေဟယ်။ အယ်လော့-က်နမကဟ ပညာဉ်ရေးရာန ခိုင်ဟူ ဖခင်လေဟို့ ပိုဘီး နာခံမယ် ဆိုဟာ နီလေဟာ သတ်ချမ်းသာရာ ရဂေမယ် မဟူလော။ **10** ဖြားဖြစ်ကြောနန်းဆိုဟာ ဇာတိဖခင်လေဟာ သူးနီကောင်းမယ်ဆိုဘီး ထန်ဟူတိုင်း ရှစ်ဟားဘဲ ဆောင်းမပေးတတ်ဟယ်။ အယ်ဘောမဲ့ ဘုရားသခင်ဟာ သူရဲ့ သန်ရှင်းရှင်း ပါရမီတော်ဟို့ နီလေခံစားရဟို့တွင် နီလေရဲ့ ကျိုးဟို့ ထော့-က်ဘီး ဆောင်းမပေးတော်မူဟယ်။ **11** ဆောင်းမခံရဟူ ဇာလေဟာ ခံရဟူ ခီမာ ဝန်းသာရမယ့် ကြေးရံရာ ဖြစ်ဟယ် ဆိုဘီး ထန်ဘဲန ဝန်းနံဇာ ဖြစ်ဟယ် ဆိုဘီး ထန်တတ်လေဟယ်။ အယ်ဘောမဲ့လည်း ဆောင်းမခံရဟူ သူလေဟာ နှော့-က်မ ငြိသတ်ရှင်းန စပ်ဆိုင်ဟူ ဖြောန့်မတ်ရှင်း ကျိုးဟို့ ခံစားရဂေလေဟယ်။ **12** အယ်ကြောန့် အားကူနေဟူ လတ်လေန အားမေ့ဘဲဟူ ဒူးလေဟို့ ခိုင်ခံစေပါ။ **13** ခေသန်ဘဲဟူ သူလေဟာ ဆစ်လေပျံထွပ်ဘဲန ကောင်းတိုင်း ယွန်ဖြစ်လာစေဟို့တွင် နန်းနီရဲ့ ခေတွပ် ဖြောန့်ဟူလမ်းဟို့ ပြင်ဆင်ဂေပါ။ **14** လူလေန သင့်သင့်တင့်တင့်နေဘီး ငြိသတ်ရှင်းန သန်ရှင်းရှင်း ပါရမီဟို့ မှီအောန်လိုက်ဂေပါ။ သန်ရှင်းရှင်း ပါရမီ မေ့ဘဲနေဟာ ဖယ်သူလည်း ဘုရားသခင်ဟို့ ဖူးပြင်ရဟို့ မဟူ။ **15** နန်းနီလေဟာ တဇောင်တယော့-က်လည်း ဘုရားသခင်ရဲ့ ကျေးဇူးတော်ဟုနေ ကွာဟားဘဲနေဟို့တွင်န၊ ခါးဟူ ပန်ပြစ်ပေါ-က်ထွပ်ဘီး နန်းနီလေဟို့ နှော့-က်ယှစ်ဟူကြောန့် လူလေဟာ အယ်ရာလေအားဖြင့် ပြစ်န ညစ်ညူးဘဲနေဟို့တွင် ဒိပြုဂေပါ။ **16** တရားဘဲဟူ မေထုန်ပြုဟူသူ မေ့ဘဲနေဟို့တွင်န ဧသောဟာ မှန်းတနပ်စာတွင် သားဦးရပ်ရာဟို့ ရောင်းဟူမျိုး ဘုရားတရားဟို့ ရိုသေဘဲဟူ သူလေ ယော့-က်လည်း မေ့ဘဲနေဟို့တွင် ဒိပြုဂေပါ။ **17** နန်းနီ သိဂေဟူတိုင်းဘဲ သူဟာ နှော့-က်မ ကောင်းဂျီးမင်္ဂလာဟို့ မှီဆစ်ခံရှင်ဟူလည်းဘဲ ငြင်းပယ်ဇာဟို့ ခံရဘီး ကောင်းဂျီးမင်္ဂလာဟို့ ရရာတိုင်း လိုရှင်ကြောန့် မျစ်ရယ်ကွာဘီး တောင်းခံဟူလည်းဘဲ သူဖ စိယွန်းလဲလာဇာဟို့ ပြင်ရဟူ။ **18** နန်းနီလေဟာ လတ်န တို့ထိခိုင်ဟူ တောန်ဟို့ဖြစ်ဖြစ်၊ လောန်ဟူ မီးဟို့ဖြစ်ဖြစ်၊ မှောန်မဲဟူ မိုးတီတိုက်ဟို့ဖြစ်ဖြစ်၊ မှောန်မိုက်ဟို့ဖြစ်ဖြစ်၊ မိုးသတ်မှောန်တိုင်းဟို့ဖြစ်ဖြစ်။ **19** တံပိုးမဟူ သံဟို့ဘဲဖြစ်ဖြစ်၊ စကားတော်ဟို့ဘဲဖြစ်ဖြစ် ချည်းကပ်ဂေဟူဇာမဟူ။ အယ်မူသံဟို့ ကြားဟူလူလေဟာ နှော့-က်ထပ် မိန့်တော်မူဘဲနေဟို့တွင် တောင်းဗန်ဂေဟယ်။ **20** ဖြားဖြစ်ကြောနန်းဆိုဟာ “လိဆန်ဖြစ်ဟူလည်းဘဲ အယ်တောန်ဟို့ ထိမိဟယ် ဆိုဟာ ကြော့-က်ခဲနပ်သတ်စေ” ဆိုဘီး မိန့်တော်မူဟူ သံတော်ဟို့ လူလေဟာ နားခံခိုင်ဘဲကြောန့် ဖြစ်ဟယ်။ **21** အယ်မျိုး ထန်းထန်ရှားရှား ပြင်ရဟူဇာဟာ ရရာတိုင်း ကြော့-က်ဇာကောင်းဟူကြောန့် မောရေဟု “ငါဟာ ကြော့-က်ရွံ့တူလော့က်ဘီး နေရဟယ်” ဆိုဘီး ပြောလေဟယ်။ **22** နန်းနီလေဟာ ဇီအုန်တောန်န သတ်ရှင်တော်မူဟူ ဘုရားသခင်ရဲ့ မြို့တော်ဖြစ်ဟူ ကောင်းဂန် ယေရုရှလင်မြို့ ဟို့ဘဲဖြစ်ဖြစ်၊ တိုင်းမသိ ရရာတိုင်း များဟူ ကောင်းဂန်တမန်လေရဲ့ စည်းဝေးရာဟို့ဘဲဖြစ်ဖြစ်။ **23** ကောင်းဂန်စာရင်းဝမ်ဟူ သားဦးလေရဲ့ သင်းတော်ဟို့ဘဲဖြစ်ဖြစ်၊ လူလေ ဂူလောင်းဟို့ တရားစီရင်တော်မူဟူ ဘုရားသခင်နားဟို့ဘဲဖြစ်ဖြစ်၊ စောင်လင်ရှင်းဟို့ရော့-က်ဟူ ဖြောန့်မတ်ဟူ သူလေရဲ့ စိဝိညာဉ်လေဟို့ဘဲဖြစ်ဖြစ်။ **24** ပဋိညာဉ်တရားသစ်ရဲ့ အာမခံဖြစ်ဟူ ယေရှုနားဟို့ဘဲဖြစ်ဖြစ်၊ အာဗေလရဲ့သွီး ပြောဆိုဟူဇာထတ် ပိုဘီး မြတ်ဟူရာဟို့ ပြောဆိုဟူ ပတ်ဖျန်းဟူ သွီးတော်နားဟို့ဘဲဖြစ်ဖြစ် ရော့-က်ဂေဟယ်။ **25** အယ်ကြောန့် နန်းနီလေဟာ မိန့်တော်မူဟူ သူရဲ့ စကားတော်ဟို့ ငြင်းဆန်မိဘဲနေဟို့တွင် ဒိပြုဂေပါ။ မွေဂီးထတ်မာ ဗျာဒိတ်တော် ဆင့်ဆိုသူရဲ့ စကားဟို့ ငြင်းဆန်ဟူ

သူလေဟာ ပြစ်လွတ်ခွင့်မဲ့ဘဲနေဟာ အယ်လော့-ကန်မကဟ ကောန်းဂန်ဘောင်ဟ မိန့်တော်မူဟူ သူရဲ့ စကားဟို နို့လေ နားထောင့်ဘဲနေဟာ ပိုဘီး ကီးလေးဟူ ပြစ်န ဖယ်မျိုး လွတ်ကင်းနိုင်မယ်နဲ့။ 26 ရင်းရင်းဒူးဟာ ဗျာဒိတ်တော်သံဟာ မွေဂီးဟို လှောက်ဟူ ဇာဖြစ်ကြောင့် ကိုယ်တော်ဟ “နော့-ကံထပ်ခါ ငါဟာ မွေဂီးန ကောန်းဂန်ဟို လှောက်အူးမယ်” ဆိုဘီး ဂဒိတော်ရှိဟယ်။ 27 “နော့-ကံထပ်ခါ” ဆိုဘီး ပြောဟူ စကားရဲ့ မိပါယ်ဟာ လှောက်ဘဲဟူ ဇာလေဟို တည်စေဟိုတွင် လှောက်ဟူရာလေဟို လောကရာဇေမျိုး ပယ်ဖျစ်လေ့မယ် ဆိုဘီး ဆိုလိုဇာဖြစ်ဟယ်။ 28 အယ်ကြောန့် နို့လေဟာ လှောက်နိုင်ဘဲဟူ နိုင်ငံဟို ရဟူသူလေဖြစ်ကြောင့် ခန့်ညား ကြော-ကံရွံ့ဟူ သဘောန ဘုရားသခင် နှစ်သက်ဟူ နည်းတိုင်း ဝတ်ပြုကိုးကွယ်ဟိုတွင် ကျေးဇူးတော်လေဟို စွဲလန်းဂေ့ဇို။ 29 ဖြားဖြစ်ကြောန့်နူးဆိုဟာ နို့လေရဲ့ ဘုရားသခင်ဟာ လောင်ဟူမီး ဖြစ်တော်မူဟယ်။

13 ညီကို မောန်နှမရှင်းရှင်း ရှစ်ရှင်းမြစ်တာန တည်နေဂေပါ။ 2 ဧည့်ဝတ်ပြုဟူဇာဟို မေ့ဂေန၊ ဖြားဖြစ်ကြောန့်နူးဆိုဟာ တချို့လူလေဟာ ဧည့်ဝတ်ပြုဟူ ခီမာ ကောန်းဂန်တမန်လေဟို မှတ်တမဲ့ ဧည့်ခံဂေဟယ်။ 3 နန်းနို့လေဟာ ကျဉ်းကွဲခံနေရဟူ သူလေနဘူးဒူ ကိုယ်လည်းခံနေရဟူမျိုး မှတ်ယူဘီး သူးနို့လေဟို ဒီရဂေပါ။ နန်းနို့လေဟာ ကိုယ်ခန္ဓာန လွတ်ကင်းဘဲဟူ သူလေဖြစ်ဟူကြောင့် ညှဉ်းဆဲခံရဟူသူလေဟို အော့-ကံမေ့ဂေပါ။ 4 လူလေ ဂူလောင်းဟာ သူးနို့ရဲ့မင်္ဂလာဆောင်ရှင်းန သစ်စာသံဝါသပြုဟူ မူရာဟို ညစ်ညူးမှုမေ့ဘဲန အသရေရှိစေပါ။ တရားဘဲဟူ မေထုန်ဟို ပြုဟူသူလေန သူးမယားဟို ပြစ်မှားဟူသူလေဟို ဘုရားသခင် စစ်ကြောစီရင်တော်မူလေမယ်။ 5 နန်းနို့လေရဲ့ ကျင့်ကြံပြုမူရှင်းဟာ ကပ်ဟို တတ်မတ်မှု မေ့ဘဲန ကိုယ့်မာရှိဟူ အောက်စာန ရောင့်ရဲမှု ရှိဂေပါ။ ဖြားဖြစ်ကြောန့်နူးဆိုဟာ “ငါဟာ နန်းဟို စွန့်ဟွားဟု။ နန်းဟို လောင်းဝ ပစ်ဟွားဟု” ဆိုဘီး ဂဒိတော် ရှိဟယ်။ 6 အယ်ကြောန့် “ဘုရားသခင်ဟာ ငါ့ဟို မစတော်မူဟူ သခင် ဖြစ်ဟူကြောင့် လူဟာ ငါ့ဟို ပြုနိုင်သမျှဟို ငါကြော-ကံဟု” ဆိုဘီး နို့လေဟာ ရဲရင့်ဟူ စိန ပြောဆိုရဟူခွင့် ရှိဂေဟယ်။ 7 ဘုရားသခင်ရဲ့ စကားတော်ဟို ဟောပြောဟူ နန်းနို့လေရဲ့ ခေါင်းဆောင်လေဟို အော့-ကံမေ့ဂေပါ။ သူးနို့လေဟာ ဖယ်မျိုး ကျင့်ကြံပြုမူဘီး သေဟွားဂေဟူ ဆိုဇာဟို စေ့စေ့ဆင်ခြင်ဘီး သူးနို့လေရဲ့ ယောင်ကြည့်ရှင်းဟို မှီအောင်လိုက်ဂေပါ။ 8 ယေရှုခရစ်ဟာ နန်းကီး၊ အယ်နော့ နော့-ကံကာလစဉ်ဆစ် ဟွေးနီးလဲဘဲန နေတော်မူဟယ်။ (aiōn g165) 9 ထူးထူးပြားပြား ယူဝါဒသစ်လေ နော့-ကံဟို လိုက်ဘီး စိဖော့-ကံပွန်ဂေန။ ဖြားဖြစ်ကြောန့်နူးဆိုဟာ စာအားဖြင့်မူဘဲ ကျေးဇူးတော်အားဖြင့် စိနလောင်းဟို တည်ကြည်စေဟူဇာဟု ပိုဘီး ကောန်းမြတ်ဟယ်။ စာအားဖြင့် သတ်ရှင်ရှော့-ကံလှမ်းဟူ သူဟာ ကျိုးဟိုရဂေဟူ။ 10 တဲတော်မာ ဝတ်ပြုဟူ သူလေ စားပိုင်ခွင့် မေ့ဘဲဟူ ယစ်ပလွင်ဟာ နို့လေမာ ရှိဟယ်။ 11 ဖြားဖြစ်ကြောန့်နူးဆိုဟာ ယစ်ပရောဟိတ်မန်းဟာ ပြစ်ဖြေဟူ ယစ်ကောန်ရဲ့ သွီးဟို သန့်ရှင်းဆောင်းဌာနထဲဟို ယူသွမ်းဆောန်ဘီးမှ ယစ်ကောန်လေရဲ့ ကိုယ်ဟို တပ်ပွန်မာ မီးရှိရဟယ်။ 12 အယ်မျိုးတိုင်းဘဲ ယေရှုဟာ သူရဲ့သွီးန လူလေဟို စင်ကြယ်စေဟိုတွင် ဗြိစ္ဆဗော့-ကံပွန်မာ သေခံတော်မူလေဟယ်။ 13 အယ်ကြောန့် နို့လေဟာ အယ်သခင်နဘူးဒူ ကဲ့ရဲ့ခံဘီး တပ်ပွန် ကိုယ်တော်နားဟို ထွပ်ဟွားဂေဇို။ 14 ဖြားဖြစ်ဟူကြောန့်နူးဆိုဟာ အယ်လောကဟာ နို့လေတွင် တည်မြဲဟူဗြိစ္ဆဗော့ မေ့ဟု။ နော့-ကံဖြစ်လာမယ့်ဗြိစ္ဆဗော့ဟိုဘဲ မျှော်လင့်နေဂေ ဖြစ်ဟယ်။ 15 အယ်ကြောန့် နို့လေဟာ နာမတော်ဟို ဝန်ခံဘီး နှောကခမ်းသီးဖြစ်ဟူ ချီးမွမ်းရှင်းယစ်ဟို သခင်ယေရှုခရစ်အားဖြင့် ဘုရားသခင်ရှေ့တော်မာ မြဲဒမ်း ပူဇော်ဂေဇို။ 16 ကျေးဇူးပြုဟူမူ အောက်စာဝီမျှဟူ မူလေဟို မေ့ဂေန။ အယ်မျိုးပြုဟူ ယစ်ဟို ဘုရားသခင်ဟာ နှစ်သက်တော်မူဟယ်။ 17 နန်းနို့လေရဲ့ ခေါင်းဆောင်လေ စကားဟို နို့ညီး နားထောင့်ဂေပါ။ သူးနို့လေဟာ ကိုယ်တိုင် စစ်ကြောခံရဟူ သူလေမျိုး နန်းနို့စိဝိညာဉ်ရဲ့ ကျိုးတွင် စောန့်ရှော့-ကံနေဂေဟယ်။ နန်းနို့လေဟာ သူးနို့စကားဟို နားထောင့်ဟယ် ဆိုဟာ သူးနို့လေ ဝန်းသာရှင်းန လောက်ဆောန်ဂေလေမယ်။ အယ်မျိုးမူဘဲနေဟာ သူးနို့လေ ဝန်းခံရဟူကြောင့် နန်းနို့လေ ဖယ်မျိုးလည်း ကျိုးရှိဟို မူဟု။ 18

နို့လေတွပ်လည်း ဆုတောင်းပေးပေပေ။ နို့လေဟာ ကိုယ့်ကိုယ်ကိုယ် သိဟူစိ ကြည်လင်ဟုယ် ဆိုဇာဟို့ ယောင်ကြည်ဘီး ရာရာတိုင်းမာ ကောင်းကောင်းမွန်မွန် ကျင့်ကြံနေပေဟို့တွပ် လိုရှင်သူ ဖြစ်ဟုယ် ဆိုဇာ စိစွဲလမ်းမှု ရှိပေဟုယ်။ 19 ငါဟာ နန်းနို့လေနားဟို့ ဗြန်းဗြန်ဟား လာနိုင်ဟို့တွပ် နို့လေဟို့ ဆုတောင်းပေးဟို့ ပိုဘီး နို့ဆော်တောင်းဗန်ပါဟုယ်။ 20 ထာဝရဗုဒ္ဓညာဉ်န ဆိုင်ဟူ သူ့သွီးတော်အားဖြင့် သိုးလေရဲ့ သိုးထီးဂီးဖြစ်ဟူ နို့လေရဲ့ သခင်ယေရှုဟို့ သေရှင်းဟူ နှုဆော်တော်မူဟူ ငြိသတ်ရှင်းရဲ့သခင် ဘုရားသခင်ဟာ၊ (aiōnios g166) 21 ရှေ့တော်မာ နှစ်သက်တော်မူဟူ မူရာလေဟို့ ယေရှုခရစ်အားဖြင့် နန်းနို့လေဟို့ ပြုတော်မူဘီး နန်းနို့လေဟာ လိုတော်ဟို့ လိုက်ရှော့-က်ဂေဟို့တွပ် ကောင်းဟူ ကျင့်ဘောင်းဇောင်လေန ပြုပြင်တော်မူပါစေ။ အယ်သခင်ယေရှုခရစ်ဟာ ကမ္ဘာဆစ်ဆစ် ဖောင်းကီးတော်မူပါစေ! အာမင်။ (aiōn g165) 22 ညီကို မောန်နှမလေ၊ ငါဟာ နန်းနို့နားဟို့ လိုရင်းတိုရှင်းအားဖြင့် ရေးပို့လိုက်ဟူ အယ်မူ တိုက်တွန်း အားပေးစကားဟို့ သီးခံဘီး ခံယူဟို့တွပ် ငါတောင်းဗန်ပါဟုယ်။ 23 နို့လေရဲ့ညီ တိမောသေဟာ လွတ်လာဘီ ဖြစ်ဟူကြောင်းဟို့ နန်းနို့လေဟို့ သိစေရှင်ပါဟုယ်။ သူဗြန်းဗြန် ရော့-က်လာဟုယ် ဆိုဟာ ငါဟာ သူ့နတူးဒု နန်းနို့လေဟို့ လာတို့မယ်။ 24 နန်းနို့ ခေါင်းဆာန်လေန သန့်ရှင်းသူလေ ဂူလောင်းဟို့ နှောက်ဆစ်ပါဟုယ်။ ဣတလိ ပြည်သူပြည်သားလေဟာ နန်းနို့လေဟို့ နှောက်ဆစ်ပေပါဟုယ်။ 25 နန်းနို့လေ ဂူလောင်းမာ ကျေးဇူးတော် ရှိပါစေ။

ယာကုပ်

1 ဘုရားသခင်န သခင်ယေရှုခရစ်ရဲ့ စေခံ ယာကုပ်ဟာ၊ **2** ငါ့ညီကို မောနန်မလေ၊ နန်းနို့လေဟာ စောင်ဇမ်းနှောက်ရှစ်ဇာ မျိုးမျိုးဟို့ တွဲရဟူ ခီမာ ဝန်းသာဇာဘွဲဖြစ်ဟယ် ဆိုဇာ ခံယူဝေပါ။ **3** ဖြားဖြစ်ကြောနန်းဆိုဟာ နန်းနို့ရဲ့ ယောင်ကြည်ရှင်းဟို့ စောင်ဇမ်းဇာဟာ ခံနိုင်ရည်ဟို့ တိုဟွားစေဟယ် ဆိုဇာ နန်းနို့ သိဝေဟယ်။ **4** နန်းနို့ဟာ ဖယ်ဇာလည်း ချို့တတ်ဇာမော့ဘွဲ ပွဲဝှံစောင်လင်ဝေဟို့တွပ် ဆောင်းထိ ခံနိုင်ရည်ရှိရမယ်။ **5** နန်းနို့ထဲမာ ယော့-က်ယော့-က်ဟာ ပညာဟို့လိုရှင်ဟယ် ဆိုဟာ ကဲ့ရဲ့ပြစ်တန်ဘဲန၊ လူလေ ဂူလောင်းဟို့ စေတနာစိန် ပေးသနားဟူ ဘုရားသခင်နားမာ တောင်းစေ။ တောင်းမယ် ဆိုဟာ ရလေမယ်။ **6** အယ်ဘေမဲ့ သံသယမေ့ဘဲန ယောင်ကြည်ဟူစိန် တောင်းရမယ်။ ယောင်မှားဘီး သံသယစိရှိဟူလူဟာ လေတိုက်ဟူ ခီမာ လောကရှာနေဟူ ပန်လယ်ဟာ ရေလှိုင်းနတူဟယ်။ **7** အယ်လူဟာ ဘုရားသခင်နားဟုနေ ဖြားဇာခလည်းရမယ် ဆိုဇာ ထန်မှတ်စေန။ **8** အယ်မျိုးလူဟာ စိနွေခွဲရှိဟူကြောနံ့ သူလောက်နေဟူဇာလေမာ တည်ကြည်ရှင်းမော့ဘဲဟူ သူဖြစ်ဟယ်။ **9** ညီကို ယော့-က်ယော့-က်ဟာ နိက္ကနေဟူ ခြေနေဟုနေဘီး ဘုရားသခင်ဟု ချီးမြှေး-က်လိုက်ဟူ ခီမာ ဝန်းသာပါစေ။ **10** ကြွယ်ဝဟူ ညီကိုဟို့ ဘုရားသခင်ဟု နို့ခွဲဟူ ခီမာ ဝန်းသာရမယ်။ ဖြားဖြစ်ကြောနန်းဆိုဟာ ကြွယ်ဝဟူ လူလေဟာ တောထဲဟု ဖြစ်ပန်မျိုးဘွဲ ညှိုးဘီးဟာ ပျော့-က်ကွယ်ဟားကြောနံ့ ဖြစ်ဟယ်။ **11** နေပူရှိဟာ ဖြစ်ပန်ဟို့ ခြွေ-က်ဟားစေဘီးဟာ ပွင့်လည်း ကိစ္စဟွားစေဟယ်။ အယ်ကြောနံ့ တင့်တယ်လှပရှင်းလေဟာ ပျစ်စီဟားဟူမျိုးဘွဲ ကြွယ်ဝဟူ လူဟာလည်း သူရဲ့ စီဟွားဟို့ လောက်နေဒူးဟူခီမာ ပျော့-က်ကွယ်ဟားလေမယ်။ **12** စောင်ဇမ်းရှင်းဟို့ သည်းခံနိုင်ဟူလူဟာ မင်္ဂလာရှိဟယ်။ ဖြားဖြစ်ကြောနန်းဆိုဟာ အယ်လူဟာ အယ်မျိုးခံဘီးမှ ဘုရားသခင်ဟို့ ရှစ်ဟူလူဟို့ ကိုယ်တော်ဟု ဒိထားဟာတိုင်း သတ်သရဖူဟို့ ရလေမယ်။ **13** သွီးဆောန်ခံရဟူလူဟာ “ဘုရားသခင်ဟာ ငါ့ဟို့ သွီးဆောန်နေဟယ်” ဆိုဇာ ဖယ်သူလဲ ပြောစေန။ ကောင်းဘွဲဟူဇာလေဟာ ဘုရားသခင်ဟို့ သွီးဆောန်နိုင်ဟူ။ ကိုယ်တော်ဟုလည်း ဖယ်သူဟို့လည်း သွီးဆောန်ဟူ။ **14** လူဟာ သွီးဆောန်ခံရဟယ် ဆိုဇာဟာ ကိုယ်စီဟု ကောင်းဘဲဇာဖြစ်ဟူ လိုရှင်ဟူဆန္ဒဟု ဆွဲဆောန်ဘီး လိုက်ပါဟားဟူကြောနံ့ ဖြစ်ဟယ်။ **15** အယ်မျိုးလိုရှင်ဟူ ဆန္ဒလေဟာ ကိုယ်ဝန်ဆောန်ဘီးဟာ ဒုစရိုက်ဟို့ မွီးဖွားစေဟယ်။ ဒုစရိုက်ဟာ ကီးလာဟူ ခီမာ သေရှင်းဟို့ မွီးဖွားစေဟယ်။ **16** ငါ့ရှစ်ရဟူ ညီကို မောနန်မလေ၊ လွဲယူဝေန။ **17** ကောင်းမြတ်စောင်လင်ဟူ ဆုကျေးဇူးမှန်မျှဟာ ကောင်းဂန်မာရှိဟူ ဇာလေဟို့ ဖန်ဆင်းဟူ ဘုရားသခင်နားဟုနေ ရော့-က်လာဟယ်။ ကိုယ်တော်ဟာ ယော့နဲလဲတတ်ဟူ ရိန်လည်းကင်းဟယ်။ **18** ကိုယ်တော်ဟာ ဖန်ဆင်းဟားဟူ သတ္တဝါလေထဲမာ ဦးဆောင်းနေရာဟို့ ရစေဟို့တွပ် သမ္မာတရားအားဖြင့် သူရဲ့ လိုတော်နတူးဒု နို့လေဟို့ မွီးဖွားစေဟယ်။ **19** ငါ့ရှစ်ရဟူ ညီကို မောနန်မလေ၊ အယ်ချစ်ဟို့ မှတ်ဟားဝေပါ။ နန်းနို့ ဂူလောင်းဟာ ကြားရှင်းမာ ရရာတိုင်းဗြန်စေပါ။ စကားပြောရှင်းန ဒေါသထွပ်ရှင်းမာ နှေးဝေပါ။ **20** လူလေရဲ့ မျစ်ဒေါသဟာ ဘုရားသခင်ရဲ့ ဖြောန့်မတ်ဟူ ကြိစည်လေဟို့ ရနိုင်ဟူ။ **21** အယ်ကြောနံ့ နန်းနို့ဟာ ညစ်ညူးရှင်းန ကောင်းဘဲဟူကျင့်လေဟို့ ဖယ်ပစ်ဝေပါ။ နန်းနို့ရဲ့ စိထဲမာ ဘုရားသခင်ထဲပေးဟားဟူ တရားတော်ဟာ နန်းနို့ဟို့ ကယ်တန်နိုင်ဟယ်။ တရားတော်ဟို့ နူးညံ့သိမ်မွေ့ဟူစိန် ခံယူဝေပါ။ **22** တရားတော်ဟို့ ကြားနာရောင်ဘွဲ ကြားနားရှင်းအားဖြင့် နန်းနို့ကိုယ် နန်းနို့ လှည့်ဇာဝေန။ တရားတော်ဟို့ လတ်တွေ့ ကျင့်သောင်းဝေပါ။ **23** တရားတော်ဟို့ လတ်တွေ့ ကျင့်သောင်းဘဲန ကြားနာရောင်ဘဲ ကြားနားရဟူလူဟာ ကိုယ့်ရဲ့ ပကတိမျစ်နာဟို့ မှန်မာကေဟူ လူနတူဟယ်။ **24** သူဟာ အယ်မျိုး ကေ့ဘီးဟာ ထွပ်ဟားဟူ ခီမာ သူရဲ့ ပေါင်ခံဟို့ မေ့ဟားတတ်ဟယ်။ **25** အယ်ကြောနံ့ လူလေဟို့ ပြစ်ချည်နှောင်ရှင်းထဲဟုနေ လွတ်မြှေး-က်စေဘီး စောင်လင်ဟူ ပညတ်တရားဟို့ သေးသေချားချာဟား လေ့လာကေ့ရဟူလူဟာ တရားဟို့ကေ့ဘီးဟာ မေ့ဟားဇာမျိုးမူဘဲန ဆစ်ဘီး အာရောင်ပြုဘီးဟာ လတ်တွေ့ကျင့်သောင်းလူ ဖြစ်ဟူကြောနံ့ ဖြားမူဘဲလောက်လောက် ဘုရားသခင်ရဲ့ ကောင်းဂျီးမင်္ဂလာဟို့ ခံစားရလေမယ်။ **26** လူတယော့-က်ဟာ

သူ့ကိုယ်သူ ဘုရားတရားဟို ကြည်ညိုဟယ် ဆိုဘီး ယူဆဘေမဲ့ သူ့ရဲ့ လျာဟို ထီးနိုင်ဟု ဆိုဟာ သူ့ရဲ့ စိန်လောင်းဟို လှည့်ဇာဟူလူ ဖြစ်ဟယ်။ သူ့ရဲ့ ဘုရားတရား ကိုင်းရှိုင်းရှင်းဟာ ချည်းနှီးဘဲဖြစ်ဟယ်။ 27 ဖဘုရားသခင်ရှေ့မှာ စင်ကြယ်ဟူတရားဟို ကြည်ညိုဟယ် ဆိုဇာ ဒေါက်ခရော့-က်နေဟူ၊ မိဖမ္မောဘဲဟူ သားဂန်းလေန မောက်ဆိုးမလေဟို ကေ့ရှစောန်ရှောန်ရှင်း၊ လောကရဲ့ ညစ်ညူးရှင်းလေန ကင်းအောန် ကိုယ့်ကိုယ်ကိုယ် စောန်ထီးရှင်းဘဲ ဖြစ်ဟယ်။

2 ညီကို မောန်နှမလေ၊ နန်းနို့ဟာ ဖောင်းတဂိုးကီးဟူ သခင်ယေရှုခရစ်တော်ဟို ယောင်ကြည်ဟူ လူလေဖြစ်ဟူကြောန့် လူလေဟို မျစ်နာလိုက်ဘီး ဆစ်ဆံဂေ့န။ 2 နန်းနို့လေရဲ့ ဝါလယ်ဇရပ်ဟို ဝမ်လာဟူ လူနေယော့-က်မာ ရွှေလတ်စွပ်ဝတ်ဟားဘီး ရရာတိုင်းကောင်းဟူ အန်းဂီလေဟို ဝတ်ဟားလေဟယ်။ တခြားတယော့-က်ဟု ဆင်းရဲဟူကြောန့် စုနေဟူအန်းဂီဟို ဝတ်ဟားမယ် ဆိုဟာ။ 3 နန်းနို့ဟာ ကောင်းဟူအန်းဂီဟို ဝတ်ဟားဟူလူဟို ဦးစားပေးဘီးဟာ “အယ်နေရာကောင်းမာ ထိုင်ပါ” ဆင်းရဲသားဟို “ငါရဲ့ ခေရင်းမာထိုင်ပါ” ဆိုဘီး ပြောမယ် ဆိုဟာ။ 4 ရှင်းရှင်းဘဲ လူဒန်းဇားခွဲခြားဘီး ကောင်းဘဲဟူကြံစည်ဟို စီရင်ဂေဇာ မူဟလော။ 5 ငါရစ်ရဟူ ညီကို မောန်နှမလေ၊ နားထောန်ဂေ့ပါ။ ယောင်ကြည်ရှင်းမာ ကြွယ်ဝဟူ လူလေဖြစ်ဂေ့ဟိုတွပ် ဒိထားဟားဟူ နိုင်ငံတော်ဟို မှီခံရဟူလူလေ ဖြစ်ဂေ့ဟိုတွပ် ဘုရားသခင်ဟာ လောကမာ ဆင်းရဲဟူလူလေဟို ဝီးကော့-က်ဟားဇာ မူဟလော။ 6 အယ်ဘေမဲ့ နန်းနို့ဟာ ဆင်းရဲသားလေဟို စော်ဂါးဂေ့ဟယ် ကြွယ်ဝဟူ လူလေဟာ နန်းနို့လေဟို နှိစစ်ဘီးဟာ တရားသူဂီးလေရှေ့မှာ ဆွဲခေါ်ဟားဂေ့ဟယ် မူဟလော။ 7 နန်းနို့ဟို ခေါ်ဟားဘီး နာမတော်ဟို ကဲ့ရဲ့ဂေဇာ မူဟလော။ 8 နန်းနို့ဟာ “ကိုယ့်နခိုင်ဟူလူဟို ကိုယ်နမျှရစ်ပါ” ဆိုဘီး ကျမ်းစာမာပါဟူ ရွှေပညတ်တော်ဟို ကျင့်မယ် ဆိုဟာ ကောင်းဟူဇာဟို ကျင့်ဟူဇာ ဖြစ်ဟယ်။ 9 အယ်မျိုးမူဘဲနေဟာ လူမျစ်နာဟို ထော့-က်မယ် ဆိုဟာ ပြစ်လောက်ဟူလူ ဖြစ်ဟယ် ဆိုဇာ အယ်ပညတ်အားဖြင့် ထန်ရှားဟယ်။ 10 ပညတ်တော်တခုဟို ချိုးဖော့-က်ဟူလူဟာ ပညတ်တော် ဂူလောင်းဟို ချိုးဖော့-က်ဇာန တူးဒုဘဲ။ 11 ဖြားဖြစ်ကြောန့်နဲ့ဆိုဟာ “အီထောန်ရေးဖော့-က်ပွန်န” ဆိုဘီး ပြောဟားဟူသခင်ဟာ “လူသတ်ဟိုလည်း သတ်န” ဆိုဇာလည်း ပြောဟားကြောန့် ဖြစ်ဟယ်။ နန်ဟာ အီထောန်ရေး ဖော့-က်ပွန်ဘေမဲ့ လူသတ်ဟူသတ်ဟယ် ဆိုဟာ ပညတ်တော်ဟို ချိုးဖော့-က်ဇာန တူးဒုဘဲ ဖြစ်ဟယ်။ 12 အယ်ကြောန့် နန်းနို့ဟာ လွတ်မြော့-က်ရှင်းနခိုင်ဟူ တရားတော်အားဖြင့် စီရင်ရှင်းဟို ခံရမယ်သူလေမျိုးဘဲ ပြောဆိုကျင့်ကြံဂေ့ပါ။ 13 ကရုဏာမော့ဘဲဟူ လူဟာ ကရုဏာမေနဟူ တရားစီရင်ရှင်းဟို ခံရလေမယ်။ အယ်ဘေမဲ့ ကရုဏာဟာ တရားစီရင်ရှင်းထတ်မာ အောန်ခွဲဘဲတတ်ဟယ်။ 14 ငါ့ညီကို မောန်နှမလေ၊ လူတယော့-က်ဟု ငါမာ ယောင်ကြည်ရှင်းရှိဟယ် ဆိုဘီး ပြောဘေမဲ့လည်း ကျင့်အားဖြင့် သတ်သေပြနိုင်ဟု ဆိုဟာ ဖယ်ကျိုးရှိနူး။ အယ်လူရဲ့ ယောင်ကြည်ရှင်းဟာ သူ့ဟို ကယ်တန်နိုင်ဘဲလော။ 15 ညီကို မောန်နှမလေဟာ စားဝတ်နေရေး ဆင်းရဲနေဟူ ခီမာ 16 နန်းနို့ဟာ “နန်းနို့လေဟို ဘုရားသခင် ကောင်းဂျီးပေးပါစေ။ ငြီးငြီးချမ်းချမ်းဟား နေဂေ့ပါ။ ဝဝဟားစားဂေ့” ဆိုဘီး ပြောဘီးဟာ သူးနို့ရဲ့ ကိုယ်ခန္ဓာတွပ် လိုအပ်နေဟူ ဇာလေဟို ပေးဘဲန နေမယ် ဆိုဟာ ဖြာကျိုးရှိမယ်နူး။ 17 ယောင်ကြည်ရှင်းဟုလည်း အယ်မျိုးဘဲဖြစ်ဟယ်။ ကျင့်မော့ဘဲဟူ ယောင်ကြည်ရှင်းဟာ ခုဒ်ဘဲဖြစ်ဟူကြောန့် သေဖြစ်ဟယ်။ 18 အယ်ကြောန့် ယော့-က်ယော့-က်ဟု “ငါမာ ယောင်ကြည်ရှင်းရှိဟယ်” ဆိုဘီး ပြောမယ် ဆိုဟာ “ကျင့်မော့ဘဲန နန်ရဲ့ယောင်ကြည်ရှင်းဟို ငါ့ဟို ပြပါ။ ငါဟုကျင့်န ငါရဲ့ ယောင်ကြည်ရှင်းဟို ပြမယ်” ဆိုဘီး ပြောဇာရှိဟယ်။ 19 ဘုရားသခင်တပါးဘဲ ရှိဟယ် ဆိုဘီး ယောင်ကြည်ဇာဟာ ကောင်းဟယ်။ နတ်ဆိုးလေဟုလည်း အယ်မျိုးဘဲ ယောင်ကြည်ဘီးဟာ ကြော့-က်ဘီး တူနေဂေ့ဟယ်။ 20 အို၊ လူမိုက်၊ ကျင့်မော့ဘဲဟူ ယောင်ကြည်ရှင်းဟာ ချည်းနှီးဖြစ်ဟယ် ဆိုဇာဟို သိရှင်လော။ 21 နို့လေရဲ့ဖိုး အာပြဟံဟာ ဘုရားသခင်န မှန်းမှန်ကန်းကန် ပေါန်းသင်းဆစ်ဆံဇာဟို ဖယ်မျိုးရဟယ်နူး။ သူဟာ သူ့သားကူဇာက်ဟို ယဇ်ပလွင်ထတ်မာ တန်ဘီးဟာ ပူဇော်ဟူ ခီမာ ကျင့်ကြောန့် ဖြောန်မတ်ရှင်းဟို ရဟယ်။ 22 သူ့ရဲ့ယောင်ကြည်ရှင်းဟာ ကျင့်နတွဲနေဇာဟို နန်းနို့လေဟာ ပြင်ဂေ့ဟလော။

ကျင့်ကြောန့်သူရဲ့ ယောင်ကြည်ရှင်းဟာ ပွဲဝှောင်လင်လာဟုယ်။ 23 အယ်ကြောန့် “အာပြဟံဟာ ဘုရားသခင်ဟို ယောင်ကြည်ဟုယ်။ သူရဲ့ ယောင်ကြည်ရှင်းကြောန့် ဘုရားသခင်ဟာ သူဟို ဖြောန့်မတ်ဟူသူနေန လတ်ခံလိုက်ဟယ်” ဆိုဇာ ကျမ်းစကားဟာ ပွဲဝှောင်လာဟုယ်။ အယ်ကြောန့် အာပြဟံဟာ ဘုရားသခင်ရဲ့ မိဆွေ ဆိုဘီး ခေါ်ခံရဟုယ်။ 24 အယ်ကြောန့် လူဟာ ယောင်ကြည်ရှင်း အားဖြင့်ဘဲ ဖြောန့်မတ်ရှင်းဟို ရှေး-က်ဇာမူဟု။ ကျင့်အားဖြင့်ရှေး-က်ဟယ် ဆိုဇာဟို နန်းနို့ သိရဂေဟုယ်။ 25 ကောန်းဘဲဟူမီးမ ရာခပ်ရဲကြောန်းဟုလည်း အယ်မျိုးဘဲ ဖြစ်ဟုယ်။ သူဟာ ကူသရေလ တလျှိုလေဟို လတ်ခံဘီးန တခြားလမ်းဟုနေ ထွပ်ဟားဟိုတွပ် ကူညီပေးဟုယ်။ အယ်မူကြောန့်သူဟာ ကျင့်ကြောန့် ဖြောန့်မတ်ရှင်းဟို ရှေး-က်ဟားဇာ မူဟုလော။ 26 အယ်ကြောန့် ဝိညာဉ်မှေဘဲဟူ ကိုယ်ခန္ဓာဟာ သေဖြစ်ဟူမျိုးဘဲ ကျင့်မှေဘဲဟူ ယောင်ကြည်ရှင်းဟုလည်း သေဖြစ်ဟုယ်။

3 ငါ့ညီကို မောန်နှမလေ၊ ဆရာဖြစ်ဂေဟူ နို့လေဟာ တခြားလူလေထတ် ပိုဘီး ဟာ စစ်ကြောစီရင်ရှင်းဟို ခံရမယ် ဆိုဇာ နန်းနို့ဟာ သိဟူကြောန့် ဆရာလေ ဖြစ်ရှင်ဂေန။ 2 နို့လေရှိမျှဟာ မကြာမကြာ မှားဂေဟုယ်။ ဖယ်ခါလည်း စကားမှားဘဲဟူလူဟာ ပွဲဝှောင်လင်ဟူလူ ဖြစ်ဟုယ်။ အယ်မျိုးလူဟာ ကိုယ်ကိုယ်ကိုယ် ထီးချောက်နိုင်ဟူလူ ဖြစ်ဟုယ်။ 3 နို့လေဟာ ပြင်းဇတ်ပေါ-က်ဟို ခယ်ဟားဘီးဟာ ပြင်းတကိုယ်လောင်းဟို လှည့်စေဟိုတွပ် နို့လေရဲ့ စကားဟို နားထောန်ခိုင်းဘီးဟာ သွားရှင်ဟူနေရာဟို သွားခိုင်းနိုင်ဟုယ်။ 4 ရရာတိုင်းကီးဟူ သန်းဖော်လေဟို လေတိုက်နေဟူ ခီမာ ပဲ့ဟိုကိုင်ဘီးဟာ ထီးချောက်ဘီး ပဲ့ထီးဟူလူဟာ သွားရှင်ဟူနေရာဟို လှည့်တတ်ဟုယ်။ 5 လျာဟုလည်း အယ်မျိုးတိုင်းဘဲ ဖြစ်ဟုယ်။ ကိုယ်ခန္ဓာမာ ငယ်ဆောင်းအင်္ဂါဖြစ်ဘေမဲ့ ရရာတိုင်းကီးဟူဇာလေဟို ဝါကြွားတတ်ဟုယ်။ ရရာတိုင်းကီးဟူသစ်တောဟို ရရာတိုင်းငယ်ဟူမီးပွားဟု လောန်နိုင်ဟုယ် ဆိုဇာ ကေ့ကေ့ပါ။ 6 လျာဟု မီးနတူဟုယ်။ ပြစ်ဒုစရိုက်လေန ပွဲဟူ လောကဖြစ်ဟုယ်။ အယ်မျိုးဘဲ ကိုယ်ခန္ဓာမာ အင်္ဂါတခုနေန ရှိနေဘီး နို့လေရဲ့ ကိုယ်ခန္ဓာ တခုလောင်းဟို ပြစ်ဒုစရိုက်လေန ကူးစစ်ဘီး ပွဲနို့စေဟုယ်။ လျာဟာ ငရဲမီးန နို့လေရဲ့ ဘဝဂူလောင်းဟို လောန်စေဟုယ်။

(Geenna g1067) 7 လူဟာ တခြားသတ္တဝါလေဖြစ်ဟူ လိဆန်၊ ငှက်၊ တွားတတ်ဟူ သတ္တဝါန ပန်လယ်မှာနေဟူ သတ္တဝါလေဟို လူလေဟာ ယဉ်အောန်လောက်နိုင်ဟုယ်။ လောက်လဲလောက်လာဟုယ်။ 8 အယ်ဘေမဲ့ လျာဟို ဖယ်သူလည်း နိုင်အောန်လောက်နိုင်ဟု။ လျာဟာ သေစေတတ်ဟူ ဆိန့်ပွဲဝှဘီး ထီးချောက်ဟို မျှဘဲနေအောန် ဆိုးဟုယ်။ 9 နို့လေဟာ ဖဘုရားသခင်ရဲ့ ဂေါင်တော်ဟို ချီးမွမ်းဟူ ခီမာ လျာလေဟို သောင်းဂေဟုယ်။ ဘုရားသခင်ရဲ့ ပေါင်ဇံတူးအောန် ဖန်ဆင်းဟားဟူ လူလေဟို ကီဆဲဟူ ခီမာလည်း သောင်းပြီဂေဟုယ်။ 10 နှောက်တခုထဲဟု ကျေးဇူးတော်ဟို ချီးမွမ်းရှင်းန ကီဆဲရှင်းလေ ထွပ်တတ်ဘဲလော။ ညီကို မောန်နှမလေ အယ်မျိုးဖြစ်သင့်ဟု။ 11 စမ်းရေ တပေါ-က်ထဲဟု ရှိဟူရေန ခါးဟူရေလေ ထွပ်တတ်ဘဲလော။ 12 ညီကို မောန်နှမလေ၊ သဖန်းပန်မာ သံလွင်သီးဟို သီးနိုင်ဘဲလော။ စဗျစ်နွယ်ဗန်မာ သဖန်းသီးဟို သီးနိုင်ဘဲလော။ အယ်မျိုးဘဲ ငန်ဟူရေဟု ရှိဟူရေ ဖြစ်နိုင်ဟု။ 13 နန်းနို့ထဲမာ လိမာဟူဉာဏ်နွဲဇောင်ဟူ ပညာရှိတယော-က်ရှိမယ် ဆိုဟာ သူဟာ သူရဲ့ ပညာရှိဟူ ဉာဏ်ပညာန နို့လူစိန သတ်ရှင်ဘီး ကောန်းဟူကျင့်လေဟို သတ်သေပြပါစေ။ 14 အယ်မျိုးမှဘဲနေဟာ နန်းနို့လေရဲ့ စိနလောင်းထဲမာ မာနကီးဟူစိ၊ နာလိုဘဲဟူစိ၊ တကိုယ်ကောန်ဆန်ဟူစိလေ ရှိမယ် ဆိုဟာ ဉာဏ်ပညာတွပ် ဝါးကြွားဘီ ပြောဟူဇာန သမ္မာတရားဟို ဆန်ကျင်ဂေန။ 15 အယ်မျိုးပညာဟာ ထတ်ဟုရှေး-က်လာဟူ ပညာမူဟု၊ လောကဆန်ဘီး ဇာတ်သွီးသားနဆိုင်ဟူ၊ နတ်ဆိုးလေန ပတ်သတ်ဟူ ပညာဘဲဖြစ်ဟုယ်။ 16 ဖြားဖြစ်ကြောန့်နူးဆိုဟာ နာလိုဘဲဟူစိ၊ တကိုယ်ကောန်ဆန်ဟူ စိလေဟာ အေးချမ်းဘဲန ရှောက်ရှစ်ခတ်ရှင်း၊ ကောန်းဘဲန ယောက်မာရှင်းလေ ဖြစ်စေတွပ်ကြောန့် ဖြစ်ဟုယ်။ 17 အယ်ဘေမဲ့ ထတ်ဟုလာဟူ ပညာဟာ ဦးဆောင်းဟု သန့်ရှင်းစင်ကြယ်ဟုယ်။ အယ်ဘီးန ငြီးချမ်းဘီးဟာ သာယာရှင်း၊ နူးညံ့သိမ်မွေ့ရှင်း၊ ရှစ်ရှစ်ခင်ခင် ဖြစ်စေဟုယ်။ ကရုဏာန ကြွယ်ဝလွှဲဇောင်ဘီး ကောန်းမြတ်ဟူ ကျင့်လေဖြစ်ဟူ သီးပွင့်လေဟိုလည်း

ဖြစ်စေဟုယ်။ မျစ်နာလည်းလိုက်ဟု။ ဟန်ဆောန်မူလလည်း မေ့ဟု။ 18 ငြီးချမ်းမှုလေဟို လောက်ဆောန်လူလေဟာ ပြောန်မတ်ဟူသီးရဲ့ မျိုးစေ့ဟို ငြီးချမ်းစွာ ကြဲတတ်ဟုယ်။

4 နန်းနီလေဟာ ဖြားဖြစ်ကြောန့် ရန်ဖြစ်ရှင်းလေန ငြင်းပွားရှင်းလေဟို ဖြစ်စေန။ နန်းနီလေရဲ့ ကိုယ်ကာယရဲ့ လိုအပ်ဟူ ဆန္ဒလေကြောန့် ဖြစ်စာ မှဟုလော။ 2 နန်းနီလေဟာ ကိုယ်လိုရှင်ဇာလေ ရဘွဲကြောန့် လူလေဟို သတ်ဟို့တွပ် ဆင်သင့်ရှိနေဂေဟုယ်။ ရရာတိုင်း လိုရှင်ဇာလေဟို ရနိုင်ဘွဲဟူကြောန့် ငြင်းနေဂေဟုယ်။ ရန်လည်းဖြစ်ဂေဟုယ်။ နန်းနီလိုရှင်ဇာလေ ရဂေဘွဲဇာဟာ ဘုရားသခင်မာ တောန်းဂေဘွဲကြောန့် ဖြစ်ဟုယ်။ 3 နန်းနီ တောန်းရှော-က်ဇာဟာ ရည်ရွယ်ချစ် လွဲစားဘီး ကိုယ့်ရဲ့ စည်းဇိမ်အောက်စာ ခံစားဟို့တွပ်ဘွဲ တောန်းရှော-က်ဂေဟူကြောန့် ဖြစ်ဟုယ်။ 4 နန်းနီဟာ သစ်စာမေ့ဘဲန ဆိုးညစ်ဟူလူလေ ဖြစ်ဂေဟုယ်။ လောကန ခင်ရှင်ဟူ လူလေဟာ ဘုရားသခင်ဟို ရန်ရှာဟူလူ ဖြစ်ဟုယ် ဆိုဇာ နန်းနီ သိဘီး နားလည်ဂေဟုလော။ လောကန မိဆွေဖြစ်ရှင်ဟူလူဟာ ဘုရားသခင်ရဲ့ ရန်သူဖြစ်ဟုယ်။ 5 ကျမ်းစာဟု “နီလေထဲဟို ဘုရားသခင်ပေးဟူ ဝိညာဉ်တော်ဟာ သဝန်တိုဟူဘောန တောန်းတတော်မူဟုယ်” ဆိုဘီး ကြောင်းမေ့ဘဲန ဖော်ပြဟားဟုယ် ဆိုဘီး နန်းနီ ထန်နေဂေလော။ 6 အယ်ဘောမဲ့ နီလေဟို ဘုရားသခင်ပေးဟာဟူ ကျေးဇူးတော်ဟာ ပိုဘီး ဟာ စွမ်းအားကီးဟုယ်။ “ဘုရားသခင်ဟာ မာနကီးဟူလူလေဟို နီလူလေဟို ကျေးဇူးတော်ဟို ခွဲပေးဟုယ်” ဆိုဘီး ကျမ်းစာလာဟူဇာန ညီဟုယ်။ 7 အယ်ကြောန့် ဘုရားသခင်ရဲ့ လိုတော်ဟို လိုက်ဂေပါ။ မာရန်တော်ဟို ဆီးတာဂေပါ။ အယ်မျိုးလောက်မယ် ဆိုဟာ သူဟာ နန်းနီနားဟုနေဘီးဟာ ထွပ်ပွေးဟားလေမယ်။ 8 ဘုရားသခင်နားဟို သွားဂေ။ အယ်မျိုးဆိုဟာ ကိုယ်တော်ဟာ နန်းနီနားဟို ကြွလာလေမယ်။ ပြစ်ကျူးလွန်ဟူလူလေ၊ နန်းနီလတ်လေဟို ဆေးဂေပါ။ မာနကီးဟူလူလေ၊ နန်းနီလေရဲ့ စိန်လောင်းဟို သန်ရှင်းစင်ကြယ်အောင်လောက်ဂေပါ။ 9 ဝန်းနည်းကြေကွဲဂေပါ။ ငိုဘီးဟာ ညီးတွားဂေပါ။ နန်းနီ ရယ်ဇာလေဟို ငိုဇာဖြစ်စေဂေပါ။ နန်းနီ ဝန်းသာဇာဟို ဝန်းနည်းဇာ ဖြစ်စေဂေပါ။ 10 နန်းနီဟာ ကိုယ့်ကိုယ်ကိုယ် ဘုရားသခင်ရှေ့မာ ခွီလူဂေပါ။ အယ်မျိုးဆိုဟာ ကိုယ်တော်ဟာ နန်းနီဟို ချီးမြှော-က်လေမယ်။ 11 ညီကို မောန်နမလေ၊ နန်းနီဟာ ရှင်းရှင်း မော့-က်နမော့-က် ပေါက်ခတ်ဘီး ဝေဖန်ရှင်းန စစ်ကြောစီရင်ရှင်းလေဟာ ပညတ်တရားဟို ပေါက်ခတ်ဘီး ပြောနေဇာနတူဟုယ်။ ပညတ်တရားဟို စီရင်ဂေမယ် ဆိုဟာ နန်းနီဟာ အယ်မူတရားဟို ကျင့်ဟူလူမူဘဲန စစ်ကြောစီရင်ဟူ လူလေဘွဲ ဖြစ်ဂေဟုယ်။ 12 ဘုရားသခင်တပါးဘွဲ ပညတ်တရားဟို ပေးဘီး စီရင်ပိုင်ဟူ သခင်ဖြစ်ဟုယ်။ ကိုယ်တော် တပါးဒဲဘွဲ ကယ်တန်နိုင်တွပ်ဂေ၊ ဖျစ်ဆီနိုင်ဟို့တွပ် တတ်နိုင်ဟုယ်။ နန်ဟု ဖယ်သူဖြစ်ကြောန့် အီဇနီးရှင်းဟို စီရင်ရနူ။ 13 “အယ်နေမူဘဲနေဟာ နတ်ကီးတိုင်ဟာ အယ်မြို့ဟို နီလေသွားဘီး တနှစ်လော့-က်နေဂေဇို။ အယ်မြို့မာ ကူသယ်လောက်ဘီး ကပ်လေဘောင်ဂီးရှာဂေဇို” ဆိုဘီး နန်းနီထဲဟု တချို့ပြောဂေဟုယ်။ အယ်ဘောမဲ့ ငါပြောဇာဟို နားထောန်ဂေ။ 14 နန်းနီဟာ နတ်ကီးတိုင်ဟာ ဖယ်မျိုးဖြစ်မယ် ဆိုဇာ သိနိုင်ဂေဟု။ နန်းနီသတ်ဟာ ရှစ်ဟားပေါ်လာဘီးန ပျော့-က်ဟားတတ်ဟူ မီးခိုးနတူဟုယ်။ 15 “ဘုရားသခင် လိုတော်ရှိမယ် ဆိုဟာ နီလေဟာ သတ်ရှင်ဘီး အယ်မူလေဟို အယ်မျိုးလောက်မယ်။ အယ်မျိုးလောက်ဂေဇို” ဆိုဘီး နန်းနီပြောဂေဟုယ်။ 16 ခုနန်းနီဟာ မာန်မာနကီးဘီး ဝါကြွားတတ်ဂေဟုယ်။ အယ်မျိုးဝါကြွားဇာဟာ ပြစ်ဖြစ်ဟုယ်။ 17 အယ်ကြောန့် ကောန်းဟူကျင့်ဟို သိဘီးဟာ လောက်ဘဲနေဟူလူဟာ ပြစ်ရှိဟုယ်။

5 ကြွယ်ဝဟူ လူလေ၊ ငါစကားဟို နားထောန်ဂေပါ။ နန်းနီဟာ ကိုယ်တွဲကြောင်ရဟူ ဆင်းရဲဒေါက်ခလေတွပ် ငိုဘီးဟာအော်ဟစ်ဂေ။ 2 နန်းနီရဲ့ စည်းဇိမ်အောက်စာဟာ ဆွီးဟားဘီ။ နန်းနီရဲ့ ဝတ်လေဟာ ပိုးကိုက်စားလိုက်ဘီ။ 3 နန်းနီရဲ့ ရွှေလေ၊ ငွေလေဟုလည်း သံဆွေးတတ်နေဟုယ်။ အယ်သံဆွေးဟာ နန်းနီဖတ်မာ သတ်သေထော့-က်ထားဖြစ်ဘီး မီးလေမျိုးဘွဲ နန်းနီသားလေဟို လောန်ဘီးဟာ ပျစ်စီးစေလေမယ်။ နော့-က်ဆောင်းနေရစ် ကာလမာ နန်းနီဟာ အောက်စာတဏှာလေဟို စုဆောင်းနေဂေဟုယ်။ 4 နန်းနီသီးနှံလေဟို ရိပေးဟူလူလေရဲ့ လောက်အားခဟိုလည်း

ပေးဝေဟူ။ သူနို့ တိုင်ပြောဟူစာလေဟို နားထောင့်ဝေပါ။ သူနို့ဟာ သံလွယ်လွယ်န တောင်းဟူစာဟို ကောင်းဂန်ဗိုလ်ခေ အနန္တတဂိုးရှင် ဘုရားသခင်ဟု ကြားနေရဟူ။ 5 နန်းနို့ဟာ လောကမာ စည်းဇိမ်ခံစားဘီးဟာ ပျော်နေဝေဟူ။ သတ်ခံရဟူနေတွပ် ကိုယ့်ကိုယ်ကိုယ် ဝလာအောန် ကျွေးဝေဟူ။ 6 ပြစ်မှုဘဲန ဖြောင့်မတ်ဟူ လူလေဟို သေဒန်စီရင်ဘီး သတ်ဝေဟူ။ အယ်ဘောမဲ့ သူနို့လေဟာ နန်းနို့ဟို တားဝေဟူ။ 7 အယ်ကြောန့် ညီကို မောန်နှမလေ၊ နန်းနို့ဟာ သခင်ဘုရား ကြွလာဟူသီထိ သည်းခံဘီးဟာ စောင့်နေဝေပါ။ လယ်သမားဟာ သူရဲ့ လယ်မာ ဖိုးကီးဟူ သီးနှံလေ ထွပ်လာဟိုတွပ် ရင်မိုးန နှော့-ကံမှဝါဟူ မိုးဟို စောင့်မျှော်နေဟူ။ 8 နန်းနို့ဟာ သည်းခံဟူစီန စောင့်နေဝေပါ။ သခင်ဘုရား ကြွလာဟူ နေရစ်ကာလဟာ နီးလာဘီ ဖြစ်ဟူကြောန့် နန်းနို့လေ မျှော်လင့်စာလေဟို ခိုင်းခိုင်းမားမာ ထားဝေပါ။ 9 ညီကို မောန်နှမလေ၊ နန်းနို့ကိုယ်တိုင် ဘုရားသခင်ရဲ့ စစ်ကြောစီရင်ရှင်းန လွတ်ဟိုတွပ် ရှင်းရှင်း တယော့-ကံဟိုယော့-ကံ ပြစ်တန်ဝေန။ တရားစီရင်ပိုင်ဟူ သခင်ဟာ ရော့-ကံလာဘီး ခွဃော့-ကံဝမာ ရပ်နေဟူ။ 10 ညီကို မောန်နှမလေ၊ ဘုရားသခင်ရဲ့ နာမတော်ဟို မှီပြုဘီး ဟောပြောရစ်ဟူ ပရောဖက်လေရဲ့ ကြောန်းဟို ဒီရဝေပါ။ ဆင်းရဲဒေါက်ခ ရော့-ကံဟူ ခီမာ သူနို့လေရဲ့ သည်းခံရှင်းလေဟို စံနမူနာ ယူဝေပါ။ 11 သူနို့လေဟာ ခံနိုင်ရည်ရှိဟူ လူလေဖြစ်ဟူကြောန့် သူနို့ဟို မင်္ဂလာရှိဟူလူလေ ဆိုဘီး နို့လေဟု ခေါ်ဝေဟူ။ ယောဘဟာ ဖယ်မျိုးသည်းခံဟယ် ဆိုစာ နန်းနို့လေ ကြားရဝေဟူ။ နှော့-ကံဆောင်းမာ သူဟို ဘုရားသခင်ဟု ဖယ်မျိုးကျော့ကြောန်းဟို နန်းနို့လေ သိဝေဟူ။ ဖြားဖြစ်ကြောန့်နှူးဆိုဟာ ထာဝရဘုရားဟာ သနားကြင်နာဘီး ကရုဏာတော်န ပွဲဇောင်ဟူ သခင်ဖြစ်ဟူကြောန့် ဖြစ်ဟူ။ 12 ငါ့ညီကို မောန်နှမလေ၊ ကီဆိုရှင်းဟို လောကဝေန။ ကောန်းဂန်ဘောင်န မွေရီးဟို တိုင်တယ်ဘီး ကီဆိုဝေန။ ဖယ်ဇာဟိုလည်း တိုင်တယ်ဘီးဟာ ကီဆိုဝေန။ နန်းနို့စကားဟာ “မှန်ဇာဟို” မှန်ဖြစ်စေဘီး “မူဘဲဇာဟို” မူဟု ဆိုဘီး ဖြစ်စေဝေပါ။ အယ်မျိုးဆိုဟာ နန်းနို့ဟာ ဘုရားသခင်ရဲ့ တရားစီရင်ရှင်းဟုနေ လွတ်ဝေလေ့မယ်။ 13 နန်းနို့ထဲမာ ဒေါက်ခရော့-ကံနေဘီး အားငယ်နေဟူလူဟာ ဆုတောင်းစေ။ ဝန်းသာဟူလူဟာ ချင်းဆိုစေ။ 14 ဖျားနေဟူလူဟာ သင်းတော်ဟို အောက်ထီးဟူ သင်းအောက် လူဂီးလေဟို ခေါ်ဝေ။ သူနို့ဟာ သခင်ဘုရားရဲ့ နာမတော်ဟို မှီပြုဘီးဟာ လူနာဟို ဆီနလူးဘီးဟာ ဆုတောင်းဝေပါ။ 15 ယောင်ကြည်ရှင်းန ဆုတောင်းရှင်းဟာ လူနာဟို ကျန်းမာစေလေ့မယ်။ သခင်ဘုရားဟာ သူဟို ကျန်းမာစေဘီး သူလောက်ဟားဟူ ပြစ်လေဟိုလည်း လွှတ်ပေးလေ့မယ်။ 16 အယ်ကြောန့် နန်းနို့ရှင်းရှင်း ကိုယ်ပြစ်လေဟို ဖော်ပြဝန်ခံဘီး ရှင်းရှင်းလေတွပ် ဆုတောင်းမယ် ဆိုဟာ ရောဂါလေ ပျော့-ကံလေ့မယ်။ သူတော်ကောန်း ဆုတောင်းရှင်းဟာ ရရာတိုင်း တဂိုးပါဟူ။ 17 ဇလိယဟာ နို့လေမျိုးဘွဲ့ သာမန်လူဖြစ်ဟူ။ သူဟာ မိုးဝါဘဲဟိုတွပ် စိအားထတ်သန်ဘီး ဆုတောင်းဟူ ခီမာ ကမ္ဘာမွေဂီးထတ်မာ သောင်းနှစ်န ခြော့-ကံလတိတိ မိုးဝါဘဲနေလေဟူ။ 18 နှော့-ကံတခါ ဇလိယ ဆုတောင်းဟူ ခီမာ ကောန်းဂန်ဟု မိုးဝါခွဘီး မွေဆီလွှာဟာ သီးနှံလေဟို ပိုဘီး သီးစေဟူ။ 19 ညီကို မောန်နှမလေ၊ နန်းနို့ထဲမာ ယော့-ကံယော့-ကံဟု သမ္မာတရားလမ်းဟု လွဲဟားဟူ ခီမာ တခြားလူတယော့-ကံဟု လမ်းမှန်ဟို ယွန်ခေါ်လာဟယ် ဆိုဟာ။ 20 ပြစ်ရှိဟူ လူတယော့-ကံဟို မှားနေဟူ လမ်းဟုနေ ယွန်ဘီး ခေါ်ဆောန်လာဟူလူဟာ အယ်ပြစ်သားရဲ့ ဝိညာဉ်ဟို သေရဟူမူဟုနေ ကယ်တန်ဘီး ပြစ်ဘောင်ဂီးဟုနေ လွတ်ခွမ့်ရဟိုတွပ် လောကဆောန်ပေးဟူလူ ဖြစ်လေ့မယ်။

၁ ပေတရု

1 ယေရှုခရစ်တော်ရဲ့ တမန်တော် ငါပေတရုဟာ — **2** ယေရှုခရစ်တော်ရဲ့ စကားတော်ဟို့ နားထောက်ဟို့တွပ်န ကိုယ်တော်ရဲ့ သွီးတော်န ဖျန်းရှင်းကျေးဇူးဟို့ ခံရဟို့တွပ် ဝိညာဉ်တော်အားဖြင့် သန့်ရှင်းစေရှင်းဟို့ ခံရဘီး နို့လေရဲဖဖြစ်ဟူ ဘုရားသခင်ရဲ့ ကြိုတန်သိပြင်ဟူ ဉာဏ်တော်တိုင်း ဝီးကော့-က်ခံရဟူ သူလေနားဟို့ စာရေးလိုက်ပါဟယ်။

3 နို့လေ သခင်ယေရှုခရစ်ရဲ့ ဖ ဘုရားသခင်ဟာ မင်္ဂလာရှိပါစေ။ ကိုယ်တော်ဟာ သူရဲ့ ကီးမြတ်ဟူ ကရုဏာတော်န ယေရှုခရစ်တော်ဟို့ သေရှင်းဟုနေ ရှင်ပွန်ထမြော့-က် စေရှင်းအားဖြင့် နို့လေဟို့ သတ်ရှင်ဟူ မျှော်လင့်ရှင်းန **4** နန်းနို့လေတွပ် ကောန်းဂန်ဘောင်မာ ထီးသီးဟားဟူ ယိုယွင်းပျစ်စီးမှုလေ၊ ညစ်ညူးမှုလေန မှေးမှိန်မှုလေ မွေ့ဘဲဟူ မွှိတော်ထဲဟို့ ပွန်ဘီး သစ်မွီးဖွား စေတော်မူဟယ်။ **5** နန်းနို့လေဟာ နှော့-က်ဆောင်းကာလမာ ဖော်ပြဟို့တွပ် ဆင်သင့်ပြင်ဆင်ဟားဟူ ကယ်တန်ရှင်းတွပ် ဘုရားသခင်ရဲ့ တဂိုးတော်နို့က် ယောင်ကြည့်မှုအားဖြင့် စောန်ရှော့-က်ရှင်းဟို့ ခံရဂေဟယ်။ **6** နန်းနို့လေဟာ ခုခီမာ စောင်ဇမ်းနှော့-က်ယှစ်ရှင်း ဘောန်းဇောင်ကြောန့် ရှစ်ဟား ဝန်းနဲရဟူလည်းဘဲ ရင်းရင်းဒူးဟု ပြောဟားဟူ ကြောန်းရာလေအားဖြင့် ရွှင်လန်းဟူစိ ရှိဂေပါ။ **7** ရယ်ကျိုဘီး စောင်ဇမ်းရှင်းဟို့ ခံနိုင်ဟူလည်းဘဲ ပျစ်စီးတတ်ဟူ ရွှေထတ် ရရာတိုင်း ဖိုးကီးဟူ နန်းနို့လေရဲ့ ယောင်ကြည့်ရှင်းဟို့ စစ်ကြောစောင်ဇမ်းရှင်းဟာ ယေရှုခရစ်တော် ပေါ်ထွပ်တော်မူဟူ ခီမာ ချီးမွမ်းရှင်း၊ ဖောင်းသရေတော်န ဂေါင်သရေဖြစ်ဟို့ ရော့-က်ဟို့တွပ် ဖြစ်ဟယ်။ **8** နန်းနို့လေဟာ အယ်သခင်ဟို့ ဗြင်ဖူးဘဲနေဟူလည်းဘဲ ရှစ်ဂေဟယ်။ ခုလည်း ဗြင်ဘဲန ယောင်ကြည့်ရှင်းအားဖြင့် ဖောင်းသရေတော်န စပ်ဆိုင်ဟူ ပြောဟို့မိနိုင်ဘဲဟူ ရွှင်လန်းရှင်းန ဝန်းသာဂေဟယ်။ **9** အယ်ဇာဟု စိဝိညာဉ်ဟို့ ကယ်တန်ရှင်းဖြစ်ဟူ ယောင်ကြည့်ရှင်းရဲ့ ကျိုးဟို့ ခံစားရရှင်း ဖြစ်ဟယ်။ **10** အယ်ကယ်တန်ဟူ ကြောန်းရာဟို့ ပရောဖက်လေဟာ သေးသေချားချာ စောင်ဇမ်းရှော့ဖွေဘီး နန်းနို့ခံစားရမယ့် ကျေးဇူးတော်ကြောန်းဟို့ ဟောပြောဂေဟယ်။ **11** ခရစ်တော်ခံရမယ့် ဆင်းရဲရှင်းန ဆင်းရဲခံဘီးမှ ဝမ်းစားရမယ့် ဖောင်းစည်းဇိမ်ကြောန်းဟို့ သူးနို့ထဲမာရှိဟူ ခရစ်တော်ရဲ့ ဝိညာဉ်တော်ဟာ သက်သေခံဟူ ခီမာ ဖယ်သူဖယ်ဝါ ဖယ်ခီကာလဟို့ ဆိုလိုဟူကြောန်းဟို့ မေးမြန်းရှော့ဖွေဂေဟယ်။ **12** ကိုယ်ဟောပြော ပြုစုရှင်းလေဟာ သူးနို့လေတွပ်မှုဘဲန နန်းနို့လေတွပ် ဖြစ်ဟယ် ဆိုဇာဟို့ အယ်သူလေဟို့ ဖွမ်ပြတော်မူဟယ်။ ကောန်းဂန်ဘောင်ဟုနေ စေလွှတ်တော်မူဟူ သန့်ရှင်းဟူဝိညာဉ်တော်အားဖြင့် ကောန်းမြတ်ဟူ ဒန်းကောန်းဟို့ ဟောပြောဟူ သူလေဟာ အယ်ရာလေဟို့ ခု နန်းနို့လေဟို့ ဟောပြောဂေဘီး။ ကောန်းဂန်တမန်လေဟာဘဲ အယ်ရာလေဟို့ ရရာတိုင်း ကေ့ရှင်ဂေဟယ်။

13 အယ်မျိုးဖြစ်ကြောန့် နန်းနို့ရဲ့ စိနလောင်းဟို့ သင့်ပြင်ဆင်ဘီးဟာ သမ္မာဒိရှိဂေပါ။ ယေရှုခရစ် ကြွလာဟူ ခီမာ နန်းနို့နားဟို့ ရော့-က်လာမယ့် ကျေးဇူးတော်ဟို့ ဆောင်းထိမျှော်လင့်ပါ။ **14** စဟု နန်းနို့လေ နားလည်ဘဲဟူ ခီဒူးဟု တတ်မတ်မှု နှော့-က်ဟို့ လိုက်ဟားမျိုး ခုလိုက်ဂေဘဲန နာခံမှုရှိဟူ သားမီးလေမျိုး။ **15** နန်းနို့ဟို့ ခေါ်တော်မူဟူ သခင်ဟာ သန့်ရှင်းတော်မူဟူမျိုး နန်းနို့လေလည်း ပြုမူကျင့်ကြံရှင်းလေမာ သန့်ရှင်းမှုရှိဂေပါ။ **16** ဖြားဖြစ်ကြောန့်နူးဆိုဟာ “ငါဟာ သန့်ရှင်းတော်မူဟူကြောန့် နန်းနို့လေဟာ သန့်ရှင်းရှင်း ရှိဂေရမယ်” ဆိုဘီး ရေးဟားလေဟယ်။ **17** နန်းနို့လေဟာ လူမျစ်နာဟို့ ထော့-က်ဘဲန လူလေ ဂူလောင်းရဲ့ ကျင့်တိုင်း စီရင်တော်မူဟူ ဖဟို့ နန်းနို့ဆုတောင်း ကိုးကွယ်ဟယ် ဆိုဟာ ဧည့်သည်ဖြစ်ဟူ ကာလပတ်လောင်းမာ ကြော့-က်ရုံရှိသေဟူ စိန နေထိုင်ဂေပါ။ **18** ဖြားဖြစ်ကြောန့်နူးဆိုဟာ နန်းနို့လေဟာ မိစဉ်ဖဆစ် ကျင်လည်ဟူ ချည်းနှီးကျင့်ကြံ ပြုမူရှင်းဟုနေဘီး ရွှေလေ၊ ငွေလေ ဖော့-က်ပွန် ပျစ်စီးတတ်ဟူ အောက်စာလေန နန်းနို့လေဟို့ ဝီးနှုဘီး လွတ်မြော့-က်လာရှင်းမှုဘဲ **19** ဖြားဖြစ်လည်းမွေ့ဘဲ ညစ်ကြေးလေန ကင်းစင်ဟူ သိုးသားဂန်းဟားဟူမျိုး ခရစ်တော်ရဲ့ သွီးတော်မြတ်န ဝီးတော်မူဟူ ကြောန်းဟို့ နန်းနို့လေ သိဂေပါဟယ်။

20 အယ်ခရစ်တော်ဟာ အယ်ကမ္ဘာလောက မွေ့ခန်ဂဒဲဟု ဘုရားသခင် သတ်မှတ် ဝီးကော့-က်ရှင်းဟို့ ခံရဘီး အယ်နှော့-က်ဆောင်း ကာလမာ နန်းနို့လေရဲ့ ကျိုးတွပ် ပေါ်ထွပ်တော်မူဘီး။ **21** ကိုယ်တော်ဟို့ သေဟားသူလေထဲဟုနေ

ထမြော-က်စေဘီး ဖောင်းသရေတော်ပေးတော်မူဟူ ဘုရားသခင်ဟို အယ်သခင်အားဖြင့် နန်းနို့ယောင်ကြည်ဂေဟယ်။ အယ်မျိုးဖြစ်ကြောန့် နန်းနို့လေဟာ ဘုရားသခင်ဟို မှီပြုဘီး ယောင်ကြည်မျှော်လင့်ရှင်း ရှိဂေဟယ်။ **22** နန်းနို့လေဟာ သမ္မာတရားဟို လိုက်လျော-က် ကျင့်သောင်းရှင်းအားဖြင့် နန်းနို့လေရဲ့ စိဝိညာဉ်ဟို သန်းရှင်း စင်ကြယ်စေဂေဘီး ဟန်ဆောန်ရှင်းမေ့ဘဲဟူ ညီကိုရှင်း ရှစ်ဟူ မြစ်တာဟို ရဟူကြောန့် ဖြူစင်ဟူ စိန်လောင်းအားဖြင့် ရှင်းရှင်း ခိုင်းခိုင်မြဲမြဲ ရှစ်ဂေပါ။ **23** နန်းနို့လေဟာ ဖော့-က်ယွန် ပျစ်စီးတတ်ဟူ မျိုးစေအားဖြင့် မှုဘဲန ဖော့-က်ယွန် ပျစ်စီးမှုန ကင်းဟူ မျိုးစေဖြစ်ဟူ သတ်ရှင်ဘီး မြတည်ဟူ ဘုရားသခင်ရဲ့ စကားတော်အားဖြင့် ဒုတိယခါ ယွန်မွိုးရှင်းဟို ခံရဂေဘီး။ (aiñ 165) **24** ဖြားဖြစ်ကြောန့်နူးဆိုဟူ၊ “လူလေ ဂူလောင်းဟာ ဗြစ်ပန်ဟူမျိုး ဖြစ်ဘီး သူးနို့လေရဲ့ ဖောင်းသရေတော်ဟာ ဗြစ်ပွမ့်ဟူမျိုး ဖြစ်ဟယ်။ ဗြစ်ပန်ဟာ ညှိုးနွမ်းဘီး သွိဗြော့-က်ဟားတတ်ဟယ်။ ဗြစ်ပွမ့်လေလည်း ကွီတတ်လေဟယ်။ **25** ဘုရားသခင်ရဲ့ စကားတော်ဟာ ကာလစဉ်ဆစ် တည်ဟယ်။” အယ်စကားတော်ဟာ နန်းနို့လေဟို ဟောပြောဟူ ဒန်းကောန်းဘဲဖြစ်ပါဟယ်။ (aiñ 165)

2 အယ်ကြောန့် နန်းနို့လေဟာ ကောန်းဘဲဟူမှ ဘောန်းဇောင်နတူးဒု လှည့်ဇားမှု၊ ဟန်ဆောန်မှု၊ နာလိုမှုန ပေါက်ခတ်ပြောဆိုဟူမှ ဘောန်းဇောင်ဟို ဖယ်ရှားဂေပါ။ **2** သန်းရှင်းဟူ၊ ဝိညာဉ်ရေးရာနဆိုငှာ မှန်ဟူ နှိပ်စစ်အားဖြင့် ကယ်တန်ရှင်းနှိုက် ကီးထွားလာဟိုတွပ် မွီးခါဇ သားဂန်းဟားမျိုး အယ် တရားနို့ရယ်ဟို မြဲဒမ်း လိုရှင်တောန်းတဂေပါ။ **3** ဘုရားသခင်ရဲ့ ကောန်းမြတ်ဟူကြောန်းဟို နန်းနို့လေ ဗြစ်မင်းကျေပီးဘီ ဖြစ်ဟယ်။ **4** လူလေရဲ့ ငြင်းပယ်ရှင်းဟို ခံရဟူလည်းဘဲ ဘုရားသခင် ဝီးကျော့-က်တော်မူဟူ ဖိုးကီးဟူ၊ သတ်ရှင်ဟူကျော့-က် ဖြစ်တော်မူဟူ အယ်သခင်နားဟို လာဘီး။ **5** နန်းနို့လေလည်း သတ်ရှင်ဟူကျော့-က်မျိုး ဝိညာဉ်ရေးရာ အီတော်ဖြစ် တည်ဆော့-က်ရှင်းဟို ခံယူဂေပါ။ အယ်ဇာဟု နန်းနို့လေဟာ သန်းရှင်းဟူ ယဇ်ပုရောဟိတ်မျိုးဖြစ်ဘီး ဘုရားသခင် နှစ်သက်လတ်ခံတော်မူဟူ ဓမ္မယဇ်လေဟို ယေရှုခရစ်တော်အားဖြင့် ပူဇော်နိုင်ဟိုတွပ် ဖြစ်ဟယ်။ **6** ဖြားဖြစ်ကြောန့်နူးဆိုဟာ ကျမ်းစာတော်ဟု၊ “ကျေရှုဂေ ဝီးကျော့-က်ဟားဟူ၊ ဖိုးကီးဟူ တိုက်ထော့-က်ဖြစ်ကျော့-က်ဟို ဇိအုန်တောန်ထတ်မာ ငါ့ဗွဟားဟယ်။ အယ်ကျော့-က်ဟို ယောင်ကြည်ဟူသူဟာ ယှစ်ကြော့-က်မှုမေ့ဟု” ဆိုဘီး လာလေဟယ်။ **7** အယ်ကြောန့် အယ်ကျော့-က်ဟာ ယောင်ကြည်ဟူ နန်းနို့တွပ်ဟု ဖောင်းသရေတော်ရှိဟယ်။ ယောင်ကြည်ဘဲဟူ သူလေတွပ်ဟု၊ “တိုက်ဆော့-က်ဟူသူလေ ဖယ်ဟားဟူကျော့-က်ဟာ တိုက်ထော့-က် ထိဖျားဟို ရော့-က်လာဟူ ရေးကီးဟူကျော့-က်” ဖြစ်ဘီး။ **8** စကားတော်ဟို ယောင်ကြည်ဘဲကြောန့် ထိမိဘီး လဲဂေဟယ်။ “ထိမိဘီး လဲဟူကျော့-က် မှားယွင်းစေဟူကျော့-က် ဖြစ်ဟယ်။” အယ်မျိုးဖြစ်ဟိုတွပ် သူးနို့ဟို သတ်မှတ်ဟားဇာလည်း ဖြစ်ဟယ်။ **9** နန်းနို့လေဟာ မှောန်မိုက်ထဲဟုနေဘီး အံ့ဘွယ်ဖြစ်ဟူ လန်းရောန်ထဲဟို ခေါ်သွမ်းပေးတော်မူဟူ သူရဲ့ဂေါင်ကျေးဇူးလေဟို ဖော်ပြဟိုတွပ် ဝီးကျော့-က်တော်မူဟူ မျိုးဖြစ်ဂေဟယ်။ မန်းစည်းဇိမ်ရှိဟူ ယဇ်ပုရောဟိတ်မျိုး၊ သန်းရှင်းဟူလူမျိုး၊ ပိုင်ထိုက်ဟူ လူမျိုးတော် ဖြစ်ဂေဟယ်။ **10** နန်းနို့လေဟာ စစဒူးဟု ဘုရားသခင်ရဲ့ လူမျိုးတော်မှုဘဲန ခုခီမာ ဘုရားသခင်ရဲ့ လူမျိုးတော် ဖြစ်ဂေဘီး။ စစဒူးဟု ကရုဏာတော်ဟို ခံစားရဘဲန ခုခီမာ ကရုဏာတော်ဟို ခံစားရဂေဘီး။ **11** ရှစ်ရဟူသူလေ နန်းနို့လေဟာ ဧည့်သည့်လေဖြစ်ဟူကြောန့် စိဝိညာဉ်ဟို ဆန့်ကျင်တိုက်ခိုက်ဟူ ကိုယ်ကာယရဲ့ တတ်မတ်မှုလေဟို ရှောန်ကြဉ်ဂေဟိုတွပ် ငါတိုက်တွန်း နှိုးဆော်ပါဟယ်။ **12** ယောင်ကြည်ဘဲဟူ လူမျိုးခြားလေဟာ နန်းနို့လေဟို ကောန်းဘဲဟူမှလေဟို လောကဟူသူလေ ဆိုဘီး ပြစ်တန်စွန့်စွဲဘီး နေဟူလည်းဘဲ ဘုရားသခင်စီရင်တော်မူဟူ နေရစ်မာ နန်းနို့လေရဲ့ ကောန်းဟူကျင့်ဟို ဗြင်ဟူကြောန့် ဘုရားသခင်ဟို ချီးမွမ်းဂေဟိုတွပ် သူးနို့ရှေမာ တင့်တယ်သင့်မြတ်အောန် ကျင့်နေဂေပါ။ **13** သခင်ဘုရားရဲ့ ဗျစ်နာတော်ဟို ထော့-က်ဘီး အာဏာပိုင်လေရဲ့ အောက်စိုးမှုဟို ဝန်ခံဂေပါ။ မန်းဂီးရဲ့ ချောက်ခြာအာဏာဟိုဘဲ ဖြစ်ဖြစ်။ **14** ဒုစရိုက်လောက်ဟူသူလေဟို ပြစ်ဒန်ပေးဘီး ကောန်းဟူကျင့်ဟို ကျင့်ဟူ လူကောန်းလေဟို ချီးမွမ်းဂေါင်ပြုဟိုတွပ် မန်းဂီးခန့်ဟားဟူ ဝန်ဂီးလေဟို နာခံဂေပါ။ **15** ဖြားဖြစ်ကြောန့်နူးဆိုဟာ ကောန်းဟူကျင့်ဟို ကျင့်ရှင်းအားဖြင့် မိုက်မဲသူလေရဲ့ သိဉာဏ်ကင်းမဲ့မှုဟို

ချေပဟူ၍တွင် ဘုရားသခင် လိုတော်ရှိဟူ၍။ 16 လွတ်လပ်ဟူသလေဖြစ် သတ်ရှင်နေထိုင်ဂေပါ။ အယ်ဘောမဲ့ အယ်လွတ်လပ်မှုဟူ၍ ကောန်းဘဲဇာလေဟူ၍ ဖောင်းကွယ်ရှင်းဖြစ် သောင်းခွဲဂေဘဲန ဘုရားသခင်ရဲ့ ကျွန်လေအားဖြင့် ပြုမှုနေထိုင်ဂေပါ။ 17 လူလေ ဂူလောင်းဟူ၍ ရှိသေဂေပါ။ ညီကို မောန်နမလေဟူ၍ ရှစ်ဂေပါ။ ဘုရားသခင်ဟူ၍ ကြော-ကံရွံ့ဘီး မန်းဂီးလေဟူ၍ ရှိသေဂေပါ။ 18 စေခံဟူသလေ ကြော-ကံရွံ့ရိုသေဟူ၍ ပွဲပွဲဝဝန နန်းနီရဲ့ သခင်လေအောက်စိုးမှုဟူ၍ ဝန်ခံဂေပါ။ သခင်ဟာ စိသဘောကောန်းဘီး ညင်သာရှင်းဘဲဖြစ်ဖြစ် ကြမ်းတမ်းဟူ သဘောရှိရှင်းဘဲဖြစ်ဖြစ် ဝန်ခံဂေပါ။ 19 ဖြားဖြစ်ကြောနန်းဆိုဟာ ဘုရားသခင်ဟူ၍ ထော့-ကံထားဘီး တရားဘဲဟူ ညှဉ်းဆဲရှင်းလေဟူ၍ သီးခံဟယ် ဆိုဟာ ကျေးဇူးရှိပါဟူ၍။ 20 နန်းနီလေဟာ ကိုယ်ပြစ်ကြောနဲ့ ဒန်ခံရဟူ၍ ခီမာ သီးခံဟယ် ဆိုဟာ ဖယ်မျိုး ချီးမွမ်းရအူးမယ်နူး။ အယ်ဘောမဲ့ ကောန်းဟူမှုဟူ၍ပြုဘီး ဆင်းရဲခံရဟူ၍ ခီမာ သီးခံဟယ် ဆိုဟာ ဘုရားသခင်ရှေ့တော်မာ ကျေးဇူးရှိဟူ၍။ 21 အယ်မျိုး ပြုမှုဟူ၍တွင် နန်းနီလေဟူ၍ ဝီးကော့-ကံတော်မှုဘီး ခရစ်တော် ကိုယ်တိုင်ဘဲ နန်းနီတွင် ဒေါက်ခဝေဒနာလေဟူ၍ ခံတော်မှုဟူကြောနဲ့ ခေတော်ရာဟူ၍ လိုက်ရှော့-ကံဟူ၍တွင် ပေါင်သတ်သေဟူ၍ ထားတော်မှုဘီး။ 22 ကိုယ်တော်ဟာ လောင်းဝ ပြစ်ဟူ၍ လောက်ဟူ။ ဖယ်လူလည်း လောင်းဝ လီညာဟူ။ 23 ပေါက်ခတ်ပြောဆို ခံရဟူ၍ ခီမာ ပွန်ဘီး ပေါက်ခတ်ပြောဆိုတော်မှုဟူ။ ဒေါက်ခဝေဒနာ ခံဟူ၍ ခီမာ ချီးဗြော့-ကံတော်မှုဘဲန တရားသဖြင့် စီရင်တော်မှုဟူသနီကံ ကိုယ့်ကိုယ်ကိုယ် အပ်တော်မှုလေဟူ၍။ 24 နီလေဟာ ပြစ်နဆိုင်ဟူဇာမာ သေဖြစ်ဘီး ပြောနမတ်ရှင်းနဆိုင်ဟူဇာမာ သတ်ရှင်ဟူ၍တွင် နီရဲ့ ပြစ်လေဟူ၍ ကိုယ်တော်ကိုယ်တိုင် လတ်ဝါးကပ်တိုင်မာ ဝေဒနာခံတော်မှုဘီး။ နီလေဟာ ကိုယ်တော်ရဲ့ ဒန်ချစ်တော်လေအားဖြင့် ရောဂါ ပျော့-ကံဂေလေဟူ၍။ 25 စစဒူးဟာ နန်းနီလေဟာ လမ်းလွဲဘီး ပျော့-ကံဟားဟူ သိုးလေမျိုး ဖြစ်ဂေဟူ၍။ ခုဟာ သိုးထီးဖြစ်တော်မှုဟူ နန်းနီရဲ့ စိဝိညာဉ်ဟူ၍ ထီးသီးစောန့်ရှော့-ကံဟူ သခင်နားဟူ ပွန်ရော့-ကံဂေဘီး။

3 အယ်မျိုးဘဲ မယားဖြစ်ဟူသလေ ကိုယ့်လန်ရဲ့ အောက်စိုးမှုဟူ၍ ဝန်ခံဂေပါ။ အယ်နည်းအားဖြင့် နန်းနီလေမာ ဘုရားသခင်ရဲ့ စကားတော်ဟူ၍ ယောင်ကြည်ဘဲဟူ လန်လေရှိဟူ၍ ဆိုဟာ နန်းနီလေရဲ့ ရှိသေကြော-ကံရွံ့မှုန သန်ရှင်းစင်ကြယ်ဟူ သတ်တာအားဖြင့် ယောင်ကြည်လာဂေလေမယ်။ 2 ဖြားဖြစ်ကြောနန်းဆိုဟာ နန်းနီလေ သန်ရှင်းစင်ကြယ်ဘီး ဖယ်လော့-ကံ စိထားဖွဲ့စင်ရှင်းန ဘုရားတရားဟူ၍ ကြော-ကံရွံ့ရိုသေရှင်းဟူ သူးနီလေ ဗြင်တိုရဟူကြောနဲ့ ဖြစ်ဟူ၍။ 3 နန်းနီလေရဲ့ လှပပြင်ဆင်ရှင်းဟာ ဆားဖန်ကျစ်ရှင်း၊ ရွှေတန်ဆာဆင်ရှင်း၊ ဝတ်စားဆင်ရှင်းလေဖြစ်ဟူ ပွန်ပန်းဆင်ရင်မှုလေ ဖြစ်စေဘဲန။ 4 နူးညံ့သီမွှေဘီး တည်ငြိမ်ဟူ စိသဘောဖြစ်ဟူ ဖော့-ကံပွန်ပျစ်စီးရှင်းန ကင်းဟူ၊ စိန်လောင်းနဆိုင်ဟူ ထဲဟုဝိညာဉ်လူရဲ့ တန်ဆာဆင်ရှင်း ဖြစ်စေဂေပါ။ အယ်မျိုးဇာဟာ ဘုရားသခင်ရဲ့ ရှေ့တော်မာ ရရာတိုင်း ဖိုးကီးဇာ ဖြစ်ဟူ၍။ 5 ဘုရားသခင်ဟူ၍ မျှော်လင့်ကိုးစားဟူ ရှေးကာလဟာ သန်ရှင်းဟူ မီးမလေလည်း အယ်မျိုးဘဲ ကိုယ့်ကိုယ်ကိုယ် တန်ဆာဆင်ဘီး စာရာဟာ အာဗြဟံဟူ သခင် ဆိုဘီး ခေါ်ဘီး နာခံဟူမျိုး ကိုယ့်ရဲ့ လန်လေဟူ နာခံဂေပါ။ 6 နန်းနီလေဟာ ဖယ်မျိုးမှုရာလေဟူ၍မူ ကြော-ကံရွံ့ဘဲန ကောန်းဟူ ကျင့်ဟူ၍ ကျင့်မယ် ဆိုဟာ စာရာရဲ့ သားမီးလေ ဖြစ်ဂေလေမယ်။ 7 လန်လေ နန်းနီလေဟာ ကိုယ့်မယားဟာ အားနွဲ့ဟူသ ဖြစ်ဇာဟူ၍ စာနာထော့-ကံထားဘီး သတ်နဆိုင်ဟူ ကျေးဇူးတော်ဟူ၍ တူးဒု မွီဆစ်ခံဟူသဖြစ် တန်ဖိုးထားဘီး တူးဒု ပေါန်းသင်းနေထိုင်ဂေပါ။ အယ်မျိုးမှ နန်းနီ ဆုတောင်းဟူ ခီမာ တားဆီးဖြစ်ဘဲန နေလေမယ်။ 8 နော့-ကံဆောင်း ခြောင်ငုံဘီး ပြောရမယ် ဆိုဟာ နန်းနီ ဂူလောင်းဟာ တစ်တဝန်းဒဲရှိဂေပါ။ ကြင်နာတတ်ဟူသဘော၊ ညီကိုရှင်းရှင်း ရှစ်တတ်ဟူသဘော၊ သနားစောင့်မတ်တတ်ဟူ သဘောန နီညွဟူ သဘော ရှိဂေပါ။ 9 နန်းနီလေဟာ ကောန်းဂျီးမင်္ဂလာဟူ မွီဆစ်ခံရဟူ၍တွင် ခေါ်တော်မှုရှင်းဟူ ခံရဂေဟူကြောနဲ့ ဆိုးဟူ၍ ဆိုးန ကဲ့ရဲ့ပြစ်တန်ရှင်းဟူ ကဲ့ရဲ့ပြစ်တန်ရှင်းန တုံ့ပွန်ဘဲ ကောန်းဂျီးဟူဘဲ ပေးဂေပါ။ 10 ဖြားဖြစ်ကြောနန်းဆိုဟာ ကျမ်းစာလာဟူဇာဟာ၊ “သတ်ရှင်ဇာဟူ နှစ်သက်ဘီး

ကောန်းဟူနေရစ်ဟို ဗြင်တိုရှင်ဟူ သူဟာ ကိုယ့်ရဲ့လျာဟို ချောက်တီးရမယ်။ ကိုယ့်ရဲ့နောက်ဟိုလည်း ချောက်တီးဘီး မုသားဟို ပြောဇေန။ 11 ကောန်းဘဲဟူ ဒုစရိုက်ဟိုရှောက်ဘီး ကောန်းဟူ သုစရိုက်ဟို ပြုရမယ်။ သင့်သင့်တင့်တင့် နေထိုင်ဘီး ငြီးချမ်းမှုတွပ် ကြိုးစားရမယ်။ 12 ဖြားဖြစ်ကြောန်းနဲ့ဆိုဟာ ဘုရားသခင်ဟာ ဖြောန်မတ်ဟူသူဟို ကေရှ စောန်ရှော-က်တော်မူဘီး သူးနိုလေရဲ့ ဆုတောင်းသံဟို နားညောင်းတော်မူဟယ်။ အယ်ဘေမဲ့ ဒုစရိုက်ပြုဟူ သူလေနားဟာ ဘုရားသခင်ဟာ မျစ်နှာလွှဲတော်မူဟယ်။” 13 နန်းနိုလေဟာ ကောန်းဟူမူလေမာ စိအားထတ်သန်ဟူသူ ဖြစ်ဟယ် ဆိုဟာ ဖယ်သူ ညဉ်းဆဲမယ်နူး။ 14 အယ်ဘေမဲ့ ဖြောန်မတ်ဟူတရားကြောန် ဆင်းရဲဒေါက်ခ ခံရဟယ် ဆိုဟာ နန်းနိုလေဟာ မင်္ဂလာရှိလေဟယ်။ ဖယ်သူဟိုလည်း ကြော-က်ဂေန်။ 15 နန်းနို စိနလောင်းထဲမာ ခရစ်တော်ဟို ရှင်သခင်ဖြစ် ရိသေဂေပါ။ နန်းနိုမျှော်လင့်ရှင်းရဲ့ ကြောန်းရာဟို မေးဂေဟူသူ ရှိဟူမျှဟို လေးလေးစားစားနု ဖြေရှင်းပြောဆို ပေးနိုင်ဟိုတွပ် မြဲဒမ်း ဆင်သင့်ဖြစ်နေဂေပါ။ 16 အယ်ဘေမဲ့ နူးညံ့သီမွေဟူစိ ကြော-က်ရှုံ ရိသေဟူစိနု ကြည်လင်ဟူ စိနလောင်းအားဖြင့် ဖြေရှင်းပြောဆိုဂေပါ။ အယ်မျိုးဆိုဟာ ခရစ်တော်နှိုက်ရှိဟူ နန်းနိုလေရဲ့ ကောန်းဟူ သတ်ရှင်နေထိုင်မှုဟို ကဲ့ရဲ့ ရှုတ်လွှာသူလေဟာ နန်းနိုဟို ပေါက်ခတ် ပြောဆိုဟူတွပ်ကြောန် ယုတ်ရဂေလေမယ်။ 17 ဖြားဖြစ်ကြောန်းနဲ့ဆိုဟာ ကောန်းဟူသုစရိုက်ဟို လောက်ဟူကြောန် ဆင်းရဲဒေါက်ခရော-က်ရှင်းဟာ ဘုရားသခင်ရဲ့ လိုတော်ရ ဖြစ်ဟယ် ဆိုဟာ ကောန်းဘဲဟူဇာဟို လောက်ဘီး ခံရရှင်ထတ် ပိုဘီး ကောန်းပါဟယ်။ 18 ဖြားဖြစ်ကြောန်းနဲ့ဆိုဟာ ခရစ်တော်ဟာ ကိုယ်ခန္ဓာတော်အားဖြင့် သေဟားဘီး၊ ဝိညာဉ်တော်အားဖြင့် သတ်ရှင်ဇာဟို ရော-က်တော်မူဟူကြောန် နိုလေဟို ဘုရားသခင်နားဟို ပို့ဆောင်ဟိုတွပ် ဖြောန်မတ်တော်မူဟူ သူဟာ ဖြောန်မတ်ဘဲဟူ သူလေတွပ် ဒုစရိုက်ပြစ်လေကြောန် တခါဒဲ ခံတော်မူဟယ်။ 19 အယ် ဝိညာဉ်တော်အားဖြင့်လည်း ကြွဟားတော်မူဘီး ခုထောက်ထဲမာ ချောက်ဟားဟူ ဝိညာဉ်လေဟို တရားဟောလေဟယ်။ 20 အယ် ဝိညာဉ်လေဟာ ရှေးကာလဟာ နောဇလတ်ထတ်မာ လူနဲစုဖြစ်ဟူ လူရှစ်ယော-က်ဟို ရေအားဖြင့် ကယ်ဆယ်ဟူ သန်းဖောဟို ဆော့-က်လောက်ဟူ ခီမာ ဘုရားသခင်ဟာ စိရယ်ရှယ်နု စောန်ဟူလည်းဘဲ နားထောန်ဘဲဟူ ဝိညာဉ်လေ ဖြစ်ဟယ်။ 21 အယ်မျိုး ဥပမာတိုင်းဘဲ ခုခီမာ ဗတ္တိဇံဟာ ယေရှုခရစ် ထမြော-က်တော်မူရှင်းအားဖြင့် နိုလေဟို ကယ်တန်လေဟယ်။ ဗတ္တိဇံဆိုဟူဇာဟာ ကိုယ်ကာယရဲ့ ညစ်ကြေးဆေးရှင်းဟို ဆိုလိုဇာမူဟယ်။ ကိုယ့်ကိုယ်ကိုယ် သိဟူစိ ကောန်းကောန်းကြည်လင်ဘီး ဘုရားသခင်ရှေမာ ဝန်ခံရှင်းဟို ဆိုလိုဇာဖြစ်ဟယ်။ 22 အယ်သခင်ဟာ ကောန်းဂန်ဘောင်ဟို ကြွဝမ်တော်မူဘီး ကောန်းဂန်တမန်လေ အာဏာစစ်တဂိုးလေဟို အောက်စိုးဘီး ဘုရားသခင်ရဲ့ ညာဖတ်မာ ရှိနေတော်မူလေဟယ်။

4 ခရစ်တော်ဟာ ကိုယ်ခန္ဓာတော်နှိုက် နိုလေတွပ် ခံတော်မူဟူကြောန် နန်းနိုလေလည်း အယ်မျိုးသဘောဟို လတ်နတ်ဖြစ် သောင်းစွဲဂေပါ။ ဖြားဖြစ်ကြောန်းနဲ့ဆိုဟာ ကိုယ်ခန္ဓာနှိုက် ဝေဒနာခံဟူသူဟာ ပြစ်နုပြတ်စဲဟားဘီ ဖြစ်ဟယ်။ 2 အယ်ဇာဟာ ကိုယ်ခန္ဓာနှိုက် သတ်ရှင်ရမယ့် ကျန်နေဟူ ခီကာလဟို လူလေရဲ့ တပ်မတ်ရှင်းအားဖြင့် မှဘဲနု ဘုရားသခင်ရဲ့ လိုတော်အားဖြင့် သတ်ရှင်နိုင်ဟိုတွပ် ဖြစ်ဟယ်။ 3 လူမျိုးခြားလေရဲ့ လိုဟိုလိုက်ဘီး ညစ်ညူးဟူ ကာမလိုက်စားရှင်းလေ၊ တတ်မတ်ရှင်းလေ၊ ယစ်မောရှင်းလေ၊ ပျော်လွန်ကျူးရှင်းလေ၊ သော့-က်စားကြူးရှင်းလေ၊ အမွေရောက်ထုဟို ကိုးကွယ်ရှင်းလေဟို ကျင်လည်ဘီးဟူ ပီးဟားဟူ ခီကာလဟာ နန်းနိုလေတွပ် တော်လောက်ပါဟယ်။ 4 ခုခီမာ နန်းနိုလေဟာ သူးနိုလေနတူးဒု ဆစ်ဆံဘဲနု၊ ကာမဂေါင်မာ လွန်ကြူးညစ်ညူးမူ ပြုဘဲနု နေဇာဟို သူးနိုလေဟာ အံ့ဩဘီး ကဲ့ရဲ့တတ်ဂေဟယ်။ 5 အယ်မျိုးလောက်ဟူကြောန် သူးနိုလေဟာ သတ်ရှင်ဟူ သူလေနု သေဟူသူလေဟို တရားစီရင်ဟိုတွပ် သင့်ရှိတော်မူဟူ ဘုရားသခင်နားမာ စစ်ဆေးစီရင်ရှင်းဟို ခံရဂေလေမယ်။ 6 အယ်ကြောန်းကြောန် အယ်သူလေဟာ ကိုယ်ခန္ဓာနု စပ်လျဉ်းဘီး လူစံနူးတိုင်း တရားစီရင်ရှင်းဟို ခံရဟူလည်းဘဲ ဘုရားသခင်ရဲ့ ရှေ့တော်မာ စိဝိညာဉ်အားဖြင့် သတ်ရှင်ရဟိုတွပ်၊ သေဟားဟူသူလေဟာ ဒန်းကောန်းဟို ကြားရဂေဟယ်။ 7 ရှိမျှဂူလောင်းဟာ

ဆောင်းဟို့ ရော- က်ခါနီးဘီ ဖြစ်ဟူကြောန့် ဆုတောင်းရှင်းမှုဟို့ ပြုနိုင်ဟို့တွပ် တည်ငြိမ်နက်နက်ဟူစိန သမ္မာဒိ ရှိဂေပါ။ **8** ရှစ်ရှင်းမြစ်တာဟာ ရရာတိုင်းများဟူ ပြစ်လေဟို့ ဖောင်းအောက်ပေးတတ်ဟူကြောန့် ရှိမျှဂူလောင်းထတ် ရှင်းရှင်းကြားမာ ခိုင်မြဲဟူ ရှစ်ရှင်းမြစ်တာန ရှစ်ဂေပါ။ **9** ညည်းညူမှု မေ့ဘဲန ရှင်းရှင်း ဧည့်သည်ဝတ်ဟို့ ပြုဂေပါ။ **10** နန်းနို့ ယော- က်စီတိုင်းဟာ ကိုယ်ခံစားရရှိဟူ ဆုကျေးဇူးရှိဟူတိုင်း ဘုရားသခင်ရဲ့ မျိုးမျိုးရှိဟူ ကျေးဇူးတော်နဆိုင်ဟူ ကောင်းဟူဘဏ္ဍာထီးမျိုး အယ်ဆုကျေးဇူးအားဖြင့် ရှင်းရှင်း ကူညီဝိဇ္ဇာပေးဂေပါ။ **11** ဟောပြောမားဟာ ဘုရားသခင်ရဲ့ စကားတော်တိုင်း ဟောပြောစေ။ စေခံဟူသူဟာ ဘုရားသခင် ပေးတော်မူဟူ စွမ်းသတ်တိုင်း လောက်ဆောနစေ။ အယ်ဆိုဟာ လောက်ဆောနဇာလေဟာ ယေရှုခရစ်အားဖြင့် ဘုရားသခင်ရဲ့ ဖောင်းသရေတော် ထွန်းလန်းလေမယ်။ သခင်ယေရှုခရစ်ဟာ ကမ္ဘာဆစ်ဆစ် ဖောင်းကီးတော်မူပါစေ။ အာမင်။ (aiñ ၅၁၆၅) **12** ရှစ်ရဟူသူလေ၊ နန်းနို့လေရဲ့ ယောင်ကြည်ရှင်းဟို့ စစ်ဆေးဟို့တွပ် နန်းနို့ ခုခံရဟူ ပြင်းပြဟူ စောင့်ဇမ်းနော- က်ယှစ်ရှင်းလေ ခံနေရဇာဟို့ အံ့ဩဇာဖြစ်ဟယ် ဆိုဘီး ထန်မှတ်ဟူ အယ် မူရာလေဟို့ အံ့ဩဂေ။ **13** နန်းနို့လေဟာ ခရစ်တော်ရဲ့ ဒေါက်ခဝေဒနာလေဟို့ ဆစ်ဆံခွမ့် ရဟူကြောန့် ဝန်းသာဂေပါ။ အယ်ဇာဟာ ဖောင်းသရေတော် ထန်ရှားပေါ်ထွပ်ဟူ ခီမာ နန်းနို့လေဟာ ရရာတိုင်း ဝန်းသာရဟို့ကြောန်း ဖြစ်ဟယ်။ **14** နန်းနို့လေဟာ ခရစ်တော်ရဲ့ နာမကြောန့် ကဲ့ရဲ့ပြစ်တန်ဇာဟို့ ခံရဟယ် ဆိုဟာ မင်္ဂလာရှိပါဟယ်။ ဖြားဖြစ်ကြောန့်နူးဆိုဟာ ဖောင်းသရေတော်န ပွဲဇောင်တော်မူဟူ ဘုရားသခင်ရဲ့ ဝိညာဉ်တော်ဟာ နန်းနို့ထတ်မာ ကိန်းဝပ်တော်မူဟူကြောန့် ဖြစ်ဟယ်။ **15** နန်းနို့လေဟာ လူသတ်ဟူမူ၊ ခိုးဟူမူ၊ ရာဇဝတ်မူ၊ သူများကိစလေမာ ဝမ်စွက်ဖက်ဟူမှုအားဖြင့် ယော- က်လည်း ပြစ်ဒန်ခံရစေ။ **16** အယ်ဘောမဲ့ ခရစ်ယာန်ဖြစ်ဟူကြောန့် ခံရဟယ် ဆိုဟာ ယှစ်ကြော- က်ရှင်း ရှိဂေ။ ခရစ်တော်ရဲ့ နာမကြောန့် ခံရဟယ် ဆိုဟာ ဘုရားသခင်ရဲ့ နာမတော်ဟို့ ချီးမွမ်းပါစေ။ **17** ဘုရားသခင်ရဲ့ အီတော်သားလေဟို့ ရင်ဦးဆောင်း စစ်ကြောစီရင်ရဟူခီ ရှိဘီး နို့လေဟို့ ရင်ဦးဆောင်း စစ်ကြောစီရင်ဟယ် ဆိုဟာ ဘုရားသခင်ရဲ့ ဒန်းကောင်း တရားစကားဟို့ နားထောန်ဘဲဟူ သူလေရဲ့မူဟာ ဖယ်မျိုး ပီးလေမယ်နူး။ **18** အယ်မျိုးဘွဲ့ ဖြောန့်မတ်ဟူသူဟာ ခဲခဲယဉ်းယဉ်းန ကယ်တန်ရှင်း ခံရဟယ် ဆိုဟာ ဘုရားသခင်ဟို့ ကိုးကွယ်ဘဲဟူ သူန ပြစ်ကျူးလွန်ဟူ သူလေဟာ ဖယ်မျိုးဖြစ်လေမယ်နူး။ **19** အယ်ကြောန့် ဘုရားသခင်ရဲ့ လိုတော်တိုင်း ဆင်းရဲဒေါက်ခခံရဟူ သူလေဟာ ကောင်းဟူကျင့်ဟို့ ကျင့်ဘီး ကိုယ့်ဟို့ ဖန်ဆင်းတော်မူဟူရှင်၊ သစ်စာတည်တော်မူဟူ ရှင်ရဲ့ လတ်တော်ဟို့ ကိုယ့်စိဝိညာဉ်ဟို့ အပ်ဂေစေ။

5 သင်းတော်လူဂီး တယော- က်ဖြစ်ဘီး ခရစ်တော်ရဲ့ ဆင်းရဲဒေါက်ခ ဝေဒနာလေဟို့ တွိပြင်ရဟူ သတ်သေခံဟူသူန ထန်ရှားလာမယ့် ဖောင်းသရေတော်ဟို့ မျှဝီခံစားဟူသူဖြစ်ဟူ ငါပေတရဟာ နန်းနို့မာရှိဟူ လောက်ဖော်ဆောနဖတ်လေဖြစ်ဟူ သင်းတော်လူဂီးလေဟို့ တိုက်တွန်းနှိုးဆော်ပါဟယ်။ **2** နန်းနို့မာရှိဟူ ဘုရားသခင်ရဲ့ သိုးစုလေဟို့ အောက်ထီးဟူမူမာ တာဝန်ရမှုဘဲ ဘုရားသခင်ရဲ့ လိုတော်တိုင်း စီအားထတ်သန်ဘီး ဝန်းသာရှင်းအားဖြင့် စောန့်ထီးဂေပါ။ စင်ကြယ်ဘဲဟူ ကျိုးစီးပွားဟို့ တတ်မတ်ဟူကြောန့်မူဘဲ စေတနာစီအားဖြင့် ကေ့ရှုအောက်ထီးဂေပါ။ **3** နန်းနို့ သီးသီးအောက်ချောက်ဟူ သင်းတော်လေဟို့ အာဏာသောင်းဘီး စိုးတရပြုရှင်းမူဘဲ၊ သိုးစုလေရှေမာ ပေါင်သတ်သေကောင်းဟူသူ ဖြစ်စေဂေပါ။ **4** အယ်မျိုးဆိုဟာ သိုးထီးဂီး ပေါ်ထွပ်လာဟူ ခီမာ နန်းနို့လေဟာ ညှိုးနွမ်းတတ်ဘဲဟူ၊ ဖောင်းကီးဟူ ပန်းဦးရစ်သရဖူဟို့ ရဂေလေမယ်။ **5** အယ်မျိုးဘဲ သတ်ငယ်ဟူသူလေ၊ လူဂီးလေရဲ့ စကားဟို့ နားထောန်ဂေပါ။ နန်းနို့ရှင်းရှင်း တယော- က်အော- က်ယော- က် စိနို့လှိုင်းတန်ဆာဟို့ ဆင်ယင်ဂေပါ။ ဖြားဖြစ်ကြောန့်နူးဆိုဟာ “မာနထောန်လွှားဟူ သူလေဟို့ ဘုရားသခင်ဟာ ဆီးတားဘီး စိနို့လှိုင်းသူလေဟို့ ကျေးဇူးပြုတော်မူဟယ်။” **6** အယ်ကြောန့် ခီတန်ဟယ် ဆိုဟာ နန်းနို့လေဟို့ ချီးမြှောက်- က်ဟို့တွပ် ဘုရားသခင်ရဲ့ ဖောင်းကီးဟူ လတ်တော်အော- က်မာ ကိုယ့်ကိုယ်ကိုယ် နို့လှေဂေပါ။ **7** ဘုရားသခင်ဟာ နန်းနို့လေဟို့ စောန့်ရှော- က်တော်မူဟူကြောန့် နန်းနို့လေရဲ့ စိုးရိမ်ပူပန်မှုလေ ရှိဟူမျှဟို့ ကိုယ်တော်ခိုက် အပ်ဂေပါ။ **8** သမ္မာဒိရှိရှိန အိဘဲန စောန့်နေဂေပါ။ နန်းနို့လေရဲ့ ရန်သူဖြစ်ဟူ မာရ်နတ်ဟာ ဟောက်ဟူ ခြင်္သေ့ဟူမျိုး ဖယ်သူဟို့

မျိုးရမယ်နဲ့၊ ဆိုဘီး လှည့်လည်ဘီး လိုက်ရှာနေဟယ်။ **9** အယ်ကြောန့် ယောင်ကြည်ရှင်းမာ ခိုင်းခိုင်ခန့်ခန့် ရပ်တည်ဘီး မာရ်နတ်ဟို ဆီးတားဂေ့ပါ။ တကမ္ဘာလောင်းမာရှိဟူ နန်းနို့လေရဲ့ ညီကို မောန်နှမလေလည်း အယ်မျိုး ဆင်းရဲဒေါက်ခလေန ရင်ဆိုင်ကျော်လွှား နေရဟူကြောင်းဟို သိမှတ်ဂေ့ပါ။ **10** ယေရှုခရစ်တော်အားဖြင့် နို့လေဟို ထာဝရ ဖောင်းသရေတော်ထဲဟို ခေါ်တော်မူဟူကျေးဇူး ဂူလောင်းဟို ပြုတော်မူဟူ ဘုရားသခင်ဟာ ဆင်းရဲဒေါက်ခလေဟို ရှစ်ဟားခံစားရဟူ နန်းနို့လေဟို စောင်လင်စေဘီး တည်ကြည်ခိုင်ခံ့ မြဲမြံစေတော်မူလေ့မယ်။

(aiðnios g166) 11 ဘုရားသခင်ဟာ ကမ္ဘာဆစ်ဆစ် ဖောင်းကီးတော်မူပါစေ။ အာမင်။ **(aiðn g165) 12** ငါဟာ နန်းနို့လေဟို တိုက်တွန်းနှိုးဆော်ဘီး နန်းနို့ မှီပြုဟူ အယ်ဇာလေဟာ ဘုရားသခင်ရဲ့ စစ်မှန်ဟူ ကျေးဇူးတော်ဖြစ်ဟယ် ဆိုဇာဟို သတ်သေခံဘီး အယ်စာဟို ရေးဘီးမှ ငါစိထန်ဟူတိုင်း နန်းနို့မူမာ သစ်စာရှိဟူညီကို သိလွှာနုလတ်နု ခုပေးလိုက်ပါဟယ်။

13 ငါ့သား မာကုဟုနေစဘီး ဗာဗုလုန်မြို့မာရှိဟူ နန်းနို့နုတူးဒု ဝီးကော့-ကံခံရဟူသင်းတော်ဟာ နန်းနို့လေဟို နှောက်ဆစ်ဂေ့ပါဟယ်။ **14** ယော့-ကံနယော့-ကံ မြစ်တာနမ်းနု နှောက်ဆစ်ဂေ့ပါ။ ခရစ်တော်နှိုက်ရှိဂေ့ဟူ နန်းနို့လေ ဂူလောင်းမာ ငြိသတ်ရှင်းရှိဂေ့ပါစေ။

၂ ပေတရ

၁ ယေရှုခရစ်တော်ရဲ့ စေခံနဲ့ တမန်တော်ဖြစ်ဟူ ငါ ရှိမုန်ပေတရဟာ — **၂** နို့လေရဲ့ ဖြစ်ဟူ ဘုရားသခင်နဲ့ သခင်ယေရှုဟို သိဟူဉာဏ်အားဖြင့် ကျေးဇူးတော်နဲ့ ငြိသတ်ရှင်းဟာ နန်းနို့လေမာ တိုးပွားပေပါစေ။ **၃** နို့လေဟို သူ့ရဲ့ ဖောင်းသရေတော်နဲ့ ကောင်းမြတ်ရှင်းထဲဟို ခေါ်ယူတော်မူဟူ သခင်ဟို နို့လေ သိရှင်းအားဖြင့် သတ်ရှင်မှုနတူးဒု ဘုရားဝတ်နဲ့ မွေ့လျော်ရှင်းအားဖြင့် စပ်ဆိုင်ဟူရာလေ ဂူလောင်းဟို ကိုယ်တော်နိုင်ရှိဟူ ဘုရားရဲ့ ဖောင်းတရိုးတော်အားဖြင့် ပေးသနားတော်မူဘိ။ **၄** အယ်မျိုးအားဖြင့် ရရာတိုင်း ကောင်းမြတ်ဘီး ဖိုးကီးဟူ ဂဒိတော်လေဟို နို့လေဟို အပ်ပေးတော်မူဘိ။ ဖြားဖြစ်ကြောနဲ့ဆိုဟာ အယ်ဂဒိတော်လေဟို မှီပြုဘီး နန်းနို့လေဟာ လောကီတပ်မတ်မူလေ၊ ညစ်ကြေးလေနဲ့ လွတ်ကင်းဘီးဟာ ဘုရားပကတိဟို ဆစ်ဆံရဟူသူလေ ဖြစ်ပေဟိုတွင် ဖြစ်ဟူယ်။ **၅** အယ်ကြောင်းကြောနဲ့ နန်းနို့လေဟာ ယောင်ကြည်ရှင်းနိုင် ကောင်းမြတ်ရှင်းဟို၊ ကောင်းမြတ်ရှင်းနိုင် ပညာဟို၊ **၆** ပညာရှိက ကာမဂေါင် ချောကံတီးရှင်းဟို၊ ကာမဂေါင် ချောကံတီးရှင်းနိုင် သီးခံရှင်းဟို၊ သီးခံရှင်းနိုင် ဘုရားဝတ်နိုင် မွေ့လျော်ရှင်းဟို၊ **၇** ဘုရားဝတ်မာ မွေ့လျော်ရှင်းနိုင် ညီကိုစောင့်မတ်ရှင်းဟို၊ ညီကိုစောင့်မတ်ရှင်းနိုင် ရှစ်ရှင်းမြစ်တာလေဟို စွမ်းကူကြိုးစားဘီး ထပ်ဆစ်ပေပါ။ **၈** ဖြားဖြစ်ကြောနဲ့ဆိုဟာ အယ်ပါရမီလေဟာ နန်းနို့လေမာရိုဘီး တိုးပွားနေဟူ ဆိုဟာ နန်းနို့လေဟာ နို့လေရဲ့ သခင် ယေရှုခရစ်ဟို သိကျွမ်းရှင်းနိုင် ပျင်းဘဲနေဟိုတွင်ပေ၊ ကျိုးမွှော့ဘဲစာလေ ဖြစ်ဘဲနေဟိုတွင်ပေ ပြုပြင်တတ်ပေဟူယ်။ **၉** အယ်ပါရမီ မွှော့ဘဲဟူ သူလေဟာ မျစ်စိကန်းဟူသူ၊ မျစ်စိမှုန်ဟူသူ ဖြစ်ဟူယ်။ ကိုယ့်ပြစ်ဟောင်း ဆေးကြောခံရကြောင်းဟို မေ့နေပေဟူယ်။ **၁၀** အယ်ကြောနဲ့ ညီကို မောနုနုမလေ နန်းနို့ခံရဟူ ခေါ်တော်မူရှင်းနဲ့ ဝီးကော-ကံတော်မူရှင်းဟို တည်မြဲစေဟိုတွင် ပိုဘီး ကြိုးစားအားထုပေပါ။ အယ်မျိုးပြုနေမယ် ဆိုဟာ ထိမိဘီးလဲစာနဲ့ မြဲဒမ်း ကင်းလွတ်လေမယ်။ **၁၁** နော့-ကံဘီး နို့လေဟို ကယ်တန်တော်မူဟူ သခင်ယေရှုခရစ်ရဲ့ ထာဝရ နိုင်ငံတော်ထဲဟို ဝမ်းစားဟူခွဲမဲ့ဟို နန်းနို့လေဟို ကြွယ်ဝအောင် ပေးသနားတော် မူလေမယ်။

(aiōnios g166) **၁၂** အယ်ကြောနဲ့ ခုဟောပြောဟူ သမ္မာတရားဟို နန်းနို့လေ နားလည်ဘီး တည်ကြည်မှု ရှိပေဟူလည်းဘဲ အယ်မျိုးစကားလေ နန်းနို့လေဟို မြဲဒမ်း ဒီပေးနို့ဆော်ဟိုတွင် ငါမေ့လျော့ဟူ။ **၁၃** အယ်ခန္ဓာတဲမာ ငါရှိနေဟူမျှ ကာလပတ်လောင်း အယ်ကြောင်းရာလေဟို နန်းနို့ဟို ဒီပေးနို့ဆော်သင့်ဟူ ဆိုဘီး ငါတကယ်ဘဲ မှတ်ယူဟူးပါဟူယ်။ **၁၄** ဖြားဖြစ်ကြောနဲ့ဆိုဟာ နို့လေရဲ့ သခင် ယေရှုခရစ်တော်ဟာ ငါ့ဟို ဖော်ပြတော်မူဟူတိုင်း ငါ့ရဲ့ ခန္ဓာတဲဟို ကြာခန်မာ စွန့်ပယ်ရမယ် ဆိုစာဟို ငါသိဟူယ်။ **၁၅** အယ်မျိုးဖြစ်ကြောနဲ့ ငါဟာ အယ်လောကဟုနေ ထွပ်ဟူးဘီးနဲ့ နန်းနို့လေဟာ အယ်ကြောင်းရာလေဟို မြဲဒမ်း မှတ်မိနေဟိုတွင် ငါကြိုးစားမယ်။ **၁၆** နို့လေရဲ့သခင် ယေရှုခရစ် တရိုးတော်နဲ့ ကြွလာတော်မူမယ် ဆိုစာဟို နန်းနို့ဟို ဖော်ပြရာမာ နို့လေဟာ ပရိယာယ်နဲ့ တီထွင်ဟူးဟူ ဒဏ္ဍာရီ ပေါင်ပြင်လေဟို ပြောနေပေရှင်း မူဟူ။ နို့လေဟာ ကိုယ်တော်ရဲ့ ဖောင်းသရေတော်ဟို ကိုယ်တိုင် ဗြင်ဖူးဟူသူလေ ဖြစ်ပေဟူယ်။ **၁၇** ဖြားဖြစ်ကြောနဲ့ဆိုဟာ “အယ်သူဟာ ငါမြတ်နိုးဟူ ငါ့ရဲ့ ရှစ်သား ဖြစ်ဟူယ်” ဆိုဟူ သံတော်ဟာ ထူးမြတ်ဟူ ရောန်တော်ထဲဟာ အယ်သခင်နားဟို ရော့-ကံလာဟူ ခီမာ ဖ ဘုရားသခင်နားဟု ဂေါင်တော်နဲ့ ဖောင်းသရေတော်ဟို ကိုယ်တော်ဟာ ခံရတော်မူဟူယ်။ **၁၈** အယ်ခီမာ နို့လေ ကိုယ်တိုင်ဘဲ သန့်ရှင်းဟူ တောန်ထတ်မာ ကိုယ်တော်နတူးဒု ရှိနေဟူခီ ကောင်းကန်ဟုနေ ရော့-ကံလာဟူ အယ်သံတော်ဟို ကြားရပေဟူယ်။ **၁၉** နော့-ကံဘီး ပိုဘီး ခိုင်လောင်ဟူ ပရောဖက်လေရဲ့ စကားဟာ နို့လေမာရှိဟူယ်။ နန်းနို့လေရဲ့ စိန္တလောင်းထဲမာ အာရောင်တတ်ဘီး ကြယ်နီပေါ် ထွပ်ဟူ ကာလထိအောင် အယ်စကားတော်ဟို မှောန်မိုက်ဟူ နေရာမာ ထွန်းလန်းဟူ ဆီမီးဟူမျိုး ထန်မှတ်ဘီး မှီပြုသင့်ပါဟူယ်။ **၂၀** ကျမ်းစာမာပါဟူ ပရောဖတ်ပြု ဟောပြောချစ်လေဟာ ကိုယ့်ဖာသာ နတ်မိပါယ်ပေါ် ဘဲဟူ ကြောနဲ့ဟို ရင်ဦးဆောင်း သိမှတ်ပေပါ။ **၂၁** ဖြားဖြစ်ကြောနဲ့ဆိုဟာ ပရောဖတ်ပြု ဟောပြောချစ်လေဟာ ဖယ်ခါမှ လူရဲ့ လိုဆန္ဒအားဖြင့်

ဖြစ်ပေါ်လာရှင်း မှုဟူ။ ဘုရားသခင်ရဲ့ သန့်ရှင်းဟူ သူလေဟာ သန့်ရှင်းဟူဝိညာဉ်တော်ရဲ့ တိုက်တွန်းတော်မူရှင်းဟူ ခံရဟူကြောင့် ဟောပြောဂေဟရှင်း ဖြစ်ဟူယ်။

2 အယ်ဘောမဲ့ ပရောဖက် တုယောန်လေဟာ ယုဒလူမျိုးလေထဲမှာ ပေါ်လာဂေဟူမျိုး နန်းနီလေထဲမှာလည်း ပရောဖက် တုယောန်လေ ပေါ်လာဂေဟူလေမယ်။ အယ်သူလေဟာ ပျစ်စီးရှင်းဟူ ရှေး- ကံစေမယ့် မှားယွင်းဟူ ယူဝါဒလေဟို ခိုးခိုးပုပ်ပုပ်နု ယူဆောန်လာဂေဘီး ကိုယ့်ဟို ဖိုးခန ဝီးဝယ်တော်မူဟူ သခင်ဟို ပစ်ပယ်ဘီး ကိုယ့်ထတ်ဟို ရရာတိုင်း ဗြန်ဟူ ပျစ်စီးမှုဟို ရှေး- ကံစေဟူ ပရောဖက် တုယောန်လေဟာ နန်းနီလေမှာ ရှိဂေဟူလေမယ်။ **2** ရရာတိုင်းများဟူ လူလေလည်း သူးနီလေရဲ့ ညစ်ညူးဟူ ကောန်းဘဲဟူ ကျင့်ခလေ့နော့- ကံဟို လိုက်ပါရှင်းအားဖြင့် သမ္မာတရားလမ်း အသရေဟာ ပျစ်စီးလေမယ်။ **3** သူးနီလေဟာ လောဘစိန် ချောမော့ဟူ စကားလေဟို ပြောဘီး နန်းနီလေဟို ညွတ်ထုလေမယ်။ ရှေးကာလဟုနော့ဘီး သူးနီဟို ပြစ်ဒန်စီရင်မယ့် သခင်ဟာ ဆင်သင့်ရှိနေတော်မူဟူယ်။ သူးနီဟို သုတ်သင်ဖျစ်ဆီးမယ့် သခင်ဟာ အိဝိုက်တော်မူဟူ။ **4** ဖြားဖြစ်ကြောန့်နူးဆိုဟာ ဘုရားသခင်ဟာ ပြစ်မှားဟူ ကောန်းဂန်တမန်လေဟို ပြောဘဲန ငရဲထဲမှာ ထီးသီးဟားဘီး တရားစီရင်ဟိုတွပ် မှောန်မိုက်ထဲမှာ သံကြိုးန ခယ်ဟားတော်မူလေဟူယ်။ (Tartarō g5020)

5 ရှေးလောကဓာတ်ဟိုလည်း ပြောတော်မူဟူ။ ဖြောန့်မတ်ရှင်းတရားဟို ဟောဟူ နောဇန လုခွန်နစ်ယော့- ကံဟို ကယ်တန်တော်မူဘီး ဘုရားဟို ကိုးကွယ်ဘဲဟူ လောကီသား ဂူလောင်းဟို ရေလွှမ်းမိုးစေတော်မူဟူယ်။ **6** သောဒုံန ဂေါမောရပြိုဟို ပြစ်ဒန်စီရင်တော်မူဘီး မီးလောန်စေရှင်းအားဖြင့် နော့- ကံတခီမာ တရားဘဲဟူကျင့်ဟို ကျင့်ဟူ သူလေတွပ် ပေါင်သတ်သေဟို ထားတော်မူလေဟူယ်။ **7** အယ်ခီမာ တရားဘဲဟူ သူလေရဲ့ ညစ်ညူးဟူ ကျင့်အားဖြင့် စိနော့- ကံယုတ်ခံရဟူသူ ဖြောန့်မတ်ဟူ လောတဟို ကယ်နှုတ်တော်မူဟူယ်။ **8** အယ်ဖြောန့်မတ်ဟူသူဟာ တရားဘဲဟူ သူလေနတူးဒု နေရဟူ ခီမာ သူးနီလေရဲ့ အဓမ္မမှုရာလေဟို ဗြင်ရကြားရဟူကြောန့် သူရဲ့ ဖြောန့်မတ်ဟူ စိဝိညာဉ်မှာ ရရာတိုင်း ညှဉ်းဆဲခံရလေဟူယ်။ **9** အယ်ကြောန့် ဘုရားဝတ်မာ မွေ့လျော်ဟူသူလေဟို စောင့်ဇမ်း နော့- ကံယုတ်မှုထဲဟု ကယ်နှုတ်ဟိုတွပ် တရားဘဲဟူ သူလေဟို တရားစီရင်ဟူ နေရစ်မာ ပြစ်ဒန်ခံစေဟို ချောက်နှောင်ဟားဟိုတွပ် ဘုရားသခင် တတ်နိုင်တော်မူလေဟူယ်။ **10** ထူးသဖြင့် ညစ်ညူးဟူ တတ်မတ်မှုအားဖြင့် သွီးသားဇာတိ နော့- ကံဟို လိုက်ဘီး အာဏာစစ်ဟို ထိမဲ့မြင်ပြဟူ သူလေဟို အယ်မျိုး ချောက်ဟားတော်မူလေမယ်။ အယ်သူလေဟာ တင့်ရဲဟူသူ မာန်မာန်ထောန်လွှားဟူ သူလေဖြစ်ဘီး ကြော့- ကံရုံမဲ့မှော့ဘဲ ဖောင်းတဂိုးကီးဟူ သူလေဟို ကဲ့ရဲ့စော်ကားတတ်လေဟူယ်။

11 ကောန်းဂန်တမန်လေဟာ သူးနီလေထတ် ခွန်အား တဂိုးကီးဟူလည်းဘဲ ဘုရားသခင် ရှေ့တော်မာ သူးနီလေဟို ကဲ့ရဲ့ပြစ်တန်ဘီး စီရင်ရှင်းဟို ပြုဂေဟူ။ **12** သူးနီလေဟာ ဖမ်းဆီးဖျစ်ဆီးဟိုတွပ် ပေါ့- ကံစွားလာဟူ သိပညာမဲ့ဘီး ဆင်ခြင်တုံတရား မှော့ဘဲဟူ လိဆန်လေမျိုး ဖြစ်ဂေဘီး ကိုယ်နားလည်ဘဲဟူ ဇာလေဟို ကဲ့ရဲ့ဘီး ပြောဆိုတတ်ဂေဟူယ်။ သူးနီလေဟာ သိဉာဏ်မှော့ဘဲဟူ လိဆန်လေ ပျစ်စီးဟူမျိုး ပျစ်စီးရဂေဟူလေမယ်။ **13** တရားဘဲဟူဇာရဲ့ ဖိုးခနနေန တရားဘဲဟူ ပြုရှင်းဟို ခံရဂေဟူလေမယ်။ သူးနီလေဟာ နေ့ဖတ်မာ သော့- ကံစားယစ်မောရှင်းလေဟို ပျော်ရွှင်ရှင်း ဖြစ်ဟူယ် ဆိုဘီး ထန်မှတ်ဂေတတ်ဟူယ်။ နန်းနီနတူးဒု စားသော့- ကံဟူ ခီမာ ကိုယ့်ရဲ့ မှားယွင်းဟူ သဘောန မွေ့လျော်ဂေဘီး နန်းနီလေမှာ ညစ်ကြေးစွန်းကွက်ဟူမျိုး ဖြစ်ဂေဟူယ်။ **14** သူးနီဟာ ဖော့- ကံပွန်ဟူ ကိလေသာန ပွဲဝဟူ မျစ်စိကြောန့် ဒုစရိုက်ဟို ပြုဘဲနေနိုင်ဂေဟူ။ သူးနီလေဟာ တည်ကြည်မှု စိန်လောင်းမှော့ဘဲဟူ သူလေဟို ပြစ်ထဲဟို သွီးဆောန်တတ်ဂေဟူယ်။ လောဘလွန်ကြိုးမှုမာ ကျင်လည်ဘီး ကီရှင်းခံရဟူ သားမီးလေဖြစ်ဂေဟူယ်။ **15** သူးနီလေဟာ ဖြောန့်မတ်ဟူလမ်းဟု ထွပ်ဟူကြောန့် လမ်းလွဲဟားဘီး တရားဘဲဟူ နည်းလမ်းအားဖြင့် ရဟားဟူ ဖိုးခဟို နှစ်သက်ဟူ ဗောသော်ရဲသား ဗာလမ်ရဲ့ လမ်းစဉ်ဟို လိုက်ဂေဟူယ်။ **16** အယ်ဘောမဲ့ ဗာလမ်ဟာ တရားဘဲနရဟူခဟို တတ်မတ်ဟူကြောန့် ကိုယ်ပြုဟူ ဒုစရိုက်အားဖြင့် ဆောင်းမရှင်းဟို ခံရဟူယ်။ ဖြားဖြစ်ကြောန့်နူးဆိုဟာ မြည်းဟာ လူ့ဘာသာအားဖြင့်

စကားပြောဘီး အယ်ပရောဖက်ရဲ့ မိုက်မဲမှုဟို့ တားမြစ်လေဟယ်။ 17 အယ်သူလေဟာ ရေမော့ဘဲဟူ ရေတွမ်းမျိုး၊ လေတိုက်ဟူကြောန့် လွမ်ပါဟားဟူ မိုးတီမျိုး ဖြစ်ဂေဟယ်။ သူးနို့လေတွပ် ထာဝရမောန်မိုက်ဟို့ သိုဟားလေဟယ်။ 18 ဖြားဖြစ်ကြောန့်နူးဆိုဟာ သူးနို့လေဟာ မှားယွင်းမှုထဲမာ ကျင်လည်ဂေဟူ သူလေထဲဟ လွတ်မြော-ကံခါဇရိဟူ သူလေဟို့ ဝါကြားဟူ ချည်းနှီးစကားလေဟို့ သောင်းဘီး သွီးသားဇာတိတတ်မတ်ရှင်း၊ ကာမဂေါင် လိုက်စားရှင်းအားဖြင့် ပြစ်ထဲဟို့ သွီးဆောန်တတ်ဂေဟယ်။ 19 သူးနို့လေဟာ လွတ်ရှင်းခွမ်ရှိဟယ် ဆိုဘီး ဝန်ခံရဲန ကိုယ်ကိုယ်တိုင် ပျစ်စီးမှုရဲ့ ကျေးကျွန်လေ ဖြစ်ဂေဟယ်။ ဖြားဖြစ်ကြောန့်နူးဆိုဟာ လူဟို့ နိုင်ဟူဇာဟာ လူရဲ့သခင် ဖြစ်ဟယ်။ 20 နို့လေရဲ့ သခင်န ကယ်တန်ရှင်ဖြစ်ဟူ ယေရှုခရစ်ဟို့ သိကျွမ်းရှင်းအားဖြင့် လောကီညစ်ညူးမှုန လွတ်ကင်းဘီးမှ နှော-ကံထပ်တခါ ထောန်ချော-ကံမိဘီး ရှောင်ဟယ် ဆိုဟာ နှော-ကံဖြစ်ဟူဇာဟာ ရှေ့ဖြစ်ဟူ ဇာထတ် ပိုဘီး ဆိုးလေဟယ်။ 21 ဖြားဖြစ်ကြောန့်နူးဆိုဟာ ဖြောန်မတ်ဟူ လမ်းဟို့ သိရဲန ကိုယ့်ဟို့ ပေးအပ်ဟားဟူ သန်ရှင်းဟူ ပညတ်တော်ဟို့ စွန့်ပစ်ဟူဇာထတ် အယ်မူတရားလမ်းဟို့ သိဘဲနနေရဟူဇာဟု ပိုဘီး ကောန်းဟယ်။ 22 “ခွီးဟာ ကိုယ့်ရဲ့ အန်ဖတ်ဟို့ ပွန်စားတတ်ဟယ်။ ရေချိုးပေးဟားဟူ ဝပ်ဟာလည်း ဇီးဗွတ်အိုင်မာ ပွန်ဘီး လူးတတ်ဟယ်” ဆိုဘီး ပြောဟူ မှန်ဟူ စကားပေါင်ဟာ အယ်သူလေအားဖြင့် ပွဲဇောင်လေဟယ်။

3 ရှစ်ရဟူသူလေ ၃ အယ်စာဟို့ ဒုတိယကြိ ငါရေးဘီးပေးလိုက်ပါဟယ်။ ငါဟာ အယ်စာနေစောန်လောင်းမာ နန်းနို့လေရဲ့ ဖျူစင်ဟူ စိပ်ညာဉ်လေဟို့ ဒီပေးနှိုးဆော်ဟားပါဟယ်။ 2 သန်ရှင်းဟူ ပရောဖက်လေဟာ ကြိုတန်ဘီး ပြောဟားဟူ စကားလေန နန်းနို့ရဲ့ တမန်တော်လေဟုနေတဆင့် ပေးအပ်ဟားဟူ ကယ်တန်ရှင် သခင်ဘုရားရဲ့ ပညတ်တော်လေဟို့ နန်းနို့လေ ပွန်ဘီး ဒီရစေဟို့တွပ် ဖြစ်ဟယ်။ 3 နန်းနို့လေ ရင်ဦးဆောင်း သိဟားရဟို့ချစ်မာ နှော-ကံဆောင်းဟူကာလမာ ပြစ်ရယ်ပြုတတ်ဟူ လူလေဟာ ကိုယ့်ရဲ့ တတ်မတ်မှုတိုင်း ကျင်နေဘီး၊ 4 “သခင်ဘုရား ကြွလာမယ်ဆိုဟူ ဂဒိတော်ဟာ ဖယ်မာရှိဟို့ကြောန့်နူး။ နို့ဘီးဘေးလေ သေဟားဘီးဟူ ခီဟုနေစဘီး ရှိမျှဂလောင်းဟာ ဖန်းဆင်းစဟုတိုင်းဘဲ ဆစ်ဘီးရှိနေဟယ်” ဆိုဘီး ပြောဆိုဂေလေမယ်။ 5 ဖြားဖြစ်ကြောန့်နူးဆိုဟာ ဘုရားသခင်ဟာ ရှေးကာလမာ ကောန်းဂန်န ရေထဲဟုထွပ်ဘီး ရေအားဖြင့်တည်ဟူ မွေဂီးဟို့ စကားတော်အားဖြင့် ဖန်ဆင်းဟူကြောန်းနံ၊ 6 ရှေးကမ္ဘာမွေဂီးဟာ ရေလွမ်းမိုးခံရဘီး ရေအားဖြင့် ဖျစ်ဆီးခံရဟူကြောန်းဟို့ သူးနို့လေဟာ တမင်သတ်သတ် မေဟားဂေဟယ်။ 7 ခုရှိနေဟူ ကောန်းဂန်န မွေဂီးဟာ အဓမ္မလူလေဟို့ တရားစီရင်ဘီး ဖျစ်ဆီးဟူ နေရစ်ထိ အယ် စကားတော်အားဖြင့် သိုဟားဘီး မီးရှိဟို့တွပ် ထီးသီးဟားလေဟယ်။ 8 အယ်ဘေမဲ့ ရှစ်ရဟူသူလေ၊ ဘုရားသခင်တွပ် နေရစ်တရစ်ဟာ နှစ်တထောန်ဖြစ်ဟူမျိုး နှစ်တထောန်ဟာ နေရစ်တရစ်ဟူမျိုး ဖြစ်ဟယ် ဆိုဇာဟို့ မေဂေန။ 9 နှေးဟယ် ဆိုဘီး တချို့လူလေ ထန်မှတ်နေဘေမဲ့ ဘုရားသခင်ဟာ ဂဒိတော်ရာမာ နှေးတော်မူဟူ။ ဖယ်သူလည်း ပျစ်စီးဘဲန လူတိုင်းနှောန်ဒရဟို့တွပ် လိုတော်ရှိဟူကြောန့် နန်းနို့လေဟို့ သီးခံတော်မူလေဟယ်။ 10 ခိုးဟာ ညဉ့်ဖတ်မာလာတတ်ဟူမျိုး သခင်ဘုရားရဲ့ နေရစ်ဟာ လာလေမယ်။ အယ်နေရစ်မာ ကောန်းဂန်ဟာ ရရာတိုင်း ဣယ်ဟူသံနတူးဒူ ပျော-ကံဟားလေမယ်။ လောကဇာတ်လေဟာ ရရာတိုင်းပူအာကီးဟူကြောန့် ပျစ်စီးဟားလေမယ်။ မွေဂီးဟုနေစဘီး မွေဂီးထတ်မာရှိဟူဇာလေ ဂူလောင်းဟာ လောန်ကျမ်းကူလေမယ်။ 11 အယ်ဇာလေ ဂူလောင်းဟာ အယ်မျိုး ပျစ်စီးဟားမယ် ဖြစ်ဟူကြောန့် နန်းနို့လေဟာ ဖယ်မျိုးဟူသူလေ ဖြစ်ဟို့သင့်ဟယ်နူး။ နန်းနို့လေဟာ သန်ရှင်းဟူကျင့်ဟို့ ကျင်ဘီး ဘုရားဝတ်န မွေလျော်ရှင်းအားဖြင့် 12 ဘုရားသခင်ရဲ့ နေရစ်ဟို့ စောန်မျှော်ဘီး အယ်နေရစ် ဗြန်းဗြန်းရော-ကံလာဟို့ မျှော်လင့်သင့်ဟယ်။ အယ်နေမာ ကောန်းဂန်ဟာ မီးလောန်ကျမ်းဘီး ပျစ်စီးဟားလေမယ်။ လောကဇာတ်လေလည်း ရရာတိုင်း ပြင်းထန်ဟူ ပူရှိအားဖြင့် ရယ်ပျော်ဟားဂေလေမယ်။ 13 အယ်ဘေမဲ့ နို့လေဟာ ဘုရားသခင် ဂဒိထားတော်မူဟူ ဖြောန်မတ်ရှင်းတရားရဲ့ တည်ဟူနေရာ ကောန်းဂန်သစ်န မွေဂီးသစ်ဟို့ စောန်မျှော်နေဂေဟယ်။ 14 အယ်မျိုးဖြစ်ကြောန့် ရှစ်ရဟူသူလေ၊ အယ်နေရစ်ဟို့ စောန်မျှော်နေဂေဟူကြောန့် ပြစ်ကင်းဘီး ဖြားစွန်းထင်းလည်းမော့ဘဲဟူ သူဖြစ်န ကိုယ်တော်ရဲ့ ရှေ့တော်ဟို့

ငြီးငြိပ်ဝပ် ရော-ကံနိုင်ဟို့တွပ် ကြိုးစားအားထုဂေ့ပါ။ 15 နို့လေရှစ်ရဟူ ညီကိုပေါလုဟာ ဘုရားသခင်ပေးဟူ ဉာဏ်ပညာအားဖြင့် နန်းနို့လေဟို့ ရေးဘီးပေးလိုက်ဟူတိုင်း နို့လေရဲ့ သခင်ဘုရား သီးခံတော်မူရှင်းဟာ နန်းနို့လေ ကယ်တန်ရှင်းခံရဟို့တွပ် ခွမ်ရေးပေးရှင်း ဖြစ်ဟယ် ဆိုဇာဟို့ မှတ်ယူဂေ့ပါ။ 16 သူဟာ အယ်ကြောန်းရာလေန ပတ်သတ်ဘီး စီရင်ရေးဟားဟူ စာစောန်လေမာ နားလည်ရ ခတ်ခဲမှုလေ ရှိဟယ်။ သိပညာမှော့ဟူ၊ တည်ကြည်မှုမှော့ဟူ သူလေဟာ အယ်စာစောန်ဟုနေစဘီး ကျန်ဟူ ကျမ်းစာလေရဲ့ နတ်ဓိပါယ်ဟို့ မှော့-ကံလှန်ဘီး ကိုယ့်ကိုယ်ကိုယ် ဖျစ်စီးတတ်ဂေ့ဟယ်။ 17 အယ်ကြောန် ရှစ်ရဟူသူလေ အယ်ကြောန်းရာလေဟို့ နန်းနို့သိဟားပီးဘီ ဖြစ်ဟူကြောန် တရားဘဲဟူသူလေရဲ့ ပရိယာယ်အားဖြင့် သွီးဆောန်ရှင်းနေ့-ကံဟို့ လိုက်ပါဟားဘီး နန်းနို့လေရဲ့ တည်ကြည်မှုဟို့ ဆောင်းရှောန်းဘဲ နေဟို့တွပ် ကိုယ့်ကိုယ်ကိုယ် စောန်ရှော့ကံဂေ့ပါ။ 18 နို့လေရဲ့သခင်န ကယ်တန်ရှင် ဖြစ်တော်မူဟူ ယေရှုခရစ်တော်ရဲ့ ကျေးဇူးတော်နရော၊ ကိုယ်တော့်ဟို့ သိကျွမ်းဟူ ပညာနရော ကီးထွားဂေ့ပါ။ အယ်သခင်ဟာ ခုဟုနေစဘီး ထာဝရ ကာလပတ်လောင်း ဖောင်းသရေတော်ရှိပါစေ! အာမင်။ (aiṭh g165)

1 သတ်ရှင်ဟူ စကားတော်ကြောင်းဟို့ နို့လေဟာ စာရေးလိုက်ဟယ်။ အယ်စကားတော်ဟာ စစဒူးဟာ ရှိနေဟယ်။ အယ်စကားတော်ဟို့ နို့လေဟာ ကြားရဂေဟယ်။ နို့လေ ကိုယ်တိုင်ဟ မျစ်စိန် ပြင်ရဂေဟယ်။ နို့လေရဲလတ်န စမ်းသပ်ဘီး ကေ့ရှဂေဟယ်။ **2** အယ်သတ်ဟာ ပေါ်လာဟူ ခီမာ နို့လေပြင်ရဂေဟယ်။ အယ်ကြောန့် အယ်ကြောန့်ဟို့ နို့လေဟာ ဟောပြောဂေဟယ်။ ဖန တူးဒူရှိနေဟူ သတ်ဟာ နို့လေမာ ထန်ရှားဟူကြောန့် နို့လေဟာ အယ်ထာဝရသတ်ကြောန့်ဟို့ နန်းနို့ဟို့ သတ်သေခံဘီး ကြေညာဂေဟယ်။ (aiōnios g166) **3** နို့လေဟာ ဖနရော၊ သားတော် ယေရှုခရစ်နရော၊ မိတ်သဟာယဖွဲ့ရဂေဟူကြောန့် နန်းနို့ဟလည်း နို့လေနတူးဒူ အယ်မိတ်သဟာယမာ ပါဝမ်ခွမ် ရဂေဟို့တွပ် နို့လေ ပြင်ရကြားရဟူ ဇာလေဟို့ နန်းနို့ဟို့ ဖော်ပြဟယ်။ **4** နို့လေရဲ ဝန်းသာရှင်းဟို့ ပွဲဝ ခံစားနိုင်ဂေဟို့တွပ် အယ်ကြောန့်ရာလေဟို့ စာရေးလိုက်ဟယ်။ **5** ဘုရားသခင်ဟာ လန်းရောန်ဖြစ်ဟယ်။ ကိုယ်တော်မာ မှောန်လောင်းဝ မေ့ဟူ ဆိုဘီး တရားစကားဟို့ နို့လေဟာ ကိုယ်တော်ရဲ သားတော်နားဟုနေ ကြားရသိရဟူကြောန့် နန်းနို့ဟို့ ကြေညာဟယ်။ **6** အယ်ကြောန့် နို့လေဟာ ကိုယ်တော်န မိတ်သဟာယဖွဲ့ ရဂေဟယ် ဆိုဘီး မှောန်ထဲမာ ကျင်လည်နေဂေဟာ နို့လေဟာ လီညာပြောဆိုဟူ သူဖြစ်ဘီး သမ္မာတရားဟို့ ကျင်နေဂေဟာ မူဟူ။ **7** ကိုယ်တော်ဟာ လန်းရောန်ထဲမာ ရှိနေမျိုးဘဲ နို့လေဟာ လန်းရောန်ထဲမာ ကျင်လည်ဂေဟူကြောန့် ရှင်းရှင်း ယော့-ကန်ယော့-ကန် မိတ်သဟာယ ဖွဲ့ဂေဟယ်။ ဘုရားသခင်ရဲ သားတော် သခင်ယေရှုရဲ သွီးတော်ဟာ နို့လေရဲ ပြစ်ဂူလောင်းဟုနေ စင်ကြယ်စေဟယ်။ **8** နို့လေဟာ ပြစ်သားလေ မူဟူ ဆိုဘီး ပြောမယ် ဆိုဟာ နို့လေဟာ ကိုယ့်ကိုယ်ကိုယ် လှည့်စားဂေဟယ်။ နို့လေမာ သမ္မာတရားလည်း မေ့ဟူ။ **9** ကိုယ်ပြစ်လေဟို့ ဝန်ဆွ တောန်းဗန်မယ် ဆိုဟာ ဘုရားသခင်ဟာ ဒိသစ်စာတည်ဘီး ဖြောန်မတ်ဟူရှင် ဖြစ်ဟူကြောန့် နို့လေရဲ ပြစ်လေဟို့ လွတ်ပေးဘီး နို့လေဟို့ ဒုစရိုက်ညစ်ကြေး ဂူလောင်းဟုနေ စင်ကြယ်စေဟယ်။ **10** နို့လေဟာ ပြစ်ကျူးလွန်ဟူလူလေ မူဟူ ဆိုဘီး ပြောမယ် ဆိုဟာ ဘုရားသခင်ဟို့ မုသားပြစ်တန်ဂေဟယ်။ ဘုရားစကားဟလည်း နို့လေမာ မေ့ဟူ။

2 ငါ့သားမီးလေ၊ နန်းနို့ဟို့ ပြစ်လောက်စေရှင်ဘဲကြောန့် အယ်စာဟို့ ငါရေးပေးလိုက်ဟယ်။ ယော့-ကန်ယော့-ကန်ဟာ ပြစ်လောက်မိမယ် ဆိုဟာ ဖနားမာ နို့လေတွပ် ကူညီဖြေရှင်းပေးဟူ ဖြောန်မတ်ဟူ သခင်ယေရှုခရစ်တော် ရှိနေဟယ်။ **2** ကိုယ်တော်ဟာ နို့လေပြစ်မျှ မကဘဲန ကမ္ဘာသူ ကမ္ဘာသား ဂူလောင်းရဲ ပြစ်ဖြေစာကြောင်း ပူဇော်ဆစ်ကပ်ဟားဟူ သခင်ဖြစ်တော်မူဟယ်။ **3** နို့လေဟာ ဘုရားသခင်ရဲ ပညတ်တော်လေဟို့ စောန့်ထီးနိုင်မှဘဲ ကိုယ်တော့်ဟို့ သိကျွမ်းဟူ လူလေဖြစ်ဂေဟူကြောန့်ဟို့ သေးသေချားချာဟား သိနိုင်ဟယ်။ **4** ကိုယ်တော့်ဟို့ ငါသိဟယ် ဆိုဘီး ပညတ်တော်လေဟို့ စောန့်ဘဲဟူလူဟာ လူလီလူညာဖြစ်ဘီး သူမာလည်း သမ္မာတရား မေ့ဟူ။ **5** ကိုယ်တော်ရဲ စကားတော်ဟို့ နားထောန်လူဟာ တကယ်ဘဲ ဘုရားသခင်ရဲ ရှစ်ရှင်းမြစ်တာဟာ အယ်သူမာ မှန်တိုင်းဘဲ ပွဲဇောင်ဟယ်။ အယ်မျိုးမှ ကျွန်တော့်လေဟာ ဘုရားသခင်န တလောင်းတဝဲ ဖြစ်ဟူကြောန့်ဟို့ သေးသေချားချာဟား သိဂေဟယ်။ **6** ဘုရားသခင်န တလောင်းတဝဲ ဖြစ်ဟူကြောန့်ဟို့ သေးသေချားချာ သိဟူလူဟာ သခင်ယေရှု ကျင်မျိုး လိုက်ကျင်ဟူလူ ဖြစ်ဟယ်။ **7** ရှစ်ရဟူသူလေ၊ နန်းနို့နားဟို့ ငါရေးလိုက်ဟူစာလေဟာ ပညတ်တော်သစ် မူဟူ။ စစဒူးဟာ နန်းနို့ရဟားဟူ ပညတ်ဟောန့်ဘဲ ဖြစ်ဟယ်။ အယ်ပညတ်တော်ဟောန့်ဟာ နန်းနို့ကြားရဟူ တရားတော်ဘဲ ဖြစ်ဟယ်။ **8** အယ်ဘောမဲ့ ခုနန်းနို့ဟို့ ငါရေးပေးလိုက်ဟူ ပညတ်တော်ဟာ သစ်ဖြစ်ဟယ်။ အယ်မျိုး မှန်ဖြစ်ဟူကြောန့် ခရစ်တော်နရော၊ နန်းနို့နရော၊ သစ်ဖြစ်ဟယ်။ ဖြားဖြစ်ကြောန့်နို့ဆိုဟာ မှောန်ဟာရွေလျားကွယ်ပျေး-ကံဟားဘီး စစ်မှန်ဟူ လန်းရောန်ဟ ပေါ်လာကြောန့် ဖြစ်ဟယ်။ **9** လန်းရောန်မာ ကျင်လည်ဟယ် ပြောဘီး ကိုယ့်ရဲ ညီကို မောန်နမဟို့ မူးနေဟူလူဟာ ခုထိမှောန်မာ ကျင်လည်နေဟူလူ ဖြစ်ဟယ်။ **10** ညီကို မောန်နမဟို့ ရှစ်ဟူလူဟာ လန်းရောန်မာ ကျင်လည်ဟူလူ ဖြစ်ဟယ်။ သူဟာ ဖယ်သူဟို့လည်း မှားယွင်းစေဟို့ မူဟူ။ **11** အယ်ဘောမဲ့ ညီကို မောန်နမဟို့ မူးနေဟူ လူဟာ

မှော်မာနေဟူလူ ဖြစ်ဟုယ်။ မှော်မာနေဟူကြောန့် သူဟာ ဖယ်နေရာဟို သွားဟုယ် ဆိုဇာ သိဟု။ **12** သားမီးလေ၊ နန်းနို့ဟာ ခရစ်တော်ရဲ့ နာမတော်ကြောန့် ပြစ်လွတ်ဟားဘီ ဆိုဇာ နန်းနို့နားဟို ငါစာရေးလိုက်ဟုယ်။ **13** ဖခင်လေ၊ နန်းနို့လေဟာ စစ်ဒူးဟု ရှိနေဟူသခင်ဟို သိဟူလူလေ ဖြစ်ဟူကြောန့် နန်းနို့လေနားဟို စာရေးလိုက်ဟုယ်။ ပျိုလူပျိုလေ၊ နန်းနို့ဟာ မာရ်နတ်ဟို အောက်နိုင်ဟူကြောန့် နန်းနို့နားဟို ငါစာရေးလိုက်ဟုယ်။ **14** သားမီးလေ၊ နန်းနို့ဟာ ဖဟို သိဟူလူလေ ဖြစ်ဟူကြောန့် နန်းနို့နားဟို ငါဟာ စာရေးလိုက်ဟုယ်။ နန်းနို့လေဟာ စစ်ဒူးဟု ရှိနေဟူ သခင်ဟို သိဟူလူလေ ဖြစ်ဟူကြောန့် နန်းနို့နားဟို ငါစာရေးလိုက်ဟုယ်။ ပျိုလူပျိုလေ၊ နန်းနို့ဟာ ခွန်အားရှိဘီး ဘုရားသခင်ရဲ့ စကားတော်ဟို နန်းနို့လေဟာ မှီဝဲဆည်းကပ်ဘီး၊ မာရ်နတ်ဟို အောက်ဟူကြောန့် နန်းနို့နားဟို ငါစာရေးလိုက်ဟုယ်။ **15** နန်းနို့ဟာ လောကန လောကီမာ ရှိဇာလေဟို ရှစ်ဂေ့န။ လောကဟို ရှစ်ဟူလူဟာ ဖဟို ရှစ်ဟု။ **16** ဖြားဖြစ်ကြောန့်နို့ဆိုဟာ လောကီမာ ရှိဟူဇာလေဖြစ်ဟူ ကိုယ်ကာယ တတ်မတ်စွဲလန်းရှင်းလေ၊ မျစ်စိန်ပြင်ဘီး လိုရှင်တတ်မတ်ရှင်းလေ၊ စည်းဇိမ်အောက်စာ ဝါကြွားရှင်းလေဟာ ဖန ဆိုင်ဟု။ လောကနဘဲ ဆိုင်ဟုယ်။ **17** လောကနတူးဒု လူလေ တတ်မတ်ဟူဇာလေဟာ ပျော့-က်ဟားလေဟုယ်။ ဘုရားသခင်ရဲ့လိုတော်ဟို ဆောန်ဟူလူဟာ ထာဝရတည်ဟုယ်။ (aiōn g165) **18** သားမီးလေ၊ နော့-က်ဆောင်းကာလမာ ခရစ်တော်ရဲ့ ရန်သူ ပေါ်လာဟူကြောန်းဟို နန်းနို့ ကြာရဂေ့ဟုယ်။ ခုဘဲ ခရစ်တော်ရဲ့ရန်သူ ဘောင်းဂီးပေါ်လာဟုယ်။ အယ်ချစ်ဟို ကေ့ဟူ ခီမာ ခုကာလဟာ နော့-က်ဆောင်းကာလ ရော့-က်လာကြောန်းဟို နို့လေ သိဂေ့ဟုယ်။ **19** အယ်လူလေဟာ ဖယ်ခါလည်း နို့လေန မိတ်သဟာယထဲမာ ပါဂေ့ဘဲန နို့လေ နားဟုနေ ထွပ်ဟားဂေ့ဟုယ်။ တကယ်ဟို နို့လေန ဆိုင်မယ် ဆိုဟာ နို့လေန တူးဒု ရှိနေဂေ့လေမယ်။ သူးနို့ဟာ မှန်ဘဲ နို့လေန ဆိုင်ဘဲဇာဟို ထန်ရှားဟိုတွပ် သူးနို့ဟာ နို့လေနားဟုနေ ထွပ်ဟားဂေ့ဟုယ်။ **20** ခရစ်တော်ဟာ နန်းနို့ထတ်ဟို သန်ရှင်းဟူဝိညာဉ်တော်ဟို လောန်းခွဲလိုက်ဟူကြောန့် နန်းနို့ ဂူလောင်းဟာ သမ္မာတရားဟို သိဂေ့ဟုယ်။ **21** နန်းနို့နားဟို ငါစာရေးရဟူကြောန်းဟာ သမ္မာတရားဟို နန်းနို့ သိဂေ့ဘဲကြောန့် မူဟု။ သမ္မာတရားဟိုရော၊ မုသားစကားဟာ သမ္မာတရားန ဖယ်မျိုးလည်း ဆိုင်ဘဲဇာဟို နန်းနို့ သိဂေ့ဟူကြောန့် ဖြစ်ဟုယ်။ **22** အယ်ကြောန့် ဖယ်သူဟာ မုသားစကားဟို ပြောနူး။ သခင်ယေရှုဟာ ခရစ်တော်မူဟာ ဆိုဘီး ပြောဟူလူဟာ မုသားစကားဟို ပြောဟူသူဖြစ်ဟုယ်။ အယ်မျိုးလူဟာ ခရစ်တော်ရဲ့ရန်သူ ဖြစ်ဟုယ်။ သူဟာ ဖန သားတော်ဟို ငြင်းပယ်ဟူလူ ဖြစ်ဟုယ်။ **23** သားတော်ဟို ငြင်းပယ်လူဟာ ဖဟို သိဟု။ သားတော်ဟို ဝန်ခံဟူလူဘဲ ဖဟို သိဟုယ်။ **24** အယ်ကြောန့် နန်းနို့ဟာ စစ်ဒူးဟု ကြားရဟူ တရားတော်ဟို စိန့်လောင်းထဲမာ ထီးသီးဟားဂေ့ပါ။ အယ်မျိုးလောက်မယ် ဆိုဟာ သားတော်နရော၊ ဖနရော၊ တလောင်းတဝဲဒဲ ရှိဂေ့လေမယ်။ **25** အယ်ဇာဟု နို့လေဟို ခရစ်တော်ကိုယ်တိုင် ဒီထားဟားဟူ ထာဝရသတ်ဘဲ ဖြစ်ဟုယ်။ (aiōnios g166) **26** နန်းနို့ဟို လမ်းမှားအောက် ကြီးစားနေဂေ့ဟူ လူလေရဲ့ ကြောန်းနပတ်သတ်ဘီး နန်းနို့နားဟို ငါစာရေးလိုက်ဟုယ်။ **27** နန်းနို့ဟို ခရစ်တော်ဟု သူရဲ့ ဝိညာဉ်တော်ဟို နန်းနို့ထတ်ဟို လောန်းခွဲဟုယ်။ ဝိညာဉ်တော်ဟာ နန်းနို့စိန့်လောင်းထဲမာ ကိန်းဝပ်နေဟူ ကာလပတ်လောင်း နန်းနို့ဟို တခြားဖြားဇာလည်း သွန်သန်ပေးဇာ လိုဟု။ ဖြားဖြစ်ကြောန့်နို့ဆိုဟာ ကိုယ်တော်ရဲ့ ဝိညာဉ်တော်ဟာ နန်းနို့ဟို ရှိမျှဂူလောင်းဟို သွန်သန်ပေးဟူကြောန့် ဖြစ်ဟုယ်။ ဝိညာဉ်တော်ရဲ့ သွန်သန်ရှင်း ဂူလောင်းဟာ မှန်ကန်ဘီး လီညာဟားဇာ မေ့ဟု။ အယ်ကြောန့် နန်းနို့ဟာ ဝိညာဉ်တော်ဟု သွန်သန်ဟားဟူတိုင်း လိုက်နာဘီး လောက်ဆောန်ဂေ့ပါ။ ခရစ်တော်န တလောင်းတဝဲဒဲ ရှိဂေ့ပါ။ **28** သားမီးလေ၊ ကိုယ်တော်ကြွလာဟူနေမာ နို့လေဟာ ရှစ်ကြော့-က်ရှင်းမေ့ဘဲ ရှေ့တော်မာ ရဲရဲရင့်ရင့်ဖြစ်ဟိုတွပ် ကိုယ်တော်န တလောင်းတဝဲဒဲ ရှိနေဂေ့ပါ။ **29** ဘုရားသခင်ဟာ ဖြောန့်မတ်ဟုယ် ဆိုဇာဟို နန်းနို့ သိဂေ့ဟုယ်။ အယ်ကြောန့် ဖြောန့်မတ်ရှင်းတရားဟို ကျင့်ဟူလူဟာ ဘုရားသခင်ရဲ့ သားမီးလေ ဖြစ်ဟူကြောန်းဟို နန်းနို့သိဂေ့ဟုယ်။

3 နို့လေဟာ ဘုရားသခင်ရဲ့ သားမီးလေ ဆိုဘီး ခေါ်ခံရဟူခွမ်ဟို ရဂေ့ဟူကြောန့် နို့လေဟို ဖဘုရားဟာ ဖယ်မျှလော့-က် ရှစ်နူးဆိုဟာ ဆင်ခြင်ဂေ့ပါ။ နို့လေဟာ တကယ်ဘဲ ဘုရားသခင်ရဲ့ သားမီးလေ ဖြစ်ဂေ့ဟုယ်။ အယ်ကြောန့်

အယ်လောကသားလေဟ နို့လေဟို သိဟ။ ဖဟိုလည်း သိဟ။ **2** ရှစ်ရဟူသူလေ၊ ခဟ နို့လေဟာ ဘုရားသခင်ရဲ့ သားမီးလေ ဖြစ်ဂေဟယ်။ နော-က်မ ဖယ်မျိုးဖြစ်မယ် ဆိုဇာ သေးသေချားချာဟာ သိဟဘေမဲ့ ခရစ်တော်ကြွလာဟူ ခီမာ ကိုယ်တော်ဖြစ်နေတိုင်း ဖူးပြင်ရမယ် ဖြစ်ဟူကြောန့် နို့လေဟာ ကိုယ်တော်န တူဂေမယ် ဆိုဇာ သိရဂေဟယ်။

3 ခရစ်တော်ဟို မှီပြုဘီး အယ်မျိုးမျှော်လင့်ဘီး တောန်းတလူဟာ ခရစ်တော်စင်ကြယ်မျိုးဘဲ ကိုယ့်ကိုယ်ကိုယ် စင်ကြယ်အောန် နေတတ်ဟယ်။ **4** ပြစ်ဒစရိုက်ဟို လောက်ရှင်းဟာ ပညတ်တော်ဟို ချိုးဖော-က်ရှင်း ဖြစ်ဟူကြောန့် ပြစ်လွန်ကျူလူ မုန်မျှဟာ ပညတ်တရားဟို ချိုးဖော-က်ဟူလူ ဖြစ်ဟယ်။ **5** ကိုယ်တော်ဟာ ပြစ်ဟိုယူဆောန်ဟားဟို့တွပ် ပေါ်လာဟူကြောန်းဟို နန်းနို့သိဂေဟယ်။ ကိုယ်တော်နိုက် ပြစ် မေ့ဟ။ **6** ကိုယ်တော်န တလောင်းတဝဒဲ တည်နေဟူ လူတိုင်းဟာ ပြစ်လောက်တတ်ဟ။ ပြစ်လောက်နေဟူ လူတိုင်းဟာ ကိုယ်တော်ဟို သိပြင်သေးဟ။ **7** သားမီးလေ၊ ဖယ်သူလည်း နန်းနို့လူ လှည့်ဇားစေန။ ခရစ်တော်ဟာ ဖြောန့်မတ်ဟူမျိုးဘဲ ဖြောန့်မတ်ရှင်းတရားဟို ကျင့်သောင်းဟူ လူဟာ ဖြောန့်မတ်ဟူလူ ဖြစ်ဟယ်။ **8** ပြစ်လောက်ဟူလူဟာ မာရ်နတ်န ဆိုင်ဟူလူ ဖြစ်ဟယ်။ ဖြားဖြစ်ကြောန့်နူးဆိုဟာ မာရ်နတ်ဟာ စစဒဟ ပြစ်လွန်ကျူဟူသူ ဖြစ်ဟယ်။ ဘုရားသခင်ရဲ့ သားတော်ပေါ်လာရှင်းဟ မာရ်နတ်လောက်ဟားဟူ မူလေဟို ဖျစ်ပတ်ဟို့တွပ် ဖြစ်ဟယ်။ **9** ဘုရားသခင်ဟနေ မွီးလာဟူ သားမီးလေဖြစ်ဟူကြောန့် ပြစ်လောက်တတ်ဟ။ ဖြားဖြစ်ကြောန့်နူးဆိုဟာ သူမာ ဘုရားသခင်ရဲ့ ဇာတိသဘောလေ ပါနေဟူကြောန့် ဖြစ်ဟယ်။ သူဟာ ဘုရားသခင်ဟနေ ပေါ-က်လာဟူ သားမီးလေဖြစ်ဟူကြောန့် ပြစ်ဟိုလောက်နိုင်ဟ။ **10** အယ်မျိုးလတ်ခဏာဟို ကေမယ် ဆိုဟာ ဘုရားသခင်ရဲ့ သားမီးလေန မာရ်နတ်ရဲ့ သားမီးဟာ ကွာခြားရှင်းဟို သိရဟယ်။ ဖြောန့်မတ်ရှင်းတရားဟို ကျင့်ဘဲဟူလူ၊ ကိုယ့်ရဲ့ ညီကို မောန်နှမလေဟို ရှစ်ဘဲဟူလူဟာ ဘုရားသခင်ရဲ့ သားမီး မူဟ။ **11** နို့လေဟာ ရှင်းရှင်းရှစ်ရမယ် ဆိုဟားဟူ တရားတော်ဟို စစဒဟ နန်းနို့ဟာ ကြားရဟူ ဒန်းစကာဖြစ်ဟယ်။ **12** မာရ်နတ်နဆိုင်ဟူ သူ ညီ အားဗေလဟို သတ်ဟူ ကာကုန်မျိုး ဖြစ်ဂေန။ ကာကုန်ဟာ သူ ညီဟို ဖြားဖြစ်ကြောန့်သတ်နူး။ သူကျင့်ဟ ကောန်းဘဲဟူကြောန့် သူညီကျင့်ဟ ဖြောန့်မတ်ဟူကြောန့် ဖြစ်ဟယ်။ **13** အယ်ကြောန့် ညီကို မောန်နှမလေ၊ လောကသားလေဟ နန်းနို့ဟို မူးဂေဟူ ခီမာ အံ့ဩဂေန။ **14** နို့လေဟာ ကိုယ့်ရဲ့ ညီကို မောန်နှမလေဟို ရှစ်ဂေဟူကြောန့် သေရှင်းဟနေ သတ်ရှင်ဟူနေရာဟို ကူးရဂေကြောန်းဟို နို့လေဟာ သိဂေဟယ်။ ကိုယ့်ရဲ့ ညီကို မောန်နှမလေဟို ရှစ်ဘဲဟူလူဟာ သေနေဟူ ဘဝမာဘဲ ရှိနေသေးဟယ်။ **15** ကိုယ့်ရဲ့ ညီကို မောန်နှမဟို မူးနေဟူလူဟာ လူသတ်မားဖြစ်ဟယ်။ လူသတ်မားဟာ ထာဝရသတ်ဟို ရဘဲကြောန်းဟို သိဂေဟယ်။ (aiōnios

g166) **16** ခရစ်တော်ဟာ နို့လေတွပ် သတ်စွန့်ဟူ မြစ်တာကြောန်းဟို နို့လေဟာ သိဂေဟယ်။ နို့လေဟလည်း ကိုယ့်ရဲ့ ညီကို မောန်နှမလေတွပ် သတ်ဟို စွန့်ရဂေဟယ်။ **17** လောကီစည်းဇိမ် အောက်စာလေ ကြယ်ဝဟူလူဖြစ်ဘီး ကိုယ့်ရဲ့ ညီကို ယော-က်ယော-က်ဟ ဆင်းရဲရှင်းဟို ပြင်ဟူ ခီမာ သနားကြင်နာမှု မေ့ဘဲနေဆိုဟာ ဖယ်မျိုး ဘုရားသခင်ရဲ့ မြစ်တာတော်ဟ ရှိနိုင်ဟို့နူး။ **18** သားမီးလေ၊ နို့လေရဲ့ မြစ်တာဟာ နောက်ဖြားမာဘဲရှိဟူ ရှစ်ရှင်းမြစ်တာမျိုး ဖြစ်သင့်ဟ။ လတ်တို့ ဖော်ပြရဟူ မြစ်တာစစ်မြစ်တာမုန် ဖြစ်ရမယ်။ **19** အယ်မျိုးနည်းအားဖြင့် နို့လေဟာ သမ္မာတရားနဆိုင်ဟူ လူဖြစ်ဟူကြောန်းဟို သိနိုင်ဟယ်။ ဘုရားသခင်ရဲ့ ရှေ့မာလည်း ကိုယ့်ရဲ့ စိန်လောင်းဟ သတ်သာဂေလေမယ်။ **20** နန့်စိန်လောင်းဟ နန့်ဟို ပြစ်တန်ခံရဟူ ခီမာ ဘုရားသခင်ဟာ နို့လေရဲ့ စိန်လောင်းထတ် ကီးမြတ်ကြောန်း ကိုယ်တော်ဟာ မှီမျှဂလောင်းဟို သိကြောန်းဟို နို့လေဟာ သိဂေဟယ်။ **21** အယ်ကြောန့် ရှစ်ရဟူသူလေ၊ နို့လေရဲ့ စိန်လောင်းဟ နို့လေဟို ပြစ်တန်ဘဲန နေမယ် ဆိုဟာ နို့လေဟာ ဘုရားသခင်ရှေ့မာ ရဲရင့်ဟူခွင့်ဟို ရဂေဟယ်။ **22** နို့လေဟာ ကိုယ်တော်ရဲ့ ပညတ်တော်ဟို စောန့်ဟူလူလေ၊ ကိုယ်တော် နှစ်သက်ဟူမူလေဟို လောက်ဟူလူလေ ဖြစ်ဟူကြောန့် နို့လေ တောန်းရှော-က်ရှင်း မုန်မျှဟာ ဘုရားသခင်နားဟ ရဂေဟယ်။ **23** ကိုယ်တော်ရဲ့ ပညတ်တော်ဟ နို့လေဟာ ဘုရားသခင်ရဲ့ သားတော် ယေရှုခရစ်ရဲ့ နာမတော်ဟို ယောင်ကြည်ရမယ်။ အယ်သခင် ပြောဟားဟူတိုင်းဘဲ ရှင်းရှင်း တယော-က်ဟိုယော-က် ရှစ်ရမယ် ဆိုဘီး ပြောဟားဟယ်။ **24** ဘုရားသခင်ရဲ့ ပညတ်တော်လေဟို စောန့်ဟူလူဟာ ဘုရားသခင်န တလောင်းတဝဒဲဖြစ်ဘီး

ဘုရားသခင်ဟုလည်း အယ်လူန တလောင်းတဝဒဲ ဖြစ်ဟုယ်။ အယ်မျိုး ဖြစ်ဟူကြောင်းဟို ကိုယ်တော်ပေးဟားဟူ ဝိညာဉ်တော်ကြောန့် နို့လေ သိဂေဟုယ်။

4 ရှစ်ရဟူသူလေ၊ ရရာတိုင်းများဟူ ပရောဖက်တယောန်လေဟာ အယ်လောကမာ ပေါ်လာဂေဘီ ဖြစ်ဟူကြောန့် ဝိညာဉ်တိုင်းဟို ယောင်ကြည့်ဘဲန အယ်ဝိညာဉ်လေဟာ ဘုရားသခင်န ဆိုင်လား၊ ဆိုင်ဟုလား ဆိုဇာ စစ်ဆေးဂေပါ။

2 ဘုရားသခင်ရဲ့ ဝိညာဉ်တော်ဟောက်လော၊ ဟောက်ဟုလော၊ ဆိုဇာ နန်းနို့ဟာ အယ်မျိုးနည်းအားဖြင့် သိနိုင်ဟုယ်။ သခင်ယေရှုခရစ်ဟာ လူဇာတိခံယူဘီးဟာ ကြွလာဟုယ် ဆိုဇာဟို ဝန်ခံဟူလူဟာ ဘုရားသခင်နားဟုန ကြွလာဟူ ဝိညာဉ်တော်ဟို ခံရဟူလူ ဖြစ်ဟုယ်။

3 လူဇာတိအားဖြင့် ကြွလာဟူ ယေရှုခရစ်ဟို ဝန်ခံဘဲဟူလူဟာ ဘုရားသခင်နားဟု ကြွလာဟူ ဝိညာဉ်တော်ဟို ခံရဟူးဟူလူ မှဟူ။ အယ်လူထဲမာ ကိန်းဝပ်နေဟူဝိညာဉ်ဟာ ခရစ်တော်ရဲ့ ရန်သူဖြစ်ဟုယ်။ ခရစ်တော်ရဲ့ရန်သူ ဝိညာဉ်ဟာ အယ်လောကဟို ရော- က်လာဟိုကြောင်းဟို နန်းနို့ဟာ ကြားရဟူးဘီး ဖြစ်ဟူကြောန့် သူဟာ ခုဘဲ ရော- က်လာနေဘီ ဖြစ်ဟုယ်။

4 သားမီးလေ၊ နန်းနို့ဟာ ဘုရားသခင်န ဆိုင်ဂေဟူကြောန့် အယ်လူလေဟိုလည်း အောန်ဂေဟုယ်။ ဖြားဖြစ်ကြောန့်နို့ဆိုဟာ နန်းနို့ဖတ်မာ ရှိနေဟူသူဟာ လောကဖတ်မာ ရှိနေဟူလူထတ် ပိုဘီး ဟာ အားကီးဟုယ်။

5 အယ်လူလေဟာ လောကနဆိုင်ဟူ လူလေဖြစ်ဂေဟုယ်။ အယ်ကြောန့် လောကရဲ့ ကြောင်းရာလေဟိုဘဲ ပြောဂေဟုယ်။ လောကသားလေဟုလည်း သူးနို့စကားဟိုဘဲ နားထောန်ဂေဟုယ်။

6 နို့လေဟာ ဘုရားသခင်န ဆိုင်ဟုယ်။ ဘုရားသခင်ဟို သိဟူလူဟာ နို့လေရဲ့ စကားဟို နားထောန်တတ်ဟုယ်။ ဘုရားသခင်န ဆိုင်ဘဲဟူလူဟာ နို့လေရဲ့ စကားဟို နားထောန်တတ်ဟူ။ အယ်ကြောန့် သမ္မာတရားဝိညာဉ်န မိဆာဝိညာဉ်ဟို ပိုင်းခြားဘီး သိဂေဟုယ်။

7 ရှစ်ရဟူသူလေ၊ နို့လေဟာ ရှင်းရှင်းရှစ်ဂေဗို့၊ ဖြားဖြစ်ကြောန့်နို့ဆိုဟာ ရှစ်ရှင်းမြစ်တာဟာ ဘုရားသခင်န ဆိုင်ဟူကြောန့် ရှစ်တတ်ဟူလူဟာ ဘုရားသခင်ဟုနေ ပေါ- က်လာဟူ သားမီးလေဖြစ်ဟုယ်။ ဘုရားသခင်ဟိုသိဟူ လူလည်းဖြစ်ဟုယ်။

8 ရှစ်ရှင်းမြစ်တာ မှောဘဲဟူလူဟာ ဘုရားသခင်ဟို သိဟူ။ ဖြားဖြစ်ကြောန့်နို့ဆိုဟာ ဘုရားသခင်ဟာ ရှစ်ရှင်းမြစ်တာဖြစ်တော်မူဟုယ်။

9 နို့လေဟာ သားတော်အားဖြင့် သတ်ရှင်ဟိုတွပ် ဘုရားသခင်ဟာ သူရဲ့ တပါးဒဲဖြစ်ဟူ သားတော်ဟို အယ်လောကဟို စေလွှတ်လိုက်ဇာဟာ နို့လေဟို ရရာတိုင်းရှစ်ဟူ မြစ်တာတော်ဟာ ထန်ရှားနေဟုယ်။

10 နို့လေဟာ ဘုရားသခင်ဟိုရှစ်ဇာ မှဟူ။ ဘုရားသခင်ဟာဘဲ နို့လေဟို ရှစ်ဘီးဟာ နို့လေဟာ ပြစ်ဖြေလွှတ်ခံရဘီး ပူဇော်ဆစ်ကပ်ဟူဖြစ်န သူရဲ့ သားတော်ဟို စေလွှတ်လိုက်ဇာမာ ရှစ်ရှင်းမြစ်တာရှိဟုယ်။

11 ရှစ်ရဟူသူလေ၊ ဘုရားသခင်ဟာ နို့လေဟို အယ်မျှလော့- က်ရှစ်ဟုယ် ဆိုဇာဟို မှန်ဟုယ် ဆိုဟာ နို့လေဟုလည်း ရှင်းရှင်းရှစ်ရမယ်။

12 ဘုရားသခင်ဟို ဖယ်သူလည်း ဗြင်ရတေမဲ့ နို့လေဟာ ရှင်းရှင်းရှစ်မယ် ဆိုဟာ ဘုရားသခင်ဟာ နို့လေမာတည်နေဘီး ဘုရားသခင်ရဲ့ ရှစ်ရှင်းမြစ်တာဟာ နို့လေမာလည်း ပွဲဇောင်လေဟုယ်။

13 ဘုရားသခင်ဟာ သူရဲ့ ဝိညာဉ်တော်ဟို နို့လေဟို ပေးဟူကြောန့် နို့လေဟာ ဘုရားသခင်မာတည်ဘီး ဘုရားသခင်ဟုလည်း နို့လေမာ တည်နေဟူကြောန့်ဟို နို့လေ သိဂေဟုယ်။

14 ဖဟာ သားတော်ဟို လောကရဲ့ ကယ်တန်ရှင်နေန လွှတ်လိုက်ဇာဟို နို့လေဟာ ဗြင်ဘီး သတ်သေခံဂေဟုယ်။

15 ဖယ်သူမဆို ယေရှုဟာ ဘုရားသခင်ရဲ့ သားတော် ဖြစ်ဟူကြောန့်ဟို ဝန်ခံမယ် ဆိုဟာ ဘုရားသခင်ဟာ အယ်လူမာတည်ဘီး အယ်လူဟုလည်း ဘုရားသခင်မာ တည်နေဟုယ်။

16 နို့လေမာ ဘုရားသခင်ထားဟားဟူ ရှစ်ရှင်းမြစ်တာဟိုသိဘီး ယောင်ကြည့်ဂေဟုယ်။ ဘုရားသခင်ဟာ ရှစ်ရှင်းမြစ်တာဖြစ်တော်မူဟုယ်။ ရှစ်ရှင်းမြစ်တာနိုက် ရှိဟူလူဟာ ဘုရားသခင်နိုက်ရှိဟုယ်။ ဘုရားသခင်ဟုလည်း အယ်လူနိုက်ရှိတော်မူဟုယ်။

17 နို့လေမာ ကိုယ်တော်ရဲ့ မြစ်တာဟာ ပွဲဇောင်လင်ဟူကြောန့် တရားစီရင်ဟူနေမာ နို့လေဟာ ရဲရင့်တည်ကြည်ဇာဟို ရဂေလေမယ်။ ဖြားဖြစ်ကြောန့်နို့ဆိုဟာ လောကမာ နို့လေဟာ ခရစ်တော်မျိုးဘဲ သတ်ရှင်ဂေကြောန့်ဖြစ်ဟုယ်။

18 ရှစ်ရှင်းမြစ်တာမာ ကြော့- က်စိ မှဟူ။ ပွဲဇောင်လင်ဟူ မြစ်တာဟာ ကြော့- က်စိဟို ဖယ်ရှားပေးဟုယ်။ ကြော့- က်စိဟာ ပြစ်ဒန်ခံရဇာဟို စောန့်မျှော်တတ်ဟူကြောန့် ကြော့- က်စိရှိဟူသူမာ

မြစ်တာနဲ့ပွဲဇောင်ဇာ မေ့ဟူ။ 19 ဘုရားသခင်ဟာ နို့လေဟို ရင်ဦးဆောင်း ရှစ်ဟူကြောနဲ့ နို့လေဟာ ကိုယ်တော့်ဟို ရှစ်ဂေဟယ်။ 20 ဘုရားသခင်ဟို ရှစ်ဟယ် ဆိုဘီး ညီကိုဟို မူးနေဟူလူဟာ လီညာဟူလူ ဖြစ်ဟယ်။ ဖြားဖြစ်ကြောနဲ့နူးဆိုဟာ မျစ်စိန် ဖြင်ရဟူ ညီကိုဟို ရှစ်နိုင်ဘဲဟူလူဟာ မျစ်စိန် ဖြင်ရဘဲဟူ ဘုရားသခင်ဟို ဖယ်မျိုးရှစ်နိုင်ဟို့နူး။ 21 ဘုရားသခင်ဟို ရှစ်ဟူလူဟာ ကိုယ့်ရဲ့ ညီကိုဟို ရှစ်ရမယ် ဆိုဘီး ပညတ်တော်ဟို နို့လေဟာ ခရစ်တော်နားဟု ခံရဂေဟယ်။

5 ယေရှုဟာ ခရစ်တော်ဖြစ်ဟယ် ဆိုဇာဟို ယောင်ကြည်ဟူလူဟာ ဘုရားသခင်ဟုနေ ပေါ့- က်လာဟူ သားမီးလေဘဲ ဖြစ်ဟယ်။ ဖဟို ရှစ်ဟူလူဟာ သားဟိုလည်း ရှစ်တတ်ဟယ်။ 2 နို့လေဟာ ဘုရားသခင်ဟို ရှစ်ဘီး ဘုရားသခင်ရဲ့ ပညတ်တော်လေဟို လိုက်နာဘီးကျင့်မယ် ဆိုဟာ အယ်မူရာလေအားဖြင့် နို့လေဟာ ဘုရားသခင်ရဲ့ သားမီးလေဟို ရှစ်ကြောန်းဟို နို့လေ သိဂေဟယ်။ 3 ဘုရားသခင်ဟို ရှစ်ဟယ် ဆိုဇာဟာ ဘုရားသခင်ရဲ့ ပညတ်တော်လေဟို လိုက်ရှော့- က်ရှင်းဘဲ ဖြစ်ဟယ်။ ဘုရားသခင်ရဲ့ ပညတ်တော်လေဟို လိုက်ရှော့- က်ရှင်းဟာ ခတ်ခဲဇာ မူဟူ။ 4 ဖြားဖြစ်ကြောနဲ့နူးဆိုဟာ ဘုရားသခင်ဟုနေ ပေါ့- က်လာဟူ သားမီးလေဟာ လောကဟို အောန်နိုင်ဂေဟယ်။ နို့လေရဲ့ ယောင်ကြည်ရှင်းကြောနဲ့ လောကဟို အောန်ဂေဟယ်။ 5 သခင်ယေရှုဟာ ဘုရားသခင်ရဲ့ သားတော်ဖြစ်ဟယ် ဆိုဇာဟို ယောင်ကြည်ဟူသူမှ တပါး ဖယ်သူဟု လောကဟို အောန်နိုင်နူး။ 6 ယေရှုခရစ်ဟာ ရေအားဖြင့် ဗတ္တိဇံဟိုသ်ဘီး၊ သွီးတော်ဟို သွန်းဘီး၊ သေခံဘီး ကြွလာဟူသခင် ဖြစ်ဟယ်။ ကိုယ်တော်ဟာ ရေအားဖြင့်ဘဲ ကြွလာရှင်း မူဟူ။ ရေနရော၊ သွီးနရော ကြွလာဟယ်။ ဝိညာဉ်တော်ဟာ သမ္မာတရားဖြစ်ဘီး ကြွလာဟူကြောန်းဟို သတ်သေခံဟယ်။ 7 သတ်သေခံ သောင်းပါး ရှိလေဟယ်။ 8 အယ်သောင်းပါးဟာ ဝိညာဉ်တော်၊ ရေ၊ သွီးလေဖြစ်ဂေဘီး အယ်သောင်းပါးဟာ တလောင်းတဝဒဲ ဖြစ်ဂေဟယ်။ 9 နို့လေဟာ လူလေရဲ့ သတ်သေခံဇာဟို လတ်ခံတတ်ဂေဟယ်။ ဘုရားသခင်ရဲ့ သတ်သေခံချစ်ဟာ လူလေရဲ့ သတ်သေခံချစ်ထတ် ပိုဘီး ဟာ ခိုင်လောင်ဟယ်။ ဘုရားသခင်ဟုလည်း သားတော်ကြောန်းဟို သတ်သေခံရှင်း ဖြစ်ဟယ်။ 10 ဘုရားသခင်ရဲ့ သားတော်ဟို ယောင်ကြည်လူဟာ အယ်သတ်သေခံချစ်ဟို စိန်လောင်းထဲမာ ရဟားဟယ်။ ဘုရားသခင်ဟို ယောင်ကြည်ဘဲဟူ လူဟာ ဘုရားသခင်ဟို မုသားသောင်းဘီး ပြစ်တန်ဟယ်။ ဖြားဖြစ်ကြောနဲ့နူးဆိုဟာ ဘုရားသခင်ဟာ သူရဲ့ သားတော်န ပတ်သတ်ဘီး သတ်သေခံရှင်းလေဟို အယ်လူဟာ ယောင်ကြည်ဘဲကြောနဲ့ ဖြစ်ဟယ်။

11 အယ်သတ်သေခံချစ်ဟု ဘုရားသခင်ဟာ နို့လေဟို ထာဝရသတ်ဟိုပေးဘီး အယ်သတ်ဟာ သားတော်မာပါဟယ်။

(aiōnios g166) 12 သားတော်ဟို ရဟူလူဟာ သတ်ဟိုရဟယ်။ ဘုရားသခင်ရဲ့ သားတော်ဟို ရဘဲဟူလူဟာ သတ်ဟိုရဟူ။

13 ဘုရားသခင်သားတော်ရဲ့ နာမတော်ဟို ယောင်ကြည်ဟူ နန်းနို့ဟာ ထာဝရသတ်ဟို ကိုယ်တိုင်ရဟယ် ဆိုဇာဟို သိစေဟို့တွပ် အယ်ဇာလေဟို နန်းနို့လေဟို ငါရေးပေးလိုက်ဟယ်။ (aiōnios g166) 14 ဘုရားသခင်မာ နို့လေထားဟားဟူ ယောင်ကြည်စိမ့်မှုဟာ နို့လေဟာ လိုတော်နညီဟူဇာ တခုခုဟို တောင်းမယ် ဆိုဟာ ဘုရားသခင်ဟာ နားထောန်လေမယ်။ 15 နို့လေ ဆုတောင်းဇာမှန်မျှဟို နားထောန်ဟယ် ဆိုဘီး နို့လေသိဟယ် ဆိုဟာ ဘုရားသခင်နားဟု တောင်းလျှော့- က်ဇာလေဟို နို့လေရပီးဘီ ဆိုဇာဟို နို့လေ သိဂေဟယ်။ 16 ညီကိုတယော့- က်ဟာ သတ်ဝိညာဉ် ဆောင်းရှောင်းရှင်းဟုလွဲဘီး တခြားပြစ် တခုခုဟို လွန်ကျူးမယ် ဆိုဟာ သူတွပ်ဘုရားသခင်မာ တောင်းလျှော့- က်လိုက်။ ကိုယ်တော်ဟာ သူဟို သတ်ပေးလေမယ်။ အယ်ဘေမဲ့ သတ်ဝိညာဉ်ဆောင်းရှောင်းဟူ ပြစ်ဆိုဇာရှိဟယ်။ အယ်ပြစ်မျိုးဟို လွန်ကျူးဟူ လူလေတွပ် ဆုတောင်းရမယ် ဆိုဘီး ငါဆိုလိုဟူ။ 17 ဒုစရိုက်မှန်မျှဟာ ပြစ်ဖြစ်ဟယ်။ အယ်ဘေမဲ့ သတ်ဝိညာဉ်ဟို ဆောင်းရှောင်းနိုင်ဘဲဟူ ပြစ်လည်းရှိဟယ်။ 18 ဘုရားသခင်ဟုနေ ပေါ့- က်လာဟူ သားမီးလေ ဖြစ်ဟူကြောနဲ့ ပြစ်လောကတတ်ဘဲဟူကြောန်းဟို နို့လေသိဂေဟယ်။ သူဟို ဘုရားသခင်ဟု စောနဲ့ထီးပေးဟူကြောနဲ့ မာရ်နတ်ဟာ အယ်လူဟို ထိခိုက်နိုင်ဟူ။ 19 ကမ္ဘာလောက တခုလောင်းဟာ မာရ်နတ်ရဲ့တဂိုးလေ လွမ်းမိုးဟားကြောနဲ့ နို့လေဟာ ဘုရားသခင်န ဆိုင်ဟူကြောန်းဟို နို့လေဟု သိဂေဟယ်။ 20 ဘုရားသခင်ရဲ့ သားတော်ဟာ လောကဟို ကြွလာဘီးဟာ နို့လေဟို ဘုရားစစ်ဘုရားမှန်ဟို သိနိုင်ဟူညဏ်ဟို ပေးဟူကြောနဲ့ နို့လေဟု သိရဟယ်။ နို့လေဟာ ဘုရားသခင်ရဲ့ သားတော် ယေရှုခရစ်နရော၊ ဘုရားစစ်

ဘုရားမှန်ဖြစ်ဟူ ဘုရားသခင်နုရော၊ တလောင်းတဝဒဲ ရှိဂေဟယ်။ ကိုယ်တော်ဟာ ဘုရားစစ်ဘုရားမှန် ဖြစ်ဟယ်။
ထာဝရသတ်လည်း ဖြစ်ဟယ်။ (aiōnios g166) 21 သားမီးလေ၊ နန်းနို့ဟာ ဘုရားတုယောန်လေဟို့ ရှောင်ဂေပါ! ယောဟန်ရဲ့
ပေးစာပီးဘီ။

1 သတ်ကီးဟူ သူဖြစ်ဟူ ငါဟာ — **2** ဖြားဖြစ်ကြောန်းနူးဆိုဟာ သမ္မာတရားဟာ နို့လေရဲ့ စိန်လောင်းမာတည်ဘီး နို့လေနတူးဒူ ကာလစဉ်ဆစ် ရှိနေဟူကြောန်း ဖြစ်ပါဟယ်။ (aiōn g165) **3** နို့လေရဲ့ ဖြစ်ဟူ ဘုရားသခင်နားဟုရော၊ ဖရဲ့ သားတော် ယေရှုခရစ်တော်နားဟုရော ကျေးဇူးတော်၊ ကရုဏာတော်န ငြိသတ်ရှင်းဟာ သမ္မာတရားဟို သိဘီး ရှင်းရှင်းရှစ်ဂေဟူ နို့လေထတ်ဟို သတ်ရော-က်ပါစေ။ **4** နို့လေဟာ ဖဘုရားနားမာ ပညတ်တော်ဟို ခံရဟူတိုင်း နန့်ရဲ့ သားမီးတချို့ဟာ သမ္မာတရားထဲမာ ကျင်လည်နေဂေရှင်းဟို ငါတို့ရဟူ ခီမာ ရရာတိုင်း ဝန်းသာရပါဟယ်။ **5** အယ်ကြောန်း ဂေါင်သရေရှိဟူ မီးမဂီး ခု ပညတ်တော်သစ်ဟို ရေးဘဲန နို့လေမာ ရင်ဂဒဲဟုရှိနေဟူ ပညတ်တော်တိုင်း နို့လေရှင်းရှင်း ရှစ်ရှင်းမြစ်တာ ရှိဂေဟိုတွပ် နန့်ဟို ငါ တိုက်တွန်းပါဟယ်။ **6** ရှစ်ရှင်းမြစ်တာ ဆိုဇာဟာ ကိုယ်တော်ရဲ့ ပညတ်တော်တိုင်း သတ်ရှင်ရှော-က်လှမ်းရှင်း ဖြစ်ဟယ်။ အယ်ပညတ်တော်ဟု စဉ်းဟုနေဘီး နန်းမြိုကြားရဟူတိုင်း ရှစ်ရှင်းမြစ်တာဟို ကျင့်သောင်းရမယ် ဆိုဘီး ဆိုလိုရှင်း ဖြစ်ဟယ်။ **7** ဖြားဖြစ်ကြောန်းနူးဆိုဟာ လူသားဖြစ်န ကြွလာတော်မူဟူ ယေရှုခရစ်တော်ဟို ငြင်းပယ်ဘီး လှည့်ဇားတတ်ဟူ လူလေဟာ အယ်လောကမာ ပေါ်လာဂေဘီ။ အယ်လူဟာ လှည့်ဇားဟူ လူဖြစ်ဘီး ခရစ်တော်ဟို ဆန့်ကျင်ဟူ ခရစ်တော်ရဲ့ ရန်သူလည်း ဖြစ်ဟယ်။ **8** နို့လေဟာ ကိုယ်ပြုစုဟူ ဇာလေဟို ပျော-က်ပျစ်ဘဲန စောင်လင်ဟူ ကျိုးဟို ရဟိုတွပ် နန်းနို့လေ ကိုယ့်ကိုယ်ကိုယ် ဒိပြုဘီး စောန်ရှော-က်ဂေပါ။ **9** ခရစ်တော်ရဲ့ တရားတော်နတည်ဘဲ လွန်ကြူးဟူလူ ဆိုဟာ ဘုရားသခင်ဟို ရဟု။ ခရစ်တော်ရဲ့ တရားတော်မာ တည်ဟူလူ ဆိုဟာ ဖန သားတော်ဟို ရဟယ်။ **10** အယ်ဒေသနာတော် ပါဘဲသူဟာ နန်းနို့နားဟို လာဟယ် ဆိုဟာ သူဟို နန်းနို့အီမာ လတ်ခံဂေန။ မင်္ဂလာပါ ဆိုဘီးလည်း နှောက်ဆစ်ဂေန။ **11** မင်္ဂလာပါ ဆိုဘီး အယ်လူဟို နှောက်ဆစ်ဟယ် ဆိုဟာ သူရဲ့ ဆိုးရောက်ဟူ ကျင့်လေန ဆစ်ဆံရာရော-က်ဟယ်။ **12** နန်းနို့ဟို ငါပြောဇာလေ ဘောင်ဂီးရှိဟူလည်းဘဲ မှန်ရယ်န စက္ကူမာရေးဘဲန နို့လေရဲ့ ဝန်းမြော-က်ရွှင်လန်းရှင်း စောင်လင်ဟိုတွပ် ငါဟာ နန်းနို့လေနားဟို ငါလာဘီး နန်းနို့န မျစ်နှာရှင်းဆိုဘီး တို့ဆောင်ပြောဆိုဟိုတွပ် မျှော်လင့်ဟားပါဟယ်။ **13** ဝီးကျော-က်ခံရဟူ နန့်ညီမရဲ့ သားမီးလေ ဟာ နန့်ဟို နှောက်ဆစ်ဂေပါဟယ်။

၃ ယောဟန်

1 သတ်ကီးဟူ သူဟာ — **2** ရှစ်ရဟူမိဆွေ၊ နန့်စိန္တလောင်း ကောန်းစားဟူမျိုး နန့်ဟာ ရာရာမာ ကောန်းစားဘီး ကျန်းမာဟို့တွပ် ငါဆုတောင်းပါဟယ်။ **3** နန့်ဟာ သမ္မာတရားန ကျင်လည်သတ်ရှင်ဟူတိုင်း နန့်မာရှိဟူ သမ္မာတရားကြောန်းဟို့ ညီကို မောန်နှမလေ လာဘီးဟာ သတ်သေခံဟူ ခီမာ ငါဟာ ရရာတိုင်း ဝန်းသာရဟယ်။ **4** ငါသားမီးလေဟာ သမ္မာတရားန ကျင်လည်နေဟယ် ဆိုဇာဟို့ ငါကြားရဟူကြောန့် ဝန်းမြော့-က်ရှင်းထတ်သာဟူ ဝန်းမြော့-က်ရှင်းမျိုးမေဟူ။ **5** ရှစ်ရဟူမိဆွေ၊ နန့်ဟာ ညီကို မောန်နှမလေန တခြားသူလေဟို့ ပြုမူဆစ်ဆံရာမာလည်း သစ်စာန ပြုတတ်ဟယ်။ **6** အယ်သူလေဟာ နန့်ရဲ့ ရှစ်ရှင်းမြစ်တာကြောန်းဟို့ သင်းတော်လေရှေမာ သတ်သေခံဂေဟယ်။ နန့်ဟာ အယ်သူလေဟို့ ရှေ့ဆစ်ဘီး ခရီးဆစ်နိုင်ဟို့တွပ် ဘုရားသခင် လိုတော်ရှိဟူတိုင်း ကူညီမဇမယ် ဆိုဟာ ကောန်းဟူမူဟို့ ပြုရှင်းဖြစ်လေမယ်။ **7** ဖြားဖြစ်ကြောန့်ဆိုဟာ အယ်သူလေဟာ နာမတော်ဟို့ ထော့-က်ဘီး ဘုရားသိဘဲဟူ လူလေနားဟုနေဘီး ဖယ်ဇာဟို့လည်း လှည့်ဘဲန သွားဂေဟယ်။ **8** အယ်ကြောန့် နို့လေဟာ သမ္မာတရား လွန်ပွားလာအောန် ကူညီမဇဟူသူ ဖြစ်ဟို့တွပ် လောက်ဖော်ဆောန်ဖတ်ရှင်းဖြစ်ဟူ အယ်သူလေဟို့ ကူညီထော့-က်ပုံသင့်ဟယ်။ **9** ငါဟာ သင်းတော်ဟို့ စာရေးဘီး ပေးလိုက်ဟူလည်းဘဲ ခေါင်းဆောန်လောက်ရှင်ဟူ ဒယောတရပ်ဟာ နို့လေဟို့ ခွမ်ပေးဘဲန ငြင်းပယ်ဟယ်။ **10** အယ်ကြောန့် ငါလာဟူ ခီမာ သူပြုဟူမူရာဟို့ သူသိရအောန် ငါထော့-က်ပြမယ်။ အယ်သူဟာ ဆန့်ကျင်ဟူ စကားန နို့လေဟို့ ကဲ့ရဲ့လော့-က်န စိပြေဟူ။ ညီကို မောန်နှမလေဟို့ ကိုယ်တိုင်လတ်ခံဟူ။ လတ်ခံဟူ သူလေဟို့လည်း တားဘီးဟာ သင်းတော်ဟုနေ နန့်ထုတတ်ဟယ်။ **11** ရှစ်ရဟူမိဆွေ ကောန်းဘဲဇာဟို့ တုယုန။ ကောန်းဟူဇာဟို့သာ တုယုပါ။ ကောန်းဟူကျင့်ဟို့ ကျင့်ဟူသူဟာ ဘုရားသခင်န စပ်ဆိုင်ဟယ်။ ကောန်းဘဲကျင့်ဟို့ ကျင့်ဟူသူဟာ ဘုရားသခင်ဟို့ သိမြင်ရသေးဘဲသူ ဖြစ်ဟယ်။ **12** လူတိုင်းဟာ ဒေမေတရီရဲ့ သတ်သေ ဖြစ်ဂေဟယ်။ သမ္မာတရားဟာလည်း သူရဲ့သတ်သေ ဖြစ်ဟယ်။ နို့လေလည်းဘဲ အယ်သူဖတ်မာ သတ်သေခံ ဖြစ်ဂေဟယ်။ နို့လေရဲ့ သတ်သေခံရှင်းဟာ မှန်ကန်ဟယ် ဆိုဇာဟို့ နန့်သိပါဟယ်။ **13** နန့်နို့ဟို့ ငါပြောဇာလေ ဘောင်ဂီးရှိဟူ လည်းဘဲ မှန်ရယ်န မှန်တံအားဖြင့် စာရေးဟို့တွပ် လိုရှင်ဘဲကြောန့်။ **14** ငါဟာ နန့်နားဟို့ ကြာခန်ရော့-က်လာဘီး နန့်န မျစ်နာချင်းဆိုင် စကားပြောဆိုနိုင်လေမယ် ဆိုဘီး မျှော်လင့်ဟယ်။ နန့်မာ ငြိသတ်ရှင်းရှိပါစေ။ အယ်ရပ်မာရှိဟူ မိဆွေလေဟာ နန့်ဟို့ နှောက်ဆစ်ဂေဟယ်။ နန့်နားမာရှိဟူ မိဆွေလေ နာမယ်ဟို့ ခေါ် ဘီးနှောက်ဆစ်ပါ။

1 ယေရှုခရစ်တော်ရဲ့စေခံနဲ့ ယာကုပ်ရဲ့ ညီဖြစ်ဟူ ယုဒနားဟု — **2** ကရုဏာတော်၊ ငြိသတ်ရှင်းနဲ့ မြစ်တာတော်ဟာ နန်းနို့လေမာ တိုးပွားစေပါစေ။ **3** ရှစ်ရဟူမိဆွေလေ၊ နို့လေအားလောင်း၊ ဝိမျှနေဂေဟူ ကယ်တန်ရှင်းကြောင်းဟို ငါဟာ နန်းနို့နားဟို စာရေးဟို့တွပ် ကြိုးစားဟားဟယ်။ အယ်ဘေမဲ့ ကိုယ်တော်ရဲ့ သန်ရှင်းဟူသူလေဟို ဘုရားသခင်ဟု ပိုင်ပေးဟားဟူ ယောင်ကြည်ရှင်းဟို့ သေးသေချားချာဟား ကာကွယ်ဂေဟို့တွပ် နန်းနို့နားဟို့ ရှစ်ရှင်းဘဲ စာရေးအားပေးဘီး တိုက်တွန်းနို့ဆော်ဟို့တွပ် လိုအပ်လာဟယ်။ **4** ဖြားဖြစ်ကြောန်းနူးဆိုဟာ တရားမမှဘဲဟူ လူတချို့ဟာ နန်းနို့လေထဲဟို့ ဝမ်းရော-ကလာကြောနဲ့ ဖြစ်ဟယ်။ သူးနို့ဟာ ဘုရားတရားမမှဘဲဟူ လူလေဖြစ်ဘီး နို့လေဘုရားသခင်ရဲ့ ကျေးဇူးတော်ဟို့ သူးနို့လေရဲ့ ပျော်ပါးလိုက်စားဟူမှုတွပ်ဘဲ လွဲသောင်းစာ လောက်ဂေဘီးဟာ နို့လေရဲ့ တပါးဒဲဖြစ်ဟူ သခင်ယေရှုခရစ်တော်ဟို့ ပယ်ဂေလေမယ်။ အယ်လူလေဟာ ရင်းရင်ဂဒဲဟဘဲ ပြစ်ဒန်စီရင်ဟို့တွပ် သတ်မှတ်ခံဟားရဟူ လူလေဘဲဖြစ်ဟယ်။ **5** ဘုရားသခင်ဟာ ကူသရေလူမျိုးလေဟို့ ကယ်တန်ဘီး အဲဂုတ္တုပြည်ဟုနေ ခေါ်ဆောင်လာဘီးနဲ့ သူဟို့ ယောင်ကြည်ဘဲဟူ လူလေဟာ ပျစ်စီးဟားဟယ် ဆိုဇာဟို့ နန်းနို့လေဟာ သိဂေဘေမဲ့ နန်းနို့ဟို့ ငါဟာ ယွန်ဘီးဟာ ဒီရစေရှင်ဟယ်။ **6** ကိုယ်ရဟားဟူ အာဏာနဲ့ ရောက်ရဲဘဲ မူရင်းနေရာဟို့ စွန့်ဟားဂေဟူ ကောန်းဂန်တမန်လေကြောန်းဟို့လည်း ဒီရဂေပါ။ ဘုရားသခင်ဟာ သူတရားစီရင်ဟူနေမာ သူးနို့လေဟို့ ပြစ်ဒန်ပေးဟို့တွပ် မှောန်မိုက်နေဟူ အော့-ကရပ်မာ ထာဝရ သံကြိုးနဲ့ ခယ်ဟားလေဟယ်။ (aídios g126) **7** သောဒဲပြို့နဲ့ ဂေါမောရဲပြို့လေဟို့ရော၊ အယ်ပြို့ရဲ့ ပတ်ဝန်းကျင်မာရှိဟူ ပြို့လေဟို့ရော ဒီရဂေပါ။ အယ်ပြို့ဟု ပြို့သူပြို့ သားလေဟာ ပြောဟားဟူ ကောန်းဂန်တမန်လေမျိုး ကာမဂေါင်လိုက်စားဘီး သဘာဝနဲ့ ဆန့်ကျင်ဖက်ဖြစ်ဟူ ပျော်ပါးလေဟို့ လိုက်စားဂေဟယ်။ လူလေဟို့ ရှင်းရှင်းလန်းလန်းဟာ ဒီပေးဟူနေနဲ့ သူးနို့ဟာ ထာဝရတော့-ကလောန်နေဟူ မီးထဲမာ ပြစ်ဒန်ဟို့ ခံရဂေလေမယ်။ (aiōnios g166) **8** ဘုရားတရားမမှဘဲဟူ လူလေဟာလည်း အယ်မျိုးဘဲ ဖြစ်ဂေမယ်။ သူးနို့ဟာ သူးနို့ ဗြင်ဂေဟူ ရူပါရောင်လေကြောနဲ့ သူးနို့ရဲ့ ကိုယ်ခန္ဓာလေဟို့ ညစ်ညူးစေဂေဟယ်။ ဘုရားသခင်ရဲ့ အာဏာဟို့ ထိလေးစားလောက်ဘီး ထတ်ဟု ဖောင်းတဂိုးကီးဟူ သူလေဟို့ ကဲ့ရဲ့ဂေဟယ်။ **9** ကောန်းဂန်တမန်မန်း မိကျွေလဟု မာရ်နတ်နဲ့ ငြင်းဂေဘီးဟာ မောရေရဲ့ ကိုယ်ခန္ဓာနဲ့ ပတ်သတ်ဘီးဟာ ချေတင်ပြောဂေဟူ ခီမာ ပြစ်တန်ကဲ့ရဲ့ဘီးဟာ ပြောဘဲနဲ့ “ဘုရားသခင်ဟာ နန်းဟို့ တရားစီရင်ပါစေ” ဆိုဘီး ပြောဟယ်။ **10** သူးနို့လေဟာ ကိုယ်နားလည်ဘဲဟူ ဇာလေဟို့ ပြစ်မှားကဲ့ရဲ့ဂေဘီး ဆင်ခြင်ဉာဏ်မမှဘဲနဲ့ လိဆန်လေမျိုးဘဲ သဘာဝရ သိဟားဇာလေနဲ့ဘဲ ပျစ်စီးရှင်းဟို့ ရော-ကတတ်ဂေဟယ်။ **11** သူးနို့ဟာ အမင်္ဂလာရှိဂေဟယ်။ သူးနို့ဟာ ကာကုန်ရဲ့ လမ်းစဉ်ဟို့ လိုက်ဂေဟယ်။ ကပ်ဟို့ လိုရှင်းဘီး ဗာလမ်ရဲ့ မှားမျိုးဟို့ လောက်ဂေဟယ်။ ကောရမျိုးဘဲ ပေါင်ကန်ဂေဟူကြောနဲ့ ဆောင်းရှောင်းပျစ်စီးဂေဟယ်။ **12** သူးနို့ဟာ ရှစ်ကြေး-ကလေမမှဘဲ ပျော်ပါးစားသော့-ကဂေဘီး သူးနို့လေရဲ့ မိတ်သဟာယ စားဗွဲလေမာ သူးနို့လေရဲ့ ဂေါင်သိက္ခာဟို့ ညစ်ညူးစေဟယ်။ အယ်လူလေဟာ သူးနို့ကျိုးဟို့ဘဲ ကေတတ်ဟူလူလေ ဖြစ်ဟယ်။ သူးနို့ဟာ မိုးရေပါဘဲဟူ မိုးတီနဲ့ ဆောင်းဦးကာလမာ သီးသီးဘဲဟူ၊ ပြစ်ဟုနေဘီး ဆွဲနုဟားဟူ၊ နွေခါသေဟားဟူ သစ်ပန်နုတူဟယ်။ **13** သူးနို့ရဲ့ ယှစ်ကြေး-ကရှင်းလေဟို့ ပွန်စေတတ်ဟူ လှိုင်းလေမျိုး၊ ကြယ်ပျံလေမျိုး ဖြစ်ဂေဟယ်။ အယ်ကြယ်ပျံလေတွပ် ရောက်တရစ် ထာဝရမှောန်မိုက်ဟို့ သိုဟားလေဟယ်။ (aiōn g165) **14** အာဒံဟုနေဘီး ခွန်နစ်ဆစ်မြော့-ကဖြစ်ဟူ ဧနောက်ဟုလည်း သူးနို့လေနဲ့ ပတ်သတ်ဘီးဟာ ပရောဖက်ပြုဘီး ပြောဟားဇာဟု “ကေ့ကေ့၊ ဘုရားသခင်ဟာ ရေတွပ်နိုင်ဘဲဟူ သူ့ရဲ့သန်ရှင်းသူလေနုတူးဒူ ကြွလာလေမယ်။ **15** အယ်ဇာဟာ လူလေ ဂူလောင်းဟို့ တရားစီရင်ဟို့တွပ်နဲ့၊ ဘုရားတရားမမှဘဲနဲ့ သတ်ရှင်ဟူလူလေတွပ်နဲ့၊ ဘုရားတရားမမှဘဲဟူ ပြစ်သားလေတွပ်နဲ့၊ ဘုရားသခင်ဟို့ ကဲ့ရဲ့ဆန့်ကျင်ဘီး ပြောဟူ စကားအားလောင်းတွပ်နဲ့ သူးနို့လေ ဂူလောင်းရဲ့ ပြစ်လေဟို့ ဖော်ပြဟို့တွပ် ဖြစ်ဟယ်” ဆိုဘီး ပြောဟားဟယ်။ **16**

အယ်လူလေဟာ မြဲဒမ်းညစ်ညူးတီး တခြားသူလေဟို ပြစ်တန်ဘီးဘဲနေဟယ်။ သူးနီရဲ ဆိုးညစ်ဟူ လိုအင်ဆန္ဒဟို လိုက်ဘီး ကျင့်နေဂေဟယ်။ သူးနီကြောင်းဟို ကြွေးဂေဟယ်။ ကိုယ်ကျိုးလေဟို ရဟိုတွပ် တခြားသူဟို မြွှာ-က်ဘီး ပြောတတ်ဟယ်။

17 ရှစ်ရဟူမိဆွေလေ၊ နီလေ သခင်ယေရှုခရစ်တော်ရဲ့ တမန်တော်လေဟာ ကြိုဘီးဟာ ပြောဟူးရစ်ဟူ စကားလေဟို ဒီရဂေပါ။ **18** သူးနီဟာ “နော့-က်ဆောင်းကာလာမာ ကိုယ့်ကိုယ်ကိုယ် ဘုရားတရားမဲ့ဘဲနု တတ်မတ်ရှင်းလေတိုင်း သတ်ရှင်ဘီးဟာ ပြစ်ရယ်ပြုတတ်ဟူ လူလေဟာ ပေါ်လာလေမယ်” ဆိုဘီး နန်းနီလေဟို ပြောဟူးရစ်ဟယ်။ **19** အယ်လူလေဟာ သင်းတော်မာ စိဝန်းကွဲစေဟူလူလေ၊ ဇာတိနဆိုင်ဟူလူလေ၊ ဝိညာဉ်တော်ဟို ရဂေဘဲဟူလူလေ ဖြစ်ဂေဟယ်။ **20** ရှစ်ရဟူမိဆွေလေ၊ နန်းနီဟာ ကိုယ့်ကိုယ်ကိုယ် ရရာတိုင်း သန်ရှင်းဟူ ယောင်ကြည်ရှင်းထတ်မာ ကိုယ့်ကိုယ်ကိုယ် တည်ဆော့-က်ဘီး သန်ရှင်းဟူဝိညာဉ်တော်ဟို မှီပြုဘီး ဆုတောင်းဂေပါ။ **21** ဘုရားသခင်ရဲ့ မြစ်တာတော်နု ကိုယ့်ကိုယ်ကိုယ် စောန့်ထီးဘီးဟာ ထာဝရသတ်ဟို ပို့ဆောန်ဟူ နီလေ သခင်ယေရှုခရစ်ရဲ့ ကရုဏာဟို စောန့်မျှော်ဂေပါ။ (aiōnios g166) **22** ယောင်မှားဘီး သံသယရှိနေဟူ လူလေဟို သနားကရုဏာထားဂေပါ။ **23** တချို့လေဟို မီးထဲဟုနေ ဆွဲထုဘီးဟာ ကယ်တန်ဂေပါ။ တချို့လေဟို ကြော့-က်ဟူစိနု သနားကရုဏာပြဂေပါ။ ဇာတိသွီးသားရဲ့ ကာမဂေါင်ညစ်ကြေးနု စွန်းနေဟူ အန်းဂီလေဟို မူးဘီးဟာ ရွံရှာဂေပါ။ **24** နန်းနီလေဟို မှားယွင်းရှင်းနု လွတ်စေဟိုတွပ် နန်းနီဟို စောန့်ရှေး-က်ပေးဘီး ပြစ်တန်ဇာမဲ့ဘဲ ဝန်းသာရှင်းနု ပွဲဇောင်စေဘီး နန်းနီဟို ဖောင်းသရေတော်ရှေ့မာ ဆစ်သဟိုတွပ် တတ်နိုင်ဟူသူဖြစ်ဟူ — **25** နီလေရဲ့ ကယ်တန်ရှင် တဆူဒဲဖြစ်ဟူ ဘုရားသခင်ဟာ နီလေရဲ့ သခင်ယေရှုခရစ်တော်အားဖြင့် ဖောင်းသရေတော်၊ အာနုဘော်၊ တဂိုးရှိန်ဝါနု ခွဲမ့်အာဏာစစ်လေဟာ ရင်ကာလဟုနေဘီး ခုကာလနု နော့-က်ကမ္ဘာဆစ်ဆစ်ထိ ရှိပါစေ! အာမင်။ (aiōn g165)

ဗျာဒိတ်တော်

1 အယ်ကျမ်းစာမာ ယေရှုခရစ်တော် ဖွင့်ပြဟော့ဟူ ဗျာဒိတ်တော်ကြောင်းဟို့ မှတ်တမ်းတန်ဟော့ဟယ်။ ဘုရားသခင်ဟာ ခရစ်တော်ဟို့ အယ်ဗျာဒိတ်တော်ဟို့ ပေးရရှင်းဟာ ကြာခန်မာဖြစ်ရဟူ ဇာလေဟို့ သူရဲ့ စေခံလေဟို့ သိစေရှင်ဟူကြောန့် ဖြစ်ဟယ်။ အယ်ကြောန့် ခရစ်တော်ဟာ သူရဲ့စေခံ ယောဟန်နားဟို့ ကောန်းဂန်တမန်ဟို့ လွှတ်လိုက်ဘီးဟာ အယ်ဗျာဒိတ်တော်ဟို့ ယွန်ဘီးဖော်ပြစေဟယ်။ **2** ယောဟန်ဟုလည်း သူပြင်ရ ကြားရဟူဇာ မှန်မျှန ဘုရားသခင်ရဲ့ စကားတော်န ယေရှုခရစ်တော်နဆိုင်ဟူ သတ်သေခံချစ်လေဟို့ အယ်စာစောန်မှာ ရေးဟားပေးဟယ်။ **3** ဒီဟု ရရာတိုင်း နီးလာဘီ ဖြစ်ဟူကြောန့် ပရောဖက်ပြဘီး ဟောပြောဟော့ဟူစကားဟို့ ဖတ်ဟူသူန အယ်စကားဟို့ ကြားရဘီး ရေဟားဟူဇာ မှန်မျှဟို့ လိုက်နာဘီး စောန်ထီးဟူသူလေဟာ မင်္ဂလာရှိဟယ်။ **4** ငါယောဟန်ဟာ။ **5** သစ်စာရှိဟူသတ်သေ၊ သေဟူလူလေထဲမာ ဦးဆောင်းဗွီးလာဟူသူ၊ မွေဂီးရဲ့ မန်းဂီးလေဟို့ အောက်ချောက်သူဖြစ်ဟူ ယေရှုခရစ်တော်နားဟု ကျေးဇူးတော်န ငြိသတ်ရှင်းဟာ နန်းနို့လေမာ ရှိပါစေ။ နို့လေဟို့ ရှစ်ဘီး၊ သူရဲ့သွီးတော်အားဖြင့် နို့လေရဲ့ ပြစ်လေဟုနေ ဖြေလွှတ်ပေးဘီး **6** နို့လေဟို့ နိုင်ငံတော်သားဖြစ်စေဘီး သူရဲ့ဖ ဘုရားသခင်ရဲ့ မှုတော်ဟို့ လောက်ဆောန်နိုင်ဟို့တွဲ နို့လေဟို့ မန်းဂီးရာနရော၊ ယဇ်ပုရောဟိတ်ရာနရော ပေးတော်မူဟူ ယေရှုခရစ်တော်ဟာ ကမ္ဘာဆစ်ဆစ် ဖောင်းကီးတော်မူပါစေ။ အာမင်။ (aiōn g165) **7** “ကော့ကော့၊ ကိုယ်တော်ဟာ မိုးတီဟို့ စီးဘီးဟာ ကြွလာလေမယ်” “ကိုယ်တော်ဟို့ ထိုးဖော့- က်လိုက်ဟူ လူလေန လူလေ ဂူလောင်းဟာ ပြင်ရဂေ့လေမယ်။” ကမ္ဘာမာ လူမျိုးလေရှိမျှဟာ “ဝန်းနဲ ကြေကွဲဂေ့လေမယ်။” **8** ခုလည်းရှိဘီး၊ ရင်းရင်ဒူးဟုလည်း ရှိဘီး နော့- က်တခါမာ ကြွလာဟို့ အနန္တတိုင်းန ပွဲဇောင်ဟူ ထာဝရဘုရားသခင်ဟု “ငါဟာ စနဆောင်းဖြစ်ဟယ်” ဆိုဘီး မိန့်တော်မူဟယ်။ **9** ငါဟာ နိုင်ငံတော်သားလေခံရဟူ ဆင်းရဲဒေါက်ခဟို့ နန်းနို့နတူးဒု ခံနေရဘီး လောက်ဖော်ကိုင်ဖတ်ဖြစ်ဟူ နန်းနို့လေရဲ့ ညီကို ယောဟန်ဖြစ်ဟယ်။ ငါဟာ ဘုရားသခင်ရဲ့ စကားတော်န ယေရှုခရစ်တော်ဟူ သမ္မာတရားလေဟို့ ဟောပြောကြေညာဟို့တွဲ ပတ်မုကျွန်းဟို့ ပိုင်ခံရဟယ်။ **10** သခင်ဘုရားရဲ့ နေမာ ဝိညာဉ်တော်ဟာ ငါ့ထတ်ဟို့ ရော- က်လာဘီး ငါဟာ တံပိုးခရာသံနတူဟူ သံတခဟာ ငါ့နော့- က်မာ ကြားရဟယ်။ **11** အယ်သံဟု “နန်ပြင်ရဟူ ဇာလေဟို့ စာစောန်မာရေးဘီးဟာ ဇဖက်မြို့၊ စမုနရမြို့၊ ပေရဂ်မြို့၊ သွာတိရမြို့၊ သာဒိမြို့၊ ဖိလဒေလဖိမြို့၊ လောဒိကိမြို့လေမာရှိဟူ သင်းတော် ခွန်နစ်ပါးနားဟို့ ပေးလိုက်ပါ” ဆိုဘီး ပြောဟယ်။ **12** အယ်ခီမာ ငါဟို့ ပြောဟူသံဟာ ဖယ်သူရဲ့သံဖြစ်နူး။ ဆိုဇာဟို့ လှည့်ဘီးဟာ ကော့လိုက်ဟူ ခီမာ ရွှေမီးခွပ် ခွန်နစ်လောင်းန။ **13** အယ်မီးခွပ်လေရဲ့ လယ်မာ လူသားနတူဟူ သူတယော့- က်ဟို့လည်း တို့ဟယ်။ အယ်လူဟာ ခေဖျားထိ ရော့- က်အောန် ဝတ်လောင်ဟို့ ဝတ်ဘီးဟာ ရင်ဖတ်မာ ရွှေခါးဗတ်ဟို့လည်း ဝတ်ဟားလေဟယ်။ **14** အယ်လူရဲ့ ခေါန်းဟု ဆံဗန်ဟာ ဖျူဟူသိုးဗွီးမျိုး၊ နှမ်းပွမ်းမျိုး ဖျူဘီးဟာ သူရဲ့ မျစ်စိလေဟာ မီးလျှံမျိုး ဖြစ်နေဟယ်။ **15** သူရဲ့ ခေလေဟာ ရရာတိုင်း ပြင်းဟူ မီးဖိုမာ သန့်စင်ဟားဘီး ရရာတိုင်း လန်းဟူ ကြေးဝါစစ်စစ်န တူဟယ်။ သူသံဟုလည်း ရရာတိုင်း ကီးဟူ ရေလှိုင်းသံန တူဟယ်။ **16** သူဟာ ညာလတ်မာ ကြယ်ခွန်နစ်လောင်းဟို့ ကိုင်ဟားဟယ်။ သူရဲ့ ဇပ်ပေါ့- က်ထဲဟု သွားနေဖတ်ပါဟူ သန်လျက် ထွပ်လာဟယ်။ သူရဲ့ မျစ်နာဟာ ရှိတိုင်းန တော့- က်နေဟူ၊ ရရာတိုင်း လန်းဟူ နေမျိုးဖြစ်နေဟယ်။ **17** ငါဟာ အယ်လူဟို့ ပြင်ဟူ ခီမာ သူရဲ့ ခေရင်းမာ လဲကွာဘီး လူသေမျိုး ဖြစ်ဟားဟယ်။ အယ်ခီမာ သူဟာ ငါ့ထတ်ဟို့ သူရဲ့ ညာလတ်ဟို့ တန်ဘီးဟာ “ကြော့- က်န။ ငါဟာ ဦးဆောင်းန နော့- က်ဆောင်းဖြစ်ဟယ်။” **18** ငါဟာ သတ်ရှင်ဟူသူလည်း ဖြစ်ဟယ်။ ငါဟာ ရင်သေဟားဟယ်။ အယ်ဘေမဲ့ ကော့ကော့ ငါဟာ ကမ္ဘာဆစ်ဆစ် သတ်ရှင်နေဟယ်။ ငါဟာ သေရှင်းတရားန မရဏာနိုင်ငံရဲ့ သော့- က်လေဟို့လည်း ကိုင်ဟားဘီး စိုးရဟယ်။ (aiōn g165, Hadēs g86) **19** “အယ်ကြောန့် နန်ပြင်ရဟူဇာလေ၊ ခုဖြစ်နေဟူဇာလေန နော့- က်မာဖြစ်လာရဟို့ ဇာလေဟို့ ရေးဟားလိုက်။” **20** ငါ့ရဲ့ ညာဖတ်လတ်မာ နန်ပြင်ရဟူ

ကြယ်ခွန်နစ်လောင်းနဲ့ ရွှေမီးခွပ် ခွန်နစ်လောင်းလေရဲ့ နတ်နဲဟူမိပါယ်ဟု ကြယ်ခွန်နစ်လောင်းဟာ သင်းတော်ခွန်နစ်ပါးရဲ့ စေတမန်လေ ဖြစ်ဂေ့ဘီး ဆီမီးခွပ် ခွန်နစ်လောင်းဟာ သင်းတော်ခွန်နစ်ပါး ဖြစ်ဂေ့ဟယ်။

2 “ဧဖက်မြို့မာရှိဟူ သင်းတော်ရဲ့ စေတမန်ဟို အယ်မျိုးရေးလိုက်ဟယ်။ “ညာလတ်မာ ကြယ်ခွန်နစ်လောင်းဟို ကိုင်ဟားဟူသူ၊ ရွှေမီးခွပ် ခွန်နစ်လောင်းရဲ့ လယ်မာ သွားလာနေဟူသူဟု အယ်မျိုးမိန့်တော်မူဟယ်။ **2** နန့်ရဲ့ လောက်ဆောန့်ရှင်းလေ၊ နန့်ရဲ့ ကြိုးစာအားထုမှုနဲ့ သီးခံရှင်းလေဟို ငါသိဟယ်။ နန့်ဟာ ရရာတိုင်း ဆိုးဟူ လူလေဟို လတ်ခံဘဲဟူကြောင်းနဲ့ ကိုယ့်ကိုယ်ကိုယ် တမန်တော် ဆိုဘီး ခေါ်ဂေ့ဘေမဲ့ တမန်တော်မူဘဲဟူ လူလေဟို စမ်းသပ်စစ်ဆေးဘီး သူးနှီလေဟာ လီညာဟူသူလေ ဖြစ်ဂေ့ဟယ် ဆိုဇာဟို နန့်ဟာ တွဲရဟူ ကြောင်းဟိုလည်း ငါသိဟယ်။ **3** နန့်ဟာ သီးခံဘီး ငါ့ရဲ့ နာမတွပ် ပန်ဗန်းဘေမဲ့ အားလျော့ဟု။ **4** အယ်ဘေမဲ့ နန့်ဟို ငါ့ဟာ ပြစ်ပြောဇာရှိဟယ်။ ဖြားဖြစ်ကြောန့်နူးဆိုဟာ နန့်ဟာ စစဒူးဟုဖြစ်ဟူ ရှစ်ရှင်းမြစ်တာဟို စွန့်ဟားဘီ။ **5** အယ်ကြောန့် နန့်ဟာ ဖယ်မျှလော့-က် ကွဆင်းလာဟယ် ဆိုဇာဟို ဒီရဂေ့ဘီး၊ နောဒ်ဒရဂေ့ဘီး စစဒူးဟု ကျင့်ဟူတိုင်းဘဲ ပွန်ကျင့်ပါ။ အယ်မျိုးမူဘဲနေဟာ နန့်ရှိဟူနေရာဟို ငါလာမယ်။ နန့်ဟာ နောဒ်ဒရဘဲနေမယ် ဆိုဟာ နန့်ရဲ့ မီးခွပ်ဟို နေရာဟုနေ ငါဟာ ဖယ်ပစ်မယ်။ **6** အယ်ဘေမဲ့ နီကောလ တဗဲလေရဲ့ ကျင့်ကြံရှင်းလေဟို ငါဟာမူးမျိုး နန့်လည်း မူးဟူကြောန့် နန့်ဟို ချီးမွမ်းဇာရှိဟယ်။ **7** “ဝိညာဉ်တော်ဟု သင်းတော်ဟို မိန့်တော်မူဟူ ဇာလေဟို နားရှိဟူသူလေ ကြားပါစေ! “အောန်မြင်ဟူသူဟို ဘုရားသခင်ရဲ့ ပရဒီသုဘောင်မာ သတ်ပန်ရဲသီးဟို စားရဟူခွင့်ဟို ငါပေးမယ်။ **8** “စမုနရမြို့မာရှိဟူ သင်းတော်ရဲ့ စေတမန်ဟို အယ်မျိုးရေးလိုက်ဟယ်။ “ဦးဆောင်းနဲ့ နော့-က်ဆောင်းဖြစ်ဟူသူ၊ သေဘီးမှ သတ်ပွန်ရှင်လာဟူသူဟု အယ်မျိုးမိန့်တော်မူဟယ်။ **9** နန့်ရဲ့ ဒေါက်ခဝေဒနာနဲ့ ဆင်းရဲရှင်းလေဟို ငါသိဟယ်။ မှန်ဆိုဟာ နန့်ဟာ ကြွယ်ဝဟယ်။ ကိုယ့်ကိုယ်ကိုယ် ယုဒလူမျိုးဖြစ်ဟယ် ဆိုဘီး ပြောဂေ့ဟူ၊ ယုဒလူမျိုးမူဘဲဟူ၊ စာတန်ရဲ့ သင်းဝမ်လေဖြစ်ဂေ့ဟူ သူလေနားဟုနေ ကဲ့ရဲ့ဘီး ပြောခံရရှင်းလေဟိုလည်း ငါသိဟယ်။ **10** နန့်ခံစားရဟို ဒေါက်ခဝေဒနာလေဟို ကြော့-က်နဲ့ နန့်ဟာ စောင့်ဇမ်းနော့-က်ယုတ်ရှင်းဟို ခံရဟိုကြောန့် မာရ်နတ်ဟာ နန့်နို့ထဲမာ တချို့လေဟို ထောန်ထဲမာ ထဲဟားဟယ်။ နန့်နို့ဟာ ဆယ်ရစ်လောင်းလောင်း ဆင်းရဲဒေါက်ခပဟို ခံရဂေ့လေမယ်။ သေဒဲ့ထိ သစ်စာစောန့်ပါ။ အယ်မျိုးဆိုဟာ သတ်သရဖူဟို နန့်ဟို ငါပေးမယ်။ **11** “ဝိညာဉ်တော်ဟု သင်းတော်ဟို မိန့်တော်မူဇာလေဟို နားရှိဟူသူလေ ကြားပါစေ! “အောန်မြင်ဟူသူဟို ဒုတိယသေရှင်းဟာ ညှဉ်းဆဲဟိုရဟု။ **12** “ပေရိုမြို့မာရှိဟူ သင်းတော်ရဲ့ စေတမန်ဟို အယ်မျိုးရေးလိုက်ဟယ်။ “သွားနေဖတ်ပါဟူ၊ ရရာတိုင်းထတ်ဟူ၊ သန်လျက်ရှိဟူသူဟု အယ်မျိုး မိန့်တော်မူဟယ်။ **13** နန့်ဟာ ဖယ်နေရာမာ ထိုင်နေဟယ် ဆိုဇာဟို ငါသိဟယ်။ အယ်နေရာမှာ စာတန်ရဲ့ ပလ္လင်ရှိဟယ်။ ငါ့ဟို သစ်စာရှိဟူ ငါ့ရဲ့သတ်သေ အန္တိပဟာ စာတန်ရဲ့နေရာဖြစ်ဟူ နန့်နို့နားမာ သတ်ခံရဟူ ခီမာ နန့်ဟာ ငါ့ရဲ့နာမဟို စွဲကိုင်ဘီး ငါ့မာဟားဟူ ယောင်ကြည်ရှင်းဟို စွန့်ပစ်ဟု။ **14** အယ်ဘေမဲ့ နန့်နို့ဟို ငါဟာ ပြစ်ပြောဇာ နန့်ရှိဟယ်။ ဖြားဖြစ်ကြောန့်နူးဆိုဟာ နန့်နို့မာ ဗာလရဲ့ ယူဝါဒဟို ခံယူဘီးဟာ ကျင့်နေဂေ့ဟူ သူလေရှိနေဟယ်။ ကုသရလလူမျိုးလေဟာ ရောက်ထုဟို ပူဇော်ဟားဟူဇာလေဟို စားဂေ့ဟိုတွပ်ရော၊ တရားဘဲဟူ မေထုန်ဟို လောက်ဂေ့ဟိုတွပ်ရော သူးနှီရှေ့မာ မှားယွင်းဂေ့ဟူ ဇာလေဟို ညွှားဟိုကြောန့် ဗာလမ်ဟာ ဗာလက်မန်းဟို သန်ပေးဟယ်။ **15** အယ်မျိုးဘဲ နန့်နို့မာ နီကောလ တဗဲလေရဲ့ ယူဝါဒဟို ခံယူဘီး ကျင့်နေဂေ့ဟူ သူလေလည်း ရှိနေဟယ်။ **16** အယ်ကြောန့် နောဒ်ဒရပါ။ အယ်မျိုးမူဘဲနေဟာ ငါဟာ နန့်နို့နားဟို ဗြန်ဗြန်ဟားလာဘီး ငါဇပ်ပေါ့-က်ထဲဟု သန်လျက်နဲ့ နန့်နို့ဟို တိုက်ခိုက်မယ်။ **17** “ဝိညာဉ်တော်ဟု သင်းတော်ဟို မိန့်တော်မူဇာလေဟို နားရှိဟူသူလေ ကြားပါစေ! “အောန်မြင်ဟူသူဟာ ဖွပ်ဟားဟူ မန္နဟို ငါပေးမယ်။ ကော့-က်ဖျူဟိုလည်း ငါပေးမယ်။ အယ်ကော့-က်ဟို ရဟူသူဟုလွဲဘီး ဖယ်သူလည်း အယ်နာမယ်သစ်ဟို သိဂေ့ဟု။ **18** “သွာတိရမြို့မာရှိဟူ သင်းတော်ရဲ့ စေတမန်ဟို

အယ်မျိုးရေးလိုက်ဟယ်။ “မီးလျှံမျိုး မျစ်စိန် ရရာတိုင်း တော့-က်ဟူ၊ ကြေးဝါနတူဟူ၊ ခေရှိဟူ ဘုရားသခင်ရဲ့ သားတော်ဟု အယ်မျိုးမိန့်တော်မူဟယ်။ 19 နန့်ရဲ့ လောက်ဆောန်ရှင်းလေန နန့်ရဲ့ရှစ်ရှင်း၊ ယောင်ကြည်ရှင်း၊ မှုတော်ဆောန်ရှင်း၊ သီးခဲရှင်းလေဟူ ငါသိဟယ်။ နန့်ဟာ နော့-က်ဆောင်းလောက်ဆောန်ရှင်းလေဟာ ရင်ဟုလောက်ဆောန်ရှင်းထတ် သာနေဟူကြောင်းဟိုလည်း ငါသိဟယ်။ 20 အယ်ဘောမဲ့ နန့်ဟို ငါဟာ ပြစ်ပြောစာရှိဟယ်။ ဖြားဖြစ်ကြောင်းဆိုဟာ နန့်ဟာ ကိုယ့်ကိုယ်ကိုယ် ပရောဖက်မ ဆိုဘီး ခေါ် ဟူမီးမ ယေဇဗလဟို လောက်ရှင်ဟူမျိုး လောက်ဟို ခွမ်ပေးဟားဟယ်။ အယ်ကြောန့် သူဟာ ငါ့ရဲ့ စေခံလေဟို တရားဘဲဟူ မေထုန်ပြုဟိုတွပ် ရောက်ထုဟို ပူဇော်ဟားဟူဇာလေဟို စားဂေဟိုတွပ် သွန်သန်ဘီးဟာ သူးနို့လေဟို လှည့်စားနေဟယ်။ 21 ငါဟာ သူဟို နောန်ဒရဟိုတွပ် ခီပေးဘောမဲ့ သူဟာ တရားဘဲဟူ မေထုန်ဟို နောန်ဒရရှင်ဟူစိ မှော့ဟူ။ 22 အယ်ကြောန့် ငါဟာ သူဟို အိယာထတ်မာ လဲစေဟယ်။ သူန အီထောန်ရေးဖော့-က်ပွန်ဘီး ပြစ်မှားဟူ လူလေဟိုလည်း သူးနို့လောက်ဟူ မူလေတွပ် နောန်ဒရဘဲနေဟာ ရရာတိုင်း ကီးဟူ ဆင်းရဲဒေါက်ခဟို ရော့-က်စေမယ်။ 23 သူရဲ့ သားမီးလေဟိုလည်း သေဘေးန ငါစီရင်မယ်။ အယ်ခီမာ ငါဟာ စိန်လောင်းဟို သိဟူသူဖြစ်ဟယ် ဆိုဇာ သင်းတော်ဂူလောင်းဟာ သီရဂေလေမယ်။ နန့်နို့ ဂူလောင်းဟိုလည်း ကိုယ်လောက်ဟားဟူတိုင်းဘဲ ကျိုဖြစ်ဟို ငါဟာပေးမယ်။ 24 “အယ်ဘောမဲ့ အယ်မီးမရဲ့ ယူဝါဒန စာတန်ရဲ့ နတ်နဲရှင်းဖြစ်ဟူ၊ သူးနို့ ခေါ် ဂေဟူဇာလေ သိဘဲန သွတ်ရဲဗြို့မာ ကျန်နေဟူလူလေဟို ငါပြောရှင်ဟူဇာဟူ နန့်နို့ထတ်မာ တခြားဝန်ထောက်လေဟို ငါတန်ဟူ။ 25 နန့်နို့လေမာ ရှိဟူဇာလေဟိုဘဲ ငါကြွလာဟူခီထိ စွဲကိုင်ဟားဂေ။ 26 အောန်မြင်ဟူ သူလေန ငါ့ရဲ့မူဟို ဆောင်းထိစောန်ထီးဟူ သူလေဟာ လူမျိုးဂူလောင်းဟို အောက်စိုးရဟူ ခွမ်ဟို ငါပေးမယ်။ 27 အယ်လူလေဟာ ငါကိုယ်တိုင် ငါ့ရဲ့ ဖနားဟုရဟူ အောက်စိုးခွမ်နတူဟူ မွေအိုးလေဟို ရိုက်ခွဲမျိုးဘဲ သံလုံတန် သူနို့ဟို အောက်စိုးရလေမယ်။ 28 ငါဟာ မိုးသော့-က်ကြယ်ဟိုလည်း အယ်လူလေဟို ပေးမယ်။ 29 “ဝိညာဉ်တော်ဟု သင်းတော်ဟို မိန့်တော်မူဇာလေဟို နားရှိဟူသူလေ ကြားပါစေ။

3 “သာဒိဗြို့မာရှိဟူ သင်းတော်ရဲ့ စေတမန်ဟို အယ်မျိုးရေးလိုက်ဟယ်။ “ဘုရားသခင်ရဲ့ဝိညာဉ် ခွန်နစ်ပါးန ကြယ်ခွန်နစ်လောင်းရှိဟူသူဟု အယ်မျိုးမိန့်တော်မူဟယ်။ နန့်ရဲ့ လောက်ဆောန်ရှင်းလေဟို ငါသိဟယ်။ နန့်ဟာ သတ်ရှင်နေဟယ် ဆိုဘီး နာမယ်ခံဘောမဲ့ သေနဟူလူ ဖြစ်ဟယ်။ 2 ဒိနစောန်နေပါ။ သေခါနီးဖြစ်နေဘီး ကျန်နေဟူသူလေဟို ခိုင်ခံစေပါ။ ဖြားဖြစ်ကြောင်းနူးဆိုဟာ နန့်ရဲ့ လောက်ဆောန်ရှင်းလေဟာ ငါ့ရဲ့ ဘုရားသခင်ရှေ့မှာ ပြစ်ပြောစာရှိသေးဟယ် ဆိုဇာ ငါပြင်ရဟယ်။ 3 အယ်ကြောန့် နန့်ဟာ ဖယ်မျိုးခံယူဘီး ကြားနာရဟူဇာလေဟို ဒီရဘီး အယ်ဇာလေဟို စောန်ထီးပါ။ နောန်ဒရပါ။ နန့်ဟာ ဒိနစောန်ဘဲနေဟာ ခိုးလာဟူမျိုး နန့်နားဟို ငါလာဇာဟို နန့်ဟာ လောင်းဝသိဟို မှော့ဟူ။ 4 အယ်ဘောမဲ့ သာဒိဗြို့မာ ကိုယ့်ရဲ့ဝတ်ဟို ညစ်ညူးစေဘဲဟူသူ နဲနဲဟား ရှိသေးဟယ်။ အယ်လူလေဟာ ထိုက်တန်ဟူသူလေ ဖြစ်ဂေဟူကြောန့် ဝတ်လွှဲဟိုဝတ်ဘီး ငါနာမနတူးခူး သွားလာရလေမယ်။ 5 အောန်မြင်ဟူသူဟာ အယ်မျိုးဘဲ ဝတ်လွှဲဟို ဝတ်ရလေမယ်။ ငါဟုလည်း သူ့ရဲ့နာမယ်ဟို သတ်စာစောန်မာ လောင်းဝဖျစ်ပစ်ဟူ။ ငါဟာ သူ့ရဲ့နာမယ်ဟို ငါ့ဖရောမာရော၊ ကောင်းဂန်တမန် ရှေ့မာရော ဝန်ခံမယ်။ 6 “ဝိညာဉ်တော်ဟု သင်းတော်ဟို မိန့်တော်မူဟူ ဇာလေဟို နားရှိဟူသူလေ ကြားပါစေ။ 7 “ဖိလဒေလဖိဗြို့မာရှိဟူ သင်းတော်ရဲ့ စေတမန်ဟို အယ်မျိုးရေးလိုက်ဟယ်။ “သန့်ရှင်းဟူသူ၊ ရရာတိုင်း မှန်ဟူသူ၊ ဒါဝိဒ်ရဲသော့-က်ဟို ကိုင်ဟားဟူသူ၊ ဖယ်သူလည်း ပိနိုင်ဘဲနေအောန် ဖွမ်ဟားဟူသူ၊ ဖယ်သူလည်း ဖွမ်နိုင်ဘဲနေအောန် ပိဟားဟူသူဟု အယ်မျိုးမိန့်တော်မူဟယ်။ 8 နန့်ရဲ့ လောက်ဆောန်ရှင်းလေဟို ငါသိဟယ်။ ကော့ကော့။ ဖယ်သူလည်း ပိနိုင်ဘဲဟူ ခွဇော့-က်ဟို နန့်ရှေ့မာ ငါဖွမ်ဟားဟယ်။ ဖြားဖြစ်ကြောန့်နူးဆိုဟာ နန့်ဟာ စွမ်းရည်နဲနဲဟားဘဲ ရှိဘောမဲ့ ငါ့ရဲ့ စကားတော်ဟို လိုက်နာစောန်ထီးဘီး ငါ့ရဲ့နာမယ်ဟိုလည်း ပယ်ဟူ။ 9 ကော့ကော့။ ကိုယ့်ကိုယ်ကိုယ် ယုဒလူမျိုးဖြစ်ဟယ် ဆိုဘီး ယုဒလူမျိုးမှတ်န စာတန်ရဲ့ ပေါန်းသင်းဝမ်လေဖြစ်ဂေဟူ၊ လီညာဘီးပြောဂေဟူ လူလေဟို နန့်ရဲ့ခေရင်းမာ လာဘီး ရှိခိုးစေဘီးဟာ ငါဟာ နန့်နို့ဟို ရှစ်ဟယ် ဆိုဇာဟို သူးနို့ဟို သိစေမယ်။ 10 နန့်ဟာ

သီးခံရှင်းနဆိုင်ဟူ ငါ့ရဲ့ စကားတော်ဟို့ လိုက်နာဘ်း စောန့်ထီးဟူကြောန့် မွေဂီးထတ်မာ နေထိုင်ဂေဟူ သူလေဟို့ စမ်းသပ်စစ်ဆေးဟို့ ရှေး-ကံလာဟူ ခီမာ ငါဟာ နန့်ဟို့ စောန့်ရှေး-ကံမယ်။ 11 ငါဟာ ဗြန့်ဗြန့်ဟားလာမယ်။ နန့်ရဲ့ သရဖူဟို့ ဖယ်သူလည်း လုယူဘ်ဟို့တွပ် နန့်မာရှိဟူဇာလေဟို့ ဖွဲကိုင်းဟားပါ။ 12 ငါဟာ အောန်မြင်ဟူသူဟို့ ငါ့ရဲ့ ဘုရားသခင် ဗိမာန်တော်မာ တိုင်ဖြစ်စေမယ်။ သူဟာ ဖယ်ခါလည်း ပွန်ဟို့တွပ်ဟားရဟို့ မှုဘီ။ ငါဟာ ငါ့ဘုရားသခင်ရဲ့ နာမတော်ဟို့ရော၊ ငါ့ဘုရားသခင်ရဲ့ ဗြူတော်ဖြစ်ဟူ ကောန်းဂန်ဘောင်ဟုနေ ဆင်းလာဘီး ယေရုရှလင်ဗြူသစ်ရဲ့ နာမဟို့ရော၊ ငါ့ရဲ့ နာမသစ်ဟို့ရော သူထတ်မာ ရေးဟားမယ်။ 13 “ဝိညာဉ်တော်ဟု သင်းတော်ဟို့ မိန့်တော်မူဟူ ဇာလေဟို့ နားရှိဟူသူလေ ကြားပါစေ။ 14 “လောဒိကိဗြူမာရှိဟူ သင်းတော်ရဲ့ စေတမန်ဟို့ အယ်မျိုးရေးလိုက်ဟယ်။ “အာမင်ဖြစ်ဟူသူ၊ သစ်စာရှိဘီး ဖြောန့်မတ်ဟူသတ်သေ၊ ဘုရားသခင်ရဲ့ ဖန်ဆင်းဟားဟူထဲမာ ဦးဆောင်းဖြစ်ဟူသူဟု အယ်မျိုးမိန့်တော်မူဟယ်။ 15 နန့်ရဲ့လောကဆောန့်ရှင်းလေဟို့ ငါသိဟယ်။ နန့်ဟာ အေးလည်း မှုဟု၊ ပူလည်း မှုဟု၊ ငါဟာ နန့်ဟို့ အေးဆိုဟာအေး၊ ပူဆိုဟာပူ တခုခုဟို့ဘဲ ဖြစ်စေရှင်ဟယ်။ 16 နန့်ဟာ ပူလည်းမှုဘဲန၊ အေးလည်းမှုဘဲန၊ မပူမအေး ဖြစ်နေဟူကြောန့် နန့်ဟို့ ငါ့ဇပ်ပေါ-ကံထဲဟု ထွီးထုမယ်။ 17 နန့်ဟု ‘ငါဟာ ရရာတိုင်း ကြွယ်ဝဟူကြောန့် ဖြားဇာလည်း လိုဟု ဆိုဘ်း’ ပြောနေဟယ်။ အယ်ဘောမဲ့ နန့်ဟာ ရရာတိုင်း စိပြစ်ဇာကောန်းဟူသူ၊ နားဇာကောန်းဟူသူ၊ ဆင်းရဲဟူသူ၊ မျစ်စိကန်းနေဟူသူနု ဆွေးပွန်းပွန်း ဖြစ်နေဟယ် ဆိုဇာဟို့ နန့်သိဟူ။ 18 နန့်ဟာ ကြွယ်ဝဟို့တွပ် မီးနသန်စင်ဟားဟူ ရွှေဟို့ရော၊ နန့်ဟာ ဆွေးပွန်းပွန်း ဖြစ်နေဘီး ယှစ်လေပေါ်ဘဲနေအောန် နန့်ဝတ်ဟို့ ဖြူဟူ ဝတ်ရောင်ဟို့ရော၊ နန့်ရဲ့ မျစ်စိ ပွန်းဘီးဗြင်လာဟို့တွပ် မျစ်စဉ်ခတ်ဟို့ ဆေးဟို့ရော၊ ငါ့နားမာ ဝယ်ဟို့တွပ် နန့်ဟို့ ငါဟာ ကြံပေးရှင်ဟယ်။ 19 ငါဟာ ငါ့ရစ်ဟူသူ မှန်မျှရဲ့ ပြစ်လေဟို့ ဖော်ပြဘီးဟာ ဆောင်းမတတ်ဟယ်။ အယ်ကြောန့် ကိုယ့်စိကိုယ် နှိုးဆော်ဘီး နောန်ဒရပါ။ 20 နားထောန်ဂေ။ ငါဟာ ခွဇော-ကံရှေမာ ရပ်ဘီး ခေါ-ကံဘီးနေဟယ်။ ဖယ်သူမဆို ငါ့ရဲ့သံဟို့ ကြားဘီး ခွဇော-ကံခွမ့်မယ် ဆိုဟာ အယ်လူရှိဟူ နေရာဟို့ ဝမ်ဘီး သူနတူးဒု စာစားမယ်။ သူဟုလည်း ငါ့နတူးဒု စားသော-ကံရလေမယ်။ 21 ငါဟာ အောန်မြင်ဘီး ငါ့နတူးဒု ပလွင်ထတ်မာ ထိုင်ရမျိုးဘဲ အောန်မြင်ဟူ သူဟာ ငါ့ရဲ့ ပလွင်ထတ်မာ ငါ့နတူးဒု ထိုင်ရဟို့ ခွမ့်ဟို့ ငါပေးမယ်။ 22 “ဝိညာဉ်တော်ဟု သင်းတော်ဟို့ မိန့်တော်မူဟူ ဇာလေဟို့ နားရှိဟူသူလေ ကြားပါစေ” ဆိုဘီး မိန့်တော်မူလေဟယ်။

4 အယ်ဘီးန ငါကေလိုက်ဟူ ခီမာ ကောန်းဂန်မာဖွမ့်ဟားဟူ ခွဇော-ကံတဇော-ကံရှိဟယ်။ အယ်ခီမာ ပထမဆောင်း ငါ့ဟို့ မိန့်တော်မူဇာဟို့ ကြားရဟူ၊ တံပိုးခရာသံမျိုးဖြစ်ဟူ သံဟု “အယ်နေရာဟို့ တတ်လာလိုက်။ အယ်ဖြစ်ပျစ်လေရဲ့ နော-ကံမာ ဖြစ်ရဟို့ဇာလေဟို့ နန့်ဟို့ ငါပြမယ်။” ဆိုဘီး ပြောဟယ်။ 2 အယ်ခီမာ ရှစ်ရှင်းဘဲ ဝိညာဉ်တော်ဟာ ငါထတ်ဟို့ ရှေး-ကံလာလေဟယ်။ ကောန်းဂန်ဘောင်မာ ပလွင်တခုရှိဟယ်။ ပလွင်ထတ်မာထိုင်နေဟူ တပါးရှိဟယ်။ 3 ထိုင်နေဟူသူဟာ နဂါးသွဲန ပတ္တမြားကွေး-ကံနီမျိုး ရောနီရှိဘီး ပလွင်ပတ်ပတ်လည်မာ မြမျိုးဆင်းရောနီရှိဟူ သကံတုံရှိဟယ်။ 4 ပလွင်ရဲ့ ပတ်ပတ်လည်မာ တခြားပလွင် နေဆယ်လေးခုရှိဘီး အယ်ပလွင်လေထတ်မာ ဖြူဟူဝတ်ရောင်ဟို့ ဝတ်ဟားဘီး ခေါန်းထတ်မာ ရွှေသရဖူဟို့ ဆောန်းဟားဟူ သတ်ကီးဝါဂီး နေဆယ့်လေးပါးဟာ ထိုင်နေဂေဟယ်။ 5 ပလွင်ထဲဟု လန့်စစ်ဖွတ်ရှင်း၊ မိုးချောင်းသံလေ၊ မိုးကြိုးသံလေ ထွပ်လာဟယ်။ ဘုရားသခင်ရဲ့ ဝိညာဉ်ခွန်နစ်ပါးဖြစ်ဟူ မီးခွပ်ခွန်နစ်လောင်းဟာ ပလွင်ရှေမာ တော-ကံလောန်ဘီး ရှိနေဟယ်။ 6 အယ်ဘီးဟာ ပလွင်ရှေမာ ကွေး-ကံသလင်းနတူဟူ ဖန်ရေကန်မျိုးရှိဟယ်။ ပလွင်ရဲ့လယ်နရော၊ ပတ်ပတ်လည်မာရော၊ ရှေ့ဖတ်န နော-ကံဖတ်လေမာရော မျစ်စိလေနွဲနေဟူ သတ္တဝါလေးပါးရှိဟယ်။ 7 ပထမ သတ္တဝါဟာ ခြင်္သေ့နတူဘီး ဒုတိယ သတ္တဝါဟာ နွားသားဂန်းနတူဟယ်။ တတိယ သတ္တဝါဟာ လူနတူဟူ မျစ်နာရှိဘီး စတုတ္ထ သတ္တဝါဟာ ပွန်နေဟူ လင်းယောင်နတူဟယ်။ 8 အယ်သတ္တဝါ လေးပါးလောင်းဟာ တောနပ်ပံခြွေ-ကံခုစိရှိဘီး ပတ်ပတ်လည်န ထဲဖတ်မာ မျစ်စိလေန ပွဲဘီးရှိနေဟယ်။ သူးနီဟာ နေရောညဉ့်ရော နားဘဲန “ထာဝရ ဘုရားသခင်ဟာ

သန့်ရှင်းတော်မူဟုယ်။ သန့်ရှင်းတော်မူဟုယ်။ သန့်ရှင်းတော်မူဟုယ်။ ကိုယ်တော်ဟာ ခုရှိဘီး ရင်ဟုလဲရှိဟူ နှော- ကံတခီမာ ကြွလာဟို့ အနန္တတဂိုးနုပွဲဇောင့်ဟူ သခင်ဖြစ်ဟယ်” ဆိုဘီး ပြောဆိုဂေဟုယ်။ **9** အယ်မျိုး ပလ္လင်ထတ်မာထိုင်ဘီး ကမ္ဘာဆစ်ဆစ်သတ်ရှင်ဟူ သခင်ရဲ့ ဖောင်းသရေတော်၊ ဂေါင်တော်နု ကျေးဇူးတော်လေဟို့ သတ္တဝါလေးပါးဟာ ချီးမွမ်းဂေဟူ ခီမာ (aiñ g165) **10** သတ်ကီးဟူသူ နွေဆယ့်လေးပါးဟာ ပလ္လင်ထတ်မာထိုင်ဟူ သခင်ရဲ့ရှေ့မာ ပျပ်ဝပ်ဘီးဟာ ကမ္ဘာဆစ်ဆစ်သတ်ရှင်ဟူ သခင်ဟို့ ကိုးကွယ်ဘီးဟာ သူးနှိုလေရဲ့ သရဖူလေဟို့ ပလ္လင်ရှေ့မာ ညွှာားဘီးဟာ၊ (aiñ g165)

11 “ကျွန်တော့်ဟားလေရဲ့သခင် ဘုရားသခင်ဟာ ကိုယ်တော်ဟာ ရှိမျှဂူလောင်းဟို့ ဖန်ဆင်းဟူကြောန့် ကိုယ်တော်ရဲ့ လိုတော်ကြောန့်ဘွဲ့ ရှိမျှဂူလောင်းဟာ သတ်ရှင်ရဂေဟုယ်။ အယ်ကြောန့် ကိုယ်တော်ဟာ ဖောင်းသရေတော်၊ ဂေါင်တော်၊ တဂိုးတော်လေဟို့ ခံထိုက်ဟယ်” ဆိုဘီး ပြောဆိုဂေဟုယ်။

5 အယ်ဘီးနု ပလ္လင်ထတ်မာ ထိုင်ဟူသခင်ရဲ့ ညာဖတ်လတ်မာ ထဲရော့ပွန်ရော နွေဖတ်လောင်း စာလောင်းလေ ရေးဟားဘီး၊ မှတ်လတ်ခဏာတန်ဘီး တဇိခွန်နစ်ခနု ပိဟားဟူ စာစောန်တစောန် ရှိနေဇာဟို့ ငါဟာ ဖြင်ရဟုယ်။ **2** အယ်ခီမာ ရရာတိုင်း ခွန်အားကီးဟူ ကောန်းဂန်တမန်တပါးဟာ “ဖယ်သူဟာ အယ်စာစောန်ဟို့ ဖွမ်ဘီး အယ်တဇိလေဟို့ ခွာထိုက်နူး” ဆိုဘီး သံက္လွယ်ဂီးနု ကြေညာနေဇာဟို့ ငါဟာ ဖြင်ရဟုယ်။ **3** အယ်ဘောမဲ့ ကောန်းဂန်မာဖြစ်စေ၊ မွေဂီးထတ်မာဖြစ်စေ၊ မွေဂီးအော့- က်မာဘွဲ့ဖြစ်စေ စာစောန်ဟို့ဖွမ်ဘီး ကေ့နိုင်ဟူသူ ဖယ်သူလည်း မေ့ဟူ။ **4** အယ်စာစောန်ဟို့ ဖွမ်ဘီးဟာကေ့ဟို့တွပ် ထိုက်တန်ဟူသူ ယော့- က်လည်း တွံဘဲဟူကြောန့် ငါဟာ ရရာတိုင်း ငိုဟုယ်။ **5** အယ်ခီမာ သတ်ကီးဟူသူ တပါးဟာ “ငိုန၊ ကေ့ကေ့။ ယုဒမျိုးနွယ်ဟုနေ ပေါ်လာဟူခြင်သို့၊ ဒါဝိဒ်ရဲ့ မူလရင်းမြစ်ဖြစ်ဟူ သခင်ဟာ အောန်မြင်ဟူကြောန့် အယ်စာစောန်နု တဇိခွန်နစ်ချစ်ဟို့ ဖွမ်နိုင်ဟုယ်။” ဆိုဘီး ငါ့ဟို့ပြောဟုယ်။ **6** အယ်ဘီးနု သေသတ်ခံဟားရဟူ ပေါင်ဖြစ်နေဟူ သိုးသားဂန်းဟားဟာ ပလ္လင်နု သတ္တဝါလေးပါးရဲ့ ကြားထဲဟာ သတ်ကီးဟူ သူလေရဲ့လယ်မာ ရပ်နေဇာဟို့ ငါဖြင်ရဟုယ်။ အယ်သိုးသားဂန်းဟားမာ ချိုခွန်နစ်ရှောန်းနု မျစ်စိခွန်နစ်လောင်းရှိဟုယ်။ အယ်မျစ်စိလေဟာ မွေဂီးတညွန်လောင်းဟို့ လွတ်လိုက်ခံရဟူ ဘုရားသခင်ရဲ့ ဝိညာဉ်ခွန်နစ်ပါး ဖြစ်ဟုယ်။ **7** သိုးသားဂန်းဟားဟာ လာဘီး ပလ္လင်ထတ်မာ ထိုင်နေဟူသခင်ရဲ့ ညာဖတ်လတ်မာရှိဟူ စာစောန်ဟို့ ယူလိုက်ဟုယ်။ **8** အယ်စာစောန်ဟို့ ယူလိုက်ဟူ ခီမာ သတ္တဝါလေးပါးနု သတ်ကီးဟူသူ နွေဆယ့်လေးပါးဟာ သန့်ရှင်းသူလေရဲ့ ဆုတောင်းချစ်လေဖြစ်ဟူ မီးရှိဟူ နံသာပေါန်းနု ပွဲနေဟူ ရွှေဖလားလေဟို့ရော၊ စောန်းလေဟို့လည်း ကိုင်ဟားဂေဘီး သိုးသားဂန်းဟားရှေ့မာ ပျပ်ဝပ်ဘီး၊ **9** ကိုယ်တော်ရှင်ဟာ သေသတ်ရှင်ဟို့ ခံရဟူကြောန့် “တိုင်းနိုင်ငံ ဂူလောင်းမာရှိဟူ သာသာစကားလေ မျိုးမျိုးပြောဂေဟူ လူမျိုးလေထဲဟုနေဘီး ကျွန်တော့်ဟားလေဟို့ ယူဘီး၊ သွီးတော်နု ဘုရားသခင်တွပ် ဖိုးဝေးဘီး ဝီးကော့- က်လိုက်ဟုယ်။ အယ်ကြောန့် ကိုယ်တော်ဟာ အယ်စာစောန်ဟို့ ယူဘီး တဇိလေဟို့ ဖွမ်ထိုက်ဟူသူ ဖြစ်ပါဟုယ်။ **10** ကျွန်တော့်ဟားလေရဲ့ ဘုရားသခင်ရှေ့မာ မန်းဂီးနေနုရော၊ ယဇ်ပုရောဟိတ်နေနုရော ခန့်ဟားဘီး၊ မွေဂီးထတ်မာ အောက်ချောက်ရဟူခွမ်ဟို့ ပေးဟုယ်” ဆိုဘီး ချင်းသစ်ဟို့ ဆိုဂေဟုယ်။ **11** အယ်ခီမာ ငါဟာ ကေ့လိုက်ဟူ ခီမာ ပလ္လင်ပတ်ပတ်လည်မာရော၊ သတ္တဝါလေးပါးနု သတ်ကီးဟူလူလေရဲ့ ပတ်ပတ်လည်မာရော၊ ရပ်ဘီးနေဟူ ကောန်းဂန်တမန်လေရဲ့ သံဟို့ ကြားရဟုယ်။ အယ်ကောန်းဂန်တမန်လေဟာ သီးသန်းကုဋေ ကဘဲနု ဘောင်းဘွဲ့ရှိဟုယ်။ **12** သူးနှိုဟာ “သေသတ်ခံရဟူ သိုးသားဂန်းဟားဟာ တဂိုး၊ စည်းဇိမ်၊ ဉာဏ်ပညာ၊ ခွန်အားစွမ်းရည်၊ ဖောင်းသရေတော်၊ ဖောင်းအာနုတော်၊ ချီးမွမ်းရှင်းဟို့ ခံထိုက်ဟုယ်” ဆိုဘီး သံက္လွယ်ဂီးနု ပြောဆိုဂေဟုယ်။ **13** နှော- ကံထပ် ကောန်းဂန်၊ မွေဂီး၊ မွေဂီးအော့- က်ဟာ ပန်လယ်ရဲ့ နေရာတိုင်းမာ သတ္တဝါဂူလောင်းဟု “ပလ္လင်ထတ်မာ ထိုင်နေဟူသခင်နု သိုးသားဂန်းဟားဟာ ကမ္ဘာဆစ်ဆစ် ချီးမွမ်းရှင်းဟို့ ခံရပါစေ။ ဖောင်းကီးတော်မူပါစေ” ဆိုဘီး သံက္လွယ်ဂီးနု ပြောဂေဇာဟို့

ငါဟာ ကြားဟယ်။ (aiōn g165) 14 သတ္တဝါလေးပါးဟု “အာမင်” ဆိုဘီး ပွန်ပြောဂေဟယ်။ သတ်ကီးဝါဂီးလေဟုလည်း ပျပ်ဝပ်ဘီး ကိုးကွယ်ဂေဟယ်။

6 သိုးသားဂန်းဟားဟာ တမိခွန်နစ်ချစ်မာ ပထမတချစ်ဟို ဖွမ်ဟူ ခီမာ ငါကေလိုက်ဟူ ခီမာ မိုးကြိုးသံနတူဟူ သံမျိုးန သတ္တဝါလေးပါးထဲမာ တပါးဟု “လာဂေ” ဆိုဘီး ပြောဇာဟို ငါကြားရဟယ်။ **2** အယ်ခီမာ ငါကေလိုက်ဟူ ခီမာ ပြင်းဖျူတကောန်ဟို တွဲရဟယ်။ ပြင်းစီဟူသူဟာ လေးဟို ကိုင်ဟားဟယ်။ သူဟို သရဖူဟို ပေးဟယ်။ သူဟာ အောန်ဗွဲခံဘီးဟူသူ နေန အောန်ဗွဲခံဟိုတွပ် ထွပ်ဟားဟယ်။ **3** သိုးသားဂန်းဟားဟာ ဒုတိယတမိဟို ဖွမ်လိုက်ဟူ ခီမာ ဒုတိယသတ္တဝါဟု “လာဂေ” ဆိုဘီး ပြောဇာဟို ငါကြားဟယ်။ **4** အယ်ခီမာ ပြင်းနီတကောန်ဟာ ထွပ်လာဘီး စီးဟူသူဟာ လူလေဟို ရှင်းရှင်းသတ်ဂေဟိုတွပ် မွေဂီးထတ်မာ ငြိပ်ရှင်းဟို ရောက်သီးဟူ ခွမ်ဟိုရဟယ်။ ရရာတိုင်း ကီးဟူ ထားတလတ်ဟိုလည်း သူဟို ပေးလေဟယ်။ **5** သိုးသားဂန်းဟားဟာ တတိယတမိဟို ဖွမ်လိုက်ဟူ ခီမာ တတိယသတ္တဝါဟု “လာဂေ” ဆိုဘီး ပြောဇာဟို ငါကြားရဟယ်။ ငါဟာ ကေလိုက်ဟူ ခီမာ ပြင်းမဲတကောန်ဟို တွဲရဟယ်။ အယ်ပြင်းထတ်မာ စီးနေဟူသူဟာ သူရဲလတ်မာ ခီခွမ်ဟို ကိုင်ဟားဟယ်။ **6** အယ်ဘီးန သတ္တဝါလေးပါးလယ်ဟု ထွပ်လာဟူ စကားသံနတူဟူ သံဟု “ဂျောင့်ဆန်တခွပ် ဆိုဟာ ဒေနာရိတပြား၊ မုယောဆန်သောင်းခွပ် ဆိုဟာ ဒေနာရိတပြားဖြစ်ဟယ်။ ဆိန် စဗျစ်ပိုင်ဟို ပျစ်စီးစေန” ဆိုဇာဟို ငါကြားရဟယ်။ **7** သိုးသားဂန်းဟားဟာ စတုတ္ထတမိဟို ဖွမ်လိုက်ဟူ ခီမာ စတုတ္ထသတ္တဝါဟု “လာဂေ” ဆိုဘီး ပြောဇာဟို ငါကြားရဟယ်။ **8** ငါကေလိုက်ဟူ ခီမာ ပြင်းမွဲတကောန်ဟို တွဲရဟယ်။ အယ်ပြင်းထတ်မာ စီးနေဟူသူဟာ သေမန်း ဆိုဘီး နာမယ်ဖြစ်ဟယ်။ သူရဲနေ့-က်မာ မရဏာနိုင်ငံဟာ လိုက်လာဟယ်။ သူးနိုဟာ ထားဘေးနရော၊ ငတ်မွတ်ခေါန်ပါးဟူ ဘေးနရော၊ သေဘေးနရော၊ မွေဂီးထတ်မာရိဟူ သားရဲလ်ဆန်ဘေးနရော လူလေဟို သတ်ဟိုတွပ် မွေဂီးရဲ လေးပေါင်တပေါင် ခွမ်အာဏာဟို ရဂေဟယ်။ (Hadēs g86) **9** သိုးသားဂန်းဟားဟာ ပဉ္စမတမိဟို ဖွမ်လိုက်ဟူ ခီမာ ဘုရားသခင်ရဲ စကားတော်နရော၊ သစ်စာရိဟူ သတ်သေခံချစ်နရော၊ သေသတ်ခံရဟူ သူလေရဲ ဝိညာဉ်လေဟို ယဇ်ပလ္လင်အော-က်မာ ငါပြင်ရဟယ်။ **10** အယ်လူလေဟာ “သန်ရှင်း ဖြောန်မတ်မှန်ကန်ဘီး စိုးပိုင်တော်မူဟူ သခင်၊ ကျွန်တော့်လေရဲ သိုးတွပ် မွေဂီးထတ်မာ နေဂေဟူလူလေဟို တရားစီရင်ဘဲန၊ ကလဲစားချောဘဲန ဖယ်မျှထိကြာအောန် နေဟိုနူး” ဆိုဘီး သံကွယ်ဂီးန အော်ပြောဂေဟယ်။ **11** အယ်ခီမာ သူးနိုလေဟို ဝတ်လောင်ဖျူဟို ပေးဘီးဟာ သူးနိုမျိုးဘဲ သေသတ်ခံရဟို မူဆောန်ဟူ ညီကို မောန်နမလေ ရေတွပ်တိုင်း ညှဲဇောင်ဟိုခီထီ ရှစ်ဟားနားယူဂေဟိုတွပ် သူးနိုလေဟို မိန့်တော်မူဟယ်။ **12** သိုးသားဂန်းဟားဟာ ဆဋ္ဌမ တမိဟို ဖွမ်လိုက်ဟူ ခီမာ ငလျင်ဟာ ပြင်းပြင်ထန်းထန်ဟား လောက်ဟူကြောန့် နေဟာ ဘွဲဗွဲန လောက်ဟားဟူ ဝတ်ကြမ်းမျိုး မဲဟားဘီး လဟုလည်း သွီးမျိုး ဖြစ်ဟားဟယ်။ **13** ကောန်းဂန်ဟု ကြယ်လေဟာ ရရာတိုင်း ပြင်းဟူလေ လောက်ဟူ ခီမာ သဖန်းဗန်ဟု သီးစီးလေဟု ကွီကွီမျိုးဘဲ မွေဂီးထတ်ဟို ကွဲဂေဟယ်။ **14** ကောန်းဂန်ဟုလည်း စာစောန်ဟို လိလိုက်ဟူမျိုး ပျော့-က်ဟားဘီး တောန်န ကျွန်းရှိမျှဟာ သူးနိုနေရာဟုနေဘီး ဝိဟားဂေဟယ်။ **15** အယ်ခီမာ မွေဂီးမာရိဟူ မန်းဂီးလေ၊ အာဏာပိုင်လေ၊ စစ်ဗိုလ်ချုပ်လေ၊ ဌေးလေ၊ ခွန်အားကီးဟူ သူလေန ကျွန်န လွတ်လတ်ဟူ သူလေ ရှိမျှဟာ လှိုင်ဂူလေမာရော၊ တောန်လေထတ်မာ ကျော့-က်ဆောန် ကြားလေမာရော ပူးနေဘီးဟာ **16** တောန်လေန ကျော့-က်ဆောန်လေဟို “နိုလေထတ်ဟို ပြိုကွဲဘီးဟာ ပလ္လင်ထတ်မာ ထိုင်ဟူ သခင်ရဲ မျစ်နာတော်န သိုးသားဂန်းဟားရဲ မျစ်ဒေါသဟုနေဘီး နိုလေဟို မောင်းဘီးကွယ်ဂေပါ။ **17** ပြားဖြစ်ကြောန့်နူးဆိုဟာ အယ်သခင်လေရဲ မျစ်ဒေါသ ထန်ရှားဟူ နေရစ်ဂီးဟာ ကွလာဘီး ဖြစ်ဟူကြောန့် ဖယ်သူဟု ခံနိုင်ဟိုနူး” ဆိုဘီး ပြောဂေဟယ်။

7 အယ်ဘီးန ကောန်းဂန်တမန် လေးပါးဟာ မွေဂီးရဲ ဒေါ-က်လေးဒေါ-က်မာ ရပ်ဘီးဟာ မွေဂီးထတ်ဟိုရော၊ ပန်လယ်ထတ်ဟိုရော၊ သစ်ပန်ရှိမျှ ထတ်ဟိုရော၊ လေတိုက်ဘဲဟိုတွပ် မွေဂီးလေးဖတ်ဟု လေဟို ထီးချောက်ဟားဟူ

ဇာတိ ငါပြင်ရဟန်။ 2 နေ့-ကံတခါ တခြား ကောင်းဂန်တမန် တပါးဟာ သတ်ရှင်ဟူ ဘုရားသခင်ရဲ့ တမိဟို ကိုင်ဘီးဟာ နေထွပ်လာဟူ နေရာဟုနေဘီး တတ်လာဇာဟို ငါပြင်ရဟန်။ အယ်ဘီးန ကောင်းဂန်တမန် တပါးဟု မွေဂီးန ပန်လယ်လေဟို ဘေးရော-ကံစေဟိုတွပ် ခွန်ရဟားဟူ ကောင်းဂန်တမန် လေပါးဟို။ 3 “နို့လေရဲ့ ဘုရားသခင်ဟို စေခံဟူ သူလေရဲ့ ဖူးမာ တမိခတ်ဇာ မပီးမချင်း မွေဂီး၊ ပန်လယ်န သစ်ပန်လေဟို ဘေးဒေါက်ခ ဖြစ်စေန” ဆိုဘီး သံကွယ်ဂီးန အော်ပြောဟယ်။ 4 အယ်ဘီးန တမိခတ်ခံရဟူ သူလေရဲ့ ရေတွပ်ဟို ငါကြားဟယ်။ ဣသရေလ လူမျိုးလေရဲ့ မျိုးနွယ်ထဲမှာ ၁၄၄,၀၀၀ လေဟာ တမိခတ်ရှင်းဟို ခံရဂေဟယ်။ 5 ယုဒမျိုးနွယ်ထဲမှာ ၁၂,၀၀၀၊ တမိခတ်ခံရဘီး၊ ရုဗင်မျိုးနွယ်ထဲမှာ ၁၂,၀၀၀၊ ဂဒ်မျိုးနွယ်ထဲမှာ ၁၂,၀၀၀၊ 6 အာရှာမျိုးနွယ်ထဲမှာ ၁၂,၀၀၀၊ နဿလိမျိုးနွယ်ထဲမှာ ၁၂,၀၀၀၊ မနာရှေမျိုးနွယ်ထဲမှာ ၁၂,၀၀၀၊ 7 ရှိမောင်မျိုးနွယ်ထဲမှာ ၁၂,၀၀၀၊ လေဝိမျိုးနွယ်ထဲမှာ ၁၂,၀၀၀၊ ဣသခါမျိုးနွယ်ထဲမှာ ၁၂,၀၀၀၊ 8 ဇာဗုလုန်မျိုးနွယ်ထဲမှာ ၁၂,၀၀၀၊ ယောသပ်မျိုးနွယ်ထဲမှာ ၁၂,၀၀၀၊ ဗယ်မိန်မျိုးနွယ်ထဲမှာ ၁၂,၀၀၀ လေဟာ တမိခတ်ဇာဟို ခံရဂေဟယ်။ 9 အယ်ဘီးန ငါကျေလိုက်ဟူ ခီမာ တိုင်းနိုင်ငံ၊ လူမျိုးနွယ်စု၊ လူမျိုးလေန ဘာသာစကား ဘောင်းဇောင်ပြောဟူ သူလေထဲဟုနေဘီး ဖယ်သူလည်း ရေဟိုနိုင်ဘဲဟူ လူအောက်ဂီးဟာ ဝတ်လောင်ဖွဲ့ဟို ဝတ်ဟားဘီး သူးနို့လတ်မာ စွန်ပလွံခတ်လေဟိုလည်း ကိုင်ဟားဂေဘီးဟာ ပလ္လင်န သိုးသားဂန်းဟားရှေမာ ရပ်နေဂေဟယ်။ 10 သူးနို့ဟု၊ “ကယ်တန်ရှင်း ကျေးဇူးဟာ ပလ္လင်ထတ်မာ ထိုင်ဟူ နို့လေရဲ့ ဘုရားသခင်န သိုးသားဂန်းမာ ရှိဟယ်” ဆိုဘီး ရရာတိုင်း ကွယ်ဟူ သံန အော်ပြောဂေဟယ်။ 11 ကောင်းဂန်တမန် ဂူလောင်းဟု ပလ္လင်မာရေ၊ သတ်ကီးဝါဂီးလေန သတ္တဝါ လေးပါးလေရဲ့ ပတ်ပတ်လည်မာရေ ရပ်နေဂေဟယ်။ သူးနို့လေဟာ ပလ္လင်ရှေမာ ဘုရားသခင်ဟို ပျပ်ဝပ်ကိုးကွယ်ဘီး၊ 12 သူးနို့ဟု၊ “အာမင် ကောင်းဂျီးမင်လာ၊ ဖောင်းသရေတော်၊ ဉာဏ်ပညာ၊ ကျေးဇူးတော် မြို့မိုးရှင်း၊ ဂေါင်တော်၊ တဂိုးန စွမ်းသတ်တိလေဟာ နို့လေ ဘုရားသခင်မာ ကမ္ဘာဆစ်ဆစ် ရှိပါစေ။ အာမင်။” ဆိုဘီး ပြောဆိုဂေဟယ်။ (aiōn g165) 13 အယ်ဘီးန သတ်ကီးဝါဂီးလေထဲဟု တပါးဟာ “ဝတ်လောင်ဖွဲ့ဟို ဝတ်ဟားဟူ သူလေဟာ ဖယ်သူလေနူး။ ဖယ်နေရာဟု လာဂေနူး” ဆိုဘီး ငါ့ဟို မေးဟယ်။ 14 ငါဟုလည်း “သခင်၊ ကိုယ်တော်ဟုဘဲ သိဟယ်” ဆိုဘီး ယွန်လျော့-ကံဟူ ခီမာ အယ်သူဟု၊ “အယ်လူလေဟာ ရရာတိုင်း ကီးဟူ ဆင်းရဲဒေါက်ခထဲဟု ထွတ်လာဟူ သူလေ ဖြစ်ဂေဟယ်။ သူးနို့လေဟာ ကိုယ့်ရဲ့ ဝတ်လောင်လေဟို သိုးသားဂန်းဟားရဲ့ သွီးအားဖြင့် လျှော်ဘီးဟာ ဖွဲ့စေဟားဂေဟယ်။ 15 အယ်ကြောန့်၊ “သူးနို့လေဟာ ဘုရားသခင်ရဲ့ ပလ္လင်ရှေမာ နေရာရဘီး ဗိမာန်တော်မာ ဘုရားသခင်ရဲ့ ဝတ်ဟို နေ့ညမပြတ်ဘဲ စေခံဂေဟယ်။ ပလ္လင်ထတ်မာ ထိုင်နေဟူ သူဟာ သူးနို့လေနတူးဒူး ရှိဘီး ကာကွယ် စောင့်ရှော့-ကံလေမယ်။ 16 သူးနို့ဟာ နေ့-ကံတခါ ရေလေ၊ စားဇာလေ ငတ်ရဟို မူဟု။ နေရောန်လည်း ထိရဟို မူဟု၊ ဖြားပူဒန်ဟိုလည်း ခံရဂေဟု။ 17 ဖြားဖြစ်ကြောန့်နူးဆိုဟာ ပလ္လင်လယ်မာ ရှိဟူ သိုးသားဂန်းဟားဟာ သူးနို့လေဟို လောက်ကျွေးဘီး သတ်စမ်းရေဒွမ်းဟို လမ်းပြလေမယ်။ ဘုရားသခင်ဟုလည်း သူးနို့လေရဲ့ မျစ်စိမာရှိဟူ မျစ်ရယ်ရှိမျှဟို သုပေးမယ်” ဆိုဘီး ပြောလေဟယ်။

8 သိုးသားဂန်းဟား သတ္တမမိဟို ဖွမ်လိုက်ဟူ ခီမာ ကောင်းဂန်ဘောင်မာ နာရီဝပ်လော့-ကံ တိတိဆိဆိဟား ဖြစ်ဟားဟယ်။ 2 အယ်ဘီးန ဘုရားသခင်ရဲ့ ရှေမာ ရပ်နေဟူ ကောင်းဂန်တမန် ခွန်နစ်ပါးဟို ငါပြင်ဟယ်။ သူးနို့လေဟို တံပိုးခရာ ခွန်နစ်လောင်းဟို ပေးဟယ်။ 3 တခြား ကောင်းဂန်တမန် တပါးဟာ လာဘီးဟာ ရွှေလန်းဗန်းဟို ကိုင်ဘီး ယဇ်ပလ္လင်နားမာ ရပ်နေဟယ်။ ပလ္လင်ရှေမာ ရှိဟူ ရွှေယဇ်ပလ္လင်ထတ်မာ သန်ရှင်းဟူ သူလေဟာ ဆုတောင်းရှင်းနတူးဒူ ဆစ်ကပ်ဘီး မီးရှိဟူ နုံသောပေါန်းလေဟို ပေးလိုက်ဟယ်။ 4 နုံသောပေါန်းရဲ့ မီးခိုးလေဟာ သန်ရှင်းသူလေရဲ့ ဆုတောင်းရှင်းနတူးဒူ ကောင်းဂန်တမန်ရဲ့ လတ်ထဲဟုနေဘီး ဘုရားသခင်ရဲ့ ရှေဟို တတ်ဟားလေဟယ်။ 5 အယ်ဘီးန ကောင်းဂန်တမန်ဟာ လန်းဗန်းဟို ယူဘီး ယဇ်ပလ္လင်ရဲ့ မီးန ပွဲစေဘီး မွေဂီးထတ်ဟို ခွလိုက်ဟူ ခီမာ သံဗြယ်ရှင်း၊ မိုးချောင်းရှင်း၊ လန်စစ်ဖွတ်ရှင်း၊ မွေဂီးလောက်ရှင်းလေ ဖြစ်ဂေဟယ်။ 6 အယ်ဘီးန တံပိုးခွန်နစ်လောင်းရှိဟူ ကောင်းဂန်တမန် ခွန်နစ်ပါးဟာ တံပိုးမူဟိုတွပ်

ပြင်ဆင်ရေဟုယ်။ 7 ပထမ ကောန်းဂန်တမန်ဟာ တံပိုးမှုဟူ ခီမာ မိုးသီးလေ ဖြစ်ဟားဟုယ်။ သွီးန ရောနေဟူ မီးမျိုးဖြစ်ဟုယ်။ ဗွေဂီးထတ်ဟို ညွလိုက်ဟူ ခီမာ ဗွေသောင်းစုတစု၊ သစ်ပန် သောင်းစုတစု၊ စီးဟူ ဖြစ်ပန် ရှိမျှလေဟာ လောန်ဟားလေဟုယ်။ 8 ဒုတိယ ကောန်းဂန်တမန်ဟာ တံပိုးမှုဟူ ခီမာ မီးလောန်နေဟူ၊ ရရာတိုင်း ကီးဟူ တောန်ဟို ပန်လယ်ထဲဟို ညွလိုက်ဟူ ခီမာ ပန်လယ် သောင်းစု တစုဟာ သွီးဖြစ်ဟားဟုယ်။ 9 ပန်လယ်မာ သတ်ရှင်ဟူ သတ္တဝါ သောင်းစု တစုဟာ သေဟားဟုယ်။ သန်းဖော သောင်းစု တစုလည်း ပျစ်စီးဟားဟုယ်။ 10 တတိယ ကောန်းဂန်တမန်ဟာ တံပိုးမှုဟူ ခီမာ မီးတိုင်မျိုး ရရာတိုင်း လန်းဟူ ကြယ်ဂီး တလောင်းဟာ ကောန်းဂန်ဟု ကွာဘီး မွှစ်သောင်းစု တစုဟိုရော၊ စမ်းရေခွမ်းလေနားဟိုရော ရော-က်ဟားဟုယ်။ 11 အယ်ကြယ်ဟာ ဒေါန ဆိုဘီး နာမယ်ရှိဟုယ်။ ရေသောင်းစု တစုဟာ ဒေါနဖြစ်ဘီး အယ်ခါးဟူ ရေဟို သော့-က်ဟူကြောန့် လူလေဟာ သေရေဟုယ်။ 12 စတုတ္ထ ကောန်းဂန်တမန်ဟာ တံပိုးမှုဟူ ခီမာ နေသောင်းစု တစု၊ လသောင်းစု တစု၊ ကြယ်သောင်းစု တစုဟာ ကြတ်ဟားဘီး မိုက်ဟားဟုယ်။ နေသောင်းစု တစုန ညဉ့်သောင်းစု တစုဟုလည်း လန်းရောန်ဟို ရရေဟုမ်း။ 13 အယ်ဘီးန ငါကေဟူ ခီမာ လင်းယောင် တကောန်ဟာ ကျန်နေဟူ ကောန်းဂန်တမန် သောင်းပါးရဲ့ တံပိုးမှုဟူ သံကြောန့် ဗွေဂီးသားလေဟာ အမင်္ဂလာ၊ အမင်္ဂလာ၊ အမင်္ဂလာ ရှိရေဟုယ် ဆိုဘီး ကောန်းဂန်လယ်မာ ပွန်နေဘီး သံက္လယ်ဂီးန ပြောနေဇာဟို ငါကြားရဟုယ်။

9 ပဉ္စမ ကောန်းဂန်တမန်ဟာ တံပိုးမှုဟူ ခီမာ ကြယ်တလောင်းဟာ ကောန်းဂန်ဟုနေ ဗွေဂီးထတ်ဟို ကွလာဇာဟို ငါပြင်ဟုယ်။ သူဟို နတ်ဆောင်းတွမ်းရဲ့ သော့-က်ဟို ပေးလိုက်ဟုယ်။ (Abyssos g12) 2 သူဟာ နတ်ဆောင်းတွမ်းရဲ့ သော့-က်ဟို ဖွပ်လိုက်ဟူ ခီမာ မီးဖိုဂီးတခုရဲ့ မီးခိုးလေမျိုး အယ်တွမ်းထဲဟု တတ်လာဘီး အယ်နတ်ဆောင်းတွမ်းဟု မီးခိုးလေကြောန့် နေန အာကာသလေဟာ မှောန်ဟားလိုက်ဟုယ်။ (Abyssos g12) 3 အယ်ဘီးန အယ်မီးခိုးလေထဲမာ ကျိုင်းကောန်လေဟာ ဗွေဂီးထတ်ဟို ထွပ်လာရေဟုယ်။ သူးနိုဟာ ဗွေဂီးမာရှိဟူ ကန်းမီးဂေါ-က်လေရဲ့ တဂိုးလေမျိုး ရရေဟုယ်။ 4 ဗွေဂီးထတ်မာရှိဟူ ဗြက်ပန်လေန စီးဟူသစ်ပန်ဂီ၊ သစ်ပန်ငယ် ရှိမျှလေဟို ဘေးလေဖြစ်စောဘဲ ဖူးမာ ဘုရားသခင်ရဲ့ ဇီမော့ဘွဲဟူ သူလေဟိုဘဲ ဘေးဖြစ်စေဟိုတွပ် သူးနိုဟို မှာဟားဟုယ်။ 5 အယ်လူလေဟို သေသတ်ဘဲန ငါးလလောင်းလောင်း ညဉ့်ဆဲဟိုခွပ်ဟို ပေးဟားဟုယ်။ အယ်ကျိုင်းကောန်ရဲ့ ညဉ့်ဆဲရှင်းကြောန့် ခံရဟူ ဝေဒနာဟာ လူဟို ကန်းမီးဂေါ-က် ထိုးခံရဟူ ခီမာ နာဟူဝေဒနာန တူဟုယ်။ 6 အယ်နေရစ်လေမာ လူလေဟာ သေမန်းဟို ရှာရေလေမယ်။ အယ်ဘောမဲ့ တိုရရေဟူ။ ရရာတိုင်း သေရှင်ဘောမဲ့ သေရှင်းဟာ သူးနိုနားဟုနေ ထွပ်ပွေးဟားလေမယ်။ 7 အယ်ကျိုင်းကောန်လေရဲ့ သဏ္ဌာန်ဟာ စပ်ပွဲတွပ် ပြင်ဟားဟူ စပ်ပြင်းနတူဟုယ်။ သူးနိုရဲ့ ခေါင်းထတ်မာ ရွေသရဖုလေ ဆောန်းဟားဟူဇာနတူဘီး သူးနိုရဲ့ မျစ်နာလေဟာ လူမျစ်နာနတူဟုယ်။ 8 သူးနိုမာ မီးမဆန်းဗန်နတူဟူ ဆန်းဗန်ရှိဘီး သူးနိုသွားဟာ ခြသေ့သွားမျိုး ဖြစ်ဟုယ်။ 9 သူးနိုမာ သံရင်အောက်တဇာနတူဟူ ရင်အောက်တဇာရှိဘီး သူးနိုရဲ့ တောန်ပံခတ်လိုက်ဟူသံဟာ စပ်ပွဲဟိုပွေးဟားဟူ ရရာတိုင်းများဟူ ပြင်းရထားရဲ့ သံနတူဟုယ်။ 10 သူးနိုလေမာ ကန်းမီးဂေါ-က်မျိုး ဆူးပါဟူဗွီးရှိဘီး အယ်ဗွီးန လူလေဟို ငါးလလောင်းလောင်း ဘေးဖြစ်စေခိုင်ဟူ တဂိုးရှိဟုယ်။ 11 သူးနိုရဲ့ မန်းဂီးဟာ နတ်ဆောင်းတွမ်းရဲ့ စေတမန်ဖြစ်ဟုယ်။ အယ်သူရဲ့ နာမယ်ဟာ ဟေဗြဏကားအားဖြင့် အဗဒျန် (ဗိပါယ်ဟု “ဖျစ်ဆီးရှင်း”) ဖြစ်ဘီး ဂရိစကားအားဖြင့် အပေါလျန် (ဗိပါယ်ဟု “ဖျစ်ဆီးမား”) ဆိုဘီး ဖြစ်ဟုယ်။ (Abyssos g12)

12 ပထမ အမင်္ဂလာဟာ လွန်ဟားဘီး၊ နော့-က်ထပ် အမင်္ဂလာ နွေပါးလာအူးမယ်။ 13 ဆဌမ ကောန်းဂန်တမန်ဟာ တံပိုးမှုလိုက်ဟူ ခီမာ ဘုရားသခင်ရဲ့ ရှေ့မာရှိဟူ ရွှေယဇ်ပလွင်ရဲ့ ချိုလေးရှောန်းနားဟု ထွပ်လာဟူ သံဟု၊ 14 အယ်တံပိုးရှိဟူ ဆဌမ ကောန်းဂန်တမန်ဟို “ရရာတိုင်း ကီးဟူ ဥဗရတ်မြစ်နားဟု ခယ်ဟားဟူ ကောန်းဂန်တမန်လေးပါးဟို လွှတ်လိုက်ပါ” ဆိုဘီး ပြောဇာဟို ငါကြားရဟုယ်။ 15 အယ်ခီမာ အယ်နှစ်၊ အယ်လ၊ အယ်ရစ်၊ အယ်နာရီတွပ် ပြင်ဆင်ဟားဟူ ကောန်းဂန်တမန်လေးပါးဟာ လူသောင်းစုတစုဟို သတ်ဟိုတွပ် လွှတ်ပေးရှင်းဟို ခံရဟုယ်။ 16 ပြင်းစီးသူ ဦးရေဟု ကုဋေပေါန်းနေဆယ် ဖြစ်ဟုယ် ဆိုဘီး သူးနိုလေဟု ရေနေဇာဟို ငါကြားရဟုယ်။ 17 ဖျာဒိတ်ရူပါရောင်မာ ငါပြင်ရဟူ

ပြင်းစီးဟူ သူရဲလေဟာ မီးတော့-ကံနေဟူရောန၊ နတ်ပြာရောန၊ ကန်မျိုးဖြစ်ဟူ ဝါရောန ရင်အောက်တစာလေ ရှိဂေဟယ်။ ပြင်းလေရဲ့ခေါင်းဟု ခြင်္သေ့ခေါင်းနတူဘီး သူးနို့လေရဲ့ ဇပ်ပေါ-ကံထဲဟု မီးတော့-ကံနေဟူ မီးခိုးန ကန်လေထွပ်နေဟယ်။ 18 သူးနို့ရဲ့ ဇပ်ပေါ-ကံထဲဟုထွပ်ဟူ မီး၊ မီးခိုးန ကန်လေဟုနေဖြစ်လာဟူ ဘေးဒန်သောင်းခုကြောန့် လူလေ သောင်းစုတစု သေဂေဟယ်။ 19 ပြင်းလေရဲ့ တဂိုးဟာ သူးနို့လေရဲ့ ဇပ်ပေါ-ကံနု ဗွီးမာရှိဟယ်။ သူးနို့ရဲ့ ဗွီးဟာ ဗွီနတူဟူ ခေါင်းရှိဘီးဟာ အယ်ခေါင်းနဘဲ လူလေဟို ဘေးဒန်ရော-ကံစေဟယ်။ 20 အယ်ဘေးဒန်လေကြောန့် သေဘဲန ကျန်နေဟူ သူလေဟာ နတ်ဆိုးလေဟိုရော၊ ရွှေ၊ ငွေ၊ ကြေးနီ၊ ကျွေ-ကံ၊ သစ်သားလေန လောက်ဟားဟူ ပြင်နိုင်ဘဲ၊ ကြားနိုင်ဘဲ၊ လမ်းရှေး-ကံနိုင်ဘဲဟူ ရောက်ထူလေဟိုရော၊ ကိုယ့်လတ်န လောက်ဟားဟူစာလေဟို ကိုးကွယ်ဘဲန နေဟိုတွပ် နောန်ဒရဂေဟူ။ 21 လူသတ်ရှင်း၊ ပြုစားရှင်း၊ တရားဘဲဟူ မေထုန်လောက်ရှင်းန ခိုးရှင်းလေတွပ်လည်း နောန်ဒရဘဲန နေဂေဟယ်။

10 အယ်ဘီးန ခွန်အားကီးဟူ ကောန်းဂန်တမန်တပါးဟာ မိုးတီဟို ခြောင်ဘီး ကောန်းဂန်ဟု ဆင်းလာစာဟို ငါပြင်ရဟယ်။ သူရဲ့ ခေါင်းထတ်မာ သက်တံ့ရှိဘီး သူရဲ့ မျစ်နာဟာ နေမျိုးဖြစ်ဘီး သူရဲ့ ခေဟာလည်း မီးခဲတိုင်မျိုး ဖြစ်ဟယ်။ 2 သူရဲ့လတ်မာ ဖွမ်ဟားဟူ စာစောန်ငယ်ဟား တခုရှိဟယ်။ သူရဲ့ ဘယ်ခေဒေါ-ကံဟို ပန်လယ်ထတ်မာန ညာခေဒေါ-ကံဟို ကူးထတ်မာ ခွဟားဟယ်။ 3 ခြင်္သေ့ဟောန်မျိုး ရရာတိုင်း ကွယ်ဟူသံန ကြွေးကြော်ဟယ်။ အယ်မျိုး ကြွေးကြော်ဟူ ခီမာ မိုးချောက်ဟူသံ ခွန်နစ်ချစ်ဟာ ဗြယ်လေဟယ်။ 4 မိုးချောက်ဟူသံ ခွန်နစ်ချစ် ဗြယ်ဟူ ခီမာ၊ ငါဟာ ရေးဘီးမှတ်ဟို့ လောက်နေဟူ ခီမာ ကောန်းဂန်ဟု သံဟု “မိုးချောက်ဟူသံ ခွန်နစ်ချစ် ဗြယ်ဟူစာဟို ဖိခတ်ဟား။ အယ်စာလေဟို ရေးဟားန” ဆိုဘီး ပြောစာဟို ငါကြားရဟယ်။ 5 အယ်ခီမာ ပန်လယ်န ကူးထတ်မာ ရပ်နေဟူစာဟို ငါပြင်ရဟူ ကောန်းဂန်တမန်ဟု သူရဲ့ညာလတ်ဟို ကောန်းဂန်ဟို မွှောက်ဘီး၊ 6 ကမ္ဘာဆစ်ဆစ် သတ်ရှင်ဘီး ကောန်းဂန်န ကောန်းဂန်မာ ရှိဟူစာလေဟိုရော၊ မွှေဂီးန မွှေဂီးမာရှိဟူ စာလေဟိုရော ဖန်ဆင်းဟူ သခင်ဟို တိုင်တယ်ဘီး “ခီကာလဟာ ကြာဟို့ မှုဘီး။ (aiṭh g165) 7 သတ္တမ ကောန်းဂန်တမန် မူရဟို့ တံပိုးမှုသံဗြယ်ဟူ နေရစ်ကာလမာ ဘုရားသခင်ရဲ့ နတ်နဲဟူစာဟာ သူရဲ့ စေခံ ပရောဖက်လေဟို ပြောဟားဟူ ဒန်းကောန်းတိုင်းဘဲ ပီးဟားလေမယ်” ဆိုဘီး ပြောဟယ်။ 8 အယ်ဘီးန ငါကြားရဟူ ကောန်းဂန်ဟု သံဟု “ပန်လယ်န ကူးထတ်မာ ရပ်နေဟူ ကောန်းဂန်တမန်ရဲ့ လတ်မာရှိဘီး ဖွမ်ဟားဟူ စာစောန်ဟို သွားယူလိုက်” ဆိုဘီး ငါ့ဟို့ ပွန်ဘီးပြောဟယ်။ 9 အယ်ကြောန့် ငါဟာ ကောန်းဂန်တမန်နားဟို သွားဘီး စာစောန်ငယ်ဟို ငါ့ဟို့ ပေးဟို့တွပ် တောန်းလိုက်ဟူ ခီမာ သူဟု “စာစောန်ဟို ယူဘီး စားလိုက်ပါ။ အယ်စာဟာ နန်ရဲ့ ဝန်းထဲမာ ခါးဘောမဲ့ နန်ရဲ့ ဇပ်ပေါ-ကံထဲမာ ပျားရယ်မျိုး ရှိလေမယ်” ဆိုဘီး ငါ့ဟို့ ပြောဟယ်။ 10 ငါဟုလည်း ကောန်းဂန်တမန်ရဲ့ လတ်ဟု စာစောန်ငယ်ဟို ယူဘီး စားလိုက်ဟူ ခီမာ ငါ့ရဲ့ ဇပ်ပေါ-ကံထဲမာ ပျားရယ်မျိုးရှိဘောမဲ့ စားဘီးန ငါ့ရဲ့ဝန်းထဲမာ ခါးလေဟယ်။ 11 အယ်ခီမာ နန်ဟာ ရရာတိုင်း များဟူလူမျိုး၊ တိုင်းနိုင်ငံလေ၊ ဘာသာစကား ဘောန်းစောင်ပြောဟူ လူမျိုးလေ၊ မန်းဂီးလေန ပတ်သတ်ဘီး နော့-ကံထပ် ပရောဖက်ပြုဘီး ဟောပြောရမယ် ဆိုဘီး ငါဟို့ ပြောလေဟယ်။

11 အယ်ဘီးန တောန်အားန တူဟူတိုင်းဇာ ကျူးရိုးတရောန်းဟို့ ငါ့ဟို့ ပေးဘီးဟာ “ထဘီး ဘုရားသခင်ရဲ့ ဗိမာန်တော်န ယဇ်ပလ္လင်ဟို့ တိုင်းဘီးဟာ အယ်နေရာမာ ဝတ်ပြုကိုးကွယ်နေဟူ သူလေဟို့ ရေလိုက်ပါ။ 2 အယ်ဘောမဲ့ ဗိမာန်တော်ရဲ့ ခြံဝမ်း ပွန်ဖတ်မာရှိဟူ တံခိုင်းဟာ လူမျိုးခြားလေဟို့ ပေးဟားဟူကြောန့် တိုင်းဘဲန ချန်ဟားလိုက်။ အယ်သူလေဟာ သန်ရှင်းဟူ ဗြို့ဟို့ လေးဆယ်နှေလ လောင်းလောင်း ခေန နန်းဂေလေမယ်။ 3 အယ်ခီမာ ငါဟာ ငါ့ရဲ့ သတ်သေခံနေပါဟို့ လွှတ်မယ်။ သူးနို့ဟာ ဝတ်ကြမ်းဟို့ ဝတ်ဘီးဟာ ရစ်ပေါန်း ၁၂၆၀ လောင်းလောင်း ပရောဖက်ပြုဘီးဟာ ဟောပြောဂေလေမယ်” ဆိုဘီး ပြောဟယ်။ 4 အယ်လူလေဟာ မွှေဂီးရဲ့ သခင်ရှေမာ ရှိဟူ သံလွင်ပန်နေပန်န ဆီမီးခွပ် နှေ့လောင်းဖြစ်ဂေဟယ်။ 5 တယော့-ကံယော့-ကံဟာ သူးနို့ဟို့ ညဉ့်ဆဲပေးဟို့ လောက်ဟယ် ဆိုဟာ သူးနို့ရဲ့

ဇေယျ-ကံထဲဟု မီးထွတ်လာဘီးဟု သူးနီရဲ့ ရန်သူလေဟူ လောန်စေဟုယ်။ တယော-ကံယော-ကံဟု သူးနီဟို ညှဉ်းဆဲဟယ် ဆိုဟု သေသတ်ဇာဟို ခံရမယ်။ 6 သူးနီ ပရောဖက်ပြုဘီး ဟောပြောဟူ နေရစ်လေမာ မိုးဝါဘဲဟိုတွင် ကောန်းဂန်ဟို ပိဟားနိုင်ဟူ ခွင့်ရှိဘီး ရေဟို သွီးမျိုး ဖြစ်ဟိုတွင် ညွှန်းလဲနိုင်ဟို ခွင့်ရဘီး သူးနီလိုရှင်ဟူ ခီတိုင်း မွေဂီးဟို ဘေးဒန်ဘောင်းဇောင်နု ဒန်ခတ်နိုင်ဟူ ခွင့်လေရှိဂေဟုယ်။ 7 သူးနီလေဟု သတ်သေခံဘီးနု နတ်ဆောင်းတွမ်းထဲဟု တတ်လာဟူ သားရဲလိဆန်ဟု သူးနီနု စစ်တိုက်ဟူကြောန့် အောက်မြင်ဘီး သူးနီဟို သတ်လေမယ်။ (Abyssos g12) 8 သူးနီရဲ့ လောန်းလေဟု မြို့ဂီးလေရဲ့ လမ်းမထတ်မာ ကျန်ရစ်ဂေလေမယ်။ အယ်မြို့ဟာ သူးနီရဲ့ သခင်ဟို လက်ဝါးကပ်တိုင်ထတ်မာ တန်ဘီးသတ်ခံရဟူမြို့ ဖြစ်ဟုယ်။ အယ်မြို့ဟာ သောဒုံနု အဲဂုတ္တုပြည်ဟို ပေါန်ဆောန်ဟားဟူ မြို့ဖြစ်ဟုယ်။ 9 အယ်ခီမာ လူမျိုးနွယ်စုလေ၊ ဘာသာစကား ဘောင်းဇောင်ပြောဟူ လူမျိုးလေနု၊ တိုင်းနိုင်ငံ ဂူလောင်းဟု လူလေဟု သူးနီရဲ့ လောန်းဟို သောင်းရစ်ခွဲ လောင်းလောင်း ကေ့ဂေ့ဘီးဟု အယ်လောန်းလေဟို သန်းချိုင်းမာ သင်္ဂြိုဟ်ခွင့် ပေးဘဲနု နေဂေ့လေမယ်။ 10 မွေဂီးထတ်မာ နေဂေ့ဟူ သူလေဟု အယ်လူလေရဲ့ ဖျစ်ပျစ်ကြောန့် ဝန်းသာဂေ့ဘီး၊ ပျော်ဂေ့ဘီးဟား ယော-ကံနယော-ကံ လတ်ဆောန်လေဟို ပို့ပေးဂေ့လေမယ်။ ဖြားဖြစ်ကြောန့်နွဲ့ဆိုဟု အယ်ပရောဖက် နွေယော-ကံဟု မွေဂီးထတ်မာ နေဂေ့ဒူးဟု သူးနီလေဟို ညှဉ်းဆဲဟားကြောန့် ဖြစ်ဟုယ်။ 11 အယ်ဘီးနု သောင်းရစ်ခွဲ ကြာဟားဟူ ခီမာ ဘုရားသခင်နားဟု သတ်ဝိညာဉ်ဟု အယ်သူလေထဲဟို ဝမ်ဟားဘီး သူးနီဟု ထဘီးဟု မတ်တတ်ရပ်ဂေ့ဟုယ်။ အယ်လူလေဟို ဗြင်ရဟူ သူလေဟု ရရာတိုင်း ကြော-ကံဂေ့ဟုယ်။ 12 အယ်ခီမာ ကောန်းဂန်ဟု ရရာတိုင်း ကီးဟူ သံဟု “အယ်နေရာဟို တတ်လာဂေ့ပါ” ဆိုဘီး အယ်လူ နွေယော-ကံဟို ပြောဇာဟူ ကြားဟူ ခီမာ သူးနီဟု မိုးတီနု ကောန်းဂန်ဘောင်ဟို တတ်ဟားဂေ့ဟုယ်။ သူးနီရဲ့ ရန်သူလေဟု သူးနီဟို ကေ့နေဂေ့ဟုယ်။ 13 အယ်ခီနာရီမာဘဲ ရရာတိုင်း ကြမ်းဟူ မွေဂီးလောက်ဟူ ခီမာ မြို့ဆယ်ပေါင် တပေါင်ဟု ပြိက္ကဟားဟုယ်။ အယ်မျိုး မွေဂီးလောက်ရှင်းကြောန့် လူ ၇,၀၀၀ သေဂေ့ဟုယ်။ ကျန်ရစ်ဟူ သူလေဟု ရရာတိုင်း ကြော-ကံဘီး ကောန်းဂန်ဘောင်ဟု ဘုရားသခင်ရဲ့ နာမတော်နု ဂေါင်တော်ဟို ချီးမွမ်းဂေ့ဟုယ်။ 14 ဒုတိယ အမင်္ဂလာ လွန်ဟားဘီး။ တတိယ အမင်္ဂလာ ပြန်ပြန်ဟား ရော-ကံလာလေမယ်။ 15 သတ္တမ ကောန်းဂန်တမန်ဟု တံပိုးမှုလိုက်ဟူ ခီမာ ကောန်းဂန်ဘောင်မာ ရရာတိုင်း ဣယ်ဟူ သံဟု ပေါ်လာဘီး၊ “ကမ္ဘာလောကဟု နို့လေရဲ့ ဘုရားသခင်နု ခရစ်တော် ပိုင်ဟူဇာ ဖြစ်ဟားဘီး။ ကိုယ်တော်ဟုလည်း ကမ္ဘာဆစ်ဆစ် အောက်ချောက်လေမယ်” ဆိုဘီး ပြောဟုယ်။ (aiōn g165) 16 အယ်ခီမာ ဘုရားသခင်ရှေမာ ပလ္လင်ထတ်မာ ထိုင်နေဂေ့ဟူ သတ်ကီးဟူသူ ၂၄ ပါးဟု ဘုရားသခင်ဟို ပျပ်ဝပ်ကိုးကွယ်ဘီး၊ 17 “ခုရှိဘီး ရင်းရင်းဒူးဟုလည်းရှိဟူ အနန္တတဂိုးရှင် ဘုရားသခင်! ကိုယ်တော်ဟု မဟာတဂိုးတော်ဟို သောင်းပြုဘီးဟု လောကဟို အောက်စိုးဟူကြောန့် ကျေးဇူးတော်ဟို ချီးမွမ်းပါဟုယ်။ 18 ကိုယ်တော်ရဲ့ မျစ်ဒေါသ ရော-ကံလာဟူ ကာလရော၊ သေဟားဟူ သူလေဟို တရားစီရင်ဟူ ကာလရော၊ ခုခီမာ ဣရော-ကံလာဘီ ဖြစ်ဟူကြောန့် လူမျိုးခြား ဂူလောင်းဟု မျစ်ဒေါသထွပ် ဂေ့ဟုယ်။ ကိုယ်တော်ရဲ့ စေခံ ပရောဖက်လေ၊ ကိုယ်တော်ရဲ့ သန်ရှင်းဟူ သူလေ၊ ကိုယ်တော်ရဲ့ နာမတော်ဟို ကြော-ကံဘီး ရိုသေဟူသူ ကီးလေ ငယ်လေဟု ဆုလာဘ်ဟို ယူဟိုတွင် ဒီကာလရော၊ မွေဂီးဟို ဖျစ်စီးဟူ သူလေဟို ဖျစ်ဆီးဟို ဒီကာလရော ရော-ကံလာဘီ” ဆိုဘီး ဘုရားသခင်ဟို လျော့-ကံဟားဂေ့ဟုယ်။ 19 အယ်ဘီးနု ကောန်းဂန်ဘောင်မာ ရှိဟူ ဘုရားသခင်ရဲ့ ဗိမာန်တော်ဟု ပွင့်ဟားဘီး ဗိမာန်တော်ထဲမာ ကိုယ်တော်ရဲ့ ပဋိညာဉ် သစ်တာဟို ဗြင်ရဟုယ်။ လန့်စစ်ဖွတ်ဇာ၊ သံဗြယ်ဇာ၊ မိုးချောင်းဇာ၊ မွေဂီးလောက်ဇာနု ရရာတိုင်း ကီးဟူ မိုးသီးဣဇာလေ ဖြစ်လေဟုယ်။

12 အယ်ဘီးနု ကောန်းဂန်မာ ရရာတိုင်း ကီးဟူ နိမိတ်လတ်ခဏာ တွိရဟုယ်။ မီးမတယော-ကံဟု နေဟို ဝတ်ဘီး လဟို ခေအော့-ကံမာ နန်းဟားဘီး ခေါန်းထတ်မာ ကြယ်ဆယ့်နှေလောင်းပါဟူ သရဖူဟို ဆောင်းဟားဟုယ်။ 2 အယ်မီးမဟု ပိုက်ပိုက်နေဘီး သားမွီးဟူ ဝေဒနာကြောန့် အော်ဘီး သားမွီးဟိုတွင် ရရာတိုင်း ခံစားနေရဟုယ်။ 3 ကောန်းဂန်မာ တခြား နိမိတ်လတ်ခဏာဟို ဗြင်ရဟုယ်။ ခေါန်းခွန်နစ်လောင်းနု ချိုဆယ်ရှောန်းရှိဘီး သူရဲ့ ခေါန်းထတ်မာ

သရဖူ ခွန်နစ်ခုဟို ဆောင်းဟားဘီး နီရဲနေဟူ နဂါးဂီး တကောန်ရှိဟယ်။ 4 သူ့ရဲ့ဗွီးဟာ ကောန်းဂန်မာ ရှိဟူကြယ် သောင်းစုတစုဟို ဆွဲဘီး မွေဂီးထတ်ဟို ပစ်ခွဲလိုက်ဟယ်။ နဂါးဟာ သားမွီးခါနီး ဖြစ်နေဟူ မီးမရှေ့မာရပ်ဘီး သားမွီးဟူ ခီမာ သူ့ရဲ့သားဟို မျိုဟွိုတွပ် စောင့်နေဟယ်။ 5 အယ်မီးမဟာ လူမျိုးဘောင်းဇောင်ဟို သံလုံတံန အောက်စိုးရဟူ ယော-က်ကျားသားဟို မွီးဟယ်။ အယ်သားဟာ ဘုရားသခင်နားဟိုရော၊ ပလ္လင်နားဟိုရော၊ ဒီဆောန်ရှင်းဟို ခံရဟယ်။ 6 အယ်မီးမဟလည်း တောကန္တရထဲဟို ထွပ်ပွေးရဟယ်။ အယ်တောထဲမာ ရစ်ပေါင်း ၁၂၆၀ လောင်းလောင်း သူဟို ကော့ဘီး စောန်ရှော-က်ဟိုတွပ် ဘုရားသခင် ပြင်ဆင်ဟားဟူ နေရာ တနေရာ ရှိဟယ်။ 7 အယ်ဘီးန ကောန်းဂန်မာ စစ်ဖြစ်ဟယ်။ မိကျောလန သူ့ရဲ့ ကောန်းဂန်တမန်လေဟာ နဂါးဟို တိုက်ဂေဟယ်။ နဂါးနသူ့ရဲ့ စေတမန်လေဟာ ပွန်ဘီးတိုက်ဂေဟူ ခီမာ 8 နိုင်ဂေဟူ။ ကောန်းဂန်မာလည်း သူးနိုတွပ်နေရာ မေ့ဟမ်း။ 9 အယ်ခီမာ တကမ္ဘာလောင်းဟို လှည့်ဇားဘီး စာတန်မာရ်နတ် နာမယ်ရှိဟူ ရှေးဗွီဟောန်ဖြစ်ဟူ နဂါးဂီးဟို မွေဂီးထတ်ဟို ပစ်ခွဲရှင်းဟို ခံရဟယ်။ သူ့နတူးဒု သူ့ရဲ့ စေတမန်လေဟလည်း ပစ်ခွဲရှင်းဟို ခံရဂေဟယ်။ 10 အယ်ဘီးန ကောန်းဂန်ဘောင်မာ ရရာတိုင်း ကွယ်ဟူသံဟ “နိုလေဘုရားသခင်ရဲ့ ကယ်တန်ရှင်း၊ တဂိုး၊ နိုင်တော်န ခရစ်တော်မာရှိဟူ အာဏာစစ်လေဟာ ခုပေါ်လေဘီ။ ဖြားဖြစ်ကြောန်နူးဆိုဟာ နိုလေရဲ့ ညီကိုလေဟို စွပ်စွဲဟူသုဖြစ်ဟူ နိုလေရဲ့ ဘုရားသခင်ရှေ့မာ နေရာညဉ့်ရော သူးနိုဟို စွပ်စွဲဟူ သူဟာ ပစ်ခွဲရှင်းဟို ခံရလေဟယ်။ 11 ညီကို မောန်နုမလေဟာ သိုးသားဂန်းဟားရဲ့ သွီးတော်အားဖြင့်ရော၊ ကိုယ့်ကိုယ်ကိုယ် သတ်သေခံဟူ စကားတော်အားဖြင့်ရော သူဟို အောန်နိုင်ဂေဟယ်။ သူးနိုဟာ သေခံရအောန်ထိ သူးနိုရဲ့ သတ်ဟို ပြောဂေဟူ။ 12 အယ်ကြောန် ကောန်းဂန်ဘောင်န ကောန်းဂန်ဘောင်မာ စံမြန်းဟူ သူလေ ရရာတိုင်း ဝန်းသာဂေပါ။ မွေဂီးန ပန်လယ်လေဟာ အမင်္ဂလာရှိဂေဟယ်။ ဖြားဖြစ်ကြောန်နူးဆိုဟာ မာရ်နတ်ရဲခီဟာ ရှစ်ဟားဘဲရှိဟူ ကြောန်းဟို သိဟူကြောန် ရရာတိုင်း ဒေါသန နန်းနိုးဟို ဆင်းလာဘီ” ဆိုဘီး ပြောဇာဟို ငါကြားရဟယ်။ 13 နဂါးဟာ မွေဂီးထတ်ဟို ပစ်ခွဲခံရရှင်းဟို သိဟူ ခီမာ ယော-က်ကျားသားဟို မွီးဟူ မီးမဟို ရှာဘီးဟာ ညည်းဆဲလေဟယ်။ 14 အယ်ဘောမဲ့ အယ်မီးမဟာ တောကန္တရထဲမာ ရှိဟူ သူ့ရဲ့ နေရာဟို ပွန်ဘီး သွားနိုင်ဟိုတွပ် ရရာတိုင်း ကီးဟူ လင်းယောင်ရဲ့ တောန်နေခူဟို ရဟားဟယ်။ သူဟာ အယ်နေရာမာ ဗွီလတ်ဟုနေ လွတ်ဟိုတွပ် သောင်းနှစ်ခွဲ လောင်းလောင်း ပြုစုစောန်ရှော-က်ရှင်းဟို ခံရဟယ်။ 15 ဗွီဟာ အယ်မီးမဟို ရေန မျောပါဟိုတွပ် သူ့ရဲ့ ဇပ်ပေါ-က်ထဲဟုနေ ရေဟို ဖွတ်ရေစီးမျိုး သူ့ရဲ့ ဇပ်ပေါ-က်ထဲဟု မှုထုလိုက်ဟယ်။ 16 အယ်ဘောမဲ့ မွေဂီးဟာ အယ်မီးမဟို ကူညီပေးဟယ်။ မွေဂီးဟာ သူ့ရဲ့ ဇပ်ပေါ-က်ဟို ဖွပ်ဘီး နဂါးရဲ့ ဇပ်ပေါ-က်ထဲဟု မှုထုလိုက်ဟူ ဖွတ်ရေဟို မျိုခွဲလိုက်ဟယ်။ 17 အယ်ခီမာ နဂါးဟာ အယ်မီးမဟို ဒေါသထွပ်ဘီး ဘုရားသခင်ရဲ့ ပညတ်တော်လေဟို စောန်ထီးဟူ သူလေန ယေရှုန ဆိုင်ဟူ၊ သတ်သေခံချစ်လေဟို ရဟားဟူ သူလေ ဖြစ်ဂေဟူ၊ အယ်မီးမရဲ့ မျိုးနွယ်ထဲဟု ကျန်နေဟူ သူလေဟို စစ်တိုက်ဟိုတွပ် ထွပ်ဟားဘီး။

13 နဂါးဟာ ပန်လယ်ရဲ့ သဲပွန်မာ ရပ်နေဟယ်။ အယ်ဘီးန ချိုဆယ်ရှောန်းန ခေါင်းခွန်နစ်လောင်းရှိဟူ သားရဲတကောန်ဟာ ပန်လယ်ထဲဟု တတ်လာဇာဟို ငါပြင်ရဟယ်။ အယ်ချိုလေထတ်မာ သရဖူဆယ်ခွရှိဘီး သူ့ရဲ့ ခေါင်းတလောင်းစီမာ ဘုရားသခင်ဟို စော်ကားတတ်ဟူ နာမယ်လေရှိဟယ်။ 2 ငါပြင်ရဟူ အယ်သားရဲဟာ ကွားသစ်တကောန်နတူဟယ်။ သူ့ရဲ့ ခေဟာ ဝပ်ဝံခေမျိုးဖြစ်ဘီး သူ့ရဲ့ ဇပ်ပေါ-က်ဟာ ခြသေ့ဇပ်ပေါ-က်မျိုး ဖြစ်ဟယ်။ နဂါးဟာ သူ့ရဲ့ တဂိုးလေ၊ ပလ္လင်လေ ရရာတိုင်းကီးဟူ ခွမ်အာဏာလေဟို သူဟို ပေးလေဟယ်။ 3 အယ်သားရဲရဲ့ ခေါင်းတလောင်းဟာ သေအောန်သတ်ခံရဟူမျိုး ဖြစ်ဘောမဲ့ သေစေတတ်ဟူ နာပျော-က်ဟားလေဟယ်။ အယ်ခီမာ တကမ္ဘာလောင်းဟာ အံ့ဩဘီး အယ်သားရဲနေ-က်ဟို လိုက်ဂေဟယ်။ 4 နဂါးတကောန်ဟာ သားရဲဟို ခွမ်အာဏာပေးဟူကြောန် သူးနိုဟာ နဂါးဟို ကိုးကွယ်ဂေဟယ်။ သူးနိုဟ “ဖယ်သူဟာ သားရဲနတူနူး။ ဖယ်သူဟာ သူဟို တိုက်နိုင်ဟိုနူး” ဆိုဘီး သားရဲဟိုလည် ကိုးကွယ်ဂေဟယ်။ 5 အယ်သားရဲဟာ ရရာတိုင်းကြားဘီး ဘုရားသခင်ဟို စော်ကားတတ်ဟူ ဇာတ်ပေါ-က်ရှိဘီး လေးဆယ့်နှေလ လောင်းလောင်း အောက်စိုးဟူခွမ်ဟို ရဟားဟယ်။ 6 အယ်ခီမာ

သူ့ရဲ့ ဇာတ်ပေါ့- က်ဟို ဖွင့်ဘီး ဘုရားသခင်ဟို စော်ကားဟူ စကားဟိုပြောဘီး ကိုယ်တော်ရဲ့ နာမတော်ဟိုရော၊ ကိုယ်တော်ရဲ့ တဲတော်ဟိုရော၊ ကောန်းဂန်ဘောင်မာ စံမြန်းဟူ သူလေဟိုရော ပြစ်မှားဘီး ပြောဟယ်။ 7 သူဟာ သန်ရှင်းဟူသူလေဟို စစ်တိုက်ဘီး အောန်နိုင်ဟွားဟူကြောန့် မျိုးနွယ်စုလေ၊ လူမျိုးလေ၊ ဘာသာစကားနု တိုင်းနိုင်ငံတိုင်းမာရှိဟူ လူလေဟို အောက်စိုးဟူ ခွမ့်ဟိုလည်း ရဂေဟယ်။ 8 သေသတ်ရှင်းဟို ခံရဟူ သိုးသားဂန်းဟွားရဲ့ သတ်စာစောန်မာ ကမ္ဘာဦးဟုနေစဘီး နာမယ်ရေးဟွားဘဲဟူ၊ မွေဂီးထတ်မာ နေဂေဟူသူလေ ဂူလောင်းဟာ အယ်သားရဲဟို ကိုးကွယ်ဂေလေဟယ်။ 9 “နားရှိဟူသူလေ ကြားပါစေ။ 10 ဖမ်းခံရဟူသူဟာ ဖမ်းခံရဟိုဘဲ ဖြစ်ဟယ်။ ထားနသတ်ခံရဟူသူဟာ ထားနသတ်ခံရဟိုဘဲ ဖြစ်ဟယ်။ အယ်နေရာမာ သန်ရှင်းသူလေရဲ့ သီးခံရှင်းနု သစ်စာစောန်ရှင်းလေ ရှိဂေဟယ်။” 11 အယ်ဘီးနု မွေဂီးထဲဟု ထွပ်လာဟူ တခြားသားရဲတကောန်ဟို ငါပြင်ရဟယ်။ သူဟာ သိုးသားဂန်းဟွားရဲ့ ချုံနုတူဟူ ချုံနေရှောန်းရှိဘီး နဂါးမျိုးဘဲ စကားပြောဟယ်။ 12 အယ်သားရဲဟာ ပထမသားရဲရဲ့ တဂိုးရှိမျှဟို သူ့ရဲ့ရှေ့မာသောင်းဘီး သေတတ်ဟူ၊ နာပျော့- က်ဟွားဟူ ပထမသားရဲတကောန်ဟို မွေဂီးထတ်မာ နေဂေဟူ သူလေဟာ ကိုးကွယ်ဟိုတွပ် လောက်ဟယ်။ 13 ရရာတိုင်းကီးဟူ နိမိတ်လတ်ခဏာလေဟို လောက်ဘီး လူလေရှေ့မာ ကောန်းဂန်ဟုနေ မွေဂီးထတ်ဟို မီးဟိုကွေစေဟယ်။ 14 သူဟာ ပထမသားရဲတကောန်ရှေ့မာ လောက်ခွမ့်ရဟွားဟူ နိမိတ်လတ်ခဏာလေနု မွေဂီးထတ်မာနေဂေဟူ သူလေဂူလောင်းဟို လှည့်ဖြားဘီး ထားဒန်ရရာဘေမဲ့ သေဘဲနသတ်ရှင်နေဟူ သားရဲရဲရောက်ထုဟို လောက်ဟိုတွပ် မွေဂီးထတ်မာ နေဂေဟူသူလေဟို လောက်ခိုင်းဟယ်။ 15 သားရဲရဲ့ ရောက်ထုဟာ စကားပြောနိုင်ဟိုတွပ်နု သားရဲရဲရောက်ထုဟို ကိုးကွယ်ဘဲဟူသူ ရှိမျှဟို သတ်နိုင်ဟိုတွပ်ရော၊ သားရဲရဲရောက်ထုဟို သတ်သွမ်းပေးနိုင်ဟူခွမ့်ဟို ရလေဟယ်။ 16 လူဂီးရော၊ လူငယ်ရော၊ ကြွယ်ဝဟူသူရော၊ ဆင်းရဲဟူသူရော၊ လွတ်လတ်ဟူသူရော၊ ကျွန်ဖြစ်ဟူသူရော၊ လူလေ ဂူလောင်းဟို သူးနီရဲ့ ညာလတ်မာရော၊ ဖူးထတ်မာရော ဇီခတ်ခိုင်းဘီး 17 သားရဲရဲနာမယ် အယ်မျိုးမှဘဲနေဟာ ကိုယ်စားပြုဟူ ဂဏန်းဟို ဇီခတ်ရှင်း မွေဘဲဟူသူဟို ရောန်းဝယ်လောက်ဘဲဟိုတွပ် စီရင်ဟွားဟယ်။ 18 အယ်နေရာမာ ဉာဏ်ပညာရှိဟိုတွပ် လိုအပ်ဟယ်။ ထိုးထွင်းဟူ ဉာဏ်ရှိဟူသူဟာ သားရဲရဲ့ ကိန်းဂဏန်းဟို တွပ်ချစ်ပါစေ။ ဖြားဖြစ်ကြောန့်နုဆိုဟာ အယ်ဇာဟာ လူတယော့- က်ရဲ့ ကိန်းဂဏန်းဖြစ်ဘီး အယ်ကိန်းဂဏန်းဟာ ၆၆၆ ဖြစ်ဟယ်။

14 အယ်ဘီးနု ငါကျေလိုက်ဟူ ခီမာ သိုးသားဂန်းဟွားဟာ ဇီအုန်တောန်ထတ်မာ ရပ်နေဟယ်။ သိုးသားဂန်းဟွားရဲ့ နာမနု ဖဘုရားသခင်ရဲ့ နာမလေဟို သူးနီရဲ့ ဖူးမာရေးဟွားဟူသူ ၁၄၄,၀၀၀ လေဟာ သိုးသားဂန်းဟွားနု တူးဒုရှိနေဂေဟယ်။ 2 အယ်ဘီးနု ရေကဒန်ဟုကွဟူ ရေသံနရော၊ ရရာတိုင်းကွယ်ဟူ မိုးကြိုးသံနတူဟူ ကောန်းဂန်ဟုသံဟို ငါကြားရဟယ်။ ငါကြားရဟူ အယ်သံဟာ စောန်းသမားလေဟာ သူးနီလေရဲ့ စောန်းလေဟို တီးနေဟူ သံနလည်းတူဟယ်။ 3 သူးနီဟာ ပလွင်ရှေ့မာရော၊ သတ္တဝါလေးပါးနု သတ်ကီးဝါဂီးလေရဲ့ ဇာတ်ပေါ့- က်လေ ရှေ့မာရော ချင်းသစ်ဟို ဆိုဂေဟယ်။ မွေဂီးထတ်မာ ဝီးကော့- က်ဘီး ကယ်တန်ခံရဟူသူ ၁၄၄,၀၀၀ ဟု လွဲဘီးဟာ ဖယ်သူလည်း အယ်ချင်းဟို သန်ယူနိုင်ဟူ။ 4 အယ်သူလေဟာ မီးမလေနု ညစ်ညူးစေဘဲဟူ သူလေဖြစ်ဂေဟယ်။ ဖြားဖြစ်ကြောန့်နုဆိုဟာ သူးနီဟာ လူပျိုစစ်စစ်ဖြစ်ဂေဟယ်။ သူးနီဟာ သိုးသားဂန်းဟွား သွားဟူနေရာဟို လိုက်ဂေဟူသူလေ ဖြစ်ဂေဘီး ဘုရားသခင်နု သိုးသားဂန်းဟွားတွပ် ဦးသီးဖြစ်ဘီး လူလေထဲမာ ဝီးကော့- က်ခံရဟူ သူလေဖြစ်ဂေဟယ်။ 5 သူးနီရဲ့ ဇေပေါ့- က်မာ လီညာရှင်း မွေဟူ။ သူးနီဟာ ပြစ်တန်ဇာမွေဘဲသူလေ ဖြစ်ဂေဟယ်။ 6 အယ်ဘီးနု တခြားကောန်းဂန်တမန် တပါးဟာ ကောန်းဂန်လယ်မာ ပွန်နေဇာဟို ငါပြင်ရဟယ်။ သူဟာ မွေဂီးထတ်မာနေဂေဟူ သူလေဖြစ်ဟူ တိုင်းနိုင်ငံ၊ မျိုးနွယ်စု၊ ဘာသာစကား ဘောန်းဇောင်ပြောဂေဟူ လူမျိုးလေဟို ဟောပြောဟိုတွပ် ထာဝရတည်ဟူ၊ ကောန်းမြတ်ဟူ ဒန်းကောန်းဟို ယူဆောန်လာဟယ်။ (aiōnios g166) 7 အယ်ကောန်းဂန်တမန်ဟု “ဘုရားသခင်တရားစီရင်ဟူ ခီဟာ ကွလာဘီးဖြစ်ဟူကြောန့် ကိုယ်တော်ဟို ကြော့- က်ဂေဘီး ဂေါင်သရေဟို ချီးမွမ်းဂေပါ။ ကောန်းဂန်၊ မွေဂီး၊

ပန်လယ်န စမ်းရေလေဟာ ဖန်ဆင်းရှင်ဟို ကိုးကွယ်ဂေ့ပါ” ဆိုဘီး ရရာတိုင်းကွယ်ဟူသံန ကြွေးကြော်လေဟယ်။
8 အယ်ဘီးန ဒုတိယကောန်းဂန်တမန်ဟာ လိုက်လာဘီး “တရားဘဲဟူမေထုန် မှားယွင်းဟူကြောန့် ရရာတိုင်း ပြင်းထန်ဟူ ဒေါသစပျစ်ဝိုင်းဟို လူမျိုးဂူလောင်းဟို တိုက်ဟူ ဗာဗုလုန်မြို့ဂီးဟာ ပြိုကွဲဟူးဘီး၊ ပြိုကွဲဟူးဘီး” ဆိုဘီး ကြွေးကြော်လေဟယ်။ 9 နေ့-ကံထပ် တတိယ ကောန်းဂန်တမန်ဟာ သူးနို့နေ့-ကံဟာ လိုက်လာဘီး၊ “သားရဲန သူးနို့ရဲ ရောက်ထုဟို ကိုးကွယ်ဘီး သူးနို့ရဲ ဖူးမာဖြစ်စေ၊ လတ်မာဘဲဖြစ်စေ သူရဲဇီဟို ခံဟူသူလေဟာ 10 ဘုရားသခင်ရဲ့ မျစ်တော်ဖလားဟု ရရာတိုင်း ပြင်းထန်ဟူ မျစ်တော် စပျစ်ဝိုင်းဟို သော့-ကံရလေမယ်။ အယ်သူလေဟာ သန်ရှင်းဟူ ကောန်းဂန်တမန်လေန သိုးသားဂန်းဟူးရဲ့ ရှေ့မာ ကန်နရောဟူးဟူ မီးထဲမာ ညဉ့်ဆဲရှင်းဟို ခံရလေမယ်။ 11 သူးနို့ ညဉ့်ဆဲခဲရှင်းရဲ့ မီးခိုးဟာ ကမ္ဘာဆစ်ဆစ် တတ်ဘီးနေဟယ်။ သားရဲန သူရဲ ရောက်ထုဟို ကိုးကွယ်ဘီး သူးနာမယ်ရဲ့ ဇီဟို ခံယူဟူသူလေဟာ နေ့ရောညဉ့်ရော သတ်သာရဟို မှဟူ” ဆိုဘီး သံကွယ်ဂီးန ကြွေးကြော်လေဟယ်။ (aiōn g165) 12 အယ်နေရာမာ ဘုရားသခင်ရဲ့ ပညတ်တော်လေဟိုရော၊ ယေရှုဟို ယောင်ကြည်ရှင်းဟိုရော၊ စောနထီးဟူ သန်ရှင်းသူလေရဲ့ သီးခဲရှင်း ရှိဟယ်။ 13 အယ်ဘီးန ကောန်းဂန်ဘောင်ဟုသ်ဟာ “ရေးဟူးလိုက်။ ခုဟုစဘီး သခင်ဘုရားရဲ့ မှဟိုဆောနဘီး သေဟူးဟူ သူလေဟာ မင်္ဂလာရှိဟယ်!” ဆိုဘီး ပြောဇာဟို ငါကြားရဟယ်။ ဝိညာဉ်တော်ဟုလည်း “မှန်ဟယ်! သူးနို့ဟာ ဆင်းရဲပန်ဗန်းဘီး လောက်ဆောန့်ရှင်းဟုနေဘီး နားယူရဟူခွဲဟို ရဂေ့လေမယ်။ ဖြားဖြစ်ကြောန့်နုဆိုဟာ သူးနို့လောက်ဆောန့်ဟူ ကျိုးလေဟာ သူးနို့နုတူးဒု ပါလိုက်ဟူးကြောန့် ဖြစ်ဟယ်” ဆိုဘီး မိန့်တော်မူလေဟယ်။ 14 နေ့-ကံတခါ ငါကေလိုက်ဟူခီမာ ဖျူဟူမိုးတီရှိဘီး အယ်မိုးတီထတ်မာ ခေါန်းထတ်မာ ရွှေသရဖူဟို ဆောနီးဘီး လတ်မာ ရရာတိုင်း ထတ်ဟူဇင်ဟို ကိုင်ဟူးဟူ လူသားနတူဟူ တယော့-ကံဟာ ထိုင်နေဟယ်။ 15 အယ်ဘီးန တခြားကောန်းဂန်တမန် တပါးဟာ ဗိမာန်တော်ထဲဟု ထွပ်လာဘီး မိုးတီထတ်မာ ထိုင်နေဟူသူဟို “မွေဂီးထတ်မာ ရိရဟိုဇာလေဟာ မုညဟူးဘီးဖြစ်ဟူကြောန့် ရိသီးဟိုတွပ် ဒီကွဟူးဘီး ဖြစ်ဟူကြောန့် ကိုယ်တော်ရဲ့ ဇင်ဟိုလွတ်ဘီး ရိသီးပါ” ဆိုဘီး ရရာတိုင်း ကွယ်ဟူသံန ကြွေးကြော်လေဟယ်။ 16 အယ်ခီမာ မိုးတီထတ်မာ ထိုင်နေဟူသူဟာ သူရဲ ဇင်ဟို မွေဂီးဟို သွမ်းလိုက်ဘီးဟာ မွေဂီးဟာ ရိသီးရှင်းဟို ခံရလေဟယ်။ 17 အယ်ဘီးန တခြားကောန်းဂန်တမန် တပါးဟာ ကောန်းဂန်မာရှိဟူ ဗိမာန်တော်ထဲဟု ထွပ်လာဟယ်။ သူမာလည်း ရရာတိုင်း ထတ်ဟူဇင် ပါဟယ်။ 18 အယ်ဘီးန မီးဟိုအောက်စိုးဟူ တခြားကောန်းဂန်တမန်တပါးဟာ ယဇ်ပလွင်ထဲဟု ထွပ်လာဘီး ရရာတိုင်း ထတ်ဟူဇင်ပါဟူသူဟို “စပျစ်သီးလေ မုညဟူးဘီး ဖြစ်ဟူကြောန့် နန်ရဲ့ ရရာတိုင်း ထတ်ဟူဇင်ဟို လွတ်ဘီး မွေဂီးထတ်မာရှိဟူ စပျစ်ခိုင်လေဟို ရိသီးလိုက်” ဆိုဘီး ရရာတိုင်း ကွယ်ဟူသံန ပြောလေဟယ်။ 19 အယ်ကောန်းဂန်တမန်ဟုလည်း သူရဲဇင်ဟို မွေဂီးထတ်မာ သွမ်းလိုက်ဘီး မွေဂီးထတ်ဟု စပျစ်ပန်လေဟို ရိသီးဘီး ဘုရားသခင်ရဲ့ ရရာတိုင်းပြင်းဟူ ဒေါသနဆိုင်ဟူ၊ ရရာတိုင်းဂီးဟူ စပျစ်သီးနယ်ဟူ တွမ်းထဲဟို လွန်ခွဲလိုက်ဟယ်။ 20 မြို့ပုန်မာရှိဟူ စပျစ်သီးနယ်ဟူ တွမ်းမာ နန်းလိုက်ဟူ ခီမာ သွီးဟာ အယ်စပျစ်သီးနယ်ဟူ တွမ်းထဲဟု စီးထွပ်လာဘီး ဗြင်းရဲ့ ဇစ်ကြိုးထိမိဘီး ၁၈၄ မိုင်လော့-ကံထိ ပုံနွဲဟူးလေဟယ်။

15 အယ်ဘီးန ကောန်းဂန်မာ ရရာတိုင်း ကီးဘီး အံ့သြဇာကောန်းဟူ တခြားနိမိတ်လတ်ခဏာဖြစ်ဟူ နေ့-ကံဆောင်းဘေးဒန် ခွန်နစ်မျိုးရှိဟူ ကောန်းဂန်တမန် ခွန်နစ်ပါးဟို ငါပြင်ရဟယ်။ အယ်ဘေးဒန်လေအားဖြင့် ဘုရားသခင်ရဲ့ ရရာတိုင်း ပြင်းဟူ ဒေါသဟာ ပွဲဇောင်လေမယ်။ 2 နေ့-ကံထပ် မီးနရောဟူးဟူ ဖန်ပန်လယ်မျိုးဇာဟိုရော၊ သားရဲတကောန်ဟာ သူရဲ ရောက်ထုနု သူးနာမယ်ရဲ့ ကိန်းဂဏန်းဟို နိုင်ရဟူးဟူ သူလေဟာ ဘုရားသခင်ရဲ့ စောန်းလေဟို ကိုင်ဆောန့်ဘီးဟာ အယ်ဖန်ပန်လယ်ထတ်မာ ရပ်နေဂေ့ဟူဇာဟိုရော ငါပြင်ရဟယ်။ 3 သူးနို့ဟာ ဘုရားသခင်ရဲ့စေခံ မောရေရဲချင်းန သိုးသားဂန်းဟူးရဲ့ ချင်းဟို ဆိုဘီး “အနန္တတဂိုးရှင်ဘုရားသခင်၊ ကိုယ်တော်လောက်ဟူ မူလေဟာ ရရာတိုင်း ကီးမြတ်ဘီး အံ့သြဘွယ် ကောန်းပါဟယ်။ လူမျိုးဘောင်းဇောင်လေရဲ့ မန်းဂီး၊ ကိုယ်တော်ရဲ့ နည်းလမ်းလေဟာ ရရာတိုင်း မှန်ပါဟယ်။ 4 အို၊ ဘုရားသခင်၊ ကိုယ်တော့ဟို ကြော့-ကံဘီး ရိုသေဘဲန နာမတော်ဟို

ချီးမွမ်းဘဲ ဖယ်သူဟု နေနိုင်ဟိန္န။ ကိုယ်တော်တပါးဘဲ သန့်ရှင်းစင်ကြယ်ပါဟုယ်။ ကိုယ်တော်စီရင်ဟူ မူလေဟာ တရားမျှတကြောင်းဟို့ ထန်ရှားနေဟူကြောင့် လူမျိုးဂူလောင်းဟာ ရှေ့တော်ဟို့ လာဘီးဟာ ပျပ်ဝပ်ကိုးကွယ် ဂေလေမယ်” ဆိုဘီး ပြောနေဂေဟုယ်။ 5 အယ်ဘီးန ငါကော့လိုက်ဟူ ခီမာ ကောန်းဂန်ဘောင်မာရှိဟူ သတ်သေခံချစ် တဲတော်ရှိဟူ ဗိမာန်တော်ဟာ ဖွင့်ဘီးရှိနေဟုယ်။ 6 ဘေးဒန်ခွန်နစ်မျိုးဟို့ ယူဆော်လာဟူ ကောန်းဂန်တမန်ခွန်နစ်ပါးဟာ အယ်ဗိမာန်တော်ထဲဟု ထွပ်လာဂေဟုယ်။ သူးနို့ဟာ စင်ကြယ်တော့-ကပ်ဟူ ပိချောဟို့ ဝတ်ဟားဘီး ရင်ဖတ်မာ ရွှေရင်စည်းဟို့ စည်းဟားဟုယ်။ 7 အယ်ဘီးန သတ္တဝါလေးပါးထဲဟု တပါးဟာ ကမ္ဘာဆစ်ဆစ် သတ်ရှင်ဟူ ဘုရားသခင်ရဲ့ ရရာတိုင်း ပြင်းဟူဒေါသန ပွဲနေဟူ ရွှေဖလား ခွန်နစ်လောင်းဟို့ အယ်ကောန်းဂန်တမန်လေဟို့ ပေးလေဟုယ်။ (aiṭh g165) 8 ဗိမာန်တော်ဟာ ဘုရားသခင်ရဲ့ ဖောင်းသရေတော်န တဂိုးတော်လေဟုနေ ထွပ်လာဟူ မီးခိုးလေန ပွဲနေဟူကြောင့် ကောန်းဂန်တမန် ခွန်နစ်ပါးဟာ ဘေးဒန်ခွန်နစ်မျိုး မပီးမရှင်း ဖယ်သူလည်း ဗိမာန်တော်ထဲဟို့ ဝမ်နိုင်ဂေဟု။

16 အယ်ဘီးန ဗိမာန်တော်ထဲဟု ရရာတိုင်း ကွယ်ဟူသံဟု “သွားဂေပါ။ ဘုရားသခင်ရဲ့ ရရာတိုင်း ပြင်းဟူ မျစ်တော်ဖလား ခွန်နစ်လောင်းဟို့ မွေဂီးထတ်ဟို့ လွန်းလွဲလိုက်ပါ” ဆိုဘီး ကောန်းဂန်တမန် ခွန်နစ်ပါးဟို့ ပြောဇာဟို့ ငါကြားရဟုယ်။ 2 ပထမကောန်းဂန်တမန်ဟာ သွားဘီး သူရဲ့ ဖလားဟို့ မွေဂီးထတ်ဟို့ လွန်းလွဲလိုက်ဟူ ခီမာ သားရဲတကောန်ရဲ့ ဇိရှိဟူသူန သူရဲ့ ရောက်ထုဟို့ ကိုးကွယ်ဟူသူလေမာ ရရာတိုင်း ဆိုးဟူ အိုင်းနာလေ ပေါ-ကလေဟုယ်။ 3 ဒုတိယကောန်းဂန်တမန်ဟာ သူရဲ့ ဖလားဟို့ ပန်လယ်ထတ်ဟို့ လွန်းလွဲလိုက်ဟူ ခီမာ ရေဟာ သေဟားဟူလူလေရဲ့ သွီးမျိုးဖြစ်ဘီး ပန်လယ်ထဲမာရှိဟူ သတ်ရှိဟူ လိဆန်ဂူလောင်း သေဂေဟုယ်။ 4 တတိယကောန်းဂန်တမန်ဟာ သူရဲ့ ဖလားဟို့ မွတ်လေန စမ်းရေလေထတ်ဟို့ လွန်းလွဲလိုက်ဟူ ခီမာ ရေဟာ သွီးဖြစ်ဟားလေဟုယ်။ 5 အယ်ခီမာ ရေနဆိုင်ဟူ ကောန်းဂန်တမန်ဟု “ခုရှိဘီး ရင်ဟုလည်းရှိဟူ သန့်ရှင်းဟူ သခင်၊ အယ်ဇာလေဟို့ ကိုယ်တော်စီရင်ဟူကြောင့် ကိုယ်တော်ဟာ ဖြောင့်မတ်ပါဟုယ်။ 6 ဖြားဖြစ်ကြောင့်ဆိုဟာ အယ်သူလေဟာ သန့်ရှင်းသူလေန ပရောဖက်လေရဲ့ သွီးဟို့ လွန်းဟားဂေဟူကြောင့် ကိုယ်တော်ဟာ အယ်သွီးလေဟို့ သူးနို့ဟို့ သော့-ကပ်ဟို့တွပ် ပေးတော်မူဟုယ်။ သူးနို့ဟာ အယ်မျိုးပံဟို့တွပ် ထိုက်တန်ဟုယ်” ဆိုဘီး ပြောဇာဟို့ ငါကြားရဟုယ်။ 7 အယ်ဘီးန ယဇ်ပလွင်ဟုလည်း “မှန်ပါဟုယ်။ အနန္တတဂိုးန ပွဲဇောင်ဟူ ဘုရားသခင်၊ ကိုယ်တော်ရဲ့ စီရင်ရှင်းလေဟာ မှန်ကန်ဘီး တရားမျှတပါဟုယ်” ဆိုဘီး ပြောဟူဇာဟို့ ငါကြားရဟုယ်။ 8 စတုတ္ထကောန်းဂန်တမန်ဟာ သူရဲ့ ဖလားဟို့ နေထတ်ဟို့ လွန်းလွဲလိုက်ဟူ ခီမာ နေဟာ လူလေဟို့ မီးနလောင်းရဟူ ခွန်ဟို့ရဟုယ်။ 9 လူလေဟာ ရရာတိုင်းပြင်းဟူ ပူရှိကြောင့် နေလောင်းဒန်ဟို့ ခံရဘီး အယ်ဘေးဒန်လေမာ ခွန်အာဏာရှိဟူ ဘုရားသခင်ရဲ့ နာမတော်ဟို့ ကီဆဲဘီး နောင်ဒလည်းရဂေဟု။ ဘုရားသခင်ရဲ့ ဖောင်းသရေတော်ဟို့လည်း ချီးမွမ်းဂေဟု။ 10 ပဉ္စမကောန်းဂန်တမန်ဟာ သူရဲ့ ဖလားဟို့ သားရဲရဲ့ ပလွင်ထတ်ဟို့ လွန်းလွဲလိုက်ဟူ ခီမာ သားရဲရဲ့ နိုင်ငံဟာ မှောန်မိုက်ဟားဘီး လူလေဟာ နာကျင်ဟူဝေဒနာကြောင့် သူးနို့ရဲ့ လျှာလေဟို့ ကိုက်ဂေဟုယ်။ 11 လူလေဟာ သူးနို့ခံရဟူ နာကျင်ဟူဝေဒနာန သူးနို့ရဲ့ အိုင်းနာလေကြောင့် ကောန်းဂန်ဘောင်ရဲ့ ဘုရားသခင်ဟို့ ကီဆဲဂေဘီး သူးနို့ လောက်ဟူမူလေတွပ် နောင်ဒရဂေဟု။ 12 ဆဋ္ဌမကောန်းဂန်တမန်ဟာ သူရဲ့ ဖလားဟို့ ရရာတိုင်း ကီးဟူ ဥဖရတ်မွတ်ထတ်ဟို့ လွန်းလွဲလိုက်ဟူ ခီမာ ရှေ့ပြည်ဟု မန်းဂီးလေတွပ် လမ်းဟို့ ပြင်ဆင်ပေးဟို့တွပ် မွတ်ရေဟာ ခန်းဟားလေဟုယ်။ 13 အယ်ဘီးန နဂါးဇပ်ပေါ-ကထဲဟုရော၊ သားရဲတကောန်ရဲ့ ဇပ်ပေါ-ကထဲဟုရော၊ ပရောဖက်တုယောန် ဇပ်ပေါ-ကထဲဟုရော၊ ဖားနတူဘီး ညစ်ညူးဟူ ဝိညာဉ်သောင်းပါး ထွပ်လာဇာဟို့ ငါပြင်ရဟုယ်။ 14 အယ်ဝိညာဉ်လေဟာ နိမိတ်လတ်ခဏာလေ လောက်ဟူ နတ်ဆိုးလေရဲ့ ဝိညာဉ်လေ ဖြစ်ဂေဟုယ်။ အယ်ဝိညာဉ်လေဟာ ကမ္ဘာမာရှိဟူ မန်းဂီးလေဟို့ အနန္တတဂိုးန ပွဲဇောင်ဟူ ဘုရားသခင်ရဲ့ နေရစ်ဂီးမာ စစ်ပွဲတွပ် စုဂေဟို့ အယ်မန်းဂီးလေနားဟို့ ထွပ်ဟားဂေဟုယ်။ 15 “ကော့ကော့၊ ငါဟာ ခိုးလာဟူမျိုး လာမယ်။ ခွေးဗွန်းဗွန်း သွားနေဘီး ကိုယ့်ရဲ့ယှစ်ဟို့ လူလေပြင်ရဘဲနေအောန် ကိုယ့်ရဲ့ဝတ်ဟို့ ထီးသီးဘီး ဒိန်စောန်နေဟူသူဟာ မင်္ဂလာရှိဟုယ်!” 16 အယ်ဘီးန ဝိညာဉ်လေဟာ မန်းဂီးလေဟို့ ဟေပြီစကားန

အာမဒေဒန်ခေါ်ဟူ နေရာမာ စုဝေးရလေ့မယ်။ 17 သတ္တမကောင်းဂန်တမန်ဟာ သူ့ရဲ့ ဖလားဟို အာကာသထဲဟို လွန်းလှိုက်ဟူ ခီမာ ဗိမာန်တော်ထဲမာရှိဟူ ပလ္လင်ထဲဟု ရရာတိုင်း ကွယ်ဟူသံဟု ပေါ်လာဘီး “မူပီးဟားဘီ” ဆိုဘီး ပြောဟယ်။ 18 အယ်ခီမာ လန်စီးလတ်ရှင်း၊ သံပြယ်ရှင်းန မိုးချောက်ရှင်းလေ ဖြစ်လာဘီး ငလျင်လေလည်း ရရာတိုင်း ပြင်းထန်ဘီး လှောက်လေဟယ်။ မွေဂီးထတ်မာ လူဖြစ်လာဟူ ခီဟုစဘီး အယ်မျလော့-က်ကီးဘီး ရရာတိုင်း ပြင်းထန်ဟူ ငလျင်မျိုးဖြစ်ဖူးဟူ။ 19 မြို့ဂီးလေဟာ သောင်းပိုင်းကွဲဟားဘီး လူဘောင်းစောင်နေဟူ တိုင်းနိုင်ငံလေရဲ့ မြို့လေဟာလည်း ပြိုဟားဂေဟယ်။ ဘုရားသခင်ဟာ သူ့ရဲ့ မျစ်တော်နဆိုင်ဟူ ပြင်းထန်ဟူ ဒေါသ စပျစ်ဝိုင်ခွပ်ဟိုပေးဘီး ဗာဗုလုန်မြို့ဂီးဟို ဒီရစေဟယ်။ 20 ကျွန်းရှိမျှဟာ ပျော့-က်ဟားဘီး တောန်လေလည်း တွဲရဂေဟယ်။ 21 ကောင်းဂန်ဟုလည်း ပေါန်တရာလော့-က်လေးဟူ မိုးသီးလေဟာ လူလေထတ်ဟို ကွဲလေဟယ်။ အယ်ဘေးဒန်ဟာ ရရာတိုင်း ပြင်းထန်ဟူကြောန့် လူလေဟာ အယ်မိုးသီးဘေးဒန်ကြောန့် ဘုရားသခင်ဟို ကီဆဲဂေဟယ်။

17 အယ်ဘီးန ဖလားခွန်နစ်လောင်းရှိဟူ ကောင်းဂန်တမန် ခွန်နစ်ပါးထဲဟု တပါးဟာလာဘီး၊ ငါနစကားပြောဘီး “လာပါ၊ ရရာတိုင်းများဟူ ရေထတ်မာထိုင်ဟူ ကောင်းဘဲဟူမီးမဂီး ခံရမယ့် တရားစီရင်ရှင်းဟို နန့်ဟို ငါပြမယ်။

2 မွေဂီးရဲ့ မန်းဂီးလေဟာ သူနတူးဒု တရားဘဲဟူ မေထုန်ဟို လောက်ဂေဘီး မွေဂီးထတ်မာ နေဂေဟူသူလေလည်း သူန တရားဘဲဟူ မေထုန်ဟို လောက်ဟူ စပျစ်ဝိုင်န မောဂေဟယ်” ဆိုဘီး ပြောဟယ်။ 3 ငါ့ဟို ဝိညာဉ်တော်အားဖြင့် တောကန္တာရထဲဟို ခေါ်ဆောန်ဟားလေဟယ်။ အယ်ခီမာ ခေါင်းခွန်နစ်လောင်းန ချိုဆယ်ရှောန်းရှိဘီး ဘုရားသခင်ဟို စော်ကားဟူ နာမယ်န ပွဲနေဘီး နီနေဟူ သားရဲ တကောန်ထတ်မာ ထိုင်နေဟူ မီးမ တယော့-က်ဟို ငါပြရဟယ်။

4 အယ်မီးမဟာ နီရောန်န ခရမ်းရောန်ဟို ဝတ်ဟားဘီး ရွှေတန်ဆာ၊ ကွေ့-က်မြတ်ရတနာန ပုလဲတန်ဆာလေဟို ဆင်ဟားဘီး သူ့ရဲလတ်မာ ရွံဇာကောင်းဟူ ဇာလေန တရားဘဲဟူ မေထုန်လောက်ဘီး ညစ်ညူးရှင်းလေန ပွဲနေဟူ ရွှေခွပ်ဟို ကိုင်ဟားဟယ်။ 5 သူ့ရဲ့ ဖူးထတ်မာ ရေးဟားဟူ လျှိုဝှက်နတ်နဲဟူ နာမဟာ၊ “ဗာဗုလုန်မြို့ဂီး ကောင်းဘဲဟူ မီးမလေန မွေဂီးထတ်မာ ရွံဇာကောင်းဟူ ဇာလေရဲ့မိ” ဆိုဘီး ဖြစ်ဟယ်။ 6 အယ်မီးမဟာ သန်ရှင်းဟူ သူလေရဲ့ သွီးန၊ ယေရှုရဲ့ သတ်သေခံလေရဲ့ သွီးန ယစ်မောနေဇာဟို ငါပြရဟယ်။ ငါဟာ သူဟို ဗြင်ရဟူ ခီမာ ရရာတိုင်း အံ့ဩဟားဟယ်။ 7 အယ်ခီမာ ကောင်းဂန်တမန်ဟု “နန့်ဟာ ဖြားဖြစ်ကြောန့် အံ့ဩနူး” အယ်မီးမန သူဟို သယ်ဆောန်ဟူ ခေါင်းခွန်နစ်လောင်းန ချိုဆယ်ရှောန်းရှိဟူ သားရဲတကောန်ရဲ့ လျှိုဝှက်နတ်နဲချစ်ဟို နန့်ဟို ငါပြောပြမယ်။ 8 နန့်ဗြင်ရဟူ သားရဲ တကောန်ဟာ ရင်ဟုရှိဘီး ခုမ္မေဘဲဟူ ကြာခန်မာ နတ်ဆောင်းတွမ်းထဲဟု တတ်လာဘီး ဖျစ်ဆီးရှင်းဟို ခံရလေ့မယ်။ မွေဂီးထတ်မာ နေဂေဟူ သူလေထဲမာ ကမ္ဘာတည်ဟူ ခီဟုစဘီး သတ်စာစောန်မာ နာမယ် စာရင်းဝမ်ဘဲဟူ သူလေဟာ ရင်ဟုရှိဘီး ခုမ္မေဘဲဟူ ကြာခန်မာ ရော့-က်လာဟို အယ်သားရဲဟို ဗြင်ဘီးဟာ အံ့ဩဂေလေ့မယ်။ (Abyssos g12) 9 အယ်နေရာမာ ဉာဏ်ပညာန သိတရားရှိဟိုတွပ် လိုအပ်ဟယ်။ ခေါင်းခွန်နစ်လောင်းဟာ အယ်မီးမထိုင်နေဟူ တောန်ခွန်နစ်လောင်းဖြစ်ဘီး မန်းဂီးခွန်နစ်ပါးလည်း ဖြစ်ဟယ်။ 10 ငါးပါးဟာ ကွဲဆောင်းဟားဘီး၊ တပါးဟာ ခုရှိဟယ်။ ကျန်ဟူတပါးဟာ ပေါ်သေးဟူ။ ပေါ်လာဟူ ခီမာလည်း ရှစ်ဟားဘဲ ခံလေ့မယ်။ 11 ရင်ဟုရှိဘီး ခုမ္မေဘဲဟူ သားရဲတကောန်ဟာ အဋ္ဌမ မန်းဂီးဖြစ်ဟယ်။ သူဟာ အယ်ခွန်နစ်ပါးထဲမာ တပါးလည်းဖြစ်ဘီး ဖျစ်ဆီးရှင်းဟို ခံရလေ့မယ်။ 12 “နန့်ဗြင်ရဟူ ချိုဆယ်ရှောန်းဟာ တိုင်းနိုင်ငံဟို ရသေးဘဲဟူ မန်းဂီးဆယ်ပါး ဖြစ်ဂေဟယ်။ အယ်ဘောမဲ့ သူးနို့ဟာ သားရဲ တကောန်နတူး မန်းဂီးလေမျိုး ခွင့်အာဏာဟို ရရာတိုင်း တိုဟူ ခီကာလတခုမာ အောက်စိုးရဂေလေ့မယ်။ 13 အယ်မန်းဂီးလေဟာ တလောင်းတဝဲ ရှိဂေဘီး သူးနို့လေရဲ့ တဂိုးလေဟို သားရဲဟို အပ်ဂေလေ့မယ်။ 14 သူးနို့ဟာ သိုးသားဂန်းဟားန စစ်တိုက်ဂေလေ့မယ်။ အယ်ဘောမဲ့ သိုးသားဂန်းဟားဟာ သူးနို့ဟို နိုင်ရလေ့မယ်။ ဖြားဖြစ်ကြောန့်နူးဆိုဟာ ကိုယ်တော်ဟာ သခင်လေရဲ့ သခင်၊ မန်းဂီးလေရဲ့ မန်းဂီး ဖြစ်တော်မူဟယ်။ ကိုယ်တော်န တူးနူးရှိနေဟူ သူလေဟုလည်း ကိုယ်တော်ခေါ် ယူဘီး ဝီးကော့-က်ခံရဟူ သူလေန သစ်စာရှိဟူ သူလေဖြစ်ဂေဟယ်” ဆိုဘီး ပြောဟယ်။ 15 အယ်ဘီးန အယ်ကောင်းဂန်တမန်ဟာ

နန်ပြင်ရဟူ ကောန်းဘဲဟူမီးမ ထိုင်နေဟူရေဟာ တိုင်းနိုင်ငံလေ၊ ဘာသာစကားဘောင်းအောင် ပြောရဟူ လူမျိုးလေန ပြည်သူပြည်သားလေ ဖြစ်ရဟူ။ **16** နန်ပြင်ရဟူ ချိုဆယ်ရှောန်းန သားရဲလေဟာ အယ်ကောန်းဘဲဟူ မီးမဟို မူးဘီး၊ သူဟို ပျစ်စီးစေဘီး သူရဲ ဝတ်ဟို ခလွတ်ပစ်ရဲဘီး သူရဲ သားဟို ကိုက်စားဘီး သူဟို မီးရှို့ရဲလေမယ်။ **17** ဖြားဖြစ်ကြောန်းနဆိုဟာ ဘုရားသခင်ဟာ သူရဲ စကားတော်ဟာ ပွဲဇောင်ရှင်းဟို ရှေး-က်ဟိုထိ သူးနိုဟာ တလောင်းတဝဒဲ ဖြစ်ဘီး သူးနိုရဲ နိုင်ငံလေဟို သားရဲတကောန်းရဲ လတ်ထဲဟို အပ်လိုက်ရှင်းအားဖြင့် ဘုရားသခင်ရဲ ကြံစည်တိုင်း သူးနိုရဲ စိန်လောင်းထဲဟို ထဲသွမ်းလိုက်ဟယ်။ **18** “နန်ပြင်ရဟူ မီးမဟာ ကမ္ဘာလောကရဲ မန်းဂီးလေဟို အောက်စိုးဟူမြို့ဂီး ဖြစ်ဟယ်” ဆိုဘီး ငါဟို ပြောဟယ်။

18 အယ်ဘီးန ရရာတိုင်း ကီးဟူ ခွမ့်အာဏာန ကောန်းဂန်ဟု ဆင်းလာဟူ တခြား ကောန်းဂန်တမန်တပါးဟို ငါပြင်ရဟယ်။

မွေဂီးဟာ သူရဲ ဖောင်းသရေတော်ကြောန့် လန်းဘီးတော့-က်ပလေဟယ်။ **2** သူဟာ ရရာတိုင်း ကွယ်ဟူသံန ကြွေးကြော်ဘီး “ဗာဗုလုန်မြို့ဂီးဟာ ပြိုကွဲဟားဘီ! ပြိုကွဲဟားဘီ! အယ်မြို့ဟာ နတ်ဆိုးနေဟူ နေရာ၊ ညစ်ညူးဟူနတ်လေ နေဟူနေရာ၊ ညစ်ညူးဟူ ငှတ်ဘောင်းဇောင် မှီခိုဟူနေရာန ညစ်ညူးဘီး ရွံဇာကောန်းဟူ လိဆန်လေဂူလောင်း မှီခိုဟူနေရာ ဖြစ်ဟားဘီ။ **3** ဖြားဖြစ်ကြောန်းနဆိုဟာ လူမျိုးဂူလောင်းဟာ သူရဲ တရားဘဲဟူ မေထုန်နဆိုင်ဟူ ဒေါသ စပျစ်ဝိုင်ဟို သော့-က်ရဲဘီး မွေဂီးရဲ မန်းဂီးလေဟာ သူနတူးဒု တရားဘဲဟူ မေထုန်လောက်ရဲဘီး ကမ္ဘာကူသယ်လေဟာ သူရဲ လွန်ကျူးဟူ ဖိမ်ခံရှင်း ရှိဝါကြောန့် ကြွယ်ဝလာရဟယ်” ဆိုဘီး ပြောဟယ်။ **4** အယ်ဘီးန ကောန်းဂန်ဘောင်ဟု တခြားသံတခုဟို ငါကြားရဟယ်။ အယ်သံဟု “ထွပ်လာရေ၊ ငါ့ရဲ လူစုလေ၊ သူနားဟုနေ ထွပ်လာရေပါ။ သူရဲ ပြစ်လေထဲဟို ဆစ်ဆံဘီး ပါဝမ်ရေန။ သူနတူးဒု ပြစ်ဒန်ဟို ခံရေန။ **5** ဖြားဖြစ်ကြောန်းနဆိုဟာ သူရဲ ပြစ်လေဟာ ကောန်းဂန်ဘောင်ထိ ရှေး-က်ဘီး သူရဲ တရားဘဲဟူမူလေဟာ ဘုရားသခင်ဟို ဒီရစေဟူကြောန့် ဖြစ်ဟယ်။ **6** သူပေးဟားတိုင်း သူဟို ပွန်ပေးရေပါ။ သူလောက်ဟားဇာလေဟို နေဆတိုးဘီး ပွန်ပေးရေပါ။ သူရောစပ်ဟားဟူ ခွပ်မာ သူတွပ်နေဆ ရောစပ်ပေးရေပါ။ **7** သူဟာ ကိုယ်ကိုယ်ကိုယ် ချီးမြှော့-က်ဘီး စည်းဇိမ်ခံစားဟားမျှ သူဟို ညှဉ်းဆဲရှင်းန ဝန်းနဲကြေကွဲရှင်းလေဟို ပေးရေပါ။ ဖြားဖြစ်ကြောန်းနဆိုဟာ ငါဟာ မိဖုရားဖြစ်ဟယ်။ မောက်ဆိုးမ မူဟာ။ ငါဟာ ဝန်းနဲကြေကွဲရှင်းလေဟို ဖယ်ခါလည်း တွဲကြောင်ရဟို မူဟု ဆိုဘီး သူစိတ်မာ ပြောဟူကြောန့်ဖြစ်ဟယ်။ **8** အယ်ကြောန်းကြောန့် ရောဂါဘေး၊ ဝန်းနဲကြေကွဲဟူဘေး၊ စာရေဇာ ရရာတိုင်း ခေါန်းပါးဟူဘေးလေဟာ သူရဲထတ်မာ တရဲဒဲ ရှေး-က်လာလေမယ်။ သူဟာ မီးရှို့ရှင်းဟိုလည်း ခံရလေမယ်။ ဖြားဖြစ်ကြောန်းနဆိုဟာ သူဟို တရားစီရင်ဟူ ဘုရားသခင်ဟာ တဂိုးကီးဟူကြောန့် ဖြစ်ဟယ်” ဆိုဘီး ပြောဟယ်။ **9** သူနတူးဒု တရားဘဲဟူမေထုန် လောက်ရဲဘီး စည်းဇိမ်ခံစားရဲဟူ မွေဂီးရဲ မန်းဂီးလေဟာ သူဟို လောန်နေဟူမီးခိုးဟို ပြင်ရဲဟူ ခီမာ သူတွပ် ရရာတိုင်း ငိုရဲဟယ်။ **10** အယ်လူလေဟာ သူခံရဟူညှဉ်းဆဲရှင်းဟို ကြော့-က်ရဲဟူကြောန့် ဝီးဟုရပ်ဘီး “ရရာတိုင်း ကီးဟူမြို့၊ အားကီးဟူ ဗာဗုလုန်မြို့၊ နန်ဟာ ဖြစ်မှဖြစ်ရလေ၊ ဖြစ်မှဖြစ်ရလေ၊ ဖြားဖြစ်ကြောန်းနဆိုဟာ နန်ခံရဟူ တရားစီရင်ရှင်းဟာ ရရာတိုင်း တိုဟူ ခီတခုမာ ပြစ်ဒန်စီရင်ရှင်းဟို ခံရလေဘီ!” ဆိုဘီး ပြောရဟယ်။ **11** မွေဂီးထတ်မာရှိဟူ ကူသယ်လေဟုလည်း သူရဲ ကူပစ်စီးလေဟို ဝယ်ဟိုသူ ယော့-က်လည်း မွေဘဲဟူကြောန့် သူတွပ် ဝန်းနဲကြေကွဲဘီး ငိုရဲဟယ်။ **12** သူးနိုလေရဲ ကူပစ်စီးလေဟာ ရွှေ၊ ငွေ၊ ကြော့-က်မြတ်ရတနာ၊ ပုလဲ၊ ပိချော၊ ခရမ်းရောနဝတ်ထည်၊ ပိုးထည်၊ နီဟူထည်၊ သစ်မွှီးဘောင်းဇောင်၊ ဆင်စွယ်ပစ်စီးဘောင်းဇောင်၊ ဖိုးကီးဟူသစ်သား၊ ကြေးသံ၊ ကြော့-က်ဖျူလေန လောက်ဟားဟူ ပစ်စီးဘောင်းဇောင်၊ **13** သစ်ကြံပိုး၊ ဟမ်းရှစ်ဟူမွှီးကြိုင်၊ နံ့သာပေါန်း၊ ဆီမွှီး၊ လောဗန်၊ စပျစ်ဝိုင်၊ ဆီ၊ မုညစ်၊ ဂျောင်ဆန်၊ ကွဲနွားလိဆန်၊ သိုး၊ ငြင်း၊ ငြင်းရထား၊ လူကိုယ်ခန္ဓာန လူလေရဲ သတ်လေဘဲ ဖြစ်ရဲဟယ်။ **14** ကူသယ်လေဟု “နန်းနိုရဲ စိန်လောင်းတတ်မတ်ဟူ ရရာတိုင်း ကောန်းဟူ သစ်သီးလေလည်း ပျော့-က်ဟားဘီ။ စည်းဇိမ် ဂေါင်သရေလေလည်း ပျော့-က်ဟားဘီ။ အယ်ဇာလေဟာ ဖယ်ခါလည်းရဟို မူဘီ” ဆိုဘီး ပြောဟယ်။ **15** သူအားဖြင့်

ကြွယ်ဝလာသောအခါ အယ်ကုပစ်စီးလေဟို ပိုင်ဂေဟူ သူလေဟာ သူခံရဟူ ညဉ့်ဆဲရှင်းဟို ကြော-က်ဂေဟူကြောန့်
ဝီးဟုရပ်ဘီးဟာ ငိုဘီး၊ ရရာတိုင်း ဝန်းနဲဘီး 16 “ပိချော၊ ခရမ်းရောနီထည်န နီရောနီထည်ဟို ဝတ်ဟားဘီး၊ ရွှေတန်ဆာ၊
ကြော-က်မြတ်ရတနာန ပုလဲလေဟို ဆင်ဟားဟူမြို့ဂီး၊ နန်ဟာ ဖြစ်မှဖြစ်ရလေ၊ ဖြစ်မှဖြစ်ရလေ၊ 17 ဖြားဖြစ်ကြောန့်နူးဆိုဟာ
အယ်မျှလော့-က် များဟူစည်းမိမ်ဟာ တနာရီထဲမှာ လောင်းဝ ဖျစ်ဆီးရှင်းဟို ခံရဟယ်” ဆိုဘီး ပြောလေမယ်။ ရေယာဉ်မှူးန
ခရီးသယ်လေဂူလောင်း၊ သန်းဖောသားလေန ရေလမ်းမှာ ကူသယ်လောက်နေဂေဟူ လူလေ ဂူလောင်းဟာ ဝီးဟုရပ်ဘီး
18 သူဟို လောန်နေဟူမီးဟု မီးခိုးလေဟို ဗြင်ဘီး “ဖယ်ခါဒူးဟုလည်း အယ်မြို့ထတ် ခမ်းနားဟူမြို့ ရှိဖူးဟု!” ဆိုဘီး
အော်ပြောဂေဟယ်။ 19 သူးနို့ဟာ မွေ့မှဟို သူးနို့ခေါင်းထတ်ဟို ပစ်တန်ဘီး၊ ဝန်းနဲကြောကွဲဘီး၊ ငိုဂေဘီးဟာ “သူးနို့ရဲ့ ဖိုးတန်ဟူ
ပစ်စီးလေကြောန့် ပန်လယ်ထဲမှာရှိဟူ သန်းဖောလေဟို ပိုင်ဂေဟူသူ ရှိမျှဟို ကြွယ်ဝစေဟူ ရရာတိုင်း ကီးဟူမြို့၊ နန်ဟာ
တနာရီထဲမှာဘဲ လောင်းဝ ဖျစ်ဆီးရှင်းဟို ခံရဟူကြောန့် ဖြစ်မှဖြစ်ရလေ၊ ဖြစ်မှဖြစ်ရလေ!” ဆိုဘီး အော်ဘီးပြောဂေဟယ်။
20 ကောန်းဂန်ဘောင်ဟုစဘီး သန့်ရှင်းဟူသူလေ၊ တမန်တော်လေန ပရောဖက်လေ၊ အယ်မြို့ရဲ့ ဖြစ်ပျစ်ကြောန့်
ဝန်းသာဂေပါ။ ဖြားဖြစ်ကြောန့်နူးဆိုဟာ ဘုရားသခင်ဟာ နန်းနို့ ဖတ်မှာနေဘီး အယ်မြို့ထတ်ဟို ပြစ်ဒန်စီရင်ရှင်းဟို
ရော-က်စေဟယ် ဆိုဘီး ပြောစာဟို ငါကြားရဟယ်။ 21 အယ်ဘီးန ခွန်အားကီးဟူ ကောန်းဂန်တမန်တပါးဟာ ရရာတိုင်း
ကီးဟူ ကြိုဆောင်မျိုး ကြော-က်တောင်း တတောင်းဟို ခိဘီးဟာ ပန်လယ်ထဲဟို ခွဲဘီး “ဗာဗုလုနီမြို့ဂီးဟာ အယ်မျိုးဘဲ
ပစ်ခွဲရှင်းဟို ခံရဘီး လောင်းဝ တွဲရဟို မှုဘီး။ 22 စောန်းသမား၊ ဂီတသမား၊ ပလွေသမား၊ တံပိုးခရာမူမားလေရဲ့ တီးမှုသံဟို
နန်းနို့ထဲမှာ လောင်းဝ တွဲရဟို မှုဘီး။ ကြိုဆောင်သံဟိုလည်း လောင်းဝ ကြားရဟို မှုဘီး။ 23 ဆီမီးရဲ့ လန်းရောနီဟိုလည်း
နန်းနို့ထဲမှာ လောင်းဝ လန်းဟို မှုဘီး။ ဒိုသားန ဒိုသမီးလေရဲ့ သံဟိုလည်း နန်းနို့ထဲမှာ လောင်းဝ ကြားရဟို မှုဘီး။
ဖြားဖြစ်ကြောန့်နူးဆိုဟာ နန်ရဲ့ ကူသယ်လေဟာ မွေ့ဂီးရဲ့ အာဏာကီးမားဟူ သူလေ ဖြစ်ဂေဟယ်။ လူမျိုးဂူလောင်းဟာ
နန်းနို့ရဲ့ ပြုစားရှင်းန လှည့်ဇားဇာဟို ခံရဂေဟယ်” ဆိုဘီး ပြောလေဟယ်။ 24 ပရောဖက်လေ၊ သန့်ရှင်းဟူသူလေန
မွေ့ဂီးထတ်မှာ သေသတ်ခံရဟူ လူလေ ဂူလောင်းရဲ့ သွီးလေဟိုလည်း အယ်မြို့မှာတွဲရဟယ်။

19 အယ်ဘီးန ကောန်းဂန်မာရှိဟူ လူလေဘောင်ဂီးရဲ့ ရရာတိုင်း ကွယ်ဟူ သံမျိုး ငါကြားရဟယ်။ သူးနို့ဟာ
“ဟာလေလုယာ! ကယ်တန်ရှင်း၊ ဖောင်းသရေတော်န တဂိုးတော်လေဟာ နို့လေရဲ့ ဘုရားသခင်န ဆိုင်ဟယ်။
2 ဖြားဖြစ်ကြောန့်နူးဆိုဟာ ကိုယ်တော်ရဲ့ တရားစီရင်ရှင်းလေဟာ ဖြောန့်မတ်မှန်ကန်ဟယ်။ တရားဘဲဟူမေထုန်
လောက်ရှင်းလေန မွေ့ဂီးဟို ပျစ်စီးစေဟူ ကောန်းဘဲဟူမီးမဟို ကိုယ်တော်ဟာ စီရင်ဘီး သူရဲ့ လတ်မာမဲ့နေဟူ
ကိုယ်တော်စေခံလေရဲ့ သွီးတွပ် ဒန်ခတ်လိုက်ဟယ်” ဆိုဘီး ပြောဂေဟယ်။ 3 အယ်ဘီးန သူးနို့လေဟာ “ဟာလေလုယာ!
မီးခိုးဟာ ကမ္ဘာဆစ်ဆစ် တတ်ဘီးရှိနေဟယ်” ဆိုဘီး ပြောဂေဟယ်။ (aiñ g165) 4 သတ်ကီးဝါဂီးလေ ၂၄ ပါးန
သတ္တဝါလေးပါးဟုလည်း ပျပ်ဝပ်ဘီးဟာ ပလွင်ထတ်မှာ ထိုင်နေဟူ ဘုရားသခင်ဟို ကိုးကွယ်ဘီးဟာ “အာမင်!
ဟာလေလုယာ!” ဆိုဘီး ပြောဂေဟယ်။ 5 ပလွင်ထဲဟု ထွပ်လာဟူ သံဟုလည်း “ဘုရားသခင်ရဲ့ စေခံလေန ဘုရားသခင်ဟို
ကြော-က်ဂေဟူ လူဂီးလူငယ်လေ ဂူလောင်းဟု နို့လေရဲ့ ဘုရားသခင်ဟို ချီးမွမ်းဂေပါ” ဆိုဘီး ပြောဟယ်။ 6 အယ်ဘီးန
လူဘောင်ဂီးရဲ့ သံလေနရော၊ ရေကဒန်ဟုနေ ကွဟူရေသံနရော၊ ပြင်းထန်ဟူ မိုးကြိုးသံနရော တူဟူသံဟု “ဟာလေလုယာ!
အနန္တတဂိုးန ပွဲဇောင်ဟူ နို့လေရဲ့ ဘုရားသခင်ဟာ စိုးစံတော်မူဟယ်။ 7 နို့လေဟာ ဝန်းသာရွှင်လန်းဘီး ကိုယ်တော်ရဲ့
ဖောင်းသရေတော်ဟို ချီးမွမ်းဂေဇို့။ ဖြားဖြစ်ကြောန့်နူးဆိုဟာ သိုးသားဂန်းဟားရဲ့ အီတတ်ဗွဲဟာ ခီကွလာဟူကြောန့်
သူရဲ့ ဒိုသမီးဟာ သူ့ကိုယ်သူ သင့်ပြင်ဆင်လေဘီး။ 8 အယ်ဒိုသမီးဟာ စင်ကြယ်တော့-က်ပဟူ ပိချောထည်ဟို
ဝတ်ဆင်ခွင့်ရဟယ်။ အယ်ပိချောဟာ သန့်ရှင်းသူလေရဲ့ ဖြောန့်မတ်ဟူကျင့် ဖြစ်ဟယ်” ဆိုဘီး ပြောစာဟို ငါကြားရဟယ်။
9 အယ်ဘီးန ကောန်းဂန်တမန်ဟု “သိုးသားဂန်းဟားရဲ့ အီတတ်ဗွဲဟို ဖိခေါ်ခံရဟူ သူလေဟာ မင်္ဂလာရှိဂေဟယ် ဆိုဘီး
ရေးဟားပါ” ဆိုဘီး ငါ့ဟို ပြောဘီးဟာ “အယ်ဇာဟာ ဘုရားသခင်ရဲ့ ဖြောန့်မတ်မှန်ကန်ဟူ စကားတော်ဖြစ်ဟယ်” ဆိုဘီး

ပြောလေဟယ်။ 10 အယ်ဒီမာ ငါဟာ အယ်ကောန်းဂန်တမန်ဟို ကိုးကွယ်ဟိုတွပ် ပျပ်ဝပ်ဟူ ဒီမာ သူဟာ “အယ်မျိုးလောက်နဲ့။ ငါဟာ နန်ဟုနေစဘီး ယေရုရှာဆိုင်ဟူ သတ်သေခံချစ်ဟို ရဟားဟူ နန်းနို့လေရဲ့ ညီကို၊ လောက်ဖော်ဆောန်ဖတ် စေခံဘွဲ့ ဖြစ်ဟယ်။ ဘုရားသခင်ဟိုဘွဲ့ ကိုးကွယ်ပါ” ဆိုဘီး ပြောဟယ်။ ဖြားဖြစ်ကြောန်းနူးဆိုဟာ ယေရုရှာဆိုင်ဟူ သတ်သေခံချစ်ဟာ ပရောဖက်ပြုဘီး ဟောပြောဟူဝိညာဉ် ဖြစ်ဟယ်။ 11 အယ်ဘီးန ငါကေလိုက်ဟူ ဒီမာ ကောန်းဂန်ဟာ ပွမ့်နေဘီး ပြင်းဖျူတကောန် ရှိဟယ်။ ပြင်းထတ်မာ ထိုင်နေဟူသူဟာ သစ်စာရှိဟူသူ၊ မှန်ကန်ဟူသူ ဆိုဘီး ခေါ်ရှင်းဟို ခံရဟယ်။ သူဟာ ဖြောင့်ဖြောင့်မတ်မတ်ဟား တရားစီရင်ဘီး စစ်တိုက်လေဟယ်။ 12 သူရဲ့ မျစ်စိလေဟာ မီးလျှံမျိုးဖြစ်ဘီး သူရဲ့ ခေါင်းထတ်မာ သရဖူလေ ဆောန်းဟားဟယ်။ သူမာရေးဟားဟူ နာမတခရိုဘီး အယ်ဇာဟို သူကိုယ်တိုင်ဘွဲ့သိဘီး ဖယ်သူလည်းသိဟယ်။ 13 သူဟာ သွီးန နှစ်ဟားဟူဝတ်ဟို ဝတ်ဟားဘီး သူရဲ့နာမယ်ဟာ ဘုရားသခင်ရဲ့ စကားတော် ဆိုဘီး ခေါ်ဟယ်။ 14 ကောန်းဂန် ဗိုလ်ခေလေဟာ စင်ကြယ်ဟူ ပိချောထည်ဟို ဝတ်ဟားဂေဘီး ပြင်းဖျူဟို စီးဘီးဟာ သူ့နော့-ကံဟို လိုက်ဂေဟယ်။ 15 လူမျိုးဘောန်းဇောင်ဟို နှိမ်နင်းဟိုတွပ် ထတ်ဟူ သန်လျက်ဟာ သူရဲ့ ဇပ်ပေါ့-ကံထဲဟာ ထွပ်နေဟယ်။ သူဟာ အယ်သူလေဟို သံလှံတံန အောက်စိုးလေမယ်။ သူဟာ အနန္တတိုင်းနဲ့ ပွဲဇောင်ဟူ ဘုရားသခင်ရဲ့ မျစ်တော်န ဆိုင်ဘီး ပြင်းထန်ဟူ စပျစ်ဝိုင်န စပျစ်သီးနယ်ဟူ တွမ်းဟို တတ်နန်းလေမယ်။ 16 သူ့ရဲဝတ်န ပေါန်မာ မန်းဂီးလေရဲ့ မန်းဂီး၊ သခင်လေရဲ့ သခင် ဆိုဘီး ရေဟားဟူ ဘွဲ့နာမရှိဟယ်။ 17 အယ်ဘီးန နေထဲမာရပ်နေဟူ ကောန်းဂန်တမန် တပါးဟို ငါပြင်ရဟယ်။ သူဟာ ကောန်းဂန်လယ်မာ ပွဲနေဟူ ငှတ်ဂူလောင်းဟို “ဘုရားသခင်ရဲ့ ညဉ့်စာစားဗွဲဟို လာဘီးစုဂေပါ။ 18 မန်းဂီးလေရဲ့ သား၊ တပ်မှူးလေရဲ့ သား၊ စစ်သားလေရဲ့ သား၊ ပြင်းန ပြင်းစီးဟူ သူလေရဲ့ သား၊ လူလွတ်န ကျွန်လေဟာစဘီး လူဂီးလူငယ်ရှိမျှလေရဲ့ သားဟို လာဘီးစားဂေပါ” ဆိုဘီး ရရာတိုင်းကြွယ်ဟူသံန ကြွေးကြော်ဂေဟယ်။ 19 အယ်ဒီမာ သားရဲတကောန်ဟာစဘီး ငွေဂီးရဲ့ မန်းဂီးလေန သူးနို့ရဲ့ ဗိုလ်ခေလေဟာ ပြင်းစီးဟူသူန သူရဲ့ ဗိုလ်ခေလေဟို စစ်တိုက်ဟိုတွပ် စုနေဇာဟို ငါပြင်ရဟယ်။ 20 သားရဲန ပရောဖက် တယောန်လေဟာ ဖမ်းခံရဟယ်။ အယ်ပရောဖက် တယောန်ဟာ သားရဲရဲ့ရှေ့မာ နိမိတ်လတ်ခဏာလေဟို လောက်ဘီး၊ အယ်နိမိတ်လတ်ခဏာအားဖြင့် သားရဲရဲ့ဇိဟို ယူဘီး သူရဲရောက်ထုဟို ကိုးကွယ်ဟူ သူလေဟို လှည့်ဇားဟူ သူဖြစ်ဟယ်။ သတ်ရှင်ဘီးရှိနေဟူ အယ်သူ နွေယော့-ကံလောင်းဟာ ကန်နရောဘီး လောန်နေဟူ မီးအိုင်ထဲဟို ရှင်လတ်လတ် ပစ်ခွဲရှင်းဟို ခံရဂေဟယ်။ (Limnē Pyr g3041 g4442) 21 ကျန်ရစ်ဟူ သူလေဟာ ပြင်းစီးဟူသူရဲ့ ဇပ်ပေါ့-ကံထဲဟာထွပ်ဟူ သန်လျက်န သတ်ပစ်ရှင်းဟို ခံရဘီး ငှတ်ဂူလောင်းဟာ သူးနို့လေရဲ့ သားဟို ဗိုက်ဝအောက် စားရဂေဟယ်။

20 အယ်ဘီးန ကောန်းဂန်တမန်တပါးဟာ နတ်ဆောင်းတွမ်းရဲ့ သော့-ကန် ရရာတိုင်း ကီးဟူ သံကြိုးလေဟို သူရဲလတ်မာ ကိုင်ဟားဘီး ကောန်းဂန်ဘောင်ဟာ ဆင်းလာဇာဟို ငါပြင်ရဟယ်။ (Abyssos g12) 2 သူဟာ စာတန်မာရ်နတ်ဖြစ်ဟူ၊ ရှေးဗွီဟောန်းဖြစ်ဟူ နဂါးဟို ဖမ်းဘီး နှစ်တထောန်ခယ်ဟားဟယ်။ 3 နှစ်တထောန်ကူဟူခီထိ လူလေဟို နော့-ကံထပ် လှည့်ဇားနိုင်ဘဲနေအောင် သူဟို နတ်ဆောင်းတွမ်းထဲဟို ပစ်ခွဲဘီး၊ ပိဟားလိုက်ဘီး ဇိနခတ်ဟားလေဟယ်။ အယ်ဒီမာလကူဘီးမှ သူဟို ရှစ်ဟားလွတ်ပေးရဟယ်။ (Abyssos g12) 4 အယ်ဘီးန ပလွင်လေန အယ်ပလွင်ထတ်မာ ထိုင်နေဟူ သူလေဟို ငါပြင်ရဟယ်။ အယ်သူလေဟာ တရားစီရင်ဟို ခွမ့်အာဏာဟို ရဂေဟယ်။ အယ်ဘီးဟာ ယေရုရှာဆိုင်ဟူ သတ်သေခံချစ်တွပ်ရော၊ ဘုရားသခင်ရဲ့ စကားတော်တွပ်ရော၊ ခေါင်းဖြတ်ခံရဟူ သူလေရဲ့ ဝိညာဉ်လေန သားရဲန သားရဲရောက်ထုဟို ကိုးကွယ်ဘဲ သူရဲဇိဟိုရော၊ သူးနို့လေရဲ့ ဖူးမာ အယ်မျိုးမုတ်ဟာ လတ်မာ ခံဘဲဟူ သူလေဟိုရော ငါပြင်ရဟယ်။ သူးနို့ဟာ သတ်လွန်ရှင်ဘီး နှစ်တထောန်လောင်းလောင်း ခရစ်တော်နတူးဒူ အောက်စိုးရဂေဟယ်။ 5 ရင်ဟုသေဟားဟူ သူလေဟာ နှစ်တထောန်ကူခန်ထိ သတ်ရှင်ရဂေဟာ။ အယ်ဇာဟာ ပထမ ထမြော့-ကံရှင်း ဖြစ်ဟယ်။ 6 ပထမ ထမြော့-ကံရှင်းမာ ပါဟူသူဟာ မင်္ဂလာရှိဟူသူ၊ သန့်ရှင်းဟူသူ ဖြစ်ဟယ်။

ဒုတိယ သေရှင်းဟာ သူးနှိလေထတ်မာ တဂိုးမွေဟုမ်း။ သူးနှိဟာ ဘုရားသခင်န ခရစ်တော်ရဲ့ ယဇ်ပုရောဟိတ်လေ ဖြစ်တော့ဘီး ခရစ်တော်နတူးဒု နှစ်တထောန် အောက်စိုးဂေလေမယ်။ **7** အယ်နှစ်တထောန် ကူဟားဟူ ခီမာ စာတန်ဟာ သူခယ်ဟားခရဟူ တွမ်းထဲဟုနေ လွတ်ပေးရှင်းဟို့ခံရဘီး **8** မွေးဂီးလေးမျှစ်နာမာရှိဟူ လူမျိုးလေဖြစ်တော့ဂေါဂါ၊ မာဂေါဂါဟို့ လှည်းဖြားဟို့တွပ်န စစ်ပွဲတွပ်၊ သူးနှိဟို့ စုစီးတော့ဟို့တွပ် ထွပ်ဟားလေမယ်။ သူးနှိလေဟာ ပန်လယ်သဲလောင်းလော့-က် များတော့ဟယ်။ **9** သူးနှိလေဟာ မွေးဂီးရဲ့ ရရာတိုင်း ကွယ်ဟူနေရာဟို့ တတ်လာတော့ဘီး သန်ရှင်းသူလေရဲ့ တပ်စခန်းန ရှစ်ဇာကောင်းဟူမြို့ဟို့ ဝိုင်းဟားတော့ဟယ်။ အယ်ခီမာ ကောင်းဂန်ဘောင်းဟု မီးဟာ ကွလာဘီး သူးနှိလေဟာ လောန်ဘီးဟာ ဖျစ်ဆီးခံရတော့ဟယ်။ **10** သူးနှိဟို့ လှည့်ဇားဟူ မာရ်နတ်ဟို့လည်း သားရဲန ပရောဖက်တုယောန်ရှိဟူ၊ ကန်နရောဟားဟူ မီးအိုင်ထဲဟို့ ပစ်ခွဲရှင်းဟို့ ခံရတော့ဟယ်။ သူးနှိလေဟာ နေရောညဉ့်ရော ကမ္ဘာဆစ်ဆစ် ညဉ့်ဆဲရှင်းဟို့ ခံရတော့လေမယ်။

(aiōn g165, Limnē Pyr g3041 g4442) **11** အယ်ဘီးန ယူဟူပလ္လင်ဂီးန အယ်ပလ္လင်ထတ်မာ ထိုင်နေဟူ သခင်ဟို့ ငါဟာ ဖြင်ရတော့ဟယ်။ ကောင်းဂန်န မွေးဂီးဟာ အယ်သခင်ရဲရှေ့မာ ပျော့-က်ဟားဘီးဟာ နေဟို့နေရာ မွေဟုမ်း။ **12** ရင်ဟုသေဟားတော့ဟူ ကီးငယ်လေဟာ ပလ္လင်ရှေ့မာ ရပ်နေရှင်းဟို့ ငါဖြင်ရတော့ဟယ်။ စာစောန်လေဟို့ ဖွမ်ဟားဘီး သတ်စာစောန်န တခြားစာစောန်ဟို့လည်း ဖွမ်ဟားဟယ်။ ရင်ဟုသေဟားဟူ သူလေဟာ အယ်စာစောန်လေမာ ရေးဟားတိုင်း သူးနှိလေရဲ့ လောကဟူမူလေတိုင်းဘဲ တရားစီရင်ရှင်းဟို့ ခံရတော့ဟယ်။ **13** ပန်လယ်ဟာ သူမာရှိဟူ လူသေလေဟို့ ပေးလေဟယ်။ သေရှင်းန မရဏာနိုင်ငံလေဟုလည်း သူမာရှိဟူ လူသေလေဟို့ ပေးလေဟယ်။ အယ်ခီမာ လူလေ ဂူလောင်းဟာ သူးနှိ လောကဟားဟူတိုင်း တရားစီရင်ရှင်းဟို့ ခံရတော့ဟယ်။ (Hadēs g86) **14** အယ်ဘီးန သေရှင်းန မရဏာနိုင်ငံဟုလည်း မီးအိုင်ထဲဟို့ ပစ်ခွဲရှင်းဟို့ ခံရတော့လေမယ်။ (အယ်မီးအိုင်ဟာ ဒုတိယ သေရှင်း ဖြစ်ဟယ်။) (Hadēs g86, Limnē Pyr g3041 g4442) **15** သတ်စာစောန်မာ စာရင်းဝမ်ဘဲဟူသူ ရှိမျှဟို့လည်း မီးအိုင်ထဲဟို့ ပစ်ခွဲရှင်းဟို့ ခံရတော့ဟယ်။


(Limnē Pyr g3041 g4442)

21 အယ်ဘီးန ကောင်းဂန်သစ်န မွေးဂီးသစ်ဟို့ ငါဖြင်ရတော့ဟယ်။ ဖြားဖြစ်ကြောန်နူးဆိုဟာ ရင်ဟု ကောင်းဂန်န မွေးဂီးဟာ ပျော့-က်ဟားဘီး ပန်လယ်လေလည်း မွေဟုမ်း။ **2** အယ်ဘီးဟာ သန်ရှင်းဟူ ယေရုရှလင်မြို့သစ်ဟာ ဒို့သားတွပ် တန်ဆာဆင်ဟားဟူ ဒို့သမီးမျိုး ပြင်ဆင်ဘီး ဘုရားသခင်နားဟု ကောင်းဂန်ဘောင်ဟု ဆင်းလာဇာဟို့ ငါဖြင်ရတော့ဟယ်။ **3** အယ်ဘီးန ပလ္လင်ထဲဟု ရရာတိုင်း ကွယ်ဟူသံဟု “ကော့ကော့ပါ။ ဘုရားသခင်နေဟူ တဲတော်ဟာ လူလေထဲမာရှိဘီး ကိုယ်တော်ဟာ သူးနှိတူးဒု စံမြန်းမယ်။ သူးနှိဟုလည်း ကိုယ်တော်ရဲ့ လူမျိုးတော်ဖြစ်တော့ဘီး၊ ဘုရားသခင်ကိုယ်တိုင် သူးနှိလေရဲရှိဘီး သူးနှိလေရဲ့ ဘုရားသခင် ဖြစ်တော်မူမယ်။ **4** ကိုယ်တော်ဟာ သူးနှိလေရဲ့ မျှစ်စိဟု မျှစ်ရယ်ရှိမျှဟို့ သုပေးလေမယ်။ သေရှင်းလည်း ရှိဟို့မူဘီ။ ဝန်းနဲကြော့ကွဲဇာ၊ ငိုဇာန နာကျင်ဟူ ဝေဒနာလေလည်း ရှိဟို့မူဘီ။ ဖြားဖြစ်ကြောန်နူးဆိုဟာ ရင်းရင်ဒူးဟု ဖြစ်ဟားဟူ ဇာလေဟာ ပျော့-က်ဟားဘီ” ဆိုဘီး ပြောဇာဟို့ ငါကြားရတော့ဟယ်။ **5** ပလ္လင်ထတ်မာ ထိုင်နေဟူ သခင်ဟုလည်း “ကော့ကော့ပါ။ ငါဟာ ဂူလောင်းဟို့ သစ်ဖြစ်စေဟယ်” ဆိုဘီး မိန့်တော်မူဘီးန အယ်စကားဟာ သစ်စာစကား၊ မှန်ဟူစကား ဖြစ်ဟူကြောန် ရေးဟားပါ ဆိုဘီး မိန့်တော်မူလေဟယ်။ **6** မူဗီးဘီ။ “ငါဟာ အာလဖန ဩမေယဖြစ်ဟယ်။ စနဆောင်းလည်းဖြစ်ဟယ်။ ရေငတ်ဟူသူဟို့ သတ်စမ်းရေဟို့ ဖိုးယူဘဲနပေးဟယ်။ **7** အောန်မြင်ဟူသူဟာ အယ်ဇာလေဟို့ ခီဆစ်ခံရလေမယ်။ ငါဟာ သူရဲ့ ဘုရားသခင်ဖြစ်မယ်။ သူဟုလည်း ငါရဲ့ သားမီးလေ ဖြစ်လေမယ်။ **8** အယ်ဘောမဲ့ ကြော့-က်တတ်ဟူသူလေ၊ ယောင်ကြည်ဘဲဟူသူလေ၊ ရွံဇာကောင်းဟူသူလေ၊ လူသတ်ဟူသူလေ၊ တရားဘဲဟူမေထုန် လောက်ဟူသူလေ၊ ပြုစားဟူသူလေ၊ ရောက်ထုဟို့ ကိုးကွယ်ဟူသူလေန လီညာဟူသူ ဂူလောင်းဟာ ကန်နလောန်နေဟူ မီးအိုင်ထဲဟို့ ရော့-က်ရတော့လေမယ်။ အယ်ဇာဟာ ဒုတိယ သေရှင်းဖြစ်ဟယ်” ဆိုဘီး မိန့်တော်မူလေဟယ်။ (Limnē Pyr g3041 g4442) **9** အယ်ဘီးန နော့-က်ဆောင်းဘေးဒန် ခွန်နစ်ခုနပွဲနေဟူ ဖလားခွန်နစ်လောင်းဟို့ ကိုင်ဟားဟူ

ကောန်းဂန်တမန် ခွန်နစ်ပါးထဲဟု တပါးဟုလာဘီး ငါနစကားပြောဘီး “လာပါ။ သိုးသားဂန်းဟားရဲ့ မီးမဖြစ်ဟူ ခိုသမီးဟို ငါပြမယ် ဆိုဘီး” ငါ့ဟို ပြောဟယ်။ **10** အယ်ကောန်းဂန်တမန်ဟု ရရာတိုင်း ကီးဘီး ဖြစ်ဟူတောန်ထတ်ဟို ဝိညာဉ်တော်အားဖြင့် ငါ့ဟို ခေါ်ဆောန်ဟားဘီး ဘုရားသခင်နားဟု ကောန်းဂန်ထတ်ဟု ဆင်းလာဟူ သန့်ရှင်းဟူ ယေရုရှလင်မြို့ဟို ငါ့ဟို ပြလေဟယ်။ **11** အယ်မြို့ဟု ဘုရားသခင်ရဲ့ ဖောင်းသရေတော်နဲ့ ပွဲဇောင်ဘီး လန်းရောန်ဟု ကွေး-က်မြတ်ရတနာနတူဘီး ကွေး-က်သလင်းမျိုး ရရာတိုင်း လန်းနေဟူ နဂါးသွဲကွေး-က်မျိုး ဖြစ်ဟယ်။ **12** အယ်မြို့မာ ရရာတိုင်း ကီးဘီး ဖြစ်ဟူမြို့ရိုးရှိဘီး ခွဗော့-က်ဆယ်နေပေါ့-က် ရှိဟယ်။ ခွဗော့-က်လေမာ ကောန်းဂန်တမန် ဆယ်နေပါးရှိဘီး အယ်ခွဗော့-က်ထတ်မာ ကုသရေလလူမျိုးလေရဲ့ မျိုးနွယ်စု ဆယ်နေနွယ်လေရဲ့ နာမယ်လေဟို ရေးဟားဟယ်။ **13** ရှေ့ဖတ်မာ ခွဗော့-က်သောင်းပေါ့-က်၊ မြော့-က်ဖတ်မာ ခွဗော့-က်သောင်းပေါ့-က်၊ တောန်ဖတ်မာ ခွဗော့-က်သောင်းပေါ့-က်၊ နော့-က်ဖတ်မာ ခွဗော့-က်သောင်းပေါ့-က် ရှိဟယ်။ **14** မြို့ရိုးဟု အပြစ်ဆယ်နေခရိုဘီး အယ်ထတ်မာ သိုးသားဂန်းဟားရဲ့တမန်တော် ဆယ်နေပါးလေရဲ့ နာမယ်ဆယ်နေခရို ရေးဟားဟယ်။ **15** ငါန စကားပြောဟူ ကောန်းဂန်တမန်မာ အယ်မြို့ဟိုရော၊ မြို့ရဲ့ခွဗော့-က်န မြို့ရိုးဟိုရော တိုင်းဟိုတွပ် တိုင်းဇာ ရွှေကျူလောင်းရှိဟယ်။ **16** အယ်မြို့ဟု လေးထောန်ပေါင်ရှိဘီး လျားနနံဟု တူဟယ်။ ကောန်းဂန်တမန်ဟု ရွှေကျူလောင်းန မြို့ဟိုတိုင်းဟူ ခီမာ မိုင်ပေါင်း ၁,၃၈၀ လော့-က် ရှိဘီး လျား၊ နံ၊ ဖြစ်လေဟု တူရောဟယ်။ **17** မြို့ရိုးဒုဟိုလည်း တိုင်းဟူ ခီမာ ကောန်းဂန်တမန် တိုင်းဟူဇာရော၊ လူလေတိုင်းဟူဇာအားဖြင့် ဖြစ် ၂၁၆ ပေ ရှိဟယ်။ **18** အယ်မြို့ရိုးဟို နဂါးသွဲကွေး-က်န ဆော့-က်ဟားဘီး မြို့ဟု ရရာတိုင်း လန်းဟူ ဖန်သားမျိုး ကြည်လင်ဘီး ရွှေစင်ဖြစ်ဟယ်။ **19** မြို့ရိုးရဲ့ အပြစ်ဟို ကွေး-က်မြတ်ရတနာ ဘောန်းဇောင်န တန်ဆာဆင်ဟားဟယ်။ ပထမ အပြစ်ဟု နဂါးသွဲ၊ ဒုတိယ အပြစ်ဟု နီလာ၊ တတိယ အပြစ်ဟု မဟူရာ၊ စတုတ္ထဟု မြ၊ **20** ပဉ္စမ ပြစ်ဟု ကြောင်၊ ဆဌမ ပြစ်ဟု ပတ္တမြား၊ သတ္တမ ပြစ်ဟု သလင်းဝါ၊ အဌမ ပြစ်ဟု မျက်ရွဲ့၊ နဝမ ပြစ်ဟု ဥဿဖရား၊ ဒဿမ ပြစ်ဟု မဟူရာစိမ်း၊ ဧကဒဿမ ပြစ်ဟု နီလာသွီး၊ ဒွါဒဿမ ပြစ်ဟု နီလာခရမ်းလေ ဖြစ်ရောဟယ်။ **21** မြို့ခွဗော့-က် ဆယ်နေပေါ့-က် လေဟု ပုလဲဆယ်နေလောင်းဖြစ်ရောဘီး ခွဗော့-က်တဗော့-က်မာ ပုလဲတလောင်းစီန လောက်ဟားဟယ်။ မြို့ရဲ့ လမ်းမဟု ရရာတိုင်း စင်ကြယ်ဟူ ဖန်သားနတူဟူ ရွှေစင်ဖြစ်ဟယ်။ **22** အယ်မြို့မာ ဗိမာန်တော်ဟို ငါတို့ရဟူ။ ဖြားဖြစ်ကြောန်နူးဆိုဟု အနန္တတဂိုးနဲ့ ပွဲဇောင်ဟူ ဘုရားသခင်န သိုးသားဂန်းဟားဟု အယ်မြို့ရဲ့ ဗိမာန်တော်ဖြစ်ဟယ်။ **23** ဘုရားသခင်ရဲ့ ဖောင်းသရေတော်ဟု အယ်မြို့ဟို လန်းစေဘီး သိုးသားဂန်းဟားဟု အယ်မြို့ရဲ့ ဆီမီးဖြစ်ဟူကြောန် အယ်မြို့ဟို လန်းစေဟူကြောန် နေန လလေဟို လိုအပ်ဟူ။ **24** လူမျိုးဘောန်းဇောင်ဟု အယ်မြို့ရဲ့ လန်းရောန်ဟို မှီပြုဘီး သွားလာရလေမယ်။ မွေဂီးမာရှိဟူ မန်းဂီးလေဟု သူးနှိလေရဲ့ ဖောင်းသရေတော်ဟို အယ်မြို့ထဲဟို ယူဆောန်လာရလေမယ်။ **25** အယ်နေရာမာ ညဉ့်မွေဘဲဟူကြောန် မြို့ခွဗော့-က်လေဟို ဖယ်ခါလည်း ပိဟားဟူ။ **26** လူမျိုးဘောန်းဇောင်ဟု ဖောင်းသရေတော်န ဂေါင်သရေလေဟို အယ်မြို့ထဲဟို ယူလာရလေမယ်။ **27** စင်ကြယ်ဘဲဟူဇာ ခုလည်း အယ်မြို့ထဲဟို ဝမ်ရဟို မူဟူ။ ရွံဇာကောန်းသူန လီညာသူလေလည်း ဝမ်ရဟို မူဟူ။ သိုးသားဂန်းဟားရဲ့ သတ်စာစောန်မာ စာရင်းဝမ်ဟူ သူလေဟုဘဲ ဝမ်ရလေမယ်။

22 အယ်ဘီးန ကောန်းဂန်တမန်ဟု ကွေး-က်သလင်းမျိုး ရရာတိုင်း လန်းဘီး တော့-က်ပနေဟူ သတ်ရေစီးဟူမွှစ်ဟို ငါ့ဟို ပြလေဟယ်။ အယ်မွှစ်ဟု ဘုရားသခင်န သိုးသားဂန်းဟားရဲ့ ပလ္လင်ဟုထွပ်ဘီး **2** မြို့ရဲ့ လမ်းမလယ် တရှော့-က်လောင်းဟို စီးဆင်းနေဟယ်။ မွှစ်ရဲ့ တဖတ်မာ ဆယ်နေမျိုးသီးဟူ၊ တလဟို တခါသီးဟူ၊ ဆယ်နေခါသီးဟူ သတ်ပန်ရှိဟယ်။ အယ်ပန်ရဲ့ ဝပ်ဟု လူမျိုးဘောန်းဇောင်ဟို ကျန်းမာစေဟယ်။ **3** ကီဆဲခံရဇာ ခုလည်း ရှိဟိုမှူဘီ။ ဘုရားသခင်န သိုးသားဂန်းဟားရဲ့ ပလ္လင်ဟု အယ်မြို့မာရှိဘီး ကိုယ်တော်ရဲ့ စေခံလေဟု ကိုယ်တော်ဟို ကိုးကွယ်ရလေမယ်။ **4** သူးနှိဟု ကိုယ်တော်ရဲ့ မျစ်နာဟို ဗြင်ရရလေမယ်။ ကိုယ်တော်ရဲ့ နာမတော်ဟုလည်း သူးနှိမာ ရှိရလေမယ်။ **5** ညဉ့်လည်းရှိဟို မူဘီ။ ဘုရားသခင်ဟု သူးနှိဟို လန်းရောန်ပေးဟားဟူကြောန် ဆီမီးရဲ့ လန်းရောန်န

နေရဲ့ လန်းရောင်လေဟိုလည်း လိုအပ်ဟို့ မှဘိ။ သူးနီဟာ ကမ္ဘာဆစ်ဆစ် အောက်စိုးဂေလေမယ်။ (aiñ g165) 6 အယ်ဘီးန ကောန်းဂန်တမန်ဟု “အယ်စကားဟာ သစ်စာစကား၊ မှန်ကန်ဟူ စကားဖြစ်ဟယ်။ ပရောဖက်လေရဲ့ ဝိညာဉ်လေဟို့ ပိုင်ဟူ ဘုရားသခင်ဟာ ကြာခန်မာ ဖြစ်ရဟို့ ဇာလေဟို့ သူရဲ့ စေခံလေဟို့ ပြဟို့တွပ် သူရဲ့ ကောန်းဂန်တမန်ဟို့ လွတ်လိုက်ဟယ်” ဆိုဘီး မိန့်တော်မူလေဟယ်။ 7 ယေရှုဟု “နားထောန်ပါ။ ငါဟာ ဗြန်းဗြန်ဟူးလာမယ်။ အယ်စာစောန်ထဲမာ ပရောဖက်ပြုဘီး ဟောပြောဟူ စကားလေဟို့ လိုက်နာဘီး စောန်ထီးဟူသူဟာ မင်္ဂလာရှိဟယ်” ဆိုဘီး မိန့်တော်မူဟယ်။ 8 ငါယောဟန်ဟာ အယ်ကြောန်းရာလေဟို့ ဗြင်ရကြားရဟူသူ ဖြစ်ဟယ်။ ငါဟာ ဗြင်ရကြားရဟူ ခီမာ အယ်ဇာလေဟို့ပြဟူ ကောန်းဂန်တမန်ဟို့ ကိုးကွယ်ဟို့တွပ် သူရဲ့ခေရင်းမာ ပျပ်ဝပ်ဟူ ခီမာ၊ 9 သူဟု “အယ်မျိုးလောက်န။ ငါဟာ နန်ဟုနေစဘီး နန်ရဲ့ညီကိုလေ ဖြစ်ဂေဟူ ပရောဖက်လေန အယ်စာစောန်မာပါဟူ စကားလေဟို့ လိုက်နာစောန်ထီးဟူ သူလေရဲ့ စေခံဖြစ်ဟယ်။ ဘုရားသခင်ဟို့ ကိုးကွယ်ပါ” ဆိုဘီး ပြောဟယ်။ 10 အယ်ဘီးန ကောန်းဂန်တမန်ဟု “အယ်စာစောန်ထဲမာ ပရောဖက်ပြဟူ စကားလေဟို့ ဇီဝန်န။ ဖြားဖြစ်ကြောန်နဲ့ဆိုဟာ ခီဟာ နီးကပ်လာဘိ။ 11 တရားဘဲဟူသူဟာ ဆစ်ဘီးဟာ တရားဘဲဟူဇာဟို့ လောက်ပါစေ။ ညစ်ညူးဟူသူဟာ ညစ်ညူးဘီး နေပါစေ။ ဖြောန်မတ်ဟူသူဟာ ဆစ်ဘီးဟာ ဖြောန်မတ်ဟူမူဟို့ လောက်ပါစေ။ သန်ရှင်းဟူသူဟာ ဆစ်ဘီးဟာ သန်ရှင်းပါစေ” ဆိုဘီး ငါ့ဟို့ပြောဟယ်။ 12 ယေရှုဟု “နားထောန်ပါ။ ငါဟာ ဗြန်းဗြန်ဟူးလာမယ်။ ငါပေးဟို့ ကျိုးပြစ်လေဟို့ ယူလာဘီး လူလေ ဂူလောင်းဟို့ သူးနီလောက်ဟူ ဇာလေတိုင်း ငါပေးမယ်။ 13 ငါဟာ အာလဖန ဩမေဃလည်း ဖြစ်ဟယ်။ ဦးဆောင်းန နေ့-က်ဆောင်းဖြစ်ဘီး စနဆောင်းလည်း ဖြစ်ဟယ်။ 14 “ကိုယ့်ရဲ့ ဝတ်လောင်းဟို့ လျှော်ဘီး ဖွူအောန်လောက်ဟူ သူဟာ သတ်ပန်ရဲ့သီးဟို့ စားရဟူခွင့်န ခွဗော့-က်ဟုနေဘီး ဗြို့ထဲဟို့ ဝမ်ရဟူခွမ်ဟို့ ရဂေဟူ သူလေဟာ မင်္ဂလာရှိဂေဟယ်။ 15 ယွန်မာဟု ခွီးဖြစ်ဟူသူ၊ ပြဇာတတ်ဟူသူ၊ တရားဘဲဟူ မေထုန်လောက်ဟူသူ၊ လူဟို့သတ်ဟူသူ၊ ရောက်ထုဟို့ ကိုးကွယ်ဟူသူန မုသားဟို့ နှစ်သက်ဘီး ကျင့်ဂေဟူသူလေ ရှိဂေဟယ်။” 16 “ငါယေရှုဟာ သင်းတော်လေတွပ် အယ်ကြောန်းရာလေဟို့ နန်းနီဟို့ သတ်သေခံဟို့တွပ် ငါ့ရဲ့ ကောန်းဂန်တမန်ဟို့ လွတ်လိုက်ဟယ်။ ငါဟာ ဒါဝိဒ်ရဲ့မွတ်န မျိုးနွယ်ဖြစ်ဘီး ရရာတိုင်း လန်းဟူ မိုးသော့-က်ကြယ် ဖြစ်ဟယ်” ဆိုဘီး မိန့်တော်မူဟယ်။ 17 ဝိညာဉ်တော်န ဒိုသမီးလေဟာ “လာဂေပါ” ဆိုဘီး ပြောဟယ်။ ကြားရဟူသူဟုလည်း “လာဂေပါ” ဆိုဘီး ပြောဂေစေ။ ရေငတ်ဟူသူဟာ လာပါစေ။ သတ်ရေဟို့ လိုရှင်ဟူသူဟာ အလဂါး ယူပါစေ။ 18 အယ်စာစောန်မာပါဟူ ပရောဖက်ပြုဘီး ဟောပြောဟူ စကားလေဟို့ ကြားရဟူ သူတိုင်းဟို့ ငါ့သတ်သေခံရှင်းလေဟို့ ဖယ်သူဘဲဖြစ်ဖြစ် သစ်ယွန်ထွဲမယ် ဆိုဟာ ဘုရားသခင်ဟာ အယ်စာစောန်မာ ရေးဟူးဟူ ဘေးဒန်လေဟို့ အယ်သူထတ်မာ ရော့-က်စေလေမယ်။ 19 ဖယ်သူဘဲဖြစ်ဖြစ် အယ်ပရောဖက်ပြုဘီး ဟောပြောဟူးဟူ စာစောန်ထဲမာ စကားလေဟို့ ဖယ်ပစ်မယ် ဆိုဟာ အယ်စာစောန်မာ ရေးဟူးဟူ သတ်ပန်နရော၊ သန်ရှင်းဟူဗြို့ဟို့ရော၊ အယ်သူနဆိုင်ဟူ ဇာလေဟို့ရော ဘုရားသခင်ဟာ နုပစ်လေမယ်။ 20 အယ်ကြောန်းရာလေဟို့ သတ်သေခံဟူ သခင်ဟာ “မှန်ပါဟယ်၊ ငါဟာ ဗြန်းဗြန်ဟူးလာမယ်။” ဆိုဘီး မိန့်တော်မူလေဟယ်။ အာမင်! သခင်ယေရှု ကြွလာတော်မူပါ! 21 သခင်ယေရှုရဲ့ ကျေးဇူးတော်ဟာ သန်ရှင်းဟူသူ ဂူလောင်းနတူးဒု ရှိပါစေ။ အာမင်။



အယ်ဘီးဟာ သန့်ရှင်းဟူ ယေရုရှလင်မြို့သစ်ဟာ ဒိုသားတွင် တန်ဆာဆင်ဟားဟူ ဒိုသမီးမျိုး ပြင်ဆင်ဘီး ဘုရားသခင်နားဟု ကောန်းဂန်တောင်ဟု
ဆင်းလာဇာဟို့ ငါပြင်ရဟယ်။ အယ်ဘီးနု ပလွင်ထဲဟု ရရာတိုင်း ကွယ်ဟူသံဟု “ကေကေပါ။ ဘုရားသခင်နေဟူ တဲတော်ဟာ လူလေထဲမာရှိဘီး
ကိုယ်တော်ဟာ သူးနို့နဘူးဒူ စံမြန်းမယ်။ သူးနို့ဟုလည်း ကိုယ်တော်ရဲ့ လူမျိုးတော်ဖြစ်ရေဘီး။ ဘုရားသခင်ကိုယ်တိုင်
သူးနို့လေနုရှိဘီး သူးနို့လေရဲ့ ဘုရားသခင် ဖြစ်တော်မူမယ်။

Revelation 21:2-3

Reader's Guide

ထူးဝယ်စကား: at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

ထားဝယ်စကား: at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Tavoyan---Tavoyan-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

လုကာ 8:31
ရောမ 10:7
ဗျာဒိတ်တော် 9:1
ဗျာဒိတ်တော် 9:2
ဗျာဒိတ်တော် 9:11
ဗျာဒိတ်တော် 11:7
ဗျာဒိတ်တော် 17:8
ဗျာဒိတ်တော် 20:1
ဗျာဒိတ်တော် 20:3

aidios

ရောမ 1:20
ယုဒ 1:6

aiōn

မသဲ 12:32
မသဲ 13:22
မသဲ 13:39
မသဲ 13:40
မသဲ 13:49
မသဲ 21:19
မသဲ 24:3
မသဲ 28:20
မာကု 3:29
မာကု 4:19
မာကု 10:30
မာကု 11:14
လုကာ 1:33
လုကာ 1:55
လုကာ 1:70
လုကာ 16:8
လုကာ 18:30
လုကာ 20:34
လုကာ 20:35
ယောဟန် 4:14
ယောဟန် 6:51
ယောဟန် 6:58
ယောဟန် 8:35
ယောဟန် 8:51
ယောဟန် 8:52
ယောဟန် 9:32
ယောဟန် 10:28
ယောဟန် 11:26
ယောဟန် 12:34
ယောဟန် 13:8
ယောဟန် 14:16

တမန်တော် 3:21
တမန်တော် 15:18
ရောမ 1:25
ရောမ 9:5
ရောမ 11:36
ရောမ 12:2
ရောမ 16:27
၁ ကောရိန္တု 1:20
၁ ကောရိန္တု 2:6
၁ ကောရိန္တု 2:7
၁ ကောရိန္တု 2:8
၁ ကောရိန္တု 3:18
၁ ကောရိန္တု 8:13
၁ ကောရိန္တု 10:11
၂ ကောရိန္တု 4:4
၂ ကောရိန္တု 9:9
၂ ကောရိန္တု 11:31
ဂလာတီ 1:4
ဂလာတီ 1:5
ဧဖက် 1:21
ဧဖက် 2:2
ဧဖက် 2:7
ဧဖက် 3:9
ဧဖက် 3:11
ဧဖက် 3:21
ဧဖက် 6:12
ဖိလိပ္ပို 4:20
ကောလောသဲ 1:26
၁ တိမောသေ 1:17
၁ တိမောသေ 6:17
၂ တိမောသေ 4:10
၂ တိမောသေ 4:18
တိတု 2:12
ဟေဗြဲ 1:2
ဟေဗြဲ 1:8
ဟေဗြဲ 5:6
ဟေဗြဲ 6:5
ဟေဗြဲ 6:20
ဟေဗြဲ 7:17
ဟေဗြဲ 7:21
ဟေဗြဲ 7:24
ဟေဗြဲ 7:28
ဟေဗြဲ 9:26
ဟေဗြဲ 11:3
ဟေဗြဲ 13:8
ဟေဗြဲ 13:21
၁ ပေတရု 1:23

၁ ပေတရု 1:25
၁ ပေတရု 4:11
၁ ပေတရု 5:11
၂ ပေတရု 3:18
၁ ယောဟန် 2:17
၂ ယောဟန် 1:2
ယုဒ 1:13
ယုဒ 1:25
ဗျာဒိတ်တော် 1:6
ဗျာဒိတ်တော် 1:18
ဗျာဒိတ်တော် 4:9
ဗျာဒိတ်တော် 4:10
ဗျာဒိတ်တော် 5:13
ဗျာဒိတ်တော် 7:12
ဗျာဒိတ်တော် 10:6
ဗျာဒိတ်တော် 11:15
ဗျာဒိတ်တော် 14:11
ဗျာဒိတ်တော် 15:7
ဗျာဒိတ်တော် 19:3
ဗျာဒိတ်တော် 20:10
ဗျာဒိတ်တော် 22:5

aiōnios

မသဲ 18:8
မသဲ 19:16
မသဲ 19:29
မသဲ 25:41
မသဲ 25:46
မာကု 3:29
မာကု 10:17
မာကု 10:30
လုကာ 10:25
လုကာ 16:9
လုကာ 18:18
လုကာ 18:30
ယောဟန် 3:15
ယောဟန် 3:16
ယောဟန် 3:36
ယောဟန် 4:14
ယောဟန် 4:36
ယောဟန် 5:24
ယောဟန် 5:39
ယောဟန် 6:27
ယောဟန် 6:40
ယောဟန် 6:47
ယောဟန် 6:54
ယောဟန် 6:68

ယောဟန် 10:28
ယောဟန် 12:25
ယောဟန် 12:50
ယောဟန် 17:2
ယောဟန် 17:3
တမန်တော် 13:46
တမန်တော် 13:48
ရောမ 2:7
ရောမ 5:21
ရောမ 6:22
ရောမ 6:23
ရောမ 16:25
ရောမ 16:26
၂ ကောရိန္ဒါ 4:17
၂ ကောရိန္ဒါ 4:18
၂ ကောရိန္ဒါ 5:1
ဂလာတီ 6:8

၂ သက်သာလောနိတ် 1:9
၂ သက်သာလောနိတ် 2:16
၁ တိမောသေ 1:16
၁ တိမောသေ 6:12
၁ တိမောသေ 6:16
၂ တိမောသေ 1:9
၂ တိမောသေ 2:10
တီတု 1:2
တီတု 3:7

ဖိလေမုန် 1:15
ဟေဗြဲ 5:9
ဟေဗြဲ 6:2
ဟေဗြဲ 9:12
ဟေဗြဲ 9:14
ဟေဗြဲ 9:15
ဟေဗြဲ 13:20
၁ ပေတရု 5:10
၂ ပေတရု 1:11
၁ ယောဟန် 1:2
၁ ယောဟန် 2:25
၁ ယောဟန် 3:15
၁ ယောဟန် 5:11
၁ ယောဟန် 5:13
၁ ယောဟန် 5:20
ယုဒ 1:7
ယုဒ 1:21
ဗျာဒိတ်တော် 14:6

eleēsē

ရောမ 11:32

Geenna

မသဲ 5:22
မသဲ 5:29
မသဲ 5:30
မသဲ 10:28
မသဲ 18:9
မသဲ 23:15
မသဲ 23:33
မာကု 9:43

မာကု 9:45
မာကု 9:47
လုကာ 12:5
ယာကုပ် 3:6

Hadēs

မသဲ 11:23
မသဲ 16:18
လုကာ 10:15
လုကာ 16:23
တမန်တော် 2:27
တမန်တော် 2:31
၁ ကောရိန္ဒါ 15:55
ဗျာဒိတ်တော် 1:18
ဗျာဒိတ်တော် 6:8
ဗျာဒိတ်တော် 20:13
ဗျာဒိတ်တော် 20:14

Limnē Pyr

ဗျာဒိတ်တော် 19:20
ဗျာဒိတ်တော် 20:10
ဗျာဒိတ်တော် 20:14
ဗျာဒိတ်တော် 20:15
ဗျာဒိတ်တော် 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6
Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48

Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6

Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9


Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5


Tartaroō

၂ ပေတရု 2:4


Questioned

None yet noted






"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



“ပြည်မြစ်ကြောနန်းဆိုရာ လူနဲ့သားဟုလည်း ခိုင်းစားဟိုလာစာ မှဟု။ သူဟု ခေါ်ပေဟို ဇနီးတွင် ဝမ်းနွယ် ထိုဘိုး မိန့်တော်မူလေဟု။ - Mark 10:45



Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.



New Heavens and Earth



- Christ returns for his people**
- 1956** Jim Elliot martyrd in Ecuador
- 1830** John Williams reaches Polynesia
- 1731** Zinzendorf leads Moravian mission
- 1614** Japanese kill 40,000 Christians
- 1572** Jesuits reach Mexico
- 1517** Martin Luther leads Reformation
- 1455** Gutenberg prints first Bible
- 1323** Franciscans reach Sumatra
- 1276** Ramon Llull trains missionaries
- 1100** Crusades tarnish the church
- 1054** The Great Schism
- 997** Adalbert martyrd in Prussia
- 864** Bulgarian Prince Boris converts
- 716** Boniface reaches Germany
- 635** Alopen reaches China
- 569** Longinus reaches Alodia / Sudan
- 432** Saint Patrick reaches Ireland
- 397** Carthage ratifies Bible Canon
- 341** Ulfilas reaches Goth / Romania
- 325** Niceae proclaims God is Trinity
- 250** Denis reaches Paris, France
- 197** Tertullian writes Christian literature
- 70** Titus destroys the Jewish Temple
- 61** Paul imprisoned in Rome, Italy
- 52** Thomas reaches Malabar, India
- 39** Peter reaches Gentile Cornelius
- 33** Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we?			▶		Genesis 1:26 - 2:3	
How are we sinful?			▶		Romans 5:12-19	
Where are we?			▶			
					Innocence	
			Eternity Past		Creation 4004 B.C.	
▶ Who are we?	God	Father		John 10:30	Genesis 1:31 God's perfect fellowship with Adam in The Garden of Eden	
		Son		God's perfect fellowship		
		Holy Spirit				
	Mankind	Living				
		Deceased believing				
		Deceased unbelieving				
	Angels	Holy		Genesis 1:1 No Creation No people	Genesis 1:31 No Fall No unholy Angels	
		Imprisoned				
		Fugitive				
		First Beast				
		False Prophet				
		Satan				
Why are we?			▶		Romans 11:25-36, Ephesian 2:7	

Mankind is created in God’s image, male and female He created us

Sin entered the world through Adam and then death through sin

When are we?						
Fallen				Glory		
Fall to sin No Law	Moses' Law 1500 B.C.	Christ 33 A.D.	Church Age Kingdom Age		New Heavens and Earth	
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City		
John 8:58 Pre-incarnate		John 1:14 Incarnate	Luke 23:43 Paradise			
Psalm 139:7 Everywhere		John 14:17 Living in believers				
Ephesians 2:1-5 Serving the Savior or Satan on Earth						
Luke 16:22 Blessed in Paradise						
Luke 16:23, Revelation 20:5,13 Punished in Hades until the final judgment						
Hebrews 1:14 Serving mankind at God's command						
2 Peter 2:4, Jude 6 Imprisoned in Tartarus				Matthew 25:41 Revelation 20:10		
1 Peter 5:8, Revelation 12:10 Rebelling against Christ Accusing mankind			Revelation 20:13 Thalaasa		Lake of Fire prepared for the Devil and his Angels	
			Revelation 19:20 Lake of Fire			
			Revelation 20:2 Abyss			

For God has bound all over to disobedience in order to show mercy to all

Destiny

ထားဝယ်စကား at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the whole,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

အယ်ကြောင်း နန်းရိုလေဟာ သွားသီး လူတော်နဲ့စောင်ပို့ ငါတို့ပြန်စောဦးဟာ မ၊ သားတော်၊ သန့်ရှင်းမှုခံယူသည့်တော်ရဲ့ နာမတော်ထဲမှာ ဗဟိုခံယေရုဗဲ။ - Matthew 28:19

